


ମାୟୁରୁଦି ସତ୍
ବାକ୍ସ



The New Testament in the Konda Porja Language of India.

Konda-Dora: ମାୟୁରୁଦି ସତ୍ ବାକ୍ସ (Bible)

ମାପୁରୁଦି ସତ୍ ବାକ୍ୟ

The New Testament in the Konda Porja Language of India. Konda-Dora: ମାପୁରୁଦି ସତ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସତ୍ ବାକ୍ୟ ପୁନି ନିର୍ଦ୍ଦେଶ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 11 Mar 2026 from source files dated 7 May 2025

506ae627-08e2-556a-b39e-5315f886d95a

Contents

ମାଡ଼ିତ	1
ମାକ	56
ଲୁକ	91
ଜୋହନ	148
ପ୍ରେରତ	189
ରୋମିୟ	240
୧ କରନ୍ତ୍ରିୟ	262
୨ କରନ୍ତ୍ରିୟ	283
ଗାଲାତିୟ	297
ଏପିସିୟ	306
ପିଲିପିୟ	314
କଲସିୟ	320
୧ ଡେସଲନିକିୟ	326
୨ ଡେସଲନିକିୟ	331
୧ ଡିମିତ୍ରି	334
୨ ଡିମିତ୍ରି	340
ଡାକ୍ତାୟ	345
ପାଲମନ	348
ଏଭି	350
କାକୁବ	367
୧ ପିତର	373
୧ ଜୋହନ	380
୨ ଜୋହନ	386
୩ ଜୋହନ	388
କ୍ଲୁଡା	390
ପ୍ରକାଶିତ	392

ମାଥୁତ ଲିଖିତ ଯାଶୁ ଶ୍ରୀଷ୍ଟକ ସୁସମାଚାର ମାତିତ ରାସ୍ତାମାନି ଜିସୁ କ୍ରିସ୍ତୁ ନେଗିକାବୁର ମାତିତ ବଇ ବିସୟତାନ୍ ଏସ ମାଟା

ମାତିତ ରାସ୍ତାମାନି ସୁସମାଚାର ପୁନି ନିୟମତୁ ଜିସୁଦି ଜିବନ୍ତିଙ୍କ ଖେରସିମାନି ନାଲଗି ବଇଙ୍କା ମାଣକୁ ଉନ୍ତୁ । ଇୟାଞ୍ଜିକୁ ବଇଆଙ୍କୁ ଜିସୁ କ୍ରିସ୍ତୁ ନେଗିକାବୁର ଇନାର । ଇୟାଞ୍ଜିକୁ ଜିସୁଦି ସାତି ଖେନକା ମାତିତ, ମାର୍କ, ଲୁକ ମାରି ଯୋହନ ରାସ୍ତା ମାର୍ହାତ । ମାତିତ ରାସ୍ତାମାନି ସୁସମାଚାର ରାସ୍ତାମାନିକା ଟିକ୍ ଦିନ୍ ନେସଇତି ମାରିଙ୍କ ବା ପଣ୍ଡିତକୁ ଇନାର ଇକା କ୍ରିସ୍ତୁ ଜନମତି ୬୦ ବାର୍ଷେକ ଖେନକା ରାସ୍ତା ମାର୍ହାତ । ଇକାବା ବିସବାସ କିଆୟଆନାତ୍ ଜେ, ଇୟା ବଇ ପାଲେଷ୍ଟାଇନ୍ ଦେସ୍ତି ଜିରୁସାଲାମ୍ ଗାଡ଼ତାନ୍ ରାସ୍ତା ମାର୍ହାତ ।

ମାତିତ ଇୟା ସୁସମାଚାରତି ରାସ୍ତାମାନି । ଜିସୁ ଖାନିଙ୍କ ସିସୁ ଖାଜା କୁକନି ଆଗତି ଖାନ୍ ଅରେନ୍ ସିସୁଟୁ ଲସନିକାନ୍ ମାର୍ହାନ୍ । ଖାନି ଆଇ ଦରୁ ଲେବି ମାର୍ହାତ । ଖାନ୍ ବାରଲୋକା ସିସୁରି ଲୋଇରାନ୍ ଅରେନ୍ ମାର୍ହାନ୍ । ଖାନ୍ ଜିହୁଦିର ଉଣ୍ଡିଙ୍କ ଇୟା “ନେଗିକାବୁର” ରାସ୍ତାମାର୍ହାନ୍ । ଆମାକା ଖାନ୍ ଖାନି ରାସ୍ତାମାନୁ ପାଡ଼ିଇ ନିୟମତୁ ୬୦ ଗୋଟା ପଦକୁ ରାସ୍ତାମାନିଙ୍କ ପାରମାନ୍ ଆନାତ୍ । ଜିସୁ ଜେ କ୍ରିସ୍ତୁ ଅର୍ତ୍ତାତ୍ ମସିହ ମାପୁରୁଦି ବାସେଆତି ରକିୟା କିନିକାନ୍ ମାରି ରାଜା ଆମାଖାନି ଖାନି ବିସୟତାନ୍ ପାଡ଼ିଇ ନିୟମତି ଦାମୁସାସ୍ତୁ ବବିସତ୍‌ବାଣି କିଆୟଆତାମାର୍ହାତ୍ ଇକା ମାତିତ ନେସନିଖାଜା ଖେରତାମାର୍ହାନ୍ । ମାତିତ ବା ମୁସ୍କୁ ରାଜି ବିସୟତାନ୍ ଗାଦି ରାସ୍ତାମାନାତ୍ । ଜିହୁଦିର କ୍ରିସ୍ତୁ ଅର୍ତ୍ତାତ୍ ମସିହଙ୍କ ଦେସ୍ତିଙ୍କ ସାସକିନି ରାଜା ଆନାନ୍ ଇଜି ଆସାତାମାର୍ହାତ୍ । ମାତିତ ଆୟା ବିସବାସତିଙ୍କ ଡେପ୍‌ସି ମାପୁରୁଦି ରାଜି ଜେ ଆମିକ୍ ରାଜି, ଦୁନିଆଦି ରାଜି ଆଏତ୍ । ଇୟା ବିସୟତିଙ୍କ ଖେରତେଙ୍କ ନାଶ୍ଟ ଜାତୁନତାନ୍ ଦ୍ୟାନ୍ ସିତାମାନ୍ ।

ମାତିତ ରାସ୍ତାମାନି ନେଗିକାବୁର ପୁନି ନିୟମତି ପ୍ରାତୁମତି ବଇ ଖାଜା ସତ୍ ଇରିଙ୍କ ପାଡ଼ିଇ ନିୟମତି ବାକ୍ୟଞ୍ଜିକୁଦି ନାଶ୍ଟ ଇସାବତାନ୍ ରାସାତାମାନାତ୍ । ଇୟା ବଇ ପାଡ଼ିଇ ନିୟମତିଙ୍କ ମାରି ପୁନି ନିୟମତିଙ୍କ ମିସାକିନାତ୍ । ପଣ୍ଡିତକୁ ବା ଇନାର ମାତିତ ଖାନି ରାସ୍ତାମାନୁ ମୋସାଦି ନିୟମତି ବଇଙ୍କା ଖେନକା ସନ୍ତେଙ୍କ ସେଷୁ କିତାମାନାନ୍ । ଜିସୁଦି ଗରନ୍ ମୁସ୍କୁ ସିକିୟା ସିନି ବିସୟ ମାତିତ ୫:୭ ଅଦ୍ୟାୟ, ମାପୁରୁ ମୋସେଙ୍କ ନିୟମ୍ ସିନି ବିସୟତି ଖାଲେ ବା ତୁସାୟଆନାତ୍ ଦ୍ଵିତିୟ ବିବରଣି ୧୯:୩; ୨୩:୩୩ ।

ଇୟା ବଇତୁ ମାନି ମୁକିୟ ବିସୟ

- ୧. ଜିସୁ କ୍ରିସ୍ତୁ ଜନମ୍ ମାରି ଖାନି ସେବା ପାଣିଦି ଆରାମ୍ । ୧-୪
- ୨. ଜିସୁ କ୍ରିସ୍ତୁ ସେବା ପାଣି ମାରି ସିକିୟା । ୫:୧-୨୫
- ୩. ଜିସୁ କ୍ରିସ୍ତୁ ସାନିକା ମାରିଡେସି ଜିବନ୍‌ଆଜି ନିଙ୍କା । ୨୬:୧-୨୮

ଜିସୁ କ୍ରିସ୍ତୁ କୁଟୁମ୍ (ଲୁକ ୩:୨୩-୩୮)

- ୧ ଇକା ଆଜିନାତ୍ ଜିସୁ କ୍ରିସ୍ତୁ ତକ୍ରାଦାଦ୍‌ସିରି ଦରକା ଦାଡ଼ି; ଖାନ୍ ଦାଉଦଦି କୁଟୁମ୍ ମାର୍ହାନ୍, ଦାଉଦ ଅବ୍ରାହାମଦି କୁଟୁମ୍ ମାର୍ହାନ୍
- ୨ ଅବ୍ରାହାମ ଇସହାକ୍‌ତି ବୁବାସି । ଇସହାକ୍ ଜାକୁବଦି ବୁବାସି । ଜାକୁବ, ଜିହୁଦା ନି ଖାନି ତଡ଼ାନ୍‌କା ବୁବାସି ।
- ୩ ଜିହୁଦା, ପେରସ ନି ସେରହତି ବୁବାସି । ତାମର ଖାରି ଆଇସି । ପେରସ ହେବ୍ରଣତି ବୁବାସି । ହେବ୍ରଣ ଅରାମତି ବୁବାସି ।
- ୪ ଅରାମ ଅମିନାଦବତି ବୁବାସି । ଅମିନାଦବ ନହସନତି ବୁବାସି । ନହସନ ସଲମନତି ବୁବାସି ।
- ୫ ସଲମନ ବୟଜତି ବୁବାସି । ବୟଜକା ଆଇସି ଦରୁ ରାହବ୍, ବୟଜ ଅବେଦତି ବୁବାସି, ରୁତ ଅବେଦକା ଆଇସି ମାର୍ହାତ୍, ଅବେଦ ଜେସିଦି ବୁବାସି ।
- ୬ ଜେସି ରାଜା ଦାଉଦଦି ବୁବାସି । ଦାଉଦ ସଲମନତି ବୁବାସି, ସଲମନକା ଆଇସି ଆଗତି ଉରିୟଦି ଆଡ଼ି ମାର୍ହାତ୍ ।
- ୭ ସଲମନ୍ ରିୟବିୟାମତି ବୁବାସି । ରିୟବିୟାମ ଅବିୟଦି ବୁବାସି । ଅବିୟ ଆସାଦି ବୁବାସି ।
- ୮ ଆସା ଜିହସାପଟତି ବୁବାସି । ଜିହସାପଟ ଜରାମତି ବୁବାସି । ଜରାମ ଉଜିୟଦି ବୁବାସି ।
- ୯ ଉଜିୟ ଜତାମତି ବୁବାସି । ଜୋତମ ଆହାସତି ବୁବାସି । ଆହାସ ହିଜକିୟଦି ବୁବାସି ।
- ୧୦ ହିଜକିୟ ମନସିଦି ବୁବାସି । ମନସି ଅମନତି ବୁବାସି । ଅମନ ଜସିୟଦି ବୁବାସି ।

୧୧ ଜସିୟ, ଜିକନିୟ ମାରି ଖାନି ତଡ଼ାନ୍‌କା ବୁବାସି । ଇକା ଇସ୍ରାଏଲ ଲୋକାଙ୍ଗ ଗତିମୁରୁଲି କିଜି ବାବିଲନ୍‌ତୁ ଅନିଝାଲେରି ମାଟା ।

୧୨ ଖାରିଙ୍ଗ ବାବିଲନ୍‌ତୁ ଅତି ଝେନ୍‌କା । ଜିକନିୟଦି ମାରିସି ସଲ୍‌ଟିୟେଲ ଜନମ୍‌ଆତାନ୍ । ସଲ୍‌ଟିୟେଲ ଜିରୁବ୍‌ବାବେଲତିଙ୍ଗ ଜନମ୍ କିତାନ୍,

୧୩ ଜିରୁବ୍‌ବାବେଲ ଅବିହୁଦକା ବୁବାସି । ଅବିହୁଦ ଏଲିୟାକିମ୍‌କା ବୁବାସି । ଏଲିୟାକିମ୍ ଅଜ୍‌ଜୁରକା ବୁବାସି ।

୧୪ ଅଜ୍‌ଜୁର ସାଦକକା ବୁବାସି । ସାଦକ ଆକିମ୍‌ତି ବୁବାସି । ଆକିମ୍ ଏଲିହୁଦକା ବୁବାସି ।

୧୫ ଏଲିହୁଦ ଏଲାଜାରକା ବୁବାସି । ଏଲାଜାର ମତାନକା ବୁବାସି । ମତାନ ଜାକୁବ୍‌ରି ବୁବାସି ।

୧୬ ଜାକୁବ୍ ଜସେପ୍‌କା ବୁବାସି । ଜୋସେପ୍ ମରିୟମ୍‌ତି କନ୍‌ଲି । ମରିୟମ୍‌ତି ପଟାଦାନ୍ ଜିସୁ ଜନମ୍‌ଆତାନ୍ । ଜିସୁ ମସିହ ଦର୍ତ୍ତାନ୍ ବା ଝେଙ୍ଗ୍‌ନାନ୍ ।

୧୭ ଇୟାଝାଜା ଅବାହାମତି ମାଣାନ୍ ଦାଉଦଦି ସାଦି ଆତାର ପୁରା ସଉଦ କୁଟୁମ୍ । ଦାଉଦ ମାଣାନ୍ ଗତିମୁରୁଲି ଝାଜା ବାବିଲନ୍‌ତୁ ଇନି ସାଦି ସଉଦ କୁଟୁମ୍, ମାରି ଗତିମୁରୁଲି ଝାଜା ବାବିଲନ୍‌ତୁ ଇତି ଝେନ୍‌କାରାନ୍ କ୍ରିସ୍‌ତି ଜନମ୍ ସାଦି ଆତାର ସଉଦ କୁଟୁମ୍ ।

ଜିସୁ କ୍ରିସ୍‌ତି ଜନମ୍ (ଲୁକ ୨:୧-୭)

୧୮ *ଇକା ଆଜିନାଡ଼ ଜିସୁ କ୍ରିସ୍‌ତି ଜନମ୍‌ତି ମାଟା ଜିସୁ କ୍ରିସ୍‌ତି ଆଇସି ମାର୍ହାଡ଼ ମରିୟମ୍ । ଜିସୁକ୍ରିସ୍‌ତି ଜନମ୍ ଇୟାଝାଜା ଆତାମାର୍ହାଡ଼ । ମରିୟମ୍‌ତିଙ୍ଗ ଜୋସେପ୍‌ତି ଝାଲେ ପେଡ଼ିଆଦେଙ୍ଗ ଲସ୍‌ତା ମାର୍ହାର୍ । ମାତର୍ ପେଡ଼ିଆନି ଆଗଡ଼ି ଝେଙ୍ଗ୍‌ତାଡ଼ ଜେ ମରିୟମ୍ ପବିତ୍ର ଆମ୍ବାଦାନ୍ ଗାର୍‌ବୁଦ୍‌ତେବାତାମାନାଡ଼ ।

୧୯ ଜୋସେପ୍ ଝିଜୁଝାଲେ ଦାମ୍‌ଦି ପାଣିକିନିକାନ୍ ମାର୍ହାନ୍ । ମାରି ମରିୟମ୍‌ତିଙ୍ଗ ଲୋକା ଆଗଡ଼ି ନିଦା କିଦେଙ୍ଗ ଝାନ୍ ବଦା କିଏଜିମାର୍ହାନ୍ । ଝାନ୍ ଲସାତିତାନେଙ୍ଗ ରୁକ୍‌ତେଙ୍ଗ ନେସଇଝାଜା ଉପାୟକିତାନ୍ ।

୨୦ ଝାନ୍ ଇକା ଅଡ଼ବିନିଝାଲେ ଅରେନ୍ ପ୍ରବୁଦି ଦୁଡ଼ ଝାନିଙ୍ଗ ଲବେରୁ ତରାଇଆଜି ଇର୍ହାଡ଼, “ଏ ଦାଉଦ କୁଟୁମ୍‌ତି ଜୋସେପ୍, ମରିୟମ୍‌ତିଙ୍ଗ ନିଜେଦି ଆଡ଼ି ଝାଜା ଇଡ଼ଦେଙ୍ଗ ତିଲାମା, ଇରିଙ୍ଗ ପବିତ୍ର ଆମ୍ବାଦାନ୍ ଝାଦ୍ ପଟାଦୁ ଆତାମାନାଡ଼ ।

୨୧ *ତାନିଙ୍ଗ ଅରେନ୍ କଡ଼ ଜନମ୍ ଆନାନ୍ । ମିର୍ ଝାନି ଦରୁ ଜିସୁ ଇଡ଼ନିଦେର୍ । ଇରିଙ୍ଗ ଝାନ୍ ଝାନି ଲୋକାଙ୍ଗ ଝାରି ପାପ୍‌ତାନ୍ ରକିୟା କିନାନ୍ ।”

୨୨ ବବିସଡ଼ବନ୍ଧାଦି ମାଣାନ୍ ପ୍ରବୁ ଆମାକା ଇର୍ହାମାର୍ହାନ୍, ଆକା ସଡ଼ଆଦେଙ୍ଗ ଇକା ଗଟାତାଡ଼ ।

୨୩ ଆୟା ବବିସଡ଼ ମାଟା ଆଜିନାଡ଼, “ଅରେଡ଼ ରିପା ଗାର୍‌ବୁଦ୍‌ ତେବାଜି କଡ଼ଦିଙ୍ଗ ଜନମ୍‌ସିନାଡ଼ । ମାରି ଲୋକୁ ଆୟା କଡ଼ଦିଙ୍ଗ ଇମାନ୍‌ଏଲ ଦର୍ତ୍ତାନ୍ ଝେଙ୍ଗ୍‌ନାନ୍ । ଇମାନ୍‌ଏଲଦି ଅର୍ତ୍ ମାପୁରୁ ମା ଝାଲେ ମାନାନ୍ ।”

୨୪ ଜୋସେପ୍ ସୁସକାଣକାଣ ନିଙ୍ଗ୍‌ଜି ପ୍ରବୁଦି ଦୁଡ଼ ଝାନିଙ୍ଗ ଏଣ୍ଡେସ୍ ଆଦେସ୍ ସିତାଡ଼, ଆୟାଝାଜା କିତାନ୍ । ଝାନ୍ ମରିୟମ୍‌ତିଙ୍ଗ ପେଡ଼ିଆନାନ୍ ।

୨୫ *ମାତର୍ ମରିୟମ୍ କଡ଼ଦିଙ୍ଗ ଜନମ୍ କିଇ ସାଦି ଝାନ୍ ତାନି ଝାଲେ ତର୍‌ଏତାମାର୍ହାନ୍ । ମାରି ଜୋସେପ୍ ଆୟା କଡ଼ଦି ଦରୁ ଜିସୁ ଇର୍ତାନ୍ ।

୨

ପୁର୍ବ ଦେସ୍‌ତି ପଣ୍ଡିତକୁ

୧ ହେରୋଦ୍ ରାଜା ସାସନ୍ ସମୟତୁ ଜିହୁଦା ରାଜିଦି ବେତଲିହିମ୍ ଗାଡ଼ତୁ ଜିସୁ ଜନମ୍‌ଆତାନ୍ । ତେନି ସାଣେକ୍ ସମୟ ଝେନ୍‌କା ପୁର୍ବ ଦେସ୍‌ତି ଏସଲୋକ୍ ସୁକେଙ୍ଗ୍ ସୁଡ଼ଜି ଝେରନିକାର୍ ଜିରୁସାଲମ୍‌ତୁ ଝାତାର ।

୨ ମାରି ଝାର୍ ଝେନ୍‌ବାତାର୍, “ଏମେ କଡ଼ ଜିହୁଦିର୍ ରାଜା ଆଦେଙ୍ଗ୍ ଜନମ୍ ଆତାମାନାନ୍, ଝାନ୍ ଏମେ ? ପୁର୍ବ ଦେସ୍‌ତୁ ଝାନି ସୁକା ସୁଡ଼ଜି ଝାନିଙ୍ଗ୍ ମାଡ଼ିସ୍‌କିଦେଙ୍ଗ୍ ମାପ୍ ଝାତାମାନାପ୍ ।”

୩ ଝାରି ଇୟା ମାଟା ଝେନ୍‌ଞ୍ଜି ରାଜା ହେରୋଦ୍ ମାରି ଜିରୁସାଲମ୍‌ତି ଝିଜେରେ ଲୋକୁ ନାଣ୍ଡ କାବାଆତାର୍ ।

୪ ହେରୋଦ୍ ଝିଜେରେ ପେରି ଜାଜକର୍ ମାରି ଦାମ୍‌ଗୁରୁରିଙ୍ଗ୍ କୁକ୍‌ସି ଝାରିଙ୍ଗ୍ ଝେନ୍‌ବାତାନ୍, “ମସିହ ଆମାକାନ୍‌କି କ୍ରିସ୍‌ତୁ ଆମାନ୍ ଜନମ୍ ଆନାନ୍ ?”

୫ ଝାର୍ ଇର୍ହାର୍, ଜିହୁଦା ରାଜିଦି ବେତଲିହିମ୍‌ତୁ । ଇୟା ବିସୟ୍‌ତାନ୍ ଅରେନ୍ ବାବବାଦି ରାସ୍‌ତାମାନାନ୍ ।

୬ ଜିହୁଦା ରାଜିଦି ବେତଲିହିମ୍, ଜିହୁଦାଦି ପେରି ଗାଡ଼ାକା ଲୋଇ ନିନ୍ ଇସ୍‌କିୟା ସିଲେ,

☆ ୧:୧୮ ଲୁକ ୧:୨୭. ☆ ୧:୨୧ ଲୁକ ୧:୩୧. ☆ ୧:୨୫ ଲୁକ ୨:୨୧.

ନିବାଣକୁ ଅରେନ୍ ନେତା ଖାନାନ୍,

ଇରିଙ୍ଗ ନା ଇସ୍ରାଏଲ୍ ଲୋକାଙ୍ଗ ସାଲକିନାନ୍ ।

୭ ଇକା ଖେନ୍‌ଞ୍ଜି ହେରୋଦ ପୁର୍ବଦେସ୍‌ତାନ୍ ଖାତି ମାର୍‌ଇଞ୍ଜାରିଙ୍ଗ ଉଣ୍ଡି, ମାର୍‌କ୍‌ସି ଖାର୍‌ଗିନିସାନି କୁଟୁମ୍‌ତୁ କୁକିସ୍ କିଜି ଟିକ୍ ଆମା ସମୟତୁ ସୁକା ସତାମାର୍‌ହାନ୍, ଖାରି ମାଣକୁ ଖେନ୍‌ବାତାନ୍ ।

୮ ଖେନ୍‌କା ଖାରିଙ୍ଗ୍ ବେତଲିହିମ୍ ଗାଡ଼କୁ ପୋକ୍‌ସି ଇର୍‌ହାନ୍, “ସାନ୍‌ତୁ, ଆୟା କଡ଼ଦିଙ୍ଗ୍ ନେଗେନ୍‌କିଜି ପୟ୍‌ଦୁ ମାରି ଖାନିଙ୍ଗ୍ ପୟ୍‌ତିଙ୍ଗ୍ ନାଙ୍ଗ୍ ଖେନ୍‌ତୁ, ନାନ୍ ବା ସଲ୍‌ସି ଖାନିଙ୍ଗ୍ ମାଡ଼ିସକିନା ।”

୯ ସୁକେଙ୍ଗ୍ ସୁଣିକାର ରାଜାଦି ମାଟା ଖେନ୍‌ଜି ଆୟା ବାଡ଼ି ଡ଼ିସ୍‌ସି ମାରିଡ଼େସି ଖାରି ସନି ସାରିଦୁ ସନିଖାଲେ, ଖେଡ଼ା ସନି ତରିଟି ବାଦଡ଼ତୁ ସୁଡ଼ିମାର୍‌ଇ ଆୟା ସୁକା ମାରିଡ଼େସି ତରାତାଡ଼ ।

୧୦ ସୁକାଦିଙ୍ଗ୍ ସୁଡ଼ି ଖାରି ଏସା ଖେଡ଼ିକା ଏସା ଖେଡ଼ିକା ଆଜି ନିଙ୍ଗ୍ ତାର୍ ଖାର୍ ଖାରି ଆଗଡ଼ି ଆଗଡ଼ି ବୁଲାଇ ସୁକା କଡ଼ ମାର୍‌ଇ ଇଲୁ ମୁସ୍‌କୁ ତେବାତାଡ଼ ।

୧୧ ଖାର୍ ଆୟା ଇଲୁ ଲୋଇ ଡ଼ିଗ୍‌ଗିତାର୍ ମାରି କଡ଼ଦିଙ୍ଗ୍ ଆଇସି ମରିୟମ୍‌ତି ଖାଲେ ସୁଡ଼ି ମେଣ୍ଡେଙ୍ଗ୍‌ଗଟ୍‌କିଜି ଖାନିଙ୍ଗ୍ ମାଡ଼ିସକିତାର୍ ମାରି ଅରସେ ତାଡ଼ିମାର୍‌ଇ ବାଙ୍ଗିରାମ୍, କୁନ୍ଦୁରୁ ନି ବାସନା ନିୟ୍ ସପ୍‌ସି ଖାନିଙ୍ଗ୍ ଦାନ୍ ସିତାର୍ ।

୧୨ ଇୟା ଖେନ୍‌କା ଖାର୍ ଆଇ ଉଣ୍ଡି, ସାରି ସିଜି ନିଜେଦି ଦେସ୍‌ତୁ ସର୍‌ହାର୍ । ଇରିଙ୍ଗ୍ ହେରୋଦଦି ଲାକ୍‌ତୁ ଡ଼େସି ସଲ୍‌ଇ ଉଣ୍ଡିଙ୍ଗ୍ ମାପୁରୁ ଖାରିଙ୍ଗ୍ ଲବେରୁ ଆଦେସ୍ ସିତାମାର୍‌ହାନ୍ ।

ମିସର୍ ଦେସ୍‌ତୁ ଉରୁକ୍‌ତାର୍

୧୩ ସୁକେଙ୍ଗ୍‌ସୁଣିକାର୍ ସରଇ ଖେନ୍‌କା ମାପୁରୁଦି ଦୁଡ଼ ଜୋସେପତିଙ୍ଗ୍ ଲବେରୁ ତରାଇଆଜି ଇର୍‌ହାଡ଼, “ହେରୋଦ କଡ଼ଦିଙ୍ଗ୍ କାଡ଼ତେଙ୍ଗ୍ ପୟ୍‌ନାନ୍ । ଆଦେଙ୍ଗ୍ ନିଙ୍ଗ୍ ଆ, କଡ଼ଦିଙ୍ଗ୍ ନି ଖାନି ଆଇସିଙ୍ଗ୍ ଅସି ମିସର୍ ଦେସ୍‌ତୁ ଉରୁକ୍‌ତୁ । ଆୟା ବାଡ଼ି ନାନ୍ ଡ଼ିସ୍‌ତେଙ୍ଗ୍ ଇନ୍‌ଇ ସାନ୍‌ ଆବେ ତେବାଦୁ ।”

୧୪ ଜୋସେପ୍ ନିଙ୍ଗ୍ କଡ଼ ନି ଖାନି ଆଇସିଙ୍ଗ୍ ଅସି ଆୟାନାଡ଼ା ମିସର୍‌ତୁ ସନ୍‌ଡ଼େଙ୍ଗ୍ ସତାର୍ ।

୧୫ ହେରୋଦଦି ସାନି ସାନ୍‌ ଆବେ ଖାର୍ ତେବାତାର୍ । ଇୟାଞ୍ଜି ଗଟାନି ମାଣକୁ ବାବବାଦିଦି ମାଣାନ୍ ପ୍ରବୁଦି ମାଟା ସଡ଼ ଆତାଡ଼ । ଖାନ୍ ଇରୁଆ ମାର୍‌ହାନ୍, “ନା ମାରିନ୍‌ତିଙ୍ଗ୍ ନାନ୍ ମିସର୍ ଦେସ୍‌ତାନ୍ କୁକ୍‌ତା ତାତା ।”

କଡ଼ରିଙ୍ଗ୍ କାଡ଼ନିକା

୧୬ ପୁର୍ବ ଦେସ୍‌ତାନ୍ ଖାତିମାନି ସୁକେଙ୍ଗ୍‌ସୁଣିକାର୍ ଖାନିଙ୍ଗ୍ ବାଣ୍ଡିସକିଜି ସର୍‌ହାମାନାର୍ ନେସ୍‌ସି, ହେରୋଦ ରିସାଆତାନ୍ ମାରି ବେତଲିହିମ୍ ନି ତାନି ଲାକ୍‌ତୁରି ରାଜିଆଙ୍ଗା ମାନି ଦୁଇ ବାସୁ ନି ତାନେଙ୍ଗ୍ ଉଣା ବାର୍‌ସେକ୍‌ତି ଖିଜେରେ କଡ଼ରିଙ୍ଗ୍ କାଡ଼ତେଙ୍ଗ୍ ଇଜି ଆଦେସ୍ ସିତାନ୍ । ସୁକା ସତିମାର୍‌ଇ ଖେଡ଼ା ବିସୟ୍‌ତାନ୍ ସୁକେଙ୍ଗ୍‌ସୁଣିଖାରିମାଣକୁ ଖାନ୍ ଆମାକା ଖେନ୍‌ହାମାର୍‌ହାନ୍, ଆୟା ଇସାବ୍‌ତାନ୍ ଖାନ୍ କଡ଼ରି ବାସୁଦି ଜଗ୍ ଡ଼ିଆର୍ କିତାମାର୍‌ହାନ୍ ।

୧୭ ନାସ୍ତିଖାଲେ ଜିରିମିୟ ବାବବାଦି ମାଣାନ୍ ରାସ୍‌ତିମାର୍‌ଇ ଇୟା ବାକ୍ୟ ସଡ଼ ଆତାଡ଼ ।

୧୮ “ରାମା ଗାଡ଼ତୁ ଆଉଲି ଖାଜିନାଡ଼,

ତାନି ଦୁକ୍‌ତୁ ଆଡ଼ବାନି ବଲ୍ ।

ରାହେଲ୍ ତାନି କଡ଼ରି ଉଣ୍ଡିଙ୍ଗ୍ ଆଡ଼ବାଜିନାଡ଼;

ତାନେଙ୍ଗ୍ ଏଣ୍ଡେସ୍ ନାନି ବାସାଦାନ୍ ସୁକ୍ ସିଦେଙ୍ଗ୍ ଆଏଜିନାଡ଼,

ଇରିଙ୍ଗ୍ ଖାର୍ ଖିଜେରେ ସାତାର୍ ।”

ମିସର୍ ଦେସ୍‌ତାନ୍ ଡ଼େସିଖାନିକା

୧୯ ହେରୋଦଦି ସାତି ଖେନ୍‌କା ପ୍ରବୁଦି ଦୁଡ଼ ମିସର୍‌ତୁ ଜୋସେପତିଙ୍ଗ୍ ଲବେରୁ ତରାଇଆଜି ଇର୍‌ହାଡ଼,

୨୦ “ନିଙ୍ଗ୍ ଆ, କଡ଼ଦିଙ୍ଗ୍ ନି ଖାନି ଆଇସିଙ୍ଗ୍ ଆସ୍‌ସି ଇସ୍ରାଏଲ୍ ଦେସ୍‌ତୁ ଡ଼େସି ସାଙ୍ଗ୍‌ଆ । ଇରିଙ୍ଗ୍ ଏର୍ ଖାନି ଜିବନ୍ ଅତେଙ୍ଗ୍ ବଦାକିଜିମାର୍‌ହାର୍, ଖାର୍ ସାତାର୍ ।”

୨୧ ଆବେଟ୍ ଜୋସେପ୍ ନିଙ୍ଗ୍ କଡ଼ ନି ମରିୟମ୍‌ତିଙ୍ଗ୍ ଆସ୍‌ସି ଇସ୍ରାଏଲ୍ ଦେସ୍‌ତୁ ଡ଼େସି ସର୍‌ହାନ୍ ।

୨୨ ମାତରୁ ହେରୋଦଦି ଖେନ୍‌କା ଖାନି ମାରିସି ଆକ୍ ଲାୟ, ଜିହୁଦାଦି ରାଜା ଆତାମାନାନ୍ ଖେନ୍‌ଞ୍ଜି ଖାନ୍ ଗାଲିଲି ସନ୍‌ଡ଼େଙ୍ଗ୍ ଡ଼ିଲାତାର୍ ।

୨୩ ✨ମାତରୁ ଲବେରୁ ମାଟା ଖେନ୍‌ଞ୍ଜି ଖାନ୍ ଗାଲିଲି ରାଜିଦୁ ସର୍‌ହାନ୍, ମାରି ନାଜରିତ ଦର୍‌ଡ଼ି ଗାଡ଼ତୁ ଇଲୁ କିଜି ତେବାତାନ୍ । ଆବେଟ୍ ବାବବାଦିରି ମାଣାନ୍ ରାସାତି ଉଣ୍ଡି ବାକ୍ୟ ସଡ଼ ଆତାଡ଼ । “ଖାନ୍ ନାଜରିୟ୍‌ଡ଼ିୟ୍ ଇଜି ଖେଙ୍ଗ୍ ନାନ୍ ।”

☆ ୨:୨୩ ମାର୍କ ୧:୨୪; ଲୁକ ୨:୩୯; ଜୋହନ ୧:୪୫.

୩

ତୁବନ୍‌ସିନି ଯୋହନତି ପ୍ରଚାରକିନିକା

(ମାର୍କ ୧:୧-୮; ଲୁକ ୩:୧-୧୮; ଜୋହନ ୧:୧୯-୨୮)

୧ ଆୟା କାଡ଼ାଦୁ ତୁବନ୍ ସିନି ଜୋହନ ଜିହୁଦା ଦେସତି ବାଲିବୁମିଦୁ ଖାଜି ପ୍ରଚାର କିଦେଙ୍ଗ ଆସ୍‌ତାନ୍ ।

୨ *ଖାନ୍ ଇର୍ହାନ୍, “ପାପ୍‌ତାନ୍ ମନ୍‌ତିଙ୍ଗ୍ ଡେପ୍‌ତୁ, ଇରିଙ୍ଗ୍ ମାପୁରୁଦି ରାଜି ଇଗା ଖାଜିନାଡ଼ ।”

୩ ବାବବାଦି ଜିସାୟ ଏମେଖାନି ବିସୟତାନ୍ ଇର୍ହାମାର୍‌ହାନ୍, ଯୋହନ ନେ ଆୟା ଲୋକୁ ।

“ବାଲି ବୁମିଦୁ ଏନ୍ ଅରେନ୍ ଆଉଲି ଆଜି ଇଜିନାନ୍,

ପ୍ରବୁଦି ଉଣ୍ଡିଙ୍ଗ୍ ସାରି ରସ୍‌ଆ;

ଖାନି ଉଣ୍ଡିଙ୍ଗ୍ ଉଣ୍ଡି ସାଡ଼କୁ ରାସ୍ତା ତିଆର କିଦୁ ।”

୪ ଯୋହନତି ଆଙ୍ଗ୍‌ଙ୍ଗ୍ ଉଟ୍ ବୁର୍‌ବୁସାଦାନ୍ ତିଆର ଆତାମାର୍‌ହାଡ଼ । ଖାନ୍ ଖାନି ଜୁକିଦୁ ଉଣ୍ଡି ତଲ୍‌ତି ନାସ୍ ତରାଜିମାର୍‌ହାନ୍ । ମାଡ଼ିମାଉ ନି ଗରନ୍ ପୁକି ଖାନି କାଦି ମାର୍‌ହାଡ଼ ।

୫ ଜିରୁସାଲାମ୍ ଗାଡ଼ତାନ୍, ଝିଜୁ ଜିହୁଦା ରାଜିଦାନ୍ ମାରି ଜର୍ଦ୍ଦନ ଗାଡ଼ା ଲାକ୍‌ତୁରି ଝିଜୁ ନାରକାଣ୍ ଲୋକୁ ଖାନି ଲାକ୍‌ତୁ ଖାଜିମାର୍‌ହାଡ଼ ।

୬ ଖାର୍ ନିଜେ ନିଜେଦି ପାପ୍ ଝେର୍‌ସି ଯୋହନତି ମାଣାନ୍ ଜର୍ଦ୍ଦନ ଗାଡ଼ାଦୁ ତୁବନ୍ ଅସିମାର୍‌ହାଡ଼ ।

୭ *ଏସ୍‌ସିଖାଲେ ଯୋହନ ସୁଡ଼ତୁନ୍ ନାଶ୍ତୁ ପାରୁସିର୍ ନି ସାଦୁକିର୍ ତୁବନ୍ ଅତେଙ୍ଗ୍ ଖାଜିନାର୍; ଖାନ୍ ଖାରିଙ୍ଗ୍ ଇର୍ହାନ୍, “ଏ ବିସ୍‌ମାନି ସାରାସ୍‌ତି କୁଟୁମ୍ ମାପୁରୁ ମିଙ୍ଗ୍ ଏମେ ଦଣ୍ଡ୍ ସିଦେଙ୍ଗ୍‌ସଲ୍‌ସିନାନ୍, ଆବେଶାନ୍ ରକିୟା ପଇଦେଙ୍ଗ୍ ଆଟ୍‌ନିଦେର୍‌ଇଜି ଏନ୍ ମିଙ୍ଗ୍ ଇର୍ହାନ୍ ?

୮ ଜଦି ସଡ଼ତାନ୍ ପାପ୍ ପାଣିଦାନ୍ ମନ୍ ଡେପ୍‌ତି ମାନିଦେର୍, ଇକା ମି ନେଗି ପାଣିଦାନ୍ ତରୁତୁ ।

୯ *ଅବ୍ରାହାମ ମା ବୁବା, ମୋନ୍‌ତୁ ମୋନ୍‌ତୁ ବା ଇୟାଖାଜା ଇନ୍‌ମାଟ୍ । ନାନ୍ ମିଙ୍ଗ୍ ଇଜିନା ଜେ ମାପୁରୁ ଇୟା କାଲ୍‌କାଙ୍ଗ୍ ଅସି ଅବ୍ରାହାମତି କୁଟୁମ୍ ତିଆରକିଦେଙ୍ଗ୍ ଆଟ୍‌ନାନ୍ ।

୧୦ *ମାରାକା ମଦଲ୍‌କୁ କାଡ଼ତେଙ୍ଗ୍ ଇଜି ପାଡ଼ିସି ତିଆରକିତା ଇଟ୍‌ତାମାନାର୍ । ଏମେ ମାରାତୁ ନେଗି ପଲ୍ ରେଏଡ଼, ଆକା କାତାଜି ସିସୁଦୁପକାନାଡ଼ ।

୧୧ ମିର୍ ପାପ୍‌ତାନ୍ ମନ୍‌ତିଙ୍ଗ୍ ଡେପ୍‌ତିମାନିଦେର୍, ଇକା ଝେର୍‌ତେଙ୍ଗ୍ ନାନ୍ ମିଙ୍ଗ୍ ଏର୍‌ତୁ ତୁବନ୍ ସିଜିନା । ମାତର୍ ନା ଝେନ୍‌କା ଏନ୍ ଖାଜିନାନ୍, ଖାନ୍ ମିଙ୍ଗ୍ ପବିତ୍ରଆମ୍ ନି ସିସୁଦୁ ତୁବନ୍ ସିନାନ୍ । ଖାନ୍ ନାବାଣାନ୍ ପେରିକାନ୍ ଖାନି ଜୁତେଙ୍ଗ୍ ପିଣ୍ଡୁଦେଙ୍ଗ୍ ବା ନାନ୍ ଜଗ୍ ସିଲେ ।

୧୨ ପାସିଦାନ୍ ପରୁ ଝିଜୁ ରୁଟ୍‌ତେଙ୍ଗ୍ ଇଜି ଖାନି କିୟୁଦୁ ସେରିଇ ମାନାଡ଼ । ଖାନ୍ ପାସି ଝିଜୁ ଖାନି କଲ୍‌କିଆଙ୍ଗ୍ ଇଡ଼ନାନ୍ ମାରି କୁଲିଙ୍ଗ୍ ପରୁ ଝିଜୁ ଏସାଙ୍ଗ୍ ନାମ୍‌ଲ୍ ସିସୁଦୁ ଆଡ଼ାକ୍‌ନା ପକ୍‌ନାନ୍ ।”

ଜିସୁ ତୁବନ୍ ଅତାନ୍

(ମାର୍କ ୧:୯-୧୧; ଲୁକ ୩:୨୧-୨୨)

୧୩ ନାସ୍‌ସିଖାଲେ ଜିସୁ ଗାଲିଲିଦାନ୍ ଖାଜି ତୁବନ୍ ଅତେଙ୍ଗ୍ ଜର୍ଦ୍ଦନ ଗାଡ଼ାଦୁ ଯୋହନତି ଲାକ୍‌ତୁ ଇଗା ଖାତାନ୍ ।

୧୪ ମାତର୍ ଯୋହନ ଜିସୁଙ୍ଗ୍ ମାନାକିଜି ଇର୍ହାନ୍, “ନାନ୍ ଗାଦେ ନି ମାଣ୍‌କୁ ତୁବନ୍ ଅନିମାଟା ନିନ୍ ଆରିଙ୍ଗ୍‌ବା ନା ଲାକ୍‌ତୁ ଖାଜିମାନି ?”

୧୫ ମାତର୍ ଜିସୁ ଇର୍ହାନ୍, “ଇଲେଇ ନା ମାଟାଦୁ ରାଜିଆଆ । ଇରିଙ୍ଗ୍ ଇୟାମାଣ୍‌କୁ ମାଡୁ ମାପୁରୁଦି ବଦାଦି ପାଣି କିଦେଙ୍ଗ୍ ଆଟ୍‌ନିକା ।” ଆବେଟ୍ ଯୋହନ ଖାନିଙ୍ଗ୍ ତୁବନ୍ ସିଦେଙ୍ଗ୍ ରାଜିଆତାନ୍ ।

୧୬ ଜିସୁ ତୁବନ୍ ଅସି ଏର୍‌ତାନ୍ ନିଙ୍ଗ୍ ଖାତି ଦାପ୍ରେ ଖାନ୍ ସୁଡ଼ତୁନ୍ ମୁସ୍‌କୁପୁର୍ ରେଆତାମାନାଡ଼ ମାରି ପବିତ୍ର ଆମ୍ ପାର୍‌ଖାଦି ଖାଜା ରେତାଜି ଖାଜି ଖାନି ମୁସ୍‌କୁ ବାସ୍‌ତାଡ଼ ।

୧୭ *ତାନିଝେନ୍‌କା ମୁସ୍‌କୁପୁର୍‌ତାନ୍ ବଲ୍ ଖାତାଡ଼, “ଇକାନ୍ ନା ଲାଡ଼ତି ମାରିନ୍, ଖାନିମାନୁ ନାନ୍ ଝେଡ଼ିକା ।”

୪

ସୟତାନ୍‌ତି ମାଣାନ୍ ଜିସୁ ପରିକା କିଆୟାଆତାନ୍

(ମାର୍କ ୧:୧୨-୧୩; ଲୁକ ୪:୧-୧୩)

* ୩:୨ ମାତ୍ରିକ ୪:୧୭; ମାର୍କ ୧:୧୫. * ୩:୭ ମାତ୍ରିକ ୧୨:୩୪; ୨୩:୩୩. * ୩:୯ ଜୋହନ ୮:୩୩. * ୩:୧୦ ମାତ୍ରିକ ୭:୧୯. * ୩:୧୭ ମାତ୍ରିକ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫.

୧୧ ଇୟା ଝେନକା ପବିତ୍ରଆତ୍ମା ଜିସୁଙ୍କୁ ସିମ୍ବା ବାଡ଼ିଦୁ ଅତାଡ଼ । ଆବେ ଝାନ୍ ସୟତାନ୍ତି ମାଣାନ୍ ପରିକା କିଆୟଆତାନ୍ ।

୧୨ ସାଲିସ୍ ଦିନ୍ ନି ସାଲିସ୍ ନାଡ଼ା ଉପାସ୍ ତେବାତି ଝେନକା ଜିସୁ ବାଙ୍କାଁ ସାତାନ୍ ।

୧୩ ନାସ୍ତ୍ରାଲେ ସୟତାନ୍ ଝାନି ଲାକ୍ତୁ ଝାଜି ଇର୍ହାଡ଼, “ନିନ୍ ଜଦି ମାପୁରୁଦି ମାରିନ୍, ଇୟା କାଲକାଙ୍କ ରୁଟିଙ୍କ ଆଦେଙ୍କ ଆଦେସ୍ ସିଆ ।”

୧୪ ମାତର ଜିସୁ ଇର୍ହାନ୍, “ଦାମ୍ବୁସାସ୍ତୁ ରାସାତାମାନାଡ଼, ଲୋକୁ ଆବକା ରୁଟିଦାନ୍ ଜିଏନ୍ । ମାତର ମାପୁରୁଦି ଝେୟୁଦାନ୍ ସନି ଝିନ୍ତୁ ବାକ୍ୟ ଝାନି ଜିବନ୍ତି ଉଣ୍ଡିଙ୍କ ଦରକାର ।”

୧୫ ଇୟା ଝେନକା ସୟତାନ୍ ଜିସୁଙ୍କୁ ପବିତ୍ର ଗାଡ଼୍ ଜିରୁସାଲାମ୍ତୁ ଅତାଡ଼ । ଆବେ ଝାନିଙ୍କ ମନ୍ଦିରତି ସାଡ଼ ମୁସ୍କୁରି ଟିପୁଦୁ ନିଲପସକିଜି ଝାନିଙ୍କ ଝେରତାଡ଼,

୧୬ ନିନ୍ ଜଦି ମାପୁରୁଦି ମାରିସି, ଇବେଶକୁ ଆଡ଼ଗି ଗାଡ଼ଆ । ଦାମ୍ବୁସାସ୍ତୁ ରାସାତାମାନାଡ଼, ମାପୁରୁ ନି ସାକା ଅତେଙ୍କ ମୁସ୍କୁପୁରତି ଦୁଡ଼କାଙ୍କ ଆଦେସ୍ ସିନାନ୍ ।

୧୭ ଝାକ୍ ନିଙ୍କ କିକାଶକୁ ପେରଜିଆସନେ ।

ଆବେଟ୍ ନି ପାଦାମଆଙ୍କ କାଲକାଣି ସିନାଆଟ୍ଏଡ଼ ।

୧୮ ଜିସୁ ଇର୍ହାନ୍, “ଦାମ୍ବୁସାସ୍ତୁ ରାସାତାମାନାଡ଼, ନିନ୍ ପ୍ରବୁ ନିଜେଦି ମାପୁରୁଙ୍କ ପରିକା କିମା ।”

୧୯ ଝେନକା ସୟତାନ୍ ଝାନିଙ୍କ ଉନ୍ଶି_ ନିରଇ ଗରନ୍ତି ଟିପୁଦୁ ଅତାଡ଼ ମାରି ଝାନିଙ୍କ ସାରାଦୁନିଆଦି ଝିନ୍ତୁ ରାଜିଦି ଦନ୍ ସମ୍ପତ୍ତି ତରସି ଇର୍ହାଡ଼,

୨୦ “ଜଦି ନିନ୍ ମେଣ୍ଡେଙ୍କ ଗଟକିଜି ନାଙ୍କ ମାଡ଼ିସକିନି, ଇୟାଝିନ୍ତୁ ନିଙ୍କ ନାନ୍ ସିନା ।”

୨୧ ଜିସୁ ଇର୍ହାନ୍, “ଆକ ଆଆ ସୟତାନ୍ ! ଦାମ୍ବୁସାସ୍ତୁ ରାସାତାମାନାଡ଼, କେବଲ୍ ନି ପ୍ରବୁ ମାପୁରୁଙ୍କ ମାଡ଼ିସ୍ କିଆ ମାରି ଝାନି ସେବା କିଆ ।”

୨୨ ନାସ୍ତ୍ରାଲେ ସୟତାନ୍ ଜିସୁଙ୍କୁ ଡିସତା ସର୍ହାଡ଼, ମୁସ୍କୁପୁରତି ଦୁଡ଼କୁ ଝାଜି ଜିସୁଦି ସେବାକିତେ ।

ଜିସୁ ଗାଲିଲିଦୁ ଝାନି ପାଣି ଆରାମ୍ କିତାନ୍

(ମାର୍କ ୧:୧୪-୧୫; ଲୁକ ୪:୧୪-୧୫)

୨୩ ଝୋହନତିଙ୍କ ଜଇଲ୍ତୁ ଇଟାମାନାର ଇଜି ଝେନ୍ଝି ଜିସୁ ଗାଲିଲି ରାଜିଦୁ ସର୍ହାନ୍ ।

୨୪ ମାତର ନାଜରିତଦୁ ତେବାଏଣ୍ଡା ସବୁଲୁନ ନି ନପ୍ତାଲି ରାଜିଦୁ ମାନି ଗାଲିଲି ଗାଡ଼ା ପାଡ଼ିଦୁ ମାନି କପରନାହୁମତୁ ବାସାତାନ୍ ।

୨୫ ଇୟାମାଣାନ୍ ଜିସାୟ ବାବବାଦିଦି ମାଟା ସଡ଼ ଆତାଡ଼, ଝାନ୍ ଇର୍ହାମାର୍ହାନ୍ ।

୨୬ “ସବୁଲୁନ ଦେସ୍ ମାରି ନପ୍ତାଲି ଦେସ୍, ସାମ୍ତୁର ଲାକ୍ତୁରି,

ନି ଜର୍ଦନ ଗାଡ଼ା ଆୟା ପାଡ଼ିଦି,

ଅଣଜିହୁଦିରି ଗାଲିଲି !

୨୭ ସିକାଟିଦି ନଡ଼ଗାଦୁ ବାସାକିଜିମାନି ଲୋକୁ

ଉନ୍ଶି_ ପେରି ଜାୟ ସୁଶାର୍

ସାନି ସିକାଟିଦି ରାଜିଦୁ ମାନି ଲୋକା ମୁସ୍କୁ

ଆୟା ଜାୟ ତରାଇଆନାଡ଼ ।”

୨୮ ଝାୟା ସମୟତାନ୍ ଜିସୁ ପ୍ରଚାରକିଜି ଇର୍ହାନ୍, “ପାପ୍ତାନ୍ ମନ୍ତିଙ୍କ ଡେପ୍ତୁ, ଇରିଙ୍କ ମାପୁରୁଦି ରାଜି ଇଗା ଝାଜିନାଡ଼ ।”

ଜିସୁ ନାଲ୍ଏର ମିନ୍କୁ ଆସନିଝାରିଙ୍କ କୁକ୍ତାନ୍

(ମାର୍କ ୧:୧୬-୨୦; ଲୁକ ୫:୧-୧୧)

୨୯ ଜିସୁ ଗାଲିଲିଦି ସାମ୍ତୁର ପାଡ଼ି ସିଜି ବୁଲାଇମାନିଝାଲେ ସିମୋନ୍ ପିତର ମାରି ଆନ୍ଦ୍ରିୟ ଦର୍ତ୍ତି ରିଏର୍ ମିନ୍କୁ ଆସନିଝାରିଙ୍କ ବେଟ୍ଟୁଡ଼ାତାନ୍ ! ଇୟା ରିଏର୍ ତଡ଼ାନ୍କୁ ଜାଡ଼ି ପକ୍ସି ଗାଡ଼ାଦୁ ମିନ୍କୁ ଆସସିମାର୍ହାନ୍ ।

୩୦ ଜିସୁ ଝାରିଙ୍କ କୁକ୍ସି ଇର୍ହାନ୍, “ନା ଝାଲେ ରାଦୁ । ନାନ୍ ମିଙ୍କ ଲୋକାଙ୍କ ମାପୁରୁ ଲାକ୍ତୁ ତାନିକା ଅଜାକିନା ।”

୩୧ ଝାର୍ ଆୟାଦାପ୍ରେ ଝାରି ଜାଡ଼ି ଡିସସି ଜିସୁଝାଲେ ଝାଲେ ସର୍ହାନ୍ ।

୩୨ ଜିସୁ ଅଡ଼ପ୍ ଆଗଡ଼ି ସଲ୍ସି ରିଏର୍ ତଡ଼ାନ୍ ଜାକୁବ ମାରି ଯୋହନ ଦର୍ତ୍ତି ଜେବଦଦି ରିଏର୍ ମାରିସିରିଙ୍କ ବେଟ୍ଟୁଡ଼ାତାନ୍ । ଇୟା ତଡ଼୍ ରିଏର୍ ମାରି ଝାରି ବୁବାସି ତଙ୍କାଦୁ ବାସସି ଝାରି ଜାଡ଼ି ମଦାକିଜିମାର୍ହାନ୍ ।

☆ ୪:୧ ଏଡ଼ି ୨:୧୮; ୪:୧୫. ☆ ୪:୧୨ ମାତୃତ ୧୪:୩; ମାର୍କ ୬:୧୭; ଲୁକ ୩:୧୯,୨୦. ☆ ୪:୧୩ ଜୋହନ ୨:୧୨. ☆ ୪:୧୭ ମାତୃତ ୩:୨.

୨୨ ଜିସୁ ଖାରିଙ୍ଗ ବା କୁକ୍ତାନ ମାରି ଖାର ଦାପେ ଦାପେ ଡଙ୍ଗା ନି ବୁବାସିଙ୍ଗ ଡିସ୍ ସି ଜିସୁଖାଲେ ଖାଲେ ସର୍ହାର ।

ଜିସୁଦି ସିକିୟା, ପ୍ରଚାର ମାରି ନେଗେନ୍ କିନିକା

(ଲୁକ ୬:୧୭-୧୯)

୨୩ *ଜିସୁ ଖିଜୁ ଗାଲିଲି ରାଜି ସୁଡ଼ଜି ଖିସ୍ ସି ପାର୍ତନାକିନି ଇଲ୍ଲକାଙ୍ଗ ସିକିୟା ସିଦେଙ୍ଗଆସତାନ । ମାପୁରୁଦି ରାଜିଦି ସୁସମାଚାର ପ୍ରଚାର କିତାନ ମାରି ରକମ୍ ରକମ୍ତି ରଗ୍ ନି କାସ୍ତୁକା ଆତି ଲୋକାଙ୍ଗ ନେଗେନ୍ କିତାନ ।

୨୪ ଖାନି ବିସୟତାନ ସିରିଆ ଦେସ୍ ଖିଜୁ ତରିନ୍ ଖେଙ୍ଗ ତା ସର୍ହାର ମାରି ଲୋକୁ ବୁବାକାସ୍ତିଖାରିଙ୍ଗ, ମୁର୍ଗା ରୋଗ ଆସ୍ତିକାର ମାରି ପକିୟାଗାଡ଼ ରଗ୍ ଖିଜୁ ରକମ୍ତି ରଗ୍ତୁ ମାନି ଲୋକାଙ୍ଗ ମାରି ଖିସାମ୍ତୁ ମାନି ଖିଜୁ ଲୋକାଙ୍ଗ ଖାନି ଲାକ୍ତୁ ତାତାର, ମାରି ଖାନ ଖାରିଙ୍ଗ ନେଗେନ୍ କିତାନ ।

୨୫ ମାରି ଗାଲିଲି, ଦେକାପଲି ରାଜି*, ଜିରୁସାଲମ, ଜିହୁଦା ଦେସ୍ ମାରି ଜର୍ଦନ ଗାତା ଆୟା ପାଡ଼ିଦାନ ନାଣ୍ଡ ଲୋକୁ ଖାଜି ଖାନି ଖାଲେ ସର୍ହାର ।

ଗରନ୍ ମୁସକୁରାନ୍ ଜିସୁଦି ସିକିୟା



୫:୧-୭:୨୯

୧ ଜିସୁ ଲୋକୁ ଗହଲି ସୁଡ଼ଜି ଉନ୍ ଶ୍ଟି, ଗରନ୍ ମୁସକୁ ସର୍ହା ବାସତାନ । ସିସୁର୍ ଖାନି ସାରିବେଡ଼ତି ଉଣ୍ଡାତାର ।

୨ ଲୋକାଙ୍ଗ ଜିସୁ ସିକିୟା ସିଜି ଇର୍ହାନ ।

ସଡ଼ ଖେଡ଼ିକା

(ଲୁକ ୬:୨୦-୨୩)

୩ ମାପୁରୁମାନୁ ଏମାକାର ଆସା ଇଡ଼ନି, ଲୋକୁ ଦନମ୍, ଇରିଙ୍ଗ ମାପୁରୁଦି ରାଜି ଖାରିଦି ।

୪ ଆଡ଼ବାଜି ମାନି ଲୋକୁ ଦନମ୍, ଇରିଙ୍ଗ ମାପୁରୁ ଖାରିଙ୍ଗ ଖେଡ଼ିକା ସିନାନ ।

୫ ଦାମ୍ ଲୋକୁ ଦନମ୍, ଇରିଙ୍ଗ ଖାର ମାପୁରୁଦି ପାରମାଣ୍ କିତିମାନି ବିସୟ ଲାବ୍ କିନାର ।

୬ ମାପୁରୁଦି ବଦାଦାନ ପାଣି କିଦେଙ୍ଗ୍ ଏମେଖାରି ନାଣ୍ଡ ଆସା, ଖାର ଦନମ୍, ଇରିଙ୍ଗ ମାପୁରୁ ଖାରିଙ୍ଗ ଖେଡ଼ିକାକିନାନ ।

୭ ଏମେକାର ଆଇଖାରି ଉଣ୍ଡିଙ୍ଗ୍ ଦୟା ତରନାର ଖାର ଦନମ୍, ଇରିଙ୍ଗ ମାପୁରୁ ଖାରିଙ୍ଗ୍ ଦୟା କିନାନ ।

୮ ଏମେଖାରି ଜିବନ୍ ନେଗିକା ଖାର ଦନମ୍, ଇରିଙ୍ଗ ଖାର ମାପୁରୁଦି ଦର୍ସନ୍ ପଇନାର ।

୯ ଏମେକାର ସାନ୍ତି କିଦେଙ୍ଗ୍ ଇଜି ପାଣିକିନାର ଖାର ଦନମ୍, ଇରିଙ୍ଗ ଖାର ମାପୁରୁଦି କଡ଼ର୍ ଇଜି ଖେଙ୍ଗ୍ ନାର ।

୧୦ *ଏମେକାର ମାପୁରୁଦି ବଦାଦାନ ପାଣିକିଜି କାସ୍ତୁ ପଇନାର, ଖାର ଦନମ୍, ଇରିଙ୍ଗ ମୁସକୁପୁର ଖାରିଦି ।

୧୧ *ନାଖାଲେ ବୁଲାନିକାର ଆତିମାନିଙ୍ଗ୍ ଲୋକୁ ଜଦି ମିଙ୍ଗ୍ ଅପମାନସିନାର, କାସ୍ତୁ ସିନାର ମାରି ମି ବିରଦତାନ ତାଗଇ ବାଣ୍ଡିସ୍ତି ମାଗେଙ୍ଗ୍ ଇନାର, ଆରିଙ୍ଗ୍ ମିର୍ ଦନମ୍ ।

୧୨ *ନାଣ୍ଡ ଖେଡ଼ିକାଆଦୁ, ଇରିଙ୍ଗ ମୁସକୁପୁରୁତୁ ମି ପୁରସକାର ନାଣ୍ଡ; ଆୟାଖାଜାତ ଖାର ମି ପୁର୍ବେଦି ତକ୍ରାଦାଦାରୁରି ବାବବାଦିରିଙ୍ଗ୍ କାସ୍ତୁକିତାର ।

ସର୍ ନି ଜାୟ

(ମାର୍କ ୯:୫୦; ଲୁକ ୧୪:୩୪-୩୫)

୧୩ *ମିର୍ ଖିଜୁ ଲୋକା ଦୁନିଆଦି ସର୍ତି ଖାଜା । ମାତର୍ ସର୍ ଜଦି ସର୍ଦିସାଖି ଆରାକିନାଡ଼, ଆରିଙ୍ଗ୍ ତାନିଙ୍ଗ୍ ମାରି ସର୍ଆଡ଼ିନିଖାଜା କିଦେଙ୍ଗ୍ ଆସଡ଼ । ନାସ୍ତିଖାଲେ ଆକା ପୁରା ତାଗଇକାଆଜି ଆଡ଼ରେ ପକାଇଆନାଡ଼ । ଲୋକୁ ତାନିଙ୍ଗ୍ ମାଡ଼ସିସନାର ।

* ୪:୨୩ ମାତ୍ରିକ ୯:୩୫; ମାର୍କ ୧:୩୯. * ୪:୨୫ ଦେକାପଲି ଉନ୍ ଶ୍ଟି ଦେସ୍ * ୫:୧୦ ୧ ପିତର ୩:୧୪. * ୫:୧୧ ୧ ପିତର ୪:୧୪. * ୫:୧୨ ପ୍ରେରିତ ୭:୫୨. * ୫:୧୩ ମାର୍କ ୯:୫୦; ଲୁକ ୧୪:୩୪,୩୫.

୧୪ *ମିର ସାରା ଦୁନିଆଦି ଜାୟ ଖାଜା । ଏମେ ଗାଡ଼କି ଗରନ୍ ମୁସକୁ ତିଆର୍ ଆନାମାନାଡ଼, ଆକା ଏସାଙ୍ଗ ମାରଗିଜି ତେବାଦେଙ୍ଗ ଆଟ୍‌ଏଡ଼ ।

୧୫ *ଦିୱା କାସିସକିଜି ଏନ୍ ଅତି ଆଡ଼ଗି ପିଡ଼ିକସି ଇଡ଼ଏନ୍ । ତାନିଙ୍ଗ ଦିୱା ଇଡ଼ନି ମୁସକୁ ବାଡ଼ିଦୁ ଇଡ଼ନାନ୍ ମାରି ଆକା ଇଲୁଦୁ ମାନି ଓଜେରିଙ୍ଗ ଜାୟ ସିନାଡ଼ ।

୧୬ *ଆୟାଖାଜା ମି ଜାୟ ଲାକଡ଼ୁ ତରାଇଆପିଡ଼ । ଆରିଙ୍ଗ ମି ସଡ଼ପାଣି ସୁଡ଼ଜି ଖାର ମି ମୁସକୁପୁରତି ବୁବା ମାପୁରୁଦି ଦନ୍ୟବାଦ୍ କିନାର୍ ।

ନିୟମ୍ତି ବିସୟତାନ୍ ସିକିୟା

୧୭ ଅଡ଼ବିମାଟ୍ ଜେ ନାନ୍ ମସା ସିତି ନିୟମ୍ ମାରି ବାବବାଦିରି ସିକିୟା ଓଜୁ ଗୁସାକିଦେଙ୍ଗ ଖାତାମାନା । ଆୟାଓଜୁ ଗୁସାକିଦେଙ୍ଗ ସିଲେ, ମାତର ସଡ଼ତାନ୍ ସଡ଼ କିଦେଙ୍ଗ ଖାତାମାନା ।

୧୮ *ମନ୍‌ତୁ ଇଡ଼ଦୁ, ବାଦଡ଼ ନି ଦୁନିଆ ତିରୁଆଜି ତେବାନି ସାନ୍ ନିୟମ୍ତି ଉନ୍‌ଶ୍ଟି, ଇସ୍ତି ଠିକା ବା ନାମ୍‌ଏଡ଼ । ଓଜୁ ବିସୟତି ପୁରା ଆଇ ସାନ୍ ଇକା ଗଟାଏଡ଼ ।

୧୯ ଆଦେଙ୍ଗ ଏନ୍‌ଆପିନ୍ ନିୟମ୍ତି ଓଜୁମାଣକୁ ଇସ୍ତି ମାଟାଦିଙ୍ଗ ଅମାନ୍ୟ କିନାନ୍ ମାରି ଆୟାଖାଜା କିଦେଙ୍ଗ ଆଇଖାରିଙ୍ଗ ସିକିୟା ସିନାନ୍, ଖାନ୍ ମୁସକୁପୁରତି ରାଜିଦୁ ଓଜେରିମାଣକୁ ଇସ୍ତିକାନ୍ ଇଜି ଖେଙ୍ଗ୍ ନାନ୍ ।

୨୦ ନାନ୍ ମିଙ୍ଗ୍ ଇଜିନା, ଦାମ୍‌ଗୁରୁ ମାରି ପାରୁସିର୍ ମାଣକୁ ନାଣ୍ ବିସବାସତାନ୍ ମାପୁରୁଦି ବଦାଦି ପାଣି କିତିଙ୍ଗ ମାତର ମିର୍ ମୁସକୁପୁରତୁ ଡଗୁଦେଙ୍ଗ ଆଟ୍‌ନିଦେର୍ ।

ରିସାଆନି ବିସୟତାନ୍ ସିକିୟା

(ଲୁକ ୧୨:୫୭-୫୯)

୨୧ ମିର୍ ଖେରଇମାନିଦେର୍; ପୁର୍ବେକାଡ଼ାଦାନ୍ ଲୋକାଙ୍ଗ ଇର୍ହାମାନାର୍, ଲୋକାଙ୍ଗ ସାୟାମାରଗା ତାକ୍‌ମାଟ୍ । ଏନ୍ ଆକା କିନାନ୍, ଖାନ୍ ବିସାର୍‌ଆନାନ୍ ।

୨୨ ମାତର ନାନ୍ ଇଜିନା, ଏନ୍ ଏମେ ତଡ଼ାନ୍ ମୁସକୁ ରିସାଆନାନ୍, ଖାନ୍ ବା ବିସାର୍‌ଆନାନ୍ । ଏନ୍ ତଡ଼ାନ୍‌ତିଙ୍ଗ ବାୟା ଇଜି କାଡ଼ନାନ୍, ଖାନ୍ ନାଣ୍ କୁରୁମ୍ ଆଗଡ଼ି ଦଣ୍ ପଇନାନ୍ । ମାରି ଏନ୍ ତଡ଼ାନ୍‌ତିଙ୍ଗ ପାଣିସିଇ ମୁକୁ ଇଜି ଇନାନ୍, ଖାନ୍ ନରକ ସିସୁଦୁ ପକାନି ଦଣ୍ ମାନାଡ଼ ।

୨୩ ଆଦେଙ୍ଗ ମାପୁରୁଦି ଉଦେସତାନ୍ ବେଦି ମୁସକୁ ପୁଜାସିଦେଙ୍ଗ ସନିଖାଲେ ଜଦି ମି ଏଡ଼ ଖାନାଡ଼ ଜେ ମି ଉଣ୍ଡିଙ୍ଗ ଆମା ତଡ଼ାନ୍‌ତି ମନ୍‌ତୁ ଏସ ଅସାକ୍ତିମାନାଡ଼ ।

୨୪ ବେଦି ଆଗଡ଼ି ଆୟା ପୁଜା ସିନିକା ଡିସ୍‌ସି ସିଜି ବେଗି ବେଗି ସାନ୍‌ତୁ, ତଡ଼ାନ୍‌ତି ଖାଲେ ଡେସି ମିସାତି ଖେନ୍‌କା ଡେସି ଖାଜି ମାପୁରୁଦିଙ୍ଗ ଆକା ପୁଜା ସିଦୁ ।

୨୫ ଜଦି ଏନ୍ ମି ବିରଦତାନ୍ ରାସ୍‌ସି କର୍ଟଦୁ ସନ୍‌ଡେଙ୍ଗ ଜାସେକିନାନ୍, କର୍ଟଦୁ ସନି ଆଗଡ଼ି ଖେଡ଼ା ମାନ୍‌ବୁ ମାନ୍‌ବୁ ଖାନି ଖାଲେ ନିଜେ ନିଜେମାନୁ ମିସାଦୁ । ଆଏଡିଙ୍ଗ କର୍ଟଦୁ ସରିଙ୍ଗ୍, ଖାନ୍ ମିଙ୍ଗ୍ ବିସାର୍‌କିନିଖାନି କିୟୁଦୁ ଆସ୍‌ପିସକିନାନ୍ ମାରି ଆଡିଙ୍ଗ ନ୍ୟାୟ କିନିକାନ୍ ମିଙ୍ଗ୍ ଜଇଲୁଡ଼ୁ ଅତେଙ୍ଗ ଇଜି ପଲିସକା କିୟୁଦୁ ସର୍‌ପେ କିନାସିନାନ୍ ।

୨୬ ନାନ୍ ମିଙ୍ଗ୍ ସଡ଼ ଇଜିନା, ମି ମୁସକୁ କିଆଇଆଡିମାନି ଖାଡ଼ି ତାବୁଙ୍ଗ୍ ବା ଡେସିସିଇ ସାନ୍ ମିର୍ ଆବେଟ୍‌କୁ ସହସ ଖାଦେଙ୍ଗ ଆଟ୍‌ଇଦେର୍ ।

ଦାରିପାଣି ବିସୟତାନ୍ ସିକିୟା

୨୭ ଦାରିପାଣି କିମାଟ୍, ଇୟା ଆଞ୍ଜା ମିର୍ ପୁର୍ବେକାଡ଼ାଦାନ୍ ଖେରଇମାନିଦେର୍ ।

୨୮ ମାତର ଇଲେଇ ନାନ୍ ମିଙ୍ଗ୍ ଇଜିନା, ଜଦି ଏନ୍ ଆଇଖାନି ଆଇମାଦିଙ୍ଗ ତାଗ୍‌ଇ କାଣ୍‌ଗାଦାନ୍ ସୁଶାନ୍, ଖାନ୍ ତାନି ଖାଲେ ମୋନ୍‌ତୁ ମୋନ୍‌ତୁ ଦାରିପାଣିକିତାମାନାନ୍ ।

୨୯ *ଜଦି ମି ଉଣେରି କାଣ୍‌ଗାଦି ଉଣ୍ଡିଙ୍ଗ ମିର୍ ପାପ୍ କିନିମାନିଦେର୍, ଆୟା କାଣ୍‌ଗାଦିଙ୍ଗ ଉନ୍‌ଜ ପୋକ୍‌ତୁ । ମି ଓଜୁ ମେନ୍‌ଲ ନରକଦୁ ଆରନି ବାଦ୍‌ଲୁ, ମେନ୍‌ଲତି ଉଣ୍ଡି ବାଗ୍ ନାସୁଆନିକା ନେଗେଡ଼ ।

୩୦ *ଜଦି ମି ଡେବିରି କିୟୁ ମିଙ୍ଗ୍ ପାପ୍‌ତି ପାଣି କିବିସକିଜିମାନାଡ଼, ଆୟା କିୟୁଦିଙ୍ଗ କୟଜ ପୋକ୍‌ତୁ । ମି ଓଜୁ ମେନ୍‌ଲ ନରକଦୁ ଆରନି ବାଦ୍‌ଲୁ ଉଣ୍ଡି ବାଗ୍ ନାସୁଆନିକା ମି ଉଣ୍ଡିଙ୍ଗ ନେଗେଡ଼ ।

ଆଇମାଦିଙ୍ଗ ଡିସ୍‌ନି ବିସୟତାନ୍ ସିକିୟା

(ମାତ୍ରିକ ୧୯:୯; ମାର୍କ ୧୦:୧୧-୧୨; ଲୁକ ୧୨:୧୮)

* ୫:୧୪ ଲୋହନ ୮:୧୨; ୯:୫. * ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩. * ୫:୧୬ ୧ ପିତର ୨:୧୨. * ୫:୧୮ ଲୁକ ୧୨:୧୭. * ୫:୨୯ ମାତ୍ରିକ ୧୮:୯; ମାର୍କ ୯:୪୭. * ୫:୩୦ ମାତ୍ରିକ ୧୮:୮; ମାର୍କ ୯:୪୩.

୩୧ *ଜଦି ଏନ୍ ନିଜେଦି ଆଡ଼ିଙ୍ଗ ଡିସ୍ତେଙ୍ଗ୍ ବଦାକିନାନ୍, ଖାନ୍ ତାନିଙ୍ଗ ରାସାତି ଇସାବତାନ୍ ଉଣ୍ଡି_ଆଇମା ଡିସ୍ତନି ଆକୁ ସିପିନ୍ ଇୟା ସିକିୟା ମିର୍ ଆଗ୍ଡିରାନ୍ ପୟତିମାନିଦେର୍ ।

୩୨ *ମାତର ନାନ୍ ମିଙ୍ଗ୍ ଇଜିନା, ଦାରିପାଣି କିନିକା ଡିସ୍ତିଙ୍ଗ୍ ଆଇ ଇନି ପାଣିଦିଙ୍ଗ୍ ବାଦ୍ଲୁ ଅରେନ୍ ଖାନି ଆଡ଼ିସିଙ୍ଗ୍ ଡିସ୍ତନି ଆକୁ ସିଡିଙ୍ଗ୍, ଖାନ୍ ତାନିଙ୍ଗ୍ ଦାରିପାଣି କିନି ନିନ୍ଦାଦୁ ଦସ୍ କିଜିନାନ୍ ମାରି ଏମେ ମେମାରି ଆୟା ଆଇମାଦିଙ୍ଗ୍ ପେଡ଼ି ଆନାନ୍, ଖାନ୍ ବା ଦାରିପାଣି କିନାନ୍ ।

ପାରମାଣ୍ ବିସୟତାନ୍ ସିକିୟା

୩୩ ପୁର୍ବେ କାଡ଼ାଦାନ୍ ଇୟା ସିକିୟା ଖେନ୍ଝି ଖାଜିନିଦେର୍, ପାରମାଣ୍ ରୁକ୍ମାଟ୍ । ମାପୁରୁ ଆଗ୍ଡି ଏମେ ପାରମାଣ୍ କିତିମାନିଦେର୍, ତାନିଙ୍ଗ୍ ପୁରାକିଦୁ ।

୩୪ *ମାତର ନାନ୍ ମିଙ୍ଗ୍ ଇଜିନା, ପାରମାଣ୍ କିନିଖାଲେ, ପାରମାଣ୍ କିମାଟ୍ । ମୁସ୍କୁପୁରତି ଦରତାନ୍ କିମାଟ୍, ଇରିଙ୍ଗ୍ ଆକା ମାପୁରୁଦି ବାସ୍ତନି ଗଦି ।

୩୫ ଦୁନିଆଦି ଦରତାନ୍ ପାରମାଣ୍ କିମାଟ୍, ଇରିଙ୍ଗ୍ ଆକା ମାପୁରୁଦି କାଲକୁ ଇଡ଼ନି ବାଡ଼ି । ଜିରୁସାଲାମ୍ ଗାଡ଼୍ ଦରତାନ୍ ବା ପାରମାଣ୍ କିମାଟ୍, ଇରିଙ୍ଗ୍ ଆକା ଆଜିନାଡ଼ ରାଜାରିରାଜାଦି ଗାଡ଼୍ ।

୩୬ ମି ତାଲାଦି ଆନାଦୁରିଆ କିମାଟ୍, ଇରିଙ୍ଗ୍ ଉନ୍ଝି_କୁକୁଟି କାଡ଼ା ନି ଅଡ଼ିନିକା କିନି ସାକ୍ତି ମିଙ୍ଗ୍ ସିଲେଡ଼ ।

୩୭ ମିର୍ ପାରମାଣ୍ ନିୟମ୍ କିଏଗ୍ଗା କେବଲ୍ “ହ୍” ମାଟା “ହ୍” ଆପିଡ଼, “ସିଲେ” ମାଟା “ସିଲେଣ୍” ଆପିଡ଼ । ତେନିମାଣାନ୍ ନାଣ୍ଟ ମାଟା ଇଜି ପାରମାଣ୍ କିନିକା ସୟତାନ୍ତି ପେରିସକିନି ମାଣାନ୍ ଖାନାଡ଼ ।

ପ୍ରତିସଦ ବିସୟତାନ୍ ସିକିୟା

(ଲୁକ ୬:୨୯-୩୦)

୩୮ “କାଣ୍ଟା ବାଦ୍ଲୁ କାଣ୍ଟା,” ପାଲୁ ବାଦ୍ଲୁ ପାଲୁ । ଇୟା ବାଦ୍ଲୁ ଅନିମାଟା ମିର୍ ଖେରଇମାନିଦେର୍ ।

୩୯ ମାତର ନାନ୍ ମିଙ୍ଗ୍ ଇଜିନା, ଏନ୍ ମି ଅନିସ୍ତୁ କିତିଙ୍ଗ୍ ଖାନି ବାଦ୍ଲୁ ଅମାଟ୍ । ଜଦି ମି ଉଣ୍ଡେରି ବୁଗୁଲିଦୁ ଏନ୍ ସାପୁଡ଼ ଡ୍ରାକ୍ତାନ୍, ମାରି ଉନ୍ଝି_ସାପୁଡ଼ ଡ୍ରାକ୍ତେଙ୍ଗ୍ ମି ଡେବିରି ବୁଗୁଲି ବା ତରସୋ ସିଦୁ ।

୪୦ ଜଦି ଏନ୍ ମି ଆଙ୍ଗ୍ ଅଡେଙ୍ଗ୍ ଇଜି ମି ବିରଦତାନ୍ ମାଟା ଇଜି ମିଙ୍ଗ୍ ବିସାର୍ ବାଡ଼ିଦୁ ଅନାନ୍, ଖାନିଙ୍ଗ୍ ମି ସୁଟେର୍ ବା ଦାନ୍ ସିଦୁ ।

୪୧ ଜଦି ଏମେ ସୈନ୍ୟ ମିଙ୍ଗ୍ ଖାନି ବଦୁ ପିଣ୍ଡୁଜ ଖାନି ଖାଲେ ଉଣ୍ଡି_କିଲୋମିଟର ସନ୍ଡେଙ୍ଗ୍ ଇଜି ଜାସେକିନାନ୍, ମିର୍ ଇନିକା ଅଡ଼ବିଏଣ୍ଟା ଖାନି ଖାଲେ ରୁଣ୍ଡି କିଲୋମିଟର ସାନ୍ଡୁ ।

୪୨ ଜଦି ଏନ୍ ମିଙ୍ଗ୍ ଇଜି ଜିନିସ୍ ଲୋସ୍ନାନ୍, ମାନା କିଏନ୍ଝା ଖାନିଙ୍ଗ୍ ସିଦୁ । ଏନ୍ ଇନିକା ଉଦାର୍ ଲୋସ୍ତିଙ୍ଗ୍, ଖାନିଙ୍ଗ୍ ଆକା ସିଦୁ ।

ସାତୁରିଙ୍ଗ୍ ଜିବନ୍ନଦୁ

(ଲୁକ ୬:୨୭-୨୮, ୩୨-୩୬)

୪୩ “ଜିବନ୍ନୋଦୁ ମି ସଙ୍ଗ୍ ଚିଙ୍ଗ୍, କାଡ଼ୁ ମି ସାତୁରିଙ୍ଗ୍ ଇୟା ସିକିୟା ଆଗ୍ଡିରାନ୍ ଖେରଇମାନିଦେର୍ ।”

୪୪ ମାତର ନାନ୍ ମିଙ୍ଗ୍ ଇଜିନା, ଜିବନ୍ନୋଦୁ ମି ସାତୁରିଙ୍ଗ୍ । ଏମେକାର୍ ମିଙ୍ଗ୍ ତାଡ଼ନାକିନାର୍, ଖାରି ଉଣ୍ଡିଙ୍ଗ୍ ପାରତନା କିଦୁ ।

୪୫ ଇୟାଖାଜା କିତିଙ୍ଗ୍ ମୁସ୍କୁପୁରତି ବୁବା ମାପୁରୁଦି କଡ଼ର୍ ଇଜି ଖେଙ୍ଗ୍ ନିଦେର୍ । ଇରିଙ୍ଗ୍ ମାପୁରୁ ନେଗିଖାରି ନି ତାଗ୍ଝାରି ଲୋକାମୁସ୍କୁ ଖାନି ଖେଡ଼ା ଜାୟ୍ ସିନାନ୍, ମାରି ସଡ଼ପାଣି ନି ତାଗ୍ଝପାଣି କିନି ଖିଜେରିଙ୍ଗ୍ ପିର୍ରୁ ସିନାନ୍ ।

୪୬ କେବଲ୍ ମିଙ୍ଗ୍ ଜିବନ୍ନୋଜି ମାନି ଲୋକାଙ୍ଗ୍ ଜିବନ୍ନତିଙ୍ଗ୍, ମାପୁରୁ ଏନ୍ ମିଙ୍ଗ୍ ପୁରସକାର୍ ସିନାନ୍ ? ସିସ୍ତୁ ଲୋସ୍ନିକାର୍ ବା ଆକା କିନାର୍ ।

୪୭ ଜଦି କେବଲ୍ ମି ତଡ଼ାନ୍କାଙ୍ଗ୍ ଖାରଗିନିଦେର୍, ଆରିଙ୍ଗ୍ ମିର୍ ନେ ଉପକାପାଣି କିଜିନିଦେର୍ ? ଅବିସ୍ବାସ୍ରି ବା ଆକା କିନାର୍ ।

୪୮ ମି ମୁସ୍କୁପୁରତି ବୁବା ଏଣ୍ଡେସ୍ ପବିଡ଼, ମିର୍ ଆୟାଖାଜା ପବିଡ଼ ଆନିକାମାନାଡ଼ ।



ଦାନ୍ ବିସୟତାନ୍ ସିକିୟା

୧ *ଲୋକାଙ୍ଗ୍ ତରଡେଙ୍ଗ୍ ଇଜି ପୁଲାପୁଲିଦାନ୍ ନେଗିପାଣି କିମାଟ୍ । ଆକାକିତିଙ୍ଗ୍ ମୁସ୍କୁପୁରତି ବୁବା ମାଣ୍ଟୁ ମିର୍ ପୁରସକାର୍ ପୟଇଦେର୍ ।”

* ୫:୩୧ ମାତ୍ରିକ ୧୯:୭; ମାର୍କ ୧୦:୪. * ୫:୩୨ ମାତ୍ରିକ ୧୯:୯; ମାର୍କ ୧୦:୧୧,୧୨; ଲୁକ ୧୬:୧୮; ୧ କରିନ୍ଥୟ ୭:୧୦,୧୧. * ୫:୩୪ ଜାକୁବ ୫:୧୨; ମାତ୍ରିକ ୨୩:୨୨. * ୬:୧ ମାତ୍ରିକ ୨୩:୫.

୨ “ଅରେନ୍ କାକୃତ୍ ଲୋକ୍ତିକ୍ ଇନି ଦାନ ସନିଝାଲେ ପୁଲ୍ଲାପୁଲି ଲୋକ୍ତି ଖାଜା ମୋରି ଉକ୍ତୁସି ତରଥାଲଆମାଟ୍ । ଖାର ପାରତନାକିନି ଇଲ୍ଲକାଙ୍ଗ ନି ସାକ୍ତି ମଜାୟ ନିଜେଦି ଦାନଦାମ୍ବୁଦି ପାଣି କିନାର । ଲୋକାମାଣ୍ଟୁ ଦନ୍ୟବାଦ୍ ପୟଦେଙ୍ଗ୍ ଖାର ଇକା କିନାର । ନାନ ସତେନେ ଇଜିନା ଜେ ଖାର ଇୟାମାଣାନ୍ ଖାରି ପୟନିକା ପୁରାଦାନ ପୟତାଝିସ୍ତାମାନାର ।”

୩ ମାତରୁ ମିର୍ ଅରେନ୍ କାକୃତ୍ ଲୋକ୍ତିକ୍ ସାକାକିନିଝାଲେ, ଇୟାଝାଜା କିଦୁ, ଏଣ୍ଡେସ୍ ମି ଲାକ୍ତୁରି ସଙ୍ଗ୍ ବା ଇୟା ମାଟା ନେସତେଙ୍ଗ୍ ଆଟ୍-ଏନ୍ ।

୪ ଇୟାଝାଜା ମି ଇୟା ଦାନ ମାରକ୍ସି ଆତିମାରିଙ୍ଗ୍ ବା ମି ଝିଜୁ ସୁଣି ବୁବା ମାରଗିଜି ଆକା ସୁଡ୍ଜି ମିଙ୍ଗ୍ ପୁରସକାର୍ ସିନାନ୍ ।

ପାରତନା ବିସୟତାନ୍ ସିକିୟା
(ଲୁକ ୧୧:୨-୪)

୫ * “ପାରତନା କିନିଝାଲେ ପୁଲ୍ଲାପୁଲି ଦାମ୍ବୁ ଲୋକା ଝାଜା ଆମାଟ୍ । ଝିଜେରେ ଏଣ୍ଡେସ୍ ସୁଡ୍ଜେଙ୍ଗ୍ ଆଟ୍-ନାର, ଆୟାଉଣ୍ଡିଙ୍ଗ୍ ପାରତନାକିନି ଇଲ୍ଲକାଙ୍ଗ୍ ମାରି ରାସ୍ତା ତେଣେଆଙ୍ଗ୍ ନିଲ୍ଲି ଝାର ପାରତନା କିଦେଙ୍ଗ୍ ବଦାକିନାର । ନାନ ମିଙ୍ଗ୍ ସତେନେ ଇଜିନା ଜେ ଝାର ନିଜେ ନିଜେଦି କିତିମାନିପାଣିଦି ପୁରସକାର୍ ପୟତାଝିସ୍ତାମାନାର ।”

୬ ମାତରୁ ଏସ୍ତିଝାଲେ ମିର୍ ପାରତନା କିନିଦେର୍, ନିଜେଦି ବାକ୍ତା ଲୋଇ ସାନ୍ତୁ, ସେରଲା କେର୍ତୁ ମାରି ମି ତରାଲଆଇ ବୁବେଙ୍ଗ୍ ପାରତନା କିଦୁ । ମିର୍ ମାରକ୍ସି ଆମାକା କିନିଦେର୍, ଝିଜୁସୁଣି ମୁସକ୍ତୁପୁରତି ବୁବା ଆକା ସୁଡ୍ଜି ମିଙ୍ଗ୍ ପୁରସକାର୍ ସିନାନ୍ ।

୭ “ମି ପାରତନାଦୁ ଅବିସ୍ବାସ୍ରି ଝାଜା ନାଣ୍ଡ ଅର୍ତ୍ତସିଲି ମାଟେଙ୍ଗ୍ କିମାଟ୍ । ଝାର ଅଡ୍ରିନାର, ଝାରି ପାରତନା ନିରଇକା ଆତିଙ୍ଗ୍ ମାପୁରୁ ଝେନାନ୍ ।

୮ ଝାରି ଝାଜା ଆମାଟ୍ । ମିର୍ ଲୋସନି ଆଗଡ୍ତି ମି ଆମାକା ଦରକାର୍, ମି ମୁସକ୍ତୁପୁରତି ବୁବା ଆକା ଝିଜୁ ନେସନାନ୍ ।”

୯ ଆଦେଙ୍ଗ୍ ଇୟାଝାଜା ପାରତନା କିନିକା ମି ନେଗେଡ୍ ।

ମା ମୁସକ୍ତୁପୁରତି ବୁବା,

ନି ପବିତ୍ର ଦରୁ ପେରିକାଆପିଡ୍ ।

୧୦ ନି ରାଜି ରାପିଡ୍ ।

ନି ବଦା ମୁସକ୍ତୁପୁରତି ଏଣ୍ଡେସ୍, ଇୟା ଦୁନିଆଦୁ ବା ଆୟାଝାଜା ପୁରାଆପିଡ୍ ।

୧୧ ନେର୍ ମାଙ୍ଗ୍ ଦରକାରମାନି କାଦି ସିଦା ।

୧୨ ମା ବିରଦ୍ତାନ୍ ଦୋସ୍ କିତିମାନି ଲୋକାଙ୍ଗ୍ ମାପ୍ ଏଣ୍ଡେସ୍ କେମାକିନାପ୍, ଆୟାଝାଜା ମା ଦସ୍ ଝିଜୁ କେମା କିଆ ।

୧୩ ମାଙ୍ଗ୍ ଆଟ୍-ଝା ପରିକାଦୁ ଆର୍ଦେଙ୍ଗ୍ ସିମା ।

ତାଗଇ ମାଣାନ୍ ମାଙ୍ଗ୍ ରକିୟାକିୟା । ଇରିଙ୍ଗ୍ ସାସନକିନିକା, ପେରିସାଲ୍ଲି, ଗୌରବ୍ ଜୁଗ୍ ଜୁଗ୍ ନିଦିଆପିଡ୍*, ଆମେନ୍ ।

୧୪ * ମି ବିରଦ୍ତାନ୍ ଦସ୍ କିତିମାନି ଆଇଝାରିଙ୍ଗ୍ ଜଦି ମିର୍ କେମାକିନିଦେର୍, ମି ମୁସକ୍ତୁପୁରତି ବୁବା ବା ମିଙ୍ଗ୍ କେମାକିନାନ୍ ।

୧୫ ମାତରୁ ମିର୍ ଜଦି ଆଇଝାରିଙ୍ଗ୍ କେମାକିଇଦେର୍, ମି ମୁସକ୍ତୁପୁରତି ବୁବା ବା ମିର୍ କିତିମାନି ଦସ୍ ଝିଜୁ କେମାକିଏନ୍ ।

ଉପାସ୍ ବିସୟତାନ୍ ସିକିୟା

୧୬ ଉପାସ୍ କିନିଝାଲେ ପୁଲ୍ଲାପୁଲି ଦାମ୍ବୁ ଲୋକା ଝାଜା ମକମ୍ ରେପମାଟ୍ । ଝାର ଉପାସ୍ କିଜିନାରଇଜି ଆଇଝାରିଙ୍ଗ୍ ତରତେଙ୍ଗ୍ ଇଜି ନିଜେଦି ମକମ୍ତିଙ୍ଗ୍ ଜାତୁନ୍ କିଏନ୍ ଶ୍ଟା ଇଡ୍ନାର । ଇକା ସତେନେ ଜେ ଆୟାଝାଜା କିନି ମାଣାନ୍ ଝାର ନିଜେଦି ଝିଜୁ ପୟନିକା ପୟତାଝିସ୍ତାମାନାର ।

୧୭ ମାତରୁ ମିର୍ ଉପାସ୍ କିନିଝାଲେ ମକମ୍ ଉର୍ପାଜି, ତାଲାଦୁ ନିୟୁ ଉସାଜି ତେବାଦୁ,

୧୮ ଏଣ୍ଡେସ୍ ଉପାସ୍ କିଜିନିଦେର୍ ଇଜି ଆଇକାର୍ ନେସତେଙ୍ଗ୍ ଆଟ୍-ଏର୍, ମାତରୁ ମି ତରାଲଆଇ ବୁବାନେ ଝିଜୁ ମାଟା ନେସନାନ୍ । ମିର୍ ମାରଗିଜି ଆମାକା କିଜିନିଦେର୍, ଆକା ସୁଡ୍ଜି, ଝାନ୍ ମିଙ୍ଗ୍ ପୁରସକାର୍ ସିନାନ୍ ।

ମୁସକ୍ତୁପୁରତି ଉଣ୍ଡାକିତି ଦନ୍
(ଲୁକ ୧୨:୩୩-୩୪)

୧୯ * ଇୟା ଦୁନିଆଦୁ ନିଜେଦି ଉଣ୍ଡିଙ୍ଗ୍ ଦନ୍ ଉଣ୍ଡା କିମାଟ୍ । ଏମେମାନ୍ତୁ ସେଦା ନି କିଟିଙ୍ଗ୍ ତିନେ, ମାରି ତଙ୍ଗ୍ ରୁକ୍ସି

* ୨:୫ ଲୁକ ୧୮:୧୦-୧୪. * ୨:୧୩ ଇରିଙ୍ଗ୍ ସାସନକିନିକା, ପେରିସାଲ୍ଲି, ଗୌରବ୍ ଜୁଗ୍ ଜୁଗ୍ ନିଦିଆପିଡ୍ ଇୟା ବାକ୍ୟ ଏସ୍ ପାଡ୍ଡି ରାସାତିମାନି ସିଲେଡ୍ ।
* ୨:୧୪ ମାର୍କ ୧୧:୨୫, ୨୬. * ୨:୧୯ ଜାକ୍ସ ୫:୨, ୩.

ତକ୍ଷାକିନା ଅନାର ।

୨୦ ମାତର ଇୟାଞ୍ଜା ମୁସକୁପୁରତୁ ମି ଉଣ୍ଡିଙ୍ଗ ଦନ୍ ଉଣ୍ଡା କିଦୁ । ଏମେମାନୁ ପିଡ଼କୁ ନି କିଟିଙ୍ଗ ତିନ୍ତ ମାରି ତକ୍ଷାକିରତ୍ତ ତକ୍ଷାକିଏର୍ ।

୨୧ ଇରିଙ୍ଗ ଏମେମାନୁ ମି ଦନ୍, ଆବେ ମି ମନ୍ ।

ମେନ୍ଦଲ୍ଡି ଜାୟ୍
(ଲୁକ ୧୧:୩୪-୩୬)

୨୨ କାଣ୍ଗା ମେନ୍ଦଲ୍ଡି ଦିଞ୍ଜା ଞ୍ଜା । କାଣ୍ଗା ନେଗିକାମାରରିଙ୍ଗ, ମେନ୍ଦଲ୍ଡି ଜାୟ୍ତୁ ପୁରାଆଜି ନିଙ୍ଗୁ ନାଁତ ।

୨୩ ମାତର ମି କାଣ୍ଗା ଜଦି ତାଗ୍ଜକା ମାନାତ୍, ମେନ୍ଦଲ୍ଡି ସିକାଟି ଆନାତ୍ । ମି ଜିବନ୍ତି ଜାୟ୍ ଜଦି ସିକାଟି ଆନାତ୍, ଆୟା ସିକାଟି ଏସା ବୟ୍ଜାକ୍ ସିକାଟି ଆଏଡ଼ ନୋ !

ମାପୁରୁ ନି ଦନ୍ ସମ୍ପତି
(ଲୁକ ୧୬:୧୩; ୧୬:୨୨-୩୧)

୨୪ ଅରେନ୍ ଲୋକୁ ରିଏରି ମାଲିକ୍କା ସାକର୍ ଆଦେଙ୍ଗ ଆଟ୍ଏନ୍ । ଞ୍ଜାନ୍ ଅରେନ୍‌ଞ୍ଜାନିଙ୍ଗ କାଡ଼ନାନ୍ ମାରି ଆଇଞ୍ଜାନିଙ୍ଗ ଜିବନ୍‌ନୋନାନ୍, ମାରି ଅରେନ୍‌ଞ୍ଜାନିଙ୍ଗ ମାନାନାନ୍ ମାରି ଅରେନ୍‌ଞ୍ଜାନିଙ୍ଗ ମାନାଏନ୍ । ମିର୍ ମାପୁରୁ ନି ତାବୁକାସୁଦି ସାକର୍ ଆଦେଙ୍ଗ ଆଟ୍ଏନ୍ଦେର୍ ।

୨୫ ଇୟାଉଣ୍ଡିଙ୍ଗ ନାନ୍ ମିଙ୍ଗୁ ଇଜିନା, ଜିବନ୍ତି ଜିନି ଉଣ୍ଡିଙ୍ଗ ଦରକାର୍‌ମାନି କାଦି ମାରି ଏର୍ ମାରି ଆରାନି ଉଣ୍ଡିଙ୍ଗ ଦରକାର୍‌ମାନି ଆଙ୍ଗୁ ପାସିୟା ଉଣ୍ଡିଙ୍ଗ ବେମ୍‌ରି ଆମାଟ୍ । କାଦିଦି ମାଣକୁ ଜିବନ୍ ଇନିକା ନାଣ୍ଡ ଦାରା ସିଲେ ? ଆଙ୍ଗୁ ପାସିୟା ମାଣକୁ ମେନ୍ଦଲ୍ଡି ଇନିକା ନାଣ୍ଡ ଦାରା ସିଲେ ?

୨୬ ପଟିଆଙ୍ଗୁ ୟୁଡ଼ୁ । ଞ୍ଜାକ୍ ଞ୍ଜିଡ଼ୁ ଞ୍ଜିଡ଼ୁ । ପାସି ଉଣ୍ଡା କିଜି କଲ୍‌କିଦୁ ଉଣ୍ଡାକିଡ଼ । ଆରିଙ୍ଗବା ମି ମୁସକୁପୁରତି ରୁବା ଞ୍ଜାନିକାଙ୍ଗୁ ତିନ୍ତେଙ୍ଗୁ କାଦି ସିନାନ୍ । ମିର୍ ଇନିକା ପଟିଙ୍ଗୁ ମାଣକୁ ନାଣ୍ଡ ଦାରା ସିଲେ ?

୨୭ ମି ଲୋଇ ଏନ୍ ସିନ୍ତା କିଜି କିଜି ନିଜେଦି ଜିନି ବାସୁ ପିରିସ୍ କିଦେଙ୍ଗ ଆଟ୍‌ନାନ୍ ?

୨୮ “ଆଙ୍ଗୁ ପାସିୟା ଉଣ୍ଡିଙ୍ଗ ଏନ୍ଦା ଦାନ୍ଦା ଆଜିନିଦେର୍ ? ସୁଡ଼ୁ, ବନ୍ତି ପୁଙ୍ଗୁକାଙ୍ଗୁ ଏଣ୍ଡେସ୍ ପିର୍‌ନେ । ଞ୍ଜାକ୍ ପାଣିକିଡ଼ କି ନିଜେଦି ଉଣ୍ଡିଙ୍ଗ ଆଙ୍ଗୁ ରସ୍‌ଡ଼ ।”

୨୯ ମାତର ନାନ୍ ମିଙ୍ଗୁ ଇଜିନା, ରାଜା ସଲମନ୍ ଞ୍ଜାନି ଞ୍ଜିଦୁ ଦନ୍ ମାରିଙ୍ଗ ବା, ଇୟା ପୁଙ୍ଗୁକା ଞ୍ଜା ସୁନ୍‌ର୍ ଆଙ୍ଗୁ ଏସାଙ୍ଗୁ ଆରାଏନ୍‌ମାନ୍‌ନାନ୍ ।

୩୦ ମାତର ନେର୍ ଆମା ଲାଟା କିଡ଼ିଇଦୁ ମାନାତ୍, ଞ୍ଜିଗେରିଙ୍ଗ ତେବାଏଡ଼ କୟାୟ୍‌ଆଜି ସିସୁଗୁଟାଦୁ ପୋକ୍‌ନାଟ୍ । ମାତର ଆୟାଞ୍ଜିଦୁ ବା ମାପୁରୁ ଏସା ସୁନ୍‌ର୍ ଆଙ୍ଗୁ ଆଣ୍ ରସ୍‌ତାମାନାନ୍ । ମିଙ୍ଗୁ ଆଙ୍ଗୁ ପାସିୟା ସିଦେଙ୍ଗ ଇଜି ଞ୍ଜାନ୍ ଇନିକା ନାଣ୍ଡ ସୁଡ଼ୁଏନ୍ ? ମି ବିସ୍‌ବାସ୍ ସତେ ଏସା ଉଣା !

୩୧ “ଆରିଙ୍ଗ, ନା କାଦି ଏମେଣ୍‌କୁ ଞ୍ଜାନାତ୍, ମାରି ନା ଉଣିକା ? ମାରି ଆଙ୍ଗୁ ? ଇୟା ବିସ୍‌ୟତାନ୍ ସିନ୍ତା କିମାଟ୍ ।”

୩୨ ଏମେକାର୍ ମାପୁରୁଙ୍ଗୁ ନେସ୍‌ଇମାନି ଅଣଜିହୁଦି ଲୋକୁ ଇୟାଞ୍ଜିଦୁ ବିସ୍‌ୟ ପୟ୍‌ଜି ଅନାର୍ । ମାରି ଇୟାଞ୍ଜିଦୁ ବିସ୍‌ୟ ଜେ ମି ଦରକାର୍‌ମାନାତ୍, ଆକା ମି ମୁସକୁପୁରତି ରୁବା ନେସ୍‌ନାନ୍ ।

୩୩ ମାରି ମାପୁରୁଦି ରାଜି ବିସ୍‌ୟ ମାରି ମାପୁରୁ ମି ମାଣକୁ ଇନିକା ବଦାକିନାନ୍, ଇୟା ମାଟା ମି ମନ୍‌ତୁ ଆଗ୍‌ଡ଼ି ବାଡ଼ି ସିଦୁ । ଆରିଙ୍ଗ ଞ୍ଜାନ୍ ମିଙ୍ଗୁ ଆଇ ଞ୍ଜିଦୁ ବିସ୍‌ୟ ଉଣ୍ଡାକିନାସିନାନ୍ ।

୩୪ ମାରି ଞ୍ଜିଗେରି ଉଣ୍ଡିଙ୍ଗ ସିନ୍ତା କିମାଟ୍ । ଞ୍ଜିଗେରି ସିନ୍ତା ଞ୍ଜିଗେ କିନିଦେର୍ । ଞ୍ଜିଗେରି ବିସ୍‌ୟତାନ୍ ସିନ୍ତା କିଜି ନେର୍‌ଇ ଦାନ୍ଦାଦିଙ୍ଗ ପିରିସ୍ କିମାଟ୍ ।



ଆଇ ଲୋକାଙ୍ଗୁ ବିସାର୍‌କିନିକା
(ଲୁକ ୬:୩୭-୩୮, ୪୧-୪୨)

୧ “ଆଇଞ୍ଜାରି ଦସ୍ ପୟ୍‌ଜିରୁଲ୍‌ମାଟ୍ । ଆରିଙ୍ଗ ମାପୁରୁ ବା ମି ଦସ୍ ଆସ୍‌ଏନ୍ ।”

୨ *ଆଇଞ୍ଜାରି ଦସ୍ ବିସ୍‌ୟତାନ୍ ମିର୍ ଏଣ୍ଡେସ୍ ବିସାର୍ କିଜିମାନିଦେର୍, ମାପୁରୁ ଆୟାଞ୍ଜା ମି ବିସାର୍ କିନାନ୍ । ମିର୍ ଆଇଞ୍ଜାରି ଉଣ୍ଡିଙ୍ଗ ଏମେ ନିୟ୍‌ମ୍ କିନିଦେର୍, ଆୟା ନିୟ୍‌ମ୍ ମାପୁରୁ ମି ଉଣ୍ଡିଙ୍ଗ ବା କିନାନ୍ ।

୩ ମି କାଣ୍ଗାଦୁ କାଣ୍ଡିପିଲା ମାନିଞ୍ଜାଲେ ଏନ୍ଦା ମି ତଡ଼ାନ୍ତି କାଣ୍ଗାଦୁ ମାନି ଇସ୍‌କାସ୍ତାଦି ଉଣ୍ଡିଙ୍ଗ ମିର୍ ଏନ୍ଦା ମନ୍‌ସିଜିନିଦେର୍ ?

୪ ନିଜେଦି କାଣ୍ଗାଦୁ କାଣ୍ଡିପିଲା ମାନବୁ ମାନବୁ ମିର୍ ଆମା ସାହାସ୍‌ତାନ୍ ମି ତଡ଼ାନ୍ତି କାଣ୍ଗାଦାନ୍ ଇସ୍‌କାସ୍ତା କାଣ୍ଡିଦିଙ୍ଗ କୁଡ଼ନା ପୋକ୍‌ନାପ୍ ଇଜି ଇଜିନିଦେର୍ ?

* ୨:୨ ମାର୍କ ୪:୨୪.

୫ ଏ ପୁଲ୍ଲୀପୁଲ୍ଲି କିନିକିନ୍ଦେର ! ମି କାଣ୍ଡାଦାନ କାଣ୍ଡିପିଲ୍ଲୀଦିଙ୍କ ଆଗ୍ଡି ସପ୍ପ ପକ୍ତୁ । ଆରିଙ୍କ ମି ତଡ଼ାନତି କାଣ୍ଡାଦାନୁ ମାନି ଇସ୍ତିକାସ୍ତା କାଣ୍ଡିଦିଙ୍କ ମିର ଉସାସ୍ତାନୁ ସୁଡ଼ଜି କୁଡ଼ତେଙ୍କ ଆଟ୍ଟନିଦେର ।

୬ ନୁକୁଡ଼ିଆଙ୍କ ପବିତ୍ର କାଦି ସିମାଟ୍ । ଇରିଙ୍କ ଝାକ୍ ମାର୍ଜି ମିଙ୍କ କାଟ୍ଟନେପକ୍ତନେ । ପାନଶ୍ଚିଙ୍କ ଆଗ୍ଡି ଝେଣ୍ଡି ପକ୍ତମାଟ୍ । ତାନି ଦାରା ବୁଜାଏଣ୍ଡା ତାନିଙ୍କ ଝାକ୍ କେବଲ୍ ପାଦାମ୍ତୁ ମାଟ୍ଟନାପକ୍ତନାଟ୍ ।

ଲୋସ୍ତୁ, ପୟ୍ତୁ ମାରି ସେରଲ୍ଲୀଦୁ କଡ଼ତୁ
(ଲୁକ ୧୧:୯-୧୩)

୭ ଲୋସ୍ତୁ, ଆରିଙ୍କ ମିଙ୍କ ସିଆଇଆନାଟ୍; ପୟ୍ତୁ ମିର ପୟ୍ତନିଦେର; ସେରଲ୍ଲୀଦୁ କଡ଼ତୁ, ଆବେଟ୍ଟକୁ ମି ଉଣ୍ଡିଙ୍କ ସେରଲ୍ଲୀ ରେନାସିନାନ୍ ।

୮ ଏନ୍ ଲୋସ୍ତନାନ୍, ଝାନିଙ୍କ ସିଆଇଆନାଟ୍; ଏନ୍ ପୟ୍ତନାନ୍, ଝାନ୍ ପୟ୍ତନାନ୍; ଏନ୍ ସେରଲ୍ଲୀଦୁ କଡ଼ନାନ୍, ଝାନି ଉଣ୍ଡିଙ୍କ ସେରଲ୍ଲୀ ରେଆଇଆନାଟ୍ ।

୯ ମି ଲୋଇ ଇୟାଝାଜା ଏମେ ବୁବା ମାନାନ୍, ଏନ୍ ନିଜେଦି କଡ଼ ରୁଟି ଲୋସ୍ତିଙ୍କ ଝାନିଙ୍କ କାଲୁ ସିନାନ୍ ?

୧୦ ମାରି ଝାନ୍ ମିନି ଲୋସ୍ତିଙ୍କ ଝାନିଙ୍କ ଇନିକା ସାରାସ୍ ସିନାନ୍ ?

୧୧ ମିର ତାଗ୍ଲ ଲୋକୁ ଆଡ଼ିଙ୍କ୍ଟା ଏସ୍ତିଝାଲେ ନିଜେଦି ନିଜେଦି କଡ଼ରିଙ୍କ୍ଟା ନେଗି ନେଗି ଜିନିସ୍ ସିଦେଙ୍କ୍ଟା ନେସ୍ନିଦେର, ଆରିଙ୍କ ମି ମୁସ୍ତୁପୁରତି ବୁବା ଝାନି ମାନୁ ଲୋସ୍ତନି ଲୋକାଙ୍କ୍ଟା ଏସ୍ ନାଣ୍ଡ ନେଗି ନେଗି ଜିନିସ୍ ସିଏନ୍ନ !

୧୨ ମି ଉଣ୍ଡିଙ୍କ୍ଟା ଆଇକାର୍ ଆମାକା କିପିର ଇଜି ମିର ବଦା କିନିଦେର, ମିର ଆଇଝାରି ଉଣ୍ଡିଙ୍କ୍ଟା ଆୟାଝାଜା କିଦୁ । ଇରିଙ୍କ୍ଟା ମସା ସିଡ଼ିମାନି ନିୟ୍ମ୍ ନି ବାବବାଦିରି ଦାମ୍ପୁସାସ୍ତୁଦି ସିକିୟା ଆଜିନାଟ୍, ତେନି ସଡ଼ ମାଟା ।

ସିପଡ଼ି ସାରି
(ଲୁକ ୧୩:୨୪)

୧୩ ସିପଡ଼ି ସେରଲ୍ଲୀ ସିଜି ସାନ୍ତୁ । ଇରିଙ୍କ୍ଟା ସାନି ସାରିଦୁ ଅନି ନରକଦି ସାରି ଅସାର୍ ନି ପେରିକା । ନାଣ୍ଡ ଲୋକୁ ଆୟା ସାରି ସିଜି ସନାର୍ ।

୧୪ ମାତର୍ ଏସାଙ୍କ୍ ଝିଜ୍ଜ ଜିବନ୍ତୁ ସନି ରାସ୍ତା ଆଟ୍ଟା ମାରି ତାନି ସେରଲ୍ଲୀ ସିପଡ଼ି ମାରି ବେସିଉଣା ଲୋକୁ ଇୟା ସାରି ପୟ୍ତଜି ପୟ୍ତନାର୍ ।

ମାରାନ୍ ନି ତାନି ପଲ୍
(ଲୁକ ୬:୪୩-୪୪)

୧୫ ବଣ୍ଡ ବାବବାଦିରି ମାଣ୍ଡକୁ ସାବ୍ଦାନ ! ଝାର୍ ଆଡ଼ରେ ମେଣ୍ଡାଦିରୁପ୍ ଝାଜା ତରାନାର୍, ମାତର୍ ଝାର୍ ମନ୍ତୁ ଉଣ୍ଡି ଉଣ୍ଡି ବେନ୍ତୁ ଝାଜା ।

୧୬ ଝାରି ପାଣିସୁଣିଦାନ୍ ମିର ଝାରିଙ୍କ୍ଟା ସିନିସ୍କିନିଦେର । ସାମ୍ ଦୁପାଦୁ ଅଜୁର୍ ଆସ୍ଏଡ଼ ମାରି କଡ଼ି ମାରାତୁ ତଗା ପଲ୍ ଆସ୍ଏଡ଼ ।

୧୭ ନେଗି ମାରାତୁ ନେଗି ପଲ୍ ଆସ୍ନାଟ୍ । ତାଗ୍ଲ ମାରାତୁ ତାଗ୍ଲ ପଲ୍ ଆସ୍ନାଟ୍ ।

୧୮ ନେଗି ମାରାତୁ ତାଗ୍ଲ ପଲ୍ ଆସ୍ଏଡ଼ ବା ତାଗ୍ଲ ମାରାତୁ ନେଗି ପଲ୍ ଆସ୍ଏଡ଼ ।

୧୯ ନେଗି ପଲ୍ ଆସ୍ଏଡ଼ିଙ୍କ୍ଟା ମାରାନ୍ କାତାଇଆଜି ସିସୁଦୁ ପକାୟ୍ ଆନାଟ୍ ।

୨୦ ଆୟାଝାଜା ବଣ୍ଡ ବାବବାଦିରି ପାଣିସାଣିଦାନ୍ ଝାରିଙ୍କ୍ଟା ମିର ସିନିସ୍କିଦେଙ୍କ୍ଟା ଆଟ୍ଟନିଦେର ।

ନାନ୍ ମିଙ୍କ୍ଟା ଏସାଙ୍କ୍ ନେସେଏ
(ଲୁକ ୬:୨୫-୨୬)

୨୧ ଏମେକାର୍ ନାଙ୍କ୍ଟା ପ୍ରୁ, ପ୍ରୁ, ଇଜି କୁକ୍ନାର୍, ଝାରି ମାଣ୍ଡକୁ ଝିଜେରେ ମୁସ୍ତୁପୁରତୁ ଡ଼ଗୁଦେଙ୍କ୍ ଆଟ୍ଟଏର୍ । ଏମେକାର୍ ନା ମୁସ୍ତୁପୁରତି ବୁବାଦି ବଦାଦାନ୍ ପାଣି କିନାର୍, କେବଲ୍ ଝାର୍ ମୁସ୍ତୁପୁରତୁ ଡ଼ଗୁଦେଙ୍କ୍ ଆଟ୍ଟନାର୍ ।

୨୨ ମାପୁରୁଦି ବିସାର୍ ଦିନ୍ ଇଗା ଝାଡ଼ିଙ୍କ୍ ଝିଜେରେ ନାଙ୍କ୍ଟା ଇନାର୍, ପ୍ରୁ, ପ୍ରୁ, ନି ଦର୍ତ୍ତାନ୍ ମାପ୍ ଇନିକା ବାବବାଦିର୍ ମାପୁରୁଦି ନେଗିକାରୁର୍ ଝେର୍ଏପ୍ମାର୍ହାପ୍, ପ୍ରୁ, ନି ଦର୍ତ୍ତାନ୍ ଦୁବେଙ୍କ୍ ଡ଼ିସିସ୍ତାମାର୍ହାପ୍ ମାରି ନାଣ୍ଡ କାବାଆନି ପାଣି କିତାମାର୍ହାପ୍ ।

୨୩ ନାସ୍ତିଝାଲେ ଝାରିଙ୍କ୍ଟା ନାନ୍ ଇନା, ମିଙ୍କ୍ଟା ନାନ୍ ଏସାଙ୍କ୍ ନେସେଏ । ଏ ତାଗ୍ଲ ପାଣିକିନି ଝିଜେରେ ନା ଲାକ୍ତୁରାନ୍ ଆକ ଆଦୁ !

ରିଏର୍ ଇଲୁ ରସ୍ନିକାର୍
(ଲୁକ ୬:୪୭-୪୯)

୨୪ ଏନ୍ ନା ମାଟା ଝେନ୍ଡ଼ି ମାନାନାନ୍, ଝାନ୍ ପିଡ଼ିପି ମୁସ୍ତୁ ଇଲୁ ତର୍ତ୍ତମାନି ବୁଦିମାନି ଲୋକୁ ଝାଜା ।

☆ ୭:୧୯ ମାତୃତ ୩:୧୦; ଲୁକ ୩:୯. ☆ ୭:୨୦ ମାତୃତ ୧୨:୩୩.

୨୫ ନାଶ୍ଟ ପିରୁ ଖାତାତ୍, ଗାତାଦି ଏର ପୁରୁଣ୍ ଆଜିସର୍ହାତ୍ ମାରି ଆୟା ଇଲୁ ମୁସ୍କୁ ନାଶ୍ଟ ତାକ୍ତାତ୍ ଗାଲି ଖାତାତ୍, ମାତର ଆୟା ଇଲୁଦି ମୁଲ୍ଲୁକୁନାଦି ଝିରଜ୍‌ଏତାତ୍ ।

୨୬ “ମାତର ଏମେକାର୍ ନା ମାଟା ଝେନଞ୍ଜି ମାନାଏନ୍, ଖାର୍ ବାଲିରୁମି ମୁସ୍କୁ ଇଲୁ ରସତିମାନି ମୁର୍କୁ ଖାଜା ।

୨୭ ନାଶ୍ଟ ପିରୁ ଖାତାତ୍, ଗାତା ଏରୁ ପାଡ଼ି ସତେ । ନାଶ୍ଟ ଗାଲି ଖାତାତ୍ ମାରି ଇଲୁ ଝିରଜିତାତ୍ । ଆକା ଏସା ବୟ୍‌କାର୍ ସତେ ।”

ଜିସୁଦି ଅଦିକାର୍

୨୮ ✱ଜିସୁ ଇୟାଝିଲୁ ମାଟା ଇରଇଝିସତି ଝେନକା, ଲୋକ୍ ଝିଜେରେ ଖାନି ସିକିୟାଦିକ୍ କାବାଆତାର୍ ।

୨୯ ଜିସୁ ଆଇ ଦାମ୍‌ଗୁରୁରି ଖାଜା ସିକିୟା ସିଏନ୍‌ଶ୍ଟା ଅଦିକାର୍ ପୟ୍‌ତିମାନି ଲୋକ୍‌ତି ଖାଜା ସିକିୟା ସିଜିମାହାନ୍ ।



ଜିସୁ ଅରେନ୍ କୁସ୍ଟି ରୋଗିକ୍ ନେଗେନ୍‌କିତାନ୍

(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜିସୁ ଗରନ୍ ମୁସ୍କୁରାନ୍ ରେତାତି ଝେନକା ନାଶ୍ଟ ଲୋକ୍ ଖାନି ଝେନକା ବୁଲାଦେକ୍ ଆସ୍‌ତାର୍ ।

୨ ନାସ୍ତିଖାଲେ ଅରେନ୍ କୁସ୍ଟିରୋଗତି ଲୋକ୍ ଖାନି ଲାକ୍‌ତୁ ଖାଜି ମାଡ଼ିସ୍ କିଜି ଇହାନ୍, “ଏ ପ୍ରବୁ, ନିନ୍ ଜଦି ବଦା କିନି, ନାକ୍ ନେଗେଶ୍ଟ କିଦେକ୍ ଆଟ୍‌ନି ।”

୩ ଜିସୁ କିୟ୍ ପେରଜି ଖାନିକ୍ ମୁଟ୍‌ସି ଇହାନ୍, “ନାନ୍ ବଦା କିଜିନା, ନେଗେଶ୍ଟ ଆଆ ।” ଦାପେ ଦାପେ ଆୟା ଲୋକ୍‌ତି କୁସ୍ଟିରୋଗ୍ ନେଗେନ୍‌ଆତାତ୍ ।

୪ ଜିସୁ ଖାନିକ୍ ଇହାନ୍, “ଝେନଆ, ଜାଗାର୍‌ତା, ନିନ୍ ଏଶ୍ଟେସ୍ ନେଗେନ୍‌ଆତି, ଏକ୍‌ବା ଇନିକା ଇନ୍‌ମା; ମାତର ସିଦା ଜାଜକରି ମାନୁ ସଲ୍‌ସି ନିଜେଦିକ୍ ତରାଇଆଆ ମାରି ମୋସା ନେଗେନ୍ ଆତିମାନି ଇଜି ଝିଜେରିକ୍ ସାକି ସିଦେକ୍ ଇଜି ମୋସାଦି ଆଦେସ୍ ସିତିମାନି ପୁଜା ସିଆ ।”

ଜିସୁ ଅରେନ୍ ରମିୟ ନେତାଦି ପାଣିକିନିଖାନିକ୍ ନେଗେନ୍‌କିତାନ୍

(ଲୁକ ୭:୧-୧୧)

୫ ଜିସୁ କପରନାହୁମ୍ ଗାଡ଼ୁଡୁ ଡ଼ଗୁତି ଦାପ୍ରେ ଅରେନ୍ ରମିୟ ନେତା ଖାନିକ୍ ବେଟ୍‌ବୁଡ଼ାଜି ମାଡ଼ିସ୍‌କିଜି ଇହାନ୍,

୬ “ପ୍ରବୁ, ନା ଅରେନ୍ ପାଣିକିନିକାନ୍ ନବ୍‌ତି ଉଶ୍ଟିକ୍ ତରିତାମାନାନ୍ । ଖାନ୍ ବୁଲାସାଲାଦେକ୍ ଆଟ୍‌ଏଜିନାନ୍, ନାଶ୍ଟ ବାଦାଜି ଇଲୁଦୁ ତରିତାମାନା ।”

୭ ଜିସୁ ଇହାନ୍, “ନାନ୍ ଖାଜି ଖାନିକ୍ ନେଗେନ୍‌କିନା ।”

୮ ନେତା ଇହାନ୍, “ସିଲେ ପ୍ରବୁ” ନିନ୍ ଜେ ନା ଇଶ୍ଟ ପାଦାମ୍ ଇଡ଼ନି ନାନ୍ ଇୟାଖାଜା ଜୋଗ୍ ସିଲେ । ନିନ୍ କେବଲ୍ ଉନ୍‌ଡୁ ପଦମାଟାଦି ଆଦେସ୍ ଇନ୍‌ଆ, ନା ପାଣିକିନିକାନ୍ ନେଗେନ୍ ଆନାସନାନ୍ ।

୯ “ନା ପେରିଖାନି ଆଡ଼ଗିମାନ୍‌ଞ୍ଜି ନାନ୍ ପାଣି କିତିକ୍‌ବା ନା ଆଡ଼ଗି ନାଶ୍ଟ ସନ୍‌ଏ ଦଲ ମାନାର୍ । ଖାରି ଲୋଇ ଅରେନ୍ ଖାନିକ୍ ଜଦି ନାନ୍ ସାକ୍‌ଆ ଇଜି ଆଦେସ୍ ସିତିକ୍, ଖାନ୍ ସନାନ୍ । ଆଇଖାନିକ୍ ରାଆ, ଇଜି ଇରିକ୍, ଖାନ୍ ଖାନାନ୍ । ନା ସାକର୍‌ତିକ୍ ଇକା କିଆ, ଇଜି ଇନି ଦାପ୍ରେ ଖାନ୍ ଆକା କିନାନ୍ ।”

୧୦ ଜିସୁ ଇକା ଝେନଞ୍ଜି କାବାଆତାନ୍ ମାରି ଖାନି ଝେନକା ଖାଜିମାରି ଲୋକାକ୍ ଇହାନ୍, “ନାନ୍ ମିକ୍ ସଡ଼ଇଜିନା, ଇସ୍‌ଏଲ୍‌ତୁ ବା ଏମେ ଲୋକାମାନୁ ଇୟା ଲୋକ୍‌ତି ଖାଜା ବିସ୍‌ବାସ୍ ନାନ୍ ତଏ ।

୧୧ ✱ନାନ୍ ସଡ଼ ଇଜିନା, ଝେଡ଼ାସିନି ତରିଟି ଦେସ୍‌ତାନ୍ ମାରି ଝେଡ଼ାଆରୁନି ତରିଟି ଦେସ୍‌ତାନ୍ ନାଶ୍ଟ ଲୋକ୍ ଖାଜି ଅସ୍‌ହାମା, ଇସ୍‌ହାକ୍ ମାରି ଜାକୁବଦି ଖାଲେ ମୁସ୍କୁପୁରୁତି ରାଜିଦୁ ଅର୍‌ସେ ବଜିଦୁ ଉଶ୍ଟେକ୍ ବାସ୍‌ନାର୍ ।

୧୨ ✱ମାତର ଏମେକାର୍ ଇୟା ମାପୁରୁଦି ରାଜିଦୁ ମାନି ମାଟା, ଖାରିକ୍ ଆଡ଼ରେ ସିକାଟିଦୁ ପକ୍‌ନାର୍ । ଆବେ ଖାର୍ ଆଡ଼ବାଜି ପାଲ୍‌କୁ କାତ୍ରେ କିନାର୍ ।”

୧୩ ଜିସୁ ନେତେକ୍ ଇହାନ୍, “ଇନ୍‌ଡୁ ସାକ୍‌ଆ । ନିନ୍ ଆମାକା ବିସ୍‌ବାସ୍ କିଜିନି, ଆକାନେ ଗଟାନାତ୍ ।”

ଟିକ୍ ଆୟା ସମୟ୍‌ତୁ ନେତାଦି ପାଣିକିନିକାନ୍ ନେଗେନ୍‌ଆତାନ୍ ।

ଜିସୁ ନାଶ୍ଟ ଲୋକାକ୍ ନେଗେନ୍‌କିନାନ୍

(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାନେ ଝେନକା ଜିସୁ ପିତରକା ଇନ୍‌ଡୁ ସଲ୍‌ସି ସୁଡ଼ତୁନ, ପିତରତି ମିମ୍‌ସି ନବ୍‌ଆଜି କାଟେଲ୍‌ତୁ ତରିତାମାନାତ୍ ।

୧୫ ଜିସୁ ତାନି କିୟ୍‌ଦିକ୍ ମୁଟ୍‌ତି ଦାପ୍ରେ ତାନିକ୍ ନବ୍ ଡ଼ିସ୍‌ତାତ୍ ମାରି ଖାଦ୍ ନିକ୍‌ଜି ଖାରିକ୍ ସେବା କିଦେକ୍ ଆସ୍‌ତାତ୍ ।

✱ ୭:୨୮ ମାର୍କ ୧:୨୨; ଲୁକ ୪:୩୨. ✱ ୮:୧୧ ଲୁକ ୧୩:୨୯. ✱ ୮:୧୨ ମାତୃତ ୨୨:୧୩; ୨୫:୩୦; ଲୁକ ୧୩:୨୮.

୧୭ ମିଳିମିଳିକା ଆତାତୁଆକା ଲୋକୁ ନାଶ୍ଟ ଦୁବେଙ୍ଗ ଆସ୍ତି ଲୋକାଙ୍ଗ ଜିସୁ ଲାକ୍ତୁ ତାତାର । ଉଣ୍ଡି ପଦ୍ ମାତର୍ ମାଟାଦାନ୍ ଖାନ୍ ତାଗ୍ଲ ଆମେଆଙ୍ଗ୍ ଧେରିତାନ୍ ମାରି ରଗ୍ ଲୋକାଙ୍ଗ୍ ନେଗେଣ୍ଟ କିତାନ୍ ।

୧୮ ଇୟାଞ୍ଜାଜା ଖାନ୍ ବାବବାଦି ଜିସାୟଦି ବବିସ୍ତବାଣି ସତ୍ କିତାନ୍ । ଜିସାୟ ଇର୍ହାମାହାନ୍, “ଖାନ୍ ମା ଦୁକୁକାସ୍ତୁ ଓଜୁ ଅତାନ୍ ମାରି ମା ରଗ୍ ନେଗେନ୍କିତାନ୍ ।”

ଜିସୁଦି ସିସୁଆଦେଙ୍ଗ୍ ବଦାକିନି ଲୋକୁ
(ଲୁକ ୯:୫୭-୬୨)

୧୯ ଖାନି ସାରିବେଡ୍ଡି ଲୋକୁ ଓଜେରେ ଉଣ୍ଡାନିକା ସୁଡ୍ଡି, ଜିସୁ ଖାନି ସିସୁରିଙ୍ଗ୍ ଗାତାଦି ଆୟା ପାଡ୍ଡି ସନ୍ତେଙ୍ଗ୍ ଇର୍ହାନ୍ ।

୨୦ ଅରେନ୍ ଦାମ୍ବୁଗୁରୁ ଖାଜି ଜିସୁଙ୍ଗ୍ ଇର୍ହାନ୍, “ଗୁରୁ, ନିନ୍ ଏମେ ବାଡିଦୁ ସନି, ଆବେ ସନ୍ତେଙ୍ଗ୍ ଇଜି ନାନ୍ ତିଆରୁଆତାମାନା ।”

୨୧ ଜିସୁ ଖାନିଙ୍ଗ୍ ଇର୍ହାନ୍, “ଗଲୁଦିଙ୍ଗ୍ ତେବାଦେଙ୍ଗ୍ ସାରାଆ ମାନାତ୍, ବାଦଡ୍ଡି ପଟିଦିଙ୍ଗ୍ ତେବାଦେଙ୍ଗ୍ ଜାଲୁ ମାନାତ୍ । ମାତର୍ ଗୁରୁଦେଙ୍ଗ୍ ନି ରମଦେଙ୍ଗ୍ ଇଜି ମନୁସ୍ୟପୁତ୍ରଦିଙ୍ଗ୍ ବାଡି ସିଲେଡ୍ ।”

୨୨ ଜିସୁଦି ମାରି ଅରେନ୍ ସିସୁ ଇର୍ହାନ୍, “ପ୍ରୁ, ଆଗ୍ଡି ଡେସି ସଲ୍ସି ନା ବୁବେଙ୍ଗ୍ ମୁସ୍ତେଙ୍ଗ୍ ଇଜି ନାଙ୍ଗ୍ ସାରି ସିଦା ।”

୨୩ ଜିସୁ ଖାନିଙ୍ଗ୍ ଇର୍ହାନ୍, “ନା ଖେନ୍କା ଖେନ୍କା ରାଆ, ସାଡି ଖାରିଙ୍ଗ୍ ନିଜେ ନିଜେଦି ସାଡି ଲୋକାଙ୍ଗ୍ ମୁସ୍ତେଙ୍ଗ୍ ଇଜି ତ୍ରିସ୍ତୁ ।”

ଜିସୁ ଗାଲିପିରୁଦିଙ୍ଗ୍ ତିରକିତାନ୍
(ମାର୍କ ୪:୩୫-୪୧; ଲୁକ ୮:୨୨-୨୫)

୨୪ ଅରଲେନ୍ ଜିସୁ ତଙ୍ଗାଦୁ ଏକ୍ତି ଖେନ୍କା ଖାନି ସିସୁର ଖାନି ଖେନ୍କା ଖେନ୍କା ସର୍ହାର୍ ।

୨୫ ଦାପ୍ରେ ଗାତାଦୁ ଉଣ୍ଡି ପେରି ଗାଲିପିରୁ ନିଙ୍ଗ୍ ତାଡ୍ ମାରି ତଙ୍ଗା ଉଲ୍କାଏରତୁ ମୁଡ୍ଗୁଦେଙ୍ଗ୍ ଆସ୍ତାତ୍ । ମାତର୍ ନାସ୍ତିଞ୍ଜାଲେ ଜିସୁ ସୁଜିତାମାହାନ୍ ।

୨୬ ସିସୁର ଜିସୁଙ୍ଗ୍ ନିକ୍ସି ଇର୍ହାର୍, “ଏ ପ୍ରୁ, ମାଙ୍ଗ୍ ରକିୟାକିଆ । ଆସ୍ତିଙ୍ଗ୍ ମାପ୍ ମୁଡ୍ଗୁନା ସାନାପ୍ ।”

୨୭ ଜିସୁ ଖାରିଙ୍ଗ୍ ଇର୍ହାନ୍, “ଏନ୍ଦା ମିର୍ ନିସ୍ ତିଲାଜିନିଦେର୍ ?” ମିର୍ ଇନିକା ନିସ୍ ଅଡ୍ଡି ବିସ୍ବାସିର୍ ? “ତାନିଖେନ୍କା ଖାନ୍ ନିଙ୍ଗ୍ ଗାଲି ନି ଉଲ୍କାଏରତିଙ୍ଗ୍ ତିର୍ ଆଦେଙ୍ଗ୍ ଇଜି ଆଦେସ୍ ସିତାନ୍ ।” ଦାପେ ଦାପେ ଓଜୁ ତିର୍ ଆତାସର୍ହାଡ୍ ।

୨୮ ଆବେଟ୍ ଓଜେରେ କାବା ଆତାର୍ । ଖାର୍ ନିଜେ ନିଜେମାନୁ ଖାର୍ଗି ସତାର୍, “ଇକାନ୍ ଏଣ୍ଡେସ୍ ନାନି ଲୋକୁ ? ଗାଲି ନି ଉଲ୍କା ବା ଖାନି ଆଦେସ୍ ମାନାଜିନେ ।”

ରିଏର୍ ଦୁବାଆସ୍ତି ଲୋକାଙ୍ଗ୍ ଜିସୁ ନେଗେନ୍କିତାନ୍
(ମାର୍କ ୫:୧-୨୦; ଲୁକ ୮:୨୬-୩୯)

୨୯ ଖେନ୍କା ଜିସୁ ଗାତା ଆୟା ପାଡ୍ଡି ଗାଦରିୟରି ରାଜିଦୁ ଇତି ଦାପ୍ରେ ରିଏର୍ ଲୋକାଙ୍ଗ୍ ବେଟ୍ଟୁଡାତାନ୍ । ଖାର୍ ଆବେ ମାନି ଦୁକିଗୁଟାଦୁ ତେବାଜିମାହାନ୍ । ଖାର୍ ଦୁବେଙ୍ଗ୍ କାସ୍ତିକାର୍ ମାରି ନିସ୍ ତିୟେଲ୍ଜେ ଆୟା ସାରିସିଜି ସନିଖାନିକା କିଦେଙ୍ଗ୍ ଏନ୍ ସାସ୍ କିଏଜିମାହାନ୍ ।

୩୦ ଖାର୍ ଜିସୁଙ୍ଗ୍ ସୁଡ୍ଡି ଦାପ୍ରେ ଆଉଲି ଆଜି ଇର୍ହାନ୍, “ଏ ମାପୁରୁଦି ମାରିସି ! ମାବାଣକୁ ନିନ୍ ଇନିକା ବଦାକିନି ? ମା ବେଡା ଆଏନ୍ଣା ମାଙ୍ଗ୍ ଇନିକା ଦଣ୍ଡି ସିଦେଙ୍ଗ୍ ଖାଡିମାନି ?”

୩୧ ଆବେଣ୍ଟକୁ ଏସ୍ ଆକଉଣ୍ଡି ପେରି ପାନ୍ଣିଙ୍ଗ୍ ମାନ୍ଦା ସାରାଜିମାର୍ସ ।

୩୨ ଆୟା ଲୋକାମାନୁ ମାନି ତାଗ୍ଲ ଆଡ୍ମେଙ୍ଗ୍ ଜିସୁଙ୍ଗ୍ ମାଡ୍ଡିସ୍ କିଜି ଇର୍ସ୍, “ମାଙ୍ଗ୍ ଜଦି ପେର୍ଦେଙ୍ଗ୍ ବଦାକିଜିନି, ଆୟା ପାନ୍ଡ୍ଡି ମାନ୍ଦା ଲୋଇ ମାଙ୍ଗ୍ ପକ୍ଆ ।”

୩୩ ଜିସୁ ଇର୍ହାନ୍, “ସାନ୍ଡୁ” ଦୁବେଙ୍ଗ୍ ଦାପେ ଦାପେ ଲୋକାଙ୍ଗ୍ ତ୍ରିସ୍ସି ପାନ୍ଡ୍ଡି ମାନ୍ଦା ଲୋଇ ତ୍ରିଗୁଡେ । ପାନ୍ଡ୍ଡି ମାନ୍ଦା ଉରୁକ୍ସି ସର୍ହେ ମାରି ଗରନ୍ ଚିପୁଦାନ୍ ଉରୁକ୍ସି ସଲ୍ସି ସାମ୍ବୁରତୁ ଆରଜି ମୁଡ୍ଗୁଡେ ସାତେ ।

୩୪ ପାନ୍ଡ୍ଡିଆଙ୍ଗ୍ ସାଆରା କିନି ଲୋକୁ ଲାକ୍ତୁରି ଗାଡ୍ଡକାଙ୍ଗ୍ ନି ନାରକାଙ୍ଗ୍ ସିଲ୍ସି ଦୁବେଙ୍ଗ୍ ଆସ୍ତି ଲୋକାଙ୍ଗ୍ ଇନିକା ଗଗାତାମାହାଡ୍ ମାରି ଆଇ ଓଜୁ ମାଟା ଆବେ ଖେର୍ତାର୍ ।

୩୫ ଆଦେଙ୍ଗ୍ ଆୟା ଗାଡ୍ଡି ଓଜେରେ ଜିସୁଙ୍ଗ୍ ବେଟ୍ଟୁଡାଦେଙ୍ଗ୍ ସହସି ଖାତାର୍ ମାରି ଖାନିଙ୍ଗ୍ ସୁଡ୍ଡି ଖେନ୍କା ଆୟା ରାଜିଦାନ୍ ତ୍ରିସ୍ସି ସନ୍ତେଙ୍ଗ୍ ଜିସୁଙ୍ଗ୍ ମାଡ୍ଡିସ୍କିତାର୍ ।



ଜିସୁ ଅରେନ୍ ପକିୟାଗାତି ରୋଗିଙ୍କ ନେଗେନ୍‌କିତାନ୍

(ମାର୍କ ୨:୧-୧୨; ଲୁକ ୫:୧୭-୨୬)

୧ ଜିସୁ ଡକ୍ଟର ବାସସି ଗାତାଦି ଆୟାପାଡ଼ି ମାନି ଖାନି ଗାଡ଼ୁଡ଼ୁ ଡେସିସର୍ହାନ୍ ।

୨ ଆବେ ଅରେନ୍ ଲୋକ୍ ପକିୟାଗାତି ରୋଗ୍ ଲୋକ୍‌ତିଙ୍କ୍ ଲୋକ୍ ଖାନି ଲାକ୍‌ତୁ ତାତାର୍ । ରଗ୍‌ତିକାନ୍ ଖାନି ଖାଟେଲ୍‌ତୁ ଡରିତାମାହାନ୍ । ଖାରି ନିସ ବିସ୍‌ବାସ୍ ସୁଡ଼ଜି ଜିସୁ ପକିୟାଗାତି ରୋଗ୍ ଲୋକ୍‌ତିଙ୍କ୍ ଇର୍ହାନ୍, “ଏ ମାରିନ୍, ସାହାସ୍ ଆସ୍‌ଆ । ନି ପାପ୍‌ଞ୍ଜି କେମା ଆତାମାନାଡ଼ ।”

୩ ଏସ ସାସ୍ତିର୍ ଇୟା ମାଟା ଖେନ୍‌ଞ୍ଜି ଖାରି ଖାରି ଲୋକ୍ ଖାର୍‌ଗିଦେଙ୍କ୍ ଆସ୍‌ତାର୍, “ଇୟା ଲୋକ୍ ମାପୁରୁଙ୍କ୍ ନିନ୍ଦା କିଜିନାନ୍ ।”

୪ ଖାରି ମୋନ୍‌ତୁ ମାଟା ନେସ୍‌ସି ଜିସୁ ଇର୍ହାନ୍, ମିର୍ ଏନ୍ଦା ନିଜେ ନିଜେଦି ମନ୍‌ତୁ ଇୟାଖାଜା ତାଗ୍‌ଇ ମାଟା ଅଡ଼ବିଜିନିଦେର୍ ?

୫ ଇନିକା ଉସାସ୍ ? ନି ପାପ୍‌ଞ୍ଜି କେମା ଆତାଡ଼ ଇଜି ଇନିକା, ମାରି, ନିଙ୍‌ଆ, ବୁଲାଆ ଇଜି ଇନିକା ?

୬ ମାତର୍ ପାପ୍‌କେମା କିନି ଉଣ୍ଡିଙ୍କ୍ ବା ଦୁନିଆଦୁ ମନ୍‌ସ୍ୟପୁତ୍ରଦି ଅଦିକାର୍ ମାନାଡ଼, “ଇୟା ମାଟା ମି ଆଗ୍‌ଡ଼ି ପାର୍‌ମାଣ୍‌କିନା ।” ତାନିଖେନ୍‌କା ଜିସୁ ପକିୟାଗାତି ଇର୍ହାନ୍, “ନିଙ୍‌ଆ, ନିଜେଦି ଟାଟି ଆସ୍‌ସି ମି ଇଣ୍ଡି_ସାଙ୍କ୍‌ଆ ।”

୭ ରଗ୍ ଲୋକ୍ ନିଙ୍‌ଜି ଇନ୍‌ଡ଼ୁ ସର୍ହାନ୍ ।

୮ ଲୋକ୍ ଇକା ସୁଡ଼ଜି ଡିଲାତାର୍ । ମାତର୍ ଲୋକ୍‌ତିଙ୍କ୍ ଇୟାଖାଜା ଅଦିକାର୍ ସିତାମାନାନ୍‌ଆକା ଖାର୍ ମାପୁରୁଦି ଦନ୍‌ସବାଦ୍ କିତାର୍ ।

ଜିସୁ ମାତିଉଙ୍କ୍ କୁକ୍‌ତାନ୍

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜିସୁ ଆବେଟ୍‌କୁ ବୁଲାଜିସନିଖାଲେ ମାତିଉ ଦର୍‌ତି ଅରେନ୍ ସିସ୍‌ରୁ ଲୋସ୍‌ନିଖାନିଙ୍କ୍ ନିଜେଦି ପାଣିକିନି ବାଡ଼ିତୁ ବାସ୍‌ନିମାନିକା ସୁଡ଼ତୁନ୍ ମାରି ଖାନିଙ୍କ୍ କୁକ୍‌ସି ଇର୍ହାନ୍, “ନା ଖେନ୍‌କା ଖେନ୍‌କା ରାଆ ।”

ମାତିଉ ନିଙ୍‌ଜି ଖାନି ଖେନ୍‌କା ସର୍ହାନ୍ ।

୧୦ *ଜିସୁ ମାତିଉରି ଇଲ୍‌ତୁ ଉଣିଖାଲେ ନାଣ୍ଡି ସିସ୍‌ରୁ ଲୋସ୍‌ନିକାର୍ ମାରି ପାପି ଲୋକ୍ ଖାନି ଖାଲେ ମାରି ଖାନି ସିସ୍‌ରି ଖାଲେ ଉଣ୍ଡେଙ୍କ୍ ବାସ୍‌ତାର୍ ।

୧୧ ଏସଲୋକ୍ ପାରୁସିର୍ ଆକା ସୁଡ଼ଜି ଜିସୁଦି ସିସ୍‌ରିଙ୍କ୍ ଖେନ୍‌ବାତାର୍, “ମି ଗୁରୁ ସିସ୍‌ରୁ ଲସ୍‌ନିଖାରିଖାଲେ ନି ପାପିଲୋକା ଖାଲେ ଏନ୍ଦା ଅରସେ ବାସ୍‌ସି ଉଣ୍ଡିଜିନାନ୍ ।”

୧୨ ଜିସୁ ଖାରି ମାଟା ଖେନ୍‌ଞ୍ଜି ଇର୍ହାନ୍, “ନେଗି ଲୋକା ଉଣ୍ଡିଙ୍କ୍ ତାକ୍‌ତର୍‌ତି ଲୋଡ଼ା ସିଲେଡ଼ । କେବଲ୍ ରଗ୍ ଲୋକ୍ ତାକ୍‌ତର୍‌ତି ଲୋଡ଼ାକିନାର୍ ।

୧୩ *ସାସ୍‌ତୁ ରାସାତାମାନାଡ଼, ନାନ୍ ବଦାକିନା ଦୟା, ପୁଜାସିନିକା ସିଲେ ଇୟା ମାଟାଦି ଅର୍ତ୍ ଇନିକା, ସଲ୍‌ସ ବୁଜାଦେଙ୍କ୍ ବଦାକିତୁ । ନାନ୍ ଦାମ୍‌ ଲୋକାଙ୍କ୍ କୁକ୍‌ତେଙ୍କ୍ ରେଏ; ମାତର୍ ପାପି ଲୋକାଙ୍କ୍ କୁକ୍‌ତେଙ୍କ୍ ଇଜି ଖାତାମାନା ।”

ଉପାସ୍ ବିସୟତାନ୍ ଖେନ୍‌ବାତାର୍

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ତେନିଖେନ୍‌କା ତୁବନ୍ ସିନି ଯୋହନତି ସିସ୍‌ରୁ ଜିସୁ ଲାକ୍‌ତୁ ଖାଜି ଖେନ୍‌ବାତାର୍, “ମାପ୍ ନି ପାରୁସିର୍ ନିସ ଦେବେଙ୍କ୍ ଉପାସ୍‌କିଜିନାପ୍, ନି ସିସ୍‌ରୁ ଏନ୍ଦା ଏସାଙ୍କ୍ ବା ଉପାସ୍‌କିଏଜିନାର୍ ?”

୧୫ ଜିସୁ ଇର୍ହାନ୍, ପେଡ଼ିତୁ ମୁରୁଲି ମାନିସାନ୍ କୁଡ଼ାଙ୍ଗା ଇନିକା ଦୁକ୍‌କିନାର୍ ? ଏସାଙ୍କ୍ ସିଲେ । ମାତର୍ ଦିନ୍ ଖାନାଡ଼, ଏସ୍‌ିଖାଲେ ମୁରୁଲି ସନାନ୍; ନାସ୍‌ିଖାଲେ ଖାର୍ ଉପାସ୍ କିନାର୍ ।

୧୬ “ଏନ୍ ପାଡ଼ିଇ ଖାତିଦୁ ପୁନି କନାଦି ଜାଲି ଗୁଡ଼ଏନ୍ । ଇରିଙ୍କ୍ ପୁନି କନାଦି ଜାଲି ରେଲାଇଆଜି କିଜିତି ବାଡ଼ିଦିଙ୍କ୍ ନାଣ୍ଡି କିଜିସ୍‌କିନାଡ଼ ।”

୧୭ “ଏନ୍ ପାଡ଼ିଇ ତଲ୍ ମଣିଦୁ ପୁନି ଅଙ୍ଗୁରରସ୍ ବର୍‌କିଜି ଇଡ଼ଏନ୍ । ଇରିଙ୍କ୍ ଆବେଟ୍‌କୁ ମଣି ପାଡ଼ିଜିସଲ୍‌ସି ସେଏଣ୍ଡିଆନାଡ଼ ମାରି ଅଙ୍ଗୁରରସ୍ ସହସି ଆଡ଼ଗିଖାଙ୍କ୍ ୍ରେନ । ଅଙ୍ଗୁର ରସ୍‌ତିଙ୍କ୍ ପୁନି ତଲ୍ ମଣିଦୁ ଇଟ୍‌ତିଙ୍କ୍, ରୁଣ୍ଡି ଅଙ୍ଗୁରରସ୍ ନି ତଲ୍‌ମଣି ନେଗେଣ୍ଡିତେବାନେ ।”

* ୯:୧୦ ଲୁକ ୧୫:୧,୨. * ୯:୧୩ ମାତ୍ରିକ ୧୨:୭.

ଜାଇରସ୍‌ତି ଗାଡ଼ି, ମାରି ଜିସୁସ୍‌ସି ସାଦର ଜାଲି ମୁଟ୍‌ନି ଆଇମା
(ମାର୍କ ୫:୨୧-୪୩; ଲୁକା ୮:୪୦-୫୬)

୧୮ ଜିସୁ ଇୟାଞ୍ଜିଲୁ ସିକିୟା ସିନିଞ୍ଜାଲେ ଅରେନ୍ ଜିହୁସି ପେରି ପାଣିକିନିକାନ୍ ଖାନି ଲାକ୍‌ତୁ ଖାଜି ମେଣ୍ଡେଜ୍ ଗଟ୍‌କିଜି
ଇର୍ହାନ୍, “ଇୟାଦାପ୍ରେ ନା ଗାଡ଼ି ସାତାମାନାଡ଼ । ମାତର ନିନ୍ ଖାଜ ତାନି ମୁସ୍‌କୁ କିୟ୍ ଇଟ୍‌ଜି, ଖାଦ୍ ସତେନେ ଜିନାଡ଼ ।”

୧୯ ଦାପେ ଦାପେ ଜିସୁ ନିଜ୍‌ତାନ୍ ମାରି ଖାନ୍ ନି ଖାନି ସିସୁର୍ ଆୟା ପାଣିକିନିଞ୍ଜାନି ଖେନ୍‌କା ଖେନ୍‌କା ସର୍ହାର୍ ।

୨୦ ଖେନ୍‌କା ଅରେଡ଼ ଆଇମାଲୋକ୍ ଖାନି ଖେନ୍‌କା ତରିଗାନ୍ ଖାଜି ଖାନି ଖାତି ଜାଲିଦିଜ୍ ମୁଟ୍‌ତାଡ଼ । ଖାଦ୍ ବାର
ବାରସେକ୍ ସାନ୍ ସୁଡୁକ୍ ଆନି ରୋଗ୍ ଦଣ୍ଡୁବଗାଜି ମାର୍ହାଡ଼ ।

୨୧ ଖାଦ୍ ମୋନ୍‌ତୁ ମୋନ୍‌ତୁ ଅଡ଼୍‌ବିତାଡ଼, “କେବଲ୍ ଖାନି ଖାତିଦିଜ୍ ମୁଟ୍‌ତେଜ୍ ଆଟ୍‌ଜିଜ୍, ନାନ୍ ନେଗେନ୍ ଆନାସନା
।”

୨୨ ଜିସୁ ମାରଜି ବେସସି ତାନିଜ୍ ସୁଡୁତୁନ୍ ମାରି ଇର୍ହାନ୍, “ଆଇଲି, ସାହାସ୍ ଆସ୍‌ଆ । ନି ବିସ୍‌ବାସ୍ ନିଜ୍‌ ନେଗେନ୍
କିତାମାନାଡ଼ ।” ଆୟା ଦାପ୍ରେ ଆୟା ଆଇମା ନେଗେନ୍ ଆତାସର୍ହାଡ଼ ।

୨୩ ତାନି ଖେନ୍‌କା ଜିସୁ ଆୟା ଜିହୁସିରି ପେରି ପାଣିକିନିଞ୍ଜାନି ଇଲ୍‌ତୁ ଇତାନ୍ । ଆବେଟ୍ ମୁସ୍‌ନିଞ୍ଜାଲେ ପିରଡ଼ି
ଉକୁତେଜ୍ ଇଜି କୁକ୍‌ତିମାର୍‌ଇ ଲୋକ୍ ନି ଆଇ ଲୋକ୍ ଆଉଲିଆଜିମାନିକା ସୁଡ଼ଜି,

୨୪ ଜିସୁ ଇର୍ହାନ୍, “ଓଜେରେ ଇବେଟ୍‌କୁ ସହସ୍ ସାନ୍‌ତୁ ! ଆଇଲି ସାଏଡ଼ । କେବଲ୍ ଖାଦ୍ ସୁସ୍‌ତାମାନାଡ଼ !” ଖାନି
ମାଟା ଖେନ୍‌ଜି ଓଜେରେ ବାସେ କିତାର୍ ।

୨୫ ମାତର ଖାର୍ ସତି ସର୍‌ରି ଖେନ୍‌କା ଜିସୁ ଆଇଲିଦି ବାକ୍‌ରାଦୁ ସଲ୍‌ସି ତାନି କିୟ୍ ଆସ୍‌ସି ନିକ୍‌ତାନ୍ ମାରି ଖାଦ୍
ନିଜ୍‌ତାଡ଼ ।

୨୬ ଇୟା ଗଟ୍‌ନାଦି କାରୁର୍ ଆୟା ରାଜି ଓଜୁ ତରିନ୍ ଖେଜ୍‌ତା ସର୍ହାଡ଼ ।

ଜିସୁ ରିଏର୍ କାଣାରିଜ୍ ସୁଣ୍‌ନି ସାକ୍ତି ସିତାନ୍

୨୭ ଜିସୁ ଆବେଟ୍‌କୁ ସନିଞ୍ଜାଲେ ରିଏର୍ କାଣାର୍ ଖାନି ଖାଲେସର୍ହାର୍ । ଖାର୍ ଆଉଲିଇଜି ଇର୍ହାର୍, “ଏ ଦାଉଦତି
ମାରିନ୍, ମାଜ୍‌ ଦୟା କିଆ ।”

୨୮ ଜିସୁ ଉଣ୍ଡି ଇନ୍‌ଡୁ ଡ଼ରୁତାନ୍ । ମାରି ଖାନ୍ ବା ସଲ୍‌ସି ଆୟା ଇନ୍‌ଡୁ ଡ଼ରୁତାର୍ । ଆବେ ଜିସୁ ଖାରିଜ୍ ଖେନ୍‌ବାତାନ୍,
“ନାନ୍ ମିଜ୍‌ ନେଗେନ୍ କିଦେଜ୍ ଆଟ୍‌ନାଇଜି ବିସ୍‌ବାସ୍ କିଜିନିଦେର୍‌ନୋ ?”

ଖାର୍ ଇର୍ହାର୍, “ହୁଁ ପ୍ରୁ ।”

୨୯ ନାସ୍‌ିଞ୍ଜାଲେ ଜିସୁ ଖାରି କାଣ୍‌କାଜ୍ ମୁଟ୍‌ସି ଇର୍ହାନ୍, “ମି ବିସ୍‌ବାସ୍ ଇସାବ୍‌ତାନ୍ ଆକା ଆପିଡ଼ ।”

୩୦ ଆୟାଦାପ୍ରେ ଖାର୍ କାଣ୍ଡୁକୁ ସୁଡ଼ଦେଜ୍ ଆଟ୍‌ତାର୍ । ଜିସୁ ଖାରିଜ୍ ନାଣ୍ଡୁ ଆଟ୍‌ଖା ଆଦେସ୍ ସିଜି ଇର୍ହାନ୍, “ଜାଗାର୍‌ତା !
ଏନ୍ ଏଣ୍ଡେସ୍ ଇୟା ମାଟା ନେସ୍‌ଏନ୍ ।”

୩୧ ମାତର ଖାର୍ ଆବେଟ୍‌କୁ ସହସି ସଲ୍‌ସି ଜିସୁସି ଇୟା ମାଟା ଓଜୁ ରାଜି ତରିନ୍ ଖେଟ୍‌ତାର୍ ।

ଜିସୁ ଅରେନ୍ ଗୁଲେଜ୍ ନେଗେନ୍‌କିତାନ୍

୩୨ ଖାର୍ ସନିଞ୍ଜାଲେ ଏସ ଲୋକ୍ ଅରେନ୍ ଗୁଲେଜ୍ ଜିସୁ ଲାକ୍‌ତୁ ତାତାର୍ । ଖାନିଜ୍ ଦୁବା ଆସ୍‌ତାମାର୍ହାଡ଼ ଆକା ଖାନ୍
ଗୁଲା ଆତାସର୍ହାମାର୍ହାନ୍ ।

୩୩ ଜିସୁ ଖାନି ମେନ୍‌ଲ୍‌ତାନ୍ ଦୁବାଦିଜ୍ ସପ୍‌ତି ଦାପ୍ରେ ଖାନ୍ ମାଟା ଖାର୍‌ଗିଦେଜ୍ ଆସ୍‌ତାନ୍ । ଓଜେରେ କାବାଆଜି
ଇର୍ହାର୍, “ଇସ୍‌ଏଲ୍ ଦେସ୍‌ତୁ ମାପ୍ ଇୟାଞ୍ଜା ପାଣି ଏସାଜ୍ ସୁଡ଼ସୁପ୍‌ମାର୍ହାପ୍ ।”

୩୪ ✽ମାତର ପାରୁସିର୍ ଇର୍ହାର୍, “ଇୟା ଲୋକ୍ ଦୁବେଜ୍‌ ପେରିକାଡ଼ ବାଲ୍‌ଜିବୁଲ୍ ସାକ୍ତିଦାନ୍ ଦୁବେଜ୍ ଡ଼ିସିସ୍‌ନାନ୍ ।”

ଲୋକା ଉଣ୍ଡିଜ୍ ଜିସୁସି ଦୟା

୩୫ ✽ଜିସୁ ବୁଲାଜି ବୁଲାଜି ନାଣ୍ଡୁ ଗାଡ଼କାଜ୍ ନି ନାରକାଜ୍ ସର୍ହାନ୍ । ଓଜୁ ବାଡିଆଜ୍ ଖାନ୍ ପାର୍‌ତନାକିନି ଇଲ୍‌କାଜ୍
ସିକିୟା ସିତାନ୍, ମାପୁରୁଦି ରାଜିଦି ନେଗିକାରୁର୍ ପ୍ରଚାର୍ କିତାନ୍ ମାରି ନସ୍‌ଆତିଞ୍ଜାରିଜ୍ ନି ରଗ୍ ଲୋକାଜ୍
ନେଗେନ୍‌କିତାନ୍ ।

୩୬ ଲୋକାଜ୍ ସୁଡ଼ଜି ଖାନ୍ ଖାରି ଉଣ୍ଡିଜ୍ ଦୁଃକ୍ କିତାନ୍, ଇରିଜ୍ ଗାଉଡ଼ ସିଲି ମେଣ୍ଡେଜ୍ ମାୟା ଖାଜା ଖାର୍
ସାକାସିଲିକା ନି ସିନ୍ତା ଆଜିମାର୍ହାର୍ ।

୩୭ ✽ଆଦେଜ୍ ଖାନ୍ ସିସୁରିଜ୍ ଇର୍ହାନ୍, “ପାସିନାଣ୍ଡୁ ଆତାମାନାଡ଼, ମାତର ତାନିଜ୍ ଉଣ୍ଡାକିଦେଜ୍ ଇଜି ନାଣ୍ଡୁଲୋକ୍
କୁଲିକିନିକାର୍ ସିଲେର୍ ।

✽ ୯:୩୪ ମାତୃକା ୧୦:୨୫; ୧୨:୨୪; ମାର୍କ ୩:୨୨; ଲୁକା ୧୧:୧୫. ✽ ୯:୩୫ ମାତୃକା ୪:୨୩; ମାର୍କ ୧:୩୯; ଲୁକା ୪:୪୪. ✽ ୯:୩୭ ଲୁକା ୧୦:୨.

୩୮ ନାଶ୍ଟଲୋକ କୁଲିକିନିଝାରିଙ୍ଗ ପକ୍ଷି ପାସିଉଶ୍ଟାକିଜି ଅତେଙ୍ଗ ଇଜି ପାସି ମାଲିକ୍ତିମାନୁ ପାର୍ତନା କିଦୁ ।”

୧୦

ବାରଲୋକ ସିସୁର

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଜିସୁ ଖାନି ବାରଲୋକ ସିସୁରିଙ୍ଗ କୁକ୍ଷି ଦୁବେଙ୍ଗ ଡିସିସ୍‌କିଦେଙ୍ଗ ଇଜି ମାରି ଝିଜୁ ରକମ୍‌ତି ରଗ୍ କାସ୍ତୁ ନେଗେନ୍ କିଦେଙ୍ଗ ଇଜି ଅଦିକାର ସିତାନ୍ ।

୨ ଆୟା ବାର ଲୋକ ପ୍ରେରିତ ସିସୁରି ଦର୍ ଆତାଡ୍ ସିମୋନ ପିତର୍ ଦର୍ତାନ୍ ବା ଝେଙ୍ଗ୍ ନାଡ୍ ମାରି ଖାନି ତଡାନ୍ ଆକ୍ରିୟ; ଜେବଦଦି ରିଏର୍ ମାରିସିର୍ ଜାକୁବ ନି ଯୋହନ୍;

୩ ପିଲିପ୍, ବାର୍ତଲମି, ଥୋମା, ମାରି ସିସ୍ତର ଲୋସ୍‌ନି ମାତିଉ, ଆଲପିଦି ମାରିସି ଜାକୁବ, ଅକ୍‌ମୟ;

୪ କିଶାନିୟ ସିମୋନ ଏନ୍ କି ଇସ୍ରାଏଲ୍ ଦେସ୍‌ତିଙ୍ଗ ରକିୟା କିଦେଙ୍ଗ ବଦା କିଜିମାର୍ହାନ୍ ମାରି ଜିସୁଙ୍ଗ୍ ସାତୁରି କିୟୁଦୁ ସର୍ପେ କିତିସିତି ଇସ୍ପାରିୟୋତିୟ ଜିହୁଦା ।

ବାରଲୋକ ସିସୁରିଙ୍ଗ ସିତିମାର୍‌ରି ପାଣିଦିବଜୁ

(ମାର୍କ ୬:୭-୧୩; ଲୁକ ୯:୧-୬)

୫ ଜିସୁ ଇୟା ବାରଲୋକ ସିସୁରିଙ୍ଗ ପକ୍ଷିଝାଲେ ଆଦେସ୍ ସିଜିଇର୍ହାନ୍, “ମିର୍ ଅଣଜିହୁଦିରି ରାଜିଦୁ ସଲ୍‌ମାର୍ । ମାରି ଆମା ସମିରୋଣ ଗାଡ୍‌ତୁ ବା ସଲ୍‌ମାର୍ ।

୬ ମାତର୍ ମୁର୍ତିମାନି ମେଣ୍ଟେଙ୍ଗ୍ ଝାଜା ଇସ୍ରାଏଲ୍‌ତି ଲୋକା ଲାକ୍‌ତୁ ସାନ୍‌ତୁ ।

୭ ଝାରିମାନୁ ପ୍ରଗାର୍ କିଜି ଇନ୍‌ଡୁ, ମୁସ୍‌କୁପୁର୍ ଇଗା ଝାତାଡ୍ !

୮ ରଗ୍‌ତୁ ମାନି ଲୋକାଙ୍ଗ୍ ନେଗେନ୍‌କିଦୁ, ସାତି ଲୋକାଙ୍ଗ୍ ଡେସି ନିକ୍‌ତୁ, କୁସ୍‌ରୋଗ୍‌ତି ଲୋକାଙ୍ଗ୍ ନେଗେନ୍‌କିଦୁ, ଦୁବେଙ୍ଗ ଡିସିସ୍ କିଦୁ । ଆମାକା ଆର୍‌ଏ ପୟ୍‌ତିମାନିଦେର୍, ଆକା ଆଇଝାରିଙ୍ଗ୍ ଆର୍‌ଏ ସିଦୁ ।

୯ ଅର୍‌ସେ ବାଙ୍ଗ୍‌ରାମ୍ ନି ଝେଣ୍ଡି ବା ଡାବୁଙ୍ଗ୍ ଇଡ୍‌ନି ମଣି ଅମାର୍,

୧୦ ☆ମାରି ଡିଆନି ମଣି ଆସ୍‌ସି ବୁଲ୍‌ମାର୍ । ନାଶ୍ଟ ଆଙ୍ଗ୍‌ଙ୍ଗ୍, ଜୁତେଙ୍ଗ୍ ମାରି ବାଡିଗା ବା ଅମାର୍ । ପାଣିକିନିକାର୍ ନିଜେଦି କୁଲି ଡାବୁଙ୍ଗ୍ ପୟ୍‌ଦେଙ୍ଗ୍ ଜଗ୍ ମାନାଡ୍ ।

୧୧ “ଉନ୍‌ଡି ଗାଡ୍ ବା ନାର୍‌ତୁ ଇତି ଝେନ୍‌କା ଆବେ ଏନ୍ ମି ସେବାକିନାନ୍, ଆୟା ମାଟା ମିର୍ ପୟ୍‌ଦୁ, ଆଇମାନୁ ସନି ସାନ୍‌ ତାମେ ଇଲ୍‌ତୁ ମାନ୍‌ତୁ ।

୧୨ ଉନ୍‌ଡି ଇନ୍‌ଡୁ ଡିଗୁନି ଝାଲେ ଆବେମାନି ଲୋକାଙ୍ଗ୍ ମାଡିସ୍‌କିଜି ଇନ୍‌ଡୁ, ମି ସାଡି ଆପିଡ୍ ।

୧୩ ଇଲ୍‌ତି ଲୋକା ଜଦି ମିଙ୍ଗ୍ ସେବାକିନାର୍, ଝାରି ଉଣ୍ଡିଙ୍ଗ୍ ମାଡିସ୍ କିତିକା ସାଡି ଆନାଡ୍ । ମାତର୍ ଜଦି ଝାର୍ ମିଙ୍ଗ୍ ସେବା କିଏର୍, ମି ମାଡିସ୍‌କିନିକା ଡେପ୍‌ସ ଅଡୁ ।

୧୪ ☆ଜଦି ଏମେ ଇନ୍‌ଡୁ ମାରି ଗାଡ୍‌ତୁ ମିଙ୍ଗ୍ ଲୋକା ମାନାଏର୍, ଆଡିଙ୍ଗ୍ ଝାରିଙ୍ଗ୍ ଡିସ୍‌ତିଙ୍ଗ୍ ଇଜି ସିନାଦି ଝାଜା ପାଦାମତି ଦୁଡି ସାଡ୍‌ସି ସିଜି ଆୟା ବାଡି ଡିସ୍‌ସୋ ସିଦୁ ।

୧୫ ☆ନାନ୍ ମିଙ୍ଗ୍ ସଡ୍ ଇଜିନା, ବିସାର୍ ଦିନ୍‌ତୁ ଝେରି ମାଣକୁ ସଦମ୍ ଗମୋରାଦି ଲୋକା ଉଣ୍ଡିଙ୍ଗ୍ ମାପୁରୁ ନାଶ୍ଟ ଦୟା ତରନାନ୍ ।

ଝାନି ତାଡନା

(ମାର୍କ ୧୩:୯-୧୩; ଲୁକ ୨୧:୧୨-୧୬)

୧୬ ☆“ଝେନ୍‌ଡୁ ! ନୋରେସ୍‌କା ଲାକ୍‌ତୁ ମେଣ୍ଟେଙ୍ଗ୍ ଝାଜା ନାନ୍ ମିଙ୍ଗ୍ ପୋକ୍‌ସିନା, ମାରି ସାରାସ୍‌ତି ଝାଜା ଜାଗାର୍‌ତା ମାରି ପାର୍‌ଝାଦି ଝାଜା ସାଡି ଆଦୁ ।

୧୭ ☆ଜାଗାର୍‌ତା ମାନ୍‌ଡୁ, ଇରିଙ୍ଗ୍ ଲୋକା ମିଙ୍ଗ୍ ତର୍‌ସି ବିସାର୍ କିନି ସଭାଦୁ ଅନାର୍‌ର ସର୍ପେ କିନାର୍ । ପାର୍‌ତନାକିନି ଇଲ୍‌କାଙ୍ଗ୍ ଝାର୍ ମିଙ୍ଗ୍ କର୍‌ତା ଡାକ୍‌ନାର୍ ।

୧୮ ନା ଉଣ୍ଡିଙ୍ଗ୍ ମିର୍ ରାଜା ନି ସାସନ୍‌କିନିଝାରି ଆଗ୍‌ଡି ତାଆୟ୍‌ଆଜି ବିସାର୍‌ଆନିଦେର୍ । ଇୟାଉଣ୍ଡିଙ୍ଗ୍ ଝାରିଙ୍ଗ୍ ନି ଅଣଜିହୁଦି ଲୋକାଙ୍ଗ୍ ନେଗିକାରୁର୍ ସାକି ସିଦେଙ୍ଗ୍ ଇଜି ସାରି ପୟ୍‌ନିଦେର୍ ।

୧୯ ମି ବିସାର୍ ଆନିଝାଲେ ଇନିକା ଇନିଦେର୍, ମାରି ଏଣ୍ଟେସ୍ ଇନିଦେର୍, ଆୟା ବିସୟ୍‌ତାନ୍ ସିନ୍ତା କିମାର୍ । ଟିକ୍ ଆୟା ସମୟ୍‌ତୁ ଆକା ମିଙ୍ଗ୍ ଝେର୍‌ଆଇଆଜି ସିଆନାଡ୍ ।

☆ ୧୦:୧୦ ୧ କରିଡ୍‌ତିୟ ୯:୧୪; ୧ ଡିମତି ୫:୧୮. ☆ ୧୦:୧୪ ପ୍ରେରିତ ୧୩:୫୧. ☆ ୧୦:୧୫ ମାତୃତ ୧୧:୨୪. ☆ ୧୦:୧୫ ଲୁକ ୧୦:୪-୧୨. ☆ ୧୦:୧୬ ଲୁକ ୧୦:୩. ☆ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫.

୨୦ ଇରିଙ୍ଗ ମିଙ୍ଗ ନିଜେ ଇନିକା ଇନ୍ଦ୍ରେଙ୍ଗ ଆଏଡ୍ । ମି ବୁବା ମାପୁରୁଦି ପବିତ୍ର ଆମ୍ବା ମି ଝେୟୁ ସିଜି ମାଟା ଇନାନ୍ ।
 ୨୧ *ଆୟା ସମୟତୁ ଲୋକୁ ତଡ଼ାନ୍ ତଡ଼ାନ୍ତିଙ୍ଗ ମାରି ବୁବା ମାରିନ୍ତିଙ୍ଗ ସାପିସ୍ତେଙ୍ଗ ଇଜି ସରପେ କିଜି ସିନାର୍ ।
 ବୁବାସି ବା ନିଜେଦି କଡ଼କକ୍ପାରିଙ୍ଗ ଉଣ୍ଡିଙ୍ଗ ଆୟାଝାଜା କିନାନ୍ । କଡ଼କକ୍ପା ବୁବାସି ଆଇସି ବିରୁଦ୍ଦତାନ୍ ନିଙ୍ଗନାରୋ
 ଝାରିଙ୍ଗ ସାୟାମାରଗା ତାକ୍ନାର୍ ।
 ୨୨ *ନା ଉଣ୍ଡିଙ୍ଗ ଝିଜେରେ ମିଙ୍ଗ କାଡ଼ନାର୍; ମାତର୍ ଏନ୍ ସାରାସାରି ସାନ୍ଦି ବିସ୍ବାସତୁ ତିରୁଆଜିତେବାନାନ୍, ଝାନ୍
 ରକିୟା ପୟନାନ୍ ।
 ୨୩ ଉନ୍ଦ୍ରି ଗାଡ଼ତୁ ମିର୍ କାସୁ ପୟତିଙ୍ଗ ଆଇ ଗାଡ଼ତୁ ଉରକ୍ତୁ । ନାନ୍ ମିଙ୍ଗ ସଡ଼ତାନ୍ ଇଜିନା, ମିର୍ ଇସ୍ତାଏଲ୍ତି
 ଝିଜୁ ଗାଡ଼କାଙ୍ଗ ପାଣି ସେସକିନି ଆଗ୍ତି ମନୁସ୍ୟପୁତ୍ର ତେସି ଝାନାମାନାନ୍ ।
 ୨୪ *ଏମେ ସିସୁ ଝାନି ଗୁରୁମାଣାନ୍ ସିସୁ ପେରିକାନ୍ ଆଏନ୍, ମାଲିକ୍ତି ମାଣାନ୍ ସାକର୍ ପେରିକାନ୍ ସିଲେ ।
 ୨୫ *ସିସୁ ଗୁରୁ ଝାଜା ମାରି ସାକର୍ ମାଲିକ୍ତି ଝାଜା ଆଦେଙ୍ଗ ଆଟ୍ତିଙ୍ଗ ନାସଦୁନେ ଝେଡ଼ିକା ଆନିକାମାନାଡ୍ । ଉନ୍ଦ୍ରି
 ଇଲ୍ତି ମେମାରିଙ୍ଗ ଜଦି ଲୋକୁ ବାଲ୍ଡିବୁଲ୍ ଇଜି କୁକ୍ନାର୍, ଇଲ୍ତି ଆଇଝାରିଙ୍ଗ ମାରି ଏସ ତାଗ୍ଲ ଦର୍ ସିଏର୍ ?

ଏଙ୍ଗ ତିଲାନିକା
(ଲୁକ ୧୨:୨-୭)

୨୬ *ଆୟାଉଣ୍ଡିଙ୍ଗ ଲୋକାଙ୍ଗ ତିଲମାଟ୍ । ଆମାକା ଇଲେଇ ପିଡ଼ିଗାଇ ଆତାମାନାଡ୍, ଆକା ତରାଇଆନାଡ୍ ମାରି
 ଝିଜୁ ମାରଗିତି ମାଟା ଝେଙ୍ଗ ନାଡ୍ ।
 ୨୭ ନାନ୍ ମିଙ୍ଗ ଆମାକା ସିକାଟି ସମୟତୁ ଇଜିନା, ଆକା ତାଲାଝେଡ଼ାଦି ସମୟତୁ ଝେକ୍ତୁ ମାରି ଆମାକା ମାରଗିତି
 ଝେରଇମାନିଦେର୍, ଆକା ଇଲୁ ସାଡ୍ ମୁସ୍କୁରାନ୍ ପ୍ରଚାର୍ କିଦୁ ।
 ୨୮ ଏମେକାର୍ କେବଲ୍ ମି ମେନ୍ଦ୍ରିଙ୍ଗ ନାସୁକିନାନ୍, ମାତର୍ ମି ଆମ୍ବାଦିଙ୍ଗ ଇନି କେଡି କିଦେଙ୍ଗ ଆଟ୍ଏନ୍, ଝାରିଙ୍ଗ
 ତିଲମାଟ୍ । ମାତର୍ ଏମେ ମାପୁରୁ ମି ମେନ୍ଦ୍ରି ନି ଆମ୍ବା ରୁଣ୍ଡିଝାନିକାଙ୍ଗ ନରକଦୁ ଦଂସ କିଦେଙ୍ଗ ଆଟ୍ନାନ୍, ଝାନିଙ୍ଗ
 ତିଲମାଟ୍ ।
 ୨୯ ତାବୁଙ୍ଗୁ ସିଜି ରୁଣ୍ଡି ସାଡ଼ାପୋଟିଙ୍ଗ କଣ୍ଡେଙ୍ଗ ଆଟ୍ନିଦେର୍, ମାତର୍ ମି ବୁବାଦି ସାରି ପୁଟ୍ଏତିଙ୍ଗ ଉନ୍ଦ୍ରି ସାଡ଼ା ପତି
 ଆଡ଼ଗି ଆଟ୍ଏଡ୍ ।
 ୩୦ ମାରି ମି ତାଲାଦି କୁକୁଟି ବା ଝିଜୁ ଲେକିସ୍ କିଆୟାଆତାମାନାଡ୍ ।
 ୩୧ ତିଲମାଟ୍, ନାଣ୍ଡ ସାଡ଼ାପୋଟିଙ୍ଗ ମାଣ୍ଡକୁ ମି ଦାରା ନାଣ୍ଡ ।

କ୍ରିସ୍ତଙ୍ଗ ମାନାନିକା ନି ମାନାଇକା
(ଲୁକ ୧୨:୮-୯)

୩୨ *ଏନ୍ଆପିନ୍ ଲୋକା ଆଗିଡ଼ି ନାଙ୍ଗ ମାନାନାର୍, ନାନ୍ ବା ମୁସ୍କୁପୁରତି ବୁବା ଆଗ୍ତି ଝାରିଙ୍ଗ ନାଦି ଇଜି ନାନ୍
 ମାନାନା ।
 ୩୩ *ମାତର୍ ଏନ୍ ଆଡ଼ରେ ନାଙ୍ଗ ମାନାଏନ୍, ଝାନିଙ୍ଗ ନାନ୍ ବା ନା ମୁସ୍କୁପୁରତି ବୁବା ଆଗ୍ତି ମାନାଏ ।

ସାନ୍ତି ସିଲେ, ମାତର୍ କାଣ୍ଡା
(ଲୁକ ୧୨:୫୧-୫୩; ୧୪:୨୭-୨୭)

୩୪ *ନାନ୍ ଦୁନିଆଦୁ ସାନ୍ତି ସିଦେଙ୍ଗ ଝାତାମାନା ଇଜି ଅଡ଼୍ବିମାଟ୍ । ସିଲେ, ନାନ୍ ସାନ୍ତି ତାତେଙ୍ଗ ରେଏ, ମାତର୍ କୁଡ଼ାମ୍
 ଆସସି ଝାତାମାନା ।
 ୩୫ ଇରିଙ୍ଗ ନାନ୍ ମାରିସି ବିରଦ୍ଦତାନ୍ ବୁବାସି, ବୁବାସି ବିରଦ୍ଦତାନ୍ ମାରିସି ମାରି ଗାଡ଼ସି ବିରଦ୍ଦତାନ୍ ଆଇସି, ଆଇସି
 ବିରଦ୍ଦତାନ୍ ଗାଡ଼ସି, ମାରି ମିମ୍ସି ଝାଲେ କଡ଼େସିଦି ବିରୁଦ୍ ଗଟେକିଦେଙ୍ଗ ଝାତାମାନା ।
 ୩୬ ନିଜେଦି ଇଲ୍ତି ଲୋକୁ ନିଜେଦି ସାଡୁଆନାର୍ ।
 ୩୭ *ଏନ୍ ବୁବାସି ନି ଆଇସିଙ୍ଗ ନା ମାଣ୍ଡକୁ ନାଣ୍ଡ ଜିବନ୍ନୋନାନ୍, ଝାନ୍ ନା ସିସୁ ଆଦେଙ୍ଗ ଜଗ୍ ସିଲେନ୍, ମାରି ଏନ୍
 କଡ଼ତିଙ୍ଗ ନି ଆଇଲିଦିଙ୍ଗ ନା ମାଣ୍ଡକୁ ନାଣ୍ଡ ଜିବନ୍ନୋନାନ୍, ଝାନ୍ ନା ସିସୁ ଆଦେଙ୍ଗ ଜଗ୍ ସିଲେନ୍ ।
 ୩୮ *ଏନ୍ ନା ଉଣ୍ଡିଙ୍ଗ ଦୁକ୍ ନି ସାନିକା ବଦା କିଜିନା ଝେନ୍କା ରେଏନ୍, ଝାନ୍ ନା ସିସୁ ଆଦେଙ୍ଗ ଜଗ୍ ସିଲେନ୍ ।
 ୩୯ *ଏନ୍ ନିଜେଦି ଜିବନ୍ତିଙ୍ଗ ରକିୟା କିଦେଙ୍ଗ ବଦାକିନାନ୍, ଝାନ୍ ଆକା ଆରାକିନାନ୍, ମାତର୍ ଏନ୍ ନା ଉଣ୍ଡିଙ୍ଗ
 ନିଜେଦି ଜିବନ୍ ସିନାନ୍, ଝାନ୍ ସତେଦାନ୍ ଆକା ରକିୟା କିନାନ୍ ।

* ୧୦:୨୧ ମାର୍କ ୧୩:୧୨; ଲୁକ ୨୧:୧୭. * ୧୦:୨୨ ମାତ୍ରିକ ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତ୍ରିକ ୨୪:୧୩; ମାର୍କ ୧୩:୧୩. * ୧୦:୨୪ ଲୁକ ୬:୪୦;
 ଲୋହନ ୧୩:୧୭; ୧୫:୨୦. * ୧୦:୨୫ ମାତ୍ରିକ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. * ୧୦:୨୬ ମାର୍କ ୪:୨୨; ଲୁକ ୮:୧୭. * ୧୦:୩୩ ୨ ତିମତି
 ୨:୧୨. * ୧୦:୩୮ ମାତ୍ରିକ ୧୨:୨୪; ମାର୍କ ୮:୩୪; ଲୁକ ୯:୨୩. * ୧୦:୩୯ ମାତ୍ରିକ ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ୧୨:୨୫.

ପୁରସ୍କାର
(ମାର୍କ ୯:୪୧)

୪୦ *ଏନ୍ ମିଙ୍ଗ୍ ମାନାନାନ୍, ଖାନ୍ ନାଙ୍ଗ୍ ମାନାନାନ୍, ମାରି ନାଙ୍ଗ୍ ଏନ୍ ମାନାନାନ୍, ଖାନ୍ ନାନ୍ ପକ୍ତିଖାନିଙ୍ଗ୍ ମାନାନାନ୍ ।

୪୧ ଏନ୍ ବାବବାଦିରିଙ୍ଗ୍ ମାପୁରୁଦି କାବୁର୍ ସିନିକାନ୍ ଇଜି ମାନାନାନ୍, ଖାନ୍ ଆୟା ବାବବାଦିରି ପୁରସ୍କାର ପୟନାନ୍ । ମାରି ଏନ୍ ଦାମ୍ବୁ ଲୋକାଙ୍ଗ୍ ଦାମ୍ବୁଦିକାନ୍ ଇଜି ମାନାନାନ୍, ଖାନ୍ ଦାମ୍ବୁ ଲୋକ୍ତି ପୁରସ୍କାର ପୟନାନ୍ ।

୪୨ ମାରି ଏନ୍ ଇୟା ଇସି ଲୋକ୍ ମାଣ୍ଡୁ ଅରେନ୍‌ଖାନିଙ୍ଗ୍ ନା ସିସୁ ଇଜି କେବଲ୍ ଗିନା ଏର୍ ଉଣ୍ଡେଙ୍ଗ୍ ସିନାନ୍, ନାନ୍ ମିଙ୍ଗ୍ ସଡ଼ ଇଜିନା, ଆୟାଉଣ୍ଡିଙ୍ଗ୍ ଖାନ୍ ନା ସିସୁ, ସତେନେ ପୁରସ୍କାର ପୟନାନ୍ ।”

୧୧

ଜିସୁ ନି ତୁବନ୍ ସିନି ଯୋହନ
(ଲୁକ ୭:୧୮-୩୫)

୧ ଜିସୁ ଖାନି ବାରଲୋକ୍ ସିସୁରିଙ୍ଗ୍ ଇୟାଞ୍ଜି ମାଟା ସିତି ଖେନ୍‌କା ଆୟା ବାଡ଼ି ତ୍ରିସି ଲାକ୍‌ତୁରି ଗାଡ଼କାଙ୍ଗ୍ ସଲ୍‌ସି ପ୍ରଚାର କିଦେଙ୍ଗ୍ ଆସ୍‌ତାନ୍ ।

୨ ନାସିଞ୍ଜାଲେ ତୁବନ୍ ସିନି ଯୋହନ ଜଇଲ୍‌ତୁ ମାହାନ୍ । କ୍ରିସ୍ତ ଏନେ ଞ୍ଜି ପାଣି କିଜିମାହାନ୍, ତାନି କାବୁର୍ ପୟଜି ଖାନ୍ ନିଜେଦି ସିସୁରିଙ୍ଗ୍ କ୍ରିସ୍ତୁଦି ଲାକ୍‌ତୁ ପକ୍‌ତାନ୍ ।

୩ ଖାନ୍ ସଲ୍‌ସି ଜିସୁଙ୍ଗ୍ ଖେନ୍‌ବାତାର୍, “ଏନେ ଲୋକ୍ ଖାନାନ୍‌ଇଜି ଯୋହନ ଇହାମାହାନ୍, ନିନ୍ ଇନିକା ଆକାନ୍ ନେ, ମାପ୍ ଆଇଞ୍ଜାନିଙ୍ଗ୍ କାପକିଜି ତେବାନାପ୍ ?”

୪ ଜିସୁ ଖାରିଙ୍ଗ୍ ଇହାନ୍, “ମିର୍ ତେସି ସଲ୍‌ସି ଆମାକା ଞ୍ଜି ଖେନ୍‌ଜିନିଦେର୍ ମାରି ସୁଡ଼ଜିନିଦେର୍, ଆୟାକାଞ୍ଜି ଯୋହନତିଙ୍ଗ୍ ଖେର୍‌ତୁ ।

୫ କାଣାର୍ ସୁଡ଼ଦେଙ୍ଗ୍ ଆର୍‌ସିନାର୍, ସଟାର୍ ବୁଲାଜିନାର୍, କୁସୁରୋଗ୍ତି ଲୋକ୍ ନେଗେନ୍‌ଆଜିନାର୍, ବଇରା ଲୋକ୍ ଖେନ୍‌ତେଙ୍ଗ୍ ଆର୍‌ସିନାର୍, ସାତି ଲୋକ୍ ତେସି ନିଙ୍ଗ୍‌ଜିନାର୍ ମାରି କାକ୍‌ତ ଲୋକାମାନ୍ ବା ନେଗି କାବୁର୍ ପ୍ରଚାର୍ କିଆଇଆଜିନାଡ଼ ।

୬ ନା ବିସୟତାନ୍ ଏନେଞ୍ଜାରି ଇନିକା ନାମ୍‌ଇକା ସିଲେଡ଼, ଖାନ୍ ଦନ୍‌ପ ।”

୭ ଯୋହନତି ସିସୁର୍ ତେସିସରରିଞ୍ଜାଲେ ଜିସୁ ଲୋକାଙ୍ଗ୍ ଯୋହନତି ବିସୟତାନ୍ ଇହାନ୍, ମିର୍ ଯୋହନତିଙ୍ଗ୍ ସୁଡ଼ଦେଙ୍ଗ୍‌ଇଜି ଏସିଞ୍ଜାଲେ ବାଲିରୁମିତୁ ସରରିମାର୍‌ଇଦେର୍, “ଇନିକା ସୁଡ଼ଦେଙ୍ଗ୍ ଆସା କିତିମାହ୍ ଦେର୍ ? ଇନିକା ଗାଲିଦାନ୍ ଦୁଙ୍ଗ୍ ଚିମାନି ଉଣ୍ଡି ଦେର୍ ନାଡ଼ା ?

୮ ମିର୍ ଇନିକା ସୁଡ଼ଦେଙ୍ଗ୍ ସତିସରଇ ମାର୍‌ଇଦେର୍ ? ପାତଲ୍ ଆଙ୍ଗ୍ ଆରାତିମାନି ଅରେନ୍ ଲୋକ୍‌ତିଙ୍ଗ୍ ? ସୁଡ଼ଦୁ, ଆମାକାର୍ ଆୟାଞ୍ଜା ପାତଲ୍ ଆଙ୍ଗ୍ ଆରାତି ଲୋକ୍ ରାଜାଦି ମେଡ଼ତୁ ତେବାନାର୍ ।

୯ ନାଙ୍ଗ୍ ଇନ୍‌ତୁ, ଇନିକା ସୁଡ଼ଦେଙ୍ଗ୍ ସହ୍ ମାହ୍ ଦେର୍ ? ଇନିକା ଅରେନ୍ ବାବବାଦିଙ୍ଗ୍‌ନୋ ? ନାନ୍ ମିଙ୍ଗ୍ ସଡ଼ ଇଜିନା, ମାତର୍ ବାବବାଦି ମାଣ୍ଡୁ ଅରେନ୍ ନାଣ୍ଡପେରି ଲୋକ୍‌ତିଙ୍ଗ୍ ସୁଡ଼ତୁମାନିଦେର୍ ।

୧୦ ଇରିଙ୍ଗ୍ ଇୟା ଯୋହନତି ବିସୟତାନ୍ ସାସ୍ତୁ ରାସାତାମାନାଡ଼, ମାପୁରୁ ଇହାନ୍, ମି ଉଣ୍ଡିଙ୍ଗ୍ ସାରି ରସ୍‌ତେଙ୍ଗ୍ ନାନ୍ ଆଗଡ଼ି ନା ଦୁଡ଼ତିଙ୍ଗ୍ ପକ୍‌ନା ।

୧୧ ନାନ୍ ମିଙ୍ଗ୍ ସଡ଼ ଇଜିନା, ପୁର୍ବେଦାନ୍ ନେର୍ ସାନ୍ ଇୟା ଦୁନିଆଦୁ ଏସ ଲୋକ୍ ଜନମ୍‌ଆତାମାନାର୍, ଆୟା ଞ୍ଜିଜେରି ମାଣ୍ଡୁ ତୁବନ୍ ସିନି ଯୋହନ ପେରିକାନ୍ । ମାତର୍ ମୁସ୍‌କୁପୁର୍ତି ରାଜିଦୁ ଏନ୍ ଞ୍ଜିଜେରି ମାଣ୍ଡୁ ଇସିକାନ୍, ଖାନ୍ ଯୋହନତି ମାଣ୍ଡାନ୍ ପେରିକାନ୍ ।

୧୨ *ତୁବନ୍ ସିନି ଯୋହନ ଖାନି ସୁସମାଚାର୍ ପ୍ରଚାର୍ କିନି ଦିନ୍‌ତାନ୍ ନେର୍ ସାନ୍ ମୁସ୍‌କୁପୁର୍ତି ରାଜିଦୁ ମୁସ୍‌କୁ ନାଣ୍ଡ ରେଲ୍‌ନିଅନିକା ସାଲାଜିନାଡ଼ । ରେନିଅନିକାର୍ ବପୁଦାନ୍ ଅଦିକାର୍ କିଦେଙ୍ଗ୍ ସେସ୍ତା କିଜିନାର୍ ।

୧୩ ଯୋହନ ଖାନିସାନ୍ ମସାଦି ନିୟମ୍ ନି ବାବବାଦିରି ମାଟାଦାନ୍ ଆୟା ରାଜି ବିସୟତାନ୍ ଇନାଜିମାହାଡ଼ ।

୧୪ *ଜଦି ଖାରି ମାଟା ମିର୍ ବିସ୍‌ବାସ୍ କିନିଦେର୍, ଆରିଙ୍ଗ୍ ଯୋହନ ଆଜିନାନ୍ ଏଲିୟ, ଆମାକାନ୍ ଆଗଡ଼ି ଖାନିକାମାହାଡ଼ ।

୧୫ ଏନେଞ୍ଜାନିଙ୍ଗ୍ ଗିତଣିମାନାଡ଼, ଖାନ୍ ଖେନିନ୍ !

୧୬ “ଇୟା ଆଜିକାଲ୍‌ତି ଲୋକାଙ୍ଗ୍ ଏନେତାନିଞ୍ଜାଲେ ତୁସ୍‌ନା ? ଖାନ୍ ସାତା ନାଡ଼ମି ବାସ୍‌ସି କାର୍‌ଜିଜିମାନି କଡ଼ରି ଞ୍ଜାଜା । ଉନ୍‌ଡ଼ି ଦଲ୍‌ତୀ କଡ଼ର୍ ଆଇ ଦଲ୍‌ତିଙ୍ଗ୍ ଇନାର୍,

* ୧୦:୪୦ ଲୁକ ୧୦:୧୭; ଜୋହନ ୧୩:୨୦; ମାର୍କ ୯:୩୭; ଲୁକ ୯:୪୮. * ୧୧:୧୭ ଲୁକ ୧୭:୧୭. * ୧୧:୧୪ ମାଡ଼ିତ ୧୭:୧୦-୧୩; ମାର୍କ ୯:୧୧-୧୩.

୧୭ ମାପ୍ ପେଡ଼ିଦି ବାଜା ଏସ୍ତାପ୍, ମାତର୍ ମିର୍ ଗାଡ଼ଇତିଦେର୍ । ମାପ୍ ଦୁକ୍ତି ପାଟା ପାରିତାପ୍, ମାତର୍ ମିର୍ ଆଡ଼ାବାଇତିଦେର୍ ।

୧୮ ଯୋହନ ଖାଜି ଉପାସ୍ କିଜିମାର୍ହାନ୍, ମାରି ଅଜ୍ଞୁରରସ୍ ଉଣୁଏଜିମାର୍ହାନ୍ । ଓଜେରେ ଇର୍ହାର୍, ଖାନ୍ ଦୁବାକାସ୍ତିକାନ୍ !

୧୯ ଏସ୍ତିଖାଲେ ମନୁଷ୍ୟପୁତ୍ର ଖାଜି ଉଣାନ୍ ତିନାନ୍, ଓଜେରେ ଇର୍ହାର୍, ଇୟା ଲୋକ୍ତିକ୍ ସୁଡ଼ଦୁ ! ଖାନ୍ ଅରେନ୍ ପେଟୁ ନି ମଦୁଆ, ସିସ୍ଟୁ ଲୋସ୍ନି ଲୋକା ମାରି ପାପି ଲୋକା ସଙ୍ଗ୍ । ମାତର୍ ମାପୁରୁ ବୁଦି ନିଜେଦି ପାଣିଦାନ୍ ସଡ଼ଇଜି ପାର୍ମାଣିଆତାନ୍ ।”

**ଅବିସ୍ବାସି ଗାଡ଼କୁ
(ଲୁକ ୧୦:୧୩-୧୫)**

୨୦ ଏମେ ଗାଡ଼କାଙ୍ଗ୍ ଜିସୁ ଖାନ୍ ନାଣ୍ଟ କାବାଆନି ପାଣି କିତାମାର୍ହାନ୍, ଆୟା ରାଜିତି ଲୋକୁ ଖାରି ପାପ୍ତି ଉଣ୍ଡିଙ୍ଗ୍ ମନ୍ତିକ୍ ଡେପ୍ଇକା ସୁଡ଼ଜି, ଜିସୁ ଆୟା ଗାଡ଼କାଙ୍ଗ୍ ବାସେକିଦେଙ୍ଗ୍ଆସ୍ତାନ୍ ।

୨୧ ଏ କୋରାଜିନ୍, ଏସା ନାଣ୍ଟ ନିନ୍ଦାଦି ଦୁକ୍ ପୟ୍ନିଦେର୍ ! ବେଡ଼ସାଇଦା, ନି ଦସ୍ବା ଆୟାଖାଜା ! ନିବାନ୍ ଏମେ କାବାଆନି ପାଣିଓଜୁ କିଆଇଆତାମାନାଡ଼, ଆୟାଓଜୁ ଜଦି ସୋର ନି ସିଦନ୍ତୁ କିଆଇଆତାଡ଼ମାନ୍, ଆବେଣି ଲୋକୁ ମେନ୍ଦଲ୍ତୁ ନିରୁ ଉସାଜି ବାସ୍ତେଙ୍ଗ୍ ଆରାଜି ମନ୍ତିକ୍ ଡେପ୍ତାଡ଼ ମାନ୍ ।

୨୨ ନାନ୍ ସତେ ଇଜିନା, ମାପୁରୁ ବିସାରକିନି ଦିନ୍ତୁ ମି ବାଦ୍ଲୁ ସୋର ନି ସିଦନ୍ତି ଲୋକାଙ୍ଗ୍ ନାଣ୍ଟ ଦୟା ତରନାନ୍ ।

୨୩ ମାରି କପର୍ନାହୁମ୍ତୁ ବାସାନିକିନ୍ଦା ! ନିନ୍ ଇନିକା ନିଜେ ମୁସ୍କୁପୁର୍ ସନ୍ତେଙ୍ଗ୍ ବଦାକିଜିନି ? ନିନ୍ ନର୍କ୍ତୁ ପକାଇଆନି । ନି ବାନ୍ ଏମେ କାବାଆନି ପାଣି କିଆଇଆତାମାନାଡ଼, ଆକା ଜଦି ସଦମ୍ତୁ କିଆଇଆତାଡ଼ମାନ୍, ଆୟା ଗାଡ଼ ନେର୍ ସାନ୍ ତେବାଦେଙ୍ଗ୍ ଆଟ୍ତାଡ଼ମାନ୍ ।

୨୪ *ନାନ୍ ମିଙ୍ଗ୍ ସଡ଼ ଇଜିନା “ମାପୁରୁ ବିସାର ଦିନ୍ତୁ ମି ମାଣ୍ଟୁ ସଦମ୍ତୁମାନ୍ ଲୋକା ଉଣ୍ଡିଙ୍ଗ୍ ନାଣ୍ଟ ଦୟା ତରନାନ୍ ।”

**ନାବାନ୍ତୁ ଖାଜି ରମ୍ବୁ
(ଲୁକ ୧୦:୨୧-୨୨)**

୨୫ ଆୟା ସମୟ୍ତୁ ଜିସୁ ପାର୍ତନାକିଜି ଇର୍ହାନ୍, “ଏ ବୁବା, ମୁସ୍କୁପୁର୍ ମାରି ଦୁନିଆଦି ପ୍ରବୁ, ଇୟାଓଜୁ ମାଟା ନିନ୍ ବୁଦିମାନ୍ ମାରି ପଡ଼ାତି ଲୋକାମାଣ୍ଟୁ ମାର୍କ୍ସି ଇଡ଼ଜି ପଡ଼ାଇ ଲୋକାମାନ୍ ଖେକ୍ତିମାନ୍ ଆକା ନାନ୍ ମିଙ୍ଗ୍ ଦନ୍ୟବାଦ୍ ସିଜିନା ।

୨୬ ହୁଁ ବୁବା, ନି ବଦାଦାନ୍ ଇୟାଓଜୁ ଗଟାଜି ସଲ୍ସିନାଡ଼ ।

୨୭ *ନା ବୁବା ନାଙ୍ଗ୍ ଓଜୁ ବିସୟ୍ ସିତାମାନ୍, ବୁବେଙ୍ଗ୍ ଡିସ୍ତିକ୍ ମାରିସିଙ୍ଗ୍ ମାରି ଏନ୍ ନେସ୍ଏର୍, ମାରି ମାରିସିଙ୍ଗ୍ ଡିସ୍ତିକ୍ ମାରି ଏନ୍ ନେସ୍ଏର୍ । ମାରିସି ଏମେଖାରି ଲାକ୍ତୁ ବୁବେଙ୍ଗ୍ ଖେଙ୍ଗ୍ ସ୍ତିକିନାନ୍, କେବଲ୍ ଆକାର୍ନେ ବୁବେଙ୍ଗ୍ ନେସ୍ତେଙ୍ଗ୍ ଆଟ୍ନାଟ୍ ।

୨୮ “ଏ ଖାନ୍ତି ଓଜେରେ ନି ବଜ୍ତୁ ମାନ୍ ଲୋକୁ ଓଜେରେ, ନା ଲାକ୍ତୁ ରାଦୁ, ନାନ୍ ମିଙ୍ଗ୍ ରମିସ୍ତିକିନା ।

୨୯ ନା ପୁନ୍ ନିଜେଦି ମୁସ୍କୁ ପିଣ୍ଡୁ, ମାରି ନାବାଣ୍ଟୁ ଅଜାଦୁ, ଇରିଙ୍ଗ୍ ନାନ୍ ନିଜେ ସାଦୁ ନି ଜିବନ୍ତୁ କାର୍ମ୍ ସୁଣିକିନ୍ଦାଆକା । ଆବେଟ୍ ମିର୍ ରମ୍ବିନିଦେର୍ ।”

୩୦ ନାନ୍ ମି ମୁସ୍କୁ ଏମେ ପୁନ୍ ଲାଦେକିନା, ଆକା ପିଣ୍ଡୁଦେଙ୍ଗ୍ କାସ୍ସିଲେ । ମାରି ମିଙ୍ଗ୍ ଏମେ ବଜ୍ ସିନା, ଆକାବା ନାଣ୍ଟ ଉସାସ୍ ।



**ରମ୍ବିଦିନ୍ତି ବିସୟ୍ତାନ୍ ପ୍ରସ୍
(ମାର୍କ ୨:୨୩-୨୮; ଲୁକ ୬:୧-୫)**

୧ ତେନି ଏସ୍ ଦିନ୍ ଖେନ୍କା ଉଣ୍ଡି ରମ୍ବିଦିନ୍ତି ଜିସୁ ପାସି କିଡ଼ିଇ ସିଜି ସଲ୍ସିମାର୍ହାନ୍ । ଖାନ୍ ସିସୁର୍ ବାଙ୍ଗ୍ଆତାର୍ଆକା ଖାର୍ ସେରେନ୍କୁ ତେଉସି ତିନ୍ତେଙ୍ଗ୍ ଆସ୍ତାଟ୍ ।

୨ ପାରୁସିର୍ ଇକା ସୁଡ଼ଜି ଜିସୁଙ୍ଗ୍ ଇର୍ହାର୍, “ସୁଡ଼ଦୁ, ରମ୍ବିଦିନ୍ତି ମି ସିସୁର୍ ଏଣ୍ଟେସ୍ ନିୟ୍ମ୍ ସିଲି ପାଣି କିଜିନାଟ୍ ।”

୩ ଜିସୁ ଖାରିଙ୍ଗ୍ ଇର୍ହାନ୍, “ଅର୍ଲେନ୍ ଦାଉଦ ନି ଖାନ୍ ତଡ଼କୁ ବାଙ୍ଗ୍ ଆନିଖାଲେ ଖାନ୍ ଇନିକା କିତାମାର୍ଆନ୍, ଆକା ମିର୍ ପଡ଼ାଇଦେର୍ ନୋ ?

୪ ଖାନ୍ ମାପୁରୁଦି ଇଲ୍ତୁ ସଲ୍ସି ମାପୁରୁ ଉଦେସ୍ତାନ୍ ପୁଜାସିତିମାହିଁ ରୁଟି ଖାନ୍ ନି ଖାନ୍ ତଡ଼କୁ ତିର୍ହାର୍ । ନିୟ୍ମ୍ ଇସାବ୍ତାନ୍ ଜାଜକଦିଙ୍ଗ୍ ଡିସ୍ତିକ୍ ଆୟା ରୁଟି ତିନ୍ତେଙ୍ଗ୍ ଇଜି ଆଇ ଏଙ୍ଗ୍ବା ଅଦିକାର୍ ସିଲେତାଡ଼ ।

* ୧୧:୨୪ ମାତ୍ରିକ ୧୦:୧୫; ଲୁକ ୧୦:୧୨. * ୧୧:୨୨ ଜୋହନ ୩:୩୫; ଜୋହନ ୧:୧୮; ୧୦:୧୫.

୫ ମିର ଇନିକା ପଡ଼ାଇଦେବ ନୋ ? ମସାଦି ନିୟମ୍ ଇସାବତାନ୍ ଜାଜକର ରମ୍ନି ଦିନ୍ତୁ ମନ୍ଦିର ଲୋଇ ଜାଜକତି ପାଣିକିନି ମାଣାନ୍ ରମ୍ନି ଦିନ୍ତି ନିୟମ୍ ଅମାନ୍ୟ କିଜିମାରିଙ୍ଗ୍ ଆୟାଉଣ୍ଡିଙ୍ଗ୍ ଖାର ଦସି ଆଏଜିମାହାର ?

୬ ନାନ୍ ମିଙ୍ଗ୍ ଇଜିନା, ମନ୍ଦିର ମାଣାନ୍ ପେରି ବିସୟ ଇବେମାନାଡ଼ ।

୭ *ସାସ୍ତ୍ର ଇନାଡ଼, ନାନ୍ ବଦାକିନା ଦୟା, ପୁଜାସିନିକା ସିଲେ; ଇୟା ମାଟାଦି ଅର୍ଥ ଜଦି ସତ୍ତାନ୍ ବୁଜାତିଦେବମାନ୍ଦି, ଇୟା ଦସ କିଇ ଲୋକାଙ୍ଗ୍ ମିର ଦସିକିଇତିଦେବମାନ୍ଦି ।

୮ ଇରିଙ୍ଗ୍ ମନୁସ୍ୟପୁତ୍ର ରମ୍ନିଦିନ୍ତି ପ୍ରବୁ ।”

ଅରେନ୍ କିୟୁ ଖାରତିସରଇ ଲୋକୁ

(ମାର୍କ ୩:୧-୬; ଲୁକ ୬:୬-୧୧)

୯ ଜିସୁ ଆୟା ବାତିଦାନ୍ ଡିସସି ପାରତନାକିନି ଇଲ୍ତୁ ଡିଗ୍ରିତାନ୍ ।

୧୦ ଖାନି ଉନ୍ତ୍ର କିୟୁ ଖାରତିସରଇ ଅରେନ୍ ଲୋକୁ ଆବେ ମାହାନ୍ । ଜିସୁଦି ଦସ୍ ଆସତେଙ୍ଗ୍ ଏସ ଲୋକୁ ଆବେ କାପକିଜି ମାହାନ୍ । ଆୟା ଉଣ୍ଡିଙ୍ଗ୍ ଖାର ଜିସୁଙ୍ଗ୍ ଖେନ୍ଦବାତାର, “ରମ୍ନି ଦିନ୍ତୁ ନେଗେନ୍ କିନିକା ମା ନିୟମ୍ ବିରୁଦ୍ ସିଲେନୋ ?”

୧୧ *ଜିସୁ ଇହାନ୍, “ଜଦି ମି ଲୋଇରାନ୍ ଏ ଖାନି ମେଣ୍ଡା ରମ୍ନିନାଣ୍ଡିଙ୍ଗ୍ ଉନ୍ତ୍ର ପେରି ଗୁଟାଦୁ ଆରନାଡ଼, ମିର ତାନିଙ୍ଗ୍ ନିକ୍ସି ତେଇଦେବନୋ ?

୧୨ ଅରେନ୍ ଲୋକ୍ତି ଦାରା ଉନ୍ତ୍ର ମେଣ୍ଡାଦି ବାଦ୍ଲୁ ନାଣ୍ । ମାରି ରମ୍ନି ନାଣ୍ଡିଙ୍ଗ୍ ଆଇଖାନିଙ୍ଗ୍ ସାକାକିନିକା ମା ନିୟମ୍ ଇସାବତାନ୍ ନେଗି ପାଣି ।”

୧୩ ଇକା ଇଜି ଖାନ୍ କିୟୁ ଖାରତିମାରରି ଲୋକ୍ତିଙ୍ଗ୍ ଇହାନ୍, “ନି କିୟୁ ପେରଥା ।”

ଖାନ୍ ଖାନି କିୟୁ ପେରତି ଦାପ୍ରେ ଆୟା କିୟୁ ଆଇ କିୟୁ ଖାଜା ନେଗେନ୍ ଆତାସହାଡ଼ ।

୧୪ ଇୟା ଖେନ୍ଦକା ପାରୁସିର ଆୟା ବାତିଦାନ୍ ସହସି ସଲ୍ସି ଜିସୁଙ୍ଗ୍ ଡାକ୍ତେଙ୍ଗ୍ ଇଜି ଉପାୟକିତାର୍ ।

ମାପୁରୁ ବାସେକିତି ସେବାକିନିକାନ୍

୧୫ ଖାନି ବିରଦ୍ତାନ୍ ଆତିମାନି ଉପାୟତି ମାଟା ଖେନ୍ଦଜି ଜିସୁ ଆୟା ରାଜି ଡିସସି ଆଇତରିନ୍ ସହାନ୍ । ନାଣ୍ଡି ଲୋକୁ ଖାନି ଖେନ୍ଦକା ଖେନ୍ଦକା ସହାନ୍ । ମାରି ଖାନ୍ ଖିଜୁ ରଗ୍ ଲୋକାଙ୍ଗ୍ ନେଗେନ୍ କିତାନ୍ ।

୧୬ ମାତର ଖାନି ବିସୟତାନ୍ ଆଇଖାରିଙ୍ଗ୍ ଇନିକା ଇନ୍ଇ ଉଣ୍ଡିଙ୍ଗ୍ ଆଦେସ୍ ସିତାନ୍ ।

୧୭ ଇୟାବାଣାନ୍ ବାବବାଦି ଜିସାୟଦି ମାଣାନ୍ ମାପୁରୁ ଏମେ ମାଟା ଇହାମାହାନ୍, ଆକା ସତ୍ ଆଦେଙ୍ଗ୍ ଇକା ଇହାନ୍ ।

୧୮ “ଇକାନ୍ ନା ଦାସ୍, ଏମେଖାନିଙ୍ଗ୍ ନାନ୍ ବାସେକିତାମାନା,
ଖାନିଙ୍ଗ୍ ନାନ୍ ଲାଡ଼କିନା, ଖାନି ଉଣ୍ଡିଙ୍ଗ୍ ନାନ୍ ଖେଡ଼ିକା ।

ନା ଆମ୍ବା ଖାନି ମୁସକୁ ରେତାନାଡ଼;
ଖିଜୁ ଅଣଜିହୁଦି ଲୋକାମାନୁ ଖାନ୍ ନା ବିସାରକିନି ବିସୟ ଖେରନାନ୍ ।

୧୯ ଖାନ୍ ଜାଟିଜଗଡ଼ା କିଏନ୍ କି ଆଉଲି ଆଏନ୍,
ରାସ୍ତା ମଜାୟ ନିଲ୍ଜି ନାଣ୍ଡି ଆଉଲି ଆଜି ମାଟା ଇନ୍ଏନ୍ ।

୨୦ ଖାନ୍ ଖାଙ୍ଗ୍ତି ନାଡ଼ାଦିଙ୍ଗ୍ ରୁକ୍ଏନ୍,
ମାରି କାସ୍ନିସାଲିତାଦିଙ୍ଗ୍ ନାପ୍ଏନ୍ ।

ଖାନ୍ ସାକିସିଲିଖାରିଙ୍ଗ୍ ନି ସିଲିସାତିକାର ନ୍ୟାୟ ବିସାର ପୟନିସାନ୍ଦି ଖାନ୍ ଖାନି କିନିମାଣାନ୍ ସୁପ୍ ଆଏନ୍ ।

୨୧ ଖାନି ମୁସକୁ ଦେସ୍ତି ଖିଜୁ ଅଣଜିହୁଦି ଲୋକୁ ଆସା ଇଡ଼ନାର୍ ।”

ଜିସୁ ନି ବାଲ୍ଜିବୁଲ୍

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ତାନି ଖେନ୍ଦକା ଅରଲେନ୍ ଲୋକୁ ଅରେନ୍ କାଣା ନି ଗୁଲେଙ୍ଗ୍ ତାସିଖାତାର୍ । ଖାନ୍ ଦୁବା କାସ୍ତାମାରହାଡ଼ ଆକା ମାଟା ଇନ୍ତେଙ୍ଗ୍ ଆଟ୍ଏଜି ମାରହାନ୍ । ଜିସୁ ଖାନିଙ୍ଗ୍ ନେଗେନ୍କିତାନ୍ । ଖାନ୍ ସୁଡ଼ଦେଙ୍ଗ୍ଆଟ୍ତାନ୍ । ମାରି ମାଟା ଇନ୍ତେଙ୍ଗ୍ ଆଟ୍ତାନ୍ ।

୨୩ ଜିସୁଦି ଇୟା ପାଣିଦୁ ଖିଜୁ ଲୋକୁ କାବାଆଜି ଇହାନ୍, “ଇକାନ୍ ଇନିକା ଆୟା ଦାଉଦ ମାରିନ୍ ଆଏନ୍ ନୋ ?”

୨୪ *ପାରୁସିର ଇକା ଖେନ୍ଦଜି ଇହାନ୍, “ଖାନ୍ ଦୁବେଙ୍ଗ୍ ପେରିକାନ୍ ବାଲ୍ଜିବୁଲ୍ ସାଲ୍ଜି ପୟଜି ଦୁବେଙ୍ଗ୍ ଡିସସିକିନାନ୍ ।”

* ୧୨:୨ ମାତ୍ରିକ ୯:୧୩. * ୧୨:୧୧ ଲୁକ ୧୪:୫. * ୧୨:୨୪ ମାତ୍ରିକ ୯:୩୪; ୧୦:୨୫.

୨୫ ୱାନ୍ ଇନିକା ଏଡ଼ କିଜିନାର୍ ଜିସୁ ନେସ୍ତେଙ୍ଗ୍ ଆର୍ସି ଇର୍ହାନ, ଉନ୍ତ୍ର ଦେସ୍ତି ଲୋକୁ ୱେର୍ସ୍ ୱେର୍ସ୍ ଦଲ୍ ବାଗ୍ ଆଜି ନିଜେ ନିଜେଦି ଲୋଇ ଜୁଦ୍ କିତିଙ୍ଗ୍, “ଆୟା ଦେସ୍ ନାଣୁ ଦିନ୍ ତେବାଏଡ଼ । ଏମେ ଗାଡ଼୍ ବା ଇଲୁ ଲୋଇ ଆଇ ଆଇ ଦଲ୍ ଆଜି ଜାଟିଜଗଡ଼ା କିତିଙ୍ଗ୍, ୱାନ୍ ବେଗି ନାସ୍ ଆନାସନାର୍ ।

୨୬ ଆରିଙ୍ଗ୍, ସୟତାନ୍ ରାଜିଦୁ ଜଦି ଉନ୍ତ୍ର ଦଲ୍ ଆଇ ଦଲ୍ ବିରଦ୍ତାନ୍ ଜୁଦ୍ କିନାଡ଼, ନେସ୍ତେଙ୍ଗ୍ ଆନାଡ଼ଜେ ଆକା କଣ୍ଟୁ କଣ୍ଟୁଆଜି ଦଂସ୍ ଆନାସନାଡ଼ ।

୨୭ ମିର୍ ଇଜିନିଦେର୍, ନାନ୍ ଜଦି ବାଲ୍ ଜିବୁଲ୍ ଟି ସାକ୍ତିଦାନ୍ ତାଗ୍ ଡୁବେଆଙ୍ଗ୍ ୱେର୍ଜିନା । ଆରିଙ୍ଗ୍ ୱାନିକାଙ୍ଗ୍ ପେର୍ଦେଙ୍ଗ୍ ଇଜି ମି ସିସୁରିଙ୍ଗ୍ ଏନ୍ ସାକ୍ତି ସିଜିନାନ୍ ? ମି ସିସୁରି ଇୟା ପାଣିଦାନ୍ ମି ଦସ୍ କିନିକା ମିସ୍ ଇଜି ପାର୍ମାଣ୍ ଆଜିନାଡ଼ ।

୨୮ ଦୁବେଙ୍ଗ୍ ଡିସିସ୍ କିନି ସାକ୍ତି ନାନ୍ ବାଆଲ୍ ଜିବୁଲ୍ ଟି ମାଣାନ୍ ପୟ୍ସ । ମାପୁରୁଦି ଆମ୍ବାଦାନ୍ ଆକା ନାନ୍ ପୟ୍ତାମାନା । ଇୟାମାଣ୍ କୁ ମାରି ଉନ୍ତ୍ର ବିସୟ୍ ପାର୍ମାଣ୍ ଆଜିନାଡ଼ ମାପୁରୁଦି ରାଜି ମି ଲାକ୍ତୁ ୱାତାଡ଼ନି ।

୨୯ “ଅରେନ୍ ବପୁମାନି ଲୋକ୍ ଡିଙ୍ଗ୍ ଆଗ୍ ଡିଟ୍ ରସ୍ ଡିଙ୍ଗ୍, ଏନ୍ ୱାନି ଇଲୁଡୁ ଡିଗୁଜି ୱାନି ଦନ୍ ରେଲ୍ ଅତେଙ୍ଗ୍ ଆର୍ସ୍ ଏନ୍ ।

୩୦ “ଏନ୍ ନା ତରିନ୍ ସିଲେନ୍, ୱାନ୍ ସଡ଼ନେ ନା ବିରୁଦ୍ତାନ୍ ମାନାନାର୍ । ଏନ୍ ନା ୱାଲେ ମିସାଜି ଉଣ୍ଟୁକିଏଜିନାନ୍, ୱାନ୍ ଇନ୍ ଡାଁ ଆନି ଡାଁ କିନା ପୋକ୍ ନାନ୍ ।

୩୧ ଇୟା ଉଣ୍ଟୁଙ୍ଗ୍ ନାନ୍ ମିଙ୍ଗ୍ ସଡ଼ ଇଜିନା, ଲୋକୁ ଏମେ ପାପ୍ କିପିନ୍ ବା ନିନ୍ଦା ମାଟା ଇନିନ୍, ଆୟା ଉଣ୍ଟୁଙ୍ଗ୍ ୱାନିଙ୍ଗ୍ କେମାସିଆଇ ଆଦେଙ୍ଗ୍ ଆର୍ନାଡ଼ । ମାତର୍ ଜଦି ଏନ୍ ପବିତ୍ର ଆମ୍ବାଦି ବିରଦ୍ତାନ୍ ନିନ୍ଦା ମାଟା ଇନାନ୍, ୱାନି କେମାଆଏଡ଼ ।

୩୨ “ଏମେକାନ୍ ମନୁସ୍ୟପୁତ୍ରଦି ବିରଦ୍ତାନ୍ ଇନିକା ଇରିଙ୍ଗ୍, ୱାନ୍ କେମା ପୟ୍ ନାନ୍ । ମାତର୍ ଏନ୍ ପବିତ୍ର ଆମ୍ବାଦି ବିରଦ୍ତାନ୍ ନିନ୍ଦା ମାଟା ଇନାନ୍, ୱାନ୍ ଇଲେଇ ମାରି ୱାନିଦିନ୍ତୁ ଏସାଙ୍ଗ୍ ବା କେମା ପୟ୍ ଏନ୍ ।

ମାରାନ୍ ନି ତାନି ପଲ୍
(ଲୁକ ୭:୪୩-୪୫)

୩୩ “ନେଗି ପଲ୍ ଆସ୍ତେଙ୍ଗ୍ ଇଜି ମାରାନ୍ ମଟା ଆନିଦରକାର୍ । ତାଗ୍ ମାରାଡୁ ତାଗ୍ ପଲ୍ ଆସ୍ନାଡ଼ । ମାରାନ୍ ଏଣ୍ଟେସ୍ ନାନିକା, ପଲ୍ ତାନ୍ ନେସ୍ତେଙ୍ଗ୍ ଆନାଡ଼ ।

୩୪ ମିର୍ ସାରାସ୍ତି ୱାଜା ତାଗ୍ ଲୋକୁ, ମିର୍ ନେଗି ମାଟା ଏଣ୍ଟେସ୍ ଇନ୍ତେଙ୍ଗ୍ ଆର୍ନିଦେର୍ ? ଅରେନ୍ ୱାନି ମନ୍ ଲୋଇ ଆମାକା ଅଡ଼ିଜିମାନାନ୍, ଆକା ୱେୟୁଦାନ୍ ସପ୍ ନାନ୍ ।

୩୫ ଅରେନ୍ ନେଗି ଲୋକୁ ନେଗି ସାମାନ୍ତୁ ବଡ଼ ଆତିମାନି ୱାନି ଜିବନ୍ତାନ୍ ନେଗି ମାଟା ସପ୍ସି ତାନାନ୍ । ଅରେନ୍ ତାଗ୍ ଗୁଣ୍ଟି ଲୋକୁ ତାଗ୍ ସାମାନ୍ତୁ ବଡ଼ ଆତିମାନି ୱାନି ଜିବନ୍ତାନ୍ ତାଗ୍ ମାଟା ସପ୍ସି ତାନାନ୍ ।

୩୬ “ମିର୍ ଇହ୍ ମାନି ୱିଜୁ ଉପକା ମାଟେଙ୍ଗ୍ ଉଣ୍ଟୁଙ୍ଗ୍ ବିସାର୍ ଦିନ୍ତୁ ମିଙ୍ଗ୍ ଇସାବ୍ ସିଦେଙ୍ଗ୍ ଆନାଡ଼ ।

୩୭ ମି ମାଟାଦାନ୍ ମିର୍ ବିସାର୍ ଆଜି ନିର୍ଦ୍ଦସ୍ ନୋ ଦସି ଇଜି ଆସାଇଆନିଦେର୍ ।”

କାବାଆନି ପାଣିକିଦେଙ୍ଗ୍ ଦାବିକିତାର୍
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ “ଅର୍ଲେନ୍ ଏସ୍ ପାରୁସିର୍ ନି ଦାମ୍ବୁ ଗୁରୁର୍ ଜିସୁଙ୍ଗ୍ ଇର୍ହାର୍, “ଗୁରୁ, ନି ଉଣ୍ଟି କାବାଆନି ପାଣି ସୁଡ଼ଦେଙ୍ଗ୍ ବଦା କିଜିନାପ୍ ।”

୩୯ ଜିସୁ ୱାରିଙ୍ଗ୍ ଇର୍ହାନ, “ଇୟା ଜଗ୍ତି ଲୋକୁ ଏସା ଦୁସ୍ ନି ମାପୁରୁଙ୍ଗ୍ ୱେର୍ଜିନାକାର୍ ।” ମିର୍ ନାଙ୍ଗ୍ ଉଣ୍ଟି କାବାଆନି ପାଣି ତର୍ତେଙ୍ଗ୍ ଇଜିନିଦେର୍ ? କେବଲ୍ ବାବଦାଦି ଜୁନସ୍ତି ଜିବନ୍ତୁ ଗଟେଆତିମାନି କାବାଆନି ପାଣି ନେ ମିଙ୍ଗ୍ ତର୍ସି ସିଆଇଆନାଡ଼ ।

୪୦ ଜୁନସ୍ ଏଣ୍ଟେସ୍ ମିନି ପଟାଦୁ ମୁଣ୍ଟି ଦିନ୍ ମୁଣ୍ଟି ନାଡ଼ା ତେବାତାମାହାନ, ଆୟା ୱାଜା ମନୁସ୍ୟପୁତ୍ର ବୁମି ଲୋଇ ମୁଣ୍ଟି ଦିନ୍ ମୁଣ୍ଟି ନାଡ଼ା ତେବାନାନ୍ ।

୪୧ ଆମା ନାଣ୍ଟିଙ୍ଗ୍ ମାପୁରୁ ବିସାର୍ କିନାନ୍ ନିନିବିତି ଲୋକୁ ମି ବିରଦ୍ତାନ୍ ଇନ୍ତେଙ୍ଗ୍ ଇଜି ନିନାର୍, ଇରିଙ୍ଗ୍ ଜୁନସ୍ତି ପ୍ରଗାର୍ ୱେନ୍ଜି ୱାନ୍ ପାପ୍ ସାରିଦାନ୍ ଡେସି ୱାତାର୍ । ମାରି ସୁଡ଼ଦୁ, ନାନ୍ ମିଙ୍ଗ୍ ଇଜିନା, ଜୁନସ୍ତି ମାଣ୍ଟୁ ପେରିକାନ୍ ଅରେନ୍ ଇବେନ୍ ମାନାନ୍ ।

☆ ୧୨:୩୦ ମାର୍କ ୯:୪୦. ☆ ୧୨:୩୨ ଲୁକ ୧୨:୧୦. ☆ ୧୨:୩୩ ମାତ୍ରିକ ୭:୨୦; ଲୁକ ୭:୪୪. ☆ ୧୨:୩୪ ମାତ୍ରିକ ୩:୭; ୨୩:୩୩; ଲୁକ ୩:୭; ମାତ୍ରିକ ୧୫:୧୮; ଲୁକ ୭:୪୫. ☆ ୧୨:୩୮ ମାତ୍ରିକ ୧୭:୧; ମାର୍କ ୮:୧୧; ଲୁକ ୧୧:୧୭. ☆ ୧୨:୩୯ ମାତ୍ରିକ ୧୭:୪; ମାର୍କ ୮:୧୨.

୪୭ ମାପୁରୁଦି ବିସାର ଦିନତୁ ସିବାଦି ରାଣି ମି ଦସ୍ ତରତେଙ୍ଗ୍ ଳଜି ନିନାଡ୍, ଇରିଙ୍ଗ୍ ସଲମନତି ବୁଦିଦି ମାଟା
ଝେନ୍ତେଙ୍ଗ୍ ଳଜି ଦୁନିଆଦି ଆକ ଦେସ୍ତାନ ଝାଦ୍ ଝାତା ମାର୍ହାଡ୍; ମାତର୍ ନାନ ସତେନେ ଳଜିନା, ସଲମନତି ମାଣ୍ଟକୁ
ଇବେ ପେରିକାନ ଅରେନ୍ ଳବେ ମାନାନ ।

ତାଗ୍ଲ ଆମ୍ବା ଡେସିଝାନିକା
(ଲୁକ ୧୧:୨୪-୨୬)

୪୩ “ଉଣ୍ଡି ତାଗ୍ଲଦୁବା ଅରେନ୍ ଲୋକୁ ମାଣାନ ସତିସରଈ ଝେନ୍କା ଝାଡ୍ତି ବାଡି ସୁଡ୍ଡି ମାରି ଉନ୍ତ୍ରି ରମ୍ନି ବାଡି
ପୟନାଡ୍ । ଜଦି ଆୟା ନାନି ବାଡି ତାନେଙ୍ଗ୍ ପୁର୍ଏଡ୍ ।

୪୪ ନାସ୍ତିଝାଲେ ଝାଦ୍ ଳନାଡ୍, ନାନ ଏମେ ଳନ୍ତୁଣାନ ସତା ଝାତାମାର୍ଆ, ନା ଆୟା ଳନ୍ତୁ ମାରିଡେସି ସନା, ଝାଦ୍
ଡେସି ସଲ୍ଲସି ସୁଣାଡ୍, ଆୟା ଳଲୁ ମାରି ସିପାଈଆଜି ମେଲା ତେବାତାମାନାଡ୍ ।

୪୫ ନାସ୍ତିଝାଲେ ଝାଦ୍ ସଲ୍ଲସି ତାନେମାଣାନ ନାଣ୍ଡ ତାଗ୍ଲ ମାରି ସାଡ୍ଗୋଟା ଆଡ୍ମେଙ୍ଗ୍ ଅରସେ ଆସ୍ନା ଝାନାଡ୍ ।
ମାରି ଝାକ୍ ଝାଜି ଆୟା ଳଲୁ ଲୋଈ ସଲ୍ଲସି ବାସାନେ । ନାସ୍ତିଝାଲେ ଲୋକ୍ତି ଅବସ୍ତା ଆଗ୍ଡିରି ବାଦ୍ଲୁ ନାଣ୍ଡ ତାଗ୍ଲକା
ଆନାଡ୍ । ଳଲେଈ ଜିବନ୍ମାନି ତାଗ୍ଲ ଲୋକା ଉଣ୍ଡିଙ୍ଗ୍ ଆୟାଝାଜା ଗଟାନାଡ୍ ।”

ଜିସୁଦି ଆଇସି ନି ତଡାନକୁ
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜିସୁ ଲୋକା ଝାଲେ ଝାରିଜିସାନିଝାଲେ ଝାନି ଆଇସି ନି ତଡାନକୁ ଆୟା ବାଡିତୁ ଝାଜି ଝାନିଙ୍ଗ୍ ଳନିକା
ଈନ୍ତେଙ୍ଗ୍ ଳଜି ଆଡ୍ରେ କାପ୍କିଜି ଝାନିଙ୍ଗ୍ କୁକିସ୍କିତାଡ୍ ।

୪୭ ଅରେନ୍ ଲୋକୁ ଝାଜି ଜିସୁଙ୍ଗ୍ ଳର୍ହାନ, “ସୁଡ୍ଡିଆ, ମି ଯାୟା ନି ତଡାନକୁ ନି ଉଣ୍ଡିଙ୍ଗ୍ ଆଡ୍ରେ କାପ୍କିଜିନାର୍ ।”

୪୮ ଜିସୁ ଳର୍ହାନ, “ଏଦ୍ ନା ଯାୟା ? ମାରି ଏର୍ ନା ତଡାନକୁ ?”

୪୯ ସିସୁରି ତରିନ୍ କିୟୁ ଜୁର୍ସି ଳର୍ହାନ, “ସୁଡ୍ଡି, ଳୟାକାର୍ ଆଜିନାର୍ ନା ଯାୟା ନି ତଡାନକୁ ।

୫୦ ଏନ୍ ନା ମୁସ୍କୁପୁରତି ବୁବାଦି ବଦାଦିଙ୍ଗ୍ ମାନାନାନ, ଝାନ ନା ତଡାନ, ନା ତାଙ୍ଗ୍ ମାରି ନା ଯାୟା ।”

୧୩

ଝିତୁ ଝିଡ୍ନି କାତା
(ମାର୍କ ୪:୧-୯; ଲୁକ ୮:୪-୮)

୧ ଆୟାନାଣ୍ଡିଙ୍ଗ୍ ଜିସୁ ଳଲ୍ଲତାନ ସହସି ଗାତା ପାଡି ସର୍ହାନ । ଆବେ ଝାନ ସିକିୟା ସିଦେଙ୍ଗ୍ ବାସ୍ତାନ ।

୨ ଝାନି ସାରିବେଡ୍ଡି ନାଣ୍ଡ ଲୋକୁ ଉଣ୍ଡାତା ମାର୍ହାର୍ ଜେ ଝାନ ଉନ୍ତ୍ରି ଡଙ୍ଗାଦୁ ସଲ୍ଲସି ବାସ୍ତାନ । ଲୋକୁ ଝିଜେରେ
ସାମଦୁର୍ ପାଡି ତେବାତାର୍ ମାରି ଝାନି ମାଟା ଝେର୍ଆର୍ ।

୩ ଝାନ କାତାଦାନ ଝାରିଙ୍ଗ୍ ନାଣ୍ଡ ମାଟେଙ୍ଗ୍ ସିକିୟା ସିତାନ । ଝାନ ଳର୍ହାନ, “ଅର୍ଲେନ୍ ଅରେନ୍ ଲୋକୁ ଝିତୁ
ଝିଡ୍ଡେଙ୍ଗ୍ ସତାନ ।

୪ ଝାନ କିଡିଈଦୁ ଝିତୁ ଝିଡ୍ନିଝାଲେ ଏସ ଝିତୁ ସାରି ପାଡକାଦୁ ଆର୍ତେ ଆକା ପଟିଙ୍ଗ୍ ଝାଜି ଆୟାଝିତୁ ଝିତୁ ତିର୍ଏ ।

୫ ମାରି ଏସ ଝିତୁ ଉଣା ସିକାଲାମାନି ପିଡିପି ବୁମିଦୁ ଆର୍ତାଡ୍ । ମାରି ନାଣ୍ଡ ସିକାଲା ସିଲେତାଡ୍ ଆକା ଝିତୁ ଦାପ୍ତେ
ନେରିତାଡ୍ ।

୬ ମାତର୍ ତାନି ଝେଲା ଆଡ୍ଗି ସଲ୍ଲଏଡ୍ ମାର୍ହାଡ୍ଆକା ଝେଡା ତେର୍ଝେଲ୍ତାନ ଝେଡାଡ୍ ମାରି ସାତା ସର୍ହାଡ୍ ।

୭ ଏସ ଝିତୁ ସାମକା ଦୁପା ଲୋଈ ଆର୍ତାଡ୍ । ଳୟା ସାମ୍ ମାରାକ୍ ଝିତୁ ପିର୍ଜି ପାଡାଝିତୁଦିଙ୍ଗ୍ ତିଗିତେ ପକ୍ତେ ।

୮ ମାତର୍ ମାରି ଏସ ଝିତୁ ନେଗି ବୁମିଦୁ ଆର୍ଜି ମାରାକ୍ଆଜି ପଲ୍ ଆସ୍ତାଡ୍ । ଏସ ସହେ ଗୁଣ୍ଡୁ, ଏସ ସାଟେ ଗୁଣ୍ଡୁ,
ମାରି ଏସ ତିରିସ୍ ଗୁଣ୍ଡୁ ପଲ୍ ଆସ୍ତାଡ୍ ।”

୯ ଜିସୁ କାତା ଝିସ୍ସି ଳର୍ହାନ, “ଆମାଝାନିଙ୍ଗ୍ ଝେନ୍ତେଙ୍ଗ୍ ଗିତଣିଙ୍ଗ୍ମାନେ, ଝାନ ଝେନିନ୍ ।”

ଜିସୁ ଏନ୍ଦା କାତା ଝେର୍ତାନ
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଝେନ୍କା ସିସୁର୍ ଜିସୁଦି ଳାକ୍ତୁ ଝାଜି ଝେନ୍ବାତାର୍, “ଲୋକାଙ୍ଗ୍ ସିକିୟା ସିନିଝାଲେ ନିନ୍ ଏନ୍ଦା କାତାଦାନ
ଝେର୍ସିନି ?”

୧୧ ଜିସୁ ଳର୍ହାନ, ମୁସ୍କୁପୁରତି ମାର୍ଗିତିମାନି ବିସୟ ନେସ୍ତେଙ୍ଗ୍ ଳଜି ମିଙ୍ଗ୍ ବୁଦି ସିଆଈ ଆତାମାନାଡ୍, ମାତର୍
ଝାରିଙ୍ଗ୍ ସିଆଈ ଆଏଡ୍ ।

☆ ୧୩:୨ ଲୁକ ୫:୧୩.

୧୨ *ଆମାଞ୍ଜାନିଙ୍କ ମାନାତ୍, ଖାନିଙ୍କ ନାଶ୍ତ ସିଆଇ ଆନାତ୍ ମାରି ଆବେଟ୍ ଖାନ ନାଶ୍ତ ଲାବ୍ କିନାନ । ମାତର୍ ଆମାଞ୍ଜାନିଙ୍କ ସିଲେତ୍, ଖାନିଦି ଆମାକା ମାନାତ୍, ଆକାବା କୁତ୍ସି ଅଆୟାନାତ୍ ।

୧୩ ଖାରିଙ୍କ ନାନ କାତାଦାନ ସିକିୟା ସିଜିନା, ଇରିଙ୍କ ଖାର୍ ସୁତ୍ତୁ ସୁତ୍ତୁ ସୁତ୍ତୁଦେଙ୍କ ଆଟ୍ଏର୍ ମାରି ଖେନ୍ତୁ ଖେନ୍ତୁ ବୁଜାଏର୍ ।

୧୪ ବାବବାଦି ଜିସାୟଦି ବବିସତ୍ ମାଟା ଖାରି ଉଶ୍ତିଙ୍କ ସତ୍ ଆଜିନାତ୍ ।

ଇୟା ଲୋକୁ ଖେନ୍ତି ଖେନ୍ତି ଇନିକା ବୁଜାଏର୍ ।

ସୁତ୍ତୁ ସୁତ୍ତୁ ଇନିକା ସୁତ୍ତୁଦେଙ୍କ ଆଟ୍ଏର୍ ।

୧୫ ଇରିଙ୍କ ଖାରି ମୋନ୍ ପିଲା ବୁଦି,
ଖାର୍ ଗିତଶିଙ୍କ୍ ୍କେର୍ପାତାମାନାର୍
ମାରି କାଶୁକୁ ମୁକ୍ତାମାନାର୍ ।

ଆକା ଆଏତିମାରିଙ୍କ୍ ଖାର୍
କାଶକାଶୁକୁ ସୁତ୍ତୁଦେଙ୍କ୍ ଆଟ୍ତାର୍ମାନ୍
ମାରି ଖାର୍ ଗିତଶିଦାନ ଖେନ୍ତେଙ୍କ୍ ଆଟ୍ତାର୍ମାନ୍
ମାରି ବୁଜାଜିଖାଜି ନା ଲାକ୍ତୁ ତେସିଖାତାର୍ମାନ୍
ମାରି ଖାରିଙ୍କ୍ ନାନ ନେଗେନକିତାମାନ୍ ।

୧୬ *“ମିର୍ ଏସା ବାଗ୍ୟଦି ଲୋକୁ ! ମିର୍ ସୁତ୍ତୁଦେଙ୍କ୍ ଆଟ୍ସିନିଦେର୍ ମାରି ଖେନ୍ତେଙ୍କ୍ ଆଟ୍ସିନିଦେର୍ ।

୧୭ ଇୟା ମାଟା ନାନ ମିଙ୍କ୍ ସତ୍ ଇଜିନା, ଏସ ବାବବାଦିର୍ ନି ଏସ ମାପୁରୁଦି ଲୋକୁ, ମିର୍ ଆମାକା ସୁତ୍ତୁଜିନିଦେର୍; ଆକା ସୁତ୍ତୁଦେଙ୍କ୍ ଇଜି ମାରି ଖେନ୍ତିନିଦେର୍; ଆୟାଞ୍ଜିକୁ ଖାର୍ ଖେନ୍ତେଙ୍କ୍ ବଦାକିତାର୍, ମାତର୍ ଖେନ୍ଏତାର୍ ।

ଜିସୁ ଓଡୁ ଓଡୁନି ଲୋକ୍ତି କାତା ବୁଜାକିତାନ୍

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆରିଙ୍କ୍ ଖେନ୍ତୁ, ଓଡୁ ଓଡୁନିକାନ୍ କାତାଦି ଅର୍ତ୍ତ ଇଜିନାନ । ବୁଜାଦେଙ୍କ୍ ତେରେପେତେ ଆଦୁ ।

୧୯ ଏର୍ ମୁସ୍ତୁପୁର୍ତ ନେଗି କାରୁର୍ ଖେନାର୍, ମାତର୍ ବୁଜାଏର୍ । ଖାନ ଓଡୁତିମାନି ସାରି ଲାକ୍ତୁରି ବୁମିଦି ଖାଜା । ସୟତାନ୍ ଖାନି ଜିବନ୍ତୁ ଓଡୁତିମାନି ଆୟା ବାକ୍ୟ ଡିବିସ୍କିନାଅନାତ୍ । ସାରି ଲାକ୍ତୁ ଆର୍ଡିମାନି ଓଡୁଦି ଅର୍ତ୍ତ ।

୨୦ ଏମେକାର୍ ବାକ୍ୟ ଖେର୍ଇଦାପ୍ରେ ଖେଡିକାଦାନ ଆସ୍ନାନ, ଖାର୍ ପିଡିପି ବୁମିଦୁ ଆର୍ଡିମାନି ଓଡୁଦି ସାମାନ ।

୨୧ ଖାରି ମନ୍ତି ଲୋଇ ଇକା ସଲ୍ଏତ୍ ଆକା ଖାର୍ ତାନିଙ୍କ୍ ନାଶ୍ତ ସମୟ ଆସ୍ସି ଇଡ୍ଦେଙ୍କ୍ ଆଟ୍ଏର୍ । ଇୟା ମାଟା ଉଶ୍ତିଙ୍କ୍ ଏସିଖାଲେ କାସୁ ନି କାସୁ ଖାନାତ୍, ଖାର୍ ଦାପ୍ରେ ତାନିଙ୍କ୍ ଡିସ୍ନାର୍ ।

୨୨ ଏନ୍ ବାକ୍ୟ ଖେନାନ, ମାରି, ଦୁନିଆଦି ସିନ୍ତା ମାରି ଦନ୍ତି ଆସା ଖାନିଙ୍କ୍ ତିଗ୍ନା ପକ୍ନାତ୍, ମାରି ଖାର୍ ପସଲ୍ ଆସ୍ଏର୍, ଆୟା ଲୋକ୍ ସାମ୍କା ଦୁପାଦୁ ଓଡୁତିମାନି ବୁମିଦି ଖାଜା ।

୨୩ ମାତର୍ ଏନ୍ ବାକ୍ୟ ଖେନ୍ତି ବୁଜାନାନ, ଆୟାକାର୍ ଓଡୁତିମାନି ନେଗି ବୁମିଦି ଖାଜା । ଖାର୍ ନାଶ୍ତ ପସଲ୍ ଆସ୍ନାର୍, ଏନ୍ ସହେ ଗୁଶୁ, ଏନ୍ ସାଟେ ଗୁଶୁ ଏନ୍ ତିରିସ୍ ଗୁଶୁ ।”

ଗଲୁତକାଦିଲାଟା କାତା

୨୪ ଜିସୁ ମାରିଉଶ୍ତି କାତା ଇଜି ଇର୍ହାନ । ମୁସ୍ତୁପୁର୍ ଇୟାଖାଜା ଅରେନ୍ ଲୋକୁ ଖାନି କିଡିଇଦୁ ନେଗି ଗଦ୍ମୁ ଓଡୁ ଓଡୁତାନ୍ ।

୨୫ ଅର୍ଲେନ୍ ନାଡା ଖାର୍ ଓଡିଜେରେ ତରିତିମାର୍ଇଖାଲେ ଅରେନ୍ ସାତୁ ଖାଜି ଆୟା ଗଦ୍ମୁ ଲୋଇ ଏସ ଗଲୁତକା ଲାଟା ଓଡୁ ଓଡୁତାସର୍ହାତ୍ ।

୨୬ ଏସିଖାଲେ ମାରାକ୍ ଓଡୁ ପିର୍ଜି ସେରେନ୍ ସତାତ୍, ନାଡୁମି ନାଡୁମି ଗଲୁତକା ଲାଟା ତରିତାତ୍ ।

୨୭ ଆୟା ଲୋକ୍ତି ସାକର୍କୁ ଖାଜି ଇର୍ହାର୍, ଆଖା, ନିନ୍ତୋ କିଡିଇଦୁ ନେଗି ଓଡୁ ଓଡୁତିମାର୍ହି, ଗଲୁତକାଲାଟେଙ୍କ୍ ଏମେଶ୍କୁ ଖାତେ ?

୨୮ ଖାନ ଖାରିଙ୍କ୍ ଇର୍ହାନ, ଅରେନ୍ ସାତୁ ଇକା କିତାମାନାନ । ମାରି, ସାକର୍କୁ ଖାନିଙ୍କ୍ ଇର୍ହାର୍, ଆରିଙ୍କ୍ ମାପ୍ ସଲ୍ସି ଆକେଙ୍କ୍ ରେଲ୍ଜି ଉଶ୍ତି_ମାନୁ କିନାପ୍, ଇକା ଇନିକା ନିନ୍ ବଦାକିନି ?

୨୯ ମାତର୍ ଖାନ ଇର୍ହାନ, “ସିଲେ, ଏସିଖାଲେ ମିର୍ ଗଲୁତକା ଲାଟା ଉଶ୍ତା କିବୁ କିବୁ ଆୟାଞ୍ଜିଦି ଖାଲେ ଗଦ୍ମୁ ରେନି ପକ୍ନିଦେର୍ ।

* ୧୩:୧୨ ମାତୃତ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭. * ୧୩:୧୭ ଲୁକ ୧୦:୨୩,୨୪.

୩୦ ପାସି କୟଇ ସାନ୍ତି ରୁଣ୍ଡିଖାନିକାଙ୍କ ଽ ଅରସେ ପିରଦେଙ୍ଗ ଡିସସୋ ସିଦୁ, ମାରି ପାସି କୟନିଖାଲେ ନାନ୍ କୟନି ଖାରିଙ୍ଗ ଇନା, ଆଡେକଡେଙ୍ଗ ଇଜି ଆଗଡ଼ି ଗଲୁତକା ଲାଟା ଉନ୍ତେମାନୁ କିଜି କାଟେଙ୍ଗ ତରଥା, ମାତର ଗଦମୁ ନା କଲକିଦୁ ଉଣ୍ଡା କିଜିଇଡିଆ ।”

ସାର୍ସୁ ପାଡ଼ଡ଼ି କାତା

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜିସୁ ଖାରିଙ୍ଗ ମାରିଉନ୍ତୁ କାତା ଖେରସି ଇର୍ହାନ୍, “ମୁସକୁପୁର ଇୟାଖାଜା ଉନ୍ତୁ ସାର୍ସୁ ପାଡ଼ଡ଼ି ଖାଜା, ଆମାକା ଅସି ଅରେନ୍ ଲୋକୁ ନିଜେଦି କିଡ଼ିଇଦୁ ଖିଡ଼ତାନ୍

୩୨ ଆକା ତୋ ଖିଜୁ ଖିଡ଼ୁ ପାଡ଼କା ମାଣାନ୍ ଇସିକାଡ଼, ମାତର ଆକା ପିରିଡିଙ୍ଗ ଖିଜୁ କୁସାଦି ମାଣକୁ ପେରିକା ଆଜି ଇୟାଖାଜା ମାରାନ୍ ଆନାଡ଼ ଜେ, ବାଦଡ଼ି ପଟିଙ୍ଗ ଖାଜି ତାନି କମେଆଙ୍ଗ ଽ ଜାଲୁ ତରସି ବାସାନେ ।”

କମିରଦି କାତା

(ଲୁକ ୧୩:୨୦-୨୧)

୩୩ ଜିସୁ ଖାରିଙ୍ଗ ମାରିଉନ୍ତୁ କାତା ଖେରସି ଇର୍ହାନ୍, “ମୁସକୁପୁର ଇୟାଖାଜା । ଅରେଡ଼ ଆଇମା କାଣ୍ଡେକ୍ କମିର ଅସି ଆତା ଅଟା ଗୁଣ୍ଡାଦୁ ମିସାକିଜି ପିଡ଼ିକସି ଇଟତାଡ଼ । ଟିକ୍ ସମୟତୁ ଖିଜୁ ଦୁର ଗୁଣ୍ଡା ଆବେ ମିସାଜି ଉଦଜି ନିଙ୍ଗିତାଡ଼ ।”

ଜିସୁ କାତାଦାନ୍ ଖେରତାନ୍

(ମାର୍କ ୪:୩୩-୩୪)

୩୪ ଜିସୁ ଇୟାଖିଜୁ ମାଟା କାତାଦାନ୍ ଲୋକାଙ୍ଗ ଖେରସିମାର୍ହାନ୍, ମାରି କାତା ଖେରଏଣ୍ଡା ଖାନ୍ ଖାରିଙ୍ଗ ଇନିକା ଇନ୍ଏଜିମାର୍ହାନ୍,

୩୫ ଏଣ୍ଡେସ୍ ବାବବାଦି ମାଣାନ୍ ରାସାତି ଇୟା ବାକ୍ୟ ସଡ଼ ଆନାଡ଼,

“ନାନ୍ କାତାଦାନ୍ ଖାରି ଖାଲେ ମାଟା ଖାରଗିନା ।

ଦୁନିଆ ତିଆରଆତି ଆଗଡ଼ିରି ନେସଇମାନି ଖିଜୁ ମାଟା ଇୟାଖାଜା ନାନ୍ ଖାରିଙ୍ଗ ବୁଜାକିନା ।”

ଜିସୁ ଗଲୁତକାଲାଟାଦି ବିସୟତାନ୍ ବୁଜାକିତାନ୍

୩୬ ଲୋକା ଗଲିଦାନ୍ ସହସି ଖାଜି ଜିସୁ ଏସିଖାଲେ ଇଲୁ ଲୋଇ ସର୍ହାନ୍, ଖାନି ସିସୁର ଖାଜି ଖେନ୍ବାତାର୍, “କିଡ଼ିଇଦି ଗଲୁତକାଲାଟାଦି କାତାଦି ଅର୍ତ ମାଙ୍ଗି ବୁଜାକିଆ ।”

୩୭ ଜିସୁ ଇର୍ହାନ୍, ଏମେ ଲୋକୁ ନେଗି ଖିଡ଼ୁ ଖିଡ଼ତାନ୍, ଖାନ୍ ମନୁସ୍ୟପୁତ୍ର ।

୩୮ ଇୟା ଦୁନିଆ ଆଜିନାଡ଼ କିଡ଼ିଇ । ଏମେକାର୍ ମୁସକୁପୁରତି ଅଦିକାରି, ଖାର ନେଗି ଖିଡ଼ୁ । ଗଲୁତକାଲାଟେଙ୍ଗ ସୟତାନ୍ତି ଖାଲେ ବୁଲାନିକାର୍ ।

୩୯ ଏମେ ସାତୁ ଗଲୁତକା ଲାଟା ଖିଡ଼ତାନ୍, ଖାନ୍ ସୟତାନ୍ । ପାସି ଉଣ୍ଡାକିନି ସମୟ ଆଜିନାଡ଼ ଖିଜିନି ଜୁଗ୍ । ପାସି କୟନିକାର୍ ଆଜିନାଡ଼ ମୁସକୁପୁରତି ଦୁଡ଼କୁ ।

୪୦ ଗଲୁତକା ଲାଟେଙ୍ଗ ଏଣ୍ଡେସ୍ ଉଡ଼େମାନୁ କିଜି ଆଡ଼କାଇଆଡେ, ଜୁଗ୍ ଖିଜିନିଖାଲେ ଆୟାଖାଜା ଆନାଡ଼ ।

୪୧ ମନୁସ୍ୟପୁତ୍ର ଖାନି ରାଜିଦାନ୍ ଖିଜୁ ତାଗଇ ପାଣିକିନିଖାରିଙ୍ଗ ନି ଏମେକାର୍ ଆଇଖାରିଙ୍ଗ ପାପ୍ କିବିସ୍ କିଦେଙ୍ଗ ଉଡ଼ନାର୍, ଖାରିଙ୍ଗ ଉଣ୍ଡାକିଦେଙ୍ଗ ଇଜି ମୁସକୁପୁରତି ଦୁଡ଼କାଙ୍ଗ ପକନାନ୍ ।

୪୨ ଖାର ଇୟା ଖିଜେରିଙ୍ଗ କାସନି ସିସୁଦୁ ପକନେ । ଆବେ ଇୟା ଲୋକୁ ଆଡ଼ବାନାର୍ ମାରି ପାଲକୁ କାଡ଼େ କିନାର୍ ।

୪୩ ନାସିଖାଲେ ମାପୁରୁଦି ଲୋକୁ ମୁସକୁପୁରତି ବୁବାମାନୁ ଖେଡ଼ାଦି ଖାଜା ଜାୟ ଆନାର୍ । ଏମେଖାନିଙ୍ଗ ଖେନ୍ତେଙ୍ଗ ଗିତଣିଙ୍ଗମାନେ, ଖାନ୍ ଖେନିନ୍ ।

ମୁସତି ଦନ୍ତି କାତା

୪୪ ମୁସକୁପୁର କିଡ଼ିଇଦୁ ମାରଗିତିମାନି ଦନ୍ତି ଖାଜା । ଅରେନ୍ ଲୋକୁ ଆକା ସୁଡ଼ଜି ମାରକସି ଇଟତାନ୍ ମାରି ଖେଡ଼ିକାଦାନ୍ ସଲସି ନିଜେଦି ଖିଜୁ ପରଜି ଆୟା କିଡ଼ିଇଦିଙ୍ଗ କଟାନ୍ ।

ନାଣ୍ଡଦାରାଦି ମୁକ୍ତାଦି କାତା

୪୫ ମାରି, ମୁସକୁପୁର ଇୟାଖାଜା । ଅରେନ୍ ବେପାରି ନାଣ୍ଡଦାରାଦି ମୁକ୍ତା ପୟଜିମାର୍ହାନ୍ ।

୪୬ ଉଣ୍ଡି_ ନାଣ୍ଡଦାରାଦି ମୁକ୍ତା ପୟଜି ଖାନ୍ ଖାନି ଖିଜୁ ଦନ୍ ପରଜି ତାନିଙ୍ଗ କଟାନ୍ ।

ମିନ୍କୁ ଆସନି ଜାଡ଼ିଦି କାତା

୪୭ ମାରି, ମୁସକୁପୁର ଉଣ୍ଡି_ ମିନ୍କୁ ଆସନି ଜାଡ଼ିଦି ଖାଜା । ମିନ୍କୁ ଆସନିକାର୍ ଗାତାଦୁ ଜାଡ଼ି ପକସି ରକମ୍ ରକମ୍ ଜାଡ଼ିଦି ମିନ୍କୁ ଆସନାର୍ ।

୪୮ ଜାଡ଼ି ପୁରୁନ୍‌ଆଡ଼ିକ୍ ଲୋକ୍ ଗାଡ଼ା ପାଡ଼ି ରେଲ୍‌ଜି ତାତାର, ମାରି ବାସ୍‌ସି ନେଗି ନେଗି ମିନ୍‌କୁ ଆସ୍‌କିଜି ସାଟ୍‌ନାଦୁ ଇଡ଼ନାର୍ ମାରି ତାଗ୍‌ଇ ମିନ୍‌କୁ ପକ୍‌ନାର୍ ।

୪୯ ଜୁଗ୍ ଝିଜ୍‌ନି ଝାଲେ ଇୟାଝାଜା ଆନାଡ଼ । ଦୁଡ଼କୁ ସହସିଝାଜି ଦାମ୍‌ଦିଲୋକା ମାଣ୍‌କୁ ତାଗ୍‌ଇ ଲୋକାକ୍ ଝେର୍‌ଏକିନେ ।

୫୦ ମାରି ଝାରିକ୍ ସିସୁ କାସ୍‌ନିମାନୁ ପକ୍‌ନାର୍; ଆବେ ଆଡ଼୍‌ବାନାର୍ ମାରି ପାଲ୍‌କୁ କାଡ଼‌ରେକିନାର୍ ।

ପାଡ଼ିକକା ନି ପୁନି ମାଟା

୫୧ ଜିସୁ ସିସୁରିକ୍ ଝେନ୍‌ବାତାନ, “ଇୟାଝିଜୁ ବିସୟ୍ ବୁଜାଦେକ୍ ଆଟ୍‌ସିନିଦେର୍ ?”

ଝାର୍ ଇର୍ହାର୍, “ହୁଁ ପ୍ରବୁ ।”

୫୨ ଜିସୁ ଝାରିକ୍ ଇର୍ହାନ, “ଏମେ ଇଲୁଦି ମାଲିକ୍ ନିଜେଦି ଗୁଦାମ୍‌ତାନ ପୁନିକା ନି ପାଡ଼ିକ ଜିନିସ୍ ସପ୍‌ନାନ, ଦାମ୍‌ଗୁରୁ ଏନ୍ ମୁସ୍‌କୁପୁରତୁ ସିସୁଆତାମାନାନ୍ ଝାନ ଇୟାଝାଜା ।”

ଜିସୁକ୍ ନାଜରିତଦୁ ମାନାଏତାର୍

(ମାର୍କ ୭:୧-୬; ଲୁକ ୪:୧୭-୩୦)

୫୩ ଜିସୁ ଇୟାଝିଜୁ କାତା ଝିସ୍‌ତି ଝେନ୍‌କା ଆୟା ବାଡ଼ିଦାନ ସର୍ହାନ ।

୫୪ ମାରି, ଜିସୁ ନିଜେଦି ବୁବାସି ଗାଡ଼ତୁ ଝାଜି ଲୋକାକ୍ ଝାରି ପାରତନା କିନି ଇଲୁଦୁ ଇୟାଝାଜା ସିକିୟା ସିତାନ ଜେ, ଝାର୍ କାବାଆଜି ଇର୍ହାର୍, “ଇୟାଝାଜା ବୁଦି ମାରି ସାକ୍ତିଦି ପାଣି ଏମେଣ୍‌କୁ ପୟ୍‌ତାନ ?” ଝାର୍ ଝେନ୍‌ବାତାର୍, “ଇୟା କାବାଆନିପାଣିଦି ବିସୟ୍‌ତାନ ଇନିକା ?”

୫୫ ଇକାନ ଇନିକା ଆୟା ବାଡ଼େଇତି ମାରିନ୍ ଆଏନ୍ ? ମରିୟମ୍ ଇନିକା ତାମେ ଆଇସି ଆଏଡ଼ ? ଜାକୁବ, ଜସେପ୍, ସିମୋନ୍ ନି ଜିହୁଦା ଇନିକା ଝାନି ତଡ଼ାନକୁ ଆଏର ?

୫୬ ଝାନି ତାକ୍ କ୍ ଇନିକା ଇବେ ବାସାଡ଼ ? ଇୟାଝିଜୁ ବୁଦି ନି ସାକ୍ତି ଝାନ ପୟ୍‌ତାନ ଏମେଣ୍‌କୁ ?

୫୭ ଝକା ଇଜି ଝାର୍ ଜିସୁକ୍ ମାନାଏତାର୍ ।

ଜିସୁ ଝାରିକ୍ ଇର୍ହାନ, “ଅରେନ୍ ବାବବାଦି ନିଜେଦି ଇଲୁ ନି ନାରତିକ୍ ଡ଼ିସ୍‌ତିକ୍ ଆଇ ଝିଜୁମାନୁ ସନ୍‌ମାନ ପୟ୍‌ନାନ ।”

୫୮ ଝାର୍ ଝାନିକ୍ ବିସ୍‌ବାସ୍ କିଏତାର୍‌ଆକା ଝାନ ଆବେ ଝାନି କାବାଆନି ପାଣି ମାରି ନାଣ୍ଟ କିଏତାନ ।

୧୪

ଡୁବନ୍‌ସିନି ଯୋହନତି ସାନିକା

(ମାର୍କ ୭:୧୪-୨୯; ଲୁକ ୯:୭-୯)

୧ ଆୟା ସମୟ୍‌ତୁ ଗାଲିଲିଦି ସାସନ୍‌କିନି ସାମନ୍ତରାଜା ହେରୋଦ୍ ଜିସୁଦି ବିସୟ୍‌ତାନ ଝେର୍‌ଆନ୍ ।

୨ ଝାନ ଝାନି ପାଣିକିନିଝାରିକ୍ ଇର୍ହାନ, “ଇକାନ ସତେନେ ଡୁବନ୍‌ସିନି ଯୋହନ ଡ଼େସି ଜିବନ୍ ପୟ୍‌ଜି ଝାତାମାନାନ୍ । ଆୟା ଉଣ୍ଡିକ୍ ଝାନି କାବାଆନି ପାଣିକିଦେକ୍ ସାକ୍ତି ମାନାଡ଼ ।”

୩ ଝତେନି ଆଗ୍‌ଡ଼ି ହେରୋଦ୍ ଯୋହନତିକ୍ ତରସିସ୍‌କିଦେକ୍ ଆଦେସ୍ ସିତାମାର୍ହାନ, ମାରି ଝାନିକ୍ ସିକିଣିଦାନ ତରସି ଜଇଲ୍‌ତୁ ଇଡ଼ିସ୍‌କିତାମାର୍ହାନ । ଝାନି ତଡ଼ାନ ପିଲିପ୍‌ଡ଼ି ଆଡ଼୍‌ସି ହେରଦିଆଦି ଉଣ୍ଡିକ୍ ଝାନ ଇକା କିତାମାର୍ହାନ ।

୪ ଡୁବନ୍‌ସିନି ଯୋହନ ହେରଦତିକ୍ ଇଜିମାର୍‌ଆନ୍, “ହେରଦିଏକ୍ ଠେଡ଼ି କିନିକା ନି ଟିକ୍ ସିଲେଡ଼ ।”

୫ ଆୟାଉଣ୍ଡିକ୍ ହେରଦ୍ ଯୋହନତିକ୍ ସାୟାମାର୍‌ଗା ଡାକ୍‌ଡେକ୍ ବଦାକିଜିମାର୍ହାନ, ମାତର୍ ଜିହୁଦି ଲୋକାକ୍ ଝାନ ଡିଲାଜିମାର୍ହାନ । ଇରିକ୍ ଝାର୍ ଯୋହନତିକ୍ ଅରେନ୍ ବାବବାଦି ଇଜି ମାନାଜିମାର୍ହାର୍ ।

୬ ହେରୋଦ୍‌ତି ଜନମ୍‌ଦିନ୍ ନାଣ୍ଡିକ୍ ହେରଦିଆଦି ଗାଡ଼୍‌ସି କୁଡ଼ାକ୍ ଆଗ୍‌ଡ଼ି ଗାଡ଼୍‌ସି ହେରଦତିକ୍ ଝେଡ଼ିକା କିସିକିତାଡ଼ ।

୭ ଆବେଟ୍ ଝାନ ତାନିକ୍ ପାର୍‌ମାଣ୍‌କିଜି ଇର୍ହାନ, “ନାନ୍ ପାର୍‌ମାଣ୍ କିଜି ଇଜିନା, ନିନ୍ ଆମାକା ଲସ୍‌ନି, ନାନ୍ ନିକ୍ ଆକା ସିନା ।”

୮ ତାନି ଆଇସିଦି ମାଟା ଆସ୍‌ସି ଆଇଲି ଇର୍ହାଡ଼, “ଡୁବନ୍‌ସିନି ଯୋହନତି ତାଲା ଇବେ, ଇୟାଦାପ୍ରେ ଉଣ୍ଡି ସାଡ଼୍‌ଝାଡୁ ଇଡ଼ଜି ନାକ୍ ସିଦା ।”

୯ ଇକା ଝେନ୍‌ଜି ରାଜା ନାଣ୍ଟ ଦୁଃଖ କିତାନ । ମାତର୍ କୁଡ଼ାକ୍ ଆଗ୍‌ଡ଼ି ପାର୍‌ମାଣ୍ କିତାମାର୍ହାନଆକା ଆଇଲିଦି ଆସାଦିକ୍ ପୁରା କିଦେକ୍ ଆଦେସ୍ ସିତାନ ।

୧୦ ଆବେଟ୍ ଜଇଲ୍‌ତୁ ଯୋହନତି ତାଲାଦିକ୍ ଲୋକାକ୍ ପକ୍‌ସି କଇସ୍‌କିତାନ ।

☆ ୧୩:୫୭ ଜୋହନ ୪:୪୪. ☆ ୧୪:୩ ଲୁକ ୩:୧୯,୨୦.

୧୧ ମାରି ଉଣ୍ଡି ସାତୁଝାଦୁ ଖାନି ତାଲା ଇଡ଼ଜି ଆୟା ଆଇଲିଦିଙ୍ଗ ସିତାର । ଖାଦ ତାନିଙ୍ଗ ଅସି ତାନି ଆଇସିଙ୍ଗ ସିତାଡ଼ ।
 ୧୨ ତାନିଝେନକା ଯୋହନତି ସିସୁର ଖାଜି ମୁସ୍ତେଙ୍ଗ ଇଜି ଖାନି ସାତି ମାଡ଼ାଦିଙ୍ଗ ଅତାର । ଖାର ସଲସି ଜିସୁଙ୍ଗୁଁ ଇୟା ଦୁକ୍ତି କାରୁର ଝେରତାର ।

ଜିସୁ ପାସ୍ ହାଜାର ଲୋକାଙ୍ଗ ଉପସିକିତାନ
 (ମାର୍କ ୬:୩୦-୪୪; ଲୁକ ୯:୧୦-୧୭; ଜୋହନ ୬:୧-୧୪)

୧୩ ଯୋହନତି କାରୁର ଝେରଇଦାପ୍ରେ ଜିସୁ ତଙ୍ଗାଦୁ ଏକସି ଉଣ୍ଡି ସିମ୍ବା ବାଡ଼ିଦୁ ସର୍ହାନ । ଜିସୁ ଆବେ ସଲସି ମାନିକା ନେସସି ଲାକତୁରି ଗାଡ଼ାକାଣକୁ ନାଣ୍ଡ ଲୋକୁ ବୁଲାଇ ବୁଲାଇ ଜିସୁଖାଲେ ସର୍ହାନ ।
 ୧୪ ମାରି, ଜିସୁ ତଙ୍ଗାଦାନ ସତାନନୋ ନାଣ୍ଡ ଲୋକାଙ୍ଗ ସୁଡ଼ଜି ଖାରି ଉଣ୍ଡିଙ୍ଗ ଦୁଃକ୍ କିତାନ, ଖାନି ଜିବନ୍ ଦୟାଦୁ ଆଡ଼ବାତାସର୍ହାଡ଼ । ନାଣ୍ଡ ରଗ୍ ଲୋକାଙ୍ଗ ଖାନ ନେଗେନକିତାନ ।
 ୧୫ ଆୟା ନାଣ୍ଡିଙ୍ଗ ମିଲ୍ମିଲିକା ସିସୁର ଖାଜି ଇର୍ହାନ, “ନାଣ୍ଡ ଝେଡ଼ା ଆତାଡ଼ନି, ମାରି ଇୟା ବାଡ଼ି ସିମ୍ବା, ଲୋକାଙ୍ଗ ପକଆ । ଖାର ନାରକାଙ୍ଗ ୍ସିଲସି ନିଜେଦି ଉଣ୍ଡିଙ୍ଗ କାଦି କଡ଼ିରି ।”
 ୧୬ ଜିସୁ ଖାରିଙ୍ଗ ଇର୍ହାନ, “ଖାର ଇବେଟ୍ଟକୁ ସନି ଦରକାର ସିଲେ । ମିର ଖାରିଙ୍ଗ ଇନିକା ଉଣ୍ଡେଙ୍ଗ ସିଦୁ ।”
 ୧୭ ସିସୁର ଇର୍ହାନ, “ଇବେ ମା ଲାକତୁ କେବଲ୍ ପାସ୍ଗୋଟା ରୁଟିଙ୍ଗ ମାରି ରୁଣ୍ଡି ମିନକୁ ମାନେ ।”
 ୧୮ ଜିସୁ ଇର୍ହାନ, “ଆକେଙ୍ଗ ଇବେ ନା ଲାକତୁ ତାଗାଟ୍ ।”
 ୧୯ ଲୋକାଙ୍ଗ ଲାଟା ମୁସ୍ତକୁ ବାସ୍ତେଙ୍ଗ ଇଜି ଜିସୁ ଆୟା ପାସ୍ଗୋଟା ରୁଟିଙ୍ଗ ମାରି ରୁଣ୍ଡି ମିନକୁ ଅତାନ ମାରି ସ୍ୱର୍ଗ ତରିନ୍ ସୁଡ଼ଜି ମାପୁରୁଙ୍ଗ ୍ସିନସବାଦ ସିତାନ । ମାରି ଖାନ ରୁଟିଆଙ୍ଗ ୍ସିରୁକ୍ସି ରୁକ୍ସି ସିସୁରି କିୟୁଦୁ ସିତାନ । ସିସୁର ଆୟାଝିଜୁ ଅସି ଲୋକା ଲୋଇ ବାଟାକିତାସିତାର ।
 ୨୦ ଝିଜେରେ ତିରଆରୋ ପଟାପାଜିତାର । ତାନିଝେନକା ସିସୁର ଆମା ମକା ରୁଟିଙ୍ଗ ଏଜିଡେ, ଆକେଙ୍ଗ ଉଣ୍ଡା କିଜି ବାରଗୋଟା ଡାଡ଼ିଆଙ୍ଗ ୍ସିବତ କିତାର ।
 ୨୧ ଆଇମେକ୍ ନି କଡ଼ରିଙ୍ଗ ଡ଼ିସସି ୫,୦୦୦ ହାଜାର ମେମାର୍ଙ୍ଗୁଁ ଇୟା କାଦି ଉଟାମାର୍ହାନ ।

ଜିସୁ ଏରୁ ମୁସ୍ତକୁ ବୁଲତାନ
 (ମାର୍କ ୬:୪୫-୫୨; ଜୋହନ ୬:୧୫-୨୧)

୨୨ ଇୟା ଝେନକା ଜିସୁ ସିସୁରିଙ୍ଗ ତଙ୍ଗାଦୁ ଏକସି ଖାନି ଆଗଡ଼ି ଗାତା ଆୟା ପାଡ଼ି ସନ୍ତ୍ରେଙ୍ଗ ଇଜି ଇର୍ହାନ, ମାରି ଖାନ ଝେନକା ତେବାଜି ଲୋକାଙ୍ଗ ପକତାନ ।
 ୨୩ ଜିସୁ ଲୋକାଙ୍ଗ ପୋକ୍ତି ଝେନକା ଖାନ ପାରତନା କିଦେଙ୍ଗ ଇଜି ଗରନ୍ ମୁସ୍ତକୁ ସର୍ହାନ, ମାରି ମିଲ୍ମିଲିକା ଆତି ଝେନକା ଖାନ ଆବେ ଅରେନ୍ ତେବାତାନ ।
 ୨୪ ମାତର ତଙ୍ଗା ନାସ୍ତିଖାଲେ ଗାତା ପାଡ଼ିଦାନ ନାଣ୍ଡ ଆକ ମାର୍ହାଡ଼ ମାରି ନାଣ୍ଡ ଗାଲି ଆଜିମାର୍ହାଡ଼ଆକା ଉଲକା ଦକାଦାନ ଦୁଙ୍ଗ ୍ସିମାର୍ହାଡ଼ ।
 ୨୫ ସାଲ୍ଦି କରୁର କେଡେପି ଜିସୁ ସାମ୍ବୁର ମୁସ୍ତକୁ ବୁଲାଇ ସିସୁରି ଲାକତୁ ଖାତାନ ।
 ୨୬ ମାରି ସିସୁର ଖାନିଙ୍ଗ ସାମ୍ବୁର ମୁସ୍ତକୁ ବୁଲାନିକା ସୁଡ଼ତୁରୋ ତିଲାଜି ଇର୍ହାନ, “ଇକା ତୋ ଦୁବା !” ମାରି, ଖାର ତିଲାଜି ଆଉଲି ଆତାର ।
 ୨୭ ଜିସୁ ଆୟାଦାପ୍ରେ ଖାରି ଖାଲେ ଖାରଗିଜି ଇର୍ହାନ, “ସାସ୍ ଆସ୍ତୁ, ଇକାନ ତୋ ନାନ, ତିଲାମାଟ୍ !”
 ୨୮ ଇକା ଝେନଜି ପିତର ଇର୍ହାନ, “ପ୍ରବୁ, ଜଦି ସତତାନ ନିନ୍ଆନିମାନି, ଏରୁ ମୁସ୍ତକୁ ବୁଲାଇ ନି ଲାକତୁ ଖାଦେଙ୍ଗ ଇଜି ନାଙ୍ଗୁଁ ଆଦେସ୍ ସିଦା ।”
 ୨୯ ଜିସୁ ଇର୍ହାନ, “ରାଆ ।” ପିତର ତଙ୍ଗାଦାନ ରେତାଜି ଜିସୁଦି ତରିନ୍ ଏରୁ ମୁସ୍ତକୁ ବୁଲାଦେଙ୍ଗ ଆସ୍ତାନ ।
 ୩୦ ମାତର ଗାଲି ନାଣ୍ଡ ଆନିକା ସୁଡ଼ଜି ତିଲାତାନ ମାରି ଏରୁତୁ ମୁଡ଼ଗୁଜି ସନ୍ତ୍ରେଙ୍ଗଆସ୍ତାନ । ଆବେଟ୍ ଖାନ ଆଉଲି ଆଜି କୁକ୍ତାନ, “ପ୍ରବୁ, ନାଙ୍ଗୁଁ ରକିୟାକିଆ ।”
 ୩୧ ଜିସୁ ଆୟାଦାପ୍ରେ କିୟୁ ସପ୍ସି ଖାନିଙ୍ଗ ଆସସି ଇର୍ହାନ, “ଏ ଅଡ଼ପ୍ ବିସ୍ବାସି ! ଏନ୍ଦା ନିନ୍ ଆନ୍ମାନକିତି ?”
 ୩୨ ଖାର ରିଏର ତଙ୍ଗାଦୁ ଏକ୍ତାର ମାରି ଆୟାଦାପ୍ରେ ଗାଲି ତିର ଆତାଡ଼ ।
 ୩୩ ଆବେଟ୍ ତଙ୍ଗାଦୁମାନି ସିସୁର କାବାଆଜି ଜିସୁଙ୍ଗୁଁ ମାଡ଼ିସକିଜି ଇର୍ହାନ, “ନିନ୍ ସତେନେ ମାପୁରୁଦି ମାରିସି ।”

ଜିସୁ ଗିନେସର୍ତ୍ତୁ ରଗିରିଙ୍ଗ ନେଗେନକିତାନ
 (ମାର୍କ ୬:୫୩-୫୬)

୩୪ ୱାଡ଼ ନାସି ଗିନେସରତ ଗାଡ଼ତୁ ୱାଡ଼ାର ।
 ୩୫ ଆବେଣି ଲୋକୁ ଜିସୁକୁଁ ସିନିସକିଦେଈ ଆଟ୍ଠସି ଲାକ୍ତୁରି ନାରକାଈ ୱାଁନି ରଗ୍ ଲୋକାଈ ଜିସୁ ଲାକ୍ତୁ ତାଡ଼ାର ।
 ୩୬ ରଗ୍ ଲୋକାଈ ଆବକା ନି ୱାତି ଜାଲି ମୁଟ୍ତେଈ ସାରି ସିଦା ଇଜି ୱାଡ଼ ଜିସୁକୁଁ ମାଡ଼ିସକିତାର । ଏମେକାର୍ ମୁଟ୍ତେଡ଼ାର, ୱାଡ଼ ନେଗେନ୍ ଆଡ଼ାର ।

୧୫

ପୁର୍ବେଦି ତକ୍ରାଦାଦାରି ନିତିନିୟମ୍

(ମାର୍କ ୭:୧-୧୩)

୧ ଅର୍ଲେନ୍ ଏସ ଲୋକୁ ପାରୁସିର୍ ମାରି ସାସ୍ତିର୍ ଜିରୁସାଲମ୍ତାନ୍ ୱାଜି ଜିସୁକୁଁ ୱେନ୍ବାଡ଼ାର,
 ୨ “ମା ପୁର୍ବେଦିତକ୍ରାଦାଦାର ଆମାଞ୍ଜିକୁ ନିତିନିୟମ୍ ସିତା ସର୍ଆମାନାର, ନି ସିସୁର୍ ଏକ୍ଷା ଆୟାଞ୍ଜିକୁ ମାନାଏଜିନାର ? ଉଣି ଆଗ୍ଡିନେ ମା ନିତିନିୟମ୍ ନେଗେନ୍କିଜି କିକୁ ନରବାଏଣ୍ଡା ଏକ୍ଷା ଉଣ୍ଡୁଜିନାର ।”
 ୩ ଜିସୁ ୱାରିଈ ଇର୍ହାନ୍, ମିର୍ ଏକ୍ଷା ମାପୁରୁଦି ମାଟା ମାନାଏଜି ନିଜେଦି ନିତିନିୟମ୍ ଇସାବ୍ତାନ୍ ପାଣି କିଜିନିଦେର୍ ?
 ୪ ମାପୁରୁ ତୋ ୱେର୍ତାମାନାନ୍, ବୁବା ଯାୟାଏଈ ମାନାପୁ, ଏନ୍ ନିଜେଦି ବୁବା ନି ଯାୟାଏଈ ଆନାଦୁରିଆ ସିନାନ୍, ୱାନ୍ ସାନି ଦଣ୍ଡ ପୟନାନ୍ ।
 ୫ ମାତର୍ ମିର୍ ଇଜିନିଦେର୍, ଆମା ଲୋକୁ ବୁବା ନି ଯାୟାଏଈ ଇନାନ୍, ନା ମାଣ୍ଡୁ ଆମାକା ମି ଉଣ୍ଡିଈ ଆତାମାନାଡ଼, ଆକା ପ୍ରବୁଦି ଉଦେସ୍ତାନ୍ ପୁଜା ସିଆତାମାନାଡ଼ ।
 ୬ ୱାନ୍ ମାରି ନିଜେଦି ବୁବା ନି ଯାୟାଏଈ ସମ୍ମାନ୍ କିଏନ୍ । ଇୟାଏଈ ଇସାବ୍ତାନ୍ କିଜି ୱାଜି ମିର୍ ମାପୁରୁଦି ମାଟା ମାନାଏଜି ନିଜେଦି ସିକିୟା ଇସାବ୍ତାନ୍ ବୁଲାଇନି ।
 ୭ ଏ ସାଲାକିଦି ଦାମ୍ବୁ ଦଲ୍, ଜିସାୟା ମି ବିସୟାତାନ୍ ଜତାର୍ତ୍ତ ୱାଜା ଇୟା ବାବବାଣି ୱେର୍ତାମାନାନ୍ ।
 ୮ ମାପୁରୁ ଇଜିନାନ୍, ଇୟା ଲୋକୁ କେବଲ୍ ମାଟାଦାନ୍ ନାଈଁ ସମ୍ମାନ୍ କିନାର, ମାତର୍ ୱାରି ଜିବନ୍ ନା ମାଣାନ୍ ନାଣ୍ଡ ଆକ ।
 ୯ ନାଈଁ ୱାଡ଼ ଆମା ଆରାଦନା କିନାର, ଆକା ପାଣିସିକକା, ଇରିଈ ୱାଡ଼ ଲୋକୁ ତିଆର୍ କିତି ନିୟମ୍କୁ ନା ମାଟା ଇଜି ୱେର୍ସିନାର ।

ଲୋକତିଈ ଅପବିତ୍ର କିଜିମାନି ବିସୟ

(ମାର୍କ ୭:୧୪-୨୩)

୧୦ ତାନେଞ୍ଜେନକା ଜିସୁ ଲୋକାଈ ଲାକ୍ତୁ କୁକ୍ସି ୱାରିଈ ଇର୍ହାନ୍, “ଞ୍ଜେନ୍ତୁ ମାରି ବୁଜାଦୁ;
 ୧୧ ଲୋକା ୱେୟୁ ସିଜି ଆମାକା ଲୋଇ ତ୍ତଗ୍ନାଡ଼, ଆକା ୱାନିଈ ଅପବିତ୍ର କିଏଡ଼; ମାତର୍ ୱେୟୁଦାନ୍ ଆମାକା ସନାଡ଼, ଆକା ୱାନିଈ ଅପବିତ୍ର କିନାଡ଼ ।”
 ୧୨ ନାସ୍ତିଞ୍ଜେଲେ ସିସୁର୍ ଜିସୁଦି ଲାକ୍ତୁ ୱାଜି ଇର୍ହାନ୍, “ନି ମାଟା ୱେନ୍ତ୍ଜି ପାରୁସିର୍ ରିସା ଆତାମାନାର, ଇକା ଇନିକା ନିନ୍ ନେସେଇ ?”
 ୧୩ ଜିସୁ ଇର୍ହାନ୍, “ଏମେ ମାରାକ୍ ୱିଜୁ ନା ମୁସ୍ତୁପୁର୍ତି ବୁବା ଉର୍ଏନ୍, ଆୟାଞ୍ଜିକୁ ମାଗନେ ସନେ ।
 ୧୪ ୱାରିଈ ତ୍ତିସ୍ତୋ ସିଦୁ, ୱାଡ଼ କାଣାର, ଆଇ କାଣାରି ସାରିତର୍ନିକାର; ମାରି, ଅରେନ୍ କାଣା ମାରି ଅରେନ୍ କାଣାଦିଈ ସାରି ତର୍ନା ସିନାନ୍, ଆର୍ଡିଈ ରିଏର୍ବା ଗୁଟାଦୁ ଆର୍ନାର ।”
 ୧୫ ଆବେଟ୍ ପିତର୍ ୱାନିଈ ଇର୍ହାନ୍, “ଇୟା କାତା ମାଈଁ ନେସ୍ତିଞ୍ଜେଲା ବୁଜାକିଜି ସିଦା ।”
 ୧୬ ଜିସୁ ୱାରିଈ ଇର୍ହାନ୍, “ମିର୍ ବା ଇନିକା ଇୟାସାଦି ବୁଜାଦେଈ ଆଟ୍ଠଏଜିନିଦେର୍ ।
 ୧୭ ନିସବା ବୁଜାଦେଈ ଆଟ୍ଠଏଜିନିଦେର୍ ? ଆମାକା ଇନିକା ୱେୟୁଦୁ ତ୍ତଗ୍ନାଡ଼, ଆକା ପଟା ଲୋଇ ସନାଡ଼ ମାରି ମେନ୍ଦଲ୍ତାନ୍ ସିନା ସନାଡ଼ ।
 ୧୮ ୱାତର୍ ଆମାଞ୍ଜିକୁ ବିସୟକୁ ୱାନି ୱେୟୁଦାନ୍ ଆତେରେ ୱାନାଡ଼, ଆକା ୱାନି ଜିବନ୍ତାନ୍ ସନାଡ଼, ଆକାନେ ଲୋକତିଈ ଅପବିତ୍ର କିନାଡ଼ ।
 ୧୯ ଇରିଈ ୱାନି ଜିବନ୍ତାନ୍ ତାଗ୍ଈସିକ୍ତା, ସାୟାମାର୍ଗାତାକ୍ନିକା, ଦାରିପାଣି, ତାଗ୍ଈପାଣି, ତଈଁ, ମିସ୍ମାଟା ୱେର୍ନିକା ମାରି ନିକାକିନିକା ନାଣ୍ଡ ରକମ୍ତି ନିୟମ୍ ସିଲି ପାଣି କିନାନ୍ ।
 ୨୦ ଇୟାଞ୍ଜିକୁ ବିସୟ ଲୋକତିଈ ଅପବିତ୍ର କିନାଡ଼ । ମାତର୍ ନିତିନିୟତାନ୍ କିୟୁ ନରବାଏଣ୍ଡା ଉଣିକା ଆକା ଲୋକତିଈ ଅପବିତ୍ର କିଏଡ଼ ।”

☆ ୧୫:୧୪ ଲୁକ ୭:୩୯. ☆ ୧୫:୧୮ ମାତ୍ରିକ ୧୨:୩୪.

ଅରେଡ଼ ଆଇମାଦି ବିସ୍‌ବାସ୍
(ମାର୍କ ୭:୨୪-୩୦)

୨୧ ଜିସୁ ଆୟା ବାଡ଼ି ଡ଼ିସ୍‌ତାନନୋ ସୋର ନି ସିଦନ୍ ରାଜିଦି ଗାଡ଼କାଙ୍ଗ୍ ସୋର୍ହାନ ।

୨୨ ଆବେନ୍ନୁ ତେବାଜି ମାନି ଅରେଡ଼ କିଶାନିୟା ଆଇମା ଜିସୁଦି ଲାକ୍‌ତୁ ଖାଜି ଇର୍ହାଡ଼, “ଏ ପ୍ରବୁ, ଦାଉଦତି ମାରିନ୍, ନାଙ୍ଗ୍ ଦୟା କିଆ । ନା ଗାଡ଼ିଙ୍ଗ୍ ଦୁବା ଆସ୍‌ତାମାନାଡ଼ ମାରି ଖାଦ୍ ନାଶ୍ଟୁ କାସ୍ତୁ ବଗାଜିନାଡ଼ ।”

୨୩ ମାତର୍ ଜିସୁ ତାନେଙ୍ଗ୍ ପଦେକ୍ ମାଟାବା ଇନ୍‌ଏତାନ୍ । ମାରି ଖାନି ସିସୁର୍ ଖାଜି ଖାନିଙ୍ଗ୍ ମାଡ଼ିସ୍‌କିଜି ଇନ୍‌ଡ୍ରେଙ୍ଗ୍ ଆସ୍‌ତାର୍, “ତାନେଙ୍ଗ୍ ବେଗି ସନ୍‌ଡ୍ରେଙ୍ଗ୍ ଇନିଆ, ସୁଡୁଆ ଖାଦ୍ ଏଣ୍ଡେସ୍ ଆଉଲି ଆଜି ମା ଖେନ୍‌କା ଖେନ୍‌କା ଖାଜିନାଡ଼ ।”

୨୪ ଜିସୁ ଇର୍ହାନ, “ନାନ୍ ଇସ୍‌ସାଏଲ୍ କୁଟୁମ୍‌ତି ମୁରିଡ଼ିମାନି ମେଣ୍ଡେଆଙ୍ଗ୍ ଡ଼ିସ୍‌ଡ଼ିଙ୍ଗ୍ ମାରି ଏ ଲାକ୍‌ତୁ ରେଏ ।”

୨୫ ଆଇମା ଖାଜି ଜିସୁଦି କାଲ୍‌କା ଆଡ଼ଗି ମେଣ୍ଡେଙ୍ଗ୍ ଗଟ୍‌କିଜି ଇର୍ହାଡ଼, “ଏ ପ୍ରବୁ, ନାଙ୍ଗ୍ ଦୟା କିଆ ।”

୨୬ ଜିସୁ ଇର୍ହାନ । “ଇରିଙ୍ଗ୍ କଡ଼ରି ବାଟା ଖାଦି ଅସି ନୁକୁଡ଼ିଆଙ୍ଗ୍ ମାନୁ ପୋକ୍‌ନିକା ନେଗେଡ଼ ସିଲେ ।”

୨୭ ଆଇମା ଇର୍ହାଡ଼, “ଆକା ସଡ଼ ପ୍ରବୁ, ମାତର୍ ନୁକୁଡ଼ିଙ୍ଗ୍ ବା ଟେବୁଲ୍ ଆଡ଼ଗି ଆରନି ମାଲିକ୍‌କା ସକ୍‌ଡ଼ି ଉନ୍‌ଣ୍ଡେ ପଇନେ ।”

୨୮ ଜିସୁ ତାନିଙ୍ଗ୍ ଇର୍ହାନ, “ନିନ୍ନୁ ଅରେଡ଼ ଡ଼ାଟ୍‌ଡ଼ି ବିସ୍‌ବାସ୍‌ତି । ନି ବଦା ପୁରା ଆନାଡ଼ ।” ଆୟା ଦ୍ରାପେନେ ତାନି ଗାଡ଼ସି ନେଗେନ୍ ଆତାଡ଼ ।

ଜିସୁ ନାଶ୍ଟୁ ଲୋକାଙ୍ଗ୍ ନେଗେନ୍ କିତାନ୍

୨୯ ଜିସୁ ଆବେଟ୍‌ତାନ୍ ଡ଼ିସ୍‌ତାନ୍‌ନୋ ଗାଲିଲି ଗାଡ଼ା ଲାକ୍‌ତୁ ଖାତାନ୍, ମାରି ଗରନ୍ ମୁସ୍‌କୁ ସୋର୍ହାନନୋ ଆବେନ୍ ବାସ୍‌ତାନ୍ ।

୩୦ ନାଶ୍ଟୁ ଲୋକାଙ୍ଗ୍ ଖାଜି ଖାନି ଲାକ୍‌ତୁ ଉଣ୍ଡାତାର୍ । ଖାଡ଼ ଚଟା, ଗୁଲା, କାଶା, ବୁଲାଦେଙ୍ଗ୍ ଆଟ୍‌ଇକାର୍ ମାରି ନାଶ୍ଟୁ ନବ୍‌ଆତି ଲୋକାଙ୍ଗ୍ ତାସି ଜିସୁଦି ପାଦାମ୍ ଆଡ଼ଗି ଇଟ୍‌ତାର୍ ମାରି ଜିସୁ ଆୟା ଓଜେରିଙ୍ଗ୍ ନେଗେନ୍ କିତାନ୍ ।

୩୧ ଗୁଲାର୍ ଜେ ଖାଡ଼ଗିଜିନାର୍, କିକୁକାଲ୍‌କୁଖାଡ଼ତିକାର୍‌ବା ନେଗେନ୍ ଆତାର୍, ଚଟାର୍ ବୁଲାଜିନାର୍ ମାରି କାଶାର୍ ସୁଡ଼ଦେଙ୍ଗ୍ ଆଟ୍‌ସିନାର୍, ଇକା ସୁଡ଼ଡ଼ି ଲୋକାଙ୍ଗ୍‌ଓଜେର୍ କାବା ଆତାର୍, ମାରି ଇସ୍‌ସାଏଲ୍‌ତି ମାପୁରୁଙ୍ଗ୍ ଦନ୍‌ଏବାଦ୍ କିତାର୍ ।

ଜିସୁ ନାଲ୍‌ଗି ହାଜାର୍ ଲୋକାଙ୍ଗ୍ ଉଣ୍ଡେଙ୍ଗ୍ ସିତାନ୍

(ମାର୍କ ୮:୧-୧୦)

୩୨ ଜିସୁ ନିଜେଦି ସିସୁରିଙ୍ଗ୍ ଲାକ୍‌ତୁ କୁକ୍‌ସି ଇର୍ହାନ, “ଇୟା ଲୋକା ଉଣ୍ଡିଙ୍ଗ୍ ନା ଜିବନ୍ ଆଡ଼ବାଜିନାଡ଼, ଇରିଙ୍ଗ୍ ଇୟାକାର୍ ମୁନେନ୍ ଆତାଡ଼ନି ନା ଖାଲେ ମାନାର୍ ମାରି ଇୟାଖାରି ମାନୁ ଇନିକା ଉନ୍‌ଣ୍ଡେଙ୍ଗ୍ ସିଲେଡ଼ । ଖାଡ଼ ଉଣ୍ଡୁଏଣ୍‌ଗା ଇବେଟ୍‌କୁ ସୋଲିର୍, ଇୟା ମାଟା ନାନ୍ ଅଡ଼ବିଏ; ଇରିଙ୍ଗ୍ ଡେସିସୋନିଖାଲେ ସାରିଦୁ ଖାଡ଼ ଖାନ୍‌ନା ସନାର୍ ।”

୩୩ ସିସୁର୍ ଖାନିଙ୍ଗ୍ ଖେନ୍‌ବାତାର୍, “ଇୟା ସିମ୍ବା ବାଡ଼ିଦୁ ନିସ ଲୋକାଙ୍ଗ୍ ଉଟ୍‌ପିସ୍‌କିଦେଙ୍ଗ୍ ଇଜି ମାଡ଼ ଏମେଟ୍‌କୁ ନାଶ୍ଟୁ କାଦି ପଇନିକା ?”

୩୪ ଜିସୁ ଖାରିଙ୍ଗ୍ ଖେନ୍‌ବାତାନ୍, “ମି ଲାକ୍‌ତୁ ଏସଗୋଟା ରୁଟିଙ୍ଗ୍ ମାନେ ?”

ଖାଡ଼ ଇର୍ହାର୍, “ସାଡ଼ଗୋଟା ରୁଟିଙ୍ଗ୍ ମାରି ଏସ ଇସି ମିନ୍‌କୁ ମାନେ ।”

୩୫ ଜିସୁ ଲୋକାଙ୍ଗ୍ ବୁମି ମୁସ୍‌କୁ ବାସ୍‌ଡେଙ୍ଗ୍ ଆଦେସ୍ ସିତାନ୍ ।

୩୬ ତାନେଖେନ୍‌କା ଖାନ୍ ଆୟା ସାତଗଟା ରୁଟି ମାରି ମିନ୍‌କୁ ଅସି ମାପୁରୁଙ୍ଗ୍ ଦନ୍‌ଏବାଦ୍ ସିତାନ୍ ମାରି ଆୟାଖାନିକାଙ୍ଗ୍ ମକେଙ୍ଗ୍ ମକେଙ୍ଗ୍ କିଜି ରୁକ୍‌ସି ସିସୁରିଙ୍ଗ୍ ସିତାନ୍ । ସିସୁର୍ ଆକା ଲୋକାଙ୍ଗ୍ ବାଟାକିତାସିତାର୍ ।

୩୭ ମାରି, ଓଜେରେ ତିନ୍‌ଞ୍ଜି ପଟା ପାଜିତାର୍ ମାରି ଡ଼ିକ୍‌ଡ଼ି ମକାରୁଟିଙ୍ଗ୍ ଏସ ଏଜିଡେ, ଆକା ସିସୁର୍ ସାତଗଟା ଡ଼ାଡ଼ିଆଙ୍ଗ୍ ବର୍‌ କିତାର୍ ।

୩୮ ଉଟି ଲୋକା, ଆଇମେକାଙ୍ଗ୍ ନି କଡ଼ରିଙ୍ଗ୍ ଡ଼ିସ୍‌ସି ନାଲ୍‌ଗି ହାଜାର୍ ମେମାରୁଙ୍ଗ୍ ମାର୍ହାର୍ ।

୩୯ ତାନେଖେନ୍‌କା ଜିସୁ ଓଜୁ ଲୋକାଙ୍ଗ୍ ପୋକ୍‌ତାନ୍‌ନୋ ଡ଼ଙ୍ଗ୍‌ଦୁ ଏକ୍‌ତାନ୍‌ନୋ ମଗଦାନ୍ ରାଜିଦୁ ଖାତାନ୍ ।



କାବାଆନି ପାଣି ତର୍‌ଡେଙ୍ଗ୍ ଇଜି ଦାବି
(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ଅର୍‌ଲେନ୍ ଏସଲୋକ୍ ପାରୁସିର୍ ନି ସାଦୁକିର୍ ଜିସୁଙ୍ଗ୍ ଦସ୍ ଆସ୍‌ଡେଙ୍ଗ୍ ଇଜି ଖାନି ଲାକ୍‌ତୁ ଖାତାର୍ । ଖାଡ଼ ଖାନିଙ୍ଗ୍ ଇର୍ହାର୍, ମାପୁରୁ ଖାନିଙ୍ଗ୍ ଆସ୍‌କିତାମାନାନ୍ ଇଜି ପାର୍‌ମାଣ୍ ସିନି ଉଣ୍ଡିଙ୍ଗ୍ ଖାନ୍ ଉନ୍‌ଡ଼ି କାବାଆନି ପାଣି କିଜ ତର୍‌ଆ ।

☆ ୧୭:୧ ମାଡ଼ିତ ୧୨:୩୮; ଲୁକ ୧୧:୧୭.

୨ ମାତର ଜିସୁ ଖାରିଙ୍ଗ ଇର୍ହାନ, “ମିଲିମିଲିକା ବେଡ଼ାଦୁ ବାଦ୍ତ ନେତେର ତରିତିଙ୍ଗ ନେଗି ପାଗ୍ ଆନାଡ଼ ଇଜି ମିର୍ ଇଜିନିଦେର୍,

୩ ମାରି ସାଲିଦିବେଡ଼ାଦୁ ବାଦ୍ତ ଲାଲ ନି ସିକାଟି ତରିତିଙ୍ଗ ପିରୁ ଆନିକା ନେସ୍ନିଦେର୍ । ମିର୍ ବାଦ୍ତତିଙ୍ଗ ସୁଡ଼ଜି ପାଗ୍ତି ମାଟା ଆଗ୍ତି ନେସ୍ନିଦେର୍ । ମାତର ଇଲେଇତି ସମୟତି ସିନେଙ୍ଗ୍ଡିକୁ ମିର୍ ନେସ୍ତେଙ୍ଗ୍ ଆଟ୍ଟିଦେର୍ ?

୪ *ତାଗ୍ଲ ନି ଏମେକାର ମାପୁରୁଙ୍ଗ୍ ବିସ୍ବାସ୍ କିଏର୍ ଖାର୍ ସିନା ସୁଡ଼ନ୍ଦାର୍, ମାତର ଜୁନସ୍ତି ସିନା ତ୍ରିସ୍ତିଙ୍ଗ୍ ଆଇ ଆମାକାବା ସିନା ଖାରିଙ୍ଗ୍ ସିଆୟ୍ଆଏଡ଼ ।”

ମାରି, ଖାନ ଖାରିଙ୍ଗ୍ ତ୍ରିସ୍ତାନନୋ ସୋର୍ହାନ ।

କମିର୍ ନାନି ପାରୁସି ନି ସାଦୁକିରି ସିକିୟା

(ମାର୍କ ୮:୧୪-୨୧)

୫ ସିସୁର୍ ଗାତା ଆୟାପାଡ଼କା ଇତାରୋ ସୁଡ଼ତୁରଜେ, ଖାର୍ ରୁଟିଙ୍ଗ୍ ତାତେଙ୍ଗ୍ ବାଣାତାର୍ ।

୬ *ଜିସୁ ଖାରିଙ୍ଗ୍ ଇର୍ହାନ, “ଜାଗାର୍ତା ଆଦୁ, ପାରୁସି ନି ସାଦୁକିରି କମିର୍ଦାନ ଜାଗାର୍ତାଆଦୁ ।”

୭ ଖାର୍ ଇୟା ବିସୟ୍ତୁ ଖାରିଖାରି ଲୋଇ ଖାର୍ଗିଜି ସାତାର୍, “ମାଡ଼ ରୁଟିଙ୍ଗ୍ ତେଇକା ଇଜି ଖାନ ଇକା ଇଜିନାନ ।”

୮ ଖାର୍ ଇନିକା ଇଜିମାର୍ହାର୍ ନେସ୍ତାନନୋ ଜିସୁ ଖାରିଙ୍ଗ୍ ଇର୍ହାନ, “ମି ଲାକ୍ତୁ ରୁଟିଙ୍ଗ୍ ସିଲୁ ଇଜି ଏୟା ଖାର୍ଗିଜି ସାଜିନିଦେର୍ ? ମି ବିସ୍ବାସ୍ ଏସ୍ ଉଣା ।

୯ *ମିର୍ ଇନିକା ଇୟାସାନ୍ଦିବା ବୁଜାଦେଙ୍ଗ୍ ଆଟ୍ଟିଇଜିନିଦେର୍ ? ୫,୦୦୦ ହାଜାର୍ ଲୋକାମାନୁ ନାନ ପାସ୍ଗୋଟା ରୁଟିଙ୍ଗ୍ ବାଟାକିତିମାନି ମାଟା ଇନିକା ମିଙ୍ଗ୍ ଏଡ଼ ସିଲେଡ଼ ? ନାସ୍ତିଖାଲେ ଏସ୍ଗୋଟା ତାଡ଼ିଆଙ୍ଗ୍ ବର୍ତ୍ତିକିତିମାର୍ଟିଦେର୍ ?

୧୦ *ମାରି ଆୟା ୪,୦୦୦ ହାଜାର୍ ଲୋକାଙ୍ଗ୍ ସାତଗଟା ରୁଟିଙ୍ଗ୍ ମାଟା ଏଡ଼ ସିଲେଡ଼ ? ନାସ୍ତିଖାଲେ ମିର୍ ଏସ୍ଗୋଟା ତାଡ଼ିଆଙ୍ଗ୍ ବର୍ତ୍ତିକିତିମାର୍ଟିଦେର୍ ?

୧୧ ନାନ ଜେ ରୁଟିଙ୍ଗ୍ ବିସୟ୍ତାନ ଇନ୍ଏନ୍ ମାର୍ଆ, ଇକା ଏଣ୍ଡେସ୍ ବୁଜାଦେଙ୍ଗ୍ ଆଟ୍ଟିଇଜିନିଦେର୍ ? ନାନ ଇଜିନା, ପାରୁସି ନି ସାଦୁକିରି କମିର୍ଦାନ ଜାଗାର୍ତାମାନୁଡ଼ୁ ।”

୧୨ ନାସ୍ତିଖାଲେ ସିସୁର୍ ବୁଜାଦେଙ୍ଗ୍ ଆଟ୍ଟିତାର୍ ଜେ ଜିସୁ ରୁଟିଦି କମିର୍ ମାଟା ଇନ୍ଏନ୍ମାର୍ହାନ, ମାତର ପାରୁସି ନି ସାଦୁକିରି ସିକିୟା ଉଣ୍ଡିଙ୍ଗ୍ ଜାଗାର୍ତା କିତାମାର୍ହାନ ।

ଜିସୁ ମସିହ ଇଜି ପିତର ଖେର୍ତାନ

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ଖେର୍ନକା ଜିସୁ କାଈସରିୟା ପିଲିପି ଗାଡ଼ ଲାକ୍ତୁରି ରାଜିଦୁ ଖାଜି ନିଜେଦି ସିସୁରିଙ୍ଗ୍ ଖେର୍ନବାତାନ, “ମନୁସ୍ୟପୁତ୍ର ଏନ୍ ଇଜି ଇୟା ବିସୟ୍ତାନ ଲୋକୁ ଇନିକା ଇଜିନାର୍ ?”

୧୪ *ଖାର୍ ଇର୍ହାର୍, “ଏନ୍ ଏନ୍ ଇଜିନାର୍, ଖାନ ତୁବନ୍ସିନି ଯୋହନ, ଏନ୍ ଏନ୍ ଇଜିନାର୍ ‘ଏଲିୟା,’ ମାରି ଆଇକାର୍ ଇଜିନାର୍, ଜିରିମିୟା ସିଲିତିଙ୍ଗ୍ ବାବବାଦିରି ମାଣାନ ଅରେନ୍ ।”

୧୫ ଜିସୁ ଖେର୍ନବାତାନ, “ନାନ ଏନ୍ ଇୟା ବିସୟ୍ତାନ ମିର୍ ଇନିକା ଇଜିନିଦେର୍ ?”

୧୬ *ସିମୋନ ପିତର ଇର୍ହାନ, “ନିନ୍ କ୍ରିସ୍ତ ଅର୍ତାଡ଼ ମସିହ, ଜିବନ୍ମାନି ମାପୁରୁଦି ମାରିନ୍ ।”

୧୭ ଜିସୁ ଇର୍ହାନ, “ଏ ଜୁନସ୍ତି ମାରିନ୍ ସିମୋନ, ନିନ୍ ଦନ୍ୟ !” ଇୟା ସଡ଼ ନିନ୍ ଆମା ଲୋକାମାଣାନ ପୟ୍ଇ । ନା ମୁସ୍କୁପୁରୁଡ଼ି ବୁବା ନିଜେ ଇକା ନିମାନୁ ଖେର୍ତାମାନାନ ।

୧୮ ଆୟାଉଣ୍ଡିଙ୍ଗ୍ ନାନ ବା ନିଙ୍ଗ୍ ଇଜିନା, ନିନ୍ ପିତର ଅର୍ତାଡ଼ ପିଡ଼ିପି । ମାତର ଇୟା ମୁଲ୍ ପିଡ଼ିପି ମୁସ୍କୁ ନାନ ନା ମଣ୍ଡୁଲି ତିଆରକିନା । ଇୟାଖାଜାକି ସାନିଖାଜା ଇନି ଦଂସକିନି ସାଲ୍ଲି ତାନିଙ୍ଗ୍ ନାସ୍ତି କିଦେଙ୍ଗ୍ ଆଟ୍ଟିଏଡ଼ ।

୧୯ *ନାନ ନିଙ୍ଗ୍ ମୁସ୍କୁପୁରୁଡ଼ି କୁସିକାଣ୍ଡି ସିନା, ମାରି ନିନ୍ ଦୁନିଆଦୁ ଆମାକା ବନ୍ଦକିନି, ମୁସ୍କୁପୁରୁଡ଼ୁ ଆକା ବନ୍ଦତେବାନାଡ଼, ମାରି ନିନ୍ ଦୁନିଆଦୁ ଆମାକା ଇନିକା ତ୍ରିସ୍ନିସିନି, ମୁସ୍କୁପୁରୁଡ଼ୁ ଆକା ତ୍ରିସ୍ନି ।

୨୦ ଜିସୁଙ୍ଗ୍ ଜେ ମସିହ ଇଜି ଇକା ଏଙ୍ଗ୍ ଇନ୍ଇ ଉଣ୍ଡିଙ୍ଗ୍ ଖାନ ସିସୁରିଙ୍ଗ୍ ମାଟା ସିତାନ ।

ଜିସୁ ନିଜେଦି ସାନିକା ନି ଡେସିଜିବନ୍ଆନି ବିସୟ୍ତାନ ଖେର୍ତାନ

(ମାର୍କ ୮:୩୧; ୯:୧; ଲୁକ ୯:୨୨-୨୬)

☆ ୧୭:୪ ମାତ୍ରିକ ୧୭:୩୯; ଲୁକ ୧୧:୨୯. ☆ ୧୭:୭ ଲୁକ ୧୨:୧. ☆ ୧୭:୯ ମାତ୍ରିକ ୧୪:୧୭-୨୧. ☆ ୧୭:୧୦ ମାତ୍ରିକ ୧୫:୩୪-୩୮. ☆ ୧୭:୧୪ ମାତ୍ରିକ ୧୪:୧୨; ମାର୍କ ୭:୧୪,୧୫; ଲୁକ ୯:୬,୮. ☆ ୧୭:୧୭ ଜୋହନ ୭:୬୮,୭୯. ☆ ୧୭:୧୯ ମାତ୍ରିକ ୧୮:୧୮; ଜୋହନ ୨୦:୨୩.

୨୧ ଆତ୍ମା ସମୟତାନ୍ ଜିସୁ ନିଜେଦି ସିସୁରିଙ୍ଗ ନେସ୍ନିଖାଜା ଇନ୍ଦ୍ରେଙ୍ଗ ଆସ୍ତାନ୍, “ନାନ୍ ପୁରା ଜିରୁସାଲମତୁ ସନ୍ଦ୍ରେଙ୍ଗ ଆନାତ୍ ମାରି ଦାମ୍ବୁଜାଜକ, ଦାମ୍ବୁଗୁରୁ ମାରି ନେତାରରି, କିୟୁଦାନ୍ ନାଶ୍ତ ଦୁଃକ୍କାସୁବଗାଜି ସାଦେଙ୍ଗପଡାନାତ୍, ମାତର୍ ମୁନେଟି ଖେନକା ମାରିଡେସିଜିବନ୍ ଆଜିନିଙ୍ଗିନା ।”

୨୨ ପିତର୍ ଜିସୁଙ୍ଗୁଁ ଉନ୍ଦ୍ରି ବାଡିଦୁ ଅତାନ୍ନୋ ବୁଦିଖେର୍ସି ଇନ୍ଦ୍ରେଙ୍ଗ ଆସ୍ତାନ୍, “ମାପୁରୁ କିମାକିନ୍, ପ୍ରବୁ, ନି ଉଣ୍ଡିଙ୍ଗ ଇୟାଞ୍ଜିତୁ ଏସ୍କାଙ୍ଗବା ଗଟାମାକିତ୍ ।”

୨୩ ଜିସୁ ମାରଜିବେସସି ପିତରତିଙ୍ଗ ଇର୍ହାନ୍, “ନା ଆଗ୍ଡିରାନ୍ ଆକ ସାଙ୍ଗଆ ସୟତାନ୍, ନିନ୍ ନା ଉଣ୍ଡିଙ୍ଗ ଉନ୍ଦ୍ରିବାଦା, ଇରିଙ୍ଗ ନିନ୍ ମାପୁରୁଦି ବିସୟ ଅଡ୍ବିଏଣ୍ଡା ଲୋକା ବିସୟ ଅଡ୍ବିଜିନି ।”

୨୪ ☆ତାନେଖେନକା ଜିସୁ ସିସୁରିଙ୍ଗ ଇର୍ହାନ୍, “ଏନ୍ଆପିନ୍ ନାଖାଲେ ଖାଦେଙ୍ଗ ବଦାକିନାନ୍, ଆର୍ଡିଙ୍ଗ ଖାନ୍ ନିଜେଦିଙ୍ଗ ମାନାମାକିନି, ମାରି ନିଜେଦି କ୍ରସ ପିଣ୍ଡି ନା ଖେନକା ଖେନକା ବୁଲାଦେଙ୍ଗଆନାତ୍ ।

୨୫ ☆ଇରିଙ୍ଗ ଏନ୍ଆପିନ୍ ନିଜେଦି ଜିବନ୍ତିଙ୍ଗ ରକିୟା କିଦେଙ୍ଗ ବଦାକିନାନ୍, ଖାନ୍ ଆକା ଆରାକିନାନ୍, ମାତର୍ ଏନ୍ ନା ଉଣ୍ଡିଙ୍ଗ ନିଜେଦି ଜିବନ୍ତିଙ୍ଗ ଆରାକିନାନ୍, ଖାନ୍ ଆକା ପଇନାନ୍ ।

୨୬ ଜଦି ଅରେନ୍ ଲୋକା ସାରାଦୁନିଆଦିଙ୍ଗ ଜିଣାଜି, ମାତର୍ ନିଜେଦି ଜିବନ୍ତିଙ୍ଗ ଆରାକିନାନ୍, ଖାନ୍ ଇନ୍ ଲାବଆନାତ୍ ? ଲୋକା ଖାନ୍ ଜିବନ୍ତିଙ୍ଗ ଡେସି ପଇଦେଙ୍ଗ, ଇନିକା ସିଦେଙ୍ଗ ଆଟ୍ନାନ୍ ।

୨୭ ☆ମନୁସ୍ୟପୁତ୍ର ବୁବା ମାପୁରୁଦି ମାଣାନ୍ ଗୌରବ ନି ମୁସକୁପୁର୍ତ୍ତି ଦୁଡକାଖାଲେ ମାରିଡେସି ଖାନ୍ନାନ୍ । ନାସ୍ତିଖାଲେ ଖାନ୍ ଖିଜୁ ଲୋକାଙ୍ଗ ଖାନ୍ କିତିମାନି ପାଣି ଇସାବତାନ୍ ପଲ୍ସିନାନ୍ ।

୨୮ ନାନ୍ ମିଙ୍ଗି ସଡ଼ ଇଜିନା, ମନୁସ୍ୟପୁତ୍ର ରାଜା ଆଜି ଖାନ୍ସାଦି ଇବେନ୍ ନିର୍ଇ ତେବାଡିମାନି ଏସୋଲୋକ୍ ଏଣ୍ଡେସ୍ କିଜିବା ସାନିକା ଖେଡ୍ଏର୍ ।”



ଜିସୁଦି ମୁତ୍ ବାଦ୍ଲେଆନିକା

(ମାର୍କ ୯:୨-୧୩; ଲୁକ ୯:୨୮-୩୭)

୧ ସଅ ଦିନ୍ ଖେନକା ଜିସୁ ପିତର୍ ମାରି ଜାକୁବ, ଯୋହନ ତଡ୍ରିଏରିଙ୍ଗ ଅସି ଉନ୍ଦ୍ରି ପେରି ଗରନ୍ ମୁସକୁ ସର୍ହାର୍ । ଆବେନ୍ ଆଇକାନ୍ ଏନ୍ ସିଲେତାନ୍ ।

୨ ସିସୁର୍ ସୁଡ୍ବୁ ସୁଡ୍ବୁ ଜିସୁଦି ଉନ୍ଦ୍ରି ମୁତ୍ ବାଦ୍ଲେଆଜି ଜାୟଆତାତ୍ । ଖାନ୍ ମକମ୍ ଖେଡାଖାଜା ଜାୟଆତାତ୍ ମାରି ଖାନ୍ ଆଙ୍ଗି ଜାୟ ଖାଜା ଅଡିନିକା ତରିତାତ୍ ।

୩ ମୋଶା ନି ଏଲିୟ ଜିସୁଦି ଖାଲେ ଖାରଗିସାନିକା ସିସୁର୍ ସୁଡ୍ବୁତ୍ତାର୍ ।

୪ ଆବେନ୍ ପିତର ଜିସୁଙ୍ଗୁଁ ଇର୍ହାନ୍, ଏ ପ୍ରବୁ, ଏସ ଖେଡିକାଦି ମାଟା, ମାଡ଼ ଇବେନ୍ ମାନିକା । ନିନ୍ ଜଦି ବଦାକିନି, ଇବେନ୍ ନାନ୍ ମୁନ୍ଦ୍ରି ଗୁଡେଙ୍ଗ ତିଆରକିନା । ନି ଉଣ୍ଡିଙ୍ଗ ଉନ୍ଦ୍ରି, ମୋସାଦି ଉଣ୍ଡିଙ୍ଗ ଉନ୍ଦ୍ରି ମାରି ଏଲିୟଦି ଉଣ୍ଡିଙ୍ଗ ଉନ୍ଦ୍ରି ।

୫ ☆ପିତର ଇୟା ମାଟା ଇନିଖାଲେ ଖାଣ୍ଡେକ୍ ବାଦଡ୍ ଇମଜି ଖାତା ଦୋ ଖାରିଙ୍ଗ ବାଦଡ୍ତି ନିଡ୍ଗା ପିଡିକତାତ୍ ମାରି ଆବେଟ୍ତାନ୍ ଉନ୍ଦ୍ରି ବଲ୍ ଖାତାତ୍, “ଇୟାକାନ୍ ନା ଲାଡ୍ତି ମାରିନ୍, ଖେନିମାନ୍ ନାନ୍ ନାଶ୍ତ ଖେଡିକା । ଖେନି ବାକ୍ୟ ଖେନୁ ।”

୬ ସିସୁର୍ ଆତ୍ମା ବଲ୍ ଖେରରାନୋ ନିସ ତିଲାତାର୍ ଜେ ଖାର୍ ବୁମିଦୁ ମକମ୍ପାଡ୍କିସି ମେଡେତାର୍ ।

୭ ଜିସୁ ଖାରି ଲାକ୍ତୁ ଖାଜି ଖାରିଙ୍ଗ ମୁଟ୍ତାନ୍ନୋ ଇର୍ହାନ୍, “ନିଙ୍ଗି ଦୁ ତିଲାମାଟ୍ ।”

୮ ମାରି, ଖାର୍ ମୁସକୁ ବେସସି କେବଲ୍ ଜିସୁଙ୍ଗୁଁ ଡିସ୍ତିଙ୍ଗି ମାରି ଏଙ୍ଗବା ସୁଡ୍ବୁତାଟ୍ ।

୯ ଖାର୍ ଗରନ୍ତାନ୍ ରେତାଜି ଖାନ୍ଖାଲେ ଜିସୁ ଖାରିଙ୍ଗ ଆଦେସ୍ ସିଜି ଇର୍ହାନ୍, “ମନୁସ୍ୟପୁତ୍ର ସାଡିମାଣାନ୍ ମାରିଡେସିଜିବନ୍ ଆଇସାଦି ଇୟା ମିର୍ ସୁଡ୍ଡିମାଟା ଏଙ୍ଗବା ଇନ୍ମାଟ୍ ।”

୧୦ ସିସୁର୍ ଜିସୁଙ୍ଗୁଁ ଖେନବାତାଟ୍, ଏଲିୟ ଆଗ୍ଡି ଖାନ୍ନାନ୍ ଇଜି ମା ସାସ୍ତିର୍ ଏନ୍ଦା ଇର୍ହାମାନାଟ୍ ?

୧୧ ଜିସୁ ଇର୍ହାନ୍, ହୁଁ, ଏଲିୟ ଆଗ୍ଡି ଖାଜି ଖିଜୁ ବିସୟ ମାରିଡେସି ତିଆରକିନାନ୍ ।

୧୨ ☆ମାତର୍ ନାନ୍ ମିଙ୍ଗି ଇଜିନା, “ଏଲିୟ ଖାତାଖିସତାନ୍ନି ମାରି ଖାନ୍ ଖାନ୍ ସିନିସ୍କିଏଣ୍ଡା ଲୋକା ଖାନ୍ ଉଣ୍ଡିଙ୍ଗ ଆମାକା ବଦା, ଆତ୍ମାକା କିତାମାନାଟ୍ । ମନୁସ୍ୟପୁତ୍ରଦି ଉଣ୍ଡିଙ୍ଗ ବା ଖାର୍ ଆତ୍ମାଖାଜା ତାଗ୍ଲପାଣି କିନାଟ୍ ।”

୧୩ ନାସ୍ତିଖାଲେ ସିସୁର୍ ବୁଜାଦେଙ୍ଗ ଆଟ୍ତାଟ୍ ଜେ, ଜିସୁ ତୁବନ୍ସିନି ଯୋହନତି ବିସୟତାନ୍ ଖେର୍ସିନାନ୍ ।

☆ ୧୭:୨୪ ମାଡ଼ିତ ୧୦:୩୮; ଲୁକ ୧୪:୨୭. ☆ ୧୭:୨୫ ମାଡ଼ିତ ୧୦:୩୯; ଲୁକ ୧୭:୩୩; ଜୋହନ ୧୨:୨୫. ☆ ୧୭:୨୬ ମାଡ଼ିତ ୨୫:୩୧; ରୋମିୟ ୨:୨. ☆ ୧୭:୫ ମାଡ଼ିତ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୧୭:୫ ୨ ପିତର ୧:୧୭,୧୮. ☆ ୧୭:୧୨ ମାଡ଼ିତ ୧୧:୧୪.

ଜିସୁ ଦୁବାଆସ୍ତି କଡ଼ଦିଙ୍କ ନେଗେନକିତାନ
(ମାର୍କ ୯:୧୪-୨୯; ଲୁକା ୯:୩୭-୪୩)

୧୪ ଜିସୁ ନି ଖାନି ସିସୁର ଲୋକା ଗଲି ଲୋଇ ଡେସି ଖାତି ଖେନକା ଅରେନ ଲୋକୁ ଜିସୁ ଲାକତୁ ଖାଜି ମେଶ୍ଟେଙ୍ଗ ଗଟକିଜି ଇର୍ହାନ,

୧୫ ଏ ପ୍ରବୁ, ନା ମାରିନତିଙ୍ଗ ଦୟା କିଆ, ମୁର୍ଛାରୋଗତୁ ନାଶ୍ଟ କାସ୍ତୁ ପୟଜିନାନ ମାରି ଖାନ ଏସ ଦେବେଙ୍ଗ ସିସୁଦୁ ନି ଏରତୁ ଆରନାନ ।

୧୬ ନାନ ନି ସିସୁରି ଲାକତୁ ଖାନିଙ୍ଗ ତାତାମାରୁଆ, ମାତର ଖାର ଖାନିଙ୍ଗ ନେଗେନ କିଦେଙ୍ଗ ଆଟ୍‌ଏତାର ।

୧୭ ଜିସୁ ଇର୍ହାନ, “ଏ ଅବିସ୍‌ବାସ୍ ନି ବାୟାର ମିର୍ ! ମି ଖାଲେ ନାନ ମାରିଏସ ଦିନ ତେବାନା ? ମାରି ଏସ ଦିନ ମି ବ୍ୟବହାର ସାସକିନା ? ଆୟା କଡ଼ଦିଙ୍ଗ ନା ଲାକତୁ ତାଗାଟ୍ ।”

୧୮ କଡ଼ ଲୋଇମାନି ଦୁବାଦିଙ୍ଗ ଜିସୁ ଆଦରିସ୍ କିତାନ । ଦୁବା ଖାନିଙ୍ଗ ଡିସ୍‌ସି ସତାସର୍ହାଡ଼ ମାରି ଆୟା ଦାପ୍‌ଚେନେ କଡ଼ ନେଗେନଆତାନ ।

୧୯ ତାନେଖେନକା ସିସୁର ଜିସୁଙ୍ଗୁ ଅରେନଖାନିଙ୍ଗନେ ଖାଜି ଖେନବାତାର, “ମାପ୍ ଏନ୍ଦା ଆୟା ଦୁବାଦିଙ୍ଗ ପେରଦେଙ୍ଗ ଆଟ୍‌ଏତାପ୍ ?”

୨୦ *ଜିସୁ ଇର୍ହାନ, “ମି ବିସ୍‌ବାସ୍ ପୁରା ଉଣା । ନାନ ମିଙ୍ଗୁ ସଡ଼ ଇଜିନା, ଜଦି ଉନ୍‌ଡ୍ର ସାରସୁ ପାଡ଼ୁ ଖାଜା ମି ବିସ୍‌ବାସ୍ ମାନାଡ଼, ଇୟା ଗରନତିଙ୍ଗ ଇବେଟ୍‌ତାନ ଆବେନୁ ଗୁସାଜସାଙ୍ଗାଆ ଇଜି ଇରିଙ୍ଗ, ଆକା ଗୁସାନାଡ଼ । ବିସ୍‌ବାସ୍‌ତି ତାଟ୍‌ତାନ ମିର୍ ଖିଜୁ କିଦେଙ୍ଗ ଆଟ୍‌ନିଦେର୍ ।”

୨୧ ମାତର ପାର୍‌ତନା ନି ଉପବାସ୍ ଡିସ୍‌ତିଙ୍ଗ ଆଇକା ଇନି ଉପାୟତାନ ଇୟାଖାଜା ଦୁବା ସୋହସ ସଲ୍‌ଏତେ ।*

ଜିସୁ ନିଜେଦି ସାନି ବିସ୍‌ୟତାନ ମାରି ଉନ୍‌ଡ୍ର ଦେବେଙ୍ଗ ଇର୍ହାନ
(ମାର୍କ ୯:୩୦-୩୨; ଲୁକା ୯:୪୩-୪୫)

୨୨ ସିସୁର ଖିଜେରେ ଗାଲିଲିଦୁ ଉନ୍‌ଡ୍ରମାନୁ ଆତି ଖେନକା ଜିସୁ ଖାରିଙ୍ଗ ଇର୍ହାନ, “ମନୁସ୍ୟପୁତ୍ର ଲୋକା କିୟୁଦୁ ସର୍ପେ ଆଦେଙ୍ଗ ସଲ୍‌ସିନାନ ।

୨୩ ଖାର ଖାନିଙ୍ଗ ଡାକ୍‌ନାର, ମାତର ମୁନେଟି ଖେନକା ଖାନ ମାରିଡେସିଜିବନ୍ ଆନାନ ।” ଆବେଟ୍‌କୁ ସିସୁର ନାଶ୍ଟ ଦୁକ୍ ଆତାର ।

ଜିସୁ ମନ୍ଦିରତୁ ସିସୁଟୁ ସିତାନ

୨୪ ତାନେଖେନକା ଜିସୁ ନି ଖାନି ସିସୁର କପରନାହୁମ୍‌ତୁ ଖାତାର, ମନ୍ଦିରତି ସିସୁଟୁଲୋସ୍‌ନିକାର ପିତରତି ଲାକତୁ ଖାଜି ଖେନବାତାର, “ମି ଗୁରୁ ଇନିକା ମନ୍ଦିରତି ସିସୁଟୁ ସିଏନ୍ ନୋ ?”

୨୫ ପିତର ଇର୍ହାନ, “ହୁଁ, ସିନାନ ।”

ପିତର ଇନ୍‌ଡ୍ର ଖାତି ଖେନକା ଜିସୁ ଆଗ୍‌ଡି ଖାନିଙ୍ଗ ଖେନବାତାନ, “ସିମୋନ, ନିନ୍ ଇନିକା ଅଡ଼ବିଜିନି ? ଇୟା ଦୁନିଆଦି ରାଜାରିଙ୍ଗ ଏନ୍ ସିସୁଟୁତାରୁଙ୍ଗ ସିନାନ ଖାରି ଦେସ୍‌ତି ପ୍ରଜାରି ମାଣ୍‌କୁ ନୋ ଆଇଦେସ୍‌ତିଖାରି ମାଣ୍‌କୁ ?”

୨୬ ପିତର ଇର୍ହାନ, “ଆଇଦେସ୍‌ତିଖାରି ମାଣ୍‌କୁ ।”

ଜିସୁ ଇର୍ହାନ, “ଆରତିଙ୍ଗ ଦେସ୍‌ତି ପ୍ରଜାର ସିସୁଟୁତରନି ବଜୁତାନ ଉସାସ୍‌ଆନାର ?

୨୭ ମାତର ମାପ୍ ଇଲେଇ ଖାରିଙ୍ଗ ଅପ୍‌ମାନ କିଦେଙ୍ଗ ଅଡ଼ବିଏପ୍ । ମିର୍ ଗାତାଦୁ ସୋଲ୍‌ସ ବଣସି ପୋକ୍‌ତୁ । ଆଗ୍‌ଡି ଆମା ମିନି ଖାନାଡ଼, ତାନି ଖେୟୁଦାନ ଉନ୍‌ଡ୍ର ଖେନଶ୍ଟିଦି ଅଦ୍‌ଲି ପଇନିଦେର୍ । ଆକା ଅସ ନା ଉଣ୍ଡିଙ୍ଗ ନି ମି ଉଣ୍ଡିଙ୍ଗ ମନ୍ଦିରତି ସିସୁଟୁତାରୁଙ୍ଗ ସିଦୁ ।”

୧୮

ମୁସ୍‌କୁପୁରତିରାଜିଦୁ ଖିଜେରିମାଣାନ ପେରିକାନ ଏନ୍ ?
(ମାର୍କ ୯:୩୩-୩୬; ଲୁକା ୯:୪୬-୪୮)

୧ *ନାସ୍ତିଖାଲେ ସିସୁର ଜିସୁଦି ଲାକତୁ ଖାତା ଖେନବାତାର, “ମୁସ୍‌କୁପୁରତି ରାଜିଦୁ ଖିଜେରିମାଣାନ ଏନ୍ ପେରିକାନ ?”

୨ ଜିସୁ ଅରେନ ଇସ୍ତି କଡ଼ଦିଙ୍ଗ ଖାରି ଆଗ୍‌ଡି ନିଲପତାନନୋ ଇର୍ହାନ,

୩ *ନାନ ମିଙ୍ଗୁ ସଡ଼ ଇଜିନା, ମିର୍ ଇସ୍ତିକଡ଼ଖାଜା ବାଦ୍‌ଲିଆଏତିଙ୍ଗ ଏସାଙ୍ଗବା ମୁସ୍‌କୁପୁରତି ରାଜିଦୁ ସନ୍‌ଡ୍ରେଙ୍ଗ ଆଟ୍‌ଇଦେର୍ ।

୪ ମାରି, ଏନ୍ ଇୟା ଇସ୍ତି କଡ଼ଦି ଖାଜା ନିଜେଦିଙ୍ଗ ନମ୍ ଆନାନ, ଖାନ ମୁସ୍‌କୁପୁରତି ରାଜିଦୁ ଖିଜେରିଙ୍ଗ ପେରିକାନ ।

* ୧୭:୨୦ ମାତୃକା ୨୧:୨୧; ମାର୍କ ୧୧:୨୩; ୧ କରିନ୍ଥୟ ୧୩:୨. * ୧୭:୨୧ ମାତର ପାର୍‌ତନା ନି ଉପବାସ୍ ଡିସ୍‌ତିଙ୍ଗ ଆଇକା ଇନି ଉପାୟତାନ ଇୟାଖାଜା ଦୁବା ସୋହସ ସଲ୍‌ଏତେ / ଇୟା ପଦ୍ ପାଡ଼ିଇ ରାସାତିମାନୁ ସିଲେଟ୍ । * ୧୮:୧ ଲୁକା ୨୨:୨୪. * ୧୮:୩ ମାର୍କ ୧୦:୧୫; ଲୁକା ୧୮:୧୭.

୫ ମାରି, ଏନ୍‌ଆପିନ୍ ନା ଦର୍ତ୍ତାନ୍ ଇୟାଞ୍ଜା ଅରେନ୍ ଇସ୍ତ୍ର କଡ଼ଦିଙ୍ଗ୍ ମାନାନାର୍, ଖାନ ନାଙ୍ଗ୍ ବା ମାନାନାର୍ ।

ପାପତୁ ଆରପନିକା

(ମାର୍କ ୯:୪୨-୪୮; ଲୁକ ୧୭:୧-୨)

୬ ମାତର ଏନ୍‌ଆପିନ୍ ନାମାନୁ ବିସ୍‌ବାସ୍ କିଜିମାନି ଇୟା ଇସ୍ତ୍ରକଡ଼ରି ମାଣ୍ଡକୁ ଅରେନ୍‌ଖାନିଙ୍ଗ୍ ଏରପେନାନ୍, ଖାନି କକଲ୍‌ଦୁ ଉନ୍‌ଡ୍ରୁ ପେରି ଜାତାକାଲୁ ତରସୋ ଖାନିଙ୍ଗ୍ ସାମ୍‌ଦୁରତି ନାଣ୍ଡଗୁମିମାନି ଏରତୁ ପୋକତିଙ୍ଗ୍ ଖାନି ଉଣ୍ଡିଙ୍ଗ୍ ନେଗେନିଆନାଡ଼ ।

୭ ଲୋକାଦି ବିସ୍‌ବାସ୍‌ତୁ ଏରପେନି ଉଣ୍ଡିଙ୍ଗ୍ ଗାଦି ମାଟେଙ୍ଗ୍‌ମାନେ । ଆୟାଉଣ୍ଡିଙ୍ଗ୍ ଇୟା ଦୁନିଆଦି ଅବସ୍ତା ନିସ୍ ତିଲାନିକା । ଓଜୁଖାଲେ ଇୟାଞ୍ଜା ଆରପନିକା ଖାନାଡ଼, ମାତର ଏନ୍ ଏରପିନିକା ଗଟାକିନାନ୍, ଖାନି ଦସ୍ ଏସା ପେରିକାଆନାଡ଼ !

୮ *ଜଦି ମି କିୟୁ ନି ପାଦାମ୍ ଉଣ୍ଡିଙ୍ଗ୍ ମିର୍ ବିସ୍‌ବାସ୍ ଆରାକିନିଦେର୍, ଆରତିଙ୍ଗ୍ ଆକା କୟ୍‌ଜ ପୋକ୍‌ତୁ । ରୁଣ୍ଡି କିକୁ ନି ରୁଣ୍ଡି ପାଦାମ୍‌କୁ ମାନଞ୍ଜି ଏସକାଙ୍ଗ୍‌ଓଜିଇ ସିସ୍‌ତୁ ପୋକାନି ବାଦୁଲୁ ଉନ୍‌ଡ୍ରୁ କିୟୁ ନି ଉନ୍‌ଡ୍ରୁ ପାଦାମ୍ ସିଲେଣ୍‌ଗା ଏସକାଙ୍ଗ୍‌ଓଜିଇ ଜିବନ୍‌ତୁ ଡ୍ରୁନିକା ମି ଉଣ୍ଡିଙ୍ଗ୍ ନେଗେଡ଼ ।

୯ *ମାରି, ମି କାଣ୍‌ଗା ଉଣ୍ଡିଙ୍ଗ୍ ଜଦି ମି ବିସ୍‌ବାସ୍ ନାଷ୍ଟ୍ ଆଜିନାଡ଼, ତାନିଙ୍ଗ୍ ଉଦୁଜ ପୋକ୍‌ତୁ । ରୁଣ୍ଡି କାଣ୍‌କୁ ମାନଞ୍ଜି ସିସ୍‌କାସ୍‌ନି ନରକଦୁ ପୋକାନି ବାଦୁଲୁ ଉନ୍‌ଡ୍ରୁ କାଣ୍‌ଗା ଅସି ଏସକାଙ୍ଗ୍‌ଓଜିଇ ଜିବନ୍‌ତୁ ଡ୍ରୁନିକା ମି ଉଣ୍ଡିଙ୍ଗ୍ ନେଗେଡ଼ ।

ମୁରିତିମାନି ମେଣ୍ଡାଦି କାତା

(ଲୁକ ୧୫:୩-୭)

୧୦ *ଇୟା ଇସ୍ତ୍ରକଡ଼ରି ମାଣ୍ଡକୁ ଅରେନ୍‌ଖାନିଙ୍ଗ୍ ବା ନିସାର୍ କିମାଟ୍ । ନାନ୍ ମିଙ୍ଗ୍ ସଡ଼ ଇଜିନା, ଇୟାଞ୍ଜାରିଙ୍ଗ୍ ଜାତୁନକିଜିମାନି ମୁସ୍‌କୁପୁରତି ଦୁଡ଼କୁ ଓଜୁଦିନ୍ ନା ବୁବା ମାପୁରୁଦି ଲାକ୍‌ତୁମାନେ ।

୧୧ ଇରିଙ୍ଗ୍ ସାରିବାଣାତିମାନି ଲୋକାଙ୍ଗ୍ ରକ୍‌ୟା କିଦେଙ୍ଗ୍ ମନୁସ୍ୟପୁତ୍ର ଖାତାମାନାନ୍ । *

୧୨ ମିର୍ ଇନିକା ଅଡ଼ବିଜିନିଦେର୍, ଜଦି ଅରେନ୍ ଲୋକାଞ୍ଜି ୧୦୦ ଗୋଟା ମେଣ୍ଡେଙ୍ଗ୍‌ମାନେ ମାରି ଆବେଣ୍ଡୁ ଉନ୍‌ଡ୍ରୁ ମୁରୁନାଡ଼, ଆରତିଙ୍ଗ୍ ଖାନ ଇନିକା କିନାନ୍ ? ନବେ ନଅଗୋଟା ମେଣ୍ଡେଙ୍ଗ୍ ଗରନ୍ ଲାକ୍‌ତୁ ସାରାଦେଙ୍ଗ୍ ଡ୍ରୁନାସିନାନ୍‌ନେ ଆୟା ମୁରିତିମାନି ମେଣ୍ଡାଦିଙ୍ଗ୍ ପୟ୍‌ଦେଙ୍ଗ୍‌ସୋନାନ୍ ।

୧୩ ଏସ୍ତ୍ରୁଖାଲେ ଖାନ ମେଣ୍ଡାଦିଙ୍ଗ୍ ପୟ୍‌ନାନ୍, ନାନ୍ ମିଙ୍ଗ୍ ସଡ଼ ଇଜିନା, ମୁରୁଇତିମାନି ନବେ ନଅଗୋଟା ମେଣ୍ଡେଙ୍ଗ୍ ଉଣ୍ଡିଙ୍ଗ୍ ଖାନି ଏସ୍ ଖେଡ଼ିକା, ଇୟା ଉନ୍‌ଡ୍ରୁ ମେଣ୍ଡାଦି ଉଣ୍ଡିଙ୍ଗ୍ ଖାନିକାମାଣାନ୍ ନାଣ୍ଡ ଖେଡ଼ିକାଆନାନ୍ ।

୧୪ ଟିକ୍ ଆୟାଞ୍ଜା, ଇୟା ଇସ୍ତ୍ରକଡ଼ରି ମାଣ୍ଡକୁ ଅରେନ୍‌ଖାନିଙ୍ଗ୍ ବା ସାରିବାଣାପିନ୍, ଇକା ମି ମୁସ୍‌କୁପୁରତି ବୁବା ମାପୁରୁଦି ବଦା ସିଲେଡ଼ ।

ମି ବିରଦ୍‌ତାନ୍ ଏନ୍ ଦସ୍‌କିନାନ୍

୧୫ *ଅରେନ୍ ତଡ଼ାନ୍ ଜଦି ମି ବିରଦ୍‌ତାନ୍ ଇନି ଦସ୍ କିନାନ୍, ଖାନି ଲାକ୍‌ତୁ ସୋଲ୍‌ସ ଖାନି ଦସ୍ ଖାନିଙ୍ଗ୍ ତରସସିଦୁ । ମାତର ମିର୍ ରିଇଦେର୍ ଅରେନ୍‌ନେ ମାନିଖାଲେ ଇକା ନେସ୍‌ଇଞ୍ଜା କିଦୁ । ଜଦି ଖାନ ମି ମାଟା ଖେନାନ୍, ନି ତଡ଼ାନ୍‌ତିଙ୍ଗ୍ ନିନ୍ ଡେସି ପଇନିଦେର୍ ।

୧୬ ଜଦି ଖାନ ଖେନ୍‌ଏନ୍, ଅରେନ୍ ସିଲ୍‌ତିଙ୍ଗ୍ ରିଏରିଙ୍ଗ୍ ଆସ୍‌ସୋ ଖାନି ଲାକ୍‌ତୁସାନ୍‌ତୁ । ମା ସାସ୍ତ୍ରଦି ଇସାବ୍‌ତାନ୍, “ରିଏର୍ ସିଲ୍‌ତିଙ୍ଗ୍ ମୁସ୍‌ରିଙ୍ଗ୍ ୌ ସାକିଦି ଆଗ୍‌ଡ଼ି ମି ଓଜୁ ଦାବି ସଡ଼ ଇଜି ପାରାମାଣ୍ ଆପିଡ଼ ।”

୧୭ ଜଦି ଖାନ ମି ମାଟା ମାନାଏନ୍, ଆରତିଙ୍ଗ୍ ଇୟା ବିସ୍‌ୟତାନ୍ ପାରତନା ମଣ୍ଡଲିଦିଙ୍ଗ୍ ଖେରତୁ, ସାରାସାରିଖେନ୍‌କା, ଜଦି ଖାନ ମଣ୍ଡଲି ମାଟା ବା ମାନାଏନ୍, ଆରତିଙ୍ଗ୍ ଖାନିଙ୍ଗ୍ ଅରେନ୍ ସିସ୍‌ତୁ ଡାରୁଙ୍ଗ୍ ଲୋସ୍‌ନିକାନ୍ ସିଲ୍‌ତିଙ୍ଗ୍ ଅରେନ୍ ଅବିସ୍‌ବାସ୍‌ସି ଇଜି ଅଡ଼ବିଜ ଖାନିଖାଲେ ମିସାବିଡ଼ାଆମାଟ୍ ।

ସାରି ସିଇକା ନି ସାରିସିନିକା

୧୮ *ନାନ୍ ମିଙ୍ଗ୍ ସଡ଼ ଇଜିନା, ମିର୍ ଇୟା ଦୁନିଆଦୁ ଆମାକା ବନ୍‌କିନିଦେର୍, ମୁସ୍‌କୁପୁରତୁ ବା ଆକା ବନ୍‌ଡେବାନାଡ଼ ମାରି ଆମାଞ୍ଜାନିଙ୍ଗ୍ ମିର୍ ଦୁନିଆଦୁ ସାରିସିନିଦେର୍, ମୁସ୍‌କୁପୁରତୁ ବା ଆକା ସାରିସିଆୟ୍‌ଆନାଡ଼ ।

୧୯ “ମାରି ନାନ୍ ମିଙ୍ଗ୍ ସଡ଼ ଇଜିନା, ଦୁନିଆଦୁ ଏସ୍ତ୍ରୁଖାଲେ ମି ଲୋଇରାନ୍ ରିଇଦେର୍ ଜେ ଏଣ୍ଡେସ୍ ନାନି ବିସ୍‌ୟତାନ୍ ଉନ୍‌ଡ୍ରୁମନ୍‌ଆଜି ଆୟାଉଣ୍ଡିଙ୍ଗ୍ ପାରତନାକିନିଦେର୍, ନା ମୁସ୍‌କୁପୁରତି ବୁବା ମି ଆୟା ବଦାପୁରାକିନାନ୍ ।

୨୦ ଇରିଙ୍ଗ୍ ଏମେ ବାଡ଼ିଦୁ ରିଏର୍ ଲୋକ୍ ସିଲ୍‌ତିଙ୍ଗ୍ ମୁସ୍‌ର୍ ଲୋକ୍ ନା ଦର୍ତ୍ତାନ୍ ଉନ୍‌ଡ୍ରୁମାନୁ ଉଣ୍ଡାନାର୍, ଆୟା ବାଡ଼ିଦୁ ନାନ୍ ଖାରିମାନୁ ମାନା ।”

☆ ୧୮:୮ ମାତ୍ରିକ ୫:୩୦. ☆ ୧୮:୯ ମାତ୍ରିକ ୫:୨୯. ☆ ୧୮:୧୦ ଲୁକ ୧୯:୧୦. * ୧୮:୧୧ ଇରିଙ୍ଗ୍ ସାରିବାଣାତିମାନି ଲୋକାଙ୍ଗ୍ ରକ୍‌ୟା କିଦେଙ୍ଗ୍ ମନୁସ୍ୟପୁତ୍ର ଖାତାମାନାନ୍ / ଇୟା ପଦ୍ ପାଡ଼ିଇ ରାସାତିମାନୁ ସିଲେଡ଼ । ☆ ୧୮:୧୫ ଲୁକ ୧୭:୩. ☆ ୧୮:୧୮ ମାତ୍ରିକ ୧୭:୧୯; ଜୋହ୍‌ନ ୨୦:୨୩.

କେମାସିଇମାନି ପାଣିକିନିଝାନି କାତାଦି ମାଟା

୨୧ *ଅର୍ଲେନ୍ ପିତର ଝାତାନ୍ନୋ ଜିସୁଙ୍କୁଁ ଝେନ୍ବାତାନ୍, “ପ୍ରବୁ, ଅରେନ୍ ତଡାନ୍ ନା ବିରଦ୍ତାନ୍ ବାର୍ବାର ଦସ୍ କିଜିମାହାନ୍, ଝାନିଙ୍ଗ୍ ନାନ୍ ଏସ ଦେବେଙ୍ଗ୍ କେମାକିନା ? ଇନିକା ସାଡ୍ଦେବେଙ୍ଗ୍ ସାହି ?”

୨୨ ଜିସୁ ଇହାନ୍, “ସିଲେ ସାଡ୍ଦେବେଙ୍ଗ୍ ସିଲେ ।” ମାତର ସାଡ୍ଦେବେଙ୍ଗ୍ ସତୁରି ଗୁଣୁ ସାହି ।

୨୩ ଇରିଙ୍ଗ୍ ମୁସକୁପୁର ଇୟାଝାଜା । ଅର୍ଲେନ୍ ଅରେନ୍ ରାଜା ପାଣିକିନିଝାରି ଇସାବ୍ଆକୁ ସୁଡ୍ଦେଙ୍ଗ୍ ଇଜି ବଦାକିତାନ୍ ।

୨୪ ଝାନ୍ ଇୟା ଇସାବ୍ ଆରାମ୍ କିତିଝାଲେ ଲକେ ତାବୁଙ୍କୁଁ ଅତି ଅରେନ୍ ପାଣିକିନିଝାନିଙ୍ଗ୍ ରାଜାଦି ଲାକ୍ତୁ ତାତାର୍ ।

୨୫ ରୁଣୁ ତେଝିନି ଉଣ୍ଡିଙ୍ଗ୍ ଇୟା ଲୋକ୍ତିମାନୁ ଇନିକା ସିଲେତିଙ୍ଗ୍ ଝାନି ମାଲିକ୍ ଝାନିଙ୍ଗ୍ ମାରି ଝାନି ଆଡ୍ସିଙ୍ଗ୍, କଡକକରା ମାରି ଝିନ୍ଦୁ ସମ୍ପତ୍ତି ପୋରଜ ରୁଣ୍ଡାତାବୁଙ୍ଗ୍ ଅତେଙ୍ଗ୍ ଆଦେସ୍ ସିତାନ୍ ।

୨୬ ସାକର ରାଜାଦି କାଲକା ଆଡ୍ଗି ପାଡ୍ଗିଜି ମାଡ୍ସିକିଜି ଇହାନ୍, “ଆଜ୍ଜା ମାରି ଅଡ୍ପ୍ ସାସ୍ ଆସ୍ଆ ନାନ୍ ନି ଝିନ୍ଦୁ ରୁଣ୍ଡାତାବୁଙ୍ଗ୍ ତେଝେନାସିନା ।”

୨୭ ମାଲିକ୍ଦି ମନ୍ତୁ ଦୟା ଆତାଡ୍, ଆବେଟ୍ ରୁଣ୍ଡାତାବୁଙ୍ଗ୍ତାନ୍ କେମାସିଜି ଝାନ୍ ସାକରତିଙ୍ଗ୍ ଡିସ୍ତାସିତାନ୍ ।

୨୮ ଇୟା ଲୋକ୍ତୁ ବୁଲାଇ ସନିଝାଲେ ଝାନିମାଣାନ୍ ଉଣା ଏସ ତାବୁଙ୍କୁଁ ରୁଣୁ ଅତିମାନି ଝାନି ଅରେନ୍ ଅରସେପାଣିକିନି ସାକରତିଙ୍ଗ୍ ବେଟ୍ଟୁଡାତାନ୍ । ଝାନ୍ ଝାନି କକ୍ଲାଦିଙ୍ଗ୍ ଆସ୍ସି, ଝାନି କକ୍ଲାଦିଙ୍ଗ୍ ପିଡ୍ସି ଇହାନ୍, ନା ମାଣାନ୍ ଉଦାର୍ ଅତିମାନି ତାବୁଙ୍କୁଁ ଡେସି ସିଦା ।

୨୯ ଝାନିଝାଲେ ଅରସେ ପାଣିକିକାନ୍ ଝାନି କାଲକା ଆଡ୍ଗି ପାଡ୍ଗିଜି ମାଡ୍ସିକିଜି ଇହାନ୍, ସାସ୍ ଆସ୍ଆ, ନି ଝିନ୍ଦୁ ତାବୁଙ୍କୁଁ ତେଝେନାସିନା ।

୩୦ ମାତର ପାର୍ଡୁମ୍ତି ଲୋକ୍ତୁ ଝାନି ଗୁଆରି ଝେନ୍ଏତାନ୍, ମାରି ରୁଣ୍ଡାତାବୁଙ୍ଗ୍ ତେଝେଇ ସାହି ଝାନିଙ୍ଗ୍ ଜଇଲ୍ତୁ ଇଡିସ୍କିତାନ୍ ।

୩୧ ଇୟା ଗଟନା ସୁଡ୍ଡୁ ଆଇ ଅରସେପାଣିକିନିକାର୍ ନାଣ୍ଡ ଦୁକ୍ଆତାର୍ । ଝାର ରାଜାଦି ଲାକ୍ତୁ ସହାର୍ନୋ ଆମାକା ଗଟାତା ମାହାଡ୍, ଝିନ୍ଦୁ ଝେରତାର୍ ।

୩୨ ରାଜା ପାର୍ଡୁମ୍ତି ପାଣିକିନିଝାନିଙ୍ଗ୍ କୁକିସ୍କିତାନ୍ନୋ ଇହାନ୍, ଏ ଜର୍ସିଲି ପାଣିକିନିକିୟା, ନିନ୍ ଗୁଆରି କିତିଆକା ନାନ୍ ନି ଝିନ୍ଦୁ ରୁଣ୍ଡାତାବୁଙ୍ଗ୍ ଡିସ୍ତାସିତା ।

୩୩ ନାନ୍ ଏଣ୍ଡେସ୍ ନି ଉଣ୍ଡିଙ୍ଗ୍ ଦୟା ତରତା, ନି ଅରସେପାଣି କିନିଝାନିଙ୍ଗ୍ ବା ଆୟାଝାଜା ଦୟା କିନିକା ନି ଟିକ୍ ମାହାଡ୍ ।

୩୪ “ରାଜା ନାଣ୍ଡ ରିସାଆତାନ୍ ମାରି ଝିନ୍ଦୁ ରୁଣ୍ଡାତାବୁଙ୍ଗ୍ ଡେସିସିଇ ସାହି ଦଣ୍ଡବଗାନି ଉଣ୍ଡିଙ୍ଗ୍ ଝାନିଙ୍ଗ୍ ଜଇଲ୍ତୁ ପୋକ୍ତାନ୍ ।”

୩୫ ଜିସୁ ଝିନ୍ଦୁ ମାଟା ଝିସ୍ତାନ୍ନୋ ଝାରିଙ୍ଗ୍ ଇହାନ୍, “ମି ବିରଦ୍ତାନ୍ ଦସ୍ କିତିମାନି ତଡାନ୍ତିଙ୍ଗ୍ ଜିବନ୍ନୋନିଝାଜା ଜଦି କେମାକିଇଦେର୍, ଆଡ୍ତିଙ୍ଗ୍ ନା ମୁସକୁପୁରତି ବୁବା ବା ମି ଉଣ୍ଡିଙ୍ଗ୍ ଇୟାଝାଜା ବ୍ୟବହାର୍ କିନାନ୍ ।”

୧୯

ଆଡ୍ସିଙ୍ଗ୍ଡିସ୍ନି ବିସୟତାନ୍ ଜିସୁଦି ସିକିୟା

(ମାର୍କ ୧୦:୧-୧୨)

୧ ଜିସୁ ଇୟାଝିନ୍ଦୁ ମାଟା ଝେରତି ଝିସ୍ତି ଝେନ୍କା ଗାଲିଲି ଡିସ୍ସି ଜର୍ଦନ ଗାତାଦି ଆୟାପାଡ୍କା ମାନି ଜିହୁଦା ରାଜିଦୁ ସୋହାର୍ ।

୨ ମାରି, ନାଣ୍ଡ ଲୋକ୍ତୁ ଝାନି ଝେନ୍କା ଝେନ୍କା ସୋହାର୍ ମାରି ଝାନ୍ ଗାଦି ରଗ୍ଲୋକାଙ୍ଗ୍ ନେଗେନ୍କିତାନ୍ ।

୩ ଏସଲୋକ୍ ପାରୁସିର୍ ଝାନି ଲାକ୍ତୁ ଝାତାରୋ ଝାନିଙ୍ଗ୍ ଗୁଟାଦୁ ଆର୍ପ୍ତେଙ୍ଗ୍ ସେସ୍ସାକିତାର୍ । ଝାର ଝାନିଙ୍ଗ୍ ଝେନ୍ବାତାର୍, “ମସାଦି ନିୟମ୍ ଇସାବ୍ତାନ୍ ଅରେନ୍ ଇନି ବିସୟତାନ୍ ନିଜେଦି ଆଡ୍ସିଙ୍ଗ୍ ଡିସ୍ନିଆକୁ ସିଦେଙ୍ଗ୍ ଆଟ୍ନାନ୍ ନୋ ?”

୪ ଜିସୁ ଇହାନ୍, ମିର୍ ଇନିକା ସାସ୍ତୁ ପଡାଇଦେର୍ ନୋ, ତିଆରକିତିମାଲିକ୍ ଆଗ୍ଡିରାନ୍ନେ ଝାରିଙ୍ଗ୍ ମେମାରି ନି ଆଇମା କିଜି ତିଆର୍ କିତାନ୍ ?

୫ ନାସ୍ତିଝାଲେ ମାପୁରୁ ଇହାମାହାନ୍, “ଇୟାଉଣ୍ଡିଙ୍ଗ୍ ଅରେନ୍ ମେମାର୍ଏନ୍ ନିଜେଦି ବୁବାୟାୟେଙ୍ଗ୍ ଡିସ୍ସି ନିଜେଦି ଆଡ୍ସି ଝାଲେ ତେବାନାନ୍ ମାରି ଆୟା ରିଏର୍ ଅରେନ୍ଆନାର୍ ।

୬ ଝାର ମାରି ରିଏର୍ ଆଏର୍, ମାତର ଅରେନ୍ନେ । ଆମାଝାରିଙ୍ଗ୍ ମାପୁରୁ ମିସାକିତାମାନାନ୍, ଆକା ଲୋକ୍ତୁ ଝାରିଙ୍ଗ୍ ଝେରେଏ କିମାକିର୍ ।”

୭ *ପାରୁସିର୍ ଝାନିଙ୍ଗ୍ ଝେନ୍ବାତାର୍, “ଆଡ୍ତିଙ୍ଗ୍ ଆଇମାଦିଙ୍ଗ୍ ଡିସ୍ନି ଆକୁ ସିଜି ଡିସ୍ନି ଉଣ୍ଡିଙ୍ଗ୍ ମୋସା ଏୟା ନିୟମ୍

☆ ୧୮:୨୧ ଲୁକ ୧୭:୩,୪. ☆ ୧୯:୭ ମାତ୍ରିକ ୫:୩୧.

କିତାମାନାନ୍ ?”

୮ ଜିସୁ ଖାରିଙ୍ଗ୍ ଇର୍ହାନ୍, “ମି ଜିବନ୍ତି ଆରୁଝାଦିଙ୍ଗ୍ ସୁଡ଼ଜି ମୋସା ମିଙ୍ଗ୍ ଇୟାଝାଜା କିତାମାହାନ୍ । ମାତର୍ ତିଆରୁଆତି ଆଗ୍ଡ଼ି ଇୟାଝାଜା ନିୟମ୍ ସିଲେତାଡ଼ ।

୯ *ମାତର୍ ନାନ୍ ମିଙ୍ଗ୍ ଇଜିନା, ଏନ୍ଆପିନ୍ ନିଜେଦି ଆଡ଼ସିଙ୍ଗ୍ ଦାରିପାଣି ଦସ୍ ଡ଼ିସ୍ତିଙ୍ଗ୍ ଆଇ ଇନି ବିସୟତାନ୍ ଡ଼ିସ୍ନାନ୍ ନୋ ଆଇ ଆଇମାଦିଙ୍ଗ୍ ପେଡ଼ିଆନାନ୍, ଝାନ୍ ନିଜେ ଦାରିପାଣି କିନାନ୍ ।”

୧୦ ସିସୁର୍ ଝାନିଙ୍ଗ୍ ଇର୍ହାନ୍, “ଆଡ଼ସି ଝାଲେ କନ୍ଲିଦି ଜଦି ଇୟାଝାଜା ବିସୟମାନି ମାଟା, ଆର୍ଡ଼ିଙ୍ଗ୍ ପେଡ଼ିଆଇକା ନେଗେଡ଼ ।”

୧୧ ଜିସୁ ଇର୍ହାନ୍, “ଇୟା ସିକିୟା ଝିଜେରି ଉଣ୍ଡିଙ୍ଗ୍ ସିଲେ । ମାପୁରୁଦି ମାଣାନ୍ ଏମେଝାରିଙ୍ଗ୍ ଇକା ସିଆୟାଆତାମାନାଡ଼, କେବଲ୍ ଝାନ୍ ଇକା ମାନାଦେଙ୍ଗ୍ ଆଟ୍ନାନ୍ ।

୧୨ ଇନିଇନି ବିସୟତାନ୍ ଲୋକ୍ ପେଡ଼ିଆଏଣ୍ଗା ତେବାନାସୋନାନ୍ । ଏସଲୋକ୍ ଜନମ୍ତାନ୍ ପେଡ଼ିଆନି ଉଣ୍ଡିଙ୍ଗ୍ ଜଗସିଲେର୍, ଏସ ଲୋକାଙ୍ଗ୍ ଲୋକ୍ ଆୟାଝାଜା କିତାମାନାନ୍, ମାରି ଏସଲୋକ୍ ମୁସ୍କୁପୁର୍ଡ଼ି ଉଣ୍ଡିଙ୍ଗ୍ ପାଣିକିଦେଙ୍ଗ୍ ପେଡ଼ିଆଏଣ୍ଗା ତେବାନାନ୍ । ଏମେକାର୍ ଇୟା ସିକିୟାଦି ଅର୍ଡ଼ ବୁଜାଦେଙ୍ଗ୍ ଆଟ୍ସିନାନ୍, ଝାନ୍ ଆକା ମାନାପିର୍ ।”

ଜିସୁ ଇସ୍ତି କଡ଼ରିଙ୍ଗ୍ ଆସିର୍ବାଦ୍ କିନାନ୍

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ନାସ୍ତିଝାଲେ ଇସ୍ତିକଡ଼ରି ମୁସ୍କୁ କିୟୁ ଇଡ଼ଜି ପାର୍ତନା କିଦେଙ୍ଗ୍ ଇଜି ଏସଲୋକ୍ ଝାରିଙ୍ଗ୍ ଜିସୁଦି ଲାକ୍ତୁ ତାତାନ୍ । ଆୟା ଲୋକାଙ୍ଗ୍ ସିସୁର୍ ଆଦ୍ରିସ୍ କିତାନ୍ ।

୧୪ ମାତର୍ ଜିସୁ ଇର୍ହାନ୍, “ଇସ୍ତି କଡ଼ରିଙ୍ଗ୍ ନା ଲାକ୍ତୁ ଝାଦେଙ୍ଗ୍ ସିଦୁ । ଝାରିଙ୍ଗ୍ ବାଦାକିମାଟ୍, ଇରିଙ୍ଗ୍ ମୁସ୍କୁପୁର୍ଡ଼ି ଅଦିକାରି ଏମେକାର୍ ଝେରିଝାଜା ଆୟା ଲୋକ୍ତି ଅଦିକାରି ।”

୧୫ ମାରି, ଝାରି ମୁସ୍କୁ କିୟୁ ଇଡ଼ଜି ଆସିର୍ବାଦ୍ କିତି ଝେନ୍କା ଝାନ୍ ଆବେଟ୍ତାନ୍ ସୋର୍ହାନ୍ ।

ଅରେନ୍ ମାଜନ୍ ମୁରୁଲି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅରଲେନ୍ ଅରେନ୍ ମୁରୁଲି ଜିସୁଦି ଲାକ୍ତୁ ଝାତାନ୍ନୋ ଝେନ୍ବାତାନ୍, “ଏ ଗୁରୁ, ଏସକାଙ୍ଗ୍ଝିଜିଇ ଜିବନ୍ ପୟନି ଉଣ୍ଡିଙ୍ଗ୍ ନାନ୍ ଇନି ନେଗି ପାଣି କିଦେଙ୍ଗ୍ ଆନାଡ଼ ?”

୧୭ ଜିସୁ ଝାନିଙ୍ଗ୍ ଇର୍ହାନ୍, “ନେଗି ପାଣି ବିସୟତାନ୍ ନାଙ୍ଗ୍ ଏୟା ଝେନ୍ବାଜିନି ? ମାପୁରୁ ନେ କେବଲ୍ ନେଗିକାନ୍ । ମାପୁରୁଦି ମାଟେଙ୍ଗ୍ ମାନାତିଙ୍ଗ୍, ଏସକାଙ୍ଗ୍ଝିଜିଇ ଜିବନ୍ ପୟଦେଙ୍ଗ୍ ଆଟ୍ନି ।”

୧୮ ଝାନ୍ ଝେନ୍ବାତାନ୍, “ଆମାଝିଜୁ ମାଟେଙ୍ଗ୍ ?”

ଜିସୁ ଇର୍ହାନ୍, “ଲୋକାଙ୍ଗ୍ ସାୟାମାର୍ଗା ତାକ୍ମାଟ୍, ଦାରିପାଣି କିମାଟ୍, ଡଙ୍ଗା କିମାଟ୍, ଏ ବିରଦ୍ତାନ୍ ମିସ୍ମାଟା ସାକିସିମାଟ୍,

୧୯ ବୁବାୟାୟଙ୍ଗେ ମାନାଦୁ, ମାରି ଲାକ୍ତୁରି ଲୋକାଙ୍ଗ୍ ନିଜେଦିଙ୍ଗ୍ ଜିବନ୍ନୋତିଝାଜା ଜିବନ୍ନୋଦୁ ।”

୨୦ ମୁରୁଲି ଇର୍ହାନ୍, “ଇୟାଝିଜୁ ମାଟେଙ୍ଗ୍ ମାନାତାମାନା, ନାନ୍ ମାରି ଇନିକା ନାଙ୍ଗ୍ ଉଣାମାନାଡ଼ ?”

୨୧ ଜିସୁ ଝାନିଙ୍ଗ୍ ଇର୍ହାନ୍, “ଜଦି ନିନ୍ ନେଗିକାନ୍ ଆଦେଙ୍ଗ୍ ବଦାକିଜିନି, ସାଙ୍ଗ୍ଆଁ, ନି ଝିଜୁ ସମ୍ପତି ପର୍ଜ ଆୟା ତାବୁଙ୍ଗ୍ ସିଲିସାଡ଼ିଝାରିଙ୍ଗ୍ ଦାନ୍ ସିଆ । ଆର୍ଡ଼ିଙ୍ଗ୍ ନିନ୍ ମୁସ୍କୁପୁର୍ଡ଼ି ଦନ୍ ପଇନି । ଇୟାଝିଜୁ କିଜିଝିସୋ ନା ଝେନ୍କା ଝେନ୍କା ରାଆ ।”

୨୨ ମୁରୁଲି ଇୟା ମାଟା ଝେନ୍ଝି ଦୁଃକ୍ ଆଜି ସୋର୍ହାନ୍, ଇରିଙ୍ଗ୍ ଝାନ୍ ପେରି ମାଜନ୍ଲୋକ୍ ମାହାନ୍ ।

୨୩ ଜିସୁ ନିଜେଦି ସିସୁରିଙ୍ଗ୍ ଇର୍ହାନ୍, ନାନ୍ ମିଙ୍ଗ୍ ସଡ଼ ଇଜିନା, ମାଜନ୍ ଲୋକ୍ ବଡ଼େ କସ୍ତାନ୍ ମୁସ୍କୁପୁର୍ଡ଼ି ସନାନ୍ ।

୨୪ ମାରିଡ଼େସି ନାନ୍ ମିଙ୍ଗ୍ ଝେର୍ସିନା, ମାପୁରୁଦି ରାଜିଦୁ ମାଜନ୍ ଲୋକ୍ତି ସନି ବାଦୁଲୁ ସୁଜିଦି ବର୍ ସିଜି ଉଟ୍ ଡ଼ଗୁନିକା ଉସାସ୍ ।

୨୫ ସିସୁର୍ ଇକା ଝେନ୍ଝି କାବାଆତାରୋ ଝେନ୍ବାତାନ୍, “ଆର୍ଡ଼ିଙ୍ଗ୍ ଏନ୍ ରକିୟା ପଇଦେଙ୍ଗ୍ ଆଟ୍ନାନ୍ ?”

୨୬ ଜିସୁ ସିସୁରିଙ୍ଗ୍ ସାଡ଼କୁ ସାଡ଼କୁ ସୁଡ଼ଜି ଇର୍ହାନ୍, “ଇକା ଲୋକାଦି ଉଣ୍ଡିଙ୍ଗ୍ ଆଟ୍ଝା ଆଦେଙ୍ଗ୍ ଆଟ୍ନାଡ଼, ମାତର୍ ମାପୁରୁଦିଙ୍ଗ୍ ଉଣ୍ଡିଙ୍ଗ୍ ଆନାଡ଼, ଇରିଙ୍ଗ୍ ମାପୁରୁ ଝିଜୁ କିଦେଙ୍ଗ୍ ଆଟ୍ନାନ୍ ।”

୨୭ ଇକା ଝେର୍ଆନ୍ନୋ ପିତର୍ ଇର୍ହାନ୍, “ସୁଡ଼ଦୁ, ମାପ୍ ଝିଜୁ ଡ଼ିସ୍ସି ନି ଝେନ୍କା ଝାତା ମାନାପ୍ । ମାଡ଼ ଇନିକା ପଇନିକା ?”

* ୧୯:୯ ମାଡ଼ିତ ୫:୩୨; ୧ କରିନ୍ଥୟ ୭:୧୦,୧୧.

୨୮ ✨ଜିସୁ ଖାରିଙ୍ଗ ଇର୍ହାନ, ନାନ ମିଙ୍ଗ ସତ୍ତ୍ୱ ଇଜିନା, ପୁନି ଜଗତି ଏସ୍ତିଖାଲେ ମନୁସ୍ୟପୁତ୍ର ନିଜେଦି ଗୌରବମୟ ରାଜାଗାଦିତୁ ବାସନାନ, ନାସ୍ତିଖାଲେ ନା ଇୟା ବାରଲୋକ୍ ସିସୁର ବା ବାରଗୋଟା ରାଜାଗାଦିତୁ ବାସନାରୋ ଇସ୍ରାଏଲ୍‌ତି ବାରଗୋଟା କୁଟୁମ୍‌ତି ମୁସ୍କୁ ସାସନ୍ କିନିଦେର୍ ।

୨୯ ମାରି ଏମେକାର ନା ଉଣ୍ଡିଙ୍ଗ ନିଜେଦି ଇଲୁ, ତଡ଼ାନ୍‌ତିଙ୍ଗ ନି ତାଙ୍ଗ୍, ବୁବା ନି ଯାୟେଙ୍ଗ, କଡ଼କକ୍ଵାରିଙ୍ଗ ମାରି ବୁମିବାଡ଼ା ଡ଼ିସ୍ତାମାନାନ, ଖାର ତାନି ସଏ ଗୁଣ୍ଡୁ ପୟନାର୍; ମାରି ଏସକାଙ୍ଗ୍‌ଝିଜ୍ଜ ଜିବନ୍ ବା ପୟନାର୍ ।

୩୦ ✨ମାତର୍ ଆଗ୍ଡି ମାନି ଏସ ଲୋକ୍ଵ ଖେନ୍‌କା ଆନାର୍ ମାରି ଖେନ୍‌କା ମାନି ଏସ ଲୋକ୍ଵ ଆଗ୍ଡି ଆନାର୍ ।

୨୦

ଅଙ୍ଗୁରକିଡ଼ିଇତୁ ପାଣିକିନିକାନ

୧ ମୁସ୍କୁପୁର୍ ଇୟାଖାଜା । ଅରେନ୍ ଲୋକ୍ଵ ଅର୍ଲେନ୍ ଉଟ୍‌ଲ୍ଲା ନାଡ଼ାକାଦେ ଖାନି ଅଙ୍ଗୁର କିଡ଼ିଇତୁ ପାଣି କିଦେଙ୍ଗ ଇଜି ବୁଡିଲୋକାଙ୍ଗ୍ ପୟଦେଙ୍ଗ ସୋତାନ୍ ।

୨ ଆମାଖାରିଙ୍ଗ୍ ପୟତାନ୍, ଝିଜେରିଙ୍ଗ୍ ଅର୍ଲେଟିଙ୍ଗ୍ ଉନ୍‌ଡ଼ି ଲାକା ଖେଣ୍ଡିଅଦଲି ବୁଡି ତାବୁଙ୍ଗ୍ ସିଦେଙ୍ଗ୍ ତେଖେଡାନ୍‌ନୋ ଖାରିଙ୍ଗ୍ ନିଜେଦି କିଡ଼ିଇତୁ ପୋକ୍‌ତାନ୍ ।

୩ ତାନେଖେନ୍‌କା ନାଣ୍ଡିଙ୍ଗ୍ ନଅଟା ବେଡ଼ାଦୁ ସାତାଦୁ ସର୍ହାନନୋ ସୁଡ଼ତୁନ୍, ମାୟାଲୋକ୍ ସିମ୍ରା ଆଜି ନିର୍‌ଆମାନାର୍ ।

୪ ଖାରିଙ୍ଗ୍ ଖାନ୍ ଇର୍ହାନ, ମିର୍ ବା ନା ଅଙ୍ଗୁର କିଡ଼ିଇତୁ ସୋଲ୍‌ସ ପାଣି କିଦୁ, ମିଙ୍ଗ୍ ସାମାନ୍ ବୁଡି ସିନା ।

୫ ଖାର୍ ସୋର୍ହାର୍‌ନୋ ପାଣି କିଦେଙ୍ଗ୍ ଆସ୍ତାର୍ । ଖେଡେ ବାର୍‌ଟା ମାରି ତିନ୍‌ଟା ବେଡ଼ାଦୁ ଟିକ୍ ଆୟାଖାଜା ମାରି ଏସ ପାଣିକିନିଖାରିଙ୍ଗ୍ ତାତାନ୍‌ନୋ ପାଣିଦୁ ଲାଗିସକିତାନ୍ ।

୬ ମାରି ମିଲ୍‌ମିଲିକା ପାସ୍‌ଟା ବେଡ଼ାଦୁ ମାରି ଉନ୍‌ଡ଼ି ଦେବା ସାତାଦୁ ସର୍ହାନନୋ ସୁଡ଼ତୁନ୍, ମାରି ଏସ ଲୋକ୍ଵ ନିର୍‌ଆମାନାର୍, ଖାରିଙ୍ଗ୍ ଖେନ୍‌ବାତାନ୍, ଖେଡ଼ଖେଡ଼ାର୍ ପାଣିକିଏଣ୍‌ଗା ଏୟା ଇବେନ୍‌ ସମୟ ନାସ୍‌କିଜିନିଦେର୍ ?

୭ ଖାର୍ ଇର୍ହାର୍, ଏନ୍ ମାଙ୍ଗ୍ ପାଣିଦୁ ଲାଗିସକିଏର୍ । ଖାନ୍ ଖାରିଙ୍ଗ୍ ଇର୍ହାନ, ଆର୍‌ତିଙ୍ଗ୍ ମିର୍ ଝିଜୁ ନା ଅଙ୍ଗୁର କିଡ଼ିଇତୁ ସୋଲ୍‌ସ ପାଣିକିଦୁ ।

୮ ଆୟାନାଣ୍ଡିଙ୍ଗ୍ ମିଲ୍‌ମିଲିକା ବେଡ଼ାଦୁ କିଡ଼ିଇଦି ମାଲିକ୍ ଗୁମାସ୍ତାଦିଙ୍ଗ୍ ଇର୍ହାନ, ପାଣିକିଡ଼ିଖାରିଙ୍ଗ୍ କୁକ୍‌ଆ । ଆମାକାର୍ ଝିଜେରିମାଣାନ୍ ଖେନ୍‌କା ପାଣି ଆରାମ୍‌କିତାମାନାର୍, ଆଗ୍ଡି ଖାରି ବୁଡି ସିଆ । ଆମାକାର୍ ଝିଜେରି ଆଗ୍ଡି ପାଣିଦୁ ଖାତାମାନାର୍ ଖାରି ବୁଡିତାବୁଙ୍ଗ୍ ସାରାସାରିଖେନ୍‌କା ସିଆ ।

୯ ମିଲ୍‌ମିଲିକା ପାସ୍‌ଟାଦୁ ଆମାକାର୍ ପାଣିଦୁ ଖାତା ମାର୍ହାର୍, ଖାର୍ ଝିଜେରେ ଉନ୍‌ଡ଼ି ଖେଣ୍ଡିଅଦଲି ତାବୁଙ୍ଗ୍ ପୟତାର୍ ।

୧୦ ଆମାକାର୍ ଆଗ୍ଡି ପାଣି ଆରାମ୍‌ କିତାମାର୍ହାର୍, ଖାର୍ ନାଣ୍ଡ ପୟନିକା ଇଜି ଅଡ଼ବିତାର୍, ମାତର୍ ଖାନ୍ ବା ଉନ୍‌ଡେ ଉନ୍‌ଡେ ଖେଣ୍ଡିଅଦଲି ତାବୁଙ୍ଗ୍ ପୟତାର୍ ।

୧୧ ଖାର୍ ନିସ ଅସି ମାଲିକ୍ ବିରଦ୍‌ତାନ୍ ଖେଡ଼ିକାଆଏଣ୍‌ଗା ଖେର୍‌ସି ଇର୍ହାର୍,

୧୨ ମିଲ୍‌ମିଲିକା ପାସ୍‌ଟାଦୁ ପାଣି ଆରାମ୍‌ କିଡ଼ିମାନିକାର୍ ଉନ୍‌ଡେ ଗନ୍‌ଟାନେ ପାଣି କିତାମାନାର୍ । ମାପ୍ ଇୟା ନିସ ତେର୍‌ଖେଲ୍‌ଡିଙ୍ଗ୍ ଖେଡ଼ାର୍ କଟେଆତାପ, ମାରି ବୁଡିତାବୁଙ୍ଗ୍ ସିଡ଼ିଖାଲେ ଖାରିଙ୍ଗ୍ ମା ଖାଲେ ସାମାନ୍ କିଜିସିତି ।

୧୩ ମାଲିକ୍ ଖାରି ଲୋଇରାନ୍ ଅରେନ୍‌ଖାନିଙ୍ଗ୍ ଇର୍ହାନ, ବନ୍ଧୁ; ନାନ୍ ମିଙ୍ଗ୍ ଟକେକିଏ । ଅର୍ଲେଟି ବୁଡି ତାବୁଙ୍ଗ୍ ଉନ୍‌ଡେ ଖେଣ୍ଡି ଅଦଲି ଅସି ପାଣି କିଦେଙ୍ଗ୍ ମିର୍ ଝିଜିଦେର୍ ରାଜିଆଡ଼ିମାରିଇଦେର୍ ।

୧୪ ମି ଆୟା ବୁଡିତାବୁଙ୍ଗ୍ ଅସି ଇନ୍‌ଡୁ ସାନ୍‌ଡୁ, ମିଙ୍ଗ୍ ଏସ ସିତାମାନା, ଉନ୍‌ଡେ ଗନ୍‌ଟା ପାଣି କିଡ଼ିମାନି ଲୋକ୍‌ଡିଙ୍ଗ୍ ବା ନାସନେ ସିଦେଙ୍ଗ୍ ନା ବଦା ।

୧୫ ନା ନିଜେଦି ଦନ୍‌ଡିଙ୍ଗ୍ ଏଣ୍ଡେସ୍ ବଦା ଆୟାଖାଜା କାର୍‌ସୁକିଦେଙ୍ଗ୍ ଇନିକା ନା ଅଦିକାର୍ ସିଲେଡ୍ ? ସିଲେ ନାନ୍ ଦାନ୍‌ସିନିକାନ୍ ଆଡିଙ୍ଗ୍ ମିର୍ ନାଙ୍ଗ୍ ଆକାର୍‌ଆଜିନିଦେର୍ ?

୧୬ ✨ଇୟା କାତାଦି ମାଟା ଝିସ୍ତାନ୍‌ନୋ ଜିସୁ ଇର୍ହାନ, “ଖେନ୍‌କା ମାନି ଲୋକ୍ଵ ଆଗ୍ଡି ଆନାର୍ ମାରି ଆଗ୍ଡି ମାନି ଲୋକ୍ଵ ଖେନ୍‌କା ଆନାର୍ ।”

ଜିସୁ ନିଜେଦି ସାନି ନିଙ୍ଗ୍‌ନି ବିସୟତାନ୍ ମୁନ୍‌ଡ଼ି ଦେବେଙ୍ଗ୍ ଇର୍ହାନ

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜିସୁ ଜିରୁସାଲମତୁ ସନି ସାରିଦୁ ବାରଲୋକ୍ ସିସୁରିଙ୍ଗ୍ ଉନ୍‌ଡ଼ି ଲାକ୍‌ତୁ କୁକ୍‌ତାଅତାନ୍‌ନୋ ଅରେନ୍‌ନେ ଇର୍ହାନ,

୧୮ “ଖେନ୍‌ଡୁ, ମାଡ଼ ଜିରୁସାଲମତୁ ସୋଲ୍‌ସିନିକା, ଆବେନ୍‌ ମନୁସ୍ୟପୁତ୍ର ପେରି ଜାଜକ ମାରି ଦାମ୍‌ଗୁରୁରି କିୟୁଦୁ ସର୍‌ପେଆନାନ୍ । ମାରି ଖାର୍ ଖାନିଙ୍ଗ୍ ସାନିଦଣ୍ଡୁ ସିନାର୍

☆ ୧୯:୨୮ ମାତୃତ ୨୫:୩୧; ଲୁକ ୨୨:୩୦. ☆ ୧୯:୩୦ ମାତୃତ ୨୦:୧୭; ଲୁକ ୧୩:୩୦. ☆ ୨୦:୧୭ ମାତୃତ ୧୯:୩୦; ମାର୍କ ୧୦:୩୧; ଲୁକ ୧୩:୩୦.

୧୯ ମାରି ଖାର ଅଣଜିହ୍ଵଦିରି କିୟୁଦୁ ସରପେ କିଜି ସିନାର । ଆଇଜାତିଦିକାର ଖାନିଙ୍ଗ ସେମାର କିନାର, କରତା ମାଡ଼ ତାକନାର ମାରି କୁସକାଟୁ ଏକସକନାର, ମାତର ମୁନେଟି ଖେନକା ଖାନ ମାରିଡ଼େସି ଜିବନଆଜି ନିଙ୍ଗ ନାନ ।”

ଅରେଡ଼ ଯାୟାଦି ମାଡ଼ିସକିନିକା

(ମାର୍କ ୧୦:୩୫-୪୫)

୨୦ ଇୟା ସମୟତୁ ଜେବଦିଦି ଆଡ଼ସି ତାନି ରିଏରି ମାରିସିରି ଖାଲେ ଜିସୁଦି ଲାକ୍ତୁ ଖାଜି, ଜିସୁଙ୍ଗୁ ମାଡ଼ିସକିଜି ଖାନିମାଣାନ ଇନିକା କିଦେଙ୍ଗ ଲସତାଡ଼ ।

୨୧ ଜିସୁ ତାନିଙ୍ଗ ଖେନବାତାନ, “ନିନ୍ ଇନିକା ବଦାକିଜିନି ?” ଖାଦ ଇର୍ହାଡ଼, “ନିନ୍ ଏସ୍ତିଖାଲେ ରାଜା ଆନି, ନା ଇୟା ରିଏର ମାରିସିରିଙ୍ଗ ନି ଉଣେରି କିୟୁ ତରିନ୍ ମାରି ଅରେନ୍ ଲୋକ୍ତିଙ୍ଗ ନି ତେବ୍ରିକିୟୁ ତରିନ୍ ବାସ୍ତେଙ୍ଗ ମାଟା ସିଦା ।”

୨୨ ଜିସୁ ଜେବଦିରି ରିଏର ମାରିସିରିଙ୍ଗ ଇର୍ହାନ୍, “ମିର୍ ଇନିକା ଲସସିନିଦେର୍, ଆୟାକା ମିର୍ ନେସତେଙ୍ଗ କି ବୁଝାଦେଙ୍ଗ ଆଟ୍‌ଏଜିନିଦେର୍ । ନାନ ଏମେ ଦୁଃକ୍‌ବୋଗତି ଉଣିତୁବାଇତାନ ଉନ୍‌ଶ୍ଵେଙ୍ଗ ସୋଲ୍‌ସିନା, ମିର୍ ଇନିକା ଆବେଟ୍‌ତାନ ଉନ୍‌ଶ୍ଵେଙ୍ଗ ଆଟ୍‌ନିଦେର୍ ?”

ଖାର ଇର୍ହାର, “ହୁଁ ଆଟ୍‌ନାପ୍ ।”

୨୩ ଜିସୁ ଖାରିଙ୍ଗ ଇର୍ହାନ୍, “ମିର୍ ନା ଆୟା ତୁବାଇତୁ ଉଣିଦେର୍ ସଡ଼, ମାତର ନା ଉଣେରି ମାରି ତେବିରି ତରିନ୍ ବାସତେଙ୍ଗଇଜି ଏଙ୍ଗ ଆସକିଦେଙ୍ଗ ଅଦିକାର ନାଙ୍ଗ ସିଲେଡ଼ । ଆମାଖାରି ଉଣ୍ଡିଙ୍ଗ ନା ବୁବା ଆୟା ବାଡ଼ି ତିଆର୍ କିତାମାନାନ, ଆକା କେବଲ୍ ଖାରିଦି ।”

୨୪ ଏସ୍ତିଖାଲେ ଆଇ ଦାସଲୋକ୍ ସିସୁର୍ ଇୟା ମାଟା ଖେର୍‌ଆର୍, ଆୟା ତଡ଼ରିଏରି ମୁସକୁ ଗିଦ୍‌ରି ଆତାର ।

୨୫ *ଜିସୁ ସିସୁରିଙ୍ଗ ଉନ୍‌ଡ଼େମାନୁ କିଜି ଇର୍ହାନ୍, “ମିର୍ ନେସନିଦେର୍, ଇୟା ଦୁନିଆଦି ଅଣଜିହ୍ଵଦି ରାଜାର ଆଇଖାରି ମୁସକୁ ଅଦିକାର କିତାରମାନ୍ ମାରି ପେରି ପେରି ନେତାର ବା ଆଇଖାରି ମୁସକୁ ସାସନକିନାର ।

୨୬ *ମି ଲୋଇ ଆୟାଖାଜା ସିଲେଡ଼, ମାତର ମି ଲୋଇରାନ ଅରେନ୍ ପେରିକାନ ଆଦେଙ୍ଗ ବଦାକିନାନ, ଖାନ ଆଇଖାରି ସେବାକିନିକାନ ଆପିନ୍,

୨୭ ମାରି ମି ଲୋଇରାନ ଏନ୍ ପେରିକାନ ଆଦେଙ୍ଗ ବଦାକିନାନ, ଖାନ ଆଇଖାରି ଗତିମୁରୁଲି ଖାଜା ଖାରି ସେବା କିପିନ୍,

୨୮ ଏଶ୍ଵେସ୍ ମନୁଷ୍ୟପୁତ୍ର ଯେ ନାନ ସେବା ପଇଦେଙ୍ଗ ରେଏ, ମାତର ସେବା କିଜି ଆଇଖାରିଦି ଡ଼ିସସକିନି ଉଣ୍ଡିଙ୍ଗ ନିଜେଦି ଜିବନ୍ ସିଦେଙ୍ଗ ଇଜି ଖାତାମାନାନ ।”

ଜିସୁ ରିଏର କାଣାରିଙ୍ଗ ସୁଡ଼ନ୍ତି ସାକ୍ତି ସିତାନ

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଅରଲେନ୍ ଜିସୁ ସିସୁରି ଖାଲେ ଜିରିହୋ ଗାଡ଼ ଡ଼ିସସି ସନିଖାଲେ ନାଣ୍ଡଲୋକୁ ଖାନି ଖେନକା ଖେନକା ବୁଲାତାର ।

୩୦ ରାସ୍ତା ପାଡ଼ି ବାସତିମାନି ରିଏର କାଣାର, ଜିସୁ ଆୟା ସାରି ଖାଜିନାନ ଇଜି ଖେନଞ୍ଜି ନାଣ୍ଡ ଆଉଲି ଆଜି କୁକ୍‌ତାର, “ଏ ପ୍ରବୁ, ଦାଉଦତି ମାରିନ୍ ! ମାଙ୍ଗୁ ଦୟା କିଆ ।”

୩୧ ଲୋକ୍ ଖିଜେରେ ଖାରିଙ୍ଗ ଆଦ୍‌ରିସକିଜି ଆଲେଜ ମାନଡ଼େଙ୍ଗ ଇର୍ହାର, ମାତର ଖାର ମାରି ନାଣ୍ଡ ଆଉଲି ଆଜି ଇର୍ହାର, “ଏ ପ୍ରବୁ, ଦାଉଦତି ମାରିନ୍ ! ମାଙ୍ଗୁ ଦୟା କିଆ ।”

୩୨ ଆବେନ୍ତୁ ଜିସୁ ନିର୍‌ଆନ୍‌ନୋ ଖାରିଙ୍ଗ କୁକ୍‌ତାନନୋ ଖେନବାତାନ, “ନାନ ମିଙ୍ଗୁ ଇନିକା କିନା ଇଜି ମିର୍ ବଦା କିଜିନିଦେର୍ ?”

୩୩ ଖାର ଇର୍ହାର, “ପ୍ରବୁ ମାଙ୍ଗୁ ସୁଡ଼ନ୍ତି ସାକ୍ତି ସିଦା ।”

୩୪ ମାରି, ଜିସୁ ଦୟାଦାନ ଦାନ୍‌ଆଜି ଖାରି କାଣ୍‌କାଙ୍ଗ ମୁଟ୍‌ତାନ, ମାରି ଆୟାଦାପ୍ରେ ଖାର ସୁଡ଼ଦେଙ୍ଗ ଆଟ୍‌ତାର ମାରି ଖାନି ଖେନକା ଖେନକା ବୁଲାଦେଙ୍ଗ ଆସ୍‌ତାର ।

୨୧

ଜିରୁସାଲମତୁ ଜିସୁଦି ଗୌରବମୟ ଡ଼ଗୁନିକା

(ମାର୍କ ୧୧:୧-୧୧; ଲୁକ ୧୯:୨୮-୪୦; ଜୋହନ ୧୨:୧୨-୧୯)

୧ ଜିସୁ ନି ଖାନି ସିସୁର୍ ଜିରୁସାଲମତି ଲାକ୍ତୁରି ଜିଡ଼ ଗରନ୍ ମୁସକୁ ମାନି ବେଡ଼ପାଗି ନାଟ ଇତାର । ନାସ୍ତିଖାଲେ ଜିସୁ ରିଏର ସିସୁରିଙ୍ଗ ଇୟା ମାଟା ଖେର୍‌ସି ପୋକ୍‌ତାନ ।

☆ ୨୦:୨୫ ଲୁକ ୨୨:୨୫, ୨୬. ☆ ୨୦:୨୬ ମାଡ଼ିତ ୨୩:୧୧; ମାର୍କ ୯:୩୫; ଲୁକ ୨୨:୨୬.

୨ “ମି ଆଗଡ଼ିରି ଆୟା ନାଟ ସାନ୍ତୁ, ଆବେ ଇତି ଦାପ୍ରେନେ ତରାତିମାନି ଉନ୍ତୁ ଗଦଦିଙ୍ଗ୍ ମାରି ତାନେଝାଲେ ଉନ୍ତୁ ଗଦପିଲାଦିଙ୍ଗ୍ ସୁଣିଦେର; ଝାନିକାଙ୍ଗ୍ କୁଡ଼ସ ନା ଲାକ୍ତୁ ଆସ୍‌ସୋ ରାଦୁ ।

୩ ମାରି ଏନ୍ ମିଙ୍ଗ୍ ଇନିକା ଝେନ୍‌ବାତିଙ୍ଗ୍, ଆରତିଙ୍ଗ୍ ଇନିଦେର, ଝେନିକାମାନୁ ପ୍ରୁଙ୍ଗ୍ ଦରକାର ମାନାଡ଼ । ଆୟାଦାପ୍ରେନେ ଝାନ୍ ଝାନିକାଙ୍ଗ୍ ଡ଼ିସ୍‌ନାସିନାନ୍ ।”

୪ ବାବବାଦିରି ମାଣାନ୍ ରାସ୍‌ତିମାନି ଇୟା ବାକ୍ୟ ଏଣ୍ଡେସ୍ ପୁରା ଆନାଡ଼, ଆୟାଉଣ୍ଡିଙ୍ଗ୍ ଇକା ଗଟାତାଡ଼ ।

୫ “ସିୟୋନତି ଗାଡ଼ତିଙ୍ଗ୍ ଇନ୍‌ଆଁ,
ସୁଡ଼ୁ, ନି ରାଜା ମି ଲାକ୍ତୁ ଝାଜିନାନ୍;
ଝାନ୍ ସାଡ଼ି ମାରି ଗଦପିଲା ନି
ଗଦଦି ମୁସ୍‌କୁ ବାସ୍‌ତାନ୍‌ନୋ ଝାଜିନାନ୍ ।”

୬ ସିସୁର୍ ସୋର୍ହାନ୍‌ନୋ ଜିସୁ ଝେରତି ଇସାବ୍‌ତାନ୍ ପାଣି କିତାର ।

୭ ଗଦ ନି ଗଦପିଲାଦିଙ୍ଗ୍ ତାତାରୋ ଝାନିକା ମୁସ୍‌କୁ ନିଜେନିଜେଦି ଝାତିଙ୍ଗ୍ ପିଡ଼ିକ୍‌ତାର, ମାରି ଜିସୁ ଆୟା ଗଦ ମୁସ୍‌କୁ ବାସ୍‌ତାନ୍ ।

୮ ମାରି, ଲୋକାଝିଜେରି ମାଣାନ୍ ଏସଲୋକ୍ ଜିସୁ ସୋଲ୍‌ସିମାନି ରାସ୍ତା ମୁସ୍‌କୁ ନିଜେ ନିଜେଦି ଝାତିଙ୍ଗ୍ ପାର୍‌ତାସିତାର ମାରି ଏସଲୋକ୍ ମାରାତାନ୍ କାଜିରି କମେଙ୍ଗ୍ କାଡ଼ସି ତାସି ରାସ୍ତାଦୁ ପାର୍‌ତେଙ୍ଗ୍ ଆସ୍‌ତାର ।

୯ ଜିସୁଦି ଆଗଡ଼ି ନି ଝେନ୍‌କା ସୋଲ୍‌ସିମାନି ଲୋକୁ ଝିଜେରେ ନାଣ୍ଡୁ ଆଉଲି ଆଜି ଇନ୍‌ଡ୍ରେଙ୍ଗ୍ ଆସ୍‌ତାର, ହୋଶାନା, “ଦାଉଦତି ମାରିନ୍, ପ୍ରୁଦି ଦରତାନ୍ ଏନ୍ ଝାଜିନାନ୍, ମାପୁରୁ ଝାନିଙ୍ଗ୍ ଆସିର୍ବାଦ୍ କିପିନ୍ । ମାପୁରୁଙ୍ଗ୍ ପ୍ରସଂସା ଆପିଡ଼ ।”

୧୦ ମାରି, ଏସ୍ତ୍ରାଝାଲେ ଜିସୁ ଜିରୁସାଲମ୍‌ତୁ ଇତାନ୍, ଗାଡ଼ିଙ୍ଗ୍ ଇକାନ୍ ଏନ୍ ଇଜି ପୁରା ବେମ୍‌ର ଆତାର । ଲୋକୁ ଝେନ୍‌ବାତାର, “ଆୟାକାନ୍ ଏନ୍ ?” ଆଇକାର ଇର୍ହାନ୍,

୧୧ “ଝାନ୍ ଆଜିନାନ୍, ଗାଲିଲି ରାଜିଦି ନାଜରିତଦି ବାବବାଦି ଜିସୁ ।” ଲୋକୁ ଝେରତାର ।

ଜିସୁ ମନ୍ଦିରତୁ ସୋର୍ହାନ୍

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜୋହନ ୨:୧୩-୨୨)

୧୨ ଜିସୁ ମନ୍ଦିର ଲୋକ ଡ଼ିଗୁଡ଼ାନ୍‌ନୋ ଆୟା ବାଡ଼ିଦୁ କଡ଼ଜି ପରଜି କିଜିମାନି ଝିଜୁ ଲୋକାଙ୍ଗ୍ ଆତେରେ ସୋପ୍‌ତାନ୍ । ମାରି ଅଦଲିଙ୍ଗ୍ ମାରନ୍‌ଝାରି ପାସ୍‌ରା ମାରି ପାଉରା ପରନ୍‌ଝାରି ପାସ୍‌ରା ମାର୍ତ୍ତା ପୋକ୍‌ତାନ୍,

୧୩ ମାରି ଜିସୁ ଝାରିଙ୍ଗ୍ ଇର୍ହାନ୍, “ଦର୍ମ୍‌ସାସ୍ତୁ ରାସାତାମାନାଡ଼, ନା ମନ୍ଦିର ପାର୍‌ତନା ଇଲୁ ଇଜି ଝେଙ୍ଗ୍ ନାଡ଼, ମାତର ମିର ତାନିଙ୍ଗ୍ ଡ଼ଙ୍ଗାରି ଇଲୁ କିତିମାନିଦେର ।”

୧୪ ଜିସୁ ମନ୍ଦିରତୁ ମାନିଝାଲେ କାଣାର ନି କିକୁକାଲ୍‌କୁ ଝାରିତିକାର ଝାନି ଲାକ୍ତୁ ଝାତାର ମାରି ଝାନ୍ ଝାରିଙ୍ଗ୍ ନେଗେନ୍‌କିତାନ୍ ।

୧୫ ପେରି ଜାଜକ ମାରି ଦାମ୍‌ଗୁରୁର ଝାନି କାବାଆନି ପାଣି ଝିଜୁ ମାରି ମନ୍ଦିର ଲୋକ “ଦାଉଦ ମାରିନ୍ ମାପୁରୁଦି ପ୍ରସଂସା ଆପିଡ଼” ଇଜି ନାଣ୍ଡୁ ଆଉଲିଆଜିମାନି କଡ଼ରିଙ୍ଗ୍ ସୁଡ଼ୁ ରିସା ଆତାର ।

୧୬ ଝାର ଜିସୁଙ୍ଗ୍ ଝେନ୍‌ବାତାର, “ଇୟାକାର ଇନିକା ଆଜିନାର୍, ମିର ଝେନ୍‌ଡ୍ରେଙ୍ଗ୍ ଆର୍‌ସିନିଦେର ?”

ଜିସୁ ଇର୍ହାନ୍, “ପୁରା ଝେନ୍‌ଞିନା । ଦର୍ମ୍‌ସାସ୍ତୁ ଇୟା ମାଟା ଇନିକା ପଡ଼ାଇଦେର, ମିର କଡ଼ରିଙ୍ଗ୍ ନି ଇସ୍ତି କଡ଼ର ଟିକ୍ ଇସାବ୍‌ତାନ୍ ପ୍ରସଂସା କିଦେଙ୍ଗ୍ ସିକିୟା ସିତିମାନିଦେର ?”

୧୭ ଇକା ଇନ୍‌ଞି ଜିସୁ ଝାରିଙ୍ଗ୍ ଡ଼ିସ୍‌ତାନ୍‌ନୋ ଜିରୁସାଲମ୍‌ତାନ୍ ବେତନିୟାଦୁ ସୋର୍ହାନ୍, ଆବେନୁ ଝାନ୍ ନାଡ଼ା ତେବାତାନ୍ ।

ଜିସୁ ତଗାମାରାତିଙ୍ଗ୍ ଆନାଦୁରିଆସିତାନ୍

(ମାର୍କ ୧୧:୧୨-୧୪; ୧୬:୨୦)

୧୮ ମାର୍‌ନାଣ୍ଡିଙ୍ଗ୍ ସାଲ୍‌ଦିନେ ଜିସୁ ଜିରୁସାଲମ୍‌ତୁ ଡ଼େସିସନିଝାଲେ ବାଙ୍ଗା ସାତାନ୍ ।

୧୯ ରାସ୍ତା ପାଡ଼ି ଉନ୍‌ଡ଼ି ତଗା ମାରାନ୍ ମାର୍ହାଡ଼ । ଜିସୁ ତାନେ ଲାକ୍ତୁ ସୋର୍ହାନ୍‌ନୋ ଆବେନୁ ଆକୁ ଡ଼ିସ୍‌ତିଙ୍ଗ୍ ମାରି ଇନିକାବା ତଏତାନ୍ । ଝାନ୍ ମାରାନ୍‌ତିଙ୍ଗ୍ ଇର୍ହାନ୍, “ନିନ୍ ମାରି ଏସ୍‌କାଙ୍ଗ୍‌ବା ପଲ୍ ଆସ୍‌ଇ ।” ଆୟାଦାପ୍ରେ ତଗା ମାରାନ୍ ଝାରିତାସୋର୍ହାଡ଼ ।

୨୦ ସିସୁର୍ ଆକା ସୁଡ଼ୁ କାବାଆତାରୋ ଝେନ୍‌ବାତାର, “ତଗା ମାରାନ୍ ନିସାଦାପ୍ରେ ଝାରିତାସୋର୍ହାଡ଼ ଏଣ୍ଡେସ୍ ?”

୨୧ ଜିସୁ ଇର୍ହାନ୍, “ନାନ୍ ମିଙ୍ଗ୍ ସଡ଼ ଇଜିନା, ମନ୍‌ଡୁ ଅଡ଼ପ୍‌ବା ଅଡ଼ବିଏଣ୍‌ଗା ମିର ଜଦି ପୁରାଦାନ୍ ବିସ୍‌ବାସ୍ କିନିଦେର, ନାନ୍ ଇୟା ତଗା ମାରାନ୍ ଉଣ୍ଡିଙ୍ଗ୍ ଆମାକା କିତାମାନା, ମିର ବା ଆକା କିଦେଙ୍ଗ୍ ଆର୍‌ନିଦେର । କେବଲ୍ ନାସ୍ ସିଲେ, ଏମେ ଲୋକୁ ଇୟା ଗରନ୍‌ଡ଼ିଙ୍ଗ୍ ନିନ୍ ନିଙ୍ଗ୍‌ଜି ସାମ୍‌ଦୁରତୁ ସଲ୍‌ସି ଆର୍‌ଆ ଇଜି ଇନାନ୍, ଆକାବା ଆନାଡ଼ ।

୨୨ ବିସ୍ଵାସକିତ ପାରତାମାତୁ ଆମାକା ଲସ୍ନିଦେର୍, ଆୟାଞ୍ଜିତୁ ମିର୍ ପଇନିଦେର୍ ।”

ଜିସୁଦି ଅଦିକାର ବିସୟତାନ୍ ପ୍ରସ୍ନ

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ଜିସୁ ମନ୍ଦିରତୁ ଡେସିଞ୍ଜାଜି ଆବେନୁ ସିକିୟା ସିନିଞ୍ଜାଲେ ପେରି ଜାଜକର୍ ନି ଜିସୁଦି ନେତାର ଖାନି ଲାକ୍ତୁ ଖାଜି ଖେନ୍‌ବାତାର, “ନିନ୍ ଆମା ଅଦିକାରତାନ୍ ଇୟାଞ୍ଜିତୁ ପାଣି କିଜିନି ? ମାରି, ଇୟା ନିଙ୍ଗ୍ ଏନ୍ ଇୟା ଅଦିକାର ସିତାନ୍ ?”

୨୪ ଜିସୁ ଖାରିଙ୍ଗ୍ ଇର୍ହାନ୍, “ନାନ୍ ବା ମିଙ୍ଗ୍ ଉନ୍‌ତ୍ରି ମାଟା ଖେନ୍‌ବାନା, ଆୟା ଉତର୍ ସିଦେଙ୍ଗ୍ ଆର୍‌ତିଙ୍ଗ୍, ନାନ୍ ଆମା ଅଦିକାରତାନ୍ ଇୟାଞ୍ଜିତୁ ପାଣି କିଜିନା, ଆକା ନାନ୍ ବା ମିଙ୍ଗ୍ ଖେର୍‌ନା ।”

୨୫ ତୁବନ୍ ସିନି ଅଦିକାର ଯୋହନ ଏମାଣାନ୍ ପୟତାମାହାନ୍ ? ମାପୁରୁମାଣାନ୍ ନୋ ଲୋକାମାଣାନ୍ ?

୨୬ ଖାର୍ ଖାରି ଖାରି ଲୋଇ ଖାରଗିସାଜି ଇନ୍‌ଡ୍ରେଙ୍ଗ୍ ଆସତାର, “ଇୟା ବିସୟତାନ୍ ଇନିକା ଖେର୍‌ନିକା ? ଜଦି ଇନିକା ମାପୁରୁମାଣାନ୍, ଆର୍‌ତିଙ୍ଗ୍ ଯୋହନତିଙ୍ଗ୍ ଏମା ବିସ୍ଵାସ୍ କିଏଜିନିଦେର୍ ଇଜି ଖାନ୍ ମାଙ୍ଗ୍ ଖେନ୍‌ବାନାନ୍ ।

୨୭ ମାତର୍ ଲୋକାମାଣାନ୍ ଇଜି ଇନିକା, ଆର୍‌ତିଙ୍ଗ୍ ଖିଜୁଲୋକାଙ୍ଗ୍ ମାଡ୍ ତିଲାଜିନିକା, ଇରିଙ୍ଗ୍ ଯୋହନ ଅରେନ୍ ବାବବାଦି ଇଜି ଖିଜେରେ ଲୋକୁ ବିସ୍ଵାସକିଜିନାର ।”

୨୮ ଆବେର୍ ଖାର୍ ଜିସୁଙ୍ଗ୍ ଇର୍ହାନ୍, “ମାପ୍ ନେସ୍‌ଏପ୍ ।” ଜିସୁ ଖାରିଙ୍ଗ୍ ଇର୍ହାନ୍, ନାନ୍ ଆମା ଅଦିକାରତାନ୍ ଇୟାଞ୍ଜିତୁ କିଜିନା, ଆକା ନାନ୍ ବା ମିଙ୍ଗ୍ ଇନ୍‌ଏ ।

ରିଏର୍ କଡ୍‌ରି କାତା

୨୯ “ଇଲେଇ ଇୟା ବିସୟତାନ୍ ମିର୍ ଇନିକା ଅଡ୍‌ବିଜିନିଦେର୍ । ଅରେନ୍ ଲୋକାଦି ରିଏର୍ କଡ୍‌ର୍ ମାହାନ୍ । ଅର୍‌ଲେନ୍ ଖାନ୍ ପେରି ମାରିନ୍‌ତିଙ୍ଗ୍ ଇର୍ହାନ୍, ‘ମାରିନ୍, ନେର୍ ମା ଅଙ୍ଗୁର୍ କିଡ୍‌ଇତୁ ସୋଲ୍‌ସ ପାଣିକିଆ ।’

୩୦ ଖାନ୍ ଇର୍ହାନ୍, ନା ବଦା ସିଲେଡ୍, ମାତର୍ ଖେନ୍‌କା ମନ୍‌ତିଙ୍ଗ୍ ଡେପ୍‌ସି ପାଣି କିଦେଙ୍ଗ୍ ସୋର୍ହାନ୍ ।

୩୧ ରୁବାସି ଇସ୍ରି ମାରିସିଙ୍ଗ୍ ବା ଆୟା ପାଣି କିଦେଙ୍ଗ୍ ଇର୍ହାନ୍ । ‘ହୁଁ, ଆଞ୍ଜା,’ ସୋଲ୍‌ସିନା ଇଜି ଇସ୍ରି ମାରିନ୍ ଇର୍ହାନ୍ । ମାତର୍ ଖାନ୍ ପାଣିତୁ ମୁଡ୍‌ତୁକେ ସୋଲ୍‌ଏତାନ୍ ।

୩୨ ଇୟା ରିଏର୍ କଡ୍‌ରି ମାଣାନ୍ ଏନ୍ ତାମେ ରୁବାସିଦି ମାଟା ମାନାତାମାହାନ୍ ?”

୩୩ ଖାର୍ ଇର୍ହାନ୍, “ପେରି ମାରିନ୍ ।”

ଜିସୁ ଖାରିଙ୍ଗ୍ ଇର୍ହାନ୍, ନାନ୍ ମିଙ୍ଗ୍ ସଡ୍ ଇଜିନା, ସିସ୍ତୁ ଲୋସ୍‌ନିକାର୍ ନି ଦାରିପାଣିକିନିକାର୍ ମିମାଣ୍‌କୁ ଆଗ୍‌ତି ମାପୁରୁଦି ରାଜିତୁ ସୋନାର୍ ।

୩୪ ତୁବନ୍ ସିନି ଯୋହନ ମି ଲାକ୍ତୁ ଖାଜି ଟିକ୍ ସାରି ତରତାସିତା ମାହାନ୍, ମାତର୍ ମିର୍ ଖାନିଙ୍ଗ୍ ବିସ୍ଵାସ୍ କିଇତିଦେର୍ । ମାତର୍ ସିସ୍ତୁ ଲୋସ୍‌ନିକାର୍ ନି ଦାରିପାଣିକିନିକାର୍ ଖାନି ମାଟାଦାନ୍ ବିସ୍ଵାସକିତାର୍, ଇକା ସୁଡ୍‌ତୁ ବା ମିର୍ ମୋନ୍ ଡେପ୍‌ସି ଖାନିଙ୍ଗ୍ ବିସ୍ଵାସ୍ କିଇତିଦେର୍ ।

ଅଙ୍ଗୁର୍‌କିଡ୍‌ଇତୁ ବାଗ୍‌ତାନ୍ ପାଣିକିନିଞ୍ଜାରି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୫ ଜିସୁ ଇର୍ହାନ୍, “ମାରି ଉନ୍‌ତ୍ରି କାତା ଖେନ୍‌ତୁ ।” ଅରେନ୍ ରୁମିମାଲିକ୍ ମାହାନ୍, ଖାନ୍ ଉନ୍‌ତ୍ରି ଅଙ୍ଗୁର୍ କିଡ୍‌ଇ କିତାନ୍‌ନୋ ସାରିବେଡ୍‌ଡି କୋଅଟି ସୋସ୍‌ତାନ୍ ମାରି ଆୟା ଲୋଇ ଦାକ୍ଷାକୁଣ୍ଡ କାରିତାନ୍‌ନୋ କାପ୍‌କିନି ସାମ୍‌ଣ୍ଡା ତିଆର୍‌କିତାନ୍, ମାରି ବାଗ୍‌ତୁ ପାଣିକିନିଞ୍ଜାରିଙ୍ଗ୍ ଆୟା ଡଡି ବାଗ୍‌ତାନ୍ ସିତାନ୍‌ନୋ ଆଇଦେସ୍‌ତୁ ସୋର୍ହାନ୍ ।

୩୬ ଅଙ୍ଗୁର୍‌କିଡ୍‌ କୟ୍‌ନିଞ୍ଜାଲେ ଖାନ୍ ବାଗ୍‌ତୁପାଣିକିନି ଖାରି ଲାକ୍ତୁ ନିଜେଦି ବାଗ୍ ଲସ୍‌ତେଙ୍ଗ୍ ଇଜି ନିଜେଦି ଗତିମୁରୁଲିଙ୍ଗ୍ ପୋକ୍‌ତାନ୍ ।

୩୭ ମାତର୍ ବାଗ୍‌ତୁ ପାଣିକିନିକାର୍ ଆୟା ଗତିମୁରୁଲିଙ୍ଗ୍ ଆସ୍‌ତାରୋ ଅରେନ୍‌ଖାନିଙ୍ଗ୍ ଡାକ୍‌ତାର୍, ଆଇ ଅରେନ୍‌ଖାନିଙ୍ଗ୍ ସାୟାମାର୍‌ଗାଡାକ୍‌ତାର୍, ମାରି ଅରେନ୍‌ଖାନିଙ୍ଗ୍ କାଲ୍‌କୁ ପୋକ୍‌ସି ଡାକ୍‌ତାର୍ ।

୩୮ ମାରି କିଡ୍‌ଇ ମାଲିକ୍ ନାଣ୍ଡ ଲୋକାଙ୍ଗ୍ ଆଇ ପାଣିକିନି ଗତିମୁରୁଲିଙ୍ଗ୍ ପୋକ୍‌ତାନ୍ ମାରିଡେସି ପୋକ୍‌ତାନ୍ । ଖାରିଡଣ୍ଡିଙ୍ଗ୍ ବା ବାଗ୍‌ତୁ ପାଣିକିନିକାର୍ ଆୟାଞ୍ଜାଜା କିତାର୍ ।

୩୯ ସାରାସାରିଖେନ୍‌କା କିଡ୍‌ଇ ମାଲିକ୍ ନିଜେଦି ମାରିନ୍‌ତିଙ୍ଗ୍ ବାଗ୍‌ତୁପାଣିକିନି ଖାରି ଲାକ୍ତୁ ପୋକ୍‌ତାନ୍, ଖାନ୍ ଅଡ୍‌ବିତାନ୍, ଖାର୍ ଖାନି ମାରିନ୍‌ତିଙ୍ଗ୍ ମାନାନାର୍ ।

୪୦ ମାତର୍ ବାଗ୍‌ତୁ ପାଣିକିନିକାର୍ ମାଲିକ୍‌ଡି ମାରିନ୍‌ତିଙ୍ଗ୍ ସୁଡ୍‌ତୁରୋ ଖାରି ଖାରି ଲୋଇ ଖାରଗିତାର୍, ଇୟାକାନ୍ ସୁଡ୍‌ତୁ, ମାଲିକ୍‌ଦି ମାରିନ୍ । ରାଦୁ, ଖେନିଙ୍ଗ୍ ବା ସାୟାମାର୍‌ଗା ଡାକ୍‌ନାଟ୍, ଆର୍‌ତିଙ୍ଗ୍ ସମ୍‌ଡି ମାଦିଆନାଡ୍ ।

୪୧ ଆବେର୍ ଖାର୍ ଖାନିଙ୍ଗ୍ ଆସ୍‌ସି କିଡ୍‌ଇଦାନ୍ ପେରିତାରୋ ଆତେରେ ସାୟାମାର୍‌ଗା ଡାକ୍‌ତାର୍ ।

☆ ୨୧:୩୨ ଲୁକ ୩:୧୨; ୭:୨୯,୩୦.

୪୦ ଜିସୁ ଝେନ୍‌ବାତାନ୍, “ଇଲେଇ, ଏସ୍ତ୍ରାଲେ କିଡ଼ିଇଦି ମାଲିକ୍ ଖାନାନ୍, ଖାନ୍ ବାଗ୍‌ତାନ୍ ପାଣିକିନିଝାରିଙ୍ ଇନିକା କିନାନ୍ ।”

୪୧ ଖାନ୍ ଇର୍ହାନ୍, “ଆୟା ତାଗ୍‌ଝାରିଙ୍ ଖାନ୍ ପୁରା ତାକ୍‌ନାନ୍ ମାରି ଆମା ବାଗ୍‌ତାନ୍‌ପାଣିକିନିକାନ୍ ସାମାନ୍ ବେଡ଼ାଦୁ ଖାନ୍ ବାଗ୍‌ ପଲ୍ ସିନାନ୍, କିଡ଼ିଇ ଖାରି କିୟୁଦୁ ଡ଼ିସ୍‌ନାସିନାନ୍ ।”

୪୨ ଜିସୁ ଖାରିଙ୍ ଇର୍ହାନ୍, ଇୟା ଦାମ୍‌ସାସ୍ତ୍ର ମାଟା ଇନିକା ମିର୍ ପଡ଼ାଇଦେର୍, ଆମା କାଲୁଦିଙ୍ ଇଲୁକୁ ତିଆରକିନିକାନ୍

ପାଣିସିଏଡ଼ଇଜି ଡ଼ିସ୍‌ତାସିତାମାର୍ହାନ୍, ଆକାନେ ପେରିକା କନାଦି କାଲୁ ଆତାଡ଼ । ପ୍ରୁ ନିଜେ ଇକା ଇର୍‌ଆମାନାନ୍ ।

ପ୍ରୁଦି ପାଣି ଝିଜୁ ଏସା କାବାନିକା ?

୪୩ ଜିସୁ ମାରି ଇର୍ହାନ୍, ଆଦେଙ୍ ମିଙ୍ ଇଜିନା, ମାପୁରୁଦି ରାଜି ମିମାଣ୍‌କୁ ଅଆୟ୍‌ଆନାଡ଼ ମାରି ଆମା ଲୋକୁ ମାପୁରୁଦି ବଦାଦାନ୍ ପାଣିକିନାନ୍, ଝାରିଙ୍ ଆକା ସିଆଇଆନାଡ଼ ।

୪୪ ମାରି ଏନ୍ ଇୟା କାଲୁ ମୁସ୍‌କୁ ଆରନାନ୍, ଖାନ୍ ମକା ମକା ଆନାନ୍, ମାରି ଇୟା କାଲୁ ଆମାଖାନି ମୁସ୍‌କୁ ଆରନାଡ଼, ଖାନିଙ୍ ଆକା ଗୁଣ୍‌ଗୁଣ୍‌ କିନାଡ଼ ।*

୪୫ ପେରି ଜାଜକର୍ ନି ପାରୁସିର୍ ଇୟା କାତାଦି ମାଟା ଝେନ୍‌ଝି ଜିସୁ ଝାରିଙ୍ ସୁଡ଼ୁ ଇଜିନାନ୍‌ଇଜି ବୁଜାଦେଙ୍ ଆଟ୍‌ତାଡ଼ ।

୪୬ ମାରି, ଖାନ୍ ଝାନିଙ୍ ଆସ୍‌ତେଙ୍ ସେସ୍‌କିତାନ୍, ମାତର୍ ଲୋକା ଗଲି ତିଏଲ୍‌ଡିଙ୍ ଖାନ୍ ଆକା କିଦେଙ୍ ଆଟ୍‌ଏତାଡ଼, ଇରିଙ୍ ଖାନ୍ ଜିସୁଙ୍ ଅରେନ୍ ବାବବାଦି ଇଜି ଅଡ଼ବିଜି ମାର୍ହାନ୍ ।

୨୨

ପେଡ଼ି ବୋଜିଦି କାତା (ଲୁକ ୧୪:୧୫-୨୪)

୧ ଜିସୁ ମାରିଡ଼େସି କାତାଦାନ୍ ଲୋକାଙ୍ ଝେର୍‌ତାନ୍ ।

୨ ମାପୁରୁଦିରାଜି ଇୟାଖାଜା । ଅର୍‌ଲେନ୍ ଅରେନ୍ ରାଜା ନିଜେଦି ମାରିନ୍‌ଡିଙ୍ ପେଡ଼ି ବୋଜି ତିଆରକିତାନ୍ ।

୩ କୁକ୍‌ଡିମାରିଇ ଲୋକାଙ୍ ବୋଜିଦୁ କୁକ୍‌ସ ତାତେଙ୍ ଇଜି ଖାନ୍ ସାକର୍‌କାଙ୍ ପୋକ୍‌ତାନ୍ । ମାତର୍ ଆୟା ଲୋକୁ ଝାଦେଙ୍ ବଦା କିଏତାଡ଼ ।

୪ ରାଜା ମାରିଡ଼େସି ଆଇ ସାକର୍‌କାଙ୍ ମାଣ୍‌କୁ ଇୟା କାରୁର୍ ଝେର୍‌ସି ପୋକ୍‌ତାନ୍, ପେଡ଼ି ବୋଜି ତିଆର‌ଆତାଡ଼ନ୍, ବାଲ୍‌ସିତି ବାଲ୍‌ସିତି କଡ଼ି ମାରି ଗାଡ଼ାଲ୍ କୟ୍‌ତାରୋ ଝିଜୁ ତିଆର‌ଆତାମାନାଡ଼, ବୋଜିଦୁ ବେଗି ରାଦୁ ।

୫ ମାତର୍ ଖାନ୍ ଇୟା ମାଟାଦିଙ୍ ଆସ୍‌ଏଣ୍‌ଗା ନିଜେନିଜେଦି ପାଣି କିଦେଙ୍ ଆସ୍‌ତାଡ଼ ଅରେନ୍ ଖାନି କିଡ଼ିଇଦୁ ସୋର୍‌ହାନ୍, ମାରି ଅରେନ୍ ନିଜେଦି ଦୁକାନ୍‌ତୁ ସର୍‌ହାନ୍

୬ ମାରି ଏସ ଲୋକୁ ରାଜାଦି ସାକର୍‌କାଙ୍ ଆସ୍‌ତାରୋ ତାକ୍‌ସି ତାକ୍‌ସି ସାୟାମାର୍‌ଗାଡ଼ାକ୍‌ତାଡ଼ ।

୭ ରାଜା ନାଣ୍ ରିସା ଆଜି ସନ୍‌ସିଙ୍ ପୋକ୍‌ତାନ୍, ଖାନ୍ ଆୟା ସାୟାମାର୍‌ଗାଡ଼ାକ୍‌ଡ଼ି ଝାରିଙ୍ ସାୟାମାର୍‌ଗାଡ଼ାକ୍‌ତାରୋ ଝାରି ଗାଡ଼ଡ଼ିଙ୍ ଆଡ଼କାତାଡ଼ ।

୮ ତାନେ ଝେନ୍‌କା ରାଜା ସାକର୍‌କାଙ୍ କୁକ୍‌ତାନ୍‌ନୋ ଇର୍‌ହାନ୍, ନା ପେଡ଼ି ବୋଜି ତିଆର‌ ଆତାମାନାଡ଼, ମାତର୍ ନାନ୍ କୁକ୍‌ଡିମାରିଇ ଲୋକୁ ଜଗସିଲେର୍ ।

୯ ଇଲେଇ ପେରି ପେରି ସାକ୍‌ଡିଆଙ୍ ସୋଲ୍‌ସ ଏସ ଲୋକାଙ୍ ପଇନିଦେର୍, ଝିଜେରିଙ୍ ମା ବୋଜିଦୁ କୁକ୍‌ସତାଗାଟ୍ ।

୧୦ ଆବେର୍ ସାକର୍‌କୁ ସାକ୍‌ଡିଦିଙ୍ ସାକ୍‌ଡି ବୁଲାଜି ନେଗିକାନ୍‌ଆପିନ୍ ମାରି ତାଗ୍‌ଇକାନ୍‌ଆପିନ୍; ଏସ ଲୋକାଙ୍ ପୋୟ୍‌ତାଡ଼, ଝିଜୁ ଲୋକାଙ୍ କୁକ୍‌ତା ତାତାଡ଼ ମାରି ପେଡ଼ି ଇଲୁଦୁ ବଡ଼ିଆତାଡ଼ ।

୧୧ “ରାଜା କୁଡ଼ାଆଙ୍ ସୁଡ଼ୁଦିଙ୍ ଝାତାନ୍ । ଖାନ୍ ସୁଡ଼ୁଦାନ୍, ଝାରି ଲୋଇରାନ୍ ଅରେନ୍ ପେଡ଼ି ଆଙ୍ ଆରାଏନ୍ ।

୧୨ ରାଜା ଝାନିଙ୍ ଝେନ୍‌ବାତାନ୍, ବନ୍ଦୁ, ପେଡ଼ି ଆଙ୍ ଆରାଏଣ୍‌ ଏଣ୍‌ସ୍ ଇୟା ବାଡ଼ିଦୁ ଝାତି ? ଆୟାକାନ୍ ଆଲେତାନୋ ତେବାତାନ୍ ।

୧୩ ☆ରାଜା ସେବାକିନିକାଙ୍ ଇର୍‌ହାନ୍, ଝାନି କିକୁ ପାଦାମ୍‌କୁ ତର୍‌ସୋ ଆତେରେ ସିକାଟିଦୁ ପୋକ୍‌ତୁ । ଆବେନ୍ ଖାନ୍ ଆଡ଼ାବାଜି ଝାନି ପାଲୁକୁ କାତ୍ରେକିନାନ୍ ।”

୧୪ କାତା ଝେର୍‌ତେଙ୍ ଝିସ୍‌ତାନ୍‌ନୋ ଜିସୁ ଇର୍‌ହାନ୍, “ନାଣ୍ ଲୋକୁ କୁକାୟ୍‌ଆତାମାନାନ୍, ମାତର୍ ଉଣା ଲୋକୁ ବାସେଆତାମାନାନ୍ ।”

* ୨୧:୪୪ ଇୟା ପଦ୍ ଝିଜୁ ପାଡ଼ିଇ ରାସାଡିମାନ୍ ସିଲେଟ୍ । ☆ ୨୨:୧୩ ମାତ୍ରିକ ୮:୧୨; ୨୫:୩୦; ଲୁକ ୧୩:୨୮.

ସିସୁରୁ ସିନି ବିସୟତାନ୍ ପ୍ରସ୍ନ

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏସଲୋକ ପାରୁସିର ସଲସି ଜିସୁକୁ ପ୍ରସ୍ନ ୱେନ୍ବାଜି ୱାନିକ୍ ଗୁଟାଦୁ ଆରେପ୍ତେକ୍ ଇଜି ଉପାୟ ପୟତାର ।

୧୬ ୱାର ନିଜେଦି ଏସଲୋକ ସିସୁରିକ୍ ମାରି ହେରୋଦ ଦଲତୀ ଏସ ଲୋକାକ୍ ଜିସୁଦି ଲାକ୍ତୁ ପୋକ୍ତାର । ୱାର ୱାନି ଜିସୁକୁ ଇର୍ହାର, “ଏ ଗୁରୁ, ମାପ୍ ନେସନାପ, ନିନ୍ ସଡ଼ ଇନି ମାରି ନିନ୍ ମାପୁରୁଦି ସଡ଼ ବିସୟତାନ୍ ସିକିୟା ସିନି । ମାରି ଆଇକାର ଇନିକା ଅଡ଼ବିନାର ଆୟା ବିସୟତାନ୍ ବେମରିଆଇ, ଇରିକ୍ ନିନ୍ ଏମେ଱ାରି ମାଟାଦିକ୍ ମନ୍ସଇ ।

୧୭ ଆର୍ଡିକ୍ ମାକ୍ ଇନିଆ, ଇୟା ବିସୟତାନ୍ ନି ମାଟାଇନିକା ? କାଇସର୍ ରାଜେକ୍ ସିସୁରୁ ସିନିକା ନିୟମତି ଇସାବ୍ତାନ୍ ଟିକ୍ ନୋ ବୁଲ୍ ?”

୧୮ ମାତର ଜିସୁ ୱାରି ତାଗଲ ଉପାୟ ନେସସି ଇର୍ହାନ, “ଏ କପଟିର, ନାକ୍ ଗୁଟାଦୁ ଆରେପ୍ତେକ୍ ଏନ୍ଦା ସେସ୍ପାକିଜିନିଦେର୍ ?

୧୯ ଆମା ଅଦଲିଦାନ୍ ସିସୁରୁ ତରସିନିଦେର୍, ଆବେନୁ ଉନ୍ତ୍ରୁ ତାସ ନାକ୍ ତରୁତୁ !”

ୱାର ଉନ୍ତ୍ରୁ ଅଦଲି ତାରୁକ୍ ତାତାରୋ ୱାନିକ୍ ସିତାର ।

୨୦ ୱାନ ୱାରିକ୍ ୱେନ୍ବାତାନ୍, “ଇୟା ଅଦଲି ମୁସକୁ ଏ ବମା ମାରି ଦର୍ ମାନାତ୍ ?”

୨୧ ୱାର ଇର୍ହାର, କାଇସର୍ଦି, “ଜିସୁ ୱାରିକ୍ ଇର୍ହାନ, ଆର୍ଡିକ୍ ଆମାକା କାଇସର୍ଦି, ଆକା କାଇସର୍ ରାଜେକ୍ ସିଦୁ ମାରି ଆମାକା ମାପୁରୁଦି, ଆକା ମାପୁରୁକ୍ ସିଦୁ ।”

୨୨ ୱାର ଇକା ୱେନ୍ଝି କାବାଜି ୱାନିକ୍ ଡିସସି ସୋର୍ହାର ।

ଡେସିନିକ୍ ନି ବିସୟତାନ୍ ପ୍ରସ୍ନ

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ଆୟାନାଶ୍ରିକ୍ ସାଦୁକି ଦଲତୀ ଏସ ଲୋକୁ ଜିସୁଦି ଲାକ୍ତୁ ୱାତାର । ସାଦୁକିର ବିସ୍ବାସକିଜି ମାର୍ହାର ଜେ, ମାରିଡେସିନିକ୍ ନିକା ସିଲେଡ଼ ।

୨୪ ୱାର ଜିସୁକୁ ୱେନ୍ବାତାର, “ଏ ଗୁରୁ, ମୋସା ଇର୍ହାମାନାନ୍, ଜଦି ଅରେନ୍ ଲୋକୁ କଡକକରା ଆଏଶ୍ଟା ସାନାସନାନ୍, ଆର୍ଡିକ୍ ୱାନି ତଡାନ୍ ୱାନି ଆଡସିକ୍ ପେଡି ଆନାନ୍ ମାରି ୱାରି କଡର୍ ଆୟା ସାତି ଲୋକ୍ତି କଡର୍ ଇଜି ସିନାଆନାର ।

୨୫ ୱେନ୍ଡୁ, ମା ଲୋଇ ସାଡଲୋକ୍ ତଡାନ୍କୁ ମାର୍ହାର । ପେରି ତଡାନ୍ କଡକକରା ଆଏଶ୍ଟା ସାତା ସର୍ହାନ ଆକା ୱାନି ୱେନ୍କାରି ତଡାନ୍ ତଡାନ୍ତି ଆଡସିକ୍ ପେଡିଆତାନ୍ ।

୨୬ ମାତର ଇୟା଱ାନି ୱେନ୍କାରିକାନ୍, ମଜାୟଏନ୍ ମାରି ସାରାସାରି ସାଡଲୋକ୍ ସାନ୍ଦି ଆୟା଱ାଜା ଗଟାତାଡ଼ ।

୨୭ ସାରାସାରି଱େନ୍କା ଆୟା ଆଇମା ସାତା ସୋର୍ହାର୍ଡ଼ ।

୨୮ ଆମା ନାଶ୍ରିକ୍ ସାତି ଲୋକୁ ମାରିଡେସିନିକ୍ ନାର, ଇୟା ଆଇମା ଏ ଆଇମା ଇଜି ସିନାଆନାତ୍ ? ୱିଜେର୍ଡ଼ ତାନିକ୍ ପେଡି ଆତାମାର୍ହାର ।”

୨୯ ଜିସୁ ୱାରିକ୍ ଇର୍ହାନ, “ମିର୍ ଏସ ବାୟାର ! ଦାମ୍ବୁସାସ୍ତ ନି ମାପୁରୁଦି ସାକ୍ତି ନେସଇଦେର୍ ।

୩୦ ମାରିଡେସିନିକ୍ ନି ୱେନ୍କା ସାତି ଲୋକୁ ୱିଜେରେ ମୁସକୁପୁରତି ଦୁଡକା ୱାଜା ତେବାନାର । ୱାର ପେଡିଆଏର୍ କି ପେଡି କିଏର୍ ।

୩୧ ସାତି ଲୋକୁ ମାରିଡେସିନିକ୍ ନି ବିସୟତାନ୍ ମାପୁରୁ ଆମାକା ୱେର୍ତାମାନାନ୍, ମିର୍ ଇନିକା ସାସ୍ତୁ ଏସକାକ୍ ପଡାଇଦେର୍ ?

୩୨ ମାପୁରୁ ଇର୍ଆମାନାନ୍, ମାପ୍ ଅବ୍ରାହାମ, ଇସହାକ୍ ମାରି ଜାକୁବଦି ମାପୁରୁ ।”

“଱ାନ ଜିବନ୍ମାନି଱ାରି ମାପୁରୁ ସାତି଱ାରି ମାପୁରୁ ଆଏନ୍ ।”

୩୩ ଲୋକୁ ଜିସୁଦି ସିକିୟା ୱେନ୍ଝି କାବାଆତାର ।

ପେରି ଆଞ୍ଜା

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଏସ୍ତ୍ରୁ଱ାଲେ ପାରୁସିର ୱେର୍ଆର୍ ଜେ ଜିସୁ ସାଦୁକିରିକ୍ ରୁପକିବିସ୍ତାମାନାନ୍, ୱାର ଉନ୍ତ୍ରୁମାନୁ ଆଜି ଜିସୁଦି ଲାକ୍ତୁ ୱାତାର

୩୫ ମାରି ୱାରି ମାଣକୁ ଅରେନ୍ ଦାମ୍ବୁଗୁରୁ ଜିସୁକୁ ଗୁଟାଦୁ ଆରେପ୍ତେକ୍ ଇଜି ଉନ୍ତ୍ରୁ ମାଟା ୱେନ୍ବାତାନ୍,

୩୬ ୱାନ ୱେନ୍ବାତାନ୍ “ଗୁରୁ, ମୋସାଦି ନିୟମତୁ ଆମା ଆଞ୍ଜା ୱିଜେରିମାଣକୁ ପେରିକା ?”

☆ ୨୨:୨୩ ପ୍ରେରିତ ୨୩:୮.

୩୭ ଜିସୁ ଖାନିଙ୍କ ଇର୍ହାନ, ମି ପ୍ରବୁ ମାପୁରୁଙ୍କ ପୁରାଞ୍ଜିକୁ ଜିବନ୍, ପୁରାଞ୍ଜିକୁ ମେନ୍ଦଲ୍ ମାରି ପୁରାଞ୍ଜିକୁ ମନ୍ ସିଜି ଜିବନ୍ ନଥା ।

୩୮ ଇକା ଆଜିନାଡ଼ ଓଜେରିମାଣାନ୍ ପେରିକା ମାରି ପେରିମାଟା ।

୩୯ “ମାରି ଉନ୍ତ୍ର ପେରି ଆଜା ଆଜିନାଡ଼, ମି ଲାକ୍ତୁରି ଲୋକାଙ୍କ ନିଜେଦିଙ୍କ ଜିବନ୍ନୋଡ଼ିଞାଜା ନୋଦୁ ।

୪୦ *ଇୟା ରୁଣ୍ଡି ମାଟେଙ୍ଗ୍ ମୁସକୁ ମୋସାଦି ଓଜୁ ନିୟମ୍ ମାରି ବାବବାଦିରି ସିକିୟା ଆସାଇଡ଼ନାଡ଼ ।”

କ୍ରିସ୍ତ ଆଜିନାନ୍ ମସିହ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଏସ୍ତ୍ରାଲେ ପାରୁସିର୍ ଉଣ୍ଡାତା ମାର୍ହାର୍, ଜିସୁ ଖାରିଙ୍କ ଝେନ୍ବାତାନ୍,

୪୨ “କ୍ରିସ୍ତ ଅର୍ତ୍ତ ମସିହଦି ବିସୟତାନ୍ ମିର୍ ଇନିକା ଅଡ଼ବିଜିନିଦେର୍ ? ଖାନ୍ ଏ କୁଟୁମ୍ ?”

୪୩ ଖାର୍ ଇର୍ହାର୍, “ଖାନ୍ ଦାଉଦଦି କୁଟୁମ୍ ।”

୪୪ ଜିସୁ ଝେନ୍ବାତାନ୍, ଆଡ଼ତିଙ୍କ ଦାଉଦ ମସିହଙ୍କ “ନା ପ୍ରବୁ” ଇଜି ଏନ୍ଦା ଇର୍ହାମାନାନ୍ ? ଇରିଙ୍କ ଆମ୍ନା ଝେରନିମାଣାନ୍ ଖାନ୍ ରାସ୍ତାମାନାନ୍,

୪୫ ପ୍ରବୁ ନା ପ୍ରବୁଙ୍କ ଇର୍ହାନ,

ମାପ୍ ମି ସାଡ଼ୁରିଙ୍କ ମି କାଲକା ଆଡ଼ଗି

କିଇ ସାଦି ମିର୍ ମା ଉଣି ତରିନ୍ ବାସ୍ତୁ ।

୪୬ ଜଦି ଦାଉଦ ମସିହଙ୍କ ନା ପ୍ରବୁ, ଇଜି ମାନାତା ମାନାନ୍, ଆଡ଼ତିଙ୍କ କ୍ରିସ୍ତ ଅର୍ତ୍ତ ମସିହ ଏଣ୍ଡେସ୍ ଦାଉଦଦି ମାରିନ୍ ଆଦେଙ୍କ ଆଟନାନ୍ ?

୪୭ ଜିସୁଙ୍କୁ ଏନ୍ ଇୟାତାନି ଉତର୍ ସିଦେଙ୍କ ଆଟ୍-ଏତାର୍ । ଆୟା ନାଣ୍ଡିରାନ୍ ଏନ୍ ଖାନିଙ୍କ ମାରି ପ୍ରସ୍ତ ଝେନ୍ବାଦେଙ୍କ ସାସ୍ କିଏତାର୍ ।

୨୩

ଦର୍ମଗୁରୁ ମାରି ପାରୁସିର୍ ବିରଦତାନ୍ ଜିସୁଦି ଜାଗାର୍ତାମାନି ମାଟା

(ମାର୍କ ୧୨:୩୮-୩୯; ଲୁକ ୧୧:୪୩; ୨୦:୪୫-୪୬)

୧ ଜିସୁ ସିସୁରିଙ୍କ ମାରି ଓଜୁଲୋକାଙ୍କ ଇର୍ହାନ,

୨ ଦର୍ମଗୁରୁ ମାରି ପାରୁସିର୍ ମୋସାଦି ନିୟମତିଙ୍କ ସିକିୟା ସିଦେଙ୍କ ଅଦିକାର୍ ପୟତିମାନି ଝେରନିକାର୍,

୩ ଆଦେଙ୍କ ଖାର୍ ଆମାକା କିଦେଙ୍କ ଝେରସିନାର୍, ଆକା କିଦୁ । ମାତର୍ ଖାରି ପାଣି ଇସାବତାନ୍ ପାଣି କିମାଟ୍ ।

ଇରିଙ୍କ ଖାର୍ ନିଜେ ଝେରସିମାନି ସିକିୟା ଇସାବତାନ୍ ପାଣି କିଏର୍ ।

୪ ଖାରି ସିକିୟାଞ୍ଜିକୁ ଲୋକା ମୁଟାମ୍ ମୁସକୁ ନାଣ୍ଡ ବଜୁ ଖାଜା ତିଗ୍ନାସିନାର୍, ମାତର୍ ଆୟାଞ୍ଜିକୁ ବଜୁ ପିଣ୍ଡିଦେଙ୍କଇଜି ନିଜେଦି ଡାସକାଦାନ୍ ବା ଅଡ଼ପବା ସାକା କିଏର୍ ।

୫ *ଖାର୍ ଲୋକାଙ୍କ ତର୍ତେଙ୍ଗ୍ ଇଜି ଓଜୁ ପାଣି କିନାର୍ । ସୁଡ଼ଦୁ, ଖାର୍ ସାସ୍ତ ପଦ୍ ରାସାତିମାନି ଏସି ଏସି ମାଟେଙ୍ଗ୍ ମୁଜୁଦୁ ନି ରେକାଦୁ ତରାତାମାନାର୍ । ମାରି ସୁଡ଼ଦୁ, ଖାର୍ ଆରାନିମାନି ପେରି ପେରି ଖାଡ଼ିଦି ଜାଲିଙ୍କ ଓଜୁ ଏସ ନିରିକା ।

୬ ଖାର୍ ବଜିଙ୍ଗା ନେଗି ବାଡ଼ି ମାରି ପାର୍ତନାକିନି ଇଲକାଙ୍କ ପେରି ବାଡ଼ି ଅଦିକାର୍ କିଦେଙ୍କ ନେଗେନ୍ ଅଡ଼ବିନାର୍ ।

୭ ମାରି ସାତାସାଉକାଦୁ ମାଡ଼ିସକିନିକା ପୟଦେଙ୍କ ମାରି ଲୋକା ମାଣାନ୍ ଏ ଗୁରୁ, ଇଜି ମାନାଦେଙ୍କ ନେଗେନ୍ ଅଡ଼ବିନାର୍ ।

୮ ମାତର୍ ମିଙ୍ଗ୍ ଏନ୍ ଗୁରୁ ଇଜି କୁକ୍ନିକା ଟିକ୍ ସିଲେ । ଇରିଙ୍କ ମିର୍ ଓଜିଦେର୍ ନିଜେନିଜେଦି ତଡ଼ାନ୍କୁ ମାରି ମି ଗୁରୁ କେବଲ୍ ଅରେନ୍ନେ ।

୯ ମାରି ଦୁନିଆଦୁ ମିର୍ ଏଙ୍ଗ୍ ବା ବୁବା ଇଜି ମାନାନିକା ଟିକ୍ ସିଲେ, ଇରିଙ୍କ ମି ବୁବା ଅରେନ୍ନେ, ଖାନ୍ ମୁସକୁପୁରତୁ ମାନାନ୍ ।

୧୦ ମିଙ୍ଗ୍ ମାଲିକ୍, ଇଜି ଏନ୍ ବା କୁକ୍ମାକିନ୍, ଇରିଙ୍କ ମି ଅରେନ୍ନମାତର୍ ମାଲିକ୍ ଆଜିନାନ୍ ମସିହ ।

୧୧ *ମି ଲୋଇରାନ୍ ଏନ୍ ଓଜେରିମାଣାନ୍ ପେରିକାନ୍, ଖାନ୍ ମି ସେବା କିପିନ୍ ।

୧୨ *ଏନ୍ ନିଜେଦିଙ୍କ ମୁସକୁ ପେରାନାନ୍, ଖାନିଙ୍କ ଆଡ଼ଗି କିନାର୍ ମାରି ଏନ୍ ନିଜେଦିଙ୍କ ଆଡ଼ଗି କିଆନାନ୍, ଖାନିଙ୍କ ମୁସକୁ ପେରିସିକିନାର୍ ।

ସାଲକି ଦର୍ମୁଲୋକାଙ୍କ ଜିସୁ ସେମାର୍କିତାନ୍

(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୬)

* ୨୨:୪୦ ଲୁକ ୧୦:୨୫-୨୮. * ୨୩:୫ ମାତ୍ରିକ ୬:୧. * ୨୩:୧୧ ମାତ୍ରିକ ୨୦:୨୬,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭. * ୨୩:୧୨ ଲୁକ ୧୪:୧୧; ୧୮:୧୪.

୧୩ ଏ ଦାମ୍ଭୁଗୁରୁ ନି ପାରୁସିର୍ ମି ଝେନକାରି ଦସ୍ ଏସା ବୟଙ୍କାର ! ଏ ସାଲକି ଦାମ୍ଭୁଦଲ୍, ମୁସକୁପୁରରାଜିଦି ତୁଗୁନି ସେରଲା କେରତିମାନିଦେର୍ । ମିର୍ ନିଜେ ଆବେ ତୁଗୁଜଜିନିଦେର୍ ମାରି ଆମାକାର୍ ତୁଗୁଦେଙ୍ଗ୍ ବଦାକିଜିନାର୍, ଝାରିଙ୍ଗ୍ ସାରି ତୁସ୍ଜଜିନିଦେର୍ ।

୧୪ ଏ କପଟି ଦାମ୍ଭୁଗୁରୁ ନି ପାରୁସିର୍, ମି ଦସ୍ ଏସା ତାଗ୍ଜକାଆନାତ୍ । ଇରିଙ୍ଗ୍ ମିର୍ ସାଲକିଦାନ୍ ନିରଜ ପାରତାନା କିନି ଦାପେ ଦାପେ ରାଣ୍ଡି ଆଇମେକା ଇଲୁକୁ ଝିକୁ ତ୍ରିବିସସୋ ଅନିଦେର୍; ଆଦେଙ୍ଗ୍ ମିର୍ ନାଣ୍ଡ ଦଣ୍ଡ ପଇନିଦେର୍ । *

୧୫ ଏ କପଟି ଦାମ୍ଭୁଗୁରୁ ନି ପାରୁସିର୍, ମି ଦସ୍ ଏସା ତାଗ୍ଜକାଆନାତ୍ । ମିର୍ ସାମୁଦୁର୍ ନାସି ଆଇ ଦେସକାଙ୍ଗ୍ ସୋଲସି ଅରେନଝାନିଙ୍ଗ୍ ମି ଦାମ୍ଭୁଦୁ ମିସାକିଦେଙ୍ଗ୍ ଇଜି ପୟଜିବୁଲାଇନିଦେର୍ । ମାତର୍ ଆୟାଝାଜା ଅରେନଝାନିଙ୍ଗ୍ ପୟତିଙ୍ଗ୍, ଝାନିଙ୍ଗ୍ ନରକଦୁ ଦଣ୍ଡ ପୟଦେଙ୍ଗ୍ ମିମାଣାନ୍ ଦୁଇଗୁଣ୍ଡି ନାଣ୍ଡ ସାକା କିଜିନିଦେର୍ ।

୧୬ ଏ କାଣା ସାରିବୁଲାନିକାର୍, ମି ଦସ୍ ଏସା ତିଲାନିକା । ମିର୍ ସିକିୟା ସିଜିମାନିଦେର୍, ଏନ୍ ମନ୍ଦିର୍ ଦର୍ତାନ ପାରାମାଣ୍ କିତିଙ୍ଗ୍, ଆକା ଝାନ୍ କିଦେଙ୍ଗ୍ କୁସାମାତ୍ ସିଲେ; ମାତର୍ ମନ୍ଦିର୍ତୁ ମାନି ବାଙ୍ଗାଁରାମ୍ ଦର୍ତାନ ଏନ୍ ପାରାମାଣ୍ କିତିଙ୍ଗ୍ ଝାନିଙ୍ଗ୍ ଆକା କିଦେଙ୍ଗ୍ ପଡାନାତ୍ ।

୧୭ ଏ କାଣା ରୁଦି ସିଲିକିଦେରା, ବାଙ୍ଗାଁରାମ୍ ପେରିକା ନୋ ବାଙ୍ଗାଁରାମ୍ତିଙ୍ଗ୍ ପବିତ୍ର କିଜିମାନି ମନ୍ଦିର୍ ପେରିକା ?

୧୮ ମିର୍ ବା ସିକିୟା ସିଜିମାନିଦେର୍, ଅରେନ ଲୋକୁ ବେଦି ଦର୍ତାନ ପାରାମାଣ୍ କିତିଙ୍ଗ୍, ଝାନ୍ ଆକା କିଦେଙ୍ଗ୍ କୁସାମାତ୍ ସିଲେ । ମାତର୍ ବେଦି ମୁସକୁ ଇତିନିମାନି ପୁଜାସିନି ଦର୍ତାନ ପାରାମାଣ୍ କିତିଙ୍ଗ୍, ଆକା ନିୟମ୍ସିଲେତ୍ ।

୧୯ ମିର୍ ଏସା କାଣାର୍, ଆମାକା ପେରି ପୁଜାସିନିକା ନୋ ପୁଜାସିନିତାନିଙ୍ଗ୍ ପବିତ୍ର କିଜିମାନି ବେଦି ?

୨୦ ମାରି ଏନ୍ ବେଦି ଦର୍ତାନ ପାରାମାଣ୍ କିତିଙ୍ଗ୍, ଝାନ୍ ବେଦି ମାରି ଆୟା ମୁସକୁ ମାନି ଝିକୁ ପୁଜାସିନି ସାମାନ୍କା ଦର୍ତାନ ପାରାମାଣ୍ କିନାନ୍ ।

୨୧ ଏନ୍ ମନ୍ଦିର୍ ଦର୍ତାନ ପାରାମାଣ୍ କିତିଙ୍ଗ୍ ଝାନ୍ ମନ୍ଦିର୍ ମାରି ଆବେନୁ ବାସାଜିମାନି ମାପୁରୁ ଦର୍ତାନ ପାରାମାଣ୍ କିନାନ୍ ।

୨୨ ☆ମାରି, ଏନ୍ ମୁସକୁପୁରତି ଦର୍ତାନ ପାରାମାଣ୍ କିତିଙ୍ଗ୍, ମାପୁରୁଦି ରାଜାଗାଦି ମାରି ତାନିମୁସକୁ ବାସତିମାନି ମାପୁରୁ ଦର୍ତାନ ପାରାମାଣ୍ କିନାନ୍ ।

୨୩ ଏ କପଟି ଦାମ୍ଭୁଗୁରୁ ନି ପାରୁସିର୍, ମି ଅବସ୍ତା ବେସି ତାଗ୍ଜକାଆନାତ୍ ! ମିର୍ ମାପୁରୁଦି ଉଦେସଦାନ୍ ପୋଦିନା, ପାନ ମଉରି ମାରି ଜିରାଦି ବା ଦସ୍ବାଗ୍ତାନ୍ ଉଣ୍ଡି ବାଗ୍ ମାପୁରୁଙ୍ଗ୍ ଦାନ୍ ସିନିଦେର୍; ମାତର୍ ନ୍ୟାୟ ବିସାର୍, ଦୟା, ବିସ୍ବାସ ଇୟାଝିକୁ ନିୟମ୍ତି ପେରି ପେରି ବିସୟକୁ ଝେଡ଼ା କିଜିନିଦେର୍ । ନିୟମ୍ତି ଇୟା ବିସୟକୁ ଆଗ୍ତି ଅବ୍ୟାସ୍ କିନିକା ମାନାତ୍ ।

୨୪ ଏ କାଣା ସାରିବୁଲାନିକାର୍, ମିର୍ ଇନିକା ଉଣିଝାଲେ ଆନାତ୍ ଆବେ ଝିଜା ଆରନାମାନାତ୍ ଇଜି ତାନିଙ୍ଗ୍ ଜଲପ୍ନିଦେର୍, ମାତର୍ ଉଡ୍ତିଙ୍ଗ୍ ତ୍ରିଙ୍ଗ୍ ନିଦେର୍ ।

୨୫ ଏ କପଟି ଦାମ୍ଭୁଗୁରୁ ମାରି ପାରୁସିର୍, ଏସା ବୟଙ୍କାର୍ ମି ସାରାସାରି ବୁଲାନିକା । ମିର୍ ତୁବାଇ ନି ସାଡ଼ାଝାଦି ଆତେରେ ତରିନ୍ ନେଗେନ୍ ନୋରଜିମାନିଦେର୍, ମାତର୍ ଆୟାଝାନିକା ଲୋଇ ଗିଦ୍ରି ନି ଆକାର୍ ବର୍ତ୍ ଆତାମାନାତ୍ ।

୨୬ “ଏ କପଟି ଦାମ୍ଭୁଗୁରୁ ମାରି ପାରୁସିର୍, ଆଗ୍ତି ତୁବାଇତି ଲୋଇରିକା ନେଗେନ୍ ନରଦୁ, ଏଣ୍ଡେସ୍ ଆବେଣି ଆଡ୍ରେଦିକା ବା ନେଗେନ୍ ନୋରଆୟଆନାତ୍ !

୨୭ ☆“ଏ କପଟି ଦାମ୍ଭୁଗୁରୁ ନି ପାରୁସିର୍ ! ମିର୍ ଏସା ନାଣ୍ଡ ଦସ୍ ବଗାନିଦେର୍ । ମିର୍ ଝିକୁ ଆତେରେ ତରିନ୍ ସୁନ୍ତିରିପାତିମାନି ମୁସତିବାତିଦି ଝାଜା । ଆକା ଆତେରେ ସୁନ୍ଦର୍ ତର୍ନାତ୍, ମାତର୍ ଲୋଇ ପେଡେକ୍ ନି ସାବ୍ତି ମାଡ଼ାଦାନ୍ ବର୍ତ୍ ।

୨୮ ଆୟାଝାଜା ମିର୍ ବା ଆତେରେ ଲୋକା ଆଗ୍ତି ନେଗେନ୍ ତର୍ନିଦେର୍, ମାତର୍ ମି ଲୋଇରିକା ସାଲକି ନି ପାପତୁ ବର୍ତ୍ ।

ଜିସୁ ଝାରି ଦଣ୍ଡବଗାନିକା ବିସୟତାନ୍ ଝେର୍ତାନ (ଲୁକ ୧୧:୪୭-୫୧)

୨୯ “ଏ କପଟି ଦାମ୍ଭୁଗୁରୁ ନି ପାରୁସିର୍ ! ମି ଉଣ୍ଡିଙ୍ଗ୍ ଇକା ଏସା ବୟଙ୍କାର୍ । ବାବବାଦିରି ଉଣ୍ଡିଙ୍ଗ୍ ମିର୍ ସୁନ୍ଦର୍ତି ମୁସ୍ନିବାତି ତିଆରକିଜିନିଦେର୍ ମାରି ଦାମ୍ଭୁଲୋକାରି ଏଡକିନି ମୁଣ୍ଡା ଝିକୁ ରସସିନିଦେର୍ ।

୩୦ ମାରି ମିର୍ ଇଜିନିଦେର୍, ଜଦି ମି ପୁର୍ବେଦିତକରାଦାଦାରି ବେଡ଼ାଦୁ ମିର୍ ତେବାତିଙ୍ଗ୍ମାନ୍ଦି, ଆଡ୍ତିଙ୍ଗ୍ ଝାରି ଝାଜା କିଇତିଦେର୍ମାନ୍ଦି ମାରି ବାବବାଦିରିଙ୍ଗ୍ ତାକ୍ତିଦେର୍ମାନ୍ଦି ।

୩୧ ଇୟା ମାଟା ଝେର୍ନି ମାଣ୍ଡକୁ ସଡ୍ ଇଜି ମାନାଜିନିଦେର୍ ଜେ ମିର୍ ବାବବାଦିରିଙ୍ଗ୍ ସାୟାମାର୍ଗା ତାକ୍ତିଝାରି କୁଟୁମ୍ ।

* ୨୩:୧୪ ଇୟା ପଦ୍ ଝିକୁ ପାଡ଼ିଲ ରାସତିମାନୁ ସିଲେତ୍ । ☆ ୨୩:୨୨ ମାତୃତ ୫:୩୪. ☆ ୨୩:୨୭ ପ୍ରେରିତ ୨୩:୩୧.

୩୨ ଆରତିଙ୍କ ମିର ଆଗଡ଼ି ସାଦୁ, ମି ପୁର୍ବେଦିତକରାଦାଦାରି ଆରାମ୍ କିତି ପାଣିଦିଙ୍କ ପୁରା କିଦୁ ।

୩୩ ☆ଏ ସାରାସକୁ ! ଏ ବିସ୍ମାନି ସାରାସତି କଡ଼ର ! ମିର ନରକ ଦଣ୍ଡତାନ ରକ୍ଷାପୟନାପ୍ ଇଜି ଆସାକିଜିନିଦେର ?

୩୪ ଆଦେଙ୍କ ନାନ୍ ଖେରସିନା; ନାନ୍ ମି ଲାକଡୁ ବାବବାଦିର, ଗୁରୁର ମାରି ବୁଦିମାନିଝାରିଙ୍କ ପୋକତାନା; ଝାରି ଲୋଇରାନ୍ ଏଙ୍କ ଏଙ୍କ ସାୟାମାରଗା ତାକ୍ତିଦେର, ଏସ ଲୋକାଙ୍କ କୁସଦୁ ସାୟାମାରଗା ତାକ୍ତିଦେର ମାରି ଆଇଝାରିଙ୍କ ପାରତନାକିନି ଇଲକାଙ୍କ କରତା ତାକ୍ତି ଉନ୍ତୁ ଗାଡ଼ତାନ ମାରି ଉନ୍ତୁ ଗାଡ଼ତୁ ପେରନିଦେର ।

୩୫ ଆମା ଦାମ୍ ହେବଲତି ସାତି ମାଣାନ୍ ଆମା ବେରିକିୟଦି ମାରିସି ଜିକରିୟଙ୍କ ମିର ମନ୍ଦିରତି ପବିତ୍ର ବାଡ଼ିଦୁ ନି ପୁକାସିନି ବେଦି ନାଡ଼ି ସାୟାମାରଗା ତାକ୍ତିଦେର, ଝାନି ସାତି ସାନ୍ଦି ଦୁନିଆଦୁ ଏସଲୋକ ଝିଜୁ ଦାମ୍ପୁଦି ଲୋକାଙ୍କ ସାୟାମାରଗା ତାକ୍ତିମାନିଦେର । ଆୟା ଦୋସ୍‌ସିଲି ଲୋକା ସାତିମାନି ଦଣ୍ଡ ମି ମୁସ୍କୁ ଝାନାଡ଼ ।

୩୬ ନାନ୍ ମିଙ୍କ ସଡ଼ ଖେରସିନା, ଇୟାଝିଜୁ ଲୋକାଙ୍କ ସାୟାମାରଗା ତାକ୍ତି ଉଣ୍ଡିଙ୍କ ଇୟା ଜଗତି ଲୋକୁ ଦଣ୍ଡ ବଗାନିଦେର ।

ଜିରୁସାଲାମ୍‌ତି ଉଣ୍ଡିଙ୍କ ଜିସୁଦି ଜିବନ୍‌ନୋନିକା
(ଲୁକ ୧୩:୩୪-୩୫)

୩୭ “ଏ ଜିରୁସାଲାମ୍, ଏ ଜିରୁସାଲାମ୍ ! ମିର ବାବବାଦିରିଙ୍କ ସାୟାମାରଗାତାକ୍ତିସିନିଦେର ମାରି ମାପୁରୁ ପୋକତାତି କାବୁର ଅନିତାନି ଝାରିଙ୍କ କାଲ୍‌କୁ ପୋକ୍ତି ତାକ୍ତିସିନିଦେର । କରୁ ତାନି ରେକା ଆଡ଼ଗି ପିଲେକାଙ୍କ ଆସ୍‌ସି ଇଡ଼ୁନି ଝାଜା, ମି ଲୋକାଙ୍କ ନା ରେକା ଆଡ଼ଗି ପିଡ଼କିନି ଉଣ୍ଡିଙ୍କ ନାନ୍ ଏସ ଦେବେଙ୍କ ବଦାକିତା । ମାତର ମିର ନାଙ୍କ ଆକା କିଦେଙ୍କ ସିଇତିଦେର ।

୩୮ ଆଦେଙ୍କ ମି ମନ୍ଦିର ଝିରଜାଜି ମାରି ଝାରିକା ଆନାଡ଼ ।

୩୯ ନାନ୍ ମିଙ୍କ ଖେରସିନା, ‘ପ୍ରବୁଦି ଦରତାନ ଏନ୍ ଝାଜିନାନ୍, ଝାନ୍ ଦନ୍ୟ,’ ମିର ଇୟା ମାଟା ଇନ୍‌ଇ ସାନ୍ଦି ଇଲେଇରାନ୍ ନାଙ୍କ ମାରି ସୁଡ଼ବୁଦେଙ୍କ ଆବ୍‌ଇଦେର ।”

୨୪

ମନ୍ଦିର ଦ୍ଵଂସଆନି ବିସୟତାନ ଜିସୁ ଖେରତାନ
(ମାର୍କ ୧୩:୧-୨; ଲୁକ ୨୧:୫-୬)

୧ ଜିସୁ ମନ୍ଦିରତାନ ସସି ସନିଝାଲେ ସିସୁର ମନ୍ଦିରତି ମେଡ଼େଇଲୁକୁ ଝିଜୁ ତରନି ଉଣ୍ଡିଙ୍କ ଝାନି ଲାକଡୁ ଝାତାର ।

୨ ଜିସୁ ଇର୍ହାନ, “ଇଲେଇ ଗିଦେ ଇୟାଝିଜୁ ସୁଡ଼ଜିନିଦେର । ନାନ୍ ମିଙ୍କ ସଡ଼ ଇଜିନା, ଇୟା ମନ୍ଦିରତି ଉନ୍ତୁ କାଲୁ ଆଇ କାଲୁ ମୁସ୍କୁ ତେବାଡ଼, ଝିଜୁ ବୁମିଦୁମିସାନେ ।”

ଦୁଃକ୍ ନି କାସୁ ପୟନିକା

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ଜିସୁ ଜିତ ଗରନ୍ ମୁସ୍କୁ ବାସ୍‌ତି ମାରିଇଝାଲେ ସିସୁର ଝାନି ଲାକଡୁ ନେସ୍‌ଇଝାଜା ଝାଜି ଝେନ୍‌ବାତାର, “ଇୟାଝିଜୁ ଏସକାଙ୍କ ଗଟାନାଡ଼, ଆକା ମାଙ୍କ ଇନିଆ । ଇନିକା ଗଟାତିଙ୍କ ମାପ୍ ନେସ୍‌ନାପ୍ ଜେ ନିନ୍ ଝାନି ବେଡ଼ା ଆତାଡ଼ନି ମାରି ଇୟା ଜୁଗ୍‌ସେସ୍ ଆନାଡ଼ ।”

୪ ଜିସୁ ଝାରିଙ୍କ ଇର୍‌ଆନ୍, ଜାଗାରତା ମାନଡୁ । ଏନ୍ ଏଣ୍ଡେସ୍ ମିଙ୍କ ବାୟା କିଏନ୍ ।

୫ ଗାଦିଲୋକ୍ ନା ଦର ଆସ୍‌ସି ଝାଜି ଇନାର, ନାନ୍ ନେ କ୍ରିସ୍‌ ଅର୍ତ୍ତ ମସିହ । ଇକା ଇନ୍‌ଝି ଝାର ଗାଦିଲୋକାଙ୍କ ବାୟାକିନାର ।

୬ ମିର ଲାକଡୁ ସାଲାତିମାନି ଜୁଦ୍‌ତି ଆଉଲି ଝେନିଦେର ମାରି ଆକ ସାଲାତିମାନି ଜୁଦ୍‌ତି କାବୁର ଝେନିଦେର । ମାତର ତିଲାମାଡ଼ । ଇୟାଝିଜୁ ପୁରା ଗଟାନାଡ଼, ମାତର ଇୟାତାନି ଅର୍ତ୍ତ ଆଏଡ଼ ଜେ ଜୁଗ୍‌ ସେସ୍‌ଆନି ଦିନ୍ ଲାକଡୁ ।

୭ ଦେସ୍ ଦେସ୍‌ତି ଲୋଇ ଜୁଦ୍ ସାଲାନାଡ଼, ଉନ୍ତୁ ରାଜି ଆଇ ରାଜି ମୁସ୍କୁ ତାକ୍‌ନାଡ଼ । ଝିଜୁ ତରନ୍ ଉନ୍‌ଶ୍ରେ ତିନ୍‌ଡ଼େଙ୍କ ପୁର୍‌ଏଡ଼ ମାରି ବୁମିକମ୍‌ ଆନାଡ଼ ।

୮ ମାତର ଇୟାଝିଜୁ ଜନମକିନି କାସୁଦି ଆରାମ୍ ମାତର ।

୯ ☆ମିର ଆସାୟାଆଜି ଦୁଃକ୍‌କାସୁ କିନି ଉଣ୍ଡିଙ୍କ ସରପେ କିନାର ମାରି ମିଙ୍କ ସାୟାମାରଗା ତାକ୍‌ନାର, ନାବାନ୍ ବିସ୍‌ବାସ୍ କିତିମାନି ଉଣ୍ଡିଙ୍କ ମିର ଝିଜେରି ଲୋକାଦି ମାଣାନ୍ କାଡ଼ାଇଆନିଦେର ।

୧୦ ନାସ୍‌ିଝାଲେ ଗାଦିଲୋକ୍ ଝାରି ବିସ୍‌ବାସ୍ ଆରାକିନାର, ନିଜେନିଜେଦିଙ୍କ କାଡ଼ାଜିସାଜି ନିଜେନିଜେଦି ଉଣ୍ଡିଙ୍କ ଆସିସ୍‌କିଆୟାଆନାର ।

୧୧ ନାସ୍‌ିଝାଲେ ଗାଦିଲୋକ୍ ବଣ୍ଡ ବାବବାଦିଦିର ଝାଜି ଲୋକାଙ୍କ ବାୟାକିନାର ।

☆ ୨୩:୩୩ ମାତ୍ରିତ ୩:୭; ୧୨:୩୪; ଲୁକ ୩:୭. ☆ ୨୪:୯ ମାତ୍ରିତ ୧୦:୨୨.

୧୨ ମାରି ଅଦାମ୍ନି ନାଶ୍ ଆତାତ୍‌ଆକା ଏସାଲୋକା ମାପୁରୁଞ୍ଚି ିବନ୍‌ନୋନିକା ସିତିଡ଼ିଆନାତ୍ ।

୧୩ *ମାତର ଏନ୍ ସାରାସାରି ଖେନ୍‌କା ସାନ୍ଦି ସାସ୍‌ଆସ୍‌ସି ତେବାନାନ୍, ଖାନ୍ ରକିୟା ପଇନାନ୍ ।

୧୪ ମାପୁରୁଦି ରାଜିଦି ବିସୟତାନ୍ ନେଗିକାବୁର୍ ଖିଜୁ ଲୋକାଦି ଲାକ୍‌ତୁ ସାକି ସିଦେଞ୍ଚ ଇୟା କାବୁର୍ ସାରାଦୁନିଆଦି ଖିଜୁ ତରିନ୍ ପ୍ରଗାଟ୍ ଆନାତ୍ । ତାନେଖେନ୍‌କା ଜୁଗ୍‌ସେସ୍ ଆନାତ୍ ।

ନାସ୍‌କିନି କାଡ଼ନି ବିସୟ

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ ମିର୍ ଏସ୍ତ୍ରାଲେ ବାବବାଦି ଦାନିୟେଲ୍ ମାଶାନ୍ ଖେର୍‌ଇଆତି ନାସ୍‌କିନି କାଡ଼ନି ତାନେଞ୍ଚ ମନ୍ଦିର୍ ପବିତ୍ର ବାଡ଼ିଦୁ ନିନିମାନିକା ସୁଣିଦେର୍ । ଇୟାତାନି ଅର୍ତ୍ତ ଇନିକା, ପଡ଼ାଜ ବୁଜାଦୁ ।

୧୬ ନାସ୍ତ୍ରାଲେ ଆମାଲୋକ୍ ଖିଜେରେ ଜିହୁଦା ଗାଡ଼ତୁ ମାନାର୍, ଖାର୍ ଗରନ୍ ମୁସ୍‌କୁ ଉରୁକ୍‌ସି ସଲିର୍ ।

୧୭ *ଆମାକାର୍ ସାତ୍ ମୁସ୍‌କୁ ମାନାର୍, ଖାର୍ ଇଲୁ ଲୋଇ ସାମାନ୍‌ପତର୍ ଅତେଞ୍ଚ ଇଜି ଆଡ଼ଗି ଖାଜି ଖେଡ଼ା ନାସ୍‌କିମାକିନ୍ ।

୧୮ ଆମାକାର୍ କିଡ଼ିଇଦୁ ସୋଲ୍‌ସି ମାନାର୍, ନିଜେଦି ସାଦର୍ ତାତେଞ୍ଚ ଇଜି ତେସି ସଲ୍‌ମାକିନ୍ ।

୧୯ ନାସ୍ତ୍ରାଲେ ପଟାଦୁମାନି ଆଇମାଲୋକ୍ ମାରି ଇସ୍ତ୍ରି କଡ଼ରିଞ୍ଚି ଆସ୍‌ସି ପାଲ୍ ଉର୍‌ପିସ୍‌କିନି ଆଇସିକା ଅବସ୍ତା ଏସ ତାଗଇକା ଆନାତ୍ ।

୨୦ ମାପୁରୁଞ୍ଚି ପାରାତାନା କିଜିମାନ୍‌ତୁ, ପିନିକାଡ଼ାଦୁ ସିଲିତିଞ୍ଚି ରମ୍‌ନିନାଶ୍ତ୍ରାଆଙ୍ଗି ମିଙ୍ଗି ଏଣ୍ଡେସ୍ ଉରୁକ୍‌ସି ସନ୍‌ଡ୍ରେଞ୍ଚି ପଡ଼ାଏଡ଼ ।

୨୧ *ନାସ୍ତ୍ରାଲେ ଇୟାଖାଜା ନାଶ୍‌କାସ୍‌ ଗଟ୍‌ନା ଜେ, ଦୁନିଆଦି ତିଆର୍‌ଆତିମାଶାନ୍ ନେର୍ ସାନ୍ଦି ଗଟାଏଡ଼, ମାରି ଏସ୍‌କାଞ୍ଚା ଗଟାଏଡ଼ ।

୨୨ ମାତର୍ ଇୟା ଦୁଃକ୍‌ତି ବେଡ଼ାଦିଞ୍ଚି ମାପୁରୁ ଉଣା କିତାମାନାନ୍, ଆକା ଆଇତିମାରିଞ୍ଚି, ମାରି ଏନ୍ ଜିଜ ମାନ୍‌ଏତାନ୍‌ମାନ୍ଦି । ମାତର୍ ଖାଜି ଆସ୍‌କିତିମାନି ଲୋକାଞ୍ଚି ରକିୟା କିଦେଞ୍ଚ ଇଜି ମାପୁରୁ ଆୟା ସମୟତିଞ୍ଚି ଉଣା କିତାମାନାନ୍ ।

୨୩ ନାସ୍ତ୍ରାଲେ ଜଦି ଏନ୍ ମିଙ୍ଗି ଇନ୍‌ନାନ୍, ଇବେନ୍‌ଦୁ କ୍ରିସ୍ତୁ ମାନାନ୍ ସିଲିତିଞ୍ଚି ଆବେନ୍‌ ଖାନ୍ ମାନାନ୍; ଆକା ବିସ୍‌ବାସ୍ କିମାଟ୍ ।

୨୪ ଇରିଞ୍ଚି ଆପ୍‌ଶାଦିଞ୍ଚି କ୍ରିସ୍ତୁ ସିଲିତିଞ୍ଚି ବାବବାଦି ଇନାୟ୍‌ଆଜିମାନି ବଣ୍ଡାବବାଦିର୍ ନାସ୍ତ୍ରାଲେ ତର୍‌ଆୟାଆନାର୍ । ଖାର୍ କାବାଆନିକା ମାରି ତିଲାନିପାଣି ତରସି ମାପୁରୁଦି ଆସ୍‌କିତିମାନି ଲୋକାଞ୍ଚି ବାୟାକିନାର୍ ।

୨୫ ଖେନ୍‌ତୁ ! ଆୟା ସମୟ ଖାଜି ଆଗ୍‌ଡ଼ିନେ ନାନ୍ ମିଙ୍ଗି ଇୟାଖିଜୁ ମାଟା ଖେର୍‌ତା ସିଜିନା ।

୨୬ *ମାରି, ସୁଡ଼ଦୁ, ଖାନ୍ ବାଲିରାଜିଦୁ ମାନାନ୍, ଲୋକୁ ଜଦି ମିଙ୍ଗି ଇୟା ମାଟା ଇନାର୍, ଆବେନ୍‌ ସୋଲ୍‌ମାଟ୍ । ମାରି ସୁଡ଼ଦୁ, ଇବେନ୍‌ ଖାନ୍ ବାକ୍‌ରା ଲୋଇ ମାଟ୍‌ଗିତାମାନାନ୍, ଜଦି ଇକା ଇନାର୍, ଖାରିଞ୍ଚି ବିସ୍‌ବାସ୍ କିମାଟ୍ ।

୨୭ ମିର୍‌ସିନିକା ଏଣ୍ଡେସ୍ ଖେଡ଼ାସନି ତରିଟାନ୍ ନି ଖେଡ଼ାଆର୍‌ନିତର୍‌ନି ସାନ୍ଦି ବାଦଡ଼ତିଞ୍ଚି ଜାୟ୍‌ କିନାତ୍, ଆୟାଖାଜା ମନୁସ୍‌ପୁତ୍ରଦି ଖାନିକା ଗଟାନାତ୍ ।

୨୮ *“ଏମେମାନୁ ସାତିମାଡ଼ା ମାନାତ୍, ଆୟାବାନ୍‌ ତେଗେଞ୍ଚ ଉନ୍‌ଡ୍ରେମାନୁ ଉଣ୍ଡାନ୍‌ ।”

ମନୁସ୍‌ପୁତ୍ରଦି ଖାନିକା

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ *“ଆୟା ଦୁଃକ୍‌କାସ୍‌ଦି ବେଡ଼ା ଖିଜିନି ବେଡ଼ାଦୁ ଖେଡ଼ା ସିକାଟି ଆନାତ୍ ମାରି ଲେଜୁ ମାରି ଜାୟ୍‌ ସିଏନ୍, ମାରି ସୁକେଞ୍ଚିଜୁ ବାଦଡ଼ତାନ୍ ଆର୍‌ନେ ମାରି ବାଦଡ଼ତି ସାକ୍ତିଖିଜୁ ଇନିଙ୍ଗିଆନିଆ ଆନେ ।

୩୦ *ତାନେଖେନ୍‌କା ମନୁସ୍‌ପୁତ୍ରଦି ସିନେଞ୍ଚ ବାଦଡ଼ତୁ ତର୍‌ନେ ମାରି ମନୁସ୍‌ପୁତ୍ର ମେଗେମାଳାଦାନ୍ ପେରି ସାକ୍ତିଦାନ୍ ମାରି ଗୌରବଦାନ୍ ଖାଜିମାନିକା ସୁଡ଼ଜୁ ଦୁନିଆଦି ଖିଜୁ ବାସାଦି ଲୋକୁ ଆଡ଼ାବାନାର୍ ।

୩୧ ବାଜାମରି ଆନାତ୍ ମାରି ପୃତିବିଦି ଉନ୍‌ଡ଼ି କନାଦାନ୍ ଆଇ କନା ସାନ୍ଦି ସାରିବେଡ଼ିତିଦାନ୍ ଖାଜି ଆସ୍‌କିତିମାନି ଲୋକାଞ୍ଚି ଉଣ୍ଡା କିଜ ତାନି ଉଣ୍ଡିଞ୍ଚି ମନୁସ୍‌ପୁତ୍ର ଖାନି ଦୁଡ଼କାଞ୍ଚି ପୋକ୍‌ନାନ୍ ।”

ତଗା ମାରାତାନ୍ ସିକିୟା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତଗା ମାରାନ୍‌ତାନ୍ କାତା ଅଜାଦୁ, ଏସ୍ତ୍ରାଲେ ତାନି କମେଆଞ୍ଚି ଠାକୁ ପାସ୍‌ରିକା ମାରି କଡ଼କିକା ଆଜି ପୁନି ଆକୁ କାୟାନାତ୍, ନାସ୍ତ୍ରାଲେ ଜେଟାପ୍ ଲେଞ୍ଚୁ ଲାକ୍‌ତୁ ଖାତାନି ଇଜି ମିର୍ ନେସ୍‌ସିନିଦେର୍ ।

* ୨୪:୧୩ ମାତ୍ରିକ ୧୦:୨୨. * ୨୪:୧୭ ଲୁକ ୧୭:୩୧. * ୨୪:୨୧ ପ୍ରକାଶିତ ୭:୧୪. * ୨୪:୨୬ ଲୁକ ୧୭:୨୩,୨୪. * ୨୪:୨୮ ଲୁକ ୧୭:୩୭.
* ୨୪:୨୯ ପ୍ରକାଶିତ ୭:୧୨; ପ୍ରକାଶିତ ୭:୧୩. * ୨୪:୩୦ ପ୍ରକାଶିତ ୧:୭.

୩୩ ଆୟାଞ୍ଜନା ମିର ବା ଇୟାଞ୍ଜିତ୍ତୁ ଗଟ୍ଟନେଟ୍ ସୁଡ଼ୁଟ୍ଟିଙ୍ଗ, ମନୁସ୍ୟପୁତ୍ର ସେରଲ୍ଲା ଲାକ୍ତୁ ଇତାନ ଇକା ଇଜି ମିର୍ ନେସ୍ତୁ ।

୩୪ ନାନ ମିଙ୍ଗ୍ ସଡ଼ ଇଜିନା, ମାନୁତୁଇଡିତୁ, ଇଲେଇ ଜିବନ୍ମାନି ଲୋକା ମାଣାନ ଓଜେରେ ସାନି ଆଗ୍ଡି ଇୟାଞ୍ଜିତ୍ତୁ ବିସ୍ମୟ ଗଟାଏଡ଼ ।

୩୫ ବାଦଡ଼ ନି ପୃତିବି ମାରାଗ୍ନାଡ଼; ମାତର ନା ବାକ୍ୟ ଏସ୍କାଙ୍ଗ୍ ମାର୍ଗେଏଡ଼ ।”

ୱାନ ୱାନିକା ଟିକ୍ ସମୟ ଏନ୍ ନେସ୍ଏର୍

(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୭)

୩୬ “ମାତର ଆୟା ଦିନ୍ ବା, ଆୟା ବେଡ଼ା ଏସ୍କାଙ୍ଗ୍ ୱାନାଡ଼, ଏନ୍ ଝେର୍ଡେଟ୍ ଆଟ୍ଏନ୍ । ନିଜେ ମାପୁରୁଦି ମାରିନ୍ ନି ଦୁଡ଼କୁ ବା ଆୟାମାଟା ନେସେଡ଼, କେବଲ୍ ରୁବା ମାପୁରୁ ନେସ୍ନାନ ।

୩୭ ନୋହଦି ବେଡ଼ାତୁ ଏଣ୍ଡେସ୍ ଗଟାତା ମାର୍ହାଡ଼, ମନୁସ୍ୟପୁତ୍ରଦି ୱାନି ବେଡ଼ାତୁ ଆୟାଞ୍ଜନା ଗଟାନାଡ଼ ।

୩୮ ଗାଲିପିରୁଦି ଆଗ୍ଡିରି ବେଡ଼ାତୁ ନୋହଦି ଜାହାଜୁଡ଼ ଡଗ୍ନୁନି ଦିନ୍ ସାହି ଲୋକୁ ଉଣିତିନିକା ମାରି ମେମାରି ନି ଆଇମା ପେଡିଆନି ଓଜୁପାଣିତୁ ଦାନ୍ଦା ଆତାମାର୍ହାଡ଼ ।

୩୯ ଗାଲିପିରୁତୁ ୱାର ଦେଲ୍ଲଜିସନି ସାହି ଇନିକା ଗଟାଜିନାଡ଼ ନେସ୍ଡେଟ୍ ଆଟ୍ଏଜି ମାର୍ହାର୍ । ମନୁସ୍ୟପୁତ୍ର ୱାନିନି ଦିନ୍ତୁ ବା ଟିକ୍ ଆୟାଞ୍ଜନା ଆନାଡ଼ ।

୪୦ ଆୟା ସମୟତୁ କିଡିଇତୁ ପାଣି କିଜିମାନି ରିଏରି ମେମାରିରି ମାଣ୍କୁ ଅରେନ୍ୱାନିଙ୍ଗ୍ ଅଆୟ୍ଆନାଡ଼ ମାରି ଆଇ ଅରେନ୍ ୱାନିଙ୍ଗ୍ ଡିସ୍ନାସିନାର୍ ।

୪୧ ରୁଣ୍ଡି ଆଇମେକ୍ ଜାତାତୁ ନୁରଜିମାନେ, ଅରେଡ଼ତାନିଙ୍ଗ୍ ଅଆୟ୍ଆନାଡ଼ ମାରି ଆଇତାନିଙ୍ଗ୍ ଡିସ୍ନାସିନାର୍ ।”

୪୨ ମାରି, ଜାଗାର୍ତା ମାନୁଡ଼, ଇରିଙ୍ଗ୍ ମି ପ୍ରୁ ଆମା ନାଣ୍ଡିଙ୍ଗ୍ ୱାନାନ୍, ଆକା ମିର୍ ନେସ୍ଇଦେର୍ ।

୪୩ *ମାତର ଇକା ନେସ୍ସୋ ମାନୁଡ଼, ଏସିଞ୍ଜାଲେ ଡଙ୍ଗାଟ୍ଏନ୍ ଡଗ୍ନୁନାନ୍ ନେସ୍ଡିମାରିଙ୍ଗ୍, ଇଲୁମାଲିକ୍ ଜାଗାର୍ତାଦାନ୍ ମାନୁଞ୍ଜି ଡଙ୍ଗାଟ୍ଏନ୍ଡିଙ୍ଗ୍ ଇନ୍ତୁ ଡଗ୍ନିସିଡେଟ୍ ସିଏନ୍ ।

୪୪ ମିର୍ ବା ଓଜୁଦିନ୍ ଜାଗାର୍ତା ଆଜମାନୁଡ଼, ଇରିଙ୍ଗ୍ ଆମା ବେଡ଼ାତୁ ମିର୍ ୱାନିଙ୍ଗ୍ କାପକିଇ ମାନିଦେର୍ ଆୟା ବେଡ଼ାତୁ ମନୁସ୍ୟପୁତ୍ର ୱାନାନ୍ ।

ବିସ୍ବାସ ନି ଅବିସ୍ବାସ ସାକର୍

(ଲୁକ ୧୨:୪୧-୪୮)

୪୫ “ଏନ୍ ଆରଡିଙ୍ଗ୍ ବିସ୍ବାସ ନି ବୁଦିଦି ସାକର୍ ? ଆମାଞ୍ଜାରି ମୁସ୍କୁ ମାଲିକ୍ ଆଇ ସାକର୍କାଙ୍ଗ୍ ଟିକ୍ ବେଡ଼ାତୁ କାଦି ସିନି ବନ୍ତୁ ସିନାମାନାନ୍ ।

୪୬ ମାଲିକ୍ ଆଇଦେସ୍ତାନ୍ ଡେସିଞ୍ଜାନିଞ୍ଜାଲେ ଆୟା ସାକର୍ ଜଦି ବିସ୍ବାସ୍ତାନ୍ ୱାନି ପାଣି ଟିକ୍ କିଜିମାନାନ୍, ସୁଡ଼ଜି ୱାନ ଏସ ଝେଡିକା ଆନାନ୍, ୱାନ ଦନ୍ୟ !

୪୭ ନାନ ମିଙ୍ଗ୍ ସଡ଼ ଇଜିନା, ମାଲିକ୍ ନିଜେଦି ଓଜୁ ସମ୍ପତିଦି ଦାଇଡ଼, ସିନି ଉଣ୍ଡିଙ୍ଗ୍ ଆୟାଞ୍ଜନା ସାକର୍ଡିଙ୍ଗ୍ ଆସ୍ କିନାନ୍ ।

୪୮ ମାତର ଆୟା ତାଗ୍ଇ ସାକର୍ ଜଦି ଅବିସ୍ବାସ୍ କିଜି ମାଲିକ୍ ୱାନିକା ଝେଡ଼ା ଆନାଡ଼ ଇଜି ଅଡ଼ବିନାନ୍ ମାରି

୪୯ ଡଡ଼ ସାକର୍କାଙ୍ଗ୍ ଡାକ୍ଡେଟ୍ଆସ୍ସି, ମାରି ମଦୁଆରି ୱାଲେ ଉନ୍ଣେଙ୍ଗ୍ ଡିନ୍ଡେଙ୍ଗ୍ ବାସନାନ୍ ।

୫୦ ସାକର୍ କାପକିଇଞ୍ଜାଲେ ବେଡ଼ାତୁ ଦାପ୍ରେ ଅର୍ଲେନ୍ ଏସିଞ୍ଜାଲେ ମାଲିକ୍ ଡେସି ୱାନାନ୍, ଆୟା ନାଣ୍ଡିଙ୍ଗ୍ ମାରି ଝେଡ଼ା ସାକର୍ ନେସ୍ଏନ୍ ।

୫୧ ମାଲିକ୍ ୱାନିଙ୍ଗ୍ କୟ୍ଜି ମକା ମକା କିଜି କପଟିରିଞ୍ଜାଲେ ୱାନି ବାଗ୍ ଟିକ୍ କିନାନ୍, ଆବେନ୍ ଆଡ଼୍ବାନିକା ନି ପାଲୁକୁ କାଡେକିନାନ୍ ।

୨୫

ଦାସ୍ଲୋକା ରିପାଆଇଲିକା କାତା

୧ * “ଆୟା ବେଡ଼ାତୁ ମୁସ୍କୁପୁର୍ଡିରାଜି ୱାନିକା ଇୟାଞ୍ଜନା ଆନାଡ଼ । ଦାସ୍ଲୋକ୍ ରିପାଆଇଲିକ୍ ଓଜେକେ ଉନ୍ତୁ ଉନ୍ତୁ ଦିଝେଙ୍ଗ୍ ନିୟୁ ଅସି କାନ୍ୟାମୁରୁଲିଙ୍ଗ୍ ମିସାଦେଙ୍ଗ୍ ସଡେ ସର୍ଏମାର୍ଏ ।

୨ ୱାନିକା ମାଣାନ ପାସ୍ଲୋକ୍ ବୁଦିସିଲିକେଙ୍ଗ୍ ମାରି ପାସ୍ଲୋକ୍ ବୁଦିମାନିକେଙ୍ଗ୍ ।

୩ ବୁଦିସିଲିକେଙ୍ଗ୍ ଦିଝେଙ୍ଗ୍ ଅଡେ ମାତର ଅର୍ସେ ନାଣ୍ଡି ନିୟୁ ଅଡମାରେଏ

୪ ମାତର ବୁଦିମାନିକେଙ୍ଗ୍ ନିଜେନିଜେଦି ଦିଞ୍ଜାଦି ୱାଲେ କାୟାତୁ ନିୟୁ ବା ଅଡେ ।

୫ କାନ୍ୟାମୁରୁଲି ୱାନିକା ଝେଡ଼ା ଆତାଡ଼ଆକା ରିପାଆଇଲିକ୍ କର୍ଅଜି କର୍ଅଜି ସୁସ୍ଡେ ।

* ୨୪:୪୩ ଲୁକ ୧୨:୩୯, ୪୦. * ୨୫:୧ ଲୁକ ୧୨:୩୫.

୬ “ମାଜାରନାଡ଼ା ଆଉଲି ଖେନ୍ଦାଆତାଡ଼, ଇଦି ସୁଡ଼ତୁ କାନ୍ୟାମୁରୁଲି ଖାତାଡ଼ନି, ରାତୁ ଖାନିଙ୍ଗ ଅରସେ ତାନାଟ୍ ।

୭ ନାସ୍ତ୍ରାଖାଲେ ରିପାଆଇଲିକ୍ ନିଙ୍ଗ୍ ତେନୋ ନିଜେ ନିଜେଦି ଦିଖେଙ୍ଗ୍ ରସ୍ତେ ।

୮ ନାସ୍ତ୍ରାଖାଲେ ବୁଦିସିଲିକେଙ୍ଗ୍ ବୁଦିମାନିଖାନିକା ଇର୍ଏ, ମାଙ୍ଗ୍ କାଣ୍ଡେକ୍ ନିୟୁ ସିଦାଟ୍ । ମା ଦିଖେଙ୍ଗ୍ଓଡୁ ନାମଜିସୋଲ୍ସିନେ ।

୯ ବୁଦିମାନିକେଙ୍ଗ୍ ଇର୍ଏ, ‘ସିଲେ, ସିଲେ, ସିଲେ,’ ମି ଉଣ୍ଡିଙ୍ଗ୍ ନି ମା ଉଣ୍ଡିଙ୍ଗ୍ ନିୟୁ ଇଏଡ଼ । ମିର୍ ଦୁକାନୁତୁ ସୋଲ୍ସ ସିଜେନିଜେଦି ଉଣ୍ଡିଙ୍ଗ୍ ଏସ ନିୟୁ କଡ଼ଜ ତାଗାଟ୍ ।

୧୦ ଆଦେଙ୍ଗ୍ ବୁଦିସିଲିକେଙ୍ଗ୍ ନିୟୁ କଣ୍ଡେଙ୍ଗ୍ ସୋତେ । ଖାକ୍ ସୋରଇ ଖେନ୍ଦକା କାନ୍ୟାମୁରୁଲି ଖାତା ଇତାନ । ତିଆରମାରଇ ପାସଲୋକ୍ ଆଇଲିକ୍ ଖାନି ଖାଲେ ପେଡ଼ି ବଜିଦୁ ସୋରଇ ଖେନ୍ଦକା ସେରଲାଦିଙ୍ଗ୍ କେରତାଡ଼ିସ୍ତାଟ୍ ।

୧୧ “ତାନେଖେନ୍ଦକା ଆଇ ରିପାଆଇଲିକ୍ ବା ଆବେନୁ ଖାତେନୋ । ଏ ପ୍ରୁ, ଏ ପ୍ରୁ, ସେରଲା ରେଆ; ମାପ୍ ଲୋଇ ଖାନାପ୍ ଇଜି ଖାକ୍ ଆଉଲି ଆତେ ।

୧୨ କାନ୍ୟାମୁରୁଲି ଇର୍ହାନ, ସିଲେ ମୁଡ଼ତୁକେ ସିଲେ, ମିର୍ ଏର୍, ନାନ୍ ନେସେଏ ।”

୧୩ ଇୟା ମାଟାଦିଙ୍ଗ୍ ଓସ୍ତାନନୋ ଜିସୁ ଇର୍ହାନ, ଜାଗାରତା ଆଜି ମାନ୍ତୁ । ମିର୍ ଆୟା ଦିନ୍ ନି ଆୟା ଖେଡ଼ା ନେସ୍ତେଙ୍ଗ୍ ଆଟ୍ଓଦେର୍ ।

**ମୁଏର୍ ସାକରକା କାତା
(ଲୁକ ୧୯:୧୧-୨୭)**

୧୪ ଆୟା ସମୟତୁ ମୁସ୍ତୁପୁର୍ ଇୟାଖାଜା । ଅରେନ୍ ଲୋକୁ ନିଜେଦି ସାକରକାଙ୍ଗ୍ କୁକ୍ସି ନିଜେଦି ସମ୍ପତ୍ତି ଖାନି କିୟୁଦୁ ଡ଼ିସ୍ତା ସିତାନନୋ ଆଇଦେସ୍ତୁ ସନ୍ତେଙ୍ଗ୍ ସୋତାନ ।

୧୫ ଖାରି ସାଲ୍ଡିଦାନ ଖାରିଙ୍ଗ୍ ଏସ ଏସ ଖେଣ୍ଡିଟାକେଙ୍ଗ୍ ଉଣ୍ଡାକିଦେଙ୍ଗ୍ ଅରେନ୍ଖାନିଙ୍ଗ୍ ସିତାନ ୫,୦୦୦ ଆଜାର ଖେଣ୍ଡିଦି ଅଦଲିଙ୍ଗ୍, ମାରି ଅରେନ୍ଖାନିଙ୍ଗ୍ ୨,୦୦୦ ଆଜାର ନି ମାରି ଅରେନ୍ଖାନିଙ୍ଗ୍ ୧,୦୦୦ ଆଜାର ମାତର୍ । ମାରି ଖାନ୍ ଆଇଦେସ୍ତୁ ସର୍ହାନ ।

୧୬ ୫,୦୦୦ ଆଜାର ଅଦଲି ପଇତିମାନି ସାକର୍ ଆୟା ତାବୁଙ୍ଗ୍ଓ ବେପାର୍ କିଜି ମାରି ୫,୦୦୦ ଆଜାର ଲାବ୍ କିତାନ ।

୧୭ ଆୟାଖାଜା ୨,୦୦୦ ଆଜାର ଅଦଲି ପଇତିମାନି ସାକର୍ ମାରି ୨,୦୦୦ ଆଜାର ଲାବ୍ କିତାନ ।

୧୮ ମାତର୍ ଏନ୍ ୧,୦୦୦ ହାଜାର ଅଦଲି ପଇତାମାର୍ହାନ, ଖାନ୍ ଉନ୍ତୁ ଗୁଟା କାରିତାନନୋ ମାଲିକ୍ତି ଆୟା ତାବୁଙ୍ଗ୍ଓ ଆଡ଼ାକ୍ସି ଇଟ୍ତାନ ।

୧୯ ନାଶ୍ତ୍ର ଦିନ୍ ଖେନ୍ଦକା ମାଲିକ୍ ଖାତାନନୋ ମାରି ସାକରକା ଖାଲେ ଇସାବ୍ କିତାବ୍ କିତାନ ।

୨୦ ୫,୦୦୦ ଆଜାର ଅଦଲି ଅତିମାନି ସାକର୍ ମାଲିକ୍ତିଙ୍ଗ୍ ମାରି ୫,୦୦୦ ଆଜାର ସିଜି ଇର୍ହାନ, ଆଜ୍ଜା, ନିନ୍ ନାଙ୍ଗ୍ ୫,୦୦୦ ଆଜାର ଅଦଲି ସିତିମାରଇ, ଇକା ସୁଡୁଆ, ନାନ୍ ମାରି ୫,୦୦୦ ଆଜାର ଲାବ୍ ପୟତାମାନା ।

୨୧ ମାଲିକ୍ ଖେଡ଼ିକା ଆତାନନୋ ଇର୍ହାନ, ନେଗିକା କିତିମାନି, ନିନ୍ ନା ନେଗିକିୟା ମାରି ବିସ୍ତାସ୍ତି ସାକର୍ । ନିନ୍ ବିସ୍ତାସ୍ତାନ ଉଣା ଦନ୍ତି ଇନିଙ୍ଗ୍ଆନିଆ କିଦେଙ୍ଗ୍ଆଟ୍ତିମାନିଙ୍ଗ୍ ନି କିୟୁଦୁ ଗାଦି ଦନ୍ ଡ଼ିସ୍ନାସିନା । ରାଆ, ନା ଖାଲେ ଖେଡ଼ିକାକିଆ ।

୨୨ ୨,୦୦୦ ଆଜାର ଅଦଲି ଅତିମାନି ସାକର୍ ଖାତା ଇର୍ହାନ, ଆଜ୍ଜା, ନିନ୍ ନାଙ୍ଗ୍ ୨,୦୦୦ ଆଜାର ସିତିମାରଇ, ନାନ୍ ମାରି ୨,୦୦୦ ଆଜାର ଲାବ୍ କିତାମାନା ।

୨୩ ମାଲିକ୍ ଇର୍ହାନ, ନେକ୍କା କିତିମାନି । ନିନ୍ ବା ନା ନେଗି ନି ବିସ୍ତାସ୍ ସାକର୍ । ଉଣା ଦନ୍ତାନ ବିସ୍ତାସ୍ ତରତିମାନି, ଗାଦି ଦନ୍ ନାନ୍ ନିଙ୍ଗ୍ ନାଶ୍ତ୍ର କିନାସିନା । ରାଆ, ନା ଖେଡ଼ିକାଦୁ ମିସାଆ ।

୨୪ “ସାରାସାରିଖେନ୍ଦକା ଏକ୍ ଆଜାର ଖେଣ୍ଡିଅଦଲି ଅତିମାରିଇ ସାକର୍ ଇର୍ହାନ, ଆଜ୍ଜା, ନିନ୍ ଅରେନ୍ ଆଟ୍ଓ ଲୋକୁ, ଇକା ନାନ୍ ନେସ୍ତାମାର୍ହା । ଓଡ଼ଇମାନି କିଡ଼ିଇଦୁ ନିନ୍ ପାସି କୟନି । ଓଡ଼ୁ ଓଡ଼ଏଣ୍ଟା ପାସି ଉଣ୍ଡାକିନି ।”

୨୫ ଆୟାଉଣ୍ଡିଙ୍ଗ୍ ନାନ୍ ତିଲାତାନୋ ନି ତାବୁଙ୍ଗ୍ଓ ଅତାନୋ ବୁମିଦୁ ମୁସ୍ତାମାରଆ । ସୁଡୁଆ, ନିଖି ଆୟା ତାବୁଙ୍ଗ୍ଓ ।

୨୬ ମାଲିକ୍ ଇର୍ହାନ, ଏ ଦୁସ୍ ମାରି ଗାଡ଼ିଆ ସାକର୍ ! ନିନ୍ ଗିଦେ ନେସ୍ତିମାରିଇ, ନାନ୍ ଏମେମାନୁ ଓଡ଼ଏମାନା, ଆବେନୁ ପାସି କୟନା ?

୨୭ ଆର୍ଡିଙ୍ଗ୍ ନା ତାବୁଙ୍ଗ୍ଓ ଅସି ନିନ୍ ପୁଜିକିନି ଉଣ୍ଡିଙ୍ଗ୍ ବେକ୍ତୁ ଉଣ୍ଡାକିତିସିତିମାନି । ଆର୍ଡିଙ୍ଗ୍ ତାନିଙ୍ଗ୍ ନାନ୍ ପିଲାଦି ଖାଲେ ଡେସି ପୟତାମାନି ।

୨୮ ଇକା ଖେରସି ମାଲିକ୍ ଆଦେସ୍ ସିତାନ, ଇୟା ସାକର୍ କିୟୁଦାନ ଇୟା ତାବୁଙ୍ଗ୍ଓ କୁଡ଼ସଅସ ଆମାଖାନି କିୟୁଦୁ ୧୦,୦୦୦ ଆଜାର ମାନେ, ଖାନିଙ୍ଗ୍ ସିଦୁ ।

☆ ୨୫:୧୧ ଲୁକ ୧୩:୨୫. ☆ ୨୫:୧୪ ଲୁକ ୧୯:୧୧-୨୭.

୨୯ *ଇରିଙ୍ଗ ଆମାଖାନିଙ୍ଗ ମାନେ, ଖାନିଙ୍ଗ ନାଶ୍ଟ ସିଆୟାଆନାତ୍ ମାରି ଖାନ ନାଶ୍ଟ ଲାବ୍ କିନାନ । ମାତର୍ ଆମାଖାନିଙ୍ଗ ସିଲୁ, ଖାନି ଲାକ୍ତୁ ଆମାକା ମାନାତ୍, ଆକାବା କୁତ୍ନା ଅଆୟାଆନାତ୍ ।

୩୦ *ଇୟା ଜଗସିଲି ସାକର୍ତ୍ତିଙ୍ଗ ଆତ୍ରେ ସିକାଟିବୁ ପକ୍ତୁ, ଆବେନୁ ଖାନ ଆତ୍ବାଜି ପାଲୁକୁ କାତ୍ରେକିନାନ ।

ଓଜୁଦିନ୍ତି ବିସାର୍

୩୧ *“ଏସ୍ତ୍ରାଲେ ମନୁସ୍ୟପୁତ୍ର ରାଜାଦି ଖାଜା ଖାନି ମୁସ୍ତକ୍ତୁପୁରତି ଦୁଡ୍‌କାଖାଲେ ଖାନାନ, ଖାନ ଗୌରବ୍‌ଜାୟ ରାଜାଗାଦିବୁ ବାସନାନ,

୩୨ ମାରି ଦୁନିଆଦି ଓଜୁ ବାସାଦି ଲୋକୁ ଖାନି ଆଗ୍ତି ଉନ୍ତ୍ରେମାନୁ ଆନାର । ନାସ୍ତ୍ରାଲେ ମେଣ୍ଡେଙ୍ଗଗତ୍ ଧୁଣ୍ଡେସ୍ ଗର୍ଏଙ୍ଗା ନି ମେଣ୍ଡେଆଙ୍ଗ୍ ଖେରେଏ କିନାନ, ମନୁସ୍ୟପୁତ୍ର ଆୟାଖାଜା ଲୋକାଙ୍ଗ୍ ଦୁଇ ବାଗ୍ କିନାନ ।

୩୩ ଦାମ୍ବୁଦି ଲୋକାଙ୍ଗ୍ ଖାନ ଉଣି ତରିନ୍ ନି ଆଇ ଲୋକାଙ୍ଗ୍ ତେବିରି ତରିନ୍ ଇଡ୍‌ନାନ ।

୩୪ ନାସ୍ତ୍ରାଲେ ରାଜା ଖାନି ଉଣି ତରିନ୍‌ମାନି ଲୋକାଙ୍ଗ୍ ଇନ୍‌ନାନ, ରାଦୁ, ମିଙ୍ଗ୍ ନା ବୁବା ଆସ୍ ବାଦ୍ କିତାମାନାନ । ମି ଉଣ୍ଡିଙ୍ଗ୍ ଦୁନିଆଦି ତିଆର୍‌ଆତି ଆଗ୍ତିରାନ ଆମା ରାଜି ତିଆର୍ ଆତାମାନାତ୍, ରାଦୁ, ଆବେନୁ ଡ୍‌ଗୁଦୁ ।

୩୫ ନାନ ବାଙ୍ଗାଦୁମାର୍‌ଆ, ମିର୍ ନାଙ୍ଗ୍ ଉନ୍‌ଣେ ସିତିଦେର୍; ନାନ ଏରକିସାଜିମାର୍‌ଆ, ମିର୍ ନାଙ୍ଗ୍ ଏରୁ ଉନ୍‌ଣେ ସିତିଦେର୍ । ନାନ ଅରେନ୍‌ନେମାର୍‌ଆ, ମିର୍ ନାଙ୍ଗ୍ ମି ଇନ୍‌ତ୍ର ବାଡି ସିତିଦେର୍ ।”

୩୬ ନାନ ତୁମ୍‌ତାମାର୍‌ଆ, ନାଙ୍ଗ୍ ଆଙ୍ଗ୍ ଆରିସକିତିଦେର୍; ନାନ ନବ୍‌ଆତାମାର୍‌ଆ, ନାଙ୍ଗ୍ ଜାତୁନ୍ କିତିଦେର୍, ନାନ ଜଇଲ୍‌ତୁମାର୍‌ଆ, ନାଙ୍ଗ୍ ସୁଡ୍‌ବୁଦଙ୍ଗ୍‌ଖାତିଦେର୍ ।

୩୭ ଦାମ୍ବୁଦିଲୋକୁ ଖାନିଙ୍ଗ୍ ଇନାର୍, ପ୍ରୁ ! ଏସକାଙ୍ଗ୍ ନିଙ୍ଗ୍ ବାଙ୍ଗାଆତିକା ସୁଡ୍‌କୁ କାଦି ଉନ୍‌ଣେଙ୍ଗ୍ ସିତାମାନାପ୍ ? ଏସକାଙ୍ଗ୍ ନିଙ୍ଗ୍ ଏରକିସାନିକା ସୁଡ୍‌କୁ ଏରୁ ଉନ୍‌ଣେଙ୍ଗ୍ ସିତାମାନାପ୍ ?

୩୮ ମାରି, ଏସାଙ୍ଗ୍ ଅରେନ୍‌ନେ ସୁଡ୍‌କୁ ଇଲ୍‌ତୁ ତେବାଦେଙ୍ଗ୍ ବାଡି ସିତାମାନାପ୍ ? ମାରି ତୁମ୍‌ତାଆତିକା ସୁଡ୍‌କୁ ଆଙ୍ଗ୍ ଆରିସ୍ କିତାମାନାପ୍ ?

୩୯ ଏସକାଙ୍ଗ୍ ନିଙ୍ଗ୍ ନବ୍‌ଆତିକା ନି ଜଇଲ୍‌ତୁମାନିକା ସୁଡ୍‌କୁ ନି ଲାକ୍ତୁ ଖାତାପ୍ ?

୪୦ ରାଜା ଇନାନ, ନାନ ମିଙ୍ଗ୍ ସଡ୍ ଇଜିନା, ଇୟା ନା ତଡ୍‌ନାକା ଲୋଇରାନ ଓଜେରିଙ୍ଗ୍ ଇସ୍ତ୍ରାରି ଉଣ୍ଡିଙ୍ଗ୍ ମିର୍ ଆମାକା ଓଜୁ କିତିଦେର୍, ଆକା ନା ଉଣ୍ଡିଙ୍ଗ୍ କିତିଦେର୍ ।

୪୧ ତାନେଖେନ୍‌କା ରାଜା ତେବିରି ତରିନ୍‌ମାନି ଲୋକାଙ୍ଗ୍ ଇନ୍‌ନାନ, ଏ ମାପୁରୁଦି ଆନାଦୁରିଆ ପୟ୍‌ତି ଲୋକୁ ! ନା ଆଗ୍ତିରାନ ଆକ ସାନତୁ । ସୟତାନ ନି ତାନି ଦୁଡ୍‌କା ଉଣ୍ଡିଙ୍ଗ୍ ଆମା ଏସକାଙ୍ଗ୍‌ଓଜୁ କାସ୍‌ସିମାନି ସିସୁ ତିଆର୍ ଆତାମାନାତ୍ ଆବେନୁ ସାନତୁ ।

୪୨ ନାନ ବାଙ୍ଗାଆତାମାର୍‌ଆ, ମିର୍ ନାଙ୍ଗ୍ ଉନ୍‌ଣେଙ୍ଗ୍ ସିଇତିଦେର୍; ନାନ ଏରକିସାତାମାର୍‌ଆ, ନାଙ୍ଗ୍ ଏରୁ ଉନ୍‌ଣେଙ୍ଗ୍ ସିଇତିଦେର୍ ।

୪୩ ନାନ ଅରେନ୍‌ନେମାର୍‌ଆ, ନାଙ୍ଗ୍ ମି ଇନ୍‌ତ୍ର ବାଡି ସିଇତିଦେର୍; ନାନ ତୁମ୍‌ତାମାର୍‌ଆ, ନାଙ୍ଗ୍ ଆଙ୍ଗ୍ ଆରିସ୍ କିଇତିଦେର୍; ନବ୍ ନି ଜଇଲ୍‌ତୁ ମାରିଇଖାଲେ ନାଙ୍ଗ୍ ଜାତୁନ୍ କିଇତିଦେର୍ ।

୪୪ ନାସ୍ତ୍ରାଲେ ଖାର ଉତର୍ ସିନାର, “ପ୍ରୁ, ଏସକାଙ୍ଗ୍ ମାପ୍ ନିଙ୍ଗ୍ ବାଙ୍ଗା, ଏରକି, ଅରେନ୍‌ନେ, ତୁମ୍‌ତା, ନବ୍ ନି ଜଇଲ୍‌ତୁ ମାନିକା ସୁଡ୍‌କୁ ନିଙ୍ଗ୍ ସେବା କିଏତାପ୍ ?”

୪୫ ରାଜା ଉତର୍ ସିନାନ, ନାନ ମିଙ୍ଗ୍ ସଡ୍ ଇଜିନା, ଇୟା ଇସ୍ତ୍ରା ଲୋକାରି ଲୋଇରାନ ଅରେନ୍‌ଖାନିଙ୍ଗ୍ ସାକା କିଦେଙ୍ଗ୍ ମନାକିତିଦେର୍, ମିର୍ ନାଙ୍ଗ୍ ସାକା କିଦେଙ୍ଗ୍ ମନାକିତିଦେର୍ ।

୪୬ ଇୟାକାର ଓଜୁଦିନ୍ତି ଉଣ୍ଡିଙ୍ଗ୍ କାସ୍ତୁବଗାନାର୍, ମାତର୍ ଦାମ୍ବୁଦିକାର୍ ଏସକାଙ୍ଗ୍‌ଓଜୁ ଜିବନ୍ ପୟ୍‌ନାର୍ ।

୨୭

ଜିସୁଦି ବିରଦ୍‌ତାନ ଉପାୟକିତାର୍

(ମାର୍କ ୧୪:୧-୨; ଲୁକ ୨୨:୧-୨; ଜୋହନ ୧୧:୪୫-୫୩)

୧ ଇୟାଓଜୁ ସିକିୟା ସିତି ଓସ୍ତି ଖେନ୍‌କା ଜିସୁ ସିସୁରିଙ୍ଗ୍ ଇର୍ହାନ,

୨ “ମିର୍ ନେସ୍‌ନିଦେର୍, ନିସ୍ତାର ପଶ୍ଟୟ ଆଦେଙ୍ଗ୍ ମାରି ରିନେନ୍ ମାନାତ୍ । ନାସ୍ତ୍ରାଲେ ମନୁସ୍ୟପୁତ୍ର କୁସଦୁ ସାନି ଉଣ୍ଡିଙ୍ଗ୍ ସପ୍ରେଆନାନ ।”

୩ ଆୟା ସମୟ୍‌ତୁ ପେରି ଜାଜକର୍ ମାରି ଆଇ ଜିହୁଦି ନେତାର୍ ଓଜେରିଙ୍ଗ୍‌ପେରି ଜାଜକ କୟାପାଦି ଇଲୁ ଦୁଆର୍‌ତୁ ଉନ୍‌ତ୍ରେମାନୁ ଉଣ୍ଡାତାର୍ ।

୪ ଜିସୁଙ୍ଗ୍ ସାଲାକିଦାନ ଆସ୍‌ସି ତାକ୍‌ତେଙ୍ଗ୍ ଇଜି ଉପାୟ କିତାର୍ ।

☆ ୨୫:୨୯ ମାତୃତ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ମାତୃତ ୮:୧୨; ୨୨:୧୩; ଲୁକ ୧୩:୨୮. ☆ ୨୫:୩୧ ମାତୃତ ୧୭:୨୭; ମାତୃତ ୧୯:୨୮.

୫ ମାତର ଖାର ଇର୍ହାର, “ଇୟା ପାଣି ମାପ୍ ପଣ୍ଡୟ ବେଡ଼ାଦୁ କିନିକା ନେଗେଡ଼ସିଲେ । ନାସ୍ତିଖାଲେ ଲୋକୁ ଜାତିଜଗଡ଼ାକିନାର ।”

ବେଡ଼ନିୟାଦୁ ଜିସୁ ଅବିସେକ୍ ଆତାନ

(ମାର୍କ ୧୪:୩-୯; ଜୋହନ ୧୨:୧-୮)

୬ ଅରଲେନ୍ ଜିସୁ ବେଡ଼ନିୟାଦୁ ଆଗଡ଼ିରାନ୍ କୁସୁରୋଗ୍ ବଗାତିମାର୍ଜୟ ସିମୋନକା ଇଲୁଦୁ ମାର୍ହାନ ।

୭ *ସିମୋନକା ଇଲୁଦୁ ଜିସୁ ଉନ୍ଶେଙ୍ଗ୍ ବାସ୍ତି ମାରିଇଖାଲେ ଅରେଡ଼ ଆଇମା ଉନ୍ତ୍ରି ସାତିଦୁ ନାଶ୍ତିଦାରାଦି ବାସ୍ନା ନିୟୁ ବର୍ତ୍ କିଜି ତାସି ଖାନି ତାଲା ମୁସ୍କୁ ଖାକ୍ତାଡ଼ ।

୮ ସିସୁର ଇକା ସୁଡ଼ୁଟ୍ଟି ରିସା ଆତାର । ଖାର ତାନିଙ୍ଗ୍ ଇର୍ହାର, “ନିସ ନାସୁକିତି ଏନ୍ଦା ?”

୯ “ଇୟା ବାସ୍ନା ନିୟୁ ନାଶ୍ତି ତାରୁଙ୍ଗ୍ ପରଦେଙ୍ଗ୍ ଆତାଡ଼ମାନ୍ଦି ମାରି ଆୟା ତାରୁଙ୍ଗ୍ କାକୁର୍ତ୍ ଲୋକାଙ୍ଗ୍ ସିଦେଙ୍ଗ୍ ଆତାଡ଼ ମାନ୍ଦି ।”

୧୦ ଖାର ଇନିକା ଖେରସିନାର, ଜିସୁ ନେସ୍ତେଙ୍ଗ୍ ଆଟ୍ତାନନୋ ଇର୍ହାନ, “ଆୟା ଆଇମାଦିଙ୍ଗ୍ ଏନ୍ଦା ବାଦାକିଜିନିଦେର୍ ? ନା ଉଣ୍ଡିଙ୍ଗ୍ ଖାଦ୍ ଉନ୍ତ୍ରି ନେଗି ନି ସୁନ୍ଦର୍ ପାଣି କିତାମାନାଡ଼ ।

୧୧ କାକୁର୍ତ୍ ଲୋକାଙ୍ଗ୍ ମିଖାଲେ ଖିଜୁଦିନ୍ ପଇନିଦେର୍, ମାତର ନାଙ୍ଗ୍ ଖିଜୁଦିନ୍ ପୟଇଦେର୍ ।

୧୨ ଖାଦ୍ ନା ମୋନ୍ଦଲୁ ଇୟା ବାସ୍ନା ନିୟୁ ଖାକ୍ସି ସିଜି ନା ମୁସ୍ନି ଉଣ୍ଡିଙ୍ଗ୍ ତିଆର କିତି ଖାଜା କିତାମାନାଡ଼ ।”

୧୩ ନାନ୍ ମିଙ୍ଗ୍ ସଡ଼ ଖେରସିନା, ସାରା ଦୁନିଆଦି ଆମା ବାଡ଼ିଦୁ ଇୟା ନେଗିକାରୁର୍ ଖେରନାର, ଇୟା ଆଇମା ଆମାକା କିତାମାନାଡ଼, ତାନିଙ୍ଗ୍ ଏଡ଼କିଜି ଆକାବା ପ୍ରଚାର କିନାର ।

ଜିସୁଙ୍ଗ୍ ଆସିସ୍ କିଦେଙ୍ଗ୍ ଜିହୁଦା ରାଜିଆତାନ

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ନାସ୍ତିଖାଲେ ବାରଲୋକ୍ ସିସୁରି ଲୋଇରାନ୍ ଇସ୍ପାରିୟୋତିୟ ଯିହୁଦା ଦର୍ଡ଼ି ଅରେନ୍ ସିସୁ ପେରି ଜାଜକରି ଲାକ୍ତୁ ସୋରର୍ହାନନୋ ଖେନ୍ଦାତାନ,

୧୫ “ଜିସୁଙ୍ଗ୍ ଆସିସ୍କିତି ସିତିଙ୍ଗ୍ ନାଙ୍ଗ୍ ଇନିକା ସିନିଦେର୍ ?” ଖାର ଖାନିଙ୍ଗ୍ ତିରିସ୍ଗୋଟା ଖେଣ୍ଡିଅଦ୍ଲିଙ୍ଗ୍ ଲେକିସ୍ତାସିତାର ।

୧୬ ଆୟାନାଶ୍ତିରାନ୍ ଜିସୁଙ୍ଗ୍ ଖାରି କିୟୁଦୁ ଆସିସ୍କିନି ଉଣ୍ଡିଙ୍ଗ୍ ଜିହୁଦା ସାରି ପୟତାନ ।

ସିସୁରି ଖାଲେ ଜିସୁ ନିସ୍ତାର ପଣ୍ଡୟ ବଜିକିତାନ

(ମାର୍କ ୧୪:୧୨-୨୧; ଲୁକ ୨୨:୬-୧୩, ୨୧-୨୩; ଜୋହନ ୧୩:୨୧-୩୦)

୧୭ “କମିର୍ସିଲି ରୁଟି” ପଣ୍ଡୟତି ଆଗଡ଼ିରି ନାଶ୍ତିଙ୍ଗ୍ ସିସୁର ଜିସୁଦି ଲାକ୍ତୁ ଖାତାରୋ ଖେନ୍ଦାତାର, “ମାପ୍ ଏମୋମାନୁ ନି ଉଣ୍ଡିଙ୍ଗ୍ ନିସ୍ତାର ପଣ୍ଡୟତି ବଜି ତିଆରକିନାପ୍ ?”

୧୮ ଜିସୁ ଖେରତାନ, “ଗାଡ଼ୁଡ଼ୁ ସୋଲ୍ସ ଆୟା ପେରି ଲୋକ୍ତିଙ୍ଗ୍ ଇନିଦେର୍, ‘ଗୁରୁ ଇଜିନାନ୍,’ ନା ଦିନ୍ ଲାକ୍ତୁ ଆଜି ଖାଜିନାଡ଼ । ଖାନି ସିସୁରି ଖାଲେ ମି ଇନ୍ତ୍ର ଖାନ୍ ନିସ୍ତାର ପଣ୍ଡୟ କିନାନ୍ ।”

୧୯ ଜିସୁ ଖେରତି ଇସାବତାନ ସିସୁର ନିସ୍ତାର ପଣ୍ଡୟତି ବଜି ତିଆର କିତାର ।

୨୦ ଖେନ୍ଦକା ମିଲ୍ମିଲିକା ଆତାଡ଼ଆକା ଜିସୁ ନି ବାରଲୋକ୍ ସିସୁର ଉନ୍ଶେଙ୍ଗ୍ ବାସ୍ତାର ।

୨୧ ଉଣ୍ଡିମାରିଇଖାଲେ ଜିସୁ ଇର୍ହାନ, “ନାନ୍ ମିଙ୍ଗ୍ ସଡ଼ ଇଜିନା, ମି ଲୋଇରାନ୍ ଅରେନ୍ ନାଙ୍ଗ୍ ସାତୁରି କିୟୁଦୁ ସରପେ କିନାନ୍ ।”

୨୨ ସିସୁର ନାଶ୍ତି ଦୁଃକ୍ ଆଜି ଅରେନ୍ ଖେନ୍ଦକା ମାରି ଅରେନ୍ ଜିସୁଙ୍ଗ୍ ଖେନ୍ଦାତାର, “ପ୍ରୁ, ନାନ୍ ଆକାନ୍ ନୋ ?”

୨୩ ଜିସୁ ଇର୍ହାନ, “ଏନ୍ ନା ଖାଲେ ତୁବାଇତୁ ରୁଟି ମୁଡ଼କୁନାନ୍, ଖାନ୍ ନାଙ୍ଗ୍ ସାତୁରି କିୟୁଦୁ ସରପେକିନାନ୍ ।

୨୪ ସାସ୍ତୁ ରାସାତିମାନି ଖାଜା ମନୁସ୍ୟପୁତ୍ର ସାନିଦ୍ଵାବଗାନାନ୍, ମାତର ମନୁସ୍ୟପୁତ୍ରଙ୍ଗ୍ ଏନ୍ ଆସିସ୍ କିନାସିନାନ୍, ଖାନି ଦଣ୍ଡ୍ ଏସ୍ ବୟ୍ଝାର ! ଏସ୍କାଙ୍ଗ୍ ଜନମ୍ ଆଇତିମାରିଙ୍ଗ୍ ଖାନି ଉଣ୍ଡିଙ୍ଗ୍ ନେଗେନ୍ ଆତାଡ଼ମାନ୍ଦି ।”

୨୫ ଆମା ଜିହୁଦା ଖାନିଙ୍ଗ୍ ସାତୁରି କିୟୁଦୁ ସରପେକିତାନ, ଖାନ୍ ଇର୍ହାନ, ଗୁରୁ, ଖାନ୍ ଇନିକା ନାନ୍ ?

ଜିସୁ ଖାନିଙ୍ଗ୍ ଇର୍ହାନ, “ନିନ୍ ଆକା ଇଜିନି ।”

ପ୍ରୁବୋଜ

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରିନ୍ଥ୍ରିୟ ୧୧:୨୩-୨୫)

☆ ୨୨:୬ ଲୁକ ୭:୩୭,୩୮.

୨୬ ୱାନ୍ ଉଣି ବେଡ଼ାଦୁ ଜିସୁ ଉନ୍ତୁ ରୁଟି ତାତାନ୍ନୋ ମାପୁରୁଙ୍ଗ ଦନ୍ୟବାଦ୍ ସିତାନ୍ ମାରି ଆକା ରୁକୁସି ସିସୁରିଙ୍ଗ୍ ସିଜି ଇର୍ହାନ୍, ଅସି ତିନ୍ତୁ: “ଇକା ନା ମେନ୍ଦଲ୍ ।”

୨୭ ତାନେଝେନ୍କା ୱାନ୍ ଉଣି ତୁବାଇ ଅତାନ୍ନୋ ମାପୁରୁଙ୍ଗ୍ ଦନ୍ୟବାଦ୍ ସିତାନ୍ ମାରି ଆକା ସିସୁରିଙ୍ଗ୍ ସିଜି ଇର୍ହାନ୍, ମିର୍ ଓଜିଦେର୍ ଇବେଟ୍ତାନ୍ ଉଣ୍ଣୁ । ୱାନ୍ ଇର୍ହାନ୍;

୨୮ ଇକା ନା ନେତେର୍ । ଲୋକା ପାପ୍ କେମା ଉଣ୍ଣିଙ୍ଗ୍ ନାନ୍ ନା ଆମା ନେତେର୍ ୱାକ୍ସ ସିଦେଙ୍ଗ୍ ସଲ୍ସିନା, ଆମାକା ମାପୁରୁଦି ପୁନି ନିୟମ୍ତିଙ୍ଗ୍ ସିଲ୍ତାକ୍ନାଡ୍ ।

୨୯ ନାନ୍ ମିଙ୍ଗ୍ ଝେର୍ସିନା, “ଆମା ନାଣ୍ଡିଙ୍ଗ୍ ନା ବୁବାଦି ରାଜିଦୁ ମି ୱାଲେ ପୁନି ଅଙ୍ଗୁରରସ୍ ଉଣ୍ଣୁଇ ସାନ୍ ନାନ୍ ମାରି ଏସ୍କାଙ୍ଗ୍ ଅଙ୍ଗୁରରସ୍ ଉଣ୍ଣୁଏ ।”

୩୦ ୱାନ୍ ଦନ୍ୟବାଦ୍ତି ପାଟା ପାରିତି ଝେନ୍କା ଜିତ ଗରନ୍ ମୁସ୍କୁ ସତାସର୍ହାର୍ ।

ପିତରୁତି ମାନାଇ ବିସୟତାନ୍ ଜିସୁଦି ଝେର୍ନିକା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜୋହନ ୧୩:୩୬-୩୮)

୩୧ ନାସ୍ତିଝାଲେ ଜିସୁ ୱାରିଙ୍ଗ୍ ଇର୍ହାନ୍, “ନେର୍ ନାଡ଼ା ମିର୍ ଓଜିଦେର୍ ନାଙ୍ଗ୍ ତ୍ରିସ୍ନି ଉରକ୍ନିଦେର୍ । ସାସ୍ତ୍ରୁ ରାସାତାମାନାଡ୍, ନାନ୍ ମେଣ୍ଡେଙ୍ଗ୍ ସାରାକିନିଝାନ୍ତିଙ୍ଗ୍ ସାୟାମାରାଗ୍ ତାକ୍ତିଙ୍ଗ୍ ମାରି ମେଣ୍ଡେଙ୍ଗ୍ ଇନିଙ୍ଗ୍ ଆନିଙ୍ଗ୍ ଆନେସନେ ।

୩୨ *ମାତର୍ ନାନ୍ ମାରିଡେସିନିଙ୍ଗ୍ତି ଝେନ୍କା ମି ଆଗ୍ତିନେ ଗାଲିଲି ରାଜିଦୁ ସନା ।”

୩୩ ପିତର୍ ଜିସୁଙ୍ଗ୍ ଇର୍ହାନ୍, “ଆଇକାର୍ ଓଜେରେ ନିଙ୍ଗ୍ ତ୍ରିସ୍ତି ସରିଙ୍ଗ୍ ବା ନାନ୍ ମୁଡ୍ତୁକ୍ ସୋଲ୍ୟ ।”

୩୪ ଜିସୁ ପିତରତିଙ୍ଗ୍ ଇର୍ହାନ୍, ନାନ୍ ନିଙ୍ଗ୍ ସଡ୍ ଇଜିନା, ନେର୍ ନାଡ଼ା କରୁ କେଡେନି ଆଗ୍ତିନେ ନିନ୍ନୁ ନାଙ୍ଗ୍ ନେସେଏ ଇଜି ମୁନ୍ତୁ ଦେବେଙ୍ଗ୍ ଇନି ।

୩୫ ପିତର୍ ଇର୍ହାନ୍, “ନି ୱାଲେ ସାଦେଙ୍ଗ୍ ପଡ଼ାତିଙ୍ଗ୍ ବା ନାନ୍ ଏସ୍କାଙ୍ଗ୍ ନିଙ୍ଗ୍ ନେସ୍ଏ ଇଜି ଇନ୍ଏ ।” ଆଇ ସିସୁର୍ ଓଜେରେ ବା ଆୟାଝାଜା ଇର୍ହାର୍ ।

ଗେଡ୍ସିମାନି ତଡ୍ତିଦୁ ଜିସୁଦି ପାରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ତାନେଝେନ୍କା ଜିସୁ ନିଜେଦି ସିସୁରି ୱାଲେ ଗେଡ୍ସିମାନି ଇନି ଉନ୍ତୁ ତଡ୍ତିଦୁ ସର୍ହାନ୍ନୋ ୱାରିଙ୍ଗ୍ ଇର୍ହାନ୍, “ନାନ୍ ଆବେନ୍ନୁ ସନାନ୍ନୋ ପାର୍ତନା କିଜିମାନି ସାନ୍ ମିର୍ ଇବେନ୍ନୁ ବାସସୋ ମାନ୍ତୁ ।”

୩୭ ୱାନ୍ ପିତର୍ ମାରି ଜେବଦିରି ରିଏର୍ ମାରିସିରିଙ୍ଗ୍ ୱାନ୍ ୱାଲେ ଅତାନ୍ । ନାସ୍ତିଝାଲେ ଜିସୁ ନାଣ୍ଡୁ ଦୁଃକ୍ ମାରି ଦାନ୍ଦା ଆଜି,

୩୮ ୱାନ୍ ୱାରିଙ୍ଗ୍ ଇର୍ହାନ୍, “ଦୁଃକ୍ତାନ୍ ନା ଜିବନ୍ ସାନିଝାଜା ଆଜିନାଡ୍, ଇବେନ୍ନୁ ମିର୍ ନା ୱାଲେ କାପ୍କିଜ ମାନ୍ତୁ ।”

୩୯ ଜିସୁ କାଣ୍ଡେକ୍ ଆକ୍ ସର୍ହାନ୍ନୋ ବୁମିଦୁ ମକମ୍ ପାଡ଼ାକ୍ତାନ୍ନୋ ପାରାତାନା କିଜି କିଜି ଇର୍ହାନ୍, “ଏ ନା ବୁବା, ଜଦି ଆଦେଙ୍ଗ୍ଆଟ୍ନାଡ୍, ଆର୍ଡିଙ୍ଗ୍ ଇୟା ଦୁଃକ୍ବୋଗ୍ତି ଉଣି ତୁବାଇ ନା ମାଣାନ୍ ଆକ୍ ଅଆ, ମାତର୍ ନା ବଦା ସିଲେ । ନି ବଦା ପୁରା ଆପିଡ୍ ।”

୪୦ ତାନେଝେନ୍କା ୱାନ୍ ମୁଏର୍ ସିସୁରି ଲାକ୍ତୁ ଡେସି ୱାତାନ୍ନୋ ସୁଡ୍ତୁନ୍, ୱାନ୍ ସୁସ୍ତା ମାନାର୍ । ଜିସୁ ପିତରତିଙ୍ଗ୍ ଇର୍ହାନ୍, “ମିର୍ ଇନିକା ନା ୱାଲେ ଗନ୍ତା ବା କାପ୍କିଦେଙ୍ଗ୍ ଆଟ୍ଠିଜିନିଦେର୍ ?

୪୧ ପରିକାଦୁ ଏଣ୍ଡେସ୍ ପଡ଼ାଇଦେର୍, ଇୟାଉଣ୍ଡିଙ୍ଗ୍ କାପ୍କିଜ ପାରାତାନା କିଦୁ । ଇରିଙ୍ଗ୍ ମି ଆମ୍ବା ବଦାକିନାଡ୍, ମାତର୍ ମେନ୍ଦଲ୍ ଲିଡ୍ଲାଡ଼ା ।”

୪୨ ଜିସୁ ମାରିଡେସି ସର୍ହାନ୍ନୋ ପାର୍ତନା କିଜି ଇର୍ହାନ୍, “ଏ ନା ବୁବା, ଜଦି ଇୟା ଦୁଃକ୍ବୋଗ୍ତି ଉଣି ତୁବାଇ ନା ମାଣାନ୍ କୁଡ୍ସଅଡେଙ୍ଗ୍ ଆଟ୍ଠଏର୍ ଆମାସାନ୍ ନାନ୍ ତାନିଙ୍ଗ୍ ଉନ୍ତେଙ୍ଗ୍ ପଡ଼ାନାଡ୍, ଆର୍ଡିଙ୍ଗ୍ ନି ବଦା ପୁରା ଆପିଡ୍ ।”

୪୩ ୱାନ୍ ୱାଜି ମାରିଡେସି ସିସୁରିଙ୍ଗ୍ ସୁସ୍ତି ମାରିକା ସୁଡ୍ତୁନ୍ । ୱାରି କାଣ୍ଡୁ ରେସ ମାନ୍ତେଙ୍ଗ୍ ଆଟ୍ଠଏଜି ମାର୍ହାର୍ ।

୪୪ ଜିସୁ ୱାରିଙ୍ଗ୍ ତ୍ରିସ୍ତି କାଣ୍ଡେକ୍ ଆକ୍ ସୋଲ୍ସି ମୁନ୍ତୁ ଦେବେଙ୍ଗ୍ ବା ଆୟାଝାଜା ପାରାତାନା କିତାନ୍ ।

୪୫ ତାନେଝେନ୍କା ୱାନ୍ ସିସୁରି ଲାକ୍ତୁ ୱାଜି ଇର୍ହାନ୍, “ମିର୍ ଇୟାସାନ୍ ତରିତିଦେର୍ନୋ ରମ୍ଜିନିଦେର୍ ? ସୁଡ୍ତୁ, ମନ୍ୟସ୍ପୁତ୍ର ପାପି ଲୋକା କିୟୁଦୁ ସର୍ପେଆନି ସାକ୍ତିଦି ବେଡ଼ା ୱାତାନି ।

୪୬ ନିଙ୍ଗ୍ଦୁ, ମାଡ୍ ସନାଟ୍; ସୁଡ୍ତୁ, ଏନ୍ ନାଙ୍ଗ୍ ଗାଡ୍ଡୁରି କିୟୁଦୁ ସେରେପ୍ନା ସିନାନ୍, ୱାନ୍ ଲାକ୍ତୁ ୱାତାନ୍ନି ।”

ଜିସୁ ଆସାୟାତାନ

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜୋହନ ୧୮:୩-୧୨)

* ୨୭:୩୨ ମାତ୍ରିକ ୨୮:୧୭.

୪୭ ଜିସୁ ଇୟା ମାଟା ଝେରସିମାନି ବେଡ଼ାଦୁ, ଝାରି ବାରଲୋକ୍ ସିସୁରି ଲୋଇରାନ ଜିହୁଦା ଦର୍ତ୍ତି ସିସୁ ଝାତା ଇତାନ । ଝାନି ଝାଲେ କାଣ୍ଡା ନି ତୁଡୁକ୍‌କଣେକ୍ ଆସସି ଗାଦି ଲୋକ୍ ଆବେନୁ ଉଣ୍ଡାତାର । ଝାରିକ୍ ପେରି ଜାଜକର୍ ନି ଦାମ୍ବୁ ନେତାର ପୋକ୍‌ତାମାହାର ।

୪୮ ସାତୁରି କିୟୁଦୁ ଆସସିସି କିନିସିନି ଜିହୁଦା ଝାରିକ୍ ଉନ୍‌ଡ଼ି ସିନା ସିନି ଉଣ୍ଡିକ୍ ଟିକ୍ କିତାମାହାର, ଝାନ ଝାରିକ୍ ଇରଥା ମାହାର, “ନାନ ଆମାଝାନିକ୍ ନଣ୍ଡନା, ଝାନ ଆୟାକାନ, ଝାନିକ୍ ଆସତୁ ।”

୪୯ ଜିହୁଦା ଆୟାଦାପ୍ରେ ଜିସୁଦି ଲାକ୍‌ତୁ ଝାତାନନୋ, ଏ ଗୁରୁ, ମାଡ଼ିସକିନିକା, ଇକା ଇନ୍‌ଞ୍ଜି ଝାନିକ୍ ନଣ୍ଡିତାନ ।

୫୦ ଜିସୁ ଝାନିକ୍ ଇହାର, “ସକ୍, ନି ପାଣି ବେଗି ଝିସଥା ।”

ତାନେଝେନକା ଝାର ଲାକ୍‌ତୁ ଝାଜି ଜିସୁକ୍ ଆସତାରୋ ତରତାର ।

୫୧ ଜିସୁଦି ତରିଟି ଅରେନ୍ ଲୋକ୍ ନିଜେଦି କାଣ୍ଡା ସପ୍‌ତାନନୋ ଝିଜେରିକ୍‌ପେରି ଜାଜକଦି ସାକର୍‌ଡିକ୍ କାଡ଼ତାନ । ଆୟା ଲୋକ୍‌ତି ଗିତଣି ତେଝିତାଡ଼ ।

୫୨ ଜିସୁ ଝାନିକ୍ ଇହାର, “ନି କାଣ୍ଡାଦିକ୍ ତାନି ବାଡ଼ିଦୁ ଇଡିଆ । ଆମାକାର କାଣ୍ଡା ସୋପ୍‌ନାର କାଣ୍ଡାଦାନ ସାନାର, ଝାର କାଣ୍ଡାଦାନନେ ସାନାର ।

୫୩ ନିନୁ ଇନିକା ନେସକ୍, ନାନ ନା ବୁବେକ୍ ସାକା ଲସ୍‌ତିକ୍, ଝାନ ନା ଉଣ୍ଡିକ୍ ଆୟାଦାପ୍ରେନେ ବାରଗୋଟା ସନ୍‌ୟଦଲ୍‌ତି ବାଦୁଲ୍ ନାଣ୍ଡ ମୁସକ୍‌ପୁରତି ଦୁଡ଼କାକ୍ ପୋକ୍‌ତେକ୍ ଆଟନାନ ?

୫୪ ମାତର ଇୟାଝିକୁ ଗଟାନାଡ଼ ଇଜି ଦାମ୍ବୁସାସ୍ତୁ ଆମାକା ରାସ୍‌ତାମାନାଡ଼, ଆକା ପୁରା ଆନାଡ଼ ଏଣ୍ଡେସ ?”

୫୫ ଜିସୁ ତାନେଝେନକା ଉଣ୍ଡାତିମାରିକ୍ ଆୟା ଲୋକାକ୍ ଇହାର, “ନାନ ଇନିକା ଅରେନ୍ ଉରୁକ୍‌ସିମାନି ତକ୍‌ମ୍‌ରଏନ୍ ଝାଜା କାଣ୍ଡା ନି ତୁଡୁକ୍ ଆସସି ନାକ୍ ଆସ୍‌ତେକ୍ ଝାତିମାନିଦେର୍ ? ନାନ ଝିଜୁଦିନ୍ ମାଦିରତୁ ବାସସି ସିକିୟା ସିଜିମାରଥା, ନାସ୍‌ତିଝାଲେ ମିର୍ ନାକ୍ ଆସ୍‌ଇତିଦେର୍ !

୫୬ ମାତର ବାବବାଦିର୍ ସାସ୍ତୁ ଆମା ଆମାକା ରାସାତାମାନାର, ଆୟାଝିକୁ ପୁରାଆନିଊଣ୍ଡିକ୍ ଇକା ଗଟାତାମାନାଡ଼ ।” ନାସ୍‌ତିଝାଲେ ସିସୁର ଝିଜେରେ ଜିସୁକ୍ ଡିସସି ଉରକ୍‌ସି ସହାର ।

ଜିହୁଦିର ପେରିମିଟିକ୍ ଆଗ୍‌ଡ଼ି ଜିସୁ

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୭୧; ଜୋହନ ୧୮:୧୩-୧୪, ୧୯-୨୪)

୫୭ ଆମାକାର ଜିସୁକ୍ ଆସ୍‌ତାମାହାର, ଝାର ଝାନିକ୍ ଝିଜେରିକ୍‌ପେରି ଜାଜକ କୟାପାରି ଇନ୍‌ଡୁ ଅତାର । ଆୟା ବାଡ଼ିଦୁ ଦାମ୍ବୁଗୁରୁ ନି ଦାମ୍ବୁ ନେତାର ଉନ୍‌ଡ଼େମାନୁ ଆତାମାହାର ।

୫୮ ପିତର କାଣ୍ଡେକ୍ ଆକ ମାନ୍‌ଞ୍ଜି ଜିସୁଦି ଝେନକା ସୋଲ୍‌ସିମାହାର ମାରି ଝାନ ଝିଜେରିକ୍‌ପେରି ଜାଜକ କୟାପାରି ଇଲୁଦି ଦୁଆର ସାଦି ସହାର । ଇୟାଝିକୁ ଗଟନାଦି ଅବସ୍ତା ଇନିକା ଆନାଡ଼, ଆକା ସୁଡ଼ି ଉଣ୍ଡିକ୍ ପିତର ଲୋଇ ସୋହାରନୋ ମାଦିର୍ କାପ୍‌କିନିଝାରି ଝାଲେ ବାସ୍‌ତାନ !

୫୯ ପେରି ଜାଜକର୍ ନି ଜିହୁଦିର ପେରିମିଟିକ୍‌ଡ଼ି ଝିଜେରେ ଜିସୁକ୍ ସାନିଦଣ୍ଡ ସିନିଊଣ୍ଡିକ୍ ଝାନି ବିରଦ୍‌ତାନ ମିସ୍‌ସାକି ପୟ୍‌ଦେକ୍ ତେରେପେଡେଆତାର ।

୬୦ ମାତର ଗାଦି ଲୋକ୍ ଜିସୁଦି ବିରଦ୍‌ତାନ ମିସ୍ ମାଟା ଇହାର । ମାତର ଆୟାଝାଜା ଇନି ପାରାମାଣ୍ ପୟ୍‌ଏତାର । ସାରାସାରିଝେନକା ରିଏର୍ ନିକ୍‌ତାର ।

୬୧ ଝାର ଇହାର, “ଇୟାକାନ ଇରଥା ମାହାର, ନାନ ମାପୁରୁଦି ମାଦିରତିକ୍ ରୁକ୍‌ନାନୋ ମୁନେଟି ଝେନକା ତାନିକ୍ ମାରିଡ଼େସି ତିଆର୍ କିଦେକ୍ ଆଟନା ।”

୬୨ ଝିଜେରିକ୍‌ପେରି ଜାଜକ ନିଲ୍‌ତାନନୋ ଜିସୁକ୍ ଝେନବାତାନ, “ନିନ୍ ଏୟା ଇନିକା ଇନ୍‌ଇଜିନି ? ଇୟା ମାଟାଦିକ୍ ରୁକ୍‌ତେକ୍ ନିନୁ ଇନିକା ଝେରନିକା ମାନାଡ଼ ?”

୬୩ ମାତର ଜିସୁ ଆଲେତାଡେବାତାନ । ଝିଜେରିକ୍‌ପେରି ଜାଜକ ଝାନିକ୍ ଇହାର, “ଜିବନ୍‌ମାନି ମାପୁରୁଦି ଦରତାନ ନାନ ନିକ୍‌ ପାରମାଣ୍ ସିଜି ଝେନବାଜିନା, ସଡ଼ତାନ ଇନ୍‌ଆଁ, ନିନ୍ ଇନିକା ମାପୁରୁଦି ମାରିନ୍ କ୍ରିସ୍ ଅଡ଼ ମସିହ ?”

୬୪ ଜିସୁ ଝାନିକ୍ ଇହାର, “ନିନ୍ ଟିକ୍ ଝେରତିମାନି । ମାତର ନାନ ମିକ୍ ଝିଜେରିକ୍ ଇଜିନା, ମନୁସ୍ୟପୁତ୍ର ଝିଜୁ ସାକ୍‌ମାନିଝାରି ଉଣି ତରିନ୍ ବାସ୍‌ତିମାନିକା ସୁଣି, ମାରି ଝାନିକ୍ ମୁସକ୍‌ପୁରତାନ ମେଗେମାଲାଦି ଝାଲେ ରେତାଜି ଝାନିକା ନିନ୍ ସୁଡ଼ିନି ।”

୬୫ ଇକା ଝେରଥାନନୋ ଝିଜେରିକ୍ ପେରି ଜାଜକ ନିଜେଦି ଆକ୍‌ଦିକ୍ କିସସି ପୋକ୍‌ସି ଇହାର, “ଇକାନ ମାପୁରୁକ୍ ନିନ୍‌କିତାନ । ମାରି ଆଇ ସାକି ଦରକାର ସିଲେ । ଇୟାଦାପ୍ରେନେ ଇୟାଝାନି ମାପୁରୁକ୍ ନିନ୍‌କା ତୋ ମିର୍ ଝେରଇଦେର୍ ।

୬୬ ଇୟା ବିସୟ୍‌ତାନ ମି ବଦା ଇନିକା ?”

☆ ୨୨:୫୫ ଲୁକ ୧୯:୪୭; ୨୧:୩୭.

ଝାର ଇର୍ହାର, “ଝାନ ଦସି, ଝାନ ସାନିଦଣ୍ଡତି ଜଗ ।”
 ୨୭ ତାନେଝେନ୍ନକା ଝାର ଜିସୁଦି ମକମତୁ ପୁସକାଡ଼ାମପୁସସି ଝାନିଙ୍ଗ ତାକତାର; ମାରି ଏନ୍ ଏନ୍ ଝାନିଙ୍ଗ ସାପାଡ଼ା
 ତାକସି ଇର୍ହାର,
 ୨୮ “ଇକାନ କ୍ରିସ୍ତ ! ନିନ୍ ପରା ବାବବାଦି, ମାଙ୍ଗ୍ ଝେରଥା ତୋ, ଏନ୍ ନିଙ୍ଗ୍ ତାକତାନ !”

ପିତର ଜିସୁଙ୍ଗ୍ ନେସ୍‌ଏଜି ଇର୍ହାନ

(ମାର୍କ ୧୪:୨୭-୨୯; ଲୁକ ୨୨:୫୭-୨୯; ଜୋହନ ୧୮:୧୫-୧୮, ୨୫-୨୭)

୨୯ ଝିଜେରିଙ୍ଗ୍‌ପେରି ଜାଜକରି ଆଡ଼ରେରି ଦୁଆରତୁ ପିତର ବାସ୍ତି ମାରିଇଝାଲେ ଅରେଡ଼ ସାକର ଆଇମା ଲାକତୁ
 ଝାଜି ଇର୍ହାର୍, “ନିନ୍ ବା ଗାଲିଲିଦି ଜିସୁଦି ଝାଲେମାରିଇ ।”
 ୩୦ ମାତର ପିତର ଝିଜେରି ଆଗ୍ଡି ଇୟା ମାଟା ନେସ୍‌ଏଜି ଇର୍ହାନ, “ନିନ୍ ଇନିକା ଇଜିନି, ନାନ ନେସ୍‌ଏଜିନା ।”
 ୩୧ ଇକା ଇନ୍‌ଝି ଝାନ ଆୟା ଦୁଆରତି କେରପି ଲାକତୁ ସୋର୍ହାନ । ମାରି ଅରେଡ଼ ସାକର ଆଇମା ଝାନିଙ୍ଗ ସୁଡ଼ୁ
 ଆବେନୁ ମାନି ଲୋକାଙ୍ଗ୍ ଇର୍ହାର୍, “ଇୟାକାନ ନାଜରିୟତିୟ ଜିସୁଦି ଝାଲେ ମାର୍ହାନ ।”
 ୩୨ ପିତର ମାରିଡ଼େସି ନେସ୍‌ଏଜି ଇର୍ହାନ, “ପାରମାଣ୍ କିଜି ଝେରସିନା, ଆୟା ଲୋକ୍ତିଙ୍ଗ୍ ନାନ ନେସେସ ।”
 ୩୩ ଏସ ସମୟ ଝେନ୍ନକା ଆବେନୁ ନିରଈମାରିଇ ଲୋକ୍ତି ପିତରତି ଲାକତୁ ଝାଜି ଇର୍ହାର୍, “ନିନ୍ ସତେନେ ଝାରି
 ଲୋଇରାନ ଅରେନ୍ । ନି ଝାରଗିନିମାଣୁକୁ ଇକା ଜାଣାପଡ଼ାଜିନାଡ଼ ।”
 ୩୪ ପିତର ଇର୍ହାନ, “ପାରମାଣ୍ କିଜି ଝେରସିନା, ନା ମାଟା ସଡ଼ନେ । ଆକା ଆଏଡିଙ୍ଗ୍ ମାପୁରୁ ନାଙ୍ଗ୍ ଦଣ୍ଡ ସିପିନ୍ ।
 ଆୟା ଲୋକ୍ତିଙ୍ଗ୍ ନାନ ନେସେସ ।”
 ଆୟାଦାପ୍ରେନେ କରୁ କେଡ଼ିତାଡ଼ ।
 ୩୫ ମାରି ଜିସୁ ଇନିକା ଇରଥା ମାର୍ହାନ, “ପିତର ମନ୍ତୁ ଏଡ଼କିତାନ କରୁ କେଡ଼େନି ଆଗ୍ଡିନେ ନାଙ୍ଗ୍ ନେସେସ
 ଇଜି ନିନ୍ ମୁନ୍‌ଡ଼ି ଦେବେଙ୍ଗ୍ ଇନି ।” ଝାନ ଆତେରେ ସର୍ହାନନୋ ନାଣ୍ଡବରକୁସି ଆଡ଼ବାତାନ ।

୨୭

ପିଲାଡ଼ତି ଆଗ୍ଡି ଜିସୁ

(ମାର୍କ ୧୫:୧; ଲୁକ ୨୩:୧-୨; ଜୋହନ ୧୮:୨୮-୩୨)

୧ ମାରୁନାଣ୍ଡିଙ୍ଗ୍ ସାଲ୍‌ଦିନେ ଜିସୁଙ୍ଗ୍ ତାକତେଙ୍ଗ୍ ଝିଜେରେ ପେରି ଜାଜକର ମାରି ଦାମ୍ ନେତାର ରାଜି ଆତାର ।
 ୨ ଝାର ଝାନିଙ୍ଗ୍ ସିକିଣିଦାନତରସି ରୋମିୟ ସାସନ୍ତି ପେରିନେତା ପିଲାଡ଼ତି ଲାକତୁ ଅତାର ।

ଜିହୁଦାଦି ସାନିକା

(ପ୍ରେରିତ ୧:୧୮-୧୯)

୩ ☆ଏସ୍ତ୍ରାଝାଲେ ସାତୁରି କିୟୁଦୁ ସରପେକିତିସିତି ଜିହୁଦା ଝେରଥାନ ଜେ, ଜିସୁଙ୍ଗ୍ ସାନିଦଣ୍ଡ ଆତାମାନାନ, ଝାନ
 ଏଡ଼କିତାନ ମାରି ପେରି ଜାଜକ ମାରି ଦାମ୍ ନେତାରିଙ୍ଗ୍ ଆୟା ତିରିସ୍‌ଗୋଟା ଝେଣ୍ଡିଅଦ୍‌ଲିଙ୍ଗ୍ ଡ଼େସି ସିତାନନୋ ଇର୍ହାନ,
 ୪ “ଅରେନ୍ ଦସ୍‌କିଇ ଲୋକ୍ତି ଉଣ୍ଡିଙ୍ଗ୍ ମି କିୟୁଦୁଆସ୍‌ସି କିତାସିତାନୋ ନାନ ପାପ୍ କିତାମାନା ।”
 ଜିହୁଦି ନେତାର ଇର୍ହାର୍, “ଆବେନୁ ମାଦି ଇନିକା ମାନାଡ଼ ? ଆକା ନି ନିଜେଦି ମାଟା ।”
 ୫ ଜିହୁଦା ଅଦ୍‌ଲିଆଙ୍ଗ୍ ମନ୍ଦିର ଲୋଇ ପୋକ୍‌ତାସିତା ସୋର୍ହାନ । ଝେନ୍ନକା ଝାନ କକ୍‌ଲାଦୁ ଉରି ଆସାତାନନୋ
 ସାତାନ ।
 ୬ ପେରି ଜାଜକର ଆୟା ଝେଣ୍ଡିଅଦ୍‌ଲିଆଙ୍ଗ୍ ଉଣ୍ଡା କିଜି ଇର୍ହାନ, “ଇକା ନେତେରଡ଼ି ଦାରା ତାରୁଙ୍ଗ୍ । ଇକା ମନ୍ଦିରତି
 ପେଡ଼ାଦୁ ଇଡ଼ନି ନିୟମତି ବିରଦ୍ ପାଣି ।”
 ୭ ଆୟା ତାରୁଆଙ୍ଗ୍ ଏଣ୍ଡେସ୍ ସାଲା କିନାର, ଇୟା ବିସୟତାନ ଉନ୍‌ଡ଼ି ରାଜି ଆଜି କୁମାର ବୁମି ଦରଡ଼ି କାଣ୍ଡେକ୍ ବୁମି
 କଟାର । ଇକା ଆଇଦେସ୍‌ଡ଼ିଝାରି ମୁସ୍‌ନି ବାଡ଼ି ଝାଜା ଆତାଡ଼ ।
 ୮ ନେର୍ ସାଦି ଆୟା ବୁମିଦିଙ୍ଗ୍ “ନେତେର ବୁମି” ଇଜି ଆଜିନାର ।
 ୯ ଇୟାଝାଜା ଜିରିମିୟ ବାବବାଦି ଝେରଡ଼ିମାନି, “ବାବବାଣି ପୁରା ଆତାଡ଼ ଆକାବା ତିରିସ୍ ଟାକେଣାନ ପରନି ଉଣ୍ଡିଙ୍ଗ୍
 ଇସ୍‌ଏଲ୍‌ତି କଡ଼ର ରାଜି ଆତା ମାର୍ହାର୍, ଆକା ଅତାର,
 ୧୦ ଆୟା ତିରିସ୍ ଗୋଟା ଝେଣ୍ଡିଅଦ୍‌ଲିଙ୍ଗ୍ ଝାର ତାସି, ମାରି ଝାର କୁମାର କିଡ଼ିଇ କଟାର ଇକା କିନି ଉଣ୍ଡିଙ୍ଗ୍ ନାଙ୍ଗ୍
 ପ୍ରୁ ଆଦେସ୍ ସିତାମାର୍ହାନ ।”

☆ ୨୭:୩ ପ୍ରେରିତ ୧:୧୮, ୧୯.

ପିଲାଟ ଜିସୁଙ୍କୁ ଝେନ୍‌ବାତାନ୍

(ମାର୍କ ୧୫:୨-୫; ଲୁକ ୨୩:୩-୫; ଜୋହନ ୧୮:୩୩-୩୮)

୧୧ ଜିସୁଙ୍କୁ ଆଗୁଡ଼ି ସୁଡ଼ୁ ରୋମିୟ ଅଦିକାରି ପିଲାଟ ଝେନ୍‌ବାତାନ୍, “ନିନ୍ ଇନିକା ଜିହୁଦିରି ରାଜା ?”

ଜିସୁ ଖାନିଙ୍କ ଇର୍ହାନ୍, “ନିନ୍ ଆକା ଇଜିନି ।”

୧୨ ମାତର ପେରି ଜାଜକର ମାରି ଦାମ୍ନୁ ନେତାରି ଖାନି ବିରଦତାନ୍ ଏମେ ଦସ୍‌ମାଟା ତାତାମାହାର୍, ଆବେଣି ପଦେକବା ମାଟା ଇନ୍‌ଏତାନ୍ ।

୧୩ ଆଦେଙ୍କ ପିଲାଟ ଖାନିଙ୍କ ଇର୍ହାନ୍, “ନି ବିରଦତାନ୍ ଖାରି ଦସ୍‌ମାଟା ଖିନ୍ନୁ ନିନ୍ ଇନିକା ଝେନ୍‌ତ୍ରେଙ୍କ ଆଟ୍‌ଇଜିନି ?”

୧୪ ମାତର ଜିସୁ ଉତରଦାନ୍ ପଦେକ ବା ଇନ୍‌ଇତିଙ୍କ ପିଲାଟ ନାଣ୍ଟ କାବାତାନ୍ ।

ଜିସୁଙ୍କୁ ସାନି ଦଣ୍ଡ ସିଆଇଆନାଟ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜୋହନ ୧୮:୩୯; ୧୯:୧୬)

୧୫ ନିସ୍ତାର ପଣ୍ଡୟତି ବେଡାଦୁ ଖିନ୍ନୁଲୋକା ବଦାଦାନ୍ ରୋମିୟ ଅଦିକାରି ଜେ ଅରେନ୍‌ଖାନିଙ୍କ ଜଇଲ୍‌ତାନ୍ ଡିସ୍‌ନିସିନି ନିତିନିୟମ୍ ମାହାର୍ ।

୧୬ ନାସ୍ତିଖାଲେ ବାରବବା ଜିସୁ ଦର୍ତ୍ତି ଅରେନ୍‌ ଝେଙ୍କିତିକାନ୍ ଜଇଲ୍‌ତୁ ମାହାନ୍ ।*

୧୭ ଉଣ୍ଡାତିମାରିଇ ଖିନ୍ନୁ ଲୋକାଙ୍କ ପିଲାଟ ଝେନ୍‌ବାତାନ୍, ନାନ୍ ଏଙ୍କ ଡିସ୍‌ନା ସିନା ଇଜି ମି ବଦା ? “ବାରବବାଦିଙ୍କ ନୋ ଜିସୁ ଆମାଖାନିଙ୍କ କ୍ରିସ୍ତ ଇଜି ଇନାର୍ ?”

୧୮ ପିଲାଟ ନେଗେନ୍‌ତାନ୍ ନେସେତା ମାହାନ୍ ଜେ ଜିହୁଦି ନେତାର୍ ଗିଦ୍‌ରିଆଜି ଜିସୁଙ୍କୁ ଖାନି କିୟୁଦୁ ସର୍ପେ କିତାମାନାର୍ ।

୧୯ ପିଲାଟ ବିଚାରକିନି ବାଡ଼ିଦୁ ବାସ୍ତିମାରିଇ ଖାଲେ ଖାନି ଆଡ଼ସି ଉନ୍‌ଡ଼ି କାରୁର୍ ପୋକ୍‌ତାଟ୍ “ଆୟା ଦସ୍‌କିଇ ଲୋକ୍‌ତିଙ୍କ ଇନିକା କିମାଟ୍ । ଇଏନ୍ ମିଲି ଉନ୍‌ଡ଼ି ଲବେରୁ ଖାନି ଉଣ୍ଡିଙ୍କ ନାନ୍ ନାଣ୍ଟ ଦୁଃକ୍ ଏଡକିତାମାନା ।”

୨୦ ପେରି ଜାଜକର ମାରି ଦାମ୍ନୁ ନେତାର୍ ବାରବବାଦିଙ୍କ ଡିସ୍‌ସି କିଜସିଜି, ଜିସୁଙ୍କୁ ସାନିଦଣ୍ଡ ସିନି ଉଣ୍ଡିଙ୍କ ପିଲାଟ ଲାକ୍‌ତୁ ଦାବି କିଦେଙ୍କ ଲୋକାଙ୍କ ଏଗ୍ରିସକିତାର୍ ।

୨୧ ପିଲାଟ ମାରି ଲୋକାଙ୍କ ଝେନ୍‌ବାତାନ୍, “ଇୟା ରିଏରି ମାଣ୍ଟକୁ ନାନ୍ ଏଙ୍କ ଡିସ୍‌ନାସିନା ଇଜି ମି ବଦା ?”

ଖାର୍ ଇର୍ହାର୍, “ବାରବବାଦିଙ୍କ !”

୨୨ ପିଲାଟ ଖାରିଙ୍କ ଝେନ୍‌ବାତାନ୍, “ଆର୍‌ତିଙ୍କ କ୍ରିସ୍ତ ଦର୍‌ତାନ୍ ଝେଙ୍କିତି ଜିସୁଙ୍କୁ ଇନିକା କିନା ?”

“ଖାନିଙ୍କ କ୍ରିସ୍ତ ଏକିସକିଦୁ” ଇଜି ଖାର୍ ଖିଜେରେ ଆଉଲି ଆତାର୍ ।

୨୩ ପିଲାଟ ଝେନ୍‌ବାତାନ୍, “ମାତର ଖାନ୍ ଇନି ଦସ୍ କିତାମାନାନ୍ ?”

ଖାର୍ ମାରି ନାଣ୍ଟ ଆଉଲି ଆଜି ଇନ୍‌ତ୍ରେଙ୍କ ଆସ୍‌ତାର୍, “ଖାନିଙ୍କ କ୍ରିସ୍ତ ଏକିସକିଦୁ ।”

୨୪ ପିଲାଟ ଏସ୍ତିଖାଲେ ସୁଡ଼ୁତାନ୍ ଜେ ଖାରିଙ୍କ ମାରି ଝେର୍‌ସ ଇନି ଲାବ୍ ସିଲେ, ମାରି ଜାଟିଜଗଡ଼ା ଆଜିନାର୍, ନାସ୍ତିଖାଲେ ଖାନ୍ ଉବୁଡ଼ି ଏରୁ ତାତାନ୍‌ନୋ ଲୋକା ଆଗୁଡ଼ିନେ କିୟୁ ନରବାତାନ୍‌ନୋ ଇର୍ହାନ୍, “ଇୟା ଲୋକ୍‌ତି ସାନି ଉଣ୍ଡିଙ୍କ ନାନ୍ ଦସ୍ ସିଲେ । ଇକା ମି ପାଣି ।”

୨୫ ଖିନ୍ନୁ ଲୋକା ଇର୍ହାର୍, “ଜିସୁଦି ସାନି ଦସ୍ ମାଙ୍କି ନି ମା କଡ଼ରି ମୁସ୍‌କୁ ରାପିଟ୍ ।”

୨୬ ସାରାସାରିଝେନ୍‌କା ପିଲାଟ ବାରବବାଦିଙ୍କ ଡିସ୍‌ସି ସିଜି ଜିସୁଙ୍କୁ କର୍‌ତାଦାନ୍ ତାକ୍‌ତେଙ୍କ ଆଦେସ୍ ସିତାନ୍, ତାନେଝେନ୍‌କା କ୍ରିସ୍ତ ଏକିସ୍‌ତେଙ୍କ ଇଜି ସନ୍‌ସି କିୟୁଦୁ ସର୍ପେ କିତାନ୍ ।

ସନ୍‌ସର୍ ଜିସୁଙ୍କୁ ସେମାର୍‌କିତାର୍

(ମାର୍କ ୧୫:୧୬-୨୦; ଜୋହନ ୧୯:୨-୩)

୨୭ ପିଲାଟି ସନ୍‌ସର୍ ଜିସୁଙ୍କୁ ରୋମିୟ ସାସକଦି ମେଡ଼୍‌ଇଲୁଦୁ ଅତାର୍ ମାରି ଖିଜେରେ ସନ୍‌ସର୍ ଖାନିଙ୍କ କେର୍‌ପିସି ନିର୍‌ଆର୍ ।

୨୮ ଖାର୍ ଖାନି ଆଙ୍କି କୁଡ଼ତାଅତାର ଖାନିଙ୍କ ଉନ୍‌ଡ଼ି ଲାଲ୍ ରଙ୍ଗତି ଆଙ୍କି ଆରିସକିତାର୍ ।

୨୯ ସାମ୍ ମାରାତି କମାଦାନ୍ ଉନ୍‌ଡ଼ି ଟପି ତିଆର୍ କିଜି ଖାନି ତାଲା ମୁସ୍‌କୁ ଆରିସକିତାର୍ ମାରି ଖାନି ଉଣିକିୟୁଦୁ ଉନ୍‌ଡ଼ି ନାଡ଼ା ଆସ୍‌ପିସକିତାର୍ । ତାନେଝେନ୍‌କା ଖାନି ଆଗୁଡ଼ି ମେଣ୍ଡେଙ୍କ ଗଟ୍‌କିଜି, “ଏ ଜିହୁଦିରି ରାଜା, ମାଡ଼ିସକିନିକା, ଇକା ଇନ୍‌ଞ୍ଜି ଖାନିଙ୍କ ସେମାର୍ କିତାର୍ ।”

୩୦ ଖାର୍ ଖାନି ମୁସ୍‌କୁ ପୁସ୍‌ତାର୍, ଆୟା ନାଡ଼ା ଅସି ଖାନି ତାଲାଦୁ ତାକ୍‌ତାର୍ ।

* ୨୭:୧୬ ଏସ ପାଡ଼ିଇ ରାସାତିମାନ୍ ଜିସୁ ବାରବବା ଇଜିମାନାଟ୍ ।

୩୧ ମାରି, ଖାର ଖାନିଙ୍କ ସେମାର କିତ୍ତେନକା ଆୟା ରାଜାରି ଆଙ୍ଗ କୁଡ଼ସିଅସି ଖାନି ନିଜେଦି ଆଙ୍ଗ ଆରିସକିତାର ମାରି ଖାନିଙ୍କ କୁସକାରତୁ ଏକିସକିଦେଙ୍ଗ ଅତାର ।

ଜିସୁକୁ କୁସକାରତୁ ତାକତାର

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜୋହନ ୧୯:୧୭-୨୭)

୩୨ ଖାର ଗାଡ଼ତାନ ସନିଖାଲେ ସାରିଦୁ କୁରିଣି ଗାଡ଼ଦି ସିମୋନ ଦରତି ଅରେନ ଲୋକତିଙ୍ଗ ବେଟଆତାର ମାରି ସନ୍ୟର ଖାନିଙ୍କ ଜିସୁଦି କୁସକାର ପିଣ୍ଡଦେଙ୍ଗ ଇଜି ଜାସାପେଲାଇକିତାର ।

୩୩ ଖାର ଗଲଗଥା ଦରତି ଉନ୍ତ୍ର ବାଡ଼ିଦୁ ଇତାର । “ଗଲଗଥାଦି ଅର୍ତ୍ତ କାପାଲ ନାନି ବାଡ଼ି ।”

୩୪ ଆବେନୁ ଖାର ଜିସୁକୁ କେଇନିକା ମିସାତି ଅଙ୍ଗୁରରସ ଉନ୍ତ୍ରେଙ୍ଗ ସିତାର । ଜିସୁ ତାନେଙ୍ଗ କାଣ୍ଡେକ୍ ଖେଡ଼ଜି ମାରି ଉଣୁଏତାନ ।

୩୫ ଖାର ଜିସୁକୁ କୁସକାରତୁ ଏକିସକିଜି ମାରି ଖାନି ଆଙ୍ଗ ଖିଜୁ କୁଡ଼କୁଡ଼ିଦାନ ନିଜେନିଜେଦି ଲୋଇ ବାଗ୍ କିଜି ଅତାର ।

୩୬ ତାନେଖେନକା ଖାର ଆବେନୁ ବାସସି କୁସକାରତୁ ଏକିସକିଜି ଜିସୁକୁ କାପକିଜି ତେବାତାର ।

୩୭ ଖାନି ବିରଦତାନ ଆତିମାନି ମାଗା ଉନ୍ତ୍ର ରାସାତିମାନି ପାଗା ଖାନି ତାଲାଦି କୁସ ମୁସକୁ ଡତା ଡିସତାମାର୍ହାର “ଇୟାକାନ ଜିସୁ, ଜିହୁଦିରି ରାଜା ।”

୩୮ ତାନେଖେନକା ଖାର ରିଏର ତଙ୍ଗିରିଙ୍ଗ ଆବେନୁ କୁସକାରତୁ ଏକିସକିତାର, ଅରେନଖାନିଙ୍ଗ ଉଣି ତରିନ୍ ମାରି ଆଇଖାନିଙ୍ଗ ଖାନି ତେବିରି ତରିନ୍ ।

୩୯ ଆୟା ସାରିଦାନ ସୋଲସିମାନି ଲୋକୁ ତାଲା ଦୁକସି ଜିସୁକୁ ନିୟା କିଜି ଇର୍ହାର ।

୪୦ “ନିନୁ ମନ୍ଦିରତିଙ୍ଗ ରୁକୁନିନୋ ମୁନେଟି ଖେନକା ମାରି ତାନିଙ୍ଗ ତିଆରକିଜିମାରିଇ । ନିନୁ ଜଦି ମାପୁରୁଦି ମାରିନ୍, ନିଜେଦିଙ୍ଗ ରକିୟା କିଆ । କୁସକାରତାନ ରେତାଜ ରାଆ ।”

୪୧ ପେରି ଜାଜକର, ଦାମ୍ବୁଗୁରୁ ମାରି ଦାମ୍ବୁ ନେତାର ବା ଜିସୁକୁ ସେମାରକିଜି ଇର୍ହାର,

୪୨ “ଖାନ ଆଇଖାରିଙ୍ଗ ରକିୟାକିଜିମାର୍ହାନ, ମାତର ନିଜେଦିଙ୍ଗ ରକିୟା କିଦେଙ୍ଗ ଆଟଏଜିନାନ । ଖାନ ପରା ଇସ୍ରାଏଲତି ରାଜା, ଖାନ ଇୟାଦାପ୍ରେ କୁସଦାନ ରେତାଜରାପିନ୍, ମାପ୍ ଖାନିମାନୁ ବିସବାସକିନାପ ।

୪୩ ଖାନ ନିଜେଦିଙ୍ଗ ମାପୁରୁଦି ମାରିନ୍ ଇନ୍ତ୍ର ମାପୁରୁଦି ମୁସକୁ ଆସାଇଟତାମାନାନ । ଆରତିଙ୍ଗ ସୁଡ଼ନାଟ, ମାପୁରୁ ଇଲେଇ ଖାନିଙ୍ଗ ଜିପିସ କିଦେଙ୍ଗ ବଦାକିଜିନାନ ନୋ ସିଲେ ।”

୪୪ ଖାନି ଖାଲେ କୁସକାରତୁ ତାକାଅତିମାନି ତଙ୍ଗିରଉଁ ବା ଖାନିଙ୍ଗ ଆୟାଖାଜା ସେମାର କିତାର ।

ଜିସୁଦି ସାନିକା

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜୋହନ ୧୯:୨୮-୩୦)

୪୫ ଆୟା ନାଣ୍ଡିଙ୍ଗ ବାର ଗନ୍ତା ସମୟତୁ ପୂତିବି ଖିଜୁ ସିକାଟି ଆତାଡ଼ ମାରି ଆକା ମୁନ୍ତ୍ର ଗଟନା ସାନ୍ଦି ତେବାତାଡ଼ ।

୪୬ ଖେଡ଼ାରେସିମାରଇ ତିନଟାବେଡ଼ାଦୁ ଜିସୁ ନାଣ୍ଡିଆଉଲିଆଜି ଇର୍ହାନ, “ଏଲି, ଏଲି, ଲାମା ସବକତାନି ?” ଅର୍ତାଡ଼, “ଏ ନା ମାପୁରୁ, ଏ ନା ମାପୁରୁ, ନିନୁ ନାଙ୍ଗ ଏନ୍ଦା ଡିସତି ?”

୪୭ ଲାକ୍ତୁ ନିରଇମାରିଇ ଏସଲୋକ୍ ଇକା ଖେନିଙ୍ଗ ଇର୍ହାର, “ଖାନ ଏଲିୟଙ୍ଗ କୁକସିନାନ ।”

୪୮ ଅରେନ ଲୋକୁ ଉରୁକସି ସୋଲସି କେଇନିକା ମିସାତି ଅଙ୍ଗୁରରସତୁ ଉନ୍ତ୍ର ଲୁବଲୁବାପାଗା ମୁଡୁକସି ତାନିଙ୍ଗ ନାଡ଼ାଦି ଟିପୁଡୁ ତରସି ଜିସୁକୁ ଉଣ୍ଡେଙ୍ଗ ପେରତା ସିତାନ ।

୪୯ ମାତର ଆଇକାର ଇର୍ହାର, “କାପକିଦୁ, ସୁଡ଼ନାଟ, ଖାନିଙ୍ଗ ରକିୟା କିଦେଙ୍ଗ ଏଲିୟ ଖାଜିନାନ ନୋ ସିଲେ ।”

୫୦ ଜିସୁ ମାରିଉନ୍ତ୍ର ଦେବେଙ୍ଗ ପେରିଖେୟୁଦାନ ଆଉଲି ଆଜି ସାରାସାରି ଖାନି ଜିବନ୍ ଡିସତାନ ।

୫୧ ଆୟା ବେଡ଼ାଦୁ ମନ୍ଦିରତୁ ଦୁକୁଜିମାନି ପାରଦା ମୁସକୁରାନ ଆଡ଼ଗି ସାନ୍ଦି ରୁଣ୍ଡି ମକେଙ୍ଗ ଆଜି କିଜିତାଡ଼ । ବୁମିକମ୍ପ ଆତାଡ଼, ପିଡ଼ିପିଙ୍ଗିଜୁ ପାତିତେସରଏ

୫୨ ମାରି ଏସ ମୁସତିଗୁଟେଙ୍ଗ ରେଆୟଆତେ, ମାରି ଗାଦି ମାପୁରୁଦି ସାତି ଲୋକୁ ମେନ୍ଦଲତାନ ମାରିଡ଼େସିଜିବନ୍ ଆତାର ।

୫୩ ଇୟାକାର ମୁସତିଗୁଟେଣକୁ ନିଙ୍ଗି ଖାତାର ମାରି ଜିସୁଦି ମାରିଡ଼େସିନିଙ୍ଗିନି ଖେନକା ଇୟାଖାରିଙ୍ଗ ପବିତ୍ର ଗାଡ଼ ଜିରୁସାଲମତୁ ସନିକା ଗାଦିଲୋକ୍ ସୁଡ଼ତୁର ।

୫୪ ଜିସୁକୁ କାପକିଦେଙ୍ଗ ତେବାତିମାନି ସେନାପତି ମାରି ସନ୍ୟର ବୁମିକମ୍ପ ନି ଆଇଆଇ ଗଟନେଙ୍ଗ ସୁଡ଼କୁ ତିଲାତା ସର୍ହାର, ଖାର ଇର୍ହାର, “ସଡ଼ନେ, ଇୟାକାନ ମାପୁରୁଦି ମାରିନ୍ ମାର୍ହାନ ।”

☆ ୨୭:୪୦ ମାତୃତ ୨୭:୨୧; ଜୋହନ ୨:୧୯.

୫୫ ☆ଗାଲିଲିଦାନ ଜିସୁଦି ଝେନ୍‌କାଞ୍ଜାଜି, ଝାନିଙ୍ଗ୍ ସେବା କିତିମାନି ଗାଦି ଆଇମେକ୍ ଆକରାନ୍ ମାନ୍‌ଞ୍ଜି ଝିଜୁ ସୁଡ଼ୁକ୍ତି ମାରେଏ ।

୫୬ ଇୟାଝାନିକା ମାଣ୍ଡକୁ ମାର୍‌ଏ ମଗ୍‌ଦଲିନି ମରିୟମ୍, ଜାକୁବ୍ ନି ଜୋସେପ୍‌କା ଆଇସି ମରିୟମ୍ ମାରି ଜେବଦିଦି ଆଡ଼ସି ।

ଜିସୁଙ୍କୁଁ ମୁସ୍‌ତାର୍

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜୋହନ ୧୯:୩୮-୪୨)

୫୭ ମିଲିମିଲିକା ବେଡ଼ାଦୁ ହାରାମାତିୟା ଗାଡ଼ଡ଼ି ଜୋସେପ୍ ଦରୁତି ଅରେନ୍ ମାଜନ୍ ଲୋକୁ ଝାତା ଇତାନ୍ । ଝାନ ଜିସୁଦି ଅରେନ୍ ସିସୁ ମାର୍‌ହାନ୍ ।

୫୮ ଝାନ ପିଲାଡ଼ଡ଼ିଙ୍ଗ୍ ଡରାଆୟାଆତାନ୍‌ନୋ ଜିସୁଦି ମେନ୍‌ଲୁଡ଼ିଙ୍ଗ୍ ଅଡେଙ୍ଗ୍ ଇଜି ଅନୁମତି ଲସ୍‌ତାନ୍ । ଆରୁଡ଼ିଙ୍ଗ୍ ପିଲାଡ଼ ଜିସୁଦି ମେନ୍‌ଲୁଡ଼ିଙ୍ଗ୍ ଅଡେଙ୍ଗ୍ ଆଦେସ୍ ସିତାନ୍ ।

୫୯ ଜୋସେପ୍ ଜିସୁଦି ମେନ୍‌ଲୁଡ଼ିଙ୍ଗ୍ ଅତାନ୍‌ନୋ ଉନ୍‌ଡ଼ି ନେଗି ଝାଡ଼ିଦୁ ତେରେପ୍‌ତାନ୍ ମାରି

୬୦ ଝାନି ନିଜେଦି ଉଣ୍ଡିଙ୍ଗ୍ କାଲୁଦୁ କାରିତି ମାରିଇ ଉନ୍‌ଡ଼ି ପୁନି ମୁସ୍‌ନିବାଡ଼ିଦୁ ଝାନିଙ୍ଗ୍ ଇଟ୍‌ତାନ୍ ମାରି ଗୁଟାଦିମକମ୍‌ତୁ ଉନ୍‌ଡ଼ି ପେରି କାଲୁ କେରେପ୍‌ତା ସର୍‌ହାନ୍ ।

୬୧ ମଗ୍‌ଦଲିନି ମରିୟମ୍ ନି ଆଇ ମରିୟମ୍ ଆୟାବାନ୍ ଗୁଟାଦିଙ୍ଗ୍ ମକମ୍‌କିଜି ବାସ୍‌ତେ ମାର୍‌ଏ ।

ଗୁଟାଦିଙ୍ଗ୍ କାପ୍‌କିନିକାର୍

୬୨ ଆୟା ମାର୍‌ନାଣ୍ଡିଙ୍ଗ୍ ଅର୍ଡାଡ଼ ରମ୍‌ନିନାଣ୍ଡିଙ୍ଗ୍ ପେରି ଜାଜକର୍ ନି ପାରୁସିର୍ ପିଲାଡ଼ଡ଼ିଙ୍ଗ୍ ବେଟ୍‌ଆତାର୍‌ନୋ ଇର୍‌ହାର୍,

୬୩ “ଆଞ୍ଜା, ମାଙ୍ଗ୍ ମନ୍‌ଡୁମାନାଡ଼, ଆୟା ମିଟ୍‌ଝେରୁନିକାନ୍ ଜିବନ୍‌ମାରୁଇ ଝାଲେ ଇର୍‌ଆ ମାର୍‌ହାନ୍, ‘ମୁନେଟି ଝେନ୍‌କା ନାନ୍ ନିଙ୍ଗ୍ ନା ।’

୬୪ ଆଦେଙ୍ଗ୍ ମୁନେନ୍ ସାନ୍ଦି ଆୟା ମୁସ୍‌ତିଗୁଟାଦିଙ୍ଗ୍ କାପ୍‌କିଜି ମାନ୍‌ଡ୍ରେଙ୍ଗ୍ କାପ୍‌କିନିଝାରିଙ୍ଗ୍ ଆଦେସ୍ ସିପିନ୍, ଆରୁଡ଼ିଙ୍ଗ୍ ଝାନି ସିସୁର୍ ଝାନି ମେନ୍‌ଲୁଡ଼ିଙ୍ଗ୍ ଡଙ୍ଗ୍‌କିଜି ଅସ, ଝାନ ଜିବନ୍‌ଆଜି ନିଙ୍ଗ୍ ତାମାନାନ୍ ଇଜି ଇନ୍‌ଡ୍ରେଙ୍ଗ୍ ଆର୍‌ଏର୍ । ଝାରି ଇୟା ମିସ୍ ମାଟା ଝିଜୁମାଣ୍ଡକୁ ନାଣ୍ଡ ତାଗ୍‌ଇକା ଆନାଡ଼ ।”

୬୫ ପିଲାଡ଼ ଝାରିଙ୍ଗ୍ ଇର୍‌ହାନ୍, “ଦଲ୍ କାପ୍‌କିନିଝାରିଙ୍ଗ୍ ଅଡୁ ମାରି ଆୟା ମୁସ୍‌ତିଗୁଟାଦିଙ୍ଗ୍ ବେଗି ସୁରକ୍ଷା କିଦୁ ।”

୬୬ ଝାର୍ ସର୍‌ହାର୍‌ନୋ ଗୁଟାଦିଙ୍ଗ୍ ସୁରକ୍ଷା କିନି ଉଣ୍ଡିଙ୍ଗ୍ ତିଆରକିତାର୍ । ଆୟା ମକମ୍‌ତିଙ୍ଗ୍ କେରେପ୍‌ସି ଇଟ୍‌ତିମାନି କାଲୁ ମୁସ୍‌କୁ ଟାଆପ୍ ବାସାକିଜି କାପ୍‌କିନି ଉଣ୍ଡିଙ୍ଗ୍ କାପ୍‌କିନିଝାରିଙ୍ଗ୍ ଇଟ୍‌ତାର୍ ।

୨୮

ଜିସୁଦି ଡେସି ନିଙ୍ଗ୍ କା

(ମାର୍କ ୧୬:୧-୧୦; ଲୁକ ୨୪:୧-୧୨; ଜୋହନ ୨୦:୧-୧୦)

୧ ରମ୍‌ନିଦିନ୍ ଝିଜିତି ଝେନ୍‌କା ଆଦିଝାର୍ ସାଲ୍‌ଦି ମଗ୍‌ଦଲିନି ମରିୟମ୍ ମାରି ଆଇ ମରିୟମ୍ ଦୁକିଦୁ ସୁଡ଼ୁଦେଙ୍ଗ୍ ସର୍‌ହେ ।

୨ ନାସ୍ତିଝାଲେ ଆୟାଦାପ୍ରେନେ ଉଣ୍ଡି ପେରି ବୁନି ତିରିଗ୍‌ନାଡ଼ ଆତାଡ଼ । ପ୍ରବୁଦି ଅରେଡ଼ ଦୁଡ଼ ମୁସ୍‌କୁରାନ୍ ରେତାଜି ଝାଜି ଦୁକିଦି ମକମି ମାରୁଇ କାଲୁଦିଙ୍ଗ୍ ଗୁସା କିଜି ତାନି ମୁସ୍‌କୁ ବାସ୍‌ତାଡ଼ ।

୩ ତାନି ରୁପ୍ ଜାୟତି ଝାଜା ମାରି ତାନି ଆଙ୍ଗ୍ ଆଣ୍ଡା ଝାଜା ଅଡ଼ିନିକା ମାର୍‌ହାଡ଼ ।

୪ ଝାନିଙ୍ଗ୍ ସୁଡ଼ୁଜି କାପ୍‌କିନିକାର୍ ତିଲାଜି ତିର୍‌ଗିତାର୍ ମାରି ସାତି ମାଡ଼ାଦି ଝାଜା ଆତା ସର୍‌ହାର୍ ।

୫ ଦୁଡ଼ ଆୟା ଆଇମେକାଙ୍ଗ୍ ଇର୍‌ହାଡ଼, “ତିଲାମାଟ୍ ।” ନାନ୍ ନେସ୍‌ନା, ମିର୍ କୁସ୍‌ଦୁ ଡାକାଇଆଡ଼ି ଜିସୁଙ୍କୁଁ ସୁଡ଼ୁଦେଙ୍ଗ୍ ଝାଡ଼ିମାନିଦେର୍ ।

୬ ଝାନ ଇବେ ସିଲେନ୍, ଝାନ ଏଣ୍ଡେସ୍ ଇର୍‌ହାମାର୍‌ହାନ୍, ଆୟାଝାଜା ନିଙ୍ଗ୍ ତାମାନାନ୍ । ରାଦୁ, ଝାନି ସାଡ଼ିମାଡ଼ା ଏମେମାନ୍ ଇଟ୍‌ତାମାର୍‌ହାନ୍, ଆୟା ବାଡ଼ି ସୁଡ଼ୁଦୁ ।

୭ ଦାପ୍ରେ ସଲ୍‌ସି ଝାନି ସିସୁରିଙ୍ଗ୍ ଇନ୍‌ଡୁ, ଝାନ ସାଡ଼ିମାଣାନ୍ ଡେସି ନିଙ୍ଗ୍ ତାମାନାନ୍ ମାରି ମି ଆଗ୍‌ଡ଼ି ଆଗ୍‌ଡ଼ି ଝାନ ଗାଲିଲିଦୁ ସଲ୍‌ସିନାନ୍ । ଆବେ ମିର୍ ଝାନିଙ୍ଗ୍ ସୁଣିଦେର୍ । ନାନ୍ ଆମାକା ଇର୍‌ଆ, ମୋନ୍‌ଡୁ ଇଡ଼ୁଦୁ ।

୮ ଇବେଟ୍ ଝାକ୍ ତିଲାଜି ନି ନାଣ୍ଡ ଝେଡ଼ିକାଦାନ୍ ଦୁକିଦାନ୍ ଦାପ୍ରେ ଡେସି ସଲ୍‌ସି ଝାନି ସିସୁରିଙ୍ଗ୍ କାରୁର୍ ସିଦେଙ୍ଗ୍‌ଇଜି ଉର୍‌କୁଡେ ।

୯ ଦାପ୍ରେ ଜିସୁ ଝାରିଙ୍ଗ୍ ବେଟ୍‌ରୁଡ଼ାଜି ଇର୍‌ହାନ୍, “ମି ସାଡ଼ିଆପିଡ଼ ।” ଝାର୍ ଝାନି ଲାକ୍‌ଡୁ ସଲ୍‌ସି ଝାନି ପାଦାମ୍‌କୁ ଆସ୍‌ସି ମାଡ଼ିସ୍‌କିତାର୍ ।

☆ ୨୭:୫୫ ଲୁକ ୮:୨,୩.

୧୦ ଜିସୁ ଖାରିଙ୍ଗ ଇର୍ହାନ, “ତିଲମାଟ୍ ।” ମିର୍ “ସଲ୍ସି ନା ତଡ଼ାନକାଙ୍ଗ୍ ଖେର୍ଆ, ଖାର୍ ଗାଲିଲିଦୁ ସଲିର୍, ଆବେ ଖାର୍ ନାଙ୍ଗ୍ ସୁଣାର୍ ।”

କାପକିନିଖାରି ମାଟା

୧୧ ଆଇମେକ୍ ଆବେଟ୍ କୁ ବୁଲାଇ ସୋଲ୍ସିମାନିଖାଲେ ମୁସ୍ତିଗୁଟାଦିଙ୍ଗ୍ କାପକିନି ତେବାଜିମାର୍ଇ ଏସଲୋକ୍ କାପକିନିକାର୍ ଗାଡ଼ୁଡ଼ୁ ଡେସିସୋର୍ହାନନୋ ପେରି ଜାଜକରିଙ୍ଗ୍ ଇୟାଞ୍ଜିକୁ ଗଟ୍ଟନା ଖେର୍ତାର୍ ।

୧୨ ପେରି ଜାଜକର୍ ଦାମ୍ ନେତାରି ଖାଲେ ଖାର୍ଗିଜି ସାତାର୍, ଆୟା ସନ୍ୟରିଙ୍ଗ୍ ଗାଦି ତାରୁଙ୍ଗ୍ ଲାଖ୍ ସିଜି ଖାରିଙ୍ଗ୍ ଇର୍ହାର୍,

୧୩ “ମିର୍ ଖେର୍ତୁ ଜେ ନାଡ଼ା ମିର୍ ସୁସ୍ତିମାରିଇବେଡ଼ାଦୁ ଖାନି ସିସୁର୍ ଖାଜି ମାଡ଼ାଦିଙ୍ଗ୍ ତଙ୍ଗ୍ କିତାଅତାର୍ ।

୧୪ ମାରି, ଜଦି ସାସନକିନିକାନ ଇୟା ମାଟା ଖେନ୍ନାନା ମାପ୍ ଖାନିଙ୍ଗ୍ ବୁଜାକିନାସିନାପ୍ରେ ମିର୍ ଦସକିଇଦେର୍ । ଇୟା ବିସୟତାନ ମିର୍ ଦାନ୍ଦାଆମାଟ୍ ।”

୧୫ ସନ୍ୟର୍ ତାରୁଙ୍ଗ୍ ଅସି ଖାରିଙ୍ଗ୍ ଖେର୍ତିମାନି ଇସାବ୍ତାନ ପାଣି କିତାର୍ । ଖାର୍ ନାସ୍ତିଖାଲେ ଆମାକା ଇର୍ହାର୍, ଜିହୁଦିର୍ ନେର୍ ସାଦି ଆୟା ମାଟା ଖେର୍ସିନାର୍ ।

ସିସୁରିଙ୍ଗ୍ ଜିସୁ ତରାୟଆତାନ

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଜୋହନ ୨୦:୧୯-୨୩; ପ୍ରେରିତ ୧:୬-୮)

୧୬ ଜିସୁ ଖେର୍ତିମାନି ଅନୁସାରଦାନ ଏଗାର୍ ଲୋକ୍ ସିସୁର୍ ଗାଲିଲିଦୁ ସୋଲ୍ସି, ଜିସୁ ଆମା ଗରନ୍ ବିସୟ ଖାରିଙ୍ଗ୍ ଇର୍ଆ ମାର୍ହାନ, ଆୟା ଗରନ୍ତୁ ସର୍ହାର୍ ।

୧୭ ମାରି, ଖାର୍ ଜିସୁଙ୍ଗ୍ ସୁଡ଼ୁଜି ମାଡ଼ିସକିତାର୍, ମାତର୍ ଏନ୍ ଏନ୍ ନାମ୍ଏତାର୍ ।

୧୮ ଜିସୁ ଖାରି ଲାକ୍ତୁ ଖାଜି ଇର୍ହାନ, “ମୁସ୍କୁପୁର୍ ନି ଆଡ଼ଗିପୁର୍ ଡିଜୁ ଅଦିକାର୍ ନାଙ୍ଗ୍ ସିଆୟଆତାମାନାଡ଼ ।

୧୯ ମିର୍ ଡିଜୁ ବାସାଦି ଲୋକା ଲାକ୍ତୁ ସୋଲ୍ସି ଖାରିଙ୍ଗ୍ ନା ସିସୁ କିଦୁ । ମାରି ବୁବା, ମାରିନ୍ ମାରି ପବିତ୍ର ଆମ୍ବାଦି ଦରତାନ ଖାରିଙ୍ଗ୍ ତୁବନ୍ ସିଦୁ,

୨୦ ମାରି ନାନ୍ ଆମା ଡିଜୁ ଆଦେସ୍ ସିତାମାନା, ଆୟାଞ୍ଜି କିଦେଙ୍ଗ୍ ଖାରିଙ୍ଗ୍ ସିକିୟା ସିଦୁ । ମାରି ମନେଇଡ଼ୁ, ଜୁଗ୍ସେସ୍ ଆନିସାଦି ଡିଜୁଖାଲେ ନାନ୍ ମି ଖାଲେମାନା ।”

ମାର୍କ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାର୍କ ରାସ୍ତାମାନି ଜିସୁ କ୍ରିସ୍ତୁଦି ନେଗିକାବୁର୍ ଇୟା ବଇ ବିସୟତାନ୍ ଏସ ମାଟା

ଜିସୁ କ୍ରିସ୍ତୁଦି ଜିବନ୍ ବିସୟତାନ୍ ଖେର୍ସିମାନି ପୁନି ନିୟମତି ନାଲ୍ଗି ବଇଙ୍ଗା ମାଣକୁ ମାର୍କ ରାସ୍ତାମାନି ସୁସମାଚାର ଆଜିନାତ୍ ଉଣ୍ଡି । ଆୟାଞ୍ଜିକୁଦିଙ୍ଗ ସୁସମାଚାର ଇନ୍ନାନ୍, ଆମାତାନି ଅର୍ଥ “ନେଗିକାବୁର୍” । ଆୟାଞ୍ଜିକୁ ଜିସୁଦି ସାତି ଖେନ୍କା ମାଥୁଉ, ମାର୍କ, ଲୁକ ମାରି ଯୋହନତି ମାଣକୁ ରାସାତାମାନାତ୍ । ନାଲ୍ଗି ସୁସମାଚାର ମାଣକୁ ମାର୍କ ରାସ୍ତାମାନି ସୁସମାଚାର ଆଜିନାତ୍ ଖିଜୁ ମାଣକୁ ଇସିକା । ଇକାବା ବିସ୍ବାସ୍ କିଆନାତ୍ ଜେ, ଇକା ସୁସମାଚାର ମାଣକୁ ଖିଜୁଦି ଆଗଡ଼ି, ଖ୍ରୀଷ୍ଟାଙ୍କ ୨୫-୨୦ ନିସୋ ବାର୍ସକ୍ ଲୋଇ ରାସାତାମାନାତ୍ । ବାଇବଲ୍ତି ପଣ୍ଡିତକୁ ବିସ୍ବାସ୍ କିନାନ୍ ଜେ, ରୋମାତୁ ମାନି କ୍ରିସ୍ତାନ୍ ଲୋକାଙ୍ଗ୍ ଖେଡ଼ିକା କିନି ଉଣ୍ଡିଙ୍ଗ ଇକା ରୋମାତୁ ରାସାତାମାନାତ୍ ।

ମାର୍କ, ଏନ୍କି ଯୋହନ ମାର୍କ ଦର୍ତ୍ତାନ୍ ଖେଙ୍ଗା ତାମାନାନ୍, ଖାନ୍ ପାଉଲ ମାରି ବର୍ଣ୍ଣବାସତି ତଡ଼ ମାର୍ଥାନ୍, ମାତର୍ ଏସ୍ତ୍ରାଲେ ଖାନ୍ ଖାରିଙ୍ଗ ପ୍ରଚାର କିଦେଙ୍ଗ ସନି ସାର୍ଦୁ ତ୍ରିସତା ଖାତାନ୍, ନାସ୍ତ୍ରାଲେ ଖାନ୍ ଦର୍ ମାର୍ଗିତା ସରାଆତ୍ ପ୍ରେରିତ ୧୩:୧୩ । ଖେନ୍କା ମାର୍କ ମାରିଡେସି ବର୍ଣ୍ଣବାସତିଖାଲେ ସେବା ପାଣିଦୁ ସର୍ଥାନ୍ ପ୍ରେରିତ ୧୫:୩୭-୩୯ । ମାର୍କ ବା ପିତରତି ଅରେନ୍ ନିଜେଦି ତଡ଼ି ଖାଜା ଖେଙ୍ଗା ତା ମାର୍ଥାନ୍ ୧ ପିତର ୫:୧୩ । ଜଦିବା ମାର୍କ ଅରେନ୍ ଜିସୁଦି ଜିବନ୍ତି ସୁଡ଼ି ସାକି ସିଲେତାନ୍, ଆତିଙ୍ଗବା ବାଇବଲ୍ ପଣ୍ଡିତକୁ ବିସ୍ବାସ୍ କିନାନ୍ ଜେ, ଖାନ୍ ପିତରତି ସାକି ଖେନ୍ଜି ନିଜେଦି ସୁସମାଚାର ରାସ୍ତାମାନାନ୍ । ସୁସମାଚାରତୁ ମାର୍କ ସିସୁର୍ ବିସୟ ମାରି ଖିଜିନି ଦିନ୍ତି ବିସୟତାନ୍ ଜିସୁଦି ସିକିୟା ମୁସକୁ ସୁଡ଼ି ରାସ୍ତାମାନାନ୍ ।

ମାର୍କ ଇୟା ବଇଦୁ ଜିସୁ କ୍ରିସ୍ତୁଦିଙ୍ଗ ଅରେନ୍ ଦାମ୍ ଗତିମୁରୁଲି ମାରି ମାପୁରୁଦି ବଦାଦିଙ୍ଗ ମାନାଜି କିନି ଉଣ୍ଡିଙ୍ଗ ଖିଜୁଖାଲେ ତିଆର୍ ଆନି ମାନି ଲାଡ଼ତି ମାରିନ୍ ଖାଜା ଖେର୍ତା ମାନାନ୍, ଆୟା ଉଣ୍ଡିଙ୍ଗ ଖାନ୍ ଜିସୁଦି କାବାଆନି ପାଣି ବିସୟତାନ୍ ରାସ୍ତାନ୍ । ସାରାସାରି ଖାନ୍ ସାରା ଦୁନିଆଦୁ ସୁସମାଚାର ପ୍ରଚାର କିନି ପେରି ଆଦେସ୍ତି ଖାଲେ ଇୟା ସୁସମାଚାର ରାସ୍ତାମାନିଙ୍ଗ ବନ୍ଧୁ କିନାନ୍ ।

ଇୟା ବଇଦୁ ମାନି ମୁକିୟ ବିସୟ

- ୧. ତୁବନ୍ ସିନି ଜୋହନ ମାରି ଜିସୁଦି ତୁବନ୍ । ୧:୧-୧୩
- ୨. ଗାଲିଲିଦୁ ଜିସୁଦି ସେବାକିନି ପାଣି । ୧:୧୪; ୯:୫୦
- ୩. ଜିରୁସାଲମତୁ ଜିସୁ ସନିକା ମାରି ମନ୍ଦିରତୁ ଡଗୁନିକା । ୧୦:୧; ୧୨:୪୪
- ୪. ଖାନ୍ ଦିନ୍ତି ବିସୟତାନ୍ ଖାଜିନି ଦିନ୍ତି ମାଟା । ୧୩:୧-୩୭
- ୫. ଜିସୁଦି ସାନିକା, ଡେସି ନିଙ୍ଗା ନିକା, ମାରି ପେରି ଆଦେସ୍ । ୧୪:୧-୧୭:୨୦

ଏରତୁ ତୁବନ୍ ସିନି ଜୋହନତି ପ୍ରଚାର
(ମାତିଉ ୩:୧-୧୨; ଲୁକ ୩:୧-୧୮; ଜୋହନ ୧:୯-୨୮)

୧ ଇକା ଆଜିନାତ୍ ମାପୁରୁ ମାରିସି ଜିସୁ କ୍ରିସ୍ତୁଦି ନେଗି କାବୁର୍ ଆରାମ୍ ।

୨ ଜିସାୟ ବାବଦିଦି* ବଇଦୁ ଏଣ୍ଡେସ୍ ରାସାତାମାନାତ୍,

“ସୁଡ଼ୁ, ମାପୁରୁ ଇର୍ହାନ୍,” ମାପ୍ ମା ଦୁଡ଼ିଙ୍ଗ ମି ଆଗଡ଼ି ପୋକ୍ନାପ୍,
ଖାନ୍ ମି ସାରି ରସ୍ତାନ୍ ।

୩ ମରୁରୁମିଦୁ ପେରିଖେୟୁଦାନ୍ ଆଉଲିଆଜିମାନି ଅରେନ୍ ଖାନ୍ ବଲ୍,
ପ୍ରବୁଦି ସାରି ରସ୍ତା,
ଖାନ୍ ସାରି ସାଡ଼କୁ କିଆ ।

୪ ଆବେଟ୍କୁ ଏରତୁ ତୁବନ୍ ସିନି ଜୋହନ ବାଲିଭୁମିଦୁ ସର୍ହାନ୍ନୋ ଖେର୍ତାନ୍, ମାରି ତୁବନ୍ ସିତାନ୍ । ଖାଣ୍ଡୁ ପ୍ରଚାର କିଜି ଲୋକାଙ୍ଗ ଇନ୍ଡେଙ୍ଗ ଆସ୍ତାନ୍, “ପାପ୍ତାନ୍ ମନ୍ତିଙ୍ଗ ଡେପ୍ତୁ, ମାରି ତୁବନ୍ ଅତୁ ଆବେଟ୍ ମାପୁରୁ ମି ପାପ୍ତକେମା କିନାନ୍ ।”

* ୧:୨ ଏନ୍ ମାପୁରୁଦି ମାଟା ମାପୁରୁଦି ମାଣାନ୍ ଲୋକାଙ୍ଗ୍ ଖେର୍ନାନ୍ ।

୫ ଆବେଟ୍ ଯିହୁଦା ରାଜି ମାରି ଜିରୁସାଲୀମ୍‌ତି ଓଜୁ ଲୋକ୍ତୁ ସତାରୋ ଯୋହନତି ଲାକ୍ତୁ ଖାଦେଙ୍ଗ୍ ଆସ୍ତାର୍ ମାରି ନିଜେ ନିଜେଦି ପାପ୍ ମାନାଜି ଖାନି ମାଣକ୍ତୁ ଜର୍ଦନ ଗାଡାଦୁ ତୁବନ୍ ଅତାର୍ ।

୬ ଜୋହନ ଉଟ୍ ବୁରବୁସାଦାନ୍ ତିଆର୍ ଆତି ଆଙ୍ଗ୍ ଆରାଜି ମାର୍ଆନ୍ ମାରି ଖାନି ଜୁକିଦି ସାରିବେଡ୍‌ତି ତଲ୍‌ତି ନାସ୍ ତରାଜିମାର୍ହାନ୍, ମାରି ମାଡ଼ିମାଡ଼ ନି ଗରନ୍ ପୁକି ତିନଜିମାର୍ଆନ୍ ।

୭ ଖାଣ୍ଡୁ ଆଉଲି ଆଜି ଇଣ୍ଡେଙ୍ଗ୍ ଆସ୍ତାନ୍, “ଏନ୍‌କି ନା ମାଣକ୍ତୁ ନାଣ୍ଡ ବପୁମାନାନ୍, ଆକାନ୍ ନା ଖେନ୍‌କା ଖାଜିନାନ୍; ନାନୁ ପାଡ଼ଜ ଜୁଡେଙ୍ଗ୍‌ତି ଗାଟି ବା କୁଡ଼ଡେଙ୍ଗ୍ ଜଗ୍ ସିଲେ ।

୮ ନାନୁ ମିଙ୍ଗ୍ ଏରଡୁ ତୁବନ୍ ସିଜିନା, ମାତର୍ ଖାନ୍ ମିଙ୍ଗ୍ ପବିତ୍ର ଆମ୍ବାଦୁ ତୁବନ୍ ସିନାନ୍ ।”

ଜିସୁଦି ତୁବନ୍ ମାରି ପରିକା

(ମାଡିଉ ୩:୧୩; ୪:୧୧; ଲୁକ ୩:୨୧-୨୨; ୪:୧-୧୩)

୯ ନାସ୍ତିଖାଲେ ଜିସୁ ଗାଲିଲି ରାଜିଦି ନାଜରିତ ଦର୍ଡି ନାଟାଣ୍ଡୁ ଖାଜି ଜର୍ଦନ ଗାଡାଦୁ ଜୋହନମାନୁ ଖାନ୍ ତୁବନ୍ ଅତାନ୍ ।

୧୦ ଜିସୁ ଏରଡାନ୍ ସହସି ଖାନିଖାଲେ ବାଦଡ୍ ରେଆତି ମାନିଖାଜା ମାରି ପବିତ୍ର ଆମ୍ବା ପାର୍‌ଖାଦି ଖାଜା ଖାଜି ଖାନି ମୁସ୍‌କୁ ରେଡାନିକା ଖାନ୍ ସୁଡ଼ତୁାନ୍,

୧୧ ନାସ୍ତିଖାଲେ ବାଦଡ଼ତାନ୍ ଉଣ୍ଡି ବଲ୍ ଖେଙ୍ଗ୍‌ତାଡ୍, “ନିନୁ ମା ଲାଡ଼ତି ମାରିନ୍, ନିବାନ୍ ମାପୁ ନାଣ୍ଡ ଖେଡ଼ିକା ।”

୧୨ ଆୟାଦାପ୍ରେ ପବିତ୍ର ଆମ୍ବା ଜିସୁଙ୍ଗ୍ ଉଣ୍ଡି ସିମ୍ବା ବାଡିଦୁ ଅତାଡ୍ ।

୧୩ ଜିସୁ ସିମ୍ବା ବାଡିଦୁ ସାଲିସ୍ ଦିନ୍ ତେବାଜି; ସୟତାନ୍‌ତି ମାଣାନ୍ ପରିକା କିଆୟାଆତାନ୍; ଜିସୁ ବନ୍‌ତି ଜାତୁଙ୍ଗାଖାଲେ ମାର୍ଆନ୍, ମାତର୍ ମୁସ୍‌କୁପୁରତି ଦୁଡ଼କୁ ଖାଜି ଖାନି ସେବାକିଜିମାରେଏ ।

ଜିସୁ ନାଲ୍‌ଏର୍ ମିନ୍‌କୁ ଆସ୍‌ନି ଲୋକାଙ୍ଗ୍ କୁକ୍‌ତାନ୍

(ମାଡିଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଯୋହନ ଜଇଲ୍‌ଡୁ ସର୍‌ହି ଖେନ୍‌କା ଜିସୁ ଗାଲିଲି ରାଜିଦୁ ଖାତାନ୍ ନୋ ମାପୁରୁଦି ନେଗି କାବୁର୍ ପ୍ରଚାର୍ କିଦେଙ୍ଗ୍ ଆସ୍ତାନ୍ ।

୧୫ ଜିସୁ ଖେରଡେଙ୍ଗ୍ ଆସ୍ତାନ୍, “ଦିନ୍ ଲାକ୍ତୁ ଖାତାଡ଼ି, ମାପୁରୁଦି ରାଜି ଇଗା ଖାଜିନାଡ୍ ! ପାପ୍‌ତାନ୍ ମନ୍‌ତିଙ୍ଗ୍ ଡେପ୍‌ଡୁ ମାରି ମାପୁରୁଦି ନେଗିକାବୁର୍‌ଡୁ ବିସବାସ୍ କିଦୁ ।”

୧୬ ଜିସୁ ଗାଲିଲିଦି ସାମ୍‌ଦୁର୍ ପାଡ଼ି ସିଜି ସନିଖାଲେ ସିମୋନ୍ ପିତର ମାରି ଆନ୍ଦ୍ରିୟ ତଡ୍ ରିଏରିଙ୍ଗ୍ ସାମ୍‌ଦୁର୍‌ଡୁ ମିନ୍‌କୁ ଜାଡ଼ି ପକ୍‌ନିକା ସୁଡ଼ତୁାନ୍, ଇରିଙ୍ଗ୍ ଖାର୍ ମିନ୍‌କୁ ଆସ୍‌ନିକାର୍ ମାର୍ଆର୍ ।

୧୭ ଜିସୁ ଖାରିଙ୍ଗ୍ ଇର୍‌ଆନ୍, ନା ଖାଲେ ରାଦୁ, ନାନ୍ ମିଙ୍ଗ୍ ଲୋକାଙ୍ଗ୍ ମାପୁରୁ ଲାକ୍ତୁ ତାନିକା ଅଜାକିନା ।

୧୮ ଆବେଟ୍ ଖାର୍ ଆୟାଦାପ୍ରେ ଜାଡ଼ି ଡିସ୍‌ତାରୋ ଜିସୁଖାଲେ ଖାଲେ ସର୍‌ଆର୍ ।

୧୯ ମାରି, ଜିସୁ ଅଡ଼ପ୍ ଆଗ୍‌ଡି ସର୍‌ଆନ୍‌ନୋ ଜେବଦିଦି ରିଏର୍ ମାରିସିର୍ ଜାକୁବ ନି ଖାନି ତଡାନ୍ ଜୋହନତିଙ୍ଗ୍ ଖାରି ତଙ୍ଗାଦୁ ଜାଡ଼ି ମଦାକିନିକା ସୁଡ଼ତୁାନ୍ ।

୨୦ ଜିସୁ ଖାରିଙ୍ଗ୍ ସୁଡ଼ଜୁ ଦାପ୍ରେ ଖାନି ଲାକ୍ତୁ କୁକ୍‌ତାନ୍, ଖାର୍ ଖାରି ବୁବାସି ଜେବଦିଙ୍ଗ୍ ବୁଡିକିନି ଲୋକାଖାଲେ ତଙ୍ଗାଦୁ ଡିସ୍‌ତାରୋ ଜିସୁଖାଲେ ଖାଲେ ସର୍‌ଆର୍ ।

ଜିସୁ ଅରେନ୍ ଦୁବା ଆସ୍‌ତି ଲୋକ୍‌ତିଙ୍ଗ୍ ନେଗେଣ୍ଡୁ କିତାନ୍

(ଲୁକ ୪:୩୧-୩୭)

୨୧ ଜିସୁ ମାରି ସିସୁର୍ କପର୍‌ନାହୁମ୍ ଇନି ଗାଡ଼ତୁ ସର୍‌ଆର୍, ଆୟାଦାପ୍ରେ ଜିସୁ ରୋମ୍‌ନି ନାଣ୍ଡିଙ୍ଗ୍ ଜିହୁଦିରି ପାର୍‌ତନା କିନି ଇଲ୍ଲୁ ଲୋଇ ସର୍‌ଆନ୍‌ନୋ ସିକିୟା ସିଦେଙ୍ଗ୍ ଆସ୍ତାନ୍ ।

୨୨ ଖାନି ସିକିୟା ଖେନ୍‌ଜି ଲୋକ୍‌ଡର୍ କାବାଆତାର୍; ଇରିଙ୍ଗ୍ ଜିସୁ ସାସ୍ତୀରି ଖାଜା ସିକିୟା ସିଏନ୍‌ଣ୍ଡା ଅରେନ୍ ଅଦିକାର୍ ପଇତି ଲୋକ୍‌ତି ଖାଜା ସିକିୟା ସିଜି ମାର୍ଆନ୍ ।

୨୩ ନାସ୍ତିଖାଲେ ଅରେନ୍ ଦୁବା କାସ୍ତି ଲୋକ୍ତୁ ପାର୍‌ତନା କିନି ଇଲ୍ଲୁ ଲୋଇ ମାରାନ୍ ନୋ ଆଉଲି ଆଜି ଇର୍‌ଆନ୍ ।

୨୪ “ଏ ନାଜରିତୟ ଜିସୁ, ନିଖାଲେ ମା ଇନି ପାଣି ମାନାଡ୍ ? ନିନ୍‌ନେ ମାଙ୍ଗ୍ ଓସ୍‌ଡେଙ୍ଗ୍ ଖାଡ଼ି ? ନିନୁ ଏନ୍ ଆକା ନାନ୍ ନେସ୍‌ନା, ନିନୁ ମାପୁରୁଡି ମାଣ୍ଡୁ ଖାଡ଼ିମାନି ପବିତ୍ର ଲୋକ୍ତୁ ।”

୨୫ ଜିସୁ ତାନିଙ୍ଗ୍ ଆଦ୍‌ରିସ୍ କିଜି ଇର୍‌ହାନ୍, “ଆଲ୍‌ଜ ମାନିଆ, ଇୟା ଖେନିମାଣ୍ଡୁ ସସି ସାଙ୍ଗ୍‌ଆ ।”

୨୬ ତାନେ ଖେନ୍‌କା ଆୟା ତାଗ୍‌ଲିଆମ୍ବା ଖାନିଙ୍ଗ୍ ଦୁକ୍‌ତା ପକ୍‌ତା ଦୋ ନାଣ୍ଡ ପେରି ଖେୟୁଦାନ୍ ଆଉଲି ଆଜି ଖାନି ମାଣ୍ଡୁ ସତା ସର୍‌ଆଡ୍ ।

☆ ୧:୧୧ ମାଡିଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨. ☆ ୧:୨୨ ମାଡିଉ ୭:୨୮, ୨୯.

୨୭ ଆବେ ମାର୍ଚ୍ଚ ଲୋକତର କାବାଆତା ସରଆରନୋ ଖାରି ଖାରି ଲୋକ ଖାରଗିଜି ସାତାର, “ଇକା ଇନିକା ? ଇକା ତୋ ଉଣ୍ଡି ଅଦିକାର ମାନି ପୁନି ସିକିୟା, ଖାନ୍ ତାଗ୍‌ଇ ଆମେଆଙ୍ଗ୍ ବା ଆଦେସ୍ ସିନାନ୍, ମାରି ତାଗ୍‌ଇ ଆଡ଼ମେଙ୍ଗ୍ ଖାନି ଆଦେସ୍ ମାନାନେ ।”

୨୮ ଆୟାଝେନକା ଜିସୁଦି ବିସୟତୁ ମାଟା ଦାପେ ଦାପେ ଗାଲିଲି ରାଜିଦୁ ଝିଜୁ ତରିନ୍ ଝେଙ୍ଗ୍ ତାସରଆଡ଼ ।

ଜିସୁ ନାଣ୍ଡ ଲୋକାଙ୍ଗ୍ ନେଗେଣ୍ଡୁ କିତାନ୍
(ମାତିଉ ୮:୧୪-୧୭; ଲୁକ ୪:୩୮-୪୧)

୨୯ ତାନେ ଝେନକା ଜିସୁ ମାରି ସିସୁର ପାରତନା କିନି ଇଲୁଦାନ୍ ସତାରୋ ଯାକୁବ ନି ଜୋହନ ଖାଲେ ଆୟାଦାପ୍ରେ ସିମୋନ୍ ମାରି ଆନ୍ଦ୍ରିୟରି ଇଲୁତୁ ସରଆଡ଼ ।

୩୦ ସିମୋନ୍‌କା ମିମ୍‌ସି ନବ୍‌ତି ଉଣ୍ଡିଙ୍ଗ୍ ନିଙ୍ଗ୍‌ଦେଙ୍ଗ୍ ଆଟ୍‌ଏଜି ମାର୍‌ଆଡ଼, ମାରି ସିସୁର ଆୟାଦାପ୍ରେ ତାନେ ମାଟା ଜିସୁଙ୍ଗ୍ ଝେରତାର ।

୩୧ ଆବେଟ୍ ଜିସୁ ଲାକ୍‌ତୁ ସରଆନ୍‌ନୋ ତାନି କିୟୁ ଆସ୍‌ତାନ୍‌ନୋ ତାନେଙ୍ଗ୍ ନିକ୍‌ତାନ୍, ଆବେଟ୍ ତାନିଙ୍ଗ୍ ନବ୍ ଡିସ୍‌ତାଡ଼, ମାରି ଖାଦ୍ ନେଗେଣ୍ଡୁ ଆତାଦୋ ଜିସୁ ମାରି ସିସୁରି ଉଣ୍ଡିଙ୍ଗ୍ ଖାଦି ସେବା ତିଆର୍ କିଦେଙ୍ଗ୍ ଆସ୍‌ତାଡ଼ ।

୩୨ ଝେଡାସହ୍ ଝେନକା ଲୋକତର ଜିସୁ ଲାକ୍‌ତୁ ଝିଜୁ ରକମ୍‌ତି ରୋଗ୍ ମାରି ଦୁବା କାସ୍ତି ଲୋକାଙ୍ଗ୍ ତାଡେଙ୍ଗ୍ ଆସ୍‌ତାର ।

୩୩ ଆୟା ଗାଡ଼ି ଲୋକୁ ଝିଜେରେ ଖାଜି ଆୟା ଇଲୁ ସେରଲା ଲାକ୍‌ତୁ ଉଣ୍ଡାତାର ।

୩୪ ଜିସୁ ନାନା ରକମ୍‌ତି ରୋଗ୍ ଲୋକାଙ୍ଗ୍ ନେଗେଣ୍ଡୁ କିତାନ୍ ମାରି ଏସ୍ ଦୁବା କାସ୍ତି ଲୋକାଙ୍ଗ୍ ଡିସ୍‌ସି କିତାନ୍, ମାରି ଖାନ୍‌ତୁ ଦୁବେଆଙ୍ଗ୍ ଖାରଗିଦେଙ୍ଗ୍ ସିଏତାନ୍, ଇରିଙ୍ଗ୍ ଦୁବେଙ୍ଗ୍ ତର ଜିସୁଙ୍ଗ୍ ନେସ୍‌ସି ମାର୍‌ହେ ।

ଗାଲିଲି ରାଜିଦୁ ଜିସୁ ନେଗିକାରୁର ପ୍ରଚାର କିତାନ୍
(ଲୁକ ୪:୪୨-୪୪)

୩୫ ମାର୍‌ନାଣ୍ଡିଙ୍ଗ୍ ଝେଡା ସନି ଆଗ୍‌ଡି ସାଲ୍‌ଦି ସିକାଟି ମାନ୍‌ବୁ ମାନ୍‌ବୁନେ ଜିସୁ ନିଂଇତା ସତା ସରଆନ୍ ମାରି ଉଣ୍ଡି ସିମ୍‌ପା ବାଡିଦୁ ସରଆନ୍‌ନୋ ଆବେ ପାରତନା କିଦେଙ୍ଗ୍ ଆସ୍‌ତାନ୍ ।

୩୬ ସିମୋନ୍ ମାରି ଖାନି ତଡ଼ ଲୋକୁ ଜିସୁଙ୍ଗ୍ ପଇଦେଙ୍ଗ୍ ଆସ୍‌ତାର,

୩୭ ଏସ୍ତିଖାଲେ ଜିସୁଙ୍ଗ୍ ଖାର ସୁଡ଼ତୁର ଖାନିଙ୍ଗ୍ ଇର୍ହାନ୍, “ଝିଜେରେ ନିଂଇ ପଇଜି ଅସିନାର ।”

୩୮ ମାତର ଜିସୁ ଖାରିଙ୍ଗ୍ ଇରଆନ୍, “ରାଦୁ, ମାଡୁ ଇୟା ଲାକ୍‌ତୁ ମାନି ନାରକାଙ୍ଗ୍ ସିନାଟ୍ । ନାନ୍ ଆବେବା ପ୍ରଚାର କିନା, ଇରିଙ୍ଗ୍ ଆୟା ଉଣ୍ଡିଙ୍ଗ୍ ନାନୁ ସତା ଖାତାମାନା ।”

୩୯ ଆୟାଝେନକା ଜିସୁ ଗାଲିଲି ରାଜିଦି ଝିଜୁ ନାରକାଙ୍ଗ୍ ବୁଲାଜି ବୁଲାଜି ଖାରି ଝିଜୁ ପାରତନାକିନି ଇଲକାଙ୍ଗ୍ ପ୍ରଚାର କିତାନ୍ ମାରି ଦୁବେଙ୍ଗ୍ ଆସ୍‌ତି ଲୋକାଙ୍ଗ୍ ଡିସ୍‌ପିସ୍‌ତାନ୍ ।

ଜିସୁ ଅରେନ୍ କୁସ୍ତ ରୋଗିଙ୍ଗ୍ ନେଗେଣ୍ଡୁ କିତାନ୍
(ମାତିଉ ୮:୧-୪; ଲୁକ ୫:୧୨-୧୬)

୪୦ ଜିସୁଦି ଲାକ୍‌ତୁ ଅରେନ୍ କୁସ୍ତରୋଗ୍ ଆତି ମାରିକାନ୍ ଖାତାନ୍ ନୋ ଖାନି ଆଗ୍‌ଡି ମେଣ୍ଡେଙ୍ଗ୍ ଗଟ୍ କିତାନ୍‌ନୋ ଇରଆନ୍, “ନିନ୍ ଜଦି ବଦା କିନି, ନାଙ୍ଗ୍ ନେଗେଣ୍ଡୁ କିଦେଙ୍ଗ୍ ଆଟ୍‌ନି ।”

୪୧ ଜିସୁ ଦୟା ତରତାନ୍‌ନୋ କିୟୁ ପେରଜି ଖାନିଙ୍ଗ୍ ମୁଟ୍‌ସି ଇର୍ହାନ୍, ନାନ୍ ବଦା କିଜିନା, “ନିନ୍ ନେଗେଣ୍ଡୁ ଆଆ ।”

୪୨ ଆୟାଦାପ୍ରେନେ କୁସ୍ତରୋଗ୍ ଖାନି ମାଣାନ୍ ଡିସ୍‌ତା ସରଆଡ଼ ମାରି ଖାଣ୍ଡୁ ଝୁନଗେଣ୍ଡୁ ଆତାନ୍ ।

୪୩ ଇୟା ଝେନକା ଜିସୁ ଖାନିଙ୍ଗ୍ ଆଟ୍‌ଖାଦାନ୍ ଆଦେସ୍ ସିଜି ଆୟାଦାପ୍ରେ ପୋକ୍‌ସି ଇରଆନ୍,

୪୪ “ଜାଗାରତା, ଏଙ୍ଗ୍‌ବା ଇନିକା ଇନ୍‌ମା, ମାତର ସାଙ୍ଗ୍‌ଆ, ଜାଜକରିମାନ୍ ନିଜେଦିଙ୍ଗ୍ ତରଆ; ନିନ୍ ଜେ ନେଗେଣ୍ଡୁ କିଆଇଆତିମାନି ଇକା ଲୋକାମାନ୍ ସାକି ସିଦେଙ୍ଗ୍ ଇଜି ମୋସାଦି ସିତିମାନି ନିୟମତାନ୍ ପୁଜା ସିଆ ।”

୪୫ ମାତର ଆକାନ୍ ସତା ସରଆନ୍ ନୋ ଇୟା ମାଟା ଝିଜୁ ତରିନ୍ ଇଜି ବୁଲାତାନ୍ ଜେ, ଜିସୁ ମାରି ପ୍ରଚାର କିଦେଙ୍ଗ୍ ତରାଜି ଏମେ ନାରତୁବା ସନ୍‌ଡେଙ୍ଗ୍ ଆଟ୍‌ଏତାନ୍, ମାତର ଜିସୁ ଆଡ଼ରେ ସିମ୍‌ପା ବାଡିଦୁ ମାନ୍‌ଜି ମାର୍‌ଆନ୍; ମାରି ଝିଜୁ ତରିଣ୍ଡି ଲୋକୁ ଜିସୁ ଲାକ୍‌ତୁ ଖାଦେଙ୍ଗ୍ ଆସ୍‌ତାର ।

୨

ଜିସୁ ଅରେନ୍ କିକୁକାଲକୁ ଖାରଡି ରୋଗ୍ ଲୋକତିଙ୍ଗ୍ ନେଗେଣ୍ଡୁ କିତାନ୍
(ମାତିଉ ୯:୧-୮; ଲୁକ ୫:୧୭-୨୬)

† ୧:୪୦ କୁସ୍ତ ରୋଗି ଉଣ୍ଡିଙ୍ଗ୍ ଅରେନ୍ ଯିହୁଦି ଲୋକୁ ମାପୁରୁତି ପୁଜା କିଦେଙ୍ଗ୍ ଆଟ୍‌ଏଜି ମାର୍‌ଆନ୍, ଇରିଙ୍ଗ୍ କୁସ୍ତ ରୋଗିଙ୍ଗ୍ ଜିହୁଦି ଲୋକୁ ତାରିଇକା ଇଜି ଅଡ଼ବିଜି ମାର୍‌ଆଡ଼ ।

୧ ଏସୋ ଦିନ ସରିଇ ଝେନକା ଜିସୁ କପରନାହୁମ୍ ନାରୁତୁ, ଏମେ ଇଣ୍ଡୁ_ତେବାଜି ମାରାଆନ୍ ଆୟା ଇଣ୍ଡୁ_ମାରିଡେସି ଖାତାନ୍ । ଜିସୁ ଆୟା ଇଲୁତୁ ମାନାନ୍ ଇଜି ଲୋକାମାନୁ କାରୁର ସରଥାତ୍ ।

୨ ଆବେ ନିସା ଲୋକୁ ଉଣ୍ଡାତାର ଜେ, ସେରଲା ଲାକ୍ତୁବା ଅଡ଼ପ୍ ବାଡି ସିଲେତାଡ୍, ମାରି ଜିସୁ ଖାରିମାନୁ ବାକ୍ୟ ଝେରତେକ୍ ଆସତାନ୍ ।

୩ ଇୟାଖାଲେ ଲୋକୁ ଅରେନ୍ ପକିୟାଗାତି ରୋଗ୍ ଲୋକ୍ତିକ୍ ନାଲ୍-ଏରିକ୍ ପିଣ୍ଡିସ୍ କିବିସ୍ କିତାରୋ ଜିସୁ ଲାକ୍ତୁ ଆସତା ଖାତାର,

୪ ମାତର ନାଣ୍ଡ ଲୋକୁ ମାର୍ଆରଥାକା ଜିସୁ ଲାକ୍ତୁ ତାଡ଼ତେକ୍ ଆଟ୍-ଏତାର, ଆଦେକ୍ ଜିସୁ ଏମେ ବାଡିଦୁ ମାର୍ଆନ୍, ଆୟା ବାଡିଦି ରେକାମ୍ କୁଡ଼ତା ପକ୍ତାର, ମାରି ଆକା ରୁକ୍ତାରୋ, ଆମା କାଟେଲ୍ତୁ କିକୁକାଲ୍କୁ ଖାଡ଼ି ରୋଗ୍ ଲୋକୁ ଡରିତା ମାର୍ଆନ୍, ଆୟା ମିସ୍ତେ ଜିସୁ ଆଗ୍ତି ରେପ୍ତାର ।

୫ ଆୟା ଲୋକାଦି ବିସ୍ବାସ୍ ସୁଡ଼ଜି ଜିସୁ କିକୁକାଲ୍କୁ ଖାଡ଼ି ରୋଗିଦିକ୍ ଇର୍ଆନ୍, “ଏ ମାରିନ୍, ନି ପାପ୍ଝିକୁ କେମା ଆତାମାନାଡ୍ ।”

୬ ମାତର ସାସ୍ତିର ମାଣ୍ଡୁ ଏସଲୋକ୍ ଆୟା ବାଡିଦୁ ବାସ୍ତାରୋ ଖାରିଖାରି ମନ୍ ଲୋଇ ଇକା ଅଡ଼ବିଜି ମାର୍ଆର,

୭ “ଇକାନ୍ ଏନ୍ଦା ଇୟାଖାଜା ଇଜିନାନ୍ ? ଖାନ୍ ମାପୁରୁକ୍ ନିଦା କିଜିନାନ୍ ! ମାପୁରୁକ୍ ଡିସ୍ତିକ୍ ମାରି ଏନ୍ ପାପ୍କେମା କିଦେକ୍ ଆଟ୍ନାନ୍ ?”

୮ ଖାର୍ ଖାରି ମୋନ୍ତୁ ଇୟାଖାଜା ଖାଡ଼ଗ୍ଜିସାଜିନାର, ଇଜି ଜିସୁ ଜିବନ୍ତୁ ଆୟାଦାପ୍ରେନେ ନେସ୍ତାନ୍ନୋ ଖାରିକ୍ ଇର୍ଆନ୍, ମିର୍ ନିଜେ ନିଜେଦି ମନ୍ତୁ ଏନ୍ଦା ଇୟାଖିଜୁ ମାଟା ଖାଡ଼ଗ୍ଜି ସାଜିନିଦେର୍ ?

୯ ଇୟା କିକୁକାଲ୍କୁ ଖାଡ଼ି ରୋଗିଦିକ୍ “ନି ପାପ୍କେମା ଆତାଡ୍, ଇଜି ଇନିକା ଉସାସ୍,” ନୋ “ନିକ୍ ଆ, ଗାଟି ଆସ୍ସି, ସାକ୍ଆ ଇଜି ଇନିକା ଉସାସ୍ ?”

୧୦ ମାତର ସାରାଦୁନିଆଦୁ ପାପ୍କେମା କିଦେକ୍ ମନ୍ସପୁଡ଼ଦିକ୍ ଜେ ଅଦିକାର୍ ମାନାଡ୍, ଇକା ନାନ୍ କିଦେକ୍ ଆଟ୍ନା । ଇୟାଉଣ୍ଡିକ୍ ଜିସୁ ଆୟା କିକୁକାଲ୍କୁ ଖାଡ଼ି ରୋଗ୍ ଲୋକ୍ତିକ୍ ଇର୍ଆନ୍,

୧୧ “ନାନ୍ ନିକ୍ ଇଜିନା, ନିକ୍ଆ, ନି ଗାଟି ଆସ୍ସି, ମି ଇଣ୍ଡୁ_ସାକ୍ଆ ।”

୧୨ ଆବେଟ୍ ଖାନ୍ ନିଈତାନ୍, ଆୟାଦାପ୍ରେ କାଟେଲ୍ ଆସ୍ସି, ଝିଜେରି ଆଗ୍ତି ସତା ସର୍ଆନ୍; ଆବେନ୍ ଝିଜେରେ କାବାଆତାରୋ ମାପୁରୁକ୍ ଦନ୍ୟବାଦ୍ କିଜି କିଜି ଇର୍ହାର, “ମାପ୍ ଇୟାଖାଜା ପାଣି ଏସାକ୍ବା ସୁଡ଼ପ୍ ମାର୍ହାପ୍ ।”

ଲେବି ଇନି ଅରେନ୍ ଲୋକ୍ତିକ୍ ଜିସୁ କୁକ୍ତାନ୍

(ମାଡିଉ ୯:୯-୧୩; ଲୁକ ୫:୨୭-୩୨)

୧୩ ଜିସୁ ମାରିଡେସି ଗାଲିଲି ସାମ୍ତୁର ପାଡି ସର୍ଆନ୍, ମାରି ନାଣ୍ଡଲୋକ୍ ଖାନ୍ ଲାକ୍ତୁ ଖାତାର ଆକା, ଖାନ୍ ଖାରିକ୍ ଶିକ୍ଷା ସିଦେକ୍ ଆସତାନ୍ ।

୧୪ ମାରି, ଜିସୁ ସଲ୍ପୁ ସଲ୍ପୁ ଆଲ୍ଫିତି ମାରିନ୍ ଲେବିକ୍ ନିଜେଦି ସିସ୍ତୁ ଲସ୍ନି ବାଡିଦୁ ବାସ୍ତି ମାର୍ଇକା ସୁଡ଼ତାନ୍ । ଖାନ୍ ଖାନ୍ ଇର୍ଆନ୍, “ନା ଝେନକା ରାଆ ।” ଆବେଟ୍ ଖାନ୍ ନିଈତାନ୍ନୋ ଜିସୁ ଝେନକା ସର୍ଆନ୍ ।

୧୫ ଇୟା ଝେନକା ଜିସୁ ଲେବି ଇଲୁତୁ ଉଣ୍ଡେକ୍ ବାସ୍ନିଖାଲେ ଏସୋ ସିସ୍ତୁ ଲସ୍ନି ଲୋକୁ ମାରି ପାପି ଲୋକ୍ତର୍ ଜିସୁ ମାରି ଖାନ୍ ସିସ୍ତୁଖାଲେ ଉଣ୍ଡେକ୍ ବାସ୍ତାର; ଇରିକ୍ ଖାର୍ ନାଣ୍ଡ ଲୋକୁ ମାର୍ଆର, ମାରି ଖାର୍ ଜିସୁଖାଲେ ବୁଲାଇମାର୍ଆର ।

୧୬ ଜିସୁ ପାପିଲୋକା ଖାଲେ ମାରି ସିସ୍ତୁ ଲସ୍ନି ଲୋକାଖାଲେ ଉଣ୍ଡି ମାର୍ଆନ୍, ଇକା ସୁଡ଼ତାର ପାରୁସି ଦଳତି ଶାସ୍ତ୍ରୀ ଖାନ୍ ସିସ୍ତୁକ୍ ଇଣ୍ଡେକ୍ ଆସ୍ତାର, “ଇକା ଇନିକା ? ଖାନ୍ ସିସ୍ତୁ ଲସ୍ନି ଲୋକାଖାଲେ ମାରି ପାପିଲୋକା ଖାଲେ ଅର୍ସେ ଉଣାନ୍ !”

୧୭ ଆୟା ମାଟା ଝେନକା ଜିସୁ ଇର୍ଆନ୍, “ନେଗି ଲୋକାଦି ଉଣ୍ଡିକ୍ ତାକ୍ତର୍ଡି ଦର୍କାର୍ ସିଲେଡ୍, ମାତର ନବ୍ ଲୋକା ଉଣ୍ଡିକ୍ ତାକ୍ତର୍ଡି ଦର୍କାର୍ ମାନାଡ୍; ନାନ୍ ଦାମ୍ ଲୋକାକ୍ କୁକ୍ତେକ୍ ରେଏ, ମାତର ପାପି ଲୋକାକ୍ କୁକ୍ତେକ୍ ଇଜି ଖାତାମାନା ।”

ଉପାସ୍ ତେବାନି ବିସୟ

(ମାଡିଉ ୯:୧୪-୧୭; ଲୁକ ୫:୩୩-୩୯)

୧୮ ତୁବନ୍ ସିନି ଯୋହନତି ସିସ୍ତୁ ମାରି ପାରୁସିର ଉପାସ୍ କିଜିମାର୍ଆର । ଆବେଟ୍ ଏସ ଲୋକୁ ଖାତାରୋ ଜିସୁକ୍ ଇର୍ହାର, “ତୁବନ୍ ସିନି ଯୋହନତି ସିସ୍ତୁ ମାରି ପାରୁସିର ସିସ୍ତୁ ଉପାସ୍ କିନାର, ମାତର ମି ସିସ୍ତୁ ଉପାସ୍ ଏନ୍ଦା କିଏର୍ ?”

୧୯ ଜିସୁ ଖାରିକ୍ ଇର୍ଆନ୍, “କାନ୍ୟାମୁରୁଲିରି ଖାଲେ ମୁରୁଲୀ ମାନିଖାଲେ ଖାର୍ ଉପାସ୍ କିନାର ନୋ ? ମୁରୁଲି ଆମାସାଦି ଖାରିଖାଲେ ମାନାନ୍, ଆୟା ସାଦି ଖାର୍ ଉପାସ୍ କିଦେକ୍ ଆଟ୍-ଏର୍ ।

୨୦ ମାତର ଦିନ୍ ଖାନାଡ୍, ଏସ୍ତିଖାଲେ ଖାରିମାଣାନ୍ ମୁରୁଲିକ୍ ଅନାର୍, ମାରି ଆୟାଖାଲେ ଆୟାନାଣ୍ଡିକ୍ ଖାର୍ ଉପାସ୍ କିନାର ।

୨୧ “ଏନ୍ ପୁନି ଖାତିଦି ଇସି ଅଟିଦିଙ୍କ ଅସି ପାଡ଼ିଇ ଖାତିଦୁ ଗୁଡ଼ଏନ୍; ଇରିଙ୍କ ଗୁଡ଼ତିଙ୍କ ଆୟା ପୁନି ଖାତିଦି ଅଟି ପାଡ଼ିଇ ଖାତିଦିଙ୍କ ନାଣ୍ଡ କିଜିସକିନାଡ଼ ମାରି ନାଣ୍ଡ ପେରିକା କିଜିନାଡ଼ ।

୨୨ ମାରି, ଏନ୍ ପୁନି ଅଙ୍କୁର ରସତିଙ୍କ ପାଡ଼ିଇ ତଲ୍ ମଣିଦୁ ଇଡ଼ଏନ୍; ଜଦି ଇଡ଼ତିଙ୍କ ଆକା ତଲ୍ ମଣିଦିଙ୍କ ପାଡ଼ିସ୍ କିନାଡ଼, ଆବେଟ୍ ଅଙ୍କୁରରସ୍ ନି ତଲ୍ମଣି ରୁଣ୍ଡିବା ସେଏଣ୍ଡୁ ଆନେ । ମାତର୍ ପୁନି ଅଙ୍କୁର ରସତିଙ୍କ ପୁନି ତଲ୍ ମଣିଦୁ ଇଡ଼ନିକା ମାନାଡ଼ ।”

**ରମ୍ପନି ଦିନ୍ତି ବିସୟତାନ୍ ପ୍ରସ୍ନ
(ମାତିଉ ୧୨:୧-୮; ଲୁକ ୬:୧-୫)**

୨୩ ଅରଲେନ୍ ରମ୍ପନିଦିନ୍ତୁ ଜିସୁ ପାସି କିଡ଼ିଇ ନାଡ଼ମି ସିଜି ସଲ୍ସି ମାର୍ଆନ୍, ମାରି ଖାନି ସିସୁର୍ ଖାନିଖାଲେ ସଲ୍ପୁ ସଲ୍ପୁ ପାସି ସେରେନ୍କୁ ତେଉତେଙ୍କ ଆସ୍ତାର ।

୨୪ ଆବେଟ୍ ପାରୁସିର୍ ଜିସୁଙ୍କୁ ଇର୍ହାର୍, “ସୁଡୁଆ, ରମ୍ପନିଦିନ୍ତୁ ଆମାକାକି କିଦେଙ୍କ ନିୟମ୍ ସିଲେଡ଼, ମି ସିସୁର୍ ଇନିଦାନିଙ୍କ ଆକା କିଜିନାର୍ ?”

୨୫ ଜିସୁ ଖାରିଙ୍କ ଇର୍ହାନ, ଏସ୍ତିଖାଲେ ଦାଉଦଦିଙ୍କ ଖାଦି ସିଲେତାଡ଼ ଆୟାଖାଲେ ଖାନ୍ ମାରି ଖାନି ତଡ଼ତି ଲୋକୁ ବାଙ୍କାଁ ଆତାର, ନାସ୍ତିଖାଲେ ଖାନ୍ ଇନିକା କିତାମାର୍ଆନ୍, ମିର୍ ଆକା ଏସାଙ୍କ ବା ପଡ଼ାଇଦେର୍ ନୋ ?

୨୬ ଅବିୟାଥର ଝିଜେରିଙ୍କ ପେରି ଜାଜକରି ଦିନ୍ତୁ ଦାଉଦ ଏଣ୍ଡେସ୍ କିଜି ମାପୁରୁତି ଇଲ୍ତୁ ଡ଼ରୁତାନନୋ, ଆମା ପୁଜାସିତି ରୁଟି ଯାଜକରିଙ୍କ ଡ଼ିସ୍ତିଙ୍କ ଏନ୍ବା ତିଣ୍ଡେ_ଙ୍କ ନିୟମ୍ ସିଲେଡ଼, ଆକା ତିରାଆ ମାର୍ଆନ୍, ମାରି ଖାନି ତଡ଼, ଲୋକାଙ୍କ ବା ସିତା ମାର୍ଆନ୍ ।

୨୭ ଜିସୁ ପାରୁସିରିଙ୍କ ଇର୍ଆନ୍, ରମ୍ପନିଦିନ୍ ଲୋକା ସାହାଜ୍ୟ ଉଣ୍ଡିଙ୍କ ତିଆର୍ ଆତାମାନାଡ଼, ମାତର୍ ଲୋକ୍ତିଙ୍କ ବନ୍ତୁ ଉଣ୍ଡିଙ୍କ ରମ୍ପନିଦିନ୍ ଆଏଡ଼ ।

୨୮ ଆଦେଙ୍କ ମନୁସ୍ୟପୁତ୍ର ଜେ ନାନ୍, ରମ୍ପନିଦିନ୍ତି ପ୍ରବୁ ଆନା ।

୩

**ଜିସୁ ଅରେନ୍ କିୟୁ ଖାର୍ତି ସହ ଲୋକ୍ତିଙ୍କ ନେଗେଣ୍ଡୁ କିତାନ୍
(ମାତିଉ ୧୨:୯-୧୪; ଲୁକ ୬:୬-୧୧)**

୧ ଜିସୁ ମାରିଡ଼େସି ପାର୍ତନା କିନି ଇଲ୍ତୁ ସର୍ଆନ୍ । ଆବେ ଅରେନ୍ ଲୋକୁ ମାର୍ଆନ୍, ଖାନି ଉଣି କିୟୁ ଖାର୍ତା ମାର୍ଆଡ଼ ।

୨ ମାରି, ଜିସୁ ରମ୍ପନି ଦିନ୍ତୁ ଆୟା ଲୋକ୍ତିଙ୍କ ନେଗେଣ୍ଡୁ କିନାନନୋ ସିଲେ, ଇକା ସୁଡ଼ତୁଦଙ୍କ ଇଜି ଖାର୍ ଖାନି ମୁସକୁ କାଣ୍ଡୁକୁ ସୁଡ଼କୁମାର୍ଆର୍, ଏଣ୍ଡେସକି ଖାର୍ ଖାନି ବିରୁଦ୍ତାନ ଦୋସ୍ କିଦେଙ୍କ ଆଟନାର ।

୩ ଆମା ଖାନିଦି କିୟୁ ଖାର୍ତା ସୋର୍ଆ ମାର୍ଆଡ଼, ଖାନିଙ୍କ ଜିସୁ ଇର୍ଆନ୍, “ରାଆ, ନାଣ୍ଡି ନିଲ୍ଆ ।”

୪ ମାରି, ଜିସୁ ଖାରିଙ୍କ ଇର୍ଆନ୍, “ରମ୍ପନି ନାଣ୍ଡିଙ୍କ ଇନି ପାଣି କିନିକା ନିୟମ୍ ମାନାଡ଼ ? ନେଗେଣ୍ଡୁ କିଦେଙ୍କ ନୋ ସେଏଣ୍ଡୁ କିଦେଙ୍କ ? ଅରେନ୍ ଲୋକ୍ତି ଜିବନ୍ ରକିୟା କିନିକା ନୋ ସାପିସ୍ନିକା ?” ମାତର୍ ଲୋକ୍ତିର୍ ଆଲେତା ସରଆର୍ ।

୫ ଆବେଟ୍ ଜିସୁ ଲୋକା ଜିବନ୍ ଆର୍ଖାଆକା ଦୁଃକ୍ ଆଜି ରିସାଦାନ୍ ସାରିବେଡ଼ତି ଖାରିଙ୍କ ସୁଡ଼କୁ କିୟୁ ଖାର୍ତି ମାର୍ଇ ଲୋକ୍ତିଙ୍କ ଇର୍ଆନ୍, “ନି କିୟୁ ପେର୍ଆ ।” ଖାନ୍ ଖାନି କିୟୁ ପେର୍ତାନ, ମାରି ଖାନି କିୟୁ ନେଗେଣ୍ଡୁ ଆତାସର୍ଆଡ଼ ।

୬ ଇକା ସୁଡ଼ତୁର୍ ନୋ ପାରୁସିର୍ ପାର୍ତନା ଇଲ୍ତାନ ସହସି ସରଆର୍ ନୋ ଜିସୁଙ୍କୁ ସାୟା ମାର୍ଗା ଡାକ୍ତେଙ୍କ ଇଜି ଖାନି ବିରୁଦ୍ତାନ ଆୟାଦାପ୍ରେ ହେରୋଦ ରାଜା ଦଲ୍ତି ନେତାରିଖାଲେ ଖାର୍ଗିଜି ସାତାର ।

ସାମଦୁର୍ ପାଡ଼ି ଲୋକୁ ଉଣ୍ଡାନିକା

୭ ଜିସୁ ଖାନି ସିସୁରିଖାଲେ ମିସାତାନ୍ ନୋ ଗାଲିଲି ସାମଦୁର୍ ପାଡ଼ି ସର୍ଆନ୍ । ମାରି ଗାଲିଲି ଗାଡ଼ତାନ୍ ନାଣ୍ଡ ଲୋକୁ ସତା ରୋ ଖାନି ଖାଲେ ବୁଲାତାର୍; ମାରି ଜିହୁଦା,

୮ ଜିରୁସାଲାମ୍, ଇଦୋମ୍, ଜର୍ଦନ ଗାଡ଼ତି ଆୟା ପାଡ଼କା ମାନିକାର୍, ମାରି ସୋର ନି ସିଦନ୍ତି ସାରିବେଡ଼ତିଦାନ୍ ଲୋକୁ ଝିଜେରେ ଖାନି ପାଣିଦିମାଟା ଝେର୍ଆର୍ରୋ ଖାନି ଲାକ୍ତୁ ଖାତାର ।

୯ ଆବେ ନାଣ୍ଡ ଲୋକ୍ ଉଣ୍ଡାତାର୍ଆକା, ଲୋକୁ ଝିଜେରେ ଖାନି ଲାକ୍ତୁ ଖାଜ ମାର୍ସି ସାଏର୍, ଆୟାଉଣ୍ଡିଙ୍କ ଖାନ୍ ଖାନି ସିସୁରିଙ୍କ ଖାନି ଉଣ୍ଡିଙ୍କ ଉଣ୍ଡି_ ଇସି ତଙ୍କାଁ ଲାକ୍ତୁ ଇଡ଼ଦେଙ୍କ ଇର୍ଆନ୍;

୧୦ ଇରିଙ୍କ ଜିସୁ ଏସ ରୋଗ୍ତୁ ମାର୍ଇ ଲୋକାଙ୍କ ନେଗେଣ୍ଡୁ କିତାନ୍ଆକା, ମାରି ରୋଗ୍ତୁ ମାନି ଝିଜେରେ ଖାନିଙ୍କ ମୁଟ୍ତେଙ୍କ ଇଜି ଖାନି ମୁସକୁ ମାର୍ସି ସାଜି ମାର୍ଆର୍ ।

☆ ୩:୯ ମାର୍କ ୪:୧; ଲୁକ ୫:୧-୩.

୧୧ ମାରି, ତାଗ୍‌ଲଥାମ୍‌ ଆସ୍‌ତିମାର୍‌ଇ ଲୋକୁ ଜିସୁଙ୍କୁ ସୁଡ଼଼ିମାର୍‌ଆର୍‌, ଖାର୍‌ ଜିସୁ ଆଗ୍‌ଡ଼ି ଆର୍କି ଆଉଲି ଆଜି ଇନ୍‌ଜିମାର୍‌ଆର୍‌, “ନିନ୍‌ନେ ମାପୁରୁଦି ମାରିସି ।”

୧୨ ଆବେଟ୍‌ ଖାନ ଏନ୍‌ ଆକା ଏଙ୍‌ବା ଇନ୍‌ଇ ଉଣ୍ଡିଙ୍‌ ଖାନ ତାଗ୍‌ଲ ଆମ୍‌େଆଙ୍‌ ଆଟ୍‌ଝାଦାନ୍‌ ଆଦେସ୍‌ ସିତାନ୍‌ ।

ଜିସୁ ବାର ଲୋକାଙ୍‌ ସିସୁର୍‌ କିତାନ୍‌
(ମାତିଉ ୧୦:୧-୪; ଲୁକ ୬:୧୨-୧୬)

୧୩ ଆୟାଝେନ୍‌କା ଜିସୁ ଗରନ୍‌ ମୁସ୍‌କୁ ସର୍‌ଆନ୍‌ନୋ, ଖାଣ୍ଡୁ ଏମେ ଲୋକ୍‌ତିଙ୍‌ ବଦା କିତାନ୍‌ ଆୟା ଲୋକ୍‌ତିଙ୍‌ ଖାନି ଲାକ୍‌ତୁ କୁକ୍‌ତାନ୍‌ ମାରି ଖାର୍‌ ଖାନିବାନ୍‌ ଖାତାର୍‌ ।

୧୪ ଜିସୁ ବାର ଲୋକ୍‌ ସିସୁର୍‌ଇ ବାସ୍‌କିତାନ୍‌, ଏଣ୍‌ସ୍‌ ଖାରୁ ଖାନିଖାଲେ ତେବାନାର୍‌, ମାରି “ଖାନ୍‌ ଖାରିଙ୍‌ ନେଗିକାରୁରୁ ପ୍ରଗାର୍‌ କିଦେଙ୍‌ ପୋକ୍‌ତାନ୍‌,”

୧୫ ମାରି ଖାର୍‌ ଦୁବେଆଙ୍‌ ପେର୍‌ଦେଙ୍‌ ଅଦିକାର୍‌ ପଇତାର୍‌ ।

୧୬ ଜିସୁ ଇୟା ବାର ଲୋକାଙ୍‌ ବାସ୍‌କିତାନ୍‌ ସିମୋନ୍‌, ଜିସୁ ଆମାଖାନିଙ୍‌ କି ମାରି ଉଣ୍ଡି ଦର୍‌ ପିତର୍‌ ଇଜି ସିତାନ୍‌;

୧୭ ଜେବଦାଦି ରିଏର୍‌ ମାରିସିର୍‌ ଯାକୁବ୍‌ ମାରି ଖାନି ତଡ଼ାନ୍‌ ଯୋହନ୍‌, ଆମାଖାରିଙ୍‌ ଖାନ୍‌ ବିନେରିଗୋସ୍‌, ବା ମିର୍‌ସି ଆଉଲି ଆନି ବାଦଡ଼ି ମାରିସିର୍‌ ଇଜି ଦର୍‌ ସିତାନ୍‌;

୧୮ ଆନ୍ଦ୍ରିୟ, ପିଲିପ୍‌, ବାର୍‌ଥଲମି, ମାତିଉ, ଥୋମା, ଆଲପିଦି ମାରିସି ଯାକୁବ୍‌, ଅଦ୍‌ମୟ, କିଣାନିୟ ସିମୋନ୍‌, ଏନ୍‌ ଇସ୍ରାଏଲ୍‌ତିଙ୍‌ ଡ଼ିସିସ୍‌ କିଦେଙ୍‌ ବଦାକିଜି ମାର୍‌ଇ ଯିହୁଦି ଲୋକାମାଣ୍‌କୁ ଅରେନ୍‌ ମାର୍‌ଆନ୍‌ ।

୧୯ ମାରି ଇସ୍‌ସାରିୟୋତିୟ ଜିହୁଦା, ଆମାକାନ୍‌ କି ଝେନ୍‌କା ଜିସୁଙ୍କୁ ସାତୁରି କିୟୁ ଆସ୍‌ପିସ୍‌ କିତାନ୍‌ ।

ଜିସୁ ମାରି ବାଲ୍‌ଜିବୁଲ୍‌
(ମାତିଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ଇୟା ଝେନ୍‌କା ଜିସୁ ଏସିଖାଲେ ଇନ୍‌ଡ୍ର ଡେସି ଖାତାନ୍‌, ଆବେ ନିସା ଲୋକୁ ଉଣ୍ଡାତା ମାର୍‌ଆର୍‌ ଯେ, ଜିସୁ ମାରି ଖାନି ସିସୁର୍‌ ଖାଦି ଉଣ୍ଡେଙ୍‌ ବା ଆଟ୍‌ଏତାର୍‌ ।

୨୧ ଏସ୍ତିଖାଲେ ଜିସୁରି ଇନ୍‌ଡ୍ର ଲୋକୁ ଇକା ଝେର୍‌ଆର୍‌ ଆୟାଖାଲେ ଖାର୍‌ ଜିସୁଙ୍କୁ ଡେସି କୁକ୍‌ସ୍‌ ଅତେଙ୍‌ ସରଆର୍‌, ଇରିଙ୍‌ “ଖାନି ତାଲା ପାଣି ସିଏଜିନାଡ଼ ଇଜି ଲୋକୁ ଖାର୍‌ଜିସାନିକା ଝେର୍‌ଆର୍‌ ।”

୨୨ *ମାରି, ଜିରୁସାଲାମ୍‌ତାନ୍‌ ଖାତି ଏସୋ ସାସ୍ତିର୍‌ ଇର୍‌ହାର୍‌, “ଝେନିଙ୍‌ ଦୁବେଆଣି ପେରିକାଡ଼ ବାଲ୍‌ଜିବୁଲ୍‌ ବୁଡ଼ତା ମାନାଡ଼, ତାନେ ସାଲ୍‌ଦାନ୍‌ ଦୁବେଙ୍‌ ଡ଼ିସିସ୍‌ନାନ୍‌ ।”

୨୩ ଜିସୁ ଖାରିଙ୍‌ ଲାକ୍‌ତୁ କୁକ୍‌ତାନ୍‌ ମାରି ଉଣ୍ଡି କାତା ଝେର୍‌ସି ବୁଜା କିତାନ୍‌, “ସୟତାନ୍‌ ଏଣ୍‌ସ୍‌ ଶୟତାନ୍‌ତିଙ୍‌ ପେର୍‌ଦେଙ୍‌ ଆଟ୍‌ନାଡ଼ ?”

୨୪ ନିଜେଦି ଦେସ୍‌ ଜଦି ନିଜେ ନିଜେରି ଦଳ ଲୋଇ ଜୁଦ୍‌ କିନାର୍‌, ଆୟା ରାଜି ତିର୍‌ ତେବାଦେଙ୍‌ ଆଟ୍‌ଏଡ଼ ।

୨୫ ମାରି, ଉଣ୍ଡି ଇଲ୍‌ତି ଲୋକୁ ଜଦି ବାଗ୍‌ ବାଗ୍‌ ଆଜି ନିଜେ ନିଜେରି ଲୋଇରି ବିରୁଦ୍‌ତାନ୍‌ ନିଂଇତିଙ୍‌, ଆୟା ଇଲୁ ତିର୍‌ ତେବାଦେଙ୍‌ ଆଟ୍‌ଏଡ଼ ।

୨୬ ଆୟାଖାଜା, ଜଦି ଶୟତାନ୍‌ତି ରାଜି ବାଗ୍‌ ବାଗ୍‌ ଆଜି ନିଜେଦି ବିରୁଦ୍‌ତାନ୍‌ ନିଂଇତାଡ଼ନି, ଆୟାକା ତିର୍‌ ତେବାଏଡ଼, ମାତର୍‌ ତାନି ସାନିକା ଖାତାଡ଼ନି ।

୨୭ “ମାତର୍‌ ଅରେନ୍‌ ବପୁମାନି ଲୋକ୍‌ତି ଇନ୍‌ଡ୍ର ଏନ୍‌ବା ଡ଼ଗୁଜି ଆଗ୍‌ଡ଼ି ଖାନିଙ୍‌ ତର୍‌ଏତିଙ୍‌, ଖାନି ସାମାନ୍‌ପତ୍ର ତଂଆ କିଜ ଅତେଙ୍‌ ଆଟ୍‌ଏନ୍‌; ଖାନିଙ୍‌ ଆଗ୍‌ଡ଼ି ତର୍‌ତିଙ୍‌ ଗାଦେ ଖାନ୍‌ ଖାନି ଇଲୁ ଲୋଇ ତଂଆ କିନାନ୍‌ ।

୨୮ “ନାନ୍‌ ମିଙ୍‌ ସଡ଼ ଇଜିନା, ଲୋକ୍‌ତି ଝିଜୁ ପାପ୍‌ ମାରି ଖାର୍‌ ଏସା ନିନ୍‌ମାମାଟା ଇନ୍‌ଜି ମାପୁରୁଙ୍କୁ ନିନ୍‌ମା କିନାର୍‌, ଆୟାଝିଜୁ କେମା ଆନାଡ଼;

୨୯ *ମାତର୍‌ ଏନ୍‌ ପବିତ୍ରଆମ୍‌ାଦି ବିରୁଦ୍‌ତାନ୍‌ ନିନ୍‌ମା ମାଟା ଇନାନ୍‌, ଖାନିଙ୍‌ ମାପୁରୁ ଏସାଙ୍‌ ବା କେମା କିଏନ୍‌, ଆୟା ଲୋକୁ ଝିଜୁଦିନ୍‌ତି ଉଣ୍ଡିଙ୍‌ ଶାସ୍ତି ପଇନାନ୍‌ ।”

୩୦ “ଜିସୁଙ୍କୁ ତାଗ୍‌ଲଥାମ୍‌ ଆସ୍‌ତା ମାନାଡ଼” ଇଜି ଏସୋ ସାସ୍ତିର୍‌ ଇର୍‌ହାର୍‌ ଆକା, ଜିସୁ ଇୟା ମାଟା ଇନ୍‌ଜି ଖାରିଙ୍‌ ବୁଝା କିତାନ୍‌ ।

ଜିସୁଦି ଆଇସି ମାରି ତଡ଼ାନ୍‌କୁ
(ମାତିଉ ୧୨:୪୬-୫୦; ଲୁକ ୮:୧୯-୨୧)

୩୧ ନାସିଖାଲେ ଜିସୁଦି ଯାୟା ନି ତଡ଼ାନ୍‌କୁ ଖାତାରୋ ଆଡ଼ରେ ନିର୍‌ହା ରୋ ଜିସୁଙ୍କୁ କୁକ୍‌ତେଙ୍‌ କାରୁର୍‌ ପୋକ୍‌ତାର୍‌ ।

୩୨ ଆବେଟ୍‌ ଖାନି ସାରିବେଡ଼ି ବାସ୍‌ତି ମାର୍‌ଇ ଲୋକୁ ଖାନିଙ୍‌ ଇର୍‌ହାର୍‌, “ସୁଡ଼ିଆ, ମି ଯାୟା ନି ତଡ଼ାନ୍‌କୁ ମାରି ତାଙ୍‌କ୍‌ ଆଡ଼ରେ ତେବାତେ ନୋ ନିଙ୍‌ ପଇଜିନେ ।”

☆ ୩:୨୨ ମାତିଉ ୯:୩୪; ୧୦:୨୫. ☆ ୩:୨୯ ଲୁକ ୧୨:୧୦.

୩୩ ମାତର ଜିସୁ ଖାରିଙ୍ଗ୍ ଇରୁଆନ୍, “ନା ଯାୟା ନି ତଡ଼ାନକୁ ଏର ?”

୩୪ ଜିସୁ ଖାନି ସାରିବେଡ଼ତି ବାସ୍ତତି ମାରୁଇ ଲୋକାଙ୍ଗ୍ ସୁଡ଼ୁଛି ଇରୁଆନ୍, “ସୁଡ଼ୁ, ଇକାର୍ ଆଜିନାର୍ ନା ଯାୟା ନି ନା ତଡ଼ାନକୁ ।

୩୫ ଏନ୍‌ଆପିନ୍ ମାପୁରୁଦି ମାଟା ମାନାନାନ୍, ଖାନ୍ ନା ତଡ଼ାନ, ତାଙ୍ଗ୍ ମାରି ଯାୟା ।”

୪

ଓଡ଼ୁ ଓଡ଼ନି ଲୋକ୍ତି କାତା

(ମାତିଉ ୧୩:୧-୯; ଲୁକ ୮:୪-୮)

୧ ଜିସୁ ଗାଲିଲି ସାମୁରୁ ପାଡ଼ି ମାରିଡେସି ଶିକ୍ଷା ସିଦେଙ୍ଗ୍ ଆରାମ୍ କିତାନ୍, ଖାନି ଲାକ୍ତୁ ନାଣ୍ଟ ଲୋକ୍ତି ଉଣ୍ଡାତାର୍ ଆକା, ଖାନ୍ ସାମୁରୁତୁ ମାରୁଇ ଉନ୍‌ଡ଼ି ତଙ୍ଗାଦୁ ସଲ୍‌ସି ବାସ୍ତାନ୍ ମାରି ଲୋକ୍ତି ଓଡ଼େରେ ସାମୁରୁ ପାଡ଼ି ତେବାତାର୍ ।

୨ ଜିସୁ କାତାଦାଣ୍ଟ ଏସୋ ସିକିୟା ସିନିଖାଲେନେ ଖାନ୍ ଖାରିଙ୍ଗ୍ ଇରୁଆନ୍,

୩ “ଓଡ଼ୁ ଅରେନ୍ ଓଡ଼ୁ ଓଡ଼ନିକାନ୍ ଓଡ଼ତେଙ୍ଗ୍ ସତାନ୍ ।

୪ ଖାନ୍ କିଡ଼ିକ୍ତୁ ଓଡ଼ୁ ଓଡ଼ନିଖାଲେ ଏସ ଓଡ଼ୁ ସାରି ପାଡ଼କାଦୁ ଆର୍ତେ ଆକା ପଟିଙ୍ଗ୍ ଖାଜି ଆୟାଓଡ଼ୁ ଓଡ଼ୁ ତିରୁଏ ।

୫ ମାରି ଏସ ଓଡ଼ୁ ଉଣା ସିକାଲାମାନି ପିଡ଼ିପି ବୁମିଦୁ ଆର୍ତାଡ଼ । ମାରି ନାଣ୍ଟ ସିକାଲା ସିଲେତାଡ଼ ଆକା ଓଡ଼ୁ ଦାପ୍ରେ ନେରିତାଡ଼ ।

୬ ମାତର ଓଡ଼ତା ସତାଡ଼ ଆକା ଗାଜା ଓଡ଼ତା ସର୍‌ଆଡ଼ ମାରି ଓଡ଼େଲା ଲୋକ୍ତି ସାର୍‌ଏତା ମାର୍‌ଆଡ଼ ଆକା ଖାର୍‌ତା ସର୍‌ଆଡ଼ ।

୭ ମାରି ଏସୋ ଓଡ଼ୁ ସାମକା ଦୁପା ଲୋକ୍ତି ଆର୍ତାଡ଼, ମାରି ସାମ୍‌ମାରାକ୍ ପିରିଡେନୋ ତାମେ ମୁସ୍‌କୁ ତିଗାତେ ମାରି ଆୟା ମାରାତୁ ଉଣ୍ଟି ବା ପାଡ଼ୁ ଆସ୍‌ଏତାଡ଼ ।

୮ ମାତର ଏସୋ ଓଡ଼ୁ ନେଗି ବୁମିଦୁ ଆର୍ତାଡ଼, ଆୟା ବାଡ଼ିଦୁ ଗାଜା ଆଜି ପିରିତାଦୋ ତିରିସ୍ ଗୁଣ୍ଟ, ସାଟେ ଗୁଣ୍ଟ ମାରି ସୟେ ଗୁଣ୍ଟ ସାନ୍ ପାଡ଼ୁ ଆସ୍‌ଏତାଡ଼ ।”

୯ ଆବେ ଜିସୁ ଇରୁଆନ୍, “ଆମାଖାନିଙ୍ଗ୍ ଓଡ଼େନ୍‌ଡେଙ୍ଗ୍ ଗିତଣିଙ୍ଗ୍‌ମାନେ, ଖାନ୍ ଓଡ଼ନିନ୍ ।”

କାତାଦି ଉଦେସ୍

(ମାତିଉ ୧୩:୧୦-୧୭; ଲୁକ ୮:୯-୧୦)

୧୦ ଜିସୁ ଅରେନ୍‌ନେ ମାନିଖାଲେ ବାର ଲୋକ୍ତି ଶିଶୁର୍ ମାରି ଖାରିଖାଲେ ମାନିଲୋକ୍ତି ଜିସୁମାନୁ ଖାଜି ଓଡ଼େନ୍‌ବାତାର୍ “ନିନ୍‌ ଏକ୍ଷା କାତାଦାନ୍ ମାଟା ଓଡ଼େସିନି ?”

୧୧ ଆବେଟ୍ ଜିସୁ ଖାରିଙ୍ଗ୍ ଇରୁଆନ୍, ମାପୁରୁଦି ରାଜିଦି ମାର୍‌ଗିତି ମାଟା ବୁଜାଦେଙ୍ଗ୍ ଉଣ୍ଟିଙ୍ଗ୍ ମିଙ୍ଗ୍ ବପୁ ପୁଟ୍‌ତାମାନାଡ଼, ମାତର ଆୟା ଆଡେଣି ଲୋକାଙ୍ଗ୍ ଇୟାଓଡ଼ୁ ବିସୟ କାତାଦାନ୍ ଓଡ଼େଡେଙ୍ଗ୍ ଆଜିନାଡ଼ ।

୧୨ ଆୟା ଉଣ୍ଟିଙ୍ଗ୍

ଖାର୍ ଓଡ଼େନ୍‌ଜି ଓଡ଼େନ୍‌ଜି ନେସ୍‌ଡେଙ୍ଗ୍ ଆର୍‌ଏର୍,

ମାରି ଓଡ଼େନ୍‌ବୁ ଓଡ଼େନ୍‌ବୁ ବୁଜାଏର୍,

ଜଦି ନେସ୍‌ନାର୍ ମାରି ବୁଜାନାର୍ ମାରି ମାପୁରୁଡ଼ି ଲାକ୍ତୁ ଡେସିଖାନାର୍

ମାରି ଖାରିଙ୍ଗ୍ କେମା କିନାନ୍ ।

ଜିସୁ ଓଡ଼ ଓଡ଼ତି ଅର୍ତ୍ତ ବୁଝାକିତାନ୍

(ମାତିଉ ୧୩:୧୮-୨୩; ଲୁକ ୮:୧୧-୧୫)

୧୩ ଜିସୁ ମାରି ସିସୁରିଙ୍ଗ୍ ଇରୁଆନ୍, “ଇୟା କାତା ମିର୍‌ବା ବୁଝାଦେଙ୍ଗ୍ ଆର୍‌ଇଜିନିଦେର୍ ? ଆଇ ଓଡ଼ୁ କାତା ଏଣ୍ଡେସ୍ ବୁଝାନିଦେର୍ ?

୧୪ ଓଡ଼ନିକାନ୍ ଓଡ଼ୁ ଅର୍ତାଡ଼ ମାପୁରୁଡ଼ି ବାକ୍ୟ ଓଡ଼ନାନ୍ ।

୧୫ ଆମାକାର୍ ମାପୁରୁଦି ବାକ୍ୟ ଓଡ଼ନାର୍, ମାତର ଓଡ଼େହି ଦାପ୍ରେନେ ଶୟତାନ୍ ଖାନାଡ଼ ନୋ ଖାରିମାନୁ ଓଡ଼ାତିମାନି ବାକ୍ୟଦିଙ୍ଗ୍ ତଂଆ କିନା ଅନାଡ଼, ଖାରୁ ସାର୍‌ଦୁ ବାକ୍ୟ ଓଡ଼ାତି ବୁମିଦି ଖାଜା ।

୧୬ ଆୟାଖାଜା, ଏର୍‌କି ବାକ୍ୟ ଓଡ଼େନ୍‌ଦାପ୍ରେ ଓଡ଼ିକାଦାନ୍ ଆକା ଖାରି ମନ୍ ଲୋକ୍ତି ଇଡ଼ନାର୍,

୧୭ ମାତର ଖାରିମାନୁ ଓଡ଼େଲା ସାଗ୍‌ଏଡ଼ଆକା ସାଣେକନେ ତିର୍ ତେବାନାର୍, ଓଡ଼େକା ବାକ୍ୟ ଉଣ୍ଟିଙ୍ଗ୍ ଦୁଃକ୍ ମାରି ନିଦା ମାଟା ଖାଡ଼ିଙ୍ଗ୍ ଆୟାଦାପ୍ରେ ବିସ୍‌ବାସ୍ ତିସ୍‌ନାର୍, ଖାରୁ ପିଡ଼ିପି ବୁମିଦୁ ଆର୍‌ତିମାନି ଓଡ଼ତି ଓଡ଼ତି ଖାଜା ।

☆ ୪:୧ ଲୁକ ୫:୧-୩.

୧୮ ମାରି ଆମାକାରକି ବାକ୍ୟ ଝେନ୍ନାର, ମାତର ଦୁନିଆଦି ସିନ୍ଧା, ତାବୁକୁଁ ଟାକେକ୍‌ଣି ମାୟା ମାରି ଆଇ ଓଜୁ ବିସୟତୁ ଆସା ମନ୍ତୁ ତୁଗୁନାଦ ବାକ୍ୟଦିକ୍ ତିଗାନାତ୍ ମାରି ଆକା ପାଡ଼ ସୁଲିକା ଆନାତ୍ । ଖାର ସାମ୍ ମାରାକା ଲୋଇ ଆଡ଼ତି ଓଜୁ ଖାଜା ।

୧୯ ମାତର ଦୁନିଆଦି ସିନ୍ଧା, ଦନ୍‌ଲବ୍ ମାରି ଆଇ ଆସା ଖାରି ମନ୍‌ତିକ୍ ତିରଜିମାନିକ୍ ଆୟା ମାଟା ଖାରିମାନୁ ପିରଏଡ଼ ।

୨୦ ମାରି, ଆମାକାର କି ବାକ୍ୟ ଝେନାରୋ ଆକା ମନ୍ ଲୋଇ ଇଡ଼ନାର, ଖାର ଏନ୍ ତିରିସ୍ ଗୁଣ୍, ସାଟେ ଗୁଣ୍ ମାରି ସହେ ଗୁଣ୍ ପାଡ଼ ଆସନାର ଆୟା ଲୋକୁ ନେଗି ବୁମିଦୁ ଓଡ଼ତି ଓଡ଼ତି ଖାଜା ।”

**ଅତି ଆଡ଼ଗି ଦିଆ
(ଲୁକ ୮:୧୭-୧୮)**

୨୧ *ଜିସୁ, ମାରିଡେସି ଖାରିକ୍ ଇରୁଆନ୍, “ଏନ୍ ଏସକାକ୍ ଇନିକା ଦିଝା କାସିସକିଜି ଅତି ଆଡ଼ଗି କି ଖାଟେଲ୍ ଆଡ଼ଗି ଇଡ଼ନାନ୍ ? ଆକା ଲୋକୁ ଦିଝା କାସିସକିଜି ଦିଆ ଇଡ଼ନି ବାଡ଼ିଦୁ ଇଡ଼ଏର୍ ନୋ ?”

୨୨ *ଇରିକ୍ ତରଇ ଇସାବତାନ୍ ଏମେକାବା ମାରଗଏଡ଼; ଆମାକା ମାରଗିତା ମାନାତ୍, ଆକା ତରଦେକ୍ ଇଜିନେ ମାରଗିତା ମାନାତ୍ ।

୨୩ ଜଦି “ଆମାଖାନିକ୍ ଝେନ୍‌ଡେକ୍ ଗିତଣିକ୍‌ମାନେ, ଖାନ୍ ଝେନିନ୍ ।”

୨୪ *ଜିସୁ ଖାରିକ୍ ଇରୁଆନ୍, “ଇନିକା ଝେନ୍‌ଜିନିଦେର୍, ଆୟା ଉଣ୍‌କ୍ ଜାଗାରତା । ମିର୍ ଏଣ୍‌ସ୍ କିଜି ଆଇ ଲୋକ୍‌ତିକ୍ ଲେକିସ୍ କିଜି ସିନିଦେର୍, ଆୟାଖାଜା ପ୍ରବୁ ମିକ୍ ନାଣ୍ ଲେକିସ୍ କିଜି ସିନାନ୍ ।

୨୫ *ଏମେ ଲୋକ୍‌ତିକ୍ ମାନାତ୍, ଖାନିକ୍ ପୁର୍ନାତ୍; ମାରି ଆମାଖାନିକ୍ ସିଲେଡ଼, ଖାନିବାନ୍ ଆମାକା ମାନାତ୍, ଆକାବା ମାପୁରୁ ଖାନିମାଣ୍‌କୁ ଅନାନ୍ ।”

ଓଡ଼ୁ ଗାଜା ଆଜି ପିରୁନି କାତା

୨୬ ଜିସୁ ମାରିଡେସି ଇରୁଆନ୍, “ମାପୁରୁତି ରାଜି ଇୟାଖାଜା । ଅରେନ୍ ଲୋକୁ ନିଜେଦି ବୁମିଦୁ ଓଡ଼ୁ ଓଡ଼ନାନ୍;

୨୭ ଖାଣ୍‌ରୁ ନାଡ଼ା ସୁଜନାନ୍ ମାରି ଝେଡେ ନିନାନ୍, ମାରି ଆୟା ଓଡ଼ୁ ଏଣ୍‌ସ୍ ଗାଜା ଆତାଦୋ ପିରତାଡ଼, ଆକା ଖାନ୍ ନେସଏପ୍ ।

୨୮ ବୁମି ନିଜେ ପାଡ଼ ତ୍ରାପିସକିନାଡ଼, ଆଗଡ଼ି ଆକୁ, ଝେନ୍‌କା ସେରେନ୍, ତାନି ଝେନ୍‌କା ସେରେନ୍‌ତୁ ବର୍ ପାଡ଼କୁ ।

୨୯ ଆବେଟ୍ ସେରେନ୍ ପାଣ୍ଡିତି ଦାପ୍ରେ ଖାନ୍ ତେରେକ୍ କୁଲିକ୍ ଆତେ ଇଜି କଏରକ୍ ଆସନା ସନାନ୍ ।

ସାରସୁ ପାଡ଼ଡ଼ି କାତା

(ମାତିଉ ୧୩:୩୧-୩୨; ଲୁକ ୧୩:୧୮-୧୯)

୩୦ “ଜିସୁ ମାରି ଇରୁଆନ୍, ମାଡ଼ୁ ମାପୁରୁଦି ରାଜିଦିକ୍ ଆମାତାନିଖାଲେ ତୁସନାଟ୍ ?” ବା ଇକା ଏମେ କାତା ଝେରସି ଆକା ବୁଝାକିନାଟ୍ ?

୩୧ ମାପୁରୁଦି ରାଜି ଆକା ଉଣ୍, ସାରସୁ ପାଡ଼ଡ଼ି ଖାଜା; ବୁମିଦୁ ଓଡ଼ତିଖାଲେ ଆକା ଦୁନିଆଦି ଓଡ଼ୁ ପାଡ଼କାଣ୍ ଇସିକାଡ଼,

୩୨ ମାତର ଓଡ଼ତି ଝେନ୍‌କା ଆକା ପିରଜି ନିଂଇନାଦ ଓଡ଼ୁ କୁସେକ୍ ମାଣ୍‌କୁ ପେରିକାଡ଼ ଆନାତ୍, ମାରି ତାନି କମେକ୍ ଇୟାଖାଜା ପେରିକେକ୍ ଆନେ ଯେ, ବାଦଡ଼ତି ପଟିକ୍ ମାରାତି ସିଡ଼ଡ଼ିତୁ ତେବାଦେକ୍ ଆଟନେ ।

୩୩ ଜିସୁ ଇୟାଖାଜା ନାଣ୍ କାତାଦାନ୍ ଲୋକା ବୁଜାନି ଶକ୍ତି ଇସାବତାନ୍ ଖାରିମାନୁ ବାକ୍ୟ ଝେରସି ମାରୁଆନ୍,

୩୪ ଜିସୁ କାତା ଇନ୍‌ଏଣ୍ ଇନିକାବା ଲୋକାକ୍ ଇନ୍‌ଏଜି ମାରୁଆନ୍ । ମାତର ଜିସୁ ଆଇ ଲୋକୁ ସିଲିଖାଲେ ଖାନି ସିସୁରିକ୍ ଓଜୁମାଟା ବୁଝାକିଜି ମାରୁଆନ୍ ।

ଜିସୁ ଗାଲିପିରୁ ଖାନିତାନିକ୍ ତେବାକିତାନ୍

(ମାତିଉ ୮:୨୩-୨୬; ଲୁକ ୮:୨୨-୨୪)

୩୫ ଆୟା ନାଣ୍‌କ୍ ମିଲିମିଲିକା ଜିସୁ ସିସୁରିକ୍ ଇରୁଆନ୍, “ରାଦୁ, ସାମ୍‌ଦୁରୁତୁ ଆୟା ପାଡ଼ି ସନାଟ୍ ।”

୩୬ ଆବେଟ୍ ଖାନି ସିସୁର ଲୋକାକ୍ ଡ଼ିସତାରୋ, ଜିସୁ ଆଗଡ଼ି ଆମା ଡ଼କ୍‌ଦୁ ବାସ୍ତା ମାରୁଆନ୍ ଆବେ ଖାର ଏକ୍‌ତାର୍ ମାରି ଜିସୁକ୍ ଅରସେ ଅତାର, ମାରି ଆବେ ଆଇ ଡ଼କ୍‌ଗେକ୍ ବା ମାରହେ ।

୩୭ ଆୟାଝେନ୍‌କା ସାମ୍‌ଦୁରୁତୁ ଉଣ୍ ଗାଲିପିରୁ ଖାତାଡ଼, ମାରି ଉଲକା ଏର୍ ଆଟତେଆକା ଡ଼କ୍‌ଦୁ ଏରୁ ପୁରୁନ୍ ଆଦେକ୍ ଆରାମ୍‌ଆତେ ।

୩୮ ଜିସୁ ଜାହାଜଦି ଲୋଇ ଉନ୍‌ଡ଼ି ବାକ୍‌ରାଦି ଝେନ୍‌କା ତରନ୍ ସରୁଆନ୍‌ନୋ ତାଲା ଟାଟ୍‌ନି ପିଡ଼ା ତାଲାଆଡ଼ଗି ଇଟ୍‌ଟାନ୍‌ନୋ ଶୁଜିମାରୁଆନ୍; ସିସୁର ଜିସୁକ୍ ନିକସି ଇର୍ହାର, “ଏ ଗୁରୁ, ମାପ୍ ସାତାପ୍, ନିନ୍ ଇନିକା ଅଡ଼ବିଇ ନୋ ?”

☆ ୪:୨୧ ମାତିଉ ୫:୧୫; ଲୁକ ୧୧:୩୩. ☆ ୪:୨୨ ମାତିଉ ୧୦:୨୬; ଲୁକ ୧୨:୨. ☆ ୪:୨୪ ମାତିଉ ୭:୨; ଲୁକ ୭:୩୮. ☆ ୪:୨୫ ମାତିଉ ୧୩:୧୨; ୨୫:୨୯; ଲୁକ ୧୯:୨୭.

୩୯ ଆବେଟ୍ ଜିସୁ ନିଂଇତାନନୋ ଗାଲିଲିଆନ୍ ଆଦରିସ୍ କିଜି ଉଲକାଏର୍ଡିଙ୍ଗ୍ ଇର୍ଥାନ୍, “ତିର୍ ଆଆ” ତେବାଆ ।
ଆବେଟ୍ ଗାଲି ଉଣାଆତାଡ୍ ମାରି ଓଁକୁ ତିର୍ଆତାଡ୍ ।

୪୦ ଆୟାଞ୍ଜେନକା ଜିସୁ ସିସୁରିଙ୍ଗ୍ ଇର୍ଥାନ୍, “ମିର୍ ଇନ୍ଦାନିଙ୍ଗ୍ ନିସା ତିଲାଇନିଦେର୍ ? ଇକା ଇନିକା ! ଇୟାସାନ୍ଦି ମି
ବିସ୍ବାସ୍ ସିଲେଡ୍ ନୋ ?”

୪୧ ଆବେଟ୍କୁ ସିସୁର୍ ନାଣ୍ଡ ତିଲାଇତାରୋ ଖାରି ଖାରି ଲୋଇ ଖାରିଗିଜି ସାତାର୍, “ଇୟା ଲୋକ୍ ଏନ୍ ଜେ, ଗାଲି ନି ଏରୁ
ବା ଖାନି ମାଟା ମାନାନେ ?”

୫

ଜିସୁ ଅରେନ୍ ଦୁବାକାସ୍ତି ଲୋକ୍ତିଙ୍ଗ୍ ନେଗେଣ୍ଡୁ କିତାନ୍
(ମାତିଉ ୮:୨୮-୩୪; ଲୁକା ୮:୨୭-୩୯)

୧ ଞ୍ଜେନକା ଜିସୁ ମାରି ଖାନି ସିସୁର୍ ଗାଲିଲି ସାମ୍ବୁର୍ ଆୟାପାଡିଦି ଗରାସିୟରି ସାନ୍ଦୁ ସର୍ଥାର୍ ।

୨ ଜିସୁ ତଙ୍ଗାଦାନ୍ ରେତି ଦାପ୍ରେ ଅରେନ୍ ଦୁବା ଆମ୍ବା କାସ୍ତି ଲୋକ୍ ଦୁକି ଲୋଇରାନ୍ ସତାନନୋ ଜିସୁଙ୍ଗ୍ ବେଟ୍ଆତାନ୍ ।

୩ ଖାଣ୍ଡୁ ଛୁକିଦୁ ତେବାଜି ମାରିଆନ୍, ଖାନିଙ୍ଗ୍ ଏନ୍ଦା ସିକ୍ଷିଦାନ୍ ତର୍ତେଙ୍ଗ୍ ଆର୍ଏଜିମାହାନ୍ ।

୪ ଖାନ୍ ଏସାଦେବେଙ୍ଗ୍ ମେଟିଙ୍ଗ୍ ନି ଶିକ୍ଷିଦାନ୍ ତରରାଇ ଆତାମାରଆନ୍, ମାତର୍ ଖାନ୍ ସିକ୍ଷି ତେଉଜି ପକ୍ସି
ମାରିଆନ୍ ମାରି ମେଟିଙ୍ଗ୍ କଣ୍ଡୁ କଣ୍ଡୁ କିଜି ରୁକ୍ସି ମାରିଆନ୍ ମାରି ଖାନିଙ୍ଗ୍ ତରସୋ ଇଡ୍ଦେଙ୍ଗ୍ ଏ ବପୁବା ସିଲେତାଡ୍ ।

୫ ଖାଣ୍ଡୁ ଛୁଡ୍ଡେ ନାଡା ଓଁକୁ ଖାଲେ ଦୁକିଗୁଟା ମାରି ଗରନ୍ଦକାଙ୍ଗ୍ ତେବାଜି ଆଉଲି ଆଜିମାହାନ୍, ମାରି କାଲକାଣ୍ଡ
ନିଜେଦି ମେକ୍ତିଙ୍ଗ୍ ତିଡ୍ଡା କାହା କିଜି କତାଜି ମାରିଆନ୍ ।

୬ ଖାନ୍ ଆକରାନ୍ ଜିସୁଙ୍ଗ୍ ସୁଡ୍ଡୁନନୋ ଉରୁକ୍ସି ଖାଜି ଖାନି ଆଗଡି ଆର୍ତାନ୍,

୭ ମାରି ନାଣ୍ଡ ଆଉଲି ଆଜି ଇର୍ଥାନ୍, ଏ ଓଁଜେରିଙ୍ଗ୍ ମୁସ୍ତୁକ୍ ମାନି ମାପୁରୁଦି ମାରିସି ଜିସୁ, ନି ଖାଲେ ନା ଇନିକା ମାନାଡ୍
? ନିଙ୍ଗ୍ ମାପୁରୁଦି ଦରତାନ୍ ମାଡିସ୍ କିଜିନା, ନାଙ୍ଗ୍ କାସ୍ତି ସିମା ।

୮ ଇରିଙ୍ଗ୍ ଜିସୁ ଖାନିଙ୍ଗ୍ ଇର୍ଥା ମାରିଆନ୍, “ଏରେ ତାଗ୍ଲଆମ୍ବା, ଇୟା ଲୋକ୍ତିମାଣ୍ଡୁ ସହସ୍ ସାଙ୍ଗ୍ଆ ।”

୯ ମାରି, ଜିସୁ ଖାନିଙ୍ଗ୍ ଞ୍ଜେନବାତାନ୍, ନି ଦର୍ ଇନିକା ? ଖାନ୍ ଜିସୁଙ୍ଗ୍ ଇର୍ଥାନ୍, ନା ଦର୍ ବାହିନି, ଇରିଙ୍ଗ୍ ମାପୁ ନାଣ୍ଡ ।

୧୦ ମାରି, ଜିସୁ ଏଣ୍ଡେସ୍ ଖାନିକାଙ୍ଗ୍ ଆୟା ସାନ୍ଦିଦାନ୍ ଆଡ୍ରେ ପୋକ୍ଏନ୍, ଆୟା ଉଣ୍ଡିଙ୍ଗ୍ ଆୟା ଦୁବା ଆସ୍ତିକାନ୍
ଖାନିଙ୍ଗ୍ ନାଣ୍ଡ ମାଡିସ୍କିତାନ୍ ।

୧୧ ଆୟା ଲାକ୍ତୁରି ଗରନ୍ ଆଡ୍ଗି ଉଣ୍ଡି ପେରି ପାନ୍ଡିଙ୍ଗ୍ ମାନ୍ଦା ସାରାଜିମାରିଏ ।

୧୨ ମାରି, ତାଗ୍ଲ ଆଡ୍ମେଙ୍ଗ୍ ଜିସୁଙ୍ଗ୍ ମାଡିସ୍ କିଜି ଇର୍ଏ, “ଆୟା ପାନ୍ଡିଙ୍ଗ୍ଆ ଲୋଇ ଡ୍ଗୁଦେଙ୍ଗ୍ ଇଜି ମାଙ୍ଗ୍
ଖାନିକା ମାନ୍ଦୁ ପୋକ୍ଆ ।”

୧୩ ଜିସୁ ଖାନିକାଙ୍ଗ୍ ଆଦେସ୍ ସିତାନ୍ ଆକା, ତାଗ୍ଲ ଆଡ୍ମେଙ୍ଗ୍ ସତେନୋ ପାନ୍ଡିଙ୍ଗ୍ ଲୋଇ ଡ୍ଗୁଡେ; ଆୟା ପାନ୍ଡି
ମାନ୍ଦା ଉରୁକ୍ସି ସର୍ହେନୋ ଟିପୁଦାନ୍ ଉରୁକ୍ସି ସଲ୍ସି ସାମ୍ବୁର୍ତୁ ଆରଜି ମୁଡ୍ଗୁଡେ ସାତେ । ପାନ୍ଡିଙ୍ଗ୍ ଇସାବ୍ ଦୁଇ
ହଜାର୍ ମାରିହେ ।

୧୪ ପାନ୍ଡିଆଙ୍ଗ୍ ସାଆରା କିନି ଲୋକ୍ ଉରୁକ୍ସି ସର୍ଥାରିରୋ ଗାଡ୍କାଙ୍ଗ୍ ନି ନାରିକାଙ୍ଗ୍ ଆୟା ମାଟା ଞ୍ଜେଟାର୍;
ଆବେଟ୍ ଲୋକ୍ ଇନିକା ଆତାମାନାଡ୍ ଇଜି ସୁଡ୍ଗୁ ଖାତାର୍ ।

୧୫ ମାରି, ଲୋକ୍ ଜିସୁ ଲାକ୍ତୁ ଖାତାରୋ ଆୟା ଆମାଖାନିଙ୍ଗ୍ କି ବାହିନି ଦୁବା ଆସ୍ତା ମାରିଆଡ୍, ଖାନିଙ୍ଗ୍ ନେଗି ଖାତି
ପିଡ୍ଗୁଜୋ ନେଗି ମୋନ୍ତାନ୍ ବାସ୍ତି ମାରିକା ସୁଡ୍ଗୁରୋ ତିଲାଇତାର୍ ।

୧୬ ଆମାକାର୍ ସୁଡ୍ଗୁ ମାରିଆର୍, ଖାରି ଆୟା ଦୁବାକାସ୍ତି ଖାନିଙ୍ଗ୍ ଇନିକା ଆତାମାରିଆଡ୍, ଆକା ନି ପାନ୍ଡିଙ୍ଗ୍
ବିସୟତାନ୍ ଖାରିମାନ୍ ଞ୍ଜେଟାର୍ ।

୧୭ ଆବେଟ୍ ଖାରି ଖାରି ରାଜିଦାନ୍ ଡିସ୍ସି ସନ୍ଡେଙ୍ଗ୍ ଜିସୁଙ୍ଗ୍ ମାଡିସ୍କିତାର୍ ।

୧୮ ଞ୍ଜେନକା ଜିସୁ ତଙ୍ଗାଦୁ ଏକ୍ନିଖାଲେ, ଆମାଖାନିଙ୍ଗ୍ ଆଗଡି ଦୁବା କାସ୍ତି ମାରିଆଡ୍, ଖାନ୍ ଜିସୁଖାଲେ ସନ୍ଡେଙ୍ଗ୍
ଇଜି ରିଜା ମୁଜା ଇର୍ଥାନ୍ ।

୧୯ ମାତର୍ ଜିସୁ ଖାନିଖାଲେ ସନ୍ଡେଙ୍ଗ୍ ସାରି ସିଏଣ୍ଡା ଖାନିଙ୍ଗ୍ ଇର୍ଥାନ୍, “ମି ଇନ୍ଡୁ, ମାରି ମି ନିଜେଦି ଲୋକାମାନ୍ଦୁ
ସାଙ୍ଗ୍ଆ, ପ୍ରବୁ ନି ଉଣ୍ଡିଙ୍ଗ୍ ଆମା ଆମା କାମ୍ କିତାମାନାନ୍ ମାରି ନି ଉଣ୍ଡିଙ୍ଗ୍ ଏମେ ଦୟା ତର୍ତା ମାନାନ୍, ଆୟାଓଁକୁ
ଓଁଜେରିଙ୍ଗ୍ ଇନ୍ଆଁ ।”

୨୦ ଆବେଟ୍ ଖାଣ୍ଡୁ ସୁର୍ଥାନ୍, ଜିସୁ ଖାନିଙ୍ଗ୍ ଆମା ଆମା ପାଣି କିତାମାହାନ୍, ଦଶଗୋଟା ଗାଡ୍କୁ ଦେକାପଲି ଇଜିମାନି
ଦଶଗୋଟା ଗାଡ୍କାଙ୍ଗ୍ ରାଜିଦୁ ପ୍ରତାର୍ କିଦେଙ୍ଗ୍ ଆସ୍ତାନ୍; ଆବେଟ୍ ଓଁଜେରେ କାବାଆତାର୍ ।

ଜିସୁ ଜାଇରସ୍‌ତି ସାତି ଆଇଲିଦିଙ୍ଗ ନିକ୍ତାନ ମାରି ଅରେଡ୍ ଆଇମାଦିଙ୍ଗ ନେଗେଣ୍ଡ କିତାନ
(ମାତିଉ ୯:୧୮-୨୬; ଲୁକ ୮:୪୦-୫୬)

୨୧ ଜିସୁ ତଙ୍ଗାଦୁ ନାତାନନୋ ମାରିଡେସି ସାମ୍ବୁର ଆୟାପାଡି ସର୍ଆନ୍ । ଖାନ୍ ସାମ୍ବୁର ପାଡିମାନିଝାଲେ ନାଣ୍ଡ
ଲୋକୁ ଖାନି ଲାକଡୁ ଉଣ୍ଡାତାର୍; ମାରି ଜିସୁ ସାମ୍ବୁର ପାଡି ତେବାତାନ ।

୨୨ ନାସିଝାଲେ ପାରତନା ଇଲୁଦି ପେରିକାନ୍ ଜାଇରସ୍ ଦର୍ଡି ଅରେନ୍ ଲୋକୁ ଖାଜି ଜିସୁଙ୍କୁ ସୁଡ଼ତୁାନନୋ ଖାନି
ଆଗଡି ପାଡ଼ଗଜି ମାଡ଼ସକିତାନ,

୨୩ ମାରି ଜିସୁଙ୍କୁ ନାଣ୍ଡ ମାଡ଼ସ କିଜି ଇର୍ଆନ୍, “ନା ଗାଡ଼ି ସାତାମାନାଡ଼; ନା ଗାଡ଼ି ଏଣ୍ଡେସ୍ ନେଗେନ୍ ଆନାଡ଼ନୋ
ଜିନାଡ଼, ଆୟା ଉଣ୍ଡିଙ୍ଗ ନିନ୍ ଖାଜ ତାନି ମୁସକୁ ନି କିୟୁ ଇଡିଆ ।”

୨୪ ଆବେଟ୍ ଜିସୁ ଖାନିଝାଲେ ସର୍ଆନ୍, ମାରି ଲୋକୁ ଝିଜେରେ ଖାନି ଝାଲେଝାଲେ ସନ୍ଡେଙ୍ଗ୍ ଆସ୍ତାର୍, ଖାର୍ ଖାନି
ମୁସକୁ ମାଟ୍ସି ସାଜି ମାର୍ଆର୍ ।

୨୫ ନାସିଝାଲେ ବାର ବାରସେକ୍ ସାନ୍ ସୁଡୁକ୍ ଆନି ରୋଗ୍ ଆସ୍ତି ଆଇମା ମାରାଆଡ଼,

୨୬ ଆମାକାଡ଼ କି ନାଣ୍ଡ ଦୁକ୍ ବଗାଜି ତାକ୍ତରକା ମାଣ୍ଡକୁ ସେବା କିଆଇଆଜି ତାନେ ଝିଜୁ ତାବୁଙ୍କୁ ଝିସ୍ତା ମାର୍ଆଡ଼,
ମାତର୍ ଏମେକାବା ନେଗେଣ୍ଡ ଆଏଣ୍ଡା ନାଣ୍ଡନେ ରୋଗ୍ ଆଜିମାହାଡ଼,

୨୭ ଝାଡୁ ଜିସୁ ବିସୟତାନ୍ ଝେର୍ଆଦୋ ନାଣ୍ଡ ଲୋକୁ ଲୋଇରାନ୍ ଝେନ୍‌କା ସାରି ଝାତାଦୋ ଖାନି ଝାତି ଜାଲିଦିଙ୍ଗ୍
ମୁଟ୍‌ତାଡ଼, ଇରିଙ୍ଗ୍ ଝାଦ୍ ଇଜିମାର୍ଆଡ଼,

୨୮ “ନାନୁ ଜିସୁ ଝାତି ମୁଟ୍‌ତିଙ୍ଗ୍ ନେଗେନ୍ ଆନା ।”

୨୯ ଆୟା ଆଇମା ଖାନି ଝାତି ମୁଟ୍‌ତି ଦାପ୍ରେ ତାନି ସୁଡୁକ୍ ଆନି ରୋଗ୍ ଝିସ୍ତାଡ଼, ମାରି ଆୟା ଆଇମା ନାନ୍ ନେଗେନ୍
ଆତା ଇଜି, ମେନ୍‌ଲଡୁ ନେସ୍‌ଡେଙ୍ଗ୍ ଆଟ୍‌ତାଡ଼ ।

୩୦ ଆୟାଝେନ୍‌କା ଜିସୁ ଖାନି ଲୋଇରାନ୍ ସାଲ୍ଲି ସହସି ସନିକା ନେସ୍‌ତାନନୋ ଲୋକୁ ଗହଲି ତରିଣ୍ଡ ମାର୍ତାନନୋ
ଝେନ୍‌ବାତାନ୍, ଏନ୍ ନା ଝାତି ମୁଟ୍‌ତାନ୍ ?

୩୧ ଖାନି ସିସୁର୍ ଇର୍ହାର୍, “ନିନ୍‌ଡୋ ସୁଡ଼ଜିନି, ଲୋକ୍‌ଡର୍ ନି ସାରିବେଡ଼ଡ଼ି ମାଟ୍‌ସି ସାଜିନାର୍, ମାରି ନିନ୍ ଇଜିନି, ଏନ୍
ନାଂଇ ମୁଟ୍‌ତାନ୍ ?”

୩୨ ମାତର୍ ଏନ୍ ନାଂଇ ମୁଟ୍‌ତାନ୍, ନେସ୍‌ଡେଙ୍ଗ୍ ଉଣ୍ଡିଙ୍ଗ୍ ଝାନ୍ ସାରିବେଡ଼ଡ଼ି ସୁଡ଼ଦେଙ୍ଗ୍‌ଆସ୍‌ତାନ୍ ।

୩୩ ଝିଜୁ ତାନେଙ୍ଗ୍ ଇନିକା ଆତାଡ଼ଆକା ନେସ୍‌ତାଦୋ ଆୟା ଆଇମା ତିଲାଜି ତିରଗ୍‌ଜି ତିରଗ୍‌ଜି ଝାତାଦୋ ଜିସୁ
କାଲ୍‌କା ଆଡ଼ଗି ମେଣ୍ଡେଙ୍ଗ୍ ଗଟ୍‌କିଜି ଝିଜୁ ସଡ଼ ମାଟା ଝେର୍‌ତାଡ଼ ।

୩୪ ଜିସୁ ତାନିଙ୍ଗ୍ ଇର୍ଆନ୍, ଗାଡ଼ି, ନି ବିସ୍‌ବାସ୍ ନିଙ୍ଗ୍ ନେଗେନ୍ କିତାମାନାଡ଼; ସାଡ଼ିଦାନ୍ ସାଙ୍ଗ୍‌ଆ ମାରି ନି
ରୋଗ୍‌ତାନି ନେଗେନ୍ ଆଜି ମାନ୍‌ଆ ।

୩୫ ଜିସୁ ଇୟା ମାଟା ଇନିଝାଲେ, ପାରତନା ଇଲୁଡୁ ଅଦିକାର୍ ମାନି ଜାଇରସ୍‌ତି ଇନ୍‌ଡୁଣାନ୍ ଏସୋଲୋକ୍ ଝାତା ରୋ
ଝାନିଙ୍ଗ୍ ଇର୍ହାର୍, “ନି ଗାଡ଼ି ସାତାସରାଡ଼ଲେ, ଗୁରୁଙ୍ଗ୍ ଏନ୍‌ଆ ମାରି କାସୁ ସିଜିନିଦେର୍ ?”

୩୬ ଜିସୁ ଆୟାମାଟା ଝେର୍‌ଆନ୍‌ନୋ ଝେନ୍‌ଇ ଝାଜା ଆତାନନୋ ପାରତନା ଇଲୁଡୁ ଅଦିକାର୍ ମାନି ଯାଇରସ୍‌ତିଙ୍ଗ୍
ଇର୍‌ଆନ୍, “ତିଲାମା, ବିସ୍‌ବାସ୍ କିଆ ।”

୩୭ ତାନେ ଝେନ୍‌କା ଜିସୁ ଯାଇରସ୍‌ତି ଇଲୁଡୁ ସନ୍‌ଡେଙ୍ଗ୍ ଇଜି ଯାକ୍‌ବ, ଖାନି ତଡ଼ାନ୍ ଯୋହନ୍ ମାରି ପିତର୍‌ଡ଼ିଙ୍ଗ୍
ଡ଼ିସ୍‌ତିଙ୍ଗ୍ ମାରି ଏଙ୍ଗ୍‌ବା ଝାନିଝାଲେ ଇଲୁ ଲୋଇ ଅଏତାନ୍ ।

୩୮ ଝାର୍ ଯାଇରସ୍‌ତି ଇଲୁଡୁ ଝାତାର୍ ରୋ, ଝାନ୍ ଆଉଲି ଆନିକା ମାରି ଲୋକୁ ନାଣ୍ଡ ବରକୁକ୍‌ସି ଆଡ଼୍‌ବାନିକା ମାରି
ଦୁଃକ୍‌ତାନ୍ ଆଡ଼୍‌ବାନିକା ସୁଡ଼ତୁାନ୍,

୩୯ ଜିସୁ ଇଲୁ ଲୋଇ ସର୍‌ଆନ୍ ନୋ ଲୋକାଙ୍ଗ୍ ଇର୍‌ଆନ୍, “ଏନ୍‌ଆ ଆଉଲି ମାରି ଆଡ଼୍‌ବାଜିନିଦେର୍ ? ଗାଡ଼ି ସାଏଡ଼,
ମାତର୍ ଝାଡୁ ସୁସ୍‌ତାମାନାଡ଼ । ଆବେଟ୍ ଝାର୍ ଝିଜେରେ ଜିସୁଙ୍କୁ ସେମାର୍ କିତାର୍ ।”

୪୦ ଜିସୁ ଝିଜୁ ଲୋକାଙ୍ଗ୍ ଆଡ଼ରେ ପୋକ୍‌ତାନ୍ ନୋ ଆଇଲିଦି ବୁବାସି ନି ଆଇସିଙ୍ଗ୍ ମାରି ଖାନି ମୁଏର୍ ଶିଶୁର୍‌ରିଙ୍ଗ୍
ଝାନିଝାଲେ ଆସ୍‌ତାନନୋ ଆଇଲି ଆମା ବାଡ଼ିଦୁ ତରିତା ମାର୍‌ଆଡ଼, ଆବେ ସର୍‌ଆର୍‌ରେ ଡ଼ଗ୍‌ରିତାର୍ ।

୪୧ ଜିସୁ ଆଇଲିଦି କିୟୁ ଆସ୍‌ସି ଇର୍‌ଆନ୍, “ଟାଲିଆକୁମ୍,” ଇରିଙ୍ଗ୍ “ଏ ଆଇଲି, ନାନ୍ ନିଂଇ ଇଜିନା ନିଙ୍ଗ୍‌ଆ ।”

୪୨ ଆୟାଦାପ୍ରେ ଆଇଲି ନିଂଇତାଦୋ ବୁଲାଦେଙ୍ଗ୍ ଆସ୍‌ତାଡ଼; ନାସିଝାଲେ ଆଇଲିଦିଙ୍ଗ୍ ବାର ବାର୍‌ସେକ୍ ଆତାମାର୍‌ଆଡ଼
। ଆବେଟ୍ ଇୟା ମାଟା ଝେର୍‌ଆର୍ ଝିଜେରେ ନାଣ୍ଡ କାବାତାସର୍‌ଆର୍ ।

୪୩ ମାରି, ଇୟା ମାଟା ଏଣ୍ଡେସ୍ ଏନ୍‌ବା ନେସ୍‌ଏର୍, ଆୟା ଉଣ୍ଡିଙ୍ଗ୍ ଜିସୁ ଝାରିଙ୍ଗ୍ ଆଟ୍‌ଝାଦାନ୍ ମାଟା ଝେର୍‌ତାନ୍, ମାରି
ଆଇଲିଦିଙ୍ଗ୍ ଇନ୍‌କାବା ଉଟ୍‌ପିସ୍‌କିଦେଙ୍ଗ୍ ଇଜି ଝାରିଙ୍ଗ୍ ଇର୍‌ଆନ୍ ।



ନାଜରିତ୍ୱ ଲୋକ ଜିସୁଙ୍କୁ ମାନସତାର
(ମାତ୍ରି ୧୩:୫୩-୫୮; ଲୁକ ୪:୧୭-୩୦)

୧ ଜିସୁ ଆୟାବାଡ଼ି ଡିସସି ସିସୁରିଖାଲେ ନିଜେ ଏମେ ବାଡ଼ିଦୁ ପିରିତା ମାର୍ଥାନ ଆୟା ବାଡ଼ିଦୁ ଖାତାର ମାରି ଖାନି ଶିଶୁର ଖାନି ଖାଲେ ଖାଲେ ସରଥାର ।

୨ ରମନିଦିନ୍ ଇଗା ଖାତାଡ଼ ଆକା, ଜିସୁ ପାରତନା କିନି ଇଲୁଦୁ ସରଥାନନୋ ଶିକ୍ଷା ସିଦେଙ୍କ ଆସତାନ; ମାରି, ଆବେ ମାର୍ତ୍ତ୍ତ୍ରି ଖିଜେରେ ଖାନି ମାଟା ଖେରଥାରୋ କାବାଆଜି ଇର୍ହାର, “ଇୟା ଲୋକ ଇୟାଖିଜୁ ଶିକ୍ଷା ଆମାଣକୁ ପଇତାନ ? ଇୟା ଖାନିଙ୍କ ଆମାଣକୁ ବୁଦି ପୁଟତାମାନାଡ଼ ? ମାରି ଏମେ ସାକ୍ତିଦି ପାଣି ଖେନି କିୟୁଦାନ ଆଜିନାଡ଼, ଇୟାଖିଜୁ ଇନିକା ?

୩ ଇକାନ ଆଜିନାନ ଆୟା ବଡ଼େଇ ଆଏନ୍ । ଖେନି ଆଇସି ଦର ମରିୟମ୍, ଯାକୁବ, ଯୋସି, ଯିହୁଦା ମାରି ସିମୋନ୍ ଖେନି ତଡ଼ାନକୁ । ଖେନି ତାଙ୍କୁ କି ମା ଖାଲେ ମାନେ ।” ଇୟାଖାଜି ଇଜି ଖାର ଜିସୁଙ୍କୁ ମାନାଏତାର ।

୪ ଜିସୁ ଖାରିଙ୍କ ଇର୍ହାନ, “ବାବବାଦିର ନିଜେଦି ରାଜିଦୁ, ନିଜେଦି ଇଲୁଦୁ ମାରି ନିଜେଦି ଲୋକାଙ୍କ ଡିସଡିଙ୍କ ଆଇ ଲୋକାମାନୁ ସମ୍ମାନ ପଇନାର ।”

୫ ଆୟା ବାଡ଼ିଦୁ ଜିସୁ ଏସୋ ରୋଗିଲୋକାଙ୍କ ମୁସକୁ କିୟୁ ଇଡ଼ଜି ନେଗେଶୁ କିନିକା ଡିସଡିଙ୍କ ମାରି ଇନି ନାଶୁ କାବାଦି ପାଣି କିଦେଙ୍କ ଆସତାନ ।

୬ ମାରି, ଜିସୁ ଖାରି ଅବିସବାସ ସୁଡ଼ଜି କାବାଆତା ସରଥାନ ।

ଜିସୁ ବାର ଲୋକାଙ୍କ ପୋକତାନ
(ମାତ୍ରି ୧୦:୫-୧୫; ଲୁକ ୯:୧-୭)

୭ ଖେନକା ଜିସୁ ସାରିବେଡ଼ି ନାରକାଙ୍କ ନାରକାଙ୍କ ବୁଲାଇ ଶିକ୍ଷା ସିଦେଙ୍କ ଆସତାନ । ଆୟାଖାଲେ ଜିସୁ ବାରଲୋକ ସିସୁରିଙ୍କ ଲାକଡ଼ କୁକତାନନୋ ଖାରିଙ୍କ ରିଏର ରିଏର କିଜି ପୋକଡେଙ୍କ ଆସତାନ ମାରି ଖାରିଙ୍କ ତାରଇ ଆଡ଼ମେଙ୍କଆଙ୍କ ପେରଦେଙ୍କ ଅଦିକାର ସିତାନ,

୮ ମିର ସନିଖାଲେ ଉଣ୍ଡି ବାଡ଼ିଗା ଡିସଡିଙ୍କ ରୁଟି, ବା ମାଣି ବା ତାରୁଙ୍କୁ ଇଡ଼ଜି ମାଣି ଅମାଟ ଇଜି ଆଦେସ ସିତାନ ।

୯ ଖାରିଙ୍କ କୁଡେଙ୍କ ବା ଯୋଡ଼କୁ ଆରାଦେଙ୍କ ଇରଥାନ, ମାତର ଆରାଡିମାନି ଆଙ୍କୁ ଡିସଡିଙ୍କ ଆଇକା ଅମାଟ ।

୧୦ ମାରି, ଜିସୁ ଖାରିଙ୍କ ଇରଥାନ, “ଆମା ଇନଡ଼ଣି ଲୋକୁ ମିଙ୍କୁ ମାନାନାର, ଆୟା ବାଡ଼ି ଡିସନି ସନି ସାନ୍ଦି ଆବେ ତେବାଦୁ ।

୧୧ ଜିସୁ ମିର ଏମେ ନାରୁଡ଼ ସନିଦେର ଆୟା ବାଡ଼ିଦି ଲୋକୁ ମିଙ୍କୁ ମାନାଏର, ବା ମି ମାଟା ଖେନଏର, ଆୟା ବାଡ଼ି ଡିସନିଖାଲେ ଖାରିମାନୁ ସାକି ସିଦେଙ୍କ ମି ପାଦାମକାଣି ଦୁଡ଼ି ସାଡ଼ୁ ।”

୧୨ ଇୟା ଖେନକା ସିସୁର ନାରକାଙ୍କ ସାଲସି ପାପସାରି ଡିସସି ମନଡିଙ୍କ ଡେପସି ରାଦୁ ଇଜି, ଆକା ଲୋକାମାନୁ ପ୍ରଚାରକିତାର ।

୧୩ ଖାର ନାଶୁ ଦୁବା କାସ୍ତି ଲୋକାଙ୍କ ଦୁବେଙ୍କ ଡିସସି କିତାର ମାରି ନାଶୁ ରୋଗ ଲୋକାଙ୍କ ନିୟୁ ଉସସି ନେଗେଶୁକିତାର ।

ଡୁବନସିନି ଯୋହନତି ସାନିକା
(ମାତ୍ରି ୧୪:୧-୧୨; ଲୁକ ୯:୭-୯)

୧୪ ଜିସୁ ଦର ଖିଜୁ ତରିନ୍ ଖେଙ୍କୁ ତାଡ଼ିଆକା ଖାନି ବିସୟତାନ ହେରୋଦ ରାଜା ଖେରଥାନ, ମାରି ଲୋକୁ ଇଜିମାରଥାର, “ଡୁବନସିନି ଯୋହନ ସାଡିଲୋକାମାଣାନକୁ ନିଙ୍କୁ ତାମାନାନ, ଆୟା ଉଣ୍ଡିଙ୍କ ଇୟାଖିଜୁ ସାକ୍ତି ଖେନିମାନୁ ପାଣିକିଜିନାଡ଼ ।”

୧୫ ମାତର ଆଇ ଲୋକଡର ଇଜିମାରଥାର, “ଖାଶୁରୁ ଏଲିୟୁ,” ମାରି ଏସୋ ଲୋକୁ ଇଜିମାରଥାର, “ପୁର୍ବେଦି ବାବବାଦିରି ଖାଜା ଖାଶୁରୁ ବା ଅରେନ୍ ବାବବାଦି ।”

୧୬ ମାତର ହେରୋଦ ଇକା ଖେରଥା ଇରଥାନ, “ନାନ ଆମା ଯୋହନତି ତାଲା କଇତା ମାର୍ତ୍ତା, ଆୟା ଯୋହନ ମାରିଡେସି ନିଙ୍କୁ ତାମାନାନ ।”

୧୭ ହେରୋଦ, ଯୋହନତିଙ୍କୁ ତରସି ଜଇଲୁଡ଼ ଇଡ଼ଦେଙ୍କ ଆଦେସ ସିତାମାରଥାନ, ଇରିଙ୍କ ହେରୋଦ ଖାନି ତଡ଼ାନ ପିଲିପତି ଆଡ଼ସି ହେରୋଦିଆଦିଙ୍କ ପେଡ଼ି ଆତା ମାର୍ଥାନ ଆକା ଇକା କିତାନ ।

୧୮ ଇରିଙ୍କ ଯୋହନ ହେରୋଦତିଙ୍କ ଇଜିମାରଥାନ, “ନିଜେଦି ତଡ଼ାନତି ଆଡ଼ିଦିଙ୍କ ଇଡ଼ନିକା ନିୟମ୍ ସିଲେଡ଼ ।”

☆ ୭:୪ ଜୋହନ ୪:୪୪. ☆ ୭:୧୧ ପ୍ରେରିତ ୧୩:୫୧. ☆ ୭:୧୧ ଲୁକ ୧୦:୪-୧୧. ☆ ୭:୧୩ ଜାକୁବ ୫:୧୪. ☆ ୭:୧୪ ମାତ୍ରି ୧୭:୧୪; ମାର୍କ ୮:୨୮; ଲୁକ ୯:୧୯. ☆ ୭:୧୭ ଲୁକ ୩:୧୯,୨୦.

୧୯ ଇୟାଉଣ୍ଟିଙ୍କ ହେରୋଦିଆ ଯୋହନତିଙ୍କ ଶାତୁଝାଜା ସୁଡ଼ଜି ରିସା ଆତାଦୋ ସାୟାମାର୍ଗା ତାକ୍ତେଙ୍କ ବଦା କିଜିମାର୍ଆଡ଼, ମାତର୍ ଆଟ୍‌ଏଜି ମାର୍ଆଡ଼;

୨୦ ଇରିଙ୍କ ହେରୋଦ ଯୋହନତିଙ୍କ ଅରେନ୍ ଦାମ୍‌ ମାରି ପବିତ୍ର ଲୋକ୍ ଇଜି ନେସ୍‌ସି ତିଲାଇ ମାର୍ଆନ୍, ମାରି ଯୋହନତିଙ୍କ ରକ୍ଷା କିଦେଙ୍କ ବଦାକିଜି ମାର୍ଆର୍, ମାରି ହେରୋଦ ଯୋହନତି ମାଟା ଝେନ୍‌ଜି ନାଣ୍ଡ ତରବର ଆଜିମାର୍ହାନ୍ ଆତିଙ୍କବା ଝେଡ଼ିକାଦାନ୍ ଆୟା ମାଟା ଝେନ୍‌ଜି ମାର୍ଆନ୍ ।

୨୧ ସାରାସାରି ଏସ ଦିନ୍ ଝେନ୍‌କା ହେରୋଦିଆଦିଙ୍କ ଉଣ୍ଡି_ ସାରି ତରିତାଡ଼ । ହେରୋଦ ଝାନି ଜନମ୍ ଦିନ୍‌ତୁ ଝିଜୁ ପେରି ପେରି ଲୋକାଙ୍କ୍, ସେନାପତିରିଙ୍କ ମାରି ଗାଲିଲିଦି ଝିଜୁ ପେରି ଲୋକାଙ୍କ୍ ଉଣ୍ଡେଙ୍କ୍ ନାଡ଼ା ସମୟତୁ ଉଣ୍ଡି_ ବୋଜି ତିଆର କିତାନ୍;

୨୨ ମାରି, ହେରୋଦିଆଦି ଗାଡ଼ସି ଲୋକ୍ ଝାତାଡ଼ଦ ଗାଡ଼ସି ହେରୋଦ ମାରି ବୋଜିଦୁ ବାସ୍‌ତି ମାର୍‌ହି କୁଡ଼ାଆଙ୍କ୍ ମୋନ୍‌ତିଙ୍କ ଝେଡ଼ିକା କିବିସ୍‌କିତାଡ଼ । ଆବେଟ୍ ହେରୋଦ ରାଜା ଗାଡ଼ସିଙ୍କ୍ ଝେନ୍‌ବାତାନ୍, “ନିନ୍ ଇନିକା ବଦାକିଜିନି, ଲସ୍‌ଆ, ନାନ୍ ଆକା ନିଂଇ ସିନା ।”

୨୩ “ନାନ୍ ପାର୍‌ମାଣ୍ କିଜି ଇଜିନା, ନିନ୍ ଆମାକା ଲସ୍‌ନି, ଆକା ରାଜିଦି ଆଧା ବାଗ୍ ବା ସିନା ।”

୨୪ ଆବେଟ୍ ଗାଡ଼ସି ଆଡ଼ରେ ସର୍ହାଦୋ ତାନି ଆଇସିଙ୍କ୍ ଝେନ୍‌ବାତାଡ଼, ନାନ୍ ଇନିକା ଲସ୍‌ନା ? ତାମେ ଆଇସି ଦାପେ ଦାପେ, ତାନେଙ୍କ ଇର୍ହାଡ଼, “ନିନ୍ ତୁବନ୍ ସିନି ଯୋହନତି ତାଲା ଲସ୍‌ଆ ।”

୨୫ ଆୟାଦାପ୍ରେ ଗାଡ଼ସି ରାଜାମାନ୍ ଉରୁକ୍‌ସି ଝାଜି ଇର୍ହାଡ଼, “ନା ବଦା ଯେ, ନିନ୍ ତୁବନ୍‌ସିନି ଯୋହନତି ତାଲା ଇୟାଦାପ୍ରେ ନାଂଇ ଉଣ୍ଡି_ ସାଡ଼ଝାଡ଼ୁ ସିଦା ।”

୨୬ ଇକା ମାଟା ଝେନ୍‌ଜି ହେରୋଦ ରାଜା ନାଣ୍ଡ ଦୁଃଖ କିତାନ୍ ମାତର୍ କୁଡ଼ାଆଙ୍କାଁ ଆଗ୍‌ଡ଼ି ପାର୍‌ମାଣ୍ କିତାମାର୍ହାନ୍‌ଆକା ସିଲେ ଇନ୍‌ଡ୍ରେଙ୍କ୍ ଆଟ୍‌ଏତାନ୍ ।

୨୭ ଆବେଟ୍ ରାଜା ଦାପ୍ରେ ଅରେନ୍ ସନ୍‌ଏଙ୍କ୍ ପୋକ୍‌ତାନ୍ ନୋ ଯୋହନତି ତାଲା ତାତେଙ୍କ୍ ଆଦେସ୍ ସିତାନ୍ । ଝାଣ୍ଡି_ ସର୍‌ଆନ୍ ନୋ ଜଲଲି ଲୋକ୍ ଯୋହନତି ତାଲା କଇତାନ୍,

୨୮ ଯୋହନତି ତାଲା ଉଣ୍ଡି_ ସାଡ଼ଝାଡ଼ୁ ତାତାନ୍ ନୋ ଆଇଲିଦିଙ୍କ୍ ସିତାନ୍, ଆୟାକା ଆଇଲି ଆସ୍‌ତାଦୋ ତାମେ ଆଇସିଙ୍କ୍ ସିତାଡ଼ ।

୨୯ ଯୋହନତି ସିସୁର୍ ଆୟା କାବୁର୍ ଝେର୍‌ଆରରେ ଝାତାର୍ ମାରି ଝାନି ସାତି ମାଡ଼ା ଆସ୍‌ତା ଅତାରୋ ଦୁକି ଗୁଟାଦୁ ମୁସ୍‌ତାର୍ ।

ଜିସୁ ପାସ୍ ହାଜାର ଲୋକାଙ୍କ୍ ଉଠିସ୍ କିତାନ୍
(ମାତିଉ ୧୪:୧୩-୨୧; ଲୁକ ୯:୧୦-୧୭; ଜୋହନ ୬:୧-୧୪)

୩୦ ଝେନ୍‌କା ସିସୁର୍ ଜିସୁ ଲାକ୍‌ତୁ ଉଣ୍ଡାତାର୍, ଝାରୁ ଏମେ ଏମେକା କିତାମାର୍‌ଆର୍ ମାରି ଏମେ ଏମେକା ଶିକ୍ଷା ସିତାମାର୍‌ଆର୍, ଆୟାଝିଜୁ ଝାନିଙ୍କ୍ ଝେର୍‌ତାର୍ ।

୩୧ ଆବେଟ୍ ଝାନି ଝାନି ସିସୁରିଙ୍କ୍ ଇର୍‌ଆନ୍, “ସାଡ଼ୁ ମାଡ଼ୁ ଏରନାଡ଼ ଉଣ୍ଡି_ ସିମ୍‌ା ବାଡ଼ିଦୁ ସନାଟ୍ । ଆବେ ଏସୋ ସମୟ ରୋମ୍‌ନାଟ୍ ।” ଇରିଙ୍କ୍ ନାଣ୍ଡ ଲୋକ୍ ଝିଜେରେ ସନିକା ଝାନିକା ଆଜିମାର୍‌ହାର୍ ଆକା ଝାରିଙ୍କ୍ ଉଣ୍ଡେଙ୍କ୍ ବା ସମୟ ସିଲେତାଡ଼ ।

୩୨ ଆୟାଝେନ୍‌କା ଜିସୁ ମାରି ଝାନି ଶିଶୁର୍ ତଙ୍କାଁଦୁ ଏକ୍‌ତାରନୋ ଉଣ୍ଡି_ ସିମ୍‌ା ବାଡ଼ିଦୁ ସନ୍‌ଡ୍ରେଙ୍କ୍ ସତାର୍ ।

୩୩ ମାତର୍ ଝାର୍ ସନିଝାଲେ ଏସୋ ଲୋକ୍ ଝାରିଙ୍କ୍ ସୁଡ଼ଜି ମାରି ସିନିସ୍ କିତାର୍, ମାରି ଲୋକ୍ ଝିଜେରେ ଝିଜୁ ଗାଡ଼କାଣାକୁ ପାଦାମକାଣ୍‌କୁ ଆବେ ଅର୍‌ସେ ଉରୁକ୍‌ସି ସର‌ଆର୍ ରୋ ଝାରି ଆଗିଡ଼ି ଇଗା ସର‌ଆର୍ ।

୩୪ ✠ଜିସୁ ତଙ୍କାଁଦାନ୍ ସତାନ୍‌ନୋ ନାଣ୍ଡ ଲୋକାଙ୍କ୍ ସୁଡ଼ଜି ଝାରି ଉଣ୍ଡିଙ୍କ୍ ଦୁଃଖ କିତାନ୍, ଇରିଙ୍କ୍ ଝାର୍ ଗାଡ଼଼ ସିଲି ମେଣ୍ଡେଙ୍କାଁ ମାନ୍‌ା ଝାଜା ଝାର୍ ସାକାସିଲିକା ନି ସିନ୍ତା ଆଜିମାର୍‌ହାର୍; ମାରି, ଝାଣ୍ଡି_ ଝାରିଙ୍କ୍ ନାଣ୍ଡ ସିକିୟା ସିଦେଙ୍କ୍ ଆସ୍‌ତାନ୍ ।

୩୫ ନାଣ୍ଡ ଝେଡ଼ା ଆତାଡ଼‌ଆକା ଝାନି ସିସୁର୍ ଝାନି ଲାକ୍‌ତୁ ଝାତା ଇର୍‌ହାର୍, “ଇୟାବାଡ଼ିତୋ ସିମ୍‌ା, ମାରି ନାଣ୍ଡ ଝେଡ଼ା ଆତାଡ଼‌ନି;

୩୬ ଲୋକ୍ ଏଣ୍ଡେସ୍‌କି ସାରିବେଡ଼ତି ନାରକାଙ୍କ୍ ୍ସନାର୍ ନିଜେ ନିଜେଦି ଉଣ୍ଡିଙ୍କ୍ ଏସୋ ଉଣି ଖାଦି କଣାର୍, ଆୟାଉଣ୍ଡିଙ୍କ୍ ଝାରିଙ୍କ୍ ପୋକ୍‌ଆ ।”

୩୭ ମାତର୍ ଜିସୁ ଝାରିଙ୍କ୍ ଇର୍‌ହାନ୍, “ମିର୍ ଝାରିଙ୍କ୍ ଉଣ୍ଡେଙ୍କ୍ ସିଦୁ,” ସିସୁର୍ ଝାନିଙ୍କ୍ ଇର୍‌ହାର୍, “ମାପ୍ ଇନିକା ଆଟ୍‌ଗୋଟା ଲେଜ୍‌ତି କୁଲି ତାରୁଦାନ୍ ରୁଟି କଣାପ୍ ଝେରିଙ୍କ୍ ସିନାପ୍ ?”

୩୮ ଜିସୁ ଝାରିଙ୍କ୍ ଇର୍‌ଆନ୍, “ମି ଲାକ୍‌ତୁ ଏସୋ ଗୋଟା ରୁଟିଙ୍କ୍ ମାନେ ? ସଲ୍‌ସ୍ ସୁଡ଼ୁ ।” ସିସୁର୍ ସର‌ଆ ଝେର୍‌ଆ ଝାତା ରୋ ଝାନିଙ୍କ୍ ଇର୍‌ହାର୍, “ପାସ୍‌ଗୋଟା ରୁଟିଙ୍କ୍ ମାରି ରୁଣ୍ଡି ମିନ୍‌କୁ ମାନେ ।”

✠ ୭:୩୪ ମାତିଉ ୯:୩୬.

୩୯ ଓଜେରେ ଏଣ୍ଡେସକି ଧାଡ଼ି ଧାଡ଼ି ଆଜି କଡ଼କି ଲାଟା ମାନି ବାଡ଼ିଦୁ ବାସନାର, ଆୟା ଉଣ୍ଡିଙ୍ଗ ଜିସୁ ବାସିସ୍ କିଦେଙ୍ଗ୍ ଖାରିଙ୍ଗ୍ ଆଦେସ୍ ସିତାନ୍ ।

୪୦ ଆବେଟ୍ ଓଜେରେ ଶହେ ଶହେ ଲୋକୁ ମାରି ପଚାସ୍ ପଚାସ୍ ଲୋକୁ ଧାଡ଼ି ଆଜି ବାସତାର ।

୪୧ ଆୟାଝେନ୍‌କା ଜିସୁ ଆୟା ପାସଗୋଟା ରୁଟିଙ୍ଗ୍ ମାରି ରୁଣ୍ଡି ମିନ୍‌କୁ ଅସି ସ୍ୱର୍ଗ ମୁସକୁ ସୁଡ଼ଜି ମାପୁରୁଦିଙ୍ଗ୍ ଦନ୍‌ସବାଦ୍ ସିତାନ୍ ମାରି ରୁଟିଙ୍ଗ୍ ରୁକ୍‌ସି ଲୋକାଙ୍ଗ୍ ବାଟାକିଜି ସିଦେଙ୍ଗ୍ ସିସୁରିଙ୍ଗ୍ ସିତାନ୍ । ଆୟା ରୁଣ୍ଡି ମିନ୍‌କାଙ୍ଗ୍ ବା ବାଟାକିଜି ସିଦେଙ୍ଗ୍ ସିତାନ୍ ।

୪୨ ଓଜୁ ଲୋକୁ ଓଜେରେ ତିର୍‌ଆରୋ ପଟାପାଜିତାର ।

୪୩ ଇୟା ଝେନ୍‌କା ସିସୁର୍ ଏଜିତି ରୁଟିଙ୍ଗ୍ ମାରି ମିନ୍‌କୁ ମୋକେଙ୍ଗ୍ ପେଙ୍ଗ୍ ବାରଗୋଟା ତାଡ଼ିଦୁ ବଟ୍ କିତାର ।

୪୪ ଏମେ ଲୋକ୍‌ତର୍ ଇୟା ରୁଟିଙ୍ଗ୍ ତିର୍‌ହା ମାର୍‌ଆର୍, ଖାରି ଲୋଇ ଆବ୍‌କା ମେମାର୍‌ଙ୍ଗ୍ ଲୋକୁନେ ୫,୦୦୦ ହାଜାର୍ ମାର୍‌ଆର୍ ।

ଜିସୁ ଏର୍ ମୁସକୁ ବୁଲାତାନ୍

(ମାତିଉ ୧୪:୨୨-୩୩; ଜୋହନ ୬:୧୫-୨୧)

୪୫ ଆୟାଦାପ୍ରେ ଜିସୁ ଖାନି ସିସୁରିଙ୍ଗ୍ ତଙ୍ଗାଦୁ ବାସିସ୍‌ତାନ୍ ନୋ ସାମ୍‌ଦୁର୍‌ତୁ ଆୟା ପାଡ଼ିଦି ବେଡ଼ସାଇଦାଦୁ ଖାନି ଆଗଡ଼ିନେ ସଣ୍ଡେଙ୍ଗ୍ ଇର୍‌ହାନ୍, ଆବେଟ୍ ଲୋକାଙ୍ଗ୍ ଜିସୁ ପୋକ୍‌ତାନ୍ ।

୪୬ ଜିସୁ ଲୋକାଙ୍ଗ୍ ପୋକ୍‌ତି ଝେନ୍‌କା ଖାନ୍ ପାର୍‌ତନା କିଦେଙ୍ଗ୍ ଇଜି ଗରନ୍ ମୁସକୁ ସର୍‌ହାନ୍ ।

୪୭ ମିଲିମିଲିକା ଆଜି ଖାନିଖାଲେ ତଙ୍ଗା ସାମ୍‌ଦୁର୍ ନାଡ଼ମି ମାର୍‌ଆଡ଼ ମାରି ଖାନ୍ ପାଡ଼ି ଅରେନ୍ ମାର୍‌ଆନ୍ ।

୪୮ ଜିସୁ ସୁଡ଼ତୁନ୍ ଯେ ସିସୁରି ତଙ୍ଗାଦି ସାଟ୍‌ଖା ତାକ୍‌ତେଙ୍ଗ୍ ଇଜି ନାଣ୍ଡ ବାଦାଜି ମାର୍‌ଆର୍ । ଇରିଙ୍ଗ୍ ନାସ୍‌ିଖାଲେ ଗାଲି ଖାରି ଆଗଡ଼ି ସାରି ଖାଜି ମାର୍‌ଆଡ଼ । ସାଲ୍‌ଦି ଆନିଖାଲେ ଜିସୁ ଏର୍ ମୁସକୁ ବୁଲାଜି ବୁଲାଜି ଶିଶୁରି ଲାକ୍‌ତୁ ଖାତାନ୍, ଖାଣ୍ଡୁ ସିସୁରି ଲାକ୍‌ତୁରାନ୍ ଆଜି ଆଗଡ଼ି ସନ୍‌ଡେଙ୍ଗ୍ ବଦା କିଜି ମାର୍‌ହାନ୍

୪୯ ମାତର୍ ସିସୁର୍ ଖାନିଙ୍ଗ୍ ସାମ୍‌ଦୁର୍ ମୁସକୁ ବୁଲାନିକା ସୁଡ଼ତୁରୋ, “ଦୁବା ଇଜି” ଅଡ଼ବିତାରୋ ନାଣ୍ଡ ଆଉଲି ଆତାର୍,

୫୦ ଇରିଙ୍ଗ୍ ଓଜେରେ ଜିସୁଙ୍ଗ୍ ସୁଡ଼ତୁର୍ ତିଲାତା ସର୍‌ହାମାର୍‌ଆର୍ । ମାତର୍ ଜିସୁ ଆୟାଦାପ୍ରେ ଖାରିଖାଲେ ଖାର୍‌ଗିଜି ଖାରିଙ୍ଗ୍ ଇର୍‌ଆନ୍, ସାସ୍ ଆସ୍‌ତୁ, ତିଲାମାର୍, “ନାନ୍ ତୋ ଜିସୁ ।”

୫୧ ଜିସୁ ଖାରି ଲାକ୍‌ତୁ ସର୍‌ଆନ୍‌ନୋ ତଙ୍ଗାଦୁ ଏକ୍‌ତାନ୍, ଆବେଟ୍ ଗାଲି ତିର୍‌ ଆତାଡ଼ । ସିସୁର୍ ମନ୍ ଲୋଇ ନାଣ୍ଡ କାବାଆତା ସରଆର୍ ।

୫୨ ଇରିଙ୍ଗ୍ ଖାର୍ ପାସ୍ ହଜାର୍ ଲୋକାଙ୍ଗ୍ ରୁଟିଙ୍ଗ୍ ଉଠିସକିତି ବିସୟଦି ଅର୍ଡ଼ ବୁଝାଏତା ମାର୍‌ଆର୍, ଇରିଙ୍ଗ୍ ଖାରି ବୁଝି ଗୁପାତା ମାର୍‌ଆଡ଼ ।

ଜିସୁ ଗିନେସରତୁ ନାଣ୍ଡ ରୋଗ୍ ଲୋକାଙ୍ଗ୍ ନେଗେଣ୍ଡୁ କିତାନ୍

(ମାତିଉ ୧୪:୩୪-୩୬)

୫୩ ଜିସୁ ମାରି ଖାନି ସିସୁର୍ ସାମ୍‌ଦୁର୍ ନାସି ଗିନେସରତି ସାନ୍‌ଦୁ ଖାତାରନୋ ସାମ୍‌ଦୁର୍ ପାଡ଼ି ତଙ୍ଗା ତର୍‌ତାର ।

୫୪ ଖାର୍ ତଙ୍ଗାଦାଣ୍ଡୁ ରେଡ଼ି ଖାଡ଼ିଦାପ୍ରେ ଲୋକୁ ଜିସୁଙ୍ଗ୍ ସୁଡ଼ଜି ସିନିସ୍‌ତାର ।

୫୫ ଆବେଟ୍ ଆୟା ସାରିବେଡ଼ତି ନାରକାଙ୍ଗ୍ ଉର୍‌କୁସି ସର୍‌ଆର୍ । ଜିସୁ ଆମା ଆମା ବାଡ଼ିଦୁ ମାର୍‌ଆନ୍ ମାରି ଲୋକୁ ଓଜେରେ ରୋଗ୍ ଲୋକାଙ୍ଗ୍ କାଟେଲ୍‌ତୁ ପିଣ୍ଡୁଜି ଜିସୁମାନ୍ ତାତାର ।

୫୬ ଜିସୁ ଏମେ ଏମେ ନାର୍, ଗାଡ଼୍ ମାରି ଲୋଇରି ନାରକାଙ୍ଗ୍ ସର୍‌ହାନ୍, ଲୋକ୍ ଓଜେରେ ଓଜୁ ବାଡ଼ିଦି ରୋଗିଲୋକାଙ୍ଗ୍ ସାତାଦୁ ତାତାରୋ ଉଣ୍ଡାକିତାର୍, ମାରି ରୋଗିଲୋକ୍ ଏଣ୍ଡେସକି ଖାନି ଖାଡ଼ି ଜାଲି ଅଡ଼ପ୍ ମୁଟ୍‌ନାର୍, ଆୟାଉଣ୍ଡିଙ୍ଗ୍ ଜିସୁଙ୍ଗ୍ ମାଡ଼ିସ୍ କିତାର୍; ମାରି ଏସୋ ଲୋକ୍‌ତର୍ ଜିସୁଦି ଖାଡ଼ି ଜାଲି ମୁଟ୍‌ତାର୍ ଆୟା ଲୋକ୍‌ତର୍ ନେଗେନ୍ ଆତାର୍ ।



ପୁର୍ବେଦି ଲୋକା ମାଟା

(ମାତିଉ ୧୫:୧-୯)

୧ ଝେନ୍‌କା ପାରୁସିର୍ ମାରି ଜିରୁସାଲାମ୍‌ତାନ୍ ଖାଡ଼ି ମାର୍‌ଇ ଏସୋ ସାସ୍‌ିର୍ ଜିସୁ ସାରିବେଡ଼ତି ଉଣ୍ଡାତାର୍ ।

୨ ଖାର୍ ସୁଡ଼ତୁର୍ ଯେ, ଖାନି ଏସୋ ସିସୁର୍ ଜିହୁଦିରି ଇସାବ୍‌ତାନ୍ କିୟୁ ନର୍‌ବାଏଣ୍ଡା ଉଣ୍ଡୁଜି ମାର୍‌ଆର୍ ।

୩ ପାରୁସିର୍ ମାରି ଓଜେରେ ଯିହୁଦୀଲୋକ୍ ଖାରି ପୁର୍ବେଦି ନେତାରି ରାଡ଼ିନୀତି ମାନାଜି ନେଗେଣ୍ଡୁ କିୟୁ ନର୍‌ବାଏଡ଼ିଙ୍ଗ୍ ଖାର୍ ଉଣ୍ଡୁଏର୍,

୪ ସାତାଦୁ ସରହି ଖାତି ଝେନ୍‌କା ନିଜେ ନିଜେଦି ମୁସକୁ ଏର ଲଜାଏତିଙ୍ଗ ଉଣୁଏର; ମାରି ଗିନା, ମୁତା ମାରି କସ୍ ନକି ଏରତୁ ମୁତକୁସି ନରବାନିକା, ଖାଟେଲ୍‌ତୁ ଏରୁ ସିଲକ୍‌ନିକା ଝିକୁ ଆଇ ରାତିନୀତି ମାନାଦେଙ୍ଗ ଇଜି ଖାର୍ ଆଦେସ୍ ପଇତା ମାର୍‌ଆର୍ ।

୫ ପାରୁସିର୍ ମାରି ସାସ୍ତ୍ରିର୍ ଜିସୁଙ୍ଗୁଁ ଇର୍ହାନ୍, “ନି ସିସୁର୍ ପୁର୍ବେଦି ନେତାରି ରାତିନୀତି ଦାଣ୍ଟ ସାଲାଏଣ୍ଟା କିକୁ ନରବାଏଣ୍ଟା ଏନ୍ଦା ଉଣୁଜିନାର୍ ?”

୬ ଜିସୁ ଖାରିଙ୍ଗ୍ ଇର୍ହାନ୍, ଏ ସାଲାକିଦି, ଜିସାଇୟ ବାବବାଦି ମି ବିସୟତୁ ଟିକ୍‌ତାନ୍ ମାଟା ଝେରତା ମାନାନ୍, ଏଣ୍ଟେସ୍ ରାସାତାମାନାଡ୍,

ମାପୁରୁ ଇନାନ୍, ଇୟା ଜାତିଦି ଲୋକ୍‌ତର୍ ମାଙ୍ଗୁଁ ତାମେ ମକମିନେ ମାନାନାର୍, ମାତର୍ ଖାରି ଜିବନ୍ ମାବାଣକୁ ଆକ ତେବାନାଡ୍ ।

୭ ଖାର୍ ଲୋକୁ ତିଆର୍ କିତିମାନି ରାତିନୀତି ଦିଙ୍ଗ୍ ମାପୁରୁଦି ଆଦେସ୍ ଇଜି ଶିକ୍ଷା ସିନାର୍ ଆର୍‌ଏନେ ମା ସେବା କିଜିନାର୍ ।

୮ “ମିର୍ ମାପୁରୁଦି ଆଦେସ୍ ଡିସ୍‌ସି ଲୋକୁ ତିଆର୍‌କିତି ନିୟମ୍‌ଡିଙ୍ଗ୍ ଆସ୍‌ସିନିଦେର୍ ।”

୯ ମାରି ଜିସୁ ଖାରିଙ୍ଗ୍ ଇର୍ହାନ୍, ମିର୍ ମି ସାଲାକିଦାନ୍ ମାପୁରୁଦି ମାଟାଦିଙ୍ଗ୍ ମାନାଇଜିନିଦେର୍ ।

୧୦ ଇରିଙ୍ଗ୍ ମୋସା ନିୟମ୍ ସିତାମାନାନ୍, ମି ବୁବା ଯାୟାଏଙ୍ଗ୍ ମାନାଦୁ, ମାରି ଏନ୍ ନିଜେଦି ବୁବା ନି ଯାୟାଙ୍ଗ୍ ଆନାଦୁରିଆ ସିନାନ୍, ଖାଣ୍ଟୁ ଏଣ୍ଟେସ୍ କିଜିବା ସାନି ଦଣ୍ଟ ପଇନାନ୍ ।

୧୧ ମାତର୍ ମି ଇନ୍‌ଡ୍ର, ଜଦି ଅରେନ୍ ଲୋକ୍‌ତିମାନୁ ଖାନି ବୁବା ଯାୟାଏଙ୍ଗ୍ ସାହାଜ୍ୟ କିଦେଙ୍ଗ୍ ମାନାଡ୍, ମାତର୍ ଆୟା ଲୋକୁ ଇଜିନାନ୍, କାର୍‌ବାନ୍ ମାପୁରୁଡିଙ୍ଗ୍ ପୁଜା ସିତାମାନା ।

୧୨ ଆଦେଙ୍ଗ୍ ମିର୍ ଖାନିଙ୍ଗ୍ ଖାନି ବୁବା ଯାୟାଦିଙ୍ଗ୍ ସାହାଜ୍ୟ କିନି ଉଣ୍ଟିଙ୍ଗ୍ ସିଇଦେର୍ ।

୧୩ ଇୟାଖାଜା ମିର୍ ପୁର୍ବେଦି ଲୋକ୍‌ତି ରାତିନୀତି ଉଣ୍ଟିଙ୍ଗ୍ ମାପୁରୁଦି ବାକ୍ୟଦିଙ୍ଗ୍ ଲାଡ୍ ଡାକ୍‌ସିନିଦେର୍ ମାରି ଆୟାଖାଜା ନାଣ୍ଟ ସେଇ ପାଣିବା କିଜିନିଦେର୍ ।

ଲୋକ୍‌ତିଙ୍ଗ୍ ଇନିକା ତାଗ୍‌ଇକା କିନାଡ୍

(ମାତିଉ ୧୫:୧୦-୨୦)

୧୪ ଅର୍‌ଲେନ୍ ଜିସୁ ଲୋକାଙ୍ଗ୍ ଲାକ୍‌ତୁ କୁକ୍‌ସି ଖାରିଙ୍ଗ୍ ଇର୍ହାନ୍, “ମିର୍ ଝିଜେରେ ନା ମାଟା ଝେନ୍‌ତୁ ମାରି ବୁଝାଦୁ ।”

୧୫ ଲୋକ୍‌ତି ମେନ୍‌ଲ୍ ଆଡ୍‌ରେ ଇୟାଖାଜା ଇନି ବିସୟ ସିଲେଡ୍, ଆମାକା କି ଖାନି ଲୋଇ ଡ୍‌ଗୁଜି ଖାନିଙ୍ଗ୍ ଅପବିତ୍ର କିନାଡ୍, ମାତର୍ ଏମେ ଏମେକା ଲୋକ୍‌ତି ଲୋଇରାନ୍ ସନାଡ୍, ଆୟାଝିକୁ ଖାନିଙ୍ଗ୍ ଅପବିତ୍ର କିନାଡ୍ ।

୧୬ ଜଦି ଆମାଖାନିଙ୍ଗ୍ ଝେନ୍‌ଡ୍ରେଙ୍ଗ୍ ଗିତଣିଙ୍ଗ୍‌ମାନେ ଖାଣ୍ଟୁ ୁଝେନିନ୍ ।*

୧୭ ଜିସୁ ଲୋକାଙ୍ଗ୍ ଡିସ୍‌ସି ଇନ୍‌ଡ୍ର ଖାତି ଝେନ୍‌କା ଖାନି ସିସୁର୍ ଇୟା କାତାଦି ଅର୍ତ୍ତ ବୁଝାକିଜି ସିଦା ଇଜି ଇର୍ହାନ୍ ।

୧୮ ଆବେଟ୍ ଜିସୁ ଖାରିଙ୍ଗ୍ ଇର୍ହାନ୍, “ମିର୍‌ବା ଇନିକା ଖାରିଖାଜା ବୁଜାଦେଙ୍ଗ୍ ଆଟ୍‌ଏଜିନିଦେର୍ ? ଏମେକା କି ଆଡ୍‌ରେରାନ୍ ଲୋକା ଲୋଇ ଡ୍‌ଗୁନାଡ୍, ଆକା ଖାନିଙ୍ଗ୍ ସେଏଣ୍ଟ କିଦେଙ୍ଗ୍ ଆଟ୍‌ଏଡ୍ ।

୧୯ ଇରିଙ୍ଗ୍ ଆକା ଖାନି ଜିବନ୍‌ତୁ ଡ୍‌ଗୁଏଡ୍, ମାତର୍ ପଟା ଲୋଇ ଡ୍‌ଗୁଜି ଆଡ୍‌ରେ ସନା ସନାଡ୍ ।” ମାରି ଇବେଣ୍ଟୁକୁ ଝିକୁ ଖାଦି ନରାନା ସନାଡ୍, ଇକା ଜିସୁ ଇର୍‌ଆନ୍ ।

୨୦ ଜିସୁ ଇର୍ହାନ୍, “ଆମାକା ଲୋକ୍‌ମାଣକୁ ସନାଡ୍, ଆକାନେ ଖାନିଙ୍ଗ୍ ଅପବିତ୍ର କିନାଡ୍ ।

୨୧ ଇରିଙ୍ଗ୍ ଲୋଇରାନ୍, ଲୋକ୍‌ତି ଜିବନ୍‌ତାନ୍, ତାଗ୍‌ଇତିନ୍ତା ସନାଡ୍, ଦାରିପାଣି, ତଂଆ, ଲୋକ୍‌ତିଙ୍ଗ୍ ସାୟାମାର୍‌ଗାଡାକ୍‌ନିକା,

୨୨ ଆଇଖାନି ଆଇମାଦିମାନୁ ସନିକା, ଲୋଡ୍, କାରାପ, ମିଛ୍ ମାଟା, ଗାଡ୍‌ୟା, ସୁଡ୍‌ଜି ଆକାର୍ ଆନିକା, ସୁଡ୍‌ଜି ଲାଲ୍‌ଆନିକା, ନିଦା, ଗାର୍‌ବୁ କିନିକା, ମୁର୍‌ଶୁଆନିକା;

୨୩ ଇୟା ତାଗ୍‌ଇ ପାଣିଝିକୁ ଲୋଇରାନ୍ ସହସି ଲୋକ୍‌ତିଙ୍ଗ୍ ଅପବିତ୍ର କିନାଡ୍ ।”

ଅରେଡ୍ ଆଇମାଦି ଆଟ୍‌ଖା ବିସ୍‌ବାସ୍

(ମାତିଉ ୧୫:୨୧-୨୮)

୨୪ ଆୟାଝେନ୍‌କା ଜିସୁ ଆୟା ବାତି ଡିସ୍‌ସି ସୋର ଗାଡ୍‌ଡି ରାଜିଦୁ ସର୍‌ଆନ୍, ଉଣ୍ଟି ଇନ୍‌ଡ୍ର ଡ୍‌ଗୁଜିତାନ୍‌ନୋ, ଏର୍‌ବା ଏଣ୍ଟେସ୍ ଆକା ନେସ୍‌ଏର୍, ଇକା ବଦା କିଜିମାର୍‌ଆନ୍, ମାତର୍ ଖାଣ୍ଟୁ ଆବେ ମାଗ୍‌ଜୋ ମାନ୍‌ଡ୍ରେଙ୍ଗ୍ ଆଟ୍‌ଏତାନ୍ ।

୨୫ ଆୟାଦାପ୍ରେ ଅରେଡ୍ ଆଇମା ଜିସୁ ଖାତି ମାର୍‌ଇ କାରୁର୍ ଝେରଆଦୋ ଖାତାଡ୍, ଇରିଙ୍ଗ୍ ତାନି ଗାଡ୍‌ସିଙ୍ଗ୍ ତାଗ୍‌ଇଆମ୍‌ ଆସ୍‌ତା ମାର୍‌ଆଡ୍ । ଆଦେଙ୍ଗ୍ ଆୟା ଆଇମା ଖାନି ପାଦାମ୍‌କାଙ୍ଗ୍ ମାଡ୍‌ସି କିଜି ଗୁରିତାଡ୍ ।

* ୭:୧୭ ଏସୋ ପାଡିଇ ରାସାଡିମାନୁ ଇୟା ପଦ୍ ରାସାଏଡ୍ ।

୨୬ ଆୟା ସୁର ଦେଶ୍ଚି ସୁରଦେନିକିୟା ଜାତିଦି ଅରେଡ଼ ଗ୍ରୀକ୍ ଆଇମା ମାର୍ଆଡ଼ । ତାନି ଆଇଲି ମାଣାନ ଦୁବା ଡିସ୍ପସିସ୍ କିଦେଙ୍ଗ୍ ଇଜି ଜିସୁଙ୍ଗ୍ ଇନ୍ଦ୍ରେଙ୍ଗ୍ ଆସ୍ତାଡ଼ ।

୨୭ ଆବେଟ୍ ଜିସୁ ତାନିଙ୍ଗ୍ ଇର୍ଆନ୍, “ନିଜେଦି କଡ଼ରିଙ୍ଗ୍ ଆଗ୍ଡ଼ି ଖାଦି ପଟାବର୍ତ୍ତ ଉର୍ପିସ୍ତେଙ୍ଗ୍ ଆନାଡ଼, ଇରିଙ୍ଗ୍ କଡ଼ରି ବାଟା ଖାଦି ଅସି ନୁକୁଡ଼ିଆଙ୍ଗ୍ ମାନୁ ପୋକ୍ନିକା ନେଗେଡ଼ ସିଲେ ।”

୨୮ ଜିସୁଙ୍ଗ୍ ଆୟା ଆଇମା ଇର୍ହାଡ଼, “ହୁଁ, ପ୍ରବୁ, ନୁକୁଡ଼ିଙ୍ଗ୍ବା ଟେବୁଲ୍ ଆଡ଼ଗି ମାନ୍ଜି କଡ଼ର ଉଚି ଝିସ୍ତି ସକ୍ତି ଆର୍ତ୍ତକା ଉଣେ ।”

୨୯ ଜିସୁ ଆୟା ଆଇମାଦିଙ୍ଗ୍ ଇର୍ଆନ୍, “ନିନୁ ଇୟା ମାଟା ଇର୍ଇ ଉଣ୍ଡିଙ୍ଗ୍ ସାଙ୍ଗ୍ଆ, ନି ଗାଡ଼ିଦି ମାଣାନ ଦୁବା ସତା ସର୍ଆଡ଼ ନି ।”

୩୦ ଆୟା ଆଇମା ଇନ୍ଦ୍ର ଡେସି ସଲ୍ସି ସୁଡ଼ୁଡ଼ାଡ଼ ଯେ ତାନି ଆଇଲି ଟାଟିଦୁ ଡରିତା ମାନାଡ଼ ମାରି ସତେନେ ଦୁବା ଆଇଲି ମାଣ୍କୁ ଡିସ୍ତା ସର୍ଆଡ଼ ।

ଜିସୁ ଅରେନ୍ ଗୁଲା ମାରି ବଇରା ଲୋକ୍ତିଙ୍ଗ୍ ନେଗେଣ୍ଡୁ କିତାନ୍

୩୧ ଆୟାଝେନ୍କା ଜିସୁ ସୋର୍ ସାନ୍ଦାଣ୍ଡୁ ଡିସ୍ପସି ସିଦନ୍ ମାରି ଦେକାପଲି ସାନ୍ଦି ସିଜି ଗାଲିଲି ସାମ୍ବୁର୍ ପାଡ଼ି ଖାତାନ୍ ।

୩୨ ଏସୋ ଲୋକ୍ତୁ ଗୁଲା ମାରି ବଇରା ଲୋକ୍ତିଙ୍ଗ୍ ଜିସୁ ଲାକ୍ତୁ ତାତାର୍ । ମାରି ଖାନି ମୁସ୍କୁ କିୟୁ ଇଡ଼ଦେଙ୍ଗ୍ ଜିସୁଙ୍ଗ୍ ଇର୍ହାଡ଼ ।

୩୩ ଜିସୁ ଆୟା ଲୋକ୍ତିଙ୍ଗ୍ ଲୋକା ଗଲିଦାନ୍ ଅଡ଼ପ୍ ଆକ ଅତାନ୍ନୋ ଖାନି ରୁଣ୍ଡି ଗିତଣିଆଙ୍ଗ୍ ଖାନି ଡାସକେଙ୍ଗ୍ ମୁଟ୍ତାନ୍ ମାରି ପୁସ୍ସି ଖାନି ଝେତଲ୍ଡିଙ୍ଗ୍ ମୁଟ୍ତାନ୍,

୩୪ ଆୟାଝେନ୍କା ଖାନ୍ ସ୍ପର୍ଗ୍ ମୁସ୍କୁ ସୁଡ଼ି ପୁଣ୍ଡା ଡିସ୍ପସି ଖାନିଙ୍ଗ୍ ଇର୍ଆନ୍, “ଇପ୍ପଅଃ,” ଇରିଙ୍ଗ୍ ଗୁଲାଦି “ଝେୟୁ ଖାର୍ଗିଦେଙ୍ଗ୍ ରାଆ ।”

୩୫ ଆୟା ଦାପ୍ରେ ଖାନ୍ ଗିତଣିଙ୍ଗ୍ ଝେନ୍ଦ୍ରେଙ୍ଗ୍ ଆଟ୍ତାନ୍ ମାରି ଖାନି ଝେତଲ୍ କୁଦିତାଡ଼ ଆବେଟ୍ ଖାନ୍ ନେଗେନ୍ କିଜି ଖାର୍ଗିଦେଙ୍ଗ୍ ଆଟ୍ତାନ୍ ।

୩୬ ଇୟା ନେଗେଣ୍ଡୁ କିତି ମାଟା ଏଙ୍ଗ୍ବା ଇନ୍ମାଟ୍ ଇଜି ଆଟ୍ତାଦାନ୍ ଜିସୁ ଲୋକାଙ୍ଗ୍ ଇର୍ଆନ୍, ମାତର୍ ଜିସୁ ଏସା ମାନା କିତିଙ୍ଗ୍ବା, ଲୋକ୍ତର୍ ନାସାନେ ଝେର୍ସି ବୁଲାତାର୍ ।

୩୭ ମାରି, ଝିଜେରେ ଲୋକ୍ତୁ ନାଣ୍ଡୁ କାବାଆଜି ଇର୍ହାଡ଼, “ଖାଣ୍ଡୁ ଝିଜୁ ପାଣି ନେଗ୍ରେଣ୍ଡା କିତାମାନାନ୍; ଖାଣ୍ଡୁ ଝିଜୁ ଲୋକାଙ୍ଗ୍ ଝେନି ବପୁ ମାରି ଖାର୍ଗିଲ ଲୋକାଙ୍ଗ୍ ଖାର୍ଗିନି ବପୁ ବା ସିନାନ୍ ।”



ଜିସୁ ନାଲ୍ଗି ହାଜାର୍ ଲୋକାଙ୍ଗ୍ ଉର୍ପିସ୍କିତାନ୍ (ମାଡ଼ିଉ ୧୫:୩୨-୩୯)

୧ ଆୟାଝାଲେ ଅର୍ଲେନ୍ ମାରିଡେସି ନାଣ୍ଡୁ ଲୋକ୍ତୁ ଜିସୁମାନୁ ଉଣ୍ଡାତାର୍, ନାସ୍ତିଝାଲେ ଖାରିମାନୁ ଉଣିଡିନିକା ସିଲେତାଡ଼ ଆକା ଜିସୁ ଖାନି ସିସୁରିଙ୍ଗ୍ ଲାକ୍ତୁ କୁକ୍ତାନ୍ନୋ ଖାରିଙ୍ଗ୍ ଇର୍ଆନ୍,

୨ “ଇୟା ଲୋକା ଉଣ୍ଡିଙ୍ଗ୍ ନା ଜିବନ୍ ଦୟା ଆଜିନାଡ଼, ଇରିଙ୍ଗ୍ ଇକାର୍ ମୁନେନ୍ ଆତାଡ଼ନି ନାଝାଲେ ମାନାର୍ ମାରି ଝେରିମାନୁ ଉଣ୍ଡେଙ୍ଗ୍ ଇନିକା ବା ସିଲେଡ଼ ।

୩ ଜଦି ନାନୁ ଖାରିଙ୍ଗ୍ ତାମେ ଇଲ୍କାଙ୍ଗ୍ ଉର୍ପିସ୍କିଏଣ୍ଡା ପୋକ୍ନା, ନାସ୍ତିଝାଲେ ଖାର୍ ସାର୍ଦୁ ସନାରୋ ମେଡ଼ନାର୍; ଇରିଙ୍ଗ୍ ଖାରିମାଣାନ ଏସୋ ଲୋକ୍ତୁ ନାଣ୍ଡୁ ଆକଣାନ୍ ଖାତାମାନାର୍ ।”

୪ ସିସୁର୍ ଜିସୁଙ୍ଗ୍ ଇର୍ହାଡ଼, “ଇୟା ସିମ୍ବା ବାଡ଼ିଦୁ ଏନ୍ ଆମାବାଣ୍ଡକୁ ରୁଟି ତାସ ଝେରିଙ୍ଗ୍ ପଟାବର୍ତ୍ତ ଉର୍ପିସ୍କିଦେଙ୍ଗ୍ ଆଟ୍ତାନ୍ ?”

୫ ଜିସୁ ଖାରିଙ୍ଗ୍ ଝେନ୍ଦାତାନ୍, ମି ଲାକ୍ତୁ ଏସଗୋଟା ରୁଟିଙ୍ଗ୍ ମାନେ ? ଖାର୍ ଇର୍ହାଡ଼, “ସାଡ଼ଗୋଟା ରୁଟିଙ୍ଗ୍ ।”

୬ ଜିସୁ ଲୋକାଙ୍ଗ୍ ବୁମି ମୁସ୍କୁ ବାସ୍ତେଙ୍ଗ୍ ଆଦେସ୍ ସିତାନ୍; ମାରି, ଖାଣ୍ଡୁ ଆୟା ସାତଗୋଟା ରୁଟିଙ୍ଗ୍ ଅତାନ୍ନୋ ମାପୁରୁଦିଙ୍ଗ୍ ଧନ୍ୟବାଦ୍ ସିଜି ରୁଟିଙ୍ଗ୍ ମକା ମକା କିଜି ରୁକ୍ସି ବାଟା କିଜି ସିଦେଙ୍ଗ୍ ଖାନି ସିସୁରିଙ୍ଗ୍ ସିତାନ୍ ମାରି ଖାର୍ ଲୋକାଙ୍ଗ୍ ଆୟା ରୁଟିଙ୍ଗ୍ ବାଟାକିଜି ସିତାର୍ ।

୭ ମାରି ଖାରିମାନୁ ଏସୋ ଇସ୍ତି ମିନ୍କୁବା ମାର୍ହେ; ଜିସୁ ଆୟା ମିନ୍କାଙ୍ଗ୍ ମାପୁରୁଦିଙ୍ଗ୍ ଦନ୍ୟବାଦ୍ ସିଜି ବାଟା କିଜି ଲୋକାଙ୍ଗ୍ ସିଦେଙ୍ଗ୍ ଇର୍ଆନ୍ ।

୮ ଝିଜେରେ ତିନ୍ଝି ପଟା ପାଜିତାର୍ ମାରି ସାଡ଼ଗୋଟା ଡାଡ଼ିଦୁ ଏଜିତି ରୁଟି ମକେଙ୍ଗ୍ ଡାଡ଼ିଦୁ ବର୍ତ୍ତ କିତାର୍ ।

୯ ଇୟା ଉଚି ଲୋକ୍ତୁ ନାଲ୍ଗି ହାଜାର୍ ମାର୍ଆଡ଼ ।

୧୦ ଆୟାଝେନ୍କା ଜିସୁ ଲୋକାଙ୍ଗ୍ ପୋକ୍ତାନ୍ ମାରି ଆୟାଦାପ୍ରେ ଖାନି ସିସୁରିଝାଲେ ଡଙ୍ଗାଦୁ ଏକ୍ତାନ୍ନୋ ଦଲ୍ମାନୁଆ ରାଜିଦୁ ଖାତାନ୍ ।

ପାରୁଥିବ ଜିସୁମାଣୁକୁ ସିନା ସୁଡ଼ଦେଇ ବଦାକିତାର
(ମାତିଉ ୧୨:୩୮-୪୨; ୧୬:୧-୪)

୧୧ *ପାରୁଥିବ ଖାତା ରୋ ଜିସୁଖାଲେ ମାଟାଦିଇ ମାଟା ଆଦେଇ ଆସ୍ତାର । ମାରି ଖାର ଖାନିଇ ଉରିବୁ ଆରଡେଇ ବଦାକି, ଖାନ ଯେ ମାପୁରୁ ମାଣୁ ଖାତାମାନାନ୍ ଆକା ତରଡେଇ ବାଦଡ଼ତାନ୍ ଉଣ୍ଡି କାବାଆନି ପାଣି ତରଡେଇ ଇର୍ହାର ।

୧୨ ଜିସୁ ଜିବନ୍ତୁ ଦୁକ୍‌ଆଜି ନାଣ୍ ପୁଣ୍ଡା ଡିସ୍‌ସି ଇରୁଆନ୍, “ଇନ୍‌ଦାନିଇ ଇୟା ଜୁଗ୍‌ତି ଲୋକ୍‌ତର ସିନା ପଇଜିନାର ? ନାନୁ ମିଇଁ ସଡ଼ ଖେରସିନା, ଇୟା ଜୁଗ୍‌ତି ଲୋକ୍‌ତିଇ ଆମା ସିନା ବା ପୁଟ୍‌ଏଡ଼ ।”

୧୩ ଖାନ ଖାରିଇ ଡିସ୍‌ସି ମାରିଡେସି ଡକ୍‌ଦୁ ଏକ୍‌ତାନନୋ ସାମ୍‌ଦୁର୍ ଆୟାପାଡ଼ି ସରୁଆନ୍ ।

ହେରୋଦ ମାରି ପାରୁଥିବ ଶିକ୍ଷା ବିସୟତାନ୍ ଜାଗାରତା
(ମାତିଉ ୧୬:୫-୧୨)

୧୪ ଆୟାଖାଲେ ସିସୁର ରୁଟି ଅଡେଇ ବାଣାତା ସରୁଆର; ଡକ୍‌ଦୁ ଖାରିମାନୁ କେବଲ୍ ଉନ୍‌ଡେନେ ରୁଟି ମାରୁଆଡ଼ ।

୧୫ *ଜିସୁ ଶିଶୁରିଇ ଆଟ୍‌ଖା ମାଟା ଇରୁଆନ୍, “ଜାଗାରତା ଆଦୁ,” ପାରୁଥିବ ମାରି ହେରୋଦକା ମିଟ୍ ମାଟାଦାନ୍ ଜାଗାରତା ମାନ୍‌ଡୁ, ଆମାକା ଖମୀରତି* ଖାଜା ଆନାଡ଼ ।

୧୬ ସିସୁର ଇୟା ବିସୟତୁ ଖାରିଖାରି ଲୋଇ ଖାରଗିଜି ସାତାର, “ମାବାନ୍ ରୁଟି ସିଲେଡ଼ଆକା ଖାନ ଇୟାଖାଜା ଇଜିନାନ୍ ।”

୧୭ ଜିସୁ ଆକା ନେସ୍‌ତାନନୋ ଖାରିଇ ଇରୁଆନ୍, ମି ଲାକ୍‌ତୁ ରୁଟିଇ ସିଲୁ ଇଜି ଏୟା ଖାରଗିଜି ସାଜିନିଦେର୍ ? ମିର୍ ଇୟାସାଦି ନେସ୍‌ଇଦେର୍ ନୋ ? କି ବୁଝାଇଦେର୍ ନୋ ? ମି ଜିବନ୍ ନିସାନେ ଆଟ୍‌ଖା ଆତାମାନାଡ଼ ?

୧୮ *କାଣୁକୁ ମାନ୍‌ବୁ ମାନ୍‌ବୁ ମିର୍ ସୁଡ଼ଇଜିନିଦେର୍ ? ମାରି, ଗିତଣିଇ ମାନ୍‌ବୁ ମାନ୍‌ବୁ ଖେନ୍‌ଇଜିନିଦେର୍ ? ମିର୍ ଇନିକା ଅଡ଼ବିଦେଇ ଆଟ୍‌ଇଜିନିଦେର୍ ?

୧୯ ପାସ୍‌ଗୋଟା ରୁଟିଇ ରୁକ୍‌ସି ଏଣ୍ଡେସ୍ ୫,୦୦୦ ହାଜାର ଲୋକାକ୍ ଡିରପିସ୍‌କିତା ମାରୁହା, ଆୟାନାଣ୍ଡିଇ ଏଜିତି ରୁଟି ମକେଇ ଝିକୁ ପେରଜି ଏସୋ ଗୋଟା ଡାଡ଼ିଦୁ ବଡ଼ କିତିମାରୁଇଦେର୍, ଆକା ମିଇଁ ଏଡ଼ ସିଲେଡ଼ ? ସିସୁର ଖାନିଇ ଖେରଡାର, “ବାରଗଟା ଡାଡ଼ିଇ ।”

୨୦ ଜିସୁ ମାରି ଖେନ୍‌ବାତାନ୍, “ଏସିଖାଲେ ୪,୦୦୦ ହାଜାର ଲୋକା ଉଣ୍ଡିଇ ସାଡ଼ଗୋଟା ରୁଟିଇ ରୁକ୍‌ସି ସିତାମାରୁହା,” ଏଜିତି ରୁଟି ମୁକେଇ ପେରଜି ଏସୋ ଗୋଟା ଡାଡ଼ିଦୁ ବଡ଼ କିତିମାରୁଇଦେର୍ ? ସିସୁର ଇର୍ହାର, “ସାଡ଼ଗୋଟା ଡାଡ଼ିଇ ।”

୨୧ ଜିସୁ ଖାରିଇ ଇରୁଆନ୍, “ମିର୍ ଇଲେଇବା ବୁଜାଦେଇ ଆଟ୍‌ଇଜିନିଦେର୍ ।”

ଜିସୁ ବେଥ୍‌ସାଇଦାଦୁ ଅରେନ୍ କାଣାକ୍ ନେଗେଣ୍ଡୁ କିତାନ୍

୨୨ ଖେନ୍‌କା ଖାର ବେଥ୍‌ସାଇଦା ନାରୁଡୁ ଖାତାର । ଆବେ ଏସୋ ଲୋକୁ ଅରେନ୍ କାଣା ଲୋକ୍‌ତିଇ ଜିସୁ ଲାକ୍‌ତୁ ତାତାର ନୋ ଖାନିଇ ମୁଟ୍‌ସୋ ନେଗେଣ୍ଡୁ କିଦେଇ ଇର୍ହାର ।

୨୩ ଜିସୁ କାଣାଦି କିୟୁ ଆସ୍‌ତାନନୋ ନାରୁତାଣ୍ଡୁ ଆକ ଅତାନ୍, ଆବେ କାଣାଦି କାଣ୍‌ଗାଦୁ ପୁସ୍‌କାଣାକ୍ ଉସ୍‌ତାନ୍ ନୋ ଖାନି ମୁସ୍‌କୁ କିୟୁ ଇଡ଼ଜି ଖାନିଇ ଖେନ୍‌ବାତାନ୍, “ନିନ୍ ଇନିକା ସୁଡ଼ଜିନି ନୋ ?”

୨୪ ଆୟା ଲୋକୁ ମୁସ୍‌କୁ ବେସ୍‌ସି ଇରୁଆନ୍, “ହୁଁ ନାନ୍ ଲୋକାକ୍ ସୁଡ଼ଦେଇ ଆଟ୍‌ସିନା, ଇରିଇ ନାନ୍ ଲୋକାକ୍ ବୁଲାନି ମାରାକ୍ ଖାଜା ସାରିବେଡ଼ତି ସୁଡ଼ଜିନା ।”

୨୫ ମାରିଡେସି ଜିସୁ ଖାନି କାଣୁକୁ ମୁସ୍‌କୁ କିୟୁ ଇଟ୍‌ତାନ୍; ଆବେଟ୍ ଖାଣ୍ଡୁ ନେଗେଣ୍ଡୁ ସୁଡ଼ଦେଇ ଆଟ୍‌ତାନ୍ ମାରି ନେଗେଣ୍ଡୁ ଆତାନ୍ନୋ ଝିକୁ ସୁଡ଼ଦେଇ ଆଟ୍‌ତାନ୍ ।

୨୬ ଜିସୁ ଖାନିଇ ତାମେ ଇନ୍‌ଡୁ ପୋକ୍‌ସି ଇରୁଆନ୍, “ଇୟା ନାରୁଡୁ ସଲ୍‌ମା, ମାତର୍ ମି ଇନ୍‌ଡୁ ସାଇଆ ।”

ପିତର ଜିସୁଙ୍କୁ କ୍ରିସ୍ ଇଜି ମାନାତାନ୍
(ମାତିଉ ୧୬:୧୩-୨୦; ୯:୧୮-୨୧)

୨୭ ଇୟା ଖେନ୍‌କା ଜିସୁ ମାରି ଖାନି ସିସୁର କାଈସରିୟା ପିଲିପି ରାଜିଦି ଲାକ୍‌ତୁ ମାନି ନାରକାକ୍ ୍ସିନିଖାଲେ ସନିସାରୁଦୁ ଜିସୁ ଖାନି ଶିଶୁରିଇ ଖେନ୍‌ବାତାନ୍, “ନାନ୍ ଏନ୍ ଇଜି ଲୋକ୍‌ତର ଇନିକା ଇଜିନାର ?”

୨୮ *ଆବେଟ୍ ସିସୁର ଇର୍ହାର, “ଏସୋ ଲୋକୁ ଇଜିନାର ତୁବନ୍‌ସିନି ଯୋହନ, ମାରି ଏସୋ ଲୋକୁ ଇଜିନାର ନିନ୍ ଏଲିୟା, ମାରି ଏର୍ ଏର୍ ଇଜିନାର, ନିନ୍ ବାବବାଦିରି ଲୋଇ ଅରେନ୍ ବାବବାଦି ।”

* ୮:୧୧ ମାତିଉ ୧୨:୩୮; ଲୁକ ୧୧:୧୭. * ୮:୧୫ ଲୁକ ୧୨:୧. * ୮:୧୫ ଖମୀରତିଇ ଗଦ୍‌ମୁଣ୍ଡୁଦୁ ମିସାକିତିଇ ରୁଟିଦିଇ ନାଣ୍ ଉଦିସ୍ କିନାଡ଼ ।
* ୮:୧୮ ମାର୍କ ୪:୧୨. * ୮:୨୮ ମାର୍କ ୬:୧୪,୧୫; ଲୁକ ୯:୭,୮.

୨୯ ✨ଜିସୁ ଖାରିଙ୍ଗ ଖେନ୍ଦବାତାନ, “ନାନ ଏନ୍ ଇଜି ମିର୍ ଇନିକା ଇଜିନିଦେର୍ ?” ପିତର୍ ଖେର୍ତାନ, “ନିନ୍ ଆଜିନି ମାପୁରୁତି ପୋକ୍ତିମାନି ରକ୍ଷା କିନି କ୍ରିସ୍ତ ।”

୩୦ ଜିସୁ ଖାରିଙ୍ଗ ଆର୍ଖା ମାଟା ଖେର୍ତାନ, “ନାନ ଏନ୍ ନା ବିସୟ ଏଙ୍ଗ୍ବା ଇନ୍ମାଟ୍ ।”

ଜିସୁ ଖାନି ସାନି ବିସୟ ସିସୁରିଙ୍ଗ ଖେର୍ତାନ
(ମାତିଉ ୧୭:୨୧-୨୮; ଲୁକ ୯:୨୨-୨୭)

୩୧ ମାରି ଜିସୁ ସିସୁରିଙ୍ଗ ବୁଜାକିଦେଙ୍ଗ୍ ଆସ୍ତାନ, “ନାନ ମନୁଷ୍ୟପୁତ୍ର ନାଶ୍ଟ କାସ୍ତୁ ପଇନା ମାରି ପେରି ନେତାର୍, ପେରି ଯାଜକର ମାରି ସାସ୍ତାରି ମାଣାନ ଦଣ୍ଡ ପଇଜି ସାଦେଙ୍ଗ୍ ଆନାଡ୍, ମାତର୍ ମୁନେଟି ଖେନ୍ଦକା ମାରିଡେସି ଜିବନ୍ଆଜି ନିଙ୍ଗ୍ନାନ ।”

୩୨ ଜିସୁ ଇୟାଞ୍ଜିକୁ ମାଟା ନେଗେନେକିଜି ସିସୁରିଙ୍ଗ ବୁଜାକିତାନ । ଆବେର୍ ପିତର୍ ଜିସୁଙ୍ଗ୍ ଆଇ ବାଡିଦୁ କୁକ୍ସି ଅତାନନୋ ଖାନିଙ୍ଗ୍ ଇରଆନ୍, “ପ୍ରବୁ ଇୟାଞ୍ଜା ମାଟା ଇନ୍ମା ।”

୩୩ ମାତର୍ ଜିସୁ ଖାନି ସିସୁରିଙ୍ଗ ସୁଡ଼ଜି ପିତର୍ତିଙ୍ଗ୍ ଇରଆନ୍, “ନା ଲାକ୍ତୁରାନ୍ ଆକ ଆଆ, ସୟତାନ, ଇରିଙ୍ଗ୍ ନିନ୍ ମାପୁରୁତି ବିସୟ ଅଡ୍ବିଏଣ୍ଟା ଲୋକା ବିସୟ ଅଡ୍ବିଜିନି ।”

୩୪ ✨ଆୟାଖେନ୍ଦକା ଜିସୁ ଖାନି ସିସୁରିଙ୍ଗ ମାରି ଉଣ୍ଡାତିମାର୍ଇ ଲୋକାଙ୍ଗ୍ ଲାକ୍ତୁ କୁକ୍ସି ଇରଆନ୍, “ଏନ୍ବା ନାଞ୍ଜାଲେ ଖାଦେଙ୍ଗ୍ ବଦା କିନାନ,” ଖାଣ୍ଟୁ ନୁଜେ ନାନ ଇନିକା ସିଲେ ଇଜି ଅଡ୍ବିପିନ୍, ଖାଣ୍ଟୁ ନୁ ଉଣ୍ଡିଙ୍ଗ୍ ଦୁକ୍ ମାରି ସାନିକା ବଦା କିଜି ଖାଲେ ଖାଲେ ରାପିନ୍ ।

୩୫ ଏନ୍ବା ନିଜେଦି ଜିବନ୍ତିଙ୍ଗ୍ ରକିୟା କିଦେଙ୍ଗ୍ ବଦା କିନାନ, ଖାଣ୍ଟୁ ଖାନି ଜିବନ୍ ଆରା କିନାନ; ମାତର୍ ଏନ୍ ନା ଉଣ୍ଡିଙ୍ଗ୍ ମାରି ଇୟା ସୁସମାଚାର୍ ଉଣ୍ଡିଙ୍ଗ୍ ନିଜେଦି ଜିବନ୍ ସିନାନ, ଖାଣ୍ଟୁ ଖାନି ଜିବନ୍ ରକିୟା କିନାନ ।

୩୬ ମାରି, ଜଦି ଅରେନ୍ ଲୋକୁ ସାରାଦୁନିଆଦିଙ୍ଗ୍ ଜିଣାଜି ଖାନି ଜିବନ୍ ଆରା କିନାନ, ଲୋକୁ ଖାନି ଇନିକା ଲାଡ୍ ଆନାଡ୍ ?

୩୭ ମାରି, ଲୋକୁ ଖାନି ଜିବନ୍ତିଙ୍ଗ୍ ଡେସି ପଇଦେଙ୍ଗ୍, ଇନିକା ସିଦେଙ୍ଗ୍ ଆର୍ନାନ ?

୩୮ ଜଦି ଏନ୍ବା ନା ଉଣ୍ଡିଙ୍ଗ୍ ନା ସୁସମାଚାର୍ ଉଣ୍ଡିଙ୍ଗ୍ ଇୟା ଦୁନିଆଦି ଦାରିପାଣିକିନି ଲୋକାମାଣାନ ମାରି ପାପି ଲୋକ୍ତି ଲାକ୍ତୁ ନା ବାକ୍ୟ ବିସୟତାନ ସେମାର୍ ଆନାନ, ମନୁଷ୍ୟପୁତ୍ର ଏସ୍ତିଖାଲେ ପବିତ୍ର ଦୁଡ୍କାଖାଲେ ଖାନି ବୁବାସିଦି ମହିମାଦାନ ମାରିଡେସି ଖାନାନ, ଆୟାଖାଲେ ଖାନ୍ବା ଆୟା ବିସୟତାନ ସେମାର୍ କିନାନ ।



୧ ମାରିଡେସି ଜିସୁ ଖାରିଙ୍ଗ ଖେର୍ତାନ, “ନାନ ମିଙ୍ଗ୍ ସଡ୍ ଇଜିନା, ମାପୁରୁତି ରାଜିଦୁ ସାକ୍ତିଦାନ ମାନିବାଡି ସୁଡ଼ଇ ସାକ୍ତି ଇବେନ୍ନୁ ନିନି ମାନି ଲୋକା ମାଣ୍ଟୁ ଏସୋ ଲୋକୁ ଏଣ୍ଟେସ୍ କିଜିବା ସାନିକା ଖେଡ୍ବର୍ ।”

ଜିସୁଦି ରୁପ୍ ବାଦ୍ଲାତାଡ୍
(ମାତିଉ ୧୭:୧-୧୩; ଲୁକ ୯:୨୮-୩୬)

୨ ✨ଛଦିନ୍ ଖେନ୍ଦକା ଜିସୁ କେବଲ୍ ପିତର୍, ଜାକୁବ ନି ଯୋହନତିଙ୍ଗ୍ ଅର୍ସେ ଆସ୍ସି ମିସାଜି ଖାରିଙ୍ଗ୍ ଉଣ୍ଡି ପେରି ଗରନ୍ତୁ ଅତାନ ।

୩ ମାରି ଜିସୁ ଖାରିଙ୍ଗ୍ ସୁଡ଼ୁ ସୁଡ଼ୁ ଖାନି ମୁର୍ତି ବାଦ୍ଲାତାଡ୍, ଖାନି ଆଙ୍ଗ୍ ଇୟାଞ୍ଜା ଜାୟ୍ ନି ପୁରା ଅଡ୍ବିନିକା ଆତାଡ୍ ଯେ, ଦୁନିଆଡି ଏମେ ନର୍ବାନି ଲୋକ୍ବା ଇୟାଞ୍ଜା ଅଡ୍ବିନିକା କିଦେଙ୍ଗ୍ ଆର୍ଏନ୍ ।

୪ ମାରି, ମୋଶା ନି ଏଲିୟ୍ ଜିସୁଖାଲେ ଖାର୍ଗିଜି ମାର୍ରିକା ଖାରିଙ୍ଗ୍ ତରାତାଡ୍ ।

୫ ଆବେନ୍ନୁ ପିତର୍ ଜିସୁଙ୍ଗ୍ ଇର୍ହାନ, “ଏ ଗୁରୁ, ମାପ୍ ଜେ ଇୟା ବାଡିଦୁ ଏସୋ ନେଗେନ୍ତାନ ମାନାପ୍, ମାପୁ ମୁଣ୍ଡି ଗୁଡେଏଙ୍ଗ୍ ତିଆର୍ କିନାପ୍, ନି ଉଣ୍ଡିଙ୍ଗ୍ ଉନ୍ଡ୍ରି, ମୋସାଦି ଉଣ୍ଡିଙ୍ଗ୍ ଉନ୍ଡ୍ରି ମାରି ଏଲିୟ୍ଦି ଉଣ୍ଡିଙ୍ଗ୍ ଉନ୍ଡ୍ରି ।”

୬ ପିତର୍ ଇନି ଉତର୍ ସିଦେଙ୍ଗ୍ ଇଜି ନେସ୍ଏନ୍ ମାରାନ, ଆବେର୍ ସିସୁର୍ ନାଶ୍ଟ ତିଲାତା ସର୍ଆର୍ ।

୭ ✨ମାରି, ଖାଣ୍ଟେକ୍ ବାଦ୍ଡ ଇମ୍ଜି ଖାତା ଦୋ ଖାରିଙ୍ଗ୍ ବାଦ୍ଡତି ନିଡ଼ଗା ପିଡିକ୍ତାଡ୍; ମାରି ଆୟା ବାଦ୍ଡତାନ ଉଣ୍ଡି ବଲ୍ ଖାତାଡ୍, “ଏ ନା ଲାଡ୍ତି ମାରିନ୍, ଖାନି ବାକ୍ୟ ଖେନ୍ତୁ ।”

୮ ମାରି, ଉଲୁସ୍ସେ ସିସୁର୍ ସାରିବେଡ୍ଡି ସୁଡ଼ୁଆର୍ ଖାରି ତଡ୍କାଖାଲେ ଲୋକା ଲୋଇରାନ୍ କେବଲ୍ ଜିସୁଙ୍ଗ୍ ଡିସ୍ତିଙ୍ଗ୍ ମାରି ଏଙ୍ଗ୍ବା ସୁଡ଼ୁଆର୍ ।

୯ ଖାର୍ ଗରନ୍ତାନ ରେତାଜି ଖାନିଖାଲେ ଜିସୁ ସିସୁରିଙ୍ଗ ଆର୍ଖା ମାଟା ସିଜି ଖେର୍ତାନ, “ମିର୍ ଆମାକା ଆମାକା ସୁଡ଼ଡିଦେର୍, ଆୟାଞ୍ଜିକୁ ସାତି ଲୋକାମାଣ୍ଟୁ ନାନ ଯେ ମନୁଷ୍ୟପୁତ୍ରଦି ମାରିଡେସି ଜିବନ୍ ଆନି ସାଦି ଆୟାମାଟା ଏଙ୍ଗ୍ବା ଇନ୍ମାଟ୍ ।”

✨ ୮:୨୯ ଜୋହନ ୬:୬୮,୭୯. ✨ ୮:୩୪ ମାତିଉ ୧୦:୩୮; ଲୁକ ୧୪:୨୭. ✨ ୯:୨ ପିତର୍ ୧:୧୭,୧୮. ✨ ୯:୭ ମାତିଉ ୩:୧୭; ମାର୍କ ୧:୧୧; ଲୁକ ୩:୨୨.

୧୦ ଆବେଟ୍ ଖାର ଆୟା ମାଟା ଆସ୍ତାରେ ସାଜ ମାରିଡ଼େସି ଜିବନ୍‌ଆଜି ନିଂଇକା ଇନିକା, ଆୟା ବିସୟତାନ୍ ଖାରି ଖାରି ଲଅ ଖାରିଗିତାର ।

୧୧ *ମାରି, ସିସୁର ଜିସୁକୁଁ ଖେନ୍‌ବାତାର, “ଏଲିୟ ଆଗ୍‌ଡ଼ି ଖାନିକା ମାନାଡ଼ ଇଜି, ଶାସ୍ତ୍ରୀର୍ ଏୟା ଇନାର୍ ?”

୧୨ ଆବେନ୍‌ ଜିସୁ ସିସୁରିଙ୍ଗ୍ ଖେରତାନ୍, ଏଲିୟ ଆଗ୍‌ଡ଼ି ଖାନାନ୍‌ନୋ ଖିଜୁ ବିସୟ ମାରିଡ଼େସି ତିଆର୍ କିନିକା ସତେନେ । ମାତର୍ ନାନ୍ ଯେ ମନୁସ୍ୟପୁତ୍ର ନାଶ୍ତ ଦୁଃକ୍ ବୋଗାଜି ନିକ୍ଷା ପଇନା ମାରି ସେମାର୍ ପୟନା, ଇୟାକା ଏଣ୍ଡେସ୍ ଖାନି ବିସୟତାନ୍ ରାସ୍‌ତିକା ମାନାଡ଼ ?

୧୩ ମାତର୍ ନାନ୍ ମିଙ୍ଗ୍ ଇଜିନା, “ଏଲିୟ ଖାତାଡ଼ନି, ମାରି ଖାନି ବିସୟତୁ ଏଣ୍ଡେସ୍ ରାସାତା ମାନାଡ଼, ଆୟାଖାଜା ଖାରୁ ଖାନି ଉଣ୍ଡିଙ୍ଗ୍ ଆମାକା ବଦା ଆୟାକା କିତାମାନାର୍ ।”

ଜିସୁ ଅରେନ୍‌ ଦୁବାକାସ୍ତ୍ର କଡ଼ଦିଙ୍ଗ୍ ନେଗେଣ୍ଡୁ କିତାନ୍

(ମାଡ଼ିଉ ୧୭:୧୪-୨୦; ଲୁକ ୯:୩୭-୪୩)

୧୪ ଖେନ୍‌କା ଖାର ଆଇ ସିସୁରି ଲାକ୍‌ତୁ ଖାତା ରୋ ସୁଡ଼ତୁର୍, ଖାରି ସାରିବେଡ଼ତି ନାଶ୍ତ ଲୋକୁ ଉଣ୍ଡାତାର୍, ମାରି ଶାସ୍ତ୍ରୀର୍ ଖାରିଖାଲେ ମାଟାଦିଙ୍ଗ୍‌ମାଟା ଆନିକା ସୁଡ଼ତୁନ୍ ।

୧୫ ଲୋକ୍‌ତର୍ ଜିସୁକୁଁ ଉଲୁସ୍ତେ ସୁଡ଼ତି ଦାପ୍ତେ ବେମ୍ପି ଆତା ସର୍‌ଆର୍ ମାରି ଉରୁକ୍‌ସି ଖାଜି ଜିସୁକୁଁ ମାଡ଼ିସ୍‌କିଦେଙ୍ଗ୍ ଆସ୍‌ତାର୍ ।

୧୬ ଜିସୁ ଖାନି ସିସୁରିଙ୍ଗ୍ ଖେନ୍‌ବାତାନ୍, “ମିର୍ ଶାସ୍ତ୍ରୀରି ଖାଲେ ଇନିକା ମାଟାଦିଙ୍ଗ୍‌ମାଟା ଆଜି ସାଜି ମାର୍‌ଇଦେର୍ ?”

୧୭ ଲୋକାମାଣ୍‌କୁ ଅରେନ୍‌ ଜିସୁକୁଁ ଉତର୍ ସିତାନ୍, “ଏ ଗୁରୁ, ନାନ୍ ନା ମାରିନ୍‌ତିଙ୍ଗ୍ ନି ଲାକ୍‌ତୁ ତାତାମାର୍‌ହା; ଖାନିଙ୍ଗ୍ ଉଣ୍ଡି ଗୁଲାଦୁବା ଆସ୍ତାମାନାଡ଼;

୧୮ ଆମା ବାଡ଼ିଦୁ ଆପିଡ଼ ଦୁବା ଖାନିଙ୍ଗ୍ ଆସ୍‌ନାଡ଼, ଖାନିଙ୍ଗ୍ ଆଡ଼ଗି ଆରପ୍‌ନାଡ଼, ଖାନି ମକ୍‌ମତାନ୍ ପେପଲ୍‌ ସନାଡ଼ ମାରି ଖାଣ୍ଡୁ ଘାଲ୍‌କୁ କାତ୍ରେକିନାନ୍, ମାରି ଖାଡ଼ୁ ଖାରସି ସଲ୍‌ସିନାନ୍; ଆୟା ଦୁବା ପେରଦେଙ୍ଗ୍ ଉଣ୍ଡିଙ୍ଗ୍ ନାନ୍ ନି ସିସୁରିଙ୍ଗ୍ ଖେରତା, ମାତର୍ ନି ସିସୁର୍ ଦୁବା ପେରଦେଙ୍ଗ୍ ଆର୍‌ଏତାର୍ ।”

୧୯ ଜିସୁ ଖାରିଙ୍ଗ୍ ଇର୍‌ହାନ୍, “ଏ ଅବିସ୍‌ବାସ୍‌ତି କୁଟୁମ୍ ! ଏସୋଦିନ୍ ନାନ୍ ମି ଖାଲେ ମାନା ? ଏସୋଦିନ୍ ନାନ୍ ମି ପାଣି କିଜିମାନା ? ମାରିନ୍‌ତିଙ୍ଗ୍ ନା ଲାକ୍‌ତୁ ଆସ୍‌ସି ରାଦୁ ।”

୨୦ ଆବେଟ୍ ଖାର ଖାନିଙ୍ଗ୍ ଜିସୁ ଲାକ୍‌ତୁ ତାତାର୍ । ମାରି, ଜିସୁକୁଁ ସୁଡ଼ତିଦାପ୍ତେ ଦୁବା ଆୟା କଡ଼ଦିଙ୍ଗ୍ ବୟ୍‌କାର୍‌ତାନ୍ ତିର୍‌ପିସି ଆସ୍‌ତାଡ଼ ମାରି କଡ଼ ରୁମିଦୁ ଆରଜି ଖେୟ୍‌ତାନ୍ ପେପଲ୍‌ ସପ୍‌ସି ଗୁରଦେଙ୍ଗ୍ ଆସ୍‌ତାନ୍ ।

୨୧ ନାସ୍ତ୍ରିଖାଲେ ଜିସୁ କଡ଼ଦି ବୁବାସିଙ୍ଗ୍ ଖେନ୍‌ବାତାନ୍, ଏସୋ ଦିନ୍ ଆତାଡ଼ ଇୟାକା ଇୟାଖାଜା ଆତାମାନାଡ଼ ? ଖାଣ୍ଡୁ ଖେରତାନ୍, “ଇସ୍ତ୍ରି ଖାଲେରାନ୍‌ନେ ।”

୨୨ “ଦୁବା ଖାନିଙ୍ଗ୍ ତେଇଦେଙ୍ଗ୍ ଏସଦେବା ସିସୁ ନି ଏରତୁ ପୋକ୍‌ତାମାର୍‌ଆଡ଼; ମାତର୍ ନିନ୍ ଜଦି କିଦେଙ୍ଗ୍ ଆର୍‌ନି, ଆତିଙ୍ଗ୍ ମା ଉଣ୍ଡିଙ୍ଗ୍ ଦୟା କିଜି ମାଙ୍ଗ୍ ସାହାଜ୍ୟ କିଆ ।”

୨୩ ଆବେଟ୍ ଜିସୁ ଖାନିଙ୍ଗ୍ ଖେରତାନ୍, “ଇନିକା ଇରଇ ? ଜଦି କିଦେଙ୍ଗ୍ ଆର୍‌ନି ! ଏନ୍ ବିସ୍‌ବାସ୍ କିନାନ୍ ଖାନି ଉଣ୍ଡିଙ୍ଗ୍ ଖିଜୁ ଆନାଡ଼ ।”

୨୪ ଆୟାଦାପ୍ତେ କଡ଼ଦି ବୁବାସି ନାଶ୍ତ ଆଉଲି ଆଜି ଇରଆନ୍, “ନାନ୍ ବିସ୍‌ବାସ୍ କିଜିନା, ନା ବିସ୍‌ବାସ୍ ନାଶ୍ତ କିଦେଙ୍ଗ୍ ନାଂଇ ସାହାଜ୍ୟ କିଆ ।”

୨୫ ତାନେଖେନ୍‌କା ଲୋକ୍‌ତର୍ ଅର୍‌ସେ ଉରୁକ୍‌ସି ଖାଜିନାର୍ ଇକା ସୁଡ଼ତୁନ୍‌ନୋ ଜିସୁ ଆୟା ଦୁବାଦିଙ୍ଗ୍ ଆଦ୍‌ରିସି ଇରଆନ୍, “ଏ ଗୁଲା ନି ବଇରା ଆମ୍ବା,” ନାନ୍ ନିଂଇ ଆଦେସ୍ ସିଜିନା, “ଇୟା କଡ଼ଦି ମାଣ୍‌କୁ ସହସି ସାଙ୍ଗ୍, ମାରି ଏସାଙ୍ଗ୍‌ବା ଖାନି ଲୋଇ ଡ଼ରୁମା ।”

୨୬ ଆବେଟ୍ ଆୟା ଦୁବା ଆଉଲି ଆଜି କଡ଼ଦିଙ୍ଗ୍ ଆଡ଼ଗି ପେରଜି ପୋକ୍‌ସି ଖାନି ମେକ୍‌ଲ୍ ଲୋଇରାନ୍ ସତା ସର୍‌ଆଡ଼, ମାରି ଆୟା କଡ଼ ସାତିଖାଜା ଆତାନ୍, ଇୟାଖାଜାକି ଏସୋ ଲୋକ୍‌ତର୍ ଇର୍‌ହାର୍, “ଖାଣ୍ଡୁରୁ ସାତାନ୍ ।”

୨୭ ମାତର୍ ଜିସୁ ଖାନି କିୟ୍ ଆସ୍‌ତାନ୍‌ନୋ କଡ଼ଦିଙ୍ଗ୍ ନିକ୍‌ତାନ୍, ମାରି ଖାଣ୍ଡୁ ନିଙ୍ଗ୍‌ତାନ୍ ।

୨୮ ମାରି, ଜିସୁ ଇଲୁ ଲୋଇ ଖାତାନ୍, ଖାନି ସିସୁରି ଜିସୁକୁଁ ଏନ୍ ନେସେଇ ଖାଜା ଖେନ୍‌ବାତାର୍, “ମାପ୍ ଇନ୍‌ଦାନିଙ୍ଗ୍ ଆୟା ଦୁବାଦିଙ୍ଗ୍ ପେରଦେଙ୍ଗ୍ ଆର୍‌ଏତାପ୍ ?”

୨୯ ଜିସୁ ସିସୁରିଙ୍ଗ୍ ଖେରତାନ୍, “ଇୟାଖାଜା ଦୁବା ଆବ୍‌କା ପାର୍‌ତାନା ଗକ୍ତିଦାଶ୍ତ ପେରଦେଙ୍ଗ୍ ଆର୍‌ତେଙ୍ଗ୍ ଆନାଡ଼, ମାରି ଆଇ ଉପାୟ ସାରି ସିଲେଡ଼ ।”

ଜିସୁ ମାରିଡ଼େସି ଖାନି ସାନି ବିସୟ ଇରଆନ୍

(ମାଡ଼ିଉ ୧୭:୨୨-୨୩; ଲୁକ ୯:୪୩-୪୫)

* ୯:୧୧ ମାଡ଼ିଉ ୧୧:୧୪.

୩୦ ଜିସୁ ନି ଖାନି ସିସୁର ଆୟା ବାଡ଼ି ଡ଼ିସି ଗାଲିଲି ରାଜି ସାନ୍ଧିସିଜି ସରଥାର୍ । ମାରି ଏମେ ବାଡ଼ିତୁ ମାନାନ ଏନ୍‌ବା ନେସମାପିର୍ ଇଜି ଖାଣ୍ଡୁ ବୁଦାକିଜିମାର୍‌ଆନ୍,

୩୧ ମାତର ଖାନ ଖାନି ସିସୁରିଙ୍ଗ୍ ଇୟା ମାଟା ସିଜି ଶିକ୍ଷା ସିତାନ୍ । ମାରି ଖାନ ଇର୍‌ଆନ୍, “ନାନ୍ ଯେ ମନୁସ୍ୟପୁତ୍ର ଲୋକା କିୟୁତୁ ସର୍ପେ ଆଦେଙ୍ଗ୍ ସଲ୍‌ସିନାନ୍, ମାରି ଖାରୁ ନାଂଇ ଡାକ୍‌ନାର୍, ମାରି ନାନୁ ସାନା ମାତର ନାନୁ ମୁନେଟି ଖେନ୍‌କା ମାରିଡେସି ଜିବନ୍‌ଆଜି ନିଙ୍ଗନା ।”

୩୨ ମାତର ସିସୁର ଆୟା ମାଟା ବୁଝାଏତାର୍ ମାରି ଖାନିଙ୍ଗ୍ ଖେନ୍‌ବାଦେଙ୍ଗ୍ ତିଲାଜି ମାର୍‌ଆର୍ ।

ଜିସୁ ଇନାନ୍ ଓଜେରିଙ୍ଗ୍ ପେରିକାନ୍ ଏନ୍
(ମାଡ଼ିଉ ୧୮:୧-୫; ଲୁକ ୯:୪୭-୪୮)

୩୩ ଖେନ୍‌କା ଜିସୁ ନି ଖାନି ସିସୁର କପରନାହୁମ୍ ନାରତୁ ଖାତାର୍ । ଖାନ ଇନ୍‌ତ୍ର ଇତାନ୍‌ନୋ ସିସୁରିଙ୍ଗ୍ ଖେନ୍‌ବାତାନ୍, “ମିର୍ ସାରତୁ ଖାନିଖାଲେ ଇନି ବିସୟତାନ୍ ଖାରଗିଜିସାଜି ମାର୍‌ଇଦେର୍ ?”

୩୪ *ମାତର ସିସୁର ଆଲେତା ମାର୍‌ଆର୍, ଇରିଙ୍ଗ୍ ଖାରି ଲୋଇ ଏନ୍ ପେରିକାନ୍, ଇୟା ବିସୟତୁ ଖାର୍ ସାରିତୁ ଲୋଇ ଲୋଇ ଖାରଗିଜି ସାଜି ମାର୍‌ଆର୍ ।

୩୫ *ଆବେନ୍ ଜିସୁ ବାସତାନ୍‌ନୋ ବାର ଲୋକୁ ସିସୁରିଙ୍ଗ୍ କୁକ୍‌ତାନ୍ ମାରି ଖାରିଙ୍ଗ୍ ଇର୍‌ଆନ୍, “ଜଦି ଏନ୍ ପେରିକାନ୍ ଆଦେଙ୍ଗ୍ ବଦା କିନାନ୍, ଖାଣ୍ଡୁ ଓଜେରେ ମାଣକୁ ନିଜେଦିଙ୍ଗ୍ ନିସ୍‌ରିକା ଆପିନ୍ ମାରି ଓଜେରି ସେବାକିନିକାନ୍ ଆପିନ୍ ।”

୩୬ ମାରି, ଜିସୁ ଉଣ୍ଡି ଇସି କଡ଼ଦିଙ୍ଗ୍ ତାତାନ୍‌ନୋ ଓଜେରି ଆଗଡ଼ି ନିଲ୍‌ପତାନ୍ ମାରି ଖାନିଙ୍ଗ୍ ଗାତୁ ବାସା କିଜି ଖାରିଙ୍ଗ୍ ଇର୍‌ଆନ୍,

୩୭ * “ଏନ୍‌ବା ନା ଦର୍‌ତୁ ଇୟାଖାଜା ଇସି କଡ଼ରିଙ୍ଗ୍ ମାଣକୁ ଅରେନ୍ ଖାନିଙ୍ଗ୍ ମାନାନାର୍, ଖାଣ୍ଡୁ ନାଂଇ ମାନାନାର୍; ମାରି, ଏନ୍‌ବା ନାଂଇ ମାନାନାର୍, ଖାଣ୍ଡୁ ନାଂଇ ଲାଡ଼ କିଏନ୍, ମାତର ନା ପୋକ୍‌ତିମାନି ମାଲିକ୍‌ତିଙ୍ଗ୍ ମାନାନାର୍ ।”

ଏନ୍ ମାଙ୍ଗ୍ ବିରଦ୍ କିଏନ୍, ଖାନ ମା ତରିନ୍
(ଲୁକ ୯:୪୯-୫୦)

୩୮ ଯୋହନ୍ ଜିସୁଙ୍ଗ୍ ଇର୍‌ଆନ୍, “ଏ ଗୁରୁ, ମା ଦଲ୍‌ତୁ ସିଲି ଲୋକ୍‌ତିଙ୍ଗ୍ ନି ଦର୍‌ତାନ୍ ଦୁବା ପେର୍‌ନିକା ସୁଡ଼ତୁପ୍, ମାରି ଖାଣ୍ଡୁ ମା ଦଲ୍‌ତୁ ସିଲେନ୍ ଇଜି ମାପ୍ ଖାନିଙ୍ଗ୍ ମନା କିତାପ୍ ।”

୩୯ ମାତର ଜିସୁ ଇର୍‌ଆନ୍, “ଖାନିଙ୍ଗ୍ ମନା କିମାଟ୍,” ମାତର ନା ଦର୍‌ତି ସାକ୍ତିଦାନ୍ ପାଣି କିନାନ୍ ଖାଣ୍ଡୁ ଦ୍ଵାପେ ଦାପେ ନା ବିରଦ୍‌ତାନ୍ ଇନିକା ଇନ୍‌ଡେଙ୍ଗ୍ ଆର୍‌ଏନ୍, ଇୟାଖାଜା ଲୋକୁ ଏନ୍ ସିଲେନ୍ ।

୪୦ *ମାତର ଏନ୍ ମା ବିରୁଦ୍ ମାଟା ଇନ୍‌ଏନ୍, ଖାଣ୍ଡୁ ମା ନିଜେତି ଲୋକୁ ।

୪୧ *ନାନ୍ ମିଙ୍ଗ୍ ସଡ଼ ଇଜିନା, ମିର୍ କ୍ରସ୍ତଦି ଲୋକୁ ଆଡିମାନି ଉଣ୍ଡିଙ୍ଗ୍, ଏନ୍‌ବା ନା ଉଣ୍ଡିଙ୍ଗ୍ ଗିଲାସ୍ ଏର୍ ଉଣ୍ଡେଙ୍ଗ୍ ସିନାନ୍, ଖାନ ଏଣ୍ଡେସ୍ କିଜିବା ନିଜେଦି ପୁରସ୍‌କାର୍ ପଇନିକା ଆରାଏନ୍ ।

ଆଇ ଲୋକାଙ୍ଗ୍ ପାପ୍ କିବିସ୍‌କିଇ ବିସୟତାନ୍ ଶିକ୍ଷା ସିତାନ୍
(ମାଡ଼ିଉ ୧୮:୭-୯; ଲୁକ ୧୭:୧-୨)

୪୨ ଜିସୁ ମାରି ଇର୍‌ଆନ୍, ଏମେ ଲୋକୁ ନା ଲାକ୍‌ତୁ ବିସ୍‌ବାସ୍ କିଜିମାନି ଇସି ଲୋକ୍‌ତି ମାଣକୁ ଅରେନ୍ ଖାନିଦି ବିସ୍‌ବାସ୍‌ତୁ ବାଧା ସିନିକାନ୍‌ଆନାନ୍, ଖାନି କକ୍‌ଲାଦୁ ଉଣ୍ଡି ପେରି ଗୁଡ଼ବେଲି କାଲୁ ତର୍‌ସି ଖାନିଙ୍ଗ୍ ସାମ୍‌ଦୁର୍‌ତୁ ପୋକ୍‌ତିଙ୍ଗ୍ ନେଗେଣ୍ଡୁ ଆତାଡ଼ମାନ୍ଧି ।

୪୩ *ମାରି, ଜଦି ମି ଉଣ୍ଡି କିୟୁ ମିଙ୍ଗ୍ ପାପ୍‌ତି ପାଣି କିବିସ୍‌କିଜିମାନାଟ୍, ଆଦେଙ୍ଗ୍ ଆୟା କିୟୁଦିଙ୍ଗ୍ କୟଜ ପୋକ୍‌ତୁ; ଇରିଙ୍ଗ୍ ରୁଣ୍ଡି କିକୁ ଅସ ନରକଦୁ, ଓଜୁଦିନ୍ ସିସୁକାସ୍‌ସି ମାନି ନର୍‌କ୍‌ଦୁ ସନି ବାଦ୍‌ଲୁ ଗୁଲା ଆଜି ଜିବନ୍ ଆସ୍‌ସି ମୁସ୍‌କୁପୁର୍‌ତୁ ସନିକା ମି ଉଣ୍ଡିଙ୍ଗ୍ ନେଗେଟ୍ ।

୪୪ ଇରିଙ୍ଗ୍ ନର୍‌କ୍‌ଦୁ ଖାରିଙ୍ଗ୍ ଏମେ ପିଡ଼କୁ ତିନେ ଆକେଙ୍ଗ୍ ଏସାଙ୍ଗ୍‌ବା ସାଉ, ମାରି ଆୟା ସିସୁ ଏସ୍‌କାଙ୍ଗ୍‌ବା ନାମ୍‌ଏଡ଼ । *

୪୫ ମାରି, ମି ପାଦାମ୍ ଉଣ୍ଡିଙ୍ଗ୍ ମି ବିସ୍‌ବାସ୍ ନାଷ୍ଟୁ ଆନାଟ୍, ଆଦେଙ୍ଗ୍ ଆୟା ପାଦାମ୍‌କାଙ୍ଗ୍ କୟଜ ପୋକ୍‌ତୁ, ରୁଣ୍ଡି ପାଦାମ୍‌କାଙ୍ଗ୍ ଅର୍‌ସେ ନରକଦୁ ସନି ବାଦ୍‌ଲୁ ସଟା ଆଜି ଜିବନ୍ ଅସି ମୁସ୍‌କୁପୁର୍‌ତୁ ସନିକା ନେଗେଟ୍ ।

୪୬ ଇରିଙ୍ଗ୍ ନର୍‌କ୍‌ଦୁ ଖାରିଙ୍ଗ୍ ଏମେ ପିଡ଼କୁ ତିନେ ଆକେଙ୍ଗ୍ ଏସାଙ୍ଗ୍‌ବା ସାଉ, ମାରି ଆୟା ସିସୁ ଏସ୍‌କାଙ୍ଗ୍‌ବା ନାମ୍‌ଏଡ଼ । †

୪୭ *ମାରି, ମି କାଣ୍‌ଗା ଉଣ୍ଡିଙ୍ଗ୍ ଜଦି ମି ବିସ୍‌ବାସ୍ ନାସ୍ଟୁ ଆଜିନାଟ୍, ଆଦେଙ୍ଗ୍ ଆୟା କାଣ୍‌ଗାଦିଙ୍ଗ୍ ଉୟଜ ପୋକ୍‌ତୁ; ରୁଣ୍ଡି କାଣ୍‌କୁ ଅସ ନରକଦୁ ପୋକ୍‌ନି ବାଦ୍‌ଲୁ ଉଣ୍ଡି କାଣ୍‌ଗା ମାନଜି ମାପୁରୁଦି ପୁର୍‌ତୁ ସନିକା ମିଙ୍ଗ୍ ନେଗେଟ୍ ।

୪୮ ଇରିଙ୍ଗ୍ ନର୍‌କ୍‌ଦୁ ଖାରିଙ୍ଗ୍ ଏମେ ପିଡ଼କୁ ତିନେ ଏସାଙ୍ଗ୍‌ବା ସାଉ । ମାରି, ଆୟା ସିସୁ ଏସ୍‌କାଙ୍ଗ୍‌ବା ନାମ୍‌ଏଡ଼ ।

* ୯:୩୪ ଲୁକ ୨୨:୨୪. * ୯:୩୫ ମାଡ଼ିଉ ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୬. * ୯:୩୬ ମାଡ଼ିଉ ୧୦:୪୦; ଲୁକ ୧୦:୧୭; ଜୋହନ୍ ୧୩:୨୦. * ୯:୪୦ ମାଡ଼ିଉ ୧୨:୩୦; ଲୁକ ୧୧:୨୩. * ୯:୪୧ ମାଡ଼ିଉ ୧୦:୪୨. * ୯:୪୩ ମାଡ଼ିଉ ୫:୩୦. * ୯:୪୪ ଏସ ପାଡ଼ିଇ ରାସ୍‌ତିମାନୁ ସିଲେଟ୍ । † ୯:୪୬ ଏସ ପାଡ଼ିଇ ରାସ୍‌ତିମାନୁ ସିଲେଟ୍ । * ୯:୪୭ ମାଡ଼ିଉ ୫:୨୯.

୪୯ ପୁଜାସିନି ସରତାନ ନରନି ଖାଜା ଝିଜେରେ ସିସୁଦାନ ନରାଇ ଆନାର ।
 ୫୦ *ସରୁ ଉଣ୍ଡି ନେଗ୍ରି ଜିନିସ, ମାତର ସର ଜଦି କାରୟା ଆନିକା ଗୁଣ୍ଡୁ ଆରାକିନାଡ଼, ତାନେଙ୍ଗ ମାରିଡ଼େସି ଏଣ୍ଡେସ୍ କାରିୟା କିଦେଙ୍ଗ ଆଟ୍‌ନିଦେର୍ ? “ଆଦେଙ୍ଗ ମିର୍ ସର ଖାଜା ନେଗି ଗୁଣ୍ଡୁ ଆସତୁ ମାରି ଝିଜେରି ଖାଲେ ସାନ୍ତିଦାଣ୍ଡୁ ମାନଡୁ ।”

୧୦

ମେମାରି ଆଇମା ଡ଼ିସ୍‌ନି ବିସୟତାନ ଶିକ୍ଷା
 (ମାଡ଼ିଉ ୧୯:୧-୧୨; ଲୁକ ୧୭:୧୮)

୧ ଜିସୁ ଆୟା ବାଡ଼ିଦାଣ୍ଡୁ ସରଆନ୍ ନୋ ଜିହୁଦା ଇଡ଼ିରାଜିଦୁ ସରଆନ୍ ମାରି ଜର୍ଦନ ଗାଡା ନାଆଜି ଖାତାନ୍; ମାରି ନାଣ୍ଡୁ ଲୋକୁ ମାରିଡ଼େସି ଜିସୁ ଲାକଡୁ ଉଣ୍ଡାତାର, ଜିସୁ ଆଗଡ଼ିରି ଖାଜାନେ ଖାରିଙ୍ଗ୍ ସିକିୟା ସିଦେଙ୍ଗ୍ ଆସତାନ୍ ।
 ୨ ଏସୋ ଲୋକୁ ପାରୁସିର୍ ଜିସୁ ଲାକଡୁ ଖାଜି ଖାନିଙ୍ଗ୍ ପରିକା କିଜି ଝେନ୍‌ବାତାର, “ନିଜେଦି ଆଡ଼ିଦିଙ୍ଗ୍ ଡ଼ିସ୍‌ଡେଙ୍ଗ୍ ଇନିକା ମେମାରି ତରଟାନ୍ ମା ନିୟମ୍ ମାନାଡ଼ ନୋ ?”
 ୩ ଜିସୁ ଖାରିଙ୍ଗ୍ ଉତର ସିତାନ୍, “ମୋସା ମିଙ୍ଗ୍ ଇନି ମାଟା ଝେରତା ମାନାନ୍ ?”
 ୪ *ଖାର ଝେରତାର, “ଡ଼ିସ୍‌ନି ଆକୁ ରାସ୍‌ସି ଆଇମାଦିଙ୍ଗ୍ ଡ଼ିସ୍‌ଡେଙ୍ଗ୍ ମୋସା, ଝେରତା ମାନାନ୍ ।”
 ୫ ଜିସୁ ଖାରିଙ୍ଗ୍ ଇର୍ହାନ୍, “ମି ଜିବନ୍‌ଡି ଆରୁଖାଦିଙ୍ଗ୍ ସୁଡ଼ଜି ମୋସା ମିଙ୍ଗ୍ ଇୟାଖାଜା ବିଦି ରାସ୍ତା ଇଟ୍‌ଟା ମାନାନ୍ ।
 ୬ ମାତର ଏଣ୍ଡେସ୍ ସାସ୍ତ୍ର ଇନାଡ଼, ଆୟାଖାଜା ତିଆର୍ ଆନି ଆଗଡ଼ିରାନ୍ ମାପୁରୁ ଖାରିଙ୍ଗ୍ ମେମାରି ନି ଆଇମା କିଜି ତିଆର୍ କିତାନ୍ ।
 ୭ ଆଦେଙ୍ଗ୍ ଅରେନ୍ ଇୟାଉଣ୍ଡିଙ୍ଗ୍ ମେମାର୍‌ଏନ୍ ନିଜେଦି ବୁବାୟାୟେଙ୍ଗ୍ ଡ଼ିସ୍‌ସି ନିଜେଦି ଆଡ଼ସି ଖାଲେ ତେବାନାନ୍ ମାରି ଆୟା ରିଏର୍ ଅରେନ୍‌ଆନାର,
 ୮ ଖାର ରିଏର୍ ଉଣ୍ଡେ ନେ ଆନାର । ମାରି ଖାର ରିଏର୍ ଆଏର୍, ମାତର ଉଣ୍ଡେ ନେ ଆନାର ।
 ୯ ମାପୁରୁ ଆମାକା ମିସାକିତା ମାନାନ୍, ଆକା ଲୋକୁ ଖାରିଙ୍ଗ୍ ଝେରଏ କିମାକିର୍ ।”
 ୧୦ ଝେନ୍‌କା ସିସୁର୍ ଇନ୍‌ଡୁ ଡ଼େସି ଖାତି ଝେନ୍‌କା ଜିସୁଙ୍ଗ୍ ଇୟା ବିସୟତୁ ମାରିଡ଼େସି ଝେନ୍‌ବାତାର ।
 ୧୧ *ଆବେନ୍ ଜିସୁ ଖାରିଙ୍ଗ୍ ଇରଆନ୍, “ଏନ୍‌ଆପିନ୍ ନିଜେଦି ଆଡ଼ିଦିଙ୍ଗ୍ ଡ଼ିସ୍‌ନାନ୍ ନୋ ମାରି ଉନ୍‌ଣ୍ଡି ତାନିଙ୍ଗ୍ ପେଡ଼ି ଆନାନ୍, ଆୟା ମେମାରି ଆଡ଼ିସ୍ ବିରଦ୍‌ତାନ୍ ଦାରିପାଣି କିନାନ୍;
 ୧୨ ମାରି, ଜଦି ଏମେ ଆଇମା ନିଜେଡି କନ୍‌ଲିଙ୍ଗ୍ ଡ଼ିସ୍‌ସି ମାରି ଅରେନ୍ ମେମାର୍‌ଏନ୍‌ଡିଙ୍ଗ୍ ପେଡ଼ି ଆନାଡ଼, ଆୟା ଆଇମା ବା ଦାରି ପାପଡୁ ଦସ୍ ଆନାଡ଼ ।”

ଜିସୁ ଇସ୍ତ୍ର କଡ଼ରିଙ୍ଗ୍ ଆସ୍‌ବାଦ୍ କିତାନ୍
 (ମାଡ଼ିଉ ୧୯:୧୩-୧୫; ଲୁକ ୧୮:୧୫-୧୭)

୧୩ ଜିସୁ ଏଣ୍ଡେସ୍ ଇସ୍ତ୍ର କଡ଼ରିଙ୍ଗ୍ କିୟୁ ଇଡ଼ଜି ଆସ୍‌ବାଦ୍ କିନି ଉଣ୍ଡିଙ୍ଗ୍, ଲୋକୁ ଇସ୍ତ୍ର କଡ଼ରିଙ୍ଗ୍ ଜିସୁ ଲାକଡୁ ତାତାର; ମାତର ସିସୁର୍ ଆୟା ଲୋକାଙ୍ଗ୍ ଆଦ୍‌ରିସ୍‌ଡେଙ୍ଗ୍ ଆସତାର ।
 ୧୪ ସିସୁର୍ ଲୋକାଙ୍ଗ୍ ଲାଗାନିକା ସୁଡ଼ଜି, ଜିସୁ ସିସୁରି ମୁସକୁ ରିସା ଆତାନ୍‌ନୋ ଇର୍ହାନ୍, “ଇସ୍ତ୍ର କଡ଼ରିଙ୍ଗ୍ ନା ଲାକଡୁ ଖାଦେଙ୍ଗ୍ ସିବୁ, ଖାରିଙ୍ଗ୍ ମାନା କିମାଟ୍; ଏକା ଇରିଙ୍ଗ୍ ମାପୁରୁଡ଼ି ରାଜି ଇୟାଖାଜା ଇସ୍ତ୍ର କଡ଼ରିଦି ।
 ୧୫ *ନାନ୍ ମିଙ୍ଗ୍ ସଡ଼ ଇଜିନା, ଏନ୍ ଜଦି ଇସ୍ତ୍ରକଡ଼ଖାଜା ମାପୁରୁଦି ରାଜିଦିଙ୍ଗ୍ ଆସ୍‌ଏନ୍, ଖାଣ୍ଡୁ ଏଣ୍ଡେସ୍ କିଜିବା ଆବେନ୍ ଡ଼ଗୁଦେଙ୍ଗ୍ ଆଟ୍‌ଏନ୍ ।”
 ୧୬ ଇୟା ଝେନ୍‌କା ଜିସୁ ଖାରିଙ୍ଗ୍ ଗାଡୁ ଆସ୍‌ତାନ୍‌ନୋ କଡ଼ରି ମୁସକୁ କିୟୁ ଇଡ଼ଜି କଡ଼ରିଙ୍ଗ୍ ଆସ୍‌ବାଦ୍ କିତାନ୍ ।

ଅରେନ୍ ମାଜନ୍ ମୁରୁଲି ଲୋକଡ଼ି ମାଟା
 (ମାଡ଼ିଉ ୧୯:୧୬-୩୦; ଲୁକ ୧୮:୧୮-୩୦)

୧୭ ଜିସୁ ମାରିଡ଼େସି ସନିଖାଲେ ଅରେନ୍ ଲୋକୁ ଉରୁକସି ଖାଜି ଜିସୁଦି ଆଗଡ଼ି ମେଣ୍ଡେଙ୍ଗ୍ ଗଟ୍‌କିଜି ଖାନିଙ୍ଗ୍ ଝେନ୍‌ବାତାନ୍, “ଏ ସଡ଼ ଗୁରୁ, ଏସ୍‌କାଙ୍ଗ୍‌ଝିଜିଜ ଜିବନ୍ ପୟନି ଉଣ୍ଡିଙ୍ଗ୍ ନାନ୍ ଇନିକା କିଦେଙ୍ଗ୍ ଆନାଡ଼ ?”
 ୧୮ ଆବେନ୍ ଜିସୁ ଖାନିଙ୍ଗ୍ ଇର୍ହାନ୍, “ନାଙ୍ଗ୍ ନେଗିକାନ୍ ଇଜି ଇନିଦାନିଙ୍ଗ୍ ଇଜିନି ?” ମାରି ମାପୁରୁଙ୍ଗ୍ ଡ଼ିସ୍‌ଡିଙ୍ଗ୍, “ମାରି ଆଇକାନ୍ ଏନ୍‌ବା ସଡ଼ ।
 ୧୯ ନିନ୍ ସାସ୍ତ୍ରଦି ନିୟମକୁ ଝିଜୁ ନେସ୍ତ୍ରମାନି, ଲୋକାଙ୍ଗ୍ ସାୟାମାର୍‌ଗା ଡାକ୍‌ମାଟ୍, ଦାରିପାଣି କିମାଟ୍, ଡଙ୍ଗା କିମାଟ୍, ଏ ବିରଦ୍‌ତାନ୍ ମିସ୍ ମାଟା ଇନ୍‌ଡେଙ୍ଗ୍ ଆଏଡ଼, ଲୋକାଙ୍ଗ୍ ଆସା କିମାଟ୍, ନିଜେଦି ବୁବାୟାୟେଙ୍ଗ୍ ମାନାଡୁ ।”
 ୨୦ ଆୟା ମାଜନ୍ ଲୋକୁ ଇରଆନ୍, “ଏ ଗୁରୁ, ଇୟାଝିଜୁ ନାନ୍ ମୁରୁଲିଖାଲେରାନ୍ ଇୟାଝିଜୁ ନିୟମ୍ ମାନାଜି ଖାଜିନା ।”

☆ ୯:୫୦ ମାଡ଼ିଉ ୫:୧୩; ଲୁକ ୧୪:୩୪,୩୫. ☆ ୧୦:୪ ମାଡ଼ିଉ ୫:୩୧. ☆ ୧୦:୧୧ ମାଡ଼ିଉ ୫:୩୨; ୧ କରିନ୍ତ୍ରିୟ ୭:୧୦,୧୧. ☆ ୧୦:୧୫ ମାଡ଼ିଉ ୧୮:୩.

୨୧ ଜିସୁ ଖାନି ତରିଶୁ ସୁଡ଼ଜି ଖାନିଙ୍କ ଲାଡ଼କିଜି ଇରଥାନ, “ନି ଉଣ୍ଡି_ବିସୟ ଉଣାମାନାଡ଼, ସାଙ୍କ ନି ଓଜୁ ଦନ୍ ସମ୍ପତ୍ତି ପରସୋ କାକୁତ ଲୋକାଙ୍କ ଡାରୁଙ୍କୁ ବାଟାକିଜି ସିଆ, ଆବେଟ୍ ନିନ୍ ମୁସକୁପୁରତି ଦନ୍ ପଇନି; ମାରି, ଖାଜି ନା ଖେନକା ବୁଲିଆ ।”

୨୨ ଜିସୁଦି ଇୟା ମାଟା ଖେରଥାନ ନୋ ଆୟା ଲୋକତି ମକମ୍ ଖାରତା ସରଥାଡ଼ ମାରି ଖାନ ଦୁଃକ ଆଜି ଇନ୍ତ୍ର ସରଥାନ, ଇରିଙ୍କ ଖାନିଙ୍କ ନାଶୁ ଦନ୍ ସମ୍ପତ୍ତି ମାରଥାଡ଼ ।

୨୩ ଜିସୁ ସାରିବେଡ଼ତି ସୁଡ଼ତୁାନ ନୋ ନିଜେଦି ସିସୁରିଙ୍କ ଇର୍ହାନ, “ଏମେ ଲୋକାଙ୍କ ନାଶୁ ଦନ୍ ମାନାଡ଼, ଖାରୁ ବେସି କାସୁଦାନ ମାପୁରୁତି ରାଜିଦୁ ସନ୍ତେଜ୍ ଆଟନାର ।”

୨୪ ଜିସୁଦି ମାଟା ଖେନଜି ସିସୁର କାବାଆତା ସରଥାର । ମାତର ଜିସୁ ମାରିଡେସି ଖାରିଙ୍କ ଇରଥାନ, “ଏ ନା କଡ଼ର, ମାପୁରୁଦି ରାଜିଦୁ ସନ୍ତେଜ୍ ସତେନେ କାସୁ !

୨୫ ଉଣ୍ଡି_ସୁଜିଦି ବର ସିଜି ଉଟ୍ ଡଗୁନିକା ଉସାସ, ମାତର ଅରେନ୍ ମାଜନ୍ ଲୋକୁ ମାପୁରୁଦି ରାଜିଦୁ ସନିକା କାସୁ ।”

୨୬ ଇୟା ମାଟା ଖେନଜି ସିସୁର ନାଶୁ କାବା ଆତାର ନୋ ଖାରିଖାରି ଲୋଇ ଖାରଗିଜି ସାତାର, “ଆରତିଙ୍କ ଏନ୍ ରକିୟା ପଇଦେଙ୍କ ଆଟନାନ ?”

୨୭ ଜିସୁ ସିସୁରିଙ୍କ ସାଡ଼କୁ ସାଡ଼କୁ ସୁଡ଼ଜି ଇର୍ହାନ, “ଇକା ଲୋକାଦି ଉଣ୍ଡିଙ୍କ ଆଟଖା, ମାତର ମାପୁରୁଦିଙ୍କ ଉଣ୍ଡିଙ୍କ ଉସାସ, ଇରିଙ୍କ ମାପୁରୁ ଓଜୁ କିଦେଙ୍କ ଆଟନାନ ।”

୨୮ ଇୟା ମାଟା ଖେନଜି ପିତର ଜିସୁଙ୍କୁ ଇର୍ହାନ, “ସୁଡ଼ଆ, ମାପ୍ ଓଜୁ ଡିସସି ନି ଖେନକା ଖାତା ମାନାପ୍ ।”

୨୯ ଜିସୁ ଇର୍ହାନ, “ନାନ ମିଙ୍କ ସଡ଼ ଇଜିନା,” ଏମେ ଲୋକୁ ନା ଖେନକା ଖାନି ଉଣ୍ଡିଙ୍କ “ମାରି ନା ସୁସମାତାର ଖେରନି ଉଣ୍ଡିଙ୍କ ଏନ୍ବା ଇଲୁ, ତଡ଼ାନତିଙ୍କ ନି ତାଙ୍କ, ବୁବା ନି ଯାୟେଙ୍କ, କଡ଼କକ୍ତାରିଙ୍କ ମାରି ବୁମିବାଡ଼ା ଡିସତାମାନାନ,

୩୦ ମାରି ଇଲେଇ ଇୟା ଜଗଡ଼ ଦାପେ ଦାପେନେ ଶହେ ଗୁଣ୍ଡତାନ ଇଲୁ, ତଡ଼ାନ, ତାଙ୍କ, ଯାୟା, ମାରିନ୍, ଗାଡ଼ି, ମାରି ଭୁମିବାଡ଼ିଦି ଖାଲେ କାସୁ ବା ପଇନାନ । ମାରି ଖାନି ଦିନ୍ତୁ ଏସକାଙ୍କଓଜିଜି ଜିବନ୍ ପଇନାନ ।

୩୧ ମାତର ଇଲେଇ ଏମେ ଲୋକଡ଼ର ଆଗଡ଼ି ମାନାର, ଖାର ଖେନକା ଆନାର, ମାରି ଖେନକା ମାନି ଲୋକଡ଼ର ଆଗଡ଼ି ଆନାର ।”

ଜିସୁ ଖାନି ସାନି ମାଟା ମୁଜା ଇର୍ହାନ
(ମାତିଉ ୨୦:୧୭-୧୯; ଲୁକ ୧୮:୩୧-୩୪)

୩୨ ଇୟା ଖେନକା ଖାର ଜିରୁସାଲମତୁ ସନିଖାଲେ ସାରିଦୁ ମାରାଆନ୍ ମାରି ଜିସୁ ସିସୁରି ଆଗଡ଼ି ଆଗଡ଼ି ସଲସି ମାରଥାନ, ମାରି ଶିଶୁର କାବାଆତା ସରଥାର, ମାରି ଖାନି ଖେନକା ବୁଲାଜି ମାରଇ ଲୋକଡ଼ର ତିଲାତାସରଥାର । ଜିସୁ ମାରିଡେସି ବାର ଲୋକାଙ୍କ କୁକସି, ଖାନି ଉଣ୍ଡିଙ୍କ ଇନିକା ଇନିକା ଓଜୁ ଗଟେଆଦେଙ୍କ ସଲସିନାଡ଼, ଆୟା ବିସୟତାନ ଓଜୁ ସିସୁରିଙ୍କ ଇନ୍ତେଜ୍ ଆସତାନ ।

୩୩ ଜିସୁ ଇର୍ହାନ, “ଖେନତୁ, ମାପ୍ ଜିରୁସାଲମତୁ ସଲସିନାପ୍; ଆବେ ମନୁଷ୍ୟପୁତ୍ର ଜେ ନାନ ପେରି ପେରି ଜାଜକ ମାରି ସାସ୍ତ୍ରି କିୟୁଦୁ ସେରପାନା, ମାରି ଖାରୁ ନାଂଇ ସାନି ଦଣ୍ଡ ସିନି ଉଣ୍ଡିଙ୍କ ଆଇ ଅଣଜିହୁଦି ଲୋକତି କିୟୁଦୁ ସପେ କିଜି ସିନାର, ନାଂଇ ବିଚାର କିଜି ତାକନାର ।

୩୪ ମନୁଷ୍ୟପୁତ୍ରଦିଙ୍କ ଜେ ନାନ ଖାର ନାଂଇ ସେମାର କିନାର, ନା ମୁସକୁ ପୁସନାର, ନାଂଇ କୋରତାଦାଶୁ ତାକନାର ମାରି ନାଂଇ ସାପିସ୍ କିନାର, ମାରି ମୁନେଟି ଖେନକା ଖାନ ମାରିଡେସି ଜିବନ୍ଆଜି ନିଙ୍କ ନାନ ।”

ଯାକୁବ ନି ଯୋହନ ଜିସୁଦି ଉଣି ନି ତେବିରି ତରିଶୁ ବାସତେଙ୍କ ଗୁଆରି କିତାର
(ମାତିଉ ୨୦:୨୦-୨୮)

୩୫ ଜେବଦଦି ମାରିସିର ଯାକୁବ ନି ଯୋହନ ଜିସୁ ଲାକଡ଼ୁ ଖାତା ରୋ ଇର୍ହାର, “ଏ ଗୁରୁ,” ମା ଉଣ୍ଡିଙ୍କ ଇନିକା ବା କିଆ, “ମାପ୍ ନିବାନ୍ ଇନିକା ଲସନାପ୍, ଆୟାକା ମା ଉଣ୍ଡିଙ୍କ କିଆ ।”

୩୬ ଜିସୁ ଖାରିଙ୍କ ଖେନବାତାନ, “ନାନ, ମି ଉଣ୍ଡିଙ୍କ ଇନିକା କିନା ଇଜି ମିର ଇନିକା ବଦା କିଜିନିଦେର୍ ?”

୩୭ ଖାରୁ ଜିସୁଙ୍କୁ ଇର୍ହାର, “ମାପୁରୁତି ରାଜିଦୁ ଏସିଖାଲେ ନିନ୍ ମହିମାଦି ରାଜାଗଦିଦୁ ବାସନି ମା ମାଣକୁ ଅରେନ୍ ଲୋକତିଙ୍କ ନି ଉଣେରି କିୟୁ ତରିନ୍ ମାରି ଅରେନ୍ ଲୋକତିଙ୍କ ନି ତେବିରିକିୟୁ ତରିନ୍ ବାସେଙ୍କ, ମାଙ୍କ ଇୟା ବର୍ ସିଦା ।”

୩୮ ମାତର ଜିସୁ ଖାରିଙ୍କ ଇରଥାନ, “ମିର ଇନିକା ଲସସିନିଦେର୍, ଆୟାକା ମିର ନେସତେଙ୍କ କି ବୁଝାଦେଙ୍କ ଆଟଏଜିନିଦେର୍ । ନାନ ଏମେ ଦୁଃକୁ ବୋଗାଜି ଉଣ୍ଡେଙ୍କ ସନା, ଆୟା ଦୁଃକୁତିଙ୍କ ବୋଗାଜି ଉଣ୍ଡେଙ୍କ ଆଟନିଦେର୍ ନୋ ? ନାନ ଏମେ ସାନି ଭୁବନ୍ତୁ ଭୁବନ୍ ଅନା ମିର ଇନିକା ଆୟା ଭୁବନ୍ତୁ ଅତେଙ୍କ ଆଟନିଦେର୍ ନୋ ?”

☆ ୧୦:୩୧ ମାତିଉ ୨୦:୧୭; ଲୁକ ୧୩:୩୦. ☆ ୧୦:୩୮ ଲୁକ ୧୨:୫୦.

୩୯ ଖାର ଜିସୁଙ୍କୁ ଇର୍ହାର, “ହୁଁ ମାପ୍ କିଦେଙ୍ଗ ଆଟ୍‌ନାପ୍ ।” ଜିସୁ ଖାରିଙ୍ଗ୍ ଇର୍ଆନ୍, ନାନ୍ ଏମେ ଦୁଃକୁ ବୋଗାନା, “ମିର୍ ଆବେନ୍ନୁ ଭୋଗାନିଦେର୍, ମାରି ନାନ୍ ଏମେ ସାନି ତୁବନ୍‌ତୁ ତୁବନ୍ ଅସିନା, ମିର୍ ନା ଖାଜା ଆବେନ୍ନୁ ତୁବନ୍ ଅତେଙ୍ଗ୍ ଆଟ୍‌ନିଦେର୍;

୪୦ ମାତର୍ ନା ଉଣେରି କିୟୁ ତରିଶୁ ନି ତେବିରି କିୟୁ ତରିଶୁ ବାସିସ୍ କିଦେଙ୍ଗ୍ ନା ଅଦିକାର୍ ବିସୟ୍ ସିଲେଡ୍; ମାତର୍ ଏମେ ଲୋକ୍ତି ଉଣ୍ଡିଙ୍ଗ୍ ମା ବୁବା ଆୟା ବାଡି ତିଆର୍ କିତା ଇଟ୍‌ତାମାନାନ୍, ଆୟା ବାଡିଦୁ ଖାର୍ ବାସନାର୍ ।”

୪୧ ଇୟା ମାଟା ଖେର୍ଆର୍ ନୋ ଆଇ ଦାସ୍‌ଲୋକ୍ ସିସୁର୍ ଜାକୁବ ନି ଯୋହନତି ମୁସ୍କୁ ରିସା ଆତାର୍ ।

୪୨ ଜିସୁ ଖାରିଙ୍ଗ୍ ଲାକ୍‌ତୁ କୁକ୍‌ତାନ୍‌ନୋ ଇର୍ଆନ୍, “ଏମେ ଲୋକୁ ଅଣଜିହୁଦି ମାଣ୍‌କୁ ଶାସନ୍ କିନି ଲୋକାଖାଜା ଖେଙ୍ଗ୍ ନାନ୍, ଖାର୍ ଖାରି ମୁସ୍କୁ ଶାସନ୍ କିଜିନାର୍ ମାରି ଖାରି ରାଜାର୍ ଖାରି ମୁସ୍କୁ ଶାସନ୍ କିଜିନାର୍, ମିର୍ ଇୟାକା ନେସ୍‌ତିମାନିଦେର୍ ।

୪୩ ମାତର୍ ମି ମାନ୍ ଆୟାଖାଜା ସିଲେଡ୍; ମାତର୍ ମି ମାଣ୍‌କୁ ଏନ୍ ଜଦି ପେରିକାନ୍ ଆଦେଙ୍ଗ୍ ବଦା କିନାନ୍, ଖାଣ୍ଡୁ ମି ସେବାକିନିକାନ୍ ଆପିନ୍ ।

୪୪ ମାରି ମି ମାଣ୍‌କୁ ଏନ୍‌ଆପିନ୍ ପେରିକାନ୍ ଆଦେଙ୍ଗ୍ ବଦାକିନାନ୍, ଖାଣ୍ଡୁ ଖିଜେରି ଗତିମୁରୁଲି ଆପିନ୍ ।

୪୫ ଇରିଙ୍ଗ୍ ମନୁସ୍ୟପୁତ୍ର ଜେ ନାନ୍ ସେବା ପଇଦେଙ୍ଗ୍ ରେଏ, ମାତର୍ ସେବା କିଦେଙ୍ଗ୍ ଖାତାମାନା ମାରି ଖିଜୁ ଲୋକାଙ୍ଗ୍ ରକିୟା କିଜି ନିଜେଦି ଜିବନ୍ ସିଦେଙ୍ଗ୍ ଇଜି ଖାତାମାନା ।”

ଜିସୁ ବାର୍ଣୀମୟ କାଣେଙ୍ଗ୍ ନେଗେଶୁ କିତାନ୍
(ମାତିଉ ୨୦:୨୯-୩୪; ଲୁକ ୧୮:୩୫-୪୩)

୪୬ ଜିସୁ ମାରି ଖାନି ସିସୁର୍ ଜିରିହୋ ଗାଡ୍‌ତୁ ଖାତାର୍, ମାରି ଖାର୍ ନାଣ୍‌ଲୋକୁ ଖାଲେ ସଲ୍‌ସି ମାର୍‌ଆର୍, ଯିରିହୋତି ଆୟା ଗାଡ୍ ଡିସ୍‌ସି ସନିଖାଲେ, ଟିମାୟଦି ମାରିନ୍ ବାର୍ଣୀମୟ ଦରତିକାନ୍ ଅରେନ୍ କାଣା ଭିକାରି ସାରି ଲାକ୍‌ତୁ ବାସ୍ତା ମାର୍‌ଆନ୍ ।

୪୭ ଖାନ୍ ଜେ ନାଜରିତୟ ଜିସୁ, ଆୟା ସାରିଦୁ ସଲ୍‌ସିନାନ୍ ଇଜି ଖେନ୍‌ଜି ଆୟା କାଣା ବିକାରି ନାଣ୍ ଆଉଲି ଆଜି ଇର୍ଆନ୍, “ଏ ଦାଉଦତି ମାରିନ୍ ଜିସୁ, ନାଙ୍ଗ୍ ଦୟା କିଆ ।”

୪୮ ଆବେନ୍ନୁ ଏସଲୋକ୍ ଖାନିଙ୍ଗ୍ ଆଲେଜ ମାନ୍‌ଡ୍ରେଙ୍ଗ୍ ଇଜି ଆଦିରିସ୍‌ତେଙ୍ଗ୍ ଆସ୍‌ତାର୍, ମାତର୍ ଖାଣ୍ ମୁାରି ନାଣ୍‌ଦାଣ୍ ଆଉଲି ଆଜି ଇର୍ଆନ୍, “ଏ ଦାଉଦତି ମାରିନ୍, ନାଙ୍ଗ୍ ଅତପ୍ ଦୟା କିଆ !”

୪୯ ଆବେନ୍ନୁ ଜିସୁ ତେବାତାନ୍ ନୋ ଇର୍ଆନ୍, “ଖାନିଙ୍ଗ୍ କୁକ୍‌ତୁ ।” ଖାର୍ ଆୟା କାଣା ଭିକାରିତିଙ୍ଗ୍ କୁକ୍‌ସି ଇର୍ଆନ୍, “ସାସ୍ ଆସ୍‌ଆ, ନିଆ, ଜିସୁ ନିଂଇ କୁକ୍‌ସିନାନ୍ ।”

୫୦ ଆବେର୍ ଖାଣ୍ ନିଜେଦି ସାଦର୍ ପୋକ୍‌ତାନ୍ ନୋ ନିଂଇଜି ଜିସୁ ଲାକ୍‌ତୁ ଖାତାନ୍ ।

୫୧ ଜିସୁ ଖାନିଙ୍ଗ୍ ଖେନ୍‌ବାତାନ୍, “ନାନ୍ ନି ଉଣ୍ଡିଙ୍ଗ୍ ଇନିକା କିନା ଇଜି ନିନ୍ ବଦା କିଜିନି ?” ଆୟା କାଣା ଲୋକୁ ଜିସୁଙ୍କୁ ଇର୍ଆନ୍, “ଏ ଗୁର୍, ନାନ୍ ଏଣ୍ଡେସ୍ ସୁଡ୍‌ଦେଙ୍ଗ୍ ଆଟ୍‌ନା ।”

୫୨ ଜିସୁ ଖାନିଙ୍ଗ୍ ଇର୍ଆନ୍, “ସାଙ୍ଗ୍‌ଆ, ନି ବିସ୍‌ବାସ୍ ନିଙ୍ଗ୍ ନେଗେନ୍ କିତାମାନାଡ୍ ।” ଆୟା ଦାପ୍ରେନେ କାଣା ଖାନି ସୁଡ୍‌ନି ସାଲି ପଇତାନ୍ ନୋ ସାରିଦୁ ଜିସୁ ଖେନ୍‌କା ଖେନ୍‌କା ବୁଲାଦେଙ୍ଗ୍ ଆସ୍‌ତାନ୍ ।

୧୧

ଜିସୁ ରାଜା ଖାଜା ଯିରୁଶାଲତୁ ସର୍‌ଆନ୍
(ମାତିଉ ୨୧:୧-୧୧; ଲୁକ ୧୯:୨୮-୪୦; ଜୋହନ ୧୨:୧୨-୧୯)

୧ ଏସିଖାଲେ ଜିସୁ ମାରି ଖାନି ସିସୁର୍ ଜିରୁସାଲମ୍‌ତି ଲାକ୍‌ତୁ ମାନି ଜୀତ ଗରନ୍‌ତି ଲାକ୍‌ତୁରି ବେଡ୍‌ପାଗି ନି ବେଡ୍‌ନିୟା ଇନି ନାର୍‌ତୁ ଇତାର୍, ନାସ୍ତିଖାଲେ ଜିସୁ ଖାନି ସିସୁରି ଲୋଇ ରିଏରିଙ୍ଗ୍ ଇୟା ମାଟା ଖେର୍‌ସି ପୋକ୍‌ତାନ୍ ।

୨ “ମି ଆଗଡି ମାନି ଆୟା ନାଟ୍ ସାନ୍‌ତୁ; ଆବେ ଇତି ଦାପ୍ରେ, ଆମା ମୁସ୍କୁ ଏନ୍‌ବା ବାସ୍‌ଇ ମାନି ଉଣ୍ଡି ଗଦପିଲାଦିଙ୍ଗ୍ ତର୍‌ନି ମାନିକା ସୁଡ୍‌ନିଦେର୍, ଆୟା ଗଦପିଲାଦିଙ୍ଗ୍ କୁଡ୍‌ସ ନା ଲାକ୍‌ତୁ ତାଗାଟ୍ ।

୩ ମାରି, ଏନ୍ ଜଦି ମିଙ୍ଗ୍ ଏନ୍ କୁଡ୍‌ସି ଅସିନିଦେର୍ ଇଜି ଖେନ୍‌ବାନାନ୍, ଇନିଦେର୍, ପ୍ରବୁଙ୍ଗ୍ ଦରକାର୍ ମାନାଡ୍, ମାରି ଖାନ୍ ଆୟା ଗଦପିଲାଦିଙ୍ଗ୍ ମାରିଡ୍‌ସି ଖେଡ୍‌ କିଏନ୍‌ଶ୍ଟା ବେନ୍ନୁ ପୋକ୍‌ନାନ୍ ।”

୪ ସିସୁର୍ ଆୟା ନାର୍‌ତୁ ସରାରୋ ଉଣ୍ଡି ଇଲୁ ସେର୍‌ଲା ଲାକ୍‌ତୁ ଆଡ୍‌ରେ ଦୁଃଖାର୍‌ତୁ ଉଣ୍ଡି ଗଦପିଲାଦିଙ୍ଗ୍ ତର୍‌ତି ମାର୍‌ଇକା ସୁଡ୍‌ତୁାରୋ ଗଦପିଙ୍ଗ୍ କୁଡ୍‌ତାର୍ ।

୫ ଆବେନ୍ ଆୟା ଲାକ୍‌ତୁ ନିରିଇ ମାନି ଲୋକା ମାଣ୍‌କୁ ଏସ ଲୋକୁ ଖାରିଙ୍ଗ୍ ଖେନ୍‌ବାତାର୍, “ଗଦପିଲାଦିଙ୍ଗ୍ ଇନିକା କିଜିନିଦେର୍, ଗଦପିଲାଦିଙ୍ଗ୍ ଇନ୍‌ଦାନିଙ୍ଗ୍ କୁଡ୍‌ସିନିଦେର୍ ?”

☆ ୧୦:୪୨ ଲୁକ ୨୨:୨୫, ୨୬. ☆ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୬.

୭ ଜିସୁ ଇନିକା ଇନ୍ତେଜ୍ ଇରଥାମାରଥାନ, ସିସୁର ଆୟାଞ୍ଜା ଖାରିଜ୍ ଇର୍ହାର, ତାନେ ଝେନ୍କା ଲୋକୁ ଖାନିକାଜ୍ ଡିସ୍ସି ସିତାର ।

୮ ସିସୁର ଆୟା ଗଦପିଲାଦିଜ୍ ଜିସୁ ଲାକ୍ତୁ ତାତାର ରୋ ମାରି ଗଦଦି ମୁଟାମ୍ ମୁସ୍କୁ ନିଜେ ନିଜେଦି ଖାତିଜ୍ ପାର୍ସି ସିତାର, ମାରି ଜିସୁ ଆୟା ଗଦ ମୁସ୍କୁ ବାସ୍ତାନ ।

୯ ମାରି ଏସଲୋକ୍ ଜିସୁଙ୍କୁ ମାନାଜି ଇଜି ନିଜେ ନିଜେଦି ଖାତିଜ୍ ରାସ୍ତାଦୁ ପାର୍ସି ସିତାର ମାରି ଏସୋଲୋକ୍ ମାରାତି ରତେଜ୍ ଝିକୁ କାଡ଼ସି ତାତାର ନୋ ରାସ୍ତାଦୁ ପାର୍ତାର ।

୧୦ ମାରି, ଜିସୁଦି ଆଗ୍ତି ନି ଝେନ୍କା ବୁଲାଜି ସଲ୍ସି ମାନି ଲୋକ୍ତର ନାଶ୍ ଆଉଲି ଆଜି ଇନ୍ତେଜ୍ ଆସ୍ତାର, “ହୋଶାନା ପ୍ରବୁଦି ଦରତାନ ଏନ୍ ଖାଜିନାନ, ମାପୁରୁ ଖାନିଜ୍ ଆସ୍ ବାଦ୍ କିପିନ୍ !

୧୧ ମା ପୁବେଦି ବୁବା ଦାଉଦତି ଆମା ରାଜି ଖାଜିନାଡ଼, ଆୟାତାନେଜ୍ ଧନ୍ୟ, ଆୟା ମୁସ୍କୁପୁରୁତୁ ମାନି ନେଗି ବୁବାଦି ଧନ୍ୟ । ନାଶ୍ ଲୋକାମାନୁ ହୋଶାନା ।”

୧୨ ଜିସୁ ଜିରୁସାଲମତୁ ଇତାନ ମାରି ମନ୍ଦିର ଲୋଇ ଡଗ୍ରିତାନ ମାରି ସାରିବେଡ଼ି ଝିକୁ ଜିନିସ୍ତିଜ୍ ସୁଡ଼ତାନ ନାସ୍ତିଖାଲେ ମିଲ୍ମିଲିକା ଆଜି ଖାଜି ମାରଥାଡ଼ ଆକା ବାର ଲୋକୁ ସିସୁରିଖାଲେ ବେତନିୟା ଇନି ନାରତୁ ସର୍ଥାନ ।

**ଜିସୁ ତଗା ମାରାନ୍ତିଜ୍ ଆନାଦୁରିଆ ସିତାନ
(ମାତିଉ ୨୧:୧୮-୧୯)**

୧୩ ଆୟା ମାରନାଶ୍ଟିଜ୍ ଜିସୁ ମାରି ସିସୁର ବେତନିୟା ନାରତାଶ୍ଟି ଜିରୁସାଲମତାନ ଖାନିଖାଲେ ଜିସୁଙ୍କୁ ନାଶ୍ଟି ବାଜ୍ କାଡ଼ତାଡ଼ ।

୧୪ ମାରି, ଜିସୁ ଆକଶ୍ଟି ଉଶ୍ଟି ଆକୁମାନି ତଗା ମାରାନ୍ତିଜ୍ ସୁଡ଼ତାନ, ତଗା ମାରାନ୍ତିତୁ ଫଲ୍ ମାନାଡ଼ନୋ ସିଲେଡ଼, ଆୟା ଆସାଦାନ ଜିସୁ ତଗା ମାରାନ୍ତି ଲାକ୍ତୁ ସର୍ଥାନ । ମାତର ଲାକ୍ତୁ ଖାତାନ ନୋ ଆୟା ତଗା ମାରାନ୍ତିତୁ ଆକୁ ଡିସ୍ସି ମାରି ଇନି ଫଲ୍ ବା ପଏତାନ, ଇରିଜ୍ ଆୟା ବେଡ଼ାଦୁ ତଗା ପଲ୍ ଆସ୍ତି ଦିନ୍ ରେଏତା ମାରଥାଡ଼ ।

୧୫ ଜିସୁ ଆୟା ତଗା ମାରାନ୍ତିଜ୍ ସୁଡ଼ଜି ଇର୍ଥାନ, “ନି ଲାକ୍ତୁରାନ ଏମେ ଲୋକୁ ଏସ୍କାଜ୍ବା ପଲ୍ ତିନ୍ମାକିର୍ ।” ଜିସୁଦି ଇୟା ମାଟା ସିସୁର ଝେର୍ଥାର ।

**ଜିସୁ ମନ୍ଦିରତି ପରନି ପାସ୍ରେଜ୍ ପୋକ୍ତାନ
(ମାତିଉ ୨୧:୧୨-୧୭; ଲୁକ ୧୯:୪୫-୪୮; ଜୋହନ ୨:୧୩-୨୨)**

୧୬ ତାନେ ଝେନ୍କା ଖାର ଜିରୁସାଲମତୁ ଖାତାର, ମାରି ଜିସୁ ମନ୍ଦିର ଲୋଇ ସର୍ଥାରନୋ ଆବେ ପୁଜା ସିନି ଗରିଆ ମେଣ୍ଟେଜ୍ ପରଜି ମାନି ଲୋକାଜ୍ ଆଡ଼ରେ ସପ୍ତା ପୋକ୍ତାନ । ମାରି ଟାକା ପରନି ଲୋକାଦି ଟେବୁଲ୍ ନି ପାଉରା ପରନି ଲୋକାଦି ପାସରା ଡର୍ ପେରଜି ପକ୍ତାନ,

୧୭ ମାରି ମନ୍ଦିର ଲୋଇରି ଦୁଆର୍ ସିଜି ଇନି ଜିନିସ୍ ଅତେଜ୍ ସାରି ଏଜ୍ବା ସିଏତାନ,

୧୮ ଆୟାଝେନ୍କା ଜିସୁ ଶିକ୍ଷା ସିଜି ସିଜି ଇର୍ଥାନ, “ଦାମ୍ପ୍ସାସ୍ତୁ ଇକା ରାସାତାମାନାଡ଼, ନା ମନ୍ଦିର ଦୁନିଆଦି ଝିକୁ ଜାତିଦି ଲୋକ୍ତି ଉଶ୍ଟିଜ୍ ପାରତାନା ଇଲୁ ଇଜି ଝେଜ୍ ନାଡ଼ ? ମାତର ମିର୍ ତୋ ଆକା ଡଙ୍ଗିରି ଇଲୁଖାଜା କିତିମାନିଦେର୍ ।”

୧୯ ପେରି ପେରି ଜାଜକର୍ ମାରି ସାସ୍ତିର୍ ଇୟା ମାଟା ଝେର୍ଥାରରେ ଜିସୁଙ୍କୁ ଏଣ୍ଟେସ୍ ସାପିସ୍ କିଦେଜ୍ ଆଟ୍ନାର, ଆୟା ଉଶ୍ଟିଜ୍ ସାରି ପଇଦେଜ୍ ଆସ୍ତାର; ମାତର ଆବେ ମାର୍ଜ ଲୋକତର ଖାନି ସିକିୟାଦିଜ୍ କାବା ଆତାର ନୋ ଖାର ଖାନିଜ୍ ତିଲାଜି ମାରଥାର ।

୨୦ ଆୟା ନାଶ୍ଟିଜ୍ ମିଲ୍ମିଲିକା ଜିସୁ ମାରି ଖାନି ସିସୁର ଆୟା ଗାଡ଼ ଡିସ୍ସି ସଲ୍ସିମାରଥାର ।

**ତଗା ମାରାନ୍ତିଜ୍ ସିକିୟା
(ମାତିଉ ୨୧:୨୦-୨୨)**

୨୧ ମାରି ଅର୍ଲେନ୍ ସାଲ୍ଦି ଆୟା ସାରି ସିଜି ସନିଖାଲେ ଖାର ଜିସୁ ଏମେ ତଗା ମାରାନ୍ତିଜ୍ ଆନାଦୁରିଆ ସିତାମାର୍ହାନ ଆୟା ମାରାନ୍ତି ମଦଲ୍ତାନ ଖାରସି ସରିକା ସୁଡ଼ତାର ।

୨୨ ନାସ୍ତିଖାଲେ ପିତର ଆଗ୍ତିରି ମାଟା ଏଡ଼କିଜି ଜିସୁଙ୍କୁ ଇର୍ଥାନ, “ଏ ଗୁରୁ, ସୁଡ଼ଥା, ନିନ୍ ଏମେ ତଗା ମାରାନ୍ତିଜ୍ ଆନାଦୁରିଆ ସିତି ମାର୍ଜ, ଆୟା ତଗା ମାରାନ୍ତି ଖାରସି ସର୍ଥା ମାନାଡ଼ ।”

୨୩ ଜିସୁ ଶିଶୁରିଜ୍ ଝେର୍ତାନ, “ମାପୁରୁଦି ମାନୁ ବିଶ୍ୱାସ୍ କିଦୁ ।

୨୪ ନାନ୍ ମିଜ୍ ସଡ଼ ଇଜିନା, ଜେ ଏମେ ଲୋକୁ ଇୟା ଗରନ୍ତିଜ୍ ନିନ୍ ନିଜ୍ଜି ସାମ୍ପୁରୁତୁ ସଲ୍ସି ଆର୍ଥା ଇଜି ଇନାନ, ମାରି ଖାନି ନିଜେଦି ମନ୍ ଲୋଇ ଅଡ଼ବିଏଶ୍ଗା, ଏମେକା ଇର୍ଥା ମାନା, ଆକା ଆନାଡ଼ ଇଜି ବିସ୍ବାସ୍ କିନାନ, ଖାନି ଉଶ୍ଟିଜ୍ ଆକା ସଡ଼ ଆନାଡ଼ ।

୨୪ ଆଦେଈ, ନାନ୍ ମିଙ୍ଗ୍ ଇଜିନା, ମିର୍ ଏମେ ଏମେକା ପାରତନା କିଜି ଲସ୍ନିଦେର୍, ଆକା ଓଜୁ ପଇନାପ୍ ଇଜି ବିସ୍ବାସ୍ କିଦୁ, ଆୟାଓଜୁ ପଇନିଦେର୍ ।

୨୫ ☆ମାରି, ମିର୍ ଏମେ ସମୟତୁ ପାରତନା କିଦେଈ ନିଙ୍ଗ୍ନିଦେର୍, ଜଦି ଏ ବିରୁଦ୍ଧତାନ୍ ମିଙ୍ଗ୍ ଇନି ମାଟା ମାନାଡ୍, ୱାନିଙ୍ଗ୍ କେମା କିଦୁ, ଆଦେଈ ମି ମୁସ୍କୁପୁରତି ବୁବା ବା ମିଙ୍ଗ୍ ଓଜୁ ପାପ୍‌କେମା କିନାନ୍ ।

୨୬ ମାତର୍ ମିର୍ ଜଦି ଆଇ ଲୋକାଙ୍ଗ୍ କେମା କିଇଦେର୍, ଆଦେଈ ମି ମୁସ୍କୁପୁରତି ବୁବା ବା ମିଙ୍ଗ୍ ପାପ୍ ଓଜୁ କେମା କିଏନ୍ ।”*

ଜିସୁଦି ଅଦିକାର୍ ବିସୟତୁ ୱେନ୍‌ବାତାର୍
(ମାତିଉ ୨୧:୨୩-୨୭; ଲୁକ ୨୦:୧-୮)

୨୭ ମାରିଡେସି ଜିସୁ ମାରି ୱାନି ଶିଶୁର୍ ଜିରୁସାଲମ୍‌ତୁ ୱାତାର୍; ଜିସୁ ମାନ୍‌ର୍ ଲୋଇ ବୁଲାନି ୱାଲେ ପେରି ଯାଜକ, ସାସ୍ତ୍ରିର୍ ମାରି ନେତାର୍ ୱାନି ଲାକ୍‌ତୁ ୱାଜି ୱେନ୍‌ବାତାର୍,

୨୮ “ନିନ୍ ଏମେ ଅଦିକାର୍‌ତାନ୍ ଇୟାଓଜୁ କିଜିନି ? ମାରି ଇୟାଓଜୁ ପାଣି କିଦେଈ ନିଂଇ ଏନ୍ ଇୟା ଅଦିକାର୍ ସିତା ମାନାନ୍ ?”

୨୯ ମାତର୍ ଜିସୁ ୱାରିଙ୍ଗ୍ ଇର୍‌ଆନ୍, “ନାନ୍ ମିଙ୍ଗ୍ ଉଣ୍ଡି ମାଟା ୱେନ୍‌ବାନା, ନା ମାଟାଦି ଉତର୍ ସିଦାଟ୍, ଆଦେଈ ନାନ୍ ଏମେ ଅଦିକାର୍‌ତାନ୍ ଇୟାଓଜୁ କିଜିନା, ଆକା ମିଙ୍ଗ୍ ଇନା ।

୩୦ ଜୋହନତି ତୁବନ୍ ମୁସ୍କୁପୁରତାନ୍ ନା ଲୋକା ମାଣ୍‌କୁ ଆତାଡ୍ ? ନାଂଇ ୱେର୍‌ତୁ ।”

୩୧ ଆବେନ୍ ଓର୍ ଓରି ଓରି ଲୋଇ ୱାରିସାଜି ଇନ୍‌ଡେଈ ଆସ୍‌ତାର୍, ଜଦି ମୁସ୍କୁପୁରତାନ୍ ଇଜି ଇନିକା, ଆବେଟ୍ ୱାଣ୍ଡୁ ଇନାନ୍, ମିର୍ ଇନ୍‌ଦାନିଙ୍ଗ୍ ଜୋହନତିଙ୍ଗ୍ ବିସ୍ବାସ୍ କିଇତିଦେର୍ ?

୩୨ ଜଦି ଯୋହନତି ତୁବନ୍ ଲୋକାମାଣ୍‌କୁ ଆତାମାନାନ୍ ଇଜି ଇଡେଈ ମାପ୍ ଲୋକାଙ୍ଗ୍ ତିଲାଜି ମାହାପ୍ ? ଇରିଙ୍ଗ୍ ଓଜୁ ଲୋକୁ ମାନାଜି ମାର୍‌ଆର୍ ଯେ ଯୋହନ ଅରେନ୍ ବାବବାଦି ଇଜି ।

୩୩ ୱାର୍ ଜିସୁଙ୍ଗ୍ ଉତର୍ ସିତାର୍, “ମାପ୍ ନେସ୍‌ଏପ୍ ।” ଆୟାଓଜେନ୍‌କା

ଜିସୁ ୱାରିଙ୍ଗ୍ ଇର୍‌ଆନ୍, “ନାନ୍ ଏମେ ଅଦିକାର୍‌ତାଣ୍ଡୁ ଇୟାଓଜୁ ପାଣି କିଜିନା, ଆକା ନାନ୍ ବା ମିଙ୍ଗ୍ ୱେର୍‌ଏ ।”



ଅଙ୍ଗୁର୍ କିଡ଼ିଇ ମାରି ବାଗ୍‌ତୁ ପାଣିକିନି ଲୋକା କାତା
(ମାତିଉ ୨୧:୩୩-୪୭; ଲୁକ ୨୦:୯-୧୯)

୧ ଇୟା ୱେନ୍‌କା ଜିସୁ ୱାରିଙ୍ଗ୍ କାତାଦାନ୍ ଇର୍‌ଆନ୍, ଅରେନ୍ ଲୋକ୍ ଉଣ୍ଡି ଅଙ୍ଗୁର୍ କିଡ଼ିଇ ଆରାମ୍ କିଜି ଆୟା କିଡ଼ିଇଦି ସାରିବେଡ୍‌ତି କୋଅଟି ତିଆର୍ କିତାନ୍, ମାରି ଅଙ୍ଗୁର୍‌ରସ୍ ଇଡ୍‌ଦେଈ ଗୁଟା କାରିତାନ୍ ମାରି କାପ୍‌କିନି ଗୁଡ୍‌ା ତିଆର୍ କିତାନ୍, ଆୟାଓଜେନ୍‌କା ୱାନ୍ ବାଗ୍‌ତୁ ପାଣିକିନିଓରିଙ୍ଗ୍ ଆୟା ତଡି ବାଗ୍‌ତାନ୍ ସିତାନ୍‌ନୋ ଆଇଦେସ୍‌ତୁ ସୋର୍‌ହାନ୍ ।

୨ ତାନେ ୱେନ୍‌କା ବାଗ୍‌ତୁପାଣିକିନି ୱାରି ମାଣ୍‌କୁ ଅଙ୍ଗୁର୍ କିଡ଼ିଇଦାନ୍ ଫକ୍ ନିଜେତି ବାଗ୍ ଲୋସ୍‌ନି ତାନି ଉଣ୍ଡିଙ୍ଗ୍ ୱାନ୍ ଅରେନ୍ ଗତିମୁରୁଲିଙ୍ଗ୍ ନାସ୍ତିଓଲେ ପାଣିକିନିଓରି ଲାକ୍‌ତୁ ପକ୍‌ତାନ୍ ।

୩ ମାତର୍ ୱାର୍ ଆୟା ଗତିମୁରୁଲିଙ୍ଗ୍ ଆସ୍‌ତାରୋ ତାକ୍‌ତାର୍‌ନୋ ୱାର୍‌ଇ କିୟୁଦୁ ପକ୍‌ତାର୍ ।

୪ ଆୟାଓଜେନ୍‌କା ସାଉକାର୍ ମାରି ଅର୍‌ସୁ ମାରି ଅରେନ୍ ପାଣିକିନି ଗତିମୁରୁଲିଙ୍ଗ୍ ପୋକ୍‌ତାନ୍; ୱାର୍ ଆୟାଓଜିଙ୍ଗ୍ ବା ୱାନି ତାଲା ପାଟ୍‌ତାର୍ ମାରି ୱାନିଙ୍ଗ୍ ନିସାର୍ କିତାର୍ ।

୫ ଇୟା ୱେନ୍‌କା ମାରି ଅରେନ୍ ୱାନିଙ୍ଗ୍ ପକ୍‌ତାନ୍, ୱାର୍ ଆୟାଓଜିଙ୍ଗ୍ ବା ସାୟାମାର୍‌ଗା ତାକ୍‌ତାର୍ । ସାଉକାର୍ ମାରିଡେସି ମାରି ଏସ୍ ଲୋକାଙ୍ଗ୍ ପକ୍‌ତାନ୍; ୱାରି ଲୋଇ ଏସୋ ଲୋକାଙ୍ଗ୍ ତାକ୍‌ତାର୍ ମାରି ଏସ୍ ଲୋକାଙ୍ଗ୍ ସାୟାମାର୍‌ଗା କାଡ୍‌ତାର୍ ।

୬ ସାଉକାର୍‌ତି ଲାକ୍‌ତୁ ଅରେନ୍‌ନେ ବାକି ମାନାନ୍, ୱାଣ୍ଡୁ ୱାନି ନିଜେଦି ଲାଡ୍‌ତି ମାରିନ୍ । ନା ମାରିନ୍‌ତିଙ୍ଗ୍ ୱାର୍ ଏଣ୍ଡେସ୍‌ବା ମାନାନ୍‌ର୍, ଇୟାଓଜା ଅଡ୍‌ବିଜି ସାରାସାରି ୱେନ୍‌କା ଆୟାଓଜି ଲାକ୍‌ତୁ ନିଜେଦି ମାରିନ୍‌ତିଙ୍ଗ୍ ପୋକ୍‌ତାନ୍ ।

୭ ମାତର୍ ଆୟା ବାଗ୍‌ତୁ ପାଣିକିନି ଲୋକୁ ୱାରି ୱାରି ଲୋଇ ୱାରିଗିତାର୍, ଇକାନ୍ ସାଉକାର୍‌ତି ମାରିନ୍, ରାଦୁ, ୱାନିଙ୍ଗ୍ ସାୟାମାର୍‌ଗା ତାକ୍‌ନାଟ୍; ଆବେଟ୍ ସାଉକାର୍‌ତି ଦନ୍ ଓଜୁ ମା କିୟୁଦୁ ୱାନାଡ୍ ।

୮ ଆବେଟ୍ ୱାର୍ ସାଉକାର୍‌ତି ମାରିନ୍‌ତିଙ୍ଗ୍ ଆସ୍ତାର୍‌ନୋ ସାୟାମାର୍‌ଗା ତାକ୍‌ତାର୍ ମାରି ମାଡାଦିଙ୍ଗ୍ ଅଙ୍ଗୁର୍ କିଡ଼ିଇ ଡିସ୍‌ସି ଆଇ ବାଡିଦୁ ପେର୍‌ତା ପକ୍‌ତାର୍ ।

☆ ୧୧:୨୫ ମାତିଉ ୬:୧୪,୧୫. * ୧୧:୨୬ ଏସ୍ ପାଡ଼ିଇ ରାସାତିମାକୁ ଇୟା ପଦ ସିଲେଡ୍ ।

୯ ଜିସୁ ଝେନ୍‌ବାତାନ, “ଇୟା ଝେନ୍‌କା ଆୟା ଅଜୁର୍ କିଡ଼ିଇଦି ସାଉକାର ଇନିକା କିନାନ୍ ?” ଆୟା ସାଉକାର୍ ଖାଜି ଏଣ୍ଡେସବା ଆୟାଝାରିଙ୍ଗ୍ ସାୟାମାର୍‌ଗା ଡାକ୍‌ନାନ୍ ମାରି ଆୟା ଅଜୁର୍ କିଡ଼ିଇଦିଙ୍ଗ୍ ଆଇ ଲୋକାଙ୍ଗ୍ ବାଗତୁ ପାଣିକିନି ଉଣ୍ଡିଙ୍ଗ୍ ସିନାନ୍ ।

୧୦ ମିର୍ ଦାମ୍‌ସାସ୍ତ୍ରୁ ଇୟା ମାଟା ବା ପଡ଼ାଇଦେର୍,
ଇଲୁ ତରନି ମିସ୍ତ୍ରିର୍ ଏମେ କାଲୁଦିଙ୍ଗ୍ ଦରକାର୍ ଆଏଡ଼ ଇର୍ହାର୍,
ଆକାନେ କନାଦି ମୁଲ୍ କାଲୁ ଆତାଡ଼;
୧୧ ପ୍ରୁ ମାଣ୍‌କୁ ଇକା ଆତାଡ଼,
ମାରି ଆକା ମା ଉଣ୍ଡିଙ୍ଗ୍ ଏସା କାବାଦି ମାଟା !

୧୨ ଆବେନ୍ ଜିହୁଦି ନେତାର୍ ଖାରିଙ୍ଗ୍ ଆସ୍‌ତେଙ୍ଗ୍ ଇଜି ବଦାକିତାର୍, ମାତର୍ ଖାର୍ ଲୋକାଙ୍ଗ୍ ତିଲାତାର୍; ମାତର୍ ଜିସୁ ଇୟା ମାଟା ଝାରିଙ୍ଗ୍ ସୁଡ଼ଜି ଇନ୍‌ଜିନାନ୍ ଇଜି ଖାର୍ ନେସ୍‌ତେଙ୍ଗ୍ ଆଟ୍‌ତାର୍, ମାରି ଖାର୍ ତିଲାଜି ଜିସୁଙ୍ଗ୍ ଡିସ୍‌ସି ସରଆର୍ ।

ସିସ୍ତ୍ରୁ ସିନି ବିସୟତୁ ମାଟା
(ମାତିଉ ୨୨:୧୫-୨୨; ଲୁକ ୨୦:୨୦-୨୨)

୧୩ ଝେନ୍‌କା ଏସ ପାରୁସିର୍ ମାରି ହେରୋଦ ରାଜା ଦଲତି ମାଣ୍‌କୁ ଏସ ଲୋକାଙ୍ଗ୍ ଜିସୁଦି ମାଟାଦି ଭୁଲ୍‌ତିଙ୍ଗ୍ ଆସ୍‌ସି ଗୁଟାଦୁ ପକ୍‌ତେଙ୍ଗ୍ ଇଜି ଖାର୍ ପକ୍‌ତା ମାର୍‌ଆର୍ ।

୧୪ ଖାର୍ ଖାତା ରୋ ଜିସୁଙ୍ଗ୍ ଇର୍ହାର୍, “ଏ ଗୁରୁ, ମାପ୍ ନେସ୍‌ନାପ, ନିନ୍ ସଡ଼ ମାରି ଏମେ ଲୋକାଙ୍ଗ୍ ବା ତିଲାଇ; ଇରିଙ୍ଗ୍ ନିନ୍ ଏମେ ଲୋକାଙ୍ଗ୍ ବା ମକମ୍ ସୁଡ଼୍‌ସୁଣ୍‌ଗା କିନି, ମାତର୍ ସଡ଼ତାନ୍ ମାପୁରୁତି ସାରିଦି ବିସୟ ଶିକ୍ଷା ସିନି । ମାଙ୍ଗ୍ ଝେରୁଆ କାଇସର୍ ରାଜାଏଙ୍ଗ୍ ସିସ୍ତ୍ରୁ ସିଦେଙ୍ଗ୍ ନିୟମନୋ ସିଲେଡ଼ ?”

୧୫ ମାଡୁ ସିନା ତୋ ସିଲେ ? ମାତର୍ ଜିସୁ ଖାରି ସାଲାକି ନେସ୍‌ତାନ୍‌ନୋ ଝାରିଙ୍ଗ୍ ଇର୍‌ଆନ୍, “ଏୟା ନାଂଇ ଉରିଦୁ ପକ୍‌ତେଙ୍ଗ୍ ବଦାକିଜିନିଦେର୍ ? ଉଣ୍ଡି ଟାକା ଅଦ୍‌ଲି ତାରୁଙ୍ଗ୍ ନା ଲାକ୍‌ତୁ ତାଗାଟ୍, ନାନ୍ ଆକା ସୁଣା ।”

୧୬ ଆବେଟ୍ ଖାର୍ ଉଣ୍ଡି ଟାକା ଅଦ୍‌ଲି ତାତାର୍ । ଜିସୁ ଝାରିଙ୍ଗ୍ ଝେନ୍‌ବାତାନ, “ଇୟା ଟାକା ମୁସ୍‌କୁ ଏ ଦର୍ ମାନାଡ଼ ମାରି ଏ ବମା ମାନାଡ଼ ?” ଖାର୍ ଜିସୁଙ୍ଗ୍ ଇର୍ହାର୍, “କାଇସର୍ ରାଜାଦି ।”

୧୭ ଜିସୁ ଝାରିଙ୍ଗ୍ ଇର୍‌ଆନ୍, “କାଇସର୍ ରାଜାଦି ଆମାକା, ଆକା କାଇସର୍ ରାଜାଦିଙ୍ଗ୍ ସିଦୁ, ମାରି, ମାପୁରୁଦି ଏମେକା, ଆୟାକା ମାପୁରୁଦିଙ୍ଗ୍ ସିଦୁ ।” ନାସ୍ତିଝାଲେ ଖାର୍ ଜିସୁ ମାଟାଦାନ୍ ନାଣ୍ଟ କାବାଆତାର୍ ।

ଡେସିଜିବନ୍‌ଆଜି ବିସୟତୁ ଝାରିଜିସାନିକା
(ମାତିଉ ୨୨:୨୩-୩୩; ଲୁକ ୨୦:୨୭-୪୦)

୧୮ ତାନି ଝେନ୍‌କା ସାତି ସର୍‌ଇ ଲୋକୁ ମାରିଡେସି ଜିବନ୍‌ଆଜି ନିଙ୍ଗ୍‌ନାର୍ ଇଜି ବିସ୍‌ବାସ୍ କିଇ ସାଦୁକିର୍ ଖାରି ଲାକ୍‌ତୁ ଝାଜି ଇୟା ମାଟା ଆସ୍‌ସି ଝେନ୍‌ବାଦେଙ୍ଗ୍ ଆସ୍‌ତାର୍,

୧୯ “ଏ ଗୁରୁ, ମୋସା ମା ଉଣ୍ଡିଙ୍ଗ୍ ଇୟା ନିୟମ୍ ଝାଟା ମାନାନ୍ ଯେ, ଜଦି ଏମେ ଲୋକା ତଡ଼ାନ୍ ସାନାନ୍, ମାରି ଝାରି ଆଡ଼ିସ୍ ଜିବନ୍ ମାନାଡ଼, ମାରି ଆୟା ରାଣ୍ଡି ଆଇମା ମାନୁ କଡ଼କକ୍‌ରା ସିଲେର୍, ଆଦେଙ୍ଗ୍ ଆୟା ଝାରି ତଡ଼ାନ୍ ଝାରି ଆଡ଼ିସ୍ ଇଡ଼ନାନ୍ ମାରି ଝାରିଙ୍ଗ୍ ଏମେ କଡ଼କକ୍‌ରା ଜନମ୍ ଆନାର୍, ନିଜେଦି ତଡ଼ାନ୍ ଉଣ୍ଡିଙ୍ଗ୍ କୁଟୁମ୍ କିଦେଙ୍ଗ୍ ଆନାଡ଼ ।

୨୦ ସୁଡ଼ତୁ, ସାଡ଼ଲୋକ୍ ତଡ଼ାନ୍‌କୁ ମାର୍ହାର୍; ଝିଜେରିଙ୍ଗ୍ ପେରି ତଡ଼ାନ୍ ପେଡ଼ି ଆତାନ୍‌ନୋ କଡ଼କକ୍‌ରା ଜନମ୍ ଆଏଣ୍ଡା ସାତା ସର୍ହାନ୍;

୨୧ ଝେନ୍‌କା ଝାରି ଝେନ୍‌କାରି ତଡ଼ାନ୍ ତାନିଙ୍ଗ୍ ପେଡ଼ି ଆତାନ୍‌ନୋ କଡ଼କକ୍‌ରା ଜନମ୍ ଆଏଣ୍ଡା ସାତା ସର୍‌ଆନ୍ । ଆୟାଝାଜା ମାରି ଅରେନ୍‌ବା ପେଡ଼ି ଆତାନ୍,

୨୨ ମାରି ଆୟାଝାଜା ସାଡ଼ ଲୋକୁ ତଡ଼ାନ୍‌କୁ ଝିଜେରେ ତାନିଙ୍ଗ୍ ପେଡ଼ି ଆଜି କଡ଼କକ୍‌ରା ଜନମ୍ ଆଏଣ୍ଡା ସାତାସର୍‌ଆର୍; ଝିଜେରି ସାରା ସାରି ଆୟା ଆଇମା ବା ସାତା ସୋର୍ହାଡ଼ ।

୨୩ ମାରିଡେସି ଜିବନ୍ ଆଜି ଦିନ୍‌ତୁ ଏସିଝାଲେ ସାଡ଼ିସରି ଲୋକ୍‌ଝିଲୁ ମାରି ଅର୍‌ସୁ ଜିବନ୍‌ଆଜି ନିଙ୍ଗ୍‌ନାର୍, ନାସ୍ତିଝାଲେ ଆୟା ଆଇମା ଏମେ ଲୋକ୍‌ତି ଆଡ଼ିସ୍ ଆନାଡ଼ ? ସାଡ଼ ଲୋକୁ ତଡ଼ାନ୍‌କୁ ଝିଜେରେତୋ ଆୟା ଆଇମାଦିଙ୍ଗ୍ ପେଡ଼ି ଆତାମାର୍ହାର୍ ।”

୨୪ ଜିସୁ ଝାରିଙ୍ଗ୍ ଇର୍ହାନ୍, “ମିର୍ ମାପୁରୁଦି ଦାମ୍‌ସାସ୍ତ୍ରୁ, ମାରି ମାପୁରୁଦି ସାଲ୍ଟି ନେସ୍‌ଏଣ୍ଡା ଭୁଲ୍ କିତିମାନିଦେର୍ ।

୨୫ ଆଦେଙ୍ଗ୍ ସାତି ଲୋକାମାଣ୍‌କୁ ଡେସିଜିବନ୍‌ଆଜି ନିଙ୍ଗ୍‌ତି ଝେନ୍‌କା ଲୋକୁ ପେଡ଼ି ଆଏର୍ କି ପେଡ଼ି ବା କିବିସ୍ କିଏର୍, ମାତର୍ ଖାର୍ ଝିଜେରେ ମୁସ୍‌କୁପୁର୍‌ତି ଦୁଡ଼କା ଝାଜା ତେବାନାର୍ ।

୨୬ ମାତର୍ ସାତିକାର୍ ଜେ ମାରିଡେସିଜିବନ୍ ଆଜି ନିଙ୍ଗ୍‌ନାର୍, ମିର୍ ଆୟା ବିସୟତୁ ମୋଶାଦି ବଇଦୁ ଦୁପା କାସିନି ବିସୟ ପଡ଼ାଇଦେର୍ ନୋ ? ମାପୁରୁ ଝାରିଙ୍ଗ୍ ଏଣ୍ଡେସ୍ ଇର୍‌ଆନ୍, ମାପ୍ ଅବ୍ରାହାମତି ମାପୁରୁ, ଇସ୍‌ହାକ୍‌ତି ମାପୁରୁ ମାରି ଜାକୁବଦି ମାପୁରୁ ।

୨୭ ୱାସ୍ତିଲୋକ୍ତି ମାପୁରୁ ଆସନ୍, ମାତର୍ ଜିବନ୍ମାନି ଲୋକା ମାପୁରୁ । ମିର୍ ବେସି ବାମା ଆଜିନିଦେର୍ ।”

ଆମାକା ପେରି ଆଦେସ୍

(ମାତିଉ ୨୨:୩୪-୪୦; ଲୁକ ୧୦:୨୫-୨୮)

୨୮ ନାସ୍ତିଖାଲେ ସାସ୍ତିରି ମାଣ୍ଡକୁ ଅରେନ୍ ଲାକ୍ତୁ ୱାତାନ୍ ନୋ ୱାରି ୱିଜୁ ମାଟା ୱେନ୍ଜି ମାର୍ଆନ୍ ମାରି ସାଲୁକାରିଙ୍ଗ୍ ଜିସୁ ଟିକ୍ ଉତର୍ ସିତାମାନାନ୍, ଇକା ନେସ୍ତେଙ୍ଗ୍ ଆଟ୍ତାନ୍ନୋ ୱାଣ୍ଡୁ ଜିସୁଙ୍ଗ୍ ୱେନ୍ବାତାନ୍, “ଝିଜୁ ଆଦେସ୍ ଲୋଇରାନ୍ ଆମାକା ପେରି ଆଦେସ୍ ?”

୨୯ ଜିସୁ ଇର୍ଆନ୍, “ପେରି ଆଦେସ୍ ଇକା, ଏ ଇସ୍ରାଏଲ୍, ୱେଣ୍ଡୁ ପ୍ରୁ ମା ମାପୁରୁ ଅରେନ୍ନେ ପ୍ରୁ ମାନାନ୍;

୩୦ ମାରି, ମିର୍ ମି ପୁରା ମେନ୍ଲ, ପୁରା ଜିବନ୍, ପୁରା ମନ୍ ମାରି ପୁରା ବପୁ ସିଜି ପ୍ରୁ ମି ମାପୁରୁଙ୍ଗ୍ ଲାଡକିଦୁ ।

୩୧ ମାରି ଉଣ୍ଡି ପେରି ଆଦେସ୍ ଆଜିନାଡ୍, ମିର୍ ଲାକ୍ତୁରି ଲୋକାଙ୍ଗ୍ ନିଜେଦିଙ୍ଗ୍ ଜିବନ୍ନୋତିଝାଜା ଜିବନ୍ନୋଦୁ । ଇୟା ରୁଣ୍ଡି ଆଦେସ୍ ଡିସ୍ତିଙ୍ଗ୍ ଆଇ ମାରି ପେରି ଆଦେସ୍ ଇନିକା ସିଲେଡ୍ ।”

୩୨ ଆବେଟ୍ ଆୟା ସାସ୍ତି ଜିସୁଙ୍ଗ୍ ଇର୍ଆନ୍, “ଏ ଗୁରୁ, ଆକା ସଡ୍, ୱାଣ୍ଡୁ ୱେନ୍ ଅରେନ୍ ମାରି ୱାନିଙ୍ଗ୍ ଡିସ୍ତିଙ୍ଗ୍ ଏନ୍ବା ସିଲେନ୍, ଇକା ନିନ୍ ସଡ୍ ୱେଡ୍ ମାନି ।

୩୩ ମାରି, ଅରେନ୍ ଲୋକ୍ତିଙ୍ଗ୍ ପୁରା ମେନ୍ଲ, ପୁରା ବୁଦି ମାରି ପୁରା ବପୁ ସିଜି ମାପୁରୁଦିଙ୍ଗ୍ ଲାଡ୍ କିନିକା ମାରି ଲାକ୍ତୁରି ଲୋକାଙ୍ଗ୍ ଲାଡ୍ କିନିକା ଇୟାଝିଜୁ ଦୁପ୍ପି ଆଡ୍ଡକିନିକା ନି ପୁଜା ସିନି ମାଣ୍ଡକୁ ନାଣ୍ଡୁ ପେରିକା ।”

୩୪ ୱାସ୍ତି ବୁଦିଦାନ୍ ଇର୍ଆମାନାନ୍ ଇଜି ନେସ୍ସି ଜିସୁ ୱାନିଙ୍ଗ୍ ଇର୍ଆନ୍, “ନିନ୍ ମାପୁରୁଦି ରାଜିଦାନ୍ ଆକ ସିଲି ।” ଆବେଟ୍କୁ ଜିସୁଙ୍ଗ୍ ଏନ୍ବା ଇନି ପ୍ରସ୍ତ ୱେନ୍ବାଦେଙ୍ଗ୍ ସାସ୍ କିଏଡାର୍ ।

କ୍ରିସ୍ତ ଦାଉଦତି ମାରିନ୍

(ମାତିଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାତର୍ ଜିସୁ ମନ୍ଦିରୁଡ୍ ସିକିୟା ସିନିଝାଲେ ୱେନ୍ବାତାନ୍, କ୍ରିସ୍ତ ଜେ ଦାଉଦତି ମାରିନ୍ ଇଜି, ସାସ୍ତିର୍ ଏଣ୍ଡେସ୍ ଇଜିନାର୍ ?

୩୬ ଦାଉଦ ନିଜେ ପବିତ୍ର ଆମ୍ବୁଦି ବପୁ ପଇଜି ଇର୍ଆମାର୍ଆନ୍, ପ୍ରୁ ନା ପ୍ରୁଙ୍ଗ୍ ଇର୍ଆନ୍, ମାପ୍ ଆମାସାନ୍ ନି ୱିଜୁ ସାଡ୍ଡୁରିଙ୍ଗ୍ ନି ପାଦାମ୍ବୁକାଙ୍ଗ୍ ଆଡ୍ଡି ଇଡ୍ଏପ୍, ଆୟା ସାନ୍ ମା ଉଣ୍ଡେରି କିୟୁ ତରିଣ୍ଡୁ ବାସ୍ସ ମାନ୍ଆ ।

୩୭ ଦାଉଦ ନିଜେ କ୍ରିସ୍ତ ପ୍ରୁ ଇଜି ଇନାନ୍, ମାପୁରୁଦି ବାସ୍ସିକିତି ରକିୟା କିନି କ୍ରିସ୍ତ ଏଣ୍ଡେସ୍ ୱାନି ମାରିନ୍ ଆନାନ୍ ? ୱିଜେରେ ଲୋକ୍ ୱେଡ୍ଡିକାଦାନ୍ ୱାନି ମାଟା ୱେନ୍ଜିମାର୍ଆର୍ ।

ସାସ୍ତିରି ମାଣ୍ଡକୁ ଜାଗାର୍ତା

(ମାତିଉ ୨୩:୧-୩୬; ଲୁକ ୨୦:୪୫-୪୭)

୩୮ ମାରିଡେସି, ୱାନ ୱାନି ସିକିୟାଦାନ୍ ଇର୍ଆନ୍, “ସାସ୍ତିରି ମାଣ୍ଡକୁ ଜାଗାର୍ତା ! ୱାରୁ ନିର୍ଇ ଆଙ୍ଗ୍ ଆରାଜି ବୁଲ୍ଲାଦେଙ୍ଗ୍, ମାରି ସାତାସାଉକାଦୁ ମାଡ୍ଡିସ୍ କିପିର୍ ଇଜି ବଦାକିନାର୍ ।

୩୯ ପାର୍ତନା କିନି ଇଲୁଦୁ ପେରି ଗଦିଦି ବାଡି ମାରି ବୋଜିଦୁ ପେରି ବାଡି ପଇଦେଙ୍ଗ୍ ୱାର୍ ବଦାକିନାର୍;

୪୦ ୱାର୍ ରାଣ୍ଡି ଆଇମେକା ଇଲ୍ଲକାଙ୍ଗ୍ ୱିଜୁ ନାସ୍ କିନାର୍ ମାରି ବାଣ୍ଡିସ୍ କିଜି ନିର୍ଇ ପାର୍ତନା କିନାର୍; ୱାର୍ ନାଣ୍ଡୁ ଦଣ୍ଡୁ ପଇନାର୍ ।”

ଅରେଡ୍ ରାଣ୍ଡି ଆଇମା ଦାନ୍ ସିନିକା

(ଲୁକ ୨୧:୧-୪)

୪୧ ଅର୍ଲେନ୍ ଜିସୁ ମନ୍ଦିରୁଡ୍ ଦାନ୍ ସିନି ପେଡା ଲାକ୍ତୁ ବାସ୍ତାନ୍ନୋ ଲୋକ୍ ୱିଜେରେ ଏଣ୍ଡେସ୍ ପେଡାଦୁ ଦାନ୍ ସିଜିନାର୍, ଆକା ସୁଡ୍ଡିମାର୍ଆନ୍, ନାସ୍ତିଖାଲେ ଆବେ ମାର୍ଇ ମାଜନ୍ ଲୋକ୍ ନାଣ୍ଡୁ ତାବୁଙ୍ଗ୍ ପକ୍ତାର୍;

୪୨ ମାରି, ଅରେଡ୍ କାକ୍ତୁ ରାଣ୍ଡି ଆଇମା ୱାତା ଦୋ ରୁଣ୍ଡି ଟାକାଦି ଅଦ୍ଲିଙ୍ଗ୍ ଉଣ୍ଡି ଟାକାଦି ଅଦ୍ଲିଦାନ୍ ବା ଉଣା ଆକା ଆବେ ନିର୍ତାଡ୍ ।

୪୩ ଆବେନ୍ ଜିସୁ ୱାନି ସିସ୍ପୁରିଙ୍ଗ୍ କୁକ୍ତାନ୍ନୋ ଇର୍ଆନ୍, “ନାନ୍ ମିଙ୍ଗ୍ ସଡ୍ ଇଜିନା, ଇୟା ପେଡା ଲୋଇ ତାବୁଙ୍ଗ୍ ସିତିମାନି ଲୋକା ଉଡ୍ଡେ ଇୟା କାକ୍ତୁ ରାଣ୍ଡି ଆଇମା ନାଣ୍ଡୁ ସିତାମାନାଡ୍ ।

୪୪ ଇରିଙ୍ଗ୍ ୱିଜେରେ ମାଜନ୍ ଲୋକ୍ ତାମେ ତାବୁଙ୍ଗ୍ ବିଡ୍ଡେ ଅଡ୍ପ୍ ଅଡ୍ପ୍ ସିତାର୍, ମାତର୍ ଇୟା ରାଣ୍ଡି ଆଇମା ତାନି ଜିବନ୍ ଜିନି ଉଣ୍ଡି ଏସ୍ ତାନି ମାନ୍ ମାର୍ଆଡ୍, ଆକା ୱିଜୁ ସିତାମାନାଡ୍ ।”

☆ ୧୨:୩୪ ଲୁକ ୧୦:୨୫-୨୮.

୧୩

ଜିସୁ ଜିରୁସାଲମ୍ ମନ୍ଦିର ଦଂସ ଆନି ବିସୟ ଇରଥାନ
(ମାତିଉ ୨୪:୧-୨; ଲୁକ ୨୧:୫-୬)

୧ ଅରଲେନ୍ ଜିସୁ ମନ୍ଦିରତାନ ସହସି ସନିଝାଲେ ଖାନି ସିସୁରି ମାଣକୁ ଅରେନ୍ ସିସୁ ଜିସୁଙ୍କୁଁ ଇରଥାନ, “ଏ ଗୁରୁ, ସୁଡ଼ଆ, ମନ୍ଦିରତି ଇଲୁ ମାରି ମନ୍ଦିରତି ପେରି ପେରି କାଲକୁ ଏସା ନେଗେନ୍ ତରଜିନେ !”

୨ ଜିସୁ ଖାନିଙ୍କ ଇରଥାନ, “ନିନ୍ ଇନିକା ଇୟାଝିକୁ ପେରି ମେଡ଼ ଇଲୁ ସୁଡ଼ଜିନି ? ଉଣ୍ଡି କାଲୁ ଆଇ କାଲୁ ମୁସକୁ ତେବାଏଡ଼, ଆକା ଝିକୁ ଆରଜି ବୁମିଦୁ ମିସାନାଡ଼ ।”

ଜିସୁ ଜୁଗସେସତି ବାଦା ବିସୟତାନ ଝେରତାନ
(ମାତିଉ ୨୪:୩-୧୪; ଲୁକ ୨୧:୭-୧୯)

୩ ତାନେ ଝେନକା ଜିସୁ ମନ୍ଦିର ଆଗଡ଼ିରି ଜିତ ଗରନ୍ ମୁସକୁ ବାସତା ମାରଥାନ ଆବେ ପିତର, ଜାକୁବ, ଜୋହନ ମାରି ଆନ୍ଦିୟ ଜିସୁଙ୍କୁଁ ଏନବା ନେସଇଝାଜା ଝେନବାତାର, ଇୟାଝିକୁ ଏସାଙ୍କ ଗଟାନାଡ଼,

୪ “ମାରି ଇୟାଝିକୁ ଏମେ ସମୟତୁ ଇଗା ଖାନିଝାଜା ଆନାଡ଼,” ଆୟାଝାଲେରି ସିନା ଇନିକା, “ଆକା ମାଙ୍କୁଁ ଇନଥାଁ ।”

୫ ଆବେନୁ ଜିସୁ ଖାରିଙ୍କ ଇରଥାନ, ଜାଗାରତା, ଏନ୍ ଏଣ୍ଡେସ ମିଙ୍କୁଁ ବାମରେ କିଏନ୍ ।

୬ ନାଣ୍ଡଲୋକ୍ ନା ଦରତାନ ଖାଜି ମାପ୍ କ୍ରିସ୍ ଇଜି ଇନାର, ଲୋକାଙ୍କୁ ଖାର ନାଣ୍ଡ ବାମରେ କିନାର ।

୭ ମାତର ମିର୍ ଏସିଝାଲେ ଜୁଦ୍ ଆନି ବିସୟ ଝେନିଦେର ମାରି ଜୁଦ୍ ଆନି ଲୋକା ଆଉଲି ଝେନିଦେର, ଆୟାଝାଲେ ମିର୍ ତିଲମାଟ୍, ଇୟାଝିକୁ ପୁରା ଗଟାନାଡ଼, ମାତର ଇୟାତାନି ଅର୍ଥ ଆଏଡ଼ ଜେ ଜୁଗ୍ ସେସଆନି ଦିନ୍ ଲାକ୍ତୁ ।

୮ ଇରିଙ୍କୁଁ ଜାତି ଲୋଇ ଜାତି ଜୁଦ୍ ଆନାଡ଼ ମାରି ଉଣ୍ଡି ରାଜି ମାରି ଉଣ୍ଡି ରାଜି ବିରଦ୍ତୁ ଜୁଦ୍ କିନାର, ମାରି ଏସ ବାଡ଼ିଦୁ ଦିରେ ଦିରେ ବୁମିକମ୍ପ ଆନାଡ଼ ମାରି ଝିକୁ ଲୋକାଙ୍କୁ ଉଣ୍ଡେଙ୍କୁଁ ପୁଟ୍ଏଡ଼; ଇୟାଝିକୁ ଜନମ୍ କିନି କାସୁଦି ଆରାମ୍ ମାତର ।

୯ *ମାତର ମିର୍ ନିଜେ ନିଜେଦି ବିସୟତାନ ଜାଗାରତା ମାନ୍ତୁ; ଲୋକୁ ମିଙ୍କୁଁ ତରସି ବିସାର କିନି ବାଡ଼ିଦୁ ଅନାରର ସର୍ପେ କିନାର, ମିର୍ ପାରତନା କିନି ଇଲୁଦୁ ମାଡ଼ ତିନିଦେର । ମାରି ମିର୍ ନା ସିସୁ ଆତିମାନିଙ୍କୁଁ ପେରି ନେତା ନି ରାଜାରି ଆଗଡ଼ି ଖାରି ଉଣ୍ଡିଙ୍କୁଁ ସାକି ସିଦେଙ୍କୁଁ ଇଜି ନିଲ୍ପିସ୍ କିନାର ।

୧୦ ମାରି, ଇୟାକା ଗଟାନି ଆଗଡ଼ି ଝିକୁ ଲୋକା ଲାକ୍ତୁ ସୁସମାଚାର ପ୍ରଚାର ଆନାଡ଼ ।

୧୧ ଏସିଝାଲେ ଲୋକୁ ମିଙ୍କୁଁ ଆସନା ଅନାରୋ ସର୍ପେ କିନାର, ନାସିଝାଲେ ମିର୍ ଇନିକା ଇନିଦେର, ଆୟା ବିସୟତାନ ଆଗଡ଼ିରାନ୍ ସିନ୍ନା କିମାଟ୍, ମାତର ଆୟା ସମୟତୁ ମିଙ୍କୁଁ ଇନିକା ପୁଟ୍ନାଡ଼, ଆକା ଇଡୁ; ଇରିଙ୍କୁଁ ମିର୍ ଇନି ଲୋକୁ ଆଇଦେର, ମାତର ପବିତ୍ର ଆମ୍ ମା ଉଣ୍ଡିଙ୍କୁଁ ମାଟା ଇନାଡ଼ ।

୧୨ ଆୟା ସମୟତୁ ଲୋକୁ ତଡ଼ାନ୍ ତଡ଼ାନ୍ତିଙ୍କୁଁ ମାରି ବୁବା ମାରିନତିଙ୍କୁଁ ସାପିସତେଙ୍କୁଁ ଇଜି ସର୍ପେ କିଜି ସିନାର; ମାରି, କଡ଼କକରା ବୁବାସି ଆଇସି ବିରୁଦ୍ତାନ ନିଙ୍କୁଁନା ରୋ ଖାରିଙ୍କୁଁ ସାୟାମାରଗା ତାକ୍ନାର;

୧୩ *ମାରି, ମିର୍ ନା ଝେନକା ଖାନି ଲୋକୁ ଆତିମାନିଙ୍କୁଁ ମିଙ୍କୁଁ ଝିଜେରେ କାଡ଼ନାର; ମାତର ଆମାକାନ୍ ସାରାସାରି ଝେନକା ସାହି ସାସଆସସି ତେବାନାନ୍, ଖାନ୍ ରକିୟା ପଇନାନ୍ ।

ନାସୁକିନି କାଡ଼ନି ବିସୟତୁ ମାଟା ଜିସୁ ଇରଥାନ
(ମାତିଉ ୨୪:୧୫-୨୮; ଲୁକ ୨୧:୨୦-୨୪)

୧୪ ମାତର ମିର୍ ଏସିଝାଲେ ଆୟା ନାସୁକିନି କାଡ଼ନି ଜିନିସତିଙ୍କୁଁ, ଏମେ ବାଡ଼ିଦୁ ମାନ୍ତେଙ୍କୁଁ ନିୟମ୍ ସିଲେଡ଼, ଆୟା ବାଡ଼ିଦୁ ମାନିକା ସୁଡ଼ଜିଦେର ଏମେ ଲୋକ୍ତର ପଡ଼ାଦେଙ୍କୁଁ ନେସନାର ଖାର ବୁଝାପିର୍, “ନାସିଝାଲେ ଆମାଲୋକ୍ ଝିଜେରେ ଜିହୁଦା ଗାଡ଼ତୁ ମାନାର, ଖାର ଗରନ୍ ମୁସକୁ ଉରୁକ୍ସି ସଲିର୍;

୧୫ *ଏନ୍ ସାଡ଼ ମୁସକୁ ଏକନା ମାନାନ୍, ଖାଣ୍ଡୁ ଚୁରସୋ ଖାନି ଇଲୁତୁ ଇନି ସାସାପାତି ଅତେଙ୍କୁଁ ଇଜି ରାମାକିନ୍ ବା ଇଲୁ ଲୋଇ ଡ଼ଗୁମାକିନ୍;

୧୬ ମାରି, ଏନ୍ କିଡ଼ିକ୍ତୁ ତେବାନାନ୍, ଖାଣ୍ଡୁ ଖାନି ସାଦର ତାତେଙ୍କୁଁ ଇଜି ଡ଼େସି ସଲ୍ମାକିନ୍ ।

୧୭ ଆୟାଝାଲେ ପଟାଦୁମାନି ଆଇମାଲୋକ୍ ମାରି ଇସି କଡ଼ରିଙ୍କୁଁ ଆସସି ପାଲ୍ ଉଟ୍ପିସକିନି ଆଇସିକା ଅବସ୍ତା ଏସ ତାଗଇକା ଆନାଡ଼, ଖାକ୍ ନାଣ୍ଡ ଦୁଃକ୍ ବୋଗାନେ !

୧୮ ମାତର ଇକା ଏଣ୍ଡେସ ପିନିକାଡ଼ାଦୁ ଗଟାଏଡ଼, ଆୟା ଉଣ୍ଡିଙ୍କୁଁ ମାପୁରୁଦି ମାନ୍ ପାରତନା କିଦୁ ।

୧୯ *ଇରିଙ୍କୁଁ ଆୟାଝାଲେ ଇୟାଝାଜା ଦୁଃକ୍ ଗଟାନାଡ଼ ଜେ, ମାପୁରୁ ଦୁନିଆଦିଙ୍କୁଁ ତିଆରି କିତି ଝାଲେରାନ୍ ନେର୍ ସାହି ଇୟାଝାଜା ଗଟାଏଡ଼, ମାରି ଏସାଙ୍କୁଁବା ଗଟେ ଆଏଡ଼ ।

☆ ୧୩:୯ ମାତିଉ ୧୦:୧୭-୨୦; ଲୁକ ୧୨:୧୧,୧୨. ☆ ୧୩:୧୩ ମାତିଉ ୧୦:୨୨. ☆ ୧୩:୧୫ ଲୁକ ୧୭:୩୧. ☆ ୧୩:୧୯ ପ୍ରକାଶିତ ୭:୧୪.

୨୦ ମାରି, ଜଦି ପ୍ରବୁ ଆୟା ସମୟ ଏସକାଙ୍ଗ ଉଣା କିତାନ୍ ମାନ୍ଦି, ଇରିଙ୍ଗ ଆମା ଲୋକ୍ତର ରକିୟା ପଇଦେଙ୍ଗ ଆବ୍‌ଏତାର୍‌ମାନ୍ଦି; ମାତର ମାପୁରୁ ଆମା ଲୋକାଙ୍ଗ ଆସକିତା ମାର୍‌ଆନ୍, ଆୟା ବାସକିତି ଲୋକା ଉଣିଙ୍ଗ ଇଜି ଆୟା ସମୟତିଙ୍ଗ ଉଣା କିତାମାନାନ୍ ।

୨୧ “ନାସ୍ତିଖାଲେ ଜଦି ଏନ୍ ଇନାନ୍, ସୁଡ଼ୁ, କ୍ରିସ୍ତ ଇବେ ମାନାନ୍, ମାରି ସୁଡ଼ୁ, କ୍ରିସ୍ତ ଆବେ ମାନାନ୍,” ଏନ୍ ଜଦି ମିଙ୍ଗ ଇୟାଖାଜା ଇନାନ୍, ଆଦେଙ୍ଗ ଆକା ବିସବାସ୍ କିମାଟ୍ ।

୨୨ କ୍ରିସ୍ତର ନି ବଣ୍ଟ ବାବବାଦିର୍ ସନାର୍ ଇୟାଖାଜା ସିନା ମାରି କାବାଆନି ପାଣି ତରନାର୍ ଜେ, ଜଦି ଆତିଙ୍ଗ, ମାପୁରୁ ଆସକିତି ଲୋକାଙ୍ଗ ବା ବାମ୍‌ରେ କିନାର୍ ।

୨୩ ମାତର ମିର୍ ଜାଗାର୍‌ତା ମାଣ୍ଟୁ; ଇୟାଖିଜୁ ଆନି ଆଗ୍‌ଡିନେ ନାନ୍ ମିଙ୍ଗ ଇଜିନା ।

ଜିସୁ ମାରିଡେସି ଖାନି ବିସୟ ଖେରତାନ୍
(ମାତିଉ ୨୪:୨୯-୩୧; ଲୁକ ୨୧:୨୫-୨୮)

୨୪ *ମାତର ଆୟା ସମୟତୁ ଆୟା ଦୁଃଖ ଖେନକା ଖେଡା ସିକାଟି ଆନାଡ୍ ମାରି ଲେଜୁ ଜାୟ୍ ସିଏଡ୍,

୨୫ *ମାରି ସୁକେଙ୍ଗ ବାଦଡ଼ତାନ୍ ଆରେନେ ମାରି ବାଦଡ଼ତୁ ମାନି ଖିଜୁ ସାଲ୍‌ଦିକେଙ୍ଗ ଦୁଙ୍ଗ୍‌ନେ ସନେ ।

୨୬ *ନାସ୍ତିଖାଲେ ଲୋକ୍ତୁ ଖିଜୁ ମନୁସ୍ୟପୁତ୍ରଦିଙ୍ଗ ଜେ ନାନ୍ ପେରି ସାଲ୍‌ଦାନ ମାରି ମହିମାଦାନ୍ ବାଦଡ଼ତାନ୍ ଖାନିକା ସୁଡ଼ୁନାର୍ ।

୨୭ ଆୟା ସମୟତୁ ନାନ୍ ଆସକିତି ଲୋକାଙ୍ଗ ପୂତିବିଦି ଇତି କନାଦାନ୍ ବାଦଡ଼ତି ଇତି କନା ସାନ୍ଦି ସାରିବେଡେଡି ଲୋକାଙ୍ଗ ଉନ୍‌ଡେମାନୁ ଉଣ୍ଟାକିଦେଙ୍ଗ ଦୁଡ଼କାଙ୍ଗ ପୋକ୍‌ନାନ୍ ।

ତଗା ମାରାତାନ୍ ଅଜାଦୁ
(ମାତିଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ତଗା ମାରାତାନ୍ କାତା ଅଜାଦୁ; ଏସିଖାଲେ ତଗା ମାରାତି କମେଙ୍ଗଡି ଆକୁ ରାଲ୍‌ଜି ସଲ୍‌ସି ମାରି ପୁନି ଆକୁ ସହସିଖାନେ, ଆୟାଖାଲେ ଜେଟାପ୍ ଲେଞ୍ଜୁ ଇଗା ଖାତାଡ୍ ଇଜି ମିର୍ ନେସ୍‌ସୋ ମାନ୍‌ଡୁ;

୨୯ ଆୟାଖାଜା ମିର୍ ବା ଇୟାଖିଜୁ ଗଟାନିକା ସୁଡ଼ୁ ନାନ୍ ଖାନି ଦିନ୍ ସେରଲା ଲାକ୍‌ତୁ ଇଗା ଖାତାଡ୍‌ନି ଇଜି, ଇକା ନେସ୍‌ତୁ ।

୩୦ ନାନ୍ ମିଙ୍ଗ୍ ସଡ଼ ଇଜିନା, ଇୟାଖିଜୁ ଗଟେ ଆଇ ସାନ୍ଦି ଇଲେଇ ଜିନିମାନି ଲୋକ୍ତୁ ଏଣ୍ଟେସ୍ କିଜିବା ସାଏର୍ ।

୩୧ ବାଦଡ଼୍‌ନି ଦୁନିଆ ନାସ୍ତୁ ଆନାଡ୍, ମାତର ନା ବାକ୍ୟଖିଜୁ ଏସାଙ୍ଗ ନାସ୍ତୁ ଆଏଡ୍ ।

ଜିସୁ ଖାନିକା ଏନ୍‌ବା ନେସ୍‌ଏନ୍
(ମାତିଉ ୨୪:୩୬-୪୪)

୩୨ *ମାତର ଆୟା ଦିନ୍ ବା ଆୟା ଦଣ୍ଟୁ ବିସୟ ଏନ୍‌ବା ନେସ୍‌ଏନ୍, ମୁସ୍‌କୁପୁରତି ଦୁଡ଼କୁ ନେସେଉ ମାରି ନାନ୍ ମନୁସ୍ୟପୁତ୍ର ବା ନେସେଏ, ଅରେନ୍ ନା ବୁବା ନେସ୍‌ନାନ୍ ।

୩୩ ମିର୍ ଜାଗାର୍‌ତା ଆଜି ମାନ୍‌ଡୁ, କାପ୍‌କିଜ ମାନ୍‌ଡୁ; ଇରିଙ୍ଗ ଆୟା ଦିନ୍ ଏସାଙ୍ଗ ଆନାଡ୍, ଆକା ମିର୍ ନେସ୍‌ଇଦେର୍ ।

୩୪ *ଆକା ଇୟାଖାଜା, ଅରେନ୍ ଲୋକ୍ତୁ ନିଜେଦି ଇଲୁ ଡିସ୍‌ସୋ ଆଇ ଦେଶ୍‌ ଡେବାଜିନାନ୍, ମାରି ଖାଣ୍ଟୁ ଖାନି ଗତିମୁରୁଲିରିଙ୍ଗ ଖିଜୁ ଅଦିକାର୍ ସିଜି ପାଣି କିଦେଙ୍ଗ ଇଜି ଇନାମାନାନ୍ ମାରି ଇଲୁ କାପ୍‌କିନି ଲୋକ୍‌ତିଙ୍ଗ ବା ଜାଗାର୍‌ତାଦାନ୍ କାପ୍‌କିଜ ମାନ୍‌ଡେଙ୍ଗ୍ ଆଦେସ୍ ସିତାମାନାନ୍ ।

୩୫ ମାରି, ଏସିଖାଲେ ଇଲୁଦି ମାଲିକ୍ ଦାପ୍ରେ ଖାନାନ୍‌ନୋ ମିଙ୍ଗ୍ ସୁଜନିକା ସୁଣାନ୍,

୩୬ ଆୟା ଉଣିଙ୍ଗ ଜାଗାର୍‌ତା ମାନ୍‌ଡୁ, ଇରିଙ୍ଗ ଖାଣ୍ଟୁ ମିଲିମିଲିକା ନୋ ମାଜେରନାଡା ନୋ କରୁକେଡ଼ିନିଖାଲେ ନୋ ସାଲ୍‌ଦି, ଏସିଖାଲେ ଖାଣ୍ଟୁ ଖାନାନ୍, ଆକା ମିର୍ ନେସ୍‌ଇଦେର୍ ।

୩୭ ନାନ୍ ଆମାକା ମିଙ୍ଗ୍ ଇଜିନା, ଆକା ଖିଜେରିଙ୍ଗ ଇଜିନା, ଜାଗାର୍‌ତା ମାନ୍‌ଡୁ ।”

୧୪

ଜିସୁଙ୍ଗ୍ ଡାକ୍‌ଡେଙ୍ଗ୍ ଯିହୁଦି ନେତାର୍ ଅଡ଼ବିତାର୍
(ମାତିଉ ୨୬:୧-୫; ଲୁକ ୨୨:୧-୬; ଜୋହନ ୧୧:୪୫-୫୩)

୧ ନିସ୍ତାର୍ ପଣ୍ଡୟ ମାରି କମିର୍‌ସିଲି ରୁଟି ପଣ୍ଡୟ ଉଣି ରିନେଟି ଆଗ୍‌ଡି । ଆୟାଖାଲେ ପେରି ଜାଜକର୍ ମାରି ସାସ୍ତ୍ରିର୍ ଜିସୁଙ୍ଗ୍ ଏନ୍‌ବା ସୁଡ଼ୁଏନ୍‌ଶ୍ଟା ଆସ୍‌ସ ଅସ୍‌ ସାୟାମାର୍‌ଗା ଡାକ୍‌ଡେଙ୍ଗ୍ ଇଜି ଉପାୟ କିଜିମାର୍‌ଆର୍ ।

୨ ଇରିଙ୍ଗ୍ ଖାର୍ ଇର୍ହାର୍, “ପଣ୍ଡୟ ସମୟତୁ ଇୟା ପାଣି କିଦେଙ୍ଗ୍ ଆଏଡ୍,” ଇରିଙ୍ଗ୍ ଆନାଡ୍ ନାସ୍ତିଖାଲେ ଲୋକ୍ତୁ ଜାଟିଜଗଡା କିନାର୍ ।

* ୧୩:୨୪ ପ୍ରକାଶିତ ୬:୧୨. * ୧୩:୨୫ ପ୍ରକାଶିତ ୬:୧୩. * ୧୩:୨୬ ପ୍ରକାଶିତ ୧:୭. * ୧୩:୩୨ ମାତିଉ ୨୪:୩୬. * ୧୩:୩୪ ଲୁକ ୧୨:୩୬-୩୮.

ଜିସୁଙ୍କୁ ଅରେଡ଼ ଆଇମା ନିୟୁ ଉସ୍ତାଡ଼
(ମାତିଉ ୨୭:୭-୧୩; ଜୋହନ ୧୨:୧-୮)

୩୩ ଜିସୁ ବେତନିୟାଦୁ କୁସ୍ତରୋଗ୍ ସିମୋନକା ଇଲୁଡ଼ ଉଣ୍ଡେଙ୍ଗ୍ ବାସ୍ତି ମାରିଇଝାଲେ ଅରେଡ଼ ଆଇମା ଉଣ୍ଡି ସାଟିଦୁ ନାଣ୍ଡଦାରାଦି ନେଗି ଉଣ୍ଡି ମାରାତାନ୍ ତିଆରୁଆତି ମାରଇ ବାସ୍ତନା ନିୟୁ ତାତା ଦୋ ଆୟା ସାଟିଦି ତାବ୍‌ଣା ରୁକ୍‌ସି ନିୟୁ ଜିସୁଦି ତାଲାଦୁ ଝାକ୍‌ତେଙ୍ଗ୍ ଆସ୍ତାଡ଼ ।

୩୪ ଆବେ ମାରଇ ଏସ ଲୋକୁ ଆୟା ଆଇମା ନିୟୁ ଝାକ୍‌ତିକା ସୁଡ଼ଜି ରିସା ଆତାର ମାରି ଝାରି ଝାରି ଲଅ ଝାରିଗିଜିସାତାର, “ଇୟା ଆଇମା ବାସ୍ତନା ନିୟୁ ଇୟାଝାଜା ନାସ୍ତୁ କିନିକା ମାରୁଆଡ଼ ନୋ ?

୩୫ ଆୟା ନିୟୁ ତୋ ପରତିଙ୍ଗ୍ ଅର୍ଲେନ୍ ଅରେନ୍ କୁଲି କିତି ତାରୁଙ୍ଗ୍ ନାସ ପୁଟ୍‌ତେ ମାନ୍ତି ମାରି କାକୁଡ଼ ଲୋକାଙ୍ଗ୍ ସିଦେଙ୍ଗ୍ ଆତାଡ଼ ମାନ୍ତି !” ଝାରି ଆୟା ଆଇମାଦିଙ୍ଗ୍ କାଡ଼ଦେଙ୍ଗ୍ ଆସ୍ତାର ।

୩୬ ମାତର୍ ଜିସୁ ଇର୍‌ଆନ୍, “ଆୟା ଆଇମାଦିଙ୍ଗ୍ ତ୍ରିସ୍‌ତୁ ! ଇନ୍‌ଦାନିଙ୍ଗ୍ ତାନିଙ୍ଗ୍ କାସ୍ତୁ ସିଜିନିଦେର୍ ? ଝାଡ଼ତୋ ନା ଉଣ୍ଡିଙ୍ଗ୍ ନେଗି ପାଣି କିତାମାନାଡ଼ ।

୩୭ କାକୁଡ଼ ଲୋକ୍‌ତୋ ଝିଜୁଝାଲେ ମି ଲାକ୍‌ତୁ ମାନାର୍, ମାରି ଝାରି ଉଣ୍ଡିଙ୍ଗ୍ ମିର୍ ଏସ୍ତିଝାଲେ ବଦାକିନିଦେର୍, ନାସ୍ତିଝାଲେ ଝାରିଙ୍ଗ୍ ସାହାଜ୍ୟ କିଦେଙ୍ଗ୍ ଆର୍‌ନିଦେର୍; ମାତର୍ ନାନ୍ ଝିଜୁଝାଲେ ମି ଲାକ୍‌ତୁ ତେବାଏ ।

୩୮ ତାନି ମାଣାନ୍ ଆମାକା ଆନାଡ଼, ଆକା ଝାଡ଼ କିତାମାନାଡ଼; ନାନ୍ ସାନି ଆର୍‌ଡ଼ିନେ ଝାଡ଼ ନା ମେନ୍‌ଲୁଡ଼ ନିୟୁ ଝାକ୍‌ସି ମୁସ୍‌ନି ନାଣ୍ଡିଦି ଉଣ୍ଡିଙ୍ଗ୍ ତିଆର୍ କିତାମାନାଡ଼ ।

୩୯ ନାନ୍ ମିଙ୍ଗ୍ ସଡ଼ ଇଜିନା, ସାରା ଦୁନିଆଦୁ ନା ନେଗିକାରୁର୍ ଏମେ ବାଡ଼ିଦୁ ପ୍ରଚାର ଆନାଡ଼, ଇୟା ଆଇମା ଇନି ପାଣି କିତାମାନାଡ଼, ତାନିଙ୍ଗ୍ ଏଡ଼କିନି ଉଣ୍ଡିଙ୍ଗ୍ ଇୟାଝିଜୁ ମାଟା ବା ଝେଙ୍ଗ୍ ନାଡ଼ ।”

ଜିସୁଙ୍କୁ ସାତୁରି କିୟୁଦୁ ଆସିସ୍ କିଦେଙ୍ଗ୍ ଇସ୍ପାରିୟତିୟ ଜିହୁଦା ମାନାତାନ୍
(ମାତିଉ ୨୭:୧୪-୧୬; ଲୁକ ୨୨:୩-୬)

୧୦ ଆବେଟ୍ ବାରଲୋକ୍ ସିସୁରି ଲୋଇରାନ୍ ଇସ୍ପାରିୟତିୟ ଜିହୁଦା ଦରତି ଅରେନ୍ ସିସୁ ଜିସୁଙ୍କୁ ଆସ୍‌ପିସ୍‌ତେଙ୍ଗ୍ ଇଜି ପେରି ଜାଜକରି ଲାକ୍‌ତୁ ସର୍‌ଆନ୍ ।

୧୧ ଆୟା ପେରି ଜାଜକର୍ ଇସ୍ପାରିୟତିୟ ଜିହୁଦାଦି ମାଟା ଝେନ୍‌ଜି ଝେଡ଼ିକା ଆତାର ମାରି ଆୟା ପାଣିକିନି ଉଣ୍ଡିଙ୍ଗ୍ ଝାନିଙ୍ଗ୍ ଏସ ତାରୁଙ୍ଗ୍ ସିଦେଙ୍ଗ୍ ପାର୍‌ମାଣ୍‌କିତାର୍ । ଆୟାଝାଲେରାନ୍ ଜିହୁଦା ଜିସୁଙ୍କୁ ପେରିଜାଜକରି କିୟୁଦୁ ଆସ୍‌ପିସ୍‌ନି ଉଣ୍ଡିଙ୍ଗ୍ ସାରି ପଇଦେଙ୍ଗ୍ ଆସ୍‌ତାନ୍ ।

ଜିସୁ ଝାନି ସିସୁରିଝାଲେ ନିସ୍ତାର ପଣ୍ଡୟ ଉଟାନ୍
(ମାତିଉ ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଜୋହନ ୧୩:୨୧-୩୦)

୧୨ ଝେନ୍‌କା କମିର୍‌ସିଲି ରୁଟି ଉଣି ପଣ୍ଡୟତି ଆର୍‌ଡ଼ିରି ନାଣ୍ଡିଙ୍ଗ୍, ଆମା ନାଣ୍ଡିଙ୍ଗ୍ ନିସ୍ତାର ପଣ୍ଡୟତି ବୋଜି ଉଣ୍ଡିଙ୍ଗ୍ ମେଣ୍ଡାପିଲା କଇନାର୍, ଆୟା ନାଣ୍ଡିଙ୍ଗ୍ ଝାନି ସିସୁର୍ ଝାନିଙ୍ଗ୍ ଝେନ୍‌ବାତାର୍, “ମାପ୍ ନି ଉଣ୍ଡିଙ୍ଗ୍ ସନାପ୍ ନୋ ଏମେ ବାଡ଼ିଦୁ ନିସ୍ତାର ପଣ୍ଡୟତି ବୋଜି ତିଆର୍ କିନାପ୍ ଇଜି ନିନ୍ ବଦା କିଜିନି ?”

୧୩ ଜିସୁ ଝାନି ସିସୁରି ଲୋଇ ରିଏରିଙ୍ଗ୍ ଇୟା ମାଟା ଇର୍‌ଆ ପକ୍‌ତାନ୍, ମିର୍ ଗାଡ଼ତୁ ସାନ୍‌ଡୁ, ଆବେ ଅରେନ୍ ଲୋକୁ ଏରୁ ସାଟି ଆସ୍‌ସ ସନିକା ସୁଣିଦେର୍; ମାରି ମିର୍ ଝାନି ଝେନ୍‌କା ଝେନ୍‌କା ସାନ୍‌ଡୁ ।

୧୪ ଝାନ୍ ଆମା ଇନ୍‌ଡ୍ର ସଲ୍‌ସି ଡ଼ଗୁନାନ୍, ଆୟା ଇନ୍‌ଡ୍ର ମାଲିକ୍‌ତିଙ୍ଗ୍ ଇନ୍‌ଡ୍ର, ଗୁରୁ ଝେନ୍‌ବାଜିନାନ୍, ନାନ୍ ନା ସିସୁରିଝାଲେ ଆମା ଇନ୍‌ଡ୍ର ନିସ୍ତାର ପଣ୍ଡୟତି ବୋଜି କିନା, ଆୟା ନା ବାକ୍ତା ଆମାକା ?

୧୫ ଆବେଟ୍ ଝାନ୍ ମିଙ୍ଗ୍ ନେଗ୍ରେଣ୍ଡା ତିଆର୍ ଆତିମାନି ଉଣ୍ଡି ମୁସ୍‌କୁରି ପେରି ବାକ୍‌ରା ତର୍‌ନାନ୍; ଆୟା ବାଡ଼ିଦୁ ମାଡ଼ ପଣ୍ଡୟ ଉଣ୍ଡେଙ୍ଗ୍ ବୋଜି ତିଆର୍ କିଦୁ ।

୧୬ ଆବେଟ୍ ସିସୁର୍ ସର୍‌ରୋ ନାର୍‌ଡୁ ଡ଼ଗୁତାର୍, ମାରି ଝାନ୍ ଝାରିଙ୍ଗ୍ ଏଣ୍ଡେସ୍ ଇର୍‌ଆମାର୍‌ଆନ୍, ଆୟାଝାଜା ଝାରି ନିସ୍ତାର ପଣ୍ଡୟତି ବୋଜି ତିଆର୍ କିତାର୍ ।

୧୭ ମିଲ୍‌ମିଲିକା ଆତାଡ଼ଆକା ଜିସୁ ବାରଲୋକ୍ ସିସୁରି ଝାଲେ ଆୟା ଇଲୁଡ଼ ଝାତାର୍ ।

୧୮ ଝାରି ବାସ୍‌ସୋ ଉଣିଝାଲେ ଜିସୁ ଇର୍‌ଆନ୍, “ନାନ୍ ମିଙ୍ଗ୍ ସଡ଼ ଇଜିନା, ମି ଲୋଅ ଅରେନ୍, ନାଙ୍ଗ୍ ଏନ୍‌କି ନାଝାଲେ ଉଣ୍ଡିଜିନାନ୍, ଝାନ୍ ନାଙ୍ଗ୍ ସାତୁରି କିୟୁଦୁ ସର୍‌ପେ କିନାନ୍ ।”

୧୯ ଆବେଟ୍ ସିସୁର୍ ଦୁଃକ୍ କିଜି ଅରେନ୍ ଅରେନ୍ ଆଜି ଜିସୁଙ୍କୁ ଝେନ୍‌ବାଦେଙ୍ଗ୍ ଆସ୍‌ତାର୍, “ଆକାନ୍ ଇନିକା ନାନ୍ ନୋ ?”

୨୦ ଜିସୁ ଝାରିଙ୍ଗ୍ ଇର୍‌ଆନ୍, ବାରଲୋକା ଲୋଇ ଅରେନ୍, ଏନ୍‌କି ନାଝାଲେ କୁଡ଼କ୍ତାଦୁ କିୟୁ ମୁଡ଼କ୍ତାସିନାନ୍ ।

☆ ୧୪:୩ ଲୁକ ୭:୩୭,୩୮.

୨୧ ନାନ୍ ସତ୍ତ୍ୱ ଇତିନା, “ମନୁଷ୍ୟପୁତ୍ର ଜେ ନାନ୍ ନା ବିସୟତାନ୍ ସାସ୍ତ୍ରଦୁ ଏଣ୍ଡେସ୍ ରାସାତାମାନାଡ୍, ଆୟାଞ୍ଜାଜା ନାନ୍ ସାଦେଞ୍ ସଲ୍‌ସିନା ଆକା ସତେନେ, ମାତର୍ ମନୁଷ୍ୟପୁତ୍ର ଜେ ନାନ୍ ଆମା ଲୋକ୍‌ତିମାଣାନ୍ ସାତୁରି କିୟୁତୁ ସର୍‌ପେ ଆଗାସଲ୍‌ସିନା, ଖାଣ୍ଡୁ ଜୁନମ୍ ଆଏତି ମାର୍‌ରିଞ୍ ଖାନି ଉଣ୍ଡିଞ୍ ନେଗେଣ୍ଡୁ ଆତାଡ୍ ମାନ୍ତି ।”

ପ୍ରବୁ ବୋଜ୍
(ମାତିଉ ୨୭:୨୭-୩୦; ଲୁକ ୨୨:୧୪-୨୦; ୧ କରିନ୍ଥ୍‌ୟ ୧୧:୨୩-୨୫)

୨୨ ମାରି ଖାର୍ ଉଣ୍ଡିଞ୍‌ଲେ ଜିସୁ ଉଣ୍ଡି ରୁଟି ଆସ୍‌ତାନ୍‌ନୋ ମାପୁରୁଞ୍ ଦନ୍‌ସବାଦ୍ ସିତାନ୍ ମାରି ରୁଟି ରୁକ୍‌ସି ସିସୁରିଞ୍ ସିଜି ଇର୍‌ହାନ୍, “ଇକା ତିନ୍‌ଡୁ, ଇକା ନା ମେନ୍‌ଲ୍ ।”

୨୩ ଆୟାଞ୍ଜେନ୍‌କା ଅଞ୍ଜୁରରସ୍ ଅସି ମାପୁରୁଦି ମାନୁ ଦନ୍‌ସବାଦ୍ ସିଜି ସିସୁରିଞ୍ ସିତାନ୍ ମାରି ଝିଜେରେ ଅଞ୍ଜୁରରସ୍ ଉଟାର୍ ।

୨୪ ମାରି, ଜିସୁ ଖାରିଞ୍ ଇର୍‌ଆନ୍, “ଇକା ନା ନେତେର୍, ନାନ୍ ନା ଏମେ ନେତେର୍ ଖାକ୍‌ସି ସିଦେଞ୍ ସଲ୍‌ସିନା, ଆକା ମାପୁରୁଦି ଖାଲେ କିତି ପୁନି ନିୟମ୍ । ଆକା ଲୋକା ଉଣ୍ଡିଞ୍ ନାଣ୍ଡ ଦାରା ।

୨୫ ନାନ୍ ମିଞ୍ ସତ୍ତ୍ୱ ଇତିନା, ଆମା ନାଣ୍ଡିଞ୍ ନାନ୍ ମାପୁରୁଦି ରାଜିତୁ ପୁନି ଅଞ୍ଜୁର୍ ପଲ୍‌ତି ରସ୍ ଉଣ୍ଡି ସାନ୍ତି, ନାନ୍ ମାରି ଏସାଞ୍ ବା ଉଣ୍ଡିଏ ।”

୨୬ ଇୟା ଝେନ୍‌କା ଜିସୁ ମାରି ଖାନି ସିସୁର୍ ଉଣ୍ଡି ଦନ୍‌ସବାଦ୍‌ତି ପାଟା ପାରିତି ଝେନ୍‌କା ଜିତ ଗରନ୍ ମୁସ୍କୁ ସତାସର୍‌ହାର୍ ।

ଖାନିଞ୍ ପିତର୍ ଆଗ୍‌ଡି ଇନିକା କିନାନ୍ ଆକା ଜିସୁ ଝେରତାନ୍
(ମାତିଉ ୨୭:୩୧-୩୫; ଲୁକ ୨୨:୩୧-୩୫; ଜୋହନ ୧୩:୩୬-୩୮)

୨୭ ନାସ୍ତିଞ୍‌ଲେ ଜିସୁ ଖାରିଞ୍ ଇର୍‌ହାନ୍, “ମିର୍ ଝିଜିଦେର୍ ନାଞ୍ ଡିସ୍‌ନି ଉର୍‌କ୍‌ନିଦେର୍ । ସାସ୍ତ୍ରଦୁ ରାସାତାମାନାଡ୍, “ମାପ୍ ମେଣ୍ଡେଞ୍ ସାରାକିନିଞ୍‌ନିଞ୍ ସାୟାମାରାଗ୍ ଡାକ୍‌ଡିଞ୍ ମାରି ମେଣ୍ଡେଞ୍ ଇନିଞ୍ ଆନିଞ୍ ଆନେସନେ ।”

୨୮ ମାତର୍ ନାନ୍ ସାଜି ମାରିଡେସିନିଞ୍ ଝେନ୍‌କା ମି ଆଗ୍‌ଡିନେ ଗାଲିଲି ରାଜିତୁ ସନା ।

୨୯ ମାତର୍ ପିତର୍ ଜିସୁଞ୍ ଇର୍‌ଆନ୍, “ଝିଜେରେ ଡିସ୍‌ଡିଞ୍ ବା ନାନ୍ ନିଞ୍ ମାତର୍ ଡିସ୍‌ଏ ।”

୩୦ ଜିସୁ ପିତରତିଞ୍ ଇର୍‌ହାନ୍, “ନାନ୍ ନିଞ୍ ସତ୍ତ୍ୱ ଇତିନା, ନେର୍‌ଇ ନାଡା କର୍‌ରୁ ରିଜା କେଡିନି ଆଗ୍‌ଡି ନିନ୍ ନାଞ୍ ମୁଜା ନାନ୍ ନେସେଏ ଇଜି ଲୋକାମାନୁ ଇନି ।”

୩୧ ମାତର୍ ପିତର ନାଣ୍ଡ ଆଟ୍‌ଞ୍‌ଦାନ୍ ଇର୍‌ଆନ୍, “ନି ଖାଲେ ସାଦେଞ୍ ପଡାଡିଞ୍ ବା ନାନ୍ ଏସକାଞ୍ ନିଞ୍ ନେସ୍‌ଏ ଇଜି ଇନ୍‌ଏ । ମାରି ଆଇ ସିସୁର୍‌ବା ଆୟାଞ୍‌ଜା ଇର୍‌ହାର୍ ।”

ଜିସୁ ଗେଡ୍‌ସିମାନି ତଡିତୁ ପାର୍‌ତନା କିତାନ୍
(ମାତିଉ ୨୭:୩୬-୪୨; ଲୁକ ୨୨:୩୯-୪୬)

୩୨ ଆୟାଞ୍‌ଜେନ୍‌କା ଖାର୍ ଗେଡ୍‌ସିମାନି ଦର୍‌ତି ଉଣ୍ଡି ବାଡିତୁ ଖାତାର୍, ମାରି ଜିସୁ ଖାନି ସିସୁରିଞ୍ ଇର୍‌ଆନ୍, “ନାନ୍ ପାର୍‌ତନା କିନେଣ୍‌ଗା ମିର୍ ଇବେନ୍‌ଦୁ ବାସ୍‌ସୋ ମାନ୍‌ଡୁ ।”

୩୩ ମାରି, ଖାନ୍ ପିତର, ଯାକୁବ ମାରି ଜୋହନତିଞ୍ ଅର୍‌ସେ ଅତାନ୍‌ନୋ ନାଣ୍ଡ ସିମ୍‌ମା ମାରି ଦୁଃକ୍ କିଦେଞ୍ ଆସ୍‌ତାନ୍ ।

୩୪ ଆବେଟ୍ ଖାନ୍ ସିସୁରିଞ୍ ଇର୍‌ଆନ୍, “ନା ଜିବନ୍ ସାନିଞ୍‌ଜା ଆଜି ନାଣ୍ଡ ଆଡ୍‌ବାଜିନାଡ୍; ମିର୍ ଇବେ ବାସ୍‌ସ କାପ୍‌କିତୁ ।”

୩୫ ମାରି, ଖାଣ୍ଡୁ ଅଡ୍‌ପ୍ ଆକ ଆଗ୍‌ଡି ସଲ୍‌ସି ବୁମିତୁ ମେଣ୍ଡେଞ୍ ଗଟ୍ କିତାନ୍‌ନୋ, ପାର୍‌ତନା କିଜି ଇର୍‌ଆନ୍, ନି ବଦା ଜଦି ଆନାଡ୍, ଇୟା ଦୁଃକ୍ ନାମାଣ୍‌କୁ ଆକ କିଆ ।

୩୬ ମାରି, ଜିସୁ ଇର୍‌ଆନ୍, “ଅଇ, ବୁବା,” ଝିଜୁ ନିଞ୍ ଉସାସ୍, ଇୟା ଦୁଃକ୍ ନାବାଣ୍‌କୁ ଆକ କିଆ; “ନା ବଦା ସିଲେ, ମାତର୍ ନି ବଦା ।”

୩୭ ଆବେଟ୍ ଖାଣ୍ଡୁ ଚୁଡ୍‌ସିଞ୍‌ଜି ଖାରିଞ୍ ସୁଜ୍‌ନିକା ସୁଡ୍‌ତୁନ୍ ମାରି ପିତରତିଞ୍ ଇର୍‌ଆନ୍, “ସିମୋନ୍, ମିର୍ ଇନିକା ସୁସ୍‌ଡିଦେର୍ ? ନା ଖାଲେ ଉଣ୍ଡି ଗନ୍‌ଟାବା କାପ୍‌କିଦେଞ୍ ଆଟ୍‌ଇତିଦେର୍ ?”

୩୮ ପରିକାଦୁ ଏଣ୍ଡେସ୍ ଆରଇଦେର୍, “ଆୟା ଉଣ୍ଡିଞ୍ ଜାଗାର୍‌ତାଦାନ୍ ପାର୍‌ତନା କିତୁ; ଜିବନ୍ ବଦା କିନାଡ୍ ସତ୍ତ୍ୱ, ମାତର୍ ମେନ୍‌ଲ୍ ଲୋଡ୍‌ଲାଡା ।”

୩୯ ଖାନ୍ ମାରିଡେସି ସଲ୍‌ସି ଆଗ୍‌ଡି ଏଣ୍ଡେସ୍ ପାର୍‌ତନା କିତାମାର୍‌ଆନ୍ ଆୟାଞ୍‌ଜା ମାରି ପାର୍‌ତନା କିତାନ୍ ।

୪୦ ମାରିଡେସି, ଖାନ୍ ଖାଜି ସିସୁରିଞ୍ ସୁଜ୍‌ନିକା ସୁଡ୍‌ତୁନ୍, ଇରିଞ୍ ଖାରି କାଣ୍‌କୁ ସୁଡ୍‌ଦେଞ୍ ଆଟ୍‌ଏଜି ମାର୍‌ହାର୍, ଖାର୍ ଖାନିଞ୍ ଇନିକା ଇନାର୍, ଆକା ନେସ୍‌ଏର୍ ମାର୍‌ହାର୍ ।

୪୧ ଖାନ୍ ମୁଜା ଖାଜି ଖାରିଞ୍ ଇର୍‌ଆନ୍, “ସାଣେକ୍ ସୁଜ୍‌ଜି ରମ୍‌ତୁ; ନାଣ୍ଡ ଆତାଡ୍‌ନି ! ଆୟା ସମୟ ଇଗା ଖାତାଡ୍‌ନି ! ସୁଡ୍‌ତୁ, ମନୁଷ୍ୟପୁତ୍ର ଜେ ନାନ୍ ପାପି ଲୋକା କିୟୁତୁ ସେର୍‌ପାନା ।

✦ ୧୪:୨୮ ମାତିଉ ୨୮:୧୭.

୪୨ ନିଜ୍ଞଦୁ, ମାତ୍ର ସନାଟ୍; ସୁତଦୁ, ଏନ୍ ନାଜ୍ଞ ସାତୁରି କିୟୁଦୁ ସେରେପ୍ନା ସିନାନ୍, ୱାନ୍ ଲାକ୍ତୁ ୱାତାନ୍ନି ।”

ଜିସୁ ସାତୁରି କିୟୁଦୁ ସେର୍ପାତାନ୍

(ମାତିଉ ୨୨:୪୭-୫୨; ଲୁକ ୨୨:୪୭-୫୩; ଜୋହନ୍ ୧୮:୩-୧୨)

୪୩ ମାରି ଆୟାଦାପ୍ରେ, ୱାନ୍ ମାଟା ଇନିଝାଲେ, ବାରଲୋକ୍ ସିସୁରି ଲୋଇରାନ୍ ଜିହୁଦା ଦରତିକାନ୍ ମାରି ଏସ ପେରି ଯାଜକର୍, ସାସ୍ତ୍ରର୍ ମାରି ପେରି ନେତାରି ମାଣ୍ଟୁ ଲୋକ୍ କାଣ୍ଟା ମାରି ବାଡିଗା ଆସ୍ସି ୱାତାର୍ ।

୪୪ ଜିସୁଜ୍ଞୁ ସାତୁରି କିଦୁ ସେର୍ପେନିକାନ୍ ୱାରିଜ୍ଞ ଇୟା ସିନା ସିଜି ଇର୍ଆନ୍, “ନାନ୍ ଆମାଝାନିଜ୍ଞ ନଶ୍ଟନା, ଆକାନ୍ ଜିସୁ; ୱାନିଜ୍ଞ ଜାଗାର୍ତାଦାନ୍ ତର୍ନି ଅନିଦେର୍ ।”

୪୫ ଜିହୁଦା ୱାଜି ଇତି ଦାପ୍ରେ ଜିସୁଦି ଲାକ୍ତୁ ସର୍ଆନ୍ ନୋ, “ଏ ଗୁରୁ !” ଇଜି ଇର୍ଆନ୍ ନୋ ଜିସୁଜ୍ଞୁ ନାଶ୍ଟ ନଶ୍ଟିତାନ୍ ।

୪୬ ଆବେଟ୍ ୱାର୍ ୱାତାର୍ ରୋ ଜିସୁଜ୍ଞୁ ଆସ୍ତାରୋ ତର୍ତାର୍ ।

୪୭ ମାତର୍ ଲାକ୍ତୁ ନିର୍ହ୍ସି ମାରଇ ଲୋକା ଲୋଇ ଅରେନ୍ କାଣ୍ଟା ସପ୍ତାନ୍ନୋ ମାରି ପେରି ଜାଜକ୍ତି ଗତିମୁରୁଲିଜ୍ଞ ଆସ୍ତାନ୍ନୋ ୱାନି ଗିତଣି କୟତା ପକ୍ତାନ୍ ।

୪୮ ଜିସୁ ୱାରିଜ୍ଞ ଇର୍ଆନ୍, “ନାଂଇ ଆସ୍ତେଜ୍ଞ ଅରେନ୍ ତର୍ନିର୍ଏଜ୍ଞ ଆସ୍ତେଜ୍ଞ ୱାନିଝାଜା ମିର୍ କାଣ୍ଟା ମାରି ତୁତୁ ଆସ୍ତି ୱାଡିମାନିଦେର୍ ?

୪୯ *ନାନ୍ ତୋ ୱିଜୁଝାଲେ ମିଝାଲେ ମନ୍ଦିର୍ତୁ ମାନ୍ଜି ସିକିୟା ସିଜି ମାର୍ଆ, ମାତର୍ ମିର୍ ନାଂଇ ଆସ୍ତିଦେର୍; ମାତର୍ ଦାମ୍ପ୍ସାସ୍ତଦି ମାଟା ଏଣ୍ଟେସ୍ ସଡ୍ ଆନାଟ୍, ଆୟା ଉଣ୍ଟିଜ୍ଞ ଇୟାଝିଜୁ ଗଟାଜିନାଟ୍ ।”

୫୦ ଇୟା ୱେନ୍କା ୱାନି ସିସୁର୍ ୱିଜେରେ ୱାନିଜ୍ଞ ଡିସ୍ସି ଉରୁକ୍ତାର୍ ।

୫୧ ମାତର୍ ଅରେନ୍ ମୁରୁଲି କଡ୍ ୱାନି ତୁମ୍ତା ମେନ୍ଦଲ୍ତୁ ଇସ୍ସି ସାଦର୍ ପିଡ୍ରିତାନ୍ନୋ ଜିସୁଝାଲେ ୱାଲେ ସଲ୍ସି ମାର୍ଆନ୍; ଆୟା ଲୋକ୍ ମୁରୁଲିଜ୍ଞ ଆସ୍ତେଜ୍ଞ ବଦାକିତାର୍ ।

୫୨ ମାତର୍ କଡ୍ ଆୟା ଇସ୍ସି ସାଦର୍ ଡିସ୍ତାନ୍ନୋ ତୁମ୍ତା ଆତା ଉରୁକ୍ତାନ୍ ।

ଜିହୁଦିରି ବାଡିଦୁ ଜିସୁଜ୍ଞୁ ବିସାର୍ କିତାର୍

(ମାତିଉ ୨୨:୫୭-୬୮; ଲୁକ ୨୨:୫୪-୫୫, ୬୩-୬୧; ଜୋହନ୍ ୧୮:୧୩-୧୪, ୧୯-୨୪)

୫୩ ୱେନ୍କା ୱାର୍ ଜିସୁଜ୍ଞୁ ୱିଜେରିଜ୍ଞ ପେରିଜାଜକ୍ତି ଲାକ୍ତୁ ଅତାର୍, ମାରି ପେରି ଜାଜକର୍, ପେରି ପେରି ନେତାର୍ ମାରି ସାସ୍ତ୍ରର୍ ୱିଜେରେ ୱାତା ଉଣ୍ଟାତାର୍ ।

୫୪ ପିତର ଅତପ୍ ଆକ୍ ତେବାତାନ୍ ନୋ ୱାନି ୱାଲେ ୱାଲେ ୱିଜେରିଜ୍ଞ ପେରି ଜାଜକ୍ତି ଦୁଆର୍ ଲୋଅ ସର୍ଆନ୍ ମାରି ଆବେ ଇଲୁ କାପ୍କିନି ଲୋକାଝାଲେ ସିସୁ କାଜିମାର୍ଆନ୍ ।

୫୫ ଆୟାଝେନ୍କା ପେରି ଯାଜକର୍ ମାରି ଯିହୁଦି ସଭାତି ଲୋକ୍ ୱିଜେରେ ଜିସୁଜ୍ଞୁ ଡାକ୍ତେଜ୍ଞ ଇଜି ୱାନି ବିରୁଦାନ୍ ସାକି ପଇଦେଜ୍ଞ ଆସ୍ତାର୍, ମାତର୍ ପଇଏତାର୍ ।

୫୬ ମାରି ଏସ ଲୋକ୍ ଜିସୁ ବିରୁଦତାନ୍ ମିର୍ ସାକି ଇର୍ହାର୍ ମାତର୍ ୱାରି ମାଟା ମିସାଏତାଟ୍ ।

୫୭ ମାରି ୱେନ୍କା ଏସ ଲୋକ୍ ନିର୍ରା ରୋ ୱାନି ବିରୁଦତାନ୍ ଇୟା ମିସ୍ ସାକି ଇନ୍ଡ୍ରେଜ୍ଞ ଆସ୍ତାର୍;

୫୮ “ମାପ୍ ୱେନ୍ ଇୟା ମାଟା ଇନିକା ୱେର୍ଆମାନାପ୍, ନାନ୍ ଲୋକ୍ କିୟୁଦୁ ତିଆର୍କିତି ଇୟା ମନ୍ଦିର୍ତିଜ୍ଞ ରୁକ୍ସି ମୁନେଟାନ୍ ମାରି ଉଣ୍ଟି_ଲୋକା କିକାଣ୍ଟ ତିଆର୍ ଆଇ ମନ୍ଦିର୍ ତିଆର୍ କିନା ।”

୫୯ ମାତର୍ ଇବେବା ୱାରି ସାକି ମିସାଏତାଟ୍ ।

୬୦ ଆବେଟ୍ ୱିଜେରିଜ୍ଞ ପେରି ଜାଜକ୍ ଜିସୁଜ୍ଞୁ ନାଡ୍ମି ନିଲ୍ପତାନ୍ନୋ ୱେନ୍ବାତାନ୍, “ନି ବିରୁଦତାନ୍ ଇୟାକାର୍ ଏମେ ମାଟା ଇଜିନାର୍, ଆକା ସଡ୍ନୋ, ନିନ୍ ଇନିକା ବା ଇନ୍ଇଜିନି ?”

୬୧ ମାତର୍ ଜିସୁ ଇନିକା ଇନ୍ଏଣ୍ଟା ଆଲେତାମାର୍ଆନ୍, ୱିଜେରିଜ୍ଞ ପେରି ଯାଜକ୍ ମାରିଡ୍ରେସି ୱେନ୍ବାତାନ୍, “ନିନ୍ ଇନିକା ପ୍ରସଂସା ପଇଜିମାନି ମାପୁରୁଦି ମାରିନ୍ କ୍ରିସ୍ତ ?”

୬୨ ଜିସୁ ଇର୍ଆନ୍, “ହୁଁ ନାନ୍, ମିର୍ ମନୁସ୍ୟପୁତ୍ରଦିଜ୍ଞ ପେରି ସାକ୍ତିଦି ମାପୁରୁଦି ଉଣି କିୟୁ ତର୍ନି ବାସ୍ନିକା ମାରି ବାଦଡ୍ଡି ରତଦାନ୍ ୱାନିକା ମିର୍ ସୁଣିଦେର୍ ।”

୬୩ ଆବେଟ୍ ୱିଜେରିଜ୍ଞ ପେରି ଜାଜକ୍ ନିଜେଦି ଆଜ୍ଞଦିଜ୍ଞ କିସ୍ସି ପୋକ୍ସି ଇର୍ହାନ୍, “ସାକି ମାରି ଇନି ମାଜ୍ଞଦରକାର୍ଲୁ ?

୬୪ ମିର୍ ତୋ ୱାନ୍ ମାପୁରୁଜ୍ଞୁ ନିନ୍ଦାକିନିକା ୱେର୍ଇଦେର୍; ଇଲେଇ ମିର୍ ଇନି ବିସାର୍ କିନିଦେର୍ ?” ଆବେଟ୍ ୱାର୍ ୱିଜେରେ ଇର୍ହାର୍ ଜିସୁ ସାନିକା ଜଗ୍ ମାନାଟ୍ ।

* ୧୪:୪୯ ଲୁକ ୧୯:୪୭; ୨୧:୩୭.

୭୫ ମାରି, ଏବଂ ଏବଂ ଜିସୁ ମୁସକୁ ପୁସକାଣାମ୍ ପୁସ୍ତେଙ୍ଗ୍ ଆସ୍ତାର୍ ମାରି ୱାନି ମକମ୍ତିଙ୍ଗ୍ ପାଗା କେରେପ୍ସି ୱାନିଙ୍ଗ୍ ଲାଡ୍ ଅଦ୍ଗିଜି ଇନ୍ତ୍ରେଙ୍ଗ୍ ଆସ୍ତାର୍, “ନିନ୍ନେ ବାବବାଦି !” ମାଙ୍ଗ୍ ଝେର୍ଥା । କାପ୍କିନିକାର୍ ଝିଜେରେ ସାପୁଡ୍ ତାକ୍ତୁ ତାକ୍ତୁ ଜିସୁଙ୍ଗ୍ ଆସ୍ତା ଅତାର୍ ।

ପିତର ଜିସୁଙ୍ଗ୍ ନେସେଏ ଇଜି ଇର୍ଥାନ୍
(ମାତିଉ ୨୭:୨୯-୭୫; ଲୁକ ୨୨:୫୭-୭୨; ଜୋହନ ୧୮:୧୫-୧୮, ୨୧-୨୫)

୨୬ ଆୟାଝାଲେ ପିତର ଆଡ୍ଗି ଦୁଆରତୁ ତେବାନିଝାଲେ ଝିଜେରିଙ୍ଗ୍ ପେରି ଯାଜକତି ଲାକ୍ତୁ ପାଣି କିନି ଅରେଡ୍ ଆଇମା ୱାଜି ପିତରତିଙ୍ଗ୍ ସିସୁ କାୟନିକା ସୁଡ୍ତୁଡ୍ ।

୨୭ ଆୟା ଆଇମା ପିତରତିଙ୍ଗ୍ ନେଗେନ୍ କିଜି ସୁଡ୍ଜି ଇର୍ହାଡ୍, “ନିନ୍ବା ନାଜରିତ୍ତ୍ୟ ଜିସୁଝାଲେ ମାର୍ଇ ।”

୨୮ ମାତର୍ ପିତର ମାନା କିଜି ଇର୍ଥାନ୍, “ନାନ୍ ୱାନିଙ୍ଗ୍ ନେସେଏ, ମାରି ନିନ୍ ଇନିକା ଇଜିନି, ନାନ୍ ବୁଝାଏଜିନା ।” ଆବେଟ୍ ୱାନ୍ ଦୁଆର୍ ଆଡ୍ରେ ସତା ସର୍ଥାନ୍ । ଆୟାଦାପ୍ରେ କରୁ ରିଜା କେଡ୍ଡିତାଡ୍ ।

୨୯ ଆୟା ପାଣି କିନି ଆଇମା ପିତରତିଙ୍ଗ୍ ସୁଡ୍ଜି ଲାକ୍ତୁ ନିର୍ଇଲ ମାର୍ଇଲ ଲୋକାଙ୍ଗ୍ ମାରିଡ୍ରେସି ଇର୍ହାଡ୍, “ଇକାନ୍ ଝାରିମାଣକୁ ଅରେନ୍ !”

୩୦ ମାତର୍ ପିତର ମାରିଡ୍ରେସି ମାନାକିଜି ଇନ୍ତ୍ରେଙ୍ଗ୍ ଆସ୍ତାନ୍ । ମାରି ଏସ ସମୟ ସରି ଝେନ୍କା ଆବେ ନିର୍ଇଲ ମାର୍ଇଲ ଲୋକ୍ତର୍ ପିତରତିଙ୍ଗ୍ ଇର୍ହାଡ୍, “ନିନ୍ ସତେନେ ୱାରି ମାଣାନ୍ ଅରେନ୍, ଇରିଙ୍ଗ୍ ନିନ୍ବାତୋ ଗାଲିଲିଦି ଲୋକୁ ।”

୩୧ ମାତର୍ ପିତର ନିଜେଦିଙ୍ଗ୍ ଆନାଦୁରିଆ କିଜି ମାରି ପାର୍ମାଣ୍ କିଜି ଇନ୍ତ୍ରେଙ୍ଗ୍ ଆସ୍ତାନ୍, “ମିର୍ ଏମେ ଲୋକ୍ତି ମାଟା ଇଜିନିଦେର୍, ନାନ୍ ୱାନିଙ୍ଗ୍ ମୁଲ୍କେ ନେସେଏ ।”

୩୨ ଆବେଟ୍, “କରୁ ରିଜା କେଡ୍ଡିଙ୍ଗ୍ ଆଗ୍ଡି ମୁଜା ନିନ୍ ନାଂଇ ନେସେଏ ଇଜି ଇନି,” ଜିସୁ ଇର୍ଇମାର୍ଇଲ ମାଟା ପିତରତି ମୋନ୍ତୁ ଏଡ୍ ଝାତାଡ୍, ମାରି ପିତର ଆୟାମାଟା ଅଡ୍ବିତାନ୍ନୋ ଦୁଝକ୍ତାନ୍ ଆଡ୍ବାଦେଙ୍ଗ୍ ଆସ୍ତାନ୍ ।

୧୫

ଜିସୁଙ୍ଗ୍ ପିଲାଡ୍ ବିସାର୍ କିତାନ୍
(ମାତିଉ ୨୭:୧-୨, ୧୧-୧୪; ଲୁକ ୨୩:୧-୫; ଜୋହନ ୧୮:୨୮-୩୮)

୧ ସାଲ୍ଦି ଆତି ଦାପ୍ରେ ଝିଜେରେ ପେରି ନେତାର୍, ସାସ୍ତ୍ରିଝାଲେ ପେରି ଜାଜକର୍ ଝିଜେରେ ଉଣ୍ଡାତାରୋ ୱାରିଗିଜି ସାଜି ଜିସୁଙ୍ଗ୍ ତରତା ଅତାରୋ ପିଲାଡ୍ କିୟୁଦୁ ସର୍ପେ କିତା ସିତାର୍ ।

୨ ପିଲାଡ୍ ଜିସୁଙ୍ଗ୍ ଝେନ୍ବାତାନ୍, “ନିନ୍ ଇନିକା ଜିହୁଦି ଲୋକା ରାଜା ?” ଜିସୁ ୱାନିଙ୍ଗ୍ ଇର୍ଥାନ୍, “ନିନ୍ତୋ ଆୟାମାଟା ଇଜିନି ।”

୩ ମାରି, ପେରି ଜାଜକର୍ ଜିସୁ ବିରୁଦ୍ତାନ୍ ନାଣ୍ଟ ମାଟା ଇନ୍ତ୍ରେଙ୍ଗ୍ ଆସ୍ତାର୍ ।

୪ ଆବେଟ୍ ପିଲାଡ୍ ମାରିଡ୍ରେସି ଜିସୁଙ୍ଗ୍ ଝେନ୍ବାତାନ୍, “ନିନ୍ ଇନିକା ବା ଇନ୍ଇଜିନି ? ସୁଡ୍ଥୁ, ଇୟାକାର୍ ନି ବିରୁଦ୍ତାନ୍ ଏସୋ ମାଟା ଇଜିନାର୍ ।”

୫ ମାତର୍ ଜିସୁ ଉଣ୍ଡି ପଦ୍ବା ମାଟା ଇନ୍ଏତାନ୍, ଆବେଟ୍ ପିଲାଡ୍ କାବାଆତାସର୍ଥାନ୍ ।

ପିଲାଡ୍ ଜିସୁଙ୍ଗ୍ ସାନି ଦଣ୍ଡ ସିତାନ୍
(ମାତିଉ ୨୭:୧୫-୨୬; ଲୁକ ୨୩:୧୩-୨୫; ଜୋହନ ୧୮:୩୯; ୧୯:୧୭)

୬ ମାତର୍ ଝିଜୁ ବାସ୍ତେକ୍ ନିସ୍ତାର୍ ପଣ୍ଡୟ ସମୟତୁ ଲୋକୁ ଆମା ଜଇଲ୍ତୁ ମାନି ୱାନିଙ୍ଗ୍ ଲୋସ୍ସି ମାର୍ଥାର୍, ୱାନିଙ୍ଗ୍ ପିଲାଡ୍ ୱାରି ଉଣ୍ଡିଙ୍ଗ୍ ଡ୍ରିସ୍ସି ସିଜିମାର୍ଥାନ୍ ।

୭ ଏମେ ଜାଟି ଜଗଡାକିନିକାର୍ ସରକାର୍ ବିରୁଦ୍ତାନ୍ ଜାଟି ଜଗଡା କିତାରୋ ଲୋକାଙ୍ଗ୍ କାଡ୍ତା ମାର୍ଥାର୍, ୱାରିଝାଲେ ବାରବ୍ବା ଦର୍ଡି ଅରେନ୍ ଲୋକୁ ଜଇଲ୍ତୁ ମାର୍ଥାନ୍ ।

୮ ନାସ୍ତିଝାଲେ ଉଣ୍ଡାତିମାର୍ଇଲ ଲୋକ୍ତର୍ ପିଲାଡ୍ ଲାକ୍ତୁ ୱାଜି ୱାନି ରାତିନୀତି ଦାଣ୍ଡ ଅରେନ୍ ଜଇଲ୍ତୁମାନି ୱାନିଙ୍ଗ୍ ଡ୍ରିସ୍ସି କିଦେଙ୍ଗ୍ ଦାବି କିତାର୍ ।

୯ ଆବେଟ୍ ପିଲାଡ୍ ୱାରିଙ୍ଗ୍ ଝେନ୍ବାତାନ୍, “ମିର୍ ଇନିକା ବଦା କିଜିନିଦେର୍ ? ନାନ୍ ଇନିକା ମି ଉଣ୍ଡିଙ୍ଗ୍ ଜିହୁଦିରି ରାଜେଙ୍ଗ୍ ଡ୍ରିସ୍ନା ସିନା ନୋ ?”

୧୦ ଇରିଙ୍ଗ୍ ପିଲାଡ୍ ନେସ୍ତାନ୍ ଜେ, ପେରି ଜାଜକର୍ ଜିସୁଙ୍ଗ୍ ଗିଦ୍ରିଦାନ୍ ୱାନିମାନ୍ ସେରେପ୍ତା ମାନାର୍ ।

୧୧ ମାତର୍ ପିଲାଡ୍ ଏଣ୍ଡେସକି ୱାରି ଉଣ୍ଡିଙ୍ଗ୍ ଜିସୁଙ୍ଗ୍ ଡ୍ରିସ୍ସିଝା ବାରବ୍ବାଦିଙ୍ଗ୍ ଡ୍ରିସ୍ନାନ୍, ଆୟା ଉଣ୍ଡିଙ୍ଗ୍ ପେରି ଜାଜକର୍ ଝିଜୁ ଲୋକାଙ୍ଗ୍ ସୁର୍ ୱାରିଗିସ୍ କିବିସ୍କିତାର୍ ।

୧୨ ମାତର ପିଲାଟ ଲୋକାଙ୍କ ମାରିଦେସି ଖେନ୍ଦବାତାନ, “ଆମାଝାନିଙ୍କ ମିର ଯିହୁଦି ଲୋକତି ରାଜା ଇଜିନିଦେର, ଝାନିଙ୍କ ନାନ ଇନିକା କିନା ?”

୧୩ ଲୋକତର ଆଉଲି ଆଜି ଇର୍ହାର, “ଝାନିଙ୍କ କୁସଦୁ ଏକିସକିଦୁ !”

୧୪ ଆବେଟ୍ ପିଲାଟ ଝାରିଙ୍କ ଖେନ୍ଦବାତାନ, “ଏନ୍ଦା, ଝାଣ୍ଟୁ ଇନି ଦୋଷ୍ କିତାମାନାନ ?” ମାତର ଆୟା ଲୋକତର ମାରି ନାଣ୍ଟୁନେ ଆଉଲି ଆଜି ଇନ୍ଦେଟ୍ ଆସତାର, “ଝାନିଙ୍କ କୁସଦୁ ଏକିସକିଦୁ ।”

୧୫ ପିଲାଟ ଲୋକା ଖେଡ଼ିକା କିବିସ୍ କିଦେଟ୍ ବଦାକିତାନନୋ, ଝାରି ଉଣ୍ଟିଙ୍କ ବାରବ୍‌ବାବେଟ୍ ଜଇଲତାନ ମୁକୁଡ଼ା କିବିସ୍ କିତାନ, ମାରି ଜିସୁଙ୍କୁ କୋରତା ଡାକିସକିଜି କୁସକାଟ୍‌ତୁ ଏକିସକିଦେଟ୍ ସେପେକିତାନ ।

ସେନାର ଜିସୁଙ୍କୁ ସେମାର କିତାର

(ମାତିଉ ୨୭:୨୭-୩୧; ଜୋହନ ୧୯:୨-୩)

୧୬ ଆବେଟ୍ ସେନାର ଜିସୁଙ୍କୁ ପିଲାଟ ଉଣ୍ଟି ମେଡ଼ଇଲୁଦି ଦୁଆରତୁ ଅତାରୋ ଝିଜୁ ସେନା ଦଳତିଙ୍କ କୁକତା ଉଣ୍ଟାତାର ।

୧୭ ସେନାର ଜିସୁଙ୍କୁ ସେମାର କିଦେଟ୍ ଆକ୍ ରଙ୍ଗତି ଆଙ୍ଗୁ ଆରିସକିତାର ମାରି ସାମ୍‌କା ଟୋପି କିତାରୋ ଝାନି ତାଲାଦୁ ଆରିସକିତାର;

୧୮ ଆୟାଖେନ୍ଦକା ସେନାର ଜିସୁଙ୍କୁ ଏ ଜିହୁଦିରି ରାଜା, ଇଜି ମାଡ଼ିସ୍ କିତାର, “ମାରି ଝାନିଙ୍କ ଝିଜୁଦିନ ଜିଜି ମାନଆ ଇଜି ଇର୍ହାର ।”

୧୯ ମାରି, ସେନାର ଉଣ୍ଟି ବାଡ଼ିଗାଦାନ ଝାନି ତାଲାଦୁ ଡାକତାର ମାରି ଝାନି ମୁସକୁ ପୁସତାର, ଆବେଟ୍ ଝାର ସେମାର କିଜି ମେଣ୍ଟେଟ୍ ଗଟକିଜି ଝାନିଙ୍କ ମାଡ଼ିସ୍ କିଦେଟ୍ ଆସତାର ।

୨୦ ଝାର ଝାନିଙ୍କ ସେମାର କିଡ଼ିଖେନ୍ଦକା ଆୟା ଆକ୍ ରଙ୍ଗତି ଆଙ୍ଗୁ କୁଡ଼ତା ରୋ ଝାନି ନିଜେଦି ଆଙ୍ଗୁ ଆରିସକିତାର । ମାରି, ଇୟା ଖେନ୍ଦକା ଝାର ଜିସୁଙ୍କୁ କୁସଦୁ ଏକିସ୍ କିଦେଟ୍ ଇଜି ଆଡ଼ରେ ସପତା ଅତାର ।

ଜିସୁଙ୍କୁ କୁସକାଟ୍‌ତୁ ଏକିସତାର

(ମାତିଉ ୨୭:୩୨-୪୪; ଲୁକ ୨୩:୨୭-୪୩; ଜୋହନ ୧୯:୧୭-୨୭)

୨୧ *ଆୟାଝାଲେ ଅରେନ୍ କୁରିଣିୟଦୁ ବାସାନି ସିମୋନ ନାରଦାଣ୍ଟୁ ଝାଜି ଆୟା ସାରି ସିଜି ସଲ୍‌ସି ମାରଆନ । ଝାଣ୍ଟୁ ଆଲେକଜାଣ୍ଟର ମାରି ରୁପରି ରୁବାସି ମାରଆନ । ସେନାର ଝାନିଙ୍କ ଜିସୁଦି କୁସକାଟ୍ ପିଣ୍ଡଦେଟ୍ ଜାସେ କିତାର ।

୨୨ ମାରି, ସେନାର ଜିସୁଙ୍କୁ ଗଲ୍‌ଗଥା ଗରନ୍‌ତୁ, ଅର୍ଡାଟ୍ “ତାଲାଦି କାପାଲ୍ ନାନି ଦରତି ବାଡ଼ିଦୁ ଅତାର ।”

୨୩ ମାରି, ସେନାର ଜିସୁଙ୍କୁ କାପୁଆନି ମାୟାମ୍ ମିସାତି ଅଙ୍ଗୁରରସ୍ ଉଣ୍ଟେଟ୍ ଜାସେକିତାର, ମାତର ଆକା ଝାନ ଉଣ୍ଟୁଏତାନ ।

୨୪ ଖେନ୍ଦକା ଝାର ଜିସୁଙ୍କୁ କୁସକାଟ୍‌ତୁ ଏକିସକିତାର, ମାରି ଏନ୍ ଇନିକା ପଇନାର, ଆୟା ଝାନି ଆଙ୍ଗୁଦିଙ୍କ ବୋଟ୍ କିତାର ନିଜେଦି ମାଣ୍‌କୁ ବାଗ୍ କିଜି ଅତାର ।

୨୫ ସାଲ୍‌ଦି ନଅଟାଦୁ ଝାର ଜିସୁଙ୍କୁ କୁସଦୁ ଏକିସକିତାର ।

୨୬ ଜିସୁଦି ବିରଦ୍‌ତୁ ଉଣ୍ଟି ମାଟା କୁସକାଟ୍‌ତି ମୁସୁକୁ ରାସତା ମାରାଆଟ୍, “ଇକାନ ଜିହୁଦିର ରାଜା ।”

୨୭ ଝାର ଆୟା ନାଣ୍ଟିଙ୍କ ରିଏର୍ ଡଙ୍ଗାରିଙ୍କ ବା ଜିସୁଝାଲେ କୁସକାଟ୍‌ତୁ ଏକିସ୍ କିତାମାରଆର୍, ଅରେନ୍ ଝାନିଙ୍କ ଜିସୁଦି ଡେବିରି କିୟୁ ତରିଣ୍ଟୁ ମାରି ଅରେନ୍ ଝାନିଙ୍କ ଜିସୁଦି ଉଣି କିୟୁ ତରିଣ୍ଟୁ ।

୨୮ ଆବେଟ୍ ଦାମ୍‌ସାସ୍‌ପଦି ଇୟା ବାକ୍ୟ ସଡ଼ଆତାଟ୍, “ଝାଣ୍ଟୁ ଡଙ୍ଗାରିଝାଲେ ଡଙ୍ଗାରିଏନ୍ ଇଜି ଲେକିସ୍‌ଆତାନ ।”*

୨୯ *ଆୟା ସାରି ସିଜି ସନି ଲୋକତର ଝାରି ତାଲେକ୍ ଦୁକ୍‌ସି ଜିସୁଙ୍କୁ ନିୟା କିଜି ଇର୍ହାର, “ବାଃ ! ଏରେ ମନ୍ଦିର ରୁକ୍‌ନି କିୟା ମାରି ମୁନେଟାନ ମାରିଦେସି ତିଆର୍ କିନିକିୟା;

୩୦ ଇଲେଇ କୁସଦାନ ରେସ ନିଜେଦିଙ୍କ ରକିୟା କିଆ ।”

୩୧ ପେରି ଜାଜକରବା ଆୟାଝାଜା ସାସ୍‌ପିଝାଲେ ଝାରି ଝାରି ଲଅ ଜିସୁଙ୍କୁ ବାସେ କିଜି ଇନ୍ଦେଟ୍ ଆସତାର, “ଝାଣ୍ଟୁରୁ ଆଇ ଲୋକାଙ୍କ ରକିୟା କିତାନ, ନିଜେଦିଙ୍କ ରକିୟା କିଦେଟ୍ ଆଟ୍‌ଏଜିନାନ ।”

୩୨ ନିନ୍ ଜଦି ସଡ଼ତାନ ଇସ୍ରାଏଲ୍‌ତି ରାଜା କ୍ରିସ୍ ଇୟାଦାପ୍ରେ କୁସଦାନ ରେସ ରାଆ, ଆକା ସୁଡ଼ୁଜି ମାପ୍ ନିବାନ୍ ବିସ୍‌ବାସ୍ କିନାପ୍ । ଆମା ରିଏର୍ ଡଙ୍ଗାରି ଝାନିଝାଲେ କୁସଦୁ ଏକିତାମାରଆର୍, ଆକାର ବା ଆୟାଝାଜା ମାଟା ଇଜି ବାସେ କିତାର ।

ଜିସୁ ସାତାନ

(ମାତିଉ ୨୭:୪୫-୫୨; ଲୁକ ୨୩:୪୪-୪୯; ଜୋହନ ୧୯:୨୮-୩୦)

☆ ୧୫:୨୧ ରୋମିୟ ୧୭:୧୩. * ୧୫:୨୮ ଝିଜୁ ପାଡ଼ିଲ ରାସ୍‌ତି ମାନୁ ଏସ ରାସ୍‌ତିକା ସିଲେଟ୍ । ☆ ୧୫:୨୯ ମାର୍କ ୧୪:୫୮; ଜୋହନ ୨:୧୯.

୩୩ ଆୟା ନାଣ୍ଡିଙ୍କ ବାର ଗନ୍ତା ସମୟକୁ ପୂର୍ବରୁ ଡିଜୁ ସିକାଟି ଆଜି ମୁଣ୍ଡି ଗନ୍ତା ସାଧି ତେବାତାଡ଼ ।
 ୩୪ ମୁଣ୍ଡି ଗନ୍ତା ସମୟକୁ ଜିସୁ ନାଣ୍ଡି ଆଉଲି ଆଜି କୁକ୍ସି ଇରୁଆନ୍, “ଏଲି, ଏଲି, ଲାମା ସାବକ୍ଥାନୀ ?” ଅର୍ଥାତ୍, “ଏ ନା ମାପୁରୁ, ଏ ନା ମାପୁରୁ, ନିନ୍ତୁ ନାଙ୍ଗି ଏକା ଡିସ୍ତି ?”
 ୩୫ ଜିସୁ ମାଟା ଇନିକା ଝେନିଜି ଆୟା ଲାକ୍ତୁ ନିରୁଇ ମାରୁଇ ଏସ ଲୋକା ମାଣକୁ ଏନ୍ ଏନ୍ ଇର୍ହାର୍, “ସୁଡ଼ୁ, ଖାଣ୍ଡୁ ଏଲିୟଙ୍କ କୁକ୍ସିନାନ୍ ।”
 ୩୬ ମାରି, ଅରେନ୍ ଉରୁକ୍ସି ସଲ୍ସି ଉଣ୍ଡି ତୁଲୀଦୁ ସଇନି ରସ୍ ବର୍ କିଜି ଆକା ଉଣ୍ଡି ବାଡିଗାଦୁ ତରସି ଜିସୁଙ୍କୁ ଉଣ୍ଡେଙ୍କ ସିଜି ଇରୁଆନ୍, “ମାଣ୍ଡୁ ଏଲିୟ ଝେନିଙ୍କ କୁସଦାନ୍ ରେପ୍ତେଙ୍କ ଖାଜିନାନ୍ନୋ ରେଏନ୍, ସୁଣାଟ୍ ।”
 ୩୭ ମାତର ଜିସୁ ନାଣ୍ଡି ଆଉଲି ଆଜି ଖାନି ଜିବନ୍ ସିତାନ୍ ।
 ୩୮ ମାରି, ମନ୍ଦିରୁଡ଼ ପବିତ୍ର ବାଡିଦିଙ୍କ ଏରପିସିମାନି ଦୁଙ୍ଗନି ପାରଦା ମୁସକୁରାନ୍ ଆଡ଼ଗି ସାଧି କିଜି ରୁଣ୍ଡି ମକେଙ୍କ ଆତାଡ଼ ।
 ୩୯ ସତସେନାପତି କୁସଦି ଆଗଡ଼ି ନିରୁଆନ୍ ନୋ ଜିସୁ ଏଣ୍ଡେସ୍ ସାତାନ୍ ଆକା ସୁଡ଼ୁ ଇରୁଆନ୍, “ସତେନେ, ଇକାନ୍ ମାପୁରୁଦି ମାରିନ୍ ମାରୁଆନ୍ ।”
 ୪୦ ଏସ ଆଇମେକ୍ ଆକଶାନ୍ ସୁଡ଼ୁ ମାରୁହେ; ଖାନିକା ଲୋଇ ମଗ୍ଦଲିନି ମରିୟମ୍, ଇସି ଜାକୁବ ମାରି ଜୋସିଦି ଆଇସି ମରିୟମ୍, ମାରି ଶଲୋମୀ ମାରୁହେ;
 ୪୧ ଜିସୁ ଗାଲିଲିଦୁ ମାନିଖାଲେ ଖାକ୍ ଖାନିଖାଲେ ତେବାଜି ଖାନି ସେବା କିଜି ମାରୁହେ; ଖାନିଖାଲେ ଜିରୁସାଲମତୁ ଖାଡ଼ି ମାରୁହି ଆଇ ଏସ ଆଇମା ଆଇଲିକ୍ବା ଇୟାଞ୍ଜିକୁ ସୁଡ଼ୁମାରୁହେ ।

ଜିସୁଙ୍କୁ ମୁସତାର୍
 (ମାତିଉ ୨୭:୫୭-୬୧; ଲୁକ ୨୩:୫୦-୫୬; ଜୋହନ ୧୯:୩୮-୪୨)

୪୨ ଆୟା ନାଣ୍ଡିଙ୍କ ମିଲ୍ମିଲିକା ଆଜି ଖାଜି ମାରୁଆଡ଼, ମାରି ଇକା ରମ୍ପନିନାଣ୍ଡିଙ୍କ ଆଗଡ଼ି ଦିନ୍ ମାରୁଆଡ଼,
 ୪୩ ହାରାମାତିୟାଦି ଜୋସେପ୍ ଦରତି ଅରେନ୍ ଜିହୁଦି ପେରି ଦଲ୍ଡି ଝେଙ୍କି ନେତା ମାରୁଆନ୍, ଖାଣ୍ଡୁ ନିଜେ ବା ମାପୁରୁଦି ରାଜିଦିଙ୍କ କାପକିଜି ମାରୁଆନ୍, ଖାଣ୍ଡୁ ସୁଆହାସତାନ୍ ପିଲାଡ଼ମାନ୍ ସରୁଆନ୍ ନୋ ଜିସୁଦି ସାତି ମେନ୍ଦଲ୍ ଲସ୍ତାନ୍ ।
 ୪୪ ମାତର ଜିସୁ ସାତାସରୁଆନ୍ ନି, ଇକା ଝେନିଜି ପିଲାଡ଼ କାବା ଆତାନ୍, ମାରି ସତସେନାପତିଙ୍କ ଲାକ୍ତୁ କୁକ୍ସିସି ଖାନିଙ୍କ ଝେନିବାତାନ୍, ଇନିକା ଜିସୁ ସାଜ ନାଣ୍ଡି ଝେଡ଼ା ଆତାଡ଼ନି ନୋ ?
 ୪୫ ଆୟାଞ୍ଜିକୁ ପିଲାଡ଼ ସତସେନାପତି ମାଣ୍ଡୁ ଝେରୁଆନ୍ନୋ ଆୟା ଜିସୁଦି ସାତି ମାଡ଼ାଦିଙ୍କ ଜୋସେପତିଙ୍କ ସିତାନ୍ ।
 ୪୬ ଜୋସେପ କାଣ୍ଡେକ୍ ଇସି ଖାଡ଼ି କଟାନ୍ ନୋ ଜିସୁଦି ମାଡ଼ାଦିଙ୍କ କୁସଦାନ୍ ରେପ୍ସି ତାସି ଆବେନ୍ ମାଡ଼ାଦିଙ୍କ ତେରପ୍ତାନ୍ ମାରି ଗରନ୍ତି କାଲୁଦୁ କାର୍ଡି ମାରୁଇ ଉଣ୍ଡି ଗୁଟାଦୁ ଖାନିଙ୍କ ଇଟ୍ଟାନ୍ନୋ ଗୁଟାଦି ସେରଲାଦୁ ଉଣ୍ଡି ପେରି କାଲୁ କେରପ୍ତା ଡିସ୍ତାନ୍ ।
 ୪୭ ଜିସୁଙ୍କୁ ଏମେ ବାଡ଼ିଦୁ ଇଟ୍ଟାଡ଼, ଆକା ମଗ୍ଦଲିନି ମରିୟମ୍ ମାରି ଜୋସିଦି ଆଇସି ମରାୟମ୍ ସୁଡ଼ୁତେ ।



ଜିସୁ ସାତିମାଣାନ୍ ଡେସି ନିଙ୍ଗିତାନ୍
 (ମାତିଉ ୨୮:୧-୮; ଲୁକ ୨୪:୧-୧୨; ଜୋହନ ୨୦:୧-୧୦)

୧ ରମ୍ପନି ନାଣ୍ଡିଙ୍କ ଜିଶାତାଡ଼ଆକା ମଗ୍ଦଲିନି ମରିୟମ୍, ଜାକୁବରି ଆଇସି ମରିୟମ୍ ମାରି ଶଲୋମୀ ରକମ୍ ରକମ୍ପତି ବାସନା ନିୟୁ କଟେ, ଏଣ୍ଡେସି ଖାକ୍ ସଲ୍ସି ଖାନି ସାତି ମାଡ଼ାଦିଙ୍କ ଉସ୍ତେଙ୍କ ଆଟ୍ଟନେ ।
 ୨ ମାରି, ଆଦିଖାର୍ତୁ ନାଡ଼ାକାଦେ ଖାକୁ ଗୁଟାଦୁ ସରୁହେ, ଆୟାଖାଲେ ଝେଡ଼ା ସତାମାରୁଆଡ଼ ।
 ୩ ସାଦୁ ଖାକୁ ଖାର୍ଗିସାଜି ମାରୁହେ, “ଏନ୍ ମା ଉଣ୍ଡିଙ୍କ ଗୁଟାଦି ସାରିଦୁ କେରପ୍ତି ମାନି କାଲୁ କୁଡ଼ନା ସିନାନ୍ ?” ଇରିଙ୍କ ଆକା ନାଣ୍ଡି ପେରିକା ମାରୁଆଡ଼ ।
 ୪ ଆୟାଖାଲେ ଖାକ୍ ସୁଡ଼ୁତେ, ଆୟା ଗୁଟାଦୁ କେରପ୍ତି ମାରୁହି କାଲୁଦିଙ୍କ କୁଡ଼ତା ମାନାର୍ ।
 ୫ ଖାକ୍ ଗୁଟା ଲୋଇ ତରୁତେନୋ ଅଡ଼ିନିଆଙ୍କ ଆରାଡ଼ି ଅରେନ୍ ମୁରୁଲିଙ୍କ ଉଣ୍ଡେରି ପାଡ଼ାକା ବାସ୍ତି ମାରିକା ସୁଡ଼ୁତେନୋ ନାଣ୍ଡି ତିଲାଡେ ସରୁହେ ।
 ୬ ଆବେଟ୍ ଖାଣ୍ଡୁ ଖାନିକାଙ୍କ ଇରୁଆନ୍, “ତିଲାମାଟ୍,” ମିର୍ କୁସଦୁ ସାତି ମାରୁହି ନାଜରିତିୟ ଜିସୁଙ୍କୁ ପଇଜିନିଦେର୍; ଖାଣ୍ଡୁ ନିଙ୍ଗିତାମାନାନ୍, ଖାନି ଇବେ ସିଲେନ୍; ସୁଡ଼ୁ, ଇୟା ବାଡ଼ିଦୁ ଖାର୍ ଜିସୁଙ୍କୁ ଇଟ୍ଟା ମାରୁଆଡ଼ ।

† ୧୫:୩୯ ଶହେ ଲୋକ ସେନାରି ମାଣକୁ ପେରିକାନ୍ ☆ ୧୫:୪୦ ଲୁକ ୮:୨,୩.

୭ ✨ମାତର ମିର ସଲସି ଖାନି ସିସୁରିଙ୍ଗ ମାରି ପିତରତିଙ୍ଗ ଇୟା କାବୁର ଖେରତୁ, ଖାନ ମି ଆଗଡ଼ି ଗାଲିଲିଦୁ ସଲସିନାନ; ଖାନ ମିଙ୍ଗ ଏଣ୍ଡେସ୍ ଇରଥା ମାରଆନ୍, ଆୟାଖାଜାନେ ମିର ଖାନିଙ୍ଗ ଆବେ ସୁଣିଦେର ।

୮ ଆବେଟ୍ ଆଇମେକ୍ ସତେନୋ ଗୁଟାଦାନ୍ ଉରୁକସି ସରହେ, ଇରିଙ୍ଗ ଖାକୁ ତିଲାଜି ତିରଗ୍ଜି ମାରହେ ମାରି କାବାଆତେ ସରହେ ମାରହେ, ମାରି ଏଙ୍ଗ ଇନିକା ଇନ୍ତଡେ, ଏଣ୍ଡେସ୍ ଖାକ୍ ତିଲାତେ ମାରହେ ।

ଜିସୁ ନାଣ୍ଟ ଲୋକାଙ୍ଗ୍ ତରାୟଆତାନ୍
(ମାଡିଉ ୨୮:୯-୧୦; ଜୋହନ ୨୦:୧୧-୧୮)

୯ ଆଦିଖାରତି ନାଣ୍ଟିଙ୍ଗ୍ ନାଡାକାଦେ ଜିସୁ ସାତି ମାଣାନ୍ ମାରିଡେସି ନିଙ୍ଗ୍ ଜି, ଆମାତାନି ମାଣାନ୍ ସାଡଗୋଟା ଦୁବେଙ୍ଗ୍ ପେରିତା ମାରଆନ୍, ଆୟା ମଗ୍ଦଲିନି ମରିୟମ୍ତିଙ୍ଗ୍ ଖିଜେରିଙ୍ଗ୍ ଆଗଡ଼ି ତରାତାନ୍ ।

୧୦ ଖାଦ୍ ସର୍ହାଦୋ, ଏମେକେଙ୍ଗ୍ ତାନି ସଙ୍ଗ୍ ଆତେ ମାରହେ, ସିସୁରିଙ୍ଗ୍ କାବୁର ସିତାଡ୍; ଖାର୍ ଖିଜେରେ ଦୁଃକ୍ କିଜି ମାରି ଆଡ଼ବାଜି ମାରଆର୍ ।

୧୧ ଜିସୁ ସାତି ମାଣାନ୍ ଜିତାମାନାନ୍ ମାରି ତାନିଙ୍ଗ୍ ତରାତା ମାନାନ୍, ଆୟା ମାଟା ଖେନ୍ଜି ସିସୁର ବିସ୍ବାସ୍ କିଏତାର୍ ।

ଜିସୁ ରିଏର ସିସୁରିଙ୍ଗ୍ ତରାତାନ୍
(ଲୁକ ୨୪:୧୩-୩୫)

୧୨ ଇୟାଖିଜୁ ଗଟାତି ଖେନ୍କା ଖାରି ଲୋଇ ରିଏର ଉଣ୍ଡି_ ନାରତୁ ସନିଖାଲେ ଜିସୁ ସାର୍ଦୁ ଆଇ ମୁଟ୍ ଆଜି ଖାରିଙ୍ଗ୍ ତରାୟଆତାନ୍ ।

୧୩ ମାରି ଖାର୍ ସରଆରରୋ ଆଇ ସିସୁରିଙ୍ଗ୍ ଇୟା ମାଟା ଇର୍ହାର୍, ମାତର ଖାରି ମାଟାଦିଙ୍ଗ୍ ବା ଖାର୍ ମାନାଏତାର୍ ।

ଜିସୁ ଏଗାର୍ ଲୋକାଙ୍ଗ୍ ତରାତାନ୍
(ମାଡିଉ ୨୮:୧୭-୨୦; ଲୁକ ୨୪:୩୬-୪୯; ଜୋହନ ୨୦:୧୯-୨୩; ପ୍ରେରିତ ୧:୭-୮)

୧୪ ସାରାସାରି ଖେନ୍କା ଏଗାର୍ ଲୋକାଙ୍ଗ୍ ସିସୁର ଉଣ୍ଡେଙ୍ଗ୍ ବାସ୍ତି ମାରଇ ଖାଲେ ଜିସୁ ଖାରିଙ୍ଗ୍ ତରାୟଆତାନ୍, ଖାର୍ ଖେରତି ମାଟାଦିଙ୍ଗ୍ ଖାର୍ ବିସ୍ବାସ୍ କିଏତାର୍ ମାରି ଖାର୍ ତାମେ ଜିବନ୍ ଆଟୁଖା କିତାର୍, ଆୟା ଉଣ୍ଡିଙ୍ଗ୍ ଜିସୁ ଖାରିଙ୍ଗ୍ ଲାଗାତାନ୍ ।

୧୫ ✨ମାରି, ଜିସୁ ସିସୁରି ଲାକ୍ତୁ ଖାଜି ଇର୍ହାନ୍, “ମିର ସାରା ଦୁନିଆଦୁ ସଲସି ଖିଜୁ ଲୋକ୍ଜାତିଦୁ ସୁସମାଟାର୍ ପ୍ରଟାର୍ କିଦୁ ।

୧୬ ଏନ୍ ବିସ୍ବାସ୍ କିଜ ତୁବନ୍ ଅନାନ୍, ଖାଣ୍ଡ_ ରୁକିୟା ପଇନାନ୍; ମାତର ଏନ୍ ଅବିସ୍ବାସ୍ କିନାନ୍, ଖାନିଙ୍ଗ୍ ମାପୁରୁ ଦଣ୍ଡ ସିନାନ୍ ।

୧୭ ମାରି, ବିସ୍ବାସ୍ସି ଲୋକା ଇୟାଖିଜୁ ସିନେଙ୍ଗ୍ ଆନେ, ଖାର୍ ନା ଦର୍ତାନ୍ ଦୁବେଙ୍ଗ୍ ପେରନାର୍, ପୁନି ପୁନି ବାସାଦୁ ମାଟା ଇନାର୍,

୧୮ କିକାଙ୍ଗ୍ ସାରାସ୍କୁ ଆସନାର୍, ମାରି ଇନି ଖିସାମ୍ତି ମାୟାମ୍ ଉଚିଙ୍ଗ୍ ବା ଖାରି ଇନିକା ନାସୁ ଆଏଡ୍; ଖାର୍ ନବ୍ଆତି ଲୋକା ମୁସ୍କୁ କିୟୁ ଇଟ୍ତିଙ୍ଗ୍ ଖାର୍ ନେଗେନ୍ଆନାର୍ ।”

ଜିସୁ ମୁସ୍କୁପୁର ସରଆନ୍
(ଲୁକ ୨୪:୫୦-୫୩; ପ୍ରେରିତ ୧:୯-୧୧)

୧୯ ✨ସିସୁରିଙ୍ଗ୍ ଇୟାଖିଜୁ ମାଟା ଇରଇ ଖେନ୍କା ପ୍ରୁ ଜିସୁ ମୁସ୍କୁପୁର ସରଆନ୍ନୋ ମାପୁରୁଦି ଉଣି କିୟୁ ତରିଣ୍ଡୁ ବାସ୍ତାନ୍ ।

୨୦ ମାତର ସିସୁର ଆୟା ବାତିଦାଣ୍ଡୁ ଡେସିଖାଜି ସାରା ଦୁନିଆଦୁ ଜିସୁଦି ସୁସମାଟାର୍ ପ୍ରଟାର୍ କିତାର୍, ମାରି ପ୍ରୁ ଖାରିଖାଲେ ଅରସେ ମାନ୍ଜି ଆୟା ସିନେଣ୍ଡୁ ଆୟା ବାକ୍ୟ ସଡ଼ଇଜି ଖେଙ୍ଗ୍ ସ୍ବତାନ୍ । *

☆ ୧୭:୭ ମାଡିଉ ୨୭:୩୨; ମାର୍ଚ୍ଚ ୧୪:୨୮. ☆ ୧୭:୧୫ ପ୍ରେରିତ ୧:୮. ☆ ୧୭:୧୯ ପ୍ରେରିତ ୧:୯-୧୧. * ୧୭:୨୦ ଏସ ପାଡ଼ିଲ ରାସାତିମାନି ମାର୍ଚ୍ଚ ୧୭:୯-୨୦ ନିସ ରାସାତିମାନିକା ତରସଡ୍ ।

ଲୁକ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଲୁକ ରାସ୍ତିମାନି ଜିସୁ କ୍ରିସ୍ତଦି ନେଗିକାବୁର୍ ଲୁକ ବଇ ବିସୟତାନ୍ ଏସ ମାଟା

ଲୁକ ରାସ୍ତିମାନି ସୁସମାଚାର ଆଜିନାଡ଼, ଜିସୁ କ୍ରିସ୍ତଦି ଜିବନ୍ ଝେର୍ସିମାନି ପୁନି ନିୟମତି ନାଲଗି ବଇଙ୍ଗାଁ ମାଣକୁ ଉନ୍ତୁ । ଆୟାଝାନିକା ମାଣକୁ ଝିନ୍ତୁ ବଇଙ୍ଗାଁ “ସୁସମାଚାର” ଇନାର, ଆମାତାନି ଅର୍ତ୍ତ “ନେଗିକାବୁର୍” । ଆୟାଝିନ୍ତୁ ବଇଙ୍ଗାଁ ଜିସୁ ସାତି ଝେନ୍କା, ମାଥୁଉ, ମାର୍କ, ଲୁକ ମାରି ଜୋହନଦି ମାଣନା ରାସାତେମାନେ । ଲୁକ ଜିସୁଦି ଜିବନ୍ତି ଗର୍ନେଙ୍ଗ ରାସ୍ତି ଝାଲେ, ଜିସୁଦି ସାତି ମାରି ମାରିତେସି ଜିବନ୍ଆଜି ନିଙ୍ଗାଁ ଝେନ୍କା ଝାନି ସିସୁର୍ ଏମେ ବିସୟଝିନ୍ତୁ କିତାର, ଆକାବା ରାସ୍ତିମାନାର, ଆୟା ବଇଦିଙ୍ଗ ପ୍ରେରିତରି ପାଣିଦି ବିସୟ ଇଜି ଇନାର । ଲୁକ ବଇ ଏସିଝାଲେ ମାରି ଏମେମାନୁ ରାସ୍ତିମାନାଡ଼, ଆୟା ବିସୟତାନ୍ ପୁରା ଏନ୍ବା ନେସ୍ଏର୍, ମାତର୍ ଏସଲୋକ୍ ପଣ୍ଡିତକୁ ରାଜିଆନାର ଜେ, ଇକା ଆନାଡ଼ସୁଗି, ଜିସୁ କ୍ରିସ୍ତଦି ଜନମ୍ତି ୭୦ ବାସେକ୍ ଝେନ୍କା ରାସ୍ତିମାନାଡ଼ ।

ରାସ୍ତିକାନ୍ ଆଜିନାନ୍ ଲୁକ, ଏନ୍ ଅରେନ୍ ତାକ୍ତର୍ ମାର୍ଥାନ୍ । ଝାନି ରାସ୍ତିକା ବଲ୍ ମାରି ବାସାଦି ଝାରିନିକା ତରନାଡ଼ ଜେ, ଝାନ୍ ଅରେନ୍ ପଡ଼ାତି ଲୋକୁ ମାର୍ହାନ୍ । ଜିସୁଦି ଜିବନ୍ତି ଗର୍ନେଙ୍ଗ ଝିନ୍ତୁ ଏମେ ଗର୍ନେଙ୍ଗ ଝେନ୍କା ଏମେକା ଆତାଡ଼ ଆୟା ଇସାବ୍ତାନ୍, ରାସ୍ତିସୋ ଟିକ୍ତାନ୍, ଝେର୍ତେଙ୍ଗ ବଦାକିନାନ୍, ଏଣ୍ଡେସ୍ ଆଇକାର୍ ଆକା ପଡ଼ାତି ଲାବ୍ ପୟଦେଙ୍ଗ ଆଟ୍ନାର ୧:୧-୩ । ଝାନ୍ ଅରେନ୍ ଜିହୁଦି ଲୋକୁ ଆଏନ୍ ମାର୍ହାନ୍ କଲ୍ସିୟ ୪:୧୦-୧୪ ମାରି ଝାନ୍ ଇୟାଝାଜା ଇସାବ୍ତାନ୍ ରାସ୍ତିମାନାନ୍, ଅଣଜିହୁଦିରି ବୁଜାଦେଙ୍ଗ ଆଟ୍ନାର । ଝାନ୍ ଜିହୁଦିରି ନିୟମକୁ ଝେର୍ନିକା ଇକା ମାଡ଼ ନେଗେନ୍ତାନ୍ ସୁଡ଼ୁଦେଙ୍ଗ ଆଟ୍ନିକା ୧:୮ ।

ଲୁକ ରାସ୍ତିମାନି ସୁସମାଚାର, ମାଥୁଉ ମାରି ମାର୍କ ବଇଦି ଝାଲେ ପୁରା ସାମାନ୍ ତରନାଡ଼, ଇରିଙ୍ଗ୍ ଝାରି ସାମାନ୍ ବିସୟ ମାରି ସାମାନ୍ତାନ୍ ରାସ୍ତିନାର । ମୁନ୍ତୁ ବଇଙ୍ଗାଁ ଲୋଇ ଲୁକ ତୁବନ୍ସିନି ଜୋହନତି ଜନମ୍ ବିସୟତାନ୍ ନାଣ୍ଡ ଝେର୍ନାନ୍ । ମାରିବା ଲୁକ ପାରିତନା ବିସୟତି ମୁସ୍ତୁ ନାଣ୍ଡ ଝେର୍ନାନ୍ ୩:୨୧, ୫:୧୭, ୬:୧୨, ୧୧:୧-୧୨, ୨୨:୩୨, ମାରି ଝାନ୍ କେମାସିନି ବିସୟତୁ ବା ଝେର୍ନାନ୍ ୩:୩, ୧୧:୪, ୧୭:୩-୪, ୨୩:୩୪, ୨୪:୪୭

ଇୟା ବଇଦୁ ମାନି ମୁକିୟ ବିସୟ

- ୧. ଲୁକ ସୁସମାଚାରତୁ ଇନିକା ମାନାଡ଼ ମାରି ରାସ୍ତି ଉଦେସ୍ତିଙ୍ଗ ଝେର୍ନାନ୍ । ୧:୧-୪
- ୨. ଜିସୁଦି ଜନମ୍ ନି ଝାନ୍ ଏଣ୍ଡେସ୍ ସେବାପାଣିଦି ଉଣ୍ଡିଙ୍ଗ୍ ତିଆର୍ ଆତାନ୍ । ୧:୫; ୪:୧୩
- ୩. ଜିସୁଦି ପାଣି ଝିନ୍ତୁ, ବିସେସ୍କିଜି ଝାନ୍ କିତିମାନି କାବାଆନି ପାଣି ମାରି ଝାନି ସିକିୟା ବିସୟତାନ୍ ଝେର୍ନାନ୍ । ୪:୧୪-୨୧:୩୮ ଇକା ଆଜିନାଡ଼ ସୁସମାଚାରତି ପେରି ବାଗ୍ ।
- ୪. ସାରାସାରି, ଝେନ୍କା ବଇଦୁ ମାନି ମୁଣ୍ଡି ଅଦ୍ୟାୟତୁ, ଜିସୁ ଏଣ୍ଡେସ୍ ସାତାନ୍, ମୁସାତାନ୍ ମାରି ସାତିମାଣକୁ ନିଙ୍ଗାଁତାନ୍ । ଅଦ୍ୟାୟ । ୨୨:୧-୨୪

ଜିସୁଦି ଜିବନ୍ତି ବିସୟତାନ୍ ଲୁକ ରାସ୍ତିମାନିକା

- ୧ ଏ ଡିୟପିଲ, ଏମେକାର ମା ଲୋଇ କିତିମାନି ଗଟେନେଙ୍ଗତି ନାଣ୍ଡ ମାଟେଙ୍ଗ୍ ସଡ଼ତାନ୍ ରାସ୍ତିତେଙ୍ଗ୍ ବଦାକିତାର,
- ୨ ଆୟା ନିଜେଦି କାଣ୍ଡାଦାନ୍ ସୁଡ଼ୁମାନିକା ମାରି ବାକ୍ୟ ପ୍ରଚାର କିତିମାନି ଲୋକୁ ମାଙ୍ଗାଁ ଝେର୍ନି ଇସାବ୍ତାନ୍,
- ୩ ଆରାମ୍ତାନ୍ ଝିନ୍ତୁ ବିସୟ ଇସିମିସିକା ଉଣ୍ଡା କିଜି ଦାଡ଼ିଦି ଝାଜା ମି ଉଣ୍ଡିଙ୍ଗ୍ ରାସ୍ତିତେଙ୍ଗ୍ ନାନ୍ ବା ଟିକ୍ ଇଜି ଅଡ଼ବିତା,
- ୪ ଏଣ୍ଡେସ୍ ନିନ୍ ଏମେ ଝିନ୍ତୁ ବିସୟ ସିକିୟା ପଇତିମାନି, ଆୟାଝିନ୍ତୁ ବିସୟତାନ୍ ପୁରା ତାନି ବୁଦି ନେସ୍ନାର ।

ତୁବନ୍ସିନି ଜୋହନତି ଜନମ୍ ବିସୟତାନ୍ ଝେଙ୍ଗାଁତାଡ଼

୫ ଜିହୁଦା ରାଜିଦି ରାଜା ହେରୋଦଦି ସମୟତୁ ଅବିୟ ଜାଜକତି ଦଲ୍ତୁ ଜିକରିୟ ଦର୍ତ୍ତି ଅରେନ୍ ଜାଜକ ମାର୍ହାନ୍; ଝାନି ଆଡ଼ସି ହାରୋଣ କୁଟୁମ୍ତିକାଡ଼ ମାର୍ହାଡ଼, ତାନେ ଦର୍ ଏଲିସାବେଡ଼ ।

୬ ଜିକରିୟ ମାରି ଏଲିସାବେଡ଼ ପ୍ରବୁଦି ଝିନ୍ତୁ ମାଟା ମାରି ନିୟମତାନ୍ ଇନି ଦୋସ୍ କିଏଣ୍ଡା ମାପୁରୁମାନୁ ଦାମ୍ବୁଦିକାର ମାର୍ହାଡ଼ ।

୭ ମାତର୍ ଝାରିଙ୍ଗ୍ ଅରେନ୍ବା କଡ଼ ସିଲେତାନ୍, ଇରିଙ୍ଗ୍ ଏଲିସାବେଡ଼ ବାଞ୍ଜି ମାର୍ହାଡ଼, ମାରି ଝାରି ନାଣ୍ଡ ତକ୍ରା ତକ୍ରି ଆତାମାର୍ହାଡ଼ ।

୮ ଝାନ୍ ନିଜେଦି ଦଲ୍ତି ପାଲିଦାନ୍ ମାନ୍ଦିରତୁ ମାପୁରୁଦି ପାଣି କିନିଝାଲେ,

୯ ଜାଜକତି ପାଣିଦି ନିୟମତାନ୍ କୁଡ଼କୁଡ଼ି ପକ୍ତାର ଆକା ଖାନି ପାଲି ଖାତାତ୍ ପ୍ରବୁଦି ମନ୍ଦିରତୁ ଡଗୁଜି ଦୁପ୍ପାଣି ଆଡେକ୍ତେଙ୍ଗ,

୧୦ ମାରି ଦୁପ୍ପାଣି ଆଡ଼ିକନିଖାଲେ ଝିଜୁ ଲୋକୁ ଆଡରେ ପାରତନା କିଜିମାରୁଆର ।

୧୧ ଆୟାଖାଲେ ପ୍ରବୁଦି ଅରେନ୍ ଦୁଡ଼ ଦୁପ୍ପାଣି ଆଡ଼ିକନି ବାଡ଼ିଦି ଉଣେର ତରିନ୍ ନିଲ୍ସି ଜିକରିୟଙ୍ଗ ତରାୟ ଆତାତ୍ ।

୧୨ ଜିକରିୟ ଦୁଡ଼ତିଙ୍ଗ ସୁଡ଼ୁଡ଼ି ତିରଗିତାନ୍ ମାରି ତିଲାତା ସରୁଆନ୍ ।

୧୩ ମାତର ଦୁଡ଼ ଖାନିଙ୍ଗ ଇର୍ହାଡ଼, “ଜିକରିୟ, ତିଲାମା, ମାତର ନିନ୍ ଲସ୍ତିକା ଖେରୁଆ ମାନାନ୍, ମାରି ନି ଆଡ଼ସି ଏଲିସାବେତ୍ ମି ଉଣ୍ଡିଙ୍ଗ ଅରେନ୍ କଡ଼ ଜନମ୍ କିନାଡ଼, ମିର ଖାନି ଦର ଜୋହନ ସିନିଦେର୍ ।

୧୪ ଖାନି ଉଣ୍ଡିଙ୍ଗ ମିର ନାଣ୍ଡ ଖେଡ଼ିକା ଆନିଦେର୍, ମାରି ଖାନି ଜନମ୍ ଆତି ଉଣ୍ଡିଙ୍ଗ ନାଣ୍ଡ ଲୋକୁ ଖେଡ଼ିକା କିନାର ।

୧୫ ଖାନ୍ ପ୍ରବୁଦି ଲାକତୁ ପେରିକାନ୍ ଆନାନ୍; ଖାନ୍ ଅଙ୍ଗୁରରସ୍ ମାରି କାଡ଼ ଏସକାଙ୍ଗବା ଉଣ୍ଡୁଏନ୍, ମାରି ଯାୟା ପଟା ଲୋଇରାନ୍ଦେ ପବିତ୍ରଆମ୍ବୁ ପୁରା ତେବାନାନ୍,

୧୬ ମାରି ଖାନ୍ ଇସ୍ରାଏଲ୍ଡି କଡ଼ରି ମାଣକୁ ଝିଜୁଲୋକାଙ୍ଗ ପ୍ରବୁ ଖାରି ମାପୁରୁମାନ୍ ଦେସି ତାନାନ୍ ।

୧୭ ବୁବାରି ଜିବନ୍ କଡ଼ରି ଉଣ୍ଡିଙ୍ଗ ମାରି ମାନାଇଖାରିଙ୍ଗ ଦାମ୍ବୁଲୋକତି ବୁଦିଦୁ ସାଲାକିବିସ୍ କିଜି ତେପସିତାତେଙ୍ଗ ମାରି ପ୍ରବୁଦି ଉଣ୍ଡିଙ୍ଗ ନେଗେନ୍ଡିଆରକିତି ଉନ୍ଣି_ ଲୋକ୍ଦଲ୍ଡିଙ୍ଗ ତିଆର କିଦେଙ୍ଗ ଖାନ୍ ଏଲିୟଦି ଆମ୍ବୁ ମାରି ସାକ୍ତିଦାନ୍ ଖାନି ଆଗଡ଼ି ବୁଲାନାନ୍ ।”

୧୮ ଆବେଟ୍ ଜିକରିୟ ଦୁଡ଼ତିଙ୍ଗ ଇରୁଆନ୍, “ନାନ୍ ଏଣ୍ଡେସ୍ ଇକା ନେସ୍ତେଙ୍ଗ ଆଟନା ? ଇରିଙ୍ଗ ନାନ୍ ତୋ ଡକ୍ତା, ମାରି ନା ଆଡ଼ିଙ୍ଗ ନାଣ୍ଡ ବାସେକ୍ ଆତାଡନି ।”

୧୯ ଦୁଡ଼ ଖାନିଙ୍ଗ ଇରୁଆନ୍, “ନାନ୍ ଗାବ୍ରିଏଲ୍,” ନାନ୍ ମାପୁରୁ ଲାକତୁ ନିଲ୍ସିମାନି ଦୁଡ଼, ମାରି ନିଙ୍ଗ ଇନ୍ଡ୍ରେଙ୍ଗ ମାରି ଇୟା ନେଗି କାବୁର୍ ଖେରତେଙ୍ଗ ନାନ୍ ମାପୁରୁ ମାଣକୁ ଖାତାମାନା ।

୨୦ “ସୁଡ଼ୁଆ, ଇୟାଝିଜୁ ଗଟାଇ ଦିନ୍ ସାହି ନିନ୍ ଗୁଲା ଆଜି ଖାରଗିଦେଙ୍ଗ ଆଟଇ, ଇରିଙ୍ଗ ନା ଏମେ ଝିଜୁ ବାକ୍ୟ ଟିକ୍ ସମୟତୁ ସଡ଼ ଆନାଡ଼, ଆୟାଝିଜୁ ନିନ୍ ବିସବାସ୍ କିଇତି ।”

୨୧ ଇୟାଖାଲେ ଲୋକୁ ଜିକରିୟଙ୍ଗ କାପ୍କିଜି ମାରୁଆର, ମାରି ମନ୍ଦିରତୁ ଖାନି ଖେଡ଼ା କିନିକା ସୁଡ଼ୁଡ଼ି ଖାର କାବାଆଜି ମାରୁଆର ।

୨୨ ମାତର ଖାନ୍ ସହସି ଖାଜି ଖାରିଙ୍ଗ ଖାରଗିଦେଙ୍ଗ ଆଟଏତାନ୍; ଆବେଟ୍ ଖାନ୍ ମନ୍ଦିରତୁ ଦର୍ସନ ପଇତାମାନାନ୍ ଇଜି ଖାର ବୁଜାତାର, ମାରି ଖାନ୍ ଖାରିଙ୍ଗ ଜୁର୍ସି ଇନ୍ଡ୍ରେଙ୍ଗ ଆସ୍ତାନ୍ ମାରି ଗୁଲା ଆତା ତେବାତାନ୍ ।

୨୩ ଖେନକା ଖାନି ସେବା ପାଲିଦି ଦିନ୍ଝିଜୁ ଝିଜିତାଡ଼, ମାରି ଖାନ୍ ଖାନି ଇନ୍ଡ୍ର ସରୁଆନ୍ ।

୨୪ ତାନେ ଖେନକା ଖାନି ଆଡ଼ସି ଏଲିସାବେତ୍ ପଟାଦୁ ଆତାଡ଼, ମାରି ଖାଦ୍ ପାସଗୋଟା ଲେଜକୁ ସାହି ଏଙ୍ଗବା ଇନ୍ଏଣ୍ଗା ମାରୁଆଡ଼,

୨୫ ଆବେଟ୍ ଖାଦ୍ ଇର୍ହାଡ଼, “ଲୋକା ମାଣକୁ ନା ଅପ୍ମାନ୍ ଆକ କିନି ଉଣ୍ଡିଙ୍ଗ ପ୍ରବୁ ନାଙ୍ଗ ସୁଡ଼ୁଡ଼ି ନା ଉଣ୍ଡିଙ୍ଗ ଇୟାଖାଜା କିତାମାନାନ୍ ।”

ଜିସୁ କ୍ରିସ୍ତଦି ଜନମ୍ତି ବିସୟତାନ୍ ଖେଙ୍ଗିତାଡ଼

୨୬ ଏଲିସାବେତ୍ ସଗୋଟା ଲେଜକୁ ଖେନକା ଗାବ୍ରିଏଲ ଦୁଡ଼ ମାପୁରୁ ମାଣକୁ ଗାଲିଲିଦି ନାଜରିତ ଦର୍ଡି ଗାଡ଼ତୁ ଅରେଡ଼ ରିପା ଆଇଲି ଲାକତୁ ଖାତାନ୍;

୨୭ *ଦାଉଦତି କୁଟୁମ୍ତି ଜୋସେପ୍ ଦର୍ଡି ଅରେନ୍ ମେମାରି ଖାଲେ ତାନିଙ୍ଗ ପେଡ଼ି କିଦେଙ୍ଗ ଲସ୍ତା ମାରୁଆର; ଆୟା ଆଇଲିଦି ଦରୁ ମରିୟମ୍ ।

୨୮ ମୁସ୍କୁପୁର୍ଡି ଦୁଡ଼ ଇନ୍ଣ୍ଡ_ ଡ଼ୁଗିତାଦୋ ତାନେ ଲାକତୁ ଖାଜି ଇର୍ହାଡ଼, “ମାଡ଼ିସ୍ନା, ଏ ଆଇଲି, ନିନ୍ ନେଗେନ୍ ମାନାଆ, ପ୍ରବୁ ନି ଖାଲେ ମାନାନ୍ ।”

୨୯ ମାତର ଦୁଡ଼ତି ମାଟା ମରିୟମ୍ ଖେନଞ୍ଜି ନାଣ୍ଡ କାବାଜି ଇକା ଏଣ୍ଡେସ୍ମାରି ମାଟା ଇଜି ମନ୍ତୁ ଅଡ଼ବିଦେଙ୍ଗ ଆସ୍ତାଡ଼ ।

୩୦ ଆବେଟ୍ ଦୁଡ଼ ତାନେଙ୍ଗ ଇର୍ହାଡ଼, “ଏ ମରିୟମ୍, ତିଲାମା, ମାତର ନିନ୍ ମାପୁରୁମାନ୍ ଦୟା ପଇତିମାନି ।

୩୧ *ମାରି ସୁଡ଼ୁଆ, ନିନ୍ ପଟାଦୁ ଆନିନୋ ଅରେନ୍ କଡ଼ ଜନମ୍ ସିନି ମାରି ଖାନି ଦର୍ ଜିସୁ ସିନିଦେର୍ ।

୩୨ ଖାନ୍ ପେରିକାନ୍ ଆନାନ୍ ମାରି ମାପୁରୁ ମାରିନ୍ ଇଜି ଖେଙ୍ଗିନ୍ନାନ୍; ମାରି ପ୍ରବୁ ମାପୁରୁ ଖାନିଙ୍ଗ ଖାନି ଡକ୍ତାଦାଦା ଦାଉଦଦି ଖାଜା ରାଜା କିନାନ୍,

୩୩ ଖାନ୍ ଜାକୁବରି କୁଟୁମ୍ତି ମୁସ୍କୁ ଜୁଗ୍ ଜୁଗ୍ ସାହି ସାସନ୍ କିନ୍ନାନ୍, ମାରି ଜିସୁଦି ରାଜି ଏସକାଙ୍ଗବା ଝିଜେଏଡ଼ ।”

୩୪ ମାତର ମରିୟମ୍ ଦୁଡ଼ତିଙ୍ଗ ଇର୍ହାଡ଼, “ଇକା ଏଣ୍ଡେସ୍ ଆନାଡ଼ ?” ନାନ୍ ତୋ ମେମାରିଙ୍ଗ ନେସେଏ ।

☆ ୧:୨୭ ମାଡ଼ିଇ ୧:୧୮. ☆ ୧:୩୧ ମାଡ଼ିଇ ୧:୨୧.

୩୫ ଦୁତ୍ ତାନେଙ୍କ ଇର୍ହାତ୍, “ପବିତ୍ର ଆତ୍ମା ନି ମୁସ୍କୁ ଖାନାତ୍ ମାରି ପେରି ମାପୁରୁଦି ସାକ୍ତି ନିଂଇ ଆସ୍ନାତ୍, ଏନ୍ ଜନମ୍ ଆନାନ୍, ଖାନ୍ ପବିତ୍ର ମାରି ମାପୁରୁଦି ମାର୍ସି ଇଜି ଷ୍ଟେଙ୍କ୍ ନିନ୍ ।

୩୬ ମାରି ସୁତୁ, ମି ଲୋକବାକ୍ ଏଲିସାବେତ୍ ବା ତକ୍ତି ଆତି ଖାଲେନେ ଉଣ୍ଡି କଡ଼ଦିଙ୍କ୍ ପଗାଦୁ ଆସ୍ତା ମାନାତ୍ । ଏଦ୍ ବାଞ୍ଜି ଇଜି ଷ୍ଟେଙ୍କ୍ ତା ମାର୍ଆତ୍, ତାନେଙ୍କ୍ ଇଲେଇ ସଗୋଟା ଲେଜକୁ ଆଜିନାତ୍;

୩୭ ମାତର ମାପୁରୁଦିମାଣକୁ ସୋନି ଷ୍ଟିକୁ ବାକ୍ୟ ସତ୍ ଆନାତ୍ ।”

୩୮ ଆବେନୁ ମରିୟମ୍ ଇର୍ହାତ୍, “ସୁତୁ, ନାନ୍ ପ୍ରବୁଦି ସେବାକିନିକିକ୍ଷା; ନି ବାକ୍ୟଦି ଖାଜା ନା ଉଣ୍ଡିଙ୍କ୍ ଗଟାପିତ୍ ।” ତାନେ ଷ୍ଟେଙ୍କା ଦୁତ୍ ତାନେ ଲାକ୍ତୁରାନ୍ ସର୍ଆତ୍ ।

ମରିୟମ୍ ଏଲିସାବେତ୍ ଲାକ୍ତୁ ସର୍ଆତ୍

୩୯ ଆୟା ସମୟତୁ ମରିୟମ୍ ନିଙ୍କ୍ ଜି ଗରନ୍ ରାଜି ତରିଟି ଜିହୁଦା ଦେଶତି ଉଣ୍ଡି ଗାଡ଼ତୁ ବେଗି ସର୍ଆତ୍,

୪୦ ମାରି ଜିକରିୟରି ଇଲୁ ଲୋଇ ତରୁତାଦୋ ଏଲିସାବେତ୍ତିଙ୍କ୍ ମାଡ଼ିସ୍ କିତାତ୍ ।

୪୧ ମାରି, ଏଲିସାବେତ୍ ମରିୟମ୍ତି ମାଡ଼ିସ୍ନିକା ଷ୍ଟେରଇଦାପ୍ରେ ଇସ୍ତି କଡ଼ ତାନି ପଗାଦୁ ଗାଡ଼ିସ୍ ନିଙ୍କ୍ ତାନ୍, ଏଲିସାବେତ୍ ପବିତ୍ର ଆତ୍ମାଦୁ ପୁରା ତେବାଜି

୪୨ ନାଣ୍ଡି ଆଉଲି ଆଜି ଇର୍ହାତ୍, “ଆଇମେକା ମାଣକୁ ନିନ୍ ଦନ୍ୟ, ମାରି ଦନ୍ୟ ନି ପଗାଦି ପଲ୍ ।

୪୩ ମାରି, ନା ପ୍ରବୁଦି ଯାୟା ଜେ ନା ଲାକ୍ତୁ ଖାନାତ୍, ନା ଇୟା ନେଗିକା ଏମେଣ୍ଟକୁ ଆତାତ୍ ?

୪୪ ମାତର ସୁତୁ, ନି ମାଗାଦି ବଲୁ ନା ଗିତଣିତୁ ଇତି ଦାପ୍ରେ ଇସ୍ତି କଡ଼ ନା ପଗାଦୁ ଷ୍ଟେଡ଼ିକାଦାନ୍ ଗାଡ଼ିସ୍ ନିଙ୍କ୍ ତାନ୍ ।

୪୫ ଏନ୍ ବିସ୍ବାସ୍ କିତାନ୍, ଖାନ୍ ଦନ୍ୟ, ଇରିଙ୍କ୍ ପ୍ରବୁମାଣକୁ ଖାନିଙ୍କ୍ ଆମା ଆମାକା ଷ୍ଟେରତାମାନାର୍, ଆୟାଞ୍ଜିକୁ ପୁରା ଆନାତ୍ ।”

ମରିୟମ୍ ମାପୁରୁଙ୍କ୍ ଦନ୍ୟବାଦ୍ କିତାତ୍

୪୬ ଆବେଟ୍ ମରିୟମ୍ ଇର୍ହାତ୍,

“ନା ଜିବନ୍ ପ୍ରବୁଙ୍କ୍ ପ୍ରସଂସା କିଜିନାତ୍,

୪୭ ମାରି ନା ଆତ୍ମା ନା ରକିୟା କିନି ମାପୁରୁମାନ୍ ଷ୍ଟେଡ଼ିକା କିଜିନାତ୍;

୪୮ ଇରିଙ୍କ୍ ଖାନ୍ ନିଜେଦି ଦାସିଦି କାକୁତ୍ ଦିଙ୍କ୍ ସୁତୁତୁମାନାନ୍ ।

ମାରି ସୁତୁଆ, ଇଲେରାନ୍ ଜୁଗ୍ ଜୁଗ୍ ସାନ୍ ଷ୍ଟିଜେରେ ନାଙ୍କ୍ ଦନ୍ୟ ଇଜି ଇନାର୍,

୪୯ ମାତର ସାକ୍ତିମାନି ମାପୁରୁ, ଖାନ୍ ନା ଉଣ୍ଡିଙ୍କ୍ ପେରି ପାଣି କିତାମାନାନ୍;

ଖାନି ଦରୁ ପବିତ୍ର ।

୫୦ ମାରି ଏର୍ ଖାନିଙ୍କ୍ ମାନାନାର୍ ଖାନ୍ ଖାରିଙ୍କ୍ ଜୁଗ୍ ଜୁଗ୍ ସାନ୍ ଦୟା କିନାନ୍ ।

୫୧ ଖାନ୍ ଖାନି କିୟୁଦି ସାକ୍ତି ତରତାମାନାନ୍,

ଆକାର୍ଆନିଖାରିଙ୍କ୍ ଖାରି ମନ୍ତୁ ଅଡ଼ବିତିମାର୍ଇ ମାଗାଦିଙ୍କ୍ ଇନିଙ୍କାଁ ଆନିଙ୍କାଁ କିତାମାନାନ୍;

୫୨ ଖାନ୍ ରାଜାରିଙ୍କ୍ ବାସ୍ନି ବାଡ଼ିଦାନ୍ ଆଡ଼ଗି ରେପ୍ତାମାନାନ୍,

ସିଲିସାଡ଼ିଖାରିଙ୍କ୍ ମୁସ୍କୁ ନିକ୍ତାମାନାନ୍,

୫୩ ଖାନ୍ ବାଙ୍କାଆଡ଼ିଖାରିଙ୍କ୍ ନେଗି ନେଗି ବିସୟ୍ ସିଜି ପାଜିସ୍ କିତାମାନାନ୍,

ମାରି ମାଜନ୍ ଲୋକାଙ୍କ୍ ଖାରଇ କିୟୁଦାନ୍ ପୋକ୍ତାନ୍ ।

୫୪ ମା ପୁର୍ବେଦିତକ୍ତାଦାଦାରି ଉଣ୍ଡିଙ୍କ୍ ରାସ୍ତମାନି ଖାରି ବାକ୍ୟଦାନ୍ ଆୟା ଅବ୍ରାହାମ ମାରି ଇସ୍ରାଏଲ୍ତି କଡ଼କକ୍ତାରି ଉଣ୍ଡିଙ୍କ୍,

୫୫ ଜୁଗ୍ ଜୁଗ୍ ସାନ୍ ଦୟା ଏଡ଼କିନି ଉଣ୍ଡିଙ୍କ୍ ନିଜେଦି ଦାସ୍ ଅବ୍ରାହାମ ନି ଇସ୍ରାଏଲ୍ତିଙ୍କ୍ ନେଗିକା କିତାମାନାନ୍ ।”

୫୬ ମରିୟମ୍ ପୁରା ମୁଣ୍ଡି ଲେଜକୁ ଏଲିସାବେତ୍ ଖାଲେ ମାନ୍ଞି ନିଜେଦି ଇନ୍ଞି ଡ଼େସି ସର୍ଆତ୍ ।

ଦୁବନ୍ସିନି ଜୋହନତି ଜନମ୍

୫୭ ଷ୍ଟେଙ୍କା ଏଲିସାବେତ୍ତି ଜନମ୍କିନି ଦିନ୍ ଇଗା ଖାତାତ୍, ଖାଦ୍ ଅରେନ୍ କଡ଼ ଜନମ୍ କିତାତ୍,

୫୮ ମାରି ପ୍ରବୁ ଜେ ତାନି ଉଣ୍ଡିଙ୍କ୍ ନାଣ୍ଡି ଦୟା କିତାମାନାନ୍, ଇକା ଷ୍ଟେଙ୍କି ତାନି ଲାକ୍ତୁରି ଲୋକୁ ମାରି ନିଜେଦି ଲୋକୁ ତାନି ଖାଲେ ଷ୍ଟେଡ଼ିକା କିଦେଙ୍କ୍ ଆସ୍ତାର୍ ।

୫୯ କଡ଼ଦି ଜନମ୍ ଆତି ଆଟ୍ ଦିନ୍ତୁ ଖାର୍ କଡ଼ଦିଙ୍କ୍ ସୁନ୍ନତ* କିଦେଙ୍କ୍ ତାତାର୍ ମାରି ଖାରି ବୁବାସି ଦର୍ ଇସାବ୍ତାନ୍ ଖାନି ଦର୍ ଜିକରିୟ୍ ସିଦେଙ୍କ୍ ବଦା କିତାର୍ ।

୬୦ ମାତର ଖାନି ଆଇସି ଇର୍ହାତ୍, “ସିଲେ, ଖାନି ଦର୍ ଯୋହନ ଆନାତ୍ ।”

* ୧:୫୯ ସୁନ୍ନତ କଡ଼ରି କୁସ୍ନି ଚିପୁଦି ଆଗଡ଼ିରି ତଲ୍ କୟନିତାନେଙ୍କ୍ ବୁଜାକିନାତ୍ ।

୨୧ ଖାର ଏଲିସାବେତ୍‌ଙ୍କୁ ଖେରତାର, “ମି ଲୋକାମାନୁ ତୋ ଇୟା ଦର ଏଙ୍ଗବା ସିଲେଡ୍ ।”

୨୨ ଆବେଟ୍ ଖାନିଙ୍ଗ୍ ଏମେ ଦର ସିନାଟ୍ ଇଜି ଖାନି ରୁବାସି ବଦା କିଜିନାନ୍, ଆକା ଖାର ଖାନିଙ୍ଗ୍ ସିନା ସିଜି ଖେନ୍‌ବାଦେଙ୍ଗ୍ ଆସ୍‌ତାର ।

୨୩ ଆବେନ୍ନୁ ଖାନ୍ ଉଣ୍ଡି, ରାସ୍‌ନି ପାଟା ଲସ୍‌ସି ଇକା ରାସ୍‌ତାନ୍, “ଖାନି ଦର ଜୋହନ ।” ଆବେଟ୍ ଓଜେରେ କାବାଆତାର ।

୨୪ ମାରି, ଆୟାଦାପ୍ରେ ଜିକରିୟଦି ଖେୟୁ ରେଆତାଡ୍ ମାରି ଖାନ୍ ମାରିଡେସି ମାଟା ଖାରଗିଜି ମାପୁରୁଦିଙ୍ଗ୍ ଦନ୍‌ଏବାଦ୍ କିଦେଙ୍ଗ୍ ଆସ୍‌ତାନ୍ ।

୨୫ ଆବେନ୍ନୁ ଖାରି ଲାକ୍‌ତୁରି ଲୋକୁ ଓଜେରେ ତିଲାତାର, ମାରି ଇୟାଓଜୁ ମାଟା ଜିହୁଦା ଦେସ୍‌ତି ଗରନ୍ ରାଜିଦି ଓଜୁ ତରିଶୁ ଲୋକୁ ଇନ୍‌ଞ୍ଜି ସାତାର,

୨୬ ମାରି ଖେନି ଲୋକ୍‌ତର ଆୟାଓଜୁ ନିଜେ ନିଜେଦି ମନ୍‌ତୁ ଇଡ୍‌ଜି ଇର୍ହାର, “ଇୟା ଇସ୍‌ସି କଡ୍ ଆତିଙ୍ଗ୍ ଇନିକା ଆନାନ୍ ?” ଇରିଙ୍ଗ୍ ଇକା ସଡ୍ ମାର୍‌ଆଡ୍ ଜେ ପ୍ରବୁଦି କିୟୁ ଖାନି ମୁସ୍‌କୁ ମାର୍‌ହାଡ୍ ।

ଜିକରିୟଦି ବାବବାଣି

୨୭ ମାରି, ଜୋହନଦି ରୁବା ଜିକରିୟ ପବିତ୍ର ଆମ୍‌ତୁ ପୁରା ତେବାଜି ଇୟା ବାବବାଣି ଇର୍ହାନ୍,

୨୮ “ଦନ୍‌ଏ ପ୍ରବୁ, ଇସ୍‌ଏଲ୍‌ତି ମାପୁରୁ,

ଇରିଙ୍ଗ୍ ଖାନ୍ କାମ୍‌ ସୁଡ୍‌ଜି ନିଜେଦି ଲୋକା ଉଣ୍ଡିଙ୍ଗ୍ ରକିୟା କିତାମାନାନ୍;

୨୯ ଖାନ୍ ନିଜେଦି ଦାସ୍ ଦାଉଦତି କୁଟ୍‌ମ୍‌ତି ଅରେନ୍ ସାଲ୍‌ମାନି ରକିୟା କିନିଖାନିଙ୍ଗ୍ ମାଙ୍ଗ୍ ସିତାମାନାନ୍

୩୦ ପୁର୍ବେ କାଡାଦାନ୍ ନିଜେଦି ପବିତ୍ର ବାବବାଦିରି ଖେୟୁଦାନ୍ ଏଣ୍ଡେସ୍ ଇର୍ହା ମାର୍‌ଆର,

୩୧ ଆୟାଖାଜା ମା ସାତୁରିମାଣକୁ ମାରି ମାଙ୍ଗ୍ ଓଜୁ କାଡ୍‌ନିଖାରି କିକାଣକୁ ରକିୟା କିତାମାନାନ୍,

୩୨ ଏଣ୍ଡେସ୍ ଖାନ୍ ମା ପୁର୍ବେଦିତକ୍ରାଦାଦାରି ଉଣ୍ଡିଙ୍ଗ୍ ଦୟା ତରନାନ୍ ମାରି ଖାରି ଖାଲେ କିତିମାନି ନିଜେଦି ଆୟା ନିୟମ୍ ଏଡ୍‌କିନାର ।

୩୩ ଆମାକା ଖାନ୍ ମା ରୁବା ଅବ୍ରାହାମତି ଲାକ୍‌ତୁ ପାର୍‌ମାଣ୍ କିତାମାର୍‌ହାନ୍,

୩୪ ମାରି ମାପ୍ ମା ସାତୁରିକିୟୁଦାନ୍ ରକିୟା ପୟତାମାନାପ୍,

୩୫ ଏଣ୍ଡେସ୍ ମାପ୍ ଜିନି ସାହି ତିଲାଏଣ୍‌ଗା, ପବିତ୍ରଦାନ୍ ମାରି ଦାମ୍‌ଦାନ୍ ଖାନି ସେବା କିଦେଙ୍ଗ୍ ଆଟ୍‌ନାପ୍ ।”

୩୬ “ଏ ମାରିନ୍, ନିନ୍ ଓଜେରିଙ୍ଗ୍ ପେରି ମାପୁରୁଦି ଅରେନ୍ ବାବବାଦି ଇଜି ଖେଙ୍ଗ୍‌ନି । ନିନ୍ ପ୍ରବୁଦି ଅରେନ୍ ଦୁଡ୍ ଖାନି ଉଣ୍ଡିଙ୍ଗ୍ ଖାନି ସାରି ତିଆର୍ କିନାଡ୍ ।

୩୭ ପାପ୍‌କେମା ପଇନି ମାଣାନ୍ ଖାର ଜେ ରକିୟା ପୟନାର, ଖାନି ଲୋକାଙ୍ଗ୍ ଇୟା ମାଟା ଇଣ୍ଡେ_ଙ୍ଗ୍ ସନାର ।

୩୮ ମାରି ମା ମାପୁରୁ କାମ୍‌ସୁଣିକାନ୍ ମାରି କଡ୍‌କିଜିବନ୍ ଖାନ୍ ମା ଉଣ୍ଡିଙ୍ଗ୍ ରକିୟାଦି ଖେଡା ସପନାନ୍,

୩୯ ଏମେକାର୍ ସାନିଖାଜା ସିକାଟିଦି ସିତିଡ୍‌ଦୁ ବାସାନାର, ସାନ୍ତି ସାରିଦୁ ଖାରିଙ୍ଗ୍ ତରସି ଅନିଉଣ୍ଡିଙ୍ଗ୍ ଖାନ୍ ଓଜେରି ମୁସ୍‌କୁ ଜାୟ୍ ସିନାନ୍ ।”

୪୦ ମାରି, କଡ୍ ପିରଜି ଆମ୍‌ତୁ ବପୁ ଆଦେଙ୍ଗ୍ ଆସ୍‌ତାନ୍ ମାରି ଇସ୍‌ଏଲ୍ ଲୋକା ଲାକ୍‌ତୁ ତରାଇ ସାହି ସୁନ୍‌ସାନ୍ ବାଡ୍‌ଦୁ ତେବାତାନ୍ ।

୨

ଜିସୁଦି ଜନମ୍

(ମାତିଉ ୧:୧୮-୨୫)

୧ ଆୟାଖାଲେ ରୋମିୟ ଦେସ୍‌ତି ପେରିରାଜା ଅଗସ୍ଟ କାଇସର୍ ମାଣ୍‌କୁ ଦେସ୍‌ତି ଓଜୁ ଲୋକା ଦରକୁ ରାସାନି ଉଣ୍ଡିଙ୍ଗ୍ ମାଟା ଖେରତାର ।

୨ ସିରିଆଦି ସାସନ୍‌କିନି କୁରିଣିୟଦି ସମୟତୁ ପାର୍‌ତୁମ୍‌ତୁ ଇୟା ଲୋକୁ ଲେକିସ୍‌କିନିକା ଆତାମାର୍‌ଆଡ୍ ।

୩ ଆୟା ଉଣ୍ଡିଙ୍ଗ୍ ଓଜେରେ ଦର ରାସ୍‌ନି ଉଣ୍ଡିଙ୍ଗ୍ ନିଜେ ନିଜେଦି ଗାଡ୍‌କାଙ୍ଗ୍ ସରଆର ।

୪ ମାରି, ଜୋସେପ ବା ଦର ରାସ୍‌ନି ଉଣ୍ଡିଙ୍ଗ୍ ମରିୟମତି ଖାଲେ ଗାଲିଲିଦି ନାଜରିତ ଗାଡ୍‌ତାନ୍ ଜିହୁଦା ଦେସ୍‌ତି ବେତଲିହିମ୍ ଦରୁଦି ଦାଉଦତି ଗାଡ୍‌ତୁ ସରଆର, ଇରିଙ୍ଗ୍ ଖାନ୍ ଦାଉଦତି କୁଟ୍‌ମ୍‌ ମାରି କୁଦାଦି ଲୋକୁ ମାର୍‌ଆର;

୫ ଜୋସେପ ପେଡି ଆଦେଙ୍ଗ୍ ଲସ୍‌ସାୟ୍‌ଆତି ମରିୟମତି ଖାଲେ ଦର ରାସ୍‌ତେଙ୍ଗ୍ ସର୍ହାନ୍ । ମାରି ମରିୟମ୍ ପଟାଦୁ ମାର୍‌ଆଡ୍ ।

୬ ଜୋସେପ ମାରି ମରିୟମ୍ ବେତଲିହିମ୍‌ତୁ ମାର୍‌ଇ ଖାଲେ ମରିୟମତି ଜନମ୍‌କିନି ବେଡା ଇଗା ଖାତାଡ୍,

୭ ଖାଦ୍ ନିଜେ ପରୁତୁମ୍ କଡ୍‌ଦିଙ୍ଗ୍ ଜନମ୍ କିତାଡ୍ କଡ୍‌ଦିଙ୍ଗ୍ ଖାଡିଦୁ ତେରପ୍‌ସି ଡାକ୍ ଏରୁଣି ଟଙ୍ଗାଦୁ ତେରପ୍‌ତାଡ୍, ଇରିଙ୍ଗ୍ ତେବାନି ଇନ୍‌ଡ୍ ଖାରି ଉଣ୍ଡିଙ୍ଗ୍ ବାଡି ସିଲେତାଡ୍ ।

ମେଣ୍ଡେଇଁ ସାରାକିନି ଗୋଡ଼କୁଁ ଜିସୁଦି ଜନମ୍ ଆତି କାବୁର୍ ଝେର୍ଆର୍

୮ ଆୟା ରାଜିଦି ଏସ ଗୋଡ଼କୁଁ ଆଡ଼ରେ ମାନଞ୍ଜି ନାଡ଼ା ଖାରି ମେଣ୍ଡେଇଁ କାପକିଜିମାର୍ଆର୍ ।

୯ ପ୍ରବୁଦି ଉଣ୍ଡି ଦୁଡ଼ ଖାରି ଲାକଡ଼ୁ ଖାତାଡ଼, ମାରି ପ୍ରବୁଦି ଗୌରବ୍ତି ଜାୟ ଖାରି ସାରବେଡ଼ି ତରିତାଡ଼, ମାରି ଖାରି ନାଣ୍ଡି ତିଲାତାର୍ ।

୧୦ ଆବେଟ୍ ଦୁଡ଼ ଖାରିଇଁ ଝେର୍ତାଡ଼, “ତିଲାମାଟ୍, ସୁଡ଼ଦୁ, ନାନ୍ ଝିଜୁ ଲୋକା ନାଣ୍ଡି ଝେଡ଼ିକାଦି ନେଗି କାବୁର୍ ମିଙ୍ଗ୍ ଝେର୍ସିନା,

୧୧ ଇରିଙ୍ଗ୍ ନେର୍ ଦାଉଦତି ଗାଡ଼ତୁ ମି ଉଣ୍ଡିଙ୍ଗ୍ ରକିୟାକିନିକାନ୍ ଜନମ୍ ଆତାମାନାନ୍, ଖାନ୍ କ୍ରିସ୍ତ ପ୍ରବୁ ।

୧୨ ମାରି, ମି ଉଣ୍ଡିଙ୍ଗ୍ ଇକା ସିନାଦି ଖାଜା ଆନାଡ଼, ମିର୍ ଅରେନ୍ କଡ଼ଦିଙ୍ଗ୍ ଖାତିଦାନ୍ ତେରେପସି ସାଡ଼ାଦି ଟଙ୍ଗାଁଦୁ ତରନିମାନିକା ସୁଣିଦେର୍ ।”

୧୩ ମାରି, ଆୟାଦାପ୍ରେ ଆୟା ଦୁଡ଼ତି ଖାଲେ ମୁସକୁପୁରତାନ୍ ଉଣ୍ଡି ଦୁଡ଼କା ଦଲ୍ ଇଗାଝାତେନୋ ମାପୁରୁଦିଙ୍ଗ୍ ପ୍ରସଂସା କିବୁ କିବୁ ଇରେଏ,

୧୪ “ମୁସକୁପୁରତୁ ମାପୁରୁଦିଙ୍ଗ୍ ମହିମା ଆପିଡ଼,

ମାରି ଇୟାଞ୍ଜିଜୁ ଦୁନିଆଦି ଏମେ ଲୋକା ମୁସକୁ ମାପୁରୁ ଝେଡ଼ିକା ମାନାନ୍ ଆୟା ଲୋକାମାନୁ ସାନ୍ତି ରାପୁଡ଼ି ।”

୧୫ ଦୁଡ଼କୁ ଖାରିମାଣାନ୍ ମୁସକୁପୁରତୁ ସରଇ ଝେନ୍କା ମେଣ୍ଡେଇଁ ସାରାକିନିକାର୍ ନିଜେ ନିଜେଦି ମାନୁ ଖାରିଗିଦେଇଁ ଆସତାର୍, “ରାଦୁ, ମାଡ଼ ବେତଲିହିମ୍ ସାନ୍ସି ସନାଟ୍ ମାରି ପ୍ରବୁ ମାଙ୍ଗ୍ ଇୟା ଏମେ ଗଟନା ବିସୟ ଝେର୍ତାନ୍, ଆକା ସୁଡ଼ନାଟ୍ ।”

୧୬ ଆବେଟ୍ ଖାରି ଦାପ୍ରେ ସଲ୍ସି ପଇଜି ଅସି ମରିୟମ୍ ମାରି ଜୋସେପତିଙ୍ଗ୍ ପଇତାର୍, ମାରି ସାଡ଼ାଦି ଟଙ୍ଗାଁଦୁ କଡ଼ଦିଙ୍ଗ୍ ତରିତିମାର୍ଇକା ସୁଡ଼ତୁର୍ ।

୧୭ ଖାରି ଖାନିଙ୍ଗ୍ ସୁଡ଼କୁ ଆୟା କଡ଼ଦି ବିସୟତାନ୍ ଦୁଡ଼ ଏମେ ମାଟା ଇର୍ହାମାର୍ଆଡ଼, ଆକା ଖାରିଙ୍ଗ୍ ଝେର୍ତାଡ଼,

୧୮ ମାରି ଏମେ ଲୋକା ମେଣ୍ଡେଇଁସାରାକିନିଖାରି ମାଣାନ୍ ଆୟାଞ୍ଜିଜୁ ମାଟା ଝେର୍ଆର୍, ଖାରି ଝିଜେରେ କାବା ଆତାର୍ ।

୧୯ ମାତର୍ ମରିୟମ୍ ଇୟାଞ୍ଜିଜୁ ମାଟା ମନ୍ତୁ ଇଡ଼ଜି ନାଣ୍ଡି ଏଡ଼କିଦେଇଁ ଆସତାଡ଼ ।

୨୦ ମାରି, ମେଣ୍ଡେଇଁସାରା କିନିଖାରିଙ୍ଗ୍ ଦୁଡ଼ ଏଣ୍ଡେସ୍ ଇର୍ହାମାର୍ହାଡ଼, ଆୟାଝାଜା ଖାରି ଏମେ ଏମେକା ଝେର୍ଆର୍ ମାରି ସୁଡ଼ତୁର୍, ଆୟାଞ୍ଜିଜୁ ଉଣ୍ଡିଙ୍ଗ୍ ମାପୁରୁଦି ଗୌରବ୍ ମାରି ଦନ୍ ଦନ୍ୟବାଦ୍ କିବୁ କିବୁ ଡେସିଝାତାର୍ ।

ଜିସୁକୁଁ ମନ୍ଦିରତୁ ଅତାର୍

୨୧ *ଆଟ୍ଦିନ୍ ଝେନ୍କା ସୁନ୍ନତ କିଦେଇଁ ଜିସୁକୁଁ ମନ୍ଦିରତୁ ଅତାର୍, ଖାନି ଦର୍ ଜିସୁ ଇଟ୍ତାର୍, ଇୟା ଦର୍ ଖାଦ୍ ଗାର୍ବୁଦୁ ତେବାଇ ଆଗଡ଼ିରାନ୍ନେ ମୁସକୁପୁରତି ଦୁଡ଼ ଇୟା ଦର୍ ସିତାମାର୍ହାଡ଼ ।

୨୨ ଝେନ୍କା ଏସ୍ତିଝାଲେ ମୋସାଦି ନିୟମତାନ୍ ତାନି ଶୁତି ଆନି ସମୟ ପୁରା ଆତାଡ଼, ନାସ୍ତିଝାଲେ ଖାରି କଡ଼ଦିଙ୍ଗ୍ ମାପୁରୁମାନୁ ସିଦେଇଁ ଜିରୁସାଲମ୍ ମନ୍ଦିରତୁ ଅତାର୍

୨୩ ନାସ୍ତିଝାଲେ ଝିଜେରେ ପାର୍ତୁମ୍ ଜନମ୍ ଆତି କଡ଼ର୍ ପ୍ରବୁଦି ନିୟମତାନ୍ ପବିତ୍ର ଇଜି ଝେଙ୍ଗ୍ ନାଁର୍,

୨୪ ପ୍ରବୁଦି ନିୟମତାନ୍ ରାସ୍ତିମାନି ଇୟା ମାଟାଦାନ୍ ଖାରି ଖାନିଙ୍ଗ୍ ପ୍ରବୁଦି ନିୟମତାନ୍ ସର୍ପେକିନି ଉଣ୍ଡିଙ୍ଗ୍ ମାରି ପ୍ରବୁଦି ନିୟମତି ସାସ୍ତଦାନ୍ ରାସ୍ତିମାନି ନିୟମତାନ୍ ରୁଣ୍ଡି ପାର୍ତୁଝାପିଲେକାଙ୍ଗ୍ ପୁଜା କିନି ଉଣ୍ଡିଙ୍ଗ୍ ଖାନିଙ୍ଗ୍ ଜିରୁସାଲମ୍ତୁ ଅତାର୍ ।

ସିମିୟୋନ୍ ମାରି ହାନା ଜିସୁକୁଁ ସୁଡ଼ତୁର୍

୨୫ ମାରି ସୁଡ଼ଦୁ, ଜିରୁସାଲମ୍ତୁ ସିମିୟୋନ୍ ଦର୍ଡି ଅରେନ୍ ଦାମ୍ ମାରି ସାଦୁ ଲୋକା ମାର୍ଆନ୍; ଖାନ୍ ଇସ୍ରାଏଲ୍ତି ରକିୟାକିନିଖାନିଙ୍ଗ୍ ସୁଡ଼ଦେଇଁ କାପକିଜି ମାର୍ଆନ୍, ମାରି ପବିତ୍ର ଆମ୍ବା ଖାନିଝାଲେ ମାର୍ହାଡ଼ ।

୨୬ ପ୍ରବୁ କ୍ରିସ୍ତଙ୍ଗ୍ ସୁଡ଼ିଇତିଙ୍ଗ୍ ଖାନ୍ ଜେ ସାଏନ୍, ପବିତ୍ର ଆମ୍ବା ଖାନିଙ୍ଗ୍ ଇୟା ମାଟା ଝେର୍ତା ମାର୍ହାଡ଼ ।

୨୭ ଖାନ୍ ପବିତ୍ର ଆମ୍ବା ଝେର୍ଡି ଇସାବ୍ତାନ୍ ମନ୍ଦିରତୁ ଖାତାନ୍, ମାରି କଡ଼ ଜିସୁଦି ବୁବାୟାୟା ଏସ୍ତିଝାଲେ ଖାନି ବିସୟତାନ୍ ଜିହୁଦିରି ନିୟମ ଇସାବ୍ତାନ୍ ପାଣି କିନି ଉଣ୍ଡିଙ୍ଗ୍ ଖାନିଙ୍ଗ୍ ମନ୍ଦିର୍ ଲୋଇ ତାତାର୍,

୨୮ ନାସ୍ତିଝାଲେ ସିମିୟୋନ୍ କଡ଼ଦିଙ୍ଗ୍ ଗାଡୁ ଆସ୍ତି ମାପୁରୁଦିଙ୍ଗ୍ ଦନ୍ୟବାଦ୍ କିଜି ଇର୍ହାନ୍,

୨୯ “ଏ ପ୍ରବୁ, ଇଲେଇ ନିନ୍ ନିଜେଦି ବାକ୍ୟଦାନ୍

ନିଜେଦି ଗତିମୁରୁଲିଙ୍ଗ୍ ସାନ୍ତିଦାନ୍ ସଣ୍ଡେଇଁ ସିଜିନି;

୩୦ ଇରିଙ୍ଗ୍ ନା କାଶୁକୁ ନି ରକିୟା ସୁଡ଼ତୁ ମାନାଡ଼,

୩୧ ଆମାକା ନିନ୍ ଝିଜେରି ଲୋକା ଆଗଡ଼ି ତିଆର୍ କିତିମାନି ।

୩୨ ମାରି ଅଣଜିହୁଦି ଲୋକା ଉଣ୍ଡିଙ୍ଗ୍ ସଡ଼ ସାରି ତରନି ଜାୟ ଆନାନ୍,

☆ ୨:୨୧ ଲୁକ ୧:୩୧.

ମାରି ମି ଲୋକା ଇସ୍ରାଏଲ୍‌ଟି ଗୌରବ୍ ଖାଜା କିତିମାନି ।”

୩୩ ଇସ୍ରାଏଲ୍ କଡ଼ି ବିସୟତାନ୍ ଖେରତିମାନି ଓଜୁ ମାଟା ଖେନଜି ଖାନି ବୁବାସିଆଇସି କାବାଆତା ସର୍ହାର୍ ।

୩୪ ମାରି, ସିମିୟୋନ ଖାରିଙ୍ଗ୍ ଆସିର୍ବାଦ୍ କିଜି ଖାନି ଆଇସି ମରିୟମ୍‌ତିଙ୍ଗ୍ ଖେରତାନ୍, “ଇୟା କଡ଼ ଇସ୍ରାଏଲ୍‌ଟି ଲୋକ ନାଣ୍ ଲୋକା ନାସ୍ତୁ ମାରି ନାଣ୍ ଲୋକା ରକିୟା ଉଣ୍ଡିଙ୍ଗ୍ ମାପୁରୁ ମାଣାନ୍ ବାସେଆତା ମାନାନ୍ । ଖାନ୍ ମାପୁରୁମାଣାନ୍ ସିନାଦି ଖାଜା ଆନାନ୍ ।

୩୫ ଏସୋ ଲୋକୁ ଖାନିଙ୍ଗ୍ ବିରଦ୍ କିଜି ନିଜେଦି ଜିବନ୍‌ତୁ ଆଡ଼ାକ୍‌ନିମାନି ମାଟେଙ୍ଗ୍ ଓଜୁ ଖେରନାନ୍ । ଦୁକ୍ ନାନି ଉଣ୍ଡି ଦାରାଦି କୁଡ଼ାମ୍ ମି ନିଜେଦି ଜିବନ୍‌ତିଙ୍ଗ୍ ଗୁଡ଼ନାଡ଼ ।”

୩୬ ମାରି, ଖାଦ୍ ଆସେର କୁରୁମ୍‌ତି ପିନୁୟେଲଦି ଗାଡ଼ସି । ହାନା ଦରତି ଅରେଡ଼୍ ଅସେ ନାଲ୍‌ଗି ବାସେକ୍‌ତି ତକ୍ତି ମାରୁଆଡ଼, ଖାଦ୍ ଅରେଡ଼୍ ବାବବାଦିନି ମାରୁଆଡ଼ । ପେଡ଼ି ଆତାଦ ସାଡ଼ବାସୁଁ କନ୍‌ଲି ଖାଲେ ମାରୁଇ ଖେନକା ରାଣ୍ଡି ଆତାଡ଼ ।

୩୭ ଖାଦ୍ ମନ୍ଦିରତିଙ୍ଗ୍ ଡ଼ିସି ସଲ୍‌ଏଜି ମାରୁଆଡ଼, ଉପାସ୍ କିଜି ମାରି ଖେଡେନାଡ଼ା ମାପୁରୁମାନୁ ପାରତନା କିଜିମାରୁଆଡ଼ ।

୩୮ କଡ଼ ଜିସୁ ମନ୍ଦିରତୁ ସିଆଇ ଆନିଖାଲେ ହାନା ଆବେନ୍ ଇଜି ମାପୁରୁଙ୍ଗ୍ ଦନ୍‌ଏବାଦ୍ ସିତାଡ଼ ମାରି ମାପୁରୁ ଜିରୁସାଲମ୍‌ତିଙ୍ଗ୍ ରକିୟା କିନାନ୍ ଇଜି ଏମେକାର୍ ବିସ୍‌ବାସ୍ କିଜି କାପକିଜି ମାରୁଆର୍ ଆୟା ଓଜେରିଙ୍ଗ୍ କଡ଼ି ବିସୟତାନ୍ ଖେରତାଡ଼ ।

ଜୋସେପ ମାରି ମରିୟମ୍ ନାଜରିତୁଡ଼ୁ ଡ଼େସି ସର୍‌ଆର

୩୯ *ଖେନକା ଜୋସେପ୍ ମାରି ମରିୟମ୍ ପ୍ରବୁଦି ନିୟମତାନ୍ ଓଜୁ ପାଣି ଓସ୍‌ତାର୍ ଗାଲିଲିଦୁ, ଖାର୍ ନିଜେଦି ଗାଡ଼ତି ନାଜରିତଦୁ ଡ଼େସି ସର୍‌ହାର୍ ।

୪୦ ମାରି, କଡ଼ ଦିରେ ଦିରେ ପିରଦେଙ୍ଗ୍ ଆସତାନ୍ ମାରି ବୁଦିଦାନ୍‌ବା ପିରଜି ସାଲ୍‌ଜି ଆତାନ୍, ମାରି ମାପୁରୁଦି ଆସିର୍ବାଦ୍ ଖାନି ମୁସ୍‌କୁ ମାର୍‌ହାଡ଼ ।

ମନ୍ଦିରତୁ କଡ଼ ଜିସୁ

୪୧ ଜିସୁଦି ବୁବାୟାୟା ଓଜୁ ବାର୍‌ସେକ୍ ନିସ୍ତାର୍ ପଣ୍ଡୟ ସମୟତୁ ଜିରୁସାଲମ୍‌ତୁ ସଲ୍‌ସି ମାରୁଆର୍ ।

୪୨ ଜିସୁଙ୍ଗୁଁ ବାର ବାର୍‌ସେକ୍ ଆତିଖାଲେ ଖାର୍ ଖାରି ରିତିଦାନ୍ ଜିରୁସାଲମ୍‌ତୁ ପଣ୍ଡୟକିଦେଙ୍ଗ୍ ସର୍‌ଆର୍ ।

୪୩ ମାରି ପଣ୍ଡୟତି ଦିନ୍ ଓସ୍‌ତାରୁରୋ ଏସ୍ତିଖାଲେ ଖାର୍ ଡ଼େସିସଲ୍‌ସିମାରୁଆର୍, ନାସ୍ତିଖାଲେ କଡ଼ ଜିସୁ ଜିରୁସାଲମ୍‌ତୁ ତେବାତାନ୍, ମାରି ଖାନି ବୁବାୟାୟା ଆକା ନେସ୍‌ତେଙ୍ଗ୍ ଆର୍‌ଏତାର୍ ।

୪୪ ମାତର ଜିସୁ ସଙ୍ଗ୍ ଲୋକାଖାଲେ ଅରସେ ମାନାନ୍ ଇଜି ଅଡ଼ବିତାର୍ ଖାର୍ ଅର୍‌ନେଟି ସାରି ସର୍‌ଆର୍, ମାରି ଇଣ୍ଡି_ଣି ଲୋକାମାନୁ ମାରି ନେସ୍‌ତି ଲୋକାମାନୁ ଜିସୁଙ୍ଗୁଁ ପଇଜି ଅତାର୍,

୪୫ ମାରି ଜିସୁଙ୍ଗୁଁ ପଏତାରୁନୋ ପଇଜି ପଇଜି ଜିରୁସାଲମ୍‌ତୁ ମାରିଡ଼େସି ସର୍‌ଆର୍ ।

୪୬ ମୁନେଟି ଖେନକା ଖାର୍ ଜିସୁଙ୍ଗୁଁ ମନ୍ଦିରତୁ ପଇତାର୍; ଖାନ୍ ଦାମ୍‌ଗୁରୁରି ଖାଲେ ବାସ୍‌ତାନ୍‌ନୋ ଖାରି ମାଟା ଖେନଜି ମାରୁଆନ୍ ମାରି ଖାରିଙ୍ଗ୍ ପୁସ୍ ଖେନବାଜି ମାରୁଆନ୍ ।

୪୭ ମାରି ଏସଲୋକ୍ ଖାନି ମାଟା ଖେନଜି ମାରୁଆର୍, ଓଜେରେ ଖାନି ବୁଦିଦିଙ୍ଗ୍ ମାରି ମାଟାଦିଙ୍ଗ୍ କାବାଆଜି ମାରୁଆର୍ ।

୪୮ ଜୋସେପ୍ ମାରି ମରିୟମ୍ ଜିସୁଙ୍ଗୁଁ ସୁଡ଼କ୍ତି କାବା ଆତାର୍, ମାରି ଖାନି ଆଇସି ଖାନିଙ୍ଗ୍ ଇର୍‌ହାଡ଼, “ଏ କଡ଼, ମା ଉଣ୍ଡିଙ୍ଗ୍ ଏକା ଇୟାଖାଜା କିତି ? ସୁଡ଼ଆ, ମି ବୁବା ମାରି ନାନ୍ ନାଣ୍ ସିନ୍ତା କିଜି ନିଙ୍ଗୁଁ ପଇଜିନାପ୍ ।”

୪୯ ଆବେନ୍ ଜିସୁ ଖାରିଙ୍ଗ୍ ଇର୍‌ହାନ୍, “ଏକା ମିର୍ ନାଙ୍ଗୁଁ ପଇଜି ମାହ୍ ଦେର୍ ? ନା ବୁବାଦି ଇଣ୍ଡି_ମାଣ୍ଡେ_ଙ୍ଗ୍ ଯେ ନାଙ୍ଗୁଁ ଅଦିକାର୍ ମାନାଡ଼, ଇକା ଇନିକା ମିର୍ ନେସ୍‌ଜ ମାହ୍ ଦେର୍ ?”

୫୦ ମାତର ଖାନ୍ ଖାରିଙ୍ଗ୍ ଏମେ ମାଟା ଖେରତାନ୍, ଆକା ଖାର୍ ବୁଜାଦେଙ୍ଗ୍ ଆର୍‌ଏତାର୍ ।

୫୧ ଖେନକା ଜିସୁ ଖାରିଖାଲେ ଡ଼େସି ନାଜରିତଦୁ ଖାତାନ୍ ମାରି ଖାନ୍ ଖାରି ଓଜୁ ମାଟା ମାନାତାନ୍; ମାରି, ଖାନି ଆଇସି ଇୟାଓଜୁ ମାଟା ନିଜେଦି ମାନ୍ ଲୋକ ଇଡ଼ଜି ସିନ୍ତା କିତାଡ଼ ।

୫୨ ମାରି, ଜିସୁ ବୁଦିଦୁ ମାରି ମେନ୍‌ଲ୍‌ତୁ, ମାରି ମାପୁରୁମାନୁ ମାରି ଲୋକା ଦୟାଦାନ୍ ପିରଦେଙ୍ଗ୍ ଆସ୍‌ତାନ୍ ।

୩

ତୁବନ୍‌ସିନି ଯୋହନତି ପ୍ରଚାର୍
(ମାତିଉ ୩:୧-୧୨; ମାର୍କ ୧:୧-୮; ଜୋହନ ୧:୧୯-୨୮)

☆ ୨:୩୯ ମାତିଉ ୨:୨୩.

୧ ଡିବିରିୟା କାଉସରଦି ସାସନକିଜି ମାର୍ଜ ଖାଲେରି ପନ୍ଦର ବାର୍ଷେକତି ମାଟା, ଏସ୍ତ୍ରାଲେ ସାସନକିନି ପନ୍ତିୟ ପିଲାଡ଼ ଜିହୁଦା ଦେସ୍ତୁ ପେରିରାଜା ମାର୍ଥାନ ମାରି ହେରୋଦ ଗାଲିଲିଦି ପେରିରାଜା, ମାରି ଖାନି ତଡ଼ାନ ପିଲିପ୍ପ ଇତୁରିୟା ମାରି ତ୍ରାକନିଦି ଦେସ୍ତୁ ପେରିରାଜା ମାର୍ଥାର, ମାରି ଲୁସାନିୟା ଅବିଲିନି ଦେସ୍ତୁ ପେରିରାଜା ମାର୍ଥାନ ।

୨ ମାରି ହାନାନ ମାରି କୟାପା ଓଜେରିଙ୍ଗପେରି ଜାଜକର୍ ମାର୍ଥାର, ନାସ୍ତ୍ରାଲେ ମାପୁରୁଦି ବାକ୍ୟ ସୁନ୍ସାନ୍ ବାଡ଼ିଦୁ ଜିକରିୟଦି ମାରିସି ଜୋହନ ଲାକ୍ତୁ ଇଗା ଖାତାଡ଼ ।

୩ ଆବେଟ୍ ତୁବନ୍ ସିନି ଜୋହନ ଜର୍ଦନ ଗାଡାଦି ଲାକ୍ତୁରି ଓଜୁ ରାଜିତରିଶୁ ସଲ୍ସି, “ପାପ୍ତାନ ମନ୍ତିଙ୍ଗ ଡେପ୍ସି ତୁବନ୍ଅତୁ ଇଜି ଖେରତେଙ୍ଗ ଆସ୍ତାନ,”

୪ ଏଣେସ୍ ଜିସାଇୟ ବାବବାଦିଦି ସାସ୍ତୁ ରସ୍ତାମାନତା,

“ସିମ୍ବାବାଡ଼ିଦୁ ନାଶ୍ ଆଉଲିଆଜିମାନି ଅରେନ୍ଖାନି ବଲ୍,

ପ୍ରବୁଦି ସାରି ତିଆର୍ କିଦୁ,

ଖାନି ସାରି ସାଡ଼କୁ କିଦୁ;

୫ ଓଜୁ ରିଆଙ୍ଗିଦି ଗରନ୍ତି ଗୁଟାଦି ବାଡ଼ିଦୁ ବର୍ତ୍ କିଆନାଡ଼,

ମାରି ଓଜୁ ପେରି ଗରକ୍ ମାରି ଇସ୍ତ୍ର ଗରକ୍ ସାର୍ଦିନେ,

ବାକୁଲି ସାରିଓଜୁ ସାଡ଼କୁ ଆନାଡ଼,

ମାରି ଗୁଟାଟେମୁଦି ବୁମି ସାର୍ଦିଜି ସାରିଦି ଖାଜା ଆନାଡ଼;

୬ ମାରି, ଓଜୁ ଲୋକୁ ମାପୁରୁଦି ରକିୟା ସୁଡ଼ନୁର୍ ।”

୭ *ମାରି, ଖାନିମାନୁ ତୁବନ୍ ଅତେଙ୍ଗ ଇଜି ସସି ଖାଜିମାନି ଓଜୁଲୋକାଙ୍ଗ୍ ସୁଡ଼ୁ ଇର୍ଆନ୍, “ଏ ବିସ୍ମାନି ସାରାସ୍ତି କୁଟୁମ୍, ମାପୁରୁଦି ଖାଜିମାନି ରିସାଦାନ୍ ଉର୍କୁତେଙ୍ଗ ଇଜି ଏନ୍ ମିଙ୍ଗ୍ ଖେରତାନ୍ ?

୮ *ମିର୍ ପୁରା ଜିବନ୍ତିଙ୍ଗ୍ ସଡ଼ତାନ୍ ପାପ୍ ପାଣିଦାନ୍ ମନ୍ ଡେପ୍ତି ମାନିଦେର୍, ଇକା ମି ନେଗି ପାଣିଦାନ୍ ତର୍ତୁ; ମାରି, ଅବ୍ରାହାମ ମା ବୁବା, ମୋନ୍ତୁ ମୋନ୍ତୁ ବା ଇୟାଖାଜା ଇନ୍ମାଟ୍; ଇରିଙ୍ଗ୍ ନାନ୍ ତୋ ମିଙ୍ଗ୍ ଇଜିନା, ମାପୁରୁ ଇୟା କାଲ୍କାଣ୍ଡକୁ ବା ଅବ୍ରାହାମତି କୁଟୁମ୍ ତିଆର୍କିଦେଙ୍ଗ୍ ଆଟ୍ନାନ୍ ।

୯ *ମାରି, ମାରାକା ମଦଲ୍କୁ କାଡ଼ତେଙ୍ଗ୍ ଇଜି ପାଡ଼ିସି ତିଆର୍କିତା ଇଟ୍ତାମାନାର୍; ମାରି, ଏମେ ମାରାନ୍ ନେଗି ପଲ୍ ଆସ୍ଏଡ଼, ଆୟାଓଜୁ ମାରାକାଙ୍ଗ୍ କାଡ଼ନାର ରୋ ସିସୁଦୁ ପୋକ୍ନାର ।”

୧୦ ଆବେଟ୍ ଲୋକ୍ ଓଜେରେ ଖାନିଙ୍ଗ୍ ଖେନ୍ବାତାର୍, “ଆରିଙ୍ଗ୍ ମାପ୍ ଇନିକା କିନାପ୍ ?”

୧୧ ଜୋହନ ଖାରିଙ୍ଗ୍ ଇର୍ଆନ୍, “ଆମାଖାନିଙ୍ଗ୍ ରୁଶ୍ଟି ଆଙ୍ଗ୍ ମାନେ, ଖାନ୍ ଆମାଖାନିଙ୍ଗ୍ ଇନିକା ସିଲେଡ଼, ଖାନିଙ୍ଗ୍ ଉଶ୍ଟି ସିପିନ୍ ମାରି ଆମାଖାନିଙ୍ଗ୍ କାଦି ମାନାଡ଼, ଖାନ୍ ଆଇଖାନିଙ୍ଗ୍ ଆବେ ମିସାକିପିନ୍ ।”

୧୨ *ମାରି ଏସ ସିସୁର୍ ଲୋସ୍ନିକାର୍ ବା ତୁବନ୍ ଅତେଙ୍ଗ ଇଜି ଖାଡ଼ିକାର୍ ଖାନିଙ୍ଗ୍ ଖେନ୍ବାତାର୍, “ଏ ଗୁରୁ, ମାପ୍ ଇନିକା କିନାପ୍ ?”

୧୩ ମାରି ଜୋହନ ଖାରିଙ୍ଗ୍ ଖେରତାନ୍, “ମି ଉଶ୍ଟିଙ୍ଗ୍ ଏସୋ ଲୋସ୍ନି ନିୟମ୍ ମାନାଡ଼ ନାସ ଲୋସ୍ତୁ, ତାନି ବାଦୁଲ୍ ନାଶ୍ ଲସ୍ମାଟ୍ ।”

୧୪ ସନ୍ୟର୍ ବା ଜୋହନତିଙ୍ଗ୍ ଖେନ୍ବାତାର୍, “ମାରି ମାପ୍ ଇନିକା କିନାପ୍ ?”

ଖାନ୍ ଖାରିଙ୍ଗ୍ ଖେରତାନ୍, “ସାକ୍ତିଦାନ୍ ନି ସାଲାକିଦାନ୍ ଏ ଦନ୍ ରେଲ୍ଜ ଅମାଟ୍, ମାରି ମି ଦରମା ତାରୁଙ୍ଗ୍ ଏସ ପଇଜିନିଦେର୍ ନାସଦାନ୍ ଖେଡ଼ିକା ମାଶ୍ଟୁ ।”

୧୫ ଓଜୁ ଲୋକୁ କାପ୍କିଜି ମାର୍ଥାରଆକା, ଜୋହନ ଏମୋ କ୍ରିସ୍ତ ଆନାନ୍, ଇକା ଜୋହନତି ବିସ୍ତାତାନ୍ ଓଜେରେ ନିଜେ ନିଜେଦି ମୋନ୍ତୁ ଅଡ଼ବିଜି ମାର୍ଥାର ।

୧୬ ଆୟାଉଶ୍ଟିଙ୍ଗ୍ ଜୋହନ ଓଜେରିଙ୍ଗ୍ ଇର୍ଆନ୍, “ନାନ୍ ତୋ ମିଙ୍ଗ୍ ଏର୍ତୁ ତୁବନ୍ ସିଜିନା, ମାଡ଼ର୍ ନା ମାଶ୍ନା ଏନ୍ ପେରିକାନ୍, ଖାନ୍ ଖାଜିନାନ୍, ଖାନି ଜୁତେଙ୍ଗ୍ତି ଗାଟି କୁଡ଼ତେଙ୍ଗ୍ ବା ନାନ୍ ଜଗ୍ ସିଲେ; ଖାନ୍ ମିଙ୍ଗ୍ ପବିତ୍ର ଆମ୍ବୁ ମାରି ସିସୁଦୁ ତୁବନ୍ ସିନାନ୍ ।

୧୭ ଖାନି କିୟୁଦୁ ସେରିଜ ମାନାଡ଼, ଆବେଟ୍ ଖାନ୍ କାଡ଼ାତୁମାନି କୁଲିଙ୍ଗ୍ ଚୁଟ୍ନାନ୍ ମାରି ନିଜେଦି କଲ୍କିଦୁ ଉଶ୍ଟାକିନାନ୍ ମାରି କୁଲିଙ୍ଗ୍ ପଟ୍ ଏସକାଙ୍ଗ୍ ନାମଇ ସିସୁଦୁ ଆଡ଼ାକ୍ନା ପୋକ୍ନାନ୍ ।”

୧୮ ଜୋହନ ଇୟାଖାଜା ନାଶ୍ ମାଟା ଖେରସି, ମାରି ରକମ୍ ରକମ୍ତି ଖେଡ଼ିକାଦି ବାକ୍ୟ ଇଜି ଲୋକା ଲାକ୍ତୁ ନେଗିକାରୁର୍ ଖେରତାନ୍ ମାରି ମନ୍ ଡେପ୍ତେଙ୍ଗ୍ ଲୋକାଙ୍ଗ୍ ବୁଜାକିତାନ୍;

୧୯ *ମାଡ଼ର୍ ଜୋହନ ରାଜା ହେରୋଦତିଙ୍ଗ୍ ଆଟ୍ଖାଦାନ୍ ଇଜିମାର୍ଥାନ୍ ଇରିଙ୍ଗ୍ ଖାନ୍ ଖାନି ତଡ଼ାନତି ଆଡ଼ସିଙ୍ଗ୍ ହେରୋଦିଆଦିଙ୍ଗ୍ ପେଡ଼ି ଆତାମାର୍ଥାନ୍ ମାରି ନାଶ୍ ତାରିଜ ପାଣି କିତାମାର୍ଥାନ୍ ।

* ୩:୭ ମାଡ଼ିଉ ୧୨:୩୪; ୨୩:୩୩. * ୩:୮ ଜୋହନ ୮:୩୩. * ୩:୯ ମାଡ଼ିଉ ୭:୧୯. * ୩:୧୨ ଲୁକ ୭:୨୯. * ୩:୧୯ ମାଡ଼ିଉ ୧୪:୩,୪; ମାର୍କ ୬:୧୭,୧୮.

୨୦ ଆୟାଞ୍ଜନା ହେରୋଦ ଜୋହନତିଙ୍କ ଜଇଲତୁ ଇଟ୍ଟାନ୍ନୋ ନିଜେଦି ଝିନ୍ନୁ ତାଗିଇ ପାଣିଦି ଝାଲେ ଇକାବା ମିସାକିତାନ୍ ।

ଜୋହନ ଜିସୁଙ୍କୁଁ ତୁବନ୍ ସିତାନ୍

(ମାତିଉ ୩:୧୩-୧୭; ମାର୍କ ୧:୯-୧୧)

୨୧ ଝିନ୍ନୁ ଲୋକୁ ତୁବନ୍ ଅତି ଝେନକା ଜିସୁ ବା ତୁବନ୍ ଅତାନ୍ । ମାରି ଝାନ୍ ପାରତନା କିନିଝାଲେ ବାଦଡ୍ ରେଆତାଡ୍,

୨୨ *ମାରି ପବିତ୍ର ଆମ୍ବା ପାରଝାଦି ଝାଜା ଝାନି ମେନ୍ଦଲ୍ ମୁସ୍କୁ ଝାଜି ବାସ୍ତାଡ୍; ମାରି, ବାଦଡ୍ତାନ୍ ଇୟା ବଲ୍ ଝାତାଡ୍, “ନିନ୍ନୁ ନା ଲାଡ୍ଡତି ମାରିନ୍, ନିବାନ୍ନୁ ନାନ୍ ନାଣ୍ଡ ଝେଡ୍ଡିକା ।”

ଜିସୁଦି କୁଟୁମ୍

(ମାତିଉ ୧:୧-୧୭)

୨୩ ଜିସୁ ପାଣି ଆରାମ୍ କିତି ସମୟତୁ ଝାନିଙ୍କ୍ ପୁରା ତିରିସ୍ ବାସ୍ତେକ୍ ଆତାମାର୍ଆଡ୍; ଲୋକୁ ଅଡ୍ଡିନି ଇସାବ୍ତାନ୍ ଜିସୁ ଜୋସେପତି ମାରିନ୍, ଜୋସେପ ଏଲିତି ମାରିନ୍,

୨୪ ଏଲି ମଡ୍ଡତାଡ୍ତି ମାରିନ୍; ମଡ୍ଡତାଡ୍ ଲେବିତି ମାରିନ୍, ଲେବି ମଲ୍କିତି ମାରିନ୍, ମଲ୍କି ଜନୟତି ମାରିନ୍, ଜନୟ ଜୋସେପ୍ତି ମାରିନ୍,

୨୫ ଜୋସେପ୍ ମଡ୍ଡତ୍ୟାତି ମାରିନ୍, ମଡ୍ଡତ୍ୟା ଆମୋସତି ମାରିନ୍, ଆମୋସ ନାହୁମତି ମାରିନ୍, ନାହୁମ ହେଲ୍ସିତି ମାରିନ୍, ହେଲ୍ସି ନଗୟତି ମାରିନ୍,

୨୬ ନାଗାୟି ମହତତି ମାରିନ୍, ମହତ ମଡ୍ଡତ୍ୟାତି ମାରିନ୍, ମଡ୍ଡତ୍ୟା ସିମୟତି ମାରିନ୍, ସିମୟି ଜୋସେକତି ମାରିନ୍, ଜୋସେକ ଜୋଦାତି ମାରିନ୍,

୨୭ ଜୋଦା ଜୋହନତି ମାରିନ୍, ଜୋହନ ରେସାଦି ମାରିନ୍, ରେସା ଜିରୁବ୍ବାବେଲତି ମାରିନ୍, ଜିରୁବ୍ବାବେଲ ସଲ୍ଡିୟେଲତି ମାରିନ୍, ସଲ୍ଡିୟେଲ ନେରିଦି ମାରିନ୍,

୨୮ ନେରି ମଲ୍କିଦି ମାରିନ୍, ମଲ୍କି ଅଦିଦି ମାରିନ୍, ଅଦି କୋସାମତି ମାରିନ୍, କୋସାମ ଏଲମ୍ଦାନତି ମାରିନ୍, ଏଲମ୍ଦାନ ଏରଦି ମାରିନ୍,

୨୯ ଏର୍ ଜିହୋସୁୟଦି ମାରିନ୍, ଜିହୋସୁୟ ଏଲିୟେଜରତି ମାରିନ୍, ଏଲିୟେଜର ଜୋରିମତି ମାରିନ୍, ଜୋରିମ ମଡ୍ଡତାଡ୍ତି ମାରିନ୍, ମଡ୍ଡତାଡ୍ ଲେବିତି ମାରିନ୍,

୩୦ ଲେବି ସିମିୟୋନତି ମାରିନ୍, ସିମିୟୋନ ଜିହୁଦାଦି ମାରିନ୍, ଜିହୁଦା ଜୋସେପ୍ତି ମାରିନ୍, ଜୋସେପ୍ ଜୋନାମତି ମାରିନ୍, ଜୋନାମ ଏଲିୟାକିମତି ମାରିନ୍,

୩୧ ଏଲିୟାକିମ ମଲାହତି ମାରିନ୍, ମଲାହ ମନାଦି ମାରିନ୍, ମନା ମଡ୍ଡତାଡ୍ତି ମାରିନ୍, ମଡ୍ଡତା ନାତନତି ମାରିନ୍, ନାତନ୍ ଦାଉଦଦି ମାରିନ୍,

୩୨ ଦାଉଦ ଜେସିଦି ମାରିନ୍, ଜସିୟ ଅବେଦତି ମାରିନ୍, ଅବେଦ ବୟଜତି ମାରିନ୍, ବୟଜ ସେଲହଦି ମାରିନ୍, ସେଲହ ନହସନଦି ମାରିନ୍,

୩୩ ନହସନ ଅମିନାଦବତି ମାରିନ୍, ଅମିନାଦବ ଅଦମିନଦି ମାରିନ୍, ଅଦମିନ ଅଣ୍ଡିଦି ମାରିନ୍, ଅଣ୍ଡି ହେସ୍ରାତି ମାରିନ୍, ହେସ୍ରା ପେରସତି ମାରିନ୍, ପେରସ ଜିହୁଦାତି ମାରିନ୍,

୩୪ ଜିହୁଦା ଜାକୁବଦି ମାରିନ୍, ଜାକୁବ ଇସହାକ୍ତି ମାରିନ୍, ଇସହାକ୍ ଅବ୍ରାହାମତି ମାରିନ୍, ଅବ୍ରାହାମ ତେରହଦି ମାରିନ୍, ତେରହ ନାହରଦି ମାରିନ୍,

୩୫ ନାହର ସରୁଗଦି ମାରିନ୍, ସରୁଗ ରଗୁଦି ମାରିନ୍, ରଗୁ ପେଲଗତି ମାରିନ୍, ପେଲଗ ଏବରତି ମାରିନ୍, ଏବର ସେଲହତି ମାରିନ୍,

୩୬ ସେଲହ କେନାନତି ମାରିନ୍, କିନାନ୍ ଅରପକେଦତି ମାରିନ୍, ଅରପକେଦ ସେମଦି ମାରିନ୍, ସେମ ନହତି ମାରିନ୍, ନୋହ ଲେମକତି ମାରିନ୍,

୩୭ ଲେମକ ମିତୁସେଲହତି ମାରିନ୍, ମିତୁସେଲହ ହନୋକଦି ମାରିନ୍, ହନକ ଜେରଦତି ମାରିନ୍, ଜେରଦ ମହଲଲେଲତି ମାରିନ୍, ମହଲଲେଲ କେନାନତି ମାରିନ୍,

୩୮ କିନାନ୍ ଏନସତି ମାରିନ୍, ଏନସ ସେତତି ମାରିନ୍, ସେତ ଆଦମ୍ତି ମାରିନ୍, ଆଦମ୍ ମାପୁରୁଦି ମାରିନ୍ ।

୪

ଜିସୁଙ୍କୁଁ ସୟତାନ୍ ପରିକା କିତାଡ୍

(ମାତିଉ ୪:୧-୧୧; ମାର୍କ ୧:୧୨-୧୩)

* ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ ୯:୩୫.

୧ ଜିସୁ ପବିତ୍ର ଆତ୍ମାକୁ ପୁରା ମାନଜି ଜର୍ଦନ ଗାଡ଼ତାନ ଡେସି ଖାତାନ ମାରି ପବିତ୍ର ଆତ୍ମା ଖେରତି ଇସାବତାନ ସିମ୍ବା ବାଡ଼ିଦୁ ସର୍ଆନ୍ ମାରି ସାଲିସ୍ ଦିନ୍ ସାହି ସୟତାନ ଖାନିଙ୍ଗ ପରିକା କିଜିମାର୍ଆଡ଼ ।

୨ ଆବେନ୍ ଖାନ ସୟତାନ ମାଣାନ୍ ସାଲିସ୍ ଦିନ୍ ସାହି ପରିକା କିଆୟ୍ ଆତାନ । ଆୟାଞ୍ଜିକୁ ଦିନ୍ତୁ ଖାନ୍ ଇନିକା ବା ଉଣୁଏଣ୍ଗା ତିନ୍ଏଣ୍ଗା ମାର୍ଆନ୍, ମାରି ଆୟାଞ୍ଜିକୁ ନାଣ୍ଡିଙ୍ଗ୍ ଖିଜିତି ଖେନ୍କା, ଜିସୁ ନାଣ୍ଡି ବାଙ୍ଗାଁ ସାତାନ ।

୩ ଆବେଟ୍ ସୟତାନ ଜିସୁଙ୍ଗ୍ ଇର୍ହାଡ଼, “ନିନ୍ ଜଦି ମାପୁରୁଦି ମାରିନ୍, ତୋ ଇୟା କାଲୁଦିଙ୍ଗ୍ ରୁଟି ଆଦେଙ୍ଗ୍ ଆଦେସ୍ ସିଆ ।”

୪ ଜିସୁ ତାନିଙ୍ଗ୍ ଇର୍ଆନ୍, “ଦାମ୍ବୁସାସ୍ତୁ ରାସାତାମାନାଡ଼, ଲୋକୁ ଆବକା ରୁଟିଦାନ୍ ଜିଏନ୍ ।”

୫ ମାରି, ସୟତାନ ଖାନିଙ୍ଗ୍ ଉନ୍ଶ୍ଟି ନିରଇ ଗରନ୍ତି ଟିପୁଦୁ ଅତାଦୋ ସାଣେକତିଙ୍ଗ୍ ସାରାଦୁନିଆଦି ଖିଜୁ ରାଜିଙ୍ଗ୍ ଖାନିଙ୍ଗ୍ ତରତାଡ଼ ।

୬ ମାରି, ସୟତାନ ଖାନିଙ୍ଗ୍ ଇର୍ହାଡ଼, “ନାନ୍ ନିଙ୍ଗ୍ ଆୟାଞ୍ଜିକୁଦି ଅଦିକାର୍ ସିନା ମାରି ଦନ୍ ସିନା, ଇରିଙ୍ଗ୍ ଇୟାଞ୍ଜିକୁ ନାଙ୍ଗ୍ ଆକା ସର୍ପେଆତା ମାନାଡ଼, ମାରି ନାନ୍ ଏଙ୍ଗ୍ ବଦା କିନା, ଖାନିଙ୍ଗ୍ ଆକା ସିନା ।

୭ ମାରି, ନିନ୍ ମେଣ୍ଡେଙ୍ଗ୍ ଗଟକିଜି ନାଙ୍ଗ୍ ମାଡ଼ିସ୍କିନି, ଆଦେଙ୍ଗ୍ ଇୟାଞ୍ଜିକୁ ନିଦି ଆନାଡ଼ ।”

୮ ଜିସୁ ଇର୍ହାନ୍, “ଦାମ୍ବୁସାସ୍ତୁ ରାସାତାମାନାଡ଼, କେବଲ୍ ନି ପ୍ରୁ ମାପୁରୁଙ୍ଗ୍ ମାଡ଼ିସ୍ କିଆ ମାରି ଖାନି ସେବା କିଆ ।”

୯ ମାରି, ଖାନ ଖାନିଙ୍ଗ୍ ଜିରୁସାଲମତୁ ଅତାଦୋ ମନ୍ଦିରତି ସାଡ଼ ମୁସ୍କୁରି ଟିପୁଦୁ ନିଲ୍ପିସ୍କିଜି ଖାନିଙ୍ଗ୍ ଖେରତାଡ଼, “ନିନ୍ ଜଦି ମାପୁରୁଦି ମାରିନ୍, ଆତିଙ୍ଗ୍ ଇବେଣ୍ଡୁ ଆଡ଼ଗି ଗାଡ଼ଆ ।

୧୦ ଇରିଙ୍ଗ୍ ଦାମ୍ବୁସାସ୍ତୁ ରାସାତାମାନାଡ଼, ନିଙ୍ଗ୍ ଜିପିସ୍ କିଦେଙ୍ଗ୍ ମାପୁରୁ ନି ସାକା ଅତେଙ୍ଗ୍ ମୁସ୍କୁପୁରତି ଦୁଡ଼କାଙ୍ଗ୍ ଆଦେସ୍ ସିନାନ୍ ।

୧୧ ମାରିବା ରାସାତା ମାନାଡ଼, ଏସ୍ତିଖାଲେ ନି ପାଦାମ୍ କାଲୁଦୁ ଆଟନାଡ଼, ଇୟାଞ୍ଜିଙ୍ଗ୍ ଖାକ୍ ନିଙ୍ଗ୍ କିକାଣ୍ଡୁ ପେରଜିଆସ୍ନେ ।”

୧୨ ମାରି, ଜିସୁ ତାନିଙ୍ଗ୍ ଇର୍ଆନ୍, “ଦାମ୍ବୁସାସ୍ତୁ ରାସାତାମାନାଡ଼, ନିନ୍ ପ୍ରୁ ନିଜେଦି ମାପୁରୁଙ୍ଗ୍ ପରିକା କିମା ।”

୧୩ ଜିସୁଙ୍ଗ୍ ସୟତାନ ଖିଜୁକାଡ଼ିଦି ପରିକା ଖିସ୍ତି ଖେନ୍କା ଏସ୍ ବେଡ଼ା ସାହି ଖାନିଙ୍ଗ୍ ଡ଼ିସ୍ତା ସର୍ହାଡ଼ ।

ଜିସୁଦି ସେବାକିନିପାଣି ଆରାମ୍

(ମାଡ଼ିଉ ୪:୧୨-୧୭; ମାର୍କ ୧:୧୪-୧୫)

୧୪ ତାନେ ଖେନ୍କା ଜିସୁ ପବିତ୍ର ଆତ୍ମାଦି ସାଲିଦାନ୍ ଗାଲିଲିଦୁ ଡେସିସର୍ହାନ୍, ମାରି ଗାଲିଲି ସାରିବେଡ଼ିଡ଼ିଦି ଖିଜୁ ରାଜିଦୁ ଖାନି ବିସୟତାନ କାବୁର୍ ଖେଙ୍ଗ୍ ତାନ୍ ।

୧୫ ମାରି, ଜିସୁ ଖାରି ପାରତନାକିନି ଇଲ୍କାଙ୍ଗ୍ ସିକିୟା ସିଜି ଖିଜେରି ମାଣାନ୍ ଦନ୍ୟବାଦ୍ ପଇଦେଙ୍ଗ୍ ଆସ୍ତାନ ।

ଜିସୁଙ୍ଗ୍ ନାଜରିତ୍ତୁ ମାନାଏତାର୍

(ମାଡ଼ିଉ ୧୩:୫୩-୫୮; ମାର୍କ ୬:୧-୬)

୧୬ ଜିସୁ ଏମେ ନାଜରିତ୍ ଗାଡ଼ତୁ ପିରିତା ମାର୍ହାନ୍, ଆୟା ବାଡ଼ିଦୁ ଆୟା ଦାପ୍ରେ ସର୍ଆନ୍ ମାରି ନିଜେଦି ରିତିଦାନ୍ ରମ୍ବିନାଣ୍ଡିଙ୍ଗ୍ ପାରତନା କିନି ଇଲୁଦୁ ଡ଼ିଗ୍ରିତାନ୍, ମାରି ସାସ୍ତ୍ର ପଡ଼ାଦେଙ୍ଗ୍ ନିର୍ଆନ୍ ।

୧୭ ନାସ୍ତିଖାଲେ ଜିସାଲୟ ବାବଦାଦିରି ବଇ ଖାନିଙ୍ଗ୍ ସିତାର୍, ମାରି ଖାନ୍ ଆକା କୁଡ଼ତାନ୍, ଏମେ ଜାଗାଦୁ ଇୟା ବାକ୍ୟ ରାସ୍ତା ମାର୍ଆଡ଼, ଆକା ପଇତାନ୍,

୧୮ ପ୍ରୁଦି ଆମ୍ବା ନା ମାନ୍ ମାନାଡ଼,

“ଇରିଙ୍ଗ୍ କାକୁତ ଲୋକା ଲାକ୍ତୁ ନେଗିକାବୁର୍ ଖେରନ୍ତି ଉଣ୍ଡିଙ୍ଗ୍ ମାପୁରୁ ନାଙ୍ଗ୍ ଆସ୍କିତାମାନାନ୍, ଜଇଲ୍ତୁ ମାନିକାର୍ ମୁକ୍ତାନାର୍ ମାରି

କାଣାରି ଲାକ୍ତୁ ସୁଡ଼ି ବିସୟତିଙ୍ଗ୍ ଖେରତେଙ୍ଗ୍,

ମାରି ଦୁଃକୁକାସୁ ପଇତି ଲୋକାଙ୍ଗ୍ ମୁକ୍ତା କିଦେଙ୍ଗ୍,

୧୯ ମାରି ପ୍ରୁ ଖାନି ଲୋକାଙ୍ଗ୍ ରକିୟା କିନି ସମୟ ଜେ ଇଗା ଖାତାମାନାଡ଼ ଇକା ଖେରତେଙ୍ଗ୍

ଖାନ୍ ନାଙ୍ଗ୍ ପୋକ୍ତାମାନାନ୍ ।”

୨୦ ଖେନ୍କା ଖାନ୍ ବଇ ବନ୍ଧ କିଜ ସେବାକିନିଖାନିଙ୍ଗ୍ ଡେପ୍ସିସିତାନ୍ ନୋ ବାସ୍ତାନ୍, ମାରି ପାରତନା କିନି ଇଲୁଦି ଖିଜେରେ ଖାନିଙ୍ଗ୍ ସୁଡ଼ି ମାର୍ଆର ।

୨୧ ମାରି, ଜିସୁ ଖାରିଙ୍ଗ୍ ଖେରତାନ୍, “ନାନ୍ ବଇଦି ଏମେ ବିସୟ ଇଲେଇ ପଡ଼ାତା, ଆମାକା ମିର୍ ଖେରିଦେର୍ ଦାମ୍ବୁସାସ୍ତୁ ଇୟା ବାକ୍ୟ ଇଲେଇ ନେକ୍କା ଆତାଡ଼ ।”

୨୨ ମାରି, ଓଁଜେରେ ଖାନି ବିସୟତାନ୍ ସାକି ସିଦେଙ୍ଗ୍ ଆସ୍ତାର୍ ମାରି ଖାନି ଖେୟୁଦାନ୍ ଏମେ ନେଗି ମାଟା ସୋସି ମାର୍ଆଡ୍ ଆବେନ୍ନୁ ଓଁଜେରେ କାବାତା ସର୍ହାର୍, ମାରି, ଖାର୍ ଇଣ୍ଡେ_ଙ୍ଗ୍ ଆସ୍ତାର୍, “ଇକାନ୍ ଇନିକା ଜୋସେପ୍ତି ମାରିନ୍ ଆଏନ୍ ?”

୨୩ ଆବେଟ୍ ଖାନି ଖାରିଙ୍ଗ୍ ଖେରତାନ୍, “ମିର୍ ସତେନେ ନାଙ୍ଗ୍ ଇୟା ପାଡ଼ିଇ ବିସୟତି ବାକ୍ୟ ଇନିଦେର୍, ଏ ତାକ୍ଟର୍, ଆଗିଡ଼ି ନିଜେଦିଙ୍ଗ୍ ନେଗେନ୍ କିଆୟାଆ, ମାରି ବା ଇନିଦେର୍ କପରନାହୁମ୍ତୁ ଏମେ ଏମେକା ଗଟାତାମାନାଡ୍ ଇଜି ମାପ୍ ଖେରଆମାନାପ୍, ଆୟାଓଁଜୁ ଇୟା ବାଡ଼ିଦୁ ନିଜେଦି ବୁବାୟାୟାଦି ଗାଡ଼ତୁ ବା କିଆ ।”

୨୪ *ମାରି ଜିସୁ ଖାରିଙ୍ଗ୍ ଇର୍ହାନ୍, “ନାନ୍ ମିଙ୍ଗ୍ ସଡ଼ ଇଜିନା, ଆମା ବାବବାଦିଦିଙ୍ଗ୍ ନିଜେଦି ବୁବାୟାୟାଦି ଗାଡ଼ତୁ ମାନାଏର୍ ।”

୨୫ ମାତର୍ ନାନ୍ ମିଙ୍ଗ୍ ସଡ଼ ଇଜିନା, “ଏଲିୟଦି ସମୟଦୁ ଇସ୍ରାଏଲତୁ ଏସ୍ତ୍ରାଲେ ମୁଣ୍ଡି_ ବାର୍ସେକ୍ ସୋଗୋଟା ଲେଜକୁ ସାନ୍ଧି ବାଦଡ଼ତାନ୍ ପିରୁ ଆଏତାଡ଼ଆକା ଓଁଜୁ ଦେସ୍ତୁ କାଦି ଉଣ୍ଡେଙ୍ଗ୍ ପୁଟ୍ଏତାଡ଼, ନାସ୍ତ୍ରାଲେ ଇସ୍ରାଏଲତୁ ନାଣ୍ଡ ରାଣ୍ଡି ଆଇମେକ୍ ମାର୍ଏ;

୨୬ ମାତର୍ ମାପୁରୁ ଏଲିୟଙ୍ଗ୍ ଆୟାଖାନିକା ଲାକ୍ତୁ ପୋକ୍ଏଣ୍ଡା କେବଲ୍ ସିଦନ୍ ଦେସ୍ତି ସାରିପଡ଼ତୁମାନି ଅରେଡ଼ ରାଣ୍ଡି ଆଇମାଦି ଲାକ୍ତୁ ପୋକ୍ତାନ୍ ।

୨୭ ମାରି, ବାବବାଦି ଇଲିସାୟତି ସମୟତୁ ଇସ୍ରାଏଲତୁ ନାଣ୍ଡ କୁଷ୍ଟରୋଗ୍ ଲୋକ୍ତୁ; ମାରି ଖାରି ମାଣ୍ଡକୁ ଏନ୍ ନେଗେନ୍ ଆଏର୍, କେବଲ୍ ସୁରିଆ ଦେସ୍ତି ନାମାନ ନେଗେନ୍ ଆତା ମାର୍ଆନ୍ ।”

୨୮ ପାର୍ତନା ଇଲୁଦୁ ଇୟାଓଁଜୁ ମାଟା ଖେନ୍ବୁ ଖେନ୍ବୁ ଓଁଜେରେ ଲୋକ୍ତୁ ରିସାଆତାର୍,

୨୯ ମାରି ଖାର୍ ନିଙ୍ଗ୍ ଖାନିଙ୍ଗ୍ ଆୟା ଗାଡ଼ତାନ୍ ସୋପ୍ତାର୍ ମାରି ଖାରି ଗାଡ଼୍ ଏମେ ଗୋରନ୍ ମୁସ୍ତୁ ତିଆର୍ ଆତାମାର୍ଆଡ଼, ଖାର୍ ଗରନ୍ତି ଚିପୁଦାନ୍ ଆଡ଼ଗି ପେଲେକିଦେଙ୍ଗ୍ ଖାନିଙ୍ଗ୍ ଆବେନ୍ନୁ ଅତାର୍;

୩୦ ମାତର୍ ଖାନି ଖାରି ନାଣ୍ଡିରାନ୍ ସତା ସୋର୍ଆନ୍ ।

ଜିସୁ ଦୁବାଆସ୍ତି ଖାନିଙ୍ଗ୍ ନେଗେନ୍ କିତାନ୍

(ମାର୍କ ୧:୨୧-୨୮)

୩୧ ଜିସୁ କପରନାହୁମ୍ ଇନି ଗାଲିଲିଦି ଉଣ୍ଡି_ ଗାଡ଼ତୁ ଖାତାନ୍, ମାରି ରମ୍ନିନାଣ୍ଡିଙ୍ଗ୍ ଲୋକାଙ୍ଗ୍ ସିକିୟା ସିଦେଙ୍ଗ୍ ଆସ୍ତାନ୍,

୩୨ *ମାରି ଖାର୍ ଖାନି ସିକିୟାଦୁ କାବାଆତାର୍, ଇରିଙ୍ଗ୍ ଖାନ୍ ବାକ୍ୟ ଅଦିକାର୍ତି ଖାଲେ ମାଟା ଇଜିମାର୍ଆନ୍ ।

୩୩ ଅରଲେନ୍ ପାର୍ତନା ଇଲୁଦୁ ଅରେନ୍ ଦୁବାଆସ୍ତିମାର୍ଇ ଲୋକ୍ତୁ ମାର୍ଆନ୍, ଖାନ୍ ପେରି ଖେୟୁଦାନ୍ ଆଉଲିଆତାନ୍,

୩୪ ଏ, ନାଜରିତ୍ତୟଦି ଜିସୁ, “ମା ଖାଲେ ନି ଇନିକା ମାନ୍ତା ? ନିନ୍ନୁ ନୋ ମାଙ୍ଗ୍ ସାପିସ୍ କିଦେଙ୍ଗ୍ ଖାଡ଼ିମାନି ? ନିନ୍ନୁ ଏନ୍, ଆକା ନାନ୍ ନେସ୍ନା; ନିନ୍ନୁ ମାପୁରୁଦି ଆୟା ପବିତ୍ର ଲୋକ୍ତୁ ।”

୩୫ ଜିସୁ ତାନିଙ୍ଗ୍ ଆଦ୍ରିସ୍ କିଜି ଇର୍ହାନ୍, “ଆଲ୍ଲଜ ମାନ୍ଆ, ଖେନିମାଣ୍ଡକୁ ସହସି ସାଙ୍ଗ୍ଆ ।” ଆବେଟ୍ ଆୟା ଦୁବା ଖାନିଙ୍ଗ୍ ଓଁଜେରି ଆଗିଡ଼ି ଆରାପ୍ତାଦୋ ଖାନିଙ୍ଗ୍ ଇନିକା କିଏଣ୍ଡା ଖାନିମାଣ୍ଡକୁ ସତା ସରଆଡ଼ ।

୩୬ ଆବେଟ୍କୁ ଓଁଜେରେ କାବାତାରୋ ନିଜେ ନିଜେଦିମାନ୍ ଇନିଞ୍ଜି ସାତାର୍, “ଇକା ଇନି ମାଟା ? ଖାନ୍ ଅଦିକାର୍ ମାରି ସାକ୍ତିଦାନ୍ ଆଦେସ୍ ସିନାନ୍ ତାଗ୍ଲ ଦୁବେଙ୍ଗ୍ ମାରି ଖାକ୍ ସଅନେ ସନେ ।”

୩୭ ଆବେଟ୍ ଜିସୁ ବିସୟତାନ୍ ଇୟା କାବୁର୍ ଓଁଜୁତରିଚି ରାଜିଦୁ ଖେଙ୍ଗ୍ ତାଡ଼ ।

ଜିସୁ ନାଣ୍ଡ ଲୋକାଙ୍ଗ୍ ନେଗେଣ୍ଡୁ କିତାନ୍

(ମାତିଉ ୮:୧୪-୧୭; ମାର୍କ ୧:୨୯-୩୪)

୩୮ ଖେନ୍କା ଜିସୁ ପାର୍ତନା ଇଲୁଦାନ୍ ନିଙ୍ଗ୍ ସିମୋନ୍କା ଇଣ୍ଡୁ_ ସୋର୍ଆନ୍ । ସିମୋନ୍କା ମିନିସିଙ୍ଗ୍ ନାଣ୍ଡ ନବ୍ ଆତାମାରାଡ଼, ମାରି ଖାର୍ ତାନି ବିସୟତାନ୍ ଖାନିଙ୍ଗ୍ ଖେରତାର୍ ।

୩୯ ଆବେଟ୍ ଖାନ୍ ତାନି ଲାକ୍ତୁ ନିର୍ଆନ୍ନୋ ନବ୍ତିଙ୍ଗ୍ ଆଦ୍ରିସ୍ତାନ୍, ମାରି ତାନିଙ୍ଗ୍ ନବ୍ ତ୍ରିସ୍ତାଡ଼, ମାରି ଖାଦ୍ ଆୟାଦାପେ ନିଙ୍ଗ୍ ଖାରି ସେବା କିଦେଙ୍ଗ୍ ଆସ୍ତାନ୍ ।

୪୦ ଖେଡ଼ା ସନିଖାଲେ, ଏମେଖାରି ଲାକ୍ତୁ ଆଇ ଆଇ ରୋଗ୍ ଆସ୍ତିମାର୍ଇ ଲୋକ୍ତୁ ମାର୍ଆର୍, ଆୟାଓଁଜେରେ ଖାରିଙ୍ଗ୍ ଖାନି ଲାକ୍ତୁ ତାତାର୍ ମାରି ଖାନ୍ ଓଁଜେରି ମୁସ୍ତୁ କିୟୁ ଇଡ଼ଜି ଖାରିଙ୍ଗ୍ ନେଗେଣ୍ଡୁ କିତାନ୍ ।

୪୧ ମାରି, ଦୁବେଙ୍ଗ୍ ବା ଆଉଲି ଆଜି ଆଜି ନିନ୍ନୁ ମାପୁରୁଦି ମାରିସି ଇଜି ଇନ୍ଞି ନାଣ୍ଡ ଲୋକା ମାଣ୍ଡକୁ ସୋତେ ସର୍ଏ । ମାରି, ଜିସୁ ଖାରିଙ୍ଗ୍ ଆଦ୍ରିସ୍ କିଜି ଖାର୍ଗିଦେଙ୍ଗ୍ ସିଏତାନ୍, “ଇରିଙ୍ଗ୍ ଖାନ୍ ଜେ କ୍ରିସ୍ତ, ଇକା ଖାକ୍ ନେସ୍ତେ ମାର୍ହେ ।”

* ୪:୨୪ ଜୋହନ ୪:୪୪. * ୪:୩୨ ମାତିଉ ୭:୨୮,୨୯.

ପାର୍ତନା ଇଲ୍ତୁ ଜିସୁ ପ୍ରଚାର କିତାନ
(ମାର୍କ ୧:୩୫-୩୯)

୪୨ ସାଲ୍ଲଦି ଆତାଡ଼ଆକା, ଜିସୁ ଗାଡ଼ତାନ ସୋଅସି ଉଣ୍ଡି ସୁନ୍ସାନ୍ ବାଡ଼ିଦୁ ସୋର୍ଆନ୍; ମାରି, ଲୋକୁ ଓଜେରେ
ଖାନିଙ୍ଗ୍ ପୟଜି ପୟଜି ଖାନ ଲାକ୍ତୁ ଖାତାର, ମାରି ଖାନ୍ ଏଣ୍ଡେସ୍ ଖାରି ଲାକ୍ତୁରାନ୍ ସୋଲ୍ଏନ୍, ଆୟାଉଣ୍ଡିଙ୍ଗ୍ ଖାନିଙ୍ଗ୍
ତେବାକିଦେଙ୍ଗ୍ ବଦାକିତାର ।

୪୩ ମାତର୍ ଖାନ୍ ଖାରିଙ୍ଗ୍ ଇର୍ଆନ୍, “ଆଇ ଆଇ ଗାଡ଼କାଙ୍ଗ୍ ବା ନାଙ୍ଗ୍” ମାପୁରୁଦି ରାଜିଦି ନେଗିକାରୁର୍ ଝେର୍ତେଙ୍ଗ୍
ଆନାଡ଼, ଇରିଙ୍ଗ୍ ଆୟାଉଣ୍ଡିଙ୍ଗ୍ ମାପୁରୁ ନାଙ୍ଗ୍ ପୋକ୍ତା ମାନାନ୍ ।”

୪୪ ମାରି, ଖାନ୍ ଜିହୁଦା ଦେସ୍ତି ପାର୍ତନାକିନି ଇଲ୍ତାଙ୍ଗ୍ ପ୍ରଚାର କିଦେଙ୍ଗ୍ ଆସ୍ତାନ୍ ।



ଜିସୁ ପାର୍ତୁମ୍ ସିସୁରିଙ୍ଗ୍ କୁକ୍ତାନ
(ମାତିଉ ୪:୧୮-୨୨; ମାର୍କ ୧:୧୬-୨୦)

୧ ଅର୍ଲେନ୍ ଜିସୁ ଗିନେସରତ ଗାଡା ପାଡ଼ି ନିର୍ଆ ମାର୍ହାନ୍, ମାରି ଲୋକୁ ମାପୁରୁଦି ବାକ୍ୟ ଝେନ୍‌ଣ୍ଡେଙ୍ଗ୍ ଖାନ
ମୁସ୍‌କୁ ମାର୍‌ସିସାଜି ମାର୍‌ଆର୍ ।

୨ ମାରି, ଜିସୁ ଗାଡାପାଡ଼ି ରୁଣ୍ଡି ତଙ୍ଗେଆଙ୍ଗ୍ ମାନିକା ସୁଡ଼ତାନ୍; ମିନ୍‌କୁଆସ୍‌ନିକାର୍ ଆବେଟ୍‌କୁ ରେସିଝାଜି ଜାଡ଼ି ନର୍‌ଜି
ମାର୍‌ହାର୍ ।

୩ ଆୟା ତଙ୍ଗେଆଙ୍ଗ୍ ମାଣ୍‌କୁ ଏମେମାନ୍‌ ସିମୋନ୍‌ତିଦି ମାର୍‌ହାଡ଼, ଆବେନ୍‌ ଜିସୁ ଏକ୍‌ସି ଆଡ଼ଗିରାନ୍ କାଣ୍ଡେକ୍ ଆକ ସନି
ଉଣ୍ଡିଙ୍ଗ୍ ଖାନିଙ୍ଗ୍ ଝେର୍‌ତାନ୍; ମାରି, ଖାନ୍ ତଙ୍ଗାଁଦୁ ବାସ୍‌ସି ଲୋକାଙ୍ଗ୍ ସିକିୟା ସିଦେଙ୍ଗ୍ ଆସ୍‌ତାନ୍ ।

୪ ଜିସୁ ମାଗା ଇଣ୍ଡେଙ୍ଗ୍ ଓସ୍‌ସି ସିମୋନ୍‌ତିଙ୍ଗ୍ ଇର୍‌ହାନ୍, “ନିର୍‌ଇଗୁମିଦୁ ସୋଲ୍‌ସ ମିନ୍‌କୁ ଆସ୍‌ନି ଉଣ୍ଡିଙ୍ଗ୍ ମି ଜାଡ଼ି
ପୋକ୍‌ତୁ ।”

୫ ସିମୋନ୍ ଇର୍‌ଆନ୍, “ଏ ଗୁରୁ, ମାପ୍ ନାତାଓିଗ୍‌ଜି ଖାନ୍‌ଜି ଏସୋବା ଆସ୍‌ଏତାପ୍; ମାତର୍ ନି ମାଗାଦାନ୍ ନାନ୍ ଜାଡ଼ି
ପୋକ୍‌ନା ।”

୬ ମାରି, ଖାନ୍ ଜାଡ଼ି ପୋକ୍‌ସି ନାଣ୍ଡ ମିନ୍‌କୁ ଆସ୍‌ତାର୍, ମାରି ଖାରି ଜାଡ଼ି ତେଉଦେଙ୍ଗ୍ ଆସ୍‌ତାଡ଼ ।

୭ ଆବେନ୍‌ ଖାରି ଏମେ ସାଙ୍ଗର୍ ଆଇ ତଙ୍ଗାଁଦୁ ମାର୍‌ଆର୍, ଖାନ୍ ଏଣ୍ଡେସ୍ ଖାଜି ସାହାଜ୍ୟ କିନାର, ଆୟା ଉଣ୍ଡିଙ୍ଗ୍ ଖାନ୍
ଖାରିଙ୍ଗ୍ କୁକ୍‌ତାର୍ । ଆବେଟ୍ ଖାନ୍ ଖାଜି ରୁଣ୍ଡି ତଙ୍ଗେଆଙ୍ଗାଁ ଇୟାଝାଜା ମିନ୍‌କୁ ଆସ୍‌ସି ବର୍‌ କିତାର୍ ଜେ, ରୁଣ୍ଡି
ତଙ୍ଗେଆଙ୍ଗ୍ ମୁଡ଼ଗୁଡ଼ି ଖାଜା ଆତେ ।

୮ ମାତର୍ ସିମୋନ୍ ପିତର୍ ଇକା ସୁଡ଼ତୁ ଜିସୁଦି କାଲ୍‌କା ଆଡ଼ଗି ପାଡ଼ଗିଜି ଇର୍‌ହାର୍, “ଏ ପ୍ରୁ, ନା ଲାକ୍‌ତୁରାନ୍ ନିନ୍
ସାଙ୍ଗ୍‌ଆ, ଇରିଙ୍ଗ୍ ନାନ୍ ଅରେନ୍ ପାପି ଲୋକୁ ।”

୯ ଇରିଙ୍ଗ୍ ଖାନ୍ ଆୟା ଦାପ୍ରେ ନିସା ମିନ୍‌କୁ ଆସ୍‌ତାମାର୍‌ହାର୍ ଜେ, ଆକା ସୁଡ଼ତୁ ଖାନ୍ ମାରି ଖାରି ତଡ଼କୁ ଓଜେରେ
କାବାତା ସର୍‌ହାର୍;

୧୦ ମାରି, ଜେବଦିରି ରିଏର୍ ମାର୍‌ସିର୍ ଜାକୁବ ମାରି ଜୋହନ, ଏର୍ ସିମୋନ୍‌ତି ଖାଲେ ମାର୍‌ହାର୍, ଖାନ୍ ବା ଆୟାଝାଜା
କାବାତା ସୋର୍‌ଆର୍ । ମାରି, ଜିସୁ ସିମୋନ୍‌ତିଙ୍ଗ୍ ଇର୍‌ହାନ୍, “ତିଲାମା, ନେର୍‌ହାନ୍ ନିନ୍ ମିନ୍‌କୁ ଆସ୍‌ନି ବାଦ୍‌ଲୁ ଲୋକାଙ୍ଗ୍
ମାପୁରୁ ଲାକ୍‌ତୁ ତାନି ।”

୧୧ ତାନେ ଝେନ୍‌କା ଖାନ୍ ତଙ୍ଗେଆଙ୍ଗ୍ ପାଡ଼ିତାସି ଓଜୁ ଡ଼ିସ୍‌ସି ଜିସୁଖାଲେ ଖାଲେ ସର୍‌ହାର୍ ।

ଜିସୁ ଅରେନ୍ କୁସ୍‌ରୋଗ୍ ଲୋକ୍‌ତିଙ୍ଗ୍ ନେଗେଣ୍ଡୁ କିତାନ
(ମାତିଉ ୮:୧-୪; ମାର୍କ ୧:୪୦-୪୫)

୧୨ ଅର୍‌ସୁ ଜିସୁ ଉଣ୍ଡି ଗାଡ଼ତୁ ମାନିଝାଲେ, ସୁଡ଼ଦୁ, ଅରେନ୍ କୁସ୍‌ରୋଗ୍ ଲୋକୁ ଆୟା ବାଡ଼ିଦୁ ମାର୍‌ହାନ୍, ଖାନ୍ ଜିସୁଙ୍ଗ୍
ସୁଡ଼ତୁ ମୋକମ୍ ପାଡ଼କ୍‌ସି ଜିସୁଙ୍ଗ୍ ମାଡ଼ିସ୍ କିଜି ଇର୍‌ହାନ୍, “ଏ ପ୍ରୁ, ନିନ୍ ଜଦି ବଦା କିନି, ଆତିଙ୍ଗ୍ ନାଙ୍ଗ୍ ନେଗେଣ୍ଡୁ
କିଦେଙ୍ଗ୍ ଆର୍‌ନି ।”

୧୩ ଆବେନ୍‌ ଜିସୁ କିୟ୍ ପେର୍‌ଜି ଖାନିଙ୍ଗ୍ ମୁର୍‌ସି ଇର୍‌ହାନ୍, “ନାନ୍ ବଦା କିଜିନା, ନେଗେଣ୍ଡୁ ଆଆ ।” ଆୟାଦାପ୍ରେ
କୁସ୍‌ରୋଗ୍ ଖାନିମାଣ୍ଡୁ ଆକ ଆତାଡ଼ ।

☆ ୫:୧ ମାତିଉ ୧୩:୧,୨; ମାର୍କ ୩:୯,୧୦; ୪:୧. ☆ ୫:୫ ଜୋହନ ୨୧:୩. ☆ ୫:୭ ଜୋହନ ୨୧:୭.

୧୪ ମାରି, ଜିସୁ ଖାନିଙ୍କ ଆଦେସ୍ ସିଜି ଇର୍ହାନ, “ଏଙ୍ଗବା ଇନିକା ଇନ୍‌ମା, ମାତର୍ ସିଦା ସୋଲ୍‌ସ ଜାଜକଦି ଲାକ୍‌ତୁ ସାଙ୍ଗ୍‌ଆ ମାରି ଖାନ୍ ନିଙ୍ଗ୍ ପରକା କିଜି ସୁଡ଼ିନ୍, ତାନିଝେନ୍‌କା ନିନ୍ ନେଗେନ୍ ଆତିମାନି ଇଜି ଆଇଝାରି ଲାକ୍‌ତୁ ସାକି ସିଦେଙ୍ଗ୍ ଇଜି ମୋସାଦି ସିତିମାନି ନିୟମତାନ୍ ପୁଜା ସିଆ ।”

୧୫ ମାତର୍ ଖାନି ବିସୟତି ମାଟା ମାରି ନାଣ୍ଡ ଝେଙ୍ଗ୍ ତାଡ଼, ମାରି ନାଣ୍ଡ ଲୋକ୍‌କୁ ଝେନି ଉଣ୍ଡିଙ୍ଗ୍ ମାରି ନିଜେ ନିଜେଦି ରୋଗ୍‌ତାନ୍ ନେଗେନ୍ ଆନି ଉଣ୍ଡିଙ୍ଗ୍ ଉଣ୍ଡେ_ମାନୁ ଆଦେଙ୍ଗ୍ ଆସ୍‌ତାର୍;

୧୬ ମାତର୍ ଜିସୁ ସୁନ୍‌ସାନ୍ ବାଡ଼ିଦୁ ମାନ୍‌ଞ୍ଜି ପାର୍‌ତନା କିଜିମାର୍ହାନ ।

ଜିସୁ ଅରେନ୍ ପକ୍‌ୟାଗାତି ରୋଗ୍ ଲୋକ୍‌ତିଙ୍ଗ୍ ନେଗେନ୍ କିତାନ୍

(ମାତିଉ ୯:୧-୮; ମାର୍କ ୨:୧-୧୨)

୧୭ ଅରଲେନ୍ ଜିସୁ ସିକିୟା ସିଜି ମାର୍ହାନ, ମାରି ଗାଲିଲିଦି ଝିଜୁ ନାର୍‌କୁ, ମାରି ଜିହୁଦା ଦେସ୍ ମାରି ଜିରୁସାଲମତାନ୍ ଖାତି ମାହ୍ ପାରୁସି ମାରି ଜିହୁଦି ଦାମ୍‌ଗୁରୁରି ଲାକ୍‌ତୁ ବାସ୍‌ତା ମାର୍ହାର୍, ମାରି, ଖାନ୍ ଏଣ୍ଡେସ୍ ରୋଗିରିଙ୍ଗ୍ ନେଗେନ୍ କିନାନ୍, ଇୟାଉଣ୍ଡିଙ୍ଗ୍ ପ୍ରବୁଦି ସାକ୍ତି ଖାତା ମାନାଡ଼ ।

୧୮ ମାରି ସୁଡ଼ଦୁ, ଏସ ଲୋକ୍‌କୁ ଅରେନ୍ ପକ୍‌ୟାଗାତି ରୋଗ୍ ଲୋକ୍‌ତିଙ୍ଗ୍ କାଟେଲ୍‌ତୁ ପିଣ୍ଡିଜି ତାତାର୍ ଖାନିଙ୍ଗ୍ ଲୋଇ ଅତେଙ୍ଗ୍ ଇଜି ମାରି ଜିସୁ ଆଗଡ଼ି ଇଡ଼ଦେଙ୍ଗ୍ ଇଜି ବଦା କିଜିମାର୍ହାର୍ ।

୧୯ ମାତର୍ ନାଣ୍ଡ ଲୋକ୍‌କୁ ଗୋଲି ଉଣ୍ଡିଙ୍ଗ୍ ଖାନିଙ୍ଗ୍ ଲୋଇ ଅତେଙ୍ଗ୍ ଇଜି ସାରି ପଇଏତାର୍‌ଆକା ଖାର୍ ଇଲୁ ମୁସ୍‌କୁ ଏକ୍‌ତାର୍‌ରୋ ରେକାମ୍‌ତି ଟାଇଲି କୁଡ଼ତାର୍‌ରୋ ବର୍ କିତାର୍ ଆୟା ବର୍‌ଦି ସାରିସିଜି କାଟେଲ୍‌ତି ଖାଲେ ଖାନିଙ୍ଗ୍ ନେଗିନାଣ୍ଡି ବାଡ଼ିଦୁ ଜିସୁଦି ଆଗଡ଼ି ରେପ୍‌ତାର୍ ।

୨୦ ଖାନ୍ ଖାରି ବିସବାସ୍ ସୁଡ଼ଜି ଇର୍ହାନ, “ଏ ମାରିନ୍, ନି ପାପ୍‌ଝିଜୁ କେମା ଆତାମାନାଡ଼ ।”

୨୧ ଆବେଟ୍ ସାସ୍ତ୍ରିର୍ ମାରି ପାରୁସିର୍ ନିଜେ ନିଜେଦିମାନୁ ଖାର୍‌ଗିଜିସାଜି ଇର୍ହାର୍, “ଇକାନ୍ ଜେ ମାପୁରୁଙ୍ଗ୍ ନିଦା କିଜିନାନ୍, ଇକାନ୍ ଏନ୍ ? କେବଲ୍ ମାପୁରୁଙ୍ଗ୍ ଡ଼ିସ୍‌ତିଙ୍ଗ୍ ମାରି ଏନ୍ ପାପ୍‌କେମା କିଦେଙ୍ଗ୍ ଆଟ୍‌ନାନ୍ ?”

୨୨ ମାତର୍ ଜିସୁ ଖାରି ଖାର୍‌ଗିଜିସାନିକା ନେସ୍‌ସି ଖାରିଙ୍ଗ୍ ଇରଆନ୍, ମିର୍ ନିଜେ ନିଜେଦି ମନ୍‌ତୁ ଇନିକା ଖାର୍‌ଗିଜି ସାଜିନିଦେର୍ ?

୨୩ ଇନିକା ଉସାସ୍ ? ନି ପାପ୍‌ଝିଜୁ କେମା ଆତାଡ଼ ଇଜି ଇନିକା, ମାରି, ନିଙ୍ଗ୍‌ଆ, ବୁଲାଆ ଇଜି ଇନିକା ?

୨୪ ମାତର୍ ସାରାଦୁନିଆଦୁ ପାପ୍‌କେମା କିଦେଙ୍ଗ୍ ମନ୍‌ସ୍ୟପୁଡ଼ଦିଙ୍ଗ୍ ଜେ ଅଦିକାର୍ ମାନାଡ଼, ଇକା ଏଣ୍ଡେସ୍ ମିର୍ ନେସ୍‌ତେଙ୍ଗ୍ ଆଟ୍‌ନିଦେର୍ ଇୟାଉଣ୍ଡିଙ୍ଗ୍ ଆୟା ପକ୍‌ୟାଗାତି ରୋଗିଙ୍ଗ୍ ଇର୍ହାନ, “ନାନ୍ ନିଙ୍ଗ୍ ଇଜିନା, ନିଙ୍ଗ୍‌ଆ, ନିଜେଦି ଟାଟି ଆସ୍‌ସି ମି ଇଣ୍ଡ_ସାଙ୍ଗ୍‌ଆ ।”

୨୫ ଆବେଟ୍‌ତାନ୍ ଖାନ୍ ଆୟାଦାପ୍ରେ ଖାରି ଆଗିଡ଼ିରାନ୍, ନିଙ୍ଗ୍‌ଜି, ଏମେ କାଟେଲ୍ ମୁସ୍‌କୁ ଖାନ୍ ତରିତା ମାର୍ହାନ, ଆୟା କାଟେଲ୍ ଆସ୍‌ଇ ମାପୁରୁଙ୍ଗ୍ ଦନ୍‌ସବାଦ୍ ପ୍ରସଂସା କିଜି କିଜି ନିଜେଦି ଇଣ୍ଡ_ସୋର୍ହାନ ।

୨୬ ଆବେଟ୍ ଝିଜେରେ କାବାତାରୋ ମାପୁରୁଙ୍ଗ୍ ଦନ୍‌ସବାଦ୍ ପ୍ରସଂସା କିଦେଙ୍ଗ୍ ଆସ୍‌ତାର୍ ମାରି ନାଣ୍ଡ ଡିଲାତାରୋ ଇର୍ହାର୍, “ନେରୁ ମାପ୍ କାବାଆନି ଗଟ୍‌ଟା ସୁଡ଼ତୁାପ୍ !”

ଜିସୁ ଲେବିଙ୍ଗ୍ କୁକ୍‌ତାନ୍

(ମାତିଉ ୯:୯-୧୩; ମାର୍କ ୨:୧୩-୧୭)

୨୭ ତାନେଝେନ୍‌କା ଜିସୁ ସୋତା ସର୍ହାନନୋ ଲେବି ଦର୍‌ତି ଅରେନ୍ ଖାନିଙ୍ଗ୍ ସିସ୍‌ଟୁ ଲସ୍‌ନି ବାଡ଼ିଦୁ ବାସ୍‌ତି ମାରିକା ସୁଡ଼ଜି ଖାନିଙ୍ଗ୍ ଇର୍ହାନ, “ନା ଝେନ୍‌କା ରାଆ ।”

୨୮ ଆବେଟ୍ ଲେବି ଝିଜୁ ଡ଼ିସ୍‌ତାନ୍‌ନୋ ନିଙ୍ଗ୍‌ଜି ଖାନି ଝେନ୍‌କା ସଣ୍ଡେଙ୍ଗ୍ ଆସ୍‌ତାନ୍ ।

୨୯ ମାରି, ଲେବି ନିଜେଦି ଇନ୍‌ଡ୍ର ଖାନି ଉଣ୍ଡିଙ୍ଗ୍ ଉଣ୍ଡି_ପେରି ବଜି କିତାନ୍, ମାରି ନାଣ୍ଡଲୋକ୍‌କୁ ସିସ୍‌ଟୁ ଲସ୍‌ନିକାର୍ ମାରି ଆଇ ଆଇ ଲୋକ୍‌କୁ ଖାରି ଖାଲେ ଉଣ୍ଡେଙ୍ଗ୍ ବାସ୍‌ତାର୍ ।

୩୦ ✨ଆବେଟ୍ ପାରୁସିର୍ ମାରି ଖାରି ଦଲ୍‌ତି ସାସ୍ତ୍ରିର୍ ଜିସୁଦି ସିସ୍‌ଟୁ ବିରଦ୍‌ତାନ୍ ବାସେ କିଜି ଇଣ୍ଡେ_ଙ୍ଗ୍ ଆସ୍‌ତାର୍, “ମିର୍ ଏକ୍‌ସା ସିସ୍‌ଟୁ ଲସ୍‌ନିକାର୍ ମାରି ପାପିଲୋକା ଖାଲେ ଉଣ୍ଡଞ୍ଜିଡ଼ିଞ୍ଜିନିଦେର୍ ?”

୩୧ ଜିସୁ ଖାରିଙ୍ଗ୍ ଝେର୍‌ତାନ୍, “ନେଗି ଲୋକାଙ୍ଗ୍ ଡାକ୍‌ତର୍‌ମାନୁ ଦର୍‌କାର୍ ସିଲେ, ମାତର୍ ରୋଗ୍‌ଡ଼ି ଲୋକାଙ୍ଗ୍ ଡାକ୍‌ତର୍‌ଡ଼ି ମାନୁ ଦର୍‌କାର୍ ମାନାଡ଼ ।

୩୨ ନାନ୍ ଦାମ୍‌ ଲୋକାଙ୍ଗ୍ କୁକ୍‌ନି ଉଣ୍ଡିଙ୍ଗ୍ ରେଏ, ମାତର୍ ମୋନ୍‌ଡିଙ୍ଗ୍ ଡେପ୍‌ନି ଉଣ୍ଡିଙ୍ଗ୍ ପାପି ଲୋକାଙ୍ଗ୍ କୁକ୍‌ତେଙ୍ଗ୍ ଇଜି ଖାତାମାନା ।”

☆ ୫:୩୦ ଲୁକ ୧୫:୧,୨.

ଉପାସ୍କିନି ବିସୟତାନ୍ ପ୍ରଶ୍ନ

(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ ଏସୋଲୋକ୍ ଜିସୁଙ୍କୁ ଝେନ୍‌ବାତାର, “ତୁବନ୍ ସିନି ଜୋହନତି ସିସୁର୍ ମାରି ଅରସୁ ମାରି ଉପାସ ମାରି ପାରତନା କିନାର୍, ପାରୁସିର୍ ସିସୁର୍ ବା ଆୟାଝାଜା କିନାର୍, ମାତର୍ ନି ସିସୁର୍ ଉଣାର୍‌ତିନାର୍ ।”

୩୪ ଆବେଟ୍ ଜିସୁ ଖାରିଙ୍ଗ୍ ଇର୍‌ଆନ୍, “କାନ୍ୟାମୁରୁଲିରି ଖାଲେ ମୁରୁଲି ମାନିଖାଲେ ମିର୍ ଇନିକା ଖାରିଙ୍ଗ୍ ଉପାସ୍ ତେବାକିଦେଙ୍ଗ୍ ଆଟ୍‌ନିଦେର୍ ? ମୁଡ୍‌ଟୁକ୍ ସିଲେ ।

୩୫ ମାତର୍ ସମୟ ଖାନାତ୍, ମାରି, ଏସ୍ତିଖାଲେ ଖାରିମାଣାନ୍ ମୁରୁଲିଙ୍ଗ୍ ଝେର୍‌ଏ କିନାର୍, ନାସ୍ତିଖାଲେ ଆୟାଝାଲେ ଖାର୍ ଉପାସ୍ କିନାର୍ ।”

୩୬ ମାରି, ଖାନ୍ ଖାରିଙ୍ଗ୍ ଉଣ୍ଡି କାତାବା ଇର୍‌ଆନ୍, “ଏନ୍ ପୁନି ଖାତିଦି ଇସ୍ତି ଅଟିଦିଙ୍ଗ୍ ଅସି ପାଡ଼ିଲ ଖାତିଦୁ ଗୁଡ୍‌ଏନ୍; ଗୁଡ଼ିଙ୍ଗ୍ ଆୟା ପୁନି ଖାତିଦି ଅଟି ପାଡ଼ିଲ ଖାତିଦିଙ୍ଗ୍ କିଜିସ୍କିନାତ୍, ମାରି ପୁନି ଖାତିଦି ଅଟି ବା ପାଡ଼ିଲ ଖାତିଦି ଖାଲେ ମିସାଏଡ୍ ।

୩୭ ମାରି, ଏନ୍ ପୁନି ଅଙ୍ଗୁର୍ ରସ୍ତିଙ୍ଗ୍ ପାଡ଼ିଲ ସାଟିଦୁ ଇଡ୍‌ଏନ୍; ଜଦି ଇଟ୍‌ତିଙ୍ଗ୍ ପୁନି ଅଙ୍ଗୁର୍‌ରସ୍ ସାଟିଦିଙ୍ଗ୍ ପାଡ଼ିସ୍ କିଜି ପଗନାସୋନାତ୍, ମାରି ସାଟିବା ନାସୁ ଆନାତ୍ ।

୩୮ ମାତର୍ ପୁନି ଅଙ୍ଗୁର୍ ରସ୍ତିଙ୍ଗ୍ ପୁନି ସାଟିଦୁ ଇଡ୍‌ନିକା ମାନାତ୍ ।

୩୯ ମାରି, ଏନ୍ ପାଡ଼ିଲ ଅଙ୍ଗୁର୍ ରସ୍ତିଙ୍ଗ୍ ଉଣାନ୍‌ନୋ ପୁନି ଅଙ୍ଗୁର୍ ରସ୍ତିଙ୍ଗ୍ ଉଣ୍ଡେଙ୍ଗ୍ ବଦା କିଏନ୍, ଇରିଙ୍ଗ୍ ଖାନ୍ ଇନାନ୍, ପାଡ଼ିଲ ଅଙ୍ଗୁର୍ ରସ୍‌ନେ ନେଗିକା ।”



ରମ୍‌ନିଦିନ୍‌ତି ବିସୟତାନ୍ ପ୍ରଶ୍ନ

(ମାତିଉ ୧୨:୧-୮; ମାର୍କ ୨:୨୩-୨୮)

୧ ଅର୍‌ଲେନ୍ ରମ୍‌ନିଦିନ୍‌ତୁ ଜିସୁ ପାସି କିଡ଼ିଲ ସିଜି ସନି ଖାଲେ ଖାନି ସିସୁର୍ ସେରେନ୍‌କୁ ତେଉଜି ତେଉଜି କିମ୍ପୁଦୁ ରାସ୍‌ଲ ତିନ୍‌ଜି ମାହାର୍ ।

୨ ମାତର୍ ପାରୁସିର୍ ମାଣକୁ ଏସ ଲୋକୁ ଇର୍‌ହାର୍, “ରମ୍‌ନିଦିନ୍‌ତୁ ଏମେକା କିଦେଙ୍ଗ୍ ନିୟମ୍ ସିଲେଡ୍, ଆକା ମିର୍ ଏକ୍‌ସା କିଜିନିଦେର୍ ?”

୩ ଜିସୁ ଖାରିଙ୍ଗ୍ ଇର୍‌ହାନ୍, “ଦାଉଦ ମାରି ଖାନି ସାଙ୍ଗର୍ ବାଙ୍ଗାଁ ଆତିଖାଲେ ଖାନ୍ ଇନିକା କିତାମାର୍‌ଆନ୍, ଆକାବା ଇନିକା ମିର୍ ପଡ଼ାଇଦେର୍ ନୋ ?

୪ ଦାଉଦ ଏଣ୍ଡେସ୍ ମାପୁରୁଦି ଇଲୁଡୁ ଡ୍‌ଗ୍‌ଗିତାନ୍‌ନୋ, ଆମା ପୁଜାସିନି ରୁଟି ଜାଜକରିଙ୍ଗ୍ ଡ୍‌ସ୍ତିଙ୍ଗ୍ ମାରି ଏନ୍‌ବା ତିଣ୍ଡେଙ୍ଗ୍ ନିୟମ୍ ସିଲେଡ୍, ଆକା ଅତାନ୍‌ନୋ ତିରାଆ ମାର୍‌ଆନ୍, ମାରି ଖାନି ତଡ୍ ଲୋକାଙ୍ଗ୍ ବା ସିତା ମାର୍‌ଆନ୍ ।”

୫ ମାରି, ଜିସୁ ଖାରିଙ୍ଗ୍ ଇର୍‌ଆନ୍, “ମନୁସ୍ୟପୁତ୍ର ରମ୍‌ନିଦିନ୍‌ତି ପ୍ରବୁ ଆନାନ୍ ।”

କିମ୍ପୁ ଖାରିଦିସରି ଲୋକୁ ନେଗେଣ୍ଡୁ ଆତାନ୍

(ମାତିଉ ୧୨:୯-୧୪; ମାର୍କ ୩:୧-୬)

୬ ଜିସୁ ମାରି ଅର୍‌ଲେନ୍ ରମ୍‌ନିନାଣ୍ଡିଙ୍ଗ୍ ପାରତନା ଇଲୁଡୁ ଡ୍‌ଗ୍‌ଗିତାନ୍‌ନୋ ସିକିୟା ସିଜି ମାର୍‌ଆନ୍, ଆବେଟ୍ ଅରେନ୍ ଲୋକୁ ମାର୍‌ଆନ୍, ଖାନି ଉଣି କିମ୍ପୁ ଖାରିତା ମାର୍‌ଆତ୍ ।

୭ ମାରି, ଖାନ୍ ଏଣ୍ଡେସ୍ ରମ୍‌ନିନାଣ୍ଡିଙ୍ଗ୍ ନେଗେଣ୍ଡୁ କିନାନ୍‌ନୋ ସିଲେ, ଇକା ସୁଡ୍‌ଦେଙ୍ଗ୍ ଇଜି ସାସ୍ତିରି ମାରି ପାରୁସିର୍ ଖାନିଙ୍ଗ୍ ସୁଡ଼ୁଡ଼ି ମାର୍‌ଆର୍, ଏଣ୍ଡେସକି ଖାର୍ ଖାନି ବିରୁଦ୍‌ତାନ୍ ଦୋସ୍ କିଦେଙ୍ଗ୍ ଆଟ୍‌ନାର୍ ।

୮ ମାତର୍ ଖାନ୍ ଖାରି ମନ୍‌ତୁ ଅଡ୍‌ବିନିକା ନେସ୍‌ତାନ୍‌ନୋ, ଏମେ ଲୋକ୍‌ତି କିମ୍ପୁ ଖାରିତା ସୋର୍‌ଆ ମାର୍‌ଆତ୍, ଖାନିଙ୍ଗ୍ ଇର୍‌ଆନ୍, “ନିଙ୍ଗ୍ ଆ, ନାଣ୍‌ମି ନିଲ୍‌ଆ ।” ମାରି, ଖାନ୍ ନିଙ୍ଗ୍‌ଜି ନିର୍‌ଆନ୍ ।

୯ ଆବେଟ୍ ଜିସୁ ଖାରିଙ୍ଗ୍ ଇର୍‌ଆନ୍, “ନାନ୍ ମିଙ୍ଗ୍ ଝେନ୍‌ବାଜିନା, ରମ୍‌ନି ନାଣ୍ଡିଙ୍ଗ୍ ଇନିକା କିଦେଙ୍ଗ୍ ନିୟମ୍ ସିଲେଡ୍ ? ନେଗେନ୍ କିଦେଙ୍ଗ୍ ନୋ ସେଏଣ୍ଡୁ କିଦେଙ୍ଗ୍ ? ଜିବନ୍ ରକିୟା କିନିକା ନୋ ସାପିସ୍‌ନିକା ?”

୧୦ ମାରି, ଜିସୁ ସାରିବେଡ଼ିଡ଼ି ଓଜେରିଙ୍ଗ୍ ସୁଡ଼ୁଜି ଖାନିଙ୍ଗ୍ ଇର୍‌ଆନ୍, “ନି କିମ୍ପୁ ପେର୍‌ଆ ।” ଆବେଟ୍ ଖାନ୍ ଖାନି କିମ୍ପୁ ପେର୍‌ତାନ୍, ମାରି ଖାନି କିମ୍ପୁ ନେଗେନ୍ ଆତାତ୍ ।

୧୧ ମାତର୍ ଖାର୍ ନାଣ୍ଡୁ ରିସା ଆତାର୍, ମାରି ଜିସୁଦି ବିରଦ୍‌ତାନ୍ ଇନିକା କିଦେଙ୍ଗ୍ ଆଟ୍‌ନାର୍, ଆୟା ବିସୟତାନ୍ ନିଜେ ନିଜେଦିମାନ୍ ଖାରିଗିଜି ସାତାର୍ ।

ଜିସୁ ବାରଲୋକ୍ ସିସୁରିଙ୍ଗ୍ ଆସ୍କିତାନ୍

(ମାତିଉ ୧୦:୧-୪; ମାର୍କ ୩:୧୩-୧୯)

୧୨ ଆୟାଞ୍ଜାଲେ ଜିସୁ ଅରଲେନ୍ ପାରତନା କିଦେଙ୍ଗ୍ ଇଜି ଗରନ୍ତୁ ସର୍ଆନ୍ । ଆବେ ମାପୁରୁଦିମାନୁ ପାରତନା କିବୁ କିବୁ ନାଡ଼ାଞ୍ଜିଗ୍ ତେବାତାନ୍ ।

୧୩ ମାରନାଣ୍ଡିଙ୍ଗ୍ ସାଲଦି ଆତାର୍, ଜିସୁ ନିଜେଦି ସିସୁରିଙ୍ଗ୍ ଲାକ୍ତୁ କୁକ୍ସି ଖାରି ମାଣାନ୍ ବାରଲୋକାଙ୍ଗ୍ ଆସକିତାନ୍, ଖାନ୍ ଖାରିଙ୍ଗ୍ ପ୍ରେରିତ ଦର୍ ସିତାନ୍;

୧୪ ଖାର୍ ଆତାର୍, ସିମୋନ, ଆମାଞ୍ଜାନିଙ୍ଗ୍ ଖାନ୍ ପିତର୍ ଇଜି ଦର୍ ସିତାନ୍, ମାରି ଖାନି ତଡ଼ାନ୍ ଆହିୟ, ଜାକୁବ ମାରି ଜୋହନ, ପିଲିପ୍ ମାରି ବାର୍ତଲମି,

୧୫ ମାତିଉ ମାରି ତୋମା, ଆଲପିତି ମାରିସ୍ ଜାକୁବ ମାରି ସିମୋନ, ଆମାଞ୍ଜାନିଙ୍ଗ୍ ଖେଡ଼ିକାକିନିକାନ୍ ଇଜି ଇନାର୍,

୧୬ ଜାକୁବଦି ମାର୍ନି ଜିହୁଦା ମାରି ଇସ୍ତାରିୟୋତିୟ ଜିହୁଦା, ଏନ୍ ଜିସୁଙ୍ଗ୍ ସାତୁରି କିମ୍ପୁ ସପ୍ରେକିତା ସିତାନ୍ ।

ଜିସୁ ସିକିୟା ସିତାନ୍ ମାରି ନେଗେନ୍ କିତାନ୍

(ମାତିଉ ୪:୨୩-୨୫)

୧୭ ମାରି, ଜିସୁ ସିସୁରି ଖାଲେ ଗରନ୍ତାନ୍ ରେସି ଖାତାନ୍ । ମାରି ସାର୍ଦିତି ବୁମିଦୁ ନିଜେଦି ନାଣ୍ଡି ଲୋକୁ ସିସୁରି ଖାଲେ ନିରୁଆନ୍ । ମାରି ଖିଜୁ ଜିହୁଦା ଦେସ୍, ଜିରୁସାଲାମ୍, ମାରି ସାମ୍ବୁରତିପାଡ଼ିଦି ସୋର୍ ନି ସିଦନ୍ ଗାଡ଼ି ନାଣ୍ଡି ଲୋକୁ ଖାନି ଲାକ୍ତୁ ଖାତାର୍ ।

୧୮ ଖାର୍ ଖାନି ବାକ୍ୟ ଖେନ୍ତେଙ୍ଗ୍ ମାରି ନିଜେ ନିଜେଦି ରୋଗ୍ତାନ୍ ନେଗେନ୍ ଆଦେଙ୍ଗ୍ ଖାତା ମାର୍ଆର୍, ମାରି ଏର୍ ତାଗିଇଦୁବେଙ୍ଗ୍ ମାଣ୍ଡୁ କାସ୍ ପଇଜି ମାର୍ଆର୍, ଖାରିଙ୍ଗ୍ ଖାନ୍ ନେଗେନ୍ କିତାନ୍;

୧୯ ମାରି ଲୋକୁ ଖିଜେରେ ଖାନିଙ୍ଗ୍ ମୁର୍ତେଙ୍ଗ୍ ଇଜି ବଦାକିଜି ମାର୍ଆର୍, ମାତର୍ ଖାନିମାଣାନ୍ ସାକ୍ତି ସୋସି ଲୋକାଙ୍ଗ୍ ନେଗେଣ୍ଡି କିଜିମାର୍ଆର୍ ।

ସୁକ୍ ନି ଦୁକ୍

(ମାତିଉ ୫:୧-୧୨)

୨୦ ଆୟାଞ୍ଜାଲେ ଜିସୁ ନିଜେଦି ସିସୁରି ତରିଣ୍ଡି ସୁଡ଼ୁ ଇର୍ଆନ୍,

କାକୁତ୍ ଲୋକୁ ଜେ ମିର୍, ମିର୍ ଦନ୍ୟ,
ଇରିଙ୍ଗ୍ ମାପୁରୁଦି ରାଜି ମିଦି ।

୨୧ ଇଲେଇ ବାଙ୍ଗାଦୁ ମାନିଦେର୍ ଜେ ମିର୍, ମିର୍ ଦନ୍ୟ,
ଇରିଙ୍ଗ୍ ମିର୍ ପଟା ପାଜ୍ନିଦେର୍,

ଇଲେଇ ଆଡ଼ବାଜିନିଦେର୍ ଜେ ମିର୍, ମିର୍ ଦନ୍ୟ,
ଇରିଙ୍ଗ୍ ମିର୍ ସିକ୍ନିଦେର୍ ।

୨୨ ଲୋକୁ ଏସକାଙ୍ଗ୍ ମନ୍ୟସପୁତ୍ର ଉଣ୍ଡିଙ୍ଗ୍ ମିଙ୍ଗ୍ କାଡ଼ନାର୍ ମାରି ଖେର୍ଏ କିନାର୍, ମାରି ନିନ୍ଦା କିନାର୍, ମାରି ମି ଦର୍ଡିଙ୍ଗ୍ ତାଗିଇକା ଇଜି ମାନାଏର୍, ଆରିଙ୍ଗ୍ ମିର୍ ଦନ୍ୟ ।

୨୩ ଆୟା ନାଣ୍ଡିଙ୍ଗ୍ ଖେଡ଼ିକା କିଜି ଗାଡ଼ୁ, ମାତର୍ ସୁଡ଼ୁ, ମି ଉଣ୍ଡିଙ୍ଗ୍ ମୁସକ୍ପୁରୁଦୁ ମି ପୁରସକାର୍ ନାଣ୍ଡି ମାନାଡ଼, ମାରି, ଆୟାଞ୍ଜା ତୋ ଖାରି ପୁର୍ବେଦି ତକ୍ରାଦାଦାର୍ରି ବାବବାଦିରି ଉଣ୍ଡିଙ୍ଗ୍ କିଜିମାର୍ଆର୍ ।

୨୪ ମାତର୍ ଚି, ଦଣ୍ଡ ପଇନି ମାଜନ୍ ଲୋକୁ ଜେ ମିର୍,
ଇରିଙ୍ଗ୍ ମିର୍ ନିଜେ ନିଜେଦି ସୁକ୍ ପଇଜିନିଦେର୍ ।

୨୫ ଚି, ଦଣ୍ଡ ପଇନି ଲୋକୁ ଇଲେଇ ପଟାପାଜ୍ନିଦେର୍ ଜେ ମିର୍,
ଇରିଙ୍ଗ୍ ମିର୍ ବାଙ୍ଗା ଆନିଦେର୍,

ଚି, ଦଣ୍ଡ ପଇନି ଲୋକୁ ଇଲେଇ ସିକ୍ସିନିଦେର୍ ଯେ ମିର୍,
ଇରିଙ୍ଗ୍ ମିର୍ ଏଡ଼କିଆଡ଼ବାନିଦେର୍ ମାରି ଆଡ଼ବାନିଦେର୍ ।

୨୬ ଏସ୍ତ୍ରାଲେ ଲୋକୁ ଖିଜେରେ ମିଙ୍ଗ୍ ଖେଙ୍ଗ୍ କିନାର୍, ନାସ୍ତ୍ରାଲେ ଚି, ମିର୍ ଦଣ୍ଡ ପଇନି ଲୋକୁ; ଆୟାଞ୍ଜା ତୋ ଖାରି ପୁର୍ବେଦି ତକ୍ରାଦାଦାର୍ ବଣ୍ଡ ବାବବାଦିରିଙ୍ଗ୍ ବା ନେଗିକାର୍ ଇଜିମାର୍ଆର୍ ।

ସାତୁରିଙ୍ଗ୍ ଜିବନ୍ନଦୁ

(ମାତିଉ ୫:୩୮-୪୮; ୭:୧୨)

୨୭ ମାତର୍ ଖେନ୍ତେନିଦେର୍ ଜେ ମିର୍, ମିଙ୍ଗ୍ ନାନ୍ ଇଜିନା, ମି ସାତୁରିଙ୍ଗ୍ ଜିବନ୍ନୋଦୁ; ଏର୍ ମିଙ୍ଗ୍ କାଡ଼ନାର୍, ଖାରିଙ୍ଗ୍ ଆସ ବାଦ୍ କିଦୁ;

୨୮ ଏର୍ ମିଙ୍ଗ୍ ଆନାଦୁରିଆ କିନାର୍, ଖାରିଙ୍ଗ୍ ଆସ ବାଦ୍ କିଦୁ; ଏର୍ ମିଙ୍ଗ୍ ନିନ୍ଦା କିନାର୍, ଖାରି ଉଣ୍ଡିଙ୍ଗ୍ ପାରତନା କିଦୁ ।

☆ ୭:୨୨ ୧ ପିତର ୪:୧୪. ☆ ୭:୨୩ ପ୍ରେରିତ ୭:୫୨.

୨୯ ଏନ୍ ମିଙ୍ଗ୍ ଉଣ୍ଡି ବୁଗୁଲିଦୁ ଚାପଡ଼ା ଡାକ୍ତାନାନ୍, ଖାନି ଉଣ୍ଡି ଆଇ ବୁଗୁଲି ବା ତରସୋ ସିଦୁ; ମାରି, ଏନ୍ ମି ସାଦର ଅନାନ୍, ଖାନିଙ୍ଗ୍ ମି ଆଙ୍ଗ୍ ବା ଅତେଙ୍ଗ୍ ମାନା କିମାଟ୍ ।

୩୦ ଏନ୍ ଆପିନ୍ ମିଙ୍ଗ୍ ଇନି ଜିନିସ୍ ଲୋସ୍ନାନ୍, ଖାନିଙ୍ଗ୍ ସିଦୁ; ମାରି, ଏନ୍ ମି ଦନ୍ ଅନାନ୍, ଖାନିମାଣ୍ନା ଆକା ମାରିଡେସି ଲସ୍ମାଟ୍ ।

୩୧ *ଲୋକ୍ ମି ଉଣ୍ଡି ଏଣ୍ଡେସ୍ବା ମାନାପିର୍ ଇଜି ବଦା କିନିଦେର୍, ମିର୍ ଖାରି ଉଣ୍ଡି ଆୟାଞ୍ଜା କିଦୁ ।

୩୨ ମାରି, ଏର୍ ମିଙ୍ଗ୍ ଜିବନ୍ନୋନାର୍, ମିର୍ ଜଦି ଖାରିଙ୍ଗ୍ନେ ଜିବନ୍ନୋତିଙ୍ଗ୍ ମିର୍ ଇନିକା ଦୟା ପଇନିଦେର୍ ? ଇରିଙ୍ଗ୍ ପାପି ଲୋକ୍ ବା ନିଜେ ନିଜେଦି ଲାଡ଼କିନିଖାରିଙ୍ଗ୍ ଲାଡ଼ କିନାର୍ ।

୩୩ ମାରି, ଏର୍ ମିଙ୍ଗ୍ ଆସ୍ ବାଦ୍ କିନାର୍, ଜଦି ମିର୍ କେବଲ୍ ଖାରିଙ୍ଗ୍ନେ ନେଗେନ୍ କିନିଦେର୍, ଆରିଙ୍ଗ୍ ମିର୍ ଇନିକା ଦୟା ପଇନିଦେର୍ ? ଇରିଙ୍ଗ୍ ପାପି ଲୋକ୍ ବା ଆୟାଞ୍ଜା କିନାର୍ ।

୩୪ ମାରି, ଏମେଖାରିମାଣ୍ଡୁ ମି ପଇନି ଆସା ତେବାତାନ୍, ଖାରିଙ୍ଗ୍ନେ ରୁଣ୍ଡୁ ସିତିଙ୍ଗ୍ ମିର୍ ଇନିକା ଦୟା ପଇନିଦେର୍ ? ପାପିଲୋକ୍ ଆକା ସାମାନ୍ତାନ୍ନେ ଡେସି ପଇନି ଉଣ୍ଡି ପାପି ଲୋକାଙ୍ଗ୍ ରୁଣ୍ଡୁ ସିନାର୍ ।

୩୫ ମାତର୍ ମି ସାଡୁରିଙ୍ଗ୍ ଜିବନ୍ନନ୍ଦୁ ମାରି ଖାରିଙ୍ଗ୍ ଆସ୍ ବାଦ୍ କିଦୁ, ମାରିଡେସି ପଇଦେଙ୍ଗ୍ ଆସ୍ ଏଣ୍ଡା ରୁଣ୍ଡୁ ସିଦୁ; ଆଦେଙ୍ଗ୍ ମି ପୁରସ୍ମାର୍ ନାଣ୍ଡୁ ଆନାଡ଼ ମାରି ମିର୍ ପେରି ମାପୁରୁଦି ମାରିନ୍ ଆନିଦେର୍, ଇରିଙ୍ଗ୍ ଖାନ୍ ସାଲ୍ୟାକି ନି ତାଗିଇଖାରି ଉଣ୍ଡି ବା ଦୟା କିନାନ୍ ।

୩୬ ମି ବୁବା ଏଣ୍ଡେସ୍ କାର୍ମୁଦିକାନ୍, ମିର୍ ଆୟାଞ୍ଜା କାର୍ମୁଦିକାର୍ ଆଦୁ ।

ଆଇଖାରିଙ୍ଗ୍ ବିସାର୍ କିମାଟ୍

(ମାତିଉ ୭:୧-୫)

୩୭ “ମାରି, ବିସାର୍ କିମାଟ୍, ଆଦେଙ୍ଗ୍ ମିର୍ ବିଚାରକିଆୟ୍ ଆଇଦେର୍; ଏମେ ଲୋକ୍ତିଙ୍ଗ୍ ବା ଦସ୍ କିମାଟ୍, ଆତିଙ୍ଗ୍ ମିର୍ ଦସି କିଆୟ୍ ଆଇଦେର୍ । ଆଇଖାନିଙ୍ଗ୍ କେମା କିଦୁ, ଆଦେଙ୍ଗ୍ ମିଙ୍ଗ୍ ବା କେମା କିନାନ୍;

୩୮ ଆଇଖାନିଙ୍ଗ୍ ଦାନ୍ ସିଦୁ, ଆଦେଙ୍ଗ୍ ମିଙ୍ଗ୍ ଦାନ୍ ସିନାର୍; ମାପୁରୁ ଅତିଦୁ ପୁରା କିଜି ତାନିଙ୍ଗ୍ ତିଗ୍ଜି ଦୁକ୍ସି ବଡ଼ କିଜି ମି ଅତିଦୁ ସିନାର୍; ଇରିଙ୍ଗ୍ ଏମେ ଅତିଦାନ୍ ଇସାବ୍ କିଜ ଇସାବ୍ କିଦୁ, ଆୟା ଅତିଦାନ୍ ମିଙ୍ଗ୍ ମାରି ଇସାବ୍ କିନାସିନାର୍ ।”

୩୯ *ଜିସୁ ଖାରିଙ୍ଗ୍ ଉଣ୍ଡି ମାଟା ବା ଖେରତାନ୍, ଅରେନ୍ କାଣା ଇନିକା ମାରି ଅରେନ୍ କାଣାଦିଙ୍ଗ୍ ସାରି ତରଡେଙ୍ଗ୍ ଆଟ୍ନାନ୍ ? ଜଦି ଖାନ୍ ଆୟାଞ୍ଜା କିନାନ୍, ଆରିଙ୍ଗ୍, ଖାରି ଇନିକା ରିଏରବା ଗୁଟାଦୁ ଆର୍ଏର୍ ନୋ ?

୪୦ *ଗୁରୁମାଣାନ୍ ସିସୁ ପେରିକାନ୍ ଆଏନ୍; ଇରିଙ୍ଗ୍ ଝିଜେରେ ସିସୁ ସିକିୟା ଅଜାତି ଝେନ୍କା ନିଜେଦି ଗୁରୁଦି ସାମାନ୍ ଆନାନ୍ ।

୪୧ ମାରି, ଏକ୍ସା ମି ତଡ଼ାନ୍ତି କାଣ୍ଡାଦୁ ମାନି ଇସିକାସ୍ତାଦିଙ୍ଗ୍ ସୁଡ଼ୁଜିନିଦେର୍, ମାତର୍ ମି ନିଜେଦି କାଣ୍ଡାଦୁ ଏମେ ପେରି କାସ୍ତା ମାନାଡ଼, ଆକା ଅଡ଼ବିଜି ସୁଡ଼ୁଦେଙ୍ଗ୍ ଆଟ୍ଏଜିନିଦେର୍ ?

୪୨ ନିନ୍ଦୁ ନିଜେଦି କାଣ୍ଡାଦୁ ମାନି ଇସିକାସ୍ତା ସୁଡ଼ୁସୁଣ୍ଡା ଏଣ୍ଡେସ୍ ନିଜେଦି ତଡ଼ାନ୍ତିଙ୍ଗ୍ ଇଣ୍ଡେଙ୍ଗ୍ ଆଟ୍ନି, ତଡ଼ାନ୍, ରାଆ, ନି କାଣ୍ଡାଦୁ ମାନି ଇସିକାସ୍ତା କୁଡ଼ନା ସିନା ? ଏ ପୁଲ୍ୟାପୁଲି କିନିକନ୍ଦେର୍, ଆଗିଡ଼ି ନିଜେଦି କାଣ୍ଡାଦାନ୍ ପେରି କାସ୍ତା କୁଡ଼ସ୍ ପୋକ୍ଆ, ତାନିଝେନ୍କା ନିଜେଦି ତଡ଼ାନ୍ତି କାଣ୍ଡାଦୁ ମାନି ଇସିକାସ୍ତା କୁଡ଼ନି ଉଣ୍ଡି ନେଗ୍ରେଣ୍ଡା ସୁଡ଼ୁଦେଙ୍ଗ୍ ଆଟ୍ନି ।

ମାରାନ୍ ନି ତାନି ପଲ୍

(ମାତିଉ ୭:୧୭-୨୦; ୧୨:୩୩-୩୫)

୪୩ ମାତର୍ ଇୟାଞ୍ଜା ମାରାନ୍ ସିଲେଡ଼, ଆମାକାକି ତାଗିଇ ମାରାନ୍ ନେଗି ପଲ୍ ଆସ୍ଏଡ଼, ବା ନେଗି ମାରାନ୍ ତାଗିଇ ପଲ୍ ଆସ୍ଏଡ଼ ।

୪୪ *ଇରିଙ୍ଗ୍ ଝିଜୁ ମାରାକା ନିଜେଦି ପଲ୍ଦାନ୍ ତିନିସ୍ନାର୍; ସାମ୍ମାରାନ୍ତାନ୍ ତୋ ଲୋକ୍ ତଗା କୟ୍ଏର୍, ମାରି ସାମ୍ ଦୁପାଦାନ୍ ଅଙ୍ଗୁରକୋଡ଼ି କୟ୍ଏର୍ ।

୪୫ *ଅରେନ୍ ନେଗି ଲୋକ୍ଦି ମୋନ୍ ଲୋଇ ନେଗି ବିସୟ୍ ଉଣ୍ଡାତିମାନିକା, ଆଦେଙ୍ଗ୍ ଖାନି ମୋନ୍ ଲୋଇରାନ୍ ନେଗି ବିସୟ୍ ସୋନାଡ଼ । ମାତର୍ ଅରେନ୍ ତାଗିଇ ଲୋକ୍ଦି ମୋନ୍ ଲୋଇ ତାଗିଇ ବିସୟ୍ ଉଣ୍ଡାତିମାନିକା, ଆଦେଙ୍ଗ୍ ଖାନି ମୋନ୍ ଲୋଇରାନ୍ ତାଗିଇ ବିସୟ୍ ସୋନାଡ଼, ଅରେନ୍ ଲୋକ୍ଦି ମୋନ୍ ଲୋଇ ଆମାକା ତେବାତାନ୍, ଖାନ୍ ଆକା ଇନାନ୍ ।

ରୁଣ୍ଡି ରକମ୍ତି ଇଲ୍କୁ ତରନିକାର୍

(ମାତିଉ ୭:୨୪-୨୭)

☆ ୭:୩୧ ମାତିଉ ୭:୧୨. ☆ ୭:୩୯ ମାତିଉ ୧୫:୧୪. ☆ ୭:୪୦ ମାତିଉ ୧୦:୨୪,୨୫; ଜୋହନ ୧୩:୧୭; ୧୫:୨୦. ☆ ୭:୪୪ ମାତିଉ ୧୨:୩୩. ☆ ୭:୪୫ ମାତିଉ ୧୨:୩୪.

୪୬ “ମାରି, ମିର ଏକା ନାହିଁ ପ୍ରଭୁ, ପ୍ରଭୁ ଇଜି କୁକ୍ଷିନିଦେର, ମାତର ନା ମାଟା ମାନାଈଜିନିଦେର ?

୪୭ ଏନ୍‌ଆପିନ୍ ନା ଲାକ୍‌ତୁ ଖାଜି ନା ମାଟା ଖେନଞ୍ଜି ଆୟାଞ୍ଜିକୁ ମାନାନାର, ଖାନ୍ ଏଖାଜା ଆନାନ୍, ଆକା ନାନ୍ ମିଙ୍ଗି ଖେରନା ।

୪୮ ଖାନ୍ ଇୟାଖାଜା ଅରେନ୍ ଇଲୁ ତିଆରକିନି ଲୋକୁ ଖାଜା, ଖାନ୍ ନାଶ୍ଟ ଗୁଟା କିଜି କାର୍‌ନାନନୋ ମୁଲକାଲୁ ମୁସ୍‌କୁ ବାସାକିନାନ୍; ମାରି, ପିରୁ ଖାଜି, ଏରୁ ଆୟା ଇଲୁଦିଙ୍ଗ ଦେଲେପ୍‌ସୋ ଅତେଙ୍ଗ ନାଶ୍ଟଦାନ୍ ତୁକାତାଡ୍, ମାତର ଆକା ଦୁକ୍‌ତେଙ୍ଗ ଆଟ୍‌ଏତାଡ୍, ଇରିଙ୍ଗ ଇଲୁ ତାଟ୍‌ତାନ୍ ତିଆର ଆତାମାରଆଡ୍ ।

୪୯ ମାତର ଏନ୍ ମାଟା ଖେନଞ୍ଜି ମାନାଏନ୍, ଖାନ୍ ମୁଲକାଲୁ ବାସାକିଏଣ୍ଟା ସିକଲା ମୁସ୍‌କୁ ଇଲୁ ତିଆରକିନି ଲୋକୁ ଖାଜା; ଏରୁ ଆୟା ଇଲୁଦିଙ୍ଗ ନାଶ୍ଟଦାନ୍ ତୁକାତିଙ୍ଗ, ଆୟାଦାପ୍ରେ ଇଲୁ ଖିରଜିତାଡ୍ ମାରି ତାନି ଖିରଜିତିକା ବୟଙ୍ଗାର ଆତାଡ୍ ।”



ଜିସୁ ଅରେନ୍ ରୋମିୟଦୁ ପାଣିକିନିଖାନିଙ୍ଗ ନେଗେନ୍ କିତାନ୍

(ମାତିଉ ୮:୫-୧୩)

୧ ଜିସୁ ଲୋକାଙ୍ଗ ନିଜେଦି ଖିଲୁ ମାଟା ଖେରତି ଖିସତି ଖେନକା କପରନାହୁମ୍‌ତୁ ସୋରଆନ୍ ।

୨ ଆୟା ଖେଡାଦୁ ଅରେନ୍ ରମିୟ ନେତାଦି ଗତିମୁରୁଲି ନବ୍ ଆଜି ସାନି ଖାଜା ଆତାମାର୍‌ହାନ୍, ଖାନ୍ ଖାନିଙ୍ଗ ନାଶ୍ଟ ଜିବନ୍‌ନୋଜି ମାରଆନ୍ ।

୩ ଖାନ୍ ଜିସୁଦି ମାଟା ଖେନଞ୍ଜି, ଖାନ୍ ଖାଜି ଖାରି ଗତିମୁରୁଲି ଜିବନ୍ ରକିୟା କିଦେଙ୍ଗ, ଇୟାଉଣ୍ଟିଙ୍ଗ ଖାରି ଲାକ୍‌ତୁ ଜିହୁଦିର ଏସ ପେରି ନେତାରିଙ୍ଗ ପକ୍‌ସି ଖାନିଙ୍ଗ ଖାଦେଙ୍ଗ ଇର୍‌ହାନ୍ ।

୪ ଖାନ୍ ଜିସୁ ଲାକ୍‌ତୁ ସଲ୍‌ସି ଖାନିଙ୍ଗ ନାଶ୍ଟ ମାଡିସ୍ କିଜି ଇଶ୍ଟେ_ଙ୍ଗ ଆସ୍‌ତାର, ନିନ୍ ଜେ ଖାରି ଲାକ୍‌ତୁ ଇୟାକା କିନି, ଖାନ୍ ଆବେଟ୍ ଜଗ୍ ଆନାନ୍;

୫ ମାତର ଖାନ୍ ମା ଜାତିଦିଙ୍ଗ ନାଶ୍ଟ ଜିବନ୍‌ନୋନାନ୍ ମାରି ନିଜେ ମା ଉଣ୍ଟିଙ୍ଗ ପାର୍‌ତନା ଇଲୁ ତିଆରକିତା ସିତାମାନାନ୍ ।

୬ ଆବେଟ୍ ଜିସୁ ଖାରି ଖାଲେ ସରଆନ୍ । ଖାନ୍ ଇଡ୍ରୋନାନ୍ ଅଡ୍‌ପ୍ ଆକ ଇତାନ୍‌ନୋ, ସତସେନାପତି ସଙ୍ଗିରିଙ୍ଗ ପକ୍‌ସି ଖାରିଙ୍ଗ ଇର୍‌ହାନ୍, ପ୍ରଭୁ, କାସୁ କିମା, ମାତର ନିନ୍ ଜେ ନା ଇଶ୍ଟ_ ପାଦାମ୍ ଇଡ୍‌ଦେଙ୍ଗ ନାନ୍ ଇୟାଖାଜା ଜୋଗ୍ ସିଲେ;

୭ ମାରି ନାନ୍ ନି ଲାକ୍‌ତୁ ସନ୍‌ଡ୍ରେଙ୍ଗ ନିଜେଦିଙ୍ଗ ଜୋଗ୍ ଅଡ୍‌ବିଏତା; ମାତର ଉନ୍‌ଡ୍ରି ପଦ୍‌ମାଟାଦି ଆଦେସ୍ ଇନ୍‌ଆଁ, ନା ପାଣିକିନିକାନ୍ ନେଗେନ୍ ଆନାସନାନ୍ ।

୮ ମାତର ନାନ୍ ଅରେନ୍‌ଖାନି ଆଡ୍‌ଗିମାନି ମାର୍‌ରିଙ୍ଗ ବା ନା ଅଦିକାର୍‌ତାନ୍ ସନ୍‌ସ ଦଲ୍ ମାନାର; ମାରି, ଅରେନ୍ ଖାନିଙ୍ଗ ଜଦି ନାନ୍ ସାଙ୍ଗିଆ ଇଜି ଆଦେସ୍ ସିତିଙ୍ଗ, ଖାନ୍ ସନାନ୍; ଆଇଖାନିଙ୍ଗ ରାଆ, ଇଜି ଇରିଙ୍ଗ, ଖାନ୍ ଖାନାନ୍; ମାରି, ନା ସାକରତିଙ୍ଗ ଇକା କିଆ, ଇରିଙ୍ଗାଁ ଖାନ୍ ଆକା କିନାନ୍ ।

୯ ଜିସୁ ଇୟାଞ୍ଜିକୁ ମାଟା ଖେନଜି ଖାରି ବିସୟତାନ୍ କାବା ଆତାନ୍, ମାରି ମାର୍‌ଜି ଖାନି ଖେନକା ଖାଜିମାରି ଲୋକାଙ୍ଗ ଇର୍‌ହାନ୍; “ନାନ୍ ମିଙ୍ଗି ସଡ୍‌ଇଜିନା, ଇସ୍‌ଏଲ୍‌ତୁ ବା ନିସା ପେରି ବିସବାସ୍ ପାଏ ଆଏଡ୍ ।”

୧୦ ମାରି, ପୋକ୍‌ତି ମାର୍‌ଜି ଲୋକୁ ଇନ୍‌ଡ୍ରେ ଡେସି ଖାଜି ଗତିମୁରୁଲିଙ୍ଗ ନେଗେନ୍ ଆତିକା ସୁଡ୍‌ତୁାର ।

ଜିସୁ ଅରେଡ୍ ରାଣ୍ଟି ଆଇମାଦି ସାତି କଡ୍‌ଦିଙ୍ଗ ନିକ୍‌ତାନ୍

୧୧ ଆବେଟ୍‌କୁ ଜିସୁ ନାଇନ୍ ଦର୍‌ତି ଗାଡ୍‌ତୁ ସରଆନ୍, ମାରି ଖାନି ସିସୁର ମାରି ନାଶ୍ଟ ଲୋକୁ ଖାନିଖାଲେ ସଲ୍‌ସି ମାରଆର ।

୧୨ ଖାନ୍ ଗାଡ୍ ଲାକ୍‌ତୁ ଇତାନ୍, ସୁଡ୍‌ଦୁ, ଲୋକୁ ଅରେନ୍ ସାତି ଲୋକ୍‌ତିଙ୍ଗ ଡାଣ୍ଟିଆଦୁ ପିଣ୍ଟିଜୋ ତାସିମାରଆର, ଖାନ୍ ନିଜେ ଆଇସିଦି ଅରେନ୍‌ନେ ମାରିସି, ମାରି ଆୟା ଆଇମା ରାଣ୍ଟି; ମାରି, ଗାଡ୍‌ତି ନାଶ୍ଟ ଲୋକୁ ତାନି ଖାଲେ ମାରଆର ।

୧୩ ତାନିଙ୍ଗ ସୁଡ୍‌ଚୁକା ପ୍ରଭୁ ତାନି ମୁସ୍‌କୁ ଦୟାକିଜି ତାନିଙ୍ଗ ଇରଆନ୍, “ଆଡ୍‌ବାମା ।”

୧୪ ମାରି, ଖାନ୍ ଲାକ୍‌ତୁ ସଲ୍‌ସି ଡାଣ୍ଟିଆଦୁ ମୁଟ୍‌ତାନ୍, ମାରି ପିଣ୍ଟି ମାହିଁ କାର୍ ନିରଆର, ଖାନ୍ ଖେରତାନ୍, ଏ ମୁରୁଲି ନାନ୍ ଇଜିନା, ନିଙ୍ଗିଆ ।

୧୫ ଆବେଶାନ୍ ସାତିଲୋକ୍ ନିଙ୍ଗି ବାସ୍‌ତାନ୍, ମାରି ଖାର୍‌ଗିଦେଙ୍ଗ ଆସ୍‌ତାନ୍, ମାରି ଖାନ୍ ଖାନିଙ୍ଗ ଖାନି ଆଇସି କିଦୁ ଆପିସ୍‌କିତାନ୍ ।

୧୬ ଆବେନ୍ ଖିଜେରେ ତିଲାତାର, ମାରି ମାପୁରୁଦି ଦନ୍‌ସବାଦ୍ କିଜି କିଜି ଇନ୍‌ଡ୍ରେଙ୍ଗ ଆସ୍‌ତାର, ମା ଲୋଇରାନ୍ ଅରେନ୍ ପେରି ବାବବାଦି ସତାମାନାନ୍ ମାରି ମାପୁରୁ ନିଜେଦି ଲୋକାଙ୍ଗ ରକିୟା କିଦେଙ୍ଗ ଖାତାମାନାନ୍ ।

୧୭ ମାରି, ଜିସୁ ବିସୟତି ଇୟା ମାଟା ଞ୍ଜିକୁ ଜିହୁଦା ଦେସ୍ ମାରି ଞ୍ଜିକୁ ତରିନ୍ ଖେଙ୍ଗି_ତାଡ୍ ।

ତୁବନ୍‌ସିନି ଜୋହନତି ରିଏର୍ ସିସୁର

(ମାତିଉ ୧୧:୨-୧୯)

୧୮ ଖେନକା ତୁବନ୍‌ସିନି ଜୋହନତି ସିସୁର ଇୟା ବିସୟ ଖାନିଙ୍ଗ ଇର୍‌ହାନ୍ ।

୧୯ ଆବେନ୍ ଜୋହନ ନିଜେଦି ସିସୁରି ଲୋଇ ରିଏରିଙ୍ଗ ଲାକ୍ତୁ କୁକ୍‌ସୋ ମାଲିକ୍ ଲାକ୍ତୁ ଇକା ଇଜି ପୋକ୍‌ତାନ୍, ଆମାକାନ୍ ଖାଦେଙ୍ଗ ଆତା ମାର୍‌ଆର୍, ଆୟା ଲୋକୁ ନିନ୍‌ନେ ନୋ, ନା ମାପ୍ ଆଇଞ୍ଜାନିଙ୍ଗ୍ କାପ୍‌କିନାପ୍ ?

୨୦ ଆୟା ଲୋକୁ ଜିସୁ ଲାକ୍ତୁ ସଲ୍‌ସି ଇର୍ହାନ୍, “ତୁବନ୍‌ସିନି ଜୋହନ ମାଙ୍ଗ୍ ନି ଲାକ୍ତୁ ଇୟାକା ଇଜି ପୋକ୍‌ତାମାନାନ୍, ଆମାକାନ୍ ଖାନିକା ଆତାମାରାଡ୍, ଆୟା ଲୋକୁ ନୋ ନିନ୍, ନା ମାପ୍ ଆଇ ଲୋକ୍‌ତିଙ୍ଗ୍ କାପ୍‌କିନାପ୍ ?”

୨୧ ଆୟା ଖେଡ଼ାଦୁ ଖାନ୍ ଏସୋ ରୋଗ, ବାଦା ମାରି ତାଗ୍‌ଇ ଆମ୍‌ ମାଣ୍‌କୁ ନେଗେଣ୍ଡୁ କିତାନ୍, ମାରି ଏସୋ କାଣାରିଙ୍ଗ୍ କାଣୁକୁ ସୁଡ଼ୁଦେଙ୍ଗ୍ ସାଲ୍ଲି ସିତାନ୍ ।

୨୨ ଜିସୁ ଖାରିଙ୍ଗ୍ ଇର୍ହାନ୍, “ମିର୍ ମିର୍ ଡେସି ସଲ୍‌ସି ଆମାକା ଖିଜୁ ଖେନ୍‌ଜିନିଦେର୍ ମାରି ସୁଡ଼ୁଜିନିଦେର୍, ଆୟାକାଖିଜୁ ଜୋହନତିଙ୍ଗ୍ ଖେରଡ଼ୁ; କାଣା ଲୋକୁ ସୁଡ଼ୁଜିନାନ୍, ମାରି ସଟା ଲୋକୁ ବୁଲ୍‌ଜିନାନ୍, କୁସ୍‌ରୋଗ ଲୋକୁ ନେଗେଣ୍ଡୁ ଆଜିନାନ୍, ବଇରା ଲୋକ୍ ଖେନ୍‌ଜିନାନ୍, ସାତି ଲୋକୁ ନିଙ୍ଗ୍ ଜିନାନ୍, କାକୁତ ଲୋକାମାନୁ ବା ନେଗି କାରୁର୍ ପ୍ରତାର୍ କିଆଇଆଜିନାଡ଼;

୨୩ ମାରି, ଆମାକାନ୍ ନାଙ୍ଗ୍ ନାମ୍‌ଏନ୍, ଖାନ୍ ଦନ୍‌ଏ ।”

୨୪ ଜୋହନତି ସିସୁର୍ ସରଇ ଖେନ୍‌କା ଖାନ୍ ଜୋହନତି ବିସୟତାନ୍ ଲୋକାଙ୍ଗ୍ ଇନ୍‌ଡେଙ୍ଗ୍ ଆସ୍‌ତାନ୍, ମିର୍ ଇନିକା ସୁଡ଼ୁଦେଙ୍ଗ୍ ସିମ୍ବା ବାଡ଼ିଦୁ ସତିସରଇ ମାର୍‌ଇଦେର୍ ? ଇନିକା ଗାଲିଦାନ୍ ଦୁଙ୍ଗ୍ ଜିମାନି ଉଣ୍ଡି ଦେର୍ ନାଡ଼ା ?

୨୫ ଆୟାକା ଆଏତିଙ୍ଗ୍ ମିର୍ ଇନିକା ସୁଡ଼ୁଦେଙ୍ଗ୍ ସତିସରଇ ମାର୍‌ଇଦେର୍ ? ଇନିକା ଦାରାଦି ଆଙ୍ଗ୍ ଆରାଡ଼ିମାନି ଅରେନ୍ ଲୋକ୍‌ତିଙ୍ଗ୍ ? ସୁଡ଼ୁଦୁ, ଆମାକାର୍ ଦାରାଦି ଆଙ୍ଗ୍ ଆରାନାର୍ ମାରି ସୁକ୍‌ତାନ୍ ଜିନାନ୍, ଖାର୍ ରାଜାଦି ମେଡ଼ୁଡ଼ୁ ତେବାନାର୍ ।

୨୬ ନାଙ୍ଗ୍ ଇନ୍‌ଆଁ, ଆୟାକା ଆଏତିଙ୍ଗ୍ ଇନିକା ସୁଡ଼ୁଦେଙ୍ଗ୍ ସହସୋ ସରଇମାର୍‌ଇଦେର୍ ? ଇନିକା ଅରେନ୍ ବାବବାଦିଙ୍ଗ୍‌ନୋ ? ନାନ୍ ମିଙ୍ଗ୍ ସଡ଼ ଇଜିନା, ବାବବାଦି ମାଣାନ୍ ନାଣ୍ଡୁ ପେରିଞ୍ଜାନିଙ୍ଗ୍ ।

୨୭ ଜୋହନତି ବିସୟତାନ୍ ସାସ୍ତ୍ରୁ ରାସାତାମାନାଡ଼, ମାପୁରୁ ଇର୍ହାନ୍, ମାପ୍ ନିଜେ ଦୁଡ଼ତିଙ୍ଗ୍ ମି ଆଗ୍‌ଡ଼ି ପୋକ୍‌ତାମାନାପ୍, ଖାନ୍ ମି ଆଗ୍‌ଡ଼ି ମି ସାରି ତିଆର୍ କିନାନ୍, ଇୟାକାନ୍ ଆୟା ଜୋହନ ।

୨୮ ନାନ୍ ମିଙ୍ଗ୍ ସଡ଼ ଇଜିନା, “ଆଇମାମାନୁ ଜନମ୍‌ଆତି ଲୋଇରାନ୍ ଜୋହନ ମାଣାନ୍ ଆମାକାନ୍ ପେରିକାନ୍ ସିଲେନ୍; ଆତିଙ୍ଗ୍‌ବା ମାପୁରୁଦି ରାଜିଦୁ ଆମାକାନ୍ ଇସିକାନ୍, ଖାନ୍ ଜୋହନତି ମାଣାନ୍ ପେରିକାନ୍ ।”

୨୯ ଆମାକାର୍ ଇୟାଖିଜୁ ମାଟା ଖେନ୍‌ଜି ମାର୍‌ଆର୍, ଖାର୍, ବିସେସ୍‌କିଜି ସିସୁର୍ ଲୋସ୍‌ନିକାର୍, ମାପୁରୁଦି ଟିକ୍ ଦାବିଞ୍ଜି ପୁରାକିଜି ଜୋହନତି ମାଣ୍‌କୁ ତୁବନ୍ ଅତାମାର୍‌ଆର୍ ।

୩୦ ମାତର୍ ପାରୁସିର୍ ନି ଦାମ୍‌ଗୁରୁର୍ ଖାରି ଜିବନ୍ ଉଣ୍ଡିଙ୍ଗ୍ ମାପୁରୁଦି ଉଦେସ୍‌ତିଙ୍ଗ୍ ମାନାଏଣ୍‌ଗା ଜୋହନ ମାଣ୍‌କୁ ତୁବନ୍ ଅଏତା ମାର୍‌ଆର୍ ।

୩୧ ଜିସୁ ମାରି ଇର୍‌ଆନ୍, ଆରିଙ୍ଗ୍ ନାନ୍ “ଇୟା ଆଜିକାଲ୍‌ତି ଲୋକାଙ୍ଗ୍ ଏମେତାନିଞ୍ଜାଲେ ତୁସ୍‌ନା, ମାରି ଖାର୍ ଏଞ୍ଜାଜା ?”

୩୨ ଏମେ କଡ଼ର୍ ସାତା ସାତକାଦୁ ବାସ୍‌ସି ନିଜେନିଜେ କୁକ୍‌ସି ଇନାର୍, ମାପ୍ ମି ଲାକ୍‌ତୁ ପିରଡ଼ି ଉକୁତାପ୍, ମିର୍ ଗାଡ଼ଏତିଦେର୍, ମାପ୍ ଦୁକ୍‌ତି ପାଟା ପାରିତାପ୍, ମିର୍ ଆଡ଼ାବାଇତିଦେର୍, ଖାର୍ ଖାରି ଞ୍ଜାଜା ।

୩୩ ଇରିଙ୍ଗ୍ ତୁବନ୍‌ସିନି ଜୋହନ ଖାଜି ରୁଟି ତିନ୍‌ଏତାନ୍ ମାରି ଅଙ୍ଗ୍‌ରରସ୍ ଉଣ୍ଡିଏତାନ୍, ମାରି ମିର୍ ଇର୍‌ଇଦେର୍, ଖାନ୍ ଦୁବାକାସ୍‌ସିକାନ୍ ।

୩୪ ମନୁସ୍ୟପୁତ୍ର ଖାଜି ଉଣାନ୍ ତିନାନ୍, ମାରି ମିର୍ ଇଜିନିଦେର୍, ସୁଡ଼ୁଦୁ, ଖାନ୍ ଅରେନ୍ ପେଟୁ ନି ମଦୁଆ, ସିସୁର୍ ଲୋସ୍‌ନିଞ୍ଜାରି ମାରି ପାପି ଲୋକା ତଡ଼୍ ।

୩୫ ମାତର୍ ଏମେକାର୍ ମାପୁରୁଦି ରୁଦିଦିଙ୍ଗ୍ ମାନାନାର୍, ଖାରି ଜିବନ୍‌ତୁ ତାନି ସଡ଼ ବିସୟ ପାର୍‌ମାଣ୍‌ଆତାନ୍ ।

ପାରୁସି ସିମନ୍‌କା ଇନ୍‌ଡ଼ୁ ଜିସୁ

୩୬ ମାରି, ପାରୁସିର୍ ମାଣାନ୍ ଅରେନ୍ ଜିସୁଙ୍ଗ୍ ଖାନିଞ୍ଜାଲେ ଉଣ୍ଡେଙ୍ଗ୍ କୁକ୍‌ତାନ୍ । ଆବେନ୍ ଖାନ୍ ପାରୁସିର୍ ଇନ୍‌ଡ଼ୁ ଡ଼ଗୁଜି ଉଣ୍ଡେଙ୍ଗ୍ ବାସ୍‌ତାନ୍ ।

୩୭ ମାରି ସୁଡ଼ୁଦୁ, ଆୟା ଗାଡ଼ୁ ଅରେଡ଼ ପାପି ଆଇମା ମାର୍‌ଆଡ଼; ଜିସୁ ଆୟା ପାରୁସିର୍ ଇନ୍‌ଡ଼ୁ ଉଣ୍ଡେଙ୍ଗ୍ ବାସ୍‌ତା ମାର୍‌ଆନ୍, ଇୟାକା ନେସ୍‌ସି ଖାଡ଼ ଉଣ୍ଡି ସାଟିଦୁ ବାସ୍‌ନା ନିୟୁ ତାତାଡ଼ଦୋ,

୩୮ ଖେନ୍‌କା ତର୍‌ନ୍ ଖାନି ପାଦାମ୍ ଲାକ୍‌ତୁ ନିଲ୍‌ଜି ଆଡ଼ବାଜି ଆଡ଼ବାଜି କାଣୋର୍ ଏର୍‌ତାନ୍ ଖାନି ପାଦାମ୍ ନୋର୍‌ଜି ନିଜେ ତାଲାଦି କୁକୁଟିଦାନ୍ ତେଲ୍‌ଦେଙ୍ଗ୍ ଆସ୍‌ତାଡ଼, ମାରି ଖାନି ପାଦାମ୍‌ତିଙ୍ଗ୍ ନୋଣ୍ଡିଞ୍ଜାଲେ ଆୟା ବାସ୍‌ନା ନିୟୁ ଉସ୍‌ତେଙ୍ଗ୍ ଆସ୍‌ତାଡ଼ ।

☆ ୭:୨୯ ମାଡ଼ିଉ ୨୧:୩୨; ଲୁକ ୩:୧୨. ☆ ୭:୩୭ ମାଡ଼ିଉ ୨୭:୭; ମାର୍କ ୧୪:୩; ଜୋହନ ୧୨:୩.

୩୯ ଆକା ସୁତୁଛି, ଆମା ପାରୁସି ଜିସୁଙ୍କୁ କୁକତା ମାରୁଆନ୍, ଖାନ୍ ମୋନ୍ତୁ ମୋନ୍ତୁ ଇରୁଆନ୍, “ଇକାନ୍ ଜଦି ବାବବାଦି ଆନିମାନିକାଈରୁଇ, ଆରିଙ୍ଗ୍ ଖେନିଙ୍ଗ୍ ଜେ ମୁଟ୍ସିନାଡ୍, ଖାଦ୍ ଏଦ୍ ମାରି ଏଣ୍ଡେସମାରି ଆଇମା, ଖାଦ୍ ଜେ ପାପି ଲୋକ୍ ଇକା ନେସ୍ତାନ୍ ମାହି ।”

୪୦ ଜିସୁ ଖାନିଙ୍ଗ୍ ଇରୁଆନ୍, ସିମୋନ୍, ନିଙ୍ଗ୍ ଉଣ୍ଡି ମାଟା ଇନ୍ତ୍ରେଙ୍ଗ୍ ମାନାଡ୍ । ଖାନ୍ ଇରୁଆନ୍, “ଗୁରୁ ଇନ୍ଥାଁ ।”

୪୧ ଅରେନ୍ ପେରି ମାଜନ୍ ଲୋକ୍ ଲାକ୍ତୁରାନ୍ ରିଏର୍ ଲୋକ୍ ରୁଣ୍ଡୁ ଅତାମାରୁଆର୍; ଅରେନ୍ ପାସ୍ସୋ ଡାବୁଙ୍ଗ୍* ମାରି ଅରେନ୍ ପସାସ୍ ତିନାରି ରୁଣ୍ଡୁ ତାତାମାରୁଆର୍ ।

୪୨ ତେସି ରୁଣ୍ଡୁ ସିଦେଙ୍ଗ୍ ଖାରିଙ୍ଗ୍ ଇନିକା ସିଲେତିଙ୍ଗ୍ ଖାନ୍ ରିଏରି ରୁଣ୍ଡୁ ତ୍ରିସ୍ତାସିତାନ୍ । ଏନ୍ ଖାରି ବାଣାନ୍ ଏନ୍ ଖାନିଙ୍ଗ୍ ନାଣ୍ଡୁ ଜିବନ୍ନୋନାନ୍ ?

୪୩ ସିମୋନ୍ ଇରୁଆନ୍, “ନାନ୍ ଅଡ୍ବିଜିନା,” ଖାନ୍ ଆମାଖାନିନ୍ ନାଣ୍ଡୁ ରୁଣ୍ଡୁ ତ୍ରିସ୍ତାନ୍, ଖାନ୍ ଖାନିଙ୍ଗ୍ ଇରୁଆନ୍, “ନିନ୍ ଟିକ୍ ଖେରୁତି ।”

୪୪ ମାରି, ଖାନ୍ ଆୟା ଆଇମାଦି ଉଣ୍ଡିଙ୍ଗ୍ ମୋକମ୍ ତେପସି ସିମୋନ୍ତିଙ୍ଗ୍ ଇର୍ହାନ୍, “ଇୟା ଆଇମାଦିଙ୍ଗ୍ ସୁତୁଛିନି ? ନାନ୍ ମି ଇନ୍ତ୍ର ଖାତା ନିନ୍ ନା ପାଦାମ୍ତି ଉଣ୍ଡିଙ୍ଗ୍ ଏର୍ ସିଏତି, ମାତର୍ ଇୟାକାଡ୍ କାଣୋର୍ ଏର୍ତାନ୍ ନା ପାଦାମ୍ତିଙ୍ଗ୍ ନୋର୍ଜି ନିଜେ କୁକୁଟିଦାନ୍ ତେଲିତାଡ୍ ।

୪୫ ନିନ୍ ନାଙ୍ଗ୍ ନଣ୍ଡୁ କୁକ୍ସୋ ଅଇତି, ମାତର୍ ନାନ୍ ଲୋଇ ଖାତିଖାଲୋରାନ୍ ଇୟାକାଡ୍ ନା ପାଦାମ୍ ନଣ୍ଡୁଦେଙ୍ଗ୍ ତ୍ରିସ୍ତାଡ୍ ।

୪୬ ନିନ୍ ନା ତାଲାଦୁ ନିୟୁ ଉସ୍ଏତି, ମାତର୍ ଇୟାକାଡ୍ ନା ପାଦାମ୍ତୁ ବାସନା ନିୟୁ ଉସ୍ତାଡ୍ ।

୪୭ ଇୟାଉଣ୍ଡିଙ୍ଗ୍ ନାନ୍ ନିଙ୍ଗ୍ ଇଜିନା, ତେନି ଝିନ୍ତୁ ପାପ୍ କେମା ଆତାମାନାଡ୍, ଇରିଙ୍ଗ୍ ଖାଦ୍ ନାଣ୍ଡୁ ଜିବନ୍ ନତାଡ୍; ମାତର୍ ଏଙ୍ଗ୍ ଅଲପ୍ କେମା ସିଆଇ ଆନାଡ୍, ଖାନ୍ ଅଲପ୍ ଜିବନ୍ନୋନାନ୍ ।”

୪୮ ମାରି, ଜିସୁ ଆୟା ଆଇମାଦିଙ୍ଗ୍ ଇରୁଆନ୍, “ନି ପାପ୍ ଝିନ୍ତୁ କେମା ଆତାମାନାଡ୍ ।”

୪୯ ଆବେନ୍ ଖାନିଖାଲେ ଉଣ୍ଡେଙ୍ଗ୍ ବାସ୍ତି ମାର୍ଜ ଲୋକ୍ ମୋନ୍ତୁ ମୋନ୍ତୁ ଇନ୍ତ୍ରେଙ୍ଗ୍ ଆସ୍ତାର୍, ପାପ୍ ବା କେମା କିଜିନାନ୍ ଜେ ଇକାନ୍ ଏନ୍ ?

୫୦ ମାତର୍ ଜିସୁ ଆୟା ଆଇମାଦିଙ୍ଗ୍ ଇରୁଆନ୍, “ନି ବିସ୍ବାସ୍ ନିଙ୍ଗ୍ ରକିୟା କିତାମାନାଡ୍, ସାନ୍ତିଦାନ୍ ସାଙ୍ଗ୍ଆ ।”

୮

ଜିସୁଖାଲେ ବୁଲାଜିମାରୁହି ଆଇମେକ୍

୧ ଇୟା ଖେନ୍କା ଜିସୁ ଗାଡ୍ ଗାଡ୍କାଙ୍ଗ୍ ମାରି ନାର୍ ନାରକାଙ୍ଗ୍ ଖେରସି ମାପୁରୁଦି ରାଜିଦି ନେଟିକାବୁର୍ ପ୍ରତାର୍ କିଜି ବୁଲାଦେଙ୍ଗ୍ ଆସ୍ତାନ୍, ମାରି ବାରଲୋକ୍ ସିସୁର୍ ଖାନି ଖାଲେ ମାର୍ହାର୍,

୨*ମାରି ଏମେ ଆଇମେକ୍ ମାଣାନ୍ ତାଗ୍ ଥାମ୍ ମାରି ରୋଗ୍ଦାନ ନେଗେଣ୍ଡୁ ଆତେ ମାର୍ଏ, ଖାକ୍ ବା ଖାନିଖାଲେ ମାର୍ଏ, ମରିୟମ୍ ଆମାତାନିଙ୍ଗ୍ ମଗ୍ଦଲିନି ଇଜିମାରୁଆର୍, ଏମେତାନି ମାଣ୍ଡୁକୁ ସାତଗୋଟା ଦୁବେଙ୍ଗ୍ ସପ୍ତା ମାର୍ହାର୍ ।

୩ ହେରୋଦଦି ଗୁମୁସ୍ତା କୁଜାଦି ଆଡି ଜୋହାନା, ସୋସନା, ମାରି ନାଣ୍ଡୁ ଆଇମେକ୍ ଖାନିଖାଲେ ମାନ୍ଜି ନିଜେ ନିଜେଦି ସମ୍ପତ୍ତି ସିଇଜି ଜିସୁ ନି ଖାନି ସିସୁରି ସେବା କିଜିମାର୍ଏ ।

ଝିତୁଝିତ୍ନି କାତା

(ମାତିଉ ୧୩:୧-୯; ମାର୍କ ୪:୧-୯)

୪ ନାଣ୍ଡୁ ଲୋକ୍ ଉଣ୍ଡେ ମାନ୍ ଆଜିମାରି ଗାଡ୍ ଗାଡ୍କାଣ୍ଡୁ ଲୋକ୍ ଖାନି ଲାକ୍ତୁ ଖାତାର୍, ଜିସୁ ଇୟା କାତା ଇର୍ହାନ୍,

୫ ଅରେନ୍ ଝିତୁ ଝିତିନିକାନ୍ ନିଜେଦି ଝିତୁ ଝିତ୍ତେଙ୍ଗ୍ ସତାନ୍ । ଖାନ୍ ଝିତ୍ତୁ ଝିତ୍ତୁ ଏସ୍ତ ସାର୍ଦୁ ଆର୍ତେ ମାରି ପାଦାମ୍ ଆଡ୍ଗି ମାର୍ତାର୍, ମାରି ବାଦଡ୍ତି ପଟିଙ୍ଗ୍ ଆୟାଝିନ୍ତୁ ତିର୍ଏ ।

୬ ମାରି ଏସ୍ ଝିତୁ ଉଣା ସିକ୍ଲମାନି ପିଡିପି ବୁମିଦୁ ଆର୍ତାଡ୍, ମାରି ଗାଜାଆଜି ସିକ୍ଲା ଅଲ୍ ସିଲେତାଡ୍ଆକା ଖାର୍ତାସରାଡ୍ ।

୭ ମାରି ଏସ୍ ଝିତୁ ସାମ୍କା ଦୁପା ଲୋଇ ବା ଆର୍ତାଡ୍, ମାରି ସାମ୍ମାରାକ୍ ତାନି ଖାଲେ ପିରିଜି ଆୟାଝିନ୍ତୁଦିଙ୍ଗ୍ ତିଗିତାଡ୍ ।

୮ ଆୟା ଏସ୍ ଝିତୁ ନେଗି ବୁମିଦୁ ଆର୍ତାଡ୍, ମାରି ପିରିଜି ସୟେ ଗୁଣ୍ଡୁ ପଲ୍ ଆସ୍ତାଡ୍ । ଖାନ୍ ଇକା ଇନ୍ତୁ ଇନ୍ତୁ ନାଣ୍ଡୁ ଆଉଲି ଆଜି ଇରୁଆନ୍, “ଆମାଖାନିଙ୍ଗ୍ ଖେନ୍ତ୍ରେଙ୍ଗ୍ ଗିତଣିଙ୍ଗ୍ମାନେ, ଖାନ୍ ଖେନିନ୍ ।”

କାତାଦି ଉଦେସ୍

(ମାତିଉ ୧୩:୧୦-୧୭; ମାର୍କ ୪:୧୦-୧୨)

* ୭:୪୧ ଉନ୍ତ୍ର ଡାବୁଙ୍ଗ୍ ଅରେନ୍ ଲୋକ୍ତି ଅର୍ଲେଟି କୁଲି ଡାବୁଙ୍ଗ୍ ସାମାନ୍ । ୮:୨ ମାତିଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

୯ ଜିସୁଦି ସିସୁର ଇୟା କାତାଦି ଅର୍ତ୍ତ ଇନିକା ଇଜି ଝେନ୍‌ବାଦେଙ୍ଗ୍ ଆସ୍‌ତାର୍ ।

୧୦ ଆବେଟ୍ ଝାନ୍ ଇର୍ହାନ୍, ମାପୁରୁଦି ରାଜିଦି ଝିଜୁ ବିସୟ ନେସ୍‌ତେଙ୍ଗ୍ ମିଙ୍ଗ୍ ବୁଦି ସିଆତାମାନାଡ୍, ମାତର୍ ଆଇଝାରିଙ୍ଗ୍ କାତାଦାନ୍ ଇଣ୍ଡେଙ୍ଗ୍ ଆନାଡ୍, ଏଣ୍ଡେସ୍ ଝାର୍ ସୁଡ୍‌ବୁ ସୁଡ୍‌ବୁ ସୁଡ୍‌ବୁଦେଙ୍ଗ୍ ଆଟ୍‌ଏର୍ ମାରି ଝେନ୍‌ବୁ ଝେନ୍‌ବୁ ବୁଜାଏର୍ ।

ଜିସୁ ଝିଜୁଝିଜୁନି କାତାଦି ଅର୍ତ୍ତ ବୁଜାକିତାନ୍

(ମାତିଉ ୧୩:୧୮-୨୩; ମାର୍କ ୪:୧୩-୨୦)

୧୧ କାତାଦି ଅର୍ତ୍ତ ଇକା । ଝିଜୁ ମାପୁରୁଦି ବାକ୍ୟ,

୧୨ ମାରି ସାରି ଲାକ୍‌ତୁରି ଝିଜୁ ଇୟାଝାଜା ଲୋକାଙ୍ଗ୍ ବୁଜାକିନାଡ୍, ଏମେକାର୍ ବାକ୍ୟ ଝେନାର୍, ଆୟାଝେନକା ସୟତାନ୍ ଝାଜି, ଏଣ୍ଡେସ୍ ଝାର୍ ବିସ୍‌ବାସ୍ କିଜ ରକିୟା ପୟ୍‌ଏର୍, ଆୟାଝିଣ୍ଡି ଝାରି ଜିବନ୍‌ତାନ୍ ବାକ୍ୟ ତଙ୍ଗାଁ କିନା ଅନାଡ୍ ।

୧୩ ମାରି, ଏମେକାର୍ ବାକ୍ୟ ଝେନଜି ଝେଡିକାଦାନ୍ ମାନାନାର୍, ଝାର୍ ପିଡିପି ବୁମିଦୁ ଆରତିମାନି ଝିଜୁଦି ସାମାନ୍ । ଆୟା ସିକିୟା ଝାରିମାନ୍ ନାଣ୍ଡନେସ୍‌ନି ନେସ୍‌ଇ ମାନିଙ୍ଗ୍, ମାତର୍ ଝାର୍ ଲେଝା ସାଗ୍‌ଏତାଡ୍‌ଆକା ଝାର୍ ଅଡ୍‌ପ୍ ସମୟ ବିସ୍‌ବାସ୍ କିନାର୍ ମାରି ପରିକା ଝେଡାଦୁ ଆରନା ସନାର୍ ।

୧୪ ମାରି, ସାମ୍ ମାରାକ୍ ଲୋଇ ଆରତି ଝିଜୁ ଇୟାଝାଜା ଲୋକାଙ୍ଗ୍ ବୁଜାକିନାଡ୍, ଏମେକାର୍ ବାକ୍ୟ ଝେନାର୍, ମାତର୍ ଦୁନିଆଦି ସିନ୍ତା ମାରି ଦନ ନି ସୁକ୍ ପୟ୍‌ଜି ଜିବୁ ଜିବୁ ତିଗାନା ସନାର୍ । ନେଗି ପଲ୍ ପାଣ୍ଡିସ୍ କିଏର୍ ।

୧୫ ମାରି, ନେଗି ବୁମିଦୁ ଆରତି ଝିଜୁ ଇୟାଝାଜା ଲୋକାଙ୍ଗ୍ ବୁଜାକିନାଡ୍, ଆମାକାର୍ ନେଗେଣାନ୍ ମାରି ନେଗି ଜିବନ୍‌ତୁ ବାକ୍ୟ ଝେନଜି ଆୟାକା ଆସ୍‌ସି ଇଡନାର୍ ମାରି ଡାଟାମ୍‌ତାନ୍ ପଲ୍ ଆସ୍‌ନାଡ୍ ।

ଅଡି ଆଡ୍‌ଗି ଦିଝା

(ମାର୍କ ୪:୨୧-୨୫)

୧୬ *ଆମାକାର୍ ଦିଝା କାସିସ୍ କିଜ ସାଟିଦାନ୍ ପିଡିକ୍‌ସ ଇଡେଏନ୍, ମାରି କାଟେଲ୍ ଆଡ୍‌ଗି ଇଡେଏନ୍, ମାରି ଦିଝା ଇଡ୍‌ନି ବାଡି ମୁସ୍‌କୁ ଇଡନାନ୍, ଏଣ୍ଡେସ୍ ଡ୍‌ଗୁନି ଲୋକ୍ ସୁଡ୍‌ବୁଦେଙ୍ଗ୍ ଆଟ୍‌ନାର୍ ।

୧୭ *ମାତର୍ ଆମାକା ନେସିଇକା, ଇୟାଝାଜା ନେସିଇ ବିସୟ ଇନିକା ସିଲେଡ୍, ମାରି ଆମାକା ଝେଙ୍ଗାଁଜି ତରାଇଆଏଡ୍, ଇୟାଝାଜା ନେସେଇ ବିସୟ ଇନିକା ସିଲେଡ୍ ।

୧୮ *“ମାରି, ଏଣ୍ଡେସ୍ ଝେନଜିନିଦେର୍, ଆୟା ବିସୟତାନ୍ ଜାଗାର୍‌ତା; ଇରିଙ୍ଗ୍ ଆମାଝାନିଦି ମାନାଡ୍, ଝାନିଙ୍ଗ୍ ସିଆଇ ଆନାଡ୍, ମାରି ଆମାଝାନିଙ୍ଗ୍ ସିଲେଡ୍, ଝାନ୍ ଆମାକା ନିଜେଦି ମାନାଡ୍ ଇଜି ମନେକିନାର, ଆୟାକା ବା ଝାନିବାଣାନ୍ ଅଆନାଡ୍ ।”

ଜିସୁଦି ଯାୟା ନି ତଡାନ୍‌କୁ

(ମାତିଉ ୧୨:୪୭-୫୦; ମାର୍କ ୩:୩୧-୩୫)

୧୯ ଜିସୁଦି ଯାୟା ନି ତଡାନ୍‌କୁ ଝାନିଲାକ୍‌ତୁ ଝାତାର୍, ମାତର୍ ଲୋକାଗୋଲିଦି ଉଣ୍ଡିଙ୍ଗ୍ ଝାନି ଝାଲେ ବେଟ୍ ଆଦେଙ୍ଗ୍ ଆଟ୍‌ଏଜି ମାହାର୍ ।

୨୦ ଆବେଟ୍ ଝାନିଙ୍ଗ୍ ଏନ୍ ଅରେନ୍ ଇୟା କାବୁର୍ ସିତାନ୍, ମି ଯାୟା ନି ତଡାନ୍‌କୁ ନି ଝାଲେ ବେଟ୍ ଆଦେଙ୍ଗ୍ ବଦା କିଜି ଆଡ୍‌ରେ ନିଲ୍‌ତାମାନାର୍ ।

୨୧ ମାତର୍ ଝାନ୍ ଝାରିଙ୍ଗ୍ ଇର୍‌ଆନ୍, “ଆମାକାର୍ ମାପୁରୁଦି ବାକ୍ୟ ଝେନାର ମାରି ମାନାନାର୍, ଝାର୍ ନା ଯାୟା ନି ତଡାନ୍‌କୁ ।”

ଜିସୁ ଗାଲି ପିରୁଦିଙ୍ଗ୍ ତିର୍ କିତାନ୍

(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଆୟା ଝେଡାଦୁ ଅର୍‌ନେଣ୍ଡେ ଜିସୁ ମାରି ଝାନି ସିସୁର୍ ଉଣ୍ଡି ତଙ୍ଗାଁଦୁ ଏକ୍‌ତାର୍, ମାରି ଝାନ୍ ଝାରିଙ୍ଗ୍ ଇର୍ହାନ୍, “ରାଦୁ, ସାମ୍‌ଦୁରୁତି ଆୟା ପାଡି ସନାଟ୍ ।” ଆବେଟ୍ ଝାର୍ ଏର୍‌ଜାଜ୍ କୁତାରତିସିତାର୍ ।

୨୩ ମାତର୍ ଝାର୍ ଏର୍‌ଜାଜ୍‌ତୁ ସନି ଝେଡାଦୁ ଝାନ୍ ତରିତାମାହାନ୍ । ଆୟା ଝେଡାଦୁ ସାମ୍‌ଦୁରୁତୁ ଗାଲି ଆତାଡ୍, ମାରି ଝାରି ତଙ୍ଗାଁଦୁ ଏରୁ ପୁରୁନ୍ ଆଦେଙ୍ଗ୍ ଆରାମ୍‌ଆତେ ମାରି ଝାର୍ ବାଦାଦୁ ପଡେଆତାର୍ ।

୨୪ ଆବେନ୍‌ ସିସୁର୍ ଲାକ୍‌ତୁ ଝାଜି ଜିସୁଙ୍ଗ୍ ନିକସି ଇର୍ହାନ୍, “ଏ ଗୁରୁ, ଏ ଗୁରୁ ମାପ୍‌ ସାତାପ୍ ।” ଇବେନ୍‌ ଝାନ୍ ନିଙ୍ଗ୍ ଗାଲି ମାରି ନାଣ୍ଡ ସାମ୍‌ଦୁରୁତି ଏରୁଦିଙ୍ଗ୍ ଆଦ୍‌ରିସ୍‌ତାନ୍, ମାରି ଆୟାଝିଜୁ ତିର୍ ଆଜି ସାନ୍ତି ଆତାଡ୍ ।

☆ ୮:୧୭ ମାତିଉ ୫:୧୫; ଲୁକ ୧୧:୩୩. ☆ ୮:୧୭ ମାତିଉ ୧୦:୨୭; ଲୁକ ୧୨:୨. ☆ ୮:୧୮ ମାତିଉ ୨୫:୨୯; ଲୁକ ୧୯:୨୭.

୨୫ ମାରି, ଜିସୁ ସିସୁରିଙ୍କ ଇରଥାନ, “ମି ବିସବାସ ଏମେଦି ?” ମାତର ଖାର ତିଲାଜି ମାରି ଚମକେ ଆଜି ନିଜେ ନିଜେଦି ମାନୁ ଇନଡ୍ରେଙ୍କ ଆସ୍ତାର, “ଇକାନ ଆତିଙ୍କ ଏନ ଜେ ? ଗାଲି ନି ଏରୁଦିଙ୍କ ବା ଆଦେସ୍ ସିଜିନାନ, ଗାଲି ନି ଏରୁଡର ଖାନି ମାଗା ମାନଜିନେ ।”

ଦୁବା ଆସ୍ତି ମାରିକାନ ନେଗେଶୁ ଆତାନ

(ମାତିଉ ୮:୨୮-୩୪; ମାର୍କ ୫:୧-୨୦)

୨୬ ଖେନକା ଜିସୁ ନି ଖାନି ସିସୁର ଗାଲିଲିଦି ଆଗିଡିରି ଆୟାପାଡିଦି ଗରାସିୟରି ରାଜିଦୁ ଇତାର ।

୨୭ ଖାନ ଏରୁଜାହାଜତାନ ସହସି ପାଡିଦୁ ରେତାନ, ଆୟା ଗାଡ଼ି ଅରେନ ଦୁବାଆସ୍ତି ଲୋକୁ ଖାନିଙ୍କ ବେଟ୍‌ଆତାନ; ଖାନ ନାଶ୍ଟ ଦିନ ସାନ୍ଦି ଆଙ୍କ ଆରାଏଶ୍ଟା ମାରି ଇନଡ୍ର ମାନଏଶ୍ଟା ଦୁକିଦୁ ମାନଜି ମାରଥାନ ।

୨୮ ଖାନ ଜିସୁଙ୍କୁ ସୁଡ଼ୁ ଆଉଲି ଆଜି ଖାନି ପାଦାମ୍ ଆଡ଼ଗି ଆରଜି ପେରି ଖେୟୁଦାନ ଇର୍ହାନ, “ଏ ପେରି ମାପୁରୁଦି ମାରିନ ଜିସୁ, ନି ଖାଲେ ନାଙ୍କ ଇନିକା ମାନାଡ ? ନାନ ନିଙ୍କ ମାଡ଼ିସକିଜିନା, ନାଙ୍କ କାସୁ ସିମା ।”

୨୯ ଇରିଙ୍କ ଖାନ ତାଗଲ ଆମାଦିଙ୍କ ଆୟା ଲୋକାମାଣକୁ ସହସ ସନି ଉଣ୍ଡିଙ୍କ ଆଦେସ୍ ସିତା ମାର୍ହାନ । ଆୟା ଦୁବା ନାଶ୍ଟ ଦେବେଙ୍କ ଖାନିଙ୍କ ଆସ୍ତାମାର୍ହାଡ, ମାରି ଲୋକୁ ଖାନିଙ୍କ ସିକ୍‌ଶିଦାନ ତରସି ଇଡ଼ଜିମାର୍ହାର, ମାତର ଖାନ ତରଡିକାଝିକୁ ତେତଜି ପୋକସି ମାର୍‌ଆଡ ଦୁବା ଖାନିଙ୍କ ସୁନ୍‌ସାନବାଡିଦୁ ଅସିମାର୍ହାଡ ।

୩୦ ଜିସୁ ଖାନିଙ୍କ ଖେନବାତାନ, “ନି ଦର ଇନିକା ?” ଖାନ ଇର୍ହାନ, “ନା ଦର ବାହିନି; ଇରିଙ୍କ ନାଶ୍ଟ ଦୁବେଙ୍କ ଖାନିଙ୍କ କାସ୍‌ତେ ମାରଏ ।”

୩୧ ମାରି, ଖାନ ଏଶ୍ଟେସ୍ ଖାରିଙ୍କ ପାତାଲୁଟୁ ସନି ଉଣ୍ଡିଙ୍କ ଆଦେସ୍ ସିମାକିନ, ଆୟାଉଣ୍ଡିଙ୍କ ଖାର ଖାନିଙ୍କ ମାଡ଼ିସ୍ କିତାର ।

୩୨ ଆବେନୁ ଗରନ ଲାକଡୁ ଉଣ୍ଡି ପେରି ପାନଶ୍ଟି ଲାକ୍ ମାନ୍ଦା ସାରାଜିମାରଏ, ମାରି ଖାନ ଏଶ୍ଟେସ୍ ତାଗଲ ଆଡ଼ମେଙ୍କ ଆୟା ପାଶ୍ଟି ଲାକ୍ ଲୋଇ ଡ୍ରୁଦେଙ୍କ ଉଣ୍ଡିଙ୍କ ସାରି ସିତାନ, ଆୟାଉଣ୍ଡିଙ୍କ ଖାର ଜିସୁଙ୍କୁ ମାଡ଼ିସ୍ କିତାର ।

୩୩ ଖାନ ଖାନିକାଙ୍କ ସାରି ସିତାନଆକା, ଦୁବେଙ୍କ ଆୟା ଲୋକଡିବାଣାନ ସହସି ପାନଡ୍ରୁକା ଲୋଇ ଡ୍ରୁଡିତେ; ଆବେନୁ ଆୟା ପାନଡ୍ରୁକା ଝିକୁ ଗରନ ଚିପୁଦାନ ଉରୁକସି ସଲସି ସାମ୍‌ଦୁରୁଡୁ ଆରଜି ମୁଡ଼ିଗିତେ ସାତେ ।

୩୪ ମିଜି ମାରୁଇ ଲୋକୁ ଆୟା ଗଟନା ସୁଡ଼ୁ ଉରୁକସି ସଲସି ଗାଡକାଙ୍କ ନି ନାରକାଙ୍କ ଆକା ଖେରତାର ।

୩୫ ଆବେନୁ ଲୋକୁ ଗଟନା ସୁଡ଼ୁଦେଙ୍କ ସହସି ଖାତାର; ମାରି, ଖାର ଜିସୁ ଲାକଡୁ ଖାଜି, ଏମେ ଲୋକାମାଣାନ ଦୁବେଙ୍କ ସତେମାରଏ, ଖାନିଙ୍କ ନେଗି ଖାତି ପିଡ଼ିଗଜୋ ନେଗି ମୋନତାନ ଜିସୁଦି ପାଦାମ୍ ଆଡ଼ଗି ବାସ୍ତିମାରକକା ସୁଡ଼ୁ ତିଲାତାର ।

୩୬ ମାରି, ଆମାକାର ଇୟା ଗଟନା ସୁଡ଼ୁତାମାର୍‌ଆର, ଖାର ଆୟା ଦୁବା କାସ୍ତି ଲୋକୁ ଏଶ୍ଟେସ୍ ନେଗେନ୍ ଆତାନ, ଆକା ଖାରିଙ୍କ ଖେରତାନ ।

୩୭ ଆବେନୁ ଗରାସିୟରି ରାଜିଦି ଝିକୁ ତରିଟି ଲୋକା ମାଣାନ ଡିସସି ସନଡ୍ରେଙ୍କ ଜିସୁଙ୍କୁ ମାଡ଼ିସକିତାର, ଇରିଙ୍କ ଖାର ନାଶ୍ଟ ତିଲାତାମାର୍‌ଆର; ମାରି, ଖାନ ଉଣ୍ଡି ଏରୁଜାହାଜତୁ ଏକସି ଡେସିଖାତାର ।

୩୮ ମାତର ଏମେ ଲୋକାମାଣାନ ଦୁବେଙ୍କ ସତେସରଏ ମାରହେ, ଖାନ ଜିସୁଖାଲେ ମାନଡ୍ରେଙ୍କ ମାଡ଼ିସ୍ କିଦେଙ୍କ ଆସ୍ତାନ;

୩୯ ମାତର ଖାନ ଖାନିଙ୍କ ସାଙ୍କଆ ଇଜି ଇରଥାନ, “ମି ଇନଡ୍ର ଡେସି ସାଙ୍କଆ, ମାରି ମାପୁରୁ ନିଙ୍କ ଇନି ଇନି କାର୍ମୁ କିତାମାନାନ, ଆକା ଝିକୁଖେରଥା ।” ଆବେଣାନ ଖାନ ସଲସି, ଜିସୁ ଖାନିଙ୍କ ଇନି ଇନି କାର୍ମୁ କିତାମାର୍‌ଆନ ଆୟାଝିକୁ ଗାଡ଼ୁ ଖେରତେଙ୍କ ଆସ୍ତାନ ।

ଜାଇରସ୍ତି ଗାଡ଼ସି ଜିନିକା ମାରି ରୋଗ୍‌ଆତି ଆଇମା ନେଗେଶୁ ଆନିକା

(ମାତିଉ ୯:୧୮-୨୬; ମାର୍କ ୫:୨୧-୪୩)

୪୦ ଏସ୍ତିଖାଲେ ଜିସୁ ଆୟାପାଡ଼ି ଖାତାନ, ନାଶ୍ଟଲୋକ ଖାନିଙ୍କ ଖେଡ଼ିକାଦାନ ମାନାତାର, ମାତର ଝିଜେରେ ଖାନିଙ୍କ କାପକିଜିମାର୍‌ଆର ।

୪୧ ମାରି, ସୁଡ଼ୁ, ଜାଇରସ୍ ଦରଡି ଅରେନ ଲୋକୁ ଖାତାନ; ଖାନ ପାରତନା ଇଲୁଦି ପେରିକାନ ମାରଥାନ । ଖାନ ଜିସୁଦି ପାଦାମ୍‌ଆଗଡ଼ି ନିଜେଦି ଇନଡ୍ର ଖାଦେଙ୍କ ଖାନିଙ୍କ ମାଡ଼ିସତାନ,

୪୨ ମାତର ଖାନି ବାର ବାରସ୍ତି ଅରେଡନେ ନା ଗାଡ଼ି ମାର୍‌ଆଡ, ମାରି ଖାଦ୍ ସାତାମାର୍‌ଆଡ । ମାତର ଖାନ ସଲସିମାରୁଇ ଖେଡାଦୁ ଲୋକୁ ଖାନି ଖାନି ମୁସକୁ ମାର୍‌ସି ସାଜି ମାର୍‌ଆର ।

୪୩ ନାସ୍ତିଖାଲେ ବାର ବାରସୁ ସାନ୍ଦି ସୁଡୁକ ରୋଗଦି ଅରେଡ ଆଇମା ମାର୍‌ଆଡ, ଏଦକି ନିଜେଦି ଝିକୁ ଡାବୁଙ୍କୁ ଝିସସି ଏବାଣାକୁବା ନେଗେଶୁ ଆଦେଙ୍କ ଆଟ୍‌ଏଜି ମାର୍‌ଆଡ, *

* ୮:୪୩ ଏସ ରାସାତିମାନୁ ଇୟା ପଦ ରାସାତିକା ସିଲେଡ

୪୪ ଖାଦ୍ ଖେନ୍‌କାରି ପାଡ଼କାଦାନ୍ ଖାଜି ଖାନି ଖାତି ଜାଲିଦୁ ମୁଟ୍‌ତାଡ଼, ମାରି, ଆୟାଦାପ୍ରେ ତାନି ସୁତୁକ୍ ଆନି ରଗ୍ ନେଗେନ୍ ଆତାଡ଼ ।

୪୫ ଆବେନ୍‌ ଜିସୁ ଇର୍ହାନ୍, “ଏନ୍ ନାଜି ମୁଟ୍‌ତାନ୍ ?” ମାତର୍ ଓଜେରେ ସିଲେ ଇଜି ଇର୍ହାର୍, ପିତର ଇର୍ହାନ୍, “ଏ ଗୁରୁ, ଲୋକୁ ମାଣ୍ଡାସୁଣ୍ଡା ଆଜି ନି ମୁସ୍କୁ ମାଟ୍‌ସି ସାଜିନାର ।”

୪୬ ମାତର୍ ଜିସୁ ଇର୍ହାନ୍, “ଏନ୍ ଅରେନ୍ ନାଜି ମୁଟ୍‌ତାନ୍, ମାତର୍ ନା ବାଣାନ୍ ସାକ୍ତି ସତାଡ଼ ଇଜି ନାନ୍ ନେସତା ।”

୪୭ ଏସ୍ତ୍ରାଲେ ଆଇମାଲୋକ୍ ସୁଡ଼ତୁଡ଼ ଜେ, ଖାଦ୍ ମାରାଗଜି ମାନ୍‌ଶ୍ରେଙ୍ଗ୍ ଆଟେଏତାଡ଼, ନାସ୍ତ୍ରାଲେ ଖାଦ୍ ତିରଗ୍‌ଜି ତିରଗ୍‌ଜି ଖାଜି ଖାନି ପାଦାମ୍ ଆଡ଼ଗି ଆରଜି, ଇନିଦାନିଙ୍ଗ୍ ଖାନିଙ୍ଗ୍ ମୁଟ୍‌ତାଡ଼, ମାରି ଏଶ୍ରେସ୍ ଦାପ୍ରେ ନେଗେଣ୍ଡୁ ଆତାଡ଼, ଆୟାଓଜୁ ଲୋକା ଆଗଡ଼ି ଇର୍ହାଡ଼ ।

୪୮ ଆବେଟ୍ ଖାନ୍ ତାନିଙ୍ଗ୍ ଇର୍‌ଆନ୍, “ଗାଡ଼ି, ନି ବିସ୍‌ବାସ୍ ନିଙ୍ଗ୍ ନେଗେନ୍ କିତାମାନାଡ଼, ସାକ୍ତିଦାନ୍ ସାଙ୍ଗ୍‌ଆ ।”

୪୯ ଜିସୁ ଆୟା ମାଟା ଇନିଓଲେ ପାରତନା ଇନ୍‌ଡ୍ରାଣି ପେରିଲୋକା ଇନ୍‌ଡ୍ରାଣାନ୍ ଅରେନ୍ ଖାଜି ଇର୍‌ଆନ୍, “ମି ଗାଡ଼ି ସାତାଡ଼ନି, ଗୁରୁଙ୍ଗ୍ ମାରି କାସୁ ସିମା ।”

୫୦ ମାତର୍ ଜିସୁ ଆୟାକା ଖେନ୍‌ଜି ଜାଇରସ୍‌ତିଙ୍ଗ୍ ଡେସି ଇର୍‌ଆନ୍, “ତିଲାମାଟ୍, ବିସ୍‌ବାସ୍ କିଦୁ, ମାରି ଖାଦ୍ ନେଗେନ୍ ଆନାଡ଼ ।”

୫୧ ମାରି, ଇନ୍‌ଡ୍ରା ଖାଜି ପିତର, ଜୋହନ ମାରି ଜାକୁବ, ମାରି ଗାଡ଼ିସ୍‌ଦି ଯାୟା ବୁବା ଡିସ୍‌ତିଙ୍ଗ୍ ମାରି ଏୟେଙ୍ଗ୍ ନିଜେଓଲେ ଲୋଇ ସନ୍‌ଡେଙ୍ଗ୍ ସିଏତାର୍ ।

୫୨ ମାତର୍ ଓଜେରେ ତାନି ଉଣ୍ଡିଙ୍ଗ୍ ଆଡ଼ବାଜି ଆଡ଼ବାଜି ବକାଦୁ କତାଜି ମାର୍‌ଆର୍ । ଆବେନ୍‌ ଖାନ୍ ଇର୍‌ଆନ୍, “ଆଡ଼ବାମାଟ୍; ଖାଦ୍ ସାଏଡ଼, ମାତର୍ ସୁସ୍‌ତାମାନାଡ଼ ।”

୫୩ ମାତର୍ ଖାଦ୍ ସାତାମାନାଡ଼ ଇଜି ନେସ୍‌ତିବାଣାନ୍ ଖାର୍ ଜିସୁଙ୍ଗ୍ ସେମାର୍ କିଜିମାର୍‌ଆର୍ ।

୫୪ ମାତର୍ ଖାନ୍ ଆଇଲିଦି କିୟୁ ଆସ୍‌ସି କୁକ୍‌ସି ଇର୍‌ଆନ୍, “ଏ ଆଇଲି, ନିଙ୍ଗ୍‌ଆ ।”

୫୫ ଆବେଟ୍ ତାନି ଜିବନ୍ ଡେସି ଖାତାଡ଼, ମାରି ଖାଦ୍ ଆୟାଦାପ୍ରେ ନିଙ୍ଗ୍‌ତାଡ଼, ଜିସୁ ତାନିଙ୍ଗ୍ ଇନିକାବା ଉଣ୍ଡେଙ୍ଗ୍ ସିଦେଙ୍ଗ୍ ଇର୍‌ଆନ୍ ।

୫୬ ଇବେଟ୍ ତାନି ଯାୟା ବୁବା କାବା ଆତାର୍; ମାତର୍ ଆୟା ଗଟ୍‌ନାଦି ମାଟାଦିଙ୍ଗ୍ ଏଙ୍ଗ୍‌ବା ଇନ୍‌ମାଟ୍ ଇଜି ଖାରିଙ୍ଗ୍ ଇର୍‌ଆନ୍ ।



ଜିସୁ ବାର ଲୋକୁ ସିସୁରିଙ୍ଗ୍ ପୋକ୍‌ତାନ୍

(ମାତିଉ ୧୦:୫-୧୫; ମାର୍କ ୬:୭-୧୩)

୧ ଆୟାଓଲେ ଜିସୁ ବାର ଲୋକୁ ସିସୁରିଙ୍ଗ୍ କୁକ୍‌ସି ଉନ୍‌ଡେମାନ୍ ଉଣ୍ଡା କିଜି ଖାରିଙ୍ଗ୍ ଓଜୁ ଦୁବେଙ୍ଗା ଡିସ୍‌ଡେଙ୍ଗ୍ , ମାରି ରୋଗ୍‌ତିଙ୍ଗ୍ ନେଗେଣ୍ଡୁ କିଦେଙ୍ଗ୍ ସାକ୍ତି ମାରି ଅଦିକାର୍ ସିତାନ୍ ।

୨ ମାରି, ଖାନ୍ ଖାରିଙ୍ଗ୍ ମାପୁରୁଦି ରାଜିଦି ନେଗିକାରୁର୍ ଖେର୍‌ଡେଙ୍ଗ୍ ମାରି ରୋଗ୍‌ତୁମାନି ଲୋକାଙ୍ଗ୍ ନେଗେଣ୍ଡୁ କିଦେଙ୍ଗ୍ ପୋକ୍‌ତାନ୍,

୩ ମାରି ଖାରିଙ୍ଗ୍ ଇର୍‌ଆନ୍, ମିର୍ ସନିଓଲେ ବାଡ଼ିଗା ନୋ ମଣି ନୋ ରୁଟି ନୋ ତାବୁଙ୍ଗ୍ ଇନିକା ବା ଅମାଟ୍, ବା ରୁଣ୍ଡି ଆଙ୍ଗ୍‌ଙ୍ଗ୍ ଅର୍‌ସେ ଅମାଟ୍ ।

୪ ମାରି, ମିଙ୍ଗ୍‌ ଆମା ଇନ୍‌ଡ୍ରାଣିକାର୍ କୁକ୍‌ନାର୍, ଆୟା ବାଡ଼ିଦାନ୍ ଡେସି ରେଇ ସାଦି ଆବେ ଡେବାଦୁ ।

୫ ମାରି, ଏସୋ ଲୋକୁ ମିଙ୍ଗ୍‌ ମାନାଏର୍, ଆୟା ଗାଡ଼ତାନ୍ ଖାନିଓଲେ ଲୋକ୍‌ତି ବିରୁଦ୍‌ତାନ୍ ସାକି ସିଦେଙ୍ଗ୍ ଇଜି ମି ପାଦାମକାଣି ଦୁଡ଼ି ସାଡ଼ୁ ।

୬ ଆବେଟ୍ ସିସୁର୍ ସଲ୍‌ସି ଓଜୁ ତରିନ୍ ନେଗିକାରୁର୍ ଖେର୍‌ଡାର୍ ମାରି ରୋଗ୍‌ତାନ୍ ନେଗେଣ୍ଡୁ କିଜି କିଜି ନାରକାଙ୍ଗ୍ ନାରକାଙ୍ଗ୍ ସିରଆର୍ ।

ହେରୋଦ ବାୟା ଆତାନ୍

(ମାତିଉ ୧୪:୧-୧୨; ମାର୍କ ୬:୧୪-୨୯)

୭ ଆୟାଓଲେ ଗାଲିଲିଦି ସାସନ୍‌କିନି ସାମନ୍ତରାଜା ହେରୋଦ ଇୟାଓଜୁ ମାଟା ଖେନ୍‌ଜି ବାୟାଆତା ସର୍‌ଆନ୍, ଇରିଙ୍ଗ୍ ତୁବନ୍‌ସିନି ଯୋହନ ମାରିଡେସିଜିବନ୍ ଆତାମାନାନ୍ ଇଜି ଏର୍ ଏର୍ ଇଜିମାର୍‌ଆର୍ ।

୮ ମାରି, ଏର୍ ଏର୍ ଏଲିୟୁ ତରାଇଆତାମାନାନ୍ ଇଜିମାର୍‌ଆର୍ ମାରି ଆଇକାର୍ ପୁର୍ବେଦି ବାବବାଦିର୍ ଲୋଇ ଅରେନ୍ ସାତିମାଣାନ୍ ଡେସି ନିଙ୍ଗ୍‌ତାମାନାନ୍ ଇଜି ଇଜିମାର୍‌ଆର୍ ।

☆ ୯:୫ ପ୍ରେରିତ ୧୩:୫୧. ☆ ୯:୫ ଲୁକ ୧୦:୪-୧୧. ☆ ୯:୭ ମାତିଉ ୧୭:୧୪; ମାର୍କ ୮:୨୮; ଲୁକ ୯:୧୯.

୯ ମାତର ହେରୋଦ ରାଜା ଇର୍ଥାନ, “ତୁବନ୍ଧିନି ଜୋହନତି ତାଲା ତୋ ନାନ୍ କଇସ୍ତାମାନା, ମାତର ଆମାଖାନି ବିସୟତାନ୍ ନାନ୍ ଇୟାଖାଜା ମାଟା ଖେନ୍ଜିନା, ଇକାନ୍ ଏନ୍ ?” ମାରି, ହେରୋଦ ଜିସୁକୁଁ ସୁଡ଼ବୁଦଙ୍ଗ ବଦା କିଜିମାରଥାନ ।

ଜିସୁ ପାସ୍ ହାଜାର ଲୋକାଙ୍ଗ ଉଚ୍ପିସ୍ତାନ୍

(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜୋହନ ୬:୧-୧୪)

୧୦ ଖେନ୍କା ସିସୁର ଡେସିଖାଜି, ଆମାକା ଆମାକା କିତାମାରଥାର୍, ଆୟାଖିଜୁ ଜିସୁକୁଁ ଖେରତାର । ମାରି, ଖାନ ଆଇମାନୁ ମାନ୍ତେଙ୍ଗ ଖାରିଙ୍ଗ ଖାନିଖାଲେ ଅସି ବେଡ଼ସାଇଦା ଦରତି ଗାଡ଼ତୁ ସରଥାର ।

୧୧ ମାତର ଲୋକ ଖିଜେରେ ଆକା ନେସ୍ତାରୋ ଖାନିଖାଲେ ସନ୍ତେଙ୍ଗ ଆସ୍ତାର୍; ମାରି, ଜିସୁ ଜିବନ୍ ନଜି ଖାରିଙ୍ଗ ମାପୁରୁଦି ରାଜିଦି ବିସୟତାନ୍ ଖାରିଙ୍ଗ ଇନ୍ତେଙ୍ଗ ଆସ୍ତାନ୍, ମାରି ଆମାଖାରିଙ୍ଗ ରୋଗ୍ତାନ୍ ନେଗେଶୁ ଆନିକା ମାରଥାର୍, ଖାରିଙ୍ଗ ନେଗେଶୁ କିତାନ୍ ।

୧୨ ନାସ୍ତିଖାଲେ ଖେଡ଼ା ଆଜି ଖାଜିମାରଥାର୍; ଆବେଟ୍ ବାର ଲୋକୁ ସିସୁର ଜିସୁ ଲାକ୍ତୁ ଖାଜି ଇର୍ହାର୍, “ଲୋକୁ ଏଶେସ୍ ସାରିବେଡ଼ତି ନାରକାଙ୍ଗ୍ ମାରି ଇସ୍ତିନାରକାଙ୍ଗ୍ ତେବାନାର୍ ମାରି କାଦି ଉଶେଙ୍ଗ ପୋଇଦେଙ୍ଗ୍ ଆଟ୍ନାର୍, ଆୟାଉଶିଙ୍ଗ୍ ଖାରିଙ୍ଗ୍ ପୋକଆ, ଇରିଙ୍ଗ୍ ମାଡ଼ ଇବେ ସିମ୍ବା ବାଡ଼ିଦୁ ମାନିକା ।”

୧୩ ମାତର ଜିସୁ ଖାରିଙ୍ଗ୍ ଇର୍ହାନ୍, “ମିର୍ ଖାରିଙ୍ଗ୍ ଉଚ୍ପିସ୍କିଦୁ ।” ଖାର୍ ଇର୍ହାର୍, “ମା ଲାକ୍ତୁ ପାସ୍ଗୋଟା ରୁଟିଙ୍ଗ୍ ମାରି ରୁଣ୍ଡି ମିନକାଣ୍ ନାଶ୍ ସିଲୁ; ଆରିଙ୍ଗ୍ ମାପ୍ ଇନିକା ସନାପ୍ ଇୟାଖିଜୁ ଲୋକା ଉଶିଙ୍ଗ୍ କାଦି କଣାପ୍ ?”

୧୪ ଇରିଙ୍ଗ୍ ଖାର୍ ୫,୦୦୦ ହାଜାର୍ ମେମାରୁକୁଁ ମାରଥାର୍ । ମାରି, ଜିସୁ ଖାନି ସିସୁରିଙ୍ଗ୍ ଇର୍ଥାନ, “ପଟାସ୍ ପଟାସ୍ କିଜି ଖାରିଙ୍ଗ୍ ଦଲ୍ ଦଲ୍ କିଜି ବାସିସ୍ କିଦୁ ।”

୧୫ ଆବେଟ୍ ଖାର୍ ଆୟାଖାଜା ଖିଜେରିଙ୍ଗ୍ ବାସିସ୍ କିତାର୍ ।

୧୬ ମାରି, ଜିସୁ ଆୟା ପାସ୍ଗୋଟା ରୁଟିଙ୍ଗ୍ ମାରି ରୁଣ୍ଡି ମିନକୁ ଅସି ମୁସକୁ ତରିନ୍ ସୁଡ଼ଜୁ ଆୟାଖିଜୁ ଆସିର୍ବାଦ୍ କିତାନ୍, ମାରି ରୁକ୍ସି ଲୋକାଙ୍ଗ୍ ବାଟା କିଜି ସିଦେଙ୍ଗ୍ ଇଜି ସିସୁରିଙ୍ଗ୍ ସିତାନ୍ ।

୧୭ ଆବେଟ୍ ଖିଜେରେ ତିର୍ଥାରୋ ପଟାପାଜିତାର୍, ମାରି ଖାର୍ ଖାରି ଲାକ୍ତୁ ଏଜିତି ମାର୍ଇ ବାରଗୋଟା ଡାଡ଼ିଙ୍ଗ୍ ଉଶ୍ଯାକିତାର୍ ।

ଜିସୁକୁଁ ପିତର ମାନାତାନ୍

(ମାତିଉ ୧୬:୧୩-୧୯; ମାର୍କ ୮:୨୭-୨୯)

୧୮ ଅରଲେନ୍ ଜିସୁ ଅରେନ୍ ପାର୍ତନା କିନିଖାଲେ ସିସୁର ଖାନିଖାଲେ ମାରଥାର୍, ମାରି ଖାନ ଖାରିଙ୍ଗ୍ ଖେନ୍ଦବାତାନ୍, “ନାନ୍ ଏନ୍ ଇଜି ଲୋକୁ ଖିଜେରେ ଇନିକା ଇନାର୍ ?”

୧୯ ✨ଆବେଟ୍ ଖାର୍ ଇର୍ହାର୍, “ତୁବନ୍ଧିନି ଜୋହନ, ମାତର ଏର୍ ଏର୍ ଇନାର୍, ଏଲିୟ୍, ମାରି ଏର୍ ଏର୍ ଇନାର୍, ପୁର୍ବେଦି ବାବବାଦିରି ଲୋଇ ଅରେନ୍ ଜିବନ୍ଆଜି ନିଙ୍ଗ୍ ତାମାନାନ୍ ।”

୨୦ ✨ଜିସୁ ଖାରିଙ୍ଗ୍ ଖେନ୍ଦବାନ୍, “ମାତର ନାନ୍ ଏନ୍ ଇଜି ମିର୍ ଇନିକା ଇଜିନିଦେର୍ ?” ପିତର ଇର୍ଥାନ, “ନିନ୍ ମାପୁରୁଦି କ୍ରିସ୍ତ ।”

ଜିସୁ ନିଜେଦି ଦୁଃକ୍ ନି ସାନି ବିସୟତାନ୍ ଖେରତାନ୍

(ମାତିଉ ୧୬:୨୦-୨୮; ମାର୍କ ୮:୩୦; ୯:୧)

୨୧ ଆବେଟ୍ ଜିସୁ ଇକା ଏଙ୍ଗ୍ବା ଇନ୍ମାଟ୍ ଇଜି ଖାରିଙ୍ଗ୍ ଆଟ୍ଝାଦାନ୍ ଖେରତାନ୍,

୨୨ “ମନୁସ୍ୟପୁତ୍ରଦିଙ୍ଗ୍ ନାଶ୍ ଦୁକ୍ ପୋଇଦେଙ୍ଗ୍ ଆନାଡ଼ ମାରି ନେତାର୍, ପେରିଜାଜକ୍କୁ ମାରି ସାସ୍ତିର୍ ସେମାର୍ କିଜି ତାକ୍ନାର୍, ମାରି ମୁନେଟାନ୍ ମାରିଡେସିଜିବନ୍ ଆଜି ନିଙ୍ଗ୍ ନାନ୍ ।”

୨୩ ✨ନାସ୍ତିଖାଲେ ଜିସୁ ଖିଜେରିଙ୍ଗ୍ ଇର୍ଥାନ, ଏନ୍ ଜଦି ନା ଖାଲେ ଖାଦେଙ୍ଗ୍ ବଦାକିନାନ୍, ଆରିଙ୍ଗ୍ ଖାନ ନିଜେଦି ଡିସିନ୍, ମାରି ଦିନାମି ନିଜେଦି ଦୁକ୍ କସୁଦିଙ୍ଗ୍ ପିନ୍ଶୁଜି ନା ଖେନ୍କା ରାପିନ୍ ।

୨୪ ✨ଇରିଙ୍ଗ୍ ଏନ୍ ନିଜେଦି ଜିବନ୍ତିଙ୍ଗ୍ ରକିୟା କିଦେଙ୍ଗ୍ ବଦାକିନାନ୍, ଖାନ ଆକା ଆରାକିନାନ୍, ମାତର ଏନ୍ ନା ଉଶିଙ୍ଗ୍ ଖାନି ଜିବନ୍ ଆରାକିନାନ୍, ଖାନ ଆକା ରକିୟା କିନାନ୍ ।

୨୫ ମାରି, ଅରେନ୍ ଲୋକୁ ସାରାଦୁନିଆଦିଙ୍ଗ୍ ଜିଣାଜି ନିଜେଦିଙ୍ଗ୍ ସାପିସ୍କିନାନ୍ ବା ଆରାନାନ୍, ଆରିଙ୍ଗ୍ ଖାନ ଇନି ଲାବ୍ ?

୨୬ ଆଦେଙ୍ଗ୍ ଏନ୍ ନାଙ୍ଗ୍ ମାରି ନା ବାକ୍ୟ ବିସୟତାନ୍ ସେମାର୍ ଆନାନ୍, ମନୁସ୍ୟପୁତ୍ର ଏସ୍ତିଖାଲେ ବୁବାଖାଲେ, ମାରି ମୁସ୍କୁପୁର୍ତ୍ତି ପବିତ୍ର ଦୁଡ଼କାଖାଲେ ମହିମାଦାନ୍ ଖାନାନ୍, ନାସ୍ତିଖାଲେ ଖାନ ଖାରି ବିସୟତାନ୍ ସେମାର୍ କିନାନ୍ ।

✨ ୯:୧୯ ମାତିଉ ୧୪:୧୨; ମାର୍କ ୬:୧୪,୧୫; ଲୁକ ୯:୨,୮. ✨ ୯:୨୦ ଜୋହନ ୬:୨୮,୨୯. ✨ ୯:୨୩ ମାତିଉ ୧୦:୩୮; ଲୁକ ୧୪:୨୭. ✨ ୯:୨୪ ମାତିଉ ୧୦:୩୯; ଲୁକ ୧୬:୩୩; ଜୋହନ ୧୨:୨୫.

୨୭ ମାତର ନାନ ନିର୍ଦ୍ଦୋଷ ସତ୍ତ୍ୱେ ଇଜିନା, “ମାପୁରୁଦି ରାଜି ସୁଡ଼ିଇ ସାନ୍ଦି ଇବେ ନିରଇ ମାନି ଲୋକା ଲୋଇ ଏସୋ ଲୋକା ଏଣ୍ଡେସବା ସାଏର ।”

ଜିସୁଦି ମୁରତି ବାଦଲେ ଆନିକା
(ମାତିଉ ୧୭:୧-୮; ମାର୍କ ୯:୨-୮)

୨୮ ଇୟାଞ୍ଜିଲୁ ଗଟାନି ପୁରା ଆଟ୍‌ଦିନ୍ ଝେନକା ଜିସୁ ପିତର, ଜୋହନ ମାରି ଜାକୁବଙ୍କ୍ ଝାନିଝାଲେ ଅସି ପାରତନା କିଦେଙ୍କ୍ ଇଜି ଗରନ୍‌ତୁ କୁକ୍‌ତାଅତାନ୍ ।

୨୯ ମାରି, ଝାନ୍ ପାରତନା କିନିଝାଲେ ଝାନି ମୋକମତି ମୁରତି ବାଦଲେ ଆତାତ୍ ମାରି ଝାନି ଆଙ୍ଗ୍ ଅଡ଼ିନିକା ମାରି ନାଣ୍ଟ ଜାୟ ଆତାତ୍ ।

୩୦ ମାରି ସୁଡ଼ୁ, ଆୟାଦାପ୍ରେ ମୋସା ନି ଏଲିୟ, ଇୟା ରିଏର୍ ଲୋକା ଝାନିଝାଲେ ଝାରଗିଜିସାଦେଙ୍କ୍ ଆସ୍‌ତାର୍ ।

୩୧ ଝାରି ମୁସ୍‌କୁପୁରତି ଗୌରବତାନ୍ ତରାଜିମାର୍‌ଆର୍, ଝାର ଜିସୁଝାଲେ ଜିରୁସାଲାମତ୍ ଗଟାଦେଙ୍କ୍ ମାନି ଝାନି ସାନି ବିସୟତାନ୍ ଝାରଗିଜି ସାଜି ମାର୍‌ଆର୍ ।

୩୨ ନାସ୍ତିଝାଲେ ପିତର ମାରି ଝାନି ତଡ଼କୁ ସୁଜ୍‌ଜିମାର୍‌ଆର୍; ମାତର ଝାର୍ ଏସ୍ତିଝାଲେ ନିଙ୍ଗ୍‌ତାର୍ ଝାନି ମହିମା ମାରି ଝାନିଝାଲେ ନିରଇ ମାରଇ ଆୟା ରିଏର୍ ଲୋକାଙ୍କ୍ ସୁଡ଼ୁତାର୍ ।

୩୩ ମାରି, ମୋସା ନି ଏଲିୟ ସନ୍‌ଡ଼େଙ୍କ୍ ସନିଝାଲେ ପିତର ଜିସୁଙ୍କ୍ ଇର୍ହାନ୍, “ଏ ଗୁରୁ, ମାତ୍ ଜେ ଇବେ ମାନିକା, ଇକା ନେଗେଣ୍ଟ ଆତାତ୍; ମାପ୍ ମୁଡ଼ି ଗୁଡ଼େଙ୍କ୍ ତିଆର୍ କିନାପ୍, ନି ଉଣ୍ଡିଙ୍ଗ୍ ଉନ୍‌ଡ଼ି, ମୋସାଦି ଉଣ୍ଡିଙ୍ଗ୍ ଉନ୍‌ଡ଼ି ମାରି ଏଲିୟଦି ଉଣ୍ଡିଙ୍ଗ୍ ଉନ୍‌ଡ଼ି । ମାତର ଝାନ୍ ଇନିକା ଇଜିନାନ୍, ଆକା ନେସ୍‌ଏତାର୍ ।”

୩୪ ପିତର ଇକା ଇନ୍‌ବୁ ଇନ୍‌ବୁ କାଣ୍ଡେକ୍ ବାଦତ୍ ଇମ୍‌ଜି ଝାତା ଦୋ ଝାରିଙ୍ଗ୍ ବାଦତ୍‌ତି ନିଡ଼ଗା ପିଡ଼ିକ୍‌ତାତ୍, ମାରି ଝାରିଙ୍ଗ୍ ବାଦତ୍ କେରପ୍‌ନିଝାଲେ ପିତର, ଜୋହନ ମାରି ଜାକୁବ ତିଲାତାର୍ ।

୩୫ ✠ମାରି, ଆୟା ବାଦତ୍‌ତାନ୍ ଉଣ୍ଡି ବଲ୍ ଝାତାତ୍, “ଇକାନ୍ ନା ମାରିନ୍, ନାନ୍ ଝେନିଙ୍ଗ୍ ବାସେକିତାମାନା, ଝେନି ମାଟା ଝେନ୍‌ଆ ।”

୩୬ ମାରି, ଆୟା ବଲ୍ ଝାତି ଝେନକା ଜିସୁ ଅରେନ୍‌ନେ ତରାଆତାନ୍ । ମାରି, ଝାର୍ ଆଲେତା ମାର୍‌ହାର୍, ମାରି ଆମାକା ଆମାକା ସୁଡ଼ୁତାମାର୍‌ଆର୍, ଆୟା ମାଟାଦି ବିସୟ ଏଙ୍ଗ୍‌ବା ଇନ୍‌ଏତାର୍ ।

ତାଗଇ ଦୁବା ଆସ୍ତି କଡ଼ଦିଙ୍ଗ୍ ଜିସୁ ନେଗେଣ୍ଟ କିତାନ୍
(ମାତିଉ ୧୭:୧୪-୧୮; ମାର୍କ ୯:୧୪-୨୭)

୩୭ ମାର୍‌ନାଣ୍ଡିଙ୍ଗ୍ ଜିସୁ ନି ଝାନି ମୁଏର୍ ସିସୁର୍ ଗରନ୍‌ତାନ୍ ରେତାଝାତାର୍, ମାରି ନାଣ୍ଟଲୋକ୍ ଝାଜି ଜିସୁଙ୍କ୍ ମିସତାର୍ ।

୩୮ ମାରି ସୁଡ଼ୁ, ଲୋକା ଲୋଇ ଅରେନ୍ ନାଣ୍ଟ ଆଉଲି ଆଜି ଇରଥାନ୍, “ଏ ଗୁରୁ, ନାନ୍ ନିଙ୍ଗ୍ ମାଡ଼ିସ୍ କିଜିନା, ନା କଡ଼ଦିଙ୍ଗ୍ ଦୟା କିଆ, ଇରିଙ୍ଗ୍ ଝାନ୍ ନା ଅରେନେ ମାରିନ୍;

୩୯ ସୁଡ଼ୁଆ, ଝାନିଙ୍ଗ୍ ଉଣ୍ଡି ଦୁବା ଆସ୍‌ନାତ୍, ମାରି ଝାନ୍ ଦାପ୍ରେନେ ଆଉଲି ଆଜି ନିଙ୍ଗ୍‌ନାନ୍, ମାରି ଦୁବା ଝାନିଙ୍ଗ୍ ଇୟାଝାଜା ତିରପ୍‌ନାପୋକ୍‌ନାତ୍ ଜେ, ଝାନି ଝେୟୁଦାନ୍ ପେପଲ୍ ସନାତ୍, ମାରି ଝାଦ୍ ଝାନିଙ୍ଗ୍ ସିତାରାକାବରା କିଜି କାସୁଦାନ୍ ସନାସନାତ୍ ।”

୪୦ ଝାନିଙ୍ଗ୍ ଦୁବା ଡ଼ିସିସ୍‌ଡେଙ୍କ୍ ଇଜି ନାନ୍ ନି ସିସୁରିଙ୍ଗ୍ ମାଡ଼ିସ୍‌କିତା, ମାତର ଝାର୍ ଆଟ୍‌ଏତାର୍ ।

୪୧ ଜିସୁ ଝାରିଙ୍ଗ୍ ଇର୍ହାନ୍, “ଆରେ ଅଡ଼ପ୍ ବିସବାସିର୍ ମାରି ତାଗଇସାରିଦୁ ସନି କୁଟ୍‌ମ୍, ଏସୋଦିନ୍ ନାନ୍ ମି ଝାଲେ ତେବାଜି ମି ବ୍ୟବହାର୍ କିନା ? ନି ମାରିନ୍‌ତିଙ୍ଗ୍ ଇବେ ତାଗା ।”

୪୨ ଝାନ୍ ଝାରୁ ଝାରୁ ଦୁବା ଝାନିଙ୍ଗ୍ ଆଡ଼ଗି ଆର୍‌ପସି ପୋକ୍‌ସି ବୟ୍‌ଙ୍କାର୍‌ତାନ୍ ତିରପ୍‌ତା ପୋକ୍‌ତାତ୍, ମାତର ଜିସୁ ଆୟା ତାଗଇ ଆମ୍‌ଦିଙ୍ଗ୍ ଆଦ୍‌ରିସ୍‌ତାନ୍ ମାରି କଡ଼ଦିଙ୍ଗ୍ ନେଗେନ୍ କିଜି ଝାନିଙ୍ଗ୍ ତାମେ ବୁବାସି କିଦୁ ସିତାନ୍ ।

୪୩ ଆବେଟ୍ ଝିଜେରେ ମାପୁରୁଦି ପେରିସାଲ୍ଟି ଉଣ୍ଡିଙ୍ଗ୍ କାବାଆତାର୍ । ମାତର ଝାନି କିଡ଼ି ଝିଜୁ ପାଣିଦି ଉଣ୍ଡିଙ୍ଗ୍ ଝିଜେରେ କାବା ଆନିଝାଲେ ଜିସୁ ଝାନି ସିସୁରିଙ୍ଗ୍ ଇରଥାନ୍,

ନିଜେ ସାନି ବିସୟତାନ୍ ଜିସୁ ମାରିଡ଼େସି ଇର୍ହାନ୍
(ମାତିଉ ୧୭:୨୨-୨୩; ମାର୍କ ୯:୩୦-୩୨)

୪୪ “ଇୟାଞ୍ଜିଲୁ ମାଟା ମି ଗିତଣିଆଙ୍ଗ୍ ଝେନ୍‌ଡୁ; ଇରିଙ୍ଗ୍ ମନୁସ୍ୟପୁତ୍ର ଲୋକା କିୟୁଦୁ ସରପେ ଆଦେଙ୍କ୍ ସଲ୍‌ସିନାନ୍ ।”

୪୫ ମାତର ସିସୁର୍ ଆୟାମାଟା ବୁଜାଦେଙ୍କ୍ ଆଟ୍‌ଏତାର୍, ମାରି ଆୟାକା ଝାରି ମାଣାନ୍ ମାର୍‌ଗିତା ମାର୍‌ଆତ୍, ଏଣ୍ଡେସ୍ ଆକା ଝାର ବୁଜାଦେଙ୍କ୍ ଆଟ୍‌ଏତିଙ୍ଗ୍ ବା, ମାରି ଝାର୍ ଆୟା ମାଟାଦି ବିସୟତାନ୍ ଝାନିଙ୍ଗ୍ ଝେନ୍‌ବାଦେଙ୍କ୍ ତିଲାଜି ମାର୍‌ଆର୍ ।

✠ ୯:୩୫ ମାତିଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ✠ ୯:୩୫ ୨ ପିତର ୧:୧୭,୧୮.

ଏନ୍ ପେରିକାନ୍ ?

(ମାତିଉ ୧୮:୧-୫; ମାର୍କ ୯:୩୩-୩୭)

୪୬ *ଝାରି ମାଣାନ୍ ଏନ୍ ପେରିକାନ୍, ଆୟା ବିସୟତାନ୍ ଝାରି ଲୋଇ ଝାରିଜି ସାତାର ।

୪୭ ମାତର୍ ଜିସୁ ଝାରି ମୋନ୍ତୁ ଝାରିଜିସାନିକା ନେସ୍ତାନନୋ ଅରେନ୍ ଇସି କଡ଼ଦିଙ୍ଗ୍ ତାତାନ୍ ନୋ ନିଜେଦି ଲାକ୍ତୁ ନିଲ୍ପିସ୍ କିତାନ୍ନୋ ଝାରିଙ୍ଗ୍ ଇରଥାନ୍,

୪୮ *“ଏନ୍ଆପିନ୍ ନା ଦରତାନ୍ ଇୟା ଇସି କଡ଼ଦିଙ୍ଗ୍ ମାନାନାନ୍, ଝାନ୍ ନାଙ୍ଗ୍ ମାନାନାନ୍, ମାରି ଏନ୍ଆପିନ୍ ନାଙ୍ଗ୍ ମାନାନାନ୍, ଝାନ୍ ନା ପୋକ୍ତିମାନି ମାଲିକ୍ତିଙ୍ଗ୍ ମାନାନାନ୍; ଇରିଙ୍ଗ୍ ମି ଝିଜେରି ମାଣ୍ଟୁ ଏନ୍ ଇସିକାନ୍, ଝାନ୍ ପେରିକାନ୍ ।”

ଏନ୍ ବିରୁଦ୍ ଆଏନ୍ ଝାନ୍ ମି ତରିନ୍

(ମାର୍କ ୯:୩୮-୪୦)

୪୯ ଆବେଟ୍ ଜୋହନ ଇରଥାନ୍, “ଏ ଗୁରୁ, ମାପ୍ ଅରେନ୍ ଝାନିଙ୍ଗ୍ ନି ଦରତାନ୍ ଦୁବା ଡ଼ିସିସ୍କିନିକା ସୁଡ଼ତାପ୍, ମାରି ଝାନ୍ ମା ଦଲ୍ଡିକାନ୍ ଆଏନ୍ଆକା ଝାନିଙ୍ଗ୍ ତେବା କିତାପ୍ ।”

୫୦ ମାତର୍ ଜିସୁ ଜୋହନତିଙ୍ଗ୍ ଇରଥାନ୍, “ଝାନିଙ୍ଗ୍ ମନା କିମାଟ୍, ଇରିଙ୍ଗ୍ ଏନ୍ ମି ତରିନ୍ ଆଏନ୍, ଝାନ୍ ମି ତରିନ୍ ।”

ଉଣ୍ଡି ସମିରୋଣିୟ ନାର୍ ଜିସୁଙ୍ଗ୍ ମାନାଏତାଡ଼

୫୧ ଝେନ୍କା ଏସିଝାଲେ ଜିସୁଦି ଆଡ଼ଗିପୁର୍ ଡ଼ିସିସ୍ ମୁସ୍କୁପୁର୍ ସନି ଝେଡ଼ା ଆଜି ଝାଜି ମାର୍ଆଡ଼, ନାସିଝାଲେ ଜିସୁ ଜିରୁସାଲାମତୁ ସନ୍ତେଙ୍ଗ୍ ବଦାକିତାନ୍,

୫୨ ଝାନ୍ ଝାନି ଆଗଡ଼ି କାରୁର୍ ଅନିଝାରିଙ୍ଗ୍ ପୋକ୍ତାନ୍ । ଝାର୍ ସଲ୍ସି ଝାନି ଉଣ୍ଡିଙ୍ଗ୍ ତିଆର୍ କିଦେଙ୍ଗ୍ ସମିରୋଣିୟରିଦି ଉଣ୍ଡି ନାର୍ତୁ ସରଥା ଡ଼ଗୁତାଟ୍;

୫୩ ମାତର୍ ଝାନ୍ ଜିରୁସାଲାମତୁ ସନି ଉଣ୍ଡିଙ୍ଗ୍ ବଦା କିତାମାନାନ୍ ଇଜି ନେସ୍ସି ଝାର୍ ଝାନିଙ୍ଗ୍ ମାନାଏତାର ।

୫୪ ଇକା ସୁଡ଼ଡ଼ି ଜାକୁବ ନି ଜୋହନ, ଇୟା ରିଏର୍ ସିସୁର୍ ଇର୍ହାର୍, “ପ୍ରୁ, ଏଲିୟ ବା ଏଣ୍ଡେସ୍ କିତାମାରଥାନ୍, ଆୟାଝାଜା ବାଦଡ଼ତାନ୍ ସିସୁ ଆର୍ଜି ଝାରିଙ୍ଗ୍ ସାପିସ୍ କିପିଡ଼, ଇକା ମାପ୍ ଇନାପ୍ ଇଜି ଇନିକା ନି ବଦା ନୋ ?”

୫୫ ମାତର୍ ଝାନ୍ ମାର୍ଜି ବେସ୍ସି ଝାରିଙ୍ଗ୍ ଲାଗାତାନ୍ ମାରି ଇରଥାନ୍, ମିର୍ ଏଣ୍ଡେସ୍ ନାନି ଆମ୍ପାଦି ଲୋକୁ, ଇକା ନେସ୍ସିଜିନା । ମନୁସ୍ୟପୁତ୍ର ଲୋକାଦି ଜିବନ୍ ସାପିସ୍ କିଦେଙ୍ଗ୍ ରେଏଣ୍ଡୁ ମାତର୍ ରକିୟା କିଦେଙ୍ଗ୍ ଝାତାମାନାନ୍ । *

୫୬ ତାନିଝେନ୍କା ଝାର୍ ମାରି ଉଣ୍ଡି ନାଟ ସରଥାଟ୍ ।

ଜିସୁଦି ସିସୁ ଆଦେଙ୍ଗ୍ ବଦାକିନି ଲୋକୁ

(ମାତିଉ ୮:୧୯-୨୨)

୫୭ ଝାର୍ ସାରିଦୁ ସନିଝାଲେ ଅରେନ୍ ଲୋକୁ ଜିସୁଙ୍ଗ୍ ଇରଥାନ୍, “ନିନ୍ ଏମେ ବାଡ଼ିଦୁ ସନି, ନାନ୍ ନି ଝେନ୍କା ଝେନ୍କା ଝାନା ।”

୫୮ ଜିସୁ ଝାନିଙ୍ଗ୍ ଇର୍ହାନ୍, “ଗଲ୍ଡିଙ୍ଗ୍ ତେବାଦେଙ୍ଗ୍ ସାରାଆ ମାନାଡ଼, ବାଦଡ଼ତି ପଟିଦିଙ୍ଗ୍ ତେବାଦେଙ୍ଗ୍ ଜାଲୁ ମାନାଡ଼, ମାତର୍ ମନୁସ୍ୟପୁତ୍ରଦିଙ୍ଗ୍ ତାଲା ଇଡ଼ଦେଙ୍ଗ୍ ବାଡ଼ି ସିଲେଡ଼ ।”

୫୯ ମାରି, ଝାନ୍ ମାରି ଅରେନ୍ଝାନିଙ୍ଗ୍ ଇରଥାନ୍, “ନା ଝେନ୍କା ରାଆ ।” ମାତର୍ ଝାନ୍ ଇରଥାନ୍, “ଆଗଡ଼ି ସଲ୍ସୋ ନା ବୁବେଙ୍ଗ୍ ମୁସ୍ତେଙ୍ଗ୍ ଇଜି ନାଙ୍ଗ୍ ସାରି ସିଦା ।”

୬୦ ମାତର୍ ଜିସୁ ଝାନିଙ୍ଗ୍ ଇରଥାନ୍, “ସାତି ଝାରିଙ୍ଗ୍ ନିଜେ ନିଜେଦି ସାତି ଲୋକାଙ୍ଗ୍ ମୁସ୍ତେଙ୍ଗ୍ ଇଜି ଡ଼ିସ୍ତୁ, ଇରିଙ୍ଗ୍ ମିର୍ ସଲ୍ସୋ ମାପୁରୁଦି ରାଜି ପ୍ରଚାଟ୍ କିଦୁ ।”

୬୧ ମାରି ଅରେନ୍ ବା ଇରଥାନ୍, “ପ୍ରୁ, ନାନ୍ ନି ଝେନ୍କା ଝାନା, ମାତର୍ ଆଗଡ଼ି ନା ଇଲ୍ଡୁ ମାନି ଲୋକାମାଣ୍ଟୁ ନି ଝାଲେ ଝାନି ବିସୟ ମାଡ଼ିସ୍କିଦେଙ୍ଗ୍ ନାଙ୍ଗ୍ ସାରି ସିଦା ।”

୬୨ ମାତର୍ ଜିସୁ ଝାନିଙ୍ଗ୍ ଇର୍ହାନ୍, “ଏନ୍ ନାଙ୍ଗେଲ୍ ମେଡ଼ିଦୁ କିୟୁ ଆସ୍ସି ଝେନ୍କା ବେସ୍ନାନ୍, ଝାନ୍ ମାପୁରୁଦି ରାଜିଦୁ ଜୋଗ୍ ସିଲେନ୍ ।”

୧୦

ଜିସୁ ସତୁରି ରୁଣ୍ଡି ଲୋକାଙ୍ଗ୍ ପକ୍ତାନ୍

୧ ଇୟା ଝେନ୍କା ପ୍ରୁ ମାରି ସତୁରୁ* ରୁଣ୍ଡି ଲୋକାଙ୍ଗ୍ ବାସ୍ସିକିତାନ୍ ମାରି ନିଜେ ଏମେ ଏମେ ଗାଡ଼କାଙ୍ଗ୍ ମାରି ବାଡ଼ିଦୁ ସନ୍ତେଙ୍ଗ୍ ବଦାକିତାମାର୍ହାନ୍, ଆୟା ଆୟା ବାଡ଼ିଦୁ ରିଏର୍ ରିଏର୍ କିଜି ଝାରିଙ୍ଗ୍ ଝାନି ଆଗଡ଼ି ପୋକ୍ତାନ୍ ।

* ୯:୪୭ ଲୁକ ୨୨:୨୪. * ୯:୪୮ ମାତିଉ ୧୦:୪୦; ଲୁକ ୧୦:୧୨; ଜୋହନ ୧୩:୨୦.

* ୯:୫୫ ଏସ ରାସ୍ତିମାନ୍ ସିଲେତ

* ୧୦:୧ ଏସ ବାଡ଼ିଦୁ ସତୁରି

ମାରି ଏସ ସତୁରି ରୁଣ୍ଡି ଇଜି ରାସାତେ

- ୨ *ମାରି, ଜିସୁ ଖାରିଙ୍ଗ୍ ଇର୍ହାନ, ପାସି ନାଣ୍ଡ, ମାତର୍ ପାଣିକିନିକାର୍ ଉଣା; ନିଜେଦି ପାସିକିଡ଼ିଇଦୁ ପାଣିକିନିଖାରିଙ୍ଗ୍ ପୋକ୍ନି ଉଣ୍ଡିଙ୍ଗ୍ ପାସିକିଡ଼ିଇଦି ମାଲିକ୍ତି ଲାକ୍ତୁ ଖେରତୁ ।
- ୩ *ମିର୍ ସାନତୁ; ସୁଡ଼ୁ, ନୋରେସକା ଲାକ୍ତୁ ମେଣ୍ଡାପିଲେକା ଖାଜା ନାନ ମିଙ୍ଗ୍ ପୋକ୍ସିନା ।
- ୪ ତାରୁଙ୍ଗ୍ ଆସ୍ନି ମଣି, ମଣି ମାରି ଜୁତେଙ୍ଗ୍ ଅମାଟ୍, ମାରି ସାରିଦୁ ଏଙ୍ଗ୍ବା ମାଡ଼ିସ୍ କିମାଟ୍ ।
- ୫ ମାରି, ଏମେ ଇଲ୍ଲୁଟୁ ମିର୍ ଡ଼ଗୁନିଦେର୍, ଆଗଡ଼ି ଇନଡୁ, ଇୟା ଇଲ୍ଲୁତି ଉଣ୍ଡିଙ୍ଗ୍ ସାନ୍ତି ଆପିଟ୍ ।
- ୬ ମାରି, ଆୟାବାଡ଼ିଦୁ ଜଦି ଅରେନ୍ ସାନ୍ତିଦି ଲୋକୁ ତେବାନାନ୍, ଆତିଙ୍ଗ୍ ମି ସାନ୍ତି ଖାନି ମୁସ୍କୁ ବାସାନାଡ଼; ମାତର୍ ଜଦି ସିଲେଡ଼, ଆଦେଙ୍ଗ୍ ଆକା ମି ଲାକ୍ତୁ ଡେସିଖାନାଡ଼ ।
- ୭ *ଖାରିମାନୁ ଆମାକା ମାନାଡ଼, ଆକା ଉଣ୍ଡିଜିଡିନ୍ଦି ଆୟା ଇନ୍ତ୍ର ମାନଡୁ, ଇରିଙ୍ଗ୍ ପାଣିକିନିକାର୍ ନିଜେଦି କୁଲିଦି ତାରୁଙ୍ଗ୍ ପୋଇଦେଙ୍ଗ୍ ଜୋଗ୍ ମାନାଡ଼ । ଇଲ୍ଲୁକାଙ୍ଗ୍ ଇଲ୍ଲୁକାଙ୍ଗ୍ ସଲ୍ଲମାଟ୍ ।
- ୮ ମାରି, ଏମେ ଗାଡ଼ତୁ ମିର୍ ଡ଼ଗୁନିଦେର୍ ମାରି ଲୋକୁ ମିଙ୍ଗ୍ ମାନାଡ଼, ଆବେ ମିଙ୍ଗ୍ ଆମାକା ଉଣ୍ଡେଙ୍ଗ୍ ସିନାର, ଆକା ଉଣ୍ଡି ।
- ୯ ଆୟାବାଡ଼ିଦୁ ମାନି ରୋଗ୍ ଲୋକାଙ୍ଗ୍ ନେଗେଣ୍ଡୁ କିଦୁ, ମାରି ଖାରିଙ୍ଗ୍ ଇନଡୁ, ମାପୁରୁଦି ରାଜି ମି ଲାକ୍ତୁ ଇଗା ଖାତାଡ଼ିନି ।
- ୧୦ *ମାତର୍ ଏମେ ଗାଡ଼ତୁ ମିର୍ ଡ଼ଗୁନିଦେର୍ ମାରି ଲୋକୁ ମିଙ୍ଗ୍ ମାନାଏର୍, ଆୟା ଦୁଆରଆଙ୍ଗ୍ ସଲ୍ସି ଇନଡୁ,
- ୧୧ *ମି ଗାଡ଼ତି ଏମେ ଦୁଡ଼ି ମା ପାଦାମ୍ବକାଙ୍ଗ୍ କାସତାମାନାଡ଼, ଆକାବା ମି ଉଣ୍ଡିଙ୍ଗ୍ ସାଡ଼ସି ସିଜିନାପ; ମାତର୍ ମାପୁରୁଦି ରାଜି ଯେ ଇଗା ଖାତାଡ଼, ଇକା ନେସସୋ ମାନଡୁ ।
- ୧୨ *ନାନ ମିଙ୍ଗ୍ ଇଜିନା, ଆୟାନାଣ୍ଡିଙ୍ଗ୍ରି ଆୟା ଗାଡ଼ତି ଦଣ୍ଡ ବାଦ୍ଲୁ ସଦମ୍ତି ଦଣ୍ଡ ଆଟ୍ତେଙ୍ଗ୍ ଆନାଡ଼ ।

ବିସ୍ବାସ କିଇ ଗାଡ଼କାଙ୍ଗ୍ ଜିସୁ ଜାଗାଡ଼ତା
(ମାତିଉ ୧୧:୨୦-୨୪)

- ୧୩ ଏ କୋରାଜିନ୍ ନି ଦସ୍ ଏସା ବୟଙ୍ଗ୍ ଆନାଡ଼ ଏ ବେଡ଼ସାଇଦାଦୁ ବା ନି ଦସ୍ ଏସା ବୟଙ୍ଗ୍ ଆନାଡ଼, ଇରିଙ୍ଗ୍ ମିବାନ୍ ଏମେ ଏମେଦି ସାଲ୍ଡିଦି ପାଣି କିତାମାନା, ଆୟାଖିଜୁ ଜଦି ସୋର ନି ସିଦନ୍ତୁ କିଆଇଆତାଡ଼ମାନ୍, ଆରିଙ୍ଗ୍ ଖାର୍ ଏସୋ ଆଗଡ଼ିରାନ୍ ବାସ୍ତେଙ୍ଗ୍ ଆରାଜି ନିରତୁ ବାସ୍ସି ମନ୍ତିଙ୍ଗ୍ ଡେପ୍ତାର ମାନ୍ ।
- ୧୪ ବିସାର୍ କିନି ନାଣ୍ଡିଙ୍ଗ୍ ମି ଦସ୍ ବାଦ୍ଲୁ ସୋର ନି ସିଦନ୍ତି ଦସ୍ ଆଟ୍ତେଙ୍ଗ୍ ଆନାଡ଼ ।
- ୧୫ ମାରି, ଏ କପରନାହୁମ, ନିନ୍ ଇନିକା ମୁସ୍କୁପୁର୍ ସାନ୍ତି ପିର୍ଦେଙ୍ଗ୍ ଆଟ୍ନି ? ନର୍କ୍ ସାନ୍ତି ଇଗା ସନି ।
- ୧୬ *ଜିସୁ ଖାନି ସିସୁରିଙ୍ଗ୍ ଇରଥାନ, “ଏନ୍ ମି ମାଟା ଖେନାନ୍, ଖାନ୍ ନା ମାଟା ଖେନାନ୍, ମାରି ଏନ୍ ମିଙ୍ଗ୍ ମାନାଏନ୍, ଖାନ୍ ନାଙ୍ଗ୍ ମାନାଏନ୍, ଖାନ୍ ନା ପୋକ୍ତିମାନି ମାଲିକ୍ତିଙ୍ଗ୍ ମାନାଏନ୍ ।”

ସତୁରି ରୁଣ୍ଡି ଲୋକୁ ଡେସିଖାନିକା

- ୧୭ ଆୟାଖେନକା ଆୟା ସତୁରି ରୁଣ୍ଡି ସିସୁର୍ ଖେଡ଼ିକାଦାନ୍ ଡେସିଖାଜି ଇର୍ହାର, “ପ୍ରୁ, ଦୁବେଆଙ୍ଗ୍ ବା ନି ଦର୍ତାନ ମା ମାଟା ମାନାଡେ ।”
- ୧୮ ମାତର୍ ଜିସୁ ଖାରିଙ୍ଗ୍ ଇରଥାନ, “ମିର୍ସନିଖାଜା ମୁସ୍କୁପୁର୍ତାନ ସୟତାନ୍ ଆରନିକା ନାନ ସୁଡ଼ୁ ।
- ୧୯ ସୁଡ଼ୁ, ନାନ ମିଙ୍ଗ୍ ସାରାସ୍ ନି ସର୍କୁପି ମୁସ୍କୁ ରୁଲାଦେଙ୍ଗ୍ ଅଦିକାର୍ ସିତାମାନା, ମାରି ସାଡୁଦି ଖିଜୁ ସାନ୍ତି ମୁସ୍କୁ ବା ଅଦିକାର୍ ସିତାମାନା, ମାରି ଇନିକା ଏଣ୍ଡେସ୍ କିଜି ମି ପାଣିଦିଙ୍ଗ୍ ସେଏଣ୍ଡ କିଦେଙ୍ଗ୍ ଆଟ୍ଏଡ଼ ।
- ୨୦ ତାଗ୍ଲଅମ୍ମେଙ୍ଗ୍ ଜେ ମି ମାଟା ମାନାନ୍, ଆବେ ଖେଡ଼ିକା ଆମାଟ୍, ମାତର୍ ମି ଦର୍ ଯେ ମୁସ୍କୁପୁର୍ ରାସାତାମାନାଡ଼, ଆୟା ଉଣ୍ଡିଙ୍ଗ୍ ଖେଡ଼ିକା ଆଦୁ ।”

ଜିସୁ ଖେଡ଼ିକା ଆତାନ୍
(ମାତିଉ ୧୧:୨୫-୨୭; ୧୩:୧୭-୧୭)

- ୨୧ ଆୟାଖେନକା ଜିସୁ ପବିତ୍ର ଆମ୍ବିମାଣାନ୍ ଖେଡ଼ିକାଦାନ୍ ପୁରାଆଜି ଇରଥାନ, “ଏ ବୁବା, ମୁସ୍କୁପୁର୍ ମାରି ଦୁନିଆଦି ପ୍ରୁ, ନିନ୍ ବୁଦିମାନି ଲୋକାମାଣକୁ ଇୟାଖିଜୁ ବିସୟ ମାର୍କସି ଇଡ଼ଜି ଇସ୍ତ୍ରି କଡ଼ିମାନୁ ଖେକ୍ତି, ଇୟାଉଣ୍ଡିଙ୍ଗ୍ ନି ଦନ୍ୟବାଦ୍ କିଜିନା; ହୁଁ ବୁବା, ଇରିଙ୍ଗ୍ ଇକା ନି ନାଣ୍ଡ ବଦା ।
- ୨୨ *ନା ବୁବାଦି ପାଣି ଖିଜୁ ନା କିୟୁଦୁ ସିତାମାନାନ୍; ମାରି, ମାରିନ୍ ଏନ୍, ଇକା ବୁବେଙ୍ଗ୍ ଡିସ୍ତିଙ୍ଗ୍ ଏନ୍ ନେସଏନ୍, ମାରି ବୁବା ଏନ୍, ଇକା ମାରିନ୍ତିଙ୍ଗ୍ ଡିସ୍ତିଙ୍ଗ୍ ଏନ୍ ନେସଏପ, ମାରି ମାରିନ୍ ଆମାଖାନି ଲାକ୍ତୁ ଖାନିଙ୍ଗ୍ ତର୍ତେଙ୍ଗ୍ ବଦାକିନାନ୍, ଖାନ୍ ନେସନାନ୍ ।”

* ୧୦:୨ ମାତିଉ ୯:୩୭,୩୮. * ୧୦:୩ ମାତିଉ ୧୦:୧୭. * ୧୦:୬ ୧ କରିନ୍ତୟ ୯:୧୪; ୧ ତିମତି ୫:୧୮. * ୧୦:୧୦ ପ୍ରେରିତ ୧୩:୫୧. * ୧୦:୧୧ ମାତିଉ ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫. * ୧୦:୧୨ ମାତିଉ ୧୧:୨୫; ମାତିଉ ୧୦:୧୫. * ୧୦:୧୬ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ଜୋହନ ୧୩:୨୦. * ୧୦:୨୨ ଜୋହନ ୩:୩୫; ଜୋହନ ୧୦:୧୫.

୨୩ ମାରି, ଜିସୁ ସିସୁରି ତରିନ୍ ମାରଜି ବେସସି ଖାରିଙ୍ଗ ଇରଥାନ, “ମିର୍ ଇୟାଞ୍ଜିକୁ ବିସୟ ସୁଡ଼ୁଫାନିଦେର୍ ଆକା ମିର୍ ଦନ୍ୟ ।

୨୪ ନାନ୍ ମିଙ୍ଗ୍ ସଡ଼ ଇଜିନା, ମିର୍ ଆମାକା ଆମାକା ସୁଡ଼ୁଫାନିଦେର୍, ଆୟାଞ୍ଜିକୁ ଏସୋ ବାବବାଦିର୍ ମାରି ରାଜାର ସୁଡ଼ୁଦେଙ୍ଗ ବଦାକିତାର, ମାତର୍ ସୁଡ଼ୁତାର; ମାରି, ମିର୍ ଆମାକା ଆମାକା ଖେନ୍ଜିନିଦେର୍, ଆୟାଞ୍ଜିକୁ ଖାର୍ ଖେନ୍ତେଙ୍ଗ ବଦାକିତାର, ମାତର୍ ଖେନ୍ଏତାର ।”

ନେଗି ସମିରୋଣିୟ ଲୋକ୍ତି କାତା

୨୫ *ମାରି, ସୁଡ଼ୁ, ଅରେନ୍ ଦାମ୍ବୁଗୁରୁ ନିଙ୍ଗ୍ଜି ଜିସୁଙ୍ଗ୍ ପରିକା କିଜି ଖେନ୍ବାତାନ, “ଏ ଗୁରୁ, ଏସକାଙ୍ଗ୍ଞିଜିଇ ଜିବନ୍ତି ଅଦିକାରି ଆଦେଙ୍ଗ ନାନ୍ ଇନିକା କିନା ?”

୨୬ ଆବେଟ୍ ଜିସୁ ଇରଥାନ, “ସାସ୍ତ୍ରୁ ଇନିକା ରାସାଏଡ଼ ? ନିନ୍ ଏଣ୍ଡେସ୍ ପଡ଼ାଜିନି ?”

୨୭ ଜିସୁ ଖାନିଙ୍ଗ୍ ଇର୍ହାନ, “ନିନ୍ ନି ଖିଜୁ ଜିବନ୍, ଖିଜୁ ଜିବନ୍, ଖିଜୁ ସାଲି, ମାରି ଖିଜୁ ମନ୍ ସିଜି ପ୍ରୁ ନି ମାପୁରୁଙ୍ଗ୍ ଜିବନ୍ ନଥା; ମାରି, ମି ଲାକ୍ତୁରି ଲୋକାଙ୍ଗ୍ ନିଜେଦିଙ୍ଗ୍ ଜିବନ୍ନୋତି ଖାଜା ଜିବନ୍ନୋଦୁ ।”

୨୮ ଆବେଟ୍ ଜିସୁ ଖାନିଙ୍ଗ୍ ଇରଥାନ, “ନିନ୍ ସଡ଼ ଇହ୍ ମାନି; ଇକା କିଆ, ଆଡିଙ୍ଗ୍ ନିନ୍ ଜିବନ୍ ପୋଇନି ।”

୨୯ ମାତର୍ ଦାମ୍ବୁ ସାସ୍ତ୍ର ନିଜେଦିଙ୍ଗ୍ ଦାମ୍ବୁ ଲୋକ୍ତୁ ଇଜି ତର୍ତେଙ୍ଗ୍ ବଦାକିଜି ଜିସୁଙ୍ଗ୍ ଖେନ୍ବାତାନ, “ଆରିଙ୍ଗ୍ ନା ଲାକ୍ତୁଫାନିକାନ ଏନ୍ ?”

୩୦ ଜିସୁ ଆୟା ମାଟା ଅସି ଇର୍ହାନ, “ଅରେନ୍ ଲୋକ୍ତୁ ଜିରୁସାଲାମତାନ ଜିରିହୋଦି ଗାଡ଼ୁ ସଲ୍ପୁ ସଲ୍ପୁ ତଙ୍ଗାରି କିଦୁ ସେରତାନ । ଖାର୍ ଖାନି ଖାତିଗନ୍ଦା ଡିବିସ୍ତାଅତାରୋ ମାରି ଡାକ୍ତାରୋ ଖାନିଙ୍ଗ୍ ଅଡ଼ପ୍ଜିବନ୍ମାନବୁ ଡାକ୍ତାର ଡିସ୍ତା ସରଥାର ।

୩୧ ଆୟାଖାଲେ ଅରେନ୍ ଜାଜକ ଆୟା ସାରି ସିଜି ସଲ୍ପି ମାରଥାନ, ମାରି ଖାନ୍ ଖାନିଙ୍ଗ୍ ସୁଡ଼ୁ ସାରିଦି ଆଇ ପାଡ଼କା ସିଜି ସର୍ହାନ ।

୩୨ ଆୟାଖାଜା ଅରେନ୍ ଲେବି ବା ଆୟା ବାଡିଦୁ ଖାଜି ଖାନିଙ୍ଗ୍ ସୁଡ଼ୁ ସାରିଦି ଆଇ ପାଡ଼କା ସିଜି ସରଥାନ ।

୩୩ ମାତର୍ ଅରେନ୍ ସମିରୋଣିୟ ଲୋକ୍ତୁ ଖାନି ଲାକ୍ତୁ ଖାତାନନୋ ଖାନିଙ୍ଗ୍ ସୁଡ଼ୁ ନାଣ୍ଟ ଦୁଃକ କିତାନ,

୩୪ ମାରି ଖାନି ଲାକ୍ତୁ ସଲ୍ପି ଖାନି ଗାଡକାଙ୍ଗ୍ଞିଜୁ ନିୟୁ ଉସ୍ତାନ ମାରି ଅଙ୍ଗୁରରସ୍ ଖାକ୍ସି ଆୟାଞ୍ଜିକୁ ଗାଡ଼ୁ ତର୍ତାନ, ମାରି ଖାନିଙ୍ଗ୍ ଖାନି ଗଦ ମୁସ୍କୁ ବାସିସକିଜି ଖାନିଙ୍ଗ୍ ଲୋକ୍ତୁ ରମ୍ନି ଉଣ୍ଟି_ ଇଲ୍ତୁ ଅତାନନୋ ଖାନି ସେବା କିତାନ ।

୩୫ ମାରିନାଣ୍ଟିଙ୍ଗ୍ ଖାନ୍ ରୁଣ୍ଟି ତିନାରି ସପସି ଲୋକ୍ତୁ ରମ୍ନି ଇଲ୍ତି ମାଲିକତିଙ୍ଗ୍ ସିଜି ଇରଥାନ, ଖେନି ସେବା କିଆ, ମାରି ଜଦି ନାଣ୍ଟ ଡାବୁଙ୍ଗ୍ କାର୍ସୁ ଆନେ, ଆକା ନାନ୍ ଡେସିଖାନି ଖାଲେ ନିଙ୍ଗ୍ ସିନା ।”

୩୬ ଇୟା ମୁଏରି ଲୋଇ ଏନ୍ ତଙ୍ଗାରି କିଦୁସେରିତି ମାରଇ ଲୋକ୍ତି ପାଡ଼ିରି ଲୋକ୍ତୁ ଇଜି ଅଡ଼ବିଜିନିଦେର୍ ?

୩୭ ଦାମ୍ବୁ ସାସ୍ତ୍ର ଇରଥାନ, “ଏନ୍ ଖାନି ଉଣ୍ଟିଙ୍ଗ୍ କାମ୍ବୁ ତର୍ତାନାନ ଖାନ୍,” ଜିସୁ ଖାନିଙ୍ଗ୍ ଇରଥାନ, “ସାଙ୍ଗ୍ଆ, ନିନ୍ ବା ଆୟାଖାଜା କିଆ ।”

ଜିସୁ ମାର୍ତା ନି ମରିୟମ୍ତି ଇଲ୍ତୁ ସରଥାନ

୩୮ *ଜିସୁ ନି ଖାନି ସିସୁର୍ ସନିଖାଲେ ଉଣ୍ଟି_ ନାର୍ତୁ ଡ଼ୁଡ଼ୁତାର, ମାରି ମାର୍ତା ଦର୍ତ୍ତି ଅରେଡ଼ ଆଇମା ତାନି ଇନ୍ତୁ ଜିସୁଙ୍ଗ୍ କୁକ୍ତାଡ଼ ।

୩୯ ମରିୟମ୍ ଦର୍ତ୍ତି ତାନି ଅରେଡ଼ ତାଙ୍ଗ୍ ମାରଥାଡ଼, ଖାଦ୍ ପ୍ରୁଦି କାଲ୍କା ଆଡ଼ଗି ବାସସି ଖାନି ବାକ୍ୟ ଖେନ୍ଜି ମାରଥାଡ଼ ।

୪୦ ମାତର୍ ମାର୍ତା ରାନ୍ଦାବାଡ଼ା କିଦେଙ୍ଗ୍ ବେସି ତେରେପେତେ ଆଜି ମାରଥାଡ଼; ଆଦେଙ୍ଗ୍ ଖାଦ୍ ଜିସୁ ଲାକ୍ତୁ ଖାଜି ଇର୍ହାଡ଼, “ଏ ପ୍ରୁ, ନା ତାଙ୍ଗ୍ ଜେ ନା ଅରେଡ଼ତାନି ମୁସ୍କୁନେ ରାନ୍ଦାବାଡ଼ା କିନି ବଦୁ ଡିସ୍ତାମାନାଡ଼, ତାନେ ତରିନ୍ ଇନିକା ନି ମନ୍ ସିଲେଡ଼ ? ଖାଦ୍ ନାଙ୍ଗ୍ ସେବା କିନି ଉଣ୍ଟିଙ୍ଗ୍ ତାନିଙ୍ଗ୍ ଇନ୍ଥା ।”

୪୧ ମାତର୍ ପ୍ରୁ ତାନିଙ୍ଗ୍ ଇରଥାନ, “ମାର୍ତା, ମାର୍ତା, ନିନ୍ ନାଣ୍ଟ ବିସୟତାନ ସିନ୍ତା ମାରି ତେରେପେତେ ଆଜିନି,”

୪୨ ମାତର୍ ଉଣ୍ଟି_ ଜିନିସ୍ ନାଣ୍ଟଦରକାର; ମରିୟମ୍ ତାନେ ଉଣ୍ଟିଙ୍ଗ୍ ନେଗି ବିସୟ ଆସ୍ କିତାମାନାଡ଼, ମାରି ଆକା ତାନେମାଣାନ ଡିବିସୋ ଅଡେଙ୍ଗ୍ ଆଟ୍ଏନ୍ ।



**ଜିସୁ ପାର୍ତନା ବିସୟତାନ ସିକ୍ସା ସିତାନ
(ମାତିଉ ୨:୯-୧୩; ୭:୭-୧୧)**

* ୧୦:୨୫ ମାତିଉ ୨୨:୩୫-୪୦; ମାର୍କ ୧୨:୨୮-୩୪. * ୧୦:୩୮ ଜୋହନ ୧୧:୧.

୧ ଅରଲେନ୍ ଜିସୁ ଉଣ୍ଡି ବାତିଦୁ ପାରତନା କିଜିମାର୍ହାନ; ଖାନ୍ ପାରତନା କିତି ଝିସ୍ତିଝେନକା, ଖାନି ସିସୁରି ଲୋଇ ଅରେନ୍ ଖାନିଙ୍ଗ ଇରଥାନ, ଏ ପ୍ରବୁ, ତୁବନ୍ସିନି ଜୋହନ ଏଣ୍ଡେସ୍ ଖାନି ସିସୁରିଙ୍ଗ ପାରତନା କିଦେଙ୍ଗ ଅଜାକିତାନ୍, ନିନ୍ ବା ଆୟାଖାଜା ମାଙ୍ଗ ପାରତନା କିଦେଙ୍ଗ ଅଜାକିଆ ।

୨ ଆବେଟ୍ ଜିସୁ ଖାରିଙ୍ଗ ଇରଥାନ, ଏସ୍ତିଖାଲେ ମିର୍ ପାରତନା କିନିଦେର୍, ନାସ୍ତିଖାଲେ ଇନ୍ତୁ, ବୁବା,

ନି ପବିତ୍ର ଦରୁ ପେରିକାଆପିଡ଼ ।

ନି ରାଜି ରାପିଡ଼ ।

୩ ମାଙ୍ଗ ଝିଜୁଦିନ୍ ଦରକାର୍ ମାନି କାଦି ସିଦା ।

୪ ମା ପାପ୍ ଝିଜୁ କେମା କିଆ,

ଇରିଙ୍ଗ ମାପ୍ ବା ମା ବିରଦ୍ତାନ ପାପ୍ କିତିଖାରିଙ୍ଗ କେମା କିନାପ୍ ।

ମାଙ୍ଗ ଆଟ୍ଝା ପରିକାତୁ ଆର୍ଦେଙ୍ଗ ସିମା ।

୫ ମାରି, ଜିସୁ ଖାନି ସିସୁରିଙ୍ଗ ଇରଥାନ, ମି ଆମାଖାନି ଇୟାଖାଜା ତଡ଼୍ ମାନାନ୍ ନୋ, ଆମାଖାନି ଲାକ୍ତୁ ମାଜେର୍ନାଡ଼ା ଖାନ୍ ସଲ୍ସି ଇନାନ୍, ଏ ତଡ଼୍, ନାଙ୍ଗ୍ ମୁଣ୍ଡି ରୁଟିଙ୍ଗ ଉଦାର୍ ସିଦା ।

୬ ନା ଅରେନ୍ ଆଇ ନାଟି ତଡ଼୍ ନାବାନ୍ ଖାତାମାନାନ୍, ଖାନିଙ୍ଗ ଉଟ୍ପିସ୍ତେଙ୍ଗ ନାବାନ୍ ଇନିକା ସିଲେଡ଼ ।

୭ ମାରି ଖାନ୍ ଲୋଇରାନ୍ ଇୟାଖାଜା ଇନାନ୍, ନାଙ୍ଗ୍ କାସୁ ସିମା, ସେର୍ଲା କେର୍ତାନି, ମାରି ନା କଡ଼ର୍ ନାଖାଲେ ସୁଜ୍ଜିନାର୍; ନାନ୍ ନିଙ୍ଗ୍ ଜି ନିଙ୍ଗ୍ ସିଦେଙ୍ଗ ଆଟ୍ଝ ।

୮ ନାନ୍ ମିଙ୍ଗ୍ ଇଜିନା, ଖାନ୍ ଆତିଙ୍ଗ୍ବା ଖାନି ତଡ଼୍ ଆନାନ୍ ଆକା ନିଙ୍ଗ୍ ସିଏନ୍, ମାତର୍ ଖାନ୍ ସେମାର୍ଆଏଣ୍ଡା ରିଜା ମୁଜା ଲୋସ୍ତାନଆକା ଖାନ୍ ନିଙ୍ଗ୍, ଖାନିଙ୍ଗ୍ ଏସା ଦରକାର୍, ଖାନିଙ୍ଗ୍ ନାସୋ ସିନାନ୍ ।

୯ ନାନ୍ ବା ମିଙ୍ଗ୍ ଇଜିନା, ଲୋସ୍ତୁ, ଆରିଙ୍ଗ୍ ମିଙ୍ଗ୍ ସିଆଇଆନାଡ଼; ପୋୟ୍ତୁ, ଆବେଟ୍କୁ ମିର୍ ପୋୟ୍ନିଦେର୍; ସେର୍ଲାଦୁ କଡ଼ତୁ, ଆବେଟ୍କୁ ମି ଉଣ୍ଡିଙ୍ଗ୍ ସେର୍ଲା ରେନାସିନାନ୍ ।

୧୦ ଇରିଙ୍ଗ୍ ଏନ୍ ଲୋସ୍ନାନ୍, ଖାନିଙ୍ଗ୍ ପୁର୍ନାଡ଼, ଏନ୍ ପୋୟ୍ନାନ୍, ଖାନ୍ ପୋୟ୍ଦେଙ୍ଗ୍ ଆଟ୍ଝନାନ୍; ମାରି, ଏନ୍ ସେର୍ଲାଦୁ କଡ଼ନାନ୍, ଖାନି ଉଣ୍ଡିଙ୍ଗ୍ ସେର୍ଲା ରେନାସିନାନ୍ ।

୧୧ ମାରି, ମି ଲୋଇ ଇୟାଖାଜା ବୁବା ଏନ୍ ମାନାନ୍ ? ଆମାଖାନିଙ୍ଗ୍ ଖାନି ମାରିସି ମିନି ଲୋସ୍ତିଙ୍ଗ୍ ଖାନ୍ ଖାନିଙ୍ଗ୍ ମିନି ବାଦ୍ଲୁ ସାରାସ୍ ସିନାନ୍ ?

୧୨ ମାରି କରୁ ଗୁଡୁ ଲୋସ୍ତିଙ୍ଗ୍ ଖାନ୍ ଖାନିଙ୍ଗ୍ ସର୍ବୁପି ସିନାନ୍ ନୋ ?

୧୩ ମିର୍ ତାଗ୍ଲ ଲୋକୁ ଆତିଙ୍ଗ୍ବା ଏସାଙ୍ଗ୍ ନିଜେ ନିଜେରି କଡ଼ରିଙ୍ଗ୍ ନେଗି ନେଗି ଜିନିସ୍ ସିଦେଙ୍ଗ୍ ନେସ୍ନିଦେର୍, ଆରିଙ୍ଗ୍ ଏମେ ବୁବା ମୁସ୍କୁପୁର୍ତାନ ସିନାନ୍, ଖାନ୍ ଖାନିମାନ୍ ଲୋସ୍ନି ଲୋକାଙ୍ଗ୍ ଏସୋ ନାଣ୍ଡାଜା ପବିତ୍ରଆମ୍ବା ସିନାନ୍ !

ଜିସୁ ନି ବାଆଲ୍ଜିବୁଲ୍

(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ଅରଲେନ୍ ଜିସୁ ଖାରିଦେଙ୍ଗ୍ ଆଟ୍ଝ ଅରେନ୍ ଲୋକ୍ମାଣାନ୍ ଦୁବା ପେର୍ଜିମାର୍ଥାନ, ଦୁବା ସତି ସର୍ବ ଝେନକା ଗୁଲା ଲୋକୁ ଖାରିଦେଙ୍ଗ୍ ଆଟ୍ଝନାନ୍; ଆବେଟ୍ ଲୋକୁ ଝିଜେରେ କାବା ଆତାର୍ ।

୧୫ *ମାତର୍ ଖାରି ଲୋଇ ଏର୍ ଏର୍ ଇର୍ହାର୍, ଜିସୁ ଦୁବେଙ୍ଗ୍ ପେରିକାନ୍ ବାଲ୍ଜିବୁଲ୍ ସାକ୍ତିଦାନ୍ ଦୁବେଙ୍ଗ୍ ଝିସ୍ସିନାନ୍ ।

୧୬ *ଆଇକାର୍ ଖାନିଙ୍ଗ୍ ଉରିଦୁ ଆର୍ପ୍ତେଙ୍ଗ୍ ବଦା କିଜିମାର୍ଥାର୍ । ଆଦେଙ୍ଗ୍ ମାପୁରୁ ଜେ ଖାନିଖାଲେ ମାନାନ୍ ଇୟା ସିନାଦି ଖାଜା ଖାନିଙ୍ଗ୍ ବାଦ୍ତତାନ୍ ଉଣ୍ଡି କାବାଆନି ପାଣି ତର୍ତେଙ୍ଗ୍ ଇର୍ହାର୍ ।

୧୭ ମାତର୍ ଜିସୁ ଖାରି ମନ୍ତି ମାଟା ନେସ୍ସି ଖାରିଙ୍ଗ୍ ଇରଥାନ, ଏମେ ଦେସ୍ ବାଗ୍ ଆଜି ନିଜେ ବିରଦ୍ତାନ ନିଙ୍ଗ୍ ନାଡ଼, ଆକା ନାସୁ ଆନା ସନାଡ଼, ମାରି ଉଣ୍ଡି ଇଲୁ ରୁଣ୍ଡି ବାଗ୍ ଆତିଙ୍ଗ୍ ନାସୁ ଆନାଡ଼ ।

୧୮ ମାରି, ସୟ୍ତାନ ବା ଜଦି ବାଗ୍ ଆଜି ନିଜେ ବିରଦ୍ତାନ ନିଙ୍ଗ୍ ତାନି, ଆତିଙ୍ଗ୍ ତାନି ରାଜି ଏଣ୍ଡେସ୍ ତିର୍ଆଜି ତେବାନାଡ଼ ? ନାନ୍ ବାଲ୍ଜିବୁଲ୍ତି ସାକାଦାନ୍ ଦୁବେଆଙ୍ଗ୍ ଝିସ୍ସିନା ଇଜି ମିର୍ ତୋ ଇଜିନିଦେର୍ ।

୧୯ ମାତର୍ ନାନ୍ ଜଦି ବାଲ୍ଜିବୁଲ୍ତି ସାକ୍ତିଦାନ୍ ତାଗ୍ଲ ଦୁବେଆଙ୍ଗ୍ ପେର୍ଜିନା, ଆରିଙ୍ଗ୍ ମି କଡ଼ର୍ ଏମେ ସାକାଦାନ୍ ଖାରିଙ୍ଗ୍ ଝିସ୍ସିନାର୍ ? ଆଦେଙ୍ଗ୍ ଖାରି ମି ମୁସ୍କୁ ବିସାର୍ କିନିକାର୍ ଆନାର୍ ।

୨୦ ସିଲେ, ମାତର୍ ମାପୁରୁଦି ସାକ୍ତିଦାନ୍ ନାନ୍ ଦୁବେଙ୍ଗ୍ ଝିସ୍ସିନା ମାରି ଇକା ପାର୍ମାଣ୍ ଆଜିନାଡ଼ ଜେ ମାପୁରୁଦି ରାଜି ମି ଲାକ୍ତୁ ଇଗା ଖାତାଡ଼ନି ।

୨୧ ଅରେନ୍ ବପୁମାନି ଲୋକୁ ଆମାସାନ୍ଦି ଜୁଦ୍ କିନି ସାସାପାତି ଆସ୍ସି ତିଆର୍ ଆଜି ନିଜେଦି ରାଜି ରକିୟା କିନାନ୍, ଆୟା ସାନ୍ଦି ଖାନି ଝିଜୁ ସମ୍ପତି ନେଗେନ୍ ତେବାନାଡ଼ ।

☆ ୧୧:୧୫ ମାତିଉ ୯:୩୪; ୧୦:୨୫. ☆ ୧୧:୧୬ ମାତିଉ ୧୨:୩୮; ୧୨:୧; ମାର୍କ ୮:୧୧.

୨୨ ମାତର ଏସ୍ତ୍ରାଲେ ଖାନିମାଣାନ ନାଶ୍ଟ ବପୁଦି ଲୋକୁ ଖାନିଙ୍ଗ୍ ତାକସି ଜିଣାନାନ, ନାସ୍ତ୍ରାଲେ ଏମେ ଜୁଦକିନି ସାସାପାତିଦୁ ଖାନି ଆସା ମାରଆଡ୍, ଆୟାଞ୍ଜିକୁ ଖାନ ରେନା ଅନାନ, ମାରି ଖାନି ତଙ୍ଗିକିତି ଜିନସ୍ ବାଟାକିନା ଅନାନ ।

୨୩ ଏନ୍ ନା ତରିନ୍ ସିଲେନ୍, ଖାନ ନା ସାତୁ; ମାରି, ଏନ୍ ନା ଖାଲେ ଉଣ୍ଡା କିଏନ୍, ଖାନ ଇନ୍‌ଙ୍ଗି ଆନିଙ୍ଗି କିନା ପୋକ୍‌ନାନ ।

ତାଗ୍‌ଇଦୁବା ଡେସିଞ୍ଜାନିକା
(ମାତିଉ ୧୨:୪୩-୪୫)

୨୪ “ଏସ୍ତ୍ରାଲେ ଉଣ୍ଡି ତାଗ୍‌ଇଦୁବା ଅରେନ୍ ଲୋକୁ ମାଣାନ ସତିସରଇ ଖେନ୍‌କା ଏରୁସିଲି ବାଡିଙ୍ଗ୍ ଡିଜୁ ବୁଲାଜି ରମ୍‌ଦେଙ୍ଗ୍ ପୟନାଡ୍, ମାରି ଖାଦ୍ ରମ୍‌ଦେଙ୍ଗ୍ ବାଡି ପୋୟଏତିଙ୍ଗ୍ ଇନାଡ୍, ନାନ ଏମେ ଇନ୍‌ଡୁଣାନ ସତା ଖାତାମାରଆ, ନା ଆୟା ଇନ୍‌ଡୁ ମାରିଡେସି ସନା ।

୨୫ ମାରି, ଖାଦ୍ ଖାଜି ଆୟା ଇଲୁ ନେଗ୍ରେଣ୍ଡା ସିପାତିକା ମାରି ଡିଜୁ ରସ୍‌ତିକା ସୁଣାଡ୍ ।

୨୬ ନାସ୍ତ୍ରାଲେ ଖାଦ୍ ସଲ୍‌ସି ତାନେମାଣାନ ନାଶ୍ଟ ତାଗ୍‌ଇ ମାରି ସାଡ୍‌ଗୋଟା ଆଡ୍‌ମେଙ୍ଗ୍ ଅରସେ ଆସନା ଖାନାଡ୍, ମାରି ଖାକ୍ ଆବେ ଡ୍ରେନେ ନୋ ଆବେ ବାସାନେ, ମାରି ଆୟା ଲୋକ୍‌ତି ପାର୍‌ଡୁମ୍‌ତି ଦସ୍ ବାଦ୍‌ଲୁ ଖେନ୍‌କାରି ଦସ୍ ନାଶ୍ଟ ତାଗ୍‌ଇକା ଆନାଡ୍ ।”

ସଡ୍ ଖେଡିକା

୨୭ ଜିସୁ ଇୟା ମାଟା ଇନିଞ୍ଜାଲେ ଲୋକା ଲୋଇରାନ୍ ଅରେଡ୍ ଆଇମା ନାଶ୍ଟ ଆଉଲି ଆଜି ଇର୍ହାଡ୍, “ଦନ୍ୟ ମି ଯାୟା, ଏଦ୍ ନିଙ୍ଗ୍ ଜନମ୍ ସିତାମାନାଡ୍ ମାରି ଆୟା ପାଲୁ, ଆମାଟ୍‌କୁ ନିନ୍‌ ଉଟିମାନି ।”

୨୮ ଜିସୁ ଇର୍‌ଆନ୍, “ସିଲେ, ଏମେକାର୍ ମାପୁରୁଦି ବାକ୍ୟ ଖେନାର୍, ମାରି ମାନାନାର୍, ଖାର୍ ଦନ୍ୟ ।”

କାବାଆନି ପାଣି ଉଣ୍ଡିଙ୍ଗ୍ ଦାବି
(ମାତିଉ ୧୨:୩୮-୪୨)

୨୯ ଲୋକ୍ ଡିଜେରେ ମାୟା ମାୟା ଆଜି ଜିସୁ ଲାକ୍‌ଡୁ ଉଣ୍ଡାଜି ମାର୍‌ଇ ଖାଲେ ଖାନ ଇନ୍‌ଡେଙ୍ଗ୍ ଆସତାନ୍, ଇୟା ଦିନ୍‌ତି ମେମାରିଏନ୍ ତାଗ୍‌ଇକାର୍; ଇକାର୍ ସିନା ପୋଇନାର୍, ମାତର୍ ଜୁନସ୍‌ତି ସିନା ଡିସ୍‌ତିଙ୍ଗ୍ ଆଇ ଆମା ସିନା ଖାରିଙ୍ଗ୍ ସିଏର୍ ।

୩୦ ମାତର୍ ଜୁନସ୍ ଏଣ୍ଡେସ୍ ନିନିବିଦିଞ୍ଜାରି ଉଣ୍ଡିଙ୍ଗ୍ ସିନାଦିଞ୍ଜାଆ ଆତାନ୍, ମନୁସ୍ୟପୁତ୍ର ବା ଆୟାଞ୍ଜା ଇୟା ଜୁଗ୍‌ତି ଲୋକା ଉଣ୍ଡିଙ୍ଗ୍ ଆନାନ ।

୩୧ ସିବା ଦେସ୍‌ତି ରାଣି ବିଚାର୍‌ଡୁ ଇୟା ଦିନ୍‌ଡୁ ମେମାର୍‌ଙ୍ଗି ଖାଲେ ନିଙ୍ଗ୍ ଇୟାଞ୍ଜାରିଙ୍ଗ୍ ଦୋସ୍ ଆସିସ୍ କିନାଡ୍, ମାତର୍ ସଲମନ୍‌ତି ବୁଦିଦି ମାଟା ଖେନ୍‌ଡେଙ୍ଗ୍ ଇଜି ଦୁନିଆଦି ଆକ ଦେସ୍‌ତାନ୍ ଖାଦ୍ ଖାତାମାରଆଡ୍, ମାରି ସୁଡ୍‌ଡୁ, ସଲମନ୍‌ତି ଡିସ୍‌ତିଙ୍ଗ୍ ପେରି ବିସୟ ଇୟା ବାଡିଦୁ ମାନାଡ୍ ।

୩୨ ନିନିବିଦି ଲୋକୁ ବିଚାର୍‌ଡୁ ଇୟା ଦିନ୍‌ତି ମେମାର୍‌ଙ୍ଗି ଖାଲେ ନିଙ୍ଗ୍ ଇୟାଞ୍ଜାରିଙ୍ଗ୍ ଦସ୍ କିନାର୍, ମାତର୍ ଖାର୍ ଜୁନସ୍‌ତି ପ୍ରଚାର୍‌ତାନ୍ ମନ୍ ଡେପ୍‌ତା ମାର୍‌ଆର୍, ମାରି ସୁଡ୍‌ଡୁ, ଜୁନସ୍‌ତି ଡିସ୍‌ତିଙ୍ଗ୍ ପେରି ବିସୟ ଇବେନ୍‌ ମାନାଡ୍ ।

ମେନ୍‌ଲ୍‌ତି ଦିଞ୍ଜା
(ମାତିଉ ୫:୧୫; ୬:୨୨-୨୩)

୩୩ ଏନ୍ ଦିଞ୍ଜା କାସିସ୍ କିଜ ଆଡିକସି ବାକରାଦୁ ଇଡ୍‌ଏନ୍ ମାରି ଅଡି ଆଡ୍‌ଗି ଇଡ୍‌ଏର୍, ମାତର୍ ଦିଞ୍ଜା ଇଡ୍‌ନି ବାଡିଦୁ ଇଡ୍‌ନାର୍, ଏଣ୍ଡେସ୍ ଲୋଇ ଡ୍ରେନି ଲୋକୁ ଜାୟ୍ ସୁଡ୍‌ଡୁଦେଙ୍ଗ୍ ଆଡ୍‌ନାର୍ ।

୩୪ ମି କାଣ୍‌ଗା ମେନ୍‌ଲ୍‌ତି ଦିଞ୍ଜା । ଏସ୍ତ୍ରାଲେ ମି କାଣ୍‌ଗା ନେଗିକା ତେବାନାଡ୍, ନାସ୍ତ୍ରାଲେ ମି ଡିଜୁ ମେନ୍‌ଲ୍ ବା ଜାୟ୍‌ଞ୍ଜା ଆନାଡ୍; ମାତର୍ ଏସ୍ତ୍ରାଲେ କାଣ୍‌ଗା ତାଗ୍‌ଇକା ମାନାଡ୍, ନାସ୍ତ୍ରାଲେ ମି ମେନ୍‌ଲ୍ ବା ସିକାଟିଞ୍ଜା ଆନାଡ୍ ।

୩୫ ମାରି ଜାଗାର୍‌ତା, ଏଣ୍ଡେସ୍ ମି ଜିବନ୍‌ତି ଜାୟ୍ ସିକାଟି ଆଏଡ୍ ।

୩୬ ଜଦି ମି ଡିଜୁ ମେନ୍‌ଲ୍ ଜାୟ୍ ଆନାଡ୍ ମାରି ଆବେଣି ଇନି ବାଡିଦୁ ସିକାଟି ତେବାଏଡ୍, ଆଡିଙ୍ଗ୍ ଦିଞ୍ଜା ଏଣ୍ଡେସ୍ ଜାୟ୍‌ଡୁ ମିଙ୍ଗ୍ ଜାୟ୍ ସିନାଡ୍, ଆୟାଞ୍ଜା ମି ଡିଜୁ ମେନ୍‌ଲ୍ ଜାୟ୍ ଆନାଡ୍ ।”

ଜିସୁ ପାରୁସି ନି ସାସ୍ତ୍ରିଙ୍ଗ୍ ବିରୁଦ୍‌କିତାର୍
(ମାତିଉ ୨୩:୧-୩୬; ମାର୍କ ୧୨:୩୮-୪୦; ଲୁକ ୨୦:୪୫-୪୬)

୩୭ ଜିସୁ ମାଟା ଇନ୍‌ଜିମାର୍‌ଇ ଖାଲେ ଅରେନ୍ ପାରୁସି ଖାନିଙ୍ଗ୍ ଖାନି ଇନ୍‌ଡୁ ଉଣ୍ଡେଙ୍ଗ୍ କୁକ୍‌ତାନ୍, ମାରି ଖାନ ଇନ୍‌ଡୁ ଡ୍ରେନିତାନ୍ ନୋ ଉଣ୍ଡେଙ୍ଗ୍ ବାସତାନ୍ ।

୩୮ ମାତର୍ ଉଣି ଆଗ୍‌ଡି ଖାନ୍ ଜେ ଆଗ୍‌ଡି ଏର୍ ନର୍‌ବାଏନ୍ ମାର୍‌ଆନ୍, ଇକା ସୁଡ୍‌ଡୁ ଆୟା ପାରୁସି କାବା ଆତାନ୍ ।

☆ ୧୧:୨୩ ମାର୍କ ୯:୪୦. ☆ ୧୧:୨୯ ମାତିଉ ୧୨:୪; ମାର୍କ ୮:୧୨. ☆ ୧୧:୩୩ ମାତିଉ ୫:୧୫; ମାର୍କ ୪:୨୧; ଲୁକ ୮:୧୭.

୩୯ ଆବେଟ୍ ପ୍ରଭୁ ଖାନିଙ୍ଗ୍ ଇର୍ଥାନ, ମିର୍ ପାରୁସିର୍ ଗାଦେ ତୁବାଇ ନି ସାଡ଼୍‌ଝାଦି ଆଡ଼ରେ ନର୍ନିଦେର୍, ମାତର୍ ମି ଲୋଇ ତଙ୍ଗିକିନିପାଣି ନି ତାଗ୍‌ଇପାଣି ପୁରାମାନାଡ଼ ।

୪୦ ଏ ବୁଦିସିଲିକିଦେର୍, ଏନ୍ ଆଡ଼ରେ ତିଆର୍ କିତାନ୍, ଖାନ୍ ଇନିକା ଲୋଇ ବା ତିଆର୍ କିଏତାନ୍ ?

୪୧ ମି ଲତ୍ତାଦାନ୍ ଆମାକା ଉଣ୍ଡାକିତିମାନିଦେର୍ ଆକା କାକୁତ୍ ଲୋକାଙ୍ଗ୍ ଦାନ୍ ସିଦୁ ଆରିଙ୍ଗ୍ ମିର୍ ପୁରା ନର୍ଆନିଦେର୍ ।

୪୨ ମାତର୍ ତି, ଦଣ୍ଡ ପୋଇନି ପାରୁସିର୍, ଇରିଙ୍ଗ୍ ମିର୍ ପୋଦିନା, ଆରୁଦ ମାରି ଝିଜୁଜାତିଦି କୁସାପୁଲା ଦସ୍‌ବାଗ୍‌ତାନ୍ ଉଣ୍ଡି ବାଗ୍ ମାପୁରୁଙ୍ଗ୍ ଦାନ୍ ସିନିଦେର୍, ମାରି ଆଇ ଲୋକାଙ୍ଗ୍ ନ୍ୟାୟ ବିସାର୍‌ତୁ ଦୟା ତରତେଙ୍ଗ୍ ମାରି ମାପୁରୁଙ୍ଗ୍ ଜିବନ୍‌ନୋଦେଙ୍ଗ୍ ବାଣାନିଦେର୍; ମାତର୍ ଇୟାଝିଜୁ କିନିକା ମାରି ଆଇକା ଝିଜୁ ବାଣାଇକା ମାନାଡ଼ ।

୪୩ “ତି, ପାରୁସିର୍ ମିର୍ ଦଣ୍ଡ ପୟନିଦେର୍, ଇରିଙ୍ଗ୍ ମିର୍ ପାରତନାକିନି ଇଲ୍‌କାଙ୍ଗ୍ ପେରି ବାଡି ମାରି ସାତାସାଉକାତୁ ମାଡ଼ିସ୍‌କିନିକା ପୋୟଦେଙ୍ଗ୍ ଅଡ଼ବିନିଦେର୍ ।

୪୪ ତି, ମିର୍ ଦଣ୍ଡ ପୟନିଦେର୍, ଇରିଙ୍ଗ୍ ମିର୍ ତରଇ ମୁସ୍‌ତି ବାଡ଼ିଦି ଖାଜା; ତାନି ମୁସ୍‌କୁ ନେସ୍‌ଏଣ୍ଡା ବୁଲାସାଲାନିକାର୍ ଲୋକୁ ଆକା ମୁସ୍‌ତି ବାଡ଼ି ଇଜି ନେସ୍‌ଏର୍ ।”

୪୫ ଆବେନ୍‌ନୁ ସାସ୍ତ୍ରି ମାଣାନ୍ ଅରେନ୍ ଖାନିଙ୍ଗ୍ ଇର୍ହାନ୍, “ଏ ଗୁରୁ, ଇକା ଇନ୍‌ଜି ନିନ୍‌ନୁ ମାଙ୍ଗ୍ ବା ଅପମାନ୍ କିଜିନି ।”

୪୬ ଖାନ୍ ଇର୍ହାନ୍, “ତି, ସାସ୍ତ୍ରି ଯେ ମିର୍ ମିର୍ ବା ଦଣ୍ଡ ପୋଇନିଦେର୍, ଇରିଙ୍ଗ୍ ମିର୍ ଲୋକାଙ୍ଗ୍ ନିୟମକୁ ମାନାଦେଙ୍ଗ୍ ଇଜିନିଦେର୍ ମାତର୍ ନିଜେ ମିର୍ ଏସାଙ୍ଗ୍‌ବା ଇବେଣି ଉନ୍‌ଡ଼ି ନିୟମ ବା ମାନାଦେଙ୍ଗ୍ ସାହାଜ୍ୟକିଇଜିନିଦେର୍ ।

୪୭ ତି, ମିର୍ ଦଣ୍ଡ ପୟନିଦେର୍, ଇରିଙ୍ଗ୍ ମିର୍ ବାବବାଦିରି ମୁସ୍‌ନି ଗୁଟା ତିଆର୍ କିଜିମାନିଦେର୍, ଆମାଝାରିଙ୍ଗ୍ ମି ପୁର୍ବେଦିତକ୍‌ରାଦାଦାର୍ ଖାରିଙ୍ଗ୍ ସାୟାମାର୍‌ଗା ତାକ୍‌ତା ମାର୍‌ଆର୍ ।

୪୮ ମାରି, ମି ପୁର୍ବେଦିତକ୍‌ରାଦାଦାରି ପାଣିଦି ବିସୟତାନ୍ ମିର୍ ସାକି ଆନିଦେର୍ ମାରି ଆକା ରାଜି ଆଜିନିଦେର୍; ଇରିଙ୍ଗ୍ ଖାର୍ ଗାଦେ ବାବବାଦିରିଙ୍ଗ୍ ସାୟାମାର୍‌ଗା ତାକ୍‌ତା ମାର୍‌ଆର୍, ମାତର୍ ମିର୍ ଖାରିଦି ମୁସ୍‌ନିବାଡ଼ି ତିଆର୍ କିଜିନିଦେର୍ ।

୪୯ ଆଦେଙ୍ଗ୍ ମାପୁରୁ ବା ନିଜେଦି ବୁଦିଦାନ୍ ଇର୍ଥା ମାନାନ୍, ମାପ୍ ଖାରି ଲାକ୍‌ତୁ ବାବବାଦି ନି ପ୍ରେରିତ ସିସୁରିଙ୍ଗ୍ ପୋକ୍‌ନା; ଖାରି ଲୋଇରାନ୍ ଏଙ୍ଗ୍ ଏଙ୍ଗ୍ ଖାର୍ ସାୟାମାର୍‌ଗା ତାକ୍‌ନାର୍ ମାରି ଏଙ୍ଗ୍ ଏଙ୍ଗ୍ କାସୁ ସିନାର୍,

୫୦ ଇୟା ଜଗତି ଲୋକୁ ଦୁନିଆଦି ତିଆର୍‌ଆତି ଆଗ୍‌ଡ଼ିରାନ୍ ଝିଜେରେ ବାବବାଦିରି ସାୟାମାର୍‌ଗା ତାକ୍‌ତିମାନି ଉଣ୍ଡିଙ୍ଗ୍ ଦଣ୍ଡ ପୟନାର୍ ।

୫୧ ହେବଲ୍‌ତି ତାକ୍‌ତିମାଣୁକୁ ଆରାମ୍ କିଜି ଜିକରିୟଦି ସାଦି, ଆମାଝାନିଙ୍ଗ୍ ପୁଜାକିନି ବେଦି ମାରି ପବିତ୍ର ବାଡ଼ିଦୁ ସାୟାମାର୍‌ଗାତାକ୍‌ତା ମାର୍‌ଆର୍, ହୁଁ, ନାନ୍ ମିଙ୍ଗ୍ ଇଜିନା, ଇୟା ଜଗତି ଲୋକୁ ଆୟା ଝିଜେରି ଉଣ୍ଡିଙ୍ଗ୍ ଦଣ୍ଡ ବଗାନାର୍ ।

୫୨ “ତି, ଦଣ୍ଡ ପୟନି ସାସ୍ତ୍ରି, ଇରିଙ୍ଗ୍ ମିର୍ ବୁଦିଦି କୁସିକାଣ୍ଡି ନିଜେ ଇଟ୍‌ତିଦେର୍; ମିର୍ ନିଜେନିଜେ ଡ଼ଗୁଇତିଦେର୍ ମାରି ଡ଼ଗୁଦେଙ୍ଗ୍ ବଦାକିତି ଲୋକାଙ୍ଗ୍ ସାରି ସିଇତିଦେର୍ ।”

୫୩ ମାରି, ଜିସୁ ଆବେଟ୍‌କୁ ସତିସର୍‌ଇ ଝେନ୍‌କା ସାସ୍ତ୍ରି ନି ପାରୁସିର୍ ନାଣ୍ଡି ରିସା ଆଜି,

୫୪ ଖାନି ଝେୟୁଦାନ୍ ଇନି ତାଗ୍‌ଇ ମାଟା ଆସ୍‌ସି ଉଣ୍ଡିଙ୍ଗ୍ ଉରିଦୁ ଆର୍‌ପ୍‌ତେଙ୍ଗ୍ ଖାନିଙ୍ଗ୍ ନାଣ୍ଡି ବିସୟତାନ୍ ମାଟା ଝେନ୍‌ବାଦେଙ୍ଗ୍ ଆସ୍‌ତାର୍ ।

୧୨

ଟକ୍ ଲୋକ୍‌ଖାଜା ଆମାଟ୍

(ମାତିଉ ୧୦:୨୭-୨୭)

୧ *ଆବେନ୍‌ନୁ ଅଜାର୍‌ଅଜାର୍ ଲୋକୁ ଉଣ୍ଡାତାର୍ ନୋ ନିଜେ ନିଜେଦି ମୁସ୍‌କୁ ମାଟ୍‌ସିସାଜିମାର୍‌ହାର୍; ନାସ୍ତିଖାଲେ ଜିସୁ ଆଗିଡ଼ି ନିଜେଦି ସିସୁରିଙ୍ଗ୍ ଇନ୍‌ଡ଼େଙ୍ଗ୍ ଆସ୍‌ତାନ୍, ପାରୁସିର୍ କମିର୍ ଖାଜା ଟକ୍‌ତି ବିସୟତାନ୍ ଜାଗାର୍‌ତା ମାନ୍‌ଡୁ ।

୨ *ମାତର୍ ଆମାକା ମାର୍‌ଗିତା ମାନାଡ଼, ଆକା ତରାନାଡ଼ । ମାରି ଝିଜୁ ବିସୟ ତରାନାଡ଼ ।

୩ ମିର୍ ଆମାକା ସିକାଟିଦୁ ଇର୍‌ଇମାନିଦେର୍, ଆୟାଝିଜୁ ଜାୟ୍‌ତୁ ଝେନିଦେର୍, ମାରି ଆମାକା ନେସ୍‌ଇ ଖାଜା ବାକ୍‌ରା ଲୋଇ ମାରାକ୍‌ସି ଇର୍‌ଇମାନିଦେର୍, ଆକା ଇଲୁଦି ସାଡ଼ ମୁସ୍‌କୁ ପ୍ରଚାର୍ କିଆୟ୍‌ଆନାଡ଼ ।

ଏଙ୍ଗ୍ ତିଲାନିକା

(ମାତିଉ ୧୦:୨୮-୩୧)

୪ ମାତର୍ ନା ତଡ଼କୁ ଜେ ମିର୍, ମିଙ୍ଗ୍ ନାନ୍ ଇଜିନା, ଏମାକାର୍ ମେନ୍‌ଲ୍‌ତିଙ୍ଗ୍ କାଡ଼ନାର୍, ମାତର୍ ତାନେଝେନ୍‌କା ମାରି ଇନିକା କିଦେଙ୍ଗ୍ ଆର୍‌ଏର୍, ଖାରିଙ୍ଗ୍ ତିଲାମାଟ୍ ।

☆ ୧୨:୧ ମାତିଉ ୧୨:୨; ମାର୍କ ୮:୧୫. ☆ ୧୨:୨ ମାର୍କ ୪:୨୨; ଲୁକ ୮:୧୭.

୫ ମାତର ଏଇ ତିଲାନିଦେର, ଆକା ନାନ ମିଙ୍ଗ ଝେରନା; ସାୟାମାରଗାଡାକତି ଝେନକା ନରକଦୁ ପୋକନି ଉଣ୍ଡିଙ୍ଗ ଆମା ମାପୁରୁଦି ଅଦିକାର ମାନାଡ଼, ଝାନିଙ୍ଗ ତିଲାଦୁ; ହୁଁ, ନାନ ମିଙ୍ଗ ସଡ଼ ଇଜିନା, ଝାନିଙ୍ଗ ତିଲାଦୁ ।

୬ ପାସଗୋଟା ସାଡ଼ାପୋଟିଙ୍ଗ ଇନିକା ଉଣା ଡାବୁଆଙ୍ଗ ପୋରଏର ନୋ ? ମାରି, ଝାନିକା ମାଣକୁ ଉଣ୍ଡି_ତାନିଙ୍ଗ ବା ମାପୁରୁ ବାଣାଏନ ।

୭ ମାତର ମି ତାଲାଦି କୁକୁଟି ବା ଝିଜୁ ଲେକିସ୍ କିଆୟାଆତାମାନାଡ଼ । ତିଲାମାଟ୍; ମିର ନାଣ୍ଡ ସାଡ଼ାପୋଟିଙ୍ଗ ମାଣାନ ନାଣ୍ଡ !

କ୍ରିସ୍ତଙ୍ଗ ମାନାନିକା ମାରି ମାନାଇକା

(ମାତିଉ ୧୦:୩୨-୩୩; ୧୨:୩୨; ୧୦:୧୯-୨୦)

୮ ମାରି, ନାନ ମିଙ୍ଗ ଇଜିନା, ଏନ୍ ଲୋକା ଆଗିଡ଼ି ନାଙ୍ଗ ମାନାନାର, ମନୁଷ୍ୟପୁତ୍ର ବା ମାପୁରୁଦି ମୁସକୁପୁରତି ଦୁଡ଼କା ଆଗ୍ଡ଼ି ଝାନିଙ୍ଗ ମାନାନାର;

୯ ମାତର ଏନ୍ ଲୋକା ଆଗିଡ଼ି ନାଙ୍ଗ ମାନାଏନ୍, ଝାନ ମାପୁରୁଦି ଦୁଡ଼କା ଆଗିଡ଼ି ମାନାକିବିସ୍ କିଏର ।

୧୦ *ମାରି, ଏନ୍ବା ମନୁଷ୍ୟପୁତ୍ରଦି ବିରଦ୍ତାନ ମାଟା ଇନ୍ନାନ, ଝାନିଙ୍ଗ କେମା ପୁଟ୍ନାଡ଼; ମାତର ଏନ୍ ପବିତ୍ରଆମ୍ବାଦି ବିରଦ୍ତାନ ନିନ୍ଦା ମାଟା ଇନ୍ନାନ, ଝାନିଙ୍ଗ କେମା ପୁଟ୍ନାଏଡ଼ ।

୧୧ *ମାରି, ଏସ୍ତିଝାଲେ ଝାର ମିଙ୍ଗ ପାରତନା ଇଲୁଦୁ, ସାସନ୍କିନିଝାରିମାନୁ ମାରି ଅଦିକାର ପୋଇତି ଲୋକା ଲାକଡ଼ୁ ଅନାର, ନାସ୍ତିଝାଲେ ମିର ମି ତରିଟାନ ଏଣ୍ଡେସ୍ମାରି ଇନି ମାଟା ଇଣ୍ଡେ_ଙ୍ଗ ଆନାଡ଼ ମାରି ଇନିକା ଇନା, ଆୟା ବିସ୍ମୟତାନ ଚିନ୍ତା କିମାଟ୍ ।

୧୨ ଇରିଙ୍ଗ ଇନିକା ଇଣ୍ଡେ_ଙ୍ଗ ଆନାଡ଼, ଆକା ପବିତ୍ର ଆମ୍ବା ଆୟାଝାଲେ ମିଙ୍ଗ ଅଜା କିନାଡ଼ ।”

ମୁର୍ଖୁ ମାଜନ୍ ଲୋକାଦି କାତା

୧୩ ଲୋକା ଲୋଇରାନ୍ ଅରେନ୍ ଜିସୁଙ୍ଗୁଁ ଇରଆନ୍, “ଏ ଗୁରୁ, ନା ତଡ଼ାନତିଙ୍ଗ ନା ଝାଲେ ବୁବାଦି ଦନ୍ ସମ୍ପତ୍ତି ବାଟା କିଜ ସିଦେଙ୍ଗ ଇନ୍ଆଁ ।”

୧୪ ମାତର ଜିସୁ ଝାନିଙ୍ଗ ଇରଆନ୍, ଏ ତଡ଼, ଏନ୍ ନାଙ୍ଗ ମି ଦନ୍ ସମ୍ପତି ମୁସକୁ ବିସାର କିନିକାନ୍ ମାରି ବାଟା କିଜି ସିଦେଙ୍ଗ ନିଲପ୍ତାନ ?

୧୫ ମାରି, ଝାନ ଝାରିଙ୍ଗ ଇରଆନ୍, ଜାଗରାତା, ଝିଜୁଜାତିଦି ଆସାଦାନ୍ ନିଜେ ନିଜେଦିଙ୍ଗ ଆକ ଇଡ଼ଦୁ, ଇରିଙ୍ଗ ଅରେନ୍ ଲୋକତି ଜିବନ୍ ଝାନି ଦନ୍ ସମ୍ପତ୍ତି ମୁସକୁ ଆସାଏନ୍ ।

୧୬ ମାରି ଝାନ ଝାରିଙ୍ଗ ଇୟା କାତା ଇରଆନ୍, ଅରେନ୍ ମାଜନ୍ ଲୋକତି କିଡ଼ିଇଦୁ ନାଣ୍ଡ ପାସି ଆତାଡ଼ ।

୧୭ ଆବେଟ୍ ଝାନ ମନ୍ତୁ ମନ୍ତୁ ଅଡ଼ବିଜି ଇରଆନ୍, ଇନିକା କିନା ? ଇରିଙ୍ଗ ନା ପାସି ଉଣ୍ଡା କିଜି ଇଡ଼ଦେଙ୍ଗ ବାଡ଼ି ସିଲେଡ଼ ।

୧୮ ମାରି, ଝାନ ଇରଆନ୍, ଇକା କିନା; ନାନ ଆଗିଡ଼ି ଇଡ଼ନି କଲକି ରୁକସି ପେରି ପେରି କଲକିଙ୍ଗ କିଜି ତିଆର୍ କିନା ମାରି ଆୟାଝିଜୁ ମାନୁ ନା ପାସି ଉଣ୍ଡା କିଜି ଇଡ଼ନା,

୧୯ ମାରି ନାନ ନା ଜିବନ୍ତିଙ୍ଗ ଇନା, ରେ ଜିବନ୍, ଏସ ବାର୍ଦ୍ଧେକ୍ତି ଉଣ୍ଡିଙ୍ଗ ନି ଉଣ୍ଡିତିନିକା ନାଣ୍ଡ ପାସି ଉଣ୍ଡାତାମାନାଡ଼, ରମ୍ପା, ଉଣ୍ଡାଆ, ଝେଡ଼ିକା କିଆ;

୨୦ ମାତର ମାପୁରୁ ଝାନିଙ୍ଗ ଇରଆନ୍, ଏ ବୁଦି ସିଲିକିନ୍ଦା, ନେର୍ ନାଡ଼ା ନି ଜିବନ୍ ନିବାଣାକୁ ଅନା; ଆବେଟ୍କୁ ନିନ୍ ଆମାକା ଆମାକା ନିଜେଦିଙ୍ଗ ଉଣ୍ଡା କିଡ଼ିମାନି, ଆୟାଝିଜୁ ଏଣ୍ଡି ଆନାଡ଼ ?

୨୧ ଏନ୍ ନିଜେଦି ଉଣ୍ଡିଙ୍ଗ ଦନ୍ ଉଣ୍ଡା କିନାନ୍, “ମାତର ମାପୁରୁଦି ଆଗ୍ଡ଼ି ମାଜନ୍ ଆଏନ୍, ଝାନି ଉଣ୍ଡିଙ୍ଗ ଇୟାଝାଜା ଗଟେଆନାଡ଼ ।”

ମାପୁରୁମାନୁ ଆସା ଇଡ଼ିନାଟ୍

(ମାତିଉ ୬:୨୫-୩୪)

୨୨ ଜିସୁ ନିଜେଦି ସିସୁରିଙ୍ଗ ଇରଆନ୍, ଇୟାଉଣ୍ଡିଙ୍ଗ ନାନ ଇଜିନା, ଇନିକା ଉଣା, ଇୟାଝାଜା ଇଜି ମି ଜିବନ୍ତି ଉଣ୍ଡିଙ୍ଗ, ମାରି ଇନିକା ଆରାନା, ଇୟାଝାଜା ଇଜି ମି ମେନ୍ଦଲ୍ଡି ଉଣ୍ଡିଙ୍ଗ ବା ସିନ୍ତା କିମାଟ୍ ।

୨୩ ଇରିଙ୍ଗ ଉଣି ବାଦୁଲୁ ଜିବନ୍ ମାରି ଆଙ୍ଗ ଆରାନି ବାଦୁଲୁ ମେନ୍ଦଲ୍ଡି ପେରିକା ।

୨୪ କାକିଆଙ୍ଗ ବିସ୍ମୟ ଅଡ଼ବିଜ ସୁଡ଼ଦୁ, ଝାକ୍ ଝିତୁ ଝିଡ଼ଡ଼ କି କୟ୍ଡ, ମାରି ତାମେ ଇଲୁ କି ପାସି ଇଡ଼ନି କଲକି ସିଲେଡ଼, ମାରି ମାପୁରୁ ଝାନିକାଙ୍ଗ କାଦି ସିନାନ୍; ମିର ପଟିଙ୍ଗ ବାଦୁଲୁ ଏସ ନାଣ୍ଡ ପେରିକିଦେର୍ !

୨୫ ମାରି, ମି ଲୋଇ ଏନ୍ ସିନ୍ତା କିଜି କିଜି ନିଜେଦି ବାର୍ଦ୍ଧେକ୍ ଉଣ୍ଡି_ ମୁରା ପିରିସକିଦେଙ୍ଗ ଆଟ୍ନାନ ?

* ୧୨:୧୦ ମାତିଉ ୧୨:୩୨; ମାର୍କ ୩:୨୯. * ୧୨:୧୧ ମାତିଉ ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫.

୨୬ ମିର ଜଦି ଓଁଜୁମାଣାନା ଇସ୍ତ୍ର ବିସୟତିଙ୍ଗ ବା କିଦେଙ୍ଗ ସାକ୍ତି ସିଲେଡ୍, ଆରିଙ୍ଗ ଆଇ ଓଁଜୁ ବିସୟତି ଉଣ୍ଡିଙ୍ଗ ଏନ୍ଦା ସିନ୍ତା କିଜିନିଦେର୍ ?

୨୭ ପୁଙ୍ଗୁକାଙ୍ଗ ଅଡ୍‌ବିଜ ସୁଡ୍‌ଦୁ, ଖାକ୍ ଏଣ୍ଡେସ୍ ନୁଲ୍ କୟ୍‌ଉ କି ଖାତି ଗୁଡ୍‌ଉ; ନାନ୍ ମିଙ୍ଗ୍ ଇଜିନା, ରାଜା ସଲମନ୍ ବା ଆୟା ଦନ୍ତି ପୁଙ୍ଗୁକା ଲୋଇରାନ୍ ଏମେ ଉଣ୍ଡି ପୁଙ୍ଗୁତି ଖାଜା ବା ସୁନ୍‌ର ଆଦେଙ୍ଗ୍ ଆଟ୍‌ଏନ୍ ମାର୍‌ଆନ୍ ।

୨୮ ମାତର୍ ନେର୍ ଆମା ଲାଟା କିଡ୍‌ଇଦୁ ମାନାଡ୍, ମାରି ଓଁଗେରିଙ୍ଗ୍ ସିସୁଗୁଟାଦୁ ପୋକ୍‌ନାଟ୍, ତାନେଙ୍ଗ୍ ଜଦି ମାପୁରୁ ଇୟାଖାଜା ରୁପ୍ ସିନାନ୍, ଆରିଙ୍ଗ୍, ଏ ଉଣା ବିସ୍‌ବାସ୍‌ସିର୍, ଖାନ୍ ମିଙ୍ଗ୍ ଏସ୍ ନାଣ୍ଡ ସିଏନ୍ !

୨୯ ମାରି ଇନିକା ତିନା ମାରି ଇନିକା ଉଣା, ଆକା ମିର୍ ପୋଇଜି ବୁଲାମାଟ୍ ମାରି ସିନ୍ତା କିମାଟ୍,

୩୦ ଇରିଙ୍ଗ୍ ଦୁନିଆଦି ଅଣଜିହୁଦି ଲୋକ୍ ଇୟାଓଁଜୁ ବିସୟ ପୋଇଜି ବୁଲାମାଟ୍; ମାତର୍ ଇୟାଓଁଜୁ ବିସୟ ଜେ ମିଙ୍ଗ୍ ଦରକାର୍ ମାନାଡ୍, ଆକା ମି ବୁବା ନେସ୍‌ନାନ୍ ।

୩୧ ମିର୍ ମାପୁରୁଦି ରାଜି ବିସୟ ପୋୟଦୁ, ମାରି ଇୟାଓଁଜୁ ବିସୟ ବା ମିଙ୍ଗ୍ ପୁଟ୍‌ନାଡ୍ ।

ମୁସ୍‌କୁପୁରୁଡ୍ ଦନ୍
(ମାତିଉ ୬:୧୯-୨୧)

୩୨ ଏ ଇସ୍ତ୍ର ମାନ୍ଦା, ତିଲାମାଟ୍, ଇରିଙ୍ଗ୍ ମିଙ୍ଗ୍ ଆୟା ରାଜି ସିଦେଙ୍ଗ୍ ଇଜି ମି ମୁସ୍‌କୁପୁରୁଡ୍ ବୁବା ବଦା କିଜିନାନ୍ ।

୩୩ ମିଙ୍ଗ୍ ଆମାକା ମାନାଡ୍, ଆକା ପୋରଜି କାକୁଟ୍ ଲୋକାଙ୍ଗ୍ ସିଦ୍; ଆମାକା ସେଏଣ୍ଡ ଆଏଡ୍, ଇୟାଖାଜା ମଣି ନିଜେ ନିଜେଦି ଉଣ୍ଡିଙ୍ଗ୍ ତିଆର୍ କିଦ୍; ଏମେମାନ୍ ତଙ୍ଗାଁରଏନ୍ ଲାକ୍‌ଡୁ ରେଏନ୍ ମାରି ପିଡ୍‌କୁ ତିନ୍‌ଉ, ଇୟାଖାଜା ମୁସ୍‌କୁପୁରୁଡ୍ ନାଷ୍ଟ୍ ଆଇ ଦନ୍ ଉଣ୍ଡା କିଦ୍,

୩୪ ଇରିଙ୍ଗ୍ ଏମେମାନ୍ ମି ଦନ୍, ଆବେବା ମି ମୋନ୍ ।

ଜାଗରାତା ମାନି ସାକର୍‌କୁ

୩୫ ☆ପାଣିକିନି ଉଣ୍ଡିଙ୍ଗ୍ ଓଁଜୁଦିନ୍ ତିଆର୍ ଆଜି ମାନ୍‌ଡୁ ମାରି ମି ଦିଖେଙ୍ଗ୍ କାସିସ୍ କିଜ ଇଡ୍‌ଦୁ;

୩୬ ☆ମାରି ମାଲିକ୍ ପେଡି ଇଣ୍ଡି ରାନ୍ ଡେସିଝାଜି ସେର୍‌ଲାଦୁ କଡ୍‌ନି ଦାପେ ଏମେ ଲୋକ୍ ଖାନି ଉଣ୍ଡିଙ୍ଗ୍ ଆୟା ଦାପ୍ରେ ସେର୍‌ଲା ରେତେଙ୍ଗ୍ କାପ୍‌କିଜି ତେବାନାନ୍, ମିର୍ ଖାରି ଖାଜା ଆଜି ମାନ୍‌ଡୁ ।

୩୭ ମାଲିକ୍ ଖାଜି ଆମା ଗତିମୁରୁଲିରିଙ୍ଗ୍ ଜାଗରାତା ମାନିକା ସୁଣାନ୍, ଖାନ୍ ଦନ୍‌ଏ; ନାନ୍ ମିଙ୍ଗ୍ ସଡ୍ ଇଜିନା, ମାଲିକ୍ ବା ଖାରି ସେବାକିଦେଙ୍ଗ୍ ନିଜେଦିଙ୍ଗ୍ ତିଆର୍ କିନାନ୍, ଖାନ୍ ଖାରିଙ୍ଗ୍ ବାସ୍‌ତେଙ୍ଗ୍ ଇଜି ଇନାନ୍ ମାରି ନିଜେ କାଦି ବାଟାକିଜି ସିନାନ୍ ।

୩୮ ମାରି, ଖାନ୍ ଜଦି ମାଜେର୍ ନାଡା ନୋ କରୁରୁ କେଡିପି ବା ଖାଜି ଖାରିଙ୍ଗ୍ ଆୟାଖାଜା ସୁଣାନ୍, ଆତିଙ୍ଗ୍ ଆୟା ସାକର୍‌କୁ ଦନ୍‌ଏ ।

୩୯ ☆ମାତର୍ ଇକା ନେସ୍‌ସୋ ମାନ୍‌ଡୁ, ଏସିଝାଲେ ତଙ୍ଗାଁରଏନ୍ ଖାନାନ୍, ଇକା ଇଲୁଦି ମାଲିକ୍ ଏସ୍‌କାଙ୍ଗ୍ ନେସ୍‌ନାନ୍, ଆତିଙ୍ଗ୍ ଖାନ୍ ନିଜେଦି ଇଲୁଡୁ ତଙ୍ଗାଁ କିଦେଙ୍ଗ୍ ସିଏତାନ୍‌ମାନ୍ ।

୪୦ ମିର୍ ବା ଓଁଜୁଦିନ୍ ଜାଗାଟା ଆଜମାନ୍‌ଡୁ, ଇରିଙ୍ଗ୍ ଏସିଝାଲେ ମିର୍ ଅଡ୍‌ବିଇମାନିଦେର୍, ଆୟାଖାଲେ ମନୁସ୍ୟପୁଡ୍ ଖାନାନ୍ ।

ବିସ୍‌ବାସ୍ ସାକର୍ ନି ଅବିସ୍‌ବାସ୍ ସାକର୍

(ମାତିଉ ୨୪:୪୫-୫୧)

୪୧ ଆବେଟ୍ ପିତର୍ ଇର୍‌ଆନ୍, “ଏ ପ୍ରବୁ, ନିନ୍‌ନେ ମାଙ୍ଗ୍ ନୋ ଓଁଜେରିଙ୍ଗ୍ ଇୟା କାତା ଇଜିନି ?”

୪୨ ପ୍ରବୁ ଇର୍‌ଆନ୍, “ବିସ୍‌ବାସ୍ ମାରି ବୁଦିଦି ସାକର୍ ଏନ୍ ? ଆମାଖାନିଙ୍ଗ୍ ମାଲିକ୍ ଇଲୁ ସାଲାକିଦେଙ୍ଗ୍ ଇଡ୍‌ନାନ୍, ଖାନ୍ ଆଇ ସାକର୍‌କାଙ୍ଗ୍ ଖାରି କାଦି ସାମାନ୍ ବେଡାଦୁ ସିଦେଙ୍ଗ୍ ଇଜି ଅରେନ୍ ସାକର୍‌ତିଙ୍ଗ୍ ଇର୍‌ଆମାର୍‌ଆନ୍, ଆମାଖାନିଙ୍ଗ୍ ଇୟା ପାଣି କିଦେଙ୍ଗ୍ ଇଜି ମାଲିକ୍ ବିସ୍‌ବାସ୍ କିନାନ୍, ଆୟା ପାଣିକିନିକାନ୍ ଏନ୍ ?

୪୩ ପ୍ରବୁ ଡେସିଝାଜି ନିଜେଦି ଆମା ଗତିମୁରୁଲିଙ୍ଗ୍ ଆୟାଖାଜା କିନିକା ସୁଣାନ୍, ଖାନ୍ ଦନ୍‌ଏ ।

୪୪ ନାନ୍ ମିଙ୍ଗ୍ ସଡ୍ ଇଜିନା, ଖାନ୍ ଖାନିଙ୍ଗ୍ ନିଜେଦି ଦନ୍ ମୁସ୍‌କୁ ପାଣିଓଁଜୁ କିଦେଙ୍ଗ୍ ସିନାନ୍ ।

୪୫ ମାତର୍ ଜଦି ଆୟା ସାକର୍ ନା ମାଲିକ୍ ଖାନିକା ଖେଡାଆନାଡ୍ ଇଜି ଅଡ୍‌ବିଜି ମନ୍‌ଡୁ ଇଜି ସାକର୍‌କାଙ୍ଗ୍ ତାକ୍‌ତେଙ୍ଗ୍ ଇଜି ମାରି ଉଣ୍ଡିଜିତିନ୍‌ଜି ସୋସ୍‌ତେଙ୍ଗ୍ ଆରାମ୍ କିନାନ୍,

୪୬ ଆତିଙ୍ଗ୍ ଏମେ ନାଣ୍ଡିଙ୍ଗ୍ ଗତିମୁରୁଲି ଖାନିଙ୍ଗ୍ କାପ୍‌କିଜି ମାନ୍‌ଇଖାଲେ ମାରି ଏମେ ଖେଡା ଖାନ୍ ନେସ୍‌ଏନ୍‌ମାନାନ୍, ଆୟା ନାଣ୍ଡିଙ୍ଗ୍ ମାରି ନାସ୍ତିଝାଲେ ଖାନି ମାଲିକ୍ ଖାନାନ୍, ମାରି ମାଲିକ୍ ଖାନିଙ୍ଗ୍ ନାଣ୍ଡ ଦଣ୍ଡ ସିନାନ୍ । ଖାନ୍ ଅବିସ୍‌ବାସ୍‌ତି ଦାସ୍‌କା ଦଣ୍ଡ ପୟ୍‌ନାନ୍ ।

☆ ୧୨:୩୫ ମାତିଉ ୨୫:୧-୧୩. ☆ ୧୨:୩୬ ମାର୍ଚ୍ଚ ୧୩:୩୪-୩୬. ☆ ୧୨:୩୯ ମାତିଉ ୨୪:୪୩, ୪୪.

୪୭ ମାରି ଆମା ଗତିମୁରୁଲି ନିଜେଦି ମାଲିକତି ବଦା ନେସେଇ ଜାଗରାତା ତେବାଏନ୍ ମାରି ୱାନି ବଦାଦାନ୍ ପାଣିକିଏନ୍ ମାନାନ୍, ୱାନ୍ ମାଡ଼ ମୁସ୍କୁ ମାଡ଼ ପୋଇନାନ୍;

୪୮ ମାତର ଏନ୍ ନେସଏଶ୍ଵା ଦଶ୍ଵତି ପାଣିକିନା ମାନାନ୍ ୱାନ୍ ଉଣା ଦଶ୍ଵ ପୋଇନାନ୍ । ଆମାଞ୍ଜାନିଙ୍ଗ ନାଶ୍ଵ ସିତାମାନାନ୍, ୱାନି ମାନ୍ନୁ ନାଶ୍ଵ ଲସନାନ୍; ମାରି, ଆମାଞ୍ଜାନି ଲାକତୁ ନାଶ୍ଵ ସିତାମାନାର୍ ୱାନି ମାଶ୍ଵକୁ ନାଶ୍ଵ ଲୋସନାର୍ ।”

ଜିସୁଞ୍ଜାଲେ ଲୋକୁ ରାଜି ଆଏତାର୍
(ମାତିଉ ୧୦:୩୪-୩୬)

୪୯ “ନାନ୍ ଦୁନିଆଦୁ ସିସୁ କାସିସକିଦେଙ୍ଗ୍ ୱାତାମାନା, ମାରି ଆକା ଜଦି କାସ୍ତାଡ଼ନି, ଆତିଙ୍ଗ୍ ନାଙ୍ଗ୍ ମାରି ଇନିକା ବଦା ?

୫୦ *ମାତର ନାଙ୍ଗ୍ ଉଣ୍ଡି_ ତୁବନ୍ତୁ ତୁବନ୍ ଆଦେଙ୍ଗ୍ ଆନାଡ଼, ମାରି ଆକା ଓଜିଇ ସାନ୍ଦି ନାନ୍ ଏଶ୍ଵେସ୍ କାସୁ ଆଜିନା ।

୫୧ ନାନ୍ ଦୁନିଆଦୁ ସାନ୍ତି ସିଦେଙ୍ଗ୍ ୱାତାମାନା ଇଜି ଇନିକା ମିର୍ ଅଡ଼ବିଜିନିଦେର୍ ? ସିଲେ, ନାନ୍ ମିଙ୍ଗ୍ ଇଜିନା, ମାତର ବାଗ୍ ବାଗ୍ କିଦେଙ୍ଗ୍ ୱାତାମାନା ।

୫୨ ଇରିଙ୍ଗ୍ ଆଗ୍ଡିରାନ୍ ଉଣ୍ଡି_ ଇନ୍ତ୍ର ପାସ୍ ଲୋକୁ ମାର୍ଆର୍ ମାରି ରିଏରି ବିରଦ୍ତାନ୍ ମୁଏର୍ ମାରି ମୁଏରି ବିରଦ୍ତାନ୍ ରିଏର୍ ୱେରହେ ଆନାର୍ ।

୫୩ ମାରିସି ବିରଦ୍ତାନ୍ ବୁବାସି, ବୁବାସି ବିରଦ୍ତାନ୍ ମାରିସି, ଗାଡ଼ସି ବିରୁଦ୍ତାନ୍ ଆଇସି, ଆଇସି ବିରଦ୍ତାନ୍ ଗାଡ଼ସି, କଡ଼େସି ବିରୁଦ୍ତାନ୍ ମିମ୍ସି ମାରି ମିମ୍ସି ବିରଦ୍ତାନ୍ କଡ଼େସି ୱେରଏ ଆନେ ।”

ଦିନ୍ତିଙ୍ଗ୍ ନେସନିକା
(ମାତିଉ ୧୨:୨-୩)

୫୪ ମାରି, ଜିସୁ ଲୋକାଙ୍ଗ୍ ବା ଇର୍ହାନ୍, “ଞ୍ଜେଡ଼ାଆରନି ତରିନ୍ ବାଦଡ଼ ନିଙ୍ଗ୍ କା ସୁଡ଼ୁଙ୍ଗ୍ ଆୟାଦାପ୍ରେ ମିର୍ ଇନିଦେର୍, ପିରୁ ୱାଜିନାଡ଼, ମାରି ଆୟାଞ୍ଜାଜା ଗଟାନାଡ଼;

୫୫ ମାରି, ଉଣେରି ତରିଟାନ୍ ଗାଲି ୱାତିଙ୍ଗ୍ ମିର୍ ଇନିଦେର୍, ନାଶ୍ଵ ତେରଞ୍ଜେଲ୍ ଆନାଡ଼, ମାରି ଆୟାଞ୍ଜାଜା ଗଟାନାଡ଼ ।

୫୬ ଏ ସୁରିଞ୍ଜାରଗିନିକିଦେର୍, ମିର୍ ଦୁନିଆ ମାରି ବାଦଡ଼ି ସିନା ନେସତେଙ୍ଗ୍ ଆର୍ସିନିଦେର୍, ମାତର ଇୟା ଦିନ୍ତି ସିନେଙ୍ଗ୍ ୱିଜୁ ଏଶ୍ଵେସ୍ ନେସତେଙ୍ଗ୍ ଆର୍ଇଜିନିଦେର୍ ?”

ସାତୁରିଞ୍ଜାଲେ ମିସାନିକା
(ମାତିଉ ୫:୨୫-୨୬)

୫୭ ମାରି, ନିଜେନିଜେ ଏୟା ଆମାକା ନେଗିକା ବିସାର୍ କିଦେଙ୍ଗ୍ ଆର୍ଇଜିନିଦେର୍ ?

୫୮ ଜଦି ମିର୍ ମି ବିରଦ୍ ଲୋକଡ଼ିଞ୍ଜାଲେ ନ୍ୟାୟ୍ କିନିବାଡ଼ିତୁ ସଲ୍ସିନିଦେର୍, ଆରିଙ୍ଗ୍ ସାରିଦୁ ୱାନିଞ୍ଜାଲେ ବୁଜାଜିସାଦେଙ୍ଗ୍ ସେସ୍ଵା କିଦୁ । ଆକା ଆଏତିଙ୍ଗ୍ ୱାନ୍ ନିଙ୍ଗ୍ ବିସାର୍ କିନି ଲୋକା ଆଗ୍ଡି ରେନା ଅନାନ୍, ନ୍ୟାୟ୍ କିନିକାନ୍ ମିଙ୍ଗ୍ ପେରିଲୋକାକିଦୁ ସରପେ କିନାସିନାନ୍, ମାରି ପେରିକାର୍ ମିଙ୍ଗ୍ ଜଇଲ୍ତୁ ତରନା ଇଡ଼ନାର୍ ।

୫୯ ନାନ୍ ମିଙ୍ଗ୍ ସଡ଼ ଇଜିନା, ଆମାସାନ୍ଦି ମିର୍ ୱିଜୁ ରୁଣ୍ଡୁ ତାବୁଙ୍ଗ୍ ଡେସିସିଇ ମାନିଦେର୍, ଆୟା ସାନ୍ଦି ମିର୍ ଆବେଟ୍ଟକୁ ସହସ ଞ୍ଜାଦେଙ୍ଗ୍ ଆର୍ଇଦେର୍ ।

୧୩

ପାପ୍ତାନ୍ ମି ମନ୍ତିଙ୍ଗ୍ ଡେପ୍ତୁ

୧ ନାସ୍ତିଞ୍ଜାଲେ ଆବେ ମାର୍ଇ ଏସୋ ଲୋକୁ ଜିସୁଙ୍ଗ୍ ଇର୍ହାଜେ, ଗାଲିଲିଦିକାର୍ ମାପୁରୁମାନୁ ପୁଜାସିନି ୱାଲେ ପିଲାଡ଼ ୱାରିଙ୍ଗ୍ ତାକ୍ତା ମାର୍ଆନ୍ ।

୨ ଆବେଟ୍ ଜିସୁ ୱାରିଙ୍ଗ୍ ଇର୍ହାନ୍, “ମିର୍ ଇନିକା ଅଡ଼ବିଜିନିଦେର୍ ଜେ ଇୟା ଲୋକୁ ଗାଲିଲିଦି ୱିଜେରିଙ୍ଗ୍ ନାଶ୍ଵ ପାପି ମାର୍ହାର୍ ଇଜି ୱାରିଙ୍ଗ୍ ମିର୍ ଅଡ଼ବିଜିନିଦେର୍ ନୋ ?

୩ ନାନ୍ ମିଙ୍ଗ୍ ଇଜିନା, ସିଲେ, ମାତର ପାପ୍ତାନ୍ ମନ୍ତିଙ୍ଗ୍ ଡେପ୍ଇତିଙ୍ଗ୍ ମିର୍ ୱିଜେରେ ଆୟାଞ୍ଜାଜା ନାସୁ ଆନିଦେର୍ ।

୪ ବା ସିଲୋହଦୁ ଆୟା ଆମା ଅଟ୍ଟ ଲୋକା ମୁସ୍କୁ କାପ୍କିନି ଇଲୁ ଆର୍ଜି ୱାରି ଜିବନ୍ ସରଆଡ଼, ୱାରି ବିସୟ୍ତାନ୍ ମିର୍ ଇନିକା ଅଡ଼ବିଜିନିଦେର୍ ? ୱାର୍ ୱିଜେରେ ଜିରୁସାଲାମ୍ତିଲୋକା ବାଦ୍ଲୁ ନାଶ୍ଵ ଦୋସ୍କିତିକାର୍ ଇଜି ନୋ ମିର୍ ଅଡ଼ବିଜିନିଦେର୍ ?

୫ ନାନ୍ ମିଙ୍ଗ୍ ଇଜିନା, ସିଲେ, ମାତର ପାପ୍ତାନ୍ ମନ୍ତିଙ୍ଗ୍ ଡେପ୍ଏତିଙ୍ଗ୍ ମିର୍ ୱିଜେରେ ଆୟାଞ୍ଜାଜା ନାସୁ ଆନିଦେର୍ ।”

ପଲ୍ ଆସ୍ଇ ତଗାମାରାତି କାତା

* ୧୨:୫୦ ମାର୍କ ୧୦:୩୮.

୬ ମାରି, ଜିସୁ ଇୟା କାତା ଝେରତାନ, “ଅରେନ୍‌ଝାନି ଅଙ୍ଗୁର କିଡ଼ିଇ ଉଣ୍ଡି, ତଗା ମାରାନ୍ ଉରତା ମାର୍ହାର । ମାଲିକ୍ ଝାଜି ପଲ୍ ପଇତାନ୍, ମାତର୍ ପୟ୍‌ଏତାନ୍ ।

୭ ଆବେଟ୍ ଝାନ୍ ଅଙ୍ଗୁର କିଡ଼ିଇ କାପ୍‌କିନିଝାନିଙ୍ଗ୍ ଇରଥାନ୍, ସୁଡ଼ଥୁ, ଇୟା ମୁଣ୍ଡି, ବାରସେକ୍ ଆତାଡ଼ ନାନ୍ ଝାଜି ଇୟା ତଗା ମାରାନ୍‌ତୁ ପଲ୍ ପୟ୍‌ଜିନା, ମାତର୍ ପୟ୍‌ଏଜିନା; ତେନିଙ୍ଗ୍ କାଡ଼ସୋ ପୋକ୍‌ଆ, ଇକା ଇନ୍‌ଦାନିଙ୍ଗ୍ ବୁମିଦିଙ୍ଗ୍ ବା ତାଗଇକା କିଜିନାଡ଼ ?

୮ ମାତର୍ କାପ୍‌କିନିକାନ୍ ମାଲିକ୍‌ତିଙ୍ଗ୍ ଇରଥାନ୍, ପ୍ରବୁ, ତେନିଙ୍ଗ୍ ଇୟା ଉଣ୍ଡି, ବାର୍ସେକ୍ ବା ଡ଼ିସ୍‌ସୋସିଆ, ନାନ୍ ଇଲେ ତେନି ସାରିବେଡ଼ତି କାର୍‌ଜି ଗାତାମ୍ ସିନା,

୯ ଝାନି ବାରସେକ୍ ପଲ୍ ଆସ୍‌ତିଙ୍ଗ୍ ତୋ ନେଗି ମାଟା, ଆସ୍‌ତିଙ୍ଗ୍ ତାନିଙ୍ଗ୍ କାଡ଼ସପୋକ୍‌ଆ ।”

ଜିସୁ ରମ୍‌ନିନାଣ୍ଡିଙ୍ଗ୍ ଅରେଡ଼ କୁବ୍‌ଡ଼ି ଆଇମାଦିଙ୍ଗ୍ ନେଗେଣୁ କିତାନ୍

୧୦ ଅରଲେନ୍ ଜିସୁ ରମ୍‌ନିନାଣ୍ଡିଙ୍ଗ୍ ଉଣ୍ଡି, ପାରତନା ଇଲୁଦୁ ସିକିୟା ସିଜିମାର୍ହାନ୍ ।

୧୧ ମାରି ସୁଡ଼ଦୁ, ଅଗ୍ର ବାର୍ସେକ୍ ଆତାଡ଼ ଉନ୍‌ଣ୍ଡି, ତାଗଇଆମ୍ ଆସ୍‌ସି ଅରେଡ଼ ଆଇମାଦିଙ୍ଗ୍ ସାକିସିଲିଝାଜା କିତାମାରଆଡ଼, ଝାଦ୍ କୁବ୍‌ଡ଼ି ଆଜି ଏଣ୍ଡେସ୍‌ବା ନିଜେଦିଙ୍ଗ୍ ସିଦା କିଜି ବୁଲ୍‌ଦେଙ୍ଗ୍ ଆଟ୍‌ଏଜିମାର୍ହାଡ଼ ।

୧୨ ଜିସୁ ତାନିଙ୍ଗ୍ ସୁଡ଼ଡ଼ି ଲାକ୍‌ତୁ କୁକ୍‌ସି ଇରଥାନ୍, ଏ ଆଇମା, ନି ରୋଗ୍‌ଜିବନ୍‌ତାନ୍ ନେଗେଣୁ ଆତି ।

୧୩ ମାରି, ଝାନ୍ ତାନି ମୁସ୍‌କୁ କିୟୁ ଇଟ୍‌ତାନ୍, ଆବେଟ୍ ଝାଦ୍ ଆୟାଦାପ୍ରେ ସାଡ଼କୁ ଆଜି ମାପୁରୁଦି ଦନ୍‌ଏବାଦ୍ କିଦେଙ୍ଗ୍ ଆସ୍‌ତାଡ଼ ।

୧୪ ମାତର୍ ଜିସୁ ରମ୍‌ନିନାଣ୍ଡିଙ୍ଗ୍ ନେଗେଣୁ କିତାନ୍‌ଆକା ପାରତନା ଇଲୁଦି ପେରିକାନ୍ ରିସା ଆଜି ଲୋକାଙ୍ଗ୍ ଇର୍ହାନ୍, “ପାଣି କିନି ଉଣ୍ଡିଙ୍ଗ୍ ସଅଦିନ୍ ମାନାଡ଼, ଆଦେଙ୍ଗ୍ ଆୟାଝିକୁ ଦିନ୍ ଝାଜି ନେଗେଣୁ ଆଦୁ, ରମ୍‌ନିନାଣ୍ଡିଙ୍ଗ୍ ରାମାଟ୍ ।”

୧୫ ମାତର୍ ପ୍ରବୁ ଝାନିଙ୍ଗ୍ ଇରଥାନ୍, “ରେ କପଟିର୍, ମିର୍ ଝିଜେରେ ଇନିକା ରମ୍‌ନିନାଣ୍ଡିଙ୍ଗ୍ ନିଜେ ନିଜେଦି ଡ଼ାନ୍ ମାରି ଗଦ ସାଡ଼ାଦାନ୍ କୁଡ଼ସିଅସି ଏରୁ ଉଟ୍‌ପିସ୍ କିଇଦେର୍ ?

୧୬ ମାରି ସୁଡ଼ଦୁ ଅଗ୍ର ବାରସେକ୍ ଆତାଡ଼ ସୟତାନ୍ ମାଣ୍‌କୁ ତରାଜି ଅବାହାମତି ଗାଡ଼ସି ଇୟା ଆଇମାଲୋକ୍ ଇନିକା ରମ୍‌ନିନାଣ୍ଡିଙ୍ଗ୍ ନିଜେଦି ରୋଗ୍‌ତି ଗାଟିଦାନ୍ କୁଦାଦେଙ୍ଗ୍ ଦରକାର୍ ସିଲେତାଡ଼ ନୋ ?”

୧୭ ମାରି, ଝାନ୍ ଇୟା ମାଟା ଝିକୁ ଇର୍ହାନ୍‌ଆକା, ଝାନି ବିରୁଦ୍‌ତିକାର୍ ଝିଜେରେ ସେମାର୍ ଆତାର୍, ମାତର୍ ଲୋକୁ ଝିଜେରେ ଝାନି କିତି ଝିକୁ ପେରି ପାଣି ଉଣ୍ଡିଙ୍ଗ୍ ଝେଡ଼ିକା କିଦେଙ୍ଗ୍ ଆସ୍‌ତାର୍ ।

ସାର୍‌ସୁ ପାଡ଼ଡ଼ି କାତା

(ମାତିଉ ୧୩:୩୧-୩୨; ମାର୍କ ୪:୩୦-୩୨)

୧୮ ଆବେଟ୍ ଜିସୁ ଇର୍ହାନ୍, “ମାପୁରୁଦି ରାଜି ଆମାତାନି ଝାଜା ? ମାରି, ଆମାତାନିଝାଲେ ନାନ୍ ତାନିଙ୍ଗ୍ ତୁସ୍‌ନା ?

୧୯ ଆକା ଇୟାଝାଜା ଉଣ୍ଡି, ସାର୍‌ସୁ ପାଡ଼ ଝାଜା, ଆମାକା ଅସି ଅରେନ୍ ଲୋକୁ ନିଜେଦି ତଡ଼ିଦୁ ଝିଡ଼ତାନ୍, ମାରି ଆକା ପିରଜି ମାରାନ୍ ଆତାଡ଼, ବାଦଡ଼ତି ପଟିଙ୍ଗ୍ ଝାଜି ତାନି କମେଆଙ୍ଗ୍ ୍ଜାଲୁ ତର୍‌ସି ବାସାନେ ।”

କମିରତି କାତା

(ମାତିଉ ୧୩:୩୩)

୨୦ ଜିସୁ ମାରି ଝେରତାନ୍, “ନାନ୍ ଆମାତାନି ଝାଲେ ମାପୁରୁଦି ରାଜିଦିଙ୍ଗ୍ ତୁସ୍‌ନା ?

୨୧ ଆକା କମିରତି ଝାଜା, ଅରେଡ଼ ଆଇମା କମିର୍ ଅସି ଆତା ଅଟାଗୁଣ୍ଡାଦି ଲୋଇ ମିସାକିଜି ପିଡ଼ିକ୍‌ସି ଇଟ୍‌ତାଡ଼, ମାରି ସାରାସାରି କମିର୍ ଝିକୁ ଗୁଣ୍ଡାଦିଙ୍ଗ୍ ଉଦିସ୍‌କିତାଡ଼ ।”

ସିପଡ଼ି ସେର୍‌ଲା

(ମାତିଉ ୭:୧୩-୧୪; ୨୧:୨୩)

୨୨ ଇୟା ଝେନ୍‌କା ଜିସୁ ଗାଡ଼କାଙ୍ଗ୍ ଗାଡ଼କାଙ୍ଗ୍ ମାରି ନାରକାଙ୍ଗ୍ ୍ନାରକାଙ୍ଗ୍ ୍ବୁଲ୍‌ଜି ସିକିୟା ସିବୁ ସିବୁ ଜିରୁସାଲାମ୍ ତରିନ୍ ସଲ୍‌ସି ମାର୍ହାନ୍ ।

୨୩ ମାରି, ଅରେନ୍ ଝାନିଙ୍ଗ୍ ଇରଥାନ୍, “ପ୍ରବୁ, ରକିୟା ପଇନି ଲୋକାଦି ସଂକିୟା ଇନିକା ଉଣା ?” ଆବେଟ୍ ଝାନ୍ ଝାରିଙ୍ଗ୍ ଇର୍ହାନ୍,

୨୪ ସିପଡ଼ି ସେର୍‌ଲା ସିଜି ଡ଼ଗୁଦେଙ୍ଗ୍ ତେରେପେତେ ଆଦୁ, ଇରିଙ୍ଗ୍ ନାନ୍ ମିଙ୍ଗ୍ ୍ଂ ଇଜିନା, ଝିଜେରେ ଡ଼ଗୁଦେଙ୍ଗ୍ ଇଜି ବଦା କିନାର୍, ମାତର୍ ଆଟ୍‌ଏର୍ ।

୨୫ ଇଲୁଦି ମାଲିକ୍ ନିଙ୍ଗ୍‌ଜି ସେର୍‌ଲା କେରତି ଝେନ୍‌କା ଏସ୍ତ୍ରିଝାଲେ ମିର୍ ଆଡ଼ରେ ନିନି ତେବାନିଦେର୍ ମାରି ଏ ପ୍ରବୁ, ମା ଉଣ୍ଡିଙ୍ଗ୍ ସେର୍‌ଲା ରେଆ, ଇକା ଇଜି ସେର୍‌ଲା ଡାକ୍‌ତେଙ୍ଗ୍ ୍ଆସ୍‌ନିଦେର୍, ନାସ୍ତ୍ରିଝାଲେ ଝାନ୍ ମିଙ୍ଗ୍ ୍ଂ ଇନାନ୍, ମିର୍ ଏମେ ବାଡ଼ିଦି ଲୋକୁ, ଆକା ନାନ୍ ନେସେଏ ।

୨୬ ଆୟାଞ୍ଜାଲେ ମିର ଇନ୍ଦ୍ରେଙ୍କ ଆସନିଦେର, ମାପ୍ ମି ଆଗଡ଼ି ଉଟାପ୍ ତିରଥାପ, ମାରି ନିନ୍ ମା ଦୁଆରକାଙ୍କ ସିକିୟା ସିତି;

୨୭ ମାରି, ଖାନ୍ ମିଙ୍ଗ୍ ଇନାନ୍, ମିର ଏମେ ବାଡ଼ିଦି ଲୋକୁ, ଆକା ନାନ୍ ନେସେଏ; ଏ ତାଗ୍‌ଇ ପାଣିକିନି ଖିଜେରେ ନା ଲାକ୍‌ତୁରାନ୍ ଆକ ଆଦୁ ।

୨୮ ✠✠ଏସ୍ତ୍ରାଲେ ମିର ଅବ୍ରାହାମ, ଇସହାକ, ଜାକୁବ, ମାରି ଖିଜେରେ ବାବବାଦିରିଙ୍ଗ୍ ମାପୁରୁଦି ରାଜିଦୁ ମାନିକା ମାରି ନିଜେ ନିଜେଦିଙ୍ଗ୍ ଆଡ଼ରେ ପୋକ୍‌ନିକା ସୁଡ଼ନିଦେର, ନାସ୍ତ୍ରାଲେ ଆବେ ଆଡ଼ବାନିଦେର ମାରି ପାଲକୁ କାଡ଼େ କିନିଦେର ।

୨୯ ମାରି, ଖେଡ଼ାସନି ତରିଟାନ୍ ମାରି ଖେଡ଼ାଆରନି ତରିଟାନ୍, ତେବିରି ତରିଟାନ୍ ମାରି ଉଣେରି ତରିଟାନ୍ ଲୋକୁ ଖାଜି ମାପୁରୁଦି ରାଜିଦୁ ଉଣେଙ୍ଗ୍ ବାସ୍‌ନାର ।

୩୦ ✠ମାରି ସୁଡ଼ଦୁ, ଏର୍ ଇଲେଇ ଖେନ୍‌କା ମାନାର୍ ଖାର୍ ଆଗଡ଼ି ଆନାର୍ ମାରି ଆଗଡ଼ି ମାନି ଏସୋ ଲୋକୁ ଖେନ୍‌କା ଆନାର୍ ।

ଜିସୁ ଜିରୁସାଲମ୍‌ତିଙ୍ଗ୍ ଜିବନ୍‌ନୋତାନ୍ (ମାଡ଼ିଉ ୨୩:୩୭-୩୯)

୩୧ ନାସ୍ତ୍ରାଲେ ଏସୋ ପାରୁସିର୍ ଜିସୁ ଲାକ୍‌ତୁ ଖାଜି ଇର୍ହାର୍, “ଇୟା ବାଡ଼ି ତ୍ରିସ୍‌ସି ସହସୋ ସାଙ୍ଗ୍‌ଆ, ଇରିଙ୍ଗ୍ ହେରୋଦ ନିଙ୍ଗ୍ କାଡ଼ତେଙ୍ଗ୍ ବଦା କିଜିନାନ୍ ।”

୩୨ ଆବେଟ୍ ଜିସୁ ଖାରିଙ୍ଗ୍ ଇର୍‌ଆନ୍, “ମିର ସଲ୍‌ସୋ ଆୟା ଗଲୁଦିଙ୍ଗ୍ ଇନ୍‌ତୁ, ସୁଡ଼ଦୁ, ନାନ୍ ନେର ମାରି ଖିଗେରିଙ୍ଗ୍ ଲୋକାମାଣକୁ ଦୁବେଙ୍ଗ୍ ପେରଜିନା ମାରି ଲୋକାଙ୍ଗ୍ ନେଗେନ୍ କିଜିନା, ମିଏରିଙ୍ଗ୍ ନା ପାଣି ଖିଜ୍‌ନାଡ଼ ।

୩୩ ମାତର୍ ନାନ୍ ଇୟାଖିଜୁ ପାଣି ନେର, ଖିଗେରିଙ୍ଗ୍ ମାରି ମିଏରିଙ୍ଗ୍ ନାଙ୍ଗ୍ ସନ୍‌ଡ଼େଙ୍ଗ୍ ଆନାଡ଼, ଇରିଙ୍ଗ୍ ଜିରୁସାଲମ୍‌ତି ଆଡ଼ରେ ବାବବାଦିର୍ ସାନିକା ଟିକ୍ ସିଲେ ।

୩୪ “ଏ ଜିରୁସାଲମ୍, ଏ ଜିରୁସାଲମ୍, ନିନ୍ ବାବବାଦିରିଙ୍ଗ୍ କାଡ଼ତିମାନି । ଏମେ ଲୋକାଙ୍ଗ୍ ମାପୁରୁ ନି ଲାକ୍‌ତୁ ପୋକ୍‌ତାମାର୍‌ଆନ୍, ନିନ୍ ଖାନିଙ୍ଗ୍ କାଲକାଣ୍ ତାକ୍‌ତିମାନି । ନାନ୍ ଏସୋ ଦେବେଙ୍ଗ୍ ମି ଲୋକାଙ୍ଗ୍ ସାକା କିଦେଙ୍ଗ୍ ବଦା କିଜିନା । ଉଣ୍ଡି ତାଡ଼ି କରୁରୁ ତାନି ରେକା ଆଡ଼ଗି କରୁ ପିଲେକାଙ୍ଗ୍ ଅର୍‌ସେ ଉଣ୍ଡିକିନିଖାଜା ନାନ୍ ମି ଲୋକାଙ୍ଗ୍ ଉଣ୍ଡା କିଦେଙ୍ଗ୍ ବଦାକିତାମାର୍‌ଆ । ମାତର୍ ଆକା କିଦେଙ୍ଗ୍ ବଦା କିଇତି ।

୩୫ ସୁଡ଼ଦୁ, ମି ମନ୍‌ରଡ଼ିଙ୍ଗ୍ ଲୋକୁ ତ୍ରିସ୍‌ତାମାନାର୍; ମାରି, ନାନ୍ ମିଙ୍ଗ୍ ଇଜିନା, ପ୍ରବୁଦି ଦର୍‌ତାନ୍ ଆମାକାନ୍ ଖାଜିନାନ୍, ଖାନ୍ ଦନ୍‌ଏ, ମିର ଆମା ନାଣ୍ଡିଙ୍ଗ୍ ଇୟା ମାଟା ଇନିଦେର, ଆୟା ଦିନ୍ ଖାନି ସାନ୍‌ ନାଙ୍ଗ୍ ମାରି ସୁଡ଼ଦୁଦଙ୍ଗ୍ ଆଟ୍‌ଇଦେର ।”

୧୪

ଜିସୁ ରୋଗିଲୋକ୍‌ତିଙ୍ଗ୍ ନେଗେଣ୍ଡୁ କିତାନ୍

୧ ଅର୍‌ଲେନ୍ ଜିସୁ ରମ୍‌ନିନାଣ୍ଡିଙ୍ଗ୍ ଉଣେଙ୍ଗ୍ ପାରୁସିର୍ ଅରେନ୍ ପେରିଖାନ୍‌ଦି ଇଲ୍‌ତୁ ସର୍‌ଆନ୍, ମାରି ଲୋକୁ ଖାନିଙ୍ଗ୍ ସୁଡ଼ୁ ମାର୍‌ଆର୍ ।

୨ ମାରି ସୁଡ଼ଦୁ, ଖାନି ଆଗଡ଼ି ଅରେନ୍ କିକୁ ନି କାଲକୁ ଖାସ୍‌ସି ରୋଗ୍ ଆସ୍‌ତିମାର୍‌ଇ ଲୋକୁ ମାର୍‌ଆନ୍ ।

୩ ଆବେଟ୍ ଜିସୁ ବାଇବଲ୍‌ତି ସାସ୍ତ୍ରିଙ୍ଗ୍ ମାରି ପାରୁସିରିଙ୍ଗ୍ ଇର୍‌ଆନ୍, “ରମ୍‌ନିନାଣ୍ଡିଙ୍ଗ୍ ରୋଗ୍‌ତାନ୍ ନେଗେଣ୍ଡୁ କିନି ନିୟମ୍ ନୋ ସିଲେ ? ମାତର୍ ଖାର୍ ଆଲେତା ମାର୍‌ଆର୍ ।”

୪ ମାରି, ଖାନ୍ ଖାନିଙ୍ଗ୍ ଆସ୍‌ସି ନେଗେଣ୍ଡୁ କିତାନ୍ ମାରି ଖାନିଙ୍ଗ୍ ଖାନି ଇନ୍‌ତ୍ର ପୋକ୍‌ତାନ୍ ।

୫ ✠ମାରି, ଖାନ୍ ଖାରିଙ୍ଗ୍ ଇର୍‌ଆନ୍, “ମି ଲୋଇ ଏନ୍ ନିଜେଦି ମାରିନ୍ ବା ତାନ୍ କୁଇଁଦୁ ଆର୍‌ଡ଼ିଙ୍ଗ୍ ଇନିକା ଖାନିଙ୍ଗ୍ ରମ୍‌ନିନାଣ୍ଡିଙ୍ଗ୍ ଆୟାଦାପ୍ରେ ନିକ୍‌ଏନ୍ ନୋ ?”

୬ ମାରି, ଖାର୍ ଇୟାଖିଜୁ ମାଟାଦି ଇନି ଉତ୍‌ର୍ ସିଦେଙ୍ଗ୍ ଆଟ୍‌ଏତାର୍ ।

ସାନ୍ତି ଆନିକା ନି ସେବାକିନିକା

୭ ମାରି, ଜିସୁ ସୁଡ଼ତାନ୍ ଜେ ଏସୋ କୁଡ଼ାଙ୍ଗ୍ ବାସ୍‌ତେଙ୍ଗ୍ ଇଜି ପେରି ପେରି ବାଡ଼ିଙ୍ଗ୍ ପୋୟଜି ମାର୍‌ଆର୍ । ଆଦେଙ୍ଗ୍ ଜିସୁ ଇୟା କାତା ଖେର୍‌ତାନ୍,

୮ ଏସ୍ତ୍ରାଲେ ମିଙ୍ଗ୍ ଅରେନ୍ ପେଡ଼ି ବଜିଦୁ ଉଣେଙ୍ଗ୍ କୁକ୍‌ନାନ୍, ନାସ୍ତ୍ରାଲେ ପେରିବାଡ଼ିଦୁ ବାସ୍‌ମାଟ୍, ଆନାଡ଼ ଖାନ୍ ମିବାଣ୍‌କାଣ୍ ପେରି ପେରି ଲୋକାଙ୍ଗ୍ କୁକ୍‌ନା ମାନାନ୍,

୯ ମାରି ଏନ୍ ମିଙ୍ଗ୍ ନି ଆଇଖାନିଙ୍ଗ୍ କୁକ୍‌ନା ମାନାନ୍, ଖାନ୍ ଖାନା ମିଙ୍ଗ୍ ଖେର୍‌ନାର୍, ଖେନିଙ୍ଗ୍ ବାଡ଼ି ସିଆ; ମାରି, ନାସ୍ତ୍ରାଲେ ମିର ସେମାର୍‌ଆଜି ଆଡ଼ଗିରି ବାଡ଼ିଦୁ ବାସ୍‌ନିଦେର ।

✠ ୧୩:୨୮ ମାଡ଼ିଉ ୨୨:୧୩; ୨୫:୩୦. ✠ ୧୩:୨୮ ମାଡ଼ିଉ ୮:୧୧,୧୨. ✠ ୧୩:୩୦ ମାଡ଼ିଉ ୧୯:୩୦; ୨୦:୧୭; ମାର୍କ ୧୦:୩୧. ✠ ୧୪:୫ ମାଡ଼ିଉ ୧୨:୧୧.

୧୦ ମାତର ଏସ୍ତ୍ରାଲେ ଅରେନ୍ ମିଙ୍ଗ କୁକନାନ୍, ନାସ୍ତ୍ରାଲେ ମିର୍ ସଲସି ଆଡ଼ଗିରି ବାଡ଼ିଦୁ ବାସ୍ତୁ, ଏଣ୍ଡେସ୍ ମିଙ୍ଗ କୁକତିକାନ୍ ଖାଜି ମିଙ୍ଗ ଇନାନ୍, ଏ ତଡ଼ାନ୍, ମୁସ୍ତୁରି ବାଡ଼ିଦୁ ରାଆ; ନାସ୍ତ୍ରାଲେ ମିଖାଲେ ବାସ୍ତମାନି ଓଜେରି ଲୋକାଖାଲେ ଆଗଡ଼ି ମିର୍ ସମ୍ମାନ ପୟନିଦେର୍ ।

୧୧ ଈରିଙ୍ଗ୍ ଏନ୍ ନିଜେଦିଙ୍ଗ୍ ପେରିକାନ୍ ତରନାନ୍, ଖାନିଙ୍ଗ୍ ଆଡ଼ଗି କିନାନ୍, ମାରି ଏନ୍ ନିଜେଦିଙ୍ଗ୍ ଇସ୍ତ୍ରାକାନ୍ କିନାନ୍, ଖାନିଙ୍ଗ୍ ପେରିକାନ୍ କିନାନ୍ ।

୧୨ ମାରି, ଖାନ୍ କୁକତି ମାର୍ତ୍ତ ଲୋକାଙ୍ଗ୍ ବା ଇର୍ଥାନ୍, “ଖେଡ଼େ ବା ନାଡ଼ା ବୋଜି ସିତିଙ୍ଗ୍ ମି ତଡ଼୍ କି ଦାଦା କି ନିଜେଦି ଲୋକାଙ୍ଗ୍ କି ମାଜନ୍ତି ମି ଲାକ୍ତୁରି ଲୋକାଙ୍ଗ୍ କୁକମାଟ୍, ଏସ୍ତ୍ରାଲେ ଖାନ୍ ବା ମିଙ୍ଗ୍ ଡେସି କୁକନାର୍ ମାରି ଡେପ୍ନାସିନାର୍ ।

୧୩ ମାତର ବୋଜି କିତିଙ୍ଗ୍ କାକୁତ ଲୋକାଙ୍ଗ୍, ଇରାଜିବୁଲାନିଖାରିଙ୍ଗ୍, ସଟାରିଙ୍ଗ୍ ମାରି କାଣା ଲୋକାଙ୍ଗ୍ କୁକତୁ;

୧୪ ଆଡ଼ିଙ୍ଗ୍ ମିର୍ ଦନ୍ୟ ଆନିଦେର୍, ଇରିଙ୍ଗ୍ ମିଙ୍ଗ୍ ଡେସି ସିଦେଙ୍ଗ୍ ଇଜି ତାମେମାନୁ ଇନିକା ସିଲେଡ଼; ମାରି, ଦାମ୍ବୁ ଲୋକା ମାରିଡେସି ନିଙ୍ଗ୍ନିଖାଲେ ମିଙ୍ଗ୍ ପୁରସ୍ମାର ପୁଟନାଡ଼ ।”

ପେରି ବଜିଦି କାତା
(ମାଡ଼ିଉ ୨୨:୧-୧୦)

୧୫ ଆକା ଖେନ୍ଜି ଜିସୁଖାଲେ ଉଣ୍ଡେଙ୍ଗ୍ ବାସ୍ତି ମାର୍ତ୍ତ ଲୋକା ଲୋଇ ଅରେନ୍ ଖାନିଙ୍ଗ୍ ଇର୍ଥାନ୍, “ଆମା ଲୋକା ମାପୁରୁଦି ରାଜିଦୁ ଉଣ୍ଡେଙ୍ଗ୍ ବାସ୍ନାନ୍, ଖାନ୍ ଦନ୍ୟ ।”

୧୬ ମାତର ଜିସୁ ଖାନିଙ୍ଗ୍ ଇର୍ଥାନ୍, ଅରେନ୍ ଲୋକା ଉଣ୍ଡି ପେରି ବୋଜି ସିଦେଙ୍ଗ୍ ବଦାକିଜି ନାଣ୍ଡ ଲୋକାଙ୍ଗ୍ କୁକିସ୍ତାନ;

୧୭ ମାରି, ବୋଜି ଉଣ୍ଡି ସମୟ ଇଗା ଖାତାଡ଼ଆକା, କୁକତି ମାର୍ତ୍ତ ଲୋକାମାନୁ ଖାନି ପାଣିକିନି ଖାନି ପୋକ୍ସି କୁକ୍ସୋ ତାଡେଙ୍ଗ୍ ଇର୍ଥାନ୍, ଇରିଙ୍ଗ୍ ବୋଜିଓଜୁ ଖାଡ଼ା ଓସ୍ତାମାର୍ଥାର୍ ।

୧୮ ମାତର ଓଜେରେ ଅର୍ସେ ଇନ୍ଡେଙ୍ଗ୍ ଆସ୍ତାଟ୍ । ପାର୍ତୁମ୍ ଅରେନ୍ ଇର୍ଥାନ୍, ନାନ୍ କାଣ୍ଡେକ୍ ବୁମି କଟାମାନା, ଆକା ନାଙ୍ଗ୍ ସୁଡ଼ନିକା ମାନାଡ଼; ନାନ୍ ମାଡ଼ିସ୍ କିଜିନା, ନିନ୍ ନାଙ୍ଗ୍ ଡିସ୍ସିତିମାନି ଇଜି ଅଡ଼ବିଜିନା ।

୧୯ ମାରି ଅରେନ୍ ଇର୍ଥାନ୍, ନାନ୍ ପାସ୍ଗୋଟା ସେରକୁ ଡାକ୍ କୋଟାମାନା, ମାରି ନାନ୍ ଖାନିକାଙ୍ଗ୍ ମିଡେଙ୍ଗ୍ ସଲ୍ସିନା; ମାଡ଼ିସ୍ କିଜିନା, ନିନ୍ ନାଙ୍ଗ୍ ଡିସ୍ସିତିମାନି ଇଜି ଅଡ଼ବିଜିନା ।

୨୦ ମାରି ଆଇକାନ୍ ଇର୍ଥାନ୍, ନାନ୍ ପୁନା ପେଡ଼ି ଆତାମାନା, ଆଦେଙ୍ଗ୍ ଖାଦେଙ୍ଗ୍ ଆଟ୍ଏ ।

୨୧ ମାରି, ଆୟା ଗତିମୁରୁଲି ଖାଜି ଖାନି ମାଲିକ୍ତିଙ୍ଗ୍ ଆୟାଓଜୁ ଇର୍ଥାନ୍, ଆବେଟ୍ ଆୟା ଇଲୁଦି ମାଲିକ୍ ରିସା ଆତାନୋ ଖାନି ଗତିମୁରୁଲିଙ୍ଗ୍ ଇର୍ଥାନ୍, ବେଗି ଗାଡ଼ାକା ଦୁଆରକାଙ୍ଗ୍ ମାରି ସାକ୍ଡ଼ି ସାକ୍ଡ଼ି ସଲ୍ସି କାକୁତ ଲୋକାଙ୍ଗ୍, ଇରାଜିବୁଲାନିଖାରିଙ୍ଗ୍, କାଣାରିଙ୍ଗ୍ ମାରି ସଟାରିଙ୍ଗ୍ ଇବେ କୁକ୍ସୋ ତାଗା ।

୨୨ ଖେନ୍କା ଆୟା ଗତିମୁରୁଲି ଇର୍ଥାନ୍, ଏ ମାଲିକ୍, ନି ବଦାଦାନ୍ କିତାମାନା, ମାତର ମାରି ବାଡ଼ି ମାନାଡ଼ ।

୨୩ ଆବେଟ୍ ମାଲିକ୍ ଆୟା ସାକ୍ଡ଼ିଙ୍ଗ୍ ଇର୍ଥାନ୍, ପେରି ଦୁଆରକାଙ୍ଗ୍ ମାରି କନା ମୁଲାଦୁ ସଲ୍ସି, ନା ଇଲୁଡୁ ଲୋକା ଏଣ୍ଡେସ୍ ବଡ଼ ଆନାଟ୍, ଆୟା ଉଣ୍ଡିଙ୍ଗ୍ ଲୋକା ଖାଦେଙ୍ଗ୍ ଇନ୍ଡୁ ।

୨୪ ଏଣ୍ଡେସ୍ ମିଙ୍ଗ୍ ନାନ୍ ଇଜିନା, ଆୟା କୁକ୍ତିମାର୍ତ୍ତ ଲୋକା ଲୋଇ ଏର୍ବା ନାନ୍ ବୋଜି କିତିମାନୁ ଉଣ୍ଡେଙ୍ଗ୍ ଆଟ୍ଏର୍ ।

ସିସୁ ଆନି ଦାରା
(ମାଡ଼ିଉ ୧୦:୩୭-୩୮)

୨୫ ଅରଲେନ୍ ନାଣ୍ଡ ଲୋକା ଜିସୁଖାଲେ ସଲ୍ସିମାର୍ଥାଟ୍, ମାରି ଖାନ୍ ଖେନ୍କା ମାର୍ତ୍ତବେସ୍ସି ଖାରିଙ୍ଗ୍ ଇର୍ଥାନ୍,

୨୬ ଈଦି ଅରେନ୍ ଲୋକା ନା ଲାକ୍ତୁ ଖାଜି, ମାତର ଖାନ୍ ଜଦି ନାଙ୍ଗ୍ ଡିସ୍ସି ନିଜେଦି ବୁବା ଯାୟାଏଙ୍ଗ୍, ଆଡ଼ିସିଙ୍ଗ୍, କଡ଼ରିଙ୍ଗ୍, ତାଙ୍ଗ୍ ତଡ଼ାନ୍କାଙ୍ଗ୍ ମାରି ଏଣ୍ଡେସ୍ ନିଜେଦି ଜିବନ୍ତିଙ୍ଗ୍ ବା ନାଣ୍ଡ ଜିବନ୍ନୋନାନ୍, ଖାନ୍ ନା ସିସୁ ଆଦେଙ୍ଗ୍ ଆଟ୍ଏର୍ ।

୨୭ ଏନ୍ ଜଦି ନିଜେଦି କୁସ ପିଣ୍ଡି ନା ଖେନ୍କା ରେଏନ୍, ଖାନ୍ ନା ସିସୁ ଆଦେଙ୍ଗ୍ ଆଟ୍ଏର୍ ।

୨୮ ଇରିଙ୍ଗ୍ ମି ଲୋଇ ଏନ୍ କାପ୍କିନି ଇଲୁ ତିଆର୍ କିଦେଙ୍ଗ୍ ବଦାକିଜି ଆକା ଓସ୍ତେଙ୍ଗ୍ ଇଜି ଖାନିମାନୁ ତାରୁଙ୍ଗ୍ ମାନେ ନୋ ସିଲୁ, ଇକା ପାର୍ତୁମ୍ ବାସ୍ସ ଏସୋ ତାରୁଙ୍ଗ୍ ତାକ୍ନେ ଲେକିସ୍ କିଏନ୍ ନୋ ?

୨୯ ଆନାଟ୍ ଖାନ୍ କୁନାଦି ପୋକ୍ସି ଓସ୍ତେଙ୍ଗ୍ ଜଦି ଆଟ୍ଏର୍, ଲୋକା ଆକା ସୁଣାର୍, ଓଜେରେ ଖାନିଙ୍ଗ୍ ସେମାର୍ କିଜି ଇନ୍ଡେଙ୍ଗ୍ ଆସ୍ନାଟ୍,

୩୦ ଇୟାକାନ୍ ତିଆର୍ କିଦେଙ୍ଗ୍ ଆରାମ୍ କିଜି ମାତର ଓସ୍ତେଙ୍ଗ୍ ଆଟ୍ଏଟାନ୍ ।

☆ ୧୪:୧୧ ମାଡ଼ିଉ ୨୩:୧୨; ଲୁକ ୧୮:୧୪. ☆ ୧୪:୨୨ ମାଡ଼ିଉ ୧୦:୩୭. ☆ ୧୪:୨୭ ମାଡ଼ିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩.

୩୧ ମାରି ଏମେ ରାଜା ଆଇ ଅରେନ୍ ରାଜାଖାଲେ ଜୁଦ୍ କିଦେଙ୍ଗ୍ ସନିଖାଲେ, ଦାସ୍ ହାଜାର୍ ସନ୍ୟରିଙ୍ଗ୍ ଆସ୍ସି, ଖାନି ବିରଦ୍ତାନ ଖାଜିମାନି କଡେ ହାଜାର୍ ସନ୍ୟରିଙ୍ଗ୍ ଅସି ଜୁଦ୍ କିଦେଙ୍ଗ୍ ଖାଜିମାନି ରାଜାଖାଲେ ଜୁଦ୍ କିଦେଙ୍ଗ୍ ଆଟ୍ଟନାନ୍ ନୋ ଆଟ୍ଟଏନ୍, ଆକା ଆଗ୍ଡିନେ ଅଡ୍ଡିଏନ୍ ନୋ ?

୩୨ ଜଦି ଆଟ୍ଟଏନ୍, ଆଇ ରାଜା ଆକ୍ ମାନବୁନେ ଖାନ୍ ଖାନି ଲୋକାଙ୍ଗ୍ ପୋକ୍ସି ଆୟା ରାଜାଖାଲେ ସାନ୍ତି କିନାନ୍ ।

୩୩ ଆୟାଖାଜା ମି ଲୋଇ ଏନ୍ ଜଦି ନିଜେଦି ଖିଜୁ ଡିସ୍ଏନ୍, ଖାନ୍ ନା ସିସୁ ଆଦେଙ୍ଗ୍ ଆଟ୍ଟଏନ୍ ।

କାରିୟାଆଇ ସର୍

(ମାତିଉ ୫:୧୩; ମାର୍କ ୯:୫୦)

୩୪ ସର୍ ତୋ ନେଗିକା; ମାତର୍ ସର୍ ଜଦି ତାନି କାରିୟା ଆନିକା ସିଲେଡ୍ଆନାଡ୍, ଆରିଙ୍ଗ୍ ଆକା ଆମାନ୍ ବା କାରିୟା କିଦେଙ୍ଗ୍ ଆଟ୍ଟଏଡ୍ ।

୩୫ ତେନିଙ୍ଗ୍ ମିର୍ ଇୟାଖାଜା ବୁମିଦି ଉଣ୍ଡିଙ୍ଗ୍ ବା ଗାତାମ୍ କିଦେଙ୍ଗ୍ ଆଟ୍ଟଇଦେର୍ । ଲୋକୁ ଆକା ଆଡ୍ରେ ପୋକ୍ନାର୍ । ଆମାଖାନିଙ୍ଗ୍ ଖେନ୍ତେଙ୍ଗ୍ ଗିତଣିଙ୍ଗ୍ମାନେ, ଖାନ୍ ଖେନିନ୍ ।

୧୫

ମୁରିଡିମାନି ମେଣ୍ଡାଦି କାତା

(ମାତିଉ ୧୮:୧୨-୧୪)

୧ *ଅର୍ଲେନ୍, ସିସ୍ଟୁ ଲୋସ୍ନିକାର୍ ନି ପାପି ଲୋକୁ ଖିଜେରେ ଜିସୁଦି ବାକ୍ୟ ଖେନ୍ତେଙ୍ଗ୍ ଖାନି ଲାକ୍ତୁ ଖାଜି ମାର୍ଆର୍ ।

୨ ଆବେଟ୍ ପାରୁସିର୍ ନି ସାସ୍ତିର୍ ଖିଜେରେ ବାସେ କିଜି କିଜି ଇର୍ହାର୍, ଇକାନ୍ ପାପି ଲୋକାଙ୍ଗ୍ ଖାନିଲାକ୍ତୁ କୁକ୍ନାନ୍ ମାରି ଖାରିଖାଲେ ଉଣାନ୍ ।

୩ ଆବେଟ୍ ଜିସୁ ଖାରିଙ୍ଗ୍ ଇୟା କାତା ଇର୍ଆନ୍,

୪ “ମି ମାଣକୁ ଇୟାଖାଜା ଏମେ ଲୋକୁ ମାନାନ୍ ଜେ, ଖାନିଦି ଜଦି ୧୦୦ ଗୋଟା ମେଣ୍ଡେଙ୍ଗ୍ମାନେ, ମାରି ତାମେ ଲୋଇ ଉଣ୍ଡି ମୁରନାଡ୍, ମାରି ଖାନ୍ ନବେ ନୋଗୋଟା ମେଣ୍ଡେଙ୍ଗ୍ ଗରନ୍ତୁ ଡିସ୍ସି ଆୟା ମୁରୁଡିମାନି ମେଣ୍ଡା ପୋୟଇ ସାନ୍ତି ତାନିଙ୍ଗ୍ ପୟଏନ୍ ନୋ ?

୫ ମାରି, ଖାନ୍ ମେଣ୍ଡାଦିଙ୍ଗ୍ ପଇତିଙ୍ଗ୍ ଖାନ୍ ତାନିଙ୍ଗ୍ ଖେଡିକାଦାନ୍ ଗୁଜାମ୍ତୁ ପିଣ୍ଡି ଇନ୍ତୁ ତାନାନ୍,

୬ ମାରି, ନିଜେଦି ଲୋକାଙ୍ଗ୍ ମାରି ପାଡ୍କାଦି ଲୋକାଙ୍ଗ୍ କୁକ୍ସି ଉଣ୍ଡେ ମାନୁ କିଜି ଖାରିଙ୍ଗ୍ ଖେରନାନ୍, ନା ଖାଲେ ଖେଡିକା କିଦୁ, ଇରିଙ୍ଗ୍ ନା ମୁରୁଡିମାରଇ ମେଣ୍ଡା ପୁଟ୍ତାଡ୍ ।

୭ ନାନ୍ ମିଙ୍ଗ୍ ଖେର୍ସିନା, ଆୟାଖାଜାନେ ଏମେଲୋକାଦି ମନତିଙ୍ଗ୍ ଡେପ୍ଡେଙ୍ଗ୍ ଦର୍କାର୍ ସିଲେ, ଇୟାଖାଜା ନବେ ନୋଗୋଟା ଦାମ୍ ଲୋକା ବାଦ୍ଲୁ, ଜେ ମନତିଙ୍ଗ୍ ଡେପ୍ଡାନ୍, ଇୟାଖାଜା ଅରେନ୍ ପାପି ଲୋକ୍ ଉଣ୍ଡିଙ୍ଗ୍ ମୁସ୍କୁପୁରତୁ ନାଣ୍ଡ ଖେଡିକା ଆନାଡ୍ ।

ମୁରିଡିମାନି ଖେଣ୍ଡି ଅଦଲିଦି କାତା

୮ “ଇୟାଖାଜା ଏମେ ଆଇମା ଲୋକୁ ମାନାଡ୍ ଜେ, ତାନିଦି ଜଦି ଦଗଗୋଟା ଖେଣ୍ଡି* ଅଦଲିଙ୍ଗ୍ମାନେ, ମାରି ଆବେଟ୍ ଉଣ୍ଡି ମୁରନାଡ୍, ମାରି ଖାଦ୍ ଦିଖା କାସ୍ସିସ୍ କିଜ ଇଲୁଦୁ ସିପାଜି ଆକା ପୟଇ ସାନ୍ତି ନେଗେନ୍ତାନ୍ ପୟଏଡ୍ ?

୯ ମାରି, ଆକା ପଇତିଙ୍ଗ୍ ଖାନ୍ ନିଜେଦି ଲୋକାଙ୍ଗ୍ ମାରି ପାଡ୍କାଦି ଲୋକାଙ୍ଗ୍ କୁକ୍ସି ଉଣ୍ଡେ ମାନୁ କିଜି ଖାରିଙ୍ଗ୍ ଖେରନାନ୍, ନା ଖାଲେ ଖେଡିକା କିଦୁ, ଏମେ ଖେଣ୍ଡି ଅଦଲି ମୁରୁଡିମାରଇକା, ଆକା ପୁଟ୍ତାଡ୍ ।

୧୦ ନାନ୍ ମିଙ୍ଗ୍ ଖେର୍ସିନା, ଇୟାଖାଜାନେ ଏନ୍ ମନତିଙ୍ଗ୍ ଡେପ୍ଡିଙ୍ଗ୍, ଇୟାଖାଜା ଅରେନ୍ ପାପି ଉଣ୍ଡିଙ୍ଗ୍ ମାପୁରୁଦି ଦୁଡ୍କୁ ଖେଡିକାକିନେ ।”

ମୁରୁଡି ମାରିନ୍ କାତା

୧୧ ଜିସୁ ମାରି ଇର୍ହାନ୍, ଅରେନ୍ ଲୋକୁଦିଙ୍ଗ୍ ରିଏର୍ କଡର୍ ମାର୍ଆର୍ ।

୧୨ ଖାରି ମାଣକୁ ଇସିରି ମାରିନ୍ ବୁବେଙ୍ଗ୍ ଇର୍ହାନ୍, ବୁବା, ସମ୍ପତିଦି ଏମେ ବାଗ୍ ନା ବାଗତୁ ପୋଡାଜିନାଡ୍, ଆକା ନାଙ୍ଗ୍ ସିଦାଟ୍ । ଆବେଟ୍ ଖାନ୍ ନିଜେଦି ଖିଜୁ ଖାରିଙ୍ଗ୍ ବାଟା କିଜି ସିତାନ୍ ।

୧୩ ଅଡ୍ପ ଦିନ୍ ଖେନ୍କା ଇସିରି କଡ୍ ଖିଜୁ ଉଣ୍ଡି ମାନୁ କିଜି ଆକ ଦେଶତୁ ସର୍ହାନ୍, ମାରି ଆବେଣ୍ଡୁ ମୁକୁ ଆଜି ନିଜେଦି ସମ୍ପତି ଇପ୍ତାନ୍ ।

୧୪ ମାତର୍ ଖିଜୁ ଖିସ୍ତି ଖେନ୍କା ଆୟା ଦେସ୍ତୁ ପେରି ଦୁର୍ବ କିୟ ଆତାଡ୍ଆକା ଖାନିଙ୍ଗ୍ ସିଲିଖାଜା ଆଦେଙ୍ଗ୍ ଆସ୍ତାଡ୍ ।

* ୧୫:୧ ଲୁକ ୫:୨୯, ୩୦. * ୧୫:୮ ଉନ୍ତୁ ଖେଡି ଅଦଲିଦି ଅର୍ତ୍ତ ଉନ୍ତୁ ନାଣ୍ଡିରି କୁଲି ତାବୁଙ୍ଗା ବୁଜା କିନାଡ୍

୧୫ ଆବେଟ୍ ଖାନ୍ ସଲ୍ଲସି ଆୟା ଦେଶ୍‌ଦି ଅରେନ୍ ଲୋକ୍‌ମାନୁ ଗତି ତେବାତାନ୍, ମାରି ଖାନ୍ ଖାନିଙ୍ଗ୍ ପାଣ୍ଡି_ଙ୍ଗ୍ ସାରାକିଦେଙ୍ଗ୍ ଇଜି ନିଜେଦି କିଡ଼ିଇଦୁ ପୋକ୍‌ତାର୍;

୧୬ ମାରି, ପାଣ୍ଡି_ଙ୍ଗ୍ ଏମେ କାଦି ତିନ୍‌ଜିମାର୍‌ଏ, ଆବେଟ୍ ଖାନ୍ ନିଜେଦି ପଟାପାଜିସ୍ କିଦେଙ୍ଗ୍ ବଦା କିଜିମାର୍‌ହାନ୍, ମାତର୍ ଏନ୍‌ବା ଖାନିଙ୍ଗ୍ ଇନିକାବା ସିଏଜି ମାର୍‌ହାନ୍ ।

୧୭ ମାତର୍ ଖାନ୍ ଚେଡ୍‌ନା ଆଜି ଇର୍‌ହାନ୍, ନା ବୁବାଦି ଏସ କୁଲିକିନିଝାର୍‌ଇଦି ଉଣିକା ତେବାଜିନାଡ୍, ମାତର୍ ନାନ୍ ଇବେନ୍ ବାଙ୍ଗାଦାନ୍ ସାଜିନା ।

୧୮ ନାନ୍ ନିଙ୍ଗ୍‌ଜି ନା ବୁବାଦି ଲାକ୍‌ତୁ ସନା ମାରି ଖାନିଙ୍ଗ୍ ଝେର୍‌ନା, ବୁବା, ମାପୁରୁଦି ବିରଦ୍‌ତାନ୍ ମାରି ନି ବିରଦ୍‌ତାନ୍ ନାନ୍ ପାପ୍ କିତାମାନା;

୧୯ ମି କଡ଼ ଇଜି କୁକ୍‌ନିକା ନାନ୍ ମାରି ଦୋର୍ ସିଲେ; ନାଙ୍ଗ୍ ମିବାନ୍ ଅରେନ୍ କୁଲିକିନି ଲୋକା ଖାଜା ଇତିଆ ।

୨୦ ଆବେନ୍ ଖାନ୍ ନିଙ୍ଗ୍‌ଜି ନିଜେଦି ବୁବାଦି ଲାକ୍‌ତୁ ସର୍‌ହାନ୍ । ମାତର୍ ଖାନ୍ ଆକ ମାନ୍‌ଜି ମାନ୍‌ଜି ଖାନି ବୁବା ଖାନିଙ୍ଗ୍ ସୁଡ଼ୁ ଲାଡ଼୍‌ଦାନ୍ ତେର୍‌ପେଡ୍ ଆତାନ୍ ମାରି ଉରୁକ୍‌ସି ସଲ୍ଲସି ଖାନିଙ୍ଗ୍ ପମିତାଆସ୍ତାନ୍ ନୋ ଲାଡ଼୍‌ଦାନ୍ ନଣ୍ଡିତାନ୍ ।

୨୧ ମାରିସି ଖାନିଙ୍ଗ୍ ଇର୍‌ଆନ୍, ବୁବା ମାପୁରୁଦି ବିରଦ୍‌ତାନ୍ ମାରି ନି ବିରଦ୍‌ତାନ୍ ନାନ୍ ପାପ୍ କିତାମାନା, ମି ମାରିନ୍ ଇଜି କୁକ୍‌ତେଙ୍ଗ୍ ନାନ୍ ମାରି ଜଗ୍ ସିଲେ ।

୨୨ ମାତର୍ ବୁବା ନିଜେଦି ସାକରକାଙ୍ଗ୍ ଝେର୍‌ତାନ୍, ଝିନ୍‌ମାଣ୍‌କୁ ନେଗି ଝାଡି ବେଗି ଆସୋଅରାଦୁ ଝେନିଙ୍ଗ୍ ଆର୍‌ସିକିଦୁ, ଝେନି କିୟୁଦୁ ଝେତରି ମାରି ପାଦାମକାଙ୍ଗ୍ ହୁଡେଙ୍ଗ୍ ସିଦୁ,

୨୩ ମାରି ବାଲ୍‌ସ୍ତ୍ରି ଜାତୁ ତାସ ତାକ୍‌ତୁ; ରାଦୁ, ମାତୁ ବୋଜି କିଜି ଝେଡ଼ିକା କିନାଟ୍,

୨୪ ମାତର୍ ନା ଇୟା ମାରିନ୍ ସାତା ମାର୍‌ହାନ୍, ମାରିଡେସି ଜିତାନ୍; ମୁରିତାମାର୍‌ହାନ୍, ମାରି ପଇତାନ୍ । ଆବେଟ୍ ଝାରିଙ୍ଗ୍ ଝେଡ଼ିକା କିଦେଙ୍ଗ୍ ଆତାର୍ ।

୨୫ ନାସ୍ତ୍ରିଝାଲେ ଝାରି ପେରି ମାରିନ୍ ଜମିଦୁ ମାର୍‌ହାନ୍ । ଖାନ୍ ଏସ୍ତ୍ରିଝାଲେ ଝାଜି ଇଲୁଦି ଲାକ୍‌ତୁ ଝାତାନ୍, ନାସ୍ତ୍ରିଝାଲେ ବାଜା ମାରି ଗାଡ଼୍‌ନିକା ଆଉଲି ଝେରାନ୍,

୨୬ ସାକରକାଙ୍ଗ୍ ମାଣ୍‌କୁ ଅରେନ୍ ଲାକ୍‌ତୁ କୁକ୍‌ତାନ୍ ଆୟାଝିନ୍‌ ଇନିକା ଇଜି ଝେନ୍‌ବାଦେଙ୍ଗ୍ ଆସ୍‌ତାନ୍ ।

୨୭ ଖାନ୍ ଖାନିଙ୍ଗ୍ ଝେର୍‌ତାନ୍, ମି ତଡାନ୍ ଝାତାମାନାନ୍, ମାରି ମି ବୁବା ଖାନିଙ୍ଗ୍ ନେଗି ମେନ୍‌ଲ୍‌ତାନ୍ ପଇତାନ୍‌ଆକା ବାଲ୍‌ସ୍ତ୍ରି ଜାତୁ ତାକ୍‌ତାମାନାନ୍ ।

୨୮ ଆବେଟ୍ ଖାନ୍ ରିସାଆଜି ଲୋଇ ସଣ୍ଡେଙ୍ଗ୍ ଇଜି ବଦାକିଏତାନ୍; ମାତର୍ ଝାରି ବୁବା ଆଡ୍‌ରେ ଝାଜି ଖାନିଙ୍ଗ୍ ନାଣ୍ଡ ବୁଜାକିଦେଙ୍ଗ୍ ଆସ୍‌ତାନ୍ ।

୨୯ ମାତର୍ ଖାନ୍ ବୁବାସିଙ୍ଗ୍ ଇର୍‌ଆନ୍, ସୁଡୁଆ, ନିସବାର୍‌ସେକ୍ ଆତାଡ୍ ନାନ୍ ମି ସାକରତି ଝାଜା ପାଣିକିଜି ଝାଜିନା, ମାରି ଏସ୍‌କାଙ୍ଗ୍‌ବା ମି ମାଟା ଅମାନ୍ୟ କିଏ, ମାରି ନା ସାଙ୍ଗ୍‌ରି ଝାଲେ ଝେଡ଼ିକା କିଦେଙ୍ଗ୍ ନିନ୍ ନାଙ୍ଗ୍ ଏସାକାଙ୍ଗ୍‌ବା ଗରିୟାପିଲା ବା ସିଇ;

୩୦ ମାତର୍ ମି ଇୟା ଏମେ ମାରିସି ତାଗ୍‌ଝାରି ଝାଲେ ମି ଦନ୍ ଝିନ୍‌ ଉଣ୍ଡି ଝିସ୍‌ତା ମାନାନ୍, ଏସ୍ତ୍ରିଝାଲେ ଖାନ୍ ଝାତାନ୍, ନାସ୍ତ୍ରିଝାଲେ ନିନ୍ ଝାନି ଉଣ୍ଡିଙ୍ଗ୍ ବାଲ୍‌ସ୍ତ୍ରି ଜାତୁ ତାକ୍‌ତାମାନାନ୍ ।

୩୧ ଆବେଟ୍ ଖାନ୍ ଖାନିଙ୍ଗ୍ ଝେର୍‌ତାନ୍, ମାରିନ୍, ନିନ୍‌ତୋ ଝିନ୍‌ଦିନ୍ ନା ଝାଲେ ମାନି, ମାରି ଆମାକା ଝିନ୍‌ ନାଦି, ଆୟାଝିନ୍‌ ନିଦି;

୩୨ ମାତର୍ ଇୟା ଜେ ନି ତଡାନ୍ ସାତାମାର୍‌ଆନ୍, ମାରିଡେସି ଜିତାନ୍, ମୁରିତାମାର୍‌ହାନ୍, ମାରି ପୁଟାନ୍, ଆୟା ଉଣ୍ଡିଙ୍ଗ୍ ଝେଡ଼ିକା କିଦେଙ୍ଗ୍ ଦର୍‌କାର୍‌ମାର୍‌ହାଡ୍ ।

୧୭

ସାଲାକିଦି ଗୋଡ଼ିମୁରୁଲିଦି କାତା

୧ ଜିସୁ ସିସୁରିଙ୍ଗ୍ ବା ଇର୍‌ହାନ୍, ଅରେନ୍ ମାଜନ୍ ଲୋକ୍ ମାର୍‌ହାନ୍, ଝାରି ମାନ୍ ଅରେନ୍ ଗୋଡ଼ିମୁରୁଲି ମାର୍‌ହାନ୍, ମାରି ଖାନ୍ ଝାରି ସମ୍ପତ୍ତି ବୁଡା କିଜିନାନ୍ ଇଜି ଆୟା ବିସୟତାନ୍ ଝେନ୍‌ଜି ଖାନ୍ ଖାନିଙ୍ଗ୍ କୁକ୍‌ତାନ୍‌ନୋ ଇର୍‌ହାନ୍,

୨ ନାନ୍ ନି ବିସୟତାନ୍ ଇକା ଇନି ମାଟା ଝେନ୍‌ଜିନା ? ନି ପାଣିଦି ଇସାବ୍ ସିଦା, ମାତର୍ ନିନ୍ ମାରି ଗୋଡ଼ିମୁରୁଲି ଆଜି ମାଣ୍ଡେ_ଙ୍ଗ୍ ଆଟ୍‌ଇ ।

୩ ଆବେନ୍ ଆୟା ଗୋଡ଼ିମୁରୁଲି ମୋନ୍‌ତୁ ମୋନ୍‌ତୁ ଇର୍‌ହାନ୍, ଇନିକା କିନା ? ନା ମାଲିକ୍ ତୋ ନାମାଣ୍‌କୁ ଗୋଡ଼ିମୁରୁଲିଦି ନା ସାକିରି ଅସି ସୋଲ୍‌ସିନାନ୍ । ସିକ୍‌ଲା କାର୍‌ଦେଙ୍ଗ୍ ନା ସାକ୍ତ୍ର ସିଲେଡ୍, ଭିକିୟା ଲସ୍‌ତେଙ୍ଗ୍ ନାଙ୍ଗ୍ ସେମାର୍ ଝାଜିନାଡ୍ ।

୪ ନାନ୍ ଗୋଡ଼ିମୁରୁଲିଦାନ୍ ଡିସ୍‌ତି ଝେନ୍‌କା ଲୋକ୍ ଏଣ୍ଡେସ୍ ନାଙ୍ଗ୍ ନିଜେ ନିଜେଦି ଇଲ୍‌କାଙ୍ଗ୍ କୁକ୍‌ନାର୍, ଇୟାଉଣ୍ଡିଙ୍ଗ୍ ଇନିକା କିନା, ଆକା ନେସ୍‌ତାନି ।

୫ ମାରି, ଖାନ୍ ନିଜେଦି ମାଲିକଦି ଝିଜେରିଙ୍ଗ ରୁଣୁ ଅତିମାନି ଲୋକାଙ୍ଗ ଲାକଡୁ କୁକସି ଆଗଡ଼ିରି ଅରେନ୍‌ଖାନିଙ୍ଗ ଇର୍ହାନ, ନି ମୁସକୁ ନା ପ୍ରବୁଦି ମାନୁ ଏସ ଟାକା ସିଦେଙ୍ଗ ମାନାଡ ? ଖାନ୍ ଇର୍ହାନ, ସଏ ଡାବା ନିୟୁ ।

୬ ଖାନ୍ ଖାନିଙ୍ଗ ଇର୍ହାନ, ନି ଇସାବ୍ କିନି ଆକୁ ବେଗିତାସ୍ ବାସସ ପସାସ୍ ଡାବା ନିୟୁ ଇଜି ରାସଆଁ ।

୭ ତାନେ ଝେନ୍‌କା ଖାନ୍ ମାରି ଅରେନ୍‌ଖାନିଙ୍ଗ ଇର୍ହାନ, ନି ମୁସକୁ ଏସ ଡାବୁଙ୍ଗୁଁ ସିଦେଙ୍ଗ ମାନାଡ ? ଖାନ୍ ଇର୍ହାନ, ସଏ ବାସ୍ତା ଗଦମୁ । ଖାନ୍ ଖାନିଙ୍ଗ ଇର୍ହାନ, ନି ଇସାବ୍ କିନି ଆକୁ ବେଗିତାସ୍ ଅସେ ବାସ୍ତା ଇଜି ରାସଆଁ ।

୮ ଆୟା ଅବିସ୍‌ବାସକିତି ଗୋତିମୁରୁଲି ବୁଦିଦି ଖାଲେ ପାଣି କିତିମାନିଙ୍ଗ ଖାନି ମାଲିକ୍ ଖାନିଙ୍ଗ ପ୍ରସଂସା କିତାନ; ଇୟା ଦୁନିଆ କଡ଼ର୍ ଖାରି ପାଣି କିଦେଙ୍ଗ ଜାୟତି କଡ଼ରି ବାଦୁଲୁ ନାଣୁ ବୁଦି ।

୯ ନାନ୍ ବା ମିଙ୍ଗୁଁ ଇଜିନା, “ଦୁନିଆଦି ଦନ୍‌ତୁ ନିଜେ ନିଜେଦି ଉଣ୍ଡିଙ୍ଗ ସଙ୍ଗ ପଇଦୁ, ଏଣ୍ଡେସ୍ ଆକା ଝିଜ୍‌ତିଙ୍ଗ ମିଙ୍ଗୁଁ ଝିଜୁଦିନ୍‌ଡି ଡରନିବାଡିଦୁ କୁକନାନ୍ ।

୧୦ ଏନ୍ ଉଣା ବିସୟତାନ୍ ବିସ୍‌ବାସ୍ କିନାନ୍, ଖାନ୍ ନାଣୁ ବିସୟତୁ ବା ବିସ୍‌ବାସ୍ ମାନାନ୍, ମାରି ଏନ୍ ଉଣା ବିସୟତାନ୍ ଅବିସ୍‌ବାସ୍ ଖାନ୍ ନାଣୁ ବିସୟତୁ ବା ଅବିସ୍‌ବାସ୍ କିନାନ୍ ।

୧୧ ମାରି, ମିର୍ ଜଦି ଦୁନିଆଦି ଦନ୍‌ତୁ ବିସ୍‌ବାସ୍ କିଇଦେର୍, ଆଦେଙ୍ଗ୍ ଏନ୍ ମିଙ୍ଗୁଁ ବିସ୍‌ବାସ୍ କିଜି ସଡ଼ ଦନ୍ ମି କିୟୁଦୁ ସପ୍ରେ କିନାନ୍ ?

୧୨ ମାରି, ଜଦି ମିର୍ ଆଇଖାନି ଦନ୍ ବିସୟତାନ୍ ବିସ୍‌ବାସ୍ କିଇଦେର୍, ମାରି ଏନ୍ ମିଙ୍ଗୁଁ ମି ନିଜେଦି ବିସୟ ସିନାନ୍ ?

୧୩ ✨“ଅରେନ୍ ସାକର୍ ରିଏରି ମାଲିକକା ସାକର୍ ଆଦେଙ୍ଗ୍ ଆଟ୍‌ଏନ୍; ମାତର୍ ଖାନ୍ ଅରେନ୍‌ଖାନିଙ୍ଗ କାଡ଼ନାନ୍ ମାରି ଆଇଖାନିଙ୍ଗ ଜିବନ୍‌ନୋନା, ମାରି ଅରେନ୍‌ଖାନି ଉଣ୍ଡିଙ୍ଗ ଲାକଡୁ କିନାନ୍ ମାରି ଆଇଖାନିଙ୍ଗ ଡିସ୍‌ନାନ୍ । ମିର୍ ମାପୁରୁ ମାରି ଦନ୍ ରିଏରି ସାକର୍ ଆଦେଙ୍ଗ୍ ଆଟ୍‌ଇଦେର୍ ।”

ଏସ ଜିସୁ ଇନି ମାଟା

(ମାଡିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଇୟାଝିଜୁ ମାଟା ଝେନ୍‌ଜି ଦନ୍‌ଆସାନି ପାରୁସିର୍ ଜିସୁଙ୍ଗୁଁ ନିଦା କିଦେଙ୍ଗ୍ ଆସ୍‌ତାର୍ ।

୧୫ ଆବେନ୍ ଖାନ୍ ଖାରିଙ୍ଗ ଇର୍ହାନ, ଏର୍ ନିଜେ ନିଜେଦିଙ୍ଗ ଲୋକାରି ଆଗଡ଼ି ଦାମ୍‌ ଇଜି ଡରନାର୍, ମିର୍ ଆୟାଖାଜାଦି ଲୋକୁ, ମାତର୍ ମାପୁରୁ ମି ଜିବନ୍‌ଡିଙ୍ଗ ନେସ୍‌ନା; ମାତର୍ ଏମେକା ଲୋକାରି ମାନୁ ପେରିକା, ଆୟାକା ମାପୁରୁଦି ଆଗଡ଼ି କାଡ଼ନିକା ।

୧୬ ✨ମୋସାଦି ନିୟମତାନ୍ ମାରି ବାବବାଦିର୍ ଦାମ୍‌ସାସ୍‌ ଡୁବନ୍‌ସିନି ଜୋହନତି ସାନ୍‌ ଝେଙ୍ଗୁଁତା ମାହାଡ଼; ଆୟା ଖାଲେରାନ୍ ମାପୁରୁଦି ରାଜିଦୁ ସୁସମାଟାଟ୍ ପ୍ରଟାଟ୍ କିଜିନାଟ୍, ମାରି ଝିଜେରେ ଲୋକୁ ଡାଟ୍‌ତାନ୍ ଆବେନ୍‌ ସଲ୍‌ସିନାଟ୍ ।

୧୭ ✨ମାତର୍ ନିୟମତି ଉଣ୍ଡି ଇସ୍ତି ଠିକା ମାରଗିନି ବାଦଲୁ ବାଦଡ଼ ନି ଦୁନିଆ ମାରଗିନିକା ଉସାସ୍ ।

୧୮ ✨ଏନ୍‌ଆପିନ୍ ନିଜେଦି ଆଡ଼ସିଙ୍ଗ ଡିସ୍‌ନାନ୍ ନୋ ଆଇଡାନିଙ୍ଗ୍ ପେଡ଼ି ଆନାନ୍, ଖାନ୍ ଦାରିପାଣି କିନାନ୍; ମାରି, ଏନ୍ କୋନ୍‌ଲି ମାଣକୁ ଡିସ୍‌ତି ଆଇମାଦିଙ୍ଗ୍ ପେଡ଼ିଆନାନ୍, ଖାନ୍ ବା ଦାରିପାଣି କିନାନ୍ ।

ଅରେନ୍ ମାଜନ୍ ଲୋକୁ ନି ଲାଜାଟ୍

୧୯ ଅରେନ୍ ଦନି ଲୋକୁ ମାହାନ, ଖାନ୍ ନାଣୁ ଦାରାଦି ଆଙ୍ଗୁଁ ଆରାଜି ଝିଜୁଦିନ୍ ନାଣୁ ଝେଡ଼ିକାଦାନ୍ ଉଣ୍ଡିଜିଦିନ୍‌ଜି ମାହାନ;

୨୦ ମାତର୍ ଖାନି ଦୁଆର୍ ଲାକଡୁ ଲାଜାଟ୍ ଇଜି ଅରେନ୍ ବିକାରି ବାସ୍‌ତା ମାହାନ, ଖାନି ମେନ୍‌ଲ୍‌ଝିଜୁ ଗାଉକୁ ବଡ଼ ଆଡେମାରେଏ;

୨୧ ଖାନ୍ ଆୟା ଦନି ଲୋକୁଦି ଟେବୁଲ୍‌ତାନ୍ ଆରନି ସକଡ଼ିଦାନ୍ ଏସ ଉଣ୍ଡି ପଟାପାଜିସ୍ କିଦେଙ୍ଗ୍ ଆସା କିଜିମାହାନ; ମାରି, ନୁକୁଡ଼ିଙ୍ଗ ଖାଜି ଖାନି ଗାଉକୁ ଝିଜୁ ନାକସି ମାରଏ ।

୨୨ ତାନେ ଝେନ୍‌କା ଆୟା ବିକାରି ସାତାନ୍ ମାରି ଦୁଡ଼କା ମାଣକୁ ଅବ୍ରାହାମତି ଗାଡୁ ଅଡେ; ଝେନ୍‌କା ଆୟା ଦନି ଲୋକୁ ବା ସାତାନ୍ ମାରି ମୁସ୍‌ତାଟ୍ ।

୨୩ ମାରି, ଖାନ୍ ନର୍କଦି କାସ୍‌ତୁ କଲ୍‌ବଲ୍ ଆଜି ମୁସକୁ ସୁଡ଼ୁ ଆକରାନ୍ ଅବ୍ରାହାମ ମାରି ଖାନି ଗାଡୁଦୁ ଲାଜାଟିଙ୍ଗ୍ ସୁଡ଼ୁତାନ୍ ।

୨୪ ଆବେଟ୍ ଖାନ୍ କୁକସି ଇର୍ହାନ, ଏ ବୁବା ଅବ୍ରାହାମ, ନାଙ୍ଗୁଁ ଦୟା କିଜି ଲାଜାଟିଙ୍ଗ୍ ପୋକ୍‌ତାଆ, ଏଣ୍ଡେସ୍ ଖାନ୍ ଏର୍‌ତୁ ନିଜେଦି ଡାସ୍‌କା ମୁଡ଼ୁକ୍‌ସ ନା ଝେଡ଼ଲ୍‌ଡିଙ୍ଗ୍ ସିଡ଼ି କିଦେଙ୍ଗ୍, ମାତର୍ ନାନ୍ ଇୟା ସିସୁଦୁ କଲ୍‌ବଲ୍ ଆଜିନା ।

✨ ୧୭:୧୩ ମାଡିଉ ୭:୨୪. ✨ ୧୭:୧୨ ମାଡିଉ ୧୧:୧୨, ୧୩. ✨ ୧୭:୧୭ ମାଡିଉ ୫:୧୮. ✨ ୧୭:୧୮ ମାଡିଉ ୫:୩୨; ୧ କରିନ୍ତିୟ ୭:୧୦, ୧୧.

୨୫ ମାତର ଅବ୍ରାହାମ ଇର୍ହାନ, ମାରିନ୍, ନିନ୍ ଜେ ଜିବନ୍‌ମାର୍‌ଇ ଖାଲେ ନିଜେଦି ନେଗି ବିସୟ୍‌ଝିକୁ ପଇତି, ମାରି ଲାଜାର ଆୟାଝାଜା ତାଗଇ ବିସୟ୍‌ଝିକୁ ପଇତାନ୍, ଇକା ଅଡ଼ିଆ; ମାତର ଇଲେ ଖାନ୍ ଇୟା ବାଡ଼ିଦୁ ଖେଡ଼ିକା ପଇଜିନାନ୍, ମାରି ନିନ୍ କଲ୍‌ବଲ୍ ଆଜିନି ।

୨୬ ଆକା ଡ଼ିସ୍‌ତିଙ୍ଗ ନିଦି ମାହି ମାଣ୍‌କୁ ନାଣ୍‌ ଗାଡ଼ି ମାନାଡ଼, ଏଣ୍‌ସ୍‌ ଏମେ ଲୋକୁ ଇୟା ବାଡ଼ିଦାନ୍ ମି ଲାକ୍‌ତୁ ସଣ୍‌ସ୍‌ ଇଜି ବଦା କିନାର୍, ଖାର ସଣ୍‌ସ୍‌ ଆଟ୍‌ଏର୍, ମାରି ଆୟାବାଡ଼ିଦାନ୍ ଏନ୍‌ବା ମା ଲାକ୍‌ତୁ ନାସ ଖାଦେଙ୍ଗ୍ ଆଟ୍‌ଏର୍ ।

୨୭ ଆବେନ୍ ମାଜନ୍‌ଲୋକ୍ ଇର୍ହାନ, ଏ ବୁବା, ଆଡ଼ିଙ୍ଗ୍ ନାନ୍ ନିଙ୍ଗ୍ ମାଡ଼ିସ୍ କିଜିନା, ଖାନିଙ୍ଗ୍ ନା ବୁବାଦି ଇଲ୍‌ଦୁ ପୋକ୍‌ଆ,

୨୮ ମାତର ନା ପାସ୍‌ଲୋକ୍ ତଡ଼ାନକୁ ମାନାର୍; ଖାରବା ଏଣ୍‌ସ୍‌ ଇୟା କାସ୍‌ଦି ବାଡ଼ିଦୁ ରାମାକିର୍, ଆୟାଉଣ୍‌ସିଙ୍ଗ୍ ଖାନ୍ ଖାରି ଲାକ୍‌ତୁ ସାକି ସିନି ।

୨୯ ମାତର ଅବ୍ରାହାମ ଇର୍ହାନ, ଖାରି ଲାକ୍‌ତୁ ମୋସା ମାରି ବାବବାଦିରି ଦାମ୍‌ସାସ୍ତ୍ର ମାନାଡ଼, ଖାର ଖାରି ମାଟା ଖେନ୍‌ରି ।

୩୦ ଆବେନ୍ ଖାନ୍ ଇର୍ହାନ, ଏ ବୁବା ଅବ୍ରାହାମ, ଆକା ନାଣ୍‌ ଆଏଡ଼; ମାତର ଜଦି ସାଡ଼ିମାନିଲୋକା ଲାକ୍‌ତୁରାନ୍ ଅରେନ୍ ଖାରି ଲାକ୍‌ତୁ ସନାର୍, ଆଡ଼ିଙ୍ଗ୍ ଖାର ମନ୍‌ଡ଼ିଙ୍ଗ୍ ଡେପ୍‌ନାର୍ ।

୩୧ ମାତର ଖାନ୍ ଖାନିଙ୍ଗ୍ ଇର୍ହାନ, ଜଦି ଖାର ମୋସା ନି ବାବବାଦିରି ମାଟା ଖେନ୍‌ଏର୍, ଆଡ଼ିଙ୍ଗ୍ ସାଡ଼ିମାନି ଲୋକାମାଣ୍‌କୁ ଅରେନ୍ ମାରିଡେସି ଜିବନ୍‌ଆଜିନିଙ୍ଗ୍ ଜି ସରିଙ୍ଗ୍ ବା ଖାର ନେଗିମାଟା ଖେର୍‌ଡ଼ିଙ୍ଗ୍ ଖେନ୍‌ଏର୍ ।

୧୭

ପାପ

(ମାତିଉ ୧୮:୨-୭, ୨୧-୨୨; ମାର୍କ ୯:୪୨)

୧ ଜିସୁ ଖାନି ସିସୁରିଙ୍ଗ୍ ଇର୍ହାନ, ଏମେ ଝିକୁ ପରିକାଦାନ୍ ଲୋକୁ ପାପ୍‌ତୁ ଆରନାନ୍, ଆୟାଝିକୁ ଏଣ୍‌ସ୍‌ବା ଖାନାଡ଼, ମାତର ଜେ ଇୟା ଝିକୁଦି ବଜ୍‌ ଆନାନ୍, ଖାନି ଦସ୍‌ ଏସା ବୟକାର୍ ଆନାଡ଼ ।

୨ ଇୟା ଇସି ଲୋକାମାଣ୍‌କୁ ଅରେନ୍‌ଖାନି ଲୋକ୍‌ତି ପାପ୍‌ ଆନାନ୍ ଖାନି କକ୍‌ଲାଦୁ ଉଣ୍‌ି ଜାତାକାଲୁ ଡସି ଖାନିଙ୍ଗ୍ ସାମଦୁର୍‌ତୁ ପକ୍‌ତିଙ୍ଗ୍ ମାର୍‌ରିଙ୍ଗ୍ ଖାନି ଉଣ୍‌ିଙ୍ଗ୍ ନେଗେଣ୍‌ ଆତାଡ଼ମାହି ।

୩ ☆ଆରିଙ୍ଗ୍, ମିର୍ ନିଜେ ନିଜେଦି ବିସୟ୍‌ତାନ୍ ଜାଗାର୍‌ତା ଆଜି ମାନ୍‌ଡୁ । ଜଦି ମି ତଡ଼ାନ୍ ପାପ୍‌ କିନାନ୍, ଆରିଙ୍ଗ୍ ଖାନିଙ୍ଗ୍ ଖେର୍‌ଡ଼ୁ; ମାରି, ଖାନ୍ ଜଦି ମନ୍‌ ଡେପ୍‌ନାନ୍, ଆରିଙ୍ଗ୍ ଖାନିଙ୍ଗ୍ କେମା ସିଦୁ ।

୪ ମାରି, ଜଦି ଖାନ୍ ଅରନେଟିଙ୍ଗ୍ ସାଡ଼ ଦେବେଙ୍ଗ୍ ମି ବିରଦତାନ୍ ପାପ୍‌ କିନାନ୍ ମାରି ସାଡ଼ ଦେବେଙ୍ଗ୍ ମି ଲାକ୍‌ତୁ ଡେସିଝାଜି ନାନ୍ ମନ୍‌ ଡେପ୍‌ସିନା ଇଜି ଇନାନ୍, ଆରିଙ୍ଗ୍ ଖାନିଙ୍ଗ୍ ଏଣ୍‌ସ୍‌ବା କେମା ସିଦୁ ।

ବିସ୍‌ବାସ୍

୫ ଆବେଟ୍‌କୁ ପ୍ରେରିତ ସିସୁର୍ ପ୍ରବୁଙ୍ଗ୍ ଇର୍‌ଆନ୍, “ମା ବିସ୍‌ବାସ୍ ନାଣ୍‌ ପିରିସ୍ କିଆ ।”

୬ ପ୍ରବୁ ଇର୍‌ଆନ୍, ଜଦି ଉଣ୍‌ି ସାର୍‌ସୁ ପାଡ଼ ଝାଜା ମି ବିସ୍‌ବାସ୍ ତେବାନାଡ଼, ଆଡ଼ିଙ୍ଗ୍ ଇୟା ତୁଡ଼କଡ଼ି ମାର୍‌ଡ଼ିଙ୍ଗ୍ ନିନ୍ ମଦଲ୍‌ତାନ୍ ରେଲାଇ ସାମଦୁର୍‌ତୁ ଉରାଆ ଇଜି ଇରିଙ୍ଗ୍ ଆକା ମି ମାଟା ମାନାନାଡ଼ ।

ଅରେନ୍ ଗତିମୁରୁଲିଦି ପାଣି

୭ ମାତର ମି ମାଣ୍‌କୁ ଇୟାଝାଜା ଲୋକୁ ଏନ୍ ମାନାନ୍, ଆମାଝାନି ଗତିମୁରୁଲି ଡ଼ୁ଼ି ଖାନାନ୍ ମାରି ଡାକ୍‌କଡ଼ିଙ୍ଗ୍ ସାରାକିଜି କିଡ଼ିଇଦାନ୍ ଖାଡ଼ିଙ୍ଗ୍ ଖାନ୍ ଖାନିଙ୍ଗ୍ ଇନାନ୍, ଇୟାଦାପ୍ରେ ଖାଜି ଉଣ୍‌େଙ୍ଗ୍ ବାସ୍‌ଆ ?

୮ ଖାନ୍ ଇନିକା ଖାନିଙ୍ଗ୍ ଇନ୍‌ଏନ୍, ନାନ୍ ଉଣ୍‌େଙ୍ଗ୍ ରସ୍‌ଆ, ମାରି ନାନ୍ ତିନିଉଣିକା ଝିସ୍‌ଇ ସାହି ଜୁକ୍‌ଦୁ ତରାଜି ନା ସେବା କିଆ, ତାନି ଖେନ୍‌କା ନିନ୍ ତିନିଉଣି ?

୯ ଗତିମୁରୁଲି ଖାନି ମାଟାଦାନ୍ ପାଣି କିଡ଼ିଙ୍ଗ୍ ଖାନ୍ ଇନିକା ଖାନିଙ୍ଗ୍ ଦନ୍‌ଏବାଡ଼ ସିନାନ୍ ?

୧୦ ଆୟାଝାଜାନେ ମିର୍ ବା ମାଟାଦାନ୍ ଝିକୁ ପାଣିକିଡ଼ି ଖେନ୍‌କା ଇନ୍‌ଶ୍‌...ମାପ୍ ଇନି ପାଣି କିଇ ଗତିମୁରୁଲିଙ୍ଗ୍, ଏମେକା କିଦେଙ୍ଗ୍ ଆନାଡ଼, ଆକାନେ କିତାମାନାପ୍ ।

ଜିସୁ ଦାସ୍‌କୁସ୍‌ଟି ଲୋକାଙ୍ଗ୍ ନେଗେଣ୍‌ କିତାନ୍

୧୧ ଜିସୁ ଜିରୁସାଲମତୁ ସନିଝାଲେ ସମିରୋଣ୍ ମାରି ଗାଲିଲି ବା ସିଜି ସଲ୍‌ସିମାର୍‌ଆର୍ ।

୧୨ ମାରି, ଖାନ୍ ଉଣ୍‌ି ନାର୍‌ଡୁ ଡ଼ୁ଼ିତାନ୍, ଦାସ୍‌ଲୋକ୍ କୁସ୍‌ରୋଗ୍‌ଡ଼ି ଲୋକୁ ଖାନିଙ୍ଗ୍ ମିସାତାର୍;

୧୩ ଖାର ଆକ ନିଲ୍‌ଜି ନାଣ୍‌ ଆଉଲି ଆଜି ଇର୍‌ହାର୍, “ଏ ଜିସୁ, ଗୁରୁ, ମାଙ୍ଗ୍ ଦୟା କିଆ ।”

☆ ୧୭:୩ ମାତିଉ ୧୮:୧୫.

୧୪ ମାରି, ୱାନ ୱାରିଙ୍ଗ ସୁଡ଼ୁଁ ଇର୍ହାନ, “ମିର୍ ସଲସି ନିଜେ ନିଜେଦିଙ୍ଗ ଜାଜକରିଙ୍ଗ ତରତୁ ।” ମାରି, ୱାର ସଲପୁ ସଲପୁ ନେଗେଣୁ ଆତାର ।

୧୫ ମାତର ୱାରି ମାଣକୁ ଅରେନ୍ ନିଜେଦି ନେଗେଣୁ ଆତିକା ସୁଡ଼ୁଁ ନାଣୁ ଆଉଲି ଆଜି ମାପୁରୁଦି ଦନ୍ୟବାଦ କିଜି କିଜି ଡେସି ୱାତାନ,

୧୬ ମାରି ଜିସୁଦି ପାଦାମ୍ବକା ଆଡ଼ଗି ଆରଜି ୱାନିଙ୍ଗ ଦନ୍ୟବାଦ ସିଦେଙ୍ଗ ଆସ୍ତାନ; ୱାନ ଅରେନ୍ ସମିରୋଣିୟ ଲୋକୁ ।

୧୭ ଆବେଟ୍ ଜିସୁ ଇର୍ହାନ, “ଦାସଲୋକ୍ ଇନିକା ନେଗେଣୁ ଆଏତାର ? ଆରିଙ୍ଗ ମାରି ଲୋକୁ ଏମେ ?

୧୮ ଗୌରବ୍ ମାପୁରୁଦି ଦନ୍ୟବାଦ ସିଦେଙ୍ଗ ଇଜି ଇୟା ଆଇଜାତିଦି ଲୋକତିଙ୍ଗ ଡିସ୍ତିଙ୍ଗ ଇନିକା ମାରି ଏରବା ଡେସି ରେଏର୍ ?”

୧୯ ମାରି, ଜିସୁ ୱାନିଙ୍ଗ ଇରଥାନ, “ନିଙ୍ଗିଁ ଜ ସାଙ୍ଗିଆ, ନି ବିସ୍ବାସ୍ ନିଙ୍ଗିଁ ନେଗେନ୍ କିତାମାନାଡ଼ ।”

ମାପୁରୁଦି ରାଜି ୱାଜିନାଡ଼

(ମାତିଉ ୨୪:୨୩-୨୮, ୩୭-୪୧)

୨୦ ମାପୁରୁଦି ରାଜି ଏସକାଙ୍ଗ ୱାଜିନାଡ଼, ଇୟା ବିସୟତାନ ପାରୁସିର୍ ଜିସୁକୁଁ ୱେନ୍ବାତିଙ୍ଗ ୱାନ ୱାରିଙ୍ଗ ଇର୍ହାନ, “ମାପୁରୁଦି ରାଜି ତରାଜି ରେଏଡ଼;

୨୧ ମାରି ସୁଡ଼ୁ, ମାପୁରୁଦି ରାଜି ଇବେନ୍ ବା ଆବେନ୍ ଇଜି ଲୋକୁ ଇନ୍ଏର୍; ମାତର ସୁଡ଼ୁ, ମାପୁରୁଦି ରାଜି ମି ଲୋଇ ମାନାଡ଼ ।”

୨୨ ମାତର ଜିସୁ ସିସୁରିଙ୍ଗ ଇର୍ହାନ, “ଇୟାଝାଜା ଦିନ୍ ୱାନାଡ଼, ଏସିଝାଲେ ମିର୍ ମନୁସ୍ୟପୁତ୍ରଦି ଦିନାମ୍ତି ମାଣକୁ ଉଣ୍ଡି ନାଣ୍ଡିଙ୍ଗ ସୁଡ଼ୁଦେଙ୍ଗ ବଦା କିନିଦେର, ମାତର ସୁଡ଼ୁଦେଙ୍ଗ ଆଟ୍ଟଦେର ।

୨୩ ସୁଡ଼ୁ, ଆବେନ୍, ସୁଡ଼ୁ, ଇବେନ୍, ଇଜି ଲୋକୁ ମିଙ୍ଗିଁ ଇନ୍ନାନ୍; ମାତର ମିର୍ ଆବେ ସଲମାଟ୍ ।

୨୪ ମାତର ମିର୍ସିନିକା ଏଣ୍ଡେସ୍ ବାଦଡ଼ଡ଼ି ଉଣ୍ଡି ଲାକ୍ତୁରାନ୍ ମାରି ଉଣ୍ଡି ସାନ୍ଦି ଜାଇସିନାଡ଼, ମନୁସ୍ୟପୁତ୍ର ନିଜେଦି ଦିନ୍ତୁ ଆୟାଝାଜା ତରାୟ ଆନାନ୍ ।

୨୫ ମାତର ଆଗ୍ତି ୱାନିଙ୍ଗ ପୁରା ନାଣୁ ଦୁଃକକାସୁ କିଦେଙ୍ଗ ଆନାଡ଼ ମାରି ଇୟା ଇଲେତି ମେମାରିର୍ ମାଣକୁ ଡିସାଇ ଆଦେଙ୍ଗ ପଡ଼ାନାଡ଼ ।

୨୬ ମାରି, ନୋହଦି ବେଡ଼ାଦୁ ଏଣ୍ଡେସ୍ ଗଟାତା ମାହାଡ଼, ମନୁସ୍ୟପୁତ୍ରଦି ୱାନି ବେଡ଼ାଦୁ ବା ଆୟାଝାଜା ଗଟାନାଡ଼;

୨୭ ଏରଜାହାଜୁଡ଼ୁ ନୋହଦି ତଗୁନି ଦିନ୍ ସାନ୍ଦି ଲୋକୁ ଉଣ୍ଡିନିକା ମାରି ମେମାରି ନି ଆଇମା ପେଡ଼ିଆନି ୱିଜୁପାଣିଦୁ ଦାନ୍ଦା ଆତାମାହାଡ଼, ମାରି ନାଣୁ ଗାଲିପିରୁ ୱାଜି ୱିଜେରିଙ୍ଗ ଏରତୁ ମୁଡ଼କୁତାଡ଼ ।

୨୮ ଲୋଟଦି ସମୟତୁ ବା ଆୟାଝାଜା ଗଟାତା ମାହାଡ଼, ଲୋକୁ ଉଣ୍ଡିକାତିନିକା, କଣିକାପରନିକା, ମାରାକୁଉରୁନିକା ମାରି ଇଲୁ ତିଆର୍ କିଦେଙ୍ଗ ଦାନ୍ଦା ଆତା ମାହାଡ଼,

୨୯ ମାତର ଲୋଟ ସଦମ୍ଦାନ ସଡ଼ିସରଇ ନାଣ୍ଡିଙ୍ଗ ବାଦଡ଼ତାନ ସିସୁ ମାରି ଗନ୍ଧକ୍ ପିରୁ ୱାଜା ୱାଜି ୱିଜେରିଙ୍ଗ ସାପିସ୍ କିତାଡ଼ ।

୩୦ ମନୁସ୍ୟପୁତ୍ର ତରାୟଆନି ନାଣ୍ଡିଙ୍ଗ ଆୟାଝାଜା ଗଟାନାଡ଼ ।

୩୧ ✨“ଆୟାନାଣ୍ଡିଙ୍ଗ ଏନ୍ ସାଡ଼ ମୁସକୁ ତେବାନାନ୍, ୱାନ ଇଲୁ ଲୋଇ ମାନି ନିଜେଦି ସାଶାପାତି ଅତେଙ୍ଗ ଇଜି ରେସି ରାମାକିନ୍; ଆୟାଝାଜା ଏନ୍ କିଡ଼ିଇଦୁ ତେବାନାନ୍, ୱାନ ଡେସି ସଲମାକିନ୍ ।

୩୨ ଲୋଟଦି ଆଡ଼ସି ମାଟା ଅଡ଼ବିଆ ।

୩୩ ✨ଏନ୍କି ନିଜେଦି ଜିବନ୍ତିଙ୍ଗ ଜିଶା କିଦେଙ୍ଗ ବଦା କିନାନ୍, ୱାନ ଆକା ଆରାକିନାନ୍, ମାରି ଏନ୍କି ନିଜେଦି ଜିବନ୍ତିଙ୍ଗ ଆରାକିନାନ୍, ୱାନ ଆକା ଜିପିସ୍ନାନ୍ ।

୩୪ ନାନ୍ ମିଙ୍ଗିଁ ୱେରସିନା, ଆୟା ନାଡ଼ା ରିଏର୍ ଉଣ୍ଡି କାଟେଲ୍ତୁ ତରନା ମାନାଡ଼, ଅରେନ୍ ୱାନିଙ୍ଗ ଅନାନ୍ ମାରି ଆଇ ଅରେନ୍ଝାନିଙ୍ଗ ଡିସ୍ନାନ୍ ।

୩୫ ରୁଣ୍ଡିଲୋକ୍ ଆଇମେକ୍ ଅର୍ସେ ଜାତାଦୁ ନୁରଜିମାନେ, ଅରେଡ଼ତାନିଙ୍ଗ ଅନାନ୍ ମାରି ଆଇ ଅରେଡ଼ତାନିଙ୍ଗ ଡିସ୍ନାନ୍ ।

୩୬ ରୁଣ୍ଡିଲୋକ୍ କିଡ଼ିଇଦୁ ତେବାନେ, ଅରେନ୍ଝାନିଙ୍ଗ ଅନାନ୍ ମାରି ଆଇ ଅରେନ୍ଝାନିଙ୍ଗ ଡିସ୍ନାନ୍ ।”

୩୭ ଆବେଟ୍ ୱାର ୱାନିଙ୍ଗ ଇର୍ହାନ, “ଏ ପ୍ରବୁ, ଏମେ ଇୟାଝିଜୁ ଗଟାନାଡ଼ ?” ଜିସୁ ୱାରିଙ୍ଗ ଇରଥାନ, “ଏମେମାନୁ ସାଡ଼ି ମାଡ଼ା ମାନାଡ଼, ଆୟାବାନୁ ତେଗେଙ୍ଗ ଉନ୍ଡ଼େମାନୁ ଉଣ୍ଡାନ୍ ।”

✨ ୧୭:୩୧ ମାତିଉ ୨୪:୧୭,୧୮; ମାର୍କ ୧୩:୧୫,୧୬. ✨ ୧୭:୩୩ ମାତିଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜୋହନ ୧୨:୨୫.

୧୮

ରାଣ୍ଡି ଆଇମା ମାରି ବିଚାରକିନିଝାନି କାତା

^୧ ଝାଦ୍‌ଏଣାଗା ଝିଜୁଦିନ୍ ପାର୍ତନା କିନିକା ଜେ ପାଣି, ଇୟା ବିସୟତାନ୍ ଜିସୁ ଝାରିଙ୍ଗ୍ କାତାଦାନ୍ ଝେର୍ତାନ୍,
^୨ ଉଣ୍ଡି ଗାଡ଼ତୁ ଅରେନ୍ ବିସାର୍ କିନିକାନ୍ ମାର୍ଆନ୍, ଝାନ୍ ମାପୁରୁଙ୍ଗ୍ ତିଲାଏଜି ମାର୍ଆନ୍ କି ଲୋକାଙ୍ଗ୍ ମାନାଏଜି ମାର୍ଆନ୍ ।
^୩ ଆୟା ଗାଡ଼ତୁ ଅରେଡ଼ ରାଣ୍ଡି ମାର୍ଆଡ଼, ଝାଦ୍ ରିଜାମୁଜା ଝାନି ଲାକ୍ତୁ ସଲ୍‌ସି ଝେର୍ସି ମାର୍ଆଡ଼, ଲୋକୁ ନା ଉଣ୍ଡିଙ୍ଗ୍ ଅନ୍ୟାୟ କିଜିନାର୍ ନିନ୍ ନାଙ୍ଗ୍ ବିସାର୍ କିଆ ।
^୪ ମାରି, ଝାନ୍ ଏସ ସମୟ ଆତାଡ଼ ରାଜିଆଏଜି ମାର୍ଆନ୍; ମାତର୍ ଝେନ୍‌କା ଝାନ୍ ମୋନ୍‌ତୁ ମୋନ୍‌ତୁ ଅଡ଼ବିତାନ୍, ଜଦିବା ନାନ୍ ମାପୁରୁଦିଙ୍ଗ୍ ତିଲାଏ ମାରି ଲୋକାଙ୍ଗ୍ ମାନାଏ,
^୫ ମାତର୍ ଇୟା ରାଣ୍ଡି ନାଙ୍ଗ୍ ଜେଲ୍ ସିଜିମାର୍ଆଡ଼ଆକା ନାନ୍ ତାନେ ଉଣ୍ଡିଙ୍ଗ୍ କିତିମାନି ଅନ୍ୟାୟ ପାଣିଦି ଉଣ୍ଡିଙ୍ଗ୍ ନାନ୍ ତାନେଙ୍ଗ୍ ସାକାକିନା, ଆଏତିଙ୍ଗ୍ ଝାଦ୍ ଦିନ୍‌କେ ଝାଜି ନାଙ୍ଗ୍ ବିଜାର୍ କିଜିମାନାଡ଼ ।
^୬ ଆବେଟ୍ ପୁରୁ ଝେର୍ତାନ୍, “ଇୟା ଅଦାମ୍‌ଦି ବିସାରକିନିକାନ୍ ଇନିକା ଝେର୍ସିନାନ୍, ଆକା ଝେଣ୍ଡୁ ।
^୭ ମାରି ମାପୁରୁଦି ଏମେ ସେବାକିନି ଲୋକୁ ଝେଡେନାଡ଼ା ଝାନିଙ୍ଗ୍ କୁକ୍‌ସିମାନାର୍, ଝାନ୍ ନୋ ଝାରି ଉଣ୍ଡିଙ୍ଗ୍ କିତିମାନି ତାଗଲ୍ ପାଣିଦି ଉଣ୍ଡିଙ୍ଗ୍ ଝାରିଙ୍ଗ୍ ସାକା କିଏନ୍ ନୋ, ଝାନ୍ ଝାରିଙ୍ଗ୍ ସାହାଜ୍ୟ କିଦେଙ୍ଗ୍ ଝେଡ଼ା କିନାନ୍‌ନୋ ?
^୮ ନାନ୍ ମିଙ୍ଗ୍ ଝେର୍ସିନା, ଝାନ୍ ବେଗି ଝାରିଙ୍ଗ୍ କିତିମାନିମାନି ତାଗଲ୍ ପାଣିଦି ଉଣ୍ଡିଙ୍ଗ୍ ଝାରିଙ୍ଗ୍ ବିସାରକିନାନ୍ । ମାତର୍ ମନୁସ୍ୟପୁତ୍ର ଝାଜି ଦୁନିଆଦୁ ଇନିକା ବିସ୍‌ବାସ୍ ସୁଣାନ୍ ?”

ପାରୁସି ମାରି ସିସ୍ତୁଲସ୍‌ନି ମାଟା

^୯ ନିଜେ ନିଜେଦି ଦାମ୍‌ରୁ ବୁଦି ମାନାଡ଼ ଇଜି ଆଇ ଝିଜେରିଙ୍ଗ୍ ସେମାର୍ କିଜିମାନି ଏସ ନିଜେଦି ମୁସ୍‌କୁ ଆସା ଇଡ଼ନି ଲୋକାଙ୍ଗ୍ ଜିସୁ ଇୟା କାତାଦାନ୍ ଇର୍ହାନ୍,
^{୧୦} ରିଏର୍ ଲୋକୁ ପାର୍ତନା କିନି ଉଣ୍ଡିଙ୍ଗ୍ ମନ୍ଦିର୍‌ତୁ ସରଆର୍, ଅରେନ୍ ପାରୁସି ମାରି ଆଇକାନ୍ ସିସ୍ତୁ ଲସ୍‌ନିକାନ୍ ।
^{୧୧} ପାରୁସି ଅରେନ୍ ନିରାଆନ୍‌ନୋ ନିଜେଦିମାନୁ ଇୟାଝାଜା ପାର୍ତନା କିଦେଙ୍ଗ୍ ଆସ୍‌ତାନ୍, ଏ ମାପୁରୁ, ନାନ୍ ନିଙ୍ଗ୍ ଦନ୍ୟବାଦ୍ ସିଜିନା ଜେ, ନାନ୍ ଆଇ ଝିଜେରି ଲୋକା ଝାଜା କାଡ଼ନିକାନ୍, ଅଦାମ୍‌, ଦାରିପାଣି ବା ଇୟା ସିସ୍ତୁଲସ୍‌ନିଝାନି ଝାଜାବା ଆଏ;
^{୧୨} ନାନ୍ ଝାରାମ୍‌ତୁ ରିନେଣ୍ଡୁ ଉପାସ୍ କିଜିନା ମାରି ନାନ୍ ଉଣ୍ଡାକିନିକା ଦାସ୍‌ବାଗ୍‌ତାନ୍ ଉନ୍‌ଡ଼ି ବାଗ୍ ସିଜିନା ।
^{୧୩} ମାତର୍ ସିସ୍ତୁ ଲସ୍‌ନିକାନ୍ ଆକ ନିଲ୍‌ସି ମୁସ୍‌କୁ ତରିନ୍ ସୁଡ଼ଦେଙ୍ଗ୍ ବା ସାସ୍‌କିଦେଙ୍ଗ୍ ଆଟ୍‌ଏତାନ୍, ମାତର୍ ନିଜେଦି ବକାଦୁ ଡାକାଜି ଇର୍ହାନ୍, ଏ ମାପୁରୁ, ନାନ୍ ପାପି, ନାଙ୍ଗ୍ ଦୟା କିଆ ।
^{୧୪} ନାନ୍ ମିଙ୍ଗ୍ ଇଜିନାନ୍, “ଆୟା ପାରୁସି ଆଏନ୍, ମାତର୍ ଇୟା ସିସ୍ତୁଲସ୍‌ନିକାନ୍ ଦାମ୍‌ରୁ ଲୋକୁ ଆଜି ନିଜେଦି ଇଲ୍‌ତୁ ସର୍‌ଆନ୍; ମାତର୍ ଏମେକାନ୍ ନିଜେଦିଙ୍ଗ୍ ପେରିକାନ୍ ଇଜି ତର୍‌ଆନ୍, ଝାନିଙ୍ଗ୍ ଇସ୍‌କାନ୍ କିନାର୍, ମାତର୍ ଏନ୍ ନିଜେଦିଙ୍ଗ୍ ଇସ୍‌କାନ୍ କିନାନ୍, ଝାନିଙ୍ଗ୍ ପେରିକାନ୍ କିନାନ୍ ।”

ଜିସୁ କଡ଼ରିଙ୍ଗ୍ ଆସିର୍‌ବାଦ୍ କିତାନ୍

(ମାତିଉ ୧୯:୧୩-୧୫; ମାର୍କ ୧୦:୧୩-୧୬)

^{୧୫} ଜିସୁ ଏଣ୍ଡେସ୍ ଇସ୍‌କଡ଼ରି ମୁସ୍‌କୁ କିୟ୍ ଇଡ଼ଜି ମୁଟ୍‌ନାନ୍, ଇୟାଉଣ୍ଡିଙ୍ଗ୍ ଲୋକୁ ଝାରିଙ୍ଗ୍ ବା ଜିସୁଦି ଲାକ୍ତୁ ତାତେଙ୍ଗ୍ ଆସ୍‌ତାର୍; ମାତର୍ ସିସ୍ତୁ ଆକା ସୁଡ଼ଜୁ ଝାରିଙ୍ଗ୍ ଆଦ୍‌ରିସ୍‌ତେଙ୍ଗ୍ ଆସ୍‌ତାର୍ ।
^{୧୬} ମାତର୍ ଜିସୁ ଝାରିଙ୍ଗ୍ ନିଜେଦି ଲାକ୍ତୁ କୁକ୍‌ତା ଇର୍ହାନ୍, ଇସ୍‌ କଡ଼ରିଙ୍ଗ୍ ନା ଲାକ୍ତୁ ଝାଦେଙ୍ଗ୍ ସିଦୁ, ମାରି ଝାରିଙ୍ଗ୍ ମାନା କିମାଟ୍; ଇରିଙ୍ଗ୍ ମାପୁରୁଦି ରାଜି ଇୟାଝାଜା କଡ଼ରିଦି ।
^{୧୭} ନାନ୍ ମିଙ୍ଗ୍ ସଡ଼ ଇଜିନା, “ଏନ୍ ଇସ୍‌କଡ଼ଝାଜା ମାପୁରୁଦି ରାଜି ଆସ୍‌ଏନ୍, ଝାନ୍ ଏଣ୍ଡେସ୍‌କିଜିବା ମୁସ୍‌କୁପୁର୍ ସଣ୍ଡେଙ୍ଗ୍ ଆଟ୍‌ଏନ୍ ।”

ଅରେନ୍ ମାଜନ୍‌ଲୋକ୍

(ମାତିଉ ୧୯:୧୬-୩୦; ମାର୍କ ୧୦:୧୭-୩୧)

^{୧୮} ଅରେନ୍ ଜିହୁଦିର୍ ପେରିକାନ୍ ଜିସୁଙ୍ଗ୍ ଝେନ୍‌ବାତାନ୍, “ଏ ସଡ଼ ଗୁରୁ, ଏସକାଙ୍ଗ୍‌ଝିଜିଇ ଜିବନ୍ ପୟ୍‌ନି ଉଣ୍ଡିଙ୍ଗ୍ ନାନ୍ ଇନିକା କିନା ?”
^{୧୯} ଆବେଟ୍ ଜିସୁ ଝାନିଙ୍ଗ୍ ଇର୍ହାନ୍, “ନାଙ୍ଗ୍ ନେଗିକାନ୍ ଇଜି ଇନିଦାନିଙ୍ଗ୍ ଇଜିନି ? ମାରି ମାପୁରୁଙ୍ଗ୍ ଡ଼ିସ୍‌ଡ଼ିଙ୍ଗ୍, ମାରି ଆଇକାନ୍ ଏନ୍‌ବା ସଡ଼ ସିଲେନ୍ ।

☆ ୧୮:୧୪ ମାତିଉ ୨୩:୧୨; ଲୁକ ୧୪:୧୧.

୨୦ ପ୍ରଭୃତି ନିୟମକୁ ଝିକୁ ତୋ ନିନ୍ ନେସ୍ତିମାନି, ଦାରିପାଣି କିମାଟ୍, ଲୋକାଙ୍ଗ ସାୟାମାରଗା ତାକ୍ମାଟ୍, ଡଙ୍ଗା ପାଣି କିମା, ମିସ୍ତାକି ଝେରମା, ନିଜେଦି ବୁବା ଯାୟାଏଙ୍ଗ ମାନାଆ ।”

୨୧ ଖାନ ଝେରତାନ, ଇୟାଝିକୁ ନାନ ମୁରୁଲିଝାଲେରାନ ମାନାଜି ଝାଜିନା ।

୨୨ ଜିସୁ ଇୟାକା ଝେନଜି ଝାନିଙ୍ଗ ଇରଥାନ, ନି ଉଣ୍ଡି ବିସୟ ଉଣାମାନାଟ୍; ନିନ୍ ନିଜେଦି ଝିକୁ ସମ୍ପତି ପରଜି କାକୁତ ଲୋକାଙ୍ଗ ବାଟାକିଜି ସିଆ, ମାରି ନିନ୍ ମୁସ୍ତକୁପୁରୁତୁ ଦନ୍ ପୟନି; ମାରି, ଝାଜି ନା ଝେନକା ରାଆ ।

୨୩ ମାତର ଝାନ ଇୟାଝିକୁ ମାଟା ଝେନଜି ନାଣ୍ଡ ଦୁଃକ୍ ଆତାନ, ଇରିଙ୍ଗ ଝାନ ପେରିମାଜନ୍ ମାରଥାନ ।

୨୪ ଆବେଟ୍ ଝାନି ଦୁଃକ୍ ଆନିକା ସୁଡ଼ଜି ଜିସୁ ନିଜେଦି ସିସୁରିଙ୍ଗ ଇର୍ହାନ, ଏମେ ଲୋକ୍ତିଙ୍ଗ ଦନ୍ ମାନାଟ୍, ଝାର ଏସ କାସୁଦାନ ମାପୁରୁଦି ରାଜିଦୁ ସନାର !

୨୫ ଇରିଙ୍ଗ ମାପୁରୁଦି ରାଜିଦୁ ମାଜନ୍ ଲୋକୁ ସନି ବାଦୁଲୁ ସୁଜିଦି ବର୍ ସିଜି ଉଟ୍ ଡଗୁନିକା ଉସାସ୍ ।

୨୬ ଏମେ ଲୋକୁ ଇୟା ମାଟା ଝେରଥାର, ଝାର ଇର୍ହାର, ଆରତିଙ୍ଗ ଏନ୍ ରକିୟା ପଇଦେଙ୍ଗ ଆଟନାନ ?

୨୭ ମାତର ଜିସୁ ଇର୍ହାନ, “ଆମା ପାଣି ଲୋକାମାଣାନ ଆଏଟ୍, ଆୟା ପାଣି ମାପୁରୁ କିନାନ ।”

୨୮ ଆବେଟ୍ ପିତର ଇର୍ହାନ, “ସୁଡୁଆ, ମାପୁ ନିଜେ ନିଜେଦି ଝିକୁ ଡିସ୍ସି ନି ଝେନକା ଝାତା ମାନାପ୍ ।”

୨୯ ଜିସୁ ଝାରିଙ୍ଗ ଇରଥାନ, ନାନ ମିଙ୍ଗ ସଡ଼ ଝେରସିନା, ଏମେ ଲୋକୁ ମାପୁରୁଦି ରାଜିଦି ଉଣ୍ଡିଙ୍ଗ ଇଲୁ କି ନିଜେଦି ଆଡ଼ି କି ତଡ଼ାନ କି ବୁବାୟାୟା କି କଡ଼କକରା ଡିସ୍ତି ମାନିଦେର୍ ।

୩୦ ଇୟା ଦୁନିଆଦୁ ନାଣ୍ଡଗୁଣ୍ଡ ମାରି ଝେନକାରି କାଡ଼ାଦୁ ଏସକାଙ୍ଗଝିଜିଜି ଜିବନ୍ ପୟନାନ, ଇୟାଝାଜା ଲୋକୁ ଏର୍ ସିଲେର୍ ।

ମୁଜା ଜିସୁ ଝାନି ସାନି ବିସୟ ଇରଥାନ

(ମାତିଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ଝେନକା ଜିସୁ ବାରଲୋକ୍ ଝେରଏ କିଜି ଝାରିଙ୍ଗ ଝେରତାନ, “ଝେନଡୁ, ମାପ୍ ଜିରୁସାଲମଡୁ ସଲ୍ସିନାପ୍, ମାରି ମନୁସ୍ୟପୁତ୍ରଦି ବିସୟତାନ ବାବବାଦିରି ଆମାଝିକୁ ରାସ୍ତାମାନାର, ଆୟାଝିକୁ ପୁରା ଆନାଟ୍;

୩୨ ଇରିଙ୍ଗ ଝାନ ଅଣଜିହୁଦି କିୟୁଦୁ ସରପେ ଆନାନ, ମାରି ଝାର ଝାନିଙ୍ଗ ସେମାର କିନାର, ଝାନିଙ୍ଗ ଅପମାନ କିନାର ଝାନି ମୁସ୍ତକୁ ପୁସକାଡ଼ାଙ୍ଗ ପୁସନାର,

୩୩ ଝାନିଙ୍ଗ କରତା ଡେଇଜି ସାୟାମାରଗାତାକନାର, ମାରି ମୁନେଟି ଝେନକା ଝାନ ମାରିଡେସି ଜିବନ୍ଥାଜି ନିଙ୍ଗନାନ ।”

୩୪ ମାତର ଝାର ଇୟାଝିକୁ ବିସୟ ଇନିକାବା ନେସ୍ସତାର; ଇୟା ବାକ୍ୟ ଝାରିମାନକୁ ମାରଗିତା ତେବାତାଟ୍, ମାରି ଇନିକା ଇନିକା ଇଜିମାରଥାର, ଆୟାଝିକୁ ଝାର ନେସ୍ସଜି ମାରଥାର ।

ଜିସୁ କାଣା ବିକାରିଙ୍ଗ ନେଗେଣ୍ଡ କିତାନ

(ମାତିଉ ୨୦:୨୯-୩୪; ମାର୍କ ୧୦:୪୬-୫୨)

୩୫ ଜିସୁ ଜିରିହୋଦି ଲାକ୍ତୁ ଆଜିମାରି ଝାଲେ ଅରେନ୍ କାଣା ସାରି ପାଡ଼ି ବାସ୍ତାନ ବିକ୍ୟା ଲସ୍ସି ମାରଥାନ ।

୩୬ ଝାନ ଲୋକୁ ବୁଲାନି ସେଉଡ଼ ଝେନଜି ମାଟା ଇନିକା ଇଜି ଝେନବାଦେଙ୍ଗ ଆସ୍ତାନ ।

୩୭ ଝାର ଝାନିଙ୍ଗ ଇର୍ହାର, ନାଜରିୟତିୟ ଜିସୁ ଇୟା ସାରି ସିଜି ସଲ୍ସିନାନ ।

୩୮ ଆବେଟ୍ ଝାନ ନାଣ୍ଡ ଆଉଲି ଆଜି ଇରଥାନ, “ଏ ଜିସୁ, ଦାଉଦତି ମାରିନ୍, ନାଙ୍ଗ ଦୟା କିଆ ।”

୩୯ ମାତର ଆଗିଡ଼ି ସଲ୍ସିମାରି ଲୋକୁ ଝାନିଙ୍ଗ ଆଲେଜ ମାନଡେଙ୍ଗ ଇଜି ଆଦିରିସ୍ତେଙ୍ଗ ଆସ୍ତାର, ମାତର ଝାନ ମାରି ନାଣ୍ଡ ଆଉଲି ଆଜି ଇନ୍ଡେଙ୍ଗ ଆସ୍ତାନ, “ଏ ଦାଉଦତି ମାରିନ୍, ନାଙ୍ଗ ଦୟା କିଆ ।”

୪୦ ଆବେଟ୍ ଜିସୁ ନିଲ୍ଜି ଝାନିଙ୍ଗ ନିଜେଦି ଲାକ୍ତୁ ତାତେଙ୍ଗ ଇଜି ଆଦେସ୍ ସିତାନ; ମାରି, ଝାନ ଲାକ୍ତୁ ଝାତାନଥାକା, ଜିସୁ ଝାନିଙ୍ଗ ଝେନବାତାନ,

୪୧ “ନାନ ନି ଉଣ୍ଡିଙ୍ଗ ଇନିକା କିନା ଇଜି ନିନ୍ ବଦା କିଜିନି ?” ଝାନ ଇରଥାନ, “ଏ ପ୍ରବୁ, ନାନ ଏଣ୍ଡେସମାରି ସୁଡ଼ଦେଙ୍ଗ ଆଟନା ।”

୪୨ ଜିସୁ ଝାନିଙ୍ଗ ଇରଥାନ, “ଆରିଙ୍ଗ ସୁଡୁଆ; ନି ବିସ୍ବାସ୍ ନିଙ୍ଗ ନେଗେନ୍ କିତାମାନାଟ୍ ।”

୪୩ ଆୟାଦାପେ ଝାନ ସୁଡ଼ଦେଙ୍ଗ ଆଟନାନୋ ମାପୁରୁଙ୍ଗ ଦନ୍ୟବାଦ୍ କିଜି କିଜି ଝାନି ଝାଲେଝାଲେ ବୁଲାଦେଙ୍ଗ ଆସ୍ତାନ ମାରି ଲୋକୁ ଝିଜେରେ ଆକା ସୁଡ଼ଜି ମାପୁରୁଦି ପ୍ରସ୍ସା କିତାର ।

୧୯

ଜିସୁ ନି ଜକିୟ

୧ ଝେନକା ଜିସୁ ଜିରିହୋ ଗାଡ଼ତୁ ଡଗୁଜି ନାଡ଼ମିସିଜି ସଲ୍ସିମାରଥାନ ।

୨ ମାରି ସୁତୁ, ଜକିୟ ଦରତି ଅରେନ୍ ଲୋକୁ ମାର୍ଆନ୍, ମାରି ୱାନ୍ ଅରେନ୍ ପେରି ସିସ୍ତୁଲସ୍ନିକାନ୍ ମାରି ମାଜନ୍ ମାର୍ଆନ୍ ।

୩ ଜିସୁ ଏନ୍, ଆକା ସୁତୁଦେଙ୍ଗ୍ ୱାନ୍ ବଦା କିଜିମାର୍ଆନ୍, ମାତର୍ ଲୋକା ଗଲିଦି ଉଣ୍ଡିଙ୍ଗ୍ ସୁତୁଦେଙ୍ଗ୍ ଆଟ୍‌ଏଜି ମାର୍ଆନ୍, ଇରିଙ୍ଗ୍ ୱାନ୍ ବୁଟ୍‌କା ମାର୍ଆନ୍ ।

୪ ଆଦେଙ୍ଗ୍ ୱାନ୍ ଲୋକା ଆଗ୍ତି ଉରୁକ୍ସି ସଲ୍‌ସି ଜିସୁଙ୍ଗ୍ ସୁତୁଦେଙ୍ଗ୍ ଇଜି ଉଣ୍ଡି_ ତଗାମାରାନ୍‌ତୁ ଏକ୍‌ତାନ୍, ଇରିଙ୍ଗ୍ ଆୟା ସାରି ସିଜି ଜିସୁ ସନିକା ମାର୍ଆଡ୍ ।

୫ ଜିସୁ ଆୟା ବାଡିଦୁ ୱାଜି ମୁସ୍କୁ ବେସ୍‌ସି ଜକିୟଙ୍ଗ୍ ଇରାଆନ୍, “ଜକିୟ, ବେଗି ରେସିରାଆ, ଇରିଙ୍ଗ୍ ନେର୍ ନାଙ୍ଗ୍” ମି ଇନ୍‌ତୁ ଏଣ୍ଡେସ୍‌ବା ତେବାଦେଙ୍ଗ୍ ଆନାଡ୍ ।”

୬ ଆବେଟ୍ ଜକିୟ ଦାପ୍ରେ ରେସିଝାଜି ୱେଡିକାଦାନ୍ ଜିସୁଙ୍ଗ୍ ୱାଜି ଇଣ୍ଡ_ କୁକ୍‌ତାଅତାନ୍ ।

୭ ଆକା ସୁତୁଜି ୱିଜେରେ କାଡ୍‌ଜି ଇନ୍‌ଣ୍ଡେ_ଙ୍ଗ୍ ଆସ୍‌ତାର୍, “ଝାନ୍ ଅରେନ୍ ପାପି ଲୋକ୍‌ତି ଇଣ୍ଡ_ ତେବାଦେଙ୍ଗ୍ ସରାଆନ୍‌ନି ।”

୮ ମାତର୍ ଜକିୟ ନିରାଆନ୍‌ନୋ ପ୍ରବୁଙ୍ଗ୍ ଇରାଆନ୍, “ଏ ପ୍ରବୁ, ସୁତୁଆ, ନା ଦନ୍ ଆଦାବାଗ୍ କାକୁତ୍ ଲୋକାଙ୍ଗ୍ ସିଜିନା, ମାରି ଜଦି ଅନ୍‌ୟାୟତାନ୍ ଏମାଣୁକୁ ଇନିକା ଅନାମାନା, ଆତିଙ୍ଗ୍ ସାରି ଗୁଣ୍ଡତାନ୍ ଡେସିସିଜିନା ।”

୯ ଆବେଟ୍ ଜିସୁ ୱାଜି ବିସୟତାନ୍ ଇରାଆନ୍, “ନେର୍ ଇୟା ଇଣ୍ଡ_ ରକିୟା ପଇନିକା ଇଗା ୱାତାମାନାଡ୍, ଇରିଙ୍ଗ୍ ଇକାନ୍ ବା ଅବ୍ରାହାମତି ଅରେନ୍ ମାରିସି ।

୧୦ *ଇରିଙ୍ଗ୍ ଆମାକା ମୁରିତାମାନାଡ୍, ଆକା ପୟଜ ରକିୟା କିଦେଙ୍ଗ୍ ମନୁସ୍ୟପୁତ୍ର ୱାତାମାନାନ୍ ।”

ବାଙ୍ଗାଁରାମ୍ ଅଦଲିଦି କାତା

(ମାତିଉ ୨୫:୧୪-୩୦)

୧୧ ଲୋକୁ ଇୟା ମାଟା ୱିଜୁ ୱେନିଝାଲେ ଜିସୁ ମାରି ଉଣ୍ଡି_ କାତା ୱେର୍‌ତାନ୍, ଇରିଙ୍ଗ୍ ୱାନ୍ ଜିରୁସାଲାମ୍ ଲାକ୍‌ତୁ ଇତା ମାର୍ଆନ୍ ମାରି ମାପୁରୁଦି ରାଜି ଦାପ୍ରେନେ ୱାନାଡ୍ ଇଜି ୱାର୍ ଅଡ୍‌ବିଜି ମାର୍ଆର୍ ।

୧୨ ଆବେଟ୍ ୱାନ୍ ଇରାଆନ୍, ଅରେନ୍ ପେରି ଲୋକୁ ରାଜା ଆଦେଙ୍ଗ୍ ଉଣ୍ଡି_ ଆକ ରାଜିଦୁ ସନ୍‌ଡ୍ରେଙ୍ଗ୍ ତିଆର୍ ଆଜି ମାର୍ଆନ୍, ୱେନ୍‌କା ୱାନ୍ ଡେସିଝାଜି ନିଜେଦି ଲୋକା ମୁସ୍କୁ ସାସନ୍ କିଦେଙ୍ଗ୍ ଅଡ୍‌ବିଜି ମାର୍ଆନ୍ ।

୧୩ ୱାନ୍ ନିଜେଦି ଦସ୍‌ଲୋକ୍ ସାକର୍‌କାଙ୍ଗ୍ କୁକ୍‌ସି ୱାରିଙ୍ଗ୍ ୱିଜେରିଙ୍ଗ୍ ଉଣ୍ଡି_ ଉଣ୍ଡି_ ବାଙ୍ଗାଁରାମ୍ ଅଦଲି ସିଜି ଇରାଆନ୍, ନାନ୍ ୱାଜି ସାନ୍ଦି ବେପାର୍ କିଦୁ ।

୧୪ ମାତର୍ ୱାଜି ଦେସ୍‌ତି ଲୋକୁ ୱାଜିଙ୍ଗ୍ କାଡ୍‌ଜି ମାର୍ଆର୍, ମାରି ୱାର୍ ୱାଜି ୱେନ୍‌କା ଅରେନ୍ ୱାଜିଙ୍ଗ୍ କାରୁର୍ ପୋକ୍‌ସି ଇର୍‌ହାର୍, ଇକାନ୍ ଜେ ମା ମୁସ୍କୁ ସାସନ୍ କିନାନ୍, ଇକା ମା ବଦା ସିଲେଡ୍ ।

୧୫ ୱେନ୍‌କା ୱାନ୍ ରାଜା ଆଜି ଡେସିଝାତାନ୍, ମାରି ଆମା ସାକର୍‌କାଙ୍ଗ୍ ତାବୁଙ୍ଗ୍ ସିତାମାର୍ଆନ୍, ୱାରି ଲୋଇ ବେପାର୍ କିଜି ଏନ୍ ଏସୋ ଲାବ୍ ପୟତା ମାନାନ୍, ଆକା ନେସ୍‌ଡେଙ୍ଗ୍ ଇଜି ୱାରିଙ୍ଗ୍ ୱାଜି ଲାକ୍‌ତୁ କୁକ୍‌ସୋ ତାଡେଙ୍ଗ୍ ଆଦେସ୍ ସିତାନ୍ ।

୧୬ ଆବେଟ୍ ପାରୁଡ୍‌ମ୍‌ତିକାନ୍ ୱାଜି ଇରାଆନ୍, ପ୍ରବୁ, ନି ଉଣ୍ଡି_ ବାଙ୍ଗାଁରାମ୍ ତାବୁଦୁ ନାନ୍ ମାରି ଦଶଗୋଟା ବାଙ୍ଗାଁରାମ୍ ତାବୁଙ୍ଗ୍ ଲାବ୍ କିତାମାନା ।

୧୭ ୱାନ୍ ୱାଜିଙ୍ଗ୍ ଇରାଆନ୍, ନିନ୍ ବେସି ନେଗି ସାକର୍, ନିନ୍ ଉଣା ବିସୟତୁ ବିସ୍‌ବାସ୍‌ତାନ୍ ପାଣି କିତିମାନି ଆକା ନିନ୍ ଦସ୍‌ଗୋଟା ଗାଡାକା ମୁସ୍କା ଅଦିକାର୍ ପୟଦେଙ୍ଗ୍ ସିଜିନା ।

୧୮ ମାରି, ଅରେନ୍ ୱାଜି ଇରାଆନ୍, ପ୍ରବୁ, ନି ଉଣ୍ଡି_ ବାଙ୍ଗାଁରାମ୍ ତାବୁଦାନ୍ ନାନ୍ ପାସ୍‌ଗୋଟା ବାଙ୍ଗାଁରାମ୍ ତାବୁଙ୍ଗ୍ ଲାବ୍ କିତାମାନା ।

୧୯ ୱାନ୍ ୱାଜିଙ୍ଗ୍ ବା ଇରାଆନ୍, ନିନ୍ ବା ପାସ୍‌ଗୋଟା ଗାଡାକା ମୁସ୍କୁ ଅଦିକାର୍ ପୟଦେଙ୍ଗ୍ ସିଜିନା ।

୨୦ ମାରି ଅରେନ୍ ୱାଜି ଇରାଆନ୍, ପ୍ରବୁ, ସୁତୁଆ, ଇୟା ନି ବାଙ୍ଗାଁରାମ୍ ତାବୁଙ୍ଗ୍, ନାନ୍ ଇୟା ପାଗାଦୁ ତର୍‌ତା ଇଟ୍‌ଟା ମାର୍ଆ;

୨୧ ଇରିଙ୍ଗ୍ ନାନ୍ ନିଙ୍ଗ୍ ଡିଲ୍ୟାତା, ଇରିଙ୍ଗ୍ ନିନ୍ ଅରେନ୍ ଆଟ୍‌ଝାଦି ଲୋକୁ, ଆମାକା ଇଡ୍‌ଇମାନି, ଆକା ପେର୍‌ନିଅନି, ମାରି ଆମାକା ୱିଡ୍‌ଇ, ଆକା କୟନି ।

୨୨ ୱାନ୍ ୱାଜିଙ୍ଗ୍ ଇରାଆନ୍, ରେ ତାଗ୍‌ଇ ସାକର୍, ନି ମୋକମ୍‌ତି ମାଟାଦି ନି ବିସାର୍ କିନା । ନାନ୍ ଅରେନ୍ ଆଟ୍‌ଝାଦି ଲୋକୁ, ଆମାକା ଇଡ୍‌ଏମାନା, ଆକା ପେର୍‌ନାଅନା, ମାରି ଆମାକା ୱିଡ୍‌ଏମାନା, ଆକା କୟନା, ଇକା ଇନିକା ନେସ୍‌ଡିମାର୍‌ଇ ?

୨୩ ଜଦି, ଇୟା ମାଟା ସଡ୍, ବ୍ୟାକ୍‌ତୁ ଏଦା ନା ବାଙ୍ଗାଁରାମ୍ ତାବୁଙ୍ଗ୍ ଇଡ୍‌ଇତି ? ଆତିଙ୍ଗ୍ ନାନ୍ ୱାଜି ବ୍ୟାକ୍‌ତାନ୍ ଉପ୍‌ରି ପଇତାମାନ୍ଦି ।

☆ ୧୯:୧୦ ମାତିଉ ୧୮:୧୧.

୨୪ ମାରି, ଆୟା ଲାକଡୁ ନିରଞ୍ଜ ମାରଞ୍ଜ ଲୋକାଙ୍ଗ ଇରଥାନ, ଝେନି ମାଣାନ ଇୟା ବାଙ୍ଗାଁରାମ୍ ତାବୁଙ୍ଗୁ ଅସି, ଆମାଞ୍ଜାନିମାନୁ ଦଣଗୋଟା ବାଙ୍ଗାଁରାମ୍ ତାବୁଙ୍ଗୁ ମାନେ, ଝାନିଙ୍ଗ ସିଦୁ ।

୨୫ ଆବେଟ୍ ଝାରୁ ଝାନିଙ୍ଗ ଇର୍ହାର୍, ପ୍ରବୁ, ଝାନିଙ୍ଗ ତୋ ଦାସ୍ଗୋଟା ବାଙ୍ଗାଁରାମ୍ ତାବୁଙ୍ଗୁମାନେ ।

୨୬ *ନାନ ମିଙ୍ଗୁଁ ଝେରସିନା, ଏମେଲୋକାଦି ମାନାଡ, ଝାନିଙ୍ଗ ସିନାର୍, ମାତର୍ ଆମାଞ୍ଜାନିଙ୍ଗ ସିଲେଡ, ଝାନି ଲାକଡୁରାନ ଆମାକା ଉଣାମାନାଡ, ଆକାବା ଝାନି ମାଣକୁ ଅନାର୍ ।

୨୭ *ମାତର୍ ନା ଇୟା ଆମା ସାତୁର୍ ନାନ ଝାରି ମୁସକୁ ସାସନ୍ କିନା ଇଜି ବଦା କିଏଜିମାର୍ଆର୍, ଝାରିଙ୍ଗ ଇବେ ତାସିନା ଆଗଡ଼ି କାଡ଼ୁ ।

ଜିସୁ ଜିରୁସାଲାମ୍ ତୁ ଜିଶାଜି ସନିକା

(ମାତିଉ ୨୧:୧-୧୧; ମାର୍କ ୧୧:୧-୧୧; ଜୋହନ ୧୨:୧୨-୧୯)

୨୮ ଜିସୁ ଇୟା ମାଟା ଝେରଡ଼ି ଝିସଡ଼ି ଝେନକା ସିସୁରି ଆଗଡ଼ି ଆଗଡ଼ି ଜିରୁସାଲାମ୍ ତରିନ୍ ସନ୍ତେଙ୍ଗ ଆସତାନ ।

୨୯ ମାରି, ଏସିଝାଲେ ଜିସୁ ଜୀତ ଗରନ୍ ଲାକଡୁରି ବେଡ଼ପାଗି ନି ବେତନିୟା ଲାକଡୁ ଇତାନ, ନାସଡ଼ିଝାଲେ ଝାନ ଝାନି ସିସୁରି ଲୋଇ ରିଏରିଙ୍ଗ ଇୟା ମାଟା ଝେରସି ପୋକତାନ,

୩୦ ମି ଆଗଡ଼ିରି ଆୟା ଆୟା ନାଟ ସାନ୍ତୁ; ଆବେ ଇତି ଦାପ୍ରେ, ଆମାତାନି ମୁସକୁ ଏସାଙ୍ଗ ଏନ୍ ବାସ୍ଏନ୍, ଇୟାଞ୍ଜାଜା ଉଣ୍ଡି ଗଦପିଲାଦିଙ୍ଗ ତରନ୍ ମାନିକା ସୁଡ଼ନୁଦେର୍; ତାନେଙ୍ଗ କୁଡ଼ସ ତାଗାଟ୍ ।

୩୧ ମାରି, ଏନ୍ ଜଦି ମିଙ୍ଗୁଁ ଏନ୍ କୁଡ଼ସି ଅସିନିଦେର୍ ଇଜି ଝେନବାନାନ, ମିର୍ ଇୟାଞ୍ଜାଜା ଇନିଦେର୍, ଇରିଙ୍ଗ ତେନେମାନୁ ପ୍ରବୁଙ୍ଗୁ ଦରକାର୍ ମାନାଡ ।

୩୨ ଆବେଟ୍ ଆୟା ରିଏର୍ ସିସୁର୍ ନାର୍ତୁ ସରଆର୍, ମାରି ପ୍ରବୁ ଝାରିଙ୍ଗ ଏଣ୍ଡେସ ଇରଥା ମାର୍ଆନ୍, ଆୟାଞ୍ଜାଜାନେ ସୁଡ଼ତୁର୍ ।

୩୩ ମାରି, ଝାର ଗଦପିଲାଦିଙ୍ଗ କୁଡ଼ନିଝାଲେ ଗଦପିଲାଦି ମାଲିକକୁ ଝାରିଙ୍ଗ ଝେନବାତାନ, ଏନ୍ ଗଦପିଲାଦିଙ୍ଗ କୁଡ଼ସିନିଦେର୍ ?

୩୪ ଝାର ଇର୍ହାର୍, ତେନେମାନୁ ପ୍ରବୁଙ୍ଗୁ ଦରକାର୍ ମାନାଡ ।

୩୫ ମାରି, ଝାର ଗଦପିଲାଦିଙ୍ଗ ଜିସୁ ଲାକଡୁ ଆୟା ଗଦ ମୁସକୁ ନିଜେ ନିଜେଦି ଝାତିଙ୍ଗ ପାରସି ଜିସୁଙ୍ଗୁ ବାସସିତାର୍ ।

୩୬ ମାରି, ଝାନ ସନିଝାଲେ ଲୋକୁ ରାସ୍ତାଦୁ ନିଜେ ନିଜେଦି ଝାତିଙ୍ଗ ପାରସି ସିଦେଙ୍ଗ ଆସଡେ ।

୩୭ ମାରି, ଝାନ ଏସିଝାଲେ ଜୀତ ଗରନ୍ତି ଗାଡ଼ଗାଡ଼ା ବାଡ଼ି ଲାକଡୁ ଇତାନ, ନାସିଝାଲେ ଝିଜେରେ ସିସୁର୍ ସୁଡ଼ତି ମାରଞ୍ଜ ଝିଜୁ ସାଲ୍ଲିଦି ପାଣି ଉଣ୍ଡିଙ୍ଗ ଝେଡ଼ିକାଦାନ ନାଣ୍ଡ ଆଉଲି ଆଜି ମାପୁରୁଦି ଦନ୍ୟବାଦ୍ କିଜି କିଜି ଇର୍ହାର୍,

୩୮ ପ୍ରବୁ ଦରତାନ ଆମା ରାଜା ଝାଜିନାନ, ଝାନ ଦନ୍ୟ । ମୁସକୁପୁରତୁ ସାଡ଼ି ମାରି ଗୌରବ୍ ମାପୁରୁଦି ଦନ୍ୟବାଦ୍ ଆପିଡ ।

୩୯ ଆବେଟ୍କୁ ଲୋକା ଲୋଇ ଏସୋ ପାରୁସିର୍ ଜିସୁଙ୍ଗୁ ଇର୍ହାର୍, “ଏ ଗୁରୁ, ନି ସିସୁରିଙ୍ଗ ଆଲ୍ଲଜ ମାନଡ଼େଙ୍ଗ ଇନ୍ଆଁ ।”

୪୦ ଜିସୁ ଇରଥାନ, “ନାନ ମିଙ୍ଗୁଁ ସଡ଼ ଇଜିନା, ଇକାର୍ ଆଲେଡି ମାର୍ରିଙ୍ଗ, କାଲ୍କୁ ଆଉଲି ଆନେ ।”

ଜିସୁ ଜିରୁସାଲାମ୍ ତି ଉଣ୍ଡିଙ୍ଗ ଆଡ଼ବାତାନ

୪୧ ମାରି, ଏସିଝାଲେ ଜିସୁ ଜିରୁସାଲାମ୍ ଲାକଡୁ ଝାତାନ, ନାସିଝାଲେ ଗାଡ଼ତିଙ୍ଗ ସୁଡ଼ତି ତାନେ ଉଣ୍ଡିଙ୍ଗ ଆଡ଼ବାଜି ଇରଥାନ,

୪୨ “ନିନ୍, ହୁଁ, ନିନ୍ ଜଦି ନେର୍ ସାଡ଼ି ପୟନି ବିସୟଡ଼ିଙ୍ଗ ନେସଡ଼ି ମାସି ! ମାତର୍ ଇଲେଇ ଆୟାଝିଜୁ ନିବାଣକୁ ମାର୍ଗିତା ମାନାଡ ।

୪୩ ଆଦେଙ୍ଗ ନି ମୁସକୁ ମାନି କାର୍ମୁଦି ସମୟ ନିନ୍ ନେସଇଡ଼ି ଆକା, ସମୟ ଝାଜିନାଡ଼ ଏସିଝାଲେ ମି ସାତୁର୍ ନି ସାରିବେଡ଼ଡ଼ି ଗାଟୁ ତରସି ନିଙ୍ଗୁଁ କେରପସି ବାଦା କିନାର୍, ମାରି ମି ଝିଜୁ ସେରଲେଙ୍ଗ କେରନାର୍ ।

୪୪ ମାରି ନିଙ୍ଗୁଁ ନିବାନୁ ମାନି ଝିଜୁ ଲୋକାଙ୍ଗ ଗୁଣ୍ଡା କିନାର୍, ମାରି ନିବାନୁ ଉଣ୍ଡି କାଲ୍ଲୁଦିଙ୍ଗ ଆଇ ଉଣ୍ଡି କାଲ୍ଲୁ ମୁସକୁ, ତେବାଏଡ଼, ଇରିଙ୍ଗ ନିଙ୍ଗୁଁ ଏସିଝାଲେ ମାପୁରୁ ରକିୟା କିଦେଙ୍ଗ ଝାତାନ, ନିନ୍ ଝାନିଙ୍ଗ ସିନିସ୍ କିଇଡ଼ିଦେର୍ ।”

ଜିସୁ ଜିରୁସାଲାମ୍ ମନ୍ଦିରତୁ ସର୍ଆନ୍

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜୋହନ ୨:୧୩-୨୨)

୪୫ ମାରି, ଜିସୁ ମନ୍ଦିରତୁ ଡ଼ରୁତାନ ନୋ ପରନ୍ ଲୋକାଙ୍ଗ ଇକା ଇଜି ସପ୍ତେଙ୍ଗ ଆସତାନ,

୪୬ “ଦର୍ମୁସାସ୍ତୁ ରାସାତାମାନାଡ଼, ମାପୁରୁ ଇରଥାନ, ମା ଇଲୁ ପାର୍ତନାଦି ଇଲୁ ଆନାଡ଼, ମାତର୍ ମିର୍ ତାନେଙ୍ଗ ତଙ୍ଗାଁରଙ୍ଗାଁ ଇଲୁ କିତିମାନିଦେର୍ ।”

☆ ୧୯:୨୭ ମାତିଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ମାତିଉ ୨୫:୧୪-୩୦.

୪୭ ✨ମାରି, ଜିସୁ ଓଜୁଦିନ ମନ୍ଦିରତୁ ସିକଆ ସିଜିମାର୍ଆନ୍, ମାତର୍ ପେରି ଜାଜକର୍, ସାସ୍ତ୍ରିର୍ ମାରି ଲୋକାଣି ପେରିକାର୍ ଖାନିଙ୍ଘ୍ ସାପିସକିଦେଙ୍ଘ୍ ବଦାକିଜିମାର୍ଆର୍ ।

୪୮ ମାତର୍ ଲୋକ୍ ଓଜେରେ ଖେଡ଼ିକାଦାନ୍ ଖାନି ସିକିୟା ଖେନଜିମାର୍ଆର୍, ଆୟାଉଣ୍ଡିଙ୍ଘ୍ ଖାର୍ ଇନିକା କିଦେଙ୍ଘ୍ ଆନାଡ଼ ଆକା ଅଡ଼ବିଦେଙ୍ଘ୍ ଆଟ୍‌ଏଜି ମାର୍ଆର୍ ।

୨୦

ଜିସୁଦି ଅଦିକାର୍ ବିସୟତିଙ୍ଘ୍ ପ୍ରସ୍ନ

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଜିସୁ ଅର୍ଲେନ୍ ମନ୍ଦିର୍ ଲୋଇ ମାନ୍‌ଜି ଲୋକାଙ୍ଘ୍ ସିକିୟା ସିଜିମାର୍ଆନ୍ ମାରି ନେଗିକାରୁର୍ ଖେରସି ମାର୍ଆନ୍, ନାସ୍ତିଖାଲେ ପେରି ଜାଜକର୍ ନି ସାସ୍ତ୍ରିର୍ ଜିହୁଦିର୍ ପେରି ଲୋକାଖାଲେ ଖାଜି ଖାନିଙ୍ଘ୍ ଇର୍ହାର୍,

୨ ନିନ୍ ଏମେ ଅଦିକାର୍ତାନ୍ ଇୟାଓଜୁ କିଜିନି, ବା ଏନ୍ ନିଙ୍ଘ୍ ଇୟା ଅଦିକାର୍ ସିତାନ୍, ଖାନ୍ ଏନ୍, ମାଙ୍ଘ୍ ଇନ୍‌ଆଁ ।

୩ ମାତର୍ ଜିସୁ ଖାରିଙ୍ଘ୍ ଖେରତାନ୍, “ନାନ୍ ବା ମିଙ୍ଘ୍ ଉଣ୍ଡି ମାଟା ଖେନବାନା, ନାଙ୍ଘ୍ ଇନ୍‌ଣ୍ଡି ।”

୪ ତୁବନ୍‌ସିନି ଯୋହନତି ବାପ୍ତିସ୍ମ ସିନି ଅଦିକାର୍ ମାପୁରୁ ମାଣ୍ଡକୁ ନୋ ଲୋକା ମାଣ୍ଡକୁ ଆତାମାର୍ଆଡ଼ ।”

୫ ଆବେଟ୍ ଖାର୍ ଖାରି ଖାରି ଲୋଇ ଖାର୍‌ଗିଜି ସାତାର୍, ଜଦି ମାପୁରୁ ମାଣ୍ଡକୁ ଇଜି ଇନିକା, ଆବେଟ୍ ଖାନ୍ ଇନାନ୍, ମିର୍ ଏନ୍ଦା ଖାନିଙ୍ଘ୍ ବିସବାସ୍ କିଇତିଦେର୍ ?

୬ ଜଦି ଲୋକା ମାଣ୍ଡକୁ ଇଜି ଇନିକା, ଆବେଟ୍ ଲୋକଓଜେରେ ମାଙ୍ଘ୍ କାଲକାଣ୍ଡ ତାକନା ପୋକନାର୍, ଇରିଙ୍ଘ୍ ଯୋହନ ଜେ ଅରେନ୍ ବାବବାଦି, ଇକା ଖାର୍ ଆଟ୍‌ଖାଦାନ୍ ମାନାତାମାନାର୍ ।

୭ ଆଦେଙ୍ଘ୍ ଇକା ଆମାଣ୍ଡକୁ ଆତାଡ଼, “ଇକା ନେସ୍‌ଏପ୍ ଇଜି ଖାର୍ ଜିସୁଙ୍ଘ୍ ଖେରତାର୍ ।”

୮ ଜିସୁ ଖାରିଙ୍ଘ୍ ଇର୍ଆନ୍, “ନାନ୍ ଏମେ ଅଦିକାର୍ତାନ୍ ଇୟାଓଜୁ କିଜିନା, ଆକାବା ନାନ୍ ମିଙ୍ଘ୍ ଖେରତେଙ୍ଘ୍ କେଏ ।”

ଅଙ୍ଘୁରକିଡ଼ିଇଦୁ ବାଗ୍‌ତାନ୍ ପାଣିକିନିଖାରି କାତା

(ମାତିଉ ୨୧:୩୩-୪୭; ମାର୍କ ୧୨:୧-୧୨)

୯ ଇୟା ଖେନକା ଜିସୁ ଲୋକାଙ୍ଘ୍ ଇୟା କାତା ଖେରତେଙ୍ଘ୍ ଆସ୍‌ତାନ୍ । “ଅରେନ୍ ଲୋକୁ ଉଣ୍ଡି ଅଙ୍ଘୁର କିଡ଼ିଇ କିଜି ଆକା ପାଣିକିନିଖାରିଙ୍ଘ୍ ବାଗ୍‌ତୁ ପାଣି କିଦେଙ୍ଘ୍ ସିଜି ନାଣ୍ଡ ଦିନ୍‌ତି ଉଣ୍ଡିଙ୍ଘ୍ ଆଇ ଦେସ୍‌ତୁ ସର୍ଆନ୍ ।

୧୦ ମାରି, ପାଣିକିନିକାର୍ ଏଣ୍ଡେସ୍ ଖାନିଙ୍ଘ୍ ଅଙ୍ଘୁର କିଡ଼ିଇଦି ପଲ୍‌ତି ବାଗ୍‌ ସିନାର୍, ଇୟାଉଣ୍ଡିଙ୍ଘ୍ ଖାନ୍ ଅରେନ୍ ପାଣି କିନି ମୁରୁଲିଙ୍ଘ୍ ଟିକ୍ ସମୟତୁ ଖାରି ଲାକ୍‌ତୁ ପୋକ୍‌ତାନ୍, ମାତର୍ ଆୟା ପାଣିକିନିକାର୍ ଖାନିଙ୍ଘ୍ ମାଡ଼ ତାକ୍‌ତାର୍‌ରେ ଖାର୍‌ଇ କିୟୁଦାନ୍ ଡେସିପେରିତାର୍ ।

୧୧ ଖାନ୍ ମାରି ଅରେନ୍ ପାଣିକିନି ଗତିମୁରୁଲିଙ୍ଘ୍ ପୋକ୍‌ତାନ୍; ଖାର୍ ଖାନିଙ୍ଘ୍ ବା ତାକ୍‌ତାର୍ ମାରି ଅପ୍‌ମାନ୍ କିଜି ଖାର୍‌ଇ କିୟୁଦାନ୍ ଡେସିପେରିତାର୍ ।

୧୨ ଖେନକା ଖାନ୍ ମାରି ଅରେନ୍‌ଖାନିଙ୍ଘ୍ ବା ପୋକ୍‌ତାନ୍; ମାତର୍ ଖାର୍ ଖାନିଙ୍ଘ୍ ବା କାଣ୍ଡିଆ କାବରା କିଜି ଆଡ଼ରେ ପେରତାପୋକ୍‌ତାର୍ ।

୧୩ ଆବେଟ୍ ଅଙ୍ଘୁର କିଡ଼ିଇଦି ମାଲିକ୍ ଇର୍ଆନ୍, ନାନ୍ ଇନିକା କିନା ? ନା ଲାଡ଼ତି ମାରିନ୍‌ତିଙ୍ଘ୍ ପୋକ୍‌ନା, ଆନାଡ଼ସୁଗି ଖାର୍ ଖାନିଙ୍ଘ୍ ମାନାନାର୍ ।

୧୪ ମାତର୍ ପାଣିକିନିକାର୍ ମାଲିକ୍‌ତି ମାରିସିଙ୍ଘ୍ ସୁଡ଼ୁ ଖାରି ଲୋଇ ଖାର୍‌ଗିସାଜି ଇନ୍‌ଡେଙ୍ଘ୍ ଆସ୍‌ତାର୍, ଇକାନ୍ ତୋ ଖାନି ମାରିସି, ଖେନିଙ୍ଘ୍ ସାୟାମାର୍‌ଗା ତାକ୍‌ନାଟ୍, ଏଣ୍ଡେସ୍‌କି ଇୟାଓଜୁ ଦନ୍ ମାଦି ଆନାଡ଼ ।

୧୫ ମାରି, ଖାର୍ ଖାନିଙ୍ଘ୍ ଅଙ୍ଘୁର କିଡ଼ିଇ ଆଡ଼ରେ ଅସି ସାୟାମାର୍‌ଗା ତାକ୍‌ତାର୍ । ଇଲେଇ, ଅଙ୍ଘୁର କିଡ଼ିଇଦି ମାଲିକ୍ ଖାରିଙ୍ଘ୍ ଇନିକା କିନାନ୍ ?

୧୬ ମାଲିକ୍ ଖାଜି ଇୟା ପାଣିକିନିଖାରିଙ୍ଘ୍ ସାବିସ୍ କିନାନ୍ ମାରି ଆଇ ଲୋକାଙ୍ଘ୍ ଅଙ୍ଘୁର କିଡ଼ିଇ ବାଗ୍‌ତୁ ପାଣି କିଦେଙ୍ଘ୍ ସିନାନ୍ । ଇକା ଖେନଜି ଖାର୍ ଇର୍ହାର୍, ଆୟାଖାଜା ଆମାକିଡ଼ ।”

୧୭ ମାତର୍ ଜିସୁ ଖାରିଙ୍ଘ୍ ସୁଡ଼ୁ ଇର୍ଆନ୍, ଆରିଙ୍ଘ୍ ଇୟା ଆମା ବାକ୍ୟ ରାସାତାମାନାଡ଼, ତାନେ ଅର୍ଡ଼ ଇନିକା, ଇଲୁ ତିଆର୍ କିନିକାର୍ ଆମା କାଲୁଦିଙ୍ଘ୍ ସିଲେ ଇର୍ହାର୍,

ଆକା କନାଦି ମୁଲକାଲୁ ଆତାଡ଼ ।

୧୮ ଆମାକାନ୍ ଆୟା କାଲୁ ମୁସ୍‌କୁ ଆର୍‌ନାନ୍, ଖାନ୍ ମକା ମକା ଆନାନ୍, ମାରି ଆୟା କାଲୁ ଆମାଖାନି ମୁସ୍‌କୁ ଆର୍‌ନାଡ଼, ଖାନିଙ୍ଘ୍ ଆକା ଗୁଣ୍ଡୁଗୁଣ୍ଡା କିନାଡ଼ ।

☆ ୧୯:୪୭ ଲୁକ ୨୧:୩୭.

ସିସୁଟ୍‌ସିନି ବିସୟତି କାତା

(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ଆବେଟ୍ ସାସ୍ତ୍ରୀ ମାରି ପେରି ଜାଜକର୍ ଆୟା ଦାପ୍ରେ ଜିସୁଙ୍କୁ ଆସ୍‌ତେଙ୍ଗ୍ ସେସ୍ କିତାର୍, ମାତର୍ ଝାର୍ ଲୋକାଙ୍ଗ୍ ତିଲ୍ଲାତାର୍, ଇରିଙ୍ଗ୍ ଝାନ୍ ଇୟା କାତା ଝାରିଙ୍ଗ୍ ସୁଡ଼ୁଟ୍ଟି ଇର୍ହାନ୍ ଇଜି ଝାର୍ ବୁଜାତାର୍ ।

୨୦ ଆବେଟ୍ ଦାମ୍‌ସାସ୍ତ୍ରୀ ମାରି ପେରି ଜାଜକର୍ ଜିସୁଙ୍କୁ ଜାଡ଼ିଦୁ ଆର୍‌ପ୍‌ତେଙ୍ଗ୍ ଇଜି ନେଗି ସମୟତିଙ୍ଗ୍ କାପ୍‌କିଜି ମାର୍ହାର୍ । ଝାର୍ ଜିସୁ ଲାକ୍‌ତୁ ଏସୋ ସାଲାକିଦି ଝାରିଙ୍ଗ୍ ଲାଞ୍ଚସିଜି ପୋକ୍‌ତାର୍ । ଝାର୍ ଇୟା ଲୋକାଙ୍ଗ୍ ନେଗି ଲୋକୁ ଝାଜା ସାଲାକି କିନି ଉଣ୍ଡିଙ୍ଗ୍ ଇର୍‌ଆ ମାର୍ହାର୍ । ଝାର୍ ଜିସୁ ଝେର୍‌ସିମାନି ମାଟାଦୁ ଇନି ତାଗ୍‌ଇ ବିସୟ ପୟଜ ସପ୍‌ତେଙ୍ଗ୍ ବଦା କିଜିମାର୍ହାର୍ । ଇରିଙ୍ଗ୍ ଜଦି ଝାର୍ ଜିସୁମାନୁ ଇନି ତାଗ୍‌ଇ ବିସୟ ସୁଡ଼ୁଦେଙ୍ଗ୍ ଆଟ୍‌ନାର୍, ଆବେଟ୍ ଝାର୍ ଜିସୁଦି ମୁସ୍‌କୁ ଅଦିକାର୍ ମାନି ସାସନ୍ କିନି ଲୋକା କିୟୁଦୁ ଜିସୁଙ୍କୁ ଆସ୍‌ପିସନା ସିନାର୍ ।

୨୧ ଝାର୍ ଝାନିଙ୍ଗ୍ ଝେନ୍‌ବାତାର୍, “ଏ ଗୁରୁ, ମାପ୍ ନେସ୍‌ନାପ୍, ନିନ୍ ଟିକ୍ ମାଟା ଝେର୍‌ନି, ମାରି ସିକିୟା ସିନି, ମାରି ଏଙ୍ଗ୍‌ବା ମକମ୍ ସୁଡ଼ୁଟ୍ଟି ପାଣି କିଇ, ମାତର୍ ସଡ଼ତାନ୍ ଲୋକା ଜିବନ୍ ଉଣ୍ଡିଙ୍ଗ୍ ମାପୁରୁଦି ବଦା ବିସୟତାନ୍ ସିକିୟା ସିନି ।

୨୨ ମାଙ୍ଗ୍ ଇନ୍‌ଆଁ, ରାଜା କାଇସର୍‌ତିଙ୍ଗ୍ ସିସ୍‌ଟୁ ସିନିକା ମା ନିୟମ୍ ନୋ ସିଲେ ?”

୨୩ ମାତର୍ ଜିସୁ ଝାରି ସାଲାକି ନେସ୍‌ସି ଝାରିଙ୍ଗ୍ ଇର୍‌ହାନ୍, ନାଙ୍ଗ୍ ଉଣ୍ଡି ଅଦଲି ତର୍‌ତୁ ।

୨୪ ଉଣ୍ଡି ଝେଣ୍ଡି ଟାକା ତାବୁଙ୍କୁ ତର୍‌ତୁ । ତେନି ମୁସ୍‌କୁ ଏ ବମା ନି ଦର୍ ମାନାତ୍ ? ଝାର୍ ଇର୍‌ହାର୍, ରାଜା କାଇସର୍‌ତିନ୍‌ହି ।

୨୫ ଆବେଟ୍ ଜିସୁ ଝାରିଙ୍ଗ୍ ଇର୍‌ହାନ୍, “ଆରିଙ୍ଗ୍ ରାଜା କାଇସର୍‌ତି ଆମାକା, ଆକା ରାଜା କାଇସର୍‌ତିଙ୍ଗ୍ ସିଦୁ; ମାରି, ମାପୁରୁଦି ଆମାକା, ଆକା ମାପୁରୁଙ୍କୁ ସିଦୁ ।”

୨୬ ଆବେଟ୍ ଝାର୍ ଲୋକା ଆଗ୍‌ଡ଼ି ଜିସୁ ମାଟାଦି ତାଗ୍‌ଇ ବିସୟ ଆସ୍‌ତେଙ୍ଗ୍ ଆଟ୍‌ଏତାର୍, ମାରି ଝାର୍ ଝାନ୍ ଝେର୍‌ଡ଼ି ମାଟାଦି ଉଣ୍ଡିଙ୍ଗ୍ କାବାଆଜି ଆଲେତା ମାର୍ହାର୍ ।

ଡେସିନିଙ୍ଗ୍ ନି ବିସୟତାନ୍ ପ୍ରସ୍ନ

(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ଇୟା ଝେନ୍‌କା ସାତିଲୋକ୍ ମାରିଡେସିଜିବନ୍‌ଆଜି ନିଙ୍ଗ୍ ନିକା ବିସ୍‌ବାସ୍ କିଇକାର୍ ଏସୋ ସାଦୁକିର୍ ଜିସୁ ଲାକ୍‌ତୁ ଝାତା ଝେନ୍‌ବାତାର୍,

୨୮ “ଏ ଗୁରୁ, ମୋସା ମା ଉଣ୍ଡିଙ୍ଗ୍ ରାସ୍‌ତାମାନାନ୍ ଜେ, ଜଦି ଏମେ ଲୋକ୍‌ତି ଦାଦ୍‌ସି ଆଡ଼୍‌ସି ମାନାପ୍ ମାନାପ୍ କଡ଼କକରା ଆଏଣ୍ଡା ସାନାନ୍, ଆତିଙ୍ଗ୍ ଝାନି ତଡ଼ାନ୍ ଝାନି ଆଡ଼୍‌ସିଙ୍ଗ୍ ପେଡ଼ିଆଜ ନିଜେଦି ଦାଦ୍‌ସି ଉଣ୍ଡିଙ୍ଗ୍ କୁଟୁମ୍ କିଦେଙ୍ଗ୍ ଆଟ୍‌ନାନ୍ ।

୨୯ ଅର୍‌ଲେନ୍ ସାଡ଼ଲୋକ୍ ତଡ଼ାନ୍‌କୁ ମାର୍ହାର୍; ପେରିଦାଦ୍‌ସି ଅରେଡ୍ ଆଇମାଦିଙ୍ଗ୍ ପେଡ଼ି ଆତାନ୍ ମାରି କଡ଼କକରା ଆଏଣ୍ଡା ସାତା ସର୍‌ହାନ୍;

୩୦ ଝେନ୍‌କା ଝାନି କଗ୍‌ରି ତଡ଼ାନ୍ ପେଡ଼ିଆଜି କଡ଼କକରା ଆଏଣ୍ଡା ସାତା ସର୍‌ହାନ୍ ମାରି ଅରେନ୍ ତଡ଼ାନ୍ ତାନେଙ୍ଗ୍ ପେଡ଼ି ଆତାନ୍;

୩୧ ଆୟାଝାଜା ସାଡ଼ ତଡ଼ାନ୍‌କୁ ଝିଜେରେ କଡ଼କକରା ଆଏଣ୍ଡା ସାତାସର୍‌ହାର୍ ।

୩୨ ସାରାସାରିଝେନ୍‌କା ଆୟା ଆଇମା ବା ସାତା ସର୍‌ହାଡ଼ ।

୩୩ ଆରିଙ୍ଗ୍, ମାରିଡେସିଜିବନ୍‌ଆଜି ଝାର୍ ନିଙ୍ଗ୍ ନିଝାଲେ ଆୟାଝାରି ଲୋଇ ଝାଦ୍ ଏ ଆଡ଼୍‌ସି ଆନାଡ଼ ? ସାଡ଼ଲୋକ୍ ତୋ ତାନିଙ୍ଗ୍ ପେଡ଼ି ଆତାମାର୍ହାର୍ ।”

୩୪ ଜିସୁ ଝାରିଙ୍ଗ୍ ଇର୍‌ହାନ୍, “ଇୟା ଦୁନିଆଦି କଡ଼କକରା ପେଡ଼ି ଆନାର୍ ମାରି ପେଡ଼ି ସିନାର୍,

୩୫ ମାତର୍ ଏମେ ମେମାରି ନି ଆଇମେକ୍ ସାତି ଲୋକାମାଣ୍ଡକୁ ମାରିଡେସି ନିଙ୍ଗ୍ ନି ଉଣ୍ଡିଙ୍ଗ୍ ମାରି ଝାନି ଦୁନିଆଦୁ କିଦେଙ୍ଗ୍ ଜଗ୍ ଆନାର୍ ଝାର୍ ପେଡ଼ି ଆଏର୍;

୩୬ ମାରି, ଝାର୍ ସାଦେଙ୍ଗ୍ ଆଟ୍‌ଏର୍, ଇରିଙ୍ଗ୍ ଝିଜେରେ ମୁସ୍‌କୁପୁର୍‌ତି ଦୁଡ଼କା ଝାଜା ତେବାନାର୍ ମାରି ମାରିଡେସି ଜିବନ୍‌ଆଜିନିଙ୍ଗ୍ ଟିଙ୍ଗ୍ କଡ଼ର୍ ଆକାର୍‌ଆକା ମାପୁରୁଦି କଡ଼ର୍ ଆନାର୍ ।

୩୭ ମୋସା ନେଗ୍ରେଣ୍ଡା ତର୍‌ତାମାନ୍ ଜେ ଲୋକୁ ସାତିମାଣ୍ଡକୁ ମାରିଡେସିଜିବନ୍‌ ଆଜି ଜିନାର୍ । ମୋସା ଏସ୍ତିଝାଲେ କାସ୍‌ନି ଦୁପାଦି ବିସୟତାନ୍ ରାସ୍‌ତାନ୍, ଝାନ୍ ଇର୍‌ଆନ୍ ଜେ, ପ୍ରୁ ଆଜିନାନ୍ ଅବ୍ରାହାମତି ମାପୁରୁ, ଇସ୍‌ହାକ୍‌ତି ମାପୁରୁ ମାରି ଜାକୁବଦି ମାପୁରୁ ।

୩୮ ଝାନ୍ ତୋ ସାତିଲୋକ୍‌ତି ମାପୁରୁ ଆଏନ୍, ମାତର୍ ଜିବନ୍‌ମାନି ଲୋକା ମାପୁରୁ; ଇରିଙ୍ଗ୍ ଝିଜେରେ ଝାନି ଆଗ୍‌ଡ଼ି ଜିନିକାର୍ ଆନାର୍ ।”

☆ ୨୦:୨୭ ପ୍ରେରିତ ୨୩:୮.

୩୯ ଆବେଟ୍ ସାସ୍ତ୍ରିରି ଲୋଇ ଏସୋ ଲୋକୁ ଇର୍ହାର୍, “ଏ ଗୁରୁ, ନିନ୍ ସତ୍ ଝେର୍ଡି ।”
 ୪୦ ଇରିଙ୍ ଖାର୍ ଖାନିଙ୍ ଇନି ପ୍ରସ୍ନ ଝେନ୍ବାଦେଙ୍ ମାରି ସାସ୍ କିଏତାର୍ ।

କ୍ରିସ୍ତ ଏ ମାରିନ୍ ?

(ମାତିଉ ୨୨:୧-୪୭; ମାର୍କ ୧୨:୩୫-୩୭)

୪୧ ମାତର୍ ଜିସୁ ଖାରିଙ୍ ଝେନ୍ବାତାନ, କ୍ରିସ୍ତ ଜେ ଦାଉଦତି ମାରିନ୍, ଇକା ଲୋକୁ ଏଣ୍ଡେସ୍ ଇନାର୍ ?

୪୨ ଇରିଙ୍ ନିଜେ ଦାଉଦ ଗିତସଂହିତାଦୁ ଇନାନ୍,

ପ୍ରବୁ ନା ପ୍ରବୁଙ୍ ଇର୍ହାନ୍,

୪୩ ମାପ୍ ଆମାସାନ୍ ନି ସାତୁରିଙ୍ ନି କାଲ୍‌କା ଆଡ଼ଗି କିଏପ୍,

ଆୟା ସାନ୍ ମା ଉଣେରି ତରିନ୍ ବାସ୍ ସ ମାନ୍‌ଆ ।

୪୪ ମାରି, ଦାଉଦ ଖାନିଙ୍ ପ୍ରବୁ ଇଜି ଇନାନ୍; ଆରିଙ୍, ଖାନ୍ ଏଣ୍ଡେସ୍ ଖାନି ମାରିନ୍ ?

ଜିସୁ ସାସ୍ତ୍ରିରିଙ୍ ଜାଗାର୍‌ତା କିତାନ୍

(ମାତିଉ ୨୩:୧-୩୭; ମାର୍କ ୧୨:୩୮-୪୦)

୪୫ ଝେନ୍‌କା ଜିସୁ ଝିଜୁ ଲୋକା ଆଗ୍‌ଡି ସିସୁରିଙ୍ ଇର୍‌ଆନ୍,

୪୬ “ସାସ୍ତ୍ରିରିମାଣ୍‌କୁ ଜାଗାର୍‌ତା ! ଖାର୍ ନିର୍‌ଇ ଆଙ୍ ଆରାନାର୍ । ମାରି ସାତାସାଉକାଦୁ ଲୋକୁ ମାଡ଼ିସ୍ କିପିର୍ ଇଜି ଅଡ଼ବିନାର୍, ପାର୍‌ତନାକିନି ଇଲ୍‌କାଙ୍ ପେରି ବାଡ଼ି ମାରି ବୋଜି ଉଣିମାନ୍ ପେରି ବାଡ଼ି ପୟଦେଙ୍ ବଦାକିନାର୍ ।

୪୭ ଖାର୍ ରାଣ୍ଡି ଆଇମେକା ଇଲ୍‌ଦି ଝିଜୁ ବିସୟ୍ ରେନାଅନାର୍ ମାରି ନିଜେଦିଙ୍ ନେଗିକାନ୍ ତର୍‌ତେଙ୍ ନିର୍‌ଇ ପାର୍‌ତନା କିନାର୍; ଖାର୍ ନାଣ୍ଡି ଦଣ୍ଡି ପୟନାର୍ ।”

୨୧

ରାଣ୍ଡି ଆଇମା ଦାନ୍ ସିନିକା

(ମାର୍କ ୧୨:୪୧-୪୪)

୧ ଇୟା ଝେନ୍‌କା ଜିସୁ ସାରିବେଡ଼ି ସୁଡ଼ଜି ଏସୋ ମାଜନ୍ ଲୋକୁ ମନ୍ଦିର୍‌ତି ତାବୁଙ୍ ସିନି ପେଡ଼ାଦୁ ମାପୁରୁଦି ଉଣ୍ଡିଙ୍ ଦାନ୍ ସିନିକା ସୁଡ଼ତାନ୍ ।

୨ ମାରି, ଖାନ୍ ଅରେଡ଼ କାକୁତ ରାଣ୍ଡି ଆଇମା ଆୟା ପେଡ଼ାଦୁ ରୁନ୍ ଟାକେଙ୍ ସିନିକା ସୁଡ଼ଜି ଝେର୍‌ତାର୍,

୩ ନାନ୍ ମିଙ୍ ସତ୍ ଇଜିନା, ଇୟା କାକୁତ ରାଣ୍ଡି ଆଇମା ଝିଜେରିଙ୍ ନାଣ୍ଡି ସିତାମାନାଡ଼ ।

୪ ଇରିଙ୍ ଇକାର୍ ଝିଜେରେ ପେଡ଼ାଦୁ ନିଜେ ନିଜେଦି ଆମାକା ଖାରିଙ୍ ଦରକାର୍ ସିଲେଡ଼ ଆୟା ତାବୁଙ୍ ଦାନ୍ ସିତାମାନାର୍, ମାତର୍ ଇକାଡ଼ ନିଜେ ଜିଦେଙ୍ ଆମାକା ଝିଜୁ ତାନେମାନ୍ ମାର୍‌ଆଡ଼, ଆକା ଝିଜୁ ସିତାଡ଼ ।

ମନ୍ଦିର୍‌ତି ଦଂସ ବିସୟ୍‌ତାନ୍ ଇର୍‌ହାନ୍

(ମାତିଉ ୨୪:୧-୨; ମାର୍କ ୧୩:୧-୨)

୫ ମାରି, ଏସୋ ସିସୁର୍ ମନ୍ଦିର୍ ବିସୟ୍‌ତାନ୍ ଖାର୍‌ଗି ସାଜିମାର୍‌ଆର୍ । ଖାର୍ ଇଜିମାର୍‌ଆର୍, ଇକା ଉଣ୍ଡି_ନେଗି ମନ୍ଦିର୍ । ଇକା ନେଗି କାଲ୍‌କାଣ୍ ତିଆର୍ ଆତାମାନାଡ଼ । ସୁଡ଼ଦୁ ମାପୁରୁଙ୍ ସିତିମାନି ନେଗି ନେଗି ବିସୟ୍ ସିତାମାନାର୍ ।

୬ ଜିସୁ ଇର୍‌ଆନ୍, “ମିର୍ ଆମାଝିଜୁ ଇବେ ସୁଡ଼ଜିନିଦେର୍, ଦିନ୍‌ଖାନାଡ଼, ଏସ୍‌ସିଖାଲେ ଉଣ୍ଡି_କାଲୁ ମାରି ଉନ୍‌ଡ଼ି କାଲୁ ମୁସ୍‌କୁ ତେବାଏଡ଼ ଝିଜୁ କାଲ୍‌କୁ ଗୁଣ୍ଡି ଗୁଣ୍ଡା ଆନେ ।”

ଦୁକ୍ ନି ନିଦା

(ମାତିଉ ୨୪:୩-୧୪; ମାର୍କ ୧୩:୩-୧୩)

୭ ଆବେଟ୍ ସିସୁର୍ ଜିସୁଙ୍ ଝେନ୍‌ବାତାର୍, “ଏ ଗୁରୁ, ଆରିଙ୍ ଇୟାଝିଜୁ ଏସାଙ୍ ଗଟାନାଡ଼ ? ମାରି, ଏମେ ଦିନ୍‌ତୁ ଇୟାଝିଜୁ ଗଟନା ଇଗାଝାନାଡ଼, ଆୟାଦିନ୍‌ତି ସିନା ଇନିକା ?”

୮ ଆବେଟ୍ ଜିସୁ ଖାରିଙ୍ ଇର୍‌ଆନ୍, “ଜାଗାର୍‌ତା, ମିର୍ ଏଣ୍ଡେସ୍ ବାୟା ଆମାଟ୍; ଇରିଙ୍ ଏସୋ ଲୋକୁ ନା ଦର୍‌ତାନ୍ ଖାଜି, ନାନ୍ ଜିସୁ ମାରି ଦିନ୍ ଇଗା ଖାତାଡ଼ ଇଜି ଇନାର୍; ଖାରି ଝେନ୍‌କା ସଲ୍‌ମାଟ୍ ।

୯ ମାତର୍ ମିର୍ ଏସ୍‌ସିଖାଲେ ଜୁଦ୍ ମାରି ଲୋକୁ ତାକ୍‌ସିସାନି ଆଉଲି ଝେନିଦେର୍, ନାସ୍‌ସିଖାଲେ ତିଲାମାଟ୍; ଇରିଙ୍ ଇୟାଝିଜୁ ସତେନେ ଆଗ୍‌ଡ଼ି ଗଟାନାଡ଼, ମାତର୍ ଆୟାଦାପ୍ରେ ଜୁଗ୍ ସେସ୍ ଆଏଦେ ।”

୧୦ ଆବେଟ୍ ଖାନ୍ ଖାରିଙ୍ ଇର୍‌ଆନ୍, “ଜାତି ବିରଦ୍‌ତାନ୍ ଜାତି ଲୋକା ଲୋଇ ଜୁଦ୍ କିନାର୍ ମାରି ଦେସ୍ ବିରଦ୍‌ତାନ୍ ଦେସ୍ ଲୋଇ ଜୁଦ୍ କିନାର୍,

୧୧ ମାରି ନାଶ୍ଟ ବୁଝିକମ୍ପ ଆନାଡ଼ ମାରି ବାଡ଼ି ବାଡ଼ିଆଙ୍ଗ ମରଡ଼ି ଆନାଡ଼ ମାରି ଲୋକାଙ୍ଗ ଉଣିକା ପୁଟ୍-ଏଡ଼, ମାରି ବାଦଡ଼ତୁ ବୟଙ୍ଗାର ତରନାଡ଼ ମାରି ପେରି ପେରି ସିନେଙ୍ଗ ତରାନେ ।

୧୨ ମାତର ଇୟାଞ୍ଜିଲୁ ଗଟାନି ଆଗଡ଼ି ଲୋକୁ ମିଙ୍ଗ ଆସନାର ମାରି ପାରତନା ଇଲୁଦୁ ମାରି ଜଇଲୁଦୁ ମିଙ୍ଗ ପୋକ୍ସି କାସୁ ସିନାର, ମାରି ନା ଦରତି ଉଣ୍ଡିଙ୍ଗ ମିଙ୍ଗ ରାଜା ନି ସାସନକିନି ଲୋକା ଆଗଡ଼ି ଅନାର;

୧୩ ମାତର ଇକା ମିଙ୍ଗ ନା ବିସୟତାନ ଲୋକାଙ୍ଗ ନେଗିକାରୁର ସାକି ସିଦେଙ୍ଗ ଇଜି ସାରି ପୟନିଦେର ।

୧୪ *ମାରି ନିଜେଦି ତରିଗାନ ଇନିକା ଇନ୍ତେଙ୍ଗ ଆନାଡ଼, ଆୟା ବିସୟତାନ ଆଗଡ଼ିରାନ ସିନ୍ତା କିଇ ନିଜେ ନିଜେଦି ମୋନ୍ତୁ ତିର କିଦୁ ।

୧୫ ଇରିଙ୍ଗ ନାନ ମିଙ୍ଗ ଇୟାଞ୍ଜା ମାଟା ନି ବୁଦି ସିନା ଜେ, ମି ଞ୍ଜିଲୁ ସାତୁ ଲୋକୁ ଆବେ ଆଙ୍ଗଦେଙ୍ଗ ଆଟ୍-ଏର ।

୧୬ ମାତର ମିଙ୍ଗ ମି ବୁବାୟାୟା, ତଡ଼ାନ, ନିଜେଦି ଲୋକୁ ମାରି ସାମ୍ବିବୟର ସାତୁରି କିୟୁଦୁ ସରପେ କିନାସିନାର, ମାରି ମି ଲୋଇ ଲୋକୁ ଏଙ୍ଗ ଏଙ୍ଗ କାଡ଼ନାର,

୧୭ ମାରି ନାବାନ୍ ମିର ବିସବାସ କିତିମାନି ଉଣ୍ଡିଙ୍ଗ ଲୋକୁ କାଡ଼ନାର ।

୧୮ ମାତର ମି ତାଲାଦି କୁକୁଟି ବା ନାସୁ ଆଏଡ଼ ।

୧୯ ମିର ସାସତାନ ତେବାଡ଼ିଙ୍ଗ ନିଜେ ନିଜେଦିଙ୍ଗ ରକିୟା କିଦେଙ୍ଗ ଆଟ୍-ନିଦେର ।”

ଜିରୁସାଲାମ୍ ଦଂସ ଆନି ମାଟା ଇରୁଆନ୍

(ମାଡ଼ିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ ମାତର ମିର ଏସ୍ତ୍ରାଲେ ଜିରୁସାଲାମ୍‌ଡ଼ିଙ୍ଗ ସନ୍ୟର ସାରିବେଡ଼ଡ଼ି କାପ୍‌କିନିମାନିକା ସୁଣିଦେର, ଆୟାଞ୍ଜାଲେ ଆକା ଞ୍ଜିରୁଜି ସନି ଦିନ୍ ଜେ ଇଗା ଞ୍ଜାତାଡ଼, ଇକା ମିର ନେସତୁ ।

୨୧ ନାସ୍ତ୍ରାଲେ ଆମାଲୋକ୍ ଞ୍ଜିଜେରେ ଜିହୁଦା ଗାଡ଼ତୁ ମାନାର, ଞ୍ଜାର ଗରନ୍ ମୁସକୁ ଉରୁକ୍ସି ସଲିର; ମାରି, ଏର ଗାଡ଼କାଙ୍ଗ ତେବାନାର, ଏଣ୍ଡେସବା ଞ୍ଜାର ଗାଡ଼ ଡ଼ିସସି ସଲିର; ମାରି, ଏର ଇସିନାରକାଙ୍ଗ ତେବାନାର, ଏଣ୍ଡେସବା ଞ୍ଜାର ଗାଡ଼ତୁ ଡ଼ଗୁମାକିର;

୨୨ ଇରିଙ୍ଗ ରାସାଡ଼ିମାନି ବିସୟଞ୍ଜିଲୁ ପୁରା ଆନି ଉଣ୍ଡିଙ୍ଗ ଆକା ଞ୍ଜିଲୁ ଦଣ୍ଡତି ଦିନ୍ ଆନାଡ଼ ।

୨୩ ଆୟା ସମୟତୁ ପଟାଦୁମାନି ଆଇମାଲୋକ୍ ମାରି ଇସ୍ତ୍ର କଡ଼ରିଙ୍ଗ ଆସସି ପାଲ ଉଟ୍‌ପସକିଜିମାନି ଆଇସିକା ଅବସ୍ତା ଏସ ତାଗ୍‌ଇକା ଆନାଡ଼, ଞ୍ଜାକ୍ ନାଶ୍ଟ ଦୁଃକ୍ ପୟନେ ! ଇରିଙ୍ଗ ଦେସତୁ ନାଶ୍ଟ ଦୁଃକ୍‌କାସୁ ଞ୍ଜାନାଡ଼ ମାରି ମାପୁରୁଦି ଦଣ୍ଡ ଇୟା ଜାତି ମୁସକୁ ଞ୍ଜାନାଡ଼ ।

୨୪ ମାରି ଞ୍ଜାର କୁଡ଼ାମକାଶ୍ ସାନାର ମାରି ତରୁଆୟ ଆଜି ଆଇଜାଡ଼ିଦି ଲୋଇ ପୋକ୍‌ନାର, ମାରି ଅଣଜିହୁଦି ଲୋକା ଦିନ୍ ଞ୍ଜିଇ ସାନ୍ଦି ଜିରୁସାଲାମ୍ ଞ୍ଜାରି କାଲକୁ ଆଡ଼ଗି ତେବାନାଡ଼ ।

ମନୁସ୍ୟପୁତ୍ର ମାରିଡ଼େସି ଞ୍ଜାନିକା

(ମାଡ଼ିଉ ୨୪:୨୯-୩୧; ମାର୍କ ୧୩:୨୪-୨୬)

୨୫ *ମାରି ଞ୍ଜେଡ଼ା, ଲେଞ୍ଜୁ ନି ସୁକେଙ୍ଗାଙ୍ଗ ସିନେଙ୍ଗ ତରାନେ, ମାରି ଦୁନିଆଦୁ ଜାଡ଼ିଦି ଲୋକା ଲୋଇ ବାଦା ଞ୍ଜାନାଡ଼; ସାମଦୁରୁ ମାରି ଏରୁଗାଡ଼ିସ୍‌ଞ୍ଜାନି ଆଉଲିଦିଙ୍ଗ ଞ୍ଜାର ବାୟାବେମ୍‌ରି ଆନାର ।

୨୬ ମାରି ଦୁନିଆଦି ମୁସକୁ ଞ୍ଜାନିମାନି ଗଟନା ଞ୍ଜିଲୁଦିଙ୍ଗ କାପ୍‌କିଜି ଲୋକୁ ଞ୍ଜିଜେରେ ମୁର୍ସା ଆନାର, ଇରିଙ୍ଗ ବାଦଡ଼ଡ଼ି ସାଲିଞ୍ଜିଲୁ ଦୁଙ୍ଗନେ ସନେ ।

୨୭ *ନାସ୍ତ୍ରାଲେ ଲୋକୁ ମନୁସ୍ୟପୁତ୍ରଦିଙ୍ଗ ନାଶ୍ଟ ସାଲିଦାନ ମାରି ନାଶ୍ଟ ମହିମାଦି ଞ୍ଜାଲେ ବାଦଡ଼ତାନ ଞ୍ଜାନିକା ସୁଣାର ।

୨୮ ମାତର ଇୟାଞ୍ଜିଲୁ ଗଟେନେଙ୍ଗ ଆରାମଆଡ଼ିଙ୍ଗ ମିର ମୁସକୁ ସୁଡ଼ତୁ ମାରି ତାଲା ପେର୍‌ଦୁ, ଏଣ୍ଡେସକି ମି ରକିୟା ପଇନିକା ଲାକ୍‌ତୁ ଇଗା ଞ୍ଜାତାଡ଼ି ।”

ତଗା ମାରାନ୍‌ତାନ ଅଜାନିକା

(ମାଡ଼ିଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ମାରି, ଜିସୁ ଞ୍ଜାରିଙ୍ଗ ଉଣ୍ଡି କାତା ଇରୁଆନ୍, “ତଗା ମାରାନ୍, ମାରି ଆଇ ଞ୍ଜିଲୁ ମାରାକା ବିସୟତାନ ଅଡ଼ବିଦୁ ।

୩୦ ଏସ୍ତ୍ରାଲେ ଆୟା ମାରାକା ଆକ୍ ପୁନାକାୟନେ, ନାସ୍ତ୍ରାଲେ ମିର ଆକା ସୁଡ଼କୁ ଜେଟାପ୍ ଲେଞ୍ଜୁ ଇଗା ଞ୍ଜାତାଡ଼ି ଇଜି ନିଜେନିଜେ ନେସ୍‌ନିଦେର ।

୩୧ ଆୟାଞ୍ଜା ମିର ବା ଇୟାଞ୍ଜିଲୁ ଗଟନା ସୁଡ଼ଡ଼ିଙ୍ଗ ମାପୁରୁଦି ରାଜି ଜେ ଇଗା ଞ୍ଜାତାଡ଼, ଇକା ନେସତୁ ।

୩୨ “ନାନ ମିଙ୍ଗ ସଡ଼ ଇଜିନା, ଇୟାଞ୍ଜିଲୁ ଗଟେଆଇ ସାନ୍ଦି ଇୟା ଦିନ୍‌ଡ଼ି ଲୋକୁ ଏଣ୍ଡେସ ଞ୍ଜିଇଏର ।

୩୩ ବାଦଡ଼ ନି ଦୁନିଆ ଞ୍ଜିନାଡ଼, ମାତର ନା ବାକ୍ୟଞ୍ଜିଲୁ ଏସାଙ୍ଗ ବା ଞ୍ଜିଇଏଡ଼ ।

* ୨୧:୧୪ ଲୁକ ୧୨:୧୧,୧୨. * ୨୧:୨୫ ପ୍ରକାଶିତ ୬:୧୨,୧୩. * ୨୧:୨୭ ପ୍ରକାଶିତ ୧:୭.

ଜାଗାଋତା ମାନୁଡୁ

୩୪ “ମାତର ମିର ନିଜେ ନିଜେଦି ବିସୟତାନ୍ ଜାଗାଋତା ମାଡୁ, ଏସ୍ତ୍ରିଖାଲେ ମି ଜିବନ୍ ନାଣ୍ଡ ଖେଡ଼ିକାଦୁ ପୁରା ତେବାନାଡ଼ ମାରି କାଡ଼ୁଡୁଣ୍ଡିସସ୍ତେଜ୍, ମାରି ଜିନି ବିସୟତାନ୍ ସିନ୍ତାଦାନ୍ ଦୁଃକ୍ ଖାନାଡ଼, ମାରି ଆୟାନାଣ୍ଡିଜ୍ ଦାପ୍ରେ ମି ମୁସ୍କୁ ଖାନା ଆରନାଡ଼;

୩୫ ଇରିଜ୍ ଆକା ଜାଡ଼ିଦି ଖାଜା ଖିଜୁ ଦେସ୍ତୁନିଆଦି ଖିଜୁ ଲୋକା ମୁସ୍କୁ ଖାନାଡ଼ ।

୩୬ ମାତର ମିର ଏଣ୍ଡେସକି ଇୟାଖିଜୁ ଖାଜିନିଆଗଡ଼ି ଗଟ୍ଟନାଦାନ୍ ରକିୟା ପୟଦେଜ୍ ମାରି ମନୁସ୍ୟପୁତ୍ରଦି ଲାକ୍ତୁ ନିନ୍ଦ୍ରେଜ୍ ଡାଟ୍ ଆଦୁ, ଇୟାଉଣ୍ଡିଜ୍ ଦିନାମି ପାରତନା କିଜି ଜାଗାଋତା ମାଡୁ ।”

୩୭ ☆ଜିସୁ ଖିଜୁଦିନ୍ ମନ୍ଦିରତୁ ସିକିୟା ସିଜିମାହାନ୍, ମାରି ଖିଜୁ ନାଡ଼ା ସହସି ସଲ୍‌ସି ଜିତ ଗରନ୍‌ତୁ ତେବାଜି ମାହାନ୍ ।

୩୮ ମାରି, ଖିଜେରେ ଲୋକ୍ତୁ ମନ୍ଦିରତୁ ଖାନି ସିକିୟା ଖେନ୍‌ଡ୍ରେଜ୍ ଇଜି ସାଲ୍‌ଦି ଖାନି ଲାକ୍ତୁ ଖାଜି ମାହାନ୍ ।

୨୨

ଜିସୁଜ୍ଞୁଁ ବିରଦତାନ୍ ଡାକ୍‌ଡେଜ୍ ଶୁଡ଼ବିତାର୍

(ମାଡ଼ିଉ ୨୭:୧-୫; ୧୪:୧୭; ମାର୍କ ୧୪:୧-୨, ୧୦-୧୧; ଜୋହନ ୧୧:୪୫-୫୩)

୧ ନିସ୍ତାର ପଣ୍ଡୟ ଇନି କମିରସିଲି ରୁଟିଦି ପଣ୍ଡୟ ଲାକ୍ତୁ ଆଜି ଖାଜିମାହାଡ଼ ।

୨ ମାରି, ପେରି ଜାଜକର୍ ନି ସାସ୍ତ୍ରର୍, ଏଣ୍ଡେସ୍ ଜିସୁଜ୍ଞୁଁ ଏନ୍ ନେସ୍‌ଏଣ୍‌ଗା ସାୟାମାର୍‌ଗା ଡାକ୍‌ଡେଜ୍ ଶୁଡ଼ନାର୍, ଆବେଣି ଉପାୟ ପଇଜି ମାହାନ୍, ମାତର ଖାର୍ ଲୋକାଜ୍ ତିଲାଜି ମାହାନ୍ ।

ଜିସୁଜ୍ଞୁଁ ଆସିସ୍ କିଦେଜ୍ ଇଜି ଜିହୁଦା ରାଜିଆତାନ୍

(ମାଡ଼ିଉ ୨୭:୧୪-୧୬; ମାର୍କ ୧୪:୧୦-୧୧)

୩ ନାସ୍ତ୍ରିଖାଲେ ବାରଲୋକ୍ ସିସୁରି ଲୋଇରାନ୍ ଇସ୍ପାରିୟୋତିୟ ଦରତି ଅରେନ୍ ଜିହୁଦାମାନୁ ସୟତାନ୍ ଡୁଗୁଡ଼ାଡ଼;

୪ ମାରି, ଜିହୁଦା ସୋର୍‌ଆନନୋ, ଇନି ଉପାୟତାନ୍ ଖାନିଜ୍ ପେରି ଜାଜକ ନି ସେନାପତିରି କିୟୁଦୁ ସପ୍ରେ କିଦେଜ୍ ଆଟ୍‌ନାନ୍, ଆକା ଖାରି ଖାଲେ ଖାର୍‌ଗିତାନ୍ ।

୫ ଆବେଟ୍ ଖାର୍ ଖେଡ଼ିକା ଆଜିମାରି ଖାନିଜ୍ ଡାରୁଜ୍ଞୁଁ ସିଦେଜ୍ ଇଜି ପାର୍‌ମାଣ୍ କିତାର୍ ।

୬ ମାରି, ଜିହୁଦା ରାଜି ଆତାନ୍‌ନୋ ଲୋକ୍ ଖିଜେରେ ଅରେନ୍‌ବା ସିଲିଖାଲେ ଖାନିଜ୍ ଖାରି କିୟୁଦୁ ସପ୍ରେ କିଜି ସିନି ଉଣ୍ଡିଜ୍ ସାରି ପଇଦେଜ୍ ଆସ୍‌ତାନ୍ ।

ନିସ୍ତାର ପଣ୍ଡୟ ଉଣ୍ଡେଜ୍ ଜିସୁ ତିଆର୍ ଆତାନ୍

(ମାଡ଼ିଉ ୨୭:୧୭-୨୫; ମାର୍କ ୧୪:୧୨-୨୧; ଜୋହନ ୧୩:୨୧-୩୦)

୭ ଖେନ୍‌କା ଏମେ ନାଣ୍ଡିଜ୍ ନିସ୍ତାର ପଣ୍ଡୟତି ମେଣ୍ଡାପିଲେକାଜ୍ କାଡ଼‌ଡେଜ୍ ଆନାଡ଼, ଆୟା କମିରସିଲି ରୁଟି ପଣ୍ଡୟ ନାଣ୍ଡିଜ୍ ଖାଡ଼ାଡ଼;

୮ ମାରି, ଜିସୁ ପିତର ନି ଜୋହନତିଜ୍ ଇକା ଇନଞ୍ଜି ପୋକ୍‌ତାନ୍, “ମାଡ଼ ଏଣ୍ଡେସ୍ ଉଣ୍ଡେଜ୍ ଆଟ୍‌ନିକା, ଆୟାଉଣ୍ଡିଜ୍ ମିର ସୋଲ୍‌ସ ମା ଉଣ୍ଡିଜ୍ ନିସ୍ତାର ପଣ୍ଡୟତି ବୋଜି ତିଆର୍ କିଦୁ ।”

୯ ଆବେଟ୍ ଖାର୍ ଜିସୁଜ୍ଞୁଁ ଖେନ୍‌ବାଡ଼ାର୍, “ମାପ୍ ଇକା ଏମେ ବାଡ଼ିଦୁ ତିଆର୍ କିନାପ୍ ଇଜି ନିନ୍ ବଦା କିଜିନି ?”

୧୦ ଜିସୁ ଖାରିଜ୍ ଇର୍‌ଆନ୍, “ସୁଡ଼ଦୁ, ମିର ଗାଡ଼ଡ଼ ଡୁଗୁଡ଼ିଜ୍ଞା, ଏରୁସାଟିଦୁ ଅସିମାନିକାଡ଼ ଅରେଡ଼ ଲୋକ୍ତୁ ମିଜ୍ଞୁଁ ବେଟ୍‌ଆନାଡ଼; ଖାଦ୍ ଏମେ ଇଣ୍ଡୁ ସନ୍‌ନାଡ଼, ତାନି ଖେନ୍‌କା ଖେନ୍‌କା ଆୟା ଇଣ୍ଡୁ ସୋଲ୍‌ସ ଇଲ୍‌ଦି ପେରିଖାନିଜ୍ ଇନିଦେର୍,

୧୧ ଗୁରୁ ନିଜ୍ଞୁଁ ଖେନ୍‌ବାଜିନାନ୍, ନାନ୍ ନା ସିସୁରି ଖାଲେ ଏମେମାନୁ ନିସ୍ତାର ପଣ୍ଡୟତି ବୋଜି କିନାପ୍, ଆୟା କୁଡ଼ାଆଜ୍ ଡେବାନି ବାକାର୍ ଆମାକା ?

୧୨ ଆବେଟ୍ ଖାନ୍ ମିଜ୍ଞୁଁ ନେଗେନ୍ ସଜେ କିତିମାନି ଉଣ୍ଡି ମୁସ୍‌କୁରି ମୋହଲାଦି ପେରି ବାକରା ତର୍‌ନାସିନାନ୍; ଆୟାବାଡ଼ିଦୁ ବୋଜି ତିଆର୍ କିଦୁ ।”

୧୩ ମାରି, ପିତର ନି ଜୋହନ ସର୍‌ଆରନୋ, ଜିସୁ ଖାରିଜ୍ ଏଣ୍ଡେସ୍ ଇର୍‌ଆ ମାର୍‌ଆନ୍, ଆୟାଖାଜା ସୁଡ଼ଜ୍ଞି ନିସ୍ତାର ପଣ୍ଡୟତି ବୋଜି ତିଆର୍ କିତାର୍ ।

ପ୍ରବୁ ବଜି

(ମାଡ଼ିଉ ୨୭:୨୬-୩୦; ମାର୍କ ୧୪:୨୨-୨୬; ୧ କରିନ୍ଥ୍‌ୟ ୧୧:୨୩-୨୫)

୧୪ ମାରି, ଖାର୍ ନିସ୍ତାର ପଣ୍ଡୟତି ବୋଜି ଉଣି ସମୟ ଆତାଡ଼, ଜିସୁ ନି ଖାନି ଖାଲେ ପ୍ରେରିତ ସିସୁର୍ ଉଣ୍ଡେଜ୍ ବାସ୍‌ତାର୍ ।

☆ ୨୧:୩୭ ଲୁକ ୧୯:୪୭.

୧୫ ଜିସୁ ଖାରିଙ୍ଗ ଇରଥାନ, ନାନ ନା ଦୁକ୍‌ବଗାନି ଆଗିଡ଼ିନେ ନାନ ମି ଖାଲେ ଅରସେ ଇୟା ନିସ୍ତାର ପଶୁୟତି ବଜି ଉଣ୍ଡେଙ୍ଗ ଅରେନେ ବଦା କିତାମାରୁଆ;

୧୬ ମାତର ନାନ ମିଙ୍ଗ ଇଜିନା, ମାପୁରୁଦି ରାଜିଦୁ ଇୟା ଅର୍ତ ପୁରା ଆଇ ସାନ୍ଧି ନାନ ମାରି ଏସକାଙ୍ଗବା ନିସ୍ତାର ପଶୁୟତି ବଜି ମାରି ଉଣ୍ଡୁଏ ।

୧୭ ମାରି, ଜିସୁ ଉଣ୍ଡି କୁଡ଼କୁାଦୁ ଅଙ୍ଗୁରରସ୍ ଅତାନନୋ ମାପୁରୁଙ୍ଗୁ ଦନ୍ୟବାଦ୍ ସିଜି ଇରଥାନ, “ଇୟା କୁଡ଼କୁା ଅସି, ଇବେନ୍ ମାନି ଅଙ୍ଗୁରରସ୍ତିଙ୍ଗ ନିଜେ ନିଜେଦି ମାନୁ ବାଟା କିଦୁ,

୧୮ ମାତର ନାନ ମିଙ୍ଗ ଇଜିନା, ମାପୁରୁଦି ରାଜି ରେଇ ସାନ୍ଧି ଇକା ନାନୁ ମାରି ଇୟା ଅଙ୍ଗୁରରସ୍ ଉଣ୍ଡୁଏ ।”

୧୯ ମାରି, ଖାନ ରୁଟି ଅତାନନୋ ମାପୁରୁଙ୍ଗୁ ଦନ୍ୟବାଦ୍ ସିତାନ ମାରି ରୁଟି ରୁକ୍‌ସି ସିଜି ଖାରିଙ୍ଗ ଇର୍ହାନ, “ମି ଉଣ୍ଡିଙ୍ଗ ସିଆଡିମାନି ଇକା ନା ମେନ୍‌ଲ୍; ନାଙ୍ଗ ଏଡ଼କିନି ଉଣ୍ଡିଙ୍ଗ ଇକା କିଦୁ ।”

୨୦ ଉଟି ଷ୍ଟିସତି ଷ୍ଟେନକା ଆୟାଖାଜା ଖାନ ଅଙ୍ଗୁର ରସ୍ତି ଉଣି ତୁବାଇ ଆସ୍‌ତାନନୋ ଇର୍ହାନ, ଇୟା ଅଙ୍ଗୁରରସ୍ ମି ଉଣ୍ଡିଙ୍ଗ ସିଆଡିମାନି ନା ନେତେରତି ପୁନି ନିୟମ୍ ।

୨୧ ମାତର ସୁଡ଼ଦୁ, “ଏନ୍ ନାଙ୍ଗ ସାତୁରିକିୟୁଦୁ ସର୍ପେ କିଜିନାନ, ଖାନି କିୟୁ ନା ଖାଲେ ଟେବୁଲ୍ ମୁସ୍‌କୁ ମାନାଡ଼ ।

୨୨ ମାତର ମାପୁରୁ ଏଣ୍ଡେସ୍ ଆତାମାନାଡ଼ କିତାମାନାନ୍, ମନୁସ୍ୟପୁତ୍ର ଜେ ନାନ ଆୟାଖାଜା ସାନି ଦଣ୍ଡ ପଇନା ସଡ଼, ମାରି ଏମେ ଲୋକୁ ମାଣ୍‌କୁ ଖାନ ସାତୁରିକିୟୁଦୁ ସର୍ପେ ଆଜିନାନ, ଚି, ଖାନି ଉଣ୍ଡିଙ୍ଗ ଇକା ନାଣ୍ କାରାଦ୍ ଆନାଡ଼ !”

୨୩ ତାନେ ଷ୍ଟେନକା ମା ଲୋଇରାନ ଏନ୍ ଇକା କିଦେଙ୍ଗ ସଲ୍‌ସିନାନ, ଆୟା ବିସୟତାନ ସିସ୍‌ର ନିଜେ ନିଜେଦିମାନୁ ଷ୍ଟେନବାଜି ସାଦେଙ୍ଗ ଆସ୍‌ତାର ।

ଏନ୍ ପେରିକାନ ଆୟା ବିସୟତାନ ଜଗଡ଼ା

୨୪ ✨ମାରି, ସିସ୍‌ରି ଲୋଇ ଏନ୍ ପେରିକାନ ଇଜି ଷ୍ଟେଙ୍ଗ ନାନ, ଆୟା ବିସୟତାନ ଖାରିଖାରି ଲୋଇ ଖାରିଗିଜି ସାତାର ।

୨୫ ଆବେଟ୍ ଜିସୁ ଖାରିଙ୍ଗ ଇରଥାନ, ଅଣଜିହୁଦି ରାଜାର ଖାରି ମୁସ୍‌କୁ ସାସନ୍ କିନାର, ମାରି ଏର୍ ଖାରି ମୁସ୍‌କୁ ସାସନ୍ କିନିକା ମାନାଡ଼, ଖାର ଦେସ୍ତି ସାଙ୍ଗ ଇଜି ଷ୍ଟେଙ୍ଗ ନାନ ।

୨୬ ✨ମାତର ମିର୍ ଆୟାଖାଜା ଆମାଟ୍, ଇରିଙ୍ଗ ମି ମାଣ୍‌କୁ ଏନ୍ ପେରିକାନ, ଖାନ ଷ୍ଟିଜେରି ମାଣ୍‌କୁ ଇସ୍‌କାନ ଖାଜା ଆପିନ୍, ମାରି ଏନ୍ ନେତା ମାନାନ୍, ଖାନ ସେବାକିନି ଖାନି ଖାଜା ଆପିନ୍ ।

୨୭ ✨ମାତର ଷ୍ଟିଜେରି ମାଣାନ୍ ପେରି ଲୋକୁ ଏନ୍ ? ଏନ୍ ଉଣ୍ଡେଙ୍ଗ ବାସ୍ତିମାନିକାର ନୋ ଖାନିଙ୍ଗ ଷ୍ଟେସ୍‌ମାନି ଲୋକୁ ? ମିର୍ ଅଡ଼ବିନିଦେର୍ ଜେ ଉଣ୍ଡେଙ୍ଗ ବାସ୍ତିମାନି ଲୋକୁ, ଖାନ ଇନିକା ପେରିକାନ ଆଏନ୍ ? ଇରିଙ୍ଗ ନାନ ମି ଲୋଇରାନ ଅରେନେ ସେବାକିନିଖାନି ଖାଜା ମାନା ।

୨୮ ମାତର ମିର୍ ନା ଷ୍ଟିଜୁ ପରିକାଦୁ ନା ଖାଲେ ମାନଞ୍ଜିଖାଜିନିଦେର୍;

୨୯ ନା ବୁବା ଏଣ୍ଡେସ୍ ନା ଉଣ୍ଡିଙ୍ଗ ରାଜି ତିଆର୍ କିତାନ, ନାନ ବା ଆୟାଖାଜା ମି ଉଣ୍ଡିଙ୍ଗ ତିଆର୍ କିଜିନା,

୩୦ ଏଣ୍ଡେସ୍ ମିର୍ ନା ରାଜିଦୁ ନା ଟେବୁଲ୍ ମୁସ୍‌କୁ ଉଣିତିନିଦେର୍, ମାରି ମିର୍ ରାଜାବାସ୍‌ନିଗୋଦିଦି ମୁସ୍‌କୁ ବାସ୍‌ନିଦେର୍ନୋ ଇସ୍‌ଏଲ୍‌ତି ବାରଗୋଟା କୁଟୁମ୍‌ତି ମୁସ୍‌କୁ ସାସନ୍ କିନିଦେର୍ ।

ପିତରତି ମାନାଈକା ଆଗିଡ଼ିରି ମାଟା ଜିସୁ ଷ୍ଟେରତାନ

(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜୋହନ ୧୩:୩୬-୩୮)

୩୧ “ସିମୋନ, ସିମୋନ, ସୁଡ଼ଥୁା, ପାଣିକିନିକାନ ଗଦ୍‌ମୁଦାନ ସପାଦିଙ୍ଗ ଷ୍ଟେରଏ କିଦେଙ୍ଗ ଇଜି ସୋଲିଦୁ ଜଲ୍‌ପନି ଖାଜା ନେଗି ଲୋକାମାଣ୍‌କୁ ତାଗ୍‌ଇ ଲୋକାଙ୍ଗ ଷ୍ଟେରଏ କିନି ଉଣ୍ଡିଙ୍ଗ ସୟତାନ ମିଙ୍ଗ ପରିକା କିଦେଙ୍ଗ ସାରିପୋଇତା ମାନାଡ଼;

୩୨ ମାତର ମି ବିସ୍‌ବାସ୍ ଏଣ୍ଡେସ୍ ମାର୍‌ଗେଏଡ଼, ଇୟାଉଣ୍ଡିଙ୍ଗ ନାନ ମି ଉଣ୍ଡିଙ୍ଗ ପାର୍‌ତନା କିତାମାନା; ମାରି, ନିନ୍ ଡେସି ଖାଡି ଷ୍ଟେନକା ନିଜେଦି ତଡ଼ାନକାଙ୍ଗ ସାଙ୍ଗି କିଦୁ ।”

୩୩ ମାତର ପିତର ଜିସୁଙ୍ଗୁ ଷ୍ଟେରତାନ, “ଏ ପ୍ରୁ, ନାନ ମି ଖାଲେ ଜଇଲ୍‌ତୁ ସଣ୍ଡେଙ୍ଗ ମାରି ସାନିଦଣ୍ଡ ପଇଦେଙ୍ଗ ବା ତିଆର୍ ଆତାମାନା ।”

୩୪ ମାତର ଜିସୁ ଷ୍ଟେରତାନ, “ଏ ପିତର, ନାନ ନିଙ୍ଗ ଇଜିନା, ନେର୍ ନାଡ଼ା କରୁ କେଡ଼ିଇ ଆଗ୍‌ଡ଼ିନେ ନିନ୍ ନାଙ୍ଗ ମୁଜା ନେସେଏ ଇଜି ଇନି ।”

ଜିସୁମାନୁ ବାକ୍ୟଦି ସଡ଼ଆନିକା

✨ ୨୨:୨୪ ମାତିଉ ୧୮:୧; ମାର୍କ ୯:୩୫; ଲୁକ ୯:୪୭. ✨ ୨୨:୨୬ ମାତିଉ ୨୩:୧୧; ମାର୍କ ୯:୩୫. ✨ ୨୨:୨୭ ମାତିଉ ୨୦:୨୫-୨୭; ମାର୍କ ୧୦:୪୨-୪୪. ✨ ୨୨:୨୭ ଜୋହନ ୧୩:୧୨-୧୫.

୩୫ ☆ତାନେ ଝେନକା ଜିସୁ ସିସୁରିଙ୍ଗ୍ ଇରଥାନ, ଏସ୍ତିଝାଲେ ନାନ ମିଙ୍ଗ୍ ତାବୁଙ୍ଗ୍ ମଣି, ମଣି ମାରି ଜୁତେଙ୍ଗ୍ ଡିସ୍ତିଙ୍ଗ୍ ପୋକ୍ତା ମାରଥା, ନାସ୍ତିଝାଲେ ମିଙ୍ଗ୍ ଇନିକା ଉଣା ମାରଥାତ୍ ? ଝାର୍ ଇର୍ହାର୍, ଇନିକା ସିଲେ ।

୩୬ ଆବେଟ୍ ଜିସୁ ଝାରିଙ୍ଗ୍ ଇରଥାନ, “ମାତର୍ ଇଲେ, ଆମାଝାନିଦି ତାବୁଙ୍ଗ୍ ଇଡ୍ନି ମଣି ମାନାତ୍, ଝାନ୍ ଆକା ଅପିନ୍, ଆୟାଝାଜା ମଣି ବା ଅପିନ୍, ମାରି ଆମାଝାନିଙ୍ଗ୍ କୁଡାମ୍ ସିଲେଡ୍, ଝାନ୍ ନିଜେଦି ସାଦର୍ ଉଣ୍ଡି ପୋରଜ କାଣ୍ଡା କଡିନ୍ ।

୩୭ ମାତର୍ ନାନ ମିଙ୍ଗ୍ ଝେର୍ସିନା, ଝାନ୍ ପାପିଲୋକା ଝାଲେ ମିସାତାନ୍, ଇୟା ଏମେ ବାକ୍ୟ ରାସ୍ତା ମାନାତ୍, ଆକା ନା ମାନୁ ପୁରା ଆନିକା ମାନାତ୍; ଆଦେଙ୍ଗ୍ ନା ବିସୟତି ମାଟା ପୁରା ଆଜିନାତ୍ ।”

୩୮ ଆବେଟ୍ ଝାର୍ ଇର୍ହାର୍, “ପ୍ରବୁ, ସୁଡ଼ଥ୍, ଇବେନ୍ନୁ ରୁଣ୍ଡି କାଣ୍ଡେଙ୍ଗ୍ ମାନେ ।” ମାରି, ଜିସୁ ଝାରିଙ୍ଗ୍ ଇରଥାନ, ରୁଣ୍ଡି କାଣ୍ଡେଙ୍ଗ୍ ନାଣ୍ଡି ।

ଜିତ ଗରନ୍ତୁ ଜିସୁଦି ପାରତନା

(ମାତିଉ ୨୬:୩୭-୪୬; ମାର୍କ ୧୪:୩୨-୪୨)

୩୯ ଜିସୁ ଗାଡ଼ତାନ୍ ସୋତା ସୋର୍ଥାନନୋ ନିଜେଦି ଦିନକେରିଝାଜା ଜିତ ଗରନ୍ ମୁସ୍ତୁ ସୋର୍ଥାନ, ମାରି ସିସୁର୍ ବା ଝାନି ଝାଲେ ଝାଲେ ସୋର୍ହାର୍ ।

୪୦ ଆୟା ବାଡିଦୁ ଇତାର୍ରେୋ ଜିସୁ ସିସୁରିଙ୍ଗ୍ ଇରଥାନ, “ପରିକାଦୁ ଏଣ୍ଡେସ୍ ଆର୍ଇଦେର୍, ଆୟାଉଣ୍ଡିଙ୍ଗ୍ ପାରତନା କିଦୁ ।”

୪୧ ମାରି, ଝାନ୍ ଝାରିମାଣ୍ଡୁ କାଣ୍ଡେକ୍ ଆକ ସୋର୍ଥାନନୋ ମେଣ୍ଡେଙ୍ଗ୍ ଗୋଟ୍ କିଜି ପାରତନା କିଦେଙ୍ଗ୍ ଆସ୍ତାନ୍ ।

୪୨ ଏ ବୁବା, ଜଦି ନି ବଦା ମାନାତ୍, ଆୟା ଦୁଃକ୍ ନି କାସ୍ତୁଦି ସାଟି ଆକ କିଆ; ଆରିଙ୍ଗ୍ ନା ବଦା ସିଲେ, ମାତର୍ ନି ବଦା ସଡ଼ ଆପିଡ୍ ।

୪୩ ମାରି, ମୁସ୍ତୁପୁରତାନ୍ ଅରେନ୍ ଦୁଡ଼ ଦର୍ସନ୍ ସିଜି ଝାନିଙ୍ଗ୍ ସାକ୍ତି ସିତାଡ଼ ।

୪୪ ମାରି, ଜିସୁ ନାଣ୍ଡି ଦୁଃକ୍ ଆଜି ଉଣ୍ଡି ମନ୍ତାନ୍ ପାରତନା କିଦେଙ୍ଗ୍ ଅତାନ୍ ମାରି ଝାନି ରୁନ୍ନୁ ନେତେର୍ ଟିପା ଝାଜା ବୁମିଦୁ ଝାଙ୍ଗ୍ ତାଡ଼ ।

୪୫ ମାରି, ଝାନ୍ ପାରତନା କିନିମାଣାନ୍ ନିଙ୍ଗ୍ ଜି ସିସୁରି ଲାକ୍ତୁ ଝାଜି ଝାରିଙ୍ଗ୍ ଦୁଃକ୍ ଉଣ୍ଡିଙ୍ଗ୍ ସୁଜ୍ନିକା ସୁଡ଼ତାନ୍;

୪୬ ମାରି, ଜିସୁ ଝାରିଙ୍ଗ୍ ଇରଥାନ, “ଏୟା ସୁଜ୍ନିନିଦେର୍ ? ପରିକାଦୁ ଏଣ୍ଡେସ୍ ଆର୍ଇଦେର୍, ଆୟା ଉଣ୍ଡିଙ୍ଗ୍ ନିଙ୍ଗ୍ଜ ପାରତନା କିଦୁ ।”

ଜିସୁ ସାତୁରି କିୟୁଦୁ ସରପେ ଆତାନ୍

(ମାତିଉ ୨୬:୪୭-୫୬; ମାର୍କ ୧୪:୪୩-୫୦; ଜୋହନ ୧୮:୩-୧୧)

୪୭ ଜିସୁ ଝାରିନିଝାଲେ, ସୁଡ଼ଦୁ, ଲୋକ୍ତୁ ଝିଜେରେ ଝାଜି ଉଣ୍ଡାତାର୍, ମାରି ବାରଲୋକ୍ ସିସୁରି ଲୋଇରାନ୍ ଜିହୁଦା ଦରଡି ଅରେନ୍ ଝାରି ଆଗ୍ଡି ଆଗ୍ଡି ଝାଜି ଜିସୁଙ୍ଗ୍ ନଣ୍ଡୁଦେଙ୍ଗ୍ ଇଜି ଝାନି ଲାକ୍ତୁ ସରଥାନ ।

୪୮ ମାତର୍ ଜିସୁ ଜିହୁଦେଙ୍ଗ୍ ଇରଥାନ, “ଏ ଜିହୁଦା, ମନ୍ଦୁସ୍ୟପୁଡ଼ଦିଙ୍ଗ୍ ନଣ୍ଡୁଜି ନୋ ସାତୁରି କିୟୁଦୁ ସରପେ କିଜି ସିଜିନି ?”

୪୯ ଇବେଟ୍ ଇନିକା ଆନାତ୍, ଆକା ସୁଡ଼ଜି ଝାନି ତଡ଼ଜୁ ଇର୍ହାର୍, “ପ୍ରବୁ, ମାପ୍ ଇନିକା କାଣ୍ଡାଦାନ୍ କାଡ଼ନାପ୍ ?”

୫୦ ମାରି, ଝାରି ଲୋଇ ଅରେନ୍ ଝିଜେରିଙ୍ଗ୍ପେରି ଜାଜକ୍ତିମାନୁ ପାଣିକିନି ଗତିମୁରୁଲିଦି ଉଣେରି ଗିତଣି କୟାତା ପୋକ୍ତାନ୍ ।

୫୧ ମାତର୍ ଜିସୁ ଇରଥାନ, “ନିସନେ ଆନାତ୍ଲେ; ମାରି, ଝାନ୍ ଝାନି ଗିତଣି ମୁର୍ସି ଝାନିଙ୍ଗ୍ ନେଗେଣ୍ଡୁ କିତାନ୍ ।”

୫୨ ମାରି, ଜିସୁ ଝାନି ବିରଦ୍ତାନ୍ ଝାଡି ମାରଇ ପେରି ଜାଜକ୍, ମନ୍ଦିର୍ଡି ପେରି ପେରିକାର୍ ମାରି ପେରି ଡକ୍ତାରିଙ୍ଗ୍ ଇରଥାନ, “ଡକ୍ତାର୍ଏନ୍ ବିରଦ୍ତାନ୍ ସନିଝାନିଝାଜା କାଣ୍ଡା ନି ତୁଡୁ ଆସ୍ସି ମିର୍ ଇନିକା ସଡିଝାଡିଦେର୍ ?

୫୩ ☆ନାନ ଦିନାମି ମିଝାଲେ ମନ୍ଦିର୍ଡୁ ମାନିଝାଲେ ମିର୍ ନା ବିରଦ୍ତାନ୍ କିୟୁ ପେର୍ଇଡିଦେର୍, ମାତର୍ ଇକା ମି ସମୟ ମାରି ସିକାଟିଦି ସାସନ୍ ।”

ପିତର୍ ଜିସୁଙ୍ଗ୍ ନେସେଏ ଇରଥାନ

(ମାତିଉ ୨୬:୫୭-୫୮, ୬୯-୭୫; ମାର୍କ ୧୪:୫୩-୫୪, ୬୭-୭୨; ଜୋହନ ୧୮:୧୨-୧୮, ୨୫-୨୭)

୫୪ ଝେନକା ଝାର୍ ଜିସୁଙ୍ଗ୍ ଆସ୍ସି ଅସି ଝିଜେରିଙ୍ଗ୍ପେରି ଜାଜକ୍ରି ଇଲ୍ଡୁ ତାତାର୍; ମାତର୍ ପିତର୍ ଆକ ତେବାଜି ଝେନକା ଝେନକା ସରଥାନ ।

୫୫ ମାରି, ଝାର୍ ଦୁଆର୍ଡି ନାଡ଼ମି ସିସୁ କାସିସକିଜି ଉଣ୍ଡେ ମାନୁ ବାସ୍ତାର୍, ପିତର୍ ଝାରିମାନୁ ବାସ୍ତା ମାରଥାନ ।

୫୬ ଅରେଡ୍ ପାଣି କିନି ଆଇମା ପିତର୍ଡିଙ୍ଗ୍ ସିସୁ ଲାକ୍ତୁ ବାସ୍ତିମାରଇକା ସୁଡ଼ଜି ଇର୍ହାର୍, “ଇକାନ୍ ବା ଜିସୁଝାଲେ ମାରଥାନ ।”

☆ ୨୨:୩୫ ମାତିଉ ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪. ☆ ୨୨:୫୩ ଲୁକ ୧୯:୪୭; ୨୧:୩୭.

୫୭ ମାତର ପିତର ଇୟା ମାଟାଦିଙ୍କ ସିଲେଇଜି ଇରୁଆନ୍, “ଏ ଆଇମା, ନାନ୍ ଖାନିଙ୍ଗ୍ ନେସେଏ ।”

୫୮ ଏସୋ ସମୟ ଖେନକା ମାରି ଅରେନ୍ ଖାନିଙ୍ଗ୍ ସୁଡ଼ୁଲୁ ଇରୁଆନ୍, “ନିନ୍ ବା ଜିସୁଖାଲେ ମାରୁଇ ଲୋକା ଲୋଇ ଅରେନ୍ ।” ମାତର ପିତର ଇରୁଆନ୍, “ସିଲେ, ତଡ଼ାନ୍, ନାନ୍ ନେସେଏ ।”

୫୯ ମାରି ଗଣ୍ଡା ଖେନକା ମାରି ଅରେନ୍ ପୁରା ନେସି ଇନ୍ତ୍ରେଙ୍ଗ୍ ଆସ୍ତାନ୍, “ଇକାନ୍ ବା ସତେନେ ଖାନିଖାଲେ ମାରୁଆନ୍, ଇରିଙ୍ଗ୍ ଖାନ୍ ତୋ ଗାଲିଲିଦି ଲୋକୁ ।”

୬୦ ମାତର ପିତର ଇରୁଆନ୍, “ତଡ଼ାନ୍, ନିନ୍ ଆମାକା ଇଜିନି, ନାନ୍ ଆକା ନେସେଏ ।” ଆୟାଦାପ୍ରେ ଖାନ୍ ମାଟା ଇନ୍ତ୍ରେ ଇନ୍ତ୍ରେ କରୁ କେଡ଼ିତାଡ଼ ।

୬୧ ମାରି ପ୍ରବୁ ଡ୍ରେସି ମାରଜି ପିତରତିଙ୍ଗ୍ ସୁଡ଼ୁତ୍ତାନ୍; “ଆବେଟ୍ ନେଟ୍ କରୁ କେଡ଼ିନି ଆଗଡ଼ିନେ ନିନ୍ ନାଙ୍ଗ୍ ମୁଜା ନେସେଏ ଇଜି ଇନି, ଇୟା ଆମା ମାଟା ପ୍ରବୁ ପିତରତିଙ୍ଗ୍ ଇରୁଆମାରୁଆନ୍,”

୬୨ ଆକା ପିତର ଖାନି ମୋନ୍ତୁ ଏଡ଼କିତାନ୍, ମାରି ଖାନ୍ ଆଡ଼ରେ ସଲ୍ସି ନାଣ୍ଡ ଦୁଃକ୍ତାନ୍ ଆଡ଼ବାତାନ୍ ।

ଜିସୁଙ୍ଗ୍ ସେମାର କିତାର ମାରି ତାକ୍ତାର

(ମାତିଉ ୨୨:୨୭-୨୮; ମାର୍କ ୧୪:୨୫)

୬୩ ମାରି, ଏମେ ଲୋକ୍ ଜିସୁଙ୍ଗ୍ ଆସ୍ତା ଇଟାମାରୁଆର୍, ଖାର୍ ଖାନିଙ୍ଗ୍ ତାକ୍ସି ତାକ୍ସି ସେମାର କିତାର,

୬୪ ମାରି ଖାନି ମୋକମି ପାଗା କେଟ୍ପସି ଖାନିଙ୍ଗ୍ ଖେନ୍ବାତାର, ନିନ୍ ପରା ବାବବାଦି ! ଇନ୍ଆଁ ତୋ, ଏନ୍ ନିଙ୍ଗ୍ ତାକ୍ତାର ?

୬୫ ମାରି, ଖାର୍ ନାଣ୍ଡ ମାଟେଙ୍ଗ୍ ଖାନି ବିରଦ୍ତାନ୍ ଇଜି ଖାନିଙ୍ଗ୍ ନିନ୍ଦା କିଦେଙ୍ଗ୍ ଆସ୍ତାର ।

ଜିସୁଙ୍ଗ୍ ପେରି ମିଟିଙ୍ଗ୍ ତାତାର

(ମାତିଉ ୨୨:୫୯-୬୬; ମାର୍କ ୧୪:୫୫-୬୪; ଜୋହନ ୧୮:୧୯-୨୪)

୬୬ ସାଲ୍ଦି ଆଡିଦାପ୍ରେ ଲୋକା ପେରିଡକ୍ତାର, ମାରି ପେରି ଜାଜକରୁ ମାରି ସାସ୍ତ୍ରୁ ଉଣ୍ଡାଜି ତାମେ ପେରି ଲୋକାମିଟିଙ୍ଗ୍ ଜିସୁଙ୍ଗ୍ ଅସି ଇର୍ହାର, “ନିନ୍ ଜଦି କ୍ରିସ୍ତ, ଆରିଙ୍ଗ୍ ମାଙ୍ଗ୍ ଇନ୍ଆଁ ।”

୬୭ ଖାର୍ ଇର୍ହାର, “ମାଙ୍ଗ୍ ଇନ୍ଆଁ, ନିନ୍ ଇନିକା ମସିହ ?” ଖାନ୍ ଖାରିଙ୍ଗ୍ ଇରୁଆନ୍, “ନାନ୍ ଜଦି ମିଙ୍ଗ୍ ଇନା, ମିର୍ ତୋ ବିସବାସ୍ କିଦେଟ୍;

୬୮ ମାରି, ନାନ୍ ଜଦି ପ୍ରସ୍ତ ଖେନ୍ବାନା, ମିର୍ ଖେରଇଦେଟ୍ ।

୬୯ ମାତର ଇଲେଇରାନ୍ ମନୁସ୍ୟପୁତ୍ର ପେରି ସାକ୍ତିଦି ମାପୁରୁଦି ରାଜାଗାଦିଦି ଉଣେରି ତରିନ୍ ବାସ୍ନାନ୍ ।”

୭୦ ଆବେଟ୍ ଖିଜେରେ ଖେନ୍ବାତାର, “ଆରିଙ୍ଗ୍ ନିନ୍ ଇନିକା ମାପୁରୁଦି ମାରିନ୍ ?” ଜିସୁ ଖାରିଙ୍ଗ୍ ଇରୁଆନ୍, “ନାନ୍ ଆକାନେ ଇଜି ମିର୍ ଇଜିନିଦେଟ୍ ।”

୭୧ ଆବେଟ୍ ଖାର୍ ଇର୍ହାର, “ଆରିଙ୍ଗ୍ ମାଙ୍ଗ୍ ସାକି ମାରି ଏନ୍ଦା ଦରକାର ? ମାଡ଼ ତୋ ନିଜେନିଜେ ଖାନି ନିଜେଦି ଖେୟୁଦାନ୍ ଖେରିକା ।”

୨୩

ଜିସୁଙ୍ଗ୍ ପିଲାଡ଼ ରାଜାଦି ଆଗଡ଼ି ତାତାର

(ମାତିଉ ୨୨:୧-୨, ୧୧-୧୪; ମାର୍କ ୧୫:୧-୫)

୧ ଖେନକା କୁଟୁମ୍ବି ଖିଜେରେ ଲୋକୁ ନିଙ୍ଗ୍ ତାରୋ ପିଲାଡ଼ ରାଜାମାନୁ ଜିସୁଙ୍ଗ୍ ଅତାର ।

୨ ମାରି, ଖାର୍ ଖାନି ବିରଦ୍ତାନ୍ ଦୋସ୍ କିଜି ଇନ୍ତ୍ରେଙ୍ଗ୍ ଆସ୍ତାର, “ମାପ୍ ସୁଡ଼ୁତ୍ତାପ୍, ଇକାନ୍ ମା ଲୋକାଙ୍ଗ୍ ରାଜାଦି ବିରଦ୍ କିବିସକିଜିନାନ୍ ମାରି କାଈସର୍ ରାଜେଙ୍ଗ୍ ସିସ୍ତୁ ସିଦେଙ୍ଗ୍ ତେବା କିଜିନାନ୍ ମାରି ନିଜେଦିଙ୍ଗ୍ କ୍ରିସ୍ତ ରାଜା ଇଜିନାନ୍ ।”

୩ ଆବେଟ୍ ପିଲାଡ଼ରାଜା ଖାନିଙ୍ଗ୍ ଖେନ୍ବାତାନ୍, “ନିନ୍ ନୋ ଜିହୁଦି ଲୋକ୍ତି ରାଜା ?” ଖାନ୍ ଖାନିଙ୍ଗ୍ ଇରୁଆନ୍, ନିନ୍ ଇଜିନି ।

୪ ଆବେଟ୍ ପିଲାଡ଼ ରାଜା ପେରି ଜାଜକରିଙ୍ଗ୍ ମାରି ଲୋକାଙ୍ଗ୍ ଇରୁଆନ୍, “ନାନ୍ ଇୟାଖାନିମାନୁ ଇନି ଦୋସ୍ ପୟ୍ଏଜିନା ।”

୫ ମାତର ଖାର୍ ମାରି ନାଣ୍ଡଦାନ୍ ନାଣ୍ଡ ଇନ୍ତ୍ରେଙ୍ଗ୍ ଆସ୍ତାର, “ଇକାନ୍ ଖିଜୁ ଜିହୁଦା ଦେସ୍ତୁ ସିକିୟା ସିଜି ଗାଲିଲିଦାନ୍ ଆରାମ୍ କିଜି ଇବେବା ଲୋକାଙ୍ଗ୍ ବାୟା କିଜିନାନ୍ ।”

ଜିସୁଙ୍ଗ୍ ହେରୋଦମାନୁ ଅତାର

୬ ମାତର ପିଲାଡ଼ ରାଜା ଇକା ଖେନଜି ଖେନ୍ବାତାନ୍, “ଇୟା ଲୋକୁ ଇନିକା ଅରେନ୍ ଗାଲିଲିଦିକାନ୍ ?”

୭ ମାରି, ଖାନ୍ ଜେ ହେରୋଦ୍ ରାଜାଦି ଅଦିକାରତାନ୍ ମାନାନ୍, ଇକା ନେସ୍ସି ଖାନ୍ ଜିସୁଙ୍କୁଁ ହେରୋଦ୍ ଲାକ୍ତୁ ପୋକ୍ତାନ୍, ଖାନ୍ ବା ଆୟାଖାଲେ ଜିରୁସାଲମତୁ ମାର୍ଥାନ୍ ।

୮ ହେରୋଦ୍ ରାଜା ଜିସୁଙ୍କୁଁ ସୁତୁକୁଁ ନାଶ୍ଟି ଖେଡ଼ିକା ଆତାନ୍, ଇରିଙ୍ଗ୍ ଖାନ୍ ଜିସୁଦି ବିସୟତାନ୍ ଖେରୁଆମାର୍ଥାନ୍ ଆକା ଖାନିଙ୍ଗ୍ ଏସୋ କାଡ଼ାଦାନ୍ ସୁତୁଦେଙ୍ଗ୍ ବଦାକିଜିମାର୍ଥାନ୍, ମାରି ଜିସୁ ମାଣାନ୍ ଉଣ୍ଡି_ କାବାଆନି ପାଣି ସୁତୁଦେଙ୍ଗ୍ ଆସାକିଜିମାର୍ଥାନ୍ ।

୯ ଆଦେଙ୍ଗ୍ ହେରୋଦ୍ ରାଜା ଜିସୁଙ୍କୁଁ ଏସୋ ମାଟେଙ୍ଗ୍ ଖେନ୍ବାଦେଙ୍ଗ୍ ଆସ୍ତାନ୍, ମାତର୍ ଖାନ୍ ଖାନିଙ୍ଗ୍ ଉଣ୍ଡି_ ମାଟା ବା ଇନ୍ଏତାନ୍ ।

୧୦ ମାରି, ପେରି ଜାଜକର୍ ମାରି ସାସ୍ତ୍ରର୍ ନିର୍ଆରୋ ଖାନି ବିରଦ୍ତାନ୍ ଦୋସ୍ କିଦେଙ୍ଗ୍ ଆସ୍ତାର୍ ।

୧୧ ମାରି, ହେରୋଦ୍ ନିଜେଦି ସୈନ୍ୟରି ଖାଲେ ଖାନିଙ୍ଗ୍ ସେମାର୍ କିଜି ସେମାର୍ କିନି ରାଜାରି ଆଙ୍ଗ୍ ଆରିସ୍ କିଡ଼ାରୋ ପିଲାଡ଼ଦି ଲାକ୍ତୁ ମାରିଡ଼େସି ପୋକ୍ତାର୍ ।

୧୨ ଆୟା ନାଶ୍ଟିଙ୍ଗ୍ ହେରୋଦ୍ ମାରି ପିଲାଡ଼ ମିସାବିଡ଼ାଜି ସଙ୍ଗ୍ ଆତାର୍; ଆଗିଡ଼ି ଖାର୍ ନିଜେ ନିଜେଦି ମାନୁ ସାତୁରୁ ମାର୍ଥାନ୍ ।

ଜିସୁଙ୍କୁଁ ସାନିଦଶୁ ସିତାର୍

(ମାତିଉ ୨୭:୧୫-୨୬; ମାର୍କ ୧୫:୬-୧୫; ଜୋହନ ୧୮:୩୯; ୧୯:୧୬)

୧୩ ତାନେଖେନ୍କା ପିଲାଡ଼ ପେରି ଜାଜକରିଙ୍ଗ୍, ପେରି ଖାରିଙ୍ଗ୍ ମାରି ଖିଜୁ ଲୋକାଙ୍ଗ୍ ଉଣ୍ଡେ_ ମାନୁ କୁକ୍ସି ଖାନ୍ ଖାରିଙ୍ଗ୍ ଇର୍ଥାନ୍,

୧୪ “ଇୟା ଲୋକାଙ୍ଗ୍ ସେଇପାଣି କିବିସ୍ତକିଜିନାନ୍ ଇଜି ମିର୍ ଖେନିଙ୍ଗ୍ ମା ଲାକ୍ତୁ ତାଡ଼ିମାନିଦେର୍; ମାରି ସୁତୁଦୁ, ମାପ୍ ମି ଆଗିଡ଼ିନେ ଖେନିଙ୍ଗ୍ ଖେନ୍ବାତାମାନା, ଖାନି ବିରଦ୍ତାନ୍ ମିର୍ ଆମାକାଖିଜୁ ଇଜିନିଦେର୍, ଆୟାଖାଜା ଇନି ସେଇପାଣି ଖେନିମାନୁ ପୟ୍ଏ ।

୧୫ ହେରୋଦ୍ ବା ଖାନି ସେଇପାଣି ପୟ୍ଏ, ମାତର୍ ହେରୋଦ୍ ଜିସୁଙ୍କୁଁ ମା ଲାକ୍ତୁ ମାରି ପୋକ୍ତାତାନ୍; ମାରି ସୁତୁଦୁ, ଇୟା ଲୋକ୍ ସାନିଦଶୁ ଜଗ୍ ଇନି ପାଣିବା କିଏନ୍;

୧୬ ମାରି ମାପ୍ ଖେନିଙ୍ଗ୍ ସାସ୍ତ୍ର ସିଡ଼ିଖେନ୍କାନେ ଡ଼ିସ୍ନାପ୍ ।

୧୭ ପଶୁୟତି ସମୟତୁ ଖାରି ଉଣ୍ଡିଙ୍ଗ୍ ଖାନିଙ୍ଗ୍ ଅରେନ୍ ଜଇଲ୍ତୁ ମାନି ଖାନିଙ୍ଗ୍ ଡ଼ିସିସ୍ କିଦେଙ୍ଗ୍ ଆଜିମାର୍ହାଡ଼ ।”

୧୮ ମାତର୍ ଖାର୍ ଖିଜେରେ ଅର୍ସେ ଆଉଲି ଆଜି ଇର୍ହାର୍, “ଖେନିଙ୍ଗ୍ ସାୟାମାରାଗ୍ ଡାକ୍ତୁ, ମା ଉଣ୍ଡିଙ୍ଗ୍ ବାରକାଦିଙ୍ଗ୍ ଡ଼ିସ୍ତୁ ।”

୧୯ ଇୟା ବାରକା ଗାଡ଼ତୁ ଗଗାଡ଼ିମାନି ଜୁଦ୍ ଆରାମ୍ କିଡ଼ିମାନି ଉଣ୍ଡିଙ୍ଗ୍ ମାରି ଏସ ଲୋକାଙ୍ଗ୍ ସାୟାମାର୍ଗା ଡାକ୍ତିମାନି ଉଣ୍ଡିଙ୍ଗ୍ ଜଇଲ୍ତୁ ତେବାତା ମାର୍ଥାନ୍ ।

୨୦ ମାତର୍ ପିଲାଡ଼ ଜିସୁଙ୍କୁଁ ଡ଼ିସିସି କିଦେଙ୍ଗ୍ ବଦାକିତାନ୍ନୋ ଖାରିଙ୍ଗ୍ ମାରିଡ଼େସି ବୁଜାକିତାନ୍ ।

୨୧ ଇରିଙ୍ଗ୍ ଖାର୍ ନାଶ୍ଟି ଆଉଲି ଆଜି ଇଣ୍ଡେ_ଙ୍ଗ୍ ଆସ୍ତାର୍, “ଖାନିଙ୍ଗ୍ କୁସକାଟ୍ତୁ ଏକିସ୍କିଦୁ, କୁସକାଟ୍ତୁ ଏକିସ୍କିଦୁ ।”

୨୨ ମାରି, ପିଲାଡ଼ ଖାରିଙ୍ଗ୍ ମୁଣ୍ଡି_ ଦେବେଙ୍ଗ୍ ଇର୍ଥାନ୍, “ଏକ୍ସା, ଖାନ୍ ଇନିକା ଦସ୍ କିତାମାନାନ୍ ? ମାପ୍ ଖାନିମାନୁ ସାନିଦଶୁତି ଇନି ଦସ୍ବା ପୟ୍ଏପ୍; ମାରି, ମାଡ଼ ଖାନିଙ୍ଗ୍ ସାସ୍ତ୍ର ସିନାଡ଼ ଡ଼ିସ୍ନାଟ୍ ।”

୨୩ ମାତର୍ ଖାନ୍ କୁସକାଟ୍ତୁ ଏକିସ୍କିଦୁ ଇଜି ଦାବି କିଜି ଖାର୍ ପେରି ଖେୟୁଦାନ୍ ଜିଦ୍ କିଦେଙ୍ଗ୍ ଆସ୍ତାର୍, ମାରି ଖାରି ଆଉଲିଦାନ୍ ପୁରା ଆତାଡ଼ ।

୨୪ ମାରି, ଖାରି ଦାବି କିଡ଼ି ଇସାବ୍ତାନ୍ ଆପିଡ଼ ଇଜି ପିଲାଡ଼ ଆଦେସ୍ ସିତାନ୍ ।

୨୫ ମାତର୍ ଜୁଦ୍ ମାରି ଲୋକାଙ୍ଗ୍ ସାୟାମାର୍ଗା ଡାକ୍ତି ଉଣ୍ଡିଙ୍ଗ୍ ଜଇଲ୍ତୁ ଇର୍ଡ଼ିମାନି ଏମେ ଲୋକ୍ତି ଉଣ୍ଡିଙ୍ଗ୍ ଖାର୍ ଦାବି କିତାମାଆର୍, ଆୟା ବାରକାବେଙ୍ଗ୍ ପିଲାଡ଼ ଡ଼ିସ୍ତାନ୍, ମାରି ପିଲାଡ଼ ଜିସୁଙ୍କୁଁ ସାୟାମାର୍ଗା ଡାକ୍ତେଙ୍ଗ୍ ଇଜି ଲୋକା ବଦାଦାନ୍ କିୟୁଦୁ ସର୍ପେ କିତା ସିତାନ୍ ।

ଜିସୁଙ୍କୁଁ କୁସକାଟ୍ତୁ ଏକିସ୍ତାର୍

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜୋହନ ୧୯:୧୭-୨୭)

୨୬ ସନ୍ୟର୍ ଜିସୁଙ୍କୁଁ ଆସ୍ତାରୋ ସନିଖାଲେ ଇସି ନାର୍ତାନ୍ ଗାଡ଼ତୁ ଖାଜିମାନି ସିମୋନ ଦର୍ଡ଼ି ଅରେନ୍ କୁରିଣି ଗାଡ଼ତି ଲୋକ୍ତିଙ୍ଗ୍ ଆସ୍ତାରୋ ଜିସୁଦି ଖେନ୍କା ଖେନ୍କା କୁସକାଟ୍ ପିଡ଼ିଦେଙ୍ଗ୍ ଇଜି ସିମୋନତି ମେପିଦୁ ଆକା ଇର୍ଡ଼ାଟ୍ ।

୨୭ ମାରି, ଲୋକାଙ୍ଗ୍ ମାରି ଖାନି ଉଣ୍ଡିଙ୍ଗ୍ ଦୁଃକ୍ କିଜି ବକାଦୁ କତାଜି ଆଡ଼ବାଜି ମାନି ଆଇମେକ୍ ନାଶ୍ଟି ଲୋକ୍ ଜିସୁ ଖେନ୍କା ଖେନ୍କା ସୋଲ୍ସିମାର୍ଏ ।

୨୮ ମାତର୍ ଜିସୁ ଆଇମେକା ତରିଶୁ ମାର୍ଜିବେସତାନ୍ନୋ ଇର୍ଥାନ୍, “ଏ ଜିରୁସାଲମତି ଆଇମେକ୍, ନା ଉଣ୍ଡିଙ୍ଗ୍ ଆଡ଼ବାମାର୍, ମାରି ମିର୍ ନିଜେ ନିଜେଦି ଉଣ୍ଡିଙ୍ଗ୍ ମାରି ନିଜେ ନିଜେଦି କଡ଼ରିଙ୍ଗ୍ ଉଣ୍ଡିଙ୍ଗ୍ ଆଡ଼ବାଦୁ;

୨୯ ମାତର ସୁତୁ, ଏମେ ଆଇମେକ୍ ବାଞ୍ଜି, ମାରି ଏମେ ଆଇମେକ୍ ଏସକାଙ୍ଗବା ପୋଟାଦୁ ଆଉ ମାରି ପାଲ୍ ଉଟ୍ତ, ଖାନିକାଙ୍ଗ ଲୋକୁ ଏସିଞ୍ଜାଲେ ଦନ୍ୟ ଦନ୍ୟ ଇଜି ଇନାର୍, ଇୟାଞ୍ଜାତା ସମୟ ଖାନିନାଡ୍ ।

୩୦ ✠ନାସିଞ୍ଜାଲେ ଲୋକୁ ଗରକାଙ୍ଗ ଇଣ୍ଡେ_ଙ୍ଗ ଆସନାର୍, ମା ମୁସକୁ ଆରଥା, ମାରି ଇସିଗରକାଙ୍ଗ ଇଣ୍ଡେ_ଙ୍ଗ ଆସନାର୍, ମାଙ୍ଗ୍ ପିଡ଼ିକ୍ଥା ।

୩୧ ମାତର ଲୋକୁ ଜଦି ଜିବନ୍ମାନି ମାରାନ୍ ଉଣ୍ଡିଙ୍ଗ ଇକା କିନାର୍, ଆଦେଙ୍ଗ୍ ଖାରତି ମାରାନ୍ ଉଣ୍ଡିଙ୍ଗ ଇନିକା ଗଟେଆଏଡ୍ ?”

୩୨ ମାରି, ଜିସୁଦି ଖାଲେ ସାନିଦଣ୍ଡ ସିଦେଙ୍ଗ୍ ଇଜି ମାରି ରିଏର୍ ତଙ୍ଗାରିଙ୍ଗ୍ ବା ଖାନି ଖାଲେ ଅସିମାର୍ହାର୍ ।

୩୩ ମାରି, ଖାର କାପାଲ୍ ନାନି ଦରତି ବାଡ଼ିଦୁ ଇତାରୋ ଆବେନ୍ ସେନ୍ୟର୍ ଜିସୁଙ୍ଗ୍ କୁସକାଟ୍ତୁ ଏକିସକିତାର୍, ମାରି ତଙ୍ଗାରିଙ୍ଗ୍ ରିଏରି ମାଣ୍କୁ ଅରେନ୍ ଖାନିଙ୍ଗ୍ ଉଣିକିୟୁ ତରିନ୍ ମାରି ଆଇଖାନିଙ୍ଗ୍ ଡେବିରି କିୟୁ ତରିନ୍ କୁସକାଟ୍ତୁ ଏକିସକିତାର୍ ।

୩୪ ନାସିଞ୍ଜାଲେ ଜିସୁ ଇର୍ହାନ୍, “ଏ ବୁବା, ଖେରିଙ୍ଗ୍ କେମା କିଆ, ଇରିଙ୍ଗ୍ ଇକାର୍ ଇନିକା କିଜିନାର୍, ଆକା ଖାର୍ ନେସ୍ଏର୍ ।” ମାରି, ଖାର୍ ଖାନି ଆଙ୍ଗ୍ ଖିନ୍ଦୁ ବାଗ୍ କିନି ଉଣ୍ଡିଙ୍ଗ୍ କୁଡ଼କୁଡ଼ି କିତାର୍ ।

୩୫ ମାରି, ଲୋକୁ ନିରଥାରୋ ଜିସୁଙ୍ଗ୍ ସୁଡ଼ଜି ମାର୍ହାର୍ । ମାରି, ଜିସୁଦି ନେତାର୍ ବା ଖାନିଙ୍ଗ୍ ସେମାର୍ କିଜି ଇଣ୍ଡେ_ଙ୍ଗ୍ ଆସତାର୍, ଖାନ୍ ଆଇଖାରିଙ୍ଗ୍ ରକିୟା କିତାନ୍, ଖାନ୍ ଜଦି ମାପୁରୁଙ୍ଗ୍ ବାସେକିତି କ୍ରସ୍ତ, ସିଲିତିଙ୍ଗ୍ ନିଜେଦିଙ୍ଗ୍ ରକିୟା କିପିନ୍ ।

୩୬ ମାରି, ସେନ୍ୟର୍ ବା ଜିସୁ ଲାକ୍ତୁ ଖାଜି ସୋଇନିରସ ଜାସେ କିଜି ଖାନିଙ୍ଗ୍ ସେମାର୍ କିଜି ଇର୍ହାର୍,

୩୭ ନିନ୍ ଜଦି ଜିସୁଦିର ରାଜା, “ଆଦେଙ୍ଗ୍ ନିଜେଦିଙ୍ଗ୍ ରକିୟା କିଆ ।”

୩୮ ମାରି, ଖାନି ମୁସକୁ ଇୟାଞ୍ଜାତା ରାସ୍ତିକା ବା ମାର୍ହାଡ୍, “ଇକାନ୍ ଜିସୁଦିର ରାଜା ।”

୩୯ ମାରି, କୁସକାଟ୍ତୁ ଏକିସକିତିମାନି ତଙ୍ଗାରି ମାଣ୍କୁ ଅରେନ୍ ଜିସୁଙ୍ଗ୍ ନିଦା କିଜି ଇଣ୍ଡେ_ଙ୍ଗ୍ ଆସତାନ୍, “ନିନ୍ ଇନିକା କ୍ରସ୍ତ ଆଇନୋ ? ନିଜେଦିଙ୍ଗ୍ ନି ମାଙ୍ଗ୍ ରକିୟା କିଆ ।”

୪୦ ମାତର ମାରି ଅରେନ୍ ଖାନିଙ୍ଗ୍ ଆଦ୍ରିସ୍ କିଜି ଇର୍ହାନ୍, “ନିନ୍ ସାମାନ୍ ଦଣ୍ଡ ତୋ ପଇଜିନି, ନିନ୍ ମାପୁରୁଙ୍ଗ୍ ଇନିକା ଡିଲାଈଜିନି ନୋ ?

୪୧ ମାରି, ମାଡ୍ ଗିଦେ ନିୟାଈସାବତାନ୍ ଦଣ୍ଡ ବୋଗାଜିନିକା, ଇରିଙ୍ଗ୍ ମାଡ୍ ନିଜେ ନିଜେଦି କାର୍ମୁଦି ଦସ୍ ପଲ୍ ପୋଇଜିନିକା, ମାତର ଇୟା ଲୋକୁ ଇନି ଦୋସ୍ବା କିଏନ୍ ।”

୪୨ ତାନେଞ୍ଜେନ୍କା ଆୟା ତଙ୍ଗାରେଏନ୍ ଜିସୁଙ୍ଗ୍ ଇର୍ହାନ୍, “ଏ ଜିସୁ ନିନ୍ ନିଜେଦି ରାଜିଦୁ ସୋରରିଙ୍ଗ୍ ନାଙ୍ଗ୍ ଏଡ୍ କିଆ ।”

୪୩ ଆବେଟ୍ ଜିସୁ ଖାନିଙ୍ଗ୍ ଇର୍ହାନ୍, “ନାନ୍ ନିଙ୍ଗ୍ ସଡ୍ ଖେର୍ସିନା, ନେରୁ ନିନ୍ ନା ଖାଲେ ମୁସକୁପୁର୍ ସନି ।”

ଜିସୁ ସାତାନ୍

(ମାତିଉ ୨୭:୪୫-୫୨; ମାର୍କ ୧୫:୩୩-୪୧; ଜୋହନ ୧୯:୨୮-୩୦)

୪୪ ନାସିଞ୍ଜାଲେ ପୁରା ବାର୍ ଗଣ୍ଡା ସମୟ ଆତାମାର୍ହାଡ୍, ମାରି, ଖେଡାଦି ଜାୟ୍ ସିଲେଣ୍ଡ ଆତାଡ୍ଆକା ମୁନ୍ଡି ଗଣ୍ଡା ସାନ୍ଧି ପୂତିବି ଖିନ୍ଦୁ ସିକାଟି ଆତାସୋର୍ହାଡ୍ ।

୪୫ ମାରି ମନ୍ଦିରତି ପବିତ୍ର ବାଡିଦିଙ୍ଗ୍ ଏର୍ପିସିମାନି ଦୁଙ୍ଗୁନି ପାରଦା ମୁସକୁରାନ୍ ଆଡ୍ଗି ସାନ୍ଧି କିଜି ରୁଣ୍ଡି ମୋକେଙ୍ଗ୍ ଆତାଡ୍ ।

୪୬ ମାରି, ଜିସୁ ନାଣ୍ଡ ଆଉଲି ଆଜି ଡେସି ଇର୍ହାନ୍, “ଏ ବୁବା, ନି କିୟୁଦୁ ନାନ୍ ନିଜେଦି ଆମ୍ବା ସପ୍ରେ କିଜିନା ।” ଇକା ଇନ୍ଞି ଖାନ୍ ସାତା ସୋର୍ହାନ୍ ।

୪୭ ସତସେନାପତି ଇୟା ଗଟ୍ନା ସୁଡ଼ଜି ମାପୁରୁଙ୍ଗ୍ ଦନ୍ୟବାଦ୍ କିଜି ଇର୍ହାନ୍, “ପୁରା ଇୟା ଲୋକୁ ଦାମ୍ବୁ ମାର୍ହାନ୍ ।”

୪୮ ମାରି, ଏମେ ଲୋକୁଖିଜେର୍ ଇୟା ଗଟ୍ନା ସୁଡ଼ଦେଙ୍ଗ୍ ଉଣ୍ଡେ_ମାନ୍ ଆତାମାର୍ହାଡ୍, ଖାର୍ ଖିଜେରେ ଆୟାଖିନ୍ଦୁ ଗଟ୍ନା ସୁଡ଼ଜି ନାଣ୍ଡ ଦୁଃକ୍ କିଜି ନିଜେଦି ବକାଦୁ କତାଜି ଆଡ୍ବାଜି ଡେସି ସୋର୍ହାଡ୍ ।

୪୯ ମାତର ଖାନିଙ୍ଗ୍ ନେସ୍ତିକାର୍ ଖିଜେରେ ମାରି ଗାଲିଲିଦାନ୍ ଅରସେ ଖାନି ଞ୍ଜେନ୍କା ଞ୍ଜେନ୍କା ଖାଡିମାର୍ଇ ଆଇମେକ୍ ଆକରାନ୍ ନିରେଏନୋ ଇୟାଖିନ୍ଦୁ ସୁଡ଼ଜିମାରେଏ ।

ଜିସୁଙ୍ଗ୍ ମୁସତାର୍

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜୋହନ ୧୯:୩୮-୪୨)

✠ ୨୩:୩୦ ପ୍ରକାଶିତ ୭:୧୭.

୫୦ ମାରି ସୁତ୍ରୁ, ଜିହ୍ୱଦିରି ହାରାମାତିୟା ଗାଡ଼୍ତି ଜୋସେପ୍ ଦରଡ଼ିକାନ୍ ଅରେନ୍ ଲୋକୁ ପେରିଦଲ୍ତି ନେତା ମାର୍ହାନ୍,
 ୫୧ ଖାନ୍ ଅରେନ୍ ନେଗିକାନ୍ ମାରି ଦାମ୍ବୁଦି ଲୋକୁ,
 ୫୧ ମାରି ଜିହ୍ୱଦିରି ମାଟାଦିଙ୍ଗ ନି ପାଣିଦିଙ୍ଗ ମାନାଏତା ମାର୍ହାନ୍, ମାରି ହାରାମାତିୟା ନିଜେ ବା ମାପୁରୁଦି ରାଜିଦିଙ୍ଗ
 କାପକିଜି ମାର୍ହାନ୍ ।
 ୫୨ ୱାଣ୍ଟୁ ପିଲାଡ଼ଦି ଲାକ୍ତୁ ସୋର୍ହାନ୍ ନୋ ଜିସୁଦି ସାତି ମାଡ଼ା ଲସ୍ତାନ୍,
 ୫୩ ମାରି ସାତିମାଡ଼ାଦିଙ୍ଗ ରେପ୍ସିତାସି କାଣ୍ଡେକ୍ ଖାତିଦାନ୍ ତେରେପ୍ତାନ୍ ନୋ, ଆବେନ୍ତୁ ଏନ୍ ଏସ୍କାଙ୍ଗ୍ ଇଡ଼ଏର୍
 ମାର୍ହାର୍, ଗରନ୍ତୁ କାରିତିମାର୍ଜ ଇୟାଖାଜା ଉଣ୍ଟି ଗୁଟାଦୁ ଖାନିଙ୍ଗ୍ ଇଟ୍ତାର୍ ।
 ୫୪ ଆୟା ନାଣ୍ଟିଙ୍ଗ୍ ତିଆରଆନି ଦିନ୍ ମାର୍ହାଡ଼, ମାରି ରମ୍ବିନିଦିନ୍ ଲାକ୍ତୁ ଆଜି ଖାଜି ମାର୍ହାଡ଼ ।
 ୫୫ ମାରି, ଗାଲିଲିଦାନ୍ ଖାନି ଖାଲେ ଖାତିମାର୍ଜ ଆଇମେକ୍ ଖେନ୍କା ଖେନ୍କା ସୋର୍ଏ ନୋ ମୁସ୍ତିକା ମାରି ଖାନି
 ମାଡ଼ାଦିଙ୍ଗ୍ ଏଣ୍ଡେସ୍ ଇଟ୍ତାର୍, ଆକା ସୁତ୍ରୁତ,
 ୫୬ ମାରି ଖାକ୍ ତେସିସୋର୍ଏନୋ ବାସ୍ନାଜିନିସ୍କୁ ମାରି ନିୟୁ ତିଆର୍ କିତେ । ଖାକ୍ ରମ୍ବିନାଣ୍ଟିଙ୍ଗ୍ ରମିତେ, ଇରିଙ୍ଗ୍
 ଇକା ନିୟମତୁ ମାର୍ଆଡ଼ ।

୨୪

ଜିସୁ ସାତିମାଣାନ୍ ମାରିତେସି ନିଙ୍ଗ୍ତାନ୍
 (ମାଡ଼ିଉ ୨୮:୧-୧୦; ମାର୍କ ୧୬:୧-୮; ଜୋହନ ୨୦:୧-୧୦)

୧ ମାତର୍ ଖାରାଦି ଆଗିଡ଼ିରି ନାଣ୍ଟିଙ୍ଗ୍ ଉର୍ଲା ନାଡ଼ାକାଦେ ଖାକ୍ ଖାନିକା ତିଆରକିତି ବାସ୍ନାଦିଜିନିସ୍କୁ ନି ନିୟୁ
 ଆସ୍ତେନୋ ମୁସ୍ତି ଲାକ୍ତୁ ସୋର୍ଏ ।
 ୨ ମାରି, ଖାକ୍ ମୁସ୍ତିମାଣାକୁ କାଲୁ ପେଲେକିତି ମାର୍ଜକା ସୁତ୍ରୁତ,
 ୩ ମାତର୍ ଲୋଇ ସୋରେଏନୋ ପ୍ରୁ ଜିସୁଦି ମାଡ଼ା ପୟ୍ତେତେ ।
 ୪ ମାରି, ଖାକ୍ ଆୟା ବିସୟତାନ୍ ବାୟାବେମ୍ପି ଖାଜା ଆତେ, ଇୟାଖାଜା ସମୟତୁ ସୁତ୍ରୁ, ଜାୟ୍ତି ଖାତି ଆରାତିକେଙ୍ଗ୍
 ରିଏର୍ ମୁସ୍କୁପୁରତି ଦୁଡ଼କୁ ଖାନିକା ଲାକ୍ତୁ ଖାତେ;
 ୫ ଆବେଟ୍ ଖାକ୍ ତିଲାତେ ନୋ ତାଲା ଆଡ଼ଗି ପାଡ଼ତେ ମାର୍ଏ, ଦୁଡ଼କୁ ଖାନିକାଙ୍ଗ୍ ଇର୍ଏ, “ସାତିଖାରି ମାଣାନ୍ ମିର୍
 ଏକ୍ସା ଜିତିଖାନିଙ୍ଗ୍ ପୋଇଜିନିଦେର୍ ?
 ୬ *ଖାନ୍ ଇବେନ୍ତୁ ସିଲେନ୍, ମାତର୍ ନିଙ୍ଗ୍ତାମାନାନ୍ ? ଖାନ୍ ଗାଲିଲିଦୁ ମାର୍ଜଖାଲେ ମିଙ୍ଗ୍ ଇନିକା
 ଇର୍ଆମାର୍ଆନ୍ ଆକା ଏଡ଼ କିଦୁ,
 ୭ ମନୁସ୍ୟପୁଡ଼ଦିଙ୍ଗ୍ ଜେ ପାପି ଲୋକା କିୟୁଦୁ ସର୍ପେ ଆଜି କୁସକାଟ୍ତୁ ସାଦେଙ୍ଗ୍ ଆନାଡ଼ ମାରି ମୁଣ୍ଟି ଦିନ୍ତିନାଣ୍ଟିଙ୍ଗ୍
 ସାତିମାଣାନ୍ ତେସିଜିବନ୍ ଆଜି ନିଙ୍ଗ୍ତା ମାନାନ୍ ।”
 ୮ ଆବେଟ୍ ଖାର୍ ଖାନି ବାକ୍ୟ ଏଡ଼ କିତାର୍,
 ୯ ମାରି ମୁସ୍ତିମାଣାନ୍ ତେସିସୋର୍ଏନୋ ଏଗାର୍ ଲୋକାଙ୍ଗ୍ ନି ଆଇ ଖିଜେରିଙ୍ଗ୍ ଇୟାଖିଜୁ ମାଟା ଖେର୍ତେ ।
 ୧୦ ଇୟାକେଙ୍ଗ୍ ମଗ୍ଦଲିନି ମରିୟମ୍, ଜୋହାନା, ଜାକୁବରି ଆଇସି ମରିୟମ୍ ମାରି ଖେନିକା ଖାଲେ ମାନି ଆଇ
 ଆଇମେକ୍, ଇୟାକେଙ୍ଗ୍ ସିସୁରିଙ୍ଗ୍ ଇୟାଖିଜୁ ବିସୟ ଖେର୍ତେ ।
 ୧୧ ମାତର୍ ଇୟାଖିଜୁ ମାଟା ଖାରି ଲାକ୍ତୁ ବାୟାଦିମାଟା ଖାଜା ଆତାଡ଼, ମାରି ଖାର୍ ଖାନିକାଙ୍ଗ୍ ବିସ୍ବାସ୍ କିଏତାର୍ ।
 ୧୨ ମାତର୍ ପିତର୍ ନିଙ୍ଗ୍ତାନ୍ନୋ ମୁସ୍ତି ଲାକ୍ତୁ ଉରୁକ୍ସିସର୍ହାନ୍, ମାରି ପାଡ଼ିଗିଜି ବେସ୍ତାନ୍ନୋ ଖାର୍ଜ
 ଖାତିଙ୍ଗ୍ଖିଜୁ ସୁତ୍ରୁତାନ୍, ମାରି ଖାନ୍ ଆୟା ଗର୍ନା ବିସୟତାନ୍ ତିଲାତାନ୍ନୋ ନିଜେଦି ଇଣ୍ଟୁ ସୋର୍ହାନ୍ ।

ରିଏର୍ ସିସୁର୍ ଇମ୍ମାୟୁ ନାଟ ସୋଲ୍ସି ମାର୍ଆର୍
 (ମାର୍କ ୧୬:୧୨-୧୩)

୧୩ ମାରି ସୁତ୍ରୁ, ଆୟାନାଣ୍ଟିଙ୍ଗ୍ ଖାରି ମାଣାନ୍ ରିଏର୍ ଲୋକୁ ଜିରୁସାଲମତାନ୍ ପୁରା ଏଗାର୍ କିଲମିଟ୍ଟରଦାନ୍ ଆକ
 ଇମ୍ମାୟୁଦି ନାଟ ସୋଲ୍ସିମାର୍ଆର୍
 ୧୪ ମାରି ଇୟାଖିଜୁ ଗର୍ନା ବିସୟତାନ୍ ନିଜେ ନିଜେଦି ମାନୁ ଖାର୍ଗିଜିସାଜି ମାର୍ହାର୍ ।
 ୧୫ ଖାର୍ ଖାର୍ଗିଜିସାନିକା ମାରି ଲୋଇ ଲୋଇ ଖାର୍ଗିଜିସାନିଖାଲେ ଜିସୁ ଖାନ୍ଣେ ଖାରି ଲାକ୍ତୁ ଖାଜି ଖାରି ଖାଲେ
 ଦାପେ ଦାପେନେ ବୁଲାଦେଙ୍ଗ୍ ଆସ୍ତାନ୍ ।
 ୧୬ ମାତର୍ ଖାରି କାଣ୍ଟୁ ଇୟାଖାଜା ନାମିତେ ମାର୍ଏ, ଖାର୍ ଖାନିଙ୍ଗ୍ ତିନିସ୍ କିଦେଙ୍ଗ୍ ଆର୍ଏତାର୍ ।

* ୨୪:୬ ମାଡ଼ିଉ ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୧୭ ୱାନ ୱାରିଙ୍ଗ୍ ୱେନ୍‌ବାତାନ, “ମିର୍ ବୁଲାଇ ବୁଲାଇ ଏମେ ୱିଜୁ ବିସୟ ନିଜେ ନିଜେଦି ମାନୁ ୱାରଗିଜି ସାଜିନିଦେର୍, ଆୟାଞ୍ଜିଜୁ ଇନିକା ? ଆବେଟ୍ ୱାର ଦୁଃଖତୁ ମୋକ୍‌ମତାନ ନିର୍‌ଆରୁରୋ ତେବାତାର ।”

୧୮ ମାରି, ୱାରି ମାଣ୍ଡା କୟାପା ଦରତିକାନ ଅରେନ୍ ୱାନିଙ୍ଗ୍ ଇର୍‌ଆନ୍, “ଜିରୁସାଲମତି ଲୋକାରି ମାଣ୍ଡୁ ନିନ୍ ଇନିକା ଅରିନ୍ଦେ ଆୟାବାଡିଦି ଇୟା ଏସ ଦିନ୍‌ତି ଗଟ୍‌ନା ନେସେଇ ?”

୧୯ ଜିସୁ ୱାରିଙ୍ଗ୍ ୱେନ୍‌ବାତାନ, “ଇନି ଇନି ୱାଜାଦି ଗଟ୍‌ନା ?” ୱାର ୱାନିଙ୍ଗ୍ ଇର୍‌ହାର୍, “ନାଜରିତିୟ ଜିସୁଦି ବିସୟ; ୱାନ ମାପୁରୁ ମାରି ୱିଜୁ ଲୋକାଦି ଆଗିଡି ପାଣିଦୁ ମାରି ବାକ୍ୟଦୁ ଅରେନ୍ ବପୁଦି ବାବବାଦି ମାର୍‌ହାନ୍,

୨୦ ମାରି ମା ପେରି ଜାଜକର୍ ମାରି ପେରିକାର୍ ଏଣ୍ଡେସ୍ ୱାନିଙ୍ଗ୍ ସାନି ଦଣ୍ଡ ବଗାଦେଙ୍ଗ୍ ସପ୍ରେ କିଜି ୱାନିଙ୍ଗ୍ କୁସକାଟ୍‌ତୁ ସାପିସ୍ କିତାର୍, ଇୟାଞ୍ଜିଜୁ ବିସୟ ।

୨୧ ମାତର୍ ଏନ୍ ଇସ୍ରାଏଲତିଙ୍ଗ୍ ଡିସିସ୍ କିନାନ୍, ୱାନ ଜେ ଇୟା ଲୋକୁ, ଆକା ମାପୁ ଆସା କିତା ମାର୍‌ଆପ; ଇରିଙ୍ଗ୍ ଇକା ଡିସ୍‌ତିଙ୍ଗ୍ ଇୟାଞ୍ଜିଜୁ ଗଟାତି ନେର୍‌ଆନ୍ ମୁନେନ୍ ଆତାଡ୍ ।

୨୨ ମାରି ବା, ମା ମାଣ୍ଡୁ ଏସ ଆଇମେକ୍ ମାଙ୍ଗ୍ କାବା କିତେମାନେ; ୱାକ୍ ଉର୍‌ଲା ନାଡାକାଦେ ମୁସ୍‌ତି ଲାକ୍‌ତୁ ସୋରେଏମାରେଏ,

୨୩ ମାରି ୱାନି ସାତି ମାଡା ପୋଇତତେନୋ ୱାଜି ଇରେଏ, ୱାକ୍ ଦୁଡକା ସୁଡୁତେ ମାରେଏ ମାରି ଆୟା ଦୁଡକ୍ ଇରେଏ ଜେ, ୱାନ ଜିବନ୍ ମାନାନ୍ ।

୨୪ ମାରି, ମା ସଙ୍ଗତି ଲୋକା ମାଣ୍ଡୁ ଏର୍ ଏର୍ ମୁସ୍‌ତି ଲାକ୍‌ତୁ ସୋଲ୍‌ସି, ଆଇମେକ୍ ଏଣ୍ଡେସ୍ ୱେର୍‌ତେମାରେଏ, ଆୟାଞ୍ଜା ସୁଡୁତାର୍, ମାତର୍ ୱାନିଙ୍ଗ୍ ସୁଡୁତାର୍ ।”

୨୫ ଆବେଟ୍ ଜିସୁ ୱାରିଙ୍ଗ୍ ଇର୍‌ଆନ୍, “ଏ କାବାଦିକାର୍, ବାବବାଦିରି ମାଣ୍ଡୁ ୱେର୍‌ତିମାର୍‌ଇ ୱିଜୁ ବାକ୍ୟଦିଙ୍ଗ୍ ବିସ୍‌ବାସ୍ କିଦେଙ୍ଗ୍ ଦିରେ ବୁଜାନିଲୋକ୍,

୨୬ ଇୟାଞ୍ଜିଜୁ ଦୁଃଖ କାସୁ ବୋଗାଜି ନିଜେଦି ମହିମାଦାନ୍ ସୋନିକା ଇନିକା କ୍ରିସ୍‌ତିଙ୍ଗ୍ ଦର୍କାର୍ ସିଲେତାଡ୍ ?”

୨୭ ମାରି, ମୋସା ମାରି ୱିଜେରି ବାବବାଦିରିମାଣ୍ଡୁ ଆରାମ୍ କିଜି ୱିଜୁ ଦାର୍‌ମୁସାସ୍ତୁ ନିଜେଦି ବିସୟତି ମାଟା ୱାନ ୱାରିଙ୍ଗ୍ ବୁଜାକିତାସିତାନ୍ ।

୨୮ ମାରି, ୱାର୍ ଏମେ ନାଟ୍ ସୋଲ୍‌ସି ମାର୍‌ଆର୍, ଆବେଣି ନାର୍ ଲାକ୍‌ତୁ ଇତାର୍, ୱାନ ମାରି ଆଗିଡି ସନିଞ୍ଜା ଆତାନ୍ ।

୨୯ ମାତର୍ ୱାର୍ ଜିସୁଙ୍ଗ୍ ତେବାକିଜି ଇର୍‌ହାର୍, “ମା ୱାଲେ ମାନ୍‌ଆ, ମାତର୍ ୱେଡା ଆଜି ୱାଜିନାଡ୍ ମାରି ୱେଡା ସୋଲ୍‌ସିନାଡ୍ ।” ଆବେଟ୍ ୱାନ ୱାରି ୱାଲେ ମାନ୍‌ଣ୍ଡେ_ଙ୍ଗ୍ ଇଲୁ ଲୋଇ ସୋର୍‌ଆନ୍ ।

୩୦ ମାରି, ୱାରି ୱାଲେ ଉଣିମାନୁ ବାସ୍‌ତି ୱେନ୍‌କା ଜିସୁ ରୁଟି ଅତାନ୍‌ନୋ ମାପୁରୁଙ୍ଗ୍ ଆସିର୍‌ବାଦ୍ କିତାନ୍, ମାରି ଆୟା ରୁଟିଦିଙ୍ଗ୍ ରୁକ୍‌ସି ୱାରିଙ୍ଗ୍ ସିଦେଙ୍ଗ୍ ଆସ୍‌ତାନ୍ ।

୩୧ ଆବେନ୍ ୱାରି କାଣ୍ଡୁକୁ ସୁଡୁଦେଙ୍ଗ୍ ଆଟ୍‌ତାର୍ ମାରି ୱାର୍ ୱାନିଙ୍ଗ୍ ସିନିସ୍‌କିଦେଙ୍ଗ୍ ଆଟ୍‌ତାର୍; ମାରି, ୱାନ ୱାରି ଆଗିଡିରାନ୍ ସାଣେକ୍‌ତିଙ୍ଗ୍ ଏମେନୋ ଆତାନ୍ ।

୩୨ ଆବେଟ୍ ୱାର୍ ନିଜେ ନିଜେଦିମାନୁ ୱାରଗିଜି ସାତାର୍, “ଏସ୍‌ିଞ୍ଜାଲେ ସାରିଦୁ ୱାନ ମା ୱାଲେ ୱାରଗିଜିସାଜି ମାର୍‌ଆନ୍ ମାରି ମାଙ୍ଗ୍ ଦାର୍‌ମୁସାସ୍ତୁ ବୁଜାକିଜି ମାର୍‌ଆନ୍, ନାସ୍‌ିଞ୍ଜାଲେ ଇନିକା ମା ଜିବନ୍ ସିସୁ କାସ୍‌ନି ୱାଜା ଆଏଜି ମାର୍‌ଆଡ୍ ନୋ ?”

୩୩ ତାନେଞ୍ଜେନ୍‌କା ୱାର୍ ଆୟା ଦାପ୍ରେ ନିଙ୍ଗ୍‌ତାର୍ ନୋ ଜିରୁସାଲମ୍‌ତୁ ଡେସିସୋଲ୍‌ସି ଉଣ୍ଡେ_ମାନୁ ଆଡିମାନିକା ଏଗାର୍ ସିସୁରିଙ୍ଗ୍ ମାରି ୱାରି ସଙ୍ଗତିଞ୍ଜାରିଙ୍ଗ୍ ସୁଡୁତାର୍;

୩୪ ସିସୁର୍ ଇଜି, “ପ୍ରୁ ସଡ୍‌ନେ ନିଙ୍ଗ୍‌ତାମାନାନ୍ ମାରି ସିମୋନ୍‌ତିଙ୍ଗ୍ ତରାତାମାନାନ୍ ।”

୩୫ ତାନେଞ୍ଜେନ୍‌କା ଇୟା ରିଏର୍ ଲୋକୁ ସାରିଦୁ ଆମାକା ୱିଜୁ ଗଟାତା ମାର୍‌ଆଡ୍, ଆୟାଞ୍ଜିଜୁ ୱାରି ଆଗିଡି ୱେର୍‌ତାର୍, ୱାନ ରୁଟି ରୁକ୍‌ନି ବେଡାଦୁ ୱାର୍ ଏଣ୍ଡେସ୍ ୱାନିଙ୍ଗ୍ ସିନେକିଦେଙ୍ଗ୍ ଆଟ୍‌ତାର୍, ୱାର୍ ଆୟାଞ୍ଜିଜୁ ବିସୟ ଇର୍‌ହାର୍ ।

ଜିସୁ ନିଜେଦି ସିସୁରିଙ୍ଗ୍ ତରାୟାଆତାନ୍

(ମାଡିଡ ୨୮:୧୭-୨୦; ମାର୍କ ୧୬:୧୪-୧୮; ଜୋହନ୍ ୨୦:୧୯-୨୩; ପ୍ରେରିଡ ୧:୭-୮)

୩୬ ମାତର୍ ସିସୁର୍ ଆୟାଞ୍ଜିଜୁ ମାଟା ଇଜିମାର୍‌ଇ ବେଡାଦୁ ପ୍ରୁ ଜିସୁ ନିଜେନେ ୱାରିମାନୁ ୱାତାନ୍, ମାରି ଇର୍‌ଆନ୍, “ମି ସାନ୍ତି ଆପିଡ୍ ।”

୩୭ ମାତର୍ ସିସୁର୍ କାବାଜି ମାରି ତିଲାଇ ଉଣ୍ଡି_ଦୁବା ସୁଡୁଜିନାପ୍ ଇଜି ଅଡ୍‌ବିତାର୍ ।

୩୮ ଆବେଟ୍ ୱାନ ୱାରିଙ୍ଗ୍ ଇର୍‌ଆନ୍, “ଇନ୍‌ହାନିଙ୍ଗ୍ ତିଲାଇନିଦେର୍ ? ମାରି ମି ମୋନ୍‌ତୁ ଏନ୍‌ ନାମ୍‌ଏଣ୍‌ଗା ଲୋଇ ଲୋଇ ୱାରଗିଜିନିଦେର୍ ?

୩୯ ଇକାନ୍ ଜେ ନିଜେ ନାନ୍, ନା କିୟ୍ ମାରି ପାଦାମକୁ ସୁଡୁଦୁ, ନାଙ୍ଗ୍ ମୁଟ୍‌ସୋ ସୁଡୁଦୁ, ମାତର୍ ନାନ୍ ଏଣ୍ଡେସ୍ ଜିବନ୍‌ମାନି ମେନ୍‌ଲ୍ ମାନିକା ସୁଡୁଜିନିଦେର୍, ଦୁବା ଆୟାଞ୍ଜା ସିଲେ ।”

- ୪୦ ମାରି, ଜିସୁ ଇକା ଇନଞ୍ଜି ଖାରିଙ୍ଗ ନିଜେଦି କିୟୁ ମାରି ପାଦାମକୁ ତରତାନ ।
- ୪୧ ଆଦେଙ୍ଗ ଖାର ବିସବାସ୍ କିଏତାର, ଆତିଙ୍ଗବା କାବାଆଜି ଖେଡ଼ିକା ଆତାର ଆରିଙ୍ଗ ଜିସୁ ଖାରିଙ୍ଗ ଖେନ୍‌ବାତାନ, ଇବେନୁ ମି ଲାକ୍‌ତୁ ଇନିକା ଉଣିକା ମାନାତ ?
- ୪୨ ଆବେଟ୍ ଖାର ଜିସୁଙ୍ଗୁଁ କାଣ୍ଟେକ୍ ଖାରତି ମିନକୁ ସିତାର ।
- ୪୩ ମାରି, ଖାନ ଆୟା ମିନକୁ ଅତାନନୋ ଖାରି ଆଗିଡ଼ି ତିରଥାନ ।
- ୪୪ ଜିସୁ ଖାରିଙ୍ଗ ଇରଥାନ, “ମୋସାଦି ନିୟମତୁ ମାରି ବାବବାଦିରି ମାରି ଗୀତସଂହିତା ଦାମ୍‌ସାସ୍ତ୍ରୁ ନା ବିସୟତାନ ଆମାକା ଆମାକା ରାସାତାମାନାତ, ଆୟାଞ୍ଜିତୁ ପୁରା ଆଦେଙ୍ଗ ଦରକାର, ନାନ ମି ଖାଲେ ମାର୍‌ଇ ଖାଲେ ମିଙ୍ଗ ଇୟାଞ୍ଜିତୁ ମାଟା ଇର୍ହାମାର୍ହା ।”
- ୪୫ ନାସ୍ତିଖାଲେ ଖାର ଏଣ୍ଟେସ୍ ଦାମ୍‌ସାସ୍ତ୍ରୁଦି ବିସୟ ରୁଜାଦେଙ୍ଗ ଆଟନାର, ଆୟାଉଣ୍ଟିଙ୍ଗ ଖାନ ଖାରି ବୁଦିଦି ସେରଲା ରେତାନ;
- ୪୬ ମାରି, ଜିସୁ ସିସୁରି ଲାକ୍‌ତୁ ଖାଜି ଇର୍ହାନ, “ଇୟାଖାଜା ରାସାତାମାନାତ, କ୍ରିସ୍ତ ଦୁଃକ୍ ପୟନାନ ମାରି ମୁନେଟାନ ସାତି ଲୋକାମାଣାନ ଡେସି ନିଙ୍ଗୁଁନାନ,
- ୪୭ ମାରି ଜିରୁସାଲମତାନ ଆରାମ୍ କିଜି ଞ୍ଜି ଜାତି ଲାକ୍‌ତୁ ଖାନି ଦରତାନ ପାପ୍‌କେମା ଉଣ୍ଟିଙ୍ଗ ମନ୍‌ତିଙ୍ଗ ଡେପ୍‌ନି ବିସୟତାନ ଲୋକ୍‌ତୁ ଞ୍ଜିନାର ।
- ୪୮ ମିର୍ ଇୟାଞ୍ଜିତୁ ବିସୟତି ସାକି ଆନିଦେର୍ ।
- ୪୯ ମାରି ସୁତଦୁ, ନା ବୁବା ଆମାକା ପାରମାଣ୍ କିତାମାନାନ, ଆକା ନାନ ମି ଲାକ୍‌ତୁ ପକ୍‌ନା, ମାତର୍ ମୁସକୁରାନ ସାକ୍ତି ପୁଟ୍‌ଇ ସାନ୍ଦି ମିର୍ ଇୟା ଗାଡ଼ତୁ ମାନତୁ ।”

ଜିସୁ ମୁସକୁପୁରତୁ ସରଥାନ
 (ମାର୍କ ୧୬:୧୯-୨୦; ପ୍ରେରିତ ୧:୯-୧୧)

- ୫୦ ତାନିଖେନକା ଜିସୁ ଖାରିଙ୍ଗ ବେତନିୟାତୁ ସନି ସାରି ସାନ୍ଦି ଅତାନ ମାରି ନିଜେଦି କିୟୁ ପେରଜି ଖାରିଙ୍ଗ ଆସିର୍ବାଦ୍ କିତାନ ।
- ୫୧ ମାରି, ଖାରିଙ୍ଗ ଆସିର୍ବାଦ୍ କିରୁ କିରୁ ଖାନ ଖାରିମାଣାନ ଖେର୍‌ଏ ଆଜି ମୁସକୁପୁରତୁ ସରଥାନ ।
- ୫୨ ମାରି, ଖାର ଖାନିଙ୍ଗ ମାଡ଼ିସ୍ କିଜି ନାଣ୍ଟ ଖେଡ଼ିକାଦାନ ଜିରୁସାଲମତୁ ଡେସିଖାତାର ।
- ୫୩ ମାରି ଖାର ଞ୍ଜିଦିନ୍ ମନ୍‌ରତୁ ମାନଜି ମାପୁରୁଦି ଦନ୍‌ସବାଦ୍ କିଦେଙ୍ଗ ଆସ୍‌ତାର ।

☆ ୨୪:୪୯ ପ୍ରେରିତ ୧:୪. ☆ ୨୪:୫୦ ପ୍ରେରିତ ୧:୯-୧୧.

ଯୋହନ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଜୋହନ ରାସ୍ତାମାନି ଜିସୁ କ୍ରିସ୍ତୁଦି ନେଗିକାବୁର୍ ଜୋହନ ବଇ ବିସୟତାନ୍ ଏସ ମାଟା

ଜିସୁ କ୍ରିସ୍ତୁଦି ଜିବନ୍ ଖେର୍ସିମାନି ପୁନି ନିୟମତି ନାଲ୍ଗି ବଇଙ୍ଗାଁ ମାଣ୍ଡକୁ ଜୋହନ ରାସ୍ତାମାନି ସୁସମାଚାର ଉନ୍ତୁ । ଆୟାଞ୍ଜିକୁ ବଇଙ୍ଗାଁ ସୁସମାଚାର ଇନାର, ଆମାତାନି ଅର୍ତ୍ତ “ନେଗିକାବୁର୍ ।” ଆୟାଞ୍ଜିକୁ ଜିସୁ ସାତି ଖେନ୍କା ମାଥୁର, ମାର୍କ, ଲୁକ ମାରି ଜୋହନତି ମାଣାନ୍ ରାସାତେମାନେ । ଜୋହନ ରାସ୍ତା ସୁସମାଚାର କ୍ରିସ୍ତ ଜନମତି ନବେ ବାସ୍ତେକ୍ ଖେନ୍କା ପ୍ରେରିତ ଜୋହନତି ମାଣ୍ଡକୁ ରାସାତାମାନାଡ୍ । ଜଦିବା ଇୟା ସୁସମାଚାରତୁ ଇୟା ବଇଦି ରାସ୍ତାନିକାନ୍ ଜୋହନ ଇଜି ନେସ୍ନି ଖାଜା ରାସାଏଡ୍, ମାତର୍ ଇୟା ସୁସମାଚାରତି ରାସ୍ତା ବଲ୍ ୧ ଜୋହନ, ୨ ଜୋହନ ମାରି ୩ ଜୋହନତି ଖାଲେ ପୁରା ସାମାନ୍ । ଏସ ପୁର୍ବେଦି ରାସ୍ତାନିକାର ବିସ୍ବାସ୍ କିନାର, ଇୟା ସୁସମାଚାର ଏପିସିଦାନ୍ ରାସାତାମାନାଡ୍, ଇରିଙ୍ଗ୍ ଇୟା ସମୟତିଖାଲେ ଜୋହନ ଏପିସିଦୁ ତେବାଜି ମାର୍ହାନ୍ ।

ଜୋହନ ବୁଜାନିଖାଜା ଇନାନ୍, “ଜିସୁନେ କ୍ରିସ୍ତୁ ଜିବନ୍ମାନି ମାପୁରୁଦି ମାରିସି” ଜୋହନ ୨୦:୩୧, ଇକା ବିସ୍ବାସ୍ କିଦେଙ୍ଗ୍ ଇଜି ଲୋକାଙ୍ଗ୍ ସାକା କିନିକା ଆଜିନାଡ୍ ଇୟା ସୁସମାଚାରତି ମୁକ୍ୟ ଉଦେସ୍ । ଇକା ବିସ୍ବାସ୍ କିନି ମାଣାନ୍ ମାଡ୍ ଏଣ୍ଡେସ୍ ଜିବନ୍ ପୟଦେଙ୍ଗ୍ ଆଟ୍ନିକା । ଇୟା ସୁସମାଚାର ଜିହୁଦି ମାରି ଅଣଜିହୁଦି ରିଏରି ଉଣ୍ଡିଙ୍ଗ୍ ରାସାତା ମାର୍ହାଡ୍ । ଇୟା ସୁସମାଚାରତୁ ଜିସୁଦି କାତା ଡ୍ରିସ୍ତିଙ୍ଗ୍ ଖାନି କାବାଆନି ପାଣିଙ୍ଗ୍ ନାଣ୍ଡ ଦିୟାନ୍ ସିଆୟାଆତାମାନାଡ୍ । ଜିସୁଦି ତୁବନ୍ ମାରି ବାଲିବୁମିଦୁ ଖାନି ପରିକା ଖାଜା ବିସେସ୍ ଗଟ୍ଟେଙ୍ଗ୍ ବିସୟତାନ୍ ଜୋହନ ଇୟା ସୁସମାଚାରତୁ ଇନିକା ରାସ୍ଏନ୍ । ଇୟା ସୁସମାଚାର ଆଇ ମୁନ୍ତୁ ସୁସମାଚାର ମାଣ୍ଡକୁ ଆଇକା ।

ଇୟା ବଇତୁ ମାନି ମୁକିୟ ବିସୟ

- ୧. ସୁସମାଚାରତି ଆରାମ୍ ଜୋହନ । ୧:୧-୧୮
- ୨. ଜିସୁଦି ଏସ କାବାଆନି ପାଣିଙ୍ଗ୍ ଜୋହନ । ୧:୧୯-୧୨:୫୦
- ୩. ଜିସୁଦି ଜିବନ୍, ସାନିକା ମାରି ନିଙ୍ଗ୍ ନିକା ଜୋହନ । ୧୩:୧-୨୦:୩୧
- ୪. ଜିସୁଦି ଡ୍ରେସିଜିବନ୍ଆଜି ଖେନ୍କା ତର୍ୟାଆନିକା ଜୋହନ । ୨୧:୧-୨୫

ଜିବନ୍ତି ବାକ୍ୟ

- ୧ ଆଗ୍ତି ବାକ୍ୟ ମାର୍ଆଡ୍, ବାକ୍ୟ ମାପୁରୁଖାଲେ ମାର୍ଆଡ୍, ଆୟା ବାକ୍ୟ ମାପୁରୁ ମାର୍ଆଡ୍ ।
- ୨ ବାକ୍ୟ ଆଗ୍ତି ମାପୁରୁଖାଲେ ମାର୍ଆଡ୍ ।
- ୩ ଖାନି ମାଣାନ୍ ମାପୁରୁ ଖିଜୁ ତିଆର୍ କିତାଡ୍; ମାରି ଆମାଞ୍ଜିକୁ ତିଆର୍ ଆତାମାନାଡ୍, ଆୟା ଲୋଇରାନ୍ ଉଣ୍ଡେ_ବା ଖାନିଙ୍ଗ୍ ଡ୍ରିସ୍ତିଙ୍ଗ୍ ତିଆର୍ ଆଏଡ୍ ।
- ୪ ଖାନିମାନୁ ଜିବନ୍ ମାର୍ଆଡ୍ ମାରି ଆୟା ଜିବନ୍ ଲୋକା ଜାୟ ।
- ୫ ଆୟା ଜାୟ ସିକାଟିଦୁ ଜାୟଆଜି ଖାଜିନାଡ୍, ମାରି ସିକାଟି ଆକା ମାନାଏଜିନାଡ୍ ।
- ୬ *ମାପୁରୁ ଖାନି କାବୁର୍ ସିନିଖାନିଙ୍ଗ୍ ପୋକ୍ତାନ୍; ଖାନି ଦର୍ ଜୋହନ ।
- ୭ ଖାନ ଏଣ୍ଡେସ୍ ଜାୟ ବିସୟତାନ୍ ସାକି ସିନାନ୍, ମାରି ଆକା ଖେନ୍ଞ୍ଜି ଖିଜେରେ ବିସ୍ବାସ୍ କିନାର, ଆୟାଉଣ୍ଡିଙ୍ଗ୍ ଖାନ ଖାତାନ୍ ।
- ୮ ଜୋହନ ନିଜେ ଆୟା ଜାୟ ସିଲେତାନ୍, ମାତର୍ ଜାୟ ବିସୟତାନ୍ ସାକି ସିଦେଙ୍ଗ୍ ଇଜି ଖାତାନ୍ ।
- ୯ ଏମେ ସଡ୍ ଜାୟ ଦୁନିଆଦି ଖାଜି ଖିଜୁ ଲୋକାଙ୍ଗ୍ ଜାୟ ସିନାଡ୍, ଆକାଦେ ସଡ୍ତି ଜାୟ ।
- ୧୦ ବାକ୍ୟ ଦୁନିଆଦୁ ମାର୍ଆଡ୍ ମାରି ଦୁନିଆ ଖାନି ମାଣାନ୍ ତିଆର୍ ଆତାଡ୍, ଆରିଙ୍ଗ୍ବା ଦୁନିଆ ଖାନିଙ୍ଗ୍ ସିନିସ୍ କିଏତାଡ୍ ।
- ୧୧ ଖାନ ନିଜେଦି ରାଜିଦୁ ଖାତାନ୍, ଆରିଙ୍ଗ୍ବା ଖାନି ନିଜେଦି ଲୋକୁ ଖାନିଙ୍ଗ୍ ମାନାଏତାଡ୍ ।
- ୧୨ ମାତର୍ ଏସୋ ଲୋକୁ ଖାନିଙ୍ଗ୍ ମାନାତାଡ୍, ଅର୍ତାଡ୍ ଏମେକାର୍ ଖାନି ଦର୍ତାନ୍ ବିସ୍ବାସ୍ କିତାଡ୍, ଆୟା ଖିଜେରିଙ୍ଗ୍ ଖାନ ମାପୁରୁଦି କଡ୍ଡର୍ ଆଦେଙ୍ଗ୍ ଅଦିକାର୍ ସିତାନ୍;
- ୧୩ ଖାର୍ ମାପୁରୁଦି ମାରିସିର୍ ନିଜେଦି ବଦାଦାନ୍ କି, ମେନ୍ଦଲ୍ତି ନେତେର୍ତାନ୍ କି ଲୋକା ବଦାଦାନ୍ ଜନମ୍ ଆଏର୍, ମାତର୍ ମାପୁରୁ ନିଜେ ଖାରି ବୁବା ।

* ୧:୨ ମାତିଉ ୩:୧; ମାର୍କ ୧:୪; ଲୁକ ୩:୧,୨.

୧୪ ମାରି, ଆୟା ବାକ୍ୟ ନର ମେନ୍ଦଲ ଆସି ମା ଖାଲେ ଜିତାନ୍ । ଖାନ୍ ଦୟା ନି ସତ୍ତୁ ପୁରା ଆଜିମାହାନ୍ । ମାରି ମାପୁରୁଦି ଅରେନେ ମାରିସିଖାଜା ଖାନ୍ ଏମେ କାବାଆନି ମହିମାକି ପୋଇତାମାରହାନ୍, ଆକା ମାପ୍ ସୁଡ଼ତୁପ୍ ।

୧୫ ଜୋହନ ଖାନ୍ ବିସୟତାନ୍ ସାକି ସିଜି ନାଣ୍ଡ ଆଉଲି ଆଜି ଇରଥାନ୍, “ଏନ୍ ନା ଝେନ୍କା ଖାଜିନାନ୍, ଖାନ୍ ନାଙ୍ଗ୍ ପେରିକାନ୍, ଇରିଙ୍ଗ୍ ଖାନ୍ ନା ଜନମ୍ ଆନି ଆଗ୍ଡି ମାରଥାନ୍, ଏମେଖାନି ବିସୟତାନ୍ ନାନ୍ ଇକା ଇହାମାହା, ଖାନ୍ ଇକାନ୍ ।”

୧୬ ଆଦେଙ୍ଗ୍ ଖାନ୍ ଦୟାଦି ପୁରାଦାନ୍ ମାଡ଼ ଓଜେରେ ଆସିର୍ବାଦ୍ ପୋଇତିମାନିକା, ହୁଁ, ଆସିର୍ବାଦ୍ ମୁସକୁ ଆସିର୍ବାଦ୍ ପୋଇତିମାନିକା ।

୧୭ ଇରିଙ୍ଗ୍ ନିୟମ୍ ମାପୁରୁ ମୋସା ମାଣାନ୍ ସିତାନ୍, ମାତର୍ ଦୟା ନି ସତ୍ତୁ ଜିସୁ କ୍ରିସ୍ତୁ ମାଣାନ୍ ଖାତାଡ଼ ।

୧୮ ଏନ୍ ଏସାଙ୍ଗ୍ ମାପୁରୁଙ୍ଗ୍ ୟୁଡ଼ୟନ୍, ବୁବାସି ଗାଡୁଦୁ ମାନି ଅରେନେ ଖାନ୍ ଲାଡ଼ ମାରିସି, ଖାନ୍ ନେସିସ୍ କିତାମାନାନ୍ ।

ତୁବନସିନି ଜୋହନତି କାବୁର୍

(ମାତିଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଜିରୁସାଲାମତି ଜିହୁଦି ପେରିକାର୍ ଏସ ଲୋକ୍ ଦାମ୍ଭୁଜାଜକରିଙ୍ଗ୍ ମାରି ଲେବିୟରିଙ୍ଗ୍ ଜୋହନତି ଲାକ୍ତୁ, “ନିନ୍ ଏନ୍ ?” ଇଜି ଝେନ୍ବାଦେଙ୍ଗ୍ ପୋକ୍ତାର୍,

୨୦ ଖାନ୍ ମାନାଏଜି ସତ୍ତତାନ୍ ଝେରତାନ୍, “ନାନ୍ କ୍ରିସ୍ତୁ ଆଏ ।”

୨୧ ଆବେଟ୍ ଖାର୍ ଜୋହନତିଙ୍ଗ୍ ଝେନ୍ବାତାର୍, ଆରିଙ୍ଗ୍, “ନିନ୍ ଇନିକା ଏଲିୟ ?”

ଖାନ୍ ଇରଥାନ୍, “ନାନ୍ ଆଏ ।”

ନିନ୍ ଇନିକା ଆୟା ବାବବାଦି ?

ଖାନ୍ ଇହାନ୍, “ସିଲେ ।”

୨୨ ଆବେଟ୍ ଖାର୍ ଖାନ୍ ଇହାନ୍, “ମାଙ୍ଗ୍ ପୋକ୍ତିମାନି ଖାରିଙ୍ଗ୍ ଏଣ୍ଡେସ୍ ଇନ୍ତେଙ୍ଗ୍ ଆଟ୍ନାପ୍, ଆୟାଉଣ୍ଡିଙ୍ଗ୍ ନିନ୍ ଏନ୍ ? ନିନ୍ ନିଜେଦି ବିସୟତାନ୍ ଇନିକା ଇଜିନି ?”

୨୩ ଜିସାୟ ବାବବାଦି ଏଣ୍ଡେସ୍ ଝେରତାମାରଥାନ୍, ଆୟାଖାଜା ଜୋହନ ଇହାନ୍ ।

“ନାନ୍ ଆୟା ସିମ୍ବାବତିଦୁ ଆଉଲିଆଜିମାନି ଅରେନ୍ଖାନି ବଲ୍,

ପ୍ରବୁଦି ସାରି ସାଡ଼କୁ କିଆ ।”

୨୪ ମାରି, ପାରୁସିର ପୋକ୍ତିମାନି କାବୁର୍ ଅନିକାର୍ ଖାନିଙ୍ଗ୍ ଝେନ୍ବାତାର୍,

୨୫ “ନିନ୍ ଜଦି କ୍ରିସ୍ତୁ ମାରି ଏଲିୟ ମାରି ଆୟା ବାବବାଦି ଆଇ, ଆରିଙ୍ଗ୍ ଏୟା ତୁବନ୍ ସିଜିନି ?”

୨୬ ଜୋହନ ଖାରିଙ୍ଗ୍ ଇରଥାନ୍, “ନାନ୍ ଏରତୁ ତୁବନ୍ ସିଜିନା; ଆମାଖାନିଙ୍ଗ୍ ମିର୍ ନେସ୍ଇଦେର୍, ଖାନ୍ ମିବାନ୍ ମାନାନ୍;

୨୭ ଖାନ୍ ନା ଝେନ୍କା ଖାଜିନାନ୍, ଖାନ୍ ଜୁତେଙ୍ଗ୍ତି ଗାଟି କୁଡ଼ତେଙ୍ଗ୍ ବା ନାନ୍ ଜଗ୍ ସିଲେ ।”

୨୮ ଜର୍ଦନ ଗାଡାଦି ଆୟାପାଡ଼ିରି ଆମା ବେତନିଆଦୁ ଜୋହନ ତୁବନ୍ ସିଜିମାରଥାନ୍, ଆୟା ବାଡ଼ିଦୁ ଇୟାଓଡ଼ୁ ଗଟାତାଡ଼ ।

ମାପୁରୁଦି ମେଣ୍ଡାପିଲା

୨୯ ମାର୍ନାଣ୍ଡିଙ୍ଗ୍ ଜୋହନ ଜିସୁଙ୍ଗ୍ ଖାନି ଲାକ୍ତୁ ଖାନିକା ସୁଡ଼ୁ ଇରଥାନ୍, ଇକା ସୁଡ଼ୁ, ମାପୁରୁଦି ମେଣ୍ଡାପିଲା, ଏନ୍ ଦୁନିଆଦି ପାପ୍ ପିଣ୍ଡନା ଅନାନ୍ ।

୩୦ ନା ଝେନ୍କା ଏନ୍ ଖାଜିନାନ୍, ଖାନ୍ ନାମାଣାନ୍ ପେରିକାନ୍, ଇରିଙ୍ଗ୍ ଖାନ୍ ନା ଜନମ୍ ଆଗ୍ଡି ମାରଥାନ୍, ଆମାଖାନି ବିସୟତାନ୍ ନାନ୍ ଇକା ଇରଥାମାହା, ଖାନ୍ ଆକାନ୍ ।

୩୧ ନାନ୍ ବା ଖାନିଙ୍ଗ୍ ସିନିସ୍ କିଏ ମାହା, ମାତର୍ ଖାନ୍ ଏଣ୍ଡେସ୍ ଇସ୍ରାଏଲ୍ ଲୋକାମାନୁ ନେସାଇ ଆନାନ୍, ଆୟାଉଣ୍ଡିଙ୍ଗ୍ ନାନ୍ ଏରତୁ ତୁବନ୍ ସିଦେଙ୍ଗ୍ ଖାତାମାନା ।

୩୨ ମାରି ଜୋହନ ସାକି ସିଜି ଇହାନ୍, “ନାନ୍ ପବିତ୍ର ଆମ୍ବା ପାର୍ଖାଦି ଖାଜା ବାଦତ୍ତାନ୍ ରେତାଜି ଖାଦ୍ ଖାନି ମୁସକୁ ବାସନିକା ସୁଡ଼ୁ ।

୩୩ ନାନ୍ ବା ଖାନିଙ୍ଗ୍ ସିନିସ୍ କିଏ ମାହା, ମାତର୍ ଏନ୍ ନାଙ୍ଗ୍ ଏରତୁ ତୁବନ୍ ସିଦେଙ୍ଗ୍ ପୋକ୍ତାନ୍, ଖାନ୍ ନାଙ୍ଗ୍ ଇରଥାନ୍, ଆମାଖାନି ମୁସକୁ ଆମ୍ବା ବାସନିକା ସୁଡ଼ୁ, ଏନ୍ ପବିତ୍ରଆମ୍ବାଦୁ ତୁବନ୍ ସିନାନ୍, ଆକାନ୍ ଆୟା ଲୋକ୍ ।

୩୪ ମାରି, ନାନ୍ ଆକା ସୁଡ଼ୁତାମାନା ମାରି ଖାନ୍ ମାପୁରୁଦି ମାରିସି ଇଜି ସାକି ସିତାମାନା ।”

ଜିସୁଦି ପାର୍ତୁମ୍ ସିସୁର୍

୩୫ ମାର୍ନାଣ୍ଡିଙ୍ଗ୍ ମାରିଡେସି ଜୋହନ ନି ଖାନି ସିସୁରି ଲୋଇ ରିଏରି ଖାଲେ ନିରଥାମାରଥା;

୩୬ ମାରି, ଖାନ୍ ଜିସୁଙ୍କୁ ଆୟା ସାରି ସିଜି ସନିକା ସୁଡ଼ୁ ଖାନିଙ୍କ କାଣ୍ଗା କିଜି ଇର୍ହାନ୍, ଇକାନ୍ ସୁଡ଼ୁ, ମାପୁରୁଦି ମେଣ୍ଟା ପିଲା ।

୩୭ ଆୟା ରିଏର୍ ସିସୁର୍ ଖାନି ମାଟା ଖେନ୍‌ଜି ଜିସୁଖାଲେ ଖାଲେ ସରଆର୍ ।

୩୮ ଜିସୁ ମାରଜି ଖେସସି ଖାରିଙ୍କ ଖେନ୍‌କା ଖେନ୍‌କା ଖାଜିମାନିକା ସୁଡ଼ୁ ଖେନ୍‌ବାତାନ୍, “ମିର୍ ଇନିକା ପୋୟଜିନିଦେର୍ ?” ଖାରି ଖାନିଙ୍କ ଇର୍ହାନ୍, “ରାବ୍‌ବି” ଅନୁବାଦ କିତିଙ୍କ ତେନି ଅର୍ଡ “ଗୁରୁ,” ନିନ୍ ଏମେ ତେବାନି ?

୩୯ ଜିସୁ ଖାରିଙ୍କ ଇର୍ହାନ୍, ରାଦୁ, ସୁଣିଦେର୍ । ଆବେଟ୍ ଖାରି ସଲ୍‌ସି ଖାନି ବାସାନିକା ସୁଡ଼ୁତୁର୍, ମାରି ଆୟା ନାଣ୍ଟିଙ୍କ ଖାନିଖାଲେ ତେବାତାର୍; ନାସିଖାଲେ ମିଲ୍‌ମିଲିକା ସାରଟା ଖେଡ଼ା ଆତାମାର୍‌ଆଡ଼ ।

୪୦ ଏମେ ରିଏର୍ ଜୋହନତି ମାଟା ଖେନ୍‌ଜି ଜିସୁଦି ଖାଲେ ଖାଲେ ସରଆମାର୍‌ଆର୍, ଖାରି ଲୋଇ ଅରେନ୍ ସିମୋନ୍ ପିତରତି ତଡ଼ାନ୍ ଆହିୟ ମାର୍‌ଆନ୍ ।

୪୧ ଖାନ୍ ପାର୍‌ତୁମ୍ ଖାନି ତଡ଼ାନ୍ ସିମୋନ୍‌ତିଙ୍କ ପୋୟଜି ଖାନିଙ୍କ ଇର୍‌ଆନ୍, ମାପ୍ “ମସିହଦି*” ସୁଡ଼ୁତୁମାନାପ୍ ।

୪୨ ଖାନ୍ ଖାନିଙ୍କ ଜିସୁ ଲାକ୍‌ତୁ ତାତାନ୍ । ଜିସୁ ପିତର ତରିନ୍ ସୁଡ଼ୁ ଇର୍‌ଆନ୍, “ନିନ୍ ସିମୋନ୍ ଜୋହନତି ମାରିସି । ନିନ୍ କେପା ଦର୍‌ତାନ୍ ଖେଙ୍କା ନି ଅନୁବାଦ କିତିଙ୍କ ତେନି ଅର୍ଡ କାଲୁ ।”

ଜିସୁ ପିଲିପତିଙ୍କ ନି ନିତନିଏଲ୍‌ତିଙ୍କ କୁକ୍‌ତାନ୍

୪୩ ମାର୍‌ନାଣ୍ଟିଙ୍କ ଜିସୁ ଗାଲିଲିଦୁ ସହସ ସନ୍‌ଡେଙ୍କ ବଦା କିତାନ୍, ମାରି ଖାନ୍ ପିଲିପତିଙ୍କ ସୁଡ଼ୁତୁାନ୍‌ନୋ ଖାନିଙ୍କ ଇର୍‌ଆନ୍, “ନା ଖାଲେ ରାଆ ।”

୪୪ ପିଲିପ୍ ବେଡ଼ସାଇଦାଦି ଲୋକୁ ମାର୍‌ଆନ୍, ଆକା ଆହିୟ ନି ପିତରତି ଗାଡ଼୍ ମାର୍‌ଆଡ଼ ।

୪୫ ପିଲିପ୍ ନିତନିଏଲ୍‌ତିଙ୍କ ପୋୟଜି ଖାନିଙ୍କ ଇର୍‌ଆନ୍, ଆମାଖାନି ବିସୟତାନ୍ ମୋସା ନିୟମ୍ ବଇଦୁ ରାସ୍‌ତାମାନାନ୍, ମାରି ବାବବାଦିର୍ ବା ରାସ୍‌ତାମାନାର୍, “ମାପ୍ ଖାନିଙ୍କ ପୋୟତାମାନାପ୍; ଖାନ୍ ଜୋସେପ୍‌ତି ମାରିସି ନାଜରିତୟଦି ଜିସୁ ।”

୪୬ ନିତନିଏଲ୍ ଖାନିଙ୍କ ଖେନ୍‌ବାତାନ୍, “ନାଜରିତଦାନ୍ ନୋ ଇନି ନେଗି ବିସୟ ସନା ଖାନାଡ଼ ନୋ ?”

ପିଲିପ୍ ଖାନିଙ୍କ ଇର୍‌ଆନ୍, “ଖାଜ ସୁଡ଼ୁଆ ।”

୪୭ ଜିସୁ ନିତନିଏଲ୍‌ତିଙ୍କ ଖାନି ଲାକ୍‌ତୁ ଖାନିକା ସୁଡ଼ୁ ଖାନି ବିସୟତାନ୍ ଇର୍‌ଆନ୍, “ଇଦି ସୁଡ଼ୁ, ସତେନେ ଇକାନ୍ ଅରେନ୍ ଇସ୍ରାଏଲ୍‌ତି ଲୋକୁ, ଖେନିମାନ୍ ଇନି ତାଗ୍‌ଇକା ସିଲେଡ଼ ।”

୪୮ ନିତନିଏଲ୍ ଖାନିଙ୍କ ଖେନ୍‌ବାତାନ୍, “ନାଙ୍କା ନିନ୍ ଏଣ୍ଡେସ୍ ସିନିସକିତି ?”

ଜିସୁ ଖାନିଙ୍କ ଇର୍‌ହାନ୍, “ପିଲିପ୍ ନିଙ୍କା କୁକ୍‌ନି ଆଗ୍‌ତି ନିନ୍ ଏସିଖାଲେ ତଗା ମାରାନ୍ ଆଡ଼ଗି ମାହ୍, ନାସିଖାଲେ ନାନ୍ ନିଙ୍କା ସୁଡ଼ୁତୁମାହା ।”

୪୯ ନିତନିଏଲ୍ ଖାନିଙ୍କ ଇର୍‌ହାନ୍, “ଏ ଗୁରୁ, ନିନ୍ ମାପୁରୁଦି ମାରିସି, ନିନ୍ ଇସ୍ରାଏଲ୍‌ତି ରାଜା ।”

୫୦ ଜିସୁ ଖାନିଙ୍କ ଇର୍‌ହାନ୍, “ନାନ୍ ନିଙ୍କା ତଗା ମାରାନ୍ ଆଡ଼ଗି ସୁଡ଼ୁତୁମାର୍‌ହା ଇଜି ଇର୍‌ହାଆକା ନୋ ନିନ୍ ବିସ୍‌ବାସ୍ କିଜିନି ? ନିନ୍ ତେନେ ମାଣାନ୍ ପେରି ପେରି ବିସୟ ସୁଣି ।”

୫୧ ମାରି, ଖାନ୍ ଖାନିଙ୍କ ଇର୍‌ଆନ୍, “ସଡ଼ ସଡ଼ ନାନ୍ ମିଙ୍କା ଇଜିନା, ମିର୍ ମୁସ୍‌କୁପୁର୍ ରେଆତିକା ମାରି ମାପୁରୁଦି ଦୁଡ଼କୁ ମନୁସ୍ୟପୁତ୍ରଦି ମୁସ୍‌କୁ ଏକ୍‌ନିକା ନି ରେତାନିକା ସୁଣିଦେର୍ ।”

୨

କାନା ନାଟ ପେଡ଼ି

୧ ରିନେଟି ଖେନ୍‌କା ଗାଲିଲିଦି କାନା ଗାଡ଼ୁ ଉଣ୍ଟି ପେଡ଼ି ଆଜିମାହାଡ଼, ମାରି ଜିସୁରି ଆଇସି ଆବେ ମାର୍‌ଆଡ଼ ।

୨ ଜିସୁ ନି ଖାନି ସିସୁରିଙ୍କ ବା ଆୟା ପେଡ଼ିଦୁ କୁକ୍‌ତାମାର୍‌ଆର୍ ।

୩ ଏସିଖାଲେ ଅଙ୍ଗୁରରସ୍ ଓଜିତେଆକା ଜିସୁରି ଆଇସି ଖାନିଙ୍କ ଇର୍‌ହାଡ଼, “ଖାରି ଅଙ୍ଗୁରରସ୍ ସିଲୁ ।”

୪ ଆବେଟ୍ ଜିସୁ ତାନିଙ୍କ ଇର୍‌ହାନ୍, “ନାଙ୍କା ଇନିକା କିଦେଙ୍କ ଆନାଡ଼ ନିନ୍ ଖେର୍‌ମା, ନା ଖେଡ଼ା ଇୟାସାନ୍ ଇଗା ରେଏଦେ ।”

୫ ଜିସୁଦି ଆଇସି ସେବାକିନିଖାରିଙ୍କ ଇର୍‌ହାଡ଼, “ଖାନ୍ ମିଙ୍କା ଆମାକା ଇନାନ୍, ଆକା କିଦୁ ।”

୬ ମାରି, ଆବେ ଜିହୁଦିର୍ ନରବାନି ନିୟମ୍‌ତାନ୍ ସଗୋଟା କାଲ୍‌କାଣକୁ ତିଆର୍‌ଆତି ପେରି ପେରି ଏର୍ କୁଣ୍ଡକୁ ମାର୍‌ଏ, ଓଜୁ କୁଣ୍ଡକାଙ୍କା ପୁରା ସହେ ଲିଟର ଏର୍ ଆସ୍‌ତେଙ୍କ ଆର୍‌ନାଡ଼ ।

୭ ଜିସୁ ସାକର୍‌କାଙ୍କା ଇର୍‌ଆନ୍, କୁଣ୍ଡକାଙ୍କା ଏର୍ ପୁରା କିଦୁ । ଆବେଟ୍ ଖାରି ଆୟାଓଜୁ ମୁସ୍‌କୁ ସାନ୍ ପୁରା କିତାର୍ ।

୮ ମାରି, ଖାନ୍ ଖାରିଙ୍କ ଇର୍‌ଆନ୍, ଇଲେଇ ଆୟଜି ଅସି ବୋଜିଦି ନେତା ଲାକ୍‌ତୁ ଅଡ଼ । ଆବେଟ୍ ଖାରି ଅତାର୍ ।

* e:୪୧ ମସିହଦି ଆମାତାନି ଅର୍ଡ କ୍ରସ୍‌ଙ୍କ

୯ ବୋଜିଦି ନେତା ଅଙ୍ଗୁରରସ୍ ଆତିମାରଇ ଆୟା ଏରତିଙ୍ଗ୍ ଖେଡ଼ଜି ଆକା ଆମାଣକୁ ଖାତାଡ଼, ଇକା ନେସ୍ଏପ୍ ମାରଆନ୍ ମାତର ଏମେ ସେବାକିନିକାର୍ ଏର୍ ଆନ୍ତା ମାରଆର୍, ଖାର ନେସ୍ତାମାରଆର୍, ଆଦେଙ୍ଗ୍ ଖାନ ପେଡ଼ିମୁରୁଲିଙ୍ଗ୍ କୁକ୍ସି ଇରଆନ୍,

୧୦ “ଝିଜେରେ ପାରତୁମ୍ ନେଗି ଅଙ୍ଗୁରରସ୍ ସିନାର୍, ମାରି ଲୋକୁ ସସ୍ତି ଖେନ୍କା ତାଗ୍‌ଇକେଙ୍ଗ୍ ସିନାର୍; ନିନ୍ ଇୟାସାନ୍ ନେଗି ଅଙ୍ଗୁରରସ୍ ଇଟ୍‌ତିମାନି ।”

୧୧ ଜିସୁ ଇୟାଖାଜା ଗାଲିଲିଦି କାନା ଗାଡ଼ତୁ ଖାନି ପାରତୁମ୍ କାବାଆନି ପାଣି ଆରାମ୍ କିଜି ନିଜେଦି ମହିମା ତରତାନ୍, ମାରି ଖାନି ସିସୁର୍ ଖାନିବାନ୍ ବିସ୍‌ବାସ୍ କିତାର୍ ।

୧୨ ଇୟା ଖେନ୍କା ଜିସୁ ଖାନି ଆଇସି, ତଡ଼ାନ୍‌କୁ ମାରି ସିସୁରିଖାଲେ କପର୍‌ନାହୁମତୁ ସରଆର୍; ମାରି, ଖାର ଆବେ ନାଣ୍ ଦିନ୍ ତେବାଏତାର୍ ।

ଜିସୁ ଜିରୁସାଲମ୍ ମନ୍ଦିରତୁ ସରଆନ୍

(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ନାସ୍ତିଖାଲେ ଜିହୁଦିର୍ ନିସ୍ତାର୍ ପଣ୍ଡା ଲାକ୍‌ତୁ ଇଗାଖାତା ମାରଆଡ଼, ମାରି ଜିସୁ ଜିରୁସାଲମତୁ ସରଆନ୍ ।

୧୪ ମାରି, ଜିସୁ ମନ୍ଦିରତୁ ଡାକ୍, ମେଣ୍ଡେଙ୍ଗ୍ ମାରି ପାର୍‌ଖେଙ୍ଗ୍ ପୋର୍‌ନିଖାରିଙ୍ଗ୍ ମାରି ଡାକୁଙ୍ଗ୍ ପର୍‌ନିଖାରିଙ୍ଗ୍ ବାସ୍ତିମାରିକା ସୁଡ଼ତୁାନ୍ ।

୧୫ ଆବେଟ୍ ଖାନ୍ ନାସ୍‌ତାନ୍ ଉଣ୍ଡି କରଡ଼ା ତିଆର୍ କିଜି ମେଣ୍ଡେଙ୍ଗ୍ ନି ଡାକାଖାଲେ ଝିଜେରିଙ୍ଗ୍ ମନ୍ଦିରତାନ୍ ସପ୍‌ତା ସିତାନ୍ । ମାରି, ଡାକୁଙ୍ଗ୍ ପର୍‌ନିଖାରି ଡାକୁଙ୍ଗ୍ ଆଡ଼ଗି ଝିଡ଼ସିପକ୍‌ସି ଖାରି ଟେବୁଲ୍‌କ୍‌କ୍ ମାରତାପକ୍‌ତାନ୍ ।

୧୬ ମାରି, ଖାନ୍ ପାର୍‌ଖେଙ୍ଗ୍ ପର୍‌ନିଖାରିଙ୍ଗ୍ ଇରଆନ୍, ଇକେଙ୍ଗ୍ ଝିଜୁ ଇବେଟ୍‌କୁ ଅଡ଼, ନା ବୁବାଦି ଇଲ୍‌ତିଙ୍ଗ୍ କାଣି ପର୍‌ନି ଇଲୁ କିମାଟ୍ ।

୧୭ ଇକା ସୁଡ଼ଜି ଖାନି ସିସୁର୍ ସାସ୍ତୁ ରାସାତାମାନାଡ଼ ଇଜି ଏଡ଼କିତାର୍, ମାପୁରୁ “ନି ଇଲୁଦିଙ୍ଗ୍ ନା ଦ୍ୟାନ୍, ନା ଲୋଇ ସିସୁ କାସ୍‌ନି ଖାଜା ଆଜିନାଡ଼ ।”

୧୮ ଆବେଟ୍ ଜିହୁଦିର୍ ପେରିକାର୍ ଡେସିଖାଜି ଜିସୁଦି ଲାକ୍‌ତୁ ଡେସିଖାଜି ଇୟା ପ୍ରସ୍ତ ଖେନ୍‌ବାତାର୍, “ନିନ୍ ଜେ ଇୟାଝିଜୁ ପାଣି କିଦେଙ୍ଗ୍ ଇଜି ଅଦିକାର୍ ପୋୟ୍‌ତିମାନି ଇଜି ମାପ୍ ଏଣ୍ଡେସ୍ ନେସ୍‌ନାପ୍ ? ମାଙ୍ଗ୍ ଏମେ ସିନା ଦାନ୍ ତରସିନ୍ ?”

୧୯ *ଜିସୁ ଖାରିଙ୍ଗ୍ ଇର୍ହାନ୍, “ମିର୍ ଇୟା ମନ୍ଦିରତିଙ୍ଗ୍ ରୁକ୍‌ତୁ, ମାରି ମୁନେନ୍ ଲୋଇ ନାନ୍ ଆକା ପେର୍‌ନା ।”

୨୦ ଆବେଟ୍ ଜିହୁଦିର୍ ଇର୍ହାର୍, “ଇୟା ମନ୍ଦିର ତିଆର୍ କିଦେଙ୍ଗ୍ ଇଜି ସାଲିସ୍ ସୋ ବାର୍‌ସେକ୍ ଆସ୍‌ତା ମାରଆଡ଼; ମାରି ନିନ୍ ଇନିକା ତାନିଙ୍ଗ୍ ମୁନେଟାନ୍ ପେର୍‌ନି ?”

୨୧ ମାତର ଜିସୁ ନିଜେଦି ମେନ୍‌ଲୁପ୍‌ତି ମନ୍ଦିର୍ ସୁଡ଼ଜି ମନ୍ଦିର ବିସ୍‌ୟତାନ୍ ଇଜିମାରଆନ୍ ।

୨୨ ଆବେଟ୍ ଖାନ୍ ସାତିମାଣକୁ ନିଙ୍ଗ୍ ଝିଜେନ୍‌କା ଖାନି ସିସୁର୍ ଖାନ୍ ଇକା ଇର୍ହାମାର୍ହାନ୍ ଇଜି ଏଡ଼କିତାର୍; ମାରି, ଖାର ଦାମ୍‌ସାସ୍ତ୍ର ନି ଜିସୁ ଇରଇମାରଇ ମାଟା ବିସ୍‌ବାସ୍ କିତାର୍ ।

ଜିସୁ ଲୋକା ବୁଦି ନେସ୍‌ନାନ୍

୨୩ ନିସ୍ତାର୍ ପଣ୍ଡା ଆନିଖାଲେ ଜିସୁ ଜିରୁସାଲମତୁ ମାନିଖାଲେ ନାଣ୍ ଲୋକୁ ଖାନ୍ କିତି କାବାଆନି ପାଣିଙ୍ଗ୍‌ଝିଜୁ ସୁଡ଼ଜି ଖାନି ଦରତାନ୍ ବିସ୍‌ବାସ୍ କିତାର୍ ।

୨୪ ମାତର ଜିସୁ ଖାରି ମୁସ୍‌କୁ ବିସ୍‌ବାସ୍ କିଏଣ୍‌ଗା ଖାରି ମାଣ୍‌କୁ ନିଜେଦିଙ୍ଗ୍ ଖେରେହେ ଇଟ୍‌ତାନ୍, ଇରିଙ୍ଗ୍ ଖାନ୍ ଝିଜେରିଙ୍ଗ୍ ନେସ୍‌ସି ମାରଆନ୍ ।

୨୫ ମାରି, ଏନ୍ ଜେ ଲୋକା ବିସ୍‌ୟତାନ୍ ସାକି ସିନାନ୍, ଇକା ଖାନି ଦରକାର୍ ସିଲେତାଡ଼, ଇରିଙ୍ଗ୍ ଲୋକା ଜିବନ୍‌ତୁ ଇନିକା ମାନାଡ଼, ଆକା ଖାନ୍ ନିଜେ ନେସ୍‌ସି ମାରଆନ୍ ।

୩

ଜିସୁ ନି ନିକଦିମ

୧ ପାରୁସିର୍ ଲୋଇ ନିକଦିମ ଦରତି ଅରେନ୍ ଲୋକୁ ମାରଆନ୍, ଖାନ୍ ଜିହୁଦିରି ଅରେନ୍ ନେତା ମାର୍ହାନ୍ ।

୨ ଖାନ୍ ନାଡ଼ା ସମୟତୁ ଜିସୁଦି ଲାକ୍‌ତୁ ଖାଜି ଖାନିଙ୍ଗ୍ ଇରଆନ୍, ଏ ଗୁରୁ, ନିନ୍ ଜେ ମାପୁରୁ ମାଣ୍‌କୁ ଖାତିମାନି, ଇକା ମାପ୍ ନେସ୍‌ନାପ୍, ଇରିଙ୍ଗ୍ ନିନ୍ ଇୟା ଏମେ ଝିଜୁ କାବାଆନି ପାଣି କିଜିନି, ମାପୁରୁ ନିଖାଲେ ସିଲେତିଙ୍ଗ୍ ଆୟାଝିଜୁ ଏନ୍ କିଦେଙ୍ଗ୍ ଆଟ୍‌ଏନ୍ ।

୩ ଜିସୁ ଖାନିଙ୍ଗ୍ ଇର୍ହାନ୍, “ସଡ଼ ସଡ଼ ନାନ୍ ନିଙ୍ଗ୍ ଇଜିନା, ମାରିଡ଼େସି ଜନମ୍* ଆଏତିଙ୍ଗ୍ ଏନ୍ ମାପୁରୁଦି ରାଜି ସୁଡ଼ଚୁଦିଙ୍ଗ୍ ଆଟ୍‌ଏନ୍ ।”

* ୨:୧୯ ମାତିଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯. ୩:୩ ମାରିଡ଼େସି ଜନମ୍ ମାପୁରୁ ମାଣାନ୍ ପୁନି ଜିବନ୍ ପଇନିକା

୪ ନିକଦିମ ଜିସୁକୁଁ ଖେନ୍‌ବାତାନ, “ତକ୍ରା ଆତିକ୍ ଲୋକୁ ଏଣ୍‌ସ୍ କିଜି ଜନମ୍ ଆଦେକ୍ ଆର୍‌ନାନ୍ ? ଖାନ୍ ଇନିକା ରିଜା ନିଜେଦି ଆଇସି ପଟାଦୁ ଡଗ୍‌ଜି ଜନମ୍ ଆନାନ୍ ?”

୫ ଜିସୁ ଇରଆନ୍, ସଡ଼ ସଡ଼ ନାନ୍ ନିକ୍ ଇଜିନା, “ଏର୍ ନି ଆମ୍‌ଦାନ୍ ଜନମ୍ ଆଏତିକ୍ ଏନ୍ ମାପୁରୁଦି ରାଜିଦୁ ଡଗ୍‌ଦେକ୍ ଆର୍‌ଏନ୍ ।

୬ ମେନ୍‌ଲୁତାନ୍ ଆମାକା ଜନମ୍, ଆକା ମେନ୍‌ଲୁତିକା; ମାରି, ଆମ୍‌ଦାନ୍ ଆମାକା ଜନମ୍, ଆକା ଆମ୍‌ଦିକା ।

୭ ନିକ୍ ଜେ ମାରିଡେସି ଜନମ୍ ଆଦେକ୍ ଆନାଡ଼ ଇଜି ନାନ୍ ଜେ ନିକ୍ ଇର୍‌ଆ, ଆବେନ୍ କାବା ଆମା ।

୮ ଗାଲି ଆମା ତରିନ୍ ବଦାକିନାଡ଼, ଆୟା ତରିନ୍ ସନାଡ଼, ମାରି ମିର୍ ତାନି ବଲ୍ ଖେନିଦେର୍, ମାତର୍ ଆକା ଆମାଟ୍‌କୁ ଖାନାଡ଼ ମାରି ଏମେ ସନାଟ୍, ଆକା ନେସ୍‌ଇଦେର୍; ଆମ୍‌ଦାନ୍ ଜନମ୍ ଆତି ଖିଜେରି ଲୋକୁ ଆୟାଖାଜା ।”

୯ ନିକଦିମ ଜିସୁକୁଁ ଇର୍‌ହାନ୍, “ଇୟାଖିଜୁ ଏଣ୍‌ସ୍ ଆଦେକ୍ ଆର୍‌ନାଡ଼ ?”

୧୦ ଜିସୁ ଖାନିକ୍ ଇର୍‌ହାନ୍, “ନିନ୍ ଇସ୍‌ଏଲ୍‌ତି ଅରେନ୍ ଗୁରୁ ଆଜି ବା ଇନିକା ଇୟାଖିଜୁ ବୁଜାଈଜିନି ?

୧୧ ନାନ୍ ନିକ୍ ସଡ଼ ସଡ଼ ଇଜିନା, ମାପ୍ ଆମାକା ନେସ୍‌ନାପ୍, ଆକା ଇନାପ୍, ମାରି ଆମାକା ସୁଡ଼ତୁମାନାପ୍, ଆୟା ବିସ୍‌ୟତାନ୍ ସାକି ସିନାପ୍, ମାରି ମିର୍ ମା ସାକି ମାନାଈଜିନିଦେର୍ ।

୧୨ ନାନ୍ ମିକ୍ ଦୁନିଆଦି ବିସ୍‌ୟ ଖେରତିକ୍ ଜଦି ମିର୍ ବିସ୍‌ବାସ୍ କିଇଦେର୍, ଆରିକ୍ ମିକ୍ ମୁସ୍‌କୁପୁରତି ବିସ୍‌ୟ ଖେରତିକ୍ ଏଣ୍‌ସ୍ ବିସ୍‌ବାସ୍ କିନିଦେର୍ ?

୧୩ ଏମେ ମନୁସ୍‌ପୁତ୍ର ମୁସ୍‌କୁପୁରତାନ୍ ରେତାତାନ୍, ଖାନିକ୍ ଡିସ୍‌ତିକ୍ ମାରି ଏନ୍‌ବା ମୁସ୍‌କୁପୁରତୁ ସଲ୍‌ଏର୍ ।”

୧୪ ମାରି, ମୋସା ଏଣ୍‌ସ୍ ସୁନ୍‌ସାନ୍‌ବାଡ଼ିଦୁ ସାରାସ୍‌ତିକ୍ ମୁଣ୍ଡାଦୁ ମୁସ୍‌କୁ ପେର୍‌ତାମାହାର୍, ମନୁସ୍‌ପୁତ୍ର ବା ଆୟାଖାଜା ମୁସ୍‌କୁ ପେରାନାନ୍,

୧୫ ଏଣ୍‌ସ୍ ଏନ୍‌ଆପିନ୍ ଖାନିମାନ୍ ବିସ୍‌ବାସ୍ କିନାନ୍, ଖାନ୍ ଏସ୍‌କାକ୍‌ଖିଜ୍‌ଇ ଜିବନ୍ ପଇନାନ୍ ।

୧୬ ଇରିକ୍ ମାପୁରୁ ଇୟା ଜଗଡ଼ତିକ୍ ନିସା ଜିବନ୍ ନତାନ୍ ଜେ, ଖାନ୍ ନିଜେଦି ଅରେନ୍ ମାରିନତିକ୍ ସିତାନ୍, ଏଣ୍‌ସ୍ ଏନ୍‌ଆପିନ୍ ଖାନିମାନ୍ ବିସ୍‌ବାସ୍ କିନାନ୍, ଖାନ୍ ନାସ୍‌ଆଏଣ୍ଡା ଏସ୍‌କାକ୍‌ଖିଜ୍‌ଇ ଜିବନ୍ ପଇନାନ୍ ।

୧୭ ମାପୁରୁ ଖାନି ମାରିନତିକ୍ ଦୁନିଆଦୁ ବିସାର୍ କିନି ଉଣ୍ଡିକ୍ ପକ୍‌ଏନ୍, ମାତର୍ ଦୁନିଆ ଏଣ୍‌ସ୍ ଖାନି ମାଣାନ୍ ରକିୟା ଆନାଡ଼, ଇୟାଉଣ୍ଡିକ୍ ପୋକ୍‌ତାମାନାନ୍ ।

୧୮ ଏନ୍ ମାରିନମାନ୍ ବିସ୍‌ବାସ୍ କିନାନ୍, ଖାନ୍ ବିସାର୍ କିଆୟାଏନ୍; ଏନ୍ ବିସ୍‌ବାସ୍ କିଏନ୍, ଖାନ୍ ବିସାର୍ ଆତା ଖିଜିତାନ୍‌ନି, ଇରିକ୍ ଖାନ୍ ମାପୁରୁଦି ଅରେନ୍ ମାରିନତି ଦର୍‌ତାନ୍ ବିସ୍‌ବାସ୍ କିଏନ୍ ।

୧୯ ମାରି, ଆୟା ବିସାର୍ ଇୟା, ଜଗଡ଼ତଦୁ ଜାୟ୍ ତରିତା ମାନାଡ଼, ମାରି ଲୋକୁ ଜାୟ୍‌ତି ବାଦୁଲୁ ସିକାଟିଦିକ୍ ବଦା କିତାର୍, ଇରିକ୍ ଖାରି ପାଣିଖିଜୁ ତାରିଈକା ।

୨୦ ଇରିକ୍ ଏନ୍ ତାରିଈପାଣି କିନାନ୍, ଖାନ୍ ଜାୟ୍‌ତିକ୍ କାଡ଼୍‌ନାନ୍, ମାରି ଆତିକ୍ ଖାନି ପାଣିଦି ଦୋସ୍ ତରାନାଡ଼, ଇୟାଉଣ୍ଡିକ୍ ଖାନ୍ ଜାୟ୍ ଲାକ୍‌ତୁ ରେଏନ୍ ।

୨୧ ମାତର୍ ଏନ୍ ନେଗିପାଣି କିନାନ୍, ଏଣ୍‌ସ୍ ଖାନ୍ କିତିମାନି ପାଣିଖିଜୁ ମାପୁରୁଦି ବଦାଦାନ୍ କିତାନ୍ ଇଜି ତରାନାଡ଼, ଆୟାଉଣ୍ଡିକ୍ ଖାନ୍ ଜାୟ୍ ଲାକ୍‌ତୁ ଖାନାନ୍ ।

ଜିସୁ ମାରି ତୁବନ୍‌ସିନି ଜୋହନ୍

୨୨ ତାନେଖେନ୍‌କା ଜିସୁ ମାରି ଖାନି ସିସୁର୍ ଜିହୁଦା ଦେସ୍‌ତୁ ସର୍‌ହାର୍, ମାରି ଖାନ୍ ଆୟାବାଡ଼ିଦୁ ଖାରି ଖାଲେ ମାନ୍‌ଜି ତୁବନ୍ ସିଦେକ୍ ଆସ୍‌ତାନ୍ ।

୨୩ ଜୋହନ୍ ବା ସାଲମ ଲାକ୍‌ତୁରି ଏନୋନଦୁ ତୁବନ୍ ସିଜିମାହାନ୍, ଇରିକ୍ ଆୟା ବାଡ଼ିଦୁ ନାଣ୍ଡ ଏରୁ ମାରେଏ, ମାରି ଲୋକୁ ଖାଜି ତୁବନ୍ ଅସିମାହାର୍ ।

୨୪ *ଜୋହନ୍ ଆୟା ସାନ୍‌ଜି ଜଇଲ୍‌ତୁ ତେବାଏତା ମାହାନ୍ ।

୨୫ ଆୟାମାନ୍ ନେଗେନ୍‌ଆନିପାଣିଦି ବିସ୍‌ୟତାନ୍ ଜୋହନ୍‌ତି ଏସ୍ ସିସୁରି ତରିଟାନ୍ ଅରେନ୍ ଜିହୁଦି ଖାଲେ ଆସ୍‌ସିସାତାର୍ ।

୨୬ ମାରି, ଖାରି ଜୋହନ୍‌ତି ଲାକ୍‌ତୁ ସଲ୍‌ସି ଖାନିକ୍ ଇର୍‌ହାର୍, ଏ ଗୁରୁ, ଏନ୍ ଜର୍‌ଦନ ଗାଡାଦି ଆୟା ପାଡ଼୍‌କା ନି ଖାଲେ ମାହାନ୍, ଆମାଖାନି ବିସ୍‌ୟତାନ୍ ନିନ୍ ସାକ୍ୟ ସିତିମାନି, ସୁଡ଼ଆ, ଖାନ୍ ତୁବନ୍ ସିଜିନାନ୍ ମାରି ଖିଜେରେ ଖାନି ଲାକ୍‌ତୁ ସଲ୍‌ସିନାର୍ ।

୨୭ ଜୋହନ୍ ଇର୍‌ହାନ୍, ମାପୁରୁ ସିଏତିକ୍ ଲୋକୁ ଇନିକା ପଇଦେକ୍ ଆର୍‌ଏନ୍ ।

୨୮ *ନାନ୍ ଜେ କ୍ରିସ୍‌ଥ ଆଏ, ମାତର୍ ଖାନି ଆଗ୍‌ତି ଖାତା ମାନା, ଇକା ନାନ୍ ଇର୍‌ଆମାହା ଇଜି ମିର୍ ନିଜେନିଜେ ନା ସାକି ।

☆ ୩:୨୪ ମାଡିଉ ୧୪:୩; ମାର୍କ ୬:୧୭; ଲୁକ ୩:୧୯,୨୦. ☆ ୩:୨୮ ଜୋହନ ୧:୨୦.

୨୯ ଏନ୍ ଆଇଲି ତାନାନ୍, ଖାନ୍ କାନ୍ୟାମୁରୁଲି, ମାତର୍ କାନ୍ୟାମୁରୁଲିଦି ଏମେ ସଙ୍ଗ୍ ଲାକ୍ତୁ ନିନାନ୍ନୋ ଖାନି ମାଟା ଖେନାନ୍, ଖାନ୍ କାନ୍ୟାମୁରୁଲିଦି ବଲ୍ଲୁ ଉଣ୍ଡିଙ୍ଗ୍ ନାଣ୍ଡ ଖେଡ଼ିକାଆନାନ୍ । ମାରି, ଇୟାଖାଜା ନା ଇୟା ଖେଡ଼ିକା ପୁରା ଆତାମାନାଡ଼ ।

୩୦ ଖାନିଙ୍ଗ୍ ଏଣ୍ଡେସ୍‌ବା ପିର୍‌ଦେଙ୍ଗ୍ ପଡ଼ାନାଡ଼, ମାତର୍ ନାଙ୍ଗ୍ ଉଣା ଆଦେଙ୍ଗ୍ ମାନାଡ଼ ।

ମୁସ୍‌କୁପୁରତାନ୍ ଖାଜିମାନି ଅରେନ୍ ଲୋକୁ

୩୧ ଏନ୍ ମୁସ୍‌କୁରାନ୍ ଖାନାନ୍, ଖାନ୍ ଓଜେରିମାଣ୍‌କୁ ପେରିକାନ୍, ଏନ୍ ଦୁନିଆଦାନ୍ ଖାନାନ୍, ଖାନ୍ ଦୁନିଆଦିକାନ୍, ମାରି ଖାନ୍ ଦୁନିଆଦି ମାଟା ଇନାନ୍; ଏନ୍ ମୁସ୍‌କୁପୁରତାନ୍ ଖାନାନ୍, ଖାନ୍ ଓଜେରିମାଣ୍‌କୁ ପେରିକାନ୍ ।

୩୨ ଖାନ୍ ଆମାକା ସୁଡ଼ତୁମାନାନ୍ ମାରି ଖେରାମାନାନ୍, ଆୟା ବିସୟତାନ୍ ଖାନ୍ ସାକିୟ ସିନାନ୍, ମାତର୍ ଖାନି ସାକିୟ ଏନ୍ ମାନାଏନ୍ ।

୩୩ ଏନ୍ ଖାନି ସାକିୟ ମାନାତା ମାନାନ୍, ମାପୁରୁ ଜେ ସଡ଼, ଇକା ଖାନ୍ ପାରାମାଣ୍ କିତାମାନାନ୍ ।

୩୪ ଇରିଙ୍ଗ୍ ମାପୁରୁ ଆମାଖାନିଙ୍ଗ୍ ପୋକ୍‌ତାତା ମାନାନ୍, ଖାନ୍ ମାପୁରୁଦି ବାକ୍ୟ ଇନାନ୍, ଇରିଙ୍ଗ୍ ମାପୁରୁ ଖାନିଙ୍ଗ୍ ପୁରାଦାନ୍ ଖାନି ଆମା ସିନାନ୍ ।

୩୫ ଧୁବା ମାରିନ୍‌ଡିଙ୍ଗ୍ ଜିବନ୍‌ନୋନାନ୍, ମାରି ଓଜୁ ବିସୟ ଖାନି କିମ୍ପୁଦୁ ସର୍ପେ କିତାମାନାଡ଼ ।

୩୬ ଏନ୍ ମାରିନ୍‌ଡିଙ୍ଗ୍ ବିସ୍‌ବାସ୍ କିନାନ୍, ଖାନ୍ ଏସ୍‌କାଙ୍ଗ୍‌ଓଜ୍‌ଇ ଜିବନ୍ ପଇନାନ୍, ମାତର୍ ଏନ୍ ମାରିନ୍‌ଡିଙ୍ଗ୍ ଅମାନ୍ୟ କିନାନ୍, ଖାନ୍ ଜିବନ୍ ସୁଡ଼ଏନ୍, ମାରି ଆୟା ଲୋକୁ ମୁସ୍‌କୁ ମାପୁରୁଦି ରିସା ତେବାତାନ୍ ।

୪

ଜିସୁ ମାରି ସମିରୋଣିୟା ଆଇମା

୧ ଜିସୁ ଜେ ଜୋହନତି ବାଦ୍‌ଲୁ ନାଣ୍ଡ ସିସୁର୍ କିଜିନାନ୍ ମାରି ଖାରିଙ୍ଗ୍ ତୁବନ୍ ସିଜିନାନ୍ ଇଜି ପାରୁସିର୍ ଖେର୍‌ଆର୍ ।

୨ ଜଦିବା ଜିସୁ ନିଜେନେ ତୁବନ୍ ସିଏଜିମାର୍‌ହାନ୍, ଖାନି ସିସୁର୍ ସିଜିମାର୍‌ହାର୍ ।

୩ ଇକା ପାରୁସିର୍ ଖେର୍‌ସିନାର୍ ଇଜି ଏସ୍ତ୍ରିଖାଲେ ଜିସୁ ଖେର୍‌ଆନ୍, ନାସ୍ତ୍ରିଖାଲେ ଖାନ୍ ଜିହୁଦା ଦେସ୍ ଡିସ୍‌ସିତାନ୍‌ନୋ ମାରିଡେସି ଗାଲିଲିଦୁ ସର୍‌ହାନ୍ ।

୪ ସମିରୋଣ ନାଡ଼ମି ସାରି ସିଜି ଖାନିଙ୍ଗ୍ ସନ୍‌ଡେଙ୍ଗ୍ ପଡ଼ାତାଡ଼ ।

୫ ଆଦେଙ୍ଗ୍ ଖାନ୍ ସଲସି ଜାକୁବ ନିଜେଦି ମାରିନ୍‌ ଜୋସେପ୍‌ଡିଙ୍ଗ୍ ଆମା ବୁମିକାଣ୍ଡେକ୍ ଦାନ୍ ସିତାମାର୍‌ହାନ୍, ଆବେଣି ଲାକ୍‌ତୁରି ସମିରୋଣଦି ସୁକାର ଦର୍‌ତି ଉଣ୍ଡି ନାନ୍‌ଡୁ ଇତାନ୍;

୬ ଆୟା ବାଡ଼ିଦୁ ଜାକୁବଦି କୁଇକାଲ୍ ମାର୍‌ହାଡ଼ । ମାରି, ଜିସୁ ବୁଲାଜି ବୁଲାଜି ଖାଦିତାନୋ ଆୟା କୁଇକାଲ୍ ଲାକ୍‌ତୁ ବାସ୍‌ତାନ୍ । ନାସ୍ତ୍ରିଖାଲେ ମାଦ୍‌ଲାମ୍‌ଖେଡ଼ା ଆତାମାର୍‌ହାଡ଼ ।

୭ ଅରେଡ଼ ସମିରୋଣିୟା ଆଇମା ଏରୁ ଅତେଙ୍ଗ୍ ଖାତାଡ଼, ଜିସୁ ତାନିଙ୍ଗ୍ ଇର୍‌ହାନ୍, ନାଙ୍ଗ୍ ଏରୁ ଉଣ୍ଡେଙ୍ଗ୍ ସିଦା ।

୮ ନାସ୍ତ୍ରିଖାଲେ ଖାନି ସିସୁର୍ ଉଣ୍ଡେଙ୍ଗ୍ କାଦି କଣ୍ଡେଙ୍ଗ୍ ଗାଡ଼ତୁ ସର୍‌ହାମାର୍‌ହାର୍ ।

୯ ଆବେଟ୍ ସମିରୋଣିୟା ଆଇମା ଜିସୁଙ୍ଗ୍ ଇର୍‌ହାଡ଼, ନିନ୍ ଅରେନ୍ ଜିହୁଦି ମାରି ନାନ୍ ସମିରୋଣିୟା ଏଣ୍ଡେସ୍ ନା କିମ୍ପୁଦାନ୍ ଏର୍ ଉଣ୍ଡେଙ୍ଗ୍ ଲସ୍‌ସିନି ? ଇରିଙ୍ଗ୍ ସମିରୋଣିୟାରି ଖାଲେ ଜିହୁଦିର୍ ମିସାଜିସାଏର୍ ।

୧୦ ଜିସୁ ତାନିଙ୍ଗ୍ ଇର୍‌ହାନ୍, ମାପୁରୁ ଇନିକା ସିଦେଙ୍ଗ୍ ଆଟ୍‌ନାନ୍, ନିନ୍ ଜଦି ନେସ୍‌ଡିମାନ୍‌ଦି ମାରି ଏନ୍ ନି କିମ୍ପୁଦାନ୍ ଏର୍ ଉଣ୍ଡେଙ୍ଗ୍ ବଦାକିଜିନାନ୍ ଆରିଙ୍ଗ୍ ଜଦି ନିନ୍ ଖାନିଙ୍ଗ୍ ଲସ୍‌ଡିମାନ୍‌ଦି, ମାରି ଖାନ୍ ନିଙ୍ଗ୍ ଜିବନ୍‌ଡି ଏରୁ ସିତାନ୍‌ମାନ୍‌ଦି ।

୧୧ ଆୟା ଆଇମା ଖାନିଙ୍ଗ୍ ଇର୍‌ହାଡ଼, ଆଜ୍ଞା, ଏରୁ ଆନ୍‌ନି ଉଣ୍ଡିଙ୍ଗ୍ ନି ଲାକ୍‌ତୁ ଇନି ଗିନା ବା ସିଲେଡ଼, ମାରି କୁଇକାଲ୍ ତୋ ନାଣ୍ଡ ଆଡ଼ଗି; ଆଦେଙ୍ଗ୍ ନିନ୍ ଏମେମାଣ୍‌କୁ ଆୟା ଜିବନ୍‌ଡି ଏରୁ ପଇଡିମାନି ?

୧୨ ମା ଏମେ ପୁର୍‌ବେଦି ଡକ୍‌ଦାଦା ଜାକୁବ୍ ମାଙ୍ଗ୍ ଇୟା କୁଇକାଲ୍ ସିତାମାର୍‌ହାନ୍, ମାରି ନିଜେ, ମାରି ଖାନି କଡ଼ର୍ ମାରି ଜାଡୁଙ୍ଗ୍‌ମାୟା ଇବେଣିକୁ ଉଟେ ମାର୍‌ଏ, ଖାନିମାଣ୍‌କୁ ଇନିକା ନିନ୍ ପେରିକିୟା ?

୧୩ ଜିସୁ ତାନେଙ୍ଗ୍ ଇର୍‌ହାନ୍, ଏନ୍‌ଆପିନ୍ ଇୟା ଏରୁ ଉଣାନ୍, ଖାନ୍ ମାରିଡେସି ଏର୍‌କିଆନାନ୍;

୧୪ ମାତର୍ ନାନ୍ ଏମେ ଏରୁ ସିନା, ଆକା ଏନ୍‌ଆପିନ୍ ଉଣାନ୍, ଖାନ୍ ଏସ୍‌କାଙ୍ଗ୍‌ବା ଏର୍‌କିସାଏନ୍, ମାରି ନାନ୍ ସିଜିମାନି ଏର୍ ଖାନି ଜିବନ୍‌ଡୁ ଉଣ୍ଡି ଜିବନ୍ ସିନି ଖାଙ୍ଗ୍ ନିଁ ଖାଜା ଆନାଡ଼ । ଆବେଟ୍‌କୁ ଉଟିଙ୍ଗ୍ ଖାନ୍ ଏସ୍‌କାଙ୍ଗ୍‌ଓଜ୍‌ଇ ଜିବନ୍ ପୋଇନାନ୍ ।

୧୫ ଆଇମା ଖାନିଙ୍ଗ୍ ଇର୍‌ହାଡ଼, ଆଜ୍ଞା, ଆୟାଉଣ୍ଡିଙ୍ଗ୍ ନାଙ୍ଗ୍ ଆୟା ଏର୍ ସିଦା, ନାଙ୍ଗ୍ ଏଣ୍ଡେସ୍ ଏର୍‌କି କାଟ୍‌ଏଡ଼, ମାରି ଏରୁ ଆନ୍‌ନି ଉଣ୍ଡିଙ୍ଗ୍ ନିସା ଆକ ସାରି ଇବେନ୍‌କୁ ଖାଦେଙ୍ଗ୍ ପଡ଼ାଏଡ଼ ।

୧୬ ଜିସୁ ତାନେଙ୍ଗ୍ ଇର୍‌ହାନ୍, “ସାଙ୍ଗ୍‌ଆ, ନି କୋନ୍‌ଲିଙ୍ଗ୍ କୁକ୍‌ସ ଇବେନ୍‌କୁ ତାଗା ।”

☆ ୩:୩୫ ମାଡିଉ ୧୧:୨୭; ଲୁକ ୧୦:୨୨.

୧୭ ଆଇମା ଖାନିଙ୍କ ଇର୍ହାତ୍, ନା କୋନ୍‌ଲି ସିଲେନ୍ । ଜିସୁ ତାନେଙ୍କ ଇର୍ହାନ୍, ନା କୋନ୍‌ଲି ସିଲେନ୍ ଇଜି, ସତ୍ ଝେର୍ଡି;
୧୮ ଇରିଙ୍କ ନି କୋନ୍‌ଲିର ପାସ୍‌ଲୋକ୍ ମାର୍ହାର୍, ମାରି ଇଲେଇ ନିନ୍ ଆମାଖାନିଖାଲେ ମାନି, ମାରି ନି ଲାକ୍‌ତୁ ଏନ୍ ମାନାନ୍, ଇକା ସତ୍ ଝେର୍ଡିମାନି ।

୧୯ ଆଇମା ଖାନିଙ୍କ ଇର୍ହାତ୍, ଆଜ୍ଜା, ନିନ୍ ଜେ ଅରେନ୍ ବାବବାଦି, ଇକା ନାନୁ ସୁଡ଼ୁଦେଙ୍କ ଆର୍ସିନା ।

୨୦ ମା ପୁର୍ବେଦିତକ୍ରାଦାଦାର ଇୟା ଗରନ୍‌ତୁ ଉପାସନା କିତାର୍, ମାରି, ମିର୍ ଜିହୁଦିର୍ ଇଜିନିଦେର୍, ଏମେ ବାଡିତୁ ଉପାସନା କିନି ନିୟମ୍, ଆକା ଜିରୁସାଲୀମ୍ ମନ୍ଦିର ।

୨୧ ଜିସୁ ତାନିଙ୍କ ଇରଆନ୍, ଏ ଆଇମା, ନା ମାଟା ବିସ୍‌ବାସ୍ କିଆ, ଇୟାଖାଜା ସମୟ ଖାଜିନାତ୍, ଏମେ ସମୟତୁ ମିର୍ ଇୟା ଗରନ୍‌ତୁ ମାରି ଜିରୁସାଲୀମ୍‌ତୁ ବୁବାଦି ଉପାସନା କିଇଦେର୍ ।

୨୨ ମିର୍ ସମିରୋଣିୟର୍ ଆମାଖାନିଙ୍କ ସତ୍‌ତାନ୍ ନେସଇଦେର୍, ଆକା ଉପାସନା କିଜିମାନିଦେର୍; ମାତର୍ ମାପ୍ ଜିହୁଦିର୍ ଆମାଖାନିଙ୍କ ନେସନାପ୍, ଖାନି ଉପାସନା କିଜିମାନାପ୍, ଇରିଙ୍କ ରକିୟା ଜିହୁଦିର୍ ମାଣ୍‌କୁ ଖାନାତ୍ ।

୨୩ ମାତର୍ ଏମେ ସମୟତୁ ସତ୍ ଉପାସନା କିନିକାର୍ ଆମ୍‌ତୁ ନି ସତ୍‌ତାନ୍ ବୁବାଦି ଉପାସନା କିନାର୍, ଆୟାଖାଜା ସମୟ ଖାଜିନାତ୍; ମାରି, ଇଲେଇବା ଇଗା ଖାତାତ୍; ଇରିଙ୍କ ବୁବା ଇୟାଖାଜା ଉପାସନା କିନିଖାରିଙ୍କ୍ ବଦାକିନାନ୍ ।

୨୪ ମାପୁରୁ ଆମ୍‌, ମାରି କେବଲ୍ ଆମ୍‌ଦି ସାକ୍ତି ନି ସତ୍‌ତାନ୍ ଖାନି ଉପାସନା କିନିକାର୍ ଖାନି ଉପାସନା କିଦେଙ୍କ୍ ଆର୍‌ନାର୍ ।

୨୫ ଆଇମା ଜିସୁଙ୍କୁ ଇର୍ହାତ୍, “ମସିହ୍, ଆମାଖାନିଙ୍କ୍ କ୍ରିସ୍ତ ଇନାର୍, ଖାନ୍ ଖାଜିନାନ୍ ଇଜି ନାନ୍ ନେସନା; ଏସ୍ତିଖାଲେ ଖାନ୍ ଖାନାନ୍, ଖାନ୍ ମାଙ୍କ୍ ଝିଜୁ ବିସୟ୍ ଝେର୍‌ନାନ୍ ।”

୨୬ ଜିସୁ ତାନିଙ୍କ୍ ଇରଆନ୍, “ନି ଖାଲେ ଖାର୍‌ଗିଜିନା ଜେ ନାନ୍, ନାନ୍ ଆୟାକାନ୍ ।”

୨୭ ନାସ୍ତିଖାଲେ ଜିସୁଦି ସିସୁର୍ ଖାଜି ଖାନ୍ ଅରେଡ୍ ଆଇମାଦି ଖାଲେ ଖାର୍‌ଗିସାନିକା ସୁଡ଼ୁଜି କାବା ଆତାର୍, “ଆତିବା ନିନ୍ ଇନିକା ବଦାକିନି, ମାରି ଏୟା ତାନି ଖାଲେ ଖାର୍‌ଗିଜିନାନ୍, ଇକା ଏନ୍ ଜିସୁଙ୍କୁ ଝେନ୍‌ବାଦେଙ୍କ୍ ସାସ୍ କିଏତାର୍ ।”

୨୮ ଆବେର୍ ଆୟା ଆଇମା ନିଜେଦି ଏର୍ ସାଟି ଇଡ଼ଜି ଗାଡ଼ତୁ ସଲ୍‌ସି ଲୋକାଙ୍କ୍ ଇର୍ହାତ୍,

୨୯ “ରାତୁ, ଅରେନ୍‌ଖାନିଙ୍କ୍ ସୁଣିଦେର୍, ନାନ୍ ଆମା ଆମାକା କିତାମାନା, ଆୟାଝିଜୁ ଖାନ୍ ନାଙ୍କ୍ ଇରଆନ୍, ଖାନ୍ ଏମୋ କ୍ରିସ୍ତ ଆନାନ୍ ସୁଜି ?”

୩୦ ଆବେର୍ ଲୋକ୍ ଗାଡ଼ତାନ୍ ସହସି ଖାନି ଲାକ୍‌ତୁ ସନ୍‌ଡ୍ରେଙ୍କ୍ ଆସତାନ୍ ।

୩୧ ଆୟାଦାପ୍ରେ ସିସୁର୍ ଜିସୁଙ୍କୁ ମାଡ଼ିସ୍ କିତାର୍, “ଏ ଗୁରୁ, କାଣ୍ଡେକ୍ ଉଣୁଆ ।”

୩୨ ମାତର୍ ଜିସୁ ଖାରିଙ୍କ୍ ଇରଆନ୍, “ଉଣ୍ଡେଙ୍କ୍ ଇଜି ଏମେ କାଦି ନାବାନ୍ ମାନାତ୍, ଆୟା ବିସୟ୍‌ତାନ୍ ମିର୍ ଇନିକା ନେସଇଦେର୍ ।”

୩୩ ଆବେର୍ ସିସୁର୍ ତାମେଲୋଇ ଖାର୍‌ଗିଦେଙ୍କ୍ ଆସତାର୍, “ଏନ୍ ଖାନିଙ୍କ୍ କାଦି ତାତା ସିତା ମାନାନ୍ ସୁଗି ?”

୩୪ ଜିସୁ ଖାରିଙ୍କ୍ ଇରଆନ୍, “ନାଙ୍କ୍ ପକ୍ତିମାନିଖାନିଦି ବଦା ପୁରା କିଦେଙ୍କ୍ ମାରି ଖାନି ସିତିମାନି ପାଣିଝିଜୁ ଝିସ୍‌ଡେଙ୍କ୍ ଇକାନେ ନା କାଦି ।

୩୫ ମିର୍ ଇଜିମାନିଦେର୍, ପାସି କୟ୍‌ଦେଙ୍କ୍ ମାରି ନାଲ୍‌ଗି ଲେଜକୁ ମାନେ, ମାତର୍ ନାନ୍ ମିଙ୍କ୍ ଇଜିନା, ପାସି କିଡ଼ିଇ ଆଙ୍କ୍ ନେଗେନ୍ କିଜି ସୁଡ଼ୁ; ଆୟାଝିଜୁ କୟ୍‌ଦେଙ୍କ୍ ଇଜି ପାଣ୍ଡିଡେନି ।

୩୬ ଇଲେଇବା କୟ୍‌ନିକାନ୍ ମୁଲ୍ ପୟ୍‌ଜିନାନ୍ ମାରି ଏସକାଙ୍କ୍‌ଝିଜୁ ଇଜି ଜିବନ୍ ଉଣ୍ଡିଙ୍କ୍ ପଲ୍ ଉଣ୍ଡା କିଜିନା, ଏଣ୍ଡେସ୍ ଝିଡ଼ନିକାନ୍ ମାରି କୟ୍‌ନିକାନ୍ ରିଏର୍ ମିସାଜି ଝେଡ଼ିକା କିନାର୍ ।

୩୭ ଇରିଙ୍କ୍ ଅରେନ୍ ଝିଡ଼ନାନ୍ ମାରି ଆଇକାନ୍ କୟ୍‌ନାନ୍, ଇୟା ମାଟା ସତ୍ ।

୩୮ ମିର୍ ଆମା ଉଣ୍ଡିଙ୍କ୍ ପାଣି କିଇଦେର୍, ଆକା କୟ୍‌ଦେଙ୍କ୍ ଇଜି ନାନ୍ ମିଙ୍କ୍ ପକ୍ତା; ଆଇକାର୍ ପାଣିକିତାମାନାର୍, ମାରି ମିର୍ ଖାରି ପାଣିକିତି ପଲ୍ ପୟ୍‌ଜିନିଦେର୍ ।”

୩୯ ନାନ୍ ଆମା ଆମାକା କିତାମାନା, ଆୟାଝିଜୁ ଖାନ୍ ନାଙ୍କ୍ ଇରଆନ୍ ଇଜି ଏମେ ଆଇମା ସାକି ସିତାମାର୍‌ଆତ୍, ତାନି ମାଟା ଉଣ୍ଡିଙ୍କ୍ ଆୟା ଗାଡ଼ତି ସମିରୋଣାଦି ଲୋକା ଲୋଇ ନାଣ୍ଡ ଲୋକ୍ ଜିସୁମାନ୍ ବିସ୍‌ବାସ୍ କିତାର୍ ।

୪୦ ମାରି ସମିରୋଣାୟଦି ଲୋକ୍ ଖାନି ଲାକ୍‌ତୁ ଖାଜି ଖାରି ଖାଲେ ତେବାଦେଙ୍କ୍ ଇଜି ଖାନିଙ୍କ୍ ମାଡ଼ିସ୍ କିତାର୍, ମାରି ଖାନ୍ ରିନେନ୍ ଆୟା ବାଡିତୁ ତେବାତାନ୍ ।

୪୧ ମାରି ଜିସୁଦି ବାକ୍ୟ ଝେନ୍‌ଝି ମାରି ନାଣ୍ଡ ଲୋକ୍ ବିସ୍‌ବାସ୍ କିତାର୍,

୪୨ ମାରି, ଖାର୍ ଆୟା ଆଇମାଦିଙ୍କ୍ ଇର୍ହାତ୍, “ଇଲେଇ ନି ମାଟାଦି ଉଣ୍ଡିଙ୍କ୍ ମାପ୍ ବିସ୍‌ବାସ୍ କିଏପ୍, ଇରିଙ୍କ୍ ମାପ୍ ନିଜେନିଜେ ଝେର୍‌ଆମାନାପ୍, ମାରି ଇକାନ୍ ଜେ ସତେନେ ଦୁନିଆଦି ରକିୟା କିନିକାନ୍, ଇକା ମାପ୍ ନେସ୍‌ତାମାନାପ୍ ।”

ଜିସୁ ଅପିସର୍‌ତି କଡ଼ଦିଙ୍କ୍ ନେଗେଣ୍ଡୁ କିତାନ୍

୪୩ ରିନେନ୍ ଝେନ୍‌କା ଜିସୁ ଆବେର୍‌ତାନ୍ ସହସି ଗାଲିଲିଦୁ ସରଆନ୍ ।

- ୪୪ *ଇରିଙ୍ଗ ବାବବାଦି ନିଜେଦି ଦେସତୁ ସମ୍ମାନ ପୟଏର ଇଜି ଜିସୁ ନିଜେ ସାକି ସିତାମାର୍ଥାନ ।
- ୪୫ ମାରି, ଖାନ ଗାଲିଲିଦୁ ଇଗା ଖାତାନ, ନିସ୍ତାର ପଶ୍ଚିମ୍ବିଖାଲେ ଖାନ ଜିରୁସାଲମତୁ ଇନି ଇନିକା କିତାମାର୍ଥାନ, ଆୟାଞ୍ଜିରୁ ସୁତୁତୁମାର୍ଥାନାର୍ଥାକା ଗାଲିଲିଦିକାର ଖାନିଙ୍ଗ ମାନାତାର, ଇରିଙ୍ଗ ଖାନ ବା ପଶ୍ଚିମ୍ବିରୁ ସରଥାମାର୍ଥାନ ।
- ୪୬ *ଆବେଟ୍ ଗାଲିଲିଦି ଆମା କାନା ଗାଡ଼ତୁ ଖାନ ଏରତିଙ୍ଗ ଅଙ୍ଗୁରରସ୍ କିତାମାର୍ଥାନ, ଆୟା ବାଡ଼ିଦୁ ଜିସୁ ମାରିଡେସି ସର୍ହାନ । ମାରି ଆବେନ ଅରେନ ରାଜାଦି ପାଣିକିନିକାନ ମାର୍ହାନ, ଖାନି ମାରିସି କପରନାହୁମତୁ ନବ୍ ଆତାମାର୍ଥାନ ।
- ୪୭ ଜିସୁ ଜିହୁଦା ଦେସତାନ ଗାଲିଲିଦୁ ସତାଖାତାମାନାନ, ଇକା ଖେନଜି ଖାନ ଖାନି ଲାକତୁ ସଲସି ଖାନ ଏଶ୍ରେସ୍ ଖାଜି ଖାନି ମାରିସିଙ୍ଗ ନେଗେଶୁ କିନାନ, ଆୟାଉଶ୍ରିଙ୍ଗ ଖାନିଙ୍ଗ ମାଡ଼ିସତେଙ୍ଗ ଆସତାନ, ଇରିଙ୍ଗ ଖାନ ସାନିଖାଜା ଆତାମାର୍ଥାନ ।
- ୪୮ ଆବେଟ୍ ଜିସୁ ଖାନିଙ୍ଗ ଇରଥାନ, “ସିନା ନି କାବାଆନିପାଣିଙ୍ଗ୍ ସୁତୁସୁତିଙ୍ଗ ମିର୍ ଏଶ୍ରେସ୍ବା ବିସ୍ବାସ୍ କିଇଦେର୍ ।”
- ୪୯ ରାଜାଦି ପାଣିକିନିକାନ ଜିସୁଙ୍ଗୁଁ ଇରଥାନ, “ଏ ଗୁରୁ,” ନା କଡ଼ ସାନି ଆଗଡ଼ିନେ ରାଆ ।
- ୫୦ ଜିସୁ ଖାନିଙ୍ଗ ଇରଥାନ, ସାଙ୍ଗାଆ, ନି କଡ଼ ଜିତାନନି । ଆୟା ଲୋକୁ ଜିସୁ ଖେରତିମାନି ମାଟାଦିଙ୍ଗ ବିସ୍ବାସ୍ କିଜି ସରଥାନ ।
- ୫୧ ମାରି, ଖାନ ସଲପୁ ସଲପୁ ତାନି ଗତିମୁରୁଲିରି ଖାନିଙ୍ଗ ବେଟ୍ବୁଡାଜି ଖାନି କଡ଼ ଜିତାନନି ଇଜି ଇର୍ହାର ।
- ୫୨ ଆଦେଙ୍ଗ୍ ଏସ୍ତ୍ରୁଖାଲେ ଖାନି କଡ଼ଦିଙ୍ଗ ନବ୍ ତ୍ରିସତାଡ଼, ଆକା ଖାନ ଖାରିଙ୍ଗ୍ ଖେନବାତାନ । ଆବେଟ୍ ଖାର୍ ଖାନିଙ୍ଗ ଇର୍ହାର, “ଇଏନ୍ ଗନ୍ଶେ ଖେଡ଼ାଦୁ ଖାନିଙ୍ଗ ନବ୍ ତ୍ରିସତାଡ଼ ।”
- ୫୩ ଆବେଟ୍ ଖାନି ରୁବାସି ରୁଜାତାନ ଜେ, ଜିସୁ ଏସ୍ତ୍ରୁଖାଲେ ନି କଡ଼ ଜିତାନନି ଇଜି ଖାନିଙ୍ଗ ଇରଥାମାର୍ଥାନ, ଟିକ୍ ନାସ୍ତ୍ରୁଖାଲେ ଇୟା ଗଟାନା ଗଟାତାଡ଼ । ମାରି, ଖାନ ନିଜେ ନି ଖାନି ଖିଜୁ ଇଲୁଦିକାର ଜିସୁଙ୍ଗୁଁ ବିସ୍ବାସ୍ କିତାର ।
- ୫୪ ଜିହୁଦାଦାନ ମାରିଡେସି ଗାଲିଲିଦୁ ଖାଡ଼ି ଖେନକା ଇକା ଜିସୁଦି ମାରିଅର୍ସୁ କାବାଆନି ପାଣି ।



ଜିସୁ ସେରୁ ଲାକତୁ ରୋଗ୍ ଲୋକତିଙ୍ଗ ନେଗେନ୍ କିତାନ

- ୧ ଇୟା ଖେନକା ଜିହୁଦିର୍ ଉଶ୍ରି ପଶ୍ଚିମ୍ବି ଖାତାଡ଼, ମାରି ଜିସୁ ଜିରୁସାଲମତୁ ସର୍ହାନ ।
- ୨ ଜିରୁସାଲମତି ମେଶ୍ଟାସେରଲା ଲାକତୁ ଉଶ୍ରି ସେରୁ ମାର୍ହାଡ଼; ଏବ୍ରି ବାସାଦାନ ତାନିଙ୍ଗ ବେଡେସ୍ଦା ଇଜି ଇନାର୍, ତାନି ପାସ୍ଗୋଟା ଗୁଡ଼ିକାଲକୁ ମାନେ ।
- ୩ ଆୟା ଗୁଡ଼ିକାଲକାଙ୍ଗ୍ ମୁସକୁ ନାଶ୍ଟ ନବ୍ଆତିକାର, କାଣାର୍, ସଟାର୍ ମାରି କିକୁକାଲକୁ ଖାର୍ତିକାର ମାନଜିମାର୍ହାର୍ । ଖାର୍ ଏରଦୁଙ୍ଗ୍ ନିକା କାପକିଜି ମାନଜିମାର୍ହାର୍ ।
- ୪ ଇରିଙ୍ଗ୍ ଏସୋ ଏସୋ ସମୟତୁ ପ୍ରବୁଦି ଅରେଡ଼ ଦୁଡ଼ ଇସ୍ତ୍ରିଗାତା ରେତାଜି ଏରତିଙ୍ଗ ଦୁକ୍ସିମାର୍ହାଡ଼, ମାରି ଏର୍ ଦୁଙ୍ଗ୍ ଟି ଖେନକା ଏନ୍ ଆଗଡ଼ି ଆବେ ତ୍ରିଗୁଜି ମାର୍ଥାନ, ଖାନ ଏମେ ରୋଗ୍ତୁ ଆସ୍ତିମାରିଙ୍ଗ ବା ନେଗେନ୍ ଆଜିମାର୍ହାର୍ ।
- ୫ ଆବେ ତିରିସଆଟ୍ ବାର୍ସେକ୍ ସାନ୍ଦି ରୋଗ୍ଆସ୍ତି ଅରେନ୍ ଲୋକୁ ମାର୍ଥାନ ।
- ୬ ଜିସୁ ଖାନିଙ୍ଗ୍ ଆବେମାନିକା ସୁଡ଼ୁକ୍ତି ନାଶ୍ଟ ବାର୍ସେକ୍ତି ରୋଗି ଲୋକୁ ଇଜି ନେସ୍ସି ଖାନିଙ୍ଗ୍ ଖେନବାତାନ, “ନିନ୍ ଇନିକା ନେଗେନ୍ ଆଦେଙ୍ଗ୍ ବଦା କିଜିନି ?”
- ୭ ରୋଗ୍ ଲୋକୁ ଜିସୁଙ୍ଗୁଁ ଇରଥାନ, “ଆଜ୍ଞା, ଏର୍ ଦୁଙ୍ଗ୍ ନିଖାଲେ ନାଙ୍ଗ୍ ସେରୁ ଲୋଇ ଅଡେଙ୍ଗ୍ ଇଜିନା ଏନ୍ ସିଲେନ୍; ମାରି, ନାନ ସଲପୁ ସଲପୁ ଆଇକାନ ନା ଆଗଡ଼ି ତ୍ରିଗୁଜିନାନ ।”
- ୮ ଜିସୁ ଖାନିଙ୍ଗ୍ ଇରଥାନ, “ନିଙ୍ଗାଆ, ନି ଟାଟି ଆସ୍ସି, ମି ଇଶ୍ଟି ସାଙ୍ଗାଆ ।”
- ୯ ଆୟାଦାପ୍ରେ ଆୟା ଲୋକୁ ନେଗେଶୁ ଆତାନ ମାରି ନିଜେଦି କାଟେଲ୍ ଆସ୍ସି ବୁଲାଦେଙ୍ଗ୍ ଆସ୍ତାନ । ଆୟାଦିନ୍ ରମ୍ନିଦିନ୍ ମାର୍ହାଡ଼ ।
- ୧୦ ଆୟାଉଶ୍ରିଙ୍ଗ୍ ଜିହୁଦିର୍ ନେଗେଶୁ ଆତି ଲୋକତିଙ୍ଗ ଇନ୍ଡ୍ରେଙ୍ଗ୍ ଆସ୍ତାର, ନେର୍ ରମ୍ନିଦିନ୍, କାଟେଲ୍ ପିଶ୍ଟିଜି ସନ୍ଡ୍ରେଙ୍ଗ୍ ନି ନିୟମ୍ ସିଲେଡ଼ ।
- ୧୧ ମାତର୍, ଖାନ ଖାରିଙ୍ଗ୍ ଇରଥାନ, “ଏନ୍ ନାଙ୍ଗ୍ ନେଗେଶୁ କିତାନ, ଖାନ ନାଙ୍ଗ୍ ଇରଥାନ, ନି କାଟେଲ୍ ଆସ୍ସୋ ବୁଲାଆ ।”
- ୧୨ ଖାର୍ ଖାନିଙ୍ଗ୍ ଖେନବାତାର୍, “ନି କାଟେଲ୍ ଆସ୍ସୋ ବୁଲାଆ ଇଜି ଏନ୍ ନିଙ୍ଗ୍ ଇରଥାନ, ଆୟା ଲୋକୁ ଏନ୍ ?”

☆ ୪:୪୪ ମାଡ଼ିଉ ୧୩:୫୭; ମାର୍କ ୭:୪; ଲୁକ ୪:୨୪. ☆ ୪:୪୭ କୋହନ ୨:୧-୧୧.

୧୩ ମାତର ଜିସୁ ଏନ୍, ଆକା ଆୟା ନେଗେଶୁ ଆତିମାରଇ ଲୋକୁ ନେସଏପ୍ ମାରଆନ୍, ଇରିଙ୍ଗ ଆୟା ବାଡ଼ିଦୁ ଲୋକୁ ଗଲି ମାର୍ହାରଆକା ଜିସୁ ଖେରଏ ଏରଜି ସରହାମାରଆନ୍ ।

୧୪ ତାନିଖେନକା ଜିସୁ ମନ୍ଦିରତୁ ଖାନିଙ୍ଗ ତରାଜି ଖାନିଙ୍ଗ ଇରଆନ୍, ସୁଡ଼ଆ, ନିନ୍ ନେଗେଶୁ ଆତିମାନି, ମାରି ପାପ୍ କିମା, ସିଲ୍ଡିଙ୍ଗ ନି ଉଣ୍ଡିଙ୍ଗ ମାରି ନାଶୁ କାସୁ ଖାନାଡ଼ ।

୧୫ ଆୟା ଲୋକୁ ସୋଲ୍ସି, ଏନ୍ ଖାନିଙ୍ଗ ନେଗେଶୁ କିତାମାରଆନ୍, ଖାନ୍ ଜିସୁ ଇଜି ଜିହୁଦିର୍ ପେରିଖାରିଙ୍ଗ ଇର୍ହାନ୍ ।

୧୬ ଆବେଟ୍ ଜିସୁ ରମ୍ନିଦିନ୍ତୁ ଇକା କିତାମାର୍ହାନ୍ଆକା ଜିହୁଦିର୍ ଖାନିଙ୍ଗ ନିଦା କିଦେଙ୍ଗ ଆସ୍ତାର ।

୧୭ ମାତର ଜିସୁ ଖାରିଙ୍ଗ ଇରଆନ୍, “ନା ବୁବା ଓଜୁଖାଲେ ପାଣି କିଜିନାନ୍, ମାରି ନାନ୍ ବା କିଜିନା ।”

୧୮ ଇୟାଉଣ୍ଡିଙ୍ଗ ଜିହୁଦିର୍ ପେରିକାର୍ ଖାନିଙ୍ଗ କାଡ଼ତେଙ୍ଗ ଇଜି ମାରି ନାଶୁ ବଦା କିଦେଙ୍ଗ ଆସ୍ତାର, ଇରିଙ୍ଗ ଖାନ୍ ଜେ ରମ୍ନିଦିନ୍ତି ନିୟମ୍ ମାନାଏଜିମାର୍ହାନ୍, କେବଲ୍ ଆକାନେ ସିଲେ, ମାତର ମାପୁରୁଙ୍ଗୁ ନିଜେଦି ବୁବା ଇଜି ଇନ୍ଝି ଖାନ୍ ନିଜେଦିଙ୍ଗ ମାପୁରୁଖାଲେ ସାମାନ୍ କିଜିମାର୍ହାନ୍ ।

ମାରିନ୍ଦି ଅଦିକାର୍

୧୯ ଆବେଟ୍ ଜିସୁ ଖାରିଙ୍ଗ ଇରଆନ୍, ସଡ଼ ସଡ଼ ନାନ୍ ମିଙ୍ଗୁ ଇଜିନା, ମାରିସି ନିଜେ ଇନିକା କିଦେଙ୍ଗ ଆଟ୍ଏନ୍, ଖାନି ବୁବା ଆମାକା କିନାନ୍, ମାରିସି ବା ଆକା ସୁଡ଼କୁ ଆୟାଓଜୁ କିନାନ୍ ।

୨୦ ଇରିଙ୍ଗ ବୁବା ମାରିସିଙ୍ଗ ଲାଡ଼ କିନାନ୍, ମାରି ନିଜେ ଆମାକା କିନାନ୍, ଆୟାଓଜୁ ଖାନିଙ୍ଗ ତରନାନ୍, ମାରି ଖେନିମାଣାନ୍ ମାରି ପେରି ପାଣିଙ୍ଗଓଜୁ କିନି ଉଣ୍ଡିଙ୍ଗ ଖାନ୍ ଖାନିଙ୍ଗ ତରନାନ୍, ମାରି ମିର୍ ଓଜେରେ କାବା ଆନିଦେର୍ ।

୨୧ ମାରି ବୁବା ଏଣ୍ଡେସ୍ ସାତିଖାରିଙ୍ଗ ନିକ୍ସି ଜିବନ୍ ସିନାନ୍, ଆୟାଖାଜା ମାରିସି ବା ଆମାଖାନିଙ୍ଗ ବଦାକିନାନ୍, ଖାନିଙ୍ଗ ଜିବନ୍ସିନାନ୍ ।

୨୨ ମାରି, ବୁବା ନିଜେ ଏଙ୍ଗ ବିସାର୍ କିଏନ୍, ମାତର ନିଜେ ମାରିସିଙ୍ଗ ଓଜୁ ବିସାର୍ କିନି ଅଦିକାର୍ ସିତାମାନାନ୍ ।

୨୩ ଆୟାଉଣ୍ଡିଙ୍ଗ ଏଣ୍ଡେସ୍ ବୁବେଙ୍ଗ ମାନାନାର୍, ମାରିସିଙ୍ଗ ବା ଆୟାଖାଜା ଓଜେରେ ମାନାନାର୍ । ମାତର ଏନ୍ ମାରିସିଙ୍ଗ ମାନାଏନ୍, ଖାନିଙ୍ଗ ପୋକ୍ତିମାନି ବୁବେଙ୍ଗ ବା ଖାନ୍ ମାନାଏନ୍ ।

୨୪ ସଡ଼ ସଡ଼ ନାନ୍ ମିଙ୍ଗୁ ଇଜିନା, ଏନ୍ ନା ବାକ୍ୟ ଖେନଜି ନା ପୋକ୍ତାତିଖାନିଙ୍ଗ ବିସ୍ବାସ୍ କିନାନ୍, ଖାନ୍ ଏସ୍କାଙ୍ଗଓଜିଇ ଜିବନ୍ ପୟ୍ତାମାନାନ୍, ମାରି ଖାନ୍ ବିସାର୍ ଆଏଣ୍ଡା ମାତର ଖାନ୍ ସାନିତାନେଙ୍ଗ ଜିଣାଜି ଜିବନ୍ତୁ ଡ଼ୁଡ଼ିତାମାନାନ୍ ।

୨୫ ସଡ଼ ସଡ଼ ନାନ୍ ମିଙ୍ଗୁ ଇଜିନା, ଇୟାଖାଜା ସମୟ ଖାଜିନାଡ଼, ମାରି ଇଲେଇବା ଇଗା ଖାତାଡ଼, ଏମେଖାଲେ ସାତିକାର୍ ମାପୁରୁଦି ମାରିସିଦି ବଲ୍ ଖେନାର୍, ମାରି ଏମେକାର୍ ଖେନାର୍, ଖାର୍ ଜିବନ୍ ଆନାର୍ ।

୨୬ ଇରିଙ୍ଗ ବୁବା ଏଣ୍ଡେସ୍ ଜିବନ୍ତି ମୁଲ୍, ମାରିସିଙ୍ଗ ବା ଆୟାଖାଜା ଖାନ୍ ଜିବନ୍ତି ମୁଲ୍ କିତାମାନାନ୍;

୨୭ ମାରି, ଖାନ୍ ମନୁସ୍ୟପୁତ୍ର ଆକା ଖାନ୍ ଖାନିଙ୍ଗ ବିସାର୍ କିଦେଙ୍ଗ ଅଦିକାର୍ ସିତାମାନାନ୍ ।

୨୮ ଆବେ କାବା ଆମାଟ୍, ଇରିଙ୍ଗ ଇୟାଖାଜା ସମୟ ଖାଜିନାଡ଼, ଏସ୍ତୁଖାଲେ ସାତିକାର୍ ଓଜେରେ ଖାନି ବଲ୍ ଖେନାର୍

୨୯ ମାରି ଦୁକିଦାନ୍ ମାରିଡ଼େସି ନିଙ୍ଗୁ ଜି ଖାନାର୍, ଏମେକାର୍ ନେଗି ପାଣି କିତାମାନାର୍, ଖାର୍ ଜିବନ୍ ପୟ୍ତଜି ନିଙ୍ଗୁ ନାର୍ ମାରି ଜିନାର୍ ମାରି ଏମେକାର୍ ତାଗ୍ଲପାଣି କିତାମାନାର୍, ଖାର୍ ନିଙ୍ଗୁ ଜି ଦଣ୍ଡ ପୟ୍ତନାର୍ ।

ଜିସୁ ତରିନ୍ ସାକି

୩୦ ନାନ୍ ନା ନିଜେଦି ସାକ୍ତିଦାନ୍ ଇନିକା କିଦେଙ୍ଗ ଆଟ୍ଏ; କେବଲ୍ ମାପୁରୁଦି ଆଦେସ୍ତାନ୍ ବିସାର୍ କିନା, ମାରି ନା ବିସାର୍ ଟିକ୍, ଇରିଙ୍ଗ ନାନ୍ ନିଜେଦି ବଦା ସାଲାକିଦେଙ୍ଗ ବଦା କିଏନ୍‌ଣ୍ଡା ନାଙ୍ଗୁ ପୋକ୍ତାତିଖାନିନ୍ଦି ବଦା ସାଲାକିଦେଙ୍ଗ ବଦାକିନା ।

୩୧ ଜଦି ନାନ୍ ନା ନିଜେଦି ବିସୟ୍ତାନ୍ ନିଜେ ସାକି ସିନା, ଆରିଙ୍ଗ ନା ସାକି ସଡ଼ତି ପାରମାଣ୍ ଆଏଡ଼ ।

୩୨ ନା ତରିନ୍ ଏନ୍ ସାକି ସିନାନ୍, ଖାନ୍ ମାରି ଅରେନ୍; ମାରି ନା ବିସୟ୍ତାନ୍ ଖାନି ସାକି ଜେ ସଡ଼, ଆକା ନାନ୍ ନେସ୍ନା ।

୩୩ ☆ମିର୍ ଜୋହନତି ଲାକ୍ତୁ କାବୁର୍ ଅନିଖାରିଙ୍ଗ ପୋକ୍ତିମାନିଦେର୍ ମାରି ଖାନ୍ ସଡ଼ ତରିଚାନ୍ ସାକି ସିତାମାନାନ୍ ।

୩୪ ମାତର ନାନ୍ ଲୋକାମାଣ୍‌କୁ ସାକିୟ୍ ଅଏ, ମାତର ମିର୍ ଏଣ୍ଡେସ୍ ରକିୟା ପୟ୍ତନିଦେର୍, ଆୟାଉଣ୍ଡିଙ୍ଗ ଇୟାଓଜୁ ଇଜିନା ।

୩୫ ଜୋହନ୍ କାସ୍ସି ମାରି ଜାୟ୍‌ଆନି ଦିଖାଖାଜା ମାର୍ହାନ୍, ମାରି ମିର୍ ସାଣେକ୍ତି ଖାନି ଜାୟ୍‌ତୁ ଖେଡ଼ିକା କିନି ଉଣ୍ଡିଙ୍ଗ ବଦା କିତିଦେର୍ ।

୩୬ ମାତର ଜୋହନତି ସାକି ବାଦ୍‌ଲୁ ନା ନାଶୁଅଦିକାର୍ତି ସାକି ମାନାଡ଼, ଇରିଙ୍ଗ ବୁବା ନାଙ୍ଗୁ ଏମେ ଏମେ ପାଣି ଓସ୍ତେଙ୍ଗ ସିତାମାନାନ୍, ଆୟାଓଜୁ ପାଣି ନାନ୍ କିଜିନା, ବୁବା ନାଙ୍ଗୁ ପକ୍ତାମାନାନ୍ ଇଜି ଆୟାଓଜୁ ନା ବିସୟ୍ତାନ୍ ସାକି ସିଜିନିଦେର୍ ।

☆ ୫:୩୩ ଜୋହନ ୧:୧୯-୨୭; ୩:୨୭-୩୦.

- ୩୭ ✨ମାରି, ଏମେ ବୁବା ନାଙ୍ଗ ପକ୍ତାନ, ଖାନ ନା ବିସୟତାନ ସାକି ସିତାମାନାନ୍ । ମିର୍ ଏସାଙ୍ଗ ବା ଖାନି ବଲ୍ ଝେନ୍‌ଇଦେର୍ କି ଖାନି ମକମ୍ ସୁଡ଼କୁଦେର୍ ।
- ୩୮ ମାରି ଖାନି ବାକ୍ୟ ଉଣ୍ଡିଙ୍ଗ ମି ଜିବନ୍‌ତୁ ବାଡି ସିଇଦେର୍, ଇରିଙ୍ଗ ଖାନ ଆମାଖାନିଙ୍ଗ ପକ୍ତାନ, ଖାନିଙ୍ଗ ମିର୍ ବିସ୍‌ବାସ୍ କିଇଜିନିଦେର୍ ।
- ୩୯ ମିର୍ ଦାମ୍‌ସାସ୍ତ୍ର ପୟଜିନିଦେର୍, ଇରିଙ୍ଗ ଆବେଟ୍ ଏସକାଙ୍ଗ୍‌ଝିଜିଜି ଜିବନ୍ ପୟନାପ୍ ଇଜି ଅଡ଼୍‌ବିଜିନିଦେର୍, ମାରି, ଆୟା ଦାମ୍‌ସାସ୍ତ୍ର ନା ବିସୟତାନ ସାକି ସିଜିନାଡ଼ ।
- ୪୦ ମାତର୍ ମିର୍ ଜିବନ୍ ପୟଦେଙ୍ଗ ଇଜିନା ଲାକ୍‌ତୁ ଖାଦେଙ୍ଗ୍ ବଦା କିଇଜିନିଦେର୍ ।
- ୪୧ ନାନ୍ ଲୋକାମାଣ୍‌କୁ ଗୌରବ୍ ପୟଦେଙ୍ଗ୍ ବଦାକିଏ ।
- ୪୨ ମାତର୍ ନାନ୍ ମିଙ୍ଗ୍ ନେସନା, ମିର୍ ଏଣ୍ଡେସ୍ ନାନି ଲୋକ୍ ମି ଜିବନ୍‌ତୁ ମାପୁରୁଦି ଉଣ୍ଡିଙ୍ଗ୍ ଜିବନ୍‌ନୋନିକା ସିଲେଡ଼ ।
- ୪୩ ନାନ୍ ନା ବୁବାଦି ଦରତାନ ଖାତାମାନା, ମାରି ମିର୍ ନାଙ୍ଗ୍ ଆସ୍‌ଇଜିନିଦେର୍; ଆଇକାନ୍ ଜଦି ନିଜେ ଦରତାନ ଖାନାନ୍, ଆରିଙ୍ଗ୍ ମିର୍ ଖାନିଙ୍ଗ୍ ମାନାନିଦେର୍ ।
- ୪୪ ମିର୍ ଏଣ୍ଡେସ୍ ନାଙ୍ଗ୍ ବିସ୍‌ବାସ୍ କିଦେଙ୍ଗ୍ ଆଟ୍‌ନିଦେର୍ ? ମିର୍ ତୋ ନିଜେନିଜେମାଣ୍‌କୁ ଗୌରବ୍ ପୟଜିନିଦେର୍, ମାରି ଅରେନ୍ ମାପୁରୁମାଣ୍‌କୁ ଏମେ ଗୌରବ୍, ଆକା ପୟଦେଙ୍ଗ୍ ବଦା କିଇଜିନିଦେର୍ ।
- ୪୫ ନାନ୍ ଜେ ବୁବାଦି ଆଗଡ଼ି ମି ବିରଦତାନ ଦୋସ୍ କିନା, ଇକା ଅଡ଼୍‌ବିମାଟ୍; ଏମେ ମୋସାମାନୁ ମିର୍ ଆସା ଇଟ୍‌ମାନିଦେର୍, ଖାନ ମି ବିରଦତାନ ଦୋସ୍ କିଜିନାନ୍ ।
- ୪୬ ଇରିଙ୍ଗ୍ ମିର୍ ଜଦି ସଡ଼ତାନ ମୋସାଦିଙ୍ଗ୍ ବିସ୍‌ବାସ୍ କିତିଙ୍ଗ୍‌ମାନ୍, ଆରିଙ୍ଗ୍ ନାଙ୍ଗ୍ ବିସ୍‌ବାସ୍ କିତିଦେର୍‌ମାନ୍, ଇରିଙ୍ଗ୍ ଖାନ ନା ବିସୟତାନ ରାସତାମାନାନ୍ ।
- ୪୭ ମାତର୍ ମିର୍ ଜଦି ମୋସା ରାସତିମାନି ବାକ୍ୟ ବିସ୍‌ବାସ୍ କିଇଜିନିଦେର୍, ଆରିଙ୍ଗ୍ ଏଣ୍ଡେସ୍ ନା ବାକ୍ୟ ବିସ୍‌ବାସ୍ କିନିଦେର୍ ।



ଜିସୁ ୫,୦୦୦ ହାଜାର ଲୋକାଙ୍ଗ୍ ଉଣ୍ଡେଙ୍ଗ୍ ସିତାନ୍
 (ମାତିଉ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

- ୧ ତାନେଝେନ୍‌କା ଜିସୁ ଗାଲିଲି ବା ତିବିରିୟା ଗାତା ଆୟାପାଡ଼କା ସର୍ହାନ୍ ।
- ୨ ମାରି, ଖାନ ରୋଗ୍‌ଆତିଲୋକା ଉଣ୍ଡିଙ୍ଗ୍ ଏମେ ଏମେ କାବାଆନି ପାଣି କିଜିମାର୍ହାନ୍, ଆୟାଝିଜୁ ସୁଡ଼କୁ ନାଣ୍ଡ ଲୋକ୍ ଖାନି ଝେନ୍‌କା ଝେନ୍‌କା ସନ୍‌ତ୍ରେ ଆସ୍‌ତାର ।
- ୩ ଆବେଟ୍ ଜିସୁ ଗରନ୍ ମୁସ୍‌କୁ ସଲ୍‌ସି ନିଜେଦି ସିସୁରି ଖାଲେ ଆବେନ୍‌ ବାସ୍‌ତାର ।
- ୪ ନାସ୍ତିଖାଲେ ଜିହୁଦିର୍ ନିସ୍ତାର ପଣ୍ଡୟ ଲାକ୍‌ତୁଖାଜି ଖାଜିମାର୍ହାଡ଼ ।
- ୫ ମାରି, ଜିସୁ ନାଣ୍ଡ ଲୋକାଙ୍ଗ୍ ନିଜେଦି ଲାକ୍‌ତୁ ଖାନିକା ସୁଡ଼କୁ ପିଲିପ୍‌ତିଙ୍ଗ୍ ଇର୍ହାନ୍, “ଇୟାଝେରିଙ୍ଗ୍ ଉଣ୍ଡେଙ୍ଗ୍ ଇଜି ମାଡ଼ ଏମେଣ୍‌କୁ ନାଣ୍ଡ ରୁଟି କଣାଟ୍ ?”
- ୬ ମାତର୍ ଖାନ ପିଲିପ୍‌ତିଙ୍ଗ୍ ପରିକା କିନି ଇସାବ୍‌ତାନ ଇକା ଇର୍ହାନ୍, ଇରିଙ୍ଗ୍ ଖାନ ଇନିକା କିଦେଙ୍ଗ୍ ସଲ୍‌ସିନାନ୍, ଆକା ଖାନ ନିଜେ ନେସ୍‌ତାମାର୍ହାନ୍ ।
- ୭ ପିଲିପ୍ ଖାନିଙ୍ଗ୍ ଇର୍ହାନ୍, “ଝିଜେରେ ଲୋକ୍ କାଣ୍ଡେକ୍ ପୟଦେଙ୍ଗ୍ ଝେରି ଉଣ୍ଡିଙ୍ଗ୍ ଦୁଇସଦାନ ନାଣ୍ଡ ଝେଣ୍ଡିଅଦୁଲି ତାବୁଙ୍ଗ୍ * ଦାରାଦି ରୁଟି କଣ୍ଡେଙ୍ଗ୍ ଆନାଡ଼ ।”
- ୮ ସିମୋନ୍ ପିତରତି ତଡ଼ାନ୍ ଆନ୍ଦ୍ରିୟ ଦରତି ଖାନି ସିସୁରି ମାଣ୍‌କୁ ଅରେନ୍ ଖାନିଙ୍ଗ୍ ଇର୍ହାନ୍,
- ୯ ଇବେନ୍‌ ଅରେନ୍ କଡ଼ ମାନାନ୍, ଖାନି ମାନୁ ଗଦ୍‌ମୁଦି ପାସ୍‌ଗୋଟା ରୁଟିଙ୍ଗ୍ ମାରି ରୁଣ୍ଡି ମିନ୍‌କୁ ମାନେ, ମାତର୍ ନିସା ଲୋକା ଉଣ୍ଡିଙ୍ଗ୍ ଆକା ନାଣ୍ଡ ଆଏଡ଼ ।
- ୧୦ ଜିସୁ ସିସୁରିଙ୍ଗ୍ ଇର୍ହାନ୍, “ଲୋକାଙ୍ଗ୍ ବାସାକିଦୁ ।” ଆୟା ବାଡିଦୁ ନାଣ୍ଡ ଲାଟା ମାର୍ହାଡ଼ । ଆୟା ଲାଟା ମୁସ୍‌କୁ ଝିଜେରେ ବାସ୍‌ତାର, ଆବେନ୍ ଇସାବ୍‌ତାନ ପୁରା ୫,୦୦୦ ହାଜାର ମେମାରୁଙ୍ଗ୍ ମାର୍ହାଡ଼ ।
- ୧୧ ଆବେଟ୍ ଜିସୁ ଆୟା ରୁଟି ଆସ୍‌ତାନନୋ ମାପୁରୁଙ୍ଗ୍ ଦନ୍‌ସବାଦ୍ ସିଜି ବାସ୍‌ତିମାର୍‌ଇ ଲୋକାଙ୍ଗ୍ ଆକା ବାଟାକିତାସିତାନ୍, ଆୟାଝାଜା ମିନ୍‌କୁ ବା ବାଟାକିତାସିତାନ୍, ଖାର ଏସ ଲସ୍‌ତିଙ୍ଗ୍, ନାସ୍ ସିତାର ।
- ୧୨ ମାରି, ଖାର ପଟାପାଜିତି ଝେନ୍‌କା, ଜିସୁ ନିଜେଦି ସିସୁରିଙ୍ଗ୍ ଇର୍ହାନ୍, “ଏଣ୍ଡେସ୍ ଇନିକା ନାସ୍ ଆଏଡ଼, ଇୟାଉଣ୍ଡିଙ୍ଗ୍ ଏଜିତିମାନି ରୁକ୍‌ତି ମକେଙ୍ଗ୍ ଉନ୍‌ତ୍ରେମାନୁ କିଦୁ ।”

☆ ୫:୩୭ ମାତିଉ ୩:୧୭; ମାର୍କ ୧:୧୧; ଲୁକ ୩:୨୨. * ୬:୭ ଝେଣ୍ଡିଅଦୁଲି ଉଣ୍ଡି ଦିନତି କୁଲିତାବୁଙ୍ଗ୍

୧୩ ଆବେଟ୍ ଖାର ଆୟାଣ୍ଡିକୁ ଉନ୍ତେମାନୁ କିତାର୍, ମାରି ଲୋକୁ ଉଚି ଖେନ୍‌କା ଗଦ୍‌ମୁଦି ଆୟା ପାସ୍‌ଗୋଟା ରୁଚିଣିକୁ ଏମେ ରୁକ୍ତି ମକେଙ୍ଗ୍ ରୁଚିଙ୍ଗ୍ ଏଜିତେମାର୍‌ଏ, ଆବେଟ୍ ଖାର ବାରଗୋଟା ଡାଡ଼ିଆଙ୍ଗା ବରୁଚି କିତାର୍ ।

୧୪ ଆବେଟ୍ ଜିସୁ କିତିମାନି କାବାଦି ପାଣି ସୁଡ଼ୁ ଆବେମାନି ଲୋକୁ ଇର୍ହାର୍, ଦୁନିଆଦୁ ଏମେ ବାବବାଦି ଖାନିକା ମାର୍ହାଡ଼, ଇକାନ ପୁରା ଖାନନେ ।

୧୫ ମାରି, ଲୋକୁ ଖାଜି ରାଜା କିନି ଉଣ୍ଡିଙ୍ଗ୍ ଜେ ଖାନିଙ୍ଗ୍ ତାଟ୍‌ତାନୁ ଆସ୍‌ତେଙ୍ଗ୍ ବଦା କିଜିନାର୍, ଜିସୁ ଇକା ନେସ୍‌ସି ଖାନ ମାରିଡ଼େସି ଆୟା ବାଡ଼ି ଡ଼ିସ୍‌ସି ଅରେନନେ ଗରନ୍‌ତୁ ସତାସର୍ହାନ ।

ଜିସୁ ଏରୁ ମୁସ୍କୁ ବୁଲାତାନ (ମାଡ଼ିଉ ୧୪:୨୨-୩୩; ମାର୍କ ୬:୪୫-୫୨)

୧୬ ଆୟାନାଣ୍ଡିଙ୍ଗ୍ ମିଲ୍‌ମିଲିକା ଆତାଡ଼ ଜିସୁଦି ସିସୁର୍ ଗାତା ପାଡ଼ି ସର୍ହାର୍

୧୭ ମାରି ତଙ୍ଗାଦୁ ଏକ୍‌ତାରୋ ଗାତାଦି ଆୟାପାଡ଼ି କପର୍‌ନାହୁମ୍ ତରିନ୍ ସନ୍‌ଡ଼େଙ୍ଗ୍ ଆସ୍‌ତାର୍ । ସିକାଟି ଆଜି ଖାଜି ମାର୍ହାଡ଼, ମାରି ଜିସୁ ଆୟାସାନ୍ ଖାରି ଲାକ୍‌ତୁ ରେଏନ୍ ମାର୍ହାନ,

୧୮ ମାରି ନାଣ୍ଡ ଗାଲି ଆଜିମାରିଙ୍ଗ୍ ଏରୁତୁ ଉଲ୍‌କା ନିଙ୍ଗ୍‌ଜିମାର୍‌ଏ ।

୧୯ ଆୟାଦାପ୍ରେ ସିସୁର୍ ପୁରା ପାସ୍ ନୋ ସଅ କିଲୋମିଟର୍‌ର ସାଟ୍‌ଖା ଡାକ୍‌ସି ସରଇ ଖେନ୍‌କା ଜିସୁଙ୍ଗ୍ ଏର ମୁସ୍କୁ ବୁଲାଜି ତଙ୍ଗା ଲାକ୍‌ତୁ ଖାନିକା ସୁଡ଼ୁ, ଆବେଟ୍ ଖାର ତିଲାତାର୍ ।

୨୦ ମାତର୍ ଜିସୁ ଖାରିଙ୍ଗ୍ ଇର୍ହାନ, “ଇକାନତ ନାନୁ, ତିଲାମାଟ୍ ?”

୨୧ ଆଦେଙ୍ଗ୍ ଖାର ଜିସୁଙ୍ଗ୍ ତଙ୍ଗାଦୁ ଅତେଙ୍ଗ୍ ବଦା କିତାର୍, ମାରି ଖାର ଏମେ ବାଡ଼ିଦୁ ସଲ୍‌ସିମାର୍ହାର୍, ତଙ୍ଗା ଆୟାଦାପ୍ରେ ଆୟା ବାଡ଼ିଦୁ ଇତାଡ଼ ।

ଲୋକୁ ଜିସୁଙ୍ଗ୍ ପୟତାର୍

୨୨ ଆୟା ବାଡ଼ିଦୁ କେବଲ୍ ଉନ୍‌ଡ଼ି ତଙ୍ଗା ମାର୍‌ଆଡ଼, ମାରି ଆବେଟ୍ ଜେ ଜିସୁ ନିଜେଦି ସିସୁରି ଖାଲେ ସଲ୍‌ଏନ୍ ମାର୍ହାନ, ମାତର୍ କେବଲ୍ ଖାନି ସିସୁର୍ ସର୍‌ଆମାର୍ହାର୍, ଇକା ଏମେ ଲୋକୁ ଆୟା ମାର୍‌ନାଣ୍ଡିଙ୍ଗ୍ ଗାତାଦି ଆୟାପାଡ଼ି ନିର୍‌ଆ ମାର୍ହାର୍, ଖାର ସୁଡ଼ୁ ମାର୍ହାର୍ ।

୨୩ ପ୍ରୁ ଦନ୍‌ଏବାଦ୍ ସିତି ଖେନ୍‌କା ଲୋକୁ ଏମେ ବାଡ଼ିଦୁ ରୁଚି ତିର୍‌ଆମାର୍ହାର୍, ଆୟା ବାଡ଼ି ଲାକ୍‌ତୁ ତିବିରିୟାଦାନ୍ ମାରି ଏସ୍ ତଙ୍ଗେଙ୍ଗ୍ ଖାଜି ଇଡେ;

୨୪ ମାତର୍ ଜିସୁ ମାରି ଖାନି ସିସୁର୍ ଜେ ଆବେନୁ ସିଲେର୍, ଇକା ଏସ୍‌ଖାଲେ ଲୋକୁ ଖିଜେରେ ସୁଡ଼ୁତାର୍, ନାସ୍‌ଖାଲେ ଖାର ଖିଜେରେ ତଙ୍ଗେଆଙ୍ଗା ଏକ୍‌ସି ଜିସୁଙ୍ଗ୍ ପୟଜି ପୟଜି କପର୍‌ନାହୁମ୍‌ତୁ ଖାତାର୍ ।

ଜିସୁ ଜିବନ୍ ସିନି କାଦି

୨୫ ମାରି, ଲୋକୁ ଗାତା ଆୟାପାଡ଼ି ଜିସୁଙ୍ଗ୍ ସୁଡ଼ୁ ଖାନିଙ୍ଗ୍ ଖେନ୍‌ବାତାର୍, “ଏ ଗୁରୁ, ନିନ୍ ଏସ୍‌ଖାଲେ ଇବେନୁ ଖାତି ?”

୨୬ ଜିସୁ ଖାରିଙ୍ଗ୍ ଇର୍ହାନ, ସଡ଼ ସଡ଼ନେ ନାନ ମିଙ୍ଗ୍ ଇଜିନା, କାବାଆନି ପାଣି ସୁଡ଼ୁଙ୍ଗ୍‌ନୋ ଜେ ମିର୍ ନାଙ୍ଗ୍ ପୟଜିନିଦେର୍, ଆକା ସିଲେ, ମାତର୍ ରୁଚି ତିନ୍‌ଜ ପାଜିତିଦେର୍‌ନୋ ନାଙ୍ଗ୍ ପୟଜିନିଦେର୍ ।

୨୭ ଆମା କାଦି ସେଏଣ୍ଡ ଆନାଡ଼ ଆୟାଉଣ୍ଡିଙ୍ଗ୍ ପାଣି କିମାଟ୍ ମାରି ଆମାକା ଏସ୍‌କାଙ୍ଗ୍‌ଖିଜ୍‌ଇ ଜିବନ୍ ସିନାଡ଼, ଆୟାଉଣ୍ଡିଙ୍ଗ୍ ପାଣି କିଦୁ; ଆୟା କାଦି ମନୁସ୍‌ଏପୁଡ଼ ମିଙ୍ଗ୍ ସିନାନ୍, ଇରିଙ୍ଗ୍ ବୁବା ମାପୁରୁ ଇୟାଉଣ୍ଡିଙ୍ଗ୍ ଖାନିଙ୍ଗ୍ ଅଦିକାର୍ ସିତାମାନାନ୍ ।

୨୮ ଆବେଟ୍ ଖାର ଖାନିଙ୍ଗ୍ ଖେନ୍‌ବାତାନ, “ମାପୁରୁ ଆମାକା ବଦାକିଜିନାନ୍ ଆକା ମାପ୍ କିଦେଙ୍ଗ୍ ମାଙ୍ଗ୍ ଇନିକା କିଦେଙ୍ଗ୍ ଆନାଡ଼ ?”

୨୯ ଜିସୁ ଖାରିଙ୍ଗ୍ ଇର୍ହାନ, “ମାପୁରୁ ଆମାଖାନିଙ୍ଗ୍ ପୋକ୍‌ତାମାନ୍‌ନାନ୍, ଖାନିମାନୁ ବିସ୍‌ବାସ୍ କିନି ଉଣ୍ଡିଙ୍ଗ୍ ମିର୍ ଆକା କିଦେଙ୍ଗ୍ ଆଟ୍‌ନିଦେର୍ ।”

୩୦ ଆବେଟ୍ ଖାର ଖାନିଙ୍ଗ୍ ଖେନ୍‌ବାତାର୍, “ଆରିଙ୍ଗ୍ ନିନ୍ ସିନାଦିଖାଜା ଇନିକା କିଜିନି ଜେ, ଆକା ସୁଡ଼ୁ ମାପ୍ ନିଙ୍ଗ୍ ବିସ୍‌ବାସ୍ କିଦେଙ୍ଗ୍ ଆଟ୍‌ନାପ୍ ? ନିନ୍ ଇନିକା ପୁଜା କିଜିନି ?

୩୧ ମା ପୁର୍ବେଦିତକ୍‌ରାଦାଦାର୍ ସୁନ୍‌ସାନ୍‌ବାଡ଼ିଦୁ ମାନ୍ନା ଉଣ୍ଡି ମାର୍ହାର୍, ଏଣ୍ଡେସ୍ ଦର୍‌ସାସ୍ତ୍ରୁ ରାସ୍‌ତାମାନ୍‌ତା, ଉଣ୍ଡେଙ୍ଗ୍ ଇଜି ଖାନ ଖାରିଙ୍ଗ୍ ମୁସ୍କୁପୁର୍‌ତାନ କାଦି ସିତାମାର୍ହାନ ।”

୩୨ ଆବେଟ୍ ଜିସୁ ଖାରିଙ୍ଗ୍ ଇର୍ହାନ, “ସଡ଼ ସଡ଼ନେ ନାନ ମିଙ୍ଗ୍ ଇଜିନା,” ଆମାକା ମିଙ୍ଗ୍ ମୋସା ସିତାମାର୍‌ହାନ୍ ଆକା ମୁସ୍କୁପୁର୍‌ତାନ ଖାଡ଼ିମାନି କାଦି ସିଲେ, ମାତର୍ ନା ବୁବା ମିଙ୍ଗ୍ ମୁସ୍କୁପୁର୍‌ତାନ ସଡ଼‌ତେନେ କାଦି ସିନାନ୍;

୩୩ ଆମା କାଦି ମୁସକୁପୁରତାନ ରେତାଜିଖାଜି ଦୁନିଆଦିକ୍ ଜିବନ୍ ସିନାନ୍, ଖାନ୍ ଆଜିନାନ୍ ଆୟା ମାପୁରୁ ସିତିମାନି କାଦି ।

୩୪ ଖାର୍ ଖାନିକ୍ ଇର୍ହାନ୍, ଆଜ୍ଜା, “ଝିକୁଦିନ୍ ମାକ୍ ଇୟା କାଦି ସିଦା ।”

୩୫ ଆବେଟ୍ ଜିସୁ ଖାରିକ୍ ଇର୍ହାନ୍, “ନାନ୍ ଆୟା ଜିବନ୍ ସିନି କାଦି, ଏନ୍ ନା ଲାକ୍ତୁ ଖାନ୍ନାନ୍, ଖାନ୍ ମୁଡୁକ୍ ବାକ୍ସାଁ ସାଏନ୍, ମାରି ଏନ୍ ନା ମାନ୍ ବିସ୍ବାସ୍ କିନାନ୍, ଖାନ୍ ମୁଡୁକ୍ ଏରକିସାଏନ୍ ।

୩୬ ମାତର୍ ମିର୍ ନାକ୍ ସୁଡୁକ୍ ବା ବିସ୍ବାସ୍ କିଇଜିନିଦେର୍, ଇକା ନାନ୍ ମିକ୍ ଝେରତାମାନା ।

୩୭ ବୁବା ଜେ ଝିଜେରିକ୍ ନାକ୍ ଦାନ୍ କିନାନ୍, ଖାର୍ ନା ଲାକ୍ତୁ ଖାନାର୍; ମାରି, ଏନ୍ ନା ଲାକ୍ତୁ ଖାନାନ୍, ଖାନିକ୍ ନାନ୍ ଇନି ଖାଜାବା ସୋପ୍ତେକ୍ ଆଟ୍ଏ;

୩୮ ଇରିକ୍ ନା ନିଜେଦି ବଦାଦାନ୍ଦିକ୍ ପୁରା କିଦେକ୍ ସିଲେ, ମାତର୍ ନା ପୋକ୍ତିଖାନି ବଦା ପୁରା କିଦେକ୍ ନାନ୍ ମୁସକୁପୁରତାନ ଖାତାମାନା ।

୩୯ ମାରି, ନା ପୋକ୍ତିକାନ୍ ଜେ ଝିଜେରିକ୍ ନାକ୍ ସିତାମାନାନ୍, ନାନ୍ ଖାରି ମାଣୁକୁ ଅରେନ୍‌ଖାନିକ୍ ବା ଆରାକିଏ, ନାନ୍ ଝିଜିନି ନାଣ୍ଡିକ୍ ଆୟା ଝିଜେରିକ୍ ମାରିଡେସି ଜିବନ୍ କିନା, ଇକା ଖାନି ବଦା ।

୪୦ ଇରିକ୍ ଏନ୍ ମାରିସିକ୍ ସୁଡୁକ୍ ଖାନିମାନ୍ ବିସ୍ବାସ୍ କିନାନ୍, ଖାନ୍ ଏଣ୍ଡେସ୍ ଏସକାକ୍‌ଝିଜିକ୍ ଜିବନ୍ ପୟନାନ୍, ଇକାନେ ନା ବୁବାଦି ବଦା; ଇୟାଉଣ୍ଡିକ୍ ନାନ୍ ଝିଜିନି ନାଣ୍ଡିକ୍ ଆୟା ଝିଜେରିକ୍ ମାରିଡେସି ଜିବନ୍ କିନା ।”

୪୧ ନାନ୍ ମୁସକୁପୁରତାନ ରେତାଜିମାନି କାଦି, ଖାନ୍ ଇକା ଇର୍ହାନ୍‌ଆକା ଜିହୁଦିର୍ ଜିସୁଦି ବିରଦ୍‌ତାନ୍ ନିଦା କିଦେକ୍ ଆସତାର୍ ।

୪୨ ମାରି ଖାର୍ ଇର୍ହାନ୍ “ଇକାନ୍ ଇନିକା ଜୋସେପତି ମାରିନ୍ ଜିସୁ ଆଏନ୍ ? ମାରି ମାପ୍ ଝେନି ବୁବାୟାୟାକ୍ ନେସ୍‌ନାପ୍ ଆରିକ୍ ନାନ୍ ମୁସକୁପୁରତାନ ରେତାଜାମାନା ଇଜି ଖାନ୍ ଇଲେ ଏଣ୍ଡେସ୍ ଇଜିନାନ୍ ?”

୪୩ ଜିସୁ ଖାରିକ୍ ଇର୍ହାନ୍, “ନିଜେ ନିଜେଦି ମାନ୍ ନିଦା କିମାଟ୍ ।

୪୪ ନାକ୍ ପୋକ୍ତାତିମାନି ବୁବା ଏମେଖାନିକ୍ ଆସ୍ କିନାନ୍, କେବଲ୍ ଖାନ୍ ନା ଲାକ୍ତୁ ଖାଦେକ୍ ଆଟ୍‌ନାନ୍, ମାରି ନାନ୍ ଝିଜିନି ନାଣ୍ଡିକ୍ ଆୟା ଝିଜେରିକ୍ ମାରିଡେସି ଜିବନ୍‌କିଜି କିନା ।

୪୫ ବାବବାଦିର୍ ଦାମ୍‌ସାସ୍ତୁ ରାସ୍ତା ମାନାର୍, ଝିଜେରେ କେବଲ୍ ମାପୁରୁଦି ମାଣାନ୍ ସିକିୟା ପୟନାର୍ । ଏନ୍‌ଆପିନ୍ ବୁବାଦିମାଣ୍‌ନା ଝେନିକ୍ ସିକିୟା ପୟନାନ୍, ଖାନ୍ ନା ଲାକ୍ତୁ ଖାନାନ୍ ।

୪୬ ତେନି ଅର୍ଥ ଆଏଡ୍ ଜେ, ଖାନ୍ ବୁବେକ୍ ସୁଡୁକ୍ ମାନ୍‌ନାନ୍, ଏନ୍ ମାପୁରୁଦିମାଣ୍‌ନା ଖାତାମାନ୍‌ନାନ୍, କେବଲ୍ ଖାନ୍‌ନେ ବୁବେକ୍ ସୁଡୁକ୍‌ମାନ୍‌ନାନ୍ ।

୪୭ ସତେ ସତେନେ ନାନ୍ ମିକ୍ ଇଜିନା, ଏନ୍ ବିସ୍ବାସ୍ କିନାନ୍, ଖାନ୍ ଏସକାକ୍‌ଝିଜିକ୍ ଜିବନ୍ ପୟତାମାନାନ୍ ।

୪୮ ନାନ୍ ଜିବନ୍ ସିନି କାଦି ।

୪୯ ମି ପୁର୍ବେଦିଡକ୍‌ରାଦାଦାର୍ ସୁନ୍‌ସାନ୍‌ବାଡିଦୁ ମାନ୍ନା ଉଟାର୍ ଆରିକ୍‌ବା ସାତାସର୍ହାନ୍ ।

୫୦ ମାତର୍ ଏମେ କାଦି ମୁସକୁପୁରତାନ ଖାନାଡ୍, ତାନିକ୍ ଏନ୍ ଉଣାନ୍ ଖାନ୍ ଏସକାକ୍‌ଝିଜିକ୍ ଜିବନ୍ ପୋୟନାନ୍ ।

୫୧ ନାନ୍ ମୁସକୁପୁରତାନ ଖାତିମାନି ଆୟା ଜିବନ୍‌ତି କାଦି, ଏନ୍ ଜଦି ଇୟା କାଦି ଉଣୁନାନ୍, ଖାନ୍ ଏସାକ୍‌ଝିଜିକ୍‌ଦିନ୍ ସାକ୍‌ସି ଜିବନ୍ ମାନାନ୍; ହୁଁ, ନାନ୍ ଏମେ କାଦି ସିନା, ଆକା ନା କାଣ୍ଡା, ନାନ୍ ଆକା ଦୁନିଆଦିକ୍ ଜିପିସିନ୍ ଉଣ୍ଡିକ୍ ସିନା ।”

୫୨ ଆବେଟ୍ ଜିହୁଦିର୍ ନିଜେନିଜେଦିମାନ୍ ଗିଦ୍‌ରିଆଜି ଜାଟି କିଦେକ୍ ଆସ୍‌ତାର୍, “ଇକାନ୍ ଏଣ୍ଡେସ୍ ମାକ୍ ନିଜେଦି କାଣ୍ଡା ତିନ୍‌ଡେକ୍ ସିଦେକ୍ ଆଟ୍‌ନାନ୍ ?”

୫୩ ଆବେଟ୍ ଜିସୁ ଖାରିକ୍ ଇର୍ହାନ୍, “ସଡ୍ ସଡ୍ ନାନ୍ ମିକ୍ ଇଜିନା, ମନ୍‌ସ୍ୟପୁଡୁଦି କାଣ୍ଡା ତିନ୍‌ଏଡିକ୍ ମାରି ଖାନି ନେତେର୍ ଉଣ୍ଡିଏଡିକ୍, ମିର୍ ଜିବନ୍ ପୋୟଦେକ୍ ଆଟ୍‌କଦେର୍ ।

୫୪ ଏନ୍ ନା କାଣ୍ଡା ତିନ୍‌ନାନ୍ ମାରି ନା ନେତେର୍ ଉଣୁନାନ୍, ଖାନ୍ ଏସକାକ୍‌ଝିଜିକ୍ ଜିବନ୍ ପୟନାନ୍, ମାରି ନାନ୍ ଝିଜିନି ନାଣ୍ଡିକ୍ ଖାନିକ୍ ନିକ୍‌ନା ।

୫୫ ଇରିକ୍ ନା କାଣ୍ଡା ସତେନେ କାଦି ମାରି ନା ନେତେର୍ ସତେନେ ଏରୁ ।

୫୬ ଏନ୍ ନା କାଣ୍ଡା ତିନ୍‌ନାନ୍ ମାରି ନା ନେତେର୍ ଉଣୁନାନ୍, ଖାନ୍ ନା ମାନ୍ ତେବାନାନ୍ ମାରି ନାନ୍ ଖାନିମାନ୍ ତେବାନା ।

୫୭ ଜିବନ୍‌ମାନି ବୁବା ନାକ୍ ପୋକ୍ତାମାନାନ୍ ମାରି ନାନ୍ ଖାନି ଉଣ୍ଡିକ୍ ଜିବନ୍ ମାନା, ଆୟାଖାଜା ଏନ୍ ନାକ୍ ଉଣୁନାନ୍, ଖାନ୍ ବା ନା ଉଣ୍ଡିକ୍ ଜିବନ୍ ତେବାନାନ୍ ।

୫୮ ଏମେ କାଦି ମୁସକୁପୁରତାନ ଖାତାମାନାଡ୍, ଆୟାକା ଇକା; ପୁର୍ବେଦିଡକ୍‌ରାଦାଦାର୍ ଏଣ୍ଡେସ୍ ଉଟାର୍ ସାତାସର୍ହାନ୍, ଇକା ଆୟାଖାଜା ସିଲେ; ଏନ୍ ଇୟା କାଦି ଉଣୁନାନ୍, ଖାନ୍ ଏସାକ୍‌ଝିଜିକ୍‌ଦିନ୍ ସାକ୍‌ସି ଜିବନ୍ ତେବାନାନ୍ ।”

୫୯ ଜିସୁ କପର୍‌ନାହୁମ୍‌ତି ଉନ୍‌ଡି ପାର୍‌ତନା ଇଲୁଡୁ ସିକିୟା ସିନିଖାଲେ ଇୟାଝିଜୁ ମାଟା ଝେରତାନ୍ ।

ଏସକାକ୍‌ଝିଜିକ୍ ଜିବନ୍‌ତି ବାକ୍ୟ

୭୦ ମାରି, ଜିସୁସ୍ ସିସୁରି ମାଣକୁ ଏସଲୋକ୍ ଇକା ଖେନ୍ଦି ଇର୍ହାନ୍, “ଇୟା ସିକିୟା ବୁଜାଦେଙ୍ଗ୍ ବଡେ କାସ୍ ଏନ୍ ଇକା ଖେନ୍ଦେଙ୍ଗ୍ ଆର୍ନାନ୍ ?”

୭୧ ଇୟା ବିସୟତାନ୍ ଜିସୁସ୍ ଏନ୍ ଇନିକା ଇନ୍ଏତି ମାରିଙ୍ଗ୍ ବା ସିସୁର ଖାରି ଲୋଇ ନିଦା କିଜିନାନ୍ ଇଜି ନେସସି ଜିସୁ ଖାରିଙ୍ଗ୍ ଇର୍ହାନ୍, “ଇକା ଇନିକା ମିଙ୍ଗ୍ ବାଦା ଆଜିନାଡ ?

୭୨ ମନୁସ୍ୟପୁତ୍ର ଆଗଡ଼ି ଏମେ ବାଡିଦୁ ମାର୍ହାନ୍, ଆୟା ବାଡିଦୁ ଏସକାଙ୍ଗ୍ ଖାନିଙ୍ଗ୍ ସନିକା ସୁଣିଦେର୍, ଆରିଙ୍ଗ୍ ମିର୍ ଇନିକା କିନିଦେର୍ ?

୭୩ କେବଲ୍ ମାପୁରୁଦି ଆମ୍ବା ଜିବନ୍ ସିନାଡ; ଲୋକା ସାକ୍ତି ଇନି ପାଣିକିଦେଙ୍ଗ୍ ଆର୍ଏଡ; ମାପୁରୁଦି ଆୟା ଜିବନ୍ ସିନି ଆମ୍ବାଦିଙ୍ଗ୍ ମିର୍ ଏଣ୍ଡେସ ନେସନିଦେର୍, ଆୟାଉଣ୍ଡିଙ୍ଗ୍ ନାନ୍ ଇୟାଞ୍ଜି ମାଟା ଇର୍ଆ ।

୭୪ ଆତିଙ୍ଗ୍ବା ମି ମାଣକୁ ଏନ୍ ଏନ୍ ବିସବାସ୍ କିଏଜିନାନ୍ । ଇରିଙ୍ଗ୍ ଜିସୁସ୍ ଏର୍ ବିସବାସ୍ କିଏର୍ ମାରି ଏନ୍ ଖାନିଙ୍ଗ୍ ସାତୁରି କିୟୁଦୁ ସପେ କିନନାନ୍, ଆକା ଜିସୁ ଆଗଡ଼ିରାନ୍ନେ ନେସତା ମାର୍ହାନ୍ ।

୭୫ ମାରି ଖାନ୍ ଇର୍ହାନ୍, ଇୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ଇର୍ଆମାନା, ବୁବାସିମାଣାନ୍ ପକ୍ଏତିଙ୍ଗ୍ ଏନ୍ ନା ଲାକ୍ତୁ ଖାଦେଙ୍ଗ୍ ଆର୍ଏନ୍ ।”

୭୬ ଆୟାଖାଲେରାନ୍ ଜିସୁସ୍ ସିସୁରି ମାଣକୁ ଏସଲୋକ୍ ଖେର୍ଏ ଏର୍ଜି ସତାସର୍ହାନ୍, ମାରି ଖାନି ଖାଲେ ମାରି ବୁଲାସାଲା କିଏତାରିନି ।

୭୭ ଆବେଟ୍ ଜିସୁ ବାରଲୋକ୍ ସିସୁରିଙ୍ଗ୍ ଖେନ୍ଦାତାନ୍, “ମିର୍ ବା ଇନିକା ନାଙ୍ଗ୍ ଡିସସି ସନ୍ଦେଙ୍ଗ୍ ବଦା କିଜିନିଦେର୍ ?”

୭୮ *ସିମୋନ ପିତର୍ ଜିସୁସ୍ ଇର୍ହାନ୍, “ପ୍ରୁ, ଏ ଲାକ୍ତୁ ସନାଟ ? ନି ଲାକ୍ତୁ ଏସକାଙ୍ଗ୍ଞିଜିଇ ଜିବନ୍ତି ବାକ୍ୟ ମାନାଡ;”

୭୯ ମାରି, ନିନ୍ ଜେ ମାପୁରୁଦି ମାଣାନ୍ ଖାତିମାନି ଆୟା ପବିତ୍ର ଲୋକ୍, ଇକା ମାପ୍ ବିସବାସ୍ କିତାମାନାପ୍ ମାରି ନେସତାମାନାପ୍ ।”

୮୦ ଜିସୁ ଖାରିଙ୍ଗ୍ ଇର୍ହାନ୍, “ନାନ୍ ଇନିକା ମି ବାରଲୋକାଙ୍ଗ୍ ଆସକିଏ ନୋ ? ମାରି, ମି ମାଣକୁ ଅରେନ୍ ସୟତାନ୍ ।”

୮୧ ଜିସୁ ଇସ୍ପାରିୟୋତିୟ ସିମୋନତି ମାରିନ୍ ଜିହୁଦାଦିଙ୍ଗ୍ ସୁଡ଼ୁ ଇକା ଇର୍ହାନ୍, ଇରିଙ୍ଗ୍ ଖାନ୍ ବାରଲୋକ୍ ସିସୁରି ମାଣକୁ ଅରେନ୍, ମାରି ଖାନ୍ ଖାନିଙ୍ଗ୍ ସାତୁରି କିୟୁଦୁ ସପେ କିଦେଙ୍ଗ୍ ସଲ୍ସି ମାର୍ହାନ୍ ।



ଜିସୁ ନି ଖାନି ତଡାନ୍କୁ

୧ ତାନେଖେନ୍ଦକା ଜିସୁ ଗାଲିଲିଦୁ ବୁଲାଦେଙ୍ଗ୍ ଆସତାନେ, ଇରିଙ୍ଗ୍ ଜିହୁଦିର୍ ଖାନିଙ୍ଗ୍ ସାୟାମାର୍ଗା ଡାକ୍ତେଙ୍ଗ୍ ଇଜି ସେସ୍ କିଜିମାରିଙ୍ଗ୍ ଖାନ୍ ଜିହୁଦା ଦେସ୍ତୁ ବୁଲାଦେଙ୍ଗ୍ ବଦା କିଏଜି ମାର୍ହାନ୍ ।

୨ ଜିହୁଦିର୍ ଇଲୁଦୁବାସାନି ପଣ୍ଡୟତି ଦିନ୍ ଇଗା ଖାତାଡ,

୩ ଖାନି ତଡାନ୍କୁ ଜିସୁସ୍ ଇର୍ହାନ୍, ନିନ୍ ଆମା ଆମା ପାଣି କିଜିନି, ଆୟାଞ୍ଜି ଏଣ୍ଡେସ ନି ସିସୁର ବା ସୁଡ଼ନାଟ୍ ଇୟାଉଣ୍ଡିଙ୍ଗ୍ ଇବେଶାନ୍ ସସିସୋଲ୍ସ ଜିହୁଦା ଦେସ୍ତୁ ସାନଡୁ,

୪ ଇରିଙ୍ଗ୍ ଏନ୍ ତରାଦେଙ୍ଗ୍ ବଦାକିତିଙ୍ଗ୍ ମାର୍ଗିଜି ଇନିକା କିଏନ୍ । ମିର୍ ଜଦି ଇୟାଞ୍ଜି କିଜିନିଦେର୍, ଆରିଙ୍ଗ୍ ନିଜେଦିଙ୍ଗ୍ ଦୁନିଆ ଆଗଡ଼ି ତର୍ଆ ।

୫ ଇରିଙ୍ଗ୍ ଖାନି ତଡାନ୍କୁ ବା ଖାନିମାନୁ ବିସବାସ୍ କିଏଜିମାର୍ଆର୍ ।

୬ ଆବେଟ୍ ଜିସୁ ଖାରିଙ୍ଗ୍ ଇର୍ଆନ୍, “ନା ସମୟ ଇୟାସାହି ଇଗା ରେଏଦେ, ମାତର୍ ମି ଉଣ୍ଡିଙ୍ଗ୍ ସମୟ ଞ୍ଜିଦିନ୍ ମାନାଡ ।

୭ ଦୁନିଆ ମିଙ୍ଗ୍ କାଡ୍ଏଡ, ମାତର୍ ନାଙ୍ଗ୍ କାଡ଼ନାଡ, ଇରିଙ୍ଗ୍ ଖାନି ପାଣି ଜେ ତାଗ୍ଈକା ଇଜି ନାନ୍ ଆୟା ବିସୟତାନ୍ ଇୟା ସାକି ସିଜିନା ।

୮ ମିର୍ ଇୟା ପଣ୍ଡୟତୁ ସାନଡୁ, ନାନ୍ ଇଲେଇ ଇୟା ପଣ୍ଡୟତୁ ସଲ୍ଏଜିନା, ଇରିଙ୍ଗ୍ ନା ସମୟ ଇୟାସାହି ରେଏଦେ ।”

୯ ଜିସୁ ଖାରିଙ୍ଗ୍ ଇୟାଞ୍ଜି ମାଟା ଇଜି ଗାଲିଲିଦୁ ତେବାତାନ୍ ।

ଗୁଡାଦୁବାସାନି ପଣ୍ଡୟତୁ ଜିସୁ

୧୦ ମାତର୍ ଖାନି ତଡାନ୍କୁ ପଣ୍ଡୟତୁ ସର୍ରି ଖେନ୍ଦକା ଜିସୁ ବା ସର୍ହାନ୍, ତରାଅଜି ସିଲେ, ମାତର୍ ମାର୍ଗିଜି ସର୍ହାନ୍ ।

୧୧ ଆଦେଙ୍ଗ୍ ଜିହୁଦି ନେତାର୍ ପଣ୍ଡୟତୁ ଖାନିଙ୍ଗ୍ ପୟ୍ବୁ ପୟ୍ବୁ ଖେନ୍ଦବାତାର୍, “ଖାନ୍ ଏମେ ?”

୧୨ ମାରି, ଜିସୁ ବିସୟତାନ୍ ଲୋକା ମାନୁ ପୁସୁରୁ ପାସୁରୁ ଖାରିଗିଦେଙ୍ଗ୍ ଆସତାଟ୍; ଏନ୍ ଏନ୍ ଇର୍ହାନ୍, “ଖାନ୍ ଅରେନ୍ ନେଗି ଲୋକ୍, ” ମାରି ଏନ୍ ଏନ୍ ଇର୍ହାନ୍, “ସିଲେ, ଖାନ୍ ଲୋକାଙ୍ଗ୍ ବାୟା କିଜିନାନ୍ ।”

* ୭:୨୮ ମାଡିଉ ୧୭:୧୭; ମାର୍କ ୮:୨୯; ଲୁକ ୯:୨୦.

- ୧୩ ମାତର ଜିହ୍ୱାଦି ନେତାର ତିଲାଜି ଖାନି ବିସୟତାନ୍ ଖେକ୍ସି ଏନ୍ ଇନିକା ଇନ୍‌ଏଜି ମାର୍ହାର ।
- ୧୪ ମାତର ପଶୁୟତି ଆଦା ସମୟ ଓଜିତି ଖେନକା, ଜିସୁ ମନ୍ଦିରତୁ ସଲ୍‌ସି ସିକିୟା ସିଦେଙ୍ଗ ଆସ୍ତାନ ।
- ୧୫ ଆବେଟ୍ ଜିହ୍ୱାଦି ନେତାର କାବାଆଜି ଇର୍ହାର, “ଇକାନ ପାଟ୍ ପଡ଼ାଏଣ୍ଡା ଏଣ୍ଡେସ୍ ନେସ୍ତାନ ?”
- ୧୬ ଆବେଟ୍ ଜିସୁ ଖାରିଙ୍ଗ୍ ଇର୍ଆନ୍, “ନା ସିକିୟା ନା ନିଜେଦିକା ଆଏଡ୍, ମାତର ନା ପକ୍ତିମାନି ମାପୁରୁଦି ମାଣାନ୍ ଖାତାମାନାଡ୍ ।
- ୧୭ ଏନ୍ ଜଦି ମାପୁରୁ ବଦା ମାନାଦେଙ୍ଗ୍ ଇଚ୍ଛା ଆନାନ୍, ଆରିଙ୍ଗ୍ ନା ସିକିୟା ମାପୁରୁ ମାଣ୍‌କୁ ଖାତାମାନାଡ୍‌ନୋ, ନା ନିଜେଦି ସାଲିଦାନ୍ ନୋ ଇଜିନା, ଆକା ଖାନ୍ ନେସ୍‌ନାନ୍ ।
- ୧୮ ଏନ୍ ନିଜେଦି ମାଣାନ୍ ଇନାନ୍, ଖାନ୍ ନିଜେଦି ଗୌରବ୍ ପଇନାନ୍, ମାତର ଏନ୍ ନିଜେଦି ପକ୍ତିଖାନିଦି ଗୌରବ୍ କିଦେଙ୍ଗ୍ ବଦା କିନାନ୍, ଖାନ୍ ସଡ୍ ଇନାନ୍, ମାରି ଖାନିମାନ୍ ଇନି ମିସ୍ ସିଲେଡ୍ ।
- ୧୯ ମୋସା ଇନିକା ମିଙ୍ଗ୍ ନିୟମ୍ ସିଏନ୍‌ନୋ ? ଆତିଙ୍ଗ୍‌ବା ମି ମାଣ୍‌କୁ ଏନ୍ ନିୟମ୍ ମାନାଏଜିନାନ୍ । ମିର୍ ଏନ୍‌ ନାଙ୍ଗ୍ ଡାକ୍‌ତେଙ୍ଗ୍ ୍ ବଦା କିଜିନିଦେର୍ ।”
- ୨୦ ଲୋକ୍ ଓଜେରେ ଇର୍ହାର, “ନିଙ୍ଗ୍ ଦୁବା ଆସ୍ତାମାନାଡ୍, ଏନ୍ ନିଙ୍ଗ୍ ଡାକ୍‌ତେଙ୍ଗ୍ ୍ ବଦାକିଜିନାନ୍ ?”
- ୨୧ ଜିସୁ ଖାରିଙ୍ଗ୍ ଇର୍ଆନ୍, “ନାନ୍ ଉଣ୍ଡି କାବା ପାଣି କିତା, ମାରି ମିର୍ ଓଜେରେ କାବା ଆତିମାନିଦେର୍ ।
- ୨୨ ଇୟାଉଣ୍ଡିଙ୍ଗ୍ ମୋସା ମିଙ୍ଗ୍ ସୁନ୍ନତ ନିୟମ୍ ସିତାମାନାନ୍, ଇକା ଜେ ମୋସା ମାଣାନ୍ ଆତାମାନାଡ୍, ଆକା ସିଲେ ମାତର ପୁର୍ବେଦିଦାଦାରି ମାଣ୍‌କୁ, ମାରି ମିର୍ ରମ୍‌ନି ନାଣ୍ଡିଙ୍ଗ୍ କଡ୍‌ରିଙ୍ଗ୍ ସିନାଡ୍ କିଜିନିଦେର୍ ।
- ୨୩ ମୋସାଦି ନିୟମ୍ ଅମାନ୍ୟ କିଇ ଉଣ୍ଡିଙ୍ଗ୍ ଜଦି ରମ୍‌ନିନାଣ୍ଡିଙ୍ଗ୍ କଡ୍‌ଦି ସୁନ୍ନତ କିଜିନିଦେର୍, ଆରିଙ୍ଗ୍ ନାନ୍ ରମ୍‌ନିନାଣ୍ଡିଙ୍ଗ୍ ଅରେନ୍ ଲୋକ୍‌ତିଙ୍ଗ୍ ଓଜୁ ନେଗେଣ୍ଡୁ କିତାଆକା ମିର୍ ଏନ୍‌ ନା ମୁସ୍‌କୁ ରିସା ଆଜିନିଦେର୍ ?
- ୨୪ ସୁପ୍ ଆଦୁ, ଆଡ୍‌ରେରି ବିସୟ୍ ସୁଡ୍‌ଜି ବିସାର୍ କିଏଣ୍ଡା ନ୍ୟାୟ୍ ବିସାର୍ କିଦୁ ।”

ଇକାନ ଇନିକା ମସିହ ?

- ୨୫ ଆବେଟ୍‌କୁ ଜିରୁସାଲାମ୍‌ତୁ ବାସା କିନି ଲୋକା ଲୋଇ ଏନ୍ ଏନ୍ ଇଡ୍‌ଡେଙ୍ଗ୍ ଆସ୍ତାର୍, “ଜିହ୍ୱାଦି ନେତାର୍ ଆମାଖାନିଙ୍ଗ୍ ଡାକ୍‌ତେଙ୍ଗ୍ ୍ ବଦା କିଜିନାର୍, ଇକାନ ଇନିକା ଖାନ୍ ଆଏନ୍ ?
- ୨୬ ମାରି ସୁଡ୍‌ଦୁ, ଖାନ୍ ତରାଜି ମାଟା ଇଜିନାନ୍, ମାରି ଖାର୍ ଖାନିଙ୍ଗ୍ ଇନିକା କିଏଜିନାର୍ । ଇକାନ ଜେ ମସିହ ଇଜି ଇକା ଇନିକା ନେତାର୍ ସତେ ନେସ୍‌ତାଓସ୍‌ତାର୍‌ନି ?
- ୨୭ ଆମାକା ଆପିଡ୍, ଖେନି ଖାନିକା ମାପ୍ ନେସ୍‌ନାପ୍, ମାତର ମସିହ ଏସ୍ତିଖାଲେ ଖାନାନ୍, ନାସ୍ତିଖାଲେ ଖାନି ଖାନିକା ଏନ୍ ନେସ୍‌ଏପ୍ ।”
- ୨୮ ଆବେଟ୍ ଜିସୁ ମନ୍ଦିରତୁ ସିକିୟା ସିରୁ ସିରୁ ନାଣ୍ଡୁ ଆଉଲି ଆଜି ଇର୍ହାନ୍, ନାନ୍ ଏନ୍ ମାରି ଏମେଟ୍‌କୁ ଖାତାମାନା, ମିର୍ ଇନିକା ସଡ୍‌ତାନ୍ ନେସ୍‌ନିଦେର୍ ? ନାନ୍ ନିଜେଦିମାଣାନ୍ ରେଏ, ମାତର ନା ପକ୍ତିକାନ ସଡ୍, ଖାନିଙ୍ଗ୍ ମିର୍ ନେସ୍‌ଇଦେର୍ ।
- ୨୯ ନାନ୍ ଖାନିଙ୍ଗ୍ ନେସ୍‌ନା, ଇରିଙ୍ଗ୍ ନାନ୍ ଖାନିମାଣ୍‌କୁ ଖାତାମାନା, ମାରି ଖାନ୍ ନାଙ୍ଗ୍ ପକ୍ତିତାନ୍ ।
- ୩୦ ଆବେଟ୍ ଖାର୍ ଜିସୁଙ୍ଗ୍ ଆସ୍ତେଙ୍ଗ୍ ବଦା କିତାର୍; ମାତର ଏନ୍ ଖାନି ମୁସ୍‌କୁ କିୟୁ ମୁଟ୍‌ଏତାନ୍, ଇରିଙ୍ଗ୍ ଖାନି ସମୟ ଆୟା ସାନ୍ ଇଗା ରେଏଡ୍‌ମାର୍ହାଡ୍ ।
- ୩୧ ମାତର ଲୋକା ଲୋଇରାନ୍ ନାଣ୍ଡୁ ଲୋକ୍ ଖାନିମାନ୍ ବିସ୍‌ବାସ୍ କିଜି ଇନ୍‌ଡେଙ୍ଗ୍ ଆସ୍ତାର୍, “ଇୟାଓଜୁ କାବାଆନି ପାଣି କିଜିନାନ୍, ମସିହ ଖାଜି ଖେନିମାଣାନ୍ ଇନିକା ନାଣ୍ଡୁ କିନ୍‌ନାନ୍ ?”

ଜିସୁଙ୍ଗ୍ ତରତେଙ୍ଗ୍ ୍ କାପ୍‌କିନିଖାରିଙ୍ଗ୍ ପୋକ୍‌ତାର୍

- ୩୨ ପାରୁସିର୍ ଲୋକାଙ୍ଗ୍ ଜିସୁଦି ବିସୟତାନ୍ ପୁସୁରୁ ପାସୁରୁ ଖାର୍‌ଗିନିକା ଖେର୍‌ଆର୍ ମାରି ପେରି ଜାଜକର୍ ନି ପାରୁସିର୍ ଖାନିଙ୍ଗ୍ ଆସ୍ତେଙ୍ଗ୍ ଇଜି କାପ୍‌କିନିଖାରିଙ୍ଗ୍ ପୋକ୍‌ତାର୍ ।
- ୩୩ ଆବେଟ୍ ଜିସୁ ଇର୍ହାନ୍, “ନାନ୍ ମାରି ଅଡ୍‌ପ୍ ସମୟ ମି ଖାଲେ ତେବାଜି ନା ପକ୍ତିଖାନିମାନ୍ ଡେସି ସଲ୍‌ସିନା ।
- ୩୪ ମିର୍ ନାଙ୍ଗ୍ ପଇନିଦେର୍, ମାତର ପୟଇଦେର୍; ମାରି, ନାନ୍ ଏମେମାନ୍ ମାନା, ମିର୍ ଆବେ ସନ୍‌ଡେଙ୍ଗ୍ ଆଡ୍‌ଇଦେର୍ ।”
- ୩୫ ଆବେଟ୍ ଜିହ୍ୱାଦି ନେତାର୍ ନିଜେ ନିଜେଦିମାନ୍ ଇର୍ହାର୍, “ଇକାନ ଏମେମାନ୍ ସନ୍‌ଡେଙ୍ଗ୍ ଇଜି ସତାମାନ୍‌ନାନ୍ ଜେ, ମାଡ୍ ଖାନିଙ୍ଗ୍ ପୋୟଇକା ? ଇକାନ ଇନିକା ଗ୍ରିକ୍‌ରି ଗାଡ୍‌କାଙ୍ଗ୍ ଲୋଇ ଇନିଙ୍ଗ୍ ଆନିଙ୍ଗ୍ ଜିହ୍ୱାଦିର୍ ଲାକ୍‌ତୁ ସୋଲ୍‌ସି ଗ୍ରିକ୍‌ରିଙ୍ଗ୍ ସିକିୟା ସିଦେଙ୍ଗ୍ ସତାମାନ୍‌ନାନ୍ ?
- ୩୬ ମିର୍ ନାଙ୍ଗ୍ ପଇନିଦେର୍, ମାତର ପୟଇଦେର୍, ମାରି ନାନ୍ ଏମେମାନ୍ ମାନା, ମିର୍ ଆବେଟ୍ ସନ୍‌ଡେଙ୍ଗ୍ ଆଡ୍‌ଇଦେର୍, ଖାନ୍ ଇୟା ଏମେ ମାଟା ଇର୍ହାନ୍, ତାନି ଅର୍ତ୍ ଇନିକା ?”

☆ ୭:୨୩ ଲୋହନ ୫:୯.

ଜିବନ୍ ସିନି ମୁଲ୍

୩୭ ପଶ୍ଚାତ୍ତପ୍ତ ଓଡ଼ିଆ ନାଣ୍ଡିକ, ମାରି, ପଶ୍ଚାତ୍ତପ୍ତ ନେଗି ନାଣ୍ଡିକ, ଜିସୁ ନିଜ୍ଞତାନ୍ନୋ ନାଣ୍ଡି ଆଉଲି ଆଜି ଇର୍ହାନ୍, “ଏନ୍ ଜଦି ଏରକି ସାନାନ୍, ଆଦେକ୍ ଖାନ୍ ନା ଲାକ୍ତୁ ରାପିନ୍,

୩୮ ମାରି ଏନ୍ ନା ମାନୁ ବିସ୍ବାସ କିନ୍ନାନ୍, ଖାନ୍ ଉଣିନ୍, ଦାମ୍ଭୁସାସ୍ତ୍ରୁ ରାସ୍ତାମାନାଡ୍ ଏନ୍ ନାବାନ୍ ବିସ୍ବାସ କିନ୍ନାନ୍ ଖାନ୍ ଜିବନ୍ତାନ୍ ଜିବନ୍ସିନି ଏରୁ ପୋଗ୍ଜିସନେ ।”

୩୯ ଜିସୁ ପବିତ୍ର ଆତ୍ମାଦି ବିସ୍ତାତାନ୍ ଖେରତାନ୍, ଏମେକାର୍ ଜିସୁମାନୁ ବିସ୍ବାସ କିଜିମାହାର୍ ଖାର୍ ଖେନକା ଇୟା ପବିତ୍ର ଆତ୍ମାଦିକ୍ ପୟନାର୍ ଆୟାସାନ୍ ଜିସୁ ଦନ୍ୟବାଦ୍ ପୟଏନ୍ ମାରିକ୍ ଖାର୍ ପବିତ୍ରଆତ୍ମା ପୟଏନ୍ ମାହାନ୍ ।

ଲୋକା ଲୋକ ଖେରଏ ଏରନିକା

୪୦ ମାରି, ଲୋକା ଲୋକରାନ୍ ଏନ୍ ଏନ୍ ଇୟା ମାଟା ଖେନଜି ଇନ୍ତେକ୍ ଆସ୍ତାର୍, “ଇକାନ୍ ସତେନେ ଆୟା ବାବବାଦି ।”

୪୧ ମାରି ଆଇକାର୍ ଇର୍ହାର୍, “ଇକାନ୍ନେ ମସିହ୍,”

ମାତର୍ ଏନ୍ ଏନ୍ ଇର୍ହାର୍, “ଇନିକା ! ମସିହ୍ ଗାଲିଲିଦାନ୍ ରେଏନ୍ !

୪୨ ମସିହ୍ ଜେ ଦାଉଦଦି କୁଟୁମ୍ତାନ୍ ମାରି ଦାଉଦ ଏମେମାନୁ ମାହାନ୍, ଆୟା ବେତଲିହିମ୍ ନାର୍ତାନ୍ ଜନମ୍ ଆନାନ୍, ଇକା ଇନିକା ଦାମ୍ଭୁସାସ୍ତ୍ରୁ ବାକ୍ୟ ଇନ୍ଏଡ୍ ?”

୪୩ ଆରିକ୍ ଲୋକ୍ଓଜେରି ଲୋକ ଖାନ୍ ଉଣ୍ଡିକ୍ ଖେରଏ ଖେରଏ ଆତାର୍

୪୪ ମାରି, ଖାରି ଲୋକରାନ୍ ଏସ ଖାନ୍ ଜିସୁ ଦରା ପଡାପିନ୍ ଇଜି ବଦା କିଜିମାହାର୍, ମାତର୍ ଏନ୍ ଖାନ୍ ମୁସକୁ କିୟୁ ମୁର୍ଏତାର୍ ।

ଜିହୁଦି ନେତାରି ଅବିସ୍ବାସ

୪୫ ଆୟାଦାପ୍ତେ ମନ୍ଦିରତି କାପ୍କିନିକାର୍ ପେରି ଜାଜକ ମାରି ପାରୁସିର୍ ଲାକ୍ତୁ ଡେସି ଖାତାର୍, ମାରି ଖାର୍ ଖାରିକ୍ ଖେନବାତାର୍, “ମିର୍ ଏନ୍ଦା ଖାନ୍ନିକ୍ ଆସୋସ ତେଇତିଦେର୍ ?”

୪୬ କାପ୍କିନିକାର୍ ଇର୍ହାର୍, “ଇୟା ଲୋକ୍ଓ ଏଣ୍ଡେମାରି ମାଟେକ୍ ଇନାନ୍, ଆମା ଲୋକ୍ଓ ଏସକାକ୍ ଆୟାନାନ୍ ମାଟେକ୍ ଇନ୍ଏର୍ ।”

୪୭ ଆବେର୍ ପାରୁସିର୍ ଖାରିକ୍ ଇର୍ହାର୍, “ମିକ୍ଓ ବା ଇନିକା ଖାନ୍ ବାୟା କିତାନ୍ ?”

୪୮ “ନେତାରି ଲୋକରାନ୍ ମାରି ପାରୁସିର୍ ଲୋକରାନ୍ ଇନିକା ଏନ୍ ଖାନ୍ମାନୁ ବିସ୍ବାସ କିତାମାନାର୍ ଇକା ମିର୍ ନେସ୍ତିମାନିଦେର୍ ନୋ ?

୪୯ ମାତର୍ ଇୟା ଲୋକ୍ଓ ମୋସାଦି ନିୟମ୍ ନେସ୍ଏର୍, ଆୟାଉଣ୍ଡିକ୍ ଖାର୍ ଅବିସାପ ।”

୫୦ *ଆମା ନିକଦିମ ଇୟାଆଗ୍ଡି ଖାନ୍ ଲାକ୍ତୁ ଖାତାମାହାନ୍ ମାରି ଏନ୍ ଖାରି ଲୋକ ଅରେନେ, ଖାନ୍ ଖାରିକ୍ ଖେନବାତାନ୍,

୫୧ ଇରିକ୍ ଅରେନ୍ ଲୋକାମାଣ୍ଡୁ ଆଗ୍ଡି ଖେନ୍ଏଣ୍ଗା ମାରି ଖାନ୍ ବୁଲାସାଲାନି ବିସୟ ନେସ୍ଏଣ୍ଗା ମା ସାସ୍ତ୍ର ଇନିକା ଖାନ୍ନିକ୍ ଦୋସ୍ କିନାଡ୍ ?

୫୨ ଖାର୍ ଖାନ୍ନିକ୍ ଇର୍ହାର୍, “ନିନ୍ ବା ଇନିକା ଅରେନ୍ ଗାଲିଲିୟୁଦି ଲୋକ୍ଓ ? ଗାଲିଲିଦାନ୍ ଏମେ ବାବବାଦି ସଏନ୍, ଇକା ନେଗେନ୍ କିଜି ଦାମ୍ଭୁସାସ୍ତ୍ରୁ ପୟଦୁ ।”

୫୩ ତାନେ ଖେନକା ଆୟା ବାଡି ଡିସ୍ସି ଓଡ଼ିଆରେ ଜିହୁଦି ନେତାର୍ ନିଜେ ନିଜେଦି ଇଲକାକ୍ ସର୍ହାର୍ ।



ଦାରିପାଣି କିତି ଆଇମା

୧ ମାତର୍ ଜିସୁ ଜିତ ଗରନ୍ତୁ ସର୍ହାନ୍ ।

୨ ଆୟା ମାରାନାଣ୍ଡିକ୍ ସାଲ୍ଦିନେ ଜିସୁ ମାରିଡେସି ମନ୍ଦିରତୁ ଖାତାନ୍, ମାରି ଓଡ଼ିଆରେ ଲୋକ୍ଓ ଖାନ୍ ଲାକ୍ତୁ ଉଣ୍ଡାତାର୍ଆକା, ଖାନ୍ ବାସ୍ତାନ୍ନୋ ଖାରିକ୍ ସିକିୟା ସିଦେକ୍ ଆସ୍ତାନ୍ ।

୩ ମାରି, ସାସ୍ତ୍ରୁ ମାରି ପାରୁସିର୍ ଦାରିପାଣି କିତିମାନି ଅରେଡ୍ ଆଇମାଦିକ୍ ଆସ୍ତାତାତାର୍ ତାନିକ୍ ଓଡ଼ିଆରେନାଣ୍ଡି ନିଲ୍ପତାରୋ ଜିସୁକ୍ଓ ଇର୍ହାର୍,

୪ “ଏ ଗୁରୁ, ଇୟା ଆଇମା ଦାରିପାଣି କିନିଖାଲେ ଦରାପଡାତାମାନାଡ୍ ।

୫ ଇୟାଖାଜା ଆଇମେକାକ୍ ୍ଓ କାଲ୍କାଣ୍ଡୁ ପୋକ୍ସି ତାକ୍ତେକ୍ ୍ଓ ମୋସା ମାକ୍ଓ ସାସ୍ତ୍ରୁ ଆଦେସ୍ ସିତାମାନାନ୍; ଆରିକ୍ ନିନ୍ ଇନିକା ଇଜିନି ?”

☆ ୭:୫୦ ଜୋହନ ୩:୧,୨.

୭ ଖାର ଏଣେସ୍ ଖାନି ବିରଦତାନ୍ ଦୋସ୍ ପୟଦେଙ୍ଗ୍ ଆଟ୍‌ନାର୍, ଆୟାଉଣ୍ଡିଙ୍ଗ୍ ଖାର୍ ଖାନିଙ୍ଗ୍ ପରିକା କିନି ଉଣ୍ଡିଙ୍ଗ୍ ଇକା ଇର୍ହାର୍ । ମାତର୍ ଜିସୁ ପାଡ଼ଗିତାନ୍‌ନୋ ଡାସକେଶକୁ ବୁମିଦୁ ରାସ୍‌ତେଙ୍ଗ୍ ଆସ୍‌ତାନ୍ ।

୮ ମାତର୍ ଖାର୍ ଖାନିଙ୍ଗ୍ ଡେସି ଡେସି ଝେନ୍‌ବାତାର୍‌ଆକା, ଖାନ୍ ତାଲା ପେରଜି ଖାରିଙ୍ଗ୍ ଇର୍ହାନ୍, “ମି ଲୋଇ ଏନ୍ ପାପ୍ ସିଲିକାନ୍, ଖାନ୍ ଆଗିଡ଼ି ତାନିଙ୍ଗ୍ କାଲୁ ପକିନ୍ ।”

୮ ମାରିଡେସି ଜିସୁ ପାଡ଼ଗିଜି ବୁମିଦୁ ରାସ୍‌ତେଙ୍ଗ୍ ଆସ୍‌ତାନ୍ ।

୯ ଆକା ଝେନ୍‌ଜି ଖାର୍ ପେରି ଲୋକାମାଣ୍‌କୁ ଓଜେରେ ଅରେନ୍ ଅରେନ୍ ଆଜି ସହସି ସନ୍‌ଡ୍ରେଙ୍ଗ୍ ଆସ୍‌ତାର୍, ମାରି କେବଲ୍ ଜିସୁ ନି ମଜାୟ୍ ନାଡ଼ମି ଆୟା ଆଇମା ତେବାତାର୍ ।

୧୦ ମାରି, ଜିସୁ ତାଲା ପେରଜି ତାନିଙ୍ଗ୍ ଇର୍ହାନ୍, “ଏ ଆଇମା, ଖାର୍ ଏମେ ? ଏନ୍ ନିଙ୍ଗ୍ ଦୋସ୍‌କିଦେଙ୍ଗ୍ ସିଲେନ୍ ନୋ ?”

୧୧ ଆଇମା ଇର୍ହାଡ଼, “ଏନ୍ ସିଲେ, ପ୍ରବୁ ।” ଆବେଟ୍ ଜିସୁ ଇର୍ହାନ୍, “ନାନ୍ ବା ନିଙ୍ଗ୍ ଦୋସ୍ କିଏଜିନା; ସାଙ୍ଗ୍‌ଆ, ନେରୁଆନ୍ ମାରି ପାପ୍ କିମା ।”

ଜିସୁ ଦୁନିଆଦି ଜାୟ୍

୧୨ *ଜିସୁ ମାରିଡେସି ପାରୁସିରିଙ୍ଗ୍ ଇର୍ହାନ୍, “ନାନ୍ ଦୁନିଆଦି ଜାୟ୍; ଏନ୍ ନା ଝେନ୍‌କା ଖାନାନ୍, ମାତର୍ ଜିବନ୍‌ତି ଜାୟ୍ ପଇନାନ୍ ଖାନ୍ ଏସାଙ୍ଗ୍ ବା ସିକାଟିଦୁ ବୁଲାଏନ୍ ।”

୧୩ *ଆବେଟ୍ ପାରୁସିର୍ ଜିସୁଙ୍ଗ୍ ଇର୍ହାର୍, “ନିନ୍ ନିଜେ ନିଜେଦି ବିସୟ୍‌ତାନ୍ ସାକି ସିଜିନି, ନି ସାକି ସଡ଼୍ ସିଲେ ।”

୧୪ ଜିସୁ ଖାରିଙ୍ଗ୍ ଇର୍ହାନ୍, ସିଲେ, “ନାନ୍ ନିଜେଦି ଉଣ୍ଡିଙ୍ଗ୍ ସାକି ସିଡିଙ୍ଗ୍‌ବା ନାନ୍ ଆମାକା ଇଜିନା, ଆକା ସଡ଼୍, ଇରିଙ୍ଗ୍ ନାନ୍ ଏମେଶକୁ ଖାତାମାନା ମାରି ଏମେମାନୁ ସଲ୍‌ସିନା, ଆକା ନାନ୍ ନେସ୍‌ନା, ମାତର୍ ମିର୍ ନାନ୍ ଏମେଶକୁ ଖାତାମାନା ମାରି ଏମେମାନୁ ସନା, ଆକା ମିର୍ ନେସ୍‌ଇଦେର୍ ।

୧୫ ମିର୍ ଲୋକା ଖାଜା ବିସାର୍ କିନିଦେର୍, ନାନ୍ ଏ ବିସାର୍ କିଏ ।

୧୬ ମାତର୍ ନାନ୍ ଜଦି ବିସାର୍ କିନା, ଆରିଙ୍ଗ୍‌ବା ନା ବିସାର୍ ଟିକ୍; ଇରିଙ୍ଗ୍ ନାନ୍ ଅରେନେ ସିଲେ, ମାତର୍ ନା ପକ୍‌ତିମାନିବୁବା ନା ଖାଲେ ମାନାନ୍ ।

୧୭ ମାରି, ରିଏରି ସାକି ସାମାନ୍ ଆଡିଙ୍ଗ୍, ଖାର୍ ଆମାକା ଇଜିନାର୍ ଆକା ସଡ଼୍, ଇକା ମି ନିୟ୍‌ମ୍‌ତୁ ବା ରାସାତାମାନାଡ଼ ।

୧୮ ନାନ୍ ନିଜେ ନିଜେଦି ସାକି, ମାରି ନା ପୋକ୍‌ତିମାନି ବୁବା ନା ବିସୟ୍‌ତାନ୍ ସାକି ସିଜିନାନ୍ ।”

୧୯ ଆବେଟ୍ ଖାର୍ ଖାନିଙ୍ଗ୍ ଝେନ୍‌ବାତାର୍, “ମି ବୁବା ଏମେ ?” ଜିସୁ ଇର୍ହାନ୍,

“ମିର୍ ନାଙ୍ଗ୍ ନେସ୍‌ଇଦେର୍ ମାରି ନା ବୁବେଙ୍ଗ୍ ବା ନେସ୍‌ଇଦେର୍; ଜଦି ନାଙ୍ଗ୍ ନେସ୍‌ତିଙ୍ଗ୍, ଆରିଙ୍ଗ୍ ନା ବୁବେଙ୍ଗ୍ ବା ନେସ୍‌ତିଦେର୍‌ମାହି ।”

୨୦ ମନ୍‌ରତି ଦାନ୍ ଉଣ୍ଡାକିନି ପେଡେଙ୍ଗ୍ ଇଟ୍‌ମିଫାର୍‌ଇ ବାକ୍‌ରାଦୁ ଜିସୁ ଇୟାଓ୍ଵିଜୁ ବିସୟ୍‌ ସିକିୟା ସିଜିମାର୍ହାନ୍, ମାତର୍ ଏନ୍ ଖାନିଙ୍ଗ୍ ତର୍‌ଏତାର୍, ଇରିଙ୍ଗ୍ ଖାନି ଝେଡ଼ା ଆୟାସାହି ରେଏଡ଼୍ ମାର୍ହାଡ଼ ।

ଜିସୁ ଖାନି ସନି ବିସୟ୍‌ତାନ୍ ବବିସଡ଼୍ ମାଟା ଇର୍ହାନ୍

୨୧ ଆବେଟ୍ ଜିସୁ ମାରିଡେସି ଖାରିଙ୍ଗ୍ ଇର୍ହାନ୍, “ନାନ୍ ସୋଲ୍‌ସିନା, ମାରି ମିର୍ ନାଙ୍ଗ୍ ପୋୟ୍‌ନିଦେର୍ ମାତର୍ ମିର୍ ନିଜେ ନିଜେଦି ପାପ୍‌ତାନ୍ ସାନିଦେର୍, ନାନ୍ ଏମେମାନୁ ସୋଲ୍‌ସିନା, ମିର୍ ଆବେଟୁ ସନ୍‌ଡ୍ରେଙ୍ଗ୍ ଆଟ୍‌ଇଦେର୍ ।”

୨୨ ଆବେଟ୍ ଜିହୁଦି ନେତାର୍ ଇନ୍‌ଡ୍ରେଙ୍ଗ୍ ଆସ୍‌ତାର୍, ଖାନ୍ ଇଜିନାନ୍, ଖାନ୍ ଏମେମାନୁ ସଲ୍‌ସିନା, “ମାପ୍ ଆବେ ସନ୍‌ଡ୍ରେଙ୍ଗ୍ ଆଟ୍‌ଏପ୍ । ଖାନ୍ ସାଦେଙ୍ଗ୍ ସଲ୍‌ସିନାନ୍ ନୋ ?”

୨୩ ଆବେଟ୍ ଜିସୁ ଖାରିଙ୍ଗ୍ ଇର୍ହାନ୍, “ମିର୍, ଦୁନିଆଦାନ୍ ଜନମ୍ ଆଡିମାନିଦେର୍, ମାତର୍ ନାନ୍ ମୁସ୍‌କୁରାନ୍ ଖାତାମାନା; ମିର୍ ଇୟା ଦୁନିଆଦାନ୍ ଖାଡିମାନିଦେର୍, ନାନ୍ ଇୟା ଦୁନିଆଦାନ୍ ରେଏ ।

୨୪ ଆରିଙ୍ଗ୍ ମିର୍ ଜେ ନିଜେ ନିଜେଦି ପାପ୍‌ତାନ୍ ସାନିଦେର୍, ନାନ୍ ମିଙ୍ଗ୍ ଇକା ଝେର୍‌ତା; ଇରିଙ୍ଗ୍ ନାନ୍ ଜେ ନିଜେ ଆୟା ଲୋକୁ, ଇକା ମିର୍ ବିସ୍‌ବାସ୍ କିଇଡିଙ୍ଗ୍ ନିଜେ ନିଜେଦି ପାପ୍‌ତାନ୍ ସାନିଦେର୍ ।”

୨୫ ଆବେଟ୍ ଖାର୍ ଖାନିଙ୍ଗ୍ ଝେନ୍‌ବାତାର୍, “ନିନ୍ ଏନ୍ ?” ଜିସୁ ଖାରିଙ୍ଗ୍ ଇର୍ହାନ୍, “ଆୟା ମାଟା ନାନ୍ ଆଗ୍‌ଡ଼ିରାନ୍ ଇଜି ଖାଜିନା ।

୨୬ ମି ବିସୟ୍‌ତାନ୍ ମାଟା ଇନ୍‌ଡ୍ରେଙ୍ଗ୍ ମାରି ବିସାର୍ କିଦେଙ୍ଗ୍ ନାଙ୍ଗ୍ ଗାଦି ବିସୟ୍‌କୁ ମାନେ; ଆମାକାଆପିଡ଼; ନା ପୋକ୍‌ତାଡିମାନିକାନ୍ ସଡ଼୍, ମାରି ନାନ୍ ଖାନିମାଣ୍‌କୁ ଆମା ଆମାକା ଝେର୍‌ଆମାନା, ଆୟାଓ୍ଵିଜୁ ଦୁନିଆଦିଙ୍ଗ୍ ଝେର୍‌ସିନା ।”

୨୭ ଜିସୁ ଖାନି ବୁବାଦି ବିସୟ୍‌ତାନ୍ ଖାରିଙ୍ଗ୍ ଝେର୍‌ସି ମାର୍ହାନ୍, ଇକା ଖାର୍ ବୁଜାଏତାର୍ ।

☆ ୮:୧୨ ମାଡିଉ ୫:୧୪; ଜୋହନ ୯:୫. ☆ ୮:୧୩ ଜୋହନ ୫:୩୧.

୨୮ ମାରି, ଜିସୁ ଇର୍ହାନ, “ଏସ୍ତ୍ରାଲେ ମିର୍ ମନୁସ୍ୟପୁତ୍ରଙ୍ଗ ମୁସକୁ ପେରନିଦେର, ନାସ୍ତ୍ରାଲେ ନାନ୍ ଜେ ନିଜେ ଆୟା ଲୋକ୍ତ; ମାରି ନାନ୍ ନିଜେଦି ଅଦିକାରତାନ୍ ଇନିକା କିଏ ମାତର୍ ଆମାକା ନା ବୁବା ନାଙ୍ଗ୍ ଏଣ୍ଡେସ୍ ସିକିୟା ସିତାନ୍, ଆୟାଝାଜା ଇୟାଝିଜୁ ମାଟା ଜେ ଝେର୍ସିନା, ଇକା ମିର୍ ବୁଜାନିଦେର ।

୨୯ ନା ପୋକ୍ତାତିମାନିକାନ୍ ନା ଝାଲେ ମାନାନ୍; ଝାନ୍ ନାଙ୍ଗ୍ ଅରେନ୍‌ଝାନିଙ୍ଗ୍ ଡିସ୍‌ଏନ୍, ଇରିଙ୍ଗ୍ ନାନ୍ ଝିଜୁଝାଲେ ଆମାକା ଝାନି ଝେଡ଼ିକାଦି ପାଣି କିନା ।”

୩୦ ଜିସୁଦି ଇୟା ମାଟା ଝେନ୍‌ଝି ନାଣ୍ଟ ଲୋକ୍ତ ଝାନିଙ୍ଗ୍ ବିସ୍‌ବାସ୍ କିତାର୍ ।

ସତ୍ ମିଙ୍ଗ୍ ମୁକୁଡ଼ା କିନାଡ଼

୩୧ ମାରି, ଜିସୁ ଝାନିଙ୍ଗ୍ ବିସ୍‌ବାସ୍ କିତିମାନି ଜିହୁଦିରିଙ୍ଗ୍ ଇର୍ହାନ, “ଜଦି ମିର୍ ନା ସିକିୟାଦୁ ମାନାନିଦେର କିନିଦେର, ଆରିଙ୍ଗ୍ ମିର୍ ସତ୍‌ତାନ୍ ନା ସିସୁର୍,

୩୨ ମାରି ମିର୍ ସତ୍ ନେସ୍‌ନିଦେର ମାରି ଆୟା ସତ୍ ମିଙ୍ଗ୍ ଡିସ୍‌ସ୍ କିନାଡ଼ ।”

୩୩ ☆ଝାର୍ ଜିସୁଙ୍ଗ୍ ଇର୍ହାର୍, “ମାପ୍ ଅବ୍ରାହାମତି କୁଟୁମ୍, ମାରି ଏସାଙ୍ଗ୍ ବା ଏମେଝାନି କଟିସାକର୍ ଆଏପ୍, ଆରିଙ୍ଗ୍ ମିର୍ ଡିସାଈ ଆନିଦେର ଇଜି ଏଣ୍ଡେସ୍ ଇଜିନିଦେର ? ତେନି ଅର୍ଡ଼ ଇନିକା ?”

୩୪ ଜିସୁ ଝାରିଙ୍ଗ୍ ଇର୍ହାନ, “ସତ୍ ସତ୍ ନାନ୍ ମିଙ୍ଗ୍ ଇଜିନା, ଏନ୍ ପାପ୍ କିନାନ୍, ଝାନ୍ ପାପ୍‌ତି ସାକର୍ ।

୩୫ ସାକର୍ ଝିଜୁଦିନ୍ ଉଣ୍ଟିଙ୍ଗ୍ ଇଲୁଦି ଅରେନ୍ ଆଜି ତେବାଏନ୍, ମାତର୍ ଇଲୁଦି ମାରିନ୍ ଝିଜୁଦିନ୍ ତେବାନାନ୍ ।

୩୬ ମାରିନ୍ ଜଦି ମିଙ୍ଗ୍ ଡିସ୍‌ସ୍ କିନାନ୍, ଆଡିଙ୍ଗ୍ ମିର୍ ସତ୍‌ତାନ୍ ଡିସାଈ ଆନିଦେର ।

୩୭ ମିର୍ ଜେ ଅବ୍ରାହାମତି କୁଟୁମ୍, ଆକା ନାନ୍ ନେସ୍‌ନା; ମାତର୍ ନା ସିକିୟା ମି ଜିବନ୍‌ତୁ ବାଡି ମାନାଏଦେର୍‌ଆକା ମିର୍ ନାଙ୍ଗ୍ ଡାକ୍‌ତେଙ୍ଗ୍ ବଦା କିଜିନିଦେର ।

୩୮ ନା ବୁବାମାନୁ ଆମା ଆମାକା ନାନ୍ ସୁଡ଼ତୁମାନା, ଆୟାଝିଜୁ ନାନ୍ ଝେର୍‌ନା; ମାତର୍ ମି ବୁବା ଇନି ଇସାବ୍‌ତାନ୍ ପାଣି କିଜିନିଦେର ।”

୩୯ ଜିହୁଦିର୍ ଜିସୁଙ୍ଗ୍ ଇର୍ହାର୍, “ଅବ୍ରାହାମ ମା ବୁବା ।” ଜିସୁ ଝାରିଙ୍ଗ୍ ଇର୍ହାନ, “ଜଦି ମିର୍ ଅବ୍ରାହାମତି ମାରିସିର୍ ଆଡିଦେର୍‌ମାନ୍, ଆରିଙ୍ଗ୍ ଅବ୍ରାହାମ କିତିମାନି ପାଣି କିତିଦେର୍‌ମାନ୍;

୪୦ ମାପୁରୁମାଣକୁ ଝେର୍‌ଇମାନି ସତ୍ ଡିସ୍‌ଡିଙ୍ଗ୍ ମିଙ୍ଗ୍ ମାରି ଇନିକା ଇନ୍‌ଏ, ଆରିଙ୍ଗ୍‌ବା ମିର୍ ନାଙ୍ଗ୍ ଡାକ୍‌ତେଙ୍ଗ୍ ବଦା କିଜିନିଦେର; ଅବ୍ରାହାମ ଇୟାଝାଜା ପାଣି କିଏନ୍ ମାର୍ହାନ ।

୪୧ ମିର୍ ମି ବୁବାଦି ପାଣିଝିଜୁ କିଜିନିଦେର । ଝାର୍ ଝାନିଙ୍ଗ୍ ଇର୍ହାନ, ମାପ୍ ଦାରିପାଣିଦାନ୍ ଜନମ୍ ଆଏପ୍, କେବଲ୍ ମାପୁରୁ ଅରେନ୍‌ନେ ମା ବୁବା ।”

୪୨ ଜିସୁ ଝାରିଙ୍ଗ୍ ଇର୍ହାନ, “ମାପୁରୁ ଜଦି ମି ବୁବା ଆତାନ୍‌ମାନ୍, ଆରିଙ୍ଗ୍ ମିର୍ ନାଙ୍ଗ୍ ଜିବନ୍ ନତିଦେର୍‌ମାନ୍; ଇରିଙ୍ଗ୍ ନାନ୍ ମାପୁରୁ ମାଣକୁ ଝାଜି ଇଲେଇ ଇବେ ମାନା; ନାନ୍ ନିଜେଦି ଅଦିକାରତାନ୍ ରେଏ, ମାତର୍ ଝାନ୍ ନାଙ୍ଗ୍ ପକ୍‌ତାନ୍ ।

୪୩ ନାନ୍ ଆମାକା ଇଜିନା, ମିର୍ ଏନ୍‌ ନା ମାଟା ବୁଜାଏଜିନିଦେର ? ଇରିଙ୍ଗ୍ ମିର୍ ତୋ ନା ବାକ୍ୟ ଝେନ୍‌ଜି ମାନାଦେଙ୍ଗ୍ ଆଡ଼ଈଜିନିଦେର ।

୪୪ ମିର୍ ମି ବୁବା ସୟତାନ୍ ମାଣକୁ ଜନମ୍ ଆଡିମାନିଦେର, ମାରି ମି ବୁବାଦି ପାଣି କିଦେଙ୍ଗ୍ ମି ବଦା । ଝାଦ୍ ଆଗ୍‌ଡିରାନ୍ ଲୋକାଙ୍ଗ୍ କାଡ଼ନିକାଡ଼, ମାରି ଝାଦ୍ ସତ୍‌ତୁ ତେବାଏଡ଼, ଇରିଙ୍ଗ୍ ତାନେମାନୁ ସତ୍ ସିଲେଡ଼ । ଏସ୍ତ୍ରାଲେ ଝାଦ୍ ମିସ୍ ଇନାଡ଼, ନାସ୍ତ୍ରାଲେ ଝାଦ୍ ନିଜେଦି ମାଣାନ୍ ଇନାଡ଼; ଇରିଙ୍ଗ୍ ଝାଦ୍ ନିଜେ ମିସ୍‌ଇନିକାଡ଼ ନି ମିସ୍ ଝେର୍‌ନି ଲୋକା ବୁବା ।

୪୫ ମାତର୍ ନାନ୍ ସତ୍ ଇର୍ହାମାନାଆକା ମିର୍ ନାଙ୍ଗ୍ ବିସ୍‌ବାସ୍ କିଇଜିନିଦେର ।

୪୬ ନାବାନ୍ ପାପ୍ ମାନାଡ଼ ଇଜି ମି ବାଣାନ୍ ଏନ୍ ପାର୍‌ମାନ୍ ସିଜିନାନ୍ ? ନାନ୍ ଏସ୍ତ୍ରାଲେ ସତ୍ ଇନା, ଆରିଙ୍ଗ୍ ମିର୍ ଏନ୍‌ ବିସ୍‌ବାସ୍ କିଇଜିନିଦେର ?

୪୭ ଏନ୍ ମାପୁରୁ ମାଣାନ୍ ଜନମ୍ ଆତାମାନାନ୍, ଝାନ୍ ମାପୁରୁଦି ବାକ୍ୟ ଝେନାନ୍; ଇୟାଈଣ୍ଟିଙ୍ଗ୍ ମିର୍ ନା ବାକ୍ୟ ଝେନ୍‌ଇଦେର, ଇରିଙ୍ଗ୍ ମିର୍ ମାପୁରୁଦି ମାଣାନ୍ ଜନମ୍ ଆଇଦେର ।”

ଜିସୁ ନି ଅବ୍ରାହାମ

୪୮ ଜିହୁଦି ନେଡାର ଜିସୁଙ୍ଗ୍ ଝେନ୍‌ବାତାର୍, “ନିନ୍ ଜେ ଅରେନ୍ ସମିରୋଣିୟ ମାରି ନିଙ୍ଗ୍ ଜେ ଦୁବା ଆସ୍‌ତାମାନାଡ଼, ଇକା ଇନିକା ମାପ୍ ଟିକ୍ ଇନ୍‌ଏପ୍ ମାର୍ହାପ୍ ?”

୪୯ ଜିସୁ ଇର୍ହାନ, “ନାଙ୍ଗ୍ ଦୁବା ଆସ୍‌ଏଡ଼, ନାନ୍ ନା ବୁବେଙ୍ଗ୍ ମାନାଜିନା, ମାତର୍ ମିର୍ ନାଙ୍ଗ୍ ମାନାଈଜିନିଦେର ।

୫୦ ମାତର୍ ନାନ୍ ନିଜେଦି ଗୌରବ୍ ପୟ୍‌ଏ; ଏନ୍ ପଇନାନ୍ ମାରି ବିସାର୍ କିନାନ୍, ଇୟାଝାଜା ଅରେନ୍ ମାନାନ୍ ।

୫୧ ସତ୍ ସତ୍ ନାନ୍ ମିଙ୍ଗ୍ ଇଜିନା, ଜଦି ଏନ୍ ନା ସିକିୟା ମାନାନାନ୍, ଆଡିଙ୍ଗ୍ ଝାନ୍ ଏସାଙ୍ଗ୍ ବା ସାଏନ୍ ।”

☆ ୮:୩୩ ମାଡିଉ ୩:୯; ଲୁକ ୩:୮.

୫୨ ଜିହୁଦିର ଜିସୁଙ୍କୁ ଇର୍ହାର, “ଇଲେଇ ମାପ୍ ନେସ୍ତାପ୍ ଜେ ସତେନେ ନିଙ୍ଗ୍ ଦୁବା ଆସ୍ତାମାନାଡ୍, ଅବ୍ରାହାମ ମାରି ବାବବାଦିର ସାତା ମାନାର, ମାରି ନିନ୍ ଇଜିନି, ଜଦି ଏନ୍ ନା ସିକିୟା ମାନାନାନ୍, ଆତିଙ୍ଗ୍ ଖାନ୍ ଏସାଙ୍ଗ୍ ବା ସାଏନ୍ ।

୫୩ ନିନ୍ ଇନିକା ମା ବୁବା ଅବ୍ରାହାମତି ମାଣାନ୍ ପେରିକିୟା ? ଅବ୍ରାହାମ ତୋ ସାତା ମାନାନ୍, ବାବବାଦିର ବା ସାତାମାନାର; ନିନ୍ ନିଜେଦିଙ୍ଗ୍ ଏନ୍ ଇଜି ଅଡ୍ରିଜିନି ?”

୫୪ ଜିସୁ ଇର୍ହାନ୍, “ନାନ୍ ଜଦି ନିଜେଦି ଦନ୍ୟବାଦ୍ କିଦେଙ୍ଗ୍ ବଦା କିତାମାନ୍, ଆରିଙ୍ଗ୍ ତେନି ଦାରା ତେବାଏତାଡ୍ମାନ୍; ଏନ୍ ନାଙ୍ଗ୍ ଗୌରବ୍ କିନାନ୍, ଖାନ୍ ନା ବୁବା ଏମେଖାନିଙ୍ଗ୍ ମିର୍ ମି ମାପୁରୁ ଇଜି ଇଜିନିଦେର୍ ।

୫୫ ମାରି, ମିର୍ ଖାନିଙ୍ଗ୍ ନେସ୍ତାପ୍, ମାତର୍ ନାନ୍ ଖାନିଙ୍ଗ୍ ନେସ୍ନା । ମାରି, ନାନ୍ ଖାନିଙ୍ଗ୍ ନେସେଏ ଇଜି ଜଦି ଇନା, ଆତିଙ୍ଗ୍ ନାନ୍ ବା ମି ଖାଜା ମିସ୍ବାଦି ଆନା, ମାତର୍ ନାନ୍ ନେସ୍ନା ମାରି ଖାନି ବାକ୍ୟ ମାନାନା ।

୫୬ ମି ବୁବା ଅବ୍ରାହାମ ନା ଦିନ୍ ସୁଡ୍ନି ଆସାଦାନ୍ ଖେଡିକା କିନାନ୍, ମାରି ଖାନ୍ ଆକା ସୁଡ୍ନି ଖେଡିକା କିତାନ୍ ।”

୫୭ ଆବେଟ୍ ଜିହୁଦିର ଜିସୁଙ୍କୁ ଇର୍ହାର, “ନିଙ୍ଗ୍ ତୋ ଇୟାସାନ୍ ପସାସ୍ ବାଟ୍ସେକ୍ ଆଏଦେ, ନିନ୍ ଇନିକା ଅବ୍ରାହାମତିଙ୍ଗ୍ ସୁଡ୍ନିମାନି ?”

୫୮ ଜିସୁ ଖାରିଙ୍ଗ୍ ଇର୍ହାନ୍, “ସଡ୍ ସଡ୍ ନାନ୍ ମିଙ୍ଗ୍ ଇଜିନା, ଅବ୍ରାହାମ ଜନମ୍ ଆନି ଆଗଡିରାନ୍ ନାନ୍ ମାନା ।”

୫୯ ଆବେଟ୍ ଖାରି ଜିସୁଙ୍କୁ ଡାକ୍ତେଙ୍ଗ୍ ଇଜି କାଲ୍କୁ ପେରତାର୍, ମାତର୍ ଜିସୁ ମାର୍ଗିଜି ମନ୍ଦିରତାନ୍ ସତାସର୍ହାନ୍ ।



ଜିସୁ ଜନମ୍ତାନ୍ କାଣାଆତିଖାନିଙ୍ଗ୍ ନେଗେଣ୍ଡୁ କିତାନ୍

୧ ଜିସୁ ସନିଖାଲେ ଅରେନ୍ କାଣା ଆଜି ଜନମ୍ଆତି ଖାନିଙ୍ଗ୍ ସୁଡ୍ନାନ୍ ।

୨ ମାରି, ଖାନି ସିସୁର୍ ଖାନିଙ୍ଗ୍ ଖେନ୍ବାତାର୍, “ଏ ଗୁରୁ, ଏନ୍ ପାପ୍ କିତାମାନାନ୍ଆକା ଇକାନ୍ କାଣା ଆଜି ଜନମ୍ ଆତାନ୍ ? ନିଜେ ନୋ ଖେନି ଆଇସି ବୁବାସିର୍ ?”

୩ ଜିସୁ ଇର୍ହାନ୍, “ଇକାନ୍ କି ଖେନି ଆଇସି ବୁବାସି ପାପ୍ କିଏତାର୍, ମାତର୍ ମାପୁରୁଦି ସାକ୍ତି ଏଣ୍ଡେସ୍ ଖେନିମାନୁ ତରାଇ ଆନାଡ୍, ଇୟାଉଣ୍ଡିଙ୍ଗ୍ ଖାନ୍ କାଣା ଆଜି ଜନମ୍ ଆତାନ୍, ଇୟାଉଣ୍ଡିଙ୍ଗ୍ ଇକା ଗଟାତାଡ୍ ।

୪ ଦିନ୍ ମାନାପ୍ ମାନାପ୍ ନା ପକ୍ତିମାନି ପାଣି କିନିକା ମା ନେଗେଟ୍; ଇୟାଖାଜା ନାଡା ଖାଜିନାଡ୍, ଆୟା ସାନ୍ ନାନ୍ ଦୁନିଆଦି ଏମେ ସମୟତୁ ଏନ୍ ପାଣି କିଦେଙ୍ଗ୍ ଆଟ୍ଏନ୍ ।

୫ ନାନ୍ ଦୁନିଆଦୁ ଆମା ସାନ୍ ମାନା, ନାନ୍ ଦୁନିଆଦି ଜାୟ ।”

୬ ଇକା ଇରଇ ଖେନିକା ଜିସୁ ସିକ୍ଲାଦୁ ପୁସ୍ସି ଆୟା ପୁସ୍କାଣାଙ୍ଗ୍ତାନ୍ ଲାଦି କିତାନ୍, ମାରି ଖାନି କାଣ୍ଟାଙ୍ଗ୍ ଲାଦି ଉସ୍ସି ଖାନିଙ୍ଗ୍ ଇର୍ହାନ୍,

୭ “ସାଙ୍ଗ୍ଆ, ସେରୁଦୁ ମକମ୍ ଉର୍ପାଜ ରାଆ ।” ସିଲୋହଦି ଅର୍ଡ ସାଙ୍ଗ୍ଆ । ଆବେଟ୍ ଖାନ୍ ସଲ୍ସି ମକମ୍ ଉର୍ପାଜି ତେସିଖାନି ଖାଲେ କାଣ୍ଡୁକୁ ସୁଡ୍ନି ସାକ୍ତି ପଇତାନ୍ ।

୮ ଆବେଟ୍ ଖାନି ପାଡକାତିକେଙ୍ଗ୍, ମାରି ଏମେକାର୍ ଖାନିଙ୍ଗ୍ ଆଗଡି ଅରେନ୍ ବିକାରି ଇଜି ସୁଡ୍ନାମାର୍ହାର୍, ଖାରି ଖେନ୍ବାତାର୍, “ଏନ୍ ବାସସି ଭିକିୟା ଲସ୍ସି ମାର୍ହାନ୍, ଇକାନ୍ ଇନିକା ଆକାନ୍ ଆଏନ୍ ?”

୯ ଏନ୍ ଏନ୍ ଇର୍ହାର୍, “ଇକାନ୍ ଖାନ୍,” ମାରି ଏନ୍ ଏନ୍ ଇର୍ହାର୍, “ସିଲେ; ଇକାନ୍ ଖାନି ନାନିକାନ୍ ।”

ମାତର୍ ଖାନ୍ ଇର୍ହାନ୍, “ନାନ୍ ଆୟା ଲୋକୁ ।”

୧୦ ଆବେଟ୍ ଖାରି ଖାନିଙ୍ଗ୍ ଇର୍ହାର୍, “ଆରିଙ୍ଗ୍ ନି କାଣ୍ଡୁକୁ ଏଣ୍ଡେସ୍ ନେଗେନ୍ ଆତେ ?”

୧୧ ଖାନ୍ ଇର୍ହାନ୍, “ଆମାଖାନିଙ୍ଗ୍ ଜିସୁ ଇଜି ଇନାର୍, ଆୟାକାନ୍ ଲାଦି କିଜିନା କାଣ୍ଟାଙ୍ଗ୍ ଉସ୍ତାନ୍, ମାରି ନାଙ୍ଗ୍ ଇର୍ହାନ୍, ସିଲୋହଦୁ ସଲ୍ସି ମକମ୍ ଉର୍ପାଆ; ଆବେଟ୍ ନାନ୍ ସହସି ସଲ୍ସି ଉର୍ପାତା ମାରି କାଣ୍ଡୁକୁ ସୁଡ୍ନେଦଙ୍ଗ୍ ଆଟ୍ତା ।”

୧୨ ଖାରି ଖାନିଙ୍ଗ୍ ଖେନ୍ବାତାର୍, “ଖାନ୍ ଏମେ ?”

ଖାନ୍ ଇର୍ହାନ୍, “ନାନ୍ ନେସେଏ ?”

ପାରୁସିର୍ ଇୟା ପାଣିଦି ବିସୟତାନ୍ ପୟ୍ଦେଙ୍ଗ୍ ଆସ୍ତାର୍

୧୩ ଏନ୍ ଜନମ୍ତାନ୍ କାଣା ମାର୍ହାନ୍, ଖାରି ଆୟା ଲୋକ୍ତିଙ୍ଗ୍ ପାରୁସିର୍ ଲାକ୍ତୁ ତାତାର୍ ।

୧୪ ଜିସୁ ଆମା ନାଣ୍ଡିଙ୍ଗ୍ ଲାଦି କିଜି ଖାନି କାଣ୍ଟା ନେଗେଣ୍ଡୁ କିତାମାର୍ହାନ୍, ଆୟାଦିନ୍ ରମ୍ନିଦିନ୍ ମାର୍ହାଡ୍ ।

୧୫ ଆବେଟ୍ ଖାନ୍ ଏଣ୍ଡେସ୍ କାଣ୍ଡୁକୁ ସୁଡ୍ନାନ୍, ଇକା ପାରୁସିର୍ ଖାନିଙ୍ଗ୍ ମାରିଉଣ୍ଡି_ଦେବା ଖେନ୍ବାଦେଙ୍ଗ୍ ଆସ୍ତାର୍ । ଆବେଟ୍ ଖାନ୍ ଖାରିଙ୍ଗ୍ ଇର୍ହାନ୍, “ଖାନ୍ ନା କାଣ୍ଟାଦୁ ଲାଦି ଉସ୍ତାସିତାନ୍, ନାନ୍ ସର୍ହାନୋ ମକମ୍ ଉର୍ପାତା ମାରି ଇଲେଇ ସୁଡ୍ନେଦଙ୍ଗ୍ ଆଟ୍ସିନା ।”

☆ ୯:୫ ମାତିଉ ୫:୧୪; ଲୋହନ ୮:୧୨.

୧୬ ମାରି ପାରୁଥିବି ଲୋକ ଏବଂ ଏବଂ ଇର୍ହାର୍, “ଆୟା ଲୋକ ମାପୁରୁ ମାଣାନ୍ ରେଏନ୍, ଇରିଙ୍ଗ୍ ଖାନ୍ ରମ୍‌ନିଦିନ୍ ମାନାଏଜିନାନ୍ ।”

ମାରି, ଏବଂ ଏବଂ ଇର୍ହାର୍, “ପାପି ଲୋକ୍ ଏଣ୍ଡେସ୍ ଇୟାଖାଜା କାବାଆନି ପାଣିଞ୍ଜି କିଦେଙ୍ଗ୍ ଆଟ୍‌ନାନ୍ ?” ଇୟାଖାଜା ଖାରି ଲୋକ୍ ଜାଟି ନିଙ୍ଗ୍ ତାଡ୍ ।

୧୭ ମାରି ପାରୁଥିବି ମାରିଞ୍ଜି ଦେବା ଆୟା କାଣା ଲୋକ୍‌ତିଙ୍ଗ୍ ଖେନ୍‌ବାତାର୍, “ଖାନ୍ ଜେ ନିଙ୍ଗ୍ କାଣୁକୁ ସୁଡ଼ିସ୍ କିତାନ୍, ଆବେନ୍‌ ନିନ୍ ଖାନ୍ ବିସୟତାନ୍ ଇନିକା ଇଜିନି ?”

ଖାନ୍ ଇର୍ହାନ୍, “ଖାନ୍ ଅରେନ୍ ବାବବାଦି ।”

୧୮ ଖାନ୍ ଜେ ଜନମତାନ୍ କାଣା ମାହାନ୍ ମାରି ସୁଡ଼ତୁମାନାନ୍, ଆୟା କାଣୁକୁ ସୁଡ଼ଦେଙ୍ଗ୍ ଆଟ୍‌ତି ଲୋକ୍‌ତି ବୁବାସି ଆଇସିଙ୍ଗ୍ କୁକ୍‌ସି ଖେନ୍‌ବାଇ ସାଦି ଜିହୁଦି ନେତାର୍ ଖାନ୍ ବିସୟତାନ୍ ଇକା ବିସ୍‌ବାସ୍ କିଏତାର୍ ।

୧୯ ଖାନ୍ ଖାନ୍ ବୁବାସି ଆଇସିଙ୍ଗ୍ ଖେନ୍‌ବାତାର୍, ମି ଏମେ କଡ଼ କାଣା ଆଜି ଜନମ୍ ଆତାମାନାନ୍ ଇଜି ଇଜିମାରିକଦେର୍, “ଇକାନ୍ ଇନିକା ମି ଆୟା କଡ଼ ? ଆରିଙ୍ଗ୍ ଖାନ୍ ଏଣ୍ଡେସ୍ ଇଲେଇ ସୁଡ଼ଦେଙ୍ଗ୍ ଆଟ୍‌ସିନାନ୍ ?”

୨୦ ଆବେଟ୍ ଖାନ୍ ବୁବାସି ଆଇସି ଇର୍ହାର୍, “ଇକାନ୍ ଜେ ମା କଡ଼ ମାରି ଇକାନ୍ ଜେ କାଣା ଆଜି ଜନମ୍ ଆତାମାହାନ୍, ହୁଁ, ଇକା ମାପ୍ ନେସ୍‌ନାପ୍;

୨୧ ମାତର୍ ଖାନ୍ ଏଣ୍ଡେସ୍ ଇଲେଇ ସୁଡ଼ଜିନାନ୍, ଆକା ନେସ୍‌ଏପ୍, ମାରି ଏବଂ ଖାନ୍ କାଣୁକୁ ସୁଡ଼ିସ୍‌କିତାନ୍, ଆକାବା ମାପ୍ ନେସ୍‌ଏପ୍; ଖାନ୍‌ଙ୍ଗ୍ ଖେନ୍‌ବାଦୁ, ଖାନ୍ ତୋ ପିରିତାମାନାନ୍, ଖାନ୍ ଖାନ୍ ମାଟା ନିଜେ ଇନାନ୍ ।”

୨୨ ଖାନ୍ ବୁବାସି ଆଇସି ଜିହୁଦି ନେତାରିଙ୍ଗ୍ ଡିଲାଇମାହାନ୍‌ଆକା ଇୟାଞ୍ଜି ମାଟା ଇର୍ହାର୍, ଇରିଙ୍ଗ୍ ଜଦି ଏବଂ ଖାନ୍‌ଙ୍ଗ୍ ମସିହ ଇଜି ମାନାନ୍‌, ଆରିଙ୍ଗ୍ ଖାନ୍ ପାର୍‌ତନା ଇଲ୍‌ତାନ୍ ସପାନାନ୍ ଇଜି ତାନି ଆଗ୍‌ଡ଼ି ଜିହୁଦିର୍ ଉଣ୍ଡେ ମାଟା ଆତାମାହାନ୍ ।

୨୩ ଆୟାଞ୍ଜି ଖାନ୍ ବୁବାସି ଆଇସି ଇର୍ହାର୍, “ଖାନ୍ ପିରିତାମାନାନ୍, ଖାନ୍‌ଙ୍ଗ୍ ଖେନ୍‌ବାଦୁ ।”

୨୪ ଆବେଟ୍ ଜନମତାନ୍ କାଣା ମାରିକ୍ ଲୋକ୍‌ତିଙ୍ଗ୍ ଖାନ୍ ମାରିଅର୍ସ୍ କୁକ୍‌ସି ଖେନ୍‌ବାତାର୍, “ମାପୁରୁଙ୍ଗ୍ ଗୌରବ୍ ସିଆ, ଖାନ୍ ଜେ ପାପି, ଇକା ମାପ୍ ନେସ୍‌ନାପ୍ ।”

୨୫ ଆବେଟ୍ ଖାନ୍ ଇର୍ହାନ୍, “ଖାନ୍ ପାପି ନୋ ସିଲେ, ନାନ୍ ଆକା ନେସେଏ; ମାତର୍ ନାନ୍ ଉଣ୍ଡି ବିସୟ ନେସ୍‌ନା, ନାନ୍ କାଣାମାହା, ଇଲେଇ ସୁଡ଼ଦେଙ୍ଗ୍ ଆଟ୍‌ସିନା ।”

୨୬ ଆବେଟ୍ ଖାନ୍ ଖାନ୍‌ଙ୍ଗ୍ ଇର୍ହାର୍, “ଖାନ୍ ନିଙ୍ଗ୍ ଇନିକା କିତାନ୍ ? ଖାନ୍ ଏଣ୍ଡେସ୍ କିଜିନି କାଣୁକୁ ସୁଡ଼ିସ୍ କିତାନ୍ ?”

୨୭ ଖାନ୍ ଖାନ୍‌ଙ୍ଗ୍ ଇର୍ହାନ୍, ନାନ୍ ଇର୍ହାଞ୍ଜିସ୍‌ତାନି, “ମାରି ମିର୍ ଖେନ୍‌ଇତିଦେର୍; ଏୟା ମାରି ଉଣ୍ଡି ଦେବା ଖେନ୍‌ଡ୍ରେଙ୍ଗ୍ ବଦା କିଜିନିଦେର୍ ? ମିର୍ ବା ଇନିକା ଖାନ୍ ସିସୁର୍ ଆଦେଙ୍ଗ୍ ବଦା କିଜିନିଦେର୍ ?”

୨୮ ଆବେଟ୍ ଖାନ୍ ଖାନ୍‌ଙ୍ଗ୍ ଆନାଦୁରିୟା ଇଡ଼ଜି ଇର୍ହାର୍, “ନିନ୍ ଖାନ୍ ସିସୁ, ମାତର୍ ମାପ୍ ମୋସାଦି ସିସୁର୍ ।

୨୯ ମାପ୍ ନେସ୍‌ନାପ୍ ଜେ, ମାପୁରୁ ମୋସାଦିଙ୍ଗ୍ ମାଟା ଇର୍ହାମାନାନ୍, ମାତର୍ ଇୟା ଲୋକ୍ ଏମେଣ୍‌କୁ ଖାତାମାନାନ୍, ଆକାବା ମାପ୍ ନେସ୍‌ଏପ୍ ।”

୩୦ ଆୟା ଲୋକ୍ ଖାନ୍‌ଙ୍ଗ୍ ଇର୍ହାନ୍, “ଖାନ୍ କାଣୁକୁ ସୁଡ଼ିସ୍‌କିତାନ୍, ମାରି ଖାନ୍ ଏମେଣ୍‌କୁ ଖାତାମାନାନ୍, ଆକା ମିର୍ ନେସ୍‌ଇଦେର୍, ଇକା ତୋ କାବା ମାଟା ।

୩୧ ମାପୁରୁ ଜେ, ପାପି ଲୋକା ମାଟା ଖେନ୍‌ଏନ୍, ଇକା ମାପ୍ ନେସ୍‌ନାପ୍, ମାତର୍ ଜଦି ଏବଂ ମାପୁରୁଙ୍ଗ୍ ମାନାଜି ଖାନ୍ ବଦାଦିଙ୍ଗ୍ ମାନାମାନାନ୍, ଆରିଙ୍ଗ୍ ଖାନ୍ ଖାନ୍ ମାଟା ଖେନାନ୍ ।

୩୨ ଦୁନିଆ ଡିଆର୍ ଆଡି ପୁର୍ବେରାନ୍ ଏବଂ ଜନମତାନ୍ କାଣାଆଡିଖାନ୍‌ଙ୍ଗ୍ କାଣୁକୁ ସୁଡ଼ିନି ସାକ୍ତି ସିନି ମାଟା ଏସାଙ୍ଗ୍ ବା ଖେନ୍‌ଇ ମାରିକକା ।

୩୩ ଇୟା ଲୋକ୍ ମାପୁରୁ ମାଣାନ୍ ରେଇଡିମାରିଙ୍ଗ୍ ଏସାଙ୍ଗ୍ ଇୟା ପାଣି କିଦେଙ୍ଗ୍ ଆଟ୍‌ଏତାନ୍‌ମାଦି ।”

୩୪ ଖାନ୍ ଖାନ୍‌ଙ୍ଗ୍ ଇର୍ହାର୍, “ନିନ୍‌ତୋ ପୁରା ପାପ୍‌ତୁ ଜନମ୍ ଆଜି ପାପ୍‌ତୁ ପିରିତିମାନି, ମାରି ନିନ୍ ମାଙ୍ଗ୍ ସିକିୟା ସିଜିନି ?” ଆବେଟ୍ ଖାନ୍ ଖାନ୍‌ଙ୍ଗ୍ ପାର୍‌ତନା ଇଲ୍‌ତାନ୍ ସପ୍‌ତାର୍ ।

ଆମ୍‌ାଦୁ କାଣା

୩୫ ଜିହୁଦି ନେତାର୍ ଜେ ଖାନ୍‌ଙ୍ଗ୍ ପାର୍‌ତନା ଇଲ୍‌ତାନ୍ ସପ୍‌ତାମାନାର୍, ଜିସୁ ଇକା ଖେନ୍‌ଞ୍ଜି ଖାନ୍‌ଙ୍ଗ୍ ପଇଜି ଇର୍ହାନ୍, “ନିନ୍ ଇନିକା ମନୁସ୍ୟପୁଡ଼ମାନୁ ବିସ୍‌ବାସ୍ କିଜିନି ?”

୩୬ ଖାନ୍ ଇର୍ହାନ୍, “ଏ ଆଞ୍ଜା, ଖାନ୍ ଏବଂ ଇନ୍‌ଆ, ଏଣ୍ଡେସ୍ ନାନ୍ ଖାନ୍‌ମାନୁ ବିସ୍‌ବାସ୍ କିନା ?”

୩୭ ଜିସୁ ଖାନ୍‌ଙ୍ଗ୍ ଇର୍ହାନ୍, “ନିନ୍ ଏମେଖାନ୍‌ଙ୍ଗ୍ ସୁଡ଼ଡ଼ିମାନି, ମାରି ଏବଂ ନି ଖାଲେ ମାଟା ଇଜିନାନ୍, ଖାନ୍ ଆକାନ୍ ।”

୩୮ ଆବେଟ୍ ଖାନ୍ ଇର୍ହାନ୍, “ପ୍ରୁ, ନାନ୍ ବିସ୍‌ବାସ୍ କିଜିନା,” ମାରି, ଖାନ୍ ଜିସୁଙ୍ଗ୍ ମେଣ୍‌ଶେଙ୍ଗ୍ ଗଟ୍‌କିଜି ମାଡ଼ିସ୍ କିତାନ୍ ।

୩୯ ମାରି ଜିସୁ ଇର୍ହାନ, “ସୁତରାଫ ଲୋକ ଏଣେସ୍ ସୁଣାର୍ ମାରି ସୁତରାଫିମାନି ଲୋକ ଏଣେସ୍ କାଣା ଆନାର୍, ଇୟା ଲୋକା ବିସାର୍ ଉଣ୍ଡିଙ୍ଗ୍ ନାନ୍ ଦୁନିଆଦୁ ଖାତାମାନା ।”

୪୦ ପାରୁସିର୍ ମାଣାନ୍ ଏମେକାର୍ ଖାନି ଖାଲେ ମାର୍ହାର୍, ଖାର୍ ଇକା ଖେନ୍ଝି ଖାନିଙ୍ଗ୍ ଇର୍ହାର୍, “ମାପ୍ ବା ଇନିକା କାଣାର୍ ?”

୪୧ ଜିସୁ ପାରୁସିରିଙ୍ଗ୍ ଇର୍ହାନ, “ଜଦି କାଣା ଆତିମାରିଙ୍ଗ୍ ମିର୍ ଦସ୍ ଆଇତିଦେର୍ମାନ୍ଦି । ମାତର୍ ସୁତରାଫିଙ୍ଗ୍ ଆର୍ସିନାପ୍ ଇଜି ଇର୍ହାନିଙ୍ଗ୍ ମିର୍ ନାଣ୍ଟ ଦସ୍ ।”

୧୦

ମେଣ୍ଡାଗାଉଡ଼ି କାତା

୧ ଜିସୁ ଇର୍ହାନ, ନାନ୍ ସଡ଼ ସଡ଼ ମିଙ୍ଗ୍ ଇଜିନା, ଏମେ ଲୋକ ସେର୍ଲା ସିଜି ମେଣ୍ଡାସାଡ଼ାଦୁ ଡ଼ଗୁଏନ୍, ମାତର୍ ଆଇସାରିଦୁ ଏକ୍ସି ଡ଼ଗୁନାନ୍, ଖାନ୍ ଡ଼ଙ୍ଗା ନି ଡ଼ାକୁ;

୨ ମାତର୍ ଏନ୍ ସେର୍ଲା ସିଜି ଡ଼ଗୁନାନ୍, ଖାନ୍ ମେଣ୍ଡେଙ୍ଗା ମାନ୍ଦାଦି ଗାଉଡ଼ିଏନ୍ ।

୩ ସେର୍ଲାଦୁ କାପ୍‌କିନିକାନ୍ ଖାନି ଉଣ୍ଡିଙ୍ଗ୍ ସେର୍ଲା ରେନା ସିନାନ୍, ଖାନ୍ ମେଣ୍ଡେଙ୍ଗ୍ ଦର୍ ଆସ୍‌ସି କୁକ୍‌ନାନ୍ ।

୪ ଖାନ୍ ନିଜେଦି ମେଣ୍ଡେଙ୍ଗ୍ ଖିଜୁ ସପ୍ତି ଖେନ୍‌କା ଖାନିକା ଆଗ୍ଡି ଆଗ୍ଡି ଗାଉଡ଼ିଏନ୍ ବୁଲାନାନ୍ ମାରି ମେଣ୍ଡେଙ୍ଗ୍‌ଖିଜୁ ଖାନି ଖେନ୍‌କା ଖେନ୍‌କା ବୁଲାନେ, ଇରିଙ୍ଗ୍ ଖାକ୍ ଖାନି ବଲ୍ ନେସ୍‌ନେ;

୫ ମାତର୍ ମେଣ୍ଡେଙ୍ଗ୍ ନେସେଇ ଲୋକା ଖେନ୍‌କା ଖେନ୍‌କା ଏସ୍‌କାଙ୍ଗ୍‌ବା ବୁଲାଉ, ମାତର୍ ଖାନି ଲାକ୍‌ତୁରାନ୍ ଉରୁକ୍‌ସିସ୍‌ନେ, ଇରିଙ୍ଗ୍ ଖାକ୍ ନେସେଇ ଲୋକାଦି ବଲ୍ ନେସ୍‌ତେଙ୍ଗ୍ ଆର୍ଡ଼ ।

୬ ଜିସୁ ଖାରିଙ୍ଗ୍ ଇୟା କାତା ଖେର୍ତାନ, ମାତର୍ ଖାନ୍ ଖାରିଙ୍ଗ୍ ଆମା ଆମାକା ଖେର୍ସି ମାର୍ହାନ, ଆୟାଖିଜୁ ଇନିକା ଇଜି ଖାର୍ ବୁଜାଦେଙ୍ଗ୍ ଆର୍‌ଏତାର୍ ।

ନେଗି ଗାଉଡ଼ିଏନ୍ ଜିସୁ

୭ ଜିସୁ ମାରିଡ଼େସି ଖେର୍ତାନ, ସଡ଼ ସଡ଼ନେ ନାନ୍ ମିଙ୍ଗ୍ ଇଜିନା, ନାନ୍ ଆଜିନା ମେଣ୍ଡେଆଙ୍ଗ୍ ସେର୍ଲା ।

୮ ଏମେକାର୍ ଖିଜେରେ ନା ଆଗ୍ଡି ଖାତାମାନାର୍, ଖାର୍ ଖିଜେରେ ଡ଼ଙ୍ଗାର୍‌ଉଁ ମାରି ଡ଼ଙ୍ଗାକିନିକାର୍, ମାତର୍ ମେଣ୍ଡେଙ୍ଗ୍ ଖିଜୁ ଖାରି ମାଟା ଖେନ୍‌ଉତେ ।

୯ ନାନ୍ ସେର୍ଲା, ଏନ୍ ନା ସାରି ସିଜି ଡ଼ଗୁନାନ୍, ଖାନ୍ ରକିୟା ପୟ୍‌ନାନ୍ ମାରି ଲୋଇ ଖାଜି ମାରି ଆତେରେ ସଲ୍‌ସି ସାରାଦେଙ୍ଗ୍ ଆର୍‌ନାନ୍ ।

୧୦ ଡ଼ଙ୍ଗାର୍‌ଏନ୍ ଖାନାନ୍ ଡ଼ଙ୍ଗାକିଦେଙ୍ଗ୍, କାଡ଼ତେଙ୍ଗ୍ ମାରି ଦଂସ କିଦେଙ୍ଗ୍ । ନାନ୍ ଖାତାମାନା, ମିଙ୍ଗ୍ ଜିବନ୍ ସିଦେଙ୍ଗ୍, ମିର୍ ଏଣେସ୍ ଜିବନ୍‌ତି ବିସୟ୍‌ତାନ୍ ଖେଡ଼ିକା ପୟ୍‌ଦେଙ୍ଗ୍ ଆର୍‌ନିଦେର୍ ।

୧୧ ନାନ୍ ନେଗେନ୍ ମେଣ୍ଡେଙ୍ଗ୍ ସାରାକିନିକିଦା; ନେଗେନ୍ ମେଣ୍ଡେଙ୍ଗ୍‌ସାରାକିନିକାନ୍ ମେଣ୍ଡେଆଙ୍ଗ୍ ଉଣ୍ଡିଙ୍ଗ୍ ନିଜେଦି ଜିବନ୍ ସିନାନ୍ ।

୧୨ ଏନ୍ ବୁଡ଼ିଅସି ମେଣ୍ଡେଙ୍ଗ୍‌ମାନ୍ଦା କାପ୍‌କିନାନ୍, ଖାନ୍ ଗାଉଡ଼ିଏନ୍ ଆଏନ୍, ବା ମାନ୍ଦାଦି ମାଲିକ୍ ଆଏନ୍, ଖାନ୍ ବେନ୍‌ଡ୍ରୁ ଖାନିକା ସୁତରାଫି ମେଣ୍ଡେଆଙ୍ଗ୍ ଡ଼ିସ୍‌ସି ସନାନ୍, ମାରି ବେନ୍‌ଡ୍ରୁ ମେଣ୍ଡାଦିଙ୍ଗ୍ ଆସ୍‌ନା ଅନାଡ଼ ମାରି କାଣ୍ଡିଆ କାବାରା କିନାଡ଼ ।

୧୩ ଇରିଙ୍ଗ୍ ଏନ୍ ବୁଡ଼ିଅସି ମେଣ୍ଡେଙ୍ଗ୍ କାପ୍‌କିନାନ୍, ଖାନ୍ ଉର୍‌କୁନାନ୍, ଇରିଙ୍ଗ୍ ଖାନ୍ ବୁଡ଼ିକିନିକାନ୍ ମାତର୍, ମେଣ୍ଡେଆଙ୍ଗ୍ ଉଣ୍ଡିଙ୍ଗ୍ ଖାନିଙ୍ଗ୍ ଏଡ଼ ସିଲେଡ଼ ।

୧୪ “ନାନ୍ ନେଗେନ୍ ମେଣ୍ଡେଙ୍ଗ୍‌ସାରାକିନିକିଦା । ବୁବା ଏଣେସ୍ ନାଙ୍ଗ୍ ନେସ୍‌ନାନ୍ ମାରି ନାନ୍ ବୁବେଙ୍ଗ୍ ନେସ୍‌ନା,

୧୫ ଆୟାଖାଜା ନାନ୍ ନା ନିଜେଦି ମେଣ୍ଡେଆଙ୍ଗ୍ ନେସ୍‌ନା, ମାରି ନା ନିଜେଦି ମେଣ୍ଡେଙ୍ଗ୍ ନାଙ୍ଗ୍ ନେସ୍‌ନେ, ମାରି ମେଣ୍ଡେଆଙ୍ଗ୍ ଉଣ୍ଡିଙ୍ଗ୍ ନାନ୍ ନା ଜିବନ୍ ସିଦେଙ୍ଗ୍ ରାଜିମାନା ।

୧୬ ଏମେ ମେଣ୍ଡେଙ୍ଗ୍ ଇୟା ମେଣ୍ଡେଙ୍ଗ୍‌ସାଡ଼ାଦିକେଙ୍ଗ୍ ଆଉ, ନା ଇୟାଖାଜା ଆଇ ମେଣ୍ଡେଙ୍ଗ୍ ମାନେ, ଖାନିକାଙ୍ଗ୍ ବା ନାଙ୍ଗ୍ ତାତେଙ୍ଗ୍ ଆନାଡ଼, ମାରି ଖାକ୍ ନା ବଲ୍ ଖେନେ; ଆବେଟ୍ ଉନ୍‌ଡ୍ରୁ ମାନ୍ଦାଦିଙ୍ଗ୍ ମାରି ଅରେନ୍ ଗୋଡ଼୍ ଆନାନ୍ ।

୧୭ “ନାନ୍ ନା ଜିବନ୍ ସିନିଉଣ୍ଡିଙ୍ଗ୍ ବୁବା ନାଙ୍ଗ୍ ଜିବନ୍‌ନୋନାନ୍, ମାରି ନାନ୍ ନା ଆୟା ଜିବନ୍ ମାରିଡ଼େସି ପୟ୍‌ଦେଙ୍ଗ୍ ଆର୍‌ନା ।

୧୮ ଏନ୍ ନାମାଣ୍ଡୁ ନା ଜିବନ୍ ଅତେଙ୍ଗ୍ ଆର୍‌ଏନ୍, ମାତର୍ ନା ବଦାଦାନ୍ ନା ଜିବନ୍ ଦାନ୍ କିନା । ନା ଜିବନ୍ ଦାନ୍ କିଦେଙ୍ଗ୍ ଅଦିକାର୍ ମାନାଡ଼ ମାରି ନାନ୍ ମାରିଡ଼େସି ଜିବନ୍ ପୟ୍‌ଦେଙ୍ଗ୍ ବା ଅଦିକାର୍ ମାନାଡ଼ । ଇକା କିନି ଉଣ୍ଡିଙ୍ଗ୍ ନା ବୁବାଦିମାଣ୍ଡା ଇୟା ଆଦେସ୍ ପୟ୍‌ତାମାନା ।”

୧୯ ଇୟାଖିଜୁ ମାଟା ଖେର୍‌ଇ ଖେନ୍‌କା ଜିହୁଦି ଲୋକା ଲୋଇ ମାରିଡ଼େସି ଆଇ ମାଟା ଗଟାତାଡ଼ ।

☆ ୧୦:୧୪ ମାଡ଼ିଉ ୧୧:୨୭; ଲୁକ ୧୦:୨୨.

୨୦ ୱାରି ଲୋଇରାନ୍ ଏସଲୋକ୍ ଇନ୍ତେଙ୍ଗ୍ ଆସ୍ତାର୍, “ଝାନିଙ୍ଗ୍ ଦୁବା ଆସ୍ତାମାନାଡ୍, ଝାନ୍ ବାୟା, ଏକ୍ସା ଝାନି ମାଟା ୱେନ୍ଜିନିଦେର୍ ?”

୨୧ ଆଇକାର୍ ଇର୍ହାର୍, ଇୟାଞ୍ଜିଲୁ ମାଟା ତୋ ଦୁବା କାସ୍ତି ଅରେନ୍ ଲୋକୁ ଇୟାଞ୍ଜା ମାଟା ଇନ୍ଏନ୍; ଦୁବା ଇନିକା କାଣା ଲୋକ୍ତି କାଣ୍ଟୁ ତରତେଙ୍ଗ୍ ଆଟ୍ନାଡ୍ ?

ଜିସୁଙ୍ଗ୍ ମାନାଏତାର୍

୨୨ ନାସ୍ତିଝାଲେ ଜିରୁସାଲମତୁ ମନ୍ଦିର୍ ତିଆର୍ କିତି ପଣ୍ଡୟ ଆଜିମାହାଡ୍; ଆୟାଞ୍ଜାଲେ ପିନିକାଡା ମାହାଡ୍,

୨୩ ମାରି ଜିସୁ ମନ୍ଦିର୍ତୁ ସଲମନ୍ତି ଗୁଡିକାଲ୍ତୁ ବୁଲାଇ ମାହାନ୍ ।

୨୪ ଆବେଟ୍ ଜିହୁଦି ଲୋକୁ ଜିସୁଙ୍ଗ୍ ସାରିବେଡ୍ତି ଉଣ୍ଡାଜି ୱେନ୍ବାଦେଙ୍ଗ୍ ଆସ୍ତାର୍, ମାରି ଏସ ୱେଡାସାନ୍ତି ମାଙ୍ଗ୍ ନାମଇ ଝାଜା ଇଡ୍ଡିନି ? ଜଦି “ନିନ୍ ମସିହ୍, ଆର୍ଡିଙ୍ଗ୍ ମାଙ୍ଗ୍ ସଡ୍ତାନ୍ ୱେରଥା ।”

୨୫ ଜିସୁ ୱାରିଙ୍ଗ୍ ଇର୍ହାନ୍, “ନାନ୍ ମିଙ୍ଗ୍ ଇଜିନା, ମାତର୍ ମିର୍ ବିସ୍ବାସ୍ କିଇଜିନିଦେର୍; ନା ବୁବାଦି ମାଣାନ୍ ଅଦିକାର୍ ନାନ୍ ପୟ୍ଜି ଆମା ଆମା ପାଣି କିଜିନା, ଆୟାଞ୍ଜିଲୁ ନା ବିସୟ୍ତାନ୍ ସାକ୍ସ୍ ସିଜିନା;

୨୬ ମାତର୍ ମିର୍ ବିସ୍ବାସ୍ କିଇଜିନିଦେର୍, ଇରିଙ୍ଗ୍ ମିର୍ ନା ମେଣ୍ଡେଙ୍ଗ୍ ଆଇଦେର୍ ।

୨୭ ନା ମେଣ୍ଡେଙ୍ଗ୍ ଝିଲୁ ନା ବଲ୍ ୱେନେ ମାରି ନାନ୍ ଝାନିକାଙ୍ଗ୍ ନେସ୍ନା, ମାରି ଝାକ୍ ନା ୱେନ୍କା ୱେନ୍କା ବୁଲାନେ,

୨୮ ମାରି ନାନ୍ ଝାନିକାଙ୍ଗ୍ ଏସ୍କାଙ୍ଗ୍ଝିଜଇ ଜିବନ୍ ସିନା, ମାରି ଝାକ୍ ଏସ୍କାଙ୍ଗ୍ବା ସାତ, ମାରି ଝାନିକାଙ୍ଗ୍ ନା କିୟୁଦାନ୍ ଏନ୍ ଡିବିସ୍କିଜ ଅତେଙ୍ଗ୍ ଆଟ୍ଏର୍ ।

୨୯ ନା ବୁବା ନାଙ୍ଗ୍ ଆମାକା ସିତାମାନାନ୍, ଆକା ଝିଲୁମାଣ୍ଟୁ ନାଣ୍ଡଦାରା, ମାରି ଝାନିକାଙ୍ଗ୍ ବୁବାଦି କିୟୁଦାନ୍ ଏନ୍ ଆକା ଡିବିସ୍କିଜ ଅତେଙ୍ଗ୍ ଆଟ୍ଏର୍ ।

୩୦ ବୁବା ନି ନାନ୍ ଅରେନ୍ ।”

୩୧ ଇୟା ମାଟା ୱେନ୍ଝି ଜିହୁଦିଲୋକୁ ଜିସୁଙ୍ଗ୍ ତାକ୍ତେଙ୍ଗ୍ ଇଜି ମାରି କାଲ୍କୁ ପେର୍ତାର୍ ।

୩୨ ଜିସୁ ୱାରିଙ୍ଗ୍ ଇର୍ହାନ୍, ନାନ୍ ବୁବାଦିମାଣାନ୍ ଏସ୍ ନେଗି ପାଣି ମିଙ୍ଗ୍ ତରତାମାନା; ଆୟାଞ୍ଜିଲୁ ପାଣିଦି ଲୋଇରାନ୍ ଏମେ ନେଗି ପାଣିଦି ଉଣ୍ଡିଙ୍ଗ୍ ନାଙ୍ଗ୍ ନେର୍ କାଲ୍କୁ ପୋକ୍ତାଜିନିଦେର୍ ?

୩୩ ଜିହୁଦିଲୋକୁ ଝାନିଙ୍ଗ୍ ଇର୍ହାର୍, “ନେଗି ପାଣିଦି ଉଣ୍ଡିଙ୍ଗ୍ ମାପ୍ ନିଙ୍ଗ୍ କାଲ୍କୁ ପୋକ୍ତାଏଜିନାପ୍, ମାତର୍ ମାପୁରୁ ନିଦା ଉଣ୍ଡିଙ୍ଗ୍, ମାରି ନିନ୍ ଲୋକୁ ଆଜି ନିଜେଦିଙ୍ଗ୍ ମାପୁରୁ ସାମାନ୍ କିଜିନି ।”

୩୪ ଜିସୁ ୱାରିଙ୍ଗ୍ ଇର୍ହାନ୍, “ମି ସାସ୍ତୁ ଇକା ରାସାତାମାନାଡ୍, ମାପୁରୁ ଇନାନ୍, ମିର୍ ମାପୁରୁଙ୍ଗ୍ ?

୩୫ ଆମାଞ୍ଜାରି ଲାକ୍ତୁ ମାପୁରୁଦି ବାକ୍ୟ ଇଗା ଝାତାଡ୍, ୱାରିଙ୍ଗ୍ ଜଦି ଝାନ୍ ମାପୁରୁ ଇଜି ଇର୍ହାନ୍ ମାରି ଦାମ୍ପ୍ସାସ୍ତ୍ ୱେରଏ କିଦେଙ୍ଗ୍ ଆଟ୍ଏର୍

୩୬ ବୁବା ମାପୁରୁ ନାଙ୍ଗ୍ ପବିତ୍ କିଜି ଆସ୍କିତାନ୍ନୋ ଇୟା ଦୁନିଆଦୁ ପୋକ୍ତାତାମାନାନ୍ । ଆରିଙ୍ଗ୍, ନାନ୍ ନିଜେଦିଙ୍ଗ୍ ମାପୁରୁଦି ମାରିନ୍ ଇନି ମାଣାନ୍ ମାପୁରୁଙ୍ଗ୍ ନିଦା କିଜିନା ଇଜି ଏଣ୍ଡେସ୍ ଇଜିନିଦେର୍ ?

୩୭ ଜଦି ନାନ୍ ବୁବାଦି ପାଣିଞ୍ଜି କିଏ, ଆର୍ଡିଙ୍ଗ୍ ନାଙ୍ଗ୍ ବିସ୍ବାସ୍ କିମାଟ୍;

୩୮ ମାତର୍ ଜଦି ନାନ୍ ଝାନି ବଦାଦାନ୍ ନାନ୍ ପାଣି କିନା, ଆରିଙ୍ଗ୍ ନାଙ୍ଗ୍ ବିସ୍ବାସ୍ କିଇଡିଙ୍ଗ୍ବା, ନା ପାଣି ସୁଡ୍ଡି ବିସ୍ବାସ୍ କିଦୁ । ଆଡିଙ୍ଗ୍ ମିର୍ ପୁରା ନେସ୍ତେଙ୍ଗ୍ ଆଟ୍ନିଦେର୍, ମାରି ନା ବୁବା ନା ମାନ୍ ମାନାନ୍ ମାରି ନାନ୍ ଝାନିମାନ୍ ମାନା ।”

୩୯ ଆବେଟ୍ ୱାରି ୱାନିଙ୍ଗ୍ ଆସ୍ତେଙ୍ଗ୍ ମାରିଡେସି ସେସ୍ଟା କିତାର୍, ମାତର୍ ଜିସୁ ୱାରି କିୟୁଦୁ ଦାରାସିଏଣ୍ଡା ସତାସର୍ହାନ୍ ।

୪୦ ✨ଆୟାଞ୍ଜେନ୍କା ଜିସୁ ମାରିଡେସି ଜର୍ଦନ ଗାତାଦି ଆୟାପାଡି ଇତାନ୍, ଜୋହନ ଏମେ ବାଡିଦୁ ପୁର୍ବେ ଡୁବନ୍ ସିଜିମାହାନ୍, ଆୟା ବାଡିଦୁ ଝାତାନୋ ଆବେନ୍ନୁ ତେବାତାନ୍ ।

୪୧ ମାରି, ନାଣ୍ଡଲୋକୁ ଝାନି ଲାକ୍ତୁ ଝାଜି ଇର୍ହାର୍, “ଜୋହନ ଗିଦେ କାବାଆନି ପାଣି କିଏତାନ୍, ମାତର୍ ଇୟା ଲୋକ୍ତି ବିସୟ୍ତାନ୍ ଜୋହନ ଆମାଞ୍ଜିଲୁ ମାଟା ଇର୍ହାନ୍, ଆୟାଞ୍ଜିଲୁ ସଡ୍ ।”

୪୨ ମାରି, ଆବେନ୍ନୁ ଗାଦି ଲୋକୁ ଜିସୁମାନ୍ ବିସ୍ବାସ୍ କିତାର୍ ।



ଲାଜାର୍ଡି ସାନିକା

୧ ✨ବେତନିୟା ନାର୍ଡି ଲାଜାର୍ ଦର୍ଡିକାନ୍ ଅରେନ୍ ଲୋକୁ ନବ୍ ଆତାମାହାନ୍; ମରିୟମ୍ ମାରି ତାନି ତାଙ୍ଗ୍ ସି ମାର୍ଡା ଆୟା ନାଟ ମାନ୍ଝି ମାର୍ଏ ।

୨ ✨ଇକାଡ୍ ଆୟା ମରିୟମ୍, ଏମେକାଡ୍ ପ୍ରବୁଦି ପାଦାମ୍କାଙ୍ଗ୍ ନିୟୁ ଝାକ୍ସି ନିଜେଦି କୁକୁଟିଦାନ୍ ଝାନି ପାଦାମ୍କୁ

✨ ୧୦:୪୦ ଜୋହନ ୧:୨୮. ✨ ୧୧:୧ ଲୁକ ୧୦:୩୮,୩୯. ✨ ୧୧:୨ ଜୋହନ ୧୨:୩.

ତେଲିତାମାର୍ହାତ୍, ତାନି ତଡ଼ାସି ଲାଜାର ନବ୍ ଆତାମାର୍ହାନ୍ ।

୩ ଆଦେଙ୍ଗ୍ ଆୟା ତାଙ୍ଗ୍ କିସୁଦି ଲାକ୍ତୁ କାରୁର୍ ପକ୍ତେ, “ପ୍ରବୁ ସୁଡ଼ଥ୍ଆ, ଆମାଖାନିଙ୍ଗ୍ ନିନ୍ ଜିବନ୍ନୋନି, ନି ସଙ୍ଗ୍, ଖାନ୍ ନବ୍ ଆତାମାନାନ୍ ।”

୪ ମାତର୍ ଜିସୁ ଆକା ଖେନ୍ଦି ଇର୍ହାନ୍, “ଇୟା ନବ୍ ସାନି ଉଣ୍ଡିଙ୍ଗ୍ ସିଲେ, ମାତର୍ ମାପୁରୁଦି ଦନ୍ୟବାଦ୍ତି ଉଣ୍ଡିଙ୍ଗ୍, ଏଣ୍ଡେସ୍ ଆୟାବାଣାନ୍ ମାପୁରୁଦି ମାରିନ୍ ବା ଦନ୍ୟବାଦ୍ ପଇନାନ୍ ।”

୫ ଜିସୁ ମାର୍ତା, ଖାନି ତାଙ୍ଗ୍ ମରିୟମ୍ ନି ଲାଜାରତିଙ୍ଗ୍ ଜିବନ୍ ନଜି ମାର୍ହାନ୍ ।

୬ ମାରି, ଲାଜାର ନବ୍ ଆତାମାନାନ୍ ଇଜି ଏସ୍ତ୍ରାଲେ ଖାନ୍ ଖେରଆନ୍, ନାସ୍ତ୍ରାଲେ ଖାନ୍ ଏମେ ବାଡ଼ିତୁ ମାର୍ହାନ୍, ଆୟାବାଡ଼ିତୁ ମାରି ରିନେନ୍ ତେବାତାନ୍ ।

୭ ତାନିଖେନ୍ଦକା ଖାନ୍ ସିସୁରିଙ୍ଗ୍ ଇର୍ହାନ୍, “ସାଦୁ, ମାଡ଼ ଜିହୁଦା ରାଜିତୁ ଡେସି ସନାଟ୍ ।”

୮ ସିସୁର୍ ଜିସୁଙ୍ଗ୍ ଇର୍ହାନ୍, “ଏ ଗୁରୁ, ଜିହୁଦିର୍ ଏସ ଦିନ୍ ଆଗ୍ତି ନିଙ୍ଗ୍ କାଲକାଣ୍ ତାକ୍ତେଙ୍ଗ୍ ବଦା କିଜିମାର୍ହାନ୍, ମାରି ନିନ୍ ମାରିଡେସି ଆବେ ସଲ୍ସିନି ?”

୯ ଜିସୁ ଇର୍ହାନ୍, “ଖେଡେ ଇନିକା ବାର ଗନ୍ଟା ସିଲେଡ୍ ? ଏନ୍ ଖେଡେ ବୁଲାତିଙ୍ଗ୍ ତାକାଏନ୍, ଇରିଙ୍ଗ୍ ଖାନ୍ ଇୟା ଦୁନିଆଦି ଜାୟ୍ ସୁଣାନ୍;

୧୦ ମାତର୍ ନାଡ଼ା ବୁଲାତିଙ୍ଗ୍ ଖାନ୍ ତାକାନାନ୍, ଇରିଙ୍ଗ୍ ଖାରିମାନୁ ଜାୟ୍ ସିଲେଡ୍ ।

୧୧ ଜିସୁ ଇୟାଖିଜୁ ମାଟା ଇର୍ଇ ଖେନ୍ଦକା ଖାରିଙ୍ଗ୍ ମାରି ଇର୍ହାନ୍, ମା ତଡ଼ ଲାଜାର୍ ସୁଜ୍ଜିନାନ୍, ମାତର୍ ଖାନିଙ୍ଗ୍ ସୁସକାଣକାଣ୍ ନିକ୍ତେଙ୍ଗ୍ ଇଜି ନାନ୍ ସଲ୍ସିନା ।”

୧୨ ଆବେଟ୍ ସିସୁର୍ ଜିସୁଙ୍ଗ୍ ଇର୍ହାନ୍, “ପ୍ରବୁ, ଜଦି ଲାଜାର୍ ସୁସତାମାନାନ୍, ଆରିଙ୍ଗ୍ ଖାନ୍ ନେଗେନ୍ ଆନାନ୍ ।”

୧୩ ଜିସୁ ଲାଜାରତି ସାନି ବିସୟତାନ୍ ଇର୍ହାନ୍, ମାତର୍ ଖାନ୍ ସୁସକାଣକାଙ୍ଗ୍ ସୁସ୍ତି ବିସୟତାନ୍ ଇର୍ହାନ୍ ଇଜି ସିସୁର୍ ଅଡ଼ବିତାର୍ ।

୧୪ ମାରି, ଜିସୁ ନାସ୍ତ୍ରାଲେ ଖାରିଙ୍ଗ୍ ବୁଜାନିଖାଜା ଇର୍ହାନ୍, “ଲାଜାର୍ ସାତାମାନାନ୍ ।

୧୫ ମାରି, ନାନ୍ ଜେ ଆୟାବାଡ଼ିତୁ ସିଲେତା, ଇୟାଉଣ୍ଡିଙ୍ଗ୍ ମି ଉଣ୍ଡିଙ୍ଗ୍ ଖେଡ଼ିକା ଆଜିନା, ଏଣ୍ଡେସ୍ ମିର୍ ବିସ୍ବାସ୍ କିନିଦେର୍; ମାତର୍ ସାଦୁ, ମାଡ଼ ଖାନିଙ୍ଗ୍ ସୁଡ଼ଦେଙ୍ଗ୍ ସନାଟ୍ ।”

୧୬ ଆବେଟ୍ ତୋମା ଆମାଖାନିଙ୍ଗ୍ ଦିଦୁମ ଇଜି ଇନାର୍, ଖାନ୍ ଖାନି ତଡ଼ ସିସୁରିଙ୍ଗ୍ ଇର୍ହାନ୍, “ସାଦୁ, ମାଡ଼ ବା ଗୁରୁଖାଲେ ସଲ୍ସି ଖାନିଖାଲେ ସାନାଟ୍ ।”

ଜିସୁ ଜିନିକାନ୍ ମାରି ଜିବନ୍

୧୭ ଜିସୁ ବେତନିଆଦୁ ଇତାନ୍ନୋ ଖେରଆନ୍ ଜେ, ଲାଜାର୍ ନାଲ୍ନେନ୍ ଆତାଡ଼ ଦୁକି ଗୁଟାଦୁ ମୁସ୍ତାର୍ନି ।

୧୮ ବେତନିୟା ଜିରୁସାଲାମ୍ ଲାକ୍ତୁ ମାର୍ହାଡ଼, ମୁନ୍ତ୍ରି କିଲମିଟ୍ଟରତାନ୍ ଉଣା;

୧୯ ମାରି, ଜିହୁଦିର୍ ମାଣ୍ଡୁକୁ ନାଣ୍ଡ ଲୋକୁ ମାର୍ତା ନି ମରିୟମ୍ତିଙ୍ଗ୍ ତାନି ତଡ଼ାନ୍ ସାତି ବିସୟତାନ୍ ସୁକୁ ସିଦେଙ୍ଗ୍ ଇଜି ତାମେ ଲାକ୍ତୁ ଖାତାମାର୍ହାନ୍ ।

୨୦ ଆବେଟ୍ ଜିସୁ ଖାଜିନାନ୍ ଇଜି ଏସ୍ତ୍ରାଲେ ମାର୍ତା ଖେରଆଡ଼, ନାସ୍ତ୍ରାଲେ ଖାଦ୍ ଜିସୁଙ୍ଗ୍ ବେଟ୍ବୁଡାଦେଙ୍ଗ୍ ସର୍ହାଡ଼, ମାତର୍ ମରିୟମ୍ ଇନ୍ତ୍ର ବାସ୍ତା ତେବାତାଡ଼ ।

୨୧ ମାର୍ତା ଜିସୁଙ୍ଗ୍ ଇର୍ହାଡ଼, “ପ୍ରବୁ, ଜଦି ନିନ୍ ଇବେ ମାରୁଇମାନ୍, ଆତିଙ୍ଗ୍ ନା ତଡ଼ାନ୍ ସାଏତାନ୍ମାନ୍ ।

୨୨ ମାତର୍ ଇଲେଇବା ନାନ୍ ନେସନା, ନିନ୍ ମାପୁରୁଙ୍ଗ୍ ଆମାକା ଲସ୍ନି, ମାପୁରୁ ଜେ ଆକା ନିଙ୍ଗ୍ ସିନାନ୍ ।”

୨୩ ଜିସୁ ତାନିଙ୍ଗ୍ ଇର୍ହାନ୍, “ନି ତଡ଼ାନ୍ ଜିବନ୍ ପୟ୍ଜି ନିଙ୍ଗ୍ ନାନ୍ ।”

୨୪ ମାର୍ତା ଜିସୁଙ୍ଗ୍ ଇର୍ହାଡ଼, “ଖାନ୍ ଜେ ଖିଜ୍ଜି ଦିନ୍ତୁ ମାରିଡେସି ନିଙ୍ଗ୍ ନି ଖାଲେ ନିଙ୍ଗ୍ ନାନ୍, ଇକା ନାନ୍ ନେସନା ।”

୨୫ ଜିସୁ ତାନିଙ୍ଗ୍ ଇର୍ହାନ୍, “ନାନ୍ ମାରିଜିନିକାନ୍ ମାରି ଜିବନ୍; ଏନ୍ ନାବାନ୍ ବିସ୍ବାସ୍ କିନାନ୍, ଖାନ୍ ଜଦିବା ସାନାନ୍, ମାତର୍ ଖାନ୍ ମାରିଡେସି ଜିନାନ୍ ।

୨୬ ମାରି ଏନ୍ ଜିନାନ୍ ମାରି ନାବାନ୍ ବିସ୍ବାସ୍ କିନାନ୍, ଖାନ୍ ଏସାଙ୍ଗ୍ବା ସାଏନ୍; ଇକା ଇନିକା ବିସ୍ବାସ୍ କିଜିନି ?”

୨୭ ମାର୍ତା ଜିସୁଙ୍ଗ୍ ଇର୍ହାଡ଼, “ହୁଁ ପ୍ରବୁ, ଆମାଖାନିଦି ଦୁନିଆଦୁ ଖାନିକା ମାର୍ହାଡ଼, ନିନ୍ ଜେ ମାପୁରୁଦି ମାରିନ୍ ଆୟା ମସିହ୍, ଇକା ନା ବିସ୍ବାସ୍ ।”

ଜିସୁ ଆଡ଼ବାତାନ୍

୨୮ ଇକା ଇର୍ଇ ଖେନ୍ଦକା ମାର୍ତା ସଲ୍ସି ତାନି ତାଙ୍ଗ୍ ମରିୟମ୍ତିଙ୍ଗ୍ ନେସ୍ଇଖାଜା କୁକ୍ସି ଇର୍ହାଡ଼, “ଗୁରୁ ଖାତାନ୍ନି ମାରି ନିଙ୍ଗ୍ କୁକ୍ସିନାନ୍ ।”

୨୯ ମରିୟମ୍ ଇକା ଖେନ୍ଦି ବେଗି ନିଙ୍ଗ୍ ଜିସୁ ଲାକ୍ତୁ ସର୍ହାଡ଼ ।

୩୦ ଜିସୁ ନାସ୍ତିଖାଲେ ନାର ଲୋଇ ରେଏନ୍ ମାର୍ହାନ୍, ମାତର୍ ମାର୍ତା ଖାନିଙ୍ ଏମେ ବାଡିଦୁ ବେର୍ବୁଡାତା ମାର୍ହାଡ, ଆୟା ସାନ୍ଦି ଖାନ୍ ଆୟା ବାଡିଦୁ ମାର୍ହାନ୍ ।

୩୧ ମାରି, ଏମେ ଜିହୁଦିର୍ ଖାନିଖାଲେ ଇନ୍ତ୍ର ମାନ୍ଦି ମରିୟମ୍ତିଙ୍ ସୁକୁ ସିଜିମାର୍ହାଡ, ଖାଡ ମରିୟମ୍ତିଙ୍ ବେଗି ନିଙ୍ଗି ସହସି ସନିକା ସୁଡ଼ୁ, ଖାଡ ଦୁକି ଲାକ୍ତୁ ଆଡ଼ବାଦେଙ୍ ଇଜି ସଲ୍ସିନାଡ, ଇକା ଅଡ଼ବିଜି ତାନି ଖେନ୍କା ଖେନ୍କା ସର୍ହାଡ ।

୩୨ ଆବେଟ୍ ଜିସୁ ଏମେ ବାଡିଦୁ ମାର୍ହାନ୍, ମରିୟମ୍ ଆୟା ବାଡିଦୁ ଇଗା ସଲ୍ସି ଖାନିଙ୍ ସୁଡ଼ୁ ଖାନି କାଲ୍କା ଆଡ଼ଗି ମାଡ଼ିସ୍ କିଜି ଇର୍ହାଡ, “ପ୍ରୁ, ଜଦି ନିନ୍ ଇବେ ଇଗା ଖାଡିମାନ୍ଦି, ଆଡିଙ୍ ନା ତଡାନ୍ ସାଏତାନ୍ମାନ୍ଦି ।”

୩୩ ମାରି, ଜିସୁ ତାନିଙ୍ ମାରି ତାନି ଖାଲେ ଖାଡିମାନି ଜିହୁଦିରିଙ୍ ଆଡ଼ବାନିକା ସୁଡ଼ୁ ଆମ୍ବାଡୁ ଆଡ଼ବାଜି, ମାରି ପାଣି ପୁରା କିଦେଙ୍ ଇଜି ନାଣ୍ଟ ବଦାଦାନ୍ ଖେନ୍କାତାନ୍,

୩୪ ଖାନିଙ୍ ଏମେ ଇଟି ମାନିଦେର୍ ? ଖାଡ ଖାନିଙ୍ ଇର୍ହାଡ,

“ପ୍ରୁ, ଖାଜି ସୁଡ଼ୁଆ ।”

୩୫ ଜିସୁ ଆଡ଼ବାତାନ୍ ।

୩୬ ଆବେଟ୍ ଜିହୁଦିର୍ ଇର୍ହାଡ, ସୁଡ଼ୁ, ଖାନ୍ ଖାନିଙ୍ ଏଣ୍ଟେସ୍ ଜିବନ୍ନୋଜି ମାର୍ହାନ୍ ।

୩୭ ମାତର୍ ଖାରି ଲୋଇ ଏନ୍ ଏନ୍ ଇର୍ହାଡ, “ଇୟା ଏମେକାନ୍ ଆୟା କାଣାଦି କାଣୁକୁ ସୁଡ଼ିସ୍ କିଏନ୍ ମାର୍ହାନ୍ ନୋ ? ଖାନ୍ ଇନିକା ଲାଜାରତି ସାନିତାନେଙ୍ ବା ତେବାକିଦେଙ୍ ଆଟ୍ଏତାନ୍ମାନ୍ଦି ?”

ଜିସୁ ଲାଜାରତିଙ୍ ସାଡିମାଣାନ୍ ନିକ୍ତାନ୍

୩୮ ଆବେଟ୍ ଜିସୁ ମାରିଡେସି ଆମ୍ବାଡୁ ଆଡ଼ବାଜି ଦୁକିଗୁଟା ଲାକ୍ତୁ ଖାତାନ୍; ଆକା ଉଣ୍ଡି ସାରରା, ମାରି ତାନି ଦୁଆର୍ ଆରଡ଼ି ଉଣ୍ଡି କାଲୁ ମାର୍ହାଡ ।

୩୯ ଜିସୁ ଆଦେସ୍ ସିତାନ୍, “ଇୟା କାଲୁ ଗୁସାକିଦୁ ।” ସାଡି ଲୋକ୍ତି ତାଙ୍ଗି ସି ମାର୍ତା ଜିସୁଙ୍ ଇର୍ହାଡ, “ପ୍ରୁ, ଖାନ୍ କାପୁ ଆଜିମାନାନ୍, ଇରିଙ୍ ଖାନିଙ୍ ମୁସ୍ତାର ନାଲ୍ନେନ୍ ଆତାନ୍ନି ।”

୪୦ ଜିସୁ ତାନିଙ୍ ଇର୍ହାନ୍, “ଜଦି ନିନ୍ ବିସ୍ବାସ୍ କିନି, ଆରିଙ୍ ମାପୁରୁଦି ମହିମା ସୁଣି, ଇକା ଇନିକା ନାନ୍ ନିଙ୍ ଇନ୍ଏତା ?”

୪୧ ଆବେଟ୍ ଖାଡ କାଲୁ ଗୁସାକିତାର । ମାରି, ଜିସୁ ମୁସ୍କୁ ସୁଡ଼ୁ ଇର୍ହାନ୍, “ବୁବା, ନିନ୍ ନା ପାର୍ତନା ଖେରଇ ଇଜି ନାନ୍ ନିଙ୍ ଦନ୍ୟବାଦ୍ ସିଜିନା ।

୪୨ ନିନ୍ ଜେ ଖିଜୁଖାଲେ ନା ପାର୍ତନା ଖେନ୍କମାନି, ଇକା ନାନ୍ ନେସ୍ତାମାନା; ମାତର୍ ଏମେ ଲୋକୁ ଖିଜେରେ ସାରିବେଡ଼ି ନିର୍ହାମାନାର, ନିନ୍ ନାଙ୍ ପକ୍ତିମାନି ଇଜି ଖାଡ ଏଣ୍ଟେସ୍ ବିସ୍ବାସ୍ କିନାର, ଇୟାଉଣ୍ଡିଙ୍ ଖାରି ଉଣ୍ଡିଙ୍ ନାନ୍ ଇକା ଇରଥା ।”

୪୩ ଖାନ୍ ଇକା ଇଜି ନାଣ୍ଟ ଆଉଲି ଆଜି କୁକ୍ତାନ୍, “ଲାଜାର ସହସ ରାଆ ।”

୪୪ ଖାନ୍ ସତାଖାତାନ୍; ଖାନି କିୟୁ ନି ପାଦାମ୍ ଦୁକିଦି ପାଗେଣାନ୍ ତର୍ତାମାର୍ହାଡ, ମାରି ଖାନି ମକମି ଉଣ୍ଡି ପାସିଆ କେରପତା ମାର୍ହାଡ । ଜିସୁ ଖାରିଙ୍ ଇର୍ହାନ୍, “ଖେନି ଗାଟି କୁଡସି ସନ୍ଡେଙ୍ ସାରି ସିଦୁ ।”

ଜିସୁଦି ବିରଦ୍ତାନ୍ ଖାରିତାର

(ମାଡିଉ ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରି, ଜିହୁଦିର୍ ମାଣକୁ ନାଣ୍ଟ ଅର୍ତାଡ ଏମେକାର ମରିୟମ୍ ଲାକ୍ତୁ ଖାତାମାର୍ହାଡ ମାରି ଜିସୁଦି ପାଣି ସୁଡ଼ୁ, ଖାଡ ଖାନିମାନୁ ବିସ୍ବାସ୍ କିତାର;

୪୬ ମାତର୍, ଖାରି ମାଣାନ୍ ଏନ୍ ଏନ୍ ପାରୁସିର୍ ଲାକ୍ତୁ ସଲ୍ସି, ଜିସୁ ଆମାକା ଆମାକା କିତାମାର୍ହାନ୍, ଆୟାଖିଜୁ ଖାରିଙ୍ ଖେରତାନ୍ ।

୪୭ ଆବେଟ୍ ପେରି ଜାଜକର୍ ନି ପାରୁସିର୍ ପେରିମିଟିଙ୍ କିଜି ଇର୍ହାଡ, “ମାଡ଼ ଇନିକା କିନିକା ? ଇୟା ଲୋକୁ ତୋ ନାଣ୍ଟ କାବାଆନି ପାଣି କିଜିନାନ୍ ।

୪୮ ଜଦି ମାଡ଼ ଖାନିଙ୍ ଇୟାଖାଜା ଡିସ୍ନାସିନାଟ୍, ଆରିଙ୍ ଖିଜେରେ ଖାନିମାନୁ ବିସ୍ବାସ୍ କିନାର, ମାରି ରମିୟଅଦିକାରି ଲୋକୁ ଖାଜି ମା ମନ୍ଦିର୍ ନି ଜାଡିଦି ଖିଜେରିଙ୍ ନାସୁ କିନାର ।”

୪୯ ମାତର୍ ଖାରିମାଣକୁ ଆୟା ବାର୍ସେକ୍ତି ଉଣ୍ଡିଙ୍ ଆସ୍କିଆଇଆଡିମାନି ଖିଜେରିଙ୍ପେରି ଜାଜକ କୟାପା ଖାରିଙ୍ ଇର୍ହାନ୍, “ମିର୍ ଇନିକା କାବାର !”

୫୦ ମିର୍ ଇନିକା ବୁଜାଦେଙ୍ ଆଟ୍ଈଜିନିଦେର୍, ଖିଜୁ ଜାଡି ନାସୁ ଆନି ବାଦ୍ଲୁ ଅରେନ୍ ଲୋକୁ ସାନିକା ଟିକ୍ମାନାଡ ।

୫୧ କୟାପା ନିଜେଦି ମନ୍ତାନ୍ ଇକା ଇନ୍‌ଏନ୍ ମାହାନ୍, ମାତର୍ ଖାନ୍ ଆୟା ବାର୍‌ସେକ୍ତି ଓଜେରିକ୍‌ପେରି ଜାଜକ ମାହାନ୍‌ଆକା ଇୟା ବବିସ୍‌ଡତି ମାଟା ଖାନ୍ ଖେୟୁଦାନ୍ ସତାମାହାଡ୍ । ଜିସୁ ଖେୟୁତା ମାହାନ୍ ଜେ ଓଜୁ ଜିହୁଦି ଲୋକାଦି,
 ୫୨ ଇନ୍‌କା ଆନିକା ଆତିମାନି ମାପୁରୁଦି ଲୋକାକ୍ ଉଣ୍ଡେ କୁଚୁମ୍‌ତୁ ଉଣ୍ଡାକିନି ଉଣ୍ଡିକ୍ ଜିସୁ ସାନାନ୍ ।
 ୫୩ ଆବେଟ୍ ଆୟା ନାଣ୍ଡିରାନ୍ ଜିହୁଦି ନେତାର୍ ଜିସୁକ୍ ସାୟାମାର୍‌ଗାତାକ୍‌ତେକ୍ ଇଜି ଉପାୟ କିତାର୍ ।
 ୫୪ ମାରି, ଜିସୁ ଜିହୁଦିର୍ ମାନୁ ମାରି ତରାୟ୍‌ଆଜି ବୁଲ୍‌ସାଲା କିଏତାନ୍, ମାତର୍ ଖାନ୍ ଆୟାବାଡିଦାନ୍ ସହସି ସଲ୍‌ସି ସୁନ୍‌ସାନ୍ ରାଜିଦି ଏପ୍‌ୟମ୍ ଦରତି ଉଣ୍ଡି ଗାଡ୍‌ତୁ ସହାନ୍, ମାରି ଖାନ୍ ସିସୁରିଖାଲେ ଆବେ ତେବାତାନ୍ ।
 ୫୫ ଜିହୁଦିର୍ ନିସ୍ତାର ପଣ୍ଡୟ ଲାକ୍‌ତୁ ମାହାଡ୍, ମାରି ରାଜିଦାନ୍ ନାଣ୍ଡି ଲୋକ୍ ନିଜେ ନିଜେଦିକ୍ ନେଗେଣ୍ଡ କିଦେକ୍ ଇଜି ନିସ୍ତାର ପଣ୍ଡୟ ଆଗ୍‌ଡିରାନ୍‌ନେ ଜିରୁସାଲାମ୍‌ତୁ ସହାଡ୍ ।
 ୫୬ ଆବେଟ୍ ଖାର୍ ଜିସୁକ୍ ପୟ୍‌ରୁ ପୟ୍‌ରୁ ମାହିର୍‌ତୁ ନିରଇ ମାର୍‌ଇଖାଲେ ଖାର୍‌ଖାର୍ ଇନ୍‌ଡେକ୍ ଆସ୍‌ତାର୍, ମିର୍ ଇନିକା ଅଡ୍‌ବିଜିନିଦେର୍ ? ଖାନ୍ ପଣ୍ଡୟତୁ ଖାନାନ୍ ନୋ ରେଏନ୍ ?
 ୫୭ ପେରି ଜାଜକର୍ ନି ପାରୁସିର୍ ଆଦେସ୍ ସିତାମାହାଡ୍ ଜେ ଜଦି ଏନ୍ ଜିସୁ ଏମେମାନୁ ମାନାନ୍ ଇଜି ନେସ୍‌ନାମାନାନ୍, ଆରିକ୍ ଇୟା କାରୁର୍ ଦାପ୍ରେ ନେତାରିକ୍ ଖେୟୁନା ସିନାର୍ । ଆତିକ୍ ଖାର୍ ଜିସୁକ୍ ଆସ୍‌ନାର୍ ।

୧୨

ଜିସୁ ବେତନିଆଦୁ ଅବିସେକ୍ ଆତାନ୍ (ମାତିଉ ୨୬:୬-୧୩; ମାର୍କ ୧୪:୩-୯)

୧ ଇୟା ଖେୟୁକା ଜିସୁ ନିସ୍ତାର ପଣ୍ଡୟତି ସଅ ଦିନ୍ ଆଗ୍‌ଡି ବେତନିୟାଦୁ ସହାନ୍; ଏମେ ଲାଜାର୍‌ତିକ୍ ଖାନ୍ ସାତିମାଣ୍ଡୁ ନିକ୍ତା ମାହାନ୍, ଆବେନ୍ ଖାନ୍ ଇଲୁ ମାହାଡ୍ ।
 ୨ ଆବେଟ୍ ଖାର୍ ଖାନ୍ ଉଣ୍ଡିକ୍ ଆୟା ବାଡିଦୁ ଉଣ୍ଡି ନାଡା ବଜି ତିଆର୍ କିତାର୍; ମାର୍ତା ସେବା କିଜିମାହାଡ୍, ମାରି ଏମେକାର୍ ଖାନ୍‌ଖାଲେ ବଜିଦୁ ବାସତାମାହାଡ୍, ଲାଜାର୍ ଖାରି ଲୋଇ ଅରେନ୍ ମାହାନ୍ ।
 ୩ *ନାସ୍ତିଖାଲେ ମରିୟମ୍ ଅଦାକାୟା ନାଣ୍ଡି ନେଗି ଦାରାଦି ବାସ୍‌ନା ମାରାତାନ୍ ତିଆର୍ ଆତି ନିୟୁ ଅସି ଜିସୁଦି ପାଦାମ୍‌ତୁ ଆକା ଖାକ୍‌ସି ନିଜେଦି କୁକୁଟିଦାନ୍ ଖାନ୍ ପାଦାମ୍‌କୁ ତେଲ୍‌ତାସିତାଡ୍, ମାରି ନିୟୁଦି ବାସ୍‌ନାଦାନ୍ ଇଲୁ ଗାମରିସତାଡ୍ ।
 ୪ ମାତର୍ ଜିସୁଦି ସିସୁର୍ ଲୋଇ ଇସ୍‌ପାରିୟୋତିୟ ଜିହୁଦା ଦରତି ଏମେ ସିସୁ ଖାନ୍‌କ୍ ସାତୁରି କିୟୁଦୁ ସେର୍‌ପ୍‌ତେକ୍ ସଲ୍‌ସିମାହାନ୍, ଖାନ୍ ଇହାନ୍,
 ୫ ଇୟା ନିୟୁ ତିନିସ ଖେଣ୍ଡି ତାରୁକ୍‌କ୍ ପରଜି ଏୟା କାକୁତ ଲୋକାକ୍ ସିଏତାର୍ ?
 ୬ ଖାନ୍ ଜେ କାକୁତ ଲୋକାକ୍ ଉଣ୍ଡିକ୍ ସିନ୍ତା କିଜିମାହାନ୍ ଇଜି ଇକା ଇହାନ୍, ଆକା ସିଲେ, ମାତର୍ ଖାନ୍ ଅରେନ୍ ତକ୍‌କ୍‌ରଏନ୍, ମାରି ଖାନ୍ ଲାକ୍‌ତୁ ତାରୁକ୍ ମଣି ମାହାଡ୍‌ଆକା, ଆବେନ୍ ଆମା ଆମାକା ଇଡ୍‌ଜି ମାହାଡ୍, ଆକା ଖାନ୍ ତକ୍‌କ୍‌କିଜି ଅସିମାହାନ୍ ।
 ୭ ମାତର୍ ଜିସୁ ଇହାନ୍, “ତେନିକ୍ ଡିସ୍‌ସୋ ସିଦୁ, ତାନେକ୍ ଆମାକା ମାନାଡ୍, ନା ମାଡାଦିକ୍ ମୁସ୍‌ନି ନାଣ୍ଡିରି ଉଣ୍ଡିକ୍ ଖାଦ୍ ଇକା ଇଡ୍‌ଦେକ୍ ଆଟ୍‌ନାଡ୍ ।
 ୮ କାକୁତ ଲୋକ୍ ତୋ ଓଜୁଦିନ୍ ମି ଲାକ୍‌ତୁ ମାନାର୍, ମାତର୍ ନାନ୍ ଓଜୁଦିନ୍ ମି ଲାକ୍‌ତୁ ତେବାଏ ।”

ଲାଜାର୍‌ତି ବିରଦ୍‌ତାନ୍ ଉପାୟକିତାର୍

୯ ନାସ୍ତିଖାଲେ ନାଣ୍ଡି ଜିହୁଦି ଲୋକ୍ ଜିସୁ ବେତନିଆଦୁ ମାନାନ୍ ଇଜି ନେସ୍‌ତେକ୍ ଆଟ୍‌ସି ଆବ୍‌କା ଜିସୁଦି ଉଣ୍ଡିକ୍ ସିଲେ, ମାତର୍ ଏମେ ଲାଜାର୍‌ତିକ୍ ଖାନ୍ ସାତିମାଣାନ୍ ନିକ୍ତାମାହାନ୍, ଖାନ୍‌କ୍ ସୁଡ୍‌ବୁଦକ୍ ବା ଖାତାର୍ ।
 ୧୦ ମାତର୍ ଲାଜାର୍‌ତିକ୍ ବା ତାକ୍‌ତେକ୍ ଇଜି ପେରି ଜାଜକର୍ ଉପାୟ କିତାର୍,
 ୧୧ ଇରିକ୍ ଖାନ୍ ଉଣ୍ଡିକ୍ ଜିହୁଦିର୍ ଲୋଇ ନାଣ୍ଡି ଲୋକ୍ ଖାରିକ୍ ଡିସ୍‌ସିମାହାଡ୍ ମାରି ଜିସୁମାନୁ ସଲ୍‌ସି ବିସ୍‌ବାସ୍ କିଜିମାହାଡ୍ ।

ଜିସୁ ଜିଶାଜି ଜିରୁସାଲାମ୍‌ତୁ ଡ୍‌ବୁତାନ୍

(ମାତିଉ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ମାର୍‌ନାଣ୍ଡିକ୍ ନିସ୍ତାର ପଣ୍ଡୟତୁ ଖାତିମାର୍‌ଇ ନାଣ୍ଡି ଲୋକ୍ ଜିସୁ ଜିରୁସାଲାମ୍‌ତୁ ଖାଜିନାନ୍ ଇଜି ଖେୟୁଆର୍ ।
 ୧୩ ଆୟାଉଣ୍ଡିକ୍ ଖାର୍ କାଜିରି କମେକ୍ ଆସ୍‌ସି ଖାନ୍‌କ୍ ବେଟ୍‌ଆଦେକ୍ ଇଜି ସତାସହାଡ୍ ମାରି ନାଣ୍ଡି ଆଉଲି ଆଜି ଇନ୍‌ଡେକ୍ ଆସ୍‌ତାର୍, ହୋଶାନା । ପ୍ରବୁଦି ଦରତାନ୍ ଏନ୍ ଖାଜିନାନ୍, ଖାନ୍ ଦନ୍‌ସ; ଦନ୍‌ସ ଇସ୍‌ସାଏଲ୍‌ତି ରାଜା ।
 ୧୪ ମାରି, ଜିସୁ ଉଣ୍ଡି ଗଦପିଲା ମୁସ୍‌କୁ ବାସ୍‌ତା ଖାତାନ୍, ଏଣ୍ଡେସ୍ ଇକା ଦାମ୍‌ସୁ ସାସ୍‌ତୁ ରାସାତାମାନାଡ୍,

☆ ୧୨:୩ ଲୁକ ୭:୩୭,୩୮.

୧୫ ଏ ସିୟୋନ୍‌ର ଆଇଲିକ୍, “ଡିଲମା;
ସୁତୁଆ, ନି ରାଜା ଖାଜିନାନ୍,

ଖାନ୍ ଗଦପିଲ୍ଲା ମୁସ୍କୁ ବାସ୍ତାନ୍‌ନୋ ଖାଜିନାନ୍ ।”

୧୬ ଖାନ୍ ସିସୁର୍ ପାରତୁମ୍‌ତୁ ଇୟାଞ୍ଜିକୁ ବିସୟ ବୁଜାଏତାର୍, ମାତର୍ ଜିସୁ ଦନ୍ୟବାଦ୍ ପୟତି ଝେନ୍‌କା ଇୟାଞ୍ଜିକୁ ଜେ ଖାନ୍ ବିସୟତାନ୍ ଦାମ୍‌ସାସ୍ତୁ ରାସାତାମାହାର୍, ମାରି ଖାନ୍ ଉଣ୍ଡିଙ୍ଗ୍ ଖାର୍ ଜେ ଇୟାଞ୍ଜିକୁ କିତାମାହାର୍, ଆକା ଖାର୍ ଏଡ୍ କିତାର୍ ।

୧୭ ମାରି, ଜିସୁ ଲାଜାରତିଙ୍ଗ୍ ଦୁକିଦାନ୍ କୁକ୍‌ସି ସାତିମାଣାନ୍ ନିକ୍ତିଖାଲେ ଆମା ଲୋକ୍‌ତର୍ ଖାନ୍‌ଖାଲେ ମାହାର୍, ଖାର୍ ଆୟା ଗଟନା ବିସୟତାନ୍ ସାକି ସିଦେଙ୍ଗ୍ ଆସ୍ତାର୍ ।

୧୮ ଇୟାଉଣ୍ଡିଙ୍ଗ୍ ବା ଲୋକୁ ଝିଜେରେ ଖାନ୍‌ଙ୍ଗ୍ ମିସାଦେଙ୍ଗ୍ ସର୍ହାମାହାର୍, ଇରିଙ୍ଗ୍ ଖାନ୍ ଇୟା କାବାଆନି ପାଣି କିତାମାନାନ୍ ଇଜି ଖାର୍ ଝେରଆମାହାର୍ ।

୧୯ ଆବେଟ୍ ପାରୁସିର୍ ତାମେ ତାମେମାନୁ ଖାର୍‌ଗିଜି ସାତାର୍, “ସୁଡ୍‌ଜିନିଦେର୍ ତୋ, ମାଡ୍ ଇନିକା କିଦେଙ୍ଗ୍ ଆଟ୍‌ଇଜିନିକା; ସୁଡ୍‌ତୁ, ଦୁନିଆଞ୍ଜିକୁ ତାନି ଝେନ୍‌କା ସର୍ହାତ୍‌ନି ।”

ଏସୋ ଗ୍ରିକ୍ ଲୋକୁ ଜିସୁଙ୍ଗ୍ ପୟତାର୍

୨୦ ପଣ୍ଡୟ ସମୟତୁ ଉପାସନା କିଦେଙ୍ଗ୍ ଇଜି ଜିରୁସାଲାମ୍‌ତୁ ଖାତି ମାର୍‌ଇ ଲୋକା ଲୋଇ ଏସୋ ଗ୍ରିକ୍ ଲୋକୁ ମାହାର୍ ।

୨୧ ଖାର୍ ଗାଲିଲିଦି ବେଟ୍‌ସାଇଦାଦୁ ତେବାନି ପିଲିପ୍‌ତି ଲାକ୍‌ତୁ ଖାଜି ଖାନ୍‌ଙ୍ଗ୍ ମାଡିସ୍ କିଜି ଇର୍ହାର୍, “ଆଞ୍ଜା, ଜିସୁଙ୍ଗ୍ ସୁଡ୍‌ତୁଦଙ୍ଗ୍ ମା ବଦା ।”

୨୨ ପିଲିପ୍ ସଲ୍‌ସି ଆନ୍ଦିୟତିଙ୍ଗ୍ ଇର୍ହାନ୍, ମାରି ଆନ୍ଦିୟ ନି ପିଲିପ୍ ସଲ୍‌ସି ଜିସୁଙ୍ଗ୍ ଇର୍ହାର୍ ।

୨୩ ଜିସୁ ଖାରିଙ୍ଗ୍ ଇର୍ହାନ୍, ମନୁସ୍ୟପୁତ୍ର ଦନ୍ୟବାଦ୍ ପୟଦେଙ୍ଗ୍ ଇଜି ସମୟ ଇଗା ଖାତାମାନାଡ୍ ।

୨୪ ସଡ୍ ସଡ୍ ନାନ୍ ମିଙ୍ଗ୍ ଇଜିନା, ଗଦ୍‌ମୁପାଡ୍ ଜୁଦି ସିକ୍‌ଲାଦୁ ଆରଜି ସାଏଡ୍, ଆରିଙ୍ଗ୍ ଆକା ଉଡ୍ରେନେ ତେବାନାଡ୍, ମାତର୍ ଜଦି ସାନାଡ୍, ନାଣ୍ଡ ପାଡ୍ ଥୁଆସନାଡ୍ ।

୨୫ ଏନ୍ ନିଜେଦି ଜିବନ୍‌ତିଙ୍ଗ୍ ନାଣ୍ଡ ଜିବନ୍‌ନୋନାନ୍, ଖାନ୍ ଆକା ଆରାକିନାନ୍, ମାରି ଏନ୍ ନିଜେଦି ଜିବନ୍‌ତିଙ୍ଗ୍ ଇୟା ଦୁନିଆଦୁ କାଡ୍‌ନାନ୍, ଖାନ୍ ଆକା ଏସକାଙ୍ଗ୍‌ଞ୍ଜିଜ୍‌ଇ ଜିବନ୍ ଉଣ୍ଡିଙ୍ଗ୍ ରକିୟା କିନାନ୍ ।

୨୬ ଏନ୍ ନା ସେବା କିଦେଙ୍ଗ୍ ବଦାକିନାନ୍, ଆରିଙ୍ଗ୍ ଖାନ୍ ନା ଖାଲେ ରାପିନ୍; ମାରି; ନାନ୍ ଏମେନ୍ ମାନା, ନା ସେବାକିନିକାନ୍ ବା ଆବେ ତେବାନାନ୍; ଏନ୍ ଏସାଙ୍ଗ୍ ନା ସେବା କିନାନ୍, ଆରିଙ୍ଗ୍ ନା ବୁବା ଖାନ୍‌ଙ୍ଗ୍ ମାନାନାନ୍ ।

ଜିସୁ ନିଜେଦି ସାନି ବିସୟତାନ୍ ଝେରତାନ୍

୨୭ ଇଲେଇ ନା ଜିବନ୍ ଦୁକ୍‌ଦୁକ୍ ଆଜିନାଡ୍, ମାରି ନାନ୍ ଇନିକା କିନା ? ବୁବା, ନାଙ୍ଗ୍ ଇୟା ସମୟତାନ୍ ରକିୟା କିଆ ? ମାତର୍ ଇୟାଉଣ୍ଡିଙ୍ଗ୍ ତୋ ନାନ୍ ଖାତାମାନା । ଏଣ୍ଡେସ୍ ଦୁକ୍‌ବଗାନି ସମୟକୁ କାସୁ ଆଦେଙ୍ଗ୍ ପକାତାମାନା ।

୨୮ “ବୁବା, ନିନ୍ ଦର୍ ଦନ୍ୟବାଦ୍ କିଆ । ଆବେଟ୍ ବାଦ୍‌ତତାନ୍ ଇୟା ବଲ୍ ଖାତାଡ୍ ମାପ୍ ଆକା ମହିମାନିତ କିତାମାନାପ୍, ମାରିଡେସି ମହିମାନିତ କିନାପ୍ ।”

୨୯ ଆଦେଙ୍ଗ୍ ଲାକ୍‌ତୁ ନିର୍‌ଇ ମାର୍‌ଇ ଲୋକୁ ଝିଜେରେ ଇକା ଝେନ୍‌ଜି ବାଦ୍‌ଡ୍ ଡିଡିତାଡ୍ ଇଜି ଇର୍ହାର୍; ଆଇକାର୍ ଇର୍ହାର୍, “ଅରେନ୍ ଦୁଡ୍ ଝେନିଙ୍ଗ୍ ମାଟା ଇର୍ହାମାନାନ୍ ।”

୩୦ ଜିସୁ ଖାରିଙ୍ଗ୍ ଇର୍ହାନ୍, ନା ଉଣ୍ଡିଙ୍ଗ୍ ଇୟା ବଲ୍ ଆଏଡ୍, ମାତର୍ ମି ଉଣ୍ଡିଙ୍ଗ୍ ଆତାମାନାଡ୍ ।

୩୧ ଇଲେଇ ଇୟା ଦୁନିଆଦୁ ବିସାର୍ ଇଗା ଖାତାଡ୍; ଇଲେଇ ଇୟା ଦୁନିଆଦି ବିସାର୍‌ପତିଙ୍ଗ୍ ଆଡ୍‌ରେ ପକାନାନ୍ ।

୩୨ ମାରି, ନାନ୍ ଏସ୍ତିଖାଲେ ଦୁନିଆଦାନ୍ ମୁସ୍କୁ ପେରାଇଆନା, ନାସ୍ତିଖାଲେ ଝିଜେରିଙ୍ଗ୍ ଟାଣିସ୍ କିନା ।

୩୩ ଖାନ୍ ଏଣ୍ଡେସ୍ ସାଦେଙ୍ଗ୍ ସଲ୍‌ସିନାନ୍, ଆୟା ସିନା ସିଜି ଇକା ଇର୍ହାନ୍ ।

୩୪ ଆବେଟ୍ ଲୋକୁ ଝିଜେରେ ଇର୍ହାର୍, “ମସିହ ଝିଜୁଦିନ୍ ତେବାନାନ୍ ଇଜି ନିୟମତାନ୍ ମାପ୍ ଝେରଆମାନାପ୍, ଆରିଙ୍ଗ୍ ମନୁସ୍ୟପୁତ୍ର ମୁସ୍କୁ ପେରାନାନ୍ ଇଜି ମିର୍ ଏଣ୍ଡେସ୍ ଇଜିନିଦେର୍ ? ଇୟା ମନୁସ୍ୟପୁତ୍ର ଏନ୍ ?”

୩୫ ଆବେଟ୍ ଜିସୁ ଖାରିଙ୍ଗ୍ ଇର୍ହାନ୍, “ମାରି ଅଡ୍‌ପ୍ ସମୟ ମାତର୍ ଜାୟ୍ ମିବାନୁ ମାନାଡ୍ । ସିକାଟି ଏଣ୍ଡେସ୍ ମି ଡିଙ୍ଗ୍‌ଏଡ୍, ଇୟାଉଣ୍ଡିଙ୍ଗ୍ ମି ଲାକ୍‌ତୁ ଜାୟ୍ ମାନାପ୍ ମାନାପ୍ ବୁଲାସାଲା କିଦୁ; ଏନ୍ ସିକାଟିଦୁ ବୁଲାସାଲା କିନାନ୍, ଖାନ୍ ଏମେ ସଲ୍‌ସିନାନ୍, ଆକା ଖାନ୍ ନେସ୍‌ଏପ୍ ।

୩୬ ମିର୍ ଏଣ୍ଡେସ୍ ଜାୟ୍‌ତି କଡ୍‌ର୍ ଆଦୁ, ଆୟାଉଣ୍ଡିଙ୍ଗ୍ ଜାୟ୍ ମି ଲାକ୍‌ତୁ ମାନାପ୍ ମାନାପ୍ ଜାୟ୍‌ତୁ ବିସବାସ୍ କିଦୁ । ଜିସୁ ଇୟାଞ୍ଜିକୁ ମାଟା ଇନ୍‌ଜି ଖାରିମାଣାନ୍ ସଲ୍‌ସି ମାର୍‌ଗିଜି ତେବାତାନ୍ ।”

☆ ୧୨:୨୫ ମାଡିଉ ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩.

ଲୋକା ଅବିସ୍‌ବାସ୍

୩୭ ଜଦିବା ଜିସୁ ତାମେ ଆଗଡ଼ି ନିସା କାବାଆନି ପାଣି କିତାମାର୍ହାନ, ଆବେବା ଖାର୍ ଖାନିବାନ୍ତୁ ବିସ୍‌ବାସ୍ କିଏତାର୍,
୩୮ ଏଶ୍ରେସ୍ ଜିସାଇୟ୍ ବାବବାଦି ମାଣକୁ ରାସାତି ବାକ୍ୟ ସତ୍ ଆନାଡ୍ ।

“ଏ ପ୍ରବୁ, ଏନ୍ ମା ନେରିକାରୁର୍ ମାଟା ବିସ୍‌ବାସ୍ କିତାମାନାନ୍ ?
ମାରି ପ୍ରବୁଦି ସାଲ୍ଲି ଏମେଖାନି ଲାକ୍‌ତୁ ତରତାନ୍ ?”

୩୯ ଇୟାଉଣ୍ଟିଙ୍ଗ୍ ଖାର୍ ବିସ୍‌ବାସ୍ କିଦେଙ୍ଗ୍ ଆଟ୍‌ଏଜିମାର୍ହାନ, ଇରିଙ୍ଗ୍ ଜିସାଇୟ୍ ମାରି ଇର୍ହାନାମାନ୍ ।

୪୦ “ମାପୁରୁ ଖାରି କାଣୁକୁ କାଣା କିତାମାନାନ୍,
ମାରି ଖାରି ଜିବନ୍‌ତିଙ୍ଗ୍ ଆଟ୍‌ଏଜି କିତାମାନାନ୍,

ଏଶ୍ରେସ୍ ଖାର୍ କାଣ୍‌କାଙ୍ଗ୍ ୍ସୁଡ଼ୁଆର୍
ମାରି ଜିବନ୍‌ତୁ ବୁଜାଏର୍,
ମାରିଡେସି ନାବାନ୍ତୁ ରେଏର୍,
ମାରି ମାପ୍ ଖାରିଙ୍ଗ୍ ନେଗେଣ୍ଟୁ କିଏପ୍ ।”

୪୧ ଜିସାଇୟ୍ ଇୟାଞ୍ଜିଲ୍ ଇର୍ହାନ, “ଇରିଙ୍ଗ୍ ଖାନ୍ ଜିସୁଦି ମହିମା ସୁଡ଼ୁଆନ୍ ମାରି ଖାନି ବିସ୍‌ୟତାନ୍ ଇର୍ହାନ ।”

୪୨ ଆବେ ଜିହୁଦି ନେତାର୍ ଲୋଇ ବା ନାଣ୍ଟଲୋକ୍ ଜିସୁମାନ୍ତୁ ବିସ୍‌ବାସ୍ କିତାର୍, ମାତର୍ ଆନାଡ଼ୁଗୁରି ଏସ୍ତ୍ରିଞ୍ଜାଲେ
ପାର୍‌ତନା ଇଲ୍‌ତାନ୍ ସପ୍‌ନାର୍, ଇୟାଉଣ୍ଟିଙ୍ଗ୍ ପାରୁସିରିଙ୍ଗ୍ ତିଲାଇ ଆକା ନାମ୍‌ଏଜି ମାର୍ହାର୍ ।

୪୩ ଇରିଙ୍ଗ୍ ଖାର୍ ଗୌରବ୍ ମାପୁରୁଦି ଖେଡ଼ିକାକିନି ବାଦଲ୍ ଲୋକାଙ୍ଗ୍ ଖେଡ଼ିକା ବଦା କିତାର୍ ।

ଜିସୁ ମାଟାଦି ବିସାର୍

୪୪ ଜିସୁ ଆଉଲି ଆଜି ଇର୍ହାନ, “ଏନ୍ ନାବାନ୍ ବିସ୍‌ବାସ୍ କିନାନ୍, ଖାନ୍ କେବଲ୍ ନାବାନ୍ ବିସ୍‌ବାସ୍ କିଏନ୍, ମାତର୍ ନା
ପକ୍‌ତିଖାନିମାନ୍ତୁ ବିସ୍‌ବାସ୍ କିନାନ୍ ।

୪୫ ମାରି, ଏନ୍ ନାଙ୍ଗ୍ ସୁଡ଼ୁଆମାନାନ୍, ଖାନ୍ ନାଙ୍ଗ୍ ପକ୍‌ତିଖାନିଙ୍ଗ୍ ସୁଡ଼ୁଆମାନାନ୍ ।

୪୬ ଇୟାଉଣ୍ଟିଙ୍ଗ୍ ନାନ୍ ଦୁନିଆଦି ଜାୟ୍‌ଆଜି ଖାତାମାନା, ଏନ୍ ନାବାନ୍ ବିସ୍‌ବାସ୍ କିନାନ୍, ଖାନ୍ ଏଶ୍ରେସ୍ ସିକାଟିଦୁ
ବାସାଏନ୍ ।

୪୭ ଏନ୍ ଜଦି ନା ବାକ୍ୟ ଖେନ୍‌ଜି ମାନାଏନ୍, ଆରିଙ୍ଗ୍ ନାନ୍ ଖାନି ବିସାର୍ କିଏ; ଇରିଙ୍ଗ୍ ନାନ୍ ଦୁନିଆଦି ବିସାର୍ କିଦେଙ୍ଗ୍
ରେଏନ୍‌ଶ୍ଟା ମାତର୍ ଦୁନିଆଦିଙ୍ଗ୍ ରକିୟା କିଦେଙ୍ଗ୍ ଖାତାମାନା ।

୪୮ ଏନ୍ ନାଙ୍ଗ୍ ତ୍ରିସିସି ନା ମାଟା ମାନାଏନ୍, ନା ଖେୟୁଦି ବାକ୍ୟ ଖାନି ବିସାର୍‌କିନିକାଡ଼ ଆନାଡ଼ । ଆୟା ବାକ୍ୟ ଖିଜ୍‌ନି
ଦିନ୍‌ତୁ ଖାନି ବିସାର୍ କିନାଡ଼ ।

୪୯ ଇୟା ମାଟା ସତ୍, ଇରିଙ୍ଗ୍ ନାନ୍ ନା ନିଜେଦି ଅଦିକାର୍‌ତାନ୍ ଇନିକା ଇନ୍‌ଏ, ମାତର୍ ନାନ୍ ଇନିକା ଇନା ମାରି
ଇନିକା ଖେକ୍‌ନା, ଆକା ନାଙ୍ଗ୍ ପକ୍‌ତିମାନି ବୁବା ନାଙ୍ଗ୍ ମାଟା ସିତାମାନାନ୍ ।

୫୦ ମାରି ନାନ୍ ନେସ୍‌ନା, ଖାନି ଆଦେସ୍ ଏସ୍‌କାଙ୍ଗ୍‌ଞ୍ଜିଇ ଜିବନ୍ ସିନାଡ଼ । ନା ବୁବା ନାଙ୍ଗ୍ ଆମାକା ଇନ୍‌ଡେଙ୍ଗ୍
ଆଦେସ୍ ସିତାମାନାନ୍, କେବଲ୍ ନାସ୍ ନାନ୍ ଇଜିନା ।”

୧୩

ଜିସୁ ଖାନି ସିସୁରି ପାଦାମ୍‌କୁ ନରତାନ୍

୧ ନିସାର୍ ପଶ୍ଟୟ୍ ଆନି ଆଗଡ଼ିରି ନାଣ୍ଟିଙ୍ଗ୍ ଜିସୁ ଇୟା ଦୁନିଆଦାନ୍ ବୁବା ଲାକ୍‌ତୁ ନିଜେ ସନି ସମୟ୍ ଇଗାଖାନିକା
ନେସ୍‌ସି, ଦୁନିଆଦୁ ମାନି ନିଜେଦି ଏମେ ଲୋକାଙ୍ଗ୍ ଖାନ୍ ଜିବନ୍ ନଜି ଖାଜିମାର୍ହାନ, ଖାରି ଉଣ୍ଟିଙ୍ଗ୍ ନାଣ୍ଟି ଜିବନ୍‌ନୋନିକା
ତରତାନ୍ ।

୨ ଜିସୁ ନି ଖାନି ସିସୁର୍ ଏସ୍ତ୍ରିଞ୍ଜାଲେ ନାଡ଼ାଦି ବଜିଦୁ ବାସ୍‌ତାମାର୍ହାର୍ । ଏସ୍ତ୍ରିଞ୍ଜାଲେ ସୟତାନ୍ ସିମୋନ ମାରିସି
ଇସ୍ପାରିୟୋତିୟ୍ ଜିହୁଦାଦି ଜିବନ୍‌ତୁ ଜିସୁଙ୍ଗ୍ ସାଡୁରି କିୟୁଦୁ ସର୍‌ପେ କିଦେଙ୍ଗ୍ ଇଜି ବଦା କିତାଞ୍ଜିସତା ମାର୍ହାନ ।

୩ ନାସ୍ତ୍ରିଞ୍ଜାଲେ ବୁବା ଜେ ଖିଜ୍ ଜିସୁଦି କିୟୁଦୁ ଖିଜ୍ ସାଲ୍ଲି ସର୍‌ପେ କିତାମାନାନ୍ ମାରି ଖାନ୍ ଜେ ମାପୁରୁ ମାଣାନ୍
ଖାତାମାନାନ୍, ମାରି ମାପୁରୁମାନ୍ତୁ ସଲ୍‌ସିନାନ୍, ଇକା ନେସ୍‌ତାମାର୍ହାନ ।

୪ ଆବେଟ୍ ଜିସୁ ଖାନ୍ ଉଣି ମାଣାନ୍ ନିଙ୍ଗ୍ ତାନ୍‌ନୋ ନିଜେଦି ମୁସ୍‌କୁରି ଆଙ୍ଗ୍ କୁଡ଼ସି ଉଣ୍ଟି ପାସିଆ ଅସି ନିଜେଦି
ଜୁକିଦୁ ତରାତାନ୍ ।

୫ ଖେନ୍‌କା ଖାନ୍ ନକିଦୁ ଏର୍ ଖାକ୍‌ତାନ୍, ମାରି ସିସୁରି ପାଦାମ୍‌କୁ ନରଜିସିଜି ନିଜେଦି ଜୁକିଦୁ ତରାତିମାର୍‌ଇ
ପାସିଆଦାନ୍ ତେଲ୍‌ଦେଙ୍ଗ୍ ଆସ୍‌ତାନ୍ ।

୬ ଜିସୁ ସିମୋନ୍ ପିତର୍ ଲାକ୍‌ତୁ ଖାତାନ୍; ଏନ୍ ଖାନିଙ୍ଗ୍ ଇର୍ହାନ, “ପ୍ରବୁ, ନିନ୍ ନା ପାଦାମ୍‌କୁ ନରବିସ୍‌କିଜି ସିଜିନି ?”

୭ ଜିସୁ ଖାନିଙ୍ଗ୍ ଇର୍ହାନ୍, “ନାନ୍ ଏମେକା କିଜିନା, ଆକା ନିନ୍ ଇଲେ ନେସ୍‌ଏଜିନି, ମାତର୍ ଝେନ୍‌କା ନେସ୍‌ନି ।”

୮ ପିତର୍ ଜିସୁଙ୍ଗ୍ ଇର୍ହାନ୍, “ନିନ୍ ମୁଡ୍‌ବୁକ୍ ଏସ୍‌କାଙ୍ଗ୍‌ବା ନା ପାଦାମ୍‌କୁ ନରଜ ସିଇ ।”

ଜିସୁ ଖାନିଙ୍ଗ୍ ଇର୍ହାନ୍, “ଜଦି ନାନ୍ ନି ପାଦାମ୍‌ ନରଏ, ଆରିଙ୍ଗ୍ ନା ସିସୁ ଆଦେଙ୍ଗ୍ ଆଟ୍‌ଇ ।”

୯ ସିମୋନ ପିତର୍ ଖାନିଙ୍ଗ୍ ଇର୍ହାନ୍, “ଏ ପ୍ରବୁ, ନିନ୍ କେବଲ୍ ନା ପାଦାମ୍‌କୁ ସିଲେ ନା କିୟୁ ନି ତାଲା ବା ନରଜ ସିଦା ।”

୧୦ ଜିସୁ ଖାନିଙ୍ଗ୍ ଇର୍ହାନ୍, ଏନ୍ ଏରୁ ଇବାତାମାନାନ୍, ଖାନି ପାଦାମ୍‌କୁ ନରଦେଙ୍ଗ୍ ଡିସ୍‌ତିଙ୍ଗ୍ ମାରି ଇନିକା ଦରକାର୍ ସିଲେ, ଖାନ୍ ସତ୍‌ନେ ନରାତାମାନାନ୍; ମିର୍ ଝିଜେରେ ବା ନରାତିମାନିଦେର୍, କେବଲ୍ ଅରେନ୍ ସିଲେ ।

୧୧ ମାତର୍ ଏନ୍ ଖାନିଙ୍ଗ୍ ସାତୁରି କିୟୁଦୁ ସରପେ କିନାନ୍, ଜିସୁ ଖାନିଙ୍ଗ୍ ନେସ୍‌ତାମାର୍ହାନ୍, ଆୟାଉଣ୍ଡିଙ୍ଗ୍ ଖାନ୍ ଇର୍ହାନ୍, କେବଲ୍ ଅରେନ୍‌ଖାନିଙ୍ଗ୍ ଡିସ୍‌ତିଙ୍ଗ୍ ମିର୍ ଝିଜିଦେର୍ ନରୟାଆତିମାନିଦେର୍ ।

୧୨ *ତାନେଝେନ୍‌କା ଜିସୁ ଖାରି ପାଦାମ୍‌କୁ ନରଜି ନିଜେଦି ଆଙ୍ଗ୍ ଆରାଜି ମାରିଡେସି ନିଜେଦି ବାଡିଦୁ ବାସ୍‌ତି ଝେନ୍‌କା ଖାରିଙ୍ଗ୍ ଝେନ୍‌ବାତାନ୍, ନାନ୍ ମି ଉଣ୍ଡିଙ୍ଗ୍ ଇନିକା କିତାମାନା, ଆକା ଇନିକା ମିର୍ ନେସ୍‌ତିମାନିଦେର୍ ?

୧୩ ମିର୍ ନାଙ୍ଗ୍ ଗୁରୁ ନି ପ୍ରବୁ ଇଜି କୁକ୍‌ସିନିଦେର୍, ମାରି ଆକା ସଡ୍ ଇଜିନିଦେର୍; ଇରିଙ୍ଗ୍ ନାନ୍ ତୋ ଆୟାକାନ୍ ।

୧୪ ମାରି, ପ୍ରବୁ ନି ଗୁରୁ ଜେ ନାନ୍ ମାପୁରୁ, ନାନ୍ ଜଦି ମି ପାଦାମ୍‌କୁ ନରତାସିତାମାନା, ଆରିଙ୍ଗ୍ ମିର୍ ବା ନିଜେ ନିଜେଦି ପାଦାମ୍‌କୁ ନରାନିକା ମାନାଡ୍ ।

୧୫ ଇରିଙ୍ଗ୍ ମି ଉଣ୍ଡିଙ୍ଗ୍ ନାନ୍ ଏଣ୍ଡେସ୍ କିତାମାନା, ମିର୍ ବା ଆୟାଖାଜା କିଦୁ, ଇୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ଉନ୍‌ଡ୍ରି ସାରି ତରତାମାନା ।

୧୬ *ସଡ୍ ସତ୍‌ନେ ନାନ୍ ମିଙ୍ଗ୍ ଇଜିନା, ସାକର୍ ନିଜେଦି ମାଲିକ୍‌ମାଣ୍‌କୁ ପେରିକାନ୍ ଆଏନ୍, ମାରି କାରୁର୍ ଅନିକାନ୍ ପକ୍‌ତିମାନି ମାଲିକ୍‌ତି ମାଣାନ୍ ପେରିକାର୍ ସିଲେ ।

୧୭ ଜଦି ମିର୍ ଇୟାଝିଜୁ ନେସ୍‌ତୁ, ଆରିଙ୍ଗ୍ ଆୟାଖାଜା କିତିଙ୍ଗ୍ ମିର୍ ଦନ୍‌ୟ ।

୧୮ ମି ଝିଜେରି ବିସୟତାନ୍ ନାନ୍ ଇୟା ମାଟା ଇନ୍‌ଏଜିନା । ନାନ୍ ଏମେଝାରିଙ୍ଗ୍ ଆସ୍‌କିତାମାନା, ଖାରିଙ୍ଗ୍ ନାନ୍ ନେସ୍‌ନା । ମାତର୍ ଦାମ୍‌ସାସ୍‌ତି ଇୟା ମାଟା ସତେନେ ପୁରା ଆନାଡ୍, ଏନ୍ ନା କାଦିଦୁ ପିରିତାନ୍, ଖାନ୍ ନାଙ୍ଗ୍ ଲାଡ୍ ଡାକ୍‌ତାନ୍ ।

୧୯ ଇଲେଇ ଇକା ଗଟାନି ଆଗ୍‌ଡିରାନ୍‌ନେ ନାନ୍ ମିଙ୍ଗ୍ ଇୟା ମାଟା ଝେର୍‌ସିନା, ଏସ୍‌ସିଖାଲେ ଇକା ଗଟାନାଡ୍, ମିର୍ ବିସ୍‌ବାସ୍ କିନିଦେର୍ ଜେ, ନାନ୍ ଆମାକାନ୍ ନାନ୍ ଆକାନ୍ ।

୨୦ *ସଡ୍ ସତ୍‌ନେ ନାନ୍ ମିଙ୍ଗ୍ ଝେର୍‌ସିନା, ନାଙ୍ଗ୍ ପୋକ୍‌ତାତିମାନି ଲୋକ୍‌ତିଙ୍ଗ୍ ଏନ୍ ମାନାନାର୍, ଖାନ୍ ନାଙ୍ଗ୍ ମାନାନାର୍ ମାରି ଏନ୍ ନାଙ୍ଗ୍ ମାନାନାର୍, ଖାନ୍ ନା ପୋକ୍‌ତାତିମାନି ମାଲିକ୍‌ତିଙ୍ଗ୍ ବା ମାନାନାର୍ ।

**ଜିସୁ ଖାନି ବିସ୍‌ବାସ୍‌ତୁ ବିସ୍‌ ସିନି ଲୋକ୍‌ତି ବିସୟତାନ୍ ଇର୍ହାନ୍
(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)**

୨୧ ଜିସୁ ଇୟାଝିଜୁ ମାଟା ଇର୍ହାନ୍ ଝେନ୍‌କା ଆମାଦୁ ଦୁଃକ୍‌କିତାନ୍ ମାରି ଝିଜେରି ଆଗ୍‌ଡି ସାକ୍‌ୟ ସିଜି ଇର୍ହାନ୍, “ସଡ୍ ସତ୍‌ନେ ନାନ୍ ମିଙ୍ଗ୍ ଇଜିନା, ମି ମାଣ୍‌କୁ ଅରେନ୍ ନାଙ୍ଗ୍ ସାତୁରି କିୟୁଦୁ ସରପେ କିନାନ୍ ।”

୨୨ ଜିସୁ ଏ ବିସୟତାନ୍ ଇର୍ହାନ୍, ଆୟା ବିସୟତାନ୍ ବୁଜାଦେଙ୍ଗ୍ ଆଟ୍‌ଏଜି ସିସୁର୍ ନିଜେ ନିଜେଦି ମାନ୍‌ବେସ୍‌ସିଦେଙ୍ଗ୍ ଆସ୍‌ତାର୍ ।

୨୩ ଜିସୁଦି ସିସୁରି ଲୋଇରାନ୍ ଅରେନ୍ ଆମାଖାନିଙ୍ଗ୍ ଜିସୁ ଜିବନ୍‌ନୋଜି ମାର୍ହାନ୍, ଖାନ୍ ଜିସୁଦି ଲାକ୍‌ତୁ ବାସ୍‌ତା ମାର୍ହାନ୍ ।

୨୪ ମାରି, ସିମୋନ ପିତର୍ ଖାନିଙ୍ଗ୍ ଜୁର୍‌ସି ଇର୍ହାନ୍, ଖାନ୍ ଏ ବିସୟତାନ୍ ଝେର୍‌ସିନାନ୍, ଆକା ଝେନ୍‌ବାଆ ।

୨୫ ଖାନ୍ ଆୟାଖାଜା ବାସ୍‌ସି ମାନ୍‌ଞ୍ଜି ଜିସୁଦି ବକାଦୁ ଗେକାଜିବାସ୍‌ସି ଖାନିଙ୍ଗ୍ ଝେନ୍‌ବାତାନ୍, ପ୍ରବୁ, ଆୟାକାନ୍ ଏନ୍ ?

୨୬ ଆରିଙ୍ଗ୍ ଜିସୁ ଇର୍ହାନ୍, ଆମାଖାନି ଉଣ୍ଡିଙ୍ଗ୍ ନାନ୍ ଇୟା ରୁଟି କାଣ୍ଡେକ୍ ମୁଡ୍‌କୁନା ମାରି ଆମାଖାନିଙ୍ଗ୍ ସିନା, ଆୟାକାନ୍ ଖାନ୍ । ଆବେନ୍‌ବୁ ଖାନ୍ ଆୟା ରୁଟିକାଣ୍ଡେକ୍‌ତିଙ୍ଗ୍ ମୁଡ୍‌କ୍‌ସି ଆକା ଅସି ସିମୋନ ଇସ୍‌ସାରିୟୋତିୟତି ମାରିସି ଜିହୁଦାଦିଙ୍ଗ୍ ସିତାନ୍ ।

୨୭ ଆୟା ରୁଟି କାଣ୍ଡେକ୍ ପୟ୍‌ତି ଝେନ୍‌କା ସୟତାନ୍ ଖାନି ମାନ୍‌ବୁ ଡ୍‌ରୁଡାଡ୍ । ଆବେଟ୍ ଜିସୁ ଖାନିଙ୍ଗ୍ ଇର୍ହାନ୍, ଆମାକା କିଦେଙ୍ଗ୍ ସଲ୍‌ସିନି, ଆକା ଦାପେର୍ କିଆ ।

୨୮ ମାତର୍ ଖାନ୍ ଇନି ବିସୟତାନ୍ ଖାନିଙ୍ଗ୍ ଇୟା ମାଟା ଇର୍ହାମାର୍ହାନ୍, ଆକା ବଜିଦୁ ବାସ୍‌ତିମାର୍‌ଇକାର୍ ଏନ୍ ନେସ୍‌ଏତାର୍ ।

୨୯ ଇରିଙ୍ଗ୍ ଜିହୁଦା ଲାକ୍‌ତୁ ତାରୁଙ୍ଗ୍‌ଆସ୍‌ନି ମଣି ମାର୍‌ହାଡ୍‌ଆକା, ପଣ୍ଡୟତି ଉଣ୍ଡିଙ୍ଗ୍ ଇନି ଇନିକା ଦରକାର୍, ଆକା କଡ୍‌ଦେଙ୍ଗ୍ ମାରି ସିଲିସାତିଖାରିଙ୍ଗ୍ ଏସ୍ ଦାନ୍ କିଦେଙ୍ଗ୍ ଜିସୁ ଖାନିଙ୍ଗ୍ ଇର୍ହାନ୍ ଇଜି ଏନ୍ ଏନ୍ ଅଡ୍‌ବିତାର୍ ।

* ୧୩:୧୨ ଲୁକ ୨୨:୨୭. * ୧୩:୧୭ ମାତିଉ ୧୦:୨୪; ଲୁକ ୭:୪୦; ଜୋହନ ୧୫:୨୦. * ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

୩୦ ଜିହୁଦା ରୁଚି କାଣ୍ଡେକ ଲସ୍ତାନନୋ, ଖାନ ଆୟାଦାପେ ସତାସର୍ହାନ, ନାସ୍ତିଖାଲେ ନାଡ଼ାଆତା ମାର୍ହାଡ଼ ।

ପୁନି ମାଟା

୩୧ ଜିହୁଦା ସତିସରଇ ଖେନକା ଜିସୁ ଇର୍ହାନ, “ଇଲେଇ ମନୁସ୍ୟପୁତ୍ରଦି ଦନ୍ୟବାଦ୍ ତରିତାଡ଼ ମାରି ଖାନିମାଣାନ ମାପୁରୁଦି ଗୌରବ୍ ବା ତରାତାଡ଼ ।

୩୨ ଜଦି ମାପୁରୁ ମନୁସ୍ୟପୁତ୍ର ମାଣାନ ଗୌରବ୍ ଆନାନ, ମାପୁରୁ ନିଜେଦି ଦନ୍ୟବାଦଦୁ ମନୁସ୍ୟପୁତ୍ରଈ ଦନ୍ୟବାଦ୍ କିନ୍ନାନ । ଦାପ୍ରେନେ ଖାନ ଇକା କିଦେଈ ସଲ୍ସିନାନ ।”

୩୩ ✨ଜିସୁ ଇର୍ହାନ, ନା କଡ଼ର, ନାନ ମାରି ସାଣେକଡ଼ିଈ ମି ଖାଲେ ମାନା । ମିର୍ ନାଈଁ ପୟନିଦେର; ମାରି ନାନ ଏମେ ବାଡ଼ିଦୁ ସଲ୍ସିନା, ମିର୍ ଆୟା ବାଡ଼ିଦୁ ସନ୍ତେଈ ଆଟ୍ ଇଦେର, ଇକା ନାନ ଏଣ୍ଡେସ୍ ଜିହୁଦି ନେତାରିଈ ଇରୁଆମାର୍ହା, ଆୟାଖାଜା ଇଲେଇ ମିଈଁ ବା ଖେରସିନା ।

୩୪ ✨ମିର୍ ନିଜେନିଜେଦିଈ ଜିବନ୍ନୋଜିସାଦୁ, ଇୟା ପୁନି ମାଟା ନାନ ମିଈଁ ସିଜିନା; ନାନ ଏଣ୍ଡେସ୍ ମିଈଁ ଜିବନ୍ନୋତାମାନା, ମିର୍ ବା ଆୟାଖାଜା ନିଜେନିଜେଦିଈ ଜିବନ୍ନୋନିକା ମାନାଡ଼ ।

୩୫ ଜଦି ମିର୍ ନିଜେନିଜେଦିଈ ଉଣ୍ଡିଈ ଜିବନ୍ନୋନିଦେର, ଆରିଈ ମିର୍ ଜେ ନା ସିସୁର, ଇକା ଖିଜେରେ ନେସ୍ନାର୍ ।

ଜିସୁ ଇର୍ହାନ ପିତର୍ ନାଈଁ ମାନାଏନ୍

(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମୋନ ପିତର୍ ଜିସୁଈଁ ଖେନ୍ବାତାନ, “ପ୍ରୁ, ନିନ୍ ଏମେମାନୁ ସଲ୍ସିନି ?” ଜିସୁ ଇର୍ହାନ, ନାନ ଏମେମାନୁ ସଲ୍ସିନା,

ନିନ୍ ଇଲେଇ ନା ଖେନକା ଖେନକା ଆବେନୁ ସନ୍ତେଈ ଆଟ୍ ଇ, ମାତର୍ ଖେନକା ସନି ।

୩୭ ପିତର୍ ଖାନିଈଁ ଖେନ୍ବାତାନ, “ପ୍ରୁ, ନାନ ଇଲେଇ ଏୟା ନି ଖେନକା ଖେନକା ସନ୍ତେଈ ଆଟ୍ଏ ? ନାନ ନି ଉଣ୍ଡିଈ ନିଜେଦି ଜିବନ୍ ସିଦେଈ ବା ରାଜି ।”

୩୮ ଜିସୁ ଇର୍ହାନ, “ନିନ୍ ଇନିକା ନା ଉଣ୍ଡିଈ ନିଜେଦି ଜିବନ୍ ସିନି ? ସଡ଼ ସଡ଼ନେ ନାନ ମିଈଁ ଖେରସିନା, କରୁ କେଡ଼ିଇ ଆଗଡ଼ିନେ ନିନ୍ ନାଈଁ ମୁଜା ନେସେଏ ଇଜି ଇନି ।”

୧୪

ଜିସୁନେ ବୁବାମାନୁ ସନି ସାରି,

୧ ଜିସୁ ଇର୍ହାନ, ମି ଜିବନ୍ ଦାନ୍ୟା ଆମାକିଡ଼; ମିର୍ ମାପୁରୁମାନୁ ବିସ୍ବାସ୍ କିଦୁ, ନା ମାନୁ ବା ବିସ୍ବାସ୍ କିଦୁ ।

୨ ନା ବୁବାଦି ଇନ୍ତ୍ର ନାଣ୍ଡ ବାକ୍ରେଈ ମାନେ; ଜଦି ସିଲିଡ଼ିଈ, ଆରିଈ ନାନ ମିଈଁ ଇନ୍ଏତାମାନ୍ସି, ନାନ ମି ଉଣ୍ଡିଈ ବାଡ଼ି ତିଆର୍ କିଦେଈ ସଲ୍ସିନା;

୩ ମାରି, ନାନ ସନାନୋ ମି ଉଣ୍ଡିଈ ବାଡ଼ି ତିଆର୍ କିଡ଼ିଈ ମାରିଡ଼େସି ଖାନା, ମାରି ନାନ ଏମେ ବାଡ଼ିଦୁ ତେବାନା, ମିର୍ ବା ଏଣ୍ଡେସ୍ ଆୟା ବାଡ଼ିଦୁ ମାନିଦେର, ଆୟାଉଣ୍ଡିଈ ମିଈଁ ନିଜେଦି ଲାକ୍ତୁ ଅନା ।

୪ ମାରି, ନାନ ଏମେ ବାଡ଼ିଦୁ ସଲ୍ସିନା, ଆୟା ସାରି ମିର୍ ନେସ୍ନିଦେର ।

୫ ତୋମା ଜିସୁଈଁ ଖେନ୍ବାତାଡ଼, “ପ୍ରୁ, ନିନ୍ ଏମେ ବାଡ଼ିଦୁ ସଲ୍ସିନି, ଆକା ମାପ୍ ନେସ୍ଏଜିନାପ୍; ସାରି ବା ଏଣ୍ଡେସ୍ ନେସ୍ନାପ୍ ?”

୬ ଜିସୁ ଖାନିଈଁ ଇର୍ହାନ, ନାନ ସାରି, ସଡ଼ ମାରି ଜିବନ୍; ନାଈଁଁ ସିଜି ସଲ୍ଇଡ଼ିଈ ଏନ୍ ବୁବାଦି ଲାକ୍ତୁ ସନ୍ତେଈ ଆଟ୍ଏନ୍ ।

୭ ଜଦି ମିର୍ ନାଈଁଁ ନେସ୍ତିଦେରମାନ୍ସି, ଆରିଈ ନା ବୁବେଈଁବା ନେସ୍ତିଦେରମାନ୍ସି; ଇଲେଇରାନ ଖାନିଈଁ ନେସ୍ତିମାନିଦେର ମାରି ଖାନିଈଁ ସଡ଼ଡ଼ିମାନିଦେର ।

୮ ପିଲିପ୍ ଜିସୁଈଁ ଇର୍ହାନ, ପ୍ରୁ, ମାଈଁଁ ବୁବେଈଁ ତର୍ରିସ୍କିଆ, ନାସ୍ ମା ଉଣ୍ଡିଈ ନାଣ୍ଡ ।

୯ ଜିସୁ ଖାନିଈଁ ଇର୍ହାନ, ପିଲିପ୍, ନିସସାନ୍ସି ନାନ ମି ଖାଲେ ମାନା, ମାରି ନିନ୍ ଇନିକା ନାଈଁଁ ନେସ୍ଏଜିନି ? ଏନ୍ ନାଈଁଁ ସୁଡ଼ତ୍ତାମାନନାନ, ଖାନ ବୁବେଈଁବା ସୁଡ଼ତ୍ତାମାନନାନ; ମାଈଁଁଁ ବୁବେଈଁ ତରିସ୍କିଆ ଇଜି ନିନ୍ ଏଣ୍ଡେସ୍ ଖେରସିନିଦେର ?

୧୦ ନାନ ଜେ ବୁବାମାନୁ ମାନା ମାରି ବୁବା ନାମାନୁ ମାନନାନ, ଇୟା ମାଟା ଇନିକା ବିସ୍ବାସ୍ କିଏଜିନିଦେର ? ନାନ ମିଈଁଁ ଜେ ଖିଜୁ ବାକ୍ୟ ଖେରନା, ଆୟାଖିଜୁ ନାନ ନିଜେଦିମାଣ୍ଡକୁ ଇନ୍ଏ, ମାତର୍ ବୁବା ନା ମାନୁ ମାନଜି ନିଜେଦି ପାଣି କିଜିନାନ ।

☆ **୧୩:୩୩** ଜୋହନ ୭:୩୪. ☆ **୧୩:୩୪** ଜୋହନ ୧୫:୧୨,୧୭; ୧ ଜୋହନ ୩:୨୩; ୨ ଜୋହନ ୧:୫.

୧୧ ନାନ୍ ଜେ ବୁବାମାନୁ ମାନା ମାରି ବୁବା ନା ମାନୁ ମାନନାନ୍, ନା ଇୟା ମାଟା ବିସ୍ବାସ୍ କିତୁ, ମାରି ନାନ୍ ଏମେ ଓଁଜୁ ପାଣି କିତାମାନା ଆୟାକା ସୁଡ଼ୁକି ବିସ୍ବାସ୍ କିତୁ ।

୧୨ ସତ୍ ସତ୍ ନାନ୍ ମିଙ୍ଗ୍ ଝେରସିନା, ନା ମାନୁ ଏନ୍ ବିସ୍ବାସ୍ କିନ୍ନାନ୍, ନାନ୍ ଏମେ ଏମେ ପାଣି କିଜିନା, ଖାନ୍ ବା ଆୟାଓଁଜୁ କିନ୍ନାନ୍, ମାରି ଆୟାମାଣାନ୍ ବା ନାଶ୍ ପେରି ପାଣି କିନାନ୍, ଇରିଙ୍ଗ୍ ନାନ୍ ବୁବାଦି ଲାକ୍ତୁ ସଲ୍ସିନା ।

୧୩ ଏଶ୍ରେସ୍ ମାରିନ୍ତିମାଣାନ୍ ବୁବାଦି ଦନ୍ୟବାଦ୍ ତରାନାଡ୍, ଆୟାଉଣ୍ଡିଙ୍ଗ୍ ମିର୍ ନା ଦର୍ତ୍ତାନ୍ ଇନିକାବା ଲସ୍ତିଙ୍ଗ୍, ଆକା ନାନ୍ ସିନା ।

୧୪ ଜଦି ମିର୍ ନା ଦର୍ତ୍ତାନ୍ ଇନି ବିସୟ୍ ନାଙ୍ଗ୍ ଲସ୍ତିଙ୍ଗ୍, ଆକା ନାନ୍ କିନା ।

ପବିତ୍ରଆମ୍ବଦି ଦାନ୍ତି ପାର୍ମାଣ୍

୧୫ ଜଦି ମିର୍ ନାଙ୍ଗ୍ ଜିବନ୍ନୋନିଦେର୍, ଆରିଙ୍ଗ୍ ନା ମାଟାଓଁଜୁ ମାନାନିଦେର୍ ।

୧୬ ମାରି, ନାନ୍ ବୁବେଙ୍ଗ୍ ମାଡ଼ିସକିନା, ମାରି ମି ଖାଲେ ଓଁଜୁଦିନ୍ତିଙ୍ଗ୍ ମାନି ଉଣ୍ଡିଙ୍ଗ୍ ଖାନ୍ ମିଙ୍ଗ୍ ମାରି ଅରେନ୍ ସାହାଜ୍ୟକିନିଖାନିଙ୍ଗ୍ ସିନାନ୍

୧୭ ମାରି ଖାନ୍ ଆଜିନାଡ୍ ସତ୍ତି ଆମ୍ବା । ଇୟା ଜଗଡ୍ ଖାନିଙ୍ଗ୍ ମାନାଦେଙ୍ଗ୍ ଆଟ୍ଏଡ୍, ଇରିଙ୍ଗ୍ ଜଗଡ୍ ଖାନିଙ୍ଗ୍ ସୁଡ଼ୁସୁଡ୍ କି ନେସେଡ୍; ମାତର୍ ମିର୍ ଖାନିଙ୍ଗ୍ ନେସ୍ନିଦେର୍, ଇରିଙ୍ଗ୍ ଖାନ୍ ଖାଲେ ତେବାନାନ୍, ମାରି ଖାନ୍ ମି ଜିବନ୍ତୁ ତେବାନାନ୍ ।

୧୮ ନାନ୍ ସର୍ଇ ଝେନ୍କା, ନାନ୍ ମିଙ୍ଗ୍ ଚୁରା କଡ୍ କିଜ ଡିସ୍ସୋ ସଲ୍ସ, ନାନ୍ ମି ଲାକ୍ତୁ ଡେସିଖାନା ।

୧୯ ଉଣା ଝେଡ୍ଡା ମାନାଡ୍, ଜଗଡ୍ ନାଙ୍ଗ୍ ମାରି ସୁଡ଼ୁସୁଡ୍; ମାତର୍ ମିର୍ ନାଙ୍ଗ୍ ସୁଡ଼ୁନୁଦେର୍, ଇରିଙ୍ଗ୍ ନାନ୍ ଜିବନ୍ ମାନା, ମିର୍ ବା ଜିବନ୍ ତେବାନିଦେର୍ ।

୨୦ ନାନ୍ ମା ବୁବାମାନୁ ମାରି ମିର୍ ନାମାନୁ ମାରି ନାନ୍ ମି ମାନୁ ମାନା, ଇକା ଆୟାନାଣ୍ଡିଙ୍ଗ୍ ଖାତିଙ୍ଗ୍ ମିର୍ ନେସ୍ନିଦେର୍ ।

୨୧ ଏନ୍ ନା ମାଟାଓଁଜୁ ମାନାଜି ସାଲାନାନ୍, ଖାନ୍ ନାଙ୍ଗ୍ ଜିବନ୍ନୋନାନ୍, ମାରି ଏନ୍ ନାଙ୍ଗ୍ ଜିବନ୍ନୋନାନ୍, ନା ବୁବା ଖାନିଙ୍ଗ୍ ଜିବନ୍ନୋନାନ୍, ମାରି ନାନ୍ ଖାନିଙ୍ଗ୍ ଜିବନ୍ନୋନା ମାରି ଖାନି ଲାକ୍ତୁ ନିଜେଦିଙ୍ଗ୍ ତରାୟାଆନା ।

୨୨ ଜିହୁଦା, ଇକାନ୍ ଇସ୍ପାରିୟୋତିୟ୍ ଜିହୁଦା ଆଏନ୍ ଖାନିଙ୍ଗ୍ ଇର୍ହାନ୍, ଏ ପ୍ରବୁ, ଇନିକା ଏଶ୍ରେସ୍ ଆନାଡ୍ ? ନିଜେଦିଙ୍ଗ୍ ଦୁନିଆ ଲାକ୍ତୁ ତରାୟା ଆଏଶଗା ମା ଲାକ୍ତୁ ତର୍ତିମାନି ?

୨୩ ଜିସୁ ଖାନିଙ୍ଗ୍ ଇର୍ହାନ୍, ଜଦି ଏନ୍ ନାଙ୍ଗ୍ ଜିବନ୍ନୋନାନ୍, ଆରିଙ୍ଗ୍ ଖାନ୍ ନା ବାକ୍ୟ ମାନାନାଡ୍, ମାରି ନା ବୁବା ଖାନିଙ୍ଗ୍ ଜିବନ୍ନୋନାନ୍, ମାରି ବୁବା ନି ନାନ୍ ଖାନି ଲାକ୍ତୁ ଖାଜି ଖାନି ଖାଲେ ତେବାନାପ୍ ।

୨୪ ଏନ୍ ନାଙ୍ଗ୍ ଜିବନ୍ନୋଏନ୍, ଖାନ୍ ନା ବାକ୍ୟଦିଙ୍ଗ୍ ମାନାଏନ୍, ମାରି ଏମେ ବାକ୍ୟ ମିର୍ ଝେନ୍ଜିନିଦେର୍, ଆକା ନାଦି ଆଏଡ୍, ମାତର୍ ନା ପୋକ୍ତାତିମାନି ମାଲିକ୍ତି ବୁବାଦି ।

୨୫ ନାନ୍ ମି ଖାଲେ ମାନ୍ଜି ମାନ୍ଜି ମିଙ୍ଗ୍ ଇୟାଓଁଜୁ ମାଟା ଝେରତା ।

୨୬ ଆୟା ସାହାଜ୍ୟକିନିକାନ୍ ମାରି ପବିତ୍ର ଆମ୍ବା ଆମାତାନିଙ୍ଗ୍ ବୁବା ନା ଦର୍ତ୍ତାନ୍ ପୋକ୍ତାନାନ୍, ଖାନ୍ ମିଙ୍ଗ୍ ଓଁଜୁ ବିସୟ୍ତିଙ୍ଗ୍ ସିକିୟା ସିନାନ୍, ମାରି ନାନ୍ ମିଙ୍ଗ୍ ଆମା ଆମାକା ଝେରତାମାନା, ଆୟାଓଁଜୁ ମିଙ୍ଗ୍ ଏଡ୍କିବିସ୍ କିନ୍ନାନ୍ ।

୨୭ ନାନ୍ ମିଙ୍ଗ୍ ସାକ୍ତି ଦାନ୍ କିତା ସଲ୍ସିନା, ନା ନିଜେଦି ସାକ୍ତି ଦାନ୍ ମିଙ୍ଗ୍ ସିଜିନା; ଜଗଡ୍ ଏଶ୍ରେସ୍ ଦାନ୍ କିନାଡ୍, ନାନ୍ ମିଙ୍ଗ୍ ଆୟାଖାଜା ଦାନ୍ କିଏ । ମି ଜିବନ୍ ଦାନ୍ଦା ନି ତିଲାମାକିଡ୍ ।

୨୮ ନାନ୍ ସଲ୍ସିନା ମାରି ମି ଲାକ୍ତୁ ଡେସି ଖାନା, ନା ଇୟା ମାଟା ତୋ ଝେରଇମାନିଦେର୍ । ଜଦି ମିର୍ ନାଙ୍ଗ୍ ଜିବନ୍ନୋଜିମାରିଙ୍ଗ୍, ଆରିଙ୍ଗ୍ ନାନ୍ ନା ବୁବାଦି ଲାକ୍ତୁ ସଲ୍ସିନାନ୍ ଇଜି ଝେଡ୍ଡିକା ଆଡିଦେର୍ମାଣ୍ଡି, ଇରିଙ୍ଗ୍ ନା ବୁବା ନାମାଣ୍ଡିକୁ ପେରିକାନ୍ ।

୨୯ ମାରି, ଆକା ଗଟାନି ବେଡ୍ଡାବୁ ମିର୍ ଏଶ୍ରେସ୍ ବିସ୍ବାସ୍ କିନିଦେର୍, ଆୟାଉଣ୍ଡିଙ୍ଗ୍ ଆକା ଗଟାନି ଆଗ୍ଡିନେ ନାନ୍ ଇଲେଇ ମିଙ୍ଗ୍ ଝେରତାମାନା ।

୩୦ ନାନ୍ ମି ଖାଲେ ମାରି ନାଶ୍ ସମୟ୍ ଖାର୍ଗିଜିସାଦେଙ୍ଗ୍ କେଏନି, ଇରିଙ୍ଗ୍ ଦୁନିଆଦି ପେରିକାନ୍ ଖାଜିନାନ୍; ମାରି, ନା ମୁସ୍କୁ ଖାନି ସାକ୍ତି ଇନିକା ସିଲେଡ୍;

୩୧ ମାତର୍ ବୁବା ନାଙ୍ଗ୍ ଏଶ୍ରେସ୍ ଆଦେସ୍ ସିତାମାନାନ୍, ଆୟା ଇସାବ୍ତାନ୍ ନାନ୍ ପାଣି କିନା । ଆଡିଙ୍ଗ୍, ନାନ୍ ନା ବୁବେଙ୍ଗ୍ ଜିବନ୍ନୋନା ଇଜି ଦୁନିଆ ନେସ୍ନାଡ୍ ।

ନିଙ୍ଗ୍ ଦୁ, ମାଡ୍ ଇୟା ବାଡିଦାନ୍ ସନାଡ୍ ।



ଜିସୁ ଅଙ୍ଗୁରତିଖାଦି ଖାଜା

୧ ନାନ୍ ସତେନେ ଅଙ୍ଗୁର ତିଖା, ମାରି ମା ବୁବା ପାଣିକିନିକାନ୍ ।

୨ ନା ମାନୁ ମାନି ଆମା କମାଦୁ ପଲ ଆସ୍‌ଏତିଙ୍ଗ, ଆୟାକା କାଡନା ପୋକନାନ; ମାରି ଆମା କମାଦୁ ପଲ ଆସ୍‌ନାଡ, ଆବେନ୍ ନାଶ୍ ଆସ୍‌ତେଙ୍ଗ ଇଜି ଖାନ ତାନେଙ୍ଗ କୟଜି ସେବା କିନ୍‌ନାନ ।

୩ ନାନ ମିଙ୍ଗ ଏମେ ବାକ୍ୟ ଖେରତାମାନା, ଆୟାଉଣ୍ଡିଙ୍ଗ ମିର୍ ନରୟାଆତି ଓସ୍‌ତିମାନିଦେର୍ ।

୪ ନା ମାନୁ ମାନୁଡୁ, ଆବେଟ୍ ନାନ ମିମାନୁ ତେବାନା । ଏଣ୍ଡେସ୍ କମା ଅଙ୍ଗୁର୍ ତିଖାଦୁ ମାନୁଏତିଙ୍ଗ ନିଜେଦାନ ପଲ ଆସ୍‌ତେଙ୍ଗ ଆଟ୍‌ଏଡ, ଆୟାଖାଜା ମିର୍ ବା ନା ମାନୁ ମାନୁଏତିଙ୍ଗ ପଲ ଆସ୍‌ତେଙ୍ଗ ଆଟ୍‌ଇଦେର୍ ।

୫ ନାନ ଅଙ୍ଗୁର୍ ତିଖା, ମିର୍ କମେଙ୍ଗ, ଏନ୍ ନାମାନୁ ମାନୁନାନ ମାରି ନାନ ଏମାନୁ ମାନା, ଖାନ ନାଶ୍ ପଲ ଆସ୍‌ନାଡ; ଇରିଙ୍ଗ ନାଙ୍ଗ ଡିସ୍‌ତିଙ୍ଗ ମିର୍ ଇନିକା କିଦେଙ୍ଗ ଆଟ୍‌ଇଦେର୍ ।

୬ ଏନ୍ ଏସକାଙ୍ଗ ନାମାନୁ ମାନୁଏନ୍, ଆରିଙ୍ଗ ଖାନିଙ୍ଗ କାଡନିମାନି କମେଙ୍ଗ ଖାଜା ଆତେରେ ପୋକନାର ମାରି ଖାରନା ସୋନାଡ, ଇୟାଖାଜା କମେଆଙ୍ଗ ଲୋକୁ ଉଣ୍ଡା କିଜି ସିସୁଦୁ ପୋକନାର ମାରି ଆୟା କମେଙ୍ଗ ଖେନ୍‌ସନ୍‌ନେ ।

୭ ଜଦି ମିର୍ ନାମାନୁ ମାନୁଡୁ, ମାରି ନା ବାକ୍ୟ ମିମାନୁ ମାନାଡ, ଆରିଙ୍ଗ ଆମା ବିସୟ ବଦା କିନିଦେର୍, ଆକା ଲସ୍‌ତୁ, ମାରି ମି ଉଣ୍ଡିଙ୍ଗ ଆକା ଆନାଡ ।

୮ ମିର୍ ନାଶ୍ ପଲ ଆସ୍‌ତିଙ୍ଗ ମା ବୁବା ଦନ୍‌ସବାଦ୍ ପୟନାନ, ମାରି ମିର୍ ନା ସଡ୍‌ଡି ସିସୁର୍ ଆନିଦେର୍ ।

୯ ବୁବା ଏଣ୍ଡେସ୍‌ଖାଜା ନାଙ୍ଗ ଜିବନ୍‌ନୋତାମାନାନ, ନାନ ବା ଆୟାଖାଜା ମିଙ୍ଗ ଜିବନ୍‌ନୋତାମାନାନ; ନା ଜିବନ୍‌ନୋନିମାଣାନ ତିର୍ ଆଜି ମାନୁଡୁ ।

୧୦ ନାନ ଏଣ୍ଡେସ୍ ମା ବୁବାଦି ମାଟାଦିଙ୍ଗ ମାନାଜି ଖାନି ଜିବନ୍‌ନୋନିମାଣାନ ତିର୍ ଆତାମାନା, ଆୟାଖାଜା ମିର୍ ଏସକାଙ୍ଗ ନା ମାଟାଦିଙ୍ଗ ମାନାନିଦେର୍, ଆରିଙ୍ଗ ନା ଜିବନ୍‌ନୋନିମାଣାନ ତିର୍ ଆନି ତେବାନିଦେର୍ ।

୧୧ ନା ଖେଡିକା ଏଣ୍ଡେସ୍ ମି ମାନୁ ତେବାତାନ, ମାରି ମି ଖେଡିକା ଏଣ୍ଡେସ୍ ବଡ ଆନାଡ, ଇୟାଉଣ୍ଡିଙ୍ଗ ନାନ ଇୟାଓଜୁ ମିଙ୍ଗ ଖେରତା ।

୧୨ ନାନ ଏଣ୍ଡେସ୍ ମିଙ୍ଗ ଜିବନ୍‌ନୋତା ମାନା, ମିର୍ ବା ଆୟାଖାଜା ନିଜେନିଜେଦିଙ୍ଗ ଜିବନ୍‌ନଦୁ, ଇକା ନା ଆଦେସ୍ ।

୧୩ ନିଜେଦି ସଙ୍ଗତିଲୋକା ଉଣ୍ଡିଙ୍ଗ ନିଜେଦି ଜିବନ୍ ସିନି ବାଦୁଲୁ ଏନ୍ ମାରି ନାଶ୍ ପେରି ଜିବନ୍‌ନୋନିକା ସିଲେଡ ।

୧୪ ନାନ ମିଙ୍ଗ ଆମା ମାଟା ସିତାମାନା, ଆୟାକା ଜଦି ମାନାନିଦେର୍, ଆରିଙ୍ଗ ମିର୍ ନା ସଙ୍ଗ ।

୧୫ ନାନ ମିଙ୍ଗ ମାରି ସାକର୍ ଇଜି ଇନ୍‌ଏ, ଇରିଙ୍ଗ ମାଲିକ୍ ଇନିକା କିନ୍‌ନାନ, ସାକର୍ ଆକା ନେସ୍‌ଏପ, ମାତର୍ ନାନ ମିଙ୍ଗ ସଙ୍ଗ ଇଜି ଇର୍ହାମାନା, ଇରିଙ୍ଗ ନାନ ମା ବୁବାଦିମାଣାନ ଇନି ଇନିକା ଖେରଆମାନା, ଆୟାଓଜୁ ମିଙ୍ଗ ଖେରତାମାନା ।

୧୬ ମିର୍ ନାଙ୍ଗ ଆସ୍‌କିଇଦେର୍, ମାତର୍ ନାନ ମିଙ୍ଗ ଆସ୍‌କିତାମାନା, ମାରି ମିର୍ ଏଣ୍ଡେସ୍ ସୋଲସ ପଲ ଆସିସ୍‌କିଦୁ ମାରି ମି ପଲ ତିର୍ ତେବାତାନ, ଇୟାଉଣ୍ଡିଙ୍ଗ ମିଙ୍ଗ ଆସ୍‌କିତାମାନା । ଆବେଟ୍ ମିର୍ ନା ଦରତାନ ବୁବେଙ୍ଗ ଆମାକା ଲସ୍‌ନିଦେର୍, ଖାନ ଆକା ମିଙ୍ଗ ସିନାନ;

୧୭ ମିର୍ ଏଣ୍ଡେସ୍ ନିଜେନିଜେଦିଙ୍ଗ ଜିବନ୍‌ନଦୁ, ଇୟାଉଣ୍ଡିଙ୍ଗ ନାନ ମିଙ୍ଗ ଇୟାଓଜୁ ମାଟା ସିଜିନା ।

ଦୁନିଆ କାଡନାଡ

୧୮ ଜଦି ଜଗଡ ମିଙ୍ଗ କାଡନାଡ, ଆରିଙ୍ଗ ମିଙ୍ଗ କାଡିନି ଆଗଡି ଆକା ଜେ ନାଙ୍ଗ କାଡିତା ମାନାଡ, ଇକା ନେସ୍‌ତୁ ।

୧୯ ମିର୍ ଜଦି ଇୟା ଦୁନିଆଦିକାର ଆତିଦେର୍ ମାହି, ଆରିଙ୍ଗ ଦୁନିଆ ମିଙ୍ଗ ନିଜେଦିକାର ଅଡ୍‌ବିଜି ଲାଡୁ କିତାଡମାହି; ମାତର୍ ନାନ ମିଙ୍ଗ ଆସ୍‌କିଜି ଦୁନିଆଦାନ ଖେରଏ କିତାମାନା । ଆୟାଉଣ୍ଡିଙ୍ଗ ଦୁନିଆ ମିଙ୍ଗ କାଡନାଡ ।

୨୦ *ସାକର୍ ନିଜେଦି ମାଲିକ୍‌ମାଣୁକୁ ପେରିକାନ ଆଏନ୍, ନାନ ମିଙ୍ଗ ଇୟା ଏମେ ବାକ୍ୟ ଖେରତାମାନା, ଆକା ଏଡକିଦୁ । ଜଦି ଖାର ନାଙ୍ଗ ନିଦା କିତାମାନାର, ଆରଡିଙ୍ଗ ମିଙ୍ଗ ବା ନିଦା କିନାର; ଜଦି ଖାର ନା ବାକ୍ୟ ମାନାତାମାନାର, ଆରିଙ୍ଗ ମି ବାକ୍ୟ ବା ମାନାନାର ।

୨୧ ମାତର୍ ଖାର ନା ପୋକ୍ତିମାନି ମାଲିକ୍‌ତିଙ୍ଗ ନେସ୍‌ଏତିମାନିଙ୍ଗ ନା ଦର୍ ଉଣ୍ଡିଙ୍ଗ ମିଙ୍ଗ ଇୟାଓଜୁ କିନାର ।

୨୨ ଜଦି ନାନ ଖାଜ ଖାରିଙ୍ଗ ଇନ୍‌ଏତି ମାରିଙ୍ଗ, ଆରିଙ୍ଗ ଖାରି ପାପ୍ ଆଏତାଡମାହି; ମାତର୍ ଇଲେଇ ଖାରି ପାପ୍ ବିସୟତାନ ଖାରି ଇନି ସାଲକି କିଦେଙ୍ଗ ଆଟ୍‌ଏର୍ ।

୨୩ ଏନ୍ ନାଙ୍ଗ କାଡନାନ, ଖାନ ମା ବୁବେଙ୍ଗ ବା କାଡନାନ ।

୨୪ ଏମେ ପାଣିଓଜୁ ମାରି ଏନ୍ କିଏନ୍, ନାନ ଜଦି ଆୟାଓଜୁ ଖାରି ମାନୁ କିଏତାମାହି, ଆରିଙ୍ଗ ଖାରି ପାପ୍ ଆଏତାଡମାହି; ମାତର୍ ଇଲେଇ ଖାର ସୁଡ୍‌ତୁମାନାର, ମାରି ନାଙ୍ଗ ମାରି ମା ବୁବେଙ୍ଗ ରିଏରିଙ୍ଗବା କାଡିତାମାନାର ।

୨୫ ମାତର୍ ଖାର ମାଟାସିଲିକାବା ନାଙ୍ଗ କାଡିତାର, ଖାରି ଦାମ୍‌ସାସ୍ତୁ ରାସ୍‌ତିମାନି ଇୟା ବାକ୍ୟ ଏଣ୍ଡେସ୍ ପୁରା ଆନାଡ, ଇୟାଉଣ୍ଡିଙ୍ଗ ଇୟାଖାଜା ଗଟାଜିନାଡ ।

☆ ୧୫:୨୦ ମାଡିଉ ୧୦:୨୪; ଲୁକ ୬:୪୦; କୋହନ ୧୩:୧୭.

୨୬ ବୁବାଦି ଲାକ୍ଷ୍ମୀରାନ୍ ନାନ୍ ମି ଲାକ୍ଷ୍ମୀ ଆମା ସାହାଜ୍ୟକିନିଝାନିଙ୍ଗ ପୋକ୍ତାନା, ଝାନ୍ ବୁବାଦିମାଣାନ୍ ଝାନାଡ଼, ଆୟା ସଡ଼ତି ଆମା ଝାତିଙ୍ଗ ନା ବିସୟତାନ୍ ସାକିୟ ସିନାଡ଼;
 ୨୭ ମାରି, ମିର୍ ନା ବିସୟତାନ୍ ସାକି ଝେରୁନିଦେର୍, ଇରିଙ୍ଗ ମିର୍ ଆଗିଡ଼ିରାନ୍ନେ ନା ଝାଲେ ମାନିଦେର୍ ।

୧୭

୧ ମିର୍ ଏଣ୍ଡେସ୍ ନିଜେଦି ବିସବାସ ଆରାକିମାଟ୍, ଇୟାଉଣ୍ଡିଙ୍ଗ ନାନ୍ ମିଙ୍ଗ ଇୟାଝିଜୁ ମାଟା ଝେରୁସିନା ।
 ୨ ମିଙ୍ଗ ଲୋକ୍ଷୁ ଝାରି କୁଚୁମ୍ତାନ୍ ସପ୍ନାର୍ ମାରି ଇୟାଝାଜା ଦିନ୍ ଝାଜିନାଡ଼, ଏସ୍ତ୍ରାଲେ ଏନ୍ ମିଙ୍ଗ ଡାକ୍ନାନ୍, ଝାନ୍ ମାପୁରୁଦି ଇସାବତାନ୍ ଇଜି ଏଡ଼ କିନ୍ନାନ୍ ।
 ୩ ମାରି, ଝାର ଇୟାଝିଜୁ କିନାର୍, ଇରିଙ୍ଗ ଝାର ବୁବେଙ୍ଗ ମାରି ନାଙ୍ଗ ନେସ୍ଏର୍ ।
 ୪ ମାତର୍ ଏସ୍ତ୍ରାଲେ ଇୟାଝିଜୁ ଗଟାନି ବେଡ଼ା ଇଗାଝାନାଡ଼, ନାନ୍ ମିଙ୍ଗ ଝେରୁତାମାରୁଆ, ଇକା ଏଣ୍ଡେସ୍ ମିର୍ ଏଡ଼କିଦୁ, ଇୟାଉଣ୍ଡିଙ୍ଗ ନାନ୍ ଇୟାଝିଜୁ ମାଟା ମିଙ୍ଗ ଝେରୁତାମାନା । ନାନ୍ ମି ଝାଲେ ମାନିଙ୍ଗ ଆରାମ୍ତାନ୍ ଇୟାଝିଜୁ ମାଟା ମିଙ୍ଗ ଝେରୁଏତା ମାରୁଆ ।

ପବିତ୍ର ଆମ୍ବି ପାଣି

୫ ମାତର୍ ଇଲେଇ ନାନ୍ ନା ପୋକ୍ତାତିମାନି ମାଲିକ୍ତି ଲାକ୍ଷ୍ମୀ ସୋଲ୍ସିନା, ମାତର୍ ମି ଲୋଇରାନ୍ ନାଙ୍ଗ ଏନ୍ ଝେନ୍‌ବାଇଜିନିଦେର୍, ନିନ୍ ଏମେ ବାଡ଼ିଦୁ ସୋଲ୍ସିନି ।
 ୬ ମାରି ନାନ୍ ମିଙ୍ଗ ଇୟାଝିଜୁ ମାଟା ଝେରୁତିମାନିଙ୍ଗ ମି ଜିବନ୍ ଦୁଃକ୍ତାନ୍ ପୁରା ଆତାମାନାଡ଼
 ୭ ମାତର୍ ନାନ୍ ମିଙ୍ଗ ସଡ଼ ଝେରୁସିନା, ନାନ୍ ସନିକା ମି ଉଣ୍ଡିଙ୍ଗ ନେଗେଡ଼, ଇରିଙ୍ଗ ନାନ୍ ସଲ୍‌ଏଡ଼ିଙ୍ଗ ଆୟା ସାହାଜ୍ୟକିନିକାନ୍ ମି ଲାକ୍ଷ୍ମୀ ରେଏନ୍, ମାତର୍ ନାନ୍ ସରିଇଝେନ୍‌କା ଝାନିଙ୍ଗ ମି ଲାକ୍ଷ୍ମୀ ପୋକ୍ତାନା ।
 ୮ ଝାନ୍ ଝାଜି ପାପ୍, ଦାମ୍ ମାରି ମାପୁରୁଦି ନ୍ୟାୟବିସାରକିନି ବିସୟତାନ୍ ଜଗଡ଼ତିଙ୍ଗ ପାରାମାଣ୍ ସିନାଡ଼;
 ୯ ପାପ୍ ବିସୟତାନ୍ ଝାର ବୁଲ୍ ଇରିଙ୍ଗ ଝାନ୍ ତରନା ସିନାନ୍ ଜେ, ନା ମାନ୍ ବିସବାସ କିଏର୍ ।
 ୧୦ ଦାମ୍‌ଦି ବିସୟତାନ୍ ଝାର ବୁଲ୍ ଇରିଙ୍ଗ ନାନ୍ ବୁବାଦି ଲାକ୍ଷ୍ମୀ ସୋଲ୍ସିନା ମାରି ମିର୍ ନାଙ୍ଗ ମାରି ସୁଡ଼କୁଦେର୍;
 ୧୧ ବିସାର ବିସୟତାନ୍ ଝାର ବୁଲ୍ ଇରିଙ୍ଗ ଇୟା ଜଗଡ଼ତି ପେରିକାନ୍ ବିସାର ଆତାମାନାଡ଼ ।
 ୧୨ ନାନ୍ ମିଙ୍ଗ ମାରି ଗାଦି ମାଟେଙ୍ଗ ଇନିକା ମାନାଡ଼, ମାତର୍ ମିର୍ ଇଲେଇ ଆୟାଝିଜୁ ମାନାଦେଙ୍ଗ ଆଟ୍‌ଇଦେର୍ ।
 ୧୩ ମାତର୍ ଏସ୍ତ୍ରାଲେ ସଡ଼ତି ଆମା ଝାତିଙ୍ଗ, ନାସ୍ତ୍ରାଲେ ଝାଦ୍ ଝିଜୁ ସଡ଼ ବୁଜାଦେଙ୍ଗ ସାକ୍ତି ସିନାଡ଼ । ଝାଦ୍ ନିଜେଦି ଅଦିକାରତାନ୍ ଇନିକା ଇନ୍‌ଏଡ଼ । ମାପୁରୁଦି ମାଣାନ୍ ଝାଦ୍ ଆମାକା ଝେରୁଆ ମାନାଡ଼, କେବଲ୍ ନାସନେ ଝାଦ୍ ଝେରୁନାଡ଼ । ଆମା ଝିଜୁ ଗଟାଦେଙ୍ଗ ସୋଲ୍ସିନାଡ଼ ଝାଦ୍ ମିଙ୍ଗ ଝେରୁନାଡ଼ ।
 ୧୪ ଝାନ୍ ନାଙ୍ଗ ଦନ୍‌ସବାଦ୍ କିନ୍ନାନ୍, ଇରିଙ୍ଗ ନାନ୍ ଆମାକା ଇନା ଝାନ୍ ନାମାଣ୍‌କୁ ଝିଜୁ ସଡ଼ତି ବିସୟକୁ ଅସି ମିଙ୍ଗ ଝେରୁନାନ୍ ।
 ୧୫ ଆମା ଆମାକା ବୁବାଦି, ଆୟାଝିଜୁ ନାଦି; ଇୟାଉଣ୍ଡିଙ୍ଗ ନାନ୍ ଇର୍ହା, ପବିତ୍ର ଆମା ନାମାଣ୍‌କୁ ଝିଜୁ ବିସୟ ଅସି ମିଙ୍ଗ ଝେରୁନାନ୍ ।

ଦୁଃକ୍ ନି ଝେଡ଼ିକା

୧୬ “କାଣ୍ଡେକ୍ ବେଡ଼ା ମାନାଡ଼, ମିର୍ ନାଙ୍ଗ ମାରି ସୁଡ଼କୁଦେଙ୍ଗ ଆଟ୍‌ଇଦେର୍, ମାରିଡ଼େସି ସାଣେକ୍ ଝେନ୍‌କା ମିର୍ ନାଙ୍ଗ ସୁଡ଼କୁଦେର୍ ।”
 ୧୭ ଆବେଟ୍ ଝାନି ସିସୁରି ଲୋଇରାନ୍ ଏନ୍ ଏନ୍ ନିଜେନିଜେ ଇର୍ହା, କାଣ୍ଡେକ୍ ବେଡ଼ା ମାନାଡ଼, ମିର୍ ନାଙ୍ଗ ସୁଡ଼କୁଦେର୍, ମାରିଡ଼େସି ସାଣେକ୍ ଝେନ୍‌କା ମିର୍ ନାଙ୍ଗ ସୁଡ଼କୁଦେର୍ ମାରି ନାନ୍ ବୁବାଦି ଲାକ୍ଷ୍ମୀ ସୋଲ୍ସିନା, ଇୟା ଏମେ ମାଟା ଝାନ୍ ମାଙ୍ଗ ଝେରୁସିନାନ୍, ଇକା ଇନିକା ?
 ୧୮ ଝାର ଇର୍ହା, “କାଣ୍ଡେକ୍ ବେଡ଼ା ଇଜି ଇକାନ୍ ଇନିକା ଇଜିନି ?” ଝାନ୍ ଇନିକା ଝେରୁସିନାନ୍, ମାପ୍ ବୁଜାଦେଙ୍ଗ ଆଟ୍‌ଏଜିନାପ୍ ।
 ୧୯ ସିସୁର୍ ଝାନିଙ୍ଗ ଝେନ୍‌ବାଦେଙ୍ଗ ବଦା କିଜିନାର୍ ଇଜି ନେସତାନ୍ନୋ ଜିସୁ ଝାରିଙ୍ଗ ଇର୍ହାନ୍, କାଣ୍ଡେକ୍‌ନେ ବେଡ଼ା ମାନାଡ଼, ମିର୍ ନାଙ୍ଗ ସୁଡ଼କୁଦେର୍, ମାରିଡ଼େସି ସାଣେକ୍ ମାରୁଇ ଝେନ୍‌କା ମିର୍ ନାଙ୍ଗ ସୁଡ଼କୁଦେର୍, ନାନ୍ ଏମେ ଇୟା ମାଟା ଝେରୁତା, ଆୟା ବିସୟତାନ୍ ଅସି ମିର୍ ଇନିକା ନିଜେନିଜେଦିମାନ୍ ଝାରଗିଜି ସାଜିନିଦେର୍ ?
 ୨୦ ସଡ଼ ସଡ଼ନେ ନାନ୍ ମିଙ୍ଗ ଝେରୁସିନା, ମିର୍ ଆଡ଼ାବାନିଦେର୍ ମାରି ଏଡ଼କିଜି କିଜି ଆଡ଼ାବାନିଦେର୍, ମାତର୍ ଜଗଡ଼ ଝେଡ଼ିକା ଆନାଡ଼; ମିର୍ ଦୁଃକ୍‌ଆନିଦେର୍, ମାତର୍ ମି ଦୁଃକ୍ ଝେଡ଼ିକାଦୁ ମିସାନାଡ଼ ।
 ୨୧ ଜନମ୍‌କିନି ବେଡ଼ା ଇଗା ଝାତିଙ୍ଗ ଆଇମା ଦୁଃକ୍ ପୟନାଡ଼, ମାତର୍ ଝାନି କଡ଼ ଜନମ୍ ଆତି ଝେନ୍‌କା ଦୁନିଆଦୁ ଅରେନ୍ ଲୋକ୍ଷୁ ଜନମ୍ ଆତାନ୍, ଇୟା ଝେଡ଼ିକା ଉଣ୍ଡିଙ୍ଗ ମାରି କାସୁ ଏଡ଼ କିଏଡ଼ ।

୨୨ ଆୟାଜାଜା ମିର ଇଲେଇ ଦୁଃଖ ପୟଜିନିଦେର, ମାତର ନାନ୍ ମାରିଡେସି ମିଙ୍ଗ ତରାୟାଆନା, ମାରି ମି ଜିବନ୍ ଖେଡିକା ଆନାଡ ମାରି ଏନ୍ ମିମାଣୁକୁ ମି ଖେଡିକା ତଙ୍ଗକିଜ ଅଏନ୍ ।

୨୩ ଆୟାନାଣ୍ଡିଙ୍ଗ୍ ଖାତିଙ୍ଗ୍, ନାମାଣାନ୍ ମିଙ୍ଗ୍ ମାରି ଇନିକା ଲସ୍ତେଙ୍ଗ୍ ପଡାଏଡ । ସଡ ଇଜିନା, ନା ଦରତାନ୍ ବୁବା ମାପୁରୁଙ୍ଗ୍ ଆମାକା ଲସ୍ତନିଦେର, ଖାନ୍ ଆକା ସିନାନ୍ ।

୨୪ ଇୟାସାନ୍ ମିର ନା ଦରତାନ୍ ଇନିକା ଲସ୍ତଦେର; ଇଲେଇ ଲସ୍ତୁ, ମାରି ମି ଖେଡିକା ଏଣ୍ଡେସ୍ ପୁରୁନ୍ ଆନାଡ, ଆୟାଉଣ୍ଡିଙ୍ଗ୍ ମିର ଆକା ପୟନିଦେର ।

ଦୁନିଆ ମୁସ୍ତକୁ ଜିଣାନିକା

୨୫ ନାନ୍ ମିଙ୍ଗ୍ କାତାଦାନ୍ ଇୟାଞ୍ଜି ମାଟା ଖେରତାମାନା; ବେଡା ଖାଜିନାଡ, ଏସ୍ତୁଖାଲେ ନାନ୍ ମାରି କାତାଦାନ୍ ମିଙ୍ଗ୍ ଖେରଏ, ମାତର ବୁବାଦି ବିସୟ ବୁଜାନିଖାଜା ମିଙ୍ଗ୍ ଖେରନା ।

୨୬ ଆୟାନାଣ୍ଡିଙ୍ଗ୍ ମିର ନା ଦରତାନ୍ ଖାନିଙ୍ଗ୍ ଲସ୍ତନିଦେର; ମାରି, ନାନ୍ ଜେ ମି ତରିଟାନ୍ ବୁବେଙ୍ଗ୍ ଖେରନା, ଇକା ନାନ୍ ମିଙ୍ଗ୍ ଇନ୍ଏ;

୨୭ ଇରିଙ୍ଗ୍ ବୁବା ନିଜେ ମିଙ୍ଗ୍ ଜିବନ୍ନୋନାନ୍, ଆଦେଙ୍ଗ୍ ମିର ନାଙ୍ଗ୍ ଜିବନ୍ନୋତିମାନିଦେର ମାରି ନାନ୍ ଜେ ମାପୁରୁଦି ଲାକ୍ତୁରାନ୍ ଖାତାମାନା, ଆକା ମିର ବିସ୍ବାସ୍ କିତିମାନିଦେର ।

୨୮ ନାନ୍ ବୁବାଦି ଲାକ୍ତୁରାନ୍ ଦୁନିଆଦୁ ଖାତାମାନା; ମାରିଡେସି ନାନ୍ ଦୁନିଆ ଡିସ୍ସି ବୁବାଦି ଲାକ୍ତୁ ସୋଲ୍ସିନା ।

୨୯ ଇୟା ମାଟା ଖେନ୍ଞି ସିସୁର ଇର୍ହାର, ସୁଡଦୁ, ଇଲେଇ ନିନ୍ ବୁଜାନିଖାଜା ଖେରସିନି ମାରି କାତାଦାନ୍ ମାଟା ମାରି ଖେରଇ ।

୩୦ ଇଲେଇ ମାପ୍ ନେସ୍ନାପ; ନିନ୍ ଡିଜୁ ବିସୟ ନେସ୍ନି ମାରି ନିନ୍ ଏଙ୍ଗ୍ ଇନି ବିସୟ ଖେନ୍ବାଦେଙ୍ଗ୍ ଦରକାର୍ ସିଲେଡ । ମାପୁରୁଦି ଲାକ୍ତୁରାନ୍ ନିନ୍ ଖାତିମାନି ଇଜି ମାପ୍ ଇୟାମାଣୁକୁ ବିସ୍ବାସ୍ କିଜିନାପ୍ ।

୩୧ ଜିସୁ ଖାରିଙ୍ଗ୍ ଖେରତାନ୍, ମିର ଇନିକା ଇଲେଇ ବିସ୍ବାସ୍ କିଜିନିଦେର ?

୩୨ ସୁଡଦୁ, ବେଡା ଖାଜିନାଡ, ହୁଁ, ଖାତାଡନି, ଏସ୍ତୁଖାଲେ ମିର ଇନିଙ୍ଗା ଆନିଙ୍ଗା ଆଜି ଖିଜେରେ ନିଜେ ନିଜେଦି ଇଲକାଙ୍ଗ୍ ସନିଦେର, ମାରି ନାଙ୍ଗ୍ ଅରେନ୍ଝାନିଙ୍ଗ୍ ଡିସ୍ନିସନିଦେର; ଆରିଙ୍ଗ୍ବା ନାନ୍ ଅରେନ୍ନେ ସିଲେ, ଇରିଙ୍ଗ୍ ବୁବା ନା ଖାଲେ ମାନିନାନ୍ ।

୩୩ ମିର ଏଣ୍ଡେସ୍ ନା ଖାଲେ ମାନ୍ଞି ସାକ୍ତି ପୟନିଦେର, ଇୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ଇୟାଞ୍ଜି ବିସୟ ଖେରତାମାନା । ଜଗଡ୍ଦୁ ମି ଉଣ୍ଡିଙ୍ଗ୍ କାସୁ ମାନାଡ, ମାତର ସାସ୍ ଆସ୍ତୁ, ନାନ୍ ଜଗଡ୍ଡିଙ୍ଗ୍ ଜିଣାକିତାମାନା ।



ସିସୁରି ଉଣ୍ଡିଙ୍ଗ୍ ଜିସୁଦି ପାରତନା

୧ ଜିସୁ ଇୟାଞ୍ଜି ମାଟା ଇନ୍ଦି ମୁସ୍ତକୁପୁରତରିନ୍ ସୁଡଦୁ ଇର୍ହାନ୍, ବୁବା, ବେଡା ଇଗା ଖାତାଡନି; ନି ମାରିନ୍ଡିଙ୍ଗ୍ ଗୌରବ୍ କିଆ, ଏଣ୍ଡେସ୍ ମାରିନ୍ ବା ନିଙ୍ଗ୍ ଦନ୍ୟବାଦ୍ କିନ୍ନାନ୍,

୨ ଏଣ୍ଡେସ୍ଝାଜା ନିନ୍ ଖାନିଙ୍ଗ୍ ଆମା ଲୋକାଙ୍ଗ୍ ଖାନି କିୟୁଦୁ ସିତିମାନି, ଖାରିଙ୍ଗ୍ ଏସ୍କାଙ୍ଗ୍ଝିଜିଇ ଜିବନ୍ ସିନି ଉଣ୍ଡିଙ୍ଗ୍ ଖାନିଙ୍ଗ୍ ଡିଜୁ ଦୁନିଆଦି ମୁସ୍ତକୁ ଅଦିକାର୍ ସିତି ।

୩ ମାରି, ନିନ୍ ଜେ ଅରେନ୍ମାତର ସଡଡି ମାପୁରୁ, ନିଙ୍ଗ୍ ମାରି ଆମାଖାନିଙ୍ଗ୍ ନିନ୍ ପୋକ୍ତାତିମାନି, ଆୟା ଜିସୁ କ୍ରିସ୍ତଙ୍ଗ୍ ନେସ୍ନିକାନେ ଏସ୍କାଙ୍ଗ୍ଝିଜିଇ ଜିବନ୍ ।

୪ ନିନ୍ ନାଙ୍ଗ୍ ଏମେ ପାଣି କିଦେଙ୍ଗ୍ ସିତିମାନି, ଆକା ନାନ୍ ଖିସ୍ତାନୋ ଦୁନିଆଦୁ ମିଙ୍ଗ୍ ଦନ୍ୟବାଦ୍ କିତାମାନା ।

୫ ମାରି ଇଲେଇ, ଏ ବୁବା, ଦୁନିଆ ତିଆରାଆତି ପୁର୍ବେନେ ନି ଖାଲେ ନା ଏମେ ମହିମା ମାର୍ହାଡ, ଇଲେଇ ନିନ୍ ମାନିମାନ୍ ଆୟା ମହିମା ନାଙ୍ଗ୍ ସିଦା ।

୬ ନିନ୍ ନାଙ୍ଗ୍ ଦୁନିଆଦି ମାଣ୍ଡୁ ଆମା ଲୋକାଙ୍ଗ୍ ଦାନ୍ କିତିମାନି, ନାନ୍ ଖାରି ଲାକ୍ତୁ ନି ଦର ଖେରତାମାନା; ଖାର ନି ଲୋକ୍ ମାରି ନିନ୍ ଖାରିଙ୍ଗ୍ ନାଙ୍ଗ୍ ଦାନ୍ କିତିମାନି, ଖାର ନି ବାକ୍ୟ ମାନାତାମାନାର୍ ।

୭ ନିନ୍ ନାଙ୍ଗ୍ ଆମା ଆମାକା ଦାନ୍ କିତିମାନି, ଆୟାଞ୍ଜି ଜେ ନିମାଣୁକୁ ଖାତାମାନାଡ, ଇକା ଖାର ଇଲେଇ ବୁଜାତାମାନାର୍;

୮ ଇରିଙ୍ଗ୍ ନିନ୍ ନାଙ୍ଗ୍ ଆମାଞ୍ଜି ମାଟା ଦାନ୍ କିତିମାନି, ନାନ୍ ଖାରିଙ୍ଗ୍ ଆୟାଞ୍ଜି ଦାନ୍ କିତାମାନା, ମାରି ଖାର ମାନାତାମାନାର୍, ମାରି ନାନ୍ ଜେ ନି ଲାକ୍ତୁରାନ୍ ଖାତାମାନା, ଆକା ସଡଡାନ୍ ନେସ୍ତାମାନାର୍ ମାରି ନିନ୍ ନାଙ୍ଗ୍ ପୋକ୍ତାତିମାନି ଇଜି ବିସ୍ବାସ୍ କିତାମାନାର୍ ।

୯ ନାନ୍ ଖାରି ଉଣ୍ଡିଙ୍ଗ୍ ପାରତନା କିଜିନା, ଜଗଡ୍ଦି ଉଣ୍ଡିଙ୍ଗ୍ ପାରତନା କିଏ, ମାତର ନିନ୍ ନାଙ୍ଗ୍ ଆମାଖାରିଙ୍ଗ୍ ସିତିମାନି, ଖାରି ଉଣ୍ଡିଙ୍ଗ୍ ପାରତନା କିଜିନା, ଇରିଙ୍ଗ୍ ଖାର ନି ଲୋକ୍;

୧୦ ଆମା ଆମାକା ନାଦି, ଆୟାଞ୍ଜିକୁ ନଦି, ମାରି ଆମା ଆମାକା ନଦି, ଆୟାଞ୍ଜିକୁ ନାଦି, ମାରି, ନାନ୍ ଖାରିମାଣାନ୍ ଦନ୍ୟବାଦ୍ ଆତାମାନା ।

୧୧ ନାନ୍ ମାରି ଇୟା ଜଗତ୍ତୁ ମାନ୍ଏ, ମାତର୍ ଇୟାକାର୍ ଜଗତ୍ତୁ ମାନ୍ଜିନାର୍; ମାରି, ନାନ୍ ନି ଲାକ୍ତୁ ସୋଲ୍ସିନା । ପବିତ୍ର ବୁବା, ନିନ୍ ସିତିମାନି ଦର୍ତ୍ତି ସକ୍ତିଦାନ୍ ଖାରିଙ୍ ରକ୍ତୟା କିଆ, ଏଣ୍ଡେସ୍ ନିନ୍ ମାରି ନାନ୍ ଅରେନ୍ନେ, ଖାର୍ ଆୟାଞ୍ଜା ଉନ୍ତ୍ରେମାନ୍ ଆଦେଙ୍ ଆର୍ନାର୍ ।

୧୨ ☆ଖାରି ଖାଲେ ମାନ୍ଜିମାର୍ ଖାଲେ ନାନ୍ ଖାରିଙ୍ ନି ଦର୍ତ୍ତି ସକ୍ତିଦାନ୍ ରକ୍ତୟା କିଜି ଖାଜିନା, ମାରି ନାନ୍ ଖାରିଙ୍ ନେଗ୍ନେତାନ୍ ରକ୍ତୟା କିତାମାନା ମାରି ଦାମ୍ପ୍ସାସ୍ତ୍ରଦି ବାକ୍ୟ ଏଣ୍ଡେସ୍ ପୁରା ଆନାଡ୍, ଇୟାଉଣ୍ଡିଙ୍ ସାନି ମାରିନ୍ତିଙ୍ ଡିସ୍ସି ଖାରି ମାଣ୍ଡକୁ ଅରେନ୍ ଏନ୍ବା ନାସ୍ ଆଏର୍ ।

୧୩ ମାତର୍ ନାନ୍ ଇଲେଇ ନି ଲାକ୍ତୁ ଖାଜିନା, ମାରି ଖାରି ଜିବନ୍ତୁ ନା ଖେଡିକା ଏଣ୍ଡେସ୍ ପୁରା ଆନାଡ୍, ଆୟାଉଣ୍ଡିଙ୍ ଦୁନିଆଦୁ ମାନ୍ଜି ନାନ୍ ଇୟାଞ୍ଜି ଖେର୍ସିନା ।

୧୪ ନାନ୍ ଖାରିଙ୍ ନି ବାକ୍ୟ ସିତାମାନା, ମାରି ଇୟା ଦୁନିଆ ଖାରିଙ୍ କାଡିତା ମାନାଡ୍, ଇରିଙ୍ ନାନ୍ ଏଣ୍ଡେସ୍ ଇୟା ଦୁନିଆଦାନ୍ ସିଲେ, ଆୟାଞ୍ଜା ଖାନ୍ ବା ଇୟା ଦୁନିଆଦାନ୍ ସିଲେର୍ ।

୧୫ ନିନ୍ ଖାରିଙ୍ ଦୁନିଆଦାନ୍ ଅନିଉଣ୍ଡିଙ୍ ପାର୍ତନା କିଏ, ମାତର୍ ଖାରିଙ୍ ତାଗ୍ଲ ପାଣିଦାନ୍ ରକ୍ତୟା କିଦୁ ଇଜି ପାର୍ତନା କିଜିନା ।

୧୬ ନାନ୍ ଏଣ୍ଡେସ୍ ଦୁନିଆଦିକିୟା ସିଲେ, ଖାର୍ ଆୟାଞ୍ଜା ଇୟା ଦୁନିଆଦିକାର୍ ଆଏର୍ ।

୧୭ ସଡ୍ତାନ୍ ଖାରିଙ୍ ପବିତ୍ର କିଦୁ; ନି ବାକ୍ୟନେ ତୋ ସଡ୍ ।

୧୮ ନିନ୍ ନାଙ୍ ଏଣ୍ଡେସ୍ ଦୁନିଆଦୁ ପୋକ୍ତାତିମାନି, ନାନ୍ ବା ଖାରିଙ୍ ଆୟାଞ୍ଜା ଦୁନିଆଦୁ ପୋକ୍ତାତାମାନା ।

୧୯ ମାରି, ଖାନ୍ ବା ଏଣ୍ଡେସ୍ ସଡ୍ତାନ୍ ପବିତ୍ର ଆନାଡ୍, ଇୟାଉଣ୍ଡିଙ୍ ନାନ୍ ଖାରି ଉଣ୍ଡିଙ୍ ନିଜେଦିଙ୍ ପବିତ୍ର କିଜିନା ।

୨୦ ନାନ୍ କେବଲ୍ ଇୟାଞ୍ଜାରି ଉଣ୍ଡିଙ୍ ପାର୍ତନା କିଏଜିନା, ମାତର୍ ଇୟାଞ୍ଜାରି ବାକ୍ୟଦାନ୍ ଆମାକାର୍ ନା ମାନ୍ ବିସ୍ବାସ୍ କିନାର୍, ଖାରି ଉଣ୍ଡିଙ୍ ବା ପାର୍ତନା କିଜିନା,

୨୧ ଓଜେରି ଉଣ୍ଡିଙ୍ ପାର୍ତନା କିଜିନା, ଏଣ୍ଡେସ୍ ଖାର୍ ଓଜେରେ ଉନ୍ତ୍ରେମାନ୍ ଆନାଡ୍; ଏ ବୁବା, ନିନ୍ ଏଣ୍ଡେସ୍ ନା ମାନ୍ ମାନି ମାରି ନାନ୍ ନି ମାନ୍ ମାନା, ଖାନ୍ ବା ଆୟାଞ୍ଜା ମାମାନ୍ ମାନିର୍, ଏଣ୍ଡେସ୍ ନିନ୍ ନାଙ୍ ପୋକ୍ତାତିମାନି ଇଜି ଦୁନିଆ ବିସ୍ବାସ୍ କିନାଡ୍ ।

୨୨ ମାରି, ନିନ୍ ନାଙ୍ ଆମା ମହିମା ସିତିମାନି, ନାନ୍ ଖାରିଙ୍ ଆକା ସିତାମାନା, ଏଣ୍ଡେସ୍ ନିନ୍ ମାରି ନାନ୍ ଅରେନ୍ନେ, ଆୟାଞ୍ଜା ଖାନ୍ ବା ଉନ୍ତ୍ରେମାନ୍ ଆଦେଙ୍ ଆର୍ନାର୍ ।

୨୩ ନାନ୍ ଖାରିମାନ୍, ମାରି ନିନ୍ ନା ମାନ୍, ଏଣ୍ଡେସ୍ ଖାର୍ ପୁରାଦାନ୍ ଉନ୍ତ୍ରେମାନ୍ ଆଦେଙ୍ ଆର୍ନାର୍, ଆରିଙ୍ ଇୟା ଜଗତ୍ ନେସ୍ନାଡ୍ ଜେ, ନିନ୍ ନାଙ୍ ପୋକ୍ତାତିମାନି, ମାରି ନାଙ୍ ଏଣ୍ଡେସ୍ ଖାଜା ଜିବନ୍ନୋତିମାନି, ଖାରିଙ୍ ବା ଆୟାଞ୍ଜା ଜିବନ୍ନୋତି ।

୨୪ “ଏ ବୁବା, ନିନ୍ ନାଙ୍ ଏମେ ଲୋକାଙ୍ ସିତିମାନି, ନାନ୍ ଏମେମାନ୍ ମାନା, ଖାନ୍ ବା ଏଣ୍ଡେସ୍ ଆବେନ୍ ନା ଖାଲେ ମାନାର୍ ମାରି ଦୁନିଆ ତିଆର୍ଆତି ଆଗ୍ଡିରାନ୍ନେ ନିନ୍ ନାଙ୍ ଜିବନ୍ ନୋତିମାନିଙ୍ ନାଙ୍ ଆମା ଗୌରବ୍ ସିତିମାନି, ନା ଆୟା ଗୌରବ୍ ଖାର୍ ଏଣ୍ଡେସ୍ ସୁଡ୍ନୁଟ୍, ଇକା ନା ବଦା ।

୨୫ ଏ ଦାମ୍ପ୍ସି ବୁବା, ଜଗତ୍ ନିଙ୍ ନେସ୍ଏଡ୍, ମାତର୍ ନାନ୍ ନିଙ୍ ନେସ୍ତାମାନା; ମାରି, ନିନ୍ ଜେ ନାଙ୍ ପୋକ୍ତାତିମାନି, ଇକା ଇୟାକାର୍ ନେସ୍ତାମାନାର୍;

୨୬ ମାରି, ନିନ୍ ନାଙ୍ ଆମା ଜିବନ୍ନୋତିମାନ୍ ଜିବନ୍ନୋତିମାନି, ଆକା ଏଣ୍ଡେସ୍ ଖାରି ମାନ୍ ତେବାନାଡ୍ ମାରି ନାନ୍ ଖାରିମାନ୍ ତେବାନା, ଇୟାଉଣ୍ଡିଙ୍ ନାନ୍ ଖାରିଙ୍ ନି ଦର୍ ଖେର୍ତାମାନା ମାରି ଖେର୍ନା ।”

୧୮

ଜିସୁ ସର୍ପେଆତାନ୍

(ମାତିଜ ୨୭:୪୭-୫୭; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇୟା ପାର୍ତନା ଓସ୍ ଶିସୁରି ଖାଲେ କିଦ୍ରୋଣ୍ ଜଲାଦି ଆୟାପାଡ୍କା ସୋର୍ହାର୍ । ଆବେନ୍ ଉନ୍ତ୍ରି ତଡି ମାର୍ହାଡ୍, ମାରି ଖାନ୍ ନି ଖାନି ସିସୁର୍ ଆବେନ୍ ଡ୍ରିତାର୍ ।

୨ ଆମା ଜିହୁଦା ଜିସୁଙ୍ ସାତୁରି କିୟୁଦୁ ସର୍ପେ କିତାନ୍, ଖାନ୍ ବା ଆୟାବାଡି ନେସ୍ତା ମାର୍ହାନ୍, ଇରିଙ୍ ଜିସୁ ନାଣ୍ ଦେବେଙ୍ ନିଜେଦି ସିସୁରି ଖାଲେ ଆୟାବାଡିଦୁ ସୋଲ୍ସିମାର୍ହାର୍ ।

୩ ମାରି, ଜିହୁଦା ସନ୍ଧ୍ୟାଦିକ୍ ମାରି ପେରି ଜାଜକର୍ ମାରି ପାରୁସିରିମାଣୁକୁ ମନ୍ଦିର୍ କାପ୍କିନିଖାରିଙ୍ ଅସି ଦିଖା, ମସାଲ୍ ମାରି ସାଜୁମାନ୍ ଆସ୍ସି ଆବେନ୍ ଖାତାର୍ ।

☆ ୧୭:୧୨ ଜୋହନ ୧୩:୧୮.

୪ ଆବେଟ୍ ଜିସୁ, ଖାନି ଉଣ୍ଡିଙ୍ଗ୍ ଆମା ଆମାକା ଗଟାଦେଙ୍ଗ୍ ସୋଲ୍‌ସିନାଡ୍, ଆୟାଞ୍ଜିନ୍ତୁ ନେସ୍‌ତାନ୍‌ନୋ ଆଗ୍‌ଡି ସୋଲ୍‌ସି ଖାରିଙ୍ଗ୍ ଖେନ୍‌ବାତାନ୍, “ମିର୍ ଏଙ୍ଗ୍ ପୟ୍‌ଜିନିଦେର୍ ?”

୫ ଖାର୍ ଖାନିଙ୍ଗ୍ ଇର୍ହାନ୍, “ନାଜରିୟତିୟ୍ ଜିସୁଙ୍ଗ୍ ।”

ଜିସୁ ଖାରିଙ୍ଗ୍ ଇର୍ହାନ୍, “ନାନ୍ ଆୟା ଜିସୁ ।”

ଆମା ଜିହୁଦା ଖାନିଙ୍ଗ୍ ସାତୁରି କିୟୁତୁ ସର୍‌ପେ କିତାନ୍, ଖାନ୍ ବା ଖାରି ଖାଲେ ନିରୁଆମାର୍ହାନ୍ ।

୬ ଜିସୁ ଏସ୍ତିଖାଲେ ଖାରିଙ୍ଗ୍ ଇର୍ହାନ୍, “ନାନ୍ ଆୟାକାନ୍,” ନାସ୍ତିଖାଲେ ଖାର୍ ଖେନ୍‌କା ଗୁସାଜିସୋଲ୍‌ସି ବୁମିଦୁ ଆର୍‌ତାର୍ ।

୭ ଆବେଟ୍ ଜିସୁ ଖାରିଙ୍ଗ୍ ମାରି ଅରସୁ ଖେନ୍‌ବାତାନ୍, “ମିର୍ ଏଙ୍ଗ୍ ପୟ୍‌ଜିନିଦେର୍ ?”

ଖାର୍ ଇର୍ହାନ୍, ନାଜରିୟତିୟ୍ ଜିସୁଙ୍ଗ୍ ।

୮ ଜିସୁ ଇର୍ହାନ୍, “ନାନ୍‌ନେ ଆୟାକାନ୍,” ଇକା ତୋ ନାନ୍ ମିଙ୍ଗ୍ ଖେରତା । “ଜଦି ମିର୍ ନାଙ୍ଗ୍ ପୟ୍‌ଜିନିଦେର୍, ଆରିଙ୍ଗ୍ ଇୟାଖାରିଙ୍ଗ୍ ସନ୍‌ଡ୍ରେଙ୍ଗ୍ ଡିସ୍‌ତୁ ।”

୯ ଖାନ୍ ଇକା ଇର୍ହାନ୍, ଏଣ୍ଡେସ୍ ଖାନ୍ ଇହ୍ ମାର୍‌ଇ ଇୟା ବାକ୍ୟ ପୁରା ଆନାଡ୍, ନିନ୍ ନାଙ୍ଗ୍ ଆମାଖାରିଙ୍ଗ୍ ସିଡିମାନି, ଖାରି ମାଣ୍‌କୁ ନାନ୍ ଅରେନ୍‌ଖାନିଙ୍ଗ୍ ବା ଆରାକିଏ ।

୧୦ ସିମୋନ ପିତର ଲାକ୍‌ତୁ ଉନ୍‌ଡି କାଆଣ୍ଡା ମାର୍ହାଡ୍, ଆୟା କାଆଣ୍ଡା ସୋପ୍‌ତାନ୍‌ନୋ ଓଜେରିଙ୍ଗ୍ ପେରିଜାଜକରି ସାକରତିଙ୍ଗ୍ କାଡ୍‌ତାନ୍ ମାରି ଆୟା ସାକରତି ଉଣେରି ଗିଡ୍‌ଣି କୟ୍‌ତାପୋକ୍‌ତାନ୍; ଆୟା ସାକରତି ଦର୍ ମାଲ୍‌କ ।

୧୧ ଆବେଟ୍ ଜିସୁ ପିତରତିଙ୍ଗ୍ ଇର୍ହାନ୍, “ନିନ୍ କାଣ୍ଡାଦିଙ୍ଗ୍ ଇଡ୍‌ନିବାଡିଦୁ ଇଡିଆ; ବୁବା ନାଙ୍ଗ୍ ଏମେ ତୁବାଇ ସିତାମାନ୍‌ନାନ୍, ନାନ୍ ଇନିକା ଆବେଟ୍‌କୁ ଉଣ୍‌ଏନୋ ?”

ହାନାନ୍‌ଦି ଆଗ୍‌ଡି ଜିସୁ

(ମାଡିଉ ୨୬:୫୭-୫୮; ମାର୍କ ୧୪:୫୩-୫୪; ଲୁକ ୨୨:୫୪)

୧୨ ଇୟା ଖେନ୍‌କା ରମିୟ ସନ୍‌ପରିଦଲ୍, ପେରି ସେନାପତିର୍, ମାରି ଜିହୁଦିରିଙ୍ଗ୍ କାପ୍‌କିନିକାର୍ ଜିସୁଙ୍ଗ୍ ଆସ୍‌ସି ତରତାର୍

୧୩ ମାରି ଖାନିଙ୍ଗ୍ ଆଗ୍‌ଡି ହାନାନ୍‌ଦି ଲାକ୍‌ତୁ ଅତାର୍, ଇରିଙ୍ଗ୍ ଖାନ୍ ଆୟା ବାସ୍‌କ୍‌ଡି ଓଜେରିଙ୍ଗ୍ ପେରିଜାଜକ୍ କୟାପାଦି ପତେଲ୍‌ସି ମାର୍ହାନ୍ ।

୧୪ ଇୟା କୟାପା ଆଗ୍‌ଡି ଜିହୁଦି ନେତାର୍ ଖେରତା ମାର୍ହାନ୍, ଓଜୁ ଲୋକା ନେଗି ଉଣ୍ଡିଙ୍ଗ୍ ଅରେନ୍ ସାନିକା ନେଗେଡ୍ ।

ଜିସୁଙ୍ଗ୍ ପିତର ନେସେଏ ଇଜି ଇର୍ହାନ୍

(ମାଡିଉ ୨୬:୬୯-୭୦; ମାର୍କ ୧୪:୬୬-୬୮; ଲୁକ ୨୨:୫୫-୫୭)

୧୫ ସିମୋନ ପିତର ନି ମାରି ଅରେନ୍ ସିସୁ ଜିସୁଦି ଖାଲେ ଖାଲେ ସୋଲ୍‌ସିମାର୍ହାନ୍ । ଆୟା ସିସୁ ଓଜେରିଙ୍ଗ୍ ପେରିଜାଜକ୍‌ଦିଙ୍ଗ୍ ନେସ୍‌ଡିକାନ୍ ମାର୍ହାନ୍ ମାରି ଜିସୁଦି ଖାଲେ ଓଜେରିଙ୍ଗ୍ ପେରିଜାଜକ୍‌ଦି ଦୁଆର୍‌ତୁ ଡ୍ରେଡ୍‌ତାର୍;

୧୬ ମାତର୍ ପିତର ଆତେରେ ତେଖା ଲାକ୍‌ତୁ ନିରୁଆ ମାର୍ହାନ୍ । ମାରି, ଆୟା ଏମେ ଆଇ ସିସୁ ଓଜେରିଙ୍ଗ୍ ପେରିଜାଜକ୍‌ଦିଙ୍ଗ୍ ନେସ୍‌ଡିକାନ୍ ମାର୍ହାନ୍, ଖାନ୍ ଆତେରେ ସୋର୍‌ହାନ୍‌ନୋ ତେଖାଦୁ କାପ୍‌କିନିଖାନିଙ୍ଗ୍ ଖେର୍‌ସି ପିତରତିଙ୍ଗ୍ ଦୁଆର୍ ଲୋଇ ତାତାର୍ ।

୧୭ ଆବେଟ୍ ଆୟା ତେଖାଦୁ କାପ୍‌କିନି ସାକର୍ ପିତରତିଙ୍ଗ୍ ଇର୍ହାଡ୍, “ନିନ୍ ବା ଇନିକା ଇୟା ଲୋକାଦି ସିସୁରି ଲୋଇରାନ୍ ଅରେନ୍ ଆଇନୋ ?”

ପିତର ଇର୍ହାନ୍, “ନାନ୍ ସିଲେ ।”

୧୮ ପିନିଦି ଉଣ୍ଡିଙ୍ଗ୍ ସାକର୍ ନି କାପ୍‌କିନିକାର୍ ସିସୁ କାସ୍‌ସିକିଜି ଆବେନ୍‌ନୁ ନିରୁଆରୋ ସିସୁ କାୟାଜି ମାର୍ହାନ୍; ପିତର ବା ଖାରି ଖାଲେ ନିରୁଆନୋ ସିସୁ କାୟାଜି ମାର୍ହାନ୍ ।

ଜିସୁଙ୍ଗ୍ ପେରିଜାଜକ୍‌ଦି ଖେନ୍‌ବାନିକା

(ମାଡିଉ ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ ଆୟାଦାପ୍ତେ ଓଜେରିଙ୍ଗ୍ ପେରିଜାଜକ୍ ଜିସୁଙ୍ଗ୍ ଖାନି ସିସୁରି ବିସୟ୍‌ତାନ୍ ମାରି ଖାନି ସିକିୟା ବିସୟ୍‌ତାନ୍ ଖେନ୍‌ବାତାନ୍ ।

☆ ୧୮:୧୧ ମାଡିଉ ୨୬:୩୯; ମାର୍କ ୧୪:୩୬; ଲୁକ ୨୨:୪୨. ☆ ୧୮:୧୪ ଜୋହନ ୧୧:୪୯, ୫୦.

୨୦ ଜିସୁ ଖାନିଙ୍କ ଇର୍ହାନ, “ନାନ୍ ଦୁନିଆ ଲାକ୍ତୁ ନେସ୍‌ନିଝାଜା ମାଟା ଇର୍‌ଆମାନା; ଏମେମାନୁ ଓଜେରେ ଜିହୁଦିର୍ ଉନ୍‌ଡେମାନୁ ଆନାର୍, ଇୟାଝାଜା ପାର୍‌ତନାକିନି ଇଲ୍‌କାଙ୍କ୍ ମାରି ମନ୍‌ରତୁ ନାନ୍ ଓଜୁଦିନ୍ ସିକୟା ସିତାମାନା; ନାନ୍ ଇନି ବିସୟ୍ ଆଡାକ୍‌ସି ଝାଜା ଇନ୍‌ଏ ।

୨୧ ନାଙ୍କ୍ ଏନ୍‌ା ଝେନ୍‌ବାଜିନି ? ନାନ୍ ଝାରିଙ୍କ୍ ଇନିକା ଇର୍‌ହାମାନା, ଏମେକାର୍ ଝେର୍‌ଆମାନାର୍, ଝାରିଙ୍କ୍ ଝେନ୍‌ବାଆ; ସୁଡ଼ୁଆ, ନାନ୍ ଆମା ଆମାକା ଇର୍‌ଆମାନା, ଝାର୍ ଆୟାଝିଜୁ ନେସ୍‌ନାର୍ ।”

୨୨ ଜିସୁ ଇୟା ମାଟା ଇନିଝାଲେ ଜିସୁଦି ଲାକ୍ତୁ ନିର୍‌ଇ ମାର୍‌ଇ କାପ୍‌କିନିକାନ୍ ଅରେନ୍ ଜିସୁଙ୍କୁଁ ସାପାଡା ତାକ୍‌ସି ଇର୍‌ହାନ, “ନିନ୍ ଓଜେରିଙ୍କ୍ ପେରି ଜାଜକଙ୍କ୍ ଏଣ୍‌େସ୍ ଉତର୍ ଝେର୍‌ସିନି ?”

୨୩ ଜିସୁ ଖାନିଙ୍କ୍ ଇର୍‌ହାନ, “ଜଦି ନାନ୍ ବୁଲ୍ ଇର୍‌ଆ, ଆର୍‌ତିଙ୍କ୍ ଓଜେରି ଆର୍‌ଡ଼ି ବୁଲ୍‌ତି ସାକି ସିଦାଟ୍; ମାତର୍ ଜଦି ନେଗେନ୍ ଇର୍‌ହା, ଆର୍‌ତିଙ୍କ୍ ଏନ୍‌ା ନାଙ୍କ୍ ତାକ୍‌ସିନି ?”

୨୪ ଆବେଟ୍ ହାନାନ ଜିସୁଙ୍କୁଁ ତରାତିମାନି ତାସାନେ ଓଜେରିଙ୍କ୍ ପେରିଜାଜକ୍ କୟାପାଦି ଲାକ୍ତୁ ପୋକ୍‌ତାନ୍ ।

ଜିସୁଙ୍କୁଁ ପିତର୍ ମାରିଡେସି ନେସେଏ ଇଜି ଇର୍‌ହାନ

(ମାତିଉ ୨୬:୭୯-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଆବେଟ୍ ସିମୋନ ପିତର୍ ନିର୍‌ଆରୋ ସିସୁ କାୟାଜି ମାର୍‌ହାର୍ । ଆବେଟ୍ ଝାର୍ ଝାନିଙ୍କ୍ ଝେନ୍‌ବାତାର୍, “ନିନ୍ ବା ଇନିକା ଝାନି ସିସୁରି ଲୋଇରାନ୍ ଅରେନ୍ ଆଇନୋ ?”

ପିତର୍ ନେସେଏ ଇଜି ଇର୍‌ହାନ, “ନାନ୍ ସିଲେ ।”

୨୬ ଓଜେରିଙ୍କ୍ ପେରିଜାଜକଦି ସାକର୍‌କା ଲୋଇରାନ୍ ଅରେନ୍, ଅର୍‌ତାଡ଼ ପିତର୍ ଆମାଝାନି ଗିତଣି କୟାତାପୋକ୍‌ତା ମାର୍‌ହାନ, ଆୟା ସାକର୍‌ତି ନିଜେଲୋକ୍ ଇର୍‌ହାନ, “ନାନ୍ ଇନିକା ନିଙ୍କ୍ ଝାନି ଝାଲେ ତଡ଼ିତୁ ସୁଡ଼ୁ ମାର୍‌ହା ନୋ ?”

୨୭ ଆବେଟ୍ ପିତର୍ ମାରିଡେସି “ନେସେଏ” ଇଜି ଇର୍‌ହାନ, ମାରି, ଆୟାଦାପ୍ରେ କରୁ କେଡ଼ିତାଡ଼ ।

ଜିସୁଙ୍କୁଁ ପିଲାଡ଼ି ଆର୍‌ଡ଼ି ତାତାର୍

(ମାତିଉ ୨୭:୧-୨, ୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ଝେନ୍‌କା ଝାର୍ ଜିସୁଙ୍କୁଁ କୟାପାଦି ଇଲ୍‌ତାନ୍ ଅସି ରମିୟ ରାଜାଦି ମେଡ଼ଇଲୁତୁ ଅତାର୍; ନାସ୍ତିଝାଲେ କରୁ କେଡେପି ଆତାମାର୍‌ହାଡ଼; ମାରି, ଜିହୁଦି ନେତାର୍ ଏଣ୍‌େସ୍ ତାଗ୍‌ଇକା ଆଏଶ୍‌ଗା ନିସ୍ତାର୍ ପଣ୍ଡୟତି ବୋଜି ଉନ୍‌ଣେଙ୍କ୍ ଆଟ୍‌ନାର୍, ଇୟାଉଣ୍ଡିଙ୍କ୍ ନିଜେ ମେଡେଇଲୁ ଲୋଇ ଡ଼ୁଣୁଏତାର୍ ।

୨୯ ମାରି, ରାଜା ପିଲାଡ଼ ଝାରି ଲାକ୍ତୁ ସୋସି ଝାଜି ଝେନ୍‌ବାତାନ୍, “ଇୟା ଲୋକ୍‌ତି ବିରଦ୍‌ତାନ୍ ମି ମାଟା ଇନିକା ?”

୩୦ ଝାର୍ ଝାନିଙ୍କ୍ ଇର୍‌ହାର୍, “ଇୟାକାନ୍ ଜଦି ଦସ୍‌କିତିକାନ୍ ଆଏତାନ୍ ମାନ୍, ଆର୍‌ତିଙ୍କ୍ ମାପ୍ ଝାନିଙ୍କ୍ ନି କିୟୁଦି ସର୍‌ପେ କିଏତାପ୍ ମାନ୍ ।”

୩୧ ଆବେଟ୍ ପିଲାଡ଼ ଝାରିଙ୍କ୍ ଇର୍‌ହାନ, “ମିର୍ ଝେନିଙ୍କ୍ ଅସ ମି ନିୟମ୍‌ତାନ୍ ଝେନି ବିସାର୍ କିଦୁ ।”

ଜିହୁଦିର୍ ଝାନିଙ୍କ୍ ଇର୍‌ହାର୍, “ଏଙ୍କ୍ ସାନିଦଣ୍ଡ ସିନି ମା ଅଦିକାର୍ ସିଲେଡ଼ ।”

୩୨ ଜିସୁ ଏଣ୍‌େସ୍ ନାନି ସାନିଦଣ୍ଡ କିଦେଙ୍କ୍ ସୋଲ୍‌ସିନାନ୍, ଆବେଣି ସିନା ସିଜି ଝାନ୍ ଆମା ବାକ୍ୟ ଇର୍‌ହାମାର୍‌ହାନ ଆକା ଏଣ୍‌େସ୍ ପୁରା ଆନାଡ଼, ଇୟାଉଣ୍ଡିଙ୍କ୍ ଝାର୍ ଇକା ଇର୍‌ହାର୍ ।

୩୩ ମାରି, ପିଲାଡ଼ ମେଡ଼ଇଲୁ ଲୋଇ ଡ଼ୁଣ୍ଡିତାନ୍‌ନୋ ଜିସୁଙ୍କୁଁ କୁକ୍‌ତାନ୍‌ନୋ ଝାନିଙ୍କ୍ ଝେନ୍‌ବାତାନ୍, “ନିନ୍ ଇନିକା ଜିହୁଦିର୍ ରାଜା ?”

୩୪ ଜିସୁ ଝାନିଙ୍କ୍ ଇର୍‌ହାନ, “ନିନ୍ ଇନିକା ନିଜେଦାନ୍ ଇକା ଇଜିନି, ନୋ ଆଇକାର୍ ନା ବିସୟ୍‌ତାନ୍ ନିଙ୍କ୍ ଇକା ଝେର୍‌ତାମାନାର୍ ?”

୩୫ ପିଲାଡ଼ ଇର୍‌ହାନ, “ନାନ୍ ଇନିକା ଅରେନ୍ ଜିହୁଦି ? ମି ନିଜେଦି ଲୋକୁ ମାରି ପେରି ଜାଜକର୍ ନିଙ୍କ୍‌ନା କିୟୁଦୁ ସର୍‌ପେ କିତାମାନାର୍; ନିନ୍ ଇନିକା କିତିମାନି ?”

୩୬ ଜିସୁ ଇର୍‌ହାନ, “ନା ରାଜି ଇୟା ଦୁନିଆଦି ବିସୟ୍ ଆଏଡ଼; ଜଦି ନା ରାଜି ଇୟା ଦୁନିଆଦି ବିସୟ୍‌ତାନ୍ ଆତାଡ଼ମାନ୍, ଆର୍‌ତିଙ୍କ୍ ନାନ୍ ଏଣ୍‌େସ୍ ଜିହୁଦି ନେତାର୍ କିୟୁଦୁ ସର୍‌ପେ ଆଏତାମାନ୍, ଆୟାଉଣ୍ଡିଙ୍କ୍ ନାଝାଲେ ବୁଲାନିକାର୍ ଜୁଦ୍ କିତାର୍‌ମାନ୍, ମାତର୍ ନା ରାଜି ସଡ଼ତାନ୍‌ନେ ଇୟା ଦୁନିଆ ବିସୟ୍‌ତାନ୍ ସିଲେ ।”

୩୭ ଆବେଟ୍ ପିଲାଡ଼ ଝାନିଙ୍କ୍ ଝେନ୍‌ବାତାନ୍, “ଆର୍‌ତିଙ୍କ୍ ନିନ୍ ଇନିକା ଅରେନ୍ ରାଜା ନୋ ?”

ଜିସୁ ଇର୍‌ହାନ, “ନିନ୍‌ତୋ ଇଜିନି, ନାନ୍ ଅରେନ୍ ରାଜା । ନାନ୍ ଏଣ୍‌େସ୍ ସଡ଼ତି ତରିନ୍ ସାକି ସିନା, ଇୟାଉଣ୍ଡିଙ୍କ୍ ନାନ୍ ଜନମ୍ ଆତାମାନା ମାରି ଦୁନିଆଦୁ ଝାତାମାନା । ଏନ୍ ସଡ଼ତି ମାରିନ୍, ଝାନ୍ ନା ମାଟା ଝେନ୍‌ନାନ୍ ।”

☆ ୧୮:୩୨ କୋହନ ୩:୧୪; ୧୨:୩୨.

୩୮ ପିଲାଟୁ ଖାନିଙ୍ଗ ଇର୍ହାନ, “ସତ୍ତ୍ଵ ଇନିକା ?” ଇକା ଇନିଜି ଖାନ ଫାରି ଜିହୁଦିଲୋକା ଲାକତୁ ଆଡ଼ରେ ସୋରଆନନୋ ଖାରିଙ୍ଗ ଇର୍ହାନ, ନାନ ଦଣ୍ଡସିନି ଉଣ୍ଡିଙ୍ଗ ଖେନିମାନୁ ଇନି ଦୋସ୍ ପୟ୍‌ଏଜିନା ।

ଜିସୁଙ୍ଗୁଁ ସାନିଦଣ୍ଡି ଆଦେସ୍ ସିତାର୍

(ମାତିଉ ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୯ ମାତର୍ ନାନ ଜେ ନିସ୍ତାର ପଣ୍ଡୟତିଖାଲେ ମି ଉଣ୍ଡିଙ୍ଗ ଅରେନଖାନିଙ୍ଗ ଡିସ୍‌ସିକିନିକା, ଇକା ମି ରିତି ମାନାଡ଼; ମାରି, ଜିହୁଦିର୍ ରାଜେଙ୍ଗ ନାନ ମି ଉଣ୍ଡିଙ୍ଗ ଡିସ୍‌ନା ସିନାପ୍ ଇଜି ଇନିକା ମି ବଦା ?

୪୦ ଆବେଟ୍ ଖାର୍ ମାରିଡେସି ଆଉଲି ଆଜି ଇର୍ହାର୍, ଇୟା ଲୋକତିଙ୍ଗ “ସିଲେ, ମାତର୍ ବାରକାଙ୍ଗ ଡିସ୍‌ଆ ।” ଇୟା ବାରକା ଅରେନ ଡଙ୍ଗାଁରଏନ୍ ମାର୍ହାନ ।

୧୯

୧ ତାନେଖେନକା ପିଲାଟୁ ଜିସୁଙ୍ଗୁଁ ଅସି କୋରତାଦାନ ଡାକ୍‌ସି କିତାନ ।

୨ ମାରି, ସନ୩ର ସାମକାଣି ଟପି ତିଆର୍ କିତାରୋ ଜିସୁଦି ତାଲାଦୁ ଆରିସ୍‌କିତାର୍ ମାରି ଖାନିଙ୍ଗ ନିଡିଦି ଆଙ୍ଗୁ ଆରିସ୍‌କିତାର୍;

୩ ଖାର୍ ଖାନି ଲାକତୁ ଖାଜି ଇର୍ହାର୍, ଏ ଜିହୁଦିର୍ ରାଜା, ଖିଜୁଦିନତି ଉଣ୍ଡିଙ୍ଗ ରାଜା ଆଜି ମା ମୁସକୁ ସାସନ୍ କିଆ; ମାରି ଖାର୍ ଖାନିଙ୍ଗ ସାପ୍‌ଡା ଡାକ୍‌ଡେଙ୍ଗୁ ଆସ୍‌ଡାର୍ ।

୪ ପିଲାଟୁ ମାରିଡେସି ଆଡେରେ ସର୍ହାନନୋ ଖାରିଙ୍ଗ ଇର୍ହାନ, “ସୁଡ଼ଦୁ, ନାନ ଖାନିମାନୁ ଇନି ଦସୋ ପୟ୍‌ଏଜିନା, ଇକା ଏଣ୍ଡେସ୍ ମିର୍ ନେସ୍‌ନିଦେର୍, ଇୟାଉଣ୍ଡିଙ୍ଗ ନାନ ଖାନିଙ୍ଗ ମି ଲାକ୍‌ତୁ ସୋପ୍‌ଡା ତାସିନା ।”

୫ ଆବେଟ୍ ଜିସୁ ଆୟା ସାମକାଣି ଟପି ମାରି ନିଡି କୋଲରତି ଆଙ୍ଗୁ ଆରାତାନନୋ ଆଡେରେ ଖାତାନ । ପିଲାଟୁ ଖାରିଙ୍ଗ ଇର୍ହାନ, “ସୁଡ଼ଦୁ, ଆୟା ଲୋକ୍ତୁ !”

୬ ଆବେଟ୍ ପେରି ଜାଜକର୍ ମାରି ମନ୍ଦିର୍ କାପକିନିକାର୍ ଜିସୁଙ୍ଗୁଁ ସୁଡ଼ଜି ଆଉଲି ଆଜି ଇର୍ହାର୍, କୁସକାଟ୍‌ତୁ ଏକିସ୍‌କିଦୁ, କୁସକାଟ୍‌ତୁ ଏକିସ୍‌କିଦୁ । ପିଲାଟୁ ଖାରିଙ୍ଗ ଇର୍ହାନ, ମିର୍ ଖାନିଙ୍ଗ ଅସି କୁସକାଟ୍‌ତୁ ଏକିସ୍‌କିଦୁ, ଇରିଙ୍ଗ ନାନ ସାନିଦଣ୍ଡି ସିଦେଙ୍ଗୁ ଖାନିମାନୁ ଇନି ଦସୋ ପୟ୍‌ଏଜିନା ।

୭ ଜିହୁଦିଲୋକ୍ ଖାନିଙ୍ଗ ଇର୍ହାର୍, “ମାଦି ଉନ୍‌ଡୁ ନିୟମ୍ ମାନାଡ଼ ମାରି ଆୟା ନିୟମ୍‌ତି ଇସାବ୍‌ତାନ ଖାନ ସାନିଦଣ୍ଡି ଜଗ, ଇରିଙ୍ଗ ଖାନ ନିଜେଦିଙ୍ଗ ମାପୁରୁଦି ମାରିନ୍ ଇଜି ଖେର୍‌ସିନାନ ।”

୮ ଆବେଟ୍ ପିଲାଟୁ ଇୟା ମାଟା ଖେନଜି ନାଣ୍ଡି ତିଲାତାନ;

୯ ମାରି, ଖାନ ମାରିଡେସି ମେଡ଼ଇଲୁ ଲୋଇ ଡୁରୁତାନନୋ ଜିସୁଙ୍ଗୁଁ ଖେନବାତାନ, “ନିନ୍ ଏମେମାଣକୁ ଖାତିମାନି ?” ମାତର୍ ଜିସୁ ଖାନିଙ୍ଗ ଇନିକା ଇନ୍‌ଏତାନ ।

୧୦ ଆବେଟ୍ ପିଲାଟୁ ଖାନିଙ୍ଗ ଇର୍ହାନ, “ନିନ୍ ଇନିକା ନା ଖାଲେ ଖାର୍‌ଗିଇ ? ନିଙ୍ଗୁଁ ଡିସ୍‌ଡେଙ୍ଗୁ ନା ଅଦିକାର୍ ମାନାଡ଼ ମାରି ନିଙ୍ଗୁଁ କୁସକାଟ୍‌ତୁ ଏକିସ୍‌ଡେଙ୍ଗୁ ନା ଅଦିକାର୍ ମାନାଡ଼, ଇକା ଇନିକା ନିନ୍ ନେସ୍‌ଏଜିନି ?”

୧୧ ଜିସୁ ଇର୍ହାନ, “ଜଦି ମାପୁରୁଦିମାଣାନ ନିଙ୍ଗୁଁ ଅଦିକାର୍ ରେଏତିଙ୍ଗ ମାନ୍ଦି, ଆର୍ଡିଙ୍ଗ ନା ବିରଦ୍‌ତାନ ନିଦି ଇନି ଅଦିକାର୍ ସିଲେଡାଡ଼ ମାନ୍ଦି; ଏନ୍ ନାଙ୍ଗୁଁ ନି କିୟୁଦୁ ସର୍‌ପେ କିତାମାନାନ, ଖାନି ପାପ୍ ନାଣ୍ଡୋସାନିଖାଜା ।”

୧୨ ଆବେଟ୍ ପିଲାଟୁ ଖାନିଙ୍ଗ ଡିସ୍‌ଡେଙ୍ଗୁ ସେସ୍‌ କିତାନ, ମାତର୍ ଜିହୁଦିଲୋକ୍ ଆଉଲି ଆଜି ଇର୍ହାର୍, “ଜଦି ନିନ୍ ଇୟା ଲୋକତିଙ୍ଗ ଡିସ୍‌ନି, ଆର୍ଡିଙ୍ଗ ନିନ୍ ସମ୍ରାଟ୍‌ତି ସଙ୍ଗୁ ଆଇ; ଏନ୍ ନିଜେଦିଙ୍ଗ ରାଜା ଇଜି ଇନାନ, ଖାନ ସମ୍ରାଟ୍‌ତି ତରିନ୍ ମାଟା ଇନାନ ।”

୧୩ ମାରି, ପିଲାଟୁ ଇୟାଖିଜୁ ମାଟା ଖେରଆନନୋ ଜିସୁଙ୍ଗୁଁ ଆଡେରେ ତାଡ଼ତାନନୋ “ଗୁଡିକାଲୁ” ଦର୍ଡି ବାଡିଦୁ ତାଡାର, ଏବ୍ରି ବାସାଦାନ ଇୟାତାନି ଦର୍ “ଗବ୍‌ବତା” ଇଜି ଇନାର୍, ଆୟା ବିଚାରକିନି ବାଡିଦୁ ବାସ୍‌ତାନ ।

୧୪ ଆୟାନାଣ୍ଡିଙ୍ଗ ନିସ୍ତାର ପଣ୍ଡୟ ତିଆରଆନି ଦିନ୍, ମାରି ନାସିଖାଲେ ଖେଡେ ଆତାମାର୍ହାଡ଼ । ମାରି, ଖାନ ଜିହୁଦିରିଙ୍ଗ ଇର୍ହାନ, “ସୁଡ଼ଦୁ ମି ରାଜା ।”

୧୫ ଆବେଟ୍ ଖାର୍ ଆଉଲି ଆତାର୍, “ଖାନିଙ୍ଗ ଡାକ୍‌ତୁ, ଡାକ୍‌ତୁ, କୁସକାଟ୍‌ତୁ ଏକିସ୍‌କିଦୁ ।”

ପିଲାଟୁ ଖାରିଙ୍ଗ ଇର୍ହାନ, “ନାନ ଇନିକା ମି ରାଜେଙ୍ଗ କୁସକାଟ୍‌ତୁ ଏକିସ୍‌କିନା ?”

ପେରି ଜାଜକର୍ ଇର୍ହାର୍, “କେବଲ୍ ସମ୍ରାଟ୍‌ତିଙ୍ଗ ଡିସ୍‌ଡିଙ୍ଗ ମାଙ୍ଗୁଁ ମାରି ରାଜା ସିଲେନ୍ ।”

୧୬ ଆବେଟ୍ ପିଲାଟୁ ଏଣ୍ଡେସ୍ କୁସକାଟ୍‌ତୁ ଏକାନାନ, ଇୟାଉଣ୍ଡିଙ୍ଗ, ପିଲାଟୁ ଖାନିଙ୍ଗ ଖାରି ବଦାଦାନ ସର୍‌ପେ କିତାନ, ତାନେଖେନକା ଖାର୍ ଜିସୁଙ୍ଗୁଁ ଅତାର୍ ।

ଜିସୁଙ୍କୁ କୁସକାର୍ତ୍ତୁ ଏକିସ୍ତାର

(ମାତୃ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ମାରି, ଜିସୁ ନିଜେ କୁସକାର୍ତ୍ତୁ ପିତୃତାନ୍ନେ “ତାଲାଦି କାପାଲ ନାନି” ଦର୍ତ୍ତି ବାଡ଼ିଦୁ ସୋହାନ, ଏବି ବାସାଦାନ ଆୟାବାଡ଼ିଦିଙ୍କ “ଗଲଗଥା” ଇଜି ଇନାର ।

୧୮ ଆବେନୁ ଖାର୍ ଖାନିଙ୍କ କୁସକାର୍ତ୍ତୁ ଏକିସ୍ତାର ମାରି ଖାନି ଖାଲେ ମାରି ରିଏରିଙ୍କ ଏକିସ୍ତାର, ରିଆଙ୍କା ରିଏରିଙ୍କ ମାରି ନାଡ଼ମି ଜିସୁଙ୍କୁ ।

୧୯ ମାରି, ପିଲାଡ଼ ଉନ୍ତ୍ର ନଟିସ୍ ଆକୁ ରାସ୍ସି କୁସକାର୍ତ୍ତୁ ମୁସକୁ ଡ଼ତାର । ଆବେନୁ ରାସ୍ତା ମାର୍ହାଡ଼, “ନାଜରିୟତିୟ ଜିସୁ, ଜିହୁଦିର ରାଜା ।”

୨୦ ଜିହୁଦିର ଲୋଇରାନ ଏସୋଲୋକ ଇୟା ରାସ୍ତିମାନିକା ପଡ଼ାତାର, ଇରିଙ୍କ ଏମେ ବାଡ଼ିଦୁ ଜିସୁଙ୍କୁ କୁସକାର୍ତ୍ତୁ ଏକିସ୍ତାରମାର୍ହାର, ଆକା ଗାଡ଼ ଲାକ୍ତୁ ମାର୍ହାଡ଼, ମାରି ଆୟା ରାସ୍ତିକା ଏବି, ଲାଟିନ୍ ମାରି ଗ୍ରିକ୍ ବାସାଦାନ ରାସ୍ତା ମାର୍ହାଡ଼ ।

୨୧ ଜିହୁଦିରି ପେରି ଜାଜକର ପିଲାଡ଼ତିଙ୍କ ଇହାର, “ଜିହୁଦିରି ରାଜା” ଇଜି ରାସ୍ସିଗା ମାରି “ନାନ ଜିହୁଦିରି ରାଜା ଇଜି ଖାନ ଇହାନ, ଇକା ରାସ୍ଆ ।”

୨୨ ପିଲାଡ଼ ଇହାନ, “ନାନ ଆମାକା ରାସ୍ତାମାନା, ଆକା ବାଦେଲ୍‌କିଦେଙ୍କ ଆର୍ସ ।”

୨୩ ସନ୍ୟର ଜିସୁଙ୍କୁ କୁସକାର୍ତ୍ତୁ ଏକିସ୍ତି ଝେନକା ନାଲ୍‌ଏର୍ ସନ୍ୟର ଖାନି ଖାତି ନାଲ୍‌ଗି ବାଗ୍‌କୁ କିଜି ଝିଜେରେ ଉଣ୍ଡିଙ୍କ ଉନ୍ତ୍ର ଉନ୍ତ୍ର ବାଗ, ମାରି ଖାର୍ ଖାନି ଆଙ୍କା ବା ଅତାର । ଆୟା ଆଙ୍କା ସିଲାଇ କିଏଗା ମୁସ୍କୁରାନ ଆଡ଼ଗି ସାନ୍ଦି ଝିଜୁ ଗୁଡ଼ତା ମାର୍ହାର ।

୨୪ ଆଦେଙ୍କ ସନ୍ୟର ଲୋଇ ଲୋଇ ଇହାର, ତେନେଙ୍କ କିସ୍ତେଙ୍କ କେଏର୍, ମାତର ଇକା ଏନ୍ଦି ଆନାଡ଼, ଆୟାଉଣ୍ଡିଙ୍କ କୁଡ଼କୁଡ଼ି କିନାର, ଏଣ୍ଡେସ୍ ଦାମ୍‌ସାସ୍ତୁ ଇୟା ବାକ୍ୟ ପୁରା ଆନାଡ଼, ଖାର୍ ନିଜେ ନିଜେଦି ମାନୁ ନା ଆଙ୍କା ଦିଙ୍କ ବାଗ୍ କିତାର, ମାରି ନା ଆରାନି ଆଙ୍କା ଉଣ୍ଡିଙ୍କ କୁଡ଼କୁଡ଼ି କିତାର ।

ଆଦେଙ୍କ ସନ୍ୟର ଇୟାଝିଜୁ କିତାର ।

୨୫ ମାତର ଜିସୁଦି କୁସକାର୍ତ୍ତୁ ଲାକ୍ତୁ ଖାନି ଆଇସି ମରିୟମ୍, ଖାନି ଆଇସିକା ତାଙ୍କା ସି, କ୍ଲୋପାଦି ଆଡ଼ସି, ମରିୟମ୍ ମାରି ମଗ୍‌ଦଲିନି ମରିୟମ୍ ନିର୍ସ ମାର୍ସ ।

୨୬ ଜିସୁ ନିଜେଦି ଆଇସିଙ୍କ ମାରି ଏମେ ସିସୁଙ୍କୁ ଜିବନ୍‌ନୋଜି ମାର୍ହାନ, ତାନିଙ୍କ ଲାକ୍ତୁ ନିର୍‌ଇମାରିକା ସୁଡ଼ତାନନୋ ଆଇସିଙ୍କ ଇହାନ, “ସୁଡ଼ଆ, ନି ମାରିନ୍‌ଡିଙ୍କ !”

୨୭ ତାନେଝେନକା ଜିସୁ ଆୟା ସିସୁଙ୍କୁ ଇହାନ, “ସୁଡ଼ଆ, ମି ଯାୟା !” ମାରି ଆୟା ସମୟତାନ ଆୟା ସିସୁ ତାନିଙ୍କ ନିଜେଦି ଇଲୁଡୁ ଅତାନ ।

ଜିସୁଦି ସାନିକା

(ମାତୃ ୨୭:୪୫-୫୨; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାନେଝେନକା ଜିସୁ ଦାମ୍‌ସାସ୍ତଦି ବାକ୍ୟ ଏଣ୍ଡେସ୍ ପୁରା ଆନାଡ଼, ଇୟାଉଣ୍ଡିଙ୍କ ଝିଜୁ ବିସୟ ଇଲେଇ ଝିଜିତାମାନାଡ଼ ଇଜି ନେସ୍ସି ଇହାନ, “ନାଙ୍କା ଏରକିକାର୍‌ସିନାଡ଼ ।”

୨୯ ଆବେନୁ ସୟନିରସ୍ ପୁରାପୁରିମାନି ଉନ୍ତ୍ର ସାଟି ମାର୍ହାଡ଼; ଖାର୍ ସୟନିରସ୍ ପୁରାମାନି ଉନ୍ତ୍ର ତୁଲାଦୁ କାଣ୍ଡେକ୍ ବାଡ଼ିଗାଦିଟିପୁଡୁ ଲାଗିସକିଜି ଖାନି ଝେୟ୍ ଲାକ୍ତୁ ସିତାର ।

୩୦ ଆବେର୍ ଜିସୁ ଆୟା ସୟନିରସ୍ ଉଟାନନୋ ଇହାନ, “ଝିଜିତାଡ଼” ମାରି ଖାନ ତାଲା ଆଡ଼ଗି କିଜି ସାତାନ ।

ଜିସୁଙ୍କୁ ପାଡ଼କା ତରିଶ୍ଟୁ ଗୁଡ଼ତାର

୩୧ ଆୟାନାଣ୍ଡିଙ୍କ ନେଗିଦିନ୍ ମାନିଙ୍କ, ମେନ୍‌ଲ୍‌ଝିଜୁ ଏଣ୍ଡେସ୍ ରମ୍‌ନିନାଣ୍ଡିଙ୍କ କୁସକାର୍ତ୍ତୁ ମୁସକୁ ତେବାଏଡ଼, ଇରିଙ୍କ ଆୟା ରମ୍‌ନିନାଣ୍ଡିଙ୍କ ପବିଡ଼ ଦିନ୍ ମାର୍ହାଡ଼, ଆରିଙ୍କ ଖାରି କାଲ୍‌କୁ ରୁକିର୍ ମାରି ତାନେଝେନକା ଖାରିଙ୍କ କୁସକାର୍ତ୍ତାନ ରେପ୍‌ତେଙ୍କ ଇଜି ଜିହୁଦି ନେତାର ପିଲାଡ଼ତିଙ୍କ ମାଡ଼ିସକିତାର ।

୩୨ ତାନେଝେନକା ସନ୍ୟର ଖାଜି ଆଗଡ଼ି ଅରେନ୍‌ଖାନି କାଲ୍‌କୁ ମାରି ଜିସୁଦି ଝେଲେ ଆମା ଅରେନ୍‌ଖାନିଙ୍କ କୁସକାର୍ତ୍ତୁ ଏକିସ୍ତିତାମାର୍ହାର, ଖାନି କାଲ୍‌ ବା ରୁକ୍‌ତାର ।

୩୩ ମାତର ଖାର୍ ଜିସୁ ଲାକ୍ତୁ ଖାଜି ଖାନ ସାତାନ ଇଜି ସୁଡ଼ୁ ଖାନି କାଲ୍‌ ରୁକ୍‌ଏତାର,

୩୪ ମାଣ୍ଡକୁ ଅରେନ୍ ଇଟାଦାନ ଖାନି ପାଡ଼କାଦୁ ଗୁଡ଼ତାନ, ମାରି ଆୟାଦାପ୍ରେ ନେତେର୍ ନି ଏରୁ ଖାଙ୍କି ଖାତେ ।

୩୫ ଏନ୍ ସୁତରା ମାନାନ୍, ଖାନ୍ ସାକିୟ ସିତାମାନାନ୍, ଏଣ୍ଡେସ୍ ମିର୍ ବା ବିସ୍ବାସ୍ କିନିଦେର୍; ମାରି, ଖାନି ସାକ୍ୟ ସତ୍, ମାରି ଖାନ୍ ଜେ ସତ୍ ଖେରସିନାନ୍, ଇକା ଖାନ୍ ନେସନାନ୍ ।

୩୬ ଇରିଙ୍ଗ୍ ଦାମ୍ବୁସାସ୍ତ୍ରି ଇୟା ବାକ୍ୟ ପୁରା ଆନି ଉଣ୍ଡିଙ୍ଗ୍ ଇୟାଞ୍ଜିକୁ ବିସୟ ଗଟାତାଡ୍, “ଖାନି ଉନ୍ତ୍ରି ପେଡେନ୍ ବା ରୁଙ୍ଗ୍ଏଡ୍ ।”

୩୭ *ଦାମ୍ବୁସାସ୍ତ୍ରି ମାରି ଉନ୍ତ୍ରି ବାକ୍ୟ ରାସ୍ତାମାନାଡ୍, “ଖାର୍ ଆମାଖାନିଙ୍ଗ୍ ଇଟାଦାନ୍ ଗୁଡ୍ତାର୍, ଖାନି ଲୋକୁ ସୁଡ୍ତୁାଟ୍ ।”

ଜିସୁଙ୍ଗ୍ ମୁସ୍ତାର୍

(ମାଡିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨)

୩୮ ଇୟାଞ୍ଜିକୁ ଗଟ୍ନେଙ୍ଗ୍ ଖେନକା, ଆମା ହାରାମାଡିୟାଡି ଜୋସେପ୍ ଜିସୁଡି ଅରେନ୍ ସିସୁ ମାର୍ହାନ୍, ମାତର୍ ଜିହୁଡି ନେଡାରିଙ୍ଗ୍ ତିଲାଜି ନେସେଇ ଖାଜା ମାର୍ହାନ୍, ଜୋସେପ୍ ଜିସୁଡି ମେନ୍ଦଲ୍ ଅଡେଙ୍ଗ୍ ଇଜି ପିଲାଡ୍ତିଙ୍ଗ୍ ମାଡ୍ଡିସ୍ତାନ୍ । ଆବେଟ୍ ପିଲାଡ୍ ଡ୍ରିସ୍ତାସିତାନ୍ । ଆଦେଙ୍ଗ୍ ଖାନ୍ ଖାତାନ୍ନୋ ଖାନି ମେନ୍ଦଲ୍ ଅତାନ୍ ।

୩୯ *ଆମା ନିକଦିମ ଆଗ୍ଡି ନାଡା ଖାନି ଲାକ୍ତୁ ଖାତାମାର୍ହାନ୍, ଖାନ୍ ବା ପୁରା ତିରିସ୍ କେଜି ବାସ୍ନାଦୁମିସାତି ନିୟୁ ଆସ୍ସି ଖାତାନ୍ ।

୪୦ ଖାର୍ ଜିସୁଡି ମେନ୍ଦଲ୍ତିଙ୍ଗ୍ ଅତାରୋ ଜିହୁଡିର୍ ମୁସ୍ନି ରିତିଦାନ୍ ଆକା ବାସ୍ନାନିୟୁଡି ଖାଲେ କାଣ୍ଡେକ୍ ପାସିଆଡୁ ତେରେପ୍ତାର୍ ।

୪୧ ଜିସୁଙ୍ଗ୍ ଏମେ ବାଡିଡୁ କୁସ୍କାଟ୍ଟୁ ଏକିସକିତାମାର୍ହାନ୍, ଆୟାବାଡିଡୁ ଉନ୍ତ୍ରି ତଡି ମାର୍ହାଡ୍, ମାରି ଆୟା ତଡିଡୁ ଉନ୍ତ୍ରି ପୁନି ମୁସ୍ନି ଗୁଟା ମାର୍ହାଡ୍, ଆବେନ୍ ଏନ୍ ଆଗ୍ଡିରାନ୍ ଏଙ୍ଗ୍ବା ମୁସ୍ଏର୍ ମାର୍ହାର୍ ।

୪୨ ମାରି, ଜିହୁଡିର୍ ନେଗିଦିନ୍ତି ଉଣ୍ଡିଙ୍ଗ୍ ଆୟା ବାଡିଡୁ ଖାର୍ ଜିସୁଙ୍ଗ୍ ଇଟ୍ତାର୍, ଇରିଙ୍ଗ୍ ଆୟା ମୁସ୍ନିବାତି ଲାକ୍ତୁ ମାର୍ହାଡ୍ ।

୨୦

ଖାରି ଗୁଟା

(ମାଡିଉ ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଖାରାଡି ଆଗ୍ଡିରି ନାଣ୍ଡିଙ୍ଗ୍ ଉଟ୍ଲା ନାଡାକାଦେ ସିକାଟି ମାନାପ୍ ମାନ୍ବୁନେ ମଗ୍ଦଲିନି ମରିୟମ୍ ମୁସ୍ତିଗୁଟା ଲାକ୍ତୁ ଖାତାଡ ଆବେଣ୍ଡୁକ୍ କାଲୁ ଗୁସାକିତିମାରିକା ସୁଡ୍ତୁାଡ୍ ।

୨ ଆଦେଙ୍ଗ୍ ମରିୟମ୍ ଉଟ୍ତୁସି ସୋଲ୍ସି ସିମୋନ ପିତର୍ ମାରି ଜିସୁ ଆମାଖାନିଙ୍ଗ୍ ଜିବନ୍ନୋଜି ମାର୍ହାନ୍, ଆୟା ଆଇ ସିସୁରି ଲାକ୍ତୁ ଖାତାଡ୍, ମାରି ଖାରିଙ୍ଗ୍ ଇର୍ହାର୍, “ଖାର୍ ମୁସ୍ତିଗୁଟାଦାନ୍ ପ୍ରବୁଙ୍ଗ୍ ଅତାମାନାର୍, ମାରି ଖାନିଙ୍ଗ୍ ଏମେମାନ୍ ଇଟ୍ତାମାନାର୍, ଆକା ମାପ୍ ନେସ୍ଏଜିନାପ୍ ।”

୩ ଆବେଟ୍ ପିତର୍ ମାରି ଆୟା ଆଇ ସିସୁ ମୁସ୍ତିଗୁଟା ଲାକ୍ତୁ ସନ୍ଡେଙ୍ଗ୍ ଇଜି ସୋଡାର୍ ।

୪ ଖାର୍ ରିଏର୍ ଅର୍ସେ ଉଟ୍ତୁତେଙ୍ଗ୍ ଆସ୍ତାର୍, ମାରି ଆୟା ଆଇ ସିସୁ ପିତରତିଙ୍ଗ୍ ଖେନକା ଡ୍ରିସ୍ସି ଆଗ୍ଡି ମୁସ୍ତିବାତି ଲାକ୍ତୁ ଇତାନ୍,

୫ ମାରି, ପାଡ୍ଗିତାନ୍ନୋ ଲୋଇ ବେସ୍ତାନ୍ ପାତଲ୍ଡି ପାସିଏଙ୍ଗ୍ଞିକୁ ଆର୍ଡିମାରିକା ସୁଡ୍ତୁାନ୍, ଆଡିଙ୍ଗ୍ବା ଖାନ୍ ଲୋଇ ଡ୍ରିଗୁଏତାନ୍ ।

୬ ତାନେଖେନକା ସିମୋନ ପିତର୍ ବା ଖାନି ଖେନକା ଖେନକା ଖାଜି ଇତାର୍ ମାରି ମୁସ୍ତିଗୁଟା ଲୋଇ ଡ୍ରିଗୁିତାନ୍ନୋ ସୁଡ୍ତୁାନ୍ ଜେ, ପାତଲ୍ଡି ପାସ୍ଇଏଙ୍ଗ୍ଞିକୁ ମାନେ,

୭ ମାରି ଜିସୁଡି ତାଲାଦୁ ଆମା ପାଗା ତର୍ତା ମାର୍ହାର୍, ଆୟା ପାତଲ୍ଡି ଖାଡିଙ୍ଗ୍ ଖାଲେ ମାନ୍ଏଣ୍ଗା ଖେରଏ ଉନ୍ତ୍ରି ବାଡିଡୁ ତେର୍ବିତା ମାନ୍ତା ।

୮ ନାସ୍ତିଖାଲେ ଆମା ଆଇ ସିସୁ ଆଗ୍ଡି ମୁସ୍ତିବାତି ଲାକ୍ତୁ ଖାତାମାର୍ହାନ୍, ଖାନ୍ ବା ଲୋଇ ଡ୍ରିଗୁିତାନ୍ନୋ ସୁଡ୍ତୁାନ୍ ମାରି ବିସ୍ବାସ୍ କିତାନ୍;

୯ ଇରିଙ୍ଗ୍ ସାଡିଖାରି ମାଣ୍ଡୁକ୍ ଜିସୁଙ୍ଗ୍ ଜେ ନିଙ୍ଗ୍ନିକା ମାନାଡ୍, ଦାମ୍ବୁସାସ୍ତ୍ରି ଇୟା ବାକ୍ୟ ଖାର୍ ଆୟା ସାନ୍ ବୁଜାଏତା ମାର୍ହାର୍ ।

୧୦ ଖେନକା ସିସୁର୍ ମାରିଡେସି ଖାରି ଇଲ୍ଡୁ ସୋର୍ହାର୍ ।

ମଗ୍ଦଲିନି ମରିୟମ୍ତିଙ୍ଗ୍ ଜିସୁ ତର୍ୟାଆତାନ୍

(ମାଡିଉ ୨୮:୯-୧୦; ମାର୍କ ୧୬:୯-୧୧)

* ୧୯:୩୬ ପ୍ରକାଶିତ ୧:୭. * ୧୯:୩୯ ଜୋହନ ୩:୧,୨.

୧୧ ମରିୟମ୍ ଆଡ଼ବାଜି ଆଡ଼ବାଜି ଆଡେରେ ମୁସ୍ତିବାତି ଲାକ୍ତୁ ନିରୁଆ ଡେବାତାଡ଼; ମାରି, ଆଡ଼ବାଜି ଆଡ଼ବାଜି
ଖାଦ୍ ପାଡ଼ଗିଜି ମୁସ୍ତିଗୁଟା ଲୋଇ ବେସ୍ତାଡ଼,

୧୨ ମାରି ଜିସୁଦି ମେନ୍ଦଲ୍ ଏମେ ବାଡ଼ିଦୁ ଇଟ୍ତାମାନ୍ହାର୍, ଆବେଣି ତାଲା ଲାକ୍ତୁ ଅରେନ୍ ମାରି ପାଦାମ୍ବକା ଲାକ୍ତୁ
ମାରି ଅରେନ୍, ଇୟାଖାଜା ରିଏରିଜ୍ ଅତିନିଆଙ୍ ଆରାତି ଦୁଡକାଙ୍ ବାସ୍ତିମାରିକା ସୁଡ଼ତୁଡ଼ ।

୧୩ ଖାର୍ ମରିୟମତିଙ୍ ଇର୍ହାର୍, “ଇୟା, ନିନ୍ଦୁ ଏନ୍ଦା ଆଡ଼ବାଜିନି ?”

ଖାଦ୍ ଖାରିଙ୍ ଇର୍ହାର୍, “ଏର୍ ନା ପ୍ରବୁଙ୍ ମେନ୍ଦଲ୍ ଅତାମାନାର୍, ମାରି ଖାନିଙ୍ ଏମେ ବାଡ଼ିଦୁ ଇଟ୍ତାମାନାର୍, ଆକା
ନାନ୍ ନେସ୍‌ଏଜିନା ।”

୧୪ ଖାଦ୍ ଇକା ଇନ୍ଦି ଖେନ୍ଦକା ମାର୍ଜିବେସ୍‌ସି ଜିସୁଙ୍ ନିରୁଇମାରିକା ସୁଡ଼ତୁଡ଼, ମାତର୍ ଖାନ୍ ଜେ ଜିସୁ, ଆକା
ନେସ୍‌ଏତାଡ଼ ।

୧୫ ଜିସୁ ତାନିଙ୍ ଇର୍ହାନ, “ନିନ୍ଦୁ ଏନ୍ଦା ଆଡ଼ବାଜିନି ? ଏଙ୍ ପୟ୍‌ଜିନି ?” ଖାଦ୍ ଖାନିଙ୍ ତଡ଼ିଦୁ ପାଣିକିନିକାନ୍ ଇଜି
ଅଡ଼ବିଜି ଇର୍ହାର୍, ଆଞ୍ଜା, “ନିନ୍ଦୁ ଜଦି ଖାନିଙ୍ ଅତିମାନି, ଆର୍ଡ଼ିଙ୍ ଖାନିଙ୍ ଏମେ ବାଡ଼ିଦୁ ଇଟ୍ତିମାନି, ନାଙ୍ ଇନ୍‌ଆଁ,
ମାରି ନାନ୍ ଖାନିଙ୍ ଅନା ।”

୧୬ ଜିସୁ ତାନିଙ୍ ଇର୍ହାନ, “ମରିୟମ୍ ।”

ଖାଦ୍ ମାର୍ଜିବେସ୍‌ସି ଏବ୍ରି ବାସାଦାନ୍ ଖାନିଙ୍ ଇର୍ହାର୍, “ରାବ୍‌ବୁନି,” ଅର୍ତାଡ଼, “ଏ ଗୁରୁ ।”

୧୭ ଜିସୁ ତାନିଙ୍ ଇର୍ହାନ, “ନାଙ୍ ଆସ୍‌ସୋ ଇଡ଼ିମା, ଇରିଙ୍ ନାନ୍ ଇୟାସାନ୍ଦି ବୁବାଦି ଲାକ୍ତୁ ସୋଲ୍‌ଏନେ; ମାତର୍
ନା ତଡ଼ାନ୍‌କା ମାନୁ ସୋଲ୍‌ସ ଇନ୍‌ଆଁ, ନାନ୍ ନା ବୁବା ମାରି ଖାରି ବୁବା, ନା ମାପୁରୁ ମାରି ଖାରି ମାପୁରୁ ଲାକ୍ତୁ ସୋଲ୍‌ସିନା
।”

୧୮ ମଗ୍‌ଦଲିନି ମରିୟମ୍ ସଲ୍‌ସି, ନାନ୍ ପ୍ରବୁଙ୍ ସୁଡ଼ତୁମାନା, ମାରି ଖାନ୍ ନାଙ୍ ଇୟାଞ୍ଜିଲୁ ଖେରତାମାନାନ୍ ଇଜି
ସିସୁରିଙ୍ କାରୁର୍ ସିତାଡ଼ ।

ଜିସୁ ଖାନି ସିସୁରିଙ୍ ତରୟାଆତାନ୍

(ମାଡ଼ିଉ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଆୟାନାଣ୍ଡିଙ୍ ଖାରାଦି ଆଗ୍‌ଡ଼ିରି ନାଣ୍ଡିଙ୍ ମିଲ୍‌ମିଲିକା ବେଡ଼ାଦୁ ଏସ୍ତିଖାଲେ ସିସୁର୍ ଏମେ ଇଲ୍‌ତୁ ମାନ୍ହାର୍, ଆବେଣି
ସେର୍‌ଲେଙ୍‌ଞ୍ଜିଲୁ ଜିହୁଦିରି ତିଏଲ୍‌ଡିଙ୍ କେରତା ମାନ୍ହାର୍, ନାସ୍ତିଖାଲେ ଜିସୁ ଖାଜି ନେଗି ନାଡ଼ିମି ନିରୁଆନ୍‌ନୋ ଖାରିଙ୍
ଇର୍ହାନ, “ମିଙ୍ ସାନ୍ତି ଆପିଡ଼ ।”

୨୦ ମାରି, ଇକା ଇନ୍ଦି ଜିସୁ ଖାରିଙ୍ ନିଜେଦି କିକୁ ମାରି ପାଡ଼କା ତରତାନ୍ । ଆବେର୍ ସିସୁର୍ ପ୍ରବୁଙ୍ ସୁଡ଼ଲୁ ଖେଡ଼ିକା
ଆତାର୍ ।

୨୧ ଜିସୁ ଖାରିଙ୍ ମାରିଡେସି ଇର୍ହାନ, “ମିଙ୍ ସାନ୍ତି ଆପିଡ଼; ବୁବା ଏଣ୍ଡେସ୍‌ଖାଜା ନାଙ୍ ପୋକ୍‌ତାତାମାନାନ୍, ନାନ୍ ବା
ଆୟାଖାଜା ମିଙ୍ ପୋକ୍‌ତାତାମାନା ।”

୨୨ ଖାନ୍ ଇକା ଇନ୍ଦି ଖାରି ମୁସ୍‌କୁ ନେଜ୍‌ଦେଙ୍ ଡିସ୍‌ତାନ୍‌ନୋ ଖାରିଙ୍ ଇର୍ହାନ, “ପବିତ୍ରଆମ୍‌ଦିଙ୍ ମାନାଦୁ ।

୨୩ ☆ମିର୍ ଜଦି ଏ ପାପ୍ କେମା କିନିଦେର୍, ଖାନି ପାପ୍ କେମା ଆନାଡ଼, ମାରି, ଜଦି ଏ ପାପ୍ କେମା କିଇଦେର୍, ଖାନି
ପାପ୍ କେମା ଆଏଡ଼ ।”

ଜିସୁ ନି ତୋମା

୨୪ ମାତର୍ ଜିସୁ ଏସ୍ତିଖାଲେ ଖାତାମାନ୍ହାନ, ନାସ୍ତିଖାଲେ ବାରଲୋକା ଲୋଇରାନ୍ ତୋମା ଦର୍ଡ଼ି ଅରେନ୍,
ଆମାଖାନିଙ୍ “ଦିଦୁମ” ଇନାର୍, ଖାନ୍ ଖାରି ଖାଲେ ସିଲେତାନ୍ ।

୨୫ ମାରି, ଆଇ ସିସୁର୍ ଖାନିଙ୍ ଇର୍ହାର୍, “ମାପ୍ ପ୍ରବୁଙ୍ ସୁଡ଼ତୁମାନାପ୍ ।”

ମାତର୍ ତୋମା ଖାରିଙ୍ ଇର୍ହାନ, “ଖାନି କିୟୁଦୁ କୁଟିଙ୍‌ଣି ସିନେଙ୍ ସୁଡ଼ଲୁଡ଼ିଙ୍ ମାରି ଆୟାଞ୍ଜିଲୁ ବାଡ଼ିଦୁ ନା
ଡ଼ାସ୍‌କେଙ୍ ସିଇଡ଼ିଙ୍ ମାରି ଖାନି ପାଡ଼କାଦୁ ନା କିୟୁ ଇଡ଼ିଙ୍‌ଡ଼ିଙ୍ ନାନ୍ ମୁଡ଼କେ ବିସ୍‌ବାସ୍ କିଏ ।”

୨୬ ଆର୍‌ଦିନ୍ ଖେନ୍ଦକା ଖାନି ସିସୁର୍ ମାରିଡେସି ଲୋଇ ମାନ୍ହାର୍ ମାରି ତୋମା ଖାରି ଖାଲେ ମାନ୍ହାନ । ସେର୍‌ଲେଙ୍‌ ଞ୍ଜିଲୁ
କେରଡ଼ିମାର୍‌ଇ ବେଡ଼ାଦୁ ଜିସୁ ଖାଜି ନେଗି ନାଡ଼ିମି ନିରୁଆନ୍‌ନୋ ଇର୍ହାନ, “ମିଙ୍ ସାନ୍ତି ଆପିଡ଼ ।”

୨୭ ଖେନ୍ଦକା ଖାନ୍ ତୋମାଦିଙ୍ ଇର୍ହାନ, “ଇବେନ୍ଦୁ ନି ଡ଼ାସ୍‌କେଙ୍ ମୁର୍‌ଆ ନା କିୟୁଦିଙ୍ ସୁଡ଼ଆ ମାରି ନା ପାଡ଼କାଦୁ ନି
କିୟୁ ମୁର୍‌ଆ; ଅବିସ୍‌ବାସ୍ କିଏଣ୍‌ଗା ବିସ୍‌ବାସ୍ କିଆ ।”

୨୮ ତୋମା ଖାନିଙ୍ ଇର୍ହାନ, “ନା ପ୍ରବୁ, ନା ମାପୁରୁ ।”

☆ ୨୦:୨୩ ମାଡ଼ିଉ ୧୭:୧୯; ୧୮:୧୮.

୨୯ ଜିସୁ ଖାନିଙ୍କ ଇର୍ହାନ, “ନିନ୍ ଇନିକା ନାଙ୍କ” ସୁଡ଼ୁଟ୍ଟିଙ୍କ ବିସ୍ବାସ କିତିମାନି ? ମାତର ଏର ସୁଡ଼ୁସୁଣ୍ଠା ବିସ୍ବାସ କିତାମାନାର, ଖାର ଦନ୍ୟ ।”

ଇୟା ବଇଦି ଉଦେସ

୩୦ ଜିସୁ ସିସୁରି ଆଗଡ଼ି ଇୟାଖାଜା ଏସ ମାରି ଇନିଇନି ଜାତିଦି କାବାଆନି ପାଣି କିତାନ୍, ଆୟାଖିଜୁ ଇୟା ବଇଦୁ ରାସାଏଡ଼;

୩୧ ମାତର ମିର୍ ଏଣ୍ଠେସ ବିସ୍ବାସ କିଦୁ ଜେ, ଜିସୁ ମାପୁରୁଦି ମାରିନ୍ ମସିହ, ମାରି ବିସ୍ବାସ କିଜ ଏଣ୍ଠେସ ମିର୍ ଖାନି ଦରତାନ୍ ଜିବନ୍ ପୟଦୁ, ଇୟାଉଣ୍ଠିଙ୍କ ଇୟାଖିଜୁ ରସାତାମାନାଡ଼ ।

୨୧

ସାଡ଼ ଲୋକୁ ସିସୁରିଙ୍କ ଜିସୁ ତରୟାଆତାନ୍

୧ ତାନେଖେନ୍କା ଜିସୁ ତିବିରିୟା ଗାତା ପାଡ଼ି ସିସୁରିଙ୍କ ମାରିଡ଼େସି ତରୟାଆତାନ୍ । ଖାନ୍ ଇୟାଖାଜା ତରୟାଆତାନ୍;

୨ ସିମୋନ ପିତର, ତୋମା, ଏଙ୍କ ଦିଦୁମ ଇନାର, ଗାଲିଲିଦି କାନାଦିକାନ୍ ନିତନିଏଲ, ଜେବଦିରି ମାରିସିର୍ ମାରି ଖାନି ସିସୁରି ମାଣକୁ ମାରି ରିଏର ଉନ୍ତେମାନୁ ମାର୍ହାର ।

୩ ✨ସିମୋନ ପିତର ଖାରିଙ୍କ ଇର୍ହାନ, “ନାନ୍ ମିନ୍କୁ ଆସଡେଙ୍କ ସୋଲସିନା ।” ଆଇ ସିସୁର ଖାନିଙ୍କ ଇର୍ହାର, “ମାପ ବା ନି ଖାଲେ ସନାପ ।” ଖାର ସୋସିସଲସି ତକ୍ମାଦୁ ଏକଡାର ମାରି ଜାଡ଼ି ପକଡାର ମାତର ଆୟା ନାଡ଼ା ଇନିକା ଆସଡେଙ୍କ ଆଟଏଡାର ।

୪ ମାତର ମାରନାଣ୍ଡିଙ୍କ ଉଟଲା ନାଡ଼ାକାଦେ ଜିସୁ ଏର ପାଡ଼ି ନିର୍ଆମାର୍ହାନ; ମାତର ଖାନ୍ ଜିସୁ ଇଜି ସିସୁର ନେସଏଡାର ।

୫ ଜିସୁ ଖାରିଙ୍କ ଇର୍ହାନ, “କଡ଼ର ମି ଲାକଡୁ ଇନିକା ଉଣିକା ମାନାଡ଼ ?”

ଖାର ଖାନିଙ୍କ ଇର୍ହାର, “ସିଲେ ।”

୬ ✨ଜିସୁ ଖାରିଙ୍କ ଇର୍ହାନ, “ତକ୍ମାଦି ଉଣେରି ତରିନ୍ ଜାଡ଼ି ପୋକଡୁ, ମାରି ମିର୍ ଏସ ଆସନିଦେର୍ ।” ଆବେଟ୍ ଖାର ଜାଡ଼ି ପୋକଡାର, ମାରି ଉଣା ମିନ୍କୁ ଖାତେ ଜେ, ଖାର ଜାଡ଼ି ରେଲଦେଙ୍କ ଆଟଏଡାର ।

୭ ଆବେଟ୍ ଜିସୁ ଆମା ସିସୁଙ୍କୁ ଜିବନ୍ନୋଜି ମାର୍ହାନ, ଖାନ୍ ପିତରତିଙ୍କ ଇର୍ହାନ, “ଇକାନ୍ ତୋ ପ୍ରବୁ ।” ସିମୋନ ପିତର ଇକାନ୍ ତୋ ପ୍ରବୁ ଇଜି ଖେନ୍ଜି ତୁମତା ମେନ୍ଲ ଆତିମାନିଙ୍କ ନିଜେଦି ଆଙ୍କ ଆରାଜି ଏରଡୁ ଗାଡ଼ତାନ୍;

୮ ମାତର ଆଇ ସିସୁର ମିନ୍କୁ ବଡ଼ ଆତିମାନି ଜାଡ଼ିଦିଙ୍କ ରେଲଜି ରେଲଜି ଇସି ତକ୍ମାଦୁ ଖାତାର, ଇରିଙ୍କ ଖାର ପାଡ଼ିରାନ୍ ନାଣ୍ଡ ଆକ ସିଲେତାର, କେବଲ୍ ଦୁଇସ ମୁରା ଆକ ମାର୍ହାନ ।

୯ ଖାର ପାଡ଼ି ରେଡାରରୋ ଆବେନ୍ନୁ ତିବକାଣି ସିସୁ, ମାରି ତାନି ମୁସକୁ ଖେକ୍ତି ମିନ୍କୁ ମାରି ରୁଟି ଇଟିମାରିକା ସୁଡ଼ୁଡ଼ାର ।

୧୦ ଜିସୁ ଖାରିଙ୍କ ଇର୍ହାନ, “ମିର୍ ଇଲେଇ ଏମେ ମିନ୍କୁ ଆସଡିମାନିଦେର୍, ଆବେନ୍ନୁ ଏସ ତାଗାର୍ ।”

୧୧ ସିମୋନ ପିତର ସୋଲସି ସଏ ପସାସଡିନି ପେରି ପେରି ମିନ୍କୁ ବଡ଼ ଆତିମାନି ଜାଡ଼ିଦିଙ୍କ ପାଡ଼ି ରେଲଜିତାତାନ୍; ମାରି ନିସା ମିନ୍ନୁଖାତିଙ୍କବା ଜାଡ଼ି ତେଉଏଡାର ।

୧୨ ଜିସୁ ଖାରିଙ୍କ ଇର୍ହାନ, “ଖାଜ ଉନ୍ତୁ ।” ସିସୁରି ମାଣକୁ ଏନ୍ ନିନ୍ନୁ ଇଜି ଖାନିଙ୍କ ଖେନ୍ବାଦେଙ୍କ ସାହାସ କିଏଜିମାର୍ହାର, ଇରିଙ୍କ ଖାନ୍ ଜେ ପ୍ରବୁ, ଇକା ଖାର ନେସତାମାର୍ହାର ।

୧୩ ଜିସୁ ଖାଜି ରୁଟି ଅସି ଖାରିଙ୍କ ସିତାନ୍, ମାରି ଆୟାଖାଜା ମିନ୍କୁ ବା ସିତାନ୍ ।

୧୪ ସାଡ଼ିଖାରି ମାଣକୁ ଜିବନ୍ଆଜି ନିଙ୍କ ତି ଖେନ୍କା ଜିସୁ ସିସୁରିଙ୍କ ଇକା ମୁନ୍ତୁ ଦେବେଙ୍କ ତରୟାଆତାନ୍ ।

ଜିସୁ ନି ପିତର

୧୫ ଖାର ଉଟି ଖେନ୍କା ଜିସୁ ସିମୋନ ପିତରତିଙ୍କ ଖେନ୍ବାତାନ୍, “ଏ ଜୋହନତି ମାରିନ୍ ସିମୋନ, ନିନ୍ନୁ ଇନିକା ନାଙ୍କ ଖାରିମାଣକୁ ନାଣ୍ଡ ଜିବନ୍ନୋଜିନି ?”

ଖାନ୍ ଖାନିଙ୍କ ଇର୍ହାନ, “ହୁଁ, ପ୍ରବୁ,” ନାନ୍ ଜେ ନିଙ୍କ ଜିବନ୍ନୋଜିନା, ଆକା ନିନ୍ ନେସନି ।

ଜିସୁ ଖାନିଙ୍କ ଇର୍ହାନ, “ନା ମେଣ୍ଡାପିଲେକାଙ୍କ ସାରାକିଆ ।”

୧୬ ଜିସୁ ମାରିଡ଼େସି ରୁଣ୍ଡି ଦେବେଙ୍କ ଖାନିଙ୍କ ଖେନ୍ବାତାନ୍, “ଏ ଜୋହନତି ମାରିନ୍ ସିମୋନ, ନିନ୍ ଇନିକା ନାଙ୍କ ଜିବନ୍ନୋଜିନି ?”

ଖାନ୍ ଖାନିଙ୍କ ଇର୍ହାନ, “ହୁଁ, ପ୍ରବୁ,” ନାନ୍ ଜେ ନିଙ୍କ ଜିବନ୍ନୋଜିନା, ଆକା ନିନ୍ ନେସନି ।

ଜିସୁ ଖାନିଙ୍କ ଇର୍ହାନ, “ନା ମେଣ୍ଡେଆଙ୍କ ନେଗେନ୍କିଜି ସାରାକିଆ ।”

☆ ୨୧:୩ ଲୁକ ୫:୫. ☆ ୨୧:୭ ଲୁକ ୫:୬.

୧୭ ଜିସୁ ମୁନତ୍ରି ଦେବେଙ୍ଗ୍ ଖାନିଙ୍ଗ୍ ଝେନ୍‌ବାତାନ୍, “ଏ ଜୋହନତି ମାରିନ୍ ସିମୋନ, ନିନ୍ ଇନିକା ନାଙ୍ଗ୍ ଜିବନ୍‌ନୋଜିନି ?”

ନିନ୍ ଇନିକା ନାଙ୍ଗ୍ ଜିବନ୍‌ନୋଜିନି, ଇକା ଇନ୍‌ଜି ଖାନ୍ ମୁନତ୍ରି ଦେବେଙ୍ଗ୍ ପିତରତିଙ୍ଗ୍ ଝେନ୍‌ବାନିଙ୍ଗ୍ ଖାନ୍ ଦୁଃକ୍ ଆଜି ଖାନିଙ୍ଗ୍ ଇର୍ହାନ୍, “ପ୍ରବୁ, ନିନ୍ ଖିଜୁ ବିସୟ୍ ନେସ୍‌ନି; ନାନ୍ ଜେ ନିଙ୍ଗ୍ ଜିବନ୍‌ନୋଜିନା, ଆକା ନିନ୍ ନେସ୍‌ନି ।”

ଜିସୁ ଖାନିଙ୍ଗ୍ ଇର୍ହାନ୍, “ନା ମେଣ୍ଡେଆଙ୍ଗ୍ ସାରାକିଆ ।

୧୮ ସତ୍ ସତ୍‌ନେ ନାନ୍ ନିଙ୍ଗ୍ ଝେରସିନା, ମୁରୁଲି ମାନିଝାଲେ ନିନ୍ ନିଜେଦି ଜୁକିଦୁ ଗାଟି ତରାଜ ଏମେ ତରିନ୍ ବଦା, ଆୟା ତରିନ୍ ବୁଲାଜିମାରଇ, ମାତର୍ ତକ୍‌କା ଆତିଙ୍ଗ୍ ନିନ୍ ନିଜେଦି କିୟ୍ ପେରିନି ମାରି ଆଇକାନ୍ ଅରେନ୍ ନି ଜୁକିଦୁ ଗାଟି ତରନାନ୍‌ନୋ, ଏମେ ତରିନ୍ ନିଙ୍ଗ୍ ବଦା ସିଲେଡ୍, ଆୟା ତରିନ୍ ନିଙ୍ଗ୍ ଅନାନ୍ ।”

୧୯ ପିତର୍ ଏଣ୍ଡେସଞ୍ଜାକା ସାନିଦଣ୍ଡୋତି ମାଣକୁ ମାପୁରୁଙ୍ଗ୍ ଦନ୍ୟବାଦ୍ କିନାନ୍, ଆବେଣି ମାଟା ସିଜି ଖାନ୍ ଇକା ଇର୍ହାନ୍ । ତାନେଝେନ୍‌କା ଜିସୁ ଖାନିଙ୍ଗ୍ ଇର୍ହାନ୍, “ନା ଝେନ୍‌କା ରାଆ ।”

ଜିସୁ ନି ଖାନି ଆଇ ସିସୁ

୨୦ ଜିସୁ ଏମେ ସିସୁଙ୍ଗ୍ ଜିବନ୍‌ନୋଜି ମାର୍ହାନ୍ ମାରି ଏନ୍‌ବା ନାଡାରିବଜିଦି ବେଡାଦୁ ଜିସୁଦି ବକାପାଡକାଦୁ ଗେକାତାନ୍‌ନୋ, “ପ୍ରବୁ, ନିଙ୍ଗ୍ ଏନ୍ ସାତୁରି କିୟ୍‌ଦୁ ସର୍‌ପେ କିନାନ୍ ଇଜି ଝେନ୍‌ବାତା ମାର୍ହାନ୍, ଆୟା ସିସୁଙ୍ଗ୍ ପିତର୍ ମାରଜିବେସ୍‌ସି ଝେନ୍‌କା ଖାଜିମାରିକା ସୁଡ଼ୁତାନ୍ ।”

୨୧ ପିତର୍ ଖାନିଙ୍ଗ୍ ସୁଡ଼ୁଜି ଜିସୁଙ୍ଗ୍ ଝେନ୍‌ବାତାନ୍, “ପ୍ରବୁ, ଇୟାଝାନି ବିସୟ୍‌ତାନ୍ ଇନିକା ଇଜିନି ?”

୨୨ ଜିସୁ ଖାନିଙ୍ଗ୍ ଇର୍ହାନ୍, “ନାନ୍ ମାରିଡେସିଝାନି ସାନ୍ ଖାନ୍ ଜିଜ ମାନିନ୍ ଇଜି ଜଦି ନାନ୍ ବଦା କିନା, ଆର୍ଡିଙ୍ଗ୍ ଆବେଟ୍ ନିଙ୍ଗ୍ ଇନିକା ମାନାଡ୍ ? ନିନ୍ ନା ଝାଲେ ରାଆ ।”

୨୩ ଆବେଟ୍ ଆୟା ସିସୁ ଜେ ସାଏନ୍, ତଡାନ୍‌କା ଲୋଇ ଇୟା ମାଟା ଝେଙ୍ଗ୍‌ତାଡ୍, ମାତର୍ ଖାନ୍ ସାଏନ୍ ଇଜି ଜିସୁ ଖାନିଙ୍ଗ୍ ଇନ୍‌ଏନ୍ ମାର୍ହାନ୍, ମାତର୍ ନାନ୍ ଡେସିଝାନି ସାନ୍ ଖାନ୍ ଜିଜ ମାନିନ୍ ଇଜି ଜଦି ନାନ୍ ବଦା କିନା, ଆର୍ଡିଙ୍ଗ୍ ଆବେଟ୍ ନିଙ୍ଗ୍ ଇନିକା ମାନାଡ୍ ଇଜି ଝେରତାମାର୍ହାନ୍ ।

୨୪ ଏନ୍ ଇୟାଝିଜୁ ବିସୟ୍‌ତି ସାକ୍ୟ ସିଜିନାନ୍ ମାରି ଇୟାଝିଜୁ ରାସ୍‌ତାମାନାନ୍, ଖାନ୍ ଆୟା ସିସୁ; ମାରି, ଖାନି ସାକୟ୍ ଜେ ସତ୍, ଆକା ମାପ୍ ନେସ୍‌ନାପ୍ ।

ସାରାସାରିମାଟା

୨୫ ମାରି, ଜିସୁ ମାରି ନାଣ୍ଟ ପାଣି ବା କିତାମାର୍ହାନ୍, ଆୟାଝିଜୁ ଜଦି ଉନ୍‌ତ୍ରି ଉନ୍‌ତ୍ରି କିଜି ରାସାତିଙ୍ଗ୍ ମାନ୍, ଆର୍ଡିଙ୍ଗ୍ ନିସ୍ ବଇଙ୍ଗ୍ ରାସାତେ ମାନ୍ ଜେ, ନା ବିସାର୍‌ତୁ ସାରାଦୁନିଆଦୁ ଆୟାଝିଜୁ ବଇଙ୍ଗ୍ ଇଡ୍‌ନି ଉଣ୍ଡିଙ୍ଗ୍ ବାଡି ଆଏତାଡ୍‌ମାନ୍ ।

ପ୍ରେରିତ ଶିଷ୍ୟମାନଙ୍କ କାର୍ଯ୍ୟର ବିବରଣୀ ପ୍ରେରିତ ସିସୁରି ପାଣିଦି ଇସାବ୍ ପ୍ରେରିତ ବଇ ବିସୟତାନ୍ ଏସ ମାଟା

ପ୍ରେରିତ ବଇ ଆଜିନାତ୍ ମଣ୍ଡଲିଦି ଆରାମ୍ ମାରି ଏଣ୍ଡେସ୍ ଇକା ଜିରୁସାଲାମ୍ତାନ୍ ଜିହୁଦା, ସୋମିରିୟା, ମାରି ଇତିରାଜିଦୁ ଖେଙ୍ଗ୍ ତାଡ୍, ଇକା ଜିସୁ ମୁସ୍କୁପୁରତୁ ସନି ଆଗ୍ଡି ଖାନି ସିସୁରିଙ୍ଗ୍ ଇରଥା ମାର୍ହାନ୍ ୧:୮ । ଇକା ଲୁକଦି ମାଣାନ୍ ରାସାତାମାନାତ୍ ଏନ୍ କି ସୁସମାଚାର୍ ଲୁକ ବା ରାସାତାମାର୍ହାନ୍, ଖାନ୍ ଅରେନ୍ ତାଲୁର୍ ମାରି ଏନ୍ କି ନେଗେନ୍ତାନ୍ ରାସାତା ଇଚ୍ତା ମାର୍ହାନ୍ । ଖାନ୍ ଖାନି ସୁସମାଚାର୍ ନି ପ୍ରେରିତ ବଇଦୁ ତିୟପିଲ, ଏନ୍ କି ଗ୍ରିକ୍ ଲୋକ୍ ମାର୍ହାନ୍, ଖାନି ବିସୟତାନ୍ ଖେରସିନାନ୍ । ମାତର୍ ବଇଙ୍ଗ୍ ବା ଆନାତ୍ସୁଗି କ୍ରିଷ୍ଟାନ୍ ଲୋକାଙ୍ଗ୍ ମିସାକିଜି ଗ୍ରିକ୍ ଲୋକାଙ୍ଗ୍ ମାରି ଜିହୁଦି ଲୋକାଙ୍ଗ୍ ମାର୍ହାତ୍ ୧:୧ ।

ପ୍ରେରିତ ବଇ ୭୦-୭୪ ବାର୍ଷେକ୍ ଲୋଇ ଆନାତ୍ସୁଗି ରାସାତାମାନାତ୍ ଜିସୁ କ୍ରିସ୍ତଦି ଜନମ୍ ଖେନ୍କା ଇରିଙ୍ଗ୍ ବଇ ପାଉଲତି ଜଇଲତାନ୍ ମୁକୁଡାନି ଆଗ୍ଡି ବଇ ରାସାତିକା ଖିଜ୍ଜିନାତ୍ । ଲୁକ ବା ପାଉଲତି ଖାଲେ ସର୍ଥାନ୍ ମାରି ଇୟା ବଇ ଆନାତ୍ସୁଗି ଆଣ୍ଟିୟକ୍ ଗାଡୁତୁ ରାସାତାମାନାତ୍ । ପ୍ରେରିତ ବଇ ଲୁକ ବଇ ରାସାତି ଖେନ୍କା ଖେନ୍କା ରାସାତାମାନାତ୍ ମାରି ଇକା ଜିସୁ କ୍ରିସ୍ତଦି ମୁସ୍କୁପୁରତୁ ସନି ଖାଲେ ଆରାମ୍ ଆତାମାନାତ୍ । ଲୁକ ରାସନି ଉଦେସ୍ ଆଜିନାତ୍ ଏଣ୍ଡେସ୍ ସୁସମାଚାର୍ ରାସତା ମାର୍ହାନ୍ ଆୟାଖାଜା ଇବେବା ରାସତାମାନାନ୍ । ଖାନ୍ ତିୟପିଲଙ୍ଗ୍ ବଦା କିତାନ୍ ଆୟା ଦାପେ ଦାପେ ପିରଜିମାନି କ୍ରିଷ୍ଟାନ୍ ଲୋକ୍ ଏଣ୍ଡେସ୍ କିଜି ଅଜାଦେଙ୍ଗ୍ ଆଚ୍ନାର୍ ମାରି ଖାନ୍ ଜିସୁ କ୍ରିସ୍ତଦି ଜିବନ୍ତି ଚିକ୍ ଦାଡି ମାରି କ୍ରିଷ୍ଟାନ୍ ପିରିନି ବିସୟତାନ୍ ରାସତାମାନାନ୍ ।

ପ୍ରେରିତ ବଇ ମାଙ୍ଗ୍ ପାର୍ତୁମ୍ ମଣ୍ଡଲିଦି ନେଗି ବିସୟ ତରନାତ୍ ମାରି ଜିସୁ କ୍ରିସ୍ତଦିମାନୁ ବିସବାସତାନ୍ ଜିନିମାଡିନି ଉଣ୍ଡିଙ୍ଗ୍ ତରନାତ୍ । ପ୍ରେରିତ ସିସୁର୍ ମାଙ୍ଗ୍ ନେଗି ସାରି ତରନାର୍ ଏଣ୍ଡେସ୍ କିଜି ପବିତ୍ର ଆମ୍ବାଦି ସାକ୍ତିଦାନ୍ ଆସା ଇଡ଼ଜି ଆଇ ଖାରିମାନୁ ସୁସମାଚାର୍ ପ୍ରଚାର୍ କିନିକା ।

ଇୟା ବଇଦି ଏସ ମୁକିୟ ବିସୟ

- ୧. ସିସୁରି ମୁସ୍କୁ ପବିତ୍ର ଆମ୍ବାଦି ରେତାନିକା ମାରି ମଣ୍ଡଲିଦି ପିରିନିକା । ୧:୧-୮:୧
- ୨. ମଣ୍ଡଲିଦି କାସୁ ମାରି ଜିରୁସାଲାମ୍ ସାନ୍ ସୁସମାଚାର୍ ଖେଙ୍ଗ୍ ତାଡ୍ । ୮:୨-୧୨:୨୩
- ୩. ପାଉଲତି ପାର୍ତୁମ୍ ସେବାକିନି ପାଣି । ୧୨:୨୪-୧୪:୨୮
- ୪. ପୁନି ବିସବାସସିରି ଉଣ୍ଡିଙ୍ଗ୍ ଇନିକା ଦରକାର୍ ଜିରୁସାଲାମ୍ତି ମିଟିଙ୍ଗ୍ତୁ ନିଷ୍ପତି । ୧୫:୧-୩୫
- ୫. ପାଉଲତି ମାରିଉନ୍ତ୍ରଦେବା ସେବାକିନି ପାଣି । ୧୫:୩୬-୧୮:୨୨
- ୬. ପାଉଲତି ମୁନ୍ତ୍ରଦେବେଙ୍ଗ୍ ସେବାକିନି ପାଣି । ୧୮:୨୩-୨୦:୩୮
- ୭. ପାଉଲ ଜିରୁସାଲାମ୍ତୁ ତରତାର୍ । ୨୧-୨୬
- ୮. ପାଉଲତିଙ୍ଗ୍ ରୋମ୍ତୁ ପୋକ୍ତାର୍ । ୨୭-୨୮

ପବିତ୍ର ଆମ୍ବାଦି ପାରାମାଣ

୧*ଏ ଲାଡ଼ତି ତିୟପିଲ,

ନା ପାର୍ତୁମ୍ ବଇଦୁ ଜିସୁ ଖାନି ପାଣି ଆରାମ୍ କିନି ଦିନ୍ତାନ୍ ଆମାଖିଜୁ ପାଣି କିତାମାର୍ହାନ୍ ମାରି ସିକିୟା ସିତାମାର୍ହାନ୍, ଆୟାଖିଜୁ ବିସୟତାନ୍ ରାସତାମାର୍ହା ।

୨ ମୁସ୍କୁପୁର ସନି ଆଗ୍ଡିନେ ଆମାଖାରିଙ୍ଗ୍ ଖାନ୍ ନିଜେଦି ସିସୁ ଖାଜା ଆସକିତା ମାର୍ହାନ୍, ଖାରିଙ୍ଗ୍ ଖାନ୍ ପବିତ୍ରାଆମ୍ବାଦି ସାକ୍ତିଦାନ୍ ସିକିୟା ସିତାମାର୍ହାନ୍

୩ ନାସିଖାଲେ ଖାନ୍ ଜିବନ୍ ମାର୍ହାନ୍, ଇକା ପାରାମାଣ୍ କିନି ଉଣ୍ଡିଙ୍ଗ୍ ମାରି ସିସୁର୍ ନାମ୍ଇକା ଆକ କିନି ଉଣ୍ଡିଙ୍ଗ୍ ଖାନ୍ ଖାରି ସାତି ଖେନ୍କା ସାଲିସ୍ ଦିନ୍ ସାନ୍ ଗାଦି ଦେବେଙ୍ଗ୍ ଖାରିଙ୍ଗ୍ ତରାୟା ଆତାମାର୍ହାନ୍ । ଖାର୍ ଜିସୁଙ୍ଗ୍ ସୁଡ଼ତୁମାର୍ହାନ୍ ମାରି ଜିସୁ ଖାରିଙ୍ଗ୍ ମାପୁରୁଦି ରାଜି ବିସୟତାନ୍ ଇର୍ହାନ୍ ।

୪*ଖାର୍ ଉନ୍ତ୍ରମାନୁ ମାନିଖାଲେ ଉଣିତିନିମାନୁ ଜିସୁ ଖାରିଙ୍ଗ୍ ଇୟା ମାଟା ସିତାନ୍ ଜିରୁସାଲାମ୍ ତ୍ରିସସୋ ସଲ୍ମାଟ୍ । ମୁସ୍କୁପୁରତି ବୁବା ମିଙ୍ଗ୍ ଆମାକା ସିନାନ୍ ଇଜି ପାର୍ମାଣ୍ କିତାମାନାନ୍ ମାରି ଆମା ଦାନ୍ ବିସୟତାନ୍ ନାନ୍ ମିଙ୍ଗ୍ ଖେରତାମାର୍ଥା, ଆକା ପଇନି ସାନ୍ କାପକିଦୁ ।

* ୧:୧ ଲୁକ ୧:୧-୪. * ୧:୪ ଲୁକ ୨୪:୪୯.

୫ *ଜୋହନ ଏରତୁ ତୁବନ୍ ସିତାନ୍, ମାତର୍ ଏସ ଉଣା ଦିନ୍ ଝେନ୍‌କା ମିର୍ ପବିତ୍ର ଆମ୍‌ତୁ ତୁବନ୍ ଆନିଦେର୍ ।

ଜିସୁଦି ମୁସ୍କୁପୁରସନିକା

୬ ଅର୍ଲେନ୍ ପ୍ରେରିତ ସିସୁର୍ ଉନ୍‌ଡ୍ରେମାନ୍ ମାନିଝାଲେ ଜିସୁଙ୍କୁଁ ଝେନ୍‌ବାତାର୍, “ପ୍ରବୁ, ନିନ୍ ଇନିକା ଇଲେଇ ଇସ୍ରାଏଲିଙ୍ ଖାରି ରାଜି ଡେସି ସିନି ?”

୭ ଜିସୁ ଖାରିଙ୍ ଇର୍ହାନ୍, “ଝେଡ଼ା ନି ଇଲେଇତିଙ୍ ନା ବୁବା ଖାନି ଆଡ଼ି କିଜି ଇଟାମାନାନ୍ । ଇୟାଝିନ୍ତୁ ଏସକାଙ୍ ଗଟାମାଡ଼, ମିର୍ ନେସ୍‌ଡେଙ୍ ଦରକାର୍ ସିଲେ ।

୮ *ମାତର୍ ମି ମୁସ୍କୁ ପବିତ୍ରଆମ୍‌ ରେତାତିଙ୍, ମିର୍ ସାକ୍ରିଦାନ୍ ପୁରା ଆନିଦେର୍ ମାରି ଜିରୁସାଲାମ୍, ସାରାଝିନ୍ତୁ ଜିହୁଦା ମାରି ସମିରୋଣ ମାରି ଦୁନିଆଦି ସାରାସାରିଇତି ସାନ୍ ନା ଉଣିଙ୍ ମିର୍ ସାକି ଆନିଦେର୍ ।”

୯ *ଇକା ଝେରତି ଝେନ୍‌କା ଜିସୁଙ୍କୁଁ ମୁସ୍କୁପୁରତୁ ସନିକା ଖାରି ସୁଡ଼ତୁର୍ ମାରି କାଣ୍ଟେକ୍ ବାଦଡ଼ତାନ୍ ଖାନ୍ ଖାରି କାଣାଗଦି ଆଗଡ଼ିରାନ୍ ସାୟାମାୟା ଆତାନ୍ ।

୧୦ ଖାନ୍ ମୁସ୍କୁ ସୋରି ଝେନ୍‌କା ବା ଖାରି ତିରତାନ୍ ସୁଡ଼ତି ବାଦଡ଼ତିଙ୍ ବେସ୍‌ସି ତେବାତାମାହାନ୍ । ଅଡ଼ିନିଆଙ୍ ଆରାତିକାର୍ ରିଏର୍ ଲୋକୁ ଆୟାଦାପ୍ରେନେ ଖାରି ଲାକ୍‌ତୁ ଖାଜି,

୧୧ ନିର୍ହା ଇର୍ହାନ୍, “ଏ ଗାଲିଲିଦି ଲୋକୁ, ଏନ୍‌ ଇବେନ୍‌ ନିରଦେର୍‌ନୋ ବାଦଡ଼ତିଙ୍ ବେସ୍‌ସିନିଦେର୍ ? ଏ ଜିସୁ ମି ଲାକ୍‌ତୁରାନ୍ ସୋଲ୍‌ସି ମୁସ୍କୁପୁରତୁ ଅତାର୍ । ମାତର୍ ଖାନ୍ ଆମା ଖାଜା ମୁସ୍କୁପୁରତୁ ସନିକା ମିର୍ ସୁଡ଼ତିଦେର୍, ଟିକ୍ ଆୟାଝାଜା ଖାନ୍ ମାରିଡେସି ଖାନାନ୍ ।”

ଜିହୁଦାଦି ବାଡି ପୁରା ଆନାଡ଼

୧୨ ତାନେଝେନ୍‌କା ପ୍ରେରିତ ସିସୁର୍ ଜିତ ଗରନ୍‌ତାନ୍ ଜିରୁସାଲାମ୍‌ତୁ ଡେସି ସୋହାନ୍ । ଜିତ ଗରନ୍‌ ଗାଡ଼ତାନ୍ ଉନ୍‌ଡ୍ରେ କିଲମିଟର୍ ଆକ ମାହାଡ଼ ।

୧୩ *ଗାଡ଼ତୁ ସୋଲ୍‌ସି ଖାରି ତେବାଜିମାର୍‌ଇ ମୁସ୍କୁରି ବାକରାଦୁ ଡ଼ଗ୍ରିତାର୍ । ଆୟା ପ୍ରେରିତ ସିସୁର୍ ଆଜିନାର୍ ପିତର, ଜୋହନ, ଜାକୁବ, ଆନ୍ଦ୍ରିୟ, ପିଲିପ୍, ଥୋମା, ବାର୍ତ୍ତଲମି, ମାଡିଉ, ଆଲପିଦି ମାରିନ୍ ଜାକୁବ, ଦେସ୍‌ତିଙ୍‌ଜିବନ୍‌ନୋନି ସିମୋନ ମାରି ଜାକୁବଦି ମାରିନ୍ ଜିହୁଦା ।

୧୪ ଖାରି ବେଡ଼ାବେଡ଼ାଦୁ ଉନ୍‌ଡ୍ରେ ଦଲ୍ ଖାଜା ପାରତାନା କିଦେଙ୍ ଉନ୍‌ଡ୍ରେମାନ୍ ଆଜିମାହାନ୍ ମାରି ଖାରି ଖାଲେ ଜିସୁଦି ଆଇସି ମରିୟମ୍ ମାରି ଆଇ ଆଇମେକ୍ ମାରି ଜିସୁଦି ତଡ଼ାନ୍‌କୁ ବା ଉଣ୍ଡାଜି ମାହାନ୍ ।

୧୫ ଏସ ଦିନ୍ ଝେନ୍‌କା ସଏକଡେ ଲୋକୁ ବିସ୍‌ବାସତି ତଡ଼ାନ୍‌କା ଉନ୍‌ଡ୍ରେ ପେରି ମିଟିଙ୍‌ତୁ ପିତର ନିଲ୍‌ତାନ୍‌ନୋ ଇର୍ହାନ୍

୧୬ “ତଡ଼ାନ୍‌କୁ ନି ତାଙ୍‌କି, ଆମା ଜିହୁଦା ଜିସୁଙ୍କୁଁ ଆସଡେଙ୍ ଇଜି ସାଡୁରିଙ୍ ସାରି ତରସି ଅତାମାହାନ୍, ଆୟା ବିସ୍‌ୟତାନ୍ ଦାଉଦ ପବିତ୍ରଆମ୍‌ଦି ମାଣାନ୍ ସାଲାଜି ବବିସ୍ୟତ ମାଟା ଝେରତା ମାହାନ୍ । ଦାମ୍‌ସାସ୍ତ୍ରତୁ ରାସ୍‌ତି ଆୟା ମାଟା ପୁରା ଆଦେଙ୍ ସଡ଼ ମାହାଡ଼ ।

୧୭ ମାରିବା ଜିହୁଦା ମା ଦଲ୍‌ତୁ ମାହାନ୍ ମାରି ମା ଅରେନ୍ ଅରସେ ସେବା ପାଣି କିନି ଉଣିଙ୍ ଆସକିଆତା ମାହାନ୍ ।”

୧୮ *ଖାନି ତାଗ୍‌ଲ ପାଣି ଉଣିଙ୍ ଜିହୁଦା ପୟତିମାନି ତାବୁଣାଙ୍ ଉନ୍‌ଡ୍ରେ ବୁମି କଡ଼ାୟା ଆତାମାହାଡ଼ ମାରି ଆୟା ବୁମିଦୁ ମେଡେତାନ୍‌ନୋ ଖାନ୍ ସାତାନ୍ । ଖାନି ପଟା ପାଡିଜି ସୋଲ୍‌ସି ଖାସକିଙ୍ ସଡେ ସରଏ ।

୧୯ ଜିରୁସାଲାମ୍‌ତି ଗାଡ଼ତୁ ମାନି ଝିନ୍ତୁ ଲୋକୁ ଇୟାଝିନ୍ତୁ ନେସ୍‌ଡେଙ୍ ଆସ୍‌ସି ଖାରି ବାସାଦାନ୍ ଆୟା ବୁମିଦି ଦରୁ “ଆକେଲ ଦାମା” ଅର୍ତାଡ଼ “ନେଡେର୍ ତି କିଡ଼ିଇ” ଇଜି ଇଟାମାନାର୍ ।

୨୦ ଇୟା ବିସ୍‌ୟତାନ୍ ଗିତସଂହିତା ବଇତୁ ରାସାତାମାନାଡ଼

“ଖାନି ଇଲୁ ସିମା ଆପିଡ଼,
ଆବେନ୍‌ ଏନ୍‌ ତେବାମାକିର୍,

ମାରି ବା ରାସାତାମାନାଡ଼;
ଆଇକାନ୍ ଅରେନ୍ ଖାନି ପାଣିଦୁ ରାପିନ୍ ।”

୨୧ *ମାରି ପ୍ରବୁ ଜିସୁଦି ଡେସିନିଙ୍‌ନି ବିସ୍‌ୟତାନ୍ ସାକି ଆଦେଙ୍ ଇଜି ମାରି ଅରେନ୍ ମା ଖାଲେ ମିସାନିକା ଦରକାର୍ ।

୨୨ ଜିସୁ ଜୋହନତି ମାଣାନ୍ ତୁବନ୍ ଅତି ସମୟତାନ୍ ମୁସ୍କୁ ସନି ସାନ୍ ଝିନ୍ତୁ ଖାଲେ ପ୍ରବୁ ଜିସୁ ମା ଖାଲେ ବୁଲାସାଲା କିନିଝାଲେ, ଏମେ ଲୋକୁ ମା, ଦଲ୍‌ତୁ ମାହାନ୍ ଅରେନ୍ ଖାନିଙ୍ ଆସକିଦେଙ୍ ଆନାଡ଼ ଏମେ ଲୋକୁ ମା ଦଲ୍‌ତୁ ମାହାନ୍, ଖାରି ଲୋଇରାନ୍ ଅରେନ୍‌ଖାନିଙ୍ ମାରିଡେସି ଇୟାଉଣିଙ୍ ଆସକିଦେଙ୍ ଆନାଡ଼ ।”

☆ ୧:୫ ମାଡିଉ ୩:୧୧; ମାର୍କ ୧:୮; ଲୁକ ୩:୧୬; ଜୋହନ ୧:୩୩. ☆ ୧:୮ ମାଡିଉ ୨୮:୧୯; ମାର୍କ ୧୬:୧୫; ଲୁକ ୨୪:୪୭,୪୮. ☆ ୧:୯ ମାର୍କ ୧୬:୧୯; ଲୁକ ୨୪:୫୦,୫୧. ☆ ୧:୧୩ ମାଡିଉ ୧୦:୨-୪; ମାର୍କ ୩:୧୬-୧୯; ଲୁକ ୬:୧୪-୧୬. ☆ ୧:୧୮ ମାଡିଉ ୨୭:୩-୮. ☆ ୧:୨୧ ମାଡିଉ ୩:୧୬; ମାର୍କ ୧:୯; ଲୁକ ୩:୨୧; ମାର୍କ ୧୬:୧୯; ଲୁକ ୨୪:୫୧.

- ୨୩ ୱାର୍ ରିଏରି ଦରୁ ୱେରଡାର ଜୋସେପ୍ ଏନ୍ ବର୍ସବା ମାରି ଜୁସ୍ତସ୍ ଇଜି ବା ଇନାର୍ ମାରି ମଡିୟ ।
- ୨୪ ମାରି ପାରତନା କିଡାର, “ପ୍ରୁ, ନିନ୍ ଓଜୁ ସିନ୍ତା ନେସ୍ନି । ଇୟା ରିଏରି ଲୋଇ ଏଙ୍ଵା ବାସେକିତିମାନି,
- ୨୫ ଇୟା ବେକ୍ତି ଜିହୁଦା ନିଜେଦିବାଡିଦୁ ସନି ଉଣ୍ଡିଙ୍ଵା ଇୟା ଏମେ ସେବା ମାରି ପେରିତ ସିସୁ ପାଣି କିନାନ ।”
- ୨୬ ତାନିଝେନ୍‌କା ରିଏରି ଲୋଇ ଅରେନ୍‌ଝାନିଙ୍ଵା ବାସ୍‌କିଦେଙ୍ଵା କୁଡକ୍‌କ୍ତି ପକ୍‌ତାର । ମାରି ମଡିୟଦି ଦର୍ତାନ କୁଡକ୍‌କ୍ତି ସତାଡ୍; ଆବେଟ୍ ଝାନ ଏଗାର ଲୋକୁ ସିସୁରି ୱାଲେ ମିସାତାନ ।

୨

ପବିତ୍ର ଆମ୍ବାଦି ୱାନିକା

- ୧ ପେଣ୍ଡିକଷ୍ଟ ପଣ୍ଡି ନାଣ୍ଡିଙ୍ଵା କ୍ରିସ୍ଟାନ୍ ଲୋକୁ ଓଜେରେ ଉଣ୍ଡେ ବାଡିଦୁ ଉଣ୍ଡାତା ମାହାର୍ ।
- ୨ ଆୟାଦାପ୍ରେନେ ନାଣ୍ଡି ଗାଲି ୱାନି ଆଉଲି ୱାଜା ବାଦଡ୍‌ତାନ ଉଣ୍ଡି ବାଦଡ୍‌ତାନ ଆଉଲି ଆତାଡ୍ ମାରି ଏମେ ଇଲ୍‌ତୁ ୱାର୍ ବାସ୍‌ତାମାହାର୍, ଆକା ଆୟା ଆଉଲିଦାନ ପୁରା ଆତାଡ୍ ।
- ୩ ତାନିଝେନ୍‌କା ୱାର୍ ସୁଡ୍‌ତୁର, ଏସୋ ସିସୁ ୱେତଲ୍ ସାର୍‌ଜି ଆବେ ମାହ୍ ଓଜେରିଙ୍ଵା ମୁଟ୍‌ତାଡ୍ ।
- ୪ ୱାର୍ ଓଜେରେ ପବିତ୍ର ଆମ୍ବାଦୁ ପୁରା ଆତାର୍ ମାରି ଆମ୍ବାଦାନ୍ ସାଲାଇ ଆଇ ଆଇ ବାସାଦାନ୍ ମାଟା ଇଣ୍ଡେଙ୍ଵା ଆସ୍‌ତାର୍ ।
- ୫ ଦୁନିଆଦି ଓଜୁ ଦେସ୍‌ତାନ ୱାଡିମାନି ଜିହୁଦି ଦାମ୍ ଲୋକୁ ଓଜେରେ ଜିରୁସାଲାମତୁ ଉଣ୍ଡାତା ମାହାର୍ ।
- ୬ କୁଟୁମତୁ ଆଜିମାନି ଆଉଲି ୱେନ୍‌ଜି, ନାଣ୍ଡି ଲୋକ୍ ଆବେ ଉଣ୍ଡାତାର୍ । କ୍ରିସ୍ଟୁ ବିସ୍‌ବାସ୍‌ସିର୍ ଆବେ ଉଣ୍ଡାଡିମାନି ଓଜେରି ବାସାଦାନ୍ ମାଟା ଇଜିମାନିକା ୱେନ୍‌ଜି ୱାରି ମନ୍‌ତୁ କାବାନିକା ୱାତାଡ୍ ।
- ୭ ମାରି, ୱାର୍ କାବାଆଜି ମାରି ବେମ୍‌ରିଆଜି ଇନ୍‌ଡ୍ରେଙ୍ଵା ଆସ୍‌ତାର୍, “ଇୟାଝାଜା ୱାର୍‌ଗିଜିମାନି ଇୟା ଲୋକୁ ଇନିକା ଗାଲିଲିୟତିକାର୍ ଆଏର୍ ?
- ୮ ଆରିଙ୍ଵା ମାଡ୍ ଓଜୁ ଏଣ୍ଡେସ୍ ୱାରିଙ୍ଵା ମା ନିଜେଦି ଜନମ୍‌ଡି ବାସାଦାନ୍ ୱାର୍‌ଗିଜିମାନିକା ୱେନ୍‌ଜିନାପ୍ ?
- ୯ ମାଡ୍ ପାତ୍‌ୟ, ମାଦିୟ ମାରି ଏଲାମିୟ, ମାରି ମେସପଟାମିଆ, ଜିହୁଦା ଦେସ୍ ମାରି କାପ୍‌ପାଦକିଆ, ପତ୍ର ମାରି ଆସିଆ,
- ୧୦ ପୁରିଆ ମାରି ପାମ୍‌ଲିଆ, ମିସର୍ ମାରି କୁରିଣି ଲାକ୍‌ତୁରି ଲିବିୟା ରାଜିଦୁମାନିକାର୍ । ମାବାଣ୍ଡକୁ ଏସୋ ଲୋକୁ ରୋମ୍‌ତାନ ୱାଡିମାନି ଜିହୁଦିର୍
- ୧୧ ମାରି ଜିହୁଦି ଦାମ୍ ଆଡିମାର୍‌ଇ ଲୋକୁ; ମାରି ଏସୋ କ୍ରିଡି ନି ଆରବିୟ ଦେସ୍‌ଡି ଲୋକୁ । ମାରିବା ମାପୁରୁ ଏମେ କାବାଆନି ବିସୟ ଓଜୁ କିତାମାନାନ୍, ଆୟା ବିସୟତାନ ମାପ୍ ଓଜେରେ ୱାରିମାଣ୍ଡକୁ ମା ନିଜେ ନିଜେଦି ବାସାଦାନ୍ ୱେନ୍‌ଡ୍ରେଙ୍ଵା ଆଟ୍‌ସିନାପ୍ ।”
- ୧୨ କାବାନି ବେମ୍‌ରିଆଜି ୱାର୍ ନିଜେ ନିଜେଦିମାନୁ ୱେନ୍‌ବାଦେଙ୍ଵା ଆସ୍‌ତାର୍, “ଡେନି ଅର୍ଡ ଇନିକା ?”
- ୧୩ ମାଡର୍ ଆଇକାର୍ ବିସ୍‌ବାସିରିଙ୍ଵା ୱେକ୍‌ରିସ୍ କିଜି ଇହାର୍, “ଇୟା ଲୋକୁ ଅଙ୍ଵୁରରସ୍ ଉଣ୍ଡି ସସ୍‌ତା ମାନାର୍ ।”

ପିତରଡି ପ୍ରଚାର୍

- ୧୪ ତାନିଝେନ୍‌କା ଆଇ ଏଗାର ଲୋକୁ ପ୍ରେରିତ ସିସୁରି ୱାଲେ ପିତର୍ ନିଙ୍ଵାଜି ନାଣ୍ଡି ଆଉଲି ଆଜି ଇହାର୍, ଏ ଜିହୁଦି ତଡାନକୁ ତାଙ୍ଵାକ୍ ମାରି ଜିରୁସାଲାମତୁ ବାସାଡିମାନି ମଣ୍ଡଲି, ନା ମାଟା ନେଗେନ୍‌ତାନ ୱେନ୍‌ଡୁ, ନାନ ଇୟା ବିସୟତାନ ବୁଜାକିଜି ଇନା ।
- ୧୫ ମିର୍ ଅଡ୍‌ବିଜିନିଦେର୍, ଇୟାକାର୍ ସହସ୍‌ଡିକାର୍ । ସିଲେ, ଇୟାକାର୍ ସହସ୍‌ଡିକାର୍ ଆଏର୍ । ଇରିଙ୍ଵା ଇଲେଇ ୱେଡା ସାଲ୍‌ଦି ନୋ ଗଣ୍ଡା ।
- ୧୬ ମାଡର୍ ବାବବାଦି ଜୟେଲ୍ ଏମେ ଗଟାନା ବିସୟତାନ ବବିସ୍‌ଡବାଣି ଇହାମାହାର୍, ଆକା ଆୟାଝାଜା ଉନ୍‌ଡ୍ରି ଗଟନା;
- ୧୭ ମାପୁରୁ ଇନାନ୍; ଓଜ୍‌ନି ଦିନ୍‌କାଙ୍ଵା ଇକା ଓଜୁ ଗଟାନାଡ୍, ନାନ୍ ଓଜେରି ମୁସ୍‌କୁ ନା ଆମ୍ବା ୱାକ୍‌ନା ସିନା ।
- ମି କଡର୍ ନି ଆଇଲିକ୍ ବାବବାଦି କିନାର୍ ।
- ମି ମୁରୁଲିର୍ ଦର୍ସନ ସୁଣାର୍,
- ମାରି ନେଡାର୍ ଲବେର୍ ସୁଣାର୍ ।
- ୧୮ ହୁଁ ନା ଦାସ୍‌କୁ ଅର୍‌ସେ ମେମାରି ନି ଆଇମେକା ମୁସ୍‌କୁ, ଆୟା ଦିନ୍‌ତୁ ନା ଆମ୍ବା ୱାକ୍‌ନା ସିନା, ମାରି ୱାର୍ ନା ବାକ୍ୟ ୱେନ୍‌ନାର୍ ।

୧୯ ନାନ୍ ବାଦଡ଼ ମୁସକୁ କାବାଆନି ପାଣି
ମାରି ଆଡ଼ଗିରି ଦୁନିଆଦୁ କାବାଆନି ପାଣିତରନା ।

ନେତେର, ସିସୁ ମାରି ନାଣ୍ଡ ଗଇଦାନ୍ ଦୁନିଆ ବଚି ଆନାଡ଼;

୨୦ ପ୍ରବୁଦି ପେରି ଗୌରବ ଦିନ୍ତି ଖାନି ଆଗଡ଼ି

ଝେଡ଼ା ସିକାଟି ଆନାଡ଼

ମାରି ଲେଞ୍ଜୁ ନେତେର ଖାଜା ଆନାଡ଼ ।

୨୧ ନାସ୍ତିଖାଲେ ଏନ୍ ପ୍ରବୁଦି ଦରତାନ୍ ପାରତନା କିନାନ୍, ଖାନ୍ ରକିୟା ପୟନାନ୍ ।

୨୨ ଏ ଇସ୍ରାଏଲତି ଲୋକ, ଇୟାଞ୍ଜିଲୁ ମାଟା ଝେନ୍ତୁ ! ନାଣ୍ଡ ସାଲ୍ଲିଦି ପାଣି ମାରି କାବାନି ସିନା ଦାନ୍ ନାଜରିୟତିୟ ଜିସୁ
ଜେ ମାପୁରୁ ପକତିକାନ୍ ଇଜି ପାରମାଣ କିଆୟ ଆତାମାନାନ୍ ମାରି ମାପୁରୁ ସାଲ୍ଲି ପୁରାକିତିକାନ୍, ଇକା ମି ଲାକ୍ତୁ ସଡ଼
ଆତାମାନାଡ଼ । ମି ଲୋଇ ଇୟା ଇୟାଞ୍ଜିଲୁ ଗଟନା ଗଟାତାଡ଼, ଆଦେଙ୍ଗ ଇୟା ବିସୟତାନ୍ ମିର ନେଗେନକିଜି
ନେସ୍ତିମାନିଦେର ।

୨୩ *ମାପୁରୁ ଖାନି ଉପାୟ ଇସାବତାନ୍ ଜିସୁକୁ ମି କିୟୁଦୁ ସର୍ପେ କିଦେଙ୍ଗ ତିର କିତାମାହାନ୍ । ମାରି ମିର ଖାନିଙ୍ଗ
ପାପିଲୋକା ମାଣାନ୍ କୁସଦୁ ଏକିସକିଜି ତାକତି ମାରଇଦେର ।

୨୪ *ମାତର ମାପୁରୁ ଖାନିଙ୍ଗ ସାନି ମାଣ୍ଡକୁ ତ୍ରିସିସକିଜି ମାରିଡେସି ନିକ୍ତାନ୍, ଇରିଙ୍ଗ ଖାନ୍ ସାତି ମାନ୍ ତରାୟଆଜି
ତେବାନିକା ଅସମ୍ଭବ ।

୨୫ ଦାଉଦ ଖାନି ବିସୟତାନ୍ ଇନାନ୍,

“ଝିଲୁ ସମୟତୁ ନାନ୍ ପ୍ରବୁକୁ ନା ଆଗଡ଼ି ସୁଡ଼ୁମାନା,

ଖାନ୍ ନା ତରିନ୍ ତେବାତାମାନାନ୍ । ଏନ୍ ନାଙ୍ଗି ତିଲିସ୍ କିଦେଙ୍ଗ ଆବଏନ୍ ।”

୨୬ ଆଦେଙ୍ଗ ନା ଜିବନ୍ ଝେଡ଼ିକାଦୁ ପୁରାଆତାମାନା,

ନା ଝେତଲ ଝେଡ଼ିକାଆଜି ନିଙ୍ଗି ଜିନାଡ଼ ।

ମାରିବା ନାନ୍ ସାନିକିୟା,

ନା ପୁରା ମେନ୍ଦଲ୍ ଆସାଦୁ ତିରତେବାନା,

୨୭ ଇରିଙ୍ଗ ନିନ୍ ନାଙ୍ଗି ସାନି ଦୁନିଆଦୁ ତ୍ରିସ୍ଇ;

ନିନ୍ ନି ବିସବାସତି ଦାସ୍ତିଙ୍ଗ ଦୁକିଗୁଟା ଲୋଇ ସାବଦେଙ୍ଗ ଇଜି ତ୍ରିସ୍ସୋ ସିଇ ।

୨୮ ନିନ୍ ନାଙ୍ଗି ଜିବନ୍ତି ସାରି ତରତିମାନି

ମାରି ନି ଲାକ୍ତୁତେବାନିକା ନାଙ୍ଗି ଝେଡ଼ିକାଦୁ ପୁରାକିନାଡ଼ ।

୨୯ ଏ ନା ଇସ୍ରାଏଲତି ତତାନ୍କୁ ନି ତାଙ୍ଗି କ୍, ବୁଜାନିଖାଜା ନାନ୍ ମିଙ୍ଗି ମା ତକ୍ତାଦାଦା ରାଜା ଦାଉଦତି ବିସୟତାନ୍
ଏସ ଇନ୍ତେଙ୍ଗ ଦରକାର ମାନାଡ଼ ଇଜି ଅଡ଼ରିଜିନା । ଖାନ୍ ସିତିଙ୍ଗ ମୁସ୍ତାର, ମାରି ଖାନି ଦୁକିଗୁଟା ନେର୍ ସାନ୍ ଇବେ
ମା ଲୋଇ ମାନାଡ଼ ।

୩୦ ଖାନ୍ ଅରେନ୍ ବାବବାଦି ମାହାନ୍, ଆଦେଙ୍ଗ ଖାନି ଉଣ୍ଡିଙ୍ଗ ମାପୁରୁଦି ଜିଦ୍ ମାଟା ନେସ୍ତିମାହାନ୍ । ଦାଉଦତି
କୁଟୁମ୍ବତି ଲୋଇ ଅରେନ୍ ଖାନିଙ୍ଗ ରାଜା କିନାନ୍ ଇଜି ମାପୁରୁ ପାରମାଣ କିତାମାହାନ୍ ।

୩୧ ମାପୁରୁ ଖାନିଦିନ୍ତୁ ଇନିକା କିଦେଙ୍ଗ ସଲ୍ସିନାନ୍, ଦାଉଦ ଆକା ନେସ୍ସି, କ୍ରିସ୍ତ ଅର୍ତାଡ଼ ମସିହଦି ମାରିଡେସି
ନିଙ୍ଗି ବିସୟତାନ୍ ଇହାମାନାନ୍;

ଖାନ୍ ସାନି ଦୁନିଆଦୁ ତ୍ରିସାୟ ଆଏତାନ୍ ।

ଖାନି ମେନ୍ଦଲ୍ ଦୁକିଗୁଟା ଲୋଇ ସାବଏତାଡ଼ ।

୩୨ ମାପୁରୁ ଇୟା ଜିସୁକୁ ସାତିମାଣାନ୍ ମାରିଡେସି ନିକ୍ତାମାନାନ୍ । ମାପ୍ ଝିଜେରେ ତେନି ସାକି ।

୩୩ ଜିସୁ ଖାନି ବୁବା ମାପୁରୁଦି ଉଣେରି ତରିନ୍ ପେରାୟ ଆତାମାନାନ୍ ମାରି ବୁବାଦି ଜିଦ୍ ଇସାବତାନ୍ ଖାନିମାଣ୍ଡକୁ ପବିତ୍ର
ଆମ୍ ପୟତାମାନାନ୍ । ଇଲେଇ ମିର ଆମାକା ସୁଡ଼ୁଜିନିଦେର ମାରି ଝେନ୍ଜିନିଦେର, ଆକା ଖାନି ଦାନ୍ । ଆକା ଖାନ୍ ମା
ମୁସକୁ ଖାକ୍ତା ସିତାମାନାନ୍ ।

୩୪ ଦାଉଦ ନିଜେ ମୁସକୁପୁରୁତୁ ସଲ୍ସନ୍ ମାହାନ୍, ମାତର ଖାନ୍ ଇହାନ୍,

ପ୍ରବୁ ନା ପ୍ରବୁକୁ ଇହାନ୍,

୩୫ ନାନ୍ ନି ସାଡ଼ୁରିଙ୍ଗ ନି ପାଦାମ୍ ଆଡ଼ଗି କିଇ ସାନ୍ ।

ନା ଉଣେରି ତରିନ୍ ବାସ୍ସ ମାନ୍ଆ ।

* ୨:୨୩ ମାଡ଼ିଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜୋହନ ୧୯:୧୮. * ୨:୨୪ ମାଡ଼ିଉ ୨୮:୫,୬; ମାର୍କ ୧୭:୨; ଲୁକ ୨୪:୫.

୩୬ “ମାରି ଇସ୍ରାଏଲ୍‌ଟି ଲୋକ ଓଜେରେ ସତ୍ତାନ୍ ନେସିର୍ ଜେ, ଇୟା ଏମେ ଜିସୁଙ୍କୁ ମିର୍ କୁସଦୁ ଏକିସ୍ କିତିଦେର୍, ମାପୁରୁ ଖାନିଙ୍କ ନେ ପ୍ରବୁ ନି କ୍ରିସ୍ ଅର୍ତ୍ତାତ୍ ମସିହ କିତାମାନାନ୍ ।”

୩୭ ଇୟାଓଜି ମାଟା ଖେନ୍‌ଜି ଖାରି ଜିବନ୍ ନାଣ୍ଟ କିଲିବିଲି ଆତାତ୍ ମାରି ପିତର ନି ଆଇ ପ୍ରେରିତ ସିସୁରିଙ୍କ ଖେନ୍‌ବାତାର୍, “ତତ୍ତାନ୍‌କୁ ମାପ୍ ଇନିକା କିନାପ୍ ?”

୩୮ ପିତର ଖାରିଙ୍କ ଇର୍ହାନ୍, “ମିର୍ ଓଜେରେ ପାପ୍‌ତାନ୍ ଡେସିଝାଜି ମି ପାପ୍ କେମା ଆନି ଉଣ୍ଡିଙ୍କ ଜିସୁ କ୍ରିସ୍‌ତି ଦର୍ତ୍ତାନ୍ ତୁବନ୍ ଅତୁ; ଆରତିଙ୍କ ମିର୍ ମାପୁରୁଦି ଦାନ୍ ପବିତ୍ର ଆମ୍ବା ପୟନିଦେର୍ ।

୩୯ ଇରିଙ୍କ ମାପୁରୁଦି ପାରମାଣ ମି ଉଣ୍ଡିଙ୍କ, ମି କଡରି ଉଣ୍ଡିଙ୍କ ମାରି ପ୍ରବୁ, ମାପୁରୁଦି ମାଣାନ୍ କୁକାୟଆତି ଆକ ତେବାଜିମାନି ଓଜେରି ଉଣ୍ଡିଙ୍କ ଚିକ୍ ।”

୪୦ ପିତର ଖାରିଙ୍କ ମାଡିସକିଜି ମାରି ନାଣ୍ଟ ମାଟେଶାନ୍ ଖାରିଙ୍କ ସାକି ସିଜି ଇର୍ହାନ୍, “ଇୟା ତାର୍‌ଇ ଲୋକା ମୁସ୍କୁ ଖାନି ସାସିଦାନ୍ ନିଜେ ନିଜେଦିଙ୍କ ରକିୟା କିଦୁ ।”

୪୧ ଖାରି ଲୋଇ ନାଣ୍ଟ ଲୋକୁ ଖାନି ମାଟାଦୁ ବିସ୍‌ବାସ୍ କିଜି ତୁବନ୍ ଅତାର୍ । ଆୟା ନାଣ୍ଡିଙ୍କ ତିନି ହାଜାର୍ ଲୋକୁ ଦଲ୍‌ତୁ ମିସାତାର୍ ।

୪୨ ଆୟାନାଣ୍ଡିରାନ୍ ସିସୁର୍ ଖାରିଙ୍କ ସିକିୟା ସିତାର୍ । ମାରି ଖାର୍ ମିସାବିତ୍‌ଆତାର୍, ରୁଟି ରୁକ୍‌ତେଙ୍କ ମାରି ପାର୍‌ତାନା କିଦେଙ୍କ ମୋନ୍‌ସିଜି ତେବାତାର୍ ।

ବିସ୍‌ବାସି ଲୋକା ଲୋଇ ଜିନିକା

୪୩ ପ୍ରେରିତ ସିସୁର୍ ନାଣ୍ଟ କାବାଆନି ସିନେଙ୍କ ମାରି କାବାଆନି ବିସୟ କିତାନ୍ । ମାରି ଓଜେରେ ଆବେନୁ ତିଲାତା ସର୍ହାର୍ ।

୪୪ *ବିସ୍‌ବାସ୍‌ସିର୍ ଆପ୍‌ଶା ଆପ୍‌ଶାଦି ଖାଲେ ଉନ୍‌ଡେମାନୁ ମିସାତାର୍ ମାରି ମିସାଜି ଖାରି ଓଜୁ ଦନ୍ ସିଜିସାଜି ଆତାର୍ ।

୪୫ ଖାର୍ ଆପ୍‌ଶା ଆପ୍‌ଶାଦି ମାନି ଦନ୍‌ତିଙ୍କ ପରଜି, ତାବୁଙ୍କୁ ଓଜେରି ଦର୍‌କାର୍ ଇସାବ୍‌ତାନ୍ ନିଜେନିଜେ ଲୋଇ ବାଟା କିତାର୍ ।

୪୬ ଖାର୍ ଓଜୁଦିନ୍ ପାର୍‌ତନାକିନି ମନ୍ଦିରତୁ ଉନ୍‌ଡେ ଦଲ୍ ଖାଜା ଉଣ୍ଡାଜି ମାର୍ହାର୍ ମାରି ଇଲ୍‌କାଙ୍କ ଇଲ୍‌କାଙ୍କ ରୁଟି ରୁକ୍‌ସି ଖେଡିକା ମନ୍‌ତାନ୍ ମାରି ନେଗି ଜିବନ୍‌ତାନ୍ ଉଣିତିନିକା କିଜି,

୪୭ ମାପୁରୁଦି ଦନ୍‌ସବାଦ୍ କିଜି ଓଜେରେ ଲୋକା ଖାଲେ ନେଗି ଖେଡିକା କିତାର୍ । ମାରି ପ୍ରବୁ ରକିୟା ପୟନି ଲୋକାଙ୍କ ଓଜୁଦିନ୍ ଖାରି ଦଲ୍‌ତୁ ମିସା କିଦେଙ୍କ ଆସ୍‌ତାନ୍ ।

୩

ଅରେନ୍ ସଟା ବିକାରି ନେଗେନ୍‌ଆତାନ୍

୧ ଅର୍‌ଲେନ୍ ପିତର ନି ଜୋହନ ପାର୍‌ତାନା ସମୟ ଖେଡାରେନି ତିନ୍‌ଟାଦୁ ମନ୍ଦିରତୁ ସଲ୍‌ସିମାର୍ହାର୍ ।

୨ ଆବେନ୍ “ସୁନ୍‌ଦର୍” ଦର୍‌ତି ଦୁଆର୍ ଲାକ୍‌ତୁ ଅରେନ୍ ଲୋକୁ ମାର୍ହାନ୍ । ଖାନ୍ ଜନମ୍‌ତାନ୍ ସଟା । ମନ୍ଦିରତୁ ସଲ୍‌ସିମାନି ଲୋକାମାଣ୍ଟକୁ ଭିକିୟା ଲସ୍‌ତେଙ୍କ ଇଜି ସବୁଦିନ୍ ଖାନ୍ ଦୁଆର୍ ଲାକ୍‌ତୁ ପିଣ୍ଡାୟଆଜି ସଲ୍‌ସିମାର୍ହାନ୍ ।

୩ ପିତର ନି ଜୋହନତିଙ୍କ ମନ୍ଦିର ଲୋଇ ସନିକା ସୁଡ଼ୁ ଖାନ୍ ଖାରିଙ୍କ ଭିକିୟା ଲସ୍‌ତାନ୍ ।

୪ ପିତର ନି ଜୋହନ ଖାନିଙ୍କ ସିଦା ବେସ୍‌ତାର୍ ମାରି ପିତର ଇର୍ହାନ୍, “ମା ତରିନ୍ ସୁଡ଼ା !”

୫ ଆବେଟ୍ ଖାନ୍ ଖାରିମାଣ୍ଟକୁ ଏସ ପୟନି ଆସାଦାନ୍ ଖାରି ତରିନ୍ ବେସ୍‌ତାନ୍ ।

୬ ମାତର୍ ପିତର ଖାନିଙ୍କ ଇର୍ହାନ୍, “ନା ଲାକ୍‌ତୁ ବାଙ୍ଗିରାମ୍ ମାରି ଖେଣ୍ଡି ସିଲେଡ୍, ମାତର୍ ଆମାକା ମାନାଡ୍, ନାନ୍ ନିଙ୍କ୍ ସିଜିନା : ନାଜରିୟତିୟ ଜିସୁ କ୍ରିସ୍‌ତି ଦର୍‌ତାନ୍ ନାନ୍ ଆଦେସ୍ ସିଜିନା, ନିଙ୍କ୍‌ଜି ବୁଲାଆ ।”

୭ ଇକା ଇଜି ଖାନ୍ ଖାନି ଉଣ୍ଡେରି କିୟୁ ଆସ୍‌ସି ନିକ୍‌ତାନ୍ । ଆୟାଦାପ୍ରେ ଲୋକ୍‌ତି ପାଦାମ୍ ନି ସିରାଗାଟିଙ୍କ ଓଜୁ ବପୁ ଆଡେ ।

୮ ଖାନ୍ ତୁଲ୍‌ଜି ନିଙ୍କ୍‌ଜି ନିର୍‌ଆନ୍ ମାରି ବୁଲାଦେଙ୍କ ଆସ୍‌ତାନ୍ । ତାନିଖେନ୍‌କା ଖାନ୍ ବୁଲାବୁ ବୁଲାବୁ, ତୁଲ୍‌ବୁ ତୁଲ୍‌ବୁ ମାରି ମାପୁରୁଦି ଦନ୍‌ସବାଦ୍ କିବୁ କିବୁ ଖାରି ଖାଲେ ମନ୍ଦିରତୁ ସର୍ହାନ୍ ।

୯ ଆବେଣି ଲୋକୁ ଖାନିଙ୍କ ବୁଲାନିକା ନି ମାପୁରୁଦି ପ୍ରସ୍‌ସା କିନିକା ସୁଡ଼ୁତାର୍,

୧୦ ଖାନିଙ୍କ ମନ୍ଦିର୍ ଦୁଆର୍ ଲାକ୍‌ତୁ ବାସ୍‌ତିମାର୍‌ଇ ଭିକାରି ଇଜି ସିନିସ୍‌କିତାର୍ ମାରି ଖାନି ଉଣ୍ଡିଙ୍କ ଇନିକା ଗଟାତାମାର୍ହାଡ୍, ଓଜୁ ନେସ୍‌ସି ଖାର୍ କାବାନି ବେମ୍‌ରି ଆତାର୍ ।

ପାର୍‌ତନା ମନ୍ଦିରତୁ ପିତରତି ପ୍ରଗାର୍

☆ ୨:୪୪ ପ୍ରେରିତ ୪:୩୨-୩୫.

୧୧ ଆୟାକାନ୍ ପିତର ନି ଜୋହନତି ଖାଲେ ସଲମନ୍ତି ଗୁଡିକାଲୁଡୁ ମାନିକା ସୁଡ଼ି ଲୋକୁ କାବାଆଜି ଲାକ୍ତୁ ଉରୁକ୍ତାର ।

୧୨ ପିତର ଖାରିଙ୍ଗ୍ ସୁଡ଼ୁ ଇର୍ହାନ୍, ଏ ଇସ୍ରାଏଲ୍ତି ଲୋକୁ, ମିର୍ ଏନ୍ଦା ଇବେନ୍ନୁ କାବାଆଜି ମା ତରିନ୍ ଇୟାଖାଜା ବେସ୍ସି ମାନିଦେର୍ ? ମିର୍ ଇନିକା ଅଡ଼ବିଜିନିଦେର୍ ଜେ ମା ନିଜେ ସାକ୍ତିଦାନ୍ ନି ମା ଦାମ୍ ଉଣ୍ଡିଙ୍ ମାପ୍ ଇୟା ଲୋକ୍ତି ବୁଲାନି ସାକ୍ତି ସିତାମାନାପ୍ ?

୧୩ ଅଗ୍ରାହାମ, ଇସ୍ରାଏଲ୍ ମାରି ଜାକୁବଦି ମାପୁରୁ, ମା ତକ୍ରାଦାଦାରି ମାପୁରୁ, ଖାନି ଦାସ୍ ଜିସୁଙ୍ ମାପୁରୁଦି ଦନ୍ୟବାଦ୍ ସିତାମାନାନ୍ । ମାତର ମିର୍ ଖାନିଙ୍ଗ୍ ଅଦିକାରିରି କିମ୍ପୁ ସର୍ପେ କିତିଦେର୍ । ଇୟାଖାଜାକି ପିଲାତ୍ ରାଜା ଖାନିଙ୍ଗ୍ ତ୍ରିସିସ୍ କିଦେଙ୍ଗ୍ ତିର୍ କିତିମାରିଙ୍ଗ୍ ବା, ଖାନିଙ୍ଗ୍ ପିଲାତ୍ ରାଜା ଆଗ୍ଡି ଅମାନ୍ୟ କିତିଦେର୍ ।

୧୪ *ଖାନି ଅରେନ୍ ପବିତ୍ର ମାରି ଦାମ୍ ଲୋକୁ, ମାତର ମିର୍ ଖାନିଙ୍ଗ୍ ଅମାନ୍ୟ କିତିଦେର୍ ମାରି ଖାନି ବାଦ୍ଲୁ ମିଙ୍ଗ୍ ଦୟା ତରସି ଅରେନ୍ ନରକାତ୍ନିଖାନିଙ୍ଗ୍ ତ୍ରିସିସ୍ କିଦେଙ୍ଗ୍ ଇଜି ପିଲାତ୍ ରାଜେଙ୍ଗ୍ ଇରୁଇଦେର୍ ।

୧୫ ଏନ୍ ଜିବନ୍ତି ସାରି ତରନିକାନ୍, ମିର୍ ଖାନିଙ୍ଗ୍ ତାକ୍ତିଦେର୍; ମାତର ମାପୁରୁ ଖାନିଙ୍ଗ୍ ସାତିମାଣାନ୍ ମାରିଡେସି ନିକ୍ତାନ୍ । ମାପ୍ ତାନି ସାକି ।

୧୬ ଖାନି ଦରତି ସାକ୍ତି ନେ ଇୟା ସଟେଙ୍ଗ୍ ନେଗେନ୍ କିତାମାନାତ୍ । ଏମେ ଗଟନା ଇଲେଇ ମିର୍ ନିଜେ ସୁଡ଼ି ସତ୍ ଇଜି ନେସ୍ତିମାନିଦେର୍, ଆକା କେବଲ୍ ଖାନି ଦରତାନ୍ ବିସ୍ବାସ୍ କିନି ଉଣ୍ଡିଙ୍ ଆତାମାନାତ୍ । ଜିସୁମାନ୍ ବିସ୍ବାସ୍ କିନି ଉଣ୍ଡିଙ୍ ଖାନି ଜେ ନେଗେନ୍ ଆତାମାନାନ୍, ଇକା ମିର୍ ସୁଡ଼ୁମାନିଦେର୍ ।

୧୭ “ମାରି ଇଲେଇ, ଏ ଇସ୍ରାଏଲ୍ତି ତଡ଼ାନ୍କୁ ନି ତାଙ୍ଗ୍ କ୍, ମିର୍ ମାରି ମି ନେତାର୍ ଜିସୁଦି ଉଣ୍ଡିଙ୍ ଆମାକା କିତିଦେର୍, ଆକା ନେସ୍ସାକ୍ତି କିତିମାନିଦେର୍, ଇକା ନାନ୍ ନେସ୍ନା ।

୧୮ ନାଣ୍ଟ ବାସ୍ପେକ୍ ଆଗ୍ଡି ଖିଜେରେ ବାବବାଦି ଖେୟୁଦୁ ମାପୁରୁ ଖେରତା ମାହାନ୍ ଜେ, କ୍ରିସ୍ତୁ ଦୁକ୍ବଗାଦେଙ୍ଗ୍ ଆନାତ୍ । ଇୟାଖାଜା ଇଲେଇ ଆକା ସତ୍ ଆତାମାନାତ୍ ।

୧୯ ମାରି ଅନୁତାପ୍ କିଜି ମାପୁରୁ ତରିନ୍ ଡେସି ରାଦୁ । ଆରିଙ୍ଗ୍ ଖାନି ମି ପାପ୍ କେମା କିନାନ୍ ।

୨୦ ମାରି ପ୍ରବୁଦି ମାଣାନ୍ ମିର୍ ଆମିକ୍ ସାକ୍ତି ପୟନିଦେର୍ । ମାପୁରୁ ମି ଉଣ୍ଡିଙ୍ ଆଗ୍ଡିରାନ୍ ବାସେଆତିମାନି ମସିହ୍ ଜିସୁଙ୍ ପକ୍ନାନ୍ ।

୨୧ ପୁର୍ବେକାଡ଼ାଦି ପବିତ୍ର ବାବବାଦି ମାଣ୍ଟୁ ମାପୁରୁ ଖେରତି ଇସାବ୍ତାନ୍ ଖିଜୁ ବିସ୍ମତି ପୁନିକା ଆନି ସାନ୍ ଖାନି ମୁସ୍କୁପୁରୁତୁ ତେବାନାନ୍ ।

୨୨ ଇୟା ବିସ୍ମତାନ୍ ମୋସା ଇର୍ହାମାହାନ୍, ମି ପ୍ରୁ ମାପୁରୁ ମି ତଡ଼ାନ୍କା ମାଣ୍ଟୁ ମି ଲାକ୍ତୁ ନା ନାନି ଅରେନ୍ ବାବବାଦିଙ୍ ପକ୍ନାନ୍ । ଖାନି ମି ନିଜେ ଲୋକା ଲୋଇରାନ୍ ଅରେନ୍ ଆନାନ୍ । ଖାନି ମିଙ୍ଗ୍ ଆମାକା ଇନାନ୍, ଆୟାଖିଜୁ ବିସ୍ମ ମିର୍ ମାନାନିକା ମାନାତ୍ ।

୨୩ ଏନ୍ ଆୟା ବାବବାଦିଦି ବାକ୍ୟ ମାନାଏନ୍, ଖାନିଙ୍ଗ୍ ମାପୁରୁଦି ଲୋକାମାଣ୍ଟୁ ଖେରଏ କିଜି ନାସୁ କିଆୟୁଆନାନ୍ ।

୨୪ ଇଲେଇ ଆମାକା ଗଟାଜିନାତ୍, ଆୟା ବିସ୍ମତାନ୍ ସାମୁଏଲ୍ତି ଖାଲେ ଖିଜେରେ ବାବବାଦିର୍ ମାଟା ପ୍ରତାର୍ କିଜି ଇର୍ହାମାହାନ୍ ମାରି ଖାରି ଖେନକାରି ବାବବାଦିର୍ ବା ଇୟା ବିସ୍ମତାନ୍ ଖେରତା ମାହାନ୍ ।

୨୫ ବାବବାଦିରି ଖେୟୁଦୁ ମାପୁରୁ ଏମେ ଖିଜୁ ପ୍ରତିଜ୍ଞା କିତାମାନାନ୍, ଆକା ମି ଉଣ୍ଡିଙ୍ ଟିକ୍, ମାରି ମାପୁରୁ ମି ପୁର୍ବେଦିତକ୍ରାଦାଦାରି ଖାଲେ ଏମେ ନିୟମ୍ କିତାମାନାନ୍, ମିର୍ ଆବେଣି ବାଗ୍ତିକାର୍ । ମାପୁରୁ ଅଗ୍ରାହାମ୍ତିଙ୍ ଇର୍ହାମାହାନ୍, ମି କୁଟୁମ୍ତି ମାଣାନ୍ ନାନ୍ ଦୁନିଆଦି ଖିଜୁ ବାସାଦି ଲୋକାଙ୍ଗ୍ ଆସିର୍ବାଦ୍ କିନାପ୍ ।

୨୬ ଆଦେଙ୍ଗ୍ ମାପୁରୁ ଖାନି ଦାସ୍ତିଙ୍ଗ୍ ବାସେକିତାନ୍ ମାରି ମି ଖିଜେରିଙ୍ଗ୍ ତାଗ୍ଲ୍ ସାରିଦାନ୍ ଡେସିଖାନି ଆସିର୍ବାଦ୍ ସିଦେଙ୍ଗ୍ ଇଜି ଆଗ୍ଡି ଖାନିଙ୍ଗ୍ ମି ଲାକ୍ତୁ ପକ୍ତାନ୍ ।”

୪

ଜିହୁଦିର୍ ପେରି ମିଟିଙ୍ଗ୍ତୁ ପିତର ନି ଜୋହନ

୧ ପିତର ନି ଜୋହନ ଲୋକାଙ୍ଗ୍ ଇୟାଖାଜା ସିକିୟା ସିଜିମାନି ଖାଲେ ମନ୍ଦିର୍ତି ଏସ୍ ଜାଜକର୍, ମନ୍ଦିର୍ତି କାପକିନିଖାରି ପେରିକାନ୍ ମାରି ଏସ୍ ସାଦୁକିର୍ ଖାଜି ଇତାର୍ ।

୨ ଖାର୍ ରିସା ଆତାମାହାନ୍, ଇରିଙ୍ଗ୍ ଜିସୁ ସାତିମାଣାନ୍ ମାରିଡେସି ନିଙ୍ଗ୍ ଇଜି ରିଏର୍ ପ୍ରେରିତର୍ ଲୋକାଙ୍ଗ୍ ସିକିୟା ସିଜି, ଇବେଶାନ୍ ସାତିକାର୍ ମାରିଡେସି ନିଙ୍ଗ୍ନାନ୍ ଇଜି ପାର୍ମାଣ୍ କିଜିମାହାନ୍ ।

୩ ମାରି ଖାର୍ ଖାରିଙ୍ଗ୍ ତରତାର୍ ମାରି ଆୟାନାଣ୍ଟିଙ୍ ନାଣ୍ଟ ଖେଡ଼ା ଆତାମାହାନ୍ ଆକା ମାରିନାଣ୍ଟିଙ୍ଗ୍ ସାନ୍ ଖାରିଙ୍ଗ୍ ଜିଲ୍ଲୁ ଇର୍ତ୍ତାର୍ ।

* ୩:୧୪ ମାତିଉ ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଜୋହନ ୧୯:୧୨-୧୫.

୪ ମାତର ଝାରି ସିକିୟା ଝେରଇମାହିଁ ନାଶ୍ଟ ଲୋକୁ ଆବେନୁ ବିସ୍ବାସ କିତାର ମାରି ଝାରି ସଂଖ୍ୟା ପିରଜି ପାସ ହାଜାର ଆତାତ ।

୫ ମାରନାଶ୍ଟିଜ୍ ଜିହୁଦି ନେତାର, ମନ୍ଦିରତି ଆଇନେତାର ମାରି ଦାମ୍ବୁଗୁରୁର ଜିରୁସାଲାମତୁ ଉଣ୍ଡେମାନୁ ଉଣ୍ଡାତାର ।

୬ ଆବେନୁ ଝିଜେରିଜ୍ ପେରି ଜାଜକ ହାନାନା, କୟାପା, ଜୋହନ, ଆଲେକଜାଣ୍ଡର ମାରି ଝିଜେରିଜ୍ପେରି ଜାଜକରି ଇଲ୍ଲତି ଆଇ ଲୋକାଜ୍ ମିସାତାର ।

୭ ସିସୁରିଜ୍ ଝାରି ଆଗଡ଼ି ତାପିସ୍ କିଜି ଝେନ୍ବାତାର, “ମିର୍ ଇୟାଝିଜୁ ଏଣ୍ଡେସ୍ କିଜିନିଦେର୍ ? ଏ ସାଲ୍ଲିଦାନ୍ ବା ଏ ଦରତାନ୍ ଇକା କିଜିନିଦେର୍ ?”

୮ ଆବେଟ୍ ପିତର ପବିତ୍ର ଆମ୍ବାଦୁ ପୁରା ଆଜି ଝାରିଜ୍ ଇର୍ହାନ୍, “ଏ ଲୋକା ନେତାର ମାରି ପେରିକାର :

୯ ଜଦି ନେର୍ ମାଜ୍ ଇୟା ସଟା ଉଣ୍ଡିଜ୍ କିତିମାନି ନେଗି ପାଣି ବିସୟତାନ୍ ମିର୍ ଝେନ୍ବାଜିନିଦେର୍ ମାରି ଝାନ ଏଣ୍ଡେସ୍ ନେଗେନ୍ ଆତାନ୍ ଇଜି ନେସ୍ତେଜ୍ ବଦାକିଜିନିଦେର୍ ।

୧୦ ଆବେଟ୍ ମିର୍ ମାରି ଇସ୍ରାଏଲ୍ଡି ଝିଜେରେ ନେସ୍ନିକା ମାନାତ୍ ଜେ, ମି ଆଗଡ଼ି ନିରଇ ମାନି ଇୟା ଲୋକୁ କେବଲ୍ ନାଜରିୟତିୟ ଜିସୁ କ୍ରିସ୍ତିଦି ଦରତି ସାଲ୍ଲିଦାନ୍ ପୁରା ନେଗେନ୍ ଆତାମାନାନ୍ । ଆୟା ଜିସୁଜ୍ ମିର୍ କୁସଦୁ ଏକିସ୍କିତି ମାରିଇଦେର୍ । ମାତର ମାପୁରୁ ଝାନିଜ୍ ସାତିମାଣାନ୍ ମାରିଡ଼େସି ନିକ୍ତାନ୍ ।

୧୧ ଜିସୁଦି ବିସୟତାନ୍ ନେ ଦାମ୍ବୁସାସ୍ତ୍ରୁ ରାସାତାମାନାତ୍,

“ଏମେ କାଲୁଦିଜ୍ ଇଲ୍ଲୁ ତିଆର୍ କିନିକାର ଡିସ୍ତାର,

ମାତର ଆୟା କାଲୁ ନେ କନାଦି ମୁଲ୍ କାଲୁ ଆତାତ ।

୧୨ କେବଲ୍ ଝାନି ମାଣାନ୍ ରକିୟା ପୟ୍ନିକା ଆନାତ୍ । ସାରା ଦୁନିଆଦୁ ମାନି ଆଇ ଇନି ଦର୍ ମାଣାନ୍ ଲୋକୁ ରକିୟା ପୟ୍ନିଦେଜ୍ ଆଟ୍ଏନ୍ ।”

୧୩ ପିତର ନି ଜୋହନ ପଡ଼ାଇକାର ମାରି ସାମାନ୍ତି ଲୋକୁ ଇଜି ପେରି ମିଟିଜ୍ଡି ଜିହୁଦି ନେତାର ନେସ୍ତାମାହାର୍ । ଆଦେଜ୍ ଝାରି ସାସ୍ ସୁଡ଼ଜ୍ ଝାର୍ କାବାଆତାର । ମାରି ଝାର୍ ନେସ୍ତାମାହାର୍, ଆୟା ରିଏର୍ ଜିସୁଦି ଝାଲେ ମାହାର୍ ।

୧୪ ମାତର ଝାର୍ ବିରୁଦ୍ କିଜି ଇନିକା ଇନ୍ଡ୍ରେଜ୍ ଆଟ୍ଏତାର୍; ଇରିଜ୍ ଝାର୍ ନେଗେନ୍ ଆତିମାରଇ ଲୋକ୍ତିଜ୍ ପିତର ନି ଜୋହନତି ଝାଲେ ନିରଇ ମାରିଇକା ସୁଡ଼ତୁାର୍ ।

୧୫ ଆବେଟ୍ ଝାର୍ ସିସୁରିଜ୍ ମିଟିଜ୍ ଇଲ୍ତାନ୍ ସପ୍ସି ସିଜି ଝାରି ବିସୟତାନ୍ ନିଜେ ନିଜେମାନୁ ଝାର୍ଗିଦେଜ୍ ଆସ୍ତାର ।

୧୬ ଝାର୍ ଇର୍ହାର୍, “ମାତ୍ ଝେରି ଉଣ୍ଡିଜ୍ ଇନିକା କିନାଟ୍ ?” ଇକାର୍ କିତିମାନି ଇୟା କାବାଆନି ପାଣି ବିସୟତାନ୍ ଜିରୁସାଲାମତି ଝିଜେରେ ନେସ୍ତା ମାନାର୍ । ତେନି ସଡ଼ ମାତ୍ ମାରି ସିଲେ ଇନ୍ଡ୍ରେଜ୍ ଆଟ୍ଇକା ।

୧୭ ମାତର ଇୟା ମାଟା ଏଣ୍ଡେସ୍ ଲୋକା ଲୋଇ ନାଶ୍ଟ ଝେଜ୍ ଝିଜୁଦି ଦରତାନ୍ ମାରି ଏସାଜ୍ ଆମାଝାରି ଆଗଡ଼ି ଇନିକା ଇନ୍ଇ ଉଣ୍ଡିଜ୍ ଇୟାଝାରିଜ୍ ମାପ୍ ଜାଗାର୍ତା କିନା ସିନାଟ୍ ।

୧୮ ଆବେଟ୍ ଝାର୍ ପିତର ନି ଜୋହନତିଜ୍ ମାରିଡ଼େସି ଲୋଇ କୁକିସ୍ କିତାର ମାରି ଏସାଜ୍ ବା ଜିସୁଦି ଦରତାନ୍ ଇନି ମାଟା ଇନ୍ଇ ଉଣ୍ଡିଜ୍ ମାରି ସିକିୟା ସିଇ ଉଣ୍ଡିଜ୍ ଜାଗାର୍ତା କିତା ସିତାର୍ ।

୧୯ ମାତର ପିତର ନି ଜୋହନ ଇର୍ହାର୍, “ମିଜ୍ ମାନାନିକା, ଅବା ମାପୁରୁଦିଜ୍ ମାନାନିକା ଏମେ ବିସୟ ମାପୁରୁଦି ଆଗଡ଼ି ଟିକ୍, ଆକା ମିର୍ ବିସାର୍ କିଦୁ ।

୨୦ ଇରିଜ୍ ମାପ୍ ଆମାକା ସୁଡ଼ତୁାମାନାପ୍, ମାରି ଝେର୍ଆମାନାପ୍, ଆୟା ବିସୟ ଇନ୍ଏଣ୍ଡା ତେବାଦେଜ୍ ଆଟ୍ଏପ୍ ।”

୨୧ ମାତର ଜିହୁଦିର ପେରି ମିଟିଜ୍ଡୁ ଲୋକୁ ଝାରିଜ୍ ମାରି ତାଟ୍ତାନ୍ ଆଦ୍ରିସ୍କିଜି ଡିସ୍ତା ସିତାର୍ । ଝାରିଜ୍ ଦଣ୍ଡ ସିନିକା ଆଏଡ଼ ଇଜି ଝାର୍ ନେସ୍ତେଜ୍ ଆଟ୍ତାର୍, ଇରିଜ୍ ଆୟାଗଟନା ଉଣ୍ଡିଜ୍ ଲୋକୁ ଝିଜେରେ ମାପୁରୁଦି ଦନ୍ୟବାଦ୍ କିଜିମାହାର୍ ।

୨୨ ଏମେ ଲୋକୁ କାବା ଇସାବ୍ତାନ୍ ନେଗେନ୍ ଆତାମାହାନ୍, ଝାନି ବୟସ୍ ସାଲିସ୍ ବାସ୍ପେକ୍ତାନ୍ ନାଶ୍ଟ ମାହାଟ୍ ।

ବିସ୍ବାସିର୍ ସାହାସ୍ ପୟ୍ନି ଉଣ୍ଡିଜ୍ ପାର୍ତନା କିତାର୍

୨୩ ପିତର ନି ଜୋହନ ମୁକ୍ତାତି ଦାପେ ଦାପେ ଝାରି ଦଲ୍ଡୁ ଡ଼େସି ସର୍ହାର୍ ମାରି ପେରି ଜାଜକର୍ ମାରି ନେତାର୍ ଆମାକା ଇର୍ହାମାହାର୍, ଆକା ଝାରିଜ୍ ଝେର୍ତାନ୍ ।

୨୪ ବିସ୍ବାସିର୍ ଝିଜୁ ମାଟା ଝେର୍ଇ ଝେନ୍କା ଝିଜେରେ ଉଣ୍ଡାଜି ମାପୁରୁଦି ଲାକ୍ଡୁ ଇୟା ପାର୍ତନା କିତାର୍, “ଏ ପ୍ରୁ ! ମୁସ୍କୁପୁର୍, ଦୁନିଆଦୁ, ସାମ୍ବୁର୍ ମାରି ଆବେମାନି ଝିଜୁ ବିସୟତି ତିଆର୍କିତିକିୟା !

୨୫ ପବିତ୍ର ଆମ୍ବାଦି ମାଣାନ୍ ନିନ୍ ମା ତକ୍ରାଦାଦା ମାରି ନି ଦାସ୍ ଦାଉଦତି ଝେୟୁଦାନ୍ ଇୟା ମାଟା ଝେର୍ଡିମାହିଁ, “ଅଣଜିହୁଦିର୍ ଏନ୍ଦା ରିସା ଆତାର୍;

ଲୋକୁ ଏନ୍ଦା ଆର୍ଡିତାନିଜ୍ ଉପାୟକିତାର୍ ?

୨୬ ପ୍ରଭୁଦି ବିରଦତାନ ମାରି ଖାନି କ୍ରିସ୍ତ ଅର୍ତ୍ତାତ୍ତ ମସିହୁଦି ବିରଦତାନ
 ଦୁନିଆଦି ରାଜାର ନିଜେଦିଙ୍କ ତିଆର କିତାର
 ମାରି ସାସନ କିନି ନେତାର ଉଣ୍ଡାତାର,

୨୭ ✱ସଦତାନ ଇୟା ଗାଡ଼ତୁ ହେରୋଦ ନି ପତ୍ରିୟ ପିଲାତ୍ ରାଜା ଅଣଜିହୁଦି ମାରି ଇସ୍ରାଏଲ୍‌ତି ଲୋକା ଖାଲେ ମିସାଜି ମି
 ମାଣାନ ବାସେଆତି କ୍ରିସ୍ତ ଅର୍ତ୍ତାତ୍ତ ମସିହୁ, ମି ପବିତ୍ର ଦାସ୍ ଜିସୁଙ୍କୁ ବିରଦ କିତାର ।

୨୮ ମି ସାଲ୍ଲି ମାରି ବଦା ଇସାବତାନ ଆମାକା ଓଜୁ ଗଟେଆନି ଉଣ୍ଡିଙ୍କ ମିର ଆସା କିତିମାରଇଦେର, ଖାର ଉଣ୍ଡାଜି
 ଆୟାଓଜୁ କିନି ଉଣ୍ଡିଙ୍କ ଲାଗେ ପଡ଼େଆତାର ।

୨୯ ପ୍ରଭୁ, ଇଲେଇ ଖାର ମାଙ୍କୁ ଏମେ ଆଦରିସ୍ କିତାମାନାର, ନିନ୍ ଆୟା ବିସୟତାନ ମନ୍ ସିଆ ମାରି ସାହାସତାନ ନି
 ବାକ୍ୟ ପ୍ରଚାର କିଦେଙ୍କ ଇଜି, ନି ଇୟା ଦାସ୍‌ରିଙ୍କ ସାଲ୍ଲି କିଆ ।

୩୦ ମାରି ନେଗେନ୍ କିଦେଙ୍କ ଇଜି ନି କିୟୁ ପେରଥା ମାରି ନି ପବିତ୍ର ଦାସ୍ ଜିସୁଦି ଦରତାନ କାବାଆନିକା ମାରି କାବାଆନି
 ପାଣି କିଦେଙ୍କ ମାଙ୍କୁ ସାଲ୍ଲି ସିଦା ।”

୩୧ ଖାର ପାରତନା ଓସ୍ତି ଖେନକା ଏମେ ବାଡ଼ିଦୁ ଉଣ୍ଡାତା ମାର୍ହାର, ଆକା ଦୁଙ୍କୁ ତା ସର୍ହାର । ଖାର ଓଜେରେ
 ପବିତ୍ରଆମାଦୁ ପୁରା ଆତାର ମାରି ସାହାସତାନ ମାପୁରୁଦି ବାକ୍ୟ ପ୍ରଚାର କିଦେଙ୍କ ଆସତାର ।

ବିସ୍‌ବାସିର ନିଜେନିଜେଦି ଦନ୍‌ତୁ ମିସାତାର

୩୨ ✱ବିସ୍‌ବାସସି ଦଲ୍ ଉନ୍‌ତୁ ଜିବନ୍ ମାରି ଉନ୍‌ତୁ ମନ୍ ଆତାର । ଏନ୍ ନିଜେଦି ଦନ୍‌ତିଙ୍କ ନିଜେଦିକା ଇଜି ଦାବି
 କିଏଜିମାର୍ହାର, ମାତର ଓଜେରି ଦନ୍‌ତିଙ୍କ ଖାର ସାମାନତାନ ବାଟାକିଜି ସିଜିସାତାର ।

୩୩ ନାଣ୍ଡ ସାଲ୍ଲିଦାନ ପ୍ରେରିତ୍ତର ସିସୁର ପ୍ରଭୁ ଜିସୁଦି ମାରିଡ଼େସି ନିଙ୍କୁ ବିସୟତାନ ସାକିୟ ସିତାର ମାରି ମାପୁରୁ
 ଖାରି ମୁସ୍କୁ ନାଣ୍ଡ ଆସିର୍ବାଦ ସିତାନ ।

୩୪ ଖାରି ଦଲ୍‌ତୁ ଆମା ଲୋକୁ କାକୁତ ସିଲେତାନ । ଏମେଖାରି ରୁମି ମାରି ଇଲୁ ମାର୍ହାର, ଖାର ଆକା ପରସି ପରତି
 ଦନ୍‌ତି ତାରୁଙ୍କୁ ତାସି,

୩୫ ଖାର ସିସୁରି ପାଦାମ୍ ଆଡ଼ଗି ଇଡ଼ଜିମାର୍ହାର । ମାରି ଆୟା ତାରୁଙ୍କୁ ଖାରି ଲୋଇ ଲୋକା ଦରକାର ଇସାବତାନ
 ବାଟା କିଜିମାର୍ହାର ।

୩୬ ସାଇପ୍ରସ୍ ଦରତି ବାଡ଼ିଦୁ ଜନମ୍ ଆତିମାରଇ ଲେବି କରୁମ୍‌ତି ଜସେପ୍, ଆମାଖାନିଙ୍କ ପ୍ରେରିତ ସିସୁର ବର୍ଣ୍ଣବା ଇଜି
 ଦର ଇଟାମାର୍ହାର, ବର୍ଣ୍ଣବାଦି ଅର୍ତ୍ତ “ଦୁଃକତୁ ଖେଡ଼ିକାସିନି ମାରିନ୍”

୩୭ ଖାନି ରୁମି ପରସି ଆବେଣି ତାରୁଙ୍କୁ ତାସି ପ୍ରେରିତ ସିସୁରିଙ୍କ ସିତାନ ।



ହନନିୟ ନି ସପିରା

୧ ହନନିୟ ଦରତି ଅରେନ୍ ଲୋକୁ ମାରି ଖାନି ଆଡ଼ସି ସପିରା ତାମେ ଏସ ରୁମି ପରତାର ।

୨ ମାତର ଆଡ଼ସି ମାଟା ଆସସି ହନନିୟ ପରତି ତାରୁଙ୍କୁ ଏସ ନିଜେଦି ଉଣ୍ଡିଙ୍କ ଇଡ଼ଜି, ଏଜିତିକା ପ୍ରେରିତ ସିସୁରିଙ୍କ
 ସିତାର ।

୩ ପିତର ଖାନିଙ୍କ ଇର୍ହାନ, “ହନନିୟ, ନି ଜିବନ୍ ଓଜୁ ଏନ୍ଦା ସୟତାନତି ଆଡ଼ଗି ଆଜି ରୁମି ପରଜି ପୟତିମାନି ତାରୁଙ୍କୁ
 ଏସ ନିଜେଦି ଉଣ୍ଡିଙ୍କ ଇଡ଼ଜି ପବିତ୍ର ଆମାଦିଙ୍କ ମିସ୍ ଇହ ?”

୪ ଦନ୍ ପରନି ଆଗ୍ତି ଆକା ନି ଅଦିକାର ମାର୍ହାର, ପରନି ଖେନକା ବା ତାରୁଙ୍କୁ ନିଦି ମାର୍ହାର, ଆରତିଙ୍କୁ ନିନ୍ ଏନ୍ଦା
 ଇୟାଖାଜା ପାଣି କିଦେଙ୍କ ମୋନ୍ କିତି ? ନିନ୍ ଲୋକାଙ୍କ ମିସ୍ ଖେରଇତି, ମାତର ମାପୁରୁଙ୍କୁ ମିସ୍ ଖେରତି ।”

୫ ହନନିୟ ଇୟା ମାଟା ଖେନି ଦାପ୍ରେ ଆଡ଼ଗି ଆରଜି ସାତାନ; ମାରି ଏମେକାର ଇୟା ମାଟା ଖେରଆର, ଖାର
 ଓଜେରେ ନାଣ୍ଡ ତିଲାତାର ।

୬ ମାରି, ମୁରୁଲିର ହନନିୟଦି ସାତି ମାଡ଼ାଦିଙ୍କ ଖାଡ଼ିଦୁ ତେରେପସି ଆଡ଼ରେ ଅତାର ମାରି ମୁସ୍‌ତାର ।

୭ ମାରି ମୁନ୍‌ତୁ ଗନ୍‌ଟା ଖେନକା ହନନିୟଦି ଆଡ଼ସି ଖାଜି ଇତାତ୍ । ଖାଦ୍ ଇୟା ଗନ୍‌ନା ବିସୟ ନେସ୍‌ଏଡ଼ ମାର୍ହାର ।

୮ ପିତର ତାନିଙ୍କ ଖେନବାତାନ, “ନାଙ୍କୁ ଇନ୍‌ଆଁ, ନିନ୍ ମାରି ନି କନ୍‌ଲି ଆମା ରୁମି ପରତିଦେର, ଇକା ଇନିକା ତାନି
 ପୁରା ତାରୁଙ୍କୁ ?”

ଖାଦ୍ ଇର୍ହାର, “ହୁଁ ।”

✱ ୪:୨୭ ଲୁକ ୨୩:୭-୧୧; ମାତିଉ ୨୭:୧,୨; ମାର୍କ ୧୫:୧; ଲୁକ ୨୩:୧; ଜୋହନ ୧୮:୨୮,୨୯. ✱ ୪:୩୨ ପ୍ରେରିତ ୨:୪୪,୪୫.

୯ ପିତର ତାନିଙ୍ଗ ଇର୍ହାନ, “ପ୍ରବୁଦି ଆମ୍ବଦିଙ୍ଗ ପରିକା କିଦେଙ୍ଗ ଇଜି ନିନ୍ ମାରି କନ୍ଲି ଏନ୍ଦା ବାସେ କିତିଦେର୍ ? ଏମେକାର ନି କନ୍ଲିଙ୍ଗ ମୁସ୍ତାର, ୱାର ଇଲେଇ ସେରଲା ଲାକ୍ତୁ, ୱାର ନିଙ୍ଗ ବା ପିଣ୍ଡୁନା ଅନାର ।”

୧୦ ୱେନି ଆୟାଦାପ୍ରେ ୱାଦ୍ ପିତରତି କାଲ୍ଲକା ଲାକ୍ତୁ ଆରଜି ସାତାଡ୍ । ମୁରୁଲିର୍ ଲୋଇ ୱାଜି ତାନି ସାତି ମାନିକା ସୁଡ୍ଜି ତାନିଙ୍ଗ ପିଣ୍ଡୁଜି ଅତାର ମାରି ତାନି କନ୍ଲିସିଦି ଗୁଟା ଲାକ୍ତୁ ତାନିଙ୍ଗ ମୁସ୍ତାର ।

୧୧ ମାଣ୍ଡୁଲିଦି ପେରିକାର୍ ମାରି ଏମେକାର୍ ଇୟା ମାଟା ୱେର୍ଆର୍, ୱିଜେରେ ନାଣ୍ଡୁ ତିଲାତାର ।

କାବାଆନି ସିନା ମାରି କାବାଆନି ପାଣି

୧୨ ପ୍ରେରିତ ସିସୁରି ମାଣ୍ଡାନ୍ ଲୋକା ଲୋଇ ନାଣ୍ଡୁ କାବାଆନି ପାଣି ଆଜିମାହ୍ନାର୍, ୱିଜେରେ ବିସ୍ବାସିର୍ ସଲମନ୍ତି ଗୁଡିକାଲ୍ଲତୁ ଉଣ୍ଡାଜି ମାହ୍ନାର୍ ।

୧୩ ୱାରି ବିସ୍ତୟତାନ୍ ଲୋକ୍ତୁ ନେଗି ମାଟା ଇଜିମାହ୍ନାର୍, ମାତର୍ ଦଲ୍ ଆଡ୍ରେ ମାନି ଲୋକ୍ତୁ ଏନ୍ ୱାରି ୱାଲେ ମିସାଦେଙ୍ଗ୍ ସାସ୍ କିଏଜିମାହ୍ନାର୍ ।

୧୪ ମାତର୍ ପ୍ରବୁମାନ୍ ବିସ୍ବାସ୍ କିଜିମାନି ନାଣ୍ଡୁ ଆଇମେକ୍ ନି ମେମାରିର୍ ଦଲ୍ତୁ ଡ୍ରିତାର୍ ମାରି ଆୟା ବିସ୍ବାସି ଦଲ୍ ଦିନ୍ତିଙ୍ଗ୍ ଦିନ୍ ପିର୍ଦେଙ୍ଗ୍ ଆସ୍ତାର ।

୧୫ ପ୍ରେରିତ ସିସୁରି ପାଣି ନାଣ୍ଡୁ ନେଗେନ୍ ଆତାଡ୍, ଇୟାଞ୍ଜାଜାକି ପିତର୍ ବୁଲ୍ଲାଜି ସନିଞ୍ଜାଲେ ୱାନି ନିଡ୍ଗା ଆର୍ଦେଙ୍ଗ୍ ଇଜି ଲୋକ୍ତୁ ରୋଗିଲୋକାଙ୍ଗ୍ ପିଣ୍ଡୁଜିତାସି ସାର୍ଦୁ କାଟେଲ୍ ନି ଟାଟିଦୁ ତେର୍ପସି ମାହ୍ନାର୍ ।

୧୬ ଜିରୁସାଲାମତି ଲାକ୍ତୁରି ଗାଡ଼ାକାଣ୍ଡୁ ଉନ୍ତୁ ପେରି ଲୋକ୍ତୁ ମାୟା ରଗ୍ ନି ଦୁବା ଆସ୍ତି ଲୋକାଙ୍ଗ୍ ତାସି ସିସୁରି ଲାକ୍ତୁ ତାସିମାହ୍ନାର୍ ମାରି ୱାର୍ ୱିଜେରେ ନେଗେନ୍ ଆଜିମାହ୍ନାର୍ ।

ପ୍ରେରିତ ସିସୁର କାସୁ ପୟନିକା

୧୭ ତାନିଞ୍ଜେନ୍କା ୱିଜେରିଙ୍ଗ୍ ପେରି ଜାଜକ ମାରି ୱାନି ପାଣିକିନିକାର୍ ନି ଲାକ୍ତୁରି ସାଦୁକି ଦଲ୍ତା ଲୋକ୍ତୁ ପ୍ରେରିତ ସିସୁରି ମୁସ୍ତୁ ନାଣ୍ଡୁ ରିସା ଆଜି ୱାରି ବିରୁଦ୍ତାନ୍ ପାଣି କିଦେଙ୍ଗ୍ ବାସେ କିତାର୍ ।

୧୮ ୱାର୍ ପ୍ରେରିତ ସିସୁରିଙ୍ଗ୍ ତର୍ସି ଇସ୍ତି ଜଇଲ୍ଲତୁ ଇଟ୍ତାର୍ ।

୧୯ ମାତର୍ ଆୟା ନାଡ଼ା ପ୍ରବୁଦି ଅରେନ୍ ଦୁଡ୍ ଜଇଲ୍ଲତି ସେରଲା ରେତା ସିତାନ୍ ମାରି ପ୍ରେରିତ ସିସୁରିଙ୍ଗ୍ ଡିସିସ୍କିଜି ୱାରିଙ୍ଗ୍ ଇର୍ହାନ,

୨୦ “ସାନ୍ତୁ, ମାନ୍ଦିର୍ତୁ ନିଲ୍ସି ଲୋକାଙ୍ଗ୍ ଇୟା ପୁନି ଜିବନ୍ ବିସ୍ତୟତାନ୍ ୱିଜୁ ମାଟା ୱେର୍ତୁ ।”

୨୧ ପ୍ରେରିତ ସିସୁର ୱାନି ମାଟା ମାନାଜି ସାଲ୍ଦି ମାନ୍ଦିର୍ତୁ ଡ୍ରିଜି ସିକିୟା ସିଦେଙ୍ଗ୍ ଆସ୍ତାର ।

ୱିଜେରିଙ୍ଗ୍ପେରି ଜାଜକ ନି ୱାନି ୱାନି ପାଣିକିନିକାର୍ ପେରିମିଟିଙ୍ଗ୍ତି ଇନ୍ତୁ ପୁରା ବାସ୍ନି ଉଣ୍ଡିଙ୍ଗ୍ ଇସ୍ତାଏଲ୍ତି ୱିଜେରେ ଲୋକ୍ତୁ ଜିହୁଦି ନେତାରିଙ୍ଗ୍ କୁକିସ୍ କିଜି ତାତାର୍ ମାରି ତାନିଞ୍ଜେନ୍କା ପ୍ରେରିତ ସିସୁରିଙ୍ଗ୍ ଆୟା ମିଟିଙ୍ଗ୍ତୁ ତାତେଙ୍ଗ୍ ଇଜି ପାଣିକିନିଞ୍ଜାରିଙ୍ଗ୍ ଜଇଲ୍ଲତୁ ପୋକ୍ତାର୍ ।

୨୨ ମାତର୍ ପାଣିକିନିକାର୍ ଜଇଲ୍ଲତୁ ପ୍ରେରିତ ସିସୁରିଙ୍ଗ୍ ପୟଏତାରୋ ଡେସି ୱାଜି ପେରି ମିଟିଙ୍ଗ୍ତୁ ୱେର୍ତାର୍,

୨୩ “ମାପ୍ ଜଇଲ୍ଲତୁ ଇତା ସୁଡ୍ତାପ୍, ଜଇଲି ଆର୍ଞ୍ଜାଦାନ୍ କେର୍ପାତା ମାନାଡ୍ ମାରି କାପ୍କିନିକାର୍ ସେରଲା ଆଗ୍ଡି କାପ୍କିଜିନାର୍, ମାତର୍ ସେରଲା ରେତି ୱେନ୍କା ଲୋଇ ମାପ୍ ଏଙ୍ଗ୍ ପୟଏତାପ୍ ।”

୨୪ ଇୟା ମାଟା ୱେନ୍ଜି ପେରି ଜାଜକ ନି ମାନ୍ଦିର୍ କାପ୍କିନିଞ୍ଜାରି ଦାୟିତ୍ତୁ ମାନି ପାଣିକିନିକାନ୍ କାବାଆତାନ୍ । ପ୍ରେରିତ ସିସୁରିଙ୍ଗ୍ ଉଣ୍ଡିଙ୍ଗ୍ ଇନିକା ଗଟାତାମାନାଡ୍ ।

୨୫ ନାସ୍ତିଞ୍ଜାଲେ ଅରେନ୍ ଲୋକ୍ତୁ ୱାଜି ଇର୍ହାନ, “ଞ୍ଜେନ୍ଶୁ ! ଏମେ ଲୋକାଙ୍ଗ୍ ମିର୍ ଜଇଲ୍ଲତୁ ଇଟ୍ତିମାହ୍ ଦେର୍, ୱାର୍ ମାନ୍ଦିର୍ତୁ ଲୋକାଙ୍ଗ୍ ସିକିୟା ସିଜିନାର୍ ।”

୨୬ ମାନ୍ଦିର୍ତି ପାଣିକିନିକାର୍ କାପ୍କିନିଞ୍ଜାରି ୱାଲେ ସଲ୍ସି ପ୍ରେରିତ ସିସୁରିଙ୍ଗ୍ ମାରିଡେସି ତାସି ୱାତାର୍ । ୱାର୍ ଏଣ୍ଡେସ୍ କିଜିବା ବପୁ ତିଗ୍ସତାର୍, ଇରିଙ୍ଗ୍ ୱାରି ତିଏଲ୍ ମାହ୍ନାଡ୍ ଜେ ଲୋକ୍ତୁ ୱାରି ମୁସ୍ତୁ କାଲ୍ଲୁ ତାକ୍ନାର୍ ।

୨୭ ୱାର୍ ପ୍ରେରିତ ସିସୁରିଙ୍ଗ୍ ଲୋଇ ଅସି ପେରିମିଟିଙ୍ଗ୍ ଆଗ୍ଡି ନିଲ୍ପତାର୍ ମାରି ୱିଜେରିଙ୍ଗ୍ପେରି ଜାଜକ ୱାରିଙ୍ଗ୍ ମାଟା ୱେନ୍ବାତାନ୍,

୨୮ ✨ “ଇୟା ଲୋକ୍ତି ଦରତାନ୍ ଇନି ସିକିୟା ସିଇ ଉଣ୍ଡିଙ୍ଗ୍ ମାପ୍ ତାଟ୍ ଆଦେସ୍ ସିତାମାହ୍ନାପ୍, ମାତର୍ ସୁଡ୍ତୁ, ମିର୍ ଇନିକା କିତିମାନିଦେର୍ ! ଜିରୁସାଲାମତି ୱିଜୁତରିନ୍ ମିର୍ ଇୟା ସିକିୟା ପ୍ରଚାର୍ କିତିମାନିଦେର୍ ମାରି ୱାନି ନେତେର୍ ଉଣ୍ଡିଙ୍ଗ୍ ମିର୍ ମାଙ୍ଗ୍ ଦସ୍ କିଦେଙ୍ଗ୍ ସେସ୍ତୁ କିଜିନିଦେର୍ !”

୨୯ ପିତର୍ ନି ଆଇ ସିସୁର ଇର୍ହାନ, “ମାପ୍ ମାପୁରୁଙ୍ଗ୍ ମାନାନିକା ନେଗେଡ୍, ଲୋକାଙ୍ଗ୍ ସିଲେ ।

୩୦ ମିର୍ ଜିସୁଙ୍ଗ୍ କୁସଦୁ କୁଟିଙ୍ଗ୍ ତାକ୍ସିସାପିସ୍ତି ୱେନ୍କା, ମା ଡକ୍ରାଦାଦାରି ମାପୁରୁ, ଜିସୁଙ୍ଗ୍ ସାତିମାଣାନ୍ ମାରିଡେସି ନିକ୍ତାମାନାନ୍ ।

✦ ୫:୨୮ ମାତିଉ ୨୭:୨୫.

୩୧ ଇସ୍ରାଏଲ୍‌ଟି ଲୋକାଙ୍କ ଏଡ଼କିଜି ମନ୍ତିକ୍ ଡେପିସ ପାପ୍ କେମା ପୟନି ସୁଜୋଗ ସିନି ଉଣ୍ଡିଙ୍ ମାପୁରୁ ଖାନିଙ୍ ନେତା ନି ରକିୟାକର୍ତ୍ତା ଖାଜା ନିକ୍ତାମାନାନ୍ ମାରି ଖାନି ଉଣ୍ଡେରି ତରିନ୍ ଇଟ୍‌ତାମାନାନ୍ ।

୩୨ ମାପ୍ ଇୟାଞ୍ଜିକୁ ବିସୟତି ସାକି । ମାରି ଏମେ ପବିତ୍ର ଆମ୍ବାଦିଙ୍ ମାପୁରୁ ଖାନି ମାନାନ୍‌ଖାରିଙ୍ ଦାନ୍ ସିତାମାନାନ୍, ଖାନ୍ ବା ତେନିସାକି ।”

୩୩ ପେରିମିଟିଙ୍ ଲୋକୁ ଇୟା ମାଟା ଖେନ୍‌ଜି ନିସା ରିସା ଆତାର୍ ଜେ, ଖାର୍ ସିସୁରିଙ୍ ତାକ୍‌ତେଙ୍ ବଦା କିତାର୍ ।

୩୪ ମାତର୍ ଖାରି ଲୋଇ ଗମଲିଏଲ ଦର୍ତି ଅରେନ୍ ପେରି ପାରୁସି ଦାମ୍‌ଗୁରୁ ପେରିମିଟିଙ୍ ନିଲ୍‌ସି ପ୍ରେରିତ ସିସୁରିଙ୍ ଆଡ଼ରେ ଅତେଙ୍ ଇଜି ଆଦେସ୍ ସିତାନ୍,

୩୫ ପେରିମିଟିଙ୍ ଲୋକାଙ୍କ ଇର୍ହାନ୍, “ଇସ୍ରାଏଲ୍‌ଟି ଲୋକୁ, ଇୟା ଲୋକାଙ୍କ ଉଣ୍ଡିଙ୍ ଆମାକା କିଦେଙ୍ ସଲ୍‌ସିନିଦେର୍, ଅଡ଼ପ୍ ଜାଗାର୍‌ତାଦାନ୍ କିନିଦେର୍ ।

୩୬ ମି ମନ୍‌ତୁ ତେବାତାଡ଼, ଏସ ସମୟ ଆଗ୍ତି ତିହୁଦା ନିଜେଦିଙ୍ ଅରେନ୍ ପେରିଲୋକ୍ ଇଜି ଇର୍ହାନ୍, ମାରି ପାକାପାକି ଚାରିସ ଲୋକୁ ଖାନି ଖାଲେ ମିସାତାମାର୍ହାର୍; ମାତର୍ ଖାନ୍ ସାତାନ୍, ଖାନି ଖାଲେ ବୁଲାନିକାର୍ ଇନିଙ୍ ଆନିଙ୍ ଆତାର୍ ମାରି ଖାନି ଦଲ୍ ମାର୍‌ଗିତା ସର୍ହାଡ଼ ।

୩୭ ତାନିଖେନ୍‌କା ଲୋକୁ ଲେକିସିନି ଖେଡ଼ାଦୁ ଗାଲିଲିଦୁ ଜିହୁଦା ଦର୍ତି ମାରି ଅରେନ୍ ଖାତାନ୍, ଖାନ୍ ବା ନାଣ୍ଡ ଲୋକାଙ୍କ ଖାନି ଦଲ୍‌ତୁ ମିସାକିତାନ୍ । ମାତର୍ ଖାନ୍ ବା ସାତାନ୍ ମାରି ଖାନି ଖାଲେ ବୁଲାନିକାର୍ ଇନିଙ୍ ଆନିଙ୍ ଆତାର୍ ।

୩୮ ଆବେଟ୍ ଇୟା ବିସୟତାନ୍ ଇୟା ଲୋକା ବିରଦ୍‌ତାନ୍ ଇନି ପାଣି କିଇ ଉଣ୍ଡିଙ୍ ନାନ୍ ମାଟା ସିଜିନା । ଖାରି ବିସୟତାନ୍ ମନ୍ ସିମାଟ୍ । ଖାରି ଉପାୟ ନି ପାଣିଦି ସିନିକା ଜଦି ଲୋକା ମାଣ୍‌କୁ ଆନାମାନାଡ଼, ଆରିଙ୍ ତାନି ବିସୟ ମାର୍‌ଗିନାଡ଼ ।

୩୯ ମାତର୍ ଜଦି ଆକା ମାପୁରୁ ମାଣ୍‌କୁ ଆନାମାନାଡ଼, ଆରିଙ୍ ଖାରିଙ୍ ଆରାକିନିକା ମି ଉସାସ୍ ସିଲେ । ଆନାଡ଼ ତରାନାଡ଼ ଜେ ମିର୍ ମାପୁରୁ ବିରଦ୍‌ତାନ୍ ଜୁଦ୍ କିତିମାନିଦେର୍ ।”

ପେରିମିଟିଙ୍ ଲୋକୁ ଗମଲିଏଲ୍‌ଟି ମାଟା ମାନାତାର୍ ।

୪୦ ଖାର୍ ପ୍ରେରିତ ସିସୁରିଙ୍ ଲୋଇ କୁକ୍‌ସି, ଖାରିଙ୍ କର୍ତ୍ତା ତାକିସ୍‌କିତାର୍ ମାରି ଜିସୁଦି ଦର୍ତାନ୍ ଇନି ମାଟା ଇନ୍‌ଇ ଉଣ୍ଡିଙ୍ ଆଦେସ୍ ସିଜି ଡିସ୍‌ତା ସିତାର୍ ।

୪୧ ପ୍ରେରିତ ସିସୁର୍ ଖେଡ଼ିକାଦାନ୍ ପେରିମିଟିଙ୍‌ତାନ୍ ସତାସର୍‌ହାର୍, ଇରିଙ୍ ମାପୁରୁଦି ଆଗ୍ତି ଖାର୍ ଜିସୁ ଉଣ୍ଡିଙ୍ ଅପମାନ୍ ପୟଦେଙ୍ ଇଜି ଜଗ୍ ଅଡ଼ବିତା ମାର୍ହାର୍ ।

୪୨ ମାରି ଖାର୍ ଦିନାମି ମନ୍‌ରୁତୁ ମାରି ଲୋକା ଇଲ୍‌କାଙ୍ ମିସିହ୍ ଜିସୁଦି ବିସୟତାନ୍ ନେଗିକାବୁର୍ ପ୍ରଚାର୍ କିତାର୍ ମାରି ସିକିୟା ସିଦେଙ୍ ଆସ୍‌ତାର୍ ।



ସାଡ଼ ଲୋକୁ ସେବାକିନିକାର୍

୧ ଏସ ସମୟ ଖେନ୍‌କା ସିସୁରି ଦଲ୍ ପିର୍‌ନି ଦାପେ ଦାପେ ଏବ୍ରି ବାସାଦି ଜିହୁଦିର୍ ମାରି ଆବେ ମାନି ଜିହୁଦି ଲୋକା ଲୋଇ ଜାଟିଙ୍ ଆତାର୍ । ଦିନାମିଦି କାଦି କି ତାରୁଙ୍ ବାଟାକିନି‌ଖାଲେ ଖାରି ରାଣ୍ଡିଆଇମେକାଙ୍ ନେଗେନ୍ ସୁଡ଼୍‌ଜିନାର୍ ଇଜି ଗ୍ରିକ୍‌ବାସା ଖାର୍‌ଗିନି ଜିହୁଦିର୍ ଦାବି କିତାର୍ ।

୨ ଆବେଟ୍ ବାର୍ ଲୋକୁ ପ୍ରେରିତ ସିସୁର୍ ଖିଜୁ ବିସବାସି ଦଲ୍‌ତିଙ୍ ଉଣ୍ଡା କିଜି ଇର୍ହାନ୍, “ତାରୁଙ୍ ସାଲାକିନି ଉଣ୍ଡିଙ୍ ମାପୁରୁଦି ବାକ୍ୟ ପ୍ରଚାର୍ କିଦେଙ୍ ଗାଡ଼୍‌ୟା ଆନିକା ମା ଉଣ୍ଡିଙ୍ ଟିକ୍ ସିଲେ ।

୩ ଆଦେଙ୍ ଏ ତଡ଼ାନ୍‌କୁ ନି ତାଙ୍ କି ମି ମାଣ୍‌କୁ ପବିତ୍ର ଆମ୍ବା ନି ବୁଦିଦୁ ପୁରା ଆତିମାନି ସାଡ଼ ଲୋକାଙ୍କ୍ ଆସକିଦୁ । ମାଡ଼ ଖାରିଙ୍ ଇୟା ବିସୟତୁ ଦାୟିଡ଼ ସିନାଟ୍ ।

୪ ଆର୍‌ତିଙ୍ ପାର୍‌ତାନା ନି ପ୍ରଚାର୍ ସେବା ପାଣିଦୁ ମାଡ଼ ପୁରା ସମୟ ସିଦେଙ୍ ଆଟ୍‌ନିକା ।”

୫ ଦଲ୍‌ତି ଖିଜେରେ ପ୍ରେରିତ ସିସୁରି ଇୟା ମାଟାଦୁ ଖେଡ଼ିକା ଆତାର୍ ମାରି ଇୟା ପାଣି ଉଣ୍ଡିଙ୍ ବିସବାସ୍ ନି ପବିତ୍ର ଆମ୍ବାଦୁ ପୁରା ଆତିମାନି ସ୍ତିପାନ୍ ଦର୍ତି ଅରେନ୍ ଲୋକ୍‌ତିଙ୍, ମାରି ପିଲିପ୍‌ପ, ପ୍ରକର, ନିକାନୋର, ତିମୋନ, ପାର୍ମନା ମାରି ଆଗ୍ତି ଜିହୁଦି ଦର୍ମଦୁ ବାଦ୍‌ଲେ ଆତିମାର୍‌ଇ ଆଣ୍ଡିୟୋକତି ଅଣଜିହୁଦି ନିକୋଲାୟତିଙ୍ ଆସକିତାର୍ ।

୬ ପ୍ରେରିତ ସିସୁର୍ ଇୟା ସାଡ଼ ଲୋକା ଉଣ୍ଡିଙ୍ ପାର୍‌ତନା କିଜି ଖାରି ମୁସ୍‌କୁ କିକୁ ଇଟ୍‌ତାର୍ ।

୭ ଇୟାଖାଜା ମାପୁରୁଦି ବାକ୍ୟ ପ୍ରଚାର୍ କିତାର୍ । ଜିରୁସାଲାମ୍‌ତୁ ସିସୁରି ଦଲ୍ ନାଣ୍ଡଦାନ୍ ନାଣ୍ଡ ପିର୍‌ଦେଙ୍ ଆସ୍‌ତାର୍; ନାଣ୍ଡ ଜାଜକର୍ ବା କ୍ରସ୍ତ ବିସବାସିର୍ ଆତାର୍ ।

ସ୍ତିପାନ୍‌ତିଙ୍ ତର୍‌ତାର୍

୮ ମାପୁରୁମାଣାନ୍ ନାଶ୍ଟବାବେ ଆସିର୍ବାଦ୍ ପୟଜି ମାରି ସାକ୍ତିଦୁ ପୁରା ଆତିମାନି ସ୍ତ୍ରୀପାନ୍, ଲୋକା ଲୋକ ନାଶ୍ଟ ସିନା ନି କାବାଆନି ପାଣି କିତାନ୍ ।

୯ ମାତର୍ କୁରିଣି ମାରି ଆଲୋକଜାଣ୍ଟି ଆ ତ୍ରୁଆଦି ଦାସପାଣିଦାନ୍ ମୁକ୍ତାତି ମାର୍ଜ ଜିହୁଦିରିଙ୍ ଥିସି ତିଆରୁଆତି ପାର୍ତନା ଇଲୁଦୁ ମାନି ଏସଲୋକ ସ୍ତ୍ରୀପାନତି ବିରୁଦ୍ଧକିତାର୍ । ଖାର୍ ମାରି କିଲିକିୟା ନି ଆସିଆ ଦେସ୍ତି ଆଇ ଜିହୁଦିର୍ ସ୍ତ୍ରୀପାନତି ଖାଲେ ଜାଟି କିଦେଙ୍ ଆସ୍ତାର୍ ।

୧୦ ମାତର୍ ପବିତ୍ର ଆମ୍ବା ସ୍ତ୍ରୀପାନତିଙ୍ ଇୟାଖାଜା ବୁଦି ସିତାଡ୍ ଜେ, ଏନ୍ ଖାନି ବିରୁଦ୍ଧତାନ୍ ଖେର୍ତେଙ୍ ଆବ୍‌ଏତାନ୍ ।

୧୧ ଆର୍ତ୍ତିଙ୍ ଖାନି ମୋସାଦି ବିରୁଦ୍ଧତାନ୍ ମାରି ମାପୁରୁଦି ବିରୁଦ୍ଧତାନ୍ ମାଟା ଇଜିମାନିକା ମାପ୍ ଖେର୍ଆପ୍, ଇୟା ମିସ୍ ସାକି ସିନି ଉଣ୍ଟିଙ୍ ଖାର୍ ଏସ ଲୋକାଙ୍ ଲାଟ୍ ସିଜି ପୁସେରେକିତାର୍ ।

୧୨ ଇୟାଖାଜା ଖାର୍ ଲୋକାଙ୍, ଦାର୍ମୁ ନେତାର୍ ମାରି ଗୁରୁରିଙ୍ ଉଡ୍ତାର୍ ମାରି ସ୍ତ୍ରୀପାନତିଙ୍ ଆସ୍ତି ପେରିମିତିଙ୍ଟୁ ଅତାର୍ ।

୧୩ ତାନିଖେନ୍‌କା ଖାର୍ ଖାନି ବିରୁଦ୍ଧତାନ୍ ମିସ୍ ସାକି ସିଦେଙ୍ ଇଜି ଏସ ଲୋକାଙ୍ ଲୋକ ତାତାର୍ । ଖାର୍ ଇର୍ହାର୍, “ଇୟା ଲୋକ୍ ଖିଜୁଦିନ୍ ମା ପବିତ୍ର ମନ୍ଦିର୍ ନି ମୋସାଦି ନିୟମ୍ ବିରୁଦ୍ଧତାନ୍ ଖେର୍ସିନାନ୍ ।

୧୪ ନାଜରିୟତିୟ ଜିସୁ ମନ୍ଦିର୍ତିଙ୍ ରୁକ୍ନା ପକ୍ନାନ୍ ମାରି ମୋସାଦି ମାଣାନ୍ ମାପ୍ ପୟତିମାନି ଖିଜୁ ରିଜିନିତି ବାଦ୍‌ଲେ କିନା ଇଜି ଇୟା ଲୋକ୍ ଇଜିମାନିକା ମାପ୍ ଖେର୍ଆମାନାପ୍ !”

୧୫ ନାସ୍ତିଖାଲେ ଆବେନ୍ ବାସ୍ତିମାର୍ଜ ଖିଜେରେ ଅର୍ସେ ସ୍ତ୍ରୀପାନତି ତରିନ୍ ସୁଡ୍‌ତୁର୍ ଜେ ଖାନି ମକମ୍ ମୁସ୍‌କୁପୁର୍ତି ଦୁଡ୍‌ତି ମକମ୍‌ତି ଖାଜା ତର୍ଜିମାର୍ହାପ୍ ।



ସ୍ତ୍ରୀପାନତି ପ୍ରଚାର୍

୧ ଖିଜେରିଙ୍ ପେରି ଜାଜକ ସ୍ତ୍ରୀପାନତିଙ୍ ଖେନ୍‌ବାତାନ୍, “ଇକା ଇନିକା ସଡ୍ ?”

୨ ସ୍ତ୍ରୀପାନ୍ ଇର୍ହାନ୍, ଏ ନା ତଡ୍‌ନାକୁ ନି ବୁବାର୍, ଖେନ୍‌ତୁ ! ମା ତକ୍ରାଦାଦା ଅବ୍ରାହାମ ହାରୋଣ୍‌ତୁ ବାସାଦେଙ୍ ସନି ଆଗ୍ତି ଗୌରବ୍‌ତି ମାପୁରୁ ମେସପଟାମିଆଦୁ ତରାୟୁଆଜି,

୩ ମି ଇଲୁତିଲୋକ୍ ମାରି ଦେସ୍ ତ୍ରିସ୍‌ସି ନାନ୍ ଏମେ ଦେସ୍ ତର୍ନା, ଆବେ ସାଙ୍‌ଆ ।

୪ ଆବେଟ୍ ଖାନି ଖାନି କଲଦାୟ ଦେସ୍ ତ୍ରିସ୍‌ସି ହାରୋଣ୍‌ତୁ ବାସାଦେଙ୍ ସର୍ହାନ୍ । ଅବ୍ରାହାମତି ବୁବାସି ସାତି ଖେନ୍‌କା ମିର୍ ଇଲେଇ ଆମା ଦେସ୍‌ତୁ ବାସାଜିନିଦେର୍, ମାପୁରୁ ଖାନିଙ୍ ଆୟା ଦେସ୍‌ତୁ ତାତାନ୍ ।

୫ ମାପୁରୁ ନାସ୍ତିଖାଲେ ଅବ୍ରାହାମତି ଇୟା ଦେସ୍‌ତୁ ଇନି ଦନ୍, ଇୟାଖାଜା ଜେ କାଣ୍ଟେକ୍ ମୁରା ବୁମି ବା ସିଏନ୍ ମାର୍ହାନ୍ । ମାତର୍ ମାପୁରୁ ପାର୍‌ମାଣ୍ କିତାମାର୍ହାନ୍, ଅବ୍ରାହାମତିଙ୍ ଇୟା ଦେସ୍ ସିନାନ୍ ମାରି ଇକା ଖାନି ନି ଖାନି କୁଟୁମ୍‌ତି ନିଜେତିକା ଆଜି ତେବାନାଡ୍ । ମାପୁରୁ ଆୟା ପାର୍‌ମାଣ୍ କିନିଖାଲେ ଅବ୍ରାହାମତିଙ୍ କଡକକ୍‌ରା ଆଏନ୍ ମାର୍ହାନ୍ ।

୬ ନାସ୍ତିଖାଲେ ମାପୁରୁ ଖାନିଙ୍ ଇୟା ମାଟା ଇର୍ହାନ୍ ! ମି କୁଟୁମ୍‌ତିକାର୍ ଦାସ୍ତି ଖାଜା ଆଇ ଦେସ୍‌ତୁ ବାସାନାର୍ ମାରି ସାରିସ ବାସ୍‌କ୍ ସାନ୍ କାଷ୍ଟୁ ପୟନାର୍ ।

୭ ମାତର୍ ମାପୁରୁ ଇର୍ହାନ୍, ଖାର୍ ଏମେଖାରି ସେବା କିନାର୍, ନାନ୍ ଆୟା ଲୋକା ବିସାର୍ କିନାପ୍, ଖେନ୍‌କା ମି କୁଟୁମ୍‌ତିକାର୍ ଆୟା ଦେସ୍‌ତାନ୍ ସନା ଖାନାର୍ ମାରି ଇୟା ବାତିଦୁ ନା ପାର୍‌ତନା କିନାର୍ ।

୮ ଖେନ୍‌କା ମାପୁରୁ ଅବ୍ରାହାମତି ଖାଲେ ପାର୍‌ମାଣ୍ ସିନା ଖାଜା ସୁନ୍‌ଡ୍ ନିୟମ୍ ତିଆର୍ କିତାନ୍ । ଆବେଟ୍ ଖାନି ମାରିସି ଇସ୍‌ହାକ୍‌ତି ଜନମ୍‌ତି ଉଣ୍ଟି ସାତା ଖେନ୍‌କା ଅବ୍ରାହାମ ଖାନି ସୁନ୍‌ଡ୍ କିତାନ୍; ଇସ୍‌ହାକ୍ ଖାନି ମାରିସି ଜାକୁବଙ୍ ମାରି ଜାକୁବ ଖାନି ବାର ମାରିସିରିଙ୍ ଅର୍ତ୍ତାଡ୍ ମା ଜାତିଦି ଖେଙ୍‌ତି ତକ୍ରାଦାଦାରିଙ୍ ସୁନ୍‌ଡ୍ କିତାନ୍ ।

୯ ଜାକୁବଦି ମାରିସିର୍ ଖାରି ତଡ୍‌ନା ଜୋସେପ୍ ଉଣ୍ଟିଙ୍ ରିସାଆଜି ଖାନିଙ୍ ମିସର୍ ଦେସ୍‌ତୁ କଟିସାକର୍ ଖାଜା ପର୍ତାର୍ । ମାତର୍ ମାପୁରୁ ଜସେପ୍‌ତି ଖାଲେ ମାର୍ହାନ୍ ।

୧୦ ମାରି ଖିଜୁ ଦୁକୁ କାସୁଦି ଖାଲେ ଖାନିଙ୍ ସାଲା କିତାନ୍ । ଏସ୍ତିଖାଲେ ଜସେପ୍ ମିସର୍‌ତି ରାଜା ଫାରୋଦି ଆଗ୍ତି ଖାତାନ୍, ମାପୁରୁ ଖାନିଙ୍ ଦୟା ନି ବୁଦି ସିତାନ୍ ମାରି ରାଜା ଜସେପ୍‌ତିଙ୍ ଦେସ୍ତି ସାସନ୍‌କିନିକାନ୍ ନି ରାଜା ମେଡ୍‌ତି ପେରିକାନ୍ ଖାଜା ଆସକିତାନ୍ ।

୧୧ ତାନିଖେନ୍‌କା ଖିଜୁ ମିସର୍ ମାରି କିଶାନ୍‌ତୁ ଉଣିକା ପୁଟ୍‌ଏତାଡ୍‌ଆକା ଲୋକ୍ ନାଶ୍ଟ କାସୁ ପୟତାର୍ । ମା ତକ୍ରାଦାଦାରି କାଦିଦି ଉଣା ଆତାଡ୍ ।

୧୨ ମିସର୍ ଦେସ୍‌ତୁ କାଦି ମାନାଡ୍ ଇଜି ଖେନ୍‌ଜି ଜାକୁବ ଖାନି ମାରିସିରିଙ୍ ଅର୍ତ୍ତାଡ୍ ମା ତକ୍ରାଦାଦାରିଙ୍ ଆବେ ପକ୍‌ତାନ୍ ।

୧୩ ଆବେ ଖାର୍ ରିଜା ସନି ଖାଲେ ଜୋସେପ୍ ଖାନି ତଡ୍‌ନାକୁ ମାନୁ ନିଜେଦି ପରିଚୟ ଖେର୍ତାନ୍ ମାରି ଫାରୋ ରାଜା ଜସେପ୍‌ତି ଇଲୁ ବିସୟତାନ୍ ନେସ୍‌ତାନ୍ ।

୧୪ ତାନି ଝେନକା ଜୋସେପ୍ ଖାନି ବୁବାସି ଜାକୁବ ନି ଖାନି ଇଲୁଦି ଓଜେରେ ସତୁରି ପାସ୍ ଲୋକାଙ୍ଗ୍ ମିସର୍ ଦେସତୁ ଖାଦେଙ୍ଗ୍ ଇଜି କୁକ୍ତାନ ।

୧୫ ଜାକୁବ ମିସର୍ ଦେସତୁ ସର୍ହାନ, ଆବେ ଖାନ ମାରି ଖାନି ମାରିସିରି ସାତାର ।

୧୬ ଖାରି ସାତି ମାଡ଼ା ସିକିମ୍ତୁ ଅତାର ମାରି ଅବ୍ରାହାମ ହାମୋର ଲୋକା ମାଣ୍ଟକୁ କଟିମାହିଁ ବୁମିଦୁ ଖାରିଙ୍ଗ୍ ଅତାର ମୁସ୍ତାର ।

୧୭ “ମାପୁରୁ ଅବ୍ରାହାମ୍ତିଙ୍ଗ୍ ଏମେ ପାରମାଣ୍ କିତାମାହିଁ, ଆକା ସତ୍ ଆଜି ମିସର୍ ଦେସତୁ ମା ଲୋକୁ ସଂକିୟା ନାଶ୍ ଆତାର ।

୧୮ ଝେନକା ଜୋସେପ୍ତି ବିସୟତାନ ନେସେଇ ମାହିଁ ଅରେନ୍ ରାଜା ମିସର୍ ଦେସତୁ ସାସନ୍ କିତାନ ।

୧୯ ଖାନ ମା ତକ୍ରାଦାଦାରିଙ୍ଗ୍ ନାଶ୍ କାସୁ ସିତାନ, ଖାରି ଜନମ୍ ଆତି ଇସି କଡ଼ରିଙ୍ଗ୍ କାଡ଼ତେଙ୍ଗ୍ ଇଜି ଖାରିଙ୍ଗ୍ ଆଡ଼ରେ ପକ୍ତେଙ୍ଗ୍ ଇଜି ଆଦେସ୍ କିତାନ ।

୨୦ ଇୟା ସମୟତୁ ମୋସା ଜନମ୍ ଆତାନ । ଖାନ ମାପୁରୁ ଆଗ୍ତି ମାହିଁ ଅରେନ୍ ନେଗ୍ରି କଡ଼ ପିଲା । ଇନ୍ତ୍ର ମୁଣ୍ଡି, ଲେଜକୁ ସାହି ଖାନ ଜାତୁନ୍ ଅଆୟ୍ ଆତାନ,

୨୧ ମାରି ଏସ୍ତିଖାଲେ ଖାନିଙ୍ଗ୍ ଆଡ଼ରେ ପୋକ୍ତାର, ଫାରୋ ରାଜାଦି ଗାଡ଼ସି ଖାନିଙ୍ଗ୍ ପୟ୍ଜି ନିଜେଦି କଡ଼ ଖାଜା ପସା କିତାଡ଼ ।

୨୨ ମୋସା ମିସର୍ ଦେସତି ଓଜୁ ବୁଦିଦୁ ସିକିୟା ପୟ୍ତାନ, ଖାନି ମାଟା ମାରି ପାଣିଦୁ ଅରେନ୍ ପେରି ଲୋକୁ ଖାଜା ଝେଙ୍ଗ୍ ତାନ ।”

୨୩ “ମସାଦି ବାସ୍ତୁ ଏସ୍ତିଖାଲେ ସାଲିସ୍ ବାସ୍ତେକ୍ ଆତାଡ଼, ଖାନ ଖାନି ଇସ୍ରାଏଲ୍ତି ତଡ଼ାନକୁ ଉଣ୍ଡିଙ୍ଗ୍ ଏଣ୍ଡେସ୍ ବ୍ୟବହାର୍ କିଆୟ୍ ଆଜିନାଡ଼, ଆକା ନେସ୍ତେଙ୍ଗ୍ ବଦା କିତାନ ।

୨୪ ଖାରି ଲୋଇ ଅରେନ୍ ଖାନିଙ୍ଗ୍, ଅରେନ୍ ମିସର୍ ଦେସ୍ତିକାନ ଜାଟିକିନିକା ସୁଡ଼ଜି, ମସା ଖାନିଙ୍ଗ୍ ରକିୟା କିଦେଙ୍ଗ୍ ଇଜି ମିସର୍ତି ଖାନିଙ୍ଗ୍ ବାଦ୍ଲୁ ଅସି ତାକ୍ସି ସାପିସ୍ କିତାନ ।

୨୫ ଖାନ ଅଡ଼ବିତା ମାହିଁ, ଖାନି ନିଜେ ଲୋକୁ ନେସ୍ନାର୍ ଜେ, ତଡ଼ାନକାଙ୍ଗ୍ ମୁକ୍ତା କିଦେଙ୍ଗ୍ ଇଜି ମାପୁରୁ ଖାନିଙ୍ଗ୍ ବ୍ୟବହାର୍ କିଜିନାନ; ମାତର୍ ଖାର୍ ଆକା ବୁଜାଏତାର ।

୨୬ ମାର୍ନାଣ୍ଡିଙ୍ଗ୍ ରିଏର୍ ଇସ୍ରାଏଲ୍ ଦେସ୍ତିକାର୍ ଜାଟିକିନିକା ସୁଡ଼ତୁନ୍ ମାରି ଖାରି ଲୋଇ ସାନ୍ତି କିଦେଙ୍ଗ୍ ସେସ୍ଟୁ କିତାନ । ଖାନ ଇର୍ହାନ, ଝେନଶ୍ଟୁମିର୍ ରିଇଦେର୍ ତୋ ଇସ୍ରାଏଲ୍ ଦେସ୍ତି ତଡ଼ାନକୁ । ଏୟା ଇୟାଖାଜା ଜାଟି କିଜିନିଦେର୍ ?

୨୭ ମାତର୍ ଏମେକାନ ଆଇଖାନିଙ୍ଗ୍ ଜାଟି କିଜି ମାହିଁ, ଖାନ ମସେଙ୍ଗ୍ ପେଲେ କିଜି ଝେନବାତାନ, ମା ନେତାର୍ରି ମୁସ୍କୁ ନିଙ୍ଗ୍ ଏନ୍ ସାସନ୍ କିନିକାନ ନି ବିସାର୍ କିନିକାନ କିତାମାନାନ୍ ?

୨୮ ଇଏନ୍ ଏଣ୍ଡେସ୍ ମିସର୍ ଦେସ୍ତି ଲୋକ୍ତିଙ୍ଗ୍ ସାୟାମାର୍ଗାତାକ୍ତି, ନାଙ୍ଗ୍ ଇନିକା ଆୟାଖାଜା ତାକ୍ତେଙ୍ଗ୍ ବଦା କିଜି ?

୨୯ ମୋସା ଇକା ଝେନଜି ମିସର୍ ଦେସ୍ତାନ ଉରକ୍ତାନ ମାରି ମିଦିୟୋନଦୁ ବାସା କିତାନ । ଆବେନ୍ ଖାନି ରିଏର୍ କଡ଼ର୍ ମାହିର୍ ।”

୩୦ “ସାଲିସ୍ ବାସ୍ତେକ୍ ସରଇ ଝେନକା ସିନୟ ଗରନ୍ ଲାକ୍ତୁ ଉଣ୍ଡି, କାସ୍ସିମାନି ଦୁପା ସିସୁ ଲୋଇ ମାପୁରୁଦି ଉନ୍ତ୍ର ଦୁଡ଼ ମସେଙ୍ଗ୍ ତରାଇଆତାଡ଼ ।

୩୧ ମୋସା ଇକା ସୁଡ଼ଜି ନାଶ୍ କାବା ଆତାନ, ମାରି ଅଡ଼ପ୍ ନେଗେନ୍ କିଜି ସୁଡ଼ଦେଙ୍ଗ୍ ଇଜି ଦୁପାଦି ଲାକ୍ତୁ ସର୍ହାନ । ମାତର୍ ଖାନ ପ୍ରବୁଦି ବଲ୍ ଝେର୍ଆନ୍,

୩୨ ନାନ୍ ମି ତକ୍ରାଦାଦା ଅବ୍ରାହାମ, ଇସ୍ହାକ୍ ମାରି ଜାକୁବଦି ମାପୁରୁ । ମୋସା ତିଲାଜି ତିରଗ୍ଜି ବେସ୍ତେଙ୍ଗ୍ ସାସ୍ କିଏତାନ ।

୩୩ ପ୍ରବୁ ଖାନିଙ୍ଗ୍ ଇର୍ହାନ, ନି ଜୁତା କୁଡ଼ଆ, ଇରିଙ୍ଗ୍ ନିନ୍ ଏମେମାନୁ ନିହିଁ ମାନି, ଆକା ପବିତ୍ର ବୁମି ।”

୩୪ ମିସର୍ ଦେସ୍ତୁ ନାନ୍ ନା ଲୋକାଙ୍ଗ୍ ନାଶ୍ ଦୁକୁକାସୁ ସୁଡ଼ତୁମାନା । ନାନ୍ ଖାରି ଆଡ଼ବାନିକା ଝେର୍ଆମାନା ମାରି ଖାରିଙ୍ଗ୍ ଦାସ୍ପାଣିଦାନ୍ ରକିୟା କିଦେଙ୍ଗ୍ ରେତା ଖାତାମାନା । ଇଲେଇ ରାଦୁ, ନାନ୍ ମିଙ୍ଗ୍ ମିସର୍ ଦେସ୍ତୁ ପକ୍ନା ।

୩୫ “ମୋସା ଇସ୍ରାଏଲ୍ ଲୋକା ମାଣାନ୍ ତ୍ରିସାୟ୍ ଆତା ମାହିଁ । ପେରି ନେତାର୍ ଝେନବାତାର, ମା ମୁସ୍କୁ ନିଙ୍ଗ୍ ଏନ୍ ସାସନ୍ କିନିକାନ ନି ବିସାର୍ କିନିକାନ କିତାନ ? ମାତର୍ ମାପୁରୁ ଆୟା ମୋସେଙ୍ଗ୍ କାସ୍ନି ଦୁପା ଲାକ୍ତୁ ତରାୟ୍ ଆତି ମାହିଁ ଦୁଡ଼ତି ସାକାଦାନ୍ ଲୋକା ମୁସ୍କୁ ସାସନ୍ କିଦେଙ୍ଗ୍ ମାରି ଖାରିଙ୍ଗ୍ ମୁକୁଡ଼ା କିଦେଙ୍ଗ୍ ଇଜି ପକ୍ତାନ ।

୩୬ ଖାନ ମିସର୍ ଦେସ୍ତୁ ମାରି ନେଡ଼ରେ ସାମ୍ତୁରୁତୁ ନାଶ୍ କାବାଆନି ପାଣି କିଜି ଲୋକାଙ୍ଗ୍ ମିସର୍ ଦେସ୍ତାନ ସପ୍ସି ତାତାନ, ସାଲିସ୍ ବାସ୍ତେକ୍ ସାହି ବାଲି ବୁମିଦୁ ଖାରିଙ୍ଗ୍ ସାରି ତର୍ସି ଅତାନ ।

୩୭ ମୋସା ନିଜେ ଇସ୍ରାଏଲ୍ ଦେସ୍ତି ଲୋକାଙ୍କ ଇର୍ହାମାର୍ହାନ୍, ମାପୁରୁ ନାଙ୍ଗ୍ ଏଣ୍ଡେସ୍ ପକ୍ତାମାର୍ହାନ୍, ଆୟାଝାଜା ମି ଲାକ୍ତୁ ଅରେନ୍ ବାବବାଦିଙ୍ଗ୍ ପକ୍ନାନ୍ ଝାନ୍ ମି ନିଜେ ତଡ଼ାନ୍କା ଲୋଇରାନ୍ ଅରେନ୍ ଆନାନ୍ ।

୩୮ ଆୟା ମୋସା ବାଲି ବୁମିଦୁ ଉଣ୍ଡାତିମାହ୍ ଇସ୍ରାଏଲ୍ତି ଲୋକାଝାଲେ ଅର୍ସେ ମାର୍ହାନ୍ । ଝାନ୍ ସିନୟ ଗରନ୍ତୁ ମା ତକ୍ରାଦାଦାରି ଝାଲେ ମାରି ଝାରି ଝାଲେ ମାଟା ଇହ୍ ମାନି ମୁସକୁପୁରତି ଦୁଡ଼ତି ଝାଲେ ମାର୍ହାନ୍ ମାରି ମା ଲାକ୍ତୁ ଇନ୍‌ଶ୍ଟେ_ଙ୍ଗ୍ ଇଜି ଝାନ୍ ମାପୁରୁଦି ମାଣକୁ ଜିବନ୍ତି ବାକ୍ୟ ଆସ୍ତାନ୍ ।”

୩୯ ମାତର ମା ତକ୍ରାଦାଦାର ଝାନିଙ୍ଗ୍ ମାନାଏତାର୍; ଝାର ଝାନିଙ୍ଗ୍ ପେଲେକିଜି ମିସର୍ ଦେସ୍ତୁ ଡେସି ସନ୍‌ଡ୍ରେଙ୍ଗ୍ ମନ୍‌ବଦାକିତାର୍ ।

୪୦ ଆୟାଉଣ୍ଡିଙ୍ଗ୍ ଝାର ହାରୋଣ୍‌ତିଙ୍ଗ୍ ଇର୍ହାର୍, ଇଲେଇ ମାଙ୍ଗ୍ ସାରି ତରସି ଅତେଙ୍ଗ୍ ଇଜି ଏସ ଦିୟାମ୍‌କୁ ତିଆର୍ କିଜ ସିଦା । ମାଙ୍ଗ୍ ମିସର୍ ଦେସ୍ତାନ୍ ସପ୍ତି ତାତିମାନି ଆୟା ମୋସା ଜେ ଏମେ ସର୍ହାନ୍, ଆକା ମାପ୍ ନେସ୍‌ଏପ୍ ।

୪୧ ଆୟା ସମୟ୍‌ତୁ ଆବେ ଝାର ଉଣ୍ଡି_ ଗାଡ଼ାଲ୍‌ତି ବମା ତିଆର୍ କିତାର୍ ମାରି ତାନି ଉଦେସ୍ତାନ୍ ପୁଜା କିଜି ବଲି ସିତାର୍ । ମାରି ନିଜେ ତିଆର୍ କିତିମାନି ଆୟା ମୁତ୍ ଦିଙ୍ଗ୍ ମାନାଦେଙ୍ଗ୍ ଇଜି ଉଣ୍ଡି_ ବଜି ତିଆର୍ କିତାର୍ ।

୪୨ ଆବେଟ୍ ମାପୁରୁ ଝାରିମାଣାନ୍ ଏରିତାନ୍ ମାରି ଝାରିଙ୍ଗ୍ ବାଦଡ଼ତି ସୁକେଙ୍ଗ୍‌ଙ୍ଗ୍ ସେବା କିଦେଙ୍ଗ୍ ଇଜି ଡିସ୍‌ତାସିତାନ୍ । ଇୟା ବିସୟ୍‌ତାନ୍ ବାବବାଦିରି ବଇଦୁ ରାସାତାମାନାଡ଼ :

“ଏ ଇସ୍ରାଏଲ୍ କୁଟୁମ୍ !

ବାଲିବୁମିଦୁ ସାଲିସ୍ ବାସ୍‌କ୍ ସାନ୍ଦି

ମିର୍ ନା ଉଣ୍ଡିଙ୍ଗ୍ ଜାତୁ ପୁଜା ସିଇତି ମାହ୍ ଦେରନୋ ।

୪୩ ମାତର ମିର୍ ପାର୍‌ତନା କିଦେଙ୍ଗ୍ ଇଜି ଏମେ ବମା ଝିଜୁ ତିଆର୍ କିତିମାହ୍ ଦେର୍,

ଆୟା ମାଲେକ୍‌ତି ଗୁଡ଼ା ମାରି ସୁକା ଦିୟାମ୍ ରମ୍ପାତି ବମାଦିଙ୍ଗ୍ ପିଣ୍ଡିତିଦେର୍ ।

ଆୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ବାବିଲନ୍‌ତି ଆୟାପାଡ଼ି ପକ୍ନାପ୍ ।”

୪୪ ବାଲିବୁମିଦୁ ମା ତକ୍ରାଦାଦାରି ଝାଲେ ମାପୁରୁଦି ତେବାନିକା ଗୁଡ଼ା ମାର୍ହାଡ଼ । ମାପୁରୁ ମୋସେଙ୍ଗ୍ ଏଣ୍ଡେସ୍ ତିଆର୍ କିଦେଙ୍ଗ୍ ଇର୍ହାମାର୍ହାନ୍ ମାରି ମୋସାଦିଙ୍ଗ୍ ଏମେ ସାରି ତରତାମାର୍ହାନ୍, ଇକା ଆୟାଝାଜା ତିଆର୍ ଆତାମାର୍ହାଡ଼ ।

୪୫ ଝେନ୍‌କା ମା ତକ୍ରାଦାଦାରି ଲୋକା ବୁବାସିରି ମାଣକୁ ପୟ୍‌ତିମାହ୍ ଆୟା ଗୁଡ଼ାଦିଙ୍ଗ୍ ଜିହୋସିୟ୍‌ଦି ଝାଲେ ପିଣ୍ଡିତି ଅସି ସର୍ହାର୍ ମାରି ମାପୁରୁଦି ମାଣାନ୍ ପେରାୟ୍ ଆତିମାର୍‌ଇ ଆଇ ଦେସ୍ ଅଦିକାର୍ କିତାର୍ । ଦାଉଦ ରାଜାଦି ସମୟ୍ ସାନ୍ଦି ଆବେ ତେବାତାଡ଼ ।

୪୬ ଝାନ୍ ମାପୁରୁଦିମାଣାନ୍ ଦୟା ପୟ୍‌ଜି ଜାକୁବଦି ମାପୁରୁଦି ଉଣ୍ଡି_ ଉଣ୍ଡି_ ତେବାନି ମନ୍‌ର୍ ତିଆର୍ କିଦେଙ୍ଗ୍ ଝାନି ସାରି ବଦାକିତାମାର୍ହାନ୍ ।

୪୭ ମାତର ଝେନ୍‌କା ଆୟା ତେବାନି ଇଲୁ ତିଆର୍ କିତାନ୍ ସଲମନ୍ ।

୪୮ ମାତର ଝିଜେରିଙ୍ଗ୍ ପେରି ମାପୁରୁ ଲୋକାମାଣାନ୍ ତିଆର୍ ଆତି ଇଲ୍‌କାଙ୍ଗ୍ ବାସାଏନ୍ । ଇୟା ବିସୟ୍‌ତାନ୍ ବାବବାଦି ରାସ୍‌ତାମାନାନ୍;

୪୯ “ପ୍ରବୁ ଇନାନ୍, ମୁସକୁପୁର୍ ନା ବାସ୍‌ନି ଗାଦି

ମାରି ଦୁନିଆ ନା ପାଦାମ୍ ଇଡ଼ନି ବାଡ଼ି ମିର୍

ନା ଉଣ୍ଡିଙ୍ଗ୍ ଏଣ୍ଡେସ୍ ନାନି ଇଲୁ ତିଆର୍ କିନିଦେର୍ ?

ନା ରମ୍‌ନି ଉଣ୍ଡିଙ୍ଗ୍ ବାଡ଼ି ଏମେ ?

୫୦ ଇୟାଝିଜୁ ବିସୟ୍ ଇନିକା ନାନ୍ ନିଜେ ତିଆର୍ କିଏ ନୋ ?”

୫୧ ସ୍ତ୍ରୀପାନ୍ ମାରି ଇର୍ହାନ୍, “ମିର୍ ଏସା ମାନାଇକାର୍ । ମି ଜିବନ୍ ଏସା ତାର୍‌ଇକା । ମାପୁରୁଦି ବାକ୍ୟ ଉଣ୍ଡିଙ୍ଗ୍ ମିର୍ ଏସା ବଇରା ! ମିର୍ ଟିକ୍ ମି ପୁର୍ବେଦିତକ୍ରାରି ଝାଜା : ମିର୍ ଝିଜୁଝାଲେ ପବିତ୍ର ଆମ୍‌ଦି ବିରୁଦ୍ କିଜିନିଦେର୍ !

୫୨ ମି ପୁର୍ବେଦିତକ୍ରାଦାଦାରି ମାଣାନ୍ ପେରାୟ୍ ଆଇ ମାନି ଏମେ ବାବବାଦି ମାନାନ୍ ନୋ ? ମାପୁରୁଦି ଏମେ କାବୁରସିନିକାର୍ ବେସି ଆଗ୍‌ଡ଼ି ଝାରି ଦାମ୍‌ଦି ଦାସ୍‌ତି ଝାନି ବିସୟ୍‌ତାନ୍ ଇର୍ହାମାର୍ହାନ୍, ମି ତକ୍ରାଦାଦାର ଝାରିଙ୍ଗ୍ ତାକ୍‌ତାର୍ ।

୫୩ ଇଲେଇ ମିର୍ ଝାନି ଉଣ୍ଡିଙ୍ଗ୍ ବିସ୍‌ବାସ୍‌ତୁ ଆରାକିଜି ଝାନିଙ୍ଗ୍ ତାକ୍‌ତିମାନିଦେର୍ । ମିର୍ ମୁସକୁପୁର୍ତି ଦୁଡ଼କା ମାଣାନ୍ ସିତିମାନି ମାପୁରୁଦି ନିୟ୍‌ମ୍ ଝିଜୁ ପୟ୍‌ତିମାନିଦେର୍ ମାତର ଆକା ମାନାଇଦେର୍ ।”

ସ୍ତ୍ରୀପାନ୍‌ତି ସାନିକା

୫୪ ପେରିମିଟିଙ୍ଗ୍‌ତି ନେତାର୍ ସ୍ତ୍ରୀପାନ୍‌ତି ମାଟା ଝେନ୍‌ଜି ନାଣ୍ଡି ରିସା ଆତାର୍, ଝାନି ଉଣ୍ଡିଙ୍ଗ୍ ରିସାଦାନ୍ ପାଲ୍‌କୁ କାଡ୍ରେ କିତାର୍ ।

୫୫ ମାତର ସ୍ତ୍ରୀପାନ୍ ପବିତ୍ର ଆତ୍ମାକୁ ପୁରାଆଜି ମୁସକୁପୁର ତରିନ୍ ସୁତୁତାନ୍ ମାରି ମାପୁରୁଦି ଗୌରବ୍ ନି ଜିସୁକୁଁ ମାପୁରୁଦି ଉଣେରି ତରିନ୍ ନିନି ମାନିକା ସୁତୁତାନ୍ ।

୫୬ ଖାନ୍ ଇର୍ହାନ୍, “ସୁତୁତୁ, ନାନ୍ ମୁସକୁପୁର ରେଆତିକା ମାରି ମନୁସ୍ୟପୁତ୍ରଙ୍ ମାପୁରୁଦି ଉଣେରି ତରିନ୍ ନିନି ମାନିକା ସୁତୁତୁନା !”

୫୭ ଆଉଲି ଆଜି ପେରିମିଟିଙ୍ଗି ନେତାର ଇୟା ମାଟା ଖେନ୍ଇ ଉଣ୍ଡିଙ୍ଗି ଗିତଣିଦୁ କିକୁ କେରପ୍ତାର । ଖେନ୍କା ଖାର ଏକ୍‌ଜୁର୍ ଆଜି ଖାନି ତରିନ୍ ମାଟ୍‌ସି ଖାତାର ।

୫୮ ଗାଡ୍ ଆଡ୍‌ରେ ଖାନିଙ୍ଗି ରେଲ୍‌ଜି ଅସି, ଖାନି ମୁସକୁ କାଲକୁ ପକ୍‌ସି ତାକ୍‌ତାର । ମିସ୍ ସାକିସିନିକାର୍ ସାଉଲ୍ ଦର୍ତ୍ତି ଅରେନ୍ ମୁରୁଲିଦି ଲାକ୍‌ତୁ ଖାରି ଆଙ୍ଗି ପାସିୟା ଓଜୁ ଡିସ୍‌ତା ସର୍ହାମାର୍ହାର ।

୫୯ ଖାର ସ୍ତ୍ରୀପାନ୍ତି ମୁସକୁ କାଲକୁ ତାକ୍‌ନି ସମୟତୁ ଖାନ୍ ପ୍ରବୁଙ୍ଗି ପାରତନା କିଜି ଇର୍ହାନ୍, “ପ୍ରବୁ ଜିସୁ ନା ଆମ୍‌ଦିଙ୍ଗି ମାନାଆ !”

୬୦ ଖାନ୍ ମେଣ୍ଡେଙ୍ଗି ଗଟ୍‌କିଜି ନାଣ୍ଡ ଆଉଲିଦାନ୍ ଇର୍ହାନ୍, “ପ୍ରବୁ ! ଇୟାଖାରି ବିରଦ୍‌ତାନ୍ ଇୟା ପାପ୍ ଏଡ୍ କିମା ।” ଇକା ଇଜି ଖାନ୍ ପୁଣ୍ଡା ଡିସ୍‌ସି ସାତାନ୍ ।

୮

ସାଉଲ ମଣ୍ଡଲିଦିଙ୍ଗି କାସୁ ସିତାନ୍

୧ ସ୍ତ୍ରୀପାନ୍ତି ସାନିଦଣ୍ଡିଙ୍ଗି ସାଉଲ ଉନ୍‌ଡ୍ରେମୋନ୍ ଆତାନ୍ ।

ଆୟାନ୍‌ଗିରାନ୍ ଜିରୁସାଲାମ୍‌ତି ମଣ୍ଡଲି ଉଣ୍ଡିଙ୍ଗି ନାଣ୍ଡ କାସୁଦି ତାଡ୍‌ନା ଆରାମ୍ ଆତାଡ୍ । ସିସୁରିଙ୍ଗି ଡିସ୍‌ସି ଆଇ ଓଜେରେ ବିସ୍‌ବାସିର୍ ଜିହୁଦା ନି ସମିରୋଣି ରାଜିଦି ଇନିଙ୍ଗି ଆନିଙ୍ଗି ଆତାସର୍ହାର ।

୨ ଏସ ମାପୁରୁଦି ଦାମ୍‌ଲୋକୁ ନାଣ୍ଡ ଆଉଲି ଆଜି ଆଡ୍‌ବାଜି ସ୍ତ୍ରୀପାନ୍ତି ସାତି ମାଡ୍‌ଦିଙ୍ଗି ମୁସ୍‌ତାର ।

୩ ମାତର ସାଉଲ ମଣ୍ଡଲିଦିଙ୍ଗି ଦଂସ କିଦେଙ୍ଗି ସେସ୍ଟା କିତାନ୍, ଇଲୁ ଇଲୁଦୁ ସଲ୍‌ସି କ୍ରିସ୍ତୁ ବିସ୍‌ବାସି ମେମାରି, ଆଇମା ଓଜେରିଙ୍ଗି ରେଲ୍‌ଜି ତାସି ଜଇଲ୍‌ତୁ ଇଟ୍‌ତାନ୍ ।

ସମିରୋଣିଦୁ ସୁସମାଚାର ପ୍ରଚାର

୪ ଇନିଙ୍ଗି ଆନିଙ୍ଗି ଓଦିତି ମାର୍‌ଇ ବିସ୍‌ବାସିର୍ ଓଜୁ ତରିନ୍ ସଲ୍‌ସି ସୁସମାଚାର ପ୍ରଚାର କିତାର ।

୫ ସମିରୋଣିଦି ପେରି ଗାଡ୍‌କାଙ୍ଗି ସିଲ୍‌ସି ପିଲିପ୍‌ପ, ଆବେଣି ଲୋକାମାନୁ କ୍ରିସ୍ତୁ ନି ମାପୁରୁଦି ସୁସମାଚାର ପ୍ରଚାର କିତାନ୍ ।

୬ ପିଲିପ୍‌ପଦି ମାଟା ଖେନ୍‌ଜି ମାରି ଖାନି କାବାଆନି ପାଣି ଓଜୁ ସୁଡ୍‌ଜି ଲୋକୁ ଖାନି ତରିନ୍ ନାଣ୍ଡ ନେଗେନ୍ ବେସ୍‌ତାର ।

୭ ନାଣ୍ଡ ଲୋକା ମାଣାନ୍ ତାଗ୍‌ଇ ଆଡ୍‌ମେଙ୍ଗି ଆଉଲି ଆଜି ସତେ ସର୍ହେ, ନାଣ୍ଡ କୁସ୍ଟୁ ରୋଗି ମାରି ସଟାର ନେଗେନ୍ ଆତାର ।

୮ ଇୟାଉଣ୍ଡିଙ୍ଗି ଆୟା ଗାଡ୍‌ତୁ ଉନ୍‌ଣ୍ଡି_ ଖେଡ୍‌କା ଆଉଲି ଖେଙ୍ଗି ତା ସର୍ହାର ।

୯ ସିମୋନ୍ ଦର୍ତ୍ତି ଅରେନ୍ ଲୋକୁ ଖାନି ଗୁଣିଆ ବିଦ୍ୟା ଦାନ୍ ଆୟା ସମିରୋଣିୟ ରାଜିଦି ଲୋକାଙ୍ଗି କାବା କିଜି ଇଟ୍‌ତାମାର୍ହାନ୍ ।

୧୦ ଖାନ୍ ନିଜେଦିଙ୍ଗି ଅରେନ୍ ପେରିଲୋକ୍ ଇଜି ସମାଜ୍‌ତି ଓଜୁଜାତିଦି ଲୋକା ଲୋଇ ପେରିପଦ୍ ପୟ୍‌ତାମାର୍ହାନ୍ । ଖାର ଇଜିମାର୍ହାର, “ଖାନ୍ ପେରିସାକ୍ତି ଦର୍ତ୍ତାନ୍ ଖେଙ୍ଗି ତି ମାପୁରୁଦି ଉନ୍‌ଣ୍ଡି_ ସାକ୍ତି ।”

୧୧ ଖାନ୍ ଗୁଣିଆ ବିଦ୍ୟାଦାନ୍ ନାଣ୍ଡ ଦିନ୍ ଆସ୍‌ସି ଖାନ୍ ସମିରୋଣିତି ଲୋକାଙ୍ଗି ଖାନି ଖାଲେ ବୁଲ୍‌ାଦେଙ୍ଗି ଇଜି ଇଟ୍‌ତାମାର୍ହାନ୍ ।

୧୨ ମାତର ପିଲିପ୍‌ପତି ମାଣ୍ଡକୁ ମାପୁରୁଦି ରାଜି ମାରି ଜିସୁ କ୍ରିସ୍ତୁଦି ବିସ୍‌ୟତାନ୍ ସୁସମାଚାର ଖେନ୍‌ଜି, ଆୟାବାନୁ ଲୋକା ବିସ୍‌ବାସ୍ ଆତାଡ୍ ମାରି ଆୟା ରାଜିଦି ଆଇମା ମେମାରି ଓଜେରେ ତୁବନ୍ ଅତାର ।

୧୩ ନିଜେ ସିମୋନ୍ ଆୟା ସୁସମାଚାରତୁ ବିସ୍‌ବାସ୍ କିତାନ୍ । ପିଲିପ୍‌ପତି ମାଣ୍ଡକୁ ଆତିମାର୍‌ଇ କାବାଆନି ପାଣି ନି ନେଗେନ୍ କିନି ପାଣି ଓଜୁ ସୁଡ୍‌ଜି ଖାନ୍ ତୁବନ୍ ଅସି ପିଲିପ୍‌ପତି ଖାଲେ ତେବାତାନ୍ ।

୧୪ ସମିରୋଣିଦି ଲୋକୁ ମାପୁରୁଦି ବାକ୍ୟ ଆସ୍‌ତାମାନାର ଇଜି ଜିରୁସାଲାମ୍‌ତୁ ମାନି ପ୍ରେରିତ ସିସୁର୍ ଖେନ୍‌ଜି, ପିତର ମାରି ଜୋହନତିଙ୍ଗି ଖାରି ଲାକ୍‌ତୁ ପକ୍‌ତାନ୍ ।

୧୫ ଖାର ଆବେ ଇତି ଖେନ୍‌କା ସମିରୋଣିଦି ବିସ୍‌ବାସିର୍ ଏଣ୍ଡେସ୍ ପବିତ୍ର ଆମ୍‌ ପୟ୍‌ନାର, ଆୟାଉଣ୍ଡିଙ୍ଗି ପାରତନା କିତାର ।

☆ ୮:୩ ପ୍ରେରିତ ୨୨:୪,୫; ୨୭:୯-୧୧.

୧୬ ଇରିଙ୍କ ଆୟା ସାଦି ଖାରି ଲୋଇ ଏମେଖାରି ମୁସକୁ ପବିତ୍ର ଆମ୍ବା ରେତାଏଡ଼ ମାହାଡ଼ । ଖାର କେବଲ୍ ପ୍ରବୁ ଜିସୁକ୍ରିସ୍ତଦି ଦରତାନ୍ ତୁବନ୍ ଅତାମାହାର ।

୧୭ ପିତର ନି ଜୋହନ ଖାରି ମୁସକୁ କିୟ୍ ଇର୍ଡ଼ି ଦାପ୍ରେ ଖାର ପବିତ୍ର ଆମ୍ବା ପୟତାର ।

୧୮ ସିମୋନ୍ ସୁଡ଼ତୁନ୍ ଜେ, ପ୍ରେରିତ ସିସୁର ବିସବାସିରି ମୁସକୁ କିୟ୍ ଇର୍ଡ଼ିଆକା ଖାର ପବିତ୍ର ଆମ୍ବା ପୟତାର । ଆବେଟ୍ ଖାନ୍ ପିତର ନି ଜୋହନତିଙ୍କ ତାରୁଙ୍କୁଁ ଜାସେ କିଜି ଇର୍ହାନ୍,

୧୯ “ନାନ୍ ଆଇଖାରି ମୁସକୁ କିୟ୍ ଇର୍ଡ଼ିଙ୍କ, ଖାର ଏଣ୍ଡେସ ପବିତ୍ର ଆମ୍ବା ପୟଦେଙ୍କ ଆର୍ନାର, ଇୟାଉଣ୍ଡିଙ୍କ ନାଙ୍କୁଁ ଇୟା ସାକ୍ତି ନି ଅଦିକାର ସିଦା ।”

୨୦ ମାତର ପିତର ଖାନିଙ୍କ ଇର୍ହାନ୍, “ନି ଖାଲେ ନି ତାରୁଙ୍କୁଁ ଦ୍ଵଂସ ଆପିଡ଼, ଇରିଙ୍କ ତାରୁଦାନ୍ ନିନ୍ ମାପୁରୁଦି ଦାନ୍ କଣ୍ଡେଙ୍କ ଅଡ଼ବିତିମାନି !

୨୧ ମା ପାଣିଦୁ ନି ଇନି ବାଗ୍ ସିଲେଡ଼ । ଇରିଙ୍କ ମାପୁରୁଦି ଆଗ୍ଡ଼ି ନି ଜିବନ୍ ନେଗିକା ସିଲେଡ଼ ।

୨୨ ଆଦେଙ୍କ ନି ଇୟା ତାଗ୍ଲ ମାଟା ଉଣ୍ଡିଙ୍କ ମନ୍ ଡେପ୍ଆ, ଇୟାଖାଜା ବିସୟ୍ ସିନ୍ତା କିତିମାନିଙ୍କ ପ୍ରବୁ ଏଣ୍ଡେସ କେମା କିନାନ୍, ଆୟାଉଣ୍ଡିଙ୍କ ପ୍ରବୁଙ୍କ ପାରତନା କିଆ ।

୨୩ ଇରିଙ୍କ ନାନ୍ ସୁଡ଼ଜୁନା ଜେ ନି ଜିବନ୍ ରିସାଦୁ ପୁରା ଆତାମାନାଡ଼, ନିନ୍ ପାପ୍ ଗାଟିଦୁ ତରାତିମାନି ।”

୨୪ ସିମୋନ୍ ଜୋହନ ନି ପିତରତିଙ୍କ ଇର୍ହାନ୍, “ମିର୍ ଆମା ଓଜୁ ଇର୍ଇଦେର୍, ଆକା ଏଣ୍ଡେସ ନା ଉଣ୍ଡିଙ୍କ ଗଟାଏଡ଼, ଇୟାଉଣ୍ଡିଙ୍କ ଦୟାକିଜି ପ୍ରବୁଦି ଆଗ୍ଡ଼ି ପାରତନା କିଦୁ ।”

୨୫ ସାକି ନି ପ୍ରବୁଦି ବାକ୍ୟ ଖେର୍ଡ଼ି ଖେନ୍କା ପିତର ନି ଜୋହନ ଜିରୁସାଲାମ୍ତୁ ଡେସିସର୍ହାର । ଡେସି ସନି ସାରିଦୁ ଖାର ସମିରୋଣିଦି ଏସ ନାରକାଙ୍କୁଁ ସୁସମାଚାର ପ୍ରଚାର କିତାର ।

ପିଲିପ ନି ଇତିଓପିଆଦି ପାଣିକିନିକାନ୍

୨୬ ପ୍ରବୁଦି ଅରେନ୍ ଦୁଡ଼ ପିଲିପତିଙ୍କ ଇର୍ହାନ୍, “ତିଆର୍ ଆଆ, ଉଣ୍ଡେରି ତରିନ୍ ଜିରୁସାଲାମ୍ତାନ୍ ଗାଜା ତରିନ୍ ମାନି ପେରିଜାରିଦୁ ସାଙ୍ଗ୍ଆ ।” ଆଜିକାଲି ମାରି ଆୟା ରାସ୍ତା ବ୍ୟବହାର ଆଏଜିନାଡ଼

୨୭ ଆବେଟ୍ ପିଲିପ ନିଙ୍କୁଁ ତା ସର୍ହାନ୍ । ମାରି ସୁଡ଼ଦୁ, ଇତିଓପିଆ ଦେସ୍ତି କାଣ୍ଡାକି ଦରଡ଼ି ରାଣିଦି ମାନ୍ ପେରିପାଣିକିନି ପଦ୍ ପୟତି ଇତିଓପିଆଦି ପାଣିକିନିକାନ୍, ଏନ୍ ତାନି ଓଜୁ ଦନ୍ସମ୍ପତିଦି ସୁଣିକାନ୍ ମାହାନ୍, ଖାନ୍ ମାପୁରୁଙ୍କୁଁ ପାରତନା କିଦେଙ୍କ ଇଜି ଜିରୁସାଲାମ୍ତୁ ଖାତାମାହାନ୍;

୨୮ ଖାନ୍ ଖାନି ରତଦୁ ବାସ୍ସି ଇନ୍ତ୍ର ଡେସିସଲ୍ସିମାହାନ୍ । ଖାନ୍ ରତଦୁ ଡେସିସନି ସମୟତୁ ଜିସାୟ ବାବବାଦିଦି ପୁସ୍ତକ ନାଣ୍ଡ ଆଉଲି ଆଜି ପଡ଼ାଜି ମାହାନ୍ ।

୨୯ ପବିତ୍ର ଆମ୍ବା ପିଲିପତିଙ୍କ ଇର୍ହାଡ଼, “ଆୟା ରତ ଲାକ୍ତୁ ସାଙ୍ଗ୍ଆ ମାରି ଖାନି ଲାକ୍ତୁ ତେବାଆ ।”

୩୦ ଆବେଟ୍ ପିଲିପ୍ ଉର୍ସି ସଲ୍ସି ଖାନ୍ ଜିସାୟ ବାବବାଦିଦି ବଇ ପଡ଼ାନିକା ଖେର୍ଆନ୍ । ଖାନ୍ ଖାନିଙ୍କ ଖେନ୍ବାତାନ୍, “ନିନ୍ ଆମାକା ପଡ଼ାଜିନି, ଆକା ବୁଜାଦେଙ୍କ ଆର୍ସିନିନୋ ?”

୩୧ ପାଣିକିନିକାନ୍ ଇର୍ହାନ୍, “ଅରେନ୍ ଏନ୍ ନାଙ୍କୁଁ ଇକା ବୁଜା କିଜି ସିଏତିଙ୍କ, ନାନ୍ ଏଣ୍ଡେସ ବୁଜାଦେଙ୍କ ଆର୍ନା ?” ଖାନି ଖାଲେ ରତଦୁ ବାସ୍ତେଙ୍କ ଇଜି ଖାନ୍ ପିଲିପତିଙ୍କ କୁକ୍ତାନ୍ ।

୩୨ ଖାନ୍ ଦାମ୍ବୁସାସ୍ତଦି ଇୟା ବାଗ୍ ପଡ଼ାଜି ମାହାନ୍ :

“କାଡ଼ତେଙ୍କ ଇଜି ଅଆୟାଆଜିମାନି ମେଣ୍ଡା ଖାଜା,
ବୁର୍ବୁସେଙ୍କ କୟ୍ନିଖାଲେ ଆଲେନିମାନି ମେଣ୍ଡା ଖାଜା
ଖାନ୍ ପଦ୍ ବା ମାଟା ଇନ୍ଏତାନ୍ ।

୩୩ ଖାନ୍ ଅପ୍ମାନ୍ ଆତାନ୍ ମାରି ନ୍ୟାୟତାନ୍ ଜିଣାଏତାନ୍ ।
ଖାନି କୁର୍ମତି ବିସୟତାନ୍ ଏନ୍ ଇନିକା ଇନ୍ଡ୍ରେଙ୍କ ଆର୍ଏର୍,
ଇରିଙ୍କ ଦୁନିଆଦୁ ଖାନି ଜିବନ୍ତି ଓଜ୍ନିକା ଗଟାତାମାନାଡ଼ ।”

୩୪ ପାଣିକିନିକାନ୍ ପିଲିପତିଙ୍କ ଖେନ୍ବାତାନ୍, “ବାବବାଦି ଏ ବିସୟତାନ୍ ଖେର୍ସିନାନ୍, ନାଙ୍କୁଁ ଇନ୍ଆଁ । ଖାନି ନିଜେଦି ବିସୟତାନ୍ ନୋ ଆଇ ଏ ବିସୟତାନ୍ ?”

୩୫ ପିଲିପ ଦାମ୍ବୁସାସ୍ତଦି ଇୟା ବାଗ୍ତାନ୍ ଆରାମ୍ କିଜି ଜିସୁଦି ବିସୟତାନ୍ ରାସାତି ଓଜୁ ନେଗିକାରୁର୍ ଖାନିଙ୍କ ଖେର୍ତାନ୍ ।

୩୬ ଖାର ପେରିଜାରିଦୁ ସଲ୍ପୁ ସଲ୍ପୁ ଉନ୍ଣି, ଏରୁ ମାନି ଲାକ୍ତୁ ଇତାର । ପାଣିକିନିକାନ୍ ଇର୍ହାନ୍, “ଇବେ ତୋ ଏରୁ ମାନେ, ନା ତୁବନ୍ ଅଡେଙ୍କ ଇଜି ଇନିକା ବାଦା ମାନାଡ଼ ନୋ ?”

୩୭ ପିଲିପ ଇର୍ହାନ, ନିନ୍ ଝିନ୍ତୁ ମନ୍ତିଖାଲେ ଜଦି ବିସବାସ କିନି, ଆତିଙ୍ଗ୍ ଥାନାଡ୍, ଆବେଟ୍ ଖାନ ଇର୍ହାନ, ଜିସୁ କ୍ରିସ୍ତ ଜେ ମାପୁରୁଦି ମାରିନ, ଇକା ନାନୁ ବିସବାସ କିଜିନା ।*

୩୮ ମାରି ଖାନ ରତଦିଙ୍ଗ୍ ନିଲପତେଙ୍ଗ୍ ଆଦେସ୍ ସିତାନ, ମାରି ପିଲିପ ନି ପାଣିକିନିକାନ ରିଏର୍ ଏରୁ ଲୋଇ ସର୍ହାର, ମାରି ପିଲିପ ଖାନିଙ୍ଗ୍ ତୁବନ୍ ସିତାନ ।

୩୯ ଖାର୍ ଏରୁତାନ ନିଙ୍ଗ୍ଜି ଖାତି ଝେନ୍କା, ପ୍ରବୁଦି ପବିତ୍ର ଆମ୍ବା ପିଲିପତିଙ୍ଗ୍ ଅତାଡ୍ । ପାଣିକିନିକାନ ମାରି ଖାନିଙ୍ଗ୍ ସୁଡ଼ୁଦେଙ୍ଗ୍ ଆର୍ଏତାନ, ମାତର୍ ଝେଡ଼ିକାଦାନ ପୁରା ଆଜି ଖାନି ସାରିତୁ ସର୍ହାନ ।

୪୦ ଏସ୍ ସମୟ ଝେନ୍କା ପିଲିପ ସୁଡ଼ୁତାନ ଜେ ଖାନ ଅସଦୋଦ୍ତୁ ଇତାନ । ଆବେଟ୍ କୁ ଖାନ କାଇସରିୟାଦୁ ସର୍ହାନ ମାରି ସାରିତୁ ମାନି ଗାଡ଼କାଙ୍ଗ୍ ସୁସମାତାର ପ୍ରଗାର୍ କିତାନ ।



ସାଉଲ ମନ୍ ଡେପ୍ନିକା

(ପ୍ରେରିତ ୨୨:୬-୧୬; ୨୬:୧୨-୧୮)

୧ ଇୟା ସମୟତୁ ସାଉଲ ପ୍ରବୁଦି ସିସୁରିଙ୍ଗ୍ କାଡ଼ତେଙ୍ଗ୍ ଇଜି ଆଦରିସ୍ କିଜି ପେରି ଜାଜକଦି ଲାକ୍ତୁ ସର୍ହାନ ।

୨ ମାରି ଦାମାସକସ୍ତି ପାର୍ତନାକିନି ଇଲ୍କାଙ୍ଗ୍ ପ୍ରବୁଦି ଖାଲେ ତୁଲାନିଖାରିଙ୍ଗ୍ ପୟତିଙ୍ଗ୍ ତରସି ଜିରୁସାଲାମତୁ ଆସ୍ସି ତାତେଙ୍ଗ୍ ଇଜି ପେରି ଜାଜକରି ମାଣାନ ସାରି ସିନି ଆକୁ ଲୋସ୍ତାନ ।

୩ ସାଉଲ ଦାମାସକସ୍ ଗାଡ଼ ଲାକ୍ତୁ ଇଗା ସନି ସମୟତୁ ଦାପ୍ରେ ବାଦଡ଼ତାନ ଉନ୍ଶି, ଜାୟ ଖାନି ସାରିବେଡ଼ତି କାସ୍ସି ନିଙ୍ଗ୍ ତାଡ୍ ।

୪ ଖାନ ବୁମିଦୁ ଆର୍ତାନ ମାରି ଉନ୍ଶି, ବଲ୍ ଝେର୍ଆନ୍, “ସାଉଲ ! ସାଉଲ ! ନିନ୍ ଏନ୍ଦା ନାଙ୍ଗ୍ ତାଡ଼ନା କିଜିନି ?”

୫ ଖାନ ଇର୍ହାନ, “ପ୍ରବୁ, ନିନ୍ ଏନ୍ ?” ମାରିଡେସି ଆୟା ବଲ୍ ଖାତାଡ୍, “ନିନ୍ ଏଙ୍ଗ୍ କାସୁ କିଜିନି, ନାନ ଆୟା ଜିସୁ ।

୬ ନିଙ୍ଗ୍ଆ, ଗାଡ଼ତୁ ସାଙ୍ଗ୍ଆ, ଇନିକା କିଦେଙ୍ଗ୍ ଆନାଡ୍, ଆବେ ନିଙ୍ଗ୍ ଝେର୍ନା ସିନା ।”

୭ ସାଉଲତି ଖାଲେ ଅରସେ ସନିକାର୍ କାବାଆଜି ତେବାତା ସର୍ହାର୍; ଖାର୍ ଆୟା ବଲ୍ ଝେର୍ଆର୍, ମାତର୍ ଏଙ୍ଗ୍ ସୁଡ଼ୁଦେଙ୍ଗ୍ ଆର୍ଏତାର୍ ।

୮ ସାଉଲ ବୁମିଦାନ ନିଙ୍ଗ୍ଜି କାଣ୍ଡୁ ରେତାନ, ମାତର୍ ଖାନିଙ୍ଗ୍ ଇନିକା ତର୍ଏତାଡ୍ । ଆବେଟ୍ ଖାର୍ ଖାନି କିୟୁ ଆସ୍ସି ଦାମାସକସ୍ ସାହି ସାରି ତରସି ଅତାର୍ ।

୯ ମୁନେନ୍ ସାହି ଖାନ ସୁଡ଼ୁଦେଙ୍ଗ୍ ଆର୍ଏତାନ ମାରି ଆୟା ସମୟତୁ ଉଣ୍ଣୁଏତାନ ।

୧୦ ଦାମାସକସ୍ତୁ ହନନିୟ୍ ଦର୍ଡି ଅରେନ୍ ସିସୁ ମାର୍ହାନ । ଖାନ ଉନ୍ଶି, ଦର୍ସନ୍ ପୟତାନ, ପ୍ରବୁ ଖାନିଙ୍ଗ୍ ଇର୍ହାନ, “ହନନିୟ୍ !”

ଖାନ ଇର୍ହାନ, “ଏ ପ୍ରବୁ ଇନ୍ଆଁ ।”

୧୧ ପ୍ରବୁ ଇର୍ହାନ, “ତିଆର୍ ଆଆ । ସିଦା ଦର୍ଡି ପେରିଜାରି ଆସ୍ସି ଜିହୁଦାଦି ଇଲୁଦୁ ସାଙ୍ଗ୍ଆ । ଆବେ ତାର୍ସତାନ ଖାତିମାନି ସାଉଲ ଦର୍ଡି ଅରେନ୍ ଲୋକତିଙ୍ଗ୍ ପୟଥା । ଖାନ ପାର୍ତନା କିଜିନାନ ।

୧୨ ହନନିୟ୍ ଦର୍ଡି ଅରେନ୍ ଲୋକୁ ଖାଜି ଖାନି ମୁସ୍କୁ କିୟୁ ଇଟିଙ୍ଗ୍, ଖାନ କାଣ୍ଡୁକୁ ସୁଣାନ ଇଜି ଦର୍ସନ୍ ପୟତାମାନାନ ।”

୧୩ ହନନିୟ୍ ଇର୍ହାନ, “ପ୍ରବୁ, ଇୟା ଲୋକୁ ଜିରୁସାଲାମତୁ ନି ବିସବାସି ଲୋକା ଉଣ୍ଡିଙ୍ଗ୍ ଏମେ କାସୁଦି ପାଣି ଝିନ୍ତୁ କିତାମାନାନ, ଆୟା ବିସୟତାନ ନାଣ୍ଡ ଲୋକୁ ନାଙ୍ଗ୍ ଝେର୍ତାମାନାର୍ ।

୧୪ ମାରି ଖାନ ପେରି ଜାଜକରି ମାଣ୍ଡକୁ ଅଦିକାର୍ ଆକୁ ତାସି, ଦାମାସକସ୍ତୁ ନି ପାର୍ତନା କିନିଖାରିଙ୍ଗ୍ ଆସ୍ସି ଅତେଙ୍ଗ୍ ଇଜି ଖାତାମାନାନ ।”

୧୫ ପ୍ରବୁ ଖାନିଙ୍ଗ୍ ଇର୍ହାନ, “ସାଙ୍ଗ୍ଆ, ଅଣଜିହୁଦି ମାରି ରାଜା ମାରି ଇସ୍ରାଏଲ୍ତି ଲୋକା ଆଗ୍ଡି, ନା ଦର୍ ଝେର୍ତେଙ୍ଗ୍ ଇଜି ମାରି ନା ସେବା କିଦେଙ୍ଗ୍ ନାନ ଖାନିଙ୍ଗ୍ ଆସ୍ସିକିତାମାନା ।

୧୬ ନା ଉଣ୍ଡିଙ୍ଗ୍ ଖାନ ଏମେ ଦୁକ୍ ପୟନାନ, ନାନ ନିଜେ ଖାନିଙ୍ଗ୍ ଝେର୍ନା ।”

୧୭ ହନନିୟ୍ ସର୍ହାନ, ସାଉଲ ମାନି ଇଲୁଦୁ ଡ଼ଗୁଜି ଖାନି ମୁସ୍କୁ କିୟୁ ଇଟିତାନ । ଖାନ ଇର୍ହାନ, “ତଡ଼ାନକୁ ସାଉଲ, ଇବେ ଖାନି ସାରିତୁ ଏମେ ପ୍ରବୁ ଜିସୁ ନିଙ୍ଗ୍ ଦର୍ସନ୍ ସିତାନ, ଖାନ ନାଙ୍ଗ୍ ପକ୍ତାମାନାନ, ଏଣ୍ଡେସମାରି ଡେସି ନିନ୍ କାଣ୍ଡୁକୁ ସୁଡ଼ୁଦେଙ୍ଗ୍ ଆର୍ନି ମାରି ପବିତ୍ର ଆମ୍ବାଦୁ ପୁରା ଆନି ।”

୧୮ ଆୟାଦାପ୍ରେ ସାଉଲତି କାଣ୍ଡକାଣ୍ଡକୁ ମିନିଦି ସପା ଖାଜା ଏସ୍ ଆର୍ତେ ମାରି ଖାନ ମାରିଅର୍ସୁ ସୁଡ଼ୁଦେଙ୍ଗ୍ ଆର୍ଏତାନ । ଖାନ ନିଙ୍ଗ୍ଜି ତୁବନ୍ ଅତାନ ।

* ୮:୩୭ ପିଲିପ ଇର୍ହାନ, “ନିନ୍ ପୁରା ଜିବନ୍ତାନ ଜଦି ବିସବାସ କିନି, ଆର୍ଡିଙ୍ଗ୍ ଇକା ଆଦେଙ୍ଗ୍ ଆର୍ନାଡ୍ । ଆବେଟ୍ ଖାନ ଇର୍ହାନ, ଜିସୁ କ୍ରିସ୍ତ ଜେ ମାପୁରୁଦି ମାରିସି, ଇକା ନାନୁ ବିସବାସ କିଜିନା ।”

୧୯ ମାରି ଉଣ୍ଡି ସାକ୍ତି ପୟତାନ୍ । ସାଉଲ ସିସୁରି ଖାଲେ ଦାମାସ୍କସ୍ତୁ ଏସ ଦିନ୍ ତେବାତାନ୍ ।

ଦାମାସ୍କସ୍ତୁ ସାଉଲ ପ୍ରଚାର କିତାନ୍

୨୦ ଖାନ୍ ସିଦା ପାରତନାକିନି ଇଲକାଙ୍କ ସଲ୍ସି, ଜିସୁ ଜେ ମାପୁରୁଦି ମାରିସି, ଇୟା ମାଟା ପ୍ରଚାର କିଦେଙ୍କ ଆସ୍ତାନ୍ ।

୨୧ ଏମେକାର ଖାନି ମାଟା ଖେରଆର, ଖାର କାବାଆଜି ଖେନ୍ବାତାର, “ଜିରୁସାଲାମତୁ ଜିସୁ ଦରତି ଲୋକତି ପାରତନା କିନିଖାରିଙ୍କ ଏମେ ଲୋକୁ କାତ୍ସି ମାର୍ହାନ୍, ଇକାନ୍ ଇନିକା ଆକାନ୍ ଆଏନ୍ ନୋ ? ଖାରିଙ୍କ ପେରି ଜାଜକରି ଲାକତୁ ଆସ୍ସି ଅନି ଉଦେସ୍ତାନ୍ ଖାନ୍ ଇନିକା ଇବେ ରେଏନ୍ ମାର୍ହାନ୍ ନୋ ?”

୨୨ ମାତର ସାଉଲ ପ୍ରଚାର ନାଶ୍ଟ ସାକ୍ତି ମାର୍ହାତ୍, ଜିସୁ ଜେ ମସିହ, ଇୟା ବିସୟତାନ୍ ଖାନି ପାରମାଶ୍ଟ ନିସା ଜିଦ୍ ମାର୍ହାତ୍ ଜେ ଦାମାସ୍କସ୍ତୁ ବାସାଜି ମାନି ଜିହୁଦିର୍ ଖାନି ଇନି ମାଟାଦି ଉତର ସିଦେଙ୍କ ଆର୍ଏର ମାର୍ହାତ୍ ।

୨୩ *ନାଶ୍ଟ ଦିନ୍ ଆତି ଖେନ୍କା ଜିହୁଦିର୍ ଉଣ୍ଡାଜି ସାଉଲତିଙ୍କ୍ ତାକ୍ତେଙ୍କ୍ ଇଜି ଉପାୟା କିତାର,

୨୪ ମାତର ସାଉଲ ଖାରି ଉପାୟ ନେସ୍ତେଙ୍କ୍ ଆର୍ତାନ୍ । ଖାନିଙ୍କ୍ କାତ୍ତେଙ୍କ୍ ଇଜି ଖେଡେ ନାଡା ଖାର ଗାଡ୍ତି ଦୁଆର୍ ଖିଜୁ କାପକିଜି ତେବାତାର ।

୨୫ ମାତର ଅର୍ଲେନ୍ ନାଡା ସାଉଲତି ସିସୁର୍ ଖାନିଙ୍କ୍ ଉନ୍ଶି, ଦାଉଣିକାଦୁ ଇଡ୍ଜି ଗଡାଦି ଉନ୍ଶି, ରେଆତି ସାରି ସିଜି ଆଡ୍ଗି ରେପ୍ତା ସିତାର ।

ଜିରୁସାଲାମତୁ ସାଉଲ

୨୬ ସାଉଲ ଜିରୁସାଲାମତୁ ସଲ୍ସି ସିସୁରି ଖାଲେ ମିସାଦେଙ୍କ୍ ସେସ୍ଟା କିତାନ୍ । ମାତର ଖାନ୍ ସିସୁ ଇଜି ଖାର ମୁଟେ ବିସ୍ବାସ୍ କିଏତାର । ଖିଜେରେ ଖାନିଙ୍କ୍ ତିଲାଜି ମାର୍ହାତ୍ ।

୨୭ ମାତର ବର୍ଣ୍ଣବା ଖାନିଙ୍କ୍ ପ୍ରେରିତ ସିସୁରି ଲାକତୁ ଅସି ଦାମାସ୍କସ୍ ସାରିଦୁ ସାଉଲ ଏଣ୍ଡେସ୍ ପ୍ରୁଦି ଦର୍ସନ୍ ପୟତାମାର୍ହାନ୍ ମାରି ପ୍ରୁ ଏଣ୍ଡେସ୍ ଖାନିଙ୍କ୍ ମାଟା ଇର୍ହାମାର୍ହାନ୍, ଇୟାଖିଜୁ ବିସୟ ଖାରିଙ୍କ୍ ବୁଜାକିଜି ଇର୍ହାନ୍ । ଦାମାସ୍କସ୍ତୁ ଜିସୁଦି ଦରତାନ୍ ସାଉଲ ଏଣ୍ଡେସ୍ ତିଲାଏଣ୍ଡା ପ୍ରଚାର କିତାମାର୍ହାନ୍, ଖାରିଙ୍କ୍ ନେଗେନ୍ କିଜି ବୁଜାକିଜି ଇର୍ହାନ୍ ।

୨୮ ଇୟା ଖେନ୍କା ସାଉଲ ପ୍ରେରିତ ସିସୁରି ଖାଲେ ତେବାତାନ୍ ମାରି ଜିରୁସାଲାମତି ସାରିବେଡ୍ଡି ସଲ୍ସି ସାହାସ୍ତାନ୍ ପ୍ରୁଦି ଦରତାନ୍ ପ୍ରଚାର କିତାନ୍ ।

୨୯ ଇୟାଖିଜୁ ବିସୟତାନ୍ ଖାନ୍ ଗ୍ରିକ୍ ବାସାଦି ଜିହୁଦିର୍ ଖାଲେ ବା ଆସ୍ସିସାତାର, ମାତର ଖାର ଖାନିଙ୍କ୍ ତାକ୍ତେଙ୍କ୍ ସେସ୍ଟା କିତାର ।

୩୦ ବିସ୍ବାସି ତଡାନ୍କୁ ଇୟା ମାଟା ନେସ୍ସି; ସାଉଲତିଙ୍କ୍ କାଈସରିଆଦୁ ଅତାର ମାରି ଆବେଶାନ୍ ଖାନିଙ୍କ୍ ତାର୍ସସ୍ତୁ ପକ୍ତାର ।

୩୧ ଜିହୁଦା, ଗାଲିଲି ମାରି ସମିରୋଶ୍ଟା ମାନି କ୍ରିସ୍ଟିୟାନ୍ ମଣ୍ଡଲିଙ୍କା ଉଣ୍ଡିଙ୍କ୍ ଆୟା ସମୟତି ଦିନ୍ ସାକ୍ତି ମାର୍ହାତ୍, ମାରି ପବିତ୍ର ଆମ୍ବାଦି ସାକ୍ତିଦାନ୍ ଖାରି ଲୋକୁ ନାଶ୍ଟ ଆତାର ମାରି ଖାର ତାଟ୍ ଆତାର । ବିସ୍ବାସିର୍ ପ୍ରୁଦି ଉଣ୍ଡିଙ୍କ୍ ମାନାଜି ଜିବନ୍ କାଟେ କିତାର ।

ପିତର ଲୁଦା ନି ଜପା ଗାଡ୍ଡୁ

୩୨ ପିତର ନାଶ୍ଟ ଜାଗେଆଙ୍କ୍ ବୁଲାଇ ବୁଲାଇ ଅର୍ଲେନ୍ ଲୁଦାଦୁ ବାସାଜିମାନି ବିସ୍ବାସିରି ଲୋକାଙ୍କ୍ ମିସାଦେଙ୍କ୍ ଖାତାନ୍ ।

୩୩ ଆବେନ୍ନୁ ଏନିୟ ଦରତି ଅରେନ୍ ଲୋକତିଙ୍କ୍ ବେଟ୍‌ବୁଡାତାନ୍ । ଖାନ୍ କୁସ୍ଟୁ ରୋଗ୍ଟୁ ଆସାଲ ଆଜି ଆର୍ଗୋଟା ବାର୍ସେକ୍ ଆସ୍ସି କାଟେଲତାନ୍ ନିଙ୍କ୍ ଦେଙ୍କ୍ ଆର୍ଏଜି ମାର୍ହାନ୍ ।

୩୪ ପିତର ଖାନିଙ୍କ୍ ଇର୍ହାନ୍, “ଏନିୟ, ଜିସୁ କ୍ରିସ୍ଟ ନିଙ୍କ୍ ନେଗେନ୍ କିତାମାନାନ୍ । ନିଙ୍କ୍ ଆ, ନି ଟାଟି ରସ୍ଆ ।” ଆୟାଦାପ୍ରେ ଏନିୟ ନିଙ୍କ୍ ତାନ୍ ।

୩୫ ଇକା ସୁଡ୍ଜି ଲୁଦା ନି ସାରୋଶ୍ଟାଦୁ ବାସାକିଜିମାନି ଲୋକୁ ଖିଜେରେ ପ୍ରୁଦି ଲାକତୁ ଡେସି ଖାତାର ।

୩୬ ଜପାଦୁ ଟବିତା ଦରତି ଅରେଡ୍ ବିସ୍ବାସିନି ଆଇମା ବାସାଜି ମାର୍ହାତ୍ । ତାନି ଗ୍ରିକ୍ ଦର୍ ଦର୍କାସ୍ ଅର୍ତାତ୍ “ବନ୍ ଗରିଆ” ମାର୍ହାତ୍ । ଖାଦ୍ ତାନି ଖିଜୁ ସମୟ ନେଗି ପାଣିଦୁ ମାରି କାକୁଟ ଲୋକାଙ୍କ୍ ସେବା କିନିମାନି ସମୟ ସିଜି ମାର୍ହାତ୍ ।

୩୭ ଆୟା ସମୟତୁ ନବ୍ ଆଜି ଖାଦ୍ ସାତା ସର୍ହାତ୍ । ତଡ୍ଡୁ ତାନି ମୋଦଲ୍ତିଙ୍କ୍ ଇବିସ୍ କିଜି ମୁସ୍‌କୁରି ମହଲ୍ଲାଦୁ ତେରେପ୍ତେ ।

☆ ୯:୨୩ ୨ କରିକ୍ତିୟ ୧୧:୩୨,୩୩.

୩୮ ଜପା ଲୁଦାଦାନ ଆକ ସିଲେତାଡ଼ । ପିତର ଲୁଦାଦୁ ମାନାନ ଇଜି ଝେନ୍‌ଜି, ଜପାଦୁ ମାନି ବିସ୍‌ବାସିର ରିଏର ଲୋକାଙ୍ଗ୍ ଖାନି ଲାକ୍‌ତୁ ଇନ୍‌ଞ୍ଜି ପୋକ୍‌ତାର, “ଦୟା କିଜି ବେଗି ମା ଲାକ୍‌ତୁ ରାଆ ।”

୩୯ ପିତର ତିଆର ଆଜି ଖାରି ଖାଲେ ସର୍ହାନ । ଆବେ ଇତି ଦାପ୍ରେ ଲୋକୁ ଖାନିଙ୍ଗ୍ ମୁସ୍‌କୁରି ମହଲାଦୁ ଅତାର । ଆବେ ରାଣ୍ଡିଆଇମେକ୍ ତାନିଙ୍ଗ୍ କେରବିତେନ ଆଡ଼ବାଜି ଆଡ଼ବାଜି ଦର୍କାସ୍ ଜିଜିମାନି ଖାଲେ ଗୁଡ଼ତି ମାରଇ ଆଙ୍ଗ୍‌ଙ୍ଗ୍ ମାରି ଖାତିଙ୍ଗ୍‌ଞ୍ଜି ଖାନିଙ୍ଗ୍ ତରତେ ।

୪୦ ପିତର ଝିଜେରିଙ୍ଗ୍ ବାକ୍‌ରାଦାନ ଆଡ଼ରେ ସପ୍‌ତାନ ମାରି ମେଣ୍ଡେଙ୍ଗ୍ ଗାଟକିଜି ପାରତନା କିତାନ । ତାନିଝେନ୍‌କା ଖାନ ଦାର୍କାସ୍‌ତି ସାତି ମେନ୍‌ଲ୍‌ ତରିନ୍ ସୁଡ଼ଜି ଇର୍ହାନ, “ଟବିତା, ନିଙ୍ଗ୍ ଟା !” ଦର୍କାସ୍ କାଣ୍ଡୁ ରେତାଡ଼ ମାରି ପିତରତିଙ୍ଗ୍ ସୁଡ଼ଜି ନିଙ୍ଗ୍‌ଜି ବାସ୍‌ତାଡ଼ ।

୪୧ ପିତର କିୟୁ ପେରଜି ତାନିଙ୍ଗ୍ ଜିବନ୍ କିଜି ନିକ୍‌ତାନ । ଝେନ୍‌କା ଉଣ୍ଡାତି ମାରଇ ଝିଜୁ ବିସ୍‌ବାସି ନି ରାଣ୍ଡିଆଙ୍ଗ୍ କୁକ୍‌ସି ଦର୍କାସ୍‌ତିଙ୍ଗ୍ ଖାରି କିୟୁଦୁ ସପେ କିତାନ ।

୪୨ ଇୟା କାବୁର୍ ଜପାଦି ଝିଜୁ ତରିନ୍ ଝେଙ୍ଗ୍‌ତାଡ଼ ମାରି ନାଣ୍ଡ ଲୋକୁ ପ୍ରବୁଙ୍ଗ୍ ବିସ୍‌ବାସ୍ କିତାର ।

୪୩ ପିତର ନାଣ୍ଡ ଦିନ୍ ସାହି ଜପାଦୁ ସିମୋନ ଦରତି ଅରେନ୍ ତଲ୍‌କୁପାଣିକିନି ଇଲ୍‌ତୁ ତେବାତାନ ।

୧୦

ପିତର ନି କଣ୍ଟିଲିୟ

୧ କାଈସରିଆଦୁ ବାସାନି କଣ୍ଟିଲିୟ “ଇଗାଲିଦି ବାହିନି” ଦରତି ରମିୟ ସୈନ୍‌ୱରି ସେନାପତି ମାର୍ହାନ ।

୨ ଖାନ ଅରେନ୍ ଦାମ୍‌ ଲୋକୁ ମାର୍ହାନ । ଖାନ ମାରି ଖାନି ଇଲୁଦି ଝିଜେରେ ମାପୁରୁଙ୍ଗ୍ ପାରତନା କିଜିମାର୍ହାର । ଖାନ କାକୁତ ଜିହୁଦି ଲୋକାଦି ନେଗି ଉଣ୍ଡିଙ୍ଗ୍ ନାଣ୍ଡ ପାଣି କିଜି ମାର୍ହାନ ମାରି ଦିନାମି ମାପୁରୁମାନୁ ପାରତନା କିଜିମାର୍ହାନ ।

୩ ଅରଲେନ୍ ଝେଡ଼ାରେନି ତିନ୍ ଗଣ୍ଡା ସମୟତୁ ଖାନ ଉନ୍‌ଣ୍ଡି ଦର୍ସନତୁ ନେଗେନ୍ ସୁଡ଼ତୁନ୍ ଜେ ମାପୁରୁଦି ଦୁଡ଼ ଖାଜି ଖାନିଙ୍ଗ୍ କୁକ୍‌ସିନାନ, “କଣ୍ଟିଲିୟ ।”

୪ ଖାନ ତିଲାଜି ଦୁଡ଼ତି ତରିନ୍ ସୁଡ଼ଜି ଇର୍ହାନ, “ଏ ପ୍ରବୁ ଇନିକା ?”

ଦୁଡ଼ ଇର୍ହାନ, “ମାପୁରୁ ନି ପାରତନା ନି ଦାନସିନିମାନୁ ଝେଡ଼ିକା ଆତାମାନାନ ମାରି ତେନି ବାଦ୍‌ଲୁ ସିଦେଙ୍ଗ୍ ଇଜି ତିଆର ମାନାନ ।

୫ ଇଲେଇ ସିମୋନ ପିତର ଦରତି ଅରେନ୍ ଲୋକ୍‌ତିଙ୍ଗ୍ କୁକ୍‌ସି ତାତେଙ୍ଗ୍ ଇଜି ଜପାଦୁ ଲୋକାଙ୍ଗ୍ ପକ୍‌ଆ ।

୬ ଖାନ ସାମ୍‌ଦୁର୍ ପାଡ଼ି ବାସାଜିମାନି ସିମୋନ ଦରତି ତଲ୍‌ପାଣିକିନିଖାନି ଇଲୁଦୁ ମାନାନ ।”

୭ ଇକା ଇଜି ଦୁଡ଼ ସର୍ହାନ । କଣ୍ଟିଲିୟ ଖାନି ଇଲ୍‌ତି ରିଏର୍ ସାକର୍ ନି ସନ୍‌ୟ ପାଣିକିନିଖାରି ଲୋଇ ଅରେନ୍ ଦାମ୍‌ ଲୋକାଙ୍ଗ୍ କୁକ୍‌ସିତାନ ।

୮ ଖାନ ଖାରିଙ୍ଗ୍ ଝିଜୁ ଗଟଣା ଝେର୍‌ସି ଜପାଦୁ ପକ୍‌ତାନ ।

୯ ମାରିନାଣ୍ଡିଙ୍ଗ୍ ମାଦ୍‌ଲମ୍ ଝେଡ଼ାଦୁ ଖାର ଜପାଦି ଲାକ୍‌ତୁ ଆନିଖାଲେ, ପିତର ପାରତନା କିଦେଙ୍ଗ୍ ଇଜି ସାଡ଼ ମୁସ୍‌କୁ ସର୍ହାମାର୍ହାନ ।

୧୦ ଖାନ ବାଙ୍ଗା ସାଜି ଉଣ୍ଡେଙ୍ଗ୍ ବଦା କିତାନ ମାରି କାଦି ଆନି ସମୟତୁ ଖାନ ଉଣ୍ଡି ଦର୍ସନ୍ ପୟତାନ ।

୧୧ ଖାନ ସୁଡ଼ତୁନ୍, ବାଦଡ଼୍ ରେଆତାମାନାଡ଼ ମାରି ଉଣ୍ଡି ପେରି ସାଦର୍ ନାଲ୍‌ଗି କନାଦାନ ଡ଼ଆଇ ଆଜି ଦୁନିଆଦି ମୁସ୍‌କୁ ଆରଜି ଖାଜିନାଡ଼ ।

୧୨ ଆବେନ୍‌ ଦୁନିଆଦି ବେସି ରକମ୍‌ତି ଜାତୁ, ଉଜ୍‌ନିକେଙ୍ଗ୍ ମାରି ବାଦଡ଼ତି ପଟିଙ୍ଗ୍ ମାନେ ।

୧୩ ମାରି ଖାନ ଉଣ୍ଡି ବଲ୍ ଝେର୍‌ଆନ୍, “ପିତର ! ନିଙ୍ଗ୍ ଟା, ତାକ୍‌ସ ତିନ୍‌ଆ !”

୧୪ ମାତର୍ ପିତର ଇର୍ହାନ, “ସିଲେ ପ୍ରବୁ, ନାନ୍ ଆଟ୍‌ଏ ! ନାନ୍ ଏସାଙ୍ଗ୍ ଇନି ତାଗ୍‌ଇକା ନି ଅପବିତ୍ର ଜିନିସ୍ ତିନ୍‌ଏ ।”

୧୫ ମାରି ଉଣ୍ଡି ଦେବା ଖାନ ଝେର୍‌ଆନ୍; “ମାପୁରୁ ଆମାକା ପବିତ୍ର କିତାମାନାନ, ନିନ୍ ତାନିଙ୍ଗ୍ ଅପବିତ୍ର ଅଡ଼୍‌ବିମା ।”

୧୬ ମୁଜା ଇୟାଖାଜା ଆନି ଝେନ୍‌କା, ସାଦରତିଙ୍ଗ୍ ମୁସ୍‌କୁପୁରତୁ ପେରଜି ଅଆୟ୍ ଆତାଡ଼ ।

୧୭ ପିତର ଖାନି ଦର୍ସନ୍‌ତି ଅର୍ତ୍ ମାଟା ଅଡ଼୍‌ବିଜି କାବା ଆତାନ । ଇୟା ଝେଡ଼ାଦୁ, କଣ୍ଟିଲିୟ ଏମେଖାରିଙ୍ଗ୍ ପକ୍‌ତାମାର୍ହାନ, ଖାର ସିମୋନତି ଇଲୁଦିଙ୍ଗ୍ ପୟଜି ଗେଟ୍ ଲାକ୍‌ତୁ ନିର୍ହା ମାର୍ହାର ।

୧୮ ଖାର ଝେନ୍‌ବାତାର, “ସିମୋନ ପିତର ଦରତିକାନ ଇବେ ଅରେନ୍ କୁଡ଼ାଏନ୍ ମାନାନ ନୋ ?”

୧୯ ପିତର ଆୟା ସାହି ଦର୍ସନ୍‌ତି ଅର୍ତ୍ ବୁଜାଦେଙ୍ଗ୍ ଇଜି ସେସ୍ କିଜିମାର୍ହାନ, ଆୟା ସମୟତୁ ଆମ୍‌ ଇର୍ହାଡ଼, “ସୁଡ଼ଆ, ଇବେ ମୁଏର୍ ଲୋକୁ ନିଙ୍ଗ୍ ପୟଜିନାର ।

୨୦ ତିଆର ଆଜି ଆଡ଼ଗି ସାଙ୍ଗ୍‌ଆ ମାରି ଖାରିଖାଲେ ସନ୍‌ତ୍ରେଙ୍ଗ୍ ଇଜି ଅଡ଼୍‌ବିଏଣ୍‌ଗା, ଇରିଙ୍ଗ୍ ନାନ୍ ଖାରିଙ୍ଗ୍ ପକ୍‌ତାମାନା ।”

୨୧ ପିତର ଆଡ଼ି ସଲ୍‌ସି ଆୟା ଲୋକାଙ୍କ ଇର୍ହାନ, “ମିର୍ ଏମେଖାନିଙ୍କ ପୟଜିନିଦେର୍, ନାନ ଆକାନ । ମିର୍ ଏନ୍‌ା ଖାତିମାନିଦେର୍ ?”

୨୨ ଖାର ଇର୍ହାର, “ସେନାପତି କଣ୍ଟିଲିୟା ମାଙ୍କି ପକ୍ତାମାନାନ । ଖାନ ଅରେନ୍ ଦାମ୍‌ୁଦି ଲୋକୁ । ଖାନ ମାପୁରୁଙ୍କି ଆରାଦନା କିନାନ ମାରି ଜିହୁଦିର୍ ଓଜେରେ ଖାନିଙ୍କ ମାନାନାର । ନିଙ୍କି ଖାନି ଇନ୍‌ତୁ କୁକ୍‌ସି ଅସିନି ସିକିୟା ଖେନ୍‌ଡ୍ରେଙ୍କ ଇଜି ମାପୁରୁଦି ଅରେନ୍ ପବିତ୍ର ଦୁଡ଼ ଖାନିଙ୍କ ଆଦେସ୍ ସିତାମାନାନ ।”

୨୩ ପିତର ଖାରିଙ୍କ ଲୋଇ କୁକ୍‌ସି ଅସି ଆୟା ନାଡ଼ା ଆବେ ତେବାଦେଙ୍କ ଇଜି ବାତିଙ୍କ ମାଲିତାର ।

ମାରିନାଣ୍ଡିଙ୍କ ଖାନ ତିଆର୍ ଆଜି ଖାରିଖାଲେ ସର୍ହାନ । ଜପାଦୁ ଏସ ବିସ୍‌ବାସି ତଡ଼ାନକୁ ବା ଖାନିଖାଲେ ଅର୍ସେ ସର୍ହାର ।

୨୪ ମାରିନାଣ୍ଡିଙ୍କ ଖାର ସିସେରିଆଦୁ ଇତାର । ଆବେ କଣ୍ଟିଲିୟା ଖାନି ପାଡ଼କାଦି ସଙ୍କ ନି ନିଜେଦି ଲୋକାଖାଲେ ପିତରତିଙ୍କ କାପକିଜି ମାର୍ହାର ।

୨୫ ପିତର ଲୋଇ ସନିଖାଲେ କଣ୍ଟିଲିୟା ଖାନିଙ୍କ ତରାଜି ଖାନି ପାଦାମ୍ ଆଡ଼ି ଆର୍ଜି ମାଡ଼ିସ୍ କିତାନ ।

୨୬ ମାତର୍ ପିତର ଖାନିଙ୍କ ନିକ୍‌ସି ଇର୍ହାନ, “ନିଙ୍କି ଆ, ନାନ ନିଜେ ଅରେନ୍ ଲୋକୁ ।”

୨୭ ପିତର କଣ୍ଟିଲିୟା ଖାଲେ ଖାରଗିବୁ ଖାରଗିବୁ ଇଲୁ ଲୋଇ ଡ଼ରୁତାର ମାରି ଆବେ ନାଣ୍ଡି ଲୋକାଙ୍କ ଉଣ୍ଡାନି ମାନିକା ସୁଡ଼ତୁାନ ।

୨୮ ଖାନ ଖାରିଙ୍କ ଇର୍ହାନ, “ମିର୍ ନେଗେନ୍ କିଜି ନେସ୍‌ନିଦେର୍, ଅରେନ୍ ଜିହୁଦି ଖାନି ଦାମ୍‌ୁ ବିସ୍‌ବାସ୍ ଇସାବ୍‌ତାନ ଅଣାଜିହୁଦି ଲୋକା ଖାଲେ ମିସାବିଡ଼ା କିଦେଙ୍କ ଆର୍‌ଏନ୍ । ମାତର୍ ମାପୁରୁ ନାଙ୍କି ଖେର୍ତାମାନାନ, ଏଙ୍କି ଡ଼ାଗ୍‌ଇକା ନି ଅପବିତ୍ର ଅଡ଼ବିନିକା ନେଗେଡ଼ ସିଲେ ।

୨୯ ଆଦେଙ୍କ ମିର୍ ଏସ୍‌ିଖାଲେ ନାଙ୍କି କୁକ୍‌ସିକିତି, ନାନ ଇନିକା ଅଡ଼ବିଏଣ୍ଡା ଖାତା । ନାନ ନେସ୍‌ତେଙ୍କ ବଦା କିନା, ନିନ୍ ଏନ୍‌ା ନାଙ୍କି କୁକ୍‌ସିକିତି ?”

୩୦ କଣ୍ଟିଲିୟା ଇର୍ହାନ, “ମୁନ୍‌ଡ଼ିଦିନ୍ ଆଗଡ଼ି ପୁରା ଇୟା ବେଡ଼ାଦୁ ଖେଡ଼ାରେନି ମୁନ୍‌ଡ଼ି ଗଣ୍ଡା ସମୟତୁ ନାନ ନା ଇଲୁଦୁ ପାର୍‌ତନା କିଜିମାର୍ହା । ଆୟାଦାପ୍ରେ ଅଡ଼ିନିଆଙ୍କି ଆରାତି ଅରେନ୍ ଲୋକୁ ନା ଆଗଡ଼ି ନିଲ୍‌ସି ଇର୍ହାନ;

୩୧ କଣ୍ଟିଲିୟା ! ମାପୁରୁ ନି ପାର୍‌ତନା ଖେର୍ହାମାନାନ ମାରି ନିନ୍ କାକୁଡ଼ି ଲୋକାଙ୍କ ସେବା କିନିକା ସୁଡ଼ତୁା ମାନାନ ।

୩୨ ସିମୋନ ପିତର ଦର୍ତ୍ତି ଅରେନ୍ ଲୋକ୍‌ତିଙ୍କ ତାତେଙ୍କ ଇଜି ଜପାଦୁ ଲୋକାଙ୍କ ପକ୍‌ଆ । ଖାନ ସାମ୍‌ଦୁର୍ ପାଡ଼ି ତେବାତିମାନି ତଲ୍‌ପାଣି କିନି ସିମୋନ ଇଲୁଦୁ କୁଡ଼ାଏନ୍ ଆତାମାନାନ ।

୩୩ ଆଦେଙ୍କ ବେଗି ବେଗି ନାନ ନିଙ୍କି କୁକ୍‌ସିକିତା ମାରି ନିନ୍ ଦୟାକିଜି ଖାତିମାନି । ପ୍ରବୁ ନିଙ୍କି ଆମାକା କିଦେଙ୍କ ଇଜି ସିକିୟା ସିତାମାନାନ, ଆକା ଖେନ୍‌ଡ୍ରେଙ୍କ ମାପ୍ ଓଜେରେ ଇଲେଇ ମାପୁରୁଦି ଆଗଡ଼ି ଉଣ୍ଡାତାମାନାପ୍ ।”

ପିତରତି ସିକିୟା

୩୪ ପିତର ସିକିୟା ସିଦେଙ୍କ ଆରାମ୍ କିଜି ଇର୍ହାନ, “ଇଲେଇ ନାନ ବୁଜାଜିନା ଜେ ସଡ଼ ତାନ ମାପୁରୁ ଓଜେରିଙ୍କ ସାମାନ୍‌ତାନ ସୁଣାନ ।

୩୫ ଆମା ଇନି ଜାତିଦି ଆମା ଏମେ ଲୋକୁ ପ୍ରବୁଦି ପାର୍‌ତନା କିତିଙ୍କି ମାରି ଖାନି ଆଗଡ଼ି ସଡ଼ପାଣି କିତିଙ୍କି, ପ୍ରବୁ ଖାନିଙ୍କ ଆସ୍‌ନାନ ।

୩୬ ମିର୍ ନେସ୍‌ତିମାନିଦେର୍ ଜେ ମାପୁରୁ ଇସାଏଲ୍ ଲୋକା ମାନୁ ଏମେ ବାକ୍ୟ ପକ୍‌ତାମାର୍ହାନ, ଆକାନେ ଜିସୁଦି ମାଣାନ ଖେରାୟ୍‌ଆତିମାନି ସାକ୍ତିଦି ବାକ୍ୟ, ଇୟା ଜିସୁ କ୍ରିସ୍ ଓଜେରି ପ୍ରବୁ ।

୩୭ ଜୋହନ ମନ୍ ଡେପ୍‌ନି ମାରି ତୁବନ୍ ସିନି କାରୁର୍ ଖେର୍ତି ଖେନ୍‌କା, ଗାଲିଲିଦାନ୍ ଆରାମ୍ କିଜି ଓଜୁ ଇସାଏଲ୍ ଦେସ୍‌ତୁ ଆମା ଓଜୁ ଗଟନେଙ୍କି ଗଟାତାସର୍ହାଡ଼, ଆକା ମିର୍ ନେସ୍‌ନିଦେର୍ ।

୩୮ ମିର୍ ନାଜରିତଦି ଜିସୁଦି ବିସ୍‌ୟତାନ ମାରି ମାପୁରୁ ଏଣ୍ଡେସ୍ ଖାନି ମୁସ୍‌କୁ ପବିତ୍ର ଆମା ନି ସାକ୍ତି ସିତାମାର୍ହାନ, ଆକା ନେସ୍‌ନିଦେର୍ । ଖାନ ଓଜୁ ତରିନ୍ ସଲ୍‌ସି କାବାଆନି ପାଣି କିତାନ । ସୟତାନ୍‌ତି ଅଦିକାର୍‌ତାନ ମାନି ଲୋକାଙ୍କି ନେଗେନ୍ କିତାନ, ଇରିଙ୍କି ମାପୁରୁ ଖାନି ଖାଲେ ମାର୍ହାନ ।

୩୯ ଜିହୁଦିରି ଦେସ୍‌ତୁ ମାରି ଜିରୁସାଲ୍‌ାମ୍‌ତୁ ଖାନ ଏମେ ଓଜୁ ପାଣି କିତାନ, ମାପ୍ ଆୟାଓଜୁଦି ସାକି । ତାନେଖେନ୍‌କା ଖାନିଙ୍କି ଖାର କୁସ୍‌ଦୁ ଏକିସ୍‌କିଜି ତାକ୍‌ତାର ।

୪୦ ମାତର୍ ମାପୁରୁ ମୁନେନ୍ ଲୋଇ ଖାନିଙ୍କ ସାତିମାଣାନ ପୁନିଜିବନ୍ ସିଜି ନିକ୍‌ତାନ ।

୪୧ ଖାନ ଓଜେରି ଲାକ୍‌ତୁ ସିଲେ, ମାତର୍ ମାପୁରୁଦି ବାସେଆତିମାନି ସାକି, ଅର୍ତ୍‌ତାଡ଼ ମା ଲାକ୍‌ତୁ ତରାୟ୍‌ଆତାନ । ମାପୁରୁ ଖାନିଙ୍କ ସାତି ମାଣାନ ନିକ୍‌ତି ଖେନ୍‌କା ମାପ୍ ଖାନି ଖାଲେ ଉଟାପ୍ ତିର୍‌ଆପ୍ ।

୪୨ ଲୋକାମାନୁ ନେଗି କାରୁର ପ୍ରଚାର କିଦେଇଁ ଇଜି ନି ମାପୁରୁ ଜେ ଖାନିଙ୍ଗ ଜିନିମାନି ନି ସାତିଖାରି ବିଚାରକିନି ଖାଜା ନିଲ୍ପତାମାନାନ, ଇୟା ମାଟାଦି ସାକି ସିଦେଇଁ ଇଜି ଖାନ୍ ମାଙ୍ଗ୍ ଆଦେସ୍ ସିତାମାନାନ ।

୪୩ ଓଜେରେ ବାବବାଦିର୍ ଖାନି ବିସୟତାନ ଇୟା ସାକି ଇର୍ହାମାର୍ହାର୍, ଏନ୍ ଖାନିମାନୁ ବିସବାସ୍ କିନାନ, ଖାନି ଦର୍ତ୍ତି ସାକ୍ତିଦୁ ଖାନି ପାପ୍ କେମା ଆନାଡ୍ ।”

ଅଣଜିହୁଦିର ପବିତ୍ର ଆତ୍ମା ପୟନିକା

୪୪ ପିତର ସିକିୟା ସିନିଖାଲେ ଏମେକାର୍ ଖାନି ସିକିୟା ଝେନ୍ଜି ମାର୍ହାର୍, ଆୟା ଓଜେରି ମୁସକୁ ପବିତ୍ର ଆତ୍ମା ରେତାତାଡ୍ ।

୪୫ ଅଣଜିହୁଦିରି ମୁସକୁ ବା ମାପୁରୁ ଖାନି ପବିତ୍ର ଆତ୍ମାଦାନ ସିନିମାନିକା ସୁଡ୍ଜି ପିତରତି ଖାଲେ ଖାତିମାର୍ଇ ଜପାଦି ଜିହୁଦି ବିସବାସସିର କାବାଆତାର୍ ।

୪୬ ଇରିଙ୍ଗ୍ ଜିହୁଦି ବିସବାସିର୍ ଖାରିଙ୍ଗ୍ ମାପୁରୁଦି ଦନ୍ୟବାଦ୍ କିଜିମାନିକା ନି ଆଇ ବାସାଦାନ ଖାର୍ଗିଜିମାନିକା ଝେରୁଆର୍ । ପିତର ଇର୍ହାନ,

୪୭ “ମା ଖାଜା ଇୟା ଲୋକୁ ବା ପବିତ୍ର ଆତ୍ମା ପୟତାମାନାର୍ । ତୁବନ୍ ଅତେଇଁ ଇଜି ଏନ୍ ଇନିକା ଖାରିଙ୍ଗ୍ ବାଦା ସିଦେଇଁ ଆଟ୍ନାନ ?”

୪୮ ଆଦେଇଁ ଖାନ୍ ଖାରିଙ୍ଗ୍ ଜିସୁ କ୍ରିସ୍ତଦି ଦର୍ତ୍ତାନ ତୁବନ୍ ଅତେଇଁ ଇଜି ଆଦେସ୍ ସିତାନ । ତାନିଝେନ୍କା ଖାର୍ ଖାନିଙ୍ଗ୍ ମାରି ଏସ୍ ଦିନ୍ ଖାରି ଖାଲେ ତେବାଦେଇଁ ବାତିଙ୍ଗ୍ ମାଲିତାର୍ ।



ଜିରୁସାଲାମ୍ ମଣ୍ଡଳିଦୁ ପିତରଦି ଝେରନିକା

୧ ଅଣଜିହୁଦିର ବା ମାପୁରୁଦି ବାକ୍ୟ ଝେରୁଆମାନାର୍ ଇଜି ପ୍ରେରିତ ସିସୁର୍ ମାରି ଜିହୁଦା ରାଜିଦି ଆଇ ବିସବାସି ତଡ୍ଡାନକୁ ଝେରୁଆର୍ ।

୨ ପିତର ଏସ୍ତିଖାଲେ ଜିରୁସାଲାମ୍ତୁ ସର୍ହାନ, ଅଣଜିହୁଦିରିଙ୍ଗ୍ ସୁନ୍ନତ କିନି ତରିନ୍ ମାନି ଲୋକୁ ଖାନି ବିରୁଦ୍ତାନ ଇର୍ହାର୍,

୩ “ନିନ୍ ଅସୁନ୍ନତ ଅଣଜିହୁଦିରି ଇଲ୍ଲକାଙ୍ଗ୍ କୁଡ୍‌ଏନ୍ ଆତିଙ୍ଗ୍, ଇୟାଖାଜାକି ଖାରିଖାଲେ ଉଚି ।”

୪ ମାତର ଆଗ୍ଡିରାନ ଆମାକା ଆମାକା ଗଟାତାମାର୍ହାଡ୍, ପିତର ଖାରିଙ୍ଗ୍ ଖାନି ପୁରା ମାଟା ସିଦେଇଁ ସଲ୍‌ସି ଇର୍ହାନ :

୫ “ନାନ୍ ଜପା ଗାଡ୍‌ତୁ ପାର୍ତତନା କିଜିମାନିଖାଲେ ଉଣ୍ଡି_ ଦର୍ସନ୍ ପୟତା । ଉଣ୍ଡି_ ପେରି ସାଦର୍ତି ନାଲ୍‌ଗି କନାଦାନ ଦୁଙ୍ଗ୍ ୀ କି ବାଦଡ୍‌ତାନ ଆଡ୍‌ଗି ଆର୍ଜିମାନିକା ନାନ୍ ସୁଡ୍‌ତୁ, ଆକା ନା ଲାକ୍‌ତୁ ତେବାତାସର୍ହାଡ୍ ।

୬ ନାନ୍ ନେଗେନ୍‌କିଜି ଲୋଇ ସୁଡ୍‌ଜି ଆୟା ଲୋଇ ଇଲ୍‌ତୁ ପସାକିନି ଜାତୁଙ୍ଗ୍ ୀ, ଦୁନିଆଦି ବନ୍ ଜାତୁଙ୍ଗ୍ ୀ, ଉଜ୍‌ନିକେଙ୍ଗ୍* ମାରି ବାଦଡ୍‌ତି ବନ୍ ପଟିଙ୍ଗ୍ ୀ ସୁଡ୍‌ତୁ ।

୭ ତାନିଝେନ୍‌କା ନାନ୍ ଇୟା ବଲ୍ ଝେରୁଆ, ପିତର ! ନିଙ୍ଗ୍ ୀଆଁ, କୟ୍‌ଜି ତିନ୍‌ଆ ।

୮ ମାତର ନାନ୍ ଇରୁଆ, ସିଲେ, ପ୍ରତୁ ! ନାନ୍ ଆଟ୍‌ଏ । ଇୟାସାଦି ଇନି ଅପବିତ୍ର କାଦି ନା ଝେରୁଦୁ ଅଏ ।

୯ ମୁସକୁପୁରତାନ ମାରିଡେସି ଇୟା ବଲ୍ ଖାତାଡ୍, ମାପୁରୁ ଆମାକା ପବିତ୍ର କିତାମାନାନ, ନିନ୍ ତାନିଙ୍ଗ୍ ୀ ଅପବିତ୍ର ଅଡ୍‌ବିମା ।”

୧୦ ମୁଜା ଇୟାଖାଜା ଆତାଡ୍, ସାରାସାରି ଆୟାଓଜୁ ମୁସକୁପୁରତୁ ପେରଜି ଅଆୟୁଆତେ ।

୧୧ ଟିକ୍ ଆୟା ସମୟତୁ, ସିସେରିଆଦାନ ନା ଲାକ୍‌ତୁ ପକାୟାଆତିମାର୍ରି ମୁଏର୍ ଲୋକୁ ନାନ୍ ଏମେ ଇଲ୍‌ଦୁ ତେବାଜିମାର୍ହା, ଆବେ ଇଗାଖାତାର୍ ।

୧୨ ଝେନ୍‌କା ଅଡ୍‌ବିଏଶ୍‌ଗା ଖାରି ଖାଲେ ସନ୍‌ଶ୍ଟେ_ଙ୍ଗ୍ ୀ ଇଜି ପବିତ୍ର ଆତ୍ମା ନାଙ୍ଗ୍ ଆଦେସ୍ ସିତାଡ୍ । ଜପାଦି ଇୟା ସଅ ଲୋକୁ ବିସବାସି ତଡ୍‌ଡାନକୁ ନା ଖାଲେ ସିସେରିଆଦୁ ସର୍ହାର୍ ମାରି ମାପ୍ ଓଜେରେ କଣ୍ଟି_ଲିୟଦି ଇଲ୍‌ତୁ ଇତାପ୍ ।

୧୩ ଖାନି ଇଲ୍‌ତୁ ଖାନ୍ ଏଶ୍ଟେସ୍ ମୁସକୁପୁରତି ଦୁଡ୍‌ତି ଦର୍ସନ୍ ପୟତାମାର୍ହାନ, ଆୟା ବିସୟତାନ ମାଙ୍ଗ୍ ଝେରତାନ । ମୁସକୁପୁରତି ଦୁଡ୍ ଖାନିଙ୍ଗ୍ ଇର୍ହାମାର୍ହାଡ୍, “ଜପାଦୁ ମାନି ସିମୋନ ପିତର ଦର୍ତ୍ତି ଅରେନ୍ ଲୋକ୍‌ତିଙ୍ଗ୍ ତାତେଇଁ ଇଜି ଲୋକାଙ୍ଗ୍ ପକ୍‌ତୁ ।

୧୪ ଖାନ୍ ଖାଜି ମିଙ୍ଗ୍ ସିକିୟା ସିନାନ ମାରି ଆବେଶ୍‌କୁ ନିନ୍ ମାରି ନି ଇଲ୍‌ତୁ ଓଜେରେ ରକିୟା ପୟନାର୍ ।

୧୫ ମାରି ନାନ୍ ଏସ୍ତିଖାଲେ ସିକିୟା ସିଦେଇଁ ଆରାମ୍ କିତା, ଆଗ୍ଡି ପବିତ୍ର ଆତ୍ମା ଏଶ୍ଟେସ୍ ମା ମୁସକୁ ରେତାତା ମାର୍ହାଡ୍, ଆୟାଖାଜା ଖାରି ମୁସକୁ ରେତାତାଡ୍ ।

* ୧୧:୨ ଉଜ୍‌ନିକେଙ୍ଗ୍ ଅଜିନାଡ୍ ତାନି ଅର୍ତ୍ତ ଆମା ଓଜୁ ବୁମିଦୁ ଉଜ୍‌ନି ଖାନିକାଙ୍ଗ୍ ବୁଜାଜିନାଡ୍ । ସାରାସ୍, ପିଡ୍‌କୁ, ସିଖାତି, କାପୋକି, ତକି ଇନିକା ଇନିକା ଓଜୁଦିଙ୍ଗ୍ ବୁଜାଜାଡ୍ ।

୧୬ *ତାନିଝେନ୍‌କା ନାନ ପ୍ରବୁଦି ଇୟା ବାକ୍ୟ ଏଡ଼ କିତା : ଜୋହନ ଏରତୁ ତୁବନ୍ ସିତାନ୍, ମାତର ମିର୍ ପବିତ୍ର ଆମ୍ବାଦାନ୍ ତୁବନ୍ ଆନିଦେର୍ ।

୧୭ ଇକା ପୁରାସତ୍ ଜେ ମାପ୍ ପ୍ରବୁ ଜିସୁ କ୍ରିସ୍ତମାନୁ ବିସ୍ବାସ୍ କିତି ଉଣ୍ଡିଙ୍ଗ୍ ମାପୁରୁ ମାଙ୍ଗ୍ ଏମେ ଦାନ ସିତା ମାହାନ୍, ଅଣଜିହୁଦିରିଙ୍ଗ୍ ବା ଆୟା ଦାନ ସିତାମାନାନ୍; ନାନ ଏନ୍ ଜେ ମାପୁରୁଦି ଇୟା ପାଣିଦିଙ୍ଗ୍ ବିରୁଦ୍ କିନା !”

୧୮ ୱାର୍ ଇକା ୱେରଇ ୱେନ୍‌କା ମାରି ଜାଟି କିଏନ୍‌ଶ୍ଟା ମାପୁରୁଦି ଦନ୍ୟବାଦ୍ କିଜି ଇହାର୍, “ଆରିଙ୍ଗ୍ ମାପୁରୁ ଅଣଜିହୁଦିରିଙ୍ଗ୍ ବା ଏଡ଼କିଦେଙ୍ଗ୍ ମାରି ଜିଦେଙ୍ଗ୍ ସୁଜୋଗ ସିତାମାନାନ୍ ।”

ଆଣ୍ଡିକିୟାଦି ମଣ୍ଡଳି

୧୯ *ସ୍ତ୍ରୀପାନତି ସାତି ୱେନ୍‌କା ବିସ୍ବାସିର୍ ତାଡ଼ନା ପୟଜି ଇନିଙ୍ଗ୍ ଆନିଙ୍ଗ୍ ଆନିଝାଲେ ୱାରି ଲୋଇ ଏସଲୋକ୍ କେବଲ୍ ଜିହୁଦିର୍ ଲାକ୍ତୁ ବାକ୍ୟ ପ୍ରଚାର୍ କିଜି, ପିନିସିଆ, ସାଇପ୍ରସ୍ ମାରି ଆଣ୍ଡିୟକ୍ ସାନ୍ ସହାର୍ ।

୨୦ ମାତର ସାଇପ୍ରସ୍ ମାରି କୁରିଣିଦି ଆଇ ଏସ ବିସ୍ବାସିର୍ ଆଣ୍ଡିୟକଦୁ ସଲ୍‌ସି ଅଣଜିହୁଦିରି ଲାକ୍ତୁ ପ୍ରବୁ ଜିସୁଦି ନେଗି କାରୁର୍ ପ୍ରଚାର୍ କିତାର୍ ।

୨୧ ମାପୁରୁଦି ସାକ୍ତି ୱାରି ୱାଲେ ମାହାତ୍ ମାରି ନାଣ୍ଟ ଲୋକୁ ବିସ୍ବାସ୍ କିଜି ପ୍ରବୁଦି ତରିନ୍ ମନ୍ ଡେପ୍‌ତାର୍ ।

୨୨ ଏସ୍ତ୍ରୀଝାଲେ ଇୟା କାରୁର୍ ଜିରୁସାଲାମ୍‌ତି ମଣ୍ଡଳିଦୁ ଇତାଡ଼, ୱାର୍ ବର୍ଣ୍ଣବାସ୍ତିଙ୍ଗ୍ ଆଣ୍ଡିୟକଦୁ ପକ୍‌ତାର୍ ।

୨୩ ୱାନ୍ ଆବେ ଇଜି ମାପୁରୁ ଆୟା ଲୋକାଙ୍ଗ୍ ଏଣ୍ଡେସ୍ ଆସିର୍ବାଦ୍ କିତାମାନାନ୍, ଆକା ସୁଡ଼ଜି ୱେଡ଼ିକା ଆତାନ୍ ମାରି ଜିବନ୍‌ତୁ ପ୍ରବୁଦି ଉଣ୍ଡିଙ୍ଗ୍ ବିସ୍ବାସ୍ ତେବାଜି ନେଗେନ୍ ଜିଦେଙ୍ଗ୍ ୱାରିଙ୍ଗ୍ ୱେନ୍‌ତାନ୍ ।

୨୪ ବର୍ଣ୍ଣବାସ୍ ପବିତ୍ର ଆମ୍ବା ନି ବିସ୍ବାସ୍‌ତୁ ପୁରାଆତି ଅରେନ୍ ନେଗି ଲୋକୁ ମାହାନ୍ । ୱାନି ପ୍ରଚାର୍‌ତାନ୍ ନାଣ୍ଟ ଲୋକୁ ପ୍ରବୁଦି ଲାକ୍ତୁ ୱାତାର୍ ।

୨୫ ତାନିଝେନ୍‌କା ବର୍ଣ୍ଣବାସ୍ ସାଉଲତିଙ୍ଗ୍ ପୟଦେଙ୍ଗ୍ ଇଜି ତାର୍‌ସ୍‌ତୁ ସହାନ୍ ।

୨୬ ଆବେ ୱାନିଙ୍ଗ୍ ପୟଜି ଆଣ୍ଡିୟକଦୁ ତାତାନ୍ । ମାରି ପୁରା ଉନ୍‌ଶ୍ଟି ବାର୍‌ସେକ୍ ସାନ୍ ଇୟା ରିଏର୍ ଆୟାବାଣି ମଣ୍ଡଳିଦି ବିସ୍ବାସିରି ୱାଲେ ମିସାଜି ନାଣ୍ଟ ଲୋକାଙ୍ଗ୍ ସିକିୟା ସିତାର୍ । ଇୟା ଆଣ୍ଡିୟକଦି ବିସ୍ବାସିରିଙ୍ଗ୍ ଲୋକୁ ଆଗଡ଼ି କ୍ରିସ୍ତୁୟାନ୍ ଇଜି ଇହାମାହାନ୍ ।

୨୭ ଆୟା ବେଡ଼ାଦୁ ଜିରୁସାଲାମ୍‌ତାନ୍ ଏସ ବାବବାଦିର୍ ଆଣ୍ଡିୟକଦୁ ୱାତାର୍ ।

୨୮ *ଝାରି ଲୋଇ ଆଗାବ ଦର୍ତ୍ତି ଅରେନ୍ ଲୋକୁ ଆମ୍ବାଦି ସାକ୍ତିଦାନ୍ ପୁରାଆଜି ୱିଜୁ ଦୁନିଆଦୁ ଉନ୍‌ଶ୍ଟି ପେରି କାକ୍‌ତ୍ ଆନାଡ଼ ଇଜି ବବିସତ୍ ମାଟା ୱେନ୍‌ତାନ୍ । ସମ୍ରାଟ୍ କ୍ଲାଡିୟସ୍‌ତି ସମୟତୁ ଇକା ଗଟାତାମାହାଡ଼ ।

୨୯ ସିସୁର୍ ଜିହୁଦାଦୁ ବାସାଜିମାନି ବିସ୍ବାସି ତଡ଼ାନ୍‌କା ଲାକ୍ତୁ ୱାରି ସିଦେଙ୍ଗ୍ ଆଟ୍‌ନି ସାନ୍ ସାହାଜ୍ୟ ପକ୍‌ନାର୍ ଇଜି ତିର୍ କିତାର୍ ।

୩୦ ୱାର୍ ତାରୁଙ୍ଗ୍ ଉଣ୍ଡା କିଜି ବର୍ଣ୍ଣବାସ୍ ନି ସାଉଲତି କିଦୁ ମଣ୍ଡଳିଦି ପେରି ନେତାର୍‌ରି ଲାକ୍ତୁ ଆକା ପୋକ୍‌ତାର୍ ।

୧୭

ନାଣ୍ଟ କାସୁ ପୟନିକା

୧ ଇୟା ସମୟତୁ ରାଜା ହେରୋଦ୍ ମଣ୍ଡଳିଦି ଏସ ଲୋକାଙ୍ଗ୍ କାସୁସିନିକା ଆରାମ୍ କିତାନ୍ ।

୨ ୱାନ୍ ଜୋହନତି ତଡ଼ାନ୍ ଜାକ୍‌ବଙ୍ଗ୍ କାଣ୍ଡାଦାନ୍ କାତିସ୍‌ତାନ୍ ।

୩ ଜିହୁଦିର୍ ଇବେ ୱେଡ଼ିକା ସୁଡ଼ଜି ୱାନ୍ ପିତର୍‌ତିଙ୍ଗ୍ ବା ତର୍‌ସିସ୍ କିତାନ୍ । ଇୟା ଗଟନା କମିରିମିସାକିଏନ୍‌ଶ୍ଟା ରୁଟି ପଣ୍ଡୟତି ସମୟତୁ ଗଟାତାମାହାଡ଼ ।

୪ ପିତର ତରାୟଆଜି ଜଇଲ୍‌ତୁ ଇତାୟ ଆତାନ୍ ମାରି ନାଲ୍‌ଏର୍ ନାଲ୍‌ଏର୍ ଲୋକୁ ସନ୍‌ୟରିଙ୍ଗ୍ ଅସି କିଆୟଆତି ନାଲ୍‌ଗି ଦଲ୍ ସନ୍‌ୟର୍ ୱାନିଙ୍ଗ୍ କାପ୍‌କିଜି ତେବାତାର୍ । ନିସ୍ତାର୍ ପଣ୍ଡୟ ୱେନ୍‌କା ୱିଜେରେ ଲୋଇ ୱାନି ବିସାର୍ କିନିକା ହେରୋଦ୍‌ତି ବଦା ମାହାଡ଼ ।

୫ ପିତର ଜଇଲ୍‌ତୁ ମାନିଝାଲେ ମଣ୍ଡଳିଦି ଲୋକୁ ଉଣ୍ଡି ମନ୍‌ତାନ୍ ୱାନି ଉଣ୍ଡିଙ୍ଗ୍ ମାପୁରୁଦି ଲାକ୍ତୁ ପାର୍‌ତାନା କିଜିମାହାଡ଼ ।

ଜଇଲ୍‌ତାନ୍ ପିତର୍‌ତି ମୁକୁଡ଼ାନିକା

୬ ଆମା ନାଣ୍ଡିଙ୍ଗ୍ ହେରୋଦ୍ ପିତର୍‌ତିଙ୍ଗ୍ ଲୋକା ଆଗଡ଼ି ତାନି ଉଣ୍ଡିଙ୍ଗ୍ ଅଡ଼ବିତା ମାହାନ୍, ତାନି ଆଗଡ଼ିରି ନାଡ଼ା ପିତର ରିଏର୍ କାପ୍‌କିନିଝାରି ନାଡ଼ମି ତରିତାମାହାନ୍ । ରୁଣ୍ଡି ସିକିଣି ଦାନ୍ ୱାନିଙ୍ଗ୍ ତର୍‌ତାମାହାଡ଼ ମାରି ଜଇଲ୍‌ତି ସେର୍‌ଲା ଲାକ୍ତୁ କାପ୍‌ନିକାର୍ କାପ୍‌କିତା ମାହାଡ଼ ।

* ୧୧:୧୭ ପ୍ରେସ୍ ୧:୫. * ୧୧:୧୯ ପ୍ରେସ୍ ୮:୧-୪. * ୧୧:୨୮ ପ୍ରେସ୍ ୨୧:୧୦.

୭ ଆୟାଦାପ୍ରେନେ ପ୍ରବୁଦି ଅରେନ୍ ଦୁଡ଼ ଖାଜି ନିରୁଆଡ଼ ମାରି ବାକରା ଜାୟ ଆତାସହୀଡ଼ । ଦୁଡ଼ ପିତରତି
ଗୁଜାମତିଙ୍ଗ ି ଦୁକ୍ତି ଖାନିଙ୍ଗ ି ସୁସକାଣକାଣକୁ ନିକସି ଇହୀଡ଼, “ବେଗି ନିଙ୍ଗ ିଆ !” ବେଗି ବେଗି ପିତରତି କିୟୁଦୁ
ତରୁଆତିମାହି ସିକ୍ଷିଙ୍ଗ ଆରତେ ସରସ ।

୮ ତାନିଝେନକା ଦୁଡ଼ ଇହୀଡ଼, “ଜୁକିଦି ଗାଟି ତରୁଆ, ଜୁତେଙ୍ଗ ଆରାଆ ।” ପିତର ଆକା କିତିଝେନକା ଦୁଡ଼ ଇହୀଡ଼,
“ମେନ୍ଦଲୁଡ଼ ସାଦର ପକସି ନା ଝେନକା ରାଆ ।”

୯ ଦୁଡ଼ ଆମାକା କିଜିମାହୀଡ଼, ଆକା ଉଣ୍ଡି ସଡ଼ ଗଟନା ନୋ ସିଲେ, ପିତର ନେସତେଙ୍ଗ ଆଟ୍ଟଦାନ । ଖାନ୍ ଲବ୍
ସୁଡ଼ଜିନାନ ଇଜି ଅଡ଼ବିତାନ । ଆରିଙ୍ଗବା ପିତର ଜଇଲତାନ ସହସି ଦୁଡ଼ତି ଖାଲେ ସହୀନ୍ ।

୧୦ ଖାର କାପକିନିଖାରି ପାରୁମ୍ ନି ମାରି ଉନ୍ଣି ବାତି ଜିଶାଜି ସାରାସାରି ଗାଡ଼ତୁ ଡ଼ଗୁନି ସାରିଦୁ ମାନି ଲୁଖା
ସେରଲା ଲାକତୁ ଖାତାର । ଖାରି ଉଣ୍ଡିଙ୍ଗ ସେରଲା ତାନି ମନ୍ତିଙ୍ଗ ରେଏତାଡ଼ ମାରି ଖାର ସହସି ବୁଲାଜି ଖାତାର । ଖାର
ପେରିଜାରିଦୁ ସଲପୁ ସଲପୁ ଆୟାଦାପ୍ରେନେ ମୁସକୁପୁରତି ଦୁଡ଼ ପିତରତିଙ୍ଗ ଡ଼ସସି ସହୀଡ଼ ।

୧୧ ତାନିଝେନକା, ଆମାକା ଗଟାତାମାହୀଡ଼, ପିତର ଆକା ନେସତେଙ୍ଗ ଆଟ୍ଟସି ଇହୀନ୍, “ଇକା ସତେନେ ସଡ଼ ଇଜି
ନାନ ନେସତେଙ୍ଗ ି ଆଟ୍ଟସିନା । ହେରୋଦତି ସାକ୍ତିଦାନ ମାରି ଜିହୁଦି ଲୋକ୍ତୁ ଆମାକା ଗଟାନାଡ଼ ଇଜି ଆସା
କିତାମାହୀର, ଆବେଟ୍ଟକୁ ନାଙ୍ଗ ି ରକିୟା କିଦେଙ୍ଗ ଇଜି ପ୍ରୁ ମୁସକୁପୁରତି ଦୁଡ଼ତିଙ୍ଗ ପକ୍ତାମାହୀନ୍ ।”

୧୨ ନିଜେଦି ଅବସ୍ଥାଦି ବିସୟତାନ ଜାଗାରତା ଆଜି ଖାନ୍ ଜୋହନତି ନି ମାର୍କରି ଆଇସି ମରିୟମତି ଇଲୁଦୁ ସହୀନ୍ ।
ଆବେ ନାଣ୍ଡ ଲୋକ୍ତୁ ଉଣ୍ଡାଜି ପାରତନା କିଜିମାହୀର ।

୧୩ ପିତର ଆଡ଼ରେ ସେରଲାଦୁ କଡ଼ତାନ, ରୋଦା ଦରତି ଅରେଡ଼ ଦାସି ସେରଲା ରେତେଙ୍ଗ ି ଖାତାଡ଼ ।

୧୪ ପିତରତି ବଲ୍ ନେସତେଙ୍ଗ ି ଆଟ୍ଟସି ଖାଦ୍ ନିସା ଝେଡ଼ିକା ଆତାଡ଼ଜେ ସେରଲା ରେଏନ୍ଣା ପିତର ଆଡ଼ରେ
ନିରୁଆ ମାନାନ ଇଜି ଝେଡ଼ତାଡ଼ ।

୧୫ ଖାର ତାନିଙ୍ଗ ଇହୀର, “ନିନ୍ ବାୟା ଆତିମାନି ।” ମାତର “ଇକା ସଡ଼” ଇଜି ଖାଦ୍ ଆଟ୍ଟଖାଦାନ ଇହୀଡ଼ଆକା, ଖାର
ଅଡ଼ବିତାର, “ଆରିଙ୍ଗ ଆନାମାନାଡ଼, ଇକା ଖାନି ଦୁଡ଼ ।”

୧୬ ପିତର ଜାରିଦିଙ୍ଗ ଜାରି ସେରଲାଦୁ କଡ଼ସି ମାହୀନ୍ । ସାରାସାରି ଖାର ସେରଲା ରେସି ଖାନିଙ୍ଗ ସୁଡ଼ଜି କାବାତାର ।

୧୭ ଖାନ୍ କିୟୁଦାନ ଜୁଟ୍ଟସି ଆଲ୍ଲଜ ମାନଡ଼େଙ୍ଗ ି ଇହୀନ୍, ମାରି ପ୍ରୁ ଖାନିଙ୍ଗ ଏଣ୍ଡେସ୍ ଜଇଲତାନ ସପସି ତାତାନ,
ଆୟା ବିସୟ ଖାରି ଆଗଡ଼ି ଝେଡ଼ତାନ । ତାନିଝେନକା ଇୟାଝିଜୁ ମାଟା ଜାକୁବ ନି ଆଇ ଝିଜେରେ ବିସବାସିରି
ତଡ଼ାନକାଙ୍ଗ ଝେଡ଼ତେଙ୍ଗ ି ଇଜି ଆଦେସ୍ ସିଜି ଖାନ୍ ଆବେଟ୍ଟକୁ ଆଇତରିନ୍ ସହୀନ୍ ।

୧୮ ସାଲ୍ଲଦି ଆତି ଝେନକା ପିତର ଏମେ ସହୀନ୍ ଇଜି କାପକିନିଖାରି ଲୋଇ ଗାବରା ଆତାସହୀର ।

୧୯ ହେରୋଦ ଖାନିଙ୍ଗ ପୟଦେଙ୍ଗ ଆଦେସ୍ ସିତାନ, ମାତର ଖାର ଖାନିଙ୍ଗ ପୟଏତାର । ସାରାସାରି କାପକିନିଖାରିଙ୍ଗ
ଝେନବାଜି ଖାରିଙ୍ଗ ସାନିଦଣ୍ଡ ସିନି ଉଣ୍ଡିଙ୍ଗ ଆଦେସ୍ ସିତାନ ।

ତାନିଝେନକା ହେରୋଦ ଜିହୁଦା ଦେସତାନ ସଲସି କାଇସରିଆଦୁ ତେବାତାନ ।

ହେରୋଦତି ସାନିକା

୨୦ ଆୟା ସମୟତୁ ହେରୋଦ ସୋର ନି ସିଦୋନତି ଲୋକା ମୁସକୁ ନାଣ୍ଡ ରିସା ଆତାମାହୀନ୍ । ଆଦେଙ୍ଗ ି ଖାରି
ଲୋଇ ଉଣ୍ଡି ଦଲ୍ ଖାନିଙ୍ଗ ତରୁଆୟ ଆଦେଙ୍ଗ ଇଜି ସହୀର । ପାରୁମ୍ ଖାର ରାଜା ମେଡ଼ତି ଦାୟିତୁ ମାନି ଲାସ୍ତୁଙ୍ଗ
ବୁଜାକିଜି ଖାନି ସାହାଜ୍ୟ ପୟତାର । ତାନିଝେନକା ଖାର ହେରୋଦତି ଲାକତୁ ସଲସି ସାନ୍ତି ଲସ୍ତାର, ଇରିଙ୍ଗ
ହେରୋଦତି ଦେସଦାନ ଖାରି ଦେସତୁ କାଦି ଝିଜୁ ପକସି ମାହୀର ।

୨୧ ବାସେ ଆତି ଦିନ୍ତୁ ହେରୋଦ ଖାନି ରାଜାଦି ଆଙ୍ଗ ି ଆରାତାନ ମାରି ବିତାର କିନି ରାଜାଗାଦିଦୁ ବାସସି ଲୋକାଙ୍ଗ
ଉନ୍ଣି ମାଟା ଝେଡ଼ତାନ ।

୨୨ ଖାର ଆଉଲି ଆତାର, “ଇକା ଇନି ଲୋକାଦି ଆଏଡ଼, ମାତର ଅରେନ୍ ମାପୁରୁଦି ବଲ୍ !”

୨୩ ଆୟାଦାପ୍ରେ ପ୍ରବୁଦି ଦୁଡ଼ ହେରୋଦତିଙ୍ଗ ତାକ୍ତାନ, ଇରିଙ୍ଗ ମାପୁରୁଙ୍ଗ ି ଏମେ ଗୌରବ୍ ସିନି ମାଟା, ଖାନ୍ ଆକା
ଖାନିଙ୍ଗ ସିଏନ୍ ମାହୀନ୍ । ପିଡ଼କୁ ଆଜି ଖାନ୍ ସାତାନ ।

୨୪ ଇୟା ସମୟ ଲୋଇ ମାପୁରୁଦି ବାକ୍ୟ ପିରଜି ଝେଙ୍ଗ ି ଦେଙ୍ଗ ଆସତାଡ଼ ।

୨୫ ବର୍ଣ୍ଣବା ମାରି ସାଉଲ ଜିରୁସାଲାମତୁ ସେବା ପାଣି ଝିସସି ଜୋହନ ମାର୍କଙ୍ଗ ି ଅରସେ ଅସି ଜିରୁସାଲାମତାନ
ଡ଼େସିସହୀର ।

୧୩

ବର୍ଣ୍ଣବା ନି ସାଉଲ ପ୍ରେରିତ ସିସୁ ଖାଜା ବାସେ ଆତାର

୧ ଆଶ୍ଚର୍ଯ୍ୟକ ମଣ୍ଡଳକୁ ଏସ ବାବବାଦି ନି ସିକିୟା ଗୁରୁର ମାର୍ହାର । ଖାରି ଲୋଇ ମାର୍ହାନ ବର୍ଣ୍ଣବା, ସିମୋନ ଆମାକାନକି ନିଗର ଦରତାନ ଝେଙ୍ଗିତା ମାର୍ହାନ, ଲୁସିଅସ କୁରିଣିଦୁ ବାସାନିକାନ, ମହନେମ ଖାନ ରାଜିୟ ପାଲ ହେରୋଦତି ଇଲ୍ତୁ ପିରିତାମାର୍ହାନ ମାରି ସାଉଲ ।

୨ ଖାର ପ୍ରବୁଦି ସେବା ନି ଉପାସ କିନିଖାଲେ, ପବିତ୍ରଆମ୍ବା ଖାରିଙ୍ଗ ଇର୍ହାନ, “ନାନ ଏମେ ପାଣି ଉଣ୍ଡିଙ୍ଗ ବର୍ଣ୍ଣବା ନି ସାଉଲତିଙ୍ଗ ି କୁକ୍ତାମାନା, ଆୟାଉଣ୍ଡିଙ୍ଗ ଖାରିଙ୍ଗ ି ନା ଉଣ୍ଡିଙ୍ଗ ଝେରଏ କିଦୁ ।”

୩ ଖାର ଉପାସ ନି ପାରତନା କିଜି ଆୟା ରିଏରି ମୁସକୁ କିକୁ ଇଡ଼ଜି ଖାରିଙ୍ଗ ି ପ୍ରଚାରକିନି ପାଣିଦୁ ପୋକ୍ତାର ।

ସାଇପ୍ରସ୍ତୁ ସେବା ପାଣି

୪ ପବିତ୍ର ଆମ୍ବାଦି ମାଣାନ ପକାୟ ଆଜି ବର୍ଣ୍ଣବା ନି ସାଉଲ ସେଲୁକିୟାଦୁ ସର୍ହାର ମାରି ଆବେଟକୁ ଜାହାଜ୍ତାନ ସାଇପ୍ରସ୍ ସାରିବେଡ଼ତି ସାମୁରୁ ମାନି ନାଣ୍ମିରି ଇସ୍ତ୍ରୁମି ବାଡ଼ିଦୁ ସର୍ହାର ।

୫ ସାଲାନି ଗାଡ଼ତୁ ଇଜି ଜିହୁଦିର୍ ପାରତନାକିନି ଇଲ୍ତକାଙ୍ଗ ମାପୁରୁଦି ବାକ୍ୟ ପ୍ରଚାର କିତାର । ଜୋହନ ମାର୍କ ଖାରିଖାଲେ ମାନଜି ସାହାଜ୍ୟ କିଜିମାର୍ହାନ ।

୬ ଖାର ସାଇପ୍ରସ୍ ଇସ୍ତ୍ରୁମି ବାଡ଼ି ଜିଣାଜି ପାଫଦୁ ସର୍ହାର । ଆବେ ଖାର ବାର-ଜିସୁ ଦର୍ଡ଼ି ଅରେନ୍ ଜିହୁଦି ଗୁଣ୍ଡୁଏଙ୍ଗ ି ବେଟ୍‌ବୁଡ଼ାତାର । ଖାନ ନିଜେଦିଙ୍ଗ ି ବାବବାଦି ଇଜିମାର୍ହାନ ।

୭ ଖାନ ଆୟା ଦ୍ଵିପଦି ସାସନକିନି ସର୍ମିୟସ୍ ପାଉଲତି ଅରେନ୍ ନେଗି ତଡ଼୍ ମାର୍ହାନ । ସର୍ମିୟସ୍ ଅରେନ୍ ବୁଦିମାନି ଲୋକୁ ମାର୍ହାନ । ଖାନ ମାପୁରୁଦି ବାକ୍ୟ ଝେନ୍ତେଙ୍ଗ ବଦାକିଜି ବର୍ଣ୍ଣବା ନି ସାଉଲତିଙ୍ଗ ି କୁକିସ୍ତାନ ।

୮ ମାତର୍ ଗୁଣିଆ ଏଲିମାସ ଇକା ଖାନି ଗ୍ରିକ୍ ଦରୁ ଖାରିଙ୍ଗ ବାଦା ସିତାନ, ଇରିଙ୍ଗ ି ଖାନ ସାସନକିନିଖାନିଙ୍ଗ ି କ୍ରିସ୍ତଦି ବିସ୍‌ବାସ୍ ଉଣ୍ଡିଙ୍ଗ ି ଝେରଏ କିଜି ଇଡ଼ଦେଙ୍ଗ ି ବଦା କିଜିମାର୍ହାନ ।

୯ ମାତର୍ ସାଉଲ ଆମାଖାନି ଆଇ ଦରୁ ପାଉଲ ପବିତ୍ର ଆମ୍ବାଦୁ ପୁରାଆଜି ଗୁଣିଆ ତରିନ୍ ସିଦା କାଣକାଣୁକୁ ସୁଡ଼ଜି ଇର୍ହାନ,

୧୦ “ଏ ସୟତାନତି ମାରିସି ! ନିନ୍ ଝିକୁ ନେଗି ବିସୟତି ସାଡ଼ୁ ! ନିନ୍ ଝିକୁ ବିସୟତି ସାଲାକିଦୁ ପୁରାଆତିକିୟା ମାରି ଝିକୁଦିନ୍ ପ୍ରବୁଦି ସଡ଼ତିଙ୍ଗ ମିର୍ ଇଜି ଇନ୍ତେଙ୍ଗ ଇଜି ସେସ୍ଟା କିଜିନି ।

୧୧ ଇଲେଇ ନିନ୍ ପ୍ରବୁଦି କିୟୁଦୁ ଦଣ୍ଡ ପୟନି । ନିନ୍ କାଣା ଆଜି ଏସ ସମୟ ସାଦି ଝେଡ଼େରି ଜାୟ ସୁଡ଼ଦେଙ୍ଗ ଆଟ୍‌ଇ ।”

ଆୟାଦାପ୍ରେ ଏଲିମାସଦି କାଣୁକୁ ନାଣ୍ଡ ଦୁରିଦୁ କେରବିନି ଖାଜା ଆନିକା ଖାନ ଅଡ଼ବିତାନ ମାରି ଖାନି କିୟୁ ଆସ୍‌ସି ସାରି ତରସି ଅତେଙ୍ଗ ି ଇଜି ଅରେନ୍‌ଖାନିଙ୍ଗ ପୟଦେଙ୍ଗ ଆସ୍‌ତାନ ।

୧୨ ଇୟା ଗଟନା ସୁଡ଼ଜି ସାସନକିନିଖାନି ବିସ୍‌ବାସ୍ ଆତାଡ଼, ଇରିଙ୍ଗ ି ଖାନ ପ୍ରବୁଦି ସିକିୟା ଝେନ୍ତଜି କାବାଆତା ମାର୍ହାନ ।

ପିସିଦିଆଦି ଆଶ୍ଚର୍ଯ୍ୟକିଆଦୁ ସେବା ପାଣି

୧୩ ପାଉଲ ନି ଖାନି ସାଙ୍ଗର୍ ପାଫଦାନ ଗାତାନାସି ପାଫିଲିଆଦି ପର୍ଗା ଦରଡ଼ି ଉନ୍‌ଣ୍ଡି ଗାଡ଼ତୁ ଇତାର । ଜୋହନ ମାର୍କ ଖାରିଙ୍ଗ ଇୟାବାନ୍ ଡ଼ିସ୍‌ସି ଜିରୁସାଲାମତୁ ଡ଼େସିସର୍ହାନ ।

୧୪ ଖାର ପର୍ଗାଦାନ ସଲ୍‌ସି ପିସିଦିଆଦି ଆଶ୍ଚର୍ଯ୍ୟକଦୁ ଇତାର ମାରି ରମ୍‌ନିଦିନ୍ ପାରତନା ଇଲ୍ତୁ ସଲ୍‌ସି ବାସ୍‌ତାର ।

୧୫ ମାରି ମସାଦି ନିୟମ୍ ମାରି ବାବବାଦିରି ମାଣାନ ରାସ୍‌ତିକା ପଡ଼ାତି ଝେନ୍‌କା, ପାରତନା ଇଲ୍ତି ପେରିକାର ଖାରି ଲାକ୍‌ତୁ ଇୟା ମାଟା ଇଜି ପକ୍‌ତାର, “ତଡ଼ାନକୁ, ଜଦି ଲୋକାଙ୍ଗ ଝେଡ଼ିକାକିନି ଖାଜା ମି ଇନି ଉପଦେସ୍ ସିନିକା ମାନାଡ଼, ଆରତିଙ୍ଗ ି ଇନ୍‌ଡୁ ।”

୧୬ ପାଉଲ ନିଲ୍‌ଜି ଲୋକାଙ୍ଗ ଆଲେଜ ମାନଡ଼େଙ୍ଗ ଇଜି କିୟୁ ଜୁର୍‌ସି ଇର୍ହାନ :

ଉଣ୍ଡାତିମାନି ଇସ୍ରାଏଲ୍‌ତି ତଡ଼ାନକୁ ନି ମାପୁରୁଙ୍ଗ ି ପାରତନା କିଜିମାନି ଅଣଜିହୁଦିର୍, ନା ମାଟା ଝେନ୍‌ଡୁ !

୧୭ ଇସ୍ରାଏଲ୍ ଲୋକା ମାପୁରୁ ମା ତକାରାଦାଦାରିଙ୍ଗ ି ବାସେକିତାନ ମାରି ମିସର୍‌ତୁ ଖାର ଆଇ ଦେସ୍‌ତିକାର ଖାଜା ବାସାଜି ମାର୍‌ହି ସମୟତୁ ଉନ୍‌ଣ୍ଡି ପେରି କୁଟୁମତୁ ମିସା କିତାର । ମାପୁରୁ ଖାନି କାବାଆନି ସାଲ୍‌ଦାନ ଖାରିଙ୍ଗ ି ମିସର୍‌ତାନ ସପ୍‌ସି ତାତାନ,

୧୮ ମାରି ସାଲ୍‌ସି ବାର୍‌ସେକ୍ ସାଦି ମରୁବୁମିଦୁ ଖାରି ତାଗ୍‌ଇ ତାନିଙ୍ଗ ସାସ୍ କିତାନ ।

୧୯ ମାରି, ଖାନ କିଣାନ ଦେସ୍‌ତୁ ସାତଗୋଟା କୁଟୁମତିଙ୍ଗ ଦଂସ କିଜି ବାସେକିତି ଲୋକାଙ୍ଗ ଆୟା ଦେସ୍ ସିତାନ ।

୨୦ ପୁରା ସାରିସ ପଗାସ୍ ବାର୍‌ସେକ୍ ଲୋଇ ଇୟାଝିକୁ ଗଟନା ଗଟାତାମାର୍ହାଡ଼ ।

ଇୟା ଝେନ୍‌କା ସାମୁଏଲ୍ ବାବବାଦିଦି ସମୟ ସାଦି ମାପୁରୁ ଖାରି ମୁସକୁ ବିସାର କିନିଖାରିଙ୍ଗ ଆସ୍‌କିତାନ ।

୨୧ ଏସ୍ତ୍ରାକ୍ଷେ ଖାର ଅରେନ୍ ରାଜାଦିଙ୍ଗ୍ ବଦା କିତାର୍, ମାପୁରୁ ଖାରି ମୁସ୍ତୁ ସାଲିସ୍ ବାସେକ୍ ସାଦି ସାସନ୍ କିନି ଉଣ୍ଡିଙ୍ଗ୍ ୱିନ୍ୟାମିନ୍ କୁରୁମ୍ପତି କିଶତି ମାରିସି ସାଉଲତିଙ୍ଗ୍ ୱାସ୍ତକିତାନ୍ ।

୨୨ ତାନିଝେନ୍କା ମାପୁରୁ ଖାନିଙ୍ଗ୍ ରାଜାଗାଦିଦାନ୍ ସପସି ଦାଉଦତିଙ୍ଗ୍ ୱାରି ରାଜା କିତାନ୍ । ମାପୁରୁ ଖାନି ବିସୟତାନ୍ ସାକିୟ୍ ଇହାମାହାନ୍, ନାନ୍ ଏମେନାନି ଲୋକାଙ୍ଗ୍ ଜିବନ୍ନନା, ଜେସିଦି ମାରିସି ଦାଉଦ ଆୟାନାନି ଅରେନ୍; ଖାନ୍ ନା ବଦାଦାନ୍ ଓଡୁ ପାଣି କିନାନ୍ ।

୨୩ ଇୟା ଦାଉଦ କୁରୁମ୍ପତି ଜିସୁଙ୍ଗ୍ ମାପୁରୁ ଖାନି ପାର୍ମାଣ୍ ଇସାବତାନ୍ ଇସ୍ରାଏଲ୍ ଜାତିଦି ରକିୟାକର୍ତ୍ତା କିତାମାନାନ୍ ।

୨୪ ୱାଜିସୁ ଖାନି ପାଣି ଆରାମ୍ କିନି ଆଗ୍ଡିରାନ୍ ଜୋହନ୍ ଇସ୍ରାଏଲ୍ତି ଓଡୁ ଲୋକା ଲାକ୍ତୁ ପ୍ରଚାର୍ କିଜି ଇହାନ୍, ଖାରିଙ୍ଗ୍ ୱାପ୍ତାନ୍ ମନ୍ ଡେପସି ତୁବନ୍ ଅନିକା ମାନାଡ୍ ।

୨୫ ୱାମାରି ଜୋହନ୍ ଖାନି ସେବା ପାଣି ସେସ୍ କିନି ଆଗ୍ଡି ଲୋକାଙ୍ଗ୍ ଝେନ୍ବତାନ୍, ନା ବିସୟତାନ୍ ମି ଅଡ୍ବିନିକା ଇନିକା ? ମିର୍ ଆମାଖାନିଙ୍ଗ୍ ୱାପ୍ତିକିନିଦେର୍, ନାନ୍ ଆକାନ୍ ଆଏ । ମାତର୍ ଝେନ୍ତୁ ! ନା ଝେନ୍କା ଏନ୍ ଖାଜିନାନ୍, ନାନ୍ ଖାନି ପାଦାମ୍ପତି ଜୁଡେଙ୍ଗ୍ତି ଗାଟି କୁଡ୍ଡେଙ୍ଗ୍ ବା ନାନ୍ ଜର୍ ସିଲେ ।

୨୬ “ଅବ୍ରାହାମ୍ କୁରୁମ୍ପତି ଏ ଇସ୍ରାଏଲ୍ ତଡାନ୍କୁ ମାରି ମାପୁରୁଙ୍ଗ୍ ୱାରିତାନା କିଜିମାନି ଇବେମାନି ଅଣଜିହୁଦି ଲୋକ୍, ମାଙ୍ଗ୍ ନେ ଇୟା ପରିତ୍ରାଣଦି ମାଟା ସିଆୟ୍ ଆତାମାନାଡ୍ ।

୨୭ ମାତର୍ ଖାନ୍ ରକିୟାକର୍ତ୍ତା, ଜିରୁସାଲାମ୍ତୁ ତେବାଜି ମାନିକାର୍ ମାରି ଖାରି ନେତାର୍ ଆକା ନେସ୍ବର୍ ମାହାର୍ । ଖାନ୍ ଓଡୁ ରମନିଦିନ୍ତୁ ପଡାଜି ମାନି ବାବବାଦିରି ମାଟାଦି ଅର୍ତ୍ତ ବୁଜାଏଜି ମାହାର୍ । ଆରିଙ୍ଗ୍ ୱାଜିସୁଙ୍ଗ୍ ଦୋସ୍ କିଜି ଖାନ୍ ବାବବାଦିରି ବାକ୍ୟଦିଙ୍ଗ୍ ୱାପୁରା କିତାର୍ ।

୨୮ ୱାସାନିଦଣ୍ଡି ଇନି ନିନ୍ଦାଦି ମାଟା ପୟ୍ଏନ୍ଶା ବା ଖାନିଙ୍ଗ୍ ୱାସାନିଦଣ୍ଡି ସିଦେଙ୍ଗ୍ ଇଜି ଖାନ୍ ପିଲାଡ୍ ରାଜେଙ୍ଗ୍ ୱା ଇହାର୍ ।

୨୯ ୱାଜିନି ବିସୟତାନ୍ ଦାମ୍ପ୍ସାସ୍ତୁ ଏମେ ଓଡୁ ବିସୟ୍ ରାସାତାମାନାଡ୍, ଆୟାଈସାବତାନ୍ ଓଡୁ ପାଣିକିତି ଝେନ୍କା ଖାନ୍ ଖାନିଙ୍ଗ୍ କୁସଦାନ୍ ରେପସି ତାସି ଉନ୍ତୁ ଦୁକିଗୁଟାଦୁ ଇଟ୍ତାର୍ ।

୩୦ ମାତର୍ ମାପୁରୁ ଖାନିଙ୍ଗ୍ ୱାତିମାଣାନ୍ ନିକ୍ତାନ୍,

୩୧ ୱାନ୍ଦାଶ୍ ଦିନ୍ ସାଦି ଖାନି ଖାଲେ ଗାଲିଲିଦାନ୍ ଜିରୁସାଲାମ୍ତୁ ସନି ଖାନିକା ଆଜିମାନି ଲୋକାଙ୍ଗ୍ ଖାନ୍ ତରାୟ୍ଆତାନ୍ । ଇଲେଇ ଖାନ୍ ଇସ୍ରାଏଲ୍ ଲୋକା ଲାକ୍ତୁ ଖାନି ସାକି ।

୩୨ ମାରି, ମାପୁରୁ ମା ତକ୍ରାଦାଦାରିମାନୁ କିତି ପାର୍ମାଣ୍ ବିସୟତାନ୍ ମାପ୍ ମିଙ୍ଗ୍ ଇୟା ନେଗିକାରୁର ଝେର୍ସିନାପ୍,

୩୩ ମାପୁରୁ ଜିସୁଙ୍ଗ୍ ନିକ୍ସି ଖାରି ମାରିସି ଜେ ମାଡ୍, ମା ଉଣ୍ଡିଙ୍ଗ୍ ୱାୟା ପାର୍ମାଣ୍ ପୁରାକିତାମାନାନ୍, ଏଶ୍ରେସ୍ ଗିତ ସଂହିତାଦି ମାରିଉନ୍ତୁ ପାଟାଦୁ ଇୟା ମାଟାଦିଙ୍ଗ୍ ଝେର୍ସି ରାସାତାମାନାଡ୍,

“ନିନ୍ ନା ମାରିନ୍,

ନେର୍ ନାନ୍ ମି ବୁବା ଆତାମାନା ।”

୩୪ ମାରି ଦୁକିଦୁ ସାବ୍ଦେଙ୍ଗ୍ ୱାସ୍ତୟନ୍ଶା ଖାନିଙ୍ଗ୍ ୱାତିମାଣାନ୍ ନିକ୍ତେଙ୍ଗ୍ ୱାଜି ମାପୁରୁ ଇୟା ମାଟା ଇହାମାହାନ୍; ଦାଉଦତିଙ୍ଗ୍ ୱାତିମାନି ପାର୍ମାଣ୍ ଇସାବତାନ୍

ନାନ୍ ନିଙ୍ଗ୍ ପବିତ୍ର ନି ସଡ୍ଡି ଆସିବାଦ୍ ଦାନ ସିନା ।

୩୫ ସାସ୍ତୁ ମାରି ଉଣ୍ଡି ବାଡିଦୁ ରାସାତାମାନାଡ୍,

ନିନ୍ ନିଜେଦି ବିସବାସତାନ୍ ସେବାକିନିଖାନିଙ୍ଗ୍ ଦୁକିଦୁ ସାବ୍ଦେଙ୍ଗ୍ ୱାସ୍ତୟୋ ସିଇ ।

୩୬ ଦାଉଦ ଖାନି ସାସନ୍ କିନିଖାଲେ ମାପୁରୁଦି ବଦା ପୁରାକିଜି ସାରାସାରି ସାତାନ୍ ମାରି ତକ୍ରାଦାସିଖାଲେ ମୁସାୟ୍ଆତାନ୍ । ଖାନି ମେକ୍ ଦୁକିଦୁ ସାବିତାଡ୍ ।

୩୭ ମାତର୍ ମାପୁରୁ ଆମାଖାନିଙ୍ଗ୍ ୱାତିମାଣାନ୍ ନିକ୍ତାନ୍, ଖାନ୍ ସାବ୍ଏନ୍ ।

୩୮ ମାରି, ଏ ତଡାନ୍କୁ, ମିର୍ ଇକା ନେସ୍ତୁ ଜେ, କେବଲ୍ ମୋସାଦି ମାଣାନ୍ ମି ଲାକ୍ତୁ ପାପ୍ କେମାଦି ସୁସମାଚାର୍ ପ୍ରଚାର୍ ଆଜିନାଡ୍,

୩୯ ମାରି, ମସାଦି ନିୟମତାନ୍ ଏମେ ଓଡୁ ବିସୟତାନ୍ ମିର୍ ମୁକ୍ତାଜି ଦାମ୍ପ୍ ଲୋକ୍ ଆଦେଙ୍ଗ୍ ଆବ୍ଇତିଦେର୍, ବିସ୍ବାସକିନି ଝିଜେରେ ଲୋକ୍ ଜିସୁଦି ମାଣାନ୍ ଆୟାଓଡୁ ବିସୟତାନ୍ ମୁକ୍ତାଜି ଦାମ୍ପ୍ ଲୋକ୍ ଆଦେଙ୍ଗ୍ ୱାଟ୍ନାନ୍ ।

୪୦ ଜାଗାର୍ତା, ବାବବାଦିର୍ ଆମାକା ଇହାମାନାର୍, ଆକା ଏଶ୍ରେସ୍ ମି ଉଣ୍ଡିଙ୍ଗ୍ ୱାଟାଏଡ୍ ।

୪୧ ଏ ମାନାଈଲୋକ୍ ! ମିର୍ କଲବଲ୍ ଆଜି ସାଦୁ !

☆ ୧୩:୨୪ ମାର୍କ ୧:୪; ଲୁକ ୩:୩. ☆ ୧୩:୨୫ ଜୋହନ୍ ୧:୨୦; ମାତିଉ ୩:୧୧; ମାର୍କ ୧:୭; ଲୁକ ୩:୧୭; ଜୋହନ୍ ୧:୨୭. ☆ ୧୩:୨୮ ମାତିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜୋହନ୍ ୧୯:୧୫. ☆ ୧୩:୨୯ ମାତିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨; ଜୋହନ୍ ୧୯:୩୮-୪୨. ☆ ୧୩:୩୧ ପ୍ରେରିତ ୧:୩.

ଇରିଙ୍ଗ ନାନ ନେର ଏମେ ପାଣି କିଜିନା,
ଏନ୍ ଆକା ବୁଜା କିଜି ସିତିଙ୍ଗ ବା
ମିର ବିସବାସ କିଇଦେର ।

୪୨ ପାଉଲ ନି ବର୍ଣ୍ଣବା ପାରତନା ଇଲୁ ତ୍ରିସ୍‌ସି ସନିଝାଲେ, ମାରିଉନ୍‌ଶ୍ଟ୍ରି ରମ୍‌ନିଦିନ୍ ଡେସିଝାଜି ଇୟାଝିଜୁ ବିସୟତାନ୍ ମାରି ନାଣ୍ଟ ବୁଜାକିଦେଙ୍ଗ୍ ଇଜି ଝାରିଙ୍ଗ୍ ଲୋକୁ କୁକ୍‌ତାର ।

୪୩ ଲୋକୁ ମିଟିଙ୍ଗ୍ ତ୍ରିସ୍‌ସି ସହ୍ ଝେନ୍‌କା ନାଣ୍ଟ ଜିହୁଦି ନି ଜିହୁଦି ଦର୍ମଦି ଲୋକୁ ଅଣଜିହୁଦିର ପାଉଲ ନି ବର୍ଣ୍ଣବାଦି ଝାଲେ ସର୍ହାର, ସିସୁର ଝାରିଝାଲେ ମିସାଜି ମାପୁରୁଦି ଦୟାଦାନ୍ ଜିବନ୍ କାଟେ କିଦେଙ୍ଗ୍ ଝାରିଙ୍ଗ୍ ଝେଡିକା ସିତାର ।

୪୪ ଝେନ୍‌କାରି ରମ୍‌ନି ଦିନ୍‌ତୁ ଗାଡ଼ତି ଝିଜେରେ ପ୍ରବୁଦି ବାକ୍ୟ ଝେନ୍‌ଡ୍ରେଙ୍ଗ୍ ଇଜି ଉଣ୍ଡାତାର ।

୪୫ ଲୋକୁଗହଲି ସୁଡ଼ଜି ଜିହୁଦିର ରିସାଆତାର ମାରି ପାଉଲତି ମାଟାଦୁ ଜିଦ୍ କିଜି ଝାନିଙ୍ଗ୍ ନିୟା କିତାର ।

୪୬ ମାତର ପାଉଲ ନି ବର୍ଣ୍ଣବା ମାରି ନାଣ୍ଟ ଆଟ୍‌ଝାଦାନ୍ ଇର୍ହାର, ମି ଲାକ୍‌ତୁ ପାରତୁମ୍ ମାପୁରୁଦି ବାକ୍ୟ ପ୍ରଚାର ଆନିକାମାର୍ହାତ୍ । ମାତର ମିର ଏସାଙ୍ଗ୍‌ଝିଜୁ ଜିବନ୍ ପୟଦେଙ୍ଗ୍ ଇଜି ନିଜେଦିଙ୍ଗ୍ ଜିଗ୍ ସିଲିକା ଅଡ଼୍‌ବିଜି ତେନିଙ୍ଗ୍ ବିସାର କିତିମାନିଙ୍ଗ୍, ମାପ୍ ମିଙ୍ଗ୍ ତ୍ରିସ୍‌ସି ଅଣଜିହୁଦିରି ମାନୁ ସନାପ୍ ।

୪୭ ଇରିଙ୍ଗ୍ ପ୍ରୁ ମାଙ୍ଗ୍ ଇୟା ମାଟା ସିତାମାନାନ୍ :
ନାନ୍ ମିଙ୍ଗ୍ ଅଣଜିହୁଦିରି ଉଣ୍ଡିଙ୍ଗ୍ ଜାୟ ଝାଜା କିତାମାନା,
ଏଣ୍ଡେସ୍ ଝିଜୁ ଦୁନିଆ ରକିୟା ପୟନାତ୍ ।

୪୮ ଅଣଜିହୁଦିର ଇକା ଝେନ୍‌ଜି ଝେଡିକା ଆତାର ମାରି ପ୍ରବୁଦି ମାଟା ଉଣ୍ଡିଙ୍ଗ୍ ଦନ୍ୟବାଦ୍ ସିତାର । ଏମେକାର୍ ଏସାଙ୍ଗ୍‌ଝିଜୁ ଜିବନ୍ ଉଣ୍ଡିଙ୍ଗ୍ ବାସେଆତାମାର୍ହାର, ଝାର ଆୟା ମାଟାଦୁ ବିସବାସ୍ କିତାର ।

୪୯ ଆୟା ରାଜିଦି ଝିଜୁ ବାଡିଦୁ ପ୍ରବୁଦି ବାକ୍ୟ ଝେଙ୍ଗ୍‌ତାତ୍ ।

୫୦ ମାତର ଜିହୁଦିର ଗାଡ଼ତି ପେରି ଲୋକାଙ୍ଗ୍ ଝେରିସକିଜି ପାଉଲ ନି ବର୍ଣ୍ଣବାଦି ମୁସ୍କୁ କାସ୍କୁ ସିଦେଙ୍ଗ୍ ଆସ୍‌ତାର ମାରି ଆୟା ରାଜିଦାନ୍ ଝାରିଙ୍ଗ୍ ସିପ୍‌ତା ପେରିତାର ।

୫୧ ପ୍ରେରିତ ସିସୁର ଆୟା ଲୋକା ବିରଦ୍‌ତାନ୍ ଝାରି ପାଦାମ୍‌ତି ଦୁଡି ସାଡ଼ସି ସିଜି ଇକନିୟାଦୁ ସର୍ହାର ।

୫୨ ଆଣ୍ଟିୟକଦି ବିସବାସିର ପବିତ୍ର ଆମ୍ବା ନି ଝେଡିକାଦୁ ପୁରା ଆତାର ।

୧୪

ଇକନିୟାଦୁ ସେବା ପାଣି

୧ ଇକନିୟାଦୁ ଆୟା ଗଟନାଦି ବିସୟ ମାରିଡେସି ଆତାତ୍ : ପାଉଲ ନି ବର୍ଣ୍ଣବା ପାରତନା ଇଲୁଦୁ ସଲ୍‌ସି ଇୟାଝାଜା ପ୍ରଚାର କିତାନ୍ ଜେ ନାଣ୍ଟ ଜିହୁଦି ଲୋକୁ ନି ଅଣଜିହୁଦିର କ୍ରିସ୍‌ତିମାନୁ ବିସବାସ୍ କିତାର ।

୨ ମାତର ଅବିସବାସି ଜିହୁଦିର ଅଣଜିହୁଦିରିଙ୍ଗ୍ ବେମ୍‌ରି କିଜି ତଡ଼ାନ୍‌କା ବିରଦ୍‌ତାନ୍ ମନ୍‌ତିଙ୍ଗ୍ ଏଗ୍ରିସକିତାର ।

୩ ଆଡିଙ୍ଗବା ପ୍ରେରିତ ସିସୁର ପ୍ରବୁଦି ବିସୟତାନ୍ ଆଟ୍‌ଝାଦାନ୍ ପ୍ରଚାର କିଜି ନାଣ୍ଟ ଦିନ୍ ଆବେ ତେବାତାର । ସାକ୍ରିଦି ପାଣି ନି କାବାଆନି ପାଣିଝିଜୁ କିନି ମାଣ୍ଟକୁ ଝାର ପାରମାଣ୍ଟ କିତାର ଜେ, ମାପୁରୁଦି ଦୟା ବିସୟତାନ୍ ଝାରି ପ୍ରଚାର ଆଡି ମାଟା ସଡ଼ତାନ୍ ସଡ଼ ।

୪ ଗାଡ଼ତି ଲୋକୁ ରୁଣ୍ଡି ଦଲ୍‌ତୁ ବାଗ୍ ଆତାର । ଝାରି ଲୋଇ ଏସ ଲୋକୁ ଜିହୁଦିରିଙ୍ଗ୍ ନି ମାରି ଏସ ପ୍ରେରିତ ସିସୁରିଙ୍ଗ୍ ମାନେଆତାର ।

୫ ତାନିଝେନ୍‌କା ଏସ ଅଣଜିହୁଦିଲୋକ୍ ନି ଜିହୁଦିଲୋକୁ ଝାରି ନେତାର୍‌ରି ଝାଲେ ଏକ୍‌ଜୁଟ୍ ଆଜି ପ୍ରେରିତ ସିସୁରି ଉଣ୍ଡିଙ୍ଗ୍ ତାଗ୍‌ଇ ବ୍ୟବହାର କିନି ଉଣ୍ଡିଙ୍ଗ୍ ନି ଝାରିଙ୍ଗ୍ କାଲ୍‌କାଣ୍ଡ ତାକ୍‌ସି ସାପିସ୍ କିଦେଙ୍ଗ୍ ଇଜି ଝାରିଗିସାଜି ତିର୍ କିତାର ।

୬ ପ୍ରେରିତ ସିସୁର ଇୟା ବିସୟତାନ୍ ନେସ୍‌ତେଙ୍ଗ୍ ଆଟ୍‌ସି ଲୁକାନିଆଦି ଲୁସ୍ତା ନି ଦର୍ ଗାଡ଼ତୁ ମାରି ଆୟା ସାରିବେଡ଼ତି ମାନି ରାଜିଦୁ ଉରକ୍‌ତାର,

୭ ମାରି ଆବେ ନେଗିକାବୁର୍ ପ୍ରଚାର କିତାର ।

ଲୁସ୍ତା ନି ଦର୍ ଦୁ ସେବା ପାଣି

୮ ଲୁସ୍ତାଦୁ ଅରେନ୍ ଜନମ୍‌ତାନ୍ ସଟାଲୋକ୍ ମାର୍ହାନ୍ । ଝାଦ୍ ଅଡ଼ପ୍‌ବା ବୁଲାଦେଙ୍ଗ୍ ଆଟ୍‌ଏଜି ମାର୍ହାନ୍ ।

୯ ଆବେ ବାସସି ଝାନ୍ ପାଉଲତି ସିକିୟା ଝେନ୍‌ଜି ମାର୍ହାନ୍ । ଝାନି ମନ୍‌ତୁ ବିସବାସ୍ ଆତାତ୍ ମାରି ଝାନ୍ ନେଗେନ୍ ଆନାନ୍ ଇଜି ପାଉଲ ନେସ୍‌ତେଙ୍ଗ୍ ଆଟ୍‌ତାନ୍ ।

☆ ୧୩:୫୧ ମାଡିଉ ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧.

୧୦ ଆଦେଞ୍ ଝାନି ତରିନ୍ ସିଦା ସୁଡ଼ଜି ପାଉଲ ନାଣ୍ଡ ଆଉଲିଦାନ୍ ଇର୍ହାନ୍, “ପାଦାମ୍ତାନ୍ ସାହାସ୍ଆଜି ସିଦା ନିଲ୍ଆ !” ଆକାନ୍ ଗାଡ଼ସି ସାରିବେଡ଼ତି ରୁଲ୍ଲାଦେଞ୍ ଝାସ୍ତାନ୍ ।

୧୧ ଉଣ୍ଡାତିମାହ୍ ଲୋକୁ ପାଉଲତି ଇୟା ପାଣି ସୁଡ଼ଜି ଝାରି ଲୁକାନିଆ ବାସାଦାନ୍ ଆଉଲି ଆଜି ଇନ୍ତ୍ରେଞ୍ ଝାସ୍ତାନ୍, “ଦିୟାମକୁ ଲୋକୁ ବେସ୍ତାନ୍ ମାବାନ୍ ଝାତାମାନାର୍ ।”

୧୨ ଝାର୍ ବର୍ଣ୍ଣବାଦିଞ୍ ଜିଅସ୍ ମାରି ପାଉଲ ପେରିକାନ୍ ମାନିଞ୍ ଝାନିଞ୍ ହେରମିସ୍ ଇର୍ହାନ୍ ।

୧୩ ଗାଡ଼ତି ଆଡ଼ରେ ମାନି ଜିଅସ୍ ମନ୍ଦିରତି ପୁଜାରି, ସେରଲ୍ଲା ଲାକ୍ତୁ ଏସ୍ ସଣ୍ଡଞ୍ ନି ପୁଞ୍ଚୁଁ ତାତାନ୍, ଇରିଞ୍ ଝାନ୍ ମାରି ଆବେ ଉଣ୍ଡାତିମାହ୍ ଲୋକୁ ପ୍ରେରିତ ସିସୁରି ଉଦେସ୍ତାନ୍ ପୁଜା ସିଦେଞ୍ ଇଜି ବଦାକିତା ମାର୍ହାନ୍ ।

୧୪ ଝାର୍ ଏମେ ପାଣି କିଦେଞ୍ ସିଲ୍ସିମାର୍ହାନ୍, ସିସୁର ଅର୍ତାଡ଼ ବର୍ଣ୍ଣବା ନି ପାଉଲ ଆକା ଝେରଇଦାପ୍ରେ ନିଜେଦି ଆଞ୍ କିସ୍ତା ପକ୍ତାର୍, ଲୋକା ଲୋଇ ଉରକିସି ସଲ୍ସି ଆଉଲି ଆଜି ଇର୍ହାନ୍,

୧୫ “ମିର୍ ଏନ୍ଦା ଇକା କିଜିନିଦେର୍ ? ମାପ୍ ମି ଝାଜା ଲୋକୁ ମାତର୍ । ମି ଲାକ୍ତୁ ନେଗି କାବୁର୍ ପ୍ରଚାର କିଦେଞ୍ ଇଜି ମାରି ଇୟା ଅସାର ବିସୟତାନ୍ ସୁପ୍ ଆଜି, ବାଦଡ଼, ଦୁନିଆ, ସାମ୍ଦୁର୍ ନି ଆବେମାନି ଝିଜୁ ବିସୟତି ତିଆରକିତି ଜିବନ୍ମାନି ମାପୁରୁଦି ତରିନ୍ ମିଞ୍ ଅତେଞ୍ ଇଜି ମାପ୍ ଇବେ ଝାତାମାନାପ୍ ।

୧୬ ଆଗଡ଼ି ନିଜେଦିବଦାଦାନ୍ ନିଜେଦି ସାରିଦୁ ସନ୍ତ୍ରେଞ୍ ଇଜି ମାପୁରୁ ଲୋକାଞ୍ ଡ଼ିସ୍ତା ସିତାମାର୍ହାନ୍ ।

୧୭ ମାତର୍ ଝାନି ଝିଜୁ ନେଗି ପାଣିଦାନ୍ ଝାନ୍ ଝିଜୁଦିନ୍ ଝାନି ଝିଜୁଦିନ୍ମାନି କାବୁର୍ ସିତାମାନାନ୍; ଝାନ୍ ବାଦଡ଼ତାନ୍ ପିରୁରୁ ମାରି ଟିକ୍ ଝେଡ଼ାଦୁ ପାସି ସିନାନ୍, କାଦି ଜଗେକିନାନ୍ ମାରି ଝେଡ଼ିକାଦାନ୍ ମି ଜିବନ୍ ପୁରା କିନାନ୍ ।”

୧୮ ଇୟାଝିଜୁ ମାଟା ଇନ୍ଜି ପ୍ରେରିତ ସିସୁର୍ ଏଣ୍ଡେସକିଜିବା ପୁଜା ସିନିମାଣାଟ୍ ଝାରିଞ୍ ତେବାକିତାର୍ ।

୧୯ ପିସିଦିଆଦି ଆଣ୍ଡିୟକ ନି ଇକନିୟାଦାନ୍ ଏସ୍ ଜିହୁଦି ଲୋକୁ ଝାତାମାର୍ହାନ୍, ଝାର୍ ଲୋକାଞ୍ ଏଣ୍ଡିସକିଜି ପାଉଲତିଞ୍ କାଲ୍କାଣ୍ଡୁ ତାକ୍ତାର୍ ମାରି ଝାନିଞ୍ ସାତାନ୍ ଇଜି ଅଡ଼ବିଜି ଗାଡ଼ତି ଆଡ଼ରେ ରେଲ୍ଜି ଅତାର୍ ।

୨୦ ମାତର୍ ସିସୁର୍ ଝାଜି ଝାନି ସାରିବେଡ଼ତି ଉଣ୍ଡାଜି ନିହ୍ ଝେନ୍କା ଝାନ୍ ନିଞ୍ ଗାଡ଼ତୁ ଡ଼େସିସର୍ହାନ୍ । ମାରିନାଣ୍ଡିଞ୍ ଝାନ୍ ନି ବର୍ଣ୍ଣବା ଦବ୍ ଦୁ ସର୍ହାନ୍ ।

ସିରିଆଦି ଆଣ୍ଡିୟକଦୁ ଡ଼େସିଝାତାର୍

୨୧ ପାଉଲ ନି ବର୍ଣ୍ଣବା ଦବ୍ ଦୁ ସୁସମାଚାର୍ ପ୍ରଚାର କିଜି ନାଣ୍ଡ ସିସୁରିଞ୍ ଲାବ୍ କିତାର୍ । ତାନିଝେନ୍କା ଝାର୍ ଲୁସ୍ତା, ଇକନିୟା ନି ପିସିଦିଆଦି ଆଣ୍ଡିୟକଦୁ ଡ଼େସିସର୍ହାନ୍ ।

୨୨ ଝାର୍ ବିସ୍ବାସିରିଞ୍ ନିଜେଦି ବିସ୍ବାସତୁ ତାଟ୍ତାନ୍ ମାନ୍ତ୍ରେଞ୍ ଇଜି ମନ୍ତିଞ୍ ଝେଡ଼ିକା କିସିକିତାର୍ । ଝାର୍ ସିକିୟା ସିଜି ଇର୍ହାନ୍, “ମାପୁରୁଦି ରାଜିଦୁ ଡ଼ଗୁଦେଞ୍ ଇଜି ମାଞ୍ ନାଣ୍ଡ କାସୁଦୁକୁ ବା ସିଜି ସନ୍ତ୍ରେଞ୍ ଝାନାଟ୍ ।”

୨୩ ଝିଜୁ ମଣ୍ଡଲିଦୁ ଝାର୍ କିକୁ ଇଡ଼ଜି ମଣ୍ଡଲିଦି ପେରି ନେତାର୍ରିଞ୍ ବାସେ କିତାର୍ ମାରି ଏମେ ପ୍ରବୁଦିମାନ୍ ଝାର୍ ବିସ୍ବାସ କିତାମାର୍ହାନ୍, ପାର୍ତନା ନି ଉପବାସତି ଝାଲେ ଝାରିଞ୍ ଝାୟା ପ୍ରବୁଦି ଲାକ୍ତୁ ସପେ କିତାର୍ ।

୨୪ ପିସିଦିଆ ରାଜି ସିଜି ଝାର୍ ପାମ୍ପିଲିଆଦୁ ଝାତାର୍ ।

୨୫ ଆବେ ପର୍ଗାଦୁ ପ୍ରଚାର କିଜି ଆଢାଲିଆଦୁ ସର୍ହାନ୍ ।

୨୬ ଆବେଟ୍ଟକୁ ଝାର୍ ଜାହାଜ୍ତାନ୍ ଆଣ୍ଡିୟକଦୁ ଡ଼େସି ଝାତାର୍ । ଇୟା ଆଣ୍ଡିୟକଦୁ ଇଲେଇ ଆତି ମାନି ପାଣି ଉଣ୍ଡିଞ୍ ମାପୁରୁଦି ଦୟା ଦାନ୍ ଝାର୍ ସପେ ଆତାମାର୍ହାନ୍ ।

୨୭ ଝାର୍ ଆଣ୍ଡିୟକଦୁ ଇଜି ମଣ୍ଡଲିଦି ଲୋକାଞ୍ ଉଣ୍ଡାକିତାର୍ । ମାପୁରୁ ଝାରି ଉଣ୍ଡିଞ୍ ଝାମା ଝିଜୁ କିତାମାର୍ହାନ୍ ମାରି ଅଣଜିହୁଦିରି ବିସ୍ବାସ ଉଣ୍ଡିଞ୍ ଏଣ୍ଡେସ୍ ସାରି ରେତା ସିତାମାର୍ହାନ୍, ଆୟାଝିଜୁ ଝାରିଞ୍ ଝେର୍ତାର୍ ।

୨୮ ଆବେ ବିସ୍ବାସିରି ଝାଲେ ଝାନ୍ ନାଣ୍ଡ ଦିନ୍ ସାନ୍ ତେବାତାନ୍ ।

୧୫

ଜିରୁସାଲାମତୁ କ୍ରିସ୍ଟନ୍ ମିଟିଞ୍

୧ ଜିହୁଦାଦାନ୍ ଏସ୍ ଲୋକୁ ଆଣ୍ଡିୟକଦୁ ଝାଜି, ମୋସାଦି ନିୟମ ଇସାବ୍ତାନ୍ ଝାର୍ ସୁନ୍ନତ ଆଏତିଞ୍ ଚିକିୟା ପୟଦେଞ୍ ଝାଟ୍ ଏର୍ ଇଜି ବିସ୍ବାସତି ତଡ଼ାନ୍କାଞ୍ ସିକିୟା ସିତାର୍ ।

୨ ଇୟା ବିସୟତାନ୍ ଝାରି ଝାଲେ ପାଉଲ ନି ବର୍ଣ୍ଣବା ନାଣ୍ଡ ଆସ୍ସିସାତାର୍ ଆକା, ଇକା ତିର୍ ଆତାଡ଼ଜେ, ପାଉଲ, ବର୍ଣ୍ଣବା ମାରି ଆଣ୍ଡିୟକଦି ମାରି ଏସ୍ ଲୋକୁ ଜିରୁସାଲାମତୁ ସଲ୍ସି ପ୍ରେରିତ ସିସୁର୍ ନି ମଣ୍ଡଲିଦି ନେତାର୍ରି ଝାଲେ ଇୟା ବିସୟତାନ୍ ଝାରିଗିଜିସାନାର୍ ।

୩୩ ମଣ୍ଡଳି ଖାରି ସନି ସୁବିଦା କିଜି ପକ୍ତାତ୍ ମାରି ଖାର ପିନିସିଆ ନି ସମିରୋଣ ସିଜି ସନି ଖାଲେ ଅଣଜିହୁଦି ଲୋକୁ ଏଣ୍ଡେସ୍ ମନ୍ ଡେପସି ଦାମ୍ବୁଲୋକୁ ଆତାମାନାର୍, ଆୟା ବିସୟ ଝେର୍ତାର୍; ଇୟା କାବୁର୍ ଝେନ୍ଜି ବିସବାସ୍ତି ତଡ଼ାନକୁ ନାଣ୍ଡ ଝେଡ଼ିକା ଆତାର୍ ।

୪ ଖାର ଜିରୁସାଲାମତ୍ ଇତି ଝେନ୍କା ମଣ୍ଡଳି, ପ୍ରେରିତ ସିସୁର୍ ମାରି ମଣ୍ଡଳିଦି ନେତାର୍ ଖାରିଙ୍ ଝୁକ୍ତାର୍ । ମାପୁରୁ ଖାରି ମାଣାନ୍ କିତିମାନି ପାଣି ବିସୟତାନ୍ ପାଉଲ ନି ବର୍ଣ୍ଣବା ଖାରିଙ୍ ଝେର୍ତାର୍ ।

୫ ମାତର ପାରୁସିର୍ ଇସାବତାନ୍ ଜିନି ଏସ ବିସବାସିର୍ ନିଲସି ଇର୍ହାନ୍, “ଅଣଜିହୁଦି ଲୋକୁ ସୁନ୍ନତ ଆନିକା ମାନାତ୍ ମାରି ମୋସାଦି ନିୟମ ମାନାଦେଙ୍ ଇଜି ଖାରିଙ୍ ଇନିକା ନେଗେତ୍ ।”

୬ ଇୟା ବିସୟ ଖାରିଗିଦେଙ୍ ଇଜି ପ୍ରେରିତ ସିସୁର୍ ମାରି ମଣ୍ଡଳିଦି ନେତାର୍ ଉଣ୍ଡାତାର୍ ।

୭ ନାଣ୍ଡ ସମୟ ଖାରିଗିତି ଝେନ୍କା ପିତର ନିଲଜି ଇର୍ହାନ୍, “ତଡ଼ାନକୁ ନି ତାଙ୍ଗିକ୍, ମିର୍ ନେସନିଦେର୍ ଜେ ନାଣ୍ଡ ଆଗଡ଼ିରାନ୍ ମାପୁରୁ ଅଣଜିହୁଦି ଲୋକୁ ଲାକ୍ତୁ ସୁସମାଚାର୍ ପ୍ରଚାର୍ କିଜି ଆୟାଉଣ୍ଡିଙ୍ ଖାରି ବିସବାସ୍ କିବିସ୍ କିଦେଙ୍ ଇଜି ମି ମାଣ୍ଡକୁ ନାଙ୍ଗି ବାସେ କିତାମାହାନ୍ ।

୮ ଖାରି ଓଜେରି ମନ୍ତି ଚିନ୍ତା ନେସସିମାନି ମନ୍ତୁବାସାନି ମାପୁରୁ ମାଙ୍ଗି ଏଣ୍ଡେସ୍ ପବିତ୍ର ଆମ୍ବା ସିତା ମାନାନ୍, ଅଣଜିହୁଦି ଲୋକାଙ୍ ବା ଟିକ୍ ଆୟାଖାଜା ଦାନ୍ ସିଜି ଖାରିଙ୍ ସାକି ମାନାନ୍ ।

୯ ଖାରିଦି ନି ମା ଲୋଇ ଖାନ୍ ଇନିକା ଅଲଗା ଇଡ଼ଏନ୍ । ଖାରି ବିସବାସ୍ ଉଣ୍ଡିଙ୍ ଖାନ୍ ଖାରି ପାପ୍ କେମା କିତାମାନାନ୍ ।

୧୦ ଆର୍ଡିଙ୍ ଏମେ ବଡୁ ପିଣ୍ଡଦେଙ୍ ଇଜି ମା ତକ୍ରାଦାଦା ନି ମାପ୍ ସାସ୍ କିଦେଙ୍ ଆର୍ଏତାପ୍, ମିର୍ ଇଲେଇ ବିସବାସିରି ମେପିତୁ ଆକା ଲାଦେ କିଜି ଏୟା ମାପୁରୁଙ୍ ପିରିକା କିଦେଙ୍ ବଦାକିଜିନିଦେର୍ ?

୧୧ ସିଲେ, ଇକା ଟିକ୍ ସିଲେ । ଖାର ଏମେ ବିସବାସ୍ କିଜି ରକିୟା ପୟତାମାନାର୍, ମାପ୍ ବା ଟିକ୍ ଆୟାଖାଜା ବିସବାସ୍ କିଜି ପ୍ରୁ ଜିସୁଦି ଦୟା ଦାନ୍ ପରିତ୍ରାଣ ପୟତାମାନାପ୍ ।”

୧୨ ପାଉଲ ନି ବର୍ଣ୍ଣବାଦି ମାଣାନ୍ ଅଣଜିହୁଦି ଲୋକା ଲୋଇ ମାପୁରୁ ଏମେ ଓଜୁ ନାଣ୍ଡ କାବାଆନି ପାଣି ନି କାବାଆନି ବିସୟ କିତାମାହାନ୍, ଖାରିମାଣ୍ଡ ତାନେ ମାଟା ଝେନ୍ଜି ଦଲତି ଓଜେରେ ଆଲେତା ତେବାତାର୍ ।

୧୩ ଖାର ଇର୍ ଓସ୍ତି ଝେନ୍କା ଜାକୁବ ଇର୍ହାନ୍, “ଏ ତଡ଼ାନକୁ ନି ତାଙ୍ଗିକି, ନା ମାଟା ଝେନ୍ତୁ !

୧୪ ମାପୁରୁ ଏଣ୍ଡେସ୍ ଦୟା କିଜି ଅଣଜିହୁଦି ଲୋକା ଲୋଇ ଏସ ଲୋକାଙ୍ ଖାରି ଉଣ୍ଡିଙ୍ ବାସେ କିତାମାନାନ୍, ସିମୋନ ଆୟା ମାଟା ବୁଜାକିଜି ଝେର୍ତାନ୍ ।

୧୫ ବାବବାଦିରି ବାକ୍ୟ ତେନିଙ୍ ପୁରାଦାନ୍ ମାନାଜିନାତ୍ । ସାସ୍ତ୍ରୁ ରାସାତାମାନାତ୍;

୧୬ “ପ୍ରୁ ଇନାନ୍, ତେନି ଝେନ୍କା ନାନ୍ ଡେସି ଖାନା ମାରି ଦାଉଦତି ରାଜିଦି ମାରିଡେସି ରକିୟା କିନା ।

ନାନ୍ ଖାନି ଦଂସଆତି ଗୁଡ଼ା ଓଜୁ ମାରିଡେସି ତିଆର୍ କିଜି ତାନିଙ୍ ମାରି ଉଣ୍ଡି ଦେବା ସାକ୍ତି କିନା ।

୧୭ ଓଜୁ ଲୋକୁ ନା ଲାକ୍ତୁ ଖାନାର୍, ଏମେ ଅଣଜିହୁଦି ଲୋକାଙ୍ ନାନ୍ ନିଜେଦିକା କିଦେଙ୍ ଇଜି କୁକ୍ତାମାନା, ଖାର ଓଜେରେ ନାହି ଇଜି ମାନାନାର୍ ।

୧୮ ପ୍ରୁ ଇୟା ମାଟା ଇର୍ହାମାନାନ୍, ପୁର୍ବେକାଡ଼ାଦୁ ଇୟା ମାଟା ଖାନ୍ ଝେର୍ତା ମାହାନ୍ ।”

୧୯ “ନା ବିଚାର୍ ଇକା,” ଜାକୁବ ମାରି ବା ଇର୍ହାନ୍, ଏମେ ଅଣଜିହୁଦି ଲୋକୁ ମାପୁରୁଦି ଲାକ୍ତୁ ଖାତାମାନାର୍, ମାଡ଼ ଖାରିଙ୍ ମାରି ବାଦା କିଏଟ୍ ।

୨୦ ମାତର ଖାର ଏଣ୍ଡେସ୍ ଦିୟାମକାଙ୍ ପୁଜାସିତିମାନି ଇନି ଅସୁଚି କାଦି ଉଣ୍ଡୁଏର୍, ଦାରିପାଣି କିନି ପାପ୍ତାନ୍ ତେବାନାର୍, କକ୍ଲା ସିପସି ତାକ୍ତିମାନି ଜାତୁଦି ନେତେର୍ ନି କାଣ୍ଡା ତିନ୍ଏର୍ ଇୟାଓଜୁ ବିସୟତାନ୍ ସିକିୟା ସିଜି ଖାରି ଲାକ୍ତୁ ଉଣ୍ଡି ଆକୁ ରାସନାଟ୍ ।

୨୧ ଇରିଙ୍ ନାଣ୍ଡଦିନ୍ ଆସସି ଓଜୁ ରମ୍ନିଦିନ୍ତୁ ପାର୍ତନାକିନି ଇଲକାଙ୍ ମୋସାଦି ନିୟମ୍ ପଡ଼ା ଆଜିନାତ୍ ମାରି ଓଜୁ ଗାଡ଼କାଙ୍ ଖାନି ବାକ୍ୟ ପ୍ରଚାର୍ ଆଜିନାତ୍ ।

ଅଣଜିହୁଦି ବିସବାସିରି ଲାକ୍ତୁ ଆକୁ

୨୨ ଝେନ୍କା ପ୍ରେରିତ ସିସୁର୍ ନି ମଣ୍ଡଳିଦି ନେତାର୍ ମାରି ମଣ୍ଡଳିଦି ଓଜେରେ, ଦଲତି ଏସ ଲୋକାଙ୍ ବାସେକିଜି ପାଉଲ ନି ବର୍ଣ୍ଣବାଦି ଖାଲେ ଖାରିଙ୍ ଆଣ୍ଡିୟକଦୁ ପକ୍ତେଙ୍ ଇଜି ତିର୍ କିତାର୍ । ବର୍ସବା ଦର୍ତ୍ତି ଜିହୁଦା ନି ସିଲା ବିସବାସ୍ତି ତଡ଼ାନକା ଲୋଇ ସନ୍ମାନ୍ ପୟତାର୍ ।

✦ ୧୫:୮ ପ୍ରେରିତ ୧୦:୪୪; ୨:୪.

୨୩ ବିସ୍‌ବାସିର ରାସାତିମାନି ଆକୁଦିଙ୍ଗ ଇୟା ରିଏରି କିୟୁଦୁ ପକ୍‌ତାର ।

“ଆଣ୍ଟିୟକ୍, ସିରିଆ ମାରି କିଲିକିୟାଦି ଅଣଜିହୁଦିରି ମାଣ୍ଟକୁ ଖାତିମାନି ତଡ଼ାନକୁ ପ୍ରେରିତ ସିସୁର ମାରି ମଣ୍ଡଲିଦି ନେତାର ମାଡ଼ିସ୍ କିଜିନାର ।

୨୪ ମାପ୍ ଝେନ୍‌ଜିନାପ୍ ଜେ, ମା ଦଲ୍‌ତାନ ଏସ ଲୋକ୍ ମି ଲାକ୍‌ତୁ ସଲ୍‌ସି ଆମାକା ଇର୍ହାମାନାର୍, ଆବେଣକୁ ଖାର୍ ମି ମନ୍‌ଡିଙ୍ଗ୍ ଗାବ୍ରା ନି ତରବର୍ କିତାମାନାର୍ । ମାତର୍ ଇୟା ବିସ୍‌ୟତାନ୍ ମାପ୍ ଖାରିଙ୍ଗ୍ ଇନି ସିକିୟା ସିଏପ୍ ।

୨୫ ଆଦେଙ୍ଗ୍ ମାପ୍ ଝିଜେପେ ଉନ୍‌ଶ୍ଟି ମାଟା ଆଜି ଏସ ଲୋକ କାରୁର୍ ସିନିଝାରିଙ୍ଗ୍ ବାସେ କିଜି ମି ଲାକ୍‌ତୁ ପକ୍‌ତେଙ୍ଗ୍ ଇଜି ଆସ୍‌କିତାମାନାପ୍ । ଖାର୍ ମା ଲାଡ଼ତି ତଡ଼ାନ ବର୍ଣ୍ଣବା ନି ପାଉଲତି ଖାଲେ ସନାର୍ ।

୨୬ ଇୟା ତଡ଼କୁ ପ୍ରୁ ଜିସୁ କ୍ରିସ୍‌ତି ସେବାଦୁ ନିଜେଦି ଜିବନ୍‌ଡିଙ୍ଗ୍ ସିତା ମାନାର୍ ।

୨୭ ମାପ୍ ଜିହୁଦା ନି ସିଲେଙ୍ଗ୍ ମି ଲାକ୍‌ତୁ ପକ୍‌ସିନାପ୍ । ମାପ୍ ଆମାକା ରାସ୍‌ସିନାପ୍, ଖାର୍ ନିଜେ ଆକା ମିଙ୍ଗ୍ ଇନାର୍ ।

୨୮ ଏସ ଦରକାର୍ ମାନି ନିୟମ୍ ଡିସ୍‌ଡିଙ୍ଗ୍ ମି ମୁସକ୍ ମାରି ଇନି ବଜୁ ତିଗ୍‌ଇ ଉଣ୍ଡିଙ୍ଗ୍ ମାପ୍ ପବିତ୍ର ଆମ୍‌ଦି ମାଣାନ୍ ସିକିୟା ପୟତାମାନାପ୍ ।

୨୯ ଆୟା ଏସ ନିୟମ ଆତାଡ଼; ଦିୟାମ୍‌କା ଉଦେସ୍‌ତାନ୍ ପୁଜାସିତିମାନି ଇନି କାଦି ଉର୍‌ମାଟ୍, ନେତେର୍ ତିନ୍‌ମାଟ୍, କକ୍‌ଲାଦିଙ୍ଗ୍ ପିଡ଼ସି ତାକ୍‌ତିମାନି ଇନି ଜାତୁଦି କାଣ୍ଡା ତିନ୍‌ମାଟ୍ ମାରି ଦାରିପାଣିଦାନ୍ ବନ୍ଦ୍ ଆନାଡ଼ । ଇୟାଝିଜୁ ପାଣି କିଇ ଉଣ୍ଡିଙ୍ଗ୍ ଜାଗାର୍‌ତା ମାରିଙ୍ଗ୍, ମି ନେଗିକା ଆନାଡ଼ । ମା ମାଟା ଆସ୍‌ତୁ ।”

୩୦ ଆମା କାରୁର୍ ସିନିଝାରିଙ୍ଗ୍ ପକ୍‌ତାମାହାର୍, ଖାର୍ ଆଣ୍ଟିୟକ୍‌ଦୁ ସଲ୍‌ସି ବିସ୍‌ବାସିରି ଝିଜୁ ଦଲ୍‌ତିଙ୍ଗ୍ ଉଣ୍ଡା କିଜି ଇୟା ସିଟି ସିତାର୍ ।

୩୧ ଆବେଣି ବିସ୍‌ବାସିର ସିଟିଦି ଝେଡ଼ିକାଦି କାରୁର୍ ପଡ଼ାଜି ଝେଡ଼ିକାଦୁ ପୁରା ଆତାର୍ ।

୩୨ ଜିହୁଦା ନି ସିଲା ନିଜେ ବାବବାଦି ମାହାର୍ ମାରି ଖାର୍ ଆଣ୍ଟିୟକ୍‌ଦି ବିସ୍‌ବାସିରିଙ୍ଗ୍ ନାଣ୍ଡ ବେଡ଼ା ସାଦି ଖାର୍‌ଜି ତଡ଼ାନକାରି ବିସ୍‌ବାସ୍‌ଡିଙ୍ଗ୍ ତାଟ୍ କିତାର୍ ।

୩୩ ଆବେ ଏସ ଦିନ୍ ତେବାତି ଝେନ୍‌କା ଏମେକାର୍ ଖାରିଙ୍ଗ୍ ପକ୍‌ତାମାହାର୍, ଖାରି ଲାକ୍‌ତୁ ଡେସିସନ୍‌ଡ୍ରେଙ୍ଗ୍ ଇଜି ବିସ୍‌ବାସ୍‌ଡି ତଡ଼ାନକୁ ଖାରିଙ୍ଗ୍ ସାକ୍ତିଦାନ୍ ପକ୍‌ତାର୍ ।

୩୪ ମାତର୍ ସିଲା ଆବେନ୍‌ ମାନିକା ନେଗେନ୍ ଇଜି ଅଡ଼୍‌ବିତାଡ଼ ।

୩୫ ପାଉଲ ନି ବର୍ଣ୍ଣବା ଆଣ୍ଟିୟକ୍‌ଦୁ ଏସ ଦିନ୍ ତେବାଜି ନାଣ୍ଡ ଲୋକା ଖାଲେ ମିସାବିଡ଼ା ଆଜି ପ୍ରୁଦି ବାକ୍ୟ ପ୍ରଚାର୍ କିତାର୍ ମାରି ସିକିୟା ସିତାର୍ ।

ପାଉଲ ନି ବର୍ଣ୍ଣବା ଝେର୍‌ଏ ଆତାର୍

୩୬ ଏସ ଦିନ୍ ଝେନ୍‌କା ପାଉଲ ବର୍ଣ୍ଣବାଦିଙ୍ଗ୍ ଇର୍ହାନ୍, “ସନାଟ୍, ମାଡ଼ ଡେସିସନାଟ୍, ଝିଜୁ ଗାଡ଼କାଙ୍ଗ୍ ଏମେ ତଡ଼ାନକାଙ୍ଗ୍ ପ୍ରୁଦି ବାକ୍ୟ ଏଣ୍ଡେସ୍ ଝେନିସ୍ କିତିମାହାକା, ତଡ଼ାନକାଙ୍ଗ୍ ମିସାନାଟ୍ ମାରି ଖାର୍ ଏଣ୍ଡେସ୍ ମାନାର୍, ବୁଜାନାଟ୍ ।

୩୭ ବର୍ଣ୍ଣବା ଖାରି ଖାଲେ ଜୋହନ ଦର୍‌ଡି ମାର୍କଙ୍ଗ୍ ଅତେଙ୍ଗ୍ ଇଜି ବଦାକିତା ମାହାନ୍,

୩୮ ମାତର୍ ପାଉଲ ଖାନିଙ୍ଗ୍ ଅତେଙ୍ଗ୍ ଟିକ୍ ଅଡ଼୍‌ବିଏତାନ୍; ଇରିଙ୍ଗ୍ ଖାନ୍ ଆଗ୍‌ଡି ପ୍ରଚାର୍ କିଦେଙ୍ଗ୍ ସନି ପାଣିଦୁ ଝିଜୁନି ସାଦି ଖାରି ଖାଲେ ତେବାଏନ୍‌ଶ୍ଟା ଖାରିଙ୍ଗ୍ ପାଫିଲିଆଦୁ ଡିସ୍‌ସି ସର୍ହାମାହାନ୍ ।

୩୯ ଇୟା ବିସ୍‌ୟତାନ୍ ନାଣ୍ଡ ଆସ୍‌ସିସାତାର୍ ମାରି ଖାର୍ ଝେର୍‌ଏ ଆତାର୍ । ବର୍ଣ୍ଣବା ମାର୍କଙ୍ଗ୍ ଆସ୍‌ସି ସାଇପ୍ରସ୍‌ତୁ ଏରୁ ସାରିଦୁ ସର୍ହାନ୍ ।”

୪୦ ମାତର୍ ପାଉଲ ସିଲେଙ୍ଗ୍ ଆସ୍‌କିତାନ୍ ମାରି ବିସ୍‌ବାସ୍‌ଡି ତଡ଼ାନକା ମାଣାନ୍ ପ୍ରୁଦି ଦୟାଦାନ୍ ସର୍ପେ ଆଜି ସର୍ହାନ୍ ।

୪୧ ଖାନ୍ ମଣ୍ଡଲିଆଙ୍ଗ୍ ସାକ୍ତିକିବିସ୍ କିଜି ସିରିଆ ନି ସିଲିସିଆ ବା ସିଜି ସର୍ହାନ୍ ।



ପାଉଲ ନି ସିଲା ଖାଲେ ତିମତି ସର୍ହାନ୍

୧ ପାଉଲ ଦର୍‌ ନି ଲୁସ୍ତାଦୁ ସର୍ହାନ୍ । ଆବେ ତିମତି ଦର୍‌ଡି ଅରେନ୍ କ୍ରିସ୍ଟିୟାନ୍ ବାସାଜି ମାହାନ୍ । ଖାନ୍ ଅରେନ୍ କ୍ରିସ୍ଟି ବିସ୍‌ବାସି ଜିହୁଦି ଆଇମାଦି ମାରିସି । ମାତର୍ ଖାନି ବୁବାସି ଅରେନ୍ ଗ୍ରିକ୍ ଲୋକ୍ ମାହାନ୍ ।

୨ ଲୁସ୍ତା ନି ଇକନିୟାଦୁ ମାନି ତଡ଼ାନକା ଲୋଇ ତିମତିଦିଙ୍ଗ୍ ନେଗି ଲୋକ୍ ଇଜି ନେସ୍‌ତା ମାର୍‌ହାର୍ ।

୩ ପାଉଲ ଖାନି ଖାଲେ ତିମତିଙ୍କ ଓ ଅତେଙ୍କ ଲଜି ବଦା କିତାନ, ଆଦେଙ୍କ ଖାନିଙ୍କ ସୁନ୍ନତ କିତାନ । ଇକା କିନି ମାଟା ଆତାଡ଼, ତିମତିଦି ବୁବାସି ଗ୍ରାକ୍ ଲୋକୁ ଇଜି ଆୟା ବାଡିଆଙ୍କ ବାସାତିମାନିକାର ଜିହୁଦି ଲୋକୁ ନେସତାମାର୍ହାର ।

୪ ନାଣ୍ଡ ଗାଡ଼କୁ ନାଡ଼ମି ସିଜି ସନି ଖାଲେ ଖାର ବିସବାସିରିଙ୍କ ଜିରୁସାଲାମତି ପ୍ରେରିତ ସିସୁର ନି ପେରି ନେତାର ଖାରି ମାଣାନ କିଆୟାଆତି ନିତି ନିୟମ ଖିଜୁ ବୁଜାକିଜି, ଆୟାଖିଜୁ ମାନାଦେଙ୍କ ଇଜି ଇଜିମାର୍ହାର ।

୫ ଆବେଟକୁ ମଣ୍ଡଲିଙ୍କ ଖିଜୁ ବିସବାସତୁ ମାରି ନାଣ୍ଡ ସାକ୍ତି ଆତାଡ଼ ମାରି ଦିନତିଙ୍କ ଦିନ ଲୋକୁ ନାଣ୍ଡ ଆଦେଙ୍କ ଆସତାର ।

ମାସିଦନିଆ ସନ୍ତେଙ୍କ ଲଜି ତ୍ରୟାଦୁ ପାଉଲତିଙ୍କ କୁକ୍ନିକା

୬ ପବିତ୍ର ଆମ୍ବା ଖାରିଙ୍କ ଆସିଆ ଦେସତୁ ପ୍ରଚାର କିଦେଙ୍କ ସାରି ପୟଏତାର ଆକା ଖାର ପୁଗିଆ ମାରି ଗାଲାତିୟ ରାଜିଦୁ ସର୍ହାର ।

୭ ମିସିଆଦି ଲାକତୁ ଇଜି ବିତୁନିଆ ରାଜିଦୁ ସନ୍ତେଙ୍କ ସିନିଖାଲେ ଜିହୁଦି ଆମ୍ବା ଖାରିଙ୍କ ସାରି ସିଏତାଡ଼ ।

୮ ଆଦେଙ୍କ ଖାର ମିସିଆ ନାଡ଼ମି ସିଜି ସଲ୍‌ସି ତ୍ରୋୟାଦୁ ସର୍ହାର ।

୯ ଆୟା ନାଡ଼ା ପାଉଲ ଉନ୍‌ଶି ଦର୍ସନ୍ ପୟତାନ ଜେ, ମାସିଦୋନିଆଦି ଅରେନ୍ ଲୋକୁ ମାଡ଼ିସ୍ କିଜି ଇଜିନାନ, “ମାସିଦୋନିଆଦୁ ଖାଜି ମାଙ୍କ ସାକା କିଆ !”

୧୦ ପାଉଲ ଇୟା ଦର୍ସନ୍ ପୟତିଦାପ୍ରେ ମାସିଦନିଆଦୁ ସନ୍ତେଙ୍କ ଲଜି ମାପ୍ ତିଆର ଆତାପ, ଇରିଙ୍କ ମାପ୍ ସତେ ନେସତାପ, ମାପୁରୁ ଆବେଣି ଲୋକା ଲୋଇ ସୁସମାଚାର ପ୍ରଚାର କିଦେଙ୍କ ଲଜି ମାଙ୍କ କୁକ୍ତାମାନାନ ।

ପିଲିପିଦୁ ଲୁଦିଆ ମନ୍ ଡେପ୍‌ତାଡ଼

୧୧ ମାପ୍ ଜାହାଜ୍‌ତାନ ତ୍ରୋୟା ଡ଼ିସସି ସାମତ୍ରାଦୁ ସର୍ହାପ୍ ମାରି ମାରିନାଣ୍ଡିଙ୍କ ନିଆପଲିଦୁ ଇତାପ୍ ।

୧୨ ଆବେଟଗନ୍ ମାପ୍ ମାସିଦନିଆ ଜିଲାଦି ପେରି ଗାଡ଼ ପିଲିପିଦୁ ସର୍ହାପ୍ । ଇୟା ଗାଡ଼ ଉନ୍‌ଶି ରୋମିୟରି ବସ୍ତି ମାର୍ହାଡ଼ । ମାପ୍ ଆବେନ୍ ନାଣ୍ଡ ଦିନ୍ ତେବାତାପ୍ ।

୧୩ ରମ୍‌ନି ଦିନ୍ ଗାଡ଼ ଆଡ଼ରେ ମାନି ଗାଡ଼ା ପାଡ଼ି ସର୍ହାପ୍ । ମାପ୍ ଅଡ଼ବିତାପ, ଆବେ ଜିହୁଦିଲୋକୁ ଉଣ୍ଡାଜି ପାର୍‌ତାନା କିଦେଙ୍କ ଲଜି ଉନ୍‌ଶି ବାଡ଼ି ତେବାନାଡ଼ । ମାପ୍ ବାସତାପ୍ ମାରି ଆବେ ଉନ୍‌ଶାତି ମାହ ଆଇମା ଲୋକା ଖାଲେ ଖାରଗିତାପ୍ ।

୧୪ ତାମେ ଲୋଇ ତୁୟତିରା ଗାଡ଼ତି ସେର୍‌ଗା ରଙ୍ ଖାଡ଼ିଗଦା ପରଜି ମାନି ଲୁଦିଆ ଦରତି ଅରେଡ଼ ଆଇମା ମାର୍ହାଡ଼ । ଖାଦ୍ ମାପୁରୁଦି ଉପାସନା କିଜିମାର୍ହାଡ଼ ମାରି ପାଉଲ ଆମାକା ଇଜିମାର୍‌ଆନ୍, ଆକା ମନ୍ ସିଜି ଖେନ୍‌ଜି ମାନାଦେଙ୍କ ଲଜି ପ୍ରବୁ ତାନିଙ୍କ ସୁଜୋଗ ସିତାନ ।

୧୫ ଖାଦ୍ ନି ତାନି ଲଲ୍‌ତି ଖିଜେରେ ତୁବନ୍ ଅତି ଖେନ୍‌କା ମାଙ୍କ ମାଡ଼ିସ୍ କିଜି ଇର୍ହାଡ଼, “ପ୍ରବୁମାନୁ ସଡ଼ତାନ ନା ବିସବାସ୍ ମାନାଡ଼ ଇଜି ଜଦି ମିର୍ ଅଡ଼ବିଜିନିଦେର୍, ଆର୍‌ତିଙ୍କ ଖାଜି ନା ଇଲ୍‌ତୁ ତେବାଦୁ ।” ଖାଦ୍ ଇୟାଖାଜା ତାନି ଲଲ୍‌ତୁ ସନ୍ତେଙ୍କ ଲଜି ମାଙ୍କ ଖେର୍‌ତାଡ଼ ।

ପିଲିପିଦି ଜଇଲ୍‌ତୁ ପାଉଲ ନି ସିଲା

୧୬ ଅରଲେନ୍ ମାପ୍ ପାର୍‌ତାନା ବାଡ଼ିଦୁ ସନିଖାଲେ ଅରେଡ଼ ଦାସି ରିପାଦିଙ୍କ ବୁଡ଼ିତାପ୍ । ତାନି ଲୋଇ ମାନି ତାଗ୍‌ଇ ଆମ୍ବାଦି ସାକ୍ତିଦାନ ଖାଦ୍ ବବିସଡ଼ ମାଟା ଇନ୍‌ଡେଙ୍କ ଆର୍‌ସି ମାର୍ହାଡ଼ । ଖାଦ୍ ଲୋକା ବାଗ୍ୟ ଲେକିସ୍ କିଜି, ମାଲିକ୍‌କା ଉଣ୍ଡିଙ୍କ ନାଣ୍ଡ ତାରୁଙ୍କୁ ଉଣ୍ଡା କିଜିମାର୍ହାଡ଼ ।

୧୭ ଖାଦ୍ ପାଉଲ ନି ମା ଖେନ୍‌କା ଖେନ୍‌କା ଖାଜି ଆଉଲି ଆଜି ଇର୍ହାଡ଼, “ଇୟା ଲୋକୁ ଖିଜେରିଙ୍କ ପେରି ମାପୁରୁଦି ସେବାକିନିକାର । ମିର୍ ଏଣ୍ଡେସ୍ ପରିତ୍ରାଣ ପୟନିଦେର୍, ଇୟା ମାଟା ଖାର ଇଜିନାର !”

୧୮ ରିପା ଆଇଲି ବେସି ଦିନ୍ ଆସସି ଇୟାଖାଜା କିତାଡ଼ । ସାରାସାରି ପାଉଲ ରିସା ଆଜି ଖେନ୍‌କା ମାର୍‌ଜି ତାଗ୍‌ଇ ଆମ୍ବାଦିଙ୍କ ଆଦ୍‌ରିସି ଇର୍ହାନ୍, “ଜିସୁ କ୍ରିସ୍‌ତୁଦି ଦର୍‌ତାନ ଆଦେସ୍ ସିଜିନା, ତାନି ମାଣାନ ସହସ ସାଙ୍କ୍‌ଆ !” ଆୟା ଦାପ୍ରେ ତାଗ୍‌ଇ ଆମ୍ବା ତାନି ମାଣାନ ସତା ସର୍ହାଡ଼ ।

୧୯ ଏସ୍ତିଖାଲେ ତାନି ମାଲିକ୍‌କୁ ନିଜେଦି ତାରୁଙ୍କୁ ଉଣ୍ଡାକିନିକା ଆରାତାପ୍ ଇଜି ନେସସି, ପାଉଲ ନି ସିଲେଙ୍କ ଆସସି ଗାଡ଼ତି ମଜାୟ ନାଡ଼ମିବାଡ଼ିଦୁ ମାନି ରମିୟ ନେତାର୍‌ଦି ଲାକ୍‌ତୁ ରେଲ୍‌ଜି ତାତାର ।

୨୦ ମାରି, ଖାର ଖାରିଙ୍କ ରମିୟ ସାସନ୍‌କିନିଖାରି ଲାକ୍‌ତୁ ତାସି ଇର୍ହାନ୍, “ଇୟା ଲୋକୁ ଜିହୁଦିର୍, ଇୟାକାର ମା ଗାଡ଼ତୁ ଜାଟିଜଗଡ଼ା କିଜିନାର ।

୨୧ ଖାର ମା ନିୟମ୍ ବିରୁଦ୍ଧି ରିତିନିତି ଅଜାକିନିନାର । ମାତ୍ ରମିୟ ଲୋକୁ, ଆଦେଙ୍ ଝିୟାଞ୍ଜୁ ରିତିନିତି ଆସ୍ତେଙ୍ ଆଟ୍‌ଏପ୍ ।”

୨୨ ମାଲିକ୍‌କା ମାଟାଦୁ ଆସ୍ତସି ଆବେ ମାନି ଲୋକୁ ପାଉଲ ନି ସିଲାଦି ବିରଦ୍‌ତାନ ନିଙ୍‌ତାର୍ ।

ପାଉଲ ନି ସିଲାଦି ଆଙ୍ କୁଡ୍‌ସି ଖାରିଙ୍ ବାଡିଗାଦାନ୍ ତାକ୍‌ତେଙ୍ ନେତା ଆଦେସ୍ ସିତାନ୍ ।

୨୩ ନାଶ୍ ମାତ୍ ତିରଇ ଝେନ୍‌କା ଖାର ଜଇଲ୍‌ତୁ ସର୍ହାର୍ ମାରି ଖାରିଙ୍ କୁସିକାଣ୍ଡି ଆରପ୍‌ସି କାପ୍‌କିଜି ଇଡ୍‌ଦେଙ୍ ଝି କାପ୍‌କିନିଖାରିଙ୍ ଆଦେସ୍ ସିଆୟ୍ ଆତାଡ୍ ।

୨୪ ଝୟା ଆଦେସ୍ ପୟ୍‌ଜି କାପ୍‌କିନିକାନ୍ ଖାରିଙ୍ ଉନ୍‌ଶ୍ଟି ଲୋଇରି ବାକ୍‌ରାଦୁ ଇଡ୍‌ଜି, ବଜ୍‌ତି ମାରାନ୍ ଗଣ୍ଡିଦୁ ଖାରି କାଲ୍‌କାଙ୍ ତିରତା ଇଟ୍‌ତାନ୍ ।

୨୫ ମଜାୟ୍ ନାଡା ପାଉଲ ନି ସିଲା ପାରତନା କିଜିମାହାର୍, ମାପୁରୁଦି ଉଦେସ୍‌ତାନ୍ ପାଟା ପାର୍‌ଜି ମାହାର୍ ମାରି ଜଇଲ୍‌ତୁ ମାନି ଆଇକାର୍ ଇକା ଝେନ୍‌ଜି ମାହାର୍ ।

୨୬ ଆୟାଦାପ୍ରେନେ ନାଶ୍ ଚୁମିକ୍‌ସ୍ ଆତାଡ୍ ମାରି ଜଇଲ୍‌ତି ମୁଲ୍‌କାଲ୍‌ତିଙ୍ ଦୁକାତା ପକ୍‌ତାଡ୍ । ବେଗି ବେଗି ଞ୍ଜୁ ସେର୍‌ଲେଙ୍ ରେଆତେ ସର୍‌ହେ ମାରି ଞ୍ଜୁ ଜଇଲ୍‌ତୁ ମାନିଲୋକା ସିକିଣିଙ୍ ଆର୍‌ତେ ସର୍‌ହେ ।

୨୭ ଜଇଲ୍‌ତିଙ୍ କାପ୍‌କିନିକାନ୍ ସେତାଆଜି ନିଙ୍‌ତାନ୍ ମାରି ଜଇଲ୍‌ତି ସେର୍‌ଲେଙ୍ ଞ୍ଜୁ ରେଆତିକା ସୁଡ୍‌ଜି ଅଡ୍‌ବିତାନ୍ ଜେ ଜଇଲ୍‌ତୁମାନିକାର୍ ଉର୍‌କୁତାମାନାର୍; ଆଦେଙ୍ ଝିୟାନ୍ ଝାନି କୁଡାମ୍ ସପ୍‌ସି କାତାଦେଙ୍ ଝି କିତାନ୍ ।

୨୮ ମାତର୍ ପାଉଲ ନାଶ୍ ଆଉଲିଦାନ୍ ଇର୍‌ହାନ୍, “ନିଜେଦିଙ୍ ଝିନି ନାଷ୍ କୁମା । ମାପ୍ ଞ୍ଜେରେ ଇବେ ମାନାପ୍ ।”

୨୯ ଜଇଲ୍ କାପ୍‌କିନିକାନ୍ ଦିଖା ତାପସ୍‌କିତାନ୍ ମାରି ଲୋଇ ଉରୁକ୍‌ସି ଝାଜି ତିରଗିଜି ତିରଗିଜି ପାଉଲ ନି ସିଲାଦି କାଲ୍‌କା ଆଡ୍‌ଗି ଆଟ୍‌ତାନ୍ ।

୩୦ ଝେନ୍‌କା ଖାରିଙ୍ ଆଡ୍‌ରେ ଅସି ଝେନ୍‌ବାତାନ୍, “ଆଞ୍ଜାର୍, ରକିୟା ପୟ୍‌ଦେଙ୍ ଝି କି ନାଙ୍ ଝନିକା କିଦେଙ୍ ଆନାଡ୍ ?”

୩୧ ଖାର ଇର୍‌ହାର୍, “ପ୍ରୁ ଜିସୁମାନୁ ବିସ୍‌ବାସ୍ କିତିଙ୍, ନିନ୍ ମାରି ଇଲୁଦି ଞ୍ଜୁ ଲୋକୁ ରକିୟା ପୟ୍‌ନିଦେର୍ ।”

୩୨ ଝେନ୍‌କା ଖାର ଝାନିଙ୍ ନି ଝାନି ଇଲୁଦି ଆଇ ଞ୍ଜେରିଙ୍ ପ୍ରୁଦି ବାକ୍ୟ ଝେର୍‌ତାର୍ ।

୩୩ ନାଡାଦି ଆୟା ସମୟ୍‌ତୁ ଜଇଲ୍‌ତିଙ୍ କାପ୍‌କିନିକାନ୍ ଖାରିଙ୍ ଅସି ଖାରି ଗାଉକୁ ଞ୍ଜୁ ନର୍‌ତା ସିତାନ୍, ମାରି ଝାନ ନି ଝଲ୍‌ତି ଞ୍ଜେରେ ଆୟାଦାପ୍ରେ ଦୁବନ୍ ଅତାର୍ ।

୩୪ ତାନିଝେନ୍‌କା ଝାନ ପାଉଲ ନି ସିଲେଙ୍ ନିଜେଦି ଇଲ୍‌ତୁ ଅସି ଉଶ୍‌ରେଙ୍ ସିତାନ୍ । ମାପୁରୁମାନୁ ବିସ୍‌ବାସ୍ କିତାର୍‌ଆକା ଝାନ ନି ଝାନି ଝଲ୍‌ତି ଞ୍ଜେରି ଜିବନ୍ ଝେଡିକାଦୁ ପୁରା ଆତାଡ୍ ।

୩୫ ମାରିନାଶ୍ ଝିୟାଦି ରମିୟ୍ ଅଦିକାରିର୍ ଜାମାନ୍‌କାଙ୍ ଝିୟା ଆଦେସ୍ ସିଜି ପକ୍‌ତାନ୍, “ଆୟା ଲୋକାଙ୍ ଡିସ୍‌ସୋ ସିଦୁ ।”

୩୬ ଆବେଟ୍ ଜେଲ୍‌କାପ୍‌କିନିକାନ୍ ପାଉଲ୍‌ତିଙ୍ ଝିୟାନ୍, “ଅଦିକାରିର୍ ନିଙ୍ ନି ସିଲେଙ୍ ମୁକୁଡା କିଦେଙ୍ ଝି କି ଆଦେସ୍ ପକ୍‌ତାମାନାନ୍ । ଇଲେଇ ମିର୍ ସାନ୍ତିଦାନ୍ ଝୟା ବାଡିଦାନ୍ ସନ୍‌ଡ୍ରେଙ୍ ଆଟ୍‌ନିଦେର୍ ।”

୩୭ ମାତର୍ ପାଉଲ ଜାମାନ୍‌କାଙ୍ ଝିୟାନ୍, “ଝନି ନିୟାଦୁ ଦସି ଆଏଡିମାରିଙ୍ ବା ଖାର ଲୋକା ଆଗ୍‌ଡି ମାଙ୍ ତାକ୍‌ତାର୍ । ମାପ୍ ରମିୟ୍ ଲୋକୁ, ମାତର୍ ଖାର ମାଙ୍ ଜଇଲ୍‌ତୁ ଇଟ୍‌ତାର୍ । ଇଲେଇ ଖାର ମାଙ୍ ନେସ୍‌ଇଝାଜା ଡିସ୍‌ସୋ ସିଦେଙ୍ ବଦା କିଜିନାର୍ । ମାପ୍ ଇକା କିଦେଙ୍ ସିଏପ୍ । ରମିୟ୍ ଅଦିକାରିର୍ ନିଜେ ଇବେ ଝାଜି ମାଙ୍ ମୁକୁଡା କିପିର୍ ।”

୩୮ ଜାମାନ୍‌କୁ ରମିୟ୍ ଅଦିକାରିଙ୍ ଝିୟା ମାଟା ଝେର୍‌ତାର୍ । ପାଉଲ ନି ସିଲା ରମିୟ୍ ଲୋକୁ ଝି ଝେନ୍‌ଜି ଖାର ତିଲାତା ସର୍‌ହାର୍ ।

୩୯ ଝେନ୍‌କା ସଲ୍‌ସି ଖାରି ଲାକ୍‌ତୁ କେମା ଲୋସ୍‌ତାର୍ ମାରି ଖାରିଙ୍ ଜଇଲ୍‌ତାନ୍ ମୁକୁଡା କିଜି ଗାଡ୍ ଡିସ୍‌ସି ସନ୍‌ଡ୍ରେଙ୍ ମାଡିସ୍ କିତାର୍ ।

୪୦ ପାଉଲ ନି ସିଲା ଜଇଲ୍ ଡିସ୍‌ସି ଲୁଦିଆଦି ଇଲ୍‌ତୁ ସର୍‌ହାର୍ । ଆବେ ଖାର ବିସ୍‌ବାସ୍‌ତି ତଡାନ୍‌କାଙ୍ ବେଟ୍ ଆତାର୍ ମାରି ଖାରିଙ୍ ଝେଡିକା ମାଟା କିବିସ୍ କିଜି ଆୟା ବାଡି ଡିସ୍‌ସି ସର୍‌ହାର୍ ।



ତେସଲନିକାଦୁ ସେବା ପାଣି

୧ ପାଉଲ ନି ସିଲା ଆମ୍‌ପଲି ମାରି ଆପଲନିଆ ଗାଡ୍ ସିଜି ସଲ୍‌ସି ତେସଲନିକିୟାଦି ଇତାର୍ । ଆବେ ଉନ୍‌ଶ୍ଟି ଜିହୁଦିରି ପାରତନା ଇଲ୍ ମାହାର୍ ।

୨ ପାଉଲ ଖାନି ରିତି ଇସାବତାନ ପାରତନା ଇଲୁଦୁ ସର୍ହାନ । ଆବେ ପାକାପାକି ମୁନ୍‌ଶ୍ଟି ରମ୍‌ନି ଦିନ୍ ସାହି ଦାର୍ମୁସାସ୍ତ୍ର ବାକ୍ୟ ଅସି ଖାନ ଲୋକାଙ୍ଗ୍ ଖେରତାନ,

୩ ଦାର୍ମୁସାସ୍ତ୍ର ଖେରସି ମାରି ବୁଜାକିଜି ସଡ଼ ତରତାନ ଜେ, ମସିହଦି ଦୁକୁ ବଗାନିକା ମାରି ସାତି ମାଣାନ ନିଙ୍ଗ୍ କା ଦରକାର ମାର୍ହାଡ଼ । ପାଉଲ ଇର୍ହାନ, “ଏମେ ଜିହୁଦି ବିସୟ ନାନ ଖେରସିନା, ଖାନ ଆୟା ମସିହ ।”

୪ ଖାରି ଲୋଇ ଏସ ଲୋକୁ ଇକା ବିସବାସ୍ କିଜି ପାଉଲ ନି ସିଲ୍ଲା ଖାଲେ ମିସାତାର; ଆୟାଖାଜା ନାଣ୍ଟ ପେରି ଆଇମେକ୍ ମାରି ମାପୁରୁଦି ପାରତନାକିନି ଗ୍ରିକ୍ ଲୋକା ଉନ୍‌ଶ୍ଟି ପେରି ଦଲ୍ ବା ଖାରି ଖାଲେ ମିସାତାର ।

୫ ମାତର ଜିହୁଦି ଲୋକୁ ରିସା ଆତାର ମାରି ଏସ ତାଗଇ ଗୁଣ୍ଡି ଲୋକାଙ୍ଗ୍ ଉଣ୍ଟା କିଜି ଖିଜୁ ଗାଡ଼କାଙ୍ଗ୍ ମାଡ଼ଗୋଲ୍ କିବିସ୍ କିତାର । ଖାର ପାଉଲ ନି ସିଲେଙ୍ଗ୍ ପୟ୍‌ଜି ଲୋକା ଲାକଡ଼ୁ ତାନି ଉଣ୍ଟିଙ୍ଗ୍ ଜେସନ୍ ଦରତି ଅରେନ୍ ଲୋକ୍ତି ଇଲୁଦିଙ୍ଗ୍ ଖିରସିତାର ।

୬ ମାତର ଆବେ ପାଉଲ ନି ସିଲେଙ୍ଗ୍ ପୟ୍‌ଏଜି, ଖାର ଜେସନ୍ ନି ଆଇ ଏସ ବିସବାସ୍ତି ତଡ଼ାନକାଙ୍ଗ୍ ଗାଡ଼ତି ଅଦିକାରିରି ଲାକଡ଼ୁ ରେଲ୍‌ଜି ତାସି ଆଉଲି ଆଜି ଇର୍ହାର, “ଇୟା ଲୋକୁ ସାରିବେଡ଼୍ତି ଜାତି ଜଗଡ଼ା କିଜିନାର ! ଇଲେଇ ଖାର ମା ଗାଡ଼ତୁ ଖାତାମାନାର

୭ ମାରି ଜେସନ୍ ଖାରିଙ୍ଗ୍ ଖାନି ଇଲୁଦୁ ଇଟତାମାନାନ । ଜିସୁ ଦରତି ମାରି ଅରେନ୍ ରାଜା ମାନାନ ଇଜି ଖେରସି ଖାର ସମ୍ରାଟଦି ଖିଜୁ ନିୟମ୍ ଅମାନ୍ୟ କିଜିନାର ।”

୮ ଇୟା ମାଟା ଇଜି ଖାର ଲୋକାଙ୍ଗ୍ ନି ଅଦିକାରିରି ଲୋଇ ନାଣ୍ଟ ରିସା ନି ଜାତି ଜଗଡ଼ା କିଜିନାର ।

୯ ଅଦିକାରିର ଜେସନ୍ ନି ବିସବାସିରି ମାଣାନ ତାବୁଙ୍ଗ୍ ଅସି ଖାରିଙ୍ଗ୍ ମୁକୁଡ଼ା କିଜି ତିସ୍ତା ସିତାର ।

ବେରିଆଦୁ ସେବା ପାଣି

୧୦ ନାଡ଼ା ଆତିଖେନ୍‌କା ବିସବାସ୍ତି ତଡ଼ାନକୁ ପାଉଲ ନି ସିଲେଙ୍ଗ୍ ବେରିଆଦୁ ପକ୍ତାର । ଖାର ଆବେଟାନ ଇଜି ଜିହୁଦିରି ପାରତନା ଇଲୁଦୁ ସର୍ହାର ।

୧୧ ତେସଲନିକିୟାଦି ଲୋକା ବାଦ୍‌ଲୁ ଆବେଣି ଲୋକୁ ନାଣ୍ଟ ନେସ୍‌ତେଙ୍ଗ୍ ଖେଡ଼ିକା ମାର୍ହାର । ଖାର ନାଣ୍ଟ ଖେଡ଼ିକାଦାନ ସିସୁରି ବାକ୍ୟ ଖେରଆର ମାରି ପାଉଲଦି ମାଗାଦି ସଡ଼ ମାଟା ନେସ୍‌ତେଙ୍ଗ୍ ଇଜି ଖିଜୁଦିନ୍ ଦାର୍ମୁସାସ୍ତ୍ର ପଡ଼ାଜି ଖେନ୍‌ବାଜି ମାର୍ହାର ।

୧୨ ଖାରି ଲୋଇ ନାଣ୍ଟ ଲୋକୁ ବିସବାସ୍ କିତାର । ନାଣ୍ଟ ସନ୍‌ମାନତି ଗ୍ରୀକ୍ ଆଇମେକ୍ ମାରି ଗ୍ରିକ୍ ଲୋକୁ ବିସବାସିରି ଖାଲେ ମିସାତାର ।

୧୩ ମାତର ଏସିଖାଲେ ତେସଲନିକିୟାଦି ଜିହୁଦି ଲୋକୁ ଖେରଆର ଜେ ବେରିଆଦୁ ବା ପାଉଲ ମାପୁରୁଦି ବାକ୍ୟ ପ୍ରଗାର କିଜିନାନ, ଖାର ଆବେ ଖାଜି ଜାତି ଜଗଡ଼ା କିଦେଙ୍ଗ୍ ଇଜି ଲୋକାଙ୍ଗ୍ ଏଗ୍ରିସତାର ।

୧୪ ବେଗି ବେଗି ବିସବାସ୍ତି ତଡ଼ାନକୁ ପାଉଲତିଙ୍ଗ୍ ସାମ୍‌ଦୁର୍ ପାଡ଼ିସିଜି ପକ୍ତାର; ମାତର ସିଲ୍ଲା ନି ତିମତି ରିଏର୍ ବେରିଆଦୁ ତେବାତାର ।

୧୫ ପାଉଲତିଙ୍ଗ୍ ଅସି ମାହ୍ ଲୋକୁ ଖାନି ଖାଲେ ଆତେନ୍‌ସ୍ ସାହି ସର୍ହାର । ଆବେଟତାନ ଖାର ବେରିଆଦାନ ଡେସି ଖାଜି ସିଲ୍ଲା ନି ତିମତିଦିଙ୍ଗ୍ ଇର୍ହାର, ଖାର ବେଗି ପାଉଲତି ଖାଲେ ମିସାପିର୍ ଇଜି ପାଉଲ ଆଦେସ୍ ସିତାମାନାନ ।

ଆତେନ୍‌ସ୍‌ତୁ ପାଉଲତି ସେବା ପାଣି

୧୬ ଆତେନ୍‌ସ୍ ସିଲ୍ଲା ନି ତିମତିଙ୍ଗ୍ କାପକିନି ସମୟତୁ ଗାଡ଼ ଦିୟାମକାଙ୍ଗ୍ ପୁରାଆତିମାନିକା ସୁଡ଼ୁ ପାଉଲ ନାଣ୍ଟ ଦୁକ୍ ଆତାନ ।

୧୭ ଆଦେଙ୍ଗ୍ ଖାନ ପାରତନା ଇଲୁଦୁ ଜିହୁଦି ଲୋକା ଖାଲେ ମାପୁରୁଦି ପାରତନାକିନି ଅଣଜିହୁଦିରି ଖାଲେ ଇୟା ବିସୟତାନ ସବୁଦିନ୍ ଖାରଗିଦେଙ୍ଗ୍ ଆସ୍‌ତାନ । ଗାଡ଼ତି ତେଣା ବାତିଆଙ୍ଗ୍ ସିନିଖାନିକା ଆଜିମାନି ଲୋକା ଖାଲେ ଆୟା ବିସୟତାନ ଖାରଗିତାର ।

୧୮ ଏସ “ଏପିକୁ୍ୟରିଆନ୍ ନି ସ୍ପୋଇକ୍” ସିକିୟା ଗୁରୁରି ଖାଲେ ଖାନି ଆସ୍‌ସିସାତାର । ଖାରି ଲୋଇ ଏସଲୋକ୍ ଇର୍ହାର, “ଇୟା ବୁଦିସିଲିକାନ ଇନିକା ଇନ୍‌ଡ୍ରେଙ୍ଗ୍ ସିଲ୍‌ସିନାନ ?”

ଆଇକାର ଇର୍ହାର, “ଆଇଦେସ୍ତି ଦିୟାମକା ବିସୟତାନ ଖାନ ସୁସମାଗାର ପ୍ରଗାର କିନିକା ଖାଜା ଆଜିନାଡ଼ ।” ଜିସୁ ନି ଖାନି ମାରିଡେସି ନିଙ୍ଗ୍ ବିସୟତାନ ପାଉଲ ପ୍ରଗାର କିନିକା ଖେନ୍‌ଜି ଖାର ଇକା ଇର୍ହାର ।

୧୯ ଆୟାଉଣ୍ଟିଙ୍ଗ୍ ଖାର ପାଉଲତିଙ୍ଗ୍ ଆସ୍‌ତା ଅତାର ମାରି ଖାନିଙ୍ଗ୍ ଏରିୟ ପାଗସ୍ ଦରତି ଗାଡ଼ ମିଟିଙ୍ଗ୍ ତାସି ଇର୍ହାର, “ନିନ୍ ଏମେ ପୁନି ସିକିୟା ବିସୟତାନ ଖେରସିନି, ଆୟା ବିସୟତାନ ମାପ୍ ନେସ୍‌ତେଙ୍ଗ୍ ବଦା କିଜିନାପ୍ ।

୨୦ ନିନ୍ ଖେରସି ମାନି ଏସ ମାଟା ମାଙ୍ଗ୍ କାବା ଖାଜିନାଡ଼ । ମାପ୍ ତାନି ଅର୍ତ୍ତ ନେସ୍‌ତେଙ୍ଗ୍ ବଦାକିନାପ୍ ।”

୨୧ ଆତେନ୍‌ସ୍‌ତି ଲୋକୁ ମାରି ଆବେ ବାସାକିନି ଆଇଦେସ୍‌ତିକାର ପୁନି ବିସୟ୍ ଝେନ୍‌ଡ୍ରେଙ୍ଗ୍ ନି ଇନ୍‌ଡ୍ରେଙ୍ଗ୍ ନାଣ୍ଡୁ ଜିବନ୍ ନଜି ମାହାର୍ । ଇବେ ଝାର ନାଣ୍ଡୁ ସମୟ୍ ସିଜି ମାହାର୍ ।

୨୨ ପାଉଲ୍ ଏରିୟ୍ ପାଗସ୍ ଗାଡ୍ ମିଟିଙ୍ଗ୍ ଆଗ୍ଡି ନିଲ୍‌ସି ଇର୍ହାନ୍, “ଆତେନ୍‌ସ୍‌ତି ବାସାନିଲୋକୁ, ମିର୍ ଝିଜେରେ ଦାମ୍ ଲୋକୁ ଜଣା ପଡ଼ାଜିନାଡ୍ ।”

୨୩ ନାନ୍ ମି ଗାଡ୍ ବୁଲାଇ ସୁଡ୍‌ତି ଝାଲେ ମି ପୁଜାକିନି ବାଡିଦୁ ସୁଡ୍‌ତୁ । ଉନ୍‌ଶ୍ଟି ପୁଜା ସିନି ବେଦି ମୁସ୍‌କୁ ଉନ୍‌ଶ୍ଟି ନେସେଇ ମାପୁରୁଦି ଉଦେସ୍‌ତାନ୍, ରାସାତି ମାନିକା ବା ସୁଡ୍‌ତୁ । ମିର୍ ନେସ୍‌ଏନ୍‌ଶ୍ଟା ଆମା ତାନିଙ୍ଗ୍ ପୁଜା କିଜିନିଦେର୍, ଇଲେଇ ଝାନି ମାଟା ମି ଲାକ୍‌ତୁ ପ୍ରଚାର୍ କିଦେଙ୍ଗ୍ ସିଲ୍‌ସିନା ।

୨୪ *ମାପୁରୁ ଦୁନିଆ ନି ଆବେ ମାନି ଝିଜୁ ବିସୟ୍ ତିଆର୍ କିତାନ୍ । ଝାନ୍ ମୁସ୍‌କୁପୁର୍ ନି ଦୁନିଆଦି ପ୍ରୁ । ଲୋକା କିକାଣ୍ଡି ତିଆର୍ ଆତି ମନ୍ଦିରକାଙ୍ଗ୍ ଝାନ୍ ବାସାଏନ୍ ।

୨୫ ମାଡ୍ ଝାନି ଉଣ୍ଡିଙ୍ଗ୍ ପାଣି କିଜି ଝାନିଙ୍ଗ୍ ସିଦେଙ୍ଗ୍ ଆଟ୍‌ନିନାନି ଇନି ବିସୟ୍ ଝାନ୍ ବଦା କିଏନ୍; ଇରିଙ୍ଗ୍ ଝାନ୍ ଝିଜେରିଙ୍ଗ୍ ଜିବନ୍, ପୁନ୍‌ଶ୍ଟା ମାରି ଝିଜୁ ଦରକାର୍ ବିସୟ୍ ସିତାମାନାନ୍ ।

୨୬ ଅରେନ୍ ଲୋକ୍‌ତି ମାଣାନ୍ ଝାନ୍ ଝିଜୁ ଲୋକୁ ଜାତିଦିଙ୍ଗ୍ ତିଆର୍ କିତାମାନାନ୍ ମାରି ଝାନି ଆଦେସ୍‌ତାନ୍ ଝାର୍ ଦୁନିଆଦି ନାଣ୍ଡୁ ବାଡିଆଙ୍ଗ୍ ବାସାନାର୍, ଏମେ ସମୟ୍‌ତୁ, ଏନ୍ ଏମେ ବାଡିଦୁ ବାସାନାନ୍, ଆଗ୍ଡିରାନ୍ ମାପୁରୁ ଆକା ତିଆର୍ କିତାମାନାନ୍ ।

୨୭ ଝାନି ଉଦେସ୍ ମାହାର୍, ଝିଜେରେ ଏଣ୍ଡେସ୍ ଝାନିଦି ପୟ୍‌ଜି ଝାନିଙ୍ଗ୍ ପୟ୍‌ନାର୍ । ମାତର୍ ସଡ୍‌ତାନ୍ ମାପୁରୁ ଆମାଝାନିମାଣାନ୍ ଆକ ସିଲେନ୍ ।

୨୮ ଇୟା ବିସୟ୍‌ତାନ୍ ଅରେନ୍ ଲୋକୁ ଇର୍ହାମାନାନ୍, “ଝାନିମାନୁନେ ମା ଜିବନ୍‌ତି ଜିନିକା, ବୁଲାନିକା ନି ତେବାନିକା ।”

ମି ରାସନିଝାରି ଲୋଇ ଏସଲୋକ୍ ଇର୍ହାମାନାର୍, “ମାପ୍ ବା ଝାନି କଡ୍‌ର୍ ।”

୨୯ ମାପ୍ ମାପୁରୁଦି କଡ୍‌ର୍ ଆତିମାନିଙ୍ଗ୍ ଲୋକା ମାଣାନ୍ ତିଆର୍‌ଆତି ବାଙ୍ଗାଁରାମ୍, ଝେନ୍‌ଶ୍ଟି ମାରି କାଲ୍‌ତାନ୍ ତିଆର୍‌ଆତି ବମାଦି ରୁପ୍‌ତାନ୍ ମାପୁରୁଦି ଝାଜା ଏଡ୍‌କିଦେଙ୍ଗ୍ ଆଟ୍‌ଏଟ୍ ।

୩୦ ଲୋକୁ ମାପୁରୁଙ୍ଗ୍ ନେସ୍‌ଇଝାଲେ ଝାନ୍ ଆୟା ଦସ୍ ଆସ୍‌ଏନ୍ ମାହାର୍, ମାତର୍ ଇଲେଇ ଆୟାଝିଜୁ ଝିଜେରିଙ୍ଗ୍ ଝାରି ପାପ୍ ସାରିଦାନ୍ ଡେସିଝାଦେଙ୍ଗ୍ ଇଜି ଆଦେସ୍ ସିଜିନାନ୍ ।

୩୧ ଝାନ୍ ଉନ୍‌ଶ୍ଟି ଦିନ୍ ତିର୍ କିତାମାନାନ୍ । ଆୟା ଦିନ୍ ଝାନ୍ ଝାନି ବାସେଆତି ଲୋକ୍‌ତି ମାଣାନ୍ ଝିଜୁ ଦୁନିଆଦି ନ୍ୟାୟ୍ ବିସାର୍ କିନାନ୍ । ଆୟା ଲୋକ୍‌ତିଙ୍ଗ୍ ସାତିମାଣାନ୍ ନିକ୍‌ତି ମାଣାନ୍ ଝାନ୍ ଇୟା ମାଟାଦି ସଡ୍ ଝିଜେରିଙ୍ଗ୍ ଝେର୍‌ତା ମାନାନ୍ !

୩୨ ପାଉଲ୍‌ତିମାଣାନ୍ ସାତି ମାଣାନ୍ ମାରିଡେସି ନିଙ୍ଗ୍ ନି ବିସୟ୍ ଝେନ୍‌ଜି ଝାରି ଲୋଇ ଏସ ଲୋକୁ ଝାନିଙ୍ଗ୍ ସେମାର୍‌କିତାର୍, ମାତର୍ ଆଇକାର୍ ଇର୍ହାର୍, “ନିବାଣ୍‌କୁ ଇୟା ବିସୟ୍‌ତାନ୍ ମାପ୍ ମାରି ଉନ୍‌ଶ୍ଟି ଦେବା ଝେନ୍‌ଡ୍ରେଙ୍ଗ୍ ବଦା କିଜିନାପ୍ ।”

୩୩ ଆୟା ନାଣ୍ଡିରି ମିଟିଙ୍ଗ୍ ଡ୍ରିସ୍‌ସି ପାଉଲ୍ ସର୍ହାନ୍ ।

୩୪ ଡାୟୋନିସିଅସ୍ ଦରତି ମିଟିଙ୍ଗ୍ ଅରେନ୍ ଲୋକୁ, ଦାମାରି ଦରତି ଅରେଡ୍ ଆଇ ମାନି ମାରି ଏସ ଲୋକୁ ବିସ୍‌ବାସ୍ କିତେ ମାରି ଝାନି ଝାଲେ ମିସାତାର୍ ।

୧୮

କରନ୍ତି ଗାଡ୍‌ତୁ ପାଉଲ୍‌ତି ସେବା ପାଣି

୧ ଇୟା ଝେନ୍‌କା ପାଉଲ୍ ଆତେନ୍‌ସ୍ ଡ୍ରିସ୍‌ସି କରନ୍ତିଦୁ ଝାତାନ୍ ।

୨ ମାରି ଝାନ୍ ଆକିଲା ଦରତି ଜିହୁଦି ଲୋକ୍‌ତିଙ୍ଗ୍ ବେଟ୍‌ଆତାନ୍, ପନ୍ତୁ ଝାନ୍ ଜନମ୍ ଆତାମାହାର୍; ସମ୍ରାଟ୍ କ୍ଲାଡିୟସ୍ ଝିଜେରେ ଜିହୁଦି ଲୋକାଙ୍ଗ୍ ରୋମ୍ ଡ୍ରିସ୍‌ଡେଙ୍ଗ୍ ଇଜି ଆଦେସ୍ ସିତାମାହାର୍‌ଆକା, ଝାନ୍ ଏସ ଦିନ୍ ଆଗ୍ଡି ଝାନି ଆଡ୍‌ସି ପ୍ରିସ୍‌ଲାଇଦି ଝାଲେ ଇଟାଲିଦାନ୍ ଝାତାମାହାର୍ ।

୩ ପାଉଲ୍ ଝାରିଙ୍ଗ୍ ବେଟ୍‌ଆଦେଙ୍ଗ୍ ସିଲ୍‌ସି ଝାରି ଝାଲେ ବାସାତାନ୍, ଇରିଙ୍ଗ୍ ଝାନ୍ ବା ଝାରିଝାଜା ଗୁଡେଏଙ୍ଗ୍ ତିଆର୍ କିଜି ଜିଜି ମାହାର୍ ।

୪ ଜିହୁଦି ନି ଗ୍ରିକ୍‌ଲୋକା ମନ୍‌ଡୁ ପ୍ରୁଦି ଉଣ୍ଡିଙ୍ଗ୍ ବିସ୍‌ବାସ୍ କିବିସ୍ କିଦେଙ୍ଗ୍ ଇଜି ଝିଜୁ ରମ୍‌ନି ଦିନ୍‌ତୁ ଝାନ୍ ପାର୍‌ତନା ଇଲୁଦୁ ଝାରିଜି ମାହାର୍ ।

* ୧୭:୨୪ ପ୍ରେରିତ ୭:୪୮.

୫ ସିଲ୍ଲା ନି ତିମତି ମାସିଦନିଆଦାନ ଡେସି ଖାତି ଖେନକା ପାଉଲ ଜିହୁଦି ଲୋକା ଲାକ୍ତୁ ଜିସୁଦି ସୁସମାଚାର ପ୍ରଚାର କିଦେଙ୍ଗ୍ ପୁରା ସମୟ ସିତାନ ମାରି ଜିସୁଙ୍ଗ୍ ମସିହ ଇଜି ସାକି ସିତାନ ।

୬ ମାତରୁ ଖାର ଖାନି ବିରୁଦ୍ଧତାନ ନିନ୍ଦା କିଜି ଇର୍ହାର, ତାମେ ବାଦା ଖାଜା ଖାନ ନିଜେଦି ଆଙ୍ଗିଦାନ ଦୁଡ଼ି ସାଡ଼ସି ଖାରିଙ୍ଗ୍ ଇର୍ହାନ, “ମି ନେତେର ମି ତାଲା ମୁସକୁ ଖାଙ୍ଗିତି, ଆରିଙ୍ଗ୍ ଆୟାଉଣ୍ଡି ମିର ନିଜେ ଦାଇ ଆନିଦେର । ନାନ ଇୟାଉଣ୍ଡି ଦାଇ ସିଲେ । ଆରତିଙ୍ଗ୍ ନାନ ଅଣଜିହୁଦିରି ମାନୁ ସନା ।”

୭ ଆବେଟ୍ ଖାନ ଖାରିଙ୍ଗ୍ ଡିସସି ମାପୁରୁଦି ପାରତନା କିଜିମାନି ତିତସ୍ ଜୁସ୍ ଦରତି ଅରେନ୍ ଅଣଜିହୁଦିଦି ଇଲ୍ତୁ ତେବାଦେଙ୍ଗ୍ ସର୍ହାନ । ଜୁସ୍ଦି ଇଲ୍ତୁ ଜିହୁଦି ପାରତନା ଇଲ୍ତୁ ଲାକ୍ତୁ ମାର୍ହାଡ଼ ।

୮ ଜିହୁଦି ପାରତନା ଇଲ୍ତୁ ପେରିକାନ କ୍ରିସପସ୍ ନି ଖାନି ଇଲ୍ତୁ ଖିଜେରେ ପ୍ରୁମାନୁ ବିସ୍ବାସ୍ କିତାର ମାରି କରନ୍ତିଦି ମାରି ନାଣ୍ଟ ଲୋକୁ ପାଉଲଦି ସିକିୟା ଖେନଜି ବିସ୍ବାସ୍ କିତାର ମାରି ତୁବନ୍ ଅତାର ।

୯ ଉନ୍ଶି ନାଡ଼ା ପାଉଲ ଉନ୍ଶି ଦର୍ସନ୍ ପୟତାନ, ଦର୍ସନ୍ତୁ ପ୍ରୁ ଖାନିଙ୍ଗ୍ ଇର୍ହାନ, “ତିଲାମା, ପ୍ରଚାର କିଜିମାନିଆ । ଆବେଟାନ ସୁପ୍ରାପ୍ ତେବାମା,

୧୦ ଇରିଙ୍ଗ୍ ନାନ ନି ଖାଲେ ଲାକ୍ତୁ ଲାକ୍ତୁ ମାନା । ଏନ୍ ନି କେତି କିଦେଙ୍ଗ୍ ଆର୍ଏନ୍, ଇରିଙ୍ଗ୍ ଇୟା ଗାଡ଼ତୁ ନା ନାଣ୍ଟ ଲୋକୁ ମାନାର ।”

୧୧ ଆଦେଙ୍ଗ୍ ପାଉଲ ଆବେ ମାପୁରୁଦି ବାକ୍ୟ ବିସୟତାନ ସିକିୟା ସିଜି ବାରସେକ୍ ଆଦା ତେବାତାନ ।

୧୨ ଗାଲିୟୋ ଆକାୟା ରୋମିୟ ସାସନ୍କିନିକାନ ମାନି ଖେଡ଼ାଦୁ, ଜିହୁଦି ଲୋକୁ ଉଣ୍ଡାଜି ପାଉଲତିଙ୍ଗ୍ ଆସସି ବିଚାର କିନିମାନୁ ଅତାର ।

୧୩ ଖାର ଇର୍ହାର, “ଇୟା ଲୋକୁ ମା ନିୟମ୍ ବିରୁଦ୍ଧି ରିତିଦାନ ମାପୁରୁଦି ପାରତନା କିଦେଙ୍ଗ୍ ଲୋକାଙ୍ଗ୍ କାର୍ପିସନାନ ।”

୧୪ ପାଉଲ ଇନ୍ଡ୍ରେଙ୍ଗ୍ ସନିଖାଲେ, ଗାଲିୟୋ ଜିହୁଦିଲୋକାଙ୍ଗ୍ ଇର୍ହାନ, “ଜଦି ଇବେ ଇନି ଦୋସ୍ବା ତାଗ୍ଲମାଟା ବିସୟ ମାନାଡ଼, ଆରତିଙ୍ଗ୍ ନି ଉଣ୍ଡିଙ୍ଗ୍ ତିର ଆଜି ନି ମାଟା ଖେନିକା ନା ଉଣ୍ଡିଙ୍ଗ୍ ଟିକମାଟା ଆନାଡ଼ ।

୧୫ ମାତରୁ ଇୟା ବାଦା ବିସୟ କେବଲ୍ ନି ନିଜେଦି ନିତି ନିୟମ୍ ବଲ୍ ନି ଦରୁ ଜାଟିଦି ବିସୟ ଆତିମାନିଙ୍ଗ୍ ନିଜେ ତେନି ବିଚାର କିନିକା ନେଗେଡ଼ । ନାନ ଇୟାନାନି ବିସୟ, ବିସାର କିଏ ।”

୧୬ ଇକା ଇଜି ଖାନ ଖାରିଙ୍ଗ୍ ବିଚାର କିନି ବାଡ଼ିଦାନ ସପ୍ତତାର ।

୧୭ ଖାର ପାରତନା ଇଲ୍ତୁ ପେରିକାନ ସୋସ୍ତନାତିଙ୍ଗ୍ ଆସସି ବିଚାରକିନି ଆଗ୍ଡି ମାଡ଼ ଡାକ୍ତାର । ମାତରୁ ଗାଲିୟୋ ଆୟା ଉଣ୍ଡିଙ୍ଗ୍ ମିନ୍ ସିଏତାନ ।

ସିରିଆଦି ଆଣ୍ଟିୟୋକଦୁ ପାଉଲ ଡେସିଖାତାନ

୧୮ ପାଉଲ କରନ୍ତିଦୁ ବିସ୍ବାସ୍ତି ତଡ଼ାନକା ଖାଲେ ନାଣ୍ଟ ଦିନ୍ ତେବାତାନ । ଖେନକା ଖାରିଙ୍ଗ୍ ଡିସସି ପ୍ରିସିଲା ନି ଆକିଲା ଖାଲେ ସିରିଆ ତରିନ୍ ଏରୁ ନାସି ସର୍ହାର । କେକେୟାଦାନ ଏରୁତୁ ନାତେଙ୍ଗ୍ ଆରାମ୍ କିନି ଆଗ୍ଡି ଖାନି ଉନ୍ଶି ନିୟମ୍ ଇସାବ୍ତାନ ଖାନି ତାଲା ଟାଙ୍ଗ୍ରୁ ଆତାନ ।

୧୯ ଖାର ଏପିସସ୍ତୁ ଇତି ଖେନକା ପାଉଲ ପ୍ରିସିଲା ନି ଆକିଲେଙ୍ଗ୍ ପୋକ୍ତାନ । ଖାନ ଆବେ ପାରତନା ଇଲ୍ତୁ ସଲ୍ସି ଜିହୁଦିଲୋକା ଖାଲେ ଦାମ୍ ବିସୟତାନ ଖାରଗିତାର ।

୨୦ ଲୋକୁ ଖାନିଙ୍ଗ୍ ମାରି ବେସି ଦିନ୍ ତେବାଦେଙ୍ଗ୍ ଇର୍ହାର, ମାତରୁ ଖାନ ରାଜି ଆଏତାନ ।

୨୧ ସନି ଖେଡ଼ାଦୁ ଖାନ ଖାରିଙ୍ଗ୍ ଇର୍ହାନ, “ଜଦି ମାପୁରୁଦି ବଦା ତେବାନାଡ଼, ନାନ ମି ଲାକ୍ତୁ ଡେସି ଖାନା ।” ଖେନକା ଖାନ ଜାହାଜ୍ ଏକ୍ସି ଏପିସସ୍ ଡିସସି ଖାତାନ ।

୨୨ ସିସେରିଆଦୁ ଇଜି ଆବେଟାନ ଖାନ ଜିରୁସାଲାମ୍ତୁ ସର୍ହାନ ମାରି ମଣ୍ଡଲିଦିଙ୍ଗ୍ ମାଡ଼ିସ୍ କିଜି ଆବେଟାନ ଆଣ୍ଟିୟୋକଦୁ ସର୍ହାନ ।

୨୩ ଆବେ ଏସ ଦିନ୍ ସାନ୍ ମାର୍ହେ ଖେନକା ମାରି ଖାନ ସଲ୍ସି ଗାଲାତିୟ ନି ପୁଗିଆ ରାଜିଦୁ ମଜାୟ୍ ସିଜି ସର୍ହାନ ମାରି ସାର୍ଦୁ ବିସ୍ବାସିରିଙ୍ଗ୍ ଖାରି ବିସ୍ବାସ୍ତୁ ଡାଟ୍ ଆଦେଙ୍ଗ୍ ଇଜି ଖେଡ଼ିକା କିତାନ ।

ଏପିସସ୍ ନି କରନ୍ତିଦୁ ଆପଲୋ

୨୪ ଆୟା ସମୟତୁ ଆଲେକ୍ଜାଣ୍ଡିଆ ଆଦୁ ଜନମ୍ ଆତିମାର୍ଇ ଆପୋଲୋ ଦରତି ଅରେନ୍ ଜିହୁଦିଲୋକୁ ଏପିସସ୍ତୁ ଖାତାନ । ଖାନ ଅରେନ୍ ନେଗି ପ୍ରଚାରକ ନି ଦାମ୍ ସାସ୍ତୁ ଖାନି ନାଣ୍ଟ ବୁଦି ମାର୍ହାଡ଼ ।

୨୫ ଖାନ ପ୍ରୁଦି ସାରି ବିସୟତାନ ସିକିୟା ପୟତାମାର୍ହାନ ମାରି ଆମାଦୁ ନାଣ୍ଟ ଖେଡ଼ିକାଦାନ ଜିସୁଦି ବିସୟତାନ ସଡ଼ ସିକିୟା ସିଜି ମାର୍ହାନ । ମାତରୁ ଇୟା ବିସୟତାନ ଖାନ କେବଲ୍ ଜୋହନତି ତୁବନ୍ ବିସୟ ନେସ୍ତାମାର୍ହାନ ।

୨୭ ପାର୍ତନା ଇଲୁଦୁ ଖାନ ତିଲୀଏନ୍‌ଶ୍ଟା ସିକିୟା ସିଦେଙ୍ଗ୍ ଆସ୍‌ତାନ୍ । ଖାନ ସିକିୟା ଖେନ୍‌ଜି ପ୍ରିସ୍‌ଲିଲୀ ନି ଆକିଲୀ ଖାନିଙ୍ଗ୍ ତାମେ ଇଲୁଦୁ କୁକ୍‌ତା ଅତାର୍ ମାରି ଆବେ ଖାନିଙ୍ଗ୍ ଫାପୁରୁଦି ସାରି ବିସୟତାନ୍ ନେଗେନ୍ କିଜି ବୁଜାକିତାସିତାର୍ ।

୨୮ ଖେନ୍‌କା ଆପଲୋ ଆକାୟା ରାଜିଦୁ ସନ୍‌ଡ୍ରେଙ୍ଗ୍ ଇଜି ବଦା କିତାନୁଆକା, ଏପିସସ୍‌ତି ବିସ୍‌ବାସ୍‌ତି ତଡାନ୍‌କୁ ଖାନିଙ୍ଗ୍ ସାହାଜ୍ୟ କିତାର୍ ମାରି ଖାନିଙ୍ଗ୍ ଖେଡ୍‌କାଦାନ୍ ଆସ୍‌ତେଙ୍ଗ୍ ଇଜି ମାଡ୍‌ସ୍ କିଜି ଆକାୟାଦି ବିସ୍‌ବାସିରିଙ୍ଗ୍ ସିଟି ରାସ୍‌ତାନ୍ । ଖାନ ଆବେ ଇଜି ମାପୁରୁଦି ଦୟାଦାନ୍ ବିସ୍‌ବାସି ଆତିମାନି ଲୋକାଙ୍ଗ୍ ନାଶ୍ଟ ସାହାଜ୍ୟ କିତାନ୍ ।

୨୯ ଜିସୁ ଜେ ମସିହ, ଖାନି ସାକ୍ରିଦି ମାଟାଦିମାଟାଦାନ୍ ଦାମ୍‌ସାସ୍‌ତାନ୍ ଇକା ସତ୍ ଇଜି ଖେର୍‌ନିଖାଲେ ଖାନ ଜିହୁଦିଲୋକାଙ୍ଗ୍ ଆରାକିତାନ୍ ।

୧୯

ଏପିସସ୍‌ତୁ ପାଉଲ

୧ ଆପୋଲୋ କରନ୍ତିଦୁ ମାନିଖାଲେ, ପାଉଲ ଲୋଇ ତରିନ୍ ମାନି ରାଜିଙ୍ଗ୍ ବୁଲାଜି ଏପିସସ୍‌ତୁ ଇତାନ୍ । ଆବେନୁ ଏସ ସିସୁରିଙ୍ଗ୍ ପୟତାନ୍,

୨ ଖାନ ଖାନିଙ୍ଗ୍ ଖେନ୍‌ବାତାନ୍, “ବିସ୍‌ବାସ୍ କିନି ସମୟତୁ ଇନିକା ମିର୍ ପବିତ୍ର ଆମ୍ବା ପୟତିମାହ୍ ଦେର୍ ?” ଖାର୍ ଇର୍ହାର୍ ସିଲେ,

“ମାରି ପବିତ୍ର ଆମ୍ବା ଜେ ଏନ୍ ମାନାନ୍, ଆକାବା ମାପ୍ ଖେନ୍‌ଏପ୍ ।”

୩ ପାଉଲ ଖେନ୍‌ବାତାନ୍, ଆରତିଙ୍ଗ୍ ମିର୍ ଏମେନାନି ତୁବନ୍ ଆତିମାରୁଇଦେର୍ ? ଖାର୍ ଇର୍ହାର୍, “ଜୋହନତି ତୁବନ୍ ।”

୪ ପାଉଲ ଇର୍ହାନ୍, “ଆମାକାର୍ ପାପ୍‌ତାନ୍ ମନ୍‌ଡେପ୍‌ତା ମାର୍ହାର୍, ଜୋହନତି ତୁବନ୍ ସିଜି ଖାନି ଖେନ୍‌କା ଏନ୍ ଖାନାନ୍, ଜିସୁଦିମାନୁ ବିସ୍‌ବାସ୍ କିଦେଙ୍ଗ୍ ଆନାଡ୍ ଇଜି ଲୋକାଙ୍ଗ୍ ଇଜିମାର୍‌ଆନ୍ ।”

୫ ଖାର୍ ଇକା ଖେନ୍‌ଜି ପ୍ରବୁ ଜିସୁଦି ଦରତାନ୍ ତୁବନ୍ ଅତାର୍ ।

୬ ମାରି ପାଉଲ ଖାରି ମୁସକୁ କିୟୁ ଇର୍‌ତାନ୍, ଆବେଟ୍ ପବିତ୍ର ଆମ୍ବା ଖାରି ମୁସକୁ ଖାତାଡ୍, ମାରି ଖାର୍ ଆଇ ବାସାଦାନ୍ ଖାର୍‌ଗିତାର୍ ମାରି ବାକ୍ୟ ପ୍ରଚାର୍ କିତାର୍ ।

୭ ଖାର୍ ଓଜେରେ ବାର୍ ଲୋକୁ ମେମାରିର୍ ମାର୍ହାର୍ ।

୮ ଖେନ୍‌କା ପାଉଲ ଜିହୁଦିରି ପାର୍ତନା ଇଲୁଦୁ ଡଗ୍‌ଗୁଜି ମୁନ୍‌ଶ୍ଟି, ଲେଜକୁ ସାନ୍ ସାହାସ୍‌ତାନ୍ ମାପୁରୁଦି ରାଜି ବିସୟତାନ୍ ଖେର୍‌ସି ବିସ୍‌ବାସ୍ କିବିସ୍ କିଦେଙ୍ଗ୍ ସେସ୍ଟା କିଦେଙ୍ଗ୍ ଆସ୍‌ତାନ୍ ।

୯ ମାତର୍ ଏସ୍‌ତିଖାଲେ ଏସ ଲୋକୁ ଆର୍‌ଖା ନି ବିସ୍‌ବାସ୍ କିଏନ୍‌ଶ୍ଟା ଲୋକା ଆଗ୍‌ଡି ଆୟା ସାରି ବିସୟତାନ୍ ନିନ୍ଦା କିଦେଙ୍ଗ୍ ଆସ୍‌ତାର୍, ନାସ୍‌ତିଖାଲେ ଖାନ ଖାନିଙ୍ଗ୍ ଡିସ୍‌ସି ସିସୁରିଙ୍ଗ୍ ଖେର୍‌ଏ କିତାନ୍, ମାରି ଦିନାମି ଚିରାନ୍‌ସ୍ ଇଲୁଦୁ ଖାର୍‌ଗିଜିସାଦେଙ୍ଗ୍ ଆସ୍‌ତାନ୍ ।

୧୦ ଇୟାଖାଜା ଦୁଇ ବାସ୍‌ସ୍ ସାନ୍ ସାଲାତାଡ୍; ଆବେଟ୍ ଆସିଆ ବାସାତିମାନି ଜିହୁଦି ଲୋକୁ ନି ଅଣଜିହୁଦି ଲୋକୁ ଓଜେରେ ପ୍ରବୁଦି ବାକ୍ୟ ଖେର୍‌ହାର୍ ।

ସ୍ଲୋବାଦି ମାରିସିର୍

୧୧ ମାପୁରୁ ପାଉଲ୍‌ତି ମାଣାନ୍ ସାମାନ୍‌ତି କାବାଆନି ପାଣି ଓଜୁ କିତାନ୍ ।

୧୨ ଇୟାଖାଜା ଜେ ପାଉଲ ଆସ୍‌ସି ମାହ୍ ରୁମାଲ୍ ନି ଖାତିଗନ୍ଦା ରଗିଲୋକାଙ୍ଗ୍ ଲାକ୍‌ତୁ ଅତିଙ୍ଗ୍ ଖାର୍ ନେଗେନ୍ ଆଜିମାର୍ହାର୍ ମାରି ଖାରି ମେନ୍‌ଲ୍‌ତାନ୍ ତାଗଲ ଦୁବେଙ୍ଗ୍ ଓଜୁ ସହସି ସଲ୍‌ସିମାହ୍ ।

୧୩ ଏସ ବୁଲାନି ଜିହୁଦି ଦୁବେଙ୍ଗ୍ ପେର୍‌ନିକାର୍ ବା ପ୍ରବୁ ଜିସୁ ଦର୍ ଆସ୍‌ସି ଦୁବେଙ୍ଗ୍ ଡିସ୍‌ସି କିଦେଙ୍ଗ୍ ସେସ୍ଟା କିତାର୍ । ଖାର୍ ଦୁବେଆଙ୍ଗ୍ ଇଜିମାର୍ହାର୍, “ପାଉଲ ପ୍ରଚାର୍ କିଜିମାନି ଜିସୁଦି ଦରତାନ୍ ନାନ୍ ନିଙ୍ଗ୍ ଆଦେସ୍ ସିଜିନା ।”

୧୪ ସ୍ଲୋବା ଦର୍‌ତି ଅରେନ୍ ଜିହୁଦି ପେରି ଜାଜକତି ସାଡ୍‌ଲୋକ୍ ମାରିସିର୍ ଇୟାଖାଜା କିଜିମାର୍ହାର୍ ।

୧୫ ମାତର୍ ଦୁବା ଖାନିଙ୍ଗ୍ ଇର୍‌ହାଡ୍, “ନାନ୍ ଜିସୁଙ୍ଗ୍ ନେସ୍‌ନା ମାରି ପାଉଲ୍‌ତି ବିସୟତାନ୍ ନେସ୍‌ନା; ମାତର୍ ମିର୍ ଓଜେରେ ଏର୍ ?”

୧୬ ଦୁବା ଆସ୍‌ତି ଲୋକୁ ଖାନିଙ୍ଗ୍ ନାଶ୍ଟଦାନ୍ ରେଲ୍‌ଜି ଖାନିତରିନ୍ ଇର୍‌ତାନ୍ । ଖାରି ଆଙ୍ଗ୍ ପାସିୟା କିସ୍‌ତାପକ୍‌ତାଡ୍, ଖାର୍ କାଣ୍ଡିଆକାବ୍‌ରା ଆଜି ଖାନି ଇଲ୍‌ତାନ୍ ଉର୍‌କୁତେ ।

☆ ୧୯:୪ ମାଡିଉ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜୋହନ ୧:୨୨,୨୭.

୧୭ ଏପିସସ୍ତୁ ବାସାନି ଜିହୁଦିଲୋକୁ ନି ଅଣଜିହୁଦିଲୋକ୍ ଇୟା ବିସୟତାନ୍ ଝେନ୍ଜି ତିଲାତାର୍ ମାରି ଆବେ ପ୍ରବୁ ଜିସୁଦି ଦର୍ ମାରି ନାଣ୍ଡଦାନ୍ ମାନାନିକା ଆତାଡ୍ ।

୧୮ ବିସ୍ବାସ୍ବରି ମାଣାନ୍ ନାଣ୍ଡ ଲୋକୁ ନିଜେଦି ଝିଜୁ ତାଗଲ ପାଣି ଝିଜେରରି ଆଗ୍ଡି ଝେକ୍ତାଡ୍ ।

୧୯ ଗୁଣିଆ ବିଦ୍ୟା ଅଜାନି ନାଣ୍ଡ ଲୋକୁ ଝାରି ବଇଙ୍ଗ୍ ଝିଜୁ ତାସି ଲୋକା ଆଗ୍ଡି ଉଣ୍ଡା କିଜି ଆଡ୍କ୍ତା ପକ୍ତାଡ୍ । ଝାରି ଆୟା ବଇଙ୍ଗ୍ ଦାରା ମାହାଡ୍ ପଚାସ୍ ହଜାର୍ ଝେଡି ତାବୁଙ୍ଗ୍ ।

୨୦ ଇୟାଝାଜା ପ୍ରବୁଦି ବାକ୍ୟ ନାଣ୍ଡଦାନ୍ ଝେଙ୍ଗିତାସହାଡ୍ ମାରି ନାଣ୍ଡ ସାକ୍ତିସାଲି ଆତାଡ୍ ।

ଏପିସସ୍ତୁ ଜାଟିଜଗଡ଼ା

୨୧ ଇୟାଝିଜୁ ଗଟନା ଝେନ୍କା ପାଉଲ ମାସିଦନିଆ ନି ଆକାୟା ନାମ୍ଡିସିଜି ଜିରୁସାଲାମତୁ ସନ୍ତ୍ରେଙ୍ଗ୍ ଇଞ୍ଜା କିତାନ୍ । ଝାନ୍ ଇହାନ୍, “ଆବେ ସହ୍ ଝେନ୍କା ନାନ୍ ଏଣ୍ଡେସ୍ବା ରୋମତୁ ବା ସନା ।”

୨୨ ଆଦେଙ୍ଗ୍ ଝାନ୍ ଝାନି ସେବାକିନି ରିଏର୍ ତଡ୍ ତିମତି ନି ଏରାଷ୍ଟିଜ୍ ମାସିଦନିଆଦୁ ପକ୍ତାନ୍, ମାତର୍ ନିଜେ ଆସିଆ ଦେସ୍ତୁ ମାରି ଏସ ସମୟ୍ ତେବାତାନ୍ ।

୨୩ ଇୟା ଲୋଇ ପ୍ରବୁ ତରତିମାନି ସାରି ବିସୟତାନ୍ ଅସି ଏପିସସ୍ତୁ ନାଣ୍ଡ ଜାଟିଜଗଡ଼ା ଆତାଡ୍ ।

୨୪ ଦିମଡ୍ରିୟ୍ ଦରତି ଅରେନ୍ ଝେନ୍ଶ୍ଵି ତିଆରକିନିକାନ୍ ଆର୍ଡେମି ଦିୟାମ୍ ମନ୍ଦିରତି ଝେନ୍ଶ୍ଵି ବମା ରସ୍ସି ମାହାନ୍, ଇୟା ପରନିମାଣାନ୍ ପାଣିକିନିକାର୍ ନାଣ୍ଡ ଲାବ୍ ପୟ୍ଜିମାହାନ୍ ।

୨୫ ଆୟାଉଣ୍ଡିଙ୍ଗ୍ ଝାନ୍ ସାମାନ୍ ବେପାରକିନିଝାରିଙ୍ଗ୍ ଉନ୍ଶ୍ଵା କିଜି ଇହାନ୍, “ଆଞ୍ଜାର୍, ଇୟା ବେପାର୍ ମାଙ୍ଗ୍ ମାଜନ୍ କିତାମାନାନ୍ ଇଜି ଝିଜେରେ ନେସ୍ନିଦେର୍ ।

୨୬ ଇଲେଇ ଇୟା ପାଉଲ ଇନିକା କିନାନ୍; ଆକା ମିର୍ ନିଜେ ସୁଡ୍ବୁଦେଙ୍ଗ୍ ଆର୍ସିନିଦେର୍ ମାରି ଝେନ୍ତ୍ରେଙ୍ଗ୍ ଆର୍ସିନିଦେର୍ । ଝାନ୍ ଇଜିନାନ୍, ଲୋକୁ କିୟୁଦାନ୍ ତିଆରଆତି ଦିୟାମ୍କୁ ଝିଜୁ ମୁଡ୍ବୁକ ଦିୟାମ୍କୁ ଆଉ, ମାରି ଝାନ୍ ଇବେ ଏପିସସ୍ ନି ଝିଜୁ ଆସିଆ ଦେସ୍ତୁ ନାଣ୍ଡ ଲୋକାଙ୍ଗ୍ ଇୟା ବିସୟତାନ୍ ବାମ୍ରେକିଜିନାନ୍ ।

୨୭ ଆବେଟ୍ ମା ବେପାର୍ ନାସ୍ ଆନି ମୁସ୍କୁ ମାନାଡ୍ । କେବଲ୍ ଆକାନ୍ ସିଲେ, ଆମା ଦିୟାମ୍ ଆସିଆ ନି ଝିଜୁ ଦୁନିଆଦୁ ଝିଜେରି ମାଣାନ୍ ପୁଜା ପୟ୍ନାଡ୍, ଆୟା ପେରି ଆର୍ଡେମି ଦିୟାମ୍ତି ମନ୍ଦିର୍ ଝେଙ୍ଗ୍ ଝିଜି ତେବାଏଡ୍ ନି ମାରି ଆର୍ଡେମି ଦିୟାମ୍ତି ଝେଙ୍ଗ୍ ନିକା ନାସ୍ ଆନାଡ୍ ।”

୨୮ ଲୋକୁ ଇୟା ମାଟା ଝେନ୍ଜି ରିସା ଆତାର୍ ମାରି ଆଉଲି ଆଜି ଇହାନ୍, “ଏପିସୟଦି ଆର୍ଡେମି ପେରିଦିୟାମ୍ତି ଜିଣାନିକା ଆପିଡ୍ !”

୨୯ ଇୟା ଜାଟିଜଗଡ଼ା ଝିଜୁ ଗାଡ୍ଡୁ ଝେଙ୍ଗ୍ ତାସହାଡ୍ । ରିସାଆତିମାହ୍ ଲୋକୁ ପାଉଲ୍ତି ଝାଲେମାହ୍ ମାସିଦୋନିଆଦି ଗାୟ୍ସ୍ ନି ଆରିସ୍ଟ୍ଵାକ୍ସ୍ତିଙ୍ଗ୍ ଆସ୍ସି ଝାରି ଜୁଜକିନିବାଡିଦୁ ତରତା ଅତାର୍ ।

୩୦ ପାଉଲ୍ ନିଜେ ଲୋକା ଆଗ୍ଡି ନିନ୍ତ୍ରେଙ୍ଗ୍ ବଦା କିତାନ୍, ମାତର୍ ବିସ୍ବାସିର୍ ଝାନିଙ୍ଗ୍ ଇୟାକା କିଦେଙ୍ଗ୍ ସିଏତାର୍ ।

୩୧ ଏସ ଲୋକ ଗାଡ୍ଡି ନିଜେଦି ଅଦିକାରି ସଙ୍ଗ୍କୁ ପାଉଲ୍ତିଙ୍ଗ୍ ଜୁଦ୍କିନିବାଡି ଲୋଇ ସଲ୍ଲ ଉଣ୍ଡିଙ୍ଗ୍ ମାଡିସ୍ କିଜି ଉନ୍ଶ୍ଵି ମାଟା ପକ୍ତାଡ୍ ।

୩୨ ଇୟା ସମୟ୍ ଲୋଇ ପୁରାମିଟିଙ୍ଗ୍ ମାଡ୍ଗୋଲ୍ଡୁ ପୁରା ଆତାଡ୍ । ଲୋକୁ ଦଲ୍ ଦଲ୍ ଆଜି ନାଣ୍ଡ ଆଉଲି ଆଜିମାହାନ୍, ଇରିଙ୍ଗ୍ ଝାରି ଲୋଇ ଏସ ଲୋକୁ ଝାରି ଉଣ୍ଡାତି ମାହ୍ କା ମାଟା ବା ନେସ୍ଏର୍ ମାହାନ୍ ।

୩୩ ଲୋକା ଲୋଇ ଏସ ଲୋକୁ ଇହାନ୍ ଜେ, ଆଲେକ୍ଜାଣ୍ଡର୍ ଇୟାଉଣ୍ଡିଙ୍ଗ୍ ଦସ୍, ଇରିଙ୍ଗ୍ ଜିହୁଦି ଲୋକୁ ଝାନିଙ୍ଗ୍ ଆଗ୍ଡି ନିଲ୍ପତା ମାହାନ୍ । ଆଲେକ୍ଜାଣ୍ଡର୍ କିୟୁ ପେର୍ଜି ଲୋକାଙ୍ଗ୍ ଆଲ୍ଜ ମାନ୍ତ୍ରେଙ୍ଗ୍ ଇଜି ଜୁଟ୍ତାନ୍ ମାରି ବିସ୍ବାସ୍ବରି ତରିନ୍ ବାସଣ ସିଜି ବୁଜାକିଦେଙ୍ଗ୍ ସେସ୍ଟା କିତାନ୍ ।

୩୪ ମାତର୍ ଝାନ୍ ଅରେନ୍ ଜିହୁଦି, ଇକା ନେସ୍ସି ଝାର୍ ଝିଜେରେ ଅର୍ସେ ଆଉଲି ଆତାର୍, “ଏପିସସ୍ତି ଆର୍ଡେମି ପେରିଦିୟାମ୍ତି ଜୟ୍ ଆପିଡ୍ !” ଦୁଇ ଗଣ୍ଡା ଆସ୍ସି ଇୟାଝାଜା ଆଉଲି ଆଜିମାହାନ୍ ।

୩୫ ସାରାସାରି ଗାଡ୍ଡି ପେରିକାନ୍ ଲୋକାଙ୍ଗ୍ ଆଲେଜ ମାନ୍ତ୍ରେଙ୍ଗ୍ ଇଜି ଇହାନ୍, “ଏପିସୟଦୁ ବାସାନି ତଡାନ୍କୁ ଝିଜେରେ ନେସ୍ନାର୍ ଜେ, ଏପିସସ୍ ଗାଡ୍ଡି ପେରି ଦିୟାମ୍ ଆର୍ଡେମି ମନ୍ଦିର୍ ନି ବାଦଡ୍ତାନ୍ ଆର୍ଡି ଝାଡିମାନି ପବିତ୍ର ବମାଦି ରକ୍ଷା ଆଜି ଝାଜିନାଡ୍ ।

୩୬ ଇକା ଏନ୍ ସିଲେ ଇନ୍ତ୍ରେଙ୍ଗ୍ ଆର୍ଏନ୍ । ଆଦେଙ୍ଗ୍ ମିର୍ ଝିଜେରେ ଆଲେଜ ମାନ୍ତ୍ରେ । ଇନି ତାଗ୍ଲ ପାଣି କିମାଟ୍ ।

୩୭ ଇୟା ଲୋକୁ ମନ୍ଦିରତାନ୍ ଇନିକା ତଙ୍ଗ୍ କିଏର୍, ମାରି ମା ଦିୟାମ୍ତି ବିରଦ୍ତାନ୍ ଇନି ନିୟା ମାଟା ଇନ୍ଏର୍ । ଆରିଙ୍ଗ୍ବା ମିର୍ ଝେରିଙ୍ଗ୍ ଆସ୍ସି ତାଡିମାନିଦେର୍ ।

୩୮ ଦିମତ୍ରିୟ ନି ଖାନି ପାଣିକିନିଝାରି ଏ ବିରଦତାନ ଇନି ମାଟା ମାନାଡ଼, ତାନି ବିସାର କିଦେଙ୍ଗ୍ ଫା ପେରିକାର ମାନାର ମାରି ବିସାର ଇଲ୍ଲତି ଟିକ୍ ଦିନ୍ ଝିଜୁ ମାନାଡ଼ । ଆବେ ଆୟା ମାଟା ଝେରତେଙ୍ଗ୍ ଆଦେଙ୍ଗ୍ ଆଟନାଡ଼ ।

୩୯ ଜଦି ତେନିମାଣାନ ମାରି ନାଣ୍ଡ ଇନିକା ବଦା କିଡିଙ୍ଗ୍, ଆରଡିଙ୍ଗ୍ ଟିଲୋକାମାଣାନ ନିୟମ୍ ଆତିମାନି ଉନ୍ଣି, ମିଟିଙ୍ଗ୍ ଡୁଁ ତାନି ପୁରା ଅଆୟ ଆଦେଙ୍ଗ୍ ଆଟନାଡ଼ ।

୪୦ ନେରୁ ଆମାକା ଗଟାତାମାନାଡ଼, ଆବେ ମା ବିରଦତାନ ଜାଟିଜଗଡ଼ା ଗଟେକିନି ମାଟାଦି ଆସା ମାନାଡ଼, ମାଡ଼ ଇୟାଝିଜୁ ଜାଟିଦାନ ଇନି ଟିକ୍ ମାଟା ଝେରତେଙ୍ଗ୍ ଆଟଏପ୍ ।”

୪୧ ଇୟାଝିଜୁ ମାଟା ଇଜି ଖାନ ଲୋକାଙ୍ଗ୍ ସାନ୍ତି କିଜି ମିଟିଙ୍ଗ୍ ବନ୍ଦ କିତାନ ।

୨୦

ମାସିଦନିଆ ନି ଆକାୟାଦୁ ସନିକା

୧ ଜାଟିଜଗଡ଼ା ଝିଜିତି ଝେନକା ପାଉଲ ବିସ୍ବାସିରିଙ୍ଗ୍ ଡିଣ୍ଡା କିଜି ଝେଡ଼ିକାଦି ମାଟା ଝେନିସ୍ବକିତାନ । ଖାରି ମାଣ୍ଡକୁ ସଲ୍ସି ଖାନ ମାସିଦନିଆଦୁ ସର୍ହାନ ।

୨ ଖାନ ଝିଜୁ ରାଜି ସିଜି ସର୍ହାନ ମାରି ନାଣ୍ଡ ନେଗିମାଟା ଝେରସି ଲୋକାଙ୍ଗ୍ ଝେଡ଼ିକା କିତାନ । ତାନେଝେନକା ଖାନ ଗ୍ରିସ୍ ଦେସଡୁ ଇତାନ ।

୩ ଆବେ ମୁନ୍ଡୁ ଲେଜକୁ ତେବାତାନ । ଖାନ ସିରିଆଦୁ ସନ୍ତେଙ୍ଗ୍ ଡିଆର ଆନିଝାଲେ ଜିହୁଦିଲୋକୁ ଖାନି ବିରଦତାନ ଉପାୟ କିଜିନାର ଇଜି କାରୁର୍ ପୟଜି ମାସିଦନିଆ ସାରିତରିନ୍ ଡେସି ସନ୍ତେଙ୍ଗ୍ ଅଡ଼ବିତାନ ।

୪ ବେରିଆଦୁ ବାସାନି ପୁରୁଦି ମାରିସି ସୋପାଡୁ, ତେସଲନିକିଆଦି ଆରିସ୍ବାର୍କସ୍ ନି ସେକ୍ସୁନ୍, ଦବ୍ ଦି ଗାୟ, ଆସିଆ ଦେସଡି ତୁକିକ ନି ତ୍ରପିମ, ମାରି ତିମତି ଖାନି ଝାଲେ ସର୍ହାର ।

୫ ଖାର ଆଗଡ଼ିରାନ ସଲ୍ସି ଡ୍ରୋୟାଦୁ ମାଙ୍ଗ୍ କାପକିତା ମାହାର ।

୬ କମିରସିଲି ରୁଟି ପଣ୍ଡୟତି ଝେନକା ମାପ୍ ପିଲିପି ଗାଡ଼ତାନ ଏରୁ ନାସି ପାସ୍ ଦିନ୍ ଝେନକା ଡ୍ରୋୟାଦୁ ଖାରି ଝାଲେ ମିସାତାପ୍ ମାରି ଆବେ ଉନ୍ଣି, ଝାରା ତେବାତାପ୍ ।

ଡ୍ରୋୟାଦୁ ପାଉଲ୍ଡି ସାରାସାରି ସନିକା

୭ ଝାରାଦି ଆଗଡ଼ିରି ନାଣ୍ଡିଙ୍ଗ୍ ମାପ୍ ଅରସେ ଉଣି ବଜୋଦୁ ଉଣ୍ଡାତାପ୍ । ପାଉଲ ଲୋକାଙ୍ଗ୍ ମାଜରାନାଡ଼ା ସାନ୍ତି ମାଟା ଝେରତାନ, ଇରିଙ୍ଗ୍ ଫାରନାଣ୍ଡିଙ୍ଗ୍ ଖାନ ଆୟା ବାଡି ତ୍ରିସ୍ତେଙ୍ଗ୍ ସଲ୍ସିମାହାନ ।

୮ ଆମା ମୁସକୁରି ମହଲାଦୁ ମାପ୍ ମିଟିଙ୍ଗ୍ କିଜିମାହାପ୍, ଆବେ ନାଣ୍ଡ ଦିଝେଙ୍ଗ୍ କାସ୍ସି ମାହେ ।

୯ ଆବେ ଇଉଟିକସ୍ ଦରଡି ଅରେନ୍ ମୁରୁଲି ଜରକା ଲାକ୍ତୁ ବାସ୍ତାମାହାନ, ପାଉଲ ମାଟା ଇନି ସମୟଡୁ ଖାନିଙ୍ଗ୍ ସୁସ୍ବକାଣକୁ ଝାଦେଙ୍ଗ୍ ଆସତେ । ଖାନ ନାଣ୍ଡ ସୁଜଜି ମୁନ୍ଣି, ମହଲା ମୁସ୍ବକୁରାନ ଆଡ଼ଗି ଆରତାନ । ଖାର ଖାନିଙ୍ଗ୍ ନିକିନିଝାଲେ ଖାନ ସାତା ସର୍ହାମାହାନ ।

୧୦ ମାତର ପାଉଲ ଆଡ଼ଗି ରେସି ଝାଜି ଖାନିଙ୍ଗ୍ ପମ୍ପଜି ଆସ୍ସି ଇର୍ହାନ, “ଦାନ୍ଦା ଆମାଟ୍ । ଖାନ ଜିତାମାନାନ ।”

୧୧ ତାନିଝେନକା ଖାନ ମୁସ୍ବକୁ ଡେସି ସଲ୍ସି ରୁଟି ରୁକ୍ସି ତିରଆନ୍ ମାରି ଝେଡ଼ା ସନି ସାନ୍ତି ଖାରି ଝାଲେ ନାଣ୍ଡ ଝାରଗିଜି ଆବେଶାନ ସର୍ହାନ ।

୧୨ ଲୋକୁ ମୁରୁଲି କଡ଼ଦିଙ୍ଗ୍ ଜିତିମାନିକା ସୁଡ଼ଜି ଖାନି ଇଲ୍ଡୁ ଅତାର ମାରି ନାଣ୍ଡ ଝେଡ଼ିକା ପୟତାର !

ଡ୍ରୋୟାଦାନ ମିଲିଟସ୍ବତୁ ସନିକା

୧୩ ମାପ୍ ଆଗଡ଼ିରାନ ଜାହାଜ୍ତୁ ଏକ୍ସି ଆସୋସ୍ବତୁ ସର୍ହାପ୍ । ଆବେଶାନ ମାପ୍ ପାଉଲ୍ଡିଙ୍ଗ୍ ଜାଜ୍ତୁ ଅତେଙ୍ଗ୍ ମନ୍ କିତାମାହାପ୍, ଇରିଙ୍ଗ୍ ଖାନ ସାରିବୁଲାଜି ଆୟା ବାଡିଦୁ ଇନାନ ଇଜି ଇର୍ହାମାହାନ ।

୧୪ ଖାନ ଏସ୍ବିଝାଲେ ମାଙ୍ଗ୍ ଆସୋସ୍ବତୁ ବେଟ୍ଆତାନ, ମାପ୍ ଖାନିଙ୍ଗ୍ ଜାହାଜ୍ତୁ ଅସି ମିତିଲିନିଦୁ ସର୍ହାନ ।

୧୫ ଆବେଶାନ ମାରି ସଲ୍ସି ମାରନାଣ୍ଡିଙ୍ଗ୍ କିଅସ୍ ଲାକ୍ତୁ ଇତାପ୍ । ମାରି ଉଣ୍ଡି ଦିନ୍ଡି ଝେନକା ମାପ୍ ସାମସ୍ବତୁ ଇତାପ୍, ମାରନାଣ୍ଡିଙ୍ଗ୍ ମିଲିଟସ୍ବତୁ ଇତାପ୍ ।

୧୬ ଆସିଆ ରାଜିଦୁ ମାରି ନାଣ୍ଡ ସମୟ ତେବାଏନ୍ଣା ଏପିସସ୍ ପାଡ଼ି ପାଡ଼ି ଜାହାଜ୍ ସାଲାକିଦେଙ୍ଗ୍ ପାଉଲ ମନ୍ କିତାନ । ଜଦି ଆଡିଙ୍ଗ୍, ପେଣ୍ଡିକସ୍ ନାଣ୍ଡିଙ୍ଗ୍ ଜିରୁସାଲାମ୍ତୁ ଇଦେଙ୍ଗ୍ ଇଜି ଖାନ ଦାନ୍ଦା ଆଜିମାହାନ ।

ଏପିସିୟ ମଣ୍ଡଲିଦି ନେତାରିଙ୍ଗ୍ ପାଉଲ୍ଡି ପକ୍ସି ମାଟା

୧୭ ମିଲିଟସ୍ବତାନ କାରୁର୍ ପୋକ୍ସି ଏପିସିୟ ମଣ୍ଡଲିଦି ପେରି ନେତାରିଙ୍ଗ୍ ଖାନି ଝାଲେ ମିସାଦେଙ୍ଗ୍ ପାଉଲ କୁକିସ୍ କିତାନ ।

୧୮ ଖାର୍ ଖାଜି ଉଣ୍ଡାତାରୁଆକା ପାଉଲ ଇର୍ହାନ, “ଆସିଆ ରାଜିଦୁ ଇନି ପାର୍ତୁମ୍ ଦିନତାନ୍ ନାନୁ ଏଣ୍ଡେସ୍ ମି ଖାଲେ ଏସ୍ ସମୟ୍ ତେବାତା ମାର୍ହା, ଆକା ମିର୍ ନେସ୍ନିଦେର୍ ।

୧୯ ଜିହୁଦି ଲୋକା ଉପାୟ୍ତି ଉଣ୍ଡିଙ୍ଗ୍ ନାଙ୍ଗ୍ ଏମେ ଝିଜୁ ଦୁକ୍‌କାସୁ ବଗାଦେଙ୍ଗ୍ ପଢାତାତ୍, ତାନି ଲୋଇ ନାନୁ ପ୍ରବୁଦି ସେବାକିନି ଖାଜା ଆଡ୍‌ବାଜି ସାନ୍ତିଦାନ୍ ପାଣି କିତାମାନା ।

୨୦ ମିର୍ ନେସ୍ନିଦେର୍ ଜେ, ନାନୁ ଲୋକାମାନୁ ପ୍ରଚାର୍ କିନିଖାଲେ ମାରି ମି ଇଲ୍‌କାଙ୍ଗ୍ ସିକିୟା ସିନିଖାଲେ ମି ନେଗେନ୍ ଆନି ଖାଜା ଇନି ବିସୟ୍ ଝେକ୍‌ତେଙ୍ଗ୍ ଝେନ୍‌କା ଗୁସାଏମାର୍ହା ।

୨୧ ଜିହୁଦିଲୋକୁ ନି ଅଣଜିହୁଦି ଲୋକୁ ଝିଜେରିଙ୍ଗ୍ ନାନୁ ଆର୍‌ଝା ଜାଗାର୍‌ତା ସାକି ସିତାମାର୍ହା ଜେ, ଖାର୍ ପାପ୍‌ତାନ୍ ଡେସି ଏଡ୍‌କିଜି ମାପୁରୁ ତରିନ୍ ମନ୍ ସିନାର୍ ମାରି ପ୍ରବୁ ଜିସୁଦିମାନୁ ବିସ୍‌ବାସ୍ କିନାର୍ ।

୨୨ ଇଲେଇ ପବିତ୍ର ଆମ୍‌ଦି ମାଟା ମାନାଜି ନାନୁ ଜିରୁସାଲାମ୍‌ତୁ ସଲ୍‌ସିନା, ନେସେଏ ଆବେନ୍ ନାନ୍ ଇନିକା ଆନାଡ୍‌ନୋ ।

୨୩ ପବିତ୍ର ଆମ୍‌ ନାଙ୍ଗ୍ ଜାଗାର୍‌ତା କିତା ସିତାମାନାତ୍ ଜେ ଝିଜୁ ଗାଡ୍‌କାଙ୍ଗ୍ ନାନୁ ଜଇଲ୍‌ସଲ୍‌ସି କାସୁ ପୟ୍‌ନା ।

୨୪ ମାତର ନା ଉଣ୍ଡିଙ୍ଗ୍ ନା ନିଜେ ଜିବନ୍‌ତିଙ୍ଗ୍ ନାନୁ ଇସିକା ଇଜି ଅଡ୍‌ରିନା । ମାପୁରୁଦି ଦୟା ବିସୟ୍‌ତାନ୍ ପ୍ରବୁ ଜିସୁ ଏମେ ମାଟା ଝେର୍‌ତେଙ୍ଗ୍ ଇଜି ନାଙ୍ଗ୍ ସେବା ଦାୟିତ୍‌ ସିତାମାନାନ୍, ଆକା ପୁରା କିଦେଙ୍ଗ୍ ଇଜିନା ସୁସମାଚାର୍ ପ୍ରଚାର୍ ପାଣି ସାକି ପୁରା କିନା, ନିସନେ ନା ବଦା ।

୨୫ “ମାପୁରୁଦି ରାଜି ବିସୟ୍‌ତାନ୍ ପ୍ରଚାର୍ କିଦେଙ୍ଗ୍ ଇଜି ନାନୁ ମି ଝିଜେରି ଲାକ୍‌ତୁ ସଲ୍‌ସିନା । ଇଲେଇ ସୁଡ୍‌ଦୁ, ନାନୁ ନେସ୍‌ନା ଜେ, ମି ମାଣାନ୍ ଏନ୍ ନାଙ୍ଗ୍ ମାରି ସୁଡ୍‌ସୁନ୍ ।

୨୬ ଆଦେଙ୍ଗ୍ ନେର୍‌ରି ଇୟା ସୁଜଗଦୁ ନାନୁ ଆର୍‌ଝାଦାନ୍ ମି ଲାକ୍‌ତୁ ଝେର୍‌ସିନା ଜେ, ଜଦି ମି ଲୋଇରାନ୍ ଏନ୍ ନାସୁ ଆନାନ୍, ଆୟାଉଣ୍ଡିଙ୍ଗ୍ ନାନୁ ଦାଇ ସିଲେ ।

୨୭ ଇରିଙ୍ଗ୍ ମାପୁରୁଦି ଝିଜୁ ଉଦେସ୍ ମି ଲାକ୍‌ତୁ ଝେର୍‌ତେଙ୍ଗ୍ ନାନୁ ଝେନ୍‌କା ଗୁସାଏ ।

୨୮ ମାରି ମିର୍ ନେତା ଖାଜା ନିଜେଦି ବିସୟ୍‌ତାନ୍ ମାରି ପବିତ୍ର ଆମ୍‌ ମି ଜାତୁନ୍ ଅତେଙ୍ଗ୍ ଏମେ ବିସ୍‌ବାସି ମାନ୍‌ଦିଙ୍ଗ୍ ଡିସ୍‌ତା ସିତାମାନାନ୍, ଆୟା ଝିଜେରି ବିସୟ୍‌ତାନ୍ ଜାତୁନ୍ ଆଆ । ମେଣ୍ଡା ଗାଉଡ୍ ଖୁଜା ମାପୁରୁଦି ମଣ୍ଡଲିଦି ଜାତୁନ୍ ଅଆ । ଆୟା ମଣ୍ଡଲିଦିଙ୍ଗ୍ ଖାନ୍ ଖାନି ମାରିସିଦି ନେତେର୍‌ତ ମାଣାନ୍ ନିଜେଦିକା କିତାମାନାନ୍ ।

୨୯ ନାନୁ ନେସ୍‌ନା, ନାନୁ ସର୍‌ରି ଝେନ୍‌କା ମି ଲୋଇ ବୟ୍‌କାର୍ ବେନ୍‌ତୁରକିଙ୍ଗ୍ ଖାନେ ମାରି ମାନ୍‌ଦିଙ୍ଗ୍ କାଣ୍ଡିଆକାର୍‌ରା କିଏନ୍‌ଣ୍ଡା ଡିସ୍‌ର ।

୩୦ ସମୟ୍ ଖାନାତ୍, ଏସ୍‌ିଖାଲେ ମି ନିଜେଦି ଦଲତା ଏସ୍ ଲୋକୁ ବିସ୍‌ବାସିରିଙ୍ଗ୍ ମିର୍ ମାଟା ଝେର୍‌ସି ତାଗ୍‌ଇ ସାରିଦୁ ଅନାର୍ ।

୩୧ ନାସ୍‌ିଖାଲେ ଜାଗାର୍‌ତା ମାନତୁ, ନାନୁ ଜେ ଝେଡ୍‌ ନାଡା କାଣେରୁଙ୍ଗ୍ ଖାକ୍‌ସି ମୁନ୍‌ଣ୍ଡି ବାର୍‌ସେକ୍ ସାନ୍‌ି ମି ଝିଜେରିଙ୍ଗ୍ ସିକିୟା ସିତାମାନା, ଇୟା ମାଟା ମନ୍‌ତୁ ଇଡ୍‌ଦୁ ।

୩୨ “ଇଲେଇ ନାନୁ ମିଙ୍ଗ୍ ମାପୁରୁଦି କିୟୁଦୁ ମାରି ଖାନି ଦୟାଦୁ ପୁରାତି ବାକ୍ୟଦୁ ସର୍‌ପେ କିଜିନା, ଆୟା ବାକ୍ୟ ମିଙ୍ଗ୍ ବପୁ କିଦେଙ୍ଗ୍ ଇଜି ମାପୁରୁଦି ଲୋକା ଉଣ୍ଡିଙ୍ଗ୍ ମାନି ଝିଜୁ ଆସ୍ ବାଦ୍ ମିଙ୍ଗ୍ ସିଦେଙ୍ଗ୍ ଇଜି ଆର୍‌ନା ।

୩୩ ନାନୁ ଏ ଝେଣ୍ଡି, ବାଙ୍ଗ୍‌ରାମ୍ ମାରି ଖାଡିଗନ୍‌ ପୟ୍‌ଦେଙ୍ଗ୍ ଆସା ଇଡ୍‌ଏ ।

୩୪ ମିର୍ ନେସ୍ନିଦେର୍, ନାନୁ ନା ଇୟା ରୁଣ୍ଡି କିକାଣ୍‌କୁ ପାଣି କିଜି ନିଜେଦି ମାରି ନା ଖାଲେ ପାଣିକିନିଖାରି ଝିଜୁ ଦର୍‌କାର୍ ପୁରା କିତାମାନା ।

୩୫ ପୟ୍‌ନି ମାଣାନ୍ ଦାନ୍ କିନିମାନୁ ନାଣ୍ଡ ଝେଡିକା ତେବାନାଡ୍, ନିଜେ ପ୍ରବୁ ଜିସୁଦି ଇୟା ବାକ୍ୟଦିଙ୍ଗ୍ ଏଡ୍‌କିଜି ଇୟାଖାଜା ନାଣ୍ଡ କାସୁଦି ପାଣିଦାନ୍ ମାପ୍ ଆର୍‌ଇ ଲୋକାଙ୍ଗ୍ ସାକା କିନି ଦର୍‌କାର୍, ଇୟା ବିସୟ୍‌ତାନ୍ ନାନୁ ଝିଜୁଦିନ୍ ମିଙ୍ଗ୍ ସାରି ତର୍‌ତାମାନା ।”

୩୬ ଇୟାଝିଜୁ ମାଟା ଝେର୍‌ତି ଝେନ୍‌କା ପାଉଲ ଖାରି ଖାଲେ ମେଣ୍ଡେଙ୍ଗ୍ ଗର୍‌କିଜି ପାର୍‌ତନା କିତାନ୍ ।

୩୭ ଝିଜେରେ ଆଡ୍‌ବାଜି ଆଡ୍‌ବାଜି ପାଉଲତିଙ୍ଗ୍ ପମ୍‌ଜି ନଣ୍ଡୁଜି ପୋକ୍‌ତାର୍ ।

୩୮ ଖାର୍ ଖାନିଙ୍ଗ୍ ମାରି ସୁଡ୍‌ଦେଙ୍ଗ୍ ଆର୍‌ଏର୍ ଇଜି ଖାନ୍ ଇର୍‌ହାନଆକା ଖାର୍ ନାଣ୍ଡ ଦୁକ୍ ଆତାମାର୍‌ହାର୍ । ଖାର୍ ଖାନିଙ୍ଗ୍ ପୋକ୍‌ତେଙ୍ଗ୍ ଇଜି ଜାହାଜ୍ ଲାକ୍‌ତୁ ସର୍‌ହାର୍ ।

୨୧

ପାଉଲ ଜିରୁସାଲାମ୍‌ତୁ ସନିକା

୧ ଖାରିଙ୍ଗ୍ ପୋକ୍‌ତି ଝେନ୍‌କା ମାପ୍ ଆବେଶାନ୍ ସର୍‌ହାପ୍ । ଏରୁସାରି ନାସି ମାପ୍ କୋସ୍‌ତୁ ଇତାପ୍ । ମାରିନାଣ୍ଡିଙ୍ଗ୍ ରୋଡ୍‌ସ୍ ପାଡି ସିଜି ପାତାରାଦୁ ସର୍‌ହାପ୍ ।

୨ ଆବେଶାନ୍ ପିନିସିଆଦୁ ସଲ୍‌ସିମାନି ଉନ୍‌ଣ୍ଡି ଜାହାଜ୍ ଏକ୍‌ସି ସର୍‌ହାପ୍ ।

୩ ତାନିଝେନ୍‌କା ସାଇପ୍ରସ୍ ତରଜିମାନି ଉନ୍‌ଶ୍ଟି, ବାଡ଼ିଦୁ ଇତାପ୍ । ଆବେଶାନ ତାନି ତେବିରି ତରିନ୍ ସିଜି ମାପ୍ ସିରିଆଦୁ ସର୍ହାପ୍ । ମାପ୍ ସୋର ଗାଡ଼ତୁ ଜାହାଜତାନ୍ ରେତାପ୍, ଇରିଙ୍ଗ ଇୟା ଜାହାଜତାନ୍ ସାମାନପତର୍ ରେପ୍‌ନିକା ମାହାଡ଼ ।

୪ ଆବେ ମାପ୍ ଏସ ବିସ୍‌ବାସିରିଙ୍ଗ୍ ସୁଡ଼ଜି ଖାରି ଖାଲେ ଉନ୍‌ଶ୍ଟି, ସାତା ତେବାତାପ୍ । ପବିତ୍ର ଆମ୍‌ଦି ଆଦେସ୍ ପୟ୍‌ଜି ଖାରି ପାଉଲ୍‌ତିଙ୍ଗ୍ ଜିରୁସାଲାମ୍‌ତୁ ସନ୍‌ଡ୍ରେଙ୍ଗ୍ ଚେବାକିତାର୍ ।

୫ ମାତର୍ ଖାରି ଖାଲେ ଉନ୍‌ଶ୍ଟି, ସାତା ତେବାତି ଝେନ୍‌କା ମାପ୍ ଖାରିଙ୍ଗ୍ ଡ଼ିସ୍‌ସି ନିଜେଦି ସାରିଦୁ ସର୍ହାପ୍ । ମାଙ୍ଗ୍ ଡ଼ିସ୍‌ତେଙ୍ଗ୍ ଇଜି ଖାରି ଝିଜେରେ ନିଜେଦି ଆଡ଼ସିକ୍ ମାରି କଡ଼ରି ଖାଲେ ଗାଡ଼ ଆଡ଼ରେ ମାନି ସାମ୍‌ଦୁର୍ ପାଡ଼ି ସାନ୍ ଖାତାର୍ । ଆବେ ମାପ୍ ଝିଜେରେ ମେଣ୍ଟେଙ୍ଗ୍ ଗଟ୍‌କିଜି ପାରତନା କିତାପ୍ ।

୬ ତାନିଝେନ୍‌କା ମାପ୍ ଖାରିଙ୍ଗ୍ ଚୋକ୍‌ସି, ଜାହାଜତୁ ଏକ୍‌ତାପ୍, ଖାରି ଇନ୍‌ଡ୍ର ଡ଼େସି ସର୍ହାପ୍ ।

୭ ମାପ୍ ସୋର ଗାଡ଼ତାନ୍ ଏରୁ ନାସି ଝିଜି ପତଲମାଇଦୁ ଇତାପ୍, ଆବେ ବିସ୍‌ବାସ୍‌ତି ତଡ଼ାନ୍‌କାଙ୍ଗ୍ ମାଡ଼ିସକିଜି ଖାରିଖାଲେ ଉନ୍‌ଶ୍ଟି, ଦିନ୍ ତେବାତାପ୍ ।

୮ *ମାରିନାଶ୍ଟିଙ୍ଗ୍ ମାପ୍ ଆୟା ବାଡ଼ି ଡ଼ିସ୍‌ସି କାଇସରିଆଦୁ ଇତାପ୍ । ଆବେ ମାପ୍ ପ୍ରଚାରକିନି ପିଲିପିତି ଇଲ୍‌ତୁ ତେବାତାପ୍, ଜିରୁସାଲାମ୍‌ତୁ ସେବକ ଖାଜା ବାସେଆତି ମାନି ସାଡ଼ ଲୋକା ଲୋଇ ଖାନ୍ ଅରେନ୍ ମାହାନ୍ ।

୯ ଖାନି ନାଲ୍‌ଗି ପେଡ଼ିଆଇ ଆଇଲିକ୍ ମାପୁରୁଦି ବାକ୍ୟ ଝେରସି ମାହେ ।

୧୦ *ମାପ୍ ଆବେ ନାଶ୍ଟି ଦିନ୍ ତେବାତି ଝେନ୍‌କା, ଜିହୁଦା ଦେସ୍‌ତାନ୍ ଆଗାବ ଦର୍ତି ଅରେନ୍ ବାବବାଦି ଆବେ ଖାତାନ୍ ।

୧୧ ଖାନ୍ ମା ଲାକ୍‌ତୁ ଖାଜି ପାଉଲ୍‌ତି ଜୁକିଦୁ ତରାନି ନାସୁ ଅତାନ୍, ଆବେଟ୍ ଖାନ୍ ନିଜେଦି କିୟୁ ମାରି କାଲୁ ତରସି ଇହାନ୍, “ପବିତ୍ର ଆମ୍‌ ନାଙ୍ଗ୍ ଜାଣେକିଜିନାଡ଼ ଜେ, ଇୟା ଜୁକି ତରାତି ଅଦିକାରିଙ୍ଗ୍ ଜିରୁସାଲାମ୍‌ତୁ ଜିହୁଦି ଲୋକୁ ଇୟାଖାଜା ତରସି ଖାନିଙ୍ଗ୍ ଅଣଜିହୁଦି ଲୋକା କିୟୁଦୁ ସର୍ପେ କିନାର୍ ।”

୧୨ ଇକା ଝେନ୍‌ଜି ମାପ୍ ମାରି ଆୟା ବାଡ଼ିଦୁ ମାନି ଆଇକାର୍ ପାଉଲ୍‌ତିଙ୍ଗ୍ ଜିରୁସାଲାମ୍‌ତୁ ସଲ୍‌ଇ ଉଣ୍ଟିଙ୍ଗ୍ ବାଡ଼ିଙ୍ଗ୍ ମାଲିତାପ୍ ।

୧୩ ମାତର୍ ପାଉଲ୍ ଇହାନ୍, “ମିର୍ ଇୟା ଇନିକା କିଜିନିଦେର୍, ଏନ୍ଦା ଇୟାଖାଜା ଆଡ଼ବାଜି ନା ଜିବନ୍‌ତିଙ୍ଗ୍ ରୁକ୍‌ସିନିଦେର୍ ? ଜିରୁସାଲାମ୍‌ତୁ କେବଲ୍ ତରାୟ୍ ଆଦେଙ୍ଗ୍ ସିଲେ, ମାତର୍ ପ୍ରବୁ ଜିସୁ ଉଣ୍ଟିଙ୍ଗ୍ ସାଦେଙ୍ଗ୍ ଇଜି ବା ନାନ୍ ତିଆର୍ ମାନା ।”

୧୪ ମାପ୍ ଖାନିଙ୍ଗ୍ ରୁଜା କିଦେଙ୍ଗ୍ ଆଟ୍‌ଏଜି ଆବେଶାନ୍ ସୁପ୍‌ଆଜି ଇହାପ୍, “ପ୍ରବୁଦି ବଦା ପୁରା ଆପିଡ଼ ।”

୧୫ ଆବେ ଏସ ସମୟ୍ ତେବାତି ଝେନ୍‌କା ମାପ୍ ମା ସାମାନ୍ ପତ୍ର ରସ୍‌ସି ଜିରୁସାଲାମ୍ ତରିନ୍ ସର୍ହାପ୍ ।

୧୬ କାଇସରିଆଦି ଏସ ସିସୁର୍ ନି କୁପ୍‌ଦି ମନାସୋନ ଦର୍ତି ଅରେନ୍ ବିସ୍‌ବାସି ବା ମା ଖାଲେ ଖାତାନ୍ । ମନାସୋନଦି ଇଲ୍‌ତୁ ମାପ୍ ତେବାନି ବ୍ୟବସ୍ଥା ଆତାମାହାଡ଼ ।

ଜାକୁବଦି ଖାଲେ ପାଉଲ୍‌ତି ବେଟ୍‌ଆନିକା

୧୭ ଜିରୁସାଲାମ୍‌ତୁ ବିସ୍‌ବାସ୍‌ତି ତଡ଼ାନ୍‌କୁ ଝେଡ଼ିକାଦାନ୍ ମାଙ୍ଗ୍ କୁକ୍‌ତାର୍ ।

୧୮ ମାରିନାଶ୍ଟିଙ୍ଗ୍ ପାଉଲ୍ ମା ଖାଲେ ଜାକୁବଙ୍ଗ୍ ସୁଡ଼ଦେଙ୍ଗ୍ ସର୍ହାନ୍; ମଣ୍ଡଲି ଝିଜୁ ନେତାର୍ ଆବେ ଉଣ୍ଡାତା ମାହାଡ଼ ।

୧୯ ପାଉଲ୍ ଖାରିଙ୍ଗ୍ ମାଡ଼ିସକିଜି ଖାନି ସେବା ପାଣିଦାନ୍ ମାପୁରୁ ଅଣଜିହୁଦି ଲୋକା ଲୋଇ ଆମାକା ଆମାକା କିତାମାହାନ୍; ତାନି ଉନ୍‌ଶ୍ଟି, ପୁରା ମାଟା ସିତାନ୍ ।

୨୦ ଖାନି ମାଟା ଝେରଇ ଝେନ୍‌କା ଖାରି ଝିଜେରେ ମାପୁରୁଦି ଦନ୍‌ସବାଦ୍ କିତାର୍ । ତାନି ଝେନ୍‌କା ଖାରି ଇହାଡ଼, “ତଡ଼ାନ୍ ପାଉଲ୍, ନିନ୍ ସୁଡ଼ଜିନି, ଏଣ୍ଟେସ୍ ଇଲେଇ ହାଜାର୍ ହାଜାର୍ ଜିହୁଦି ଲୋକୁ ପ୍ରବୁ ଜିସୁମାନୁ ବିସ୍‌ବାସ୍ କିଜିନାର୍ ମାରି ଖାରି ନିୟମ୍ ଉଣ୍ଟିଙ୍ଗ୍ ବା ବିସ୍‌ବାସ୍‌ତାନ୍ ତେବାତାମାନାର୍ ।

୨୧ ଖାରି କାବୁର୍ ପୟ୍‌ତାମାନାର୍ ଜେ, ନିନ୍ ଅଣଜିହୁଦି ଲୋକା ଦେସ୍‌ତୁ ବାସାଜି ମାନି ଜିହୁଦି ଲୋକାଙ୍ଗ୍ ମୋସାଦି ନିୟମ୍ ଡ଼ିସ୍‌ତେଙ୍ଗ୍, ଖାରି କଡ଼ରିଙ୍ଗ୍ ସୁନ୍‌ତ କିଇ ଉଣ୍ଟିଙ୍ଗ୍ ମାରି ଜିହୁଦି ରିତିନିତି ମାନାଇ ଉଣ୍ଟିଙ୍ଗ୍ ସିକିୟା ସିଜିନି ।

୨୨ ନିନ୍ ଇବେ ଖାତିମାନି ଇଜି ଖାରି ସତେନେ ଝେନାର୍ । ଆର୍ଡ଼ିଙ୍ଗ୍ ଇନିକା କିଦେଙ୍ଗ୍ ଆନାଡ଼ ?

୨୩ ମାପ୍ ବଦାକିଜିନାପ୍, ନିନ୍ ଉନ୍‌ଶ୍ଟି, ପାଣି କିଆ । ଇବେମାନି ନାଲ୍‌ଏର୍ ଲୋକୁ ଉନ୍‌ଶ୍ଟି, ଅପାତାମାନାର୍ ।

୨୪ ଖାରି ଖାଲେ ସାଙ୍ଗ୍‌ଆ । ନେଗେନ୍‌କିନି ବିଦି ମାନାନିମାନୁ ଖାରି ଖାଲେ ମିସାଜି ଖାରି କାର୍ସୁ କିଆ । ତାନିଝେନ୍‌କା ଖାରି ନିଜେ ନିଜେଦି ତାଲା ଟାଙ୍ଗୁରୁ କିନାର୍ । ଇବେଟ୍‌ତାନ୍ ଜଣା ପଡ଼ାନାଡ଼ ଜେ, ନି ବିସ୍‌ୟତାନ୍ ଝେଙ୍ଗ୍‌ତି ମାନି ଇନି ମାଟା ସଡ଼ ସିଲେ, ମାତର୍ ନିନ୍ ମସାଦି ନିୟମ୍ ଇସାବ୍‌ତାନ୍ ଜିଜିନି ।

☆ ୨୧:୮ ପ୍ରେରିତ ୨:୫; ୮:୫. ☆ ୨୧:୧୦ ପ୍ରେରିତ ୧୧:୨୮.

୨୫ *ମାତର ଏମେ ଅଣଜିହୁଦି ଲୋକୁ ବିସ୍ବାସ୍ ଆତାମାନାର୍, ଖାରି ଲାକତୁ ମାପ୍ ଉନ୍ଶ୍ଵି ଆକୁ ରାସ୍ସି ସିକିୟା ସିତାମାନାପ୍ ଜେ, ମା ମାଟାଦି ଇସାବ୍ତାନ୍ ଖାର୍ ଦିୟାମ୍ବକା ଲାକତୁ ପୁଜାସିତିମାନି କାଦି ଉଣ୍ଣୁଏର୍, ନେତେର୍ ଉଣ୍ଣୁଏର୍, କକଲା ପିଡିସି ସାପିସ୍କିତିମାନି ପସୁଦି କାଣ୍ଡା ତିନ୍ଏର୍ ମାରି ଦାରିପାଣିଦାନ୍ ଆକତେବାଦୁ ।”

୨୬ ମାରିନାଣ୍ଡିଙ୍ଫ୍ ପାଉଲ ଖାତିମାରୁଇ ନାଲ୍ଏରି ଖାଲେ ନେଗେନ୍କିନି ବିଦି ମାନାତାର୍ । ଖେନ୍କା ଖାନ୍ ମନ୍ଦିରୁତୁ ସଲ୍ସି ନେଗେନ୍କିନି ପାଣି ଏସାଙ୍ଫ୍ ଝିଜ୍ନାତ୍ ମାରି ଆମା ଖେଡାଦୁ ପୁଜାସିନିକା ମାନାତ୍, ଆକା ଖେର୍ତା ସିତାନ୍ ।

ପାଉଲ ମନ୍ଦିର ଲୋଇ ତରାୟ୍ଆତାନ୍

୨୭ ନେଗେନ୍କିନି ପାଣିଦି ସାତ୍ ଦିନ୍ ଝିଜିତି ଖେନ୍କା ଆସିଆ ରାଜିଦି ଏସ୍ ଜିହୁଦି ଲୋକୁ ମନ୍ଦିରୁତୁ ପାଉଲ୍ତିଙ୍ଫ୍ ସୁଡ଼ୁତାର୍ । ଖାର୍ ଆବେ ଉଣ୍ଡାତିମାରୁଇ ଲୋକାଙ୍ଫ୍ ଏଗ୍ରିସ୍ କିଜି ପାଉଲ୍ତିଙ୍ଫ୍ ଆସ୍ତାର୍ ।

୨୮ ଖାର୍ ଆଉଲି ଆଜି ଇର୍ହାର୍, “ଏ ଇସ୍ରାଏଲ୍ତି ଲୋକୁ, ମାଙ୍ଫ୍ ସାକା କିଦୁ ! ଇୟା ଲୋକୁ ସାରିବେଡ଼ଡ଼ି ସଲ୍ସି ଇସ୍ରାଏଲ୍ତି ଲୋକା ବିରୁଦ୍ତାନ୍, ମସାଦି ନିୟମ୍ ନି ଇୟା ମନ୍ଦିର ବିରୁଦ୍ତାନ୍ ସିକିୟା ସିଜିନାନ୍ । ମାରି ଇଲେଇ ଖାନ୍ ଏସ୍ ଅଣଜିହୁଦି ଲୋକାଙ୍ଫ୍ ମନ୍ଦିର ଲୋଇ ତାସି ଇୟା ପବିତ୍ର ବାଡିଦିଙ୍ଫ୍ ତାଗ୍ଫକା କିଜିନାନ୍ ।”

୨୯ *ଖାର୍ ଗାଡ଼ତୁ ଏପିସସ୍ତି ତ୍ରପିମଦିଙ୍ଫ୍ ପାଉଲ୍ତି ଖାଲେ ସୁଡ଼ୁତିମାରିଙ୍ଫ୍ ଅଡ଼ବିତାର୍ ଜେ, ପାଉଲ ଖାନିଙ୍ଫ୍ ମନ୍ଦିରୁତୁ ଅତାମାନାନ୍ ।

୩୦ ଝିଜୁ ଗାଡ଼ତୁ ଜାଟି ନିଙ୍ଫ୍ ତାଡ଼ । ଲୋକୁ ପାଉଲ୍ତିଙ୍ଫ୍ ମନ୍ଦିର ଆଡ଼ରେ ଇର୍ସି ତାଡାର୍ । ମନ୍ଦିରୁତି ସେର୍ଲେଙ୍ଫ୍ ଝିଜୁ କେର୍ତା ଡିସ୍ତାର୍ ।

୩୧ ରିସାଆତି ଲୋକୁ ଝିଜେରେ ପାଉଲ୍ତିଙ୍ଫ୍ ତାକ୍ତେଙ୍ଫ୍ ଇଜି ଉପାୟ୍ କିତାର୍, ଏସ୍ଫିଖାଲେ ଝିଜୁ ଜିରୁସାଲାମ୍ତୁ ଜାଟି ଜଗଡା ଆଜିନାତ୍ ଇଜି ରୋମିୟ୍ ସନ୍ୟରି ନେତା କାବୁର୍ ଖେର୍ଆନ୍ ।

୩୨ ନାସ୍ଫିଖାଲେ ନେତା ଏସ୍ ସେନାପତି ନି ସନ୍ୟରିଙ୍ଫ୍ ଅସି ଜାଟି ଜଗଡା ଆନି ବାଡିଦୁ ଇତାନ୍ । ଲୋକୁ ସନ୍ୟରି ନେତେଙ୍ଫ୍ ନି ସନ୍ୟରିଙ୍ଫ୍ ସୁଡ଼ୁଜି ପାଉଲ୍ତିଙ୍ଫ୍ ମାରି ମାଡ଼ ତାକ୍ଏନ୍ଶ୍ଵା ଡିସ୍ତାସିତାର୍ ।

୩୩ ସନ୍ୟରି ନେତା ପାଉଲ୍ତିଙ୍ଫ୍ ଆସ୍ସି ଖାନିଙ୍ଫ୍ ଝିଜୁ ସିକ୍ଫି ଦାନ୍ ତର୍ତେଙ୍ଫ୍ ଇଜି ଆଦେସ୍ ସିତାନ୍ । ଖେନ୍କା ଖାନ୍ ଖେନ୍ବାତାନ୍, “ଇୟା ଲୋକୁ ଏନ୍ ମାରି ଖାନ୍ ଇନିକା କିତାମାନାନ୍ ?”

୩୪ ଲୋକୁ ଗଲି ଲୋଇ ଏନ୍ ଏସ୍ ରକମ୍ତି ମାଟା ଇଜି ଆଉଲି ଆତାର୍ । ଇୟାଖାଜା ଅସାନ୍ତି ଆତାଡ଼ଜେ, ସନ୍ୟରି ନେତା ସଡ଼ ମାଟା ଇନିକା, ଇନିକାବା ନେସ୍ତେଙ୍ଫ୍ ଆର୍ଏତାନ୍ । ଆବେର୍ ଖାନ୍ ପାଉଲ୍ତିଙ୍ଫ୍ ସନ୍ୟର୍ତେବାନି ବାଡି ଲୋଇ ଅତେଙ୍ଫ୍ ଇଜି ସନ୍ୟରିଙ୍ଫ୍ ଆଦେସ୍ ସିତାନ୍ ।

୩୫ ଖାର୍ ଖାନିଙ୍ଫ୍ ଅସି ସନ୍ୟର୍ତେବାନି ବାଡିଦି ପାଉଲ୍ତି ଲାକତୁ ଇନି ଖେଡାଦୁ ଖାନିଙ୍ଫ୍ କେର୍ବାଜି ତେବାଜିମାନି ଲୋକୁ ନିସା ରିସା ଆତାର୍ ଜେ ସନ୍ୟର୍ ପାଉଲ୍ତିଙ୍ଫ୍ ପିଣ୍ଡୁତା ଅତାର୍ ।

୩୬ ଲୋକୁ ଝିଜେରେ ଖାନି ଖେନ୍କା ଖେନ୍କା ଖାଜି ଆଉଲି ଆଜି ଇଜିମାର୍ହାର୍, “ଖାନିଙ୍ଫ୍ ତାକ୍ଦୁ ।”

ପାଉଲ ନିଜେଦି ତରିଗାନ୍ ମାଟା ଆଙ୍ଫ୍ ତାନ୍

୩୭ ସନ୍ୟର୍ ପାଉଲ୍ତିଙ୍ଫ୍ ସନ୍ୟର୍ ତେବାନି ବାଡି ଲୋଇ ଅନି ଖାଲେ ଖାନ୍ ସନ୍ୟରି ନେତେଙ୍ଫ୍ ଇର୍ହାନ୍ : “ନାନ୍ ନିଙ୍ଫ୍ ଏସ୍ ମାଟା ଇନ୍ତ୍ରେଙ୍ଫ୍ ଆର୍ନାନ୍ ନୋ ?”

ସନ୍ୟରି ନେତା ଖେନ୍ବାତାନ୍, “ନିନ୍ ତୋ ଗ୍ରିକ୍ ଖାର୍ଗିଜିନି ।

୩୮ ଆର୍ଡିଙ୍ଫ୍ ଏସ୍ ଦିନ୍ ଆଗ୍ଡି ମିସର୍ ଏମେ ଲୋକୁ ଜୁଦ୍ କିଜି ଚାରି ହାଜାର୍ ଜୁଦ୍ ସାମାନ୍ ଆସ୍ତି କାଙ୍ଫାଆଙ୍ଫ୍ ଅସି ମରୁରୁମିଦୁ ଇତା ମାର୍ହାନ୍, ନିନ୍ ତୋ ଆୟା ଲୋକୁ ସିଲେ ?”

୩୯ ପାଉଲ ଇର୍ହାନ୍, “ସିଲିସିଆଦି ତାର୍ସସ୍ତୁ ଜନମ୍ ଆତିମାନି ନାନ୍ ଅରେନ୍ ଜିହୁଦି, ଉନ୍ତ୍ରି ପେରି ଗାଡ଼ଡ଼ି ଲୋକୁ । ଇୟା ଲୋକାଙ୍ଫ୍ ବୁଜାକିଜି ଇନ୍ତ୍ରେଙ୍ଫ୍ ଇଜି ଦୟା କିଜି ନାଙ୍ଫ୍ ସାରି ସିଦା ।

୪୦ “ସନ୍ୟରି ନେତା ଖାନିଙ୍ଫ୍ ସାରି ସିତାନ୍ଆକା ପାଉଲ ପାଉର୍ ମୁସ୍କୁ ନିଲ୍ସି ଲୋକାଙ୍ଫ୍ ଆଲେଜ ମାନ୍ତ୍ରେଙ୍ଫ୍ ଇଜି କିୟୁ ପେର୍ଜି ଜୁର୍ସି ଖେର୍ତାନ୍ । ଖାର୍ ଆଲେତି ଖେନ୍କା ପାଉଲ ଏବ୍ରି ଭାସାଦାନ୍ ଇର୍ହାନ୍ :

୨୨

୧ “ତଡାନ୍କୁ ମାରି ବୁବାର୍, ମି ଆଗ୍ଡି ନିଜେ ତରିଗାନ୍ ନାନ୍ ଆମାକା ଇଜିନା, ଆକା ଖେନ୍ତୁ !”

୨ ଖାରି ଖାଲେ ଖାନ୍ ଏବ୍ରି ବାସାଦାନ୍ ମାଟା ଖାର୍ଗିଜିନିକା ଖେନ୍ଜି ଖାର୍ ମାରି ଆଲେତାର୍ ମାରି ପାଉଲ ଇନ୍ତ୍ରେଙ୍ଫ୍ ଆସ୍ତାନ୍ :

* ୨୧:୨୫ ପ୍ରେରିତ ୧୫:୨୯. * ୨୧:୨୯ ପ୍ରେରିତ ୨୦:୪.

୩ ନାନୁ ଅରେନ୍ ଜିହୁଦି, ସିଲିସିଆଦି ତାର୍ସସ୍ତୁ ନା ଜନମ୍, ମାତର୍ ନାନୁ ଜିରୁସାଲାମ୍ତୁ ପିରିତା ମାର୍ହା ମାରି ଗମଲିଏଲତି ଅରେନ୍ ସିସୁ ମାର୍ହା । ମା ଡକ୍ରାଦାଦାରି ନିୟମ୍ ନାନୁ ଟିକ୍ତାନ୍ ଅଜାତା ମାର୍ହା ମାରି ମି ୱାଜା ମାପୁରୁଦି ଉଣ୍ଡିଙ୍ଗ୍ ଓ ୱେଡିକା ମାର୍ହା ।

୪ ନାନୁ ଇୟା ସାରିବୁ ସନି ଲୋକା ମୁସକୁ ଜାଟି କିଜି ୱାରିଙ୍ଗ୍ ଓ ଜିବନ୍ତୁ ତାକ୍ସି ମାର୍ହା । ମେମାରି ନି ଆଇମା ଓଜେରିଙ୍ଗ୍ ଓ ତରସି ଜଇଲ୍ତୁ ଅସି ମାର୍ହା ।

୫ ନା ଇୟା ମାଟା ସଡ୍ ଜେ, ପେରି ଜାଜକ ନି ପେରି ଲୋକାମିଟିଙ୍ଗ୍ତି ସବାଦି ଓଜେରେ ତେନି ସାକି । ଇୟା ଲୋକାଙ୍ଗ୍ ତରସି ମାରି ସିକିଣିଦାନ୍ ତରସି ଦଣ୍ଡ ସିଦେଙ୍ଗ୍ ଇଜି ଜିରୁସାଲାମ୍ତୁ ତାତେଙ୍ଗ୍ ଓ ଇଜି ନାନୁ ପେରି ଜାଜକତିମାଣାନ୍ ସିଟି ଅସି ଦାମାସକସ୍ତୁ ମାନି ଜିହୁଦି ତଡାନ୍କା ଲାକ୍ତୁ ସରଥା ।

ପାଉଲ ୱାନି ମନ୍ ଡେପ୍ତି ବିସୟତାନ୍ ୱେର୍ତାନ୍
(ପ୍ରେରିତ ୯:୧-୧୯; ୨୨:୧୨-୧୮)

୬ “ନାନୁ ସଲ୍ସି ଏସିଝାଲେ ଦାମାସକସ୍ତି ଲାକ୍ତୁ ଆଜିମାର୍ହା, ମାଦ୍ଲମ୍ ବେଡାଦୁ ବାଦଡ୍ତାନ୍ ଉନ୍ତ୍ରୁ କାସନି ଜାୟ ଆୟାଦାପ୍ରେନେ ନା ସାରିବେଡ୍ଡତି ତରାୟ୍ ଆତାଡ୍ ।

୭ ନାନୁ ବୁମିଦୁ ମକମ୍ ପାଡ୍କସି ଆରତା ମାରି ନା ଉଣ୍ଡିଙ୍ଗ୍ ଓ ମାଟା ୱେର୍ଥା, ‘ସାଉଲ, ସାଉଲ’ ନିନ୍ଦୁ ଏନ୍ଦା ନାଙ୍ଗ୍ କାସୁ ସିଜିନି ?

୮ ନାନୁ ୱେନ୍ଦାତା, ପ୍ରବୁ, ନିନ୍ଦୁ ଏନ୍ ? ୱାନ୍ ନାଙ୍ଗ୍ ଇର୍ହାନ୍, ନିନ୍ଦୁ ଆମାଝାନିଙ୍ଗ୍ ଓ କାସୁ ସିଜିନି, ନାନୁ ଆୟା ନାଜରିୟ୍ତିୟ୍ତି ଜିସୁ ।

୯ ନା ୱାଲେ ମାର୍ଇ ଲୋକୁ ଆୟା ଜାୟ୍ ସୁଡ୍ଡୁର, ମାତର୍ ନା ୱାଲେ ୱାର୍ଗିଜି ମାନି ଲୋକ୍ତି ବଲ୍ ୱେନ୍ଡେଙ୍ଗ୍ ଓ ଆଟ୍ଏତାର୍ ।

୧୦ ନାନୁ ୱେନ୍ଦାତା, ପ୍ରବୁ, ନାନୁ ଇନିକା କିନା ? ପ୍ରବୁ ନାଙ୍ଗ୍ ଇର୍ହାନ୍, ନିଙ୍ଗ୍ଥା, ଦାମାସକସ୍ତୁ ସାଙ୍ଗ୍ଥା, ମାପୁରୁ ନି ଉଣ୍ଡିଙ୍ଗ୍ ଓ ଏମେ ପାଣି ଇଟ୍ତାମାନାନ୍, ଆବେନ୍ଦୁ ନିଙ୍ଗ୍ ଆକା ଜାଣେ କିନାନ୍ ।

୧୧ ଜାୟ୍ତି ନାଣ୍ଡ କାସନି ମାଣାନ୍ ନାନୁ କାଣା ଆତା ସରଥା । ଆୟାଉଣ୍ଡିଙ୍ଗ୍ ନା ୱାଲେ ଅରସେ ସନିକାର୍ ନା କିୟୁ ଆସସି ନାଙ୍ଗ୍ ଦାମାସକସ୍ତୁ ଅତାର୍ ।”

୧୨ “ଆୟା ଗାଡ୍ଡୁ ହନନିୟ୍ ଦରତି ଅରେନ୍ ଦାମ୍ବୁଦି ଲୋକୁ ମାର୍ହାନ୍ । ୱାନ୍ ମା ନିୟମ୍ ମାନାଜି ମାର୍ହାନ୍ ମାରି ଆବେ ବାସା କିଜିମାନି ଜିହୁଦି ଲୋକୁ ଓଜେରେ ୱାନିଙ୍ଗ୍ ଓ ନାଣ୍ଡ ମାନାଜି ମାର୍ହାର୍ ।

୧୩ ୱାନ୍ ନା ଲାକ୍ତୁ ୱାଜି ନା ଲାକ୍ତୁ ନିଲ୍ସି ଇର୍ହାନ୍, ତଡାନ୍ ସାଉଲ ନି ସୁଣି ସାକ୍ତି ପୟ୍ଥା । ଟିକ୍ ଆୟା ୱେଡାଦୁ ନାନୁ ମାରିଡେସି ସୁଣିସାକ୍ତି ପୟ୍ତି ୱାନିଙ୍ଗ୍ ଓ ସୁଡ୍ଡୁଦଙ୍ଗ୍ ଆଟ୍ତା ।

୧୪ ୱାନ୍ ଇର୍ହାନ୍, ମା ଡକ୍ରାଦାଦାରି ମାପୁରୁ ନିଙ୍ଗ୍ ୱାନି ମାଟା ନେସ୍ତେଙ୍ଗ୍ ଓ ଇଜି, ୱାନି ଦାମ୍ବୁ ସେବକତିଙ୍ଗ୍ ଓ ସୁଡ୍ଡୁଦଙ୍ଗ୍ ଇଜି ମାରି ୱାନି ମାଟା ୱେନ୍ଡେଙ୍ଗ୍ ଓ ଇଜି ବାସେ କିତାମାନାନ୍ ।

୧୫ ଇରିଙ୍ଗ୍ ଓ ନିନ୍ଦୁ ଆମାକା ସୁଡ୍ଡୁମାନି ମାରି ୱେର୍ଇମାନି, ଆକା ଓଜେରିରି ଲୋକା ଲାକ୍ତୁ ୱେର୍ତେଙ୍ଗ୍ ଓ ଇଜି ନିନ୍ଦୁ ୱାନି ସାକି ଆନି ।

୧୬ ମାରି ଏନ୍ଦା ୱେଡା କିଜିନି ? ନିଙ୍ଗ୍ଥା, ତୁବନ୍ ଅଥା ମାରି ୱାନିମାନୁ ପାର୍ତନା କିନି ମାଣାନ୍ ନି ପାପ୍ ଓଜୁ ନରାୟ୍ ଆପିଡ୍ ।”

ଅଣଜିହୁଦି ଲୋକା ଲାକ୍ତୁ ପ୍ରଚାର୍ କିଦେଙ୍ଗ୍ ଓ ପାଉଲ୍ତିଙ୍ଗ୍ ଓ କୁକ୍ତାନ୍

୧୭ “ନାନୁ ଜିରୁସାଲାମ୍ତାନ୍ ଡେସି ସଲ୍ସି ଆବେ ମନ୍ଦିରୁତୁ ପାର୍ତନା କିଜିମାନିଝାଲେ, ପ୍ରବୁଦି ଦର୍ସନ୍ ପୟ୍ତା ।

୧୮ ଆମାମାନୁ ନାନ୍ ପ୍ରବୁଙ୍ଗ୍ ସୁଡ୍ଡୁ, ୱାନ୍ ନାଙ୍ଗ୍ ଇର୍ହାନ୍, ବେଗି ଜିରୁସାଲାମ୍ ଡିସ୍ଥା, ଇରିଙ୍ଗ୍ ଓ ଇବେଣି ଲୋକୁ ନା ବିସୟତାନ୍ ନି ସାକି ମାନାଏର୍ ।

୧୯ ନାନୁ ଇରଥା, ପ୍ରବୁ, ନାନୁ ପାର୍ତନାକିନି ଇଲ୍ଲକାଙ୍ଗ୍ ସଲ୍ସି ନିବାନ୍ଦୁ ବିସ୍ବାସ୍ କିଜିମାନି ଲୋକାଙ୍ଗ୍ ଏଣ୍ଡେସ୍ ତରତାମାର୍ହା ମାରି ତାକ୍ତା ମାର୍ହା, ଇକା ୱାର୍ ନେଗେନ୍ କିଜି ନେସ୍ନାର୍ ।

୨୦ ନାନୁ ଏସିଝାଲେ ନି ସାକି ସ୍ତିପାନ୍ତିଙ୍ଗ୍ ଓ ନେତେର୍ ସାୟାମାର୍ଗା ତାକ୍ତାର୍, ନାନୁ ନିଜେ ଆବେ ମାର୍ହା; ୱାନିଙ୍ଗ୍ ଓ ଜିବନ୍ତୁ ତାକ୍ତେଙ୍ଗ୍ ଓ ଇଜିନା ରାଜିଆନିକା ୱେର୍ତା ମାର୍ହା ମାରି ୱାନିଙ୍ଗ୍ ତାକ୍ନିଝାରି ଆଙ୍ଗ୍ ଓଜୁ କାପକିତା ମାର୍ହା ।

୨୧ ପ୍ରବୁ ନାଙ୍ଗ୍ ଇର୍ହାନ୍, ସାଙ୍ଗ୍ଥା, ନାନୁ ନିଙ୍ଗ୍ ନାଣ୍ଡ ଆକ ଅଣଜିହୁଦି ଲୋକା ଲାକ୍ତୁ ପକ୍ନା ।”

☆ ୨୨:୩ ପ୍ରେରିତ ୫:୩୪-୩୯. ☆ ୨୨:୪ ପ୍ରେରିତ ୮:୩; ୨୨:୯-୧୧. ☆ ୨୨:୨୦ ପ୍ରେରିତ ୭:୫୮.

୨୨ ପାଉଲ ଇୟା ମାଟା ଇନି ସାହି ଲୋକୁ ମନ୍ ସିଜି ଝେନ୍‌ଜିମାହାର୍, ମାତର୍ ତାନିଝେନ୍‌କା ଝାର୍ ନାଣ୍ଡ ଆଉଲି ଆଜି ଇହାର୍, “ଝାନିଙ୍ଗ୍ ଡୁନିଆଦାନ୍ ସପ୍ତୁ ! ଝାନିଙ୍ଗ୍ ସାୟାମାର୍‌ଗା ତାକ୍‌ତୁ ! ଝାନ୍ ଜିନିକା ଜଗ୍ ସିଲେ !”

୨୩ ଝାର୍ ଆଉଲି ଆଜିମାହାର୍, ଝାତିଙ୍ଗ୍ ଇପ୍‌ସିମାହାର୍ ମାରି ମୁସ୍‌କୁ ଦୁଡ଼ି ପୋକ୍‌ସିମାହାର୍ ।

୨୪ ପାଉଲ୍‌ତିଙ୍ଗ୍ ଡୁର୍ଗ ଲୋଇ ଅନି ଉଣ୍ଡିଙ୍ଗ୍ ରୋମିୟ ସନ୍‌ପରି ନେତା ସନ୍‌ପରିଙ୍ଗ୍ ଆଦେସ୍ ସିତାନ୍ ମାରି ଜିହୁଦି ଲୋକୁ ଏନ୍ଦା ଝାନି ବିରଦ୍‌ତାନ୍ ଇୟାଝାଜା ଆଉଲି ଆଜିନାର୍, ଆକା ନେସ୍‌ତେଙ୍ଗ୍ ଇଜି ଝାନିଙ୍ଗ୍ କିରତା ତାକ୍‌ସ୍‌ତେଙ୍ଗ୍ ଆଦେସ୍ ସିତାନ୍ ।

୨୫ ମାତର୍ ଝାର୍ ଝାନିଙ୍ଗ୍ ତିରନି ଝାଲେ ପାଉଲ ଆବେ ମାନି ପାଣିକିନିକାନ୍ ଇହାନ୍, “ଇନି ନିନ୍ଦାଦୁ ଇୟାସାହି ବିଚାରିତ ଆଇ ମାନି ଅରେନ୍ ରୋମିୟ ଲୋକ୍‌ତିଙ୍ଗ୍ କିରତା ତାକ୍‌ନିକା ଇନିକା ରିତିନିତି ମାନାଡ଼ ?”

୨୬ ଇକା ଝେନ୍‌ଜି ପାଣିକିନିକାନ୍ ସଲ୍‌ସି ସନ୍‌ପରି ନେତେଙ୍ଗ୍ ଇହାନ୍, “ନିନ୍ଦୁ ଇନିକା କିଜିନି ? ଇୟା ଲୋକୁ ଜେ ଅରେନ୍ ରୋମିୟ ଲୋକୁ !”

୨୭ ସନ୍‌ପରି ନେତା ପାଉଲ୍‌ତି ଲାକ୍‌ତୁ ସଲ୍‌ସି ଝେନ୍‌ବାତାନ୍, “ନିନ୍ଦୁ ଇନିକା ଅରେନ୍ ରୋମିୟ ଲୋକୁ ?”

ପାଉଲ ଇହାନ୍, “ହୁଁ ।”

୨୮ ସନ୍‌ପରି ନେତା ଇହାନ୍, “ଗାଦି ତାବୁଙ୍ଗୁଁ ସିଜି ନାନ୍ଦୁ ଅରେନ୍ ରୋମିୟ ଲୋକୁ ଆତାମାନା ।”

ପାଉଲ ଇହାନ୍, “ମାତର୍ ନାନ୍ଦୁ ଜନମ୍‌ତାନ୍ ରୋମିୟ ଲୋକୁ ।”

୨୯ ଦାପ୍ରେ ଦାପ୍ରେ ଏମେ ଲୋକୁ ପାଉଲ୍‌ତିଙ୍ଗ୍ ଝେନ୍‌ବାଦେଙ୍ଗ୍ ସିଲ୍‌ସି ମାହାର୍, ଝେନ୍‌କା ଗୁସାଜିସହାର୍ ମାରି ପାଉଲ ଅରେନ୍ ରୋମିୟ ଲୋକୁ ଆତିମାନିକା ନେସ୍‌ସି ମାରି ଝାନ୍ ଜେ ଝାନିଙ୍ଗ୍ ସିକିଣିଦୁ ତରତେଙ୍ଗ୍ ଇଜି ଆଦେସ୍ ସିତାମାନାନ୍, ଇକା ନେସ୍‌ସି ସନ୍‌ପରି ନେତା ନାଣ୍ଡ ତିଲାତାନ୍ ।

ପେରିସଭା ଆଗ୍‌ଡ଼ି ପାଉଲ

୩୦ ଜିହୁଦି ଲୋକୁ ପାଉଲ୍‌ତି ବିରଦ୍‌ତାନ୍ ଇନି ଦାବି କିତାମାନାର୍, ଆକା ସତେନେ ନେସ୍‌ତେଙ୍ଗ୍ ସନ୍‌ପରି ନେତା ମାରିନାଣ୍ଡିଙ୍ଗ୍ ପାଉଲ୍‌ତିଙ୍ଗ୍ ଗାତି ଝିଜୁ କୁଡ଼ତାନ୍ ପେରିସଭାଦି ପୁରା ମିଟିଙ୍ଗ୍ କୁକିସ୍ କିଦେଙ୍ଗ୍ ଇଜି ପେରି ଜାଜକରିଙ୍ଗ୍ ଆଦେସ୍ ସିତାନ୍ । ତାନିଝେନ୍‌କା ପାଉଲ୍‌ତିଙ୍ଗ୍ ଅସି ଝାରି ଆଗ୍‌ଡ଼ି ନିଲ୍‌ପ୍‌ତାର୍ ।

୨୩

୧ ପାଉଲ ପେରିସବା ତରିନ୍ ସିଦା ସୁଡ଼ଜି ଇହାନ୍, “ଏ ଇସ୍ରାଏଲ୍‌ତି ତଡ଼ାନ୍‌କୁ ! ନେର୍ ସାହି ମାପୁରୁଦି ଆଗ୍‌ଡ଼ି ନାନ୍ଦୁ ଏଣ୍ଡେସ୍ ଜିତାମାନା, ଆୟା ବିସୟତାନ୍ ନା ମନ୍ ପୁରା ନେଗିକା ।”

୨ ଇୟା ମାଟା ଝେନ୍‌ଜି ପେରି ଜାଜକ ହନନିୟ ପାଉଲ୍‌ତି ମକମି ସାପୁଡ଼ ତ୍ରାକ୍‌ତେଙ୍ଗ୍ ପାଉଲ୍‌ତି ଲାକ୍‌ତୁ ନିରଇ ମାନି ଲୋକାଙ୍ଗ୍ ଆଦେସ୍ ସିତାନ୍ ।

୩ ଝାଉଲ ଝାନିଙ୍ଗ୍ ଇହାନ୍, “ଏ ଅଡ଼ିନି ପେଡ଼୍‌ଝା ଉସ୍‌ତି ଗଡ଼ା, ମାପୁରୁ ସତେନେ ନିଙ୍ଗ୍ ତାକ୍‌ନାନ୍ । ନିୟମ୍ ଇସାବ୍‌ତାନ୍ ନା ବିସାର୍ କିଦେଙ୍ଗ୍ ନିନ୍ଦୁ ଆବେ ବାସ୍‌ତିମାନି, ଜଦିବା ନାଙ୍ଗ୍ ତାକ୍‌ତେଙ୍ଗ୍ ଇଜି ଆଦେସ୍ ସିଜି ନିନ୍ଦୁ ନିୟମ୍ ରୁକ୍‌ସିନି ।”

୪ ପାଉଲ୍‌ତି ଲାକ୍‌ତୁମାନି ଲୋକୁ ଝାନିଙ୍ଗ୍ ଇହାର୍, “ନିନ୍ଦୁ ମାପୁରୁଦି ପେରି ଜାଜକତିଙ୍ଗ୍ ଅପମାନ୍ କିଜିନି !”

୫ ପାଉଲ ଇହାନ୍, “ଏ ଇସ୍ରାଏଲ୍‌ ତଡ଼ାନ୍‌କୁ, ଝାନ୍ ନେତାର୍‌ରି ପେରି ଜାଜକ ଇଜି ନାନ୍ଦୁ ନେସ୍‌ଏଏ ମାହା । ଦାମ୍‌ସାସ୍‌ତୁ ରାସାତାମାନାଡ଼, ମିର୍ ନିଜେଦି ଲୋକା ସାସନ୍‌କିନିଝାନିଙ୍ଗ୍ ତାଗ୍‌ଲ ମାଟା ଇନ୍‌ମା ।”

୬ ଜିହୁଦି ଦଲ୍‌ତୁ ଏସ ପାରୁସିର୍ ନି ମାରି ଏସ ସାଦୁକିର୍ ମାନିକା ସୁଡ଼ଜି ପାଉଲ ପେରିସଭାଦିଙ୍ଗ୍ କୁକ୍‌ସି ଇହାନ୍, “ଏ ଇସ୍ରାଏଲ୍‌ତି ତଡ଼ାନ୍‌କୁ, ନାନ୍ଦୁ ଅରେନ୍ ପାରୁସି, ପାରୁସି କୁଟ୍‌ମତୁ ନା ଜନମ୍ । ସାତି ଝାରି ମାରିଡେସି ନିଙ୍ଗ୍ ନିମାନ୍ଦୁ ନାନ୍ଦୁ ଆସା କିନି ଉଣ୍ଡିଙ୍ଗ୍ ଇବେ ନା ବିସାର୍ କିଜିନାର୍ ।”

୭ ଝାରି ଲୋଇ ଦଲ୍ ଏର୍‌ପିସିସାନିକା ମାରି ଝାନ୍ ଟିକ୍ ଇୟା ମାଟା ଇନି ସାଙ୍ଗେ ସାଙ୍ଗେ ପାରୁସି ନି ସାଦୁକିରି ଲୋଇ ଆଉଲି ଆରାମ୍‌ ଆତାଡ଼ ।

୮ ଇରିଙ୍ଗ୍ ସାଦୁକିରି ଇସାବ୍‌ତାନ୍ ସାତି ଲୋକା ମାରିଡେସିନିଙ୍ଗ୍‌କା ସିଲେଡ଼, ମୁସ୍‌କୁପୁରତି ଦୁଡ଼ ମାରି ଆମ୍‌େଙ୍ଗ୍‌ ପେଡେନ୍ ସିଲେଡ଼; ମାତର୍ ପାରୁସିର୍ ଇୟା ମୁଣ୍ଡି ବିସୟତାନ୍ ବିସ୍‌ବାସ୍ କିନାର୍ ।

୯ ଝାରି ଆଉଲି ନାଣ୍ଡ ଆଦେଙ୍ଗ୍ ଆସ୍‌ତାଡ଼ ମାରି ପାରୁସିର୍ ଦଲ୍‌ତି ଏସ ଦାମ୍‌ଗୁରୁର୍ ନିଲ୍‌ସି ଟାବ୍‌ତାନ୍ ଇହାର୍, “ମାପ୍ ଝେନିମାନ୍ଦୁ ଇନି ଦସ୍ ପେଏଜିନାପ୍ ! ସତେନେ ଝାନି ଝାଲେ ଅରେନ୍ ଆମ୍‌ ବା ମୁସ୍‌କୁପୁରତି ଦୁଡ଼ ମାଟା ଇନାମାନାନ୍ ।”

☆ ୨୩:୩ ମାଡ଼ିଉ ୨୩:୨୭,୨୮. ☆ ୨୩:୬ ପ୍ରେରିତ ୨୬:୫; ପିଲିପିୟ ୩:୫. ☆ ୨୩:୮ ମାଡ଼ିଉ ୨୨:୨୩; ମାର୍କ ୧୨:୧୮; ଲୁକ ୨୦:୨୭.

୧୦ ଆସ୍ପସିସାନିକା ନିସା ପେରିକା ଆତାଡ଼ଜେ, ଲୋକୁ ପାଉଲତିଙ୍ଗ୍ ି କ୍ଲୟଜି ମକା ମକା କିନାର୍ ଇଜି ସନୱରି ନେତା ଡିଲ୍ଲୀତାନ୍ । ଆଦେଙ୍ଗ୍ ଖାନ୍ ଜାଟିକିନିଝାରି ଲୋଇରାନ୍ ପାଉଲତିଙ୍ଗ୍ ି ରିକିୟା କିଜି ଖାନିଙ୍ଗ୍ ି ଦୁର୍ଗ ଲୋଇ ଅଡେଙ୍ଗ୍ ଇଜି ସନୱରିଙ୍ଗ୍ ଆଦେସ୍ ସିତାନ୍ ।

୧୧ ଆୟା ନାଡ଼ା ପ୍ରବୁ ପାଉଲତି ଲାକ୍ତୁ ନିଲ୍ଲସି ଇର୍ହାନ୍, “ସାସ୍ ଆସ୍ଆ ! ନିନ୍ନୁ ଇବେ ଜିରୁସାଲାମ୍ତୁ ନା ଉଣ୍ଡିଙ୍ଗ୍ ି ସାକି ସିତିମାନି । ରୋମାତୁ ବା ନିନ୍ନୁ ସଡେନେ ଆୟାଝାଜା ସାକି ସିନି ।”

ପାଉଲତିଙ୍ଗ୍ ି ସାୟାମାର୍ଗାତାକ୍ଡେଙ୍ଗ୍ ି ଇଜି ଉପାୟ

୧୨ ମାରିନାଣ୍ଡିଙ୍ଗ୍ ି ସାଲ୍ଦି ଏସ ଜିହୁଦି ଲୋକୁ ଉଣ୍ଡାଜି ଉନ୍ତ୍ରୁ ଉପାୟ କିତାର୍ । ପାଉଲତିଙ୍ଗ୍ ି ସାୟାମାର୍ଗା ତାକ୍ଲ ସାନ୍ଦି ଖାର୍ ଉଣ୍ଡୁଏପ୍ ଇଜି ପାର୍ମାଣ୍ କିତାର୍ ।

୧୩ ଚାଲିସ୍ଲୋକ୍ତାନ୍ ନାଣ୍ଡ ଲୋକୁ ଇୟା ଉପାୟକିତାର୍ ।

୧୪ ଖାର୍ ସଲ୍ଲସି ପେରି ଜାଜକ ନି ଜିହୁଦି ନେତାର୍ରିଙ୍ଗ୍ ଇର୍ହାନ୍, “ପାଉଲତିଙ୍ଗ୍ ି ସାୟାମାର୍ଗା ତାକ୍ଲ ସାନ୍ଦି ଇନିକା ବା ଉଣ୍ଡୁଏପ୍ ଇଜି ମାପ୍ ଉନ୍ତ୍ରୁ ତାଟ୍ତାନ୍ ପାର୍ମାଣ୍ କିତାମାନାପ୍ ।

୧୫ ଆଦେଙ୍ଗ୍ ି ଖାନି ବିସୟତାନ୍ ନାଣ୍ଡ ସଡ଼ ମାଟା ନେସ୍ନି ସାଲାକି ତରସି ପେରିସଭା ଆଗଡ଼ି ନି ମି ଲାକ୍ତୁ ପାଉଲତିଙ୍ଗ୍ ି ମାରି ଉନ୍ତ୍ରୁ ଦେବା ତାଡେଙ୍ଗ୍ ି ଇଜି ରୋମିୟ ସନୱରି ନେଡେଙ୍ଗ୍ ି ବାତିଙ୍ଗ୍ ି ମାଲ୍ତୁ । ମାତର୍ ଖାନ୍ ଇବେ ଖାନି ଆଗଡ଼ି ସାରିଦୁ ମାପ୍ ଖାନିଙ୍ଗ୍ ି ସାୟାମାର୍ଗାତାକ୍ଡେଙ୍ଗ୍ ି ଇଜି ତିଆର୍ ଆନାମାନାପ୍ ।”

୧୬ ମାତର୍ ପାଉଲତି ବାଣେଜେଙ୍ଗ୍ ଇୟା ଉପାୟ ମାଟା ଝେନ୍ଦଜି, ଦୁର୍ଗ ଲୋଇ ସଲ୍ଲସି ପାଉଲତିଙ୍ଗ୍ ି ଇକା ଝେର୍ଡତାନ୍ ।

୧୭ ପାଉଲ ରୋମିୟ ପାଣିକିନିଝାରି ଲୋଇ ଅରେନ୍ଖାନିଙ୍ଗ୍ ି କୁକ୍ସି ଇର୍ହାନ୍, “ଇୟା ମୁରୁଲିଙ୍ଗ୍ ି ସନୱରି ନେତା ଲାକ୍ତୁ ଅଆ, ଖାନ୍ ଖାନିଙ୍ଗ୍ ି ଏସ ଇନିକା ମାଟା ମାନାଡ଼ ।”

୧୮ ପାଣିକିନିକାନ୍ ଖାନିଙ୍ଗ୍ ି ସନୱରି ନେତା ଲାକ୍ତୁ ଅସି ଇର୍ହାନ୍, “ତରାତିମାନି ପାଉଲ ନାଙ୍ଗ୍ କୁକ୍ସି ଇୟା ମୁରୁଲିଙ୍ଗ୍ ି ନି ଲାକ୍ତୁ ତାଡେଙ୍ଗ୍ ି ଇର୍ହାନ୍ । ନିଙ୍ଗ୍ ି ଖାନ୍ ଏସ ଇନି ମାଟା ମାନାଡ଼ ।”

୧୯ ସନୱରି ନେତା ଖାନି କିୟୁ ଆସ୍ସି ନିଜେ ଅତାଡ଼ ମାରି ଝେନ୍ଦବାତାନ୍, “ନାଙ୍ଗ୍ ି ଇନିକା ଝେର୍ନିକା ମାନାଡ଼, ଇନ୍ଆଁ !”

୨୦ ମୁରୁଲିକଡ଼ ଇର୍ହାନ୍, “ଜିହୁଦି ଅଦିକାରିର୍ ଉପାୟ କିତାମାନାର୍ ଜେ, ପେରିସଭା ପାଉଲତି ବିସୟତାନ୍ ନାଣ୍ଡ ସଡ଼ ମାଟା ନେସ୍ଡେଙ୍ଗ୍ ି ବିଦା କିତାମାନାର୍ ଇଜି ସାଲାକିଜି ଖାନିଙ୍ଗ୍ ି ପେରିସଭାଦୁ ଅଡେଙ୍ଗ୍ ି ଇଜି ନିଙ୍ଗ୍ ି ବାତିଙ୍ଗ୍ ି ମାଲ୍ନାର୍ ।

୨୧ ମାତର୍ ଖାରି ମାଟା ଝେନ୍ଦମା; ଇରିଙ୍ଗ୍ ି ସାଲିସ୍ତାନ୍ ନାଣ୍ଡ ଲୋକୁ ଖାନିଙ୍ଗ୍ ି ସାୟାମାର୍ଗା ତାକ୍ଲ ସାନ୍ଦି ଉଣ୍ଡୁଏର୍ ଇଜି ପାର୍ମାଣ୍ ଅସି କାପ୍କିତାମାନାର୍ । ଇଲେଇ ଖାର୍ ନି ମାଟାଦିଙ୍ଗ୍ କାପ୍କିଜି ଜାଗାର୍ତା ମାନାର୍ ।”

୨୨ “ନିନ୍ନୁ ନାଙ୍ଗ୍ ି ଇକା ଝେର୍ଡତିମାନି ଇଜି ଏଙ୍ଗ୍ ି ଇନ୍ଦମା ।” ସନୱରି ନେତା ଇକା ଝେର୍ସି ମୁରୁଲିଙ୍ଗ୍ ି ପିକ୍ତାନ୍ ।

ପାଉଲତିଙ୍ଗ୍ କାଈସରିଆଦୁ ପୋକ୍ତାର୍

୨୩ ସନୱରି ନେତା ଖାନି ଆଡ଼ଗିମାନି ରିଏରି ପାଣିକିନିଝାରିଙ୍ଗ୍ ି କୁକ୍ସିକିଜି ଇର୍ହାନ୍, “ନେରୁ ନାଡ଼ା ନଅଟା ବେଡାଦୁ କାଈସରିଆଦୁ ସନ୍ଡେଙ୍ଗ୍ ି ଇଜି ସଡୁରି ଲୋକୁ ଗଡ଼ାସାଲାକିନିଝାରିଙ୍ଗ୍ ି ମାରି ଦୁଇସ ଇଟା ଆସ୍ନିଝାରିଝାଲେ ଦୁଇସ ବୁଲାନି ସନୱରିଙ୍ଗ୍ ି ତିଆର୍ କିଦୁ ।

୨୪ ପାଉଲତି ସନି ଉଣ୍ଡିଙ୍ଗ୍ ି ଏସ ଗଡ଼େଙ୍ଗ୍ ି ସିଦୁ ମାରି ନେଗେନ୍ତାନ୍ ଖାନିଙ୍ଗ୍ ସାସନକିନି ପେଲିକସ୍ତି ଲାକ୍ତୁ ଅଡୁ ।”

୨୫ ସନୱରି ନେତା ଇୟାଝାଜା ଆକୁ ରାସ୍ତାନ୍ :

୨୬ “ସନ୍ମାନତି ସାସନକିନି ପେଲିକସ୍ତିଙ୍ଗ୍ କ୍ଲଡିଅସ୍ ଲୁସିୟାଦି ନମସ୍ସାର୍ ଆପିଡ଼ ।

୨୭ ଜିହୁଦି ଲୋକୁ ଇୟା ଲୋକ୍ତିଙ୍ଗ୍ ି ଆସ୍ସି ଖାନିଙ୍ଗ୍ ି ସାୟାମାର୍ଗା ତାକ୍ଡେଙ୍ଗ୍ ି ତିଆର୍ ମାର୍ହାର୍ । ଖାନ୍ ଅରେନ୍ ରୋମିୟ ଲୋକୁ ଇଜି ନେସ୍ତାର୍ଆକା ନାନୁ ନା ସନୱରି ମାଣାନ୍ ଖାନିଙ୍ଗ୍ ି ରିକିୟା କିତା ।

୨୮ ଖାରି ବିରଦ୍ତାନ୍ ଖାନ୍ ଇନି ଦସ୍ କିତାମାର୍ହାନ୍, ନେସ୍ଡେଙ୍ଗ୍ ଇଜି ନାନୁ ଖାନିଙ୍ଗ୍ ି ଖାରି ପେରିସଭାଦୁ ଅଡା ।

୨୯ ମାତର୍ ଖାନ୍ ସାନିଦଣ୍ଡୁ ବା ଜଇଲ୍ ଦଣ୍ଡୁ ପୟ୍ନି ଝାଜା ଇନି ପାଣି କିଏନ୍ ଇଜି ନାନୁ ନେସ୍ଡେଙ୍ଗ୍ ି ଆଟ୍ତା । ଖାନି ବିରଦ୍ତାନ୍ ଆଡ଼ିମାନି ଦାବିଝିଜୁ ଖାରି ଦର୍ମଦି ବିସୟତି ନିୟମ୍ ।

୩୦ ମାରି ଖାନି ବିରଦ୍ତାନ୍ ଉନ୍ତ୍ରୁ ଉପାୟ ଆତାମାନାଡ଼ ଇଜି କାରୁର୍ ପୟ୍ନି ଦାପ୍ରେ ଦାପ୍ରେ ଖାନିଙ୍ଗ୍ ନି ଲାକ୍ତୁ ପୋକ୍ଡେଙ୍ଗ୍ ଅଡ଼ବିତା । ଖାନି ବିରଦ୍ତାନ୍ ମାନି ଦାବିଝିଜୁ ନି ଲାକ୍ତୁ ଝେର୍ଡେଙ୍ଗ୍ ି ଇଜି ନାନୁ ଖାନି ଦାବିକିନିଝାରିଙ୍ଗ୍ ି ଇର୍ହାମାନା ।”

୩୧ ସନୱର୍ ଆୟା ଆଦେସ୍ ଇସାବ୍ତାନ୍ ପାଉଲତିଙ୍ଗ୍ ି ଆୟା ନାଡ଼ା ଆଡ଼ିପାଡ଼ିଦୁ ଇପ୍ତାର୍ ।

୩୨ ମାରିନାଣ୍ଡିଂ ଓ ବୁଲାନି ସନ୍ଧ୍ୟା ଦୁର୍ଗତୁ ଡେସି ସର୍ହାରୁ
 ୩୩ ମାରି ଗଡେଂ ଓ ସାଲାନି ସନ୍ଧ୍ୟା ପାଉଲତିଂ ଓ ଅସି କାଲସରିଆଦୁ ଇଡାର । ଆବେ ସନ୍ଧ୍ୟା ନେତା
 ଆକୁଦିଂ ଖାଲେ ପାଉଲତିଂ ଓ ସାସନକିନିମାନୁ ସରପେ କିତାନ ।
 ୩୪ ସାସନକିନି ମନ୍ତ୍ରୀ ଆକୁ ପଡ଼ାଜି ପାଉଲତିଂ ଓ ଆମା ଦେସତାନ ଖାତିମାନି ଇଜି ଖେନ୍‌ବାତାନ । ପାଉଲ
 ସିଲିସିଆଦିକାଂ ଓ ଇଜି ନେସସି,
 ୩୫ ଖାନ ଇର୍ହାନ, “ନି ଦାବିକିନିକାର ଇତି ଖେନ୍‌କା ନାନୁ ନି ମାଟା ଖେନା ।” ଖେନ୍‌କା ପାଉଲତିଂ ଓ ହେରୋଦତି
 ମେଡ଼ଇଲୁଡୁ ତରସି ଇଡ଼ଦେଂ ଓ ଇଜି ଆଦେସ ସିତାନ ।

୨୪

ପାଉଲତି ଜିହୁଦିରି ମାଣୁକୁ ଦସି ଆତାନ

୧ ପାସ ଦିନ୍ ଖେନ୍‌କା ପେରି ଜାଜକ ହନନିୟ ଏସ ଜିହୁଦି ନେତାରୁ ନି ତର୍ତୁଲସ୍ ଦରତି ଅରେନ୍ ଅକିଲତି ଖାଲେ
 କାଲସରିଆଦୁ ସର୍ହାନ । ଖାର ପେଲିକସ୍ତି ଆଗଡ଼ି ଖାଜି ପାଉଲତି ବିରଦତାନ ଖାରି ଦାବି ଖେରତାନ ।
 ୨ ଖେନ୍‌କା ପାଉଲତିଂ ଓ ଆବେ ତାତାର ମାରି ତର୍ତୁଲସ୍ ଇୟାଞ୍ଜା ଲୋକା ଦାବିଞ୍ଜୁ ଖେରତାନ : “ମି ବୁଦିଦି ସାରି
 ତରନି ମାଣାନ ମାପ୍ ନାଣ୍ଡ ଦିନ୍ ଆସସି ସାନ୍ତିଦାନ ତେବାଜିନାପ୍ ମାରି ମା ଦେସତି ନେଗି ଉଣ୍ଡିଂ ଓ ଗାଦି ନିୟମତି ପାଣି
 କିଆୟାଆତାମାନାନ ।
 ୩ ଞ୍ଜୁ ପେଲିକସ୍ ବାଡ଼ିଦୁ ନି ଞ୍ଜୁ ଖେଡ଼ାଦୁ ମାପ୍ ତେନିଂ ଓ କୁକ୍‌ସିନାପ୍, ମାପ୍ ନି ଲାକଡୁ ନାଣ୍ଡ ଇସାବତାନ
 ଦନ୍ଧବାଦ୍ ସିଜିନାପ୍ ।
 ୪ ଖାନ ଏଣ୍ଡେସ୍ ଆପିନ୍, ନାନୁ ମି ନାଣ୍ଡ ସମୟ ଅତେଂ ଓ ବଦାକିଏ, ଆଦେଂ ଓ ନିନ୍ଦୁ ଦୟା କିଜି ମା ଏସ ମାଟା
 ଖେନ୍‌ଡେଂ ଓ ଇଜି ନାନୁ ମାଡ଼ିସ୍ କିଜିନା ।
 ୫ ଇୟା ଲୋକୁ ବୟଙ୍କର ଜାଟିକିନିକାନୁ ଇଜି ମାପ୍ ନେସନାପ୍; ଖାନ ଦୁନିଆଦି ଞ୍ଜୁତରିନ୍ ବୁଲାନି
 ଜିହୁଦିଲୋକାଂ ଓ ସାନ୍ତି ରୁକ୍‌ଡେଂ ଓ ଏଗ୍ରିସ୍ କିଜିନାନ । ଖାନ ନାଜରିୟତିୟ ଦଲତୀ ନେତା ।
 ୬ ଖାନ ମା ମନ୍ଦିରତିଂ ଓ ଅପବିତ୍ର କିଦେଂ ଓ ସେସ୍ କିନିଞ୍ଜାଲେ ମାପ୍ ଖାନିଂ ଓ ଆସତାପ୍ ।
 ୭ ମାତର ସହେ ଲୋକା ମୁସକୁ ମାନି ନେତା ଲୁସିୟା ଖାଜି ତାଟତାନ ଖେନିଂ ଓ ମା କିୟୁଦାନୁ ଡିବିସ୍ତାଅତାନ ।
 ୮ ମାପ୍ ଖେନି ବିରଦତାନ ଏମେ ଞ୍ଜୁ ଦାବି କିଜିନାପ୍, ଆକା ନିନ୍ଦୁ ନିଜେ ଇୟା ଲୋକ୍‌ତିଂ ଓ ଖେନ୍‌ବାଜି
 ନେସ୍‌ଡେଂ ଓ ଆଟ୍‌ନି ।”
 ୯ ଇବେମାନି ଜିହୁଦି ଲୋକୁ ବା ଇୟା ଦାବି ସଡ଼ ଇଜି ଆଟ୍‌ଞ୍ଜାଦାନ ରାଜିଆନିକା ଜାଣେକିତାର ।

ପେଲିକସ୍ତି ଆଗଡ଼ି ପାଉଲତି ନିଜେଦି ତରିଟାନୁ ଖେରନିକା

୧୦ ତାନିଖେନ୍‌କା ଆୟା ଦେସ୍ତି ମନ୍ତ୍ରୀ ପାଉଲତିଂ ମାଟା ଇନ୍‌ଡେଂ ଓ ଇଜି ସାରିସିତାନୁ ଆକା ପାଉଲ ଇର୍ହାନ,
 “ନାନୁ ନେସନା ଜେ ନାଣ୍ଡ ବାରସେକ୍ ଆସସି ନିନ୍ଦୁ ଇୟା ଲୋକା ବିସାର କିନିକିନ୍ଦା ଆତିମାନି, ଆଦେଂ ଓ ନି ଆଗଡ଼ି
 ନିଜେଦି ବିସୟ ଖେରଡେଂ ଓ ନା ତରିଟାନୁ ଖେଡ଼ିକାଦି ମାଟା ।
 ୧୧ ନିନ୍ଦୁ ନିଜେ ପୟଜି ନେସ୍‌ଡେଂ ଆଟ୍‌ନି ଜେ, ଆନାଡ଼ ବାର ଦିନ୍ ଆଗଡ଼ି ନାନୁ ଜିରୁସାଲାମତୁ ପାରତନା କିଦେଂ ଓ
 ସର୍ହାମାହା ।
 ୧୨ ମନ୍ଦିରତୁ ଏଞ୍ଜାଲେ ନା ଆସସିସାନିକା କିଜିମାନିକା ଜିହୁଦିଲୋକୁ ସୁଡ଼ୁର୍ ମାହାର ବା ପାରତନାକିନି ଇଲ୍‌କାଂ
 ଆପିଡ଼ ଗାଡ଼ି ଆଇ ଇନି ବାଡ଼ିଦୁ ନାଂ ଲୋକାଂ ଏଗ୍ରିସ୍‌କିନିକା ସୁଡ଼ୁର୍ ମାହାର ।
 ୧୩ ଆଦେଂ ଓ ନା ବିରଦତାନ ଇଲେଇ ତାତିମାନି ଦାବିଞ୍ଜୁକା ଉଣ୍ଡିଂ ଓ ଖାର ସଡ଼ ମାଟା ସିଦେଂ ଆଟ୍‌ଏର୍ ।
 ୧୪ ନାନୁ ନି ଲାକଡୁ ମାନାଜିନା ଜେ, ଏମେ ସାରିଦିଂ ଓ ଖାର ମିର୍ ଇଜି ଇଜିନାର, ଆୟା ସାରିଦିଂ ଓ ବୁଲାନି ନାନୁ
 ମା ପୁର୍ବେଦିଡ଼କରାଦାଦାରି ମାପୁରୁଂ ଓ ସେବା କିଜିନା । ମାତର ନାନୁ ବା ମସାଦି ନିୟମ୍ ନି ବାବଦାଦିରି ବଇଦୁ ରାସାତି
 ଞ୍ଜୁ ମାଟା ବିସବାସ୍ କିନା ।
 ୧୫ ଇୟାଞ୍ଜାରି ଖାଜା ମାପୁରୁଦିମାନୁ ନା ଆୟା ଉନ୍‌ଡ଼ି ଆସା ମାନାଡ଼ ଜେ, ଦାର୍ମୁ ନି ଅଦାର୍ମୁ ଲୋକୁ ଞ୍ଜିଜେରେ ସାତି
 ମାଣାନୁ ମାରିଡେସି ନିଂ ନାର ।
 ୧୬ ଆଦେଂ ଓ ମାପୁରୁ ନି ଲୋକା ଆଗଡ଼ି ନେଗି ବୁଦି ବ୍ୟବହାର କିଦେଂ ଇଜି ନାନୁ ଞ୍ଜୁଦିନ୍ ବଦା କିଜିନା ।
 ୧୭ “ନାଣ୍ଡ ବାରସେକ୍ ଆସସି ଜିରୁସାଲାମତାନୁ ଆକ ତେବାତି ଖେନ୍‌କା, ନା ନିଜେଦି ଲୋକା ଉଣ୍ଡିଂ ଓ ଏସ ତାରୁକୁ
 ଅତେଂ ଓ ନି ପୁଜା ସିଦେଂ ଇଜି ନାନୁ ଆବେ ସର୍ହାମାହା ।

☆ ୨୪:୧୭ ପ୍ରେରିତ ୨୧:୧୭-୨୮.

୧୮ ନାନୁ ନେଗେନକିନି ବିଦି ଓସସି ମାରଇ ବେଡ଼ାଦୁ ଖାର ନାଙ୍ଗୁଁ ମନ୍ଦିରତୁ ସୁଡ଼ତୁର । ନାସ୍ତିଖାଲେ ନା ଲାକ୍ତୁ ଲୋକଉଣ୍ଡାତିକା ସିଲେତାଡ଼ କି ଅସାନ୍ତି ଆଏଡ଼ମାହାଡ଼ ।

୧୯ ମାତର ଆସିଆ ଦେସ୍ତି ଏସ ଜିହୁଦି ଲୋକ୍ତୁ ଆବେ ମାହାର୍; ଜଦି ଖାରି ନା ବିରୁଦ୍ତାନ ମାଟା ଇନିକା ମାନାଡ଼, ଖାର ନିଜେ ନି ଆଗ୍ଡ଼ି ଖାଜି ଦାବି କିଦେଙ୍ଗୁଁ ଆଡ଼ତାରମାନ୍ ।

୨୦ ମାରି, ନାନୁ ଏସ୍ତିଖାଲେ ପେରିସଭା ଆଗ୍ଡ଼ି ନିରଥା ମାରହା, ନାନୁ ଏମେ ତାଗ୍ଲମାଟା ପାଣିଦୁ ଦସି ଇଜି ଖେଙ୍ଗୁଁତା, ଆକା ଇବେମାନି ଇୟା ଲୋକ୍ତୁ ଇନିର ।

୨୧ *ଜଦିବା ନାନୁ ଉନ୍ତୁ ମାଟା କିତାମାରହା : ଖାରି ଆଗ୍ଡ଼ି ନିରଇ ମାରଇଖାଲେ ନାନୁ ତାଟ୍ତାନ ଇରଥାମାହା, ସାଡ଼ିକାର ମାରିଡ଼େସି ଜିନାର ଇଜି ନାନୁ ବିସବାସ୍ କିଜିମାନିଙ୍ଗୁଁ ନେରୁ ମିବାଣ୍ଡୁ ବିସାର ଆଜିନା ।”

୨୨ ପେଲିକସ୍ ନେଗି ସାରିଦି ବିସୟତାନ ନେଗେନ କିଜି ନେସ୍ତିମାନିଙ୍ଗୁଁ ଖେନିସକିନିକା ତେବା କିଜି ଇହାନ୍, “ସନୱରି ନେତା ଲୁସିୟା ଖାତି ଖେନକା ନାନୁ ନି କେସ୍ ପୁରା କିନା ।”

୨୩ ପାଉଲତିଙ୍ଗୁଁ ଖାନ୍ ତରସୋ ଇଡ଼ଦେଙ୍ଗୁଁ ଖାନ୍ ସନୱରିଙ୍ଗୁଁ ଆଦେସ୍ ସିତାନ, ମାତର ଖାନି ଉଣ୍ଡିଙ୍ଗୁଁ କାପକିନା ଡ଼ିସସି ଖାନି ଜାତୁନ୍ କିଦେଙ୍ଗୁଁ ଇଜି ଖାନି ତଡ଼କାଙ୍ଗୁଁ ସାରି ସିଦେଙ୍ଗୁଁ ଖାନ୍ ଆଦେସ୍ ସିତାନ ।

ପେଲିକସ୍ ନି ଦୁସିଲାଦି ଆଗ୍ଡ଼ି ପାଉଲ

୨୪ ଏସ ଦିନ୍ ଖେନକା ପେଲିକସ୍ ଖାନି ଜିହୁଦି ଆଇମା ଦୁସିଲାଦି ଖାଲେ ଖାତାନ, ଖାନ୍ ପାଉଲତିଙ୍ଗୁଁ କୁକିସ୍ କିଜି ଜିସୁ କ୍ରିସ୍ତମାନୁ ବିସବାସ୍ କିନି ବିସୟତାନ ଖାନି ମାଟା ଖେରଥାନ ।

୨୫ ମାତର ଏସ୍ତିଖାଲେ ପାଉଲ ଦାମ୍ବୁଦିକା, ନିଜେଦିଙ୍ଗୁଁ ନେଗେନକିଜି ଇଡ଼ନିକା ମାରି ଖାନି ବିସାର ଦିନ୍ ମାଟା ଖାରଗିତାର, ପେଲିକସ୍ ତିଲାଜି ଇହାନ୍, ନିନ୍ତୁ ଇଲେଇ ସନ୍ତେଙ୍ଗୁଁ ଆଡ଼ନି । ସୁଜୋଗ ପୟତିଙ୍ଗୁଁ, “ମାରି ଅରସୁ ନିଙ୍ଗୁଁ କୁକିସ୍ କିନା ।”

୨୬ ଆୟା ସମୟତୁ ପାଉଲ ଖାନିଙ୍ଗୁଁ ଏସ୍ ତାରୁଙ୍ଗୁଁ ସିନି ଇଜି ଖାନ୍ ଆସା କିତାମାହାନ୍, ଆଦେଙ୍ଗୁଁ ଖାନ୍ ଅରସୁଦିଙ୍ଗୁଁ ଅରସୁ ଖାନିଙ୍ଗୁଁ କୁକିସ୍ କିଜି ଖାନି ଖାଲେ ଖାରଗିଦେଙ୍ଗୁଁ ଆସ୍ତାନ ।

୨୭ ଇୟାଖାଜା ରୁଣ୍ଡି ବାରସେକ୍ ତେବାତି ଖେନକା ପୋକ୍ ଯସ୍ ଫେଷ୍ଟସ୍ ପେଲିକସ୍ତି ବାଡ଼ିଦୁ ସାସନକିନିକାନ୍ ଖାଜା ବାସେ ଆତାନ । ପେଲିକସ୍ ଜିହୁଦିଲୋକା ଖେଡ଼ିକା ପୟନି ଉଣ୍ଡିଙ୍ଗୁଁ ଲାଲାୟ ମାନିଙ୍ଗୁଁ ପାଉଲତିଙ୍ଗୁଁ ଡ଼ିସ୍ ଏଣ୍ଡା ଜଇଲ୍ତୁ ଡ଼ିସ୍ତା ସହାନ୍ ।

୨୫

ସମ୍ରାଟି ଲାକ୍ତୁ ପାଉଲତି ଦାବି

୧ ପେସ୍ତସ୍ ଇୟା ରାଜିଦୁ ଇନି ମୁନେଟି ଖେନକା କାଇସରିଆଦାନ ଜିରୁସାଲାମତୁ ସହାନ୍ ।

୨ ଆବେଟାନ ପେରିଜାଜକ୍ ନି ଜିହୁଦି ନେତାର ମାରିଡ଼େସି ପାଉଲତି ବିରଦ୍ତାନ ଦାବି କିତାର ।

୩ ପାଉଲତିଙ୍ଗୁଁ ଜିରୁସାଲାମତୁ ତାସି ଖାରିଙ୍ଗୁଁ ଖେଡ଼ିକାକିବିସ୍ କିଦେଙ୍ଗୁଁ ଇଜି ଖାର ପେସ୍ତସ୍ତିଙ୍ଗୁଁ ମାଡ଼ିସ୍ କିତାର, ଇରିଙ୍ଗୁଁ ଖାର ପାଉଲତିଙ୍ଗୁଁ ସାରିଦୁ ଡାକ୍ତେଙ୍ଗୁଁ ଇଜି ଉପାୟ ତିଆର୍ କିତାମାହାର୍ ।

୪ ପେସ୍ତସ୍ ଇହାନ୍, “ପାଉଲତିଙ୍ଗୁଁ ଉନ୍ତୁ ତରାୟାତି ଖାଜା କାଇସରିଆଦୁ ଇଟାୟାତାମାନାନ୍ ମାରି ବେଗି ନାନୁ ନିଜେ ଆବେ ଡ଼େସି ସନା ।

୫ ଜଦି ଖାନ୍ ଇନି ଦସ୍ କିତାମାନାନ୍, ଆଡ଼ତିଙ୍ଗୁଁ ମି ନେତାର ନା ଖାଲେ କାଇସରିଆଦୁ ସଲିର୍ ମାରି ତାନି ବିରଦ୍ତାନ ଖାରି ଦାବି ଖେରତୁ ।”

୬ ପେସ୍ତସ୍ ଖାରି ଖାଲେ ଆଡ଼ ଦସ୍ ଦିନ୍ତାନ ନାଣ୍ଡ ତେବାଜି କାଇସରିଆଦୁ ଡ଼େସି ଖାତାନ । ମାରନାଣ୍ଡିଙ୍ଗୁଁ ଖାନ୍ ବିଚାରକିନିମାନୁ ବାସସି ପାଉଲତିଙ୍ଗୁଁ ତାତେଙ୍ଗୁଁ ଇଜି ଆଦେସ୍ ସିତାନ ।

୭ ପାଉଲ ଖାତିଦାପ୍ରେ ଜିରୁସାଲାମତି ଜିହୁଦିଲୋକ୍ତୁ ଖାନି ସାରିବେଡ଼ଡ଼ି କେରବ୍ଜି ନିହାର୍ ମାରି ଖାନି ବିରଦ୍ତାନ ନାଣ୍ଡ ଗୁରୁଡ଼ଦାନ ଦାବି କିତାର । ମାତର ଖାର ଇୟାଖିଜୁ ପାରମାଣ୍ଡିଙ୍ଗୁଁ ସାସ୍ କିଏତାର୍ ।

୮ ଇରିଙ୍ଗୁଁ ପାଉଲ ନିଜେଦି ମୋନତିଙ୍ଗୁଁ ସିଜି ଇହାନ୍, “ଜିହୁଦିରି ନିୟମ୍ ବିରୁଦ୍ତାନ ସିଲେ କି ମନ୍ଦିର୍ ବିରୁଦ୍ତାନ ସିଲେ କି ରୋମିୟ ସମ୍ରାଟ୍, ଏ ବିରୁଦ୍ତାନ ନାନୁ ଇନିକା ଦସ୍ କିଏ ।”

୯ ମାତର ଫେଷ୍ଟସ୍ ଜିହୁଦିରି ଖେଡ଼ିକାଦିକାନ୍ ଆଦେଙ୍ଗୁଁ ଇଛା କିଜି ପାଉଲତିଙ୍ଗୁଁ ଖେନବାତାନ, “ଜିରୁସାଲାମତୁ ସନି ଉଣ୍ଡିଙ୍ଗୁଁ ମାରି ଆବେନୁ ନା ଆଗ୍ଡ଼ି ଇୟାଖିଜୁ ଦୋସଦୁ ବିସାର ଆଦେଙ୍ଗୁଁ ନିନ୍ତୁ ଇନିକା ରାଜି ଆନି ?”

* ୨୪:୨୧ ପ୍ରେରିତ ୨୩:୭.

୧୦ ପାଉଲ ଇର୍ହାନ, “ନାନୁ କାଈସର୍ଦ୍ଦି ବିଚାର କିନି ଆଗଡ଼ି ନିର୍ହାମାନା । ଇବେନୁନେ ନା ବିଚାର ଆନିକା ମାନାଡ଼ । ନିନୁ ନିଜେ ନେଗେନ୍ତାନ ନେସ୍ତିମାନି ଜେ, ନାନୁ ଜିହୁଦିରି ବିରୁଦ୍ତାନ ଇନିକା ଜାଟି କିଏ ।

୧୧ ଜଦି ନାନୁ ଅନ୍ୟାୟପାଣି କିତିମାରିଙ୍ଗ୍ ସାନିଦଣ୍ଡ ପୋଇନା ଏମେ ପାଣିକିତାମାନା, ଆବେନୁ ଦଣ୍ଡ ପୋଇଦେଙ୍ଗ୍ ନାନୁ ଇଛା କିଏ । ମାତର ଖାର ନା ବିରୁଦ୍ତାନ ତାତିମାନି ଦୋସ୍ତିଜୁ ଜଦି ଇନିକା ସଡ଼ ସିଲେଡ଼, ଆର୍ଡ଼ିଙ୍ଗ୍ ଏନ୍ ନାଙ୍ଗି ଖାରି କିୟୁଦାନ ଡ଼ିସିସ୍ କିଦେଙ୍ଗ୍ କାଈସର୍ଦ୍ଦିମାନୁ ନାନୁ ଇୟା ଅନୁରୋଦ କିତାମାନା ।”

୧୨ ତାନି ଖେନ୍କା ପେସ୍ତୁସ୍ ଖାରି ନେତାରିଖାଲେ ଖାରିଙ୍ଗ୍ ଖେର୍ତାନ, “ନିନୁ କାଈସର୍ଦ୍ଦିମାନୁ ଅନୁରୋଦ କିତିମାନି, ଆଦେଙ୍ଗ୍ ନିନୁ କାଈସର୍ଦ୍ଦି ଲାକୁଡୁ ସନି ।”

ଆଗ୍ରିପା ନି ବଣ୍ଟି ସ୍ତି ଆଗଡ଼ି ପାଉଲ

୧୩ ଏସଦିନ୍ ଖେନେକା ରାଜା ଆଗ୍ରିପା ମାରି ବଣ୍ଟି ସ୍ତି ପେସ୍ତୁସ୍ତିଙ୍ଗ୍ ମିସାନି ଉଣ୍ଡିଙ୍ଗ୍ କାଈସରିଆ ଗାଡ଼ୁଡୁ ଖାତାର ।

୧୪ ଆବେନୁ ଖାର ଏସଦିନ୍ ତେବାତି ଖେନ୍କା ପେସ୍ତୁସ୍ ରାଜାଦିଙ୍ଗ୍ ପାଉଲଦି ବିଷୟ ଖେରିସି ଇର୍ହାନ, “ପେଲିକସ୍ ଜଲ୍ଲତୁ ଇଟିତି ମାନି ଅରେନ୍ ଲୋକ ଇବେନୁ ମାନାନ ।

୧୫ ନାନୁ ଏସ୍ତିଖାଲେ ଜିରୁସାଲମତୁ ସର୍ଥା ମାର୍ହା, ଜିହୁଦି ପେରି ଜାଜକ ମାରି ଦାମ୍ବୁ ନେତାର ଖାନି ବିରୁଦ୍ତାନ ଏସ ଦୋସକୁ ତାତାର ମାରି ନାଙ୍ଗି ଖାନିଙ୍ଗ୍ ଦୋସ୍ କିବିସ୍ କିଦେଙ୍ଗ୍ ଇର୍ହାର ।

୧୬ ମାତର ନାନୁ ଖାରିଙ୍ଗ୍ ଖେର୍ତା ଜେ, ଅରେନ୍ ଦୋସିଙ୍ଗ୍ ବିସାର କିନିବାଡ଼ିତୁ ଖାନି ଦୋସ୍ଆସ୍ତିଖାରି ଆଗଡ଼ି ନିଜେଦିଙ୍ଗ୍ ସରପେ କିନି ଉଣ୍ଡିଙ୍ଗ୍ ସୁଜୋଗ ସିନି ଆଗଡ଼ି ଖାନିଙ୍ଗ୍ ଦାଇ କିବିସ୍ କିଦେଙ୍ଗ୍ ମା ରୋମିୟରି ନିୟମ୍ ସିଲେଡ଼ ।

୧୭ ଖାର ଇବେନୁ ଖାନି ଖେନ୍କା ନାନୁ ଖେଡ଼ା କିଏଣ୍ଟା ମାର୍ନାଣ୍ଡିଙ୍ଗ୍ ବିଚାରକିନି ବାଡ଼ିଦୁ ବାସ୍ତା ମାରି ଆୟାଖାନିଙ୍ଗ୍ ଲୋଇ ତାତେଙ୍ଗ୍ ଇଜି ଆଦେସ୍ ସିତା ।

୧୮ ଖାନି ବିରୁଦ୍ଦକିନି ଲୋକୁ ଖାନି ବିରୁଦ୍ତାନ ଇନ୍ତ୍ରେଙ୍ଗ୍ ନିର୍ହାର, ମାତର ଖାର ଏମେନାନି ଦୋସ ତାନାର ଇଜି ନାନୁ ଅଡ଼ବିତା ମାର୍ଥା, ଆକା ଖାର କିଦେଙ୍ଗ୍ ଆର୍ଏତାର ।

୧୯ ଖାର କେବଲ ନିଜେଦି ଦର୍ମ ବିସୟତିଙ୍ଗ୍ ମାରି ଜିସୁ ଦର୍ଡ଼ି ଆମା ସାତି ଲୋକ୍ତିଙ୍ଗ୍ ପାଉଲ ଜିତିକାନ ଇଜି ଦାବି କିଜିନାନ, ଖାନି ବିସୟ ଅସି ଆସ୍ତିସାତାର ।

୨୦ ଇୟାଞ୍ଜିରୁ ବିସୟ ମାରି ନେଗେନ୍ତାନ ନେସିନି ଉଣ୍ଡିଙ୍ଗ୍ ଇନିକା କିଦେଙ୍ଗ୍ ଆନାଡ଼, ଇନିକା ଡିର୍ କିଦେଙ୍ଗ୍ ଆର୍ଏଜି ଇୟା ଦୋସ୍ତୁ ବିଚାର ଆନିଉଣ୍ଡିଙ୍ଗ୍ ପାଉଲ ଜିରୁସାଲମତୁ ସୋନାନନୋ ଇଜି ନାନୁ ଖାନିଙ୍ଗ୍ ଖେନ୍ବାତା ।

୨୧ ମାତର ପାଉଲ, ନିଜେ କାଈସର ଖାନି ମାଟା ପୁରା କିପିନ୍ ଇଜି ଖେର୍ସି କାପ୍‌କିନିଖାରି ମାଣାନ ସୁରକ୍ଷିତ ଆନି ଉଣ୍ଡିଙ୍ଗ୍ ଅଡ଼ବିତାନ । ଆଦେଙ୍ଗ୍ କାଈସର୍ଦ୍ଦି ଲାକୁଡୁ ପୋକ୍‌ନି ସାନ୍ଦି ଖାନିଙ୍ଗ୍ ବନ୍ଦି କିଜି ଇଡ଼ିନି ଉଣ୍ଡିଙ୍ଗ୍ ନାନ ଆଦେସ୍ ସିତାମାନା ।”

୨୨ ଆଗ୍ରିପା ପେସ୍ତୁସ୍ତିଙ୍ଗ୍ ଇର୍ହାନ, “ନାନୁ ନିଜେ ଇୟା ଲୋକ୍ତି ମାଟା ଖେନ୍ତ୍ରେଙ୍ଗ୍ ବଦା କିଜିନା ।” ପେସ୍ତୁସ୍ ଇର୍ହାନ, “ଓଗେରିଙ୍ଗ୍ ନିନ୍ ଖାନି ମାଟା ଖେନିଦେର୍ ।”

୨୩ ମାରିଉନ୍ତ୍ରି ଦିନ୍ତୁ ଆଗ୍ରିପା ମାରି ବଣ୍ଟି ସ୍ତି ସୌନ୍ୟରି ଦଲ୍‌ଡ଼ି ପେରିକାନ ମାରି ଗାଡ଼ୁଡ଼ି ପେରି ଲୋକା ଖାଲେ ନାଣ୍ଡ ଖେଡ଼ିକାଦାନ ଖାଜି ବିଚାରକିନି ବାଡ଼ିଦୁ ଡ଼ଗ୍ରିତାର । ପେସ୍ତୁସ୍ତି ଆଦେସ୍ତାନ ପାଉଲତିଙ୍ଗ୍ ଲୋଇ ତାତାର ।

୨୪ ପେସ୍ତୁସ୍ ଇର୍ହାନ, “ରାଜା ଆଗ୍ରିପା ମାରି ଆବେନୁ ମାର୍‌ଇ ପେରିମଣ୍ଡିଲି, ମିରୁ ଇୟା ଆମା ଲୋକ୍ତିଙ୍ଗ୍ ସୁଡ଼ୁଜିନିଦେର୍, ଖାନି ବିରୁଦ୍ତାନ ଇବେଣିକାର ମାରି ଜିରୁସାଲମତୁ ମାନି ଜିହୁଦିର୍ ନା ଲାକୁଡୁ ଖେର୍ତା ମାନାର । ଖାର ଖାନି ଜିନି ମାନିକା ଟିକ୍ ସିଲେଜି ଦାବି କିଜି ଆଉଲି ଆଜିନାର ।

୨୫ ମାତର ଖାନ ସାନିଦଣ୍ଡ ପୟନି ନାନିକା କିତିମାନି ଇନି ଦସ୍ ନାନୁ ସୁଡ଼ୁ । ଖାନ ନିଜେ କାଈସରତିଙ୍ଗ୍ ଖେର୍ଡ଼ି ମାନିଙ୍ଗ୍, ନାନୁ ଖାନିଙ୍ଗ୍ ଆବେନୁ ପୋକ୍‌ତେଙ୍ଗ୍ ଇଜି ବଦା କିତାମାନା ।

୨୬ ମାତର ଖାନି ବିସୟତାନ ନେସ୍‌ନିଖାଜା କାଈସରତିଙ୍ଗ୍ ରାସ୍‌ତେଙ୍ଗ୍ ଇଜି ନାନ୍ଦି ଇନିକା ସିଲେଡ଼ । ଆଦେଙ୍ଗ୍ ନାନୁ ଖାନିଙ୍ଗ୍ ମି ଆଗଡ଼ି ମାରି ରାଜା ଆଗ୍ରିପା, ମି ଆଗଡ଼ି ତାତାମାନାନ, ଏଣ୍ଡେସ୍ ଖାନି ବିସୟ ନେଗେନ୍ତାନ ଖେନ୍‌ବାତି ଖେନ୍‌କାନେ ନାନୁ ଇନିକା ରାସ୍‌ତେଙ୍ଗ୍ ଆର୍‌ନା ।

୨୭ ଇରିଙ୍ଗ୍ ଅରେନ୍ ଜଲ୍‌ଲତୁମାନି ବିରୁଦ୍ତାନ ମାନି ମାଟେଙ୍ଗ୍‌ଞ୍ଜିରୁ ପୁରାନେଗେନ୍ତାନ ବୁଜାଏଣ୍ଡା ଖାନିଙ୍ଗ୍ କାଈସରତି ଲାକୁଡୁ ପୋକ୍‌ନିକା ଟିକ୍ ସିଲେ ଇଜି ନାନୁ ଅଡ଼ବିଜିନା ।”



ଆଗ୍ରିପାଦି ଆଗଡ଼ି ପାଉଲ ନିଜେଦି ତରିଗାନୁ ଖେର୍‌ନିକା

୧ ଆଗ୍ରିପା ପାଉଲତିଙ୍ଗ୍ ଇର୍ହାନ, “ମିଙ୍ଗ୍ ନିଜେଦି ମାଣକୁ ଖେର୍‌ତେଙ୍ଗ୍ ଇଜି ସାରି ସିଆୟଆତାଡ଼ ।” ପାଉଲ କିୟୁ ସାର୍‌ପସି ନିଜେଦିଙ୍ଗ୍ ସମର୍ଥନ କିଜି ଇର୍ହାନ :

୨ ଏ ରାଜା ଆଗ୍ରିପା, ଜିହୁଦିର ନାଙ୍ଗିଆମା ଓଜୁ ବିସୟତାନ୍ ଝେରତାମାନାର, ଆୟା ବିସୟତାନ୍ ମି ଆଗ୍ରି ନାନ୍ ନିଜେଦିକ୍ ଝେରତେକ୍ ସୁଜୋଗ ପୟତି ମାନିକ୍ ନେରୁ ନିଜେଦିକ୍ କାମ୍ ଜି ଅଡ଼ବିଜିନା,

୩ ଇରିକ୍ ଜିହୁଦିରି ରିତି ନିତି ମାରି ଝାରିଗିନି ବିସୟତାନ୍ ନିନୁ ନେଗେନ୍ତାନ୍ ନେସ୍ନି, ମାଡ଼ିସ୍ କିଜିନା, ନିନୁ ସାହାସ୍ତାନ୍ ନା ମାଟା ଝେନ୍ଥା ।

୪ କଡ଼ଝାଲେରାନ୍ ନାନ୍ ଏଶ୍ରେସ୍ ଜିତାମାନା, ଆକା ଜିହୁଦିର ନେସ୍ନାର । ଆଗ୍ରି ନିଜେଦି ଦେସ୍ତୁ ମାରି ଝେନ୍କା ଜିରୁସାଲମତୁ ନାନ୍ ଏଶ୍ରେସ୍ ଜିବନ୍ କାଟେ କିତାମାନା, ଲୋକ୍ ଆୟାକା ନେସ୍ନାର ।

୫ ନାନ୍ ଜେ ଆଗ୍ରିରାନ୍ ପାରୁସି ଦରତି ମା ଦର୍ମଦି ଓଜୁମାଣକୁ ଦଲ୍ଲତି ପେରିକାନ୍ ଆଜି ଜିଜି ମାର୍ଥା, ଝାର ଇକା ନେସ୍ନାର ମାରି ବଦା କିତିକା, ଝାର ଇୟା ବିସୟତାନ୍ ସାକି ସିଦେକ୍ ଆଟ୍ନାର ।

୬ ମାପୁରୁ ମା ପୁର୍ବେଦିତକରାଦାଦାରିକ୍ ଆମା ମାଟା ସିତାମାହାନ୍, ଆବେନୁ ନା ଆସା ମାନି ଉଣ୍ଡିକ୍ ନେରୁ ନାନ୍ ଇବେନୁ ବିଚାର ଆଦେକ୍ ନିରଥାମାନା ।

୭ ମା ବାରଗୋଟା କୁଟୁମ୍ ଝେଡେନାଡ଼ା ପ୍ରବୁଦି ସେବା କିଜି ଆୟା ଉନ୍ତ୍ର ବିସୟ ପୟନି ଉଣ୍ଡିକ୍ ଆସା କିନାର । ଏ ରାଜା, ନା ଆୟା ଆସା ଉଣ୍ଡିକ୍ ଜିହୁଦିର ନାଙ୍ଗିଆ ଦୋସ୍ କିଜିନାର ।

୮ ମାପୁରୁ ଜେ ସାତିଝାରିକ୍ ନିକ୍ନାନ୍, ଇକା ବିସ୍ବାସ୍ କିନିକା ବେକାର୍ ଇଜି ମିର୍ ଏୟା ଅଡ଼ବିଜିନିଦେର ?

୯ ନାଜରିୟତିୟ ଜିସୁଦି ବିରୁଦତିକ୍ ମେଡେକ୍ନି ଉଣ୍ଡିକ୍ ନାନ୍ ଆୟାଦାପ୍ରେ ସେସ୍ କିନିକା ଇଜି ଅଡ଼ବିତାମାର୍ଥା ।

୧୦ ଜିରୁସାଲମତୁ ନାନ୍ ଆୟାଝାଜା କିତା । ଓଜେରିକ୍ ପେରିଜାଜକରିମାଣକୁ ଅଦିକାର୍ତି ଆକୁ ଅସି ବିସ୍ବାସିରି ଲୋକା ଲୋଇରାନ୍ ନାଶ୍ ଲୋକାକ୍ ଜଇଲ୍ତୁ ନିରତାମାର୍ଥା ମାରି, ଝାରିକ୍ ସାନିଦଶ୍ ସିଆୟାନିଝାଲେ ନାନ୍ ବା ଝାରି ବିରୁଦତାନ୍ ମାର୍ଥା ।

୧୧ ଗାଦି ଦେବେକ୍ ଜିହୁଦିରି ପାରତନାକିନି ଇଲ୍କାକ୍ ନାନ୍ ଝାରିକ୍ କାସୁ ସିତାମାନା ମାରି ଝାରି ବିସ୍ବାସ୍ତାନ୍ ଅଲଗା କିନି ଉଣ୍ଡିକ୍ ସେସ୍ କିତାମାର୍ଥା । ନାନ୍ ଝାରି ଉଣ୍ଡିକ୍ ବେସି ରିସା ଆତାମାର୍ଥା, ଝାରି ମୁସ୍କୁ କାସୁ ନିୟା ସିନି ଉଣ୍ଡିକ୍ ଆଇଦେସ୍କାଦି ଗାଡ଼କାକ୍ ବା ସର୍ଥାମାର୍ଥା ।

ନିଜେଦି ବାଦେଲ୍ଆନି ବିସୟତାନ୍ ପାଉଲତି ମାଟା
(ପ୍ରେରିତ ୯:୧-୧୯; ୨୨:୬-୧୬)

୧୨ ଇୟା ଉଦେସ୍ତାନ୍ ଓଜେରିକ୍ ପେରି ଜାଜକରି ମାଣକୁ ଅଦିକାର୍ତି ଆକୁ ମାରି ଆଦେସ୍ ଅସିନାନ୍ ଦାମାସ୍କସ୍ତୁ ସର୍ଥାମାର୍ଥା ।

୧୩ ଏ ରାଜା ଆଗ୍ରିପା, ଅର୍ଲେନ୍ ଦାପ୍ରେନେ ମାଦଲମ୍ ବେଡ଼ାଦୁ ପେରଜାରି ମୁସ୍କୁ ନାନ୍ ଝେଡ଼ାଦି ଜାୟତିମାଣକୁ ନାଶ୍ ଅଡ଼ିନି ଜାୟ୍ ସୁଡ଼ା, ମୁସ୍କୁପୁରତାନ୍ ଆୟା ଜାୟ୍ ଝାଜି ନାଙ୍ଗିଆ ମାରି ନା ଝାଲେମାର୍ତ୍ତାଝାରି ସାରିବେଡ଼ତି ତରିତିକା ସୁଡ଼ା ।

୧୪ ମାପୁ ଓଜୁଲୋକ୍ ବୁମିଦୁ ମେଡେତାପ, ନାନ୍ ଏବ୍ରି ବାସାଦାନ୍ ନା, ଉଣ୍ଡିକ୍ ଇୟା ମାଟା ଝେରଥା, ସାଉଲ, ସାଉଲ, ନିନୁ ଏୟା ନାଙ୍ଗିଆ ତାଡ଼ନା କିଜିନି ? ତୁଜି ମାନି ଲୋକ୍ତି ତୁଡେରିବାତିଗାଦି କୁଟି ଟିପୁଦୁ ଅଦ୍ରିଜିମାନି ତାନ୍ ଝାଜା ନିନ୍ ନିଜେ କାସୁ ଆନି ।

୧୫ ନାନ୍ ଝେନ୍ଦାତା, ପ୍ରୁ, ନିନ୍ ଏନୁ ? ପ୍ରୁ ଇହାନ୍, ନାନ୍ ଜିସୁ, ଆମାଝାନିକ୍ ନିନ୍ ନିୟା କିଜିନି ।

୧୬ ମାତର୍ ନିଙ୍ଗିଆ, ନିଙ୍ଗିଆ ସେବାକିନି ଝାଜା ଆସ୍କିନି ଉଣ୍ଡିକ୍ ନାନ୍ ନିଙ୍ଗିଆ ତରାୟ୍ଆତାମାନା । ନେରୁ ମିରୁ ନା ବିସୟତାନ୍ ଆମାକା ସୁଡ଼ିଦେର୍ ମାରି ଝାଜିନିଦିନ୍ତୁ ନାନ୍ ନିଙ୍ଗିଆ ଆମାକା ତରନା, ଆୟା ବିସୟତାନ୍ ନିନ୍ ଆଇଝାରିକ୍ ଝେରନି ।

୧୭ ଆମା ଜିହୁଦି ମାରି ଅଣଜିହୁଦି ଲୋକା ଲାକ୍ତୁ ନାନ୍ ନିଙ୍ଗିଆ ପୋକ୍ନା, ଝାରିମାଣକୁ ନାନ୍ ନିଙ୍ଗିଆ ରକିୟା କିନା ।

୧୮ ନିଙ୍ଗିଆ ଝାରି କାଣ୍ଡୁ ରେପିସ୍ କିନିକା ମାନାଡ଼ ମାରି ଝାରିକ୍ ସିକାଟିଦାନ୍ ଜାୟ୍ତୁ ମାରି ସୟତାନ୍ତି ମାଣାନ୍ ପ୍ରବୁଦି ଲାକ୍ତୁ ତାଡେକ୍ ପଡ଼ାନାଡ଼, ଏଶ୍ରେସ୍ ନା ମାନ୍ ବିସ୍ବାସ୍ କିନିମାଣ୍ଡୁ ଝାରି ପାପ୍ କେମା ଆନାଡ଼ ମାରି ମାପୁରୁକ୍ ଆସ୍କିତି ଲୋକା ମାନ୍ ଝାର ବାଡ଼ି ପୟନାର ।

ନିଜେଦି ପାଣି ବିସୟତାନ୍ ପାଉଲତି ମାଟା

୧୯ ମାରି, “ଏ ରାଜା ଆଗ୍ରିପା, ନାନ୍ ମୁସ୍କୁପୁରତାନ୍ ଆମା ଦର୍ଶନ ପୟତାମାନା, ଆୟାତାନିକ୍ ଅମାନ୍ୟ ଆଏ ।

୨୦ ନାନ୍ ଆଗ୍ରି ଦାମାସ୍କସ୍ ନି ଜିରୁସାଲମତୁ ମାରି ତାନେଝେନ୍କା ପୁରାଓଜୁ ଜିହୁଦା ଦେସ୍ତୁ ମାରି ଅଣଜିହୁଦିରି ମାନ୍ ପ୍ରଚାର କିତା, ଏଶ୍ରେସ୍ ଝାର ପାପ୍ତି ଉଣ୍ଡିକ୍ ମୋନ୍ ଡେପସି ମାପୁରୁଦି ଲାକ୍ତୁ ଡେସିଝାନାର୍ ମାରି ଝାର ଜେ ଏଡ଼ କିତାମାନାର, ଆୟା ପାଣିଦୁ ତରନାର ।

☆ ୨୭:୫ ପ୍ରେରିତ ୨୩:୬; ପିଲିପିୟ ୩:୫. ☆ ୨୭:୯ ପ୍ରେରିତ ୮:୩; ୨୨:୪,୫. ☆ ୨୭:୨୦ ପ୍ରେରିତ ୯:୨୦,୨୮,୨୯.

୨୧ ଇୟା ବିସୟତାନ୍ ନାନ୍ ମନ୍ଦିରତୁ ମାନିଝାଲେ ଜିହୁଦିର୍ ନାଙ୍ଗ୍ ଆସ୍ସି ସାୟାମାରଗା ତାକ୍ତେଙ୍ଗ୍ ସେଷ୍ଟା କିଜିମାର୍ହାର ।

୨୨ ମାତର ମାପୁରୁଦିମାଣକୁ ସାହାଜ୍ୟ ପୟଜି ନାନ୍ ନେରୁ ସାହି ଇସ୍ତି ପେରି ଓଜେରି ଲାକ୍ତୁ ସାମାନତାନ୍ ନା ସାକ୍ଷ୍ୟ ସିଦେଙ୍ଗ୍ ନିର୍ଆମାନା । ବାବବାଦିରି ନି ମୋସା, ଆମାକା ଗଟାନାତ୍ ଇଜି ଝେର୍ତାମାନାର୍, ନାନ୍ ଆୟା ମାଟା ଝେର୍ସିନା :

୨୩ ☆ମସିହ ଦୁଃକ୍‌ବୋଗ କିଜି ମାରି ସାତିଝାରି ମାଣକୁ ଓଜେରିଙ୍ଗ୍ ଆଗ୍ତି ଜିବନ୍‌ଆଜି ମାରିଡେସି ନିଙ୍ଗ୍ ଜିହୁଦି ମାରି ଅଣଜିହୁଦିରି ଲାକ୍ତୁ ରକ୍‌ୟାଦି ଜାୟ୍ ତରନାନ୍ ।”

୨୪ ଇୟାଝାଜା ପାଉଲ ନିଜେଦି ତରିଟାନ୍ ଝେର୍ସିମାନିଝାଲେ ପେଷ୍ଟସ୍ ଆଉଲି ଆଜି ଇର୍ହାନ୍, “ପାଉଲ, ନିନ୍ନୁ ବାୟା; ନି ନାଣ୍ଟ ସିକିୟା ନିଙ୍ଗ୍ ବାୟା କିତାମାନାତ୍ ।”

୨୫ ପାଉଲ ଇର୍ହାନ୍, “ନାନ୍ ବାୟା ସିଲେ, ଏ ସନ୍‌ମାନତି ପେଷ୍ଟସ୍, ନାନ୍ ଆମାକା ଇଜିନା, ଆକା ସତ୍ ମାରି ସାନ୍ତି ରୁଦିଦି ବାକ୍ୟ ଝେର୍ସିନା ।

୨୬ ରାଜା ଆଗ୍ରିପା ! ନିନ୍ନୁ ଇୟାଓଜୁ ବିସୟ ନେସ୍ତିମାନିଙ୍ଗ୍ ନାନ୍ ନି ଆଗ୍ତି ଇୟା ମାଟା ଝେର୍ତେଙ୍ଗ୍ ସାହାସ୍ କିଜିନା, ନାନ୍ନୁ ପୁରା ନେସ୍ନା ଜେ, ଇୟାଓଜୁ ବିସୟ ନିଙ୍ଗ୍ ଜାଣାମାନାତ୍, ଇରିଙ୍ଗ୍ ନେସ୍‌ଇ ବାଡିଦୁ ନେସ୍‌ଇ ଝାଜା ଇୟା ବିସୟକୁ ଗଟାଉ ।

୨୭ ଏ ରାଜା ଆଗ୍ରିପା, ନିନ୍ନୁ ବାବବାଦିରିଙ୍ଗ୍ ବିସ୍‌ବାସ୍ କିନି ? ନିନ୍ନୁ ବିସ୍‌ବାସ୍ କିନି ଇଜି ନାନ୍ ନେସ୍ନା ।”

୨୮ ଆବେନ୍ନୁ ଆଗ୍ରିପା ପାଉଲତିଙ୍ଗ୍ ଇର୍ହାନ୍, “ଇୟା ଉଣା ସମୟତି ଲୋଇ ନିନ୍ନୁ ଇନିକା ନାଙ୍ଗ୍ କ୍ରିସ୍ଟିୟାନ୍ କିନା ଇଜି ଅଡବିଜିନି ?”

୨୯ ପାଉଲ ଇର୍ହାନ୍, “ଉଣା ସମୟ ଆପିଡ୍, କି ନାଣ୍ଟ ସମୟ ଆପିଡ୍, ମାପୁରୁଦିମାନ୍ନୁ ନା ନିସ ପାର୍ତାନା, ନିନ୍ ମାରି ନେରୁ ନା ମାଟା ଝେର୍‌ଇମାନି ଓଜେରେ ନା ଝାଜା ଆପିର୍, ମାରିବା ଇୟାଝାଜା ସିକିଣିଦାନ୍ ତରାୟ୍‌ଆଜି ଜଇଲ୍‌ତୁ ସୋଲିର୍ ଇଜି ନାନ୍ ଇନ୍‌ଏ ।”

୩୦ ତାନେଝେନ୍‌କା ରାଜା, ସାସନକିନିକାନ୍, ବଣ୍ଟି ସ୍ ମାରି ଆଇକାର୍ ଓଜେରେ ସନ୍‌ଡ୍ରେଙ୍ଗ୍ ଇଜି ନିଙ୍ଗ୍ ତାର୍ ।

୩୧ ଝାର୍ ସୋଲ୍‌ସି ମାର୍‌ଇଝାଲେ ନିଜେନିଜେଦିଙ୍ଗ୍ ଇର୍ହାନ୍, “ଇୟା ଲୋକ୍ ଇୟାଝାଜା ଇଜି ପାଣି କିଏନ୍, ଆମାତାନି ଉଣ୍ଟିଙ୍ଗ୍ ଝାନ୍ ସାନିଦଣ୍ଟ ପୟନାନ୍ ମାରି ଜଇଲ୍‌ତୁ ସନାନ୍ ।”

୩୨ ଆଗ୍ରିପା ପେଷ୍ଟସ୍‌ତିଙ୍ଗ୍ ଇର୍ହାନ୍, “ଜଦି ଇୟା ଲୋକୁ କାଇସ୍‌ଡିମାନ୍ନୁ ଝେର୍‌ଏତାନ୍ ମାହି, ଆର୍‌ତିଙ୍ଗ୍ ଝାନିଙ୍ଗ୍ ମାଡୁ ଡିସ୍‌ସୋ ସିଦେଙ୍ଗ୍ ଆତାଡ୍‌ମାହି ।”

୨୭

ରୋମତୁ ପାଉଲ ଏରୁଜାହାଜ୍‌ତୁ ସନିକା

୧ ମାପୁ ଇଟାଲିଦୁ ସନାଟ୍ ଇଜି ତିଆର୍ ଆତାମାର୍ହାପ୍, ନାସ୍ତିଝାଲେ ପାଉଲ ମାରି ଆଇ ଏସଲୋକ୍ ଜଇଲ୍‌ତୁ ମାର୍‌ଇକାର୍ “କାଇସର ସନ୍‌ଏଦଲ୍” ଦର୍‌ତି ଉନ୍‌ଡ୍ରି ରୋମିୟ ସନ୍‌ଏ ଦଲ୍‌ତି ସେନାପତି ଯୁଲିୟସ୍‌ଦି କିୟୁଦୁ ସର୍‌ପେ ଆତାର୍ ।

୨ ମାପୁ ଆସିଆ ଦେସ୍‌ତି ସାମୁଦ୍‌ରତିପାଡିଦୁ ମାନି ବାଡିଆଙ୍ଗ୍ ସନି ଉଣ୍ଟିଙ୍ଗ୍ ତିଆର୍‌ଆତିମାନି ଉନ୍‌ଡ୍ରି ଆଦ୍‌ମାନ୍‌ୱାୟ ଉନ୍‌ଡ୍ରି ଏରୁଜାହାଜ୍‌ତୁ ଏକ୍‌ତାପ୍ । ଆରିସ୍‌କର୍‌ସ୍ ଦର୍‌ତି ତେସଲନିକିଆ ଗାଡ୍‌ତି ଅରେନ୍ ମାସିଦୋନିଆଦି ଲୋକ୍ ମା ଝାଲେ ମାର୍ହାନ୍ ।

୩ ମାରି ଅର୍‌ଲେନ୍ ମାପୁ ସିଦନ୍‌ତୁ ଇତାପ୍ । ଯୁଲିୟସ୍ ପାଉଲତି ଉଣ୍ଟିଙ୍ଗ୍ ସାକା ମାର୍ହାନ୍ । ପାଉଲତି ସଙ୍‌ରିମାଣ୍ଟକୁ ଝାରି ଦରକାର୍‌ମାନି ଜିନିସ୍ ଓଜୁ ଉଣ୍ଟାକିନି ଉଦେସ୍‌ତାନ୍ ଝାରିଙ୍ଗ୍ ବେଟ୍‌ଆଦେଙ୍ଗ୍ ଇଜି ଝାନ୍ ପାଉଲତିଙ୍ଗ୍ ସାରି ସିତାନ୍ ।

୪ ମାପୁ ଆବେଟ୍‌ତାନ୍ ସନି ବେଡାଦୁ ପାଡିଝାନି ଗାଲି ଝାତାଡ୍‌ଆକା ସାଇପ୍ରସ୍ ସାମୁଦ୍‌ରତି ପାଡି ପାଡି ସର୍‌ହାପ୍,

୫ ସିଲିସିଆ ନି ପାଫିଲିଆ ଜିଣାଜି ଲୁକିଆଦି ମୁରାଦୁ ଇତାପ୍ ।

୬ ଆବେନ୍ନୁ ଓଜେରିଙ୍ଗ୍ ପେରିସେନାପତି ଆଲେକ୍‌ଜାଣ୍ଟି_ଆ ତ୍ରିଆଦି ଉନ୍‌ଡ୍ରି ଏରୁଜାହାଜ୍ ଇଟାଲିଦୁ ସନି ଉଣ୍ଟିଙ୍ଗ୍ ତିଆର୍ ଆଜିମାନିକା ସୁଡ୍‌ଡି ମାଙ୍ଗ୍ ଆବେନ୍ନୁ ଏକିସ୍‌ତାନ୍ ।

୭ ମାପୁ ବେସି ଦିନ୍ ସାହି ଦିରେ ଦିରେ ସୋଲ୍‌ସି ବଡେ କାସ୍‌ଦାନ୍ କ୍ରିଗ ଗାଡ୍ ଲାକ୍‌ତୁ ଇତାପ୍ । ପାଡିଝାନି ଗାଲିଦି ଉଣ୍ଟିଙ୍ଗ୍ ମାପ୍ ଆୟା ତରିନ୍ ମାରି ଆଗ୍ତି ସନ୍‌ଡ୍ରେଙ୍ଗ୍ ଆଟ୍‌ଏତାପ୍, ଆଦେଙ୍ଗ୍ କ୍ରିଟ୍ ସାମୁଦ୍‌ରତି ଉଣି ତରିନ୍ ସିଜି ରାଜିଦାନ୍ ସୋଲ୍‌ସି ସାଲମୋନି ପାଡି ସିଜି ସର୍‌ହାପ୍ ।

୮ ମାରି, ମାପୁ ପାଡି ପାଡି ବଡେ କାସ୍‌ଦାନ୍ ଲାସାୟା ଗାଡ୍ ଲାକ୍‌ତୁରି ସୁନ୍‌ର୍ ବନ୍‌ର୍ ଦର୍‌ତି ବାଡିଦୁ ଇତାପ୍ ।

☆ ୨୭:୨୩ ୧ କରିଡ୍ରିୟ ୧୫:୨୦.

୯ ଫାପ୍ ଆବେନ୍ନୁ ବେସି ଦିନ୍ ତେବାତାପ୍ । ଜିହୁଦିରି ଉପବାସ ପଣ୍ଡୟ ଝିଜିତା ମାର୍ହାଡ୍, ଆୟା ବେଡାଦୁ ସାମ୍ବୁରୁଡୁ ସନିକା ତିଲାନିପାଣି ଆତାଡ୍ । ଆଦେଙ୍ଗ୍ ପାଉଲ ଝାରିଙ୍ଗ୍ ଇୟା ମାଟେଙ୍ଗ୍ ଝେରତାନ୍ :

୧୦ “ତଡ୍ଡକୁ ନାନ୍ ନେସ୍ତେଙ୍ଗ୍ ଆର୍ସିନା ଜେ, ଜଦି ଫାପ୍ ଇବେଣ୍ଟକୁ ମାରି ସନ୍ତେଙ୍ଗ୍ ଆରାମ୍ କିନିକା, ଆକା ତିଲାନିପାଣି ଆନାଡ୍ । କେବଲ ଜେ ଜିନିସ୍ପତ୍ର ନି ଜାହାଜ୍ ନାସ୍ତୁ ଆନାଡ୍, ଆକା ସିଲେ, ମାତର୍ ମା ଜିବନ୍ତିଙ୍ଗ୍ ବା ସାନି ମୁସ୍କୁ ମାନାଡ୍ ।”

୧୧ ମାତର୍ ସେନାପତି ପାଉଲତି ମାଟା ବିସ୍ବାସ୍ କିଏଣ୍ଟା ଜାହାଜ୍ତି ପେରିଝାନିମାନୁ ମାରି ଜାହାଜ୍ତି ମାଲିକ୍ତି ମାଟାଦାନ୍ ଆସ୍ତାନ୍ ।

୧୨ ପିନି କାଡା କାଟେ କିଦେଙ୍ଗ୍ ଆୟା ବାଡି ସୁବିଦା ସିଲେତାଡ୍, ଆଦେଙ୍ଗ୍ ସୋଲ୍ସିମାରୁଇଝାରି ମାଣକୁ ଏସଲୋକ୍ ସାମ୍ବୁରୁଡାନ୍ ସନ୍ତେଙ୍ଗ୍ ଜଦି ଆନାଡ୍, ଫେନିକ୍ସ୍ତୁ ପିନି କାଡା କାଟେକିନି ଉଣ୍ଡିଙ୍ଗ୍ ମାରିଙ୍ଗ୍ । ଫେନିକ୍ସ୍ ଉଣ୍ଡେରି ନି ଝେଡାଆରୁନି ତରିନ୍ ମାରି ତେବିରି ନି ଝେଡାଆରୁନି ତରିନ୍ ମକମ୍ କିଜି ତେବାତିମାନି କ୍ରିଟ୍ତି ଉନ୍ତ୍ରି ବାଡି ।

ସାମ୍ବୁରୁଡୁ ଗାଲି

୧୩ ଏସ୍ତ୍ରୁଝାଲେ ଉଣ୍ଡେରି ତରିଟାନ୍ ଦିରେ ଦିରେ ଗାଲି ଝାତାଡ୍, ସନିକାର୍ ଇୟାତାନିଙ୍ଗ୍ ଉନ୍ତ୍ରି ନେଗି ମାଟା ଇଜି ଅଡ୍ବିତାର୍ ମାରି ଲଙ୍ଗର୍ ପେରଜି ଏସା ଆକ ସନ୍ତେଙ୍ଗ୍ ଆନାଡ୍, କ୍ରିଟ୍ତି ପାଡି ପାଡି ସନ୍ତେଙ୍ଗ୍ ଆସ୍ତାଡ୍ ।

୧୪ ମାତର୍ ଆୟା ଦାପ୍ରେନେ ସାମ୍ବୁରୁ ଦିପ୍ ତରିଟାନ୍ ତେବିରି ନି ଆଗ୍ଡିରାନ୍ ଗାଲି ନାଣ୍ଡାନ୍ ନାଣ୍ଡ ଝାଜି

୧୫ ଜାହାଜ୍ତିଙ୍ଗ୍ ଆତାଡାତାଡ୍ । ଜାହାଜ୍ତିଙ୍ଗ୍ ଗାଲି ତରିନ୍ ମକମ୍ କିଜି ଇଡ୍ଦେଙ୍ଗ୍ ଆର୍ସତାପ୍ଆକା ମାପ୍ ମାରି ସେସ୍ତୁ କିଏଣ୍ଟା ଗାଲିଦୁ ଜାହାଜ୍ତିଙ୍ଗ୍ ଦେଲ୍ଜ ସନ୍ତେଙ୍ଗ୍ ଡିସ୍ତା ସିତାପ୍ ।

୧୬ ମାରି, ଉନ୍ତ୍ରି ଇସ୍ତ୍ର ବାଡି କାଉଦାଦି ଉଣ୍ଡେରି ତରିନ୍ ସିଜି ସନି ଝାଲେ ଅଡ୍ପ ଗାଲିଦାନ୍ ରକ୍ୟା ପୟ୍ତା ମାର୍ହାପ୍ । ଆବେନ୍ନୁ ମାପୁ ଏଣ୍ଡେସ୍ବା ଜାହାଜ୍ତି ତଙ୍ଗାଦିଙ୍ଗ୍ ନେଗି ବାଡିଦୁ ଇଡ୍ଦେଙ୍ଗ୍ ଆର୍ସତାପ୍ ।

୧୭ ତଙ୍ଗାସାଲାକିନିକାର୍ ତାନିଙ୍ଗ୍ ଜାହାଜ୍ ମୁସ୍କୁ ପେରତାର୍ ମାରି ନାସ୍ତି ସାକାଦାନ୍ ତାଟ୍ତାନ୍ ଜାହାଜ୍ତି ଝାଲେ ତରତାର୍ । ଜାହାଜ୍ ଲିବିୟା ସାମ୍ବୁରୁ ପାଡିଦି ବାଲି ଲୋଇ ଡ୍ଗୁଗାସନାଡ୍ ଇଜି ତିଲାଜି ତଙ୍ଗାସାଲାକିନିକାର୍ ପାର୍ଦା କୁଡ୍ତାସିତାର୍ ଜାହାଜ୍ତିଙ୍ଗ୍ ଗାଲି ଝାନିମାନୁ ଦେଲ୍ଜି ସନ୍ତେଙ୍ଗ୍ ଡିସ୍ତାସିତାର୍ ।

୧୮ ନାଣ୍ଡ ଗାଲି ଆଜିମାରିଙ୍ଗ୍ ଆୟା ମାରନାଣ୍ଡିଙ୍ଗ୍ ଝାର୍ ଜାହାଜ୍ତାନ୍ ଜିନିସ୍ପତ୍ର ଏର୍ଡୁ ପୋକ୍ତାର୍,

୧୯ ମାରି, ଆୟା ମାରନାଣ୍ଡିଙ୍ଗ୍ ଜାହାଜ୍ତି ଏସ ସାସାପାତି ସାମ୍ବୁରୁଡୁ ପୋକ୍ତାର୍ ।

୨୦ ନାଣ୍ଡ ଦିନ୍ ସାନ୍ସି ମାପ୍ ଝେଡା କି ସୁକେଙ୍ଗ୍ ସୁଡ୍ଡେଙ୍ଗ୍ ଆର୍ସତାପ୍ ମାରି ନାଣ୍ଡଦାନ୍ ନାଣ୍ଡ ଗାଲି ଝାଜିମାର୍ହାଡ୍ । ସାରାସାରିଝେନ୍କା ମାପୁ ରକିୟା ପୟ୍ନି ଆସା ଝିଜୁ ଡିସ୍ତା ସିତାପ୍ ।

୨୧ ମାରି, ଝିଜେରେ ନିସ ଦିନ୍ ସାନ୍ସି ବାଙ୍ଗାଦୁ ତେବାତି ଝେନ୍କା, ପାଉଲ ଝାରି ଲୋଇ ନିଲ୍ତାନ୍ନୋ ଇର୍ହାନ୍, “ଏ ତଡାନ୍କୁ, ମିରୁ ନା ମାଟା ଇସାବ୍ତାନ୍ କ୍ରିଟ୍ତାନ୍ ଜାହାଜ୍ ଡିସ୍ଇ ମାନିକାଈରିଙ୍ଗା, ମା ଇୟା କାକୁତ ଗଟେଆଏତାଡ୍ ମାନ୍ସି ।

୨୨ ମାତର୍ ଇଲେଇ ନାନ୍ ମିଙ୍ଗା ଇଜିନା, ମିରୁ ସାହାସ୍ ଆସ୍ତୁ । ମି ଲୋଇରାନ୍ ଅରେନ୍ଝାନିସିବା ଜିବନ୍ ସଲ୍ଏଡ୍, କେବଲ ଜାହାଜ୍ ନାସ୍ତୁ ଆନାଡ୍ ।

୨୩ ନାନ୍ ଆମା ମାପୁରୁଙ୍ଗା ସେବା କିଜିନା, ଇଏରି ନାଡାଦୁ ଝାନି ଅରେନ୍ ମୁସ୍କୁପୁରତି ଦୁଡ୍ ନା ଲାକ୍ତୁ ଝାଜି ଇର୍ହାନ୍,

୨୪ ପାଉଲ, ନିନ୍ନୁ ତିଲାମା । ନିନ୍ନୁ ପୁରା କାଈସର୍ଦି ଆଗ୍ଡି ନିନି । ନି ଉଣ୍ଡିଙ୍ଗ୍ ମାପୁରୁ ସାକା ଆତିମାନିଙ୍ଗ୍, ନି ଝାଲେ ସୋଲ୍ସିମାନି ଝିଜେରି ଜିବନ୍ ଝାନ ରକ୍ୟା କିନାନ୍ ।

୨୫ ମାରି, ତଡାନ୍କୁ, ସାହାସ୍ ଆସ୍ତୁ ! ଇରିଙ୍ଗ୍ ନାନ୍ ମାପୁରୁଦିମାନୁ ବିସ୍ବାସ୍ କିନା, ନାଙ୍ଗା ଆମାକା ଝେରାୟ୍ଆତାମାନାଡ୍, ଟିକ୍ ଆୟାଝାଜା ଗଟାନାଡ୍ ।

୨୬ ମାତର୍ ମାଡୁ ଆଗ୍ଡି ସୋଲ୍ସି ଉନ୍ତ୍ରି ସାମ୍ବୁରୁ ଲୋଇ ମାନି ବାଡିଦୁ ଇଦେଙ୍ଗ୍ ପଡାନାଡ୍ ।”

୨୭ ଇୟା ସଲ୍ସିନିମାନୁ ସତି ସଉଦ ଦିନ୍ତୁ, ମାଡୁ ଆଦିଆ ସାମ୍ବୁରୁଡୁ ଗାଲିପିରୁ ଦାନ୍ ଆୟାଦାପ୍ରେ ପେଲ୍ଲୟ୍ ଆଜି ସୋଲ୍ସୁ ସୋଲ୍ସୁ, ପୁରା ମାଜାରନାଡା ବେଡାଦୁ ତଙ୍ଗାସାଲାକିନିକାର୍ ଅନୁମାନ୍ କିତାର୍ ଜେ, ମାଡୁ ପାଡି ଇଗା ସୋଲ୍ସିନିକା ।

୨୮ ଝାର୍ ଲେକିସ୍ କିଜି ନେସ୍ତାର୍, ଆବେନ୍ନୁ ଏରୁଦି ଗୁମି ସଏ କଡେ ପୁଟ୍ ମାନାଡ୍ । ମାରି ଅଡ୍ପ ଆଗ୍ଡି ସୋଲ୍ସି ମାରି ଉନ୍ତ୍ରି ଦେବା ଲେକିସ୍ କିଜି ନବେ ପୁଟ୍ ଗୁମି ଏରୁ ମାନେ ।

୨୯ ଜାହାଜ୍ ଏଣ୍ଡେସ୍ ଆମା ଗରନ୍ତୁ ସୋଲ୍ସି ତୁକାନାଡ୍ ଇଜି ତିଲାଜି ଝାର୍ ଝେନ୍କାରାନ୍ ନାଲ୍ଗି ପେରିଲୁହାମକେଙ୍ଗ୍ ପୋକ୍ତାରୋ ମାରି ସାଲ୍ଦି ଏସ୍ତ୍ରୁଝାଲେ ଆନାଡ୍ ଇଜି କାପ୍କିଜି ତେବାତାର୍ ।

୩୦ ତାନେଝେନ୍କା ତଙ୍ଗାସାଲାକିନିକାର୍ ଜାହାଜ୍ତାନ୍ ରେସି ଝାଜି ସନ୍ତେଙ୍ଗ୍ ସେସ୍ତୁ କିତାର୍ । ଜାହାଜ୍ତି ଆଗ୍ଡିରାନ୍ ମାରି ଏସ ପେରିଲୁହାମକେଙ୍ଗ୍ ପୋକ୍ତେଙ୍ଗ୍ ସାଲାକି କିଜି, ଝାର୍ ଜାହାଜ୍ ମୁସ୍କୁ ମାନି ତଙ୍ଗାଦିଙ୍ଗ୍ ଆଡ୍ଗି ରେପ୍ତାର୍ ।

୩୧ ମାତର ପାଉଲ ସେନାପତି ମାରି ସନ୍ଧ୍ୟାରେ ଇର୍ହାନ, “ତଙ୍ଗାଂସାଲାକିନିକାର ଜାହାଜ୍‌ତୁ ମାନ୍‌ଏତିଙ୍ଗ, ମି ରକିୟା ପୟନିକା ମାରି ଆସା ସିଲେଡ୍ ।”

୩୨ ଆବେନୁ ସନ୍ଧ୍ୟାରେ ତଙ୍ଗାଂସା ନାସ୍କୁଝିକୁ କୟ୍‌ଜି ଏରତୁ ଦେଲ୍‌ଜି ସନ୍‌ତ୍ରେଙ୍ଗ୍ ଡିସ୍‌ତାସିତାର୍ ।

୩୩ ସାଲ୍‌ଦି ଆନି ଆଗ୍‌ଡିନେ ପାଉଲ ଝିଜେରିଙ୍ଗ୍ ଉଣ୍ଡେଙ୍ଗ୍ ଇଜି ଇର୍ହାନ, “ଇୟା ସତଦ ଦିନ୍ ଆତାଡ୍‌ନି, ମିରୁ ଇନିକା ଉଣ୍ଡିଇଦେର୍ ।”

୩୪ ବାତିଙ୍ଗ୍ ମାଲିତା, ଇଲେଇ ଇନିକା ତିନ୍‌ଡୁ, ଜିଜ ତେବାତେଙ୍ଗ୍ ଇକା ପୁରା ଦରକାର୍ ମାନାଡ୍ । ତିଲାମାଟ୍, ମି ତାଲାଦି ଉନ୍‌ଡି ବା କୁକୁଟି ନାସ୍କୁ ଆଏଡ୍ ।

୩୫ ଇୟାଝିକୁ ମାଟା ଝେରସି ପାଉଲ ରୁଟି ଆସସି ଝିଜେରି ଆଗ୍‌ଡି ମାପୁରୁଙ୍ଗ୍ ଦନ୍‌ଧାଦ୍ ସିଜି ରୁଟି ରୁକସି ତିର୍ହାର୍ ।

୩୬ ଆବେନୁ ଝାର୍ ଝିଜେରେ ସାହାସ୍ ଆଜି ନିଜେନିଜେ ବା ତିର୍ହାର୍ ।

୩୭ ନାସ୍‌ସିଖାଲେ ଜାହାଜ୍‌ତୁ ଝିଜେରେ ଦୁଇସ ସତୁରି ସୋଅ ଲୋକ୍ ମାର୍ହାର୍ ।

୩୮ ଝିଜେରେ ପଟା ବର୍ତ୍ତ ଉଟି ଝେନ୍‌କା ଜାହାଜ୍‌ତିଙ୍ଗ୍ ଉସାସ୍ କିନି ଉଣ୍ଡିଙ୍ଗ୍ ଆବେନୁ ମାରଇ ଝିକୁ ଗଦ୍‌ମୁ ସାମ୍‌ଦୁରୁଡ୍ ପୋକ୍‌ତାର୍ ।

ଜାହାଜ୍‌ତି ନାସ୍କୁଆନିକା

୩୯ ମାର୍‌ନାଣ୍ଡିଙ୍ଗ୍ ସାଲ୍‌ଦି ପାଡି ଆମା ବାଡିତୁ ଝାଜି ଝାର୍ ଇତାର୍, ତଙ୍ଗାଂସାଲାକିନିକାର ନେସ୍‌ତେଙ୍ଗ୍ ଆଟ୍‌ଏତାର୍; ମାତର ଝାର୍ ସୁଡ୍‌ତୁର, ଆକା ଉନ୍‌ଡି ଇସ୍‌ସାମ୍‌ଦୁରୁଡି ବାଲି ରୁମି । ଆବେନୁ ଜାହାଜ୍ ଅତେଙ୍ଗ୍ ଇଜି ତିର୍ କିତାର୍ ।

୪୦ ଆଦେଙ୍ଗ୍ ପେରିଲୁହାମକେଙ୍ଗ୍ ନାସ୍କୁ ଝିକୁ କୟ୍‌ଜି ଆୟାଝିକୁ ସାମ୍‌ଦୁରୁ ଆଡ୍‌ଗି ମୁସାୟ ଆନି ଉଣ୍ଡିଙ୍ଗ୍ ଡିସ୍‌ତାସିତାର୍ । ମାରି ଏଣ୍ଡେଲ୍‌ତି ନାସ୍କୁଝିକୁ କୁଡ୍‌ସି ସିଜି ସାମାନ୍‌ଦୁ ତରତିମାନି ପାର୍‌ଦାଦିଙ୍ଗ୍ ପେର୍‌ତାର୍ । ଏଣ୍ଡେସ୍‌କି ଗାଲିଦାନ୍ ପେଲାୟ ଆଜି ଜାହାଜ୍ ପାଡି ତରିନ୍ ସନ୍‌ତ୍ରେଙ୍ଗ୍ ଆସତାଡ୍ ।

୪୧ ମାତର ବାଲି ଚଡା ମୁସ୍କୁ ନାଣ୍ଡୁକାଜି ଜାହାଜ୍‌ତି ଆଗ୍‌ଡିରିକା ଆଡ୍‌ଗି ମୁଜାୟ ଆତାଡ୍ ମାରି ଉଲୁକାଏରୁ ନାଣ୍ଡୁ ତୁକାଜି ଜାହାଜ୍‌ତି ଝେନ୍‌କା ତରିଟିକା ରୁଙ୍ଗ୍‌ଦେଙ୍ଗ୍ ଆସତାଡ୍ ।

୪୨ ଜଇଲ୍‌ଡୁମାରିଇକାର୍ ପାଡି ପଙ୍ଗ୍‌ରାଜି ପଙ୍ଗ୍‌ରାଜି ସନାର୍ ଇଜି ଅଡ୍‌ବିଜି ଝାରିଙ୍ଗ୍ ସାୟାମାର୍‌ଗା ତାକ୍‌ତେଙ୍ଗ୍ ଇଜି ସନ୍ଧ୍ୟାରେ ବିଚାର୍ କିତାର୍ ।

୪୩ ମାତର ସେନାପତି ପାଉଲ୍‌ତି ଜିବନ୍ ରକିୟା କିଦେଙ୍ଗ୍ ଅଡ୍‌ବିଜି ମାର୍‌ହାନ; ଆଦେଙ୍ଗ୍ ଝାନ୍ ସନ୍ଧ୍ୟାରେ ଆବେଟ୍‌ତାନ୍ ଆଲେ କିତାନ୍ । ପଙ୍ଗ୍‌ରାଦେଙ୍ଗ୍ ଆଟ୍‌ସିମାନି ଝିଜେରିଙ୍ଗ୍ ସାମ୍‌ଦୁରୁଡ୍ ଗାଡ୍‌ସି ପଙ୍ଗ୍‌ରାଜି ପଙ୍ଗ୍‌ରାଜି ପାଡି ସନି ଉଣ୍ଡିଙ୍ଗ୍ ଆଦେସ୍ ସିତାନ୍,

୪୪ ମାରି ମାର୍‌କାପାଟା ନି ଜାହାଜ୍‌ତି ଆମା ରୁଙ୍ଗ୍‌ତି ମକାଦିଙ୍ଗ୍ ଆସସି ଦେଲ୍‌ଦେଙ୍ଗ୍ ଇଜି ଆଇଝାରିଙ୍ଗ୍ ଇର୍ହାନ । ଇୟାଝାଜା ମାପୁ ଝିକୁଲୋକ୍ ନେଗେନ୍‌ତାନ୍ ସୋଲ୍‌ସି ପାଡି ଇତାପ୍ ।

୨୮

ମେଲତି ବାଡିତୁ ପାଉଲ

୧ ନେଗେନ୍‌ତାନ୍ ପାଡି ସଲ୍‌ସି ସୁଡ୍‌ତୁପ୍ ଜେ ମାପ୍ ମେଲତି ବାଡିତୁ ଇତାମାନାପ୍ ।

୨ ଆବେଣି ପୁର୍ବେଦାନ୍ ବାସାତିଲୋକୁ ମା ଉଣ୍ଡିଙ୍ଗ୍ ଜିବନ୍‌ନୋନିକା ତରତାର୍ । ନାସ୍‌ସିଖାଲେ ପିରୁ ଝାଜି ପିନି ଆଜିମାର୍ହାଡ୍ । ଆଦେଙ୍ଗ୍ ଝାର୍ ସିସୁ କାସିସକିଜି ମାଙ୍ଗ୍ କୁକ୍‌ତାର୍ ।

୩ ପାଉଲ ମୋପ ଝେରକୁ ପେର୍‌ଜି ସିସୁପ୍ ପକ୍‌ତେଙ୍ଗ୍ ସିଲ୍‌ସି ମାହି ଝାଲେ ଆବେଟାନ୍ ଉନ୍‌ଶ୍ଟି ସାରାସ୍ ସତାଡ୍ ମାରି ଝେସ୍‌ନି ମାଣାନ୍ ରକିୟା ପୟ୍‌ଦେଙ୍ଗ୍ ଇଜି ଝାନି କିୟୁ ମୁସ୍କୁ ଏକ୍‌ସି ଆବେ ତେରବିଜି କାସ୍‌ତା ମାର୍‌ହାଡ୍ ।

୪ ଆବେ ବାସାତିଲୋକୁ ପାଉଲ୍‌ତି କିୟୁପୁ ଦୁଙ୍ଗ୍‌ଜିମାନି ସାରାସ୍‌ତିଙ୍ଗ୍ ସୁଡ୍‌ଜି ଝାରିଝାରି ଲୋଇ ଇନ୍‌ଜିସାତାର୍, “ଇକାନ୍ ସତେନ୍ ଅରେନ୍ ଲୋକାଙ୍ଗ୍ କାଡ୍‌ତିକାନ୍ ଆନାମାନାନ୍, ଝାନ୍ ସାମ୍‌ଦୁରୁଡାନ୍ ରକିୟା ପୟ୍‌ତି ସହି ମାରିଙ୍ଗ୍ ବା ଦାମ୍‌ କିୟୁଦାନ୍ ମାରି ଜିଏନ୍ ।”

୫ ମାତର ପାଉଲ ନିଜେ ଗାଉ ଆଏଜି, ସାରାସ୍‌ତିଙ୍ଗ୍ ସିସୁ ଲୋଇ ସାଡ୍‌ତା ପକ୍‌ତାନ୍ ।

୬ ପାଉଲ୍‌ତି ମେନ୍‌ଲ୍ ଝାସ୍‌ସି ନିଙ୍ଗ୍‌ନାଡ୍ ମାରି ଝାନ୍ ସାଜି ଆଡ୍‌ଗି ଆରନାନ୍ ଅଡ୍‌ବିଜି, ଝାର୍ ଏସ୍ ସମୟ୍ କାପ୍‌କିତାର୍ । ମାତର ନାଣ୍ଡୁ ସମୟ୍ କାପ୍‌କିଜି ଏସ୍‌ସିଖାଲେ ସୁଡ୍‌ତୁର ଜେ, ପାଉଲ୍‌ତି ଇନିକା ନାସ୍କୁ ଆଏତାଡ୍, ଝାର୍ ମନ୍ ଡେପ୍‌ସି ଇର୍ହାର୍, “ଇକାନ୍ ଅରେନ୍ ମାପୁରୁ !”

୭ ଆବେଟାନ୍ କାଣ୍ଡେକ୍ ଆକ ଦ୍ଵାପ ବାଡିଦି ପେରି ପାଣିକିନିକାନ୍ ପଲ୍‌ଲିୟତି ଇଲୁ ନି କିଡିଇ ମାର୍ହାଡ୍ । ଝାନ୍ ମାଙ୍ଗ୍ କୁକ୍‌ତାନ୍ ମାରି ମାପ୍ ମୁନେନ୍ ସାନ୍ତି ତାମେମାନ୍ ତେବାତାପ୍ ।

୮ ପଲ୍ଲିୟସତି ବୁବାସି ନବ୍ ନି ଆମାସୟ ରୋଗ୍ ଆତାମାର୍ହାନ୍ । ପାଉଲ ଖାନି ବାକରାଦୁ ସର୍ହାନ୍, ଖାନି ଉଣ୍ଡିଙ୍ଗ୍ ଠାର୍ତନା କିଜି ଖାନି ମୁସକୁ କିୟୁ ଇଡ଼ଜି ଖାନିଙ୍ଗ୍ ଠେନେନ କିତାନ୍ ।

୯ ଇୟା ଗଚନା ଖେନକା ଦିପଦି ରୋଗିଲୋକ୍ ଖିଜେରେ ପାଉଲ ଲାକତୁ ଖାଜି ନେନେନ୍ ଆତାର୍ ।

୧୦ ଖାର୍ ମାଙ୍ଗ୍ ନାଣ୍ଟୁ ସାହାଜ୍ୟ ସିତାର୍ ମାରି ମାପ୍ ଆବେଟାନ୍ ଜାହାଜ୍ତୁ ବାସ୍ସି ସନିଖାଲେ ମା ସନି ଉଣ୍ଡିଙ୍ଗ୍ ଠେନେନ ମାନି ଖିଜୁ ଖାର୍ ତାସି ଜାହାଜ୍ତୁ ଇଟତା ସିତାର୍ ।

ମେଲିତିଦାନ୍ ରୋମ୍ତୁ

୧୧ ଆଲେକଜାଣ୍ଡିଆ ଦାନ୍ ଖାତିମାନି “ଜାଡ଼୍ଝା ଦିୟାମ୍” ଦରତି ଉନ୍ଣି ଜାହାଜ୍ ମେଲିତି ଦିପଦୁ ପିନି କାଡ଼ା କାଟେ କିତାମାର୍ହାଡ଼ । ଦିପଦୁ ମୁନ୍ଣି ଲେଜ୍ତୁ ତେବାତି ଖେନକା ମାପ୍ ଆୟା ଜାହାଜ୍ତୁ ବାସ୍ସି ମାରି ସନ୍ତେଜ୍ ଆରାମ୍ କିତାପ୍ ।

୧୨ ଆଗଡ଼ି ମାପ୍ ସିରାକ୍ସ୍ ଗାଡ଼ତୁ ଇଜି ଆବେ ମୁନେନ୍ ତେବାତାପ୍ ।

୧୩ ଆବେଟାନ୍ ମାରି ସଲ୍ସି ମାପ୍ ରେଗିୟ ଗାଡ଼ତୁ ଇତାପ୍ । ମାର୍ନାଣ୍ଡିଙ୍ଗ୍ ଠେଟବିରି ତରିଟାନ୍ ଗାଲି ଖାତାଡ଼ ମାରି ରିନେନ୍ ଖେନକା ପୁତେଅଲି ଗାଡ଼ତୁ ଇତାପ୍ ।

୧୪ ଆବେ ଏସ ଲୋକ୍ କ୍ରିସ୍ଟ୍ ବିସ୍ବାସ୍ତି ତଡ଼ାନ୍କାଙ୍ଗ୍ ବୁଡ଼ିତାପ୍ । ଖାରି ଖାଲେ ଉନ୍ଣି ଖାରା ତେବାଦେଙ୍ଗ୍ ଇଜି ଖାର୍ ମାଙ୍ଗ୍ ବାଡ଼ିଙ୍ଗ୍ ମାଲିତାର୍ । ସାରାସାରି ରୋମ୍ତୁ ସର୍ହା ଇତାପ୍ ।

୧୫ ମା କାରୁର୍ ଖେନଜି ରୋମ୍ତି ତଡ଼ାନ୍କୁ ମାଙ୍ଗ୍ ବେଟ୍ଆଦେଙ୍ଗ୍ ଇଜି “ଆପିୟ ସାତାଦୁ” ନି “ତିନି ସରାଜ୍” ଦରତି ଗାଡ଼କାଙ୍ଗ୍ ଖାତାର୍ । ଖାରିଙ୍ଗ୍ ସୁଡ଼ଜି ପାଉଲ ମାପୁରୁଙ୍ଗ୍ ଦନ୍ୟବାଦ୍ ସିତାନ୍ ମାରି ଖେଡ଼ିକା ଆତାନ୍ ।

ରୋମ୍ ଗାଡ଼ତୁ ପାଉଲ

୧୬ ମାପ୍ ରୋମ୍ତୁ ଇତି ଖେନକା, ପାଉଲତିଙ୍ଗ୍ ସାରି ପୁଟତାଡ଼ଆକା, ଖାନିଙ୍ଗ୍ କାପ୍କିଦେଙ୍ଗ୍ ବାସେ ଆତି ଅରେନ୍ ସନ୍ୟ ଖାଲେ ଖାନ୍ ନିଜେ ବଦାଦାନ୍ ଆମା ବାଡ଼ିଦୁବା ତେବାଦେଙ୍ଗ୍ ଆଟନାନ୍ ।

୧୭ ମୁନେଟି ଖେନକା ପାଉଲ ଲାକତୁରି ଜିହୁଦି ନେତାରିଙ୍ଗ୍ ଉନ୍ଣି ମିଟିଙ୍ଗ୍ ମିସାଦେଙ୍ଗ୍ ଇଜି କୁକ୍ତାର୍ । ଖାର୍ ଉଣ୍ଡାତାର୍ଆକା ପାଉଲ ଖାରିଙ୍ଗ୍ ଇର୍ହାନ୍ : “ଇସ୍ରାଏଲ୍ତି ତଡ଼ାନ୍କୁ, ମା ଲୋକା ବିରଦ୍ତାନ୍ ମାରି ମା ତକ୍ରାଦାଦାରି ମାଣାନ୍ ମାପ୍ ପୟତିମାନି ରିତିନିତି ବିରଦ୍ତାନ୍ ନାନ୍ ଇନିକା କିଏତିଙ୍ଗ୍ ବା, ଜିରୁସାଲାମ୍ତୁ ନାନ୍ ତରାୟ୍ଆଜି ରୋମିୟରି କିୟୁଦୁ ସର୍ପେ ଆତାମାନା ।

୧୮ ନାଙ୍ଗ୍ ଖେନବାତି ଖେନକା ସାନି ଉଣ୍ଡିଙ୍ଗ୍ ନାନ୍ ଇନି ଦସ୍ କିଏ ଇଜି ନେସ୍ତେଙ୍ଗ୍ ଆଟ୍ସି ରୋମିୟ ଲୋକ୍ ନାଙ୍ଗ୍ ତ୍ରିସିସକିଜି ସିଦେଙ୍ଗ୍ ବଦାକିତାମାର୍ହାର୍ ।

୧୯ ମାତର୍ ଜିହୁଦି ଲୋକ୍ ତେନି ବିରୁଦ୍କିତାର୍ଆକା, ନିଜେଦି ଲୋକା ବିରଦ୍ତାନ୍ ନା ଇନି ଦସ୍ ସିଲେତିଙ୍ଗ୍ ବା, ନାନ୍ ସମ୍ପାଟିଙ୍ଗ୍ ମାଡ଼ିସ୍ କିଦେଙ୍ଗ୍ ରାଜି ଆତା ।

୨୦ ଆୟାଉଣ୍ଡିଙ୍ଗ୍ ଇୟା ବିସୟ୍ତାନ୍ ଖାର୍ଗିଜି ସାଦେଙ୍ଗ୍ ନାନ୍ ମିଙ୍ଗ୍ କୁକିସକିତାମାନା । ସଡ଼ତାନ୍, ଆମାଖାନି ମୁସକୁ ଇସ୍ରାଏଲ୍ତି ଲୋକ୍ ଆସା କିତାମାନାର୍, ଖାରି ଉଣ୍ଡିଙ୍ଗ୍ ନାନ୍ ସିକ୍ଟି ଦାନ୍ ତରାତାମାନା ।”

୨୧ ଖାର୍ ଖାନିଙ୍ଗ୍ ଇର୍ହାର୍, “ମାପ୍ ଜିହୁଦା ଦେସ୍ତାନ୍ ନି ବିସୟ୍ତାନ୍ ଇନି ସିଟିଆକୁ ପୟ୍ସପ୍, କିନି କାରୁର୍ ଅସି ମାରି ନି ବିସୟ୍ତାନ୍ ଇନି ଦସ୍ କିଜି ଇନ୍ତେଙ୍ଗ୍ ମା ତଡ଼ାନ୍କା ଲୋଇରାନ୍ ଏନ୍ ଇବେ ରେଏନ୍ ।

୨୨ ଆୟା ଆମାକାଆପିଡ଼, ମାପ୍ ନି ମାଟା ଖେନତ୍ରେଙ୍ଗ୍ ବଦାକିନାପ୍, ଇରିଙ୍ଗ୍ ମାପ୍ ନେସ୍ନାପ୍ ଖିଜୁ ଲୋକ୍ ନି ଦଲ୍ ବିରଦ୍ତାନ୍ ମାଟା ଇଜିନାର୍ ।”

୨୩ ଖାର୍ ଉନ୍ଣି ଦିନ୍ ତିଆର୍ କିଜି ମାରି ଖାରି ଲୋଇ ନାଣ୍ଟୁ ଲୋକ୍ ଆୟାନାଣ୍ଡିଙ୍ଗ୍ ପାଉଲ ତେବାଜିମାନି ବାଡ଼ିଦୁ ଖାତାର୍ । ସାଲ୍ଦିରାନ୍ ନାଡ଼ା ସାଦି ପାଉଲ ଖାରିଙ୍ଗ୍ ମାପୁରୁଦି ରାଜିଦି ବିସୟ୍ତି ବାକ୍ୟ ପ୍ରଚାର୍ କିଜି ସାକି ସିତାନ୍ ମାରି ମୋସାଦି ନିୟ୍ମ୍ ନି ବାବବାଦିରି ମାଣାନ୍ ରାସାତି ବାକ୍ୟ ସପ୍ସି ଜିହୁଦିମାନ୍ ଖାର୍ ବିସ୍ବାସ୍ କିଦେଙ୍ଗ୍ ଠେଟ୍ଟାକିତାନ୍ ।

୨୪ ଖାରି ଲୋଇ ଏସ ଲୋକା ଜିବନ୍ ବାଦେଲ୍ ଆତାଡ଼, ମାତର୍ ଆଇକାର୍ ବିସ୍ବାସ୍ କିଏତାର୍ ।

୨୫ ଇୟା ବିସୟ୍ତାନ୍ ଖାରି ଲୋଇ ନାଣ୍ଟୁ ଜାଟି ସତାଡ଼ । ଖାର୍ ସନି ଆଗଡ଼ି ପାଉଲ ଉନ୍ଣି ମାଟା ମୁସକୁ ଦିୟାନ୍ସିଜି ଇର୍ହାନ୍ : “ପବିତ୍ର ଆମ୍ ମି ତକ୍ରାଦାଦାରିଙ୍ଗ୍ ବାବବାଦି ଜିସାୟ୍ତି ଖେୟୁଦାନ୍ ଟିକ୍ ମାଟା ଇର୍ହାମାର୍ହାନ୍ !

୨୬ ଖାନ୍ ଇର୍ହାନ୍ :

“ଇୟା ଲୋକାଙ୍ଗ୍ ସଲ୍ସି ଇନ୍ଆଁ,

ମିର୍ ଖେନିଦେର୍, ନାଣ୍ଟୁ ଖେନିଦେର୍, ମାତର୍ ବୁଜାଇଦେର୍ ।

ମିର୍ ସୁଡ଼ଜିମାନିଦେର୍, ମାତର୍ ସୁଡ଼ତୁଦେଙ୍ଗ୍ ଆଟ୍ଇଦେର୍ ।

☆ ୨୮:୧୯ ପ୍ରେରିତ ୨୫:୧୧.

୨୭ ଇରିଙ୍ଗ୍ ଇୟା ଲୋକାଦି ଜିବନ୍ ଉଣା ବୁଦି,
 ଖାର ନିଜେ ନିଜେଦି କାଣ୍ଡକୁ ନି
 ଗିତଶିଙ୍ଗ୍ ଫୁକ୍ତାମାନାର,
 ଆକା ଆଏତିମାରିଙ୍ଗ୍, ଖାର କାଣ୍ଡକୁ ରେସି ସୁଡ଼ୁଦେଙ୍ଗ୍ ଆବ୍ତାରମାନ୍ତି
 ମାରି ଗିତଶିଙ୍ଗ୍ ସିଜି ଖେନଡେଙ୍ଗ୍ ଆବ୍ତାରମାନ୍ତି ।
 ଖାରି ତାଲାଦୁ ବୁଜାନି ସାକ୍ତି ମାର୍ହାଡ଼ମାନ୍ତି;
 ଖାର ମାପୁରୁ ତରିନ୍ ଡେସି ସର୍ହାରମାନ୍ତି
 ମାରି ଖାରିଙ୍ଗ୍ ନାନ ନେଗେନକିତାମାନ୍ତି ।”

୨୮ ସାରାସାରି ପାଉଲ ଇର୍ହାନ୍, “ମିର୍ ନେସସ ମାନୁଡୁ, ପରିତ୍ରାଣ ଉଣିଙ୍ଗ୍ ମାପୁରୁଦି ସୁସମାଚାର ଅଣଜିହୁଦି ଲୋକା
 ଲାକ୍ତୁ ପକାୟଆତାମାନାଡ଼ । ଖାର ଆକା ଖେନାର ।”

୨୯ ମାରି, ପାଉଲ ଇୟାଖିଜୁ ମାଗା ଇର୍ହାନ୍ଆକା, ଜିହୁଦି ଲୋକା ଆପ୍ପା ଆପ୍ପା ଲୋଇ ସୁରି ଖାରଗିଜି ଖାରଗିଜି
 ସର୍ହାର ।

୩୦ ପାଉଲ ଉନ୍ଶି, ଇଲୁ ବାଡ଼ା ଅସି ଦୁଇ ବାସେକ୍ ସାନ୍ତି ତେବାତାନ୍ ମାରି ଖାନିଙ୍ଗ୍ ଫୁଡ଼ୁଦେଙ୍ଗ୍ ଖାଜିମାନି ଖିଜୁ
 ଲୋକାଙ୍ଗ୍ କୁକ୍ସି ମାର୍ହାନ୍ ।

୩୧ ଦର୍ଜ ନି ସାହାସତି ଖାଲେ ଖାନ୍ ମାପୁରୁଦି ରାଜି ବିସୟତାନ୍ ପ୍ରଗାର କିଜି ପ୍ରବୁ ଜିସୁ କ୍ରିସ୍ତଦି ବିସୟତାନ୍ ସିକିୟା ସିଜି
 ମାର୍ହାନ୍ ।

ରୋମୀୟ ମଣ୍ଡଳି ନିକଟକୁ ପ୍ରେରିତ ପାଉଲଙ୍କ ପତ୍ର ରୋମିୟ ମଣ୍ଡଳିଦି ଲାକ୍‌ଟୁ ପ୍ରେରିତ ପାଉଲଟି ଆକୁ ରୋମିୟ ବଇ ବିସୟତାନ୍ ଏସ ମାଟା

ରୋମିୟ ଆକୁ ରାସାତା ମାନାତ୍ ପେରିତ ପାଉଲଟି ମାଡାନ୍ ୫୪ ଦାନ୍ ୫୮ କ୍ରିସ୍ତୁଦି ମାଡାନ୍ ଜିସୁକ୍ରିସ୍ତୁଦି ଜନମ୍ ଖେନ୍‌କା ରାସାତାମାରାଡ଼ି ।

ପାଉଲ ରୋମତୁ ସନି ଆଗଡ଼ି ରିଏର୍ ଜିହୁଦି ମାରି ଅଣଜିହୁଦି କ୍ରିସ୍ତୁଆନ୍‌ତିଙ୍ଗ୍ ଆଦେସ୍ ସିଦେଙ୍ଗ୍ ଇୟା ଆକୁ ରାସାତା ମାନାନ୍ । ଓକ୍ତୁ ଜାତି ଏଣ୍ଡେସ୍ ଜିସୁ କ୍ରିସ୍ତୁଙ୍ଗ୍ ବିସ୍‌ବାସ୍ ମାରି ମାନାନାର ରୋମିୟ ୧୭:୨୭ ଇୟାମାଡାନ୍‌କୁ ଖାନ୍ କିନାନ୍ ଗାଡ଼ତୁ ମାନି ବେଡାଦୁ ରୋମିୟ କ୍ରିସ୍ତୁୟାନ୍‌କୁ ଆଦେସ୍ ସିନି ଉଣ୍ଡିଙ୍ଗ୍ ଇୟା ଆକୁ ରାସାତା ମାନାନ୍ ।

ଓକ୍ତୁ ଜାଗାତୁ ଓକ୍ତୁ ବେଡାଦୁ କ୍ରିସ୍ତୁୟାନ୍ ଲୋକା ଉଣ୍ଡିଙ୍ଗ୍ ରୋମିୟ ଆକୁ ଉଣ୍ଡି_ନେଗି ବଇ, ମାତର ମାପୁ ଏଣ୍ଡେସ୍ ଜିସୁକ୍ରିସ୍ତୁଦି ମାଡାନ୍ ରକିୟା ଆଦେଙ୍ଗ୍ ଆର୍‌ନିକା ପାଉଲ ଟିକ୍ ମାରି ନେଗେନ୍‌ତାନ୍ ବୁଜେ କିଜିନାନ୍ । ପାଉଲ ପାଡ଼ିଇ ନିୟମ୍‌ତିଙ୍ଗ୍ ବା ଜିସୁକ୍ରିସ୍ତୁଦି ସୁସମାଚାର୍‌ଦି ଖାଲେ ମିସାନାର୍ । ବଇଦି ରୋମିୟ ୧:୧୭ ପଦ୍‌ଦିଙ୍ଗ୍ ଅସି ଏସ ଲୋକୁ ପଣ୍ଡିତକୁ ତିଆର୍ କିଜି ଇନାର୍ ଜେ, ଇକା ନେଗିକାବୁରୁଡି ଆକୁ । ଆମାକା ଆବେନ୍‌ ଇଜିନାର୍, “ନାନ୍ ସୁସମାଚାର୍ ଉଣ୍ଡିଙ୍ଗ୍ ସେମାର୍ ଆଏ ମାତର ଏମେକାର୍ ବିସ୍‌ବାସ୍ କିନାର୍ ଓକ୍ତେରେ ଉଣ୍ଡିଙ୍ଗ୍ ଇକା ମାପୁରୁଦି ସାକ୍ତି ମାନାତ୍ । ଆଗଡ଼ି ଜିହୁଦି ଖେନ୍‌କା ଅଣଜିହୁଦିରିଙ୍ଗ୍ ବା ।”

ଆଗଡ଼ି ବାଗ୍ ୧-୧୭ ଲୋଇରି ପେରିବିସୟ ମାନାତ୍ ମାରି ଦ୍ଵିତିୟ ବାଗ୍ ୧୩-୧୫ କ୍ରିସ୍ତୁୟାନ୍ ଜିବନ୍‌ତୁ ନାଣ୍ଟ ବ୍ୟବହାର୍ ଆନି ଆଦେସ୍ ମାନାତ୍ ।

ଇୟା ବଇଦି ଏସ ମୁକ୍ୟ ବିସୟ

- ୧. ପାଉଲ ସାଧାରଣ ନିଜେଦି ପରିଚୟ ସିଜି, ଏମେଖାରିଙ୍ଗ୍ ଆକୁ ରାସ୍‌ସିନାନ୍ ଆକା ଇନ୍‌ଜି ଆକୁ ଆରାମ୍ କିତାନ୍ । ୧:୧-୧୫
- ୨. ଲୋକା ଜାତିଦି ଦେସ୍ ମାରି ଜିସୁକ୍ରିସ୍ତୁଦି ମାଡାନ୍ ରକିୟା ଆନାତ୍ । ୧:୧୭-୧୧:୩୭
- ୩. କ୍ରିସ୍ତୁୟାନ୍ ଜିବନ୍‌ତି ଉଣ୍ଡିଙ୍ଗ୍ ପାଉଲଦି ନାଣ୍ଟ ବେବହାର୍‌ଦି ଆଦେସ୍ । ୧୨:୧-୧୫:୧୩
- ୪. ଖାନ୍ ରୋମିୟ ମଣ୍ଡଳିଦି ଓକ୍ତେରି ଲୋକାଙ୍ଗ୍ ନମସ୍କାର୍ ଜାଣେ କିଜିନାନ୍ । ରାସ୍‌ନିକା ଓକ୍ତିତାତ୍ । ୧୬

୧ କ୍ରିସ୍ତୁ ଜିସୁଦି ଦାସ୍ ନି ମାପୁରୁସିତିମାନି ସୁସମାଚାର୍ ପ୍ରଚାର୍ କିଦେଙ୍ଗ୍ ଇଜି ପ୍ରେରିତ ସିସୁ ଖାଜା କୁକାୟାଆତିମାନି ପାଉଲଟି ଆକୁ ।

୨ ଦାମ୍‌ସାସ୍ତ୍ରୁ ରାସାତି ମାନି ଇସାବ୍‌ତାନ୍ ଇୟା ସୁସମାଚାର୍ ବିସୟତାନ୍ ମାପୁରୁ ପୁରା ପୁର୍ବେକାଡାରାନ୍ ଖାନ୍ ବାବବାଦିରି ମାଣାନ୍ ମାଟାସିତା ମାର୍ହାନ୍ ।

୩ ତେନି ନାଡ଼ମି ଆଜିନାନ୍; ମାପୁରୁଦି ମାରିସି, ମା ପ୍ରବୁ ଜିସୁ କ୍ରିସ୍ତୁ । ଲୋକାଖାଜା ଖାନ୍ ଦାଉଦ୍‌ତି କୁଟୁମ୍ ।

୪ ମାତର ଖାନ୍ ମାପୁରୁଦି ପବିତ୍ର ଆମ୍ ଉଣ୍ଡିଙ୍ଗ୍ ଖାନ୍ ମାପୁରୁଦି ମାରିସି ଇଜି ତରାୟାଆତାନ୍ । ସାନି ମାଣାନ୍ ଖାନ୍ ପେରି ସାକ୍ତିଦି ମାରିଡେସି ନିଙ୍ଗ୍ ନି ମାଣାନ୍ ଇକା ମାରି ଟିକ୍ ଆତାତ୍ । ଜିସୁ କ୍ରିସ୍ତୁ ମା ପ୍ରବୁ ।

୫ କ୍ରିସ୍ତୁଦି ଉଣ୍ଡିଙ୍ଗ୍ ମାପୁରୁ ନାଙ୍ଗ୍ ପେରିତ ସିସୁ ଖାଜା ବାସେକିଜି ଓକ୍ତୁଜାତିଦି ଲୋକା ଲାକ୍‌ଟୁ ପ୍ରଚାର୍ କିଦେଙ୍ଗ୍ ଆସିର୍ବାଦ୍ ସିତାମାନାନ୍, ଏଣ୍ଡେସ୍ ଖାର୍ ଜିସୁମାନ୍ ବିସ୍‌ବାସ୍ କିଜି ଖାନ୍‌ଙ୍ ମାନାନାର୍ ।

୬ ରୋମ୍‌ତି ଗାଡ଼ତୁ ବାସାନିଲୋକୁ ! ମିର୍ ବା ଜିସୁ କ୍ରିସ୍ତୁଦି ସାରିଦୁ ବୁଲ୍‌ଦେଙ୍ଗ୍ ବାସେଆତିମାନିଦେର୍ ।

୭ ଖେନ୍‌କା ରୋମ୍ ଗାଡ଼ତି ଏମେଖାରିଙ୍ଗ୍ ମାପୁରୁ ଲାଡ଼କିନାନ୍ ମାରି ଖାନ୍ ନିଜେଦି ଲୋକୁ ଇଜି ଆଦେଙ୍ଗ୍ ବାସେକିତାମାନାନ୍, ଆୟା ଓକ୍ତେରିଙ୍ଗ୍ ନାନ୍ ଇୟା ଆକୁ ରାସ୍‌ସିନା ।

ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତୁ ମିଙ୍ଗ୍ ଦୟା ନି ସାକ୍ତି ସିପିନ୍ ।

ଦନ୍ୟବାଦ ପାର୍‌ତନା

୮ ମିର୍ ମାପୁରୁବିସ୍‌ବାସି ଇଜି ଦୁନିଆଦୁ ଓକ୍ତୁତରିନ୍ ଖେଙ୍ଗ୍‌ତି ମାନିଦେର୍ । ଇୟାଉଣ୍ଡିଙ୍ଗ୍ ପାର୍‌ତୁମ୍ ମି ଓକ୍ତେରି ଉଣ୍ଡିଙ୍ଗ୍ ଜିସୁ କ୍ରିସ୍ତୁଦି ଦର୍‌ତାନ୍ ନାନ୍ ମାପୁରୁଙ୍ଗ୍ ଦନ୍ୟବାଦ୍ ସିଜିନା ।

୯ ଓକ୍ତୁ ଜିବନ୍‌ତାନ୍ ନାନ୍ ଆମା ମାପୁରୁଦି ସେବାକିଜିନା ମାରି ଆମା ମାପୁରୁଦି ମାରିସି ବିସୟତାନ୍ ନେଗିକାବୁର୍ ପ୍ରଚାର୍ କିଜିନା, ଆୟା ମାପୁରୁ ନା ସାକ୍ତି ।

୧୦ ପାର୍‌ତନା କିନିଖାଲେ ନାନ୍ ସବୁଖାଲେ ମିଙ୍ଗ୍ ଏଡ଼କିନା ମାରି ମି ଲାକ୍‌ଟୁ ଖାଦେଙ୍ଗ୍ ଇଜି ନାଙ୍ଗ୍ ସୁଜୋଗ୍ ସିଦେଙ୍ଗ୍ ମାପୁରୁମାନ୍ ବାଡ଼ିଙ୍ଗ୍‌ମାଲ୍‌ଜି ଖାତାମାନା ।

୧୧ ମି ଲାକ୍ତୁ ଖାଜି ନାନୁ ପୟତିମାନି ଆମ୍ବିକ ଦାନ ବିସୟ ମିଙ୍ଗୁଁ ଖେରନି ମାଣାନ ମି ବିସ୍ବାସ୍ତିଙ୍ଗ ତାଟ୍ କିନା, ଇକା ନା ଅରେନ୍ଧାନି ବଦା ।

୧୨ ଇୟାବାଣାନ ମାପ୍ ନିଜେନିଜେଦିମାନୁ ବିସ୍ବାସ୍ତିଙ୍ଗ ଆଟ୍ଝା କିଦେଙ୍ଗ ଆଟ୍ନିକା ।

୧୩ ଏ ତଡ଼ାନୁ ନି ତାଙ୍ଗୁଁକି, ମି ଲାକ୍ତୁ ଖାଦେଙ୍ଗ ଇଜି ନାନୁ ବେସିଦେବେଙ୍ଗ ବଦା କିତାମାନା, ମାତର୍ ଏସ ବାଦା ଉଣ୍ଡିଙ୍ଗ, ଇୟାସାନ୍ଦି ଖାଦେଙ୍ଗ ଆଟ୍ଝତାମାନା । ଆଇ ରାଜିଆଙ୍ଗୁଁ ଅଣଜିହୁଦି ଲୋକା ଲୋଇ ପ୍ରଚାର୍ କିଜି ଏଣ୍ଡେସ୍ ଜିଣାତାମାନା, ମି ରାଜିପୁ ବା ଆକା କିଦେଙ୍ଗ ନା ବଦା ।

୧୪ ଗ୍ରିକ୍ କି ବର୍ବର, ସିକିଡ୍ ନି ଅସିକିଡ୍ତି ଖିଜୁଜାତିଦି ଲୋକା ଉଣ୍ଡିଙ୍ଗ ନା ଦାୟିତ୍ ମାନାତ୍ ।

୧୫ ଆଦେଙ୍ଗ ରୋମ୍ ଗାଡ୍ଡି ମି ଲାକ୍ତୁ ବା ସୁସମାଚାର୍ ପ୍ରଚାର୍ କିଦେଙ୍ଗ ନା ବଦା ।

ସୁସମାଚାର୍ତି ସାକ୍ତି

୧୬ *ଆୟା ସୁସମାଚାର୍ ମୁସକୁ ନା ପୁରା ଆସା ମାନାତ୍ । ଆକା ପାର୍ତୁମ୍ ଜିହୁଦି ଲୋକାମାନୁ ମାରି ଖେନ୍କା ଅଣଜିହୁଦି ବିସ୍ବାସି ଲୋକାମାନୁ ଉଦାର୍ ପାଣି କିଦେଙ୍ଗ ଇଜି ମାପୁରୁଦି ସାକ୍ତି ଖାଜା ।

୧୭ ଲୋକ୍ ମାପୁରୁ ଲାକ୍ତୁ ଏଣ୍ଡେସ୍ ଦାମ୍ବୁତିକାନ ଇଜି ଖେଙ୍ଗୁଁ ଦେଙ୍ଗ ଆଟ୍ନାନ, ତେନି ଉପାୟ ଆବେ ତରାୟ ଆତାମାନାତ୍ । ପାର୍ତୁମ୍ତାନ ସାରାସାରି ସାନ୍ଦି ଉଦାର୍ ପୟନି ଉନ୍ଦୁଣ୍ଡି ମାତ୍ ଉପାୟ ଆଜିନାତ୍, ବିସ୍ବାସ୍ । ବାକ୍ୟ ଇସାବ୍ତାନ, “ଜେ ବିସ୍ବାସ୍ତାନ ମାପୁରୁଦି ଲାକ୍ତୁ ଦାମ୍ବୁତିକାନ ଇଜି ଖେଙ୍ଗୁଁ ନାନ, ଖାନ ଜିନାନ ।”

ଲୋକ୍ ଜାତିଦି ପାପ୍

୧୮ ଏମେ ପାପି ତାଗ୍ଲପାଣିକିନି ଲୋକ୍ ନିଜେଦି ତାଗ୍ଲପାଣିଦାନ ସଡ୍ଡି ବାଦା କିନାର୍, ଖାରି ମୁସକୁ ମୁସକୁପୁରତାନ ମାପୁରୁଦି ରିସା ଖାନାତ୍ ।

୧୯ ଇରିଙ୍ଗୁଁ ମାପୁରୁ ବିସୟତାନ ଆମାକା ନେସ୍ନି ମାଟା, ଖାର୍ ଆକା ନେସ୍ତାମାନାର୍ ମାପୁରୁ ନିଜେ ଆକା ନେଗେନ୍ ଖେରତାମାନାନ ।

୨୦ ମାପୁରୁ ଦୁନିଆଦିଙ୍ଗୁଁ ତିଆର୍ କିନି ସମୟତାନ, ଖାନି ତରାୟଆଇ ଗୁଣ୍ ଅର୍ତାତ୍ ଖାନି କାବାଆନି ଗୁଣ୍ ନି ଖିଜୁଦିନ୍ତି ସାକ୍ତି ନେଗେନ୍ତାନ ତରାୟଆଜି ଖାତାମାନାତ୍, ଖାନି ତିଆର୍ କିତିମାନି ମାନୁ ଆକା ବ୍ୟବହାର୍ କିଦେଙ୍ଗ ଆନାତ୍ । ଆଦେଙ୍ଗୁଁ ଖାର୍ ନେସ୍ଏର୍ ଇଜି ସାଲାକି ତରତେଙ୍ଗୁଁ ଆଟ୍ଏର୍ ।

୨୧ *ଖାର୍ ମାପୁରୁଙ୍ଗୁଁ ନେସ୍ସି ବା ଖାନିଙ୍ଗୁଁ ଟିକ୍ତାନ ମାନାଏତାର୍ ବା ଖାନିଙ୍ଗୁଁ ଆମା ବିସୟ ଉଣ୍ଡିଙ୍ଗ ଦନ୍ୟବାଦ୍ ସିଏଜିନାର୍ । ମାତର୍ ଖାରି ସିନ୍ତାଖିଜୁ ଅସାର୍ ନି ଖାରି ମାନାଇ ମୋନ୍ ପୁରାସିକାଟି ।

୨୨ ଖାର୍ ନିଜେଦିଙ୍ଗୁଁ ବୁଦିମାନିକାର୍ ଅଡ୍ବିନାର୍, ମାତର୍ ସଡ୍ଡତାନ ଖାର୍ ମୁକୁଁ ଆତାର୍ ।

୨୩ ଖିଜୁଦିନ୍ତି ମାପୁରୁଙ୍ଗୁଁ ଉପାସନା ଗୋରବ୍ କିଏଣ୍ଡା ଖାର୍ ସାନି ଲୋକାଙ୍ଗୁଁ, ଜାତୁ ପଟି ନି ସାରାସ୍ଝାଜା ବମେଙ୍ଗ ରସ୍ସି ଖାନିକାଙ୍ଗୁଁ ପୁଜାକିଜିନାର୍ ।

୨୪ ଆଦେଙ୍ଗୁଁ ମାପୁରୁ ଖାରି ଜିବନ୍ତିଙ୍ଗୁଁ ତ୍ରିସ୍ତାମାନାନ ମାରି ଖାର୍ ନିଜେ ନିଜେଦି ଆସା ଇସାବ୍ତାନ ତାଗ୍ଲପାଣିଦୁ ମିସାଜି ତେବାଜିନାର୍ ଖାର୍ ନିଜେ ନିଜେଦି ମୋନ୍ଦଲ୍ ଦାରିପାଣି କିନିମାନୁ ମିସାକିଜି ଇଡ୍ନାର୍ ।

୨୫ ଖାର୍ ମାପୁରୁଦି ବିସୟତାନ ସଡ୍ ବାଦ୍ଲୁ ମିଡ୍ଡି ଆସା ଇଡ୍ଡଜିନାର୍ । ତିଆର୍କିତିଖାନିଙ୍ଗୁଁ ଉପାସନା କିଏନ୍‌ଣ୍ଡା, ଖାର୍ ତିଆର୍ଆତି ଜିନିସ୍ତାକାଙ୍ଗୁଁ ପୁଜା କିନାର୍ । ଜୁଗ୍ ଜୁଗ୍ ଦନ୍ୟ ଆପିଡ୍ । ଆମେନ୍ ।

୨୬ ଖାର୍ ସେମାର୍ତି ପାପ୍ ପାଣିଦୁ ମିସାତିମାନିଙ୍ଗୁଁ ମାପୁରୁ ଖାରିଙ୍ଗୁଁ ତ୍ରିସ୍ତା ସିତାମାନାନ, ଖାରି ଆଡ୍ସିକ୍ ଟିକ୍ତାନ ବ୍ୟବହାର୍ କିନି ବାଦ୍ଲୁ ତାଗ୍ଲ ପାଣି ଖିଜୁ କିଜିନେ,

୨୭ ମାରି ମେମାରୁଙ୍ଗୁଁ ବା ଟିକ୍ତାନ ଆଡ୍ସି ଖାଲେ ତେବାଏଣ୍ଡା ନିଜେନିଜେଦି ଉଣ୍ଡିଙ୍ଗ ତାଗ୍ଲ ପାଣିଦୁ ନାସୁ ଆଜିନାର୍ । ମେମାରୁଙ୍ଗୁଁ ନିଜେନିଜେଦି ଖାଲେ କାଡ୍ନି ବ୍ୟବହାର୍ କିଜିନାର୍ ମାରି ଆବେଟ୍ ତାଗ୍ଲ ପାଣି ଉଣ୍ଡିଙ୍ଗ ଦଣ୍ଡ ପୟଜିନାର୍ ।

୨୮ ଇୟା ଲୋକ୍ ମାପୁରୁଦି ବିସୟତାନ ଟିକ୍ ସିନ୍ତା ପୟଦେଙ୍ଗୁଁ ବଦା ସିଲେତାର୍ଆକା, ମାପୁରୁ ଖାରିଙ୍ଗୁଁ ତ୍ରିସ୍ତାମାନାନ ମାରି ଖାର୍ ତାଗ୍ଲମନ୍ ଆଜି ଲୋକ୍ତି ଖାଜା ବୁଲାଏଜିନାର୍ ।

୨୯ ଖାର୍ ତାଗ୍ଲକାର୍, କରାପ୍କିନିକାର୍, ଆସା ମାରି ତାଗ୍ଲପାଣିଦୁ ପୁରାମାନାର୍ । ଖାର୍ ଆକାର୍, କାଡ୍ନିକାର୍, ଜାଟିକିନିକାର୍, ଟକେକିନିକାର୍ ମାରି ରିସାଆନିକାର୍; ଖାର୍ ଆଇଖାରିଙ୍ଗୁଁ ସୁରି ଖାର୍ଗିନାର୍;

୩୦ ଖାର୍ ମାପୁରୁଦି ଲାକ୍ତୁ କାଡ୍ନିକାର୍; ଅମାନ୍ୟ, ଆକାର୍ ମାରି ନିଜେଦିଙ୍ଗୁଁ ତରାୟଆନିକା; ତାଗ୍ଲପାଣିଦି ଇନିଇନି ଉପାୟ ଖାର୍ କିଜିମାନାର୍; ଖାର୍ ବୁବାୟାୟାରିଙ୍ଗୁଁ ମାନାଏର୍,

୩୧ ଖାର୍ ବୁଦିସିଲିକାର୍, ନିଜେଦି ସିତିମାଟାଦିଙ୍ଗୁଁ ଇଡ୍ଏର୍ । ଆଇଖାରି ଉଣ୍ଡିଙ୍ଗୁଁ ଖାରି ଅଡ୍ପବା ଦୟା ସିଲେଡ୍ ।

୩୨ ଖାର୍ ନେସ୍ନାର୍ ଜେ, ମାପୁରୁଦି ନିୟମ୍ ଇସାବ୍ତାନ ଇୟାନାନି ଲୋକ୍ ସାନିଦଣ୍ଡ ପୟଦେଙ୍ଗୁଁ ଜଗ୍ । ଇକା ନେସ୍ସି ବା ଖାର୍ ଆୟାଖାଜା ତାଗ୍ଲପାଣି କିନାର୍ ମାରି ଆକା କିଜିମାନି ଲୋକାଙ୍ଗୁଁ ସାରି ସିନାର୍ ।

☆ ୧:୧୭ ମାର୍କ ୮:୩୮. ☆ ୧:୨୧ ଏପିସିୟ ୪:୧୭,୧୮.

୨

ମାପୁରୁଦି ନ୍ୟାୟ ବିଚାର

୧୧ ଏ ତଡ଼ାନ୍‌କୁ ନି ତାଜିକ୍, ମିର୍ ଇନିକା ଆଇଝାରି ବିଚାର କିଜିନିଦେର୍ ? ମିର୍ ଜେ ଏମେ ଲୋକ୍ ଆତିଙ୍ଗବା, ଇକା କିନିକା ମି ଇସାବତାନ୍ ଟିକ୍ ସିଲେ । ଆଇଝାରି ଦୋସ୍ ଆସ୍‌ସି ମିର୍ ଜଦି ନିଜେ ଆକା କିଜିମାନିଦେର୍, ଆବେଶାନ୍ ମିର୍ ନିଜେଦିଙ୍ଗ୍ ଦସି କିଜିନିଦେର୍ ।

୧୨ ମାପ୍ ନେସ୍‌ନାପ୍, ମାପୁରୁ ଇୟାଝାଜା କିଜିମାନି ଲୋକ୍‌ତି ଟିକ୍ ବିଚାର କିନାନ୍ ।

୧୩ ଏ ତଡ଼ାନ୍‌କୁ ନି ତାଜିକ୍, ଆମା ତାଗ୍‌ଲ ପାଣି ଉଣ୍ଡିଙ୍ଗ୍ ମିର୍ ଆଇଝାରିଙ୍ଗ୍ ବିଚାର କିଜିନିଦେର୍, ଆକା ଜଦି ମିର୍ ନିଜେ କିଜିମାନିଦେର୍, ମିର୍ ମାପୁରୁଦି ବିଚାର୍‌ତି ଆଏପ୍ ଇଜି ଇନିକା ଅଡ଼ବିଜିନିଦେର୍ ନ ?

୧୪ ଆନାଡ଼, ମିର୍ ମାପୁରୁଦି ଝିଜ୍‌ଇ ଦୟା, ସାସ୍, ମାରି ଉଦାର୍‌କିନିତାନିଙ୍ଗ୍ ମାନାଈଜିନିଦେର୍ । ମିର୍ ଜଦିବା ନେସ୍‌ତିମାନିଦେର୍ ଜେ, ମି ମନ୍‌ତୁ ଅନୁତାପ୍ ତାତେଙ୍ଗ୍ ଇଜି ମାପୁରୁ ନିସା ଦୟା କିଜିନାନ୍ ।

୧୫ ମାତର୍ ମିର୍ ଗର୍ବ ନି ଆଟ୍‌ଝା ମୋନ୍ । ଆଦେଙ୍ଗ୍ ସେସ୍ ଦିନ୍‌ତି ବିଚାର୍‌ତିଝାଲେ ମିର୍ ମାପୁରୁଦି ଦଶ୍‌ତି ଲୋକ୍ ଆଜି ନାଶ୍ଟି କାସ୍ ଦଶ୍ଟି ପୟ୍‌ନିଦେର୍ ।

୧୬ ଇରିଙ୍ଗ୍ ମାପୁରୁ ଝିଜେରିଙ୍ଗ୍ ଝାନି ପାଣି ଇସାବତାନ୍ ପଲ୍ ସିନାନ୍ ।

୧୭ ଏସୋଲୋକ୍ ଗୌରବ୍, ସନ୍‌ମାନ୍ ନି ଝିଜୁଦିନ୍ ତେବାନି ଆସାଦାନ୍ ଦର୍ଜଦାନ୍ ସଡ଼ ପାଣି କିନା ସନାନ୍, ଝାରିଙ୍ଗ୍ ମାପୁରୁ ଏସକାଙ୍ଗ୍‌ଝିଜ୍‌ଇ ଜିବନ୍ ସିନାନ୍ ।

୧୮ ଆଇକାର୍ ନିଜେଦିଙ୍ଗ୍ ସୁଣାନ୍, ସଡ଼ ସାରି ଡ଼ିସ୍‌ସି, ତାଗ୍‌ଲ ସାରି ସନାନ୍ । ଝାରି ମୁସ୍‌କୁ ମାପୁରୁଦି ନାଶ୍ଟି ରିସା ଆନାନ୍ ।

୧୯ ଏମେକାର୍ ତାଗ୍‌ଲ ପାଣିଦୁ ମିସାନାର୍, ଝାରି ଉଣ୍ଡିଙ୍ଗ୍ ଦୁକୁ ନି କାସୁଦି ଦିନ୍ ଝାଜିନାଡ଼ । ପାର୍‌ତୁମ୍ ଜିହୁଦି ଲୋକା ମୁସ୍‌କୁ ମାରି ତାନେଝେନ୍‌କା ଗ୍ରିକ୍ ଲୋକା ଉଣ୍ଡିଙ୍ଗ୍ ।

୨୦ ମାତର୍ ଏମେକାର୍ ନେଗିପାଣି କିଜିମାନାର୍, ଝାରି ଜିହୁଦି ଲୋକ୍ ଆପିର୍, ଅଣଜିହୁଦି ଲୋକ୍ ଆପିର୍, ଝାରିଙ୍ଗ୍ ମାପୁରୁ ସମ୍ମାନ୍, ଗୌରବ୍ ନି ସାଜି ସିନାନ୍ ।

୨୧ ଇରିଙ୍ଗ୍ ମାପୁରୁ ଉନ୍‌ଶ୍ଟି_ ସାମାନ୍‌ଇସାବତାନ୍ ବିଚାର କିନାନ୍ ।

୨୨ ଅଣଜିହୁଦି ଲୋକ୍ ମସା ରାସ୍‌ତି ନିୟମ୍ ପୟ୍‌ଏର୍ । ନିୟମ୍ ପୟ୍‌ଏନ୍‌ଶ୍ଟା ପାପ୍ କିତାର୍, ଝାରି ନିୟମ୍ ସିଲେଶ୍‌ଗା ସାନାର୍ । ଆଇ ଇସାବତାନ୍ ଜିହୁଦିଲୋକ୍ ନିୟମ୍ ନେସ୍‌ତାମାନାର୍ ଆକା, ଝାରି ପାପ୍ କିତାର୍, ଆୟା ନିୟମ୍ ଇସାବତାନ୍ ବିଚାର୍ ଆନାର୍ ।

୨୩ ଇରିଙ୍ଗ୍ କେବଲ ନିୟମ୍ ଝେନି ମାଣାନ୍ ଲୋକ୍ ମାପୁରୁଦି ଆଗ୍‌ତି ଦାମ୍ ଇଜି ଝେଙ୍ଗ୍‌ଦେଙ୍ଗ୍ ଆଟ୍‌ଏର୍, ମାତର୍ ନିୟମ୍ ମାନାନ୍ ମାଣାନ୍ ଦାମ୍ କ ଇଜି ଗଣେଆନାର୍ ।

୨୪ ଅଣଜିହୁଦି ଲୋକା ନିୟମ୍ ସିଲେଡ଼, ମାତର୍ ଜଦି ଝାରି ସାମାନ୍‌ତାନ୍ ନିୟମ୍‌ତି ବିସୟ୍‌କୁ ମାନାନାର୍, ଆକାନେ ଝାରି ନିୟମ୍‌ତି ଝାଜା ।

୨୫ ଝାରି ପାଣିଦାନ୍ ଇକା ଟିକ୍ ଆନାଡ଼ ଜେ, ନିୟମ୍‌ତି ରାସାତିକା ଝାରି ଜିବନ୍‌ତୁ ରାସାତା ମାନାଡ଼ । ଇୟା ମାଟାଦି ସଡ଼ ଝାରି ମନ୍‌ତାନ୍ ବା ପାର୍‌ମାଣ୍ ଆନାଡ଼ ସଡ଼ସିନ୍ତା କିନିଝାଲେ ମନ୍ ଝାରିଙ୍ଗ୍ ସାକା କିନାଡ଼, ତାଗ୍‌ଇସିନ୍ତା ଝାଲେ ଦସି କିନାଡ଼ ।

୨୬ ଆମା ନାଶ୍ଟିଙ୍ଗ୍ ମାପୁରୁ ଜିସୁ କ୍ରିସ୍‌ତି ମାଣାନ୍ ଲୋକା ମାର୍‌ଗିତି ବିସୟ୍‌ଝିଜୁ ବିଚାର କିନାନ୍, ଆୟା ନାଶ୍ଟିଙ୍ଗ୍ ନାନୁ ପ୍ରଚାର୍ କିତିମାନି ସୁସମାଚାର୍ ଇସାବତାନ୍ ଇୟାଝିଜୁ ଗଟାନାଡ଼ ।

ଜିହୁଦିଲୋକ୍ ନି ନିୟମ୍

୨୭ ମିର୍ ନିଜେଦିଙ୍ଗ୍ ଜିହୁଦି ଲୋକ୍ ଇଜିନିଦେର୍, ମୋସାଦି ନିୟମ୍ ମୁସ୍‌କୁ ଆସା ଇଡ଼ଜି ମାରି ମାପୁରୁଦି ଝାଲେ ନିଜେ ମିସାନିକା ଅସି ଗର୍ବ କିଜିନିଦେର୍;

୨୮ ମି ଉଣ୍ଡିଙ୍ଗ୍ ମାପୁରୁଦି ବଦା ନେସ୍‌ତି ମାନିଦେର୍ ମାରି ନିୟମ୍‌ତି ସଡ଼ ନି ଅସଡ଼ ବୁଦି ପୟ୍‌ତିମାନିଦେର୍;

୨୯ ସତେନେ ନେସ୍‌ତିମାନିଦେର୍, ଜେ ମିର୍ କାଣାଦିଙ୍ଗ୍ ସାରିତର୍‌ନିଲୋକ୍, ସିକାଟିଦୁ ମାନି ଲୋକା ଉଣ୍ଡିଙ୍ଗ୍ ଜାୟ୍ ଝାଜା,

୩୦ ବୁଦିସିଲି ଲୋକାଙ୍ଗ୍ ବୁଦିଝେର୍‌ନିକା, ନେସ୍‌ଇ ଲୋକାରି ଗୁରୁ । ମି ବିସ୍‌ବାସ୍ ଜେ, ନିୟମ୍‌ତାନ୍ ମିର୍ ପୁରା ସଡ଼ ନି ବୁଦି ପୟ୍‌ତିମାନିଦେର୍ ।

୩୧ ମିର୍ ଆଇଝାରିଙ୍ଗ୍ ଅଜା କିଜିନିଦେର୍, ମାତର୍ ନିଜେ ଏୟା ଅଜାଈଜିନିଦେର୍ ? “ଡଙ୍ଗାଁ କିମାଟ୍” ଇଜି ଅଜା କିଜି ନିଜେ ଡଙ୍ଗାଁ କିଜିନିଦେର୍ ?

୩୨ “ଦାରିପାଣି କିମାଟ୍” ଇଜି ଝେର୍‌ସି ନିଜେ ଦାରିପାଣି କିଜିନିଦେର୍‌ନୋ ? ମିର୍ ବମା ପୁଜାଦି କାଡ଼ଜି ମନ୍‌ଡିର୍‌ତିଙ୍ଗ୍ ଡଙ୍ଗାଁ କିଜିନିଦେର୍ ?

୨୩ ମିର ମାପୁରୁଦି ନିୟମ ପୟତାମାନାପ୍ ଇଜି ଗର୍ବ କିଜିନିଦେର୍, ମାତର୍ ତାନିଙ୍ ମାନାଇଜି ମାପୁରୁଙ୍ ଅପମାନ୍ କିଜିନିଦେର୍ନୋ ?

୨୪ ସାସ୍ତ୍ରୁ ରାସାତା ମାନାଡ୍, “ମି ଉଣ୍ଡିଙ୍ ଅଣଜିହୁଦି ଲୋକା ଲୋଇ ମାପୁରୁ ନିଦା ପାଏ ଆଜିନାନ୍ ।”

୨୫ ଜଦି ନିୟମ ମାନାଜିମାନିଦେର୍; ମି ସୁନ୍ନତ ମାଟାଦି ଇସାବ୍ ମାନାଡ୍ । ମାତର୍ ଜଦି ନିୟମ୍ ଅମାନ୍ୟ କିନିଦେର୍, ମିର ସୁନ୍ନତ ଆଇ ମାନି ଲୋକା ଖାଲେ ସାମାନ୍ ।

୨୬ ଜଦି ସୁନ୍ନତ ଆଇ ମାନି ଅରେନ୍ ଅଣଜିହୁଦି ଲୋକୁ ନିୟମ୍ତି ବିଦି ଝିଜୁ ମାନାଜିମାନାନ୍, ମାପୁରୁ ଖାନିଙ୍ ସୁନ୍ନତ ଖାଜା ଆସ୍ଏନ୍ ନୋ ?

୨୭ ଆଦେଙ୍ ମେନ୍ଦଲୁଡୁ ସୁନ୍ନତ ଆଇ ମାନି ଏମେ ଅଣଜିହୁଦି ଲୋକୁ ନିୟମ୍ ମାନାନାର୍, ଖାର୍ ମି ବିଚାର୍ କିନାର୍, ଇରିଙ୍ ମିର୍ ମେନ୍ଦଲୁଡୁ ସୁନ୍ନତ ଆଜି ନିୟମ୍ ପୟତି ମାରିଙ୍ ବା, ଆକା ଅମାନ୍ୟ କିଜିନିଦେର୍,

୨୮ କେବଲ ମେନ୍ଦଲୁ ଇସାବ୍ତାନ ସୁନ୍ନତ ଆଜି ମୁସକୁ ଜିହୁଦିଲୋକୁ ଇଜି ତର୍ଆୟ୍ ଆଜିମାନି ଲୋକୁ ସତ୍ତାନ ଜିହୁଦି ଲୋକୁ ସିଲେ ।

୨୯ ଏନ୍ ଜିବନ୍ତୁ ଜିହୁଦି, ଖାନ୍ ଆଜିନାନ୍ ସତ୍ତାନ ଜିହୁଦି । ସତ୍ ସୁନ୍ନତ ଜିବନ୍ତି ବିସୟ୍; ଆକା ଆମିକ, ରାସାତିକା ଆଏଡ୍ । ଇୟାଖାଜା ଲୋକୁ ମାଣାନ୍ ଝେଡିକା ପୟଦେଙ୍ ଆର୍ଏନ୍; ଖାନ୍ ଆକା ପୟନାନ୍ ମାପୁରୁଦିମାଣାନ୍ ।

୩

୧ ଆର୍ଡିଙ୍ ଅଣଜିହୁଦି ଲୋକା ମାଣାନ୍ ଜିହୁଦି ଲୋକା ନାଣ୍ ସୁବିଦା ଇନିକା ? ସୁନ୍ନତ ମାଡାନ୍କୁ ନେଗିକା ଇନିକା ?

୨ ନାଣ୍ ମାନାଡ୍ । ପାର୍ଡୁମ୍, ମାପୁରୁ ଖାନି ମାଟାଦି ଦାୟିତ୍ ଜିହୁଦିଲୋକା ମୁସକୁ ସିତା ମାନାନ୍ ।

୩ ଆନାଡ୍ ଏସ ଲୋକୁ ବିସ୍ବାସ୍ତୁ ତେବାଏର୍ । ମାତର୍ ଆକା ଇଜି ଇନିକା ମାପୁରୁଦି ବିସ୍ବାସ୍ ଆରେଏ ଆନାଡ୍ ?

୪ ଏସାଙ୍ ସିଲେ । ଲୋକୁ ଝିଜେରେ ମିରୁଆର୍ ଆଡିଙ୍ବା, ମାପୁରୁ ସତ୍ । ସାସ୍ତ୍ରୁ ରାସାତାମାନାଡ୍ :

“ନି ବାକ୍ୟ ଦାନ୍ ନିନ୍ ସତ୍ ଇଜି ପାର୍ମାଣ୍ ଅଆୟ୍ଆନି,

ନିନ୍ ବିସାର୍ ଆନିଖାଲେ ନିନ୍ ଜିଶାନି ।”

୫ ଇବେ ଉଣ୍ଡି ମାଟା ଆନାଡ୍, ଜଦି ମା ଅଦାର୍ ମାପୁରୁଦି ଦାର୍ମିଦିକା ପାର୍ମାଣ୍ କିନାଡ୍, ଆର୍ଡିଙ୍ ମାପୁରୁ ମାଙ୍ ଦଣ୍ଡୁ ସିଜି ଅନ୍ୟାୟ୍ କିଜିନାନ୍ ଇଜି ଇନ୍ତେଙ୍ ଆର୍ନିକା ନୋ ? ନାନ୍ ଲୋକା ଖାଜା ଇଜିନା ।

୬ ଏସାଙ୍ ସିଲେ । ମାପୁରୁ ଜଦି ନିୟାୟ୍ କିନିକାନ୍ ଆଏନ୍, ଖାନ୍ ଏଣ୍ଡେସ୍ ଦୁନିଆଦିଙ୍ ନ୍ୟାୟ୍ ବିସାର୍ କିନାନ୍ ?

୭ ମାତର୍ ଜଦି ନା ଅସତ୍ତଦାନ୍ ମାପୁରୁଦି ସତ୍ମାଟା ନାଣ୍ ନେଗେନ୍ତାନ ଝେଙ୍ ନାଡ୍ ମାରି ଖାନ୍ ଗୌରବ୍ ପୟନାନ୍, ନାନ୍ ପାପି ଇଜି ଏନ୍ଦା ବିଚାର୍ ଆଜିନା ?

୮ ମାଡୁ ଏନ୍ଦା ଝେରଇକା, “ରାଦୁ ତାଗଇପାଣି କିନାଡ୍, ରାଦୁ ଇବେଟ୍ତାନ ନେଗି ପଲ୍ ଆସ୍ତେଙ୍ ?” ନାନ୍ ଟିକ୍ ଇୟାଖାଜା ମାଟା ଇଜିନା ଇଜି ଦାବି କିଜି ଏସଲୋକ୍ ନାଙ୍ ନିଦା କିଜିନାର୍ । ଖାର୍ ଇୟାଉଣ୍ଡି ଏମେ ଦଣ୍ଡୁ ପୟନି ମାଟା, ସତେନେ ପୟନିଦେର୍ ।

ଏନ୍ ଦାର୍ମୁତିକାନ୍ ସିଲେ

୯ ଆର୍ଡିଙ୍ ଇଜିନା ଜିହୁଦିଲୋକା ଅବସ୍ତା ଅଣଜିହୁଦି ଲୋକା ମାଣାନ୍ ନାଣ୍ ନେଗିକା ? ଏସାଙ୍ ସିଲେ । ନାନ୍ ଆଗଡିରାନ୍ ଝେର୍ତାମାନା ଜେ, ରିଏର୍ ଜିହୁଦି ନି ଅଣଜିହୁଦି ପାପ୍ତି ବାଡିଦୁ ମାନାଡ୍ ।

୧୦ ଦର୍ମସାସ୍ତ୍ରୁ ରାସାତାମାନାଡ୍ :

“ଦାର୍ମୁତିକାନ୍ ଏନ୍ ସିଲେନ୍, ଅରେନ୍ ବା ସିଲେନ୍,

୧୧ ଅରେନ୍ ଲୋକ୍ ବା ବୁଦିଦିକାନ୍ ନି ମାପୁରୁଦି ସତ୍ତାନ ସେବାକିନିକାନ୍ ଏନ୍ ସିଲେନ୍ ।

୧୨ ଖାର୍ ଝିଜେରେ ମାପୁରୁଦି ମାଣାନ୍ ଆକ ସର୍ହାମାନାର୍;

ଝିଜେରେ ବାଣାତା ମାନାର୍ ।

ଏନ୍ ଅରେନ୍ ବା ସତ୍ପାଣି କିଏଜିନାର୍ ।

୧୩ ଖାରି ମାଟାଦୁ ସାପିସକିନି ନାନି ସାଲାକି,

ଝେୟୁଦାନ୍ ମିସ୍ତି ବଲ୍ ସତାନେ,

ଝେୟୁଦାନ୍ କଡନି ସାରାସ୍ତି ଝିସାମ୍ ।

୧୪ ଖାରି ମାଟା କେୟନାଡ୍ ମାରି ଆନାଦୁରିଆଦୁ ବତ୍ ।

୧୫ ଖାର୍ ତାକ୍ତେଙ୍ ନି କାଡ୍ତେଙ୍ ପୁରା ଆନାର୍;

୧୬ ଖାର୍ ଏମେ ତରିନ୍ ସନାର୍, ଆବେ ସାନିକା ନି କାସୁ ଗଟାନାଡ୍ ।

୧୭ ଖାର୍ ସାନ୍ତିଦି ସାରି ନେସ୍ଏର୍,

୧୮ ଖାରି କାଶାଗାଦୁ ମାପୁରୁଙ୍ ଟିଲାନିକା ଖାର୍ ଅଜାଏର୍ ।”

୧୯ ମାତ୍ର ନେତ୍ସନିକା, ଏମେକାର ନିୟମ୍ତି ଆଡ଼ଗି, ତାନି ନିତିନିୟମ୍ ଖାର ମାନାଦେଇ ଆନାଡ଼ । ମାପୁରୁ ଏସ୍ତିଖାଲେ ଓଜୁ ଦୁନିଆଦି ବିସାର କିନାନ୍, ନିୟମ୍ ମାନାଇକାର ଇନି ବାଣ୍ଡିସ କିଜି ନିଜେଦିଇ ଦସ୍ତିଲିକାନ୍ ଇଜି ଖେର୍ତେଇ ଆର୍ଏନ୍ ।

୨୦ ☆ମାତର ନିୟମ୍ତି ପାଣିଓଜୁ କିଜି ଆମା ମାପୁରୁଦି ଆଗ୍ତି ଦାମ୍ତିକାନ୍ ଇଜି ଖେଇଦେଇ ଆର୍ଏନ୍ । ନିୟମ୍ତାନ୍ ଲୋକୁ କେବଲ ପାପ୍ତି ବିସୟ ନେସ୍ତେଇ ଆର୍ନାନ୍ ।

ବିସ୍ବାସତୁ ଦାମ୍ତି ଆନିକା

୨୧ ମାପୁରୁ ନିଜେଦି ଖାଲେ ଲୋକାଈ ମିସାକିଦେଇ ଇଜି ନିୟମ୍ ଆଡ଼ରେ ଆମାକା କିତାମାନାନ୍, ଆକା ଇଲେଇ ତରାତାମାନାଡ଼ । ଇୟା ବିସ୍ତୟତାନ୍ ମସାଦି ନିୟମ୍ ନି ବାବବାଦିର୍ ବା ସାକି ସିତାମାନାଡ଼ ।

୨୨ ☆କେବଲ ଜିସୁ କ୍ରିସ୍ତମାନୁ ବିସ୍ବାସ କିନିମାଣାନ୍ ଲୋକୁ ମାପୁରୁଦି ଆଗ୍ତି ଦାମ୍ତିକାନ୍ ଇଜି ଖେଇଁ ନାନ୍ । ମାପୁରୁ ଆମା ଲୋକ୍ତିକ୍ ଆଇଏଜି କ୍ରିସ୍ତମାନୁ ବିସ୍ବାସ କିଜିମାନି ଓଜେରିଇ ଇୟା ସାରି ସିନାନ୍ ।

୨୩ ଓଜେରେ ପାପ୍ କିତାମାନାଡ଼ ମାରି ମାପୁରୁଦି ମହିମାଦି ପୁରାଆନିମାନୁ ପୟଏତା ମାନାଡ଼ ।

୨୪ ମାତର ମାପୁରୁ କ୍ରିସ୍ତ ଜିସୁଦି ମାଣାନ୍ ଆର୍ଏନେ ଆମା ଦୟା ସିତା ମାନାନ୍, ଆକା ଏମେକାର ମାନାନାଡ଼, ଖାରିଇ ପ୍ରବୁ ଜିସୁ ଜିପିସନାନ୍ ମାରି ଖାର ମାପୁରୁ ଆଗ୍ତି ଦାମ୍ତିକାର ଆନାଡ଼ ।

୨୫ ମାପୁରୁ ଜିସୁଙ୍କୁ ଦାନ କିତାନ୍, ଏଣେସ୍ ଖାନି ସାନିକା, ଖାନି ମାନୁ ବିସ୍ବାସ କିଜିମାନି ଲୋକା ପାପ୍ କେମାଦି ଉପାୟ ଆନାଡ଼ । ମାପୁରୁ ନିଜେଦି ଦାମ୍ତି ତରତେଇ ଇକା କିତାନ୍ । ମାପୁରୁ ସାସ୍ ଆସ୍ତି ଲୋକା ଆଗ୍ତିକିତି ପାପ୍ ଆସ୍ତନ୍ ।

୨୬ ମାତର ଇଲେଇ ଖାନ୍ ନିଜେଦି ଦାମ୍ତି ତରତେଇ କିନି ଉଣ୍ଡିଇ ପାପ୍ କେମାଦି ନିୟମ୍ କିତାମାନାନ୍ । ଇୟାମାଣାନ୍ ମାପୁରୁ ତରସି ସିତାମାନାନ୍ ଜେ, ଖାନ୍ ନିଜେ ଦାମ୍ତିକାନ୍ ମାରି ଏମେକାର ଜିସୁମାନୁ ବିସ୍ବାସ କିନାଡ଼, ଆୟା ଓଜେରିଇ ଦାମ୍ତିକାର ଖାଜା ଆସ୍ନାନ୍ ।

୨୭ ଆର୍ତିକ୍ ଆମା ବିସ୍ତୟତାନ୍ ଗର୍ବ କିନାଡ଼ ? ସିଲେ, ଆୟାଖାଜା ମାଟା ଇନିକା ସିଲେଡ଼ । ଗାର୍ବୁ କିନି ଉଣ୍ଡିଇ ମା ଇନି ମାଟା ମାନ୍ତେଇଁ ଆର୍ନାଡ଼ ? ଇନିକା ନିୟମ୍ ପୁରାପୁରି ମାନାଜିନିକା ଇଜି ? ସିଲେ, କେବଲ ବିସ୍ବାସ ନେ ମା ଗାର୍ବୁ ମାଟା ।

୨୮ ମାତ୍ର ସତତାନ୍ ବୁଜାଦେଇ ଆର୍ସିନାପ୍ ଜେ, ଅରେନ୍ କେବଲ ଖାନି ବିସ୍ବାସତାନ୍ ମାପୁରୁ ଆଗ୍ତି ଦାମ୍ତିକାନ୍ ଆନାନ୍ ନିୟମ୍ ମାନାନି ମାଣାନ୍ ସିଲେ ।

୨୯ ମାପୁରୁ ଇନିକା କେବଲ୍ ଜିହୁଦିଲୋକା ମାପୁରୁ ? ଖାନ୍ ଇନିକା ଅଣଜିହୁଦି ଲୋକା ମାପୁରୁ ଆଏନ୍ ? ସତେନେ ଖାନ୍ ଓଜେରି ମାପୁରୁ ।

୩୦ ☆ମାପୁରୁ ଅରେନ୍ । ରୁଣ୍ଡି ଜିହୁଦି ନି ଅଣଜିହୁଦି ଲୋକା ବିସ୍ବାସ ଉଣ୍ଡିଇ ଖାନ୍ ଖାରିଇ ଦାମ୍ତିକାର ଖାଜା ଆସ୍ନାନ୍ ।

୩୧ ତେନି ଅର୍ଥ ଇନିକା, ମାତ୍ର ବିସ୍ବାସତାନ୍ ନିୟମ୍ତିକ୍ ନାସୁ କିଦେଇ ସୋଲ୍ସିନାପ୍ ନୋ ? ଏସାଈ ସିଲେ । ବିସ୍ବାସ ତାନ୍ ମାପ୍ ନିୟମ୍ତି ମୁଲ୍ କୁନାଦି ଆର୍ଖା କିଜିନାପ୍ ।

୪

ଅବ୍ରାହାମତି ଜିନିକା

୧ ଆର୍ତିକ୍ ମେନ୍ଲ ଇସାବତାନ୍ ମା ପୁର୍ବେଦି ବୁବା ଅବ୍ରାହାମତି ଇନିକା ପୋଇତାମାନାନ୍ ଇଜି ଇନିକା ଇନାଡ଼ ?

୨ ଜଦି ଖାନି ନିଜେଦି ପାଣି ଅବ୍ରାହାମ ଖାନ୍ ମାପୁରୁଦି ଆଗ୍ତି ଦାମ୍ତିକାନ୍ ଖେଇଁ ତାନ୍ମାନ୍, ଗାର୍ବୁ କିଦେଇ ଇଜି ଖାନି ମାଟା ମାହାଡ଼ । ମାତର ମାପୁରୁ ଆଗ୍ତି ଆକା ଆଏଡ଼ମାହାଡ଼ ।

୩ ☆ଦାମ୍ତିସାସ୍ତ୍ର ଇସାବତାନ୍, “ଅବ୍ରାହାମ ମାପୁରୁମାନୁ ବିସ୍ବାସ କିତାନ୍ ମାରି ଇୟା ବିସ୍ବାସ ଉଣ୍ଡିଇ ମାପୁରୁ ଖାନିକ୍ ଦାମ୍ତିକାନ୍ ଆସ୍ତାନ୍ ।”

୪ ଏନ୍ ପାଣି କିନାନ୍, ଖାନି କୁଲି ପଇନାନ୍ ଆମାଖାନିମାଣାନ୍ ଦାନ୍ ଖାଜା ଖାନ୍ ଆକା ପୟଏନ୍ ।

୫ ମାତର ଏନ୍ ନିଜେଦି ମୁସ୍କୁ ବିସ୍ବାସ ଇଡ଼ଏନ୍ଶା, ମାପୁରୁମାନୁ ବିସ୍ବାସ କିନାନ୍, ଖାନି ବିସ୍ବାସ ଉଣ୍ଡିଇ ଦସ୍ତିକିତି ଖାନିକ୍ ଦସ୍ ତିସିସ କିଜିମାନି ମାପୁରୁ ଖାନିକ୍ ଦାମ୍ତିକାନ୍ ଖାଜା ଆସ୍ନାନ୍ ।

୬ ଏମେ ଲୋକ୍ତି କିଜିମାନି ପାଣି ଉଣ୍ଡିଇ ସୁଡ଼ଏନ୍ଶା ମାପୁରୁ ମାରି ଖାନିକ୍ ଦାମ୍ତିକାନ୍ ଖାଜା ଆସ୍ନାନ୍, ଖାନିକ୍ ପ୍ରସଂସା କିଜି ଦାଉଦ ଇର୍ହାମାନାନ୍;

୭ “ଆମାଖାନି ଦସ୍ କେମା ଆତାମାନାଡ଼, ଖାନ୍ ଦନ୍ୟ,

☆ ୩:୨୦ ଗାଲାତିୟ ୨:୧୭. ☆ ୩:୨୨ ଗାଲାତିୟ ୨:୧୭. ☆ ୩:୩୦ ଗାଲାତିୟ ୩:୨୦. ☆ ୪:୩ ଗାଲାତିୟ ୩:୭.

ଏନ୍ ପାପ୍ କେମା ପୟତାମାନାନ୍, ଖାନ୍ ଦନ୍ୟ ।
୮ ମାପୁରୁ ଆମାଖାନି ପାପ୍ ଲେକିସ୍ କିଏନ୍, ଖାନ୍ ଦନ୍ୟ !”

୯ ଇବେ ଦାଉଦ ଏମେଖାରିଙ୍ଗ୍ ଆସ୍ ବାଦ୍ତିକାର୍ ଇଜି ଇଜିନାନ୍, ଖାର୍ ଇନିକା କେବଲ୍ ସୁନ୍ନତ ଲୋକୁ ମାର୍ହାର୍ ?
ସିଲେ, ଅସୁନ୍ନତ ଲୋକୁ ବା ଆସ୍ ବାଦ୍ତି ଲୋକୁ ଆଦେଙ୍ଗ୍ ଆଟ୍ନାର୍ । ମାଡ୍ ଇଜିନିକା ଅବ୍ରାହାମ ବିସ୍ବାସ୍ ତାନ୍
ଦାମ୍ବୁତିକାନ୍ ଇଜି ଖେଙ୍ଗ୍ ତାନ୍,

୧୦ ଇକା ଆମା ଖେଡାବୁ ଗଟାତାମାର୍ହାର୍ ? ଅବ୍ରାହାମ ସୁନ୍ନତ ଆନି ଖେନ୍କା ନୋ, ତାନି ଆଗ୍ଡିରାନ୍ ? ଖେନ୍କା ସିଲେ
।

୧୧ ସୁନ୍ନତ ଆନି ଆଗ୍ଡିରାନ୍ ଅବ୍ରାହାମ୍ତି ବିସ୍ବାସ୍ ଉଣ୍ଡିଙ୍ଗ୍ ମାପୁରୁ ଖାନିଙ୍ଗ୍ ଦାମ୍ବୁତିକାନ୍ ଖାଜା ଆସତାମାର୍ହାର୍ । ଇକା
ଖେରତେଙ୍ଗ୍ ଇଜି ଉନ୍ଣି, ସିନା ଖାଜା ଅବ୍ରାହାମ ଇୟା ସୁନ୍ନତ ବିଦି ମାନାତାମାର୍ହାର୍ । ମାରି, ଏମେକାର୍ ସୁନ୍ନତ
ଆଏନ୍ଣା ବା ମାପୁରୁ ମାଣାନ୍ ଦାମ୍ବୁତିକାର୍ ଇଜି ଆତାମାନାର୍, ଆମ୍ବିକ୍ ଇସାବ୍ତାନ୍ ଅବ୍ରାହାମ ଖାରି ବୁବାସି ।

୧୨ ବୁବା ଅବ୍ରାହାମ ସୁନ୍ନତ ଆନି ଆଗ୍ଡିରାନ୍ ଏମେ ବିସ୍ବାସ୍ତାନ୍ ଜିଜି ମାର୍ହାର୍, ଜଦି ସୁନ୍ନତ ଆଇ ମାନି ଲୋକୁ ନିଜେ
ଜିବନ୍ତୁ ଆୟାଖାଜା ବିସ୍ବାସ୍ ତରତେଙ୍ଗ୍ ଆଟ୍ନାର୍, ଅବ୍ରାହାମ ଖାରି ବୁବାସି ।

ବିସ୍ବାସ୍ରିଙ୍ଗ୍ ମାପୁରୁଦି ପାର୍ମାଣ୍

୧୩ *ଅବ୍ରାହାମ ନିୟମ୍ ମାନାନି ମାନି ଉଣ୍ଡିଙ୍ଗ୍ ସିଲେ । କେବଲ୍ ଖାନି ବିସ୍ବାସ୍ ଉଣ୍ଡିଙ୍ଗ୍ ମାପୁରୁଦି ମାଣାନ୍ ଦାମ୍ବୁତିକାନ୍
ଖାଜା ଖେଙ୍ଗ୍ ତାମାର୍ହାର୍ ମାରି ଆୟା ଉଣ୍ଡିଙ୍ଗ୍ ଖାନ୍ ଖାନି କୁଟୁମ୍ତିକାର୍ ଦୁନିଆଦି ଅଦିକାରି ଆନାର୍ ଇଜି ମାପୁରୁ
ପାର୍ମାଣ୍ କିତାମାର୍ହାର୍ ।

୧୪ *ଏମେକାର୍ ନିୟମ୍ ମାନାନାର୍, କେବଲ୍ ଖାର୍ ଜଦି ମାପୁରୁଦି ଦାନ୍ ପୟନାର୍, ଆରଡିଙ୍ଗ୍ ଲୋକା ବିସ୍ବାସ୍
ଆରଏ, ମାପୁରୁଦି ପାର୍ମାଣ୍ତିକା ବା ଇନି ଲାବ୍ ସିଲେଡ୍ ।

୧୫ ନିୟମ୍ ମାନାଇ ଲୋକୁ ମାପୁରୁଦି ରିସାଦିକାର୍ ଆନାର୍ । ମାତର୍ ଏମେମାନୁ ନିୟମ୍ ସିଲେଡ୍, ଆବେ ନିୟମ୍
ମାନାଇ ମାଟା ନିଙ୍ଗ୍ ଏ ଜିନାଡ୍ ।

୧୬ *ଆଦେଙ୍ଗ୍ ମାପୁରୁଦି ପାର୍ମାଣ୍ ବିସ୍ବାସ୍ ମୁସକୁ ମାନାଡ୍ । ଏମେକାର୍ ନିୟମ୍ ମାନାନାର୍, କେବଲ୍ ଖାରି ଉଣ୍ଡିଙ୍ଗ୍
ମାପୁରୁଦି ପାର୍ମାଣ୍ ରାସାଏଡ୍ ! ଅବ୍ରାହାମ୍ତି ଖାଜା ବିସ୍ବାସ୍ କିଜିମାନି ଖିଜେରି ଉଣ୍ଡିଙ୍ଗ୍ ଆକା ନେଟିକା, ଇରିଙ୍ଗ୍
ଅବ୍ରାହାମ ଖାରି ଆମ୍ବିକ୍ ବୁବାସି ।

୧୭ ଇୟା ବିସ୍ଯତାନ୍ ସାସ୍ତ୍ରୁ ରାସାତାମାନାଡ୍, “ନିଙ୍ଗ୍ ମାପୁ ନାଣ୍ଡ ଜାତିଦି ବୁବାସି କିତାମାନାପ୍ ।” ମାପୁରୁଦି ଆଗ୍ଡି
ଇୟା ପାର୍ମାଣ୍ ଟିକ୍ ମାର୍ହାର୍, ଇରିଙ୍ଗ୍ ଏମେ ମାପୁରୁଙ୍ଗ୍ ଅବ୍ରାହାମ ବିସ୍ବାସ୍ କିଜିମାର୍ହାର୍, ଖାନି ବାକ୍ୟ ସାତିତାନିଙ୍ଗ୍
ଜିପିସକିନାଡ୍ ମାରି ଖାରିମାଣାନ୍ ଖିଜୁ ବିସ୍ଯ ତିଆର୍ କିନାଡ୍ ।

୧୮ ଆସା କିଦେଙ୍ଗ୍ ଇଜି ଇନି ମାଟା ସିଲେଡିଙ୍ଗ୍ ବା ଅବ୍ରାହାମ ବିସ୍ବାସ୍ କିଜି ଆସା କିଜି ଇଟ୍ତାନ୍ । ଆଦେଙ୍ଗ୍ ଖାନ୍
ନାଣ୍ଡ ଜାତିଦି ବୁବା ଆତାନ୍, ଇରିଙ୍ଗ୍ ସାସ୍ତ୍ର ଇସାବ୍ତାନ୍ ଖାନିଙ୍ଗ୍ ପାର୍ମାଣ୍ ପୁଟ୍ତାମାର୍ହାର୍, “ନି କୁଟୁମ୍ତିକାର୍ ବାଦ୍ଡି
ସୁକେଙ୍ଗ୍ ଖାଜା ନାଣ୍ଡଆଦେଙ୍ଗ୍ ଆଟ୍ନାର୍ ।”

୧୯ ଖାନିଙ୍ଗ୍ ନାସ୍ତିଖାଲେ ସହେ ବାରସେକ୍ ଆତାମାର୍ହାର୍ । ମାତର୍ ଖାନି ସାତିଖାଜା ମେନ୍ଦଲ୍ଡି ମାଟା ଅଡ୍ବିଜି, ମାରି
ସାରା ଜେ କଡ୍ ଜନମ୍ କିଦେଙ୍ଗ୍ ଉପାୟ୍ ସିଲେତାଡ୍, ଇୟା ମାଟା ନେସସି, ତାନିକ୍ ବିସ୍ବାସ୍ ଆଏଡ୍ମାର୍ହାର୍ ।

୨୦ ଖାନ୍ ଖାନି ବିସ୍ବାସ୍ତାନ୍ ଖେରଏ ଆଏତାନ୍, ନ ମାପୁରୁଦି ପାର୍ମାଣ୍ଡିଙ୍ଗ୍ ଅଡ୍ବିଏତାନ୍ । ବିସ୍ବାସ୍ ଖାନିଙ୍ଗ୍
ବପୁଦାନ୍ ପୁରା କିତାଡ୍ ମାରି ଖାନ୍ ମାପୁରୁଦି ପ୍ରସଂସା ପାଟା କିତାନ୍ ।

୨୧ ମାପୁରୁ ଏମେ ପାର୍ମାଣ୍ କିତାମାର୍ହାର୍, ଖାନ୍ ଆକା ମାନାନାନ୍ ଇଜି ଖାନି ଆଟ୍‌ଖା ବିସ୍ବାସ୍ ମାର୍ହାର୍ ।

୨୨ ଆୟା ଉଣ୍ଡିଙ୍ଗ୍ ଖାନି ବିସ୍ବାସ୍ ଉଣ୍ଡିଙ୍ଗ୍ ଅବ୍ରାହାମ ମାପୁରୁଦି ମାଣାନ୍ ଦାମ୍ବୁତିକାନ୍ ଇଜି ଖେଙ୍ଗ୍ ତା ମାର୍ହାର୍ ।

୨୩ “ଦାମ୍ବୁତିକାନ୍ ଖାଜା ଆନିକା” ସାସ୍ତ୍ର ମାଟା କେବଲ୍ ଅବ୍ରାହାମ୍ତି ଉଣ୍ଡିଙ୍ଗ୍ ଜେ ଦର୍କାର୍, ଆକା ସିଲେ ।

୨୪ ଇରିଙ୍ଗ୍ ମାଡ୍ ବା ମାପୁରୁମାନୁ ବିସ୍ବାସ୍ କିନି ମାଣାନ୍ ଦାମ୍ବୁତିକାର୍ ଖାଜା ଖେଙ୍ଗ୍ ନିକା । ମାପୁରୁ ପ୍ରବୁ ଜିସୁଙ୍ଗ୍
ସାତିମାଣାନ୍ ନିକ୍ତାମାନାନ୍ ।

୨୫ ଆୟା ପ୍ରବୁ ଜିସୁ ମା ପାପ୍ତି ଉଦାର୍ କିନି ଉଣ୍ଡିଙ୍ଗ୍ ଖାନ୍ ସାତାମାର୍ହାର୍ ମାରି ମାପୁରୁଦି ଲାକ୍ତୁ ମାଙ୍ଗ୍ ଦାମ୍ବୁତିକାର୍
କିବିସ୍ କିନି ଉଣ୍ଡିଙ୍ଗ୍ ମାରିଡେସି ନିଙ୍ଗ୍ ତାମାନାନ୍ ।



ମାପୁରୁଦି ଖାଲେ ମିସାନିକା

☆ ୪:୧୩ ଗାଲାତିୟ ୩:୨୯. ☆ ୪:୧୪ ଗାଲାତିୟ ୩:୧୮. ☆ ୪:୧୭ ଗାଲାତିୟ ୩:୭.

୧୧ ଇଲେଇ ବିସ୍ବାସତାନ୍ ମାତ୍ ମାପୁରୁଦି ଆଗ୍ଡି ଦାମ୍ଭୁଦିକାର୍ ଆତିମାନିକା ମାରି ପ୍ରବୁ ଜିସୁ କ୍ରିସ୍ତଦି ଉଣ୍ଡିଙ୍ ମାପୁରୁଦି
ଖାଲେ ମା ସାନ୍ତି ପୋଇତିମାନିକା ।

୧୨ ଆୟା ଜିସୁ ମା ବିସ୍ବାସ ଉଣ୍ଡିଙ୍ ଇଲେଇ ମା ଜିବନ୍ତୁ ମାପୁରୁଦି ଦୟାଦୁ ମାନାତ୍ । ଆଦେଙ୍ ମାପୁରୁଦି ଗୌରବ୍ତୁ
ମିସାଦେଙ୍ ଆସା ମାଙ୍ ଖେଡିକାଦାନ୍ ଇଟାମାନାତ୍ ।

୧୩ ଓଁକୁ ରକମ୍ତି ଦୁକ୍ କାସ୍ତୁ ବା ମାତ୍ ଖେଡିକା କିଜିନିକା, ଇରିଙ୍ ତରବର୍ ଆଏଣ୍ଟା କାସ୍ ବଗାନି ମାଣାନ୍ ମନ୍ତୁ ସାସ୍
ଖାନାତ୍ ।

୧୪ ସାସ୍ତାନ୍ ବପୁଦି ଗୁଣ ମାରି ବପୁଦି ନେଗି ଗୁଣତାନ୍ ଆସା ଖାନାତ୍ ।

୧୫ ଆସା ମାଙ୍ ନିରାସ୍ ଆଦେଙ୍ ସିଏଡ୍, ଇରିଙ୍ ମାପୁରୁ ମାଙ୍ ପବିତ୍ର ଆମ୍ ସିଜି ମା ଜିବନ୍ତୁ ଖାନି
ଜିବନ୍ନୋନିକା ବଡ଼ କିତା ସିତାମାନାନ୍ ।

୧୬ ମାତ୍ ନିରାସ୍ ମାରୁଇଖାଲେ ମାପୁରୁଦି ତିଆରକିତି ସମୟତୁ କ୍ରିସ୍ତ ପାପି ଲୋକା ଉଣ୍ଡିଙ୍ ସାତାନ୍ ।

୧୭ ଦାମ୍ଭୁଲୋକା ଉଣ୍ଡିଙ୍ ଆଇକାନ୍ ଏନ୍ ନିଜେଦି ଜିବନ୍ ସିଦେଙ୍ ବଦା କିଏନ୍ । ଆନାତ୍ ଆମା ନେଗି ଲୋକା ଉଣ୍ଡିଙ୍
ସାଦେଙ୍ ତିଆର୍ ଆନାନ୍ ।

୧୮ ମାତର୍ ମାତ୍ ପାପି ମାରିଇଖାଲେ କ୍ରିସ୍ତ ମା ଉଣ୍ଡିଙ୍ ନିଜେଦି ଜିବନ୍ ସିତାନ୍ । ତେନେ ମାଣାନ୍ ମାପୁରୁ ମାଙ୍ ଏସା
ଜିବନ୍ନୋନାନ୍, ଆକା ଖାନ୍ ତରତାମାନାନ୍ ।

୧୯ କ୍ରିସ୍ତଦି ଜିବନ୍ ସିନିମାଣାନ୍ ମାପୁରୁ ମାଙ୍ ଦାମ୍ଭୁଦିକାର୍ ଖାଜା ଆସ୍ତାମାନାନ୍ । ଆତିଙ୍ ମାପୁରୁଦି ରିସାଦାନ୍
ମାଙ୍ ରକିୟା କିଦେଙ୍ କ୍ରିସ୍ତ ଏସା ନାଣ୍ଟ ମନ୍ସିନିକାନ୍ ଆଏନ୍ ।

୨୦ ମାତ୍ ମାପୁରୁଦି ସାତୁ ମାରି ଖାଲେ ଖାନି ମାରିସି ମା ଉଣ୍ଡିଙ୍ ଜିବନ୍ ସିତାନ୍, ତାନି ମାଣାନ୍ ମାପୁରୁଦି ଖାଲେ ମା
ମିସାନିକା ଆତାତ୍ । ମାପୁରୁଦି ଖାଲେ ମିସାତି ଖେନ୍କା ଇଲେଇ କ୍ରିସ୍ତଦି ଜିବନ୍ତାନ୍ ରକିୟା ପୟଦେଙ୍ ଇଜି ମାତ୍
ଏସା ନାଣ୍ଟ ସୁଜୋଗ ପୟଇକା ?

୨୧ କେବଲ ଆକାନେ ସିଲେ, ପ୍ରବୁ ଜିସୁ କ୍ରିସ୍ତଦି ମାଣାନ୍ ମାପୁରୁ ଏମେ ଓଁକୁ ପାଣି କିତାମାନାନ୍, ଆୟାଉଣ୍ଡିଙ୍ ମା
ଜିବନ୍ ଖେଡିକାଦି ପୁରା ଆତାମାନାତ୍ । ଆୟା ଜିସୁ ମାପୁରୁଦି ଖାଲେ ମା ମିସାନିକା କିତାମାନାନ୍ ।

ଆଦମ ନି କ୍ରିସ୍ତ

୨୨ ଏସ୍ତ୍ରୁଖାଲେ ଅରେନ୍ଖାନି ମାଣାନ୍ ଦୁନିଆଦୁ ପାପ୍ ଖାତାତ୍ ମାରି ପାପ୍ତାନ୍ ସାନିକା ଖାତାତ୍ । ଓଁଜେରେ ପାପ୍
କିତାରୁଆକା ସାନିକା ଓଁକୁ ଲୋକା ଜାତିଦିଙ୍ ଖାତାତ୍ ।

୨୩ ନିୟମ୍ ସିନି ଆଗ୍ଡିରାନ୍ ଦୁନିଆଦୁ ପାପ୍ ମାହାତ୍; ମାତର୍ ନିୟମ୍ ସିଲି ଖାଲେ ପାପ୍ତି ଇସାବ୍ ଆଏଜି ମାହାତ୍ ।

୨୪ ଆଦମ୍ତି ଖେଡାଦାନ୍ ମୋସାଦି ଖେଡା ସାନ୍ ଏନ୍ ଆଦମ୍ତି ଖାଜା ମାଟା ମାନାଏଜି ପାପ୍ କିଏତି ମାରିଙ୍ ବା,
ଓଁଜେରେ ସାନି ଆଡ଼ଗି ମାହାତ୍ । ଆମାଖାନିଦି ଖାନିକା ମାହାତ୍, ଆଦମ ଖାନି ଉନ୍ଶ୍ଟି ନିଡିଗାଖାଜା;

୨୫ ମାତର୍ ଇୟା ରିଏରି ଲୋଇ ନାଣ୍ଟ ଖେର୍ଏ ମାନାତ୍ । ଆଦମ୍ତି ପାପ୍ ନି ମାପୁରୁଦି ଇସାବ୍ସିଲି ଦାନ୍ତି ବପୁ
ସାମାନ୍ ସିଲେ । ଅରେନ୍ ଲୋକ୍ତି ପାପ୍ ଉଣ୍ଡିଙ୍ ନାଣ୍ଟ ଲୋକ ସାତାତ୍ । ମାତର୍ ମାପୁରୁ ଖାନି ପେରି ଦୟାଦାନ୍, ମାରି
ଅରେନ୍ ଲୋକ୍, ପ୍ରବୁ ଜିସୁ କ୍ରିସ୍ତଦି ମାଣାନ୍ ଲୋକା ଉଣ୍ଡିଙ୍ ଏମେ ଦାନ୍ତି ନିୟମ୍ କିତାନ୍, ଆକା ନାଣ୍ଟ ବପୁ ।

୨୬ ଅରେନ୍ ଲୋକ୍ତି ପାପ୍ ଉଣ୍ଡିଙ୍ ଲୋକ୍ ବିତାର୍ତି ଆଗ୍ଡି ଆଜି ଦସି ଆତାତ୍; ମାତର୍ ଗାଦି ଲୋକା ନାଣ୍ଟ ପାପ୍
ଆତିଙ୍ଗା ମାରି କେମା ପୟଦେଙ୍ ଇଜି ଇନି ଜଗ୍ ସିଲିତିଙ୍ ବା, ମାପୁରୁ ଆୟା ଦାନ ଉଣ୍ଡିଙ୍, ଇଲେଇ ଲୋକ୍
ଦସ୍ସିଲିକାର୍ ଇଜି ଖେଙ୍ ଦେଙ୍ ଆଟନାନ୍ ।

୨୭ ମାରିବା ଅରେନ୍ ଲୋକ୍ତି ପାପ୍ ଉଣ୍ଡିଙ୍, ସାନି ସାସନ୍ କିନିକା ଖାତାତ୍; ମାତର୍ ମାରି ଅରେନ୍ ଅର୍ତାତ୍ ଜିସୁ କ୍ରିସ୍ତ
ଆମାକା କିତାମାନାନ୍, ଆକା ଏସା ପେରିକା । ଏମେ ଓଁଜେରେ ମାପୁରୁଦି ପେରି ଦୟାଦାନ୍ ଆର୍ଏନେ ମାପୁରୁଦି ଲାକ୍ତୁ
ଦାମ୍ଭୁଦିକାର୍ ଆନାତ୍, ଖାତ୍ କ୍ରିସ୍ତଦି ଖାଲେ ଜିଣାନି ଜିବନ୍ କାଟେକିନାତ୍ ।

୨୮ ଅରେନ୍ଖାନି ପାପ୍ ଏଣ୍ଟେସ୍ ଓଁକୁ ଲୋକା ଜାତିଦିଙ୍ ଦଣ୍ଟୁ କିତାତ୍, ଆୟାଖାଜା ଅରେନ୍ଖାନି ଦାମ୍ଭୁ ଓଁକୁ ଲୋକ୍ ଜାତି
ଉଣ୍ଡିଙ୍ ମୁକ୍ତାନିକା ନି ଜିବନ୍ତି ସାରି ତାତା ସିତାମାନାନ୍ ।

୨୯ ଅରେନ୍ଖାନି ଅମାନ୍ୟ ଉଣ୍ଡିଙ୍ ଏଣ୍ଟେସ୍ ଓଁଜେରେ ପାପି ଆତାତ୍, ଆୟାଖାଜା ଅରେନ୍ଖାନି ମାନାନି ଉଣ୍ଡିଙ୍
ଓଁଜେରେ ମାପୁରୁ ଆଗ୍ଡି ଦାମ୍ଭୁଦିକାର୍ ଆନାତ୍ ।

୩୦ ନିୟମ୍ତି ସାଲାନି ଉଣ୍ଡିଙ୍ ତାଗ୍ଗପାଣି ପିରିତାତ୍ । ମାତର୍ ପାପ୍ ପିର୍ନି ଦାପେ ଦାପେ ମାପୁରୁଦି ଦୟା ବା
ନାଣ୍ଟଦାନ୍ ନାଣ୍ଟ ଆତାତ୍ ।

୩୧ ପାପ୍ ଏଣ୍ଟେସ୍ ସାନି ମାଣାନ୍ ନିଜେଦି ସାସନ୍ କିଜିମାହାତ୍, ଆୟାଖାଜା ମାପୁରୁଦି ଦୟା ପ୍ରବୁ ଜିସୁ କ୍ରିସ୍ତଦି ଦୟାଦାନ୍
ମାଙ୍ ଦାମ୍ଭୁଦିକାର୍ ଲେକିସ୍ କିଜି ଏସ୍କାଙ୍ଓଇଜି ଜିବନ୍ ସିନାତ୍ ।



ପାପ ଉଣ୍ଡିଙ୍ଗ ସାନିକା; ମାତର କ୍ରିସ୍ତଦି ଖାଲେ ମିସାନି ମାଣୁକୁ ପୁନି ଜିବନ୍

- ୧ ଆରୁତିଙ୍ଗ ଇନିକା ଇନାଟ୍ ? ମାପୁରୁଦି ଦୟା ମାରି ନାଣୁ ଆନାଟ୍ ଇଜି ମାଡ଼ ଇନିକା ପାପୁଡୁ ଜିନା ମାଡ଼ିନାଟ୍ ?
- ୨ ଏସାଙ୍ଗ୍ ସିଲେ । ପାପ ଉଣ୍ଡିଙ୍ଗ ମାଡ଼ ସାତି ମାନିକା ଆବେ ମାରି ଜିନାଟ୍ ଏଣ୍ଡେସ୍ ?
- ୩ ମିର୍ ନେସ୍ନିଦେର୍, ତୁବନ୍ ଅନି ମାଣାନ୍ କ୍ରିସ୍ତ ଜିସୁଦି ଖାଲେ ମିସାଜି ମାଡ଼ ଖାନି ସାତି ମାନୁ ବା ମିସାତି ମାନିକା ।
- ୪ ତୁବନ୍ ଅନି ମାଣାନ୍ ମାଡ଼ ଖାନି ସାତି ମାନୁ ମିସାଜି ଖାନି ଖାଲେ ମୁସାତି ମାନିକା । କ୍ରିସ୍ତ ଏଣ୍ଡେସ୍ ବୁବାଦି ଗୌରବ୍ଦି ସାକ୍ତି ଦାନ ମାରିଡେସିଜିବନ୍ ଆଜି ନିଙ୍ଗ୍ ତାନ, ମାଡ଼ ବା ଖାନି ଉଣ୍ଡିଙ୍ଗ ପୁନିଖାଜା ଜିଦେଙ୍ଗ୍ ଆଟ୍ନିକା ।
- ୫ ଏଣ୍ଡେସ୍ ଇରିଙ୍ଗ୍ ମାଡ଼ ସାନି ମାନୁ ମିସାଜି ଖାନି ଖାଲେ ଉନ୍ତେ ଆତିମାନିକା, ଖାନି ମାରିଡେସି ନିଙ୍ଗ୍ ମାନୁ ବା ଖାନି ଖାଲେ ଉନ୍ତେ ଆଜି ପୁନି ଜିବନ୍ ପୟନିକା ।
- ୬ ମାଡ଼ ନେସ୍ନିକା, ଜେ କ୍ରିସ୍ତଦି ଖାଲେ କ୍ରିସ୍ତ ମୁସ୍ତୁ ମା ପାଡ଼ଇ ମେନ୍ଦଲ୍ଡି ମୁଡ଼ି ସାତାମାନାଟ୍ । ଆବେଣାନ୍ ମା ପାପ ଗୁଣ୍ ନାସ୍ତୁ ଆତାମାନାଟ୍ ମାରି ମାଡ଼ ପାପତି ଦାସ୍ତାନ ଡିସାୟ ଆତିମାନିକା,
- ୭ ଇରିଙ୍ଗ୍ ଲୋକୁ ସାତିସରିଙ୍ଗ୍, ପାପ ଗାଟିଦାନ ରକିୟା ପୟନାନ୍ ।
- ୮ ମାଡ଼ ଜିସୁଦି ଖାଲେ ସାତିମାନିକାଆକା, ଖାନି ଖାଲେ ବା ଜିନିକା ଇଜି ବିସ୍ବାସ୍ କିଜିନିକା ।
- ୯ ମାଡ଼ ନେସ୍ନିକା, କ୍ରିସ୍ତ ସାତିମାଣାନ୍ ନିଙ୍ଗ୍ ତାମାନାନ୍ ଆକା, ଖାନି ମାରି ଏସାଙ୍ଗ୍ ସାଏନ୍ । ଖାନି ମୁସ୍ତୁ ସାନିକା ମାରି ସାସନ୍ କିଏଡ଼ ।
- ୧୦ ଖାନି ଏମେନୁ ସାତାନ ଆବେଣାନ୍ ପାପତି ସାକ୍ତିଦାନ ଜିଣାତାମାନାନ୍ । ଖାନି ଇଲେଇ ଆମା ଜିଜି ମାଡ଼ିଜିନାନ୍, ଆକା ମାପୁରୁଦି ଖାଲେ ମିସାତି ଜିବନ୍ ।
- ୧୧ ଆୟାଖାଜା ମିର୍ ବା ପାପ ଉଣ୍ଡିଙ୍ଗ ସାତି ମାନିଦେର୍ ଇଜି ଅଡ଼ବିତୁ । ମିର୍ ଇଲେଇ କ୍ରିସ୍ତ ଜିସୁଦି ମାଣାନ୍ ଜିବନ୍ତୁ ମାପୁରୁଦି ଖାଲେ ମିସାତି ମାନିଦେର୍ ।
- ୧୨ ଇୟା ମି ସାତି ମେନ୍ଦଲ୍ ମୁସ୍ତୁ ପାପ ମାରି ସାସନ୍ କିମାକିଡ଼; ମିର୍ ମାରି ଇନି ମେନ୍ଦଲ୍ଡି ଆସା ଆଡ଼ଗି ତେବାମାଟ୍ ।
- ୧୩ ମିର୍ ନିଜେଦିଙ୍ଗ୍ ଏମେ ଇସାବ୍ତାନ ପାପ ଲାକ୍ତୁ ସର୍ପେ କିଜି ତାଗ୍ଲ ପାଣି ଖାଜା ବ୍ୟବହାର୍ ଆମାଟ୍ । ମାଡ଼ର ସାନି ମାଣାନ୍ ରକିୟା ପୟଜି ଜିବନ୍ ପୟତିମାନି ଉଣ୍ଡିଙ୍ଗ୍ ମିର୍ ସଡ଼ପାଣି କିଦେଙ୍ଗ୍ ଇଜି ନିଜେ ନିଜେଦିଙ୍ଗ୍ ସାଜୁଦାନ ମାପୁରୁମାନୁ ସର୍ପେ କିତୁ ।
- ୧୪ ମାଡ଼ର ପାପ ମି ମୁସ୍ତୁ ସାସନ୍ କିମାପିଡ଼ । ମିର୍ ମାରି ନିୟମତି ଆଡ଼ଗି ସିଲିଦେର୍ । ମାଡ଼ର ମାପୁରୁଦି ଦୟାଦି ଆଡ଼ଗି ମାନିଦେର୍ ।

ଦାର୍ମୁଦି ଦାସ୍ତୁ

- ୧୫ ଆରୁତିଙ୍ଗ୍, ମାଡ଼ ନିୟମତି ଆଡ଼ଗି ତେବାଏଣ୍ଡା ମାପୁରୁଦି ଦୟା ପୟତିମାନିକା ଇଜି ଇନିକା ପାପ୍ କିଜିମାନାଟ୍ ? ଆକା ଏସାଙ୍ଗ୍ ସିଲେ ।
- ୧୬ ମିର୍ ପୁରା ନେସ୍ତିମାନିଦେର୍, ଜଦି ମିର୍ ଆମାଖାନି ଆଡ଼ଗି ମାନିକା ମାନାଜି ଖାନି ପୁରା ମାଟା ମାନାନିଦେର୍, ଆରୁତିଙ୍ଗ୍ ମିର୍ ଖାନି ଦାସ୍ । ଜଦି ପାପତି ଦାସ୍ ଆନିଦେର୍, ତେନି ଦଣ୍ଡ ଆନାଟ୍ ସାନିକା; ଜଦି ଦାର୍ମୁଦୁ ସାଲାନିଦେର୍, ଆରୁତିଙ୍ଗ୍ ଜିବନ୍ ପୟନିଦେର୍ ।
- ୧୭ ମାଡ଼ର ମାପୁରୁଙ୍ଗ୍ ଦିନ୍ୟବାଦ ସିଜିନା, ଜଦିବା ଅର୍ଲେନ୍ ମିର୍ ପାପତି ଦାସ୍ତୁ ମାହ୍ ଦେର୍, ମିର୍ ଇଲେଇ ସୁସମାଚାର୍ତାନ ଅଜାତିମାନି ସଡ଼ମାଟେଙ୍ଗ୍ ପୁରା ମୋନ୍ତାନ ମାନାଜିନିଦେର୍ ।
- ୧୮ ମିର୍ ପାପ୍ତାନ ମୁକ୍ତାଜି ଦାର୍ମୁଦି ଦାସ୍ତୁ ଆତିମାନିଦେର୍ ।
- ୧୯ ମି ସାକିସିଲି ଉଣ୍ଡିଙ୍ଗ୍, ଇୟାଖିଜୁ ମାଟା ! ନାନୁ ଲୋକୁ ଖାଜା ଖିଜୁଦିନ୍ ଖାରଗିନି ବାସାଦାନ ଖେରସିନା । ଅର୍ଲେନ୍ ମିର୍ ତାଗ୍ଲକା ନି ତାଗ୍ଲ ପାଣିଦୁ ନିଜେ ନିଜେଦିଙ୍ଗ୍ ମିସାକିଜି ଇଟ୍ତିମାହ୍ ଦେର୍ । ଆୟାଖାଜା ଇଲେଇ ପବିତ୍ର ଆଦେଙ୍ଗ୍ ଇଜି ଦାର୍ମୁଦି ଲାକ୍ତୁ ନିଜେଦିଙ୍ଗ୍ ପୁରାଦାନ ସିତୁ ।
- ୨୦ ମିର୍ ପାପତି ଦାସ୍ ମାରୁଇଖାଲେ, ଦାର୍ମୁଦାନ ଆକ ମାହ୍ ଦେର୍ ।
- ୨୧ ଇଲେଇ ମିଙ୍ଗ୍ ଏମେ ଖିଜୁ ପାଣି କିଦେଙ୍ଗ୍ ସେମାର୍ ଆଜିନାଟ୍, ନାସ୍ତିଖାଲେ ଆୟାଖିଜୁ କିଜିମାରୁଇଦେର୍ । ଆବେଣାନ୍ ଇନି ଲାବ୍ ପୟତିଦେର୍ ? ଆୟାଖିଜୁ ପାଣିଦି ଦଣ୍ଡ ସାନିକା ।
- ୨୨ ମାଡ଼ର ଇଲେଇ ମିର୍ ପାପ୍ତାନ ମୁକ୍ତାଜି ମାପୁରୁଦି ପବିତ୍ର ଦାସ୍ ଆତିମାନିଦେର୍ । ତେନି ଲାବ୍ ଆଜିନାଟ୍, ମାପୁରୁମାନୁ ପୁରାଦାନ ଜିବନ୍ ସର୍ପେ କିନିକା ମାରି ତେନି ପଲ୍ ଏସ୍କାଙ୍ଗ୍ ଖିଜିଜି ଜିବନ୍ ।
- ୨୩ ପାପତି ବାଦ୍ଲୁ ସାନିକା, ମାଡ଼ର ମାପୁରୁଦି ଦୟାଦି ଦାନ ଆଜିନାଟ୍, ପ୍ରଭୁ ଜିସୁ କ୍ରିସ୍ତଦି ଖାଲେ ମିସାନି ମାଣାନ୍ ଏସ୍କାଙ୍ଗ୍ ଖିଜିଜି ଜିବନ୍ ।



ପେଡ଼ିଦି କାତା

୧୪ ତତ୍ତ୍ୱାନୁକୁ ନି ତାଙ୍କୁ କି, ଇଲେଇ ଆମାକା ଇନ୍ତେଜ୍ ସଲ୍‌ସିନା, ମିର୍ ଆକା ବୁଜାଦେଜ୍ ଆର୍‌ନିଦେର୍, ଇରିଜ୍ ମିର୍ ନେସ୍‌ତିମାନିଦେର୍, ନିୟମ୍ ଇନିକା । ଲୋକୁ କେବଲ୍ ଖାନି ଜିନି ଖେଡ଼ାଦୁ ନିୟମ୍‌ତି ଆଡ଼ଗି ତେବାନାନ୍ ।

୧୫ କନ୍‌ଲି ଜିନିମାନି ସାହି ଖାନି ଆଡ଼ସି ଖାନି ଖାଲେ ପେଡ଼ିଆତିମାନୁ ତର୍‌ଆୟ୍ ଆନାମାନାଡ଼ । ମାତର୍ କନ୍‌ଲି ସାତିଜ୍, ଖାନି ଆଡ଼ସି ଇୟା ନିୟମ୍‌ତାନ୍ ମୁକ୍‌ଡ଼ାନାଡ଼ ।

୧୬ କନ୍‌ଲି ଜିତି ମାନିଖାଲେ; ଆଡ଼ସି ଜଦି ଆଇ ମେମାରି ଖାଲେ ତେବାନାଡ଼, ତାନିଜ୍ ଦାରିଣି ଇଜି ଇନାର୍; ମାତର୍ କନ୍‌ଲି ସାତି ଖେନ୍‌କା ଖାଦ୍ ମାରି ଅରେନ୍ ଖାନିଜ୍ ପେଡ଼ି ଆତିଜ୍, ଆକା ଦାରିପାଣି ଆଏଡ଼ ।

୧୭ ତତ୍ତ୍ୱାନୁକୁ ନି ତାଙ୍କୁ କି, ମିଦି ବା ଟିକ୍ ଆୟା ବାଦା । ମିର୍ ତୁବନ୍ ଅତି ମାଣାନ୍ କ୍ରିସ୍‌ତି ମେନ୍‌ଲ୍‌ତି ଖାଲେ ସାଜି, ଖାନି ମାରିଡେସିଜିବନ୍ ଆଜି ନିଜ୍‌ନିମାନୁ ବା ମିସାତିମାନିଦେର୍ ମାରି ଇଲେଇ ମିର୍ ମାପୁରୁଦି ନେଗି ସେବକ । ନିୟମ୍ ଉଣ୍ଡିଜ୍ ମିର୍ ସାତି ମାନିଦେର୍ ।

୧୮ ଆମା ଦିନ୍ ସାହି ମାଡ଼ ମେନ୍‌ଲ୍‌ତି ଆସାଦି ଆଡ଼ଗି ମାର୍‌କା, ନିୟମ୍‌ତି ମନାକିତି ମାଟା ମା ପାପ୍ ପାଣିଦୁ କେବଲ୍ ଏଗ୍ରିସ୍ କିବିସ୍ କିଜିମାର୍‌ହାଡ଼ ମାରି ମାଡ଼ ସାନି ସେବା ଉଣ୍ଡିଜ୍ ଟିକ୍ ମାର୍‌କକା ।

୧୯ ଇଲେଇ ମାଡ଼ ନିୟମ୍‌ତି ସାସନ୍‌ତାନ୍ ମୁକ୍‌ଡ଼ାତି ମାନିକା, ଇରିଜ୍ ଆମାକା ଅର୍‌ଲେନ୍ ମାଙ୍କୁ ତର୍‌ତା ଇଡ଼ତାମାର୍‌ହାଡ଼, ଆୟାଉଣ୍ଡିଜ୍ ମାଡ଼ ଇଲେଇ ସାତିମାନିକା । ମାଡ଼ ମାରି ଆଗ୍‌ଡ଼ିରି ଖାଜା ରାସାତି ନିୟମ୍‌ତି ସେବା କିଜିନିକା, ପବିତ୍ରଆମାଦି ପୁନି ସାରିଦୁ ଇଲେଇ ମାଡ଼ ବୁଲ୍‌ଜିନିକା ।

ନିୟମ୍ ନି ପାପ୍

୨୦ ଆର୍‌ଡିଜ୍ ଇନିକା ଇନାର୍, ନିୟମ୍ ନେ ପାପ୍ ? ଆକା ଏସାଜ୍ ସିଲେ । ମାତର୍ ପାପ୍ ଇନିକା, ଆକା ନାଙ୍କୁ ନିୟମ୍ ଖେରତାସିତାମାନାଡ଼ । “ଆଇଖାନି ଜିନିସ୍‌ତିଜ୍ ଆସାମାର୍,” ଇୟା ମାଟା ଜଦି ନିୟମ୍ ସିଏତାଡ଼ ମାହି, ଆସାନିକା ଇନିକା, ନାନୁ ନେସ୍‌ଏତା ମାହି ।

୨୧ ମାତର୍ ମୁସ୍‌କୁରି ମାଟାଦି ସୁଜୋଗ ଅସି ପାପ୍ ନା ମନ୍‌ତୁ ଓଜୁ ରକମ୍‌ତି ଲବ୍ ଜନମ୍‌କିତାଡ଼ । ନିୟମ୍‌ତିଜ୍ ଡିସ୍‌ତିଜ୍ ପାପ୍ ସାତି ସାମାନ୍ ।

୨୨ ଅର୍‌ଲେନ୍ ନିୟମ୍ ନେସ୍‌ଏଣ୍ଡା ନାନୁ ଜିତା ମାର୍‌ହା; ନିୟମ୍ ନେସ୍‌ତି ଖେନ୍‌କା ପାପ୍ ଖାତାଡ଼ ମାରି ନାନୁ ସାତା ।

୨୩ ଏମେ ନିୟମ୍ ଜିବନ୍ ସିଦେଜ୍ ଇଜି ଟିକ୍ ମାର୍‌ହାଡ଼, ଆକା ନା ସାନି ମାଟା ଆତାଡ଼ ।

୨୪ ମାତର୍ ନିୟମ୍‌ତି ସୁଜୋଗ ଅସି ପାପ୍ ନାଙ୍କୁ ଟକେ କିତାଡ଼ ମାରି ନାଙ୍କୁ ଡାକ୍‌ତାଡ଼ ।

୨୫ ନିୟମ୍ ପବିତ୍ର; ତାନି ମାଟେଜ୍ ଓଜୁ ପବିତ୍ର, ଟିକ୍ ମାରି ନେଗିକା ।

୨୬ ଆର୍‌ଡିଜ୍, ଆମାକା ନେଗିକା, ଆକା ଇନିକା ନା ସାନି ମାଟା ଆତାମାର୍‌ହାଡ଼ ? ଏସାଜ୍ ସିଲେ । ପାପ୍‌ନେ ଆକା କିତାଡ଼ । ନେଗି ନିୟମ୍‌ତିଜ୍ ବ୍ୟବହାର୍ କିଜି ପାପ୍ ନା ସାନିକା ଗଟାକିତାଡ଼ । ଆବେଣାନ୍ ପାପ୍‌ତି ସଡ଼ ରୁପ୍ ତରିତାଡ଼ । ଆଦେଜ୍ ନିୟମ୍ ପାପ୍‌ତି ନାଣ୍ଡ ବୟଙ୍କାରିତିକା ଜାଣାପଡ଼ାତାଡ଼ ।

ଲୋକ୍ ମନ୍‌ତୁ ଗାବରା

୨୭ ମାଡ଼ ନେସ୍‌ନିକା, ନିୟମ୍ ଆମ୍‌କି ମାଟା । ମାତର୍ ନା ସାତି ମେନ୍‌ଲ୍ ପାପ୍‌ତି ସାକର୍ ।

୨୮ ନାନୁ ଇନିକା କିନା, ଆକା ନାନୁ ବୁଜାଏ । ଆମାକା କିଦେଜ୍ ଇଜି ନାଙ୍କୁ ବଦା, ଆକା ନାନୁ କିଏ; ମାତର୍ ଆମାକା କାଡ଼ନା, ଆକାନେ କିନା ।

୨୯ ମାତର୍ ଆମାକା କିନା, ଆକା ସଡ଼ତାନ୍ ନା ବଦା ବିରୁଦ୍‌ତାନ୍ କିଜିମାନିଜ୍, ନିୟମ୍ ଟିକ୍ ଇଜି ନାନୁ ମାନାଜିନା ।

୩୦ ଆଦେଜ୍ ଆୟା ପାଣି ସଡ଼ତାନ୍ ନାନୁ କିଏ ନା ମୋନ୍ ଲୋଇ ମାନି ପାପ୍ ନେ ଆକା କିନାଡ଼ ।

୩୧ ନାନୁ ନେସ୍‌ନା, ନା ଲୋଇ ମାରି ନା ଲୋକ୍ ଗୁଣ୍ଡି ଇନି ନେଗିକା ସିଲେଡ଼, ଇରିଜ୍ ନେଗିପାଣି କିଦେଜ୍ ନା ବଦା ମାରିଜ୍ ବା ଆକା କିଦେଜ୍ ଆର୍‌ଏଜିନା ।

୩୨ ଆୟାଉଣ୍ଡିଜ୍ ଆମା ନେଗିପାଣି କିଦେଜ୍ ନା ବଦା, ଆକା କିଏଜିନା ବଦା ବିରୁଦ୍‌ତାନ୍ ଅସଡ଼ ପାଣି ନେ କିଜିମାନା ।

୩୩ ନା ବଦା ବିରୁଦ୍‌ତାନ୍ ଆମାକା କିନା, ସଡ଼ତାନ୍ ନାନୁ ଆକା କିଏ ନା ଲୋଇ ମାନି ପାପ୍ ନେ ଆକା କିନାଡ଼ ।

୩୪ ଇକା ନା ଲୋଇ ଉନ୍‌ଣ୍ଡି, ନେଗି ପାଣିକିନି ନିୟମ୍ ଇଜି ଅଡ଼ବିନା । ଆମାକା ସଡ଼, ଆକା ନାନୁ କିଦେଜ୍ ସନିଖାଲେ, କେବଲ୍ ସଡ଼ସିଲି ପାଣି କିନା ।

୩୫ ମାପୁରୁଦି ନିୟମ୍‌ତିଜ୍ ମାନାଦେଜ୍ ଇଜିନା ବଦା,

☆ ୭:୧୫ ଗାଲାତିୟ ୫:୧୭.

୨୩ ମାତର ନା ମନତୁ ଇୟା ବଦା ବିରୁଦ୍ଧତାନ୍ ନା ମେନ୍ଦଲ୍ଡିଙ୍ଗ୍ ଷାଲାକିଜିମାନି ନିୟମ୍ ଓଜୁଦିନ୍ ଜୁଦ୍ କିଜିମାନାଡ୍ । ନା ମେନ୍ଦଲ୍ଡୁ ପାଣି କିଜିମାନି ଆୟା ପାପ୍ ପାଣି ନାଙ୍ଗ୍ ତରତା ଇଟ୍ତାମାନାଡ୍ ।

୨୪ ଏସା ଝେଡ୍ଡିକାସିଲିକାନ୍ ନାନୁ ! ସାନି ସାରିଦୁ ରେଲ୍ଡି ଅସିମାନି ଇୟା ମେନ୍ଦଲ୍ଡି ପାଣିଦାନ୍ ନାଙ୍ଗ୍ ଏନ୍ ରକିୟା କିନାନ୍ ?

୨୫ ମାପୁରୁ ଧନ୍ୟ ଆପିନ୍, ପ୍ରବୁ ଜିସୁ କ୍ରିସ୍ତୁଦି ମାଣାନ୍ ଇକା ଝାନ୍ କିତାମାନାନ୍ । ଆରଡିଙ୍ଗ୍ ଇୟାକା ଆଜିନାଡ୍ ନା ଇନସ୍ତା । ମାପୁରୁଦି ନିୟମ୍ କେବଲ ନାନୁ ନା ମନତୁ ମାନାଦେଙ୍ଗ୍ ଆଟ୍ଟନା । ମାତର ନା ଲୋକ୍ ଗୁଣ୍ ନାଙ୍ଗ୍ ପାପ୍ତି ଦାସ୍ ଆଦେଙ୍ଗ୍ ଜାସେପେଲା କିଜିନାଡ୍ ।

୮

ଆମ୍ବାଦାନ୍ ଜିବନ୍

୧ ଏମେକାର୍ କ୍ରିସ୍ତୁ ଜିସୁଦି ଝାଲେ ମିସାଜି ଜିନାର୍, ଝାରିଙ୍ଗ୍ ମାରି ଦଣ୍ଡୁ ସିଲେଡ୍ ।

୨ ପବିତ୍ରଆମ୍ବା ଆମା ନିୟମ୍ତାନ୍ ମାଙ୍ଗ୍ କ୍ରିସ୍ତୁ ଜିସୁଦି ଝାଲେ ମିସା କିଜି ନିଜେଦି ଜିବନ୍ ସିତାମାନାନ୍, ଆବେଶାନ୍ ମାଡ୍ ପାପ୍ ନି ସାନି ନିୟମ୍ତାନ୍ ମୁକ୍ତାତି ମାନିକା ।

୩ ଇୟା ଲୋକା ଗୁଣ୍ ଓଜୁ ଲିଡ୍ଲାଡା ଉଣ୍ଡିଙ୍ଗ୍ ମାସା ସିତିମାନି ନିୟମ୍ ଆମାକା କିଦେଙ୍ଗ୍ ଆଟ୍ଟଏତାଡ୍, ମାପୁରୁ ଆକା କିତାମାନାନ୍ । ଲୋକା ଜିବନ୍ତୁ ପାପ୍ତିଙ୍ଗ୍ ନାସୁ କିଦେଙ୍ଗ୍ ଇଜି ଝାନ୍ ନିଜେଦି ମାରିସିଙ୍ଗ୍ ପାପି ଲୋକୁ ଝାଜା ପକ୍ତାନ୍ ମାରି କ୍ରିସ୍ତୁ ଜିସୁ ପାପ୍ତି ସାକ୍ତି ନାସୁ କିତାମାନାନ୍ ।

୪ ଆଦେଙ୍ଗ୍ ଇଲେଇ ମାଡ୍ ଲୋକ୍ ଗୁଣ୍ଡି ଆଡ୍ଡି ତେବାଏଜି ଆମ୍ବାଦି ମାଣାନ୍ ସାଲାଜିନିକା ମାରି ତେନି ମାଣାନ୍ ମାଡ୍ ନିୟମ୍ତି ଟିକ୍ ଦାବି ପୁରା କିଜିନିକା ।

୫ ଏମେକାର୍ ଲୋକ୍ ଗୁଣ୍ ଇସାବ୍ତାନ୍ ପାଣି କିଜିମାନାର୍, ଝାରି ମନ୍ ଆୟା ଗୁଣ୍ଡି ଆଡ୍ଡି ତେବାନାଡ୍ । ମାତର ଏମେକାର୍ ଆମ୍ବାଦି ମାଟା ଇସାବ୍ତାନ୍ ପାଣି କିନାର୍, ଝାରି ମନ୍ ଆମ୍ବାଦାନ୍ ସାଲାନାଡ୍ ।

୬ ଲୋକ୍ ଗୁଣ୍ଡି ଆଡ୍ଡି ତେବାତିଙ୍ଗ୍, ଦସ୍ ଆନାଡ୍ ସାନିକା; ଆମ୍ବାଦି ଆଡ୍ଡି ତେବାନି ମାଣାନ୍ ଜିବନ୍ ନି ସାକ୍ତି ପୁଟ୍ଟନାଡ୍ ।

୭ ନର୍ ଗୁଣ୍ଡି ଆଡ୍ଡି ତେବାନି ମାଣାନ୍ ଲୋକ୍ ମାପୁରୁଦି ସାଡୁ ଆନାନ୍; ଇରିଙ୍ଗ୍ ଝାନ୍ ମାପୁରୁଦି ନିୟମ୍ ମାନାଏନ୍ ଝାନ୍ ଆକା କିଦେଙ୍ଗ୍ ଆଟ୍ଟଏନ୍ ।

୮ ଏମେକାର୍ ନର୍ ଗୁଣ୍ ଇସାବ୍ତାନ୍ ପାଣି କିନାର୍, ଝାନ୍ ମାପୁରୁଙ୍ଗ୍ ଝେଡ୍ଡିକା କିଦେଙ୍ଗ୍ ଆଟ୍ଟଏର୍ ।

୯ ଜଦି ସଡ୍ତାନ୍ ମାପୁରୁଦି ପବିତ୍ରଆମ୍ବା ମିବାନ୍ ତେବାନାଡ୍, ମିର୍ ମାରି ନର୍ ଗୁଣ୍ ଇସାବ୍ତାନ୍ ଜିଇଦେର୍, ମାତର ଜିବନ୍ତୁ ଆମ୍ବାଦି ମାଟା ମାନାଜିନିଦେର୍ । କ୍ରିସ୍ତୁଦି ଆମ୍ବା ଆମାଝାନି ଲାକ୍ତୁ ସିଲେଡ୍, ଝାନ୍ ଏସାଙ୍ଗ୍ ବା ଝାନି ଲୋକ୍ ଆଦେଙ୍ଗ୍ ଆଟ୍ଟଏନ୍ ।

୧୦ ମାତର ଜଦି କ୍ରିସ୍ତୁ ମିବାନ୍ ବାସାଜି ମାନାନ୍, ମି ମେନ୍ଦଲ୍ ପାପ୍ତୁ ନାସୁ ଆଦେଙ୍ଗ୍ ସିଲ୍ସି ମାରିଙ୍ଗ୍ ବା, ଆମ୍ବା ମିଙ୍ଗ୍ ଜିବନ୍ ସିନାଡ୍, ଇରିଙ୍ଗ୍ ମାପୁରୁଦି ଲାକ୍ତୁ ମିର୍ ଦାମ୍ପୁତିକାର୍ ଆତିମାନିଦେର୍ ।

୧୧ ଜଦି ଜିସୁଙ୍ଗ୍ ସାତି ମାଣାନ୍ ନିକ୍ତିମାନି ମାପୁରୁଦି ଆମ୍ବା ମିବାନ୍ ମାନାଡ୍, ଆରଡିଙ୍ଗ୍ ଆୟା ଆମ୍ବାଦି ସାକାଦାନ୍ ମାପୁରୁ ମି ସାନି ମେନ୍ଦଲ୍ଡିଙ୍ଗ୍ ବା ଜିବନ୍ କିନାନ୍ ।

୧୨ ଆରଡିଙ୍ଗ୍ ଏ ତଡ୍ଡାନ୍କୁ ନି ତାଙ୍ଗ୍ କି, ମା ପାଣି ଆଜିନାଡ୍, ନର୍ ଗୁଣ୍ଡି ଇସାବ୍ତାନ୍ ଜିଦେଙ୍ଗ୍ କେଏଟ୍, ଇରିଙ୍ଗ୍ ଆକା କିଡିଙ୍ଗ୍ ମିର୍ ସାନିଦେର୍;

୧୩ ମାତର ଜଦି ଆମ୍ବାଦି ସାକାଦାନ୍ ନିଜେଦି ମେନ୍ଦଲ୍ଡି ପାପ୍ ପାଣିଦିଙ୍ଗ୍ ନାସୁ କିଜି ମାରି ପାପ୍ ପାଣି କିମାଟ୍, ଆଡିଙ୍ଗ୍ ମିର୍ ଜିନିଦେର୍ ।

୧୪ ଏମେକାର୍ ମାପୁରୁଦି ଆମ୍ବାଦାନ୍ ସାଲାଜିନାର୍, ଝାନ୍ ମାପୁରୁଦି କଡ୍ଡର୍ ।

୧୫ ଇରିଙ୍ଗ୍ ମାପୁରୁ ସିତି ଆୟା ଆମ୍ବା ମିଙ୍ଗ୍ ଦାସ୍ତିମାଣାନ୍ ମୁକ୍ତା କିତାମାନାନ୍, ମିର୍ ମାରି ତିଲାନିକା ଇନିକା ସିଲେଡ୍ । ମାତର ଆମ୍ବା ମିଙ୍ଗ୍ ମାପୁରୁଦି କଡ୍ଡର୍ ଆନି ସାରି ସିତାମାନାଡ୍ । ଝାନି ସାକ୍ତି ନେସ୍ସି ମାଡ୍ ଇଲେଇ ମାପୁରୁଙ୍ଗ୍ ବୁବା ଇଜି କୁକ୍ସିନିକା ।

୧୬ ମାପୁରୁଦି ଆମ୍ବା ମା ଲୋଇରି ଆମ୍ବାଦି ଝାଲେ ବଲୁ ମିସାକିଜି ମାଙ୍ଗ୍ ମାପୁରୁଦି କଡ୍ଡର୍ ଇଜି ଝେକ୍ସିନାଡ୍ ।

୧୭ ଏନ୍ଦାଈରିଙ୍ଗ୍ ମାଡ୍ ମାପୁରୁଦି କଡ୍ଡର୍, ଝାନି ଲୋକା ଉଣ୍ଡିଙ୍ଗ୍ ଟିକ୍ ଆସ୍ ବାଦ୍ତୁ ମାଡ୍ ମିସାନିକା । ମାରି କ୍ରିସ୍ତୁଦି ଉଣ୍ଡିଙ୍ଗ୍ ମାପୁରୁ ଆମାକା ଉଣ୍ଡା କିଜି ଇଟ୍ତାମାନାନ୍, ଆବେନ୍ ବା ମା ବାଗ୍ ମାନାଡ୍ । ଜଦି ମାଡ୍ ଜିସୁଦି ଦୁକ୍ବଗ୍ତି ବାଗ୍ ଆତିମାନିକା, ଆରଡିଙ୍ଗ୍ ଝାନି ଗୌରବ୍ତୁ ବା ମିସାନିକା ।

☆ ୮:୧୫ ଗାଲାତିୟ ୪:୫-୭. ☆ ୮:୧୫ ମାର୍କ ୧୪:୩୭; ଗାଲାତିୟ ୪:୭.

ଖାନିଦିନିତି ଜାୟ

୧୮ ଆମା ଗୌରବମୟିତ ଖାନିଦିନିତୁ ମାଡ଼ ମିସାନିକା, ଆୟା ଇସାବତାନ୍ ଇଲେଇ ଦୁକ୍‌ବଗ୍ ଇନିକା ସିଲେ । ଆୟା ଖେଡ଼ାଦୁ ମାପୁରୁ ଖାନି କଡ଼ରିଙ୍ଗ୍ ତରନାନ୍ ।

୧୯ ଓଁଜୁ ତିଆରୁ ଆତିମାନିକେଙ୍ଗ୍ ଓଁ ଖେଡ଼ିକାଦାନ୍ ଆୟା ମାପୁରୁଦି ଦିନିତିଙ୍ଗ୍ କାପକିଜି ତେବାତେମାନେ,

୨୦ ଇରିଙ୍ଗ୍ ଓଁ ତିଆରୁଆତିମାନି ମାପୁରୁଦି ମାଣାନ୍ ଆନାଦୁରିଆ ପୟିଜି ତାନି ବଦାଦାନ୍ ଖେରୁଏ ଆତାମାନାଡ଼ ।

ମାତର ତାନି ଆସା ମାନାଡ଼,

୨୧ ଅରଲେନ୍ ମାପୁରୁଦି କଡ଼ରି ଗୌରବଦି ମିସାଜି ଖାଦ୍ ବା ତାନି ନାସ୍ତୁ ଆନି ଅବସ୍ତାଦାନ୍ ମୁକ୍‌ଡ଼ାଦେଙ୍ଗ୍ ଓଁ ଆଟନାନ୍ ।

୨୨ ମାତର ଇୟାସାନ୍ ଓଁଜୁ ତିଆରୁ ଜନମ୍ ସିନି କାସ୍ତୁଦି ଓଁସାମ୍ ଖାଜା ନେସତେଙ୍ଗ୍ ଆଟସିନିକା ।

୨୩ *ମାଡ଼ ମାପୁରୁଦି ପାରତୁମ୍ ଦାନ୍ ଖାଜା ପବିତ୍ରଆମାଦିଙ୍ଗ୍ ଓଁ ପୟିତିମାନିକା; ଆତିଙ୍ଗ୍‌ବା ମାପୁରୁଦି ଇଲୁଦିଲୋକ୍ ଖାଜା ଆଜି ପୁରାଦାନ୍ ମେନ୍‌ଲିତି ମୁକ୍‌ଡ଼ାଦେଙ୍ଗ୍ ଓଁ ଇଜି ମାଡ଼ ବା କାପକିଜି ଜିବନ୍‌ତୁ ଆଡ଼ାବାଜିନାପ୍ ।

୨୪ ଇରିଙ୍ଗ୍ ଆସା ଇଡ଼ନି ମାଣାନ୍ ନେ ମାଡ଼ ରକିୟା ପୟିନିକା, ମାତର ଆମାକା ତରନାଡ଼, ଆୟା ଉଣ୍ଡିଙ୍ଗ୍ ଓଁ ଆସା ଇଡ଼ନିକା ସଡ଼ତାନ୍ ଆସା ସିଲେ । ଏନ୍ ଇନିକା ତରନି ବିସୟ ଓଁଜୁ ଉଣ୍ଡିଙ୍ଗ୍ ଓଁ ଆସା କିନାନ୍ ?

୨୫ ମାତର ମାଡ଼ ଜଦି ତରାୟିଆଇ ବିସୟ ଉଣ୍ଡିଙ୍ଗ୍ ଓଁ ଆସା କିନିକା, ଆରତିଙ୍ଗ୍ ଓଁ ମାଙ୍ଗ୍ ସାସ୍‌ତାନ୍ କାପକିଦେଙ୍ଗ୍ ପଡ଼ାନାଡ଼ ।

୨୬ ମାରି ମାଡ଼ ସାକିସିଲିକାର୍, ମାତର ପବିତ୍ରଆମା ମାଙ୍ଗ୍ ସାକା କିନାଡ଼, ଏଣ୍ଡେସ୍ ପାରତନା କିଦେଙ୍ଗ୍ ଆନାଡ଼, ଆକା ମାଡ଼ ନେସଇକା । ଆଦେଙ୍ଗ୍ ଓଁ ପବିତ୍ରଆମା ଖେରତେଙ୍ଗ୍‌ଆଟ୍‌ଇ ବାସାଦାନ୍ ମା ଉଣ୍ଡିଙ୍ଗ୍ ଓଁ ମାପୁରୁଙ୍ଗ୍ ଓଁ ମାଡ଼ିସ୍ କିନାଡ଼ ।

୨୭ ମାପୁରୁ ଆକା ବୁଜାନାନ୍, ଇରିଙ୍ଗ୍ ଓଁ ଖାନ୍ ମନ୍ ନେସନିକାନ୍ ମାରି ଆମା ମାପୁରୁଦି ବଦାଦାନ୍ ଖାନି ଲୋକା ଉଣ୍ଡିଙ୍ଗ୍ ଓଁ ମାଡ଼ିସ୍ କିଜିମାନାଡ଼ ।

୨୮ ଏମେକାର୍ ମାପୁରୁଦି ବଦାଦିଙ୍ଗ୍ ପୁରା କିଦେଙ୍ଗ୍ ଓଁ ଇଜି କୁକାତାମାନାର୍ ମାରି ମାପୁରୁଙ୍ଗ୍ ଓଁ ଜିବନ୍‌ନୋନାର୍, ଖାରି ଉଣ୍ଡିଙ୍ଗ୍ ଓଁଜୁ ବିସୟ ନେଗିକା ଆନାଡ଼ ମାପୁ ଇକା ନେସ୍ତାମାନାପ୍ ।

୨୯ ଏମେଖାରିଙ୍ଗ୍ ଓଁ ମାପୁରୁ ବାସେକିତାମାନାନ୍, ଖାରିଙ୍ଗ୍ ଓଁ ଖାନ୍ ମାରିସିଦି ବମାଖାଜା ଆଦେଙ୍ଗ୍ ଓଁ ଇଜି ଆଗ୍‌ଡ଼ିରାନ୍ ତିଆରୁ କିତାମାହାନ୍ । ଆତିଙ୍ଗ୍ ଓଁ, ମାପୁରୁଦି ମାରିସି ଖାରି ତଡ଼ାକାମାନୁ ପାରତୁମ୍‌ତିକାନ୍ ଆନାନ୍

୩୦ ଏମେକାର୍ ଇୟାଖାଜା ବାସେ ଆଜି କୁକାୟ ଆତାମାନାର୍, ଖାର୍ ମାପୁରୁଦି ଲାକ୍‌ତୁ ଦାମ୍‌ତୁତିକାର୍ ଖେଙ୍ଗ୍‌ଜି ଗୌରବତିକାର୍ ଆତାମାନାର୍ ।

ମାପୁରୁଦି ଜିବନ୍‌ନୋନିକା

୩୧ ଇୟାଓଁଜୁ ମାଣକୁ ମାରି ଇନିକା ଖେରନିକା ? ମାପୁରୁ ଜଦି ମା ତରିନ୍, ଏନ୍ ମା ବିରୁଦ୍ ଆଦେଙ୍ଗ୍ ଓଁ ଆଟନାନ୍ ?

୩୨ ମାପୁରୁ ଏସାଙ୍ଗ୍ ଓଁ ବା ମା ବିରୁଦ୍ ସିଲେ, ଇରିଙ୍ଗ୍ ଓଁ ଖାନ୍ ନିଜେଦି ମାରିସିଙ୍ଗ୍ ଓଁ ବା ରକିୟା କିଏନ୍‌ଶ୍ଟା ମା ଉଣ୍ଡିଙ୍ଗ୍ ଓଁ ଦାନ୍ କିତାମାନାନ୍ । ଆରତିଙ୍ଗ୍ ଓଁ, ଖାନ୍ ଇନିକା ମାଙ୍ଗ୍ ଓଁଜୁ ବିସୟଦାନ୍ କିଏନ୍ ନୋ ?

୩୩ ମାପୁରୁଦି ବାସେ ଆତି ଲୋକା ବିରୁଦ୍‌ତାନ୍ ଏନ୍ ଦସ୍ ସିଦେଙ୍ଗ୍ ଆଟନାନ୍ ? ଖାରିଙ୍ଗ୍ ଓଁ ଦସ୍‌ସିଲିକାର୍ ଇଜି ନିଜେ ମାପୁରୁ ଖେରତାମାନାନ୍ ।

୩୪ ଆରତିଙ୍ଗ୍ ଓଁ ଏନ୍ ଖାରିଙ୍ଗ୍ ଓଁ ମାରି ଦସି କିଦେଙ୍ଗ୍ ଆଟନାନ୍ ? କ୍ରିସ୍ତ ଜିସୁ ଆକା ଏସାଙ୍ଗ୍ କିଏନ୍, ଇରିଙ୍ଗ୍ ଓଁ ଖାନ୍ ସାତି ମାଣାନ୍ ନିଙ୍ଗ୍‌ଜି ମାପୁରୁଦି ଉଣ୍ଡେରି ତରିନ୍ ବାସ୍‌ତାମାନାନ୍ ଖାନ୍ ମା ଉଣ୍ଡିଙ୍ଗ୍ ପ୍ରାର୍ଥନା କିଜିନାନ୍ ।

୩୫ ଆରତିଙ୍ଗ୍ ଏନ୍ ମାଙ୍ଗ୍ କ୍ରିସ୍ତଦି ଜିବନ୍‌ନି ମାଣାନ୍ ଖେରୁଏ କିଦେଙ୍ଗ୍ ଓଁ ଆଟନାନ୍ ? ଦୁକ୍, କାସ୍ତୁ ତାଡ଼ନା ମାରି କାକୁତ୍, ଏରକି, ବିପଦ୍ ମାରି ସାନିକା, ଏନ୍ ଆକା କିଦେଙ୍ଗ୍ ଆଟ୍‌ଏନ୍ ।

୩୬ ଏଣ୍ଡେସ୍ ସାସ୍ତୁ ରାସାତାମାନାଡ଼,

“ମି ଉଣ୍ଡିଙ୍ଗ୍ ଓଁ ମାପ୍ ଓଁଜୁଦିନ୍ ସାନିକା ଖାଜା,

କାତାୟିଆଦେଙ୍ଗ୍ ଓଁ ସିଲ୍‌ସିମାନି ମେଣ୍ଡାଖାଜା ମାପ୍ ଖେଙ୍ଗିତାମାନାପ୍ ।”

୩୭ ଏନ୍ ମାଙ୍ଗ୍ ଜିବନ୍‌ନୋନାନ୍, ଖାନି ସାକାଦାନ୍ ମାପ୍ ଇୟାଓଁଜୁ ମୁସ୍‌କୁ ଜିଣାତାମାନାପ୍ ।

୩୮ ନାନ୍ତୁ ସଡ଼ତାନ୍ ନେସ୍‌ତାମାନା ଜେ ଖାନି ଜିବନ୍‌ନୋନି ମାଣାନ୍ ଏସାଙ୍ଗ୍ ଖେରୁଏ ଆଏଟ୍ । ସାନିକା ନୋ ଜିନିକା, ମୁସ୍‌କୁପୁରତି ଦୁଡ଼ ମାରି ମୁସ୍‌କୁପୁରତି ଇନି ପେରିକାଡ଼ ମାରି ସାଲି, ଇଲେଇ ମାରି ଖାନିଦିନ୍,

୩୯ ମୁସ୍‌କୁରିକା କି ଆଡ଼ଗିରି ଇନି ବିସୟ ଓଁଜୁ ତିଆରୁ ଆତିମାନୁ ଇୟାଖାଜା ଇନି ବିସୟ ସିଲେଡ଼, ଆମାକା ପ୍ରବୁ ଜିସୁ କ୍ରିସ୍ତ ମାଣାନ୍ ତରାତି ମାପୁରୁଦି ଆୟା ଜିବନ୍‌ତାନ୍ ମାଙ୍ଗ୍ ଖେରୁଏ କିଦେଙ୍ଗ୍ ଆଟ୍‌ଏନ୍ !



ମାପୁରୁ ନି ଖାନି ଲୋକା

* ୮:୨୩ ୨ କରିକ୍ତିୟ ୫:୨-୪.

- ୧ ନାନୁ ସତ୍ତ୍ୱ ଇଜିନା, କ୍ରିସ୍ତଦି ଆତାମାନାଆକା ନାନୁ ପବିତ୍ର ଆତ୍ମାଦିକ୍ ମିସ୍ ଖେରଏ ।
- ୨ ନାନୁ ଜେ ଏସା କାସ୍ତୁ ନି ନାଣ୍ଟ ଦୁକ୍ତୁ ନା ଜିବନ୍ ଆଡ଼ବାଜିନାଡ଼, ଇୟା ମାଟା ନାନୁ ସାଲ୍ଲାକି କିଜି ଇନ୍ଏ । ପବିତ୍ର ଆତ୍ମାଦାନ ସାଲ୍ଲାଜି ନା ଜିବନ୍ ତେନି ସାକି ।
- ୩ ନା ନିଜେଦି ଜିହୁଦି ଜାତିଦି ତଡ଼ାନକା ଉଣ୍ଡିକ୍ ନାନୁ ନିଜେ କ୍ରିସ୍ତଦି ମାଣାନ ଖେରଏ ଆଜି ମାପୁରୁଦି ମାଣାନ ଆନାଦୁରିଆ ଆନି ଉଣ୍ଡିକ୍ ନାନୁ ବଦା କିଜିନା ।
- ୪ ଇରିକ୍ ଖାରୁ ମାପୁରୁଦି ଲୋକ୍ । ମାପୁରୁ ଖାରିକ୍ ନିଜେଦି କଡ଼ରି ଖାଜା ଆସ୍ସି ଖାରି ଲାକ୍ତୁ ନିଜେଦି ମହିମା ତରତାମାହାନ; ଖାରି ଖାଲେ ମାଟା ଇଡ଼ଜି ଖାରିକ୍ ନିୟମ୍ ସିତାମାହାନ, ଖାର୍ ସତ୍ତ୍ୱତାନ ଉପାସନା କିନାର୍; ଖାର୍ ମାପୁରୁଦିମାଣାନ ମାଟେକ୍ ପୟତାମାନାର୍,
- ୫ ମା ଖେକ୍ ତି ଜିହୁଦି ତକ୍ରାଦାଦାରି ଖାର୍ କୁଟୁମ୍ତିକାର୍ ମାରି ଲୋକ୍ ଖାଜା କ୍ରିସ୍ତ ଆୟା କୁଟୁମ୍ତାନ ଜନମ୍ । ଆୟା ଓଜେରିକ୍ ସାସନକିନି ମାପୁରୁ ଜୁର୍ ଜୁର୍ ଦନ୍ୟ ଆପିନ୍ । ଆମେନ୍ ।
- ୬ ମାପୁରୁଦି ପାର୍ମାଣ୍ ଆରାତାମାନାଡ଼ ଇଜି ନାନୁ ଇନ୍ଏ, ଇରିକ୍ ଇସ୍ରାଏଲ୍ ଲୋକ୍ ଓଜେରେ ମାପୁରୁଦି ଲୋକ୍ ଆଏର୍,
- ୭ ମାରି ଅବ୍ରାହାମତି କୁଟୁମ୍ତିକାର୍ ଓଜେରେ ମାପୁରୁଦି କଡ଼ର୍ ସିଲେ । ମାପୁରୁ ଅବ୍ରାହାମତିକ୍ ଇର୍ହାମାହାନ, “ନି ଆମା କୁଟୁମ୍ତିରି ବିସୟତାନ ମାପ୍ ପାର୍ମାଣ୍ କିତାମାହାପ୍, ଖାର୍ ଇସ୍ରାଏଲ୍ ମାଣାନ ଜନମ୍ ଆନାର୍ ।”
- ୮ ତେନି ଅର୍ଥ ଆଜିନାଡ଼, ଲୋକ୍ ଆତିମାନିକ୍ ମାପୁରୁଦି କଡ଼ର୍ ଆଦେକ୍ ଆଟ୍ଏର୍ । ମାପୁରୁଦି ପାର୍ମାଣ୍ ଇସ୍ରାଏଲ୍ ଜନମ୍ ଆତିମାନି କଡ଼ର୍ ମାପୁରୁଦି ଆଗଡ଼ି ସତ୍ତ୍ୱତାନ କଡ଼ ଖାଜା ଖେକ୍ ନାର୍ ।
- ୯ ମାପୁରୁ ଇୟା ପାର୍ମାଣ୍ କିତାମାହାନ, “ଟିକ୍ ଇୟା କାଡ଼ାଦୁ ମାପ୍ ତେସି ଖାନାପ୍, ନାସ୍ତିଖାଲେ ସାରା କଡ଼ ପୟନା ମାନାଡ଼ ।”
- ୧୦ କେବଲ ଇୟାଖାଜା ସିଲେ । ରିବିକାଦି ରିଏର୍ କଡ଼ର୍ ଅରେନ୍ ବୁବା ଇସ୍ରାଏଲ୍ ମାଣାନ ଜନମ୍ ଆତାମାହାନର୍,
- ୧୧ ଏସ୍ତିଖାଲେ କଡ଼ର୍ ଜନମ୍ ଆଏର୍ ମାହାନର୍, ମାରି ନେଗିକା ନି ସେଇକା ଇନିକା କିଏର୍ ମାହାନର୍, ନାସ୍ତିଖାଲେ ପାଣି ଉଣ୍ଡିକ୍ ସିଲେ, ମାତର୍ କୁକ୍ତିମାନି ଖାନି ବଦା ଉଣ୍ଡିକ୍ ବାସେକିତି ଇସ୍ରାଏଲ୍ ମାପୁରୁଦି ଉଦେସ୍ ଏଣ୍ଡେସ୍ ତିର୍ ତେବାନାଡ଼,
- ୧୨ ଇୟାଉଣ୍ଡିକ୍ ଇୟା ମାଟା ଖାନିକ୍ ଇନାୟ୍ ଆତାମାହାନର୍, “ପେରି ତଡ଼ାନ ଇସ୍ତିଖାନିକ୍ ସେବା କିନାନ୍ ।”
- ୧୩ ଏଣ୍ଡେସ୍ ରାସାତାମାନାଡ଼, “ଜାକୁବକ୍ ମାପ୍ ଜିବନ୍ନୋତାପ୍, ମାତର୍ ଏସ୍ତୋକ୍ କାଡ଼ିତାପ୍ ।”
- ୧୪ ଆର୍ଡିକ୍ ମାଡ଼ ଇନିକା ଇନାଟ୍ ? ମାପୁରୁମାନୁ ଇନି ଅନ୍ୟାୟ୍ ମାନାଡ଼ ? ଆକା ଏସାକ୍ ବା ସିଲେ ।
- ୧୫ ଇରିକ୍ ଖାନ ମୋସାଦିକ୍ ଇର୍ହାମାହାନ, ଆମାଖାନି ମୁସ୍ତୁ ମା ଦୟା ମାନାଡ଼, ଖାନିକ୍ ମାପ୍ ଦୟା କିନାପ୍, ମାରି ଆମାଖାନି ମୁସ୍ତୁ ମା ଦୟା ମାନାଡ଼, ଖାନିକ୍ ମାପ୍ ଦୟା କିନାପ୍ ।
- ୧୬ ଆଦେକ୍ ଏନ୍ ବଦା କିନାନ୍ ମାରି ଏନ୍ ପାଣି କିନାନ୍, ଖାନି ମାଣାନ ଇକା ଆଏଡ଼, ମାତର୍ ମାପୁରୁଦି ଦୟାଦାନ ଆନାଡ଼ ।
- ୧୭ ଦାମ୍ନୁସାସ୍ତ୍ର ଇସ୍ରାଏଲ୍ ମାପୁରୁ ମିସ୍ତର୍ତି ରାଜେକ୍ ଇର୍ହାମାହାନ, “ନି ମାଣାନ ମା ସାକ୍ତି ତରତେକ୍ ଇଜି ମାରି ଓଜୁ ଦୁନିଆଦୁ ମା ମହିମା ତରତେକ୍ ଇଜି ମାପ୍ ନିକ୍ ରାଜା କିତାମାନାପ୍ ।”
- ୧୮ ଆଦେକ୍, ମାପୁରୁ ଆମାଖାନିକ୍ ବଦା କିନାନ୍, ଖାନିକ୍ ଦୟା କିନାନ୍, ମାରି ଆମାଖାନିକ୍ ବଦା କିନାନ୍, ଖାନିକ୍ ଆଟ୍ଏା ଲୋକ୍ କିନାନ୍ ।

ମାପୁରୁଦି ରିସା ନି ଦୟା

- ୧୯ ମି ଲୋକ୍ ଏନ୍ ନାକ୍ ଇନ୍ତେକ୍ ଆଟ୍ନାନ ? “ଆର୍ଡିକ୍ ମାପୁରୁ ଏନ୍ଏ ଏକ୍ ଦସି କିନାନ୍ ? ଏନ୍ ଇନିକା ମାପୁରୁଦି ବଦା ବିରୁଦ୍ତାନ ଇନିକା କିଦେକ୍ ଆଟ୍ନାନ ?”
- ୨୦ ମାତର୍ ବନ୍ଧୁ, ମାପୁରୁଦି ମାଟାଦୁ ତେସି ଖାର୍ଗିଦେକ୍ ନିନୁ ଏନ୍ ? “ନାକ୍ ଇୟାଖାଜା ଏନ୍ଏ ରସ୍ତି” ଇଜି ସାଟି କୁମାର୍ଡିକ୍ ଖେନ୍ବାଦେକ୍ ଆଟ୍ଏଡ଼ ।
- ୨୧ ସିକ୍ଲାଦିକ୍ ନିଜେ ବଦା ଇସ୍ରାଏଲ୍ ବ୍ୟବହାର୍ କିଜି ସାଟି ରସ୍ତିକେକ୍ ଇଜି କୁମାର୍ଡି ପୁରା ଅଦିକାର୍ ମାନାଡ଼ । ଇକା ସିକ୍ଲା ଗୁଡ଼ିଦାନ ଖାନ ରୁଣ୍ଡି ରକମ୍ତି ସାଟି ରସ୍ତିକେକ୍ ଆଟ୍ନାନ, ଉଣ୍ଡି ବିସେସ୍ ଦିନକାକ୍ ନି ମାରି ଉଣ୍ଡି ଇସ୍ତି ପାଣିଦୁ ବ୍ୟବହାର୍ ଆଦେକ୍ ଇଜି ।
- ୨୨ ମାପୁରୁ ବା ଟିକ୍ ଆୟାଖାଜା କିତାମାନାନ୍ । ଖାନ ବଦାକିଜିମାହାନ ଖାନି ରିସା ତରତେକ୍ ମାରି ବପୁ ତରତେକ୍ । ମାତର୍ ଏମେକାର୍ ଖାନି ରିସାଦି ଲୋକ୍ ଆଜି ନାସ୍ତୁ ଆନିକାମାହାନ, ଖାରି ଉଣ୍ଡିକ୍ ମାପୁରୁ ନାଣ୍ଟ ସାସ୍ତ୍ରାସ୍ସି ଦୟା କିତାନ ।

୨୩ ମାରି ଖାନ୍ ଖାନି ନାଶ୍ଟ ଗୌରବ୍ ତରତେଙ୍ଗ୍ ିଙ୍ଗି ମାଙ୍ଗ୍ ବିସେସ୍ ଦୟାଦି ଲୋକ୍ ଖାଜା ଆଗ୍ଡିରାନ୍ ବାସେକିତା ମାର୍ହାନ୍ ।

୨୪ ଆୟାଉଣ୍ଡିଙ୍ଗ୍ ତୋ ଖାନ୍ କେବଲ୍ ଜିହୁଦିଲୋକା ମାଣାନ୍ ସିଲେ, ମାତର୍ ଅଣଜିହୁଦି ମାଣାନ୍ ବା ମାଙ୍ଗ୍ କୁକ୍ତାମାନାନ୍ ।

୨୫ ଇୟା ବିସୟତାନ୍ ହୋସେୟ୍ ବଇଦୁ ମାପୁରୁ ଇର୍ହାମାନାନ୍ :

“ଏମେକାର୍ ମା ଲୋକୁ ସିଲେତାର୍;

ଝାରିଙ୍ଗ୍ ନିଜେଦି ଲୋକୁ ଖାଜା କୁକ୍ନାପ୍ ।

ଏମେ ଜାତିଦିଙ୍ଗ୍ ମାପ୍ ଜିବନ୍ନୋଏପ୍ ମାର୍ହାପ୍,

ଝାରିଙ୍ଗ୍ ମା ଲାଡ୍ଡିକାନ୍ ଇଜି କୁକ୍ନାପ୍ ।

୨୬ ଏମେ ବାଡିଦୁ ଝାରିଙ୍ଗ୍ ିର୍ହାମାର୍ହାପ୍, ‘ମିର୍ ମା ଲୋକୁ ଆଇଦେର୍,’

ଆବେ ଝାର୍ ଜିବନ୍ମାନି ମାପୁରୁଦି କଡର୍ ଇଜି ଦର୍ପୟନାର୍ ।”

୨୭ ମାରି ଇସ୍ରାଏଲ୍ ବିସୟତାନ୍ ଜିସାଇୟ୍ ଇର୍ହାମାନାନ୍, “ଜଦିବା ଇସ୍ରାଏଲ୍ଡିକାର୍ ସାମ୍ବୁର୍ଡି ବାଲି ଖାଜା ଆତିଙ୍ଗ୍ବା, ଝାରି ଲୋଇ ଉଣା ଏସ୍ ମାତର୍ ରକିୟା ପୟନାର୍ ।

୨୮ ଇରିଙ୍ଗ୍ ପୁରୁ ପୁରା ଦାପ୍ରେ ଦୁନିଆଦୁ ପୁରା ନ୍ୟାୟ୍ ବିଚାର୍ କିନାନ୍ ।”

୨୯ ଏଣ୍ଡେସ୍ ଜିସାଇୟ୍ ମାରି ବା ଇର୍ହାମାର୍ହାନ୍, “ପେରିମାପୁରୁ ପ୍ରବୁ ମା ଏସ୍ ଲୋକା କୁଡାଦିଝାରିଙ୍ଗ୍ ରକିୟା କିଏନ୍ ମାର୍ହାନ୍, ମା ଅବସ୍ତା ସଦମ୍ ଗମୋରାଦି ଲୋକାଝାଜା ଆତାଡ୍ମାହି ।”

ଇସ୍ରାଏଲ୍ ଉଣ୍ଡିଙ୍ଗ୍ ପାଉଲ୍ଡି ପାର୍ତନା

୩୦ ଆଦେଙ୍ଗ୍ ଅଣଜିହୁଦି ଲୋକା ବିସୟତାନ୍ ଇକା ଇନ୍ଡ୍ରେଙ୍ଗ୍ ଆର୍ନିକା, ଝାର୍ ଦାମ୍ବୁଡିକାର୍ ଆଦେଙ୍ଗ୍ ସେସ୍ଟୁ କିଏଜିମାର୍ହାନ୍, ମାତର୍ ଝାରି ବିସବାସ୍ ଉଣ୍ଡିଙ୍ଗ୍ ଦାମ୍ବୁଡିକାର୍ ଇଜି ଝେଙ୍ଗ୍ ତାମାନାର୍ ।

୩୧ ମାତର୍ ଇସ୍ରାଏଲ୍ ଦାମ୍ବୁଦି ଲୋକୁ ନିୟମ୍ତାନ୍ ଦାମ୍ବୁଡିକାର୍ ଆଦେଙ୍ଗ୍ ିଙ୍ଗି ସେସ୍ଟୁ କିଜି ଆରାତା ମାନାର୍ ।

୩୨ ଏହା ସିଲେ ? ଝାର୍ ନିଜେଦି ସେସ୍ଟୁଦି ମୁସ୍କୁ ଆସା କିଜିମାର୍ହାନ୍, ବିସବାସ୍ ମୁସ୍କୁ ସିଲେ । ଆୟାଉଣ୍ଡିଙ୍ଗ୍ ଝାର୍ ବାଦା ସିଜିମାନି କାଲୁଦୁ ତୁକାୟ୍ ଆଜି ତାକାତାର୍ ।

୩୩ ଏଣ୍ଡେସ୍ ସାସ୍ତୁ ରାସାତାମାନାଡ୍ :

“ସୁଡ୍ଡୁ, ନାନ୍ ସିୟୋନତୁ ଉନ୍ଶ୍ଟି କାଲୁ ମାରି ଉନ୍ଡ୍ରି ପେରିକାଲୁ ତିଆର୍ କିତାମାନାପ୍ ।

ଆବେନ୍ନୁ ତୁକାୟ୍ ଆଜି ଲୋକୁ ତାକାୟ୍ ଆନାର୍,

ମାତର୍ ଏନ୍ ଝାନିମାନ୍ ବିସବାସ୍ କିନାନ୍, ଝାନ୍ ନିରାସ୍ ଆଏନ୍ ।”

୧୦

୧ ନା ତଡାନ୍କୁ, ନି ତାଙ୍ଗିକ୍ ନିଜେ ଜାତିଦି ଲୋକୁ ରକିୟା ପାଏଆପିର୍, ଇକା ନା ଜିବନ୍ଡି ବଦା ମାରି ମାପୁରୁମାନ୍ ଇକା ନା ପାର୍ତନା ।

୨ ମାପୁରୁ ଉଣ୍ଡିଙ୍ଗ୍ ଝାରି ନାଶ୍ଟ ତିଲାନିକା ମାନାଡ୍, ମାତର୍ ଆୟା ମାନାନିକା ସଡ୍ ସାକିୟ୍ ମୁସ୍କୁ ସିଲେଡ୍ ।

୩ ଲୋକାଙ୍ଗ୍ ଦାମ୍ବୁଡିକାର୍ ଝାଜା ମାନାଦେଙ୍ଗ୍ ିଙ୍ଗି ମାପୁରୁ କିତି ଉପାୟ୍ ମାନାଏଜି ଝାର୍ ଦାମ୍ବୁଡିକାର୍ ଆଦେଙ୍ଗ୍ ନିଜେଦି ସାରିଦୁ ବୁଲ୍ଲାତାମାନାର୍ । ଆଦେଙ୍ଗ୍ ଝାର୍ ମାପୁରୁଦି ଆୟା ସାରି ଡିସ୍ତା ସିତାମାନାର୍ ।

୪ କ୍ରିସ୍ତନେ ନିୟମ୍ତ ସାରାସାରି, କେବଲ୍ ଝାନିମାନ୍ ବିସବାସ୍ କିନିମାଣାନ୍ ଲୋକ୍ ମାପୁରୁଦି ଲାକ୍ତୁ ଦାମ୍ବୁଡିକାର୍ ଆନାର୍ ।

ଓଜେରି ଉଣ୍ଡିଙ୍ଗ୍ ରକିୟା

୫ ଏମେକାର୍ ନିୟମ୍ ମାନାନି ମାଣାନ୍ ଦାମ୍ବୁଡିକାନ୍ ଆନି ବିସୟତାନ୍ ମୋସା ରାସ୍ତାମାନାନ୍ : “ଏମେକାର୍ ମାପୁରୁଦି ମାଟା ମାନାନାର୍, ଝାର୍ ଜିନାର୍ ।”

୬ ମାତର୍ ବିସବାସ୍ତାନ୍ ଦାମ୍ବୁଡିକାନ୍ ଇଜି ଝେଙ୍ଗ୍ଡି ବିସୟତାନ୍ ସାସ୍ତୁ ରାସାତାମାନାଡ୍, “ଏନ୍ ମୁସ୍କୁପୁରୁଡ୍ ସନାନ୍ ? କ୍ରିସ୍ତଙ୍ଗ୍ ରେପସି ତାନି ଉଣ୍ଡିଙ୍ଗ୍, ଇୟାଝାଜା ପ୍ରସ୍ତ କିନି ଦରକାର୍ ସିଲେଡ୍

୭ ମାରି ଏନ୍ ପାତାଲ୍ଡୁ ସନାନ୍ ? କ୍ରିସ୍ତଦିଙ୍ଗ୍ ମାରିଡେସି ଜିବନ୍କିଜି ତାନି ଉଣ୍ଡିଙ୍ଗ୍, ଇୟା ମାଟା ବା ମିର୍ ଝେନ୍ବାନିକା ଦରକାର୍ ସିଲେ ।”

୮ ଇରିଙ୍ଗ୍ ସାସ୍ତୁ ଇସାବ୍ତାନ୍, “ମାପୁରୁଦି କାବୁର୍ ମି ଲାକ୍ତୁ, ମି ଝେୟୁଦୁ ନି ଜିବନ୍ତୁ ମାନାଡ୍ ।” ବିସବାସ୍ ବିସୟତାନ୍ ଇୟା କାବୁର୍ ନେ ମାପ୍ ପ୍ରଚାର୍ କିଜିନାପ୍ ।

୯ ଜଦି ଜିସୁଙ୍କୁ ପ୍ରବୁ ଇଜି ଖେୟୁଦୁ ମାନାନିଦେର୍ ମାରି ମାପୁରୁ ଖାନିଙ୍ ଶାତିମାଣାନ ନିକ୍ତାମାନାନ ଇଜି ଜିବନ୍ତୁ ବିସ୍ବାସ୍ କିନିଦେର୍, ଆର୍ଡିଙ୍ , ମିର୍ ରକିୟା ପୟନିଦେର୍ ।

୧୦ ମାତର ବିସ୍ବାସ୍ତାନ ମାଡ୍ ମାପୁରୁଦି ଲାକ୍ତୁ ଦାମ୍ଭିକାର ଇଜି ଖେଙ୍ ଡେଙ୍ ଥାଟ୍ନିକା ମାରି ଖେୟୁଦୁ ମାନାନି ମାଣାନ ମାଡ୍ ରକିୟା ପୟଦେଙ୍ ଥାଟ୍ନିକା ।

୧୧ ଦାମ୍ଭିସାସ୍ତ୍ର ଇନାଡ୍, “ଏମେକାର ଖାନିମାନୁ ବିସ୍ବାସ୍ କିନାର, ଖାର ନିରାସ୍ ଆଏର୍ ।”

୧୨ ଇରିଙ୍ ଜିହୁଦିଲୋକୁ ନି ଅଣଜିହୁଦି ଲୋକା ଲୋଇ ଇନିକା ଖେର୍ଏ ସିଲେଡ୍; ଆଦେଙ୍ ଓଁଜେରି ଅରେନ୍ ପ୍ରବୁ, ଏମେକାର ଖାନି ସାକା ପାରତନା କିନାର, ଖାରିଙ୍ ଓଁ ଖାନ ନାଣ୍ଡ ଆସ୍ ବାଦ୍ କିନାନ ।

୧୩ “ଏନ୍ ପ୍ରବୁଦି ଦରତାନ ପାରତନା କିନାନ, ଖାନ ରକିୟା ପୟନାନ ।”

୧୪ ମାତର ଖାନିମାନୁ ବିସ୍ବାସ୍ କିଏନ୍ଶ୍ ଖାର ଏଣ୍ଡେସ୍ ଖାନିଙ୍ ପାରତନା କିନାର ? ମାରି ଖାନି ବିସ୍ତାନୁ ସୁସମାତାର ଖେନ୍ଏଜି ଖାର ଏଣ୍ଡେସ୍ ବିସ୍ବାସ୍ କିନାର ?

୧୫ ମାରି ପ୍ରଚାର କିଦେଙ୍ ଇଜି ପକାୟଆଏଡିଙ୍ ଅରେନ୍ ପ୍ରଚାର ଏଣ୍ଡେସ୍ କିନାନ ? ଇୟା ବିସ୍ତାନୁ ସାସ୍ତ୍ରୁ ରାସାତାମାନାଡ୍, “ନେଗି ସୁସମାତାର ପ୍ରଚାରକିନିଖାରି ଖାରି ଏସା ଖେଡିକା !”

୧୬ ମାତର ଓଁଜେରେ ଆୟା ସୁସମାତାର ମାନାଏର୍ । ଆୟାଉଣ୍ଡିଙ୍ ଜିସାଈୟ ରାସ୍ତାମାନାନ, “ଏ ପ୍ରବୁ, ଏନ୍ ମା ନେଗିକାରୁର୍ ମାଟା ବିସ୍ବାସ୍ କିତାମାନାନ ?”

୧୭ ସୁସମାତାର ଖେନି ମାଣାନ ବିସ୍ବାସ୍ ଜନମ୍ ଆନାଡ୍ ମାରି କ୍ରିସ୍ତୁ ପ୍ରଚାର କିନିକା ନେ ଆୟା ସୁସମାତାର ।

୧୮ ମାତର ନାନୁ ଖେନ୍ବାନା, ଖାର ଇନିକା ଆୟା ମାଟା ଖେନ୍ଏର୍ ? ସତେନେ ଖେର୍ଆମାନାର, ଇରିଙ୍ ଶାସ୍ତ୍ରୁ ରାସାତାମାନାଡ୍,

“ଖାରି ବଲ୍ ଦୁନିଆ ଓଁଜୁ ଖେଙ୍ ତା ସର୍ହାମାନାଡ୍,
ଖାରି ମାଟା ଦୁନିଆଦି ଇତି ସାନ୍ଦି ଖେନାୟ ଆତାମାନାଡ୍ ।”

୧୯ ମାରିଡେସି ନାନୁ ଖେନ୍ବାନା, ଇସ୍ରାଏଲ୍ ଲୋକୁ ଇନିକା ଆକା ବୁଜାଏତାର ନୋ ? ଖାର ବୁଜାତାର ନାଣ୍ଡ ଆଗ୍ଡିରାନ ମୋସା ତେନି ଉତର ସିଜି ରାସ୍ତାମାନାନ :

“ମା ଲୋକାଙ୍ ରିସା କିବିସ୍ କିଦେଙ୍ ଇଜି
ଉନ୍ଶ୍ ନେସ୍ ଇ ଜାତିଦିଙ୍ ବ୍ୟବହାର କିନାପ୍ ।

ଆୟାଖାଜା ଉନ୍ଶ୍ ବୁଦିସିଲି ଜାତିଦାନ
ଖାରିଙ୍ ରିସା କିବିସ୍ କିନାନ ।”

୨୦ ଜିସାଈୟ ମାରି ସାସ୍ତାନ ଇର୍ହାମାନାନ,
“ମାଙ୍ ପୟଏଜିମାନି ଲୋକୁ ମାଙ୍ ପୟତାର;

ଏମେକାର ମାଙ୍ ପୟଏଜିମାର୍ହାର, ଖାରି ଲାକ୍ତୁ ମାପ୍ ତରଆୟଆତାପ୍ ।”

୨୧ ମାତର ମାପୁରୁ ଇସ୍ରାଏଲ୍ ଲୋକା ବିସ୍ତାନୁ ଖାନ ରାସ୍ତାମାନାନ, “ଉନ୍ଶ୍ ମାନାଇ ଜାଟିକିନି ଜାତିଦିଙ୍ ମାପ୍ ଓଁଜୁଦିନ୍ କିୟୁ ସାରପ୍ସି କୁକ୍ତାମାନାପ୍ ।”

୧୧

ଇସ୍ରାଏଲ୍ ଲୋକା ଉଣ୍ଡିଙ୍ ମାପୁରୁଦି ଦୟା

୧ ନାନୁ ମାରି ଖେନ୍ବାଦେଙ୍ ଆଟ୍ନା, ଆର୍ଡିଙ୍ ଇନିକା ମାପୁରୁ ଖାନି ନିଜେଦି ଲୋକାଙ୍ ଡିସ୍ତାମାନାନ ? ଏସାଙ୍ ସିଲେ ! ନାନୁ ନିଜେ ଅରେନ୍ ଇସ୍ରାଏଲ୍ ଲୋକ୍, ଅତ୍ରାହାମତି କୁଟୁମ୍ ମାରି ବିନ୍ୟାମିନ୍ ଇଲୁଦାନ ଜନମ୍ ଆତାମାନା ।

୨ ମାପୁରୁ ଆଗ୍ଡିରାନ ବାସେକିତିମାନି ଖାନି ଲୋକାଙ୍ ଏସାଙ୍ ବା ଡିସ୍ଏନ୍ । ମିର୍ ଦାମ୍ଭିସାସ୍ତ୍ର ପଡାତିମାନିଦେର୍ ଏଣ୍ଡେସ୍ ଏଲିୟ ମାପୁରୁ ଲାକ୍ତୁ ଇସ୍ରାଏଲ୍ ଲୋକା ବିରୁଦ୍ତାନ ଇର୍ହାମାର୍ହାନ :

୩ “ପ୍ରବୁ ଖାର ଖାରି ବାବବାଦିରିଙ୍ ଡାକ୍ତା ମାନାର ମାରି ମି ପୁଜାବେଦିଙ୍ ଓଁଜୁ ରୁକ୍ସି ନାସ୍ତୁ କିତାମାନାର । କେବଲ ନାନୁ ଅରେନ୍ ମାତର ରକିୟା ପୟତାମାନା; ନାଙ୍ ବା ଡାକ୍ସୋ ପକ୍ତେଙ୍ ଓଁ ଖାର ସେସ୍ତୁ କିଜିନାର ।”

୪ ମାପୁରୁ ଇନିକା ଇର୍ହାମାର୍ହାନ ଏଲିୟଙ୍ ? “ମିର୍ ଦିୟାମ୍ ବାଲ୍ ବମାଦିଙ୍ ପୁଜା କିଇ ମାନି ସାଡ୍ ହାଜାର୍ ଲୋକାଙ୍ ମା ଉଣ୍ଡିଙ୍ ଇଟ୍ତାମାନାପ୍ ।”

୫ ଇଲେଇ ଟିକ୍ ଆୟାଖାଜା ଗଟାତାଡ୍ । ମାପୁରୁ ଦୟା କିଜି ଏମେଖାରିଙ୍ ବାସେକିତା ମାର୍ହାନ, ଖାରି ଲୋଇ ଏସଲୋକ୍ ବାକି ମାନାର ।

☆ ୧୧:୧ ପିଲିପିୟ ୩:୫.

୭ ମାପୁରୁ ଖାରିଙ୍ଗ୍ ବାସେକିତାମାନାନ୍ ନିଜେଦି ଦୟା ଉଣ୍ଡିଙ୍ଗ୍ । ଜଦି ଖାରି ସତ୍‌ପାଣି ଉଣ୍ଡିଙ୍ଗ୍ ମାପୁରୁ ଖାରିଙ୍ଗ୍ ବାସେ କିତାନ୍‌ମାନ୍, ଖାନି ଦୟା ସତ୍‌ତାନ୍ ଦୟା ଆଏତାତ୍‌ମାନ୍ ।

୮ ଆରତିଙ୍ଗ୍ ଇନିକା ଆତାତ୍ ? ଇସ୍ରାଏଲ୍ ଲୋକୁ ଆମାକା ପୟ୍‌ଜିମାହାର୍, ଆକା ପୟ୍‌ଏତାର୍ । କେବଲ୍ ମାପୁରୁ ବାସେକିତିମାନି ଉନ୍‌ଶ୍ଟି ନିସ୍ତି ଦଲ୍ ଖାନିଙ୍ଗ୍ ପୟ୍‌ତାର୍ । ଆଇ ଏନ୍ ମାପୁରୁଦି କୁକ୍ତି ଉଣ୍ଡିଙ୍ଗ୍ ମନ୍ ସିଏତାର୍ ।

୯ ଏଣ୍ଡେସ୍ ସାସ୍ତ୍ର ଇନାନ୍, “ସତେ ଏଣ୍ଡେସ୍ ମାପୁରୁ ଖାରି ମନ୍ ନି ଜିବନ୍‌ତିଙ୍ଗ୍ ଆରୁଝା କିତାମାନାନ୍ । ଇୟାସାନ୍ଦି ଖାରି ସୁଡ୍‌ଦେଙ୍ଗ୍ ଆର୍‌ନାର୍ ନ ଝେନ୍‌ଡ୍ରେଙ୍ଗ୍ ଆର୍‌ସିନାର୍ ।”

୧୦ ମାରି ଦାଉଦ ଇନାନ୍,
“ଖାରି ବଜି କିନିଝାଲେ ଉରିଦୁ ସେରଜି ।
ଆରଜି ଦଣ୍ଡୁ ବଗାପିର ।

୧୧ ଖାରି କାଣ୍ଡୁକୁ କାଣା ଆଜି ଇନିକା ସୁଡ୍‌ଦେଙ୍ଗ୍ ଆର୍‌ମାପିର ।
ଝିନ୍‌ଡୁଝାଲେ ଦୁକ୍ କାସ୍ତୁ ବଗାଜି ବଗାଜି ଖାରି ଜୁକି କୁବ୍‌ଡା ଆପିତ୍ ।”

୧୨ ନାନ୍ ଝେନ୍‌ବାନା, ଜିହୁଦିଲୋକୁ ତାକାନି ମାଣାନ୍ ଇନିକା ନାସ୍ତୁ ଆତାର୍ ? ଏସାଙ୍ଗ୍ ସିଲେ । ପାପ୍ କିତାର୍‌ଆକା, ଖାରିଙ୍ଗ୍ ରିସା କିଦେଙ୍ଗ୍ ଇଜି ଅଣଜିହୁଦି ଲୋକାଙ୍ଗ୍ ରିକିୟାଦି ଅଦିକାରି କିଆୟ୍ ଆତାତ୍ ।

୧୩ ଜିହୁଦିଲୋକା ପାପ୍, ଦୁନିଆଦି ଆଇ ଝିଜେରି ଉଣ୍ଡିଙ୍ଗ୍ ନାଶ୍ଟି ଆସି ବାଦ୍ ତାତାମାନାତ୍ । ଜିହୁଦିଲୋକା ଆମ୍ବିକ ଜିବନ୍‌ତି କାକୁତ ଉଣ୍ଡିଙ୍ଗ୍ ଅଣଜିହୁଦି ଲୋକୁ ଆସି ବାଦ୍‌ତି ନାଶ୍ଟି ଲାବ୍ କିତାମାନାର୍ । ଜଦି ଝିଜେରେ ଜିହୁଦି ଜାତି ରକିୟା ପୟ୍‌ଦେଙ୍ଗ୍ ଆର୍‌ତାର୍‌ମାନ୍ଦି, ଆତିଙ୍ଗ୍ ଆବେଶାନ୍ ମାରି ଏସା ନାଶ୍ଟି ଆସି ବାଦ୍ ପୁର୍‌ଏତ୍ ନୋ ?

ଅଣଜିହୁଦି ଲୋକା ରକିୟା

୧୪ ଅଣଜିହୁଦି ଲୋକାଙ୍ଗ୍ ନାନ୍ ଇଜିନା, ମି ଉଣ୍ଡିଙ୍ଗ୍ ପେରିତ ସିସୁ ଖାଜା ସେବା ପାଣି କିଦେଙ୍ଗ୍ ନାନ୍ ଦନ୍‌ଏବାଦ୍ ଅଡ୍‌ବିଜିନା ।

୧୫ ଇୟାମାଣାନ୍ ଜଦି ନା ନିଜେଦି ଜାତିଦି ଲୋକାଙ୍ଗ୍ ରିସା ଆଦେଙ୍ଗ୍ ଆର୍‌ନା, ଆନାତ୍ ଖାରି ଲୋଇ ଏସ ଲୋକାଙ୍ଗ୍ ରକିୟା କିଦେଙ୍ଗ୍ ଆର୍‌ନା ।

୧୬ ଇରିଙ୍ଗ୍ ଖାରି ଡିସାୟ୍ ଆନି ମାଣାନ୍ ମାପୁରୁଦି ଖାଲେ ସାରାଦୁନିଆ ଜାତିଦି ସଙ୍ଗ୍ ଆନିକା । ଆରତିଙ୍ଗ୍ ଜଦି ମାପୁରୁ ଝିନ୍‌ ଜିହୁଦି ଜାତିଦିଙ୍ଗ୍ ଆସ୍‌ନାନ୍, ତାନି ଦସ୍ ଇନିକା ଆନାତ୍ ? ଆକା ଆନାତ୍ ସାତି ଲୋକ୍ ମାରିଡ୍‌ସି ଜିବନ୍‌ ନିଙ୍ଗ୍ ନି ଖାଜା ।

୧୭ ରୁଟିଦାନ୍ କାଣ୍ଡେକ୍ ମାପୁରୁଦି ଉଦେସ୍‌ତାନ୍ ସିତି ମାରିଙ୍ଗ୍, ଝିନ୍‌ ରୁଟି ବା ସିତିକା ଇଜି ଆସାୟ୍‌ଆନାତ୍ । ଉନ୍‌ଶ୍ଟି ମାରାତି ମଦଲ୍ ସିତିମାରିଙ୍ଗ୍, ତାନି କମେଙ୍ଗ୍ ବା ସିତାମାନାର୍ ଇଜି ଅଡ୍‌ବିଦେଙ୍ଗ୍ ଆନାତ୍ ।

୧୮ ତଡ୍‌ତିଦୁ ଜାତୁନ୍ ଅଆୟ୍‌ଆଜିମାନି ଉନ୍‌ଶ୍ଟି ଜିତ୍ ମାରାତି ଏସ କମେଙ୍ଗ୍ ଝେର୍‌ଏ କିଜି, ବନ୍‌ତି ଜିତ୍ ମାରାନ୍‌ତି କମା ଆୟା ବାଡ୍‌ତିଦୁ ଜଡ୍‌ସି କିଆୟ୍‌ଆତାମାନାତ୍ । ଅଣଜିହୁଦି ଲୋକୁ ଆୟା ବନ୍‌ ଜିତ୍ ମାରାନ୍ ଖାଜା । ମିର୍ ଇଲେଇ ଜିହୁଦିରି ବପୁ ଆମ୍ବିକ ଜିବନ୍‌ତି ବାଗଡ୍‌ ମିସାତିମାନିଦେର୍ ।

୧୯ ଆଦେଙ୍ଗ୍ ମିର୍ ଝେର୍‌ଏ କିଆୟ୍‌ଆତିମାନି କମେଙ୍ଗ୍ ନିସ୍ତିରୁଦି ଅଡ୍‌ବିମାଟ୍ । ମିର୍ ଏୟା ଗାର୍ବୁ କିନିଦେର୍ ? ମିର୍ କେବଲ୍ କମା ମାରାନ୍ ମଦଲ୍‌ତିଙ୍ଗ୍ ମିର୍ ଜାତୁନ୍ କିଜଦେର୍, ମାତର୍ ମଦଲ୍ ମିଙ୍ଗ୍ ସାକା କିଜିନାତ୍ ।

୨୦ ଇୟାଉଣ୍ଡିଙ୍ଗ୍ ମିର୍ ଇନ୍‌ଡ୍ରେଙ୍ଗ୍ ଆର୍‌ନିଦେର୍, “ହୁଁ, ମାତର୍ ନାଙ୍ଗ୍ ବାଡି ସିଦେଙ୍ଗ୍ ଇଜି ଆୟା କମେଙ୍ଗ୍ ଝିନ୍‌ ସିନା କିଆୟ୍‌ ଆତେମାରେଏ ।”

୨୧ ଆକା ସତ୍ । ଖାରି ବିସ୍‌ବାସ୍ କିଏତାର୍‌ଆକା ଝେର୍‌ଏ ଆତାର୍ । ମିର୍ କେବଲ୍ ବିସ୍‌ବାସ୍‌ତାନ୍ ଆୟା ବାଡି ଅଦିକାର୍ କିତିମାନିଦେର୍ । ମାତର୍ ଗାର୍ବୁ କିଏନ୍‌ଶ୍ଟା ଡିଲାଦୁ ।

୨୨ ଜଦି ମାରାନ୍‌ତାନ୍ ମିସାଜିସତି କମେଙ୍ଗ୍ ଖାଜା ଜିହୁଦି ଲୋକାଙ୍ଗ୍ ମାପୁରୁ ଦଣ୍ଡୁ ସିଏଜି ଡିସ୍‌ସି ସିଏତାନ୍, ମିଙ୍ଗ୍ ଇନିକା ଖାନ୍ ଡିସ୍‌ନା ସିନାନ୍ ?

୨୩ ଇବେ ସୁଣି ମାଟା, ମାପୁରୁ ଏଣ୍ଡେସ୍ ଦୟାକିନିକାନ୍ ନି ଆର୍‌ଝା ବା । ଏମେଝାରି ପଦ୍ ଆର୍‌ତାମାନାତ୍, ଖାରି ଉଣ୍ଡିଙ୍ଗ୍ ଖାନ୍ ଆର୍‌ଝା; ମାତର୍ ମି ଉଣ୍ଡିଙ୍ଗ୍ ଖାନ୍ ଦୟାକିନିକାନ୍ ଆମା ଦିନ୍ ସାନ୍ ମିର୍ ଖାନି ଦୟାଦି ଲୋକ୍ ଆଜି ତେବାନିଦେର୍ । ଖାନି ଦୟା ଆରାକିତିଙ୍ଗ୍, ମିର୍ ବା ଝେର୍‌ଏ ଆନିଦେର୍ ।

୨୪ ଜଦି ଜିହୁଦିଲୋକୁ ତାମେ ବିସ୍‌ବାସ୍ ଆକ କିଏର୍, ଆରତିଙ୍ଗ୍ ଖାରି ନିଜେଦି ବାଡିଦୁ ମାରିଡ୍‌ସି ତିଆର୍ ଆନାର୍ । ଇକା କିଦେଙ୍ଗ୍ ମାପୁରୁ ଇଚ୍ଛା କିନାନ୍ ।

୨୫ ଅଣଜିହୁଦି ଲୋକୁ ବନ୍‌ ଜିତ୍ ମାରାତି କମା ଖାଜା । ଆକା ସିନା ଆଜି ନେଗେନ୍‌ତରୁଇ ଇସାବ୍‌ତାନ୍ ତଡ୍‌ତିଦି ଜାତୁନ୍‌ଅତିମାନି ଜିତ୍ ମାରାତି ଖାଲେ ଜଡ୍‌ସି କିଆୟ୍‌ଆତାମାନାତ୍ । ଜିହୁଦି ଜାତି ତଡ୍‌ତିଦି ଜାତୁନ୍‌ଅତିମାନି ଜିତ୍ ମାରାନ୍ ଖାଜା । ଇୟା ମାରାତି ଝେର୍‌ଏଆତି କମେଆଙ୍ଗ୍ ମାରିଡ୍‌ସି ମାରାତି ଖାଲେ ଜଡ୍‌ସିକିନିକା ମାପୁରୁଦି ତରିନ୍ ଉସାସ୍ ।

ଓଜେରି ଉଣ୍ଡିଙ୍ଗ ମାପୁରୁଦି ଦୟା

୨୫ ତତ୍ତାନ୍‌କୁ ନି ତାଙ୍ଗି, ଇୟା ବିସୟତାନ୍ ଉନ୍‌ଣ୍ଡି, ମାରଗିତି ସତ୍ତ୍ୱ ଷ୍ଟେକ୍‌ନାଡ୍ । ଆକା ଷ୍ଟେରିଙ୍ଗ୍, ମିର୍ ନିଜେଦିଙ୍ଗ୍ ମାରି ବୁଦିମାନିକାନ୍ ଇଜି ଅଡ୍‌ବିଦେଙ୍ଗ୍ ଆଟ୍‌ଇଦେର୍ । ଇସ୍ରାଏଲ୍ ଲୋକା ଅମାନ୍ୟ ଓଜୁଦିନ୍ ତେବାଏଡ୍ । ଅଣଜିହୁଦିର୍ ଓଜେରେ ମାପୁରୁଦି ଲାକ୍‌ତୁ ଖାନି ସାଦି ଖାଡ୍ ଆୟାଖାଜା ତେବାନାଡ୍ ।

୨୬ ତାନିଷ୍ଟେନକା ଇସ୍ରାଏଲ୍ ଲୋକୁ ଓଜେରେ ଶାସ୍ତ୍ର ଇସାବ୍‌ତାନ୍ ରକିୟା ପୟନାଡ୍, ଏଣ୍ଡେସ୍ ସାସ୍ତ୍ର ଇନାଡ୍ :
“ରକିୟାକିନିକାନ୍ ସିୟୋନତାନ୍ ଖାନାନ୍,
ଜାକୁବ କୁଡାଦାନ୍ ଓଜୁ ଅଦାମ୍‌ ଆକ କିନାନ୍ ।

୨୭ ଖାରି ଅଦାମ୍‌ ଆକ କିନିଖାଲେ
ଖାରି ଖାଲେ ଇୟା ନିୟମ୍ କିନାପ୍ ।”

୨୮ ମି ନେଗି ଉଣ୍ଡିଙ୍ଗ୍ ସୁସମାଚାରତିଙ୍ଗ୍ ଡିସ୍‌ତିଙ୍ଗ୍ ମାପୁରୁଦି ସାତୁ ଆତାମାନାଡ୍ । ମାତର୍ ମାପୁରୁଦି ଲାଡ୍‌ତାନ୍ ବାସେଆନି ମାଣାନ୍ ମାରି ଖାରି ତକ୍ରାଦାଦାରି ଉଣ୍ଡିଙ୍ଗ୍ ଖାଡ୍ ମାପୁରୁଦି ତତ୍ତ୍ୱ ଆତାମାନାଡ୍ ।

୨୯ ମାପୁରୁ ଏମେଖାରିଙ୍ଗ୍ ବାସେ କିଜି ଆସ୍ ବାଦ୍ କିନାନ୍, ଖାନି ଦାନ୍ ସିଦେଙ୍ଗ୍ ବଦା ଖାନ୍ ତାଟ୍ ତେବାନାନ୍ ।

୩୦ ଅଣଜିହୁଦି ଲୋକୁ ପୁର୍ବେ ମାପୁରୁଦି ମାନାଇକାର୍ ମାର୍ହାଡ୍; ମାତର୍ ଇଲେଇ ଜିହୁଦିଲୋକା ମାନାଇ ଉଣ୍ଡିଙ୍ଗ୍ ଅଣଜିହୁଦି ଲୋକୁ ମାପୁରୁଦି ଦୟା ପୟତାମାନାଡ୍ ।

୩୧ ଏଣ୍ଡେସ୍ ଅଣଜିହୁଦି ଲୋକୁ ବା ଦୟା ପୟତାମାନାଡ୍, ଜିହୁଦିଲୋକୁ ଇଲେଇ ମାପୁରୁଦି ମାଣାନ୍ ଆକ ସହ୍ ମାରିଙ୍ଗ୍ ବା, ଅର୍ଲେନ୍ ଖାଡ୍ ଡେସି ଖାଜି ଉଦ୍‌ଦା ପୟନାଡ୍ ।

୩୨ ମାପୁରୁ ଓଜେରିଙ୍ଗ୍ ଅମାନ୍ୟ ଆନି ଉଣ୍ଡିଙ୍ଗ୍ ଡିସ୍‌ତା ସିତାମାନାନ୍; ଆବେଶାନ୍ ଓଜେରେ ମାପୁରୁଦି ଦୟାଦି ଲୋକୁ ଆଦେଙ୍ଗ୍ ଆଟ୍‌ନାଡ୍ ।

ମାପୁରୁଦି ଗୌରବ୍ ଆପିଡ୍

୩୩ ମାପୁରୁ । ଖାନି ବୁଦି ନି ଜ୍ଞାନ୍ ଏସା ପେରିକା । ଖାନି ବଦାଦି ଟିକ୍ ଏନ୍ ବୁଜାକିନାନ୍ ? ଏନ୍ ଖାନି ସାରିଙ୍ଗ୍ ନେସ୍‌ତେଙ୍ଗ୍ ଆଟ୍‌ନାନ୍ ?

୩୪ ସାସ୍ତ୍ର ଇନାଡ୍ :

“ଏନ୍ ମାପୁରୁଦି ମନ୍‌ତିମାଟା ବୁଜାଦେଙ୍ଗ୍ ଆଟ୍‌ନାନ୍ ?

ଏନ୍ ମାରି ଖାନିଙ୍ଗ୍ ସିକିୟା ସିଦେଙ୍ଗ୍ ଆଟ୍‌ନାନ୍ ?

୩୫ ଏନ୍ ଇନିକା ମାପୁରୁଙ୍ଗ୍ ଇୟାଖାଜା ଇନିକା ସିଦେଙ୍ଗ୍ ଆଟ୍‌ତାମାନାନ୍,

ଆମାତାନିଙ୍ଗ୍ ମାପୁରୁଙ୍ଗ୍ ଡେସି ସିଦେଙ୍ଗ୍ ପଡାଜିନାଡ୍ ?”

୩୬ ଓଜୁ ବିସୟ ମାପୁରୁଦି ମାଣାନ୍ ତିଆର୍ ଆତାମାନାଡ୍; ଓଜୁ ବିସୟ ମାନିକା ଖାନି ଉଣ୍ଡିଙ୍ଗ୍ ମାରି ଖାନିମାଡାନ୍ ଆତାମାନାଡ୍ । ଜୁଗ୍ ଜୁଗ୍ ମାପୁରୁ ଗୌରବ୍ ପଇନି । ଆମେନ୍ ।



ମାପୁରୁଦି ସେବାଦୁ ଜିବନ୍

୧ ଆଦେଙ୍ଗ୍ ତତ୍ତାନ୍‌କୁ ନି ତାଙ୍ଗି, ମା ଉଣ୍ଡିଙ୍ଗ୍ ମାପୁରୁଦି ନାଶ୍ତ୍ର ଦୟା ଉଣ୍ଡିଙ୍ଗ୍ ମିଙ୍ଗ୍ ନାନ୍ ବାତିଙ୍ଗ୍ ମାଲ୍‌ଜିନା, ମାପୁରୁମାନ୍ ନିଜେଦି ମେନ୍‌ଲ୍‌ତିଙ୍ଗ୍ ପିବିଡ୍ ପୁଜା ଖାଜା ସର୍ପେ କିଦୁ । ଖାନି ସେବାଦୁ ନିଜେଦିଙ୍ଗ୍ ସିଜି ଖାନିମାନ୍ ସର୍ପେ ଆଦୁ । ଇକା ମାପୁରୁଦି ସତ୍ତ୍ୱ ଉପାସନା କିନିକା ।

୨ ମିର୍ ଇୟା ଇଲେଇତି ଦୁନିଆଦି ଇସାବ୍‌ତାନ୍ ବୁଲାମାଟ୍ । ମାପୁରୁ ମି ମନ୍‌ତିଙ୍ଗ୍ ପୁରା ପୁନିକା କିପିନ୍ ମାରି ମି ମନ୍ ପୁରା ବାଦ୍‌ଲେ ଆପିଡ୍ । ଆତିଙ୍ଗ୍, ମାପୁରୁଦି ବଦା ଇନିକା, ଖାନି ଲାକ୍‌ତୁ ଏମେ ଓଜୁ ବିସୟ ସତ୍ତ୍ୱ, ଷ୍ଟେଡିକାଦିକା ମାରି ପୁରା ନେଗିକା, ଇକା ମିର୍ ନେସ୍‌ତେଙ୍ଗ୍ ଆଟ୍‌ନିଦେର୍ ।

୩ ମାପୁରୁ ନାଙ୍ଗି ନାଶ୍ତ୍ର ଦୟା ସିତାମାନାନ୍‌ଆକା ମି ଓଜେରିଙ୍ଗ୍ ନାନ୍ ଇଜିନା, ଏନ୍ ନିଜେଦି ଜଗ୍ୟଦି ମାଣାନ୍ ନିଜେଦିଙ୍ଗ୍ ପେରିକାନ୍ ଇଜି ଅଡ୍‌ବିମାଟ୍ । ମାପୁରୁ ମିଙ୍ଗି ସିତିମାନି ବିସ୍‌ବାସ୍‌ତି ଇସାବ୍‌ତାନ୍ ସାନ୍ତି ଆଜି ନିଜେ ବିସୟତାନ୍ ବିସାଡ୍ କିଦୁ ।

୪ ମା ମେନ୍‌ଲ୍‌ତୁ ଗାଦି ଆଇ ଆଇ ଜିନିସ୍‌କୁ ମାନେ ମାରି ଓଜେକା ପାଣି ଅଲଗା ।

୫ ଆୟାଖାଜା ମାଡ୍ ଗାଦିଲୋକ୍, ମାତର୍ ଓଜେରେ କ୍ରିସ୍‌ତି ଖାଲେ ମିସାତି ମାନିକାଆକା, ମାଡ୍ ଉନ୍‌ଡ୍ରେ ମେନ୍‌ଲ୍ ମାରି ମେନ୍‌ଲ୍‌ତି ଜିନିସ୍‌କା ଖାଜା ମାଡ୍ ଅର୍ସେ ଖାଲେ ମିସାତି ମାନିକା ।

☆ ୧୧:୩୬ ୧ କରିନ୍ଥିୟ ୮:୨. ☆ ୧୨:୪ ୧ କରିନ୍ଥିୟ ୧୨:୧୨.

୭ *ଆଦେଇଁ ମା ଉଣ୍ଡିଇଁ ୍ ମାପୁରୁଦି ଦୟା ଇସାବତାନ୍ ଝାନିମାଣାନ୍ ପୟତି ରକମ୍ତି ଆଇ ଆଇ ଦାନ୍ ସାକ୍ତିଝିକୁ ମାଡ଼ ଟିକ୍ ଇସାବତାନ୍ କାଟେକିଦେଇଁ ୍ ଆଟ୍ଟନିକା । ମାଡ଼ ଜଦି ମାପୁରୁଦି କାରୁର୍ ପ୍ରଚାର୍ କିନି ଉଣ୍ଡିଇଁ ୍ ଇଜି ମାପୁରୁସିତି ସାକ୍ତି ପୟତିମାନିକା, ମା ବିସ୍ବାସତି ତାଟ୍ ଇସାବତାନ୍ ଆୟା ପାଣି କିଦେଇଁ ୍ ଆନାଡ଼ ।

୮ ଜଦି ସେବା କିନି ଉଣ୍ଡିଇଁ ୍ ଆୟା ସାକ୍ତି ପୟତିମାନିକା, ମାଡ଼ ସେବା କିଦେଇଁ ଆନାଡ଼; ସିକିୟା ସିଦେଇଁ ଇଜି ସାକ୍ତି ପୟତିମାରିଇଁ ୍, ସିକିୟା ସିଦେଇଁ ଆନାଡ଼ ।

୯ ଆଇଝାରିଇଁ ୍ ଝେଡ଼ିକା କିଦେଇଁ ୍ ଇଜି ସାକ୍ତି ପୟତିମାରିଇଁ ୍, ଆକା କିଦେଇଁ ୍ ଆନାଡ଼ । ଦାନ୍ କିଦେଇଁ ୍ ସାକ୍ତି ପୟତିମାନି ଲୋକ୍ ରେଆତି ମନ୍ତାନ୍ ଦାନ୍ କିପିନ୍ । ଆଇଝାରି ପାଣିଦି ଜାତୁନ୍ କିଦେଇଁ ୍ ଅଦିକାର୍ ପୟତିମାରିଇଁ ୍ ନିଜେ କାସ୍ତୁପାଣି କିଦେଇଁ ଆନାଡ଼ । ଦୟା କିନି ଲୋକ୍ ଝେଡ଼ିକା ମନ୍ତାନ୍ ଦୟା କିପିନ୍ ।

୧୦ ଜିବନ୍ତି ଝାଲେ ଜିବନ୍ନୋନିକା ନେଗିକା ଆପିଡ଼ । ଆମା ଝିକୁ ସଡ଼ସିଲେ; ତାନିଇଁ ୍ କାଡ଼ତୁ, ଝିକୁ ସଡ଼ ବିସୟତୁ ଲାକ୍ତୁ ଆଦୁ ।

୧୧ କ୍ରିସ୍ଟିୟାନ୍ ତତାନ୍ ନି ତାଙ୍ଗିଁ ୍ କ୍ ଝାଜା ନିଜେନିଜେଦିଇଁ ଜିବନ୍ନଦୁ ମାରି ନିଜେନିଜେଦିଇଁ ସନ୍ମାନ୍ ତରତେଇଁ ୍ ଇଜି ଝେଡ଼ିକା ଆଦୁ ।

୧୨ ଝେଡ଼ିକାଦାନ୍ ଗାଡ଼ିୟା ଆମାଟ୍, ଆମାଦୁ ତେବାନିକା ଅଡ଼ବିଦୁ । ବକ୍ତିଦି ଜିବନ୍ତାନ୍ ପ୍ରବୁଦି ସେବା କିଦୁ ।

୧୩ ତାଟ୍ ଆସା ଇଡ଼ଜି ଝେଡ଼ିକା କିଦୁ । ଦୁକ୍‌କାସ୍ତୁଦି ବେଡ଼ାଦୁ ସାସ୍ ଆସ୍ତୁ । ଝିକୁଦିନ୍ ପାରତନାଦୁ ପୁରା ତେବାଦୁ ।

୧୪ କ୍ରିସ୍ଟିସ୍‌ବିସ୍‌ବିରି ଦରକାର୍ ମାନିକା ସିଦୁ । ମାରି ଝାନି ଲୋକାଙ୍ଗି ୍ ସିନ୍‌ମାନ୍‌ତାନ୍ କୁକ୍ତୁ ।

୧୫ *ମିଙ୍ଗିଁ ୍ ଏମେକାର୍ ତାଡ଼ନା କିନାର୍, ଝାରି ନେଗି ଉଣ୍ଡିଇଁ ଇଜି ମାପୁରୁମାନ୍ ପାରତନା କିଦୁ । ଝାରିଇଁ ୍ ଆସ୍‌ବାଦ୍ କିଦୁ, ଆନାଦୁରିଆ ସିମାଟ୍ ।

୧୬ ସୁକ୍‌ତାନ୍ ମାନି ଲୋକା ଝାଲେ ଝେଡ଼ିକା କିଦୁ, ଆଡ଼ବାନି ଲୋକା ଝାଲେ ଆଡ଼ବାଦୁ ।

୧୭ ଝିଜେରି ଉଣ୍ଡିଇଁ ୍ ସାମାନ୍ ଇସାବତାନ୍ ସୁଡ଼ତୁ । ଆକାର୍ ଅଡ଼ବିନିକା ଡ଼ିସ୍‌ସି ସାକ୍ତି ଇସାବତାନ୍ ତାଗ୍‌ଇ ପାଣିଝିକୁଦିଇଁ ୍ ବା ଆସ୍ତୁ । ନିଜେଦିଇଁ ୍ ବୁଦିମାନିକାନ୍ ଅଡ଼ବିମାଟ୍ ।

୧୮ ଏନ୍ ମି ଉଣ୍ଡିଇଁ ୍ ଅନ୍‌ୟାୟ୍ କିତିଙ୍ଗି ୍, ମିର୍ ଝାନି ଉଣ୍ଡିଇଁ ୍ ଅନ୍‌ୟାୟ୍ କିମାଟ୍ । ଆଇଝାରି ଲାକ୍ତୁ ଆମାକା ସଡ଼ପାଣି, ଆକାନେ କିଦୁ ।

୧୯ ଝିଜେରି ଝାଲେ ସାକ୍ତିଦାନ୍ ବାସାଦେଇଁ ୍ ଇଜି ଏସ୍ତିଝାଲେ ଆଦେଇଁ ୍ ଆଟ୍ଟନାଡ଼ ସେଷ୍ଟା କିଦୁ ।

୨୦ ଏ ଲାଡ଼ତିକାର୍, ମିର୍ ନିଜେ ଆମାଝାନି ବିରୁଦ୍‌ତାନ୍ ବାଦ୍ ଅମାଟ୍ । ମାପୁରୁଦି ରିସାଦି ଲୋକ୍ ଆଦେଇଁ ୍ ଝାନିଇଁ ଡ଼ିସ୍‌ସୋ ସିଦୁ । ଇରିଇଁ ୍ ସାସ୍ତୁ ରାସାତାମାନାଡ଼, “ପ୍ରବୁ ଇନାନ୍, ମାପ୍ ପ୍ରତିସଦ୍ ଅନାପ୍ । ମାପ୍ ଦଣ୍ଡ ସିନାପ୍ ।”

୨୧ ତାନିବାଦ୍‌କୁ ସାସ୍ତ୍ର ଏଣ୍ଡେସ୍ ଇନାଡ଼, “ମି ସାତୁ ବାଙ୍ଗିଁ ମାରିଇଁ ୍, ଝାନିଇଁ ୍ ଉଣ୍ଡେଇଁ ୍ ସିଦୁ; ଏରକି ମାରିଇଁ ୍ ଉଡ଼ପିସ୍‌କିଦୁ । ଇବେଶାନ୍ ଝାନ୍ ସେମାର୍ ଆନା ସନାନ୍ ।”

୨୨ ଅସଡ଼ ତାନ୍ ଆରାମାଟ୍; ଝିକୁ ଅସଡ଼ ବିସୟକୁ ନେଗିପାଣିଦାନ୍ ଜିଶାଦୁ ।

୧୩

ସାସନ୍‌କିନିଝାରି ଉଣ୍ଡିଇଁ ପାଣି

୧ ସାସନ୍‌କିନିଝାରିଇଁ ୍ ମାନ୍‌ନିକା ଝିଜେରି ପାଣି, ଇରିଇଁ ୍ ମାପୁରୁଦି ସାରି ଡ଼ିସ୍‌ତିଙ୍ଗି ଏନ୍ ସାସନ୍ ଅଦିକାର୍ ପୟଏନ୍ । ଅଦିକାର୍‌ତୁ ମାନି ସାସନ୍‌କିନିକାର୍ ମାପୁରୁଦି ମାଣାନ୍ ବାସେଆତାମାନାଟ୍ ।

୨ ଆଦେଇଁ ୍ ଏନ୍ ଅଦିକାର୍ ପୟତି ସାସନ୍‌କିନିଝାରିଇଁ ୍ ବିରୁଦ୍ କିନାନ୍, ଝାନ୍ ମାପୁରୁଦି ମାଣାନ୍ ଆତିମାନି ନିୟମ୍‌ତି ବିରୁଦ୍‌କିନାନ୍ । ଏନ୍ ଇକା କିନାନ୍, ଝାନ୍ ବିଚାର୍‌ତି ଆଗ୍‌ତି ନିନାନ୍ ।

୩ ଏମେକାର୍ ନେଗିପାଣି କିନାର୍, ଝାରି ସାସନ୍‌କିନିଝାରିଇଁ ୍ ତିଲାନି ଉଣ୍ଡିଇଁ ୍ ଇଜି ମାଟା ସିଲେଡ଼ ତିଲାନି ମାଟା ତାଗ୍‌ଇପାଣିକିନିଝାରିଇଁ ୍ । ସାସନ୍‌କିନିଝାନି ଉଣ୍ଡିଇଁ ୍ ତିଲାଇକା ମି ବଦା ନୋ ? ଆତିଙ୍ଗି ୍ ସିଡ଼ପାଣି କିଦୁ, ଝାନ୍ ମି ପ୍ରସଂସା କିନାନ୍ ।

୪ ମି ନେଗିକା କିନି ଉଣ୍ଡିଇଁ ୍ ଝାନ୍ ମାପୁରୁଦି ମାଣାନ୍ ବାସେଆତାମାନାନ୍ । ମାଡ଼ର୍ ମିର୍ ଜଦି ତାଗ୍‌ଇପାଣି କିଜିମାନିଦେର୍, ଆଟ୍‌ତିଙ୍ଗି ୍ ସାସନ୍‌କିନିଝାନିଇଁ ୍ ତିଲାଦୁ, ଇରିଇଁ ୍ ମି ଦଣ୍ଡ ସିନି ଉଣ୍ଡିଇଁ ୍ ସିଡ଼ତାନ୍ ଝାନି ଅଦିକାର୍ ମାନାଡ଼ । ଝାନ୍ ମାପୁରୁଦି ମାଣାନ୍ ବାସେଆତି ସେବାକିନିକାନ୍ । ତାଗ୍‌ଇପାଣିକିନିଝାରିଇଁ ୍ ସାସ୍ତି ସିନି ଉଣ୍ଡିଇଁ ୍ ଝାନ୍ ମାପୁରୁଦି ଆଦେସ୍ ମାନାନ୍ ।

୫ ଆଦେଇଁ ୍ ମିର୍ ସାସନ୍‌କିନିଝାରିଇଁ ୍ ମାନ୍‌ନିକା ମାନାଡ଼ କେବଲ୍ ମାପୁରୁଦି ଦଣ୍ଡ ତିଲେଇତାନ୍ ସିଲେ, ମାଡ଼ର୍ ନିଜେଦି ବୁଦିଦି ନାସ୍ତୁଦାନ୍ ରକିୟା ପୟଦେଇଁ ୍ ଇଜି ।

* ୧୨:୭ ୧ କରିକ୍ତିୟ ୧୨:୪-୧୧. * ୧୨:୧୪ ମାଡ଼ିଉ ୫:୪୪; ଲୁକ ୬:୨୮.

୬ *ଇୟାଉଣ୍ଡିଙ୍ଗ୍ ମିର୍ ସିସୁଟ୍ ବା ସିଜିମାନୁଡୁ, ଇରିଙ୍ଗ୍ ୍ସାସନ୍କିନିକାର୍ ଆଦେସ୍ ମାନାନିଖାଲେ ମାପୁରୁଦି ସେବା କିନାର୍ ।

୭ ଆଦେଙ୍ଗ୍ ଖାର୍ ଆମାକା ପୟନିକା ମାନାଡ୍, ଖାନିଙ୍ଗ୍ ଆକା ସିଦୁ । ନିଜେଦିକା ମାରି ସିସୁଟ୍ ମିଦି ଆମାକା ସିନିକା ମାନାଡ୍, ଆକା ସିଦୁ ମାରି ଖାରିଙ୍ଗ୍ ଖେଡିକା ନି ସନ୍ମାନତାନ୍ ମାନାଦୁ ।

ନିଜେ ନିଜେଙ୍ଗ୍ ଜିବନ୍ନୋଦୁ

୮ ନିଜେଦିଙ୍ଗ୍ ୍ନି ଆଇଖାରିଙ୍ଗ୍ ଜିବନ୍ନୋନିକା ତ୍ରିସ୍ସି ମାରି ଇନି ବିସୟତୁ ଆମାଖାନି ରୁଣୁ ଆଜି ତେବାମାଟ୍ । ଏନ୍ ଆଇଖାନିଙ୍ଗ୍ ଜିବନ୍ନୋନାନ୍, ଖାନ୍ ନିୟମ୍ ମାନାନାନ୍ ।

୯ “ଦାରିପାଣି କିମାଟ୍, ଲୋକାଙ୍ଗ୍ ସାୟାମାର୍ଗା ଡାକ୍ମାଟ୍, ଡଙ୍ଗାଁ କିମାଟ୍, ଆଇଖାରି ଜିନସ୍ତିଙ୍ଗ୍ ୍ଲବ୍ବାମାଟ୍,” ଖିଜୁ ମାଟା ଉନ୍ତ୍ରି ମାଟାଦୁ ତେବାଜିନାଡ୍, “ମି ଲାକ୍ତୁରି ଲୋକାଙ୍ଗ୍ ନିଜେଦିଙ୍ଗ୍ ଜିବନ୍ନୋତିଖାଜା ଜିବନ୍ନୋଦୁ ।”

୧୦ ମିର୍ ଅରେନ୍ ଖାନିଙ୍ଗ୍ ଜିବନ୍ନୋଜି ମାରିଙ୍ଗ୍ ୍, ଖାନି ଉଣ୍ଡିଙ୍ଗ୍ ଏସାଙ୍ଗ୍ ଅନ୍ୟାୟ୍ କିମାଟ୍ । ଆଦେଙ୍ଗ୍ ଜିବନ୍ନନି ମାଣାନ୍ ନେ ଖିଜୁ ନିୟମ୍ ମାନାନିକା ଆନାଡ୍ ।

୧୧ ଇଲେଇ ଇୟାଖିଜୁ ମିଙ୍ଗ୍ ୍ଏଣ୍ଡେସ୍ବା କିଦେଙ୍ଗ୍ ୍ଆନାଡ୍, ଇରିଙ୍ଗ୍ ୍ସୁଜିନି ମାଣାନ୍ ନିଙ୍ଗ୍ ୍ନି ସମୟ ଇଗା ଖାତାଡ୍ । ରକିୟା ପୟନି ସମୟ ଆଗ୍ଡିରି ବାଦ୍ଲୁ ଇଲେଇ ନାଣ୍ଡ ଲାକ୍ତୁ ।

୧୨ ନାଡା ଖିଜିତାଡ୍ନି, ଖେଡେ ଖାତାଡ୍ନି । ରାଦୁ, ସିକାଟିଦି ଖିଜୁପାଣି ତ୍ରିସ୍ନାଟ୍ ମାରି ଜାୟତୁ ଜୁଦ୍ କିଦେଙ୍ଗ୍ ୍ନେଗି ସାଜୁ ଆରାନାଟ୍ ।

୧୩ ରଙ୍ଗ୍‌ରସ୍ ନି ସସ୍ନିମାନ୍, ଡଙ୍ଗାଁ ନି ଲାଲାୟ୍‌ଆନିକା, ରିସା ମାରି ଜାଟି ଖିଜୁଦୁ ତେବାଏଜି, ରାଦୁ ମାଡ୍ ଜାୟତୁ ପାଣିକିନି ଲୋକା ଖାଜା ନେଗେନ୍‌ତାନ୍ ବ୍ୟବହାର୍ କିନାଟ୍ ।

୧୪ ପ୍ରବୁ ଜିସୁ କ୍ରିସ୍ତୁଦି ଅସ୍ତ୍ରଶସ୍ତ୍ରଦାନ୍ ତିଆର୍ ଆଦୁ ପାପ୍ତି ଉଣ୍ଡିଙ୍ଗ୍ ଖେରଏ ଆଦୁ ମାରି ନିଜେଦି ଲାଲାୟ୍‌ତୁ ବ୍ୟବହାର୍ କିମାଟ୍ ।

୧୪

ତଡାନ୍‌କା ଦସ୍ ଆସ୍‌ମାଟ୍

୧ *ବିସ୍‌ବାସ୍‌ତୁ ଏନ୍ ସାକ୍ତି ସିଲେନ୍, ଖାନିଙ୍ଗ୍ ଆସ୍‌ତୁ, ମାତର୍ ଖାନି ଜିବନ୍ତି ବିସୟତାନ୍ ଖାର୍‌ଗିମାଟ୍ ।

୨ ଅରେନ୍ ବିସ୍‌ବାସ୍ କିନାନ୍, ଖାନ୍ ଆମା କାଦିବା ଉଣ୍ଡେଙ୍ଗ୍ ଆଟ୍‌ନାନ୍, ମାରି ଅରେନ୍ ଡାଟ୍ ସିଲି ବିସ୍‌ବାସି କେବଲ କୁସା କାଦି ଉଣାନ୍ ।

୩ ଆମା କାଦିବା ଉଣ୍ଡେଙ୍ଗ୍ ୍ଆମାଖାନି ଇନି ବାଦା ସିଲେଡ୍, ଖାନ୍ କୁସା କାଦିଦିଙ୍ଗ୍ ୍କାଡ୍‌ମାକିନ୍ । ମାରି କୁସା କାଦି ଉଣିକାନ୍ କାଣ୍ଡା ତିନି ଖାନିଙ୍ଗ୍ ୍ଦସ୍ ଅଡ୍‌ବିମାକିନ୍ । ଇରିଙ୍ଗ୍ ୍ମାପୁରୁ ଖାନିଙ୍ଗ୍ ୍ବା ବାସେକିତା ମାନାନ୍ ।

୪ ମିର୍ ଆଇଖାନି ଦାସ୍ତିଙ୍ଗ୍ ବିସାର୍ କିଦେଙ୍ଗ୍ ଇଜି ମିର୍ ଏରୁ ? ଖାନ୍ ଖାନି ପାଣିଦୁ ଏସା ଆକ ଜିଣାଜିନାନ୍ ମାରି ଆରାଜିନାନ୍, ଆକା ଖାନି ମାଲିକ୍ ବିସାର୍ କିନାନ୍ । ଖାନ୍ ସତେନେ ଜିଣାନାନ୍, ଇରିଙ୍ଗ୍ ୍ପ୍ରବୁ ଖାନି ଦାସ୍ତିଙ୍ଗ୍ ୍ ଜିଣାକିଦେଙ୍ଗ୍ ୍ ଇଜି ଡାଟ୍ ।

୫ ଅରେନ୍‌ଖାନି ଇସାବ୍‌ତାନ୍ ଆଇ ଦିନ୍‌କା ବାଦ୍ଲୁ ଉନ୍‌ଣ୍ଡି, ଟିକ୍ ଦିନ୍ ନାଣ୍ଡ ନେଗେଡ୍ । ମାରି ଅରେନ୍ ଅଡ୍‌ବିନାନ୍, ଖିଜୁ ଦିନ୍ ସାମାନ୍ । ମାତର୍ ଏନ୍ ଆମା ଇସାବ୍‌ତାନ୍ ଟିକ୍ ବିସାର୍ କିଜି ଟିକ୍ ମାନାପିନ୍ ।

୬ ଏନ୍ ଉନ୍‌ଣ୍ଡି ଦିନ୍‌ତିଙ୍ଗ୍ ନେଗିକା ଇଜି ଅଡ୍‌ବିନାନ୍, କେବଲ ପ୍ରବୁଦି ଗୌରବ୍ ଉଣ୍ଡିଙ୍ଗ୍ ୍ ଖାନ୍ ଆକା କିପିନ୍ । ଆମାଖାନି ଇନି କାଦି ଉଣ୍ଡେଙ୍ଗ୍ ବାଦା ସିଲେଡ୍, ମାପୁରୁଙ୍ଗ୍ ୍ଦନ୍‌ସ୍‌ବାଦ୍ ସିଜି ଖାନ୍ ଆକା ଉଣିନ୍; ଆବେଶାନ୍ ମାପୁରୁ ଗୌରବ୍ ପୟନାନ୍ । ଏମେ ଲୋକ୍ କାଦି ଉଣ୍ଡୁଏନ୍, ଖାନ୍ ଇକା ମାପୁରୁଦି ଗୌରବ୍ ଉଣ୍ଡିଙ୍ଗ୍ ୍ କିପିନ୍ ମାରି ଇୟାଉଣ୍ଡିଙ୍ଗ୍ ୍ ମାପୁରୁଙ୍ଗ୍ ୍ଦନ୍‌ସ୍‌ବାଦ୍ ସିପିନ୍ ।

୭ ଏନ୍ କେବଲ ନିଜେଦି ଉଣ୍ଡିଙ୍ଗ୍ ୍ ଜିଏନ୍, ମାରି ନିଜେଦି ଉଣ୍ଡିଙ୍ଗ୍ ସାଏନ୍ ।

୮ ପ୍ରବୁଦି ଉଦେସ୍ ଜିନି ଉଣ୍ଡିଙ୍ଗ୍ ମାଡ୍ ଜିତାମାନାପ୍ ମାରି ସାନାପ୍ । ଆଦେଙ୍ଗ୍ ୍ ଜିବନ୍ ନି ସାନିମାନ୍ ମାପ୍ ପ୍ରବୁଦି ଲୋକ୍ ।

୯ ଇରିଙ୍ଗ୍ କ୍ରିସ୍ତୁ ମାରିଡେସ୍‌ଜିନି ମାଣାନ୍ ରିଏର୍ ଜିନିକା ନି ସାନି ଲୋକା ଖିଜେରି ଖାନ୍ ପ୍ରବୁ ଆତାମାନାନ୍ ।

୧୦ *ଆଦେଙ୍ଗ୍ ୍ ମିର୍ ଏୟା ନିଜେଦି ତଡାନ୍ତି ବିସାର୍ କିଜିନିଦେର୍ ? ଏୟା ମାରି ନିଜେଦି ତଡାନ୍ତିଙ୍ଗ୍ ୍ କାଡ୍‌ଜିନିଦେର୍ ? ମାଡ୍ ଖିଜେରେ ବିଚାର୍ ଆଦେଙ୍ଗ୍ ୍ ଇଜି ମାପୁରୁଦି ଆଗ୍ଡି ନିନ୍‌ଡେଙ୍ଗ୍ ୍ ପିଡାନାଡ୍ ।

୧୧ ଏଣ୍ଡେସ୍ ସାସ୍ତ୍ର ଇନାଡ୍ :

“ପ୍ରବୁ ଇଜିନାନ୍, ଏଣ୍ଡେସ୍‌କି ମାପ୍ ଜିବନ୍ତି ମାପୁରୁ,

ଖିଜେରେ ମା ଆଗ୍ଡି ମେଣ୍ଡେଙ୍ଗ୍ ୍ ଗିଟ୍‌କିନାର୍ ।

☆ ୧୩:୭ ମାଡିଉ ୨୨:୨୧; ମାର୍କ ୧୨:୧୭; ଲୁକ ୨୦:୨୫. ☆ ୧୪:୧ କଲସିୟ ୨:୧୭. ☆ ୧୪:୧୦ ୨ କରିନ୍ଥୟ ୫:୧୦.

ମାପ୍ ମାପୁରୁ ଇଜି ଓଜେରେ ମାନାନାର ।”

୧୨ ମା ଓଜେରିଙ୍ଗ୍ ଫାପୁରୁଦି ଲାକ୍ତୁ ନିଜେ ନିଜେଦି ଇସାବ୍ ସିଦେଙ୍ଗ୍ ପଡ଼ାନାଡ଼ ।

ତଡ଼ାନତିଙ୍ଗ୍ ଆଡ଼ଗି ଆରପମାଟ୍

୧୩ ଆଦେଙ୍ଗ୍ ଥାଈଝାରିଙ୍ଗ୍ ବିସାର୍ କିମାଟ୍ । ଇୟାଝାଜା ବା ଇନିକା କିମାଟ୍, ଆମାମାଣାନ କି ମି ତଡ଼ାନ ତାକାୟ୍ ଆଜି ପାପ୍ କିନାନ ।

୧୪ ଜିସୁଦି ମାଣାନ ଆଦେସ୍ ପୟ୍ଜି ସଡ଼ତାନ ଇଜିନା, ଆମା କାଦି ତାଗ୍‌ଇକା ସିଲେ । ମାତର୍ ଜଦି ଏନ୍ ଆମା କାଦି ତାଗ୍‌ଇକା ଇଜି ବିସ୍‌ବାସ୍ କିନାନ, ଝାନି ଉଣ୍ଡିଙ୍ଗ୍ ଆକା ତାଗ୍‌ଇକା ଆନାଡ଼ ।

୧୫ ମିର୍ ଇନି କାଦି ଉଣି ମାଣାନ ଜଦି ଅରେନ୍ ତଡ଼ାନତି ମନ୍‌ତୁ ଦୁକ୍ ସିନିଦେର୍, ଆରତିଙ୍ଗ୍ ଝାନି ଉଣ୍ଡିଙ୍ଗ୍ ମି ଜିବନ୍‌ନୋନିକା ତର୍‌ଇଜିନିଦେର୍ । ଆମା ତଡ଼ାନତି ଉଣ୍ଡିଙ୍ଗ୍ କ୍ରିସ୍ତ୍ ସାତାନ, କାଣ୍ଡେକ୍ କାଦି ଉଣ୍ଡିଙ୍ଗ୍ ଝାନିଙ୍ଗ୍ ନାସ୍ କିମାଟ୍ ।

୧୬ ମିର୍ ଆମାଝାନିଙ୍ଗ୍ ନେଗିକାନ ଇଜି ଅଡ଼ବିଜିନିଦେର୍, ଆବେଣ୍‌କୁ ମି ତାଗ୍‌ଇକା ଆମାପିଡ଼ ।

୧୭ ମାପୁରୁଦି ରାଜିଦି ତିନିକା ନି ଉଣିକା ସିଲେ । ଆକା ପବିତ୍ର ଆମାଦି ମାଣାନ ସିଆୟ୍ ଆତି ଦାମ୍‌ନୁତିକା, ସାନ୍ତି ମାରି ଝେଡ଼ିକା ।

୧୮ ଏନ୍‌ଆପିନ୍ ଇୟାଝାଜା ଇସାବ୍‌ତାନ କ୍ରିସ୍ତ୍ ସେବା କିନାନ; ଝାନ ମାପୁରୁଙ୍ଗ୍ ଝେଡ଼ିକା କିବିସ୍‌କିନାନ, ଲୋକାମାନୁ ବା ଦର୍ ପୟ୍‌ନାନ ।

୧୯ ଆଦେଙ୍ଗ୍ ରାଦୁ, ନିଜେ ନିଜେମାନୁ ସାନ୍ତି ତିଆର୍ କିଦେଙ୍ଗ୍ ନି ପିରିସ୍ କିଦେଙ୍ଗ୍ ଇଜି ଆମା ଓଜୁ ଦର୍‌କାର୍ ମାନାଡ଼, ତାନିଙ୍ଗ୍ ସୁଣାଟ୍ ।

୨୦ କାଣ୍ଡେକ୍ କାଦି ଉଣ୍ଡିଙ୍ଗ୍ ମାପୁରୁ ଆମା ପାଣି କିତାମାନାନ, ଆକା ନାସ୍ କିମାଟ୍ । ଏନ୍ ଇନି କାଦି ଉଣି ମାଣାନ ଜଦି ମିର୍ ଆଈଝାରି ତାକାନି ପାଣି ଆନାଡ଼, ଆରତିଙ୍ଗ୍ ଥାୟା କାଦି ଉଣିକା ନେଗେଡ଼ ସିଲେ ।

୨୧ ମି କାଣ୍ଡା ତିନିକା, କାଡ଼ ଉଣିକା ଓଜୁ ଜଦି ମି ତଡ଼ାନତିଙ୍ଗ୍ ବାଦା କିନାଡ଼, ଆରତିଙ୍ଗ୍ ଥାୟାଓଜୁ ମାଣାନ ବନ୍ଦ୍ ଆନିକା ମିଙ୍ଗ୍ ନେଗେଡ଼ ।

୨୨ ଇୟା ବିସ୍‌ୟତାନ ମି ନିଜେଦି ବିସ୍‌ବାସ୍ କେବଲ୍ ମାପୁରୁ ନେସିନ୍ । ଏମେ ଲୋକ୍ ନେଗିକା ବିଚାର୍ କିଜି ପାଣି କିନାନ, ମାରି ଆୟାଈଝାଙ୍ଗ୍ ଝାନିଙ୍ଗ୍ ଝେନ୍‌କା ଅଡ଼ବିଦେଙ୍ଗ୍ ଥାଏଡ଼, ଝାନ ଦନ୍‌ୟ ।

୨୩ ମାତର୍ ଇନି କାଦି ଉଣିକା ନୋ ସିଲେ, ମନ୍‌ତୁ ରୁଣ୍ଡି ମନ୍ ଅଡ଼ବିଜି ଏନ୍ ଆକା କିନାନ; ମାପୁରୁଦି ଆଗ୍‌ଡ଼ି ଝାନ ଦସି ଆନାନ, ଇରିଙ୍ଗ୍ ଥାକା ଝାନି ବିସ୍‌ବାସ୍‌ତି ମୁସ୍‌କୁ ପାଣି ସିଲେ । ବିସ୍‌ବାସ୍ ମୁସ୍‌କୁ ଆମାକା ଆଏଡ଼, ଆକା ପାପ୍ ।

୧୫

ଆଈଝାରିଙ୍ଗ୍ ଝେଡ଼ିକା କିଦୁ, ନିଜେଦିଙ୍ଗ୍ ସିଲେ

୧ ବିସ୍‌ବାସ୍‌ତୁ ବପୁ ଜେ ମାଡ଼, ଝାର୍ ସାକିସିଲି ବିସ୍‌ବାସ୍ ତଡ଼ାନତି ଦୋସ୍ ସାକିସିଲି ଉଣ୍ଡିଙ୍ଗ୍ ଲାକ୍ତୁ ଆଦୁ । ଏନ୍ ନିଜେଦିଙ୍ଗ୍ ଝେଡ଼ିକା କିନି ଉଣ୍ଡିଙ୍ଗ୍ ବଦା କିମାକିନ୍ ।

୨ ମାତର୍ ଆଈଝାରି ନେଗି ଉଣ୍ଡିଙ୍ଗ୍ ମାରି ଝାରି ବିସ୍‌ବାସ୍‌ତିଙ୍ଗ୍ ଡାଟ୍ କିନି ଉଣ୍ଡିଙ୍ଗ୍ ଝାରିଙ୍ଗ୍ ଝେଡ଼ିକା ଇଡ଼ଦେଙ୍ଗ୍ ମା ପାଣି ।

୩ କ୍ରିସ୍ତ୍ ନିଜେଦି ସୁକ୍ ଉଣ୍ଡିଙ୍ଗ୍ ଇନିକା କିଏଜିମାହାନ । ମାତର୍ ସାସ୍ତ୍ର ଇସାବ୍‌ତାନ, “ଝାର୍ ମିଙ୍ଗ୍ ସିଜିମାନି ଅପ୍‌ମାନ ନାନୁ ସାସ୍ କିଜିନା ।”

୪ ମାରି, ଦାମ୍‌ସାସ୍ତ୍ରଦି ସିକିୟାଓଜୁ ମା ନେଗି ଉଣ୍ଡିଙ୍ଗ୍ ସିଆୟ୍‌ଆତାମାନାଡ଼ । ଆସାଦୁ ତିର୍ ତେବାନି ଉଣ୍ଡିଙ୍ଗ୍ ସାସ୍ତ୍ର ମାଙ୍ଗ୍ ସାସ୍ ନି ଝେଡ଼ିକା ସିନାଡ଼ ।

୫ କ୍ରିସ୍ତ୍ ଜିସୁଦି ଝେନ୍‌କା ସୋଲ୍‌ସି ବୁଲାନି ଝାଜା ଓଜେରି ଆୟାଝାଜା ମନ୍‌ସିନ୍ତା ଆନି ଉଣ୍ଡିଙ୍ଗ୍ ସାସ୍ ନି ଝେଡ଼ିକାଦି ଇସାବ୍‌ତାନ ମାପୁରୁ ମିଙ୍ଗ୍ ସାକା କିପିନ୍ ।

୬ ଓଜେରେ ମିସାଜି ଉନ୍‌ଶ୍ଟେ, ବଲ୍‌ତାନ ପ୍ରବୁ ଜିସୁ କ୍ରିସ୍ତ୍ ବୁବା ମାପୁରୁଦି ଦନ୍‌ୟବାଦ୍ କିଦୁ ।

ଯିହୁଦି ମାରି ଅଣଜିହୁଦି ଲୋକା ଉଣ୍ଡିଙ୍ଗ୍ ସୁସମାଚାର୍

୭ କ୍ରିସ୍ତ୍ ଏଣ୍ଡେସ୍ ମିଙ୍ଗ୍ ଆସ୍‌ତାମାନାନ, ମାପୁରୁଦି ମହିମା ଉଣ୍ଡିଙ୍ଗ୍ ମିର୍ ଆୟାଝାଜା ଆପ୍‌ଣା ଆପ୍‌ଣାଦିଙ୍ଗ୍ ଥାଏଡ଼ ।

୮ ଇରିଙ୍ଗ୍ କ୍ରିସ୍ତ୍ ସେବାଦି ଜିବନ୍ ଜିହୁଦିଲୋକା ଉଣ୍ଡିଙ୍ଗ୍ ଟିକ୍ ମାହାଡ଼ । ଝାରିଙ୍ଗ୍ ଝାନ ତର୍‌ତେଙ୍ଗ୍ ବଦାକିଜିମାହାନ ଜେ ମାପୁରୁ ବିସ୍‌ସାସ୍‌ତିକାନ, ଜିହୁଦି ଜାତିଦି ତକ୍ରାଦାଦାରିଙ୍ଗ୍ ସିତିମାନି ଝାନି ମାଟାଓଜୁ ଝାନ କିନାନ ।

୯ ମାପୁରୁଦି ଦୟା ଉଣ୍ଡିଙ୍ଗ୍ ଅଣଜିହୁଦି ଲୋକା ବା ଝାନି ଦନ୍‌ୟବାଦ୍ କିନାର୍ । ଇୟା ବିସ୍‌ୟତାନ ସାସ୍ତ୍ରଦୁ ରାସାତାମାନାଡ଼

“ଅଣଜିହ୍ଵଦି ଲୋକା ଲୋକା ନି ଦନ୍ୟବାଦ ନାନୁ କିନା,
ଝିଜୁଦିନି ନି ଦନ୍ୟବାଦ ପାଟା ପାରନା ।”

୧୦ ମାରି ବା ରାସାତାମାନାଡ଼,
“ଅଣଜିହ୍ଵଦି ଲୋକୁ ମାପୁରୁଦି ଲୋକାଖାଲେ ଝେଡ଼ିକା କିପିର୍ !”

୧୧ ମାରି,
“ଅଣଜିହ୍ଵଦି ଝିଜୁ ଲୋକୁ ପ୍ରବୁକୁଁ ଦନ୍ୟବାଦ କିପିର୍; ଖାନିଙ୍ଂ ଝିଜୁ ଲୋକୁ ଦନ୍ୟବାଦତି ପାଟା ପାରିର୍ !”

୧୨ ମାରି ଜିସାଇୟ ଇର୍ହାମାନାନ୍,
“ଜେସିଦି ଅରେନ୍ କୁଟୁମଡ଼ିକାନ୍ ତରାଆୟଆନାନ୍,
ଖାନ୍ ଅଣଜିହ୍ଵଦି ଲୋକାଙ୍ଂ ସାସନ୍ କିନାନ୍
ମାରି ଖାର ଖାନିମାନୁ ଆସା ଇଡ଼ନାର ।”

୧୩ ଝିଜୁ ଆସାଦି ଅଦିକାରି, ମାପୁରୁ ମି ବିସବାସ ଉଣ୍ଠିଙ୍ଂ ମିଙ୍ଂ ଝେଡ଼ିକା ନି ସାନ୍ତିଦୁ ପୁରା କିପିନ୍ । ପବିତ୍ର ଆମ୍ଵାଦି ସାନ୍ତିଦାନ ମି ଆସା ପିରିଡ଼ ।

ପାଉଲ ଅଣଜିହ୍ଵଦିରି ଲାକ୍ତୁ ଜିସୁଦି ସେବାକିନି ପାଣି

୧୪ ନା ତଡ଼ାନକୁ ନି ତାଙ୍ଂ କ, ନା ବିସବାସ, ମିର୍ ଝିଜୁ ନେଗିଗୁଣ୍ ନି ବୁଦିଦୁ ପୁରାଆଜି ମାରି ନିଜେନିଜେଦିଙ୍ଂ
ସିକିୟା ସିଦେଙ୍ଂ ଆଟ୍ଂନିଦେର୍ ।

୧୫ ଇୟା ଆକୁତୁ ମିଙ୍ଂ ଏସ ବିସୟ ଉଣ୍ଠିଙ୍ଂ ଜାଗାରତା କିଦେଙ୍ଂ ଇଜି ନାନୁ ମାପୁରୁ ଲାକ୍ତୁ ବପୁ ଆତାମାନା,
୧୬ ଇରିଙ୍ଂ କ୍ରିସ୍ତ ଜିସୁଦି ଦାସ୍ ଖାଜା ଅଣଜିହ୍ଵଦି ଲୋକାଙ୍ଂ ଉଣ୍ଠିଙ୍ଂ ପାଣି କିଦେଙ୍ଂ ଇଜି ମାପୁରୁ ନାଙ୍ଂ ସାରି
ସିତାମାନାନ୍ । ମାପୁରୁଦି ସୁସମାଚାର୍ ଝେର୍ତେଙ୍ଂ ଇଜି ନାନୁ ଅରେନ୍ ଦାମ୍ଵୁଗୁରୁ ଖାଜା ପାଣି କିଜିନା । ଅଣଜିହ୍ଵଦି
ଲୋକୁ ପବିତ୍ର ଆମ୍ଵାଦି ମାଣାନ୍ ସିୟାୟଆତି ବିସୟତି ଖାଜା ମାପୁରୁଦି ଲାକ୍ତୁ ସର୍ପେ ଆପିର୍, ଇକା ନା ବଦା ।

୧୭ କ୍ରିସ୍ତ ଜିସୁଦି ଖାଲେ ମିସାଜି ମାପୁରୁଦି ଉଣ୍ଠିଙ୍ଂ ଇୟା ସେବା ପାଣି କିଜିମାନିଙ୍ଂ ନାନୁ ନିଜେଦିଙ୍ଂ ଗର୍ବ ଏଡ଼
କିଜିନା ।

୧୮ ଅଣଜିହ୍ଵଦି ଲୋକାଙ୍ଂ ମାପୁରୁଦିଙ୍ଂ ମାନାଦେଙ୍ଂ ଇଜି କ୍ରିସ୍ତ ନା ମାଣାନ୍ ଇନିକା କିତାମାନାନ୍, କେବଲ ଇୟା
ମାଟା ଇନ୍ତେଙ୍ଂ ନାନୁ ସାସତିକାନ୍ ଆତାମାନା ।

୧୯ ଇକା ଖାନ୍ କିତାମାନାନ୍, ବାକ୍ୟ ନି ପାଣି ଦାନ୍ ମାରି ମାପୁରୁଦି ଆମ୍ଵାଦି ସାନ୍ତିଦାନ । ଆଦେଙ୍ଂ ନାନୁ
ଜିରୁସାଲାମତାନ୍ ଇଲିରିକମତୁ ସନି ଖାଲେ ସାରିଦୁ କ୍ରିସ୍ତଦି ସୁସମାଚାର୍ ଝେର୍ତାମାନା ।

୨୦ ଏମେ ବାଡ଼ିଆଙ୍ଂ ଲୋକୁ କ୍ରିସ୍ତଦି ବିସୟତାନ୍ ଝେନ୍ଏର୍, ଆବେ ଖାନି ମାଟା ଝେର୍ତେଙ୍ଂ ନା ବଦା, ଇରିଙ୍ଂ
ଆଇକାର ପକ୍ତିମାନି କୁନାଦି ମୁସ୍କୁ ଇଲୁ ତର୍ତେଙ୍ଂ ନାନୁ ବଦାକିଏ ।

୨୧ ସାସ୍ତ୍ର ଏଣ୍ଠେସ୍ ରାସାତାମାନାଡ଼ :

“ଏମେକାର୍ ଖାନି ମାଟା ଝେନ୍ଏର୍, ଖାର ସୁଣାର୍;
ଏମେକାର୍ ଝେନ୍ଏର୍, ଖାର ବୁଜାନାର ।”

ରୋମାତୁ ସନି ଉଣ୍ଠିଙ୍ଂ ପାଉଲତି ଜଜନା

୨୨ ଏସ ଦେବେଙ୍ଂ ମି ଲାକ୍ତୁ ଖାନି ଉଣ୍ଠିଙ୍ଂ ନା ବଦା ସିଲେଡ଼ ଆତାମାନାଡ଼ ।

୨୩ ମାତର ଇୟା ରାଜିଦୁ ନା ପାଣି ଝିଜିତାମାନାଡ଼ ମାରି ନା ଆସା, ମିଙ୍ଂ ସୁଡ଼ଚୁଦଙ୍ଂ ଇଜିନା ଏସ ବାର୍ସେକ୍ତି ଆସା
ଇଲେଇ ପୁରା ଆନାଡ଼ ।

୨୪ ସ୍ତେନ୍ ସନି ସାରିଦୁ ମିଙ୍ଂ ସୁଡ଼ଚୁ ଖାନା ଇଜି ଅଡ଼ବିଜିନା । ମି ଲାକ୍ତୁ ଏସ ସମୟ ତେବାତି ଝେନ୍କା ମି
ସାକାଦାନ୍ ସ୍ତେନ୍ତୁ ସନା ।

୨୫ ଇୟାଦାପ୍ରେ ମାପୁରୁଦି ଲୋକା ସେବା କିଦେଙ୍ଂ ନାନୁ ଜିରୁସାଲାମତୁ ସନ୍ତେଙ୍ଂ ସିତାମାନା ।

୨୬ ଜିରୁସାଲାମତୁ ମାପୁରୁଦି ଏମେ ଲୋକୁ କାକ୍ତୁ ମାନାର୍, ଖାରି ଉଣ୍ଠିଙ୍ଂ ଏସ ତାବୁକୁଁ ସାହାଜ୍ୟ ପକ୍ତେଙ୍ଂ
ମାସିଦନିଆ ନି ଆକାୟାଦି ମଣ୍ଠୁଲିଙ୍ଂ ବଦା କିତାମାନାର୍ ।

୨୭ ଇକା ଖାରି ନିଜେଦି ବଦା; ସଡ଼ତାନ୍ ଇୟାଖାଜା କିନିକା ଖାରି ପାଣି । ଜିହ୍ଵଦିଲୋକୁ ନିଜେଦି ଆମ୍ଵିକ ଆସ୍ ବାଦତୁ
ଅଣଜିହ୍ଵଦି ଲୋକାଙ୍ଂ ମିସା କିତାମାନାର୍ଆକା, ଜିହ୍ଵଦିଲୋକାଙ୍ଂ ନିଜେଦି ତାବୁକୁଁ ସିଜି ଆସ୍ ବାଦତୁ ମିସାକିଜି
ଖାରିଙ୍ଂ ସେବା କିନିକା ଅଣଜିହ୍ଵଦି ଲୋକା ପାଣି ।

୨୮ ଜିରୁସାଲାମତୁ ଆୟା ତାବୁକୁଁ ସିଜି ନା ପାଣି ଝିସ୍ତି ଝେନ୍କା, ନାନୁ ସ୍ତେନ୍ ସନ୍ତେଙ୍ଂ ସୋତା ମାରି ସାରିଦୁ
ମିଙ୍ଂ ସୁଡ଼ଚୁ ଖାନା ।

☆ ୧୫:୨୨ ରୋମିୟ ୧:୧୩. ☆ ୧୫:୨୫ ୧ କରିନ୍ଥ୍ରିୟ ୧୨:୧-୪.

୨୯ ନାନୁ ନେସନା, କ୍ରିସ୍ତଦି ମାଣାନ ପୁରାଦାନ ଆସିବାଦ ଅସି ନାନୁ ମି ଲାକ୍ତୁ ଖାନା ।

୩୦ ଏ ତଡ଼ାନକୁ ନି ତାଙ୍ଗିକ ପ୍ରବୁ ଜିସୁ କ୍ରିସ୍ତଦି ଦରତାନ ନି ପବିତ୍ର ଆମ୍ବୁଦି ସିତିମାନି ଜିବନ୍ନନି ଉଣ୍ଡିଙ୍ଗ୍ ଫାପୁରୁଦି ଲାକ୍ତୁ ନାନୁ ମିଙ୍ଗ୍ ବାତିଙ୍ଗ୍ ମାଲ୍ଜିନା, ନା ଉଣ୍ଡିଙ୍ଗ୍ ଓଁଜୁଦିନ୍ ପାରତନା କିଦୁ ।

୩୧ ଜିହୁଦା ଦେସତି ଅବିସ୍ବାସତି ଲୋକା ଲାକ୍ତୁରାନ ନାନୁ ଏଣ୍ଡେସ୍ ନେଗେନ୍ତାନ ତେବାନା ମାରି ଜିରୁସାଲାମତୁ ନା ସେବା ପାଣି ଏଣ୍ଡେସ୍ କିନାର୍, ଆୟାଉଣ୍ଡିଙ୍ଗ୍ ପାରତନା କିଜିମାନତୁ ।

୩୨ ମାପୁରୁଦି ବଦା ଆତିଙ୍ଗ୍, ନାନୁ ମି ଲାକ୍ତୁ ଖେଡ଼ିକାଦାନ ଖାନା ମାରି ମି ଖାଲେ ଏସ ଦିନ୍ ତେବାଜି ନା ମନ୍ତୁ ଆରାମ୍ କିନା ।

୩୩ ଓଁଜୁ ସାନ୍ତି ସିନି ମାପୁରୁ ମି ଖାଲେ ତେବାପିନ୍ । ଆମେନ୍ ।

୧୭

ନମସ୍କାର କିଜିନା

୧ କେକ୍ଲେ_ୟାଦୁମାନି ମଣ୍ଡଲିଦି ଅରେଡ଼ ସେବାକିନିକାଡ଼ ତାଙ୍ଗି ପିବେଙ୍ଗ୍ ମି ଲାକ୍ତୁ ପକସିନା ।

୨ ପ୍ରବୁଦି ଦରତାନ ତାନିଙ୍ଗ୍ ଆସି ମାପୁରୁଦି ଲୋକା ଖାଜା ସାଲାବୁଲା ଆଦୁ । ତାନି ଦରକାର୍ ଇସାବତାନ ସାକା କିଦୁ । ନାଙ୍ଗି ନି ନାଣ୍ଡ ଲୋକାରି ଖାଦ୍ ଅରେଡ଼ ନେଗି ସଙ୍ଗ୍ ।

୩ *କ୍ରିସ୍ତ ଜିସୁଦି ସେବାଦୁ ନା ଅରସେପାଣିକିନି ପ୍ରିସ୍ଲିଲା ନି ଆକିଲାଦି ନା ନମସ୍କାର ଜାଣେକିଦୁ ।

୪ ଖାର୍ ନା ଉଣ୍ଡିଙ୍ଗ୍ ନିଜେଦି ଜିବନ୍ତିଙ୍ଗ୍ କାସୁଦି କିତାମାନାର୍ । ମାତର୍ ନାନୁ ସିଲେ, ଓଁଜୁ ଅଣଜିହୁଦି ମଣ୍ଡଲି ଖାନିଙ୍ଗ୍ ଧନ୍ୟବାଦ କିଜିନାର୍ ।

୫ ଖାରି ଇଲ୍ଲତୁ ଉଣ୍ଡାଜି ମାନି ପାରତନା ମଣ୍ଡଲିଦିଙ୍ଗ୍ ବା ମାଡ଼ିସ୍ କିଜିନା । ନା ଲାଡ଼ତି ତଡ଼ ଏପାଇନେତଦିଙ୍ଗ୍ ନା ନମସ୍କାର ଖେରନିଦେର୍ । ଆସିଆ ରାଜିଦୁ ଖାନ ଆଜିନାନ ପାରତୁମ୍ କ୍ରିସ୍ତ ବିସ୍ବାସି ।

୬ ମି ନେଗି ଉଣ୍ଡିଙ୍ଗ୍ ନାଣ୍ଡ ପାଣି କିତିମାନି ମରିୟମ୍ତିଙ୍ଗ୍ ନା ନମସ୍କାର କିଦୁ ।

୭ ଆନ୍ଦନିକ ନି ଯୁନିୟାଦିଙ୍ଗ୍ ନମସ୍କାର ଆପିଡ଼ । ଇୟା ରିଏର୍ ଜିହୁଦିର୍ ନା ଖାଲେ ଜଲ୍ଲତୁ ମାର୍ହାର୍ । ନା ଆଗଡ଼ିରାନ ଖାର୍ କ୍ରିସ୍ତଦର୍ମ ମାନାତା ମାର୍ହାର୍ ମାରି ପେରିତ ସିସୁରି ଲୋଇ ଖାର୍ ନେସତାମାର୍ହାର୍ ।

୮ ନା ଖାଲେ ପ୍ରବୁଦି ମିସାନିକା ଖେଡ଼ିକା ଇତିମାନି ନା ଲାଡ଼ତି ତଡ଼ ଆମ୍ବୁ_ୟାତଦିଙ୍ଗ୍ ନା ନମସ୍କାର ଆପିଡ଼ ।

୯ କ୍ରିସ୍ତଦି ସେବାଦୁ ନା ଖାଲେ ଅରସେପାଣିକିନି ଉର୍ବୋନ ନି ନା ଲାଡ଼ତି ତଡ଼ ସ୍ବାକିୟଦିଙ୍ଗ୍ ବା ନା ନମସ୍କାର ଆପିଡ଼ ।

୧୦ କ୍ରିସ୍ତଦି ବିସ୍ବାସତାନ ମାନି ସେବକ ଆପେଲ ନି ଆରିସ୍ତୁଲଦି ଇଲ୍ଲତି ଓଁଜେରିଙ୍ଗ୍ ନା ନମସ୍କାର ଖେରନିଦେର୍ ।

୧୧ ନା ଜାତିଦି ହେରୋଦିୟନ୍ ନି ନାରକସତି ଇଲ୍ଲତି କ୍ରିସ୍ତଦି ତଡ଼ାନକାଙ୍ଗ୍ ବା ନା ନମସ୍କାର ଖେରନିଦେର୍ ।

୧୨ ପ୍ରବୁଦି ସେବାଦୁ ପାଣିକିଜିମାନି କୁଫେଣା ନି କୁପସୋତିଙ୍ଗ୍ ମାରି ପ୍ରବୁଦି ଉଣ୍ଡିଙ୍ଗ୍ ନାଣ୍ଡ ପାଣିକିତିମାନି ନା ତଡ଼ ପସି ସତିଙ୍ଗ୍ ନା ନମସ୍କାର ଆପିଡ଼ ।

୧୩ *ପ୍ରବୁଦି ବାସେଆତିମାନି ଦାସ୍ ରୁପସ ନି ନା ଯାୟା ଖାଜା ଖାନି ଆଇସିଙ୍ଗ୍ ବା ନା ନମସ୍କାର ଆପିଡ଼ ।

୧୪ ଆସୁକ୍ତି_ତ, ପ୍ଲେଗୋନ୍, ହର୍ମିସ୍, ପାତ୍ରବା, ହରମାସ୍ ନି ଖାରି ଖାଲେ ମାନି କ୍ରିସ୍ତୁୟାନ୍ ତଡ଼ାନକାଙ୍ଗ୍ ନି ତାଙ୍ଗି କାଙ୍ଗ୍ ନମସ୍କାର ଖେରତୁ ।

୧୫ ପିଲଲୋଗ ନି ଯୁଲିୟା, ନିରୁସ୍ ନି ଖାନି ତାଙ୍ଗି ମାରି ଅଲୁଫା ନି ଖାରିଖାଲେ ମାନି ଓଁଜୁ ଦାମ୍ବୁଲୋକାଙ୍ଗ୍ ନା ନମସ୍କାର ଖେରତୁ ।

୧୬ ନିଜେନିଜେଦିଙ୍ଗ୍ ନେଗେନ୍ତାନ ନଣ୍ଡଜି ନମସ୍କାର କିଦୁ । କ୍ରିସ୍ତଦି ଓଁଜୁ ମଣ୍ଡଲି ମିଙ୍ଗ୍ ନମସ୍କାର କିଜିନାଡ଼ ।

ପାଉଲଦି ସାରାସାରି ମାଟା

୧୭ ତଡ଼ାନକୁ ନି ତାଙ୍ଗିକ୍, ବାତିଙ୍ଗ୍ ମାଲ୍ଜିନା, ମିର୍ ଆସତିମାନି ସିକିୟାଦି ବିରଦ୍ କିଜି ଏମେକାର୍ ମି ଲୋଇ ବାଗ୍ କିଦେଙ୍ଗ୍ ଇଜି ବଦା କିନାର୍, ଖାରିମାଣାନ ଆକତେବାଦୁ ।

୧୮ ଏମେକାର୍ ଇୟାଖାଜା ପାଣିଦୁ ତେବାନାର୍, ଖାର୍ ପ୍ରବୁ କ୍ରିସ୍ତ ସେବା କିଏଜିନାର୍, ଖାର୍ କେବଲ ନିଜେଦି ପଟା ପସା କିଦେଙ୍ଗ୍ ଆଗଡ଼ି । ବାସାଦି ସାଲାକି ନି ସୁରି ମାଟାଦାନ ଖାର୍ ସିଲିସାତି ଲୋକା ଜିବନ୍ତିଙ୍ଗ୍ ବାଣ୍ଡିସ୍ କିନାର୍ ।

୧୯ ସୁସମାତାର୍ ଉଣ୍ଡିଙ୍ଗ୍ ମି ବିସ୍ବାସ୍ ଓଁଜେରେ ଖେରଆମାନାର୍, ଇୟାଉଣ୍ଡିଙ୍ଗ୍ ନାନୁ ଖେଡ଼ିକା । ନାନୁ ବଦାକିନା, ମିର୍ ନେଗି ବିସୟତୁ ବୁଦିମାନିକାର୍ ଆଦୁ ମାରି ଅସଡ଼ ବିସୟତୁ ମିସାମାଟ୍ ।

୨୦ ଆକାଆତିଙ୍ଗ୍ ସାନ୍ତି ସିନି ମାପୁରୁ ବେଗି ସୟତାନତିଙ୍ଗ୍ ମି ପାଦାମ୍କା ଆଡ଼ଗି କିନାନ । ପ୍ରବୁ ଜିସୁଦି ଦୟା ମି ଖାଲେ ମାନିଡ଼ ।

* ୧୬:୩ ପ୍ରେରିତ ୧୮:୨. * ୧୬:୧୩ ମାର୍କ ୧୫:୨୧.

୨୧ ✨ନା ଖାଲେ ଅର୍ସେପାଣିକିନି ତିମତି ମା ଜିହୁଦି ତଡ଼ାନକୁ ଲୁକିୟ, ଜେସନ୍ ମାରି ସୋସିପାତ୍ର ମିଙ୍ଗ୍ ନମସ୍କାର କିଜିନାର ।

୨୨ ଇୟା ଆକୁଦି ରାସ୍ତିକାନ ଡର୍ତ୍ତୀୟ ପ୍ରବୁଦି ଦରତାନ ମିଙ୍ଗ୍ ନମସ୍କାର କିଜିନାନ ।

୨୩ ✨ନା ସେବାକିନି ଗାୟ, ଆମାଖାନି ଇଲ୍ତୁ ପାରତନା କିନି ମଣ୍ଡଲି ଉଣ୍ଡାନାର ମାରି ଇୟା ଗାଡ୍ଡି ପେରିକାନ ଏରାସ୍ ନି ତଡ଼ାନ କ୍ୱାର୍ତ୍ତ ବା ମିଙ୍ଗ୍ ମାଡ୍ଡିସ୍ କିଜିନାନ ।

୨୪ ପ୍ରବୁ ଜିସୁ କ୍ରିସ୍ତୁଦି ଦୟା ମି ଝିଜେରିଙ୍ଗ୍ ଆପିଡ୍ ।

ପାରତନା ନି ପ୍ରସଂସାଦି ଖାଲେ ଆକୁଦି ଝିଜ୍ଜିକା

୨୫ ରାଦୁ, ମାପୁରୁଦି ଗୌରବ୍ କିନାର୍ । ନାନୁ ପ୍ରଗାର କିଜିମାନି ଜିସୁ କ୍ରିସ୍ତୁଦି ବିସୟତାନ ସୁସମାଚାର ନି ଜୁଗ୍ ଜୁଗ୍ ଆସ୍ସି ମାର୍ଗିଜିମାନି ମାଟା ସଡ୍ ଇସାବ୍ତାନ ମି ବିସ୍ବସ୍ତିଙ୍ଗ୍ ଆର୍ଖା ଇଡ୍ଦେଙ୍ଗ୍ ଇଜି ମାପୁରୁ ଆଟ୍ଟନାନ ।

୨୬ ଆୟା ମାର୍ଗିତି ମାଟାଦି ସଡ୍ଝିଜୁ ବାବବାଦିରି ଦାମ୍ବୁସାସ୍ତୁ ତରାୟ ଆତାମାନାଡ୍ ମାରି ଆକା ଇଲେଇ ଝିଜୁଦିନ୍ତି ପ୍ରବୁ ମାପୁରୁଦି ମାଣାନ ଝିଜୁ ଲୋକା ଲୋଇ ପ୍ରଗାର ଆଜିନାଡ୍ । ତେନି ମାଣାନ ଝିଜେରେ ବିସ୍ବସ୍ କିଜି ମାପୁରୁଦି ମାଟା ମାନାଦେଙ୍ଗ୍ ଆଟ୍ଟନାର ।

୨୭ ପ୍ରବୁ ଜିସୁ କ୍ରିସ୍ତୁଦି ମାଣାନ ଝିଜୁନେସ୍ନି ଅରେନ୍ ମାପୁରୁଦି ଜୁଗ୍ ଜୁଗ୍ ଗୌରବ୍ ଆପିନ୍ । ଆମେନ୍ ।

✨ ୧୭:୨୧ ପ୍ରେରିତ ୧୭:୧. ✨ ୧୭:୨୩ ପ୍ରେରିତ ୧୯:୨୯; ୧ କରିକ୍ତିୟ ୧:୧୪; ୨ ତିମତି ୪:୨୦.

କରନ୍ତିୟମାନଙ୍କ ମଣ୍ଡଳି ନିକଟକୁ ପାଉଲଙ୍କ ପ୍ରଥମ ପତ୍ର କରନ୍ତିୟ ମଣ୍ଡଳିଦି ଲାକ୍ତୁ ପାଉଲତି ପାର୍ତୁମ୍ ଆକୁ କରନ୍ତିୟ ଆକୁ ବିସୟତାନ୍ ଏସ ମାଟା

ପାରତୁମ୍ କରନ୍ତିୟ ଆକୁ ପେରିତ ପାଉଲତି ମାଣାନ୍ ଜିସୁ କ୍ରିସ୍ତଦି ଜନମ୍ତି ୫୫ ବାର୍ସେକ୍ ଝେନ୍କା ରାସାତାମାର୍ହାତ୍ ୧:୧ । ପାଉଲତି ମାଣାନ୍ ରାସାତିମାନି ରୁଣ୍ଡି ଆକୁ ଲୋଇ ଇକା ଆଜିନାତ୍ ପାରତୁମ୍ ଆକୁ । ଝାନ୍ ଆନାତ୍ସୁଗି ଇୟା ଆକୁ ଏପିସ୍ତ୍ର ମାର୍ଇ ବେଡାତୁ ରାସାତାମାର୍ହାନ୍ । ମାସିଦନିଆଦାନ୍ କରନ୍ତିୟତୁ ବାସାନି ଆଗ୍ଡି ରାସାତାମାନାନ୍ ୧୭:୫-୯ ।

ପାଉଲ ଇୟା ଆକୁତୁ ମଣ୍ଡଳି ଲୋଇ ରୁଣ୍ଡି ବାଗକୁ ଆନିକା ମାରି ତାଗ୍ଇ ପାଣି ସାଲାଜିମାନି ବିସୟ ମଣ୍ଡଳିଦି ଲୋକା ମାଣ୍ଡକୁ ଝେନ୍ଝି ଝେରତେଙ୍ଗ୍ ଇଜି ଦିୟାନ୍ ସିନାନ୍ । କରନ୍ତିୟ ଗାଡ୍ ତାଗ୍ଇ ପାଣିକିନି ବିସୟ ଉଣ୍ଡିଙ୍ ଝେଙ୍ଗ୍ ତା ମାର୍ଆତ୍ । ଆଦେଙ୍ଗ୍ ମଣ୍ଡଳି ଇୟା ବଦା ଝିଜୁ ପୟଜି ମାର୍ହାତ୍ ଇବେନୁ କାବାନିକା ଇନିକା ସିଲେ । ୧ କରନ୍ତିୟ ଜିବନ୍ନୋନି ବିସୟତାନ୍ ଉନ୍ତୁ ଅଧ୍ୟାୟ ମାନାତ୍ ୧୩ ।

ଇୟା ଆକୁତୁ ମାନି ମୁକିୟ ବିସୟ

- ୧. ପାଉଲ କରନ୍ତିୟରିଙ୍ଗ୍ ନମସ୍ତାର୍ କିଜିନାର୍ ମାରି ଝାରି ଉଣ୍ଡିଙ୍ ମାପୁରୁଙ୍ଗ୍ ଦନ୍ୟବାଦ୍ ସିନାନ୍ । ୧:୧-୯
- ୨. ପାଉଲ କରନ୍ତି ମଣ୍ଡଳିଦାନ୍ ପୟତିମାନି ମଣ୍ଡଳି ବାଗ୍ ଆନି ବିସୟତାନ୍ ସିକିୟା ସିନାନ୍ । ୧:୧୦-୪:୨୧
- ୩. ଆଇକା ଝାନ୍ ତାଗ୍ଇ ପାଣିଝିଜୁ ମାରି ଅରେନ୍ ଆଇଝାନିଙ୍ କର୍ଟୁ ଅନି ବିସୟତାନ୍ ରାସାନାନ୍ । ୫-୭
- ୪. ଝେନ୍କା ପେଡିଆନି ବିସୟ, ଦିୟାମ୍ତିଙ୍ଗ୍ ପୁଜା ସିନିକା, ଉପାସନା, ପବିତ୍ର ଆମ୍ବାଦି ଦାନ୍ ମାରି ମାରିଡେସି ନିଙ୍ଗ୍ ନିକା ରାସନାନ୍ । ୭-୧୫
- ୫. ସାରାସାରିଝେନ୍କା ଝାନ୍ ଏସ ବ୍ୟବହାର୍ ଆନିକା ମାରି ନିଜେଦି ବିସୟତାନ୍ ରାସି ଝିସନାନ୍ । ୧୭

୧ ନାନ୍ ପାଉଲ, ମାପୁରୁଦି ଇଛାଦାନ୍ କ୍ରିସ୍ତ ଜିସୁଦି ଆସକିଆତି ଅରେନ୍ ପ୍ରେରିତ୍ ସିସୁ, ମା ତଡାନ୍ ସୋସ୍ତିନା,

୨ *କରନ୍ତି ଗାଡ୍ତୁ ମାନି ମାପୁରୁଦି ମଣ୍ଡଳି ଲାକ୍ତୁ ରାସସିନାନ୍ : ଆମାକାର୍ ମାପୁରୁଦି ପବିତ୍ର ଲୋକୁ ଆନି ଉଣ୍ଡିଙ୍ ବଦାମାନାର୍ ମାରି ଜିସୁ କ୍ରିସ୍ତଦି ଝାଲେ ମିସାନି ମାଣ୍ଡକୁ ମାପୁରୁଦି ଲୋକୁଆତା ମାନାର୍ ମାରି ଝିଜୁ ମା ପ୍ରବୁ ଜିସୁ କ୍ରିସ୍ତଦି ଉପାସନା କିଜିନାର୍ :

୩ ମି ଉଣ୍ଡିଙ୍ ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତଦିମାଣ୍ଡକୁ ଦୟା ମାରି ସାନ୍ତି ଆପିତ୍ ।

କ୍ରିସ୍ତଦି ମାଣ୍ଡକୁ ଆସିର୍ବାଦ୍

୪ ଇରିଙ୍ଗ୍ କ୍ରିସ୍ତ ଜିସୁଦି ଝାଲେ ମିସାନିମାଣ୍ଡକୁ ମାପୁରୁ ମିଙ୍ଗ୍ ଆମା ଦୟା ସିତା ମାନାନ୍, ଆୟାଉଣ୍ଡିଙ୍ ନାନ୍ ଝିଜୁଦିନି ମି ବିସୟତାନ୍ ମାପୁରୁଙ୍ଗ୍ ଦନ୍ୟବାଦ୍ ସିଜିନା,

୫ ଇରିଙ୍ଗ୍ କ୍ରିସ୍ତଦି ଝାଲେ ମିସାତି ମାନିଙ୍ ମିର୍ ଝିଜୁ ବିସୟତି ସିକିୟାତୁ ମାରି ଝିଜୁଜାତିଦି ବୁଦିଦୁ ବା ଦନି ଆତିମାନିଦେର୍ ।

୬ ଇୟାଝାଜା କ୍ରିସ୍ତଦି ମାଟା ମିମାନୁ ସାକ୍ୟ ତିର୍ଆତା ମାନାତ୍ ।

୭ ଆଦେଙ୍ଗ୍ ପ୍ରବୁ ଜିସୁ କ୍ରିସ୍ତଦି ଝାନିତାନିଙ୍ କାପ୍କିଜି ତେବାନି ବେଡାତୁ ମି ଇନି ଆମ୍ବାଦି ଦାନ୍ତୁ ଉଣା ଆଏତ୍ ।

୮ ଇୟାଉଣ୍ଡିଙ୍ ଝାନ୍ ମିଙ୍ଗ୍ ସାରାସାରି ଦିନ୍ ସାଦି ବା ତିର୍ ଇଡନାନ୍, ମା ପ୍ରବୁ ଜିସୁ କ୍ରିସ୍ତଦି ଝାନିନାଣ୍ଡିଙ୍ ଏଣ୍ଡେସ୍ ମିର୍ ନିନ୍ଦା ଆଇଦେର୍ ।

୯ ଆମା ମାପୁରୁ ଝାନି ମାରିନ୍ ମା ପ୍ରବୁ ଜିସୁ କ୍ରିସ୍ତଦି ସାକା ପୟନି ଉଣ୍ଡିଙ୍ ମିଙ୍ଗ୍ କୁକ୍ତାମାନାନ୍, ଝାନ୍ ଝିଜୁଦିନ୍ ବିସବାସ୍ ।

ମଣ୍ଡଳିଦୁ ବାଗ୍କିନିକା

୧୦ ଏ ତଡାନ୍କୁ ନି ତାଙ୍ଗ୍ କି, ମା ପ୍ରବୁ ଜିସୁ କ୍ରିସ୍ତଦି ସାନ୍ତିଦାନ୍ ନାନ୍ ମିଙ୍ଗ୍ ଅନୁରଦ୍ କିଜିନା, ଏଣ୍ଡେସ୍ ମିର୍ ଝିଜୁଲୋକୁ ଝାର୍ଗିଜିସାନିଝାଲେ ଉନ୍ତେ ମାଟା ଇନିଦେର୍, ମାରି ମି ଲୋଇ ଏରପିସିସାନିକା ଆଏତ୍ । ମାତର୍ ମିର୍ ଉନ୍ତୁ ମୋନ୍ତାନ୍ ମାରି ଉନ୍ତୁ ବିଚାର୍ତାନ୍ ଉନ୍ତେମାନୁ ଆତୁ ।

୧୧ ଏ ନା ତଡାନ୍କୁ ନି ତାଙ୍ଗ୍ କି, ଖ୍ଲାଦି ଇଲୁଦାଣ୍ଡୁକ୍ତେ ଏସଲୋକ୍ ମି ବିସୟତାନ୍ ନା ଲାକ୍ତୁ ଇକା ଝେରତାମାନାର୍, ମି ଲୋଇ ଏରପିସିସାନିକା ମାନାତ୍ ।

* ୧:୨ ପ୍ରେରିତ ୧୮:୧.

୧୨ *ନା ମାଟାଦି ଏଡ଼ ଇକା, ମିର୍ ଝିଜୁଲୋକ୍ ଆଇଆଇ ପାଣି କିଜିନିଦେର୍, ଏନ୍ ଏନ୍ ଆଜିନାର୍, ନାନୁ ପାଉଲତି ଝେନ୍କା ସୋଲ୍‌ସିନା, ମାରି ଏନ୍ ଏନ୍ ଆଜିନାର୍, ନାନୁ ଆପୋଲୋତି ଝେନ୍କା ସୋଲ୍‌ସିନା, ଏନ୍ ଏନ୍ ଆଜିନାର୍, ନାନୁ ପିତରତି ଝେନ୍କା ସୋଲ୍‌ସିନା, ମାରି ଏନ୍ ଏନ୍ ଆଜିନାର୍, ନାନୁ କ୍ରିସ୍ତଦି ଝେନ୍କା ସୋଲ୍‌ସିନା ।

୧୩ କ୍ରିସ୍ତ ଇନିକା ବାଗ୍‌ବାଗ୍ ଆତାମାନାନ୍ ? ପାଉଲ ଇନିକା ମି ଉଣ୍ଡିଙ୍ଗ୍ କ୍ଲସ୍‌କାଟ୍‌ତୁ ସାତା ମାହୀନ୍ ? ମାରି ମିର୍ ଇନିକା ପାଉଲତି ଦରତାନ୍ ତୁବନ୍ ଅତିମାରଇଦେର୍ ?

୧୪ *ନାନ୍ ମାପୁରୁଙ୍ଗ୍ ଦନ୍ୟବାଦ୍ ସିଜିନା ଜେ କ୍ରିସ୍‌ପସ୍ ନି ଗାୟଙ୍ଗ୍ ଡିସ୍‌ଡିଙ୍ଗ୍ ମି ଲୋଇରାନ୍ ମାରି ନାନ୍ ଏଙ୍ଗ୍‌ବା ତୁବନ୍ ସିଏ ।

୧୫ ଆୟାଉଣ୍ଡିଙ୍ଗ୍ ମିର୍ ନା ଦରତାନ୍ ତୁବନ୍ ଅତାମାନାପ୍ ଇଜି ମି ଲୋଇରାନ୍ ଏନ୍ ଇନ୍‌ଡ୍ରେଙ୍ଗ୍ ଆର୍‌ଏନ୍ ।

୧୬ *ହୁଁ, ନାନ୍ ପ୍ରିପାନତିଙ୍ଗ୍ ମାରି ଖାରି ଇଲୁଦିଝାରିଙ୍ଗ୍‌ନେ ତୁବନ୍ ସିତାମାନା; ମାତର୍ ଇକା ଡିସ୍‌ଡିଙ୍ଗ୍ ମାରି ଏଙ୍ଗ୍‌ବା ନାନୁ ତୁବନ୍ ସିତାମାନା ଇଜି ନାଙ୍ଗ୍ ଏଡ଼ ରେଏଜିନା ।

୧୭ ଇରିଙ୍ଗ୍ କ୍ରିସ୍ତ ନାଙ୍ଗ୍ ତୁବନ୍ ସିନି ଉଣ୍ଡିଙ୍ଗ୍ ପୋକତାଏନ୍, ମାତର୍ ଖାନ୍ ନାଙ୍ଗ୍ ସୁସମାଚାର୍ ପ୍ରଚାର୍ କିଦେଙ୍ଗ୍ ପୋକତାତାମାନାନ୍; ଆକାବା ଲୋକା ବୁଦିଦାନ୍ ସିଲେ, ଏସ୍ତ୍ରୁଖାଲେ କ୍ରିସ୍ତଦି କ୍ଲସ୍‌କାଟ୍‌ତି ସାକ୍ତି ମାରି ପ୍ରଭାବ ବେକାର୍ ଆଏଡ଼ ।

ମାପୁରୁଦି ସାକ୍ତି ମାରି ବୁଦିଦି ଆଦାର୍ କ୍ରିସ୍ତ

୧୮ ଇରିଙ୍ଗ୍ ନାସ୍ତୁ ଆଦେଙ୍ଗ୍ ସୋଲ୍‌ସିମାନି ଲୋକା ଉଣ୍ଡିଙ୍ଗ୍ କ୍ଲସ୍‌କାଟ୍‌ତି ମୁସ୍‌କୁରି ମାଟା ମୁକୁଁ । ମାତର୍ ରକିୟା ପୟତିମାନି ମା ଉଣ୍ଡିଙ୍ଗ୍ ଆକା ମାପୁରୁଦି ସାକ୍ତି ।

୧୯ ଇରିଙ୍ଗ୍ ଦର୍ମସାସ୍ତ୍ରୁ ରାସ୍‌ତାମାନାଡ଼ :

“ନାନ୍ ଜ୍ଞାନମାନିଝାରି ଜ୍ଞାନ ନାସ୍ତୁ କିନାଟ୍,
ମାରି ବୁଦିମାନିଝାରି ବୁଦି ଡିସ୍‌ସି କିନାଟ୍ ।”

୨୦ ବୁଦି ଏମେ ? ସାସ୍ତ୍ରୁ ଏମେ ? ଇୟା ଯୁଗ୍‌ତି ସାଲ୍‌କି ଏମେ ? ମାପୁରୁ ଇନିକା ଦୁନିଆଦି ବୁଦିଦିଙ୍ଗ୍ ମୁକୁଁ ଇଜି ଇନ୍‌ଏନ୍ ନୋ ?

୨୧ ଇରିଙ୍ଗ୍ ମାପୁରୁ ଖାନି ପେରି ଜ୍ଞାନତାନ୍ ତିର୍ କିତାମାହୀନ୍ ଜେ ଜଗଡ଼ତି ଲୋକ୍ ନିଜେଦି ଜ୍ଞାନଦାନ୍ ମାପୁରୁଙ୍ଗ୍ ନେସ୍‌ଡେଙ୍ଗ୍ ଆର୍‌ଏର୍ । ମାପୁ ପ୍ରଚାର୍ କିଜିମାନି ବାକ୍ୟଦି ତାଗ୍‌ଇମାଟା ସୁସମାଚାର୍‌ତୁ ବିସ୍‌ବାସ୍ କିଜିମାନି ଲୋକାଙ୍ଗ୍ ରକିୟା କିନି ଉଣ୍ଡିଙ୍ଗ୍ ମାପୁରୁ ଝେଡ଼ିକା ଆତାନ୍ ।

୨୨ ଇରିଙ୍ଗ୍ ଜିହୁଦିର୍ ସିନା ପୟନାର୍, ମାରି ଗ୍ରିକ୍‌କୁ ବୁଦି ପୟନାର୍ ।

୨୩ ମାତର୍ ମାପୁ କ୍ଲସ୍‌ଦି ମୁସ୍‌କୁ ସାତିମାନି କ୍ରିସ୍ତଙ୍ଗ୍ ପ୍ରଚାର୍ କିନାପ୍, ଖାନ୍ ଜିହୁଦିରି ଉଣ୍ଡିଙ୍ଗ୍ ଏରେପ୍‌ନିଝାଜା ମାରି ଅଣଜିହୁଦିରି ଉଣ୍ଡିଙ୍ଗ୍ ମୁକୁଁଦିଝାଜା;

୨୪ ମାତର୍ ଜିହୁଦି ଆପିନ୍ ମାରି ଅଣଜିହୁଦିରି ଆପିନ୍, ଆମାକାର୍ ଇଚ୍ଛାମାନାର୍, ଖାରି ଉଣ୍ଡିଙ୍ଗ୍ କ୍ରିସ୍ତ ମାପୁରୁଦି ସାକ୍ତି ମାରି ମାପୁରୁଦି ଜ୍ଞାନଦିଝାଜା ।

୨୫ ଆର୍‌ଡିଙ୍ଗ୍ ମାପୁରୁଦି ମୁକୁଁ ଇଜି ଏଡ଼ ଖାନାଡ଼ ବିସୟ ଲୋକାଦି ଜ୍ଞାନ ବାଦ୍‌ଲୁ ନାଶ୍ତୁ ଜ୍ଞାନ ମାନାଡ଼, ମାରି ମାପୁରୁଦି ଦୁର୍‌ଲ ଇଜି ଏଡ଼ ଖାନାଡ଼ ବିସୟ ଲୋକା ସାକ୍ତି ବାଦ୍‌ଲୁ ନାଶ୍ତୁ ସାକ୍ତି ।

୨୬ ଏ ତଡ଼ାନକୁ ତାଙ୍ଗ୍‌କି, ମାପୁରୁ କୁକ୍‌ନି ବେଡ଼ାଦୁ ମିର୍ ଏଣ୍ଡେସ୍ ମାରଇଦେର୍, ଆକା ଅଡ଼ବିଦୁ । ଦୁନିଆଦି ଇସାବତାନ୍ ଗାଦିଲୋକ୍ ଜ୍ଞାନରି ମାରି ଏସଲୋକ୍ ଅଦିକାର୍‌ରି ତାଟ୍‌ମାନି ପରିବାର୍ ମାହୀର୍ ।

୨୭ ଇୟାଉଣ୍ଡିଙ୍ଗ୍ ମାପୁରୁ ଜ୍ଞାନିରିଙ୍ଗ୍ ସେମାର୍ କିନି ଉଣ୍ଡିଙ୍ଗ୍ ଜଗଡ଼ତି ମୁକୁଁରିଙ୍ଗ୍ ଆସ୍‌କିତାମାନାନ୍ ମାରି ସାକ୍ତିମାନିଝାରିଙ୍ଗ୍ ସେମାର୍ କିନି ଉଣ୍ଡିଙ୍ଗ୍ ଜଗଡ଼ତି ବପୁସିଲିଝାରିଙ୍ଗ୍ ଆସ୍‌କିତାମାନାନ୍,

୨୮ ମାରି ଜଗଡ଼ତି କାଶ୍‌ଗାଦୁ ଆମାକା ଝିଜୁ ନେଗି ବିସୟ, ଆୟାଝିଜୁଦିଙ୍ଗ୍ ନାସ୍ତୁ କିନି ଉଣ୍ଡିଙ୍ଗ୍; ଜଗଡ଼ତି ବିସୟକୁ, ତେବାତିମାନି ମାରି ନଗଣ୍ୟଝାରିଙ୍ଗ୍ ମାପୁରୁ ଆସ୍‌କିତାମାନାନ୍ ।

୨୯ ଇବେଶ୍‌କୁ ନେସ୍‌ନିଝାଜା ଏନ୍‌ଆପିନ୍ ମାପୁରୁଦି ଆଗଡ଼ି ପେରିକାନ୍ ଇଜି ତରାଦେଙ୍ଗ୍ ଆର୍‌ଏନ୍ ।

୩୦ ମାତର୍ ମାପୁରୁ ମିଙ୍ଗ୍ କ୍ରିସ୍ତ ଜିସୁଦି ଖାଲେ ମିସାକିତା ମାନାନ୍ ମାରି ଖାନ୍ ମାପୁରୁଦିମାଣୁକୁ ମା ଉଣ୍ଡିଙ୍ଗ୍ ଜ୍ଞାନଦିଝାଜା କିତାମାନାନ୍, ଖାନି ମାଣୁକୁ ମାପୁରୁଦି ଆଗଡ଼ି ମା ଜତାର୍ଥ ମିସାଜି ପୁନା ତିଆର୍ ଆଜି, ମାତୁ ଦାମ୍‌କ ମାରି ପବିତ୍ର ଲୋକ୍ ଆଜି ରକିୟା ପୟତିମାନିକା ।

୩୧ ମାରି, ଏଣ୍ଡେସ୍ ଦର୍ମସାସ୍ତ୍ରୁ ରାସ୍‌ତାମାନାଡ଼ : “ଏନ୍ ଗର୍ବ କିଦେଙ୍ଗ୍ ଇଚ୍ଛା, ଖାନ୍ ପ୍ରବୁଦିମାନୁ ଗର୍ବ କିପିନ୍ ।”

☆ ୧:୧୨ ପ୍ରେରିତ ୧୮:୨୪. ☆ ୧:୧୪ ପ୍ରେରିତ ୧୮:୮ପ୍ରେରିତ ୧୯:୨୯; ରୋମିୟ ୧୨:୨୩. ☆ ୧:୧୬ ୧ କରକ୍ରିୟା ୧୭:୧୫.

୨

କୁସକାର୍ତ୍ତୁସାତି କ୍ରିସ୍ତଦି ବିସୟତାନ୍ କାବୁର୍

୧ ଏ ତଡ଼ାନକୁ ନି ତାଙ୍ଗୁଁକି, ନାନ ମି ଲାକତୁ ମାପୁରୁଦି ସତ୍ତି ମାଟା ପ୍ରଚାର କିନି ଉଣ୍ଡିଙ୍ଗ ସୋଲ୍‌ସିମାନିଝାଲେ ଖାରଇ ମାଟେଙ୍ଗ ମାରି ପେରିକାନ୍‌ଝାଜା ତରାଏତା ମାରୁଆ ।

୨ ମି ଝାଲେ ମାନି ବେଡ଼ାଦୁ ଜିସୁ କ୍ରିସ୍ତ, ଅର୍ତ୍ତାତ୍ କୁସକାର୍ତ୍ତୁ ମୁସକୁ ଝାନି ସାତିକା ଜିସୁ କ୍ରିସ୍ତଙ୍ଗ ଡିସ୍‌ତିଙ୍ଗ ମିମାନୁ ମାରି ଇନି ବିସୟ ନେସଇ ଉଣ୍ଡିଙ୍ଗ ନାନ ଇଚ୍ଛା କିତା ।

୩ *ମାରି, ନାନ ନାସ୍ତିଝାଲେ ଦୁର୍ବଳ ମାର୍ହା, ତିଲାଇ ମାରି ନାଣ୍ଡିଏଲ୍‌ତାନ୍ ମି ମାନୁ ମାର୍ହା ।

୪ ଇୟାଉଣ୍ଡିଙ୍ଗ ନା ସିକିୟା ନି ପ୍ରଚାର, ଲୋକା ଜ୍ଞାନଦି ନେଗି ବାକ୍ୟ ଆଏଶ୍‌ଗା ମାପୁରୁଦି ଆମ୍ବା ମାରି ସାଲ୍‌ତିଦି ପାରମାଣ୍ ଆତାମାରତା ।

୫ ଆଦେଙ୍ଗ ମି ବିସ୍‌ବାସ୍ ଏଣ୍ଡେସ୍ ଲୋକାଦି ଜ୍ଞାନ ମୁସକୁ ମାନ୍‌ଏଶ୍‌ଗା, ଆକା ମାପୁରୁଦି ସାଲ୍‌ତି ମୁସକୁ ତେବାନାତ୍ ।

ମାପୁରୁଦି ବୁଦି

୬ ମାରିବା ମାତୁ ଆମ୍ବିକ ଜିବନ୍‌ତୁ ପିରୁନି ଲୋକା ମାନୁ ବୁଦିଦି ମାଟା ଝେରୁସିନା, ମାତର୍ ଆକା ଇୟା ଜୁଗ୍‌ତି ବୁଦି ଆଏତ୍ ମାରି ଇୟା ଦୁନିଆଦୁ ସାସନ୍ କିଜିମାନି ନେତାରି ଜ୍ଞାନ ଆଏତ୍ ।

୭ ନାନ ମାପୁରୁଦି ସତ୍ତି ବୁଦିଦି ମାଟା ଝେରୁସିନା, ଆୟା ଲୋକ୍‌ତିମାଣ୍ଡୁ ଆଡ଼ାକ୍ତା ଇଟାମାନାନ୍, ମାରି ମା ଗୌରବଦି ଉଣ୍ଡିଙ୍ଗ ଦୁନିଆ ତିଆରୁଆତି ଆଗଡ଼ିରାନ୍‌ନେ ମାପୁରୁ ଇୟାତାନିଙ୍ଗ ତିଆର୍ କିତାମାର୍ହାନ୍ ।

୮ ଇୟା ଦୁନିଆଦି ଆମା ସାସନ୍‌କିନିଝାରି ଲୋଇ ଏନ୍ ବୁଦିଦି ବିସୟ ନେସ୍‌ଏନ୍ ମାର୍‌ହାନ୍, ଜଦି ଝାର୍ ଆକା ନେସ୍‌ତିମାରିଙ୍ଗ ଗୌରବମୟ ପ୍ରବୁଙ୍ଗୁ କୁସକାର୍ତ୍ତୁ ମୁସକୁ ତାକ୍‌ଏତାରମାଦି;

୯ ଏଣ୍ଡେସ୍ ଦର୍ମସାସ୍ତ୍ରଦୁ ରାସାତାମାନାତ୍ :

“କାଶ୍‌ଗା ଆମାକା ସୁଡ଼ସୁଡ଼, ଗିତଣି ଆମାକା ଝେନ୍‌ଏଡ଼,

ଆମାକା ଗଟାନିକା ଏନ୍ ଅଡ଼ିଏନ୍,

ଆୟାଝିଜୁ ବିସୟ ମାପୁରୁ ନିଜେଦି ଜିବନ୍‌ନୋନିଝାରି ଉଣ୍ଡିଙ୍ଗ ତିଆର୍ କିତାମାନାନ୍ ।”

୧୦ ମାତର୍ ମାପୁରୁ ମା ଉଣ୍ଡିଙ୍ଗ ଝାନି ଆମ୍ବାଦାନ୍ ମାର୍‌ଗିତି ବିସୟ ଝିଜୁ ଝେରୁତା ମାନାନ୍; ଆୟା ଆମ୍ବା ନେ ମାପୁରୁଦି ନାଣ୍ଡିଲୋଇରି ବିସୟକୁ ଝିଜୁ ପୟନାତ୍ ।

୧୧ ଲୋକ୍‌ତି ବିସୟଝିଜୁ ଲୋକ୍‌ତିମାନୁ ମାନି ଆମ୍ବାଦିଙ୍ଗ ଡିସ୍‌ତିଙ୍ଗ ମାରି ଏନ୍ ନେସ୍‌ନାନ୍ । ଆୟାଝାଜା ମାପୁରୁଦି ବିସୟଝିଜୁ ମାପୁରୁଦି ଆମ୍ବାଦିଙ୍ଗ ଡିସ୍‌ତିଙ୍ଗ ମାରି ଏନ୍ ନେସ୍‌ତେଙ୍ଗ ଆଟ୍‌ଏନ୍ ।

୧୨ ଏଣ୍ଡେସ୍ ମାପୁରୁଦି ମାଣାନ୍ ମାଙ୍ଗୁଁ ଦୟାଦାନ୍ ସିତିମାନି ବିସୟକୁଝିଜୁ ମାତୁ ନେସ୍‌ତେଙ୍ଗ ଆଟ୍‌ନିକା, ଇୟାଉଣ୍ଡିଙ୍ଗ ମାତୁ ଜଗଡ଼ତି ଆମ୍ବା ପୟଏଶ୍‌ଗା ମାପୁରୁଦି ଆମ୍ବା ପୟତିମାନିକା ।

୧୩ ଆଦେଙ୍ଗ ନେସ୍‌ତିମାନି ବୁଦିଦି ଲୋକା ଲାକତୁ ନେସ୍‌ତି ସତ୍ତିକା ଝେରୁନିଝାଲେ ମାପୁ ଦୁନିଆଦି ବୁଦିଦାନ୍ ମାଟା ଇନ୍‌ଏପ୍ ମାନାପ, ମାତର୍ ଆମ୍ବିକ ବିସୟଝିଜୁ ଆମ୍ବିକ ବିସୟଦାନ୍ ବୁଜାକିଜି ପବିତ୍ରଆମ୍ବାଦାନ୍ ନେସ୍‌ତିମାନି ବାକ୍ୟଦାନ୍ ଝେରୁନିକା ।

୧୪ ମାତର୍ ଦୁନିଆଦି ଲୋକୁ ମାପୁରୁଦି ଆମ୍ବାଦି ବିସୟକୁ ମାନାଏନ୍, ଇରିଙ୍ଗ ଇୟାଝିଜୁ ଝାନି ଲାକତୁ ମୁକୁ, ମାରି ଝାନ୍ ଆୟାଝିଜୁ ବୁଜାଦେଙ୍ଗ ଆଟ୍‌ଏନ୍, ଇରିଙ୍ଗ କେବଲ ଆମ୍ବାଦୁମାନି ଲୋକୁ ଆୟାଝିଜୁଦିଙ୍ଗ ବିଚାର କିଦେଙ୍ଗ ଆଟ୍‌ନାନ୍ ।

୧୫ ମାତର୍ ଏମେମାନି ଲୋଇ ମାପୁରୁଦି ଆମ୍ବା ତେବାନାତ୍, ଝାନ୍ ଝିଜୁ ବିସୟ ବୁଜାଦେଙ୍ଗ ଆଟ୍‌ନାନ୍, ମାରି ଏନ୍ ଝାନି ବିଚାର କିଏନ୍ ।

୧୬ ଦର୍ମସାସ୍ତ୍ରଦୁ ଏଣ୍ଡେସ୍ ରାସାତାମାନାତ୍ :

“ଏନ୍ ପ୍ରବୁଦି ମୋନ୍‌ତିଙ୍ଗ ବୁଜାଦେଙ୍ଗ ଆଟ୍‌ନାନ୍ ?

ଏନ୍ ଝାନିଙ୍ଗ ସିକିୟା ସିଦେଙ୍ଗ ଆଟ୍‌ନାନ୍ ?”

ଝାନ୍ ଏନ୍‌ଆପିନ୍, ମାପୁ କ୍ରିସ୍ତଦି ମୋନ୍‌ତିଙ୍ଗ ମାନାତାମାନାପ୍ ।

୩

ମାପୁରୁଦି ସେବାକିନିକାନ୍

୧ ଏ ତଡ଼ାନକୁ ନି ତାଙ୍ଗୁଁକି, ନାନ ମାପୁରୁଦି ଆମ୍ବାମାନି ଲୋକା ଝାଲେ ଝାରଗିଜିସାତି ଝାଜା ମି ଝାଲେ ଝାରଗିଜିସାଏ । ମାତର୍ ନାନ ମିଙ୍ଗୁଁ ଇୟା ଜଗଡ଼ତି ଲୋକୁ ମାରି କ୍ରିସ୍ତଦି ବିସ୍‌ବାସ୍ତୁ ଇସ୍‌ସିଝାରିଙ୍ଗ ଝେରୁତି ଝାଜା ମିଙ୍ଗୁଁ ଝେରୁତା ।

* ୨:୩ ପ୍ରେରିତ ୧୮:୯.

୨ *ନାନ ମିଙ୍ଗ ପାଲୁ ଉତ୍ପତ୍ତିକି ଆଇ କାଦି ସିଏତା, ଇରିଙ୍ଗ ମିର୍ ଆକା ଉଣ୍ଡେଙ୍ଗ ଇଚ୍ଛା ସିଲେତାଡ଼, ମାରି ଇଲେଇବା ଇଚ୍ଛା ସିଲେଡ଼ ।

୩ ଇଲେଇବା ମିର୍ ଦୁନିଆଦି ଲୋକା ଖାଜା ଜିଜିମାଡ଼ିଜିନିଦେର୍ । ମି ଲୋଇ ଆକାର ମାରି ନିଜେନିଜେଦି ମାନୁ ଜାଟିଜଗଡ଼ା ତେବାନାଡ଼; ଇବେଣ୍ଟକୁ ଇନିକା ମିର୍ ମୋନ୍‌ଲଇସାବ୍‌ତାନ୍ ମାରି ଦୁନିଆଦିକା ଇଜି ପାରମାଣ୍ ଆଏଜିନିଦେର୍ ?

୪ *ମି ଲୋଇରାନ୍ ଅରେନ୍ ଇନାନ୍, ନାନ୍ ପାଉଲତି ଖାଲେ ମାନିକିକ୍ଷା, ମାରି ଅରେନ୍ ଇନାନ୍, ନାନ୍ ଆପୋଲୋଦି ଖାଲେ ମାନିକିକ୍ଷା, ନାସ୍ତିଖାଲେ ଇନିକା ମିର୍ ଦୁନିଆଦି ଲୋକା ଖାଜା ସାଲାବୁଲ୍ଲା କିଇଜିନିଦେର୍ ?

୫ ଆପୋଲୋ ଏନ୍ ? ମାରି ପାଉଲ ଏନ୍ ? ଖାର ମାପୁରୁଦି ସେବାକିନିକାର୍, ମିଙ୍ଗ ବିସ୍‌ବାସ୍ କିଦେଙ୍ଗ୍ ମାପୁ ସାହାଜ୍ୟ କିଜିନାପ୍ । ମାପୁରୁ ମା ମାଣକୁ ଓଜେରିଙ୍ଗ୍ ଆମା ପାଣିଦୁ ଆସ୍‌କିତାମାନାନ୍, ମାପୁ ଆୟା ପାଣି କିଜିନାପ୍ ।

୬ *ନାନ୍ ଉରୁତା ମାନା, ଆପୋଲୋ ଆବେନ୍ ଏରୁ ସିତାମାନାନ୍, ମାତର୍ ମାପୁରୁ ପିରିସ୍ କିତାମାନାନ୍ ।

୭ ମାରି, ଏନ୍ ଉରୁନାନ୍ ମାରି ଏନ୍ ଏରୁ ସିନାନ୍, ଖାନ୍ ଇନିକା ସିଲେ, ମାତର୍ ପିରିସ୍ କିତାମାନାନ୍ ଜେ ମାପୁରୁ, ଖାନ୍ ପେରିକାନ୍ ।

୮ ଏନ୍ ଉରୁନାନ୍ ମାରି ଏନ୍ ଏରୁ ସିନାନ୍, ଆୟା ରିଏର୍ ସାମାନ୍, ଇରିଙ୍ଗ ମାପୁରୁ ଓଜେରିଙ୍ଗ୍ ନିଜେ ନିଜେଦି ପାଣିଦି ଇସାବ୍‌ତାନ୍ ପୁରସ୍କାର୍ ସିନାନ୍ ।

୯ ଇରିଙ୍ଗ୍ ମାପୁ ମାପୁରୁଦି ଖାଲେ ପାଣିକିଜିନାପ୍; ମିର୍ ମାପୁରୁଦି କିଡ଼ିଇ ମାରି ମାପୁରୁଦି ଇଲୁ ।

୧୦ ନାଙ୍ଗ୍ ସିତିମାନି ମାପୁରୁଦି ଦୟା ଇସାବ୍‌ତାନ୍ ନାନ୍ ଅରେନ୍ ବୁଦିଦି ଇଲୁକୁଡ଼ିଆରକିନିମେସ୍ତି ଖାଜା ମୁଲୁକାଲୁ ପୋକତାମାନା, ଆଇକାନ୍ ଅରେନ୍ ଇୟା ମୁଲୁକାଲୁ ମୁସ୍‌କୁ ତିଆର୍ କିଜିନାନ୍ । ମାତର୍ ଓଜୁ ଲୋକୁ ଆୟା ମୁସ୍‌କୁ ଏଣ୍ଡେସ୍ ତିଆର୍ କିଜିନାନ୍ ଆୟା ବିସ୍‌ୟତାନ୍ ଜାଗରାଡ଼ ଆନିକା ମାନାଡ଼ ।

୧୧ ଇରିଙ୍ଗ୍ ମାପୁରୁ ଜିସ୍ତୁ କ୍ରିସ୍‌ଟ୍ ଉନ୍‌ଡେନେମାତର୍ କୁନାନ୍‌କାଲୁ କିଜି ତିଆର୍ କିତାମାନାନ୍; ଆୟାତାନିଙ୍ଗ୍ ଡ଼ିସ୍‌ସି ଆଇ ଇନି କୁନାନ୍‌କାଲୁ ତିଆର୍ ଆଦେଙ୍ଗ୍ ଆଟ୍‌ଏଡ଼ ।

୧୨ ଜଦି ଏନ୍ ଆୟା କୁନାନ୍‌କାଲୁ ମୁସ୍‌କୁ ବାଙ୍ଗ୍‌ରାମ୍, ଖେଣ୍ଡି, ନାଣ୍ଡଦାରାଦି କାଲୁଦି ମୁସ୍‌କୁ ତିଆର୍ କିନାନ୍ ମାରି ଏନ୍ ଏନ୍ ମାରାକ୍, ଲାଟା ମାରି ପିରି ଦାନ୍ ତିଆର୍ କିନାନ୍,

୧୩ ଆର୍‌ତିଙ୍ଗ୍ “କ୍ରିସ୍‌ତି ଡେସିଖାନି ଦିନ୍‌ଡୁ” ଓଜୁ ଲୋକାଦି ପାଣି ଏଣ୍ଡେସ୍‌ନାନିକା, ଆକା ଖେଙ୍ଗ୍‌ନାଡ଼, ଇରିଙ୍ଗ୍ ଆୟାନାଣ୍ଡିଙ୍ଗ୍ ସିସୁଦି ଖାଲେ ଖେଙ୍ଗ୍‌ନାଡ଼, ମାରି ଓଜୁ ଲୋକାଦି ପାଣି ଏଣ୍ଡେସ୍‌ନାନିକା, ଆୟା ସିସୁ ପରିକା କିନାଡ଼ ।

୧୪ କୁନାନ୍‌କାଲୁ ମୁସ୍‌କୁ ଆମାଖାନି ତିଆର୍‌କିତିମାନି ପାଣି ସିସୁଦି ପରିକାଦୁ ଆର୍‌ଏଣ୍‌ଗା ତେବାନାନ୍, ଆର୍‌ତିଙ୍ଗ୍ ଖାନ୍ ପୁରସ୍କାର୍ ପୟନାନ୍ ।

୧୫ ଜଦି ଆମାଖାନି ପାଣି ଦ୍ଵଂସ ଆନାଡ଼, ଖାନିନ୍‌ନେ ନାସ୍‌ଆନାଡ଼, ମାରି ଖାନ୍ ନିଜେ ରକିୟା ପୟନାନ୍, ମାତର୍ ଆକା ସିସୁ ଲୋଇ ମାଟ୍‌ସି ବୁଲାତି ଖାଜା ଆନାଡ଼ ।

୧୬ *ମିର୍ ସଡ଼ତାନ୍ ନେସ୍‌ଡୁ ଜେ ମିର୍ ମାପୁରୁଦି ମନ୍ଦିର୍, ମାରି ମାପୁରୁଦି ଆମ୍ ମି ଲୋଇ ତେବାନାଡ଼ ।

୧୭ ଜଦି ଏନ୍ ମାପୁରୁଦି ମନ୍ଦିର୍‌ତିଙ୍ଗ୍ ନାସ୍‌କିନାନ୍, ଆର୍‌ତିଙ୍ଗ୍ ମାପୁରୁ ଖାନିଙ୍ଗ୍ ନାସ୍‌କିନାନ୍; ଇରିଙ୍ଗ୍ ମାପୁରୁଦି ମନ୍ଦିର୍ ପବିତ୍ର, ଆୟା ମନ୍ଦିର୍ ମିର୍ ।

୧୮ ଏନ୍ ନିଜେଦିଙ୍ଗ୍ ବାଣ୍ଡିସ୍ କିମାକିନ୍ । ଜଦି ଏନ୍ ଇୟା ଦୁନିଆଦୁ ମି ଲୋଇରାନ୍ ନିଜେଦିଙ୍ଗ୍ ବୁଦି ଇଜି ଅଡ଼ବିନାନ୍, ଆର୍‌ତିଙ୍ଗ୍ ଖାନ୍ ଏଣ୍ଡେସ୍ ବୁଦି ଆଦେଙ୍ଗ୍ ଆଟ୍‌ନାନ୍, ଇୟାଉଣ୍ଡିଙ୍ଗ୍ ଖାନ୍ ମୁର୍କୁ ଆଦେଙ୍ଗ୍ ପଡ଼ାନାଡ଼ ।

୧୯ ଇରିଙ୍ଗ୍ ଇୟା ଜଗଡ଼ତି ଆଗଡ଼ି ଆମାକା ବୁଦି, ଆକା ମାପୁରୁଦି ଲାକ୍‌ଡୁ ମୁର୍କୁଦିକା । ଦର୍‌ସାସ୍ତ୍ରୁ ରାସ୍‌ତାମାନାଡ଼, “ମାପୁରୁ ବୁଦିଦିଲୋକାଙ୍ଗ୍ ଖାରି ସାଲାକିଦିଙ୍ଗ୍ ଆସ୍‌ନାନ୍ ।”

୨୦ ମାରିଡେସି ସାସ୍ତ୍ରୁ ରାସାତାମାନାଡ଼ ଜେ, “ପ୍ରୁ ନେସ୍‌ନାନ୍ ଜେ ବୁଦିଦିଲୋକାରି ସିନ୍ତା ବେକାର୍ ।”

୨୧ ମାରି, ଏନ୍ ଲୋକ୍‌ତିମାନୁ ଗର୍ବ କିମାକିନ୍ । ସଡ଼ତାନ୍ ଓଜୁ ବିସ୍‌ୟ ମିଦିନେ ।

୨୨ ପାଉଲ, ଆପୋଲୋ, ପିତର୍, ଇୟା ଜଗଡ଼, ଜିବନ୍ ମାରି ସାନିକା, ଇଲେଇ ମାରି ବବିସଡ଼ ଓଜୁ ମିଦିନେ ।

୨୩ ମାତର୍ ମିର୍ କ୍ରିସ୍‌ତି ଲୋକୁ ମାରି କ୍ରିସ୍‌ତି ମାପୁରୁଦିକାନ୍ ।

୪

କ୍ରିସ୍‌ତି ପ୍ରେରିତ ସିସୁ

୧ ଲୋକୁ ମାଙ୍ଗ୍ କ୍ରିସ୍‌ତି ସେବାକିନିକାର୍ ଇଜି ଖେର୍‌ନିକା ମାନାଡ଼ । ମାପୁରୁ ମାଙ୍ଗ୍ ମାର୍‌ଗିତି ସଡ଼ତି ବିସ୍‌ୟ ଗୁମୁସ୍ତା କିତାମାନାନ୍ ।

୨ ମାରି, ଇୟାଖାଜା ଦାଇଡ଼ ମାନାତିମାନି ଲୋକୁ ନିଜେଦି ପ୍ରବୁଦି ଉଣ୍ଡିଙ୍ଗ୍ ବିସ୍‌ବାସ୍ ଆନିକା ଅରେନ୍ ଦର୍‌କାର୍ ।

☆ ୩:୨ ଏଡ଼ି ୫:୧୨,୧୩. ☆ ୩:୪ ୧ କରକ୍ରିୟା ୧:୧୨. ☆ ୩:୬ ପ୍ରେରିତ ୧୮:୪-୧୧ପ୍ରେରିତ ୧୮:୨୪-୨୮. ☆ ୩:୧୬ ୧ କରକ୍ରିୟା ୬:୧୯; ୨ କରକ୍ରିୟା ୬:୧୭.

୩୩ ମାତର ମି ମାଣକୁ ମାରି ଆମା ଇନି ବିଚାରକିନି ସବାଦି ମାଣକୁ ବିଚାର ଆନି ଉଣ୍ଡିଙ୍ଗ ନାନୁ ସିନ୍ତା ସିଲେ, ଇୟାଞ୍ଜା ନୋ ନାନ ନିଜେ ବା ନିଜେଦି ବିଚାର କିଏଜିନା ।

୪ ଇରିଙ୍ଗ ନାନ ନିଜେଦି ବିରୁଦ୍ଧତାନ ମାନି ମାଟା ମୋନତୁ ନେସଏ । ମାରିବା ଇବେନୁ ନାନ ଦସସିଲେଡ଼ ଇଜି ପାରାମାଣ୍ କିଆୟଆଏ । ମାତର ନା ବିଚାର ପ୍ରବୁ କିନାନ ।

୫ ଆଦେଙ୍ଗ, ବେଡ଼ାଦି ଆଗଡ଼ିନେ ପ୍ରବୁ ବିଚାର କିଦେଙ୍ଗ୍ ଖାନି ସାନ୍ଦି କାପକିଦୁ । ଇନି ବିସୟ ବିଚାର କିମାଟ୍ । ଖାନ ସିକାଟିଦୁ ମାରଗିତିମାନି ବିସୟକୁଞ୍ଜି ଜାୟତୁ ତରନାନ, ମାରି ଲୋକା ମୋନତୁ ମାରଗିତିମାନି ମାଟେଙ୍ଗ୍ଞିଜୁ ଖେକନାନ; ନାସ୍ତିଖାଲେ ଞ୍ଜି ଲୋକୁ ମାପୁରୁଦିମାଣ୍ଟୁକୁ ପ୍ରସଂସା ପୟନାର ।

୬ ଏ ତଡ଼ାନକୁ ନି ତାଙ୍ଗ୍ କି, ନାନ ମି ସିକିୟା ଉଣ୍ଡିଙ୍ଗ ଇୟାଞ୍ଜି ମାଟେଙ୍ଗ୍ ନା ନିଜେଦିଙ୍ଗ୍ ମାରି ଆପୋଲୋଙ୍ଗ୍ ସୁଡ଼ୁକ୍ଟି କାତା ଖେରତା, ଏଣ୍ଡେସ୍ “ସାସ୍ତ୍ରୁ ଆମାକା ରାସାତା ମାନାଡ଼, ଆବେନୁ ତାନିମାଣ୍ଟୁକୁ ଆଗଡ଼ି ସୋଲ୍ମାଟ୍ ।” ଇକା ମିର୍ ମା ମାଣକୁ ଅଜାଦୁ, ମାରି ଏଣ୍ଡେସ୍ ମି ଲୋଇରାନ୍ ଏନ୍ ଅରେନ୍ଝାନି ଅସି ଗର୍ବ କିମାକିନ୍ ମାରି ଅରେନ୍ଝାନିଙ୍ଗ୍ ଅସି ଡ଼ିସ୍ମାକିନ୍ ।

୭ ଇରିଙ୍ଗ୍ ଏନ୍ ମିଙ୍ଗ୍ ପେରିକାନ କିତାମାନାନ ? ମାରି, ଆମାକା ମିର୍ ଦାନ ଖାଜା ମାପୁରୁଦିମାଣ୍ଟୁକୁ ପୟଇଦେର୍, ଇୟାଞ୍ଜା ମିଦି ଇନିକା ମାନାଡ଼ ? ମାତର ଜଦି ମିର୍ ଆକା ଦାନ୍ତଖାଜା ପୟତିମାନିଦେର୍, ଆରଡ଼ିଙ୍ଗ୍ ଆକା ଦାନ୍ତ ଖାଜା ପୟଇଡ଼ିଖାଜା ଏନ୍ଦା ଗର୍ବ କିଜିନିଦେର୍ ?

୮ ମି ଦରକାରଡ଼ି ଞ୍ଜି ବିସୟ ପୟତି ଞ୍ଜିସ୍ତିଦେର୍ନି ? ମିର୍ ଇନିକା ମାଜନ୍ ଆଡ଼ିଦେର୍ନି ? ମାଙ୍ଗ୍ ଡ଼ିସ୍ମି ମିର୍ ଇନିକା ଅରେନ୍ ଅରେନ୍ ରାଜା ଆଡ଼ିମାନିଦେର୍ ? ସଡ଼ତାନ, ମିର୍ ରାଜା ଆଡ଼ିମାରିଙ୍ଗ୍ ନେଗେନ୍ ଆତାଡ଼ମାନ୍ଦି, ଏଣ୍ଡେସ୍ ମାପ ବା ମି ଖାଲେ ରାଜା ଆଦେଙ୍ଗ୍ ଆଟାପମାନ୍ଦି ।

୯ ଇରିଙ୍ଗ୍ ନାଙ୍ଗ୍ ଏଡ଼ ଖାନାଡ଼, ମା ଖାଜା ପ୍ରେରିଡ଼ ସିସ୍ତୁରିଙ୍ଗ୍ ମାପୁରୁ ଞ୍ଜିଜେରି ସାରାସାରିଖେନକାରିବାଗଡ଼ୁ ଇଟାମାନାନ । ନେସ୍ନିଖାଜା ସାନି ଦଣ୍ଡବଗେ କିଜି ଞ୍ଜି ଜଗଡ଼ତି ଲୋକୁ ମାରି ଦୁଡ଼କା ଲାକଡ଼ୁ ସେମାରଆନି ଲୋକା ଖାଜା ମାଙ୍ଗ୍ ଖାନ ଇଟାମାନାନ ।

୧୦ ମାପୁ କ୍ରିସ୍ତଦି ଉଣ୍ଡିଙ୍ଗ୍ ମୁକୁ ଇଜି ଜାଣାଆତାମାନାପ୍ । ମାତର ମିର୍ କ୍ରିସ୍ତଦିମାନୁ ବୁଦିମାନିକିଦେରା; ମାପୁ ସାକିସିଲିଲୋକୁ, ମାତର ମିର୍ ସାକ୍ତିମାନିକିଦେରା । ମିର୍ ସନ୍ମାନ, ମାତର ମାପୁ ସନ୍ମାନ ଆଏପ୍ ।

୧୧ ମାପୁ ଇଲେଇବା ବାଙ୍ଗା ମାରି ଏରିକି, କିଜିତି ଆଙ୍ଗ୍ ଆରାତାପ୍ ମାରି ଇନିଆଆନିଆଁ ବୁଲାଇନାପ୍ ମାଡ଼ତିନିଜିନାପ୍ ମାରି ତେବାନି ଇଲୁ ସିଲେଡ଼ ।

୧୨ *ନାଣ୍ଡ କାସ୍ତୁପାଣି କିଜି ମାପୁ ଦିନଡ଼ିଙ୍ଗ୍ ଦିନ୍ ଜିରାଜି ସଲ୍ସିନାପ୍ । ଏନ୍ ମାଙ୍ଗ୍ ଆନାଦୁରିଆ ଇଟିଙ୍ଗ୍, ମାପୁ ଖାନିଙ୍ଗ୍ ଆସିର୍ବାଦ୍ କିନାପ୍ । କାସ୍ତୁ ପୟଜି, ସାସ୍ କିଜିନାପ୍ ।

୧୩ ଅପମାନ ଆଜି ମିସାନି ମାଟା ଖେରସିନାପ୍, ଇୟାସାନ୍ଦିବା ମାପୁ ଦୁନିଆଦି କାସ୍ତୁ ଖାଜା ଆତାମାନାପ୍, ଞ୍ଜିଜେରି ଉଣ୍ଡିଙ୍ଗ୍ କିଟିଙ୍ଗ୍ଡିରି ଖାଜା ଆତାମାନାପ୍ ।

୧୪ ନାନ ମିଙ୍ଗ୍ ସେମାର କିନି ଉଣ୍ଡିଙ୍ଗ୍ ଇୟାଞ୍ଜି ବିସୟକୁ ରାସଏ, ମାତର ମିର୍ ନା ଲାଡ଼ତି କଡ଼ର୍ ଆଡ଼ି ମାନିଙ୍ଗ୍ ନେସ୍ତେଙ୍ଗ୍ ମାରି ସେଡ଼ନା ଆନି ଉଣ୍ଡିଙ୍ଗ୍ ଇୟାଞ୍ଜି ବିସୟକୁ ରାସସିନା ।

୧୫ ଇରିଙ୍ଗ୍ କ୍ରିସ୍ତଦି ଜିବନ୍ତୁ ମି ଗାଦିଲୋକ୍ ଦାମ୍ଗୁରୁରୁ ତେବାନାର । ମାତର ମି ବୁବା ଅରେନ୍ । ମି ଲାକଡ଼ୁ ସୁସମାଚାର ପ୍ରଚାର କିନି ମାଣକୁ କ୍ରିସ୍ତ ଜିସୁଦିମାନୁ ନାନ ମି ବୁବା ଖାଜା ଆତାମାନା ।

୧୬ *ଆଦେଙ୍ଗ୍ ନାନୁ ମିଙ୍ଗ୍ ଅନୁରଦ୍ କିଜିନା, ମିର୍ ନା ଖେନକା ରାଦୁ ।

୧୭ କ୍ରିସ୍ତଦି ଜିବନ୍ତୁ ନା ଲାଡ଼ତି ନି ବିସ୍ବାସତି ମାରିନ୍ ତିମତିଙ୍ଗ୍ ମି ଲାକଡ଼ୁ ପୋକ୍ତାଜିନା । ଏଣ୍ଡେସ୍ ନାନ ଜିସୁ କ୍ରିସ୍ତଦିମାନୁ ତେବାଜି ଆମା ପୁନି ଜିବନ୍ତାପନ୍ କିଜିନା ମାରି ଞ୍ଜିଜେରିନ୍ ଞ୍ଜି ମଣ୍ଡଲିଆଙ୍ଗାଁ ଆମା ଞ୍ଜି ସିକିୟା ଖେରସିମାରଆ, ଆକା ଖାନ ମିଙ୍ଗ୍ ଏଡ଼ କିବିସକିନା ସିନାନ ।

୧୮ ନାନ ମି ଲାକଡ଼ୁ ସଲ୍ସ ଇଜି ଅଡ଼ବିଜି ଏନ୍ ଏନ୍ ମେନ୍ଦଲୁଡ଼ ଖେଡ଼ିକା ଆତାମାନାର ।

୧୯ ମାତର ଜଦି ମାପୁରୁ ବଦା କିଟିଙ୍ଗ୍, ନାନ ମି ଲାକଡ଼ୁ ଦାପ୍ରେ ଖାନା; ମାରି, ଆକାର ଗର୍ବ କିଜିନାର, ଖାରି ମାଟା ସିଲେ, ମାତର ସଡ଼ତାନ ଖାରି ଏସ ସାକ୍ତିମାନାଡ଼, ଆକା ନାନୁ ସୁଡ଼ନୁ ।

୨୦ ଇରିଙ୍ଗ୍ ମାପୁରୁଦି ରାଜି କେବଲ ମାଟାଦି ବିସୟ ସିଲେ, ମାତର ସାକ୍ତିଦି ବିସୟ ।

୨୧ ମି ଇଛା ଇନିକା ? ନାନ ଇନିକା ମିଙ୍ଗ୍ ସାସନ୍ କିନି ଉଣ୍ଡିଙ୍ଗ୍ କରଡ଼ା ଆସସି ଖାନା ? ନୋ, ଜିବନ୍ନୋନିକା ମାରି ସାକ୍ତିଦି ମୋନ୍ ଆସସି ଖାନା ।



ମଣ୍ଡଲିଦୁ ଦାରିପାଣି

୧ ସତ୍ତାନ୍ ଖେଳି ଜିନାଡ଼ ଜେ, ମି ଲୋଇ ବୟଙ୍କାଠି ଦାରିପାଣି ମାନାଡ଼, ମାରି ଇୟାଞ୍ଜାଦି ଦାରିପାଣି, ଆମାକାକି ଅଣଜିହୁଦି ଲୋକାମାନୁ ବା ଆଏଡ଼ । ନାନ୍ ଖେରାଆମାନା, ମି ଲୋଇରାନ୍ ଅରେନ୍ ନିଜେଦି ବୁବାଦି ଆଡ଼ସିଙ୍ଗ ଇଟାମାନାନ୍ ।

୨ ମାରି, ଏନ୍ ଇୟା ପାଣି କିତାମାନାନ୍, ମିର୍ ଏଣ୍ଡେସ୍ ନିଜେଦି ବିସୟତାନ୍ ଗର୍ବ କିଦେଙ୍ଗ୍ ଆଟ୍‌ସିନିଦେର୍ ? ସତ୍ତା ତରିଟାନ୍ ମିର୍ ସେମାର୍ ଆଜି ଆୟାଞ୍ଜାଦି ଲୋକ୍ତିଙ୍ଗ୍ ମି ମାଣ୍ଡୁ ପେର୍ନିକା ନେଗେଡ଼ ।

୩ ମାତର୍ ନାନ୍ ଆବେନ୍ ମେନ୍‌ଲତାନ୍ ସିଲିତିଙ୍ଗ୍ ବା, ଆମ୍‌ଦାନ୍ ତେବାତାମାନା, ଏନ୍ ଇୟାଞ୍ଜା ପାଣି କିତାମାନାନ୍, ଆବେନ୍‌ତେବାତି ଖାଜା ଖାନି ବିଚାର୍ କିତାଞ୍ଜିତାମାନାନ୍ ।

୪ ପ୍ରବୁ ଜିସୁଦି ଦର୍ତ୍ତାନ୍ ମିର୍ ଉନ୍‌ଡ୍ରେମାନୁ ଆନି ଖାଲେ ନାନ୍ ବା ଆବେନ୍ ଆମ୍‌ଦାନ୍ ତେବାତାମାନା ଇଜି ନେସସି ମାରି ପ୍ରବୁ ଜିସୁଦି ସାଲ୍ଲି ମାମାନୁ ତେବାତାମାନାଡ଼ ।

୫ ଇୟାଞ୍ଜା ଲୋକ୍ତିଙ୍ଗ୍ ମେନ୍‌ଲତି ସାନି ଉଣ୍ଡିଙ୍ଗ୍ ସୟତାନ୍‌ତି କିୟୁଦୁ ସର୍ପେ କିଜସିଦୁ, ଏଣ୍ଡେସ୍ ପ୍ରବୁ ଜିସୁଦି ଖାନିଦିନ୍‌ଡୁ ଖାନି ଆମ୍‌ ରକିୟା ପୟଦେଙ୍ଗ୍ ଆଟ୍‌ନାଡ଼ ।

୬ *ମିର୍ ଇୟାଞ୍ଜା ଗର୍ବ କିନିକା ନେଗେଡ଼ ସିଲେ । ମିର୍ ଇନିକା ନେସ୍‌ଇଦେର୍ ଜେ, କାଣ୍ଡେକ୍‌ନେ କମିର୍ ଡ୍ରିଡୁ ଅଟାଗୁଣ୍ଡିଙ୍ଗ୍ ସଇସ୍ କିନାଡ଼ ?

୭ ମି ଲୋଇରାନ୍ ପାଡ଼ିଇ ପାପକମିର୍ତିଙ୍ଗ୍ ସୋପସ ପୋକଡୁ । ଆର୍ଡିଙ୍ଗ୍, ମିର୍ କମିର୍‌ସିଲି ପୁନି ନେଗିଅଟାଗୁଣ୍ଡି ଖାଜା ଆନିଦେର୍ ମାରିବା ନାନ୍ ନେସନା, ମିର୍ ଇଲେଇ ଆୟାଞ୍ଜା ମାନିଦେର୍ । ନିସ୍ତାର୍ ପଣ୍ଡୁତି ତିଆରକିନିକା ଡ୍ରିଜିତାମାନାଡ଼ । ମା ନିସ୍ତାର୍ ପଣ୍ଡୁତି ମେଣ୍ଡାପିଲା ଖାଜା ନିଜେ କ୍ରିସ୍ତ ପୁଜାସିନି ଖାଜା ସର୍ପେ ଆତାମାନାନ୍ ।

୮ ଆର୍ଡିଙ୍ଗ୍ ରାଦୁ, ମାଡୁ ପାଡ଼ିଇ କମିର୍ ମାରି ପାପ ମାରି ତାଗ୍‌ଇପାଣି ଖାଜାଦି କମିର୍‌ତାନ୍ ପଣ୍ଡୁ କିଏଣ୍ଡା ନେଗେନ୍‌ତାନ୍ ମାରି ସତ୍ତାନ୍ କମିର୍‌ସିଲି ରୁଟିଦାନ୍ ଇୟା ପଣ୍ଡୁ କିନାଡ଼ ।

୯ ଦାରିପାଣିକିନିଞ୍ଜାରି ଖାଲେ ସଙ୍ଗ୍ କିଇ ଉଣ୍ଡିଙ୍ଗ୍ ନାନ୍ ମିଙ୍ଗ୍ ନା ଆଗ୍‌ଡିରି ଆକୁଦୁ ରାସ୍‌ତାମାର୍‌ଆ;

୧୦ ତାନି ଅର୍ତ୍ତ ଆଏଡ଼ ଜେ ଇୟା ଦୁନିଆଦାନ୍ ଦାରିପାଣି, ଦନ୍‌ଆସା, ତଙ୍ଗ୍‌କିନିକା ମାରି ବମା ପୁଜାକିନିଞ୍ଜାରି ଖାଲେ ମୁଡ଼ଚୁକ ସଙ୍ଗ୍ କିମାର୍ । ଆୟାଞ୍ଜା ଆତିଙ୍ଗ୍, ମିଙ୍ଗ୍ ଦୁନିଆଦାନ୍ ସୋସ ସନ୍‌ଡ୍ରେଙ୍ଗ୍ ପଡ଼ାନାଡ଼ ।

୧୧ ମାତର୍ ନାନ୍ ଆକୁଡୁ ଇକା ରାସ୍‌ତା ମାର୍‌ହା ଜେ, ଜଦି ଆମା ଲୋକ୍ ସଙ୍ଗ୍ ଇଜି ଜାଣାସିନା କିଜି ଦାରିପାଣି, ଦନ୍‌ଆସା, ବମା ପୁଜାକିନିକାନ୍, ଆକାର୍, ମଦୁଆ ମାରି ତଙ୍ଗ୍‌ରଏନ୍ ଆନାନ୍, ଆର୍ଡିଙ୍ଗ୍ ଇୟାଞ୍ଜାଦି ଲୋକ୍ତି ଖାଲେ ତଡ଼ କିମାର୍, ମାରି ଇୟାନାନି ଲୋକ୍ତି ଖାଲେ ଉଣ୍ଡୁମାର୍ ।

୧୨ ଇରିଙ୍ଗ୍ ଆଡ୍ରେରି ଲୋକାଙ୍ଗ୍ ବିଚାର୍ କିଦେଙ୍ଗ୍ ନାନ୍ ଏନ୍ ? ମାତର୍ ମା ମଣ୍ଡୁଲିଦୁ ମିସାତିମାନି ଲୋକାଙ୍ଗ୍ ବିଚାର୍ କିନି ଦାଇଡ଼ ଇନିକା ମାଦି ସିଲେ ?

୧୩ ମାପୁରୁ ଖାରି ବିଚାର୍ କିନାନ୍, ଦର୍ମସାସ୍ତ୍ରୁ ରାସ୍‌ତାମାନାଡ଼, “ଆୟା ତାଗ୍‌ଇ ଲୋକାଙ୍ଗ୍ ମି ଲୋଇରାନ୍ ସୋପଡୁ ।”



କ୍ରିଷ୍ଟାନ୍ ତତ୍ତାନ୍‌କା ବିରୁଦ୍‌ତାନ୍ ତାଗ୍‌ଇପାଣି

୧ ମି ଲୋଇରାନ୍ ଆମାଞ୍ଜାନି ବିରୁଦ୍‌ତାନ୍ ମାଟା ମାରିଙ୍ଗ୍, ଆର୍ଡିଙ୍ଗ୍ ଖାନ୍ କ୍ରିଷ୍ଟାନ୍‌ତି ବିସ୍‌ବାସ୍‌ରି ଲାକ୍‌ଡୁ ସଲ୍‌ଏଣ୍ଡା ଅବିସ୍‌ବାସ୍‌ତି ବିଚାରକିନିଞ୍ଜାରି ଲାକ୍‌ଡୁ ସନି ଉଣ୍ଡିଙ୍ଗ୍ ଏଣ୍ଡେସ୍ ସାସ୍ କିଜିନାନ୍ ?

୨ ମାପୁରୁଦି ଲୋକ୍ ଦୁନିଆଦି ବିଚାର୍ କିନାର୍ ଇଜି ଇୟା ମାଟା ଇନିକା ମିର୍ ନେସ୍‌ଇଦେର୍ ? ମିର୍ ଜଦି ଦୁନିଆଦି ବିଚାର୍ କିଦେଙ୍ଗ୍ ଆଟ୍‌ନିଦେର୍, ଆର୍ଡିଙ୍ଗ୍ ମିର୍ ଇନିକା ଇୟା ଇସ୍ତ୍ରି ବିସ୍‌ୟତିଙ୍ଗ୍ ବିଚାର୍ କିଦେଙ୍ଗ୍ ଆଟ୍‌ଇଦେର୍ ?

୩ ମାଡ଼ ଜେ ମୁସ୍‌କୁପୁର୍‌ତି ଦୁଡ଼କା ବିଚାର୍ କିନାପ, ଇକା ଇନିକା ମିର୍ ନେସ୍‌ଇଦେର୍ ? ଆର୍ଡିଙ୍ଗ୍ ଦୁନିଆଦି ମାଟେଙ୍ଗ୍‌ଡ୍ରିଡୁ ବିଚାର୍ କିନିକା, ମା ଉଣ୍ଡିଙ୍ଗ୍ ନାଣ୍ଡୁ ଉସାସ୍ ଆନାଡ଼ ସିଲେ ?

୪ ଇୟାଞ୍ଜା ଇସ୍ତ୍ରି ବିସ୍‌ୟତିଙ୍ଗ୍ ମାଟାଞ୍ଜାରିନି ଉଣ୍ଡିଙ୍ଗ୍ ଏନ୍‌ ମାଣ୍ଡୁଲିଦୁ ଆମାକାର୍ ସନ୍‌ମାନ୍ ଆଏର୍, ଆୟାଞ୍ଜା ବିଚାର୍ ଲୋକା ଲାକ୍‌ଡୁ ସୋଲ୍‌ସିନିଦେର୍ ?

୫ ଇୟାଞ୍ଜା ମିର୍ ସେମାର୍ ଆନିକା ମାନାଡ଼ । କ୍ରିସ୍ତବିସ୍‌ବାସ୍‌ସି ତତ୍ତାନ୍‌ତିମାନୁ ସୋସିମାନି ଜଗଡ଼ାଦିଙ୍ଗ୍ ତିର୍ କିଦେଙ୍ଗ୍ ସତ୍ତାନ୍ ମି ମାଣ୍ଡୁଲିଦୁ ଏନ୍ ସିଲିତିଙ୍ଗ୍ ଏନ୍ ଅରେନ୍ ବୁଦିଦି ଲୋକ୍ ମାନାନ୍ ।

୬ ମାତର୍ ତତ୍ତାନ୍ ମାରି ଅରେନ୍ ତତ୍ତାନ୍‌ତି ବିରୁଦ୍‌ତାନ୍ ନିୟାୟ କିନିବାଡ଼ିଡୁ ଖେର୍‌ନାନ୍, ଆକା ମାରି ଅବିସ୍‌ବାସ୍‌ସିର୍ ଆୟାତାନି ବିଚାର୍ କିଜିନାର୍ ।

୭ ମି ଲୋଇ ସାଲାତିମାନି ଜାଟିଜଗଡ଼ା ଖେର୍‌ସିନାଡ଼ ଜେ । ମିର୍ ଜେ ନିଜେନିଜେଦି ବିରୁଦ୍‌ତାନ୍ ନିୟାୟ କିନିବାଡ଼ିଡୁ ଖେର୍‌ସିନିଦେର୍, ଆବେନ୍ ମିର୍ ପୁରା ଦୋସି । ତାଗ୍‌ଇପାଣି କିନି ବାଦ୍‌ଲୁ ବର୍‌ ଅନ୍‌ୟାୟ ସାସ୍ କିଜି ନାସ୍ତୁ ଆନିକା, ମି ଉଣ୍ଡିଙ୍ଗ୍ ନେଗେଡ଼ ସିଲେ ନୋ ?

* ୫:୭ ଗାଲାତିୟ ୫:୯.

୮ ଇକା କିନି ବାଦଲୁ ନିଜେ ନିଜେଦି ଉଣ୍ଡିଙ୍ଗ ଇୟାଞ୍ଜା ନିଜେଦି ତଡ଼ାନ୍କା ଉଣ୍ଡିଙ୍ଗ ଅନ୍ୟାୟ କିଜି ଖାରିଙ୍ଗ ସେମାର୍ କିଜିନିଦେର୍ ।

୯ ଅଦାର୍ମୁଦିକାର୍ ଜେ ମାପୁରୁଦି ରାଜିଦି ଅଦିକାର୍ତିକାର୍ ଆଏର୍, ଇକା ଇନିକା ମିର୍ ନେସ୍‌ଇଦେର୍ ? ଇୟା ବିସୟତାନ୍ ମିର୍ ବାୟାବେବ୍‌ରି ଆମାଟ୍, ତାଗ୍‌ଇପାଣି, ବମା ପୁଜାକିନିକାନ୍, ଦାରିପାଣି, ବେସ୍ୟା, ତାଗ୍‌ଇପାଣିଦୁ ତେବାତିମାନି ଲୋକୁ

୧୦ ମାରି ତଙ୍ଗାଁରଏନ୍, ଦନ୍‌ଆସା, ମଦୁଆ, ସୁରିଞ୍ଜାଗିନିକା ମାରି ଆଇ ଲୋକା ଜିନିସ୍‌କୁ ତଙ୍ଗାଁକିନିକାର୍, ଇୟାକାର୍ ମାପୁରୁଦି ରାଜିଦୁ ବାଗ୍ ପୟଏର୍ ।

୧୧ ମାରି, ମି ମାଣକୁ ଏନ୍ ଏନ୍ ଆୟାଞ୍ଜା ମାରିଇଦେର୍, ମାତର୍ ଇଲେଇ ମିର୍ ପାପ୍‌ତାନ୍ ନରାଆୟ୍ ଆଜି ମାପୁରୁଦି ଉଦେସ୍‌ତାନ୍ ମାନିଦେର୍ । ମାରି ପ୍ରବୁ ଜିସୁ କ୍ରିସ୍ତୁ ମାରି ପବିତ୍ରଆମାଦାନ୍ ମିର୍ ଦାର୍ମୁଦିକାନ୍ ଇଜି ଲେକିସ୍‌କିଆତିମାନିଦେର୍ ।

ନିଜେଦି ମେନ୍‌ଲତିଙ୍ଗ ମାପୁରୁଦି ଗୌରବ୍‌ତି ଉଣ୍ଡିଙ୍ଗ ବ୍ୟବହାର୍ କିଦୁ

୧୨ *ଏନ୍ ଝେର୍‌ତେଙ୍ଗ ଆଟ୍‌ନାନ୍, “ଝିଜୁ ବିସୟ କିନି ଉଣ୍ଡିଙ୍ଗ ନାଙ୍ଗ୍ ଅଦିକାର୍ ସିଆୟ୍‌ଆତାମାନାତ୍ ।” ସଡ଼ମାଟା, ମାତର୍ ଝିଜୁ ବିସୟ ମି ଉଣ୍ଡିଙ୍ଗ ନେଗେଡ୍ ସିଲେ । ଝିଜୁ ବିସୟ ପୁରା କିଦେଙ୍ଗ ନା ଅଦିକାର୍ ମାନାତ୍ ଇଜି ନାଙ୍ଗ୍ ଆଡ଼ଗି କିନି ଉଣ୍ଡିଙ୍ଗ ନାନ୍ ଏଙ୍ଗ୍ ଏସ୍‌କାଙ୍ଗ୍ ସୁଜୋଗ୍ ସିଏ ।

୧୩ ଆଇକାନ୍ ଏନ୍ ଝେର୍‌ତେଙ୍ଗ ଆଟ୍‌ନାନ୍, “କାଦି ପଟାଦି ଉଣ୍ଡିଙ୍ଗ, ମାରି ପଟା କାଦିଦି ଉଣ୍ଡିଙ୍ଗ ଟିକ୍ ।” ସଡ଼ମାଟା, ମାତର୍ ମାପୁରୁ ରୁଣ୍ଡିଞ୍ଜାନିକାଙ୍ଗ୍‌ବା ନାସୁ କିନାନ୍ । ମେନ୍‌ଲ ଦାରିପାଣିଦି ଉଣ୍ଡିଙ୍ଗ ସିଲେ, ମାତର୍ ପ୍ରବୁଦି ସେବାପାଣିଦି ଉଣ୍ଡିଙ୍ଗ ବ୍ୟବହାର୍ ଆପିଡ୍, ଇରିଙ୍ଗ୍ ପ୍ରବୁ ମେନ୍‌ଲତି ଉଣ୍ଡିଙ୍ଗ ଦରକାର୍‌ମାନିକା ପୁରା କିନାନ୍ ।

୧୪ ମାପୁରୁ ପ୍ରବୁଙ୍ଗ୍ ସାତିମାଣାନ୍ ମାରିଡେସି ଜିବନ୍‌କିଜି ନିକ୍‌ତାମାନାନ୍, ମାରି, ନିଜେଦି ସାକ୍ତିଦାନ୍ ଝାନ୍ ମାଙ୍ଗ୍ ବା ମାରିଡେସି ଜିବନ୍‌କିଜି ନିକ୍‌ନାନ୍ ।

୧୫ ମି ମେନ୍‌ଲ ଜେ କ୍ରିସ୍ତୁଦି ମେନ୍‌ଲତି ଉନ୍‌ଡୁ ବାଗ୍ ଖାଜା, ଇକା ଇନିକା ନେସ୍‌ଇଦେର୍ ? ଆଡ଼ିଙ୍ଗ୍ ନାନ୍ ଇନିକା କ୍ରିସ୍ତୁଦି ମେନ୍‌ଲତିଙ୍ଗ ଆସ୍‌ସିସୋଲ୍‌ସି ବେସ୍ୟାଦି ମେନ୍‌ଲ କିନା ? ଆକା ଏସ୍‌କାଙ୍ଗ୍‌ବା ଆମାକିଡ୍ ।

୧୬ ମାରି ଏନ୍ ବେସ୍ୟାଦି ଖାଲେ ମିସାନାର୍, ଝାନ୍ ଝାନି ଖାଲେ ଉନ୍‌ଡେ ମେନ୍‌ଲନେ ଆନାର୍, ଇକା ଇନିକା ମିର୍ ନେସ୍‌ଇଦେର୍ ? ଇରିଙ୍ଗ୍ ସାସ୍ତ୍ରୁ ନେଗେନ୍‌ତାନ୍ ରାସ୍‌ତା ମାନାତ୍, “ଆୟା ରିଏର୍ ଅରେନ୍‌ନେ ଆନାର୍ ।”

୧୭ ମାତର୍ ଏନ୍ ପ୍ରବୁଦି ଖାଲେ ମିସାନାନ୍, ଝାନ୍ ଝାନି ଖାଲେ ଆମାଦୁ ଉନ୍‌ଡେ ଆନାତ୍ ।

୧୮ ଦାରିପାଣିଦାନ୍ ଆକ ମାନ୍‌ଡୁ । ଆଇ ଇନି ପାପ୍ ଲୋକ୍‌ତି ମେନ୍‌ଲତିଙ୍ଗ କାରାପ୍ କିଏଡ୍ । ମାତର୍ ଏନ୍ ଦାରିପାଣି କିନାନ୍, ଝାନ୍ ନିଜେଦି ମେନ୍‌ଲତି ବିରୁଦ୍‌ତାନ୍ ପାପ୍ କିନାନ୍ ।

୧୯ *ଇକା ଇନିକା ମିର୍ ନେସ୍‌ଇଦେର୍ ? ମାରି ମି ମେନ୍‌ଲ ଜେ ମାପୁରୁଦିମାଣାନ୍ ପୟତି ମି ଜିବନ୍‌ଡୁବାସାନି ପବିତ୍ରଆମାଦି ମନ୍ଦିର୍, ମାରି ମିର୍ ନିଜେ ନିଜେଦି ଆଇଦେର୍, ମାତର୍ ମାପୁରୁଦିକାର୍ ।

୨୦ ଝାନ୍ ମିଙ୍ଗ୍ ନାଣ୍ଡ ଦାରା ସିଜି କଟାମାନାନ୍; ଆଦେଙ୍ଗ୍ ମି ମେନ୍‌ଲତାନ୍ ମାପୁରୁଦି ଦନ୍‌ୟବାଦ କିଦୁ ।



ପେଡ଼ିଆନି ବିସୟତାନ୍ ନିୟମ୍

୧ ମିର୍ ଆମାଝିଜୁ ବିସୟ ରାସ୍‌ତିମାନିଦେର୍, ଇଲେଇ ନାନ୍ ଆୟାଞ୍ଜିଜୁଦି ଉତର୍ ଝେର୍‌ନା । ପେଡ଼ି ଆଇକା ନେଗେଡ୍ ।

୨ ମାତର୍ ଦାରିପାଣିଦି କିନି ଆସାଦି ଉଣ୍ଡିଙ୍ଗ ଝିଜେରେ ମେମାର୍‌ଜୁ ନିଜେଦି ଆଡ଼ସିକ୍ ମାନିକା, ମାରି ଝିଜୁଲୋକ୍ ଆଇମେକା ନିଜେଦି କନ୍‌ଲିର୍ ମାନିକା ଦରକାର୍ ।

୩ କନ୍‌ଲି, ଆଡ଼ସି ଉଣ୍ଡିଙ୍ଗ ନିଜେଦି ମେନ୍‌ଲ ପୁରା କିନିକା ମାରି ଆଡ଼ସି କନ୍‌ଲି ଉଣ୍ଡିଙ୍ଗ ନିଜେଦି ମେନ୍‌ଲତି ପୁରା କିନିକା ମାନାତ୍ । ମାରି ରିଏର୍ ରିଏର୍ ଦରକାର୍ ପୁରା କିନି ନିୟମ୍ ।

୪ ନିଜେଦି ମେନ୍‌ଲତି ମୁସ୍‌କୁ ଆଡ଼ସିଦି ଅଦିକାର୍ ସିଲେଡ୍, ମାତର୍ କନ୍‌ଲିଦି ଅଦିକାର୍ ମାନାତ୍; ଆୟାଞ୍ଜା ବା କନ୍‌ଲିଦି ନିଜେଦି ମେନ୍‌ଲତି ମୁସ୍‌କୁ ଅଦିକାର୍ ସିଲେଡ୍, ମାତର୍ ଆଡ଼ସିଦି ଅଦିକାର୍ ମାନାତ୍ ।

୫ ନିଜେନିଜେଦିଙ୍ଗ୍ ଝାର୍ ଆକ ତେବାମାକିର୍ । ମାତର୍ ରିଏର୍ ମତାମ୍ ଆଜି ପାର୍‌ତାନାଦୁ ସମୟସିନି ଉଣ୍ଡିଙ୍ଗ ଏସ୍ ସମୟ ଝେର୍‌ଏ ତେବାଦେଙ୍ଗ୍ ଆଟ୍‌ନାର୍ । ମାରି, ମି ଜିବନ୍‌ଡୁମିସାନି ଉଣା ଉଣ୍ଡିଙ୍ଗ ସୟତାନ୍ ଏଣ୍ଡେସ୍ ଖାରିଙ୍ଗ୍ ପରିକା କିଏଡ୍, ଆୟାଞ୍ଜାଞ୍ଜା ଝାର୍ ମାରିଡେସି ଉନ୍‌ଡେମାନ୍ ଆପିର୍ ।

୬ ମାତର୍ ନାନ୍ ଆଦେସ୍ ସିତି ଖାଜା ଝେର୍‌ଏଣ୍‌ଗା ରୁଜାକିତିଞ୍ଜା ଝେର୍‌ସିନା ।

୭ ମାରି, ମିର୍ ଝିଜୁ ଲୋକୁ ନା ଖାଜା ଆପିର୍ ଇଜି ଇକା ନା ଇଜ୍ଜା । ମାତର୍ ଏନ୍ ଇୟାଞ୍ଜାଦିକା, ମାରି ଏନ୍ ଆୟାଞ୍ଜାଦିକା, ଝିଜୁଲୋକୁ ମାପୁରୁଦିମାଣାନ୍ ଦାନ୍ ପୟତାମାନାର୍ ।

* ୬:୧୨ ୧ କରନ୍ତିୟ ୧୦:୨୩. ☆ ୬:୧୯ ୧ କରନ୍ତିୟ ୩:୧୬; ୨ କରନ୍ତିୟ ୬:୧୬.

୮ ମାତର ନାନ୍ ପେଡ଼ିଆଇଝାରିଙ୍ଗ ନି ରାଣ୍ଡିଆଇମେକାଙ୍ଗ ଇଜିନା, ଝାର ନା ଝାଜା ଅରେନ୍ନେ ତେବାତିଙ୍ଗ ନେଗେନ୍ ଆତାଡ଼ମାନ୍ ।

୯ ମାତର ଜଦି ଝାର ମୋନ୍ତିଙ୍ଗ ତିର କିଦେଙ୍ଗ ଆର୍ଡ଼ଇତିଙ୍ଗ, ଆର୍ଡ଼ତିଙ୍ଗ ପେଡ଼ି ଆପିର୍ । ଇରିଙ୍ଗ ଆସା ଆଜି କାରାପ୍ ଆନି ବାଦଲୁ ପେଡ଼ି ଆନିକା ନେଗେଡ଼ ।

୧୦ *ମାତର ପେଡ଼ିଆତିଝାରିଙ୍ଗ ନାନ୍ ଆଦେସ୍ ସିଜିନା, ନାନ୍ ସିଲେ, ମାତର ପ୍ରବୁ ଆଦେସ୍ ସିନାନ୍, ଆଡ଼ସି ନିଜେଦି କନ୍ଲିମାଣ୍ଡୁକୁ ଝେର୍ଏ ଆମାକିଡ଼;

୧୧ ଜଦି ଝାଦ୍ ଝେର୍ଏ ଆନାଡ଼, ଆର୍ଡ଼ତିଙ୍ଗ ଝାଦ୍ ମାରି ପେଡ଼ି ଆମାକିଡ଼, ମାରି ନିଜେଦି କନ୍ଲି ଝାଲେ ମାରିଡ଼େସି ମିସାପିର୍, ମାରି କନ୍ଲି ନିଜେଦି ଆଡ଼ସିଙ୍ଗ ଡ଼ିସ୍ମାକିନ୍ ।

୧୨ ମାତର ଆଇ ଝିଜେରିଙ୍ଗ ନାନ୍ ଝେର୍ନା, ପ୍ରବୁ ଇନ୍ଏନ୍, ଜଦି ଏ ତଡ଼ାନ୍ତି ଅବିସ୍ବାସତି ଆଡ଼ସି ମାନାଡ଼, ମାରି ଝାଦ୍ ଝାନି କନ୍ଲି ଝାଲେ ତେବାଦେଙ୍ଗ ବଦା କିନାଡ଼, ଆର୍ଡ଼ତିଙ୍ଗ ଝାନ୍ ତାନିଙ୍ଗ ଡ଼ିସ୍ମାକିନ୍ ।

୧୩ ମାରି, ଆମା ଆଡ଼ସିଦି ଅବିସ୍ବାସ୍ କନ୍ଲି ମାନାନ୍, ମାରି ଝାନ୍ ତାନି ଆଡ଼ସି ଝାଲେ ତେବାଦେଙ୍ଗ ଇଛା କିନାନ୍, ଝାଦ୍ ନିଜେଦି କନ୍ଲିଙ୍ଗ ଡ଼ିସ୍ମାକିଡ଼ ।

୧୪ ଇରିଙ୍ଗ ଅବିସ୍ବାସ୍ କନ୍ଲି ଆଡ଼ସି ଉଣ୍ଡିଙ୍ଗ ନେଗେନ୍ କିଆତାମାନାନ୍, ମାରି ଅବିସ୍ବାସତି ଆଡ଼ସି କନ୍ଲି ଉଣ୍ଡିଙ୍ଗ ନେଗେନ୍ କିଆତାମାନାଡ଼; ପ୍ରବୁ ଜିସୁ କ୍ରିସ୍ତୁଙ୍ଗ ମାନାଦେଙ୍ଗ ଆର୍ଡ଼ନାର୍ । ଆକା ଆଏତିଙ୍ଗ ଝାରି କଡ଼ର୍ ପାପ୍ ଆନାର୍, ମାତର ସଡ଼ତାନ୍ ଝାର ମାପୁରୁଦି ମାଣ୍ଡୁକୁ ମାନେଆତାମାନାର୍ ।

୧୫ ଆକାଏଣ୍ଡେସ୍ଆପିଡ଼, ଜଦି ଅରେନ୍ ଅବିସ୍ବାସସି, ଝାନି କ୍ରିସ୍ତୁ ବିସ୍ବାସତି କନ୍ଲି ମାରି ଆଡ଼ସିମାଣ୍ଡୁକୁ ଝେର୍ଏ ତେବାଦେଙ୍ଗ ବଦା କିନାନ୍, ଆର୍ଡ଼ତିଙ୍ଗ ଝାନ୍ ଆକା କିପିନ୍; ଇୟା ପାଣ୍ଡିଦୁ କ୍ରିସ୍ତୁବିସ୍ବାସସି କନ୍ଲି ମାରି ଆଡ଼ସି ଆମା ନିୟମତାନ୍ ମିସାଏର୍ । ଇରିଙ୍ଗ ମାପୁରୁ ମିଙ୍ଗ୍ ସାନ୍ତିଦାନ୍ ଜିନିମାଡ଼ିନି ଉଣ୍ଡିଙ୍ଗ କୁକ୍ତାମାନାନ୍ ।

୧୬ କ୍ରିସ୍ତୁ ବିସ୍ବାସତି ଆଡ଼ସି, ନିନ୍ ନିଜେଦି କନ୍ଲିଙ୍ଗ ରକିୟା କିଦେଙ୍ଗ ଆର୍ଡ଼ନି ଇଜି ଇନିକା ସଡ଼ତାନ୍ ନେସ୍ତିମାନି ? ବିସ୍ବାସତି କନ୍ଲି, ନିନ୍ ନିଜେଦି ଆଡ଼ସିଙ୍ଗ କ୍ରିସ୍ତୁବିସ୍ବାସତିକା କିଦେଙ୍ଗ ଆର୍ଡ଼ନି ଇଜି ଇନିକା ପୁରା ଝେର୍ଡେଙ୍ଗ ଆର୍ଡ଼ନି ?

ମାପୁରୁଦି କୁକ୍ତି ଇସାବତାନ୍ ଜିଦୁ

୧୭ କେବଲ ପ୍ରବୁ ଆମାଝାନିଙ୍ଗ ଏଣ୍ଡେସ୍ ନାନି ଦୟା ସିତାମାନାନ୍, ମାପୁରୁ ଝିଜେରିଙ୍ଗ ଆମା ଅବସ୍ଥାଦାନ୍ କୁକ୍ତାମାନାନ୍, ଝାନ୍ ଆୟାଝାଜା ଜିପିନ୍ । ନାନ୍ ଝିଜୁ ମଣ୍ଡୁଲିଆଙ୍ଗ ଇୟାଝାଜାଦି ଆଦେସ୍ ସିନା ।

୧୮ ଏନ୍ କି ସୁନ୍ନତ୍ ଅବସ୍ଥାଦାନ୍ ମାପୁରୁ କୁକ୍ତାମାନାନ୍, ଝାନ୍ ଅସୁନ୍ନତି ଝାଜା ତରାଦେଙ୍ଗ ସେସ୍ଟୁ କିମାକିନ୍ । ଏନ୍ କି ଅସୁନ୍ନତ୍ ଅବସ୍ଥାଦାନ୍ ମାପୁରୁ କୁକ୍ତାମାନାନ୍, ଝାନ୍ ସୁନ୍ନତ୍ ଆମାକିନ୍ ।

୧୯ ସୁନ୍ନତ୍ ଇନିକା ସିଲେ, ମାରି ଅସୁନ୍ନତ୍ ଇନିକା ପେରି ବିସୟ୍ ସିଲେ, ମାତର ମାପୁରୁଦି ଆଦେସ୍କୁ ମାନାନିକା ପେରି ବିସୟ୍ ।

୨୦ ମାପୁରୁଦି ମାଟା ମାନାତିଝାଲେ ଏନ୍ ଏଣ୍ଡେସ୍ ନାନି ଅବସ୍ଥାଦାନ୍ ମାର୍ହାନ୍, ଝାନ୍ ଆୟା ଅବସ୍ଥାଦାନ୍ ମାନିନ୍ ।

୨୧ ମାପୁରୁ କୁକ୍ତିଝାଲେ ନିନ୍ ଇନିକା ଗତିମୁରୁଲି ମାର୍ହ ? ଆୟାଉଣ୍ଡିଙ୍ଗ ସିନ୍ତା କିମା, ମାତର ଏସ୍କାଙ୍ଗ ମୁକୁଡ଼ାଦେଙ୍ଗ ଆର୍ଡ଼ନି, ଆର୍ଡ଼ତିଙ୍ଗ ଆୟା ସୁଜୋର୍ ନେଗେନ୍ତାନ୍ ମାନାଦୁ ।

୨୨ ଇରିଙ୍ଗ ପ୍ରବୁଦିମାଣ୍ଡୁକୁ କୁକ୍ତାୟ ଆତିମାନି କଟିସାକର୍, ଝାନ୍ ପ୍ରବୁଦି ମୁକୁଡ଼ାତି ଲୋକ୍; ଆୟାଝାଜା ଏନ୍ ମୁକୁଡ଼ା ଆଜି କୁକ୍ତାୟଆତାମାନାନ୍, ଝାନ୍ କ୍ରିସ୍ତୁଦି କଟିସାକର୍ ।

୨୩ ମାପୁରୁ ମିଙ୍ଗ୍ ନାଣ୍ଡୁ ଦାରା ସିଜି କଟାମାନାନ୍, ଲୋକା ସାକର୍ ଆମାଟ୍ ।

୨୪ ଏ ତଡ଼ାନ୍କୁ ନି ତାଙ୍ଗିକି, ମାପୁରୁ ମିଙ୍ଗ୍ କୁକ୍ତିଝାଲେ ଆମା ଅବସ୍ଥାଦାନ୍ ମାର୍ହଦେର୍, ଆୟାଝାଜା ମାପୁରୁଦି ଝାଲେ ଅର୍ସେ ଜିନିକା ମାନାଡ଼ ।

ପେଡ଼ିଆଇକାର୍ ମାରି ରାଣ୍ଡିଆଇମେକା ବିସୟ୍ତାନ୍ ମାଟା

୨୫ ମିର୍ ପେଡ଼ିଆଇଝାରି ବିସୟ୍ତାନ୍ ନେସ୍ତେଙ୍ଗ ଅଡ଼ବିଜିନିଦେର୍ । ଇୟା ବିସୟ୍ତାନ୍ ନାନ୍ ପ୍ରବୁଦିମାଣ୍ଡୁକୁ ଇନି ମାଟା ପୟ୍ଏ । ମାତର ପ୍ରବୁଦି ସାକାଦାନ୍ ଅରେନ୍ ବିସ୍ବାସତି ଜଗ୍ ଲୋକ୍ ଝାଜା ନା ମୋନ୍ତି ବଦା ଝେର୍ସିନାଡ଼ ।

୨୬ ନାନ୍ ଏଡ଼କିନା ଜେ, ଲୋକ୍ ଏଣ୍ଡେସ୍ ମାନାର୍, ଇଲେଇତି ବାଦାଦି ଉଣ୍ଡିଙ୍ଗ ଆୟାଝାଜା ତେବାନିକା ନେଗେଡ଼ ।

୨୭ ନିନ୍ ଇନିକା ଆଡ଼ସି ଝାଲେ ତେବାତିମାନି ? ଆର୍ଡ଼ତିଙ୍ଗ ଇୟା ଗାଟିଦାନ୍ କୁଦାଦେଙ୍ଗ ସେସ୍ଟୁ କିମା । ନିନ୍ ଇନିକା ଆଡ଼ସିମାଣ୍ଡୁକୁ ମୁକୁଡ଼ାତିମାନି ? ଆର୍ଡ଼ତିଙ୍ଗ ଆଡ଼ସିଙ୍ଗ ପୟ୍ଦେଙ୍ଗ ସେସ୍ଟୁ କିମା ।

୨୮ ଜଦି ମିର୍ ପେଡ଼ି ଆତିମାନିଦେର୍, ଆର୍ଡ଼ତିଙ୍ଗ ପାପ୍ କିଇଦେର୍; ମାରି ଜଦି ପେଡ଼ିଆଇ ଆଇଲି ପେଡ଼ି ଆତିଙ୍ଗ, ଆର୍ଡ଼ତିଙ୍ଗ ଝାଦ୍ ପାପ୍ କିଏଡ଼ । ମାତର ପେଡ଼ିଆତି ଲୋକ୍ତିଙ୍ଗ ଦୁନିଆଦି ବେସି ଦୁଃକ୍ କାସ୍ତୁ ସାସ୍ କିଦେଙ୍ଗ ପଡ଼ାନାଡ଼ । ମାରି ମିର୍ ଏଣ୍ଡେସ୍ ଆବେଟ୍କୁ ରକ୍ତୟା ପୟ୍ନିଦେର୍, ଇକା ନା ବଦା ।

* ୭:୧୦ ମାଡ଼ିଉ ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮.

୨୯ ମାତର ଏ ତଡ଼ାନକୁ, ନାନ ଇୟା ମାଟା ଝେରତେଙ୍ଗ ବଦା କିଜିନା, ଦିନ୍ ଲାକତୁ ଖାତାତ୍ତନି, ଆଦେଙ୍ଗ ଆମାଖାରିଙ୍ଗ ଆଡ଼ସିକ୍ ମାନେ, ଖାର ଆଡ଼ସିକ୍ ସିଲି ଖାଜା ଆପିର ।

୩୦ ମାରି, ଆମାକାର ଆଡ଼ବାନାର, ଖାର ଆଡ଼ବାଇ ଲୋକା ଖାଜା ଆପିର, ମାରି, ଆମାକାର ଝେଡ଼ିକା କିନାର, ଖାର ଝେଡ଼ିକାକିଇ ଲୋକା ଖାଜା ଆପିର; ଆମାକାର କଣାର, ଖାର ନିଜେଦି ସିଲି ଲୋକା ଖାଜା ଆପିର ।

୩୧ ମାରି, ଆମାକାର ଜଗତ୍ତ ବିସୟତାନ ଝେଡ଼ିକା ପୟନାର, ଖାର ଝେଡ଼ିକା ପୟଇ ଲୋକା ଖାଜା ଆପିର । ଇରିଙ୍ଗ ଇୟା ଦୁନିଆଦି ଝେଡ଼ିକା ନାଣ୍ଡଦିନ୍ ତେବାଏଡ଼ ।

୩୨ ମାତର ମିର୍ ଏଣ୍ଡେସ୍ ସିନ୍ତା ଆମାଟ୍, ଇକା ନା ବଦା । ଏନ୍ ପେଡ଼ିଆଏନ୍, ଖାନ୍ ଏଣ୍ଡେସ୍ ପ୍ରବୁଦି ଝେଡ଼ିକାଦିକାନ୍ ଆନାନ୍, ଇୟାଉଣ୍ଡିଙ୍ଗ୍ ପ୍ରବୁଦି ବିସୟ ଅସି ସିନ୍ତା ଆନାନ୍ ।

୩୩ ମାତର ଏନ୍ ପେଡ଼ିଆଡ଼ିକାନ୍, ଖାନ୍ ଏଣ୍ଡେସ୍ ନିଜେଦି ଆଡ଼ସିଙ୍ଗ୍ ଝେଡ଼ିକାଦିକାନ୍ ଆନାନ୍, ଆୟାଉଣ୍ଡିଙ୍ଗ୍ ଖାନ୍ ଇଲୁଦି ବିସୟ ଅସି ସିନ୍ତା ଆନାନ୍ ।

୩୪ ମାରି ଖାନି ମୋନ୍ ଇନିଙ୍ଗାଁ ଆନିଙ୍ଗାଁ ଆନାଡ଼ । ପେଡ଼ିଆଇ ଆଇ ମାନି ରିପାଆଇଲି, ପ୍ରବୁଦି ପାଣିଦୁ ମୋନ୍ଦିୟାନ୍ ସିନେ, ଇରିଙ୍ଗ୍ ମୋନ୍ଦଲ୍ ମାରି ଆମାଦାନ୍ ଖାନ୍ ନିଜେଦିଙ୍ଗ୍ ମାପୁରୁଦି ମାନ୍ ସିଦେଙ୍ଗ୍ ବଦା କିନାଡ଼; ମାତର ଏନ୍ ପେଡ଼ିଆତାମାନାଡ଼, ଖାନ୍ ଏଣ୍ଡେସ୍ ନିଜେଦି କନ୍ଲିଙ୍ଗ୍ ଝେଡ଼ିକା କିନି ତାନି ବଦା, ଆୟାଉଣ୍ଡିଙ୍ଗ୍ ଦୁନିଆଦି ବିସୟ ଅସି ସିନ୍ତା ଆନାଡ଼ ।

୩୫ ଇୟା ମାଟା ନାନ ମି ନିଜେଦି ନେଗି ଉଣ୍ଡିଙ୍ଗ୍ ଝେରସିନା, ମିଙ୍ଗ୍ ଉରିଦୁ ଆରପେତେଙ୍ଗ ଇନ୍ଏ, ମାତର ମିର୍ ଏଣ୍ଡେସ୍ ନେଗି ବ୍ୟବହାର କିଜି ଉନ୍ତେ ମୋନ୍ତାନ ପ୍ରବୁଦି ସେବାଦୁ ସର୍ପେ କିଦୁ, ଇୟାଉଣ୍ଡିଙ୍ଗ୍ ଝେରସିନା ।

୩୬ ପେଡ଼ି ଆଦେଙ୍ଗ୍ ଲସ୍ତି ଝେନ୍କା, ମେମାରଏନ୍ ଜଦି ଅଡ଼ବିନାନ୍ ଜେ ଖାନି ଲସ୍ତିମାନି ଆଇଲି ଉଣ୍ଡିଙ୍ଗ୍ ଖାନ୍ ନେଗେନ୍ ବ୍ୟବହାର କିଦେଙ୍ଗ୍ ଆଟ୍ଏଜିନାନ୍, ଜଦି ଖାନି ଲାଲ୍ଲୟ ନାଣ୍ଡ ଆନାଡ଼ ମାରି ଖାନି ଉଣ୍ଡିଙ୍ଗ୍ ପେଡ଼ି ଆନିକା ନେଗେଡ଼, ଆରଡିଙ୍ଗ୍ ଖାନି ବଦା ଇସାବତାନ୍ ଖାର ପେଡ଼ି ଆପିର । ଇବେନ୍ ଇନି ପାପ୍ ସିଲେଡ଼ ।

୩୭ ମାତର ଆମା ଲୋକ୍ ଜାସାପେଲ୍ ଆଜି ତାନି ଗାଡ଼ସିଙ୍ଗ୍ ପେଡ଼ି ଆଦେଙ୍ଗ୍ କେଏଣ୍ଗା ତାଟ୍ ଆନାନ୍ ମାରି ନିଜେଦି ଇନ୍ଦ୍ରିୟ ଆସା ପୁରା ତେବା କିଦେଙ୍ଗ୍ ଆଟ୍ତାମାନାନ୍ ମାରି ଗାଡ଼ସିଙ୍ଗ୍ ଆୟାଖାଜା ରିପାଆଇଲିଦି ଅବସ୍ଥାଦାନ୍ ଇଡ଼ଦେଙ୍ଗ୍ ବଦା କିତାଝିସ୍ତାମାନାନ୍, ଆରଡିଙ୍ଗ୍ ଖାନ୍ ଟିକ୍ କିତାମାନାନ୍ ।

୩୮ ଆଦେଙ୍ଗ୍ ଏନ୍ ତାନି ଆଇମାଦିଙ୍ଗ୍ ପେଡ଼ି କିନାନ୍, ଖାନ୍ ନେଗେନ୍ କିନାନ୍, ମାରି ଏନ୍ ପେଡ଼ି କିଏନ୍, ଖାନ୍ ମାରି ନାଣ୍ଡ ନେଗେନ୍ କିନାନ୍ ।

୩୯ କନ୍ଲି ଜିବନ୍ମାନି ସାନ୍ଦି ଆଡ଼ସି ମିସାନା ମାନାତା; ମାତର କନ୍ଲି ସାଡ଼ି ଝେନ୍କା ତାନି ବଦାଦାନ୍ ମାରିଡ଼େସିପେଡ଼ି ଆଦେଙ୍ଗ୍ ଆଟ୍ତାନ୍; ମାତର ଆମାଖାନିଙ୍ଗ୍ ପେଡ଼ି ଆନାଡ଼, ଖାନ୍ କ୍ରିସ୍ତ ବିସ୍ବାସି ଆନି ମାନିକାମାନାଡ଼ ।

୪୦ ମାତର ଖାନ୍ ଆମା ପେଡ଼ି ଆଏଣ୍ଡା ମାନାଡ଼, ଆୟା ଅବସ୍ଥାଦାନ୍ ତେବାଡିଙ୍ଗ୍ ନାଣ୍ଡ ସୁକ୍ ଆନାଡ଼, ଇକା ନା ବଦା, ମାରି ଇକାବା ମାପୁରୁଦି ପବିତ୍ରଆମ୍ବଦି ବଦା ଇଜି ନାନ୍ ଅଡ଼ବିଜିନା ।

୮

ଦିୟାମକାଙ୍ଗ୍ ବଗ୍ ସିନି ବିସୟତି ପ୍ରସ୍ତ

୧ ଦିୟାମକାଙ୍ଗ୍ ସିନି ବଗ୍ ବିସୟତାନ୍ ନା ମାଟା ଇକା, ମା ଝିଜେରିଙ୍ଗ୍ ବୁଦି ମାନାଡ଼ ଇଜି ମିର୍ ଆମାକା ଝେରସିନିଦେର୍, ଆକା ମାପ୍ ନେସ୍ନାପ୍ । ବୁଦି ଲୋକ୍ଡିଙ୍ଗ୍ ଆକାର କିନାଡ଼, ମାତର ଜିବନ୍ନୋନିମାଣ୍ଡକୁ ଲୋକ୍ଡିଙ୍ଗ୍ ମିସାକିନାଡ଼ ।

୨ ଜଦି ଏନ୍ ଇନିକା ନେସ୍ତାମାନା ଇଜି ଏଡ଼ କିନାନ୍, ଆରଡିଙ୍ଗ୍ ଖାନିନ୍ଦି ଏଣ୍ଡେସ୍ ନେସ୍ନିକା ମାନାଡ଼, ଖାନ୍ ଇୟାସାନ୍ଦି ଆୟାଖାଜା ନେସ୍ଏନ୍ ।

୩ ଜଦି ଏନ୍ ମାପୁରୁଙ୍ଗ୍ ଜିବନ୍ନୋନାନ୍, ଖାନିଙ୍ଗ୍ ମାପୁରୁ ନେସ୍ନାନ୍ ।

୪ ଆଦେଙ୍ଗ୍ ବମେଆଙ୍ଗ୍ ସିନି ବଗ୍ ଉଣି ବିସୟତାନ୍ ମାପ୍ ନେସ୍ନାପ୍ ଜେ, ଦୁନିଆଦୁ ଦିୟାମ୍ ଇଜି ଇନିକା ସିଲେଡ଼, ମାରି ଅରେନ୍ ମାପୁରୁଙ୍ଗ୍ ଡିସ୍ତିଙ୍ଗ୍ ଏନ୍ ସିଲେନ୍ ।

୫ ଇରିଙ୍ଗ୍ ମୁସ୍କୁପୁରୁଡ଼ୁ ଆପିଡ଼ ମାରି ଦୁନିଆଦୁ ଆପିଡ଼, ଆମାଖାନିକାଙ୍ଗ୍ ଦିୟାମ୍ ଇଜି ଇନାର, ଜଦି ଖାନ୍ ତେବାଦେଙ୍ଗ୍ ଆଟ୍ନେମାନେ, ଇୟାଖାଜା ଗାଦି “ଦିୟାମ୍କୁ” ମାରି ଗାଦି “ପ୍ରବୁରୁ” ତେବାନାର ।

୬ ମାତର ମା ଅରେନ୍ମାତର ମାପୁରୁ, ଆମା ବୁବାଦିମାଣ୍ଡକୁ ଝିଜୁ ବିସୟ ତିଆର୍ ଆତାମାନାଡ଼, ମାରି ମାଡୁ ଖାନି ଉଣ୍ଡିଙ୍ଗ୍ ଜିତିମାନିକା, ମାରି ଅରେନ୍ମାତର ପ୍ରବୁ, ଜିସୁ କ୍ରିସ୍ତ, ଖାନି ମାଣ୍ଡକୁ ଝିଜୁ ବିସୟ ତିଆର୍ ଆତାମାନାଡ଼ ମାରି ଖାନିମାଣ୍ଡକୁ ମାଡୁ ଜିତିମାନିକା ।

୭ ମାତର ଝିଜେରେ ଇୟା ସଡ଼ ନେସ୍ଏର; ଏସ ଲୋକ୍ ଇୟାସାନ୍ଦିବା ଦିୟାମ୍ ମାନାଡ଼ ଇଜି ଅଡ଼ବିଜି ଦିୟାମ୍କାଙ୍ଗ୍ ସିନି ବଗ୍ ତିନାର, ମାରି ଖାରି ବୁଦି ଦୁର୍ବଲ୍, ଆଦେଙ୍ଗ୍ ଆୟା କାଦି ଉଣି ମାଣ୍ଡକୁ ଖାର କାରାପ୍ ଆନାର ।

୮ ମାତର କାଦିଦାନ ମାପୁରୁଦି ଖାଲେ ମା ଜାଣାସିନା ଇନିକା ବାଦେଲେ ଆଏଡ଼; ଉଣୁଇତିଙ୍ଗ ମାଙ୍ଗ ଇନିକା ଆଏଡ଼, ମାରି ଉଟିଆଙ୍ଗା ମାଙ୍ଗ ଇନିକା ପୁଟଏଡ଼ ।

୯ ମାତର ଜାଗାରତା, ଏସ୍ତିଖାଲେ ମି ଇୟା ଅଦିକାର ଏଣ୍ଡେସ୍ ଦୁର୍ବଲଦିକାର ତାକାନି କାରଣ ଆଏଡ଼ ।

୧୦ ଇରିଙ୍ଗ ବୁଦି ଜେ ମିର, ମିଙ୍ଗ ଜଦି ଏନ୍ ମନ୍ଦିରତୁ ଉଣିମାନୁ ବାସନିକା ସୁଣାନ୍, ଆରତିଙ୍ଗ ଖାନ୍ ମୋନ୍ଦୁ ଦୁର୍ବଲ ବିସ୍ବାସି ଆତିମାରିଙ୍ଗବା ଇନିକା ବଗ୍ ତିନ୍ତେଙ୍ଗ ଖେଡ଼ିକା ଆଏନ୍ ?

୧୧ ଆରତିଙ୍ଗ ଆମା ଦୁର୍ବଲ ବିସ୍ବାସତି ତଡ଼ାନ୍ ଉଣିଙ୍ଗ କ୍ରିସ୍ତ ସାତା ମାରହାନ୍, ଖାନ୍ ମି “ବୁଦିଦାନ” ନାସ୍ତୁ ଆଜିନାଡ଼ ।

୧୨ ଇୟାପ୍ରକାରତାନ୍ ତଡ଼ାନ୍କା ବିରୁଦ୍ଦତାନ୍ ପାପ୍ କିଜି ମାରି ଖାରି ସାସ୍ତଲି ବୁଦିଦିଙ୍ଗ ତାକ୍ସି ମିର କ୍ରିସ୍ତଦି ବିରୁଦ୍ଦତାନ୍ ପାପ୍ କିଜିନିଦେର୍ ।

୧୩ ମାରି ଜଦି ଆମା କାଦି ନା ତଡ଼ାନ୍ତି ଖେରଏ ଆଜି ଖାନିଙ୍ଗ ପାପ୍ ସାରିଦାନ୍ ତରସି ଅନାଡ଼, ଇୟାଉଣିଙ୍ଗ ନାନ୍ ଏସ୍କାଙ୍ଗବା କାଣ୍ଡା ତିନ୍ଏ ।



ପ୍ରେରିତ ସିସୁଦି ବ୍ୟବହାରତି ନିୟମ

୧ ନାନ୍ ଇନିକା ଅରେନ୍ ଅଦିକାରତି ଲୋକ୍ ଆଏ ? ନାନ୍ ଇନିକା ଅରେନ୍ ପ୍ରେରିତ ସିସୁ ଆଏ ? ନାନ୍ ଇନିକା ମା ପ୍ରବୁ ଜିସୁଙ୍ଗୁ ସୁଡ଼ୁ ? ମିର ଇନିକା ପ୍ରବୁଦିମାନୁ ନା କିତିମାନି ପାଣିଦି ପଲ୍ ଆଏଡ଼ ?

୨ ଆଇକାର ନାଙ୍ଗ ପ୍ରେରିତ ସିସୁ ଇଜି ମାନାଏତିଙ୍ଗ ବା ମିର ମାନାତି ମାନିଦେର୍, ଇରିଙ୍ଗ ପ୍ରବୁଦି ଖାଲେ ମି ଜିବନ୍ତି ମିସାନି ଉଣିଙ୍ଗ ନା ପ୍ରେରିତ ପାରମାଣ୍ ମିର ପୟତିମାନିଦେର୍ ।

୩ ନ୍ୟାୟକିନିଖାରିଙ୍ଗ ନାନ୍ ଖେରନିକା ଇକା ।

୪ ନା ପାଣିଦି ଉଣିଙ୍ଗ କାଦି ମାରି ଏରୁରୁ ଉଣି ଅଦିକାର ଇନିକା ସିଲେଡ଼ ?

୫ ଆଇ ଓଜେରେ ପ୍ରେରିତ ସିସୁ, ପିତରୁ ମାରି ପ୍ରବୁଦି ତଡ଼ାନ୍କା ଖାଜା ବିସ୍ବାସତି କୁଟୁମତି ଅରେଡ଼ ଆଡ଼ିଦିଙ୍ଗ ପେଡ଼ି ଆଜ ତାନି ଖାଲେ ବୁଲାନି ଉଣିଙ୍ଗ ନାଙ୍ଗ ଇନିକା ଅଦିକାର ସିଲେଡ଼ ?

୬ ଜିନି ଉଣିଙ୍ଗ କେବଲ ନାଙ୍ଗ ମାରି ବର୍ଣ୍ଣବାବେଙ୍ଗ ଇନିକା କାସୁପାଣି କିଦେଙ୍ଗ ଆନାଡ଼ ?

୭ ଅରେନ୍ ସୌନ୍ୟ ନିଜେଦି କାର୍ଣ୍ଣ ନିଜେ ସାଲା କିନାନ୍ ନ ? ଏନ୍ ଅଙ୍ଗୁର କିଡ଼ିଇ କିଜି ଆବେଣି ପଲ୍ ତିନ୍ଏନ୍ ? ମାରି ଏନ୍ ମେଣ୍ଡେଙ୍ଗମାନ୍ଦା ପୋସା କିଜି ତାନ୍ତି ପାଲୁ ଉଣୁଏନ୍ ?

୮ ନାନ୍ ଲୋକ୍ ଇସାବତାନ୍ ଇନିକା ଇୟାଓଜୁ ମାଟା ଖେରସିନା ? ମୋସାଦି ନିୟମ୍ ବା ଇନିକା ଇୟାଓଜୁ ମାଟା ଇନ୍ଏଡ଼ ?

୯ *ଇରିଙ୍ଗ ମୋସାଦି ନିୟମ୍ତୁ ଇକା ରାସାତାମାନାଡ଼, “ଆତେରେ ବୁଲାନିମାନି କଡ଼ିଦି ମକମ୍ତୁ ତୁଣ୍ଡି ତରମାଟ୍ ।” ମାପୁରୁ ଇନିକା କଡ଼ିଦି ବିସୟତାନ୍ ସିନ୍ତା କିଜିନାନ୍ ?

୧୦ ଖାନ୍ ଇନିକା କେବଲ ମା ଉଣିଙ୍ଗ ଇକା ଇନ୍ଏନ୍ ? ହୁଁ ମା ଉଣିଙ୍ଗ ଇକା ରାସାତାମାନାଡ଼, ଏଣ୍ଡେସ୍ ଚାସପାଣିକିନିକାନ୍ ମାରି ପାସି ଉଣ୍ଡାକିଜତାନିକାନ୍, ପାସିଦାନ୍ ବାଗ୍ ପୟନି ଉଣିଙ୍ଗ ଆସା ଇଡ଼ଜି ପାଣି କିନାର ।

୧୧ *ଜଦି ମାପ୍ ମି ଉଣିଙ୍ଗ ଆମାଦି ଓଡ଼ୁ ଓଡ଼ତାମାନାପ୍, ଆରତିଙ୍ଗ ମିମାଣୁକୁ ଏସ୍ ଦୁନିଆଦି ପାସି ପୟଦେଙ୍ଗ ବଦା କିନିକା ଇନିକା ଉନ୍ତୁ ଆସା ସିଲେ ?

୧୨ ଜଦି ମିମାଣୁକୁ ଇୟାଖାଜା ଆସା କିନି ଉଣିଙ୍ଗ ଆଇଖାରିଙ୍ଗ ଅଦିକାର ମାନାଡ଼, ଆରତିଙ୍ଗ ମା ଅଦିକାର ଇନିକା ଖାରିମାଣୁକୁ ମାରି ନାଣ୍ଡ ସିଲେ ? ମାରିବା ମାପ୍ ଆୟା ଅଦିକାର ବ୍ୟବହାର୍ କିଏପ୍; ମାତର ଏଣ୍ଡେସ୍ କ୍ରିସ୍ତଦି ସୁସମାଚାର୍ ପ୍ରଚାରତୁ ଇନି ବାଦା ସମାକିଡ଼, ଇୟାଉଣିଙ୍ଗ ମାପ୍ ଓଜୁ ସାସ୍ କିଜିନାପ୍ ।

୧୩ ଆମାକାର ମନ୍ଦିରତୁ ସେବା କିନାର, ଖାର୍ ଜେ ମନ୍ଦିରତି କାଦି ପୟନାର୍, ମାରି ଆମାକାର ବେଦିଦୁ ପୁଜା କିଦେଙ୍ଗ ତେବାନାର୍, ଖାର୍ ଜେ ବେଦିଦି ଖାଲେ ମିସାଜି ମାନାର୍, ଇକା ଇନିକା ମିର ନେସ୍ଇଦେର୍ ?

୧୪ *ଆୟାଖାଜା ଆମାକାର ସୁସମାଚାର୍ ପ୍ରଚାର୍ କିନିକାର୍, ଖାର୍ ଜେ ସୁସମାଚାର୍ଦାନ୍ ପଟା ପସା କିନାର, ଇକା ପ୍ରବୁ ଆଦେସ୍ ସିତାମାନାନ୍ ।

୧୫ ମାତର ନାନ୍ ଇୟାଓଜୁ ବିସୟ ଇନିକା ବ୍ୟବହାର୍ କିଏ, ମାରି ନା ଉଣିଙ୍ଗ ଜେ ଇୟାଖାଜା କିଆନାଡ଼, ଇୟାଉଣିଙ୍ଗ ନାନ୍ ଇୟାଓଜୁ ରାସ୍ଏ; ଇରିଙ୍ଗ ଏନ୍ ନା ଇୟା ଗର୍ବଦିଙ୍ଗ ବେକାରତିକା ପାରମାଣ୍ କିନି ବାଦ୍ଲୁ ସାନିକା ନା ଉଣିଙ୍ଗ ନେଗେଡ଼ ।

୧୬ ଇରିଙ୍ଗ ଜଦି ସୁସମାଚାର୍ ପ୍ରଚାର୍ କିଜିନା, ଆବେନ୍ ନାନୁ ଗର୍ବ କିନିକା ଇନିକା ସିଲେ, ଇୟା ଦାଈଡ଼ କିନି ଉଣିଙ୍ଗ ନାନ୍ ଆଦେସ୍ ପୟତାମାନା; ମାରି ଜଦି ସୁସମାଚାର୍ ପ୍ରଚାର୍ କିଏ, ଆରତିଙ୍ଗ ହାୟ୍, ନାନ୍ ଦଣ୍ଡ ପୟନିକିନ୍ଦା ।

* ୯:୧୧ ତିମତି ୫:୧୮. * ୯:୧୧ ରୋମିୟ ୧୫:୨୭. * ୯:୧୪ ମାତିଉ ୧୦:୧୦; ଲୁକ ୧୦:୭.

୧୭ ଜଦି ନାନ ନିଜେଦି ଇଚ୍ଛାଦାନ ଇୟା ପାଣି କିତିଙ୍ଗ, ଆରତିଙ୍ଗ ନାଙ୍ଗ ପୁରସ୍ପାର ମାନାତ୍; ମାତର୍ ମାପୁରୁ ନା ମୁସ୍ କୁ ଇୟା ଦାଇତ୍ ସିତି ମାନିଙ୍ଗ ଇକା କିଦେଙ୍ଗ ନା ପାଣି ।

୧୮ ଆରତିଙ୍ଗ ନାନ ଇନି ପୁରସ୍ପାର ପୟ୍ ଜିନା ? ଓଜେରି ଲାକ୍ତୁ ଆରେଏ ସୁସମାଚାର ପ୍ରଚାର କିଜିନା, ଇକା ନା ପୁରସ୍ପାର, ଆୟାଉଣ୍ଡିଙ୍ଗ ସୁସମାଚାର ପ୍ରଚାର ଉଣ୍ଡିଙ୍ଗ ନାନ ଇନି ସୁଜୋଗ୍ ସୁବିଦା ଖେଡ଼ିକା କିନି ଉଣ୍ଡିଙ୍ଗ ଅଦିକାର ବ୍ୟବହାର ଆଏତ୍ ।

୧୯ ନାନ ଅରେନ୍ ଜିବନ୍ତି ଲୋକ୍, ଏମେଞ୍ଜାନି ପାଣିକିନିସାକର୍ ଆଏ, ଏଣ୍ଡେସ୍ ନାନ କ୍ରିସ୍ତଦି ଉଣ୍ଡିଙ୍ଗ ନାଣ୍ଡ ଲୋକାଙ୍ଗ୍ ପୟ୍ ନି ଉଣ୍ଡିଙ୍ଗ ଓଜେରି ଦାସ୍ ଆତାମାନା ।

୨୦ ଏଣ୍ଡେସ୍ ନାନ ଜିହୁଦିରିଙ୍ଗ୍ ପୟ୍ ଦେଙ୍ଗ୍ ଆଟ୍ ନା, ଇୟାଉଣ୍ଡିଙ୍ଗ ନାନ ଖାରି ଲାକ୍ତୁ ଜିହୁଦିରି ଖାଜା ବ୍ୟବହାର କିଜିନା; ଏଣ୍ଡେସ୍ ମୋସାଦି ନିୟମ୍ ମାନାନିଞ୍ଜାରିଙ୍ଗ୍ କ୍ରିସ୍ତଦିମାନୁ ପୟ୍ ଦେଙ୍ଗ୍ ଆଟ୍ ନା, ଇୟାଉଣ୍ଡିଙ୍ଗ ନାନ ନିୟମ୍ତିଙ୍ଗ୍ ମାନାଇତିଙ୍ଗ୍ ବା ନିୟମ୍ତି ଇସାବ୍ତି ଲୋକା ଲାକ୍ତୁ ନିୟମ୍ତି ଇସାବ୍ତାନ ମାନି ଖାଜା ବ୍ୟବହାର କିଜିନା ।

୨୧ ଆୟାଖାଜା ଅଣଜିହୁଦିରିଙ୍ଗ୍ ପୟ୍ ନି ଉଣ୍ଡିଙ୍ଗ ନାନ ଖାରି ମାନୁ ପାଣି କିନିଞ୍ଜାଲେ ଅଣଜିହୁଦିରି ଖାଜା ନିୟମ୍ ସିଲି ବ୍ୟବହାର କିଜିନା । ଇୟାତାନି ଅର୍ତ୍ତ ସିଲେ ଜେ, ନାନ ମାପୁରୁଦି ବିଦିବିଦାନ ବ୍ୟବହାର କିଏ, ସତ୍ତାନ ନାନ କ୍ରିସ୍ତଦି ନିୟମ୍ତି ଆଡ଼ଗିମାନା ।

୨୨ ଏଣ୍ଡେସ୍ ନାନ ବିସବାସ୍ତୁ ସାସ୍ ସିଲିଞ୍ଜାରିଙ୍ଗ୍ ପୟ୍ ଦେଙ୍ଗ୍ ଆଟ୍ ନା, ଇୟାଉଣ୍ଡିଙ୍ଗ ନାନ ସାସ୍ ସିଲିଞ୍ଜାରି ଲାକ୍ତୁ ଖାରି ଖାଜା ଆତାମାନା; ଏଣ୍ଡେସ୍ ନାନ ଆମାଇନି ଉପାୟ୍ତାନ ଓଜୁ ଲୋକାଙ୍ଗ୍ ରକିୟା କିଦେଙ୍ଗ୍ ଆଟ୍ ନା, ଇୟାଉଣ୍ଡିଙ୍ଗ ନାନ ଓଜେରି ଲାକ୍ତୁ ଓଜୁ ରକମ୍ତି ବ୍ୟବହାର କିତାମାନା ।

୨୩ ନାନ ଏଣ୍ଡେସ୍ ସୁସମାଚାରତି ଆସିର୍ବାଦ୍ତିମାନୁ ମିସାନା, ଇୟାଉଣ୍ଡିଙ୍ଗ ଇୟାଓଜୁ କିନା ।

୨୪ ଆମାକାର୍ ଉରକ୍ତେଙ୍ଗ୍ ବାଗ୍ ଅନାର୍, ଖାର୍ ଓଜେରେ ଉରକ୍ତନାର୍ ସତ୍, ମାତର୍ କେବଲ ଅରେନ୍ ଜେ ପୁରସ୍ପାର ପୟ୍ ନାନ, ଇକା ଇନିକା ମିର୍ ନେସ୍ ଇଦେର୍ ? ମିର୍ ଏଣ୍ଡେସ୍ ପୁରସ୍ପାର ପୟ୍ ନିଦେର୍, ଇୟାଉଣ୍ଡିଙ୍ଗ ଆୟାଖାଜା ଉରକ୍ତୁ ।

୨୫ କାର୍ଜିନିକାର୍ ଅଜା କିନିଞ୍ଜାଲେ ଓଜୁ ବିସୟ୍ତାନ ଜାଗାର୍ତା ବ୍ୟବହାର କିବିସ୍ କିନାର୍; ଖାର୍ ନାସ୍ ଆନି ପୁଞ୍ଜୁସରା ପୟ୍ ନି ଉଣ୍ଡିଙ୍ଗ ଆକା କିନାର୍; ମାତର୍ ମାତୁ ନାସ୍ ଆଇ ପୁରସ୍ପାର ପୟ୍ ନି ଉଣ୍ଡିଙ୍ଗ ଆକା କିନିକା ।

୨୬ ଆୟାଉଣ୍ଡିଙ୍ଗ ନାନ ସିଦାଦାନ ଇତି ବାଡ଼ି ଲାକ୍ତୁ ଉରକ୍ତନା, ଅରେନ୍ ମୁଞ୍ଜୁଜୁଞ୍ଜୁ ଖାଜା ନାନ ନିଜେଦି ମୁଟିଦି ତାକ୍ ନି ଖାଜା ଖାର୍ ଇକା ଡିସ୍ ସୋ ସିଦେଙ୍ଗ୍ ଅଡ଼ଗିନା ।

୨୭ ଆଇ ଲୋକା ଲାକ୍ତୁ ସୁସମାଚାର ପ୍ରଚାର କିତିମାରିଙ୍ଗ୍ ବା ନାନ ନିଜେ ଏଣ୍ଡେସ୍ ସପାୟ୍ ଆନା, ଇୟାଉଣ୍ଡିଙ୍ଗ ନା ନିଜେଦି ମେନ୍ ଲତିଙ୍ଗ୍ କାସ୍ ସାସ୍ କିଜି ମାରି ନିଜେଦି ଆଡ଼ଗି କିଜି ଇତାୟ୍ ଆତାମାନା ।

୧୦

ଦିୟାମ୍ କା ବିରୁଦ୍ଧତାନ୍ ଜାଗରାତା

୧ ଏ ତଡ଼ାନୁ ନି ତାଙ୍ଗ୍ କି, ମୋସାଦି ଖେନକା ସୋଲ୍ ସି ମା ପୁର୍ବେଦିତକ୍ତରାଦାଦାରି ଉଣ୍ଡିଙ୍ଗ ଇନିକା ଗଟେ ଆତାମାର୍ ହାତ୍, ମିର୍ ଏତ୍ କିତୁ, ଇକା ନା ଅରେନ୍ ଖାନି ଇଚ୍ଛା । ଖାର୍ ଓଜେରେ ବାଦ୍ ତତାନ୍ ସୁରକ୍ୟାଦାନ ମାର୍ ହାତ୍, ନିଡ଼ି ସାମ୍ ଦୁର୍ତାନ୍ କାସ୍ ସିଲେଏଣ୍ଡା ନାତାର୍ ।

୨ ମାରି ମୋସାଦି ଖେନକାସନିଞ୍ଜାରି ଖାଜା ଖାର୍ ଓଜେରେ ବାଦ୍ ମାରି ସାମ୍ ଦୁର୍ତୁ ତୁବନ୍ ଅତାର୍,

୩ ମାରି ଓଜେରେ ଉନ୍ତେ ଆମିକ କାଦି ମାରି ଏରୁ ଉଟା ମାର୍ ହାତ୍,

୪ ଇରିଙ୍ଗ୍ ଖାରି ଖାଲେ ବୁଲାଇମାନି ଜିବନ୍ତି ପିଡ଼ିପିକାଲୁଦାନ ଖାର୍ ଆମିକ ଏରୁ ଉଣ୍ଡିଙ୍ଗ ମାର୍ ହାତ୍, ମାରି ଆୟା ପିଡ଼ିପିକାଲୁ କ୍ରିସ୍ତ ।

୫ ମାରିବା ଖାରି ମାଣ୍ କୁ ଏସଲୋକାମାନୁ ମାପୁରୁଦି ଖେଡ଼ିକା ସିଲେତାତ୍, ଆଦେଙ୍ଗ୍ ଖାରି ସାତି ମେନ୍ ଲ୍ ମରୁବୁମିଦି ଓଜୁତରିନ୍ ଇନିଙ୍ଗ୍ ଆନିଙ୍ଗ୍ ଆଜି ମାର୍ ଏ ।

୬ ଖାର୍ ଏଣ୍ଡେସ୍ ନାନି ତାଗ୍ ଉ ବିସୟ୍ତାନ ଲାଲାଇ ଆଜିମାର୍ ହାତ୍, ମାତୁ ଏଣ୍ଡେସ୍ ଆୟାଖାଜା ଲାଲାଇ ଆଇକା, ଇୟାଉଣ୍ଡିଙ୍ଗ ଇୟାଓଜୁ ବିସୟ୍ ମା ଉଣ୍ଡିଙ୍ଗ କାତାଦି ଖାଜା ଆତାମାନାତ୍ ମାରି ସେତନା ସିଜିନାତ୍ ।

୭ ଏଣ୍ଡେସ୍ ଖାରି ମାଣ୍ କୁ ଏସଲୋକ୍ ବମା ପୁଜାକିନିକାର୍ ଆତାର୍, ଆୟାଖାଜା ମିର୍ ଦିୟାମ୍ ପୁଜାରାରି ଆମାଟ୍; ଏଣ୍ଡେସ୍ ଦର୍ମସାସ୍ତ୍ରୁ ରାସାତାମାନାତ୍, “ଲୋକ୍ ଉନ୍ତେଙ୍ଗ୍ ବାସ୍ତାର୍, ମାରି ତାନେଖେନକା ନିଙ୍ଗ୍ ଜି ରଙ୍ଗ୍ ରସ୍ତାନ କିତାର୍ ।”

୮ ଏଣ୍ଡେସ୍ ଖାରି ମାଣ୍ କୁ ଏସଲୋକ୍ ଦାରିପାଣି କିଜି ଉନ୍ତେ ନାଣ୍ଡିଙ୍ଗ୍ କଡେ ତିନି ହାଜାର୍ ଲୋକ୍ ସାତାର୍, ଆୟାଖାଜା ପାପ୍ ମାତୁ କିଏଟ୍ ।

୯ ଏଣେସ୍ ଖାରି ମାଣ୍ଡକୁ ଏସଲୋକ୍ ପ୍ରବୁକୁଁ ପରିକା କିଜି ସାରାସ୍ତାନ ନାସ୍ଥୁ ଆତାର୍, ଆୟାଞ୍ଜାଳା ମାତୁ ପ୍ରବୁକୁଁ ପରିକା କିଏର୍ ।

୧୦ ଏଣେସ୍ ଖାରି ମାଣ୍ଡକୁ ଏସଲୋକ୍ ମାପୁରୁଦି ବିରୁଦ୍ ମାଟା ଇଜି ଜୁଦକିନି ଦୁଡ୍ତାନ ନାସ୍ଥୁ ଆତାର୍, ଆୟାଞ୍ଜାଳା ମିର୍ ବିରୁଦ୍ତି ମାଟେକ୍ ଇନ୍ମାଟ୍ ।

୧୧ ଇୟାଞ୍ଜିକୁ କାତାଦି ଖାଜା ଖାରି ଉଣ୍ଡିକ୍ ଗଟାତା ମାର୍ହାଡ୍, ମାରି ଆମାଞ୍ଜାରି ବେଡାଦୁ ଦୁନିଆ ସେସ୍ଆନି ଦିନ୍ ବାସା କିଜିନିକା, ଇୟାଞ୍ଜାଳା ଜେ ମାତୁ, ମା ସେଡନା ଉଣ୍ଡିକ୍ ଆୟାଞ୍ଜିକୁ ରାସାତାମାନାଡ୍ ।

୧୨ ଏନ୍ ନିଜେଦିକ୍ ତାଟ୍ମାନା ଇଜି ଅଡ୍ବିନାନ୍, ଖାନ୍ ଏଣେସ୍ ମେଡେଏନ୍, ଇୟାଞ୍ଜିକ୍ ଖାନ୍ ଜାଗରାତା ଆପିନ୍ ।

୧୩ ଲୋକତି ଉଣ୍ଡିକ୍ ଆମା ଏଣେସ୍ ନାନି ପରିକା ପଡାତାମାନାଡ୍, ଆକା ଡିସ୍ତିକ୍ ଆଇପ୍ରକାର୍ତି ପରିକା ମି ଉଣ୍ଡିକ୍ ଗଟେ ଆଏଡ୍; ମାତର ମାପୁରୁ ଖାନି ପାରମାଣ୍ଡି ରକ୍ମାଦାନ୍ ବିସ୍ବାସ୍, ଖାନ୍ ମିକ୍ ଇନି ସାସ୍ସିଲି ପରିକାଦୁ ପରିକା ଆଦେକ୍ ସିଏନ୍, ମାତର ଏଣେସ୍ ମିର୍ ସାସ୍ କିଦେକ୍ ଆଟ୍ନିଦେର୍, ଇୟାଞ୍ଜିକ୍ ପରିକା ଆନି ଦାପ୍ରେ ଦାପ୍ରେ ଖାନ୍ ମିକ୍ ସାକ୍ତି ସିନାନ୍ ମାରି ଉଦାର୍ତି ସାରି ବା ତିଆର୍ କିନାନ୍ ।

୧୪ ମାରି, ଏ ନା ତଡ୍ଲୁ, ବମା ପୁଜାଦାନ୍ ଆକ ମାନ୍ତୁ ।

୧୫ ନାନ୍ ବୁଦିଦି ଲୋକାକ୍ ଖେରତି ଖାଜା ଖେରସିନା; ନାନ୍ ଆମାକା ଖେରସିନା, ଆକା ମିର୍ ନିଜେ ବିଚାର୍ କିଦୁ ।

୧୬ ପ୍ରବୁବୋଜତୁ ମାତୁ ଆମା ଉଣ୍ଡିକ୍ବାୟ୍ ବ୍ୟବ୍ହାର୍ କିନିକା, ତାନି ଉଣ୍ଡିକ୍ ମାତୁ ମାପୁରୁକୁଁ ଦନ୍ୟବାଦ୍ ସିନିକା । ଇୟା ଉଣ୍ଡିକ୍ବାୟ୍ତାନ ଉଣ୍ଡିଖାଲେ ମାତୁ କ୍ରିସ୍ତିଦି ନେଡେରଡ୍ ମିସାନିକା । ମାରି ରୁଟି ରୁକ୍ସୋ ତିନି ମାଣ୍ଡକୁ ମାତୁ କ୍ରିସ୍ତିଦି ମେନ୍ଦଲ୍ଡୁ ମିସାନିକା ।

୧୭ ଇରିକ୍ ରୁଟି ଉନ୍ଡେ ଆଡିକ୍ବା ମାତୁ ଗାଦିଲୋକ୍ ଆଡିକ୍ ବା ମାତୁ ଉନ୍ଡେ ମେନ୍ଦଲ୍, ଇରିକ୍ ମାତୁ ଓଜେରେ ଆୟା ଉନ୍ଡେ ରୁଟିଦୁ ମିସାଡିମାନିକା ।

୧୮ କେବଲ ଇସ୍ରାଏଲ ଲୋକା ବିସୟ୍ତାନ ଏଡକିଦୁ, ଖାରି ମାଣ୍ଡକୁ ଆମାକାର୍ ପୁଜାକିତିକାଣ୍ଡା ତିନାର୍, ଖାର୍ ଇନିକା ବେଦିଦି ଉପାସ୍ତି ଖାଲେ ମିସାଏର୍ ।

୧୯ ଆରତିକ୍ ଦିୟାମ୍କାକ୍ ସିନି ବଗ୍ ଇଜି ଜେ ଇନିକା ମାନାଡ୍ ମାରି ଦିୟାମ୍ ଇଜି ଜେ ଇନିକା ମାନାଡ୍, ଇକା ଇନିକା ନାନ୍ ଖେରସିନା ?

୨୦ ସିଲେ, ମାତର ନାନ୍ ଖେରସିନା ଜେ, ଆମା ଆମାକା ଖାର୍ ପୁଜା ଖାଜା ସର୍ପେ କିନାର୍, ଆୟାଞ୍ଜିକୁ ଖାର୍ ମାପୁରୁଦି ଉଦେସ୍ତାନ ସିଲେ, ଆକା ଦୁବେକ୍ ଉଦେସ୍ତାନ କିନାର୍ । ମାରି, ମିର୍ ଜେ ଦୁବେକ୍ ଖାଲେ ମିସାଦୁ, ଇକା ନା ଇକ୍ଛା ସିଲେ ।

୨୧ ମିର୍ ପ୍ରବୁଦି ଉଣ୍ଡିକ୍ବାୟ୍ ମାରି ଦୁବେକ୍ ଉଣ୍ଡିକ୍ବାୟ୍ତୁ ରୁଣ୍ଡିଖାନିକାକ୍ ଉଣ୍ଡେକ୍ ଆଟ୍ଇଦେର୍; ମିର୍ ପ୍ରବୁଦି ମେଜ ମାରି ଦୁବେକ୍ ମେଜ ରୁଣ୍ଡିଖାନିକାକ୍ ମିସାଦେକ୍ ଆଟ୍ଇଦେର୍ ।

୨୨ ମାରିବା ମାତୁ ଇନିକା ପ୍ରବୁକୁଁ ଗିଦିରି କିନିକା ? ମାତୁ ଇନିକା ମାପୁରୁମାଣ୍ଡକୁ ନାଣ୍ଡ ସାକ୍ତି ?

୨୩ ✱ଖାର୍ ଖେରସିନାର୍, “ଓଜୁ ବିସୟ୍ ପୁରା କିନି ଉଣ୍ଡିକ୍ ମାକ୍ ଅଦିକାର୍ ମାନାଡ୍,” ମାତର ଓଜୁ ବିସୟ୍ ନେଗିକା ସିଲେ । ମାପ୍ ଓଜୁ ବିସୟ୍ କିଦେକ୍ ଆଟ୍ନାପ୍, ମାତର ଓଜୁ ବିସୟ୍ତାନ ମିର୍ ମାଟା ସଏଡ୍ ।

୨୪ ଏନ୍ ନିଜେଦି ନେଗିକା ସେସ୍ଟୁ କିମାକିନ୍, ମାତର ଓଜୁ ଲୋକା ଆଇଖାନିକ୍ ନେଗିକା ସେସ୍ଟୁ କିପିନ୍ ।

୨୫ ବୁଦିଦିକ୍ ସପା ଇଡ୍ନି ଉଣ୍ଡିକ୍ ଇନିକା ଖେନ୍ବାଏଶ୍ଗା ସାତାଦୁ ପର୍ଜିମାନି କାଣ୍ଡା ମିର୍ ନିଜେଦିକ୍ଛାଦାନ୍ ତିନ୍ଡେକ୍ ଆଟ୍ନିଦେର୍,

୨୬ ଇରିକ୍ ସାସ୍ତୁ ରାସ୍ତିମାନି ବାକ୍ୟ ଇସାବ୍ତାନ, ଦୁନିଆ ମାରି ଆବେନ୍ ମାନି ଓଜୁ ବିସୟ୍ ପ୍ରବୁଦି ।

୨୭ ଅବିସବାସ୍ ମାଣ୍ଡକୁ ଏନ୍ ଜଦି ମିକ୍ ଉଣ୍ଡି ଉଣ୍ଡିକ୍ କୁକ୍ନାନ୍, ମାରି ମିର୍ ସନ୍ଡେକ୍ ଇକ୍ଛା କିନିଦେର୍, ଆରତିକ୍ ମି ବୁଦିଦି ଉଣ୍ଡିକ୍ ଇନିକା ଖେନ୍ବାଏଶ୍ଗା, ଆମାକା ସିତାମାନାର୍, ଆକା ଉଣ୍ଡୁ ।

୨୮ ମାତର ଏନ୍ ଜଦି ମିକ୍ ଖେରନାନ୍, ଇକା ପୁଜାଦି ଖାଜା ସର୍ପେ ଆତାମାନାଡ୍, ଆରତିକ୍ ଜେ ଇକା ଖେରତାନ୍, ତାନି ଉଣ୍ଡିକ୍ ମାରି ବୁଦିଦି ଉଣ୍ଡିକ୍ ଆକା ଉଣ୍ଡୁମାଟ୍ ।

୨୯ ମି ନିଜେଦି ବୁଦିଦି ଉଣ୍ଡିକ୍ ଇଜି ନାନ୍ ଇନ୍ଏ, ମାତର ଖାନି ବୁଦିଦି ଉଣ୍ଡିକ୍ ଖେରସିନା ।

ମିର୍ ଏଣେସାଡିକ୍ ପ୍ରସ୍ନ କିନିଦେର୍, “ମା ଅଦିକାର୍ ଏନ୍ଦା ଆଇଖାନି ବୁଦି* ଦାନ୍ ବିସାର୍ ଆନାଡ୍ ।”

୩୦ ନାନ୍ ମାପୁରୁକୁଁ ଦନ୍ୟବାଦ୍ ସିଜି କାଦି ଉଣ୍ଡିଜିନା, ଆରତିକ୍ ଆମାଞ୍ଜାନି ଉଣ୍ଡିକ୍ ଦନ୍ୟବାଦ୍ ସିନା, ଖାନି ଉଣ୍ଡିକ୍ ନିନ୍ଦା ଇନିତାନିକ୍ ଆନା ?

୩୧ ଆୟାଞ୍ଜିକ୍ ମିର୍ ଉଣ୍ଡୁ ସିଲିତିକ୍ ତିନ୍ଡୁ ମାରି ଆମାକା ଇନିକା କିଦୁ, ମାପୁରୁଦି ଗୌରବ୍ତି ଉଣ୍ଡିକ୍ ଓଜୁ କିଦୁ ।

୩୨ ଜିହୁଦି ମାରି ଗିକ୍ ମାରି ମାପୁରୁଦି ମଣ୍ଡଲି, ଏକ୍ବା ତାକାନି ପାଣି ଆମାଟ୍ ।

✱ ୧୦:୨୩ ୧ କରକ୍ରିୟା ୬:୧୨. * ୧୦:୨୯ ନେଗି ତାଗ୍ ଉଣ୍ଡିକ୍ ବିଚାର୍ କିନି ଖାନ୍

୩୩ ମିର ନା ଖାଜା ବେବହାର କିଦୁ । ଏଶ୍ରେସ୍ ନାନ ବା ନା ସିନ୍ତା କିଏଶ୍ୱା ନାଶ୍ୱଲୋକା ରକିୟାଦି ଉଣ୍ଡିଙ୍ଗ୍ ଖାରି ନେଗିତାନିଙ୍ଗ୍ ସିନ୍ତା କିନା, ମାରି ଓଁକୁ ବିସୟତାନ ଓଁଜେରିଙ୍ଗ୍ ଖେଡ଼ିକା କିଦେଙ୍ଗ୍ ଜାତୁନ୍ କିନା ।

୧୧

୧*ନାନ ଏଶ୍ରେସ୍ କ୍ରିସ୍ତୁଦି ଖେନ୍କାସୋରଇ ଖାଜା ମିର ବା ଆୟାଖାଜା ନା ଖେନ୍କା ରାଦୁ ।

ଉନ୍ତ୍ରେମାନୁ ଉଣ୍ଡାନି ଉପାସନା ମାରି ତାଲାଦୁପିଡ଼କାନିକା

୨ ମିର ଜେ ଓଁକୁ ବିସୟତୁ ନାଙ୍ଗ୍ ଏଡ଼ କିନିଦେର ମାରି ନାନ ମିଙ୍ଗ୍ ଜେ ଓଁକୁ ସିକିୟା ସିତାମାନା, ଆୟାଓଁକୁ ମାନାଜିନିଦେର, ଇୟାଉଣ୍ଡିଙ୍ଗ୍ ନାନ ମିଙ୍ଗ୍ ପ୍ରସଂସା କିଜିନା ।

୩ ମାତର କ୍ରିସ୍ତୁ ଜେ ଓଁଜେରି ମେମାରଙ୍ଗ୍ ତାଲାଦି ଖାଜା ମାରି ମେମାରଏନ୍ ଜେ ଆଡ଼ସିଦି ତାଲାଦି ଖାଜା ମାରି ମାପୁରୁ ଜେ କ୍ରିସ୍ତୁଦି ତାଲାଦି ଖାଜା, ଇକା ମିର ନେସ୍ତିମାନିଦେର ଇଜିନା ଇଚ୍ଛା ।

୪ ଆମା ମେମାରଏନ୍ ନିଜେଦି ତାଲାଦୁ ପିଡ଼ିକାଜି ପାରତାନା କିନାନ ମାରି ମାପୁରୁଦି ବାକ୍ୟ ଖେରନାନ, ଖାନ କ୍ରିସ୍ତୁଙ୍ଗ୍ ଅପମାନ କିନାନ ।

୫ ମାତର ଆମା ଆଇମା ନିଜେଦି ତାଲାଦୁ ପିଡ଼ିକାଏଶ୍ୱା ପାରତାନା କିନାଡ଼ ମାରି ମାପୁରୁଦି ବାକ୍ୟ ଖେରନାଡ଼, ଖାଦ୍ ଖାନି କନ୍ଲିଙ୍ଗ୍ ଅପମାନ କିନାଡ଼ । ଆୟାନାନି ଆଇମା ତାନି ତାଲା ଟାଙ୍ଗ୍ ରି ଆନି ସାମାନ ।

୬ ଜଦି ଏମେ ଆଇମା ତାଲାଦୁ ପିଡ଼ିକାଏଡ଼, ଆରଡିଙ୍ଗ୍ ତାନି ତାଲାଦି କୁକୁଟି ବା କୟଜପୋକ୍ତି; ମାତର ଆଇମାଦି ଉଣ୍ଡିଙ୍ଗ୍ କୁକୁଟି କୟନିକା ମାରି ତାଲା ଟାଙ୍ଗ୍ ରି ଆନିକା ସେମାର, ଆରଡିଙ୍ଗ୍ ଖାନ ତାଲା ପିଡ଼ିକାପିଡ଼ ।

୭ ମେମାରଏନ୍ ମାପୁରୁଦି ମୁଡ଼ି ଖାଜା ମାରି ଗୌରବଦି ଖାଜା ଆଡିଙ୍ଗ୍ ସଡ଼ତାନ ଖାନି ତାଲା ପାଡ଼ାକନିକା ଦରକାର୍ ସିଲେ, ମାତର ଆଇମା ମେମାରଏନ୍ତି ଗୌରବତି ଖାଜା ।

୮ ଇରିଙ୍ଗ୍ ମେମାରଏନ୍ ଆଇମାଦିମାଣୁକୁ ତିଆର୍ ଆଏନ୍, ମାତର ଆଇମା ମେମାରଏନ୍ତିମାଣୁକୁ ତିଆର୍ ଆତାମାନାଡ଼ ।

୯ ମାରି ମେମାରଏନ୍ତି ତିଆର୍କିନିକା ଆଇମାଦି ଉଣ୍ଡିଙ୍ଗ୍ ଆଏତାଡ଼; ମାତର ମେମାରଏନ୍ତି ଉଣ୍ଡିଙ୍ଗ୍ ଆଇମାଦି ତିଆର୍ ଆତାଡ଼ ।

୧୦ ଇୟାଉଣ୍ଡିଙ୍ଗ୍ ମେମାରଏନ୍ତି ଅଦିକାର୍ ଆଇମାଦି ମୁସ୍କୁ ମାନାଡ଼, ଇୟାତାନି ନେଗେନ୍ତାନ ସୁଡ଼ନ୍ତି ଖାଜା, ଦୁଡ଼କା ଉଣ୍ଡିଙ୍ଗ୍ ଆଇମା ତାଲାଦୁ ପିଡ଼ିକାନିକା ଟିକ୍ ।

୧୧ ମାରିବା ପ୍ରବୁଦିମାନୁ ମେମାରଏନ୍ତିମାଣୁକୁ ଆଇମା ଖେରଏ ସିଲେ ମାରି ଆଇମାଦିମାଣୁକୁ ମେମାରଏନ୍ ଖେରଏ ସିଲେ ।

୧୨ ଇରିଙ୍ଗ୍ ଆଇମା ଏଶ୍ରେସ୍ ମେମାରଏନ୍ତିମାଣୁକୁ ତିଆର୍ ଆତାଡ଼, ମେମାରଏନ୍ ଆଇମାଦିମାଣୁକୁ ଜନମ୍ ଆତାମାନାନ । ମାତର ଓଁକୁ ବିସୟ ମାପୁରୁଦିମାଣୁକୁ ତିଆର୍ ଆତାଡ଼ ।

୧୩ ମିର ନିଜେନିଜେ ବିସାର୍ କିଦୁ, ତାଲାଦୁ ପିଡ଼ିକାଏଶ୍ୱା ମାପୁରୁଦି ଲାକ୍ତୁ ପାରତାନା କିନିକା ଆଇମାଦି ଉଣ୍ଡିଙ୍ଗ୍ ଇନିକା ନେଗେଡ଼ ?

୧୪ ଦୁନିଆଦି ଗୁଣ୍ଡ ଇନିକା ମିଙ୍ଗ୍ ସିକିୟା ସିଏଡ଼ ଜେ, ମେମାରଏନ୍ତିଙ୍ଗ୍ ନିରଇ କୁକୁଟି ଡିସ୍ତିଙ୍ଗ୍ ଖାନି ଉଣ୍ଡିଙ୍ଗ୍ ସେମାରଡିମାଟା,

୧୫ ମାତର ଆଇମାଦିଙ୍ଗ୍ ନିରଇ କୁକୁଟି ଡିସ୍ତିଙ୍ଗ୍ ତାନି ଉଣ୍ଡିଙ୍ଗ୍ ଆକା ନେଗିମାଟା ? ଇୟା ନିରଇ କୁକୁଟି ତାନି ତାଲାଦି ସୁନ୍ଦରତି ଉଣ୍ଡିଙ୍ଗ୍ ସିଆୟଆତାମାନାଡ଼ ।

୧୬ ମାତର ଏନ୍ ଜାଟିଜଗଡ଼ା କିଦେଙ୍ଗ୍ ଇଚ୍ଛା କିତିଙ୍ଗ୍ ଖାନ ନେସ୍ତି ଜେ, ମାମାନୁ ଇୟାଖାଜାଦି ରିଡିନିୟମ୍ ସିଲେଡ଼, ମାରି ମାପୁରୁଦି ଉପାସନା ମଣ୍ଡୁଲିଆଙ୍ଗ୍ ସିଲେଡ଼ ।

ପ୍ରବୁବୋଜ

(ମାଡିଉ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ମାତର ମିର ଉପାସନା ଉଣ୍ଡିଙ୍ଗ୍ ଉନ୍ତ୍ରେମାନୁ ଆନିଖାଲେ ଜେ, ଇକା ମି ଉଣ୍ଡିଙ୍ଗ୍ ନେଗିକା ଆଏଶ୍ୱା ତାଗ୍ଇକା ଆଜିନାଡ଼, ଇବେନ୍ ନାନ ମିଙ୍ଗ୍ ପ୍ରସଂସା କିଦେଙ୍ଗ୍ ଆଡ଼ଏଶ୍ୱା ଇୟା ଆଦେସ୍ ସିଜିନା ।

୧୮ ଇରିଙ୍ଗ୍ ଆଗ୍ଡିନେ ନାନ ଖେନ୍ଜିନା ଜେ, ମଣ୍ଡୁଲିଦୁ ମିର ଉନ୍ତ୍ରେମାନୁ ଆନିଖାଲେ ମିମାନୁ ଦଲ୍ ଏର୍ପିସିସାନିକା ଗଟାଜିନାଡ଼, ମାରି ନାନ ଏସ ଇସାବତାନ ଇକା ବିସବାସ୍ କିଜିନା ।

୧୯ ଏଶ୍ରେସ୍ ମିମାନୁ ପରିକାଦୁ ଜିଶାତି ଲୋକୁ ଖେଙ୍ଗ୍ ନାର, ଇୟାଉଣ୍ଡିଙ୍ଗ୍ ମିମାନୁ ଦଲ୍ ଏର୍ପିସିସାନିକା ପୁରା ଗଟାମାନାଡ଼ ।

୨୦ ମିର ଉନ୍ତ୍ରେ ଦଲ୍ ଖାଜା ଉଣ୍ଡାଜି ଆମା ଉଣିମାନୁ ମିସାଜିନିଦେର, ଆକା “ପ୍ରବୁବୋଜ ଆଏଡ଼,”

☆ ୧୧:୧ ୧ କରକ୍ରିୟା ୪:୧୨; ପିଲିପିୟ ୩:୧୭.

୨୧ ଇରିଙ୍ଗ ନାସ୍ତିଃକାଲେ ମିର ଉଣି ବେଡ଼ାଦୁ ଓଜିଦେର ଆଇଝାନିଙ୍ଗ କାପ୍‌କିଏଶ୍‌ଗା ନିଜେ ନିଜେଦି କାଦି ଉଣିଦେର, ଆୟାଉଣ୍ଡିଙ୍ଗ ଅରେନ୍ ବାଙ୍ଗାଦୁ ତେବାନାନ୍ ମାରି ଆଇକାନ୍ ଅରେନ୍ ସୋସନା ତେବାନାନ୍ ।

୨୨ ମିଙ୍ଗ ଇନିକା ଉଣିତିନି ଉଣ୍ଡିଙ୍ଗ ନିଜେଦି ଇଲୁ ସିଲେଡ଼ ? ମାରି ମିର ଇନିକା ମାପୁରୁଦି ମଣ୍ଡଲିଦିଙ୍ଗ ସେମାର କିଜିନିଦେର, ମାରି ଆମାଝାରିଙ୍ଗ ଇନିକା ବା ସିଲେଡ଼, ଝାରିଙ୍ଗ ସେମାର କିଜିନିଦେର ? ନାନ୍ ମିଙ୍ଗ ଇୟା ବିସୟତାନ୍ ଇନିକା ଝେରନା ? ଇନିକା ମିଙ୍ଗ ପ୍ରସଂସା କିନା ? ଇୟା ବିସୟତାନ୍ ନାନ୍ ମିଙ୍ଗ ପ୍ରସଂସା କିଦେଙ୍ଗ ଆଟ୍‌ଏ ।

୨୩ ଇରିଙ୍ଗ ନାନ୍ ପ୍ରବୁଦିମାଣୁକୁ ପୟତିମାନି ଆମା ସିକିୟା ଆକା ମିଙ୍ଗ ଝେରସିନା, ଆକା ସାତୁରି କିୟୁଦୁ ସରପେ ଆନି ନାଡ଼ା ପ୍ରବୁ ଜିସୁ ରୁଟି ଅସି

୨୪ ମାପୁରୁଙ୍ଗୁ ଦନ୍‌ଏବାଦ୍ ସିଜି ଆକା ରୁକ୍‌ସି ଇର୍ହାନ୍, “ଇକା ମି ଉଣ୍ଡିଙ୍ଗ ନା ମେନ୍‌ଲ୍; ନାଙ୍ଗ ଏଡ଼କିନି ଉଣ୍ଡିଙ୍ଗ ଇକା କିଦୁ ।”

୨୫ ଆୟାଝାଜା ତିରଇ ଝେନ୍‌କା ଝାନ୍ ଉଣି ତୁବାଇ ବା ଆସ୍‌ସି ଇର୍ହାନ୍, ଇୟା ଅଙ୍ଗୁରରସ ନା ନେତେରତାନ୍ ତିଆରୁଆତିମାନି ମାପୁରୁଦି ପୁନି ନିୟମ୍; ମିର ଏସ ଦେବେଙ୍ଗ ଇବେଶକୁ ଉଣିଦେର, ନାସ ଦେବେଙ୍ଗ ନାଙ୍ଗ ଏଡ଼କିନି ଉଣ୍ଡିଙ୍ଗ ଇକା କିଦୁ ।

୨୬ ଇରିଙ୍ଗ ଏସ ଦେବେଙ୍ଗ ମିର ଇୟା ରୁଟି ତିନିଦେର ମାରି ଇୟା ଅଙ୍ଗୁରରସତିଙ୍ଗ ଉଣିଦେର, ନାସ ଦେବେଙ୍ଗ ମିର ପ୍ରବୁଦି ଝାନିଦିନ୍ ସାନ୍ ଝାନି ସାତି ମାଟା ଝେରସି ମାନିଦେର ।

୨୭ ମାରି, ଏନ୍‌ଆପିନ୍ ଜଗସିଲି ଝାଜାଦାନ୍ ପ୍ରବୁଦି ଇୟା ରୁଟି ତିନାନ୍ ମାରି ଇୟା ତୁବାୟତିଅଙ୍ଗୁରରସ ଉଣାନ୍, ଝାନ୍ ପ୍ରବୁଦି ମେନ୍‌ଲ୍‌ତିଙ୍ଗ ନି ନେତେରତି ବିରୁଦ୍‌ତାନ୍ ପାପ୍ କିନାନ୍ ।

୨୮ ମାତର ଲୋକ୍ ନିଜେଦିଙ୍ଗ ପରିକା କିପିନ୍, ମାରି ଆୟାଝାଜା ଦାନ୍ ଇୟା ରୁଟି ତିନିନ୍ ମାରି ଇୟା ତୁବାୟତିଅଙ୍ଗୁରରସ ଉଣିନ୍ ।

୨୯ ଇରିଙ୍ଗ ଆମା ଲୋକ୍ ପ୍ରବୁଦି ମେନ୍‌ଲ୍‌ତିଙ୍ଗ ସଡ଼ତି ଅର୍ତ୍ତ ବୁଜାଏଶ୍‌ଗା ତିନାନ୍ ମାରି ଉଣାନ୍, ଝାନ୍ ପୁରା ଦଣ୍ଡ ପୟନାନ୍ ।

୩୦ ଆୟାଉଣ୍ଡିଙ୍ଗ ମି ମାଣ୍‌କୁ ନେରୁରୁ ଗାଦିଲୋକ୍ ସାକିସିଲିକାର୍, ରୋଗତିକାର୍ ମାରି ଗାଦିଲୋକ୍ ସାତାମାନାର୍ ।

୩୧ ଜଦି ଆଗଡ଼ିରାନ୍ ମାପୁ ନିଜେ ନିଜେଦି ବିଚାର୍ କିତିଙ୍ଗ, ଆରତିଙ୍ଗ ମାତୁ ମାପୁରୁଦି ଦଣ୍ଡ ବୋଗାଈତିକା ମାନ୍ଧି ।

୩୨ ମାତର ଦୁନିଆଦି ଓଜୁଦିନ୍‌ତି ଦଣ୍ଡତାନ୍ ମାଙ୍ଗ ରକୟା କିନି ଉଣ୍ଡିଙ୍ଗ ପ୍ରବୁ ମାଙ୍ଗ କାସୁ ସିଜି ବିସାର୍ କିଜିନାନ୍ ।

୩୩ ମାରି, ଏ ନା ତଡ଼ାନ୍‌କୁ, ମିର ପ୍ରବୁବୋଜ ଉଣି ଉଣ୍ଡିଙ୍ଗ ଉନ୍‌ଡ୍ରେମାନୁ ଉଣ୍ଡାନ୍ ଝାଲେ ନିଜେନିଜେଦି ଉଣ୍ଡିଙ୍ଗ କାପ୍‌କିଦୁ ।

୩୪ ମି ଉଣ୍ଡାନ୍‌କା ଏଣ୍ଡେସ୍ ମାପୁରୁଦି ଦଣ୍ଡତି ଉଣ୍ଡିଙ୍ଗ ଆଏଡ଼, ଆୟାଉଣ୍ଡିଙ୍ଗ ଜଦି ଏନ୍ ବାଙ୍ଗା, ଆରତିଙ୍ଗ ଝାନ୍ ଇନ୍‌ଡ୍ର ଉଣ୍ଡିଙ୍ଗ ରାପିନ୍, ତେବାତିମାନି ବିସୟକୁ ଓଜୁ ନାନ୍ ସରିଙ୍ଗ ବୁଜାନା ।

୧୨

ପବିତ୍ରଆତ୍ମାଦିମାଣୁକୁ ଦାନ୍

୧ ଏ ତଡ଼ାନ୍‌କୁ ନି ତାଙ୍ଗ କି, ପବିତ୍ରଆତ୍ମାଦି ଦାନ୍‌ତି ବିସୟତାନ୍

ନାନ୍ ମିଙ୍ଗ ପୁରା ସଡ଼ ଝେରତେଙ୍ଗ ଅଡ଼ବିଜିନା ।

୨ ମିର ନେସ୍‌ନିଦେର ଜେ, ଏସ୍ତିଃକାଲେ ମିର ଅଶଜିହୁଦି ମାର୍‌ଇଝାଲେ, ନାସ୍ତିଃକାଲେ ଜିବନ୍‌ସିଲି ଦିୟାମ୍‌କାଙ୍ଗା ପୁଜା କିଜି ମିର ଅଲଗାସାରି ଆତିମାର୍‌ଇଦେର ।

୩ ଆୟାଉଣ୍ଡିଙ୍ଗ ନାନ୍ ମିଙ୍ଗ ଜାଣେକିଜିନା, ମାପୁରୁଦି ଆମ୍‌ଦାନ୍ ସାଲାନି ଲୋକ୍ “ଜିସୁ ଅବିସାପ୍” ଇଜି ଇନ୍‌ଏନ୍, ମାରି ଏମେ ଲୋକ୍ ପବିତ୍ର ଆତ୍ମା ପୟଏଶ୍‌ଗା “ଜିସୁ ପ୍ରବୁ” ଇଜି ଝେରତେଙ୍ଗ ଆଟ୍‌ଏନ୍ ।

୪ ✽ଆତ୍ମାଦି ଦାନ୍ ଗାଦି ଜାତିଙ୍ଗ, ମାତର ଆୟା ଉନ୍‌ଡ୍ରେ ପବିତ୍ରଆତ୍ମା ଆୟାଓଜୁ ସିନାଡ଼ ।

୫ ସେବା ଗାଦି ରକମ୍‌ତିକେଙ୍ଗ କିଜିନାର୍, ମାରି, ଉନ୍‌ଡ୍ରେ ପ୍ରବୁଦି ସେବା ଆନାଡ଼ ।

୬ ପାଣି କିନି ଝାରିଙ୍ଗ ଗାଦି ରକମ୍‌ତି ସାକ୍ତି ସିନାନ୍, ମାତର ମାପୁରୁ ଅରେନ୍, ଝାନ୍ ଓଜେରିମାନୁ ଆୟାଓଜୁ ସିନାନ୍ ।

୭ ଓଜେରି ନେଗି ଉଣ୍ଡିଙ୍ଗ ଓଜେରେ ଲୋକାମାନୁ ପବିତ୍ରଆତ୍ମାଦି ସାକ୍ତି ଗାଦି ରକମ୍‌ତିକେଙ୍ଗ ତରାନାଡ଼ ।

୮ ଇରିଙ୍ଗ ଅରେନ୍‌ଝାନିଙ୍ଗ ଆତ୍ମାଦି ମାଣ୍‌କୁ ବୁଦିଦି ବାକ୍ୟ, ମାରି ଅରେନ୍‌ଝାନିଙ୍ଗ ଆୟା ଆତ୍ମାଦି ସିକିୟା ଇସାବ୍‌ତାନ୍ ବୁଦିଦି ମାଟା ଇନାନ୍,

୯ ମାରି ଅରେନ୍‌ଝାନିଙ୍ଗ ଆୟା ଆତ୍ମାଦି ମାଣ୍‌କୁ ବିସ୍‌ବାସ୍ ସିନାଡ଼, ମାରି ଅରେନ୍‌ଝାନିଙ୍ଗ ଆୟା ଉନ୍‌ଡ୍ରେ ଆତ୍ମାଦି ମାଣ୍‌କୁ ନେଗେନ୍ କିନି ସାକ୍ତି,

✽ ୧୨:୪ ରୋମିୟ ୧୨:୭-୮.

୧୦ ଆଇଝାନିଙ୍କ ଗାଦି ରକମ୍ପତି ସାକ୍ଷିଦି ପାଣି କିଦେଙ୍କ ଅଦିକାର୍, ମାରି ଅରେନ୍‌ଝାନିଙ୍କ ମାପୁରୁଦି ବାକ୍ୟ ଝେରନ୍ତି ସାକ୍ଷି, ଆଇଝାନିଙ୍କ ଆଇ ଆଇ ରକମ୍ପତି ଆମ୍ବା ସିନିସ୍ତେଙ୍କ ସାସ୍, ମାରି ଅରେନ୍‌ଝାନିଙ୍କ ଗାଦି ଜାତିଦି ପୁନି ବାସାଦାନ୍ ଝାରଗିନି ସାକ୍ଷି, ମାରି ଅରେନ୍‌ଝାନିଙ୍କ ବାସାଦି ଅର୍ତ୍ତ କିଦେଙ୍କ ସାକ୍ଷି ସିଆୟାଆତାମାନାଡ଼ ।

୧୧ ମାତର୍ ଆୟା ଉନ୍‌ଡ୍ରେ ପବିତ୍ରଆମ୍ବା ନିଜେଦି ଇଚ୍ଛାଦାନ୍ ଝିଜୁ ଲୋକାଙ୍କ ଗାଦିରକମ୍ପତି ଦାନ୍ ସିଜି ଇୟାଝିଜୁ ପାଣି ପୁରା କିନାଡ଼ ।

ଗାଦି ବାଗ୍‌ତି ତିଆରିତି ଉନ୍‌ଡ୍ରେ ମେନ୍‌ଲ୍

୧୨ *କ୍ରିସ୍ତ ଗାଦିଜାତିଦି ଉନ୍‌ଡ୍ରେ ମେନ୍‌ଲ୍, ମାରି ଆବେଣି ବାଗ୍‌ତି ଗାଦି, ମାତର୍ ମେନ୍‌ଲ୍‌ତି ଝିଜୁ ବାଗ୍‌ତି ଗାଦି ଆତିଙ୍ଗାବା ଉନ୍‌ଡ୍ରେ ମେନ୍‌ଲ୍ ।

୧୩ ଆୟାଝାଜା ଜିହୁଦି, ଅଣଜିହୁଦି, କଟିସାକର୍ ମାରି ଅଦିକାର୍‌ରି ଲୋକୁ ଆପିନ୍, ଝିଜେରେ ଉନ୍‌ଡ୍ରେ ଆମ୍ବାଦି ମାଣକୁ ଉନ୍‌ଡ୍ରେ ମେନ୍‌ଲ୍ ଆନି ଉଦେସ୍‌ତାନ୍ ତୁବନ୍ ଅତିମାନିକା, ମାରି ଝିଜେରେ ଉନ୍‌ଡ୍ରେ ଆମ୍ବାଦାନ୍ ଉଚି ମାନିକା ।

୧୪ ଇରିଙ୍ଗ ମେନ୍‌ଲ୍ ଉନ୍‌ଡ୍ରେ ବାଗ୍ ଆଏଡ଼, ମାତର୍ ଗାଦି ବାଗ୍‌ତାନ୍ ତିଆର୍ ।

୧୫ ପାଦାମ୍ ଜଦି ଇନାଡ଼, “ନାନ୍ କିୟୁ ସିଲେ, ଆଦେଙ୍କ ମେନ୍‌ଲ୍‌ତି ବାଗ୍ ଆଏ,” ଆର୍‌ତିଙ୍ଗ ଇୟାଉଣ୍ଡିଙ୍ଗ୍ ଆକା ଜେ ମେନ୍‌ଲ୍‌ତି ବାଗ୍ ଆଏ, ଆର୍‌ତିଙ୍ଗ ଇୟା କାରଣତାନ୍ ଆକା ମେନ୍‌ଲ୍‌ତୁ ମିସାଏଣ୍‌ଗା ମାଡ୍ରେଙ୍ଗ୍ ଆଟ୍‌ଏଡ଼ ।

୧୬ ମାରି ଗିତଣି ଜଦି ଇନାଡ଼, “ନାନ୍ କାଣ୍‌ଗା ସିଲେ, ଆଦେଙ୍କ ମେନ୍‌ଲ୍‌ତି ବାଗ୍ ଆଏ,” ଆର୍‌ତିଙ୍ଗ ଇୟାଉଣ୍ଡିଙ୍ଗ୍ ଝାଡ଼ ବା ମେନ୍‌ଲ୍‌ତାନ୍ ଆକ ଆଜି ତେବାଦେଙ୍କ୍ ଆଟ୍‌ଏଡ଼ ।

୧୭ ଝିଜୁ ମେନ୍‌ଲ୍ ଜଦି କାଣ୍‌ଗା ଆନାଡ଼, ଆର୍‌ତିଙ୍ଗ ଝେନ୍‌ଡ୍ରେଙ୍ଗ୍ ଆଟ୍‌ନିକା ଏଣ୍ଡେସ୍ ? ମାରି ଆକା ଜଦି କେବଲ୍ ଗିତଣି ଆନାଡ଼, ଆର୍‌ତିଙ୍ଗ ମୁଜିନିକା ଏମେମାନ୍ ?

୧୮ ମାତର୍ ମାପୁରୁ ବାଗ୍‌ବାଗ୍‌ତିଙ୍ଗ୍ ଉନ୍‌ଡ୍ରେ ଉନ୍‌ଡ୍ରେ କିଜି ମେନ୍‌ଲ୍‌ତୁ ନିଜେଦି ଇଚ୍ଛାଦାନ୍ ତିଆରିକିତାମାନାନ୍ ।

୧୯ ମାରି, ଆୟାଝିଜୁ କେବଲ୍ ଉନ୍‌ଡ୍ରେ ବାଗ୍ ଆତିମାରିଙ୍ଗ୍, ମେନ୍‌ଲ୍ ଆତାଡ଼ମାନ୍‌ି ଏଣ୍ଡେସ୍ ?

୨୦ ମାତର୍ ସଡ଼ତାନ୍ ଗାଦି ବାଗ୍‌କୁ ଆତିଙ୍ଗାବା ମେନ୍‌ଲ୍ ଉନ୍‌ଡ୍ରେ ।

୨୧ ଆୟାଝାଜା “ନି ମାନ୍ ନାଙ୍ଗ୍ ଦରକାର୍ ସିଲେଡ଼ ଇଜି କାଣ୍‌ଗା କିୟୁଦିଙ୍ଗ୍ ଇନ୍‌ଡ୍ରେଙ୍ଗ୍ ଆଟ୍‌ଏଡ଼,” ମାରି “ନି ମାନ୍ ନା ପାଣି ସିଲେଡ଼ ଇଜି ତାଲା ପାଦାମ୍‌ତିଙ୍ଗ୍ ଇନ୍‌ଡ୍ରେଙ୍ଗ୍ ଆଟ୍‌ଏଡ଼ ।”

୨୨ ଆଇତରିନ୍ ମେନ୍‌ଲ୍‌ତି ଆମାଝିଜୁ ବାଗ୍‌କୁ* ନାଣ୍ଡ ଦୁର୍ବଲ୍ ଇଜି ଏଡ଼ ଝାନାଡ଼, ଆୟାଝିଜୁ ଦରକାର୍ ସିଲିକେଙ୍ଗ୍;

୨୩ ମାରି, ମେନ୍‌ଲ୍‌ତି ଆମାଝିଜୁ ଅଙ୍ଗ ନାଣ୍ଡ ଦରକାର୍ ସିଲେଡ଼ ଇଜି ଏଡ଼କିଇକା, ଆୟାଝିଜୁ ଅଙ୍ଗଆଙ୍ଗା ନାଣ୍ଡ ଜାତୁନ୍ ଅନିକା; ମାରି ମା ନେଗେନ୍‌ତାନ୍ ତର୍‌ଇ ଅଙ୍ଗଆଙ୍ଗା ନାଣ୍ଡ ମୋନ୍‌ସିନିକା ।

୨୪ ମାରିବା ମା ମେନ୍‌ଲ୍‌ତି ଅଙ୍ଗପ୍ରତ୍ୟଙ୍ଗ୍ ଉଣ୍ଡିଙ୍ଗ୍ ମାତୁ ନାସ ମୋନ୍‌ଦିୟାନ୍ ସିଇକା ।

୨୫ ମାତର୍ ଏଣ୍ଡେସ୍ ମେନ୍‌ଲ୍ ଲୋଇ ଇନି ମାଟା ଗଟାଏଡ଼, ମାରି ଗାଦିଜାତିଦି ଅଙ୍ଗପ୍ରତ୍ୟଙ୍ଗ୍ ସାମାନ୍‌ତାନ୍ ନିଜେନିଜେଦିଙ୍ଗ୍ ନେଗି ସିନ୍ତା କିନେ ।

୨୬ ମାରି, ମେନ୍‌ଲ୍‌ତି ଉନ୍‌ଡ୍ରେ ଅଙ୍ଗଦିଙ୍ଗ୍ କାସ୍ତୁ ଆତିଙ୍ଗା, ଆୟାଝିଜୁ ଅଙ୍ଗପ୍ରତ୍ୟଙ୍ଗ୍ ତାନି ଝାଲେ କାସ୍ତୁ ଏଡ଼ କିନେ, ମାରି ଉନ୍‌ଡ୍ରେ ଅଙ୍ଗ ଦନ୍‌ସବାଦ ଆତିଙ୍ଗା ଝିଜୁ ଅଙ୍ଗପ୍ରତ୍ୟଙ୍ଗ୍ ତାନି ଝାଲେ ଝେଡ଼ିକା କିନେ ।

୨୭ ମିର୍ କ୍ରିସ୍ତଦି ମେନ୍‌ଲ୍, ମାରି ମିର୍ ଝିଜୁଲୋକୁ ଆୟା ମେନ୍‌ଲ୍‌ତି ଉନ୍‌ଡ୍ରେ ଉନ୍‌ଡ୍ରେ ଅଙ୍ଗ ।

୨୮ *ମାରି, ମାପୁରୁ ମଣ୍ଡଲିଦୁ ପାର୍‌ତୁମ୍ ପ୍ରେରିତ ସିସୁରିଙ୍ଗ୍, ତାନିଝେନ୍‌କା ବାବବାଦିରିଙ୍ଗ୍, ଆୟାତାନିଝେନ୍‌କା ସିକିୟାଗୁରୁରିଙ୍ଗ୍; ତାନିଝେନ୍‌କା ସାକ୍ଷିଦି ପାଣି, ତାନିଝେନ୍‌କା ରଗତିଙ୍ଗ୍ ନେଗେନ୍ କିନି ଦାନ୍‌ତି ସାକ୍ଷି, ସାହାଜ୍ୟକିନିକା, ସାଲାବୁଲାକିନି ପାଣିଦି ଅଦିକାର୍ ମାରି ଜାତିଜାତିଦି ବାସାଦାନ୍ ଝାରଗିନି ଲୋକାଙ୍କ୍ ଆସ୍‌କିତାମାନାନ୍ ।

୨୯ ଝାର୍ ଝିଜେରେ ପ୍ରେରିତ ସିସୁ, ବାବବାଦିରି, ସିକିୟାଗୁରୁ, ମାରି କାବାଆନି ସାକ୍ଷିଦି ପାଣିକିନିକା ସିଆୟାଆତାମାନାଡ଼ ।

୩୦ ଝିଜେରେ ରୋଗ୍‌ତିଙ୍ଗ୍ ନେଗେନ୍ କିଦେଙ୍କ୍ ଆଟ୍‌ନାର୍, ଜାତିଜାତିଦି ବାସାଦାନ୍ ଝାରଗିଦେଙ୍କ୍ ଆଟ୍‌ନାର୍, ମାରି ଆୟାଝିଜୁ ବାସାଦି ଅର୍ତ୍ତ କିଦେଙ୍କ୍ ଆଟ୍‌ନାର୍ ।

୩୧ ମାତର୍ ମିର୍ ପେରି ଦାନ୍ ଝିଜୁ ପୟ୍‌ନି ଉଣ୍ଡିଙ୍ଗ୍ ଝେଡ଼ିକା ଆତୁ ।

ନାନ୍ ମିଙ୍ଗ୍ ଉନ୍‌ଡ୍ରେ ନେଗି ସାରି ତର୍‌ସିନା ।

୧୩

ଜିବନ୍‌ନୋନିକା

* ୧୨:୧୨ ରୋମିୟ ୧୨:୪,୫. * ୧୨:୨୨ ମେନ୍‌ଲ୍‌ତି ଅଙ୍ଗପ୍ରତ୍ୟଙ୍ଗ୍ ମାନେ ଇୟାଝାନିକାଙ୍କ୍ ବାଗ୍ ଇଜି ରାସ୍‌ତା ମାନାପ୍ । * ୧୨:୨୮ ଏପିସିୟ ୪:୧୧.

- ୧ ଜଦି ନାନ ଲୋକୁ ମାରି ଦୁଡ଼କା ବାସାଦାନ ଖାରଗିନା, ମାତର ନା ଜିବନ୍ନୋନିକା ତେବାଏଡ଼, ଆରତିଙ୍ଗ ନାନ ଆଉଲିଆଜିମାନି ଗଣ୍ଡା ମାରି ଜମ୍ ଜମ୍ ଆଉଲିଆଜିମାନି ଉନ୍ତୁ ପାପୁଡ଼ିତାକନି ଖାଜା ଆତାମାନା ।
- ୨ *ଜଦି ନାନ ବାବବାଣି ଖେଡ଼ତେଙ୍ଗ ସାକ୍ତି ମାନାଡ଼ ମାରି ନାନ ଝିଜୁ ମାରଗିତିମାନି ମାଟା ବୁଜାଦେଙ୍ଗ ସାକ୍ତି ମାନାଡ଼ ମାରି ଝିଜୁ ବିସୟତି ଜ୍ଞାନ ମାନାଡ଼, ମାରି ଗରନ୍ତିଙ୍ଗ ଗୁସାକିନି ଉଣ୍ଡିଙ୍ଗ ନାଙ୍ଗ ପୁରା ବିସବାସ ମାନାଡ଼, ମାତର ନା ଜିବନ୍ନୋନିକା ସିଲେତିଙ୍ଗ, ଆରତିଙ୍ଗ ନାନ ଇନିକା ସିଲେ ।
- ୩ ଜଦି ନାନ ସିଲିସାତିଖାରିଙ୍ଗ ଉର୍ପସକିନି ଉଣ୍ଡିଙ୍ଗ ନା ଝିଜୁ ଦାନ ସିନା, ମାରି ନାନ ନା ମୋନ୍ଦଲତିଙ୍ଗ ସିସୁଦୁ ଦଂସ ଆନି ଉଣ୍ଡିଙ୍ଗ ସରପେ କିନା, ମାତର ନା ଜିବନ୍ତୁ ଜିବନ୍ନୋନିକା ସିଲେଡ଼, ଆରତିଙ୍ଗ ଆୟାଝିଜୁ ନା ଉଣ୍ଡିଙ୍ଗ ଇନି ଲାବ୍ ଆଏଡ଼ ।
- ୪ ଜିବନ୍ନୋନିକା ସାହାସ, ଦୟାକିନିକା । ଜିବନ୍ନୋନିକା ରିସା କିଏଡ଼, ଜିବନ୍ନୋନିକା ଗର୍ବ କିଏଡ଼, ଆକାର ସିଲେ ।
- ୫ ଜିବନ୍ନୋନିକା ତାଗ୍ଲ ବ୍ୟବହାର କିଏଡ଼, ସ୍ଵାର୍ଥପର ସେଷ୍ଟା କିଏଡ଼, ରିସା ଆଏଡ଼, ଜିବନ୍ନୋନିକା ତାନି ଉଣ୍ଡିଙ୍ଗ କିଆୟାଆତିମାନି ଅନ୍ୟାୟ ଏଡ଼ ଇଡ଼ଏଡ଼ ।
- ୬ ଜିବନ୍ନୋନିକା ଅଦାର୍ମୁଦୁ ଖେଡ଼ିକା କିଏଡ଼, ମାତର ସତତାନ ଖେଡ଼ିକା କିନାଡ଼ ।
- ୭ ଜିବନ୍ନୋନିକା ଝିଜୁ ଇନିକା ସାସ କିନାଡ଼, ଝିଜୁ ବିସବାସ କିନାଡ଼, ଝିଜୁ ଆସା କିନାଡ଼, ଝିଜୁ ବିସୟତୁ ସାସ ଆସସି ତେବାନାଡ଼ ।
- ୮ ଜିବନ୍ନୋନିକା ଏସକାଙ୍ଗବା ଝିଜୁଏଡ଼; ଜଦି ମାପୁରୁଦି ମାଣକୁ ପ୍ରଚାରଆନି ମାଟା ମାନାଡ଼, ଆକା ମାରାଗ୍ନାଡ଼; ଜଦି ଆଇବାସା ମାନାଡ଼, ଆୟାଝିଜୁ ବେକାର୍ ଆନାଡ଼; ଜଦି ବୁଦି ମାନାଡ଼, ଆକାବା ମାରାଗ୍ନାଡ଼ ।
- ୯ ଇରିଙ୍ଗ ମାପ୍ ନେଗେନ୍ତାନ ନେସନାପ୍ ମାରି ନେଗେନ୍ତାନ ବାବବାଦି ଇନାପ୍ ।
- ୧୦ ମାତର ପୁରାଝିଜୁ ବିସୟ ଇଗା ଖାତିଙ୍ଗ ଇୟା ଇସି ବିସୟକୁ ମାରେଗ୍ନେ ।
- ୧୧ ଇସି କଡ଼ ମାରଇ ବେଡ଼ାଦୁ ନାନ ଇସି କଡ଼ଦି ଖାଜା ଖାରଗିନିକା, ଏଡ଼କିନିକା, ବିଚାର ଇସି କଡ଼ଦି ଖାଜା କିଜିମାରଆ; ମାତର ନାଣ୍ଡବୟସ୍ ଆତି ଝେନ୍କା ଇଲେଇ ନାନ ମାରି ଇସି କଡ଼ଦି ଖାଜା ବ୍ୟବହାର କିଏ ।
- ୧୨ ଇରିଙ୍ଗ ଇଲେଇ ମାଡୁ ସଡ଼ ବାକ୍ୟଦି ରୁପ୍ ଦାର୍ପାଣ୍ଡି ସାହାଜ୍ୟଦାନ ସୁଡ଼ୁନିକା, ମାତର ନାସିଖାଲେ ମାଡୁ ସାମନାସାମନି ଆଜି ସୁଡ଼ୁସାନିକା; ଇଲେଇ ନାନ ଇସି ଇସାବତାନ ନେସସିନା, ମାପୁରୁ ନାଙ୍ଗ ପୁରା ନେସତି ଖାଜା ନାସିଖାଲେ ନା ବୁଦି ବା ପୁରା ଆନାଡ଼ ।
- ୧୩ ମାରି ବିସବାସ, ଆସା ମାରି ଜିବନ୍ନୋନିକା, ଇୟା ମୁନ୍ତୁଦି ମାଟା ବିସୟ ମାନେ, ମାରି ଇୟାଖାନିକା ଲୋଇ ଜିବନ୍ନୋନିକା ନେ ପେରିକା ।

୧୪

ଆମ୍ବୁଦି ଦାନ ବିସୟତାନ ନାଣ୍ଡ ମାଟା

- ୧ ଜିବନ୍ନୋନି ଉଣ୍ଡିଙ୍ଗ ମିର୍ ଖେଡ଼ିକା ଆଦୁ, ମାରି ଆମ୍ବୁଦି ଦାନ ଝିଜୁ ପୟନି ଉଣ୍ଡିଙ୍ଗ, ବିସେସକିଜି ବାବବାଣି ମାଟା ପ୍ରଚାର କିନିକା, ମି ଜିବନ୍ତୁ ପୁରା ଆପିଡ଼ ।
- ୨ ଇରିଙ୍ଗ ଏନ୍ ଆଇ ବାସାଦାନ ମାଟା ଇନାନ, ଖାନ୍ ଲୋକତିଙ୍ଗ ମାଟା ଇନ୍ଏନ୍, ମାତର ମାପୁରୁଦି ଉଦେସତାନ ଇନାନ, ଖାନି ମାଟା ଏନ୍ ବୁଜାଦେଙ୍ଗ ଆର୍ଏର୍, ଖାନ୍ ଆମ୍ବୁଦି ସାକ୍ତିଦାନ ମାରଗିତିମାନି ସଡ଼ ବିସୟକୁ ଝିଜୁ ଇନାନ ।
- ୩ ମାତର ଏନ୍ ମାପୁରୁଦି ବାକ୍ୟ ପ୍ରଚାର କିନାନ, ଖାନ୍ ଆକା ଲୋକାଙ୍ଗ ଇନାନ, ଆୟାମାଣୁକୁ ଖାରିଙ୍ଗ ସାହାଜ୍ୟ, ଖେଡ଼ିକା ମାରି ସାନ୍ତି ସିନାଡ଼ ।
- ୪ ଏନ୍ ଆଇ ବାସାଦାନ ମାଟା ଇନାନ, ଖାନ୍ କେବଲ ନିଜେଦି ଉଣ୍ଡିଙ୍ଗ ସାହାଜ୍ୟ କିନାନ; ମାତର ଏନ୍ ମାପୁରୁଦି ବାକ୍ୟ ପ୍ରଚାର କିନାନ, ଖାନ୍ ଝିଜୁ ମଣ୍ଡଲିଦିଙ୍ଗ ସାହାଜ୍ୟ କିନାନ ।
- ୫ ମିର୍ ଝିଜିଦେର୍ ଜେ ଆଇ ବାସାଦାନ ମାଟା ଇନ୍ତୁ, ଇକା ନା ଇଛା, ମାତର ମିର୍ ଜେ ମାପୁରୁଦି ବାକ୍ୟ ପ୍ରଚାର କିଦୁ, ଇକା ନା ନାଣ୍ଡ ଇଛା । ଏନ୍ ଆଇ ବାସାଦାନ ମାଟା ଇନିକା, ମଣ୍ଡଲିଦି ଉଣ୍ଡିଙ୍ଗ ନେଗେଡ଼ ଆନାଡ଼; ଜଦି ଏନ୍ ଆୟାତାନି ଅର୍ଡ଼ ନେଗେନ୍ତାନ ବୁଜାକିଜି ଝେନ୍ନାନ, ସିଲିତିଙ୍ଗ ଆଇ ବାସାଦାନ ଖାରଗିନିମାଣୁକୁ ମାପୁରୁଦି ମାଟା ପ୍ରଚାର କିନିକା ନେଗେଡ଼ ।
- ୬ ଏ ତଡ଼ାନକୁ, ନାନ ଜଦି ମି ଲାକ୍ତୁ ସୋଲସି ମାପୁରୁଦିମାଣୁକୁ ଝେନ୍ନାୟଏତି ବାକ୍ୟ, ମାରି ବୁଦି, ମାରି କାରୁର୍ ମାରି ସିକିୟାଦି ମାଟା ଝେନ୍ନାୟଏଗା କେବଲ ଆଇ ବାସାଦାନ ଖାରଗିନା, ଆରତିଙ୍ଗ ଆବେନ୍ ନାନ ମିଙ୍ଗ ଇନି ସୁବିଦା କିନା ।
- ୭ ପିରଡ଼ି ଆପିଡ଼ ସିଲିତିଙ୍ଗ ଟଇଲା ଆପିଡ଼, ଜିବନ୍ସିଲି ଅଡ଼ନିକା ଜଦି ନେଗି ସରତାନ ଅଡ଼ଏଡ଼େ, ଆରତିଙ୍ଗ ପିରଡ଼ିଦୁ ଇନିକା ଅଡ଼ଜିନାଡ଼ ମାରି ଟଇଲାଦୁ ଇନିକା ଅଡ଼ଜିନାଡ଼, ଆକା ଏନ୍ ଇନିକା ନେସେଙ୍ଗ ଆର୍ନାନ ?
- ୮ ମାରି, ମରି ଆଉଲିଦି ସ୍ଵର୍ ଟିକ୍ତାନ ଆଏଡ଼ିଙ୍ଗ, ଆରତିଙ୍ଗ ଏନ୍ ଜୁଦ୍ଦି ଉଣ୍ଡିଙ୍ଗ ତିଆର୍ ଆନାନ ?

* ୧୩:୨ ମାଡ଼ିଉ ୧୭:୨୦; ୨୧:୨୧; ମାର୍କ ୧୧:୨୩.

୯ ଆୟାଞ୍ଜାଳା ମିର ବା ଜଦି ଆଇ ବାସାଦାନ ନେସ୍ନିନାନି ମାଟା ଇନ୍ଏତିଙ୍ଗ, ଆରତିଙ୍ଗ ଇନିକା ଇଜିନିଦେର୍, ଆକା ଏଣ୍ଡେସ୍ ଜଣାପଡ଼ାନାଡ଼ ? ଇରିଙ୍ଗ ମିର ଗାଲିଦିଙ୍ଗ ଖେରତି ଖାଜା ଆନାଡ଼ ।

୧୦ ଦୁନିଆଦୁ ଗାଦି ଜାତିଦି ବାସେଙ୍ଗ ମାନେ, ମାରି ଆୟାଞ୍ଜିକୁ ମାଣକୁ ଉନ୍ତୁ ଶବ୍ଦବା ଅର୍ଥସିଲିକେଙ୍ଗ ଆଉ ।

୧୧ ଜଦି ନା ଖାଲେ ଖାରଗିସାଜି ମାନି ଲୋକ୍ତି ବାସା ନାନୁ ବୁଜାଦେଙ୍ଗ ଆଟ୍ଏ, ଆରତିଙ୍ଗ ଆୟା ଲୋକୁ ନା ଲାକ୍ତୁ ନେସ୍ନିନାନି ଲୋକୁ ଖାଜା ଆନାନ୍, ନାନୁ ବା ଖାନି ଲାକ୍ତୁ ନେସ୍ନିନାନି ଲୋକୁ ଖାଜା ଆନା ।

୧୨ ମିର ଆଇ ଆଇ ପବିତ୍ରଆମ୍ବାଦି ଦାନ ପୟଦେଙ୍ଗ ଖେଡ଼ିକାମାନିଙ୍ଗ, ତାନିମାଣୁକୁ ଏମେ ଖିଜୁ ମଣ୍ଡଲିଦି ନେଗି ଉଣ୍ଡିଙ୍ଗ ପୁରା କିଦେଙ୍ଗ ଆଟ୍ନାଡ଼ ଆୟାଞ୍ଜିକୁ ନାଣ୍ଡ଼ିକସାବତାନ ପୟଦେଙ୍ଗ ତେଷ୍ଟାକିଦୁ ।

୧୩ ଏନ୍ ଆଇ ବାସାଦାନ ଖାରଗିନାନ୍, ଖାନ୍ ଇୟାତାନି ଅର୍ତ୍ତ ଖେରତେଙ୍ଗ ଦାନ ପୟଦେଙ୍ଗ ପାରତାନା କିପିନ୍ ।

୧୪ ଜଦି ନାନୁ ଆଇ ବାସାଦାନ ପାରତାନା କିନା, କେବଲ ନା ମୋନତି ଆମ୍ବା ଆକା କିନାଡ଼, ନା ବୁଜାନି ସାକ୍ତି ଆବେନ୍ ତିର ମୋନତାନ ତେବାଏଡ଼ ।

୧୫ ଆରତିଙ୍ଗ ନାନୁ ଇନିକା କିନା ? ନାନୁ ନା ଆମ୍ବାଦାନ ପାରତାନା କିନା, ମାରି ନାନୁ ବୁଜାନିଖାଜା ପାରତାନା କିନା । ନାନୁ ନା ଆମ୍ବାଦାନ ପାଟା ପାରନା, ମାତର୍ ତାନି ଖାଲେ ମୋନ୍ ଦିୟାନ୍ ସିଜି ପାଟା ପାରନା ।

୧୬ ଆକା ଆଏତିଙ୍ଗ ମାପୁରୁଙ୍ଗୁଁ କେବଲ ମି ଆମ୍ବାଦାନ ଦନ୍ୟବାଦ୍ ସିଦୁ, ଆବେନ୍ ମାନି ଅରେନ୍ ସାମାନ୍ତି ଲୋକୁ ଏଣ୍ଡେସ୍ ମି ଖାଲେ ଆମେନ୍ ଇନାନ୍ । ଇରିଙ୍ଗ ମିର ଇନିକା ଇଜିନିଦେର୍, ଆକା ଖାନ୍ ନେସ୍ତେଙ୍ଗ ଆଟ୍ଏନ୍ ।

୧୭ ମିର ନେଗେନ୍ତାନ ମାପୁରୁଙ୍ଗୁଁ ଦନ୍ୟବାଦ୍ ସିଦିମାରିଙ୍ଗ ବା, ଖାନି ମାଣ୍ଡୁ ଆଇ ଲୋକ୍ତି ଇନି ରକମ୍ତି ପାଣି ଆଦେଙ୍ଗ୍ ଆଟ୍ଏଡ଼ ।

୧୮ ନାନ୍ ମାପୁରୁଙ୍ଗୁଁ ଦନ୍ୟବାଦ୍ ସିଜିନା, ଇରିଙ୍ଗ ନାନ୍ ମି ଖିଜେରିମାନୁ ନାଣ୍ଡୁଦାନ ଆଇବାସା ମାଟା ଖେରତେଙ୍ଗ ଆଟ୍ନା ।

୧୯ ମାତର୍ ମଣ୍ଡଲିଦି ଉପାସନାଦୁ ଆଇ ବାସାଦାନ ହାଜାର୍ ହାଜାର୍ ବଲ୍କୁ ଖେରଏଣ୍ଗା ମାରି ଖିଜେରି ବୁଦିଦି ଖାଲେ ପାସ୍ଗୋଟା ବଲ୍କୁ ଖେରନିକା ନେଗିକା ।

୨୦ ଏ ତଡ଼ାନକୁ, ବୁଦିଦୁ ଇସ୍ତିକଡ଼ରି ଖାଜା ଆମାଟ୍, ମାତର୍ ତାଗ୍ଲ ବିସ୍ତୁତିଙ୍ଗ ଇସ୍ତିକଡ଼ରି ଖାଜା ଆଦୁ; ମାତର୍ ବୁଦିଦୁ ମିର ପୁରା ବୟସ୍ତି ଲୋକା ଖାଜା ଆନିକା ମାନାଡ଼ ।

୨୧ ଦାମ୍ବୁସାସ୍ତ୍ରଦୁ ରାସାତା ମାନାଡ଼ :

“ପ୍ରବୁ ଇନାନ୍, ଆଇବାସା ଖାରଗିଜିମାନି

ଆଇଦେସ୍ତିଲୋକା ମକମ୍ତୁ

ନାନ୍ ଇୟା ଲୋକା ଖାଲେ ଖାରଗିନା,

ମାରିବା ଖାର ମା ମାଟା ଖେନ୍ଏର୍ ।”

୨୨ ଆଦେଙ୍ଗ୍ ଆଇ ବାସାଦାନ ଖାରଗିନି ବିସ୍ତବାସ୍ତିରି ଉଣ୍ଡିଙ୍ଗ ସିନାଦି ଖାଜା ଆଏଡ଼, ମାତର୍ ଅବିସ୍ତବାସ୍ତିରି ଉଣ୍ଡିଙ୍ଗ ସିନାଦି ଖାଜା ଆନାଡ଼; ଆଇତରିନ୍, ମାପୁରୁଦି ବାକ୍ୟ ପ୍ରଚାର୍ କିନି ଅବିସ୍ତବାସ୍ତିରି ଉଣ୍ଡିଙ୍ଗ ସିନାଦି ଖାଜା ଆଏଡ଼, ମାତର୍ ବିସ୍ତବାସ୍ତିରି ଉଣ୍ଡିଙ୍ଗ ସିନାଦି ଖାଜା ଆନାଡ଼ ।

୨୩ ମାରିବା ମଣ୍ଡଲିଦି ଖିଜେରେ ଉନ୍ତେମାନୁ ଆନାର୍ ମାରି ଖିଜେରେ ଆଇ ବାସାଦାନ ଖାରଗିନିନାର୍, ମାରି ସାମାନ୍ତି ଲୋକୁ ମାରି ଅବିସ୍ତବାସ୍ତି ଲୋକୁ ଖାନାର୍, ଆରତିଙ୍ଗ ମିର ବାୟା ଇଜି ଇନିକା ଖାର ଇନ୍ଏର୍ ?

୨୪ ମାତର୍ ଖାର ଜଦି ମାପୁରୁଦି ବାକ୍ୟ ଖେରନାର୍, ମାରି ଅରେନ୍ ଅବିସ୍ତବାସ୍ତି ମାରି ସାମାନ୍ତି ଲୋକୁ ଖାନାନ୍, ଆରତିଙ୍ଗ ଖାନ୍ ଖିଜେରି ମାଣାନ୍ ପାପ୍ତିକାନ୍ ଇଜି ନେସ୍ତେଙ୍ଗ ଆଟ୍ନାନ୍, ଖିଜେରି ମାଣାନ୍ ବିଚାର୍ ଆନାନ୍ ।

୨୫ ଖାନି ଜିବନ୍ତୁ ମାରଗିତିମାନି ବିସ୍ତକୁ ଖିଜୁ ତରାନାଡ଼; ଆବେନ୍ ଖାନ୍ ମକମ୍ ପାଡ଼ିକ୍ସି ମାରି “ସଡ଼ତାନ ମାପୁରୁ ଜେ ପୁରା ମି ଲୋଇ ମାନାନ୍,” ଇକା ମାନାଜି ଖାନିଙ୍ଗ ମାଡ଼ିସ୍ କିନାନ୍ ।

ମଣ୍ଡଲିଦି ନିୟମ୍

୨୬ ଏ ତଡ଼ାନକୁ ନି ତାଙ୍ଗ୍, ମିଙ୍ଗ୍ ନାନ୍ ଖେରନି ମାଟା; ଉପାସନା କିନି ଉଣ୍ଡିଙ୍ଗ ଉଣ୍ଡାନି ଖାଲେ ଏନ୍ ଅରେନ୍ ପାଟା ପାରିନ୍, ମାରି ଅରେନ୍ ସିକିୟା ସିପିନ୍, ଏନ୍ ଅରେନ୍ ମାପୁରୁଦି ଖେରତି ବାକ୍ୟ ଖେରନି, ମାରି ଅରେନ୍ ଆଇ ବାସାଦାନ ଖାରଗିପିନ୍ ମାରି ଏନ୍ ଇୟା ନେସ୍ଇ ବାସାଦି ଅର୍ତ୍ତ ବୁଜା କିପିନ୍ । ଇୟାଞ୍ଜିକୁ ମଣ୍ଡଲିଦି ନେଗି ଉଣ୍ଡିଙ୍ଗ କିନିକା ଦରକାର୍ ।

୨୭ ଜଦି ଏନ୍ ଆଇ ବାସାଦାନ ଖାରଗିନାନ୍, ଆରତିଙ୍ଗ ଅରେନ୍ ଖେନକା ମାରି ଅରେନ୍ ଇୟାଞ୍ଜା ରିଏର୍ ସିଲିତିଙ୍ଗ ଅଦିକ୍ନାଣ୍ଡ ଆତିଙ୍ଗ, ମୁଏର୍ ଖେରରି ମାରି ଅରେନ୍ ତାନି ଅର୍ତ୍ତ ବୁଜାକିଜ ସିପିନ୍ ।

୨୮ ଜଦି ଅର୍ତ୍ତ ବୁଜା କିଦେଙ୍ଗ ଏନ୍ ସିଲେତିଙ୍ଗ, ଆରତିଙ୍ଗ ଖାନ୍ ପାରତାନାଦି ମଣ୍ଡଲିଦୁ ଆଲେଜ ତେବାପିନ୍ ମାରି ସୁନ୍ସାନ୍ ବାଡ଼ିଦୁ ମାପୁରୁଙ୍ଗୁଁ ଇନିନ୍ ।

୨୯ ମାରି, ରିଏର୍ ସିଲିତିଙ୍ଗ ମୁଏର୍ ମାପୁରୁଦି ବାକ୍ୟ ବାବବାଦି ଖେରରି, ମାରି ଆଇକାର୍ ବିଚାର୍ କିପିର୍ ।

୩୦ ମାତର ଉପାସନାକୁ ତେବାତିମାନିକାନ୍ ଏନ୍ ଜଦି ଦାପ୍ତେନେ ମାପୁରୁଦିମାଣାନ୍ ଇନି ବାକ୍ୟ ଖାନାଡ଼, ଆରତିଙ୍ଗ ଆଗତି ଖେରସି ମାନିକାନ୍ ଆଲେପିନ୍ ।

୩୧ ଇରିଙ୍ଗ ଏଣ୍ଡେସ୍ ଓଜେରେ ସିକିୟା ପୟନାର୍, ମାରି ଓଜେରେ ସେତେନା ଆନାର୍, ଇୟାଉଣ୍ଡିଙ୍ଗ୍ ମିର୍ ଓଜିଦେର୍ ଅରେନ୍ ଖେନକା ଅରେନ୍ ମାପୁରୁଦି ବାକ୍ୟ ଖେରତେଙ୍ଗ୍ ଆଟ୍‌ନିଦେର୍ ।

୩୨ ମାତର ବାବବାଦି ବାକ୍ୟ ପ୍ରଚାର୍ କିନି ଦାନ୍ ପ୍ରଚାର୍‌କିନିଖାନି ଆଡ଼ଗି ଆନିକା ମାନାଡ଼ ।

୩୩ ଇରିଙ୍ଗ୍ ମାପୁରୁ ସାନ୍ତିସିଲି ମାପୁରୁ ଆଏନ୍, ମାତର ସାନ୍ତିଦି ମାପୁରୁ ।

ମାତର ଓଜୁ ମଣ୍ଡଲିଆଙ୍ଗା ଏଣ୍ଡେସ୍ ଆନାମାନାଡ଼ ।

୩୪ ଆୟାଖାଜା ମି ମଣ୍ଡଲିଦି ଉପାସନାକୁ ଆଇମେକ୍ ଆଲେଜ ମାନିଉ, ଆବେନ୍ ଖାରଗିନି ଉଣ୍ଡିଙ୍ଗ୍ ଖାକ୍ ଅନୁମତି ପୟଉ, ଜିହୁଦିରି ନିୟମତି ଇସାବତାନ୍ ଖାକ୍ ଆଡ଼ଗି ତେବାଜି ମାନିଓ ।

୩୫ ଖାକ୍ ଜଦି ଇନି ବିସୟ ବୁଜାଦେଙ୍ଗ୍ ଇଛା କିନେ, ଆରତିଙ୍ଗ୍ ଇନ୍‌ଡୁ ନିଜେ ନିଜେଦି କନ୍‌ଲିରିଙ୍ଗ୍ ଖେନ୍‌ବାପିଓ, ଇରିଙ୍ଗ୍ ମଣ୍ଡଲି ଲୋଇ ଖାରଗିନିକା ଆଇମେକା ଉଣ୍ଡିଙ୍ଗ୍ ସେମାର୍‌ତିମାଟା ।

୩୬ ମାପୁରୁଦି ବାକ୍ୟ ଇନିକା ମିମାଣାନ୍‌କୁ ସତାମାନାଡ଼ ? ଇକା ଇନିକା କେବଲ୍ ମି ଲାକ୍‌ତୁ ଖାତାମାନାଡ଼ ?

୩୭ ଏନ୍ ଜଦି ନିଜେଦିଙ୍ଗ୍ ଅରେନ୍ ବାବବାଦି ନି ଆମିକ୍ ଦାନ୍ ପୟତି ଲୋକ୍ ଇଜି ଅଡ଼ବିନାନ୍, ଆରତିଙ୍ଗ୍ ନାନ୍ ମିଙ୍ଗ୍ ଆମାକା ଆମାକା ରାସସିନା, ଆୟାଓଜୁ ଜେ ପ୍ରବୁଦି ଆଦେସ୍, ଇକା ଖାନ୍ ନେସିନ୍ ।

୩୮ ମାତର ଖାନ୍ ଜଦି ମାନାଏନ୍, ଆରତିଙ୍ଗ୍ ଖାନିଙ୍ଗ୍ ମିର୍ ମାନାମାଟ୍ ।

୩୯ ଆଦେଙ୍ଗ୍ ଏ ନା ତଡ଼ାନ୍‌କୁ ନି ତାଙ୍ଗି, ମାପୁରୁଦି ବାକ୍ୟ ପ୍ରଚାର୍ କିନି ଉଣ୍ଡିଙ୍ଗ୍ ଖେଡ଼ିକା ଆଦୁ; ମାରି ଆଇ ବାସାଦାନ୍ ଖାରଗିନି ଉଣ୍ଡିଙ୍ଗ୍ ଏଙ୍ଗ୍‌ବା ମାନା କିମାଟ୍ ।

୪୦ ଓଜୁ ପାଣି ନେଗେନ୍‌ତାନ୍ ମାରି ସାନ୍ତିଦାନ୍ କିଆନିକା ଦରକାର୍ ।

୧୫

କ୍ରିସ୍ତଦି ମାରିଡେସି ଜିବନ୍‌ଆଜି ନିଙ୍ଗିନିକା

୧ ଏ ତଡ଼ାନ୍‌କୁ ନି ତାଙ୍ଗି, ନାନ୍ ମି ଲାକ୍‌ତୁ ଆମା ସୁସମାଚାର୍ ପ୍ରଚାର୍ କିତାମାଟ୍‌ଆ, ଆମାକା ମିର୍ ମାନାତି ମାନିଦେର୍, ଆବେନ୍ ବା ତିର୍ ଆଜି ତେବାତିମାନିଦେର୍, ନାନ୍ ଏଣ୍ଡେସ୍‌ଖାଜା ମି ଲାକ୍‌ତୁ ପ୍ରଚାର୍ କିତାମାଟ୍‌ଆ, ଇକା ମିଙ୍ଗି ଏଡ଼ କିବିସକିଜିନା ।

୨ ନାନ୍ ମି ଲାକ୍‌ତୁ ପ୍ରଚାର୍ କିତିମାନି ଆୟା ସୁସମାଚାର୍‌ତୁ ତାଟ୍ ଖାଜା ତେବାତିଙ୍ଗ୍, ଆରତିଙ୍ଗ୍ ତାନି ମାଣାନ୍ ରକିୟା ପୟଜିନିଦେର୍, ସିଲିତିଙ୍ଗ୍ ମି ବିସ୍‌ବାସ୍ ବେକାର୍ ।

୩ ଇରିଙ୍ଗ୍ ଆମା ଆମା ସିକିୟା ନାନ୍ ପୟତାମାନା, ଆୟାତାନିମାଣୁକୁ ଇୟା ପେରି ସିକିୟା ମିଙ୍ଗି ଖେରତାମାନା । ଆକା ଆଜିନାଡ଼, ଦାମ୍‌ସାସ୍ତ୍ରୁ ରାସାତା ମାନାଡ଼, କ୍ରିସ୍ତ ମା ପାପତି ଉଣ୍ଡିଙ୍ଗ୍ ସାତାନ୍,

୪ *ତୁକି ଗୁଟାଦୁମୁସାୟା ଆତାନ୍, ଦାମ୍‌ସାସ୍ତ୍ରୁ ଇସାବତାନ୍ ମୁନେଟି ଖେନକା ଜିବନ୍‌ଆଜି ନିଙ୍ଗିତାମାନାନ୍;

୫ *ଖାନ୍ ପିତର, ମାରି ତାନିଖେନକା ଖାନି ବାରଲୋକ୍ ସିସୁରିଙ୍ଗ୍ ତରାୟଆତାନ୍,

୬ ତାନିଖେନକା ଉନ୍‌ଡେ ଦେବାନେ ଅରସେ ପାସ୍‌ସୋଦାନ୍ ନାଣ୍ଡ ଖାନି ତଡ଼ାନ୍‌କାଙ୍ଗ୍ ତରାୟଆତାନ୍, ଖାରି ଲୋଇରାନ୍ ଏସ ଲୋକ୍ ନେର୍ ସାନ୍ଧି ଜିବନ୍ ମାନାର୍, ମାତର ଏନ୍ ଏନ୍ ଇୟା ଦୁନିଆଦୁ ସିଲେର୍ ।

୭ ଇୟାତାନିଖେନକା ଜେ ଯାକ୍‌ବଙ୍ଗ୍, ମାରି, ତାନିଖେନକା ଓଜୁ ସିସୁରିଙ୍ଗ୍ ତରାୟଆତାନ୍;

୮ *ସାରାସାରିଖେନକା ଜଗ୍‌ସିଲିନାଣ୍ଡିଙ୍ଗ୍ ଜନମଆନିକଡ଼ଦି ଖାଜା ଅରେନ୍ ଜେ ନାନ୍, ଖାନ୍ ନାଙ୍ଗି ବା ତରାୟଆତାନ୍

୯ *ଇରିଙ୍ଗ୍ ନାନ୍ ମାପୁରୁଦି ମଣ୍ଡଲିଦିଙ୍ଗ୍ କାସୁ ସିତିମାନିଙ୍ଗ୍ ସିସୁରିମାନ୍ ନାନ୍ ଖେଜେରିଙ୍ଗ୍ ଇଜ୍‌ଜିକିକ୍‌ସା, ମାରି ପ୍ରେରିତ ଦରତାନ୍ ଖେଙ୍ଗ୍‌ଦେଙ୍ଗ୍ ଜଗ୍ ସିଲେର୍ ।

୧୦ ମାତର ନାନ୍ ଆମାକା ଆତାମାନା, ଆକା ମାପୁରୁଦି ଦୟାଦାନ୍ ଆତାମାନାଡ଼, ମାରି ନା ଉଣ୍ଡିଙ୍ଗ୍ ଖାନି ଆୟା ଦୟା ବେକାର୍ ଆଏଡ଼ । ମାତର ନାନ୍ ଆୟା ଓଜେରିମାଣୁକୁ ନାଣ୍ଡ ପାଣି କିତାମାନା, ମାରିବା ନାନ୍ ସିଲେ, ମାତର ନା ଉଣ୍ଡିଙ୍ଗ୍ ମାପୁରୁଦି ଦୟା ମାନିଙ୍ଗ୍ ଇକା ପୁରା ଆତାମାନାଡ଼ ।

୧୧ ମାରି ନାନ୍ ଆନା, ସିଲ୍‌ତିଙ୍ଗ୍ ଖାର୍ ଆପିର୍, ଇୟା ପ୍ରଚାର୍ କିଜିନାପ୍, ଇୟାଖାଜା ମିର୍ ବିସ୍‌ବାସ୍ କିତିମାନିଦେର୍ ।

ସାତିକାର୍ ମାରିଡେସି ଜିବନ୍‌ଆଜି ନିଙ୍ଗିନିକା

୧୨ କ୍ରିସ୍ତ ଜେ ସାତିଖାରି ମାଣୁକୁ ଜିବନ୍‌ଆଜି ମାରିଡେସି ନିଙ୍ଗିତାମାନାନ୍, ଇକା ଜଦି ପ୍ରଚାର୍ କିଆୟାଆଜିନାଡ଼, ଆରତିଙ୍ଗ୍ ସାତିଖାରି ଜିବନ୍‌ଆଜିନିଙ୍ଗିନିକା ସିଲେଡ଼ ଇଜି ମି ଲୋଇ ଏନ୍ ଏନ୍ ଏଣ୍ଡେସ୍ ଖେରସିନିଦେର୍ ?

୧୩ ଜଦି ସାତିକାର୍ ଜିବନ୍‌ଆଜି ମାରିଡେସି ନିଙ୍ଗିନିକା ସିଲେଡ଼ିଙ୍ଗ୍, ଆରତିଙ୍ଗ୍ କ୍ରିସ୍ତ ବା ଜିବନ୍‌ଆଜିନିଙ୍ଗିଏନ୍;

☆ ୧୫:୪ ମାତିଉ ୧୨:୪୦; ପ୍ରେରିତ ୨:୨୪-୩୨. ☆ ୧୫:୫ ଲୁକ ୨୪:୩୪ମାତିଉ ୨୮:୧୭,୧୭; ମାର୍କ ୧୬:୧୪; ଲୁକ ୨୪:୩୭; ଜୋହନ ୨୦:୧୯. ☆ ୧୫:୮ ପ୍ରେରିତ ୯:୩-୬. ☆ ୧୫:୯ ପ୍ରେରିତ ୮:୩.

୧୪ ଜଦି କ୍ରିସ୍ତ ସାତିମାଣାନ ଜିବନ୍‌ଆଜିନିଙ୍ଗ୍‌ଏନ୍, ଆର୍ଡିଙ୍ଗ୍ ମା ପ୍ରଚାର ବେକାର୍ ମାରି ମି ବିସ୍‌ବାସ୍ ବା ବେକାର୍, ୧୫ ମାରି, ମାତୁ ମାପୁରୁଦି ବିସ୍‌ୟତାନ୍ ଜେ ମିର୍ ସାକିୟ୍ ଝେର୍ଡି ଖାଜା ଆନାଡ୍, ଇରିଙ୍ଗ୍ ମାତୁ ମାପୁରୁଦି ବିସ୍‌ୟତାନ୍ ସାକ୍ୟ ସିଜିମାନିକା ଜେ, ଖାନ୍ କ୍ରିସ୍ତଙ୍ଗ୍ ସାତିମାଣୁକୁ ମାରିଡେସିଜିବନ୍ କିତାମାନାନ୍ । ମାତର୍ ଜଦି ସାତିକାର୍ ଜିବନ୍‌ଆଜିନିଙ୍ଗ୍‌ଏର୍, ଆର୍ଡିଙ୍ଗ୍ ଖାନ୍ କ୍ରିସ୍ତଙ୍ଗ୍ ସାତିମାଣାନ ଜିବନ୍‌କିଜି ନିକ୍‌ଏନ୍ ।

୧୬ ଜଦି ସାତିକାର୍ ଜିବନ୍‌ଆଜିନିଙ୍ଗ୍‌ଏର୍, ଆର୍ଡିଙ୍ଗ୍ କ୍ରିସ୍ତ ବା ଜିବନ୍‌ଆଜିନିଙ୍ଗ୍‌ଏନ୍;

୧୭ ଆଉ, ଜଦି କ୍ରିସ୍ତ ସାତିମାଣାନ ଜିବନ୍‌ଆଜିନିଙ୍ଗ୍‌ଏନ୍, ଆର୍ଡିଙ୍ଗ୍ ମି ବିସ୍‌ବାସ୍ ମିର୍ ମାରି ମିର୍ ଇଲେଇବା ନିଜେ ନିଜେଦି ପାପତୁ ମାନିଦେର୍ ।

୧୮ ଆର୍ଡିଙ୍ଗ୍ ଆମାକାର୍ କ୍ରିସ୍ତ ବିସ୍‌ବାସିର୍ ସାତାମାନାର୍, ଖାନ୍ ବା ନାସ୍ତୁ ଆତାମାନାର୍ ।

୧୯ ଜଦି ଇୟା ଜିବନ୍ ଉଣ୍ଡିଙ୍ଗ୍ ମାତୁ କ୍ରିସ୍ତଦିମାନୁ ଆସା ଇଡ୍‌ଡିମାନିକା, ଆର୍ଡିଙ୍ଗ୍ ଆଇ ଝିଜୁଲୋକାମାଣୁକୁ ମାତୁ କାର୍ମୁସିଲିକା ।

୨୦ ମାତର୍ ସଡ୍‌ତାନ୍ କ୍ରିସ୍ତ ସାତିମାନି ଲୋକା ମାରିଡେସି ଜିବନ୍‌ଆଜି ନିଙ୍ଗ୍‌ନିକା ପୁରା ତର୍ଡେଙ୍ଗ୍ ଇଜି ଖାରି ମାଣୁ ନିଜେ ଆଗ୍ଡି ସାତିମାଣାନ ନିଙ୍ଗ୍‌ତାମାନାନ୍ ।

୨୧ ଇରିଙ୍ଗ୍ ଅରେନ୍ ଲୋକା ମାଣୁ ସାନିକା ଖାତିମାନିଙ୍ଗ୍ ମାରି ଅରେନ୍ ଲୋକା ମାଣାନ ବା ସାତିଖାରିଙ୍ଗ୍ ମାରିଡେସି ଜିବନ୍‌ଆଜି ନିଙ୍ଗ୍‌ନିକା ଆତାମାନାଡ୍ ।

୨୨ ଆଦମତି ଖାଲେ ମିସାତିକା ମାନିଙ୍ଗ୍ ଏଣ୍ଡେସ୍ ଝିଜୁ ଲୋକୁ ସାନାର୍, ଆୟାଖାଜା ବା କ୍ରିସ୍ତଦିମାନୁ ମିସାତିମାନିଙ୍ଗ୍ ଝିଜେରେ ମାରିଡେସିଜିବନ୍ ଆନାର୍ ।

୨୩ ମାତର୍ ଝିଜେରେ ଲୋକୁ ତିଆରୁଆନି ବେଡାଦୁ ଜିବନ୍‌ଆଜିନିଙ୍ଗ୍‌ନାର୍, ଝିଜେରି ଆଗ୍ଡି କ୍ରିସ୍ତଦି ସାତିମାଣାନ ନିଙ୍ଗ୍‌ତାମାନାନ୍ । ଝେନ୍‌କା ଖାନ୍ ଖାନିବେଡାଦୁ ଖାନି ଆସିର୍ବାଦ୍‌ଡି ଲୋକୁ ଆଗ୍ଡି ଜିବନ୍‌ଆନାର୍ ।

୨୪ ତାନେଝେନ୍‌କା ଜୁଗ୍‌ସେସ୍ ଇଗା ଖାନାଡ୍ । ଆୟାବେଡାଦୁ କ୍ରିସ୍ତ ଝିଜୁ ତାଗ୍‌ଇ ଆମ୍‌ ଆମାଖାନିଙ୍ଗ୍ ସାସନ୍, ଝିଜୁ ଅଦିକାର୍ ମାରି ସାଲିଦି ପାଣି ଝିସ୍‌ଡି ଝେନ୍‌କା ବୁବା ମାପୁରୁଙ୍ଗ୍ ରାଜି ସର୍‌ପେ କିନାନ୍ ।

୨୫ ଇରିଙ୍ଗ୍ ମାପୁରୁ ଝିଜୁ ସାତୁରିଙ୍ଗ୍ ନିଜେଦି ପାଦାମ୍ ଆଡ୍‌ଗି ଇଡିଇ ସାନ୍ କ୍ରିସ୍ତଙ୍ଗ୍ ପୁରା ସାସନ୍ କିଦେଙ୍ଗ୍ ପଡାନାଡ୍ ।

୨୬ ସାରାସାରିଝେନ୍‌କାରି ସାତୁ ସାନିକା ଆକାବା ଆରାନାନ୍ ।

୨୭ ଇରିଙ୍ଗ୍ ଦର୍ମସାସ୍ତ୍ରୁ ରାସାତା ମାନାଡ୍, ମାପୁରୁ ଝିଜୁ ବିସ୍‌ୟ ଖାନି ପାଦାମ୍ ଆଡ୍‌ଗି ଇଡ୍‌ତାନ୍ । ମାରିବା ମାପୁରୁ ଇୟାଝିଜୁ ବିସ୍‌ୟତୁ ମିସାଏନ୍, ଆୟାଉଣ୍ଡିଙ୍ଗ୍ ମାପୁରୁ ନିଜେ ଝିଜୁ ବିସ୍‌ୟତିଙ୍ଗ୍ କ୍ରିସ୍ତଦି ଆଡ୍‌ଗି ଇଡ୍‌ନାନ୍ ।

୨୮ ମାରି ଝିଜୁ ବିସ୍‌ୟତିଙ୍ଗ୍ କ୍ରିସ୍ତଦି ଆଡ୍‌ଗି ଇଡ୍‌ଡି ଝେନ୍‌କା, ଖାନ୍ ନିଜେ ବୁବା ମାପୁରୁଦି ଆଡ୍‌ଗି ଆନାନ୍ ମାରି ସାରାଦୁନିଆଦି ମୁସ୍‌କୁ ମାପୁରୁଦି ସାସନ୍ କିନିକା ପୁରା ଆନାଡ୍ ।

୨୯ ସାତିକାର୍ ନିଙ୍ଗ୍‌ଏଡିଙ୍ଗ୍, ଆମାକାର୍ ସାତିଖାରି ଉଣ୍ଡିଙ୍ଗ୍ ତୁବନ୍ ଅନାର୍, ଖାରି ବିସ୍‌ୟତାନ୍ ଇନିକା ରାସ୍‌ଡିଦେର୍ ? ଜଦି ସାତିକାର୍ ମାରିଡେସି ଜିବନ୍‌ଆଜିନିଙ୍ଗ୍‌ଏର୍, ଆର୍ଡିଙ୍ଗ୍ ଖାରି ଉଣ୍ଡିଙ୍ଗ୍ ଆଇଖାରିଙ୍ଗ୍ ଏନ୍ଦା ତୁବନ୍ ସିନାର୍ ।

୩୦ ମାରି ମାତୁ ବା ଏନ୍ଦା ଝିଜୁ ଦଣ୍ଡୁତୁ ସାନିକା ଆଗ୍ଡି କିଜିନିକା ?

୩୧ ଏ ତଡାନୁକୁ ନି ତାଙ୍ଗ୍‌କି, ମା ଜିବନ୍ ପ୍ରୁ ଜିସ୍ତୁ କ୍ରିସ୍ତଦି ଖାଲେ ମିସାତି ମାନିଙ୍ଗ୍, ମି ବିସ୍‌ୟତାନ୍ ନାନ୍ ଆମା ଗର୍ବ କିଜିନା, ଆବେଣି ପାର୍‌ମାଣ୍ କିଜି ଝେର୍‌ସିନା, ନାନ୍ ଦିନାମି ସାନି ସାରିଦୁ ବୁଲାଇନା ।

୩୨ ଜଦି ନାନ୍ କେବଲ ଲୋକା ଆସା ଅସି ଏପିସ୍‌ତୁ ବନ୍‌ଡି ଜାତୁଙ୍ଗ୍ ଖାଜା ଲୋକା ଖାଲେ ଜୁଦ୍ କିତାମାର୍‌ଆ, ଆର୍ଡିଙ୍ଗ୍ ଆବେନ୍ ନା ଲାବ୍ ଇନିକା ଆତାଡ୍ ? ଜଦି ସାତିକାର୍ ଜିବନ୍‌ଆଜିନିଙ୍ଗ୍‌ଏର୍, କାତାଦି ଇସାବ୍‌ତାନ୍ “ରାଦୁ ଉଣ୍ଡିଜିଡିନ୍‌ଝି ବେଡା କାଟେକିନାଡ୍, ଇରିଙ୍ଗ୍ ଝିଗେରିଙ୍ଗ୍ ମାଙ୍ଗ୍‌ ସାଦେଙ୍ଗ୍ ଆନାଡ୍ ।”

୩୩ ମିର୍ ବେମ୍ପି ଆମାଟ୍, “ତାଗ୍‌ଇ ଲୋକା ଖାଲେ ମିସାତିଙ୍ଗ୍ ନେଗି ଜିବନ୍ ନାସ୍ତୁ ଆନାଡ୍ ।”

୩୪ ଆଦେଙ୍ଗ୍ ଜାଗରାତା ଆଦୁ, ପାପ୍ କିମାଟ୍; ଇରିଙ୍ଗ୍ ଏନ୍ ଏନ୍ ମାପୁରୁଦି ବିସ୍‌ୟତାନ୍ ନେସ୍‌ଏର୍; ନାନ୍ ମିଙ୍ଗ୍‌ ସେମାର୍‌ଡି ମାଟା ଝେର୍‌ସିନା ।

ମାରିଡେସି ଜିବନ୍‌ଆଜିନିଙ୍ଗ୍‌ତି ମେନ୍‌ଲ୍

୩୫ ଏନ୍‌ଆପିନ୍ ଝେନ୍‌ବାଦେଙ୍ଗ୍ ଆଟ୍‌ନାନ୍, ସାତିକାର୍ ଏଣ୍ଡେସ୍ ଜିବନ୍‌ଆଜିନିଙ୍ଗ୍‌ନାର୍ ? ଖାର୍ ଏଣ୍ଡେସ୍ ନାନି ମେନ୍‌ଲ୍‌ତାନ୍ ଖାନାର୍ ?

୩୬ ଏ ବକୁଆର୍, ମିର୍ ନିଜେ ଆମାକା ଝିଡ୍‌ନିଦେର୍, ଆକା ସାଏଡିଙ୍ଗ୍ ନେର୍‌ଏଡ୍, ମାରି, ଆମା ମାରାନ୍ ନେର୍‌ନାଡ୍, ମିର୍ ତାନିଙ୍ଗ୍ ଝିଡ୍‌ଇଦେର୍,

୩୭ ମାରି, ଆମା ମେନ୍‌ଲ୍ ଆନାଡ୍, ମିର୍ ଝିଡ୍‌ନିମାନିଦେର୍ ଗଦ୍‌ମୁ ଆପିଡ୍ ସିଲିଡିଙ୍ଗ୍ ଆଇ ଇନି ଝିଡ୍‌ ଆପିଡ୍, ଆକା କେବଲ ଉନ୍‌ଡେ ଝିଡ୍‌ନେ;

୩୮ ମାତର ମାପୁରୁ ନିଜେଦି ଇଚ୍ଛାଦାନ ଖାନିଙ୍ଗ୍ ମେନ୍ଦଲ ସିନାନ୍, ମାରି ଓଜୁ ଓଜୁଦି ମାଣାନ୍ ଓଜୁଦିଙ୍ଗ୍ ଖାନି ନିଜେଦି ମେନ୍ଦଲ ସିନାନ୍ ।

୩୯ ଓଜୁ ଜିବନ୍ମାନିକା ଉନ୍ତେନାନି ମେନ୍ଦଲ ସିଲେଡ୍, ମାତର ଲୋକା ଉନ୍ତେନାନିକା ମେନ୍ଦଲ, ଜାତୁଆଙ୍ଗାଦି ଆଇନାନି ମେନ୍ଦଲ, ମାରି ପଟିଆଙ୍ଗା ମାରି ଉନ୍ତୁନାନି ମେନ୍ଦଲ ମାରି ମିନ୍କୁ ମେନ୍ଦଲ ଆଇନାନିକା ।

୪୦ ମୁସକୁପୁରତି ମେନ୍ଦଲ ମାନାଡ୍, ଜଗଡ୍ତି ମେନ୍ଦଲ ବା ମାନାଡ୍, ମାତର ମୁସକୁପୁରତି ମେନ୍ଦଲତି ଉନ୍ତୁନାନି ସୁନ୍ଦର ମାନାଡ୍, ମାରି ଜଗଡ୍ତି ମେନ୍ଦଲତି ଆଇନାନି ସୁନ୍ଦର ମାନାଡ୍ ।

୪୧ ଖେଡ୍ଡାଦି ଉନ୍ତୁନାନି ସୁନ୍ଦର, ଲେଜୁଦି ଆଇନାନି ସୁନ୍ଦର ମାରି ସୁକେଆଙ୍ଗା ଆଇନାନି ସୁନ୍ଦର; ଇରିଙ୍ଗ୍ ସୁନ୍ଦରତିଙ୍ଗ୍ ଉନ୍ତେ ସୁକା ଆଇ ସୁକେଆଙ୍ଗା ମାଣକୁ ଆଇକା ।

୪୨ ସାତିକାର ମାରିଡେସି ଜିବନ୍ମାନି ନିଙ୍ଗ୍ ନିକା ବା ଆୟାଖାଜା । ଓସସି ଓଡ୍ଡନିକା, ଓଜୁଏଶଗା ନେରନାଡ୍;

୪୩ ଗୁଟାଦୁ ମୁସାଜିମାନି ମେନ୍ଦଲ ଅସୁନ୍ଦର ନି ତାଗ୍ଇକା । ମାତର ମାରିଡେସିନିଙ୍ଗ୍ ତି ମେନ୍ଦଲ ସୁନ୍ଦର ନି ସାକ୍ତିଦିକା ।

୪୪ ଗୁଟାଦୁ ମୁସନିଖାଲେ ମେନ୍ଦଲ ନେଗେନ୍ ତେବାନାଡ୍; ମାତର ମାରିଡେସି ଜିବନ୍ ଆନିଖାଲେ, ଆକା ଆନାଡ୍ ଆମ୍ବିକ ମେନ୍ଦଲ । ନେଗି ମେନ୍ଦଲତି ପେଡେକ୍ ମାନିଙ୍ଗ୍, ଆମ୍ବିକ ମେନ୍ଦଲ ଆଡ୍ସିନାଡ୍ ।

୪୫ ଇୟାଖାଜା ଦର୍ମସାସ୍ତ୍ରୁ ରାସାତା ମାନାଡ୍, “ପ୍ରାତୁମ୍ତି ଲୋକ୍ ଆଦମ ଜିବନ୍ତି ଲୋକ୍ ଆତାନ୍ ।” ସାରାସାରିଖେନ୍କା ଆଦମ ଜିବନ୍ମାନି ଆମ୍ବା ।

୪୬ ମାତର ଆମାକା ଆମ୍ବିକ, ଆକା ଆଗ୍ଡି ସିଲେତାଡ୍, ମାତର ଆମାକା ମେନ୍ଦଲ ନେଗିକା, ଆକା ଆଗ୍ଡି ମାର୍ହାଡ୍, ତାନେଖେନ୍କା ଆମ୍ବିକ ।

୪୭ ଆଗ୍ଡିରି ଲୋକ୍ ଆଦମ ମାର୍ଆନ୍ ଦୁନିଆଦୁ, ସିକ୍ଲାନାଦନ୍ ତିଆରୁଆତିକାନ୍, ମାରି ଅରେନ୍ ଆଦମ ମୁସକୁପୁରତାନ୍ ଖାତାମାର୍ହାନ୍ ।

୪୮ ଆମାକାର ସିକ୍ଲାନାଦନ୍ ତିଆରୁଆତିକାର, ଖାର ସିକ୍ଲାନାଦନ୍ ତିଆରୁଆତି ଆୟା ଲୋକ୍ ଖାଜା, ମାରି ଆମାକାର ମୁସକୁପୁରତିକାର, ଖାର ମୁସକୁପୁରତାନ୍ ଖାତିମାନି ଆୟା ଲୋକ୍ ଖାଜା ।

୪୯ ମାରି, ମାତୁ ଏଶେସ୍ ଦୁନିଆଦାନ୍ ସିକ୍ଲାନାଦନ୍ ତିଆରୁଆତି ଆୟା ଲୋକ୍ତି ମୁତ୍ ଆସ୍ତି ମାନିକା, ଆୟାଖାଜା ଆୟା ମୁସକୁପୁରତି ଲୋକ୍ତି ମୁତ୍ ଖାଜା ବାଦ୍ଲେ ଆନିକା ।

୫୦ ଏ ତଡାନ୍କୁ ନି ତାଙ୍ଗିକି, ନାନ୍ ଇକା ଖେରସିନା, ନେତେରକାଣ୍ଡା ମେନ୍ଦଲ୍ ଆସ୍ସି ମାପୁରୁଦି ରାଜି ଅଦିକାର କିଦେଙ୍ଗ୍ ଆଡ୍ଇକା, ମାରି ଓଜୁନିକା ଓଜୁଇତାନିଙ୍ଗ୍ ଅଦିକାର କିଦେଙ୍ଗ୍ ଆଡ୍ଏଡ୍ ।

୫୧ ଖେନ୍ତୁ, ନାନ୍ ମିଙ୍ଗ୍ ଉନ୍ତୁ ସଡ୍ତି ମାଟା ଖେରସିନା, ମାତୁ ଓଜୁଲୋକ୍ ସାଇକା, ମାତର ସାରାସାରି ମରି ଆଉଲି ଆନି ଖାଲେ,

୫୨ ଉନ୍ତେ ଦେବାନେ, କାଶଗା ନାପୁନେଶ୍ୱା ମାତୁ ଓଜୁଲୋକ୍ ବାଦ୍ଲେଆନିକା; ନାସ୍ତିଖାଲେ ମରି ଅଡନାଡ୍, ମାରି ବିସ୍ବାସ୍ତି ସାତିକାର ଜିବନ୍ମାନି ନିଙ୍ଗ୍ ନାର୍, ମାରି ମାତୁ ଓଜୁଲୋକ୍ ବାଦ୍ଲେଆନିକା ।

୫୩ ଇରିଙ୍ଗ୍ ଇୟା ଓଜୁନି ମେନ୍ଦଲତିଙ୍ଗ୍ ଓଜୁଇକାଖାଜା ବାଦ୍ଲେ ଆଦେଙ୍ଗ୍ ପଡାନାଡ୍; ମାରି ଇୟା ଦୁନିଆଦି ମେନ୍ଦଲତିଙ୍ଗ୍ ଜିନିନାନି ଆଙ୍ଗ୍ ଆରାଦେଙ୍ଗ୍ ପଡାନାଡ୍ ।

୫୪ ଆଡ୍ତିଙ୍ଗ୍ ଇୟା ସାତି ମେନ୍ଦଲ୍ ଜିନିକା ପୟ୍ଡିଙ୍ଗ୍, ଦର୍ମସାସ୍ତ୍ରୁ ଇୟା ବାକ୍ୟ ପୁରା ଆନାଡ୍ : “ଜିଶାନିକା ସାନିତାନିଙ୍ଗ୍ ଆରାକିତାମାନାଡ୍ ।”

୫୫ “ଏ ସାନିକା, ଆମାନ୍ ନି ଜିଶାନିକା ?

ଏ ସାନିକା, ଆମାନ୍ ନି ଦଂସ କିନିକା ?”

୫୬ ସାନିକା ପାପ, ମାରି ପାପ୍ତି ସାକ୍ତି ନିୟମ୍;

୫୭ ମାତର ଆମା ମାପୁରୁ ମା ପ୍ରୁ ଜିସୁ କ୍ରିସ୍ତିଦି ମାଣକୁ ମାଙ୍ଗ୍ ଜିଶା କିତାମାନାନ୍, ଖାନିଙ୍ଗ୍ ଦନ୍ୟବାଦ୍ ଆପିଡ୍ ।

୫୮ ମାରି, ଏ ନା ଲାଡ୍ଡି ତଡ୍କୁ, ପ୍ରୁଦି ସେବାଦୁ ମି ପାଣି ବେକାର୍ ଆଏଡ୍, ଇକା ନେସ୍ସି ପ୍ରୁଦି ପାଣିଦୁ ତିର୍ ମାରି ତାଡ୍ ତେବାଜି ଓଜୁଦିନ୍ ନାଶ୍ୱଦାନ୍ ନାଶ୍ୱ ଖେଡ୍ଡିକା ଆଦୁ ।

୧୭

ମାପୁରୁଦି ଲୋକାଙ୍ଗ୍ ତାରୁଙ୍ଗ୍ ସାହାଜ୍ୟଦି ଉଣ୍ଡିଙ୍ଗ୍ ବାତିଙ୍ଗ୍ମାଲ୍ନିକା

୧ ଖିଜୁଦାଦୁ ମାନି ମଣ୍ଡଲିଦି ବିସ୍ବାସ୍ସିରି ଉଣ୍ଡିଙ୍ଗ୍ ତାରୁଙ୍ଗ୍ ସାହାଜ୍ୟ ସିନି ବିସ୍ମତାନ୍ ନା ମାଟା : ନାନ୍ ଗାଲ୍ଲାତିଆଦି ରାଜିଦି ମଣ୍ଡଲିଆଙ୍ଗା ଆମାକା କିଦେଙ୍ଗ୍ ଆଦେସ୍ ସିତାମାନା, ଆକା ନେଗେନ୍ତାନ୍ ମାନାଦୁ ।

☆ ୧୫:୫୧ ୧ ତେସଲନିକିୟ ୪:୧୫-୧୭. ☆ ୧୭:୧ ରୋମିୟ ୧୫:୨୫,୨୬.

୨ ମି ସୁବିଦା ଇସାବତାନ ଓଜୁ ଆଦିଞ୍ଜାରୁଁ ଇୟା ପାଣିଦିଙ୍ଗ ଏସ ତାରୁକୁଁ ଉଣ୍ଡା କିଜ ଖେରଏ ଇଡ଼ଦୁ । ଆରତିଙ୍ଗ,
ନାନ୍ ଖାତିଙ୍ଗ ଏଣ୍ଡେସ ମିଙ୍ଗ ମାରି ତାରୁକୁଁ ଲସ୍ତେଙ୍ଗ ପଡ଼ାଏଡ଼ ।

୩ ମାରି, ନାନ୍ ଖାତିଙ୍ଗ ମିର ଆମାଞ୍ଜାରିଙ୍ଗ ନେଗିକାର ଇଜି ଅଡ଼ବିଜିନିଦେର, ନାନ୍ ଖାରିଙ୍ଗ ଆକୁ ସିଜି ଜିରୁସାଲମତୁ ମି
ତାରୁକୁଁ ଆସ୍ତୋସନି ଉଣ୍ଡିଙ୍ଗ ପୋକନା ।

୪ ମାତର ନାନ୍ ବା ସନ୍ତେଙ୍ଗ ଦରକାର ଆତିଆଙ୍ଗାଁ, ଖାର ନା ଖାଲେ ସନ୍ତେଙ୍ଗ ଆଟନାର ।

ପାଉଲତି ବୁଲାନି ଜୋଜନା

୫ ନାନୁ ମାସିଦୋନିଆଦୁ ବୁଲାନିଦେଙ୍ଗ ସଲ୍‌ସିନା । ବୁଲାନିକା ଓଜିତିଙ୍ଗ ନାନୁ ମି ଲାକ୍‌ତୁ ଡେସି ଖାନା ।

୬ ନା ବଦା ଆତିଆଙ୍ଗାଁ, ମି ଖାଲେ ଏସୋ ଦିନ୍ ତେବାନା, ଆରତିଙ୍ଗ ପିନିକାଡ଼ା କାଟେକିନା । ତାନିଞ୍ଜେନକା ଏମେମାନୁ
ସନା ଉଣ୍ଡିଙ୍ଗ ବଦାକିନା, ମିର ବା ନାଙ୍ଗ ଆବେନ୍ ସନି ଉଣ୍ଡିଙ୍ଗ ସାହାଜ୍ୟ କିଦେଙ୍ଗ ଆଟନିଦେର ।

୭ ମାତର ସନି ସାରିଦୁ ମି ଖାଲେ କେବଲ ସାଣେକତି ଉଣ୍ଡିଙ୍ଗ ବେଟ୍‌ରୁଡ଼ାଦେଙ୍ଗ ନା ବଦା ସିଲେଡ଼ । ନାନ୍ ଆସା
କିଜିନା, ମାପୁରୁଦି ବଦା ଆତିଙ୍ଗାଁ, ନାନ୍ ମି ଖାଲେ ନାଣ୍ଡଦିନ୍ ସାହି ତେବାନା ।

୮ ମାତର ପେଣ୍ଡିକସ୍ତୁ ପଣ୍ଡୟ ଦିନ୍‌ତିନାଣ୍ଡିଙ୍ଗ ସାହି ନାନୁ ଇବେନ୍‌କୁ ଏପିସ୍ତୁ ତେବାନା ।

୯ ଇବେନ୍‌କୁ ନା ବିରୁଦ୍‌ତାନ୍ ଗାଦିଲୋକ୍ ମାରିଙ୍ଗ ବା, ନେଗି ପାଣି କିଦେଙ୍ଗ ନା ଉଣ୍ଡିଙ୍ଗ ଅସାର ସେରଲା ରେଆତା
ମାନାଡ଼ ।

୧୦ ଶ୍ରୀମତି ମି ଲାକ୍‌ତୁ ଖାତାନ, ଖାନିଙ୍ଗ ନେଗେନ୍‌ତାନ୍ କୁକ୍‌ତୁ । ମାତର ଖାନ୍ ବା ନା ଖାଜା ପ୍ରବୁଦି ପାଣି କିଜିନାନ୍ ।

୧୧ ଏନ୍ ଖାନିଙ୍ଗ କାଡ଼ାମାକିର । ସାନ୍ତିଦାନ୍ ସନ୍ତେ ମିର ଖାନିଙ୍ଗ ପୁରା ସାହାଜ୍ୟ କିନିଦେର । ଆରତିଙ୍ଗ, ଖାନ୍
ତଡ଼ାନକା ଖାଲେ ନା ଲାକ୍‌ତୁ ଡେସି ଖାନାର । ଖାରିଙ୍ଗ କାପକିଜିନାନ୍ ତେବାତାମାନା ।

୧୨ ତଡ଼ାନ୍ ଆପୋଲୋଦି ବିସୟତାନ୍ ଇଜିନାନ୍ ଜେ, ଆଇ ତଡ଼ାନକା ଖାଲେ ମି ମାଣ୍‌କୁ ସନି ଉଣ୍ଡିଙ୍ଗ ନାନୁ ଖାନିଙ୍ଗ
ବେସିଦେବେଙ୍ଗ ଖେଡ଼ିକା କିତାମାନାନ୍ । ମାତର ଇଲେଇ ସନି ଉଣ୍ଡିଙ୍ଗ ଖାନ୍ ଏମେମାଣ୍‌କୁ ବା ରାଜିଆଏତାନ୍ । ଖେନ୍‌କା
ସୁଜୋଗ ପୟତାନ୍, ଖାନ୍ ସତେନେ ମି ଲାକ୍‌ତୁ ଖାନାନ୍ ।

ସାରାସାରି ମାଟା

୧୩ ମିର କାପକିଜ ମାନ୍‌ତୁ, ବିସ୍‌ବାସ୍ତୁ ତିର ତେବାଦୁ, ବପୁ ମାରି ସାକ୍ତିଆଦୁ ।

୧୪ ମି ଓଜୁ ପାଣି ଜିବନ୍‌ନୋନିମାଣ୍‌କୁ ପୁରା ଆପିଡ଼ ।

୧୫ ମିର ସ୍ତ୍ରୀପାନ୍ ମାରି ଖାନି ଇଲୁଦି ବିସୟତାନ୍ ନେସ୍‌ନିଦେର । ଖାର ଆକାୟାଦି ଆଗ୍‌ଡ଼ିରି କ୍ରିସ୍‌ନ୍ ବିସ୍‌ବାସ୍‌ସିର ।
ଖାର ମାପୁରୁଦି ଲୋକାଙ୍ଗ ସେବାଦୁ ନିଜେଦିଙ୍ଗ ସରପେ ଆତାମାନାନ୍, ତଡ଼ାନ୍‌କୁ ନି ତାଙ୍ଗ କି; ନାନ୍ ମିଙ୍ଗ
ବାତିଙ୍ଗମାଲ୍‌ଜିନା,

୧୬ ମିର ଇୟାଞ୍ଜାରିଦି ମାରି ଇୟାଞ୍ଜାରି ଖାଲେ ପାଣି ମାରି ସେବା କିଜିମାନି ଲୋକାରି ଖେନ୍‌କା ସାନ୍‌ତୁ ।

୧୭ ସ୍ତ୍ରୀପାନ୍, ଫର୍ତ୍ତନାତ ମାରି ଆଖାୟିକ ଇବେନ୍‌କୁ ଖାତାନ୍‌ଆକା ନାନୁ ବେସି ଖେଡ଼ିକା । ମିର ସିଲିଖାଲେ ଖାର ଖାଜି ମି
ଜାଗା ପୁରାକିତାମାନାର ।

୧୮ ଖାର ମିଙ୍ଗ ମାରି ନାଙ୍ଗ ଆମ୍‌ଦିଙ୍ଗ ଖେଡ଼ିକା କିବିସ୍‌ତାର । ଇୟାଞ୍ଜାଦି ଲୋକୁ ସନ୍‌ମାନ ପୟନାର ।

୧୯ ଆସିଆ ଦେସ୍‌ତି ମଣ୍ଡଲିଙ୍ଗ ମିଙ୍ଗ ନମସ୍‌ସାର ଜାଣେକିଜିନାଡ଼ । ଆକିଲା ମାରି ପ୍ରିସ୍‌ଲା ମାରି ଖାରି ଇନ୍‌ତୁ
ଉପାସନା କିଜିମାନି ମଣ୍ଡଲି, ପ୍ରବୁଦି ଦର୍ତ୍ତାନ୍ ମିଙ୍ଗ ଜିବନ୍‌ତାନ୍ ନମସ୍‌ସାର ଜାଣେକିଜିନା ।

୨୦ ଇବେଣି ତଡ଼ାନ୍‌କୁ ଓଜେରେ ମିଙ୍ଗ ନମସ୍‌ସାର ଜାଣେକିଜିନାର ।

ମିର ପବିତ୍ର ରୁମାଦାନ୍ ନିଜେନିଜେଦିଙ୍ଗ ନମସ୍‌ସାର ଜାଣେକିଦୁ ।

୨୧ ନାନୁ ପାଉଲ ନିଜେଦି କିୟୁଦାନ୍ ଇୟାଓଜୁ ରାସ୍‌ସିନା । ମିର ନା ନମସ୍‌ସାର ମାନାଦୁ ।

୨୨ ଜଦି ଏନ୍ ପ୍ରବୁକୁଁ ଜିବନ୍‌ନୋଏନ୍, ଖାନ୍ ଅବିସାପ୍ ଆପିନ୍ ।

ମାରାନାଆ, ଅତାଡ଼ ମା ପ୍ରବୁ ରାପିନ୍ ।

୨୩ ପ୍ରବୁ ଜିସୁଦି ଦୟା ମିମାନୁ ସାକା ଆପିଡ଼ ।

୨୪ କ୍ରିସ୍‌ ଜିସୁଦି ଖାଲେ ମିସାତିମାନିଙ୍ଗ ମିର ଓଜେରେ ନା ଜିବନ୍‌ତି ଜିବନ୍‌ନୋନିକା ମାନାଦୁ ।

☆ ୧୭:୫ ପ୍ରେରିତ ୧୯:୨୧. ☆ ୧୭:୮ ପ୍ରେରିତ ୧୯:୮-୧୦. ☆ ୧୭:୧୦ ୧ କବିତ୍ୱ ୪:୧୭. ☆ ୧୭:୧୫ ୧ କବିତ୍ୱ ୧:୧୭. ☆ ୧୭:୧୯ ପ୍ରେରିତ ୧୮:୨.

କରକ୍ତିୟମାନଙ୍କ ମଣ୍ଡଳି ନିକଟକୁ ପାଉଲଙ୍କ ଦ୍ୱିତୀୟ ପତ୍ର କରିକ୍ତିୟ ମଣ୍ଡଳି ଲାକ୍ତୁ ପାଉଲତି ମାରିଉନ୍ତୁ ଆକୁ କରିକ୍ତିୟ ଆକୁ ବିସୟତାନ୍ ଏସ ମାଟା

୨ କରିକ୍ତିୟ ପେରିତ ପାଉଲତି ମାଣାନ୍ ଆନାତ୍ସୁଗି ଜିସୁ କ୍ରିସ୍ତଦି ଜନମତି ପୁରା ୫୫-୫୬ ବାର୍ଦ୍ଧେକ୍ ଝେନ୍କା ରାସାତା ମାର୍ତ୍ତାତ୍ ୧:୧ । ମା ଲାକ୍ତୁ ମାନି କରକ୍ତିୟ ମଣ୍ଡଳିଦିଙ୍କ ରାସାତମାନି ଆକୁ ଲୋଇ ଇକା ଆଜିନାତ୍ ପାଉଲତି ମାରିଉନ୍ତୁ ଆକୁ । ପଣ୍ଡିତକୁ ବିସବାସ୍ କିନାର୍ ଜେ, ଇୟା ଆଗଡ଼ିରାନ୍ ପାଉଲ କରକ୍ତିୟ ମଣ୍ଡଳି ଲାକ୍ତୁ ଉନ୍ତୁ ଆବ୍ଝାଦି ସିଟି ରାସତାମାର୍ତ୍ତାନ୍ ୨:୩-୪ପଦଦୁ ଖାନ୍ ଆମାକା ଝେରନାନ୍, ଆବେଣି ଇନି ରାସାତି ବିସୟ ମା ଲାକ୍ତୁ ସିଲେଡ୍ । ଆନାତ୍ସୁଗି ପାଉଲ ମାକିଦନିଆରେ ମାନି ବେଡାଦୁ ୨ କରକ୍ତିୟ ରାସାତାମାର୍ତ୍ତାନ୍ ୨:୧୩ ।

୨ କରକ୍ତିୟ ଆଜିନାତ୍ ମାରିଉନ୍ତୁ ଇକା, ଆକା ପୁରା ନିଜେଦିକା ମାରି ଝେଡ଼ିକା ଇକା । କରକ୍ତିୟଦୁ ମାନି ମଣ୍ଡଳି ବିସୟତାନ୍ ତିତସଦି ମାଣାନ୍ ନେଗି କାରୁର୍ ପୟଜି ପାଉଲ ଝେଡ଼ିକା ଆନାନ୍ । ଇୟା ସିଟିଦୁ ପୁନି ନିୟମତି ଇସାବତାତି ବିସୟ ସିକିୟା ପୟନାପ୍ । ଇୟା ବାଗଡୁ, ଆମାମାନୁ ପାଉଲ ଜିରୁସାଲମତି ବିସବାସ୍‌ସିରିଙ୍କ୍ ସାହାଜ୍ୟ କିନି ଉଣ୍ଡିଙ୍କ୍ ତାରୁଙ୍କ୍ ଲିସତେଙ୍କ୍ ଆଦେସ୍ ସିନାନ୍ ୮-୯ । ଇକା ଜାଣେଆଜିନାତ୍ ଜେ, ମଣ୍ଡଳି ଆତେରଦାନ୍ ଏସ ମିର୍ ଝେରନି ପ୍ରେରିତର୍, ଖାର୍ ନିଜେଦିଙ୍କ୍ ପଦ୍ ମୁସ୍‌କୁ କିଦେଙ୍କ୍ ପାଉଲତି ବିରୁଦ୍‌ତାନ୍ ମଣ୍ଡଳିଦି ଏସ ଲୋକାଙ୍କ୍ ବ୍ୟବହାର୍ କିଜିନାର୍ । ଖାର୍ ପାଉଲତି ଅଦିକାର୍ତିଙ୍କ୍ ନାମ୍‌ଏଜିନାର୍ । ଆମା ବାଦ୍‌କୁ ୨ କରକ୍ତିୟ ସାରାସାରି ବାଗଡୁ ଖାନ୍ ଅରେନ୍ ଜିସୁ କ୍ରିସ୍ତଦି ଅଦିକାର୍ତାନ୍ ଅରେନ୍ ପ୍ରେରିତ ଆନାନ୍ ଇଜି ତାବ୍‌ତାନ୍ ପାର୍‌ମାଣ୍ କିନାର୍ ।

ଇୟା ଆକୁଦୁ ମାନି ଏସ ମୁକିୟ ବିସୟ

- ୧. ପାଉଲ ଆକୁଦି ଆରାମତାନ୍ ନମସ୍‌ବାର୍ ଜାଣେକିନାନ୍ । ୧:୧-୭
- ୨. ପାଉଲ ଖାନି ସନ୍ତେଙ୍କ୍ ତିଆରତାନ୍ ବାଦେଲ୍‌ଆନିକା ମାରି ଖାରି ବିସୟତାନ୍ ପୟତିମାନି ମାଟା ମାରି ଖାନି ଆକୁ ବିସୟତାନ୍ ଖାରି ମାଟା । ୧:୮-୭:୧୭
- ୩. ପାଉଲ ଜିରୁସାଲମତି ବିସବାସ୍‌ସିରି ଉଣ୍ଡିଙ୍କ୍ ଦାନ୍ ଲସନି ବିସୟତାନ୍ ଆଦେସ୍ ସିନାନ୍ । ୮:୧-୯:୧୫
- ୪. ସାରାସାରିଝେନ୍କା ପାଉଲ ଖାନି ପ୍ରେରିତ ପଦ୍ ସୁରକ୍ଷା କିନାନ୍ ମାରି ପୁନାଦାନ୍ ସନି ଉଣ୍ଡିଙ୍କ୍ ଜାଗାର୍‌ତା ଝେରନାନ୍ । ୧୦:୧-୧୩:୧୪

୧*ନାନ୍ ପାଉଲ, ମାପୁରୁଦି ବଦାଦାନ୍ ବାସେଆତି ଜିସୁ କ୍ରିସ୍ତଦି ପ୍ରେରିତ ସିସୁ ପାଉଲ ମାରି ମା ତଡାନ୍ ତିମତି କରକ୍ତି ଗାଡାଦି ମାପୁରୁଦି ମଣ୍ଡଳି ମାରି ଆକାୟା ଦେସ୍‌ତି ଝିଜୁ ବିସବାସିରି ଲାକ୍ତୁ ଇୟା ଆକୁ ରାସ୍‌ସିନାନ୍ ।

୨ ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତ ମିଙ୍ଗ୍ ଦୟା ମାରି ସାନ୍ତି ସିପିନ୍ ।

ମାପୁରୁଦି ଉଣ୍ଡିଙ୍କ୍ ପାଉଲତି ଦନ୍ୟବାଦ

- ୩ ରାଦୁ, ମା ମାପୁରୁ ଜିସୁ କ୍ରିସ୍ତଦି ବୁବା, ଦୟାକିନିକାନ୍ ମାରି ଝିଜେରିଙ୍କ୍ ସାକାକିନିକାନ୍, ମାପୁରୁଙ୍କୁ ଦନ୍ୟବାଦ୍ ଜାଣେକିନାର୍ ।
- ୪ ମା ଦୁକ୍ କାସୁ ବେଡାଦୁ ଖାନ୍ ମାଙ୍ଗ୍ ଏମେ ସାନ୍ତି ସିନାନ୍, ଆୟା ସାନ୍ତି ଦାନ୍ ମାଡ୍ ଦୁଃକ୍‌କାଷ୍ଟ ପୟଜିମାନି ଆଇଝାରିଙ୍କ୍ ସାନ୍ତି ସିଦେଙ୍କ୍ ଆଟିନିକା ।
- ୫ ମାଡୁ କ୍ରିସ୍ତଦି ନାଣ୍ଟ ଦୁକ୍‌ବୋଗଦୁ ମିସାତିମାନିଙ୍କ୍ କ୍ରିସ୍ତଦି ସାକାଦାନ୍ ମାପୁରୁଦି ନାଣ୍ଟସାନ୍ତିଦୁ ବା ମିସାଦେଙ୍କ୍ ଆବ୍‌ନିକା ।
- ୬ ମାଡୁ ଜଦି ଏମେ ଦୁଃକ୍‌ବୋଗ୍ କିନିକା, ଆକା ମି ନେଗିତାନିଙ୍କ୍ ମାରି ରକ୍‌ୟାଦି ଉଣ୍ଡିଙ୍କ୍ । ମାପୁ ସାନ୍ତିପୋୟତିଙ୍କ୍, ମିର୍ ବା ଆୟାଝାଜା ଆରୁଝାଦାନ୍ ଦୁକ୍ ବୋଗକିନି ଉଣ୍ଡିଙ୍କ୍ ସାନ୍ତି ମାରି ସାନ୍ତି ପୟନିଦେର୍ ।
- ୭ ମି ବିସୟତାନ୍ ମା ଆସା ମାନାତ୍ । ମାପୁ ନେସ୍‌ନାପ୍, ମିର୍ ମା ଦୁକ୍‌କାଷ୍ଟଦୁ ଏଣ୍ଡେସ୍ ମିସାଜିନିଦେର୍, ଆୟାଝାଜା ମା ସାନ୍ତିଦୁ ବା ମିସାଦୁ ।
- ୮*ତଡାନ୍‌କୁ ନି ତାଙ୍ଗ୍ କି, ମାଡ୍ ଆସିଆ ଦେସ୍‌ତୁ ପୋଇତିମାନି କାସୁ ବିଷୟ ମିଙ୍ଗ୍ ଝେରତେଙ୍କ୍ ଇଛାକିଜିନା । ଆୟାକାସୁ ବଜୁଆଜିମାନିଙ୍କ୍ ମା ଜିବନ୍‌ତୁ ସାନ୍ତି ଆସା ତ୍ରିସତାମାରାପ୍ ।
- ୯ ମାଙ୍ଗ୍ ବିଚାର୍ ସିଆତାମାନାତ୍ ଇଜି ଅଡ଼ବିତାମାରାପ୍ । ମାତର ନିଜେ ମୁସ୍‌କୁ ଆସାଇତ୍‌ଏନ୍‌କା ସାନିମାଡାନ୍‌କୁ ଜିବନ୍ ସିନି ମାପୁରୁଦି ମୁସ୍‌କୁ ଆସା ଇତିନି ଉଣ୍ଡିଙ୍କ୍ ଇୟାଝିଜୁ ଗୋଟାତା ମାନାତ୍ ।
- ୧୦ ଇୟାଝାଜା ନାଣ୍ଟସାନି ବିପଦତାନ୍ ଖାନ୍ ମାଙ୍ଗ୍ ଉଦାର୍ କିତାମାନାନ୍ ମାରି କିଜିମାନାନ୍ । ଖାନ୍ ମାରିଡ଼େସି ମାଙ୍ଗ୍ ଜାଗରାତା କିନାନ୍ ଇୟା ଆସା ମାଙ୍ଗ୍ ଖାନିମାନୁ ମାନାତ୍ ।

* ୧:୧ ପ୍ରେରିତ ୧୮:୧. * ୧:୮ ୧ କରକ୍ତିୟ ୧୫:୩୨.

୧୧ ମିର୍ ପାରତନାଦାନ ମାଙ୍ଗ୍ ସାହାଜ୍ୟ କିଦୁ । ଆର୍ତ୍ତଜ୍ଞ, ମା ଉଣ୍ଡିଜ୍ କିତିମାନି ଏସ ପାରତନାଦୁ ଉତର୍ ପୋଇନିକା ମାରି ମାପୁରୁ ମାଙ୍ଗ୍ ଆସିର୍ବାଦ ଦାନ କିନାନ । ମା ଉଣ୍ଡିଜ୍ ଗାଦିଲୋକ୍ ମାପୁରୁମାଡ଼ାନ ଦନ୍ୟବାଦ ସିନାର ।

ପାଉଲତି ଜଜନାଦି ବାଦ୍‌ଲେଆନିକା

୧୨ ଦୁନିଆଦୁ ଜିବନ୍ ମାରି ବିସେସକିଜି ମିଖାଲେ ମା ମିଲାନିସା ମାପୁରୁମାନୁ ପବିତ୍ର ମାରି ବିସ୍‌ବାସ୍ ବୁଲାଇସାଜି ଇଜି ମା ବୁଦିଦୁ ସାକି । ଇୟାଉଣ୍ଡିଜ୍ ମା ମୋନତୁ ଗର୍ବ ଆଜିନାଡ଼ ଦୁନିଆଦି ବୁଦିଦାନ ଆଏତେ, ମାତର୍ ମାପୁରୁଦି ଦୟାଦାନ ଇକା କିଦେଙ୍ଗ୍ ମାପୁ ସାକି ଆତିମାନିକା ।

୧୩ ଆମାକା ପଡ଼ାଜି ମିର୍ ବୁଜାଜିନିଦେର୍, ମିମାନୁ ମାପ୍ ନାସନେ ରାସ୍‌ତାମାନାପ୍ ।

୧୪ ନାନୁ ଆସା କିଜିନା, ଇଲେଇ ଆମାକା ଅଡ଼ପ୍‌ତାନ ବାବେ ବୁଜାଜିନାପ୍, ଆକା ଅଡ଼ପ୍‌ତାନ ବାବରେ ପ୍ରବୁ ଜିସୁଦି ଡେସିଖାନି ଖାନିକା ପୁରା ବୁଜାଦେଙ୍ଗ୍ ଆଟ୍‌ନାର । ଆର୍ତ୍ତଜ୍ଞ, ମିର୍ ମା ଉଣ୍ଡିଜ୍ ଗର୍ବ କିଜିନିଦେର୍ ମାରି ମାପୁ ବା ମି ଉଣ୍ଡିଜ୍ ଗର୍ବ କିଜିନାପ୍ ।

୧୫ ଇୟା ବିସୟତାନ ନାନୁ ଟିକ୍‌ବାବେ ନେସ୍‌ମାନିଜ୍ ଆଗିଡିନେ ମି ଲାକ୍‌ତୁନେ ସନି ଉଣ୍ଡିଜ୍ ନା ବଦା ମାର୍‌ଆଡ଼ । ଆର୍ତ୍ତଜ୍ଞ ମିର୍ ରିଜା ସୁଡ଼ୁଜି ନାଙ୍ଗ୍ ଦୟା ପୟ୍‌ଦେଙ୍ଗ୍ ଆଟ୍‌ଡିଦେର୍‌ମାନ୍ତି ।

୧୬ *ମାସିଦନିଆ ସନିଖାଲେ ମାରି ଆବେଟ୍‌କୁ ଡେସିଖାନିଖାଲେ ମି ଲାକ୍‌ତୁ ଏସ ଦିନ୍ ମାନ୍‌ଡ୍ରେଙ୍ଗ୍ ନା ପାଣିକିନିକା ମାର୍‌ଆଡ଼, ମାତର୍ ଜିହୁଦା ଦେସ୍‌ତୁ ସନିଉଣ୍ଡିଜ୍ ନାନୁ ମି ସାହାଜ୍ୟ ଦରକାର୍ ମାର୍‌ଆଡ଼ ।

୧୭ ନାନୁ ଇନିକା ନା ବଦାଦାନ ଇୟା ପାଣି ତିଆର୍ କିତାମାର୍‌ଆ ? ଏମେକାର୍ ଅରସେ “ହ୍, ହ୍” ମାରି “ସିଲେ, ସିଲେ,” ଇନାର୍, ଖାରିଖାଜା ଇନିକା ନା ନିଜେଦି ତରାନିଉଣ୍ଡିଜ୍ ନା ପାଣିକିଜିନା ?

୧୮ ସଡ଼ ମାପୁରୁ ନେସ୍‌ନାନ, ଅବସ୍ୟ ମାପୁରୁ ମି ମାଟା ଝେରୁନିଖାଲେ ମାପ୍ ଏସ୍‌କାଙ୍ଗ୍‌ବା “ହ୍ ସିଲ୍‌ଡିଙ୍ଗ୍ ସିଲେ ।”

୧୯ ସିଲା, ତିମତି ମାରି ନାମାଣୁକୁ ମି ଲାକ୍‌ତୁ ପ୍ରଚାରକିତିମାନି ମାପୁରୁଦି କଡ଼ ଜିସୁ କ୍ରିସ୍‌ଟ୍, ଏସ୍‌କାଙ୍ଗ୍ ଅରସେ “ହ୍” ମାରି “ସିଲେ” ଇନ୍‌ଏର୍ । ଆଇତରିନ୍, ଖାନ୍ ଝିଜୁଦିନ୍ ମାପୁରୁଦି ମାଟାଦିଙ୍ଗ୍ “ହ୍” ଇଜିନାନ ।

୨୦ ମାପୁରୁଦି ଝିଜୁ ଆସାଦି ଉଣ୍ଡିଜ୍ ଜିସୁ କ୍ରିସ୍‌ଟ୍ “ହ୍,” ଇନାନ୍ ଖାନିମାନୁ ପୁରା ଆତାମାନାଡ଼ । ଇୟାଉଣ୍ଡିଜ୍ ଜିସୁ କ୍ରିସ୍‌ଟି ଉଣ୍ଡିଜ୍ ମା ମାପୁରୁଦି ଗୌରବ୍ ଉଣ୍ଡିଜ୍ “ଆମେନ୍ ।”

୨୧ ନିଜେ ମାପୁରୁ ଜିସୁ କ୍ରିସ୍‌ଟିମାନୁ ମିଦି ମାରି ମା ଜିବନ୍‌ଡିଙ୍ଗ୍ ଅରସେ କିଜି ରକ୍‌ୟା କିତାମାନାନ ।

୨୨ ଖାନ୍ ମାଙ୍ଗ୍ ଝେରେଏ କିତାମାନାନ ମାରି ମା ଜିବନ୍‌ତୁ ଖାନି ପବିତ୍ରଆମ୍‌ାଦିଙ୍ଗ୍ ଇଟିତାମାନାନ । ପବିତ୍ରଆମ୍‌ା ଆଜିନାଡ଼, ମା ମୁସ୍‌କୁ ମାପୁରୁଦି ଅଦିକାର୍‌ତି ସିନା ମାରି ବବିସଡ଼ୁ ମାଡୁ ଆମାକା ପୟ୍‌ନିକା, ଖାନି ଝିଜୁ ଖାଜା ।

୨୩ ମାପୁରୁ ନା ସାକି । ଖାନ୍ ନା ଜିବନ୍ ନେସ୍‌ନାନ । ମିଙ୍ଗ୍ ନାନୁ ଏଣ୍ଡେସ୍‌ମାରି ଦୁଃକ୍‌ସିଏ, ଆୟାଉଣ୍ଡିଜ୍ ନାନୁ କରକ୍ରିଦୁ ସନିକା ତେବାକିତା ।

୨୪ ମିର୍ ଏମେ ବାସା ବିସ୍‌ବାସ୍ କିନିଦେର୍, ଇୟା ବିସୟତାନ ମି ମୁସ୍‌କୁ ପାଣିକିଦେଙ୍ଗ୍ ମାପ୍ ସେସ୍‌କିଏପ୍, ମାତର୍ ମିର୍ ବିସ୍‌ବାସ୍ ଆଟ୍‌ଖା ଆଜି । ମାରି ମିଙ୍ଗ୍ କେବଲ ଝେଡ଼ିକା କିନି ଉଣ୍ଡିଜ୍ ମି ଖାଲେ ମିସାବିଡ଼ାଜି ମାଡୁ ପାଣିକିନାଟ୍ ।

୨

୧ ଜଦି ନାନୁ ମି ଲାକ୍‌ତୁ ଖାନିକା ମି ଉଣ୍ଡିଜ୍ ଦୁଃକ୍‌ଆଜିନାଡ଼, ମି ଲାକ୍‌ତୁ ମାରି ଏସ୍‌କାଙ୍ଗ୍ ବା ଖାଦେଙ୍ଗ୍ ନାନୁ ବଦାକିଏ ।

୨ ମିଙ୍ଗ୍ ଦୁକ୍ ସିଡିଙ୍ଗ୍, ନାଙ୍ଗ୍ ଏନ୍ ଝେଡ଼ିକା ସିନାନ ? ମିଙ୍ଗ୍ ଡିସ୍‌ଡିଙ୍ଗ୍ ମାରି ଆୟାଖାଜା ଏନ୍ ସିଲେର୍ ।

୩ ଆୟାଉଣ୍ଡିଜ୍ ନାନୁ ମିଙ୍ଗ୍ ରାସ୍‌ତାମାର୍‌ଆ, ନାନୁ ଆବେନ୍ ସରିଙ୍ଗ୍; ଏମେଖାରି ଉଣ୍ଡିଜ୍ ନା ଝେଡ଼ିକା ଆତାଡ଼ମାନ୍ତି, ଖାରିମାଡ଼ାନକୁ ଏଣ୍ଡେସ୍ ନାନୁ ଦୁକ୍ ପୟ୍‌ଏ । ସଡ଼ତାନ ନା ତାଟ୍ ବିସ୍‌ବାସ୍ ଜେ, ନା ଝେଡ଼ିକାଦୁ ମି ଝେଡ଼ିକା ।

୪ ନାଣ୍ ଦୁକ୍ ନି କାସ୍‌ଦାନ ଜିବନ୍‌ତାନ ଆଡ଼ବାଜି ଆଡ଼ବାଜି ନାନୁ ଏମେ ସିଟି ରାସ୍‌ତାମାର୍‌ଆ, ମିଙ୍ଗ୍ ଦୁକ୍ ସିଦେଙ୍ଗ୍ ସିଲେ, ମାତର୍ ମିଙ୍ଗ୍ ନାନୁ ଏସ୍‌ଜିବନ୍‌ନୋନା, ଇକା ଝେରୁନିକା ମାରାଡ଼ ଆୟାତିଟିଦି ଆଦେସ୍ ।

ଦସି ଲୋକ୍‌ଡି କେମା

୫ ଜଦି ଏନ୍ ଏମେଖାନିଙ୍ଗ୍ ଦୁକ୍ ସିନାନ, ଖାନ୍ ନେ ନା ମୋନ୍‌ତୁ ଦୁକ୍ ସିଏନ୍, ଏସ ନାଣ୍ ମିଙ୍ଗ୍ ବା ଦୁକ୍ ସିଜିନା । ଇୟା ବିସୟତାନ ନାନୁ ନାଣ୍ ବୋଜୁ ସିନିଉଣ୍ଡିଜ୍ ମିଙ୍ଗ୍ ବଦାକିଏଜିନା ।

୬ ମି ମାଡ଼ାନକୁ ଏସ୍‌ଲୋକ୍ ବଦାଦାନ ଆୟା ଲୋକ୍‌ଡିଙ୍ଗ୍ ଆମା ଦଣ୍ଡସିତାମାନାର୍, ଆକା ଖାନି ଉଣ୍ଡିଜ୍ ବେସି ।

୭ ଖାନ୍ ଏଣ୍ଡେସ୍ ନାଣ୍ ଦୁକ୍‌ତାନ ଆଏନ୍, ଆୟାଉଣ୍ଡିଜ୍ ଇଲେଇ ଖାନିଙ୍ଗ୍ କେମା ମାରି ସାନ୍ତି ସିଦେଙ୍ଗ୍ ମି ପାଣି ।

୮ ମିଙ୍ଗ୍ ନା ଅନୁରଦ୍, ମିର୍ ଖାନିଙ୍ଗ୍ ଲାଡ଼ ମାରି ଝେଡ଼ିକା କିଜିନିଦେର୍ ଇଜି ଝେରସ୍ ସିଦାଟ୍ ।

୯ ମିର୍ ଝିଜୁଦିନ୍ ନା ମାଟା ମାନାଦେଙ୍ଗ୍ ତିଆର୍ ନୋ ସିଲେ, ଆକା ନେସ୍‌ନି ଉଣ୍ଡିଜ୍ ନାନୁ ଆୟା ଆକୁ ରାସ୍‌ତାମାର୍‌ଆ ।

☆ ୧:୧୬ ପ୍ରେରିତ ୧୯:୨୧.

୧୦ ଜଦି ମିର୍ ଏକ୍‌ବା କେମା କିନିଦେର, ନାନ ବା ଖାନିଙ୍ କେମା କିନା । ଜଦି ଇନି ବିସୟତାନ୍ ଏମେଖାନିଙ୍ କେମାକିନାମାନାନ୍, ଆକା ଖାନିଙ୍ କ୍ରିସ୍ତଦି ଆଗ୍ଡିରାନ୍ ମି ଉଣ୍ଡିଙ୍ କିତାମାନା ।

୧୧ ଆରତିଙ୍ ସୟତାନ୍ ମା ବିରୁଦ୍‌ତାନ୍ ଇନି ପାଣି କିନି ଉଣ୍ଡିଙ୍ ସୁଜୋଗ ପୟଏଡ୍; ତାନି ଝିଜୁ ପାଣି ମାପ୍ ନେସନାପ୍ ।

୧୨ *କ୍ରିସ୍ତଦି ସୁସମାଚାର୍ ଝେରନି ଉଣ୍ଡିଙ୍ ତ୍ରୋୟା ଦିପଦୁ ଇଜି ନାନ୍ ସୁଡ଼ୁତା, ଇୟା ପାଣି ଉଣ୍ଡିଙ୍ ପ୍ରବୁ ସାରି ରେତା ମାନାନ୍ ।

୧୩ ମାତର୍ ତଡ଼ାନ୍ ତିତସତିଙ୍ ଆବେନ୍ ସୁଡ଼ୁଏଣ୍ଟା ନାନ୍ ଦାନ୍ଦା ଆତା । ଆଦେଙ୍ ଆବେଣି ଲୋକାମାଣୁକୁ ଡିସ୍‌ତାନୋ ନାନ୍ ମାସିଦୋନିଆଦୁ ସର୍‌ଆ ।

କ୍ରିସ୍ତଦି ମାଣକୁ ଜିଣାନିକା

୧୪ ମାପୁରୁଦି ଦନ୍ୟବାଦ୍ ଆପିଡ୍ । ଇରିଙ୍ ଖାନ୍ ଜିସୁ କ୍ରିସ୍ତଦିମାଣୁକୁ ଝିଜୁଦିନ୍ ମାଙ୍ ଜିଣାନି ସାରିଦୁ ଆଗ୍ଡି ଅନାନ୍ । ମାରି ବାସନା ଦୁପୁଣି ଝିଜୁତରିନ୍ ଝେଙ୍ ଖାଜା କ୍ରିସ୍ତଦି ରୁଦି ଆଇଝାରିଙ୍ ସିନିଉଣ୍ଡିଙ୍ ମାପୁରୁ ମାଙ୍ ବ୍ୟବହାର୍ କିତାମାନାନ୍ ।

୧୫ ଇରିଙ୍ ଏମେକାର୍ ରକିୟା ପୟତାମାନାର୍ ମାରି ଏମେକାର୍ ନାସୁ ସାରିଦୁ ମୁଜିତାମାନାର୍, ଝିଜେରିମାଣୁକୁ ମାପ୍ ଆଜିନାପ୍ ମାପୁରୁଦି ଉଦେସ୍‌ତାନ୍ ସିଆୟାଆତିମାନି କ୍ରିସ୍ତଦି ବାସନା ଦୁପୁଣି ଖାଜା ।

୧୬ ଆମାକାର୍ ସାତି ସାରିଦୁ ବୁଲାଇନାର୍; ଝାରି ଲାକତୁ ଇୟା ବାସନାନାନିକା ସାନିକା, ଆମାକାର୍ ରକିୟା ପୟତାମାନାର୍, ଝାରି ଉଣ୍ଡିଙ୍ ଇକା ଜିବନ୍‌ମାନିବାକ୍ୟ । ମାତର୍ ଇୟା ପାଣି କିନି ଉଣ୍ଡିଙ୍ ଏନ୍ ତାଟ୍ ।

୧୭ ଗାଦିଲୋକ୍ ନିଜେ ଲାବବାନ୍ ଆଦେଙ୍ ମାପୁରୁଦି ବାକ୍ୟ ବ୍ୟବହାର୍ କିଜିନାର୍ । ମାଡ଼ ମାତର୍ ଆୟାଖାଜା ସିଲେ । ମାଙ୍ ମାପୁରୁ ପୋକିସି କିତିମାନିଙ୍ ମାଡ଼ ରୁସ୍‌ବାସ୍‌ତାନ୍ ଖାନି ଆଦେସ୍ ମାନାଜିନି ମାରି ମାପୁରୁଦି ସାକିଦାନ୍ କ୍ରିସ୍ତଦି ଦାସ ଖାଜା ପ୍ରଚାର କିନାପ୍ ।

୩

ପୁନି ନିୟମ୍‌ତି ଦାସ୍

୧ ମାଡ଼ ଲୁନିକା ମାରି ଗର୍ବ ଖାଜା ମନେଆଜିନାଡ଼ ? ଇରିଙ୍ ଆଇଝାରିଖାଜା ମାଡ଼ ଲୁନିକା ମି ଲାକୁଡୁ ବା ମି ଲାକୁଡୁରାନ୍ ପରିଚୟ ଆକୁ ଦରକାର୍ ଇଜିନିକା ।

୨ ମିର୍ ମା ପରିଚୟ ଆକୁ, ମା ଜିବନ୍‌ଲୋଇ ପାଟାଦି ରାସାତି ସିଟି, ଏମେତାନିଙ୍ ଝିଜେରେ ନେସନାର୍ ମାରି ପଡ଼ାଦେଙ୍ ଆଟ୍‌ନାର୍ ।

୩ ଇୟା ସେବା ଆକୁ କ୍ରିସ୍ତଦି ମାଡ଼ାନ୍ ରାସାତାମାନାଡ଼ ମାରି ମା ମୋନତି ଆକୁଦୁ ଲୋଇସରାମାନାଡ଼ । ଇକା ସିରାଦାନ୍ ରାସାଏଡ଼, ମାତର୍ ଜିବନ୍‌ମାନି ମାପୁରୁଦି ଆମ୍‌ଦାନ୍ ଲୋକା ଜିବନ୍‌ତୁ ରାସାତାମାନାଡ଼ ।

୪ କ୍ରିସ୍ତଦି ସିଜି ମାପୁରୁଦି ମୁସୁକୁ ଆସା ମାନିଙ୍ ମାଡ଼ ଲୁଜିନିକା,

୫ ଇରିଙ୍ ମାଡ଼ କୁତିମାନି ଦାବି କିନି ଉଣ୍ଡିଙ୍ ଇନି ଜୋଗ୍ୟ ବା ସିଲେଡ଼ । ମା ଜୋଗ୍ୟତା ମାପୁରୁଦିମାଣୁକୁ ଖାନାଡ଼ ।

୬ ପୁନି ନିୟମ୍‌ତି ସେବାକିନିଉଣ୍ଡିଙ୍ ମାପୁରୁ ମାଙ୍ ଆସକିତାମାନାନ୍ । ଇୟା ନିୟମ୍ ରାସାଏଡ଼, ମାଡ଼ ମାପୁରୁଦି ଆମ୍‌ଦି ଦାନ୍ ଝାତିମାନିକା, ଇରିଙ୍ ରାସାତି ନିୟମ୍ ସାନିକା ଗଟେକିନାଡ଼, ମାତର୍ ଆମ୍‌ଦି ନିୟମ୍ ଜିବନ୍‌କିନାଡ଼ ।

୭ ପିଡ଼ପିକାଲୁ ମୁସୁକୁ ରସାତିମାନି ମୋସାଦି ବ୍ୟବସ୍ଥାଦି ସେବା ତିଆର୍ ବେଡ଼ାଦୁ ମାପୁରୁ ଗୌରବ୍ ତରାତା ମାହାଡ଼ । ଆୟା ଗୌରବ୍‌ତି ଦିଝା ନାନିତି ମାରିଙ୍‌ବା ମୋସାଦି ଜାୟ୍ ମୋକମ୍‌ତରିନ୍ ଇସ୍ରାଏଲ୍ ଲୋକୁ ସୁଡ଼ୁଦେଙ୍ ଆଟ୍‌ଏତାମାରାଟ୍ । ସାନିକା ଗଟେକିନି ବ୍ୟବସ୍ଥା ଜଦି ଇୟାଖାଜା ଗୌରବ୍‌ଦି ଝାଲେ ଝେଙ୍ ତାଡ଼ ।

୮ ଆରତିଙ୍ ପବିତ୍ରଆମ୍‌ଦି ସେବା ପାଣିଙ୍‌ଝିଜୁ ଖାନି ମାଡ଼ାନ୍ ଏସ ନାଣ୍ଟ ଗୌରବ୍‌ତାନ୍ ତିଆର୍ ଆଏଡ଼ ।

୯ ଦଣ୍ଟ ସିନି ନିୟମ୍ ସେବା ପାଣି ମୋହିମାଦୁ ଜଦି ଏସ ଗୌରବ୍‌ଦୁ, ଆରତିଙ୍ ପରିତ୍ରାଣ ଲୋକୁଦି ନିୟମ୍‌ତିଙ୍ ମାନାତିଙ୍ ଏସ ନାଣ୍ଟ ଗୌରବ୍ ଆଏଡେମାନାଡ଼ ।

୧୦ ମାଡ଼ ଲୁନ୍‌ଡେଙ୍ ଆଟିନିକା, ପୁର୍ବେ ଆମାକା ଦନ୍ୟବାଦ୍ ମାରାଡ଼, ଜାୟ୍‌ତି ଉଣ୍ଡି ମହିମାଦି ଝାତାଡ଼ଆକା ଇଲେଇ ଆକା ଝାର୍‌ସି ସରାମାନାଡ଼ ।

୧୧ ଜଦି ତେବାଇ ବିସୟ ନିସ ଗୌରବ୍ ପୋଇନାଡ଼, ଝିଜୁ ଦିନ୍‌ତି ବିସୟ ଝେନିମାଡ଼ାନ୍‌କୁ ଏସ ନାଣ୍ଟ ଗୁଣ୍ଟାନ୍ ଗୌରବ୍ ପୋଇନାନ୍ !

୧୨ ଆୟା ଆସା ମାନିଙ୍ ମାଡ଼ ନାଣ୍ଟ ସାହାସ୍ ।

୧୩ ମାଡ଼ ଚୁମାସାଦି ଖାଜା ଆଇକା । ଖାନ୍ ନିଜେ ମୋକମ୍‌ତୁ କାବର୍ ପିଡ଼ିଗିତା ମାରାନ୍, ଏଣ୍ଟେସ୍ ନାମ୍‌ଜିମାନି ଆୟା ଦିଝେଙ୍ ଝିଜିନିକା ଇସ୍ରାଏଲ୍ ଲୋକୁ ସୁଡ଼ୁଦେଙ୍ ଆଟ୍‌ଏର୍ ।

* ୨:୧୨ ପ୍ରେରିତ ୨୦:୧.

୧୪ ସତେନେ ଖାର ବୁଜାନି ସାକ୍ତି ହାରା କିତାମାନାର । ଇଲେଇବା ପାଡ଼ଇ ନିୟମ୍ ପଡ଼ାନି ଖାଲେ ଖାରି ଆଗଡ଼ି ଆୟା ଓଡ଼ଣି ବ୍ୟବହାର ମାନାଡ଼ । ଜିସୁ କ୍ରିସ୍ତୁଦି ଖାଲେ ମିସାନିମାଡ଼ାନ କେବଲ ଆୟାଖାନିକା ଆକ ଆନାଡ଼ ।

୧୫ ନେରୁ ବା ମୋସାଦି ବ୍ୟବସ୍ଥା ପଡ଼ାନିଖାଲେ ଖାରି ମୋନ୍ ମୁସୁକୁ ମାନାଡ଼ ଉଣ୍ଠି କାବର ।

୧୬ ମାତର ଆୟା କାବର ଗୁସାଦେଇ ଆଟନାଡ଼ । ଇରିଇ ଦର୍ମ ସାସ୍ତ୍ର ଇନାଡ଼, ବ୍ୟବସ୍ଥାଦୁ ମୋସାଦି ବିସୟତାନ ରାସାତାମାନାଡ଼, ମାପୁରୁଦି ଆଗଡ଼ି ମୋକମ୍ ସୁଣିଉଣ୍ଠିଆୟା କାବର ଗୁସାତାସରାଡ଼ ।

୧୭ ଇୟା ବ୍ୟବସ୍ଥାଦୁ ରାସାତିକା “ପ୍ରବୁ ଆଜିନାନ୍ ଆମ୍ବା” ଏମେନ୍ ପ୍ରବୁଦି ଆମ୍ବା, ଆବେନ୍ ମାନାଡ଼ ମୁକୁଡ଼ାନିକା ।

୧୮ ମା ଓଜେରି କେର୍ବିଇ ମୋକମି ଇଲେ ପ୍ରବୁଦି ମହିମା ଜାୟଆନାଡ଼ ମାରି ପ୍ରବୁଦି ଆମ୍ବା ମାଡ଼ାନ ସସିମାନି ଆୟା ମହିମାଦି ଆଟନିମାଡ଼ାନ ମାଡ଼ ନୁାଣ୍ଠି ଜାୟ ଇସାବତାନ ଖାନି ମୁତ ଖାଜା ବାଦଲେ ଆଜିନିକା ।

୪

୧ ମାପୁରୁଦି ଦୟା କିଜି ମାଙ୍ଗ ଇୟା ସେବା ପାଣି ସିତିମାନିଙ୍ଗ ମାଡ଼ ଚୁଝଡ଼ିକାସିଲି ଲୋକା ଖାଜା କିଇକା ।

୨ ସେମାର୍ତି ମାରି ଆରେତିପାଣି କିତି ପାଣି ଓଜୁ ମାଡ଼ ଛୁସିନିକା । ମାପ୍ ଟକେ କିଏପ୍ ମାରି ମାପୁରୁଦି ବାକ୍ୟଦିଙ୍ଗ ତାଗଇ ଅର୍ତ୍ତ କିଏପ୍ । ମାତର ତରାନି ଇସାବତାନ ମାପୁରୁଦି ଆଗଡ଼ି ଲୋକା ବୁଦି ଲାକୁଡୁ ମାପ୍ ନିଜେ ନିଜେଦି ସଡ଼ ପାରମାଣ୍ କିନି ଉଣ୍ଠିଙ୍ଗ ଚେଷ୍ଟାକିଜିନାପ୍;

୩ ମାତର ମା ମାଡ଼ାନ ପ୍ରଗାର୍ ଆତିମାନି ସୁସମାଚାର ଜଦି ମାରଗିନାମାନାଡ଼, ଆରତିଙ୍ଗ ଆରେତି ନାସୁଆନିଲୋକା ଉଣ୍ଠିଙ୍ଗ ଆକା ମାରଗିନାମାନାଡ଼ ।

୪ ଖାର ବିସବାସ୍ କିଏରେ, ଇରିଇ ଖାରି ମନ୍ତିଙ୍ଗ ଇୟା ଦୁନିଆଦି ଦିୟାମ୍ କାଣା କିତାମାନାଡ଼ । ଇସାବତାନ ମାପୁରୁଦି ମୁତ ଦି କ୍ରିସ୍ତୁଦି ମହିମାନିତ ସୁସମାଚାରତି ଜାୟ ଖାରି ଲାକୁଡୁ ସଲ୍‌ଏଡ଼ନି ।

୫ ମାପ୍ ନିଜେଦିଙ୍ଗ ପ୍ରଗାର୍ କିଏପ୍, ମାତର କ୍ରିସ୍ତୁଦି ପ୍ରବୁ ଇଜି ମାରି ଜିସୁଦି ଉଣ୍ଠିଙ୍ଗ ନିଜେ ନିଜେଦିଙ୍ଗ ମି ସେବାକିନିକା ଇଜି ପ୍ରଗାର୍ କିନାପ୍,

୬ ଇରିଇ ଆମା ମାପୁରୁ ଇରଆମାନାନ୍, “ସିକାଟିଦି ଲୋଇରାନ୍ ଜାୟତିକା ଆନିକା,” ଆୟା ମାପୁରୁ କ୍ରିସ୍ତୁଦି ମୋକମ୍ତାନ ସାକ୍ତିଦି ମହିମା ସୁଡ଼ନି ଉଣ୍ଠିଙ୍ଗ ମା ଜିବନ୍ତୁ ଜାୟ କିତାମାନାନ୍ ।

୭ ମାତର ମାଡ଼ କେବଲ ମା ସାମାନ୍ତି ସିକିଲା ସାଟିଦୁ ଇୟା ମୁସୁକୁପୁରତି ଦନ୍‌ସମ୍ପତି ପୟତିମାନିକା । ଇବେଣ୍‌କୁ ପାରମାଣ୍ ଆତାମାନାଡ଼ ଜେ, ଇୟାଖାଜା କାବାଆନି ସାକ୍ତି ମାଦି ଆଏଡ଼, ମାତର ମାପୁରୁଦି ।

୮ ମାପ୍ ଓଜୁ ଦୁଃକ୍ କାଷ୍ଟ ଚୁପାଇଜିନାପ୍, ମାତର ନିରାସ୍ ଆଏପ୍ । ବେଡ଼ା ବେଡ଼ାଦୁ ତିଲାଜିନାପ୍ ମାତର ନିରାସ୍ ଆଏପ୍ ।

୯ ମାପ୍ ଦୁଃକ୍‌କାସୁ ପୟତାପ୍, ମାତର ମାପୁରୁ ମାଙ୍ଗ ଏସକାଙ୍ଗ ବା ଡ଼ିସ୍‌ଏନ୍ । ଏସ ବେଡ଼ାଦୁ ମାପ୍ କାସୁ ପୟତାମାନାପ୍, ମାତର ଦ୍ଵଂସ ଆଏପ୍ ।

୧୦ ଜିସୁଦି ଜିବନ୍ ଏଣ୍ଠେସ୍ ମାମାନୁ ଖେଙ୍ଗ ନାଡ଼, ଆୟାଉଣ୍ଠିଙ୍ଗ ମାଡ଼ ଓଜୁଦିନ୍ ମା ମେନ୍‌ଲ୍‌ତୁ ଜିସୁଦି ସାନିକା ପିଡ଼ିଜିନାପ୍ ।

୧୧ ଜିସୁଦି ଜିବନ୍ତିଙ୍ଗ ଇୟା ସାତି ମେନ୍‌ଲ୍‌ତାନ ଖେକ୍‌ନି ଉଣ୍ଠିଙ୍ଗ କ୍ରିସ୍ତୁଦି ଉଣ୍ଠିଙ୍ଗ ଓଜୁଦିନ୍ତି ଜିବନ୍ ମାଡ଼ ସାନି ମାନୁ ଆର୍ତି ମାନିକା ।

୧୨ ମାରି ଇୟାଖାଜା ଦାନ୍, ମାମାନୁ ସାନିକା ମାରି ମି ଲୋଇ ଜିବନ୍ତି ପାଣି କିଜି ସାଲାନିକା ।

୧୩ ଦର୍ମସାସ୍ତ୍ରୁ ରାସାତା ମାନାଡ଼, “ନାନ୍ ବିସବାସ୍ କିନି ଉଣ୍ଠିଙ୍ଗ ଖାରଗିତା ।” ମାଡ଼ୁ ଆୟା ବିସବାସ୍‌ତି ଆମ୍ବା ପୟତିମାନିକା । ମାଡ଼ୁ ବିସବାସ୍ କିଜିନିକା, ଆଦେଇ ଓ଼େର୍‌ସିନାପ୍ ।

୧୪ ମାପୁ ନେସ୍‌ନିକା, ମାପୁରୁ ପ୍ରବୁ ଜିସୁଙ୍ଗୁ ସାତିମାଣ୍‌କୁ ଜିବନ୍ କିତାମାନାନ୍ । ଆୟା ମାପୁରୁ, ଜିସୁଦି ଖାଲେ ମାଙ୍ଗ ବା ଜିବନ୍ କିନାନ୍ ମାରି ମି ଖାଲେ ମାଙ୍ଗ ଖାନି ଲାକୁଡୁ ଅନାନ୍ ।

୧୫ ମି ନେଗି ଉଣ୍ଠିଙ୍ଗ ଇୟାଓଜୁ ଗଟାଜିନାଡ଼ । ମାପୁରୁଦି ଦୟା ମାରି ନାଣ୍ଡଦାନ୍ ନାଣ୍ଡ ପିର୍‌ଜି ଲୋକାଙ୍ଗ ମୁଚୁତାଡ଼, ମାରି ଗାଦିଲୋକ୍ ନେଗି ମୋନ୍‌ତାନ ମାପୁରୁଦି ଗୌରବ୍ କିନାର୍ ।

ବିସବାସ୍‌ତି ଜିବନ୍

୧୬ ଇୟାଉଣ୍ଠିଙ୍ଗ ମାପ୍ ଏସକାଙ୍ଗ ନିସାର୍ ଆଏପ୍ । ମା ମେନ୍‌ଲ୍ ଦିରେ ଦିରେ ଓଜୁଜିନାଡ଼ । ମାତର ମା ଜିବନ୍ତିଆମ୍ବା ଦିନ୍ତିଙ୍ଗ ଦିନ୍ ପୁନିକା ଆଜିନାଡ଼ ।

୧୭ ଇୟା ଇସ୍‌ମାଟା ମାରି ଅଡ଼ପତି ଦୁକ୍ କାସୁ ମା ଉଣ୍ଠିଙ୍ଗ ତାସିନାଡ଼ ଇସାବସିଲି ଓଜୁଦିନ୍ତି ଗୌରବ୍ ପୁରା କିଜିନାଡ଼ । ଇୟା ଗୌରବ୍ ଦୁଃକ୍‌କାସୁଦାନ୍ ପେରିକା ।

୧୮ ମା କାଣ୍‌ଗା ସୁଡ଼ନି ଜିନିସ୍ ମୁସୁକୁ ସିଲେ, ମାତର ତରଇ ଜିନିସ୍ ମୁସୁକୁ ସୁଡ଼ନିକା, ଇରିଇ ତରନି ଓଜୁ ଜିନିସ୍ ସାଣେକତିଙ୍ଗ, ମାତର ଆମାକା ତରଏଡ଼, ଆକା ଓଜୁଦିନ୍ ତେବାନାଡ଼ ।



୧୧ ମାପୁ ନେସନିକା, ଏମେ ଦୁନିଆଦି ମେନ୍ଦଲତି ଖାଜା ଗୁଡ଼ାଦୁ ମାପୁ ଇଲେଇ ବାସା କିଜିନିକା, ଆକା ନାସୁ ଆତିଆଙ୍ଗା, ମାଙ୍ଗା ମାପୁରୁଦି ମୁସକୁପୁରତି ଉନ୍ତୁ ଝିଜୁଦିନିତି ଇଲୁ ଜଗେକିନାନ । ଆକା ଲୋକ କିୟଦାନ ତିଆର କିତିକା ଆଏଡ଼ ନିଜେ ମାପୁରୁ ଆକା ତିଆର କିତାମାନାନ । ଆକା ଝିଜୁଦିନି ତେବାନାଡ଼ ।

୧୨ ଇୟା ଦୁନିଆଦି ଇଲୁଦୁ ମାନଜି ମାପୁ ଆୟା ମୁସକୁପୁରତି ଇଲୁଖାଜା ଆଙ୍ଗା ଆରାଦେଙ୍ଗ ଝେଡ଼ିକା କିଜିନାପ ।

୧୩ ମାତର ଆୟା ମୁସକୁପୁରତି ଇଲୁଦୁ ସରିଆଙ୍ଗା, ମା ମେନ୍ଦଲନାଗାଡ଼ା ତରଏଡ଼ ।

୧୪ ମାପୁ ଇୟା ଦୁନିଆଦି ଗୁଡ଼ାଦୁ ମାନିଖାଲେ ଝିଜୁଦିନିତି ଜିବନ୍ ଆଡ଼ାବାଜିନାଡ଼ । ଦୁନିଆଦି ମେନ୍ଦଲତିଙ୍ଗ ଡ଼ିସିତେଙ୍ଗ ମା ଆସା ସିଲେଡ଼, ମାତର ମାପୁ ଅଡ଼ବିନାପ, ମୁସକୁପୁରତି ଆଙ୍ଗା ଆରାନି ମାଣ୍ଡକୁ ମା ଇୟା ସାତି ମେନ୍ଦଲ ଏଣ୍ଡେସ୍ ଝିଜୁଦିନିତିଙ୍ଗ ନେଗିକା ଆନାଡ଼ ।

୧୫ ମାପୁରୁ ମାଙ୍ଗା ଇୟା ବାଦ୍‌ଲେଆନି ଉଣ୍ଡିଙ୍ଗ ତିଆର କିତାମାନାନ । ମାରି ଇୟାକା ମା ଉଣ୍ଡିଙ୍ଗ ଖାନି ପବିତ୍ରଆମାଦିଙ୍ଗ ଖାନ ଖାନି ସିନା ଖାଜା ମାଙ୍ଗା ଦାନ କିତାମାନ ।

୧୬ ଆୟାଉଣ୍ଡିଙ୍ଗ ମାପୁ ଝିଜୁଦିନି ସାହାସ୍ ଆସିମାନିକା । ମାପୁ ନେସନିକା, ଏସ ଦିନ ମାପୁ ଇୟା ମେନ୍ଦଲତି ମାନଜିନିକା, ନାସ ଦିନ ପ୍ରବୁଦି ଇଲୁଦାନ ଆକମାନିଜି ଜିଜି ମାଡ଼ିନିକା ।

୧୭ ଇରିଙ୍ଗ ମା ଜିବନ୍ ତରନି ବିସୟ ମୁସକୁ ଜିଜି ମାଡ଼ିଏଣ୍ଡା ମାତର ବିସ୍‌ବାସ୍ ମୁସକୁ ଜିଜି ମାଡ଼ିନିକା ।

୧୮ ଆଦେଙ୍ଗ ୍ ମାପୁ ସାହାସ୍‌ତାନ, ମାରି ଇୟା ମେନ୍ଦଲ ଡ଼ିସ୍‌ସି ପ୍ରବୁ ଖାଲେ ବାସା କିନି ଉଣ୍ଡିଙ୍ଗ ମାପୁ ନାଣ୍ଡ ଝେଡ଼ିକା ।

୧୯ ଆୟାଉଣ୍ଡିଙ୍ଗ ଆଡ଼ରେ ଆପିଡ଼ ଇଲୁଦୁଆପିଡ଼ ମାପୁରୁଙ୍ଗୁ ଝେଡ଼ିକା କିଦେଙ୍ଗ ହଁ ମା ଉଣ୍ଡେ ବଦା ।

୨୦ ଇରିଙ୍ଗ ମା ଝିଜେରିଙ୍ଗ ଖାନିମାଡ଼ାନକୁ ବିଚାର ଆଦେଙ୍ଗ ୍ ସତେନ୍ କ୍ରିସ୍‌ତି ଆଗଡ଼ି ନିଶ୍‌ରେଙ୍ଗ ପଡ଼ାନାଡ଼ । ନାସ୍ତିଖାଲେ ସାନି ମେନ୍ଦଲତି ମାଡ଼ୁ କିତିମାନି ନେଗିକା ବା ତାଗଇକା, ଝିଜୁ ପାଣିକିତି ଇସାବ୍‌ତାନ ମାଡ଼ୁ ପଲ୍ ପୋଇନିକା ।

କ୍ରିସ୍‌ତି ନାଡ଼ି ପାଣି ଉଣ୍ଡିଙ୍ଗ ୍ ମାପୁରୁଦିଖାଲେ ତଡ଼

୧୧ ମାପୁରୁଙ୍ଗୁ ତିଲାନି ଅର୍ତ୍ତ ଇନିକା, ମାପୁ ନେସ୍‌ତାମାନାପ, ମାରି ଇକା କିନି ଉଣ୍ଡିଙ୍ଗ ମାପୁ ଝିଜେରିଙ୍ଗ ଝେଡ଼ିତାମାନାପ । ମାପୁରୁ ମାଙ୍ଗା ଝିଜେରିଙ୍ଗ ନେଗେନ୍‌ତାନ ନେସ୍‌ତା ମାନାନ । ନାନୁ ଆସା କିଜିନା, ମି ବୁଦିଦାନ ନାଙ୍ଗା ନେଗେନ୍‌ତାନ ନେସ୍‌ନିଦେର ।

୧୨ ମାପୁ ମାରିଡ଼େସି ମି ଲାକଡ଼ୁ ମାପୁ ଜିବନ୍ ଗର୍ବ କିଦେଙ୍ଗ ଇଛା କିଏଜିନାପ । ମାତର ମା ବିସୟତାନ ଟିକ୍‌ତାନ ଗର୍ବ କିନି ଉଣ୍ଡିଙ୍ଗ ୍ ମିଙ୍ଗା ସୁଜୋଗ ସିଦେଙ୍ଗ ମା ଉଦେସ୍ । ଆରତିଙ୍ଗ, ମୋନତି ଗୁଣ୍ ସୁଡ଼ୁଜି କେବଲ ଆତେରି ଝେଡ଼ିକା ସୁଡ଼ୁଜି ଏମେକାର ଗର୍ବ କିନାର, ଝାରିଙ୍ଗ ମିର୍ ଟିକ୍ ବେଡ଼ାଦୁ ଉତର ସିଦେଙ୍ଗ ଆତିନିଦେର ।

୧୩ ମାଦି ଇନିକା ବୁଦିବେମି ଆତାମାନାଡ଼ ? ମାଦି ଜଦି ବେମି ଆନାମାନାଡ଼, ଆକା ମାପୁରୁଦି ଉଣ୍ଡିଙ୍ଗ ଆତାମାନାଡ଼ । ମାପୁ ଇନିକା ଆୟା ନାନିଲୋକ ? ମାପୁ ଜଦି ଆୟା ନାନିଲୋକ, ଆରତିଙ୍ଗ ମି ଉଣ୍ଡିଙ୍ଗ ଆୟାଖାଜା ମାନାପ ।

୧୪ କ୍ରିସ୍‌ତି ଜିବନନି ମାଣାନ ମାପୁ ବୁଲାଇସାଜିନିକା । ମାଡ଼ୁ ବୁଲାଇନିକା ଜେ, ଅରେନ୍ ଝିଜେରିଙ୍ଗ ସାତିମାନିଙ୍ଗ ଝିଜେରେ ଆୟାଝିଜେରେ ସାତିମାନୁ ମିସାତାର ।

୧୫ ଖାନ ଝିଜେରି ଉଣ୍ଡିଙ୍ଗ ସାତିମାନିଙ୍ଗ ଏମେକାର ଜିବନ୍ ମାନାର, ଝାରୁ ମାରି ନିଜେଦି ଉଣ୍ଡିଙ୍ଗ ଜିବନ୍‌ଜାପନ୍ କିଏଜି ଖାନିଉଣ୍ଡିଙ୍ଗ ଜିନାର, ମାତର ଖାନିଉଣ୍ଡିଙ୍ଗନେ ଖାନ ସାଜି ମାରିଡ଼େସି ନିଙ୍ଗା ତାମାନାନ ।

୧୬ ମାପୁ ମାରି ଏମେଖାନିଙ୍ଗ ଲୋକା ଇସାବ୍‌ତାନ ବିଚାର କିଏପ୍ । ବେଡ଼ା ମାରାଡ଼ ନାସ୍ତିଖାଲେ ମାପୁ କ୍ରିସ୍‌ତିଙ୍ଗ ବା ଲୋକା ଇସାବ୍‌ତାନ ବିଚାର କିଜିମାର୍‌ହାପ୍ । ମାତର ଇଲେ ମାରି ମାପୁ ଆୟାଖାଜା କିଏଜିନାପ୍

୧୭ କ୍ରିସ୍‌ତି ଖାଲେ ମିସାତିଙ୍ଗ, ଲୋକୁ ପୁନିକାନ ତିଆର ଆନାଡ଼ । ପାଡ଼ଇ ବିସୟଝିଜୁ ମାରିଗିତା ସର୍‌ହାମାନାଡ଼, ମାରି ପୁନି ବିଷୟ ଆତାନ ।

୧୮ ଇୟାଝିଜୁ ମାପୁରୁଦି ପାଣି । ଖାନ କ୍ରିସ୍‌ତି ମାଡ଼ାନୁକୁ ମାଙ୍ଗା ଖାନିଖାଲେ ମାରି ମିସାକିତା ମାନାନ ମାରି ଖାନିଖାଲେ ଆଇଝାରିଙ୍ଗ ବା ମାରି ମିସା କିନି ଉଣ୍ଡିଙ୍ଗ ଖାନ ମାଙ୍ଗା ସେବା ଦାୟିତ୍‌ ସିତାମାନାନ ।

୧୯ ଆରତିଙ୍ଗ ମା କାବୁର୍ ଆଜିନାଡ଼, ମାପୁରୁ କ୍ରିସ୍‌ତି ମାଡ଼ାନ ଝିଜୁ ଦୁନିଆଦି ଲୋକାଙ୍ଗ ଖାନି ଖାଲେ ମାରି ମିସା କିନି ଉଣ୍ଡିଙ୍ଗ ନିୟମ କିତାମାନାନ । ଖାନି ବିରୁଦ୍‌ତାନ ଖାରି ପାପ୍‌ଝିଜୁ ଖାନ ମାରି ଖାନି ଇସାପ୍‌ତାନ ଇଡ଼ଏନ୍ । ମାରି, ଇୟା ପୁନି ମିସାକିନି କାବୁର୍ ଝେଡ଼ିତେଙ୍ଗ ଦାୟିତ୍‌ ମା ମୁସକୁ ବୋଜୁ ସିତାନ ।

୨୦ ଆରତିଙ୍ଗ ମାପୁ କ୍ରିସ୍‌ତି ତରିଗାନ୍ ଇୟା ବଲୁ ଇଜିନାପ୍ । ନିଜେ ମାପୁରୁ ମା ମାଡ଼ାନୁକୁ ଇୟା କୁକ୍‌ନିକା ସିତାମାନା ଇଜି ଅଡ଼ବିଦେଙ୍ଗ ୍ ଆନାଡ଼ । କ୍ରିସ୍‌ତି ତରିଗାନ୍ ମାପୁ ମାଡ଼ିସ୍ କିଜିନାପ, ମାପୁରୁ ବାଦେଲେ କିପିନ୍ ମିଙ୍ଗା ସାଡ଼ୁଦାନ ତଡ଼ଆଦେଙ୍ଗ ୍ । ମାପୁରୁଦି ଖାଲେ ପୁନା ମିସାଦୁ,

☆ ୫:୧୦ ରୋମିୟ ୧୪:୧୦.

୨୧ ମାତର କ୍ରିସ୍ତମାନୁ ପୁରା ପାପ ସିଲେଡିଙ୍ଗ୍ ବା, ମାପୁରୁ ଖାନିଙ୍ଗ୍ ମା ଉଣ୍ଡିଙ୍ଗ୍ ପାପ୍ତି ପୁଜା ଖାଜାକିତାନ୍, ମାଡ୍ ଏଣ୍ଡେସ୍ ଖାନିଖାଲେ ମିସାଜି ମାପୁରୁଦି ଦାମ୍ପୁପାଣିଦୁ ମିସାଦେଙ୍ଗ୍ ଆଟିନିକା ।



୧ ମାପୁରୁଦି ଉଣ୍ଡିଙ୍ଗ୍ ଅରସେ ପାଣି କିତିମାନିଙ୍ଗ୍ ମାପ୍ ମିଙ୍ଗ୍ ମାଡ୍ସି କିଜିନାପ୍, ମି ଜିବନ୍ତୁ ମାପୁରୁଦି ଦୟା ଆରେଏ କିମାଟ୍ ।

୨ ଖେନ୍ତୁ ଆମାକା ମାପୁରୁ ଇନାନ୍ :
“ମି ଉଣ୍ଡିଙ୍ଗ୍ ଦୟା ତରୁନି ବେଡ଼ା ଖାତିମାନିଙ୍ଗ୍
ନାନ୍ ମି ପାର୍ତାନା ଖେରୁଆ,
ରକ୍ଷାଦି ନାଣ୍ଡିଙ୍ଗ୍ ମି ସାକା ଆତା ।”
ଖେନ୍ତୁ ! ଇକା ଆଜିନାଡ୍, ମାପୁରୁଦି ଦୟା ମାନାନ୍ ବେଡ଼ା । ନେରୁ ଆଜିନାଡ୍ ରକ୍ଷାଦି ଦିନ୍ ।

୩ ଆମା ସେବାକିନି ବାଡି ମାପ୍ ପୟତା ମାନାପ୍, ତାନି ଦସ୍ ଏଣ୍ଡେସ୍ ଆଏଡ୍, ଆୟାଉଣ୍ଡିଙ୍ଗ୍ ମାପ୍ ଏମେଖାନି ପାଣିଦୁ ବାଦା ସିଏପ୍ ।

୪ ମାରି ମାଡୁ ଓଜୁ ଅବସ୍ଥାଦୁ ନିଜେଦିଙ୍ଗ୍ ମାପୁରୁଦି ସେବାକିନିକା ଖାଜା ଜାଣାସିନା କିଜିନାପ୍ । ନାଣ୍ଡ ସାହାସତାନ୍ ମାପ୍ ଓଜୁ ରକମ୍ପତି କାସ୍ତୁ କାକୁତ୍ ମାରି କାସ୍ତୁ ସାସ୍ତିକିତାମାନାପ୍;

୫ ମାପ୍ ମାଡ୍ ତିରୁଆର୍ହାପ୍, ଜେଲଦଣ୍ଡ ବୋଗକିତାମାନାପ୍, ଜୁଦ୍ଦୁ ସାମ୍ନା କିତାମାନାପ୍; ନାଣ୍ଡକାସ୍ତୁପାଣି କିତାମାନାପ୍, ଅନିଦ୍ରାଆଜି ତେବାତାପ୍ ମାରି କାଦି ଉଣ୍ଡୁଏଣ୍ଡା ତେବାତାମାରାପ୍ ।

୬ ମା ପବିତ୍ରତା ବୁଦି, ସାହାସ, ଦୟା, ସଡ୍ ଜିବନ୍ତନିକା ମାରି ସଡ୍ତି ମାଟା ଉଣ୍ଡିଙ୍ଗ୍ ପବିତ୍ର ମାପୁରୁଦି ସାକ୍ତିଦାନ୍ ମାପ୍ ମାପୁରୁଦି ସେବକ ଇଜି ପରିଚୟ ସିତାମାନାପ୍,

୭ ସଡ୍ ବାକ୍ୟଦୁ, ମାପୁରୁଦି ସାକ୍ତିଦୁ ଉଣ୍ଡେରି ତରିନ୍ ନି ତେବୁ ତରିନ୍ ବିରୁଦ୍ତାନ୍ ଲଡେଇ କିନି ଉଣ୍ଡିଙ୍ଗ୍ ଦାମ୍ପୁ ଜିବନ୍ ମା ପେରି ସାକୁ ।

୮ ମାପ୍ ସନ୍ମାନ ଆଜିନାପ୍ ମାରି ଅପମାନିତ ଆଜିନାପ୍, ପ୍ରସଂସା ମାରି ସେମାର୍ ପୟଜିନାପ୍ । ମାଙ୍ଗ୍ ମିରୁଆର୍ ଇଜି ଅପମାନ୍ ସିତାମାନାପ୍, ଆତିଙ୍ଗ୍ ବା ମାପ୍ ପୁରା ସଡ୍ ଇଜିନାପ୍ ।

୯ ମାପ୍ ନେସ୍ତି ଲୋକ୍ ଆଜି ବା ନେସ୍ତି ଲୋକା ଖାଜା, ଜିବନ୍ ମାନ୍ତି ବା, ସାତିକାର୍ ଇଜି ଦରପୟତାପ୍ । ମାପ୍ ଦଣ୍ଡ ପୋଇତାମାନାପ୍, ମାତର ସାଏପ୍ ।

୧୦ ମାପ୍ ଆଡ୍ବାଜି ବା ଓଜୁଦିନ୍ ଖେଡିକା । ମାପ୍ କାକୁତ୍ ଖାଜା ତରାଜିନାପ୍, ମାତର ଏସ ଲୋକାଙ୍ଗ୍ ମାଜନ୍କିତାମାନାପ୍ । ମାଙ୍ଗ୍ ଇନିକା ସିଲେଡିଖାଜା ମନେଆଜିନାଡ୍, ମାତର ସଡ୍ତାନ୍ ମାପ୍ ଓଜୁଦି ଅଦିକାରିର୍ ।

୧୧ କରକ୍ରିୟା ଲାଡ୍ଡି ତଡ୍ତାନ୍କୁ ନି ତାଙ୍ଗ୍ ମାପ୍ ସୁରି ଖାରିଗିନି ଲୋକ୍ ସିଲେ ମିଙ୍ଗ୍ ଓଜୁ ଇର୍ହାମାନାପ୍ । ମି ଲାକୁଡୁ ମା ଜିବନ୍ ରେତା ସିତାମାନାପ୍ ।

୧୨ ମାପୁ ମି ଉଣ୍ଡିଙ୍ଗ୍ କେରେପ୍ତି ଜିବନ୍ ଆଏପ୍, ମାତର ମି ଜିବନ୍ ମା ଉଣ୍ଡିଙ୍ଗ୍ କେର୍ବିତାମାନାଡ୍ ।

୧୩ ମିଙ୍ଗ୍ ନା କଡ୍ଡର୍ ଇଜି ଅଡ୍ବିଜି ଇୟାଓଜୁ ଇଜିନା । ମା ଅଡ୍ବିଜି ଇସାବ୍ତାନ୍ ମି ଜିବନ୍ ରେଆପିଡ୍ ।

ଅବିସ୍ବାସିରି ଖାଲେ ଜାସେ ଆମାଟ୍

୧୪ ମିର୍ କ୍ରିସ୍ତମାନୁ ଏମେକାର୍ ବିସ୍ବାସ କିଏର୍ ଖାରିଖାଲେ ସାମାନ୍ ପାଣି କିଦେଙ୍ଗ୍ ସେସ୍ତୁ କିମାଟ୍ । ଇକା ଏସାଙ୍ଗ୍ ବା ଆଦେଙ୍ଗ୍ ଆଟ୍ଏଡ୍ । ଦାମ୍ପୁ ମାରି ଅଦାମ୍ପୁ ମିସାନେ ଏମେ ? ଜାୟ୍ ନି ସିକାଟି ଏଣ୍ଡେସ୍ ଅରସେ ତେବାନେ ?

୧୫ କ୍ରିସ୍ତ ମାରି ସୟତାନ୍ ଏଣ୍ଡେସ୍ ଉଣ୍ଡେ ମାଟା ଆନାର୍ ? ବିସ୍ବାସି ଖାଲେ ଅବିସ୍ବାସି ଏମେ ବିସୟତୁ ଉଣ୍ଡେ ମାଟା ଆଦେଙ୍ଗ୍ ଆଟ୍ନାର୍ ?

୧୬ ମାପୁରୁଦି ମନ୍ଦିର୍ତୁ ଏଣ୍ଡେସ୍ ଦିୟାମ୍ ତିଆର୍ ଆନାଡ୍ ? ମାଡ୍ ତୋ ଜିବନ୍ମାନି ମାପୁରୁଦି ମନ୍ଦିର୍, ଇରିଙ୍ଗ୍ ମାପୁରୁ ନିଜେ ଇର୍ହାମାନାନ୍, “ନା ଲୋକାଖାଲେ ନାନ୍ ବାସାକିନା ମାରି ଖାରି ମାନ୍ ତେବାନା; ନାନ୍ ଖାରି ମାପୁରୁ ଆନା ମାରି ଖାରି ନା ନିଜେ ଲୋକ ଆନାର୍ ।”

୧୭ ଆଦେଙ୍ଗ୍ ପ୍ରବୁ ଇନାନ୍,
“ଖାରି ମାଡାନ୍କୁ ମିର୍ ସୋହସିରାଦୁ,
ଖାରିମାଡାନ୍କୁ ନିଜେଦିଙ୍ଗ୍ ଖେରୁଏ କିଦୁ ।
ତାଗ୍ ଇ ବିସୟତି ଖାଲେ ମିସାମାଟ୍,
ଆର୍ଡିଙ୍ଗ୍ ନାନ୍ ମିଙ୍ଗ୍ ଆସନା ।

୧୮ ନାନ୍ ମି ବୁବା ଆନା, ମାରି ଆନିଦେର୍ ନା କଡ୍ଡର୍ ଆଇଲିକ୍,

☆ ୬:୫ ପ୍ରେରିତ ୧୭:୨୩.

ସର୍ବସାକ୍ତିମାନ ପ୍ରଭୁ ଇୟା ବଲୁ ଇନାନ ।”



୧ ତତ୍ତ୍ୱକୁ ନି ତାଙ୍ଗୁଁ କୁ ଇୟାଞ୍ଜିକୁ ମାଟା ମାଡ଼ ମାପୁରୁଦିମାଣାନ୍ ପୋଇତିମାନିକା । ଆଦେଙ୍ଗ ରାଦୁ, ମେନ୍ଦଲ୍ ମାରି ଆମାଦିଙ୍ଗ ତାଗ୍‌ଲକାକିତିମାନୁ ଞ୍ଜିକୁ ବିସୟତାନ୍ ନିଜେ ନିଜେଦିଙ୍ଗ ନରନାଟ୍ । ମାରି ମାପୁରୁଦିଙ୍ଗ ତିଲାଇ ପୁରା ପବିତ୍ର ଖାଜା ଜିନାଟ୍ ।

ପାଉଲ୍‌ତି ଖେଡ଼ିକା

୨ ମି ଜିବନ୍‌ତୁ ମାଙ୍ଗୁଁ ବାତି ସିଦାଟ୍ । ମାପୁ ଏମେଞ୍ଜାନିଙ୍ଗ ଅନ୍ୟାୟ କିଏପ, ଏମେଞ୍ଜାନିଙ୍ଗ ନାଷ୍ଟୁକ୍ରିଏପ ଇରିଙ୍ଗ ଏମେଞ୍ଜାନି ମାଡ଼ାନୁ ଇନିକା ଲାବ୍ ପୟଦେଙ୍ଗ ଚେଷ୍ଟାକିଏପ ।

୩ ମିଙ୍ଗୁଁ ଦୋସ୍ ସିଦେଙ୍ଗ ନାନୁ ଇୟା ବଲୁ ଇନ୍‌ଏ । ନାନୁ ଆଗ୍‌ଡ଼ିରାନ୍ ଇଜିନା, ମିର୍ ମା ନିସ ଲାଡ଼ ଜେ ମାପୁ ଜିତିଙ୍ଗ ଉଣ୍ଡେ_ମାନୁ ଜିନାଟ୍ ମାରି ସାତିଙ୍ଗ ଉଣ୍ଡେ_ମାନୁ ସାନାଟ୍ ।

୪ ମି ମୁସୁକୁ ନା ବେସି ଆସା ମାନାଡ଼ । ମି ଉଣ୍ଡିଙ୍ଗ ନାନୁ ଗର୍ବ ବା ନାଣ୍ଡ । ଦୁକ୍ କାସ୍ତୁ ବେଡ଼ାଦୁ ନାନୁ ସାହାସ୍ ତରତାମାନା । ଖେଡ଼ିକାଦୁ ମୁଜିତାମାନା ।

୫ ଇୟାଖାଜାକି ମାସିଦୋନିଆଦୁ ଇତିଖାଲେ ମାପୁ ରମ୍‌ଏତାପ୍‌ନି । ଞ୍ଜିକୁମାନୁ ଅସାକ୍ତି ମାରି ଜାଟି ଲାଗାତାମାରାଡ଼, ଆଦେଙ୍ଗୁ ମା ମୋନତୁ ସାକ୍ତି ସିଲେତାଡ଼ ।

୬ ମାତର ଏମେ ନିରାସ୍ତି ଖାରିଙ୍ଗ ସାସ୍ ସିଜିମାନି ମାପୁରୁ ତିତସତିଙ୍ଗ ପୋକ୍‌ସି ମାଙ୍ଗୁଁ ଖେଡ଼ିକା ସିତାମାନାନ୍ ।

୭ କେବଲ୍ ଖାନି ଖାନିମାଣାନ୍ ସିଲେ, ମାତର ଖାନ ମି ଲାକୁତୁ ସଲ୍‌ସି ଏମେ ଖେଡ଼ିକା ପୋଇତାମାନାନ୍, ଆୟାମାଡ଼ାନ୍ ମାପୁ ଖେଡ଼ିକା ଆତାମାନାପ୍ । ନାଙ୍ଗି ସୁଡ଼ୁଦେଙ୍ଗ ମି ଏସ ଖେଡ଼ିକା, ନା ଉଣ୍ଡିଙ୍ଗ ମି ଏସ ଦୁକ୍, ନାଙ୍ଗି ସାସ୍ କିଦେଙ୍ଗ ମିର୍ ଏସ ଖେଡ଼ିକା, ଇୟାଞ୍ଜିକୁ ବିସୟ ଖାନ ନାଙ୍ଗି ଖେରତାମାନାନ୍ । ଆବେଶାନ୍ ନାନୁ ନାଣ୍ଡ ଖେଡ଼ିକା ଆତାମାନା ।

୮ ନା ସିଟି ପୋଡ଼ାଜି ମିର୍ ମୁର୍ଗାଆତିମାରିଙ୍ଗ ବା, ଆୟାଟିଟି ରାସ୍ତିମାନିଙ୍ଗ ନା ମୋନତୁ ଇନି ଦୁକ୍ ସିଲେଡ଼ । ସିଟି ମିଙ୍ଗୁଁ ସାଶେକତିଙ୍ଗ ଦୁକ୍ କିବିସକିତିମାନିଙ୍ଗ ନାନୁ ଦୁକ୍ ଆତାମାନ୍ ।

୯ ମାତର ମି ମୋନତୁ ଦୁକ୍ ସିତିମାନିଙ୍ଗ ସିଲେ, ମାତର ଇୟା ଦୁକ୍ ମି ଜିବନ୍‌ତି ବୁଲ୍‌ସାଲ୍‌ଲା ବାଦ୍‌ଲେ କିତିମାନିଙ୍ଗ ଇଲେଇ ନାନୁ ଖେଡ଼ିକା କିଜିନା । ମାପୁରୁଦି ବଦା ଇସାବ୍‌ତାନ୍ ମିର୍ ଇୟା ଦୁକ୍ ସାସ୍ କିଜିନିଦେର୍ । ଆଦେଙ୍ଗ ମା ମାଡ଼ାନ୍ ମିର୍ ଇନି ରକମ୍‌ତି ନାଷ୍ଟୁ ଆଇଦେର୍ ।

୧୦ ମାତର ଇୟାଖାଜାଦି ଦୁକ୍ ମାପୁରୁଦି ମାଡ଼ାନ୍ ବେବହାର୍ ଆଜି ତାନିମାଡ଼ାନ୍ ଜିବନ୍ ବାଦ୍‌ଲେ ଆତିଙ୍ଗ ରକିୟା ପୁଟ୍‌ନାଟ୍ । ଇବେନୁ ଚିନ୍ତାକିନି ବିସୟ ସିଲେଡ଼ । ମାତର କେବଲ୍ ଦୁନିଆଦି ଦୁକ୍ ସାନିକା ଗଟେକିନାଟ୍ ।

୧୧ ଆଦେଙ୍ଗ ସୁଡ଼ୁଦୁ, ମାପୁରୁଦି ମାଡ଼ାନ୍ ବଦାଦାନ୍ ପୟତିମାନିଦେର୍ ଇୟା ଦୁକ୍ ମିଙ୍ଗୁଁ ମୋନତୁ ଏସ ଖେଡ଼ିକା, ଏସ ତିଲାନିକା, ଏସ ରିସା, ଏସ, ନିଜେଦିଙ୍ଗୁ ଟିକ୍ କିଦେଙ୍ଗୁ ଏସ ସିକିୟା, ତାଗ୍‌ଲ ପାଣିକିନିଖାରିଙ୍ଗ ସାସ୍ତିସିଦେଙ୍ଗ ଏସ ତାନ୍ତା ମାନାଟ୍ । ଇୟାଞ୍ଜିକୁ ବିସୟତାନ୍ ମିର୍ ଦୋସ୍ ସିଲିକାର୍ ପାର୍‌ମାଣ୍ ଆଜିନିଦେର୍ ।

୧୨ ଜଦିବା ନାନୁ ମି ଲାକୁତୁ ରାସ୍‌ତା ସିଟି, ମି ମାଡ଼ାନ୍‌କୁ ଜେ ଅନ୍ୟାୟ କିତାମାନାନ୍ ବା ଜେ ଅନ୍ୟାୟ ସାସ୍ କିତାମାନାନ୍, ତାନି ଉଦେସତାନ୍ ନାନୁ ଆୟା ସିଟି ରାସ୍‌ଏମାରା । ମାତର ମାପୁରୁଦି ଆଗ୍‌ଡ଼ି ମା ଉଣ୍ଡିଙ୍ଗ ମି ମାନାନିକା ଏସ ନାଣ୍ଡ ମାରି ।

୧୩ ଆୟା ଉଣ୍ଡିଙ୍ଗ ମାପୁ ଏସ ଖେଡ଼ିକା, ଆକା ଖେରନି ଉଣ୍ଡିଙ୍ଗ ନାନୁ ଆୟା ସିଟି ରାସାତା । ମାପୁ କେବଲ୍ ଖେଡ଼ିକା ଆଏପ୍ । ମିର୍ ତିତସତିଙ୍ଗ ଞ୍ଜିକୁ ବିସୟତି ସାହାଜ୍ୟ କିଜି ଏଣ୍ଡେସ୍ ଖେଡ଼ିକା କିଜିନିଦେର୍, ଆକା ମାଙ୍ଗୁଁ ବେସିଖେଡ଼ିକା ସିତାମାନାଟ୍ ।

୧୪ ଖାନି ଲାକୁତୁ ମି ଉଣ୍ଡିଙ୍ଗ ନାନୁ ଗର୍ବ କିଜିନା । ମାରି ଆୟାଉଣ୍ଡିଙ୍ଗ ନା ତାଲା ଆଡ଼ଗି ଆଏଡ଼ । ଏଣ୍ଡେସ୍ ମି ଲାକୁତୁ ମାପୁ ଞ୍ଜିକୁଦିନ୍ ସଡ଼ ଇଜିଖାଜିନାପ୍, ଆୟାଖାଜା ତିତସତି ଲାକୁତୁ ମାପୁ କିତିମାନି ପେରି ମାଚେଙ୍ଗ, ମିର୍ ପାର୍‌ମାଣ୍ ଆଏଡ଼ ।

୧୫ ମିର୍ ଞ୍ଜିଜେରେ ଏଣ୍ଡେସ୍‌ତାନ୍ ଖାନିଙ୍ଗୁ ମାନାଜି ମାରିଇଦେର୍ ମାରି ତିଲାଇ ମାରି ତିରଗିଜି ମୋନତୁ ଖାନିଙ୍ଗ କୁକ୍‌ତିମାରିଇଦେର୍, ଇୟା ମାଟା ଅଡ଼ବିଜି ମି ଉଣ୍ଡିଙ୍ଗ ଖାନି ଜିବନ୍‌ନୋନିକା ମାରି ନାଣ୍ଡଆଜିନାଟ୍ ।

୧୬ ନାନୁ ଞ୍ଜିକୁ ବିସୟତୁ ମି ମୁସୁକୁ ପୁରା ଆସା ଇଡ଼ଜି ଆଗ୍‌ଡ଼ିମାନିଙ୍ଗ ନାନୁ ଏସ ଖେଡ଼ିକା ।



ବିସ୍‌ବାସ୍‌ତିକା ସିନିକା

୧*ଏ ତଡ଼ାନୁ ନି ତାଙ୍ଗୁଁ କୁ, ମାସିଦୋନିଆଦି ମଣ୍ଡଲିୟାଙ୍ଗ ଏଣ୍ଡେସ୍ ମାପୁରୁଦି ଦୟା ପୋଇତାମାନାର୍, ଆକା ମିଙ୍ଗୁଁ ଖେରତେଙ୍ଗ ବଦା କିଜିନା ।

* ୮:୧ ରୋମିୟ ୧୫:୨୭.

୨ ଖାର ନାଶ୍ୱକାସ୍ତୁ ମାଣାନକୁ ସିଦ୍ଧି ପରିକା ଆତାମାନାର ମାରି ଖାର ବେସି କାକୁତ୍ ଆତିଙ୍ଗବା, ଓଜ୍ଜ ବଦାଦି ମାତାନକୁ ନିଜେ ମୋନତି ଖେଡ଼ିକାଦାନ ଖେକ୍ତାମାନାର ।

୩ ନାନୁ ସତ୍ ବାବେ ଇଜିନା ଜେ, ଖାରି ବଦାଦାନ ନିଜେଦି ସାକ୍ତି ଇସାବତାନ ଇୟାଖାଜାନେ ନିଜେଦି ଆଟ୍ଟି ମାଣାନ ନାଶ୍ୱ ବା ଦାନ କିତାମାନାର ।

୪ ଜିହୁଦାଦୁମାନି ମାପୁରୁଦି ଲୋକାଙ୍ଗ ସେବାକିନି ଉଣ୍ଡିଙ୍ଗ ଖାରିଙ୍ଗ ଦୟା ସିଆୟାଆପିଡ଼ ଇଜି ଖାର ମାଙ୍ଗ ବାତିଙ୍ଗ ମାଲିତାମାହାର ।

୫ ଖାରିମାତାନକୁ ମାପୁ ନିସ ଆସା କିଏତା ମାରାପ । ଆଗୁଡ଼ିନେ ଖାର ନିଜେ ନିଜେଦିଙ୍ଗ ମାପୁରୁଦି ମାନୁ ସିଆୟାଆଜି ମାରାର ମାରି ଖେନେକା ମାପୁରୁଦି ଇଚ୍ଛା ଇସାବତାନ ନିଜେ ନିଜେଦିଙ୍ଗ ମା ଉଦେସ୍ତାନ ସିଆଇଆତାର ।

୬ ତିତସଦି ସାହାଜ୍ୟଦାନ ଇୟା ଦୟା ପାଣି ଆରାମ୍ ଆତାମାରାଡ଼ । ତେନିଙ୍ଗ ସାଲକିଜି ଇଡ଼ଦେଙ୍ଗ ମାରି ଇୟା ଜିବନ୍ନନି ଉଣ୍ଡିଙ୍ଗ ସେବାପାଣିଦୁ ମିଙ୍ଗ ସାହାଜ୍ୟ କିନିଉଣ୍ଡିଙ୍ଗ ତିତସତିଙ୍ଗ ଅନୁରଦ୍ କିତା ।

୭ ମିର୍ ଓଜ୍ଜ ବିସୟତୁ ମାଜନ୍ ଆତିମାନିଦେର୍ । ମି ବିସ୍ୱାସ୍, ମାଟା ଖାରୁଗିଦେଙ୍ଗ, ଜ୍ଞାନ, ସାହାଜ୍ୟକିଦେଙ୍ଗ ଖେଡ଼ିକା ମାରି ମା ଉଣ୍ଡିଙ୍ଗ ଜିବନ୍ନନୋନିକା ତରତେଙ୍ଗ ନାଶ୍ୱ ପରିଚୟ ସିତିମାନିଦେର୍ । ଆଦେଙ୍ଗ ଇୟା ଦୟା ସେବାପାଣିଦୁ ବା ଦାନ ସିନିକାନ ଆଜି ଜିବନ୍ନନୋନିକା ପରିଚୟସିଦୁ, ଇକା ନା ବଦା ।

୮ ଇୟା ବିସୟତାନ ମି ଉଣ୍ଡିଙ୍ଗ ନାନୁ ଇନିକା ନିତିନିୟମ୍ କିଏଜିନା । କେବଲ ସେବାପାଣିଦୁ ଆଇଖାରିଙ୍ଗ ଖେଡ଼ିକାଦି କାତାସିଜି ମି ଜିବନ୍ନନି ସତ୍ ନେସିନି ଉଣ୍ଡିଙ୍ଗ ନାନୁ ଚେଷ୍ଟାକିଜିନା ।

୯ ମିର୍ ପ୍ରବୁ ଜିସୁ କ୍ରିସ୍ତଦି ଦୟା ବିସୟନେସ୍ତୁ ଖାନ୍ ମାଜନ୍ ଆତିଙ୍ଗବା ମି ଉଣ୍ଡିଙ୍ଗ ଗରିବ୍ ଆତାନ ଖାନି କାକୁତ୍ ମାତାନ ମିର୍ ବା ଏଣ୍ଡେସ୍ ମାଜନ୍ ଆଦେଙ୍ଗ ଆଟିନିଦେର୍ ।

୧୦ ଇୟା ବିସୟତାନ ମିଙ୍ଗ ନା ଇୟା ଆଦେସ୍, ଦରନ୍ ମିର୍ ଏମେକା ଆରାମ୍‌କିତିମାରିଦେର୍, ଆକା ଇଲେଇ ଓଜ୍ଜସି କିଦେଙ୍ଗ ମି ଇଛା । ଇରିଙ୍ଗ ପାଣି କିଦେଙ୍ଗ ସିଲେ, ମାତର ପାଣିକିଦେଙ୍ଗ ଟିକ୍ ଓଜ୍ଜତେଙ୍ଗ ମିର୍ ଆଜିନିଦେର୍ ଆଗିଡ଼ି ।

୧୧ ଇଲେଇ ପାଣିକିଜି ସାତୁ ମାରି ମି ସୁଜଗ୍ତାନ ଆକା ଓଜ୍ଜତୁ । ନେଗିକାଆସିନି ବେଡ଼ାଦୁ ମି ଏମେ ଖେଡ଼ିକା ମାରାଡ଼, ପାଣି ଓଜ୍ଜିନିସାଦି ଆକା ଆସସ ଇଡ଼ଦୁ ।

୧୨ ମାତର ଦାନ ସିଦେଙ୍ଗ ଖେଡ଼ିକା ମାରିଙ୍ଗ, ଲୋକୁ ଖାନି ବଦା ଇସାବତାନ ଆମାକା ଦାନ କିନାନ, ମାପୁରୁ ଆସନାନ । ଖାନି ସିଦେଙ୍ଗଆଟ୍ଟି ଆଡ଼ରେ ଖାନ୍ ଇନିକା ସିପିନ୍ ଇଜି ମାପୁରୁ ବଦା କିଏନ୍ ।

୧୩ ମି ମୁସୁକୁ ଇୟା ବୋଜୁଦିଙ୍ଗ ତିଗଜ ଆଇଖାରିଙ୍ଗ ସୁକ୍ ସିଦେଙ୍ଗ ନାନୁ ବଦା କିଏଜିନା ।

୧୪ ମାତର ଇଲେଇ ମିଙ୍ଗ ନାଶ୍ୱ ମାନିଙ୍ଗ ସିଲିସାତି ଲୋକାଙ୍ଗ ସାହାଜ୍ୟ କିନିକା ମି ପାଣି । ବେଡ଼ା ଖାନାଡ଼, ମିର୍ ସିଲିସାତି ମାରୁଇଖାଲେ, ଖାରି ନାଶ୍ୱ ମି ଉଣା ପୁରା କିନି ଉଣ୍ଡିଙ୍ଗ ସାହାଜ୍ୟ କିନାଡ଼ । ଇୟାଖାଜା ଇସାବତାନ ମିମାନୁ ସାମାନ ରକ୍ତୟା କିଦେଙ୍ଗ ଆଟ୍ଟିନାର ।

୧୫ ଦର୍ମସାସ୍ତ୍ରୁ ରାସାତାମାନାଡ଼, “ଏନ୍ ନାଶ୍ୱ ଉଣ୍ଡା କିତାନ, ଖାନିଦି ଇନିକା ଏଜେଏତାଡ଼ । ଏନ୍ ଉଣା ଉଣ୍ଡା କିତାନ, ଖାନିଦି ଉଣା ଆଏତାଡ଼ ।”

ତିତସ ନି ଖାନି ତଡ଼କୁ

୧୬ ମାପୁରୁଦି ଦନ୍ୟବାଦ୍ ଆପିଡ଼ । ଇରିଙ୍ଗ ମା ଖାଜା ତିତସତି ଜିବନ୍ ବା ମିଙ୍ଗ ସାହାଜ୍ୟ କିଦେଙ୍ଗ ଖେଡ଼ିକା ମାନାନ ।

୧୭ ଖାନ୍ କେବଲ ମା ଅନୁରଦ୍‌ଦିଙ୍ଗ କୁକ୍‌ନିକା ଖେର୍ଏନ୍, ମାତର ମିଙ୍ଗ ସାହାଜ୍ୟ କିନି ଉଣ୍ଡିଙ୍ଗ ନିସ ଖେଡ଼ିକା ଜେ, ନିଜେଦି ବଦାଦାନ ମି ଲାକ୍‌ତୁ ସନ୍‌ଡ୍ରେଙ୍ଗ ଖାନ୍ ବଦା କିତାମାନାନ ।

୧୮ ଖାନି ଖାଲେ ମାରି ଅରେନ୍ ତଡ଼ାନତିଙ୍ଗ ମାପ୍ ପୋକ୍‌ତାତାମାନାପ୍ । ନେଗି କାରୁର୍ ପ୍ରଗାର୍ କିଦେଙ୍ଗ ଓଜ୍ଜ ମଣ୍ଡୁଲିଆଙ୍ଗ ଖାନ୍ ପୁରା ଓଜ୍ଜତରିନ୍ ଖେଙ୍ଗ ତାମାନାନ ।

୧୯ ମାରି ନାସ ସିଲେ, ପ୍ରବୁଦି ଗୌରବ୍ ମାରି ମା ନମସ୍କାର୍ ଓଜ୍ଜିନି ଉଣ୍ଡିଙ୍ଗ ଆମା ଉଣ୍ଡାକିତି ଦାନତି ଅନି ସେବା ପାଣି ମାପ୍ ପୟତାମାନାଡ଼, ଆବେନ୍ ମା ଅର୍‌ସେସିନି ଉଣ୍ଡିଙ୍ଗ ଆଇଆଇ ମଣ୍ଡୁଲି ଖାନିଙ୍ଗ ଆସ୍ କିତାମାନାର ।

୨୦ ନିଜେଦି ବଦାଦାନ ସିଆୟାଆତିମାନି ଇୟା ଦାନଦିଙ୍ଗ ନାଶ୍ୱ ଜାଗାର୍‌ତାଦାନ ମାପ୍ ବ୍ୟବହାର୍ କିଜିନାପ୍, ଏଣ୍ଡେସ୍ ମା ମୁସୁକୁ ଏନ୍ ଦୋସ୍‌ତିଗିଦେଙ୍ଗ ଆଟ୍ଟିଏନ୍ ।

୨୧ ମାତର ମାପୁରୁଦି ଆଗିଡ଼ି ସିଲେ, ମାତ୍ର ଲୋକା ଆଗିଡ଼ି ବା ସତ୍ ମାଡ୍ରେଙ୍ଗ ମା ବଦା ।

୨୨ ଆର୍‌ତିଙ୍ଗ ଖାରି ଖାଲେ ଇୟା ମା ତଡ଼ାନତିଙ୍ଗ ମାପ୍ ପୋକ୍‌ତାତାମାନାପ୍ । ଖାନିଙ୍ଗ ଗାଦି ଦେବେଙ୍ଗ ପରିକା କିଜି ଖାନିଙ୍ଗ ବିସ୍ୱାସ୍‌ସତି ପରିଚୟ ପୋୟତାମାନାପ୍ । ମି ମୁସୁକୁ ଖାନି ଆଟ୍ଟିଏନ୍ ମାନିଙ୍ଗ ଖାନ୍ ମିଙ୍ଗ ସାହାଜ୍ୟ କିନି ଉଣ୍ଡିଙ୍ଗ ନାଶ୍ୱ ଖେଡ଼ିକା ଆତାମାନାନ ।

୨୩ ତିତସଦି ପରିଚୟ ଇକା ଖାନ୍ ନା ଖାଲେମାନିକାନ୍ ମାରି ମିଙ୍ଗିଁ ସାହାଜ୍ୟ କିନ୍ ଉଣ୍ଡିଙ୍ଗ ନା ଖାଲେ ପାଣିକିନିକାନ୍ । ମାରି ଖାନି ଖାଲେ ସଲିସ୍ମାନି ଆଇ ବିସ୍ବାସି ତଡ଼ାନକା ପରିଚୟ ଖାନ୍ ମଣ୍ଡଲିଆଙ୍ଗା ଓଜୁ ପ୍ରେରିତ ସିସୁ ମାରି କ୍ରିସ୍ତଦି ଗୌରବ୍ ଖାଜା ।

୨୪ ଖାରିଙ୍ଗ୍ ମି ଜିବନ୍ନୋନିକା ତରତୁ । ଆତିଙ୍ଗ୍ ଓଜୁ ମଣ୍ଡଲିଙ୍ଗ୍ ଇୟା ବିସୟତାନ୍ ସେତାଆନାର୍ ମାରି ମି ଉଣ୍ଡିଙ୍ଗ୍ କିଜିମାନି ଗର୍ବ୍ ସତ୍ ଇଜି ବିସ୍ବାସ୍ କିଦେଙ୍ଗ୍ ଆର୍ନାର୍ ।



ଆଇ ମଣ୍ଡଲିଦୁ ବିସ୍ବାସିରି ଉଣ୍ଡିଙ୍ଗ୍ ସାହାଜ୍ୟ

୧ ଜିହୁଦାଦୁ ମାନି ମାପୁରୁଦି ଲୋକାଦି ଲାକୁତୁ ସାହାଜ୍ୟ ପୋକନି ଉଣ୍ଡିଙ୍ଗ୍ ମିଙ୍ଗିଁ ରାସ୍ନିକା ଇନିକା ଦରକାରସିଲେଡ୍ ।

୨ ନାନୁ ନେସେନା, ମିର୍ ଓଜୁଦିନ୍ ସାହାଜ୍ୟ କିଦେଙ୍ଗ୍ ତିଆର୍ ମାରି ମାସିଦୋନିଆଦି ଲୋକାଦି ଲାକୁତୁ ମି ବିସୟତାନ୍ ନାନୁ ଗର୍ବ୍ କିତାମାନା । ନାନୁ ଇର୍ହାମାର୍ହାନ୍, “ଆକାୟାଦି ତୋଡ଼ାନକୁ ସାହାଜ୍ୟକିନ୍ ଉଣ୍ଡିଙ୍ଗ୍ ଦରଚାନ୍ ତିଆରଆତାମାନାର୍ ।” ମି ଖେଡ଼ିକା ଖାରି ମାଡ଼ାନକୁ ବା ଏସ ଲୋକାଙ୍ଗ୍ ଜାଗାର୍ତା କିତାମାନାତ୍ ।

୩ ଇଲେଇ ନାନୁ ଇୟା ତଡ଼ାନକାଙ୍ଗ୍ ମି ଲାକୁତୁ ପୋକସିନା । ସୁଡ଼ଦୁ, ଇୟା ଖେଡ଼ାଦୁ ଏଣ୍ଡେସ୍ ମି ବିସୟତାନ୍ ମା ଗର୍ବ୍ ଆର୍ଏ ଆଏଡ୍ । ନାନୁ, ଖେର୍ନି ଇସାବ୍ତାନ୍ ମିର୍ ଦାନତି ଖାଲେ ତିଆରଆଜମାନୁ ।

୪ ମାସିଦୋନିଆଦି ଲୋକୁ ନା ଖାଲେ ସଲିସି ଜଦି ମିଙ୍ଗିଁ ତିଆରଆଇମାନିକା ସୁଣାର୍; ଆର୍ତିଙ୍ଗ୍ ମି ମୁସୁକୁ ଆର୍ୱା ବିସ୍ବାସ୍ ମାନିଙ୍ଗ୍ ମାପୁ ସେମାର୍ଆନାସ୍ ସତ୍ତାନ ଖେର୍ତେଙ୍ଗ୍ ସରିଙ୍ଗ୍, ଆକା ମି ଇସାବ୍ତାନ୍ ବା ସେମାର୍ତିକା ଆନାତ୍ ।

୫ ମିର୍ ମାଟା ସିତିମାନି ଦାନ ଉଣ୍ଡାକିନି ଉଣ୍ଡିଙ୍ଗ୍ ଇୟା ତଡ଼ାନକାଙ୍ଗ୍ ନା ସନି ଆଗ୍ଡି ମି ଲାକୁତୁ ପୋକତେଙ୍ଗ୍ ଅନୁରଦ୍ କିତା । ଆରିଙ୍ଗ୍, ନାନୁ ମି ଲାକୁତୁ ଇନିଖାଲେ ଇୟା ଦାନ୍ ଉଣ୍ଡା କିଜି ଇଡ଼ଜମାନୁ । ଇୟାମାଡ଼ାନକୁ ମିର୍ ଜାସେପେଲାଦାନ୍ ସିଏନ୍‌ଶ୍ଟା ନିଜେଦିବଦାଦାନ୍ ସିଜିନିଦେର୍ ଇଜି ଖେଙ୍ଗିଁନିଦେର୍ ।

୬ ମୋନ୍‌ତୁ ଇଡ଼ଦୁ, ଆମାଲୋକ୍ ଉଣା ଓଡ଼ୁ ଓଡ଼ନାନ୍, ଖାନ୍ ଉଣା ପାସି ଉଣ୍ଡାକିନାନ୍, ଯେ ନାଣ୍ଡ ଓଡ଼ୁ ଓଡ଼ିନାନ୍, ଖାନ୍ ନାଣ୍ଡ ପାସି ଉଣ୍ଡାକିନାନ୍ ।

୭ ମାରି, ଯେ ଏଣ୍ଡେସ୍ ଅଡ଼ବିତାମାନାନ୍, ଖାନ୍ ଆୟାଖାଜା ଦାନ କିପିନି ମାରି ଆୟା ଦାନ ଦୁକ୍ତି ମୋନ୍‌ତାନ୍ ଆଏଜି ମାରି କେବଲ ସିନି ନେଗେଡ଼ ମାନାତ୍ ଇଜି ସିଲେ । ଇରିଙ୍ଗ୍ ଖେଡ଼ିକାଦାନ୍ ସିନି ଲୋକାଙ୍ଗ୍ ମାପୁରୁ ଲାଡ଼ କିନାନ୍ ।

୮ ଓଜୁ ରକମ୍‌ତି ଦାନତୁ ମିଙ୍ଗିଁ ପିରିସକିଦେଙ୍ଗ୍ ମାପୁରୁ ଆର୍ନାନ୍; ଆବେଶାନ୍ ମିର୍ ଓଜୁଦିନ୍ ନାଣ୍ଡଦାନ୍ ବାସାଦେଙ୍ଗ୍ ଆଟିନିଦେର୍ ମାରି ଓଜୁ ରକମ୍‌ତି ନେଗି ପାଣି ଉଣ୍ଡିଙ୍ଗ୍ ନାଣ୍ଡଦାନ୍ ସିଦେଙ୍ଗ୍ ଆଟିନିଦେର୍ ।

୯ ଦର୍ମସାସ୍ତ୍ରଦୁ ରାସାତାମାନାତ୍, ସିଲିସାତି ଲୋକାଙ୍ଗ୍ ଖାନ୍ ନିଜେଦିଇଚ୍ଛାଦାନ୍ ଦାନ୍ କିନାନ୍; ଖାନି ଜିବନ୍ନୋନିକା ଓଜୁଦିନ୍ ମାନାତ୍ ।

୧୦ ଏମେ ଓଜୁ ଓଜୁଓଡ଼ିନିଲୋକାଙ୍ଗ୍ ମାପୁରୁ ଓଜୁଦି ଉଣ୍ଡିଙ୍ଗ୍ ଓଜୁ ମାରି ଉଣ୍ଡେଙ୍ଗ୍ ଇଜି କାଦି ସିନାନ୍, ଖାନ୍ ମି ଦରକାର୍ ଇସାବ୍ତାନ୍ ଓଜୁ ଜଗେକିନାନ୍ ମାରି ମି ନିଜେଦି ବଦାଦି ପଲ୍‌ତିଖାଜା ମିର୍ ବା ନାଣ୍ଡ ପାସି ଉଣ୍ଡାକିନିଦେର୍ ।

୧୧ ମିର୍ ଓଜୁଦିନ୍ ଏଣ୍ଡେସ୍ ନିଜେଦିବଦାଦାନ୍ ଦାନକିଦେଙ୍ଗ୍ ଆଟିନିଦେର୍, ଇୟାଉଣ୍ଡିଙ୍ଗ୍ ମାପୁରୁ ମିଙ୍ଗିଁ ଓଜୁ ବିସୟତାନ୍ ମାଜନକିନାନ୍ ମାରି ମା ମାଡ଼ାନକୁ ମିର୍ ପୋକିତିମାନି ଦାନ ଉଣ୍ଡିଙ୍ଗ୍ ନାଣ୍ଡଲୋକ୍ ମାପୁରୁଦିମାନୁ ମାଡ଼ିସି କିଜି ଦନ୍ୟବାଦ୍ ସିନାର୍ ।

୧୨ ମି ଦାନସିନି ସେବାଦି ମାଡ଼ାନ୍ କେବଲ ଯେ ମାପୁରୁଦି ଲୋକାଦି ଅବାବ ଉଣା ଆନାତ୍, ଆକା ସିଲେ, ମାତର ଇୟାମାଡ଼ାନ୍ ମାପୁରୁଦି ଉଣ୍ଡିଙ୍ଗ୍ ନାଣ୍ଡଲୋକା ଜିବନ୍‌ତି ଖେଡ଼ିକା ନିଙ୍ଗିଁଜି ଖାନାତ୍ ।

୧୩ ଇୟା ସେବାପାଣିଦାନ୍ କ୍ରିସ୍ତଦି ସୁସମାଚାର୍ତି ଉଣ୍ଡିଙ୍ଗ୍ ମି ବିସ୍ବାସ୍ ଉଣ୍ଡିଙ୍ଗ୍ ମାରି ଓଜେରି ଖାଲେ ମିସାଜି ମିର୍ ଏମେ ନାଣ୍ଡସିନିକା ତର୍ତିମାନିଦେର୍, ଆୟାଉଣ୍ଡିଙ୍ଗ୍ ଖାନ୍ ମାପୁରୁଦି ଦନ୍ୟବାଦ କିନାର୍ ।

୧୪ ମି ଉଣ୍ଡିଙ୍ଗ୍ ମାପୁରୁଦି ନାଣ୍ଡ ଦୟା ଉଣ୍ଡିଙ୍ଗ୍ ଖାନ୍ ନାଣ୍ଡ ଖେଡ଼ିକାଦାନ୍ ପାର୍ତନାଦୁ ମିଙ୍ଗିଁ ଏଡ଼କିନାର୍ ।

୧୫ ରାଦୁ, ମାପୁରୁଦି ଆର୍ଏସିତିମାନି ଦାନ୍ ଉଣ୍ଡିଙ୍ଗ୍ ଖାନିଙ୍ଗ୍ ଦନ୍ୟବାଦ୍ କିନାର୍ !



କାରାସ୍ ପ୍ରଚାର୍ ବିରୁଦ୍‌ତାନ୍ ପାଉଲ୍‌ତି ଉତର୍

୧ ନାନୁ ପାଉଲ୍ ମିଙ୍ଗିଁ ନା ଇୟା ନିଜେଦି ଅନୁରୋଦ ଏନ୍ ଏନ୍ ଇନାର୍, “ନାନୁ ମି ଲାକୁତୁ ମାରିଇଖାଲେ ନାଣ୍ଡ ଦାର୍ମୁ ନି ତିର୍, ମାତର ଆକ ସରିଙ୍ଗା ନାଣ୍ଡଆର୍ୱା ।” କ୍ରିସ୍ତଦି ନମ୍ରତା ମାରି କାର୍ମୁ ସିଜି ନାନୁ ମିଙ୍ଗିଁ ଅନୁରୋଦ କିଜି ଖେରିସିନା ।

୨ ମି ଖାଲେ ବେଟେଗାଟ୍ ଆତିଖାଲେ ନାଜି ଏଣ୍ଡେସ୍ ସାସ୍ତି ବ୍ୟବହାର୍ କିଦେଙ୍ଗ୍ ଆଏଡେ । ଇରିଙ୍ଗ୍ ଏମେକାର୍ ଅଡ଼ବିନାର୍ ଯେ, ମାପୁ ଦୁନିଆଦି ପାଣି ଇସାବତାନ୍ ବୁଲାନାଟ୍, ଖାରି ବିରୁଦତାନ୍ ଆଟ୍‌ଖା ମାଟା ଅନି ନାଣ୍ଡ ସାସ୍ ନାଜି ମାନାଟ୍ ।

୩ ମାଡ଼ ଇୟା ଦୁନିଆଦୁ ବାସାକିଜିନିକା ସଡ଼, ମାତର ଇନି ଦୁନିଆଦି ଉଦେସ୍ ଇଡ଼ଜି ଜୁଞ୍ କିଏଜିନିକା ।

୪ ମାତର ମାପୁରୁଦି ସାକ୍ତିଦି ସାସାପାତି ବ୍ୟବହାର୍ କିଜି ଆଟ୍‌ଖା ମୁଣ୍ଡେଙ୍ଗ୍‌ଝିଜୁ ନାସୁକିଜିମାନିକା, ମିଡ଼ତି ଜୁକ୍ତିଦିମାଟେଙ୍ଗ୍ ମାପ୍ ନାସୁ କିନାପ୍

୫ ମାପୁରୁଦି ବୁଦିଦିଙ୍ଗ୍ ବିରୁଦକିନି ଝିଜେରେ ଝିଜୁ ବନ୍ଦନଦିଙ୍ଗ୍ ମାପୁ କୁଡନାପ୍ ମାରି ଲୋକୁଦି ଝିଜୁ ଚିନ୍ତା ଆଡ଼ଗି ଆଜି କ୍ରିସ୍ତୁଦି ମାଟାମାନାନ୍ନେ ।

୬ ମିର୍ ପୁରାଦାନ୍ କ୍ରିସ୍ତୁଦି ତରିଟିକାନ୍ ମାନାନିକା ଝେନେକା ମି ମାଡ଼ାନ୍ ମାରି ଇନି ମାନାଇକା ତରିଟିଙ୍ଗା, ତାନି ଖାଲେ ଦଣ୍ଡୁ ସିଦେଙ୍ଗ୍ ମାପୁ ତିଆରମାନାପ୍ ।

୭ ମି ସାରିବେଡ଼ିତି ଇନିକା ଝିଜୁ ଗଟେଆଜିନାଟ୍, ସୁଡ଼ଦୁ । ମି ମାଡ଼ାନକୁ ଏନ୍ କ୍ରିସ୍ତୁଦି ଝେନେକା ମାନାର୍ ନୋ ? ଜଦି ମାନାର୍, ଆରତିଙ୍ଗ୍ ଖାନ୍ ମାରି ଅରସୁ ଚିନ୍ତାକିଜ ସୁଡ଼ିନ୍ । ଇରିଙ୍ଗ୍ ଖାନି ଖାଜା ମାଡ଼ ବା କ୍ରିସ୍ତୁଦି ଝେନେକା ବୁଲାନିକାର୍ ।

୮ ମିଙ୍ଗ୍ ନାସୁ କିଦେଙ୍ଗ୍ ସିଲେ, ମାତର ତିଆର କିଦେଙ୍ଗ୍ ମାପୁରୁ ମାଙ୍ଗ୍ ଏମେ ଅଦିକାର୍ ସିତାମାନାନ୍, ଆୟାଉଣ୍ଡିଙ୍ଗ୍ ଜଦି ନାନୁ ନାଣ୍ଡ ଗର୍ବ କିତାମାନା, ଆରତିଙ୍ଗ୍ ସେମାର୍ ଆଏ ।

୯ ନା ସିଟିଦାନ୍ ମିଙ୍ଗ୍ ତିଲିସି କିନି ଉଣ୍ଡିଙ୍ଗ୍ ଚେଷ୍ଟାକିଏ ନା ବଦା ସିଲେଡ଼ ।

୧୦ ଏନ୍ ଏନ୍ ଇନାର୍, “ପାଉଲଦି ସିଟିଝିଜୁ ନାଣ୍ଡତାଟ୍ ନି ଆଟ୍‌ଖା ମାତର ମା ଲାକୁଡୁ ମାରିଇଖାଲେ ଖାନି ମେନ୍‌ଲ୍ ଦୁର୍ବଲ୍ ତରିତାଟ୍ ମାରି ଖାନି ବଲୁ ପାଣିସିଲିକା ଖାଜାଆତାଟ୍ ।”

୧୧ ଆୟା ଲୋକ୍ ବୁଜାନିକା ମାନାଟ୍ ଜେ, ମାପୁ ଆକରାନ୍ ସିଟିଦୁ ଏମେକା ରାସନାପ୍, ଲାକ୍‌ଡୁ ମାନିଖାଲେ ତାନିଙ୍ଗ୍ ପାଣିଦୁ କିନା ତର୍ନାପ୍ ।

୧୨ ଏଣ୍ଡେସ୍‌ବା ନିଜେଦିଙ୍ଗ୍ ପେରିକାନ୍ ଇଜି ଅଡ଼ବିନି ଲୋକାଦି ଦାଡ଼ି ଆନି ଉଣ୍ଡିଙ୍ଗ୍ ବା ଖାରିଖାଲେ ନିଜେଙ୍ଗ୍ ତୁସ୍‌ଡେଙ୍ଗ୍ ସାହାସ୍ ମାଦି ସିଲେଡ଼ । ଖାର୍ ଏସ ବୁଦିସିଲିକାର୍, ଇରିଙ୍ଗ୍ ଖାର୍ ନିଜେଦିଙ୍ଗ୍ ନିଜେ ଖାଲେ ଇସାବ୍ କିନାର୍, ନିଜେ ଲେକିସ୍‌କିନି ବାଡ଼ିଗାଦାନ୍ ନିଜେନିଜେ ବିଚାର୍ କିଆୟାଆନାର୍ ।

୧୩ ମାତର ମା ଗର୍ବ ଉଣା । ମାପୁରୁ ମା ଉଣ୍ଡିଙ୍ଗ୍ ଏମେ ପାଣିବାଡ଼ି ଟିକ୍ କିତାମାନାନ୍, ତାନି ମାଡ଼ାନକୁ ମାପୁ ଗର୍ବ କିଜିନାପ୍ । ଆୟା ପାଣିବାଡ଼ିଦି ଲଇ ମିର୍ ମିସାଡ଼ିମାନିଦେର୍ ।

୧୪ ଆୟାଉଣ୍ଡିଙ୍ଗ୍ ମାପୁ ଆଗିଡ଼ିରାନ୍ କ୍ରିସ୍ତୁଦି ସୁସମାଚାର୍ ମି ଲାକୁଡୁ ଅସି ଖାନିବେଡ଼ାଦୁ ଇନିକା ଏରିଆ ଆଡ଼ରେ ପାଣି କିଏପ୍ ।

୧୫ ମାପୁରୁ ପାଣିକିଡ଼ିମାନି ମା ପାଣିଜାଗାଦୁ ପାଣିକିନି ଆଡ଼ରେ ଆଇଖାରି ପାଣିଦୁ ସୁଜୋଗ ଅସି ଗର୍ବ କିଏପ୍ । ମାତର ମାପୁ ଆସା କିଜିନାପ୍ ଜେ, ମିର୍ ବିସ୍‌ବାସ୍‌ଦୁ ପରିଜିମାନି ସାଙ୍ଗେ ସାଙ୍ଗେ ମିଙ୍ଗ୍ ମାଡ଼ାନକୁ ମା ପାଣିଝିଜୁ ମାରି ଝେଙ୍ଗ୍‌ନାଟ୍ । ମାତର ଇକା ମାପୁରୁ କିଡ଼ିମାନି ନିୟମ୍ ମାଟା ଅମାନ୍ୟ କିମାଟ୍ ।

୧୬ ଆକାଆତିଙ୍ଗ୍ ଆଇଖାରି ପାଣିଜାଗାଦୁ ଆଜିମାନି ପାଣି ଉଣ୍ଡିଙ୍ଗ୍ ଗର୍ବ କିଏଜି ମି ଅଡ଼ବିନି ଆଡ଼ରେ ଆଇଦେସ୍‌ଡ଼ି ଖାରିଙ୍ଗ୍ ବା ମାଡ଼ ସୁସମାଚାର୍‌ଡ଼ି ପ୍ରଚାର୍ କିଦେଙ୍ଗ୍ ଆଟିନିକା ।

୧୭ ବ୍ୟବସ୍ଥାଦୁ ରାସାତାମାନାଟ୍, “ଏନ୍ ଗର୍ବ କିଦେଙ୍ଗ୍ ଇଟାକିନାନ୍, ଖାନ୍ ପ୍ରବୁଦି ପାଣି ଉଣ୍ଡିଙ୍ଗ୍ ଗର୍ବ କିପିନ୍ ।”

୧୮ ମାତର, ନିଜେଦିଙ୍ଗ୍ ପ୍ରସଂସା ମାଣାନ୍ ଏନ୍ ପରିକାଦୁ ଜିଣାଏନ୍, ପ୍ରବୁଦି ତରିନ୍ ନେଗିକାନ୍, ଆୟାକାନ୍ କେବଲ୍ ଖାନି ଗ୍ରହଣଜଗ୍ୟ ।

୧୧

ପାଉଲ ନି ବାଣ୍ଡା ବାବବାଦିର୍

୧ ନାନ୍ ଅଡ଼ବିନା, ଇନି ବିସୟତିଙ୍ଗ୍ ଅଡ଼ପ୍ ବୁଲ୍ ଆତିଙ୍ଗ୍‌ବା ମିର୍ ନାଙ୍ଗ୍ ସାସକିନିଦେର୍ ।

୨ ମି ବିସୟତାନ୍ ଉନ୍‌ଡ଼ି ସାକ୍ତିଦି ରିସାଆନିକା ନା ମୋନ୍‌ଡୁ ମାନାଟ୍ । ଇରିଙ୍ଗ୍ ମିର୍ ପବିତ୍ର ରିପାଆଇଲି ଖାଜା । ଅରେନନେମାତର କାନ୍ୟାମୁରୁଲି କ୍ରିସ୍ତୁଦି ଖାଲେ ମି ମିସାକିନି ସିନି ଉଣ୍ଡିଙ୍ଗ୍ ନାନ୍ ପାର୍‌ମାଣ୍ କିତାମାନା ।

୩ ନାଙ୍ଗ୍ ଡିଏଲ୍‌ଖାଜିନାଟ୍, ସାରାସ୍‌ଡ଼ି ସାଲାକିଦାନ୍ ହବା ଏଣ୍ଡେସ୍ ବାୟାଆତି ଖାଜା ମିର୍ ଏଣ୍ଡେସାଡ଼ିଙ୍ଗ୍ କ୍ରିସ୍ତୁଦି ଉଣ୍ଡିଙ୍ଗ୍ ମି ସାକ୍ତି ମାରି ପବିତ୍ର ବିସ୍‌ବାସ୍‌ତାନ୍ ଝେରଏ ଆନିଦେର୍ ।

୪ ଇରିଙ୍ଗ୍ ଏନ୍ ଜଦି ଖାଜି ମାଡ଼ ପ୍ରଚାର୍ କିଡ଼ିମାନି ଜିସୁଙ୍ଗ୍ ଡ଼ିସ୍‌ସି ଆଇ ଇନି ଜିସୁଦି ମାଟା ପ୍ରଚାର୍ କିନାର୍ ବା ମିର୍ ପୟତିମାନି ପବିତ୍ର ଆମ୍‌ଦିଙ୍ଗ୍ ଡ଼ିସ୍‌ଡ଼ିଙ୍ଗ୍ ଆଇ ଏମେ ଆମ୍‌ଦି ମାଟା ଝେରନାର୍ ମାରି ମିର୍ ମାନାଡ଼ିମାନି ସୁସମାଚାର୍‌ଡ଼ିଙ୍ଗ୍ ଡ଼ିସ୍‌ସି ଆଇ ଇନି ସୁସମାଚାର୍ ପ୍ରଚାର୍ କିନାର୍, ମିର୍ ପୁରା ମାନାଡ଼ିମାନିଦେର୍ ।

୫ ମି ଆୟା ଝିଜେରିଙ୍ଗ୍‌ପେରି “ପ୍ରେରିତ ସିସୁରି” ମାଣ୍‌କୁ ନାନ୍ ଇନି ଗୁଣୁଡୁ ଇସିକିନ୍ଦା ଇଜି ଅଡ଼ବିଏ ।

୭ ନାନ୍ ଖାରି ଖାଜା ସାଲାକିଦିକାନ୍ ଆଦେଙ୍ଗ ଆଟ୍‌ଏ, ମାତର୍ ରୁଦିଦୁ ଉଣା ସିଲେ । ମିଙ୍ଗ୍ ଇୟା ମାଟା ମାପ୍ ଓଁଜୁଦିନ୍ ମାରି ଓଁଜୁ ଅସୁବିଦାଦୁ ଖେର୍ସି ଖାଜିନାପ୍ ।

୮ ମାପୁରୁଦି ସୁସମାଚାର ପ୍ରଚାର କିତିଖାଲେ ନାନ୍ ମିମାଣୁକୁ ମୁସକୁପେରାନି ଉଣିଙ୍ଗ୍ ନାନ୍ ନିଜେଦିଙ୍ଗ୍ ଆଡ଼ଗି କିତାମାନା । ଇକା ଇନିକା ନା ବୁଲ୍ ?

୯ ମି ଲୋଇ ପାଣି କିତିଖାଲେ ନାନ୍ ଆଇ ମଣ୍ଡଲିଙ୍ଗ୍‌ମାଣୁକୁ ଡାବୁଙ୍ଗ୍ ସାହାଜ୍ୟ ପୟତାମାନା । ଖେର୍ତେଙ୍ଗ୍ ସରିଙ୍ଗ୍, ମି ନେଗି ଉଣିଙ୍ଗ୍ ନାନ୍ ଖାରିଙ୍ଗ୍ ତଙ୍ଗ୍ କିତାମାନା ।

୧୦ ମି ଖାଲେ ମାରିଇଖାଲେ ନା ଅବାପ୍ ପୁରାକିନି ଉଣିଙ୍ଗ୍ ନାନ୍ ଏଙ୍ଗ୍‌ବା ବଜୁତିଗ୍‌ଦେଙ୍ଗ୍ ସିଏ । ଇରିଙ୍ଗ୍ ମାସିଦୋନିଆଦାନ୍ ଖାତିମାନି ତଡ଼ାନ୍‌କୁ ନା ଓଁଜୁ ଅବାପ୍ ପୁରା କିତାମାହାର୍ । ସରଇଦିନ୍‌ତି ଖାଜା ବବିସ୍ୟତରେ ବା ନାନ୍ ଏସକାଙ୍ଗ୍ ମିଙ୍ଗ୍ ବଜୁତିଗ୍‌ଏ ।

୧୧ ନା ଜିବନ୍‌ତୁ ମାନି କ୍ରିସ୍ତଦି ସଡ଼ତିଙ୍ଗ୍ ସାକି ସିଜି ନାନ୍ ପାରମାଣ୍ କିଜି ଖେର୍ସିନା ଜେ, ଆକାୟା ରାଜିଦି ଆମା ରାଜିଆଙ୍ଗ୍ ନା ଇୟା ଗର୍ବଦିଙ୍ଗ୍ ଏନ୍ ନାସୁ କିଦେଙ୍ଗ୍ ଆଟ୍‌ଏନ୍ ।

୧୨ ନାନ୍ ଇନିଦାନିଙ୍ଗ୍ ଇୟାଖାଜା ଇଜିନା ? ନାନ୍ ଇନିକା ମିଙ୍ଗ୍ ଜିବନ୍‌ନୋଏ ? ମାପୁରୁ ନେସନାନ୍, ମିଙ୍ଗ୍ ନାନ୍ ଏସଜିବନ୍‌ନୋନା ।

୧୩ ମାତର୍ ଇଲେ ନାନ୍ ଆମାକା କିଜିନା, ଆକା କିଜିମାନା । ଆର୍ଡିଙ୍ଗ୍, ମା ଖାଜା ପାଣି କିଜିନିଦେର୍ ଇଜି ଆଇ “ପେରିଡ଼ର୍” ଗର୍ବ କିନାର୍, ଖାର୍ ମାରି ଆକା କିଦେଙ୍ଗ୍ ଆଟ୍‌ଏର୍ ।

୧୪ ଖାର୍ ସଡ଼ତି ପ୍ରେରିତ ସିସୁର୍ ଆଏର୍, ଖାର୍ ଓଁଜେରେ ଟକେକିନିକାର୍, ଖାର୍ ନିଜେଦି ପାଣି ବିସୟତାନ୍ ମିଟ୍ ଇନାର୍ ମାରି କ୍ରିସ୍ତଦି ପ୍ରେରିତ ସିସୁ ଖାଜା ତରାନି ଉଣିଙ୍ଗ୍ ରୁପ୍ ବାଦଲେକିନାର୍ ।

୧୫ ମାରି ଇକା କାବାଆନିକା ଇନିକା ସିଲେଡ଼, ମାତର୍ ସୟତାନ୍ ବା ଜାୟତି ମୁସକୁପୁର୍ତି ଦୁଡ଼କା ଖାଜା ତରାନି ଉଣିଙ୍ଗ୍ ରୁପ୍ ବାଦଲେକିଜିନାଡ଼ ।

୧୬ ଆଦେଙ୍ଗ୍ ଖାନି ଦାସକୁ ଦାମ୍‌ଦି ସେବାକିନିଖାନି ରୁପ୍ ଆସ୍‌ତାର୍, କାବାଆନିକା ଇନିକା ସିଲେଡ଼, ମାତର୍ ସାରାସାରିଖେନକା ଖାର୍ କିତିମାନି ପାଣିଦି ଇସାବ୍‌ତାନ୍ ଦଣ୍ଡ ଖାର୍ ପୟନାର୍ ।

ପାଉଲଦି ଦୁକ୍‌ବଗାନିକା ସିସୁ ଖାଜା

୧୭ ନାନ୍ ମାରିଡେସି ଇଜିନା, ଏନ୍ ଏଣ୍ଡେସ୍ ନାଙ୍ଗ୍ ରୁଦିସିଲିକାନ୍ ଇଜି ଅଡ଼ବିମାକିନ୍ । ଜଦି ଆୟାଖାଜା ଅଡ଼ବିନା, ଆର୍ଡିଙ୍ଗ୍ ନାଙ୍ଗ୍ ରୁଦିସିଲିକାନ୍ ଖାଜା ମାନାଦୁ, ଆର୍ଡିଙ୍ଗ୍ ନାନ୍ ବା ଅଡ଼ପ୍ ଗର୍ବ କିଦେଙ୍ଗ୍ ଉନ୍‌ଡ଼ି ସୁଜୋଗ୍ ପୟନା ।

୧୮ ମାରିବା ଇଲେ ନାନ୍ ଆମାକା ଇଜିନା, ଆୟାଉଣିଙ୍ଗ୍ ପ୍ରୁ ନାଙ୍ଗ୍ ଆଦେସ୍ ସିଏନ୍ । ଇରିଙ୍ଗ୍ ଗର୍ବ କିନି ବିସୟତାନ୍ ନାନ୍ ସଡ଼ତାନ୍ ରୁଦିସିଲି ଖାଜା ଖାର୍‌ଗିଜିନା ।

୧୯ ମାତର୍ ଦୁନିଆଦି ବିସୟତାନ୍ ନାଣ୍ଡଲୋକ୍ ଏଣ୍ଡେସ୍ ଗର୍ବ କିନାର୍, ନାନ୍ ବା ଆୟାଖାଜା କିଦେଙ୍ଗ୍ ଆଟ୍‌ନା ।

୨୦ ମିର୍ ରୁଦିଆଜି ବା ଖେଡ଼ିକାଦାନ୍ ରୁଦିସିଲିଖାରିଙ୍ଗ୍ ସାସ୍ କିଜିନିଦେର୍ ।

୨୧ ଜଦି ଏନ୍ ମି ମୁସକୁ ଅଦିକାର୍ କିଜି ସାକର୍ କିତିଙ୍ଗ୍, ମି ଓଁଜୁ ଦନସମ୍ପତି ଆସ୍‌ତିଙ୍ଗ୍, ମିଙ୍ଗ୍ ଉରିଦୁ ପକ୍‌ତିଙ୍ଗ୍, ମିଙ୍ଗ୍ କାଡ଼ିତିଙ୍ଗ୍, ଇୟାଖାଜା ଜେ ମି ବୁଗୁଲିଦୁ ସାପୁଡ଼ା ଡାକ୍‌ତିଙ୍ଗ୍ ବା ମିର୍ ଆକା ସାସ୍‌କିଜିନିଦେର୍ ।

୨୨ ନାନ୍ ସେମାର୍‌ଡି ଖାଲେ ମାନାଜିନା ଜେ, ଇୟାଓଁଜୁ ବିସୟଦୁ ନାନ୍ ନାଣ୍ଡ ଦୁର୍ବଲମାନା ।

ମାତର୍ ଆଇ ଇନି ବିସୟଦୁ ଏନ୍ ଜଦି ଗର୍ବ କିଦେଙ୍ଗ୍ ସାହାସ୍ କିନାନ୍, ଆର୍ଡିଙ୍ଗ୍ ମୁକ୍ତୁ ଖାଜା ନାନ୍ ଇଜିନା, ନା ଆୟାଖାଜା ସାହାସ୍ ମାନାଡ଼ ।

୨୩ ଖାର୍ ଇନିକା ଏବ୍ରିୟ ? ନାନ୍ ବା ଏବ୍ରିୟ । ଖାର୍ ଇନିକା ଇସ୍ରାଏଲିୟ ? ନାନ୍ ବା ଇସ୍ରାଏଲିୟ । ଖାର୍ ଇନିକା ଅବ୍ରାହାମଦି କୁଚୁମ୍ ? ନାନ୍ ବା ଅବ୍ରାହାମଦି କୁଚୁମ୍ ।

୨୪ ଖାର୍ ଇନିକା କ୍ରିସ୍ତଦି ସେବାକିନିକାର୍ ? ନାନ୍ ବାୟାଖାଜା ଇଜିନା, ନାନ୍ ଖାରିମାଣୁକୁ ଓଁଜେରିଙ୍ଗ୍‌ପେରି ସେବାକିନିକା । ନାନ୍ ଖାରିମାଣୁକୁ ନାଣ୍ଡ କାସୁପାଣି କିତାମାନା, ନାଣ୍ଡ ଜଇଲ୍‌ତୁ ତେବାତାମାନା ମାରି ବାଡ଼ିଗାଦାନ୍ ଡାଡ଼ିମାନିକା ସାସ୍ କିତାମାନା ମାରି ନାଣ୍ଡ ଦେବେଙ୍ଗ୍ ସାନିମାନ୍ ସାମାନ୍ କିତାମାନା ।

୨୫ ନାନ୍ ଜିହୁଦିରିମାଣୁକୁ ପାସ୍ ଦେବେଙ୍ଗ୍ ତିରିସ୍ ନ ଦେବେଙ୍ଗ୍ ବାଡ଼ିଗାଦାନ୍ ମାଡ଼ ତିରାମାନା ।

୨୬ ଋୋମିୟରିମାଣୁକୁ ମୁନ୍‌ଡ଼ି ଦେବେଙ୍ଗ୍ କର୍ତ୍ତା ମାଡ଼ ପୟତାମାନା । ଉନ୍‌ଡ଼ି ଦେବେଙ୍ଗ୍ କାଲୁକୁ ମାଡ଼ ତିରାମାନା । ମୁନ୍‌ଡ଼ି ଦେବେଙ୍ଗ୍ ଜାହାଜ୍ ଦୁର୍ଗଟାଦାନ୍ ସାମାନ୍ କିତାମାନା ମାରି ଉନ୍‌ଡ଼ି ଦେବେଙ୍ଗ୍ ସାମ୍‌ଦୁରୁତି ଏରୁଦୁ କଡ଼େ ନାଲ୍‌ଗି ଗଣ୍ଡା ତେବାତାମାନା ।

☆ ୧୧:୯ ପିଲିପିୟ ୪:୧୫-୧୮. ☆ ୧୧:୨୩ ପ୍ରେରିତ ୧୭:୨୩. ☆ ୧୧:୨୫ ପ୍ରେରିତ ୧୭:୨୨ପ୍ରେରିତ ୧୪:୧୯.

୨୬ ☆ଗାଦି ଦେବେଇଁ ସନି ଖାଲେ ଗାଡାଦି ସାନିମାନୁ, ଡଙ୍ଗାରି କିୟୁଦୁ, ଜିହୁଦି ମାରି ଅଣଜିହୁଦିରି କିୟୁଦୁ, ଗାଡ଼ତୁ ମାରି ସୁନ୍‌ସାନ୍‌ବାଡ଼ିତୁ, ସାମ୍‌ଦୁରୁତୁ, ଟକେକିନି ସଙ୍ଗରି ମାଣକୁ ସାନିମାନୁ ସାମ୍‌ନା କିତାମାନା ।

୨୭ ବେସିନାଣ୍ଡ ପାଣି କିତାମାନା ମାରି ଦୁକ୍ କାଷୁ ବୋଗକିତାମାନାନ୍, ସୁଜୁଏଣ୍‌ଗା ମାରି ବାଙ୍ଗା, ଏରକିଦାନ୍ ବେସିଦିନ୍ କାଟେ କିତାମାନା, ନେଗି କାଦି, ଆଙ୍ଗା ମାରି ତରୁନିବାଡ଼ି ସିଲେତି ଉଣ୍ଡିଙ୍ଗ ବେସି କାଷୁ ପୟତାମାନା ।

୨୮ ଇୟାକା ଝିଜୁ ଡ଼ିସ୍‌ଡ଼ିଙ୍ଗ ଝିଜୁ ମଣ୍ଡଲିଆଙ୍ଗା ଉଣ୍ଡିଙ୍ଗ ନା ଦାଇଡ଼ ଝିଜୁ ଦିନ୍ ପିଣ୍ଡିଜି ବୁଲାଇନା ।

୨୯ ଏନ୍ ଜଦି ଦୁର୍ବଲ ଆନାନ୍, ନାନୁ ବା ଖାନି ଖାଲେ ଦୁର୍ବଲ ଏଡ଼କିନା । ଏନ୍ ପାପ୍ କିତିଙ୍ଗ, ନାନ୍ ଜିବନ୍‌ତୁ କାଷୁ ଏଡ଼କିନା ।

୩୦ ଜଦି ଗର୍ବ କିଦେଙ୍ଗ ଆନାଡ଼, ଆରତିଙ୍ଗ ନା ଇୟାଝିଜୁ ଦୁର୍ବଲଦି ଉଣ୍ଡିଙ୍ଗ ନାଙ୍ଗା ଗର୍ବ କିଦେଙ୍ଗ ଆନାଡ଼ ।

୩୧ ପ୍ରବୁ ଜିସୁ କ୍ରିସ୍ତଦି ବୁବା ମାପୁରୁ ଝିଜୁଦିନ୍ ଦନ୍ୟ ଆପିଡ଼ । ଖାନ୍ ନେସ୍‌ନାନ୍ ଜେ, ନାନ୍ ମିଡ଼ ଝେରୁଏଜିନା ।

୩୨ ☆ନାନ୍ ଦାମାସକସ୍‌ଦୁ ମାରଇଖାଲେ ରାଜା ଆରେଟସ୍‌ଦି ଅଦିକାରତାନ୍ ସାସନ୍‌କିନିକାନ୍ ନାଙ୍ଗା ଆସ୍‌ନି ଉଣ୍ଡିଙ୍ଗ ଗାଡ଼ତି ଝିଜୁତରିନ୍ ସନ୍‌ସରିଙ୍ଗ କାପ୍‌କିସ୍‌ କିତାମାହାନ୍ ।

୩୩ ମାତର୍ ନାଙ୍ଗା ସାଟ୍‌ନାଦି ସାହାଜ୍ୟଦାନ୍ ଜରକା ସାରି ଗାଡ଼ତି ଗତା ଆଡ଼ରେ ରେପ୍‌ତା ମାରହାର୍ । ଇୟାଖାଜା ଇସାବ୍‌ତାନ୍ ନାନ୍ ଆୟା ସାସନ୍‌କିନିଖାନି ମାଣକୁ ରକ୍‌ୟା ପୟତାମାର୍‌ଆ ।

୧୨

ପାଉଲତି ତରାୟଆନିକା

୧ ଇନିକା ଲାବ୍ ଆଏତିଙ୍ଗ ବା ନାଙ୍ଗା ଏଣ୍ଡେସ୍‌ବା ଗର୍ବ କିଦେଙ୍ଗ ଆନାଡ଼ । ମାତର୍ ପ୍ରବୁ ନାଙ୍ଗା ଏମେ ଝିଜୁ ଦର୍ସନ ମାରି ତରତା ସିତାମାନାନ୍, ଆୟାଝିଜୁ ଇଲେଇ ନାନୁ ଇନା ।

୨ କ୍ରିସ୍ତଦିମାନୁ ମାନି ଅରେନ ଲୋକ୍ ସଉଦ ବାସେକ୍ ଆଗ୍‌ଡ଼ି ମୁନ୍‌ଡ଼ିରିପୁରତୁ ସର୍ହାମାହାନ୍ ଖାନ୍ ନିଜେଦି ମେନ୍‌ଲ୍‌ତାନ୍ ସର୍ହାମାହାନ୍ ବା ଲବ୍ ସୁଡ଼ତୁମାହାନ୍, ନାନୁ ନେସେଏ, ଆକା କେବଲ ମାପୁରୁ ନେସ୍‌ନାନ୍ ।

୩ ନାନୁ ନେସ୍‌ନା, ଖାନିଙ୍ଗ ମୁସ୍‌କୁପୁରତି ତଡ଼ିତୁ ଅଆୟଆତାମାହାଡ଼ ଖାନ୍ ମେନ୍‌ଲ୍‌ତୁ ମାହାନ୍ ନୋ ମେନ୍‌ଲ୍‌ ଆଡ଼ରେ ମାହାନ୍, ନାନୁ ନେସେଏ, କେବଲ ମାପୁରୁନେ ନେସ୍‌ନାନ୍ ।

୪ ଆବେନ୍ ଖାନ୍ ମାଟାଦୁ ଇନ୍‌ଏଣ୍ଡା ମାରି ବଲ୍ କିଦେଙ୍ଗ ଆଟ୍‌ନିନାନି ମାଟା ଝେନ୍‌ଡ଼େଙ୍ଗ ଆଟ୍‌ତାମାହାନ୍ ।

୫ ଇୟା ଲୋକ୍‌ତି ଉଣ୍ଡିଙ୍ଗ ନାନୁ ଗର୍ବ କିନା । ମାତର୍ ନିଜେଦି ସାକ୍ରିସିଲିକା ଡ଼ିସ୍‌ଡ଼ିଙ୍ଗ ଆଇ ଇନି ବିସୟତୁ ନାନୁ ଗର୍ବ କିହେ ।

୬ ଗର୍ବ କିନିକା ନା ମାଡ଼ାନ୍‌କୁ ମୁକ୍ ଆଏଡ଼, ଇରିଙ୍ଗ ନାନୁ ସଡ଼ ମାଟା ଇନା । ମାତର୍ ନାନୁ ଗର୍ବ କିଏଜିନା, ଇରିଙ୍ଗ ନାନୁ ବଦାକିନା, ଲୋକୁ ନାଙ୍ଗା ଏଣ୍ଡେସ୍ ପାଣି କିନିକା ସୁଣାର୍ ବା ନା ମାଡ଼ାନ୍‌କୁ ଏଣ୍ଡେସ୍ ମାଟା ଝେନାର୍, ଖାନି ମାଡ଼ାନ୍‌କୁ ନାଙ୍ଗା ପେରିକାନ୍ ଇଜି ମନ୍‌ତୁ ଇନ୍‌ମାକିର୍ ।

୭ ଇୟା ଇସ୍‌ ପୁନା ତରାନିକା ଲାବ୍‌କିଜି ନାନୁ ଏଣ୍ଡେସ୍ ଆକାର୍ ଆଏ, ଇୟାଉଣ୍ଡିଙ୍ଗ ନା ମେନ୍‌ଲ୍‌ତୁ ଉଣ୍ଡି, ନନି ନୋପି ସିଆୟ ଆତାମାନାନ୍, ଇକା ନାଙ୍ଗା ଗର୍ବ ଆଇ ଉଣ୍ଡିଙ୍ଗ ସୟତାନ୍‌ଦି ଦୁଡ଼ ଖାଜା ପାଣିକିନାମାନାଡ଼ ।

୮ ଇବେଟ୍‌କୁ ଆକ କିଦେଙ୍ଗ ନାନୁ ପ୍ରବୁଦି ଲାକୁଡ଼ୁ ମୁଜା ପାର୍‌ତନା ଅନୁରୋଦ କିତାମାନା ।

୯ ମାତର୍ ଖାନ୍ ନାଙ୍ଗା ଇହାନ୍, “ନା ଦୟା ନି ଉଣ୍ଡିଙ୍ଗ ନାଣ୍ଡ, ନିନୁ ସାକ୍ରିସିଲିଖାଲେ ନା ସାକ୍ରି ପୁରା ଦାନ୍ ତରାୟ ଆନାଡ଼ ।” ଆଦେଙ୍ଗ କ୍ରିସ୍ତଦି ସାକ୍ରି ନା ମାନୁ ବାସାନି ଉଣ୍ଡିଙ୍ଗ ନାନୁ ନା ସାକ୍ରିସିଲି ଉଣ୍ଡିଙ୍ଗ ନାଣ୍ଡ ଗର୍ବ କିନା ମାରି ଝେଡ଼ିକା ଆନା ।

୧୦ ମାରି କ୍ରିସ୍ତଦି ଉଣ୍ଡିଙ୍ଗ ଝିଜୁ ରକମ୍‌ଡ଼ି ସାକ୍ରିସିଲିକା, ଅପମାନ୍, କାଷ୍ଟୁ, ତାଡ଼ନା, ମାରି ସାନିଜିନିକା ନାନୁ ଝେଡ଼ିକାଦାନ୍‌ଜିନା, ଇରିଙ୍ଗ ଏସ୍‌ିଖାଲେ ନାନୁ ସାକ୍ରିସିଲେ, ନାସ୍‌ିଖାଲେ ନାନୁ ବପୁଦିକାନ୍ ।

ପାଉଲ କରକ୍ରି ବିସ୍‌ବାସ୍‌ରି ସିନ୍ତା କିତାନ୍

୧୧ ନାନୁ ବୁଦିସିଲି ଖାଜା ବ୍ୟବହାର୍ କିଜିନା । ଇକା କିନି ଉଣ୍ଡିଙ୍ଗ ମିର୍ ନାଙ୍ଗା ଜାସେପେଲା କିତିମାନିଦେର୍, ମାତର୍ ନା ପ୍ରସ୍‌ସା କିନିକା ମି ଟିକ୍ ମାହାଡ଼ । ନାନୁ ଇନିକା ଆଏତିଙ୍ଗ ବା ମି ଆୟା ପେରି “ପ୍ରେରିତ ସିସୁରି” ମାଣକୁ ଇନି ଗୁଣ୍ଡୁତାନ୍ ଇସ୍‌ିକାନ୍ ଆଏ ।

୧୨ ମି ଲୋଇ ସାସ୍‌ତାନ୍ ନାଣ୍ଡ କାବାଆନି ପାଣି ପୁରାକିଜି ନାଣ୍ଡ କାବାଆନି ବିସୟତାନ୍ ନାନୁ ଯେ ସତେନେ ଅରେନ୍ ପ୍ରେରିତ ସିସୁ, ତେନି ପାର୍‌ମାଣ୍ ସିତାମାନା ।

୧୩ କେବଲ ଉଣ୍ଡି, ବିସୟତୁ ଆଇ ମଣ୍ଡଲିମାଣ୍ଡୁକୁ ମି ଖାଲେ ନାନ୍ ମିଙ୍ଗା ତାବୁଙ୍ଗ ଲସ୍‌ନି ଉଣ୍ଡିଙ୍ଗ ବଜୁ ଖାଜା ଆଏ । ଜଦି ଇକା ମି ଉଣ୍ଡିଙ୍ଗ ନା ତାଗଲ ଜିବନ୍‌ତି ବ୍ୟବହାର୍, ଆରତିଙ୍ଗ ଇୟାଉଣ୍ଡିଙ୍ଗ ନାଙ୍ଗା ଦୟାକିଜି କେମା କିଦୁ ।

☆ ୧୧:୨୭ ପ୍ରେରିତ ୯:୨୩ପ୍ରେରିତ ୧୪:୫. ☆ ୧୧:୩୨ ପ୍ରେରିତ ୯:୨୩-୨୫.

୧୪ ମୁଣ୍ଡି ଦେବେଙ୍ଗ ଉଣ୍ଡିଙ୍ଗ ମି ଲାକୁଡୁ ସନି ଉଣ୍ଡିଙ୍ଗ ନାନୁ ତିଆର ଆଜିନା । ନାନୁ ମି ମାଡାନକୁ ଇନି ବିସୟ ଦାବି କିଏ । ନାନୁ ମିଙ୍ଗ ଇଛାକିନା । ମି ଦନସମ୍ପତି ସିଲେ । ଇରିଙ୍ଗ ବୁବା ଯାୟାରି ଉଣ୍ଡିଙ୍ଗ କଡକକରା ଉଣ୍ଡା କିଏର, ବୁବା ଯାୟା କଡକକାରି ଉଣ୍ଡିଙ୍ଗ ଦନ ଉଣ୍ଡାକିନିକା ମାନାଡ ।

୧୫ ମିଙ୍ଗ ସାହାଜ୍ୟ କିନି ଉଣ୍ଡିଙ୍ଗ ନା ଝିଜୁ, ଇୟାଝାଜାକି ନିଜେଦିଙ୍ଗ ଝେଡିକାଦାନ ସରପେ କିନିସିନି ଉଣ୍ଡିଙ୍ଗ ନାନୁ ତିଆର ଆତାମାନା । ନାନୁ ମିଙ୍ଗ ନାଣ୍ଡ ଜିବନ୍ନୋଜିନା ଇଜି ମିର ଇନିକା ନାଙ୍ଗ ନିସ ଉଣା ଜିବନ୍ନୋନିଦେର ?

୧୬ ନାନୁ ମି ମୁସକୁ ବଜୁଦି ଝାଜା ଆଏ । ଇୟା ବଲୁ ମିର ସତେନେ ମାନାନିଦେର । ମାତର ମି ମାଣ୍ଡକୁ ଏନ୍ ଝେରତେଙ୍ଗ ଆଟନାନ, ନାନୁ ସାଲାକି ଆତିମାନିଙ୍ଗ ମିର ଝେରିସି ମିଙ୍ଗ ଉରିଦୁ ପୋକ୍ତାମାନାନ ।

୧୭ ମି ଲାକ୍ତୁ ଏମେଝାରିଙ୍ଗ ପୋକ୍ତାମାନା, ଝାରିମାଣ୍ଡକୁ ବା ଏମାଣ୍ଡକୁ ନାନୁ ଇନିକା ମିମାଣ୍ଡକୁ ଇନି ସୁବିଦା ରେଲିଜିଅତାମାନା ?

୧୮ ମି ଲାକ୍ତୁ ସନିଉଣ୍ଡିଙ୍ଗ ନାନୁ ତିତସଦିଙ୍ଗ ଅନୁରୋଦ କିତା ମାରି ଝାନିଝାଲେ ଆଇ ତଡାନକାଙ୍ଗ ପୋକ୍ତା । ତିତସ ମି ଲୋଇରାନ ଇନି ସୁବିଦା ପୟତାମାନାନ ଇଜି ଏନ୍ ଇନ୍ଦ୍ରେଙ୍ଗ ଆଟନାନ ? ଝାନ ମାରି ନାନୁ ଇନିକା ସାମାନ ପାଣି ଅସି ମି ଝାଲେ ସାମାନ ବ୍ୟବହାର କିଏ ନୋ ?

୧୯ ଏଣ୍ଡେସାତିଙ୍ଗ ମିର ଅଡବିଜିନିଦେର ଜେ, ଇୟାସାଦି ମାପୁ କେବଲ ନିଜେଦିକା ନରଜି ସିଜି ଝାତାମାନାପ୍ ନୋ ! ମାପୁରୁଦି ଆଗଡି କ୍ରସ୍ତ ମାଙ୍ଗ ଇରଇ ଝାଜା ମାପ୍ ମିଙ୍ଗ ଇଜିନାପ୍ । ଲାଡଡି ତଡକୁ, ମାପୁ ଏମେକା କିଜିନାପ୍ ଆକା କେବଲ ମି ନେଗି ଉଣ୍ଡିଙ୍ଗ କିଜିନାପ୍ ।

୨୦ ଇରିଙ୍ଗ ନାନୁ ତିଏଲ ଝାଜିନାଡ, ନାନୁ ମି ଲାକ୍ତୁ ଝାଜି ମିଙ୍ଗ ଏଣ୍ଡେସ୍ ସୁଡୁଦେଙ୍ଗ ବଦା କିଜିନା, ଆୟାଝାଜା ସୁଡୁଦେଙ୍ଗ ଆଟଏ ମାରି ମିର ନା ଆମା ରୁପ୍ ସୁଡୁଦେଙ୍ଗ ବଦା କିଜିନିଦେର, ଆରଡିଙ୍ଗ ଆକା ସୁଡୁଦେଙ୍ଗ ଆଟନିଦେର । ଆରଡିଙ୍ଗ ଆବେନ୍ ସଲ୍ସି ନାନୁ ଝିଜୁ ରକମତି ଜାଟି, ଆକାର, ରିସା, ଗର୍ବ କିନିକା, ସୁରି, ଗର୍ବ, ମାରି ସାକ୍ତିସିଲିକା ସୁଡୁଦେଙ୍ଗ ଆଟନା ।

୨୧ ଇଲେଇ ମି ଲାକ୍ତୁ ସନିଝାଲେ ଆୟାଝାଜା ମାପୁରୁ ମି ଆଗଡି ନାଙ୍ଗ ସେମାର କିନାନ, ଏମେକାର ଆଗଡିରାନ ପାପ କିତାମାନାର, ମାତର ଝାରି ତାଗ୍ଲ ପାଣିଝିଜୁ, ଲାଲାୟ ମାରି ଦାରିପାଣି ଉଣ୍ଡିଙ୍ଗ ମନ୍ଦବାଦ୍ଲେ କିଏର, ଇୟାଝାଜା ନାଣ୍ଡଲୋକ୍ ଉଣ୍ଡିଙ୍ଗ ନାଙ୍ଗ ଆଡବାଦେଙ୍ଗ ଆନାଡ ।

୧୩

ସାରାସାରି ଜାଗାରତା ନି ନମସ୍ତାର

୧ ଇୟାତାନିଙ୍ଗ ମିସାକିଜି ମୁଜା ନାନୁ ମି ଲାକୁଡୁ ଝାଜିନା । ଦର୍ମସାସ୍ତ୍ରଦି ଇସାବତାନ, ରିଏର ସିଲିଡିଙ୍ଗ ମୁଏରରି ସାକିଦି ପାରମାଣ୍ଡତାନ ଝିଜୁ ମାଟା ପୁରା ଆନାଡ ।

୨ ପୁର୍ବେ ପାପ୍ କିତିମାନି ଲୋକାଙ୍ଗ ମାରି ଆଇ ଝିଜେରିଙ୍ଗ ନାନୁ ରିଜା ଆବେନ୍ ସୋଲ୍ସି ଇର୍ହାର ମାରି ଇଲେଇ ଆକମାନିଜି ବା ଇଜିନା ଯେ, ନାନୁ ଇଲେଇ ସରିଙ୍ଗ, ଏନ୍ ଦଣ୍ଡଦାନ ଡିସାଇ ଆଦେଙ୍ଗ ଆଟଏର ।

୩ କ୍ରସ୍ତ ଜେ ନା ମାଣ୍ଡକୁ ସିଜି ଝାରଗିଜିନାନ, ଇୟା ବିସୟତାନ ମିର ଅଡବିନିମାନି ଝିଜୁ ପାରମାଣ୍ଡ ପୋଇନିଦେର । ମି ଉଣ୍ଡିଙ୍ଗ ଝାନ ଏସାଙ୍ଗବା ଦୁର୍ବଲ ଆଏନ୍ । ମାତର ମି ଲାକ୍ତୁ ଝାନ ଝାନି ସାକ୍ତିଦି ପରିଚୟ ସିତାମାନାନ ।

୪ ଝାନ ଦୁର୍ବଲ ଆଜି କ୍ରସ୍ତ ସାତିଙ୍ଗବା ମାପୁରୁଦି ସାକ୍ତିଦାନ ଇଲେଇ ଜିବନ୍ ମାନାନ । ଝାନିଝାଲେ ମିସାଜି ମାପୁ ବା ସାକ୍ତିସିଲି ଝାଜା ଆତାମାନାପ୍, ମାତର ମି ଝାଲେ ମା ମିସାନିମାନୁ ମାପୁରୁଦି ସାକ୍ତିଦି ମିସାଜି କ୍ରସ୍ତଦି ଝାଲେ ମାଡ ଜିବନ୍ ଆନିକା ।

୫ ମିର ବିସବାସତୁ ମାନିଦେର ନୋ ସିଲେ, ନିଜେଦି ପରିକା ନି ବିଚାର କିଜି ସୁଡୁ । ମି ଜିବନ୍ତୁ ଜିସୁ କ୍ରସ୍ତ ବାସାକିଜିନାନ, ଇୟା ବଲୁ ଇନିକା ନେସିଇଦେର ନୋ, ଇବେନ୍ ମିର ଅର୍ସେ ଆରାଡି ଆତିମାନିଦେର ?

୬ ଆସା କିଜିନା, ମିର ବୁଜାଦେଙ୍ଗ ଆଟନିଦେର ଜେ, ମାଡୁ ଆରାଏପ୍ ।

୭ ମିର ଇନି ଅନ୍ୟାୟପାଣିଦୁ ତେବାମାଟ, ଇୟାଉଣ୍ଡିଙ୍ଗ ମାପୁ ମାପୁରୁଦି ଲାକ୍ତୁ ପାରତାନା କିଜିନାପ୍ । ମାପୁ ଜେ ଇବେନ୍ ପରିକାଦୁ ଜିଣାତାମାନାପ୍, ଇକା ମାପୁ ତରତେଙ୍ଗ ସଲ୍ସପ୍, ମାତର ମାପୁ ଆରାଡିମାରିଙ୍ଗ ବା ମିର ଏଣ୍ଡେସ୍ ନେଗି ପାଣି କିନିଦେର, ଇୟାଉଣ୍ଡିଙ୍ଗ ପାରତାନା କିଜିନାପ୍ ।

୮ ସଡଡିଙ୍ଗ ବିରୁଦ୍ କିଦେଙ୍ଗ ମା ଅଦିକାର ସିଲେଡ; ମାପୁ କେବଲ ସଡଡି ଉଣ୍ଡିଙ୍ଗ ପାଣି କିଦେଙ୍ଗ ଆଟନାପ୍ ।

୯ ମାପୁ ଦୁର୍ବଲ ମାରଇଝାଲେ ମିର ସାକ୍ତିମାନିଙ୍ଗ ମାପୁ ଝେଡିକା । ଆୟାଉଣ୍ଡିଙ୍ଗ ମି ନେକ୍କାଆନି ଉଣ୍ଡିଙ୍ଗ ମାପୁ ପାରତାନା କିଜିନାପ୍ ।

୧୦ ଆୟାଉଣ୍ଡିଙ୍ଗ ଆକ ମାନଜି ନାନୁ ମି ଲାକ୍ତୁ ଇୟା ସିଡି ରାସ୍ସିନା, ଆବେଣାନ ମି ଲାକ୍ତୁ ଇଗାଝାନି ବେଡାଦୁ ଏଣ୍ଡେସ୍ ଆଟଝାଦି ଝାଜା ନାଙ୍ଗ ଅଦିକାର କିଦେଙ୍ଗ ପଡାଏଡ । ଇରିଙ୍ଗ ମିଙ୍ଗ ରୁକ୍ତେଙ୍ଗ ସିଲେ, ମାତର ତିଆର କିଦେଙ୍ଗ ମାପୁରୁ ନାଙ୍ଗ ଅଦିକାର ସିତାମାନାନ ।

୧୧ ତତ୍ତ୍ୱାନୁକୁ ନି ତାଙ୍କୁ ନା ସାରାସାରି ମାଟା ଇକା ନିଜେଦିଙ୍କ ଟିକ୍ କିଦୁ, ନା ମାଟା ଆସ୍ତୁ, ଓଜେରେ ଉନ୍ତେମାନୁ
ଆଦୁ ମାରି ସାନ୍ତିଦାନ୍ ତେବାଦୁ । ଜିବନ୍ନୋନିକା ମାରି ସାନ୍ତିଦି ମାପୁରୁ ମି ଖାଲେ ତେବାପିନ୍ ।

୧୨ ପବିତ୍ର ରୁମାଦାନ ନିଜେନିଜେଦିଙ୍କ ମାଡିସ୍ କିଦୁ ।

ଓଜେରେ ମାପୁରୁଦିଲୋକ୍ ମିଙ୍କୁ ମାଡିସ୍ କିଜିନାର୍ ।

୧୩ ପ୍ରଭୁ ଜିସୁ କ୍ରିସ୍ତଦି ଦୟା, ମାପୁରୁଦି ଜିବନ୍ନୋନିକା ମାରି ପବିତ୍ରଆତ୍ମାଦି ସାହାଜ୍ୟ ମି ଓଜେରି ଖାଲେ ମାନିଡ୍ ।

ଗାଳାତିୟ ଲୋକମାନଙ୍କ ନିକଟକୁ ପାଉଲଙ୍କ ପତ୍ର ଗାଳାତିୟ ଲୋକା ଲାକ୍ତୁ ପାଉଲ୍‌ତି ଆକୁ ଗାଳାତିୟ ଆକୁ ବିସୟତାନ୍ ଏସ ମାଟା

ଗାଳାତିୟ ବଇ ପ୍ରେରିତ ପାଉଲ୍‌ଦି ମାଣାନ୍ ରାସାତା ମାନାତ୍ ୧:୧ । ଇୟା ବଇଆଙ୍ଗା ଜିସୁ କ୍ରିସ୍ତଦି ଜନମ୍‌ଦି ୪୮-୫୭ ବାର୍ଷେକ୍ ଲୋଇ ଗାଳାତିୟ ମଣ୍ଡଲିଦି ବିସ୍‌ବାସ୍‌ସିରିଙ୍ଗ୍ ରାସାତା ମାର୍ହାତ୍ । ଆନାତ୍‌ସୁଗି ଗାଳାତିୟର ରମିୟ ଦେସ୍‌ତି ଗାଳାତିଆଦୁ ବାସାତା ମାର୍ହାତ୍ । ପାଉଲ୍ ଇୟା ବଇ ରାସ୍‌ନି ଖାଲେ ଏମେମାନୁ ମାର୍ହାନ୍, ଇବେନୁ ପଣ୍ଡିତକୁ ସତ୍ ଇନାର୍ । ମାତର୍ ଏପିସି ମାରି କରନ୍ତି ଇୟା ରୁଣ୍ଡି ବାତିଙ୍ଗ୍ ଆନେ ସୁଗି ଇଜି ଖେରନାନ୍ ।

ପାଉଲ୍ ଗାଳାତିୟ ମଣ୍ଡଲିଦି ଜିହୁଦି ମାରି ଅଣଜିହୁଦି କ୍ରିସ୍ତୁଆନ୍ ଲୋକା ଟିକଣା ଖେରସି ବଇ ରାସ୍‌ନାନ୍ । ଖାନ୍ ନେସ୍‌ନିଖାଜା ମିର୍ ସିକ୍‌ୟାଦିଙ୍ଗ୍ ସାମ୍‌ନାସାମ୍‌ନି କିନି ଉଣ୍ଡିଙ୍ଗ୍ ରାସ୍‌ତାମାର୍ହାନ୍, ଆକା କ୍ରିସ୍ତୁଆନ୍ ଲୋକାଙ୍ଗ୍ ପାଡ଼ିଇ ନିୟମ୍‌ଦି ଜିହୁଦି ନିୟମ୍‌ତିଙ୍ଗ୍ ଖାଲେ ସନ୍‌ଡ୍ରେଙ୍ଗ୍ ଇନାଈଆଜିନାତ୍, ନେସ୍‌ନିଖାଜା ସୁନ୍‌ତ ବିଦି ବିସୟତାନ୍ । କ୍ରିସ୍ତୁଆନ୍ ଲୋକା ଲୋଇରାନ୍ ଏସ ଦଲ୍ ମାର୍ହାତ୍ ଆମାଖାରିଙ୍ଗ୍ ଜିହୁଦିରମାଟା ଇଜି ଖେରସି ମାର୍ହାତ୍ । ଖାନ୍ ଅଣଜିହୁଦି କ୍ରିସ୍ତୁଆନ୍ ଲୋକାଙ୍ଗ୍ ସୁନ୍‌ତ ବିଦି ମାନାଦେଙ୍ଗ୍ ଖେରସି ମାର୍ଥାର୍ । ଖାନ୍ ବା ପାଉଲ୍‌ଦି ପ୍ରେରିତ ଆତିମାନି ଅଦିକାର୍ ବିସୟତାନ୍ ଖେନ୍‌ବାଜି ମାର୍ହାତ୍ ।

ପାଉଲ୍ ଏସ କାତା ଇସାବ୍‌ଦାନ୍ ଖାନ୍ ପ୍ରେରିତ ଆତିମାନି ବିସୟ ଖେରସି ଖାରିଙ୍ଗ୍ ଜାତିଜଗତା କିନାନ୍ ୧:୧୧-୨:୧୪ ମାରି ଜିସୁକ୍ରିସ୍ତଦିଙ୍ଗ୍ ବିସ୍‌ବାସ୍ କିନି ମାଣାନ୍ ମୁକୁତାନିକା ପୟଜି ଇକା ବୁଜାକିଜି ସୁସମାଚାର୍‌ଦିଙ୍ଗ୍ ରକ୍‌ୟା କିନାନ୍ ୨:୧୬ । ଆମାକା ମାପୁରୁଦି ଦୟାଦାନ୍ ଆନାମାନାତ୍ ଲୋକୁ ଆମାକା କିନାମାନାନ୍ ଆବେନୁ ସିଲେ ।

ଇୟା ଆକୁତୁ ମାନି ଏସ ମୁକିୟ ବିସୟ

- ୧. ପାଉଲ୍‌ଦି ମାଡ଼ିସ୍‌କିନିକା । ୧:୧-୫
- ୨. ପାଉଲ୍‌ଦି ପାଡ଼ିଇ ଜିବନ୍, ଖାନ୍ ସିକ୍‌ୟା ଅଦିକାର୍, ନିୟମ୍‌ଦି ପାଣିକିନି ବିସୟ । ୧:୬-୨:୨୧
- ୩. ନିୟମ୍‌ଦି ପାଣି ମାରି ମାପୁରୁଦି ଦୟାଦାନ୍ ମୁକୁତାନି ବିସୟ । ୩-୪
- ୪. ପୁରାନେଗି କ୍ରିସ୍ତୁଆନ୍ ଲୋକୁ ଜିନିମାଡ଼ିନି ଉଣ୍ଡିଙ୍ଗ୍ ଖେରନାନ୍ । ୫:୬-୧୦
- ୫. ପାଉଲ୍‌ଦି ମାଡ଼ିସ୍‌କିନିକା ମାରି ମାପୁରୁଦି ମାଣାନ୍ ଜିବନ୍ ବାଦେଲ୍‌କିନି ମାଟା । ୬:୧୧-୧୮

^୧ ନାନ୍ ପେରିତ ସିସୁ ପାଉଲ୍ ଆଦେଙ୍ଗ୍ ଇଜି ନାନ୍ ଲୋକାମାଣାନ୍ ବା ଲୋକା ବଦାଦାନ୍ କୁକାୟ୍ ଆଏ, ଇୟା କୁକ୍‌ନିକା, ନିଜେ ମାପୁରୁ ମାଣାନ୍ ମାରି ଖାନ୍ ଆମାଖାନିଙ୍ଗ୍ ସାତିମାଣାନ୍ ନିକ୍‌ତାମାନାନ୍, ଆୟା ଜିସୁ କ୍ରିସ୍ତ ମାଣାନ୍ ପୟତାମାନାପ୍ ।

^୨ ମାରି ନା ଖାଲେ ମାନି ବିସ୍‌ବାସ୍‌ତି ତତ୍‌ତାନ୍‌କୁ ନି ତାଙ୍ଗିକ୍ ଖିଜେରେ ଗାଳାତିଆ ମଣ୍ଡଲିଆଙ୍ଗ୍ ମାଡ଼ିସ୍‌କିଜିନାପ୍ ।

^୩ ମା ବୁବା ମାପୁରୁ ନି ପ୍ରବୁ ଜିସୁ କ୍ରିସ୍ତ ମିଙ୍ଗ୍ ଦୟା ନି ସାନ୍ତି ସିପିନ୍ ।

^୪ ଇଲେଇତି ଇୟା ପାପ୍ ଦୁନିଆଦାନ୍ ମାଙ୍ଗ୍ ରକ୍‌ୟା କିଦେଙ୍ଗ୍ ଇଜି, ମା ବୁବା ମାପୁରୁଦି ବଦା ମାନାଜି, କ୍ରିସ୍ତ ମା ପାପ୍ ଉଣ୍ଡିଙ୍ଗ୍ ନିଜେଦିଙ୍ଗ୍ ସର୍ପେ କିତାନ୍ ।

^୫ ଜୁଗ୍ ଜୁଗ୍ ମାପୁରୁ ଗୌରବ୍ ଆପିନ୍ । ଆମେନ୍ ।

ଉନ୍‌ଶ୍ରେ_ନେ ସୁସମାଚାର୍

^୬ କ୍ରିସ୍ତଦି ଦୟାଦାନ୍ ଜେ ମିଙ୍ଗ୍ କୁକ୍‌ତାମାର୍ହାନ୍, ନିସା ବେଗି ମିର୍ ଖାନିଙ୍ଗ୍ ଡ଼ିସ୍‌ସି ଆଇ ଉନ୍‌ଶ୍ରି_ ସୁସମାଚାର୍ ତରିନ୍ ମୋନ୍‌ଦିୟାନ୍ ସିଜିନିଦେର୍, ଆୟାଉଣ୍ଡିଙ୍ଗ୍ ନାନ୍ କାବା ଆଜିନା ।

^୭ ସତ୍‌ତାନ୍ “ଆଇ ଇନି ସୁସମାଚାର୍” ସିଲେତ୍ । ମାତର୍ ନାନ୍ ଇୟାଖାଜା ଇଜିନା, ଇରିଙ୍ଗ୍ ଏସଲୋକ୍ କ୍ରିସ୍ତଦି ସୁସମାଚାର୍‌ତିଙ୍ଗ୍ ଆଇ ରୁପ୍ ସିଜି, ମିଙ୍ଗ୍ ବେଗ୍ କିଦେଙ୍ଗ୍ ସେସ୍‌ୟା କିଜିନାର୍ ।

^୮ ମାତର୍ ମାପ୍ ମି ଲାକ୍ତୁ ଏମେ ସୁସମାଚାର୍ ପ୍ରଚାର୍ ସିତାମାର୍ହାପ୍, ଜଦି ତାନିମାଣାନ୍ ଆଇ ଉନ୍‌ଶ୍ରି_ ସୁସମାଚାର୍ ମାପ୍ ନିଜେ ମାରି ମୁସକ୍‌ପୁରତି ଦୁତ୍ ପ୍ରଚାର୍ କିନାତ୍, ଆର୍‌ତିଙ୍ଗ୍ ଖାନ୍ ଅବିସାପ୍ ଆପିନ୍ ।

^୯ ମାପ୍ ପୁର୍ବେ ଇକା ଇର୍ହାମାର୍ହାପ୍ ମାରି ଇଲେଇ ନାନ୍ ମାରିଡ଼େସି ଇଜିନା, ମିର୍ ଏମେ ସୁସମାଚାର୍ ମାନାତି ମାନିଦେର୍, ତାନିମାଣାନ୍ ଆଇ ଇନି ସୁସମାଚାର୍ ଜଦି ଏନ୍ ପ୍ରଚାର୍ କିନାନ୍, ଆର୍‌ତିଙ୍ଗ୍ ଖାନ୍ ଅବିସାପ୍ ଆପିନ୍ ।

^{୧୦} ଇକା ଖେନ୍‌ଜି ମିର୍ ଇନିକା ଅଡ଼୍‌ବିଜିନିଦେର୍ ଜେ, ନାନ୍ ଲୋକ୍ ସାକା ଆନିକା ଲାବ୍ କିନି ଉଣ୍ଡିଙ୍ଗ୍ ସେସ୍‌ୟା କିଜିନା ? ସିଲେ, ଏସାଙ୍ଗ୍ ସିଲେ । ନାନ୍ ବଦାକିନା କେବଲ୍ ମାପୁରୁଦି ସାକା । ନାନ୍ ଇନିକା ଖେଙ୍ଗ୍ ଦେଙ୍ଗ୍ ଆନି ଉଣ୍ଡିଙ୍ଗ୍

ବଦା କିଜିନା ? ନାନୁ ଜଦି ଇୟାସାନ୍ଦି ଝେଙ୍ଗଦେଙ୍ଗ୍ ଇଜି ସେଷ୍ଟୁ କିତାମାନ୍ଦି, ଆରତିଙ୍ଗ୍ ନାନୁ ନେର୍ କ୍ରିସ୍ତଦି ସେବାକିନିକିନ୍ଦା ଆଏତାମାନ୍ଦି ।

ପାଉଲ ଏଣ୍ଡେସ୍ ପେରିତ ସିସୁ ଆତାନ୍

୧୧ ଏ ତଡାନ୍କୁ ତାଙ୍ଗ୍ କି, ମିଙ୍ଗ୍ ଝେର୍ସିନା ଜେ, ନାନୁ ଏମେ ସୁସମାଚାର୍ ପ୍ରଚାର୍ କିନା, ଆକା ଲୋକା ମାଣାନ୍ ରେଏଡ୍ ।

୧୨ ନାନୁ ଇନି ଲୋକାମାଣାନ୍ ଆକା ପୟ୍ଏ, ମାରି ଏନ୍ ନାଙ୍ଗ୍ ଆକା ଅଜା କିଏନ୍ । ନିଜେ ଜିସୁ କ୍ରିସ୍ତ ଆକା ନା ଲାକ୍ତୁ ତରତାମାନାନ୍ ।

୧୩ *ଜିହୁଦି ଦାମ୍ ଜିହୁଦି ଝେଡ଼ିକାମାନି ସମୟତୁ ନାନ୍ ଏଣ୍ଡେସ୍ ଜିବନ୍ ଜିଜିମାନ୍ଦା, ଏଣ୍ଡେସ୍ ତାଗ୍ଏଣ୍ଡା ମାପୁରୁଦି ସେବା କିନି ମଣ୍ଡୁଲିଦିଙ୍ଗ୍ ତାତନା କିଜିମାନ୍ଦା ମାରି ତାନିଙ୍ଗ୍ ଦଂସ କିନି ଉଣ୍ଡିଙ୍ଗ୍ ଏଣ୍ଡେସ୍ ବେଗିଆନାଡ୍ ସେଷ୍ଟୁ କିଜିମାନ୍ଦା, ଇୟାସ୍ତୁ ବିସୟ୍ ମିଙ୍ଗ୍ ଜାଣେ କିଆୟ୍ଆତା ମାନାଡ୍ ।

୧୪ *ଜିହୁଦି ଦାମ୍ ମାନାନିମାନୁ ସାମାନତାନ୍ ଜିହୁଦି ଲୋକାମାନୁ ବା ନାନୁ ଆଗ୍ଡିମାନ୍ଦା ମାରି ମା ଡକ୍ତାଦାଦାରି ରିତିନିତି ଉଣ୍ଡିଙ୍ଗ୍ ନାଣ୍ଡ ମାନାଜିମାନ୍ଦା ।

୧୫ *ମାତର୍ ମାପୁରୁ ଖାନି ଦୟାଦାନ୍ ନା ଜନମ୍ ଆନି ଆଗ୍ଡିରାନ୍ ନାଙ୍ଗ୍ ଆସକିତାମାନ୍ଦାନ୍ ମାରି ଖାନି ସେବା କିନି ଉଣ୍ଡିଙ୍ଗ୍ ନାଙ୍ଗ୍ କୁକ୍ତାମାନ୍ଦାନ୍ ।

୧୬ ମାରି ଅଣଜିହୁଦି ଲୋକା ଲାକ୍ତୁ ସୁସମାଚାର୍ ପ୍ରଚାର୍ କିନି ଉଣ୍ଡିଙ୍ଗ୍ ଏସ୍ତ୍ରିଝାଲେ ନା ଲାକ୍ତୁ ଖାନ୍ ଖାନି ମାରିସିଙ୍ଗ୍ ତରତାନ୍, ଇୟା ବିସୟ୍ତାନ୍ ସିକିୟା ସିଦେଙ୍ଗ୍ ଇଜି ନାନ୍ ଆଇ ଏ ଲାକ୍ତୁ ସଲ୍ଏ ମାନ୍ଦା ।

୧୭ ଇୟାଝାଜାକି ନା ଆଗ୍ଡିରାନ୍ ଏମେକାର୍ ପେରିତ ସିସୁ ଆତାମାନ୍ଦାନ୍, ଖାରି ଝାଲେ ବା ବେର୍ବୁଡାଦେଙ୍ଗ୍ ଇଜି ଜିରୁସାଲାମତୁ ସଲ୍ଏମାନ୍ଦା । ମାତର୍ ନାନୁ ଦାପ୍ରେ ଦାପ୍ରେ ଆରବ ଦେସ୍ତୁ ସର୍ହାମାନ୍ଦା ମାରି ଝେନ୍ଦକା ଦାମାସକସ୍ତୁ ଡେସି ଝାତା ।

୧୮ *ଇୟାତେନି ତିନ୍ ବାସେକ୍ ଝେନ୍ଦକା ନାନୁ ପିତର୍ଡି ଝାଲେ ମିସାଦେଙ୍ଗ୍ ଇଜି ଜିରୁସାଲାମତୁ ସର୍ହା ମାରି ଖାନି ଝାଲେ ରୁଣ୍ଡି ଝାରେଙ୍ଗ୍ ତେବାତା ମାର୍ଆ ।

୧୯ ପ୍ରୁଦି ତଡାନ୍ ଜାକୁବଙ୍ଗ୍ ଡିସ୍ତିଙ୍ଗ୍ ନା ଆଇ ଏମେ ପେରିତ ସିସୁରି ଝାଲେ ମିସାଏତା ମାନ୍ଦା ।

୨୦ ନାନୁ ଆମାକା ରାସସିନା, ଆକା ସଡ୍; ମାପୁରୁ ନେସ୍ନାନ୍ ନାନୁ ମିସ୍ ଇନ୍ଏ !

୨୧ ତେନିଝେନ୍ଦକା ନାନୁ ସିରିଆ ନି ସିଲିସିଆଦି ନାଣ୍ଡ ବାଡିଆଙ୍ଗ୍ ସର୍ହାମାନ୍ଦା ।

୨୨ ଆୟା ସମୟତୁ ଜିହୁଦା ଦେସ୍ତୁ ମାନି କ୍ରିସ୍ତ ମଣ୍ଡୁଲିଦି ବିସ୍ବାସିର୍ ନାଙ୍ଗ୍ ନେଗେନ୍ତାନ୍ ନେସ୍ଏର୍ ମାର୍ହାର୍ ।

୨୩ ନା ବିସୟ୍ତାନ୍ ଆଇକାର୍ ଆମାକା ଇର୍ହାମାନ୍ଦାର୍, ଝାର୍ କେବଲ ନାସନେ ନେସ୍ତାମାନ୍ଦାର୍ । ଆଇଲୋକାମାଣକୁ ଝାର୍ ଝେର୍ଆମାନ୍ଦାର୍, “ଆମା ଲୋକ୍ ମାଙ୍ଗ୍ ତାତନା କିଜିମାନ୍ଦାନ୍ ମାରି ଅର୍ଲେନ୍ଦ ମା ବିସ୍ବାସ୍ତିଙ୍ଗ୍ ଦଂସ କିଦେଙ୍ଗ୍ ସେଷ୍ଟୁ କିଜିମାନ୍ଦାନ୍, ଇଲେଇ ଖାନ୍ ଆୟା ସୁସମାଚାର୍ତିଙ୍ଗ୍ ପ୍ରଚାର୍ କିଜିନାନ୍ !”

୨୪ ଆୟାଉଣ୍ଡିଙ୍ଗ୍ ଝାର୍ ନା ଉଣ୍ଡିଙ୍ଗ୍ ମାପୁରୁଦି ପ୍ରସଂସା କିଜିମାନ୍ଦାର୍ ।

୨

ପାଉଲ ନି ଆଇ ପ୍ରେରିତ ସିସୁର୍

୧ *ସଉଦ ବାସେକ୍ ଝେନ୍ଦକା ବର୍ଣ୍ଣବାଦି ଝାଲେ ନାନୁ ଜିରୁସାଲାମତୁ ଡେସିସର୍ହାପ୍; ନା ଝାଲେ ତିତସ୍ତିଙ୍ଗ୍ ବା ଅତା ମାନ୍ଦାପ୍ ।

୨ ଆବେ ସନ୍ଡ୍ରେଙ୍ଗ୍ ଆନାଡ୍ ଇଜି ମାପୁରୁମାଣାନ୍ ଦର୍ସନ୍ ପୟ୍ଜି ନାନୁ ସର୍ହାମାନ୍ଦା । ଅଣଜିହୁଦି ଲୋକା ଲାକ୍ତୁ ନାନୁ ଏମେ ସୁସମାଚାର୍ ପ୍ରଚାର୍ କିତାମାନା, ଜିରୁସାଲାମତି ନେତାରିଙ୍ଗ୍ ଉନ୍ଣି ଇଲୁ ମିଟିଙ୍ଗ୍ ଡୁ ଆକା ବୁଜାକିତା ସିତାମାନ୍ଦା । ନା ଆଗ୍ଡିରି ମାରି ଇଲେଇତି ଝେଡାଦି ପାଣି ଏଣ୍ଡେସ୍ ଆରେଏ ଆଏଡ୍, ଆୟାଉଣ୍ଡିଙ୍ଗ୍ ନାନୁ ସୁଡ଼ୁ ମାର୍ହାର୍ ।

୩ ନା ତଡ୍ ତିତସ୍ ଅରେନ୍ ଗ୍ରିକ୍ ଲୋକ୍ ଆଡିମାରିଙ୍ଗ୍ବା, ଖାନିଙ୍ଗ୍ ସୁନ୍ନତ ଆନି ଉଣ୍ଡିଙ୍ଗ୍ ଜିବର୍ଦସ୍ତୁ କିଆୟ୍ ଆଏଡ୍ମାନ୍ଦା ।

୪ ମାତର୍ ଏସ ଲୋକ୍ ଖାନିଙ୍ଗ୍ ସୁନ୍ନତ କିବିସକିଦେଙ୍ଗ୍ ଇଜି ବଦାକିଜିମାନ୍ଦାର୍ । ଝାର୍ ବିସ୍ବାସିରି ତଡାନ୍କୁ ଇଜି ସାଲାକି କିଜି ନେସ୍ଇ ଝାଜା ଦଲ୍ତୁ ମିସାତାମାନ୍ଦାର୍ । କ୍ରିସ୍ତ ଜିସୁଦି ଝାଲେ ମିସାନି ମାଣାନ୍କୁ ମାପ୍ ଏମେ ଜିଣାନିକା ଲାବ୍

* ୧:୧୩ ପ୍ରେରିତ ୮:୩; ୨୨:୪,୫; ୨୭:୯-୧୧. * ୧:୧୪ ପ୍ରେରିତ ୨୨:୩. * ୧:୧୫ ପ୍ରେରିତ ୯:୩-୭; ୨୨:୭-୧୦; ୨୭:୧୩-୧୮. * ୧:୧୮ ପ୍ରେରିତ ୯:୨୭-୩୦. * ୨:୧ ପ୍ରେରିତ ୧୧:୩୦; ୧୫:୨.

କିତାମାନାପ, ତାନିଙ୍ଗ୍ ଓ ପୟଜ ଅତେଙ୍ଗ୍ ଇଜି ଖାରି ଉଦେସ୍ ମାର୍ହାତ୍ । ମାଙ୍ଗ୍ ମାରିଡ଼େସି ନିୟମ୍ତି ଦାସ କିଦେଙ୍ଗ୍ ଖାର ବଦା କିଜିମାର୍ହାତ୍ ।

୫ ମାତର ମି ଉଣ୍ଡିଙ୍ଗ୍ ସୁସମାଚାରତ ସତ୍ତ୍ୱିଙ୍ଗ୍ ଜିପିସ୍‌କି ଇଡ଼ଦେଙ୍ଗ୍ ମାପ୍ ଆୟା ଟକେକିନିଖାରିଙ୍ଗ୍ ସାଣେକ୍ ବା ମାଟା ଇନ୍‌ଡ଼େଙ୍ଗ୍ ସାରି ସିଏପ୍ ମାର୍ହାତ୍ ।

୬ ମାତର ଏମେକାର ନେତା ଇଜି ଖେଙ୍ଗ୍ ଜି ମାର୍ହାତ୍, ଖାର ଜେ ଏର୍ ଆପିର୍, ଆବେ ଇନିକା ନା ସଲ୍‌ଏଡ଼ ରେଏଡ଼; ଇରିଙ୍ଗ୍ ଆଡ଼ରେରି ବୁଲ୍‌ସାଲ୍‌ ସୁଡ଼ଜି ମାପୁରୁ ଏମେଖାନି ବିଚାର କିଏନ୍, ଆୟା ନେତାର ନାଙ୍ଗ୍ ଇନି ପୁନି ମାଟା ସିଏର୍ ମାର୍ହାତ୍ ।

୭ ମାରି ଉନ୍‌ଶ୍ଟି ତରିନ୍, ଖାର ସୁଡ଼ତୁମାର୍ହାତ୍ ଜେ, ମାପୁରୁ ଏଣ୍ଡେସ୍ ଜିହୁଦିଲୋକା ଲାକ୍‌ତୁ ସୁସମାଚାର ପ୍ରଚାର କିନି ଦାୟିତ ପିତରତିଙ୍ଗ୍ ସିତାମାର୍ହାତ୍, ଆୟାଖାଜା ଅଣଜିହୁଦି ଲୋକା ଲାକ୍‌ତୁ ସୁସମାଚାର ପ୍ରଚାର କିନି ଦାୟିତ ନାଙ୍ଗ୍ ସିତାମାନାନ୍,

୮ ଇରିଙ୍ଗ୍ ପିତର ଏଣ୍ଡେସ୍ ମାପୁରୁଦି ସାକ୍ତିଦାନ୍ ଜିହୁଦିଲୋକା ଉଣ୍ଡିଙ୍ଗ୍ ପେରିତ ସିସୁ ଖାଜା ବାସେ କିଆୟାଆତାମାର୍ହାତ୍, ନାନୁ ବା ଟିକ୍ ଆୟାଖାଜା ମାପୁରୁଦି ସାକ୍ତିଦାନ୍ ଅଣଜିହୁଦି ଲୋକା ଉଣ୍ଡିଙ୍ଗ୍ ପେରିତ ସିସୁ ଖାଜା ବାସେ କିଆୟାଆତାମାନା ।

୯ ନାସ୍ତିଖାଲେ ମୁଣ୍ଡା ଖାଜା ଖେଙ୍ଗ୍ ଜିମାନି ଜାକୁବ, ପିତର ନି ଜୋହନ ମାନାତା ମାର୍ହାତ୍ ଜେ, ମାପୁରୁ ନାଙ୍ଗ୍ ଇୟା ଦୟା ପାଣିଦି ଦାୟିତ୍ ସିତାମାନାନ୍ । ଆଦେଙ୍ଗ୍ ଖାର ନାଙ୍ଗ୍ ନି ବର୍ଣ୍ଣବାଦିଙ୍ଗ୍ ଅରସେମାନିକା ଖାଜା ଖେଡ଼ିକାଦାନ୍ ମାନାତାମାନାତ୍ । ବର୍ଣ୍ଣବା ନି ନାନୁ ଅଣଜିହୁଦି ଲୋକା ଲାକ୍‌ତୁ ମାରି ଖାର ଜିହୁଦିଲୋକା ଲାକ୍‌ତୁ ପାଣି କିନାପ୍ ଇଜି ମାପ୍ ଉନ୍‌ଶ୍ଟି ମନ୍ ଆତାମାର୍ହାତ୍ ।

୧୦ ଖାର କେବଲ ନିସନେ ଅନୁରୋଦ କିତାମାର୍ହାତ୍ ଜେ, ମାପ୍ ଖାରି ଦଲ୍‌ତୁ ମାନି କାକୁତ ଲୋକାଙ୍ଗ୍ ଏଡ଼ ଇଡ଼ନାପ୍ । ଆୟା ବିସୟ ଉଣ୍ଡିଙ୍ଗ୍ ନେ ନା ଆସା ମାର୍ହାତ୍ ।

ଆଣ୍ଡିୟକଦୁ ପିତରତିଙ୍ଗ୍ ପାଉଲତି ଲାଗାନିକା

୧୧ ପିତର ଆଣ୍ଡିୟକଦୁ ଖାତିମାର୍‌ଇଖାଲେ ନାନୁ ଓଜେରି ଆଗ୍ତି ଖାନିଙ୍ଗ୍ ଜାଟି କିତାମାର୍‌ଆ, ଇରିଙ୍ଗ୍ ଖାନ୍ ସତେନେ ବୁଲ୍ ପାଣି କିଜିମାର୍ହାତ୍ ।

୧୨ ଜାକୁବଦି ମାଣାନ୍ ପେରିତ ଏସଲୋକ୍ ଆବେନୁ ଖାନି ଆଗ୍ତି, ପିତର ଅଣଜିହୁଦି ତଡ଼ାନ୍‌କୁ ନି ତାଙ୍ଗ୍ ଖାଲେ ଉଣ୍ଡିଜି ମାର୍ହାତ୍ । ମାତର ଆୟା ଲୋକୁ ଖାତି ଖେନ୍‌କା, ଖାନ୍ ଇବେଟ୍‌ତାନ୍ ନିଙ୍ଗ୍ ତା ସର୍ହାନ୍ ମାରି ଖାରି ଖାଲେ ଖାନ୍ ମାରି ଉଣ୍ଡିଏତାନ୍, ଇରିଙ୍ଗ୍ ଅଣଜିହୁଦି ଲୋକୁ ସୁନ୍ନତ ଆନିକା ଦରକାର ଇଜି ଏମେକାର ଇଜିମାର୍ହାତ୍, ଖାନ୍ ଖାରିଙ୍ଗ୍ ଡିଲାଜି ମାର୍ହାତ୍ ।

୧୩ ଆଇ ଜିହୁଦି ତଡ଼ାନ୍‌କୁ ପିତରତି ଖାଲେ ମିସାଜି ଟକେକିନି ଲୋକା ଖାଜା ବ୍ୟବହାର କିଜିମାର୍‌ହାତ୍, ଇୟାଖାଜାକି ବର୍ଣ୍ଣବା ବା ଖାରି ସାଲ୍‌କିଦୁ ଆରତାନ୍ ।

୧୪ ନାନୁ ଏସ୍ତିଖାଲେ ସୁଡ଼ତୁ ଜେ, ସୁସମାଚାରତ ସତ୍ ଇସାବ୍‌ତାନ୍ ଖାର ନେଗେନ୍ ବ୍ୟବହାର କିଏଜିନାର୍, ନାନୁ ଖାରି ଆଗ୍ତି ପିତରତିଙ୍ଗ୍ ଇର୍‌ଆମାର୍ହା, “ଜଦି ନିନୁ ଜିହୁଦିଲୋକୁ ଆଜି ଅଣଜିହୁଦି ଲୋକା ଖାଜା ଜିଜି ମାଡ଼ିଜିନି, ଆର୍‌ତିଙ୍ଗ୍ ଜିହୁଦିଲୋକା ଖାଜା କିଦେଙ୍ଗ୍ ନିନୁ ଅଣଜିହୁଦି ଲୋକାଙ୍ ଏଣ୍ଡେସ୍ ଜବର୍‌ଦସ୍, କିଦେଙ୍ଗ୍‌ଆର୍‌ନି ।”

ବିସ୍‌ବାସ୍‌ତାନ୍ ପରିତ୍ରାଣ ପୋଇନାର୍

୧୫ ସତ୍‌ତାନ୍ ମାପୁ ଜନମ୍‌ତାନ୍ ଜିହୁଦି ଲୋକୁ; ଖାର୍‌ଗିଜିସାନି ଇସାବ୍‌ତାନ୍ “ପାପି ଅଣଜିହୁଦି ଲୋକୁ” ସିଲେ ।

୧୬ ମାପୁ ନେସ୍‌ନାପ, ନିୟମ୍ତି ଦାବିଓଜୁ ପୁରା କିନି ମାଣାନ୍ ସିଲେ, ମାତର କେବଲ ଜିସୁ କ୍ରିସ୍‌ତିମାନୁ ବିସ୍‌ବାସ୍ କିନି ମାଣାନ୍ ଅରେନ୍ ମାପୁରୁଦି ଆଗ୍ତି ଦସ୍‌ସିଲେଣ୍‌ଗା ମିସାଦେଙ୍ଗ୍ ଆଟ୍‌ନାପ୍ । ମାପୁରୁଦି ଆଗ୍ତି ଦାମ୍‌ଲୋକ୍ ଆଦେଙ୍ଗ୍ ଇଜି ମାପ୍ ମାରି ନିୟମ୍ତି ମୁସ୍‌କୁ ଆସା ଇଡ଼ଏନ୍‌ଶ୍ଟା ଜିସୁ କ୍ରିସ୍‌ତିମାନୁ ବିସ୍‌ବାସ୍ କିଜିନାପ, ଇରିଙ୍ଗ୍ କେବଲ ନିୟମ୍ ମାନାନି ମାଣାନ୍ ଏନ୍ ମାପୁରୁ ଆଗ୍ତି ଦାମ୍‌ଲୋକ୍ ଆଦେଙ୍ଗ୍ ଆଟ୍‌ଏନ୍ ।

୧୭ ମାତର କ୍ରିସ୍‌ତି ଖାଲେ ମିସାଜି ମାପୁରୁଦି ଆଗ୍ତି ସେବାକିନି ଦାମ୍‌ଲୋକ୍ ଆଦେଙ୍ଗ୍ ଇଜି ସେସୁ କିତିଖାଲେ, ଜଦି ମାପ୍ ବା ଅଣଜିହୁଦି ଲୋକା ଖାଜା “ପାପି” ଆଜି ତେବାତିମାନିକା, ଇୟାଉଣ୍ଡିଙ୍ଗ୍ ଇନିକା କ୍ରିସ୍‌ ଦାୟି ? ସିଲେ, ଇକା ଏସାଙ୍ଗ୍ ସିଲେ ।

୧୮ ମାତର ଏମେ ନିୟମ୍ତି ଗାଟିଦିଙ୍ଗ୍ ନାନୁ ସିନା କିତାମାନା, ତାନି ମାରିଡ଼େସି ତିଆର୍ କିଦେଙ୍ଗ୍ ସରିଙ୍ଗ୍ ନାନୁ ଦସି ଆନା ।

☆ ୨:୧୭ ରୋମିୟ ୩:୨୦ରୋମିୟ ୩:୨୨.

୧୯ “ନିୟମତି ଉଣ୍ଡିଙ୍ଗ ନାନୁ ପୁରା ସାତାମାନା ଆୟା ନିୟମତାନ୍ ନେ ନାନୁ ସାତାମାନା । ମାତର ନାନୁ ଇଲେଇ ମାପୁରୁଦି ଉଣ୍ଡିଙ୍ଗ ଜିତାମାନା । କ୍ରିସ୍ତଦି ଖାଲେ ଖାନି କୁସକାଟ୍ ମୁସକୁ ନାନ ବା ସାତାମାନା ।

୨୦ ଆଦେଙ୍ଗ ଇଲେଇ ସତ୍ତାନ୍ ନାନୁ ମାରି ଜିଏ, ନା ବାନୁ କ୍ରିସ୍ତ ଜିବନ୍ ମାନାନ୍ । ନାନୁ ଇଲେଇ ଆମା ଜିତି ମାଡ଼ିଜିନା, ଆକା କେବଲ ମାପୁରୁଦି ମାରିନ୍ତି ମୁସକୁ ନା ବିସ୍ବାସତାନ୍ ଆତାମାନାଡ଼, ଏନ୍ ନାଙ୍ଗ୍ ଜିବନ୍ନୋଜି ନା ଉଣ୍ଡିଙ୍ଗ୍ ଖାନି ଜିବନ୍ ସିତାମାନାନ୍ ।

୨୧ ଇୟାଉଣ୍ଡିଙ୍ଗ ମାପୁରୁଦି ଦୟାଦିଙ୍ଗ ନାନୁ ଏସାଙ୍ଗ ଅମାନ୍ୟ କିଏ । ଇରିଙ୍ଗ୍ କେବଲ ନିୟମ୍ ମାନାନି ମାଣାନ୍ ଜଦି ଅରେନ୍ ମାପୁରୁଦି ଆଗଡ଼ି ଦାମ୍ ଆଦେଙ୍ଗ୍ ଆଟନାନ୍, ଆରତିଙ୍ଗ୍ କ୍ରିସ୍ତଦି ସାନିକା ଇନିକା ସିଲେ ଇଜି ଇନ୍ତେଙ୍ଗ୍ ଆନାଡ଼ ।”

୩

ନିୟମ୍ ସିଲିତିଙ୍ଗ୍ ବିସ୍ବାସ

୧ ଏ ବୁଦିସିଲି ଗାଳାତିୟଦି ଲୋକୁ ! ଏନ୍ ମି ମୁସକୁ ଇୟା ଉପାୟ ଖେରତାମାନାନ୍ ? କୁସକାଟ୍ ମୁସକୁ ଜିସୁ କ୍ରିସ୍ତଦି ସାତି ବିସୟ ପୁରାନ୍ଦେସନ୍ ଖାଜା ମି ଲାକ୍ତୁ ଖେରଥାଇ ଆତାମାନାଡ଼ ।

୨ ନାଙ୍ଗ୍ ଉନ୍ଣି ମାଟା ଇନ୍ଣି; ନିୟମ୍ ମାନାଜିନି ମାଣକୁ ମିର୍ ପବିତ୍ର ଆମ୍ବଦିଙ୍ଗ ପୟତିମାନିଦେର୍, ନୋ, ମିର୍ ସୁସମାଚାର୍ ଖେନ୍ଜି ଆବେନ୍ ବିସ୍ବାସ କିଜିନି ମାଣକୁ ?

୩ ମିର୍ ଇନିକା ନିସବା ବୁଜାଦେଙ୍ଗ୍ ଆଟଇଜିନିଦେର୍ ? ଆଇଆମ୍ବଦି ସାଲିଦାନ୍ ମିର୍ ଆମା ଜିବନ୍ ଆରାମ୍ କିତିମାନିଦେର୍, ନିଜେଦି ସାଲିଦାନ୍ ଇନିକା ତାନିଙ୍ଗ୍ ପୁରା କିଦେଙ୍ଗ୍ ଅଡ଼ବିଜିନି ?

୪ ଇୟାଉଣ୍ଡିଙ୍ଗ୍ ମି ଖିଜୁ ଏଡ଼କିତିମାଟା ଇନିକା ଖାରଇକା ? ଆବେଣୁକୁ ଇନିକା ଅଡ଼ପବା ଅଜାଇଦେର୍ ?

୫ ମିର୍ କେବଲ ନିୟମ୍ତୁ ବିସ୍ବାସ କିଜିମାନିଙ୍ଗ୍ ଇନିକା ମାପୁରୁ ମିଙ୍ଗ୍ ଖାନି ଆମ୍ବ ସିତାମାନାନ୍ ମାରି ମି ଲୋଇ ସାଲିଦି ପାଣିଖିଜୁ ପୁରା କିନାନ୍, ନୋ, ମିର୍ ସୁସମାଚାର୍ ଖେନ୍ଜି ଆବେନ୍ ବିସ୍ବାସ କିଜିନିଦେର୍ ଇଜି ?

୬ ମାରି ଅବ୍ରାହାମତି ମାଟା ଏଡ଼ କିଦୁ । ସାସ୍ତୁ ରାସାତାମାନାଡ଼, “ଖାନ୍ ମାପୁରୁଦିମାନୁ ବିସ୍ବାସ କିତାନ୍ ମାରି ଖାନି ବିସ୍ବାସତି ଉଣ୍ଡିଙ୍ଗ୍ ମାପୁରୁ ଖାନିଙ୍ଗ୍ ଦାମ୍ବଦିକାନ୍ ଖାଜା ମାନାତାନ୍ ।”

୭ ଇକା ମିର୍ ନେସ୍ତୁ, ଆମାକାର ବିସ୍ବାସ କିଦେଙ୍ଗ୍ ତାଟ୍, କେବଲ ଆୟାକାରନେ ଅବ୍ରାହାମତି ସତ୍ତି ମାରିନ୍କୁ, ଆଗଡ଼ିରାନ୍ ଦାମ୍ବସାସ୍ତୁ ରାସାତାମାନାଡ଼, ବିସ୍ବାସତାନ୍ ମାପୁରୁ ଅଣଜିହୁଦି ଲୋକାଙ୍ଗ୍ ବା ଦାମ୍ବଦିଲୋକ୍ ଇଜି ମିସାକିନାନ୍ । ଅବ୍ରାହାମତି ଲାକ୍ତୁ ଇୟା ମାଟା ଆଗଡ଼ି ଖେରଥାଇଆତାମାରାଡ଼, “ମି ମାଣକୁ ମାପୁରୁ ଦୁନିଆଦି ଖିଜୁ ଲୋକାଙ୍ଗ୍ ଆସିର୍ବାଦ୍ କିନାନ୍ ।”

୮ ଅବ୍ରାହାମ ବିସ୍ବାସ କିଜି ଆସିର୍ବାଦ୍ ପୟତାମାର୍ହାନ୍; ଆଦେଙ୍ଗ୍ ଆମାକାର ବିସ୍ବାସ କିନାର୍, ଖାର୍ ଖିଜେରେ ଖାନି ଖାଜା ଆସିର୍ବାଦ୍ ପୟନାର୍ ।

୯୦ ଏମେକାର୍ ନିୟମ୍ ମାନାନି ମୁସକୁ ଆସା ଇଡ଼ନାର୍, ଖାର୍ ଆନାଦୁରିଆଦି ଲୋଇ ଜିନାର୍ । ଇରିଙ୍ଗ୍ ଦାମ୍ବସାସ୍ତୁ ରାସାତାମାନାଡ଼, “ମସାଦି ନିୟମ୍ ବଇଦୁ ଆମା ଖିଜୁ ରାସାତାମାନାଡ଼, ଜଦି ଏନ୍ ପୁରାଦାନ୍ ଆକା ମାନାଏନ୍, ଖାନ୍ ମାପୁରୁଦି ଆନାଦୁରିଆଦି ଲୋକୁ ଆନାନ୍ ।”

୯୧ ଆଦେଙ୍ଗ୍ ଇବେଟ୍ତାନ୍ ପୁରାନ୍ଦେସନ୍ ଖାଜା ଖେରାୟଆନାଡ଼, ନିୟମ୍ତାନ୍ ଏମେ ଲୋକୁ ମାପୁରୁଦି ଆଗଡ଼ି ଦାମ୍ବଲୋକୁ ଆଦେଙ୍ଗ୍ ଆଟ୍ଏନ୍, ଇରିଙ୍ଗ୍ ଦାମ୍ବସାସ୍ତୁ ରାସାତାମାନାଡ଼, “ବିସ୍ବାସତାନ୍ ମାପୁରୁଦି ଲାକ୍ତୁ ଦସ୍ସିଲିକାନ୍ ଖେଙ୍ଗ୍ ଜି ମାନି ଲୋକୁ ନେ କେବଲ ଜିନାନ୍ ।”

୯୨ ମାତର ନିୟମ୍ତି ଖାଲେ ବିସ୍ବାସତି ଇନି ମିସାବିଡ଼ା ସିଲେଡ଼ । ଦାମ୍ବସାସ୍ତୁ ରାସାତାମାନାଡ଼, “ଏମେ ଲୋକୁ ନିୟମ୍ତି ଦାବିଦି ଖିଜୁ ପାଣି କିନାନ୍, ଖାନ୍ ଜିନାନ୍ ।”

୯୩ ମାତର କ୍ରିସ୍ତ ମା ଉଣ୍ଡିଙ୍ଗ୍ ଆନାଦୁରିଆ ପୟଜି ନିୟମ୍ତୁ ରାସାତି ଆନାଦୁରିଆଦାନ୍ ମାଙ୍ଗ୍ ମୁକୁଡ଼ା କିତାମାନାନ୍ । ଦାମ୍ବସାସ୍ତୁ ରାସାତାମାନାଡ଼, “ଏନ୍ ମାରାଡୁ ଡ଼ଆୟ୍ ଆଜି ସାନାନ୍, ଖାନ୍ ମାପୁରୁଦି ମାଣାନ୍ ଆନାଦୁରିଆ ଆନାନ୍ !”

୯୪ ମାପୁରୁ ଅବ୍ରାହାମତିଙ୍ଗ୍ ଏମେ ଆସିର୍ବାଦ୍ ସିଦେଙ୍ଗ୍ ପାରମାଣ କିତାମାର୍ହାନ୍, ଅଣଜିହୁଦି ଲୋକୁ ବା ଏଣ୍ଡେସ୍ ଆକା ପୟଦେଙ୍ଗ୍ ଆଟନାର୍, ଇୟାଉଣ୍ଡିଙ୍ଗ୍ କ୍ରିସ୍ତ ଜିସୁ ଇୟା ପାଣି କିତାମାନାନ୍ । ଆଦେଙ୍ଗ୍ ବିସ୍ବାସତାନ୍ ମାପ୍ ବା ମାପୁରୁଦି ସିତିମାନିମାଟା ଇସାବ୍ତାନ୍ ପବିତ୍ର ଆମ୍ବ ପୟଦେଙ୍ଗ୍ ଆଟନାପ୍ ।

ନିୟମ୍ ନି ପାରମାଣ

୯୫ ତଡ଼ାନ୍କୁ ନି ତାଙ୍ଗ୍ କି ! ନାନୁ ଉନ୍ଣି ଉପାସ୍ ମାଟା ଇଜିନା, ଏସ୍ତିଖାଲେ ରିଏର୍ ଇନି ବିସୟତାନ୍ ଉନ୍ଣି ନିୟମ୍ ମାଟା ଇନାନ୍, ଏନ୍ ଆୟା ନିୟମ୍ ମାଟା ବୁକ୍ତେଙ୍ଗ୍ ଆଟ୍ଏନ୍ ବା ଆବେ ଇନିକା ମିସାକିଦେଙ୍ଗ୍ ଆଟ୍ଏନ୍ ।

☆ ୩:୨ ରୋମିୟ ୪:୩. ☆ ୩:୨ ରୋମିୟ ୪:୧୭.

୧୬ ଅବ୍ରାହାମ ନି ଖାନି କୁଟୁମ୍ବି ଲାକ୍ତୁ ମାପୁରୁ ଖାନି ପାରମାଣ୍ କିତାମାହାନ । ମାତର ଇୟା ବିସୟତାନ୍ “ମି କୁଟୁମ୍ବିଖାରି ଉଣ୍ଡିଙ୍ଗ୍,” ଅର୍ତ୍ତାତ୍ ନାଣ୍ ଲୋକା ଉଣ୍ଡିଙ୍ଗ୍ ଇଜି ସାସ୍ତ୍ରୁ ରାସାଏତ୍ । କେବଲ “ମି କୁଟୁମ୍ବି ଉଣ୍ଡିଙ୍ଗ୍” ଇଜି ରାସାତାମାନାତ୍ । ଆଦେଙ୍ଗ୍ ଆୟା ସାସ୍ତ୍ରୁ ରାସାତିକା କେବଲ ଅରେନ୍ ଲୋକ୍, ଅର୍ତ୍ତାତ୍ କ୍ରିସ୍ତୁ ଉଣ୍ଡିଙ୍ଗ୍ ଟିକ୍ ।

୧୭ ନାନୁ ଇନି ଅର୍ତ୍ ଆଜିନାତ୍, ମାପୁରୁ ଅବ୍ରାହାମତି ଖାଲେ ଉନ୍‌ଶ୍ଟି ନିୟମ୍ ତିଆର୍ କିତାମାହାର୍ ମାରି ଆକା ରକିୟା କିନି ଉଣ୍ଡିଙ୍ଗ୍ ପାରମାଣ୍ କିତାମାହାର୍ । ଏମେ ନିୟମ୍ ସାରିସ୍ ତିରିସ୍ ବାରସେକ୍ ଖେନକା ସିଆୟାଆତାତ୍, ଆକା ଆୟା ରାଜିମାନାଦିଙ୍ଗ୍ ରୁକ୍ସି ମାପୁରୁଦି ପାରମାଣ୍ଡିଙ୍ଗ୍ ତେବାକିଦେଙ୍ଗ୍ ଆଟ୍‌ଏତ୍ ।

୧୮ ମାପୁରୁଦି ପାରମାଣ୍ଡି ଆସିର୍ବାଦ୍ ଜଦି ନିୟମ୍ ମାନାନି ମୁସ୍‌କୁ ଆସା ଇତିନାତ୍, ଆର୍ଡିଙ୍ଗ୍ ଆକା ଖାନି ପାରମାଣ୍ଡି ପଲ୍ ଇଜି ମାରି ଇନାୟ ଆଦେଙ୍ଗ୍ ଆଟ୍‌ଏତ୍ । ଆଦେଙ୍ଗ୍ ମାପୁରୁ କେବଲ ଖାନି ପାରମାଣ୍ଡି ଇସାବ୍‌ତାନ୍ ଆୟା ଆସିର୍ବାଦ୍ ଅବ୍ରାହାମତିଙ୍ଗ୍ ସିତାନ୍ ।

୧୯ ଆର୍ଡିଙ୍ଗ୍ ନିୟମ୍ ଏୟା ସିଆୟା ଆତାତ୍ ? ଲୋକା ଅସବ୍ ପାଣି ଓଜୁ ତରସି ସିନି ଉଦେସ୍ ମାହାର୍ ମାରି ଅବ୍ରାହାମତି ଆମା କୁଟୁମ୍ବିଙ୍ଗ୍ ସୁଡ଼ଜି ମାପୁରୁ ଆୟା ପାରମାଣ୍ କିତାମାହାନ, ଆୟା ଲୋକତି ଖାନି ସାନ୍ ନିୟମ୍‌ତି ଦରକାର୍ ମାହାର୍ । ଅରେନ୍ ଲୋକା ନାଡ଼ିମିଆଜି ମୁସ୍‌କୁପୁରତି ଦୁଡ଼ମାଣାନ୍ ନିୟମ୍ ସିଆୟା ଆତାମାହାର୍ ।

୨୦ ମାତର ପାରମାଣ୍‌କିତି ଦାନ୍‌ତି ଖାଲେ କେବଲ ଉନ୍‌ଶ୍ଟି ତରିନ୍ ମାହାର୍ । ଖାନ୍ ଆଜିନାନ୍ ନିଜେ ମାପୁରୁ ।

ନିୟମ୍‌ତି ଉଦେସ୍

୨୧ ନିୟମ୍ ଇନିକା ମାପୁରୁଦି ପାରମାଣ୍ଡି ବିରୁଦ୍ କିନାତ୍ ? ସିଲେ, ଏସାଙ୍ଗ୍ ସିଲେ ! ଇରିଙ୍ଗ୍ ଲୋକାଙ୍ଗ୍ ଜିବନ୍ ସିନି ନାନି ଉନ୍‌ଶ୍ଟି ନିୟମ୍ କିଆୟା ଆତାତ୍‌ମାନ୍, ଆର୍ଡିଙ୍ଗ୍ ଆକା ମାନାନି ମାଣାନ୍ ନେ ଲୋକ୍ ମାପୁରୁଦି ଆଗ୍ଡି ଦସ୍‌କିଇକାନ୍ ଖାଜା ଖେଙ୍ଗ୍‌ୟ ଆଦେଙ୍ଗ୍ ଆଟ୍‌ତାତ୍‌ମାନ୍ ।

୨୨ ମାତର ଦାମ୍‌ସାସ୍ତ୍ରୁ ରାସାତାମାନାତ୍, ଓଜୁ ଲୋକ୍ ଜାତି ପାପ୍ ସାକ୍ତିଦି ଆଡ଼ଗି, ଆଦେଙ୍ଗ୍ ଏଣ୍ଡେସ୍ ଜିସୁ କ୍ରିସ୍ତମାନୁ ବିସ୍‌ବାସ୍‌ତି ପଲ୍ ଖାଜା ପାରମାଣ୍‌ଆତି ଆସିର୍ବାଦ୍ କ୍ରିସ୍ତ ବିସ୍‌ବାସିର୍ ପୟନାର୍ ।

୨୩ ବିସ୍‌ବାସ୍‌ତି ଜୁଗ୍ ଖାନି ଆଗ୍ଡି ମାରି ତରାୟାଆନି ସାନ୍ ନିୟମ୍ ମା ଓଜେରିଙ୍ଗ୍ ତରସି ଇଟ୍‌ତାମାହାର୍ ।

୨୪ କ୍ରିସ୍ତୁଦି ଖାନି ସାନ୍ ନିୟମ୍ ମାଙ୍ଗ୍ ଆତିଗିକିଜି ଇଟ୍‌ତାମାହାର୍; ମାତର ତାନିଖେନକା, କେବଲ ବିସ୍‌ବାସ୍‌ତାନ୍ ମାପୁ ମାପୁରୁ ଆଗ୍ଡି ଦାମ୍‌ତିକାର୍ ଇଜି ଖେଙ୍ଗ୍ ନାପ୍ ।

୨୫ ଇଲେଇ ବିସ୍‌ବାସ୍‌ତି ଜୁଗ୍ ଇଗା ଖାତାତ୍, ମାପୁ ମାରି ନିୟମ୍‌ତି ଆଡ଼ଗି ସିଲେପ୍ ।

୨୬ ବିସ୍‌ବାସ୍‌ତାନ୍ କ୍ରିସ୍ତୁ ଜିସୁଦି ଖାଲେ ଜଡ଼ାଜି ମିର୍ ଓଜିଦେର୍ ମାପୁରୁଦି କଡ଼ର୍ ଆଇଲିକ୍ ଆତିମାନିଦେର୍ ।

୨୭ ତୁବନ୍‌ତାନ୍ ମିର୍ କ୍ରିସ୍ତୁଦି ଖାଲେ ଉନ୍‌ଶ୍ଟି ଆତିମାନିଦେର୍ ମାରି ଇଲେଇ ଜିସୁ କ୍ରିସ୍ତୁଦି ଜିବନ୍‌ରୁପ ଆଙ୍ଗ୍ ଆରାତିମାନିଦେର୍ ।

୨୮ ଆଦେଙ୍ଗ୍ ଜିହୁଦି ନି ଅଣଜିହୁଦି, କଟିସାକର୍ ନି ମୁକ୍‌ଡ଼ାତି ଲୋକ୍, ମେମାରି ବା ଆଇମା ଲୋଇ ମାରି ଇନି ଖେରସ୍ ସିଲେ । ମିର୍ ଓଜେରେ ଜିସୁ କ୍ରିସ୍ତୁଦି ଖାଲେ ଜଡ଼ାଜି ଉନ୍‌ଶ୍ଟି ମାନୁ ଆତିମାନିଦେର୍ ।

୨୯ ଜଦି ମିର୍ କ୍ରିସ୍ତୁଦି ଲୋକ୍ ଆର୍ଡିଙ୍ଗ୍ ମିର୍ ଅବ୍ରାହାମତି କୁଟୁମ୍ବି ମାରି ମାପୁରୁ ଆମାକା ପାରମାଣ୍ କିତାମାନାନ୍, ଆକା ଲାବ୍ କିନିଦେର୍ ।

୪

୧ ମାତର ନାନ୍ ଖେରସିନା ମାରିସି ବୁବାସିଦି ଓଜୁ ଦନ୍‌ତି ଅଦିକାରି, ମାତର ଓଜୁ ବିସୟତି ମାଲିକ୍ ଆତିଙ୍ଗ୍ ବା ପିରଇ ବୟସ୍ ମାନି ସାନ୍ ଖାନ୍ ସାକର୍ଡି ଖାଜା ତେବାନାନ୍ ।

୨ କଡ଼ ବେଡ଼ାଦୁ, ଖାନି ବୁବାସିଦି କିତି ସମୟ ସାନ୍ ଆଇକାର୍ ଜାତୁନ୍ ଅନାର୍ ମାରି ଓଜୁ ବିସୟତି ଜାତୁନ୍ କିନାର୍ ।

୩ ଟିକ୍ ଆୟାଖାଜା ମାପ୍ ବା ଆମିକ୍ ଜିବନ୍‌ତୁ ପିର୍‌ନି ଆଗ୍ଡି, ଦୁନିଆ ମୁସ୍‌କୁ ସାସନ୍ କିଜିମାନି ସାକ୍ତିଙ୍ଗା ଦାସ୍ ମାହ୍‌କା ।

୪ ସାରାସାରି ଏସ୍ତିଖାଲେ ଟିକ୍ ସମୟ ଖାତାତ୍, ମାପୁରୁ ଖାନି ନିଜେ ମାରିସିଙ୍ଗ୍ ପକ୍‌ତାନ୍ । ଅରେତ୍ ସାମାନ୍‌ତି ଆଇମା ପଟାଦାନ୍ ଖାନ୍ ଜନମ୍ ଆଜି ଜିହୁଦିଲୋକା ନିୟମ୍‌ତି ଅଦିକାର୍‌ତାନ୍ ଜିତାନ୍ ।

୫ ଏଣ୍ଡେସ୍ ଖାନ୍ ସାମାନ୍ ତାବୁଙ୍ଗ୍ ସିଜି ଆୟା ନିୟମ୍‌ତି ଗାଟିଦାନ୍ ଆଇଖାରିଙ୍ଗ୍ ମୁକ୍‌ଡ଼ା କିନିକା ମାରି ଖାରିଙ୍ଗ୍ ମାପୁରୁଦି ମାରିସି ଆନି ସାରି ସିନିକା ଖାନି ଜିବନ୍‌ତି ବଦା ମାହାର୍ ।

୬ ମିର୍ ଜେ ମାପୁରୁଦି ମାରିସି, ଇକା ପାରମାଣ୍ କିଦେଙ୍ଗ୍ ଇଜି, ମାପୁରୁ ଖାନି ମାରିସିଦି ପବିତ୍ର ଆମ୍‌ଦିଙ୍ଗ୍ ମା ଜିବନ୍‌ତୁ ପକ୍‌ତାମାନାନ୍ । ଆୟା ପବିତ୍ର ଆମ୍ ଆଉଲିଦାନ୍ ଇଜିନାତ୍, “ବୁବା ! ଏ ନା ବୁବା !”

☆ ୩:୧୮ ରୋମିୟ ୪:୧୪. ☆ ୩:୨୯ ରୋମିୟ ୪:୧୩. ☆ ୪:୫ ରୋମିୟ ୮:୧୫-୧୭.

୭ ଆଦେଞ୍ଜ୍ ିର୍ ମାରି କଟିସାକର୍ ଆଇଦେର୍, ମାତର୍ ମାରିସି ଆତିମାନିଦେର୍ । ମିର୍ ଖାନି ମାରିସି ଗାଡ଼ିସି ଆତିମାନିଞ୍ଜ୍, ମାପୁରୁ ଖାନି ମାରିନ୍ ଗାଡ଼ିସି ଉଣ୍ଡିଞ୍ଜ୍ ିଆମାକା ଇଟ୍ଟା ମାନାର୍, ଆୟାଞ୍ଜିକୁ ମିଞ୍ଜ୍ ଦାନ୍ କିନାନ୍ ।

ଗାଳାତିୟ ଲୋକା ଉଣ୍ଡିଞ୍ଜ୍ ପାଉଲତି ସିନ୍ତା

୮ ଆଗଡ଼ି ମିର୍ ମାପୁରୁଞ୍ଜ୍ ିନେସ୍ଇମାହ୍ ଦେର୍, ଆଦେଞ୍ଜ୍ ିଏମେକାର୍ ସଡ଼ତାନ୍ ମାପୁରୁ ଆଏର୍, ଆୟାନାନି ମିର୍ ଦିୟାମ୍ବା ଦାସ୍ ମାହ୍ ଦେର୍ ।

୯ ମାତର୍ ଇଲେଇ ମିର୍ ମାପୁରୁଞ୍ଜ୍ ିନେସ୍ତିମାନିଦେର୍, ମାରିବା ନାନୁ ଇନା, ଇଲେଇ ମାପୁରୁ ମିଞ୍ଜ୍ ନେସ୍ତାମାନାନ୍ । ଆର୍ଡିଞ୍ଜ୍ ିଈକା ଏଣ୍ଡେସ୍ ଆଦେଞ୍ଜ୍ ିଆଟ୍ଟନାଡ଼ ଜେ, ମିର୍ ମାରିଡେସି ଆୟା ବପୁସିଲି, ଇନିକାସିଲି ଦିୟାମ୍ବା ଲାକ୍ତୁ ଡେସି ସନ୍ତେଞ୍ଜ୍ ିବଦାକିଜିନିଦେର୍ ? ମିର୍ ଏନ୍ଦା ମାରିଡେସି ଆୟାଞ୍ଜାନିକା ଦାସ୍ ଆଦେଞ୍ଜ୍ ିବଦା କିଜିନିଦେର୍ ?

୧୦ ଦୁକ୍ତି ମାଟା, ମିର୍ ଏସ ଦିନ୍, ଲେଜୁ, କାଡ଼ା ନି ବାସୁ ଉଣ୍ଡିଞ୍ଜ୍ ିମନ୍ଦିୟାନ୍ ସିଜିନିଦେର୍ ।

୧୧ ନାନୁ ମି ଉଣ୍ଡିଞ୍ଜ୍ ିନାଣୁ ସିନ୍ତା କିଜିନା । ମି ଉଣ୍ଡିଞ୍ଜ୍ ିନା ଞ୍ଜିକୁ ପାଣି ଇନିକା ବେକାର୍ ଆତାମାନାଡ଼ ?

୧୨ ତଡ଼ାନୁକୁ ନି ତାଞ୍ଜ୍ କି, ମିଞ୍ଜ୍ ବାଡିଞ୍ଜ୍ ିମାଲ୍ଜିନା, ନା ଖାଜା ଆଦୁ । ନାନୁ ମି ଖାଜା ଆତାମାନା ମାରି ମିର୍ ନା ଉଣ୍ଡିଞ୍ଜ୍ ିଇନି ଅନ୍ୟାୟ କିଇଦେର୍ ।

୧୩ ନାନୁ ଆଗଡ଼ି ଏନ୍ଦା ମି ଲାକ୍ତୁ ସୁସମାଟାର୍ ପ୍ରଟାର୍ କିତାମାହା, ଆକା ଏଡ଼ କିଦୁ । ନାସ୍ତିଖାଲେ ନା ମେନ୍ଦଲ୍ ନେଗେନ୍ ସିଲେତାଆକା ଆୟାଞ୍ଜା କିତାମାହା ।

୧୪ ମାତର୍ ନା ମେନ୍ଦଲ୍ତି ଅବସ୍ଥା ମି ତରିନ୍ ରିସାଦିଞ୍ଜା ଆତିମାର୍ଇରିଞ୍ଜ୍ ିନିନ୍ ନାଞ୍ଜ୍ ଅମାନ୍ୟ ନି ଡ଼ିସ୍ଇତି ମାର୍ଇ, ମାତର୍ ନାଞ୍ଜ୍ ିଉନ୍ଡି ମୁସ୍କୁପୁରତି ଦୁଡ଼ ଖାଜା ମାନାଡିମାହ୍ ଦେର୍ । କ୍ରିସ୍ତି ଜିସୁଞ୍ଜ୍ ନିନ୍ ଏଣ୍ଡେସ୍ ମାନାଡିଦେର୍ମାହି, ଆୟାଞ୍ଜା ନାଞ୍ଜ୍ ବା ମାନାଡିମାହ୍ ଦେର୍ ।

୧୫ ମିର୍ ଏସା ଷ୍ଟେଡିକା ସିଲିଡିଦେର୍ ! ମାତର୍ ଇଲେଇ ଇନିକା ଆତାମାନାଡ଼ ? ମି ବିସୟତାନ୍ ନାନୁ ଇୟା ସାକିୟ ଡାଟ୍ଟାନ୍ ଇନ୍ତେଞ୍ଜ୍ ିଆଟ୍ଟନା ଜେ, ଆଦେଞ୍ଜ୍ ିଆଟ୍ଟିଞ୍ଜ୍ ିମିର୍ ନିଜେ ନିଜେଦି କାଣୁକୁ କୁଡ଼ିସି ତାସି ନାଞ୍ଜ୍ ସିଦେଞ୍ଜ୍ ଆଟ୍ଟିଦେର୍ମାହି ।

୧୬ ମାତର୍ ଇଲେଇ ନାନୁ ସଡ଼ ଇରଥା ମାନାଆକା ଇନିକା ମି ସାତୁ ଆତାମାନା ?

୧୭ ଆୟା ଆଇ ଲୋକୁ ମି ନେଗେନ୍ କିନି ଉଣ୍ଡିଞ୍ଜ୍ ିନାଣୁ ଷ୍ଟେଡିକା ତର୍ଆୟ୍ ଆନାର୍ । ମାତର୍ ଇବେ ଖାରି ସଡ଼ ଉଦେସ୍ ସିଲେଡ଼ । ଖାରି ଉନ୍ତେମାତର୍ ବଦା, ଏଣ୍ଡେସ୍ ମିର୍ ନା ଉଣ୍ଡିଞ୍ଜ୍ ିଝେର୍ଏ ଆଜି ଖାରି ଉଣ୍ଡିଞ୍ଜ୍ ମନ୍ ସିନିଦେର୍ ।

୧୮ ସଡ଼ ଉଦେସ୍ ଅସି ଷ୍ଟେଡିକା ଆନିକା ସାଲାକି, କେବଲ ନାନୁ ମି ଖାଲେ ତେବାଡିମାର୍ଇ ବେଡ଼ାଦୁ ସିଲେ, ମାତର୍ ଞ୍ଜିକୁଦିନ୍ ମିର୍ ତେନି ସଡ଼ତିକା ତର୍ନିକା ମାନାଡ଼ ।

୧୯ ଏ ନା ଲାଡ଼ତି କଡ଼ର୍, ମିଞ୍ଜ୍ କ୍ରିସ୍ତି ଖାଜା କିଜି ତିଆର୍ କିଦେଞ୍ଜ୍ ିନାନୁ ମାରିଡେସି ଜନମ୍ କିନି ଷ୍ଟିସାମ୍ କାସୁ ଏଡ଼ କିଜିନା ।

୨୦ ନାନୁ ଇଲେଇ ମି ଲାକ୍ତୁ ତେବାତାମାହି ଇଜିନା ବଦା, ଆର୍ଡିଞ୍ଜ୍ ିଆନାଡ଼ ମି ବିସୟତାନ୍ ନା ଆଇ ରକମ୍ତି ସିନ୍ତା ଆତାଡ଼ମାହି । ସଡ଼ତାନ୍ ମି ଉଣ୍ଡିଞ୍ଜ୍ ିନାନୁ ନାଣୁ ସିନ୍ତାକିଜିନା ।

ହାଗାର୍ ନି ସାରାଦି କାତା

୨୧ ଏମେକାର୍ ନିୟମ୍ତି ଆଡ଼ଗି ତେବାଦେଞ୍ଜ୍ ିବଦାକିନାର୍, ନାନୁ ଖାରିଞ୍ଜ୍ ିଝେନ୍ଦାନ୍ଦା, ନିୟମ୍ତୁ ଇନିକା ରାସାତାମାନାଡ଼, ଆକା ମିର୍ ନେସ୍ଇଦେର୍ ?

୨୨ ଆବେ ରାସାଡିମାନି, ଅବ୍ରାହାମତି ରିଏର୍ ମାରିସିର୍ ମାହାର୍, ଅରେନ୍ କଟିଆଇମାଦି ମାରିସି ମାରି ଆଇକାନ୍ ଖାନି ନିଜେଦି ଆଡ଼ସିଦି ମାରିନ୍ ।

୨୩ କଟିଆଇମାଦି ମାରିସି ମାମୁଲିଦାନ୍ ଜନମ୍ ଆତାମାହାନ୍ । ମାତର୍ ଖାନି ନିଜେ ଆଡ଼ିଦି ମାରିନ୍ ମାପୁରୁଦି ପାର୍ମାଣ୍ ଇସାବ୍ତାନ୍ ଜନମ୍ ଆତାମାହାନ୍ ।

୨୪ ତେନିଞ୍ଜ୍ ିଉନ୍ଡି କାତା ଖାଜା ଆସ୍ତେଞ୍ଜ୍ ିଆନାଡ଼ । ଇୟା ରୁଣ୍ଡି ଆଇମେକ୍ ରୁଣ୍ଡି ନିୟମ୍ତି ଖାଜା । ଆମାତାନି ମାରିସି ଦାସ୍ତି ଗାଟିଦାନ୍ ଜନମ୍ ଆତାମାହାନ୍, ଆୟା ହାଗାର୍, ସିନ୍ଦୟ ଗରନ୍ତାନ୍ ଖାଡିମାନି ନିୟମ୍ତି ସିନା ଖାଜା ।

୨୫ ଆରବ ଦେସ୍ତୁ ମାନି ସିନ୍ଦୟ ଗରନ୍ତି ଖାଜା ହାଗାର୍ ଇଲେଇତି ଜିରୁସାଲାମ୍ ଗାଡ଼ ଖାଜା । ହାଗାର୍ ଖାଜା ଜିରୁସାଲାମ୍ ନି ଆବେଣି ଲୋକୁ ଇଲେଇ ଦାସ୍ତି ଗାଟିଦୁ ତରାୟ୍ ଆତାମାନାର୍ ।

୨୬ ମାତର୍ ମୁସ୍କୁପୁରତି ଜିରୁସାଲାମ୍ ମୁକୁଡ଼ାତାମାନାଡ଼ ମାରି ଆକା ମା ଯାୟା,

୨୭ ଇରିଞ୍ଜ୍ ିସାସ୍ତୁ ରାସାତାମାନାଡ଼,

“ଏ ବାଞ୍ଜି ଆଇମା, ନିନ୍ ଷ୍ଟେଡିକା ଆଆ !

ଏସକାଙ୍ଗଂ ଜନମ୍ କିନି ଓସାମ୍ ନେସ୍‌ଇମାରିଙ୍ଗଂ ବା, ଝେଡ଼ିକା ଆଆ ।

ଇରିଙ୍ଗଂ କିନିଝାଲେ ତେବାଜିମାନି ଆଡ଼ି ବାଦ୍‌ଲୁ

ଅରେଡ଼ ଡ଼ିସ୍‌ତି ଆଇମାଦି କଡ଼କକ୍‌କାରି ସଂକିୟା ନାଣ୍ଡୁ ଆନାଡ଼ ।”

୨୮ ଏ ତଡ଼ାନକୁ ନି ତାଙ୍ଗଂକି, ଇସହାକ୍‌ତି ଝାଜା ଇଲେଇ ମିର୍ ମାପୁରୁଦି ପାରମାଣ୍ କିତି କଡ଼ର୍ ।

୨୯ ଅରଲେନ୍ ନେସ୍‌ନିଝାଜା ଜନମ୍ କିତିମାନି ମାରିସି ମାପୁରୁଦି ପବିତ୍ର ଆମାଦି ମାଣାନ୍ ଜନମ୍ ଆତିମାନି ମାରିସିଙ୍ଗଂ କାସୁ ସିତାମାହାର୍ । ଆୟାଝାଜା ଇଲେଇବା କିଜିନିଦେର୍ ।

୩୦ ମାତର୍ ଇୟା ବିସୟତାନ୍ ଦାମ୍‌ସାସ୍ତ୍ର ଇନିକା ଇନାଡ଼ ? ଆବେ ରାସାତାମାନାଡ଼, “କଟିଦାସି ନି ତାନି ମାରିସିଙ୍ଗଂ ପେର୍‌ଦୁ, ଇରିଙ୍ଗଂ ନିଜେ ଆଇମାଦି ମାରିସି ଝାଲେ କଟିଦାସିଦି ମାରିସି ବୁବାରି ଦନ୍‌ଡୁ ମିସାଦେଙ୍ଗଂ ଆର୍‌ଏନ୍ ।”

୩୧ ଆଦେଙ୍ଗଂ ଏ ନା ତଡ଼ାନକୁ ତାଙ୍ଗଂକ୍, ମାଡ଼ କଟିଦାସିଦି କଡ଼ର୍ ଆଏର୍, ମାତର୍ ପେଡ଼ିଆତି ଆଇମାଦି କଡ଼ର୍ ଝାଜା ।

୫

ମି ମୁକୁଡ଼ାତି ତାନିଙ୍ଗଂ ନେଗେନ୍ ଇଡ଼ଦୁ

୧ ମାଡ଼ ମୁକୁଡ଼ାତିମାନିକା । କ୍ରିସ୍ତ ମାଙ୍ଗଂ ମୁକୁଡ଼ାକିତାମାନାଡ଼ । ଆଦେଙ୍ଗଂ ମିର୍ ମୁକୁଡ଼ାତିମାନୁ ତାଟ୍ ତେବାଦୁ । ମାରିଡେସି ଦାସ୍‌ତି ପୁଦିଦୁ ତରଆୟଆଦେଙ୍ଗଂ ଇଜି ନିଜେଦିଙ୍ଗଂ ଜାସାୟ ଆମାଟ୍ ।

୨ ନାନୁ ପାଉଲ, ଆମାକା ଇଜିନା ଝେନ୍‌ଶ୍ଟ୍, ମିର୍ ଜଦି ସୁନ୍‌ଡ଼ ନିୟମ୍ ମାନାନିଦେର୍, ତାନି ଅର୍ତ୍ତ ଆନାଡ଼, ମି ଉଣ୍ଡିଙ୍ଗଂ କ୍ରିସ୍ତଦି ଇନି ଲାବ୍ ସିଲେଡ଼ ।

୩ ଏମେ ଲୋକ୍ ସୁନ୍‌ଡ଼ ଆନାନ୍, ନାନୁ ଝାନିଙ୍ଗଂ ମାରିଉନ୍‌ଶ୍ଟ୍ ଦେବା ଜାଗାର୍‌ତା କିଜିନା ଜେ, ମସାଦି ନିୟମ୍‌ତିଙ୍ଗଂ ପୁରା ମାନାନିକା ଝାନି ପାଣି ।

୪ ମି ଲୋଇ ଏମେକାର୍ ନିୟମ୍ ମାନାନି ମାଣକୁ ମାପୁରୁ ଆଗଡ଼ି ଦାମ୍‌ଡ଼ିକାର୍ ଆଦେଙ୍ଗଂ ଇଜି ସେସ୍ତୁ କିଜିନାର୍, ଝାର୍ ନିଜେ ନିଜେଦିଙ୍ଗଂ କ୍ରିସ୍ତମାଣକୁ ଝେର୍‌ଏ କିତାମାନାର୍, ଝାର୍ ମାପୁରୁଦି ଦୟାଦାନ୍ ଆକ ଆତାମାନାପ୍ ।

୫ ମାତର୍ ମାପ୍ ଆସା କିଜିନାପ୍ ଜେ, ମାପୁରୁ ମାଙ୍ଗଂ ଝାନି ଆଗଡ଼ି ଦସ୍‌ସିଲିକାର୍ ଝେକ୍‌ନାନ୍; ମା ବିସବାସ୍‌ତି ପଲ୍ ଝାଜା, ମା ଲୋଇ ପାଣି କିଜିମାନି ଆଇଆମାଦି ସାକ୍ତିଦାନ୍ ଇକା ପୁରା ଆନାଡ଼ ଇଜି କାପକିତା ତେବାତାମାନାପ୍ ।

୬ ଇରିଙ୍ଗଂ କ୍ରିସ୍ତ ଜିସୁଦି ଝାଲେ ମିସାଜି ଜିତିଙ୍ଗଂ, ସୁନ୍‌ଡ଼ ମାରି ଅସୁନ୍‌ଡ଼ ଇନି ଅଲଗା ସିଲେଡ଼ । ଉନ୍‌ଡେନେ ଦରକାର୍ ବିସୟ ଆଜିନାଡ଼, ବିସବାସ୍‌ତୁ ତାଟ୍ ତେବାଜି ଜିବନ୍‌ନୋଜି ପାଣି କିନିକା ।

୭ ମିର୍ ନେଗେନ୍‌ତାନ୍ ଆଗଡ଼ି ସଲ୍‌ସିମାହ୍ ଦେର୍ । ସଡ଼ସାରିଦୁ ବୁଲାନିଝାଲେ, ଏନ୍ ମିଙ୍ଗଂ ବାଦା ସିତାନ୍ ? ମିଙ୍ଗଂ ବୁଲ୍ ସାରିଦୁ ସନ୍‌ଡେଙ୍ଗଂ ଝାନ୍ ଏଣ୍ଡେସ୍ ଝେର୍‌ତାନ୍ ?

୮ ମିଙ୍ଗଂ କୁକ୍‌ତିମାନି ମାପୁରୁଦି ତରିଗାନ୍ ଇକା ଆଏଡ଼ ।

୯ ମାଟାଦୁ ମାନାଡ଼, “ପିଡ଼ସିତିମାନି ଦୁର୍‌ତିଙ୍ଗଂ ଉଦିସ୍‌ତେଙ୍ଗଂ ଇଜି କାଣ୍ଡେକ୍ ମାତର୍ କମିର୍ ଦରକାର୍ ।”

୧୦ ଆକା ଆମାକାଆପିଡ଼, ଇୟାସାନ୍ ମି ମୁସ୍‌କୁ ନା ଆସା ମାନାଡ଼ । ଇୟାଉଣ୍ଡିଙ୍ଗଂ ମାଡ଼ ଓଜେରେ ପ୍ରବୁଦି ଝାଲେ ମିସାତାମାନାପ୍, ନା ତାଟ୍ ବିସବାସ୍, ମିର୍ ନା ମାଟାଦିଙ୍ଗଂ ବିରୁଦ୍ କିଇଦେର୍ । ମାରି ଏମେ ଲୋକ୍ ମିଙ୍ଗଂ ବାୟା କିଜିନାନ୍, ଝାନ୍ ଆମାକାନ୍ ଆପିନ୍ ନେ, ଝାନିଙ୍ଗଂ ମାପୁରୁ ଦଣ୍ଡୁ ସିନାନ୍ ।

୧୧ ମାତର୍ ତଡ଼ାନକୁ ନି ତାଙ୍ଗଂକି, ନାନୁ ଜଦି ନେର୍ ସାନ୍ ସୁନ୍‌ଡ଼ଦି ଦରକାର୍‌ତି ତରିଗାନ୍ ପ୍ରଚାର୍ କିଜିମାନା, ଆର୍‌ତିଙ୍ଗଂ ନାନୁ ଇଲେଇବା ଏନ୍‌ତାତନା ପୟ୍‌ଜିନା ? ଜଦି ଆକା ନାନୁ କିଜିମାନା, ଆର୍‌ତିଙ୍ଗଂ ଆୟା ବେଗି ବେଗି କ୍ରିସ୍ତଦି କୁସ୍‌କାଟ୍ ବିସୟତାନ୍ ପ୍ରଚାର୍ କିନି ମାଣାନ୍ ନା ଇନି ବାଦା ଆଏତାଡ଼ମାନ୍ ।

୧୨ ନାନୁ ବଦାକିନା, ଇୟା ବିସୟତାନ୍ ଏର୍ ମିଙ୍ଗଂ ବାମ୍‌ରେ କିଜିନାର୍, ଝାର୍ ମାରି ଅଡ଼ପ୍ ଆଗଡ଼ି ସଲିର୍ । କେବଲ୍ ସୁନ୍‌ଡ଼ ଆଏନ୍‌ଶ୍ଟା ନିଜେଦି ବପୁ ଆରାକିନାର୍ ।

୧୩ ଏ ତଡ଼ାନକୁ ନି ତାଙ୍ଗଂକି, ମିର୍ ମୁକୁଡ଼ାଦେଙ୍ଗଂ ଇଜି କୁକାତିମାହ୍ ଦେର୍ । ମାତର୍ ଜାଗାର୍‌ତା, କେବଲ୍ ମେନ୍‌ଲ୍‌ତିଙ୍ଗଂ ଲାଲାୟ ଆନି ଉଣ୍ଡିଙ୍ଗଂ ଆୟା ମୁକୁଡ଼ାତିକା ଏଣ୍ଡେସ୍ ବାଡ଼ିସ୍ ଝାଜା ବ୍ୟବହାର୍ କିମାଟ୍ । ମାତର୍ ଜିବନ୍‌ନି ମାଣାନ୍ ସାଲାଜି ମିର୍ ନିଜେନିଜେଦି ସେବା କିଦୁ ।

୧୪ ଇରିଙ୍ଗଂ ଉନ୍‌ଶ୍ଟ୍ ବାକ୍ୟଦୁ ଓଜୁ ନିୟମ୍‌ତି ଅରଡ଼ ରାସାତାମାନାଡ଼, “ମି ଲାକ୍‌ତୁରି ଲୋକାଙ୍ଗଂ ନିଜେଦିଙ୍ଗଂ ଜିବନ୍‌ନୋତିଝାଜା ନୋଦୁ ।”

୧୫ ମାତର୍ ଜଦି ମିର୍ ବନ୍‌ଡ଼ି ପସ୍ତୁ ଝାଜା ବୁଲ୍‌ସାଲା ଆଜି ନିଜେନିଜେଦିଙ୍ଗଂ ତାକ୍‌ସି ମାନିଦେର୍ ମାରି ନିଜେନିଜେଦିଙ୍ଗଂ ନାସୁ କିଜିମାନିଦେର୍, ଆର୍‌ତିଙ୍ଗଂ ଜାଗାର୍‌ତା ମାନ୍‌ଡୁ, ସିଲ୍‌ତିଙ୍ଗଂ ଆନାଡ଼ ମିର୍ ନିଜେନିଜେଦିଙ୍ଗଂ ପୁରା ନାସୁ କିନିଦେର୍ ।

☆ ୫:୧୧ କରିଡ଼୍ରିୟ ୫:୭.

ପବିତ୍ର ଆତ୍ମା ନି ଲୋକା ଗୁଣ

୧୭ ନା ଖେରୁନି ମାଟା ଆତାତ୍ : ପବିତ୍ର ଆତ୍ମା ମି ଜିବନ୍ତିତ୍ ା ସାଲାକିପିତ୍ । ଆର୍ତ୍ତିତ୍ ା ମିର୍ ମାରି ଲୋକା ଗୁଣ୍ଡି ଆସାଦିତ୍ ା ନାସୁ କିଇଦେର୍ ।

୧୮ ଲୋକା ଗୁଣ୍ଡି ପବିତ୍ରଆତ୍ମାଦି ବଦାଦି ବିରୋଦ୍ । ଆୟାଞ୍ଜା ପବିତ୍ରଆତ୍ମାଦି ବଦା, ଲୋକା ଗୁଣ୍ଡି ବିରୋଦ୍ । ଇକାନ୍ ନିଜେ ନିଜେଦି ସାତୁ । ଆଦେଙ୍ଗ୍ ମିର୍ ଆମାକା କିଦେଙ୍ଗ୍ ବଦା କିନିଦେର୍, ଆକା କିଦେଙ୍ଗ୍ ଆର୍ତ୍ତିତ୍ ।

୧୯ ଜଦି ପବିତ୍ରଆତ୍ମା ମିଙ୍ଗ୍ ସାଲାକିନାତ୍, ଆର୍ତ୍ତିତ୍ ା ମିର୍ ମାରି ନିୟମ୍ତି ଆତିଗି ସିଲେ ।

୨୦ ମେନ୍ଦଲ୍ଡି ପାଣିଞ୍ଜୁ ନେଗେନ୍ତାନ୍ ନେସ୍ତିମାନିଦେର୍ ଦାରିପାଣି, ତାଗ୍ଗକା,

୨୧ ଲାଲାୟ୍ ଆନିକା, ବମା ପୁଜା, ଜାଦୁବିଦ୍ୟା ଗୁଣିଆ, ସାତୁ, ଜାଟି, ଆକାର୍, ରିସା, ନିଜେଦି ସୁଣିକା, ଦଲ୍ଆନିକା ଆସା,

୨୨ ରିସା ନି ସସ୍ତିକା ମାରି ରଙ୍ଗ୍‌ରସ୍ ଞ୍ଜୁ ରମ୍ତି ପାଣି ଞ୍ଜୁ; ନାନ୍ ଆଗ୍ତି ଏଣ୍ଡେସ୍ ଇର୍ହାମାହା, ଆୟାଞ୍ଜା ଆଗ୍ତିରାନ୍ ଇଜିନା ଜେ, ଏମେକାର୍ ଇୟାଞ୍ଜୁ ରକମ୍ତି ପାଣି କିନାର୍, ଖାର୍ ମାପୁରୁଦି ରାଜିଦି ଅଦିକାରି ଆଦେଙ୍ଗ୍ ା ଆର୍ତ୍ତ୍ ।

୨୩ ମାତର୍ ଆତ୍ମାଦି ଦାନ୍ ଆଜିନାତ୍; ଜିବନ୍ନୋନିକା, ଖେଡ଼ିକା, ସାନ୍ତି, ସାସ୍ଆନିକା, ଦୟା, ନେଗିକା, ବିସ୍ବାସ୍,

୨୪ ତିରୁଜିବନ୍ ମାରି ଆତ୍ମା ରକିୟା ଇୟାଞ୍ଜୁ ବିରୁଦ୍ତାନ୍ ଆମାଜନି ନିୟମ୍ ସିଲେତ୍ ।

୨୫ ଏମେକାର୍ କ୍ରିସ୍ତ ଜିସ୍ତିଦିକାର୍, ଖାର୍ ଞ୍ଜୁ ଆସାନି ଆସାଦି ଲୋକା ଗୁଣ୍ଡିତ୍ କୁସଦୁ ତାକ୍ତାମାନାନ୍ ।

୨୬ ପବିତ୍ରଆତ୍ମା ମାଙ୍ଗ୍ ଜିବନ୍ ସିତାମାନାତ୍, ଖାନ୍ ମା ଜିବନ୍ତିତ୍ ବା ସାଲାକିପିତ୍ ।

୨୭ ଆଦେଙ୍ଗ୍ ଗର୍ବ କିନିକା ମାରି ଆଇଞ୍ଜାରିଙ୍ଗ୍ ରିସା କିନିକା ମାରି ଆମାଞ୍ଜାନିଙ୍ଗ୍ ରିସା କିନିକା ମାଙ୍ଗ୍ ନେଗେତ୍ ସିଲେତ୍ ।



ନିଜେନିଜେଦି ବଜୁ ପିଣ୍ଡୁ

୧ ଏ ତଡ଼ାନ୍ କୁ ନି ତାଙ୍ଗ୍ କି ! ଜଦି ଅରେନ୍ ତାଗ୍ଗ ପାଣିଦୁ ଦାରା ପଡ଼ାନାନ୍, ମି ଲୋଇ ଏମେକାର୍ ପବିତ୍ରଆତ୍ମାଦି ମାଣାନ୍ ସାଲାନାନ୍, ଖାର୍ ଞ୍ଜାନିଙ୍ଗ୍ ବୁଜାକିନିକା ମାନାତ୍, ମାତର୍ ମିର୍ ଇୟା ପାଣି ନେଗେନ୍ତାନ୍, ସାନ୍ତିଦାନ୍ କିନିକା ମାନାତ୍ । ମାରି ଜାଗାର୍ତା, ନିଜେ ଏଣ୍ଡେସ୍ ଆୟାଞ୍ଜା ପାଣି କିଦେଙ୍ଗ୍ ଲାଲାୟ୍ ଆମାଟ୍ ।

୨ ନିଜେନିଜେଦି ବଜୁ ପିଣ୍ଡୁଦେଙ୍ଗ୍ ଇଜି ସାହାଜ୍ୟ କିଦୁ । ଇକା କିନି ମାଣାନ୍ ମିର୍ କ୍ରିସ୍ତିଦି ମାଟା ମାନାନିଦେର୍ ।

୩ ନେସ୍ଏଜି ବା ଜେ ନିଜେଦିଙ୍ଗ୍ ନେସ୍ତାମାନା ଇଜି ଅଡ୍‌ବିତିଙ୍ଗ୍, ଖାନ୍ ନିଜେଦିଙ୍ଗ୍ କେବଲ୍ ଟକେ କିଜିନାନ୍ ।

୪ ଞ୍ଜିଜେରେ ନିଜେ ନିଜେଦି ସାଲାବୁଲାନିକା ବିଚାର୍ କିଜି ସୁଣି ଦର୍କାର୍ । ଜଦି ଆକା ନେଗିକାଆନାତ୍, ଆୟାଞ୍ଜୁ ଖାନ୍ ନିଜେଦିଙ୍ଗ୍ ଜିଣାତିକାନ୍ ଇଜି ଅଡ୍‌ବିତାମାନା ମାରି ଆଇଞ୍ଜାନି ପାଣିଦି ଖାଲେ ନିଜେଦି ଜିଣାନିତାନିଙ୍ଗ୍ ତୁସ୍ସି ଖାନ୍ ଗର୍ବ କିମାକିନ୍ ।

୫ ଇରିଙ୍ଗ୍ ଞ୍ଜିଜେରିଙ୍ଗ୍ ନିଜେ ନିଜେଦି ବଜୁ ପିଣ୍ଡୁଦେଙ୍ଗ୍ ପଡ଼ାନାତ୍ ।

୬ କ୍ରିସ୍ତିଦି ସୁସମାଚାର ଅଜାନି ଖାଲେ ସିକିୟାସିନି ଗୁରୁଙ୍ଗ୍ ନିଜେ ପୟ୍ଜି ମାନି ଞ୍ଜୁ ନେଗି ବିସୟ୍ତି ମିସାକିନିକା ମାନାତ୍ ।

୭ ମାପୁରୁ ଟକେ ଆଏନ୍ : ଆକା କିଦେଙ୍ଗ୍ ସଲ୍ସି ମିରୁ ନିଜେ ଟକେ ଆମାଟ୍ । ଲୋକୁ ଆମାକା ଞ୍ଜିତ୍ନାର୍, ଆକାନେ କୟ୍ନାର୍ ।

୮ ଏନ୍ ଦୁନିଆ ଇସାବ୍ତାନ୍ ଆସାଦି କିଡ଼ିତ୍ ଞ୍ଜୁ ଞ୍ଜିତ୍ନାନ୍, ଖାନ୍ ସାନି ରୁପ୍ତି ପାସି ଉଣ୍ଡା କିନାନ୍ । ଜଦି ଖାନ୍ ପବିତ୍ର ଆତ୍ମାଦି କିଡ଼ିତ୍ ଞ୍ଜୁ ଞ୍ଜିତ୍ନାନ୍, ଆର୍ତ୍ତିତ୍ ା ଏସ୍କାଙ୍ଗ୍‌ଞ୍ଜିଇ ଜିବନ୍ତି ପାସି ଉଣ୍ଡା କିନାନ୍ ।

୯ ଆଦେଙ୍ଗ୍ ସଡ଼ପାଣି କିଦେଙ୍ଗ୍ ମାଡ୍ ଖାଦ୍‌ନି ନେଗେତ୍ ସିଲେ । ଇରିଙ୍ଗ୍ ଆବେଟାନ୍ ଖାଦ୍‌ଏତିଙ୍ଗ୍, ଟିକ୍ ସମୟ୍ତୁ ମାଡ୍ ପାସି ଉଣ୍ଡାକିଦେଙ୍ଗ୍ ଆଟ୍‌ନିକା ।

୧୦ ଆଦେଙ୍ଗ୍ ଏସ୍ ଦେବେଙ୍ଗ୍ ସାରି ପୁଟ୍‌ନାତ୍, ଞ୍ଜୁଦିନ୍ ଞ୍ଜିଜେରି, ବିସେସ୍‌କିଜି ଏମେକାର୍ ମା ବିସ୍‌ବାସି ପରିବାର୍ତ୍ତୁ, ଖାରି ନେଗିକା କିନିକା ମା ପାଣି ।

ସାରାସାରି ଜାଗାର୍ତା ମାଟା ନି ମାଡ଼ିସ୍‌କିନିକା

୧୧ ସୁଡ୍‌ଦୁ, ଏସ୍ ପେରି ପେରି ଅଇକର୍ତ୍ତାନ୍ ନିଜେଦି କିୟ୍‌ଦାନ୍ ନାନ୍ ମିଙ୍ଗ୍ ଇକା ରାସ୍‌ସିନା ।

୧୨ ଏମେକାର୍ ଆଡ୍‌ରେଦି ବିସୟ୍ତିତ୍ ତରୁଆଇ ଆନାର୍ ମାରି ପେରିକାର୍ ତରୁନାର୍, ଖାର୍ ନେ ମିଙ୍ଗ୍ ସୁନ୍ନତ୍ ଆଦେଙ୍ଗ୍ ଜାସେ କିଜିନାର୍ । କ୍ରିସ୍ତିଦି କୁସ୍ ଉଣ୍ଡିଙ୍ଗ୍ ତାଡ଼ନା ବଗ୍ କିଇ ଇସାବ୍ତାନ୍ ଖାର୍ ଇକା କିଜିନାର୍,

୧୩ ଏମେକାର୍ ସୁନ୍ନତ୍ ନିୟମ୍ ମାନାନାର୍, ଖାର୍ ବା ମସାଦି ନିୟମ୍ ମାନାଏର୍ । ମିର୍ ସୁନ୍ନତ୍ ଆଦୁ ଇଜି ଖାର୍ ବଦାକିଜିନାର୍ । ଇକା ମେନ୍ଦଲ୍ଡି ନିୟମ୍ ମାନାଦେଙ୍ଗ୍ ା ଇଜି ମିଙ୍ଗ୍ ଟକେ କିଦେଙ୍ଗ୍ ଆର୍ତ୍ତିତ୍, ଖାର୍ ଗର୍ବ କିନାର୍ ।

☆ ୫:୧୭ ରୋମିୟ ୬:୧୫-୨୩.

୧୪ ମାତର ନାନୁ କେବଳ ମା ପ୍ରବୁ ଜିସୁ କ୍ରିସ୍ତଦି କୁସ ବିସୟତାନ୍ ଗର୍ବ କିଜିନା; ଇରିଙ୍ଗ୍ ଖାନି କୁସ ଉଣ୍ଡିଙ୍ଗ୍ ଦୁନିଆ ନା
ଉଣ୍ଡିଙ୍ଗ୍ ସାତାମାନାଡ଼ ମାରି ନାନୁ ଦୁନିଆ ଉଣ୍ଡିଙ୍ଗ୍ ସାତାମାନା ।

୧୫ ଏନ୍ ସୁନ୍ନତ ମାରି ଅସୁନ୍ନତ, ଆବେନୁ ଇନିକା ସଲ୍‌ଏଡ଼ ରେଏଡ଼, ପୁନି ଜନମ୍ ନେ ସଡ଼ ବିସୟ ।

୧୬ ଏମେକାର୍ ନିଜେଦି ଜିବନ୍ତୁ ଇୟା ନିତି ମାନାନାର୍, ଖାର୍ ଓଜେରେ ମାରି ମାପୁରୁଦି ଇସ୍ରାଏଲ୍‌ତି ଲୋକୁ ଓଜେରେ
ଜିବନ୍ତୁ ସାନ୍ତି ପୟନାର୍ ମାରି ଦୟା ଏଡ଼ କିପିର୍ ।

୧୭ ସାରାସାରି, ନା ନିସନେ ଖେରନି ମାଗା, ନାଙ୍ଗ୍ ମାରି ଏନ୍ ଦୁକୁ ସିମାକିନ୍ । ଇରିଙ୍ଗ୍ ନା ମେନ୍‌ଲୁଡ଼ ଏମେ ଓଜୁ
ଗାଉ ସିନା ମାନାଡ଼, ଆବେଣାନ୍ ତରାଜିନାଡ଼ ଜେ, ନାନୁ ଜିସୁଦି ଦାସ୍ ।

୧୮ ଏ ତଡ଼ାନକୁ ନି ତାଙ୍ଗ୍ କି ! ମା ପ୍ରବୁ ଜିସୁ କ୍ରିସ୍ତଦି ଦୟା ମି ଆମ୍ବାଦୁ ଓଜେରି ଲାକ୍‌ତୁ ମାନିଡ଼ । ଆମେନ୍ ।

ଏଫିସୀୟମାନଙ୍କ ନିକଟକୁ ପାଉଲଙ୍କ ପତ୍ର ଏପିସିୟ ଲୋକା ଲାକ୍ତୁ ପାଉଲ୍‌ତି ଆକୁ ଏପିସିୟ ଆକୁ ବିସୟତାନ୍ ଏସ ମାଟା

ଏପିସି ମଣ୍ଡଳି ଲାକ୍ତୁ ପାଉଲ୍‌ତି ଆକୁ ପାଉଲ୍‌ତି ମାଣାନ୍ ଆନାଡ଼ ୭୦ ବାର୍ଷି ଲୋଇ କଲସିୟ ମଣ୍ଡଳି ଲାକ୍ତୁ ରାସ୍‌ନି ଖେଡ଼ାଦୁ ରାସାତାମାର୍‌ହାଡ଼ । ରାସ୍‌ନିକାନ୍ ଖାନ୍ ନିଜେ ପେରିତ ପାଉଲ ଇଜି ଖେର୍ସିନାନ୍ ୧:୧ । ଜଦିବା କଲସିୟ ଆକୁଦୁ ନିଜେଦି ମାଡ଼ିସ୍‌କିନିକା ସିଲିତିଙ୍ଗ୍ ୍ରାଁ ଗାଦି ପଣ୍ଡିତକୁ ଏପିସି ଆକୁ ପାଉଲ ରାସ୍‌ତାମାନାନ୍ ଇଜି ଇନାଡ଼ । ଇୟାଉଣ୍ଡିଙ୍ଗ୍ ୍ରାଁ ଆନାଡ଼ ଓଜୁ ମଣ୍ଡଳିଦିଙ୍ଗ୍ ୍ରାଁ ଆକୁ ବାଟାକିନି ଉଦେସ୍ ଇଡ଼ଜି ରାସାନାମାନାଡ଼ । ପାଉଲ ଇକାବା ଖେର୍ନାନ୍ ଜେ ଖାନ୍ ଇୟା ଆକୁ ରାସ୍‌ନି ବେଡ଼ାଦୁ ଖାନ୍ ଜଇଲ୍‌ତୁ ମାର୍‌ହାନ୍ ୩:୧, ୪:୧, ୬:୨୦ । ପାଉଲ ତୁକିକଦିଙ୍ଗ୍ ଏପିସି ମଣ୍ଡଳିଦୁ ପୋକ୍‌ସି ଖାନ୍ କିୟୁଦୁ ଇୟା ଆକୁ ପକ୍‌ତାମାର୍‌ହାନ୍ ୬:୨୧-୨୨ ।

ଏପିସି ଏସିଆ ରାଜିଦି ଉଣ୍ଡି ପେରି ଗାଡ଼୍ ନି ରାଜଧାନି ମାର୍‌ହାଡ଼ । ଏପିସି ଗ୍ରିକ୍ ଦିୟାମ୍ ଆର୍ଡେମିଦି ପୁଜା ନି ତେନି ମାନ୍‌ରୁତି ଉଣ୍ଡିଙ୍ଗ୍ ଖେଙ୍ଗ୍ ୍ରାଁ ମାର୍‌ହାନ୍ ପ୍ରେରିତ ୯:୨୩-୩୧ । ଏପିସି ମଣ୍ଡଳି ପାର୍‌ତୁମ୍ ତାଡ଼ ମାର୍‌ହାଡ଼ ମାତର୍ ଖେନ୍‌କା ଦିରେ ଦିରେ ଉଣା ଆତାଡ଼ ପ୍ରକାଶିତ ୨:୧-୭ ।

ପାଉଲ ଖାନ୍ ରାସ୍‌ନି ଆଦା ବାଗ୍‌ତୁ ମାପୁରୁ ଏଣ୍ଡେସ୍ ଖାନ୍ ଲୋକାଙ୍ଗ୍ ଆସକିତାନ୍ ମାରି ଏଣ୍ଡେସ୍ ଜିସୁଦି ମାଣାନ୍ ପାପ୍‌ତାନ୍ ରକିୟା କିତାନ୍‌ଆକା ବୁଜାକିନା ସିନାନ୍ । ପାଉଲ ମଣ୍ଡଳିଦିଙ୍ଗ୍ ମୋନ୍‌ଲ୍‌ତି ଖାଲେ ତୁସ୍‌ସି କ୍ରିସ୍ତ ଇୟାଖାନ୍ ତାଲା ମାରି କନାଦି ପେରି କାଲୁ ଆନାନ୍ ଆମାତାନି ଖାଲେ ମିସାଜି ଅର୍‌ସେ ପିର୍‌ଜିନାଡ଼ । ପାଉଲଦି ବଇଦି ଆଦା ବିସୟତୁ କ୍ରିସ୍ତାନ୍ ଜିବନ୍‌ତି ବିସୟତାନ୍ ମାଟା ଖେର୍ନାନ୍ ।

ଇୟା ବଇତୁ ମାନି ଏସ ମୁକିୟ ବିସୟ

- ୧. ପାଉଲ୍‌ତି ମାଡ଼ିସ୍‌କିନିକା ମାରି ନିଜେଦି ବିସୟ ଖେର୍ନିକା । ୧:୧-୨
- ୨. କ୍ରିସ୍ତଦି ଖାଲେ ମଣ୍ଡଳିଦି ମିସାନିକା । ୧:୩-୩:୧-୨୧
- ୩. କ୍ରିସ୍ତୁଆନ୍ ଜିବନ୍ କାଟେକିନି ସାରି । ୪:୧-୬:୨୦
- ୪. ପାଉଲଦି ସାରାସାରି ମାଡ଼ିସ୍ କିନିକା । ୬:୨୧-୨୪

୧ *ମାପୁରୁଦି ବଦାଦାନ୍ କ୍ରିସ୍ତ ଜିସୁଦି ଅରେନ୍ ପ୍ରେରିତ ସିସୁ ବାସେଆତି ମାନି ପାଉଲ ଜିସୁ କ୍ରିସ୍ତଦି ଖାଲେ ମିସାଜି ବିସ୍‌ବାସ୍‌ତାନ୍ ଜିଜିମାନି ଏପିସିୟଦି ମାପୁରୁଦି ବିସ୍‌ବାସିଲୋକା ଲାକ୍ତୁ ରାସ୍‌ତିମାନି ଇୟା ଆକୁ
 ୨ ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତ ମିଙ୍ଗ୍ ୍ରାଁ ଦୟା ନି ସାନ୍ତି ସିପିନ୍ ।

କ୍ରିସ୍ତମାନୁ ଆମ୍‌କି ଆସ୍ ବାଦ୍

୩ ରାଦୁ ଦନ୍‌ସ୍‌ବାଦ୍ ସିନାଡ଼ ମା ପ୍ରବୁ ଜିସୁ କ୍ରିସ୍ତଦି ବୁବା ମାପୁରୁ । ଇରିଙ୍ଗ୍ ଖାନ୍ ମାଙ୍ଗ୍ ୍ରାଁ କ୍ରିସ୍ତଦି ଖାଲେ ମିସାକିଜି ମୁସ୍‌କୁପୁରୁତି ମୋନ୍‌ଲ୍‌ତି ଓଜୁ ଆମ୍‌କି ଆସ୍ ବାଦ୍ ସିତିମାନି ।

୪ କ୍ରିସ୍ତଦିମାନୁ ମିସାଜି ମାଡୁ ଏଣ୍ଡେସ୍ ମାପୁରୁଦି ଲୋକୁ ଆନିକା ଆୟାଉଣ୍ଡିଙ୍ଗ୍ ଖାନ୍ ମାଙ୍ଗ୍ ୍ରାଁ ପୂତିବି ତିଆର୍ ଆନି ଆଗଡ଼ିରାନ୍ ବାସେକିତାମାନାନ୍ । ମାରି ଖାନ୍ ଜିବନ୍‌ନୋନିକା ମାଡୁ ଖାନ୍ ଆଗଡ଼ି ପବିତ୍ର ନି ଦସ୍‌ସିଲିକାର୍ ଆନିକା ।

୫ ଜିସୁ କ୍ରିସ୍ତଦି ମାଣାନ୍ ଖାନ୍ ମାଙ୍ଗ୍ ୍ରାଁ ଖାନ୍ କଡ଼ର୍ ନି ଆଇଲିକ୍ ଖାଜା ପସା କିଦେଙ୍ଗ୍ ଇଜି ତିଆର୍ କିତାମାର୍‌ହାନ୍; ଇକାନେ ମାର୍‌ହାଡ଼ ଖାନ୍ ଖେଡ଼ିକା ନି ବଦା ।

୬ ମାପୁରୁଦି ଗୌରବ୍ ଦୟା ଉଣ୍ଡିଙ୍ଗ୍ ୍ରାଁ ମାରି ଖାନ୍ ଲାଡ଼ତି ମାରିନ୍‌ତିଙ୍ଗ୍ ୍ରାଁ ଆର୍‌ଏନେ ଦାନ୍ ଖାଜା ପୟ୍‌ତିମାନିଙ୍ଗ୍ ୍ରାଁ ସିଲେ, ମାପ୍ ମାପୁରୁଦି ଦନ୍‌ସ୍‌ବାଦ୍ କିଜିନାପ୍ ।

୭ *କ୍ରିସ୍ତଦି ସାତି ମାଣାନ୍ ମାଡ଼ ରକିୟା ପୟ୍‌ତିମାନିକା, ଅର୍ତ୍ତାଡ଼ ମା ଓଜୁ ପାପ୍ କେମା ଆତାମାନାଡ଼ । ମାପୁରୁଦି ଦୟା ଏସା ପେରିକା,

୮ ଆୟା ଦୟା ଓଜୁଜାତିଦି ବୁଦି ମାରି ଖାନ୍ ଖାନ୍ ମାଙ୍ଗ୍ ୍ରାଁ ନାଣୁଦାନ୍ ସିତାମାନାନ୍ !

୯ ମାପୁରୁ ଖାନ୍ ପେରି ବୁଦି ନି ଲୋଇ ସୁଣି ମାଣାନ୍ ଆମାକା ବଦାକିତା ମାର୍‌ହାଡ଼, ଆକା ପୁରା କିତାମାନାନ୍ ମାରି ତାନିଙ୍ଗ୍ କ୍ରିସ୍ତଦି ସାକାଦାନ୍ ପୁରା କିଦେଙ୍ଗ୍ ଇଜି ଖାନ୍ ଏମେ ମାର୍‌ଗିତି ସିନ୍ତା କିତାମାର୍‌ହାନ୍, ଆକା ମା ଲାକ୍ତୁ ଖେକ୍‌ତା ମାନାନ୍ ।

* ୧:୧ ପ୍ରେରିତ ୧୮:୧୯-୨୧; ୧୯:୧. * ୧:୭ କଲସିୟ ୧:୧୪.

୧୦ ଆୟା ସିନ୍ଧାଦି ଇସାବତାନ ମୁସକୁପୁର ନି ଦୁନିଆଦି ଓଁକୁ ତିଆର ଆତି ବିସୟ ଉନ୍ତେ ଆନେ ମାରି କ୍ରିସ୍ତ ଆୟାଓଁକୁଦି ତାଲା ଖାଜା ତେବାନାନ । ଇୟା ସିନ୍ଧା ମାପୁରୁ ଟିକ୍ ଖେଡାଦୁ ପୁରା କିନାନ ।

୧୧ ଓଁକୁ ବିସୟ ମାପୁରୁଦି ଜୋଜନା ନି ରାଜିଆନି ଇସାବତାନ ଆନାଡ଼; ଆଗ୍ଡିରାନ କିତିମାହ୍ ନିଜେଦି ଉଦେସ୍ କିଦେଙ୍ଗ ଇଜି, କ୍ରିସ୍ତଦି ମାଣାନ ଖାନି ନିଜେ ଲୋକୁ ଆଦେଙ୍ଗ ଇଜି ମାପୁରୁ ମାଙ୍ଗ୍ ଆସକିତାମାନାନ ।

୧୨ ରାଦୁ, ଏମେକାର୍ ଓଁଜେରି ଆଗ୍ଡି କ୍ରିସ୍ତମାନୁ ଆସା ଇଟତାମାର୍ପା, ଓଁଜେରେ ମାପୁରୁଦି ମହିମା କିନିକା ।

୧୩ ମିର୍ ବା ଏସ୍ତିଖାଲେ ରକିୟା ପୁଟ୍ଟି ଇୟା ସୁସମାଚାରତି ସଡ଼ ମାଟା ଖେରଇଦେର୍, ଆୟା ଖେଡାଦାନ ମାପୁରୁଦି ଆତିମାନିଦେର୍ । ମିର୍ କ୍ରିସ୍ତଙ୍ଗ୍ ବିସ୍ବାସ କିତିମାନିଙ୍ଗ୍, ମାପୁରୁ ଖାନି ପାରମାଣ୍ ଇସାବତାନ ପବିତ୍ର ଆମ୍ବାଦିଙ୍ଗ୍ ସିଜି ମି ମୁସକୁ ଖାନି ଅଦିକାରତି ଟାପ୍ଡେଇତା ମାନାନ ।

୧୪ ମାପୁରୁ ଖାନି ଲୋକାଙ୍ଗ୍ ଏମେ ଓଁକୁ ବିସୟ ସିଦେଙ୍ଗ ଇଜି ପାରମାଣ୍ କିତାମାନାନ, ଆୟାଓଁକୁ ଜେ ମାଡ଼ ପୟନିକା, ପବିତ୍ର ଆମ୍ବା ତାନି ସଡ଼ ଖାଜା । ମାପୁରୁ ଖାନି ଲୋକାଙ୍ଗ୍ ମୁକ୍ତାନି ପୁରାଆନିକା ସିନାନ, ଇୟା ସଡ଼ ନେସ୍ସି, ରାଦୁ ମାପୁରୁଦି ଦନ୍ୟବାଦ କିନାଟ୍ ।

ପାଉଲ୍ଡି ପାର୍ତନା

୧୫ ଇୟାଉଣ୍ଡିଙ୍ଗ୍ ପ୍ରବୁ ଜିସୁମାନୁ ମି ବିସ୍ବାସ ନି ମାପୁରୁ ଲୋକା ଉଣ୍ଡିଙ୍ଗ୍ ମି ଜିବନ୍ନୋନିକା ମାନାଡ଼,

୧୬ ଇୟାଓଁକୁ କାରୁର୍ ଖେନ୍ଜି ମି ଉଣ୍ଡିଙ୍ଗ୍ ମାପୁରୁଙ୍ଗ୍ ଦନ୍ୟବାଦ ସିଜି ଖାଜିନା, ନାନୁ ବା ନା ପାର୍ତନାଦୁ ମିଙ୍ଗ୍ ଓଁକୁଦିନ୍ ଏଡକିଜି ଖାଜିନା ।

୧୭ ନାନୁ ନା ଗୌରବତି ବୁବା, ମା ପ୍ରବୁ ଜିସୁ କ୍ରିସ୍ତଦି ମାପୁରୁଙ୍ଗ୍ ପାର୍ତନା କିନା, ଏଣ୍ଡେସ୍ ଖାନ ମିଙ୍ଗ୍ ପବିତ୍ର ଆମ୍ବା ସିନାନ, ଆୟା ଆମ୍ବା ମିଙ୍ଗ୍ ରୁଦି ସିନାଡ଼ ମାରି ମାପୁରୁଙ୍ଗ୍ ମି ଲାକ୍ତୁ ତରନାଡ଼ । ଆତିଙ୍ଗ୍, ମିର୍ ଖାନିଙ୍ଗ୍ ନେସ୍ତେଙ୍ଗ୍ ଆଟ୍ଟିନିଦେର୍ ।

୧୮ ନାନୁ ବାତିଙ୍ଗ୍ ମାଲ୍ନା, ଏଣ୍ଡେସ୍ ଖାନି ଜାୟ୍ ସୁଡ଼ୁଦେଙ୍ଗ ଇଜି ମି ଲୋଇରି କାଣ୍ଗା ରେଆନାଡ଼ । ଆବେଶାନ ଏମେ ଆସା ଉଣ୍ଡିଙ୍ଗ୍ ମିର୍ ଖାନି ମାଣାନ କୁକାୟ୍ ଆତିମାନିଦେର୍, ଆକା ନେସ୍ନିଦେର୍ ।

୧୯ ଖାନି ଲୋକା ଉଣ୍ଡିଙ୍ଗ୍ ଖାନି ପାରମାଣ୍ଡିକା କାବାଆନି ଆସ୍ ବାଡ଼ ଓଁକୁ ଜେ ଏସା ନାଣ୍ଡ, ମାରି ମା ନାନି ବିସ୍ବାସି ଲୋକା ଲୋଇ ଖାନି ସାଲାନି ସାଲି ଜେ ଏସା ପେରିକା, ଆକା ମିର୍ ନେସ୍ତେଙ୍ଗ୍ ଆଟ୍ଟିନିଦେର୍ ।

୨୦ ଇଲେଇ, ମା ଲୋଇ ପାଣିକିଜି ମାନି ଆୟା ସାଲି ଦାନ ନେ ମାପୁରୁ କ୍ରିସ୍ତଙ୍ଗ୍ ସାତି ମାଣାନ ନିକ୍ସି ଖାନି ମୁସକୁପୁରତି ନିଜେଦି ଉଣ୍ଡେରି ତରିନ୍ ବାସିସ୍ କିତାମାନାନ ।

୨୧ କ୍ରିସ୍ତ ଓଁକୁ ମୁସକୁପୁରତି ସାସନ୍ କିନିକାନ, କିଦେଙ୍ଗ୍ ଆଟ୍ଟିନି ଅଦିକାରି, ସାଲିଦିକାନ ମାରି ନେତାରି ମୁସକୁ ସାସନ୍ କିନାନ, ଇୟା ଜୁଗ୍ କି ଖାନି ଜୁଗ୍ଦି ଅଦିକାରିସିନା ଓଁକୁ ଅଦିକାର୍ ବାଦ୍ଲୁ ଖାନି ଅଦିକାର୍ ନାଣ୍ଡ ପେରିକା ।

୨୨ ମାପୁରୁ ଓଁକୁ ବିସୟ କ୍ରିସ୍ତଦି ପାଦାମ୍ ଆଡ଼ଗି ଇଟତାମାନାନ ମାରି ଓଁକୁ ବିସୟ ମୁସକୁ ଖାନିଙ୍ଗ୍ ଓଁଜେରିଙ୍ଗ୍ ପେରି ପ୍ରବୁ ଖାଜା ମଣ୍ଡଲିଦିଙ୍ଗ୍ ସିତାମାନାନ ।

୨୩ ମଣ୍ଡଲି କ୍ରିସ୍ତଦି ମେନ୍ଦଲ୍; ମଣ୍ଡଲି ଦାନ କ୍ରିସ୍ତଦି ପାଣିଦି ପୁରାଆନି ପାଣି ଆନାଡ଼; ମାରି କ୍ରିସ୍ତ ଓଁକୁ ବିସୟ ପୁରା କିନାନ ।

୨

ସାନିମାଣ୍ଡୁକୁ ଜିବନ୍ ପୋଇନିକା

୧ ମି ମାନାଇକା ମାରି ପାପ୍ ଉଣ୍ଡିଙ୍ଗ୍ ସର୍ଇଦିନ୍ତୁ ନେସ୍ନିଖାଜା ସାତି ମାର୍ଇଦେର୍ ।

୨ ଆୟା ବେଡାଦୁ ମିର୍ ଦୁନିଆଦି ସଡ଼ସିଲି ସାରିଦୁ ବୁଲାଜି, ବାଦଡ଼ତି ରାଜିଦି ଅଦିପତିଦି ଆଡ଼ଗି ମାର୍ଇଦେର୍ । ଆୟା ଅଦିପତି ଇଲେଇ ମାପୁରୁଦି ମାଟା ଆସ୍ଇଖାରି ଲୋକା ମୁସକୁ ସାସନ୍ କିଜିନାନ ।

୩ ସଡ଼ତାନ ମାଡୁ ଓଁକୁଲୋକୁ ଖାରି ଖାଜା ମାର୍ଇକା ମାରି ମେନ୍ଦଲ ନି ମନ୍ତି ଆସାଆନି ଇସାବତାନ ଜିଜି ମାର୍ଆଟ୍ । ମାରି ଆଇଖାରି ଖାଜା ମାଡୁ ବା ମାପୁରୁଦି ରିସାଦି ବାଦ୍ଲୁ କାସ୍ ପୟ୍ଦେଙ୍ଗ୍ ସୋଲ୍ସିମାର୍ହାପ୍ ।

୪ ମାତର୍ ମାପୁରୁଦି ଦୟା ନିସା ନାଣ୍ଡ ମାରି ମା ଉଣ୍ଡିଙ୍ଗ୍ ଖାନି ଜିବନ୍ନୋନିକା ନିସା ପେରିକା ଜେ,

୫ ମା ମାନାଇ ଉଣ୍ଡିଙ୍ଗ୍ ମାଡୁ ନେସ୍ନିଖାଜା ସାତି ମାର୍ଇ ବେଡାଦୁ ଖାନ କ୍ରିସ୍ତଦି ଖାଲେ ମାଙ୍ଗ୍ ଜିବନ୍ କିତାନ । ମାପୁରୁଦି ଦୟାଦାନ ନେ ମିର୍ ରକିୟା ପୟ୍ତିମାନିଦେର୍ ।

୬ କ୍ରିସ୍ତ ଜିସୁଦି ଖାଲେ ଅର୍ସେଆତି ମାଣ୍ଡୁ ଖାନି ଖାଲେ ମୁସକୁପୁରତୁ ସାସନ୍ କିନି ଉଣ୍ଡିଙ୍ଗ୍ ଖାନ ମାଙ୍ଗ୍ ବା ନିକ୍ତାମାନାନ ।

୭ ଜିସୁ କ୍ରିସ୍ତଦିମାନୁ ତର୍ଡିମାନି ଜିବନ୍ନୋନିମାନୁ ଖାନି ଜୁଗ୍ତୁ ନିଜେଦି ଦୟାଦାନ ସାମାନ୍ତି ପେରି ନାଣ୍ଡ ଧନ ତର୍ଡି ଉଣ୍ଡିଙ୍ଗ୍ ମାପୁରୁ ଇକା କିତାନ ।

☆ ୧:୨୨ କଲସିୟ ୧:୧୮. ☆ ୨:୧ କଲସିୟ ୨:୧୩.

୮ ଇରିଙ୍ଗ୍ ମାପୁରୁଦି ଦୟା ଉଣ୍ଡିଙ୍ଗ୍ ବିସ୍‌ବାସ୍‌ତାନ୍ ମିର୍ ରକିୟା ପୟ୍‌ତିମାନିଦେର୍; ଇକା ମି ନିଜେଦିମାଣୁକୁ ଆଏଡ୍, ମାତର୍ ମାପୁରୁଦି ଦାନ୍ ଇକା ।

୯ ଆଦେଙ୍ଗ୍ ଇୟା ବିସ୍‌ୟତାନ୍ ଏନ୍ ଗର୍ବ୍ କିଦେଙ୍ଗ୍ ଆର୍ଏନ୍ ।

୧୦ ମାତୁ ଆମାକା ଆଦେଙ୍ଗ୍ ଆର୍ଡିମାନିକା, କେବଲ ମାପୁରୁନେ ଆକା କିତାମାନାନ୍; ଆମାଞ୍ଜିକୁ ସଡ୍ ପାଣି ମାପ୍ କିନାପ୍ ଇଜି ମାପୁରୁ ଆଗ୍‌ଡିନେ ତିଆର୍ କିତାମାହାନ୍, ମାପୁ କ୍ରିସ୍‌ ଜିସୁଦି ଖାଲେ ମିସାନି ମାଣ୍‌କୁ ଆକା ପୁରା ଆତାମାନାଡ୍ ।

କ୍ରିସ୍‌ତିମାନୁ ଉଣ୍ଡାନିକା

୧୧ ନିଜେଦି ସର୍‌ଇଦିନତି ଅବସ୍ତା ଏଡ୍ କିଦୁ, ମିର୍ ଅଣଜିହୁଦି ମାର୍‌ଇଦେର୍, ନିଜେଦିଙ୍ଗ୍ “ସୁନ୍‌ଡ” ଇଜି ଖେର୍‌ସିମାନି ଜିହୁଦିର୍ ମିଙ୍ଗ୍ “ଅସୁନ୍‌ଡ” ଇଜି ଇଜିମାରାର୍ । ଇକା କେବଲ ଉନ୍‌ଡ୍ରେ ମେନ୍‌ଲ୍‌ତି ଅବସ୍ତାଦିଙ୍ଗ୍ ବୁଜାନାଡ୍ ।

୧୨ ଆଗ୍‌ଡି ମିର୍ କ୍ରିସ୍‌ତିମାଣୁକୁ ଆକ ମାର୍‌ଇଦେର୍, ମିର୍ ଆଇଦେସ୍‌ତି ଲୋକ୍ ମାର୍‌ଇଦେର୍ ମାରି ମାପୁରୁଦି ଆସକିତିମାନି ଲୋକାମାନୁ ମିସାଏତି ମାର୍‌ଇଦେର୍ । ମାପୁରୁ ତାମି ଇସ୍‌ାଏଲ ଲୋକା ଉଣ୍ଡିଙ୍ଗ୍ କିତିମାନି ପାର୍‌ମାଣ୍ ମୁସ୍‌କୁ ତିଆର୍‌ତି ନିୟମ୍‌ତୁ ମି ଇନିକା ମିସାଏଡ୍ ମାର୍‌ହାଡ୍ । ମାରି ଆସାସିଲିକା ମାରି ମାପୁରୁଦିମାଣୁକୁ ଖେର୍‌ଏ ଆଜି ମିର୍ ଜଗଡ୍‌ତୁ ବାସାତି ମାର୍‌ଇଦେର୍ ।

୧୩ ପୁର୍ବେ ମିର୍ ଆକ ମାର୍‌ଇଦେର୍, ମାତର୍ ଇଲେଇ କ୍ରିସ୍‌ ଜିସୁଦିମାନୁ ଖାନି ନେତେର୍‌ତାନ୍ ଲାକ୍‌ତୁ ଆତିମାନିଦେର୍ ।

୧୪ ଇରିଙ୍ଗ୍ ଜିହୁଦି ମାରି ଅଣଜିହୁଦିରିଙ୍ଗ୍ ଅର୍‌ସେ କିଜି, କ୍ରିସ୍‌ ନିଜେ ମାମାନୁ ସାନ୍ତି ତିଆର୍ କିତାମାନାନ୍ । ଖାରିଙ୍ଗ୍ ଖେର୍‌ଏ କିଜି ନିଜେନିଜେଦିମାନୁ ସାତୁ ଖାଜା ଇଡ୍‌ନିମାନି ଗଡାଦିଙ୍ଗ୍ ଖାନ୍ ଖାନି ନିଜେଦି ମେନ୍‌ଲ୍‌ଦାନ୍ ରୁକ୍‌ତାମାନାନ୍ ।

୧୫ *ଖାନ୍ ଜିହୁଦିରି ଖିଜୁ ବିଧିଧିଆନ୍ ମାଟାଦି ନିୟମ୍‌ତିଙ୍ଗ୍ ନିଜେଦି ମେନ୍‌ଲ୍‌ତାନ୍ ଗୁସା କିତାମାନାନ୍, ଏଣ୍ଡେସ୍ ଖାନ୍ ସାନ୍ତି ତିଆର୍ କିଜି ରୁଣ୍ଡିଖାନିକାଙ୍ଗ୍‌ବା ନିଜେଦିମାନୁ ଅରେନ୍ ପୁନି ଲୋକ୍ ଖାଜା ତିଆର୍ କିନାନ୍,

୧୬ *କୁସକାର୍‌ତୁ ଖାନି ସାତିମାଣୁକୁ କ୍ରିସ୍‌ ଆୟା ଲୋକାମାନୁ ମାନି ସତୁଦିଙ୍ଗ୍ ନାସ୍‌ କିତାମାନାନ୍; କୁସକାର୍‌ଦାନ୍ ଖାନ୍ ରୁଣ୍ଡି ଜାତିଆଙ୍ଗ୍ ମିସା କିଜି ଉନ୍‌ଡ୍ରେ ମେନ୍‌ଲ୍ ଖାଜା କିତାମାନାନ୍ ମାରି ମାପୁରୁଦି ଲାକ୍‌ତୁ ଡେସି ତାତାମାନାନ୍ ।

୧୭ ଆୟାଉଣ୍ଡିଙ୍ଗ୍ କ୍ରିସ୍‌ ଖାତାମାହାନ୍ ମାରି ମାପୁରୁଦିମାଣୁକୁ ଆକ ସୋର୍‌ଇମାନି ଅଣଜିହୁଦି ମାରି ଖାନି ଲାକ୍‌ତୁମାନି ଜିହୁଦିରିମାନୁ ସାନ୍ତିଦି ସୁସମାଚାର ପ୍ରଚାର କିତାମାହାନ୍ ।

୧୮ କ୍ରିସ୍‌ତି ମାଣୁକୁ ନେ ଜିହୁଦି ମାରି ଅଣଜିହୁଦି ଖିଜେରେ ଉନ୍‌ଡ୍ରେ ଆମ୍‌ାଦୁ ବୁବାଦି ଆଗ୍‌ଡି ଖାଦେଙ୍ଗ୍ ଆର୍‌ତା ମାନାପ୍ ।

୧୯ ମାରି, ମିର୍ ମାରି ଆଇଦେସ୍‌ତୁ ନି ଆଇମାନୁବାସାକିନିଲୋକୁ ଆଇଦେର୍, ମାତର୍ ଇଲେଇ ମାପୁରୁଦି ଲୋକା ଖାଲେ ମିର୍ ବା ଖାନି ରାଜିଦି ଲୋକ୍ ମାରି ଖାନି ଇଲୁପରିବାର୍‌ତି ଲୋକ୍ ଆତିମାନିଦେର୍ ।

୨୦ ମିର୍ ବା ପ୍ରେରିତ ସିସୁ ମାରି ବାବବାଦିରି ତିଆର୍‌କିତି ମୁଲ୍‌କାଲୁ ମୁସ୍‌କୁ ତିଆର୍‌ଆତି ଇଲୁଖାଜା । ଆୟା ଇଲୁଦି କୁନାଦି ମୁଲ୍‌କାଲୁ ନିଜେ କ୍ରିସ୍‌ ଜିସୁ ।

୨୧ ଖାନ୍‌ନେ କେବଲ ଇୟା ଇଲୁଦିଙ୍ଗ୍ ଜଡେଇ କିଜି ଇଡ୍‌ନାନ୍ ମାରି ପ୍ରବୁଦି ଉଣ୍ଡିଙ୍ଗ୍ ଉନ୍‌ଡ୍ରି ପବିତ୍ର ମନ୍ଦିର୍ ଖାଜା ପିରିସ୍ କିନାନ୍ ।

୨୨ ଖାନି ସାହାଜ୍ୟଦାନ୍ ମିର୍ ବା ଆଇ ଖିଜେରି ଖାଲେ ଆମ୍‌ାଖାଜା ମାପୁରୁଦି ତେବାନି ଉଣ୍ଡିଙ୍ଗ୍ ଉନ୍‌ଡ୍ରି ତେବାନି ଇଲୁଖାଜା ତିଆର୍ ଆଜିନିଦେର୍ ।

୩

ଅଣଜିହୁଦିରି ଉଣ୍ଡିଙ୍ଗ୍ ପାଉଲଦି ପାଣି

୧ ଇୟାଉଣ୍ଡିଙ୍ଗ୍ ମି ଖାଜା ଅଣଜିହୁଦିରି ଉଣ୍ଡିଙ୍ଗ୍ କ୍ରିସ୍‌ ଜିସୁଦି ଉଣ୍ଡିଙ୍ଗ୍ ଜଇଲ୍‌ତୁ ମାନି ନାନୁ ପାଉଲ, ମାପୁରୁଦି ଲାକ୍‌ତୁ ପାର୍‌ତାନା କିଜିନା ।

୨ ମି ନେଗି ଉଣ୍ଡିଙ୍ଗ୍ ମାପୁରୁ ଖାନି ଦୟାଦାନ୍ ନାଙ୍ଗ୍ ଜେ ଇୟା ପାଣି କିଦେଙ୍ଗ୍ ସିତାମାନାନ୍, ଇକା ପୁରା ଖେର୍‌ଇମାନି ।

୩ ମାପୁରୁ ଖାନି ଆୟା ମାର୍‌ଗିତିମାନି ମାଟା ଖେର୍‌ସି ନାଙ୍ଗ୍ ଜାଣେକିତାନ୍ । ଇୟା ବିସ୍‌ୟତାନ୍ ନାନ୍ ଇସ୍‌ିକାକିଜି ରାସ୍‌ସିନା ।

୪ *ଆକା ପଡାତିଙ୍ଗ୍, କ୍ରିସ୍‌ତି ମାର୍‌ଗିତିମାନି ମାଟା ବିସ୍‌ୟତାନ୍ ନାନ୍ ଆମାକା ବୁଜାତାମାନା, ଆକା ମିର୍ ନେସ୍‌ତେଙ୍ଗ୍ ଆର୍‌ନିଦେର୍ ।

୫ ପୁର୍ବେକାତାଦି ଲୋକା ଲାକ୍‌ତୁ ଇୟା ମାର୍‌ଗିତିମାନି ମାଟା ବିସ୍‌ୟତାନ୍ ଖେର୍‌ଏର୍ ମାହାର୍ । ମାତର୍ ମାପୁରୁ ଇଲେଇ ଖାନି ପବିତ୍ର ପ୍ରେରିତ ସିସୁ ମାରି ବାବବାଦିରିଙ୍ଗ୍ ଆମ୍‌ାଦାନ୍ ଇକା ଖେର୍‌ତାମାନାନ୍ ।

* ୨:୧୫ କଲସିୟ ୨:୧୪. * ୨:୧୭ କଲସିୟ ୧:୨୦. * ୩:୪ କଲସିୟ ୧:୨୭,୨୭.

୬ ଆୟା ମାରଗିତିମାନି ମାଟା ଆଜିନାଡ଼, ସୁସମାଚାରତି ଉଣ୍ଡିଙ୍ଗ ଜିହୁଦିରି ଖାଲେ ଅଣଜିହୁଦିରି ବା ମାପୁରୁଦି ଆସିର୍ବାଦୁ ମିସାତାମାନାର । ଖାର ଆୟା ଉନ୍ତେ ମେନ୍ଦଲତି ମେନ୍ଦଲଝିକୁ ମାରି ଜିସୁ କ୍ରିସ୍ତୁଦି ସାହାଜ୍ୟଦାନ ମାପୁରୁ ସିତିମାନି ପାରମାଣୁ ମିସାତାମାନାର ।

୭ ମାପୁରୁଦି ପାଣିକିନି ସାକ୍ତି ଇସାବତାନ ନାଙ୍ଗ ଆମା ଅନୁଗ୍ରହଦି ଦାନ ସିତାମାନାନ, ଆୟାଉଣ୍ଡିଙ୍ଗ ଆୟା ସୁସମାଚାରତି ନାନ ଅରେନ୍ ସେବାକିନିକିମା ଆତାମାନା ।

୮ ନାନ ମାପୁରୁଦି ଲୋକା ଲୋକା ଓଜେରିମାଣୁକୁ ଇସିକିମା, ମାରିବା ଅଣଜିହୁଦିରି ଲାକ୍ତୁ କ୍ରିସ୍ତୁଦି ଓଜିଲ ସମ୍ପତିଦି ବାକ୍ୟ ଆସ୍ତସି ସିନି ଉଣ୍ଡିଙ୍ଗ ନାଙ୍ଗ ମାପୁରୁ ଦୟା ସିତାମାନାନ ।

୯ ମାରି ମାପୁରୁଦି ଆୟା ମାରଗିତିମାନି ମାଟା ଏଣ୍ଡେସ୍ ପାଣି ସିଦେଙ୍ଗ ଆଟନାଡ଼, ଆକା ଓଜେରିଙ୍ଗ ନେସ୍ତସି କିନି ଉଣ୍ଡିଙ୍ଗ ବାଗ୍ୟ ନାନ ପୟତାମାନା । ଓଜୁ ବିସୟତି ତିଆରକିତିକାନ ମାପୁରୁ ପୁର୍ବେ ଓଜୁ ଜୁଗ୍ତୁ ଖାନି ମାରଗିତିମାନି ମାଟାଦିଙ୍ଗ ଆତାକ୍ତା ଇଟତା ମାରହାନ,

୧୦ ଏଣ୍ଡେସ୍ ଇଲେଇତି ବେଡାଦୁ କ୍ରିସ୍ତୁୟାନ ମଣ୍ଡଲିଦି ପାଣିଦାନ ମୁସକୁପୁରତି ସାସନ୍ କିନି ମାରି ସାକ୍ତିଙ୍ଗ ମାପୁରୁଦି ନାଣୁ ବୁଦି ବିସୟତାନ ଅଜାଜ ବୁଜାଦେଙ୍ଗ ଆଟନାଡ଼ ।

୧୧ ମାପୁରୁ ଖାନି ପୁର୍ବେଦି ଉଦେସ୍ତ ଇସାବତାନ ମା ପ୍ରବୁ କ୍ରିସ୍ତୁ ଜିସୁଦିମାଣୁକୁ ଇକା ପାଣି କିତାମାନାନ ।

୧୨ ଆୟା କ୍ରିସ୍ତୁଦି ଖାଲେ ମିସାତି ମାନିଙ୍ଗ ଖାନିମାନୁ ବିସ୍ବାସ୍ କିତିମାନିଙ୍ଗ ଆସାଦାନ ମାପୁରୁଦି ଆଗ୍ତି ସିନି ଉଣ୍ଡିଙ୍ଗ ମା ସାହାସ୍ ମାନାଡ଼ ।

୧୩ ଆୟାଉଣ୍ଡିଙ୍ଗ ନା ବାତିଙ୍ଗମାଲ୍ନିକା, ମି ଉଣ୍ଡିଙ୍ଗ ନା ଆମା ଦୁଃକ୍‌କାସୁଦି ଉଣ୍ଡିଙ୍ଗ ନିରାସ୍ ଆମାଟ, ଇରିଙ୍ଗ ଇୟାଓଜୁ ମି ନେଗି ଉଣ୍ଡିଙ୍ଗ ଆତାମାନାଡ଼ ।

କ୍ରିସ୍ତୁଦି ଜିବନ୍‌ନୋନିକା

୧୪ ଆୟା ବୁବା ମାପୁରୁଦି ଆଗ୍ତି ନାନ ମେଣ୍ଡେଙ୍ଗ ଗଟକିଜି ପାରତାନା କିଜିନା ।

୧୫ ଇୟାଉଣ୍ଡିଙ୍ଗ ଆମା ବୁବାଦିମାଣୁକୁ ମୁସକୁପୁର ମାରି ଦୁନିଆଦି ଓଜୁ ଇଲୁକୁପରିବାର ଖାନି ସଡ଼ ଦରୁ ପୟଆ ଆତାମାନାଡ଼,

୧୬ ଏଣ୍ଡେସ୍ ନାନ ପାରତାନା କିନା ଖାନ ଖାନି ଆମ୍ବାଦି ଅଦିକାର ଖାନି ଗୌରବ୍ତି ଉଣ୍ଡାକିତିମାନିମାଣୁକୁ ମି ଜିବନ୍ତି ଆମ୍ବାଦିଙ୍ଗ ବପୁ କିନି ଉଣ୍ଡିଙ୍ଗ ସାକ୍ତି ସିନାନ ।

୧୭ ନାନ ପାରତାନା କିନା, ଏଣ୍ଡେସ୍ ମି ବିସ୍ବାସ୍ତ ବପୁଦାନ କ୍ରିସ୍ତୁ ମି ଜିବନ୍ତୁ ବାସା କିନାନ । ନାନ ପାରତାନା କିନା, ଏଣ୍ଡେସ୍ ମି ମୁଲକୁନାଦିକାଲୁ ଜିବନ୍‌ନୋନିମାଣୁକୁ ତିଆର୍ ମାରି ତାଟ ଆନାଡ଼ ।

୧୮ ଆରତିଙ୍ଗ, କ୍ରିସ୍ତୁଦି ଜିବନ୍‌ନୋନିକା ଜେ ଏସା ନିରଇକା ନି ଅସାର, ଏସ ନିରିକା ନି ନିରଇଗୁଟା, ମିର୍ ମାପୁରୁଦି ଆଇଆଇ ଲୋକା ଖାଲେ ଇକା ନେସ୍ତେଙ୍ଗ ଆଟନିଦେର୍ ।

୧୯ ହୁଁ, ମିର୍ ଖାନି ଜିବନ୍‌ନୋନି ବାକ୍ୟ ନେସ୍ତେଙ୍ଗ ଆଟନିଦେର୍, ମାରିବା ଇକା ଏସକାଙ୍ଗବା ପୁରାଓଜୁ ନେସ୍ତେଙ୍ଗ ଆଟଇକା । ଇୟାଖାଜା ମିର୍ ମାପୁରୁଦି ଖାଜା ବର୍ତ୍ତୁ ପୁରାବର୍ତ୍ତ ଆଦେଙ୍ଗ ଆଟନିଦେର୍ ।

୨୦ ମାପୁରୁ ମା ଲୋଇ ପାଣି ପୁରା କିଜିମାନି ନିଜେଦି ସାକ୍ତି ଇସାବତାନ ମା ଲସ୍‌ନିକା ମାରି ଅଡ଼ବିନିମାଣୁକୁ ନାଣୁ ସିଦେଙ୍ଗ ଆଟନାନ;

୨୧ ମଣ୍ଡଲିଦାନ ମାରି କ୍ରିସ୍ତୁ ଜିସୁଦିମାଣୁକୁ ଜୁଗ୍ ଜୁଗ୍ ଓଜୁ ଦିନ୍ ସାନ୍ଦି ଆୟା ମାପୁରୁଦି ଗୌରବ୍ ଆପିଡ଼ ! ଆମେନ୍ ।

୪

ଉନ୍ତେ ମେନ୍ଦଲ ଗାଦି ଦାନ

୧ ପ୍ରବୁଦି ସେବା କିଜିମାରଇ ଉଣ୍ଡିଙ୍ଗ ଜେଲ୍‌ତୁ ତେବାତିମାନି ନାନ ପାଉଲ ମିଙ୍ଗ ଅନୁରଦ୍ କିଜିନା, ଏଣ୍ଡେସ୍ ଜିନି ମାଡିନି ଉଣ୍ଡିଙ୍ଗ ମାପୁରୁ ମିଙ୍ଗ କୁକ୍‌ତାମାନାନ, ଆୟାଖାଜା ସାଲାବୁଲା କିଦୁ ।

୨ *ଓଜୁଖାଲେ ନମ୍ରତା, ସାକ୍ତି ମାରି ସାସ୍ ଆଦୁ । ଜିବନ୍‌ନୋନିମାନୁ ନିଜେନିଜେଦି ଉଣ୍ଡିଙ୍ଗ ମିସାଜି ତେବାଦୁ ।

୩ ପବିତ୍ରଆମ୍ବାଦି ସାହାଜ୍ୟଦାନ ସାକ୍ତିଦାନ ବାସାନି ଉଣ୍ଡିଙ୍ଗ ମି ମାନୁ ଆମାକା ଉନ୍ତେ ତିଆର୍ ଆତାମାନାଡ଼, ତାନିଙ୍ଗ ରକ୍‌ୟା କିନି ଉଣ୍ଡିଙ୍ଗ ଜାତୁନ୍ ଆଦୁ ।

୪ ମା ମେନ୍ଦଲ ଉନ୍ତେ, ଆମ୍ବା ବା ଉନ୍ତେ ମାରି ଉନ୍ତେ ଆସା ସିଜି ମାପୁରୁ ମାଙ୍ଗ କୁକ୍‌ତାମାନାନ ।

୫ ଅରେନ୍ ପ୍ରବୁ, ଉନ୍ତେ ବିସ୍ବାସ୍, ଉନ୍ତେ ତୁବନ୍;

୬ ଓଜେରି ଲୋକା ଜାତିଦୁ ମାପୁରୁ ନି ବୁବା ଅରେନ୍; ଖାନ ଓଜେରି ପ୍ରବୁ, ଓଜେରି ମାନୁ ମାରି ଓଜେରି ଜିବନ୍ତୁ ମାନାନ ।

୭ କ୍ରିସ୍ତୁସିତିମାନି ଅତି ଇସାବତାନ ମାଡୁ ଓଜେରିଙ୍ଗ ଉନ୍ତୁ ଉନ୍ତୁ ଦୟା ଦାନ ପୟତିମାନିକା ।

☆ ୪:୭ କଲସିୟ ୩:୧୨,୧୩.

୮ ଦର୍ମସାସ୍ତ୍ରତୁ ଇୟା ବିସୟତାନ୍ ରାସ୍ତାମାନାତ୍,
 “ଏସ୍ତ୍ରାଲେ ଖାନ୍ ମୁସକୁ ସର୍ହାନ୍,
 ଖାନ୍ ଖାଲେ ନାଶ୍ଟ ଜଲ୍ଲତୁ ମାର୍ଜଝାରିଙ୍ ଖାନ୍ ଅତାନ୍,
 ମାରି ଲୋକାଙ୍ ନାଶ୍ଟ ବର୍ ସିତାନ୍ ।”

୯ ଖାନ୍ ମୁସକୁ ସର୍ହାନ୍ ଇଜି ଝେର୍ନି ଅର୍ତ୍ତ ଇନିକା ? ଇୟାତାନି ଅର୍ତ୍ତ ଆଜିନାତ୍, ଆଗ୍ତି ଖାନ୍ ଦୁନିଆଦି ଇସ୍ତ୍ର ବାଡିଆଙ୍ ଖାତା ମାହାନ୍ ।

୧୦ ଏନ୍ ଖାତା ମାହାନ୍, ଖାନ୍ ଏଣ୍ଡେସ୍ ସାରା ପୃତିବିଦିଙ୍ ଖାନ୍ ମାନିମାନ୍ ପୁରାବର୍ତ୍ତ କିନାନ୍, ଆୟାଉଣ୍ଡିଙ୍ ଖାନ୍ ବା ମୁସକୁପୁର୍ତ୍ତି ମୁସକୁ ସର୍ହାନ୍ ।

୧୧ ଖାନ୍ ନେ ଲୋକାଙ୍ ନାଶ୍ଟ ବର୍ ଦାନ୍ ସିଜି ସର୍ଆମାନାନ୍ । ଏସ୍ ଲୋକାଙ୍ ପ୍ରେରିତ ସିସ୍ତୁ, ମାରି ଏସ୍ ଲୋକାଙ୍ ବାବବାଦି, ଏସ୍ ଲୋକାଙ୍ ସୁସମାତାର୍ ପ୍ରଚାରକିନିକାନ୍, ମାରି ଏସ୍ ଲୋକାଙ୍ ପାସ୍ଟର୍ ମାରି ମାସ୍ଟର୍ ଖାଜା ଆସକିତାମାନାନ୍ ।

୧୨ କ୍ରିସ୍ତୁଦି ଆୟା ମେନ୍ଦଲ୍ ରସ୍ନି ଉଦେସ୍ତାନ୍ କ୍ରିସ୍ତୁୟାନ୍ ସେବା ପାଣି ଉଣ୍ଡିଙ୍ ମାପୁରୁଦି ଲୋକାଙ୍ ତିଆର୍ କିଦେଙ୍ ଖାନ୍ ଇକା କିତାମାନାନ୍ ।

୧୩ ଆୟାଉଣ୍ଡିଙ୍ ମାତୁ ଝିଜୁଲୋକ୍ ମା ବିସ୍ବାସ୍ତୁ ମାରି ମାପୁରୁଦି ମାରିନ୍ ବିସୟତି ବୁଦିଦୁ ଉନ୍ତେମାନ୍ ଆନାପ୍, କ୍ରିସ୍ତୁଦି ପୁରାବର୍ତ୍ତ ଆଜି ମାପୁ ପୁରାବୟସ୍ ଆନାପ୍ ।

୧୪ ଗାଲିଦି ସନିକା ମାରି ଉଲୁକାଏରୁ ଆଡ଼ଡାଡିଙ୍ ଇନିଙ୍ ଆନିଙ୍ ଆଜିମାନି ଇସ୍ତ୍ରକଡ଼ି ଖାଜା ମାତୁ ମାରି ତିର୍ ଆଇକା । ଆଇଝାରିଙ୍ ସେଇସାରିଦୁ ପୋକ୍ସିମାନି ବେମରିକିନିଝାରି ବାୟାନାନି ସିକିୟାଦୁ ମାତୁ ଇନିଙ୍ ଆନିଙ୍ ଆଇକା ।

୧୫ ତାନିବାଦ୍ଲୁ ଜିବନ୍ନୋନି ସଡ଼ ଝେର୍ସି ଝିଜୁ ବିସୟତୁ ତାଲା ଖାଜା କ୍ରିସ୍ତୁଦି ଖାଜା ଆନାଟ୍ ।

୧୬ *ଖାନ୍ମିମାଣ୍ଡୁକ୍ ମେନ୍ଦଲ୍ତି ଆଇଆଇ କିକୁକାଲ୍କୁ ଉନ୍ତେମାନ୍ ମିସାନେ ମାରି ଆବେନ୍ ମାନି ସିରେଙ୍ ସାହାଜ୍ୟଦାନ୍ ଝିଜୁ ମେନ୍ଦଲ୍ ତିଆର୍ ଆନାଟ୍ । ଆଦେଙ୍ ମେନ୍ଦଲ୍ତିକେଙ୍ ଝିଜୁ ନିଜେଦି ପାଣି କିନି ଖାଜା ବ୍ୟବହାର୍ କିନିମାଣ୍ଡୁକ୍ ଝିଜୁ ମେନ୍ଦଲ୍ ପିରିଜି ତିଆର୍ ଆନାଟ୍ ।

କ୍ରିସ୍ତୁଦିମାଣାନ୍ ପୁନି ଜିବନ୍

୧୭ ମାରି, ପ୍ରବୁଦି ଦର୍ତ୍ତାନ୍ ନାନ୍ ମିଙ୍ଗ୍ ଜାଗାର୍ତା କିଜି ସିଜିନା, ଅଣଜିହୁଦିରି ଖାଜା ମାରି ସାଲାବୁଲା କିମାଟ୍ । ଖାରି ସିନ୍ତା ପେରିକା

୧୮ ମାରି ଖାରି ମନ୍ ସିକାଟି । ମାପୁରୁ ସିତିମାନି ଜିବନ୍ତୁ ଖାରିନ୍ ଇନିକା ମିସାଏଡ଼ । ଇରିଙ୍ ଖାର୍ ପୁରା ବୁଦିସିଲିକାର୍ ମାରି ମାନାଇକାର୍ ।

୧୯ ଖାର୍ ସେମାର୍ସିଲିକାର୍, ତାଗ୍ଲ ପାଣିକିନିକାର୍ ମାରି ଲୋବ୍ଦାନ୍ ଝିଜୁଜାତିଦି ନେଗେନ୍ତର୍ଇ ପାଣିଦୁ ମାନାର୍ ।

୨୦ ଇୟାଝିଜୁ ମିର୍ କ୍ରିସ୍ତୁଦି ବିସୟତାନ୍ ସିକିୟା କିତିମାନି ବିସୟ ଆଏଡ଼ ।

୨୧ ମିର୍ ଖାନ୍ ବିସୟ ଝେର୍ଇମାନିଦେର୍, ମାରି ଖାନ୍ ଝେନ୍କାସନି ଖାଜା ଜିସୁଦି ବିସୟତାନ୍ ସଡ଼ ସିକିୟା ପୟ୍ତିମାନିଦେର୍ ।

୨୨ *ମିର୍ ଆମା ପାଡିଇ ସାଲାବୁଲାଦାନ୍ ଜିବନ୍ ଜିଜି ମାର୍ଇଦେର୍, ଆକା ଝିଜୁ ତିସ୍ତୁ, ଇରିଙ୍ ଆୟାତାନି ସାଲାକି ପାଣିଦାନ୍ ମି ଆମା ନାସ୍ତୁ ଆଜିମାହାତ୍ ।

୨୩ ମାରି ମି ଜିବନ୍ ମାରି ମୋନ୍ ପୁରା ପୁନିକା ଆନିକା ମାନାଟ୍ ।

୨୪ *ଆମା ପୁନି ସାଲାବୁଲାନିକା ମାପୁରୁଦି ଖାଜା ତିଆର୍ଆତି ପୁନି ଆମା ଆରାଦୁ । ଆକା ମି ପବିତ୍ର ମାରି ଦାମ୍ବୁଦାନ୍ ଜିବନ୍ତୁ ଝେଙ୍ଗ୍ ତି ।

୨୫ ମାରି ମିର୍ ଝେର୍ମାଟ୍ । କ୍ରିସ୍ତୁବିସ୍ବାସ୍ସିର୍ ନିଜେନିଜେଦିଙ୍ ସଡ଼ ଝେର୍ନିକା ମାନାଟ୍; ଇରିଙ୍ ମାପୁ କ୍ରିସ୍ତୁଦି ମେନ୍ଦଲ୍ତି ମେନ୍ଦଲ୍ଝିଜୁ ।

୨୬ ମିର୍ ରିସା ଆଜି ପାପ୍ କିମାଟ୍, ଝେଡ଼ା ଆର୍ଏଣ୍ଡା ମି ରିସା ତିର୍ ଆପିଡ଼ ।

୨୭ ମାରି ସୟତାନ୍ତିଙ୍ ବାଡି ସିମାଟ୍ ।

୨୮ ତଙ୍ଗାଏନ୍ ମାରି ତଙ୍ଗା କିମାକିନ୍ । ମାରି ସିଲିସାଡିଝାରିଙ୍ ଦାନ୍ କିନି ଉଣ୍ଡିଙ୍ ଏଣ୍ଡେସ୍ ଖାନ୍ ଲାକ୍ତୁ ଇନିକା ତେବାଦେଙ୍ ଆଟ୍ନାଟ୍, ଇୟାଉଣ୍ଡିଙ୍ ନିଜେଦି କିୟଦାନ୍ ନେଗେନ୍ ପାଣି କିଜି କାସ୍ତୁପାଣି କିପିନ୍ ।

୨୯ ମି ଝେୟୁଦାନ୍ ଇନି ତାଗ୍ଲମାଟା ସୋମାକିଡ଼, ମି ମାଟା ନେଗିକା, ପିରିସ୍କିନିକା ମାରି ପାଣିଦୁଲାଗେ ଆପିଡ଼ । ଆର୍ଡିଙ୍ ଆମାକାର୍ ମି ମାଟା ଝେନାର୍, ଖାରି ଉଣ୍ଡିଙ୍ ଆକା ନେଗିକା ଆନାଟ୍ ।

* ୪:୧୭ କଲସିୟ ୨:୧୯. * ୪:୨୨ କଲସିୟ ୩:୯. * ୪:୨୪ କଲସିୟ ୩:୧୦.

୩୦ ମାପୁରୁଦି ପବିତ୍ର ଆତ୍ମାଦିଙ୍କ ଦୁଃଖ ସିମାଟ୍ । ଇରିଙ୍ଗ ପବିତ୍ର ଆତ୍ମା ମି ମୁସକୁ ମାପୁରୁଦି ନିଜେଦି ଅଦିକାର୍ତ୍ତି ସିନାଦି
ଝାଜା ମାରି ମାପୁରୁ ଜେ ଅର୍ଲେନ୍ ମିଙ୍ଗ ରକୟା କିନାନ୍, ଇୟାକା ଆନାଡୁଆକା ।

୩୧ ଓଁଜୁଜାତିଦି ସୁରିମାଟେଙ୍ଗ, ଗିଦିର୍ ମାରି ରିସା ଡିସ୍ତୁ । ମାଡ଼ଗଲ୍ ନି ଆଇଝାରିଙ୍ଗ ନିୟା କିମାଟ୍ । ଏ ଉଣ୍ଡିଙ୍ଗ
କାଡ଼ାମାଟ୍ ।

୩୨ ☆ମାରି, ନିଜେନିଜେଦି ଉଣ୍ଡିଙ୍ଗ ସାକା ଆଦୁ ମାରି ନେଗି ଜିବନ୍ ଆଦୁ, ମାରି ମାପୁରୁ କ୍ରିସ୍ତମାନୁ ମିଙ୍ଗ ଏଣ୍ଡେସ୍
କେମା କିତାନ୍, ଆୟାଝାଜା ମିର୍ ନିଜେନିଜେଦିଙ୍ଗ କେମା କିଦୁ ।

୫

ଜାୟତି ଜିବନ୍

୧ ମିର୍ ମାପୁରୁଦି ଲାଡ଼ତି କଡ଼ର୍, ମାରି ଝାନି ଝାଜା ଆଦେଙ୍ଗ ିଂଜି ବଦା କିଦୁ ।

୨ କ୍ରିସ୍ତ ଏଣ୍ଡେସ୍ ମାଙ୍ଗ ଜିବନ୍ନୋତାନ୍ ମାରି ମାପୁରୁଦି ଝେଡ଼ିକାଦି ଉଣ୍ଡିଙ୍ଗ ନିଜେଦି ଜିବନ୍ତିଙ୍ଗ ମା ଉଣ୍ଡିଙ୍ଗ
ବାସନାଦି ଦୁପ୍ପଣି ମାରି ପୁଜା ଝାଜା ଆତାନ୍, ମି ଜିବନ୍ ବା ଆୟାଝାଜା ଜିବନ୍ନୋନି ମାଣାନ୍ ସାଲାପିଡ଼ ।

୩ ମାପୁରୁଦି ଲୋକୁ ଆତିମାନିଙ୍ଗ ମି ଲୋଇ ଦାରିପାଣି, ଓଁଜୁ ରକମ୍ପତି ତାଗଇକା ମାରି ଲୋରାଆନିକା, ଇୟାଓଁଜୁ
ତେବାମାକିଡ଼ । ଆକା ମାପୁରୁଲୋକା ଉଣ୍ଡିଙ୍ଗ ନେଗେନ୍ ସିଲେ,

୪ ମି ଉଣ୍ଡିଙ୍ଗ ଡାଗଇ ବାସା, ଝାରିଙ୍ଗ ମାଟା ନି ବାଣ୍ଡିସ୍ ମାଟା ଝାରିଗିନିକା ବା ନେଗେଡ଼ ସିଲେ । ମାତର୍ ମି
ଝାରିଗିମାନୁ ମାପୁରୁଙ୍ଗ ଦିନ୍ୟବାଦ ସିଦୁ ।

୫ ଇକା ସଡ଼ ଇଜି ନେସ୍ସୋ ମାନ୍ତୁ, ଏମେକାର୍ ଦାରିଏନ୍, ତାଗଇକାନ୍ ମାରି ଲୋରା, ନାଣ୍ଡ ଲୋରା ଆନିକାନ୍ ବମା
ପୁଜା କିନି ସାମାନ୍, ଝାନ୍ ଏସାଙ୍ଗବା କ୍ରିସ୍ତ ନି ମାପୁରୁଦି ରାଜିଦି ଅଦିକାରି ଆଏନ୍ ।

୬ ପୁଲାପୁଲି ମାଟେଙ୍ଗ ଝେର୍ସି ଆମାକାନ୍ ମିଙ୍ଗ ବାଣ୍ଡିସ୍ କିମାକିନ୍ । ଇୟାଓଁଜୁ ତାଗଇ ପାଣିଦାନ୍ ଏମେକାର୍
ମାପୁରୁଦି ମାଟା ଅମାନ୍ୟ କିନାର୍, ଝାରି ଉଣ୍ଡିଙ୍ଗ ଝାନି ରିସା ନାଣ୍ଡ ଆନାଡ଼ ।

୭ ଇୟାନାନି ଲୋକାଝାଲେ ମିସାମାଟ୍ ।

୮ ମିର୍ ନିଜେ ଅର୍ଲେନ୍ ସିକାଟିଦୁ ମାହ୍ ଦେର୍ । ମାତର୍ ଇଲେଇ ପ୍ରବୁଦି ଲୋକୁ ଆତିମାନିଙ୍ଗ ମିର୍ ଜାୟତୁ
ମାନିଦେର୍ । ଆଦେଙ୍ଗ ମିର୍ ଜାୟତି କଡ଼ରି ଝାଜା ସାଲାବୁଲା ଆଦୁ ।

୯ ମାତର୍ ଜାୟ ନେ ଓଁଜୁ ରକମ୍ପତି ନେଗିଗୁଣ୍ଡ, ଦାମ୍ପତିକା ମାରି ସଡ଼ନାନି ପଲ୍ ଆସନାଡ଼ ।

୧୦ ପ୍ରବୁଦି ଝେଡ଼ିକାଦିକାନ୍ ଆଦେଙ୍ଗ ଇଜି ଅଜାଦୁ ।

୧୧ ଲୋକୁ ସିକାଟିଦୁ ଏମେ ଓଁଜୁ ଟକେକିନି ପାଣି କିନାର୍, ଆୟାଓଁଜୁ ମାଣକୁ ଆକ ମାନ୍ତୁ । ମାରି ଝାରି ପାଣିଓଁଜୁ
ଜାୟତୁ ତର୍ସି ସିଦୁ ।

୧୨ ସଡ଼ତାନ୍ ଝାରି ମାରିଗିଜି ଆମା ପାଣି ଓଁଜୁ କିନାର୍, ଆୟା ବିସୟ ଝେର୍ତେଙ୍ଗ ସେମାର୍ତି ମାଟା ।

୧୩ ଏସ୍ତ୍ରିଝାଲେ ଓଁଜୁ ବିସୟ ଜାୟତୁ ତାନାର୍, ନାସ୍ତ୍ରିଝାଲେ ଆୟାଓଁଜୁଦି ସଡ଼ ମାଟା ତର୍ନାଡ଼ ।

୧୪ ମାତର୍ ଜାୟତି ଓଁଜୁ ବିସୟତି ତର୍ନାନ୍ । ଆୟାଉଣ୍ଡିଙ୍ଗ ଇୟାଝାଜା ରାସାତାମାନାଡ଼ :

“ଏ ସୁଜତି ଲୋକୁ ନିଙ୍ଗଦୁ

ମାରି ସାତି ଲୋକାମାଣାନ୍ ଜିବନ୍ଆଜି ନିଙ୍ଗ ଦୁ !

କ୍ରିସ୍ତଦି ଜାୟତୁ ଜାୟଆଦୁ ।”

୧୫ ଆଦେଙ୍ଗ ମିର୍ ଏଣ୍ଡେସ୍ ସାଲାବୁଲା କିନିଦେର୍, ଆୟା ବିସୟତାନ୍ ଜାଗାର୍ତା ମାନ୍ତୁ । ବୁଦିସିଲିଲୋକା ଝାଜା
ଆଏଣ୍ଡା ବୁଦି ମାନି ଲୋକା ଝାଜା ସାଲାବୁଲା କିଦୁ ।

୧୬ ଓଁଜୁ ଦିନ୍ତିଙ୍ଗ ନେଗେନ୍ତାନ୍ ବ୍ୟବହାର୍ କିଦୁ, ଇରିଙ୍ଗ ତାଗଇ ଦିନ୍ ଇଗା ଝାଜିନାଡ଼ ।

୧୭ ବୁଦିସିଲି ଝାଜା ଆମାଟ୍, ମାତର୍ ପ୍ରବୁଦି ବଦାଦିଙ୍ଗ ବୁଜାଦେଙ୍ଗ ସେସ୍ଟା କିଦୁ ।

୧୮ କାଡ଼ ଉଣ୍ଡିମାନୁ ସସ୍ମାଟ୍, ଇରିଙ୍ଗ ଆକା କେବଲ୍ ମିଙ୍ଗ ସାପିସ୍ କିନାଡ଼, ମାତର୍ ପବିତ୍ର ଆତ୍ମାଦୁ ପୁରାଆଦୁ ।

୧୯ ☆ଝେଡ଼ିକାଦି ପାଟା, ଦନ୍ୟବାଦ ପାଟା ମାରି ପ୍ରସଂସା ପାଟା ଦାନ୍ ନିଜେ ନିଜେଦିଙ୍ଗ ଝେଡ଼ିକା କିଦୁ । ଜିବନ୍ତି
ଦନ୍ୟବାଦ ତାନ୍ ପ୍ରବୁଦି ଉଦେସ୍ତାନ୍ ପାଟା ମାରି ଝେଡ଼ିକାଦି ପାଟା ପାର୍ଦୁ ।

୨୦ ଓଁଜୁଦିନ୍ ଓଁଜୁ ବିସୟ ଉଣ୍ଡିଙ୍ଗ ପ୍ରବୁ ଜିସୁ କ୍ରିସ୍ତଦି ଦର୍ତାନ୍ ବୁବା ମାପୁରୁଙ୍ଗ ଦନ୍ୟବାଦ ସିଦୁ ।

କନ୍ଲି ନି ଆଡ଼ସି

୨୧ କ୍ରିସ୍ତଦି ଉଣ୍ଡିଙ୍ଗ ମି ମାନାନିକା ମାନିଙ୍ଗ ମିର୍ ନିଜେ ନିଜେଦିଙ୍ଗ ମାନାଜି ସାଦୁ ।

୨୨ ☆ଆଇମେକ ! ମିର୍ ଏଣ୍ଡେସ୍ ପ୍ରବୁଙ୍ଗ ମାନାନିଦେର୍, ଆୟାଝାଜା ନିଜେ ନିଜେଦି କନ୍ଲିରିଙ୍ଗ ମାନାଦୁ ।

☆ ୪:୩୨ କଲସିୟ ୩:୧୩. ☆ ୫:୧୭ କଲସିୟ ୪:୫. ☆ ୫:୧୯ କଲସିୟ ୩:୧୭,୧୭. ☆ ୫:୨୨ କଲସିୟ ୩:୧୮; ୧ ପିତର ୩:୧.

୨୩ ମଣ୍ଡଳି ମୁସକୁ କ୍ରିସ୍ତଦି ଅଦିକାର ଖାଜା ଆଡ଼ସିକା ମୁସକୁ କନ୍ଲିସିରି ଅଦିକାର ମାନାଡ଼; ମାରି କ୍ରିସ୍ତନେ ଖାନି ମେନ୍ଦଲ୍ ଖାଜା ମଣ୍ଡଳିଦି ରକିୟାକିନିକାନ ।

୨୪ ମଣ୍ଡଳି ଏଣ୍ଡେସ୍ କ୍ରିସ୍ତମାନୁ ମାନାନାଡ଼, ଆଡ଼ସିକ୍ ଟିକ୍ ଆୟାଖାଜା ନିଜେ ନିଜେଦି କନ୍ଲିସିରି ଲାକ୍ତୁ ପୁରାଦାନ ମାନାପିଉ ।

୨୫ କନ୍ଲିର୍, କ୍ରିସ୍ତଦିକ୍ ଏଣ୍ଡେସ୍ ମଣ୍ଡଳିଦିକ୍ ଜିବନ୍ନୋଜି, ତାନି ଉଣ୍ଡିକ୍ ନିଜେଦି ଜିବନ୍ ସିତାନ, ମିର୍ ଟିକ୍ ଆୟାଖାଜା ନିଜେ ନିଜେଦି ଆଡ଼ିକାକ୍ ଜିବନ୍ନୋଦୁ ।

୨୬ କ୍ରିସ୍ତ ମଣ୍ଡଳିଦିକ୍ ଏରୁଦୁ ନୋରଜି ମାପୁରୁଦି ଉଦେସ୍ତାନ ପବିତ୍ର କିନାନ,

୨୭ ମାରି ମଣ୍ଡଳିଦିକ୍ ପବିତ୍ର, ଦସ୍‌ସିଲିକା, ପାପ୍‌ସିଲିକା ମାରି ଝିଜୁ ସୁନ୍ଦର୍ କିଜି ନିଜେ ଆସ୍‌ତାନ ।

୨୮ କନ୍ଲିସିର୍ ନିଜେଦି ମେନ୍ଦଲ୍ ଖାଜା ଅଡ଼ବିଜି ନିଜେଦି ଆଡ଼ିଦିକ୍ ଜିବନ୍ନୋନିକା ମାନାଡ଼ । ଏନ୍ ନିଜେ ଆଡ଼ିଦିକ୍ ଜିବନ୍ନୋନାନ, ଖାନ ନିଜେଦିକ୍ ଜିବନ୍ନୋନାନ ।

୨୯ ଏନ୍ ଏସାକ୍ ନିଜେଦି ମେନ୍ଦଲ୍‌ଡିକ୍ କାଡ଼ଏନ୍ । ମାଡ଼ର୍ ମେନ୍ଦଲ୍‌ଡି ଉଣିକାଡିନିକା କିନାନ ମାରି ତାନି ଜାତୁନ୍ ଅନାନ କ୍ରିସ୍ତ ଏଣ୍ଡେସ୍ ମଣ୍ଡଳିଦି ଜାତୁନ୍ କିନାନ ।

୩୦ ଇରିକ୍ ମାଡ଼ ଖାନି ମେନ୍ଦଲ୍‌ଡି ମେନ୍ଦଲ୍‌କାନ୍ଦଲ୍ ।

୩୧ ଦାମ୍‌ସାସ୍ତୁ ରାସାତାମାନାଡ଼, “ଇୟାଉଣ୍ଡିକ୍ ଅରେନ୍ ମେମାର୍‌ଏନ୍ ନିଜେଦି ବୁବାୟାୟେକ୍ ଡିସ୍‌ସି ନିଜେଦି ଆଡ଼ସି ଖାଲେ ତେବାନାନ ମାରି ଆୟା ରିଏର୍ ଅରେନ୍‌ଆନାର୍ ।”

୩୨ ସାସ୍ତଦି ଇୟା ବାଗ୍‌ତୁ ଉନ୍‌ଡି ମାର୍‌ଗିଡି ସଡ଼ ଝେକ୍ ତା ମାନାଡ଼ : ଇକା କ୍ରିସ୍ତ ନି ମଣ୍ଡଳି ଉଣ୍ଡିକ୍ ବ୍ୟବହାର୍ କିଜିନା ଇଜି ନାନୁ ବୁଜାତାମାନା ।

୩୩ ଝିଜୁ କନ୍ଲିର୍ ଆଡ଼ିଦିକ୍ ନିଜେଦି ଜିବନ୍ନୋନି ଖାଜା ଜିବନ୍ନୋପିନ୍ ମାରି ଝିଜୁ ଆଡ଼ି ନିଜେଦି କନ୍ଲିକ୍ ମାନାପିଉ ।



ବୁବାୟାୟା ନି କଡ଼ର୍ ଆଇଲିକ୍

୧ ଏ କଡ଼ର୍, ପ୍ରବୁଦି ଉଣ୍ଡିକ୍ ବୁବାୟାୟାରିକ୍ ମାନାନିକା ମି ବିସ୍‌ବାସି ଲୋକା ପାଣି, ଇରିକ୍ ଇକାନେ ଟିକ୍ ସାଲାବୁଲ୍ଲା ।

୨ “ମି ବୁବାୟାୟାରିକ୍ ମାନାଦୁ ।” ଇୟା ମାଟାଦୁ ଉନ୍‌ଡି ପାର୍‌ମାଣ୍ ମିସାକିଜି ଝେର୍‌ଆଇ ଆତାମାନାଡ଼,

୩ “ଏଣ୍ଡେସ୍ ମି ନେଗିକା ଆନାଡ଼ ମାରି ମିର୍ ଦୁନିଆଦୁ ନାଣ୍ଡ ଦିନ୍ ଜିନିଦେର୍ ।”

୪ ଏ ବୁବାୟାୟାର୍, କଡ଼ରିକ୍ ଗିଡି ଆନି ନାନି ଇନି ପାଣି କିମାଟ୍, ମାଡ଼ର୍ ପ୍ରବୁଦି ବିସ୍‌ବାସ୍‌ତାନ ବ୍ୟବହାର୍ କିଦୁ ମାରି ସିକିୟାଦୁ ଖାରିକ୍ ଜାତୁନ୍ କିଦୁ ।

କଟିସାକର୍ ନି ମାଲିକ୍

୫ କଟିସାକର୍, ମିର୍ କ୍ରିସ୍ତଦି ସେବା କିଜିନାପ୍ ଅଡ଼ବିଜି ମନ୍‌ତାନ ଡିଲାଜି ନି ଡିରଗିଜି ଦୁନିଆଦି ମାଲିକାକ୍ ମାନାନିଦେର୍ ।

୬ କେବଲ ମାଲିକ୍ ମିକ୍ ସୁଡ଼ୁଝାଲେ ଖାନି ଝେଡ଼ିକା ଆନି ଉଣ୍ଡିକ୍ ଇକା କିଏଣ୍ଡା, କ୍ରିସ୍ତଦି କଟିସାକର୍ ଖାଜା ମି ଝିଜୁ ମନ୍ ସିଜି ମାପୁରୁଦି ବଦା ମାନାଦୁ ।

୭ କେବଲ ଲୋକା ସେବାକିଜିନାପ୍ ଅଡ଼ବିଏଣ୍ଡା ପ୍ରବୁଦି ସେବା କିନି ଖାଜା ଝେଡ଼ିକାଦାନ ପାଣି କିଦୁ ।

୮ ମନ୍‌ଡୁ ଇଡ଼ଦୁ, ଖାନ କଟିସାକର୍ ଆପିନ୍ କି ମୁକ୍‌ଡାଡିକାନ ଆପିନ୍ ପ୍ରବୁ ଝିଜୁ ଲୋକ୍‌ଡିକ୍ ଖାନି ନେଗିପାଣି ଉଣ୍ଡିକ୍ ପୁରସ୍ପାର୍ ସିନାନ ।

୯ ଏ ମାଲିକ୍‌କୁ, ମି କଟିସାକର୍‌କା ଉଣ୍ଡିକ୍ ନେଗେନ୍‌ତାନ ବ୍ୟବହାର୍ କିଦୁ ମାରି ଖାରିକ୍ ଆଡ଼ରିସ୍‌କିମାଟ୍ । ମନ୍‌ଡୁ ଇଡ଼ଦୁ, ମିର୍ ନି ମି କଟିଦାସ୍‌କୁ ଝିଜେରେ ମୁସ୍‌କୁପୁରଡି ପ୍ରବୁଦି ଆଡ଼ଗି ମାନିକା । ଖାନ ଝିଜେରିକ୍ ସାମାନତାନ ବିଚାର୍ କିନାନ ।

ମାପୁରୁ ସିଡିମାନି ଝିଜୁ ଜୁଦ୍‌କିନିସାଦୁ

୧୦ ସାରାସାରି ଝେନ୍‌କା, ପ୍ରବୁଦି ଖାଲେ ମିସାଜି ଖାନି ପେରିସାକ୍ତିଦୁ ବପୁ ଆଦୁ ।

୧୧ ମାପୁରୁ ସିଡିମାନି ଝିଜୁ ଜୁଦ୍‌ସାଜୁଦାନ ତିଆର୍ ଆଦୁ, ଏଣ୍ଡେସ୍ ସୟତାନ୍‌ଡି ତାଗ୍‌ଇ ପାଣିଦି ଆଗିଡି ନିନ୍‌ଡେକ୍ ଆଡ଼ନିଦେର୍ ।

୧୨ ଇରିକ୍ ମାଡ଼ ଦୁନିଆଦୁ ବାସାଜିମାନି ଲୋକା ବିରୁଦ୍‌ତାନ ଜୁଦ୍ କିଇକା; ମାଡ଼ ଖାର୍‌ଇବାଦଡ଼ଡି ତାଗ୍‌ଇ ସାକ୍ତି ମାରି ସିକାଟି ଜୁଗ୍‌ଡି ସାସନ୍‌କିନିକାଡ଼, ଅଦିକାରି ମାରି ଝିଜୁ ଦୁନିଆଦି ତାଗିଇ ଆମ୍‌କି ସାକ୍ତି ବିରୁଦ୍‌ତାନ ଜୁଦ୍ କିଜିନିକା ।

☆ ୬:୧ କଲସିୟ ୩:୨୦. ☆ ୬:୪ କଲସିୟ ୩:୨୧. ☆ ୬:୫ କଲସିୟ ୩:୨୨-୨୫. ☆ ୬:୯ କଲସିୟ ୪:୧କଲସିୟ ୩:୨୫.

୧୩ ମାତର ଇଲେଇ ମାପୁରୁସିତିମାନି ଜୁଦ୍‌ସାଜୁ ଆରାଦୁ; ଆତିଙ୍ ାଁ କାକୁତ୍ ଦିନତୁ ମିର୍ ସାତୁଦି ଆଗ୍ଡି ନିନ୍‌ଡେଙ୍ ଆଟ୍‌ନିଦେର୍ ମାରି ସେସ୍ ସାନ୍ଦି ଜୁଦ୍ କିଜିବା ତାଟ୍‌ତାନ୍ ତେବାନିଦେର୍ ।

୧୪ ଆଦେଙ୍ ଜାଗାରତା ଆଦୁ, ସତ୍‌ନାନି ବେଲେଟୁ ଗାଟିଦୁ ମି ଜୁକି ସାରିବେଡ୍‌ତି ତରତୁ, ଦାମ୍‌ ନାନି ମି ବକାଦିସାଜୁ ଆରାଦୁ,

୧୫ ମାରି ସାନ୍ଦିଦି ସୁସମାଚାରତି ଉଣ୍ଡିଙ୍ ରସ୍‌ତିନାନି ପାଦାମ୍‌ତୁ ଜୁତେଙ୍ ଆରାଜି ତାଟ୍ ଆଜି ନିଲ୍‌ତୁ ।

୧୬ ଓଜୁଦିନ୍ ବିସ୍‌ବାସ୍‌ତି ସାଜୁ ପିଣ୍ଡୁ, ତେନି ସାକାଦାନ୍ ସୟତାନ୍ ମାଣାନ୍ ପୋକ୍‌ନି ଓଜୁ ସିସୁ ଇଟା ନାପ୍‌ତେଙ୍ ମିର୍ ଆଟ୍‌ନିଦେର୍ ।

୧୭ ମାରି ପରିତ୍ରାଣନାନି ଜୁଦ୍‌ଦି ଚପି ଆରାଦୁ, ପବିତ୍ରଆମ୍‌ ସିତିମାନି ମାପୁରୁଦି ବାକ୍ୟନାନି କାଣ୍ଡା ଆସ୍‌ତୁ ।

୧୮ ମାପୁରୁଦି ସାକା ଲସ୍‌ସି ପାର୍‌ତାନାଦି ଖାଲେ ଇୟାଓଜୁ କିଦୁ । ଓଜୁ ଖେଡ୍‌ତାଦୁ ପବିତ୍ର ଆମ୍‌ଦି ସାଲାକିନି ଇସାବ୍‌ତାନ୍ ପାର୍‌ତନା କିଦୁ । ଜାଗାରତା ମାନ୍‌ତୁ; ଏସାଙ୍ ଖାନ୍‌ମାଟ୍ । ମାପୁରୁଦି ଲୋକା ଉଣ୍ଡିଙ୍ ଓଜୁଖାଲେ ପାର୍‌ତନାଦୁ ଏଡ୍ କିଦୁ ।

୧୯ ନା ଉଣ୍ଡିଙ୍ ବା ପାର୍‌ତନା କିଦୁ, ଏଣ୍ଡେସ୍ ସୁସମାଚାରତି ମାର୍‌ଗିତିମାନି ମାଟା ଖେରତେଙ୍ ମାରି ତିଲାଏଣ୍ଡା ଆକା ଖେରତେଙ୍ ମାପୁରୁ ନା ଖେୟୁଦୁ ଟିକ୍ ବାକ୍ୟ ସିନାନ୍ ।

୨୦ ଇଲେଇ ଜଇଲ୍‌ତୁ ମାରିଙ୍ ାଁ ବା ନାନୁ ସୁସମାଚାର ଉଣ୍ଡିଙ୍ ଅରେନ୍ ରାଜାଦୁଡ୍ । ପାର୍‌ତନା କିଦୁ, ଏଣ୍ଡେସ୍ ନାନୁ ସାସ୍ତି ଖାଲେ ଟିକ୍‌ତାନ୍ ସୁସମାଚାର ଖେରତେଙ୍ ଆଟ୍‌ନା ।

ସାରାସାରି ମାଡ୍‌ସ୍‌କିନିକା

୨୧ **ନା ଅବସ୍ତା ବିସୟତାନ୍ ମିର୍ ଏଣ୍ଡେସ୍ ନେସ୍‌ତେଙ୍ ଆଟ୍‌ନିଦେର୍, ଆୟାଉଣ୍ଡିଙ୍ ମା ଲାଡ୍‌ତି ତଡ୍‌ତାନ୍ ମାରି ପ୍ରବୁଦି ପାଣି କିଜିମାନି ବିସ୍‌ବାସିରି ସେବାକିନି ତୁକିକ ନା ବିସୟତାନ୍ ମିଙ୍ ଓଜୁ ମାଟା ଖେରନାନ୍ ।

୨୨ ମାପ୍ ଓଜେରେ ଏଣ୍ଡେସ୍ ମାନାପ୍, ଆୟା ମାଟା ଖେରସି ମିଙ୍ ଖେଡ୍‌କା କିବିସ୍ କିଦେଙ୍ ାଁ ଇଜି ନାନୁ ଖାନିଙ୍ ାଁ ମି ଲାକ୍‌ତୁ ପକ୍‌ତାଜିନା ।

୨୩ ରୁବା ମାପୁରୁ ନି ପ୍ରବୁ ଜିସୁ କ୍ରିସ୍ତୁ ବିସ୍‌ବାସି ତଡ୍‌ତାନ୍‌କାଙ୍ ାଁ ନି ତାଙ୍ ାଁ କାଙ୍ ାଁ ସାନ୍ତି, ଜିବନ୍‌ନୋନିକା ମାରି ବିସ୍‌ବାସ୍ ସିପିନ୍ ।

୨୪ ମା ପ୍ରବୁ ଜିସୁ କ୍ରିସ୍ତୁଦି ଉଣ୍ଡିଙ୍ ାଁ ଏମେଖାରି ଜିବନ୍‌ନୋନିକା ଓଜ୍‌ଏଡ୍, ଖାନ୍ ଖାରିଙ୍ ଉଣ୍ଡିଙ୍ ଦୟା କିପିନ୍ ।

☆ ୭:୨୧ ପ୍ରେରିତ ୨୦:୪; ୨ ତିମତି ୪:୧୨. ☆ ୭:୨୧ କଲସିୟ ୪:୭,୮.

ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ପିଲିପିୟ ଲୋକା ଲାକ୍ତୁ ପାଉଲତି ଆକୁ ପିଲିପିୟ ଆକୁ ବିସୟତାନ୍ ଏସ ମାଟା

ଜିସୁ କ୍ରିସ୍ତଦି ଜନମ୍ଦି ପାକାପାକି ୬୧ ବାସେକ୍ ଝେନ୍କା ପାଉଲ ପିଲିପି ମଣ୍ଡଳଦି ବିସ୍ବାସିରି ଲାକ୍ତୁ ଇୟା ବଇ ରାସ୍ତାନ୍ । ଆନାତସ୍ତୁଗି ପାଉଲ ରମ୍ ଗାଡ୍ତୁ ଜଇଲ୍ତୁ ମାନିଖାଲେ ଖାନ୍ ଇୟା ବଇ ରାସ୍ତାମାର୍ଥାନ୍ ୧:୧୩ ।

ପିଲିପି ଗାଡ୍ ଲୋଇ ନେ ତିଆରୁଆତି ମଣ୍ଡଳି ଲାକ୍ତୁ ଇୟା ବଇ ରାସାତା ମାର୍ହାଡ୍ । ମାପୁ ପ୍ରେରିତ ବଇତୁ ବା ଏସ ବିସୟ ପିଲିପି ବଇ ବିସୟତାନ୍ ନେସ୍ତେକ୍ ଆଟ୍ନିକା । ପିଲିପି ମାକିଦନିଆ ଦେସ୍ତି ପେରିଗାଡ୍ ମାର୍ଥାଡ୍ । ଇକା ମାକିଦନିଆତୁ ତିଆରୁଆତି ପାର୍ତୁମ୍ ମଣ୍ଡଳି ମାର୍ଥାଡ୍ । ପାଉଲ ମାରି ସିଲା ମିସାଜି ଇୟା ମଣ୍ଡଳି ଆରାମ୍ କିତାମାର୍ହାଡ୍ । ମାରି ଆବେନୁ ତେବାନି ବେଡାତୁ ଉନ୍ତେ ନାଡା ଉଣ୍ଡିକ୍ ଖାରିକ୍ ଜଇଲ୍ତୁ ଇଟ୍ତାମାର୍ଥାଡ୍ ପ୍ରେରିତ ୧୬ ।

ଆଦେକ୍ ଆଟ୍ନାଡ୍ ପାଉଲଦି ଇୟା ବଇ ରାସ୍ତାନ୍ ନାଣ୍ଡ ଉଦେସ୍ ତେବାଦେକ୍ ଆଟ୍ନେ । ଖାନ୍ ଜଇଲ୍ତୁ ମାନି ବିସୟ ଝେନଜି ମଣ୍ଡଳିଦି ଲୋକୁ ଦାନ୍ ଉଣ୍ଡା କିଜି ପୋକ୍ତି ମାନିକ୍ ମଣ୍ଡଳିଦିକ୍ ଦନ୍ୟବାଦ୍ ସିନି ଉଦେସ୍ ଇଡ୍ଡି ବଇ ରାସ୍ତାନ୍ ୪:୧୦-୧୯ । ଖାନ୍ ବା ଖାନ୍ ଜଇଲ୍ତୁ ମାନି ଅବସ୍ତାଦି ବାଦା ଝେରସି ମଣ୍ଡଳିତୁ ତିମତି ମାରି ଏପାପ୍ରିଦିତଦିକ୍ ମିସା କିନାନ୍, ବିସ୍ବାସିରି ଏଣ୍ଡେସ୍ ଖାରିକ୍ ମାନାଜି ନମସ୍ତାର୍ କିନାନ୍ ମାରି ଖାନ୍ ଉଣ୍ଡିକ୍ ସନ୍ମାନ୍ ସିନାନ୍ ୨:୧୯-୩୦ ।

ଇୟା ବଇତୁ ମାନି ଏସ ମୁକିୟ ବିସୟ

- ୧. ପିଲିପିୟ ମଣ୍ଡଳିଦିକ୍ ପାଉଲଦି ମାଡ୍ଡିସ୍କିନିକା ୧:୧-୨
- ୨. ପାଉଲଦି ବାଦା ମାରି ଖାନ୍ ସିନ୍ତା ବିସୟ ୧:୩-୨:୩
- ୩. ବିସ୍ବାସିରିକ୍ କ୍ରିସ୍ତୁଆନ୍ ଜିବନ୍ ଜିନିମାଡ୍ଡି ଉଣ୍ଡିକ୍ ପାଉଲଦି ମାଟା । ୩:୧-୪:୯
- ୪. ପାଉଲ ଦାନ୍ ଉଣ୍ଡିକ୍ ପିଲିପିୟ ମଣ୍ଡଳିଦିକ୍ ମାଡ୍ଡିସ୍କିଜି ମାରି ଦନ୍ୟବାଦ୍ ସିନାନ୍ ୪:୧୦-୨୩

ନମସ୍ତାର୍ ନି ପାଉଲତି ପାର୍ତନା

୧ *ପାଉଲ ମାରି ତିମତି, କ୍ରିସ୍ତ ଜିସୁଦି ରିଏର୍ ଦାସକୁ, ପିଲିପି ମଣ୍ଡଳିତୁ ମାନି କ୍ରିସ୍ତ ଜିସୁଦି ମାନି ଝିଜେରେ ସାବୁରି ଲାକ୍ତୁ ମାରି ନେତାର୍ ମାରି ସେବାକିନିଖାରି ଲାକ୍ତୁ ରାସ୍ତାମାନ୍;

- ୨ ମା ବୁବା ମାପୁରୁ ମାରି ପ୍ରୁ ଜିସୁ କ୍ରିସ୍ତଦିମାଣ୍ଡକୁ ଦୟା ମାରି ସାନ୍ତି ମି ଉଣ୍ଡିକ୍ ଆପିଡ୍ ।
- ୩ ନାନ୍ ମିକ୍ ଏସ ଦେବେକ୍ ଏଡ୍‌କିନା, ନାସ ଦେବେକ୍ ନା ମାପୁରୁକ୍ ଦନ୍ୟବାଦ୍ ସିନା ।
- ୪ ଝିଜୁ ଦେବେକ୍ ମି ଉଣ୍ଡିକ୍ ପାର୍ତନା କିନି ବେଡାତୁ ଝେଡ୍‌କାଦି ମୋନତାନ୍ ପାର୍ତନା କିଜିନା,
- ୫ ଇରିକ୍ ମି ବିସ୍ବାସ୍ ଆରାମତାନ୍ ନେରସାନ୍ ସୁସମାଚାର୍ତି ପାଣିତୁ ମିର୍ ନାକ୍ ଏଣ୍ଡେସ୍ ସାକା ଆତିମାନିଦେର୍,
- ୬ ନାନ୍ ଇୟା ବିସୟତାନ୍ ସଡ୍ ଜେ, ଆମା ପ୍ରୁ ମି ଲାକ୍ତୁ ଇୟା ନେଗିପାଣି ଆରାମ୍ କିତାମାନାନ୍, କ୍ରିସ୍ତ ଜିସୁ ମାରିଡେସିଖାନି ଦିନ୍ତୁ ଇକା ସେସ୍ ଆନି ସାନ୍ ଖାନ୍ ଆକା ପାଣି କିଜି ପୁରା କିନାନ୍ ।
- ୭ ମିର୍ ଝିଜୁଦିନ୍ ନା ମନ୍ତୁ ମାନିଦେର୍; ମାରି ମି ଝିଜୁଲୋକା ବିସୟତାନ୍ ଇୟାଖାଜା ଏଡ୍ କିନିକା ମାନାଡ୍ । ନାନ୍ ଜଇଲ୍ତୁ ସଲ୍ଲ ମାର୍ଲ ବେଡାତୁ ମାରି ଇଲେଇ ଇୟା ଜଇଲ୍ତୁମାନି ଅବସ୍ତାତୁ ସୁସମାଚାର୍ତି ତିଆରକିନିକା ନି ରକ୍ଷାଦି ଉଣ୍ଡିକ୍ ପାଣି କିଦେକ୍ ମାପୁରୁ ନାକ୍ ଆମା ଦୟା ସିତାମାନାନ୍, ମିର୍ ଝିଜିଦେର୍ ଇବେନୁ ମିସାତିମାନିଦେର୍ ।
- ୮ ମି ଝିଜେରି ଉଣ୍ଡିକ୍ ନା ନାଣ୍ଡ ଝେଡ୍‌କା ଜିସୁ କ୍ରିସ୍ତଦିମାଣ୍ଡକୁ ନାନ୍ ପୟତାମାନା ଇଜି ଏସ୍ତିଖାଲେ ନାନ୍ ଝେରନା, ଇକା ପୁରାସଡ୍ । ଇୟା ବିସୟତାନ୍ ମାପୁରୁ ନା ସାକି ।
- ୯ ମାରି, ନାନ୍ ପାର୍ତନା କିଜିନା, ଏଣ୍ଡେସ୍ ସଡ୍ଡି ବୁଦି ମାରି ନିୟାୟ ବିଚାର୍ତି ଖାଲେ ମି ଜିବନ୍‌ନୋନିକା ନାଣ୍ଡଦାନ୍ ନାଣ୍ଡ ପିରିଡ୍,
- ୧୦ ଏଣ୍ଡେସ୍ ମିର୍ ନେଗି ବିସୟକୁ ଝିଜୁ ଆସକିଦେକ୍ ଆଟ୍ନିଦେର୍ । ଆରଡିକ୍, ମିର୍ କ୍ରିସ୍ତଦି ଖାନିଦିନ୍ତୁ ପୁରାନେଗେନ୍ତାନ୍ ମାରି ନିନ୍ଦାସିଲିକା ତେବାନିଦେର୍,
- ୧୧ ମାରି, ମାପୁରୁଦି ଗୌରବ୍ ମାରି ଦନ୍ୟବାଦତି ଉଣ୍ଡିକ୍ ମି ଜିବନ୍ ଜିସୁ କ୍ରିସ୍ତଦି ସିତିମାନି ଝିଜୁ ନେଗିଗୁଣ୍ଡୁ ପୁରା ଆନାଡ୍ ।

ଜିନି ଅର୍ଡ କ୍ରିସ୍ତ

* ୧:୧ ପ୍ରେରିତ ୧୭:୧୨.

୧୨ ଏ ତଡ଼ାନ୍‌କୁ ନି ତାଙ୍ଗି, ନା ଉଣ୍ଡିଙ୍ଗ ଆମା ଆମାକା ଗଟାତାମାନାଡ଼, ଆକା ସୁସମାଚାରତି ପାଣିଦିଙ୍ଗ ପିରନ୍ତି ଉଣ୍ଡିଙ୍ଗ ସାହାଜ୍ୟ କିତାମାନାଡ଼, ଇକା ମିଙ୍ଗି ଝେଡ଼ିତେଙ୍ଗ ନାନ୍ ଇଙ୍ଗା କିଜିନା ।

୧୩ ଝଭେଣି ଝିଜେରେ ରାଜାରି ମେଡ଼ଇଲୁଦିଙ୍ଗ କାପକିନିକାର୍ ମାରି ଆଇକାର୍ ଝିଜେରେ ନେସତାମାନାର୍ ଜେ, କ୍ରିସ୍ତୁଦି ସେବାକିନିକାନ୍ ଆତିମାନିଙ୍ଗ ନାନ୍ ଇଲେଇ ଜଇଲୁଡୁ ମାନା ।

୧୪ ମାତର ନାନ୍ ଜଇଲୁଡୁ ମାନିଙ୍ଗ ଏସଲୋକ୍ ତଡ଼ାନ୍‌କୁ ନି ତାଙ୍ଗି ପ୍ରୁଦି ଉଣ୍ଡିଙ୍ଗ ନାଣ୍ଡ ବିସବାସ୍ କିତାମାନାର୍, ମାରି ଇୟାଉଣ୍ଡିଙ୍ଗ ତିଲାଏଣ୍‌ଗା ମାପୁରୁଦି ବାକ୍ୟ ପ୍ରଚାର୍ କିଦେଙ୍ଗ୍ ଝାର୍ ସାହାସ୍ ପୟତାମାନାର୍ ।

୧୫ ଅବସ୍ୟ ଝାରି ଲୋଇରାନ୍ ଏନ୍ ଏନ୍ ଗିଦ୍‌ରି ମାରି ଲାଗାଜିସାନି ଉଣ୍ଡିଙ୍ଗ କ୍ରିସ୍ତୁଙ୍ଗ ପ୍ରଚାର୍ କିଜିନାର୍ ସଡ଼, ମାତର ମାରି ଏନ୍ ଏନ୍ ଜିବନ୍‌ତାନ୍ ଆକା କିଜିନାର୍ ।

୧୬ ଇୟାକାର୍ ଇୟାଝାଜା କିନି ଉଣ୍ଡିଙ୍ଗ ଜିବନ୍‌ନୋନାର୍ । ଇରିଙ୍ଗ୍ ଝାର୍ ନେସନାର୍ ଜେ, ମାପୁରୁ ନାଙ୍ଗି ସୁସମାଚାରତିଙ୍ଗ୍ ସୁରକ୍ଷା କିଦେଙ୍ଗ୍ ଦାଇଡ଼ ସିତାମାନାନ୍ ।

୧୭ ଆଇକାର୍ ବିସବାସ୍‌ତାନ୍ କ୍ରିସ୍ତୁଦି ମାଟା ପ୍ରଚାର୍ କିଏଣ୍‌ଗା ଆକାର୍‌ତି ଉଦେସ୍ ଅସି ଆକା କିତାମାନାର୍ । ନାନ୍ ଜଇଲୁଡୁ ତେବାତିମାର୍‌ଇ ଝାଲେ ନା ମୋନ୍‌ତୁ ନାଣ୍ଡ କାସ୍ତୁ ସିଦେଙ୍ଗ୍ ଝାର୍ ଆକା କିତା ମାନାର୍ ।

୧୮ ଆବେନ୍ ଇନିକା ପୁର୍‌ଏଡ଼ ! ଉଦେସ୍‌ଦି ଇସାବ୍‌ତାନ୍ ଆପିଡ଼ ମାରି ନେଗେନ୍‌ତି ଇସାବ୍‌ତାନ୍ ଆପିଡ଼, ଏଣ୍ଡେସ୍‌ଝାଜାଦାନ୍‌ବା କ୍ରିସ୍ତୁ ପ୍ରଚାରିତ ଆଜିନାନ୍, ଇବେନ୍‌ ନାନ୍ ଝେଡ଼ିକା କିଜିନା, ହୁଁ, ଝେଡ଼ିକା କିଜିମାନା ।

୧୯ ଇରିଙ୍ଗ୍ ନାନ୍ ନେସନା ଜେ, ମି ପାର୍‌ତନା ମାରି ଜିସୁ କ୍ରିସ୍ତୁଦି ଆମ୍ବାଦି ସାହାଜ୍ୟ ଦାନ୍ ନାନ୍ ମୁକୁଡ଼ାନିକା ଲାବ୍ କିନା ।

୨୦ ଇୟା ବିସୟତାନ୍ ନା ଅରେନ୍ ଆସାନି ଆସା ଇଡ଼ିନି ମାନାଡ଼ ଜେ ନାନ୍ ଇନି ବିସୟତାନ୍ ସେମାର୍ ଆଏ, ମାତର ଝିଜୁଦିନ୍ ଏଣ୍ଡେସ୍‌ଝାଜା, ଇଲେଇବା ଆୟାଝାଜା ନାଣ୍ଡ ତାଟ୍‌ତାନ୍, ଜିବନ୍‌ତୁ ଆପିଡ଼ ବା ସାନିମାନ୍ ଆପିଡ଼, କ୍ରିସ୍ତୁଙ୍ଗ ନା ମେନ୍‌ଲୁତାନ୍ ମହିମା କିନା ।

୨୧ ଇରିଙ୍ଗ୍ ନା ଜିବନ୍‌ତୁ କ୍ରିସ୍ତୁନେ ଝିଜୁ, ଆଦେଙ୍ଗ୍ ନା ଉଣ୍ଡିଙ୍ଗ ସାନିକା ନାଣ୍ଡ ଲାବ୍ ଆନାଡ଼ ।

୨୨ ମାତର ଜଦି ଜିବନ୍ ମାନ୍‌ଝି ନାନ୍ ନାଣ୍ଡ ପଲ୍‌ଆସ୍‌ନି ପାଣି କିଦେଙ୍ଗ୍ ଆଟ୍‌ନା, ଆର୍‌ତିଙ୍ଗ୍ ଜିବନ୍ ନି ସାନିତାନିଙ୍ଗ୍ ଏଙ୍ଗ୍ ଆସ୍‌କିନା, ନାନ୍ ଟିକ୍ କିଦେଙ୍ଗ୍ ଆଟ୍‌ଏଜିନା ।

୨୩ ନାନ୍ ରୁଣ୍ଡି ବିସୟକୁ ଅସି ପେରିଆରଲାଦୁ ପଡ଼େଆତାମାନା; ଇୟା ଜିବନ୍ ଡ଼ିସ୍‌ସୋ କ୍ରିସ୍ତୁଦି ଝାଲେ ତେବାଦେଙ୍ଗ୍ ନା ଇଙ୍ଗା, ଇରିଙ୍ଗ୍ ଆକା ପୁରା ନେଗେଡ଼ ।

୨୪ ମାତର ମି ଉଣ୍ଡିଙ୍ଗ୍ ଜିଜୋ ତେବାଦେଙ୍ଗ୍ ନାଣ୍ଡ ଦରକାର୍ ।

୨୫ ମାରି ନାନ୍ ଇୟା ବିସୟତାନ୍ ନେସନା ଜେ, ନାନ୍ ଜିନା ତେବାନା । ମି ବିସବାସ୍‌ତି ପିରନ୍ତିକା ମାରି ଝେଡ଼ିକାଦି ଉଣ୍ଡିଙ୍ଗ୍ ନାନ୍ ମି ଝିଜେରି ଝାଲେ ତେବାନା ।

୨୬ ଏଣ୍ଡେସ୍ ମି ମାନ୍ ନାନ୍ ମାରିଡ଼େସି ଇଗାଝାନି ଉଣ୍ଡିଙ୍ଗ୍ ନା ମାଣ୍ଡକୁ କ୍ରିସ୍ତୁ ଜିସୁଦିମାନ୍ ମି ଗର୍ବ ନାଣ୍ଡ ବଡ଼େ ଆନାଡ଼ ।

୨୭ ନାନ୍ ମିଙ୍ଗି ସୁଡ଼େଦେଙ୍ଗ୍ ଇଜି ସନ୍‌ଡ଼େଙ୍ଗ୍ ତାଟ୍ ଆନା ସିଲିତିଙ୍ଗ୍ ଆଏ, ଇଲେଇ ପେରି ବିସୟ ଆଜିନାଡ଼, ମି ଜିବନ୍ ଜିନିକା ଏଣ୍ଡେସ୍ କ୍ରିସ୍ତୁଦି ସୁସମାଚାରତି ଝାଜା ଆନାଡ଼ ନାନ୍ ଏଣ୍ଡେସ୍ ଝେନା, ମିର୍ ଉନ୍‌ଡ଼ି ଉଦେସ୍ ଅସି ତାଟ୍‌ତାନ୍ ନିର୍‌ଇ ମାନିଦେର୍ ମାରି ଉନ୍‌ଡ଼ି ଆସା ଅସି ସୁସମାଚାର ବିସବାସ୍‌ତି ଉଣ୍ଡିଙ୍ଗ୍ ଅର୍‌ସେ ଜୁଦ୍ କିଜିନିଦେର୍ ।

୨୮ ସାଡ଼ୁରିଙ୍ଗ୍ ତିଲାମାଟ୍, ସାହାସ୍‌ତାନ୍ ତାଟ୍ ତେବାଦୁ । ଆର୍‌ତିଙ୍ଗ୍, ଝାର୍ ନେସତେଙ୍ଗ୍ ଆଟ୍‌ନାର୍ ଜେ, ଝାର୍ ଆର୍‌ନିକା ପୁରାସ୍‌ଡ଼ ମାରି ମିର୍ ଜିଣାନିଦେର୍, ଇରିଙ୍ଗ୍ ମାପୁରୁ ନେ ମିଙ୍ଗି ଜିଣା କିନା ।

୨୯ ଇରିଙ୍ଗ୍ କ୍ରିସ୍ତୁଦିମାନ୍ କେବଲ ବିସ୍‌ବାସ୍ କିନି ଉଣ୍ଡିଙ୍ଗ୍ ମିଙ୍ଗି ଜେ ସୁଜୋଗ୍ ସିଆୟ୍‌ଆତା ମାନାଡ଼, ଆକା ସିଲେ, ମାତର କ୍ରିସ୍ତୁଦି ଉଣ୍ଡିଙ୍ଗ୍ ଦୁଃକ୍‌କାସ୍ ବୋଗାନି ଉଣ୍ଡିଙ୍ଗ୍ ମିଙ୍ଗି ସୁଜୋଗ୍ ସିଆୟ୍‌ଆତା ମାନାଡ଼ ।

୩୦ ଇଲେଇ ଇୟା ଜୁଦ୍‌ଦୁ ମିର୍ ନାମାନ୍ ମିସାଦେଙ୍ଗ୍ ଆଟ୍‌ନିଦେର୍ । ସର୍‌ଇଦିନ୍‌ତୁ ମିର୍ ନାଙ୍ଗି ଆମା ଜୁଦ୍ କିନିକା ସୁଡ଼ିମାର୍‌ଇଦେର୍, ଇଲେଇବା ନାନ୍ ଆୟା ଜୁଦ୍‌ଦୁ ପୁରା ମାନା ଇଜି ମିର୍ ଝେନିମାନିଦେର୍ ।

୨

କ୍ରିସ୍ତୁଦି ସାନ୍ତି ମାରି ପେରିକାନ୍

୧ କ୍ରିସ୍ତୁଦି ଝାଲେ ମିସାନି ଉଣ୍ଡିଙ୍ଗ୍ ମିର୍ ଜିବନ୍‌ତୁ ବପୁ ଆତିମାନିଦେର୍ । ମାରି ଝାନି ଜିବନ୍‌ନୋନିକା ମିଙ୍ଗି ଝେଡ଼ିକା ସିଜିନାଡ଼ । ମିର୍ ପବିତ୍ରଆମ୍ବାଦି ସାକାଦାନ୍ ଝେଡ଼ିକା କିଜିନିଦେର୍ ମାରି ନିଜେନିଜେଦି ଉଣ୍ଡିଙ୍ଗ୍ ମିଙ୍ଗି ଜିବନ୍‌ନୋନିକା ମାରି ଦୟା ମାନାଡ଼ ।

୨ ଆଦେଙ୍ଗ୍ ନାନ୍ ମିଙ୍ଗି ଅନୁରଦ୍ କିଜିନା, ଉନ୍‌ଡ଼େ ମନ୍‌ତାନ୍, ଉନ୍‌ଡ଼େ ଜିବନ୍‌ନୋନିମାନ୍ ମିସାନିକା ମାରି ଉନ୍‌ଡ଼େମୋନ୍ ମାରି ଆମ୍ବାଦୁ ଅର୍‌ସେ ଆଜି ମିର୍ ନାଙ୍ଗି ପୁରା ଝେଡ଼ିକା କିଦୁ ।

☆ ୧:୧୩ ପ୍ରେରିତ ୨୮:୩୦.

୩ ଆକାର ମାରି ନାଶ୍ଟ ଗର୍ବ ତରାନି ଉଣ୍ଡିଙ୍ଗ୍ ଇନି ପାଣି କିମାଟ୍, ମାତର୍ ନମ୍ ଆଜି ଓଜେରେ ଆଇଝାରିଙ୍ଗ୍ ନିଜେଦିମାଣ୍ଟକୁ ପେରିକାନ୍ ଅଡ୍‌ବିଦୁ ।

୪ କେବଲ ନିଜେଦି ବିସୟ୍‌ତୁ ମୋନ୍ ସିଏଣ୍ଟା ଆଇଝାରି ବିସୟ୍‌ତୁ ବା ମୋନ୍‌ସିଦୁ ।

୫ କ୍ରିସ୍ଟ ଜିସୁଦି ଏଣ୍ଡେସ୍ ନାନି ମନ୍ ମାରାଡ୍, ମିଦି ଆୟାଝାଜା ମୋନ୍ ଆପିଡ୍ :

୬ ୱାନ୍ ମାପୁରୁଝାଜା ଆଡିଙ୍ଗ୍‌ବା

ମାପୁରୁଦି ୱାଲେ ସାମାନ୍ ଆଜି ତେବାଦେଙ୍ଗ୍ ନିଜେଦି ଉଣ୍ଡିଙ୍ଗ୍ ଆସ୍‌ସୋ ଇଡ୍‌ନି ବିସୟ୍ ଏଡ୍ କିଏତାନ୍ ।

୭ ବର୍ ନିଜେଦି ଇଚ୍ଛାଦାନ୍ ୱାନ୍ ଓଜୁ ଡ୍ରିସ୍‌ତାନ୍‌ନୋ ସାକର୍ ମୁଡ୍ ଆସ୍‌ତା ୱାତାନ୍ ।

ଲୋକା ୱାଜା ଆଜି ଲୋକା ୱାଜାତର୍‌ଜି ୱାତାନ୍ ।

୮ ମାରି, ୱାନ୍ ସାନ୍ତି ମାରି ସାନ୍ତିଦିକାନ୍ ଆଜି ସାନି ସାନ୍ତି,

କୁସଦୁ ସାନି ସାନ୍ତି ମାନାତାନ୍ ।

୯ ଇୟାଉଣ୍ଡିଙ୍ଗ୍ ମାପୁରୁ ୱାନ୍‌ଜି ପୁରାନାଶ୍ଟ ମୁସ୍‌କୁ ପେର୍‌ତା ମାନାନ୍,

ମାରି ଓଜେରି ଦରକା ବାଦ୍‌ଲୁ ପେରି ଦରୁ ୱାନ୍‌ଜି ସିତାମାନାନ୍ ।

୧୦ ଏଣ୍ଡେସ୍ ମୁସ୍‌କୁପୁର୍, ଦୁନିଆ ମାରି ପାତାଲ୍‌ତୁ ମାନି

ଓଜୁ ଲୋକା ଜିସୁଦି ଦର୍ଡିଙ୍ଗ୍ ମେଣ୍ଡେଙ୍ଗ୍ ଗର୍‌କିଜି ମାଡିସ୍ କିନାର୍ ।

୧୧ ମାରି, ବୁବା ମାପୁରୁଦି ଗୌରବ୍‌ଡି ଉଣ୍ଡିଙ୍ଗ୍

ଓଜେରି ୱେଡଲ୍ ଜିସୁ କ୍ରିସ୍ଟ ପ୍ରବୁ ଇଜି ମାନାନାର୍ ।

ଦୁନିଆଦୁ ଜାୟ୍ ୱାଜା କାସ୍‌ତୁ

୧୨ ମାରି, ଏ ନା ଲାଡ୍‌ଡି ତଡ୍‌ଜୁ, ଏଣ୍ଡେସ୍ ନାନ୍ ମି ୱାଲେ ମାର୍‌ଇ ବେଡାଦୁ ମିର୍ ଏଣ୍ଡେସ୍ ଓଜୁଝାଲେ ନା ମାଟାଦାନ୍ ମାର୍‌ଇଦେର୍, ମାତର୍ ଇଲେଇ ନାନ୍ ସିଲିଝାଲେ ମାରି ନାଶ୍ଟଦାନ୍ ଡିଲାଜି ମାରି ଡିର୍‌ଜି ନିଜେ ନିଜେଦି ପରିତ୍ରାଣ୍ ପାଣି ଏଣ୍ଡେସ୍ ପୁରା ଆନାଡ୍ ।

୧୩ ଇରିଙ୍ଗ୍ ଇଚ୍ଛା କିଦେଙ୍ଗ୍ ମାରି ପାଣି କିଦେଙ୍ଗ୍ ମାପୁରୁ ନିଜେଦି ନେଗି ଉଦେସ୍‌ଦିଙ୍ଗ୍ ପୁରା କିନି ଉଣ୍ଡିଙ୍ଗ୍ ମି ଜିବନ୍‌ତୁ ପାଣି କିନାନ୍ ।

୧୪ ଆସ୍‌କିଏଣ୍ଟା ମାରି ୱାନ୍‌ଗିଜିସାଏଣ୍ଟା ଓଜୁ ପାଣି କିଦୁ ।

୧୫ ଆର୍ଡିଙ୍ଗ୍, ଇୟା କାକୁଡ୍ ମାରି ପାପ୍‌ମାନି ଦୁନିଆଦୁ ମିର୍ ମାପୁରୁଦି ଦାମ୍ କଡକକରା ୱାଜା ଦସ୍‌ସିଲିକା ମାରି ଦାମ୍‌ଦାନ୍ ଜିଜି ମାଡିଦେଙ୍ଗ୍ ଆର୍‌ନିଦେର୍ ।

୧୬ ଆଇଝାରି ଲାକ୍‌ତୁ ଜିବନ୍‌ମାନି କାବୁର୍ ପ୍ରଚାର୍ କିନିଝାଲେ ମିର୍ ବାଦଡ୍‌ଡିଙ୍ଗ୍ ଜାୟ୍ କିଜିମାନି ସୁକେଙ୍ଗ୍ ୱାଜା ଜାୟ୍ ଆନିକା ମାନାଡ୍ । ମିର୍ ଜଦି ଇୟାଝାଜା ଆନିଦେର୍, “କ୍ରିସ୍ଟଦି ଦିନ୍‌ତୁ” ମି ବିସୟ୍‌ତୁ ନାନ୍ ଗର୍ବ କିଦେଙ୍ଗ୍ ଆର୍‌ନା, ଇରିଙ୍ଗ୍ ଇବେଣ୍ଟକୁ ପାର୍‌ମାଣ୍ ଆନାଡ୍ ଜେ, ନା ଓଜୁ ଜୋଜନା ମାରି ପାଣି ଆରେଏ ଆଏଡ୍ ।

୧୭ ମାପୁରୁଦି ଉଦେସ୍‌ତାନ୍ ମି ବିସ୍‌ବାସ୍‌ଝାଜା ବଲିଦାନ୍‌ତୁ ଆନାଡ୍‌ସୁଗି ନା ଜିବନ୍‌ଡି ନେତେର୍ ୱାକ୍‌ସୋ ସିଦେଙ୍ଗ୍ ପଡାନାଡ୍, ଆର୍ଡିଙ୍ଗ୍ ନାନ୍ ୱେଡିକା କିଜିନା ମାରି ନା ଇୟା ୱେଡିକାଦୁ ମିଙ୍ଗ୍ ମିସା କିଦେଙ୍ଗ୍ ଅଡ୍‌ବିଜିନା ।

୧୮ ମାରି, ଆୟାଝାଜା ମିର୍ ବା ୱେଡିକା କିଦୁ ମାରି ଆୟା ୱେଡିକାଦୁ ନାଙ୍ଗ୍ ବା ମିସାକିଦୁ ।

ଡିମଡି ମାରି ଏପାପ୍‌ଦିଡ୍

୧୯ ମାତର୍ ନାନ୍ ମି ଲାକ୍‌ତୁ ଡିମଡିଦିଙ୍ଗ୍ ବେଗି ପୋକ୍‌ନା ଇଜି ପ୍ରବୁ ଜିସୁଦିମାନ୍ ଆସା କିଜିନା, ଏଣ୍ଡେସ୍ ମି କାବୁର୍ ନେସ୍‌ସି ନାନ୍ ବା ୱେଡିକା ଆନା ।

୨୦ ଇରିଙ୍ଗ୍ ୱାନ୍ ମି ବିସୟ୍‌ତୁ ସଡ୍‌ତାନ୍ ମୋନ୍‌ଦିୟାନ୍ କିନାନ୍, ଇୟାଝାଜା ଅଡ୍‌ବିନି ଲୋକ୍ ୱାନ୍‌ଜି ଡ୍ରିସ୍‌ଡିଙ୍ଗ୍ ନା ଲାକ୍‌ତୁ ଏନ୍ ସିଲେନ୍ ।

୨୧ ଆଇକାର୍ ଓଜେରେ ଜିସୁ କ୍ରିସ୍ଟଦି ଉଣ୍ଡିଙ୍ଗ୍ ମୋନ୍‌ଦିୟାନ୍ କିଏଣ୍ଟା କେବଲ ନିଜେଦି ପାଣିଦି ଉଣ୍ଡିଙ୍ଗ୍ ଦାନ୍‌ଆ ଆନାର୍ ।

୨୨ ଡିମଡି ଜେ ପରିକାଦୁ ଜିଣାଡି ଲୋକ୍, ଇକା ମିର୍ ନେସ୍‌ଡିମାନିଦେର୍; ମାରିନ୍ ବୁବାଦି ସେବା କିଡି ୱାଜା ୱାନ୍ ତୋ ସୁସ୍‌ମାଗାର୍ ପ୍ରଚାର୍ ପାଣିଦୁ ନା ୱାଲେ ସେବା କିଡାମାହାନ୍ ।

୨୩ ମାରି, ନା ଉଣ୍ଡିଙ୍ଗ୍ ଇନିକା ଗଟାନାଡ୍, ଆକା ନେସ୍‌ନି ଉଣ୍ଡିଙ୍ଗ୍ ନାନ୍ ୱାନ୍‌ଜି ମି ଲାକ୍‌ତୁ ପୋକ୍‌ତାନା ଇଜି ଆସା କିଜିନା ।

୨୪ ମାତର୍ ନାନ୍ ପ୍ରବୁଦିମାନ୍ ବିସ୍‌ବାସ୍ କିଜିନା ଜେ, ନାନ୍ ନିଜେ ବା ଦାପ୍ରେ ମି ଲାକ୍‌ତୁ ୱାଦେଙ୍ଗ୍ ଆର୍‌ନା ।

୨୫ ମାତର୍ ନାନ୍ ନା ତଡାନ୍, ଅର୍‌ସେପାଣିକିନାପ୍, କୁଦ୍ ମାରି ନା ଅବାବ୍ ପୁରା କିନି ଉଣ୍ଡିଙ୍ଗ୍ ମି କାବୁର୍ ଅନିକାନ୍ ମାରି ସେବାକିନି ଏପାପ୍‌ଦିଡ୍‌ଡିଙ୍ଗ୍ ମି ଲାକ୍‌ତୁ ପୋକ୍‌ନି ଉଣ୍ଡିଙ୍ଗ୍ ଦରକାର୍ ଇଜି ଏଡ୍ କିଡା ।

୨୬ ଇରିଙ୍ଗ୍ ଖାନ ମିଙ୍ଗ୍ ସୁତନ୍ତୁ ଉଣ୍ଡିଙ୍ଗ୍ ଇଚ୍ଛା କିଜିନାନ୍, ମାରି ଖାନ ନବ୍‌ଆତାମାନାନ୍ ଇଜି ମିର୍ ଖେରଇମାନିଙ୍ଗ୍ ଖାନ ଦୁଃକ୍‌କିଜିନାନ୍ ।

୨୭ ସତ୍‌ତାନ୍ ଖାନ ନବ୍‌ଆଜି ସାତିଖାଜା ଆତାମାର୍‌ହାନ୍, ମାତର୍ ମାପୁରୁ ଖାନିଙ୍ଗ୍ ଦୟା କିତାନ୍, ମାରି କେବଲ ଖାନିଙ୍ଗ୍ ସିଲେ, ମାତର୍ ଏଣ୍ଡେସ୍ ନା ଉଣ୍ଡିଙ୍ଗ୍ ଦୁଃକ୍ ମୁସ୍‌କୁ ଦୁଃକ୍ ଗଟାଏଡ୍, ଇୟାଉଣ୍ଡିଙ୍ଗ୍ ନା ମୁସ୍‌କୁ ବା ଦୟା କିତାନ୍ ।

୨୮ ଇୟାଉଣ୍ଡିଙ୍ଗ୍ ନାନ୍ ଖାନିଙ୍ଗ୍ ମି ଲାକ୍‌ତୁ ପୋକ୍‌ତାନି ଉଣ୍ଡିଙ୍ଗ୍ ଇଚ୍ଛା, ଇରିଙ୍ଗ୍ ମିର୍ ଏଣ୍ଡେସ୍ ଖାନିଙ୍ଗ୍ ମାରିଡେସି ସୁତନ୍ତୁ ଖେଡିକା ଆନିଦେର୍ ମାରି ନା ଦୁଃକ୍ ବା ଉଣା ଆନାଡ୍ ।

୨୯ ଆଦେଙ୍ଗ୍ ଅରେନ୍ କ୍ରିସ୍‌ବିସ୍‌ବାସ୍‌ସି ତତ୍‌ତାନ୍ ଖାଜା ମିର୍ ଖାନିଙ୍ଗ୍ ମାନାଦୁ ମାରି ଖାନି ଖାଜା ଖିଜୁ ଗୁଣ୍ଡୁମାନି ଲୋକ୍‌ତିଙ୍ଗ୍ ସନମାନ କିଦୁ ।

୩୦ ଇରିଙ୍ଗ୍ ମିର୍ ନାଙ୍ଗ୍ ଆମା ସେବା ସିଦେଙ୍ଗ୍ ଆଟ୍‌ଇତିଦେର୍, କ୍ରିସ୍‌ତି ପାଣି ପୁରା କିନି ଉଣ୍ଡିଙ୍ଗ୍ ଖାନ ଆକା ନା ଉଣ୍ଡିଙ୍ଗ୍ କିଦେଙ୍ଗ୍ ସର୍‌ହାନ୍‌ନୋ ନିଜେଦି ଜିବନ୍‌ତିଙ୍ଗ୍ ନାସ୍‌କିଜି ସାନି ଆଗ୍‌ଡିସାମାନା କିତାମାର୍‌ହାନ୍ ।

୩

ସତ୍‌ତି ଦାମ୍‌ନୁ

୧ ସାରାସାରିଖେନ୍‌କା, ଏ ନା ତତ୍‌ତାନ୍‌କୁ ନି ତାଙ୍ଗ୍‌କି, ପ୍ରବୁଦିମାନୁ ମିସାତି ମାନିଙ୍ଗ୍, ପ୍ରବୁଦିମାନୁ ଖେଡିକା କିଦୁ । ଆଗ୍‌ଡିରାନ୍ ଆମାକା ରାସ୍‌ତା ମାନାଡ୍, ଆୟାତାନିଙ୍ଗ୍ ମାରିଡେସି କିଦେଙ୍ଗ୍ ନାନ୍ ଖାଦ୍‌ନିକା ଅଡ୍‌ବିଏ, ଇରିଙ୍ଗ୍ ମି ସୁରକ୍ଷା ଉଣ୍ଡିଙ୍ଗ୍ ଇକା ସାହାଜ୍ୟ କିନାଡ୍ ।

୨ ଆମାକାର୍ ସତ୍‌ସିଲି ପାଣିଦୁ ମିସାତାମାନାର୍, ନୁକୁଡିଆମାଣ୍‌କୁ ଜାଗ୍‌ରାତା, ତାଗ୍‌ଲ ପାଣିକିନି ଖାରିମାଣ୍‌କୁ ଜାଗ୍‌ରାତା, ସୁନ୍‌ଡକିନି ଲୋକାମାଣ୍‌କୁ ଜାଗ୍‌ରାତା;

୩ ଇରିଙ୍ଗ୍ ମାପ୍ ସତ୍‌ତାନ୍ ସୁନ୍‌ଡପୟ୍‌ତି ଲୋକ୍‌କୁ, ମାପୁ ମାପୁରୁଦି ଆମ୍‌ବାଦାନ୍ ଉପାସନା କିଜିନାପ୍, ମାରି ଆଡ୍‌ରେରି ରିତିନୀତି ମୁସ୍‌କୁ ଆସା କିଏଣ୍‌ଗା କ୍ରିସ୍‌ ଜିସୁଦିମାନୁ ଗର୍ବ କିନାପ୍ ।

୪ ନାନ୍ ଆଡ୍‌ରେରି ବିସୟ୍ ମୁସ୍‌କୁ ବା ଆସା କିଦେଙ୍ଗ୍ ଆଟ୍‌ନା, ଜଦି ଆଇକାନ୍ ଏନ୍ ଆଡ୍‌ରେରି ରିତିନୀତି ମୁସ୍‌କୁ ଆସା କିଦେଙ୍ଗ୍ ଆଟ୍‌ନାନ୍ ଇଜି ଏଡ୍ କିନାନ୍, ଆଟ୍‌ତିଙ୍ଗ୍ ନାନ୍ ନାଣ୍ଡ କିଦେଙ୍ଗ୍ ଆଟ୍‌ନା;

୫ ନା ଜନମ୍‌ତି ଆଟ୍‌ଦିନ୍‌ତି ନାଣ୍ଡିଙ୍ଗ୍ ନାନ୍ ସୁନ୍‌ଡ୍ ଆତାମାର୍‌ଆ, ନାନ୍ ଇସ୍‌ଆଏଲତି ଲୋକ୍, ବିନ୍‌ଧାମିନ୍ କୁଡା, ପୁରାନ୍‌ଗି ଏଣ୍ଡିୟ, ନିୟମ୍ ମାନାନି ବିସୟ୍‌ତାନ୍ ଅରେନ୍ ପାରୁସି ମାର୍‌ଆ,

୬ ନା ତାଗ୍‌ଲ ବ୍ୟବ୍‌ଆରତି ଉଣ୍ଡିଙ୍ଗ୍ କ୍ରିସ୍‌ଟାନ୍ ମଣ୍ଡଲିଦିଙ୍ଗ୍ କାସ୍‌ ସିଲି ମାର୍‌ଆ, ମାରି ବ୍ୟବସ୍ଥାଦି ମାଟା ମାନାନି ମାଣ୍‌କୁ ଜଦି ଅରେନ୍ ଦାମ୍‌ଦିକାନ୍ ଆନାନ୍, ଆଟ୍‌ତିଙ୍ଗ୍ ନାନ୍ ଦୋସ୍ ସିଲେତା ।

୭ ମାତର୍ ଆମାକାଖିଜୁ ନା ଉଣ୍ଡିଙ୍ଗ୍ ନେଗେଡ୍ ଇଜି ଅଡ୍‌ବିଜି ମାର୍‌ଆ, ଆୟାଖିଜୁ ନାନ୍ କ୍ରିସ୍‌ତି ଉଣ୍ଡିଙ୍ଗ୍ ତାଗ୍‌ଲକା ଇଜି ଅଡ୍‌ବିଜିନା ।

୮ କେବଲ ନାସ୍ ସିଲେ; ନା ପ୍ରବୁ ଜିସୁ କ୍ରିସ୍‌ଟାନ୍ ନେସ୍‌ନି ମାଣ୍‌କୁ ଆମା ନାଣ୍ଡ ରୁଦି ପୟ୍‌ତାମାନା, ତାନି ବାଦ୍‌ଲୁ ଖିଜୁ ବିସୟ୍‌ତିଙ୍ଗ୍ ତାଗ୍‌ଲକା ଇଜି ଏଡ୍‌କିନା; ଖାନି ଉଣ୍ଡିଙ୍ଗ୍ ନାନ୍ ଖିଜୁ ବିସୟ୍‌ତିଙ୍ଗ୍ ଡିସ୍‌ତାମାନା, ଏଣ୍ଡେସ୍ ନାନ୍ କ୍ରିସ୍‌ଟାନ୍ ପୟ୍‌ଦେଙ୍ଗ୍ ଆଟ୍‌ନାନ୍ ।

୯ ମାରି ଖାନି ଖାଲେ ପୁରା ମିସାନି ଉଣ୍ଡିଙ୍ଗ୍, ମାରି ଆୟାଖିଜୁ ବିସୟ୍‌ତିଙ୍ଗ୍ କାସ୍‌ରା ଇଜି ଅଡ୍‌ବିଜିନା । ମାରି, ଆମା ଦାମ୍‌ଦି ନିୟମ୍ ମାନାନି ମାଣ୍‌କୁ ପୟ୍‌ଦେଙ୍ଗ୍ ଆଟ୍‌ନିକା, ଆୟା ନାନି ଇନି ନିଜେଦି ଦାମ୍‌ ନାଦି ସିଲେଡ୍ । ଇଲେଇ ନାଦି ଆମା ଦାମ୍‌ ମାନାଡ୍, ଆକା କ୍ରିସ୍‌ତିମାନୁ ବିସ୍‌ବାସ୍ କିନି ମାଣ୍‌କୁ ପୟ୍‌ତାମାନା; ଆକା ମାପୁରୁଦିମାଣ୍‌କୁ ଖାନାଡ୍ ମାରି ଆକା ବିସ୍‌ବାସ୍‌ତି ମୁସ୍‌କୁ ତିଆରାତାମାନାଡ୍ ।

୧୦ ଏଣ୍ଡେସ୍ ନାନ୍ କ୍ରିସ୍‌ଟାନ୍ ନେସ୍‌ନା ମାରି ଖାନି ମାରିଡେସିଜିବନ୍‌ଆଜିନିଙ୍ଗ୍‌ନି ସାଲ୍ଡି ଏଡ୍‌କିନା; ଖାନି କାସ୍‌ ବୋଗ୍‌ତି ଦଣ୍ଡୁ ଏଡ୍‌କିଜି ସାନିମାନୁ ବା ଖାନି ଖାଜା ଆନା,

୧୧ ମାରି ସାତିଖାରି ମାଣ୍‌କୁ ମାରିଡେସିନିଙ୍ଗ୍‌ନିକା ପୟ୍‌ଦେଙ୍ଗ୍ ଆସା କିଜିନା ।

ଇତି ବାଡିଦୁ ଉରକ୍‌କୁନିକା

୧୨ ନାନ୍ ଜେ ଇଲେଇ ଆୟାଖିଜୁ ପୟ୍‌ତା ମାନା ମାରି ପୁରା ପୟ୍‌ତା ମାନା, ଆକା ସିଲେ, ମାତର୍ ନାନ୍ କ୍ରିସ୍‌ ଜିସୁଦି ମାଣ୍‌କୁ କୁକାୟ୍ ଆତିମାନିଙ୍ଗ୍ ଆକା ଆସିନି ଉଣ୍ଡିଙ୍ଗ୍ ଉରକ୍‌କୁସିନା ।

୧୩ ଏ ତତ୍‌ତାନ୍‌କୁ ନି ତାଙ୍ଗ୍‌କି, ଇୟାସାନ୍‌ ନାନ୍ ଇତି ବାଡିଦୁ ଇଏନେ, ମାତର୍ ଉନ୍‌ଡି ପାଣିଦୁ ପୁରାମାନ୍‌ଡି, ଖେନ୍‌କା ଡିସ୍‌ତିଖାତିମାନି ବିସୟ୍‌କୁଖିଜୁ ମୋନ୍‌ତାନ୍ ଆକ କିଜି ଆଗ୍‌ଡି ମାନି ବିସୟ୍‌କୁ ପୟ୍‌ନି ଉଣ୍ଡିଙ୍ଗ୍ ସାନିଜିନିଖାଜା ସେସ୍‌ କିଜିନା ।

☆ ୩:୫ ରୋମିୟ ୧୧:୧୧ପ୍ରେରିତ ୨୩:୬; ୨୬:୫. ☆ ୩:୬ ପ୍ରେରିତ ୮:୩; ୨୨:୪; ୨୬:୯-୧୧.

୧୪ ଆଦେଇଁ କ୍ରିସ୍ତ ଜିସୁଦି ଖାଲେ ଆମା ମୁସକୁପୁରତି ଜିବନ୍ ପୟନି ଉଣ୍ଡିଙ୍ଗ ମାପୁରୁ ନାଙ୍ଗୁ କୁକ୍ତାମାନାନ୍, ଆୟା ପୁରସ୍ପାର୍ତି ଉଣ୍ଡିଙ୍ଗ ଆସା ଇଡ଼ଜି ନାନ୍ ଇତି ବାଡ଼ିଦୁ ଉରକ୍ସିନା ।

୧୫ ମାରି, ମା ଲୋଇ ଏସଲୋକ୍ ଆମ୍ବାଦାନ୍ ଜିଣାତିମାନିକା, ଖାରି ଇୟାଖାଜା ମୋନ୍‌ଅଡ଼ବିନିକା ତେବାନିକା ନେଗେଡ଼, ମାରି ଜଦି ଇନି ବିସୟତୁ ମି ଅଡ଼ବିନିକା ଅଲଗା ନାନିକା ମନ୍‌ଅଡ଼ବିନିକା ମାନାଡ଼, ଆରତିଙ୍ଗ ମାପୁରୁ ମିଙ୍ଗୁ ଓଜୁ ମାଟା ନେସ୍‌ନିଖାଜା ଖେରନାନ୍ ।

୧୬ କେବଲ, ନେରସାନ୍ଧି ମାଡୁ ଆମା ନିୟମ ମାନାଜି ଖାଜିନିକା, ଆୟା ଇସାବତାନ୍ ଆଗଡ଼ି ସନିକା ମାନାଡ଼ ।

୧୭ ଏ ତଡ଼ାନ୍‌କୁ ନି ତାଙ୍ଗୁକି, ମିର୍ ଅରସେ ମିସାଜି ନା ଖେନ୍‌କା ରାଦୁ, ମାରି ମାମାନ୍ ଆମା ସାନ୍ତି ସୁଡ଼ଜୁନିଦେର୍, ଆମାକାର୍ ଆୟାଈସାବତାନ୍ ବୁଲ୍‌ସାଲାନିନାର୍, ଖାରିଙ୍ଗ ସୁଡ଼ୁ ।

୧୮ ଇରିଙ୍ଗ ଇୟାଖାଜା ଗାଦିଲୋକ୍ ମାନାର୍, ଆମାଖାରି ବୁଲ୍‌ସାଲାନି ବିସୟତାନ୍ ନାନ୍ ମିଙ୍ଗୁ ଗାଦି ଦେବେଙ୍ଗ ଖେରତାମାନା, ମାରି ଇଲେଇବା ଆଡ଼ବାଜି ଆଡ଼ବାଜି ଖେରସିନା, ଖାର କ୍ରିସ୍ତଦି କ୍ରିସ୍ତକାଟି ସାଡୁରୁ;

୧୯ ନରକଦୁ ଖାରି ଜିବନ୍ ସାନି ଉଣ୍ଡିଙ୍ଗ ସଲ୍‌ସିନାଡ଼, ମେନ୍‌ଲ୍ ଆସାନେ ଖାରି ଦିୟାମ୍, ଖାର ନିଜେ ନିଜେଦି ସେମାରତିଙ୍ଗ ଗର୍ବଦି ବିସୟ ଏଡ଼ କିନାର୍, ମାରି କେବଲ ଦୁନିଆଦି ବିସୟତି ଉଣ୍ଡିଙ୍ଗ ଖାର ସିନ୍ତା କିନାର୍ ।

୨୦ ମାଡୁ ମୁସକୁପୁରତି ପ୍ରଜା, ଆୟା ବାଡ଼ିଦାନ୍ ବା ମାଡୁ ରକିୟାକର୍ତ୍ତା ପ୍ରୁ ଜିସୁ କ୍ରିସ୍ତଦି ଖାନିଦିନ୍‌ତିଙ୍ଗ ଖେଡ଼ିକାଦାନ୍ କାପକିଜି ମାନାପ୍ ।

୨୧ ଖାନ୍ ନିଜେଦି ଆମା ପାଣିଦି ସାନ୍ତି ଦାନ୍ ଓଜୁ ବିସୟତିଙ୍ଗ ନିଜେଦି ଆଡ଼ଗି କିଦେଙ୍ଗ ଆବ୍‌ନାନ୍, ଆୟା ସାନ୍ତିଦାନ୍ ମା ସାନ୍ତିସିଲି ମେନ୍‌ଲ୍‌ତିଙ୍ଗ ବାଦେଲ୍‌କିଜି ନିଜେଦି ଗୌରବ୍‌ମୟ ମେନ୍‌ଲ୍ ଖାଜା କିନାନ୍ ।

୪

ଆଦେସ୍ ମାରି ସିକିୟା

୧ ଲାଡ଼ତି ତଡ଼ାନ୍‌କୁ ନି ତାଙ୍ଗୁକି, ମିଙ୍ଗୁ ସୁଡ଼ୁ ଉଣ୍ଡିଙ୍ଗ ନା ଏସ ବଦା, ମିଙ୍ଗୁ ଅସିନା ଏସା ଖେଡ଼ିକା, ମି ଉଣ୍ଡିଙ୍ଗ ନା ଏସା ଗର୍ବ । ତଡ଼ାନ୍‌କୁ ନି ତାଙ୍ଗୁକି, ନା ସିକିୟା ଇସାବତାନ୍ ପ୍ରୁଦିମାନ୍ ତିର୍ ତେବାଜି ଜିଜିମାଡ଼ିଦୁ ।

୨ ଇୟଦିଆ ମାରି ସୁଡ଼ୁଷ୍ଟୀ ରୁଣ୍ଡିଖାନିକାଙ୍ଗୁ ନା ଅନୁରୋଦ୍ ଖାକ୍ ପ୍ରୁଦିମାନ୍ ତାଙ୍ଗୁ ଖାଜା ମିସାବିଡ଼ାଜି ମାନିଖି ।

୩ ମାରି, ଏ ନା ବିସ୍‌ବାସ୍‌ତି ଅରସେପାଣିକିନିକାନ୍, ଇୟା ତାଙ୍ଗୁକାଙ୍ଗୁ ସାହାଜ୍ୟ କିନି ଉଣ୍ଡିଙ୍ଗ ନିଙ୍ଗୁ ବା ନା ବାଡ଼ିଙ୍ଗମାଲ୍‌ଜିନା, ଇରିଙ୍ଗ ଇୟାକେଙ୍ଗ କ୍ଲେମେନ୍‌ସ୍ ମାରି ନା ଆଇ ପାଣିକିନିଖାନିକା ଖାଲେ ସୁସମାଚାର୍ ପାଣିଦୁ ନା ଖାଲେ ପାଣି କିତେମାନେ; ଆୟା ପାଣିକିନିଖାନିକା ଦରୁ ମାପୁରୁଦି “ଜିବନ୍ ପୁସ୍ତକଦୁ” ରାସ୍‌ତାମାନାଡ଼ ।

୪ ପ୍ରୁଦି ଖାଲେ ମିସାତି ମାନିଙ୍ଗୁ ଓଜୁଖାଲେ ଖେଡ଼ିକା କିଦୁ, ମାରିଡ଼େସି ଖେରସିନା, “ଖେଡ଼ିକା କିଦୁ ।”

୫ ମି ନେଗି ବ୍ୟବହାର୍ ଓଜୁ ଲୋକା ଲାକ୍‌ତୁ ତରାପିଡ଼ । ପ୍ରୁଦି ଖାନିଦିନ୍ ଲାକ୍‌ତୁ ଆତାଡ଼ନି ।

୬ ଇନି ବିସୟତାନ୍ ସିନ୍ତା କିମାଟ୍, ମାତର୍ ମିଙ୍ଗୁ ଆମାକା ଦରକାର୍, ଆକା ପାରତନାଦୁ ମାପୁରୁଙ୍ଗୁ ଲସ୍‌ତୁ । ମାରି ପାରତନା କିନିଖାଲେ ଓଜୁଖାଲେ ଜିବନ୍‌ତି ଦନ୍‌ସବାଦ୍‌ତି ଖାଲେ ମି ପାରତନା ଓଜୁ ମାପୁରୁଦିମାନ୍ ଖେରତୁ;

୭ ଆରତିଙ୍ଗ ଲୋକ୍‌ତି ବୁଜାଦେଙ୍ଗ ଆବ୍‌ଇକା ମାପୁରୁଦି ସାନ୍ତି କ୍ରିସ୍ତ ଜିସୁଦି ସାକାଦାନ୍ ମି ଜିବନ୍ ମାରି ମୋନ୍‌ତିଙ୍ଗ ନେଗେନ୍‌କିଜି ଇଡ଼ିନାଡ଼ ।

୮ ସାରାସାରିଖେନ୍‌କା, ଏ ତଡ଼ାନ୍‌କୁ ନି ତାଙ୍ଗୁକି, ଆମା ଓଜୁ ନେଗିକା ମାରି ଖେଡ଼ିକାଦି ବିସୟ ମାନାଡ଼, ଆମା ଆମାକା ସଡ଼, ଆମା ଆମାକା ପେରିକା, ଆମା ଆମାକା ଟିକ୍, ଆମା ଆମାକା ପୁରାନେଗିକା, ଆମା ଆମାକା ଲୋକ୍‌ତିଙ୍ଗ ନେଗିକା, ଆମା ଆମାକା ସନ୍‌ମାନଜନକ, ଆୟାଓଜୁ ବିସୟ ସିନ୍ତା କିଦୁ ।

୯ ମିର୍ ଆମାଓଜୁ ବିସୟ ନା ମାଣ୍‌କୁ ଅଜାତିମାନିଦେର୍, ପୟତିମାନିଦେର୍, ଖେରଇମାନିଦେର୍ ମାରି ନା ମାନ୍ ସୁଡ଼ୁଜୁମାନିଦେର୍, ଆୟାଓଜୁ କିଦୁ; ଆବେନ୍ ସାନ୍ତିଦାତା ମାପୁରୁ ମି ସାକା ଆନାନ୍ ।

ଦାନ୍‌ତି ଉଣ୍ଡିଙ୍ଗ ଦନ୍‌ସବାଦ୍

୧୦ ପ୍ରୁଦି ଖାଲେ ମିସାଜି ଜିଜି ମାଡ଼ିନି ଖାଲେ ନା ଖେଡ଼ିକା ଜେ, ମିର୍ ନା ଉଣ୍ଡିଙ୍ଗ ମନ୍ ସିଦୁ । ନାଣୁ ଦିନ୍ ଖେନ୍‌କା ମାରିଡ଼େସି ବାଦେଲ୍‌ଆନିକା ତର୍‌ତିମାନି । ନାନ୍ ଇନ୍‌ଏ ଜେ, ମିର୍ ଇୟାଦାପ୍ରେ ନା ଉଣ୍ଡିଙ୍ଗ ମାରି ମୋନସିଇ ମାର୍‌ଇଦେର୍, କେବଲ୍ ଆକା ଖେରତେଙ୍ଗ ସୁଜୋଗ୍ ପୋଇତିମାର୍‌ଇ ।

୧୧ ନାନ୍ ନିଜେଦିଙ୍ଗ ଖେଡ଼ାଆଜିନାଡ଼ ଏଡ଼କିଜି ଇୟା ମାଟା ଇନ୍‌ଏ, ଇରିଙ୍ଗ ନାନ୍ ଏଣ୍ଡେସ୍ ନାନି ଅବସ୍ଥାଦାନ୍ ମାନା, ନାନ୍ ନାସଦାନ୍‌ନେ ତିର୍ ତେବାଦେଙ୍ଗ ସିକିୟା କିତାମାନା ।

୧୨ ଉଣା ଆପିଡ଼ ମାରି ନାଣୁ ଆପିଡ଼, ଏଣ୍ଡେସ୍ ତାନି ସାମାନା କିଦେଙ୍ଗ ଆନାଡ଼, ଆକା ନାନ୍ ନେସ୍‌ତାମାନା । ଆଦେଙ୍ଗ ଆମା ଇନି ବେଡ଼ାଦୁ, ଆମା ଇନି ଅବସ୍ଥାଦାନ୍ ମାରି ବାଙ୍ଗାଦୁ ତେବାତି ଖାଲେ ଏଣ୍ଡେସ୍, ପଟାପାଜିତି ଖେନ୍‌କା ବା ଆୟାଖାଜା, କାକ୍‌ତୁ ଆନି ବେଡ଼ାଦୁ ମାରି ନାଣୁ ଦୁବା ନାନ୍ ଓଜୁଦିନ୍ ସାମାନ୍ ।

☆ ୩:୧୭ ୧ କରନ୍ତିୟ ୪:୧୨; ୧୧:୧.

୧୩ ନା ସକ୍ରିୟତା କ୍ରିସ୍ତଦି ସାହାଜ୍ୟଦାନ ନାନ ଓଜୁ କିଦେଇ ଆବସିନା ।

୧୪ ମାରିବା ମିର ନା ଦୁଃଖବୋଗତି ବେଡ଼ାଦୁ ମିସାଜି ପେରି ପାଣି କିତିମାନିଦେର ।

୧୫ ଏ ପିଲିପିୟଦି, ତଡ଼ାନ ନି ତାଙ୍ଗିକ ମିର ବା ନିଜେ ନେସ୍ନିଦେର ଜେ, ସୁସମାଚାର ପ୍ରଚାର କିନି ଆରାମ୍ ବେଡ଼ାଦୁ, ଏସ୍ତ୍ରାଲେ ନାନ ମାସିଦୋନିଆଦାନ ଡିସ୍ତା ସର୍ଆ, ନାସ୍ତ୍ରାଲେ ମିଙ୍ଗି ଡିସ୍ତିଙ୍ଗ ମାରି ଆମା ମଣ୍ଡଲି ନା ଖାଲେଅର୍ସେ ଆଜି ନା ଖାଲେ ସିନିକା ଅନିକା ଇସାବ୍ ଇଡ଼ଏର୍ ମାର୍ହାର ।

୧୬ ଈଈରିଙ୍ଗି ତେସଲନିକିୟାଦୁ ନାନ ମାନି ବେଡ଼ାଦୁ ମିର ଅର୍ସୁ ନି ନାଣୁ ଦେବେଇ ନା ଲାକ୍ତୁ ଦରକାର୍ତି ସାହାଜ୍ୟ ପୋକ୍ତାତି ମାର୍ଇଦେର ।

୧୭ ମିମାଣ୍ଟକୁ କେବଲ ଦାନ ଅତେଇ ନାନ ଅଡ଼ବିଏ; ଇୟାତାନି ବାଦ୍ଲୁ ମିର ଏଣ୍ଟେସ୍ ନାଣୁଦାନ ନାଣୁ ପୟ୍ଦୁ, ଇକା ନା ବଦା ।

୧୮ ମିମାଣ୍ଟକୁ ନାନ ପୟ୍ତିମାନି ଓଜୁ ଦାନ ଉଣ୍ଟିଙ୍ଗି ପୋୟ୍ତିକା ମାନାଜି ଜାଣେକିଜିନା । ଆକା ନା ଉଣ୍ଟିଙ୍ଗି ନାଣୁଦାନ ନାଣୁ ଆତାମାନାଡ଼, ଏପାପ୍ରଦିଡ଼ି କିୟ୍ଦୁ ମିର ପୋକ୍ତାତିମାନି ଦାନ ନା ଓଜୁ ସିଲିମାନୁ ପୁରା କିତାମାନାଡ଼ । ଆକା ମାପୁରୁଦି ଉଦେସ୍ତାନ ସିତିମାନି ବାସ୍ନାଆନି ଦୁପୁଣି ମାରି ଖାନି ମାନାନିନାନିକା ମାରି ଖେଡ଼ିକାଦି ବଲିପୁଜାସିନି ଖାଜା ।

୧୯ ମାରି, ନା ମାପୁରୁ କ୍ରିସ୍ତ ଜିସୁଦିମାନୁ ଖାନି ଗୌରବମୟ୍ ପାଣିଦି ଇସାବ୍ତାନ ମି ଓଜୁ ଅଭାବ୍ ପୁରା କିନାଡ଼ ।

୨୦ ମା ମାପୁରୁ ମାରି ବୁବାଦି ଉଣ୍ଟିଙ୍ଗି ଜୁଗ୍ ଜୁଗ୍ ଗୌରବ୍ ଆପିଡ଼ । ଆମେନ୍ ।

ସାରାସାରି ମାଟା

୨୧ କ୍ରିସ୍ତ ଜିସୁଦି ଦର୍ତ୍ତାନ ଓଜୁ ସାଦୁରିଙ୍ଗି ନମସ୍କାର୍ ଜାଣେକିଦୁ । ନା ଖାଲେ ମାନି ତଡ଼ାନକୁ ନି ତାଙ୍ଗିକି ମିଙ୍ଗି ନମସ୍କାର୍ ଜାଣେକିଜିନାର୍ ।

୨୨ ଇବେନୁ ମାନି ମାପୁରୁଦି ଲୋକୁ, ବିସେସ୍ତାନ ଆମାକାର୍ କାଇସର୍ତି ମେଡ଼ଇଲୁଦୁ ମାନାର୍, ଖାର୍ ମିଙ୍ଗି ନମସ୍କାର୍ ଜାଣେକିଜିନାର୍ ।

୨୩ ପ୍ରବୁ ଜିସୁ କ୍ରିସ୍ତଦି ଦୟା ମି ଆମ୍ବାଦି ଖାଲେରାନ୍ ତେବାପିଡ଼ ।

କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସିୟ ଲୋକା ଲାକ୍ତୁ ପାଉଲତି ଆକୁ କଲସିୟ ଆକୁ ବିସୟତାନ୍ ଏସ ମାଟା

କଲସିୟ ଲାକ୍ତୁ ରାସ୍ତିମାନି ବଇ ଆଜିନାତ୍ ପାଉଲତି ମାଣାନ୍ ରାସାତି ବଇ ଇକା ୧:୧ । ପାଉଲ ଆନାତ୍ ସୁଗି ଜିସୁ କ୍ରିସ୍ତୁଦି ଜନମ୍ ଖେନକା ପାକାପାକି ୬୦ ବାର୍ସେକ୍ ରମ୍ ଗାଡୁତୁ ମାନି ବେଡାତୁ ଖାନ୍ ଇୟା ବଇ ରାସାତା ମାର୍ହାନ୍ । କଲସି ବଇଦି ଖାଲେ ଏପିସିୟ ମାରି ପିଲିପିୟ ବଇଦିକ୍ ଜଇଲତି ବଇ ଇଜି ଇନାର୍ ଇରିକ୍ ପାଉଲ ଜଇଲତୁ ମାନି ବେଡାତୁ ଇୟା ବଇ ରାସାତା ମାର୍ହାନ୍ । ଖାନ୍ କଲସିୟ ଗାଡୁତୁ ମାନି ମଣ୍ଡଲି ଲାକ୍ତୁ ଇୟା ବଇ ରାସାତା ମାର୍ହାନ୍ । ପାଉଲ ଖାନ୍ ଇୟା ମଣ୍ଡଲିଦିକ୍ ଆରାମ୍ କିଏନ୍ ମାର୍ହାନ୍ ଆମାକା ଇକା ୨:୧ ମାନାତ୍, ମାତର୍ ନାଣ୍ ଲୋକୁ ଆବେନୁ ଖାନି ଦାଇତ୍ ତେବାତିମାନି ମାଟା ଏଡ୍ କିନାର୍ । ଏପାପ୍ରସ ଇୟା ମଣ୍ଡଲି ତିଆର୍ କିତାମାର୍ହାନ୍ ଆଦେକ୍ ଖାନ୍ କଲସିୟଦି ଲୋକୁ ମାର୍ହାନ୍ ।

ପାଉଲ କଲସିୟ ମଣ୍ଡଲିଦୁ ଏସ ମିର୍ ସାକି ବିସୟତାନ୍ ସିନ୍ତା ମାନାନ୍ । ଖାନ୍ ଇୟା ବିସୟତାନ୍ ବଇ ରାସିନ୍ ଉଣ୍ଡିକ୍ ନାଣ୍ ବେଡା କାଟେ କିତାମାନାନ୍ । ଇବେନୁ ଆଦେକ୍ ଆଟନାତ୍ ଉନ୍ତ୍ରୁ ଦଲ୍ ଜିହୁଦି କ୍ରିସ୍ତୁଆନ୍ ଆମାକାର୍କି ଆଇ କ୍ରିସ୍ତୁଆନ୍ ଲୋକାକ୍ ପାଡିଇ ନିୟମ୍ଦି ଜିହୁଦି ନିୟମ୍ତିକ୍, ନେସିନ୍ଖାଜା ସୁନ୍ନତ୍ ରିତିନିତିଦିକ୍ ମାନାଦେକ୍ ଇଜି ଖେରତେକ୍ ସେସ୍ତୁ କିଜିମାର୍ହାନ୍ । ପାଉଲ ନେସିନ୍ଖାଜା ଦରକାର୍ ସିଲି କ୍ରିସ୍ତୁଆନ୍ ବିସୟତାନ୍ ରାସନାନ୍, ଅରେନ୍ ଏନ୍ ଆତିକ୍ବା କ୍ରିସ୍ତୁଦିକ୍ ତ୍ରିସ୍ତିକ୍ ମାପୁରୁଦି ଲାକ୍ତୁ ନେଗିକାନ୍ ଆଦେକ୍ ଆଟ୍ଏନ୍ ୧:୧୫-୨୦ ମାରି ଲୋକ୍ଦି ଆସ୍ତିମାନି ମାଣାନ୍ ତିଆର୍ଆତି ସିକୟା ବେକାର୍ ଆନାତ୍ ୨:୮ ।

ଇୟା ଆକୁତୁ ମାନି ଏସ ମୁକିୟ ବିସୟ

- ୧. କଲସିୟ ମଣ୍ଡଲିଦିକ୍ ପାଉଲତି ମାଡିସକିନିକା । ୧:୧-୨
 - ୨. କ୍ରିସ୍ତୁଦି ପେରିକା ନି ମିର୍ ସାକି ମୁସ୍କୁ ପାଉଲଦି ମାଟାଦିକ୍ ମାଟା ଆତାନ୍ । ୧:୩-୩:୪
 - ୩. ପୁରାନେଗି କ୍ରିସ୍ତୁଆନ୍ ଜିବନ୍ତୁ ଜିନିମାଡିନି ଉଣ୍ଡିକ୍ ପାଉଲତି ମାଟା । ୩:୫-୪:୬
 - ୪. ପାଉଲ ଇୟା ବଇଦିକ୍ ଆଇ ମଣ୍ଡଲିଦୁ ବା ପଡାଦେକ୍ ଖେରସି ମାଡିସକିନିକା ଖେରସି ଖିସନାନ୍ । ୪:୭-୧୮
- ୧ ମାପୁରୁଦି ବଦାଦାନ୍ କ୍ରିସ୍ତୁ ଜିସୁଦି ଅରେନ୍ ପ୍ରେରିତ ସିସୁ, ପାଉଲ ମାରି ତଡାନ୍ ତିମତି
 ୨ କଲସିଦୁ ମାନି ସାଦୁରିକ୍ ମାରି କ୍ରିସ୍ତୁବିସ୍ବାସ୍ସିର୍ ତଡାନ୍କୁ ନି ତାଜିକ୍ ଲାକ୍ତୁ ଇୟା ଆକୁ ରାସ୍ତିମାନାନ୍,
 ମା ବୁବା ମାପୁରୁମାଣ୍ଡକୁ ଦୟା ମାରି ସାନ୍ତି ମି ଉଣ୍ଡିକ୍ ଆପିତ୍ ।

ଦନ୍ୟବାଦ୍ ସିନି ପାର୍ତନା

- ୩ ମାପୁ ମି ଉଣ୍ଡିକ୍ ପାର୍ତନା କିଜି ମା ପ୍ରବୁ ଜିସୁ କ୍ରିସ୍ତୁଦି ବୁବା ମାପୁରୁକ୍ ଖିଜୁଦିନ୍ ଦନ୍ୟବାଦ୍ ସିଜିନାପ୍;
- ୪ ଇରିକ୍ କ୍ରିସ୍ତୁ ଜିସୁଦିମାନୁ ମି ବିସ୍ବାସ୍ ମାରି ମାପୁରୁଦି ଖିଜେରି ଲୋକା ଉଣ୍ଡିକ୍ ଜିବନ୍ନନି ବିସୟ ଖେର୍ହାମାନାପ୍,
- ୫ ଏସ୍ତିଖାଲେ ସୁସମାଚାର୍ତି ସତ୍ ବାକ୍ୟ ମି ଲାକ୍ତୁ ଆଗ୍ଡି ଖାତାତ୍, ମିର୍ ଆୟାମାଣାନ୍ ସିଆୟାତିମାନି ଆସାଦି ମାଟା ଖେରଇମାର୍ଇଦେର୍ । ମିର୍ ଆମାକା ଆସା କିନିଦେର୍, ଆମାକା ମି ଉଣ୍ଡିକ୍ ମୁସ୍କୁପୁରତୁ ନେଗେନ୍ ତେବାନାତ୍, ତାନି ମୁସ୍କୁ ମି ବିସ୍ବାସ୍ ମାରି ଜିବନ୍ନୋନିକା ତିଆର୍ଆତାମାନାତ୍ ।
- ୬ ଆମା ସୁସମାଚାର୍ ପ୍ରଚାର୍ତି ଉଣ୍ଡିକ୍ ମିର୍ ଆଗ୍ଡିନେ ମାପୁରୁଦି ଦୟା ବିସୟ ଖେରଇଦେର୍ ମାରି ତେନି ସତ୍ତିକା ଅଡ୍ବିତିଦେର୍, ଆୟା ସୁସମାଚାର୍ ଇଲେଇ ସାରା ଜଗତ୍ତୁ ଖେକ୍ ତାମାନାତ୍ ମାରି ଆସ୍ ବାଦ୍ ତାସିନାତ୍ ।
- ୭ ମା ତରିଗାନ୍ କ୍ରିସ୍ତୁଦି ଅରେନ୍ ବିସ୍ବାସ୍ତାନ୍ ସେବାକିନିକାନ୍ ମାରି ମା ଲାଡ୍ତି ଅର୍ସେପାଣିକିନି ଏପାପ୍ରାଦିମାଣ୍ଡନା ମିର୍ ମାପୁରୁଦି ଆୟା ଦୟା ବିସୟ କିତିମାନିଦେର୍;
- ୮ ପବିତ୍ର ଆମା ମିକ୍ ସିତିମାନି ଜିବନ୍ନୋନି ବିସୟତାନ୍ ଖାନ୍ ମାକ୍ ଖେରତାମାନାନ୍ ।
- ୯ ଇୟାଉଣ୍ଡିକ୍ ମି ବିସୟତାନ୍ ଖେନି ନାଣ୍ଡିରାନ୍ ମାପ୍ ବା ମି ଉଣ୍ଡିକ୍ ଖିଜୁଦିନ୍ ପାର୍ତନା କିଜିନାପ୍ । ପବିତ୍ରଆମା ସିତିମାନି ଖିଜୁ ବୁଦି ମାରି ବୁଜାନି ସାକ୍ତିଦାନ୍ ମାପୁରୁଦି ବଦା ପୁରାଦାନ୍ ମିର୍ ଏଣ୍ଡେସ୍ ନେସ୍ତେକ୍ ଆଟ୍ନିଦେର୍, ଇୟାଉଣ୍ଡିକ୍ ମି ଉଣ୍ଡିକ୍ ମାପ୍ ପାର୍ତନା କିଜିନାପ୍ ।
- ୧୦ ଆର୍ଡିକ୍, ମିର୍ ପ୍ରବୁଦି ବଦାଦି ଖାଜା ଜିଦେକ୍ ଆଟ୍ନିଦେର୍ ମାରି ଖାନି ଖେଡିକାଦି ପାଣି କିଦେକ୍ ଆଟ୍ନିଦେର୍ । ମିର୍ ଜିବନ୍ତୁ ଖିଜୁ ରକମ୍ତି ନେଗି ପାଣି କିଦେକ୍ ଆଟ୍ନିଦେର୍ ମାରି ମାପୁରୁଦି ବିସୟତାନ୍ ମି ବୁଦି ପିର୍ନାତ୍ ।

☆ ୧:୭ କଲସିୟ ୪:୧୨; ପିଲିମନ ୧:୨୩.

- ୧୧ ମାରି ଓଁଜୁ ବିସୟତୁ ମିର୍ ଏଣ୍ଡେସ ସାସ୍ତାନ ମାରି ସାସ୍ କିଦେଙ୍ ଆଟ୍‌ନିଦେର୍, ଇୟାଉଣ୍ଡିଙ୍ ଖାନି ଗୌରବ୍‌ଦି ସାକ୍ତି ଦାନ ମିର୍ ବପୁ ଆଦୁ,
- ୧୨ ମାରି ଆମା ବୁବା ମାପୁରୁ ଜାୟତି ରାଜିଦୁ ଖାନି ଲୋକା ଉଣ୍ଡିଙ୍ ଆମାକା ରକିୟାକିଜି ଇଟ୍‌ତାମାନାନ୍, ଖାନି ମିସାନି ଉଣ୍ଡିଙ୍ ଖାନି ଜେ ମିଙ୍ ଆସ୍‌କିତାମାନାନ୍, ଇୟାଉଣ୍ଡିଙ୍ ଖାନିଙ୍ ଖେଡିକାଦି ଖାଲେ ଦନ୍‌ସବାଦ୍ ସିଦୁ ।
- ୧୩ ଖାନ ମାଙ୍ ସିକାଟିଦି ସାକ୍ତିଦାନ ଉଦାର୍ କିତାମାନାନ୍ ମାରି ତିର୍ତାନ ମାଙ୍ ଖାନି ଲାଡ୍‌ତି ମାରିନ୍‌ତି ରାଜିଦୁ ତାତାମାନାନ୍,
- ୧୪ *ଆୟା ମାରିନ୍‌ତି ମାଣାନ୍ ମାପୁ ମୁକୁଡାତା ମାନାପ୍, ମାରି, ମା ପାପ୍ କେମା ଆତାମାନାପ୍ ।

କ୍ରିସ୍ତ ମାରି ଖାନି ପାଣି

- ୧୫ କ୍ରିସ୍ତ ତରାୟିଆଇ ମାପୁରୁଦି ତରାଇଆନି ମୁର୍ ଖାଜା, ଖାନ ଆଗ୍‌ଡି ଜନମ୍‌ଆତି ମାରିନ୍, ଓଁଜୁ ଗାଡ୍‌ଆତିମାନି ବିସୟତିମାଣ୍‌କୁ ପେରିକାନ ।
- ୧୬ ଇରିଙ୍ ଖାନି ମାଣାନ୍ ମାପୁରୁ ମୁସ୍‌କୁପୁର୍‌ତୁ ନି ଦୁନିଆଦୁ ଓଁଜୁ ତରାନିକା ମାରି ତରାଇକା ଜିନିସ୍, ଆମାଦି ସାକ୍ତିଓଁଜୁ, ସାଲାକିନିମାଲିକ୍, ସାସନ୍‌କିନିକାର୍ ମାରି ଓଁଜୁ ଅଦିକାରିରିଙ୍ ତିଆର୍ କିତାନ୍ । ଖାନି ମାଣ୍‌କୁ ମାରି ଖାନି ଉଣ୍ଡିଙ୍ ମାପୁରୁ ସାରାଦୁନିଆଦିଙ୍ ତିଆର୍ କିତାନ୍ ।
- ୧୭ ଓଁଜୁ ବିସୟ ତିଆର୍ ଆନି ଆଗ୍‌ଡିନେ କ୍ରିସ୍ତ ମାନାନ୍ ମାରି ଖାନିଖାଲେ ମିସାନି ମାଣାନ୍ ଓଁଜୁ ବିସୟ ନିଜେ ନିଜେଦି ଗାଡ୍‌ଆତିମାନି ବାଡିଦୁ ମାନେ ।
- ୧୮ *ମାରି, ଖାନ ଖାନି ପାର୍‌ତନା କିନି ମଣ୍ଡିଲିଖାଜା ମେନ୍‌ଲତି ତାଲା, ଆୟା ମେନ୍‌ଲତି ଖାନ ଜିବନ୍ ସାକ୍ତି, ସାଡିଖାରିମାଣାନ୍‌କୁ ଖାନ ପାର୍‌ତୁମ୍ ଜନମ୍ ଆତିମାନି କଡ୍, ଓଁଜୁ ବିସୟତୁ ପାର୍‌ତୁମ୍ ବାଡି ପୟନି ଉଣ୍ଡିଙ୍ ଆଗ୍‌ଡିଆନାନ୍ ।
- ୧୯ ଇରିଙ୍ ମାପୁରୁଦି ବଦା ଇସାବ୍‌ତାନ ମାରିନ୍ ନିଜେ ମାପୁରୁଦି ପୁରାଗୁଣ୍ ଆସ୍‌ତାମାନାନ୍ ।
- ୨୦ *ମାରିନ୍‌ତି ମାଣ୍‌କୁ ମାପୁରୁ ସାରାଦୁନିଆଦିଙ୍ ନିଜେଦି ଲାକ୍‌ତୁ ଡେସି ତାତେଙ୍ ଇଜି ତିର୍ କିତାନ୍, କୁସକାଟ୍‌ଦୁ ଖାନି ମାରିନ୍‌ତି ସାତିମାଣାନ୍ ମାପୁରୁ ସାକ୍ତି ତିଆର୍ କିତାମାନାନ୍ ମାରି ପୂତିବି ନି ମୁସ୍‌କୁପୁର୍‌ତୁ ମାନି ଓଁଜୁ ବିସୟତିଙ୍ ନିଜେଦି ଲାକ୍‌ତୁ ଡେସି ତାତାମାନାନ୍ ।
- ୨୧ ଉନ୍‌ଡେ ବେଡାଦୁ ତାଗ୍‌ଇ ପାଣି ନି ତାଗ୍‌ଇ ସିନ୍ତା କିଜିମାନିଙ୍ ମିର୍ ମାପୁରୁଦିମାଣ୍‌କୁ ଆକ ମାର୍‌ଇଦେର୍ ମାରି ଖାନି ସାଡୁ ମାର୍‌ଇଦେର୍ ।
- ୨୨ ମାତର୍ ଇଲେଇ ଖାନ ମିଙ୍ ବା ଖାନି ଆଗ୍‌ଡି ପବିତ୍ର, ନିନ୍ଦା ମାରି ଦସ୍‌ସିଲିକା କିଜି ତାନି ଉଣ୍ଡିଙ୍ ଖାନି ମାରିନ୍‌ତି ମେନ୍‌ଲତାନ ସାତି ମାଣ୍‌କୁ ମିଙ୍ ନିଜେଦି ଖାଲେ ମାରିଡେସି ମିସାକିତା ମାନାନ୍ ।
- ୨୩ ମିର୍ ଏସକାଙ୍ ବିସ୍‌ବାସ୍‌ତାନ କୁନାଦି ମାରି ତାଟ୍‌ତାନ ତେବାଜି ମାରି ସୁସମାତାର୍ ଖେନି ଖାଲେ ଆମା ଆସା କିତିମାର୍‌ଇଦେର୍, ଆବେଟ୍‌କୁ ତିଲାମାଟ୍ । ଆର୍‌ଡିଙ୍ ଏଣ୍ଡେସ୍‌ବା ଇୟାଓଁଜୁ ଫଲ୍ ପୟନିଦେର୍; ଆୟା ସୁସମାତାର୍ ନେ ସାରା ପୂତିବିଦି ଓଁଜେରି ଲାକ୍‌ତୁ ପ୍ରଚାର୍ ଆତାମାନାଡ୍, ମାରି ନାନ୍ ପାଉଲ ଆବେଣି ଅରେନ୍ ବିସ୍‌ବାସ୍‌ତି ସେବାକିନିକିନ୍ଦା ଆତାମାନା ।

ମଣ୍ଡିଲିଦୁ ପାଉଲତି ସେବା ପାଣି

- ୨୪ ନାନ୍ ମି ଉଣ୍ଡିଙ୍ ଆମାଓଁଜୁ ଦୁଃକ୍‌କାସ୍ କିଜିନା, ଆୟାଉଣ୍ଡିଙ୍ ଇଲେଇ ଖେଡିକା କିଜିନା, ମାରି କ୍ରିସ୍ତଦି ଆମା ଦୁଃକ୍‌କାସ୍ ମାରି ମାନାଦେ, ଆକା ନାନ୍ ଖାନି ମେନ୍‌ଲତିଖାଜା ମଣ୍ଡିଲିଦି ଉଣ୍ଡିଙ୍ ନା ମେନ୍‌ଲତାନ ପୁରା କିନି ଉଣ୍ଡିଙ୍ ସାକା କିଜିନା ।
- ୨୫ ମି ନେଗି ଉଣ୍ଡିଙ୍ ଇୟା ପାଣି କିଦେଙ୍ ନାନ୍ ମାପୁରୁଦି ମାଣାନ୍ ମଣ୍ଡିଲିଦି ଅରେନ୍ ସେବାକିନିକାନ ଖାଜା ଆସ୍‌କିତାମାନାନ୍ । ଖାନି ସୁସମାତାର୍ ପୁରାଦାନ ପ୍ରଚାର୍ କିନିକା ନା ପାଣି,
- ୨୬ ଆୟା ସୁସମାତାର୍ ଉନ୍‌ଡି ମାର୍‌ଗିତି ମାଟା, ପୁର୍ବେଦିକାଡାଦୁ ପୁର୍ବେଦିଡକ୍‌ରା ଦାଦାରିମାଣ୍‌କୁ ମାର୍‌ଗିତା ମାର୍‌ହାଡ୍, ମାତର୍ ଇଲେଇ ଖାନି ସାଦୁରି ଲାକ୍‌ତୁ ଖେଙ୍ ସିକିତା ମାନାନ୍ ।
- ୨୭ ମାପୁରୁ ଅଣ୍ଡିଙ୍‌ଦି ଲୋକା ଲାକ୍‌ତୁ ଆୟା ମାର୍‌ଗିତିମାର୍‌ଇ ମାଟା ଖେର୍‌ଡେଙ୍ ବଦା କିତାନ୍, ଖାନି ଇୟା ନାଣ୍ଡବାରା ମାରି ଗୌରବ୍‌ତି ମାଟା ସାରା ଦୁନିଆଦି ଲୋକା ଉଣ୍ଡିଙ୍ ନେଗିକା । ଆୟା ସଡ୍‌ତି ମାଟା ଆଜିନାଡ୍, ମି ମାନୁବା କ୍ରିସ୍ତ ମାନାନ୍ । ଇୟାତାନି ଅର୍ଡ, ମିର୍ ମାପୁରୁଦି ଗୌରବ୍‌ତୁ ମିସାତିମାନିଦେର୍ ।
- ୨୮ ଆୟାଉଣ୍ଡିଙ୍ ମାପୁ ଓଁଜେରି ଲାକ୍‌ତୁ କ୍ରିସ୍ତଙ୍ ପ୍ରଚାର୍ କିଜିନାପ୍, ମାରି ଓଁଜୁ ଲୋକାଙ୍ ସେତେନା ମାରି ପୁରା ବୁଦି ଖାଲେ ସିକିୟା ସିଜିନାପ୍, ଏଣ୍ଡେସ୍ ମାପୁ ଓଁଜୁ ଲୋକାଙ୍ କ୍ରିସ୍ତଦି ଖାଲେ ମିସା କିଜି ଅରେନ୍ ପୁରାନେଗି ଲୋକ୍ ଖାଜା ମାପୁରୁଦି ଆଗ୍‌ଡି ତାତେଙ୍ ଆଟ୍‌ନାପ୍ ।

* ୧:୧୪ ଏପିସିୟ ୧:୭. * ୧:୧୮ ଏପିସିୟ ୧:୨୨,୨୩. * ୧:୨୦ ଏପିସିୟ ୨:୧୭.

୨୯ ଇୟାତାନିଙ୍କ ପୁରା କିନି ଉଣ୍ଡିଙ୍କ ନା ମାନୁ ପାଣିସିନିସାକ୍ତି ମାନିଙ୍କ କ୍ରିସ୍ତସିତିମାନି ପେରି ସାକ୍ତିଦିଙ୍କ ବ୍ୟବ୍‌ଆର୍ କିଜିନାନ୍ ସାନିଜିନିଝାଜା ସେସ୍ତା ନି କାସ୍ତୁପାଣି କିଜିନା ।

୨

୧୧ ମି ଉଣ୍ଡିଙ୍କ, ଲାଅଦିକିଆଦି ଲୋକକୁ ମାରି ନାଙ୍କି ନିଜେଦିଙ୍କ ଚିନିସ୍‌କିଇ ମାନି ଝିଜୁ ଲୋକା ଉଣ୍ଡିଙ୍କ ନାନ୍ ଜେ ଏସା କାସ୍ତୁପାଣି କିଜିନା, ଇକା ମିର୍ ନେସ୍‌ନିଦେର୍ ଇଜିନା ଇଞ୍ଜା ।

୧୨ ନା ଉଦେସ୍ ଇକା, ଏଣ୍ଡେସ୍ ମିର୍ ଝିଜୁଲୋକକୁ ଝେଡ଼ିକା ଆନିଦେର୍, ମାରି ଝାର ନିଜେନିଜେଦି ଝାଲେ ଜିବନ୍‌ନୋନିମାନୁ ମିସାନିଦେର୍ ମାରି ସଡ଼ତି ବୁଦି ପୟଜି ସଡ଼ତିଝାଜା ଝିଜୁ ଦନ୍ତି ପୁରା ଅଦିକାରି ଆନିଦେର୍, ଇୟାଉଣ୍ଡିଙ୍କ ମିର୍ ଝିଜିଦେର୍ ନେସ୍‌ନିଦେର୍ ଜେ, କ୍ରିସ୍ତନେ ମାପୁରୁଦି ଆୟା ମାର୍‌ଗିତିମାନି ମାଟା ।

୧୩ ଜିସ୍ତୁ କ୍ରିସ୍ତ ଆଜିନାନ୍ ଆୟା କୁସିକାଣ୍ଡି, ଆମାକା ମାପୁରୁଦି ବୁଦି ମାରି ବୁଦିଝାଜା ଝିଜୁ ମାର୍‌ଗିତିମାନି ଦନ୍ତି ଗୁଦାମ୍ ରେନାନ୍ ।

୪ ଏନ୍ ଏଣ୍ଡେସ୍ ମିଙ୍କି ସାଲାଇଦାନ୍ ବାଣ୍ଡିସ୍ କିମାକିନ୍ । ଆୟାଉଣ୍ଡିଙ୍କ ନାନ୍ ଇକା ଝେରସିନା ।

୫ ଇରିଙ୍କ ନାନ୍ ମେନ୍‌ଲତାନ୍ ସିଲେଡିଙ୍କ ବା, ଆମାଦାନ୍ ନାନ୍ ମି ଝାଲେ ମାନା । କ୍ରିସ୍ତଦି ମୁସ୍‌କୁ ଡାଟ୍‌ତାନ୍ ବିସ୍‌ବାସ୍ ଇଡ଼ଜି ମିର୍ ଏଣ୍ଡେସ୍ ସାକ୍ତି ଆତିମାନିଦେର୍, ଆକା ସୁଡ଼ଜୁ ନାନ୍ ଝେଡ଼ିକା ଆଜିନା ।

କ୍ରିସ୍ତ ନି ଜିବନ୍ତି ପୁରାଆତିକା

୬ ମାରି, କ୍ରିସ୍ତ ଜିସ୍ତୁଙ୍କୁ ପ୍ରବୁ ଝାଜା ମାନାତିମାନିଦେର୍, ଆୟାଈସାବ୍‌ତାନ୍ ଝାନି ଝାଲେ ମିସାଜି ଜିଜି ମାଡ଼ିଦୁ,

୭ ମି ଝେଲେଙ୍କ ଝାନି ମୁସ୍‌କୁ ଡାଟ୍‌ତାନ୍ ତିଆର୍ କିଜି ଜିବନ୍ ତିଆର୍ କିଦୁ ମାରି ମିର୍ ପୟତିମାନି ସିକିୟା ଇସାବ୍‌ତାନ୍ ବିସ୍‌ବାସ୍‌ତୁ ନାଣ୍ଡ ସାକ୍ତି ଆଦୁ । ମି ଜିବନ୍ ଦନ୍‌ସବାଦ ସିନିମାନୁ ବର୍ତ୍ ଆପିଡ଼ ।

୮ ଜାଗାର୍‌ତା, ଏନ୍ ଏଣ୍ଡେସ୍ ମିଙ୍କି ଲୋକ୍‌ତି ବାୟାକିନିନାନି ବେକାର୍‌ତି ବୁଦିଦାନ୍ ବେମ୍‌ରି କିଏନ୍ । ଆୟାଝିଜୁ ବୁଦି କ୍ରିସ୍ତଦି ସିକିୟାଦାନ୍ ରେଏଡ଼ ମାନାଡ଼ । ଆକା ଲୋକା କୁଟୁମ୍‌ତାନ୍ ରିତିନିୟମ୍‌ତି ସିକିୟା ମାରି ସାରାଦୁନିଆ ମୁସ୍‌କୁ ସାସନ୍ କିଜିମାନି ଦୁବେଙ୍କିଆଙ୍କା ସାକ୍ତି ସିକିୟାଦି ପଲ୍ ।

୯ କେବଲ୍ ଲୋକାଝାଜା କ୍ରିସ୍ତଦିମାନୁ ନେଗି ଗୁଣ୍ ପୁରାବର୍ତ୍ ତେବାତାମାନାଡ଼ ।

୧୦ ଝାନି ଝାଲେ ମିସାତିମାନିଙ୍କ ମିର୍ ଜିବନ୍‌ତୁ ପୁରାବର୍ତ୍ ପୟତିମାନିଦେର୍ । ଆଇ ଝିଜୁ ସାକ୍ତି ମାରି ଅଦିକାର୍ ମୁସ୍‌କୁ କ୍ରିସ୍ତଦି ସାସନ୍ ନେ ପେରିକା ।

୧୧ କ୍ରିସ୍ତଦି ଝାଲେ ମିସାଜିମାନି ଜିବନ୍ ନେ ମି ସୁନ୍‌ତ ଝାଜା । ଇୟା ସୁନ୍‌ତ ଲୋକ୍‌କିତିକା ଆଏଡ଼, ଆକା କ୍ରିସ୍ତଦିମାଣ୍ଡୁକୁ ଆତାମାନାଡ଼ । ଆକା ଲୋକ୍‌ତିଙ୍କ ପାପ୍‌ବର୍ତ୍ ମାନି ମେନ୍‌ଲତି ଝିଜୁ ସାକ୍ତିଦାନ୍ ଡ଼ିସିସ୍ କିନାଡ଼ ।

୧୨ ଝରିଙ୍କ ଡୁବନ୍ ଅତି ମାଣ୍‌କୁ ମିର୍ କ୍ରିସ୍ତଦି ଝାଲେ ମୁସାତିମାର୍‌ଇଦେର୍ ମାରି ଆମା ମାପୁରୁ ଝାନିଙ୍କ ସାତିଝାରି ମାଣ୍‌କୁ ନିକ୍‌ତାନ୍, ଝାନି ପାଣିକିତିମାନି ସାକ୍ତିଦାନ୍ ବିସ୍‌ବାସ୍ କିଜି କ୍ରିସ୍ତଦି ଝାଲେ ମିର୍ ବା ମାରିଡ଼େସିନିଙ୍କିତି ମାନିଦେର୍ ।

୧୩ ମି ପାପ୍ ଉଣ୍ଡିଙ୍କ ମାରି ମିର୍ ନିୟମ୍‌ତାନ୍ ଝେରଏ ଆଜି ଅଣଜିହୁଦି ମାନିଙ୍କ ଉନ୍‌ଡ଼ି ଦେବା ମିର୍ ଜିବନ୍‌ତାନ୍ ସାତି ମାର୍‌ଇଦେର୍; ମାତର୍ ମାପୁରୁ ଇଲେଇ କ୍ରିସ୍ତଦି ଝାଲେ ମିଙ୍କି ବା ଜିବନ୍ କିତାମାନାନ୍; ମାପୁରୁ ମା ଝିଜୁ ପାପ୍ କେମା କିତାମାନାନ୍ ।

୧୪ ଝାନ ମା ବିରୁଦ୍‌ତାନ୍ ମାନି ନିୟମ୍‌ତି ଆକୁ ମାରି ଇୟାତାନି ନିତିନିୟମ୍‌ତିଙ୍କ କୁସକାଟ୍‌ତୁ ଡ଼ିସି ମା ମାଣାନ୍‌କୁ ଆକ କିତାମାନାନ୍ ।

୧୫ ମାରି ଆୟା କୁସକାଟ୍ ମୁସ୍‌କୁ କ୍ରିସ୍ତ ଝିଜୁ ରକମ୍‌ତି ସାକ୍ତି ମାରି ଅଦିକାର୍‌ତାନ୍ ନିଜେଦିଙ୍କ ମୁକୁଡ଼ାତା ମାନାନ୍ ମାରି ଝାରିଙ୍କ ଜଇଲ୍‌ତୁ ନିରିସି ନିଜେଦି ଜିଶାନି ସନି ସାରିଦୁ ଲୋକା ଆଗଡ଼ି ଝାରିଙ୍କ ସେମାର୍ କିତାମାନାନ୍ ।

୧୬ ଏନ୍ ମି ଉଣିକା, ତିନିକା, ପବିତ୍ରଦିନ୍ ମାରି କଡ଼କିଲେଜୁ ପଣ୍ଡୁୟ, ମାରି ରମ୍‌ନିଦିନ୍ ବିସ୍‌ୟତାନ୍ ଇନି ନିୟମ୍ ବିଚାର୍ କିମାକିର୍ ।

୧୭ ଆୟାଝିଜୁ କେବଲ୍ ଝାଜିନିଦିନ୍‌ତୁ ଗଟାଦେଙ୍କ ସୋଲ୍‌ସିମାନି ବିସ୍‌ୟତି ନିଡ଼ିଗା ଝାଜା; କ୍ରିସ୍ତନେ ଝିଜୁ ବିସ୍‌ୟତୁ ସଡ଼ତିକାନ୍ ।

୧୮ ଆମାକାର୍ ବିସେସ୍ ସୁଣିକା ସାଲାଇଦି ସାକ୍ତି ମାରି ମୁସ୍‌କୁପୁରୁତି ଦୁଡ଼ ପୁଜା ମୁସ୍‌କୁ ଦିୟାନ୍ ସିଜି ନିଜେଦିଙ୍କ ପେରିକାର୍ ଇନାର୍, ଝାରିଙ୍କ ସୁଡ଼ଜୁ ମିର୍ ନିଜେଦିଙ୍କ ଇସ୍‌କାନ୍ ଇଜି ଅଡ଼ବିମାଟ୍ । ଇୟାଝାଜା ଲୋକକୁ ନିଜେଦିଙ୍କ ଲୋକା ବିସ୍‌ୟ ସିନ୍ତାଦାନ୍ ବେକାର୍‌ତି ଗର୍ବଦାନ୍ କେଇନିକା ଆଜି ତେବାନାର୍ ।

☆ ୨:୧୨ ରୋମିୟ ୬:୪. ☆ ୨:୧୩ ଏପିସିୟ ୨:୧-୫. ☆ ୨:୧୪ ଏପିସିୟ ୨:୧୫. ☆ ୨:୧୬ ରୋମିୟ ୧୪:୧-୬.

୧୯ *ମେନ୍ଦଳତି ତାଲାଦି ଖାଜା କ୍ରିସ୍ତଦିମାଣୁକୁ ଖାର ଖେରଏ ଆତାମାନାର । ତାନି ସାଲାକିନି ମେନ୍ଦଳତିକୁ ଗାଟିଙ୍ଗ ମାରି ସିରେଙ୍ଗ ମିରେଙ୍ଗ ଦାନ ନିଜେନିଜେଦି ଖାଲେ ମିସାଜି ମଟାଆନେ ମାରି ମେନ୍ଦଳ ମାପୁରୁଦି ମାଟା ଇସାବତାନ ପିରିଏନ୍ ।

କ୍ରିସ୍ତଦି ଖାଲେ ସାନିକା ମାରି ଜିନିକା

୨୦ ମିର୍ ଜଦି କ୍ରିସ୍ତଦି ଖାଲେ ସାତି ମାନିଦେର୍ ମାରି ଇୟା ଦୁନିଆଦି ସିକିୟାଦାନ ମୁସକୁ ସାସନ୍ କିଜିମାନି ସାଲିଆଙ୍ଗ ମାଣକୁ ମୁକୁଡାତିମାନିଦେର୍ । ଆର୍ତିଙ୍ଗ ଏନ୍ଦା ମିର୍ ଦୁନିଆଦି ଲୋକା ଖାଜା ଜିବନ୍ କାଟେକିଜିନିଦେର୍ ? ଏନ୍ଦା ମିର୍ ଇୟାଖାଜା ରାତିନିୟମ୍ ମାନାଜିନିଦେର୍,

୨୧ “ଇକା ଆସ୍ମାଟ୍, ଆକା ଉଣ୍ମାଟ୍, ଆକା ମୁଟ୍ମାଟ୍ ?”

୨୨ ଇୟାଖିଜୁ ବିସୟ ଖିଜିନିକା । ଇକା ବ୍ୟବହାର୍ ଆନି ଦାପେ ଦାପେ ଦାରାସିଲିକା ଆନାଟ୍ । ଇୟାଖିଜୁ କେବଲ ଲୋକ୍ ତିଆରକିତି ନିୟମ୍ ମାରି ସିକିୟା ।

୨୩ ମାରିବା ମୁସକୁପୁରତି ଦୁଡ୍ ପୁଜା, ସାଲାକିଦି ଦାମ୍ ମାରି ଆମ୍ବାକାସୁ କିନି ଉଣ୍ଡିଙ୍ଗ ଖେରସିମାନି ଇୟାଖିଜୁ ନିୟମ୍କୁ ନାଣ୍ଟ ବୁଦିଦାନ ନେସତାମାନା ଇଜି ଏଡ୍ ଖାନାଟ୍; ମାତର୍ ମେନ୍ଦଳତି ପାଣିଦିଙ୍ଗ ନାସୁ କିନି ଉଣ୍ଡିଙ୍ଗ ଇୟାଖାନିକା ସାଲି ସିଲେଡ୍ ।

୩

୧ ମିର୍ ଏସକାଙ୍ଗ କ୍ରିସ୍ତଦି ଖାଲେ ସାତିମାଣୁକୁ ନିଙ୍ଗିତି ମାନିଦେର୍, ଆଦେଙ୍ଗ ମୁସକୁପୁରତି ବିସୟତି ଉଣ୍ଡିଙ୍ଗ ମନ୍ ସିଦୁ, ଇରିଙ୍ଗ କ୍ରିସ୍ ମୁସକୁପୁରତୁ ମାପୁରୁଦି ଉଣି ତରିନ୍ ବାସତାମାନାନ୍ ।

୨ ଦୁନିଆଦି ବିସୟତି ଉଣ୍ଡିଙ୍ଗ ମନ୍ ସିଏଶଗା ମୁସକୁପୁରତି ବିସୟ ଉଣ୍ଡିଙ୍ଗ ମନ୍ ସିଦୁ ।

୩ ଇରିଙ୍ଗ ମିର୍ ସାତି ମାନିଦେର୍, ମାରି ମି ଜିବନ୍ ମାପୁରୁଦିମାନୁ କ୍ରିସ୍ତଦି ଖାଲେ ନେଗେନ୍ତାନ ମାନାଟ୍ ।

୪ ମା ଜିବନ୍ ଖାଜା ଜେ କ୍ରିସ୍ତନେ, ମାରି ଏସ୍ତିଖାଲେ ଖାନ୍ ତରାୟାଆନାନ୍, ନାସ୍ତିଖାଲେ ମିର୍ ବା ଖାନି ଖାଲେ ଗୌରବତାନ ତରାୟାଆନିଦେର୍ ।

ପାଡ଼ିଇକା ନି ପୁନି ଜିବନ୍

୫ ମି ଜିବନ୍ତୁ ପାଣିକିନିକା ଦୁନିଆଦି ପାଣିଙ୍ଗ ଅର୍ତାଡ୍ ଦାରିପାଣି, ତାଗ୍ଇସିନ୍ତା, ମନ୍ତୁ ଲାଲାୟାଆନିକା, ଲାଲାୟାଆନିକା ମାରି ଲବତିଙ୍ଗ ମିର୍ ସାପିସ କିଦୁ । ଲବ ବମା ପୁଜାଦି ଉନ୍ତୁ ରୁପ୍ ।

୬ ଇୟାଖିଜୁ ବିସୟଦୁ ମାନଜି ଆମାକାର୍ ମାପୁରୁଙ୍ଗ ମାନାଏର୍, ଖାରି ମୁସକୁ ମାପୁରୁ ରିସା ଆନାନ୍ ।

୭ ଅର୍ଲେନ୍ ମିର୍ ବା ଇୟାଖିଜୁ ବିସୟତୁ ମାନାଜି ଆୟାଖାଜା ଜିଜି ମାଡ଼ିଜି ମାର୍ଇଦେର୍ ।

୮ ମାତର୍ ଇଲେଇ ମିର୍ ବା ଇୟାଖିଜୁ ବିସୟକୁ ଇନ୍ତେଙ୍ଗ ସରିଙ୍ଗ : ରିସା, ଆକାର୍, କାଡ଼ନିକା ତ୍ରିସତେଙ୍ଗ ପଡ଼ାନାଟ୍ । ମି ଖେୟୁଦାନ୍ ତାଗ୍ଇ ମାଟେଙ୍ଗ ମାରି ତାଗ୍ଇ ବାସା ମୁଡ଼ତୁକ ଇନ୍ମାଟ୍ ।

୯ *ନିଜେନିଜେଦିଙ୍ଗ ମିର୍ ଇନ୍ମାଟ୍, ଇରିଙ୍ଗ ମିର୍ ପାଡ଼ିଇ ଗୁଣୁ ମାରି ତାନି ବ୍ୟବହାର୍ ତ୍ରିସତିମାନିଦେର୍,

୧୦ *ମାରି ପୁନି ଗୁଣ୍ ଆସ୍ତିମାନିଦେର୍ । ଲୋକତି ଇୟା ପୁନିପାଣି, ତିଆରକିତି ମାପୁରୁ ନିଜେଦି ମୁଡ଼ ଇସାବତାନ ପାଣି କିଜିନାନ୍ । ଇୟାଉଣ୍ଡିଙ୍ଗ ମିର୍ ଖାନି ବିସୟତାନ ପୁରା ବୁଦି ପୟଜିନିଦେର୍ ।

୧୧ ଇୟାଖାଜା ଜିହୁଦି, ଅଣଜିହୁଦି, ସୁନ୍ନତ ମାରି ଅସୁନ୍ନତ, ନିଜେଦି ଦେସ୍, ଆଇଦେସ୍, ଗତିମୁରୁଲି ମାରି ଆରେଏମାନି ଲୋକତି ଲୋଇ ଆମାଲନି ଅଲଗା ସିଲେଡ୍ । ମାତର୍ କ୍ରିସ୍ ଖିଜେରିମାନୁ ମାନାନ୍ ମାରି ଖାନ୍ ଆଜିନାନ୍ ଖିଜୁଖିଜୁନେ ।

୧୨ *ମାରି, ମିର୍ ମାପୁରୁଦି ଲୋକୁ । ଖାନ୍ ମିଙ୍ଗି ଜିବନ୍ନୋଜି ନିଜେଦି ଉଣ୍ଡିଙ୍ଗ ଆସ୍ତିତାମାନାନ୍ । ଆଦେଙ୍ଗ ମିର୍ ସିଡ଼ି ଜିବନ୍, ଦୟା, ସାନ୍ତି, କରୁଣା ମାରି ସାହାସ୍ତିନାନି ଆଙ୍ଗି ଆରାଦୁ ।

୧୩ *ନିଜେନିଜେଦି ଉଣ୍ଡିଙ୍ଗ ମିସାବିଡା ଆଦୁ, ମାରି ଜଦି ଆଇ ଏମେଖାନି ବିରୁଦତାନ୍ ଇନି ମାଟା ମାର୍ଇଙ୍ଗା, ଆର୍ତିଙ୍ଗ ନିଜେନିଜେଦିଙ୍ଗ କେମା କିଦୁ । ପ୍ରବୁ ଏଣ୍ଡେସ୍ ମିଙ୍ଗି କେମା କିତାମାନାନ୍, ମିର୍ ବା ଆୟାଖାଜା ନିଜେନିଜେଦିଙ୍ଗ କେମା କିଦୁ ।

୧୪ ମାରି ଇୟାଖିଜୁ ଗୁଣୁ ଖାଲେ ଜିବନ୍ନୋନିକା ମିସାକିଦୁ । ଜିବନ୍ନୋନିକା ଖିଜୁ ବିସୟତିଙ୍ଗ ମିସାକିଜି ଉନ୍ତେମାନୁ କିନାଟ୍ ।

୧୫ କ୍ରିସ୍ତସିତିମାନି ସାନ୍ତି ମି ଜିବନ୍ତିଙ୍ଗ ସାଲାକିପିଡ୍; ଇରିଙ୍ଗ ଇୟା ସାନ୍ତି ଉଣ୍ଡିଙ୍ଗ ମାପୁରୁ ମିଙ୍ଗି ଅରେସ୍ଖାଜା ଉନ୍ତେ ମେନ୍ଦଳ ଆନି ଉଣ୍ଡିଙ୍ଗ କୁକ୍ତାମାନାନ୍ । ଖିଜୁଦିନ୍ ଦନ୍ୟବାଦ୍ ସିଦୁ ।

☆ ୨:୧୯ ଏପିସିୟ ୪:୧୭. ☆ ୩:୯ ଏପିସିୟ ୪:୨୨. ☆ ୩:୧୦ ଏପିସିୟ ୪:୨୪. ☆ ୩:୧୨ ଏପିସିୟ ୪:୨. ☆ ୩:୧୩ ଏପିସିୟ ୪:୩୨.

୧୬ ✨କ୍ରିସ୍ତଦି ବାକ୍ୟ ନାଶ୍ଟଦାନନାଶ୍ଟ ମି ଜିବନ୍ତୁ ବାସା କିପିଡ଼; ମିର ନିଜେନିଜେଦିଙ୍ଗ ପୁରା ବୁଦିଦି ଖାଲେ ସିକିୟା ମାରି ସତେନେ ସିଦୁ । ମାରି ଆମିକ ମାପୁରୁଦି ଉଦେସତାନ ପାଟା ପାର୍ତୁ, ଆରାଦନା କିଦୁ, ମାରି ଦନ୍ୟବାଦଦାନ ଖେଡ଼ିକାଦି ଜିବନ୍ତାନ ପାଟା ପାର୍ତୁ ।

୧୭ ମାରି, ବାକ୍ୟ ସିଲିଡିଙ୍ଗ ପାଣିଦାନ ମିର ଆମାକା ଇନିକା କିଦୁ, ଆୟାଞ୍ଜିକୁ ପ୍ରବୁ ଜିସୁଦି ଦରତାନ କିଜି ଖାନିମାଶୁକୁ ବୁବା ମାପୁରୁଙ୍ଗୁ ଦନ୍ୟବାଦ ସିଦୁ ।

ପୁନି ଜିବନ୍ତୁ ନିଜେଦି ମିସାବିଡାନିକା

୧୮ ✨ଏ ଆଇମେକ, ମି କନ୍ଲିରି ଆଡ଼ଗି ତେବାଦୁ, ଇରିଙ୍ଗ ପ୍ରବୁ ଜିସୁ କ୍ରିସ୍ତଦି ଖେନ୍କାସନି ଖାଜା ଇକା ମି ପାଣି ।

୧୯ ✨ଏ କନ୍ଲିରି, ନିଜେ ନିଜେଦି ଆଇମେକାଙ୍ଗୁ ଜିବନ୍ନୋଦୁ, ଖାନିକା ଉଣ୍ଡିଙ୍ଗ ତାଗଇ ବ୍ୟବହାର କିମାଟ ।

୨୦ ✨ଏ କଡ଼ର ଆଇଲିକ୍, ଖିଜୁଦିନ୍ ମି ବୁବା ଯାୟାରି ମାଟା ଆସ୍ତୁ, ଇକା ମି କ୍ରିସ୍ତାନ୍ତି ପାଣି, ଇରିଙ୍ଗ ଇବେନ୍ନୁ ମାପୁରୁ ଖେଡ଼ିକା ଆନାନ ।

୨୧ ✨ଏ ବୁବାୟାୟାର, ନିଜେ ନିଜେଦି କଡ଼ରିଙ୍ଗ ରିସା କିମାଟ, ଏଣ୍ଡେସ୍ ଖାର ଖେଡ଼ିକା ଆଏର ।

୨୨ ✨ଏ ଗତିମୁରୁଲିର, ଖିଜୁ ବିସୟତୁ ମି ମାଲିକକା ମାଟା ଆସ୍ତୁ । ଖାର ମି ଉଣ୍ଡିଙ୍ଗ ସୁଡ଼ୁଲି ମାନିଖାଲେ ଖାରିଙ୍ଗ ଖେଡ଼ିକା କିନି ଉଣ୍ଡିଙ୍ଗ ସିଲେ, ମାତର ପ୍ରବୁଦି ଉଣ୍ଡିଙ୍ଗ ମି ତିଲାଏତାନ ତିର ଜିବନ୍ତାନ ଇକା କିଦୁ ।

୨୩ ମିର ଆମାକା ଇନିକା କିନିଦେର, ପ୍ରବୁଦି ଉଣ୍ଡିଙ୍ଗ କିତି ଖାଜା ଜିବନ୍ତି ଖାଲେ ଆକା କିଦୁ, ଲୋକା ଉଣ୍ଡିଙ୍ଗ କିତି ଖାଜା କିମାଟ ।

୨୪ ମନେଇଡ଼ୁ, ମାପୁରୁ ତାମି ଲୋକା ଉଣ୍ଡିଙ୍ଗ ଆମାକା ଇଟାମାନାନ, ଆକା ଖାନ ମିଙ୍ଗୁ ପୁରସ୍ତାର ଖାଜା ସିନାନ । ମିର ପ୍ରବୁ କ୍ରିସ୍ତଦିଙ୍ଗେନେ ସେବା କିଜିନିଦେର ।

୨୫ ✨ମାରି ଏନ୍ ଅନ୍ୟାୟ କିନାନ, ଖାନ ନିଜେଦି ଅନ୍ୟାୟଦି ବାଦଲୁ ଦଣ୍ଡ ପୟନାନ; ଇରିଙ୍ଗ ମାପୁରୁ ସାମାନତାନ ଖିଜେରି ବିଚାର କିନାନ ।

୪

୧ ✨ଏ ମାଲିକକୁ, ମୁସକୁପୁରତୁ ମି ଉଣ୍ଡିଙ୍ଗ ବା ପ୍ରବୁ ମାନାନ ଇଜି ନେସ୍ସି ନିଜେ ନିଜେଦି ଗତିମୁରୁଲିଙ୍ଗା ଉଣ୍ଡିଙ୍ଗ ନ୍ୟାୟ ମାରି ସାମାନତାନ ସୁଡ଼ୁ ।

ଆଇଆଇ ମାଟେଙ୍ଗ

୨ ଖିଜୁଖାଲେ ପାରତାନାଦାନ ଜିଜି ମାଡ଼ିଦୁ ମାରି ମାପୁରୁଦି ଦନ୍ୟବାଦ କିଜି ପାରତାନାଦୁ ଜାଗାରତା ତେବାଦୁ ।

୩ କ୍ରିସ୍ତଦି ମାରଗିତି ମାଟା ପ୍ରଗାର କିନି ଉଦେସତାନ ମାପୁରୁ ଏଣ୍ଡେସ୍ ମାଙ୍ଗୁ ସାରି ସିନାନ, ଆୟାଉଣ୍ଡିଙ୍ଗ ବା ପାରତାନା କିଦୁ । ଆମା ବାକ୍ୟ ପ୍ରଗାର କିତି ଉଣ୍ଡିଙ୍ଗ ନାନ ଇଲେଇ ଜଇଲ୍ତୁ ମାନା ।

୪ ପାରତାନା କିଦୁ, ଏଣ୍ଡେସ୍ ନାନ ଟିକ୍ତାନ ମାରି ନେଗେନ୍ତାନ ଆକା ପ୍ରଗାର କିଦେଙ୍ଗ ଆଟନା ।

୫ ✨ସୁଜୋଗତି ସଡ଼ ବ୍ୟବହାର କିଜି ଅବିସ୍ବାସ୍ତରି ଲୋକା ଲାକ୍ତୁ ବୁଦିଦାନ ନେଗେନ୍ତାନ ସାଲାବୁଲାଦୁ ।

୬ ମି ମାଟା ଖିଜୁଦିନ୍ ଦୟା ଖାଜା ସାଞ୍ଜି ମାରି ମୋନ୍ତିଙ୍ଗ ଖେଡ଼ିକାକିନିକେଙ୍ଗ ଆପିଡ଼ । ଖିଜେରିଙ୍ଗ ଏଣ୍ଡେସ୍ ଟିକ୍ ଉଡ଼ର ସିଦେଙ୍ଗ ଆଟନିଦେର, ଇୟା ମାଟା ମିର ନେସ୍ନିକା ଦରକାର ମାନାଡ଼ ।

ସାରାସାରି ମାଡ଼ିସକିନିକା

୭ ✨✨ଲାଡ଼ତି ତଡ଼ାନ, ପ୍ରବୁଦି ପାଣିଦୁ ବିସ୍ବାସ୍ତି ସେବାକିନିକାନ ମାରି ନା ଖାଲେ ଅରସେ ସେବାକିନିକାନ ଜେ ତୁକିକ, ଖାନ ନା ଖିଜୁ ବିସୟ ମିଙ୍ଗୁ ଖେରନାନ;

୮ ମାପୁ ଏଣ୍ଡେସ୍ ମାନାପୁ, ଖିଜୁ ବିସୟ ଖେରସି ମିଙ୍ଗୁ ଖେଡ଼ିକା ସିନି ଉଣ୍ଡିଙ୍ଗ ନାନ ଖାନିଙ୍ଗ ମି ଲାକ୍ତୁ ପୋକ୍ତାଜିନା ।

୯ ✨ଖାନି ଖାଲେ ନାନ ବିସ୍ବାସ୍ତି ମାରି ଲାଡ଼ତି ତଡ଼ାନ ଅନସିମସ୍ତିଙ୍ଗ ପୋକ୍ତାତା, ଖାନ ମି ଲୋଇରାନ ଅରେନ୍ । ଖାର ମିଙ୍ଗୁ ଇୟା ବାଡ଼ିଦୁ ଗଟାଜିମାନି ଖିଜୁ ମାଟା ଖେରନାନ ।

୧୦ ✨ନା ଖାଲେ ଅରସେ ଜଇଲ୍ତୁ ମାରଇ ଆରିସ୍ପୁର୍କସ୍ ମାରି ଖାନି ଖାଲେ ବର୍ଣ୍ଣବାଦି କୁଟୁମ୍ତି ତଡ଼ାନ ମାର୍କ ବା ମିଙ୍ଗୁ ନମସ୍ତାର ଜାଣେକିଜିନାନ । ମାର୍କ ମି ଲାକ୍ତୁ ଖାଡ଼ିଙ୍ଗ ଖାନିଙ୍ଗ ନେଗେନ୍ କୁକ୍ତୁ, ଇୟା ଆଦେସ୍ ମିଙ୍ଗୁ ଆଗ୍ତିରାନନେ ଖେରତାମାନାର ।

✨ ୩:୧୭ ଏପିସିୟ ୫:୧୯,୨୦. ✨ ୩:୧୮ ଏପିସିୟ ୫:୨୨; ୧ ପିତର ୩:୧. ✨ ୩:୧୯ ଏପିସିୟ ୫:୨୫; ୧ ପିତର ୩:୭. ✨ ୩:୨୦ ଏପିସିୟ ୬:୧. ✨ ୩:୨୧ ଏପିସିୟ ୬:୪. ✨ ୩:୨୨ ଏପିସିୟ ୬:୫-୮. ✨ ୩:୨୫ ଏପିସିୟ ୬:୯. ✨ ୪:୧ ଏପିସିୟ ୬:୯. ✨ ୪:୫ ଏପିସିୟ ୫:୧୭. ✨ ୪:୭ ପ୍ରେରିତ ୨୦:୪; ୨ ତିମତି ୪:୧୨. ✨ ୪:୭ ଏପିସିୟ ୬:୨୧,୨୨. ✨ ୪:୯ ପିଲିମନ ୧:୧୦-୧୨. ✨ ୪:୧୦ ପ୍ରେରିତ ୧୯:୨୯; ୨୭:୨; ପିଲିମନ ୧:୨୪ପ୍ରେରିତ ୧୨:୧୨,୨୫; ୧୩:୧୩; ୧୫:୩୭-୩୯.

୧୧ ମାରି, ଯୁସ୍ତ ଦରଦାନ ଜାଣାସିନା ଯିହୋଶୁୟ ବା ମିଙ୍ଗ୍ ନମସ୍କାର ଜାଣେକିଜିନାନ୍; କ୍ରିଷ୍ଟନ୍ ଦର୍ମ ମାନାତିମାନିକାର କେବଳ ଇୟା ମୁଏର୍ ଜିହୁଦି ମାପୁରୁଦି ରାଜି ଉଣ୍ଡିଙ୍ଗ୍ ନା ଖାଲେଅର୍ସେ ପାଣିକିନିକାନ୍ ଆଜି ନାଙ୍ଗ୍ ନାଣ୍ଟି ସାହାଜ୍ୟ କିତାମାନାର୍ ।

୧୨ ☆ମି ଦଲ୍ତି ମାରି ଅରେନ୍ ଲୋକ୍ ମାରି କ୍ରିସ୍ତ ଜିସୁଦି ସେବାକିନି ଏପାପ୍ଟା ବା ନମସ୍କାର ଜାଣେକିଜିନାନ୍ । ଏଣ୍ଡେସ୍ ମିର୍ ଟିକ୍ ମାରି ମାପୁରୁଦି ଝିଜୁ ବଦା ବିସୟତାନ୍ ପୁରା ମାନାଜି ତାଟ୍ କ୍ରିସ୍ତ ବିସ୍ବାସି ଖାଜା ଦୁଙ୍ଗ୍‌ଏଣ୍ଟା ନିନ୍‌ଡ୍ରେଙ୍ଗ୍ ଆଟ୍‌ନିଦେର୍, ଆୟାଉଣ୍ଡିଙ୍ଗ୍ ଖାନ୍ ଝିଜୁଦିନ୍ ମାପୁରୁଦି ଲାକ୍‌ତୁ ସାନିଜିନିଖାଜା ସାକ୍ତିଦି ପାର୍ତାନା କିଜିନାନ୍ ।

୧୩ ଇରିଙ୍ଗ୍ ଖାନ୍ ମି ଉଣ୍ଡିଙ୍ଗ୍ ମାରି ଲାଅଦିକିଆ ମାରି ହିଏରାପଲିଦି ଲୋକା ଉଣ୍ଡିଙ୍ଗ୍, ଖାନ୍ କିତିମାନି କାସ୍ତୁପାଣି ବିସୟତାନ୍ ନାନ୍ ନିଜେ ଇୟା ସାକ୍ୟ ଝେର୍ସିନା ।

୧୪ ☆ଲାଡ୍‌ତି ତାକ୍ତର ଲୁକ୍ ମାରି ଦିମା ମିଙ୍ଗ୍ ନମସ୍କାର ଜାଣେକିଜିନାନ୍ ।

୧୫ ଲାଅଦିକିଆଦୁ ମାନି ତଡ୍‌ନକୁ ନି ତାଙ୍ଗ୍‌କି, ତାଙ୍ଗ୍‌ ନୁମ୍‌ପା ମାରି ତାମି ଇନ୍‌ଡ୍ ଉନ୍‌ଡ୍ରେମାନ୍ ଆଜିମାନି ମଣ୍ଡଲିଦି ଝିଜେରିଙ୍ଗ୍ ମା ନମସ୍କାର ଜାଣେକିଦୁ ।

୧୬ ମାରି, ମିର୍ ଏଣ୍ଡେସ୍ ଇୟା ଆକୁ ପଡାତି ଝିସ୍ତିଙ୍ଗ୍ ଲାଅଦିକିଆ ମଣ୍ଡଲିଦୁ ବା ଏଣ୍ଡେସ୍ ଇକା ପଡାଦେଙ୍ଗ୍ ଆଟ୍‌ନାର୍, ମାରି ଲାଅଦିକିଆଦି ମଣ୍ଡଲିଦି ତଡ୍‌ନକୁ ନି ତାଙ୍ଗ୍‌କି ମି ଲାକ୍‌ତୁ ଆମା ଆକୁ ପୋକ୍‌ତାନାର୍, ଆକା ମିର୍ ବା ଏଣ୍ଡେସ୍ ପଡାଦେଙ୍ଗ୍ ଆଟ୍‌ନିଦେର୍, ଇୟାଉଣ୍ଡିଙ୍ଗ୍ ଜାତୁନ୍ ଆଦୁ ।

୧୭ ☆ମାରି ଆକ୍‌ ପତିଙ୍ଗ୍ ଝେର୍ନି, “ପ୍ରବୁଦି ସେବା କିନି ଉଣ୍ଡିଙ୍ଗ୍ ମିଙ୍ଗ୍ ଆମା ଦାଇଡ୍ ସିଆୟ୍‌ଆତାମାରାଡ୍, ଆକା ଏଣ୍ଡେସ୍ ଖାଜାବା ଝିସ୍ତୁ ।”

୧୮ ନାନ୍ ପାଉଲ ନା ନିଜେଦି କିୟୁଦାନ୍ ଇୟା ନମସ୍କାର ରାସ୍‌ସିନା । ନା ଜଇଲ୍‌ତି ଅବସ୍ତାଦିଙ୍ଗ୍ ବାଣାମାଟ୍ । ମାପୁରୁଦି ଦୟା ମି ଝିଜେରି ଲାକ୍‌ତୁ ମାନିଡ୍ ।

ତେସଲନିକୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତେସଲନିକିୟ ମଣ୍ଡଳିକୁ ପାଉଲଦି ପାର୍ତ୍ତୁମ୍ ଆକୁ ତେସଲନିକିୟ ଆକୁ ବିସୟତାନ୍ ଏସ ମାଟା

୧ ତେସଲନିକିୟ ପ୍ରେରିତ ପାଉଲତି ମାଣାନ୍ ରାସାତାମାର୍ହାତ୍ ୧:୧ । ଇକା ଆନାତ୍ ପାଉଲତି ମାଣାନ୍ ପାର୍ତ୍ତୁମ୍ ଆକୁ ରାସାତାମାର୍ହାତ୍ ମାରି ଆକା ବାଇବଲତି ଉନ୍ତ୍ର ବାଗ୍ ଆତାମାନାତ୍ । ଇକା ଜିସୁ କ୍ରିସ୍ତଦି ଜନମ୍ତି ପାକାପାକି ୫୧ ବାର୍ସେକ୍ ଖେନକା ରାସାତାମାନାତ୍ । ପାଉଲ ଏସ୍ତ୍ରାଲେ ତେସଲନିକି ମଣ୍ଡଳିକୁ ସିଟି ରାସ୍ତାନ୍, ନାସ୍ତ୍ରାଲେ ଖାନ୍ କରନ୍ତି ମଣ୍ଡଳିକୁ ମାର୍ହାନ୍ । ଆମା ମଣ୍ଡଳିକି ଖାନ୍ ରିଜା ସନି ଖାଲେ ଆୟା ମଣ୍ଡଳି ତିଆର୍ କିତାମାର୍ହାନ୍ ପ୍ରେରିତ ୧୭:୧-୧୦ । ଇକା ପ୍ରେରିତ ବଇଦୁ ଇନାୟଆନାତ୍ ଜେ, ଇକା ଏସ୍ ଜିହୁଦି ମାରି ଏସ୍ ଗ୍ରୀକ୍ ବାସାଦାନ୍ ଖାର୍ଗିଜିମାନି ଲୋକା ମାଣାନ୍ ତିଆର୍ଆତା ମାର୍ହାତ୍ ।

ପାଉଲ ମଣ୍ଡଳି ତିଆର୍ କିତିଖେନକା ଖାନ୍ ନାଶ୍ତ୍ର ଦିନ୍ ତେସଲନିକିୟକୁ ତେବାଦେଙ୍ଗ୍ ଆଟ୍ଏତାନ୍ । ଆଦେଙ୍ଗ୍ ସାରାସାରିଖେନକା ଆବେନୁ ମାନି ବିସ୍ବାସସିରିଙ୍ଗ୍ ସାହାସ୍ ସିଦେଙ୍ଗ୍ ଖାନ୍ ଇୟା ସିଟି ପୋଅକତାନ୍ । ଅରେନ୍ କ୍ରିଷ୍ଟିୟାନ୍ ଏଣ୍ଡେସ୍ ଜିଦେଙ୍ଗ୍ ଆନାତ୍, ଇୟା ସିଟିକୁ ନାଶ୍ତ୍ର ବିସୟ ମାରି ଆଇଆଇ ସାମାନ୍ତି ଆଦେସକୁ ତେବାତେମାନେ ।

ପାଉଲ ଏସମାନୁ ମାରିଉନ୍ତ୍ର ଦେବା ଖାନି ବିସୟତାନ୍ ମୋନ୍ଦିୟାନ୍ ସିନାନ୍ । ଆନାତ୍ପୁରି ତେସଲନିକିୟ ମଣ୍ଡଳିଦି ବିସ୍ବାସିର୍ ଟିକ୍ତାନ୍ ଇୟା ବିସୟତାନ୍ ଖେଡିକା ମାର୍ହାତ୍ । ପାଉଲ ମାରିଉନ୍ତ୍ର ଦେବା ଖାନି ବିସୟତାନ୍ ଖେର୍ସି ଏଣ୍ଡେସ୍ ମାପୁରୁଙ୍ଗ୍ ଖେଡିକା କିନି ଖାଜା ଜିନିମାଡିନି ଉଣ୍ଡିଙ୍ଗ୍ ଆଦେସ୍ ସିନାନ୍ ୫:୭-୮ ।

ଇୟା ଆକୁକୁ ମାନି ଏସ ମୁକିୟ ବିସୟ

- ୧. ପାଉଲ ମଣ୍ଡଳିଦିଙ୍ଗ୍ ନମସ୍ତାର୍ କିଜି ମାରି ମାପୁରୁଙ୍ଗ୍ ଦନ୍ୟବାଦ୍ କିଜି ଇୟା ବଇ ଆରାମ୍ କିନାନ୍ । ୧
- ୨. ଖେନକା ଖାନ୍ ତିମତି ତାତିମାନି କାରୁର୍ ମାରି ଖାନି ପାଣି ବିସୟତାନ୍ ବୁଜାକିତାନ୍ । ୨-୩
- ୩. ପାଉଲ ଆଦେସ୍ ସିନାନ୍ ଜେ, କ୍ରିସ୍ତନ୍ତ୍ରୁ ଜିସୁ କ୍ରିସ୍ତଦି ମାରିଉନ୍ତ୍ର ଦେବା ଖାନି ଜାୟତୁ ଏଣ୍ଡେସ୍ ଜିନିମାଡିନିକା ମାନାତ୍ । ୪:୧-୫:୧୫
- ୪. ପାଉଲ ମାରିଉନ୍ତ୍ରଦେବା ମଣ୍ଡଳିଦିଙ୍ଗ୍ ନମସ୍ତାର୍ କିନାନ୍ ମାରି ଖାରିଙ୍ଗ୍ ଏଣ୍ଡେସ୍ବା ସିଟି ପଡାଦେଙ୍ଗ୍ ଖେର୍ସି ଖିସ୍ନାନ୍ । ୫:୧୭-୨୮

୧*ପାଉଲ, ସିଲା ମାରି ତିମତିଦି
 ଲାକ୍ତୁ ତେସଲନିକିଆଦୁ ମାନି ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତଦି ବିସ୍ବାସତି ମଣ୍ଡଳିକୁ ଇୟା ଆକୁ ।
 ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତଦି ଦୟା ମାରି ସାନ୍ତି ମି ଉଣ୍ଡିଙ୍ଗ୍ ଆପିତ୍ ।

ତେସଲନିକିୟରି ଜିବନ୍ ମାରି ବିସ୍ବାସ

୨ ମାପ୍ ଓଜୁଦିନ୍ ମି ଓଜୁଲୋକାଙ୍ଗ୍ ଉଣ୍ଡିଙ୍ଗ୍ ମାପୁରୁଙ୍ଗ୍ ଦନ୍ୟବାଦ୍ ସିଜିମାନାପ୍ ମାରି ମା ପାର୍ତନାଦୁ ମି ବିସୟତାନ୍ ଓଜୁଦିନ୍ ଖେର୍ସିମାନାପ୍ ।

୩ ମା ବୁବା ମାପୁରୁଦି ଲାକ୍ତୁ ଏଡକିଜି ମାନାପ୍, ଏଣ୍ଡେସ୍ ମିର୍ ନିଜେଦି ବିସ୍ବାସତିଙ୍ଗ୍ ପାଣିକୁ ତର୍ସିନିଦେର୍, ଜିବନ୍ନୋଜି ମିସାଜି ଏଣ୍ଡେସ୍ ଆଟ୍ଖା ପାଣି କିଜିନିଦେର୍ ମାରି ମା ପ୍ରବୁ ଜିସୁ କ୍ରିସ୍ତଦି ଲାକ୍ତୁ ମି ଆସା ଏଣ୍ଡେସ୍ ଆଟ୍ଖା ।

୪ ଏ ନା ତଡାନ୍ତୁ ନି ତାଙ୍ଗ୍ କି ! ମାପ୍ ନେସ୍ନାପ୍ ଜେ, ମାପୁରୁ ମିଙ୍ଗ୍ ଜିବନ୍ନୋନାନ୍ ମାରି ଖାନି ନିଜେଦି ଲୋକ୍ ଆନି ଉଣ୍ଡିଙ୍ଗ୍ ମିଙ୍ଗ୍ ଆସକିତାମାନାନ୍ ।

୫ ଇରିଙ୍ଗ୍ କେବଲ ମାଟାଦାନ୍ ଆଏଡ୍, ପବିତ୍ରଆମ୍ବୁଦି ସାକାଦି ସାକ୍ତିଦି ଖାଲେ, ନେଗିକାରୁର୍ତି ସଡତାନ୍ ଓଜୁନେସ୍ନିଖାଜା ଖେର୍ସି ମାପ୍ ଆକା ମି ଲାକ୍ତୁ ଖେର୍ତାମାର୍ହାପ୍ । ମିର୍ ନେସ୍ନିଦେର୍, ମି ଖାଲେ ମାରିଇଖାଲେ ମାଡ୍ ଏଣ୍ଡେସ୍ ଜିଜିମାଡିଜି ମାରିକା; ଏଣ୍ଡେସ୍ କେବଲ ମି ସାକା ମା ଜିବନ୍ତୁ ବଦାମାର୍ହାତ୍ ।

୬*ମିର୍ ମାଙ୍ଗ୍ ମାରି ମା ପ୍ରବୁଦି ଖେନକା ସର୍ଇମାରିଇଦେର୍ ମାରି ନାଶ୍ତ୍ର ଦୁଃକ୍କାସୁ ବୋଗାଡିଙ୍ଗ୍ବା ପବିତ୍ର ଆମ୍ବୁଦିମାଣାନ୍ ପୟତି ଖେଡିକାଦି ଖାଲେ ଆୟା ନେଗିକାରୁର୍ ମାନାତିମାରିଇଦେର୍ ।

୭ ଇୟାଖାଜା ମିର୍ ମାସିଦୋନିଆ ମାରି ଆକାୟାଦୁ ମାନି ଓଜୁ ବିସ୍ବାସତି ଲୋକା ଉଣ୍ଡିଙ୍ଗ୍ ନେଗିସାରି ତର୍ନି ଲୋକ୍ ଖାଜା ଆତିମାରିଇଦେର୍ ।

* ୧:୧ ପ୍ରେରିତ ୧୭:୧. * ୧:୭ ପ୍ରେରିତ ୧୭:୫-୯.

୮ ମି ଲାକ୍ତୁରାନ୍ ପ୍ରବୁଦି ବାକ୍ୟ ଜେ କେବଲ ମାସିଦୋନିଆ ଆକାୟାଦୁ ଝେଙ୍ଗାଁତା ମାର୍ହାଡ଼, ଆକା ସିଲେ, ମାତର ମାପୁରୁଦି ଉଣ୍ଡିଙ୍ଗ ମି ବିସବାସତି ବିସୟ ଝିଜୁ ବାଡିଦୁ ଇୟାଞ୍ଜା ଝେଙ୍ଗାଁତା ମାର୍ହାଡ଼ ଜେ, ଆୟା ବିସୟତାନ୍ ମାତୁ ଇନିକା ଝେରତେଙ୍ଗ ଦରକାର ସିଲେଡ଼ ।

୯ ମାପ୍ ମି ଲାକ୍ତୁ ସନିଞ୍ଜାଲେ ମିର୍ ଏଣ୍ଡେସ୍ ମାଙ୍ଗାଁ ଝେଡ଼ିକାଦାନ୍ କୁକ୍ତିମାରିଇଦେର୍ ମାରି ଦିୟାମ୍ ପୁଜା ଡିସ୍ସି ସଡ଼ ମାରି ଜିବନ୍ମାନି ମାପୁରୁଙ୍ଗ ଉପାସନା କିଦେଙ୍ଗ ଆଗଡ଼ି ଝାତିମାରଇଦେର୍;

୧୦ ମାରି ଏଣ୍ଡେସ୍ ମାପୁରୁଦି ରିସାଦାନ୍ ମାଙ୍ଗାଁ ରକିୟାକିନି ଉଣ୍ଡିଙ୍ଗ, ସାତିମାଣାନ୍ ଜିବନ୍ଆଜିନିଙ୍ଗାଁତାନ୍ ଝାନି ମାରିସି ଜିସୁ ମୁସକୁପୁରତାନ୍ ମାରିତେସିଞ୍ଜାନିତାନିଙ୍ଗ ମିର୍ କାପ୍କିଜି ତେବାତିମାନିଦେର୍, ଇୟାଞ୍ଜୁ ବିସୟତାନ୍ ଆବେଣି ଲୋକ୍ ଝାରଗିଜିସାଜି ମାର୍ହାଡ଼ ।

9

ତେସଲନିକାଦୁ ପାଉଲତି ପାଣି

୧ ଏ ନା ତଡ଼ାନ୍କୁ ନି ତାଙ୍ଗାଁକି ! ମିର୍ ନିଜେ ନେସ୍ନିଦେର୍ ଜେ, ମି ଲାକ୍ତୁ ମା ଝାନିକା ଆରଏ ସିଲେ ।

୨ *ତେସଲନିକାଦୁ ମି ଲାକ୍ତୁ ଝାନିଆଗଡ଼ି ପିଲିପିତୁ ମା ଉଣ୍ଡିଙ୍ଗ ଏଣ୍ଡେସ୍ ତାଗଇ ବ୍ୟବହାର ମାରି ନିୟା କିଆୟାଆତାମାର୍ହାଡ଼, ଆକା ମିର୍ ନେସ୍ନିଦେର୍ । ମାରିବା ନାଣୁ ବିରୋଦ୍ କିତିଙ୍ଗବା, ମାପୁରୁଦିମାଣାନ୍ ପୟତିମାନି ସୁସମାଚାର ମିଙ୍ଗାଁ ଝେରନି ଉଣ୍ଡିଙ୍ଗ ଝାନ୍ ମାଙ୍ଗାଁ ବପୁ ସିତାମାର୍ହାନ୍ ।

୩ ଇନିକା ବାୟା ନି ଅଦାମ୍ବୁଦି ଝାଜା ତାସି ମାପ୍ ମି ଲାକ୍ତୁ ମା ମାଟା ଝେରଏପ୍ମାର୍ହାପ୍, ମାରିବା ମିଙ୍ଗାଁ ଟକେ କିଦେଙ୍ଗ ଇନିକାବା ସାଲାକିଦି ଝାଜା କିଏପ୍ମାର୍ହାପ୍ ।

୪ ମାତର ମାପୁରୁଦି ବଦାଦି ମାଟା ମାପ୍ ଝିଜୁଦିନ୍ ଝେରସିମାନାପ୍, ଇରିଙ୍ଗ ଝାନ୍ ମାଙ୍ଗାଁ ବଦାକିଜି ମା ମୁସକୁ ନେଗିକାରୁର୍ ଝେରତେଙ୍ଗ ଦାଇଡ଼ ସିତା ମାର୍ହାନ୍ । ଲୋକାଙ୍ଗ ଝେଡ଼ିକା କିନିକା ମା ବଦା ସିଲେଡ଼ । ଆମା ମାପୁରୁ ମା ମୋନ୍ତି ଅଡ଼ବିନିକା ପରିକା କିଜି ସୁଡ଼ନୁନ୍, କେବଲ ଝାନିଙ୍ଗ ଝେଡ଼ିକା କିନି ଉଣ୍ଡିଙ୍ଗ ମାପ୍ ସେସ୍ଟୁ କିଜିନାପ୍ ।

୫ ମିର୍ ନେଗେନ୍ତାନ୍ ନେସ୍ତୁ ଜେ, ସୁରିମାଟା ଝେରସି ମି ଲାକ୍ତୁ ରେଏପ୍ ମାର୍ହାପ୍, ମାରି ମା ଲୋବ୍ତିଙ୍ଗ ଆଡ଼ିକ୍ନି ଉଣ୍ଡିଙ୍ଗ ମି ଲାକ୍ତୁ ସାଲାକି ବ୍ୟବହାର କିଏପ୍ ମାର୍ହାପ୍, ଇୟା ବିସୟତାନ୍ ମାପୁରୁ ମା ସାକି ।

୬ ମାପ୍ ମିମାଣାନ୍ ମାରି ଆଇଝାରିମାଣୁକୁ ପ୍ରସଂସା ପୟଦେଙ୍ଗ ଇଜି ମାପ୍ ବଦା କିଏପ୍ ମାର୍ହାପ୍,

୭ ମାରିବା କ୍ରିସ୍ତୁଦି ପ୍ରେରିତ ସିସୁ ଝାଜା ମାପ୍ ମିମାଣୁକୁ ଆକା ଦାବି କିଦେଙ୍ଗ ଆଟ୍ତାପ୍ମାନ୍ଦି । ମାତର ଯାୟା ଏଣ୍ଡେସ୍ ନିଜେଦି କଡ଼କକ୍ତାରିଙ୍ଗ ଜାତୁନ୍ କିନାମାନାଡ଼, ମି ଲାକ୍ତୁ ମାରଇ ଝାଲେ ମାପ୍ ମି ଉଣ୍ଡିଙ୍ଗ ଆୟାଞ୍ଜା ଜିବନ୍ନୋତା ମାର୍ହାପ୍ ।

୮ ମି ଉଣ୍ଡିଙ୍ଗ ମା ଜିବନ୍ନୋନିକା ମାନିଙ୍ଗ ମାପ୍ ଆୟାଞ୍ଜା ମିଙ୍ଗାଁ ମାପୁରୁଦି ସୁସମାଚାର କେବଲ ଆଏଡ଼, ମାତର ନିଜେ ନିଜେଦି ଜିବନ୍ ବା ସିଦେଙ୍ଗ ବଦା ମାର୍ହାଡ଼, ଇରିଙ୍ଗ ମିର୍ ମା ଏସା ତଡ଼ ମାରଇଦେର୍ ।

୯ ଏ ତଡ଼ାନ୍କୁ ନି ତାଙ୍ଗାଁକି, ମା ପାଣି ମାରି ଆଟ୍ତାପ୍ ପାଣି ମି ପୁରା ଏଡ଼ ମାନାଡ଼, ମି ଲାକ୍ତୁ ଏଣ୍ଡେସ୍ ମାପୁରୁଦି ନେଗିକାରୁର୍ ଝେରନି ଝାଲେ ମି ମୁସକୁ ବୋଜୁ ଆଇ ଉଣ୍ଡିଙ୍ଗ ମାପ୍ ନାଡ଼ାଝେଡ଼େ କାସ୍ଟୁପାଣି କିତାମାର୍ହାପ୍ ।

୧୦ ମିର୍ ମାରି ନିଜେ ମାପୁରୁ ମା ସାକି ମି ଝାଜା ବିସବାସ୍ଝାରି ଲାକ୍ତୁ ମା ସାଲାବୁଲାନିକା ନେଗିକା, ନ୍ୟାୟବିସାର୍ ମାରି ଦସ୍ ସିଲେତାଡ଼ ।

୧୧ ମିର୍ ନେସ୍ନିଦେର୍, ବୁବା ଏଣ୍ଡେସ୍ ନିଜେଦି କଡ଼କକ୍ତାରି ଉଣ୍ଡିଙ୍ଗ ବ୍ୟବହାର କିତାନ୍ମାନ୍ଦି, ମାପ୍ ମି ଉଣ୍ଡିଙ୍ଗ ଟିକ୍ ଆୟାଞ୍ଜା ବ୍ୟବହାର କିତାମାର୍ହାପ୍ ।

୧୨ ମାପ୍ ମିଙ୍ଗାଁ ସାସ୍ ସିତାମାର୍ହାପ୍, ସାନ୍ତି ସିତା ମାର୍ହାପ୍, ମାରି ମିର୍ ଏଣ୍ଡେସ୍ ମାପୁରୁଦି ବଦା ବ୍ୟବହାର କିଜି ଝାନି ରାଜି ମାରି ଗୌରବ୍ଦି ବାଗ୍ ଆନି ଉଣ୍ଡିଙ୍ଗ ଝାନି ମାଟା ମାନାଦେଙ୍ଗ ଆଟ୍ନିଦେର୍, ଇୟାଉଣ୍ଡିଙ୍ଗ ଝେଡ଼ିକା ସିତାମାର୍ହାପ୍ ।

୧୩ ମାପ୍ ଝିଜୁଦିନ୍ ମାପୁରୁଙ୍ଗ ଦନ୍ୟବାଦ୍ ସିଜିମାନାପ୍, ତାନି ଆଇ ଉନ୍ଡ଼ି ମାଟା ବା ମାନାଡ଼ । ମାପ୍ ଏସ୍ତ୍ରିଞ୍ଜାଲେ ମି ଲାକ୍ତୁ ମାପୁରୁଦି କାରୁର୍ ତାତାମାର୍ହାପ୍, ମିର୍ ଆକା ଲୋକା କାରୁର୍ ଇଜି ଅଡ଼ବିଏଣ୍ଡା, ମାପୁରୁଦି କାରୁର୍ ଝାଜା ଝେରଇମାରଇଦେର୍ ମାରି ମାନାତିମାରଇଦେର୍ । ସଡ଼ତାନ୍ ଆକା ମାପୁରୁଦି କାରୁର୍ ମାରି ମି ଝାଜା ବିସବାସ୍ରି ଜିବନ୍ତୁ ଆକା ପାଣି କିଜିନାଡ଼ ।

୧୪ *ଏ ତଡ଼ାନ୍କୁ ନି ତାଙ୍ଗାଁକି, ଜିହୁଦା ଦେସ୍ତୁ ମାନି ଜିସୁଦି ମଣ୍ଡୁଲିଆଙ୍ଗାଁ ମାରି ଆବେଣି କ୍ରିସ୍ତୁବିସବାସ୍ରି ଉଣ୍ଡିଙ୍ଗ ଆମାକା ଗଗାତାମାର୍ହାଡ଼, ମି ଉଣ୍ଡିଙ୍ଗ ବା ଆକା ଗଗାତାମାନାଡ଼ । ଝାର୍ ଜିହୁଦିରିମାଣୁକୁ ଏଣ୍ଡେସ୍ ଦୁଃକ୍କାସ୍ଟୁ ବୋଗାତା ମାର୍ହାଡ଼, ମିର୍ ବା ନିଜେଦି ଦେସ୍ତି ଲୋକାମାଣୁକୁ ଦୁଃକ୍କାସ୍ଟୁ ବୋଗାତି ମାନିଦେର୍ ।

☆ ୨:୨ ପ୍ରେରିତ ୧୭:୧୯-୨୪ପ୍ରେରିତ ୧୭:୧-୯. ☆ ୨:୧୪ ପ୍ରେରିତ ୧୭:୫.

୧୫ *ଆୟା ଜିହୁଦିରି ପ୍ରବୁ ଜିସୁଙ୍କୁ ମାରି ବାବବାଦିରିଙ୍କ ସାୟାମାରଗାତାକତା ମାର୍ହାର ମାରି ମାଙ୍କୁ ବା ଦୁଃକକାସୁ ସିତାମାର୍ହାର । ଖାରି ଉଣ୍ଡିଙ୍କ ମାପୁରୁ ଖେଡ଼ିକା ଆଏନ୍ ! ସାରାଦୁନିଆଦି ଲୋକୁ ଜାତିଦୁ ଖାର ସାତୁ ।

୧୬ ଇୟାଖାଜା ଆମା ସୁସମାଚାର ପ୍ରସାରଦାନ ଅଣଜିହୁଦିରି ରକିୟା ପୁରା ଆଦେଙ୍କ ଆଟନାଡ଼, ଆବେଣକୁ ଖାର ମାଙ୍କୁ ବାଦା ସିନାର । ଇୟାଖାଜା ଖାର ଖିଜୁଦିନ୍ ନିଜେ ନିଜେଦି ପାପ ପୁରା କିଜିମାନାର । ସାରାସାରିଖେନକା ଇଲେଇ ଖାରି ବିରୁଦତାନ ମାପୁରୁଦି ରିସା କାସସିନାଡ଼ ।

ମାରିଡେସି ସନି ଉଣ୍ଡିଙ୍କ ପାଉଲତି ବଦା

୧୭ ଏ ତଡାନକୁ ନି ତାଙ୍କୁକି, ଏସ୍ତିଖାଲେ ଅଡପ ସମୟ ଉଣ୍ଡିଙ୍କ ମି ଲାକତୁରାନ୍ ମାପ ଖେରଏ ଆତାମାର୍ହାପ୍ ଏଣ୍ଡେସବା ମେନଲତିଖାଜା, ମାତର ମା ମନତୁ ମିର ଖିଜୁଦିନ୍ ମାନିଦେର । ମିଙ୍କୁ ଏଡକିଜି ମାପ ଏସା ସିନ୍ତା ଆତାମାର୍ହାପ୍ ମାରି ମାରିଡେସି ମିଙ୍କୁ ସୁଡୁନି ଉଣ୍ଡିଙ୍କ ମାପ ଏସ ଇଚ୍ଛା କିତାମାର୍ହାପ୍ ।

୧୮ ମି ଲାକତୁ ଡେସିସନି ଉଣ୍ଡିଙ୍କ ମାଙ୍କୁ ବେସି ଇଚ୍ଛା ମାର୍ହାଡ଼ ମାରି ନାନ୍ ପାଉଲ ନିଜେ ଡେସିସନି ଉଣ୍ଡିଙ୍କ ରୁଣ୍ଡି ଦେବେଙ୍କ ସେଷୁ କିତାମାର୍ହା, ମାତର ସୟତାନ ମାଙ୍କୁ ବାଦା ସିତାଡ଼ ।

୧୯ ଖାନ୍ ଆମାକାଆପିନ୍, ନା ଆସା, ମା ପ୍ରବୁ ଜିସୁଦି ଖାନିବେଡ଼ାତୁ ଖାନି ଆଗଡ଼ି ଆଇଖାରି ଖାଜା ମିର ବା ମା ଆସା, ଖେଡ଼ିକା ମାରି ଜିଶାନି ଗାରୁଦି ମାଟା ଆନାଡ଼ ।

୨୦ ସଡତାନ, ମିର ମା ଗୋରବ ମାରି ଖେଡ଼ିକା ।

୩

୧ *ଆୟାଉଣ୍ଡିଙ୍କ, ମାପ ମାରି ଖେନ୍ଡେଙ୍କ ଆଟଏଆଜି ତିର କିତାପ୍ ଜେ, ମାପ ଖେନକା ଆତେନ୍ସଦୁ ଅରେନ୍ନେ ଜିଜି ମାଡ଼ିଜି ତେବାନାପ୍,

୨ ମାତର ମିଙ୍କୁ ତିର କିଦେଙ୍କ ମାରି ମିଙ୍କୁ ବିସବାସ୍ ତାଟ୍ କିନି ଉଣ୍ଡିଙ୍କ ମି ଲାକତୁ ମା ତଡାନ ତିମତିଙ୍କ ପୋକତାନାପ୍ । ଖାନ୍ ମା ଖାଲେ ଅର୍ସେପାଣି କିଜି କ୍ରିସୁଦି ନେଗି କାବୁର ପ୍ରଚାର କିଜି ମାପୁରୁଦି ସେବା କିଜିନାନ୍ ।

୩ ମି ମୁସକୁ ଖାଜିମାନି କାସୁ ଉଣ୍ଡିଙ୍କ ଏନ୍ ଏଣ୍ଡେସ୍ ସାରି ବାଶାମାକିନ୍, ଇୟାଉଣ୍ଡିଙ୍କ ଖାନ୍ ମିଙ୍କୁ ସାହାଜ୍ୟ କିନାନ୍ । ଏଣ୍ଡେସବା ମିର ନେସନିଦେର, ମାପ ଇୟାଖାଜା କାସୁ ପୟନାପ୍, ଇକା ମାପୁରୁଦି ଇଚ୍ଛା ।

୪ ମି ଖାଲେ ମାନିଖାଲେ, ମାପ୍ ନାଶୁ ଆଗଡ଼ିରାନ୍ ଖେରତା ସିତାମାର୍ହାପ୍, ମାଙ୍କୁ ଦୁଃକକାସୁ ବୋଗାଦେଙ୍କ ଆନାଡ଼ । ଇଲେଇ ମିର ନେସନିଦେର, ଟିକ୍ ଆକାନେ ଗଟାନାଡ଼ ।

୫ ଆୟାଉଣ୍ଡିଙ୍କ ତିମତିଙ୍କ ପୋକତାତା । ନାନ୍ ମାରି ତିର ଆଜି ମାନ୍ଡେଙ୍କ ଆଟଏତା । ମିର ମି ବିସବାସ୍ତୁ ତାଟ୍ ମାନିଦେର ନୋ ସିଲେ, ନେସନି ଉଣ୍ଡିଙ୍କ ନାନ୍ ଖାନିଙ୍କ ପୋକତାତା । ଏଣ୍ଡେସାତିଙ୍କ ସୟତାନ ମିଙ୍କୁ ପରିକା କିନାଡ଼ ମାରି ମା ଖିଜୁ ପାଣି ଆରେଏ ଆନାମାନାଡ଼ ? ସିଲେ, ଇକା ଏସକାଙ୍କ ପୁରା ଆଏଡ଼ ।

୬ ଇଲେଇ ମି ଲାକତୁରାନ୍ ଡେସି ଖାଜି ତିମତି ମି ବିସବାସ୍ ମାରି ଜିବନ୍ନୋନି ବିସୟତାନ ନେଗି ମାଟା ତାତାମାନାନ୍ । ଖାନ୍ ମାଙ୍କୁ ଖେରତା ମାନାନ୍ ଜେ, ମିର ଖିଜୁଦିନ୍ ମା ନେଗି ପାଣି କିଜିନିଦେର ମାରି ମାପ୍ ଏଣ୍ଡେସ୍ ମିଙ୍କୁ ସୁଡୁଦେଙ୍କ ବଦା, ମିର ବା ଆୟାଖାଜା ମାଙ୍କୁ ସୁଡୁଦେଙ୍କ ଇଚ୍ଛା କିଜିନିଦେର ।

୭ ଇୟାଉଣ୍ଡିଙ୍କ, ଏ ତଡାନକୁ ନି ତାଙ୍କୁକି, ମା ଖିଜୁ ଦୁଃକକାସୁ ସମୟତୁ ମାପ୍ ମି ଉଣ୍ଡିଙ୍କ ସାସ୍ ଆଜିନାପ୍ । ମି ତାଟ୍ ବିସବାସ୍ନେ ମାଙ୍କୁ ସଡତାନ ଜିପିସ୍ କିତା ଇଟତାମାନାଡ଼ ।

୮ ମାରିବା ଇଲେଇ ମାପ୍ ଜିତା ମାନାପ୍ ପ୍ରବୁଦି ମାନୁ ତିର ଆତାମାନାପ୍, ମିର ତାଟିଖାଜା ପ୍ରବୁଦି ଖାଲେ ମିସାବିଡ଼ା ଆଜି ଜିଜିମାଡ଼ିଜିନିଦେର ।

୯ ଇଲେଇ ମି ଉଣ୍ଡିଙ୍କ ମାପୁ ଆମା ଖେଡ଼ିକାଦୁ ଖେଡ଼ିକା ଆଜିନାପ୍, ଆୟାଉଣ୍ଡିଙ୍କ ମାପୁରୁଙ୍କ ଏଣ୍ଡେସ୍ ଦନଏବାଡ଼ ସିନାପ୍, ନେସ୍ତେଙ୍କ ଆଟଏଜିନାପ୍ ।

୧୦ ମିଙ୍କୁ ବେଟ୍ଟୁଡ଼ାଜି ମି ବିସବାସ୍ତୁ ଆମାକା ଉଶାମାନାଡ଼, ଆକା ପୁରା କିଦେଙ୍କ ଇଜି ମାଙ୍କୁ ସୁଜୋଗ୍ ସିଦେଙ୍କ ଖେଡେନାଡ଼ା ମାପ୍ ମାପୁରୁଙ୍କୁ ପାରତନା କିଜିନାପ୍ ।

୧୧ ମି ଲାକତୁ ଖାନି ଉଣ୍ଡିଙ୍କ ମା ବୁବା ମାପୁରୁ ମାରି ମା ପ୍ରବୁ ଜିସୁ ମା ସାରି ତିଆର କିଜ ସିପିନ୍ ।

୧୨ ମି ଉଣ୍ଡିଙ୍କ ମା ଜିବନ୍ନୋନିକା ଏଣ୍ଡେସ୍ ନାଶୁ, ଆୟାଖାଜା ନିଜେନିଜେଦି ଉଣ୍ଡିଙ୍କ ମାରି ଖିଜେରି ଉଣ୍ଡିଙ୍କ ପ୍ରବୁ ମି ଜିବନ୍ନୋନିକା ନାଶୁ ପିରିସ୍ କିପିନ୍ ।

୧୩ ଇୟାଖାଜା ଖାନ୍ ମିଙ୍କୁ ତିର କିନାନ୍ । ଆଟିଙ୍କ, ମା ପ୍ରବୁ ଜିସୁ ଏସ୍ତିଖାଲେ ମୁସକୁପୁରତି ସାଦୁରି ଖାଲେ ମାରିଡେସି ଖାନାନ୍, ନାସ୍ତିଖାଲେ ମିର ବୁବା ମାପୁରୁଦି ଆଗଡ଼ି ଦାମ୍ ମାରି ପବିତ୍ର ଆଦେଙ୍କ ଆଟନିମାନିଦେର ।

* ୨:୧୫ ପ୍ରେରିତ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨. * ୩:୧ ପ୍ରେରିତ ୧୭:୧୫. * ୩:୬ ପ୍ରେରିତ ୧୮:୫.

୪

ମାପୁରୁଦିଙ୍କୁ ଝେଡ଼ିକାକିନି ଜିବନ୍

୧ ସାରାସାରିଝେନକା, ତଡ଼ାନକୁ ନି ତାଙ୍ଗୁକି, ମାପୁରୁକୁ ଝେଡ଼ିକା କିନି ଉଣ୍ଡିଙ୍ଗୁ ଏଣ୍ଡେସ୍ ଜିଜି ମାଡ଼ିଜିଦେଙ୍ଗୁ ଆନାଡ଼, ଆୟା ମାଣାନ୍ ଅଜାତିମାନିଦେର୍ । ଏଣ୍ଡେସ୍‌ବା ଆୟାଝାଜା ଦାନ୍ ମିର୍ ଜିଜି ମାଡ଼ିଜି ଝାଜିନିଦେର୍, ମାତର୍ ଇୟାମାଣାନ୍ ଅଡ଼ପ୍ ନାଣ୍ଡୁ କିଦେଙ୍ଗୁ ମିଙ୍ଗୁ ମାପ୍ ଇଲେଇ ପ୍ରୁ ଜିସୁଦି ଦର୍ତ୍ତାନ୍ ଝେଡ଼ିକା ନି ଅନୁରୋଦ୍ କିଜିନାପ୍ ।

୨ ମାପ୍ ପ୍ରୁ ଜିସୁଦି ମାଣାନ୍ ଅଦିକାର୍ ପୟତାପ୍ ମିଙ୍ଗୁ ଆମା ଆମା ଆଦେସ୍ ସିତାମାର୍‌ହାପ୍, ଆକା ମିର୍ ନେସ୍‌ନିଦେର୍ ।

୩ ମିର୍ ଏଣ୍ଡେସ୍ ପବିତ୍ର ଆନିଦେର୍, ଇକାନେ ମାପୁରୁଦି ବଦା, ଅର୍ତ୍ତାଡ଼ ମିର୍ ଏଣ୍ଡେସ୍ ଦାରିପାଣିଦାନ୍ ଆକ ତେବାନିଦେର୍ ।

୪ ଝିଜେରେ ଲୋକ୍ ନେସ୍‌ନିକା ମାନାଡ଼ ଜେ ଏଣ୍ଡେସ୍ ନିଜେ ନିଜେଦି ଆଡ଼ସିକା ଝାଲେ ପବିତ୍ର ନି ସନ୍‌ମାନ୍‌ତାନ୍ ଜିନିକା ମାନାଡ଼ ।

୫ ମାପୁରୁଙ୍କୁ ନେସ୍‌ଇମାନି ଦୁନିଆଦି ଅଣଜିହୁଦି ଲୋକା ଝାଜା ଲାଲାୟ୍ ଆମାଟ୍ ।

୬ ଏମେ କ୍ରସ୍ତୁ ବିସ୍‌ବାସତି ତଡ଼ାନ୍ ଉଣ୍ଡିଙ୍ଗୁ ଅନ୍‌ୟାୟ୍‌ପାଣି କିମାଟ୍, ମାରି ଝାନିଙ୍ଗୁ ବାଣ୍ଡିସ୍ କିମାଟ୍ । ଇୟା ମାଟା ମାପ୍ ଆଗଡ଼ିରାନ୍‌ନେ ଝେର୍ତ୍ତାମାନାପ୍ ମାରି ତାଟ୍‌ତାନ୍ ଜାଗାର୍‌ତା କିତାମାନାପ୍, ଆମାକାର୍ ଆୟାଝାଜା କିନାର୍, ପ୍ରୁ ଝାରିଙ୍ଗୁ ସାସ୍ତି ସିନାନ୍ ।

୭ ମାପୁରୁ ମାଙ୍ଗୁ ତାଗ୍‌ଇକାର୍ ଆଜି ଜିନିମାଡ଼ିନି ଉଣ୍ଡିଙ୍ଗୁ କୁକ୍‌ଏନ୍, ମାତର୍ ପବିତ୍ର ଆଜି ମାନ୍‌ଡ୍ରେଙ୍ଗୁ କୁକ୍‌ତାମାନାନ୍ ।

୮ ମାରି, ଏନ୍ ମା ଇୟା ମାଟାଦିଙ୍ଗୁ ମାନାଏନ୍, ଝାନ୍ ଲୋକ୍‌ଡିଙ୍ଗୁ ମାନାଏନ୍, ମାତର୍ ଆମା ମାପୁରୁ ମିଙ୍ଗୁ ମନ୍‌ଡୁ ନିଜେଦି ପବିତ୍ରଆମା ସିନାନ୍, ଝାନିଙ୍ଗୁ ମାନାଏନ୍ ।

୯ ଇଲେଇ କ୍ରସ୍ତୁବିସ୍‌ବାସ୍‌ସିର୍ ମି ଜିବନ୍‌ନୋନି ବିସ୍‌ୟତାନ୍ ମାପ୍ ମାରି ନାଣ୍ଡୁ ରାସ୍‌ନିକା ଦର୍‌କାର୍ ସିଲେ । ନିଜେନିଜେଦିଙ୍ଗୁ ଏଣ୍ଡେସ୍ ଜିବନ୍‌ନୋନିକା ମାନାଡ଼, ଇକା ନିଜେ ମାପୁରୁମାଣାନ୍ ଅଜାତିମାନିଦେର୍ ।

୧୦ ସଡ଼ତାନ୍ ଝିଜୁ ମାସିଦୋନିଆଦୁ ମାନି କ୍ରସ୍ତୁଦି ବିସ୍‌ବାସ୍‌ସିର୍ ତଡ଼ାନ୍‌କା ଉଣ୍ଡିଙ୍ଗୁ ମିର୍ ଆୟାଝାଜା ପାଣି କିତିମାନିଦେର୍ । ଆଡିଙ୍ଗୁବା ମାରି ନାଣ୍ଡୁଦାନ୍ ଆକା କିଦୁ, ମିଙ୍ଗୁ ନିସନେ କେବଲ ଅନୁରୋଦ୍ କିଜିନାପ୍ ।

୧୧ ଆଗଡ଼ିରାନ୍ ଏଣ୍ଡେସ୍ ଝେର୍ତ୍ତାମାର୍‌ହାପ୍, ସାଡ଼ିଦାନ୍ ଜିନିମାଡ଼ିନିକା, ନିଜେଦି ପାଣିଦୁ ମୋନ୍ ସିଜି ମାରି ନିଜେ ନିଜେଦି ଜିନିକା ଉଣ୍ଡାକିନିକା ମିଦି ପୁରା ଆପିଡ଼ ।

୧୨ ଇୟାଝାଜା କିନି ମାଣ୍ଡୁ ମିର୍ ଅବିସ୍‌ବାସିରି ଝାରିମାଣାନ୍ ବା ସନ୍‌ମାନ୍ ପୟନିଦେର୍ ମାରି ମି ଝିଜୁ ଦର୍‌କାର୍‌ତି ଉଣ୍ଡିଙ୍ଗୁ ଏ ମୁସ୍‌କୁ ଆସା ଇଡ଼ିନି ଦର୍‌କାର୍ ସିଲେଡ଼ ।

ପ୍ରୁଦି ଝାନିକା

୧୩ ଏ ତଡ଼ାନକୁ ନି ତାଙ୍ଗୁକି, ଆସାସିଲି ଆଇ ଝିଜେରିଲୋକା ଝାଜା ମିର୍ ଏଣ୍ଡେସ୍ ଦୁକ୍‌ସିନ୍ତାକିମାଟ୍, ଇୟାଉଣ୍ଡିଙ୍ଗୁ ସାଡ଼ିମାନି ଲୋକା ବିସ୍‌ୟତାନ୍ ମିର୍ ଜେ ସଡ଼ ନେସ୍‌ମାଟ୍, ଇକା ମା ବଦା ସିଲେଡ଼ ।

୧୪ ଆୟାଉଣ୍ଡିଙ୍ଗୁ ମାଡ଼ ବିସ୍‌ବାସ୍ କିନାର୍ ଜେ, ଜିସୁ ସାଜି ମାରିଡ଼େସି ନିଙ୍ଗୁ ତାନ୍, ଆଦେଙ୍ଗୁ ମାପ୍ ଆଟ୍‌ଝା ବିସ୍‌ବାସ୍ ଜେ, ଜିସୁଦିମାନୁ ବିସ୍‌ବାସ୍ କିଜି ଆମାକାର୍ ସାନାର୍, ଜିସୁଦି ମାରିଡ଼େସି ଝାନିଝାଲେ ମାପୁରୁ ଝାରିଙ୍ଗୁ ଜିସୁଦି ଝାଲେଅନାନ୍ ।

୧୫ ମାପ୍ ଇଲେଇ ମିଙ୍ଗୁ ଆମା ସିକିୟା ସିଜିନାପ୍, ଆକା ପ୍ରୁଦି ସିକିୟା । ପ୍ରୁଦି ଝାନିଦିନ୍‌ଡୁ ମାଡ଼ ଆମାକାର୍ ଜିବନ୍‌ମାନିକା, ପୁର୍ବେଦାନ୍ ସାଡ଼ିମାନି ଲୋକାମାଣ୍ଡୁ ଆଗଡ଼ି ଆଜି ସଲ୍‌ଇକା ।

୧୬ ନାସ୍ତିଝାଲେ ପେରି ବଲ୍‌ତାନ୍ ଉନ୍‌ଡ଼ି ଆଦେସ୍ ଆନାଡ଼, ପେରି ମୁସ୍‌କୁପୁର୍‌ଡ଼ି ଦୁଡ଼ତି ବଲ୍‌ ଝେନିଦେର୍, ମାପୁରୁଦି ମରିବାଜା ଆଉଲି ଝେନିଦେର୍ ମାରି ପ୍ରୁ ମୁସ୍‌କୁପୁର୍‌ତାନ୍ ରେସିଝାନାନ୍ । କ୍ରସ୍ତୁମାନୁ ବିସ୍‌ବାସ୍ କିଜି ଆମାକାର୍ ସାତାମାନାର୍, ଝାର୍ ଆଗଡ଼ି ଜିବନ୍‌ଆଜି ନିଙ୍ଗୁ ନାର୍;

୧୭ ତାନେଝେନକା ମାଡ଼ ଆମାକାର୍ ଆୟା ସମୟ୍‌ଡୁ ଜିବନ୍‌ ତେବାନାମାନାପ୍, ବାଦ୍‌ଡ଼ୁ ଝାରି ଝାଲେ ନିଙ୍ଗୁ ଝାର୍ ବାଦ୍‌ଡ଼ି ଦୁରିଦୁ ପ୍ରୁଦି ଝାଲେ ବେଟ୍‌ଆନାର୍, ତାନେଝେନକା ମାଡ଼ ଝିଜୁଦିନ୍‌ଡିଙ୍ଗୁ ପ୍ରୁଦି ଝାଲେ ମାନିକା ।

୧୮ ମାରି, ଇୟାଝିଜୁ ମାଟା ଝେର୍‌ସି ମିର୍ ନିଜେନିଜେଦିଙ୍ଗୁ ଝେଡ଼ିକା କିଦୁ ।

୫

ପ୍ରୁଦି ଝାନିଦିନ୍‌ଡ଼ି ଉଣ୍ଡିଙ୍ଗୁ ତିଆର୍ ଆଦୁ

୧ ଏ ତଡ଼ାନକୁ ନି ତାଙ୍ଗୁକି, ଇୟାଝିଜୁ ବିସ୍‌ୟତାନ୍ ଏସ୍‌କାଙ୍ଗୁ ମାରି ଆମା ବେଡ଼ାଦୁ ଗଗାନାଡ଼, ଆୟା ବିସ୍‌ୟତାନ୍ ମି ଲାକ୍‌ଡୁ ନାଣ୍ଡୁ ରାସ୍‌ନିକା ଲୋଡ଼ା ସିଲେଡ଼,

୨ ✨ଇରିଙ୍ଗ୍ ନାଡ଼ା ତଙ୍ଗାଁରେଏନ୍ ଖାନି ଖାଜା ପ୍ରବୁଦି ଦିନ୍ ଜେ ଖାନାଡ଼, ଇକା ମିର୍ ନେଗେନ୍ତାନ୍ ନେସନିଦେର୍ ।

୩ ଏସ୍ତ୍ରାଖାଲେ ଲୋକୁ ସାନ୍ତି ମାରି ନେଗିବାତି ଇଜି ଖେର୍ସି ମାନି ଖେଡ଼ାଦୁ ଆୟାଦାପ୍ରେ ଖାରି ମୁସକୁ ସାନିକା ତିଗ୍ଜି ଖାନାଡ଼ । ପଟାଦୁମାନି ଆଇମାଦି ଜନମକିନି କାସୁ ଖାଜା ଆକା ନେସ୍ଇଖାଜା ଦାପ୍ରେ ଇଗା ଖାନାଡ଼ ମାରି ଏନ୍ ଆୟା ଆଗ୍ଡିରାନ୍ ଉର୍କୁତେଙ୍ଗ୍ ଆର୍ଏନ୍ ।

୪ ମାତର୍ ତଡ଼ାନକୁ ନି ତାଙ୍ଗାଁକି, ମିର୍ ସିକାଟିଦୁ ବାସା କିଇଦେର୍, ଆଦେଙ୍ଗ୍ ଆୟା ନାଣ୍ଡିଙ୍ଗ୍ ତଙ୍ଗାଁର୍ଏନ୍ ଖାଜା ନେସ୍ଇଖାଜା ମି ଲାକ୍ତୁ ଖାନାନ୍ ।

୫ ଇରିଙ୍ଗ୍ ମିର୍ ଓଜୁ ଜାୟ ନି ଖେଡ଼େରି କଡ଼ର୍ । ମାଡ଼ ନାଡ଼ା ନି ସିକାଟିଦି କଡ଼ର୍ ଆଏପ୍ ।

୬ ମାରି ରାଦୁ, ମାଡ଼ ଆଇ ଲୋକା ଖାଜା ସୁଜ୍ଏଣ୍ଗା, ଜାଗାର୍ତା ଆଜି ସେତା ତେବାନାଟ୍ ।

୭ ଲୋକୁ ନାଡ଼ା ସମୟତୁ ସୁଜ୍ନାମାନାର୍, ନାଡ଼ା ଖାର୍ ଅଙ୍ଗୁରରସ୍ ଉଣୁଜି ସୋସନାର୍ ।

୮ ✨ମାତର୍ ମାଡ଼ ଖେଡ଼େରି କଡ଼ର୍ ମାରି ଓଜୁଦିନ୍ ଜାଗ୍ଗାର୍ତା ମାନ୍ଜି । ରାଦୁ, ବିସ୍ବାସ୍ ମାରି ଜିବନ୍ନୋନିଖାଜା ବକାଦିସାଜୁ ଆରାଜି ମାରି ରକିୟାଦି ଆସା ଇଡ଼ଜି ଟପି ତାଲାଦୁ ଆରାନାଟ୍ ।

୯ ଇରିଙ୍ଗ୍ ମାପୁରୁ ମାଙ୍ଗାଁ ଖାନି ରିସାଦି ଲୋକ୍ ଆଦେଙ୍ଗ୍ ଆସକିଏନ୍, ପ୍ରବୁ ଜିସୁ କ୍ରିସ୍ତଦି ମାଣ୍ଡୁ ମାଙ୍ଗାଁ ରକିୟା କିନି ଉଣ୍ଡିଙ୍ଗ୍ ତିର୍ କିତାମାନାନ୍ ।

୧୦ କ୍ରିସ୍ତଦି ମାରିଡ଼େସି ଖାନିଖାଲେ ମାଡ଼ ଜିବନ୍ ମାନାଟ୍ ନୋ ସିଲେଟ୍, ଖାନି ଖାଲେ ଏଣ୍ଡେସ୍ ମିସାନା ତେବାନାଟ୍, ଆୟାଉଣ୍ଡିଙ୍ଗ୍ ଖାନ୍ ମା ଉଣ୍ଡିଙ୍ଗ୍ ସାତାନ୍ ।

୧୧ ଆର୍ଡିଙ୍ଗ୍ ଇଲେଇ ଏଣ୍ଡେସ୍ କିଜିନିଦେର୍, ଟିକ୍ ଆୟାଖାଜା ନିଜେଦିଙ୍ଗ୍ ନି ଆଇଖାରିଙ୍ଗ୍ ଖେଡ଼ିକା ନି ସାହାଜ୍ୟ କିଜିମାନ୍ତୁ ।

ସାରାସାରି ମାଟା ନି ନମସ୍କାର୍

୧୨ ଏ ତଡ଼ାନକୁ ନି ତାଙ୍ଗାଁକି, ଆମାକାର୍ ମି ଲଇ ଖାନଜିପାଣି କିଜିନାର୍ ମାରି କ୍ରିସ୍ତାନ୍ ଜିବନ୍ତୁ ମିଙ୍ଗାଁ ସାହାଜ୍ୟ କିଜିନାର୍ ମାରି ପ୍ରବୁଦି ନେଗିମାଟା ଖେର୍ସିନାର୍, ଖାରିଙ୍ଗ୍ ମାନାଦେଙ୍ଗ୍ ମାପ୍ ମିଙ୍ଗାଁ ବାଡିଙ୍ଗ୍ମାଲ୍ଜିନାପ୍ ।

୧୩ ମାରି, ଖାରି ପାଣି ଉଣ୍ଡିଙ୍ଗ୍ ଖାରିଙ୍ଗ୍ ଜିବନ୍ତାନ୍ ନାଣ୍ଡି ଜିବନ୍ନୋଦୁ । ନିଜେନିଜେଦି ଖାଲେ ସାନ୍ତିଦାନ୍ ତେବାଦୁ ।

୧୪ ଏ ତଡ଼ାନକୁ ନି ତାଙ୍ଗାଁକି, ମାପ୍ ମିଙ୍ଗାଁ ମାଡ଼ିସ୍ କିଜିନାପ୍, ଗାଡ଼ୟା ପାଣି କିଜିମାନି ଲୋକାଙ୍ଗ୍ ଜାଗାର୍ତା କିଦୁ, ତିଲାନିଖାରିଙ୍ଗ୍ ସାହାସ୍ ସିଦୁ, ବପୁସିଲିଖାରିଙ୍ଗ୍ ଜାତୁନ୍ କିଦୁ ମାରି ଓଜେରି ଉଣ୍ଡିଙ୍ଗ୍ ସାହାସ୍ ଆଦୁ ।

୧୫ ଏନ୍ ଏନ୍ ଅନ୍ୟାୟ୍ ବାଦ୍ଲୁ ଅନ୍ୟାୟ୍ କିମାକିନ୍, ମାରି ଓଜୁଦିନ୍ ଓଜେରି ନେଗିକା ସେସୁ କିପିନ୍ ।

୧୬ ଓଜୁଦିନ୍ ଖେଡ଼ିକା ଆଜି ମାନ୍ତୁ ।

୧୭ ରମ୍ବଣ୍ଡା ପାର୍ତାନା କିଦୁ ।

୧୮ ଓଜୁ ଅବସ୍ତାଦୁ ଦନ୍ୟବାଦ୍ ସିଦୁ । କ୍ରିସ୍ତ ଜିସୁଦି ଖାଲେ ମିସାଜି ଜିଜି ମାଡ଼ିଜି, ମିମାଣ୍ଡୁକୁ ମାପୁରୁ ଇକାନେ ବଦା କିନାନ୍ ।

୧୯ ପବିତ୍ରଆମ୍ବାଦିଙ୍ଗ୍ ବାଦାସିମାଟ୍ ।

୨୦ ପବିତ୍ର ଆମ୍ବାଦି ବାକ୍ୟଦିଙ୍ଗ୍ କାଡ଼ମାଟ୍ ।

୨୧ ଓଜୁ ବିସ୍ତୟତିଙ୍ଗ୍ ପରିକା କିଜ ସୁଡ଼ୁଦୁ : ଆମାକା ଓଜୁ ସଡ଼, ତାନିଙ୍ଗ୍ ମାନାଦୁ;

୨୨ ଓଜୁ ରକମ୍ତି ତାଗ୍ଲପାଣିଦାନ୍ ଆକତେବାଦୁ ।

୨୩ ଆମା ମାପୁରୁ ମାଙ୍ଗାଁ ସାନ୍ତି ସିନାନ୍, ଖାନ୍ ମିଙ୍ଗାଁ ପୁରାପୁରି ପବିତ୍ର କିପିନ୍ ମାରି ମା ପ୍ରବୁ ଜିସୁ କ୍ରିସ୍ତଦି ଖାନିଦିନ୍ତି ସମୟତୁ ମି ଆମ୍ବା, ପୁଣ୍ଡା, ମୋନ୍ଦଲ୍ଡିଙ୍ଗ୍ ପୁରାପୁରି ଦସ୍ ସିଲେଣ୍ଗା ଇଡ଼ୁଦୁ ।

୨୪ ଏନ୍ ମିଙ୍ଗାଁ କୁକ୍ତାମାନାନ୍, ଖାନ୍ ଆକା କିନାନ୍, ଇରିଙ୍ଗ୍ ଖାନ୍ ବିସ୍ବାସ୍ତିକାନ୍ ।

୨୫ ତଡ଼ାନକୁ ନି ତାଙ୍ଗାଁକି, ମା ଉଣ୍ଡିଙ୍ଗ୍ ବା ପାର୍ତାନା କିଦୁ ।

୨୬ ଓଜୁ ବିସ୍ବାସ୍ଲୋକାଙ୍ଗ୍ ପବିତ୍ର ରୁମାଦାନ୍ ମାଡ଼ିସ୍ କିଦୁ ।

୨୭ ପ୍ରବୁଦିମାଣ୍ଡୁ ଅଦିକାର୍ ପୟ୍ଆୟ୍ ଆଡିମାନି ଉଣ୍ଡିଙ୍ଗ୍ ନାନ୍ ମିଙ୍ଗାଁ ବାଡିଙ୍ଗ୍ମାଲ୍ଜିନା, ଓଜୁ ବିସ୍ବାସ୍ଲୋକା ଲାକ୍ତୁ ଇୟା ଆକୁ ପଡ଼ାଦୁ ।

୨୮ ମା ପ୍ରବୁ ଜିସୁ କ୍ରିସ୍ତଦି ଦୟା ଓଜେରି ସାକା ଆପିଡ଼ ।

☆ ୫:୨ ମାଡ଼ିଉ ୨୪:୪୩; ଲୁକ ୧୨:୩୯; ୨ ପିତର ୩:୧୦. ☆ ୫:୮ ଏପିସିୟ ୬:୧୩-୧୭.

ତେସଲନିକୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ତେସଲନିକିୟ ମଣ୍ଡଳିକୁ ପାଉଲଦି ମାରିଉଣ୍ଟି_ଆକୁ ତେସଲନିକିୟ ଆକୁ ବିସୟତାନ୍ ଏସ ମାଟା

ତେସଲନିକିୟ ମଣ୍ଡଳିକୁ ମାରିଉଣ୍ଟି_ଆକୁ ପ୍ରେରିତ ପାଉଲତି ମାଣାନ୍ ରାସାତାମାର୍ହାତ୍ ୧:୧ । ୧ ତେସଲନିକିୟଦି ସାଣେକ୍ ବେଡା ଝେନ୍‌କା କ୍ରିସ୍ତଦି ଜନମ୍‌ତି ୫୧ ବାସେକ୍ ଝେନ୍‌କା ଇୟା ଆକୁ ରାସାତାମାର୍ହାନ୍ । ପାଉଲ ଏସ୍ତ୍ରାଲେ ତେସଲନିକିୟ ମଣ୍ଡଳିଦିଙ୍କ୍ ସିଟି ରାସ୍‌ତାନ୍, ନାସ୍ତ୍ରାଲେ ଖାନ୍ କରନ୍ତିୟ ମଣ୍ଡଳିକୁ ମାର୍ହାନ୍ । ଆମା ମଣ୍ଡଳି ଖାନ୍ ମାରିଉଣ୍ଟି_ଦେବା ସନିକା ତିଆର୍ କିତାମାର୍ହାନ୍ ପ୍ରେରିତ ୧୭:୧-୧୦ ।

ପ୍ରେରିତ ବଇଦୁ ଇନାୟଆନାତ୍ ଜେ, ଏସ ଜିହୁଦି ମାରି ଏସ ଗ୍ରିକ୍ ବାସା ଇଜିମାନି ଲୋକା ମାଣାନ୍ ଇୟା ତେସଲନିକିୟ ମଣ୍ଡଳି ତିଆର୍ କିଆୟଆତାମାର୍ହାତ୍ । ତେସଲନିକିୟ ମଣ୍ଡଳି ଲାକ୍‌ତୁ ରାସାତିମାନି ସିଟିକୁ କ୍ରିସ୍ତଦି ଖାଜିନିଦିନ୍ ମାରି ସାରାସାରି ବେଡା ବିସୟତାନ୍ ରାସାତାମାନାତ୍ । ଇରିଙ୍ଗ୍ ପାଉଲ ରୁଣ୍ଟି ଖାନି ଆକୁଦୁ ତେସଲନିକିୟ ମଣ୍ଡଳି ଲାକ୍‌ତୁ ଇୟା ମାରିଉଣ୍ଟି_ଦେବା ଖାଜିନିଦିନ୍ ବିସୟତାନ୍ ନାଣ୍ଟୁ ବିସୟତାନ୍ ରାସ୍‌ତାମାନାନ୍ । ୨ ତେସଲନିକିୟଦୁ ରାସାତି ବିସୟ ପାକାପାକି ଆଦାବାଗ୍ ବିସୟ ସାରାସାରି ବେଡାଦି ବିସୟତୁ ଆନାତ୍ । ପାଉଲ ବା ଗାଡିଆ ବିସୟତାନ୍ ଜାଗାର୍‌ତା କିନାନ୍ । ଝିଜେରେ ଲୋକୁ ଖାରି କାଦି ଉଣ୍ଟିଙ୍ଗ୍ ପାଣି କିନିକା ମାନାତ୍ ୩:୭-୧୦ ।

ଇୟା ଆକୁଦୁ ମାନି ଏସ ମୁକିୟ ବିସୟ

- ୧. ପାଉଲ ଖାନି ସିଟିଦୁ ନିଜେଦିକା ମାରି ଅର୍‌ସେପାଣିକିନିଖାରି ପରିତୟ ଝେର୍‌ସି ଆରାମ୍ କିନାନ୍ । ୧:୧-୨
- ୨. ମାରି ତେସଲନିକିୟ ମଣ୍ଡଳି ଉଣ୍ଟିଙ୍ଗ୍ ମାପୁରୁଙ୍ଗ୍ ଦନ୍‌ସବାଦ୍ ସିନାନ୍ ମାରି ପାର୍‌ତନା କିନାନ୍ । ୧:୩-୧୨
- ୩. ଜଗତ୍‌ତି ସାରାସାରି ବେଡା ବିସୟତାନ୍ ଝେର୍‌ନାନ୍ । ୨
- ୪. ମାରି ଖାନ୍ ଗାଡିଆ ବିରୁଦ୍‌ତାନ୍ ମାରି ପାଣି କିନି ବିସୟତାନ୍ ଝେର୍‌ନାନ୍ । ୩:୧-୧୫
- ୫. ପାଉଲ ମାରିଡେସି ମଣ୍ଡଳିଦି ଲୋକାଙ୍ଗ୍ ନମସ୍‌କାର୍ କିଜି ଝିସ୍‌ନାନ୍ । ୩:୧୬-୧୮

୧ *ପାଉଲ, ସିଲା ମାରି ତିମତି ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତଦିମାନୁ ମାନି ତେସଲନିକିଆ ମଣ୍ଡଳି ଲାକ୍‌ତୁ ଇୟା ବଇ ରାସ୍‌ସିନା ।

୨ ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତ ମିଙ୍ଗ୍ ଦୟା ନି ସାନ୍ତି ସିପିନ୍ ।

କ୍ରିସ୍ତଦି ଖାନିଦିନ୍‌ତି ବିଚାର୍

୩ ଏ ତଡାନ୍‌କୁ ନି ତାଙ୍ଗ୍‌କି, ମି ଉଣ୍ଟିଙ୍ଗ୍ ମାପୁରୁଙ୍ଗ୍ ଝିଜୁଦିନ୍ ଦନ୍‌ସବାଦ୍ ସିନିକା ମା ଦର୍‌କାର୍ । ମା ତରିନ୍ ଇକା ଟିକ୍ ଇଜି ମାପ୍ ଅଡ୍‌ବିଜିନାପ୍, ଇରିଙ୍ଗ୍ ମି ବିସ୍‌ବାସ୍ ନାଣ୍ଟୁ ପିର୍‌ଜିନାତ୍ ମାରି ମିର୍ ନିଜେନିଜେଦିଙ୍ଗ୍ ନାଣ୍ଟୁ ଜିବନ୍‌ନୋଜିନିଦେର୍ ।

୪ ଆଦେଙ୍ଗ୍ ମାପୁରୁଦି ପାର୍‌ତନାକିନି ମଣ୍ଡଳିଆଙ୍ଗ୍ ମିଙ୍ଗ୍ ଅସି ମାପ୍ ଗାର୍‌ବୁ କିନାମାନାପ୍ । ମିର୍ ଏଣ୍ଟେସ୍ ଆମା ଝିଜୁ ତାଡନା ମାରି ଦୁଃକ୍‌କାସୁ ସାସ୍ କିଜି ନିଜେଦି ବିସ୍‌ବାସ୍‌ତୁ ଇନିଙ୍ଗ୍ ଆନିଙ୍ଗ୍ ଆଏଣ୍‌ଗା ତେବାତିମାନିଦେର୍ । ଇୟା ମାଟା ମାଡୁ ଗର୍‌ବଦାନ୍ ଝେର୍‌ନା ମାନାପ୍ ।

୫ ଇୟା ଝିଜୁମାଣାନ୍ ପାରାମାଣ୍ ଆଜିନାତ୍ ଜେ, ମାପୁରୁଦି ବିସାର୍ ଟିକ୍ ମାରି ମିର୍ ଖାନି ରାଜିଦି ଜଗ୍ ଆନିଦେର୍, ଇରିଙ୍ଗ୍ ଆୟା ରାଜି ଉଣ୍ଟିଙ୍ଗ୍ ମିର୍ ଦୁଃକ୍ ବୋଗାଜିନିଦେର୍ ।

୬ ଆମାକା ନ୍ୟାୟତିକା, ମାପୁରୁ ଆକା ପୁରା କିନାନ୍ । ଆମାକାର୍ ଇଲେଇ ମିଙ୍ଗ୍ କାସୁ ସିଜିନାର୍, ଖାର୍ କାସୁ ପୟନାର୍ ।

୭ ମାପୁରୁ ମିଙ୍ଗ୍ ନି ମାଙ୍ଗ୍ ବା ଝିଜୁ ଦୁଃକ୍ ବୋଗତାନ୍ ରମିସ୍ କିନାନ୍ । ମାପୁରୁ ଇୟା ପାଣି ପୁରା କିନାନ୍, ନାସ୍ତ୍ରାଲେ ପ୍ରବୁ ଜିସୁ ଖାନି ପେରି ସାନ୍ତିଦାନ୍ ଦୁଡକା ଖାଲେ ମୁସ୍‌କୁପୁର୍‌ତାନ୍ ରେତାନାନ୍ ।

୮ ଆମାକାର୍ ମାପୁରୁଙ୍ଗ୍ ନେସ୍‌ଏର୍ ମାରି ମା ପ୍ରବୁ ଜିସୁଦି ସୁସମାତାର୍ ମାନାଏର୍, ଆୟା ଲୋକାଙ୍ଗ୍ ସାସ୍ତ୍ର ସିନି ଉଣ୍ଟିଙ୍ଗ୍ ଖାନ୍ ନାସ୍ତ୍ରାଲେ କାସ୍‌ସିମାନି ସିସୁଦୁ ପକ୍‌ନାନ୍ ।

୯ ଆୟା ଲୋକୁ ପ୍ରବୁଦି ଆଗଡିରାନ୍ ମାରି ପରାକ୍ରମ୍‌ଦି ଗୌରବ୍‌ଦାନ୍ ଝେର୍‌ଏ ଆଜି ଝିଜୁଦିନ୍‌ତି ଉଣ୍ଟିଙ୍ଗ୍ ନାସୁ ଆନାର୍ ।

* ୧:୧ ପ୍ରେରିତ ୧୭:୧.

୧୦ ମାତର ଆୟା ନାଶ୍ରିଙ୍କୁ ଖାନ ଖାରି ଲୋକାମାଣୁକୁ ମାରି ଓଜେରି ବିସ୍ବାସ୍ତି ଲୋକା ମାଣ୍ଡକୁ ସନ୍ମାନ ମାରି ଗୌରବ ପୟନାନ । ଇୟାଖାରି ମାଣ୍ଡକୁ ମିର ବା ମିସାନିଦେର, ଇରିଙ୍କ ମାପ୍ ମିଙ୍ଗ ଆମା କାବୁର ସିତାମାର୍ହାପ୍, ଆବେନ୍ ମିର ବିସ୍ବାସ୍ତି କିତିମାନିଦେର ।

୧୧ ଆୟାଉଶ୍ରିଙ୍କ ମାପ୍ ଓଜୁଦିନ୍ ମି ଉଶ୍ରିଙ୍କ ପାରତାନା କିଜିନାପ୍ । ମିଙ୍ଗ ଆମା ଜିନି ମାଡିନି ଉଶ୍ରିଙ୍କ ମାପୁରୁ ମିଙ୍ଗ କୁକ୍ତାମାନାନ, ଆକା କିଦେଙ୍କ ଇଜି ମାପ୍ ମାପୁରୁଙ୍କ ମାଡିସ୍ କିଜିନାପ୍ । ଖାନି ସାକ୍ତିଦାନ ଖାନ ମି ଓଜୁ ସତ୍ପାଣି ପୁରା କିଜି ମି ବିସ୍ବାସ୍ତିଙ୍କ ପିରିସ୍କିଜି ପୁରା କିନାନ ।

୧୨ ଆରତିଙ୍କ ମା ମାପୁରୁ ମାରି ପ୍ରବୁ ଜିସୁ କ୍ରିସ୍ତିଦି ଦୟାଦାନ, ମିର ମା ପ୍ରବୁ ଜିସୁଦି ଦରତିଙ୍କ ଗୌରବ କିଦେଙ୍କ ଆବ୍ନିଦେର ମାରି ମିଙ୍ଗ ବା ଖାନ ଗୌରବ କିନାନ ।

୨

ତାଗ୍ଲ ଲୋକ୍

୧*ଏ ତଡାନକୁ ନି ତାଙ୍ଗିକି, ପ୍ରବୁ ଜିସୁ କ୍ରିସ୍ତିଦି ଡେସିଖାନିଦିନ୍ତି ବିସୟତାନ ମାରି ଖାନି ଲାକ୍ତୁ ମାଡ୍ ଓଜେରେ ଉନ୍ତେମାନୁ ଆନି ବିସୟତାନ ମିଙ୍ଗ ବାଡିଙ୍ଗମାଲ୍ଜିନାପ୍ ।

୨ ପ୍ରବୁଦି ଦିନ୍ ଖାତାଡିନି ଇଜି ଏମାଣାନ ଖେନ୍ଝି ମିର ଇନ୍ଙ୍ଗାଆନିଙ୍ଗା ମାରି ବେମ୍ପି ଆମାଟ୍ । ମାପ୍ ପ୍ରଗାର କିନିଖାଲେ ଇୟାଖାଜା ଇନି ମାଟା ଖେରତାମାନାପ୍ ମାରି ଇୟା ବିସୟତାନ ଇନିକା ରାସ୍ସି ଖେରତାମାନାପ୍ ଇଜି ଏସଲୋକାଙ୍ଗ ଏଡ୍ ମାନାଡ୍ ।

୩ ଇୟାଖାଜା ଖେରସି ମିଙ୍ଗ ଏନ୍ ଏଶ୍ରେସ୍ ଖାଜାବା ବେମ୍ପି କିମାକିନ୍ । ମାପୁରୁଦି ବିରୁଦ୍ତାନ ସାରାସାରିଖେନ୍କାରି ଜୁଦ୍ ଗଟାଈ ସାହି ମାରି ଆୟା ଅଦାମ୍ପୁଦି ଲୋକ୍ ପୁରାଖେରଇ ସାହି ମାରି ଖାନିଙ୍କ ନରକଦି ପୋକ୍ଈ ସାହି ପ୍ରବୁଦି ଆୟା ଦିନ୍ ରେଏଡ୍ ।

୪ ଆୟା ତାଗ୍ଲଆମ୍ ଲୋକାଦି ଖାରଗିଜିସାନିକା ଓଜୁ ପୁଜାଦି ଦିୟାମ୍ ମାରି ପୁଜାସିତି ଜିନିସ୍ତି ବିରୁଦ୍ କିନାଡ୍ ମାରି ନିଜେଦିଙ୍କ ଓଜେରିଙ୍କ ମୁସ୍କୁ ଇତାୟଆଦେଙ୍କ ଆସା କିନାଡ୍ । ଇୟାଖାଜା ଜେ ଖାନ ମାପୁରୁଦି ମାହିରତୁ ବାସ୍ସି ନିଜେଦିଙ୍କ ମାପୁରୁ ଇଜି ତରାନାଡ୍ ।

୫ ମିଙ୍ଗ ଇନିକା ଏଡ୍ ସିଲେଡ୍ ? ନାନ ମି ଖାଲେ ମାର୍ଇଖାଲେ ମିଙ୍ଗ ଇୟାଓଜୁ ବିସୟ ଖେରତାମାର୍ଥା ।

୬ ଏଶ୍ରେସ୍ବା ଆୟା ସନିରାଉ ଇଲେଇ ଗଟାଏଡ୍, ଇରିଙ୍କ ତାନିଙ୍କ ବିରୁଦ୍ କିଦେଙ୍କ ଇଲେଇ ଉନ୍ତ୍ରି ସାକ୍ତି ମାନାଡ୍, ଆକା ଇନିକା ମିର ନେସ୍ନିଦେର ! ମାତର ଆୟା ବେଡାଦୁ ଆୟା ତାଗ୍ଲଦୁବା ଇଗାଖାନାଡ୍ ।

୭ ଇୟାଦାପ୍ରେ ଖାନି ମାର୍ଗିତିମାନି ତାଗ୍ଲ ପାଣି କିଜିନାଡ୍; ମାତର ଖାନି ବିରଦ୍କିତି ଲୋକ୍ ଆକ ସଲ୍ଈ ସାହି ଆୟା ଗଟାଣେଙ୍କ ଗଟେଆଉ ।

୮ ତାନେଖେନ୍କା ଆୟା ତାଗ୍ଲ ଦୁବା ଇଗାଖାନାଡ୍; ମାତର ଏସ୍ତିଖାଲେ ପ୍ରବୁ ଜିସୁ ଖାନାନ, ଖାନ ଖାନି ଖେୟୁଦି ପୁଣ୍ଡାଦାନ ତାନିଙ୍କ ଜୁଦ୍ କିନାନ, ମାରି ଖାନି ଜାୟୁତି ଆଗଡି ଖାନ ଦଂସ୍ ଆନାନ ।

୯*ଆୟା ତାଗ୍ଲଦୁବା ସୟତାନତି ସାକ୍ତିଦାନ ନାଶ୍ରିତାଟ୍ ଆଜି ଖାନାଡ୍ ମାରି ନାଶ୍ରି କାବାଆନି ପାଣି କିଜି ସାଲାକି କିନାଡ୍ ।

୧୦ ଗାଦିଲୋକ୍ ଖାନି ମାଟା ଆସ୍ସି ବାୟା ଆଜି ନାସୁ ଆନାର । ଆମା ସଡତିଙ୍କ ମାନାଜି ଖାନି ଉଶ୍ରିଙ୍କ ମିସାଆଜିମାନି ମାଣାନ ଖାର ରକିୟା ପୟତାରମାହି, ତାନିଙ୍କ ମାନାଏତି ମାନିଙ୍କ ଖାରି ଇୟା ଦଶୁ ଆନାଡ୍ ।

୧୧ ମାରି, ଇୟାଉଶ୍ରିଙ୍କ ଖାର ଏଶ୍ରେସ୍ ମିରତାନ ବିସ୍ବାସ୍ କିନାର, ଆୟାଉଶ୍ରିଙ୍କ ମାପୁରୁ ଖାରି ଲାକ୍ତୁ ବାୟାଆନି ସାକ୍ତି ପୋକ୍ନାନ ।

୧୨ ଆମାକାର ସଡତାନ ବିସ୍ବାସ୍ କିଏର, ମାତର ଅଦାମ୍ପୁପାଣିଦୁ ଖେଡିକା କିନାର, ଖାର ଓଜେରେ ଇୟାଖାଜା ବିଚାର ଆନାର ।

ମିର ରକିୟା ଉଶ୍ରିଙ୍କ ମନୋନିତ

୧୩ ଏ ତଡାନକୁ ନି ତାଙ୍ଗିକି, ମି ଉଶ୍ରିଙ୍କ ମାପୁରୁଙ୍କ ଓଜୁଦିନ୍ ଦନ୍ୟବାଦ୍ ସିନିକା ନେଗେଡ୍ । ମାତର ପ୍ରବୁ ମିଙ୍ଗ ଜିବନ୍ନୋନାନ । ସଡତାନ ମି ବିସ୍ବାସ୍ ଉଶ୍ରିଙ୍କ ମାପୁରୁ ମିଙ୍ଗ ପ୍ରାଡୁମ୍ପତି ଖାଜା ଆସ୍କିତାମାନାନ ଏଶ୍ରେସ୍ ପବିତ୍ରଆମ୍ପାଦି ସାକ୍ତିଦାନ ମିର ରକିୟା ପୟନିଦେର ମାରି ଉନ୍ତ୍ରି ପବିତ୍ର କୁଟୁମ୍ ଆନାଡ୍ ।

୧୪ ମି ଲାକ୍ତୁ ମାପ୍ ଆମା ସୁସମାଚାର ପ୍ରଗାର କିତାମାନାପ୍, ଖାନି ମାଣାନ ମାପୁରୁ ମିଙ୍ଗ ଇୟାଉଶ୍ରିଙ୍କ କୁକ୍ତାମାନାନ । ମା ପ୍ରବୁ ଜିସୁ କ୍ରିସ୍ତିଦି ଗୌରବଦୁ ମିସାକିନି ଉଶ୍ରିଙ୍କ ଖାନ ମିଙ୍ଗ କୁକ୍ତାମାନାନ ।

୧୫ ଏ ତଡାନକୁ ନି ତାଙ୍ଗିକି, ମା ପ୍ରଗାର ମାରି ମା ବଇଦୁ ମାପ୍ ମି ଲାକ୍ତୁ ଆମା ସଡ୍ ଖେରତା ମାନାପ୍, ତାନିଙ୍କ ତାଡତାନ ଆସ୍ସି ଇଡ୍ଡୁ; ଆବେନ୍ ତିଲାଏଶ୍ଗା ମାନୁଡୁ ।

* ୨:୧୧ ଡେସଲନିକିୟ ୪:୧୫-୧୭. * ୨:୯ ମାଡିଉ ୨୪:୨୪.

୧୬ ମା ପ୍ରଭୁ ଜିସୁ କ୍ରିସ୍ଟ ନିଜେ ମାରି ମା ଆମା ବୁବା ମାପୁରୁ ମାଙ୍ଗି ଜିବନ୍ନୋଜି ଦୟାଦାନ୍ ମାଙ୍ଗି ତାଟି ସାସ୍ ମାରି ନେଗି ଆସା ସିତାମାନାନ୍ ।

୧୭ ୱାନ୍ ମି ଜିବନ୍ତିଙ୍ଗ୍ ଓଁଜୁଦିନ୍ ସଡ଼ ପାଣି କିଦେଙ୍ଗ୍ ମାରି ସଡ଼ ବାକ୍ୟ ୱେରଡେଙ୍ଗ୍ ପୋକ୍ସି ମାରି ବପୁ ସିପିନ୍ ।

୩

ମା ଉଣ୍ଡିଙ୍ଗ୍ ପାରତାନା କିଦୁ

୧ ସାରାସାରିଝେନ୍କା, ଏ ତଡ଼ାନ୍କୁ ନି ତାଙ୍ଗି, ମା ଉଣ୍ଡିଙ୍ଗ୍ ପାରତାନା କିଦୁ, ଏଣ୍ଡେସ୍ ପ୍ରଭୁଦି ବାକ୍ୟ ଦାପ୍ରେ ୱେଙ୍ଗିତା ମାହାଡ଼, ଆକା ଏଣ୍ଡେସ୍ ମି ଲୋଇ ଆୟାଝାଜା ଦନ୍ୟବାଦ ଲାବ୍ କିନାଡ଼ ।

୨ ମାରି ବା ପାରତାନା କିଦୁ, ମାପୁରୁ ଏଣ୍ଡେସ୍ ମାଙ୍ଗି ତାଗ୍ଲଲୋକୁ ମାରି ସୁରି ଲୋକାମାଣାନ୍କୁ ରକିୟା କିନାନ୍, ଇରିଙ୍ଗ୍ ଓଁଜେରେ ସୁସମାଚାରତୁ ବିସ୍ବାସ୍ କିଏରୁ ।

୩ ମାତର ପ୍ରଭୁ ବିସ୍ବାସ୍ତିକାନ୍ ! ୱାନ୍ ମିଙ୍ଗି ସାକ୍ତି କିନାନ୍ ମାରି ତାଗ୍ଲ ଆମାଦାନ୍ ରକିୟା କିନାନ୍ ।

୪ ମି ମୁସ୍କୁ ଆସା ଇଡ଼ଦେଙ୍ଗ୍ ପ୍ରଭୁ ମାଙ୍ଗି ଆସା ସିତାମାନାନ୍ ମାରି ମାପ୍ ଆମାକା ୱେରସିନାପ୍, ଆକା ମିର୍ ଜେ କିଜିନିଦେର୍ ମାରି କିଜିମାନିଦେର୍, ଇୟା ବିସ୍ମୟତାନ୍ ମାପ୍ ଜେ ନେସନାପ୍ ।

୫ ମାପୁରୁଦି ଜିବନ୍ନୋନିକା ମାରି କ୍ରିସ୍ଟସିତିମାନି ସାସ୍ଆସ୍ନି ନାଣ୍ଡଦାନ୍ ନାଣ୍ଡ ନେସ୍ନି ଉଣ୍ଡିଙ୍ଗ୍ ପ୍ରଭୁ ମିଙ୍ଗି ସାକା ଆପିନ୍ ।

ଓଁଜେରେ ପାଣି କିନିକା ମାନାଡ଼

୬ ଏ ତଡ଼ାନ୍କୁ ନି ତାଙ୍ଗି, ଆମାକାର୍ ଗାଡ଼ିଆ ଜିବନ୍ତାନ୍ ଜିଜିନାନ୍ ମାରି ମା ମାଣକୁ ପୟତି ସିକିୟା ଇସାବତାନ୍ ପାଣି କିଏନ୍; ପ୍ରଭୁ ଜିସୁ କ୍ରିସ୍ଟଦି ଦରତାନ୍ ମିଙ୍ଗି ଇୟା ମାଟା ୱେରସିନାପ୍, ଆୟା ତଡ଼ାନ୍କାମାଣୁକୁ ଆକ ମାନ୍ତୁ ।

୭ ଏଣ୍ଡେସ୍ବା ମିର୍ ନେସ୍ତିମାନିଦେର୍, ମି ପାଣିକିତି ୱେନ୍କା ମାଙ୍ଗି ଏଡ଼ କିନିକା ମାନାଡ଼ । ମି ୱାଲେ ତେବାତିମାରଇ ୱାଲେ ମାପ୍ ଗାଡ଼ିଆ ଆସପ୍ ମାହାପ୍ ।

୮ ମାରି ଇନିକା ସିଲେଣେଗା ମାପ୍ ଏମାଣାନ୍ ଜାଝା ଉଣ୍ଡିଏପ୍ ମାହାପ୍, ମାରି ଏ ମୁସ୍କୁ ବୋଜୁ ଆଇ ଉଣ୍ଡିଙ୍ଗ୍ ମାପ୍ କାସୁ ପୟଜି ୱେଡେନାଡ଼ା ପାଣି କିତାମାହାପ୍ ।

୯ ମିମାଣୁକୁ ଇନିକା ଲସ୍ତେଙ୍ଗ୍ ଜେ ମା ଅଦିକାର୍ ସିଲେଡ଼, ଆକା ସିଲେ, ମାତର ଏଣ୍ଡେସ୍ ମିର୍ ମାଙ୍ଗି ଏଡ଼ କିଦୁ; ଇୟାଉଣ୍ଡିଙ୍ଗ୍ ମାପ୍ ମି ଲାକ୍ତୁ ନିଜେ ନିଜେଦିଙ୍ଗ୍ ନେଗିକାନ୍ ୱାଜା ତରଡେଙ୍ଗ୍ ଇଜି ଆୟାଝାଜା କିତାପ୍ ।

୧୦ ମି ୱାଲେ ମାରଇବେଡ଼ାଦୁ ମାପ୍ ମିଙ୍ଗି ୱେରଡାମାହାପ୍, “ଆମା ଲୋକ୍ ପାଣି କିଦେଙ୍ଗ୍ ବଦା କିଏନ୍, ୱାନ୍ ଉଣ୍ଡୁମାକିନ୍ ।”

୧୧ ଇୟା ମାଟା ମାରି ୱେରସିନାପ୍, ଇରିଙ୍ଗ୍ ମାପ୍ କାରୁର ୱେରଆମାନାପ୍ ଜେ, ମି ଲୋଇରାନ୍ ଏସଲୋକ୍ ଗାଡ଼ିଆ ଜିବନ୍ତାନ୍ ଜିଜିନାନ୍ ମାରି ଆଇ ଲୋକା ପାଣିଦୁ ଆରଏ ତେବାନିକା ଡ଼ିସ୍ସି ଆଇକା ଇନିକା କିଏର୍ ।

୧୨ ପ୍ରଭୁ ଜିସୁ କ୍ରିସ୍ଟଦି ଦରତାନ୍ ମାପ୍ ଆୟା ଲୋକାଙ୍ଗ୍ ଜାଗାରତା କିଜି ଆଦେସ୍ ସିଜିନାପ୍, ୱାରି ଜିବନ୍ତୁ ମାରି ଅଡ଼ପ୍ ସେତା ଆଜି ନିଜେଦି ଜିନିକା ତିଆର୍ କିଦୁ ।

୧୩ ମାତର ତଡ଼ାନ୍କୁ ନି ତାଙ୍ଗି, ମିର୍ ନେଗିପାଣି କିଦେଙ୍ଗ୍ ୱାନ୍ମାଟ୍ ।

୧୪ ଇୟା ଆକୁଦୁ ମିଙ୍ଗି ଆମାକାରୁରୁ ପୋକ୍ତାଜିନାପ୍, ଆତିଙ୍ଗ୍ ମି ଲୋଇରାନ୍ ଏନ୍ ଆକା ମାନାଦେଙ୍ଗ୍ ବଦା କିଏନ୍ । ଆୟାଝାଜା ଲୋକ୍ତିଙ୍ଗ୍ ଚିନିସ୍କିଜ ଇଡ଼ଦୁ ମାରି ୱାନ୍ ୱାଲେ ମି ମିସାବିଡ଼ା ଡ଼ିସ୍ସସିଦୁ । ଆରଡିଙ୍ଗ୍, ୱାନ୍ ସେମାଟ୍ ଆନାନ୍ ।

୧୫ ମାତର ୱାନ୍ ଉଣ୍ଡିଙ୍ଗ୍ ସାତୁ ଇଜି ଅଡ଼ବିମାଟ୍, ତଡ଼ାନ୍ ୱାଜା ୱାନ୍ଇଙ୍ଗ୍ ଜାଗାରତା କିଦୁ ।

ସାରାସାରି ମାଟା

୧୬ ଆମା ପ୍ରଭୁ ମା ସାକ୍ତି ସିନାନ୍, ୱାନ୍ ମିଙ୍ଗି ଓଁଜୁଦିନ୍ ସାକ୍ତି ସିପିନ୍ । ପ୍ରଭୁ ମି ଓଁଜେରି ଲାକ୍ତୁ ମାନିନ୍ ।

୧୭ ନାନ୍ ନିଜେଦି କିୟୁଦାନ୍ ଇକା ରାସ୍ସିନା “ପାଉଲଦିମାଣାନ୍ ମାଡ଼ିସ୍କିନିକା” ନା ଓଁଜୁ ଆକୁଦୁ ଇକା ସିନାଦି ୱାଜା, ନାନ୍ ଇୟାଝାଜା ରାସ୍ନା ।

୧୮ ମା ପ୍ରଭୁ ଜିସୁ କ୍ରିସ୍ଟଦି ଦୟା ମିର୍ ଓଁଜିଦେର୍ ଜିବନ୍ତୁ ଅଡ଼ବିଦୁ ।

ତୀମଥୁକ ନିକଟକୁ ପାଉଲଙ୍କ ପ୍ରଥମ ପତ୍ର ତିମତିଦି ଲାକ୍ରୁ ପାଉଲତି ପାର୍ତୁମ୍ ଆକୁ ଇୟା ଆକୁବୁ ମାନି ଏସ ବିସୟ୍

ପାର୍ତୁମ୍ ତିମତି ପ୍ରେରିତ ପାଉଲଦି ମାଣାନୁ ଖାନି ସିସୁ ତିମତିଦିଙ୍କ ରାସ୍ତାମାନାନୁ । ପାର୍ତୁମ୍ ତିମତି ଆନାତ୍ସୁଗି ପାକାପାକି ୨୨-୨୪ ବାର୍ଷେକ୍ ଜିସୁ କ୍ରିସ୍ତଦି ଜନମ୍ ଝେନକା ରାସାତାମାନାତ୍ । ଆଦେଙ୍କ୍ ଆଟ୍ନାତ୍ ଇକା ପାଉଲଦି ଜିବନ୍ତି ସାରାସାରି ବେଡା । ପାଉଲଦି ଖାଲେ ତିମତିଦି ପୁରା ମିସାବିଡା ମାରଆତ୍ । ଖାନୁ ଏସ ବେଡାକୁ ତିମତିଦିଙ୍କ୍ ମାରିନ୍ ଇଜି ମାନାନାନୁ ପିଲିପିୟ ୨:୨୨; ୧ ତିମତି ୧:୨, ୧:୧୮ । ଇକା ପାଉଲଦି ମାଣାନୁ ରାସାତିମାନି ନାଲିଗି ବଇଙ୍କ୍ ଲୋଇ ଇକା ଉନ୍ତୁ । ଆଇ ମୁନ୍ତୁ ବଇଙ୍କ୍ ୨ ତିମତି, ତତସ, ମାରି ପିଲିମନ ଇକେଙ୍କ୍ । ପାର୍ତୁମ୍ ତିମତିଦୁ ମଣ୍ଡଲିଦି ଉପାସନା ବିସୟ୍ ତେବାତାମାନାତ୍ ୨:୧-୧୫ ।

ଇବେନୁ ମଣ୍ଡଲିଦି ନେତାରି ଜଗ୍ ବିସୟ୍ତାନୁ ସୁଡ଼ୁନିକା ୩:୧-୧୩ ମାରି ମିସ୍ ଗୁରୁରି ତରିନ୍ ଜାଗାର୍ତାଦି ମାଟା ତେବାତାମାନାତ୍ ୧:୩-୧୧, ୪:୧-୫, ୬:୨-୫ । ମଣ୍ଡଲି ଲୋଇ ତିମତି ଏଣ୍ଡେସ୍ ନାନି ଉନ୍ତୁ ନେତା ଆନି ଦରକାର୍ ଆକା ପାଉଲ ଅଜା କିନି ସିନି ବିସୟ୍ତାନୁ ଝେରନାନୁ । ପାର୍ତୁମ୍ ତିମତିଦୁ ଇଲେଇତି ନାରକାଣି ମଣ୍ଡଲିଆଙ୍କ୍ ପାଣି ସାଲାକିନି ଉଣ୍ଡିଙ୍କ୍ ମଣ୍ଡଲିଦି ନେତାରିଙ୍କ୍ ଏସ ମୁଲ୍ ମାଟା ଝେରନାର୍ ।

ଇୟା ଆକୁବୁ ମାନି ମୁକ୍ୟ ବିସୟ୍

- ୧. ପାଉଲ ତିମତିଦିଙ୍କ୍ ମାଡ଼ିସ୍କିଜି ରାସ୍ନିକା ଆରାମ୍ କିତାନୁ । ୧:୧-୨
- ୨. ପାଉଲ ତିମତିଦିଙ୍କ୍ ମିର୍ ଝେରନି ଗୁରୁରି ତରିନ୍ ଜାଗାର୍ତା କିନାର୍ । ୧:୩-୧୧
- ୩. କ୍ରିସ୍ତଦିମାନୁ ପାଉଲଦି ଦନ୍ୟବାଦ୍ । ୧:୧୨-୧୯
- ୪. ପାଉଲ ମଣ୍ଡଲିଦି ସେବା ପାଣି ନି ନେତାରି ବିସୟ୍ତାନୁ ତିମତିଦିଙ୍କ୍ ମାଟା ଝେରନାର୍ । ୨-୩
- ୫. ତିମତିଦିଙ୍କ୍ ପାଉଲଦି ସାରାସାରି ଝେରନିକା । ୪-୬

୧ ନାନୁ ପାଉଲ, ମା ରକିୟାକର୍ତ୍ତା ମାପୁରୁ ମାରି ଆସାଦିମୁଣ୍ଡା କ୍ରିସ୍ତ ଜିସୁଦି ମାଟା ଇସାବ୍ତାନୁ କ୍ରିସ୍ତ ଜିସୁଦି ଅରେନ୍ ପୋକ୍ତିମାନି ସିସୁ,

- ୨ *ଖାନି ଦାମ୍ବୁମାରିସି ତିମତିଦି ଲାକ୍ରୁ ରାସ୍ତିମାନି ଆକୁ :
ବୁବା ମାପୁରୁ ମାରି ମା ପ୍ରୁ କ୍ରିସ୍ତ ଜିସୁଦିମାଣାନୁ ଦୟା, ସାକା ମାରି ସାନ୍ତି ମି ଉଣ୍ଡିଙ୍କ୍ ଆପିତ୍ ।

ତାଗ୍ଲ ସିକିୟା ଉଣ୍ଡିଙ୍କ୍ ଜାଗାର୍ତା

୩ ନାନୁ ମାସିଦୋନିଆକୁ ସନିଖାଲେ ମିଙ୍କ୍ ଝେରତିମାର୍ତ୍ତ ଇସାବ୍ତାନୁ ମିର୍ ଏପିସ୍ତୁ ମାନୁ । ଆବେନୁ ଆମାକାର୍ ତାଗ୍ଲ ସିକିୟା ଝିକୁ ସିଜିନାର୍, ଖାରିଙ୍କ୍ ଆବେଟ୍ତାନୁ ସୁପ୍ ଆଦେଙ୍କ୍ ଇଜି ଆଦେସ୍ ସିଦୁ ।

୪ ଖାର୍ ପୁର୍ବେଦି କାତେଙ୍କ୍ ନି ପୁର୍ବେଦିତକ୍‌ରାଦାଦାରି ନିର୍ଇ ଦାଡ଼ି ତିଆର୍ କିଜିନାର୍ । ଆୟାଝିକୁ ଡିସ୍‌ତେଙ୍କ୍ ଖାରିଙ୍କ୍ ସିକିୟା ସିଦୁ, ଇରିଙ୍କ୍ ଆକା କେବଲ୍ ତାଗ୍ଲ ମାଟେଙ୍କ୍ ସପ୍ନାତ୍ । ଆମା ନେଗି ବିସ୍‌ବାସ୍‌ତୁ ମାପୁରୁଦି ବଦା ନେସ୍‌ତେଙ୍କ୍ ଆନାତ୍, ଇୟାଝିକୁ ତାନିଙ୍କ୍ ବାଦା କିନାତ୍ ।

* ନେଗି ଜିବନ୍, ନେଗି ବୁଦି ମାରି ସତ୍ ବିସ୍‌ବାସ୍‌ତାନୁ ଆମା ଜିବନ୍‌ନୋନିକା ସନାତ୍, ତାନିଙ୍କ୍ ଜାଗାର୍ତା କିନି ଉଣ୍ଡିଙ୍କ୍ ନେରୁ ନାନୁ ଇୟା ଆଦେସ୍ ସିଜିନା ।

୨ ଏସ ଲୋକୁ ଇୟା ମୁକିୟ ବିସୟ୍‌ଆଙ୍କ୍ ବାଣାଜି ସୋଲ୍‌ସି ପୁକା ମାଟେଙ୍କ୍ ଆସ୍‌ସି ସାରିବାଣାତା ମାନାର୍ ।

୩ ଖାର୍ ଦାମ୍ବୁଗୁରୁ ଆଜି ମାପୁରୁଦି ବିଦି ନିୟମ୍ ଝେରତେଙ୍କ୍ ଖାର୍ ଆସାଆନାର୍, ମାତର୍ ନିଜେଦି ସିକିୟାଦି ଅରଡ୍ ଖାର୍ ବୁଜାଦେଙ୍କ୍ ଆଟ୍‌ଏର୍; ଆମା ଝିକୁ ବିସୟ୍‌ତାନୁ ସତ୍‌ତାନୁ ନିଜେଦି ମାଟା ଝେରନାର୍, ଆକା ସତ୍‌ତାନୁ ଇନିକା, ଖାର୍ ନେସ୍‌ଏର୍ ।

୮ ମାତ୍ ନେସ୍‌ନାଟ୍ ଜେ, ନିୟମ୍ ନେରେନ୍‌ତାନୁ ମାନାଦେଙ୍କ୍ ଆଟ୍‌ତିଙ୍କ୍, ଆକା ନେଗିକା ।

୯ ମାତର୍ ମନେ ଇଡ୍‌ଦେଙ୍କ୍ ଆନାତ୍, ଇୟା ନିୟମ୍ ଦାମ୍ବୁଦି ଲୋକା ଉଣ୍ଡିଙ୍କ୍ ଆଏର୍ । ନିୟମ୍‌ତିଙ୍କ୍ ମାନାଇ ପାପିଦିଲୋକା ଉଣ୍ଡିଙ୍କ୍ ଆକା ତିଆର୍ ଆତାମାନାତ୍ । ଆମାକାର୍ ତାଗ୍ଲକାର୍, ଆମାଖାରିଙ୍କ୍ ମାପୁରୁଙ୍କ୍ ତିୟେଲ୍ ସିଲେ, ଆମାକାର୍ ପାପ୍ ତାଗ୍ଲପାଣିଦୁ ମିସାତାମାନାର୍, ଆମାଖାରିଙ୍କ୍ ଦାମ୍ବୁ ନି ସାନ୍ତିଜିବନ୍ ସିଲେଡ୍, ଆମାକାର୍ ବୁବାୟାୟ୍‌ଜେ ସାୟାମାର୍‌ଗାତାକ୍‌ତେଙ୍କ୍ ତିୟେଲ୍ ଆଏର୍; ଲୋକାଙ୍କ୍ ସାୟାମାର୍‌ଗାତାକ୍‌ନିକା,

* ୧:୨ ପ୍ରେରିତ ୧୭:୧.

୧୦ ଲାଲାୟାଆନି, ଲୋକାଙ୍କ ଡକ୍ଟରକିନିକାର୍ ମାରି ମିର୍ ମାଟା ଖେରତେଙ୍କ ଆମାକାର ଅବ୍ୟାସ୍, ମିର୍ ସାକି ସିନାର ଆମାକାର ଓଜୁ ସତ୍ସିକିୟାଦୁ ବିରୁଦ୍ କିନାର, ଖାରି ଉଣ୍ଡିଙ୍କ ନିୟମ୍ ନେଗିକା ।

୧୧ ଗୌରବମୟ ଦନ୍ୟ ମାପୁରୁଦି ନେଗି କାରୁର୍ ପ୍ରଚାର୍ କିନି ଦାଇଡ୍ ନା ମୁସ୍କୁ ସିଆୟାଆତା ମାନାଡ୍ ।

ମାପୁରୁଦି ଦୟା ଉଣ୍ଡିଙ୍କ ଦନ୍ୟବାଦ୍

୧୨ ନା ଦାଇଡ୍ କିଦେଙ୍କ ନାଙ୍କିଁ ଦୟା କିତିମାନିଙ୍କ ମା ପ୍ରବୁ ଜିସୁ କ୍ରିସ୍ତଙ୍କ ଦନ୍ୟବାଦ୍ ସିଜିନା । ପୁର୍ବେ ନାନୁ ଖାନିଙ୍କ ନିନ୍ଦା କିତିମାରଆ, ଖାନିଙ୍କ କାସୁ ନି ଅପମାନୁ ସିଜିମାର୍ହା । ମାରିବା ଖାନୁ ନାଙ୍କିଁ ବିସ୍ବାସ୍ ବୁଦି କିଜି ଖାନି ସେବା ଉଣ୍ଡିଙ୍କ ଆସକିତାମାନାନୁ ।

୧୩ *ମାରିବା ନାନୁ ପୁର୍ବେ ନିନ୍ଦା, କାସୁସିନିକା ମାରି ଲୋକାଙ୍କ ସାୟାମାରଗାଡାକନିକାନୁ ମାର୍ହା; ମାତର୍ ନାନୁ ବିସ୍ବାସ୍ କିଜି ଉଣ୍ଡିଙ୍କ ନେସ୍ଏଣ୍ଟା ଆକା ଓଜୁ କିତାମାର୍ହା, କେମା କିଜି ମାପୁରୁ ନା ଉଣ୍ଡିଙ୍କ ସାକା ଆତାମାନାନୁ ।

୧୪ ମାରି, ମା ପ୍ରବୁ ଜିସୁ ମାରି ଦୟା କ୍ରିସ୍ତ ଜିସୁଦି ଖାଲେ ମିସାଜି ବିସ୍ବାସ୍ ମାରି ଜିବନ୍ନୋନିକା ଆୟାଖାଜା ନା ଉଣ୍ଡିଙ୍କ ଅଦିକ୍ ନାଶୁ ଆତାଡ୍ ।

୧୫ ପାପି ଲୋକାଙ୍କ ରକିୟା କିନି ଉଣ୍ଡିଙ୍କ କ୍ରିସ୍ତ ଜିସୁ ଜଗଡ୍ତୁ ଖାତାନୁ, ଇକା ଉନ୍ତୁ ପୁରା ସତ୍ ଇୟା ବାକ୍ୟ ବିସ୍ବାସ୍ ମାରି ଓଜେରେ ମାନାନାର୍; ଆୟା ପାପି ଲୋକା ଲୋଇରାନୁ ନାନୁ ଓଜେରିମାଣୁକୁ ପେରିକାନୁ ।

୧୬ ମାତର୍ ନା ଖାଜା ଉନ୍ତୁ ପାପି ଉଣ୍ଡିଙ୍କ ବା ମାପୁରୁଦି ଦୟା ମାରି କ୍ରିସ୍ତ ଜିସୁଦି ସାକା ନାଙ୍କିଁ ଉନ୍ତୁ କାତା କିଜି ଇଟ୍ତାମାନାଡ୍ ଆଇକାର୍ ଏଣ୍ଡେସ୍ ଜିସୁଦିମାନୁ ବିସ୍ବାସ୍ ତିଆର୍ କିଜି ଏସକାଙ୍କଓଜିଜି ଜିବନ୍ ପୟନାନୁ ।

୧୭ ଓଜୁ ଦୁନିଆଦି ତରାଇ, ଓଜିଜି, ଓଜୁଦିନ୍ତି ରାଜା ଅରେନ୍ ମାପୁରୁ ଜେ, ଖାନି ସମ୍ପ୍ରମା ଗୌରବ୍ ଜୁଗ୍ ଜୁଗ୍ ଆପିଡ୍ ! ଆମେନ୍ ।

୧୮ ଏ କଡ୍ ତିମତି, ମି ବିସୟତାନୁ ଆଗଡ୍ତି ରାସ୍ତିମାନି ଓଜୁ ବାବବାଣି ଇସାବ୍ତାନୁ ନାନୁ ନିଙ୍କିଁ ଇୟା ମାଟା ଖେରସିନା, ଏଣ୍ଡେସ୍ ନିନ୍ଦୁ ଆୟାଓଜୁ ବାବବାଣି ସାହାଜ୍ୟଦାନୁ ନେଗେନ୍ତାନୁ ଜୁଦ୍ କିଦେଙ୍କ ଆଟ୍ନିଦେର୍;

୧୯ ବିସ୍ବାସ୍ ମାରି ନେଗି ବୁଦି ଆସ୍ସୋ ଇଡିଆ; ଆକା ଡିସ୍ତାରଆକା ଏସଲୋକାଙ୍କ ଦାର୍ମି ବିସ୍ବାସ୍ ରୁଙ୍କିଁତା ସର୍ହାଡ୍ ।

୨୦ ଖାରି ମାଣକୁ ହୁମନାୟ ମାରି ଆଲେକ୍ଜାଣ୍ଡର୍ ଆଇକାର୍; ଇୟାକାର୍ ଏଣ୍ଡେସ୍ ସାସନ୍ ପୟଆୟ ମାପୁରୁଙ୍କ ନିନ୍ଦା କିଏର୍, ଇୟାଊଣ୍ଡିଙ୍କ ନାନୁ ଖେରିଙ୍କ୍ ସୟତାନୁ କିୟୁଦୁ ସର୍ପେ କିତା ।

୨

ମଣୁଲିଦି ଉପାସନା ନିୟମ୍

୧ ନାନୁ ପାର୍ତୁମ୍ ଅନୁରୋଦ କିଜିନା, ପାର୍ତନା କିନିଖାଲେ, ଓଜେରେ ଉଣ୍ଡିଙ୍କ ମାପୁରୁମାନୁ ପାର୍ତନା କିଦୁ, ମାଡିସକିଦୁ ମାରି ଦନ୍ୟବାଦ୍ ସିଦୁ ।

୨ ଇୟାଖାଜା ଆଇ ସାସନ୍କିନିଖାରିଙ୍କ୍ ମାରି ରାଜାରିଙ୍କ୍ ପାର୍ତନା କିଦୁ, ଏଣ୍ଡେସ୍ ମାପୁରୁଦି ବକ୍ତିଦାନୁ ସାକ୍ତିଦାନୁ ତେବାନିକା ମାରି ଆଇଖାରି ଉଣ୍ଡିଙ୍କ ନେଗେନ୍ତାନୁ ଖେଡିକାଦାନୁ ଜିନିକା

୩ ଇୟାନାନି ପାର୍ତନା ରକିୟା କିନି ମାପୁରୁ ଆଗଡ୍ତି ଟିକ୍ ନି ଜଗ୍ ।

୪ ଓଜେରେ ଏଣ୍ଡେସ୍ ରକିୟା ମାରି ସତ୍ ବିସୟତାନୁ ଜ୍ଞାନୁ ପୟନାର୍, ଖାନୁ ଇକା ବଦା କିନାନୁ ।

୫ ଇରିଙ୍କ୍ ଅରେନ୍ମାତର୍ ମାପୁରୁ ମାନାନୁ, ମାରି ମାପୁରୁ ମାରି ଲୋକା ଲଇ ଅରେନ୍ମାତର୍ ନାଡ୍ମି ମାନାନୁ, ଖାନୁ କ୍ରିସ୍ତ ଜିସୁ, ଅରେନ୍ ଲୋକ;

୬ ଖାନୁ ଓଜେରିଙ୍କ୍ ମୁକୁଡାକିନି ଉଣ୍ଡିଙ୍କ ନିଜେଦିଙ୍କ୍ ଦାନୁ ସିଜି ଇବେଣାନୁ ଟିକ୍ ଖେଡାଦୁ ପାର୍ମାଣ୍ ଆତାମାନାଡ୍ ଜେ, ମାପୁରୁ ଓଜୁ ଲୋକାଙ୍କ୍ ସାକ୍ୟ ସିଦେଙ୍କ୍ ଇଛା କିନାନୁ ।

୭ *ଆୟା ସତ୍ ମାରି ବିସ୍ବାସ୍ତି କାରୁର୍ ଅଣଜିହୁଦିରି ଲାକ୍ତୁ ଖେରତେଙ୍କ୍ ନାନୁ ଅରେନ୍ ସିସୁ ମାରି ଗୁରୁ ଖାଜା ଖାତା ମାନା । ନାନୁ ମିର୍ ଖେରଏ, ଆମାକା ଖେରସିନା, ଆକା ଓଜୁ ପୁରା ସତ୍ ।

୮ ପାର୍ତନାଦୁ ମାପୁରୁଦି ଦାର୍ମି ଲୋକକୁ କିୟୁ ମୁସ୍କୁ ପେରଜି ରିସା ନି ସୁରିଖାର୍ଗିଏନ୍ଶା ପାର୍ତନା କିପିର୍ ।

୯ *ଆଇମେକାଙ୍କ୍ ୍ ନା ଅନୁରଦ୍, ଖାକୁ ଜାତୁନ୍ ଆପିଓ । ନାଶୁଦାରାଦି ଖାଡିଗନ୍ଦା ଆରାନିକା, କୁକୁଟି ରଙ୍ଗ ଉସାଏନଶା ମାରି ବାଙ୍କିଁରାମ୍ତାନୁ ନିଜେଦିଙ୍କ୍ ତିଆର୍ଆଏଣ୍ଟା,

୧୦ ଆଇମେକ୍ ସତ୍ ପାଣିଦାନୁ ନିଜେଦି ଦାର୍ମିବିସୟତି ତରିଓ ।

୧୧ ଆଇମେକ୍ ତିରଆଜ ନେଗେନ୍ତାନୁ ସିକିୟା ମାନାନିକା ମାନାଡ୍ ।

* ୧:୧୩ ପ୍ରେରିତ ୮:୩; ୯:୪,୫. * ୨:୭ ୨ ଡିମ୍ବି ୧:୧୧. * ୨:୯ ୧ ପିତର ୩:୩.

୧୨ ଉପଦେସ ସିନିକା ମାରି ଲୋକାଦି ମୁସକୁ ସାସନ୍ କିନି ଉଣ୍ଡିଙ୍ଗ ଅଦିକାର ନାନ୍ ଆଇମେକାଙ୍ଗ୍ ୍ସିଏ । ଖାକୁ ତିରୁଆଜ ମାନିଓି ।

୧୩ ଇରିଙ୍ଗ୍ ଆଦମ୍ ପୁର୍ବେ ତିଆର ଆତାମାହାନ; ତାନେଞ୍ଜେନକା ହବାଦି ତିଆର କିତାନ୍,

୧୪ ମାରି ଆଗ୍ଡି ଆଦମ ଲାଲାୟ୍ ଆଇତିମାରିଙ୍ଗ୍, ଆଇମାନ୍ ଲାଲାୟ୍ ଆଜି ପାପ୍ କିଜି ମାପୁରୁଦି ମାଟା ମାନାଏତାଡ୍ ।

୧୫ ମାତରୁ ଖାକୁ ନେଗି ବୁଦିଦାନ୍ ବିସ୍ବାସ, ଜିବନ୍ନୋନିକା ମାରି ପବିତ୍ରଦାନ୍ ତିରୁ ତେବାତିଙ୍ଗ୍, ଖାଦ୍ କଡ୍ ଜନମ୍ କିନି ମାଣୁକୁ ରକିୟା ପୟନାଡ୍ ।

୩

ମଣ୍ଡୁଲିଦୁ ଦାଇଡ୍

୧ ଇୟା ମାଟା ସଡ୍, ପାରତନା କିନି ମଣ୍ଡୁଲିଦୁ ନେତା ଆନି ଉଣ୍ଡିଙ୍ଗ୍ ଆମା ଲୋକ୍ ବଦା କିନାନ୍, ଖାନ୍ ସଡ୍ ଉଣ୍ଡି ନେଗି ପାଣି କିଦେଙ୍ଗ୍ ବଦା କିନାନ୍ ।

୨ *ମାତରୁ ମଣ୍ଡୁଲିଦିଙ୍ଗ୍ ସୁଡ୍ ନିକାନ୍ ଇନିଦୋସସିଲି ଲୋକୁ ଆନିକାମାନାଡ୍, ଅରେଡ୍ ଆଇମାଦି କନ୍ଲି, ମିଡ୍ ଇନ୍ଇକା, ନେଗିବୁଦି ମାରି ସେବାକିନିକା ଆନି ଦରକାର୍ । ଖାନ୍ କୁଡାଆଙ୍ଗ୍ ସନ୍ମାନକିନିକା ଆନିମାନିକା ମାରି ସିକିୟାଦାନ୍ କିଦେଙ୍ଗ୍ ଖାନ୍ ବପୁ ମାନିକାମାନାଡ୍ ।

୩ ଖାନ୍ କାଡ୍ ଭୁଣିକାନ୍ ନି ରିସାଦି ଲୋକ୍ ଆଇକା ମାନାଡ୍, ତିରୁ ମାରି ସାନ୍ତିଦି ଲୋକ୍ ଆନିକା ମାନାଡ୍ । ଖାନ୍ ଦନ୍ତିଙ୍ଗ୍ ଆସାଇକା ମାନାଡ୍ ।

୪ ନିଜେଦି ଇଲୁପରିବାର୍ଡିଙ୍ଗ୍ ଖାନ୍ ନେଗେନ୍ତାନ୍ ସାଲାକିଦେଙ୍ଗ୍ ଆଟ୍ ସିମାନାନ୍ ମାରି ଖାନ୍ ଖାନ୍ ସନ୍ମାନ ସିଜି ଖାନ୍ ରାଜି ଆନି ଉଣ୍ଡିଙ୍ଗ୍ ଖାନ୍ କଡ୍ ସିକିୟା ସିନାନ୍ ।

୫ ଆମା ଲୋକ୍ ନିଜେଦି ଇଲୁପରିବାର୍ଡିଙ୍ଗ୍ ସାଲାକିଦେଙ୍ଗ୍ ଆଟ୍ ଏନ୍, ଖାନ୍ ମାପୁରୁଦି ଉପାସକ୍ ମଣ୍ଡୁଲିଦିଙ୍ଗ୍ ଜାତୁନ୍ ଅନାନ୍ ଏଣ୍ଡେସ୍ ?

୬ ଖାନ୍ ବିସ୍ବାସତୁ ପୁରା ତେବାନିକା ମାନାଡ୍; ଆଇତିଙ୍ଗ୍ ସୟତାନ୍ ଖାଜା ଗର୍ବ କିଜି ଦଣ୍ଡୁ ପୟନି ମାଟା ମାନାଡ୍ ।

୭ ମଣ୍ଡୁଲି ଆତେତେ ଲୋକାମାନୁବା ଖାନ୍ ଅରେନ୍ ସନ୍ମାନ ପଇନି ଲୋକ୍ ଆନିକା ମାନାଡ୍, ଉସାସତାନ୍ ସୟତାନ୍ତି ଉରିଦୁ ଆରଜି ଖାନ୍ ଏଣ୍ଡେସ୍ ଅପମାନ୍ ଆନାନ୍ ।

ମଣ୍ଡୁଲିଦୁ ସାହାଜ୍ୟକିନିକାନ୍

୮ ମଣ୍ଡୁଲିଦି ସେବାକିନିକାର୍ ବା ନେଗିଗୁଣ୍ଡୁ ମାରି ନେଗିପାଣିକିଦେଙ୍ଗ୍ ଆନି ଦରକାର୍ । ଖାନ୍ କାଡ୍ ଭୁଣିକାର୍ ନି ଦନ୍ତିଙ୍ଗ୍ ଆସାନିକାର୍ ଆଏର୍ ମାନାର୍ ।

୯ ମା ଦାମ୍ ବିସ୍ବାସତି ଖେର୍ଆୟ୍ ଆତିମାନି ମାଟେଙ୍ଗ୍ ଖିଜୁ ଖାନ୍ ନେଗି ବୁଦିଦାନ୍ ତାଟ୍ ତାନ୍ ବିସ୍ବାସ କିଜିମାନାର୍ ।

୧୦ ମଣ୍ଡୁଲିଦି ପାଣି କିଦେଙ୍ଗ୍ ଅଦିକାର୍ ପୟନି ଆଗ୍ଡିନେ ଖାରିଙ୍ଗ୍ ବା ପରିକା କିପିର୍ । ଇୟା ପରିକାତୁ ନିୟା ସିଲିକାନ୍ ଇଜି ତରିତିଙ୍ଗ୍ ନେ ଖାନ୍ ସେବା ପାଣିକିଦେଙ୍ଗ୍ ଅଦିକାର୍ ପୟନାର୍ ।

୧୧ ଖାରି ଆଡ୍ ସିକ୍ ବା ନେଗିଗୁଣ୍ଡୁ ଆନେମାନେ ମାରି ଆଇ ଲୋକା ସୁରି ମାଟା ଖେର୍ଇକା ମାନାଡ୍ । ଖାକୁ ମିଡ୍ ଖେର୍ନିକା ମାରି ଖିଜୁ ବିସୟତୁ ବିସ୍ବାସ ଆନିକା ଦରକାର୍ ।

୧୨ ସେବାକିନିକାର୍ ଅରେଡ୍ ଆଇମାଦି କନ୍ଲି ଆପିନ୍, ମାରି ନିଜେଦି ଇଲୁପରିବାର୍ଡିଙ୍ଗ୍ ମାରି କଡ୍ ରିଙ୍ଗ୍ ନେଗେନ୍ତାନ୍ ସାଲାକିଦେଙ୍ଗ୍ ଆଟ୍ ସିନିକା ମାନାନ୍ ।

୧୩ ସେବାକିନି ଇସାସତାନ୍ ଆମାକାର୍ ନେଗିପାଣି ତରନାର୍, ଖାନ୍ ମଣ୍ଡୁଲିଦୁ ସନ୍ମାନ କିନାର୍ ମାରି କ୍ରିସ୍ତ ଜିସୁଦି ବିସ୍ବାସ ବିସୟତାନ୍ ତିଲାଏଗ୍ଗା ନିଜେଦି ମାଟା ଖେର୍ତେଙ୍ଗ୍ ଆଟ୍ ନାର୍ ।

ବିସ୍ବାସତି ସଡ୍ ବିସୟ୍

୧୪ ଇୟା ଆକୁ ରାସନି ଖାଲେ, ଦାପ୍ରେ ମିଙ୍ଗ୍ ସୁଡ୍ ଖାନ୍ ଉଣ୍ଡିଙ୍ଗ୍ ନାନ୍ ଆସା କିଜିନା,

୧୫ ମାତରୁ ଜଦି ନାନ୍ ଖାନିକା ଖେଡା ଆନାଡ୍, ଜିବନ୍ମାନି ମାପୁରୁଦି ଇଲୁଖାଜା ଇୟା ପାରତନାକିନି ମଣ୍ଡୁଲିଦୁ ମାଙ୍ଗ୍ ଏଣ୍ଡେସ୍ ଜିଦେଙ୍ଗ୍ ଆନାଡ୍, ଇୟା ଆକୁ ଦାନ୍ ଆକା ମିର୍ ନେସ୍ତେଙ୍ଗ୍ ଆଟ୍ ନିଦେର୍ । ଇୟା ମାପୁରୁଦି ମଣ୍ଡୁଲି ନେ ଖିଜୁଦିନ୍ତି ସଡ୍ତି ମୁଣ୍ଡା ନି କୁନାଦି ରାସତିକା ।

୧୬ ମା ଦାମ୍ ବିସ୍ବାସତି ଇୟା ପେରିବିସୟ୍ ଏନ୍ ମାନାଦେଙ୍ଗ୍ ଆଟ୍ ଏନ୍ :

କ୍ରିସ୍ତ ଲୋକା ମେନ୍ଲ ଆସସି ରେତାତାନ୍,
ମୁସକୁପୁର୍ତି ଦୁଡ୍ କୁ ମାଣୁକୁ ତରାୟ୍ ଆତାନ୍,
ଆମାଦୁ ଦାମ୍ କ ଇଜି ପାରମାଣ୍ କିଆୟାଆତାନ୍,
ଖିଜୁଜାତିଦି ଲଇ ଖାନି ନେଗିକାବୁର୍ ପ୍ରଗାର୍ ଆତାଡ୍,

* ୩:୨ ତିତସ ୧:୬-୯.

ସାରାଦୁନିଆଦି ଓଜୁତରିନ୍ ଖାନ୍ ବିସ୍ବାସ୍ ଆଜି
ଗୌରବତାନ୍ ମୁସକୁପୁରତୁ ମୁସକୁ ସର୍ହାନ୍ ।

୪

ମିର୍ ଗୁରୁର

୧ ପବିତ୍ରଆମ୍ ପୁରାନେସନି ଖାଜା ଖେରସିନାତ୍ ଜେ, ଦୁବାଆମ୍ଦି ତାଗ୍ଲ ସିକିୟାଦୁ ଆର୍ଜି ଅର୍ଲେନ୍ ଏନ୍ ଏନ୍ କ୍ରିସ୍ତ ବିସ୍ବାସ୍ତାନ୍ ଇନିଙ୍ଗାଁ ଆନିଙ୍ଗାଁ ଆନାର୍ ।

୨ ଇକାର୍ ଏସ ଟକ୍ ନି ମିର୍ଖେରନିକାର୍, ଖାରି ବୁଦି ଖେତାଦୋ ନିରୁ ଆତାମାନାତ୍ ।

୩ ପେଡ଼ି କିନିକା ମାରି ଇନି ଇନି କାଦିଙ୍ଗ୍ ଉଣିକା ନେଗେନ୍ସିଲେଡ଼ ଇଜି ଖାର୍ ଖେରସିନାର୍ । ମାତର୍ ଆମା କ୍ରିସ୍ତବିସ୍ବାସ୍ସିର୍ ସତ୍ ତିଆର୍ କିତାମାନାନ୍, ଖାର୍ ମାପୁରୁ ତିଆର୍ କିତିମାନିକା ଉଣି କାଦି ଉଣିଙ୍ଗ୍ ଖାନିଙ୍ଗ୍ ଦନ୍ୟବାଦ୍ ସିଜି ଆକା ଖେଡ଼ିକା ମୋନତାନ୍ ଉନ୍ଶେ ଆଟ୍ନାର୍ ।

୪ ମାପୁରୁ ଆମାକା ତିଆର୍ କିତାମାନାନ୍, ଆୟାଓଜୁ ନେଗିକା, ଆବେଶୁକୁ ଆମାକାବା ଅଲଗା ଆଦେଙ୍ଗ୍ ଆଟ୍ଏଡ଼ । ଖାନିଙ୍ଗ୍ ଦନ୍ୟବାଦ୍ ସିଜି ଖାନି ଓଜୁ ଦାନ୍ତିଙ୍ଗ୍ ଖେଡ଼ିକାଦାନ୍ ମାନାନିକା ମାନାତ୍ ।

୫ ଇରିଙ୍ଗ୍ ମାପୁରୁଦି ବାକ୍ୟ ମାରି ପାର୍ତାନାଦାନ୍ ଓଜୁ ବିସୟ୍ ପବିତ୍ର ଆନାତ୍ ।

କ୍ରିସ୍ତ ଜିସୁଦି ନେଗି ସେବାକିନିକାନ୍

୬ ତିମତି, ଇୟାଓଜୁ ବିସୟ୍ ନିନ୍ ତଡ଼ାନ୍ ନି ତାଙ୍ଗ୍ କାଙ୍ଗ୍ ସିକିୟା ସିତିଙ୍ଗ୍ କ୍ରିସ୍ତ ଜିସୁଦି ଅରେନ୍ ନେଗି ସେବା କିନିକାନ୍ ଆନି, ମାରି ନିନ୍ ଆମା ବିସ୍ବାସ୍ ମାରି ନେଗି ବୁଦିଦୁ ବୁଲାଇନି, ଆୟା ବିସୟ୍ତି ବାକ୍ୟଦାନ୍ ସାକ୍ତି ଆନି;

୭ ମାପୁରୁଙ୍ଗ୍ ଅପମାନ୍ କିଜି ଖାର୍ଲ ମାଟେଙ୍ଗ୍ ଡିସ୍ସି, ମି ଦାମ୍ ଜିବନ୍ତିଙ୍ଗ୍ ବପୁ କିଦେଙ୍ଗ୍ ଅବ୍ୟାସ୍ କିଦୁ ।

୮ ଇରିଙ୍ଗ୍ ମେନ୍ଲତି ବ୍ୟାୟାମ୍ତି ଦରକାର୍ ମାନାତ୍ । ମାତର୍ ଆମିକ ପୁରା କିଦେଙ୍ଗ୍ ଓଜୁଦାନ୍ ନେଗେନ୍ ଆନାତ୍, ଇରିଙ୍ଗ୍ ଇୟାମାଣାନ୍ ଲୋକୁ ରୁଣ୍ଡି ବିସୟ୍ତାନ୍ ଇୟାଜୁଗ୍ତିଲୋକ୍ ମାରି ସାତି ଲୋକ୍ ଜିବନ୍ଆଜି ତେବାନାନ୍ ଇଜି ବିସ୍ବାସ୍ ପୟ୍ତାମାନା ।

୯ ଇକା ପୁରା ସତ୍ ମାରି ଓଜେରେ ଇକା ତରିସ୍ କିଜି ପୁରା ଜିବନ୍ତାନ୍ ବିସ୍ବାସ୍ କିନିକା ମାନାତ୍ ।

୧୦ ଆମା ରକିୟାକର୍ତ୍ତାମାନୁ ବିସ୍ବାସ୍ କିତିଙ୍ଗ୍ ଓଜେରେ ରକିୟା ପୟ୍ଦେଙ୍ଗ୍ ଆଟ୍ନାର୍, ଆୟା ଜିବନ୍ ମାପୁରୁମାନୁ ଆସା ଇଡ଼ଜି ମାଡ଼ ନିସା କାସୁ ବିସ୍ବାସ୍ କିଜି ଇୟା ପାଣି କିଜି ସୋଲ୍ସିନାପ୍ ।

୧୧ ମିର୍ ଇୟାଓଜୁ ବିସୟ୍ ମାଟା ସିଜି ଖାରିଙ୍ଗ୍ ସିକିୟା ସିଦୁ ।

୧୨ ନି ନିଜେଦି ଖାର୍ଗିନିକା, ବ୍ୟବହାର୍, ଜିବନ୍ନୋନିକା, ବିସ୍ବାସ୍ ମାରି ପବିତ୍ରଦୁ ନେଗେନ୍ତାନ୍ ସେବା ତରତେଙ୍ଗ୍ ଆଟ୍ତିଙ୍ଗ୍, ଉଣା ବୟ୍ସ୍ ଆତିମାରିଙ୍ଗ୍ବା ମିଙ୍ଗ୍ ଏନ୍ ସେମାର୍ କିଦେଙ୍ଗ୍ ଆଟ୍ଏନ୍ ।

୧୩ ନାନ୍ ନି ଲାକ୍ତୁ ଖାନି ସାଦି ନିନ୍ ଦାମ୍ସାସ୍ତ ପଡ଼ାନିକା, ଉପଦେସ୍, ସିକିୟାସିନି ପାଣି କିଜିମାନ୍ଆ ।

୧୪ ମଣ୍ଡୁଲିଦି ନେତାର୍ ମିଙ୍ଗ୍ ମାପୁରୁଦି ବାକ୍ୟ ଖେରସି ମି ମୁସକୁ କିୟୁଇଡ଼ନି ଖାଲେ ମିର୍ ଆମା ଅନୁଗ୍ରହଦି ଦାନ୍ ପୟ୍ତିମାନି, ତାନିଙ୍ଗ୍ ଖେଡ଼ା କିମାଟ୍ ।

୧୫ ନାନ୍ ରାସ୍ତିମାନିକା ଓଜୁ ପାଣି ଜିବନ୍ତି ଖାଲେ ମାନାଦେଙ୍ଗ୍ ଅବ୍ୟାସ୍ କିଦୁ ଖେନ୍କା ମି ପାଣିକିତି ଖେନ୍କା ଓଜେରି ଉଣିଙ୍ଗ୍ ଜାଗାର୍ତା ମାନ୍ତୁ ।

୧୬ ନିଜେଦି ବିସୟ୍ତାନ୍ ମାରି ନିଜେଦି ସିକିୟା ବିସୟ୍ତାନ୍ ଜାଗାର୍ତା ମାନ୍ତୁ, ଇୟାଓଜୁ ବିସୟ୍ତାନ୍ ଲାଗେଆଜି ମାନ୍ତୁ, ମାତର୍ ଆକା କିତିଙ୍ଗ୍ ମିର୍ ନିଜେ ପରିତ୍ରାଣ ପୋଇନିଦେର୍ ମାରି ମିର୍ ଆଇଖାରିଙ୍ଗ୍ ରକିୟା ବା ପୁରା କିନିଦେର୍ ।

୫

ବିସ୍ବାସ୍ରି ଉଣିଙ୍ଗ୍ ପାଣି

୧ ତକ୍ରାଦାଦାରିଙ୍ଗ୍ ବୁବାଖାଜା ଅଡ଼ବିଦୁ, ମାତର୍ ଖାରିଙ୍ଗ୍ ଲାଗାଏଶ୍ଗା ନେଗେନ୍ତାନ୍ ମାନାଦୁ । ମୁରୁଲିଆଙ୍ଗାଁ ଉଣିଙ୍ଗ୍ ତଡ଼ାନ୍ ଖାଜା ବ୍ୟବହାର୍ କିଦୁ ।

୨ ତକ୍ରିବିବିକାଙ୍ଗ୍ ଯାୟାଖାଜା ମାରି ଆଇଲିକଡ଼କାଙ୍ଗ୍ ତାଙ୍ଗ୍ କି ଖାଜା ଅଡ଼ବିଜ ଖାନିକା ଉଣିଙ୍ଗ୍ ପବିତ୍ର ଖାଜା ମିର୍ ବ୍ୟବହାର୍ କିଦୁ ।

୩ ଅରେଡ଼ନେ ଆଜି କାକୁତ୍ ଦାନ୍ ସାଲାଜିମାନି ରାଣ୍ଡିଆଇମେକାଙ୍ଗ୍ ଜାତୁନ୍ ଅଡୁ ।

୪ ମାତର୍ ଏସକାଙ୍ଗ୍ ଆମା ରାଣ୍ଡିଆଇମାଦି କଡ଼ ନି ଆଇଲିକଡ଼ ମାରିଙ୍ଗ୍, ଆର୍ଡିଙ୍ଗ୍ ଖାର୍ ଆଗ୍ଡିନେ ନିଜେଦି ଇଲୁପରିବାର୍ ଉଣିଙ୍ଗ୍ ଜିବନ୍ନୋନିକା ତରତେଙ୍ଗ୍ ମାରି ଯାୟାବୁବା ଉଣିଙ୍ଗ୍ ଜିବନ୍ନୋନିକା ସିକିୟା କିଦୁ; ଇରିଙ୍ଗ୍ ଇକା ମାପୁରୁଦି କାଶ୍କାଙ୍ଗ୍ ନେଗିକା ଆନାତ୍ ।

୫ ଆମା ରାଣ୍ଡିଆଇମା ସତ୍ତାନ୍ ଅରେଦେ ମାରି ସିଲିସାତିକାଡ଼, ଖାଦ୍ ମାପୁରୁ ଆସା ଇଡ଼ଜି ଖେଡ଼େନାଡ଼ା ମାଡ଼ିସକିଜି ମାରି ପାର୍ତାନାଦାନ୍ ତେବାପିଡ଼ ।

୬ ମାତର୍ ଏଦ୍ ରାଣ୍ଡି ଆଡ଼ିଙ୍ଗ୍‌ବା ଖେଡ଼ିକାଦାନ୍ ଦିନ୍‌କାଟେକିଜିନାଡ଼, ଖାଦ୍ ଜିବନ୍ ମାରିଙ୍ଗ୍‌ବା ସାତିକାଡ଼ ଇଜି ଅଡ଼ବିଦେଙ୍ଗ୍ ଆନାଡ଼ ।

୭ ରାଣ୍ଡିଆଇମେକାଙ୍ଗ୍ ଇୟା ବିସୟତାନ୍ ଜାଗରାତା କିଦୁ, ଏନ୍ ଏଣ୍ଡେସ୍ ଖାନିକା ବିରୁଦ୍‌ତାନ୍ ଇନି ମାଟା ଖେରତେଙ୍ଗ୍ ସାରି ପୟଏନ୍ ।

୮ ମାତର୍ ଜଦି ଏନ୍ ନିଜେଦି ଲୋକାଙ୍ଗ୍, ନିଜେଦି ଇଲୁପରିବାରତିଙ୍ଗ୍ ଜାତୁନ୍ କିଏନ୍, ଖାନ୍ ଦାମ୍‌ବୁ ବିସ୍‌ବାସତିଙ୍ଗ୍ ମାନାଏଜିନାନ୍ ମାରି ଖାନ୍ ଅବିସ୍‌ବାସିରି ମାଣୁକୁ ନାଣୁ ନିନ୍‌ଆଜିନାନ୍ ।

୯ ଇୟାନାନ୍ ଜଗ୍ ମାନି ରାଣ୍ଡିଆଇମେକାଙ୍ଗ୍ ଉନ୍‌ଡ଼ି ଦାଡ଼ି କିଦୁ ଆମାଖାନିକା ବୟସ୍ ସାଟେ ବାସ୍‌କେତାନ୍ ମୁସକୁ ଆନାଡ଼, ଆଇମେକ୍ ଉନ୍‌ଡ଼େଦେବା ମାତର୍ ପେଡ଼ି ଆନେମାନେ,

୧୦ କଡ଼ରି ନେଗେନ୍ ଜତନ୍ ଅନିକା, କୁଡ଼ାଆଙ୍ଗ୍ ସନ୍‌ମାନ କିନିକା, କ୍ରିସ୍ତାନ୍ ତତାନ୍ ତାଙ୍ଗ୍‌କା ଉଣ୍ଡିଙ୍ଗ୍ ସାଡ଼ିଦାନ୍ ବ୍ୟବ୍‌ହାର କିନିକା, ସିଲିସାତି ଲୋକାଙ୍ଗ୍ ସାହାଜ୍ୟ କିନିକା ଇନି ଇନିକା ଖିଜୁ ସଡ଼ପାଣି ଉଣ୍ଡିଙ୍ଗ୍ ଆମାକାର କୁଟୁମ୍‌ଡ଼ ଖେଙ୍ଗ୍‌ନା ମାନାର୍ ।

୧୧ ମାତର୍ ଉଣା ବୟସ୍‌ତି ରାଣ୍ଡିଆଇମେକାଙ୍ଗ୍ ଇୟା ଦାଡ଼ିଦୁ ଇଡ଼ମାଟ୍; ଇରିଙ୍ଗ୍ ଖାକୁ ମେନ୍‌ଲୁଡ଼ ଲାଲାୟ ଆଜି କ୍ରିସ୍ତୁଦି ମାଣାନ୍ ଖେରଏ ଆଜି ପେଡ଼ି ଆଦେଙ୍ଗ୍ ବଦା କିନେ;

୧୨ ମାରି ଖାକୁ ଖାନିକା ଆଗ୍‌ଡ଼ିରି ପାର୍‌ମାଣ୍ ମାନାଉତେ ଆକା ଦଣୁ ପୟନେ ।

୧୩ ମାରି ବା ଖାକୁ ଇଲୁକୁ ଇଲୁକୁ ବୁଲାଇ ସମୟ ଉପକା କିନେ, ମାତର୍ ନାଣୁ ନାମ୍‌ଲ କାତେଙ୍ଗ୍ ମାରି ଆଇ ଲୋକା ସୁରି ମାଟା ଖେରସି ତାଗ୍‌ଲ ମାଟେଙ୍ଗ୍ ଖିଜୁ ଖେରନେ ।

୧୪ ମାରି, ଉଣା ବୟସ୍‌ତି ରାଣ୍ଡିଆଇମେକ୍ ପେଡ଼ି ଆପିଞ୍ଜି, କଡ଼ ଜନମ୍ କିପିଞ୍ଜି, ଇଲୁ ପାଣି ନେଗେନ୍‌ତାନ୍ ସାଲା କିପିଞ୍ଜି, ନିନ୍‌ଆ କିନି ଉଣ୍ଡିଙ୍ଗ୍ ସାଡ଼ୁଦିଙ୍ଗ୍ ଇନି ସାରି ସିମାକିଞ୍ଜି ।

୧୫ ଇଲେଇବା ଏସଲୋକ୍ ରାଣ୍ଡିଆଇମେକ୍ ସୟତାନ୍‌ତି ଖେନ୍‌କା ଆଜି ସାରିବାଣାତେ ମାନେ ।

୧୬ ଜଦି ଆମା ବିସ୍‌ବାସତି ଆଇମା ଇଲୁଦୁ ରାଣ୍ଡିଆଇମେକ୍ ତେବାନେ, ଆରତିଙ୍ଗ୍ ଖାନିକା ଦୁଃକତି ବୋଜୁ ନିଜେ ପିଣ୍ଡିଞ୍ଜି, ମାରି ଏଣ୍ଡେସ୍ ମଣ୍ଡିଲି ଇୟାଖାନିକା ଉଣ୍ଡିଙ୍ଗ୍ ବେକାର୍ ବୋଜୁ ଆମାକିତି, କାକୁତ୍ ରାଣ୍ଡିଆଇମେକାଙ୍ଗ୍ ଜାତୁନ୍ ଅତେଙ୍ଗ୍ ଆଟ୍‌ନାଡ଼ ।

୧୭ ଆମା ନେତାର୍ ନେଗେନ୍‌ତାନ୍ ଜାତୁନ୍ କିନାର୍, ଆମାକାର୍ କାସୁ ପୟଜି ବାକ୍ୟ ଖେରନାର୍ ମାରି ସିକିୟା ପାଣି କିଜିମାନାର୍, ଖାର ଦୁଇ ଗୁଣୁ ମୁସକୁ କାସୁ କିତିକା ପୟନାର୍ ।

୧୮ *ଇରିଙ୍ଗ୍ ଦାମ୍‌ସାସ୍ତ୍ର ଖେରନାଡ଼ : “ପାସି ଉଣା କିଜିମାନିଖାଲେ କଡ଼ି ଖେୟୁଦୁ ନାସୁ ତର୍‌ମାଟ୍ ।” ମାରି “ପାଣିକିନିକାନ୍ ଟିକତାନ୍ ପାଣିକିତିକା ପୟଦେଙ୍ଗ୍ ଆଟ୍‌ନାନ୍ ।”

୧୯ ରିଏର୍ ବା ମୁଏର୍ ଲୋକ୍ ସାକି ସିଲେଏଣ୍‌ଗା ମଣ୍ଡିଲିଦି ଅରେନ୍ ପେରି ନେତା ବିରୁଦ୍‌ତାନ୍ ଇନି ମାଟା ବିଚାରୁଡ଼ୁ ଅମାଟ୍ ।

୨୦ ଆମାକାର୍ ସତ୍ତାନ୍ ପାପ୍ ପାଣିଦୁ ମାନାର୍, ଆଇଖାରିଙ୍ଗ୍ ଜାଗାର୍‌ତା କିନି ଉଣ୍ଡିଙ୍ଗ୍, ଖାରିଙ୍ଗ୍ ନେସ୍‌ନିଖାଜା ସେତା କିଦୁ ।

୨୧ ମାପୁରୁଦି କ୍ରିସ୍ତ ଜିସୁଦି ମାରି ଆସକିତି ମୁସକୁପୁରତି ଦୁଡ଼କା ଆଗ୍‌ଡ଼ି ନାନ୍ ତାଟ୍‌ତାନ୍ ମାଟା ଖେରସିନା, ମିର୍ ଆଗ୍‌ଡ଼ିରି ଇସାବ୍‌ତାନ୍ ସାଲାଏଣ୍‌ଗା ଇୟାଖିଜୁ ମାନାଦୁ, ମାରି ଏ ବିରୁଦ୍‌ତାନ୍ ମକମ୍ ସୁଡ଼ୁଜି ଇନି ପାଣି କିମାଟ୍ ।

୨୨ ତର୍‌ବର୍ ଆଜି ଏ ମୁସକୁ କିୟୁ ଇଡ଼ଜି ସର୍‌ପେ କିମାଟ୍, ଆଇଖାରି ପାପ୍‌ଡ଼ୁ ନିଜେଦିଙ୍ଗ୍ ମିସା କିମାଟ୍; ମିର୍ ନିଜେଦିଙ୍ଗ୍ ପୁରା ପବିତ୍ର ଇଡ଼ଦୁ ।

୨୩ କେବଲ୍ ଏରୁ ଉଣ୍ଡିଏଣ୍‌ଗା, ମି ଜିରାନିସାକ୍ତି ପିରିସ୍ କିଦେଙ୍ଗ୍ ଉବୁଡ଼ିନେ ମାତର୍ ଅଙ୍ଗୁରସ୍ ଉଣୁଆ, ଇରିଙ୍ଗ୍ ନିନ୍ ଜାରିଦିଙ୍ଗ୍‌ଜାରି ନବ୍ ଆଜିନି ।

୨୪ ଏସଲୋକ୍ ପାପ୍‌ପାଣି ଖିଜୁଲୋକାମାନୁ ଖେଙ୍ଗ୍‌ନାଡ଼, ଖାର୍ ଆୟାଉଣ୍ଡିଙ୍ଗ୍ ଦାପ୍‌ପେନେ ବିଚାରୁଡ଼ୁ ସାମ୍‌ନା ଆଦେଙ୍ଗ୍ ପଡ଼ାନାଡ଼ । ମାରି ଏସଲୋକ୍ ପାପ୍‌କିତିକାର୍ ନାଣୁ ଦିନ୍‌ତାନ୍ ଦରାପଡ଼େ ଆନାର୍ ।

୨୫ ଆୟାଖାଜା ଏସଲୋକ୍‌ଦି ଦାମ୍‌ପାଣି ଉସାସ୍‌ତାନ୍ ଖିଜେରେ ସୁଡ଼ୁନୁର୍, ମାତର୍ ମାରି ଏସଲୋକା ସଡ଼ପାଣି ଆୟାଖାଜା ନେସ୍‌ଇତିଙ୍ଗ୍ ବା, ଖିଜୁଦିନ୍‌ଡ଼ିଙ୍ଗ୍ ମାର୍‌ଗିଜ ମାନ୍‌ଡ଼େଙ୍ଗ୍ ଆଟ୍‌ଏଡ଼ ।



୧ କ୍ରିସ୍ତାନ୍ ବିସ୍‌ବାସିର୍ ପାଣିକିନିକାର୍ ମାଲିକାଙ୍ଗ୍ ନିୟମତାନ୍ ସନ୍‌ମାନ ସିପିର୍ । ଆରତିଙ୍ଗ୍, ମାପୁରୁଦି ବିରୁଦ୍‌ତାନ୍ ମାରି ମା ସିକିୟା ବିସୟତାନ୍ ଏନ୍ ଇନି ନିନ୍‌ଆ କିଦେଙ୍ଗ୍ ଆଟ୍‌ଏନ୍ ।

* ୫:୧୮ ମାଡ଼ିଉ ୧୦:୧୦; ଲୁକ ୧୦:୭.

୨ ମାରି ଆମାଞ୍ଜାରି ମାଲିକକୁ ବା କ୍ରିସ୍ତୁବିସ୍ବାସ୍ବିର, ଖାର ମାଲିକାଙ୍କ ତଡ଼ାନ୍କୁ ନି ତାଙ୍କୁ କି ଇଜି ଅଡ଼ବିଜି ଖାରିଙ୍ଗ ନେଗେନ୍ତାନ୍ ସନ୍ମାନ ସିଦେଙ୍ଗ ଗାଡ଼ିଆ ଆମାକିର୍ ମାରି ନାଣୁ ଜାତୁନ୍ଦାନ୍ ଖାରି ସେବା କିପିର୍, ଇରିଙ୍ଗ ଆମାକାର ସେବାଦାନ୍ ଲାଡ଼ ପୟନାର, ଖାର ବିସ୍ବାସ୍ବିର ମାରି ନାଣୁ ଖେଡ଼ିକା ଲୋକୁ । ଇୟାଞ୍ଜୁ ବିସ୍ବୟ ମିର୍ ସିକିୟା ସିଜି ପ୍ରଚାର କିନିଦେର୍ ।

ବୁଲ୍ ସିକିୟା ମାରି ସଡ଼ତି ଦନ୍

୩ ଆମାକାର ପ୍ରବୁ ଜିସୁ କ୍ରିସ୍ତୁଦି ସିକିୟାଦି ଖାଲେ ଅରଡ଼ ସିଲିକା ମାରି ମା ଦାମ୍ବୁ ସିକିୟାଦି ବିରଦ୍ କିଜିମାନି ଆଇଜାତିଦି ବାକ୍ୟ ପ୍ରଚାର କିନାର,

୪ ଖାର କେବଲ୍ ପଟାଦୁ କେଇନିକା ଡ଼ିସଡ଼ିଙ୍ଗ ମାରି ଇନିକା ସିଲେଏର୍ । ଖାର ସାସ୍ତୁଦି ଅରଡ଼କୁ ଅସି ଆଉଲି କିନାର; ଆବେଶୁକୁ କେବଲ୍ ଆକାର, ନାମଇକା, ସୁରିଖାରଗିନିକା ମାରି ଗଣ୍ଡଗଲ୍ କିନିକା ଆନାଡ଼ ।

୫ ଖାର ବିସ୍ବାରସିଲିକା ଆଜି ବେକାର ଆସାନି ମାଣକୁ ସଡ଼ତି ବିରୁଦ୍ କିନାର । ଦାମ୍ବୁବିସ୍ବାସ୍ବିତଙ୍ଗ କେବଲ୍ ଦନି ଆନିକା ଉଣ୍ଡି ଉପାୟ ଇଜି ଖାର ଅଡ଼ବିନାର ।

୬ ଦର୍ମକିନି ଲୋକୁ ସଡ଼ତାନ୍ ଦନି, ଇରିଙ୍ଗ ଖାନିନ୍ଦି ଏସ ମାନାଡ଼, ନାସ୍ଦାନ୍ନେ ଖାନ୍ ଖେଡ଼ିକା ମାନିନ୍ ।

୭ ଇରିଙ୍ଗ ମାଡ଼ ଇୟା ଦୁନିଆଦୁ ଇନିକା ଆସ୍ବି ଖାଡ଼ିମାନିକା ? ଇନିକା ସିଲେ । ମାରି ଇବେଶୁକୁ ଅରସେ ଇନିକା ଆସ୍ବି ଡ଼େସିସନିକା ? ଇନିକା ସିଲେ ।

୮ ଆରଡ଼ିଙ୍ଗ, ମାଙ୍ଗୁ ଉଣିକା ନି ଆରାନିକା ନିଜେଦିବାଡ଼ି ଆଦେଙ୍ଗଆଡ଼ିତଙ୍ଗ, ଇକା ମା ଉଣ୍ଡିଙ୍ଗ ନାଣୁ ସିଲେ ନୋ ?

୯ ମାଡ଼ ଦନ୍ସଡ଼ିଦିଙ୍ଗ ଆସା ଲୋକଡ଼ିଙ୍ଗ ଗାଦି ପରିକା ମାରି ଉରି ଲଇ ରେନାଅନାଡ଼; ଖାନି ମୋନ୍ତୁ ଗାଦି ତାଗଲ୍ ମାଟେଙ୍ଗ ଆସା କିଜି ଖାନିଙ୍ଗ ଦଂସ୍ ମାରି ସାନି ତରିନ୍ ତରସି ଅନାଡ଼ ।

୧୦ ତାବୁଙ୍ଗୁ ଲୋବ୍ ଞ୍ଜୁ ଞ୍ଜୁନି ମୁଲ୍ । ଆମାକାର ଞ୍ଜୁଦିନ୍ କେବଲ୍ ତାବୁଙ୍ଗୁଣି ଉପାୟ ପୟଜି ମାନାରୁ, ଖାର ଦାମ୍ବୁ ବିସ୍ବାସ୍ବିତଙ୍ଗ ହାରାକିଦେଙ୍ଗ ବାସ୍ନାର ସାରାସାରିଖେନକା କେବଲ୍ ଦୁଃକ୍ବୋଗତାନ୍ ଖାରି ଜିବନ୍ ରୁଙ୍ଗୁନା ମାନାଡ଼ ।

ପାଉଲତି ସାରାସାରି ମାଟା

୧୧ ମାଡ଼ର ଏ ତମତି ମାପୁରୁଦି ଲୋକୁ, ଇୟା ଞ୍ଜୁମାଣାନ୍ ନିନ୍ ଆକ ମାନ୍ଆ । ଦାମ୍ବୁପାଣି, ମାପୁରୁ ଦାମ୍ବୁ ଜିବନ୍ ବିସ୍ବାସ୍ବ, ଜିବନ୍ନୋନିକା, ସାନ୍ତି ମାରି ସାସ୍ ଞ୍ଜୁଦୁ ପୁରାଗୁଣୁତାନ୍ ପୁରାପୁରି ଆଦେଙ୍ଗ ସେସ୍ବୁ କିଦୁ ।

୧୨ ବିସ୍ବାସ୍ବି ନେଗି ଜୁଦ୍ କିଜି ଏସକାଙ୍ଗୁଞ୍ଜୁ ଜିବନ୍ ପୟଦୁ । ଇୟା ପାଣିଦୁ ଇନି ଉଣ୍ଡିଙ୍ଗ ମିର୍ ବାସେଆଡ଼ିମାନି ମାରି ଗାଦିଲୋକା ସାକିଙ୍ଗୁ ଲୋଇ ଇକା ମାନାଡ଼ିମାନି ।

୧୩ ଞ୍ଜୁଜେରି ଜିବନ୍ସିନି ମାପୁରୁଦି ଆଗଡ଼, ମାରି ପନ୍ତୟ ପିଲାଡ଼ଦି ଆଗଡ଼ି ତାଟ୍ ବିସ୍ବାସ୍ବତାନ୍ ସାକିୟ ସିଡ଼ିମାନି ପ୍ରବୁ ଜିସୁ କ୍ରିସ୍ତୁଦି ଦରତାନ୍ ନିଙ୍ଗୁ ଆଦେସ୍ ସିଜି ଖେରସିନା :

୧୪ ପ୍ରବୁ ଜିସୁ କ୍ରିସ୍ତୁଦି ମାରିଡ଼େସିଖାନି ସାନ୍ଦି ନିଙ୍ଗୁ ସିଆୟଆଡ଼ିମାନି ମାଟେଙ୍ଗୁଞ୍ଜୁ ବିସ୍ବାସ୍ବତାନ୍ ମାନାଜି ନେଗେନ୍ ମାରି ନିୟା ଆଏନ୍ଶା ତେବାଦୁ ।

୧୫ ଖାନି ମାରିଡ଼େସିଖାନିକା ନେଗି ସମୟ ଆସ୍ କିନାନ୍ ନିଜେ ମାପୁରୁ ଦନ୍ୟ, ରାଜାରି ରାଜା ମାରି ପ୍ରବୁରି ପ୍ରବୁ, ମାରି ଅରେନ୍ ସାସନ୍ କିନିକାନ୍;

୧୬ ଖାନ୍ କେବଲ୍ ସାଏନ୍; ଲୋକାଦି ନେସଇ ଜାୟ ରାଜିଦୁ ଖାନ୍ ବାସା କିନାନ୍; ଏନ୍ ଖାନିଙ୍ଗ୍ ସୁଡ଼ଏନ୍; ଏନ୍ ଏସକାଙ୍ଗ୍ ସୁଡ଼ୁଦେଙ୍ଗ ଆଟ୍ଏନ୍ । ଖାନି ଗୌରବ୍ ମାରି ରାଜି ଜୁଗ୍ ଜୁଗ୍ ସାନ୍ଦି ମାନିଡ଼ ।

୧୭ ଇୟା ଦୁନିଆଦୁ ବିସ୍ବୟତାନ୍ ଆମାକାର ଦନି, ଖାରିଙ୍ଗ୍ ଆକାର ଆଇଉଣ୍ଡିଙ୍ଗ୍ ଜାଗାରତା କିଦୁ । ଖାରିଙ୍ଗ୍ ଆଦେସ୍ ସିଜି ଖେରଡ଼, ବେକାର ଦନ୍ସଡ଼ି ମୁସ୍କୁ ଆସା ଇଡ଼ମାଟ୍, ଖାର ଞ୍ଜୁଦିନ୍ ମାପୁରୁଦି ମୁସ୍କୁ ଆସା ଇଡ଼ଦୁ । ତାନି ଖେନକା ଜିଦେଙ୍ଗ ଇଜି ମା ଞ୍ଜୁ ଦରକାରଡ଼ି ବିସ୍ବୟ ଖାନ୍ ମାଙ୍ଗୁ ସିନାନ୍ ।

୧୮ ସଡ଼ପାଣିଦୁ ଜାତୁନ୍ ଆଜି ନେଗିଦନ୍ ଉଣ୍ଡା କିଦୁ; ଦାନ୍ସିଜି ନିଜେଦି ପାଣିଦୁ ଆଇଖାରିଙ୍ଗ୍ ମିସା କିଦୁ ।

୧୯ ଆରଡ଼ିଙ୍ଗ ଇୟାଖାଜା କିଡ଼ିଙ୍ଗ୍ ଖାର ଖାନିନିଦିନିଡ଼ି ଉଣ୍ଡିଙ୍ଗ୍ ମୁଲ୍ଦନ୍ ନିଜେ ନିଜେଦି ଉଣ୍ଡିଙ୍ଗ୍ ଉଣ୍ଡା କିନାର ମାରି ସାରାସାରିଖେନକା ଖାର ସଡ଼ତି ଜିବନ୍ ପୟନାର ।

୨୦ ଏ ତମତି, ନି ମୁସ୍କୁ ସିଆୟ ଆଡ଼ିମାନି ଦାଇଡ଼ ବିସ୍ବାସ୍ବତାନ୍ ମାନେଆଆ । ଏନ୍ ଏନ୍ ଦାମ୍ବୁସିଲି ନିର୍ବୁଦି କାବାଦିଙ୍ଗ୍ “ବୁଦି” ଇଜି ଅଡ଼ବିଜି ସଡ଼ତି ଦାମ୍ବୁ ବିସ୍ବାସ୍ବତାନ୍ ଖେରଏ ଆଜିନାର ଇୟା ଞ୍ଜୁମାଣାନ୍ ନିନ୍ ଆକ ମାନ୍ଆ

୨୧ ଏନ୍ ଏନ୍ ଖେଡ଼ା କିଜି ବିସ୍ବାସ୍ବ ବିସ୍ବୟତାନ୍ ସାରିବାଶାତା ମାନାର । ମାପୁରୁ ମି ଞ୍ଜୁଜେରିଙ୍ଗ୍ ଖାନି ଦୟା ସିପିନ୍ ।

☆ ୭:୧୩ ଜୋହନ ୧୮:୩୭.

ତୀମଥୁକ ନିକଟକୁ ପ୍ରେରିତ ପାଉଲକ ଦ୍ୱିତୀୟ ପତ୍ର ତିମତିଦି ଲାକ୍ତୁ ପ୍ରେରିତ ପାଉଲତି ମାରିଉନ୍ତୁ ଆକୁ ଇୟା ଆକୁଦୁ ମାନି ଏସ ବିସୟ

ମାରିଉଣ୍ଡି_ ତିମତି ଆକୁ ପାଉଲତି ମାଣାନୁ ଖାନି ସିସୁ ତିମତିଦି ଲାକ୍ତୁ ରାସ୍ତିମାନି ଆକୁ । ମାରିଉଣ୍ଡି_ ତିମତି ପାଉଲତି ଜିବନ୍ତି ସାରାସାରି ବେଡ଼ାଦୁ ରାସାତିମାନି ଆକୁ ଇକା ।

ଇୟା ବେଡ଼ାଦୁ ଖାନ ରୋମ୍ତି ଜଇଲ୍ତୁ ତେବାତା ମାର୍ହାନ ୧:୧୭ ପାଉଲତି ଖାଲେ ତିମତିଦି ପୁରା ମିସାବିଡ଼ାନିକା ମାର୍ହାତ୍ ମାରି ଝିଜୁଖାଲେ ଖାନିକ୍ ମାରିନ୍ ଖାଜା ରାସ୍ତାନୁ ପିଲିପିୟ ୨:୨୨, ୧ ତିମତି ୧:୨, ୧:୧୮ ଇକା ପାଉଲତି ୪ ନାଲିଗି ବଇକ୍ ମାଣୁକୁ ଉନ୍ତେ, ଆମାମାନୁ କି ମଣ୍ଡଲିଦିକ୍ ଅରେନ୍ ଲୋକ୍ ରାସାନାନ । ଆଇ ୩ ମୁନ୍ତୁ ବଇକ୍ ଝିଜୁ ୧ ତିମତି, ତିତସ, ମାରି ଫିଲିମନ । ମାରିଉନ୍ତୁ ଆକୁ ରାସାନି ବେଡ଼ାଦୁ ରମିୟ ଦେସ୍ତୁ କାସୁ ଆଜିମାର୍ହାତ୍ । ଆନମାନତାନ ଇୟା ପାଣି ମାନିକ୍ ପାଉଲ ଜଇଲ୍ତୁ ମାର୍ହାନ ମାରି ତିମତିଦିକ୍ କାସୁ ସାସ୍ କିଦେକ୍ ଆଦେସ୍ ସିଜିମାର୍ହାନ । ପାର୍ତୁମ୍ ତିମତି ଇସାବତାନ ପାଉଲ ତିମତିଦିକ୍ ମିର୍ ଝେରନି ଗୁରୁରି ବିସୟତାନ ଏସ ଜାଗରାତାଦି ମାଟେକ୍ ସିନାନ । ୧ ତିମତି ୧:୧୭-୧୮ ପାଉଲ ତିମତିଦିକ୍ ଇନାନ ଜେ, ବବିସତ୍ତୁ ନାଣ୍ଡ କାସୁଦି ବେଡ଼ା ମାନାତ୍ ୩:୧ ।

ଇୟା ଆକୁଦୁ ମାନି ଏସ ମୁକ୍ୟ ବିସୟ

- ୧. ପାଉଲ ତିମତିଦିକ୍ ନମସ୍ତାର୍ ଜାଣେକିଜି ମାରି ଖାନିକ୍ ସାହାସ୍ ସିଦୁ । ୧:୧-୧୮
- ୨. ତିମତିଦିକ୍ ସାସ୍ ପାରମାଣ୍ କିଜି ତରନି ଉଣ୍ଡିକ୍ ପାଉଲ ସାହାସ୍ ସିନାନ । ୨:୧-୧୩
- ୩. ଝେନ୍କା ପାଉଲ ଏସ ସମାନତି ମାଟେକ୍ ସିନାନ । ୨:୧୪-୨୬
- ୪. ବବିସତ୍ତୁ ଗର୍ନା ବିସୟତାନ ଜାଗରତା ତେବାନିକା ମାରି ସତ୍ତି ରାସ୍ତା ଆସ୍କିନି ଉଣ୍ଡିକ୍ ଜାଗରାତା କିନାନ । ୩:୧-୪:୮
- ୫. ପାଉଲ ତିମତିଦିକ୍ ଏସ ନିଜେଦି ମାଟା ସିଜି ରାସ୍ନିକା ଝିସ୍ତାନ । ୪:୯-୨୨

୧ ନାନ ପାଉଲ, କ୍ରିସ୍ତ ଜିସୁଦି ଖାଲେ ମିସାତି ମାଣାନୁ ମାପୁରୁଦି ପାରମାଣ୍ଡି ଇସାବତାନ ମାପ୍ ଆମା ଜିବନ୍ ପୟତା ମାନାପ, ଆକା ଝେରତେକ୍ ମାପୁରୁଦି ମାଟା ଇସାବତାନ ନାନ ଅରେନ୍ ସିସୁ ଖାଜା ଖାତାମାନା ।

୨ *ନା ଲାଡ଼ତି ମାରିନ୍ ତିମତିଦି ଲାକ୍ତୁ ନାନ ଇୟା ଆକୁ ରାସ୍ସିନା : ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତ ମିକ୍ ଦୟା, ସାକା ମାରି ସାନ୍ତି ସିପିନ୍ ।

ଦନ୍ୟବାଦ୍ ନି ଝେଡ଼ିକାଦି ମାଟା

୩ ନା ପୁର୍ବେଦିତକରାଦାଦାରି ଖାଜା ନାନ ମାପୁରୁକ୍ ନେଗି ବୁଦିଦାନ ସେବା କିଜି ଖାଜିନା, ଖାନିକ୍ ଦନ୍ୟବାଦ୍ ସିଜିନା । ନା ପାରତନାଦୁ ଝେରସି ଝେଡେନାଡ଼ା ନିକ୍ ଏଡ଼ କିନିଖାଲେ ନାନ ମାପୁରୁକ୍ ଦନ୍ୟବାଦ୍ ସିଜିନା ।

୪ ନି କାଣେରକ୍ ନାକ୍ ଏଡ଼ ମାନାତ୍ ମାରି ନିକ୍ ସୁଡ଼ୁକୁ ସୁକ୍ ଆନି ଉଣ୍ଡିକ୍ ନାନ ବଦା କିଜିନା ।

୫ *ମି ତକ୍ରିବିବି ଲୋୟି ମାରି ଆଇସି ଇଉନିସି ଆମାଖାଜା ବିସ୍ବାସ୍ କିଜିମାର୍ହାତ୍, ମିଦି ବା ଆୟା ଜିବନ୍ତି ବିସ୍ବାସ୍ ମାନାତ୍ । ଇୟା ମାଟା ନାନ ଏଡ଼ କିଜିନା । ମି ଆୟା ବିସ୍ବାସ୍ ମାନାତ୍ ଇଜି ସତ୍ତାନ ନାନ ନେସନା ।

୬ ନାନ ନି ମୁସ୍ତୁ କିୟୁସରପେ କିଡ଼ିଖାଲେ ନିନ୍ ମାପୁରୁମାଣାନୁ ଆମା ଦାନ ପୟତିମାରକ୍, ତାନିକ୍ ଜିବନ୍କିଜି ଇଡ଼ଦେକ୍ ନାନ ନିକ୍ ଏଡ଼ କିବିସ୍କିଜିନା ।

୭ ମାପୁରୁ ମାକ୍ ଆମା ଆମା ଦାନ କିତାମାନାନୁ, ଆକା ମାକ୍ ତାଗ୍ଲଲୋକ୍ କିଏଡ଼, ମାରି ଖାନିମାଣାନୁ ମାପ୍ ସାକ୍ତି, ଜିବନ୍ନୋନିକା ମାରି ଆମାଦାନ ପୁରାବତ୍ ଆପିଡ଼ ।

୮ ଆଦେକ୍ ପ୍ରବୁ ଜିସୁଦି ବିସୟତାନ ସାକ୍ୟୟ ସିଦେକ୍ ସେମାର ଆମାଟ୍; ଖାନି ଉଣ୍ଡିକ୍ ନାନ ଜଇଲ୍ତୁ ନା ଉଣ୍ଡିକ୍ ବା ସେମାର ଆମାଟ୍ । ମାରି ମାପୁରୁ ମିକ୍ ସିତିମାନି ସାକ୍ତି ଇସାବତାନ ମିର୍ କ୍ରିସ୍ତ ଜିସୁଦି ସୁସମାଚାର୍ ଉଣ୍ଡିକ୍ ଦୁଃକକାସୁ ପୟଦେକ୍ ତିଆର୍ ଆଦୁ ।

୯ ମା ନିଜେଦି ସତ୍ପାଣିଦି ପୁରସ୍ତାର୍ ଖାଜା ଖାନ ମାକ୍ କୁକ୍ଏନ୍, କେବଲ୍ ଖାନି ଦୟାଦାନ ଖାନି ଉଦେସ୍ ପୁରା କିଦେକ୍ ମାକ୍ ଖାନି ଲାଡ଼ତିଲୋକ୍ ଆନି ଉଣ୍ଡିକ୍ ରକିୟା କିତାମାନାନୁ ମାରି ଆସ୍କିତାମାନାନୁ । କ୍ରିସ୍ତ ଜିସୁଦି କିତିମାନି ପାଣି ପୁର୍ବେ କାଡ଼ାଦାନ ମାପୁରୁ ମାକ୍ ଇୟା ଦୟା କିଜି ଇଟ୍ତା ମାର୍ହାନ ।

* ୧:୨ ପ୍ରେରିତ ୧୭:୧. * ୧:୫ ପ୍ରେରିତ ୧୭:୧.

୧୦ ମାତର ଇଲେଇ ଇୟା ଦୁନିଆଦୁ ଖାତାନନୋ ରକିୟାକର୍ତ୍ତା କ୍ରିସ୍ତ ଜିସୁ ଇୟାଝିଜୁ ବିସୟ ଝେରତା ମାନାନ୍ । ଖାନ୍ ସାନି ସାକ୍ତିଦିଙ୍ଗ୍ ମାରିଗିସ୍ କିତାମାନାନ୍ ମାରି ଖାନି ସୁସମାଚାରଦାନ୍ ଏସକାଙ୍ଗ୍ଝିଜୁଇ ଜିବନ୍ତି ସାରି ଝେରତା ମାନାନ୍ ।

୧୧ ଇୟା ସୁସମାଚାର ଝେରସି ବୁଜାକିଦେଙ୍ଗ୍ ମାପୁରୁ ନାଙ୍ଗ୍ ଅରେନ୍ ପ୍ରେରିତ୍ ସିସୁ ମାରି ଗୁରୁ ଖାଜା ଆସକିତାମାନାନ୍ ।

୧୨ ଆୟାଉଣ୍ଡିଙ୍ଗ୍ ନାନ୍ ଇୟାଝିଜୁ ଦୁଃକକାସୁ କିଜିନା । ଇରିଙ୍ଗ୍ ନାନ୍ ଆମାଖାନିଙ୍ଗ୍ ବିସ୍ବାସ୍ କିଜିନା, ନାନ୍ ଖାନିଙ୍ଗ୍ ନେଗେନ୍ତାନ୍ ନେସ୍ତାମାନା, ଆକା ସାଲାକିଦେଙ୍ଗ୍ ପେରିବିସାର୍ ଦିନ୍ ସାନ୍ଦି ଖାନ୍ ନାଙ୍ଗ୍ ନେଗେନ୍ତାନ୍ ଇଡ୍ନାନ୍, ଇକା ସତ୍ତାନ୍ ନେସ୍ସି ନାନ୍ ଇୟାସାନ୍ଦି ପୁରାପୁରି ଆସା ଆଜି ତେବାତାମାନା ।

୧୩ ନାନ୍ ମିଙ୍ଗ୍ ସିକିୟା ସିତିମାନିକା ସତ୍ ବିସୟତିଙ୍ଗ୍ ତାଟ୍ତାନ୍ ଆସସୋ ଇଡ୍ଦୁ ମାରି ପ୍ରୁ ଜିସୁ କ୍ରିସ୍ତଦି ଖାଲେ ମିସାଜ ସତ୍ତି ଜିବନ୍ନୋନିକା ମାରି ଦର୍ମ ବିସ୍ବାସ୍ତାନ୍ ତିଲାଏଶ୍ୱା ମାନ୍ତୁ ।

୧୪ ଆମା ପେରି ବିସୟତି ଦାଇତ୍ ମି ମୁସ୍କୁ ସର୍ପେ ଆତାମାନାଡ୍, ମା ଲୋଇ ବାସାଜିମାନି ପବିତ୍ର ଆମ୍ବି ସାକ୍ତିଦାନ୍ ଆୟାଝିଜୁଦିଙ୍ଗ୍ ଜାଗ୍ରାତା କିଜି ଇଡ୍ଦୁ ।

୧୫ ମିର୍ ନେସ୍ନିଦେର୍ ପୁଗେଲ୍ ନି ହର୍ମଗେନା ଝିଜୁ ଆସିଆ ଦେସ୍ତୁ ଝିଜେରେ ନାଙ୍ଗ୍ ତ୍ରିସ୍ତା ସରାମାନାର୍ ।

୧୬ ଅନିସିପରଦି ଇଲୁପରିବାର୍ତିଙ୍ଗ୍ ପ୍ରୁ ଦୟା କିପିନ୍, ମାତର୍ ଖାନ୍ ବାର୍ବାର୍ ଖାଜି ନାଙ୍ଗ୍ ସାନ୍ତି ନି ଝେଡିକା ସିତାମାନାନ୍, ନାନ୍ ଜଇଲ୍ତୁ ଇଜି ଖାନ୍ ସେମାର୍ ଆସନ୍ ।

୧୭ ମାତର ରୋମ୍ ଗାଡ୍ଡୁ ଇତି ଦାପ୍ତେ ଖାନ୍ ନାଙ୍ଗ୍ ପୋଇତାନ୍ନୋ ନା ଲାକ୍ତୁ ଖାତାମାହାନ୍ ।

୧୮ ପେରିବିସାର୍ ଦିନ୍ତୁ ପ୍ରୁ ଖାନି ଉଣ୍ଡିଙ୍ଗ୍ ଦୟା କିପିନ୍, ଏପିସ୍ତୁ ଖାନ୍ ନାଙ୍ଗ୍ ଏସ ସେବା କିତାମାହାନ୍, ମିର୍ ଆୟାଝିଜୁ ମାଟା ନେସ୍ନିଦେର୍ ।

୨

କ୍ରିସ୍ତ ଜିସୁଦି ବିସ୍ବାସ୍ତା ସନ୍ୟ

୧ ନା ଝେଡିକାଦି ମାରିନ୍, କ୍ରିସ୍ତ ଜିସୁଦି ଖାଲେ ମିସାତିଙ୍ଗ୍ ଖାନି ଦୟାଦାନ୍ ଆମା ସାକ୍ତି ପୟ୍ତିଙ୍ଗ୍, ଆବେଟ୍କୁ ମିର୍ ବପୁ ଆଦୁ ।

୨ ମାରି ଗାଦି ଲୋକ୍ ସାକିରି ଆଗ୍ଡି ନାନ୍ ପ୍ରଚାର୍ କିତିମାନି ବାକ୍ୟଝିଜୁ ମିର୍ ଝେରଇମାନିଦେର୍ । ଆଇଝାରିଙ୍ଗ୍ ସିକିୟା ସିନି ଉଣ୍ଡିଙ୍ଗ୍ ସାସ୍ ମାରି ବିସ୍ବାସ୍ତା ଲୋକା ଲାକ୍ତୁ ଆୟାଝିଜୁ ବିସୟ ସର୍ପେ କିଦୁ ।

୩ କ୍ରିସ୍ତ ଜିସୁଦି ଅରେନ୍ ବିସ୍ବାସ୍ତା ସନ୍ୟ ଖାଜା ମିର୍ ଖାନି ଉଣ୍ଡିଙ୍ଗ୍ ଦୁଃକକାସୁ ପୟ୍ଡୁ ।

୪ ଜୁଦ୍ ସାଲାନି ମାନିଖାଲେ ସନ୍ୟ କେବଲ୍ ଖାନି ସେନାପତିଙ୍ଗ୍ ଝେଡିକା କିନି ଉଣ୍ଡିଙ୍ଗ୍ ଦାନ୍ଦାଆନା ମାନାନ୍ । ନାସିଖାଲେ ଖାନ୍ ଇନି ଦୁନିଆଦି ପାଣିଦୁ ମୋନ୍ ସିଏନ୍ ।

୫ ଉରୁକୁନିମାନୁ ମିସାତି ମାନି କାର୍ଜିନିକାନ୍ ଉରୁକୁନିମାନି ନିୟ୍ମତିଙ୍ଗ୍ ମାନାଏତିଙ୍ଗ୍, ଆବେନ୍ ଖାନ୍ କିନିପାଣିଦୁ ପୁରସ୍ପାରି ପୟ୍ଡେଙ୍ଗ୍ ଆଟ୍ଏନ୍ ।

୬ ଆଟ୍ଝା ପାଣି କିତିମାନି ଲୋକ୍ ପାସି ଆତିମାନି ପାସିଦି ଆଗ୍ଡି ବାଗ ପୟ୍ନିକା ମାନାଡ୍ ।

୭ ନାନ୍ ଆମାକା ଝେରସିନା, ମୋନ୍ ସିଜି ସିନ୍ତା କିଦୁ, ଆର୍ତିଙ୍ଗ୍ ଇୟାଝିଜୁ ବିସୟତାନ୍ ଅରଡ୍ ବୁଜାଦେଙ୍ଗ୍ ପ୍ରୁ ମିଙ୍ଗ୍ ସାକ୍ତି ସିନାନ୍ ।

୮ ନାନ୍ ପ୍ରଚାର୍ କିତିମାନି ସୁସମାଚାର ଇସାବ୍ତାନ୍ ଆମା ସାତିମାଣାନ୍ ନିଙ୍ଗ୍ ଜିସୁ କ୍ରିସ୍ତ ଦାଉଦ ରାଜାଦି କୁଟୁମ୍, ଖାନିଙ୍ଗ୍ ଏଡ୍ କିଦୁ ।

୯ ଇୟା ସୁସମାଚାର ପ୍ରଚାର୍ କିତାଆକା ନାନ୍ ତଙ୍ଗ୍ଠାଏନ୍ ଖାଜା ତରଆୟ୍ ଆଜି କାସୁ ବୋଗାଜିନା । ମାତର ମାପୁରୁଦି ବାକ୍ୟଦିଙ୍ଗ୍ ଏନ୍ ଜଇଲ୍ କିଦେଙ୍ଗ୍ ଆଟ୍ଏନ୍ ।

୧୦ ମାପୁରୁଦି ଆସକିତିମାନି ଲୋକ୍ କ୍ରିସ୍ତ ଜିସୁଦି ମାଣୁକୁ ପୟ୍ଡିମାନି ପରିତ୍ରାଣ ମାରି ଏସକାଙ୍ଗ୍ଝିଜୁଇ ଗୌରବ୍ ପୟ୍ଡୁ, ଇୟା ଉଦେସ୍ଦାନ୍ ନାନ୍ ଝିଜୁ କାସୁ ସାସ୍ କିଜିନା ।

୧୧ ଇୟା ମାଟା ଉନ୍ତୁ ପୁରା ସତ୍ :

“ଜଦି ମାଡ୍ ଖାନି ଖାଲେ ସାତିମାନିକା,
ଆର୍ତିଙ୍ଗ୍ ଖାନି ଖାଲେ ଜିବନ୍ଆଜି ବା ଜିନାଟ୍ ।

୧୨ *ଜଦି ମାଡ୍ ସାସ୍ ଆସସି ତେବାନାପ୍,
ଆର୍ତିଙ୍ଗ୍ ଖାନି ଖାଲେ ସାସନ୍ କିନାପ୍ ।

ଜଦି ଖାନିଙ୍ଗ୍ ମାନାଏତିଙ୍ଗ୍,
ଆର୍ତିଙ୍ଗ୍ ଖାନ୍ ବା ମାଙ୍ଗ୍ ମାନାଏନ୍ ।

☆ ୨:୧୨ ମାଡିଉ ୧୦:୩୩; ଲୁକ ୧୨:୯.

୧୩ ଜଦି ୱାନି ଉଣ୍ଡିଙ୍ଗ୍ ମାଡ଼ ଅବିସ୍ବାସ୍ ଆତିଙ୍ଗ୍ବା,
ୱାନ୍ ଝିଜୁଦିନ୍ ବିସ୍ବାସ୍ ତେବାନାନ୍,
ଇରିଙ୍ଗ୍ ୱାନ୍ ନିଜେଦି ବିସ୍ମତାନ୍ ମିଡ଼ ୱେରତେଙ୍ଗ୍ ଆଟ୍ଏନ୍ ।”

ବିସ୍ବାସ୍ତାନ୍ ପାଣିକିନିକାନ୍

୧୪ ମିଡ଼ ଝିଜୁ ବିସ୍ବାସ୍ରିଙ୍ଗ୍ ଇୟାଝିଜୁ ବିସ୍ମତାନ୍ ଏଡ଼ କିବିସ୍ କିଦୁ ମାରି ସାସ୍ତ୍ରଦି ଅରଡ଼ ବିସ୍ମତାନ୍ ଆଉଲି ଆଇ ଉଣ୍ଡିଙ୍ଗ୍ ୱାରିଙ୍ଗ୍ ଜାଗାରତା କିଦୁ । ଇୟାଝାଜା ଆଉଲି ଏଦି ଇନିକା ନେଗିକା କିଏଡ଼ ମାରି ଆମାକାର୍ ଆବେନୁ ୱେନାର୍, ୱାରିନ୍ଦି ନାସ୍ତୁ ଆନାଡ଼ ।

୧୫ ମିଡ଼ ସେମାର୍ ଆଏଣ୍ଗା ବୁଲ୍ସିଲେଏଣ୍ଗା ମାପୁରୁଦି ସଡ଼ବାକ୍ୟ ୱେରଡ଼ୁ; ଆରଡିଙ୍ଗ୍, ଅରେନ୍ ବିସ୍ବାସ୍ତି ଲୋକୁ ୱାଜା ମିଡ଼ ମାପୁରୁଦି ପୁରା ପରିକାଦୁ ଜିଶାନି ବିସ୍ମ ପୟନିଦେର୍ ।

୧୬ ଆମା ଦାମ୍ପୁସିଲି ବୁଦିସିଲି ବାକ୍ୟ ୱେନି ଲୋକଡିଙ୍ଗ୍ ମାପୁରୁମାଣାନ୍ ଅଲଗା କିନାଡ଼, ଆୟା ଝିଜୁମାଣୁକୁ ଆକ ମାନଡ଼ୁ ।

୧୭ ଆମାକାର୍ ଇୟାଝାଜା ବାକ୍ୟ ୱେନାର୍, ୱାରି ସିକିୟା ସାବଡ଼ି ଗାଉ ୱାଜା ତିନ୍ଦିସନାଡ଼ ୱାରି ଲୋଇ ମାନାର୍ ହୁମନାୟ ନି ପିଲିତ ।

୧୮ ୱାଡ଼ ସଡ଼ସାରିଦାନ୍ ୱେରଏ ଆତାମାନାର୍ ମାରି ଇୟା ଜିବନ୍ତୁ ମାରିଡ଼େସି ଜିବନ୍ତୁଆଜି ନିଙ୍ଗ୍ କା ଗଟାତାମାନାଡ଼ ଇଜି ସିକିୟା ସିଜି ଏସଲୋକା ଦାମ୍ପୁ ବିସ୍ବାସ୍ତିଙ୍ଗ୍ ମାର୍ଡା ପୋକ୍ସିନାର୍ ।

୧୯ ମାତର୍ ମାପୁରୁ ଆମା ତାଡ଼ତି ମୁଲ୍କୁନାଦି ତିଆର୍ କିତାମାନାନ୍, ତାନିଙ୍ଗ୍ ଏନ୍ ଦୁକ୍ତେଙ୍ଗ୍ ଆଟ୍ଏନ୍ । ଆୟା କୁନାଦିକାଲୁ ମୁସ୍ତୁ ଇକା ରାସ୍ତା ମାନାଡ଼ : “ମାପୁରୁ ୱାନି ନିଜେଦି ଲୋକାଙ୍ଗ୍ ନେସ୍ନାନ୍ ଏନ୍ ନିଜେଦିଙ୍ଗ୍ ମାପୁରୁଦି ଲୋକୁ ଇଜି ପରିଚୟ୍ ସିନାନ୍, ଆୟାଝିଜୁ ତାଗ୍ଇ ପାଣିଦାନ୍ ଆକ ମାନିନ୍ ।”

୨୦ ଅରେନ୍ ପେରି ଲୋକା ଇନ୍ତୁ ଆଇଆଇ ଜାତିଦି ସାଡ଼ଝାକୁଡ଼ୁକ୍ତୁକ୍ତୁକ୍ତୁ ମାନେ । ଆବେଣାନ୍ ଏସଗୋଟା ନାଣୁଦାରାଦିକେଙ୍ଗ୍ ବାଙ୍ଗ୍‌ରାଓ ନି ୱେଡିଦାନ୍ ତିଆର୍ଆତିକେଙ୍ଗ୍, ମାରି ଏସଗୋଟା ଉଣା ଦାରାଦାନ୍ ସିକ୍ଲା ନି ମାରାତାନ୍ ତିଆର୍ଆତିକେଙ୍ଗ୍ । ଏସଗୋଟା ସାଡ଼ଝାଦୁବାଇଙ୍ଗ୍ ପଣ୍ଡୁୟତି ଝିଜୁ ୱେଡିକାଦି ୱାଲେ ବ୍ୟବହାର୍ ଆନେ, ଆଇକେଙ୍ଗ୍ ଝିଜୁଦିନ୍ତି ପାଣିଦୁ ଲାଗେ ଆନେ ।

୨୧ ଜଦି ଏନ୍ ଝିଜୁ ପାପ୍ ପାଣିଦାନ୍ ନିଜେଦିଙ୍ଗ୍ ନେଗିକା ଇଡିନାନ୍, ୱାନ୍ ପ୍ରବୁଦି ବିସେସ୍ ପାଣିଦୁ ବ୍ୟବହାର୍ ଆନାନ୍, ଇରିଙ୍ଗ୍ ୱାନ୍ ପ୍ରବୁଦିମାନ୍ ଲାଡ଼ତିକାନ୍, ୱାନି ଉଣ୍ଡିଙ୍ଗ୍ ୱାନ୍ ଦରକାର୍ । ଆମା ଇନି ପେରି ପାଣିଦୁ ବ୍ୟବହାର୍ ଆନି ଉଣ୍ଡିଙ୍ଗ୍ ୱାନ୍ ତିଆର୍ ମାନାନ୍ ।

୨୨ ଆମାକାର୍ ନେଗି ଜିବନ୍ତାନ୍ ମାପୁରୁଦି ସାହାଜ୍ୟ ପାର୍ତାନା କିଜିମାନାର୍, ୱାରି ଲାକଡ଼ୁ ତେବାଜି ମିଡ଼ ମୁରୁଲି ମାନିଝାଲେ ତାଗ୍ଇପାଣିଦାନ୍ ଆକ ମାନଡ଼ୁ, ମାରି ଦାମ୍ପୁ, ବିସ୍ବାସ୍, ଜିବନ୍ନୋନିକା ମାରି ସାନ୍ତି ଉଣ୍ଡିଙ୍ଗ୍ ପାଣି କିଦୁ ।

୨୩ ମାରି ଉନ୍ତୁ ଦେବା ୱେରସିନା, ମିଡ଼ ମାରି ବୁଦିସିଲି ଆସ୍‌ସିସାନିମାଣାନ୍ ଆକ ମାନଡ଼ୁ । ମିରୁ ନେସ୍ନିଦେର୍, ଇରିଙ୍ଗ୍ ଇୟା ଝିଜୁଦି ପାଣି କେବଲ୍ ଲାଗାଜିସାନିକା ।

୨୪ ମାପୁରୁଦି ପାଣିକିନିକାନ୍ ଆଉଲି ଆନିକା ନେଗେଡ଼ ସିଲେ, ୱାନ୍ ୱିଜେରି ଉଣ୍ଡିଙ୍ଗ୍ ସାନ୍ତି ଆଜି ଅରେନ୍ ପୁରା ସାସ୍ତି ଗୁରୁ ଆନି ଦରକାର୍ ।

୨୫ ୱାନିଙ୍ଗ୍ ବିରୁଦ୍ କିଜିମାନି ଲୋକାଦି ଦସ୍ତିବୁଲ୍ ୱାନ୍ ତାଡ଼ତି ୱାଜା ସାସନ୍ କିନିକା ଟିକ୍, ମାତର୍ ଏଡ଼କିଜି ସଡ଼ ପାଣି କିଦେଙ୍ଗ୍ ଆରଡିଙ୍ଗ୍ ଅରଲେନ୍ ମାପୁରୁ ୱାରିଙ୍ଗ୍ ସୁଜୋଗ ସିନାନ୍ ।

୨୬ ମାରି ଆମା ସୟତାନ୍ ୱାରିଙ୍ଗ୍ ତାନି ବଦା ପୁରା କିନି ଉଣ୍ଡିଙ୍ଗ୍ ତରତା ମାନାଡ଼, ସେତା ଆଜି ସୟତାନ୍ ଉରିଦାନ୍ ଡିସାନାର୍ ।

୩

ସାରାସାରି ଦିନ୍

୧ ମନେ ଇଡ଼ଦୁ, ସାରାସାରି ଦିନ୍ତୁ ଗାଦି ରାଓକୁ ୱାଜି ଇନେ ।

୨ ଲୋକୁ ନିଜେଦିଙ୍ଗ୍ ତରାନିକା, ଦନ୍‌ଲୋବ୍, ଗର୍ବ, ନିନ୍ଦା; ୱାଡ଼ ବୁବାୟାୟାଙ୍ଗେ ମାନାଏଣ୍ଗା ୱାରିଙ୍ଗ୍ ଅପ୍‌ମାନ୍ କିନାର୍; ୱାରି ମୋନ୍ତାନ୍ ଦୟା ମାରି ଦାମ୍ପୁ ମାରାଗ୍ନାଡ଼,

୩ ୱାଡ଼ ଆନାର୍ ଆଇ ଲୋକା ସୁରି କିନିକାର୍, ରିସାଆନିକା ମାରି ବୟଙ୍କାକାରଡିକାର୍; ଝିଜୁ ନେଗି ବିସ୍ମତିଙ୍ଗ୍ କାଡାନାନ୍ ।

୪ ୱାଡ଼ ଗର୍ବଦାନ୍ କେଇନିକା ଆଜି ବିସ୍ବାସ୍ ଆରାକିଜି ମାରି ବିଚାର୍‌ସିଲିକାର୍ ଆନାର୍; ୱାଡ଼ ମାପୁରୁଦି ବକ୍ତିମାଣାନ୍ ଉଣିଡିନିମାନ୍ ନାଣୁ ସୁକ୍ କିନାର୍ ।

୫ ଦାମ୍ଭୁଦି ସତ୍ତ୍ୱି ସାକ୍ତିଦିକ୍ ମାନାଏଶ୍ୱରୀ ଖାର ଆତ୍ମରେରି ଦାମ୍ଭୁପାଣିଦିକ୍ ଓଜୁ ଅତ୍ତବିନାର୍ । ଇୟାଞ୍ଜାରିମାଣୁକୁ ମିର୍ ଆକ ମାନିତୁ ।

୬ ଇୟାଞ୍ଜା ଲୋକୁ ଏସଲୋକା ଇଲକାକ୍ ସୋଲ୍ଲସି ବପୁସିଲି ଆଇମେକା ମୁସକୁ ଆସା ଇଡନାର୍ । ଆମା ଆଇମେକ୍ ଇନିଇନି ଆସାଦି ଲାକ୍ତୁ ଆଜି ନିଜେଦି ପାପ୍ ବୋଜୁଦୁ ଆଜି ପଡେଆନେମାନେ ।

୭ ଆମାକେକ୍ ଓଜୁଦିନ୍ ସତ୍ ନେସ୍ତେକ୍ ସେସ୍ କିଜିମାନେ, ମାତର୍ ତାନି ବିସୟ୍ ପୟ୍ତ, ଇୟାଞ୍ଜା ଆଇମେକାକ୍ ୱା ଖାରିଆଡ଼ଗି କିନାର୍ ।

୮ ଆଉ ଯନ୍ନିସ ମାରି ଯମ୍ପୁସ ଏଶ୍ୱେସ୍ ମୋସାଦି ବିରୁଦ୍ କିତାମାର୍ହାର୍, ଆୟାଞ୍ଜା ଷ୍ଟେନକାରି ଦିନ୍ତୁ ଇୟା ତାଗଇକାର୍ ସତ୍ତ୍ୱିକ୍ ବିରୁଦ୍ କିନାର୍ ଖାରି ବୁଦି ପାଣି ସିଏଜିନାଡ୍ ମାରି ଖାରି ଦାମ୍ଭୁବିସ୍ବାସ୍ ବେକାର୍ ଆତାଡ୍ ।

୯ ମାତର୍ ଖାର ନାଶୁ ଆଗ୍ଡି ଆଦେକ୍ ଆଟ୍ଏର୍ । ଅର୍ଲେନ୍ ଓଜେରେ ନେସ୍ନାର୍, ଖାର ଏସ ବୁଦିସିଲିକାର୍ । ଯନ୍ନିସ ମାରି ଯମ୍ପୁ ସଦି ଜିବନ୍ତୁ ଆମାକା ଗଟାତା ମାର୍ହାଡ୍, ଖାରି ଜିବନ୍ତୁ ଆକାନେ ଗଟାନାଡ୍ ।

ସାରାସାରି ମାଟା

୧୦ ମାତର୍ ନିନ୍ ନା ସିକିୟା, ନା ବ୍ୟବହାର୍ ମାରି ନା ଜିବନ୍ତି ପାଣି ସୁଡ଼ୁମାନିଦେର୍ । ନା ବିସ୍ବାସ୍, ସାସ୍, ଜିବନ୍ନୋନିକା, ସାକ୍ତି,

୧୧ *ନା କାସୁ ମାରି ଦୁଃକ୍‌ବୋଗ୍ ନିନ୍ ସୁଡ଼ୁମାନି । ନିନ୍ ନେସ୍ତିମାନି, ଏଶ୍ୱେସ୍ ଆଣ୍ଟିୟକ୍, ଇକନିୟା, ଲୁସ୍ତାଦୁ ନାନ ନାଶୁ କାସୁ ପୟ୍ତା ମାର୍ଥା । ମାତର୍ ଏଶ୍ୱେସ୍ ଖାନ୍ ଓଜୁଦାନ୍ ପ୍ରୁ ନାକ୍ ଉଦାର୍ କିତାମାନାନ୍ ।

୧୨ ସତ୍ତାନ୍ ଆମାକାର୍ କ୍ରିସ୍ତ ଜିସୁଦି ଖାଲେ ମିସାଜି ଦାମ୍ଭୁଜିବନ୍ତାନ୍ ଜିଦେକ୍ ଇଛା କିନାନ୍, ଖାରିକ୍ ଦୁଃକ୍‌କାସୁଦିକ୍ ସାମନା ଆଦେକ୍ ପଡାନାଡ୍ ।

୧୩ ମାତର୍ ସୁରିଖାର୍ଗିନି ଲୋକ୍ ମାରି ପୁକାପୁଲିକିନିଖାରି ସାରି ପୁରାସେସ୍ ଆନିତରିନ୍ ଖାର ଆଇଞ୍ଜାରିକ୍ ଟକେ କିନାର୍ ସାରାସାରି ଷ୍ଟେନକା ନିଜେ ଗୁଟାଦୁ ଆରନାର୍ ।

୧୪ ମାତର୍ ଆମା ଓଜୁ ସତ୍ ସିକିୟା କିଜି ତାଟ୍ତାନ୍ ବିସ୍ବାସ୍ କିଜିନିଦେର୍, ଆୟାଞ୍ଜୁ ନିନ୍ ତାଟ୍ତାନ୍ ତେବାଆ । ନି ଗୁରୁର୍ ଏନ୍, ନିନ୍ ନେସ୍ତିମାନି ।

୧୫ କ୍ରିସ୍ତ ଜିସୁଦିମାନ୍ ବିସ୍ବାସ୍ କିଜି ରକିୟା ପୟ୍ନି ବୁଦି ଆମା ପବିତ୍ର ଦାମ୍ଭୁସାସ୍ତ୍ରୁ ସୁଡ଼ିମାନିଦେର୍, ମିର୍ କଡ଼ଞ୍ଜାଲେରାନ୍ ଆୟାଞ୍ଜୁ ସାସ୍ତ୍ର ପଡାଜି ବୁଜାଡିମାନିଦେର୍ ।

୧୬ ଓଜୁ ଦାମ୍ଭୁସାସ୍ତ୍ର ମାପୁରୁଦି ମାଣାନ୍ ସିଆୟ୍‌ଆତା ମାନାଡ୍ ମାରି ସତ୍ ବାକ୍ୟ, ସିକିୟା, ମିଡ୍ଡି ବିରୁଦ୍ କିଜି ମାରି ବୁଲ୍ଡିକ୍ ଟିକ୍ କିନି ଉଣ୍ଡିକ୍ ଷ୍ଟେରସି, ସତ୍ ଜିଦେକ୍ ଦାମ୍ଭୁସାସ୍ତ୍ର ସାହାଜ୍ୟ କିନାଡ୍,

୧୭ ଏଶ୍ୱେସ୍ ମାପୁରୁଦି ଲୋକୁ ପୁରା ଆଜି ଓଜୁ ନେଗି ପାଣି ଉଣ୍ଡିକ୍ ଜଗ୍ ପୟ୍ଦେକ୍ ଆଟ୍ନାନ୍ ।

୪

୧ ମାପୁରୁଦି ଆଗ୍ଡି ମାରି ଓଜୁ ଜିବନ୍ତିକାର୍ ମାରି ସାଡିମାନି ଲୋକାକ୍ ବିସାର୍ କିଦେକ୍ ମାରି ସାସନ୍ କିଦେକ୍ ଖାଜିମାନି କ୍ରିସ୍ତ ଜିସୁଦି ଆଗ୍ଡିନେ, ନାନ୍ ମିକ୍ ଇୟା ତାଟ୍ ମାଟା ସିଜିନା,

୨ ବାକ୍ୟ ପ୍ରଚାର୍ କିଦୁ, ବେଡା ଅବେଡାଦୁ ବିସାର୍ କିଏଶ୍ୱରୀ, ମିର୍ ସବୁଖାଲେ ଆୟା ବିସୟ୍ ମୁସକୁ ନେସ୍ନି ଖାଜା ବୁଜାକିନିଦେର୍; ସାହାସ୍ତାନ୍ ସିକିୟା ସିଜି, ଏସ୍ତ୍ରିଖାଲେ ଆଦ୍ରିସ୍ କିଜି ଏସ୍ତ୍ରିଖାଲେ ମାରି ଷ୍ଟେଡିକା କିଜି ଆଇଞ୍ଜାରି ମୋନ୍ତୁ ଆୟାଉଣ୍ଡିକ୍ ଷ୍ଟେଡିକା ପରିସନାଡ୍ ।

୩ ଦିନ୍ ଖାନାଡ୍, ଏସ୍ତ୍ରିଖାଲେ ଲୋକୁ ସତ୍ ସିକିୟାଦୁ ଷ୍ଟେନ୍ଏର୍, ଖାର କେବଲ୍ ନିଜେ ନିଜେଦି ଆସା ବ୍ୟବହାର୍ କିନି ଉଣ୍ଡିକ୍ ଲାଲାୟ୍ ଆନାର୍ ମାରି ଇୟାଉଣ୍ଡିକ୍ ଖାରିକ୍ ଲାକ୍ତୁ କିଜିମାନି ଟକେକିନି ଗୁରୁରିକ୍ ଖାର କୁକ୍ନାର୍ ।

୪ ସତ୍ତ୍ୱି ବାକ୍ୟ ଷ୍ଟେନ୍ଏଶ୍ୱରୀ ଲୋକା ମୋନ୍ତି କାତା ଷ୍ଟେନ୍ଡ୍ରେକ୍ ବଦା କିନାର୍ ।

୫ ମାତର୍ ମିର୍ ଓଜୁ କାସୁଦିକ୍ ସାସ୍ କିଦୁ; ସୁସମାଚାର୍ ଷ୍ଟେନ୍ନିକାନ୍ ମାରି ମାପୁରୁଦି ବିସ୍ବାସ୍ତ୍ ସେବାକିନିକାନ୍ ଖାଜା ମିର୍ ଦୁଃକ୍‌କାସୁ ବୋଗାଦେକ୍ ତିଆର୍ ଆଦୁ ।

୬ ନା ଜିବନ୍ତିକ୍ ସରପେ କିଜି ସିଦେକ୍ ଇୟା ଦୁନିଆ ଡିସ୍‌ସୋ ସନ୍ଡ୍ରେକ୍ ବେଡା ଖାତାଡିନି ।

୭ ଜିବନ୍ତି ନେଗି ଜୁଦ୍‌ତାନ୍ ନାନ୍ ସାନି ଖାଜା ଜୁଦ୍ କିଜିନା, ଜିବନ୍ ମାନିଖାଲେ ନାନ୍ ତିଆର୍‌କିତି ସାରି ଜିଶାତାମାନା । ନା ବିସ୍ବାସ୍ତୁ ନାନ୍ ତାଟ୍ ତେବାତାମାନା ।

୮ ଇଲେଇ ନାନ୍ ଦାମ୍ଭୁପାଣିକିନି ଉଣ୍ଡିକ୍ ଜିଶାନି ପୁରସ୍ସାର୍ ଇଟ୍‌ତାମାନାନ୍, ପେରିଦିନ୍ତୁ ନ୍ୟାୟକିନି ବିସାର୍‌କିନି ପ୍ରୁ ନାକ୍ ଆୟା ପୁରସ୍ସାର୍ ସିନାନ୍, କେବଲ୍ ନାକ୍ ସିଲେ; ଜିବନ୍ନୋନିକା ବକ୍ତିଦି ଖାଲେ ଆମାକାର୍ ଖାନି ଖାନିଦିନ୍ତିକ୍ କାପ୍‌କିତା ମାନାର୍, ଓଜେରେ ଇୟା ପୁରସ୍ସାର୍ ପୟ୍ନାର୍ ।

ଲୋକ୍ତି ମାଟା

* ୩:୧୧ ପ୍ରେରିତ ୧୩:୧୪-୫୨ପ୍ରେରିତ ୧୪:୧-୭ପ୍ରେରିତ ୧୪:୮-୨୦.

୯ ନା ଲାକ୍ତୁ ବେଗି ଖାଦେଇଁ ତିଆର ଆଦୁ ।

୧୦ *ଦିମା ଇୟା ଇଲେଇତି ଦୁନିଆଦିଇଁ ଜିବନ୍ନୋଜି ନାଙ୍ଗିଁ ତ୍ରିସତାସରା ମାନାନ୍, ଖାନ୍ ଇଲେଇ
ତେସଲନିକିୟାଦୁ ସର୍ଆମାନାନ୍, କ୍ରେସକେନସ୍ ଗାଲାତିଆଦୁ ମାରି ତିତସ ତଲମାତିଆଦୁ ସର୍ଆମାନାର୍ ।

୧୧ *କେବଲ୍ ଲୁକ ନା ଲାକ୍ତୁ ମାନାନ୍ । ମିର୍ ଅରସେ ମାର୍କଙ୍ଗ ଆସ୍ସି ଖାନିଦେର୍; ମାତର୍ ଖାନ୍ ନାଙ୍ଗିଁ ନା ପାଣି
ସାହାଜ୍ୟ କିଦେଇଁ ଆର୍ନାନ୍ ।

୧୨ *ତୁକିକସଦିଇଁ ନାନ୍ ଏପିସ୍ତୁ ପୋକ୍ତାମାନା ।

୧୩ *ତ୍ରୋୟା ଗାଡୁତୁ କାରପସଦି ଲାକ୍ତୁ ନାନ୍ ଆମା ଆଙ୍ଗିଁ ତ୍ରିସତା ଖାତାମାନା, ମିର୍ ଖାନିଖାଲେ ତାନିଇଁ ଅରସେ
ଆସ୍ସି ଖାନି । ନା ବଇଇଁ ନି ତଲୁବଇଇଁ ବା ଆସ୍ସି ରାଆ ।

୧୪ *କଂସାରି ଆଲେକ୍ତାଣ୍ଡର୍ ନାଙ୍ଗିଁ ନାଣ୍ଡୁ କାସ୍ତୁ କିତାମାନାନ୍, ପ୍ରଦୁଦିମାଣାନ୍ ଖାନ୍ ନିଜେଦି ପାଣି ଇସାବ୍ତାନ୍ ଖାନ୍
ଦଣ୍ଡୁ ପୟନାନ୍ ।

୧୫ ମିର୍ ବା ଖାନି ଲାକ୍ତୁରାନ୍ ଜାଗରାତା ମାନ୍ତୁ, ଇରିଇଁ ଖାନ୍ ମା ସୁସମାତାର୍ ଖେର୍ତେଇଁ ନାଣ୍ଡୁ ବିରୁଦ୍ କିଜିମାର୍ହାନ୍
।

୧୬ ଆଗ୍ଡିନେ ଏସ୍ତିଖାଲେ ନାଙ୍ଗିଁ ନିଜେଦି ତରିନ୍ ସାମ୍ନା କିଦେଇଁ ପଡ଼ାତାମାର୍ହାଡ୍, ଏନ୍ ନା ଲାକ୍ତୁ ତେବାଏତାର୍,
ଓଜେରେ ନାଙ୍ଗିଁ ତ୍ରିସତା ସର୍ହାର୍ । ମାପୁରୁ ଖାରି ଇୟା ଦୋସତିଇଁ ଆସ୍ମାକିନ୍ ।

୧୭ ମାତର୍ ମାପୁରୁଦି ଖାଲେ ଏଡକିଜି ଅଣଜିହୁଦିରି ମାନ୍ ନେଗିକାରୁର୍ ପ୍ରଚାର୍ କିନି ଉଣ୍ଡିଇଁ ନାନ୍ ନାଣ୍ଡୁ ସାକ୍ତି
ପୟତାମାନା ମାରି ନାନ୍ ପାର୍ଗାନରେସ୍ତି ଖେୟୁଦାନ୍ ବା ରକିୟା ପୟତାମାନା ।

୧୮ ନା ବିସ୍ବାସ୍, ପ୍ରୁ ନାଙ୍ଗିଁ ଓଜୁ ତାଗ୍ଲ ପାଣିଦାନ୍ ରକିୟା କିଜି ସାରାସାରିଖେନ୍କା ଖାନି ମୁସକୁପୁର୍ତି ରାଜିଦୁ
ଅନାନ୍, ଖାନ୍ ଜୁଗ୍ ଜୁଗ୍ ଖାନି ଗୌରବ୍ ଆପିଡ୍ ! ଆମେନ୍ ।

ସାରାସାରି ନେଗିମାଟା

୧୯ *ପ୍ରିସ୍ଲା, ଆକିଲା ମାରି ଅନିସିପର୍ଦି ଇଲୁପରିବାର୍ତୁ ନା ମାଡିସ୍କିନିକା ଖେର୍ତୁ ।

୨୦ *ଏରାଷ୍ଟ୍ କରକ୍ତିଦୁ ତେବାତା ମାନାର୍, ତ୍ରିପିମସ୍ ଖାନି ନବ୍ତି ଉଣ୍ଡିଇଁ ନାନ୍ ମିଲିଟସ୍ତୁ ତ୍ରିସତା ଖାତାମାନା ।

୨୧ ପିନି କାଡ଼ା ଆଗ୍ଡିନେ ଇବେନ୍ନୁ ଖାଦେଇଁ ସେସ୍ କିଦୁ ।

ଇଉବୁଲସ୍, ପୁଦେନସ୍, ଲିନସ୍, କ୍ଲାଦିଆ ମାରି ଇବେଣିକାର୍ ଆଇଆଇ କ୍ରିସ୍ତୁବିସ୍ବାସ୍ସିର୍ ତଡ଼ାନ୍କୁ ମିଙ୍ଗିଁ
ମାଡିସ୍କିନିକା ଜାଣେକିଜିନାର୍ ।

୨୨ ପ୍ରୁ ମି ଆମ୍ବାଦୁ ତେବାପିନ୍ ।

ମାପୁରୁଦି ଦୟା ମି ଓଜେରି ଖାଲେ ମାନିଡ୍ ।

* ୪:୧୦ କଲସିୟ ୪:୧୪; ପିଲିମନ ୧:୨୪୨ କରିକ୍ତିୟ ୮:୨୩; ଗାଲାତିୟ ୨:୩; ତିତସ ୧:୪. * ୪:୧୧ କଲସିୟ ୪:୧୪; ପିଲିମନ ୧:୨୪ପ୍ରେରିତ ୧୨:୧୨,୨୫;
୧୩:୧୩; ୧୫:୩୭-୩୯; କଲସିୟ ୪:୧୦; ପିଲିମନ ୧:୨୪. * ୪:୧୨ ପ୍ରେରିତ ୨୦:୪; ଏପିସ୍ତିୟ ୬:୨୧,୨୨; କଲସିୟ ୪:୭,୮. * ୪:୧୩ ପ୍ରେରିତ ୨୦:୭.
* ୪:୧୪ ୧ ତିମତି ୧:୨୦ରୋମିୟ ୨:୭. * ୪:୧୯ ପ୍ରେରିତ ୧୮:୨୨ ତିମତି ୧:୧୬,୧୭. * ୪:୨୦ ପ୍ରେରିତ ୧୯:୨୨; ରୋମିୟ ୧୬:୨୩ପ୍ରେରିତ ୨୦:୪;
୨୧:୨୯.

ତୀତସଙ୍କ ନିକଟକୁ ପାଉଲଙ୍କ ପତ୍ର ତିତସଦି ଲାକ୍ତୁ ପାଉଲଦି ଆକୁ ତିତସ ଆକୁ ବିସୟତାନ୍ ଏସ ମାଟା

ପାଉଲ ନାଲିଗି ଆକୁ ଲୋଇରାନ୍ ତିତସ ବଇ ଉନ୍ତୁ । ଆମାକାକି ଉନ୍ତୁ ମଣ୍ଡଲି ବାଦ୍‌ଲୁ ଲୋକ୍‌ତିଙ୍କ ପରିତୟ ସିନାତ୍ । ଆଇ ମୁନ୍‌ତୁ ଆକୁ ଆଜିନେ, ୧ ତିମତି, ୨ ତିମତି, ମାରି ପିଲିମନ ଇକେଙ୍କ । ପାଉଲ ତିତସତିଙ୍କ ରାସନାନ୍ ଜେ, ଖାନ୍ ଏଣ୍ଡେସ୍ ଓଜେରି ଆଗଡ଼ି ନାଶ୍ ଆଉଲି ଆଜି ଇୟା ଆକୁ ପଡ଼ାନାନ୍ । ପ୍ରେରିତ ଖାଜା ଖାନି ଜଗତି ବିସୟ ବୁଜାକିନା ସିନାନ୍ । ଇକା ଏସମାନୁ ତିତସ ଆଗଡ଼ିରାନ୍ ନେସତାମାନାନ୍ । ଆନାତ୍‌ସୁଗି କ୍ରିସ୍ତଦି ଜନମତି ୨୩ ଦାନ୍ ୨୫ ଲୋଇ ପାଉଲ ଇୟା ଆକୁ ରାସ୍‌ତେଙ୍କ ଆଟ୍‌ନାମାନାନ୍ ।

ପାଉଲ କ୍ରିତିଦି ଦେସତୁ ମାନି ମଣ୍ଡଲିଙ୍କାଁ ସାଲକିଦେଙ୍କ ତିତସତିଙ୍କ ଆଦେସ୍ ସିନାନ୍ । ଆୟା ସାମାନ୍ ସିକିୟା ତିମତିଦିଙ୍କ ବା ସିତାମାନାନ୍ । ପାଉଲ ଇୟା ଆକୁତୁ ତିତସତିଙ୍କ ମଣ୍ଡଲିଦି ପେରି ଖାରିଙ୍କ ଆସକିନିକା ମାରି ସିକିୟା ସିନି ବିସୟତାନ୍ ରାସନାନ୍ । ନେରତି ମଣ୍ଡଲି ମାରି ମଣ୍ଡଲିଦି ପେରିଖାରି ଦାୟିତ୍ କିନି ଉଣ୍ଡିଙ୍କ ମାପୁରୁଦି ବଦା ଇସାବତାନ୍ ଏଣ୍ଡେସ୍ ନାନି ଜଗ୍ ଆନିକା ଦରକାର ଜାତୁନ୍‌ତାନ୍ ଦିୟାନ୍ ସିନିକା ମାନାତ୍, ଆକା ସିଟିଦୁ ରାସନାନ୍ ।

ଇୟା ଆକୁତୁ ମାନି ମୁକିୟ ବିସୟ

- ୧. ପାଉଲ ତିତସତିଙ୍କ ଦାମ୍‌ଦି ଲୋକାଙ୍କ ଆସକିନି ଉଣ୍ଡିଙ୍କ ଆଦେସ୍ ସିନାନ୍ । ୧:୧-୧୬
- ୨. ତାନିଝେନକା ଖାନ୍ ବା ଲୋକାଙ୍କ ଦାମ୍‌ଦି ଜିନିମାଡ଼ିଦେଙ୍କ, ଆମାକା ମାପୁରୁଙ୍କୁଁ ନେଗେନ୍ କିନାତ୍, ଆୟା ବିସୟତାନ୍ ସିକିୟା ସିଦେଙ୍କ ଆଦେସ୍ ସିନାନ୍ । ୨:୧-୩:୧୧
- ୩. ସାରାସାରି ଝେନକା ପାଉଲ ଖାନି ସାରାସାରି ମାଟା ଝେରସି ଝିସନାନ୍ । ୩:୧୨-୧୫

୧ ପାଉଲ, ମାପୁରୁଦି ଦାସ୍ ମାରି ଜିସୁ କ୍ରିସ୍ତଦି ଅରେନ୍ ପ୍ରେରିତ ସିସୁ । ତିତସଦି ଲାକ୍ତୁ ଇୟା ଆକୁ ଆସ୍‌ସିନା । ମାପୁରୁଦି ବାସେଆତି ଲୋକା ବିସ୍‌ବାସ୍‌ତିଙ୍କ ତାଟ୍ କିନି ଉଣ୍ଡିଙ୍କ ମାରି ଏସାଙ୍କ୍‌ଝିଜିଇବନ୍ ପୟନି ଆସା ମୁସକୁ ରାସାତିମାନି ମା ଦାମ୍‌ଦିସ୍‌ବାସ୍‌ତି ସତ୍ ଉଣ୍ଡିଙ୍କ ଖାରିଙ୍କ ଜାଗାରତା କିଦେଙ୍କ ଇଜି ନାନୁ ପକାୟ ଆତାମାନା ।

୨ ପୁର୍ବେଦି କାଡ଼ାଦାନ୍ ମାପୁରୁ ମାଙ୍କୁଁ ଇୟା ଏସକାଙ୍କ୍‌ଝିଜିଇ ଜିବନ୍ ଦାନ୍ ସିଦେଙ୍କ ପାରମାଣ୍ କିତାମାନାନ୍ ମାପୁରୁ ମିସ୍‌ଝେରନିକାନ୍ ଆଏନ୍ ।

୩ ମାରି ଟିକ୍ ଝେଡ଼ାଦୁ ଇୟା କାବୁର୍ ଖାନ୍ ଝେକ୍‌ତାମାନାନ୍ । ମା ରକିୟାକିନି ମାପୁରୁଦି ଆଦେସ୍‌ତାନ୍ ଇକା ଝେରତେଙ୍କ ନାଙ୍କୁଁ ଦାୟିତ୍ ସିଆୟ ଆତାମାନାତ୍ ।

୪*ନା ଝିଜୁ ବିସ୍‌ବାସ୍‌ସିର୍ ମାରି ଇୟା ବିସ୍‌ବାସ୍ ଉଣ୍ଡିଙ୍କ ଟିକ୍‌ତାନ୍ ନା ମାରିନ୍ ତିତସଦି ଲାକ୍ତୁ ନାନ୍ ଇୟା ଆକୁ ରାସ୍‌ସିନା :

ବୁବା ମାପୁରୁ ମାରି ମା ରକିୟାକର୍ତ୍ତା କ୍ରିସ୍ତ ଜିସୁ ମିଙ୍କୁଁ ଦୟା ନି ସାନ୍ତି ସିପିନ୍ ।

କ୍ରିଟ୍‌ଦୁ ତିତସଦି ପାଣି

* ଆବେନ୍ ଏସଗୋଟା ବିସୟତି ନେଗିନିୟମ୍ କିଦେଙ୍କ ମାରି ଇୟାଉଣ୍ଡିଙ୍କ ଝିଜୁ ଗାଡ଼ାକା ମଣ୍ଡଲିଦି ପେରିନେତାରିଙ୍କ ଆସକିନି ଉଣ୍ଡିଙ୍କ ମିଙ୍କୁଁ ନାନ୍ କ୍ରିଟ୍‌ଦୁ ଡ଼ିସ୍‌ତା ଖାତାମାର୍ତ୍ତା । ଇୟା ବିସୟତାନ୍ ନା ମାଟେଙ୍କ୍‌ଝିଜୁ ଏଡ୍ କିଦୁ,

୨*ମଣ୍ଡଲିଦି ନେତା ଖାଜା ଆନି ନିୟା ସିଲି ଲୋକ୍ ଆନିକାମାନାତ୍ । ଖାନ୍ ଅରେଡ୍ ଆଇମାଦି କନ୍‌ଲି ଆନାମାନାନ୍ ମାରି ଖାରି କଡ଼ର୍ ବିସ୍‌ବାସ୍ ଆନାମାନାତ୍; ସାନ୍ତି ମାରି ଅବାଦ୍ୟ ଇଜି ଖାରି ତାଗ୍‌ଇପାଣି ସିଲେଡ୍ ।

୩ ମାପୁରୁଦି ପାଣିଦୁ ଦାଇଡ୍‌ତୁ ମାନି ମଣ୍ଡଲିଦି ନେତା ପୁରା ନିୟା ସିଲିକାନ୍ ମାନିକା ମାନାତ୍ । ଖାନ୍ ତାଗ୍‌ଇକାନ୍ ନି ଗିଦ୍‌ରିଆନିକା ଆଏନ୍ ମାନାନ୍, କାଡ଼ ଉଣିକା ନି ଜାଟିଜଗଡ଼ା ମାରି ତାବୁଙ୍କୁଁଲୋବ୍ ଆଏନ୍ ମାନାନ୍ ।

୪ ମାତର୍ ଖାନ୍ ନେଗିକାନ୍ ଆନାମାନାନ୍ ମାରି ଝିଜୁ ସତ୍ ବିସୟତିଙ୍କ୍ ସୁକ୍ ପୟଜିମାନାନ୍, ନିଜେଦିଙ୍କୁଁ ଇଡ଼ନିକା, ନ୍ୟାୟ, ନେଗିବୁଦି ମାରି ନିୟମ୍‌ତୁପୁରା ଆନା ମାନାନ୍ ।

୫ ମା ନେଗି କାବୁର୍ତ୍ତୁ ଖାନ୍ ତାଟ୍‌ତାନ୍ ବିସ୍‌ବାସ୍ କିଜିମାନାତ୍, ଇୟା ବାକ୍ୟ ସତ୍‌ତି ଦାମ୍‌ଦି ବୁଦି ମୁସକୁ ଇଡ଼ଜି ମାରି ଝିଜୁଦାନ୍ ଆସାଦିଜଗ୍ । ଇୟା ବାକ୍ୟଦୁ ସତ୍ ସିକିୟାଦାନ୍ ଆଇଖାରିଙ୍କ ଝେରତେଙ୍କ କିଦେଙ୍କ ମାରି ତେନିଙ୍କ୍ ବିରଦ୍ କିଜିମାନି ଲୋକା ବୁଲ୍‌ତିଙ୍କ୍ ଆକ କିଦେଙ୍କ ଖାନି ସାସ୍ ମାନାତ୍ ।

* ୧:୪ ୨ କରିକ୍ତିୟ ୮:୨୩; ଗାଲତିୟ ୨:୩; ୨ ତିମତି ୪:୧୦. * ୧:୬ ୧ ତିମତି ୩:୨-୭.

୧୦ ଗାଦିଲୋକ, ବିସେଷ କ୍ରିଷ୍ଣାନ୍ଦାମ୍ବୁ ମାନାତିମାନି ଜିହ୍ଵଦିରି ଜୁଦ କିଜି ତାଗ୍ଲ ମାଟାଦାନ୍ ଆଇଖାରିଙ୍ ଡାସେ କିଜିନାର ।

୧୧ ଖାରି ଖେୟୁ ମୁକ୍ତେଙ୍ ଆନାଡ଼, ଇରିଙ୍ ଖାଡ଼ ସେମାର୍ ଆଏଶ୍ଵା କେବଲ ତାବୁଙ୍ ପୟନି ଇସାବ୍ତାନ୍ ତାଗ୍ଲ ସିକିୟା ସିଜି ନାଶ୍ଵ ଇଲୁପରିବାରତି ଲୋଇ ଅସାନ୍ତି କିଜିନାର ।

୧୨ କ୍ରିତିଦି ଲୋକା ବିସୟତାନ୍ ଖାରିମାଣୁକୁ ଅରେନ୍ ବାବବାଦି ଇର୍ହାମାନାନ୍ : କ୍ରିତିୟର୍ ଖିଜୁଦିନ୍ ମିର୍ ଖେୟୁନାର୍, ଖାଡ଼ ପାର୍ଗାନରେସ୍ ପସୁଖାଜା ମାରି ଗାଡ଼ିଆପେରୁ ମାନାର୍ ।

୧୩ ଖାରି ଇୟା ସାକ୍ୟ ପୁରା ସଡ଼ । ମାରି, ମିର୍ ଆୟାଖାଜା ଲୋକାଙ୍ ନାଶ୍ଵ ଜାଗାର୍ତା କିଦୁ । ଆତିଙ୍ ଆୟାମାଣୁକୁ ଖାଡ଼ ନେଗି ଦାମ୍ବୁ ବିସ୍ଵାସତି ଉଣ୍ଡିଙ୍ ଡେସି ଖାନାର୍ ।

୧୪ ସଡ଼ତିଙ୍ ମାନାଜିମାନି ଲୋକ୍ତି ନିତିନିୟମ୍ତିଙ୍ ମାରି ଜିହ୍ଵଦିରି ଖାଡ଼ଇ କାତେଆଙ୍ ବୟ କିଦେଙ୍ ଖାରିଙ୍ ସିକିୟା ସିଦୁ ।

୧୫ ନେଗି ଲୋକା ଉଣ୍ଡିଙ୍ ଖିଜୁନେ ପବିତ୍ର; ମାତର୍ ତାଗ୍ଲକା ଅବିସ୍ଵାସ୍ଵିର୍ ଇନି ବିସୟବା ପବିତ୍ରତା ମାନାଏର୍, ଇରିଙ୍ ଖାରି ମୋନ୍ ନି ବୁଦି ତାଗ୍ଲକା ।

୧୬ ଖାଡ଼ ମାପୁରୁଙ୍ ନେସ୍ତାମାନାପ୍ ଇଜି ମାନାନାର୍, ମାତର୍ ଖାରି ପାଣିଦାନ୍ ଖାନିଙ୍ ମାନାଏର୍; ଖାଡ଼ ଆକାର୍ ମାରି ତାଗ୍ଲକାର୍ ଇନି ସଡ଼ପାଣି ପୁରା କିଦେଙ୍ ଖାଡ଼ ଜଗ୍ ସିଲେର୍ ।

୨

ସଡ଼ତି ଦାମ୍ବୁପାଣି

୧ ମାତର୍ ମିର୍ ନେଗି ସିକିୟାଦି ନେଗି ମାଟା ଖେୟୁ ।

୨ ପେରିପେରିଖାରିଙ୍ ମାନାଦେଙ୍, ବିସାର୍କିନି ମାରି ନିଜେଦିଙ୍ ତାଟ୍ଠଦେଙ୍ ଅନୁରଦ୍ କିଦୁ; ଖାଡ଼ ଟିକ୍ ବିସ୍ଵାସ୍, ଜିବନ୍ନୋନିକା ନି ସାସ୍ତାନ୍ ପୁରାବତ୍ ଆପିର୍ ।

୩ ବୟସତି ଆଇମେକାଙ୍ ପବିତ୍ର ଜିନି ମାଡ଼ିଦେଙ୍ ସିକିୟା ସିଦୁ । ଖାକୁ ଆଇ ଲୋକା ସୁରିମାଟା ଖାରିମାକିଖି, କାଡ଼ ଉଣିମାନ୍ ଦାସ୍ ଆମାକିଖି ।

୪ ମାପୁରୁଦି ବାକ୍ୟ ଏଶ୍ଵେସ୍ ନିଦା ଆଏଡ଼, ଇୟାଉଣ୍ଡିଙ୍ ଖାଡ଼ ଆଇଲିକାଙ୍ ନିଜେଦି କନ୍ଲିରିଙ୍ ମାରି କଡ଼ରିଙ୍ ଜିବନ୍ନୋନି ଉଣ୍ଡିଙ୍ ସିକିୟା ସିଦୁ,

୫ ଆର୍ଡିଙ୍, ଖାକୁ ପବିତ୍ରତା, ନେଗି ଇଲ୍ଲତି ଆଇମା, ଦାମ୍ବୁ, ମାରି ନିଜେଦି କନ୍ଲିଙ୍ ମାନାପିତ୍, ମାଙ୍ ସିଆୟ୍ ଆତିମାନି ମାପୁରୁଦି କାବୁର୍ ବିରୁଦ୍ତାନ୍ ଏନ୍ ଇନି ନିଦା କିଦେଙ୍ ଆଟ୍ଠଏର୍ ।

୬ ଆୟାଖାଜା ମୁରୁଲିଆଙ୍ ଖିଜୁ ବିସୟତାନ୍ ନିଜେଦିଙ୍ ତାଟ୍ଠଦେଙ୍ ଅଜା କିଦୁ ।

୭ ଖିଜୁ ବିସୟତାନ୍ ସଡ଼ପାଣି ପୁରା କିଜି ମିର୍ ନିଜେଦି ଜିବନ୍ତୁ ନେଗିକା ତର୍ତୁ । ନେଗିମୋନ୍ତାନ୍ ମାରି ବୁଦିଦାନ୍ ନେଗି ବାସାଦାନ୍ ସିକିୟା ସିଦୁ ।

୮ ଆର୍ଡିଙ୍, ଏନ୍ ମିଙ୍ ସୁରି ଖାରିଦେଙ୍ ଆଟ୍ଠଏନ୍ ମାରି ଏଶ୍ଵେସ୍ ମି ସାତୁରୁ ମା ବିରୁଦ୍ତାନ୍ ଇନି ତାଗ୍ଲ ମାଟା ଇନ୍ଡେଙ୍ ଆଟ୍ଠଏଜି ସେମାର୍ ଆନାର୍ ।

୯ ଦାସ୍କୁ ମାଲିକକାଙ୍ ମାନାଜି ଖିଜୁ ବିସୟତୁ ଖାରିଙ୍ ସିକିୟା ସିପିର୍; ମାଲିକକା ମାଟାଦିଙ୍ ଡେସି ଖେୟୁମାକିର୍ ।

୧୦ ଖାଡ଼ ତଙ୍ କିଏଶ୍ଵା, ଖିଜୁଦିନ୍ ନିଜେଦି ସାଦୁ ମାରି ବିସ୍ଵାସ୍ତି ପରିଚୟ୍ ସିପିର୍ । ଆର୍ଡିଙ୍, ଖାରି ଖିଜୁ ପାଣିକିତି ଖେୟୁକା ମାଙ୍ ରକିୟାକର୍ତ୍ତା ମାପୁରୁଦି ବିସୟତାନ୍ ମା ଦାମ୍ବୁ ସିକିୟାଦିଙ୍ ଗୌରବ୍ କିନାର୍ ।

୧୧ ଇରିଙ୍ ଖିଜୁ ଲୋକାଙ୍ ରକିୟା ଉଣ୍ଡିଙ୍ ମାପୁରୁଦି ଦୟା ଖେଙ୍ ତା ମାନାଡ଼ ।

୧୨ ମାରି, ଖାନି ଆୟା ଦୟା ଉଣ୍ଡିଙ୍ ଦାମ୍ବୁସିଲିକା ମାରି ଦୁନିଆ ଆସାଦିଙ୍ ଡିସ୍ଵି, ଇୟା ଜୁଗ୍ତୁ ନେଗିବୁଦି, ଦାମ୍ବୁ ମାରି ଦାମ୍ବୁ ଖାଜା ଜିନାର୍,

୧୩ ମାରି ଆୟା ଖେଡ଼ିକାଦି ଆସା ମାରି ମା ପେରି ମାପୁରୁ ନି ରକିୟାକିତିକାନ୍ ଜିସୁ କ୍ରିସ୍ତି ଗୌରବ୍ ଖେଙ୍ ଦେଙ୍ ସୋଲ୍ଵିନାଡ଼, ଆୟା ଦିନ୍ତିଙ୍ କାପ୍କିଜି ମାପ୍ ତେବାତାମାନାପ୍ ।

୧୪ ଆୟା କ୍ରିସ୍ତି ଜିସୁ ମାଙ୍ ଖିଜୁ ତାଗ୍ଲ ପାଣିଦାନ୍ ଡିସ୍ଵିସ୍ କିଦେଙ୍ ମାରି ନିଜେଦି ଉଣ୍ଡିଙ୍ ସଡ଼ପାଣିଦୁ ଖେଡ଼ିକାଆଜି ନିଜେଦି ଲୋକା ଖାଜା ପୁରା ନେଗେନ୍ କିଦେଙ୍ ମା ଉଣ୍ଡିଙ୍ ନିଜେଦିଙ୍ ସିଆୟ୍ଆତାନ୍ ।

୧୫ ଇୟାଖିଜୁ ବିସୟ୍ ଅଜା କିଦୁ ମାରି ମି ପୁରା ତାଟ୍ଠାନ୍ ଲୋକାଙ୍ ଖେଡ଼ିକା କିଦୁ । ଖାରିଙ୍ ଖେୟୁ ଜାଗ୍ଠାତା କିଦୁ, ମିଙ୍ ଏନ୍ କାଡ଼ମାକିନ୍ ।

☆ ୨:୧୪ ୧ ପିତର ୨:୯.

୩

କ୍ରିଷ୍ଣାନୁତି ସାଲାରୁଲାନିକା

^୧ ସାସନକିନି ମାରି ଅଦିକାର ପୟତି ଲୋକା ଆଡ଼ଗି ମାନୁଜି ଖାରି ଆଦେସ୍ ମାନାଦେଙ୍ଗ୍ ମାରି ଓଁଜୁ ସତ୍‌ପାଣିଦୁ ସାକା କିନି ଉଣ୍ଡିଙ୍ଗ୍ ତିଆର୍ ଆଦେଙ୍ଗ୍ ମଣ୍ଡୁଲିଦି ପେରିଝାରିଙ୍ଗ୍ ଏଡ଼ କିବିସକିଦୁ ।

^୨ ଏ ନିଦା ମାଟା ଖାର୍‌ଗିଏଣ୍‌ଗା ସାକ୍ତି ମାରି ସଙ୍ଗତି ଖାଜା ସାଲାଦେଙ୍ଗ୍ ମାରି ଓଁଜୁ ଲୋକା ଉଣ୍ଡିଙ୍ଗ୍ ନେଗି ପାଣି କିଦେଙ୍ଗ୍ ଖାରିଙ୍ଗ୍ ଆଦେସ୍ ସିଦୁ ।

^୩ ମାପ୍ ନିଜେ ଅର୍‌ଲେନ୍‌ ବୁଦିସିଲିକା, ମାନାଏଜି ମାରି ବାୟା ମାର୍‌ହାପ୍, ଓଁଜୁ ରକମତି ସୁକ୍‌ବୋଗ୍ ମାରି ତାଗଲ ବିସୟକାଙ୍ଗ୍ ଓଁଜୁ ତେବାତା ମାର୍‌ହାପ୍; ଆକାର୍ ମାରି ରିସାଦାନ୍ ଦିନକାଟେକିଜି ମାର୍‌ହାପ୍; ଆଇକାର୍ ମାଙ୍ଗ୍ କାଡ଼ଜି ମାର୍‌ହାପ୍, ମାପ୍ ବା ଖାରିଙ୍ଗ୍ କାଡ଼ଜି ମାର୍‌ହାପ୍ ।

^୪ ମାତର୍ ଏସ୍ତିଝାଲେ ମାଙ୍ଗ୍ ରକିୟାକିତି ମାପୁରୁଦି ଦୟା ମାରି ଲୋକା ଉଣ୍ଡିଙ୍ଗ୍ ଖାନି ଜିବନ୍‌ନୋନିକା ଖେଙ୍ଗ୍ ତାଡ଼ ।

^୫ ମା ସତ୍‌ପାଣିଦି ପଲ୍ ଖାଜା ଇକା ଆଏଡ଼ । କେବଲ୍ ଖାନି ଦୟାଦାନ୍ ପବିତ୍ର ଆମ୍‌ଦି ମୁଟ୍‌ନିମାଣାନ୍ ମା ପାପ୍ ଓଁଜୁ ନରାଲ୍ ଆତାମାନାଡ଼ ମାରି ମାପ୍ ପୁନି ଜନମ୍ ପୟଜି ରକିୟା ପୟତାମାନାପ୍ ।

^୬ ମାଙ୍ଗ୍ ରକିୟାକିତି ପ୍ରବୁ ଜିସୁ କ୍ରିସ୍ତିଦି ମାଣାନ୍ ଇୟାଓଁଜୁ ପୁରା ଆତାମାନାଡ଼ । ଖାନି ଉଣ୍ଡିଙ୍ଗ୍ ମାପୁରୁ ମାଙ୍ଗ୍ ନାଣୁଦାନ୍ ପବିତ୍ରଆମ୍‌ ସିତାମାନାନ୍ ।

^୭ ଖାନି ଦୟାଦାନ୍ ମାପ୍ ମାପୁରୁଦି ଆଗ୍ଡ଼ି ଦାମ୍‌ଦୁ ମିସାଜି, ମା ଆସା ଇସାବ୍‌ତାନ୍ ଏସ୍‌କାଙ୍ଗ୍‌ଓଁଜୁ ଜିବନ୍‌ଦୁ ସନ୍‌ଡ୍ରେଙ୍ଗ୍ ସାରି ପୟତାମାନାପ୍ ।

^୮ ଇୟା ମାଟା ପୁରା ସଡ଼ ।

ଇୟାଓଁଜୁ ବିସୟ ମୁସ୍‌କୁ ମିର୍ ନାଣୁ ଦିୟାନ୍ ସିଜି ବୁଜାକିନିଦେର୍, ଆମାକାର୍ ମାପୁରୁମାନୁ ବିସ୍‌ବାସ୍ କିନାର୍, ଖାର୍ ସତ୍‌ପାଣି କିଜି ଦିନ୍ କାଟେକିନିକା ମାନାଡ଼; ଓଁଜେରି ଉଣ୍ଡିଙ୍ଗ୍ ଆମାକା ନେଗିକା, ଆୟାଓଁଜୁ ପାଣିଦୁ ତେବାନିକା ମାନାଡ଼ ।

^୯ ମାତର୍ ଆର୍‌ଏ ଲାଗାଜିସାନିକା, ପୁର୍ବେଦି ତକ୍ରାଦାଦାରି ନିର୍‌ଇ ଦର୍‌କା ଦାଡ଼ି ମାରି ସାସ୍ତ୍ର ଅସି ଆର୍‌ଏ ଜାଟି, ଆଉଲି ମାରି ଆସ୍‌ସିସାନିକା ଓଁଜୁ ଡ଼ିସ୍‌ଡୁ । ଇକା ଇନିକାସିଲିକା ନି ବେକାର୍ ।

^{୧୦} ଜାଟି କିଜିମାନି ଲୋକ୍‌ତିଙ୍ଗ୍ ରୁଣ୍ଡି ଦେବେଙ୍ଗ୍ ଜାଗ୍‌ରାତା ମାଟା ଖେର୍‌ଡୁ, ଆର୍‌ଡିଙ୍ଗ୍ ଖାନ୍ ଜଦି ଖେନ୍‌ଏନ୍ ଖାନି ଖାଲେ ମିସାବିଡ଼ ଡ଼ିସ୍‌ସୋ ସିଦୁ ।

^{୧୧} ମିର୍ ନେସ୍‌ତିମାନିଦେର୍, ଇୟାଖାଜା ଲୋକ୍ ଏଣ୍ଡେସ୍ ସାରିବାଣାତାମାନାନ୍, ଖାନି ପାଣି ମାଣାନ୍ ଖାନ୍ ନିଜେଦିଙ୍ଗ୍ ପାପ୍ ଇଜି ନିଜେ ପାର୍‌ମାଣ୍ କିନାନ୍ ।

ସାରାସାରି ମାଟା

^{୧୨} *ନାନ୍ ଏସ୍ତିଝାଲେ ମି ଲାକ୍‌ଡୁ ଆର୍‌ଡେମା ନି ତୁକିକଦିଙ୍ଗ୍ ପୋକ୍‌ତାନା, ନାସ୍ତିଝାଲେ ମିର୍ ନିକପଲିଦୁ ଖାଦେଙ୍ଗ୍ ଇଜି ସେସ୍ଟୁ କିଦୁ, ଇରିଙ୍ଗ୍ ଆବେନ୍ ନାନ୍ ପିନିକାଡ଼ା କାଟେକିଦେଙ୍ଗ୍ ବଦା କିତାମାନା ।

^{୧୩} *ସାସ୍ତ୍ରଗୁରୁ ଜିନା ମାରି ଆପୋଲୋଦି ବୁଲାନି ଉଣ୍ଡିଙ୍ଗ୍ ଆମା ଆମାକା ଦର୍‌କାର୍, ଓଁଜୁ ଉଣ୍ଡା କିଜି ସିଜି, ସନିସାରିଦୁ ଖାରିଙ୍ଗ୍ ସାହାଜ୍ୟ କିଦୁ ।

^{୧୪} ସତ୍‌ପାଣିଦାନ୍ ଦିନ୍ କାଟେକିଜି ନିଜେ ନିଜେଦି ଆସା ପୁରା କିନି ଉଣ୍ଡିଙ୍ଗ୍ ସିଲିସାତି ଲୋକାଙ୍ଗ୍ ସିକ୍‌ୟା ସିଦୁ । ଖାର୍ ଆର୍‌ଏ ବାସ୍‌ସୋ ମାନ୍‌ମାକିର୍ ।

^{୧୫} ଇବେନ୍‌ ନା ଖାଲେ ମାନି ଓଁଜୁ ଲୋକ୍ ମିଙ୍ଗ୍ ନମସ୍‌ସାର୍ ଜାଣେକିଜିନାର୍ । ଓଁଜୁ ବିସ୍‌ବାସ୍‌ସିର୍ ବନ୍ଦୁରିଙ୍ଗ୍ ମା ନମସ୍‌ସାର୍ ଜାଣେକିଦୁ ।

ମାପୁରୁଦି ଦୟା ମି ଓଁଜେରି ଉଣ୍ଡିଙ୍ଗ୍ ଆପିଡ଼ ।

☆ ୩:୧୨ ପ୍ରେରିତ ୨୦:୪; ଏପିସିୟ ୬:୨୧,୨୨; କଲସିୟ ୪:୬,୮; ୨ ଡିମତି ୪:୧୨. ☆ ୩:୧୩ ପ୍ରେରିତ ୧୮:୨୪; ୧ କରିନ୍ଥସ୍ ୧୨:୧୨.

ଫିଲମନଙ୍କ ନିକଟକୁ ପାଉଲଙ୍କ ପତ୍ର ପିଲିମନଦି ଲାକ୍ତୁ ପାଉଲତି ଆକୁ ପିଲିମନ ଆକୁ ବିସୟତାନ୍ ଏସ ମାଟା

ଇସ୍ତ୍ରୀ ପିଲିମନ ଆକୁ ପ୍ରେରିତ ପାଉଲତି ମାଣାନ୍ ରାସାତାମାର୍ହାତ୍ ୧:୧ । ଏସ୍ତ୍ରୀଖାଲେ ଇକା ରାସ୍ତାନ୍ ଖାନ୍ ଜଇଲ୍ତୁ ମାର୍ହାନ୍, ଆମାକା ଅର୍ଥ ଆନାତ୍ସୁଗି ଖାନ୍ ରୋମତାନ୍ ଇକା ରାସ୍ତାମାନାନ୍ । ଜଦି ଖାନ୍ ରୋମତୁ ମାର୍ହାନ୍ କ୍ରିସ୍ତୁଦି ଜନମ୍ତି ପାକାପାକି ୨୧ ବାର୍ଦ୍ଧେକ୍ ଖେନ୍କା ଇୟା ବଇ ରାସ୍ତାମାନାନ୍ । ଆମାକା ଆୟା ସାମାନ୍ ବେଡାତୁ କଲସିୟ ମଣ୍ଡୁଲିଦିକ୍ ରାସ୍ତାମାନାନ୍ ।

ଖାନ୍ ଇୟା ଆକୁ ପିଲିମନ ଦରତି ଅରେନ୍ ଲୋକତିକ୍ ରାସ୍ତାମାନାନ୍ । ପିଲିମନ ଅରେନ୍ ମଣ୍ଡୁଲିଦି ପେରିକାନ୍ ମାରି ଦାସରି ପେରିକାନ୍ ମାର୍ହାନ୍ । ପାଉଲ ରାସ୍ତାନ୍ ଜେ, ଖାନ୍ ଅନିସିମସଦିକ୍ କାସୁ ସିମାକିନ୍, ଏନ୍ କି ଫିଲିମନଦି ମାଣାନ୍ ତକ୍ମା କିଜି ଆକ ଉରୁକ୍ତା ମାର୍ହାନ୍ । ରୋମିୟ ନିୟମ୍ ଇସାବତାନ୍ ପିଲିମନ ଅନିସିମସଦିକ୍ ସାନି ଦଣ୍ଡ ସିନି ଅଦିକାର୍ ମାର୍ହାତ୍ ।

ଅନିସିମସଦିକ୍ କ୍ରିସ୍ତୁନ୍ ତଡାନ୍ ଖାଜା ମାନାନ୍ ଉଣ୍ଡିକ୍ ଏଣ୍ଡେସ୍ ରାଜି ଆନାନ୍ ଆୟାଉଣ୍ଡିକ୍ ପିଲିମନଦିକ୍ ଅନୁରଦ୍ ପାଉଲ ସିନାନ୍ । ପାଉଲ ଅନିସିମସଦିକ୍ ଖାନ୍ ବାଡିତୁ ସେବା ପାଣି କିନି ଉଣ୍ଡିକ୍ ସାରି ସିନି ଉଣ୍ଡିକ୍ ଆଦେସ୍ ସିତାନ୍ ୧:୧୩-୧୪ ।

ଇୟା ଆକୁତୁ ମାନି ମୁକିୟ ବିସୟ

- ୧. ପାଉଲ ପିଲିମନଦିକ୍ ନମସ୍କାର୍ କିନାନ୍ । ୧:୧-୩
- ୨. ପାଉଲ ଅନିସିମସଦି ମାଣାନ୍ ପିଲିମନତିକ୍ ଉନ୍ତୁ କ୍ରିସ୍ତୁନ୍ ତଡାନ୍ ଖାଜା ମାନାଦେକ୍ ଖେରନାନ୍ । ୧:୪-୨୧
- ୩. ପାଉଲ ଖାନ୍ ମାରିଡେସି ସନି ବିସୟତାନ୍ ମୋନ୍ତାନ୍ ଖେରନାନ୍ ମାରି ନମସ୍କାର୍ କିଜି ଖିସ୍ନାନ୍ । ୧:୨୨-୨୫

୧ ଜିସୁ କ୍ରିସ୍ତୁଦି ଉଣ୍ଡିକ୍ ଜେଲ୍ତୁ କାଟେକିଜିମାନି ନାନ୍ ପାଉଲ ମାରି ତଡାନ୍ ତିମତିମାଣାନ୍, ତଡ୍ ମାରି ଅରସେପାଣିକିନି ପିଲିମନଦି,

୨ *ମାରି ତାମେ ଇଲ୍ତୁ ଉଣ୍ଡାଜି ମାନି ପାରତନା କିଜିମାନି ମଣ୍ଡୁଲି, ତାକ୍ ଅପ୍ପିୟା ମାରି କ୍ରିସ୍ତୁନ୍ଦାମ୍ବୁଦୁ ଜୁଦ୍ତୁ ମା ଖାଲେ ପାଣିକିତିମାନି ଆକ୍ ପତି ଲାକ୍ତୁ ଆକୁ

୩ ବୁବା ମାପୁରୁ ମାରି ପ୍ରୁ ଜିସୁ କ୍ରିସ୍ତୁ ମିକ୍ ଦୟା ନି ସାନ୍ତି ସିପିନ୍ ।

ପିଲିମନତି ଜିବନ୍ନୋନିକା ମାରି ବିସ୍ବାସ୍

୪ ତଡାନ୍ ପିଲିମନ, ଖିଜୁ ଦେବେକ୍ ନାନ୍ ପାରତନା କିନିଖାଲେ ମିକ୍ ଏଡକିଜି ମାପୁରୁକ୍ ଦନ୍ୟବାଦ୍ ସିଜିମାନା,

୫ ଇରିକ୍ ନାନ୍ ଖେରଆମାନା, ପ୍ରୁ ଜିସୁମାନୁ ମି ବିସ୍ବାସ୍ ମାରି ଦାମ୍ବୁଜିବନ୍ନଜିନି ଲୋକା ଉଣ୍ଡିକ୍ ମି ଜିବନ୍ନୋନିକା !

୬ କ୍ରିସ୍ତୁଦି ଖାଲେ ମିସାନି ମାଣୁକୁ ମାପ୍ ଜିବନ୍ତୁ ଆମା ଖିଜୁ ଆସ୍ ବାଦ୍ ପୟତିମାନିକା, କ୍ରିସ୍ତୁ ବିସ୍ବାସତି ଖାଜା ମି ଖାଲେ ମା ମିସାନିକା ଆୟାଖିଜୁଦି ବୁଜାଇ ଅରଡ୍ ବୁଜାନି ଉଣ୍ଡିକ୍ ମିକ୍ ସାକା କିପିନ୍, ଇୟାକା ନା ପାରତନା ।

୭ ଲାଡ୍ଡି ତଡାନ୍କୁ ନି ତାକ୍ କି, ନି ଜିବନ୍ନୋନିକା ନାକ୍ ନାଣ୍ଡୁ ଖେଡିକା ସିତାମାନାତ୍ ମାରି ଖେଡିକା ବା କିତାମାନାତ୍; ଇରିକ୍ ମିର୍ ପ୍ରୁଦି ସାଦୁରି ଜିବନ୍ତୁ ଖେଡିକା ବତ୍ କିତିସିତିମାନିଦେର୍ ।

ଅନିସିମସଦି ଉଣ୍ଡିକ୍ ଅନୁରଦ୍

୮ ଇୟାଉଣ୍ଡିକ୍ ମି କ୍ରିସ୍ତୁ ବିସ୍ବାସତି ତଡାନ୍ ଖାଜା ମି ପାଣି ବିସୟତାନ୍ ଆଦେସ୍ ସିଦେକ୍ ନା ସାସ୍ ମାନାତ୍ ।

୯ ମାତର୍ ମି ଉଣ୍ଡିକ୍ ନା ଜିବନ୍ନୋନିକା ମାନିକ୍ ନିକ୍ କେବଲ ଅନୁରୋଦ୍ କିଜିନା । ଜଦିବା ନାନ୍ ପାଉଲ ଅରେନ୍ ତକ୍ମା, କ୍ରିସ୍ତୁ ଜିସୁଦି ଉଣ୍ଡିକ୍ ଇଲେଇ ଜଇଲ୍ତୁ ମାନା,

୧୦ *ଆଡିକ୍ ବା ନାନ୍ ମାଡିସକିଜି ଇକା ଖେରସିନା । ଇୟା ଜଇଲ୍ତୁ ଅବସ୍ଥାଦାନ୍ ନାନ୍ ଆମାଖାନିକ୍ କ୍ରିସ୍ତୁଦି ଉଣ୍ଡିକ୍ ନିଜେଦି ମାରିନ୍ ଖାଜା ପୟତାମାନା, ନାନ୍ ଖାନ୍ ଆମିକ୍ ବୁବା ଖାଜା ଆତାମାନା, ଆୟା ଅନିସିମସ୍ ଉଣ୍ଡିକ୍ ନା ଇୟା ଅନୁରଦ୍ ।

୧୧ ଅରଲେନ୍ ଅନିସିମସ ମି ଉଣ୍ଡିକ୍ ଦରକାର୍ ସିଲେତାନ୍; ମାତର୍ ଇଲେଇ ଖାନ୍ ନିକ୍ ନି ନାକ୍ ବିସେସ୍ ଦରକାର୍ତୁ ଖାନାନ୍ ।

* ୧:୨ କଲସିୟ ୪:୧୭. * ୧:୧୦ କଲସିୟ ୪:୯.

୧୨ ଖାନ୍ ତୋ ନା ଜିବନ୍ତି ଖାଜା ନାନ୍ ଇଲେଇ ଖାନିଙ୍ଗ୍ ମି ଲାକ୍ତୁ ପୋକ୍ସି ସିନି ଖାଲେ ନା ଜିବନ୍ ଆଡ଼ବାତି ଖାଜା ଆଜିନାଡ଼ ।

୧୩ କ୍ରିସ୍ତଦି ନେଗିକାରୁର ପ୍ରଚାର କିନି ଉଣ୍ଡିଙ୍ଗ୍ ନାନ୍ ଇୟା ଜଇଲ୍ତୁ ତେବାତାମାନା । ଇବେନୁ ମାନି ସାନ୍ଦି ନି ବାଦ୍ଲୁ ଖାନିଙ୍ଗ୍ ନା ସେବା ପାଣିଦୁ ଲାଗେକିଦେଙ୍ଗ୍ ନା ବଦା ମାର୍ହାଡ଼ ।

୧୪ ମାତର ଇୟା ବିସୟତାନ୍ ନାଙ୍ଗ୍ ସାକା କିନି ଉଣ୍ଡିଙ୍ଗ୍ ନିଙ୍ଗ୍ ଜାସାପେଲା କିଏ, ଆକା ନିଜେଦି ବଦାଦାନ୍ ନିନ୍ କିଦେଙ୍ଗ୍ ଆଟ୍ଟନି । ଆୟା ଆମାକାଆପିଡ଼, ନି ରାଜି ଡ଼ିସସି ନାନ୍ ଇନିକା କିଦେଙ୍ଗ୍ ଅଡ଼ବିଏ ।

୧୫ ମାରିବା ଝିଜୁଦିନ୍ ନି ଲୋକ୍ ଆଜି ତେବାନାନ୍ ଇଜି ଅନସିମସ ଏସୋ ଦିନ୍ ନିଙ୍ଗ୍ ଡ଼ିସତା ସର୍ହାମାର୍ହାନ୍ ।

୧୬ ମାରି ଖାନ୍ ଇଲେଇ କେବଲ୍ ଅରେନ୍ କଟିସାକର ଆଏନ୍ । କ୍ରିସ୍ତଦି ବିସବାସସି ଖାଜା ଖାନ୍ ଇଲେଇ ମା ଅରେନ୍ ଲାଡ଼ତି ତଡ଼ାନ୍ । ନା କାଣ୍ଗାତୁ ଇଲେଇ ଖାନ୍ ଏସ ସାହାଜ୍ୟକିନିକାନ୍ ! ମି ଅରେନ୍ ଦାସ୍ ମାରି କ୍ରିସ୍ତଦି ବିସବାସସି ତଡ଼ାନ୍ ଖାଜା ଖାନ୍ ମି ଉଣ୍ଡିଙ୍ଗ୍ ମାରି ଏସ ସାହାଜ୍ୟକିନିକାନ୍ ଆଏନ୍ !

୧୭ ଆଦେଙ୍ଗ୍ ନାଙ୍ଗ୍ ଜଦି ନି ଖାଲେ ଅରସେମାନିକାନ୍ ଇଜି ଅଡ଼ବିଜିମାନି, ନାଙ୍ଗ୍ ଏଣ୍ଡେସ୍ କୁକ୍ତିମାନ୍ଦି, ଖାନିଙ୍ଗ୍ ବା ଆୟାଖାଜା ମାନାଆ !

୧୮ ଖାନ୍ ଜଦି ନି ଇନି ଅନ୍ୟାୟ କିନାମାନାନ୍, ମାରି ନିଙ୍ଗ୍ ଖାନିନ୍ଦି ଇନିକା ସିନିକାମାନାଡ଼, ଆକା ନା ଇସାବ୍ତୁ ରାସସୋ ସିଦା ।

୧୯ ଇକା ସୁଡ଼ୁ, ନାନ୍ ନିଜେଦି କିୟୁଦାନ୍ ରାସସି ସିଜିନା, “ନାନ୍, ପାଉଲ, ସଡ଼ ଆକା ଡେସିସିନା ।” ପୁରା ମିଙ୍ଗ୍ ନାନ୍ ଏଡ଼ କିବିସକିନି ସିନି ଦରକାର୍ସିଲେ ଜେ, ମି ଜିବନ୍ତି ଉଣ୍ଡିଙ୍ଗ୍ ବା ନିନ୍ ନାମାନ୍ ରୁଣୁଆତିମାନି ।

୨୦ ଆଦେଙ୍ଗ୍ ତଡ଼ାନ୍, ନା ଖାଜା ଅରେନ୍ କ୍ରିସ୍ତ ବିସବାସତି ତଡ଼ାନ୍ତିଙ୍ଗ୍ ପ୍ରବୁଦି ଉଣ୍ଡିଙ୍ଗ୍ ଦୟା କିଆ, ଇୟାମାଣାନ୍ ନାନ୍ ନାଣୁ ଝେଡ଼ିକା ଆନା ।

୨୧ ନିନ୍ ନା ମାଟା ଇଡ଼ନି ଇଜି ସଡ଼ତାନ୍ ନେସସି, ନାନ୍ ନିଙ୍ଗ୍ ଇୟା ଆକୁ ରାସସିନା । ସଡ଼ତାନ୍ ନାନ୍ ନେସନା, ନି ମାଣ୍ଡକୁ ନାନ୍ ଏସ ଆସା କିଜିନା, ନିନ୍ ନା ଉଣ୍ଡିଙ୍ଗ୍ ତାନି ମାଣ୍ଡକୁ ନାଣୁ କିନି ।

୨୨ ଇୟାତାନି ଖାଲେ ନା ମାରି ଉନ୍ତ୍ର ଅନୁରଦ୍, ଆବେନୁ ନା ଉଣ୍ଡିଙ୍ଗ୍ ଉନ୍ତ୍ର ବାକାର୍ ତିଆର କିଜ ଇଡ଼ତୁ । ନା ଆସା, ମି ପାର୍ତାନା କିନିମାଣ୍ଡକୁ ନାନ୍ ମି ଲାକ୍ତୁ ମାରିଡେସି ଖାନା ।

ସାରାସାରିଦି ନେଗିମାଟା

୨୩ *ପ୍ରବୁ ଜିସୁ କ୍ରିସ୍ତଦି ଉଣ୍ଡିଙ୍ଗ୍ ନା ଖାଲେ ଜଇଲ୍ତୁ ତେବାତିମାନି ଏପାପ୍ରା ମାରି ନା ଖାଲେଅରେସ୍ପାଣିକିନିକାନ୍,

୨୪ *ମାରି ମାର୍କ, ଆରିସ୍ଟୁର୍କ୍ସ, ଦିମା ମାରି ଲୁକ ମାଡ଼ିସ୍ କିଜିନାର୍,

୨୫ ପ୍ରବୁ ଜିସୁ କ୍ରିସ୍ତଦି ଉଣ୍ଡିଙ୍ଗ୍ ଦୟା ମି ଝିଜେରି ଲାକ୍ତୁ ମାନିଡ଼ ।

☆ ୧:୨୩ କଲସିୟ ୧:୭; ୪:୧୨. ☆ ୧:୨୪ ପ୍ରେରିତ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦ପ୍ରେରିତ ୧୯:୨୯; ୨୭:୨; କଲସିୟ ୪:୧୦କଲସିୟ ୪:୧୪; ୨ ତିମତି ୪:୧୦; କଲସିୟ ୪:୧୪; ୨ ତିମତି ୪:୧୧.

ଏହାମାନଙ୍କୁ ଲିଖିତ ପତ୍ର ଏହି ଲୋକାଙ୍କ ରାସ୍ତାମାନି ଆକୁ ଏହି ଆକୁ ବିସୟତାନ୍ ଏସ ମାଟା

ଏହି ଆକୁ ଖେଡ଼ିକା ସିନି ଉନ୍ତୁ ଆକୁ । ପାଡ଼ିଲ ନିୟମ୍ ଆଇଆଇ ବାବବାଣି ଖିଜୁ ପୁରା ଆତିମାନି ବିସୟ ଇବେନୁ ମାନାତ୍ । ଇକା ଉନ୍ତୁ ଉପଦେସ୍ ଖାଜା । ଇବେନୁ ପୁରା ୭୦ ଦାନ୍ ନାଶୁ ପାଡ଼ିଲ ନିୟମ୍ତି ବିସୟକୁ ତେବାତେମାନେ । ଆମାକା ଜିସୁ କ୍ରିସ୍ତ ଏଣ୍ଡେସ୍ଖାଜା ବାବବାଣି ମାରି ଜିହୁଦି ଜାଜକରି ପାଣି ପୁରା କିତାନ୍ ଇବେନୁ ମାପ୍ ପୋଇତାମାନାପ୍ ।

ଇୟା କାରଣତାନ୍ ଇକା ଜିହୁଦି କ୍ରିସ୍ତାନ୍ ଲୋକାଙ୍କ୍ ସାହାସ୍ ସିନି ବଇ । ଏହି ଆକୁଦୁ ତରନାତ୍ ଜେ, ଜିସୁ ଏଣ୍ଡେସ୍ ନିୟମ୍ ଖିସ୍ତାନ୍, ଏମେ ବାଦ୍ଲୁ ଜାଜକ ମାରିଡେସି ଏସକାଙ୍କ୍ ବଲି ପୁଜାସିଏନ୍ ମାରାନ୍ । ଜିସୁ କ୍ରିସ୍ତ ଆଜିନାନ୍ ଖିଜୁ ପାପତି ପୁଜାସିନିକାନ୍, ଇକା ଉନ୍ତେ ଦେବାନେ ଖିଜୁଖାଲେ ଉଣ୍ଡିଙ୍ଗ୍ । ଇଲେଇତି ଦୁନିଆଦି କ୍ରିସ୍ତାନ୍ ଲୋକା ଉଣ୍ଡିଙ୍ଗ୍ ଏହି ବଇଦୁ ସାହାସ୍ତିକା ତରନାତ୍ । କେବଲ୍ କ୍ରିସ୍ତ ମାଙ୍କ୍ ମାପୁରୁଙ୍ଗ୍ ଆସା କିନି ଉଣ୍ଡିଙ୍ଗ୍ ପୁରା କିଦେଙ୍ଗ୍ ଆଟନାନ୍ । ମାରି ବା ଖାନିମାନୁ ଆସା କିଜି ଖେନକା ବୁଲାନାଟ୍ ୧୨:୨ ।

ଏହି ଆକୁ ଏନ୍ ରାସ୍ତାମାନାନ୍ ନେସ୍ଏର୍, ମାତର୍ ପଣ୍ଡିତକୁ ସିନ୍ଧା କିନାର୍, ପ୍ରେରିତ ପାଉଲ, ଲୁକ, ମାରି ବର୍ଣ୍ଣବା ଆନାମାନାର୍ । ଇୟାତାନି ରାସାତି ବେଡା ବା ନେସ୍ଏର୍ ମାତର୍ ନାଶୁ ଲୋକା ବିସ୍ତବାସ୍ କିଜିନାର୍ ଇକା ଜିସୁ କ୍ରିସ୍ତଦି ଜନମ୍ ଖେନକା ୭୦ ବାସ୍ତୁଦୁ ରାସାତାମାନାତ୍ । ଜିରୁସାଲମ୍ ମନ୍ଦିର୍ ୭୦ ବାସ୍ତେକ୍ତୁ ନାସୁ ଆତାତ୍, ମାତର୍ ଇୟା ଆକୁଦି ରାସ୍ତିକାନ୍ ଇକା ନାସୁ ଆଇ ମାନି ଖାଜା ଇନାନ୍ । ଏହି ବଇ ଆନାତ୍ଜେ ରମାୟ ଗାଡ଼ତୁ ରାସାତାମାରାତ୍ ୧୩:୨୪ ମାରି ଆଇଆଇ ମଣ୍ଡଲିଦୁ ସିଆୟଆତାମାରାତ୍ ।

ଇୟା ଆକୁଦି ଏସ ମୁକ୍ୟ ବିସୟ

୧. ରାସ୍ତିକାନ୍ ତରନା ସିନାନ୍ ଜେ, ଜିସୁ କ୍ରିସ୍ତ ଆଜିନାନ୍ ମାପୁରୁଦି ବାବବାଦି ମାରି ଦୁଡ଼କା ମାଣାନ୍ ବା ପେରିକାନ୍ । ୧:୧-୪:୧୩
୨. ରାସ୍ତିକାନ୍ ତରନା ସିନାନ୍ ଜିରୁସାଲମ୍ତୁ ସେବା କିଜିମାନି ଜାଜକରି ମାଣୁକୁ ବା ଜିସୁ ପେରିକାନ୍ । ୪:୧୪-୭:୨୮
୩. ମସାଦି ମାଣାନ୍ ଲୋକାଙ୍କ୍ ସିଆୟଆତିମାନି ନିୟମ୍ତି ପାଡ଼ିଲ ନିୟମ୍ତି ମାଣାନ୍ ଜିସୁଦି ସେବା ପାଣି ପେରିକା । ୮:୧-୧୦:୩୧
୪. ରାସ୍ତିକାନ୍ ଜିସୁଙ୍କୁ ଖିଜୁମାନୁ ପେରିକାନ୍ ଇକା ବୁଜାକିଜି ଗାଦି ମାଟେଙ୍ଗ୍ ସିନାନ୍ । ୧୦:୩୨-୧୩:୧୭
୫. ରାସ୍ତିକାନ୍ ଇୟା ବଇଦୁ ସାହାସ୍ତି ମାଟେଙ୍ଗ୍ ନି ସାରାସାରି ମାଟା ସିଜି ଖିସ୍ତାନ୍ । ୧୩:୧୮-୨୫

ମାରିସିଦି ମାଣାନ୍ ମାପୁରୁସିତି କାବୁର୍

୧ ପୁର୍ବେଦାନ୍ ମାପୁରୁ ଆଇ ବେଡାଦୁ ମାରି ଆଇ ଆଇ ଉପାୟତାନ୍ ବାବବାଦିରି ମାଡାନ୍ ମା ତକ୍ରାଦାଦାରିଙ୍ଗ୍ କାବୁର୍ ସିତାମାହାନ୍,

୨ ମାତର୍ ଇୟା ଖିଜିନ୍ ଦୁନିଆଦୁ ଖାନ୍ ନିଜେଦି ମାରିନ୍ତି ମାଡାନ୍ ମା ଖାଲେ ଖାରିଗିତାମାନାନ୍ । ଆୟା ମାରିନ୍ତି ମାଡାନ୍ ନେ ମାପୁରୁ ସାରାଦୁନିଆଦିଙ୍ଗ୍ ତିଆରକିତାନ୍ ମାରି ସାରାସାରିଖେନକା ଖିଜୁ ବିସୟତି ଅଦିକାରି ଆନି ଉଣ୍ଡିଙ୍ଗ୍ ଖାନ୍ ଖାନିଙ୍ଗ୍ ବାସେକିତାନ୍ ।

୩ ଖାନିମାନୁ ମାପୁରୁଦି ମହିମା ଜାୟ କିବିସ୍ତିକିତାମାନାନ୍ ମାରି ପୁରା ମାପୁରୁଦି ନିଜେଦି ରୁପ୍ଖାଜା । ମାରି ଖାନ୍ ନିଜେଦି ସାଲି ବାକ୍ୟ ଦାନ୍ ଖିଜୁଦେସ୍ତିଙ୍ଗ୍ ସାଲା କିତାମାନାନ୍ । ଖାନ୍ ଲୋକା ଜାତି ଉଣ୍ଡିଙ୍ଗ୍ ପାପ୍ କେମା କିଜି ମୁସ୍ତକୁପୁର୍ ମହାମହିମା ମାପୁରୁଦି ଉଣିକିୟୁ ତରିନ୍ ବାସ୍ତାମାନାନ୍ ।

ମାପୁରୁଦି ମାରିନ୍ ପେରିକାନ୍

୪ ଖାନ୍ ମୁସ୍ତକୁପୁର୍ତି ଦୁଡ଼କା ବାଦ୍ଲୁ ଏଣ୍ଡେସ୍ ପେରିକାନ୍, ଖାନି ଦରୁ ବା ଆୟାଖାଜା ତାମେକା ଦରୁ ବାଦ୍ଲୁ ନାଶୁ ପେରିକା ।

୫ ଇରିଙ୍ଗ୍ ଏସାଙ୍ଗ୍ବା ମାପୁରୁ ଏମେ ଦୁଡ଼କାଙ୍କ୍ ି ଇନ୍ଏନ୍ :

“ନିନୁ ନା ମାରିନ୍,

ନେରରାନ୍ ନାନୁ ମି ବୁବା ଆତାମାନା ।”

ମାପୁରୁ ବା ଇହାନ୍,

“ନାନୁ ଖାନି ବୁବା,

ମାରି ଖାନ୍ ନା ମାରିନ୍ ।”

୬ ମାତର ମାପୁରୁ ଖାନି ଆଗଡ଼ିରି ମାରିନତିଙ୍କ ଇୟା ଜଗତ୍ତୁ ପୋକ୍ତି ଖାଲେ ଇକା ଇର୍ହାମାର୍ହାନ :
“ମାପୁରୁଦି ଦୁଡ଼କୁ ଝିଜୁ ଖାନି ପୁଜା କିନେ ।”

୭ ମାତର ମୁସକୁପୁରତି ଦୁଡ଼କା ବିସୟତାନ୍ ମାପୁରୁ ଇୟା ମାଟା ଇର୍ହାମାନାନ୍;
“ମାପୁରୁ ନିଜେଦି ଦୁଡ଼କାଙ୍କ ଗାଲି ଖାଜା

ମାରି ନିଜେଦି ସେବାକିନିଖାରିଙ୍କ ସିସୁଡ଼ିକୁ ଖାଜା କିନାନ୍ ।”

୮ ଖାନି ମାରିନତି ବିସୟତାନ୍ ଖାନ୍ ଇର୍ହାମାର୍ହାନ :

“ଏ ମାପୁରୁ, ନି ରାଜି ଝିଜୁଦିନ୍ ମାନିଡ଼ !

ନିନୁ ନ୍ୟାୟଦଣ୍ଡତାନ୍ ନି ଲୋକାଙ୍କ ସାସନ୍ କିଜିନି ।

୯ ନିନୁ ନେଗିତାନିଙ୍କ ଜିବନ୍ନୋନି ମାରି ତାଗ୍‌ଇ ତାନିଙ୍କ କାଡ଼ନି ।

ଆୟାଉଣ୍ଡିଙ୍କ ମି ମାପୁରୁ ନିଙ୍କ ବାସେ କିତାମାନାନ୍

ମାରି ନି ସାଙ୍କର ବାଦଲୁ ନିଙ୍କ ଅଦିକନାଣ୍ଡ ମାନାଜି ଝେଡ଼ିକାଦି ନିୟୁଦାନ୍ ଉସୁତାମାନାନ୍ ।”

୧୦ ଖାନ୍ ମାରି ବା ଇର୍ହାମାନାନ୍ :

“ଏ ପ୍ରବୁ, ନିନୁ ଆଗଡ଼ିନେ ଦୁନିଆ ତିଆର କିତି,

ମାରି ନିଜେଦି କିୟୁଦାନ୍ ବାଦଡ଼ ତିଆର କିତି ।

୧୧ ଆୟାଝିଜୁ ଅରଲେନ୍ ମାରାଗ୍‌ନାଡ଼ । ମାତର ନିନୁ ଝିଜୁଦିନ୍ ମାନି;

ଝାର ପାଡ଼ିଇ ଆଙ୍କ ଖାଜା ନାସୁ ଆନାର ।

୧୨ ଆଙ୍କ ପାସିୟା ରସ୍ତି ଖାଜା ନିନୁ ଆୟାଝିଜୁ ରସ୍ତି ଇଡ଼ନି

ମାରି ଆଙ୍କ ବାଦେଲେକିନି ଖାଜା ବାଦଲେ କିନି ।

ମାତର ନିଜେ ନିନୁ ବାଦଲେଆଇ

ମାରି ନିନୁ ଝିଜୁଦିନ୍ ତେବାନି ।”

୧୩ ମାପୁରୁ ଖାନି ଏମେ ଦୁଡ଼କାଙ୍କ ଏସାଙ୍କ ଇନ୍‌ଏନ୍,

“ନାନୁ ନି ସାତୁରିଙ୍କ ନି କାଲକା ଆଡ଼ଗି କିଏତି ସାନ୍

ନିନୁ ନା ଉଣେରି କିୟୁ ତରିନ୍

ବାସିସୋମାନିଆ ।”

୧୪ ଆରତିଙ୍କ ମୁସକୁପୁରତି ଦୁଡ଼କୁ ଏର ? ଝାର ଆଜିନାର ମାପୁରୁଦି ସେବାକିନିକାର, ରକିୟା ପୋଇତିମାନି ଲୋକୁଦି ସାକା ଉଣ୍ଡିଙ୍କ ମାପୁରୁଦି ମାଡ଼ାନ୍ ପକାତି ଆଡ଼ମେଙ୍କ ।

୨

ପେରି ରକିୟା

୧ ମାପ୍ ଏଣ୍ଡେସ୍ ସଡ଼ତାନ୍ ଝେରଏ ଆଏପ୍, ଇୟାଉଣ୍ଡିଙ୍କ ମାଡ଼ ଝେରଇମାନି ସଡ଼ ମାଟାଦୁ ଆଟୁଝାଆଜି ତେବାନିକା ମାନାଡ଼ ।

୨ ଇରିଙ୍କ ଆଗଡ଼ି ମାପୁରୁ ମୁସକୁପୁରତି ଦୁଡ଼କାଙ୍କ ଏମେ କାରୁର ସିତାମାନା, ଆକା ସଡ଼ ଇଜି ପାରମାଣ୍ ଆତାମାନାଡ଼, ଆମାକାର ତାନିଙ୍କ ଡ଼ିସ୍‌ସି ମାନାଏତାର, ଝାର ସାମାନ୍ ଦଣ୍ଡ ପୋଇତାମାନାର ।

୩ ଆରତିଙ୍କ, ଇୟା ପେରିରକିୟାଦିଙ୍କ ଡ଼ିସ୍‌ତିଙ୍କ, ମାଡ଼ ଏଣ୍ଡେସ୍ ରକିୟା ପୋଇନିକା ? ଇୟା ପରିତ୍ରାଣ ନିଜେ ପ୍ରବୁ ନିଜେ ଆଗଡ଼ିନେ ଝେରତାମାନାନ୍ ମାରି ଖାନିମାନୁ ଝେରଇମାନି ଲୋକୁ ଖାନି ପେରିସଡ଼ ମା ଲାକୁଡୁ ପାରମାଣ୍ କିତାମାନାର ।

୪ ମାରି ବା, ମାପୁରୁ ଆଇ ଆଇ ସିନେଙ୍କ ନି କାବାଆନି ପାଣି ମାରି ଏସାଙ୍କ ଗଟ୍‌ନାଦାନ୍ ଆୟାଝିଜୁ କାରୁର ସଡ଼ ଇଜି ସାକି ସିତାମାନାନ୍ ମାରି ନିଜେଦି ବଦାଦାନ୍ ପବିତ୍ରଆମ୍‌ଦି ଦାନ୍ ଝିଜୁ ବାଟା କିତାମାନାନ୍ ।

ରକିୟା ସାରିଦୁ ଆଗଡ଼ିଅନି କ୍ରିସ୍ତୁ

୫ ମାପୁରୁ ଆମା ପୁନି ଦୁନିଆ ତିଆର କିନାନ୍ ମାରି ଆମା ଦୁନିଆଦି କାରୁର ମାପ୍ ଇଜିନାପ୍, ଖାନି ଅଦିପତି ଇସାପ୍‌ତାନ୍ ଖାନ୍ ମୁସକୁପୁରତି ଦୁଡ଼କାଙ୍କ ଆସ୍‌କିଏନ୍ ।

୬ ଦାମ୍‌ସାସ୍ତ୍ରୁ ମାଟା ରାସାତାମାନାଡ଼ :

“ଏ ମାପୁରୁ, ଲୋକୁ ଏନ୍ ଜେ, ନିନୁ ଖାନି ଉଣ୍ଡିଙ୍କ ସିନ୍ତା କିଜମାନିଆ ମାରି ମନୁଷ୍ୟପୁତ୍ର ଏସ ତାଗ୍‌ଇକାନ୍ ଆତିଙ୍କବା ମିରୁ ଖାନି ଜାତୁନ୍ ଅସିନି ?

୭ ନିନୁ ଖାନିଙ୍କ ମୁସକୁପୁରତି ଦୁଡ଼କା ମାଡ଼ାନ୍‌କୁ ଅଡ଼ପ୍ ମାତର ଇସ୍‌କାକିଜି ଇଡ଼ତିମାନି;

ନିନୁ ଖାନିଙ୍କ ଗୌରବ୍ ମାରି ସନ୍‌ମାନରୁପ୍‌ତି ଟପିଦାନ୍ ଆରିସ୍‌କିତିମାନି,

୮ ମାରି ଓଜୁ ବିଷୟ ମୁସୁକୁ ସାସନ କିଦେଇ ସିତିମାନି ।”

ମାପୁରୁ ଲୋକାଙ୍କ “ଓଜୁ ବିଷୟ ମୁସୁକୁ ସାସନ କିଦେଇ ସିତାମାନାନ ।” ଇବେଟ୍‌ତାନ ପୁରାନେସନିକା ଜେ, ଓଜୁ ବିଷୟ ଖାନ ଅଦିକାରତୁ ତେବାତେମାନେ, ଏଣ୍ଡେସବା ମାଡ଼ ନେସନିକା, ଲୋକୁ ଇଲେଇ ଓଜୁ ବିଷୟ ମୁସୁକୁ ଅଦିକାର କିଏର୍ ।

୯ ମାତର୍ ମାପ୍ ସୁଡ଼ଜିନାପ, ଏଣ୍ଡେସ ଜିସୁ ମୁସୁକୁପୁର୍ତି ଦୁଡ଼କା ମାଣୁକୁ ଅଡ଼ପ୍ ଇସ୍ତ୍ରିକା କିଆୟାଆତା ମାହାନ, ଏଣ୍ଡେସକି ମାପୁରୁଦି ଦୟାଦାନ ଖାନ ଓଜେରି ଉଣ୍ଡିଙ୍ଗ୍ ସାନାନ । ଖାନି ଆୟା ସାତିଦଣ୍ଡ ଉଣ୍ଡିଙ୍ଗ୍ ମାଡୁ ଖାନିଙ୍ଗ୍ ଇଲେଇ ଗୌରବ୍ ମାରି ସନମାନରୁପତି ଚପିଦାନ ଆରାତିମାନିକା ସୁଡ଼ଜିନିକା ।

୧୦ ଓଜେରିଙ୍ଗ୍ ତିଆରକିତିକାନ ମାରି ରକିୟାକିନିକାନ ମାପୁରୁ ଖାନି ନାଣ୍ଡ କଡ଼ରିଙ୍ଗ୍ ଜିସୁଦି ଗୌରବ୍‌ଦୁ ମିସା କିନି ଉଣ୍ଡିଙ୍ଗ୍, ସାତି ମାଡାନକୁ ଜିସୁଙ୍ଗ୍ ପୁରାନେଗିକା କିଜି ଟିକ୍ ପାଣି କିତାମାନାନ । ଇରିଙ୍ଗ୍ ଓ ଜିସୁନେ ପରିତ୍ରାଣଦି ସାରିଦୁ ଖାରିଙ୍ଗ୍ ସାଲକିଜି ଅନାନ ।

୧୧ ଖାନ ଲୋକାଙ୍ଗ୍ ପାପତାନ ପବିତ୍ର କିନାନ । ମାରି, ଆମାକାର୍ ଜିସୁ ମାଡାନ ପବିତ୍ର ଆନାର୍, ଖାର୍ ଓଜେରେ ଅରେନ୍ ବୁବାଦି କଡ଼ର୍ । ଆୟାଉଣ୍ଡିଙ୍ଗ୍ ଜିସୁ ଖାରିଙ୍ଗ୍ ତଡାନ ନି ତାଙ୍ଗ୍ ଇଜି ଇନ୍‌ଡ୍ରେଙ୍ଗ୍ ସେମାର୍ ଆଏନ୍ ।

୧୨ ଖାନ ମାପୁରୁଙ୍ଗ୍ ଇର୍ହାମାନାନ :

“ନାନୁ ନି ଓଜୁ ପାଣି ନା ତଡାନ ନି ତାଙ୍ଗ୍ କାଙ୍ଗ୍ ଖେରନା ।

ନାନୁ ଖାରି ମଣ୍ଡଲିଦି ନାଣ୍ଡଲୋକୁ ଉଣ୍ଡାତିମାନୁ ନି ପ୍ରସଂସା ପାଟା କିନା ।”

୧୩ ଖାନ ଇକାବା ଖେରତାମାନାନ, “ନାନୁ ମାପୁରୁଦିମାନୁ ବିସବାସ୍ ତିଆର୍ କିନା” ମାରି ମାପୁରୁ ନାଙ୍ଗ୍ ଏମେ କଡ଼ରିଙ୍ଗ୍ ସିତାମାନାନ, ଖାର୍ ନା ଖାଲେ ମାନାର୍ ।

୧୪ ଖାନ ଏମେଖାରିଙ୍ଗ୍ କଡ଼ର୍ ଇଜି ମାନାତାମାନାନ, ଖାର୍ ନେତେରକାଣ୍ଡା ମେନ୍‌ଲତି ଲୋକୁ ଆତିମାନିଙ୍ଗ୍ ଜିସୁ ବା ନିଜେ ଖାରି ଖାଜା ଲୋକା ମୁଡ଼ ନି ଗୁଣ୍ଡ ଆସସି ଖାତାନ । ଖାନ ଇକା କିନି ମାଟା ଆଜିନାଡ଼, ଖାନ ଏଣ୍ଡେସ୍ ନିଜେଦି ସାନି ମାଡାନକୁ ସୟତାନତିଙ୍ଗ୍ ବିନାସ୍ କିନାନ, ଇରିଙ୍ଗ୍ ସାନି ମୁସୁକୁ ସୟତାନତି ଅଦିକାର୍ ମାର୍‌ଆଡ଼ ।

୧୫ ଇବେଟ୍‌କୁ ଓଜୁଦିନ୍ ଉଣ୍ଡିଙ୍ଗ୍ ସାନି ତିଲାନି ଦାସ୍ତି ଗାଟିଦୁ ମାନି ଲୋକାଙ୍ଗ୍ ଖାନ ମୁକ୍ତା କିତାମାନାନ ।

୧୬ ଇବେଟ୍‌କୁ ଟିକ୍ ନେସ୍ତେଙ୍ଗ୍ ଆନାଡ଼ ଜେ, ଖାନ ମୁସୁକୁପୁର୍ତି ଦୁଡ଼କାଙ୍ଗ୍ ସାହାଜ୍ୟ କିଏନ୍, ମାତର୍ “ଖାନ ଅରାହାମ୍‌ଦି କୁରୁମ୍‌ତି ଲୋକାଙ୍ଗ୍ ସାହାଜ୍ୟ କିନାନ ।”

୧୭ ତେନି ଅର୍ତ୍ ଆଜିନାଡ଼, ଓଜୁ ବିସୟତାନ ଖାନି ତଡାନକା ଖାଜା ଆନିକା ଖାନି ବଦା ମାହାନ୍, ଏମେ ମାଣାନ କି ଖାନ ଖାରି ବିସବାସ୍ ମାରି ଦୟାକିନି ପେରିଜାଜକ ଆଜି ମାପୁରୁଦି ସେବା କିଦେଇ ଆଟ୍‌ନାନ ମାରି ଲୋକୁ ପାପକେମା ପୋଇନାର୍ ।

୧୮ ଇରିଙ୍ଗ୍ ଖାନ ନିଜେ ପରିକାଦୁ ଆର୍ଜି କାସୁବଗାତି ମାନିଙ୍ଗ୍, ପରିକାଦୁ ଆର୍ତିମାନି ଲୋକାଙ୍ଗ୍ ସାକା କିଦେଇ ଆଟ୍‌ନାନ ।

୩

ଜିସୁ ମୋସାଦିମାଣୁକୁ ପେରିକାନ

୧ କ୍ରିସ୍ ବିସବାସି ତଡାନକୁ ନି ତାଙ୍ଗ୍ କି, ମିର୍ ବା ମାପୁରୁଦି ମାଡାନ କୁକାୟାଆତିମାନିଦେର୍ ! ମିର୍ ଜିସୁଦି ବିଷୟ ଚିନ୍ତା କିଦୁ, ଖାନ ମା ଦାମ୍‌ବିସବାସ୍ତି ପେରିଜାଜକ ଆନି ଉଣ୍ଡିଙ୍ଗ୍ ମାପୁରୁଦି ମାଡାନ ପୋକାଇ ଆତାମାନାନ ।

୨ ମୋସା ଏଣ୍ଡେସ୍ ମାପୁରୁଦି ଇଲୁଡୁ ବିସବାସ୍ତାନ ପାଣି କିତାମାହାନ, ମାପୁରୁଦି ମାଣୁକୁ ଆସକିଆୟାଆତି ଜିସୁ ଆୟାଖାଜା ଇୟା ପାଣି ଉଣ୍ଡିଙ୍ଗ୍ ମାପୁରୁଦି ଉଣ୍ଡିଙ୍ଗ୍ ବିସବାସ୍ ମାର୍‌ହାନ ।

୩ ଇଲୁଦି ବାଦ୍‌ଲୁ ଇଲୁକୁତିଆରକିନିଖାନିଙ୍ଗ୍ ନାଣ୍ଡ ସମ୍ମାନ ସିନାର୍ । ଆୟାଖାଜା ମୋସାଦି ବାଦ୍‌ଲୁ ଜିସୁଙ୍ଗ୍ ନାଣ୍ଡ ସନମାନ ପୋଇଦେଇ ଜଗ୍‌ମାନାଡ଼ ।

୪ ଓଜୁ ଇଲୁକୁ ଏନ୍ ସିଲେତିଙ୍ଗ୍ ଏନ୍ ଲୋକା ମାଡାନ ତିଆର୍ ଆତେମାନେ, ମାତର୍ ମାପୁରୁ ଓଜୁ ବିସୟତିଙ୍ଗ୍ ତିଆରକିତିକାନ ।

୫ ସେବକ ଖାଜା ମୋସା ମାପୁରୁଦି ଇଲୁଦୁ ବିସବାସ୍‌ଦାନ ପାଣି କିତାମାହାନ ମାରି ଆମାଓଜୁ ବିସୟ ମାପୁରୁ ଖାଜିନିଦିନ୍‌ଡୁ ସାକ୍ୟ ଖେରତେଙ୍ଗ୍ ବଦାକିତା ମାହାନ, ଆୟା ବିସୟତାନ ମୋସା ଖେରତା ମାହାନ ।

୬ ମାତର୍ କ୍ରିସ୍ ମାରିନ୍ ଖାଜା ମାପୁରୁଦି ଇଲୁଦୁ ଜାଡୁନ୍ ଅତେଙ୍ଗ୍ ବିସବାସ୍ତିକାନ । ମାଡୁ ଜଦି ସାହାସ୍ ଆସସି ଆସାଦି ବିଷୟ ପୋଇନିକା ଇଜି ମା ବିସବାସ୍‌ଦୁ ଡାଟ୍ ମାନାର୍, ଆର୍ତିଙ୍ଗ୍ ମାଡୁ ଖାନି ଇଲୁଖାଜା ଆନିକା ।

ମାପୁରୁଦି ଲୋକା ଉଣ୍ଡିଙ୍ଗ୍ ରମ୍‌ନିକା

୭ ମାରି ପବିତ୍ର ଆମା ଏଣ୍ଡେସ୍ ଇଜିନାଡ଼ :

“ନେରୁ ଜଦି ମିର୍ ମାପୁରୁଦି ବାକ୍ୟ ଖେନ୍‌ଡୁ,

୮ ଆରତିଙ୍କ ମି ପୁର୍ବେଦିତକରାଦାଦାରି ଖାଜା ଜିବନ୍ ଆର୍ତ୍ତା କିମାଟ୍ ।
ମରୁରୁମିଦୁ ଖାର ଆୟା ନାଶିଙ୍କ ମାପୁରୁଙ୍କୁ ପରିକା କିଜି
ଖାନି ଉଣିଙ୍କ ବିରୁଦ୍ କିତାମାର୍ହାର୍ ।

୯ ମାପୁରୁ ଇନାନ, ଆବେନ୍ ଖାର ନା ସାକ୍ତି ନି ସାସ୍ ପରିକା କିତାର,
ମାରିବା ଚାଲିସ୍ ବାସେକ୍ ସାନ୍ଦି ନାନୁ ଏମେ ଖିଜୁ ପାଣି କିତାମାର୍ହାର୍, ଆକା ଖାର ସୁତୁତାମାର୍ହାର୍ ।

୧୦ ଆଦେଙ୍କ ନାନୁ ଖାରି ଉଣିଙ୍କ ରିସାଆଜି ଇର୍ହାର୍,
‘ଖାର ଖିଜୁଦିନ୍ ଅବିସ୍ବାସ୍ତିକାର୍
ମାରି ନା ମାଟା ମାନାଦେଙ୍କ ୍ବିଦା କିଏର୍ ।’

୧୧ ନାନୁ ରିସାଦାନ ପାର୍ମାଣ୍ କିତା,
ନାନୁ ଏମେ ରାଜିଦୁ ଖାରିଙ୍କ ରମ୍ଦେଙ୍କ୍ ସିତାମାନ୍ଦି, ଆୟା ଦେସ୍ତୁ ଖାର ଏସାଙ୍କ୍ବା ସନ୍ତେଙ୍କ୍ ଆର୍ତ୍ତଏର୍ !”

୧୨ ଏ ନା ବିସ୍ବାସ୍ତି ତଡ଼ାନୁ ନି ତାଙ୍କ୍ କ୍, ଜାଗାର୍ତା, ମି ଲୋଇରାନ୍ ଆମାଖାନି ଜିବନ୍ ଏଣ୍ଡେସ୍ ପାପ୍ ମାରି
ଅବିସ୍ବାସ୍ତୁ ପୁରା ଆଜି ଜିବନ୍ମାନି ମାପୁରୁଦି ଉଣିଙ୍କ୍ ଖେର୍ଏ ଆମାଟ୍ ।

୧୩ ମି ମାଡ଼ାନୁ ଏନ୍ ଏଣ୍ଡେସ୍ ପାପ୍ଦାନ ବେମରି ଆଜି ଆରୁଖା ଜିବନ୍ କିମାଟ୍, ଇୟାଉଣିଙ୍କ୍ ନିଜେନିଜେଦିଙ୍କ୍
ଖିଜୁଦିନ୍ ଖେଡ଼ିକା କିଦୁ । ମାରି ଦାମ୍ପ୍ସାସ୍ତୁ ରାସାତିମାନି “ନେରୁ” ବଲୁ ଜେ ଆମାସାନ୍ଦି ମା ଉଣିଙ୍କ୍ ଦରକାର୍, ଆୟା
ସାନ୍ଦି ଆକା କିଜିମାଡୁ ।

୧୪ ଜଦି ମାଡୁ ସାରାସାରି ସାନ୍ଦି ମା ଆଗ୍ଡିରି ବିସ୍ବାସ୍ତୁ ତାଟ୍ ମାନାଟ୍, ଆରତିଙ୍କ୍ ମାଡୁ ଖିଜେରେ କ୍ରିସ୍ତୁଦିମାନୁ
ମିସାଦେଙ୍କ୍ ଆର୍ତ୍ନିକା ।

୧୫ ଦାମ୍ପ୍ସାସ୍ତୁ ରାସାତାମାନାଟ୍ :
“ନେରୁ ଜଦି ମିରୁ ମାପୁରୁଦି ବାକ୍ୟ ଖେନିଦେର୍,
ଆରତିଙ୍କ୍ ମି ତକ୍ରାଦାଦାର୍ ଜିବନ୍ ଆରୁଖା କିଜି
ମାପୁରୁଦି ଉଣିଙ୍କ୍ ଏଣ୍ଡେସ୍ ବିରୁଦ୍ କିତାମାର୍ହାର୍, ଆୟାଖାଜା କିମାଟ୍ ।”

୧୬ ମାପୁରୁଦି ବାକ୍ୟ ଖେନିକି ବା ଏମେକାର୍ ଖାନି ଉଣିଙ୍କ୍ ବିରୁଦ୍ କିତାମାର୍ହାର୍, ଖାର ଏର୍ ? ଏମେଖାରିଙ୍କ୍ ମୋସା
ମିସର୍ ଦେସ୍ଦାନ ସପ୍ତା ତାତା ମାର୍ହାନ, ଆୟାକାର୍ ଆଏର୍ନୋ ।

୧୭ ଚାଲିସ୍ ବାସେକ୍ ସାନ୍ଦି ଏମେ ମାପୁରୁଙ୍କୁ ରିସା କିତାମାର୍ହାର୍, ଖାର ଏର୍ ? ଏମେକାର୍ ପାପ୍ ପାଣି କିଜି ମରୁରୁମିଦୁ
ସାତା ମାର୍ହାର୍, ଆୟାକାର୍ ।

୧୮ ମାପୁରୁ ନାସ୍ତିଖାଲେ ପାର୍ମାଣ୍ କିଜି ଇର୍ହାମାର୍ହାନ, ଖାର ଖାନି ରମ୍ନିମାନୁ ଏସାଙ୍କ୍ ବା ସନ୍ତେଙ୍କ୍ ଆର୍ତ୍ତଏର୍,
ନାସ୍ତିଖାଲେ ଖାନ ଏମେଖାରି ବିସ୍ତତାନ ଆକା ଇର୍ହାମାର୍ହାନ ? ଏମେକାର୍ ବିରୁଦ୍ କିତାମାର୍ହାର୍ ଖାରି ବିସ୍ତତାନ ଖାନ
ଆକା ଇର୍ହାମାର୍ହାନ ।

୧୯ ମାରି ମାଡୁ ସୁଡ଼ୁନିକା ଜେ, ଖାରି ଅବିସ୍ବାସ୍ତି ଉଣିଙ୍କ୍ ଖାର ଆୟା ପାର୍ମାଣ୍ଡି କିଶାନ ଦେସ୍ତୁ ସନ୍ତେଙ୍କ୍
ଆର୍ତ୍ତଏର୍ ।

୪

୧ ମାଙ୍କ୍ ଏମେ କିଶାନ ଦେସ୍ ସିନା ଇଜି ମାପୁରୁ ଇର୍ହାମାର୍ହାନ, ଆକା ମାଡୁ ପୋଇଦେଙ୍କ୍ ଆର୍ତ୍ନିକା ଇଜି ମାପୁରୁ
ପାର୍ମାଣ୍ କିତାମାନାନ୍ । ଆୟା ପାର୍ମାଣ୍ଡି ରମ୍ନିମାଣାନ୍ ଏନ୍ ଏଣ୍ଡେସ୍ ତେବାମାକିନ୍, ଆୟା ଉଣିଙ୍କ୍ ଜାଗାର୍ତା
ତେବାଦୁ ।

୨ ଇରିଙ୍କ୍ ଖାରିଖାଜା ମାପ୍ ବା ସୁସମାଚାର୍ ଖେରିମାନିକା । ଖାର ଆକା ଖେନିକି ବା ବିସ୍ବାସ୍ତୁ ମାନାଏତାର୍ ।
ଆଦେଙ୍କ୍ ୍ ଖାରି ଉଣିଙ୍କ୍ ଆକା ନେଗିକା ଆଏତାଡ୍ ।

୩ ମାତର୍ ମା ଲୋଇରାନ୍ ଏମେକାର୍ ବିସ୍ବାସ୍ କିନାର୍, ଖାର ନେ ମାପୁରୁଦି ପାର୍ମାଣ୍ଡି ରମ୍ନିକା ପୋଇନାର୍,
ଇରିଙ୍କ୍ ମାପୁରୁ ଇର୍ହାମାନାନ୍,
ନାନୁ ରିସାଆଜି ପାର୍ମାଣ୍ କିତା :

ଖାର ନା ରମ୍ନିମାନୁ ସନ୍ତେଙ୍କ୍ ଆର୍ତ୍ତଏର୍ ।
ମାରିବା ଇୟା ରମ୍ନିକା ଦୁନିଆଦି ତିଆର୍ ଆନି ବେଡ଼ାଦାନ ତିଆର୍ଆତା ମାନାଡ୍ ।

୪ ଦାମ୍ପ୍ସାସ୍ତୁ ଏମେ ଉନ୍ତ୍ର ବାଡ଼ିଦୁ “ସାଡ୍ ଦିନ୍” ବିସ୍ତତାନ ଇୟାଖାଜା ରାସାତାମାନାଟ୍, “ମାପୁରୁ ଖାନି ଖିଜୁ ପାଣି
ପୁରାକିଜି ସାଡ୍ ଦିନ୍ତୁ ରମିତାନ୍ ।”

୫ ମାରି ଇୟା ବିସ୍ତତାନ ଆଇମାନୁ ରାସାତାମାନାଟ୍, ମାପୁରୁ ଇର୍ହାନ, “ଖାର ନା ରମ୍ନିମାନୁ ଏସାଙ୍କ୍ ବା ସନ୍ତେଙ୍କ୍
ଆର୍ତ୍ତଏର୍ ।”

୭ ଏମେକାର ଆଗତ୍ତିନେ ସୁସମାଚାର ଖେରଆମାର୍ହାର, ନିଜେଦି ଅବିସ୍ବାସ ଉଣ୍ଡିଙ୍ଗ ଆୟା ରମ୍ବନିକା ପୟଦେଙ୍ଗ ଆଟ୍ଟଏତା ମାର୍ହାର । ଇଲେଇ, ଆଇକାର ଆୟା ରମ୍ବନିକା ପୟଦେଙ୍ଗ ସୁଜୋଗ୍ ପୋଇତାମାନାର;

୮ ଇରିଙ୍ଗ୍ ଖାରି ଉଣ୍ଡିଙ୍ଗ୍ ମାପୁରୁ ଆଇ ଉନ୍ତ୍ରି ଦିନ୍ ତିଆର୍ କିତାମାନାନ୍ ମାରି ଆକା ଆଜିନାଡ୍, “ନେରୁ ।” ନେଗି ବେଡ଼ାଦୁ ନାଣ୍ଟ ବାର୍ଦ୍ଦେକ୍ ଖେନକା ମାପୁରୁ ରାଜା ଦାଉଦଦି ମାଡ଼ାନ୍ ଇୟା ବିସୟ ରାସାତିମାନି ସାସ୍ତ୍ର ବାକ୍ୟଦୁ ଖେରତା ମାର୍ହାନ :

“ନେରୁ ଜଦି ମିର୍ ମାପୁରୁଦି ବାକ୍ୟ ଖେନିଦେର୍,
ଆରତିଙ୍ଗ୍ ଜିବନ୍ ଆଟ୍ଟୁଖା କିମାର୍ ।”

୯ ଜଦି ଯିହୋସୁୟ ଲୋକାଙ୍ଗ୍ ମାପୁରୁଦି ପାରମାଣ୍ଡି ରମ୍ବନିକା ସିଦେଙ୍ଗ୍ ଆଟ୍ଟତାନ୍ମାନ୍, ଆରତିଙ୍ଗ୍ ମାପୁରୁ ଖେନକା ଆଇ ମାରିଉନ୍ତ୍ରି ରମ୍ବନିଦିନ୍ ମାଟା ରାସ୍ତାତାନ୍ମାନ୍ ।

୧୦ ମାରି ଇକା ସଡ୍ ଜେ, ସାଡ୍ଦିନ୍ତୁ ମାପୁରୁ ରମ୍ବନି ଖାଜା, ଖାନି ଲୋକା ଉଣ୍ଡିଙ୍ଗ୍ ଉଣ୍ଡି_ ରମ୍ବନି ଖେଡ଼ା ଇଡ଼ାୟାଆତାମାନାଡ୍ ।

୧୧ ମାପୁରୁ ଏଣ୍ଡେସ୍ ନିଜେଦି ପାଣିଦାନ୍ ରମିତାନ୍, ଏନ୍ ମାପୁରୁଦି ପାରମାଣ୍ଡି ରମ୍ବନିମାନୁ ତ୍ତୁତା ମାନାନାନ୍, ଖାନ୍ ବା ନିଜେଦି ପାଣିଦି ଖାନ୍ଦିମାଣ୍ଟୁ ରମ୍ବନାନ୍ ।

୧୨ ମା ଲୋଇରାନ୍ ଏନ୍ ଏଣ୍ଡେସ୍ ନିଜେଦି ଅବିସ୍ବାସ ଉଣ୍ଡିଙ୍ଗ୍ ଆୟା ଲୋକା ଖାଜା ଇୟା ରମ୍ବନିମାଣାନ୍ ତେବାଏନ୍, ଇୟାଉଣ୍ଡିଙ୍ଗ୍ ଆଟ୍ଟନି ସାନ୍ଦି ସେସ୍ଟୁ କିନାଟ୍ ।

୧୩ ମାପୁରୁଦି ବାକ୍ୟ ଜିବନ୍ ମାରି ସାକ୍ତିମାନିକା । ଆକା ରିୟାଙ୍ଗାଦି ଦାରା କାଣ୍ଟା ବାଦ୍ଲୁ ନାଣ୍ଟ ଦାରା; ଆମାମାନୁ ଆମ୍ବା ନି ଜିବନ୍ ମାରି ସିରେଙ୍ଗ୍ ୍ନି ପେତେନ୍ରସ୍ ଲୋଇ, ମାରି ଲୋକା ଜିବନ୍ତି ଆସା ମାରି ଚିନ୍ତାଦି ବିଚାର କିନିକା ।

୧୪ ମାପୁରୁଦି ମାଡ଼ାନ୍ ଇନ୍ ବିସୟ ମାର୍ଗେଏଡ୍; ଓଜୁ ତିଆରଆତିମାନୁ ଓଜୁ ବିସୟ ଖାନି ଓଜୁସୁଡ୍ଡିନି କାଣ୍ଟୁ ଆଗତ୍ତି କେରପାୟ ଆଏଡ୍ ମାରି ରେଆତାମାନାଡ୍ । ଆୟା ମାପୁରୁଦି ଆଗତ୍ତି ମାଙ୍ଗ୍ ଇସାବ୍ ସିଦେଙ୍ଗ୍ ପୋଡ଼ାନାଡ୍ ।

ଓଜେରିଙ୍ଗ୍ ପେରିଜାଜକ ଜିସୁ

୧୫ ଆଦେଙ୍ଗ୍ ୍ନି ମାଟୁ ଏମେ ଦାମ୍ବୁବିସ୍ବାସତିଙ୍ଗ୍ ମାନାଜିନିକା, ଆକା ଆଟ୍ଟୁଖାଦାନ୍ ଆସ୍ସି ଇଡ୍ଦେଙ୍ଗ୍ ଆନାଡ୍; ଇରିଙ୍ଗ୍ ୍ନି ମା ଓଜେରିଙ୍ଗ୍ ପେରିଯାଜକ, ମାପୁରୁଦି ମାରିନ୍ ଜିସୁ, ମାପୁରୁଦି ଲାକ୍ତୁ ସର୍ହାମାନାନ୍ ।

୧୬ ଏନ୍ ମା ଦୋସ୍ ଦୁର୍ବଲ୍ ଚିନ୍ତା କିଦେଙ୍ଗ୍ ଆଟ୍ଟଏର୍, ଆୟାଖାଜା ପେରିଯାଜକ ଖାନ୍ ଆଏନ୍ । ମାତର୍ ମା ପେରିଯାଜକ, ମା ଖାଜା ଓଜୁଦି ପରିକାଦୁ ଆଟ୍ଟତାମାର୍ହାନ୍, ମାତର୍ ଖାନ୍ ପାପ୍କିଏଣ୍ଟା ତେବାତାନ୍;

୧୭ ଆଦେଙ୍ଗ୍ ୍ନି ମାପ୍ ସାସ୍ତାନ୍ ମାପୁରୁଦି ଦୟା ରାଜାଗାଦି ଲାକ୍ତୁ ସନ୍ତେଙ୍ଗ୍ ଆଟ୍ଟନାପ୍ । ଆବେନ୍ ମା ଚିକ୍ ବେଡ଼ାଦୁ ମା ନେଗି ଉଣ୍ଡିଙ୍ଗ୍ ଦୟା ନି ଦୟା ପୟନାପ୍ ।

ଫ

୧ ଓଜେରେ ପେରିଯାଜକ ନିଜେଜାତିଦି ଲୋକା ଲୋଇରାନ୍ ବାସେଆଜି ମାରି ନିୟୁକ୍ତ ଆନାଡ୍ । ଖାନ୍ ଖାରି ତରିଟାନ୍ ପାପ୍ କେମା ଉଣ୍ଡିଙ୍ଗ୍ ବଲି ନି ପୁଜା ସିଜି ମାପୁରୁଙ୍ଗ୍ ସେବା କିନାଡ୍ ।

୨ ଖାନ୍ ନିଜେ ଆଇଆଇ ଜାତିଦି ଦୋସ୍ ଦୁର୍ବଲ୍ତୁ ପୁରାଆଜିମାନିଙ୍ଗ୍ ଦୋସ୍ କିଜିମାନି ରୁଦିସିଲି ଲୋକା ଉଣ୍ଡିଙ୍ଗ୍ ଖାନ୍ କାମ୍ବୁ ସୁଣାନ୍ ।

୩ ମାରି, କେବଲ୍ ଜେ ଆଇଖାରି ପାପ୍ ଉଣ୍ଡିଙ୍ଗ୍ ଖାନିଙ୍ଗ୍ ପୁଜା ସିଦେଙ୍ଗ୍ ପୋଡ଼ାନାଡ୍, ଆକା ସିଲେ, ମାତର୍ ଖାନି ନିଜେଦି ପାପ୍ ଉଣ୍ଡିଙ୍ଗ୍ ବା ଖାନିଙ୍ଗ୍ ପୁଜା ସିଦେଙ୍ଗ୍ ପୋଡ଼ାନାଡ୍ ।

୪ ଏନ୍ ନିଜେ ନିଜେଦିଙ୍ଗ୍ ପେରିଯାଜକଦି ସମ୍ମାନ୍ ପଦ୍ଦୁ ବାସେ ଆଦେଙ୍ଗ୍ ଆଟ୍ଟଏନ୍ । ହାରୋଣ୍ଡି ଖାଜା ଜେ କେବଲ୍ ମାପୁରୁଦି ମାଡ଼ାନ୍ ବାସେଆତାମାର୍ହାନ୍, ଖାନ୍ ପେରିଯାଜକ ପଦ୍ ପୋଇନାନ୍ ।

୫ ଆୟାଖାଜା ପେରିଯାଜକ ପଦ୍ଦୁ ସନ୍ମାନ ପୟଦେଙ୍ଗ୍ କ୍ରିସ୍ ନିଜେଦିଙ୍ଗ୍ ଆସ୍କିଆଏନ୍ ମାରାନ୍ । ମାରି ମାପୁରୁ ଖାନିଙ୍ଗ୍ ଆସ୍କିଜି ଇର୍ହାମାର୍ହାନ୍,

“ନିନୁ ନା ମାରିନ୍,
ନେରୁ ନାନୁ ମି ରୁବା ଆତା ।”

୬ ଆଇ ବାଡିଦୁ ଖାନ୍ ଇକାବା ଇର୍ହାମାନାନ୍,

“ନିନୁ ଜାଜକ ପଦ୍ଦୁ ମଲ୍କିସେଦକଦି ଉଉରାଦିକାରି ଖାଜା
ଓଜୁଦିନ୍ତି ଉଣ୍ଡିଙ୍ଗ୍ ଜାଜକ ତେବାନି ।”

୭ *ଆମା ମାପୁରୁ ଖାନି ସାନିମାଣୁକୁ ରକିୟା କିଦେଇ ଆବନାନ୍, ଖାନି ଲାକୁତୁ ମାପୁରୁ ଇୟା ଜିବନ୍ତୁ ଆଡ଼ବାଜି କାଣେରୁକୁଁ ଖାକସି ବାତିଙ୍ଗମାଲ୍ଲଜି ପାରତନା କିତାମାହାନ । ଖାନ ସାନ୍ତି ନି ଦାମ୍ନୁ ଆତିମାନିଙ୍ଗ, ମାପୁରୁ ଖାନି ପାରତନା ଖେହାନ ।

୮ ଜଦିବା ଖାନ ମାପୁରୁଦି ମାରିନ୍ ମାହାନ, ଖାନ ଦୁଃକ ବୋଗଦି ମାଡାନ ମାନାଦେଇ ଅଜାତାନ୍ ।

୯ ଇୟାଖାଜା ମାପୁରୁ ଖାନିଙ୍ଗ ଅରେନ୍ ନେଗି ପେରି ଜାଜକ ଇଜି ଜଗ୍ ଆସକିତାନ୍, ଖାନ ଖାନି ମାଟାମାନାନ୍ ଲୋକା ଉଣ୍ଡିଙ୍ଗ ଖିଜୁଦିନ୍ତି ରକିୟାଦି ଖେଡ଼ିକା ଆତାନ୍ ।

୧୦ ମାରି ଖାନ ମଲ୍ଲକିସେଦକଦି ଉତ୍ତରାଦିକାରି ଖାଜା ପେରିଜାଜକ ଆତାନ୍ ଇଜି ମାପୁରୁ ଖେରତାନ୍ ।

ବିସ୍ବାସ ଡିସ୍ବି ବିସ୍ବତାନ୍ ଜାଗାରତା ମାଟା

୧୧ ଇୟା ବିସ୍ବତାନ୍ ମା ନାଣ୍ଡ ମାଟେଙ୍ଗ ମିଙ୍ଗ୍ ଖେରତେଙ୍ଗ ବଦା କିଜିନାପ୍ । ମାତର୍ ମି ବୁଜାନି ସାଲ୍ଲି ଉଣା । ଆଦେଙ୍ଗ ମିଙ୍ଗ୍ ବୁଜାକିନିକା ବେସିକାସୁ । ଇରିଙ୍ଗ ମିର୍ ଆମ୍ବିକ ଜିବନ୍ତୁ ଖେନ୍ତେଙ୍ଗ ସିତିଡ଼ି ।

୧୨ *ମିର୍ ଆଇଖାରିଙ୍ଗ ସିକିୟା ସିନି ବେଡା ଆତାଡ଼ନି, ଆତିଙ୍ଗ ଇଲେ ବା ମାପୁରୁଦି ବାକ୍ୟଦି ପାରତୁମ୍ ବିସ୍ବତୁଞ୍ଜୁ ମିଙ୍ଗ୍ ସିକିୟା ସିଦେଙ୍ଗ ଗୁରୁ ଦରକାର୍ ଆଜିନାଡ଼ । ମିର୍ ଆଡ଼ୁଖା କାଦି ଉଣି ବାଦଲୁ ଇୟାସାନ୍ଦି ପାଲୁ ଉଣିଜିନିଦେର୍ ।

୧୩ ଏନ୍ ଖାରୁଇ ପାଲୁ ଉଣାନ୍, ଖାନ ଇସି କୋଡ଼ଦି ଅବସ୍ଥାଦାନ୍ ମାନାନ୍ । ନେଗି ତାଗ୍ଲ ବିସ୍ବତାନ୍ ଖାନି ବୁଦି ଆଏଦେ ।

୧୪ ଆଇ ତରିଗାନ୍ ଆବ୍‌ଖା କାଦି ପେରିବୟସ୍ତି ଲୋକା ଉଣ୍ଡିଙ୍ଗ; ଖାର୍ ଜିବନ୍ତି ଆଇଆଇ ବୁଦିଦାନ୍ ନେଗିକା ନି ତାଗ୍ଲ ବିସ୍ବତାନ୍ ନେସନାର୍ ।



୧ ମାରି ମାଡୁ ଏଣ୍ଡେସକି କ୍ରିସ୍ତଦାମ୍ନୁଦି ପାରତୁମ୍ ବିସ୍ବତୁଞ୍ଜୁ ଡିସ୍ବି ସଡ଼ତି ମାଟେଙ୍ଗ୍‌ଞ୍ଜୁ ଅଜାଦେଙ୍ଗ୍ ଆଗ୍ଡି ସନିକା ମାନାଡ଼ । ମାଡୁ ଦାମ୍ନୁବିସ୍ବାସତି ପାରତୁମ୍ ବିସ୍ବତୁଞ୍ଜୁ ଆତାଡ଼, ତାଗ୍ଲ ପାଣିଦାନ୍ ତେବାଜି ମାପୁରୁଦିମାନ୍ ବିସ୍ବାସ କିନାଟ୍ ।

୨ ତୁବନ୍ ଅନି ବିସ୍ବତାନ୍ ସିକିୟା, କିୟୁ ମୁସକୁ ପେରନିକା, ପେରି ବିଚାର୍, ସାତିକାର୍ ମାରିଡେସିନିଙ୍ଗ୍ କା ମାରି ଏସକାଙ୍ଗ୍‌ଞ୍ଜିଇ ଦଣ୍ଡ ଖିଜୁ ମାଟେଙ୍ଗ୍ ନିୟମ ମାରିଡେସି ଡିଆର୍ କିଦେଇ ଦରକାର୍‌ସିଲେ ।

୩ ମାଙ୍ଗ୍ ଇଲେଇ ଆଗ୍ଡି ସନ୍ତେଙ୍ଗ୍ ଆନାଡ଼ । ମାପୁରୁଦି ମୁସକୁ ଆସା ଇଡ଼ଜି ଇକାନେ ମାଡୁ କିନାଟ୍ ।

୪ ଏନେକାର୍ ବିସ୍ବାସ ଆରାକିତାମାନାର୍, ଖାର୍ ଏଡ଼କିଜି ଡେସି ଖାଦେଙ୍ଗ୍ ଆବନାର୍ ନୋ ? ଖାର୍ ଅରଲେନ୍ ମାପୁରୁଦି ଜାୟତୁ ବାସାଜିମାହାର୍, ମୁସକୁପୁରତି ଦାନତି ସାଞ୍ଜି ପୋୟଜି, ପବିତ୍ରଆମ୍ବିଦିଙ୍ଗ୍ ପୋଇତା ମାହାର୍,

୫ ଖାର୍ ମାପୁରୁଦି ନେଗି ବାକ୍ୟଦିଙ୍ଗ୍ ପୟତା ମାହାର୍ ମାରି ଖାଜିନି ଜୁଗ୍ଡି ସାଲ୍ଲି ଏଡ଼ କିତାମାହାର୍ ।

୬ ମାରିବା ଖାର୍ ବିସ୍ବାସ ଆରାକିତାମାନାର୍ । ଆଦେଙ୍ଗ୍ ମାରିଡେସି ଏଡ଼କିନି ଉଣ୍ଡିଙ୍ଗ୍ ଖାରିଙ୍ଗ୍ ଡେସି ଖେରତେଙ୍ଗ୍ ଆବ୍‌ଇକା, ଇରିଙ୍ଗ୍ ଖାର୍ ମାପୁରୁଦି ମାରିନ୍ତିଙ୍ଗ୍ ମାରିଡେସି କୁସକାଟ୍‌ଦୁ ତାକସି ଖିଜେରି ଲୋକା ଆଗ୍ଡି ସେମାର୍ କିଜିନାର୍ ।

୭ ଇରିଙ୍ଗ୍ ଆମା ବୁମି ନିଜେଦି ମୁସକୁ ଜାରିଦିଙ୍ଗ୍‌ଜାରି ମୁଜିତି ପିରୁଏରୁ ଉଣାଡ଼, ମାରି ଆମାଖାରି ଉଣ୍ଡିଙ୍ଗ୍ ଆକା ପାସି କିଆୟଆନାଡ଼, ଖାରି ନେଗି ପାସି ସିନାଡ଼, ଆୟା ଭୁମିଦିଙ୍ଗ୍ ମାପୁରୁ ଆସ୍ ବାଦ୍ କିନାନ୍ ।

୮ ମାତର୍ ଆୟା ବୁମିଦୁ ଜଦି ସାମ୍‌ମାରାନ୍ ମାରି ଲାଟା ନେରିସ୍ କିନାଡ଼, ଆର୍ଡିଙ୍ଗ୍ ଆୟାତାନି ଇନି ପାଣି ତେବାଏଡ଼ । ଆକା ମାପୁରୁଦି ଅବିସାପ୍ତିକା ଆନାଡ଼ ମାରି ସିସୁଦୁ ନାସୁ ଆନାଡ଼ ।

୯ ମାତର୍ ଏ ଲାଡ଼ତିଲୋକୁ, ମାପ୍ ଜଦି ଇୟାଖାଜା ମାଟା ଖେରସିନା, ମାରିବା ମି ଅବସ୍ଥା ଜେ ଆୟାତାନିମାଣୁକୁ ନେଗିକା ମାରି ପରିତ୍ରାଣଦି ଖାଲେ ମିସାତାମାନାଡ଼, ଇକା ମାପ୍ ଆବ୍‌ଖାଦାନ୍ ବିସ୍ବାସ କିଜିନାପ୍ ।

୧୦ ମାପୁରୁ ଅନ୍ୟାୟ କିଏନ୍ । ମି ପାଣି ସେବା, ବିସେସ୍ କିଜି ଆଇ ବିସ୍ବାସରିଙ୍ଗ୍ ସାହାଜ୍ୟ କିଜି ମାପୁରୁଦି ଉଣ୍ଡିଙ୍ଗ୍ ମିର୍ ଆମା ଜିବନ୍‌ନୋନିକା ତର୍‌ସି ଖାଜିନିଦେର୍, ଆକା ଖାନ ବାଣାଏନ୍ ।

୧୧ ମା ଉନ୍‌ଣ୍ଡି ବଦା, ସାରାସାରି ସାନ୍ଦି ଆଇଖାରି ଉଣ୍ଡିଙ୍ଗ୍ ମି ଜିବନ୍‌ନୋନିକା ଖିଜୁଦିନ୍ ମାନିଡ଼ । ଆର୍ଡିଙ୍ଗ୍, ମି ଆସା କିତିମାନି ଖିଜୁ ବିସ୍ବ ପୁରା ଆନାଡ଼ ।

୧୨ ଆର୍ଡିଙ୍ଗ୍ ମିର୍ ଏସାଙ୍ଗ୍ ଗାଡ଼ିଆ ଆଏଶ୍‌ଗା ଆବ୍‌ଖା ବିସ୍ବାସ ମାରି ସାସ୍‌ମାନି ଲୋକା ଖେନ୍‌କାସାନ୍ତୁ ମାରି ମାପୁରୁ ପାରମାଣ୍ କିତିମାନି ଖିଜୁ ବିସ୍ବ ପୟଦୁ ।

ମାପୁରୁଦି ପାରମାଣ୍ ଆବ୍‌ଖା

☆ ୫:୭ ମାତିଉ ୨୭:୩୭-୪୨; ମାର୍କ ୧୪:୩୨-୪୨; ଲୁକ ୨୨:୩୯-୪୨. ☆ ୫:୧୨ ୧ କରିଡ଼ିୟ ୩:୨.

୧୩ ଅବ୍ରାହାମ୍‌ତିଙ୍କ ମାପୁରୁ ଏସ୍ତ୍ରାହାଲେ ଆଦେସ୍ ସିତାନ୍, ନାସ୍ତ୍ରାହାଲେ ଖାନ୍ ଖାନି ଆଦେସ୍ ରକ୍‌ୟା କିନାନ୍ ଇଜି ପାର୍‌ମାଣ୍ କିତାମାନାନ୍ । ଖାନି ବାଦ୍‌ଲୁ ପେରିକାନ୍ ଏନ୍ ସିଲିଡିଙ୍କ ଖାନ୍ ନିଜେଦି ଦରୁଦାନ୍ ପାର୍‌ମାଣ୍ କିତାମାହାନ୍ ।

୧୪ ଖାନ୍ ଇର୍ହାମାହାନ୍, “ନାନ୍ ମିଙ୍ଗ୍ ଆସ୍ ବାଦ୍ କିନା, ମି କୁଚୁମ୍‌ତିଙ୍କ ନାଶ୍ତ୍ରାହାନ୍ ନାଶ୍ତ୍ରା ପିରିସ୍ କିନା ।”

୧୫ ଅବ୍ରାହାମ୍ ସାହାସ୍ ଆସ୍‌ସି କାପ୍‌କିତାନ୍ । ଆଦେଙ୍ ଖାନ୍ ମାପୁରୁଦି ପାର୍‌ମାଣ୍‌ତି ବିସୟକୁଞ୍ଜୁ ପୋଇତାନ୍ ।

୧୬ ଲୋକୁ ପାର୍‌ମାଣ୍ କିନିଞ୍ଜାଲେ ନିଜେଦିମାଣୁକୁ ପେରି ଲୋକ୍‌ତି ଦରୁଦାନ୍ ପାର୍‌ମାଣ୍ କିନାର୍, ଇୟାଞ୍ଜା ପାର୍‌ମାଣ୍ କିନିମାଡାନ୍ ଖିଜୁ ଜାଟିଜଗଡ଼ା ଖିଜିନାଡ଼ ।

୧୭ ମାପୁରୁ ଏମେଞ୍ଜାରିଙ୍କ ଆୟାଞ୍ଜୁ ବିଷୟ ଦାନ୍ କିନାନ୍ ଇଜି ପାର୍‌ମାଣ୍ କିତାମାହାନ୍, ଆୟା ପାର୍‌ମାଣ୍‌ତୁ ଖାନ୍ ତାଟ୍ ତେବାନାନ୍ ଇଜି ଖାରିଙ୍କ ପୁରାନେସ୍‌ନିଞ୍ଜା ଖେର୍‌ନି ଉଣ୍ଡିଙ୍କ ଖାନ୍ ଖାନି ବାଦ୍‌ତି ଖାଲେ ପାର୍‌ମାଣ୍ ମିସା କିତାମାହାନ୍ ।

୧୮ ଖାନି ବାଦ୍ ମାରି ପାର୍‌ମାଣ୍ ବାଦ୍‌ଲେଆଏତାଡ଼, ଆକା ରୁକିସ୍ ମାପୁରୁ ମିସ୍‌ଖେର୍‌ନିକାନ୍ ଆଏନ୍ । ଆୟାମାଣୁକୁ ଆଗଡ଼ି ମାନି ଆସାଦିଙ୍କ ଆସ୍‌ନି ଉଣ୍ଡିଙ୍କ ଡର୍‌ନିବାଡିତୁ ଉରୁକ୍‌ତାପ୍ ଜେ ମାପ୍, ମାପ୍ ତାଟ୍ ଖେଡ଼ିକା ପୋଇନାପ୍ ।

୧୯ ଇୟା ଆସା ମା ଜିବନ୍‌ତି ତଅକା ଖାଜା । ଇକା ଆସାସିନିକା ନି ରକିୟାକିନିକା ମାରି ମୁସ୍‌କୁପୁର୍‌ତି ମନ୍‌ରତି ପାର୍‌ଦାଦିଙ୍କ ବରୋକିଜି ମହାପବିତ୍ର ବାଡିତୁ ଇଦେଙ୍ ଆଟ୍‌ତାମାନାଡ଼ ।

୨୦ ମା ପାଣିକିନିସିନି ଖାଜା ଜିସୁ ଆଗଡ଼ିନେ ଆବେନ୍ ସର୍‌ହାନ୍‌ନି । ଖାନ୍ ମଲ୍‌କିସେଦକତି ଉତରାଦିକାରି ଖାଜା ଖିଜୁଦିନ୍‌ତି ଉଣ୍ଡିଙ୍କ ପେରିଜାଜକ ଆତାମାନାନ୍ ।

୭

ମଲ୍‌କିସେଦକତି ଜାଜକ ପଦ୍

୧ ଇୟା ମଲ୍‌କିସେଦକ ସାଲେମତି ରାଜା ମାରି ପେରି ମାପୁରୁଦି ଜାଜକ ମାହାନ୍ । ଅବ୍ରାହାମ୍ ନି ଖାନି ସାଙ୍ଗର୍ ଏସ୍ତ୍ରାହାଲେ ନାଲ୍‌ଏର୍ ରାଜାରିଙ୍କ୍ ଆରାକିଜି ଜୁଦ୍‌ଦାନ୍ ଖାଜିମାର୍‌ଇ ବେଡ଼ାତୁ, ନାସ୍ତ୍ରାହାଲେ ମଲ୍‌କିସେଦକ ଖାନିଙ୍କ୍ ବେଟ୍‌ଆଜି ଆସିର୍‌ବାଦ୍ କିତାମାହାନ୍ ।

୨ ମାରି ଅବ୍ରାହାମ୍ ଖାନିଙ୍କ୍ ଜୁଦ୍‌ଦୁଜିଣାତି ସମ୍ପତିଦି ଏକ ଦସମାଂସ ସିତାମାରାନ୍ । ମଲ୍‌କିସେଦକତି ଦରୁଦି ଆଗଡ଼ିରି ଅର୍ତ୍ ଆଜିନାଡ଼ “ଦାମ୍‌ଦି ରାଜା” ଖାନ୍ ସାଲେମତି ରାଜାଦି ଅର୍ତ୍ ଆଜିନାଡ଼ “ସାନ୍ତି ରାଜା ।”

୩ ମଲ୍‌କିସେଦକତି ବୁବା କି ଯାୟା ମାରି କୁଚୁମ୍ ନି ଖାନି ଜନମ୍ ମାରି ଜିବନ୍‌ତି ବିସୟତାନ୍ ଇନିକା ବା ଜାଣା ସିଲେଡ଼ । ଖାନ୍ ମାପୁରୁଦି ମାରିନ୍ ଖାଜା; ଖିଜୁଦିନ୍ ଜାଜକ ଆଜି ତେବାଜି ଖାତାମାନାନ୍ ।

୪ ଅଡ଼ିଜ ସୁଡ଼ୁ, ଇୟା ଲୋକ୍ ଏଣ୍ଡେସ୍ ପେରିକାନ୍ । ମା ଖେଙ୍ଗ୍‌ତି ପୁର୍‌ବେଦିଡକ୍‌ରା ଅବ୍ରାହାମ୍ ଜୁଦ୍‌ଦୁଜିଣାତି ସମ୍ପତିଦି ଏକ ଦସମାଂସ ଖାନିଙ୍କ୍ ସିତାମାର୍‌ଆନ୍ ।

୫ ଲେବିରି ଆମା କୁଚୁମ୍‌ତିକାର୍ ଜାଜକ ପାଣି କିନାର୍, ଖାର୍ ମୋସାଦି ନିୟମ୍‌ତି ଇସାବ୍‌ତାନ୍ ଇସ୍ରାଏଲ୍‌ତି ତଡ଼ାନ୍‌କା ମାଣୁକୁ ଦସମାଂସ ଦାନ ଲସ୍‌ନାର୍, ଇସ୍ରାଏଲ୍‌ତିଲୋକୁ ଅବ୍ରାହାମ୍‌ଦି କୁଚୁମ୍ ମାରି ଲେବିରି ନିଜେ ଜାତିଆଡିଙ୍କ୍ ବା ଖାରିମାଡ଼ାନ୍‌କୁ ଇୟା ଦସ୍‌ବାଗ୍ ଲସ୍‌ସିମାହାନ୍ ।

୬ ମଲ୍‌କିସେଦକ ଲେବି କୁଚୁମ୍‌ତିକାନ୍ ଆଏଡିଙ୍କ୍ ବା, ଖାନ୍ ମାପୁରୁଦି ପାର୍‌ମାଣ୍‌ତି ଅବ୍ରାହାମ୍‌ଦିମାଡ଼ାନ୍ ଏକ ଦସମାଂସ ଦାନ ପୋଇଜି ଖାନିଙ୍କ୍ ଆସିର୍‌ବାଦ୍ କିତାମାହାନ୍ ।

୭ ଆସିର୍‌ବାଦ୍ କିନି ଲୋକୁ ଆସିର୍‌ବାଦ୍ ପୋଇଜି ଲୋକାମାଣୁକୁ ଏନ୍ ପେରିକାନ୍, ଇବେନ୍ ଇନିକା ଅଡ଼ିନିକା ସିଲେଡ଼ ।

୮ ଏକ ଦସମାଂସ ଦାନ ଲସ୍‌ନି ଯାଜକର୍ ସାଡିଞ୍ଜା ଲୋକୁ, ମାତର୍ ମଲ୍‌କିସେଦକ ସାସ୍ତ୍ରଦି ବାକ୍ୟ ଇସାବ୍‌ତାନ୍ ଖାନ୍ ଇଲେଇବା ଜିବନ୍‌ମାନାନ୍ ।

୯ ମାରି ଅବ୍ରାହାମ୍ ମଲ୍‌କିସେଦକତିଙ୍କ୍ ଦସ୍‌ବାଗତାନ୍ ଉନ୍‌ଡି ବାଗ୍ ଦାନ ସିଡିଞ୍ଜାଲେ, ଏମେ ଲେବିଦି କୁଚୁମ୍‌ତି ଯାଜକର୍ ଇଲେଇ ଦସମାଂସ ଦାନ୍ ଲସ୍‌ସିନାର୍, ଆୟା ଲେବି ବା ମଲ୍‌କିସେଦକତିଙ୍କ୍ ଆୟା ଦାନ୍ ସିତାମାରାନ୍ ଇଜି ଇନ୍‌ଡେଙ୍ ଆଟ୍‌ନିକା ।

୧୦ ଲେବି ନାସ୍ତ୍ରାହାଲେ ଜନମ୍ ଆଏନ୍ ମାରାନ୍ ସଡ଼, ମାତର୍ ଅବ୍ରାହାମ୍ ମଲ୍‌କିସେଦକତିଙ୍କ୍ ବେଟ୍ ଆଡିଞ୍ଜାଲେ ପୁର୍‌ବେଦିଡକ୍‌ରାଦାଦା ଅବ୍ରାହାମ୍‌ଦି କୁଚୁମ୍‌ତି ଖାଜା ଲେବି ଖାନି ମେନ୍‌ଲ୍‌ତୁ ମାର୍‌ଆନ୍ ଇଜି ଇରିଙ୍କ୍‌ବା ବୁଲ୍ ଆଏଡ଼ ।

୧୧ ଇୟା ଲେବିୟରି ଜାଜକତି ମାନାଜି ଇସ୍ରାଏଲ୍ ଜାତିଦିଙ୍କ୍ ଖାନି ନିୟମ୍ ସିଆୟ ଆତାମାହାଡ଼ । ଲେବିୟରି ପାଣି ଜଦି ସାରାସାରି ଆତାଡ଼ମାନ୍, ଆଡିଡିଙ୍କ୍ ହାରୋଣ୍‌ଦି ଉତରାଦିକାରି ଇୟା ଲେବିୟ ଜାଜକରିଙ୍କ୍ ଡିସ୍‌ସି ସିଜି, ମଲ୍‌କିସେଦକତି ଉତରାଦିକାରି ଖାଜା ଆଇକାନ୍ ଅରେନ୍ ଜାଜକ ଖାଦେଙ୍ ଇନିକା ଦରକାର୍ ମାହାଡ଼ ।

୧୨ ଜାଜକ କୁଚୁମ୍‌ତି ବାଦ୍‌ଲେ ଆଡିଙ୍କ୍ ନିୟମ୍‌ତୁ ବା ବାଦ୍‌ଲେ ଆନି ଦରକାର୍ ।

୧୩ ଏମେଞ୍ଜାନି ବିସୟତାନ୍ ମାପ୍ ଇୟାଞ୍ଜୁ ମାଗା ଇଜିନାପ୍, ମା ଆୟା ପ୍ରୁ ଜିସୁ ଆଇ ଉନ୍‌ଡି କୁଚୁମ୍ ମାହାନ୍; ଆୟା କୁଚୁମ୍‌ତୁ ଏନ୍ ଏସାଙ୍ ଯାଜକ ପାଣି କିଏର୍ ।

୧୪ ଇକା ଟିକ୍ ଜେ, ଖାନ୍ ଜିହୁଦା କୁଚୁମତୁ ଜନମ୍ ଆତା ମାର୍ହାନ୍ ମାରି ଯାଜକ ଆନି ଉଣ୍ଡିଙ୍ଗ୍ ମୋସା ଇୟା କୁଚୁମତି ଦରୁ ରାସ୍‌ଏନ୍ ।

ମଲ୍‌କିସେଦକଦି ଖାଜା ଅରେନ୍ ଜାଜକ

୧୫ ଇବେନ୍ନୁ ଟିକ୍ ବୁଜାଜିନାଡ୍ ଜେ, ମଲ୍‌କିସେଦକଦି ଖାଜା ଆଇ ଅରେନ୍ ଜାଜକ ଖାତାନ୍ ।

୧୬ ମାତରୁ ଖାନ୍ ଲୋକ୍ ତିଆରକିତି ନିୟମ୍ ମାରି ପଦ୍ତି ମାଡାନ୍ ଜାଜକ ଆଏନ୍ ମାର୍ହାନ୍; ଝିଜ୍‌ଇ ଜିବନ୍ତି ସାକ୍ତି ପାଣି ଖାନ୍ ଯାଜକ ଆତାମାର୍ହାନ୍ ।

୧୭ ଇରିଙ୍ଗ୍ ଦର୍ମସାସ୍ତ୍ରୁ ରାସାତା ମାନାଡ୍, “ନିନ୍ନୁ ମଲ୍‌କିସେଦକଦି ଉତରାଦିକାରି ଖାଜା ଝିଜୁଦିନ୍ତି ଯାଜକ ଆନି ।”

୧୮ ଇବେନ୍ନୁ ପାଡ଼ଇ ନିୟମ୍ ସାକ୍ତିସିଲେଡ୍ ମାରି ଦରକାର୍ ସିଲେତାଡ୍‌ଆକା ତାନିଙ୍ଗ୍ ଡିସ୍‌ତା ସିତାର୍ ।

୧୯ ଇରିଙ୍ଗ୍ ମୋସା ସିତିମାନି ନିୟମ୍‌ତାନ୍ ଇନି ବିସୟ୍ ପୁରା ପୋଇଦେଙ୍ଗ୍ ଆର୍‌ଏତାର୍ । ଇଲେଇ ମାଙ୍ଗ୍ ଉନ୍‌ଡ୍ରି ସାହାସ୍‌ତି ଆସା ସିତାମାନାନ୍; ଆୟାମାଡାନ୍ ମାପୁ ମାପୁରୁଦି ଲାକୁଡୁଆନି ଉଣ୍ଡିଙ୍ଗ୍ ଆର୍‌ତାମାନାନ୍ ।

୨୦ ନାଣ୍ଡଦାନ୍ ନାଣ୍ଡ ମା ଉଣ୍ଡିଙ୍ଗ୍ ମାପୁରୁଦି ପାର୍‌ମାଣ୍ ବା ମାନାଡ୍ । ହାରଣାଦି କୁଚୁମତିକାର୍ ଯାଜକ ପଦଦୁ ଆସ୍‌କିଆୟା ଆଡିଖାଲେ ଇୟାଖାଜା ଇନି ପାର୍‌ମାଣ୍ ସିଆୟ୍‌ଏଡ୍ ମାରାଡ୍ ।

୨୧ ମାତରୁ କ୍ରିସ୍ତ ଯାଜକ ଆନି ବେଡାଦୁ ମାପୁରୁ ପାର୍‌ମାଣ୍ କିଜି ଖାନିଙ୍ଗ୍ ଝେର୍‌ତାମାର୍ହାନ୍, “ପ୍ରବୁ ଉନ୍‌ଡ୍ରି ପାର୍‌ମାଣ୍ କିତାମାନାନ୍”

ଖାନ୍ ଖାନି ପାର୍‌ମାଣ୍ ବାଦ୍‌ଲେ କିଏନ୍ :

ନିନ୍ନୁ ଝିଜୁଦିନ୍ତି ଜାଜକ ଆନି ।

୨୨ ଇୟା ମାଟା ଉଣ୍ଡିଙ୍ଗ୍ ଜିସୁ ଉଡ୍ରି ପେରି ନିୟମ୍‌ତି ପୁରା ସିତାମାନାନ୍ ।

୨୩ କେବଲ୍ ପାଡ଼ିଇ ନିୟମ୍‌ତୁ ବା ଆଇ ଯାଜକର୍ ସାତିସରିଖାଜା ଆଡିମାନିଙ୍ଗ୍ ଖାର୍ ସାତି ଝେନ୍‌କା ଆଇକାର୍ ଜାଜକ ଆନାର୍; ଆଦେଙ୍ଗ୍ ଖାର୍ ଇସାପତୁ ନାଣ୍ଡ ମାନାର୍ ।

୨୪ ମାତରୁ ଜିସୁ ଝିଜୁଦିନ୍ ଜିବନ୍‌ମାନାନ୍ । ଖାନି ଜାଜକ ପାଣି ବା ଝିଜୁଦିନ୍ ।

୨୫ ଆଦେଙ୍ଗ୍ ଏମେକାର୍ ଖାନି ମାଡାନ୍ ମାପୁରୁଦି ଲାକୁଡୁ ସନାର୍, ଖାରିଙ୍ଗ୍ ରକିୟା କିଦେଙ୍ଗ୍ ଖାନ୍ ଇଲେଇ ମାରି ଝିଜୁଦିନ୍ ତାଟ୍ ମାନାନ୍, ମାତରୁ ଖାରି ଉଣ୍ଡିଙ୍ଗ୍ ମାପୁରୁଦି ଲାକୁଡୁ ପାର୍‌ତନା କିଦେଙ୍ଗ୍ ଖାନ୍ ଝିଜୁଦିନ୍ କିତାମାନାନ୍ ।

୨୬ ଆର୍‌ତିଙ୍ଗ୍ ମା ଝିଜୁ ଉଣା ପୁରା କିଦେଙ୍ଗ୍ ଜିସୁନେ ଅରେନ୍ ମାଡୁ ପେରିଯାଜକ । ଖାନ୍ ପବିତ୍ର, ପାପ୍‌ଦସ୍ ସିଲିକାନ୍, ପାପି ଲୋକାମାଣ୍ଡକୁ ଆକମାନିକାନ୍, ମୁସ୍‌କୁପୁର୍‌ତୁ ପରିକାନ୍ ଆତାନ୍ ।

୨୭ ଖାନ୍ ଆଇଆଇ ପେରିଜାଜକରି ଖାଜା ଆଏନ୍; ଖାରି ଖାଜା ଖାନିଙ୍ଗ୍ ଆଗ୍‌ଡି ନିଜେଦି ପାପ୍ ଉଣ୍ଡିଙ୍ଗ୍ ମାରି ଝେନ୍‌କା ଆଇଖାରି ପାପ୍ ଉଣ୍ଡିଙ୍ଗ୍ ଝିଜୁଦିନ୍ ପୁଜା ସିଦେଙ୍ଗ୍ ପୋଡାଏଡ୍ । ଖାନ୍ ନିଜେଦିଙ୍ଗ୍ ପୁଜା ସିଜି ଉଡ୍ରେ ଦେବାନେ ଆଇ ଆଇ ବଲିସିଜି ପାଣି କିତାମାର୍ହାନ୍ ।

୨୮ ମୋସାଦି ନିୟମ୍ ଇସାବ୍‌ତାନ୍ ବାସେଆଡି ପେରିଜାଜକରି ଦୋସ୍ ଦୁର୍ବଳ ମାନାଡ୍; ମାତରୁ ନିୟମ୍ ତିଆରକିତି ଝେନ୍‌କାରି ବେଡାଦୁ ମାପୁରୁ ନିଜେଦି ବାଦ୍ ମାରି ପାର୍‌ମାଣ୍ ଇସାବ୍‌ତାନ୍ ଖାନି ଏମେ ମାରିନ୍‌ଡିଙ୍ଗ୍ ପେରିଜାଜକ ଖାଜା ବାସେ କିତାନ୍, ଖାନ୍ ଝିଜୁଦିନ୍‌ଡିଙ୍ଗ୍ ଉଣ୍ଡିଙ୍ଗ୍ ପୁରା ଆତାମାନାନ୍ ।

୮

କ୍ରିସ୍ତ ମା ପେରିଜାଜକ

୧ ମା ମାଟାଦି ଅର୍ଡ ଇକା ମାଡୁ ଏମେ ପେରିଜାଜକଦିଙ୍ଗ୍ ପୋଇତିମାନିକା, ଖାନ୍ ମୁସ୍‌କୁପୁର୍‌ତୁ ମହାମହିମା ମାପୁରୁଦି ସିଂହାସନ୍‌ଦି ଉଣେରି କିୟୁ ତରିନ୍ ବାସତାମାନାନ୍ ।

୨ ଖାନ୍ ଏମେ ମହାପବିତ୍ର ବାଡିଦୁ ତିଆରଆଡିମାନି ଗୁଡା ଆଡିଗି ପେରିଜାଜକ ଖାଜା ପାଣି କିନାନ୍, ଆକା ଲୋକା ମାଡାନ୍ ତିଆର୍ ଆଏଡ୍, ତାନିଙ୍ଗ୍ ପ୍ରବୁ ତିଆର୍ କିତାମାନାନ୍ ।

୩ ଝିଜେରେ ପେରିଜାଜକର୍ ମାପୁରୁଦି ଉଦେସ୍‌ଦାନ୍ ପୁଜା ମାରି ଜାତୁବଲି ପୁଜା କିଦେଙ୍ଗ୍ ବାସେଆତା ମାନାର୍ । ଆଦେଙ୍ଗ୍ ମା ପେରିଜାଜକ ବା ଆୟାଖାଜା ଇନି ପୁଜା କିଦେଙ୍ଗ୍ ଦରକାର୍ ମାନାଡ୍ ।

୪ ଖାନ୍ ଜଦି ଇୟା ଦୁନିଆଦୁ ମାରିଙ୍ଗ୍, ଆର୍‌ଡିଙ୍ଗ୍ ଖାନ୍ ମୁଡ୍‌ଟୁକେ ଜାଜକ ଆଦେଙ୍ଗ୍ ଆର୍‌ଏତାନ୍‌ମାନ୍, ଇରିଙ୍ଗ୍ ଜିହୁଦିର୍ ନିୟମ୍ ଇସାବ୍‌ତାନ୍ ପୁଜା ସିଦେଙ୍ଗ୍ ଜାଜକର୍ ମାନାର୍ ।

୫ ଖାରି ଜାଜକରି ସେବା ପାଣି ମୁସ୍‌କୁପୁର୍‌ତି ବିସୟ୍‌ତି କାତା ନି ନିଡିଗାମାଡୁ । ମୋସାଦି ବେଡାଦାନ୍ ଇୟାଖାଜା ଆଜି ଖାଜିନାଡ୍ । ମୋସା ଏସ୍ତିଖାଲେ ଉପାସନା ଉଣ୍ଡିଙ୍ଗ୍ ଉନ୍‌ଣ୍ଡି ଗୁଡା ତିଆର୍ କିଦେଙ୍ଗ୍ ସୋଲ୍‌ସିମାରାନ୍, ମାପୁରୁ ଖାନିଙ୍ଗ୍ ଇର୍ହାମାର୍ହାନ୍, “ସୁଡୁଆ, ଗୋରନ୍ ମୁସ୍‌କୁ ନିଙ୍ଗ୍ ଏମେ ବାନା ତୋର୍‌ସି ସିତାମାନା ଟିକ୍ ଆୟା ଇସାପ୍‌ତାନ୍ ଝିଜୁ ବିସୟ୍ ତିଆର୍ କିଆ ।”

୭ ମାତର ଇଲେଇ ଜିସୁଙ୍କୁ ଏମେ ଜାଜକ ପାଣି ସିଆୟ ଆତାମାନାଡ଼, ଆକା ଆଇଝାରି ଜାଜକିୟ ପାଣି ବାଦ୍‌ଲୁ ନେଗିକା । ଆୟାଝାଜା ମାପୁରୁ ମାରି ଲୋକା ଲୋଇ ଖାନ୍ ଏମେ ନିୟମ୍ ତିଆର୍ କିତାମାନାନ୍, ଆକା ପେରିକା, ଇରିଙ୍ଗ୍ ଇୟା ନିୟମ୍‌ତୁ ନେଗି ବିସୟ୍‌ଝିକୁ ସିଆୟ ଆନି ଉଣ୍ଡିଙ୍ଗ୍ ପାରମାଣ୍ ମାନାଡ଼ ।

୮ ଆଗ୍‌ଡିରି ନିୟମ୍‌ତୁ ଜଦି ଦସ୍ ସିଲେତାଡ଼ମାନ୍, ଆର୍‌ଡିଙ୍ଗ୍ ମାରିଉନ୍‌ଡି ନିୟମ୍ ଦରକାର୍ ସିଲେତାଡ଼ମାନ୍ ।

୯ ମାତର ମାପୁରୁ ଖାନି ଲୋକାଙ୍ଗ୍ ଦୋସ୍ ଆସ୍‌ସି ଇର୍‌ହାମାନାନ୍,

“ପ୍ରବୁ ଇଜିନାନ୍, ବେଡ଼ା ଖାଜିନାଡ଼,

ଏସ୍‌ତ୍ରାଲେ ନାନୁ ଇସ୍ତ୍ରାଏଲ୍ ସିଲ୍‌ଡିଙ୍ଗ୍ ଜିହୁଦାଦି ଲୋକାଝାଲେ ଏକ ପୁନି ନିୟମ୍ ତିଆର୍ କିନା ।

୧୦ ନାନୁ ଖାରି ପୁର୍ବେଦିଡ଼କରାରିଙ୍ଗ୍ କିୟୁ ଆସ୍‌ସି ମିସର୍ ଦେସ୍‌ତାନ୍ ସୋପ୍‌ସି ତାନି ଝାଲେ

ଏମେ ନିୟମ୍ କିତାମାନ୍‌ହା, ଇୟା ନିୟମ୍ ଆୟାଝାଜା ଆଏତେ । ନାନୁ ଖାରିଝାଲେ ଏମେ ନିୟମ୍ କିତାମାନ୍‌ହା,

ଆବେନ୍ ଝାର୍ ବିସ୍‌ବାସ୍ ତେବାଏତାର୍;

ଆଦେଙ୍ଗ୍ ନାନୁ ଖାରି ଉଣ୍ଡିଙ୍ଗ୍ ମୋନ୍‌ଦିୟାନ୍ ସିଏତା ।

୧୧ ପ୍ରବୁ ଇଜିନାନ୍,

ନାନୁ ବବିସ୍‌ଡ଼ତୁ ଇସ୍ତ୍ରାଏଲ୍‌ଡି ଲୋକା ଝାଲେ ଇୟା ନିୟମ୍ କିନା :

ନାନୁ ନା ନିୟମ୍ ଝାରି ମନ୍‌ପାଟାତୁ

ମାରି ଜିବନ୍‌ଡି ପାଟାତୁ ରାସ୍‌ନା ।

ନାନୁ ଝାରି ମାପୁରୁ ଆନା,

ଝାର୍ ନା ଲୋକ୍ ଆନାର୍ ।

୧୨ ନାସ୍ତ୍ରାଝାଲେ ଝାର୍ ଲାକ୍‌ଡୁରି ତଡ଼ାନ୍‌କାଙ୍ଗ୍ ସିକିୟା ସିଦେଙ୍ଗ୍ ଦରକାର୍ ଆଏଡ଼ନି,

ମାରି ଦେସ୍‌ଡି ଲୋକାଙ୍ଗ୍

‘ପ୍ରବୁଦି ବିସୟ୍ ଝେର୍‌ଡୁ,’

ଇୟା ମାଟା ଝେର୍‌ଡେଙ୍ଗ୍ ଦରକାର୍ ଆଏଡ଼ନି,

ଇରିଙ୍ଗ୍ ଇସ୍ତ୍ରାଲୋକା ମାଣାନ୍‌କୁ ପେରିଲୋକା ସାନ୍‌ଡି ଝିଜେରେ ନା ପରିଚୟ୍ ନେସ୍‌ନାର୍ ।

୧୩ ନାନୁ ଝାରି ଝିଜୁ ପାପ୍ କେମା କିନା

ମାରି ଝାରିଦି ଇନି ଅନ୍‌ୟାୟ୍ ମୋନଡୁ ଏଡ଼ ଇଡେଏ ।”

୧୪ ଇୟାଡେନିଙ୍ଗ୍ ପୁନି ନିୟମ୍ ଇଜି ରାସ୍‌ନି ମାଡ଼ାନ୍ ମାପୁରୁ ଆଗ୍‌ଡିରିତାନିଙ୍ଗ୍ ପାଡ଼ିଇକା ଇଜି ଇର୍‌ହାମାନାନ୍ ମାରି

ଆମାକା ପାଡ଼ିଇକା ମାରି ସାଲାଏଡ଼, ଆକା ବେଗି ମାର୍‌ଗିନା ସନାଡ଼ ।



ଆଡ଼ଗିପୁର ନି ମୁସ୍‌କୁପୁର୍‌ଡି ପାର୍‌ତନା

୧ ପାରଡୁମ୍‌ଡି ନିୟମ୍‌ତୁ ପାର୍‌ତନାଦି ସାରି ନି ଲୋକୁ ତିଆର୍‌କିତି ଉଣ୍ଡି, ସେବା କିନି ଇଲୁ ବିସୟ୍‌ତାନ୍ ରାସାତା ମାନ୍‌ହାଡ଼ ।

୨ ଆୟାଝାସାବ୍‌ତାନ୍ ଉଣ୍ଡି, ପାର୍‌ତନା କିନି ଗୁଡ଼ା ତିଆର୍ ଆତାମାନ୍‌ହାଡ଼ । ଆବେନ୍ ମାନି ପାରଡୁମ୍‌ଡି ବାକ୍‌ରା ପବିତ୍ର ବାଡି ଇନ୍‌ଜିମାନ୍‌ହାଡ଼ । ଇୟା ଲୋଇ ଦିଝା ଇଡ଼ନି ବାଡି, ଉନ୍‌ଡି ଟେବୁଲ୍ ମାରି ଟେବୁଲୁ ମୁସ୍‌କୁ ମାପୁରୁଦି ଉଦେସ୍‌ତାନ୍ ପୁଜା ସିତିମାର୍‌ଇ ରୁଟି ମାନ୍‌ହାଡ଼ ।

୩ ପାର୍‌ଦା ଝେନ୍‌କା ଏମେ ମାରିଉଣ୍ଡି, ବାକ୍‌ରା ମାନ୍‌ହାଡ଼, ତାନିଙ୍ଗ୍ ମହାପବିତ୍ର ବାଡି ଇନ୍‌ଜିମାନ୍‌ହାଡ଼ ।

୪ ଆବେନ୍ ଉନ୍‌ଡି ବାଙ୍ଗାଁରାମ୍‌ଡି ଦୁପୁଣି ବେଦି ମାରି ବାଙ୍ଗାଁରାମ୍‌ଡି ତିଆର୍‌ଆତି “ନିୟମ୍ ପେଡ଼ା” ମାନ୍‌ହାଡ଼ । ଇୟା ପେଡ଼ା ଲୋଇ “ମାନ୍‌ହା” ମାନି ଉନ୍‌ଡି ବାଙ୍ଗାଁରାମ୍‌ଡି ସାଡି, ହାରୋଣ୍‌ଡି କାୟ୍‌ଡି ବାଡିଗା ମାରି ମାପୁରୁଦି ମାଟା ରାସାଡି ରୁଣ୍ଡି କାଲୁକୁ ପାଟା ମାନ୍‌ହେ ।

୫ ସିନ୍‌କପେଡ଼ା ମୁସ୍‌କୁ ମାପୁରୁଦି ଆବେନ୍‌ମାନ୍‌ଜି ତରାୟ୍‌ଆନି ଝାଜା ରେକେଙ୍ଗ୍‌ମାନି ରୁଣ୍ଡି ଲୋକ୍‌ଦି ମୁର୍‌ ମାନ୍‌ହାଡ଼ । ଇୟାକାର୍ “ପାପ୍‌କେମା” ବାଡି ମୁସ୍‌କୁ ରେକେଙ୍ଗ୍ ଅସାର୍ କିଜି ତେବାତାମାନ୍‌ହାଡ଼, ମାତର୍ ଇଲେଇ ଇୟା ଝିଜୁଦି ବିସୟ୍ ନେଗେନ୍‌ତାନ୍ ଝେର୍‌ଡେଙ୍ଗ୍ ଦରକାର୍ ସିଲେ ।

୬ ଆବେନ୍ ଇୟାଝାଜା ନିୟମ୍ ମାନାଡ଼ ଯାଜକର୍ ଝିଜୁଦିନ୍ ଗୁଡ଼ାଦି ପାରଡୁମ୍ ବାକ୍‌ରାତୁ ଡୁଗୁଜି ଝାରି ସେବା ପାଣି ପୁରା କିନାର୍ ।

୭ ମାତର ମାରିଉନ୍ତୁ ବାକରା ଲୋଇ କେବଳ ଯେଉଁଜାଜକଦି ସୋନି ଅଦିକାର ମାନାଡ଼, ଖାନ୍ ଆବେ ବାସେକ୍ତିକ୍ ଅରୁସୁ ମାତ୍ର ସନାନ୍ । ଖାନ୍ ନିଜେଦି ଉଣ୍ଡିକ୍ ମାରି ଲୋକୁ ନେସ୍‌ସ୍‌ଶା କିତିମାନି ପାପ ଉଣ୍ଡିକ୍ ମାପୁରୁଦି ଉଦେସ୍‌ତାନ୍ ପୁଜା ସିଦେକ୍ ଅର୍ସେ ନେତେର୍ ଆସ୍‌ସି ସନାନ୍ ।

୮ ଇୟାଞ୍ଜିକୁ ବିସୟତାନ୍ ପବିତ୍ର ଆମ୍‌ ଇୟା ମାଟା ନେଗେନ୍‌ତାନ୍ ସିକିୟା ସିତାମାନାଡ଼ ଜେ, ପାର୍‌ତୁମ୍‌ତି ବାକରା ମାନି ସାନ୍, ମହାପବିତ୍ର ବାଡ଼ିତୁ ସନି ସାରି ରେଆଏଡ଼ ।

୯ ଇଲେଇତି ବେଡ଼ା ସୁଡ଼ଜି ଇକା ଉନ୍‌ତୁ କାତା ଖାଜା । ତେନି ଅର୍ତ୍ତ ଆଜିନାଡ଼, ମାପୁରୁଦି ଉଦେସ୍‌ତାନ୍ ପୁଜାସିତିମାନିକା ମାରି ପସୁବଲି ଉପାସ୍‌କିନିଖାନି ବୁଦିଦିକ୍ ପୁରା କିଦେକ୍ ଆର୍‌ଏଡ଼ ।

୧୦ ଇରିକ୍ ଆୟାଞ୍ଜିକୁ କେବଳ ଉଣି କାଦି ମାରି ସୁଟିକିନି ଉଣ୍ଡିକ୍ ଆଡ଼ରେରି ପାଣି ମାତ୍ର । ମାପୁରୁଦି ପୁନି ନିୟମ୍‌ତି ତିଆର୍‌ଆନି ସାନ୍ ଆୟାଞ୍ଜିକୁଦି ଦରକାର ମାର୍‌ହାଡ଼ ।

୧୧ ମାତର ଇଲେଇ ଏମେ ଞ୍ଜିକୁ ନେଗି ବିସୟ ମାଡ଼ ପୋୟତିମାନିକା, ଆୟାଞ୍ଜିକୁଦି ଯେଉଁଜାଜକ ଖାଜା କ୍ରିସ୍ତ ଖାତାମାନାନ୍ । ଖାନ୍ ଏମେ ପାର୍‌ତନା ଗୁଡ଼ାଦୁ ପାଣି କିଜିନାନ୍, ଆକା ପେରିକା ମାରି ନାଶ୍ତ ବର୍ତ୍ତିକା । ଆକା ଲୋକୁ ତିଆର୍‌ କିତିକା ଆଏଡ଼ । ମାରି ଆକା ଇୟା ଦୁନିଆଦି ସିନା ଆଏଡ଼ ।

୧୨ କ୍ରିସ୍ତ ଆୟା ଗୁଡ଼ା ନାଡ଼ିସିଜି ଆୟା ମହାପବିତ୍ର ବାଡ଼ିତୁ ଉନ୍‌ଡେଦେବାଦି ଉଣ୍ଡିକ୍ ଡ଼ଗ୍‌ନି ଖାଲେ ଆବେନ୍‌ ବଲିସିନି ଉଣ୍ଡିକ୍ ଗରିଏକ୍ ସିଲେତିକ୍ ଡ଼କା ନେତେର୍ ଆସ୍‌ସି ସଲ୍‌ଏନ୍ ମାର୍‌ହାନ୍ । ମାତର ଖାନ୍ ନିଜେଦି ନେତେର୍ ଅସି ମା ଉଣ୍ଡିକ୍ ଞ୍ଜିକୁଦିନ୍‌ତିକ୍ ମୁକୁଡ଼ାନି ପାଣି କିତାନ୍ ।

୧୩ ପାଡ଼ିଇ ନିୟମ୍‌ତାନ୍ ଏମେକାର୍ ରିତିନିତି ପାଣି ମାନାଇ ଉଣ୍ଡିକ୍ ଅସୁଟି, ଖାରି ମୁସୁକୁ ଗରିଏକ୍ ସିଲେତିକ୍ ଡ଼କା ନେତେର୍ ମାରି ଡ଼କା ନିର୍ ଖାକାତିକ୍, ଖାରି ଅସୁଟି ଆକ ଆନାସନାଡ଼ ।

୧୪ ଇକା ଜଦି ସଡ଼ ଆନାମାନାଡ଼, ଆର୍‌ତିକ୍ କ୍ରିସ୍ତଦି ନେତେର୍ ମାରି ଏସ ନାଶ୍ତ ପାଣି ସିନିକା ଆଏଡ଼ ? ଞ୍ଜିକୁଦିନ୍‌ତି ଆମ୍‌ଦି ସାକାଦାନ୍ ଖାନ୍ ନିଜେଦିକ୍ ମାପୁରୁଦି ଉଦେସ୍‌ତାନ୍ ଉନ୍‌ତୁ ଦସ୍‌ସିଲି ପୁଜା ଖାଜା ସିତାମାନାନ୍ । ଖାନି ଆୟା ନେତେର୍ ଦାନ୍ ତାଗଇ ରିତିନିତି ପାଣିଦାନ୍ ନେଗେନ୍‌ ଆଜି ମା ବୁଦି ଟିକ୍‌ଆନାଡ଼ ମାରି ମାପ୍ ଜିବନ୍‌ମାନି ମାପୁରୁଦି ଟିକ୍ ସେବା କିଦେକ୍ ସୁଜୋଗ୍ ପୋୟନାପ୍ ।

୧୫ ଇୟାଉଣ୍ଡିକ୍ କ୍ରିସ୍ତ ନେ ପୁନି ନିୟମ୍‌ ତିଆର୍‌ କିତାମାନାନ୍, ଏଣ୍ଡେକ୍ ଏମେକାର୍ ମାପୁରୁଦି ମାଡ଼ାନ୍ କୁକାୟଆତାମାନାନ୍, ଖାର୍ ମାପୁରୁ ପାର୍‌ମାଣ୍ କିତିମାନି ଏସ୍‌କାକ୍‌ଞ୍ଜିଜି ଆସିର୍‌ବାଦ୍ ପୋଇନାନ୍ । ପାର୍‌ତୁମ୍‌ ନିୟମ୍‌ ପାଣିକିଜିମାନି ବେଡ଼ାଦୁ, ଲୋକୁ ଏମେ ଞ୍ଜିକୁ ପାପ୍ ଦୋସ୍ କିତାମାର୍‌ହାନ୍, କେବଳ କ୍ରିସ୍ତଦି ସାତିମାଡ଼ାନ୍ ଖାର୍ ଆବେଟ୍‌କୁ ମୁକୁଡ଼ାନିକା ପୋଇନାନ୍ ।

୧୬ ଉଣ୍ଡିକ୍ ସିନି ଆକୁଦି ନିୟମ୍‌ ଇସାବ୍‌ତାନ୍, ଆକା ପାଣି ଆନି ଉଣ୍ଡିକ୍ ନିୟମ୍‌ କିତିମାନି ଲୋକ୍‌ଦି ସାନିକା ପାର୍‌ମାଣ୍ ଆନିକା ଦରକାର୍ ।

୧୭ ଇରିକ୍ ନିୟମ୍‌ କିତିମାନି ଲୋକ୍ ଜିନିମାନି ସାନ୍, ନିୟମ୍‌ତି ପାଣି ସିଲେଡ଼; କେବଲ୍ ଖାନି ସାତି ଖେନ୍‌କାନେ ଆକା ତାଡ଼ି ପାଣି ଆନାଡ଼ ।

୧୮ ଆୟାଉଣ୍ଡିକ୍ ପାର୍‌ତୁମ୍‌ ନିୟମ୍‌ ବା ନେତେର୍‌ସିନି ମାଡ଼ାନ୍ ପାଣି ଆତାମାର୍‌ହାଡ଼ ।

୧୯ ପାର୍‌ତୁମ୍‌ ମୋସା ନିୟମ୍‌ତି ଆଦେସ୍‌କୁ ଲୋକା ଲାକୁଡ଼ୁ ଖେର୍‌ତାର୍ । ତାନିଖେନ୍‌କା ଖାନ୍ ଡ଼ାକ୍ ନି ଗରିଏକ୍‌ନି ନେତେର୍ ଏରୁଦି ଖାଲେ ମିସାକିଜି ଏସୋବ କମା ମାରି ଏସ ରକ୍‌ତି ମେଶ୍ତା ବୁରୁବୁସେକ୍ ଦାନ୍ ନିୟମ୍‌ ବଇ ମାରି ଲୋକା ମୁସୁକୁ ଲଜିତାନ୍ ।

୨୦ ଖାନ୍ ଇର୍‌ହାନ୍, “ଏମେ ନିୟମ୍‌ ମାନାଦେକ୍ ମାପୁରୁ ମିକ୍ ଆଦେସ୍ ସିତାମାନାନ୍, ଇୟା ନେତେର୍ ଆୟା ନିୟମ୍‌ତିକ୍ ଟାପ୍ ଡେୟ୍‌ଜିନାଡ଼ ।”

୨୧ ମୋସା ଆୟା ଇସାପ୍‌ତାନ୍ ନେତେର୍ ଅସି ଗୁଡ଼ା ମାରି ପାର୍‌ତନାଦୁ ବ୍ୟବ୍‌ହାର୍ ଆଜିମାନି ଞ୍ଜିକୁ ଜିନିସ୍ ମୁସୁକୁ ଲଜିତାନ୍ ।

୨୨ ମାରି ମୋସାଦି, ନିୟମ୍‌ ଇସାପ୍‌ତାନ୍ ଞ୍ଜିକୁ ବିସୟ ନେତେର୍ ମାଡ଼ାନ୍ ପବିତ୍ରଆନାଡ଼ ମାରି ନେତେର୍‌ସିନି ମାଡ଼ାନ୍ ନେ ପାପ କେମା ଆନାଡ଼ ।

କ୍ରିସ୍ତଦି ବଲିସିନିକା ପାପ୍ ଆକ କିନାଡ଼

୨୩ ଆମା ବିସୟଞ୍ଜିକୁ ମୁସ୍‌କୁପୁରୁତି ମୁଲ୍ ବିସୟଦି ରୁପ୍ ମାତ୍ର, ଆୟାଞ୍ଜିକୁ ନେତେର୍‌ତାନ୍ ପବିତ୍ର ଆନିକା ଦରକାର୍ ମାର୍‌ହାଡ଼, ମାତର ମୁସ୍‌କୁପୁରୁତି ବିସୟତି ଉଣ୍ଡିକ୍ ନେଗି ବଲିଦାନ୍ ଦରକାର୍ ।

୨୪ ଆମାକା ଲୋକା କିୟୁଦୁ ତିଆର୍‌ ଆଏଡ଼, ଇୟାଖାଜା ଉଣ୍ଡିକ୍ ପବିତ୍ର ବାଡ଼ିତୁ କ୍ରିସ୍ତ ସୋର୍‌ହାମାନାନ୍ । ଆକା ଇନି ମୁଲ୍ ବିସୟଦି ରୁପ୍ ସିଲେ । ଖାନ୍ ମୁସ୍‌କୁପୁରୁଡ଼ୁ ନେ ସୋର୍‌ହାମାନାନ୍ । ଆବେନ୍ ଖାନ୍ ମା ଉଣ୍ଡିକ୍ ଇଲେଇ ମାପୁରୁଦି ଆଗ୍‌ତି ସର୍‌ହାମାନାନ୍ ।

୨୫ ଜିହ୍ୱଦିରି ପେରିଯାଜକ ଏଣ୍ଡେସ୍ ବାର୍ଦ୍ଧେକତିଙ୍କ ଅରସୁ ଜାତୁ ନେତେର୍ ଅସି ମହାପବିତ୍ର ବାଡ଼ିଦୁ ସୋନାନ୍ ।
ଆୟାଝାଜା କ୍ରିସ୍ତ ନିଜେଦିଙ୍କ ରିଜାମୁଜା ପୁଜା କିନି ଉଣ୍ଡିଙ୍କ ଆବେନ୍ ସୋଲ୍‌ଏନ୍ ।

୨୬ ଆର୍ଡ଼ିଙ୍କ, ଝାନିଙ୍କ ଦୁନିଆଦି ତିଆରଆତି ବେଡ଼ାଦାନ୍ ନାଣ୍ଡଦେବେଙ୍କ ଦୁଃକ୍‌କାସୁ ବୋଗାଦେଙ୍କ ପୋଡ଼ାତାଡ଼ମାନ୍ ।
ମାରି ଝାନ୍ ଜୁଗ୍‌ସେସ୍‌ଆନି ବେଡ଼ାଦୁ ନିଜେଦିଙ୍କ ବଲି ଝାଜା ସିନି ମାଡ଼ାନ୍ କାଡ଼ା କାଡ଼ାଦିଙ୍କ ପାପ୍ତି ସାକ୍ତି ମେଡ଼ିକ୍‌ନି
ଉଣ୍ଡିଙ୍କ ଝାତାମାହାନ୍ ।

୨୭ ଓଜେରେ ଉନ୍‌ଶ୍ରେ_ଦେବା ସାନାର୍ ମାରି ତାନିଝେନ୍‌କା ମାପୁରୁଦି ବିଚାରଦି ଆଗଡ଼ି ନିନାର୍ ।

୨୮ ଆୟାଝାଜା ଓଜୁଲୋକା ଉଣ୍ଡିଙ୍କ ପାପ୍ ଆକ କିଦେଙ୍କ କ୍ରିସ୍ତ ଉନ୍‌ଶ୍ରେ_ଦେବାଦି ଉଣ୍ଡିଙ୍କ ବଲି ଝାଜା ସିଆୟ୍ ଆତାନ୍ ।
ଝାନ୍ ମାରିଉଣ୍ଡି_ଦେବା ଝାନାନ୍ । ନାସ୍ତିଝାଲେ ମାରି ପାପ୍ତି ଜୁଦ୍ କିନି ଉଣ୍ଡିଙ୍କ ଝାନ୍ ରେଏନ୍ । ଝାନ୍ ଝାନାନ୍, ଝାନି
ଉଣ୍ଡିଙ୍କ କାପ୍‌କିଜିମାନି ଲୋକାଙ୍କ ଉଦ୍ଧାର କିନି ଉଣ୍ଡିଙ୍କ ଝାନାନ୍ ।

୧୦

୧ ଜିହ୍ୱଦିୟ ନିୟମ୍ ସତ୍ ବିସୟଦି ଉଣ୍ଡି_ପୁରା ମାରି ଟିକ୍‌ଆୟାନାନି ମୁତ୍ ଆଏଡ୍, ଇକା ଝାଜିନିଦିନ୍‌ତି ନେଗି
ବିସୟଦି ଉଣ୍ଡି_ନେସ୍‌ନିନାନି ମାଟା ମାତ୍ । ଓଜୁଝାଲେ ବାର୍ଦ୍ଧେକତିଙ୍କ ବାର୍ଦ୍ଧେକ ଆୟା ଉନ୍‌ଶ୍ରେ_ରକମ୍‌ତି ପୁଜା
କିଆୟ୍‌ଆଜିନାଡ୍ । ଏମେକାର୍ ମାପୁରୁଦି ଲାକୁଡୁ ଝାନାର୍, ନିୟମ୍‌ଦି ଆୟାଓଜୁ ବଲିଦାନ୍‌ତାନ୍ ଝାର୍ ଇନିକା ନେଗିକା
ଆଦେଙ୍କ ଆଟ୍‌ସିନାର୍ ?

୨ ଇୟାଝାଜାନେ ମାପୁରୁଦି ଉପାସକିନିକାର୍ ଜଦି ସତ୍‌ତାନ୍ ପାପ୍‌ଦାନ୍ ନେଗେନ୍ ଆଦେଙ୍କ ଆଟ୍‌ତାର୍‌ମାନ୍, ଆର୍ଡ଼ିଙ୍କ
ଝାର୍ ମାରି ନିଜେଦି ବୁଦିଦିଙ୍କ ପାପି ଇଜି ଅଡ୍‌ବିଏତାର ମାନ୍ ମାରି ଓଜୁ ପୁଜାସିନିକା ଓଜିତାଡ଼ମାନ୍ ।

୩ ମାତର, ଆୟାଝାଜା ଆଏଜି ବାର୍ଦ୍ଧେକତିଙ୍କ ବାର୍ଦ୍ଧେକ ପୁଜାସିନି ମାଡ଼ାନ୍ ଲୋକୁଦିଙ୍କ କେବଲ ଝାନି ପାପ୍ ବିସୟ ଏଡ୍
କିବିସ୍ କିଆୟ୍‌ଆଜିନାଡ୍ ।

୪ ଇରିଙ୍କ ଡ଼ାନ୍ ନି ଗରିଏଙ୍ଗା ନେତେର୍ ଏସାଙ୍କବା ପାପ୍ କେମା କିଦେଙ୍କ ଆଟ୍‌ଏଡ୍ ।

୫ ଆୟା ଉଣ୍ଡିଙ୍କ କ୍ରିସ୍ତ ଦୁନିଆଦୁ ଝାନି ପୁର୍ବେଦାନ୍ ମାପୁରୁଙ୍କୁ ଇର୍ହାମାହାନ୍,

“ପୁଜା ନି ଦାନ୍‌ତୁ ନିନ୍ ଝେଡ଼ିକା ସିଲେ,

ମାତର ନିନ୍ ନା ଉଣ୍ଡିଙ୍କ ଉନ୍‌ଡ଼ି ମେନ୍‌ଲ୍ ତିଆର୍ କିତିମାନି ।

୬ ପାପ୍‌କେମା ଉଣ୍ଡିଙ୍କ ନିନ୍ ବେଦି ମୁସୁକୁ ହୋମବଲିଦୁ

ସିଲେତିଙ୍କ ପସୁବଲିଦୁ ଝେଡ଼ିକା ଆଇଦେର୍ ।

୭ ଆଦେଙ୍କ ନାନ୍ ଇର୍ହା, ଏ ମାପୁରୁ ନା

ବିସୟତାନ୍ ନିୟମ୍ ବଇଦୁ ଏଣ୍ଡେସ୍ ରାସାତା ମାନାଡ୍,

ନାନ୍ ଆୟା ରକମ୍‌ତାନ୍ ନି ବଦା ପୁରା କିଦେଙ୍କ ତିଆର୍ ମାନା ।”

୮ ପାର୍‌ଡୁମ୍ ଝାନ୍ ଇର୍ହାମାହାନ୍, “ନିନ୍ ଲୋକା ପାପ୍ କେମା ଉଣ୍ଡିଙ୍କ ପୁଜା ନି ଦାନ୍‌ସିନିକା ସିଲେତିଙ୍କ ବେଦି ମୁସୁକୁ
ହୋମବଲି ବଦା କିଇ; ଆୟାଓଜୁ ମିଙ୍ଗ୍ ଝେଡ଼ିକା କିଦେଙ୍କ ଆଟ୍‌ଏଡ୍ ।” ଇୟାଓଜୁ ବଲିଦାନ୍ ନିୟମ୍ ଇସାବ୍‌ତାନ୍
କିଆୟ୍‌ଆଜିମାରିଙ୍କ ବା ଝାନ୍ ଇୟାଝାଜା ଇର୍ହାମାହାନ୍ ।

୯ ଝେନେକା ଝାନ୍ ଇର୍ହାମାହାନ୍, “ଏ ମାପୁରୁ, ନାନ୍ ନି ଇଛା ପୁରା କିଦେଙ୍କ ତିଆର୍ ମାନା ।” ମାରି ମାପୁରୁ ଇୟାଓଜୁ
ପାଡ଼ିଇ ନିୟମ୍ ଡ଼ିସି ତାନି ବାଦଲୁ କ୍ରିସ୍ତଦି ପୁନି ବଲିଦାନ୍ ଆସ୍ତି ।

୧୦ ଜିସୁ କ୍ରିସ୍ତ ଉନ୍‌ଡ଼େଦେବା ମାତ୍ର ମାରି ଓଜୁଦିନ୍‌ତି ଉଣ୍ଡିଙ୍କ ନିଜେଦି ମେନ୍‌ଲ୍‌ତିଙ୍କ ସିଜି ମାପୁରୁଦି ଇଛା ପୁରା
କିତିମାନିଙ୍କ, ଝାନି ଆୟା ନିଜେଦିଙ୍କସିତି ଉଣ୍ଡିଙ୍କ ମାତ୍ର ଓଜୁ ଲୋକୁ ପାପ୍‌ଦାନ୍ ନେଗେନ୍ ଆତିମାନିକା ।

୧୧ ଜିହ୍ୱଦି ଜାଜକର୍ ଓଜୁଦିନ୍ ନିଜେଦି ପାଣି ପୁରାକିଜି ଆୟା ଉଣ୍ଡି_ରକମ୍‌ତି ସେବା ଅରସୁଦିଙ୍କଅରସୁ କିଜିମାନାର୍,
ମାତର୍ ଇୟାଓଜୁ ବଲିଦାନ୍ ମାଡ଼ାନ୍ ଏସାଙ୍କବା ପାପ୍ କେମା ଆଦେଙ୍କ ଆଟ୍‌ଏଡ୍ ।

୧୨ ମାତର୍ କ୍ରିସ୍ତ ପାପ୍ତି ନିଜେଦିଙ୍କସିତି ଝାଜା ଓଜୁଦିନ୍‌ତି ଉଣ୍ଡିଙ୍କ ଉନ୍‌ଡ଼ି ମାତ୍ର ବଲି ସିତାମାନାନ୍ । ତାନିଝେନେକା
ଝାନ୍ ସଲସି ମାପୁରୁଦି ଉଣିକିୟୁ ତରିନ୍ ବାସତା ମାନାନ୍ ।

୧୩ ମାପୁରୁ ଝାନି ସାତୁରିଙ୍କ କାଲ୍‌କା ଆଡ଼ିଗି କିଇସାନ୍ ଝାନ୍ ଆବେନ୍ କାପ୍‌କିଜିନାନ୍ ।

୧୪ ଏମେକାର୍ ପାପ୍‌ଦାନ୍ ନରାଜି ସୁତି ଆତାମାନା, ଆୟା ଉନ୍‌ଡ଼େମାତ୍ର ବଲିଦି ମାଡ଼ାନ୍ ଝାରିଙ୍କ ଝାନ୍ ଓଜୁଦିନ୍‌ତି
ଉଣ୍ଡିଙ୍କ ପୁରା କିତାମାନାନ୍ ।

୧୫ ପବିତ୍ରଆମ୍ ବା ଝାନି ସାକ୍ୟ ସିଜି ଇର୍ହାମାନାଡ୍ :

୧୬ “ପ୍ରବୁ ଇଜିନାନ୍, ବବିସତ୍‌ଦୁ ନାନ୍ ଝାରି ଝାଲେ ଇୟା ପୁନି ନିୟମ୍ କିନା ।

ନାନ୍ ନା ନିୟମ୍ ଝାରି ଜିବନ୍‌ତୁ ଇତିନା

ମାରି ଝାରି ମନ୍‌ତୁ ରାସ୍‌ନା ।”

୧୭ ମାରି ବା ଖାନ୍ ଇଜିନାନ୍, “ନାନ୍ ମାରି ଖାରି ପାପ୍ ନି ତାଗ୍ ଲ ପାଣି ଏଡ୍ କିଏନି ।”

୧୮ ଆଦେଙ୍ଗ୍ ଖାରି ଜଦି କେମା ପୋଇତା ମାନାର୍, ଆର୍ଡିଙ୍ଗ୍ ପାପ୍ କେମା ଉଣ୍ଡିଙ୍ଗ୍ ମାରି ବଲିଦାନ୍ଦି ଦରକାର୍ ସିଲେଡ୍ ।

ମାପୁରୁଦି ଲାକୁଡୁ ଆନାଟ୍

୧୯ ମାରି ଏ ତଡାନ୍କୁ ନି ତାଙ୍ଗ୍ କ୍, ଜିସୁଦି ସାତି ମାଡାନ୍ ମାଡୁ ମହାପବିତ୍ର ବାଡିଦୁ ସୋନି ଉଣ୍ଡିଙ୍ଗ୍ ପୁରା ଅଦିକାର୍ ପୋଇତିମାନିକା ।

୨୦ ଖାନ୍ ଖାନି ମେନ୍ଦଲ୍ଡିଖାଜା ପାରଦା ନାଣିମିରାନ୍ ମା ଉଣ୍ଡିଙ୍ଗ୍ ଉଣ୍ଡି ପୁନି ଜିବନ୍ତି ସାରି ତରତାମାନାନ୍ ।

୨୧ ମାପୁରୁଦି ଇଲୁ ଇଲେଇ ମା ପେରିଜାଜକଦି ଅଦିକାର୍ତୁ ମାନାଟ୍ ।

୨୨ ମାରି ରାଦୁ, ମାଡୁ ନେଗି ମୋନ୍ତାନ୍ ମାରି ଆଟୁଝା ବିସ୍ବାସତି ଖାଲେ ମାପୁରୁଦି ଲାକୁଡୁ ସୋନାଟ୍; ଇରିଙ୍ଗ୍ ମାଡୁ ଇଲେଇ ତାଗ୍ ଚୁଦିଦାନ୍ କ୍ରିସ୍ତଦି ନେତେରତାନ୍ ନେଗେନ୍ ଆତିମାନିକା ମାରି ମା ମେନ୍ଦଲ୍ ନେଗି ଏରୁଦାନ୍ ଇବାତି ମାନିକା ।

୨୩ ଏମେ ଆସା ମାଦି ମାନାଟ୍ ଇଜି ମାନାତିମାନିକା, ଆବେନ୍ ମାଡୁ ତାଟ୍ ମାନିକା ମାନାଟ୍, ଇରିଙ୍ଗ୍ ମାଡୁ ମାପୁରୁଦି ସିତିମାନିମାଟା ମୁସୁକୁ ଆସା ଇଟିମାନିକା ।

୨୪ ରାଦୁ, ମାଡୁ ଆଇଖାରି ଉଣ୍ଡିଙ୍ଗ୍ ମୋନ୍ଦିୟାନ୍ ଆଜି ଖାରି ସୁବିଦା କିନାଟ୍; ଇୟାଖାଜା ଇସାବ୍ତାନ୍ ଜିବନ୍ନୋନିକା ସିଜି ସଡ଼ପାଣି କିନାଟ୍ ।

୨୫ ମାରି ଏନ୍ ଏନ୍ ଏଣ୍ଡେସ୍ ପାରତନାଦୁ ସୋନ୍ତେଙ୍ଗ୍ ଏଲା କିନାର୍, ମାଡୁ ଆୟାଖାଜା କିଏଟ୍ । ମାରି ପ୍ରଚୁଦି ଦିନ୍ ଲାକୁଡୁ ଆଜି ଖାଜିନାଟ୍ ନେସ୍ସି ନିଜେନିଜେଦିଙ୍ଗ୍ ନାଣ୍ଡି ଖେଡିକା କିନିକା ମାନାଟ୍ ।

୨୬ ମା ଲାକୁଡୁ ସଡ଼ ନେସ୍ତି ଖେନେକା ମାଡୁ ଜଦି ନେସ୍ସି ନେସ୍ସି ପାପ୍ତୁ ମାନିକା, ଆର୍ଡିଙ୍ଗ୍ ମାରି ଇନି ବଲିଦାନ୍ ମାଙ୍ଗ୍ ପାପ୍ତାନ୍ ମୁକୁଡା କିଦେଙ୍ଗ୍ ଆଟ୍ଏଡ୍ ।

୨୭ ଆର୍ଡିଙ୍ଗ୍, ମାଡୁ ଖାଜିମାନି ପେରି ବିଚାର୍ତୁ ସାମାନ୍ ଆଜି ମାପୁରୁଦି ବିରୁଦ୍ଦକିନିଖାରି ଉଣ୍ଡିଙ୍ଗ୍ ନାଣ୍ଡିକାସ୍ସିମାନି ସିସୁଦୁ ଦଂସ୍ ପୋଇନି ଇସାପତି ତିଲାନି ବାଦ୍ଲୁ ମା ଆଇ ଇନି ଉପାୟ୍ ସିଲେଡ୍ ।

୨୮ ଏନ୍ ଜଦି ମୋସାଦି ନିୟମ୍ ଅମାନ୍ୟ କିନାନ୍ ମାରି ଅରେନ୍ ସିଲେତିଙ୍ଗ୍ ନାଣ୍ଡିଲୋକା ସାକିରି ସାକ୍ୟଦି ମାଡାନ୍ ଖାନ୍ ଦୋସି ଆନାନ୍, ଆର୍ଡିଙ୍ଗ୍ ଖାନିଙ୍ଗ୍ ଦୟା କିଏଣ୍ଟା ସାନି ଦଣ୍ଡି ସିନାର୍ ।

୨୯ ଆର୍ଡିଙ୍ଗ୍, ଏନ୍ ମାପୁରୁଦି ମାରିନ୍ତିଙ୍ଗ୍ ଅମାନ୍ୟ କିନାନ୍, ମାପୁରୁଦି ପୁନି ନିୟମ୍ତି ନେତେରତି ମାଡାନ୍ ପାପ୍ କେମାଦି ସୁଜୋଗ୍ ପୋଇତିମାରିଙ୍ଗ୍ ବା ଖାନିଙ୍ଗ୍ କାଡିଜିନାନ୍ ମାରି ଅନୁଗ୍ରହଦି ପବିତ୍ରଆମ୍ବୁଦିଙ୍ଗ୍ ଅପମାନ୍ କିନାନ୍, ଖାନି ଦସ୍ ଇନିକା ଆଏଡ୍ ? ଅଡ୍ବିଜ ସୁଡୁ, ଖାନ୍ ଏସୋ ନାଣ୍ଡି ଦଣ୍ଡିପୋଇନାନ୍ ।

୩୦ “ନାନ୍ ପ୍ରତିସଦ୍ ଅନା, ନାନ୍ ଦଣ୍ଡିସିନିକିୟା ।” ଇୟା ମାଟା ଜେ ଇର୍ହାମାନାନ୍, ଖାନିଙ୍ଗ୍ ମାପ୍ ନେସ୍ନାପ୍ । ଖାନ୍ ମାରିବା ଇର୍ହାମାନାନ୍, “ପ୍ରୁ ଖାନି ଲୋକାଙ୍ଗ୍ ବିଚାର୍କିନାନ୍ ।”

୩୧ ଜିବନ୍ମାନି ମାପୁରୁଦି ବିସାର୍ତି ଆଗ୍ଡିନିନିକା ଏସୋ ତିଲାନିକା ।

୩୨ ମି ଆଗ୍ଡିରି ମାଟା ଅଡ୍ବିଦୁ । ମାପୁରୁଦି ଜାୟ୍ ମିଙ୍ଗ୍ ନାଣ୍ଡିଜାୟ୍ କିତି ଖେନେକା ମିର୍ ଆଇ ଆଇ ଦୁଃକ୍ କାସୁ ପୋଇତିଦେର୍, ମାତର୍ ଆରାଏତି ମାର୍ଇଦେର୍ ।

୩୩ ଏସାଙ୍ଗ୍ ଏସାଙ୍ଗ୍ ମିର୍ ଝିଲୁଲୋକାମାନୁ ନିଦା ମାରି ମାଡ୍ଡିନ୍ତିଙ୍ଗ୍ ମାହ୍ ଦେର୍ । ମାରି ଏସାଙ୍ଗ୍ ଏସାଙ୍ଗ୍ ମିର୍ ଆଇଖାରି ଦୁଃକ୍ କାସୁଦୁ ଦୋସ୍ଆଦେଙ୍ଗ୍ ତିଆର୍ ମାହ୍ ଦେର୍ ।

୩୪ ମିର୍ ଜଇଲ୍ଡୁମାନି ଲୋକା ଦୁଃକ୍ କାକୁଡ୍ ଦି ସାକା କିଜିମାର୍ଇଦେର୍ ମାରି ଏସ୍ତିଖାଲେ ମି ଝିଲୁ ତଥାଁ ଆତାଡ୍, ନାସ୍ତିଖାଲେ ମିର୍ ଖେଡିକାଦାନ୍ ଝିଲୁ କାସୁ ସାସ୍ କିତିଦେର୍, ଇରିଙ୍ଗ୍ ମିଦି ଜେ ପେରିକା ଝିଲୁଦିନ୍ତି ଦନ୍ସମ୍ପତି ମାନାଟ୍, ଆକା ମିର୍ ନେସ୍ତିମାରିଇଦେର୍ ।

୩୫ ଆଦେଙ୍ଗ୍ ସାହାସ୍ ଆରାକିମାଟ୍, ଇରିଙ୍ଗ୍ ସଡ଼ ସାହାସ୍ତି ପେରି ପୁରସ୍ମାର୍ ମାନାଟ୍ ।

୩୬ ମାପୁରୁଦି ବଦା ପୁରା କିଜି, ଏମେକା ଖାନ୍ ସିନାନ୍ ଇଜି ପାରମାଣ୍ କିତାମାନାନ୍, ଆକା ପୋଇନି ଆସାଦିଙ୍ଗ୍ ସାସ୍ ଆସ୍ସି ମାଡୁରୁ ।

୩୭ ଦାମ୍ବୁସାସ୍ତୁ ରାସାତାମାନାଟ୍ :

“ମାରି ଅଡ୍ପ୍ ସାଣେକ୍ କାପ୍କିଦୁ,
ଏମେଖାନି ଖାନିକା ମାନାଟ୍, ଖାନ୍ ଖାନାନ୍,
ଖେଡା କିଏନ୍,

୩୮ ନା ଦାମ୍ବୁଦି ଲୋକୁ ବିସ୍ବାସ୍ତାନ୍ ଆଟୁଝା ତେବାଜି ଜିନାର୍,
ମାତର୍ ଏନ୍ ଜଦି ଖେନ୍କା ଗୁସାନାନ୍,
ଖାନି ଉଣ୍ଡିଙ୍ଗ୍ ନାନ୍ ଖେଡିକା ଆଦେଙ୍ଗ୍ ା ଆଟ୍ଏ ।”

୩୯ ଖେନ୍କା ସଲସି ନାସୁ ଆନି ଲୋକୁ ମାପୁ ଆଏପ୍ । ମାପୁ ଆଟୁଝା ବିସ୍ବାସ୍ ମାରି ପରିତ୍ରାଣ୍ ପୋଇତାମାନାପ୍ ।

୧୧

ବିସ୍‌ବାସ

୧ ଆସା କିନି ବିସ୍‌ୟ ପୋଇନିକା ପୁରା ନେସ୍‌ନାଟ୍ ମାରି ତରୁଇ ବିସ୍‌ୟତି ସତ୍‌ବୁଦି ଆସାନିକା ନେ ବିସ୍‌ବାସ ।

୨ ପୁର୍ବେଦି ଲୋକୁ ଖାରି ବିସ୍‌ବାସଦାନ ମାପୁରୁଦି ଖେଡ଼ିକାଦିଲୋକୁ ଆତାମାର୍‌ହାର୍ ।

୩ ✱ମାପୁରୁଦି ବାକ୍ୟଦାନ ସାରା ଦୁନିଆ ତିଆର୍ ଆତାତ୍ ମାରି ସୁଡ଼ିଇ ବିସ୍‌ୟଦାନ ସୁଣି ବିସ୍‌ୟତି ତିଆର୍ ଆତାତ୍, ଇୟା ମାଟା ବିସ୍‌ବାସଦାନ ମାତୁ ନେସ୍‌ସିନିକା ।

୪ ବିସ୍‌ବାସଦାନ ହେବଲ ମାପୁରୁଦି ଲାକ୍‌ତୁ କୟିନଦି ବାଦ୍‌ଲୁ ନେଗି ପୁଜା କିତାମାର୍‌ହାର୍ । ନିଜେଦି ବିସ୍‌ବାସଦାନ ଖାନ୍ ମାପୁରୁଦି ମାଡାନ ଦାମ୍‌ଦିକାନ ଇଜି ସାକ୍ୟ ପୋଇତାନ, ଇରିଙ୍ ମାପୁରୁ ନିଜେ ଖାନି ସିତିମାନିପୁଜା ମାନାତାମାରାନ୍ । ଖାନି ବିସ୍‌ବାସ ଉଣ୍ଡିଙ୍ ହେବଲ ସାତିସରିଙ୍ ବା ଇୟାସାନ୍ ଖାରିଗିନାନ ।

୫ ବିସ୍‌ବାସଦାନ ହନୋକ ସାନି ମାଡାନକୁ ରକିୟା ପୋଇତାମାରାନ୍ । ମାପୁରୁ ଖାନିଙ୍ ନିଜେ ଲାକ୍‌ତୁ ଅତାମାରାନ୍ ମାରି ଖାନିଙ୍ ଏନ୍ ମାରି ସୁଡ଼ିବୁଦଙ୍ ଆଟ୍‌ଏତାମାର୍‌ହାର୍ । ଦର୍ମସାସ୍ତ୍ରୁ ରାସାତାମାନାତ୍ ଜେ, ହନୋକ ମାପୁରୁଦି ଲାକ୍‌ତୁ ସନି ଆଗ୍ତି ଖାନି ଖେଡ଼ିକାଦିକାନ ଆତାମାର୍‌ହାର୍ ।

୬ ବିସ୍‌ବାସତିଙ୍ ତିସ୍‌ତିଙ୍ ଏନ୍ ମାପୁରୁଙ୍ ଖେଡ଼ିକା କିଦେଙ୍ ଆଟ୍‌ଏନ୍, ଇରିଙ୍ ଏନ୍ ମାପୁରୁଦି ଲାକ୍‌ତୁ ଖାନାନ୍, ଖାନ୍ ମାପୁରୁଦିମାନୁ ବିସ୍‌ବାସ କିନିକା ଦରକାର୍, ମାପୁରୁ ଜେ ଖାନି ଖେନ୍‌କାସନିଖାରିଙ୍ ଆସା ପୁରା କିନାନ୍, ଆକାବା ବିସ୍‌ବାସ କିନିକା ଦରକାର୍ ।

୭ ବିସ୍‌ବାସତି ସାକ୍ତିଦାନ ନୋହ ଇନିକା ଅଡ଼୍‌ଏଣଗା ଗଟ୍‌ନା ବିସ୍‌ୟଦାନ ମାପୁରୁଦି ଜାଗ୍‌ରାତାଦି ବାକ୍ୟ ଖେନ୍‌ଡ୍ରେଙ୍ ଆଟ୍‌ତାମାର୍‌ଆନ୍ । ଖାନ୍ ମାପୁରୁଦି ଆଦେସ୍ ମାନାଜି ଉଡ୍ଡି ଜାହାଜ୍ ତିଆର୍ କିତାନ୍ । ଆବେନ୍ ଖାନ୍ ମାରି ଖାନି ଇଲୁଦିଲୋକ୍ ଖିଜୁ ରକୟା ପୋଇତାର୍ । ତାନିବାଦ୍‌ଲୁ ଦେସ୍‌ତିଲୋକୁ ଦଣ୍ଡୁ ଆତାର୍, ମାତର୍ ନୋହ ଖାନି ବିସ୍‌ବାସ ଉଣ୍ଡିଙ୍ ଦାମ୍‌ଦି ପୁରସ୍‌ସାର୍ ପୋଇତାର୍ ।

୮ ମାପୁରୁ ଅବ୍ରାହାମଦିଙ୍ ଏମେ ଦେସ୍ ସିନା ଇଜି ମାଟା ସିତାମାରାନ୍, ଆୟା ଦେସ୍‌ତୁ ସୋନି ଉଣ୍ଡିଙ୍ ଖାନ୍ ଏସ୍ତିଖାଲେ ଖାନିଙ୍ କୁକ୍‌ତାନ୍, ନାସ୍ତିଖାଲେ ଅବ୍ରାହାମ ବିସ୍‌ବାସଦାନ ମାପୁରୁଦି ମାଟା ମାନାତା ମାର୍‌ହାର୍ । ଖାନ୍ ଏମେମାନୁ ସୋନାନ୍, ଆକା ନେସ୍‌ଏଜି ବା ନିଜେଦି ଦେସ୍ ତିସ୍‌ତା ସର୍‌ହାର୍ ।

୯ ଖାନ୍ ବିସ୍‌ବାସ୍ତୁ ମାପୁରୁଦି ସିତିମାନି ଦେସ୍‌ତୁ ଆଇଦେସ୍‌ତିକାନ ଖାଜା ବାସା କିତାନ୍ । ଖାନ୍ ଗୁଡାଦୁ ବାସା କିତାନ୍ ମାରି ଖାନି ଖାଜା ମାପୁରୁଦିମାଡାନ ପାର୍‌ମାଣ୍ ଆଜି ଇସ୍‌ହାକ୍ ନି ଜାକୁବ ବା ଆୟାଖାଜା ଗୁଡାଦୁ ବାସା କିତାମାର୍‌ହାର୍ ।

୧୦ ଏମେ ଖିଜୁଦିନିତି ଗାଡ୍ ମାପୁରୁଦି ମାଡାନ ରସ୍‌ତିକାନ ନି ତିଆର୍‌କିତିକାନ, ଅବ୍ରାହାମ ଆୟା ଗାଡ୍‌ତିଙ୍ କାପ୍‌କିଜି ମାରାନ୍ ।

୧୧ ଜଦିବା ସାରା କଡ଼୍‌ଆଇଲି ଆନିକା ସିଲେତାଡ୍, ବିସ୍‌ବାସ୍ତି ସାକ୍ତିଦାନ ଅବ୍ରାହାମ ତକ୍‌ବା ବୟସ୍‌ତୁ ବା ବୁବା ଆଦେଙ୍ ଆଟ୍‌ତା ମାର୍‌ହାର୍ । ମାପୁରୁ ଖାନି ମାଟା ରକିୟା କିନାନ୍ ଇଜି ଅବ୍ରାହାମତି ବିସ୍‌ବାସ୍ ମାରାଡ୍ ।

୧୨ ଅବ୍ରାହାମ ସାନି ଖାଜା ଆତିମାରିଙ୍ ବା ଖାନିମାଡାନକୁ ବାଦଡ଼ି ସୁକେଙ୍ ମାରି ସାମ୍‌ବୁରୁତି ବାଲି ଖାଜା ଲେକିସ୍‌ତେଙ୍ ଆଟ୍‌ଇ କୁଟ୍‌ମ୍ ଜନମ୍ ଆତାର୍ ।

୧୩ ଇୟାଖିଜୁ ଲୋକୁ ନିଜେଦି ବିସ୍‌ବାସ୍ତୁ ଆଟ୍‌ଖା ତେବାଜି ସାତାସର୍‌ହାର୍ । ମାପୁରୁ ପାର୍‌ମାଣ୍ କିତିମାନି ବିସ୍‌ୟଖିଜୁ ଖାରି ପୋଇଦେଙ୍ ଆଟ୍‌ଏତିଙ୍ ବା ଆକରାନ୍ ଆକା ସୁଡ଼ିଜି କୁକ୍‌ନିକା କିତାମାର୍‌ହାର୍ ମାରି ଇୟା ଜଗଡ୍‌ଦୁ ଖାରି କେବଲ ଆଇଦେସ୍‌ତିକାର୍ ମାରି ଆଇମାନୁବାସାନିକାର୍ ଇଜି ମାନାତା ମାର୍‌ହାର୍ ।

୧୪ ଏମେକାର୍ ଇୟାଖାଜା ମାଟା ଇନାର୍, ଖାରି ମାରି ଉଣ୍ଡି ନିଜେଦିବୁମିଦିଙ୍ ପୋଇଜିନାର୍ ଇଜି ନେସ୍‌ତେଙ୍ ଆନାଡ୍ ।

୧୫ ଖାରି ଏମେ ଦେସ୍ ତିସ୍‌ତା ଖାତାର୍‌ମାରାନ୍, ଆୟା ଦେସ୍‌ତିଙ୍ ମାରି ଏଡ୍ କିଏଜି ମାର୍‌ହାର୍ । ଜଦି ଏଡ୍ କିତାର୍‌ମାନ୍, ଆରତିଙ୍ ଆବେନ୍ ଖାରି ଡେସି ସନ୍‌ଡ୍ରେଙ୍ ସୁଜୋଗ୍ ପୋଇତାର୍‌ମାନ୍ ।

୧୬ ମାତର୍ ଖାରି ଉନ୍‌ଡ୍ଡି ନେଗି ଦେସ୍‌ତୁ, ଅର୍ତାଡ୍ ମୁସ୍‌କୁପୁରତି ଦେସ୍‌ତୁ ସନି ଉଣ୍ଡିଙ୍ ବଦା କିଜିମାରାନ୍ । ଆଦେଙ୍ ଖାରି ମାପୁରୁଙ୍ ନିଜେଦି ମାପୁରୁ ଇଜି ମାନାଜିନି ମାଡାନ ଖାନ୍ ସେମାର୍ ଆଏନ୍ ମାର୍‌ହାର୍ । ମାପୁରୁ ଖାରି ଉଣ୍ଡିଙ୍ ଉନ୍‌ଡ୍ଡି ଗାଡ୍ ତିଆର୍ କିଜି ଇଟ୍‌ତାମାନାନ୍ ।

୧୭ ମାପୁରୁ ଅବ୍ରାହାମତି ବିସ୍‌ବାସ୍ ପରିକା କିନିଖାଲେ ଅବ୍ରାହାମ ନିଜେ ମାରିନ୍ ଇସ୍‌ହାକ୍‌ତିଙ୍ ପୁଜାଖାଜା ସିଦେଙ୍ ତିଆର୍ ଆତାନ୍ । ମାପୁରୁ ଅବ୍ରାହାମତିଙ୍ ନେ ଖାନି ପାର୍‌ମାଣ୍ ମାଟା ସିତାମାର୍‌ହାର୍, ମାରିବା ଅବ୍ରାହାମ ନିଜେଦି ଅରେନ୍ ମାରିନିତିଙ୍ ପୁଜାଖାଜା ସିଦେଙ୍ ତିଆର୍ ଆତାନ୍ ।

✱ ୧୧:୩ ଜୋହନ ୧:୩.

୧୮ ମାପୁରୁ ଖାନିଙ୍ଗ ଇର୍ହାମାରାନ୍, “ନାନୁ ନିଙ୍ଗ” ଏମେ କୁଟୁମ୍ ସିନା ଇଜି ମାଟା ସିତାମାନାନ୍, ଆକା ଇସହାକଦି ମାଡାନ୍ ନେ ଜନମ୍ ଆନାର ।”

୧୯ ମାପୁରୁ ଜେ ଇସହାକତିଙ୍ଗ ସାତିମାଡାନ୍ ଜିବନ୍ କିଦେଙ୍ଗ ଆଟ୍‌ନାନ୍, ଇୟା ବିସବାସ୍ ଅବ୍ରାହାମଦି ମାରାଡ଼ । ସଡ଼ତାନ୍, ଅବ୍ରାହାମ ଇସହାକ ସାତିମାଡାନ୍ ଡେସି ଜିବନ୍ ପୋଇତାମାନାନ୍ ଇଜି କାତାଦି ଖାଜା ଖେର୍ଡିଙ୍ଗ ଇକା ବୁଲ୍ ଆଏଡ଼ ।

୨୦ ଇସହାକ୍ ନିଜେଦି ବିସବାସ୍ତି ବପୁଦାନ୍ ଜାକୁବ ମାରି ଏସୌଦି ଅଡ଼ବିଜି ନେଗିତାନି ଉଣ୍ଡିଙ୍ଗ ଆସିର୍ବାଦ୍ କିତାନ୍ ।

୨୧ ବିସବାସ୍ତାନ୍ ନେ ଜାକୁବ ସାନି ପୁର୍ବେ ଜୋସେପ୍ତି ରିଏରି ମାରିସିରିଙ୍ଗ ଆସିର୍ବାଦ୍ କିତାମାରାନ୍ । ଖାନ୍ ନିଜେଦି ବାଡ଼ିଗାଦି ଆଡ଼ଗି ପାଡ଼ଗିଜି ମାପୁରୁଦି ପାର୍ତନା କିତାମାରାନ୍ ।

୨୨ ଜୋସେପ୍ ସାନି ଖାଲେ ଖାନି ବିସବାସ୍ତି ବପୁଦାନ୍ ଇସ୍ରାଏଲ୍ ଲୋକାଦି ମିସର ଦେସ୍ତାନ୍ ସରଇ ବବିସଡ଼ ମାଟା ଇର୍ହାମାରାନ୍ ମାରି ଖାନି ମାଡ଼ା ଏଣ୍ଡେସ୍ ନେଗେନ୍ ପୋକ୍‌ନାର୍, ଆୟାଉଣ୍ଡିଙ୍ଗ ଆଦେସ୍ ଖେର୍ଡାମାରାନ୍ ।

୨୩ ବିସବାସ୍ତାନ୍ ମୋସାଦି ବୁବା ଯାୟା ଖାନିଙ୍ଗ ଜନମତାନ୍ ମୁଡ଼ି ଲେଜୁକୁ ସାନ୍ଦି ଆଡ଼ାକ୍ତା ଇଟାମାରାନ୍ । ଇସ୍ତି କଡ଼ଦିଙ୍ଗ ସୁନ୍ଦର୍ ସୁଡ଼ିଜି ଖାର ରାଜେଙ୍ଗ୍ ବା ଅମାନ୍ୟ କିଦେଙ୍ଗ୍ ତିଲାଏଜି ମାରାନ୍ ।

୨୪ ମୋସା ବୟସ୍ ଆତି ଖେନକା ବିସବାସ୍ତି ବପୁଦାନ୍ ରାଜାଦି ଗାଡ଼ସିଦି ମାରିନ୍ ଇଜି ପରିଚୟ ଆଦେଙ୍ଗ୍ ମନା କିତାନ୍ ।

୨୫ ପାପୁଡ଼ୁ ଡେବାଜି ଏସ ବେଡ଼ା ଜିବନ୍ ଜିନି ବାଦ୍‌ଲୁ ମାପୁରୁଦି ଲୋକା ଖାଲେ ଦୁଃକ୍‌ବୋଗ୍ କିଦେଙ୍ଗ୍ ଖାନ୍ ବଦାକିତା ମାରାନ୍ ।

୨୬ ଖାନ୍ ମିସର୍ ଦେସ୍ତି ଖିଜୁ ଦନ୍ ବାଦ୍‌ଲୁ ମସିହଦି ଉଣ୍ଡିଙ୍ଗ କାଡ଼ାୟାଆନିକା ନେଗେଡ଼ ଇଜି ଏଡ଼କିତାନ୍, ଇରିଙ୍ଗ୍ ଖାନ୍ ପୁରସ୍ପାଡ଼ି ଉଣ୍ଡିଙ୍ଗ୍ ଖାନି ଆସା ମାରାଡ଼ ।

୨୭ ବିସବାସ୍ତାନ୍ ମୋସା ରାଜାଦି ରିସାଦିଙ୍ଗ୍ ତିଲାଏଜି ମିସର୍ ଦେସ୍ ଡ଼ିସ୍ତା ସର୍ହାନ୍; ସତେ ଏଣ୍ଡେସ୍ ଖାନ୍ ସୁଡ଼ୁ ମାପୁରୁଙ୍ଗ୍ ସୁଡ଼ିଜିମାରାନ୍; ଆଦେଙ୍ଗ୍ ଡ଼େସି ସଲ୍‌ଏଶ୍‌ଗା କେଏତା ମାରାନ୍ ।

୨୮ ବିସବାସ୍ତାନ୍ ଖାନ୍ ନିସ୍ତାର୍ ପଣ୍ଡୟ କିତାମାରାନ୍ ମାରି ଜୁଞ୍ଜିନି ଦୁଡ଼ ଏଣ୍ଡେସ୍ ଇସ୍ରାଏଲ୍ ଲୋକାରି ପେରିମାରିନ୍‌ଡିଙ୍ଗ୍ ସାପିସ୍ କିଏଡ଼, ଇୟାଉଣ୍ଡିଙ୍ଗ ଦୁଃଖାବନ୍ଦୁ ନେଡେର୍ ସିଲେକ୍‌ଡେଙ୍ଗ୍ ଆଦେସ୍ ସିତାମାରାନ୍ ।

୨୯ ବିସବାସ୍ତାନ୍ ଇସ୍ରାଏଲ୍‌ଦି ଲୋକା ଖାରିଡ଼ି ବୁମି ମୁସୁକୁ ବୁଲ୍‌ଗାତି ଖାଜା ସୁଫ୍ ସାମ୍‌ଦୁରୁ ଲୋଇ ସିଜି ନାତାର୍; ମାତର୍ ମିସର୍ଡିକାର୍ ଆୟାଖାଜା ନାଡେଙ୍ଗ୍ ସେସ୍ଟୁ କିଦେଙ୍ଗ୍ ସଲ୍‌ସି ମୁଡ଼ିଗିଜି ସାତାସର୍ହାନ୍ ।

୩୦ ଇସ୍ରାଏଲ୍‌ତିଲୋକୁ ଜିରିହୋ ଗାଡ଼ତ୍ ବାଉଡ଼ି ଗତା ସାରିବେଡ଼ିଡ଼ି ବିସବାସ୍ତାନ୍ ସାଡ଼ ଦିନ୍ ବୁଲ୍‌ଗାତି ଖେନକା, ଆକା ଦଂସ ଆତାମାରାଡ଼ ।

୩୧ ଦାରିପାଣିକିନି ରାହାବ ତାନି ବିସବାସ୍ତି ଉଣ୍ଡିଙ୍ଗ ଇସ୍ରାଏଲ୍‌ତି ତଙ୍ଗାରିଙ୍ଗ୍ ବାଡ଼ି ସିତାଡ଼ ମାରି ମାପୁରୁଦି ବିରୁଦ୍‌କିନି ଲୋକା ଖାଲେ ସାଏଶ୍‌ଗା ରକ୍ଷା ପୋଇତା ମାରାଡ଼ ।

୩୨ ନାନ୍ ମାରି ଏସୋ ମାଟେଙ୍ଗ୍ ବର୍ଣ୍ଣନାକିଜି ଖେର୍‌ନା ? ଗିଦିୟୋନ, ବାରାକ, ଶାମ୍‌ଶୋନ୍, ଯିପ୍ରାହ, ଦାଉଦ, ସାମୁଏଲ୍ ମାରି ବାବବାଦିରି ବିସୟତାନ୍ ଖେର୍‌ଡେଙ୍ଗ୍ ସରିଙ୍ଗ୍ ବେଡ଼ା ସିଲେଡ଼ ।

୩୩ ବିସବାସ୍ତାନ୍ ଇୟାକାର୍ ଆଇଆଇ ଦେସ୍ ବିରୁଦ୍‌ତାନ୍ ଜୁଦ୍ କିଜି ଜିଶାତା ମାରାନ୍ । ଇୟାକାର୍ ଦାମ୍‌ନୁ ପାଣି ପୁରା କିତାର୍, ମାପୁରୁ ପାରମାଣ୍ କିତିମାନି ବିସୟକୁଖିଜୁ ପୋଇତାର୍; ପାର୍ତାନରେସ୍ ଖେୟୁ କେରେପ୍‌ଡାର୍,

୩୪ ସିସୁ ନାପ୍‌ଡାର୍ ମାରି କାଣ୍ଡା ଦାରାଦାନ୍ ରକିୟା ପୋଇତାର୍ । ଇୟାକାର୍ ସାଲ୍‌ସିଲେଡାଡ଼, ମାତର୍ ସାଲ୍‌ ଆତାର୍; ଜୁଦ୍‌ଦୁ ଜିଶାତାର୍, ମାରି ଆଇଦେସ୍ତି ସାଡ଼ୁ ସନ୍‌ସରିଙ୍ଗ୍ ଆରା କିତାର୍ ।

୩୫ ବିସବାସ୍ତାନ୍ ଆଇମେକ୍ ତାମେକା ସାତି ନିଜେଦି ଲୋକାଙ୍ଗ୍ ଜିବନ୍‌ମାନି ଅବସ୍ଥାଦାନ୍ ମାରିଡ଼େସି ପୋଇଡେ । ଆଇକାର୍ ଉଣ୍ଡି ନେଗି ଜିବନ୍ ପୋଇନି ଉଣ୍ଡିଙ୍ଗ୍ ରକିୟା ପୋୟଦେଙ୍ଗ୍ ବଦା କିଏଶ୍‌ଗା କାସୁଦାନ୍ ସାତେ ସର୍ହେ ।

୩୬ ଏନ୍ ଏନ୍ କାସୁ ସାସ୍‌କିତାର୍, କରଡାମାଡ଼ ପୋଇତାର୍ ମାରି ସିକିଡ଼ିଦାନ୍ ତୋରାଜି ଜଇଲ୍ ଦଣ୍ଡ ପୋଇତାର୍ ।

୩୭ ଖାର୍ କାଲୁକାଣ୍ଡୁ ତାକ୍‌ତିଙ୍ଗ୍ ସାତାର୍, କରଡ଼ଦାନ୍ ରୁଣ୍ଡି ମକେଙ୍ଗ୍ ଆତାର୍ ମାରି କାଣ୍ଡାଦାନ୍ ସାତାର୍ । ଏନ୍ ଏନ୍ ମେଣ୍ଡା ନି ଗରିଆ ତୋଲୁ ଆରାଜି କାକୁଡ଼ ଆତାର୍, କାସୁ ନି ତାଡ଼ନା ଆଜି ଆୟାଖାଜା ବୁଲ୍‌ଗାତାର୍ ।

୩୮ ଇୟାଖାଜା ଲୋକା ଉଣ୍ଡିଙ୍ଗ୍ ଦୁନିଆଦୁ ନେଗି ବାଡ଼ି ସିଲେଡାଡ଼ । ଖାର୍ ବୁଲ୍‌ଗାନିକାର୍ ଖାଜା ବାଲିବୁମିଦୁ ମାରି ଗରନ୍‌ଡୁ ବୁଲ୍‌ଗାତାର୍, ସାରେଙ୍ଗ୍ ନି ବୁମିଦିଗୁଟେଆଙ୍ଗ୍ ବାସାକିତାର୍ ।

୩୯ ଇୟା ଖିଜେରେ ନିଜେ ନିଜେଦି ବିସବାସ୍ତାନ୍ ଏସ ସିନା ଇଟା ସର୍ହା ମାନାର୍ । ମାରିବା ଖାର୍ ମାପୁରୁଦି ସିନି ବିସୟ ପୋଇଏତାମାରାନ୍,

୪୦ ଇରିଙ୍ଗ୍ ମାପୁରୁ ମା ଉଣ୍ଡିଙ୍ଗ୍ ଉନ୍‌ଡ଼ି ନେଗି ଜଜନା କିତାମାରାନ୍ । ଖାର୍ ମା ଖାଲେ ଏଣ୍ଡେସ୍ ପୁରା ଆନାର୍, ଇକାନେ ମାପୁରୁଦି ବଦା ମାରାଡ଼ ।



ମାପୁରୁ ମା ବୁବା

୧ ଇୟାଞ୍ଜା ସାକିଲୋକାରି ଉଣ୍ଡି ପେରି ଦଲ୍ଲ ମା ସାରିବେଡ଼ିତି କେରବିତାମାନାର୍ । ମାରି ରାଦୁ, ଏମେ ଖିଜୁ ବିସୟ୍ ମାଙ୍ଗ୍ ବାଦା କିଜିନାଡ଼ ମାରି ଏମେ ଖିଜୁ ପାପ୍ ମାଙ୍ଗ୍ ରେଲ୍ଲି ଆସିନାଡ଼, ଖିଜୁ ଡ଼ିସ୍ସି ଆଚୁଞ୍ଜା ଆଜି ମା ଉଣ୍ଡିଙ୍ଗ୍ ତିଆରୁଆତିମାନି ସାରିଦୁ ଉରୁକ୍ସି ଆଗ୍ଡ଼ି ସନାଟ୍ ।

୨ ଏମେଞ୍ଜାନି ମୁସୁକୁ ମା ଟିକ୍ ବିସବାସ୍ ଆସା କିଜିନିକା, ଆୟା ଜିସୁଦି ଉଣ୍ଡିଙ୍ଗ୍ ମା କାଣୁକୁ ନେଗିକା ଇଡିନିକା । ଖାନ୍ କୁସଦି ତିଲାଇ ନିଜେ ପାଣିଦାନ୍ ତେବାଏନ୍ ମାର୍ହାନ୍; ମାତର୍ ଖାନିଦିନ୍ତୁ ଖାନି ଉଣ୍ଡିଙ୍ଗ୍ ଉଣ୍ଡାତିମାନି ଖେଡ଼ିକା ଉଣ୍ଡିଙ୍ଗ୍, କୁସକାଟ୍ସି ସାତିମାନି ଅପମାନ୍ତିଙ୍ଗ୍ ଖାନ୍ ମାନାଏନ୍ଶା ବୁଦି କିତାନ୍; ଇଲେଇ ଖାନ୍ ମାପୁରୁଦି ରାଜାଗାଦିଦି ଉଣିକିୟୁ ତରିନ୍ ବାସ୍ତାମାନାନ୍ ।

୩ ଅଡ଼ବିଜ ସୁଡ଼ୁ, ଖାନ୍ ଏସୋ ଦୁଃକ୍ ପୋଇତାମାନାନ୍ । ଖାନ୍ ପାପି ଲୋକାମାଡ଼ାନ୍ ଏସୋ ନିଦା ପୋଇଏତାମାନାନ୍ । ଆଦେଙ୍ଗ୍ ୍ ମିର୍ ମନ୍ତୁଣା କିଜି ନିରାସ୍ ଆମାଟ୍ ।

୪ ଇରିଙ୍ଗ୍ ମିଙ୍ଗ୍ ଇୟାସାନ୍ ପାପ୍ ବିରୁଦ୍ତାନ୍ ସାନିନାନି ଜୁଦ୍ କିଦେଙ୍ଗ୍ ପୋଡ଼ାଏଡ଼ ।

୫ ମାପୁରୁ ଖାନି ମାରିନ୍ ଖାଜା ମିଙ୍ଗ୍ ଏମେ ଖେଡ଼ିକା କାବୁର୍ ଖେନିସ୍ତା ମାନାର୍, ଆକା ଇନିକା ମିର୍ ବାଣାଜିନିଦେର୍ ? “ଏ ନା ମାରିନ୍, ମାପୁରୁ ମିଙ୍ଗ୍ ସାସନ୍ କିନିଞ୍ଜାଲେ ମୋନଦିୟାନ୍ ସିଦୁ ।

ଖାନ୍ ମିଙ୍ଗ୍ ଲାଗାନିଞ୍ଜାଲେ ମନ୍ତୁଣା କିମାଟ୍ ।

୬ ଇରିଙ୍ଗ୍ ମାପୁରୁ ଏମେଞ୍ଜାନିଙ୍ଗ୍ ଜିବନ୍ନୋନାନ୍, ଖାନିଙ୍ଗ୍ ସାସନ୍ କିନାନ୍ ମାରି ଏମେଞ୍ଜାନିଙ୍ଗ୍ ମାରିନ୍ ଇଜି ମାନାନାନ୍, ଖାନିଙ୍ଗ୍ ସାସ୍ତି ସିନାନ୍ ।”

୭ ମି ଦୁଃକ୍ କାସୁଦିଙ୍ଗ୍ ବୁବାଦି ସାସନ୍ ଇଜି ଅଡ଼ବିଜି ସାସ୍ ଆସ୍ତୁ, ତେନିମାଡ଼ାନ୍ ମାପୁରୁ ମି ଖାଲେ ମାରିନ୍ ଖାଜା ବ୍ୟବହାର୍ କିଜିନାନ୍ ଇଜି ଖେଙ୍ଗ୍ ଜିନାଡ଼ । ଇରିଙ୍ଗ୍ ବୁବା ଆମାଞ୍ଜାନିଙ୍ଗ୍ ସାସନ୍ କିଏନ୍, ଇୟାଞ୍ଜା ମାରିନ୍ ଏନ୍ ମାନାନ୍ ?

୮ ଖାରି ଆଇ ମାରିସିର୍ ଖାଜା ନିଙ୍ଗ୍ ଜଦି ମି ବୁବା ମିସା କିଏନ୍, ଆରତିଙ୍ଗ୍ ନିନ୍ ନିଜେଦି ମାରିନ୍ ଆଇ, ନିନ୍ ଉପକା ମାରିନ୍ ।

୯ ମା ଦୁନିଆଦି ବୁବାର୍ ମାଙ୍ଗ୍ ସାସ୍ତି ସିତିଙ୍ଗ୍ ବା ମାଡୁ ମେନ୍ଲତି ବୁବାରିଙ୍ଗ୍ ମାନାନିକା । ଆରତିଙ୍ଗ୍ ୍ ମା ମୁସୁକୁପୁରତି ବୁବାଦି ସାସନ୍ତି ଆଡ଼ଗି ଆଜି ତେବାନିକା ଏସ ନାଣ୍ଟ ନେଗିମାଟା !

୧୦ ମା ଦୁନିଆଦି ବୁବାରି ଆଗ୍ଡ଼ି ଏମେକା ତାଗ୍ଲକା, ଆୟା ଇସାବ୍ତାନ୍ ମାଙ୍ଗ୍ ଉଣା ଦିନ୍ ଉଣ୍ଡିଙ୍ଗ୍ ସାସନ୍ କିନାର୍; ମାତର୍ ମାଡୁ ଏଣ୍ଟେସ୍ ଖାନି ପବିତ୍ରତାଦୁ ମିସାଦେଙ୍ଗ୍ ଆଟ୍ନିକା, ଇୟାଞ୍ଜା ମାପୁରୁ ମା ନେଗି ଉଣ୍ଡିଙ୍ଗ୍ ମାଙ୍ଗ୍ ସାସନ୍ କିନାନ୍ ।

୧୧ ସାସ୍ତି ପୋଇନି ଖାଲେ ମାଙ୍ଗ୍ ଆକା ଦୁଃକ୍ ଅଡ଼ବିନିକା ମାନାଡ଼, ମୁଡ଼ୁକ୍ ଖେଡ଼ିକାଦିକା ଆଏଡ଼ । ମାତର୍ ସାସ୍ତିଦାନ୍ ଏମେଞ୍ଜାରି ଜିବନ୍ ସାନ୍ତି ଆନାଡ଼, ଖାର୍ ଖେନକା ସାନ୍ତିଦି ଦାମ୍ବୁଦି ଜିବନ୍ ଖାଜା ପୁରସ୍କାର୍ ପୋଇନାର୍ ।

ଉପଦେସ୍ ନି ଜାଗାର୍ତାମାଟା

୧୨ ଆଦେଙ୍ଗ୍ ୍ ମି ସାକିସିଲି କିୟୁ ମୁସୁକୁ ପେରୁଦୁ ମାରି ତିରିଗ୍ନି ମେଣ୍ଡାଦିଙ୍ଗ୍ ସାଲ୍ଲି କିଦୁ ।

୧୩ ମାରି ନିଜେ ନିଜେଦି ପାଦାମ୍ତ ଉଣ୍ଡିଙ୍ଗ୍ ସିଦା ସାରିଙ୍ଗା ବୁଲ୍ଲାଦୁ; ଆରତିଙ୍ଗ୍ ମି ସଟା କାଲୁ ସଟାଆଏଜି ନେଗେନ୍ ତେବାନାଡ଼ ।

୧୪ ଖିଜେରି ଖାଲେ ସାନ୍ତିଦାନ୍ ବାସାକିଦେଙ୍ଗ୍ ମାରି ପବିତ୍ରଦାନ୍ ଜିଦେଙ୍ଗ୍ ସେସ୍ଟୁ କିଦୁ; ଇରିଙ୍ଗ୍ ତାନି ବାଦୁଲୁ ଏନ୍ ପ୍ରବୁଦି ଦର୍ସନ ପୋଇଦେଙ୍ଗ୍ ଆଟ୍ଏନ୍ ।

୧୫ ଜାଗାର୍ତା, ଏଣ୍ଟେସ୍ ମାପୁରୁଦି ଦୟାଦାନ୍ ତେବାମାଟ୍ । କେୟୁନି ମାରାନ୍ ଖାଜା ଆମାଟ୍ । କେୟୁନି ମାରାନ୍ ପିରିତିଙ୍ଗା, ତାନି ଖିସାମ୍ତି ମାଡ଼ାନ୍ ନାଣ୍ଟ ନାସୁ ଆନାଡ଼ ।

୧୬ ଏସୌ ଖାଜା ଏନ୍ ତାଗ୍ଲକାନ୍ ମାରି ଅଦାମ୍ବୁଦିକାନ୍ ଆମାଟ୍; ଖାନ୍ ତୋ ଉନ୍ତେ ଅଡ଼ିଦି କାଦି ଉଣ୍ଡିଙ୍ଗ୍ ପେରିଅଦିକାର୍ ପୋର୍ତା ମାର୍ହାନ୍ ।

୧୭ ମିର୍ ନେସ୍ତିମାନିଦେର୍ ଜେ, ଖାନ୍ ବୁବାଦି ଆସିର୍ବାଦ୍ତି ଅଦିକାରି ଆନି ଉଣ୍ଡିଙ୍ଗ୍ ବଦା କିତାନ୍, ମାତର୍ ଡ଼ିସାୟ୍ ଆତାଡ଼ । ମାରି ଏଡ଼କିନି ନାଣ୍ଟ କାଶେର୍ଲ୍ଲୁ ଖାକ୍ସି ଜାତୁନ୍ତାନ୍ ସେସ୍ଟୁ କିଡିଙ୍ଗ୍ବା ଆକା କିନି ଉଣ୍ଡିଙ୍ଗ୍ ମାରି ସୁଜୋଗ୍ ପୋଇଏତାନ୍ ।

୧୮ ଇସ୍ରାଏଲ୍ତିଲୋକୁ ଖାଜା ମିର୍ ସିନାଇ ଗରନ୍ତୁ କାସ୍ସିମାନି ସିସୁ, ସିର୍ ସିକାଟି, ନାଣ୍ଟଗାଲିପିରୁ,

୧୯ ବାଜାମରିଦି ଆଉଲି ମାରି ବାକ୍ୟଦି ବଲୁ ଲାକ୍ତୁ ରେଇଦେର୍, ଲୋକୁ ଆୟା ବଲୁ ଖେନ୍ଜି ଏଣ୍ଟେସ୍ ଖାରିଙ୍ଗ୍ ମାରି ଆମାଇନି ବାକ୍ୟ ଖେର୍ଏର୍, ଇକା ଅନୁରଦ୍ କିତାମାର୍ହାର୍,

୨୦ ଇରିଙ୍ଗ ଆମାଲନି “ଜାତୁ ବା ଜଦି ଆୟା ଗରନ୍ତିଙ୍ଗ ମୁଟ୍ତିଙ୍ଗ, ଆର୍ତିଙ୍ଗ ତାନିଙ୍ଗ କାଲ୍‌କାଣ୍‌କୁ ସାୟାମାର୍‌ଗା ଡାକ୍‌ନାର୍,” ଇୟା ଆମା ମାଟା ସିଆୟାଆତା ମାର୍‌ହାଡ୍ ଆକା ଖାର୍ ସାସ୍ କିଦେଙ୍ଗ ଆର୍‌ଏତାର୍ ।

୨୧ ମାରି ଆୟା ସୁଡ଼ୁକା ଇୟାଖାଜା ଡିଲାନିକା ମାରାଡ୍ ଜେ, ମୋସା ଇର୍‌ହାମାରାନ୍, “ନାନୁ ଡିଲାତା ମାରି ଡିରଗିଜିନା ।”

୨୨ ମାତର୍ ମିର୍ ଖାତିମାନିଦେର୍ ସିୟୋନ ଗରନ୍‌ତୁ ମାରି ଜିବନ୍‌ତି ମାପୁରୁଦି ଗାଡ୍, ମୁସ୍‌କୁପୁରୁତି ଜିରୁସାଲମତୁ, ଏମେମାନୁ ହଜାର୍ ହଜାର୍ ମୁସ୍‌କୁପୁରୁତି ଦୁଡ୍‌କା ଦୋଲ୍ ।

୨୩ ମାପୁରୁଦି ଏମେ ଆଗ୍‌ଡି ଜନମଆତି କଡର୍‌ଆଇଲିକା ଦରୁ ମୁସ୍‌କୁପୁରୁତୁ ରାସାତା ମାନାଡ୍, ମିର୍ ଖାରି ଖେଡିକାଦୁ ଖାତିମାନିଦେର୍ । ଖିଲୁ ଲୋକା ଜାତିଦି ବିଚାରକିନି ମାପୁରୁଦି ଲାକ୍‌ତୁ ମାରି ପୁରା ଦାମ୍‌ଦି ଲୋକାଦି ଆମେଙ୍ଗା ଲାକ୍‌ତୁ ମିର୍ ଖାତିମାନିଦେର୍ ।

୨୪ ମାରି, ପୁନି ନିୟମ୍ ଡିଆର୍ ଆତିମାନି ଜିସୁଦି ଲାକ୍‌ତୁ ମାରି ଏମେଖାନି ନେତେର୍ ହେବଲଦି ନେତେର୍ ବାଦ୍‌ଲୁ ନେଗି ବାକ୍ୟ ସିନାନ୍ ଇଜି ଆସା କିଜିନା, ଆୟା ନେତେର୍ ଲାକ୍‌ତୁ ଖାତିମାନିଦେର୍ ।

୨୫ ଆୟାଉଣ୍ଡିଙ୍ଗ ଜାଗାର୍‌ତା, ଏନ୍ ବାକ୍ୟ ଖେରସିନାନ୍, ଖାନିଙ୍ଗ୍ ଡିସ୍‌ମାର୍ । ମୁସ୍‌କୁପୁରୁତାନ୍ ବାକ୍ୟ ଆସ୍‌ସି ଖାଜି ଦୁନିଆଦୁ ତାନିଙ୍ଗ୍ ଖେରତିମାନି ଲୋକ୍‌ତି ଉଣ୍ଡିଙ୍ଗ୍ ଏମେକାର୍ ଖେନ୍‌ଏତାର୍, ଖାର୍ ଏର୍‌ବା ରକିୟା ପୋୟ୍‌ଏତାର୍ । ଆର୍‌ତିଙ୍ଗ, ଇଲେଇ ଏନ୍ ମୁସ୍‌କୁପୁରୁତୁ ମାନ୍‌ଜି ଖାର୍‌ଗିଜିନାନ୍, ଖାନିଙ୍ଗ୍ ଡିସ୍‌ତିଙ୍ଗ୍ ମାଡୁ ଇନିକା ରକିୟା ପୋଇଦେଙ୍ଗ୍ ଆର୍‌ନିକା ?

୨୬ ନାସ୍‌ିଖାଲେ ଖାନି ବଲୁ ପୁଡିବିଦିଙ୍ଗ୍ ଦୁକ୍‌ତା ମାର୍‌ହାଡ୍ । ମାତର୍ ଇଲେଇ ଖାନ୍ ପାର୍‌ମାଣ୍ କିଜି ଇର୍‌ହାମାନାନ୍, “ନାନୁ ମାରିଡେସି କେବଲ ପୁଡିବିଦିଙ୍ଗ୍ ସିଲେ, ବାଦଡ୍‌ଡିଙ୍ଗ୍ ବା ଦୁକ୍‌ନା ପୋକ୍‌ନା ।”

୨୭ ଇବେଟ୍‌ତାନ୍ ଟିକ୍ ଜେ, ଖାନ୍ “ମାରିଡେସି” ଆମାକା କିନାନ୍, ତାନିମାଡାନ୍ ଡିଆର୍‌ଆତି ଖିଲୁ ବିସୟ୍ ଦୁକ୍‌ଜି ମାର୍‌ଗାନାଡ୍ । କେବଲ ଏମେ ଖିଲୁ ବିସୟ୍ ଦୁକ୍‌ଦେଙ୍ଗ୍ ଆର୍‌ଡ୍, ଆକା ଡାଟ୍ ଆଜି ତେବାନାଡ୍ ।

୨୮ ଆଦେଙ୍ଗ୍ ରାଦୁ, ମାଡ୍ ଦନ୍‌ସବାଦ୍ ସିନାଟ୍, ଇରିଙ୍ଗ୍ ମାଡ୍ ଉନ୍‌ଡି ଆର୍‌ଖା ରାଜି ପୋୟ୍‌ନାଟ୍ । ରାଦୁ, ମା ଦନ୍‌ସବାଦ୍ ସିଜି ମାରି ବକ୍ତି ନି ଡିଏଲ୍‌ଡି ଖାଲେ ମାପୁରୁଦି ଖେଡିକା ଆଜି ଖାନିଙ୍ଗ୍ ପୁଜା କିନାଟ୍ ।

୨୯ ଇରିଙ୍ଗ୍ ସଡ୍‌ତାନ୍ ମା ମାପୁରୁ ଅରେନ୍ ଦଂସକିନି ସିସୁ ଖାଜା ।

୧୩

ଏଣ୍ଡେସ୍ ମାପୁରୁକ୍‌ ଖେଡିକା କିନିକା

୧ କ୍ରିସ୍‌ ବିସ୍‌ବାସି ତୋଡାନକୁ ନି ତାଙ୍ଗ୍‌କ୍ ନିଜେନିଜେଦିଙ୍ଗ୍ ଜିବନ୍‌ନୋଜି ମାଣ୍‌ୁ

୨ ଖାଜିମାନି ଲୋକାଙ୍ଗ୍ ମି ଇଲୁତୁ କୁକ୍‌ତୁ । ଇକା କିନି ମାଡାନ୍ ଏନ୍ ଏନ୍ ନେସ୍‌ଏଣ୍‌ଗା ମୁସ୍‌କୁପୁରୁତି ଦୁଡ୍‌କାଙ୍ଗ୍ ସେବାକିତାମାନାର୍ ।

୩ ଜଇଲ୍‌ତୁମାନି ଲୋକା ଖାଲେ ନିନ୍ ନିଜେ ଜଇଲ୍‌ତୁ ତେବାଜି ଦଣ୍ଡ ପୋଇଜିନି ଖାଜା ଅଡ୍‌ବିଜି ଖାରିଙ୍ଗ୍ ଏଡ୍‌କିଦୁ । ଦୁଃକ୍‌କାସୁ ବର୍‌ଗ୍ କିଜିମାନି ଲୋକା ଖାଲେ ଖିଲୁ ଦୁଃକ୍‌ ସିନ୍ତା କିଜି ଖାରିଙ୍ଗ୍ ଏଡ୍‌କିଦୁ ।

୪ ପେଡି ଖିଜେରି ଉଣ୍ଡିଙ୍ଗ୍ ନେଗିକା ଆପିଡ୍, ମେମାରି ନି ଆଇମା ନିଜେନିଜେଦି ଉଣ୍ଡିଙ୍ଗ୍ ବିସ୍‌ବାସ୍‌ତାନ୍ ତେବାପିର୍ । ମାପୁରୁ ଲାଲାୟ୍‌ଆନି ଖାରିଙ୍ଗ୍ ମାରି ଦାରିପାଣିକିନିଖାରିଙ୍ଗ୍ ବିଚାର୍ କିନାନ୍ ।

୫ ଦନ୍‌ସମ୍‌ଡି ଆସାଦାନ୍ ଆକତେବାଦୁ ମାରି ମି ଏମେକା ମାନାଡ୍, ଆବେନ୍ ଖେଡିକାଦାନ୍ ତେବାଦୁ । ଇରିଙ୍ଗ୍ ମାପୁରୁ ଇର୍‌ହାମାନାନ୍, “ନାନୁ ମିଙ୍ଗ୍‌ ଡିସ୍‌ଏ, ନାନୁ ନିଙ୍ଗ୍‌ ଏସାଙ୍ଗ୍ ପେର୍‌ଏ ।”

୬ ମାରି ମାଡୁ ସାହାସ୍‌ତାନ୍ ଇନ୍‌ଡେଙ୍ଗ୍ ଆର୍‌ନିକା, “ପ୍ରୁ ନା ସାକାକିନିକାନ୍ ।

ନାନୁ ଡିଲାଏ,

ଏନ୍ ନା ଅନିସ୍‌ କିଦେଙ୍ଗ୍ ଆର୍‌ନାନ୍ ?”

୭ ଏମେ ନେତାର୍ ପୁର୍‌ବେ ମିଙ୍ଗ୍‌ ମାପୁରୁଦି ବାକ୍ୟ ଖେରତା ମାର୍‌ହାଡ୍, ଖାରିଙ୍ଗ୍ ଏଡ୍‌କିଦୁ । ଖାରି ଜିବନ୍ ବା ସାନିକା ଏଣ୍ଡେସନାକା ମାର୍‌ହାଡ୍, ଆକା ଏଡ୍‌କିଜି ଖାରି ବିସ୍‌ବାସ୍‌ତିଙ୍ଗ୍ ନିଜେଦି ଜିବନ୍‌ତୁ ଆସ୍‌ତୁ ।

୮ ଜିସୁ କ୍ରିସ୍‌ ଇଏନ୍, ନେରୁ ମାରି ଖିଲୁଦିନ୍ ସାମାନ୍ ମାନାନ୍ ।

୯ ଆଇ ଆଇ ବୁଲ୍‌ ଦାମ୍‌ ସିକୟା ମିଙ୍ଗ୍‌ ସଡ୍ ସାରିଦାନ୍ ଖେରଏ କିମାକିଡ୍ । ମାପୁରୁଦି ଦୟାଦାନ୍ ଜିବନ୍‌ଡି ଉଣ୍ଡିଙ୍ଗ୍ ସାକ୍ତି ଉଣ୍ଡାକିନିକା ନେଗିକା, କାଦି ଉଣି ବିସୟ୍‌ତାନ୍ ନିୟମ୍ ମାନାନି ମାଡାନ୍ ଇକା ଆଦେଙ୍ଗ୍ ଆର୍‌ଏଡ୍ । ଆଡ୍‌ରେରି ବିଦି ଖିଲୁ ମାନାଜିମାନି ଲୋକ୍‌ ଆବେଣାନ୍ ଇନି ଉପକାର୍ ପୋୟ୍‌ଏର୍ ।

୧୦ ମା ଏମେ ଜଞ୍ଜ ବେଦି ମାନାଡ୍, ଆବେନ୍ ମାନି ପୁଜାସିତିମାନି କାଦି ଉଣ୍ଡେଙ୍ଗ୍ ଜିହୁଦି ଜାଜକରି ଅଦିକାର୍ ସିଲେଡ୍ ।

୧୧ ଜିହ୍ୱୁଦି ପେରିଜାଜକ ବଲି ସିତିମାନି ଜାତୁଦି ନେତେର୍ ପାପତି ବାଦଲୁ ଖାଜା ପୁଜାସିଦେଙ୍ଗ ମହାପବିତ୍ର ବାଡିଦୁ ଆସସି ସନାର୍; ମାତର୍ ଆୟା ଜାତୁଦି ମେନ୍ଦଲ ନାର୍ତି ଆତେରେ ଆଡାକ୍ନା ପୋକନାର୍ ।

୧୨ ଆୟାଖାଜା ଜିସୁ ବା ନିଜେଦି ନେତେର୍ତାନ ଏଣ୍ଡେସ ଲୋକାଙ୍ ପାପଦାନ୍ ପବିତ୍ର କିନି ଉଣ୍ଡିଙ୍ଗ ଗାଡ୍ତି ଆତେରେ ସାତାନ୍ ।

୧୩ ଆଦେଙ୍ଗ ସାଦୁ, ମାତୁ ବା ଗାଡ୍ ଆଡ୍ରେ ଖାନି ଲାକୁତୁ ସନାର୍ ମାରି ଖାନି ଖାଲେ ନିନ୍ଧା, ଅପମାନ୍ ସାସ୍ କିନାର୍ ।

୧୪ ଇରିଙ୍ଗ ମା ଉଣ୍ଡିଙ୍ଗ ଇୟା ଜଗଡ୍ଦୁ ଆମାଜନି ଓଜୁଦିନ୍ତି ତେବାନି ଗାଡ୍ ସିଲେଡ୍, ଏମେ ଗାଡ୍ ବବିସଡ୍ଦୁ ତିଆର୍ ଅନାଡ୍, ମାପ୍ ଆୟା ଗାଡ୍ତିଙ୍ଗ କାପ୍କିଜିନାପ୍ ।

୧୫ ମାରି ରାଦୁ, ମାପ୍ ଜିସୁଦି ମାଣାନ୍ ମାପୁରୁଙ୍ଗୁ ମା ପ୍ରସଂସା ନାନି ବଲି ସିନାର୍ । ଇୟା ବଲି ଜିସୁଙ୍ଗୁ “ପ୍ରୁ” ଇଜି ମାନାଜିମାନି ଷ୍ଟେୟୁଦାନ୍ ପୁଜା କିନାର୍ ।

୧୬ ଆଇଖାରି ନେଗିପାଣି କିଦେଙ୍ଗ ମାରି ଖାରିଙ୍ଗ ସାହାଜ୍ୟ କିଦେଙ୍ଗ ବାଣାମାର୍, ଇରିଙ୍ଗ ଇୟାଓଜୁ ନେ ମାପୁରୁଦି ଷ୍ଟେଡିକାଦି ବଲି ଖାଜା ।

୧୭ ମି ନେତାରି ଆଡ୍ଗି ଆଦୁ, ଖାରି ଆଦେସ୍ ଆସଡୁ । ଖାର୍ କାପ୍କିନିଲୋକ୍ ଖାଜା ମି ଆମ୍ପାଦି ରକ୍ଷା ଉଣ୍ଡିଙ୍ଗ ରମ୍ପଏଣ୍ଗା କାପ୍କିତାମାନାର୍, ଇରିଙ୍ଗ ଖାରିଙ୍ଗ ମାପୁରୁଦି ଲାକୁତୁ ନିଜେଦି ପାଣିଦି ଇସାପ୍ ସିଦେଙ୍ଗ ପଡାନାଡ୍ । ମିର୍ ଜଦି ଖାରି ଆଡ୍ଗି ଆନିଦେର୍, ଆଡ୍ତିଙ୍ଗ ଖାରୁ ଷ୍ଟେଡିକାଦି ମୋନତାନ୍ ନିଜେଦି ପାଣି କିନାର୍, ମାତର୍ ଜଦି ଆକା କିଇଦେର୍, ଆଡ୍ତିଙ୍ଗ ଖାର୍ ଦୁଃକ୍ ମୋନତାନ୍ ଆକା କିନାର୍ ମାରି ଇକା ମି ଉଣ୍ଡିଙ୍ଗ ନେଗିକା ଆଏଡ୍ ।

୧୮ ମା ଉଣ୍ଡିଙ୍ଗ ପାରତନା କିଦୁ । ମା ରୁଦି ଜେ ନେଗିକା, ଇବେନ୍ଦୁ ନାମ୍ପକା ସିଲେଡ୍, ଇରିଙ୍ଗ ଓଜୁଦିନ୍ ନେଗେନ୍ ଜିଦେଙ୍ଗ ମା ଉଣ୍ଡେ ବଦା ।

୧୯ ମାରି, ମାପୁରୁ ନାଙ୍ ମି ଲାକୁତୁ ବେଗି ପୋକିନ୍, ମିର୍ ନା ଉଣ୍ଡିଙ୍ଗ ଇୟା ପାରତନା କିଜିମାଣ୍, ଇକା ମି ଲାକୁତୁ ନା ଜିବନ୍ତାନ୍ ଅନୁରୋଦ୍ କିଜିନା ।

ସାରାସାରି ପାରତନା

୨୦ ଏନ୍ ନିଜେଦି ବଲିଦାନ୍ ମେଣ୍ଡେଆଙ୍ଗୁ “ପେରି ମେଣ୍ଡେଙ୍ଗସାରାକିନିକାନ୍” ଆତାମାନାନ୍, ମା ଆୟା ପ୍ରୁ ଜିସୁଙ୍ଗୁ ମାପୁରୁ ସାଡିମାଣାନ୍ ମାରିଡେସି ନିକ୍ତାମାନାନ୍ । ଆୟା ଜିସୁଦି ସାଡି ବଲିଦି ନେତେର୍ତାନ ଉଣ୍ଡି ଓଜୁଦିନ୍ତି ନିୟମ୍ ଆତାମାନାଡ୍ । ସାନ୍ତିସିନି ମାପୁରୁ ଖାନି ବଦା ମାନାନି ଉଣ୍ଡିଙ୍ଗ ମି ଦରକାର୍ତି ଇସାବତାନ୍ ଓଜୁ ନେଗି ବିସୟ୍ ସିପିନ୍ ।

୨୧ ମାରି ଜିସୁ କ୍ରିସ୍ତଦି ମାଣାନ୍ ମା ଜିବନ୍ତୁ ଖାନି ଷ୍ଟେଡିକାଦି ନେଗି ପାଣି ପୁରା କିପିନ୍ । ଜୁଗ୍ ଜୁଗ୍ ଗୌରବ୍ ଖାନିନ୍ ଆପିଡ୍ । ଆମେନ୍ ।

ସାରାସାରି ମାଟା

୨୨ ଏ ତଡାନ୍କୁ ନି ତାଙ୍ଗୁକ୍, ଅନୁରୋଦ୍ କିଜିନା, ନା ଇୟା ଆକୁଦି ବାକ୍ୟ ଉଣ୍ଡିଙ୍ଗ ସାସ୍ତି ଖାଲେ ମୋନଦିୟାନ୍ ସିଦୁ । ମିଙ୍ଗୁ ଷ୍ଟେଡିକା କିନି ଉଣ୍ଡିଙ୍ଗ ଇକା ନାନୁ ରାସ୍ତାମାନା ।

୨୩ ମା ତଡାନ୍ ତିମତି ଜଇଲ୍ତାନ୍ ମୁକ୍ତାତାମାନାନ୍ ଇଜି ନେସ୍ନିଦେର୍ । ଖାନ୍ ଜଦି ବେଗି ଖାନାନ୍, ଆଡ୍ତିଙ୍ଗ ନାନୁ ଖାନିଙ୍ଗ ଅର୍ସେ ଆସସି ମି ଲାକୁତୁ ଖାନା ।

୨୪ ମି ଓଜେରି ପେରିଖାରିଙ୍ଗ ମାରି କ୍ରିସ୍ତ ବିସ୍ବାସିରିଙ୍ଗ ମା ନମସ୍ତାର୍ ଜାଣେ କିଦୁ । ଇଟାଲି ଦେସ୍ତାନ୍ ଖାଡିମାନି ତଡାନ୍କୁ ମିଙ୍ଗୁ ନମସ୍ତାର୍ କିଜିନାର୍ ।

୨୫ ମି ଓଜେରି ଲାକୁତୁ ମାପୁରୁଦି ଦୟା ଓଜୁଦିନ୍ ମାନିଡ୍ ।

ଯାକୁବଙ୍କ ଲିଖିତ ପତ୍ର ଜାକୁବ ରାସ୍ତାମାନି ଆକୁ ଜାକୁବ ରାସ୍ତାମାନି ଆକୁ ବିସୟତାନ୍

ଜାକୁବ ଆକୁ ଜାକୁବ ଦରତାନ୍ କୁକାୟଆଜିମାନି ଅରେନ୍ ଲୋକତି ମାଣାନ୍ ରାସାତାମାନାତ୍; ଇୟା ଜାକୁବ ଆନାତ୍ମାନାତ୍ ଜିସୁକ୍ରିସ୍ତଦି ତତ୍ତାନ୍ ମାର୍ହାନ୍, ଏନ୍ କି ଆଗ୍ଡିରି ମଣ୍ଡଲିଦି ଅରେନ୍ନେତା ନି ଜିରୁସାଲାମ୍ କୁଚୁମ୍ତି ମେମର୍ ମାର୍ହାନ୍ ପ୍ରେରିତ ୧୫:୧୩ ପେରିତ ପାଉଲ ବା ଜାକୁବଦିଙ୍ଗ୍ ମଣ୍ଡଲିଦି ମୁଣ୍ଡା ଇଜି କୁକ୍ନାନ୍ ଗାଲାତିୟ ୨:୯ ଜାକୁବ ଆକୁ ଜିସୁକ୍ରିସ୍ତଦି ଜନମତି ୫୦ ବାସ୍ତେକ୍ ରାସାତାମାନାତ୍ ଇଜି ବାଇବଲ ପଣ୍ଡିତକୁ ବିସବାସ୍ କିନାନ୍ । ଜାକୁବ ଜିରୁସାଲାମ୍ତି ନେତା ମାର୍ହାନ୍ ଆଦେଙ୍ଗ୍ ଆନାତ୍ମାନାତ୍ ଆବେ ବାସାନିଝାଲେ ଝାନ୍ ଇୟା ଆକୁ ରାସ୍ତା ମାର୍ହାନ୍ ।

ଜାକୁବ ଦେସ୍ତୁ ଇନିଙ୍ଗ୍ ଆନିଙ୍ଗ୍ ଆତିମାନି ବାର କୁଚୁମ୍ତି ଝାରିଙ୍ଗ୍ ଝାନି ଆକୁ ଝେର୍ସିନାନ୍ ଜାକୁବ ୧:୧ । ଆନାତ୍ ଜାକୁବ ଆକୁଦି ଟିକ୍ ମାଟା ଝିଜେରେ କ୍ରିସ୍ଟାନ୍କା ଉଣ୍ଡିଙ୍ଗ୍ ଆନାତ୍, ମାତର୍ ବାର କୁଚୁମ୍ ଅବିସବାସ୍ତାନ୍ କିତିମାନି ମାଟା ଆନାତ୍ ଜାକୁବ ସିଦାଦାନ୍ ଜିହୁଦି କ୍ରିସ୍ଟାନ୍କାଙ୍ଗ୍ ୍ରାସ୍ତା ମାର୍ହାନ୍ । ଇରିଙ୍ଗ୍ ଇୟା ଆକୁ ଝେର୍ସି ମାନି ପଡାନିଝାରି ବିସୟତାନ୍ ସାରି ତରନାତ୍ । ଜାକୁବ, ବିସବାସ୍ ମାରି ପାଣିଦି ପୁରା କିନି ବିସୟତାନ୍ ଇନାନ୍ ଜେ ସତ୍ ବିସବାସ୍ ପାଣିଦୁ ତରନାତ୍ ଜାକୁବ ୨:୧୭ । ଝାନ୍ ମାଜନ୍ତି ଲୋକା ଉଣ୍ଡିଙ୍ଗ୍ ମକମ୍ସୁଡ୍ଜିପାଣି କିନିଝାରି ବିସୟତାନ୍ ଜାଗାର୍ତା କିନାନ୍ ୨:୧-୪ ମନ୍ତୁ ଇଡ୍ଜି ମାଟା ଝାରିଗିନି ବିସୟତାନ୍ ବା ଜାଗାର୍ତା ଆଦେଙ୍ଗ୍ ଝେର୍ନାନ୍ ୩:୧-୧୨ ।

ଇୟା ଆକୁଦୁ ମାନି ମୁକିୟ ବିସୟ

- ୧. ଜାକୁବ ଝାନି ପଡାନିଝାରିଙ୍ଗ୍ ମାଡିସ୍ କିଜିନାନ୍ । ୧:୧
- ୨. ଝାନ୍ କ୍ରିସ୍ଟାନ୍ ଲୋକାଙ୍ଗ୍ ଦୁକ୍ତିଝାଲେ ତାଟ୍ତାନ୍ ମାନ୍ତ୍ରେଙ୍ଗ୍ ସାହାସ୍ ସିନାନ୍ । ୧:୨-୨୭
- ୩. ପାଣି ଦାନ୍ ଏଣ୍ଡେସ୍ ବିସବାସ୍ ତରନିକା ଦରକାର୍ ଆୟା ବିସୟତାନ୍ ଇନାନ୍ । ୨:୧-୨୭
- ୪. ବାକ୍ୟ ଏଣ୍ଡେସ୍ ସାକ୍ତି ଆନାତ୍ ଆକା ଝାନ୍ ଝେର୍ତାମାନାନ୍ । ୩:୧-୧୨
- ୫. ଜାକୁବ ମାପୁରୁଦି ବୁଦି ଦୁନିଆଦି ବୁଦିଦାନ୍ ଝେର୍ସି ଆନାତ୍ ଆକା ଝେର୍ନାନ୍ । ୩:୧୩-୪:୧୦
- ୬. ଝେର୍ନକା ଝାନ୍ ପଡାନିଝାରିଙ୍ଗ୍ ୍ରାର୍ବ କିକ୍ ଉଣ୍ଡିଙ୍ଗ୍ ଜାଗାର୍ତା କିନାନ୍ । ୪:୧୧-୫:୬
- ୭. ସାରାସାରି ଜାକୁବ ଏସ୍ ନେଗିମାଟେଙ୍ଗ୍ ୍ରାଦେସ୍ ସିଜି ଝାନି ରାସ୍ନିକା ଝିସ୍ନାନ୍ ୫:୭-୨୦

୧୦*ସାରା ଦୁନିଆଦୁ ଇନ୍ଦିଙ୍ଗ୍ ଆନିଙ୍ଗ୍ ଆତିମାନି ମାପୁରୁଦି ବାର କୁଚୁମ୍ତି ଲୋକାଙ୍ଗ୍ ମାପୁରୁଦି ମାରି ପ୍ରବୁ ଜିସୁ କ୍ରିସ୍ତଦି ଦାସ୍ ଜାକୁବ ମାଡିସ୍କିନିକା ଜାଣେକିଜି ଇୟା ଆକୁ ରାସ୍ସିନାନ୍ ।

ବିସବାସ୍ ମାରି ବୁଦି

- ୨ ଏ ନା ତତ୍ତାନ୍କୁ ନି ତାଙ୍ଗ୍ କି, ମିର୍ ଜିନି ସାରିଦୁ ଦୁଃକ୍କାସ୍ ଝାଡିଙ୍ଗ୍ବା, ଆକା ନିଜେଦିବାଗ୍ୟ ଇଜି ଅଡ୍ବିଦୁ ।
- ୩ ଇରିଙ୍ଗ୍ ମିର୍ ନେସ୍ନିଦେର୍, ଇୟାଝାଜା ଦୁଃକ୍କାସ୍ତୁଦି ପରିକା ଜିଣାନିକା ସାମ୍ନା ଆନି ଝାଲେ ବିସବାସ୍ ତାଟ୍ ତେବାତିଙ୍ଗ୍, ସାସ୍ଆସ୍ନି ସାକ୍ତି ପିର୍ନାତ୍ ।
- ୪ ମିର୍ ଝେର୍ନକା ସାଦି ସାସ୍ ଆସ୍ସି ତେବାତିଙ୍ଗ୍, ଇନି ବିସୟତୁ ଉଣା ଆଏଣ୍ଡା ପୁରା ନି ପୁରାପୁରିବର୍ତ୍ ଆନାତ୍ ।
- ୫ ମାତର୍ ମି ଲୋଇରାନ୍ ଆମାଝାନିଙ୍ଗ୍ ଜଦି ବୁଦି ଉଣାମାନାତ୍, ଝାନ୍ ମାପୁରୁଦି ଲାକ୍ତୁ ପାର୍ତାନା କିପିନ୍, ଆଡିଙ୍ଗ୍ ମାପୁରୁ ଝାନିଙ୍ଗ୍ ବୁଦି ସିନାନ୍, ଇରିଙ୍ଗ୍ ମାପୁରୁ ଦୋସ୍ଆସ୍ଏଣ୍ଡା ମାରି ଲବ୍ରାଆଇ ମୋନ୍ତାନ୍ ଝିଜେରିଙ୍ଗ୍ ଦାନ୍ କିନାନ୍ ।
- ୬ ମାତର୍ ପାର୍ତାନା କିନିଝାଲେ ମୁଡ୍କେ ଅଡ୍ବିଏଣ୍ଡା ବିସବାସ୍ତାନ୍ ପାର୍ତାନା କିପିନ୍ । ଏନ୍ ଆନ୍ମାନ୍ କିନାନ୍, ଝାନ୍ ଗାଲିଦୁ ମିସାଜି ତିର୍ ତେବାଇ ସାମ୍ତୁର୍ତ୍ତ ଲଡି ଏରୁ ଝାଜା ।
- ୭ ଆୟାଝାଜା ଲୋକ୍ ପ୍ରବୁଦିମାଣୁକୁ ଇନିକା ପୟନା ଇଜି ଏଡ୍କିମାକିନ୍,
- ୮ ଝାନ୍ ରିୟାଙ୍ଗ୍ମୋନ୍ତି ଲୋକ୍, ନିଜେଦି ଝିଜୁ ବୁଲାନିମାନ୍ ତିର୍ସିଲେଡ୍ ।

ମାଜନ୍ ସାରି ସିଲିଲୋକ୍

- ୯ ସିଲିସାତିଅବସ୍ଥାଦାନ୍ ମାନି କ୍ରିସ୍ତ ବିସବାସ୍ସିଙ୍ଗ୍ ୍ରୁସ୍କୁପେରାତିଙ୍ଗ୍ ଝେଡ୍ଡିକା କିପିନ୍ ।
- ୧୦ ମାରି, କ୍ରିସ୍ତବିସବାସ୍ସି ମାଜନଲୋକ୍ ଝାନି ସିଲିସାତିମାନ୍ ଗାର୍ବୁ କିପିନ୍, ଇରିଙ୍ଗ୍ ମାଜନଲୋକ୍ ଲାଟାଦି ପୁଙ୍ଗ୍ ଝାଜା ରାଲ୍ଲନାସୋନାନ୍ ।

* ୧:୧ ମାଡିଉ ୧୩:୫୫; ମାର୍କ ୬:୩; ପ୍ରେରିତ ୧୫:୧୩; ଗାଲାତିୟ ୧:୧୯.

୧୧ ଖେଡ଼ାଦି ନାଶୁ ତାତିଦାନ ଲାଗା ଖାରନା ସୋନାଡ଼, ତାନି ପୁଞ୍ଚୁ ରାଲ୍‌ନାସୋନାଡ଼ ମାରି ତାନି ସୁନ୍ଦର ନାସୁ ଆନାଡ଼ । ଆୟାଝାଜା ମାଜନଲୋକ ବା ଖାନି ଓଜୁ ପାଣିଦାନ୍ଦା ଲଇ ଅରଲେନ୍ ଖାଙ୍ଗନା ସୋନାନ୍ ।

ପରିକା ପଡ଼େଆନିକା

୧୨ ଆମା ଲୋକ ଦୁଃକକାସୁଦୁ ସାସ୍ କିନାନ୍, ଖାନ୍ ଆସିର୍ବାଦ୍‌ତିକାନ୍; ଇରିଙ୍ଗ ଇୟାଝାଜା ଲୋକ ପରିକାଦୁ ଜିଣାତିଙ୍ଗ, ମାପୁରୁ ଖାନି ଲୋକାଙ୍ଗ ଆମା ଜିବନ୍ ସିନାନ୍ ଇଜି ପାରମାଣ କିତାମାନାନ୍, ଖାନ୍ ଆକା ପୁରସ୍ତାର ଝାଜା ପୟନାନ୍ ।

୧୩ ଏନ୍ ଦୁକକାସୁଦୁ ଆରତିଙ୍ଗ, ନା ଇୟା ଲାଲୟଆନିକା ମାପୁରୁମାଣୁକୁ ଆଜିନାଡ଼ ଇଜି ଅଡ଼ବିମାକିନ୍, ମାପୁରୁ ତାଗଇ ବିସୟତାନ୍ ଲାଲୟ ଆଦେଙ୍ଗ ଆଟ୍‌ଏନ୍, ମାରିବା ଖାନ୍ ଏଙ୍ଗବା ଲାଲୟ ଆଦେଙ୍ଗ ସିଏନ୍ ।

୧୪ ମାତର ଲୋକ ନିଜେଦି ତାଗଇପାଣିଦୁ ତେବାତିଙ୍ଗ ପରିକାଦୁ ଆରନାଟ୍ ।

୧୫ ତାଗଇପାଣିକିନି ଖାନି ପଟାଦାନ୍ ପାପ୍ ଜନମ୍ ଆନାଡ଼ ମାରି ଆୟା ପାପ୍ ନାଶୁନାଶୁଦାନ୍ ପିରଜି ସାନିତାନିଙ୍ଗ ଜନମ୍ ସିନାଡ଼ ।

୧୬ ଏ ନା ଲାଡ଼ତି ତଡ଼ାନ୍‌କୁ ନି ତାଙ୍ଗି, ବାୟା ଆମାଟ୍ !

୧୭ ଓଜୁ ନେଗି ଦାନ୍ ମାରି ଓଜୁଦିଙ୍ଗ ପେରି ଇନାମ୍ ମୁସକୁପୁରୁତି ବୁବାମାଣୁକୁ ଝାଜା । ଖାନ୍ ସାରାଦୁନିଆଦି ଖେଡ଼ା, ଲେଜୁ ନି ସୁକେଙ୍ଗାଁ ତିଆର୍ କିତିକାନ୍ । ଖାନ୍ ନିଡ଼ିଗା ଝାଜା ବାଦ୍‌ଲେଆନିକାନ୍ ଆଏନ୍;

୧୮ ସାରା ଦୁନିଆଦି ଲୋକୁ ମାପ୍ ଏଣ୍ଡେସ୍ ପାରତୁମ୍ ବାତି ଅଦିକାର୍ କିନାପ୍, ଇୟାଉଣ୍ଡିଙ୍ଗ ଖାନ୍ ନିଜେଦି ବଦାଦାନ୍ ସଡ଼ ବାକ୍ୟଦାନ୍ ମାଙ୍ଗି ତିଆର୍ କିତାନ୍ ।

ଖେନିକା ମାରି ପାଣି କିନିକା

୧୯ ଏ ନା ଲାଡ଼ତି ତଡ଼ାନ୍‌କୁ ନି ତାଙ୍ଗି, ଏଡ଼କିଦୁ । ମିର୍ ଖେନ୍‌ଡେଙ୍ଗ ଦାନ୍ଦାଆନିକା ମାନାଡ଼, ଖେର୍‌ଡେଙ୍ଗ ସାନ୍ତି, ରିସା କିଦେଙ୍ଗ ତିର୍ ଆପିଡ଼, ମାତର ଆଗଡ଼ିଖେନିକା ଅଡ଼ବିଜି ମାଟା ଇନ୍‌ଡୁ

୨୦ ଇରିଙ୍ଗ ଲୋକୁ ରିସାଦାନ୍ ମାପୁରୁଦି ଦାମ୍ ପାଣି ପୟଦେଙ୍ଗ ଆଟ୍‌ଏର୍ ।

୨୧ ମାରି ଓଜୁଜାତିଦି ତାଗଇଅବ୍ୟାସ୍ ମାରି ତାଗଇପାଣି ତ୍ରିସି । ମାପୁରୁଦି ଲାକ୍‌ତୁ ନିଜେଦିଙ୍ଗ ସରପେ ଆଦୁ ମାରି ମି ଜିବନ୍‌ଡୁ ଖାନ୍ ଆମା ବାକ୍ୟ ଉରୁତା ମାନାନ୍ ମାରି ଆମାକା ମିଙ୍ଗି ରକିୟା କିଦେଙ୍ଗ ଆଟ୍‌ନାଡ଼, ତାନିଙ୍ଗ ନେଗେନ୍‌ତାନ୍ ମାନାଦୁ ।

୨୨ ମିର୍ ନିଜେ ନିଜେଦିଙ୍ଗ ବାଣ୍ଡିସକିମାଟ୍ । ଖାନି ବାକ୍ୟ କେବଲ ଖେରିଙ୍ଗ ନାଶୁ ଆଏଡ଼ । ତାନିଙ୍ଗ ପାଣିଦୁ ଲାଗେକିଦୁ ।

୨୩ ଆମା ଲୋକ ମାପୁରୁଦି ବାକ୍ୟ କେବଲ ଖେନାନ୍, ମାତର ପାଣିଦୁ ଲାଗେ କିଏନ୍, ଖାନ୍ ଦାପାଣ୍ଡୁ ନିଜେଦି ମକମ୍ ସୁଡ଼ନି ଲୋକୁ ଝାଜା ।

୨୪ ଖାନ୍ ନେଗେନ୍ କିଜି ନିଜେଦି ମକମ୍‌ତିଙ୍ଗ ସୁଡ଼ନୁନ୍, ମାତର ଆବେଟ୍‌କୁ ସରଇ ଖେନିକା ଖାନି ନିଜେଦି ମକମ୍ ଝାନ୍ ବାଣାନାନ୍ ।

୨୫ ମାତର ଲୋକାଦି ରକିୟା ଉଣ୍ଡିଙ୍ଗ ଉନ୍‌ଡୁ ପୁରା ନିୟମ୍ ମାନାଡ଼ । ଏନ୍ ଆକା ଖେନ୍‌ଞ୍ଜି ବାଣାଏନ୍ ମାରି ଖାନି ଉଣ୍ଡିଙ୍ଗ ମେନ୍‌ଲୁଓଜୁଦାନ୍ ମୋନ୍‌ସିଜି ନିଜେଦି ଜିବନ୍‌ଡୁ ମାନାତିଙ୍ଗ, ଖାନି ଓଜୁ ପାଣିଦିଙ୍ଗ ମାପୁରୁ ଆସିର୍ବାଦ୍ କିନାନ୍ ।

୨୬ ଜଦି ଏନ୍ ନିଜେଦିଙ୍ଗ ଦାମ୍ ଇଜି ଅଡ଼ବିଜିନାନ୍ ? ଖାନ୍ ଜଦି ନିଜେଦି ଖେତଲ୍‌ତିଙ୍ଗ ତିର୍ କିଏନ୍, ଆରତିଙ୍ଗ ଖାନି ଦାମ୍‌ପାଣିଓଜୁ ଝାରିକା ମାରି ଖାନ୍ କେବଲ୍ ନିଜେଦିଙ୍ଗ ବାଣ୍ଡିସକିଜିନାନ୍ ।

୨୭ ଆମା ଦାମ୍‌ପାଣି ବୁବା ମାପୁରୁଦି ଲାକ୍‌ତୁ ନେଗିକା ମାରି ଟିକ୍, ଆକା ଆଜିନାଡ଼ କାକୁଟ୍ ମାନି ରୁରାଲୋକାଙ୍ଗ ମାରି ରାଣ୍ଡିଆଇମେକାଙ୍ଗ ଜାତୁନ୍ କିନିକା ମାରି ଦୁନିଆଦାନ୍ ନିଜେଦିଙ୍ଗ ପାପ୍‌ପାଣିଦାନ୍ ରକିୟା କିନିକା ।

୨

ସାମ୍‌ନାସାମିନି ବିସାର୍

୧ ଏ ନା ତଡ଼ାନ୍‌କୁ ନି ତାଙ୍ଗି, ଗୌରବମୟ ପ୍ରବୁ ଜିସୁ କ୍ରିସ୍ତଦିମାନ୍ତୁ ବିସବାସ୍ କିତିମାନିଙ୍ଗ ମିର୍ ଲୋକା ସାମାନ୍‌ତାନ୍ ଆଡ଼ରେ ଆରାନିକା ସୁଡ଼କୁ ପେରିକାନ୍ ଇସ୍ତକାନ୍ କିମାଟ୍ ।

୨ ଅଡ଼ବିଦୁ, ମି ମିଟିଙ୍ଗି ଓଡ଼ି ଅରେନ୍ ବାଙ୍ଗାଁରାମ୍‌ଡି ଖେଡ଼ରି ମାରି ନାଶୁଦାରାଦି ଆଙ୍ଗି ଆରାଜି ଝାତାମାନାନ୍ । ମାରି ଅରେନ୍ କାକୁଟ୍ ଲୋକ୍ ମାଇତିକା ନି କିଜିତି ଆଙ୍ଗି ଆରାତା ଝାତାମାନାନ୍ ।

୩ ଜଦି ମିର୍ ନାଶୁଦାରାଦି ଆଙ୍ଗି ଆରାତି ଲୋକ୍‌ତିଙ୍ଗ ନାଶୁ ସନ୍‌ମାନ୍ ତର୍‌ସି ଇନିଦେର୍, “ଇୟା ବାଡ଼ିଦୁ ବାସ୍‌ଆ,” ମାତର କାକୁଟ୍ ଲୋକ୍‌ତିଙ୍ଗ ଇନିଦେର୍, “ଆବେନ୍‌ ନିଲ୍‌ଆ, ମାରି ଆଡ଼ଗି ବାସ୍‌ଆ,”

୪ ଆରତିଙ୍ଗ, ନିଜେ ନିଜେଦି ଲୋଇ ପେରିକାନ୍ ଇସ୍ତକାନ୍ ଝାଜା ତିଆର୍ କିଜିନିଦେର୍ ମାରି ସଡ଼ସିଲିକା ମୋନ୍‌ଡୁ ଇଡ଼ଜି ଲୋକା ମକମ୍‌ସୁଡ଼ୁଦେଙ୍ଗ ବିସାର୍ କିଜିନିଦେର୍ ।

୫ ଏ ନା ଲାଡ଼ତି ତଡ଼ାନକୁ ନି ତାଙ୍ଗି, ଝେନ୍ତୁ, ମାପୁରୁ ଇନିକା ଇୟା ଦୁନିଆଦି କାକୁତ ଲୋକାଙ୍ଗ ବିସ୍ବାସ୍ତାଜା ଦନ୍ତୁ ମାଜନ୍ ଆଦେଙ୍ଗ ମାରି ଖାନ ସେବାକିନିଝାରିଙ୍ଗ ଆମା ରାଜି ସିନା ଇଜି ମାଟା ସିତାମାନାନ୍, ଆବେଣି ଅଦିକାର୍ ଆନି ଉଣ୍ଡିଙ୍ଗ ଆସକିଏନ୍ ?

୬ ମାତର୍ ମିର୍ ସିଲିସାତିଝାରିଙ୍ଗ ଅସନ୍ମାନ କିଜିନିଦେର୍ ! ଆମାକାର୍ ମି ଉଣ୍ଡିଙ୍ଗ ତାଗ୍ଲପାଣି କିନାର୍ ମାରି ନ୍ୟାୟକିନି ବାଡ଼ିଦୁ ରେଲ୍ଲି ଅନାର୍, ଝାର୍ ଏର୍ ? ଝାର୍ ଆୟା ମାଜନ୍ ଲୋକୁ ।

୭ ଆମା ଜିସୁ କ୍ରିସ୍ତଦି ଦରୁଦାନ ମିର୍ ଝେଙ୍ଗିତି ମାନିଦେର୍, ଝାର୍ ଆୟା ଦର୍ଡିଙ୍ଗ ନିୟା କିନାର୍ ।

୮ “ମିର୍ ନିଜେଦି ଲାକ୍ତୁରି ଲୋକାଙ୍ଗ ଜିବନ୍ନୋତିଝାଜା ଜିବନ୍ନୋଦୁ,” ଦାମ୍ବୁସାସ୍ତୁ ରାସ୍ତମାନି ମାପୁରୁଦି ରାଜିଦି ଇୟା ନିୟମ୍ ଜଦି ମାନାଜିନିଦେର୍, ଆର୍ଡିଙ୍ଗ ମିର୍ ଟିକ୍ ପାଣି କିଜିନିଦେର୍ ।

୯ ମାତର୍ ଜଦି ଆଡ୍ରେ ସୁନ୍ଦର୍ ସୁଡ଼ୁ ଲୋକା ଉଣ୍ଡିଙ୍ଗ ମକମ୍ସୁଡ଼ୁ ବ୍ୟବହାର୍ କିଜିନିଦେର୍, ଆର୍ଡିଙ୍ଗ ମିର୍ ପାପ୍ କିଜିନିଦେର୍ ମାରି ନିୟମ୍ତି ଇସାବତାନ୍ ନିନ୍ ଅରେନ୍ ଦସି ଇଜି ପାର୍ମାଣ୍ ଆଜିନି ।

୧୦ ଆମା ଉନ୍ତୁ ମାଟା ମାନାଏନ୍, ଝାନ୍ ଝିଜୁ ମାଟାଦିଙ୍ଗ ମାନାଏତିଙ୍ଗ ପାପ୍ ଆଜି ଦଣ୍ଡ ପୟନାନ୍ ।

୧୧ ଇରିଙ୍ଗ ମାପୁରୁ ମାଟା ଝେର୍ତାମାନାନ୍, “ଦାରିପାଣି କିମାଟ୍,” ଆୟା ମାପୁରୁ ମାରି ଉନ୍ତୁ ମାଟା ଝେର୍ତାମାନାନ୍; “ଲୋକାଙ୍ଗ ସାୟାମାର୍ଗା ତାକ୍ମାଟ୍ ।” ମାରି, ମିର୍ ଦାରିପାଣି କିଏତିଙ୍ଗବା, ଜଦି ଲୋକାଙ୍ଗ ସାୟାମାର୍ଗା ତାକ୍ନିଦେର୍, ଆର୍ଡିଙ୍ଗ ନିନ୍ ଅରେନ୍ ନିୟମ୍ ମାନାଈଜି ଦସି ଇଜି ପାର୍ମାଣ୍ ଆଜିନି ।

୧୨ ଆମା ମୁକ୍ତାନି ପାଣିକିନି ନିୟମ୍ତାନ୍ ମିର୍ ବିସାର୍ ଆନିଦେର୍, ଆକା ମି ଝାର୍ଗିଜିମାନୁ ମାରି ପାଣିଦାନ୍ ତର୍ଡୁ ।

୧୩ ଇରିଙ୍ଗ ଏନ୍ ଆଇଝାନିଙ୍ଗ ଦୟା କିଏନ୍, ମାପୁରୁ ଝାନିଙ୍ଗ ଦୟା କିଏନ୍ । ନ୍ୟାୟ ବିସାର୍ ମୁସ୍ତୁ ଦୟା ନେ ଜିଶାନାଡ୍ ।

ବିସ୍ବାସ୍ ମାରି ପାଣି

୧୪ ଏ ନା ତଡ଼ାନକୁ ନି ତାଙ୍ଗି, ଏନ୍ ଜଦି ଇନାନ୍, ନା ବିସ୍ବାସ୍ ମାନାଡ୍, ମାତର୍ ପାଣିଦୁ ଆକା ତର୍ଏନ୍, ଆର୍ଡିଙ୍ଗ ଝାନି ମାଟାଦି ଇନି ଲାବ୍ ମାନାଡ୍ ? ଇୟାଝାଜା ବିସ୍ବାସ୍ ଝାନିଙ୍ଗ ରକିୟା କିଦେଙ୍ଗ ଆଟ୍ନାଡ୍ ନୋ ?

୧୫ ଜଦି ଅରେନ୍ ତଡ଼ାନ ସିଲିତିଙ୍ଗ ତାଙ୍ଗି ଝାତିଗୟା ନି ଉଣିତିନିକା ଉଣାମାନାଡ୍,

୧୬ ମାରି ମିର୍ ଝାନି ମେନ୍ଦଲ୍ ଦରକାର୍ ପୁରା କିଏଣ୍ଗା ଜଦି ଇନିଦେର୍, ମାପୁରୁ ମିଙ୍ଗି ଆସିର୍ବାଦ୍ କିପିନ୍; ଉଣ୍ଡିଜିତିନ୍ଝି ନେଗେନ୍ତାନ୍ ମାନ୍ତୁ, ମି ମାଟା ବେକାର୍ ଆଏଡ୍ ନୋ ?

୧୭ ବିସ୍ବାସ୍ ଟିକ୍ ଆୟାଝାଜା : ପାଣି ସିଲେତିଙ୍ଗ କେବଲ୍ ବିସ୍ବାସ୍ ସାତିକା ।

୧୮ ମାତର୍ ଏନ୍ ଆର୍ଡିଙ୍ଗ ଇନ୍ଡ୍ରେଙ୍ଗ ଆଟ୍ନାନ୍, “ଅରେନ୍ଝାନି ବିସ୍ବାସ୍ ମାନାଡ୍, ଆଇ ଝାନିନ୍ଦି ପାଣି ମାନାଡ୍ ।” ଇୟା ବିସ୍ତୟତାନ୍ ନାନ୍ ଝେର୍ନା, “ପାଣି ସିଲେଣ୍ଗା ଏମେଝାନି ବିସ୍ବାସ୍ ମାନ୍ଡ୍ରେଙ୍ଗ ଆଟ୍ନାଡ୍ ଇଜି ନାଙ୍ଗି ପାର୍ମାଣ୍ ସିଦାଟ୍ । ନାନ୍ ପାଣିଦାନ୍ ନା ବିସ୍ବାସ୍ ମାନାଡ୍ ଇଜି ପାର୍ମାଣ୍ ସିନା ।”

୧୯ ମିର୍ ଇନିକା ବିସ୍ବାସ୍ କିଜିନିଦେର୍ ଜେ, କେବଲ୍ ଅରେନ୍ ମାତର୍ ମାପୁରୁ ମାନାନ୍ ? ନେଟିକା ! ଦୁବେଙ୍ଗ ବା ଇୟାଝାଜା ବିସ୍ବାସ୍ କିନେ ମାରି ତିଲାଜି ତର୍ଡର୍ ଆନେ ।

୨୦ ଏ ବୁଦିସିଲିଲୋକ୍ ! ପାଣି ଡିସ୍ସି ବିସ୍ବାସ୍ ଜେ ଝାରିକା, ଇୟାତାନି ପାର୍ମାଣ୍ ସୁଡ୍ଦେଙ୍ଗ ମିର୍ ଇନିକା ବଦା କିଜିନିଦେର୍ ?

୨୧ ମା ପୁର୍ବେଦି ବୁବା ଅବ୍ରାହାମ୍, ମାପୁରୁଦି ଆଗ୍ଡି ଏଣ୍ଡେସ୍ ଦାମ୍ବୁ ଆତା ମାହାନ୍ ? ଝାନ୍ ପାଣିଦାନ୍ ଦାମ୍ବୁ ତରାୟଆତାନ୍, ଏସ୍ତିଝାଲେ ଝାନ୍ ଝାନି ମାରିସିଙ୍ଗ ଇସ୍ତାକ୍ତିଙ୍ଗ ବେଦି ମୁସ୍ତୁ ସିତାନ୍ ।

୨୨ ମିର୍ ଇନିକା ବୁଜାଦେଙ୍ଗ ଆଟ୍ନିଦେର୍ ? ଅବ୍ରାହାମ୍ଦି ବିସ୍ବାସ୍, ପାଣିଦୁ ଝେଙ୍ଗିତାଡ୍; ପାଣିଦାନ୍ ଝାନି ବିସ୍ବାସ୍ ପୁରା ଆତାଡ୍ ।

୨୩ ଇୟାମାଣ୍ଡୁ ଦାମ୍ବୁସାସ୍ତୁ ଇୟା ରାସାତି ବାକ୍ୟ ପୁରା ଆତାଡ୍ : “ଅବ୍ରାହାମ୍ ମାପୁରୁଙ୍ଗୁ ବିସ୍ବାସ୍ କିତାନ୍ ମାରି ଝାନି ବିସ୍ବାସ୍ ଉଣ୍ଡିଙ୍ଗ ମାପୁରୁଦି ଆଗ୍ଡି ଝାନ୍ ଦାମ୍ବୁ ତରାୟାତାନ୍ ।” ମାରି ଅବ୍ରାହାମ୍ ମାପୁରୁଦି ସଙ୍ଗ ଇଜି ଦରୁ ପଇତାନ୍ ।

୨୪ ମାରି, ମିର୍ ବୁଜାଦେଙ୍ଗ ଆଟ୍ନିଦେର୍ ଜେ, ଲୋକୁ ପାଣିଦାନ୍ ଦାମ୍ବୁ ତର୍ନାନ୍, କେବଲ୍ ବିସ୍ବାସ୍ତାନ୍ ସିଲେ ।

୨୫ ଆୟାଝାଜା ଦାରିପାଣିକିନି ରାହାବ ବା ପାଣିଦାନ୍ ଦାମ୍ବୁଦିକାଡ୍ ତରାୟ ଆତାମାର୍ହାଡ୍ । ଝାଦ୍ ଇସ୍ତାଏଲିୟତି ତଙ୍ଗିରିଙ୍ଗ ତେବାଦେଙ୍ଗ ବାଡି ସିତାମାର୍ହାଡ୍ ମାରି ଆଇ ଉନ୍ତୁ ସାରିଦାନ୍ ସନ୍ଡ୍ରେଙ୍ଗ ସାକା କିତାମାର୍ହାଡ୍ ।

୨୬ ଆଦେଙ୍ଗ ଆମ୍ବୁଦିଙ୍ଗ ଡିସ୍ସି ମେନ୍ଦଲ୍ ଏଣ୍ଡେସ୍ ସାତିକା, ଆୟାଝାଜା ପାଣିଦିଙ୍ଗ ଡିସ୍ସି ବିସ୍ବାସ୍ ବା ସାତିକା ।

୩

ଝେଡଲ୍

୧ ଏ ନା ତଡ଼ାନକୁ ନି ତାଙ୍ଗି ମି ଲୋଇ ଝିଜୁଲୋକ୍ ଗୁରୁର୍ ଆମାଟ୍, ଇରିଙ୍ଗ ମିର୍ ନେସ୍ନିଦେର୍ ଜେ, ମା ଝାଜା ସିକିୟା ଗୁରୁର୍ ଆଇଝାରି ବାଦଲ୍ ନାଶ୍ତାନ୍ କାସ୍ତୁଦି ଝାଜା ବିସାର୍ ଆନାର୍ ।

୨ ମାତୁ ଓଜୁଲୋକ ଗାଦି ଦେବେଇ ବୁଲ କିନିମାନିକା । ଜଦି ଏନ୍ ଖାନି ଖାରଗିଜିସାଜିମାନୁ ମୁଡ଼ଚୁକ ପାପ୍ କିଏନ୍, ଆରତିଇଁ ଖାନ ନେଗିକାନ୍ ମାରି ନିଜେଦି ମେନ୍ଦଲତିଇଁ ପୁରା ନେଗେନ୍ ଇଟ୍ତାମାନାନ୍ ।

୩ ଗଡ଼ାଦିଇଁ ତିର୍ କିନି ଉଣ୍ଡିଇଁ ମାଡ଼ ତାନି ଖେୟୁଦୁ ନାସୁ ତରନିକା ମାରି ମା ବଦାଦାନ୍ ତାନିଇଁ ବୁଲାଇଦେଇଁ ଆଟ୍ଟନିକା ।

୪ ଉନ୍ତୁ ପେରି ଜାହାଜ୍ ବିସୟତାନ୍ ସିନ୍ତା କିଦୁ । ଜାଜ୍ ସାଲାଇନିକାନ୍ ନାଣୁ ଗାଲି କିଜିମାରିଇଁବା, ପୁରା ଇସ୍ତି ମଙ୍ଗ ସାହାଜ୍ୟଦାନ୍ ତାନିଇଁ ତାଟ୍ କିଜି ବଦାଦାନ୍ ସାଲାଇନି ଅନାନ୍ ।

୫ ଆୟାଖାଜା ଖେତଲ୍ ଉନ୍ତୁ ଇସ୍ତିକା ଆତିଇଁବା ପେରି ପେରି ମାଟେଇଁ ଇନ୍ତୁ ଗର୍ବ କିଦେଇଁ ଆଟ୍ଟନାଡ଼ । ଅଡ଼ବିଜ ସୁଡ଼ୁ, ଏଣ୍ଡେସ୍ ସିସୁଡ଼ିବୁ ଇସ୍ତିକା ଆତିଇଁବା ଏସ୍ ପେରି ବନ୍ଦିଇଁ ସିସୁ କାସିସ୍ କିନାଡ଼ ।

୬ ଖେତଲ୍ ବା ସିସୁ ଖାଜା; ଇୟା ଦୁନିଆଦୁ ନାଣୁ ତାଗଲ୍ ବିସୟତୁ ପୁରାବର୍ତ୍ତ; ମାରି ଆକା ମା ମେନ୍ଦଲ୍ ଲଇ ମାନିଇଁ ତାଗଲ୍ ମାଟେଇଁ ଖେରସି ମା ଓଜୁ ମେନ୍ଦଲ୍ତିଇଁ ମାଇସ୍ କିନାଡ଼ । ଖେତଲ୍ତି ନରକ୍ସିସୁଦୁ ମା ଓଜୁଦିନ୍ତି ଜିବନ୍ ଖେପିସ୍ କିନାଡ଼ ।

୭ ଲୋକ୍ ଓଜୁ ବନ୍ଦି ଜାଡୁ, ପଟିଇଁ, ଉଜ୍ଜି ବୁଲାନିକେଇଁ ମାରି ଏରଡୁମାନି ଜିବନ୍ମାନିକେଇଁ ତେବାକିଦେଇଁ ଆଟ୍ଟମାନାଡ଼ ।

୮ ମାତର ଏନ୍ ଏସକାଇଁ ଖେତଲ୍ତିଇଁ ତିର୍ କିଦେଇଁ ଆଟ୍ଟଏନ୍ । ଆକା ସଡ଼ସିଲିକା ମାରି ଇଡ଼ଦେଇଁ ଆଟ୍ଟଏର୍; ସାନିନାନି ଓସାମତୁ ପୁରାବର୍ତ୍ତ ।

୯ ମାତୁ ଖେତଲ୍ତାନ୍ ପ୍ରବୁ ବୁବା ମାପୁରୁଇଁ ଦନ୍ୟବାଦ୍ ସିନାପ୍ । ମାରି ଇୟା ଖେତଲ୍ତାନ୍ ମାପୁରୁଦି ରୁପ୍ତାନ୍ ତିଆରୁଆତି ଲୋକ୍ତିଇଁ ଆନାଦୁରିଆ ବା ସିନିକା ।

୧୦ ଆୟା ଉନ୍ତୁ ଖେୟୁଦାନ୍ ଦନ୍ୟବାଦ୍ ମାରି ଆନାଦୁରିଆ ସନାଡ଼ । ଏ ନା ତଡ଼ାନ୍କୁ ନି ତାଙ୍ଗି, ଇୟାଖାଜା ଆନିକା ନେକ୍କା ସିଲେଡ଼ ।

୧୧ ଉନ୍ତୁ ଜଲ୍ଲାଦାନ୍ ସାଓ୍ଵି ନି ସାପୁରା ଏରୁ ସତେଇଁ ଆଟ୍ଟନେ ନୋ ?

୧୨ ଏ ନା ତଡ଼ାନ୍କୁ ନି ତାଙ୍ଗି, ତଗା ମାରାନ୍ତୁ ଇନିକା ଜିତ ପଲ୍ ଆସ୍ନାଡ଼ ? ଅଙ୍ଗୁର୍ ତିଖାଦୁ ଇନିକା ତଗା ଆସ୍ନାଡ଼ ? ଆୟାଖାଜା କାରିୟା ଏରୁ ସନି ଜଲ୍ଲାଦାନ୍ ସାଓ୍ଵି ଏରୁ ସୋଉ ।

ମୁସକୁପୁରତାନ୍ ଖାତିମାନି ବୁଦି

୧୩ ମି ଲଇ ଏନ୍ ଇନିକା ଜ୍ଞାନି ନି ବୁଦିମାନିକାନ୍ ଏନ୍ ମାନାନ୍ ? ଖାନ ବୁଦିମାନିକାନ୍ ମାରି ସାନ୍ତିଦି ଖାଲେ ସଡ଼ପାଣି କିଜି ଖାନି ଜିବନ୍ତୁ ଇୟାତାନି ପାର୍ମାଣ୍ ସିପିନ୍ ।

୧୪ ମାତର ଜଦି ମି ଜିବନ୍ତୁ ରିସା, ଆକାର୍ ମାରି ଦାରା ଖାଜା ମାନାଡ଼, ନିଜେଦି ବୁଦି ମାରି ଜ୍ଞାନ ଉଣ୍ଡିଇଁ ଗର୍ବ କିଜି ସଡ଼ତି ବିରୁଦ୍ତାନ୍ ଗର୍ବ କିମାଟ୍ । ମିଟ୍ ଖେର୍ମାଟ୍ ।

୧୫ ଇୟାଖାଜା ବୁଦି ମାପୁରୁଦି ମାଡ଼ାନ୍ ରେଏଡ଼; ଆକା ଦୁନିଆଦିକା, ମେନ୍ଦଲ୍ତିକା, ତାଗଲ୍ ମାଣାନ୍ ଆନାଡ଼ ।

୧୬ ଆମାମାନୁ ରିସା ମାରି ଆକାର୍, ଆବେନୁ ସାନ୍ତିସିଲେଡ଼ ମାରି ଓଜୁ ରକମ୍ତି ତାଗଲ୍ପାଣି ମାନାଡ଼ ।

୧୭ ମାତର ମୁସକୁରାନ୍ ଖାନି ବୁଦି ଆଗଡ଼ି, ପବିତ୍ର; ଆକାବା ସାନ୍ତି ସିନାଡ଼, କାର୍ମୁ ମାରି ସଙ୍ଗ୍ ଆନିକା । ଆକା ସଡ଼ପାଣିଦୁ ପୁରାବର୍ତ୍ତ ମାରି ନାଣୁଦାନ୍ ସଡ଼ପାଣିଦୁ ପଲ୍ ଆସିସ୍ କିନାଡ଼; ଆକା ଓଜୁ ଲୋକାଇଁ ସାନ୍ତି ମାରି ବାଣ୍ଡିସ୍ କିଏଡ଼ ।

୧୮ ସାନ୍ତି ତିଆରକିତିମାନି ଲୋକା ମାଣୁକୁ ଓଡ଼ାତି ମାନି ଓଜୁଦାନ୍ ଦାର୍ମୁଦିନାନି ପାସି ଆସ୍ନାଡ଼ ।

୪

ଦୁନିଆଦି ଖାଲେ ସଙ୍ଗ୍ଆନିକା

୧ ମି ଲୋଇ ଜୁଦ୍ ନି ଲାଗାଜିସାନିକା ଏୟା ଆନାଡ଼ ? ମି ମେନ୍ଦଲ୍ତୁ କାସ୍ତିମାନି ସୁକ୍ତୁକ୍ତିପାଣି ନେ ଇୟାତାନି ବିସୟ ।

୨ ଇରିଇଁ ମିର୍ ଆମାକା ପୟ୍ଦେଇଁ ବଦା କିଜିନିଦେର୍, ଆକା ପୟ୍ଦେଇଁ ଆଟ୍ଟଏତିଇଁ, ସାୟାମାର୍ଗାତାକ୍ତେଇଁ ଅଡ଼ବିଜିନିଦେର୍ । ଆମାକା ପୟ୍ଦେଇଁ ମିର୍ ନାଣୁ ଆସା ଆନିଦେର୍, ଆକା ପୟ୍ଦେଇଁ ଲାଗାଜିସାନିକା ମାରି ଜୁଦ୍ କିନିଦେର୍ । ମି ବଦାକିତି ବିସୟ ପୟ୍ଦେଇଁ କାରଣ୍ ଆଜିନାଡ଼, ମିର୍ ମାପୁରୁଇଁ ଲସ୍ଵଇମାନିଦେର୍ ।

୩ ମାରି, ଲସ୍ଵତିଇଁ ବା ପୟ୍ଦେଇଁ କାରଣ୍ ଆଜିନାଡ଼, ମି ଲସ୍ଵନିକା ସଡ଼ସିଲେଡ଼ । ମିର୍ ନିଜେ ନିଜେଦି ସୁକ୍ତୁଃକ୍ ପୟ୍ଦେଇଁ ଉଣ୍ଡିଇଁ ଲସ୍ଵନିମାନିଦେର୍ ।

୪ ଏ ବିସ୍ଵାସତୁ ବିସ୍ଵ ସିନି ଲୋକୁ ! ମିର୍ ଇନିକା ନେସ୍ଵଇଦେର୍, ଦୁନିଆ ମାପୁରୁଦି ଉଣ୍ଡିଇଁ ସାତୁଆନାଡ଼ ? ଏନ୍ ଇୟା ଦୁନିଆଦି ଖାଲେ ସଙ୍ଗ୍ ଆଦେଇଁ ବଦା କିନାନ୍; ଖାନ ମାପୁରୁଦି ସାତୁ ।

୫ ଦାମ୍ଭିଆସ୍ତ୍ରଦି ଇୟା ବାକ୍ୟଦୁ ଇନିକା ସତ୍‌ସିଲେଡ଼ ଇଜି ଅଡ଼ବିଜିନିଦେର୍, “ମାପୁରୁ ମାମାନୁ ଆମା ଆମ୍ବା ସିତା ମାନାନ, ତାନିଙ୍ଗ ପୁରାଞ୍ଜିକୁ ଅଦିକାର୍ କିନି ଉଣ୍ଡିଙ୍ଗ୍ ଖାନ ରାଜି ।”

୬ ମାତର୍ ମାପୁରୁ ଆମା ଦୟା ସିନାନ, ଆକା ନାଣ୍ଡ ସାକ୍ତି । ସାସ୍ତ୍ରଦୁ ରାସ୍ତାମାନାଡ଼, “ମାପୁରୁ ଆକାର୍‌ଆନିଲୋକାଙ୍ଗ୍ ବିରୁଦ୍ କିନାନ, ମାତର୍ ସାକ୍ତି ଲୋକାଙ୍ଗ୍ ଦୟା ସିନାନ ।”

୭ ମାରି, ମାପୁରୁଦି ଲାକ୍‌ତୁ ନିଜେଦିଙ୍ଗ୍ ସର୍‌ପେ ଆଦୁ । ସୟତାନତିଙ୍ଗ୍ ଜୁଦ୍ କିଦୁ । ଆର୍‌ତିଙ୍ଗ୍, ଖାଦ୍ ମି ଲାକ୍‌ତୁରାନ ଉରୁକ୍‌ନାଡ଼ ।

୮ ମାପୁରୁଦି ଲାକ୍‌ତୁ ରାଦୁ, ମାରି ଖାନ ମି ଲାକ୍‌ତୁ ଖାନାନ । ଏ ପାପି ଲୋକୁ, ମି କିକୁ ନରଦୁ, ଏ ରିୟାଙ୍ଗ୍‌ଆନି ଲୋକୁ, ମି ଜିବନ୍ ନେଗେନ୍ କିଦୁ,

୯ ଅଡ଼ବିଦୁ ମାରି ଦୁଃକ ଆଜି ଆଡ଼ବାଦୁ; ମି ସିକ୍‌ନିକା ଦୁକ୍‌ତୁ ମିସାପିଡ଼; ମି ଖେଡ଼ିକା ନିରାସ୍ତୁ ମିସାପିଡ଼ ।

୧୦ ପ୍ରବୁଦି ଆଗ୍‌ଡ଼ି ନିଜେ ନିଜେଦିଙ୍ଗ୍ ଇସିକା ଆଦୁ, ଆର୍‌ତିଙ୍ଗ୍ ଖାନ ମିଙ୍ଗ୍ ମୁସ୍‌କୁ ପେରନାନ ।

ଆଇଞ୍ଜାନି ବିଚାର୍ କିମାଟ୍

୧୧ ଏ ତଡ଼ାନକୁ ନି ତାଙ୍ଗ୍‌କି, ନିଜେନିଜେଦିଙ୍ଗ୍ ବିସୟତାନ ଖାର୍‌ଗିଜିସାମାଟ୍ । ବିସ୍‌ବାସ୍ତି ତଡ଼ାନତିଙ୍ଗ୍ ବିସାର୍ କିଜି ଏନ୍ ଖାନି ବିରୁଦ୍ କିନାନ, ଖାନ ନିୟମ୍‌ତି ବିସାର୍ ମାରି ବିରୁଦ୍ କିନାନ । ମିର୍ ଜଦି ନିୟମ୍‌ତି ବିସାର୍ କିନିଦେର୍, ଆର୍‌ତିଙ୍ଗ୍ ମିର୍ ଆକା ମାନାଇଜିନିଦେର୍, ମାରି ତାନି ବିସାର୍‌କିନିଲୋକ୍ ଆଜିନିଦେର୍ ।

୧୨ ମାପୁରୁ ନେ ନିୟମ୍‌ତି ମାରି ବିସାର୍‌କିନିକାନ । କେବଲ୍ ଖାନ ରକିୟା କିଦେଙ୍ଗ୍ ଆଟ୍‌ନାନ, ମାରି ସାପିସ୍ କିଦେଙ୍ଗ୍ ଆଟ୍‌ନାନ, ଆୟାଉଣ୍ଡିଙ୍ଗ୍ ଲାକ୍‌ତୁରି ଲୋକାଙ୍ଗ୍ ବିସାର୍ କିଜିନିଦେର୍ ଜେ ମିର୍ ଏଇଦେର୍ ?

ଗାର୍ବୁ କିନି ବିରୁଦ୍‌ତାନ ଜାଗାର୍‌ତା

୧୩ ଇଲେଇ ଖେନ୍‌ଡୁ, ଆମାକାର୍ ଖେର୍‌ସିନାର୍, “ନେରୁ ସିଲ୍‌ତିଙ୍ଗ୍ ଖିଗେ ମାପ୍ ଆୟା ଗାଡ଼ତୁ ସନାପ୍ ମାରି ଆବେନ୍‌ ଉନ୍‌ଡ଼ି ବାସ୍‌କେ ସାନ୍ତି ତେବାଜି ବେପାର୍ କିଜି ନାଣ୍ଡ ତାବୁଙ୍ଗ୍ ଉଣ୍ଡା କିନାପ୍ ।”

୧୪ ମାତର୍ ଖିଗେରିଙ୍ଗ୍ ମି ଜିବନ୍‌ତୁ ଇନିକା ଗଟାଆନାଡ଼, ଆକା ମିର୍ ନେସ୍‌ଇଦେର୍ ! ମି ଜିବନ୍ ଦୁରି ଖାଜା, ସାଣେକ୍‌ତିଙ୍ଗ୍ ତରାୟ୍‌ଆଜି ମାରିସାଣେକ୍‌ତିଙ୍ଗ୍ ତରାୟ୍‌ଆସ୍‌ଡ଼ ।

୧୫ ଆଦେଙ୍ଗ୍ ମିର୍ ଖେର୍‌ନିକା ମାନାଡ଼, “ପ୍ରବୁଦି ବଦା ଆଡ଼ିଙ୍ଗ୍, ମାପ୍ ଜିବନ୍ ମାନଞ୍ଜି ଇକା କିନାପ୍ ମାରି ଆକା କିନାପ୍ ।”

୧୬ ମାତର୍ ଇଲେଇ ମିର୍ ଆକାର୍ ଆଜି ଗର୍ବ କିଜିନିଦେର୍; ଇୟାଖାଜା ଗର୍ବ ତାଗ୍‌ଇକା ଆନାଡ଼ ।

୧୭ ମନେ ଇଡ଼ଦୁ, ଆମା ଲୋକ୍ ଇନି ସତ୍‌ପାଣି କିନିକା ମାନାଡ଼ ଇଜି ନେସ୍‌ସି ବା ଆକା କିଏନ୍, ଖାନ ପାପ୍ କିନାନ ।



ମାଜନଲୋକ୍ ଉଣ୍ଡିଙ୍ଗ୍ ଜାଗ୍ରାତାମାଟା

୧ ଏ ମାଜନ୍ ଲୋକ୍, ନା ମାଟା ଖେନ୍‌ଡୁ । ମି ଆମା କାସ୍‌ଆଦେଙ୍ଗ୍ ସୋଲ୍‌ସିନାଡ଼, ଆୟାଉଣ୍ଡିଙ୍ଗ୍ ଆଡ଼ବାଦୁ ମାରି ଦୁଃକ୍ କିଦୁ ।

୨ *ମି ଦନ୍ ଖିଜିତାଡ଼ନି, ମାରି ମି ଖାଡ଼ିଗନ୍ଦା ସେଦା ତିରାଡ଼ନି ।

୩ ମାରି ମି ବାଙ୍ଗ୍‌ରାମ୍ ମାରି ଖେଣ୍ଡୁ କିଟିଙ୍ଗ୍ ଆସ୍‌ତାଡ଼ନି ମାରି ଇୟା କିଟିଙ୍ଗ୍ ମି ବିରୁଦ୍‌ତାନ ସାକି ସିନାଡ଼, ମାରି ମି ମେନ୍‌ଲ୍‌ତିଙ୍ଗ୍ ସିସ୍‌ଖାଜା ତିନାଡ଼ । ଇୟା ଖିଜିନିଦିନ୍‌ତୁ ମିର୍ ଦନ୍ ଉଣ୍ଡା କିଜିନିଦେର୍ ।

୪ ଖେନ୍‌ଡୁ, ମି କିଡ଼ିଇଦୁ ପାଣି କିଜିମାନି ପାଣିକିନିଖାରିଙ୍ଗ୍ ବୁଡ଼ି ସିଇଦେର୍ । ଖାରି ମାଟା ଖେନ୍‌ଡୁ । ପାସି କୟ୍‌ନିଖାରି ମାଟା ସାକ୍ତିମାନ ପ୍ରବୁ ମାପୁରୁ ଖେର୍‌ଆ ମାନାନ ।

୫ ଇୟା ଦୁନିଆଦୁ ମି ଜିବନ୍ ସୁକ୍ ମାରି ଖେଡ଼ିକାଦାନ ଦିନ୍‌କାଟେକିଜିନିଦେର୍ । ସାନିଦିନ୍‌ତି ଉଣ୍ଡିଙ୍ଗ୍ ମିର୍ ମଟାଟା ଆଡ଼ିମାନିଦେର୍ ।

୬ ମିର୍ ଦସ୍ ସିଲି ଲୋକାଙ୍ଗ୍ ଦସ୍ ଆସ୍‌ସି ସାୟାମାର୍‌ଗାଡ଼ାକ୍‌ତିମାନିଦେର୍; ଖାର୍ ମିଙ୍ଗ୍ ବିରୁଦ୍ କିଦେଙ୍ଗ୍ ଆଟ୍‌ଏତାର୍ ।

ସାସ୍ ଆସ୍‌ସି ପାର୍‌ତାନା କିଦୁ

୭ ମାରି, ଏ ତଡ଼ାନକୁ ନି ତାଙ୍ଗ୍‌କି, ପ୍ରବୁଦି ଖାନିଦିନ୍ ସାନ୍ତି ସାସ୍ ଆସ୍‌ସି ତେବାଦୁ । ସୁଡ଼ଦୁ, ଚାସ୍‌ପାଣିକିନିକାନ ଏଣ୍ଡେସ୍ ଖାନି ତଡ଼ିଦୁ ନାଣ୍ଡ ପାସି ପୟ୍‌ନି ଉଣ୍ଡିଙ୍ଗ୍ ସାସ୍ ଆସ୍‌ସି ପାର୍‌ତୁମତି ନି ସାରାସାରିଦି ପିରୁଦିଙ୍ଗ୍ କାପ୍‌କିନାନ ।

୮ ଆୟାଖାଜା, ମି ଜିବନ୍‌ତିଙ୍ଗ୍ ବା ସାସ୍ ଆସ୍‌ସି କାପ୍‌କିଦୁ । ମି ଆସା ତାଟ୍ ମାନିଡ଼, ଇରିଙ୍ଗ୍ ପ୍ରବୁଦି ଖାନିଦିନ୍ ଲାକ୍‌ତୁ ଖାତାଡ଼ନି ।

* ୫:୨ ମାଡ଼ିଉ ୭:୧୯.

୯ ଏ ତଡ଼ାନ୍‌କୁ ନି ତାଙ୍ଗି, ନିଜେନିଜେଦିମାନୁ ଦୋସ୍ ଆସ୍‌ସିସାମାଟ୍, ଆରତିଙ୍ଗ୍ ମାପୁରୁ ମି ବିସାର୍ କିଏନ୍ । ସୁଡ଼ୁ ! ପେରିବିସାର୍‌କିନିକାନ୍ ସେରୁଲା ଲାକ୍‌ତୁ ନିରୁଆମାନାନ୍ ।

୧୦ ଏ ତଡ଼ାନ୍‌କୁ ନି ତାଙ୍ଗି, ଆମା ବାବବାଦିରି ପ୍ରବୁଦି ଦରତାନ୍ ମାଟା ସିତାମାହୀର୍, ଖାରିଙ୍ଗ୍ ଏଡ଼ କିଦୁ ।

୧୧ ଦୁଃକ୍‌କାସ୍‌ ସମୟତୁ ସାସ୍ ନି ସାକା ଆନି ଉଣ୍ଡିଙ୍ଗ୍ ଖାରି ମି ଲାକ୍‌ତୁ ମାନିର୍ । ଖାରି ସାସ୍ ଉଣ୍ଡିଙ୍ଗ୍ ମାପ୍ ଖାରିଙ୍ଗ୍ ଦନ୍ୟ ଇଜି ଖେର୍‌ସିନାପ୍ । ମିର୍ ଆୟୁବଦି ସାସ୍ ବିସୟ ଖେର୍‌ଇମାନିଦେର୍ ମାରି ସାରାସାରିଖେନକା ପ୍ରବୁ ଏଣ୍ଡେସ୍ ଖାନିଙ୍ଗ୍ ଆସିର୍ବାଦ୍ କିତାମାହୀନ୍, ଆକା ନେସ୍‌ତିମାନିଦେର୍ । ଇରିଙ୍ଗ୍ ପ୍ରବୁଦି ଦୟା ମାରି କାମ୍‌ନୁଦୁ ବର୍ ।

୧୨ ଏ ନା ତଡ଼ାନ୍‌କୁ ନି ତାଙ୍ଗି, ପାର୍‌ମାଣ୍ କିନିଖାଲେ ମୁସ୍‌କୁପୁର୍ ନୋ ଦୁନିଆ ନୋ ଆଇ ଇନି ବିସୟ ଅସି ପାର୍‌ମାଣ୍ କିମାଟ୍ । ମି “ହୁ” ମାଟା “ହୁ” ଆପିଡ଼, “ସିଲେ” ମାଟା “ସିଲେଣ୍” ଆପିଡ଼ । ଆରତିଙ୍ଗ୍ ମିର୍ ବିସାର୍‌ତୁ ଦଣ୍ ପୟ୍‌ଇଦେର୍ ।

୧୩ ମି ଲୋଇରାନ୍ ଏନ୍ ଇନିକା ଦୁଃକ୍‌କାସ୍‌ ପୟ୍‌ଜିନାନ୍ ? ଖାନ୍ ପାର୍‌ତାନା କିପିନ୍ । ଏନ୍ ଇନିକା ଖେଡ଼ିକା କିଜିନାନ୍ ? ଖାନ୍ ପ୍ରସ୍‌ସାଦି ପାଟା ପାରିନ୍ ।

୧୪ ମି ଲଇ ଏନ୍ ଇନିକା ନବ୍ ? ଖାନ୍ ମଣ୍ଡଲିଦି ନେତାରିଙ୍ଗ୍ କୁକିନ୍; ଖାରି ପ୍ରବୁଦି ଦରତାନ୍ ନିୟୁ ଉସ୍‌ସି ଆୟା ଉଣ୍ଡିଙ୍ଗ୍ ପାର୍‌ତାନା କିପିର୍ ।

୧୫ ଇୟାଖାଜା ବିସ୍‌ବାସ୍‌ତୁମାନି ପାର୍‌ତାନାଦାନ୍ ରଗ୍‌ତିଖାନିଙ୍ଗ୍ ନେଗେନ୍ କିନାଡ଼ । ପ୍ରବୁ ଖାନିଙ୍ଗ୍ ନେଗେନ୍ କିନାନ୍ ମାରି ଜଦି ଖାନ୍ ପାପ୍ କିନାମାନାନ୍, ଆରତିଙ୍ଗ୍ ଖାନିଙ୍ଗ୍ କେମା ସିଆୟ୍‌ଆନାଡ଼ ।

୧୬ ମାରି, ନିଜେନିଜେଦି ମାନୁ ନିଜେ ନିଜେଦି ପାପ୍ ମାନାଦୁ, ମାରି ନେଗେନ୍ ଆନି ଉଣ୍ଡିଙ୍ଗ୍ ନିଜେନିଜେଦି ଉଣ୍ଡିଙ୍ଗ୍ ପାର୍‌ତାନା କିଦୁ । ଦାମ୍‌ଦି ଲୋକ୍‌ତି ପାର୍‌ତାନା ନାଣ୍ ପାଣି ପୁରା କିଦେଙ୍ଗ୍ ଆଟ୍‌ନାଡ଼ ।

୧୭ ଏଲିୟ ମା ଖାଜା ସୁକ୍‌ଦୁଃକ୍‌ତି ଲୋକ୍ ମାହୀନ୍ । ପିରୁ ଆମାକିତି ଇଜି ଖାନ୍ ଉନ୍‌ଡ଼ି ମୋନ୍‌ତାନ୍ ପାର୍‌ତାନା କିତାମାହୀନ୍, ମାରି ତିନି ବାସ୍‌କ୍‌ ସଗୋଟା ଲେଜ୍‌କୁ ସାହି ଦୁନିଆଦୁ ପିରୁ ଆସ୍‌ତାଡ଼ ।

୧୮ ଖାନ୍ ମାରିଡ଼େସି ପାର୍‌ତାନା କିତାନ୍, ମାରି ବାଦ୍‌ଡ଼ତାନ୍ ପିରୁ ଆତାଡ଼ ମାରି ବୁମିଦୁ ମାରିଡ଼େସି ପାସି ଆସ୍‌ତାଡ଼ ।

୧୯ ଏ ନା ତଡ଼ାନ୍‌କୁ ନି ତାଙ୍ଗି, ମି ଲୋଇରାନ୍ ଏନ୍ ଜଦି ସଡ଼ ସାରିଦାନ୍ ବାଣାନାନ୍ ମାରି ଆଇକାନ୍ ଅରେନ୍ ଖାନିଙ୍ଗ୍ ସଡ଼ସାରିଦୁ ଡ଼େସି ତାନାନ୍,

୨୦ ଆରତିଙ୍ଗ୍ ମନ୍‌ତୁଇଡ଼ୁ ଏନ୍ ତାଗଇସାରିଦାନ୍ ପାପ୍‌ଲୋକ୍‌ତିଙ୍ଗ୍ ଡ଼େସି ତାନାନ୍, ଖାନ୍ ଆୟା ପାପି ଲୋକ୍‌ତି ଆମ୍‌ଦିଙ୍ଗ୍ ସାନିମାଣ୍‌କୁ ରକିୟା କିନାନ୍ ମାରି ଖାନି ନିଜେଦି ନାଣ୍ ପାପ୍ କେମା ଆନାଡ଼ ।

☆ ୫:୧୨ ମାଡ଼ିଉ ୫:୩୪-୩୭. ☆ ୫:୧୪ ମାର୍କ ୬:୧୩. ☆ ୫:୨୦ ୧ ପିତର ୪:୮.

ପିତରଙ୍କ ଲିଖିତ ପ୍ରଥମ ପତ୍ର ପିତର ରାସ୍ତାମାନି ପାର୍ତୁମ୍ ଆକୁ ଇୟା ଆକୁଦୁ ମାନି ଏସ ବିସୟକୁ

ପିତରଟି ପାର୍ତୁମ୍ ଆକୁ ପ୍ରେରିତ ପିତରଟି ମାଣାନ ରାସାତାମାନାତ୍ । ପିତର ଖାନ୍ ଏନ୍ ମାରି ଖାନ୍ ଏଙ୍ଗ ଇୟା ଆକୁ ରାସନାନ୍ ଆୟା ବିସୟତାନ୍ ଇନ୍ଦି ଆକୁ ରାସନାନ୍ । ଖାନ୍ ଇୟା ଆକୁଦୁ ଓଜୁ ବାସାକିତମାନି କ୍ରିସ୍ଟାନ୍ ଲୋକାଙ୍ଗ ସୁଡ଼କୁ ଆକୁ ରାସନାନ୍ । ୧:୧; ୧:୧୭ ମାରି ୨:୧୧ ଖାନ୍ ଖାନି ପଡାନିଝାରିଙ୍ଗ ଇୟାଖାଜା ସୁଡ଼କୁ ରାସନାନ୍, ଇରିଙ୍ଗ ଖାର୍ ଆଇଆଇ ଦେସକାଙ୍ଗ ଇନିଙ୍ଗା ଆନିଙ୍ଗା ଆତାମାରାତ୍ ।

ଇରିଙ୍ଗ ଇୟା ଆକୁ ଏସ ବାଡିଦୁ ଏପିସିୟ ମଣ୍ଡଲି ଲାକ୍ତୁ ପାଉଲଟି ଆକୁ ଖାଜା । ନାଣ୍ଡ ଲୋକୁ ବିସବାସ କିନାର୍ ଜେ, ପାର୍ତୁମ୍ ଆକୁ ଜିସୁ କ୍ରିସ୍ଟି ଜନମ୍ତି ୬୫ ବାସେକ୍ ଖେନକା ରାସାତାମାରାତ୍ । ପିତର ଇୟା ଆକୁ ରୋମ୍ତାନ୍ ଆମାତାନିଙ୍ଗ କି ଖାନ୍ ବାବିଲ୍ ଇଜି ଇନାନ୍ ଆବେଶାନ୍ ଖାନ୍ ରାସାତାମାରାନ୍ ୫:୧୩ ।

ପିତର ଇୟା ଆକୁଦୁ ଖେରନାନ୍ ଜେ, ଇୟା ଆକୁଦି ଉଦେସ୍ ମିଙ୍ଗ ସାହାସ୍ ସିଦେଙ୍ଗ ଇଜି ମାରି ମାପୁରୁଦି ସାଡ଼ ଦୟା ପରିକା କିନିକା ୫:୧୨ । ଇବେନ୍ନୁ ନାଣ୍ଡ ସାମାନତିକେଙ୍ଗ ମାନେ ୧ ପିତର ୨:୧୧-୩:୭, ଏପିସିୟ ୫:୧୮-୬:୯, ୫:୧ ମାରି କଲସିୟ ୩:୧୮-୪:୬ । ଇୟା ମୁନ୍ତ୍ରି ଆକାଙ୍ଗ ଓଜୁ ଅଦ୍ୟାୟତୁ ଇଲୁଦି ମିସାବିତାନିକା ମାରି ଅଦିକାର୍ ବିସୟତାନ୍ ସିକିୟା ସିନାନ୍ । ସାରାସାରି ବେଡା ଲାକ୍ତୁ ଆଜି ଖାଜିନିଙ୍ଗ କାସୁ ବେଡାଦୁ ବା ନେଗେନ୍ତାନ୍ ମାନ୍ତ୍ରେଙ୍ଗ କ୍ରିସ୍ଟାନ୍ ଲୋକାଙ୍ଗ ସାହାସ୍ ସିନାନ୍ ୪:୧ ।

ଇୟା ଆକୁଦୁ ମାନି ମୁକିୟ ବିସୟକୁ

- ୧. ପିତର ଖାନି ପଡାନିଝାରିଙ୍ଗ ନିଜେଦି ପରିଚୟ ମାରି ଟିକଣା ସିନାନ୍ । ୧:୧-୨
- ୨. ପିତର ମାପୁରୁଦି ଦନ୍ୟବାଦ୍ ସିନାନ୍ ଜେ, ଓଜେରେ ମାପୁରୁଦି ପରିତ୍ରାଣଦୁ ମିସାନାର୍ ଆମାକା ଖାରି ଜିବନ୍ତି ମାଧ୍ୟମ । ୧:୩-୨:୧୦
- ୩. ଖେନକା ଜଗଡ଼ୁ ଏଣ୍ଡେସ୍ ନେଗେନ୍ତାନ୍ ଜିଦେଙ୍ଗ ଆନାତ୍ ମାରି କନ୍ଲି ନି ଆଡ଼ସି, ପ୍ରବୁ ନି ଦାସ ମାନୁ ଏଣ୍ଡେସ୍ ସମ୍ପର୍କ ଇଡ଼ଦେଙ୍ଗ ଆନାତ୍ ଆକା ଆଦେସ୍ ସିତାମାନାନ୍ । ୨:୧୧-୪:୧୧
- ୪. ଇୟାତାନିଖେନକା କାସୁ ବେଡାଦୁ ନେଗେନ୍ ତେବାଦେଙ୍ଗ ପିତର ଖାରିଙ୍ଗ ସାହାସ୍ ସିନାନ୍ । ୪:୧୨-୫:୧୧
- ୫. ଖାନ୍ ଖାନି ଆକୁ ରାସନିକା ଓସ୍ତାନ୍ । ୫:୧୨-୧୪

^୧ ନାନ୍ ପିତର, ଜିସୁ କ୍ରିସ୍ଟି ଅରେନ୍ ପ୍ରେରିତ ସିସୁ ରାସ୍ତାମାନି ଆକୁ ପତ୍ର, ଗାଲାତିଆ, କାପ୍ପାଦକିଆ, ଆସିଆ ମାରି ବିତୁନିଆଦି ଦେସକାଣି ଇନିଙ୍ଗା ଆନିଙ୍ଗା ଆତିମାନି ଆମା ଲୋକୁ ।

^୨ ମିର୍ ବୁବା ମାପୁରୁଦି ବୁଦିଇସାବତାନ୍ ଆସାତିମାନିଦେର୍ । ଜିସୁ କ୍ରିସ୍ଟି ମାଟା ମାନାଜି ଖାନି ନେତେର୍ତାନ୍ ନେଗେନ୍ ଆନି ଉଣ୍ଡିଙ୍ଗ ମିର୍ ଆମାଦି ପାଣିଦି ଉଣ୍ଡି_ ପବିତ୍ର ଆତିମାନିଦେର୍ । ମି ଉଣ୍ଡିଙ୍ଗ ନାଣ୍ଡଦାନ୍ ମାପୁରୁଦି ଦୟା ମାରି ସାନ୍ତି ଆପିଡ଼ ।

ଉଣ୍ଡି_ ଜିବନ୍ତି ଆସା

^୩ ମା ପ୍ରବୁ ଜିସୁ କ୍ରିସ୍ଟି ବୁବା ମାରି ମାପୁରୁଦି ଦନ୍ୟବାଦ୍ ଆପିଡ଼, ଇରିଙ୍ଗ ଖାନ୍ ଖାନି ଦୟାଦାନ୍ ଜିସୁ କ୍ରିସ୍ଟିଙ୍ଗ ସାତିମାଣ୍ଡକୁ ମାରିଡ଼େସିଜିବନ୍ କିଜି ମାଙ୍ଗ ପୁନି ଜିବନ୍ ସିତାମାନାନ୍ । ଇକା ମାଙ୍ଗ ଜିବନ୍ତି ଆସାଦୁ ପୁରା କିତାମାନାନ୍ ।

^୪ ମାରି ମାପୁରୁ ତାମି ଲୋକା ଉଣ୍ଡିଙ୍ଗ ଆମା ନାଣ୍ଡଦାରାଦି ଆସିର୍ବାଦ୍ ଇଡ଼ତାମାନାନ୍, ଆକା ପୋଇନି ଉଣ୍ଡିଙ୍ଗ ମାପୁ ଆସାଦାନ୍ ମାନାପ୍ । ଆକା ଖାନ୍ ମୁସକୁପୁରୁତୁ ମି ଉଣ୍ଡିଙ୍ଗ ଉଣ୍ଡା କିତା ଇଡ଼ତାମାନାନ୍ । ଆବେନ୍ନୁ ଆକା ତାଗ୍‌ଏଣ୍ ଆଏଡ଼, ନାସୁ ବା ଖାରାଏଡ଼ ।

^୫ ଆମା ରକିୟା ସାରାସାରି କାଡ଼ାଦୁ ଖେଙ୍ଗନି ଉଣ୍ଡିଙ୍ଗ ତିଆର୍ ଆତାମାନାତ୍, ଆକା ପୟନି ଉଣ୍ଡିଙ୍ଗ ମିର୍ ବିସବାସତାନ୍ ମାପୁରୁଦି ସାଲ୍ଲିଦାନ୍ ନେଗେନ୍ ମାନିଦେର୍ ।

^୬ ଇବେନ୍ନୁ ମିର୍ ଖେଡ଼ିକା କିଜିନିଦେର୍, ଜଦିବା ଇଲେଇ ସାଣେକ୍ତି ଉଣ୍ଡିଙ୍ଗ ଏଣ୍ଡେସ୍ ନାନି କାସୁ ଉଣ୍ଡିଙ୍ଗ ଦୁଃକ୍‌ବୋଗ୍ ବଗାଦେଙ୍ଗ ମିଙ୍ଗ ପଡାନାତ୍ ।

^୭ ମି ବିସବାସ୍ତି ନେଗିକା ପରିକା କିନିକା ଇୟା ଓଜୁଦି ଉଦେସ୍ । ଓଜୁନି ବାଙ୍ଗାମାତ୍ତିଙ୍ଗ ସିସୁଦୁ ପରିକା କିନାର୍ । ମି ବିସବାସ୍ ବାଙ୍ଗାମାତ୍ତି ତାନ୍ ନାଣ୍ଡ ଦାରା ଆତିମାନିଙ୍ଗ ପରିକାଦାନ୍ ତାନିଙ୍ଗ ପୁରା କିଦେଙ୍ଗ ପଡାନାତ୍ । ଜିସୁ କ୍ରିସ୍ଟି ତରାନି ବେଡାଦୁ ମିର୍ ଦନ୍ୟବାଦ୍, ଗୌରବ୍ ମାରି ସନ୍ମାନ ପୟନିଦେର୍ ।

୮ ମିର ଖାନିଙ୍ଗ ସୁତ୍‌ସୁଣ୍‌ଗା ଜିବନ୍‌ନୋଜିନିଦେର୍, ମାରି, ଇଲେଇବା ସୁତ୍‌ସୁଣ୍‌ଗା ଖାନିମାନୁ ବିସ୍‌ବାସ୍ କିଜିନିଦେର୍ । ଆମାକା ଝେରତେଙ୍ଗ ଆଟ୍‌ଇକା ବଲ୍ଲ ମାରି ଗୌରବ୍‌ତି ଝେଡ୍‌କା କିଦୁ,

୯ ଆୟା ବିସ୍‌ବାସ୍‌ତି ପଲ୍ଲ ଜେ ମି ଆମାଦି ରକିୟା, ଆକା ପୟ୍‌ତିମାନିଦେର୍ ।

୧୦ ମାରି, ଆୟା ରକିୟା ବିସ୍‌ୟତାନ୍ ବାବବାଦିର୍ ମନ୍‌ସିଜି ପୟ୍‌ଜି ମାରି ପୟ୍‌ଜି ମାପୁରୁଙ୍ଗୁ, ମି ଉଣ୍‌ଜି ମାପୁରୁଦି କିତିମାହ୍‌ ଦାନ୍ ବିସ୍‌ୟତାନ୍ ବାବବାଣି ଝେରତା ମାହ୍‌ର୍ ।

୧୧ ଆୟା ଦାନ୍ ମିର୍ ଏସକାଙ୍ଗ ମାରି ଏଣ୍‌ସ୍‌ ପୟ୍‌ନିଦେର୍, ନେସ୍‌ତେଙ୍ଗ ଇଜି ଖାର୍ ସେସ୍‌ କିଜିମାହ୍‌ର୍ । ଇୟା ବିସ୍‌ୟତାନ୍ ପବିତ୍ର ଆମାଦି ସାକାଦାନ୍ ଖାର୍ କ୍ରିସ୍‌ଟ୍‌ ଦୁଃକକାସ୍‌ ମାରି ଝେନ୍‌କାରି ଗୌରବ୍‌ ପୟ୍‌ନି ବିସ୍‌ୟତାନ୍ ଝେରତା ମାହ୍‌ର୍ ।

୧୨ ଇୟାଝିଜୁ ବିସ୍‌ୟତାନ୍ ଖାର୍ ଜେ ନିଜେ ନିଜେଦି ସେବା କିଏଣ୍‌ଗା ମି ସେବା କିଜିମାହ୍‌ର୍, ଇକା ବାବବାଦିରି ଲାକ୍‌ତୁ ଝେଙ୍ଗ୍‌ତା ମାହ୍‌ର୍, ମାରି, ଆୟାଝିଜୁ ବିସ୍‌ୟ ମୁସ୍‌କୁପୁରତାନ୍ ପୋକ୍‌ତାତିମାନି ପବିତ୍ରଆମାଦି ସାକ୍ରିଦାନ୍ ଇଲେଇ ଆମା କାବୁର୍‌ଝେରନିକାର୍ ନେଗିକାବୁର୍ ଝେରସିନାର୍, ମିର୍ ଇଲେଇ ଖାରିମାଣୁକୁ ଆୟାଝିଜୁ ମାଟା ଝେନ୍‌ଝିନିଦେର୍, ଇୟାଝିଜୁ ବିସ୍‌ୟତି ଅର୍ତ୍ତ ବୁଜାନି ଉଣ୍‌ଜି ମୁସ୍‌କୁପୁରତି ଦୁଡ୍‌କୁ ବା ବଦା କିନେ ।

ପବିତ୍ର ଜିବନ୍ ଜିନି ଉଣ୍‌ଜି କୁକ୍‌ନିକା

୧୩ ମାରି, ପାଣି କିଦେଙ୍ଗ ଜାଗାରତା ମାନ୍‌ତୁ, ଜାଗାରତା ମନ୍‌ତୁ ମାନ୍‌ଜି ଜିସୁ କ୍ରିସ୍‌ ଖାନି ବେଡ୍‌ାଦୁ ଆମା ଆସିର୍ବାଦ୍ ମି ଉଣ୍‌ଜି ସିଆୟ ଆନାଡ୍, ତାନି ମୁସ୍‌କୁ ପୁରା ଆସା ଇଡ୍‌ଦୁ ।

୧୪ ମାପୁରୁଦି ମାଟା ଆସତୁ । ମି ଆଗ୍‌ଡି ଆମା ଆସାଦୁ ପୁରା ଆତିମାରଇଦେର୍, ଆୟାଝିଜୁ ଦାନ୍ ମି ଜିବନ୍ ମାରି ସାଲାମାକିଡ୍ ।

୧୫ ମାତର୍ ମିଙ୍ଗ୍ କୁକ୍‌ନିମାଲିକ୍ ଏଣ୍‌ସ୍‌ ପବିତ୍ର, ମିର୍ ବା ନିଜେ ନିଜେଦି ପାଣିଦୁ ଆୟାଝାଜା ପବିତ୍ର ଆଦୁ ।

୧୬ ସାସ୍ତ୍ରଦୁ ରାସ୍‌ତାମାନାଡ୍, “ମିର୍ ପବିତ୍ର ଆଦୁ, ଇରିଙ୍ଗ୍ ମାପୁ ପବିତ୍ର ।”

୧୭ ମାରି ମାପୁରୁ ମକମ୍ ସୁତ୍‌ସୁଣ୍‌ଗା ଝିଜୁ ଲୋକାଦି ପାଣିକିତିମାନି ଇସାବତାନ୍ ବିତାର୍ କିନାନ୍, ମିର୍ ଖାନି ଲାକ୍‌ତୁ ପାର୍‌ତାନା କିନିଝାଲେ ଖାନିଙ୍ଗ୍ ବୁବା ଇଜି ସନ୍‌ମାନ୍ କିଜିମାନିଦେର୍, ମାରି, ଇୟା ଦୁନିଆଦୁ ମି ଜିବନ୍‌ତି ନେଗି ବେଡ୍‌ା ଖାନିଙ୍ଗ୍ ମାନାଜି ତିଲାଜି ଜିଜିମାଡ୍‌ଦୁ ।

୧୮ ମିର୍ ନେସ୍‌ନିଦେର୍ ଜେ, ମି ପୁର୍ବେଦିଡକ୍‌ରା ଦାଦାରିମାଣୁକୁ ଖାତିମାନି ନିତିନିୟମ ଜିବନ୍‌ତାନ୍ ମିଙ୍ଗ୍ ମୁକ୍‌ଡା କିନି ଉଣ୍‌ଜି ମାପୁରୁ ଏସ ତାବୁଙ୍ଗ୍ ସିଦେଙ୍ଗ୍ ପଡାତାମାହ୍‌ର୍, ଆକା ଝିଜିନି ଝେଣ୍‌ଜି ନି ବାଙ୍ଗ୍‌ରାମ୍ ଆଏଡ୍ ।

୧୯ ମାତର୍ ଆକା ଦସ୍‌ସିଲେଣ୍‌ଗା ମାରି ସିନାସିଲି ମେଣ୍‌ଶା ପିଲା ଖାଜା କ୍ରିସ୍‌ତି ନାଣୁଦାରାଦି ନେତେରତାନ୍ ମୁକ୍‌ଡାତି ମାନିଦେର୍ ।

୨୦ ଖାନ୍ ଦୁନିଆ ତିଆର୍‌ଆତି ଆଗ୍‌ଡିରାନ୍‌ନେ ମାପୁରୁଦି ମାଣୁକୁ ଆସ୍‌କିଆୟଆତା ମାହ୍‌ର୍ ମାରି ମି ଉଣ୍‌ଜି ଇୟା ସାରାସାରିକାଡାଦୁ ଝେଙ୍ଗ୍‌ତା ମାନାନ୍ ।

୨୧ ଆମା ମାପୁରୁ ଖାନିଙ୍ଗ୍ ସାତିଲୋକାମାଣୁକୁ ନିକ୍‌ସି ଗୌରବ୍‌ନିତ କିତାମାନାନ୍, ଆୟା ମାପୁରୁମାନୁ ମିର୍ ଖାନି ମାଣୁକୁ ବିସ୍‌ବାସ୍ କିତିମାନିଦେର୍, ଆଦେଙ୍ଗ୍ ମାପୁରୁ ମି ବିସ୍‌ବାସ୍ ମାରି ଆସା ଡାଟ୍ ଆତାମାନାନ୍ ।

୨୨ ଇଲେଇ ମିର୍ ସଡ୍‌ତି ସାରିତରିନ୍ ବୁଲାଜିମାନିଙ୍ଗ୍ ନିଜେ ନିଜେଦିଙ୍ଗ୍ ନେଗେନ୍ କିଆତିମାନିଦେର୍ ମାରି ବିସ୍‌ବାସ୍‌ତି ତଡାନ୍‌କାଙ୍ଗ୍ ଜିବନ୍ ନୋଦେଙ୍ଗ୍ ବଦା ମାନାଡ୍ । ନିଜେନିଜେଦିଙ୍ଗ୍ ଜିବନ୍‌ତାନ୍ ଜିବନ୍‌ନୋଦୁ ।

୨୩ ଇରିଙ୍ଗ୍ ମାପୁରୁଦି ଜିବନ୍‌ମାନିକା ମାରି ଝିଜୁଦିନ୍‌ତି ବାକ୍ୟ ଦାନ୍ ମିର୍ ଆମା ସାନିନାନି ବୁବାଦି ମାରିନ୍ ଖାଜା ସିଲେ, ମାତର୍ ଝିଜୁଦିନ୍‌ତିଙ୍ଗ୍ ମାନି ବୁବାଦି ମାରିନ୍ ଖାଜା ମାରିଡେସି ଜନମ୍ ପୟ୍‌ତି ମାନିଦେର୍ ।

୨୪ ସାସ୍ତ୍ରଦୁ ରାସ୍‌ତାମାନାଡ୍ :

“ଇରିଙ୍ଗ୍ ଝିଜୁ ଲୋକା ଜାତି ଲାଟା ଖାଜା,
ଖାରି ଝିଜୁ ସବା ବନ୍‌ତି ପୁଙ୍ଗୁ ଖାଜା;
ଲାଟା ଖାର୍‌ନା ସୋନାଡ୍, ମାରି ପୁଙ୍ଗୁ ରାଲ୍‌ନାସୋନାଡ୍,

୨୫ ମାତର୍ ମାପୁରୁଦି ବାକ୍ୟ ଝିଜୁଦିନ୍‌ତିକା ।”

ଇୟା ନେଗିକାବୁର୍ ଆମାକା ମି ଲାକ୍‌ତୁ ପ୍ରଚାର୍ ଆତାମାନାଡ୍ ।

୨

ଜିବନ୍‌ତି କାଲୁ ମାରି ପବିତ୍ର ଜାତି

୧ ମାରି, ପ୍ରବୁ ଜେ ନେଗିକାନ୍, ଇକା ଜଦି ଝେଟି ମାନିଦେର୍, ଆରଡିଙ୍ଗ୍ ଝିଜୁ ରକମ୍‌ତି ତାଗ୍‌ଇକା, ମିର୍‌ଝେରନିକା ମାରି ଟକେକିନିକା, ଆକାର୍ ମାରି ଆଇଝାରିଙ୍ଗ୍ ନିନ୍‌ଧାକିନିକା ଡିସ୍‌ସି ।

୨ ଆଲ୍‌ଜନମ୍‌ଆତି କଡ଼ ଖାଜା ଆଦୁ, ଝିଜୁଦିନ୍ ପୁରାନ୍‌ଗି ଦିନ୍‌କେରି ଆମ୍‌କ ପାଲ୍ ଉଣ୍ଠେଙ୍ଗ୍ ଇଜି ଏର୍କି ସାଦୁ । ଆରତିଙ୍ଗ୍, ମିର୍ ପିରଜି ରକିୟା ପୟନିଦେର୍ ।

୩ ସାସ୍ତ୍ରୁ ରାସ୍‌ତାମାନାଡ଼, “ମାପୁରୁ ଜେ ଏଣ୍ଠେସ୍ ନେଗିକାନ୍, ଆକା ମିର୍ ନିଜେଦି ମୋନ୍‌ତାନ୍ ନେସ୍‌ତିମାନିଦେର୍ ।”

୪ ମିର୍ ଆମା ଜିବନ୍‌ମାନି କାଲୁ ଖାଜା ମାପୁରୁ ଦାରାସିଲିକା ଅଡ଼ବିଜି ଡ଼ିସ୍‌ତାର୍, ଖାନି ଲାକ୍‌ତୁ ରାଦୁ, ଇରିଙ୍ଗ୍ ଖାନ୍ ମାପୁରୁଦି ଲାକ୍‌ତୁ ଆସ୍‌କିଆୟ୍‌ଆତାମାନାନ୍ ମାରି ନାଣୁଦାରା ମାନାନ୍ ।

୫ ମିର୍ ଉନ୍‌ଡ଼ି ଜିବନ୍‌ତି ମନ୍‌ଦିର୍ ତିଆରକିଦେଙ୍ଗ୍ ଜିବନ୍‌ମାନି କାଲୁ ଖାଜା ବ୍ୟବ୍‌ହାର୍ ଆନି ଉଣ୍ଠିଙ୍ଗ୍ ରାଦୁ । ଆୟା ମନ୍‌ଦିରୁଡ଼ି ମିର୍ ଜିସ୍ତୁ କ୍ରିସ୍ତଦି ମାଣାନ୍ ମାପୁରୁ ଆମ୍‌କ ଆସ୍‌ନିନାନି ଦିନ୍‌କେରି ପୁଜା ସିନି ଉଣ୍ଠିଙ୍ଗ୍ ପବିତ୍ର ଜାଜକଦି ପାଣି କିନିଦେର୍ ।

୬ ଦାମ୍‌ସାସ୍ତ୍ରୁ ଇୟାଖାଜା ରାସ୍‌ତାମାନାଡ଼ :

“ମାପ୍ ଉନ୍‌ଡ଼ି ନାଣୁଦାରାଦି କାଲୁ ଆସ୍‌କିତାମାନାପ୍;

ଆକା ମାପ୍ ସିୟୋନ୍‌ଦି ମୁଲ୍‌କାଲୁ ଖାଜା ତିଆର୍ କିଜିନାପ୍ ।

ମାରି ଏନ୍ ଖାନିମାନୁ ବିସ୍‌ବାସ୍ କିନାନ୍, ଖାନ୍ ଏସ୍‌କାଙ୍ଗ୍ ମୁଲ୍‌କାଲୁ ଆଏନ୍ ।”

୭ ମିର୍ ବିସ୍‌ବାସ୍ କିତିମାନିଙ୍ଗ୍ ମି ଉଣ୍ଠିଙ୍ଗ୍ ଇୟା କାଲୁ ନାଣୁ ଦାରା । ମାତର୍ ଅବିସ୍‌ବାସ୍‌ତି ଲୋକା ଉଣ୍ଠିଙ୍ଗ୍ :

“ଆମା କାଲୁଦିଙ୍ଗ୍ ଇଲୁକୁ ତିଆରକିନିକାର୍ ସିଲେ ଇଜି ଲାଡ଼ ଡାକ୍‌ତାର୍,

ଆକା ଝିଜୁମାଣ୍ଡୁକୁ ପେରି ଦରକାର୍‌ତି କାଲୁ ଆତାଡ଼ ।”

୮ ମାରି ପବିତ୍ର ସାସ୍ତ୍ରୁ ଆଇ ଉନ୍‌ଡ଼ି ବାଡ଼ିଦୁ ରାସ୍‌ତାମାନାଡ଼ :

“ଇୟା କାଲୁ ମୁସ୍‌କୁ ଗାଦିଲୋକୁ ତାକାୟ୍‌ଆନାର୍,

ଇୟା କାଲୁପିଲା ଖାରି ସାରିଦି ବାଦାନିକା ଆନାଡ଼ ।”

୯ ଖାନ୍ ମାପୁରୁଦି ବାକ୍ୟଦୁ ବିସ୍‌ବାସ୍ କିଏତାର୍, ଆଦେଙ୍ଗ୍ ଖାନ୍ ତାକାୟ୍‌ଆତାର୍ । ଇକା ମାହାଡ଼ ଖାରି ଉଣ୍ଠିଙ୍ଗ୍ ମାପୁରୁଦି ବଦା ।

୧୦ ମିର୍ ଉନ୍‌ଡ଼ି ଆସ୍‌କିଆୟ୍‌ଆତିମାନି କୁଟୁମ୍, ରାଜାଦି ଜାଜକ ଇଲୁ, ଉନ୍‌ଡ଼ି ପବିତ୍ର ଜାତି ମାରି ମାପୁରୁଦି ନିଜେଦି ଲୋକୁ ଆତିମାନିଦେର୍ । ମାପୁରୁ ମିଙ୍ଗ୍ ସିକାଟିଦାନ୍ ନିଜେଦି କାବାଆନି ଜାୟ୍‌ତୁ କୁକ୍‌ତାମାନାନ୍ । ମିର୍ ଖାନି କାବାଆନି ପାଣି ଝିଜୁ ଝେରତେଙ୍ଗ୍ ଇଜି କୁକାତିମାନିଦେର୍ ।

୧୧ ପୁର୍ବେ ମିର୍ ମାପୁରୁଦି ଲୋକ୍ ଆଏତିମାରିଇଦେର୍, ମାତର୍ ଇଲେଇ ମାପୁରୁଦି ଲୋକ୍ ଆତିମାନିଦେର୍ । ପୁର୍ବେ ମିର୍ ମାପୁରୁଦି ଦୟା ବିସ୍‌ୟତାନ୍ ନେସ୍‌ଏତି ମାରିଇଦେର୍, ମାତର୍ ଇଲେଇ ଖାନି ଦୟା ପୟତି ମାନିଦେର୍ ।

ମାପୁରୁଦି କଟିଗତିମୁରୁଲି

୧୨ ଏ ନା ତଡ଼କୁ ନି ତାଙ୍ଗ୍ କି, ମିର୍ ଇୟା ଦୁନିଆଦୁ ଆଇ ଦେସ୍ ମାରି ଖାଜି ତେବାନିଲୋକୁ ଇଜି ନାନ୍ ମିଙ୍ଗ୍ ଅନୁରୋଦ୍ କିଜିନା, ମିର୍ ମେନ୍‌ଲତି ଆସାଦାନ୍ ଆକ ଆଦୁ, ଆୟାଝିଜୁ ଆମ୍‌ଦି ବିରୁଦ୍‌ତାନ୍ ଜୁଦ୍ କିନାଡ଼ ।

୧୩ ମିର୍ ଅଣଜିହୁଦି ଲାକ୍‌ତୁ ନେଗେନ୍‌ତାନ୍ ସାଲାବୁଲା କିଦୁ, ଏଣ୍ଠେସ୍ ଖାନ୍ ଆମା ବିସ୍‌ୟତାନ୍ ମିଙ୍ଗ୍ ତାଗଇପାଣିକିନିକାର୍ ଇଜି ନିନ୍‌ୟା କିନାର୍, ମି ନେଗିପାଣି ସୁଡ଼ୁ କ୍ରିସ୍ତଦି ଖାନିଦିନ୍‌ତୁ ମାପୁରୁଦି ଦନ୍‌ୟବାଦ୍ କିନାର୍ ।

୧୪ ପ୍ରବୁଦି ଦରତାନ୍ ଅନୁରୋଦ୍ କିଜିନା, ଝିଜୁ ସାସ୍‌ନକିନିଖାରିଙ୍ଗ୍ ମାନାଦୁ, ଦେସ୍‌ତି ଝିଜେରିଙ୍ଗ୍ ପେରିସାସ୍‌ନକିନି ରାଜାଦିଙ୍ଗ୍ ମାରି ଆଇଆଇ ସାସ୍‌ନକିନିପେରିଖାରିଙ୍ଗ୍ ମାନାଦୁ,

୧୫ ମାରି ସାସ୍‌ନକିନିକାର୍ ସାସ୍ତ୍ରୁ ସିନି ଉଣ୍ଠିଙ୍ଗ୍ ମାରି ନେଗିପାଣି କିଜିମାନି ଲୋକାଙ୍ଗ୍ ଦନ୍‌ୟବାଦ୍ କିନି ଉଣ୍ଠିଙ୍ଗ୍ ରାଜାଦି ମାଣ୍ଡୁକୁ ବାସେଆତା ମାନାର୍ ।

୧୬ ମାପୁରୁଦି ବଦା, ମିର୍ ଜେ ନେଗିପାଣି କିଜି ବୁଦିସିଲିଖାରି ଖାନ୍‌ଇ ମାଗେଆଙ୍ଗ୍ ତେବା କିଦୁ ।

୧୭ ମିର୍ ମୁକ୍‌ତାତି ଲୋକା ଖାଜା ଜିଜି ମାଡ଼ିଦୁ । ମାତର୍ ମୁକ୍‌ତାତି ଉଣ୍ଠିଙ୍ଗ୍ ତାଗଇ ପାଣି କିମାଟ୍ । ମାରି ମାପୁରୁଦି କଟିମାନି ଗତିମୁରୁଲି ଖାଜା ଜିଜି ମାଡ଼ିଦୁ ।

୧୮ ଝିଜେରିଙ୍ଗ୍ ମାନାଦୁ, ଝିଜୁ କ୍ରିସ୍ତ ବିସ୍‌ବାସ୍‌ତି ତଡ଼ାନ୍‌କାଙ୍ଗ୍ ନି ତାଙ୍ଗ୍ କାଙ୍ଗ୍ ଜିବନ୍‌ନୋଦୁ, ମାପୁରୁଙ୍ଗ୍ ତିଲାଦୁ, ରାଜେଙ୍ଗ୍ ମାନାଦୁ ।

କ୍ରିସ୍ତଦି ଦୁଃଖବୋଗତି ମାଟା

୧୯ ଏ ସାକରକୁ, ମିର୍ ତିଏଲ୍‌ତାନ୍ ନିଜେ ନିଜେଦି ମାଲିକକା ଆଡ଼ଗି ତେବାଦୁ, କେବଲ୍ ନେଗିକାର୍ ମାରି ଦୟାଲୁ ମାଲିକକାଙ୍ଗ୍ ସିଲେ, ମାତର୍ ଦୟାକିଇ ଖାରିଙ୍ଗ୍ ବା ନେଗେନ୍ ମାନାଦୁ ।

୨୦ ମିର୍ ମାପୁରୁଦି ବଦା ନେସ୍‌ତି ମାରିଇଙ୍ଗ୍ ବା ଅନ୍‌ୟାୟ୍‌ତାନ୍ ସାସ୍ତ୍ରୁ ପୟତି କାସ୍ତୁ ସାସ୍ କିନିଦେର୍, ଆରତିଙ୍ଗ୍ ମାପୁରୁ ମିଙ୍ଗ୍ ଆସିର୍ବାଦ୍ କିନାନ୍ ।

☆ ୨:୯ ତିତସ ୨:୧୪.

୨୦ ମିର ନିଜେ ନିଜେଦି ଦୟତାନ୍ ଜଦି ଦଣ୍ଡବୋଗ ପୟତିଙ୍ଗ, ଆରତିଙ୍ଗ ଆବେନ୍ନୁ ଦନ୍ୟବାଦତି ଇନି ମାଟା ମାନାତ୍ ? ମାତର ନେଗି ପାଣି କିଜିବା ସାସ୍ତି ପୟନିଦେର, ଆରତିଙ୍ଗ ମାପୁରୁ ମିଙ୍ଗ ଆସିର୍ବାଦ କିନାନ୍ ।

୨୧ ମାପୁରୁ ଇୟା ବଦାଦାନ୍ ମିଙ୍ଗ କୁକ୍ତାମାନାନ୍ । କ୍ରିସ୍ତ ନିଜେ ମି ଉଣ୍ଡିଙ୍ଗ ଦୁଃକ୍ବୋଗ କିଜି ମିଙ୍ଗ ଉନ୍ତ୍ର ସାରି ତରତାମାନାନ୍, ଏଣ୍ଡେସ୍ ମିରୁ ଖାନି ପାଦାମସିନା ସିଜି ଖେନ୍କାସନିଦେର ।

୨୨ ଖାନ୍ ଇନି ପାପ୍ କିଏନ୍ ମାର୍ହାନ, ମାରି ଖାନି ଖେୟୁଦାନ୍ ମିର୍ ମାଟା ଖେରନିକା ଏନ୍ ଏସ୍କାଙ୍ଗ ଖେନ୍ଏନ୍ ମାର୍ହାନ ।

୨୩ ଖାନ୍ ନିଦା ଆନି ଖାଲେ ଡେସି ନିନ୍ଦାମାଟା ଖେରଏତାନ୍; ଖାନ୍ ଦୁଃକ୍ବୋଗ କିନିଖାଲେ ବାଦଲ୍ଲା ଅତେଙ୍ଗ ଡିଲିସ୍କିଏନ୍ ମାର୍ହାନ; ମାତର ନ୍ୟାୟ ବିସାରକିନି ମାପୁରୁଦି ମୁସ୍କୁ ପୁରା ଆସା ଇଟାମାର୍ହାନ ।

୨୪ ମାପ୍ ଏଣ୍ଡେସ୍ ପାପ୍ତି ଉଣ୍ଡିଙ୍ଗ ସାଜି ମାରି ଦାମ୍ବୁଦି ଉଣ୍ଡିଙ୍ଗ ଜିଜି ମାଡିନାପ୍, ଇୟାଉଣ୍ଡିଙ୍ଗ କ୍ରିସ୍ତ ନିଜେ କୁସକାଟ୍ ମୁସ୍କୁ ନିଜେଦି ମେନ୍ଦଲ୍ତାନ୍ ମା ଖିଜୁ ପାପ୍ ବଦୁ ପିଣ୍ଡିତାନ୍ । ଖାନି ମେନ୍ଦଲ୍ତି ଆୟା ଗାଉତି ମାଣୁକୁ ମିର୍ ନେଗେନ୍ ଆତିମାନିଦେର ।

୨୫ ଇରିଙ୍ଗ୍ ମିର୍ ମେଣ୍ଡେଙ୍ଗ୍ ଖାଜା ସାରିବାଣାତି ମାର୍ଇଦେର, ମାତର ଇଲେଇ ମି ମେଣ୍ଡେଙ୍ଗ୍ଗାଉଡ୍ ମୁାରି ଆମ୍ବୁଦି ରକିୟାକିନିଖାନି ଖେନ୍କା ସନି ଉଣ୍ଡିଙ୍ଗ ଡେସି ଖାତିମାନିଦେର ।

୩

ଆଇ ମାନି କନ୍ଲିରି ଉଣ୍ଡିଙ୍ଗ ସିକିୟା

୧ ଇୟାଖାଜା ଏ ଆଇମେକ୍ ! ମିରୁ ମି କନ୍ଲିରିଙ୍ଗ୍ ମାନାଦୁ । ଆରତିଙ୍ଗ, ଜଦି ମାପୁରୁଦି ବାକ୍ୟଦୁ ବିସ୍ବାସ୍ କିଏଜି ମାନାନ୍, ଆରତିଙ୍ଗ ମି ବୁଲ୍ଲାସାଲାନି ମାଣୁକୁ ଆୟା ବାକ୍ୟ ଉଣ୍ଡିଙ୍ଗ ଖାନି ବିସ୍ବାସ୍ ପିରନାତ୍ । ମିର୍ ପଦକେ ବା ଇନିକା ଇନ୍ଡେଙ୍ଗ୍ ଦରକାର୍ ସିଲେଡ୍ ।

୨ ଇରିଙ୍ଗ୍ ମି ନେଗି ବୁଲ୍ଲାସାଲାନିକା ମାରି ଦାମ୍ବୁ ଜିବନ୍ ଖାର୍ ସୁଡ୍ନୁର ।

୩ କୁକୁଟି ତିଆରଆନିକା, ନିଜେ ରଜନିକା, ନେଗି ଖାତିଗନ୍ଦା ଆରାନିକା, ବାଙ୍ଗାଁରାମ୍ ଆରାନିକା ଖିଜୁ ଆଡ୍ରେ ତିଆରମିଆର୍ ଆଜି ନିଜେଦି ସବା ତରନିକା ମିରୁ କିଇକାମାନାତ୍ ।

୪ ସଡ୍ଡି ସୁନ୍ଦର୍ ଆଜିନାତ୍, ମି ଜିବନ୍ତି ଦାମ୍ବୁ ମାରି ସାନ୍ତି ମାର୍ଗିତିମାନିକା ସୁନ୍ଦର୍ ମାପୁରୁଦି କାଣେକେଆଙ୍ଗା ଖିଜୁଦିମାଣୁକୁ ନାଣୁନେଗିକା ।

୫ ପୁର୍ବେକାଡାଦୁ ଆମା ଦାମ୍ବୁଦି ଆଇମେକ୍ ମାପୁରୁଦିମାନୁ ଆସା ଇଟ୍ଡେମାରେଏ, ଖାକୁ ନିଜେଦି କନ୍ଲିରିଙ୍ଗ୍ ମାନାନିମାଣାନ୍ ନିଜେଦିଙ୍ଗ୍ ନେଗେନ୍ ତିଆର୍ ଆଜି ମାର୍ଏ ।

୬ ସାରା ଆୟାଖାଜା ଅରେଡ୍ ଆଇମା ମାର୍ହାତ୍ । ଖାଦ୍ ଅବ୍ରାହାମ୍ଦି ମାଟା ମାନାଜି ଖାନିଙ୍ଗ୍ ପ୍ରବୁ ଇଜି ମାନାଜିମାରାତ୍ । ମିରୁ ଇଲେଇ ତାନି ଗାଡ୍ସିକ୍ । ଜଦି ମାନାତିଙ୍ଗ, ଆରତିଙ୍ଗ, ଇନି ବିସୟ୍ ମିଙ୍ଗ ମାରି ଡିଲିସ୍ କିଦେଙ୍ଗ୍ ଆର୍ଏଡ୍ ।

୭ ଏ କନ୍ଲିର୍, ଆୟାଖାଜା ମି ଆଡିକାଙ୍ଗ୍ ସାକିସିଲି ତଡ୍ ଇଜି ନେସ୍ସି ଖାନିକା ଉଣ୍ଡିଙ୍ଗ ସାସ୍ ଆସ୍ସି ତେବାଦୁ । ଖାନିକାଙ୍ଗ୍ ମାନାଦୁ । ଖାକ୍ ବା ମି ଖାଲେ ମାପୁରୁମାନୁ ଜିବନ୍ନୋନି ଦୟାଦାନ୍ ପଇନେ । ମିରୁ ଖାନିକା ଉଣ୍ଡିଙ୍ଗ ନେଗେନ୍ତାନ୍ ସୁଡ୍ଡିଙ୍ଗ୍, ମି ପାର୍ତନା ଏଣ୍ଡେସ୍ ବାଦା ଆଏଡ୍ ।

ଦାମ୍ବୁଦି ପାଣି ଉଣ୍ଡିଙ୍ଗ ଦୁଃକ୍ପୟନି

୮ ସାରାସାରିଖେନ୍କା, ମିର୍ ଖିଜେରେ ଉନ୍ଡେମୋନ୍ ଆଦୁ, ନିଜେନିଜେଦି ସୁକ୍ଦୁଃକ୍ତୁ ଅରସେ ତେବାନିକା, ତଡାନ୍ତିଙ୍ଗ୍ ଜିବନ୍ନୋନିକା, ସିଡ୍ଡି ଜିବନ୍ ମାରି ସାନ୍ତି ଆଦୁ;

୯ ନିସ୍ତୁର୍ ବାଦଲ୍ଲୁ ନିସ୍ତୁର୍ କିମାଟ୍, ଆନାଦୁରିଆ ବାଦଲ୍ଲୁ ଆନାଦୁରିଆ ଇଡ୍ମାଟ୍; ତାନି ବାଦଲ୍ଲୁ ଆସିର୍ବାଦ୍ କିଦୁ, ଇରିଙ୍ଗ୍ ଇୟାଉଣ୍ଡିଙ୍ଗ୍ ମାପୁରୁ ମିଙ୍ଗ କୁକ୍ତାମାର୍ହାନ ମାରି ଇକା କିନି ମାଣୁକୁ ମିରୁ ଆସିର୍ବାଦ୍ ପୟନିଦେର ।

୧୦ ସାସ୍ତ୍ରୁ ରାସ୍ତାମାନାତ୍,

“ଜଦି ଏନ୍ ଜିବନ୍ତୁ ସୁକ୍ବୋଗ୍ କିଦେଙ୍ଗ୍
ମାରି ସୁକ୍ତି ଦିନ୍ ସୁଡ୍ଡୁଦେଙ୍ଗ୍ ବଦା କିନାନ୍,
ଖାନ୍ ତାଗଇ ମାଟେଙ୍ଗ୍ ଇନ୍ମାକିନ୍
ମାରି ବାଣ୍ଡିସ୍ ମାଟେଙ୍ଗ୍ ଖେରଡେଙ୍ଗ୍ ଆଲ୍ଜମାନିନ୍ ।

୧୧ ଖାନ୍ ତାଗଇପାଣିଦାନ୍ ଆକ ମାନ୍ଝି ସଡ୍ପାଣି କିପିନ୍;
ମାରି ଜିବନ୍ତି ଖାଲେ ସାନ୍ତି ପାଣି ପଇନି ।

୧୨ ଇରିଙ୍ଗ୍ ଦାମ୍ବୁଦିଲୋକା ଉଣ୍ଡିଙ୍ଗ୍ ପ୍ରବୁଦି ସାକା ମାନାତ୍
ମାରି ଖାରି ପାର୍ତନା ଖେନାନ୍;

* ୩:୧ ଏପିସିୟ ୫:୨୨; କଲସିୟ ୩:୧୮. * ୩:୩ ୧ ତିମତି ୨:୯. * ୩:୭ ଏପିସିୟ ୫:୨୫; କଲସିୟ ୩:୧୯.

ମାତର ଖାନ୍ ତାଗ୍‌ଲ୍‌ଖାରିଙ୍ଗ୍ ବିରୁଦ୍ଧ କିନାନ୍ ।”

୧୩ ମାରି ମିର୍ ଜଦି ସତ୍‌ପାଣି କିଦେଙ୍ଗ୍ ମୋନ୍ ସିନିଦେର୍, ଆର୍‌ତିଙ୍ଗ୍ ଏନ୍ ମିଙ୍ଗ୍ ନିସ୍ତୁର କିନାନ୍ ?

୧୪ ☆ଦାମ୍‌ଦି ଉଣ୍ଡିଙ୍ଗ୍ ମିରୁ ଦୁଃକ୍‌କାସ୍ତୁ ପୟତିଙ୍ଗ୍ ବା ମିର୍ ସତ୍‌ତାନ୍ ସୁକ୍‌ମାନିଦେର୍ । ଏଙ୍ଗ୍‌ବା ଡିଲ୍‌ମାଟ୍; ଆର୍‌ଏ ସିନ୍ତା କିମାଟ୍ ।

୧୫ ମାତର ଜିବନ୍‌ତାନ୍ କ୍ରିସ୍ତଙ୍ଗ୍ ମାନାଜି, ଖାନିଙ୍ଗ୍ ପ୍ରବୁ ଇଜି ମାନାଦୁ । ଜଦି ଏନ୍ ମିମାନ୍ତୁ ମାନି ଆସାଦି ମାଟା ବିସୟତାନ୍ ଖେନ୍‌ବାନାନ୍, ଖାନିଙ୍ଗ୍ ମାଟା ସିଦେଙ୍ଗ୍ ଖିଜୁଦିନ୍ ଜାଗାର୍‌ତା ମାନ୍‌ତୁ ।

୧୬ ମାତର ସାନ୍ତିଦାନ୍ ମାରି ତିଏଲ୍‌ତାନ୍ ନେଗି ବୁଦିଦାନ୍ ମାଟା ଖେର୍‌ତୁ । ମି ବୁଦିଦିଙ୍ଗ୍ ନେଗେନ୍ ଇଡ୍‌ଦୁ । ଆର୍‌ତିଙ୍ଗ୍, ମିରୁ କ୍ରିସ୍ତଦି ଖେନ୍‌କାସନିଖାଜା ପାଣି କିଜିମାନିଖାଲେ, ଆମାକାର୍ ମି ବାଣ୍ଡିସ୍ ମାଟା ଖେର୍‌ନାର୍, ଆବେନ୍ତୁ ଖାର୍ ସେମାର୍ ଆନାର୍ ।

୧୭ ମାତର ତାଗ୍‌ଲ୍‌ପାଣିଦି ଉଣ୍ଡିଙ୍ଗ୍ ଦୁଃକ୍ ପୟନି ବାଦ୍‌ଲୁ ମାରି ଜଦି ମାପୁରୁଦି ବଦା ଆନାଡ୍, ଆର୍‌ତିଙ୍ଗ୍ ସତ୍‌ପାଣି କିଜି ଦୁଃକ୍ ପୟନିକା ନେଗେଡ୍ ।

୧୮ ମିଙ୍ଗ୍ ମାପୁରୁଦି ଲାକ୍‌ତୁ ତାନି ଉଣ୍ଡିଙ୍ଗ୍ କ୍ରିସ୍ତ ନିଜେ ଦାମ୍‌ଦିକାନ୍ ଆଜି ଅଦାମ୍‌ ଲୋକୁ ପାପ୍ ଉଣ୍ଡିଙ୍ଗ୍ ନିଜେଦି ଜିବନ୍ ସିତାନ୍ । ଇୟା ପାଣି ଖାନ୍ ପୁରାଅର୍‌ସେ ଖିଜୁଦିନ୍‌ତି ଉଣ୍ଡିଙ୍ଗ୍ ପୁରା କିତାମାନାନ୍ । ଖାନ୍ ମେନ୍‌ଲ୍‌ତାନ୍ ସାତାନ୍, ମାତର ଆମାଦାନ୍ ଜିବନ୍ ଆତାନ୍;

୧୯ ଆବେନ୍ତୁ ବା ଖାନ୍ ଜଇଲ୍‌ତୁମାନି ଆମ୍‌ଆଙ୍ଗ୍ ଲାକ୍‌ତୁ ସଲ୍‌ସି ପ୍ରଚାର୍ କିତାନ୍ ।

୨୦ ପୁର୍ବେକାଡାଦୁ ନୋହଦି ବେଡାଦୁ ଏରୁଜାହାଜ୍ ତିଆର୍ କିନିଖାଲେ, ନାସ୍ତିଖାଲେ ମାପୁରୁ ସାସ୍ ଆସ୍‌ସି କାପ୍‌କିଜି ମାର୍‌ହାନ୍, ନାସ୍ତିଖାଲେ ଆମା ଲୋକୁ ମାପୁରୁଦି ମାଟା ଆସ୍‌ଏର୍ ମାର୍‌ହାର୍ । ଆୟା ଜାହାଜ୍‌ଦୁ ଡ୍ରିଟାତାରେ ଆମା ଉଣା ଲୋକ୍ ଖିଜେର୍‌ମିସାଜି ଆର୍ ଲୋକ୍ ମାର୍‌ହାର୍, ମାତର ଗାଲିପିରୁଦାନ୍ ରକିୟା ପୟତାର୍ ।

୨୧ ଆବେଣି ସିନାଖାଜା ତୁବନ୍ ଅତାର୍ ଇୟା ତୁବନ୍ ମି ମେନ୍‌ଲ୍‌ତି ରୋପି ସୋଲ୍‌ସିପ୍ କିଏଡ୍, ମାତର ମାପୁରୁଦି ଲାକ୍‌ତୁ ନେଗି ବୁଦି ପୟନି ଉଣ୍ଡିଙ୍ଗ୍ ପାର୍‌ତାନା କିତାନ୍, ଜିସୁ କ୍ରିସ୍ତଦି ମାରିଡେସିଜିବନ୍‌ଆଜିନିଙ୍ଗ୍‌ନି ମାଣ୍ଡୁକୁ ଇଲେଇ ମିଙ୍ଗ୍ ରକିୟା କିଜିନାଡ୍;

୨୨ ଆୟା କ୍ରିସ୍ତ ଇଲେଇ ମୁସ୍‌କୁପୁର୍‌ତୁ ମାପୁରୁଦି ଉଣ୍ଡେରି ତରିନ୍ ବାସ୍‌ତା ମାନାନ୍, ମୁସ୍‌କୁପୁର୍‌ତି ଦୁଡ୍‌କୁ ମାରି ଖିଜେରେ ଅଦିକାର୍‌ପୟତିକାର୍ ମାରି ସାନ୍ତିମାନିଖାରି ମୁସ୍‌କୁ ସାସନ୍ କିଜିନାନ୍ ।

୪

ପୁନି ଜିବନ୍

୧ କ୍ରିସ୍ତ ମେନ୍‌ଲ୍‌ତୁ ଦୁଃକ୍ ପୟତିମାନିଙ୍ଗ୍ ମିର୍ ବା ଖାନି ଖାଜା ମୋନ୍‌ତିଙ୍ଗ୍‌ଡେପ୍‌ସି ନେଗେନ୍ ଆଦୁ ଜେ, ଇରିଙ୍ଗ୍ ଏନ୍ ମେନ୍‌ଲ୍‌ତୁ କାସ୍ତୁ ସାସ୍ କିନାନ୍, ଖାନ୍ ମାରି ପାପ୍‌ତୁ ତେବାଏନ୍ ।

୨ ଏଣ୍ଡେସ୍ ମିର୍ ଇଲେଇରାନ୍ ଜିବନ୍‌ତୁ ତେବାନି ଦିନ୍ ଲଇ ଲୋକ୍‌ତି ମେନ୍‌ଲ୍‌ତି ଆସା ଇସାବ୍‌ତାନ୍ ସାଲାଏଣ୍‌ଗା ମାପୁରୁଦି ବଦାଦାନ୍ ସାଲାଦୁ ।

୩ ଆଗିଡି ମିର୍ ଅଣଜିହୁଦିରି ଖାଜା ପାଣି କିଜି ନାଣ୍ଡୁ ବେଡା କାଟେକିତି ମାନିଦେର୍ । ମି ଜିବନ୍ ଲୋଇ ଖିଜୁ ରକମ୍‌ତି ପାପ୍, ଲାଲାୟ୍‌ଆନିକା, କାଡ୍ ଉଣିକା, ରସ୍‌ୟାଆନିକା, ସୋସନିକା ମାରି କାଡ୍‌ନି ବମା ପୁଜାଦୁ ଜିଜିମାର୍‌ଇଦେର୍ ।

୪ ମିର୍ ଇଲେଇ ଆୟାଖାଜା ପେରି ତାଗ୍‌ଲ୍ ପାଣିଦୁ ଖାରି ଖାଲେ ମିସାଏତିଙ୍ଗ୍ ଖାର୍ କାବାଆଜି ମିଙ୍ଗ୍ ନାଣ୍ଡୁ ନିନ୍ଦା କିତାର୍ ।

୫ ମାତର ଆମା ମାପୁରୁ ଜିବନ୍ ମାରି ସାତିଖାରିଙ୍ଗ୍ ବିଚାର୍ କିଦେଙ୍ଗ୍ ମାନାନ୍, ଖାନି ଲାକ୍‌ତୁ ଖାରିଙ୍ଗ୍ ଇସାବ୍ ସିଦେଙ୍ଗ୍ ପଡାନାଡ୍ ।

୬ ଇରିଙ୍ଗ୍ ଇୟାଉଣ୍ଡିଙ୍ଗ୍ ସାତିଖାରି ଲାକ୍‌ତୁ ବା ସୁସମାଚାର୍ ପ୍ରଚାର୍ କିତାମାର୍‌ହାର୍, ଏଣ୍ଡେସ୍ ଖାର୍ ଲୋକା ଖାଜା ମେନ୍‌ଲ୍‌ତାନ୍ ବିଚାର୍ ଆତିଙ୍ଗ୍‌ବା, ମାପୁରୁଦି ଖାଜା ଆମ୍‌ଦୁ ଜିବନ୍ ଆନାର୍ ।

ମାପୁରୁଦି ଦାନ୍‌ତିଙ୍ଗ୍ ନେଗେନ୍ ପାଣିକିନିକାନ୍

୧ ମାତର ଖିଜୁ ବିସୟତି ଖିଜିନ୍ ଦିନ୍ ଲାକ୍‌ତୁ ଖାତାଡ୍‌ନି । ମାରି ମିର୍ ମନ୍‌ତିଙ୍ଗ୍ ତିର୍ ଇଡ୍‌ଜି, ପାର୍‌ତନା କିଦେଙ୍ଗ୍ ଜାଗାର୍‌ତା ମାନ୍‌ତୁ,

୮ ଖିଜେରିଖାଜା ନିଜେନିଜେଦିଙ୍ଗ୍ ଜିବନ୍‌ତାନ୍‌ନୋଦୁ, ଇରିଙ୍ଗ୍ ଜିବନ୍‌ନୋନିକା ପିଡିକ୍‌ନାଡ୍ ପାପ୍‌ତିଙ୍ଗ୍ ।

୯ ଗୁଜୁ ଗୁଜୁ ଆଏଣ୍‌ଗା ଲୋକାଙ୍ଗ୍ ମି ଇଲ୍‌କାଙ୍ଗ୍ କୁକ୍‌ତୁ ।

୧୦ ଏନ୍ ଏମେ ଦାନ୍ ପୟତା ମାନାନ୍, ତାନି ଜଗ୍‌ତି ନେଗେନ୍ ପାଣିକିନିଖାଜା ଆଇଖାରି ନେଗେନ୍ ଉଣ୍ଡିଙ୍ଗ୍ ଆୟା ଦାନ୍‌ତି ନେଗି ସେବା କିନିକା ମାନାଡ୍ ।

☆ ୩:୧୪ ମାତିଉ ୫:୧୦.

୧୧ ଏନ୍ ପ୍ରଚାର କିନାନ୍, ଖାନ୍ ମାପୁରୁଦି ବାକ୍ୟ ପ୍ରଚାର କିପିନ୍ । ଏନ୍ ଜଦି ସେବା କିନାନ୍, ଖାନ୍ ମାପୁରୁଦିମାଣୁକୁ ସାକ୍ତି ପୟତିମାନି ଲୋକ୍ ଖାଜା ସେବା କିପିନ୍, ଏଣ୍ଟେସ୍ ଜିସୁ କ୍ରିସ୍ତଦି ମାଣାନ୍ ମାପୁରୁ ଦନ୍ୟବାଦ ଆନାନ୍; ଜୁଗ୍ ଜୁଗ୍ ଗୌରବ୍ ମାରି ପରିସାକ୍ତି ଖାନିଦି ଆପିଡ୍ । ଆମେନ୍ ।

କ୍ରିଷ୍ଟାନ୍ ଜିବନ୍ତୁ ଦୁଃକ୍

୧୨ ଏ ନା ତଡ଼କୁ ନି ତାଙ୍ଗ୍ ଏମେ ସିସୁ ପରିକାଦୁ ମିର୍ ଦୁଃକ୍ ପୟଜିନିଦେର୍, ଆକା ଉଣ୍ଡି_ ପେରିମାଟା ଇଜି ଅଡ଼ବିଜି କାବା ଆମାଟ୍ ।

୧୩ ମାରି ଖେଡ଼ିକା ଆଦୁ, ଇରିଙ୍ଗ୍ ମିର୍ କ୍ରିସ୍ତଦି ଦୁଃକ୍ ପୟନିମାନୁ ମିସାଜିନିଦେର୍, ଆୟା ପାଣିଦିଙ୍ଗ୍ ଖେଡ଼ିକା ଆଦୁ, ଖାନି ମହିମା ତରାନି ଖାଲେ ବା ମିର୍ ନାଣ୍ଡିଖେଡ଼ିକାଦାନ୍ ଖେଡ଼ିକା ଆଦୁ ।

୧୪ ଜଦି ମିରୁ କ୍ରିସ୍ତଦି ଖେନ୍କାସୋନି ଉଣ୍ଡିଙ୍ଗ୍ ନିଦା ପୟତିଙ୍ଗ୍, ମିରୁ ଆସିର୍ବାଦତି ଲୋକ୍, ଇରିଙ୍ଗ୍ ମାପୁରୁଦି ଗୌରବମୟ ଆମ୍ ମିମାନୁ ତେବାତା ମାନାଡ୍ ।

୧୫ ମି ଲୋଇରାନ୍ ଏନ୍ ଲୋକାଙ୍ଗ୍ ସାୟାମାରଗା ତାକ୍ନିକା, ତଙ୍ଗ୍‌ରଏନ୍ ମାରି ତାଗ୍‌ଇପାଣି, ନି ଜାଟିକିନି ଉଣ୍ଡିଙ୍ଗ୍ ଦୁଃକ୍ ପୟମାକିନ୍ ।

୧୬ ମାତର୍ ମିରୁ ଜଦି କ୍ରିସ୍ତବିସବାସ୍ ଆତିଉଣ୍ଡିଙ୍ଗ୍ ଦୁଃକ୍ ପୟଜିନିଦେର୍, ଆରତିଙ୍ଗ୍ ସେମାର୍ ଆମାଟ୍ । ମାପୁରୁଙ୍ଗ୍ ଦନ୍ୟବାଦ୍ ସିଦୁ, ଇରିଙ୍ଗ୍ ମିର୍ କ୍ରିସ୍ତଦି ଦରୁ ଆସ୍ତିମାନିଦେର୍ ।

୧୭ ବିଚାରକିନି ଦିନ୍ ଇଗା ଖାତାଡ୍ ମାରି ମାପୁରୁଦି ଲୋକ୍ ଆଗଡ଼ି ବିଚାର୍ କିଆୟୁଆନାର୍ । ଜଦି ମାବାଣାନ୍‌କୁ ଆକା ଆରାମ୍ ଆନାଡ୍, ଆରତିଙ୍ଗ୍ ଏମେକାର୍ ମାପୁରୁଦି ସୁସମାଚାର୍ ବିସବାସ୍ କିଏର୍, ଖାରି ସାରାସାରିଦି ଦଣ୍ଡୁ ଏସା ପେରିକା ଆଏଡ୍ ?

୧୮ ଦାମ୍‌ସାସ୍ତ୍ରଦୁ ରାସ୍ତାମାନାଡ୍ :

ଜଦି ଦାମ୍‌ଦିଲୋକ୍ ରକିୟା ପୟଦେଙ୍ଗ୍ ନିସା କାସ୍ତୁ

ଆରତିଙ୍ଗ୍ ଅଦାମ୍‌ଦିଲୋକ୍ ମାରି ପାପି ଲୋକା ଦଣ୍ଡୁ ଏସ ଆଏଡ୍ ମାନାଡ୍ ?

୧୯ ମାରି, ଆମାକାର୍ ମାପୁରୁଦି ଇଚ୍ଛାଦାନ୍ ଦୁଃକ୍‌ବୋଗ୍ କିନାର୍, ଖାର୍ ନେଗି ପାଣି କିଜି ଖାନିମାନୁ ପୁରାଦାନ୍ ଆସା ଇଡିର୍ । ଖାରିଙ୍ଗ୍ ତିଆରକିତି ବିସବାସ୍ତି ମାପୁରୁ ଓଜୁଦିନ୍ ଖାନି ପାରମାଣ୍ ରକିୟା କିନାନ୍ ।



ମାପୁରୁଦି ମେଣ୍ଟେଙ୍ଗ୍‌ମାନ୍

୧ ନାନ୍ ଅରେନ୍ ପେରିନେତା ଇସାବ୍‌ତାନ୍ ମିଙ୍ଗ୍ ମଣ୍ଡୁଲିଦି ପେରିନେତାରିଙ୍ଗ୍ ମାଡ଼ିସ୍ କିଜିନା । ମାରି କ୍ରିସ୍ତଦି ଦୁଃକ୍ ପୟନିମାନୁ ନାନ୍ ଅରେନ୍ ସାକି ମାରି ଖାନି ଗୌରବ୍ ତରାୟୁଆନି ବେଡାଦୁ ନାନ୍ ଆବେନ୍ନୁ ସାକି ତେବାନା ।

୨ *ମାପୁରୁ ମି କିୟୁଦୁ ଆମା ମେଣ୍ଟେଙ୍ଗ୍ ମାନ୍ଦାଦି ଦାଇଡ୍ ସିତାମାନାନ୍, ନାନୁ ମାଡ଼ିସ୍ କିଜିନା, ମିରୁ ଜାସେକିନିଖାଜା ଆକା କିଏଣ୍‌ଗା ଖେଡ଼ିକାଦାନ୍ ଖାନିକାଙ୍ଗ୍ ସେବା କିଦୁ । ମାତର୍ ମାପୁରୁଦି ବଦାଦାନ୍ ନେଗି ମୋନ୍‌ତାନ୍, ଦନ୍ ଆସାଦି ଉଣ୍ଡିଙ୍ଗ୍ ଆକା କିଏଣ୍‌ଗା, ମାତର୍ ଖେଡ଼ିକାଦାନ୍ ଆକା କିଦୁ ।

୩ ମାରି ଆମାଖାରି ଦାଇଡ୍‌ବୋକ୍ ମି କିୟୁଦୁ ସର୍ପେ ଆତାମାନାଡ୍, ଖାରି ମୁସ୍‌କୁ ସାସନ୍ କିଏଣ୍‌ଗା ମାନ୍ଦା ଉଣ୍ଡିଙ୍ଗ୍ ନିଜେଦି ଜିବନ୍ତୁ ସାରିତର୍‌ନି ଲୋକା ଖାଜା ଆଜି ଆକା ତରତୁ ।

୪ ଏସ୍ତ୍ରାଲେ ପେରି ମେଣ୍ଟେଙ୍ଗ୍‌ଗାଡ଼ ଖାନାନ୍, ମିରୁ ଗୌରବ୍‌ଦି ମୁକ୍ତର୍ ପୋଇନିଦେର୍ । ତାନି ଜାୟ୍ ଏସ୍‌କାଙ୍ଗ୍ ନାମ୍‌ଏଡ୍ ।

୫ ଆୟାଖାଜା, ଏ ମୁରୁକଡର୍ ମିରୁ ପେରିନେତାରି ମାଟା ମାନାଦୁ । ମିରୁ ଓଜେରେ ନିଜେନିଜେଦି ସେବା କିନି ଉଣ୍ଡିଙ୍ଗ୍ କାମ୍‌ନାନି ଆଙ୍ଗ୍ ଆରାଦୁ । ସାସ୍ତ୍ରଦୁ ରାସାତାମାନାଡ୍, “ମାପୁରୁ ଆକାର୍ ଲୋକାଙ୍ଗ୍ ବିରୁଦ୍ କିନାନ୍, ମାରି ସାକ୍ତି ଲୋକାଙ୍ଗ୍ ଦୟା କିନାନ୍ ।”

୬ *ମାରି, ମାପୁରୁଦି ସାକ୍ତିମାନି କିୟୁ ଆଡ଼ଗି ନିଜେ ନିଜେଦିଙ୍ଗ୍ ତେବାକିଦୁ; ଏଣ୍ଟେସ୍ ଖାନ୍ ମିଙ୍ଗ୍ ଟିକ୍ ବେଡାଦୁ ମୁସ୍‌କୁ ପେର୍‌ନାନ୍ ।

୭ ମି ଓଜୁ ସିନ୍ଦାଦି ବଜୁ ମାପୁରୁ ମୁସ୍‌କୁ ସର୍‌ପେ କିଦୁ, ଇରିଙ୍ଗ୍ ଖାନ୍ ମି ଜାତୁନ୍ ଅନାନ୍ ।

୮ ତିଆର୍ ଆଜି ଜାଗାର୍‌ତା ମାନ୍‌ତୁ, ମି ସାତୁ ସୟତାନ୍ ଆଉଲି ଆନି ପାର୍ଟା ନରେସ୍ ଖାଜା ଏଙ୍ଗ୍ ଡିଙ୍ଗ୍‌ଦେଙ୍ଗ୍ ପୟଜି ଅସିନାଡ୍ ।

୯ ମିର୍ ବିସବାସ୍ତୁ ତାଟ୍ ତେବାଜି, ତାନିଙ୍ଗ୍ ବିରୁଦ୍ କିଦୁ । ମାରି ଇକା ମିର୍ ନେସ୍ତିମାନିଦେର୍, ଇୟା ଦୁନିଆଦୁ ମାନି ମି ବିସବାସ୍ତି ତଡାନ୍‌କା ଉଣ୍ଡିଙ୍ଗ୍ ଇୟାଖାଜା ଦୁଃକ୍ ଗଟେଆଜିନାଡ୍ ।

☆ ୫:୨ ଜୋହ୍‌ନ ୨୧:୧୫-୧୭. ☆ ୫:୬ ମାଡିଉ ୨୩:୧୨; ଲୁକ ୧୪:୧୧; ୧୮:୧୪.

^{୧୦} ଓଜୁ ଦୟା ସିନି ଆମା ମାପୁରୁ ନିଜେଦି ଓଜୁଦିନତି ଗୌରବତୁ ମିସାନି ଉଣ୍ଡିଙ୍ଗ କ୍ରିସ୍ତ ଜିସୁଦି ମାଣୁକୁ ମିଙ୍ଗୁ କୁକ୍ତାମାନାନ୍ । ଖାନ ନିଜେ ସାଣେକ୍ତି ଦୁଃକ୍ପୟତି ଝେନକା ମିଙ୍ଗୁ ପୁରା କିନାନ୍, ତିରକିନାନ୍, ସାକ୍ତିକିନାନ୍ ମାରି ତାଟ୍ କିନାନ୍ ।

^{୧୧} ଜୁଗ୍ ଜୁଗ୍ ଖାନିଦି ଆପିଡ୍ ! ଆମେନ୍ ।

ସାରାସାରି ମାଟା

^{୧୨} ✱ସିଲେଙ୍ଗ ବିସ୍ବାସ୍ତି କ୍ରିସ୍ତାନ୍ ତଡାନ୍ ଖାଜା ନାନ୍ ଜିବନ୍ନୋନା, ଖାନି ସାକାଦାନ୍ ନାନ୍ ଇୟା ଇସ୍ତି ସିଟି ରାସ୍ତାମାନା । ମାପୁରୁଦି ସଡ୍ ଦୟା ବିସ୍ତୟତାନ୍ ସାକି ସିଜି ମିଙ୍ଗୁ ଝେଡ୍ଡିକା କିନିକା ନା ମାଟା । ଆୟା ଦୟାଦାନ୍ ମିର୍ ତାଟ୍ ତେବାଦୁ ।

^{୧୩} ✱ମାପୁରୁଦି ମାଣୁକୁ ଆସ୍କିଆୟ୍ ଆତିମାନି ବାବିଲନ୍ଦି ମଣ୍ଡଲି ମାରି ନା ଦାମ୍ ମାରିନ୍ ମାର୍କ ବା ମିଙ୍ଗୁ ମାଡ୍ଡିସ୍ କିଜିନାନ୍ ।

^{୧୪} କ୍ରିସ୍ତ ଜିବନ୍ନୋନିକା ନିଜେନିଜେଦିଙ୍ଗ ମାଡ୍ଡିସ୍ କିନିକା ଜାଣେକିଦୁ । କ୍ରିସ୍ତମାନୁ ତେବାତିମାନି ମି ଓଜେରିଙ୍ଗ ସାକ୍ତି ଆପିଡ୍ ।

ଯୋହନଙ୍କ ଲିଖିତ ପ୍ରଥମ ପତ୍ର ଜୋହନ ରାସ୍ତାମାନି ପାର୍ତ୍ତୁମ୍ ଆକୁ ଇୟା ଆକୁଦି ମାନି ଏସ ମାଟା

ଜୋହନଦି ପାର୍ତ୍ତୁମ୍ ଆକୁ : ଜିସୁ କ୍ରିସ୍ତୁଦି ଜନମ୍ ଖେନେକା ୫୦ ଦାନ୍ ୧୦୦ ବାର୍ସେକ୍ଦି ଲୋଇ ପ୍ରେରିତ ଜୋହନଦି ମାଣାନ୍ ରାସାତାମାନାତ୍ ଜୋହନ ନିଜେଦିକ୍ ରାସ୍ତି ଇସାପତାନ୍ ପରିଚୟ ସିଏନ୍, ମାତର ପ୍ରାର୍ତ୍ତୁମ୍ ଅଧାୟତୁ ଖାନ୍ କ୍ରିସ୍ତୁଦି ଜିବନ୍ତି ମାରି ନିଜ୍ଞାନି ମାଣାନ୍ ଖାନ୍ ଚାକ୍ଷୁଷ ସାକି ମାନାନ୍ ଇଜି ନେସ୍ତେକ୍ ଆଟ୍ନିକା ୧:୧-୩ । ୧ ଜୋହନ ରାସାତି ଗୁଣ୍ ଜୋହନ ରାସ୍ତି ଆକୁଦି ସୁସମାଚାର ଗୁଣ୍ଦି ରାସ୍ତି ବିସୟ ଖିଜୁ ବେସି ତାଗୁରୁ ତୋରିଜନାତ୍ । ତେନିକ୍ ବିସ୍ବାସ୍ କିନାର୍ ଜେ ଏସ୍ତିଖାଲେ ଖାନ୍ ଏପିସିଦୁ ମାରାନ୍ ଖାନ୍ ଜୋହନ ରାସ୍ତି ସୁସମାଚାର ମାରି ଜୋହନତି ମୁଣ୍ଡି ପୁସ୍ତକ ରାସାତ୍ ମାରାନ୍ ମାରି ୧ ଜୋହନ, ୨ ଜୋହନ, ୩ ଜୋହନ ।

ବୁଝି ଇନଜିମାନି ଏସଲୋକା ମାତାନ୍ ମଣ୍ଡଲିଦି ସମସ୍ୟା ସାମ୍ନାଆଜିମାରି ବେତାଦୁ ଜୋହନ ଖିଜୁ କ୍ରିସ୍ତୁୟାନ୍ ଲୋକାକ୍ ଇୟା ଆକୁ ରାସ୍ତାମାନାନ୍ । ଖାନ୍ ବିସ୍ବାସ୍ କିନାର୍ ଯେ ଜିସୁ ସତ୍ତାନ୍ ସତ୍ ମାପୁରୁ ନେ ମାତର ଦେସ୍ତୁ ମାରି ବେତାଦୁ ଖାନ୍ ନେତେର୍ ମେନ୍ଦଲ୍ ଆସ୍ତି ଲୋକୁ ଆଏନ୍ । ଜୋହନ ଜିସୁ କ୍ରିସ୍ତୁଦି ସାକିଦାନ୍ ସାକି ମାରି ଖାନି କିୟୁ ଜିସୁକ୍ ମୁଟ୍ତି ମାରିକ୍ ଖାନ୍ ଇକା ରାସ୍ତାନ୍ ୧:୧-୩ ଜୋହନ ଇୟା ଆକୁ ରାସ୍ତି ବିସୟ ଆଜିନାତ୍ ଖାନ୍ ଖେଡ଼ିକା କିନିକା ୧ ଜୋହନ ୪:୧ ମାରି ବିସ୍ବାସ୍ରିକ୍ ପାପ୍ତାନ୍ ଆକ ଇଡ଼ଦେକ୍ ୧ ଜୋହନ ୨:୧ ମାରି ମିଟ୍ ସାକ୍ୟଦାନ୍ ବିସ୍ବାସ୍ରିକ୍ ରକ୍ୟା କିଦେକ୍ ୧ ଜୋହନ ୨:୨୭ ମାରି ବିସ୍ବାସ୍ରିକ୍ ରକ୍ୟା କିଜି ଟିକ୍ କିଦେକ୍ ୫:୧୩ ।

ଇୟା ଆକୁଦୁ ମାନି ମୁକ୍ତିସ ବିସୟ

- ୧ ଜୋହନ ଖାନି ଆକୁଦି ବିସୟତିଖାଲେ ରାସାତି ଉଦେସ୍ ରାସ୍ନାନ୍ । ୧:୧-୪
- ୨. ମାପୁରୁ ଏଣ୍ଡେସ୍ ଜାୟ ଆନାନ୍ ବୁଜାକିଜି ଜିସୁଦି ଖାଜା ଜିଦେକ୍ ଇନାନ୍ । ୧:୫-୩:୧୦
- ୩. ମାପୁରୁକ୍ ଜିବନ୍ନୋନି ବିସୟତାନ୍ ମାକ୍ ମନ୍ତୁ ଅଡ଼ବିସ୍ନା ସିନାନ୍ । ୩:୧୧-୫:୧୨
- ୪. ଖାନ୍ ଖାନି ରାସ୍ତିକା ଖିସ୍ନାନ୍ । ୫:୧୩-୨୧

ଜିବନ୍ତି ବାକ୍ୟ

୧ *ପୁର୍ବେକାତାଦାନ୍ ଏନ୍ ମାର୍ହାନ୍, ଆୟା ଜିବନ୍ସିନି ବାକ୍ୟ ବିସୟତାନ୍ ମାପୁ ରାସ୍ତେକ୍ ସୋଲ୍ସିନାପ୍ । ଖାନି ବାକ୍ୟ ମାତୁ ଖେରଇମାନିକା, ନିଜେଦି କାଣ୍ଟାଣ୍ଟୁ ସୁଡ଼ତୁମାନାପ୍, ଆମାଖାନିକ୍ ସୁଡ଼ତୁମାନାପ୍ ମାରି ନିଜେଦିକ୍ସୁଦାନ୍ ମୁଟ୍ତିତାମାନାପ୍ ।

୨ *ଜିବନ୍ମାନି ଆୟା ବାକ୍ୟ ଏସ୍ତିଖାଲେ ତରାଇଆତାତ୍, ମାପୁ ଖାନିକ୍ ସୁଡ଼ତାମାନାପ୍ ଆଦେକ୍ ଖାନି ବିସୟତାନ୍ ଇୟା ମାଟା ସାକ୍ୟ, ଏସାକ୍ ଖିଜିକ୍ ମାଟା ଖେରତାମାନାପ୍; ଯେ ଏସ୍କାକ୍ ଖିଜିକ୍ ଜିବନ୍ ଖାଜା ଖାନ୍ ବୁବା ଖାଲେ ଖିଜୁଦିନ୍ ମାର୍ହାନ୍ ମାରି ଖାନ୍ ମା ଲାକୁତୁ ତରିତାମାନାନ୍, ଖାନି ବିସୟତାନ୍ ମାପୁ ଇୟା ମାଟା ଖେରସିନାପ୍ ।

୩ ଆମାକା ମାପୁ ସୁଡ଼ତୁମାନାପ୍ ମାରି ଖେରିମାନିକା, କେବଲ୍ ଆୟା ମାଟା ମି ଲାକୁତୁ ଖେରସିକିନାପ୍, ଇକା ଖେନଜି ବୁବା ମାପୁରୁ ମାରି ଖାନି ମାରିସି ଜିସୁ କ୍ରିସ୍ତୁଦି ଖାଲେ ମା ଆମା ସହବାଗିତା ମାନାତ୍, ଆବେନୁ ମିରୁ ମିସାନିଦେର୍,

୪ ମାରି ମା ଖେଡ଼ିକା ଏଣ୍ଡେସ୍ ପୁରାବତ୍ ଆନାତ୍, ଆୟାଉଣ୍ଟିକ୍ ମାପୁ ଇୟାଖିଜୁ ରାସ୍ସିନାପ୍ ।

ମାପୁରୁ ଜାୟ

୫ ମାପୁରୁଦି ମାରିନ୍ ଜିସୁଦିମାନୁ ଆମା କାବୁର୍ ଖେନଜି ଖେରସିନାପ୍ ମାରି ମିକ୍ ଖେରସିନାପ୍, ଆକା ଆଜିନାତ୍ : ମାପୁରୁଦି ଜାୟ, ମାରି ଖାନିମାନୁ ଇସ୍ତିକା ଟିକାବା ସିକାଟି ସିଲେଡ୍ ।

୬ ଖାନି ଖାଲେ ମା ସହବାଗିତା ମାନାତ୍, ଇକା ଇନ୍ଝି ଜଦି ମାତୁ ସିକାଟିଦି ମାନିକା, ଆର୍ଡିକ୍ ମାଟାଦୁ ମାରି ପାଣିଦୁ ମାତୁ ମିଟ୍ ଆନିକା । ମାରି ସତ୍ ବ୍ୟବହାର୍ କିଏପ୍ ମାନାପ୍ ।

୭ ମାତର ମାପୁରୁଦି ଖାଜା ମାତୁ ଜୁଦି ଜାୟତୁ ବାସାନିକାନ୍, ମାତୁ ଆୟାଖାଜା ଜାୟତୁ ବାସାନିକା, ଆର୍ଡିକ୍ ମା ନିଜେନିଜେଦିକ୍ ସହବାଗିତା ମାନାତ୍, ମାରି ଖାନି ମାରିସି ଜିସୁଦି ନେତେର୍ ଖିଜୁ ପାପ୍ତାନ୍ ନରିସ୍ କିନାତ୍ ।

୮ ମାତୁ ଜୁଦି ପାପ୍ ସିଲେଡ୍, ଇଜି ଇନିକା, ଆର୍ଡିକ୍ ନିଜେନିଜେଦିକ୍ ଟକେ କିନିକା, ମାରି ମାମାନୁ ଅଡ଼ପ୍ବା ସତ୍ ସିଲେଡ୍ ।

☆ ୧:୧ ଜୋହନ ୧:୧. ☆ ୧:୨ ଜୋହନ ୧:୧୪.

୯ ମାତର ମାପୁରୁଦି ଲାକ୍ତୁ ଜଦି ନିଜେଦି ପାପ୍ ମାନାନିକା, ଖାନି ପାରମାଣ୍ଡି ଇସାବତାନ ମା ଉଣ୍ଡିଙ୍ଗ ନ୍ୟାୟତି ବ୍ୟବହାର କିନାନ, ଖାନ ମା ପାପ୍ କେମା କିଜି ଓଜୁ ଅଦାମ୍ବଦାନ ମାଙ୍ଗ୍ ନରିସ୍ କିଦେଙ୍ଗ୍ ବିସ୍ବାସ୍ ନି ନ୍ୟାୟତିକାନ ।
 ୧୦ ମାପୁ ପାପ୍ କିଏପ୍, ଇକା ଜଦି ଇନିକା, ଆରତିଙ୍ଗ୍ ମାତୁ ମାପୁରୁଙ୍ଗ୍ ମିଚ୍ଝେରନିକାନ, ମାରି ଖାନି ବାକ୍ୟ ମା ମୋନ୍ତୁ ସିଲେଡ୍ ।

୨

ରକିୟାକିନି ଜିସୁ

୧ ଏ ନା କଡ଼ର, ମିଙ୍ଗ୍ ନାନୁ ଇୟା ସିଟି ରାସ୍ନି ବିଷୟ, ଇକା ପଡ଼ାଜି ଏଣ୍ଡେସ୍ମାରି ପାପ୍ କିଇଦେର୍ । ମାରି ମିଚ୍ ଏଣ୍ଡେସ୍ ନେସ୍ନିଦେର୍, ଏନ୍ ଜଦି ପାପ୍ କିନାନ, ମା ଉଣ୍ଡିଙ୍ଗ୍ ବୁବା ମାପୁରୁଦି ଲାକ୍ତୁ ମା ଅରେନ୍ ପେରି ଲୋକ୍ ମାନାନ ଆୟା ଦାମ୍ବଦି ଜିସୁ କ୍ରିସ୍ତ ।
 ୨ ମାରି ଆୟା କ୍ରିସ୍ତ ନିଜେ ମା ପାପ୍ ଉଣ୍ଡିଙ୍ଗ୍, କେବଲ୍ ମା ପାପ୍ ଉଣ୍ଡିଙ୍ଗ୍ ସିଲେ, ମାତର ସାରାଦୁନିଆଦି ପାପ୍ ଉଣ୍ଡିଙ୍ଗ୍ ବା ଜିବନ୍ ସିତାମାନାନ ।
 ୩ ଜଦି ମାପୁ ଖାନି ମାଟା ମାନାନାପ୍, ଆରତିଙ୍ଗ୍ ଆୟାମାଣୁକୁ ନେସ୍ତେଙ୍ଗ୍ ଆଟ୍ନାପ୍ ଜେ, ମାପୁ ଖାନିଙ୍ଗ୍ ନେସ୍ନାପ୍ ।
 ୪ ଖାନି ମାଟା ମାନାଏଣ୍ଡା ଖାନିଙ୍ଗ୍ ନେସ୍ତାମାନା ଇଜି ଏନ୍ ଇନ୍ନାନ, ଖାନ ଅରେନ୍ ମିଚ୍ଝେରନିକାନ ମାରି ଖାନିମାନୁ ସଡ଼ ସିଲେଡ୍ ।
 ୫ ମାତର ଏନ୍ ଖାନି ବାକ୍ୟ ମାନାନାନ, ଖାନିମାନୁ ମାପୁରୁଦି ଜିବନ୍ନୋନିକା ସଡ଼ତାନ ପୁରା ଆତାମାନାଡ଼ । ଆୟାମାଣୁକୁ ମାପୁ ନେସ୍ନାପ୍ ଜେ, ମାପୁ ଖାନିମାନୁ ମାନାପ୍ ।
 ୬ ଏନ୍ ମାପୁରୁଦି ମାନୁ ମାନା ଇଜି ଇନାନ, ଖାନ କ୍ରିସ୍ତ ଜିସୁଦି ଖାଜା ଜିବନ୍ ଯାପନ କିନିକା ମାନାଡ଼ ।

ପୁନି ମାଟା

୭ ଏ ନା ତଡ଼କୁ, ନାନୁ ମି ଲାକ୍ତୁ ଆମା ପୁନି ମାଟା ରାସ୍ଏ, ମାତର ଆଗ୍ଡିରାନ ଆମା ପାଡ଼ିଇ ମାଟା ମିଚ୍ ନେସ୍ତିମାନିଦେର୍, ଆକା ରାସ୍ସିନା; ମାପୁ ପ୍ରଗାର କିଜିମାନି କାରୁରୁଡ଼ୁ ଆୟା ମାଟା ଝେରୁଇମାନିଦେର୍ ।
 ୮ ମାତର, ନାନୁ ପୁନି ମାଟା ମି ଲାକ୍ତୁ ରାସ୍ସିନା, ଇକା କ୍ରିସ୍ତଦିମାନୁ ନି ମିମାନୁ ସଡ଼ ଇଜି ଝେଙ୍ଗେନାଡ଼ । ଇରିଙ୍ଗ୍ ସିକାଟି ଗୁସାଜିସୋଲ୍ସିନାଡ଼ ମାରି ସଡ଼ତି ଜାୟ୍ ଇଲେ ତରିତାଡ଼ନି ।
 ୯ ଜଦି ଏନ୍ ନିଜେଦି ତଡ଼ାନତିଙ୍ଗ୍ କାଡ଼ାଜି ଇନାନ ଜେ, ଖାନ ଜାୟ୍ତୁ ମାନାନ, ଖାନ ଇୟାସାନ୍ଦିବା ସିକାଟିଦୁ ମାନାନ ।
 ୧୦ ଏନ୍ ନିଜେଦି ତଡ଼ାନତିଙ୍ଗ୍ ଜିବନ୍ନୋନାନ, ଖାନ ଜାୟ୍ତୁ ତେବାନାନ, ମାରି ଖାନିମାନୁ ତାକାନି ଇନି ପାଣି ସିଲେଡ୍ ।
 ୧୧ ମାତର ଏନ୍ ନିଜେଦି ତଡ଼ାନତିଙ୍ଗ୍ କାଡ଼ାନାନ, ଖାନ ସିକାଟିଦୁ ମାନାନ, ମାରି ସିକାଟିଦୁ ବୁଲାଜି ଆମା ତରିନ୍ ସୋଲ୍ସିନାନ, ଆକା ନେସ୍ଏନ୍, ଇରିଙ୍ଗ୍ ସିକାଟି ଖାନି କାଣା କିତାମାନାଡ଼ ।
 ୧୨ ଏ କଡ଼ର, ନାନୁ ମି ଲାକ୍ତୁ ରାସ୍ସିନା, ଇରିଙ୍ଗ୍ କ୍ରିସ୍ତଦି ଦରୁତି ଉଣ୍ଡିଙ୍ଗ୍ ମି ପାପ୍ କେମା ଆତାମାନାଡ଼ ।
 ୧୩ ଏ ବୁବାର, ନାନୁ ମି ଲାକ୍ତୁ ରାସ୍ସିନା, ଇରିଙ୍ଗ୍ ଏନ୍ ପୁର୍ବେକାଡ଼ାଦାନ ମାନାର, ଖାନିଙ୍ଗ୍ ମିରୁ ନେସ୍ତିମାନିଦେର୍ । ଏ ମୁରକଡ଼ର, ନାନୁ ମି ଲାକ୍ତୁ ବା ରାସ୍ସିନା, ଇରିଙ୍ଗ୍ ମିରୁ ପାପ୍ ଆମାଦିଙ୍ଗ୍ ଜିଣାତି ମାନିଦେର୍ ।
 ୧୪ ଏ କଡ଼ର, ନାନୁ ମି ଲାକ୍ତୁ ରାସ୍ସିନା, ଇରିଙ୍ଗ୍ ମିରୁ ବୁବେଙ୍ଗ୍ ନେସ୍ତିମାନିଦେର୍ । ଏ ବୁବାର, ନାନୁ ମି ଲାକ୍ତୁ ରାସ୍ସିନା, ଇରିଙ୍ଗ୍ ଏନ୍ ପୁର୍ବେକାଡ଼ାଦାନ ମାନାନ, ମିରୁ ଖାନିଙ୍ଗ୍ ନେସ୍ତିମାନିଦେର୍ । ଏ ମୁରକଡ଼ର, ନାନୁ ମି ଲାକ୍ତୁ ବା ରାସ୍ସିନା, ଇରିଙ୍ଗ୍ ମିରୁ ସାକ୍ତିମାନିଦେର୍, ମାରି ମାପୁରୁଦି ବାକ୍ୟ ମିମାନୁ ମାନାଡ଼ ମାରି ମିରୁ ପାପ୍ତିଙ୍ଗ୍ ଜିଣାତି ମାନିଦେର୍ ।

ଦୁନିଆଦିଙ୍ଗ୍ ଜିବନ୍ନୋମାଟ୍

୧୫ ଇୟା ଦୁନିଆ ମାରି ଆବେନୁ ମାନି ବିସ୍ତୟତିଙ୍ଗ୍ ଓଜୁ ଜିବନ୍ନୋମାଟ୍, ଜଦି ମିରୁ ଜଗଡ଼ତିଙ୍ଗ୍ ଜିବନ୍ନୋନିଦେର୍, ବୁବାଦି ଉଣ୍ଡିଙ୍ଗ୍ ଜିବନ୍ନୋନିକା ମିଙ୍ଗ୍ ସିଲେଡ୍ ।
 ୧୬ ଇୟା ଜଗଡ଼ତି ଆମାଓଜୁ ମେନ୍ଦଲ୍ ବିସ୍ତୟ ଝେଡ଼ିକା କିଦେଙ୍ଗ୍ ଲୋକୁ ଆସାଆନାର, ଲୋକୁ ଆମାଓଜୁ ସୁନ୍ଦରତି ବିସ୍ତୟ ସୁଡ଼କୁ ଆସାୟ ଆନାର ମାରି ଆମା ଓଜୁ ଦୁନିଆଦି ବିସ୍ତୟ ଅସି ଲୋକୁ ଗର୍ବ କିନାର, ଆକା ଓଜୁ ବିସ୍ତୟ ବୁବାଦିମାଣୁକୁ ସିଲେ, ମାତର ଦୁନିଆଦାନ ଖାତା ମାନାଡ଼ ।
 ୧୭ ଲୋକୁ ଜଗଡ଼ ମାରି ଖାନି ଆମା ଓଜୁ ବିସ୍ତୟ ପାଣି କିନାନ, ଖାନ ସାନିକା ଗଟାନାଡ଼, ମାତର ଏନ୍ ମାପୁରୁଦି ବଦା ମାନାନାନ, ଖାନ ଓଜୁଦିନ୍ତିକାନ ।

କ୍ରିସ୍ତଦି ସାତୁ

☆ ୨:୭ ଜୋହନ ୧୩:୩୪.

୧୮ ଏ କଡ଼ର, ସାରାସାରି ଦିନ ଇଗା ଖାତାଦିନି, କ୍ରିସ୍ତଦି ସାତୁ ଖାନାନ ଇଜି ମିରୁ ଖେରଇମାନିଦେର, ଆୟାଖାଜା କ୍ରିସ୍ତଦି ଗାଦିଲୋକ ସାତୁରୁ ଇଲେଇ ତରିତାରନି; ଇୟାଉଣ୍ଡିଙ୍ଗ ମାପୁ ନେସ୍‌ସିନାପ୍ ଜେ, ସାରାସାରି ଦିନ ଇଗା ଖାତାଦିନି ।

୧୯ ଇୟାକାର ସତ୍‌ତାନ ମା ଦଲ୍‌ତି ଲୋକୁ ଆଏର, ଆୟାଉଣ୍ଡିଙ୍ଗ ଖାର ମା ଲୋଇରାନ ସତାସର୍ହାର, ମା ଲୋକୁ ଆତିମାରିଙ୍ଗ, ଆରତିଙ୍ଗ ଖାର ମା ଖାଲେ ତେବାତାର ମାହି, ମାତର ଖାର ମା ଦଲ୍‌ତିକାର ଆଏର ଇଜି ଇକା ଏଣ୍ଡେସ୍ ଖେଙ୍ଗନାଡ଼, ଇୟାଉଣ୍ଡିଙ୍ଗ ଖାର ଆକ ସର୍ହାର ।

୨୦ ମାତର ମିରୁ କ୍ରିସ୍ତଦି ଦୟାଦାନ ପବିତ୍ରଆମ୍‌ଦି ମାଣୁକୁ ସାକା ଆତିମାନିଦେର; ମିରୁ ଖିଜିଦେର ସତ୍ ଇନିକା ନେସ୍‌ତିମାନିଦେର ।

୨୧ ମିରୁ ସତ୍ ନେସ୍‌ଇତି ମାନିଙ୍ଗ ନାନ ଜେ ମି ଲାକତୁ ରାସ୍‌ସିନା, ଆକା ସିଲେ; ମାତର ମିରୁ ସତ୍ ନେସ୍‌ତିମାନିଙ୍ଗ ମାରି ଆମା ମିଚ୍ ମାଟା ସତ୍‌ତାନ ସଏଡ଼ ଇଜି ନେସ୍‌ତିମାନିଙ୍ଗ ନାନୁ ମି ଲାକତୁ ରାସ୍‌ସିନା ।

୨୨ ଆରତିଙ୍ଗ ମିଚ୍‌ଖେରନିକାନ ଏନ୍ ? ଜିସୁଙ୍ଗୁ ରକ୍‌ୟାକର୍ତ୍ତା କ୍ରିସ୍ତ ଇଜି ଏନ୍ ମାନାଏନ୍, ମାରି ଖାନ କ୍ରିସ୍ତଦି ସାତୁ ବୁବା ମାରି ଖାନି ମାରିନତିଙ୍ଗ, ରିଏରିଙ୍ଗବା ଖାନ ଡିସ୍‌ନାନ ।

୨୩ ଏନ୍ ମାରିସିଙ୍ଗ ଡିସ୍‌ନାନ, ଖାନ ବୁବେଙ୍ଗ ବା ଡିସ୍‌ନାନ; ଏନ୍ ମାରିସିଙ୍ଗ ମାନାନାନ, ଖାନ ବୁବେଙ୍ଗ ବା ମାନାତା ମାନାନ ।

୨୪ ମାରି, ମିରୁ ଆରାମ୍‌ତାନ ଆମା କାରୁର ଖେରଇମାନିଦେର, ଆକା ମିମାନୁ ତେବାପିଡ଼ । ମିରୁ ଆରାମ୍‌ତାନ ଆମା କାରୁର ଖେରଇମାନିଦେର, ଆକା ଜଦି ମିମାନୁ ତେବାନାଡ଼, ଆରତିଙ୍ଗ ମିରୁ ବା ମାରିନ୍ ନି ବୁବାଦିମାନୁ ତେବାନି ।

୨୫ ମାରି କ୍ରିସ୍ତ ମାଙ୍ଗୁ ଆମାକା ପାରମାଣ କିତାମାନାନ, ଆକାନେ ଏସ୍‌କାଙ୍ଗ୍‌ଝିଇ ଜିବନ୍ ।

୨୬ ଆମାକାର ମିଙ୍ଗୁ ତିଲିସ୍ କିଦେଙ୍ଗ ସେସ୍ତା କିଜିନାର, ଖାରି ବିସ୍‌ୟତାନ ନାନୁ ମି ଲାକତୁ ଇୟାଝିନ୍ନୁ ରାସ୍‌ସିନା ।

୨୭ ମାତର ମିଙ୍ଗୁ କ୍ରିସ୍ତ ଜିସୁ ଖାନି ପବିତ୍ରଆମ୍‌ଦୁ ପୁରାବତ୍ ଇଚ୍‌ତାମାନାନ, ଆମା ସାହି ଇୟା ପବିତ୍ରଆମ୍‌ ମିମାନୁ ମାନାଡ଼, ମାରି ଏନ୍‌ଆପିନ୍ ମିଙ୍ଗୁ ସିକ୍‌ୟା ସିନାନ, ଇକା ମିଙ୍ଗୁ ଦରକାର ସିଲେଡ଼ । ପବିତ୍ରଆମ୍‌ ମିଙ୍ଗୁ ଝିନ୍ନୁ ବିସ୍‌ୟତାନ ଆମା ସିକ୍‌ୟା ସିନାଡ଼, ଆକା ସତ୍, ମିଚ୍ ସିଲେ । ଆୟା ଆମ୍‌ଦି ସିକ୍‌ୟା ମାନାଜି କ୍ରିସ୍ତଦି ଖାଲେ ମିସାଜି ତେବାଦୁ ।

୨୮ ମାରି, ଏ କଡ଼ର, ଖାନିମାନୁ ତେବାଦୁ, ଏଣ୍ଡେସ୍ ଖାନ ଏସ୍ତିଖାଲେ ତରାନାନ, ନାସ୍ତିଖାଲେ ଖାନି ଖାନିଦିନ୍‌ତି ବେଡ଼ାଦୁ ଖାନି ଆଗ୍‌ଡ଼ି ମାତୁ ସେମାର୍ ଆଏଣ୍‌ଗା ସାହାସ୍ ପୟନିକା ।

୨୯ ମାତୁ ନେସ୍‌ନିଦେର, କ୍ରିସ୍ତ ପୁରା ନ୍ୟାୟକିନିକାନ । ମାରି ଇକାବା ନେସ୍‌ନି ମାନିକା ମାନାଡ଼ ଜେ, ଆମାକାର ସତ୍‌ପାଣି କିନାର, ଖାର ନେ ମାପୁରୁଦି କଡ଼ ।

୩

ମାପୁରୁଦି କଡ଼ର

୧ *ସୁଡ଼ୁ, ବୁବା ମାଙ୍ଗୁ ଏସା ଜିବନ୍‌ନୋନାନ, ମା ଉଣ୍ଡିଙ୍ଗ ଖାନି ଜିବନ୍‌ନୋନିକା ନିସା ନାଣ୍ଡ ଜେ, ମାତୁ ମାପୁରୁଦି ଖାଜା ଦର୍‌ଆତି ମାନିକା । ସତ୍‌ତାନ ମାତୁ ଖାନି କଡ଼ର ଆୟାଉଣ୍ଡିଙ୍ଗ ଜଗଡ଼ ମାପୁରୁଦି ନେସ୍‌ଇତିମାନିଙ୍ଗ, ମାଙ୍ଗୁ ବା ସିନେ କିଦେଙ୍ଗ ଆର୍‌ଏଡ଼ ।

୨ ଏ ନା ତଡ଼କୁ, ଇଲେଇ ମାତୁ ମାପୁରୁଦି କଡ଼ର, ମାତର ଖାଜିନିକାଡ଼ାଦୁ ମାତୁ ଇନିକା ଆନିକା, ଆକା ଇୟାସାହି ଖେଙ୍ଗେଏଡ଼ । ନିସନେ ମାତୁ ମାତୁ ନେସ୍‌ନିକା ଜେ, କ୍ରିସ୍ତ ଏସ୍ତିଖାଲେ ତରାୟ୍‌ଆନାନ, ନାସ୍ତିଖାଲେ ମାତୁ ଖାନି ଖାଜା ଆନାଡ଼, ଇରିଙ୍ଗ ଖାନ ଏଣ୍ଡେସ୍, ମାତୁ ଆୟାଖାଜା ଖାନିଙ୍ଗ ସୁଡ଼ନୁଡ଼ ।

୩ ମାରି ଆମାକାର କ୍ରିସ୍ତଦିମାନୁ ଇୟା ଆସା ତିଆର୍ କିତାମାନାର, ଖାର କ୍ରିସ୍ତଦି ଖାଜା ନିଜେଦିଙ୍ଗ ପବିତ୍ର କିଜି ଇଡ଼ନାର ।

୪ ଏନ୍‌ଆପିନ୍ ପାପ୍ କିନାନ, ଖାନ ମାପୁରୁଦି ନିୟମ୍ ମାନାଏନ୍, ଇରିଙ୍ଗ ପାପ୍‌ତି ଅରଡ଼ ଆଜିନାଡ଼ ମାଟାଦିଙ୍ଗ ମାନାଇକା ।

୫ *ମାରି ମିଚ୍ ନେସ୍‌ନିଦେର ଜେ, କ୍ରିସ୍ତ ପାପ୍ ଅତେଙ୍ଗ ଇଜି ଖାତା ମାର୍‌ହାନ, ମାରି ଖାନିମାନୁ ପାପ୍ ସିଲେଡ଼ ।

୬ ଏନ୍ କ୍ରିସ୍ତଦି ଖାଲେ ମିସାଜି ତେବାନାନ, ଖାନ ପାପ୍ କିଏନ୍; ମାତର ଏନ୍ ପାପ୍ କିନାନ, ଖାନ କ୍ରିସ୍ତଙ୍ଗ ଏସ୍‌କାଙ୍ଗ୍‌ବା ସୁଡ଼ଏନ୍, ଏସ୍‌କାଙ୍ଗ୍ ଖାନିଙ୍ଗ ନେସ୍‌ଏନ୍ ।

୭ ଏ କଡ଼ର, ଏନ୍ ମିଙ୍ଗୁ ବାୟା କିମାକିନ୍; ଏନ୍ ସତ୍‌ପାଣି କିନାନ, କ୍ରିସ୍ତ ଏଣ୍ଡେସ୍ ଦାମ୍‌ଦିକାନ, ଖାନ ଆୟାଖାଜା ଦାମ୍‌ଦିକାନ ।

୮ ଏନ୍ ପାପ୍ କିନାନ, ଖାନ ସୟତାନତି ମାଣୁକୁ ଜନମ୍, ଇରିଙ୍ଗ ସୟତାନ ଜଗଡ଼ ତିଆରଆତି ଆଗ୍‌ଡ଼ିରାନନେ ପାପ୍ କିଜିଖାଜିନାଡ଼ । ଆୟା ସୟତାନତି ପାଣିଦିଙ୍ଗ ଦ୍ଵାସ କିନି ଉଣ୍ଡିଙ୍ଗ ମାପୁରୁଦି ମାରିନ୍ ଖାତାନ ।

* ୩:୧ ଜୋହନ ୧:୧୨. * ୩:୫ ଜୋହନ ୧:୨୯.

୯ ଏନ୍ ମାପୁରୁଦିମାଣୁକୁ ଜନମ, ଖାନ୍ ପାପ କିଏନ୍, ଇରିଙ୍ଗ ମାପୁରୁଦି ଓଡୁ ଖାନିମାନୁ ମାନାଡ, ମାରି ମାପୁରୁ ଖାନି ବୁବା, ଖାନ୍ ପାପ କିଦେଙ୍ଗ ଆଟ୍ଏନ୍ ।

୧୦ ଇବେନ୍ ଏନ୍ ମାପୁରୁଦି ମାରିନ୍ ମାରି ଏନ୍ ସୟତାନଦି ମାରିନ୍, ଇକା ତରାୟଆନାଡ : ଏନ୍ ସତ୍ପାଣି କିଏନ୍, ମାରି ନିଜେଦି ତଡାନତିଙ୍ଗ ଜିବନ୍ନୋଏନ୍, ଖାନ୍ ମାପୁରୁଦି ମାରିନ୍ ଆଏନ୍ ।

ଅରେନ୍ ଆଇଖାନିଙ୍ଗ ଜିବନ୍ନୋଦୁ

୧୧ *ଅରେନ୍ ଆଇଖାନିଙ୍ଗ ଜିବନ୍ନୋନିକା ମାନାଡ, ଇୟା ମାଟା ମିର୍ ପୁର୍ବେଦାନ୍ ଝେରଇମାନିଦେର୍ ।

୧୨ ପାପଆମ୍ବୁଦି ମାରିନ୍ ଜେ କୟିନ, ଖାନି ଖାଜା ଆମାଟ୍, ଖାନ୍ ନିଜେଦି ତଡାନତିଙ୍ଗ ସାୟାମାରଗାଡାକତାନ୍ । ଖାନି ତଡାନତିଙ୍ଗ ଖାନ୍ ଏକା ସାୟାମାରଗାଡାକତାନ୍ ? ଖାନି ନିଜେଦି ପାଣି ପାପୁଡୁ ମାର୍ହାଡ; ମାତର୍ ଖାନି ତଡାନ ଓଡୁଦିନ୍ ସତ୍ପାଣି କିଜିମାର୍ହାନ୍ ।

୧୩ ମାରି, ଏ ତଡାନକୁ ନି ତାଙ୍ଗିକ୍, ଇୟା ଜଗଡତି ଲୋକୁ ମିଙ୍ଗି ଜେ କାଡାନାର୍, ଇବେନ୍ କାବା ଆମାଟ୍ ।

୧୪ *ମାପୁ ନେସ୍ନାପ୍ ଜେ, ଇଲେଇ ମାପୁ ସାନିତାନିଙ୍ଗ ଜିଣାଜି ଜିବନ୍ ପୟତା ମାନାପ୍, ଇରିଙ୍ଗ ମାପୁ ତଡାନକାଙ୍ଗ ଜିବନ୍ନୋଜିନାପ୍ । ଏନ୍ ଜିବନ୍ନୋଏନ୍, ଖାନ୍ ସାନି ଅଦିକାରତାନ୍ ତେବାନାନ୍ ।

୧୫ ଏନ୍ ନିଜେଦି ତଡାନତିଙ୍ଗ କାଡାନାନ୍, ଖାନ୍ ଅରେନ୍ ନରକ୍ଦିକାନ୍; ମାରି ନରକଦୁ ଏସକାଙ୍ଗିଜିଇ ଜିବନ୍ ସିଲେଡ, ଇକା ମିରୁ ନେସ୍ନିଦେର୍ ।

୧୬ ଜିସୁ କ୍ରିସ୍ତ ମା ଉଣ୍ଡିଙ୍ଗ ନିଜେଦି ଜିବନ୍ ସିତି ମାଣୁକୁ ମାଡୁ ଜିବନ୍ନୋନି ସିକ୍ୟା ପୟତାମାନାପ୍; ମାରି ତଡାନକା ଉଣ୍ଡିଙ୍ଗ ମା ଜିବନ୍ ବା ସିନିକା ମାନାଡ ।

୧୭ ଜଦି ଅରେନ୍ ଜଗଡଦୁ ମାଜନ୍ ଲୋକୁ ତଡାନତି କାକୁତ ସୁଡୁଜି ବା ଖାନି ଉଣ୍ଡିଙ୍ଗ ଦୟା କିଏନ୍, ଖାନିମାନୁ ମାପୁରୁଦି ଜିବନ୍ନୋନିକା ମାନାଡ ଇଜି ଏଣ୍ଡେସ୍ ଝେରତେଙ୍ଗ ଆଟ୍ନାନ୍ ?

୧୮ ଏ କଡର୍, ରାପୁ, ମାଡୁ ବାକ୍ୟଦାନ୍ ନୋ ଝେତଲ୍ତାନ୍ ଜିବନ୍ନୋଏଣ୍ଗା, ପାଣିଦାନ୍ ମାରି ସତ୍ତାନ୍ ଜିବନ୍ନୋନିକା ।

୧୯ ଆରତିଙ୍ଗ ମାଡୁ ନେସ୍ତେଙ୍ଗ ଆଟ୍ନିକା ଜେ, ସତ୍ତାନ୍ ମା ତେବାନିକା ମାରି ମାଡୁ ତିଲାଇ ମୋନ୍ତାନ୍ ମାପୁରୁଦି ଲାକଡୁ ତେବାଦେଙ୍ଗ ଆଟ୍ନିକା ।

୨୦ ଜଦି ଆମାଜିନି ବିସୟତାନ୍ ମା ବୁଦି ମାଙ୍ଗି ଦୋସ୍ କିନାଡ, ମାଡୁ ମନେ ଇଡିନିକା ମାନାଡ, ଇରିଙ୍ଗ ମାପୁରୁ ମା ବୁଦିଦାନ୍ ପେରିକାନ୍ ମାରି ଖାନ୍ ଓଡୁ ମାଟା ନେସ୍ନାନ୍ ।

୨୧ ନା ତଡକୁ, ମା ବୁଦି ଜଦି ମାଙ୍ଗି ଦୋସ୍ କିଏଡ, ଆରତିଙ୍ଗ ମାପୁରୁଦି ଲାକଡୁ ମା ସାହାସ୍ ମାନାଡ ।

୨୨ ମାରି ଖାନିଙ୍ଗ ମାଡୁ ଇନି ଇନିକା ଲସ୍ନିକା, ଆୟାଓଡୁ ଖାନିମାଣୁକୁ ପୟନିକା, ଇରିଙ୍ଗ ମାଡୁ ଖାନି ମାଟା ମାନାନିକା, ମାରି ଖାନି କାଣକାଙ୍ଗ ଆମାକା ନେଗିକା, ଆକା କିଜିନାପ୍ ।

୨୩ *ଖାନି ମାଟା ଇକା ଜେ, ମାଡୁ ଖାନି ମାରିନ୍ ଜିସୁ କ୍ରିସ୍ତଦି ଦର୍ତାନ୍ ବିସ୍ବାସ୍ କିନିକା ମାରି କ୍ରିସ୍ତଦି ଆଦେସ୍ ଇସାବ୍ତାନ୍ ନିଜେନିଜେଦିଙ୍ଗ ଜିବନ୍ନୋଜିସାନିକା ।

୨୪ ଏନ୍ ମାପୁରୁଦି ମାଟା ମାନାନାନ୍, ଖାନ୍ ମାପୁରୁଦି ମାଟା ଏଡ କିନାନ୍ : ମାପୁରୁ ଖାନିମାନୁ ତେବାନାନ୍ ମାରି ଖାନ୍ ମାପୁରୁଦିମାନୁ ତେବାନାନ୍, ମାରି ମାପୁରୁ ମାମାନୁ ତେବାନାନ୍, ଇୟା ମାଟା ମାଙ୍ଗି ସିତିମାନି ଖାନି ଆମ୍ବୁଦି ସାହାଜ୍ୟଦାନ୍ ମାଡୁ ନେସ୍ତେଙ୍ଗ ଆଟ୍ସିନିକା ।



ମାପୁରୁଦି ଆମ୍ବା ମାରି ଟକେକିନି ଆମ୍ବା

୧ ଏ ନା ତଡକୁ, ଓଡୁ ଆମ୍ବେଆଙ୍ଗ ବିସ୍ବାସ୍ କିମାଟ୍; ଖାର୍ ପୟତିମାନି ଆମ୍ବା ମାପୁରୁଦିମାଣୁକୁ ଖାତିକା ନୋ ସିଲେ, ଆଗଡି ଖାରିଙ୍ଗ ପରିକା କିଜ ସୁଡୁ । ଇରିଙ୍ଗ ଜଗଡଦୁ ଗାଦିଲୋକ୍ ବଣ୍ଡ ବାବବାଦିର୍ ସତାମାନାର୍ ।

୨ ଖାର୍ ମାପୁରୁଦି ଆମ୍ବା ପୟତାମାନାର୍ ନୋ ସିଲେ, ଆକା ନେସ୍ନି ଉପାୟ ଆଜିନାଡ ଆମା ଲୋକଡିମାନୁ ମାପୁରୁଦି ଆମ୍ବା ମାନାଡ, ଖାନ୍ ପେରି ଝେୟୁଦାନ୍ ମାନାନାନ୍ ଜେ, ଜିସୁ କ୍ରିସ୍ତ ଲୋକା ଖାଜା ଖାତା ମାର୍ହାନ୍ ।

୩ ମାତର୍ ଏନ୍ ଜିସୁଙ୍ଗୁ ମାନାଏନ୍, ଖାନ୍ ଏସକାଙ୍ଗବା ମାପୁରୁଦି ଆମ୍ବା ପୟଏନ୍ । କ୍ରିସ୍ତଦି ସାଡୁଦି ମାଣୁକୁ ଖାନ୍ ଆୟା ଆମ୍ବା ପୟତାମାନାନ୍, ଆମାଖାନି ଖାନିଦିନତି ମାଟା ମିରୁ ଝେରଇମାନିଦେର୍, ମାରି ଆକା ଇଲେଇ ଇୟା ଜଗଡଦୁ ଖାତାମାନାଡ ।

୪ ଏ କଡର୍, ମିରୁ ମାପୁରୁଦିମାଣୁକୁ ଜନମ, ମାରି ମିରୁ ଆୟା ବଣ୍ଡ ବାବବାଦିରିଙ୍ଗ ଆରାକିତିମାନିଦେର୍, ଇରିଙ୍ଗ ମି ଜିବନ୍ତୁ ବାସାତି ମାନି ମାପୁରୁଦି ଆମ୍ବା, ଜଗଡଦି ଲୋକା ଆମ୍ବାଆଙ୍ଗ ମାଣୁକୁ ନାଣୁ ସାକ୍ତି ।

☆ ୩:୧୧ ଜୋହନ ୧୩:୩୪. ☆ ୩:୧୪ ଜୋହନ ୫:୨୪. ☆ ୩:୨୩ ଜୋହନ ୧୩:୩୪; ୧୫:୧୨,୧୭.

୫ ବଣ୍ଟ ବାବଦାଦିର ଜଗତ୍ତାନ ଖାତାମାନାର, ମାରି ବଣ୍ଟ ବାବଦାଦିର ଦୁନିଆଦି ମାଟା ଖେରସି ବୁଲାଇନାର ମାରି ଦୁନିଆଦି ଲୋକୁ ଖାରି ମାଟା ଖେନୁଜିନାର ।

୬ ମାତର ମାତୁ ମାପୁରୁଦିମାଣୁକୁ ଜନମ୍; ଏନ୍ ମାପୁରୁଦି ନେସନାନ୍, ଖାନ୍ ମା ମାଟା ଖେନାନ୍ । ଏନ୍ ମାପୁରୁଦିମାଣୁକୁ ଜନମ୍ ଆଏନ୍, ଖାନ୍ ମା ମାଟା ଖେନ୍ଏନ୍ । ଇୟାମାଣୁକୁ ମାତୁ ସତ୍ତି ଆମ୍ ମାରି ବାୟାକିନି ଆମ୍ ଦିକ୍ ସିନିସ୍ କିଦେକ୍ ଆଟ୍ ନିକା ।

ମାପୁରୁ ଜିବନ୍ନୋନିକା

୭ ଏ ନା ତଡ଼କୁ, ମାତୁ ନିଜେନିଜେଦିକ୍ ଜିବନ୍ନୋଜିସାନିକା, ଇରିକ୍ ଜିବନ୍ନୋନିକା ମାପୁରୁଦିମାଣୁକୁ ଖାତାମାନାତ୍, ମାରି ଏନ୍ ଜିବନ୍ନୋନାନ୍, ଖାନ୍ ମାପୁରୁଦି ମାରିନ୍ ମାରି ଖାନ୍ ମାପୁରୁକ୍ ନେସନାନ୍ ।

୮ ଏନ୍ ଜିବନ୍ନୋଏନ୍, ଖାନ୍ ମାପୁରୁକ୍ ନେସଏନ୍, ଇରିକ୍ ମାପୁରୁନେ ଜିବନ୍ନୋନିକାନ୍ ।

୯ ଇବେନ୍ ମାପୁରୁଦି ଜିବନ୍ନୋନିକା ମା ଉଣ୍ଟିକ୍ ତରତାମାନାନ୍, ମାପୁରୁ ଜେ ନିଜେଦି ମାରିନ୍ତିକ୍ ଜଗତ୍ତୁ ପୋକତାତାନ୍, ଏଣ୍ଟେସ୍ ମାପ୍ ଖାନିମାଣୁକୁ ଖିଜୁଦିନ୍ ଜିବନ୍ ପୟନାପ୍ ।

୧୦ ଇକାନେ ସତ୍ତି ଜିବନ୍ନୋନିକା, ମାତୁ ମାପୁରୁକ୍ ଜିବନ୍ନୋଇକା, ମାତର ଖାନ୍ ମାକ୍ ଜିବନ୍ନୋଜି, ମାରି ନିଜେଦି ମାରିନ୍ତିକ୍ ମା ପାପତିକ୍ ପିଣ୍ଟିନି ଅନିଉଣ୍ଟିକ୍ ପୋକତାତାନ୍ ।

୧୧ ଏ ନା ତଡ଼କୁ, ମାପୁରୁ ଜଦି ମାକ୍ ଇୟାଖାଜା ଜିବନ୍ନୋତା ମାନାନ୍, ଆରତିକ୍ ମାତୁ ବା ନିଜେନିଜେଦିକ୍ ଜିବନ୍ନୋଜିସାନିକା ମାନାତ୍ ।

୧୨ ମାପୁରୁକ୍ ଏନ୍ ଏସକାକ୍ ସୁଡ଼ଏନ୍, ମାତର ମାତୁ ଜଦି ନିଜେନିଜେଦିକ୍ ଜିବନ୍ନୋଜିସାନିକା, ଆରତିକ୍ ମାପୁରୁ ମାମାନୁ ମାନାନ୍ ମାରି ଖାନି ଜିବନ୍ନୋନିକା ମାମାନୁ ପୁରାତେବାତା ମାନାତ୍ ।

୧୩ ମାତୁ ଜେ ମାପୁରୁଦିମାନୁ ମାନିକା ମାରି ଖାନ୍ ମାମାନୁ ମାନାନ୍, ଇକା ମାତୁ ନେସନିକା, ଇରିକ୍ ଖାନ୍ ମାକ୍ ନିଜେଦି ଆମ୍ ଦି ଖାଲେ ସିତାମାନାନ୍ ।

୧୪ ବୁବା ଜେ ମାରିସିକ୍ ଜଗତ୍ତଦି ରକିୟାକର୍ତ୍ତା ଆନି ଉଣ୍ଟିକ୍ ପୋକତାତା ମାନାନ୍, ଇକା ମାତୁ ସୁଡ଼ୁ ମାନିକା ମାରି ଖାନି ବିସୟତାନ୍ ଆଇଖାରିକ୍ ସାକିୟ୍ ଖେରସିନିକା ।

୧୫ ଏନ୍ ଜିସୁକ୍ ମାପୁରୁଦି ମାରିନ୍ ଇଜି ମାନାନାନ୍, ମାପୁରୁ ଖାନିମାନୁ ମାନାନ୍ ମାରି ଖାନ୍ ମାପୁରୁଦିମାନୁ ମାନାନ୍ ।

୧୬ ମାରି ମା ଉଣ୍ଟିକ୍ ମାପୁରୁଦି ଆମା ଜିବନ୍ନୋନିକା ମାନାତ୍, ଆକା ମାତୁ ନେସତି ମାନିକା ମାରି ବିସବାସ କିତାମାନାପ୍ । ମାପୁରୁନେ ଜିବନ୍ନୋନିକାନ୍ । ଆମାଖାନି ଜିବନ୍ତୁ ଜିବନ୍ନୋନିକା ପୁରା ତେବାତା ମାନାତ୍, ଖାନ୍ ମାପୁରୁଦିମାନୁ ତେବାନାନ୍ ମାରି ମାପୁରୁ ଖାନିମାନୁ ତେବାନାନ୍ ।

୧୭ ଇବେନ୍ ଜିବନ୍ନୋନିକା ମାମାନୁ ପୁରାତେବାତା ମାନାତ୍ ଜେ, ବିଚାରତି ନାଣ୍ଟିକ୍ ମାତୁ ସାହାସ୍ ପୟନିକା, ଇରିକ୍ କ୍ରିସ୍ ଏଣ୍ଟେସ୍ ମାନାନ୍, ମାତୁ ବା ଇୟା ଜଗତ୍ତୁ ଆୟାଖାଜା ମାନିକା ।

୧୮ ଏମେମାନୁ ଜିବନ୍ନୋନିକା ମାନାତ୍, ଆବେନ୍ ତିଲାନିକା ସିଲେଡ୍, ମାତର ସତ୍ତି ଜିବନ୍ନୋନିକା ତିଲାନି ତାନିକ୍ ଆକ କିନାତ୍, ଇରିକ୍ ତିଲାନିକା ଦଣ୍ଡୁତି ଖାଲେ ସିମାନାତ୍, ମାରି ଏନ୍ ତିଲାନାନ୍, ଖାନିମାନୁ ଜିବନ୍ନୋନିକା ପୁରା ସିଲେଡ୍ ।

୧୯ ମାତୁ ଜିବନ୍ନୋନିକା ଅଜାତାମାନାପ୍, ଇରିକ୍ ମାପୁରୁ ନେ ଆଗ୍ତି ମାକ୍ ଜିବନ୍ନୋତା ମାନାନ୍ ।

୨୦ ମାପୁରୁକ୍ ଜିବନ୍ନୋଜିନା ଇଜି ଖେରସି ଜଦି ଏନ୍ ନିଜେଦି ବିସବାସିରି ତଡ଼ାନତିକ୍ ନି ତାକ୍ କାଡ଼ାନାନ୍, ଆରତିକ୍ ଖାନ୍ ମିର୍ଖେରନିକାନ୍ । ଲାକ୍ତୁ ସୁଡ଼ୁମାନି ଅରେନ୍ ତଡ଼ାନତିକ୍ ଏନ୍ ଜିବନ୍ନୋଦେକ୍ ଆଟ୍ଏନ୍, ଖାନ୍ ତରଇ ମାପୁରୁକ୍ ଏସକାକ୍ବା ଜିବନ୍ନୋଦେକ୍ ଆଟ୍ଏନ୍ ।

୨୧ ଇୟା ଆଦେସ୍ କ୍ରିସ୍ ମାକ୍ ସିତାମାନାନ୍, ଏନ୍ ମାପୁରୁକ୍ ଜିବନ୍ନୋନାନ୍, ଖାନ୍ ନିଜେଦି ତଡ଼ାନତିକ୍ ବା ଜିବନ୍ନୋପିନ୍ ।



ଦୁନିଆଦି ମୁସ୍କୁ ଜିଣାନିକା

୧ ଏନ୍ ଜିସୁକ୍ ମସିହ ଇଜି ବିସବାସ କିନାନ୍, ଖାନ୍ ମାପୁରୁଦି ମାରିନ୍; ମାରି, ଏନ୍ଆପିନ୍ ଅରେନ୍ ବୁବେକ୍ ଜିବନ୍ନୋନାନ୍, ଆୟା ବୁବାସିଦି କଡ଼ଦିକ୍ ବା ଖାନ୍ ଜିବନ୍ନୋନାନ୍ ।

୨ ମାତୁ ଏସ୍ତିଖାଲେ ମାପୁରୁକ୍ ଜିବନ୍ନୋନିକା ମାରି ଖାନି ମାଟା ମାନାନାପ୍, ନାସ୍ତିଖାଲେ ନେସ୍ତେକ୍ ଆଟ୍ନାପ୍ ଜେ, ମାତୁ ମାପୁରୁଦି କଡ଼ରିକ୍ ଜିବନ୍ନୋଜିନାପ୍ ।

☆ ୪:୧୨ ଜୋହନ ୧:୧୮.

୩ ✨ଇରିଙ୍ଗ୍ ମାପୁରୁକୁ ଜିବନ୍ନୋନି ଅର୍ତ୍ତ ଆଜିନାଡ଼, ମାତୁ ଖାନି ମାଟା ମାନାନିକା, ମାରି ଖାନି ମାଟା ମାନାନିକା ନାଶ୍ଟ କାସୁସିଲେ ।

୪ ଇରିଙ୍ଗ୍ ମାପୁରୁଦି କଡ଼ର ଇୟା ଜଗଡ଼ତିଙ୍ଗ୍ ଆରା କିଦେଙ୍ଗ୍ ସାକ୍ତି ପୟତାମାନାନ୍ । ବିସବାସ୍ତି ସାକ୍ତିଦାନ୍ ମାତୁ ଜଗଡ଼ତି ମୁସ୍ତୁ ଜିଶାଦେଙ୍ଗ୍ ଆଟନିକା ।

୫ ଇୟା ଜଗଡ଼ତିଙ୍ଗ୍ ଏନ୍ ଆରା କିଦେଙ୍ଗ୍ ଆଟନାନ୍ ? ଜିସୁଙ୍ଗ୍ ମାପୁରୁଦି ମାରିନ୍ ଇଜି ଏନ୍ ବିସବାସ୍ କିନାନ୍, ଆୟାକାନ୍ନେ କେବଲ୍ ଇକା କିଦେଙ୍ଗ୍ ଆଟନାନ୍ ।

ଜିସୁ କ୍ରିସ୍ତଦି ବିସୟତାନ୍ ସାକ୍ତି

୬ ଆୟା ଜିସୁ କ୍ରିସ୍ତ ମାପୁରୁଦି ମାରିନ୍ ଇଜି ତୁବନ୍ତାନ୍ ଖାନି ଜିବନ୍ତି ପାଣି ଆରାମ୍ କିତାମାର୍ହାନ୍, ମାରି ନିଜେଦି ନେତେରତାନ୍ ଲୋକା ରକ୍ଷାକିନି ପାଣିକିତାନ୍ । କେବଲ୍ ତୁବନ୍ ଅସି ଖାନ୍ ରେଏନ୍ ମାର୍ହାନ୍, ମାତର୍ ଏରୁ ନି ନେତେର ରୁଣ୍ଡିଖାନିକାଙ୍ଗ୍ ସିଜି ଖାତାମାର୍ହାନ୍ । ମାରି ଆମ୍ ବା ଇବେଣି ସାକ୍ତି ଖେରନାନ୍; ଇରିଙ୍ଗ୍ ଆମ୍ ନେ ସଡ଼ ।

୭ ମାରି ଇୟା ମୁଏରି ସାକ୍ତି ଉନ୍ତେ ସାମାନ୍,

୮ ଆମ୍, ଏରୁ ମାରି ନେତେର, ଇୟା ମୁଏର୍ ସାକ୍ତି ଖେରନାର୍ ।

୯ ମାତୁ ଜଦି ଲୋକା ସାକ୍ତି ମାନାନିକା, ଆରଡ଼ିଙ୍ଗ୍ ମାପୁରୁଦି ସାକ୍ତି ଆୟାମାଣୁକୁ ନାଶ୍ଟ ପେରିକା, ମାରି ମାପୁରୁଦି ସାକ୍ତି ଇକା ଜେ, ଖାନ୍ ନିଜେଦି ମାରିନ୍ତି ବିସୟତାନ୍ ସାକ୍ତି ସିତାମାନାନ୍ ।

୧୦ ଏନ୍ ମାପୁରୁଦି ମାରିନ୍ତିମାନୁ ବିସବାସ୍ କିନାନ୍, ଖାନ୍ ନିଜେଦି ଜିବନ୍ତୁ ଇୟା ସାକ୍ତି ପୟତା ମାନାନ୍; ଏନ୍ ମାପୁରୁଦି ସାକ୍ତି ବିସବାସ୍ କିଏନ୍, ଖାନ୍ ମାପୁରୁକୁ ମିଡ଼ଖେରନିକାନ୍ କିତାମାନାନ୍, ଇରିଙ୍ଗ୍ ମାପୁରୁ ନିଜେଦି ମାରିନ୍ତି ବିସୟତାନ୍ ଆମା ସାକ୍ତି ଖେରତାମାନାନ୍, ଆବେନ୍ ଖାନ୍ ବିସବାସ୍ କିଏନ୍ ।

୧୧ ଆୟା ସାକ୍ତିଦି ଅରଡ଼ ଆତାଡ଼ଜେ, ମାପୁରୁ ମାଙ୍ଗ୍ ଏସକାଙ୍ଗ୍ଝିଜ୍ଜ ଜିବନ୍ ସିତାମାନାନ୍; ମାରି ଆୟା ଜିବନ୍ ଖାନି ମାରିନ୍ତିମାନୁ ମାନାଡ଼ ।

୧୨ ଏନ୍ ମାରିନ୍ତିଙ୍ଗ୍ ପୟତା ମାନାନ୍, ଖାନ୍ ଜିବନ୍ ପୟତା ମାନାନ୍; ଏନ୍ ମାପୁରୁଦି ମାରିନ୍ତିଙ୍ଗ୍ ପୟଏନ୍, ଖାନ୍ ଜିବନ୍ ବା ପୟଏନ୍ ।

ଏସକାଙ୍ଗ୍ଝିଜ୍ଜ ଜିବନ୍

୧୩ ମାପୁରୁଦି ମାରିନ୍ତି ଦର୍ତ୍ତାନ୍ ବିସବାସ୍ କିଜିନିଦେର୍ ଜେ ମିରୁ, ମିରୁ ଏଣ୍ଡେସ୍ ନେସ୍ନିଦେର୍ ଜେ, ମିରୁ ଏସକାଙ୍ଗ୍ଝିଜ୍ଜ ଜିବନ୍ ପୟତିମାନିଦେର୍, ଇୟାଉଣ୍ଡିଙ୍ଗ୍ ନାନୁ ମିଙ୍ଗ୍ ଇୟା ଆକୁ ରାସ୍ସିନା ।

୧୪ ମାପୁ ତିଲାଏଶଗା ମାପୁରୁଦି ଲାକ୍ତୁ ଖାଦେଙ୍ଗ୍ ଆଟସିନାପ୍, ଇରିଙ୍ଗ୍ ମାପୁ ସଡ଼ତାନ୍ ନେସ୍ନାପ୍ ଜେ, ମାପୁ ଏସକାଙ୍ଗ୍ ଖାନି ଇଚ୍ଛାଦାନ୍ ଇନି ପାରତାନା କିତିଙ୍ଗ୍, ଆରଡ଼ିଙ୍ଗ୍ ଖାନ୍ ମା ଆୟା ପାରତାନା ଖେନାନ୍ ।

୧୫ ମାରି ମାତୁ ଖାନି ଲାକ୍ତୁ ଆମାକା ଇନିକା ପାରତାନା କିନିକା, ଆକା ଖାନ୍ ଖେନାନ୍ ଇଜି ଜଦି ମାତୁ ନେସ୍ନିକା, ଆରଡ଼ିଙ୍ଗ୍ ଖାନି ଲାକ୍ତୁ ଆମାକା ପାରତାନା କିତିମାନିକା, ଆୟାଝିଜ୍ଜ ଜେ ପୟତିମାନିକା, ଇକାବା ନେସ୍ନାପ୍ ।

୧୬ ଜଦି ମି ଅରେନ୍ ତଡ଼ାନ୍ ପାପ୍ କିଜିମାନିକା ସୁଡ଼ୁଙ୍ଗ୍, ମାରି ଆୟା ପାପ୍ ସାନିନାନିକା ଆଏଡ଼ ମାନାଡ଼, ଖାନି ଉଣ୍ଡିଙ୍ଗ୍ ମାପୁରୁକୁ ପାରତାନା କିଦୁ, ଏଣ୍ଡେସାତିଙ୍ଗ୍ ମାପୁରୁ ଖାନିଙ୍ଗ୍ କେମା ସିଜି ରକ୍ୟା କିନାନ୍ । ମାରି ମାପୁରୁ ଏଣ୍ଡେସ୍ଝାଜା ସାନିକା ପାପ୍ କିଜି ମାନି ଲୋକାଙ୍ଗ୍ ଜିବନ୍ ଦାନ୍ ସିନାନ୍, ଆୟାଝାଜା ଖାନିଙ୍ଗ୍ ବା ଜିବନ୍ ଦାନ୍ ସିନାନ୍ । ସାନିନାନି ପାପ୍ ମାନାଡ଼; ଆୟାଉଣ୍ଡିଙ୍ଗ୍ ଖାନ୍ ପାରତାନା କିପିନ୍ ଇଜି ନାନୁ ଇନ୍ଏ ।

୧୭ ଝିଜ୍ଜୁ ତାଗ୍ଲ ପାଣି ପାପ୍, ମାତର୍ ଆମାକା ସାନିନାନିକା ସିଲେଡ଼, ଇୟାଝାଜା ପାପ୍ ମାନାଡ଼ ।

୧୮ ମାପୁ ନେସ୍ନାପ୍, ମାପୁରୁଦି ମାରିନ୍ ପାପ୍ତୁ ମିସାଜ ତେବାଏନ୍; ଇରିଙ୍ଗ୍ ମାପୁରୁଦି ମାରିନ୍ ଖାନିଙ୍ଗ୍ ରକ୍ୟା କିନାନ୍, ମାରି ସୟତାନ୍ ଖାନିଙ୍ଗ୍ ଇନିକା କିଦେଙ୍ଗ୍ ଆଟଏଡ଼ ।

୧୯ ମାତୁ ଜେ ମାପୁରୁଦିମାଣୁକୁ ଜନମ୍ ମାରି ଝିଜ୍ଜୁ ଜଗଡ଼ ଜେ ସୟତାନ୍ତି ଅଦିକାର୍, ଇକା ମାପୁ ନେସ୍ନାପ୍ ।

୨୦ ମାରି ବା ମାପୁ ନେସ୍ନାପ୍ ଜେ, ମାପୁରୁଦି ମାରିନ୍ ଖାତାମାନାନ୍ ମାରି ସଡ଼ତିଙ୍ଗ୍ ନେସ୍ନି ଉଣ୍ଡିଙ୍ଗ୍ ମାଙ୍ଗ୍ ବୁଦି ସିତାମାନାନ୍; ମାରି ମାତୁ ଆୟା ସଡ଼ତି ମାପୁରୁଦିମାନୁ ମାରି ଖାନି ମାରିନ୍ ଜିସୁ କ୍ରିସ୍ତଦି ଖାଲେ ମାନାଡ଼ । ଖାନ୍ ନେ ସଡ଼ତି ମାପୁରୁ ମାରି ଏସକାଙ୍ଗ୍ଝିଜ୍ଜ ଜିବନ୍ ।

୨୧ ଏ କଡ଼ର୍, ସଡ଼ସିଲି ଦିୟାମ୍କାମାଣୁକୁ ନିଜେ ନିଜେଦିଙ୍ଗ୍ ଆକତେବାଦୁ ।

☆ ୫:୩ ଜୋହନ ୧୪:୧୫.

ଯୋହନ ଲିଖିତ ଦ୍ୱିତୀୟ ପତ୍ର ଜୋହନ ରାସ୍ତାମାନି ମାରିଭନ୍ତୁ ଆକୁ ଇୟା ଆକୁଦୁ ମାନି ଏସ ମାଟା

ଜୋହନ ରାସ୍ତା ଦ୍ୱିତୀୟ ଆକୁ ଜିସୁକ୍ରିସ୍ତଦି ଜନମ୍ତି ୫୦ ତାନ୍ ୧୦୦ ବାର୍ଷେକ୍ ଲୋଇ ପେରିତ ଜୋହନଦି ମାଣାନ୍ ରାସାୟାଆତା ମାର୍ହାତ୍ । ଜୋହନ ନିଜେଦିକ୍ ରାସ୍ତାମାନି ଖାଜା ଖେର୍ଦ୍ଦନ୍, ତାନି ବାଦ୍ଲୁ ଖାନ୍ ନିଜେଦିକ୍ ପ୍ରାଚିନ୍ ଇଜି ଖେର୍ଦ୍ଦନାନ୍ । ଜୋହନତି ଦ୍ୱିତୀୟ ବିସୟ ଆକୁଦିଖାଲେ ଜୋହନ ରାସ୍ତା ସୁସମାଚାରତୁ ମାନି ବିସୟତି ଖାଲେ ସମାନ୍ । ଇକା ଟିକ୍ତାନ୍ ଜିସୁକ୍ ଆମା ଇସାବତାନ୍ ଖାନ୍ ଅରେନ୍ ଅରେନ୍ ଖାନିକ୍ ଜିବନ୍ନୋନି ବିସୟ ଜିସୁଦି ମାଟାଦିକ୍ ମନ୍ ସିନାନ୍, ଆୟାଖାଜା ଜିସୁଦି ମାଟା ମାନାଦେକ୍ ଆଜିନାତ୍, ଖାନିକ୍ ଜିବନ୍ନୋନିକା ଜହନ ୧:୫-୬, ଜୋହନ ୧୫:୯-୧୦ । ଇକା ବିସ୍ବାସ୍ କିଆୟାଆନାତ୍ ଜେ, ଜୋହନ ଏସ୍ତୁଖାଲେ ଏପିସିୟଦୁ ବାସାଜି ମାର୍ହାନ୍, ଜୋହନ ସୁସମାଚାରତି ଖାଲେ ମୁଣ୍ଡି ଆକୁ ବା ରାସ୍ତା ମାର୍ହାନ୍, ଆଜିନେ ୧ ଜୋହନ, ୨ ଜୋହନ ମାରି ୩ ଜହନ ।

ଜୋହନ ଇୟା ଆକୁଦୁ ବାସେଆତି ଆଇମା ମାରି ତାନି କଡର୍ ଇଜି ଖେର୍ଦ୍ଦି ମଣ୍ଡିଦିକ୍ ଆକୁ ରାସ୍ତାନ୍ । ଜୋହନତି ଇୟା ଆକୁ ରାସ୍ତା ଉଦେସ୍ ଆତାତ୍ ବିସ୍ବାସିରିକ୍ ସାହାସ୍ ସିନିକା ମାରି ମିର୍ ଗୁରୁରି ମାଣାନ୍ ଜାଗାର୍ତା ମାଣ୍ଡେକ୍ ମାନାତ୍ ।

ଇୟା ଆକୁଦୁ ମାନି ମୁକିୟ ବିସୟ

- ୧. ଜୋହନ ଇୟା ଆକୁ ଏ ଉଣ୍ଡିକ୍ ରାସ୍ତାନ୍ ଇକା ଇଜି, ଖାନିକ୍ ବିସ୍ବାସ୍ କିନିଖାରିକ୍ ମାଡିସ୍ କିନାନ୍ । ୧:୧-୩
- ୨. ଜୋହନ ମଣ୍ଡିଦିକ୍ ସାହାସ୍ ସିଜି ପେରିମାଟା ବିସୟତାନ୍ ମନ୍ତୁ ଅଡ୍ବିସ୍ କିନାନ୍ । ୧:୪-୬
- ୩. ଖାନ୍ ମିର୍ ଗୁରୁରି ମାଣାନ୍ ଜାଗାର୍ତା ମାଣ୍ଡେକ୍ ଇନାନ୍ । ୧:୭-୧୧
- ୪. ଖାନ୍ ଏମେବାନ୍ ତେବାନାନ୍ ଆବେଣି ବିସ୍ବାସିରିକ୍ ମାଡିସ୍ କିଜି ରାସ୍ତାକା ଖିସ୍ତାନ୍ । ୧:୧୨-୧୩

୧ ପ୍ରାଚିନ୍ ଜୋହନ ଯେ ନାନ୍ ଅରେଡ୍ ଆସ୍ତକିଆୟାଆତି ଆଇମା ମାରି ତାନି କଡର୍ ଲାକ୍ତୁ ଇୟା ଆକୁ ରାସ୍ତାସିନା । ମିକ୍ ନାନ୍ ସତ୍ ଖାଜା ଜିବନ୍ନୋନା, ମାରି କେବଲ୍ ନାନ୍ ସିଲେ, ମାତର୍ ସତ୍ ନେସ୍ତମାନି ଖିଜୁ ଲୋକୁ ବା ଜିବନ୍ନୋନାତ୍ ।

୨ ଆମା ସତ୍ ମା ଜିବନ୍ତୁ ତେବାତାମାନାତ୍ ମାରି ଖିଜୁଦିନିକ୍ ମା ଖାଲେ ତେବାନାତ୍ ।

୩ ବୁବା ମାପୁରୁ ମାରି ଆୟା ବୁବାଦି ମାରିନ୍ ଜିସୁ କ୍ରିସ୍ତଦିମାଣୁକୁ ଦୟା, ଦୟା ମାରି ସାନ୍ତି ମା ଖାଲେ ସତ୍ ନି ଜିବନ୍ନୋନିକା ତେବାନାତ୍ ।

ସତ୍ ନି ଜିବନ୍ନୋନିକା

୪ ମି କଡର୍ ମାଣୁକୁ ଏସଲୋକ୍ ମାପୁରୁଦି ମାଟାଈସାବତାନ୍ ସତ୍ତାନ୍ ବୁଲ୍ଲାସାଲା କିଜିନିକା ଖେନ୍ଜି ନାନ୍ ନାଣ୍ଡ ଖେଡିକା ।

୫ ଏ ନେଗି ଆଇମା, ନିକ୍ ନାନ୍ ଖେର୍ଦି ମାଟା, ମାତୁ ନିଜେନିଜେଦିକ୍ ଜିବନ୍ନୋଜିସାନିକା ମାନାତ୍ । ନାନ୍ ଜେ ମି ଲାକ୍ତୁ ଇଜି ପୁନି ମାଟା ରାସ୍ତାସିନା, ଆକା ସିଲେ, ମାତର୍ ପୁର୍ବେଦାନ୍ନେ ମାପୁ ଇୟା ଆଦେସ୍ ପୟତା ମାନାପ୍ ।

୬ ଆମା ଜିବନ୍ନୋନି ମାଟା ଇବେନ୍ ନାନ୍ ଖେର୍ଦିନା, ତାନି ଅର୍ଥ ଆଜିନାତ୍, ଜିବନ୍ତୁ ମାପୁରୁଦି ମାଟା ମାନାନ୍ନିକା । ଆୟା ମାଟା ଇନିକା, ମିରୁ ପୁର୍ବେଦାନ୍ନେ ଖେର୍ଦିମାନିଦେର୍, ଆକା ଆଜିନାତ୍, ମାତୁ ଖିଜୁଲୋକୁ ନିଜେନିଜେଦି ଉଣ୍ଡିକ୍ ଜିବନ୍ନୋଜିସାନିକା ମାନାତ୍ ।

୭ ନାନ୍ ଇକା ଇଜିନା ଇରିକ୍ ଆମାକାର୍ ଜିସୁ କ୍ରିସ୍ତ ସାତାନ୍ନୋ ଲୋକା ମେନ୍ଦଲ୍ତାନ୍ ଖାତାମାନାନ୍ ଇଜି ମାନାଏନ୍, ଇୟାଖାଜା ଗାଦିଲୋକ୍ ବାୟାକିନିକାର୍ ଜଗତ୍ତୁ ସତା ଖାତାମାନାତ୍ । ଇୟାଖାଜା ଲୋକୁ ପୁରାସତ୍ ବାୟାକିନିକାର୍, ଖାନ୍ କ୍ରିସ୍ତଦି ସାତୁ ।

୮ ମିରୁ ଏଣ୍ଡେସ୍ ମା କିତିମାନି ପାଣିଦି ପଲ୍ ଆରାକିଏଣ୍ଡା ବର ଆବେଣି ପୁରାବର୍ତ୍ ପୁରସ୍ତାର୍ ପୟଦୁ, ଆୟାଉଣ୍ଡିକ୍ ନିଜେ ନିଜେଦି ବିସୟତାନ୍ ଜାଗ୍ରାତା ମାନତୁ ।

୯ ଏନ୍ଆପିନ୍ କ୍ରିସ୍ତଦି ସିକିୟାଦି ଆୟା ଲୋଇ ତେବାଏଣ୍ଡା ଆକା ନାଜି ସୋନାନ୍, ଖାନ୍ ମାପୁରୁକ୍ ପୟଏନ୍; ଏନ୍ ସିକିୟାଦି ଲୋଇ ତେବାନାନ୍, ଖାନ୍ ବୁବା ନି ମାରିନ୍ ରିଏରିକ୍ ପୟତା ମାନାନ୍ ।

☆ ୧:୫ ଜୋହନ ୧୩:୩୪; ୧୫:୧୨, ୧୭.

^{୧୦} ଏନ୍ ଜଦି ଇୟା ସିକିୟା ଆସ୍‌ଏଣ୍‌ଗା ମି ଲାକ୍‌ତୁ ଖାନାନ୍, ଆରତିଙ୍କ୍ ଖାନିଙ୍କ୍ ମି ଇନ୍‌ଡ୍ର କୁକ୍‌ମାଟ୍, “ନି ସାନ୍ତି ଆପିଟ୍” ଇଜି ଖେର୍‌ସି ଖାନିଙ୍କ୍ ନମସ୍‌କାର୍ କିମାଟ୍ ।

^{୧୧} ଇରିଙ୍କ୍ ଏନ୍‌ଆପିନ୍ ଖାନିଙ୍କ୍ ନମସ୍‌କାର୍ କିନାନ୍, ଖାନ୍ ଖାନି ତାଗ୍‌ଇପାଣିବୁ ମିସାନାନ୍ ।

ସାରାସାରି ମାଟା

^{୧୨} ମି ଲାକ୍‌ତୁ ଗାଦି ବିସୟ ରାସ୍‌ନିକା ମାନାଟ୍, ମାତର୍ କାଗଜ ନି ସିରାଦାନ୍ ଆୟାଖିଜୁ ଇଲେଇ ନାନ୍ତୁ ଖେର୍‌ତେଙ୍କ୍ ଇଚ୍ଛା କିଏ; ନା ଆସା ମାନାଟ୍ ଜେ, ମି ଲାକ୍‌ତୁ ଖାଜି ସାମ୍‌ନାସାମ୍‌ନିଦାନ୍ ଖାର୍‌ଗିଜିସାନାଟ୍, ଆକା କିଦେଙ୍କ୍ ଆର୍‌ତିଙ୍କ୍ ମାତୁ ଖେଡ଼ିକା ପୁରା ଆନାଟ୍ ।

^{୧୩} ମି ଲାଡ଼ତି ତାଙ୍ଗି କି କଡ଼ର୍ ମିଙ୍ଗି ନମସ୍‌କାର୍ ଜାଣେ କିଜିନାଟ୍ ।

ଯୋହନ ଲେଖିଥିବା ତୃତୀୟ ପତ୍ର ଜୋହନ ରାସ୍ତାମାନି ମୁଣ୍ଡି ଆକୁ ଇୟା ଆକୁଦୁ ମାନି ଏସ ମାଟା

୩ ଜୋହନଦି ଆକୁ ଜୋହନତି ମାଣାନ୍ ୫୦ ନି ୧୦୦ ବାର୍ଷେକ୍ ଝେନେକା ଲୋଇ ରାସାତା ମାରାତ୍ । ଜୋହନ ନିଜେଦିକ୍ ରାସନିକାନ୍ ଇସାପତାନ୍ ପରିଚୟ ସିଜି ନିଜେଦିକ୍ ପାଲକ ଇସାପତାନ୍ ପରିଚୟ ସିଏତାନ୍ ୨ ଜୋହନ ୧:୧ । ଝାନ୍ ୨ ଆକୁ ଏଣ୍ଡେସ୍ ରାସାତା ମାରାନ୍ ୧:୧ । ଇକା ବିସବାସ୍ କିନାର୍ ଯେ ଝାନ୍ ଏପିସିଦୁ ମାରି ବେଡାଦୁ ଜହନ ରାସ୍ତି ସୁସମାଚାରତି ଝାଲେ ମୁଣ୍ଡି ଆକୁ ଝିଜୁ ରାସ୍ତି ମାରାନ୍ । ମାରି ୧ ମ, ୨ ଯ, ୩ ଯ, ଜୋହନ ।

ଜୋହନ ଗାୟ ଦରତି ବିସବାସିକ୍ ଇୟା ଆକୁ ରାସ୍ତି ମାରାନ୍ । ଝାନ୍ ଗାୟକତିକ୍ ଅରେନ୍ ସାତି ଝାଜା ସନ୍ମାନ କିଜି ଆୟା ଗାଡ଼ଦୁ ବୁଲାଇ ମାର୍ଥାର୍ କ୍ରିଷ୍ଟିଆନ୍ ତୋଡାନ୍କୁ ନି ତାଙ୍ଗିକା ଉଣ୍ଡିକ୍ ସନ୍ମାନ କିନିଝାଲେ ଆଦେସ୍ ସିନାନ୍ ।

ଇୟା ଆକୁଦୁ ମାନି ମୁକ୍ତିସ ବିସୟ

- ୧. ଜୋହନ ଝାନ୍ ଆକୁଦି ପରିଚୟ ସିଜିନାନ୍ । ୧:୧
- ୨. ଝାନ୍ ଗାୟକ୍ ସାହାସ୍ ସିଜି ଗାଡ଼କାକ୍ ବୁଲାଇନି ମାରି ତୋଡାନ୍କା ଉଣ୍ଡିକ୍ ସନ୍ମାନ ଆଦେକ୍ ଝେର୍ତା ମାନାନ୍ । ୧:୨-୮
- ୩. ଝାନ୍ ରିଏରି ଲୋକାକ୍ ତାୟୋଗ୍ରେଫିସ୍ ମାରି ତିମିଟ୍ରିଅସ୍ ବିସୟତାନ୍ ଇଜିନାନ୍ । ୧:୯-୧୨
- ୪. ସାରାସାରି ଝାନ୍ ରାସନିକା ଝିସ୍ତାନ୍ । ୧:୧୩-୧୪

୧ *ପ୍ରାଚିନ୍ ଜୋହନ ଯେ ନାନ୍,

ନା ଲାଡ଼ତି ତଡ଼ ଗାୟଦି ଲାକ୍ତୁ ଇୟା ଆକୁ ରାସ୍ତିନା; ଝାନ୍ନିକ୍ ନାନ୍ ସଡ଼ତାନ୍ ଜିବନ୍ନୋନା ।

୨ ନା ଲାଡ଼ତି ତଡ଼, ମି ଆମ୍ବା ମାରି ଝିଜୁନେଗି ପାଣି କିଜିନାନ୍ ମାପୁରୁକ୍ ପାର୍ତାନ୍ କିଜିନା, ନାନ୍ ନେସ୍ନା, ଇଲେଇତି ଜିବନ୍ତୁ ମିରୁ ନେଗେନ୍ ମାନିଦେର୍ ।

୩ ଇରିକ୍ ତଡାନ୍କୁ ଝାଜି ଏସିଝାଲେ ସଡ଼ତି ଉଣ୍ଡିକ୍ ବିସବାସି ତେବାତା ମାନାର୍ ମାରି ଜିବନ୍ତୁ ଝିଜୁଦିନ୍ ସଡ଼ତାନ୍ ବୁଲାଇଆ ଆନି ବିସୟତାନ୍ ସାକ୍ଷ୍ୟ ଝେର୍ସିନାର୍, ନାସ୍ତିଝାଲେ ନାନ୍ ଇୟା ମାଟା ଝେନଜି ଝେଡ଼ିକା ଆତା ।

୪ ନା କଡ଼ର୍ ଜେ ସଡ଼ତିକ୍ ଆସ୍ସି ବୁଲାଇଆ କିଜିନାର୍, ଇକା ଝେନିକ୍ ନାନ୍ ଝେଡ଼ିକା ଆନା ।

ଗାୟସ୍ତି ସଡ଼ପାଣିଦି ପ୍ରସଂସା

୫ ଲାଡ଼ତି ତଡ଼, ଆଇଦେସ୍ତି କ୍ରିସ୍ଟି ସିକ୍ସା ସିନିକାର୍, ଇୟାଝାଜା ନୋ ଝାର୍ ସିନାପରିଚୟ ଆଏତିମାରିକ୍ ବା, ଝାରି ଉଣ୍ଡିକ୍ ନିନ୍ ବିସବାସ୍ତାନ୍ କିଜିନି ।

୬ ଝାର୍ ମଣ୍ଡୁଲିଦୁ ମି ଜିବନ୍ନୋନି ବିସୟତାନ୍ ସାକ୍ଷ୍ୟ ଝେର୍ତାମାନାର୍; ମିର୍ ଝାରି ସନି ଉଣ୍ଡିକ୍ ସାହାଜ୍ୟ କିଦୁ । ଇୟାଉଣ୍ଡିକ୍ ମାପୁରୁ ଝେଡ଼ିକା ଆନାନ୍ ।

୭ ଇରିକ୍ ଝାର୍ ଅବିସବାସ୍ରି ମାଣ୍ଡୁକ୍ ଇନି ସାହାଜ୍ୟ ଅଏଶ୍ଗା କ୍ରିସ୍ଟି ସେବା ଉଣ୍ଡିକ୍ ସତା ମାନାର୍ ।

୮ ମାରି, ମାଡୁ କ୍ରିସ୍ଟିବିସବାସ୍ସିର୍ ଝାରିକ୍ ସାହାଜ୍ୟ କିଜି ସଡ଼ତି ଉଣ୍ଡିକ୍ ଝାରି ପାଣିଦୁ ମିସାନିକା ନେଗେଡ଼ ।

ତାୟୋଗ୍ରେଫିସ୍ ମାରି ତିମିଟ୍ରିଅସ୍

୯ ନାନ୍ ମି ମଣ୍ଡୁଲିଦୁ ଉନ୍ତୁ ଇସ୍ତି ଆକୁ ରାସ୍ତି ମାର୍ହା, ମାତର୍ ତାୟୋଗ୍ରେଫିସ୍ ମଣ୍ଡୁଲିଦି ପେରିକାନ୍ ଆଦେକ୍ ବଦା କିଜି ମା ମାଟାଦିକ୍ ତିସନାନ୍ ।

୧୦ ନାନ୍ ଆବେନ୍ ଝାତିକ୍, ଝାନ୍ ଆମାକା କିଜିନାନ୍, ଝିଜୁ ଝିକ୍ନସିନା ମା ବିରୁଦ୍ତାନ୍ ତାଗ୍ଲ ମାଟା ଇନ୍ଜି ମାଙ୍ଗି ନିନ୍ଦା କିଜିନାନ୍, ମାରି ଝାନ୍ କ୍ରିସ୍ଟିବିସବାସ୍ସି ତଡ଼ାନ୍କାକ୍ ସନ୍ମାନ କିଏନ୍, ମାରି ଆଇକାର୍ ଆକା କିଦେକ୍ ବଦା କିତିକ୍ ଝାରିକ୍ ମନା କିନାନ୍, ମାରି ମଣ୍ଡୁଲିଦାନ୍ ଝାରିକ୍ ସପ୍ନାନ୍ ।

୧୧ ନା ଲାଡ଼ତି ତଡ଼କୁ, ମିରୁ ତାଗ୍ଲପାଣିଦୁ ସଲଏଶ୍ଗା ସଡ଼ପାଣିଦି ତରିନ୍ ସାନ୍ତୁ । ଏନ୍ ସଡ଼ପାଣି କିନାନ୍, ଝାନ୍ ମାପୁରୁଦି ଲୋକ୍; ଏନ୍ ତାଗ୍ଲପାଣି କିନାନ୍, ଝାନ୍ ମାପୁରୁକ୍ ନେସ୍ଏନ୍ ।

୧୨ ତିମିଟ୍ରିଅସ୍ତିକ୍ ଝିଜେରେ ପ୍ରସଂସା କିଜିନାର୍; ସଡ଼ ନିଜେ ବା ସାକ୍ଷ୍ୟ ସିତାମାନାନ୍; ମାପ୍ ବା ଝାନ୍ନିକ୍ ସାକ୍ଷ୍ୟ ସିଜିନାପ୍, ମା ସାକ୍ଷ୍ୟ ଜେ ସଡ଼, ଇକା ନିନ୍ ନେସ୍ତିମାନି ।

ସାରାସାରି ମାଟା

* ୧:୧ ପ୍ରେରିତ ୧୯:୨୯; ରୋମିୟ ୧୬:୨୩; ୧ କରିନ୍ଥ୍ ୧:୧୪.

୧୩ ମି ଲାକ୍ତୁ ନା ଗାଦି ବିସୟ ଖେରନିକା ମାନାଡ଼, ମାତର୍ ଆୟାଞ୍ଜିତୁ ନାନ୍ ଇଲେଇ ସିରା ନି ପେନ୍ତାନ୍ ରାସ୍ତେଇ
ବଦା କୁସଜିନା ।

୧୪ ମି ଖାଲେ ବେଟ୍ ଆନା ଇଜିନା ଆସା ନାସ୍ତିଖାଲେ ମାତୁ ସାମ୍ନାସାମ୍ନି ଆଜି ଖାରଗିଜିସାନାଟ୍ ।

୧୫ ମି ଉଣ୍ଡିଇ ସାନ୍ତି ଆପିତୁ,

ସାଙ୍ଗର୍ ଝିଜେରେ ମିଙ୍ଗ୍ ନମସ୍ତାର୍ ଜାଣେ କିଜିନାର୍ । ମା ଝିତୁ ସାଙ୍ଗରିଙ୍ଗ୍ ନମସ୍ତାର୍ ଜାଣେ କିତୁ ।

ଯିହ୍ୱଦାକଠାରୁ ଲିଖିତ ପତ୍ର ଜିହ୍ୱଦାଦି ମାଡ଼ାନ୍ ରାସାତି ଆକୁ : ଇୟା ଆକୁଦି ମାନି ଏସ ମାଟା

ଇୟା ଆକୁ ରାସତିମାନି ଦରୁ ଇସାବତାନ୍ ଜିହ୍ୱଦା ରାସାତାମାନାତ୍ । ଜିହ୍ୱଦା ନିଜେଦିଙ୍ଗ୍ ଜାକୁବ ମାରି ଜିସୁଦି ତୋଡ଼ାନ୍ ଇଜି ପରିଚୟ ସିନାନ୍ । ଆଦେଙ୍ଗ୍ ଖାନିଙ୍ଗ୍ ଜିସୁଦି ତଡ଼ାନ୍ ଲୋଇ ଅରେନ୍ ଇଜି ବିସବାସ୍ କିନାର୍ ୧ ପାଡ଼ିଇ ନିୟମ୍ତି ବିସୟତିଙ୍ଗ୍ ଉଦ୍ଦାର୍ କିତିମାନିଙ୍ଗ୍ ଇକା ଉନ୍ତେ ଟିକ୍ ମଣ୍ଡଲିଦିଙ୍ଗ୍ ରାସତିମାନି ଖାଜା ମନେଆଜିନାତ୍ । ଜିହ୍ୱଦା ଆକୁଦିଙ୍ଗ୍ ପୋଡ଼ାନିକାର୍ ଜିହ୍ୱଦି ଲୋକା ଖାଜା ପରିଚୟ ସିନାର୍ ଏମେକାର୍ କି ବୁବା ମାପୁରୁଦିଙ୍ଗ୍ ଜିବନ୍ନୋନାର୍ ଜିବନ୍ତାନ୍ କ୍ରିସୁଦି ଉଣ୍ଡିଙ୍ଗ୍ ଇଟ୍ତାମାନାର୍ ୧ ଆମା ଆମାକା ବା ଆପିତ୍ ଜିହ୍ୱଦା ଓଜେରେ କୁକାୟ୍ ଆତିମାନି ଲୋକାଙ୍ଗ୍ ନିଜେଦି ବିଷୟତାନ୍ ଷ୍ଟେରସିନାନ୍ । ଇୟା ଆକୁ ପାକା ପାକି ଜିସୁ କ୍ରିସୁଦି ଜନମ୍ ଷ୍ଟେନ୍କା ୭୦ ବାର୍ସେକ୍ ଷ୍ଟେନ୍କା ରାସାତା ମାହାତ୍ ।

ଇୟା ଆକୁ ଏମେକାର୍ ବଣ୍ଡକ୍ରିସୁରି ତୋରିନ୍ ସଲ୍ସିମାର୍ଆର୍ ଖାନ୍ ଓଜେରେ କ୍ରିସ୍ଟିୟାନ୍କାଙ୍ଗ୍ ଜାଗ୍ରାତା କିନି ଉଣ୍ଡିଙ୍ଗ୍ ରାସାତାମାରାତ୍ । ଖାନ୍ ଖାରି ବିସୟତାନ୍ ତାଟ୍ତି ଖାଜା ପାଡ଼ିଇ ନିୟମ୍ ବିସୟ ମାରି ଗଟନା ବିସୟ ଷ୍ଟେରସିନାନ୍ । ଇକା ଆକୁଦୁ ମିତ୍ ଗୁରୁରି ବିରୁଦ୍ଧତାନ୍ ପିତରତି ମାରିଉନ୍ତ୍ରି ଆକୁଦୁ ରାସାତିମାନି ଚିନ୍ତାଦି ବିସୟ ଷ୍ଟେରସିନାନ୍ । ଇୟା ମାଡ଼ାନ୍କୁ ଦୁତ୍ ମାରି ସଦମ ଗୋମରାଦି ବିସୟତାନ୍ ବା ରାସାତା ମାନାତ୍ ଜିହ୍ୱଦା ୪ ମାରି ୨ ପିତର ୨:୧ ।

ଇୟା ଆକୁଦୁ ମାନି ମୁକିୟ ବିସୟ

- ୧. ଇୟା ଜିହ୍ୱଦା ଆକୁ ବିସୟତାନ୍ ୧ ଜିହ୍ୱଦା ଆଗିଡିନେ ଖାରି ପୋଡ଼ାନି ଖାରିଙ୍ଗ୍ ପରିଚୟ ସିଜିନାନ୍ । ୧:୧-୨
- ୨. ବଣ୍ଡଗୁରୁରି ବିରୁଦ୍ଧତାନ୍ ଜାଗ୍ରାତା କିଜିନାନ୍ । ୧:୩-୪
- ୩. ଖାନ୍ ପୁର୍ବେକାଡ଼ାଦି ନିୟମ୍ତି ଲୋକାଙ୍ଗ୍ ମାରି ବିସୟତିଙ୍ଗ୍ ଅସି ବୁଜା କିଜିନାନ୍ । ୧:୧୫-୧୬
- ୪. ଜାକୁବଦି ଜାଗ୍ରାତା ପାଣି ଖାରି ଦାଇତ୍ ଇନିକା ଆନାତ୍ ଖାନ୍ ଅଡ଼ବିନାନ୍ । ୧:୧୭-୨୩
- ୫. ସାରାସାରି ମାପୁରୁଙ୍ଗ୍ ଗୌରବ୍ ସିଜି ଆକୁ ଓସ୍ତନାନ୍ । ୧:୨୪-୨୫

୧*ଜିହ୍ୱଦା, ଜିସୁ କ୍ରିସୁଦି ଅରେନ୍ ଦାସ୍ ମାରି ଜାକୁବଦି ତଡ଼ାସି, ଆମାକାର୍ ବୁବା ମାପୁରୁଦି ମାଣାନ୍ ବଦାଆତିକାର୍ ମାରି ଖାନି ଲାଡ଼ତିକାର୍, ମାରି ଜିସୁ କ୍ରିସୁଦି ଉଣ୍ଡିଙ୍ଗ୍ ନେଗେନ୍ମାନାର୍, ଖାରି ଲାକ୍ତୁ ଆକୁ ରାସସିନା ।

୨ ମି ଉଣ୍ଡିଙ୍ଗ୍ ମାପୁରୁଦି ଦୟା, ସାନ୍ତି ମାରି ଜିବନ୍ନୋନିକା ନାଣ୍ଡ ଆପିତ୍ ।

କାବାକିନି ଗୁରୁର୍

୩ ଏ ଲାଡ଼ତି ତଡ଼କୁ, ମାଡୁ ଓଜୁଲୋକୁ ଆମା ରକିୟାଦୁ ମିସାତିମାନିକା ଆୟା ବିସୟତାନ୍ ମି ଲାକ୍ତୁ ରାସତେଙ୍ଗ୍ ନାଙ୍ଗ୍ ବଦା ମାହାତ୍ । ମାତର୍ ଇୟାଦାପ୍ରେନେ ମାପୁରୁ ଖାନି ଲୋକାଙ୍ଗ୍ ଓଜୁଦିନ୍ତି ଉଣ୍ଡିଙ୍ଗ୍ ସିତିମାନି ବିସବାସ୍ତି ତରିନ୍ ସାନିଜିନିକା ଜୁଦ୍ କିନି ଉଣ୍ଡିଙ୍ଗ୍ ମିଙ୍ଗ୍ ଷ୍ଟେଡ଼ିକା କିନି ଉଣ୍ଡିଙ୍ଗ୍ ରାସତେଙ୍ଗ୍ ଦରକାର୍ ଇଜି ଏଡ଼ କିତା ।

୪ ଏସ ଅଦାମ୍ବୁଦି ଲୋକୁ ମି ଲୋଇ ନେସ୍ ଖାଜା ତୁଗିତାମାନାର୍ । ଖାନ୍ ନିଜେଦି ତାଗ୍ ଲ ପାଣିଦିଙ୍ଗ୍ ସାକାକିନି ଉଣ୍ଡିଙ୍ଗ୍ ମାପୁରୁଦି ଦୟାଦି ବିସୟ ମାଟାଦି ତାଗ୍ ଅର୍ତ୍ତ କିଜିନାର୍ । ମା ଅରେନ୍ମାତର୍ ଗୁରୁ, ମାରି ପ୍ରବୁ ଜିସୁ କ୍ରିସୁଙ୍ଗ୍ ଖାନ୍ ମାନାଏର୍ । ଖାରି ଉଣ୍ଡିଙ୍ଗ୍ ଇତାୟାଆତିମାନି ବିଚାର୍ ବିସୟତାନ୍ ବେସି ଆଗ୍ଡିରାନ୍ ଦାମ୍ବୁସାସ୍ତୁ ରାସାତାମାନାତ୍ ।

୫ ଜଦି ମିର୍ ଇୟାଓଜୁ ବିସୟ ପୁରା ନେସ୍ତି ମାନିଦେର୍, ମାରି ନାନ୍ ମିଙ୍ଗ୍ ଏଡ଼ କିବିସ୍ତେଙ୍ଗ୍ ବଦା କିଜିନା ଜେ, ଉନ୍ତ୍ରି ଦେବା ଜିସୁ ମିସର୍ ଦେସ୍ତାନ୍ ଲୋକାଙ୍ଗ୍ ରକିୟା କିତାମାହାନ୍, ମାରି ଆମାକାର୍ ଅବିସ୍ବାସ୍ କିତାର୍, ଷ୍ଟେନ୍କା ଖାରିଙ୍ଗ୍ ଦଂସ କିତାନ୍ ।

୬ ମାରି ଆମା ମୁସକ୍ପୁରୁତି ଦୁଡ଼କୁ ନିଜେ ନିଜେଦି ଅଦିକାର୍ତି ଲୋଇ ତେବାଏଣ୍ଗା ନିଜେ ନିଜେଦି ତ୍ରିସ୍ତେସରେଏ, ଦୁଡ଼କାଙ୍ଗ୍ ଏଡ଼ କିଦୁ । ଖାନିକାଙ୍ଗ୍ ମାପୁରୁ ପେରି ବିସାର୍ତି ଓଜୁଦିନ୍ତି ଉଣ୍ଡିଙ୍ଗ୍ ଜଇଲ୍ତୁ ନାଣ୍ଡସିକାଟିଦି ଓଜୁ ଦିନ୍ତି ସାନ୍ତି କିଜି ଇଟ୍ତାମାନାନ୍ ।

୭ ଆୟାଖାଜା ସଦମ୍ ମାରି ଗମୋରା ମାରି ଲାକ୍ତୁରି ଗାଡ଼କାଣି ଦଣ୍ଡତିଙ୍ଗ୍ ଏଡ଼ କିଦୁ । ଖାନ୍ ତେବାତିମାନି ଆୟା ଦୁଡ଼କା ଖାଜା ପାଣି କିଜି ଦାରିପାଣି ମାରି ତାଗ୍ ଲପାଣିଦୁ ମିସାତାର୍ । ଆଇଖାରିଙ୍ଗ୍ ଜାଗ୍ରାତାକିନି ଉଣ୍ଡିଙ୍ଗ୍ ଖାନ୍ ଓଜୁଦିନ୍ତି ନରକଦି ସିସୁଦୁ ଦଣ୍ଡବୋଗ କିଜିନାର୍ ।

☆ ୧:୧ ମାତିଉ ୧୩:୫୫; ମାର୍କ ୬:୩.

ଠ ଆୟାଞ୍ଜନା ଇୟା ଲୋକୁ ଲବ୍ ସୁତ୍ରତୁମାନାପ୍ ଅଡ଼ବିଜି ନିଜେଦି ମେନ୍ଦଲତିଙ୍ ପାପ୍ କିନାର୍ । ଖାର୍ ମାପୁରୁଦି ପାଣିଦିଙ୍ ମାନାଏର୍ ମାରି କାବାଆନି ସାକ୍ତିଆଙ୍ ନିନ୍ଦା କିନାର୍ ।

୯୫ ମାତର୍ ଓଜେରିଙ୍ପେଦି ଦୁଡ଼ ମୀଖାୟେଲ ବା ଇୟାଞ୍ଜନା ବ୍ୟବହାର କିଏନ୍ ମାର୍ହାନ୍ । ମୋସାଦି ମାଡ଼ା ବିସୟତାନ୍ ସୟତାନ୍ତି ଖାଲେ ମାଟାଦିଙ୍ ମାଟା ଆନିବେଡ଼ାଦୁ ମୀଖାୟେଲ ନିନ୍ଦା କିଜି ସୟତାନ୍ତି ବିଚାର୍ କିଏନ୍ ମାର୍ହାନ୍ । ଖାନ୍ କେବଲ ନିସନେ ଇର୍ହାନ୍, “ପ୍ରବୁ ନିଙ୍ ଆଦରିସ କିପିନ୍ ।”

୯୦ ମାତର୍ ଇୟା ଲୋକୁ ଆମା ଓଜୁ ବିସୟ ନେସଏର୍, ଆୟାଞ୍ଜୁଦିଙ୍ ନିନ୍ଦା କିନାର୍, ମାରି ବୁଦିସିଲି ବନ୍ତି ଜାତୁ ଞ୍ଜା ଆମା ଆମାକା ନେସନିଞ୍ଜା ବୁଜାନେ, ଆୟାଞ୍ଜୁ ଦାନ୍ ନେ ଆୟାକେଙ୍ ନାସୁ ଆନେ ।

୯୧ ଇକା ଖାରି ଉଣ୍ଡିଙ୍ ଏସ ତିଲାନିକା । ଇରିଙ୍ ଖାର୍ କୟିନଦି ସାରିଦୁ ସର୍ହାମାନାର୍, ବାଲାମ ଅର୍ତ୍ତ ତାବୁଙ୍ଲବ୍ତିଙ୍ ଆମା ବୁଲ୍ କିତାମାର୍ହାନ୍, ଖାର୍ ଆୟା ମାଟାଦୁ ଆର୍ତାମାନାର୍ ମାରି କୋରହ ଞ୍ଜା ଜୁଦ୍ କିଜି ନାସୁ ଆତାମାନାର୍ ।

୯୨ ଖାର୍ ତିଲାଏଶ୍ଗା କାଡ଼ ଉଣ୍ଡି ସୋସ୍ସି ମି ଜିବନ୍ନୋନି ବୋଜିଦି କିଟିଙ୍ ଞ୍ଜା ଆଜିନାର୍; ଖାର୍ ନିଜେ ନିଜେଦି ଉଣ୍ଡିଙ୍ ମୋନ୍ସିନାର୍ । ଖାର୍ ପିରୁ ଞ୍ଜାଜିମାନି ଗାଲିଦାନ୍ ଇମ୍ଜିମାନି ବାଦଡ଼ ଞ୍ଜା; ଖାର୍ ଶରତ କାଡ଼ାଦୁ ପଲ୍ ଆସଲ୍ ମାରାନ୍ ମାରି ଖେଲେଙ୍ଗତାସାରେଲାତି ଖାର୍ତି ମାରାନ୍ ଞ୍ଜା ।

୯୩ ଖାର୍ ସାମୁଦୁର୍ତି ନିଙ୍ ଞ୍ଜା ଏରୁ ଉଲ୍ଲକା ଞ୍ଜା, ଖାର୍ ନିଜେ ନିଜେଦି ସେମାର୍ତି ପାଣିଙ୍ ପେପଲ୍ ଞ୍ଜା ମୁସ୍କୁ ତରଜିଞ୍ଜାନାଡ଼ । ଖାର୍ ଇମ୍ଜିବୁଲାନି ସୁକା ଞ୍ଜା; ମାପୁରୁ ଖାରି ଉଣ୍ଡିଙ୍ ନାଶ୍ ସିକାଟି ଓଜୁଦିନତିଙ୍ ଇଡ଼ାଆୟାଆତାମାନାଡ଼ ।

୯୪ ଆଦମଦିମାଣୁକୁ ସାତଗୋଟାଦି ମେମାର୍ଏନ୍ ଜେ ହନୋକ, ଖାନ୍ ବା ପୁର୍ବେ କାଡ଼ାଦୁ ଇୟାଞ୍ଜାରି ବିସୟତାନ୍ ବାବବାଣି ପ୍ରଗାର୍ କିଜି ଖେର୍ସି ମାର୍ହାନ୍ : ପ୍ରବୁ ଆଜାର୍ ଆଜାର୍ ମୁସ୍କୁପୁର୍ତି ପବିତ୍ର ଦୁଡ଼କା ଖାଲେ

୯୫ ଓଜୁଲୋକାଙ୍ ବିଚାର୍ କିଦେଙ୍ ଞ୍ଜାନାନ୍ । ମାରି ଅଦାମ୍ବୁଦି ଲୋକୁ ଓଜେରେ ନିଜେ ନିଜେଦି ଅଦାମ୍ବୁଦାନ୍ ଆମାଓଜୁ ପାପ୍ ପାଣି କିତାମାନାର୍ ମାରି ଅଦାମ୍ବୁଦି ପାପି ଲୋକୁ ମାପୁରୁଦି ବିରୁଦ୍ତାନ୍ ଆମାଓଜୁ ତାଗଲ୍ ମାଟା ଇର୍ଥା ମାନାର୍, ଆୟାଞ୍ଜୁ ବିସୟତି ଉଣ୍ଡିଙ୍ ଖାରିଙ୍ ଦସି କିଜି ଦଶ୍ ସିନାନ୍ ।

୯୬ ଇୟା ଲୋକୁ ଓଜୁଦିନ୍ ଖେଡ଼ିକାସିଲେ ମାରି ଆଇଞ୍ଜାରି ମୁସ୍କୁ ଦସତିଗ୍ନାର୍ । ଖାର୍ ନିଜେ ନିଜେଦି ତାଗଲ୍ପାଣିଦୁ ବୁଲାନାର୍; ଖାରି ଖେୟୁ ପେରି ପେରି ମାଟେଙ୍ ଇନାଡ଼ ମାରି ନିଜେଦି ତରାନି ଉଣ୍ଡିଙ୍ ଖାର୍ ଲୋକା ମକମ୍ ମୁସ୍କୁ ପ୍ରସଂସା କିନାର୍ ।

ଜାଗରାତାମାଟା ମାରି ଖେର୍ନିକା

୯୭ ମାତର୍ ଏ ନା ତଡ଼କୁ, ମା ପ୍ରବୁ ଜିସୁ କ୍ରିସ୍ତଦି ପ୍ରେରିତ ସିସୁର୍ ପୁର୍ବେ ଆମାଓଜୁ ମାଟା ଖେର୍ତାମାନାର୍, ଆୟାଞ୍ଜୁ ଏଡ଼ କିଦୁ ।

୯୮ ଖାର୍ ଏଶ୍ରେସ୍ ମିଙ୍ ଖେର୍ସିମାର୍ହାନ୍, “ସାରାସାରିଦି କାଡ଼ାଦୁ ତାଗଲ୍ପାଣିଦିଙ୍ ଆସାନି ଲୋକୁ ସୋସି ମିଙ୍ ସେମାର୍ କିନାର୍ ।”

୯୯ ଇୟା ଲୋକୁନେ ଅଲଗାଏରେପ୍ତେଙ୍ ତିଆର୍ କିନାର୍, ଖାର୍ କେବଲ୍ ମେନ୍ଦଲତି ବଦାଦାନ୍ ବୁଲାନାର୍ ମାରି ମାପୁରୁଦି ଆମ୍ବୁସିଲିକାର୍ ।

୧୦୦ ମାତର୍, ଏ ନା ତଡ଼କୁ, ମିର୍ ପବିତ୍ର ଦାମ୍ବୁବିସବାସ୍ ମୁସ୍କୁ ନିଜେ ନିଜେଦି ଦାମ୍ବୁ ଜିବନ୍ ଞ୍ଜା ଇଲୁକୁ ତିଆର୍ କିନିଦେର୍, ପବିତ୍ର ଆମ୍ବୁଦି ସାକ୍ତିଦାନ୍ ପାର୍ତାନା କିଦୁ ।

୧୦୧ ମାରି, ଏସକାଙ୍ଓଜୁଜ ଜିବନ୍ତି ଉଣ୍ଡିଙ୍ ମା ପ୍ରବୁ ଜିସୁ କ୍ରିସ୍ତଦି ଦୟାଦିଙ୍ କାପକିଜ ମାପୁରୁଦି ଜିବନ୍ନୋନିଙ୍ ନିଜେଦିଙ୍ ତିର୍ ତେବାଦୁ ।

୧୦୨ ନାମ୍ଏଶ୍ଗା ପେଡ଼ିଆତିମାନି ଲୋକା ମୋନ୍ତୁ ବିସ୍ବାସ୍ ତରଡ଼ୁ ।

୧୦୩ ଏମେକାର୍ ତାଗଲ୍ମାନୁ ଆରିଜି ନାସୁ ଆଦେଙ୍ ସିଲିସିନି ଲୋକାଙ୍ ସିସୁଦାନ୍ ରକିୟା କିଦୁ । ମାରି ଏସ ଲୋକା ପାପ କାସ୍ତି ଖାଡ଼ିଗାଦିଙ୍ କାଡ଼ଦୁ, ମାତର୍ ତିଏଲ୍ତାନ୍ ଖାରିଙ୍ ଦୟା କିଦୁ ।

ଦନ୍ୟବାଦ୍ ପାର୍ତାନା

୧୦୪ ଏନ୍ ମିଙ୍ ଗାଡ଼ଦିରାନ୍ ରକିୟା କିଦେଙ୍ ମାରି ଞ୍ଜାନି ଗୌରବ୍ ଆଗ୍ଡ଼ି ଦସ୍ସିଲିକା ମାରି ଖେଡ଼ିକା କିଜି ଇଗାଞ୍ଜାଦେଙ୍ ତାଟ୍ମାନାନ୍,

୧୦୫ ମା ଆୟା ଅରେନ୍ମାତର୍ ରକିୟାକର୍ତ୍ତା ମାପୁରୁଦି ଗୌରବ୍, ପରାକ୍ରମ ମାରି କିତିମାନି ପାଣି; ମା ପ୍ରବୁ ଜିସୁ କ୍ରିସ୍ତଦି ମାଣୁକୁ ପୁର୍ବେ କାଡ଼ାଦାନ୍ ଇଲେଇ ସାହି ମାରି ଜୁଗ୍ ଜୁଗ୍ ଞ୍ଜାନିଦି ଆପିଡ଼ ! ଆମେନ୍ ।

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜୋହନତି ଉଣ୍ଡିଙ୍ଗ୍ ପ୍ରକାଶିତ ବାକ୍ୟ ପ୍ରକାଶିତ ବାକ୍ୟ ବଇ ବିସୟତାନ୍ ଏସ ମାଟା

ପ୍ରକାଶିତ ବାକ୍ୟ ପୁନି ନିୟମ୍ତି ସାରାସାରି ବଇ ଇକା । ଇକାବା ଜୋହନତି ମାଣାନ ଜିସୁ କ୍ରିସ୍ତଦି ଜନମ୍ଦି ପାକାପାକି ୯୫ ବାର୍ଦ୍ଧେକ୍ତୁ ରାସାତାମାର୍ହାତ୍ ୧:୧ । ଖାନ୍ ଜୋହନ ସୁସମାଚାରତି ଖାଲେ ମୁନ୍ତ୍ରୁ ବଇଙ୍ଗ୍ ବା ରାସାତାମାର୍ହାନ୍ ଇୟାକେଙ୍ଗ୍ ଆଜିନେ ୧ ଜୋହନ, ୨ ଜୋହନ, ୩ ଜୋହନ । ଜୋହନ ଆମାଖାନିଙ୍ଗ୍ ଜିସୁ ନାଣ୍ଡ ଜିବନ୍ନୋଜି ମାର୍ହାନ୍ ଇଜି ନେସ୍ନାର୍ ଜୋହନ ୧୩:୨୩ । ଜୋହନ ଆଇସ୍ଲାଣ୍ଡୁଦି ପାମ୍ବୁଦୁ ମାନିଖାଲେ ରାସାତାମାର୍ଥାନ, ଇରିଙ୍ଗ୍ ଜିସୁ କ୍ରିସ୍ତଦି ସୁସମାଚାର ପ୍ରଚାର୍ କିନି ଉଣ୍ଡିଙ୍ଗ୍ ଖାନିଙ୍ଗ୍ ଆବେନୁ ପୋକତା ମାର୍ହାତ୍ ୧:୯ ।

ଜିସୁଦି ଖାଜିନିଦିନ୍ତି ବେଡ଼ା ଲାକ୍ତୁ ମାନିଙ୍ଗ୍ ଜିସୁ କ୍ରିସ୍ତଦିମାନୁ ବିସ୍ବାସ୍ ତେବାଦେଙ୍ଗ୍ ପଡ଼ାନି ଖାରିଙ୍ଗ୍ ସାହାସ୍ ନି ଆସା ସିନି ଉଣ୍ଡିଙ୍ଗ୍ ଜୋହନ ଇୟା ପ୍ରକାଶିତ ବାକ୍ୟ ରାସ୍ତାନ୍ ୧:୩; ୨୨:୭ । ଖାନ୍ ଓଜୁ ବିସ୍ବାସି ମାରି ନେସ୍ନିଖାଜା ସାତ୍‌ଗୋଟା ମଣ୍ଡୁଲିଆଙ୍ଗ୍ ଇକା ରାସ୍ନାନ୍ ୨-୩ ଜୋହନ ଖାନି ରାସ୍ନିମାନୁ ବାବବାଣି ୧:୩ ମାରି ଖାନ୍ ସୁଡ଼ୁତିମାନି ନାଣ୍ଡ ସିନାଦି ବିସୟତାନ୍ ରାସ୍ନାନ୍ । ଇକା ବଇଦୁ ଏସ ବାଗ୍ତୁ ପାଡ଼ିଇ ବଇଦି ବାଗ୍ତି ଖାଲେ ସାମାନ୍ ତେବାତାମାନାତ୍, ଜିକରିୟ ୬:୧-୮ ଦୁ ସୁଡ଼ୁଦୁ । ମାରି ସାତ୍‌ଗୋଟା ମାରି ନି ସାତ୍‌ଗୋଟା ତୁବାଇଙ୍ଗ୍ ଆମାକା ମାପୁରୁ ମିସରିୟରିଙ୍ଗ୍ କାସୁ ସିନି ଉଣ୍ଡିଙ୍ଗ୍ ଦଣ୍ଡ ପୋକନାନ୍ ଯାତ୍ରା ବଇ ୭:୯ ।

ପ୍ରକାଶିତ ବାକ୍ୟ ସାରାସାରି ମାଟା ଖେରନାତ୍, ଜିସୁ ସାରାସାରି ଖେରନାକା ଜିଣାନାନ୍ ମାରି ଆମାକାର୍ ଖାନିମାନୁ ଆସା ଇଡ଼ନାର୍ ଖାର୍ ଓଜୁଦିନ୍ ଖାନିଖାଲେ ତେବାନାର୍ । ଇୟା ବଇ ମିଙ୍ଗ୍ ଜାଗାର୍ତା କିନାତ୍ ମାରି ଆସା ସିନାପ୍ ଜେ, ଜିସୁ ମାରି ଦାପ୍ରେ ମାରିଡେସି ଖାଜିନାନ୍ ।

ଇୟା ବଇଦୁ ମାନି ଏସ ମୁକିୟ ବିସୟ

- ୧. ଜୋହନତି ଖେରନିକା ମାରି ଖାନି ବଦିସତ୍ ସୁଣିକା । ୧:୧-୨୦
- ୨. ଜିସୁ କ୍ରିସ୍ତଦିମାଣ୍ଡୁକ୍ ସାତ୍‌ଗୋଟା ମଣ୍ଡୁଲି ଉଣ୍ଡିଙ୍ଗ୍ ଜୋହନତି କାବୁର୍ । ୧:୧-୩:୨୨
- ୩. ସାତ୍‌ଗୋଟା ଅଦ୍‌ଲିଙ୍ଗ୍ ୪:୧-୮:୫, ସାତ୍‌ଗୋଟା ମରିଙ୍ଗ୍, ବିସୟତାନ୍ ଖେରନିକା । ୮:୬-୧୧:୧୯
- ୪. କଡ଼ର୍ ମାରି ସାତ୍‌ଗୋଟା ତାଲେକ୍ ଖାଜା ତରନିକାର୍ ସାରାସ୍ତି ଖାଲେ ଜୁଦ୍ । ୧୨:୧-୧୪:୨୦
- ୫. ସାତ୍‌ଗୋଟା ରିସାଦି ତୁବାଇଦି ବିସୟତାନ୍ ଖେରନିକା । ୧୫:୧-୧୬:୧୮
- ୬. ମାପୁରୁ ମୁସ୍‌କୁପୁର୍ତ୍ତୁ ଖାନି ସାତ୍‌ଦିଙ୍ଗ୍ ଜିଣାନାନ୍ । ୧୭:୧-୨୦:୧୫
- ୭. ପୁନି ମୁସ୍‌କୁପୁର୍ ମାରି ପୁନି ଦୁନିଆ । ୨୧:୧-୨୨:୨୧

୧ ଆମାକା ଓଜୁ ଦାପ୍ରେନେ ଗଟେଆଦେଙ୍ଗ୍ ସଲ୍‌ସିନାତ୍, ମାପୁରୁ ଜିସୁ କ୍ରିସ୍ତଦି ଲାକ୍ତୁ ଖେରତିମାନି ତାନି ଉଡ଼ି ଦାଡ଼ି ଇୟା ବଇଦୁ ରାସାତାମାନାତ୍ । ଆୟାଓଜୁ ବିସୟ ଖାନି ଦାସରିଙ୍ଗ୍ ଖେରନି ଉଣ୍ଡିଙ୍ଗ୍ କ୍ରିସ୍ତ ଅରେନ୍ ମୁସ୍‌କୁପୁର୍ତି ଦୁଡ଼ତିଙ୍ଗ୍ ପୋକସି ଖାନି ଦାସ୍ ଜୋହନତିଙ୍ଗ୍ ଆକା ଖେରତାନ୍ ।

୨ ମାରି ଜୋହନ ନିଜେ ଆମାକା ଓଜୁ ସୁଡ଼ୁତୁ ମାନାନ୍, ଆକା ଇବେନୁ ଖେରତାମାନାନ୍ । ଇୟା ଦାଡ଼ିଦୁ ମାପୁରୁଦି ସାକ୍ୟ ମାରି ଜିସୁ କ୍ରିସ୍ତଦି ମାଡ଼ାନ୍ ଓଜୁ ତିମାନି ସତ୍ କାବୁର୍ ରାସାତାମାନାତ୍ ।

୩ ଆମା ଲୋକ୍ ଇୟା ବଇ ପୋଡ଼ାନାନ୍ ମାରି ଆମାକାର୍ ଇବେନୁ ଓଜୁ ତିମାନି ବଦିସ୍‌ପତ୍‌ମାଟା ଖେରଜି ତାନି ଆଦେସ୍‌ତାନ୍ ମାନାନାର୍, ଖାର୍ ଦନ୍ୟ, ଇରିଙ୍ଗ୍ ଆୟାଓଜୁ ଗଟେଆନି ବେଡ଼ା ଲାକ୍ତୁ ଖାତାଡ଼ି !

ସାତ୍‌ଗୋଟା ମଣ୍ଡୁଲିଙ୍ଗ୍ ନମସ୍କାର୍

୪ *ଜୋହନ ଆସିଆ ଦେସ୍‌ତୁ ମାନି ସାତ୍‌ଗୋଟା ମଣ୍ଡୁଲିଙ୍ଗ୍ ନା ନମସ୍କାର୍ । ମାପୁରୁଦି ମାଣାନ ଦୟା ନି ସାନ୍ତି ମି ମୁସ୍‌କୁ ଆପିତ୍ । ଖାନିଦିନ୍ତୁ, ଆଗ୍ତି ମାରି ଇଲେଇତି ଜିବନ୍ତି ମାପୁରୁ, ଖାନି ସିଂହାସନ୍ ଆଗ୍ତିରି ସାତ୍‌ଗୋଟା ଆଡ଼ମେଙ୍ଗ୍

୫ ମାରି ସାତ୍‌ଖାରି ମାଣ୍ଡୁକ୍ ଆଗ୍ତି ନିଙ୍ଗ୍ ନିକା, ବିସ୍‌ବାସ୍‌ତି ସାକି ମାରି ଦୁନିଆ ରାଜାଦିରାଜା ଜିସୁ କ୍ରିସ୍ତଦି ଦୟା ମାରି ସାନ୍ତି ମି ମୁସ୍‌କୁ ରାପିତ୍ । ଖାନ୍ ମାଙ୍ଗ୍ ଜିବନ୍ନୋନାନ୍ ମାରି ଖାନି ସାତି ମାଣ୍ଡୁକ୍ ମାଙ୍ଗ୍ ପାପ୍‌ତାନ୍ ରକ୍ଷା କିତାମାନ୍ ।

୬ *ମାରି ଖାନି ବୁବା ମାପୁରୁଦି ରାଜିଦୁ ସେବା କିନି ଉଣ୍ଡିଙ୍ଗ୍ ମାଙ୍ଗ୍ ଉନ୍‌ଡ୍ରେ ଜାଜକ ଖାଜା କିତାମାନାନ୍ । ଓଜେରେ ଗୌରବ୍ ମାରି ପରାକ୍ରମ ଓଜୁଦିନ୍ ଜିସୁ କ୍ରିସ୍ତଦି ଆପିତ୍ ! ଆମେନ୍ ।

☆ ୧:୪ ପ୍ରକାଶିତ ୪:୫. ☆ ୧:୭ ପ୍ରକାଶିତ ୫:୧୦.

୭ ସୁତୁଦୁ, ଖାନ ବାଦଡ଼ତାନ ଖାନିନାନ ଦୁନିଆଦି ଲୋକୁ ଝିଜେରେ ଖାନିଙ୍ଗ ସୁଣାର; ଇୟାଖାନାନେ ଆମାକାର ଖାନିଙ୍ଗ ଡାକତା ମାରୁଆର, ଖାନ ବା ଖାନିଙ୍ଗ ସୁତୁଡ଼ି ତିଲାଇ ଆଡ଼ବାନାର । ଇୟାଝିଜୁ ପୁରା ଗଟାନାଡ଼ ଆମେନ ।

୮ ଖପ୍ରୁ ସର୍ବସାକ୍ତିମାନ ମାପୁରୁ ଇଜିନାନ, “ନାନୁ ଆରାମ୍ ନି ସାରାସାରି,” ଖାନ ସରଇଦିନ୍ତୁ ମାରୁଆନ, ଇଲେଇବା ମାନାନ, ମାରି ବବିସଡ଼ତୁ ଖାନାନ ।

କ୍ରିସ୍ତ ତରାୟଆତାନ

୯ ନାନୁ ଜୋହନ, ମି ଅରେନ୍ ତଡ଼ାନ, ଜିସୁଦି ସିସୁ ଖାଜା ଖାନି ଦେସତି ଲୋକା ମୁସ୍କୁ ଆଜିମାନି କାସୁ ସାସ୍ତି ଖାଲେ ସାସ୍ କିନି ଉଣ୍ଡିଙ୍ଗ ନାନ ମି ଅରେନ୍ ମିସାତାମାନା । ଜିସୁ ଝେରତିମାନି ସଡ଼ ମାରି ମାପୁରୁଦି ସାକ୍ୟ ଝେରିନି ଉଣ୍ଡିଙ୍ଗ ନାନୁ ପାମ୍ ଦରତି ତରତାରୋ ଅତାମାର୍ହାର ।

୧୦ ନାନୁ ପ୍ରବୁଦି ନାଣ୍ଡିଙ୍ଗ ପବିତ୍ରଆମ୍ବାଦୁ ପୁଟତାଡ଼ ମାରି ନା ଝେନକା ବାଜା ମରି ଆଉଲି ଖାଜା ଉନ୍ତୁ ପେରି ବଲୁ ଝେରଆ ।

୧୧ ଏନ୍ ଅରେନ୍ ନାଙ୍ଗ୍ ଇର୍ହାନ, “ମିର୍ ଆମାକା ସୁଡ଼ିଜି ମାନିଦେର୍, ଆକା ଉନ୍ତୁ ବଇଦୁ ରାସ୍‌ସୋ ଇଡୁଦୁ ମାରି ସାଡ଼ଗୋଟା ମଣ୍ଡଲିଙ୍ଗ, ଏପିସ, ସୁଣ୍ଡା, ପର୍ଗମ, ତୁୟତିରା, ସାର୍ଜୀ, ଫିଲାଦେଲ୍‌ଫିଆ, ମାରି ଲାଅଦିକିଆଦି ମଣ୍ଡଲିଙ୍ଗ ଲାକ୍‌ତୁ ପୋକ୍‌ତୁ ।”

୧୨ ଏନ୍ ନା ଖାଲେ ଖାରଗିଜିନାନ, ସୁତୁନ୍ତି ଉଣ୍ଡିଙ୍ଗ ନାନୁ ଝେନକା ମାରିଜିବେସ୍‌ସି ସୁତୁଡ଼ା, ସାଡ଼ଗୋଟା ବାଙ୍ଗ୍‌ରାମ୍ ଦିଝେଙ୍ଗ୍,

୧୩ ମାରି ଆୟା ଦିଝେଙ୍ଗ୍ ନାଡ଼ମି ମନୁସ୍ୟପୁତ୍ରଦି ଖାଜା ଅରେନ୍ ଲୋକ । ଖାନି ଆଙ୍ଗ୍ ପାଦାମ୍ ସାନ୍ଦି ଆରାଜି ମାରି ଖାନି ବକାଦୁ ଉନ୍ତୁ ବାଙ୍ଗ୍‌ରାମ୍‌ତି ବେଲୁଟୁ ଦାନ ତରଜିମାରାଡ଼ ।

୧୪ ଖାନି ତାଲାଦି କୁକୁଟି ବୁରୁବୁସା ନି ଅଡ଼ିନିକା ଖାଜା ଅଡ଼ିନିକା ମାରାଡ଼ ମାରି ଖାନି କାଣୁକୁ ସିସୁ ଖାଜା କାସ୍‌ସିମାରେ ।

୧୫ ଖାନି ପାଦାମ୍‌କୁ ରୁଣ୍ଡି ସିସୁଦୁ ପୁରା ପିତଲକଂସ୍ ଖାଜା କାସ୍‌ସି ମାରାଡ଼ ମାରି ଖାନି ଖାରଗିନି ବଲୁ ଏରୁଝାଙ୍ଗ୍‌ଜିନି ଖାଜା ଆଜିମାରାଡ଼ ।

୧୬ ଖାନ ଖାନି ଉଣିକିୟୁଦୁ ସାଡ଼ଗୋଟା ସୁକେଙ୍ଗ୍ ଆସ୍‌ତାମାରାନ୍ ମାରି ଖାନି ଝେୟୁଦାନ୍ ଉନ୍ତୁ ସିକ୍‌ସିକା ରିୟାଙ୍ଗ୍‌ଦାରାମାନି କାଣ୍ଡା ସୋସି ମାର୍ହାଡ଼ । ଖାନି ମକମ୍ ଝେଡ଼େରି ଝେଡ଼ା ଖାଜା ଜାୟମାରାଡ଼ ।

୧୭ ଖାନିଙ୍ଗ୍ ସୁତୁଡ଼ି ଦାପ୍ରେ ନାନୁ ସାତି ଖାଜା ଖାନି ପାଦାମ୍ ଆଡ଼ଗି ମେଡ଼େତା । ଖାନ ଖାନି ଉଣି କିୟୁ ନା ମୁସୁକୁ ଇଡ଼ିଜି ଇର୍ହାନ, “ତିଲାମାଟ୍, ନାନୁ ଆରାମ୍ ନି ସେସ୍ ।

୧୮ ନାନୁ ନିଜେ ଜିତାମାନା; ସାତାମାର୍ହାର, ମାତର ନାନୁ ଇଲେଇ ଜୁଗ୍ ଜୁଗ୍ ଜିବନ୍ ତେବାନା । ସାନିକା ମାରି ପାତାଲ୍‌ତି କୁସିକାଣ୍ଡି ନା କିୟୁଦୁ ମାନାଡ଼ ।

୧୯ ଆଦେଙ୍ଗ୍ ନିନ୍ ଆମା ଝିଜୁ ବିସୟ୍ ସୁଡ଼ିଜିନିଦେର୍ ଏମେ ଝିଜୁ ବିସୟ୍ ଇଲେଇ ଗଟେଆଜିନାଡ଼ ମାରି ଆମାକା ଝିଜୁ ବବିସଡ଼ତୁ ଗଟେଆନାଡ଼, ଆୟାଝିଜୁ ରାସ୍‌ସ ଇଡୁଦୁ ।

୨୦ ନା ଉଣିକିୟୁଦୁ ମାନି ସାଡ଼ଗୋଟା ସୁକେଙ୍ଗ୍ ମାରି ଇୟା ସାଡ଼ଗୋଟା ବାଙ୍ଗ୍‌ରାମ୍‌ତି ଦିଝେଙ୍ଗ୍ ମାରୁଗିତିମାନି ମାଟା ଆଜିନାଡ଼, ସୁକେଙ୍ଗ୍ ସାଡ଼ଗୋଟା ମଣ୍ଡଲିଦି ଦେବ ଦୁଡ଼ ମାରି ଦିଝେଙ୍ଗ୍ ସାଡ଼ଗୋଟା ମଣ୍ଡଲିଙ୍ଗ ।”

୨

ଏପିସସ୍ ମଣ୍ଡଲି ଉଣ୍ଡିଙ୍ଗ କାବୁର୍

୧ ଏପିସ୍ ମଣ୍ଡଲିଦି ଦୁଡ଼ଦି ଲାକ୍‌ତୁ ରାସ୍‌ତୁ : ଏମେଖାନି ଉଣିକିୟୁଦୁ ସାଡ଼ଗୋଟା ସୁକେଙ୍ଗ୍ ମାରି ଏନ୍ ସାଡ଼ଗୋଟା ବାଙ୍ଗ୍‌ରାମ୍ ଦିଝେଙ୍ଗ୍ ମାଣାନ୍‌କୁ ବାଟା କିନାନ, ଖାନି ଇୟା କାବୁର୍ ।

୨ ମି ପାଣିକିତିମାନିକା, ନାଣ୍ଡକାସୁ ପାଣି ମାରି ସାସ୍ତି ବିସୟ୍ ନାନୁ ନେସ୍‌ନା । ନାନୁ ବା ନେସ୍‌ନା ଜେ, ନିନୁ ତାଗ୍‌ଲପାଣିକିନିଖାରିଙ୍ଗ ସାସ୍ କିଦେଙ୍ଗ୍ ଆଡ଼ଇ । ଏମେକାର ପ୍ରେରିତ ସିସୁ ଇଜି ନିଜେଦି ପରିଚୟ୍ ସିନାର, ସଡ଼ତାନ ସିସୁ ଆଏର୍, ପରିକା କିଜି ଖାରିଙ୍ଗ ମିଡ଼ଝେରନିକାର ଇଜି ନିନ୍ ପାରାମାଣ୍ କିତିମାନି ।

୩ ମାରି ନିନ୍ ସାସ୍ ଆସ୍‌ସି ମା ଉଣ୍ଡିଙ୍ଗ ଦୁଃଖକାସୁ ସାସ୍ କିତିମାନି ମାରି ନିରାସ୍ ଆଇ ।

୪ ମାତର ନି ବିରୁଦ୍‌ତାନ ନା ଇୟା ମାଟା ମାନାଡ଼ : ମିର୍ ଆଗ୍‌ଡ଼ି ଏଣ୍ଡେସ୍ ନାଙ୍ଗ୍ ଜିବନ୍‌ନୋଜି ମାରିଇଦେର୍, ଇଲେଇ ଆୟାଖାଜା ମାରି ଜିବନ୍‌ନୋଇଦେର୍ ।

୫ ମିଦି ଏସା ଆଡ଼ିଗିଆତା ମାନାଡ଼, ସିନ୍ତା କିଦୁ । ପାପତାନ ଡେସିଝାଜି ଆଗ୍‌ଡ଼ିରି ଖାଜା ସଡ଼ପାଣି କିଦୁ । ଜଦି ପାପ୍‌ତାନ ଡେସି ରେଇଦେର୍, ଆଡ଼ତିଙ୍ଗ ନାନୁ ମି ଦିଝାଦିଙ୍ଗ୍ ଆଇ ବାଡ଼ିଦୁ ଅନା ।

☆ ୧:୭ ମାଡ଼ିଉ ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ ତେସଲନିକୟ୍ ୪:୧୭; ଜୋହନ ୧୯:୩୪, ୩୭; ମାଡ଼ିଉ ୨୪:୩୦. ☆ ୧:୮ ପ୍ରକାଶିତ ୨୨:୧୩. ☆ ୧:୧୭ ପ୍ରକାଶିତ ୨:୮; ୨୨:୧୩.

୭ ମାତର ମି ଉଣ୍ଡିଙ୍ଗ ଉନ୍ତ୍ରୁ ବିସୟ ମାନାତ୍ । ଆକା ଆଜିନାତ୍, ମାପ୍ ନୀକଲ୍ୟାୟତିୟରି ଆମା ଓଜୁ ପାଣି କାଡ଼ିଜିନା, ନିନ୍ ବା ଆୟାଓଜୁ କାଡ଼ିଜିନି ।

୮ *ଖେନ୍ତେଙ୍ଗ ଗିତଣି ମାରିଙ୍ଗ, ମଣ୍ଡଲିଆଙ୍ଗ ଉଣ୍ଡିଙ୍ଗ ପବିତ୍ରଆମ୍ ଜନିକା ଇଜିନାତ୍, ଖେନ୍ତୁ !

ଏମେକାର୍ ଜିଣାନିକା ଲାବକିନାର୍, ନାନୁ ଖାରିଙ୍ଗ ମାପୁରୁଦି ମୁସକୁପୁରତି ତଡ଼ିଦୁ ଆସ୍ତିମାନି ଜିବନ୍ ମାରାତି ପଲ୍ ତିନି ଉଣ୍ଡିଙ୍ଗ ଅଦିକାର୍ ସିନା ।

ସ୍ପର୍ଶ୍ଣା ମଣ୍ଡଲି ଉଣ୍ଡିଙ୍ଗ କାବୁର୍

୯ *ସ୍ପର୍ଶ୍ଣାଦୁ ମାନି ମଣ୍ଡଲିଦି ଦୁଡ଼ଦି ଲାକୁତୁ ରାସତୁ : ଏନ୍ ଆରାମ୍ ନି ସାରାସାରିଖେନ୍କା ମାରି ଏନ୍ ସାତାନନୋ ଡେସି ଜିବନ୍ ଆତାନ, ଖାନି ଲାକ୍ତୁରାନ୍ ଇୟା କାବୁର୍ :

୧୦ ମି ଦୁଃକକାସୁ ଓଜୁ ନାନ୍ ନେସନା; ନାନୁ ବା ନେସନା ଜେ, ମିର୍ କାକୁତ୍ ଲୋକୁ; ମାତର ସଡ଼ତାନ ମିର୍ ମାଜନ୍ ଲୋକ୍ । ଏମେକାର୍ ନିଜେଦିଙ୍ଗ ଜିହୁଦି ଇଜି ଇନାର୍, ମାତର ସଡ଼ତୁ ଜିହୁଦିର୍ ଆଏର୍ ମାରି ଏମେକାର୍ ସୟତାନଦି ଖେନ୍କା ସନାର୍, ଖାନ୍ ଏଣ୍ଡେସ୍ ମିଙ୍ଗ୍ ଅପମାନ୍ କିଜି ମାଟା ଆଜିନାର୍, ଆକା ନାନୁ ନେସନା ।

୧୧ ମିର୍ ଏମେ ଓଜୁ ଦୁଃକକାସୁ କିଦେଙ୍ଗ ସଲିସିନିଦେର୍, ଆୟାଉଣ୍ଡିଙ୍ଗ ତିଲାମାଟ୍ । ଖେନ୍ତୁ ! ମି ମାଣୁକୁ ଏସ ଲୋକାଙ୍ଗ୍ ଜଇଲ୍ତୁ ନିରିସି କିଜି ସୟତାନ ପରିକା କିନାତ୍ । ମାତର ମି ଇୟା କାସୁ କେବଲ୍ ସାଣେକ୍ ଦିନ୍ସାଦି ତେବାନାତ୍ । ଇବେନ୍ଦୁ ସାନିତାନିଙ୍ଗ୍ ତିୟେଲ୍ ମାରିଙ୍ଗ୍ବା, ନା ଉଣ୍ଡିଙ୍ଗ ବିସ୍ବାସ୍ ତେବାତିଙ୍ଗ୍, ନାନୁ ମିଙ୍ଗ୍ ଜିବନ୍ନାନି ଚପି ସିନା ।

୧୨ *ଖେନ୍ତେଙ୍ଗ ଗିତଣି ମାରିଙ୍ଗ, ମଣ୍ଡଲିକାଙ୍ଗ ମାପୁରୁଦି ଆମ୍ ଜନିକା ଇଜିନାତ୍, ଖେନ୍ତେରୁ ଏମେକାର୍ ଜିଣାଜି ଲାବକିନାର୍, ରିଜାସାନିକା ଖାରିଙ୍ଗ ମୁଟତେଙ୍ଗ୍ ଆଟ୍ଏର୍ ।

ପର୍ଗମ ମଣ୍ଡଲି ଉଣ୍ଡିଙ୍ଗ କାବୁର୍

୧୩ ପର୍ଗମ ମଣ୍ଡଲିଦି ଦୁଡ଼ଦି ଲାକୁତୁ ରାସତୁ : ଏମେଖାନି ଲାକୁତୁ ରିଆଙ୍ଗ୍ଦାରାଦି କାଣ୍ଡା ମାନାତ୍, ଖାନି ଇୟା କାବୁର୍ ।

୧୪ ନାନୁ ନେସନା, ମିର୍ ସୟତାନଦି ସିଂହାସନ୍ ଲାକୁତୁ ବାସାକିଜିନିଦେର୍ । ମାତର ମିର୍ ନା ଉଣ୍ଡିଙ୍ଗ ବିସ୍ବାସ୍, ଇୟାଖାଜାନେ ସୟତାନ ବାସାକିନି ଜାଗାଦୁ ଏସ୍ତିଖାଲେ ନା ଅରେନ୍ ବିସ୍ବାସ୍ତି ସାକିସିନି ଆନ୍ତିପାଦିଙ୍ଗ୍ ସାୟାମାର୍ଗା ତାକ୍ତାର୍, ନାସ୍ତିଖାଲେ ବା ମି ବିସ୍ବାସ୍ ତ୍ରିସ୍ଫାରିଇଦେର୍ ।

୧୫ ମାତର ନି ବିରୁଦ୍ଦତାନ୍ ନା ଏସ ବିସୟ ଇନିକା ମାନାତ୍ । ଆବେନ୍ଦୁ ମି ଖାଲେ ମାନି ଏସ ଲୋକୁ, ବାଲାମଦି ସିକିୟାଦାନ୍ ବୁଲ୍ୟାଲା ଆଜିନାର୍ । ବାଲାମ ପୁଜାସିନି ବଗ୍ ତିନ୍ତେଙ୍ଗ୍ ମାରି ଦାରିପାଣି କିନି ଉଣ୍ଡିଙ୍ଗ ଇସ୍ତାଏଲ୍ତି ଲୋକାଙ୍ଗ୍ ଖେର୍ନି ଉଣ୍ଡିଙ୍ଗ ବାଲାକଦିଙ୍ଗ୍ ଅଜାକିତାମାରାନ୍ ।

୧୬ ଟିକ୍ ଆୟାଖାଜା ନୀକଲ୍ୟାୟତିୟରି ମାଟାଦି ଖେନ୍କା ସୋଲ୍ସିମାନି ଲୋକୁ ମି ଲୋଇ ମାନାର୍ ।

୧୭ ମି ପାପ୍ ତ୍ରିସ୍ତୁ; ସିଲେତିଙ୍ଗ୍ ନାନୁ ବେଗି ମି ଲାକୁତୁ ଖାଜି ନା ଖେୟୁଦାନ୍ ସୋସିମାନି କାଣ୍ଡାଦାନ୍ ଆୟା ତଙ୍ଗାର୍ଘ୍ଣା ବିରୁଦ୍ଦତାନ୍ ଜୁଦ୍ କିନା ।

୧୮ *ଏମେକାର୍ ଖେନି ଉଣ୍ଡିଙ୍ଗ ଗିତଣି ମାନାତ୍, ମଣ୍ଡଲିଙ୍ଗାଁ ମାପୁରୁଦି ଆମ୍ ଜନିକା ଇଜିନାତ୍, ଆକା ଖେନ୍ତୁ । “ଏମେକାର୍ ଜିଣାନିକା ଲାବ କିନାର୍, ନାନୁ ଖାରିଙ୍ଗ ଇଟ୍ତିମାନି ମାନ୍ନାଦାନ୍ ଏସ ସିନା । ଖାରି ମାଣ୍ଡୁ ଓଜେରିଙ୍ଗ୍ ପୁନି ଦରୁ ରାସ୍ତିମାନି ଅଡ଼ିନି କାଲୁ ସିନା । ଆୟା ପୁନି ଦରୁ ଇନିକା, କାଲୁଦିଙ୍ଗ୍ ମାନାନିକାନ୍ ତ୍ରିସ୍ତିଙ୍ଗ୍ ଆଇକାନ୍ ଏନ୍ ଆକା ନେସ୍ତେଙ୍ଗ୍ ଆଟ୍ଏର୍ ।”

ତୁୟତିରା ମଣ୍ଡଲି ଉଣ୍ଡିଙ୍ଗ କାବୁର୍

୧୯ ତୁୟତିରା ମଣ୍ଡଲିଦି ଦୁଡ଼ଦି ଲାକୁତୁ ରାସତୁ : ଇୟା କାବୁର୍ ମାପୁରୁଦି ମାରିନ୍ଦି ଲାକୁତୁରାନ୍ ଖାତାମାନାତ୍ । ଖାନି କାଣ୍ଡୁ କାସ୍ତିମାନି ସିସୁ ଖାଜା ମାରି ଖାନି ପାଦାମ୍ ଜାୟତି ପିତଲ୍ ଖାଜା ।

୨୦ ମି ପାଣିକିତିକା, ମି ଜିବନ୍ନୋନିକା, ବିସ୍ବାସ୍ ମି ସେବା ପାଣି ମାରି ସାସ୍ ନାନୁ ନେସନା ! ନାନୁ ବା ନେସନା ଜେ, ମିର୍ ପୁର୍ବେ ଏମେକା କିଜିମାରିଇଦେର୍, ଇଲେଇ ତାନିମାଣୁକୁ ନାଣୁ କିଜିନିଦେର୍ ।

୨୧ ମାତର ନି ବିରୁଦ୍ଦତାନ୍ ନାନୁ କେବଲ୍ ନିସ ଇନିକା ମାନାତ୍, ମାପୁରୁଦି କାବୁରୁଅନିତାନି ଖାଜା ନିଜେଦି ପରିଚୟ ସିଜିମାନି ଯେଜେବଲ୍ ଦର୍ତ୍ତି ଆଇମାଦିଙ୍ଗ୍ ନିନ୍ ଜିବନ୍ନୋନିକା ସିତିମାନି । ବାବବାଦିନି ନା ଦାସ୍ରିଙ୍ଗ୍ ଦାରିପାଣି କିଦେଙ୍ଗ୍ ମାରି ଦିୟାମକା ଲାକୁତୁ ସିଆୟାଅତିମାନି ବଗ୍ ତିନ୍ତେଙ୍ଗ୍ ସିକିୟା ସିଜି ଖାରିଙ୍ଗ୍ ଆଇସାରିଦୁ ପୋକ୍ସିନାତ୍ ।

୨୨ ପାପଦାନ୍ ଡେସିଖାନି ଉଣ୍ଡିଙ୍ଗ ନାନୁ ତାନିଙ୍ଗ୍ ସମୟ ସିତାମାନା, ମାତର ଖାଦ୍ ନିଜେଦି ଦାରିପାଣିଦିଙ୍ଗ୍ ତ୍ରିସ୍ତେଙ୍ଗ୍ ଇଛାକିଏଜିନାତ୍ ।

☆ ୨:୭ ପ୍ରକାଶିତ ୨୨:୨. ☆ ୨:୮ ପ୍ରକାଶିତ ୧:୧୭; ୨୨:୧୩. ☆ ୨:୧୧ ପ୍ରକାଶିତ ୨୦:୧୪; ୨୧:୮. ☆ ୨:୧୭ ଜୋହନ ୭:୪୮-୫୦.

୨୨ ଆଦେଈ ନାନୁ ତାନିଈ ମାରି ତାନି ଖାଲେ ଦାରିପାଣିଦୁ ମିସାତି ମାନି ଓଜେରିଈ ଖାଟେଲଦୁ ତେର୍ପେନା ମାରି ଖାର ବୟଈକାର କାସୁ ଭୋଗ କିନାର । ଜଦି ଖାର ତାନି ଖାଲେ କିତିମାନି ଦାରିପାଣି ଉଣ୍ଡିଈ ଏଡ଼ କିଏର, ଆରତିଈ ନାନୁ ଇକା ଏଣ୍ଡେସବା କିନା ।

୨୩ ତାନି ଖେନେକା ବୁଲାନିଖାରିଈ ବା ସାପିସ୍ କିନା, ଆରତିଈ ମଣ୍ଡଲିଈ ଓଜୁ ନେସ୍ତେଈ ଆଟନାର ଜେ, ନାନୁ ଜିବନ୍ତିକାଓଜୁ ନେସ୍ତନା, ଲୋକଦି ଓଜୁ ଚିନ୍ତା ମାରି ପାଣି ନାନୁ ନେସ୍ତେଈ ଆଟନା । ମିର୍ ଓଜେରେ ଆମାକା କିତିମାନିଦେର୍, ଆୟା ଇସାପତାନ ନାନୁ ମିଈ କାସୁ ସିନା ।

୨୪ “ମାତର୍ ତୁୟତିରାଦୁ ମି ଲୋଇରାନ୍ ଏମେକାର ଇୟା ତାଗ୍‌ଇସିକୟା ମାନାଇଦେର୍ ମାରି ଆମାତାନିଈ ସୟତାନଦି ମାରଗିତିମାନି ଅର୍ତଦି ସିକୟା କିଇଦେର୍, ନାନୁ ଖାରି ମୁସୁକୁ ମାରି ଇନି ବଜୁ ତିଗିଜ ସିଏ ।

୨୫ ମାତର୍ ନାନୁ ରେଇମାନି ସାହି ମିଦି ଏମେକା ମାନାଡ଼, ଆକା ତାଟତାନ ଆସସୋ ଇତିଦୁ ।

୨୬ ଏମେ ଲୋକୁ ଜିଣାନାର ମାରି ସାରାସାରି ଖେନକା ସାହି ନା ବଦାଦାନ ପାଣି କିନା, ନାନୁ ବୁବାଦି ଲାକ୍‌ତୁରାନ୍ ଏମେ ଅଦିକାର ପୋଇତାମାନା, ଆକା ଖାରିଈ ସିନା ।

୨୭ ପୂତିବିଦି ଆଇଆଇ ଜାତିଦି ଲୋକାଈ ଲୁଖା ଦଣ୍ଡଦାନ ସାସନ୍ କିଦେଈ ମାରି ସିକିଲା ସାଟି ଖାଜା ଗୁଣ୍ଡୁଗୁଣ୍ଡା କିଦେଈ ନାନୁ ଖାରିଈ ଅଦିକାର ସିନା ।

୨୮ ନାନୁ ଖାରିଈ ଓଗାପି ସୁକା ବା ଦାନ କିନା ।”

୨୯ ଖେନ୍‌ଡେଈ ସାକ୍ତି ମାରିଈ, ମଣ୍ଡଲିଈ ମାପୁରୁଦି ଆମା ଇନିକା ଇଜିନାଡ଼, ଖେନ୍‌ଡୁ !

୩

ସାର୍ଦ୍ଦୀ ମଣ୍ଡଲି ଉଣ୍ଡିଈ କାରୁର୍

୧ ସାର୍ଦ୍ଦୀଦୁ ମାନି ମଣ୍ଡଲିଦି ଦୁଡ଼ି ଲାକ୍‌ତୁ ରାସ୍ତୁ, “ମାପୁରୁଦି ସାଡ଼ଗୋଟା ଆମା ମାରି ସାଡ଼ଗୋଟା ସୁକେଈ ଆସ୍ତିମାନି ଲୋକ୍‌ତିମାତାନକୁ ଇୟା କାରୁର୍ । ନାନୁ ମି ପାଣିକିତିକା ନେସ୍ତନା; ମିର୍ ସାତିମାରିଈ ବା ଜିବନ୍‌ମାନାପ୍ ଇଜି ଖେଈ ଓତିମାନିଦେର୍ ।

୨ ଆଦେଈ ଜାଗାରତା ଆଦୁ ମାରି ମି ଲାକ୍‌ତୁ ଆମା ବିସୟକୁଓଜୁ ମାନାଡ଼, ଆକା ପୁରାଖାଜା ମାରଗିନି ଆଗ୍‌ଡିନେ ତାନିଈ ସାକ୍ତି କିଦୁ । ଇରିଈ ନାନୁ ନେସ୍ତନା, ମି ପାଣିଓଜୁ ମାପୁରୁଦି କାଶ୍‌ଗାଦୁ ଇୟାସାହି ପୁରା ଆଏଡ଼ ।

୩ *ମିଈ ଏମେ ସିକିୟା ସିଆୟଆତାମାରାଡ଼ ମାରି ମିର୍ ଏମେକା ଖେରିଇମାରିଇଦେର୍, ଆକା ଏଡ଼କିଜି ମାନାଦୁ ମାରି ମୋନ ବାଦ୍‌ଲେକିଦୁ । ଜଦି ଜାଗାରତା ଆଏଡିଈ, ନାନୁ ତକ୍‌ଟ୍‌ଏନ୍ ଖାଜା ମି ଲାକ୍‌ତୁ ଖାନା । ଆକା ମିର୍ ନେସ୍‌ଡେଈ ଆଟ୍‌ଇଦେର୍ ।

୪ ମାତ୍ର ସାର୍ଦ୍ଦୀଦୁ ମି ଲୋଇରାନ୍ ଉଣା ଏସ ଲୋକ୍ ଖାରି ଆଈଈ ମାଡ଼ଏର୍ । ଖାର ଅଡିନିଆଈ ଆରାଜି ନା ଖାଲେ ବୁଲାସାଲା କିନାର, ଇରିଈ ଇୟାଉଣ୍ଡିଈ ଖାରି ଜୋଗ୍ ମାନାଡ଼ ।

୫ *ଏମେକାର ଜିଣାନାର, ଖାର ଇୟାଖାଜା ଅଡିନି ଆଈଈ ଆରାନାର । ଜିବନ୍ ବଇଦାନ ଖାରି ଦରୁ ଏସାଈବା ମାର୍‌ଗେଏଡ଼, ମାରି ମା ବୁବା ମାରି ଖାନି ଦୁଡ଼କା ଆଗ୍‌ଡି ଖାରିଈ ନା ଖେନକାଖାନିକାର ଇଜି ନାନୁ ମାନାନା ।

୬ “ଖେନ୍‌ଡେଈ ଗିତଣି ମାରିଈ, ମଣ୍ଡଲିଆଈ ପବିତ୍ରଆମା ଇନିକା ଇଜିନାଡ଼, ମୋନ୍ ସିଜି ଖେନ୍‌ଡୁ ।”

ଫିଲାଦେଲ୍‌ଫିଆ ମଣ୍ଡଲି ଉଣ୍ଡିଈ କାରୁର୍

୭ ଫିଲାଦେଲ୍‌ଫିଆଦୁ ମାନି ମଣ୍ଡଲିଦି ଦୁଡ଼ି ଲାକ୍‌ତୁ ରାସ୍ତୁ : ଏନ୍ ଓଜୁଖାଜା ପବିତ୍ର ନି ସଡ଼ି ଖାଜା ଖାନିମାଣ୍‌କୁ ଇୟା କାରୁର୍ ଖେନ୍‌ଡୁ । ଖାନି ଲାକ୍‌ତୁ ଦାଉଦଦି କୁସିକାଣ୍ଡି ମାନାଡ଼, ଖାନ ଏମେ ସେର୍ଲା ରେନାନ୍, ଆଇକାନ୍ ଏନ୍ ଆକା କେର୍‌ଡେଈ ଆଟ୍‌ଏନ୍ ମାରି ଖାନ ଏମେକା କେର୍‌ନାନ୍, ଆଇକାନ୍ ଏନ୍ ଆକା ରେଡେଈ ଆଟ୍‌ଏନ୍ ।

୮ ମି ପାଣି ଓଜୁ ନାନୁ ନେସ୍ତନା; ଇୟାସାହି ମି ସାକ୍ତି ମାନାଡ଼, ଇକାବା ନେସ୍ତନା; ମିର୍ ନା ସିକିୟା ମାନାଜି ଖାତିମାନିଦେର୍ ମାରି ନା ଉଣ୍ଡିଈ ବିସ୍‌ବାସ୍ ମାନିଦେର୍ । ଆଦେଈ ନାନୁ ମି ଆଗ୍‌ଡି ଉଣ୍ଡି, ସେର୍ଲା ରେତାମାନା । ଆକା ଏନ୍ କେର୍‌ଡେଈ ଆଟ୍‌ଏନ୍ ।

୯ ଖେନ୍‌ଡୁ ! ଏସ ଲୋକୁ ମିଟତାନ ନିଜେ ନିଜେଦିଈ ଜିହୁଦି ଇଜି ଇନାର, ମାତର୍ ସଡ଼ତାନ ଜିହୁଦିର ଆଏର୍, ସୟତାନଦି ଆୟା ଲୋକାଈ ନାନୁ ମି ପାଦାମ୍ ଆଡ଼ଗି କିନା । ନାନୁ ମିଈ ଜିବନ୍‌ନୋନା ଇଜି ଖାର ଓଜେରେ ନେସ୍‌ନାର ।

୧୦ ନା ଆଦେସ୍ ଇସାପତାନ ମିର୍ ସାସ୍‌ଆଜି ମାନିଦେର୍, ଆଦେଈ ପୂତିବିଦିଲୋକୁ ଲୋକାଈ ପରିକା କିନି ଉଣ୍ଡିଈ ସାରା ଦୁନିଆଦୁ ଆମା କାସୁ ଖାଦେଈ ସୋଲିସନାଡ଼, ଆବେଟ୍‌କୁ ନାନୁ ମିଈ ନେଗିବାଡିଦୁ ଇଡ଼ନା ।

☆ ୩:୩ ମାତିଉ ୨୪:୪୩,୪୪; ଲୁକ ୧୨:୩୯,୪୦; ପ୍ରକାଶିତ ୧୭:୧୫. ☆ ୩:୫ ପ୍ରକାଶିତ ୨୦:୧୨; ମାତିଉ ୧୦:୩୨; ଲୁକ ୧୨:୮.

୧୧ ନାନୁ ଦାପ୍ତେ ଖାଜିନା, ମି ମୁକୁର୍ ଏମେକା ମାନାଡ଼, ଆକା ନେଗେନ୍ ଇଡ଼ିଦୁ, ଏଣ୍ଡେସ୍ ଏନ୍ ମି ଲାକ୍ତୁରାନ୍, ମି ଜିଣାତି ପୁରସ୍ତାର୍ ତଙ୍ଗାକିଜଅତେଙ୍ଗ ଆର୍ଏନ୍ ।

୧୨ *ଜିଣାତି ଲୋକ୍ତିଙ୍ଗ ନାନୁ ନା ମାପୁରୁଦି ମନ୍ଦିରୁଦୁ ମୁଣ୍ଡାଖାଜା ତିଆର୍ କିନା ମାରି ଖାନ୍ ମୁଡ଼ୁକ ଆବେଟ୍ତାନ୍ ଗୁସାଦେଙ୍ଗ ଆର୍ଏନ୍ । ନାନୁ ତାନି ମୁସୁକୁ ନା ମାପୁରୁଦି ଦରୁ ରାସନା । ନା ମାପୁରୁଦି ଲାକ୍ତୁରାନ୍ ମୁସୁକୁପୁର୍ତାନ୍ ଖାତିମାନି ମାପୁରୁଦି ଗାଡ଼, ପୁନି ଜିରୁସାଲମ୍ଦି ଦରୁ ମାରି ନା ପୁନି ଦରୁ ବା ଆୟା ମୁସୁକୁ ରାସନା ।

୧୩ ଏମେଖାନିଙ୍ଗ ଗିତଣି ମାନାଡ଼, ଖାନ୍ ମଣ୍ଡୁଲିଆଙ୍ଗା ମାପୁରୁଦି ଆମ୍ବା ଇନିକା ଖେର୍ସିନାଡ଼, ମୋନ୍ ସିଜି ଖେନ୍ତୁ ।

ଲାଅଦିକିଆ ମଣ୍ଡୁଲି ଉଣ୍ଡିଙ୍ଗ କାବୁର୍

୧୪ ଲାଅଦିକିଆ ମଣ୍ଡୁଲିଦୁ ମାନି ଦୁଡ଼ଦି ଲାକ୍ତୁ ରାସ୍ତୁ : ବିସ୍ବାସ୍ ନି ସଡ଼ ସାକି ମାରି ମାପୁରୁଦି ଓଜୁ ତିଆର୍କିତିମାନି ଆରାମ୍ ଆୟା “ଆମେନ୍ଦି” ଇୟା କାବୁର୍ :

୧୫ ନାନୁ ମି ପାଣିଓଜୁ ନେସନା; ନିନ୍ ସିଡ଼ିଡ଼ି ସିଲେ କି ଉସୁମ୍ ସିଲେ, ଇକା ନାନୁ ନେସନା । ନିନ୍ ସିଡ଼ିଡ଼ି ସିଲେତିଙ୍ଗ ଉସୁମ୍ ଆତିମାରିଙ୍ଗ ନେଗେନ୍ ଆତାଡ଼ମାନ୍ଧି ।

୧୬ ମାତର୍ ନିନ୍ ସିଡ଼ିଡ଼ି ବା ଉସୁମ୍ ଆଏଜି ଅଡ଼ପ୍ ଉସୁମ୍ ଆତିମାନିଙ୍ଗ, ନାନୁ ନିଙ୍ଗା ଖେୟୁଦାନ୍ କାକ୍ନା !

୧୭ ମିର୍ ଇଜିନିଦେର୍; ନାନୁ ଦନି, ନାଦି ନାଣ୍ଡ ସମ୍ପତି ମାନାଡ଼, ନାଦି ଏମେ ଓଜୁ ଦରକାର୍, ଆୟାଓଜୁ ମାନାଡ଼; ମାରି ସତେନେ ମିର୍ ଏସା ଜଗ୍ସିଲିକା, ମାରି ସିଲିସାତିକା, ଇକା ନେସ୍ । ମିର୍ କାକୁଟ୍, ନାଗ୍ଡା ମାରି କାଣାନ୍ !

୧୮ ଆଦେଙ୍ଗ ନାନୁ ନିଙ୍ଗା ଆଦେସ୍ ସିଜିନା, ଦନିଆଦେଙ୍ଗ ନାମାଣ୍ଡୁ ନେଗି ବାଙ୍ଗାମ୍ କଡ଼ୋଦୁ ମି ସେମାର୍ଡି ଉଣ୍ଡିଙ୍ଗ ତୁମତାମେନ୍ଦଲଦୁ ପିଡ଼ାଗାଦେଙ୍ଗ ନା ଲାକ୍ତୁ ଅଡ଼ିନି ଖାତିଗନ୍ଦା କଡ଼ୋଦୁ । ମାରି ସୁଣି ସାକ୍ତି ନେଗେନ୍ କିନି ଉଣ୍ଡିଙ୍ଗ କାଟିକା କଡ଼ୋଜ କାଣ୍ଗାଦୁ ଉସାଆ ।

୧୯ *ନାନୁ ଏମେଖାରିଙ୍ଗ ଜିବନ୍ନୋନା, ଖାରିଙ୍ଗ ନିନ୍ଦାକିନା ମାରି ସାସ୍ତି ସିନା । ଆଦେଙ୍ଗ ଜିବନ୍ତି ଖାଲେ ପାପ୍ ସାରିଦାନ୍ ଡେସିଖାଜି ମୋନ୍ ବାଦ୍ଲେ କିଦୁ ।

୨୦ ସୁଡ଼ୁ ! ନାନୁ ଆଡ଼ରେ ନିଲ୍ତାନୋ ସେର୍ଲାଦୁ କଡ଼ସିନା; ଜଦି ଏନ୍ ନା ବଲୁ ଖେନିଜି ସେର୍ଲା ରେନାନ୍, ନାନ୍ ଖାନି ଇଲୁ ଲୋଇ ସଲ୍ସି ଖାନି ଖାଲେ ଉଣା ମାରି ଖାନ୍ ନା ଖାଲେ ଉଣାନ୍ ।

୨୧ ନାନୁ ଏଣ୍ଡେସ୍ ଜିଣାଜି ନା ବୁବାଦି ଖାଲେ ଖାନି ସିଂହାସନ୍ଦୁ ବାସ୍ତାମାନା, ଆୟାଖାଜା ଏମେକାର୍ ଜିଣାନାନ୍, ଖାନ୍ ଓଜେରିଙ୍ଗ ନାନୁ ଟିକ୍ ଆୟାଖାଜା ନା ସିଂହାସନ୍ଦୁ ନା ଲାକ୍ତୁ ବାସିସକିଦେଙ୍ଗ ଅଦିକାର୍ ସିନା ।

୨୨ ଖେନ୍ତେଙ୍ଗ ଗିତଣି ମାରିଙ୍ଗ, ମାପୁରୁଦି ଆମ୍ବା ମଣ୍ଡୁଲିଙ୍ଗା ଇନିକା ଇଜିନାଡ଼, ଖେନ୍ତୁ ।

୪

ମୁସୁକୁପୁର୍ତୁ ପାର୍ତନା

୧ ଇୟା ବେଡ଼ାଦୁ ନାନୁ ମାରି ଉଣ୍ଡି ସିନା ସୁଡ଼ୁ । ମୁସୁକୁପୁର୍ତୁ ଉଣ୍ଡି ସେର୍ଲା ରେଆଇ ଆତାମାରାଡ଼ ମାରି ମରିବାଜା ଆଉଲି ଖାଜା ଉଣ୍ଡି ଖେୟୁଦି ବଲୁଦାନ୍ ନାଙ୍ଗା ଆଦେସ୍ ଖାତାଡ଼; “ଇବେନ୍ନୁ ନିଙ୍ଗା ଜ ରାଆ । ତେନି ଖେନେକା ଏମେ ଓଜୁ ଗଟାଦେଙ୍ଗ ସୋଲିସନାଡ଼, ଆକା ନାନୁ ମିଙ୍ଗା ତୋରନା ।”

୨ ଦାପ୍ତେ ଦାପ୍ତେ ପବିତ୍ରଆମ୍ବାଦି ମାଣାନ୍ ପୁରାଆଜି ନାନୁ ସୁଡ଼ୁ, ମୁସୁକୁପୁର୍ତୁ ଉନ୍ତ୍ର ସିଂହାସନ୍ଦୁ ଅରେନ୍ ଏନ୍ ବାସ୍ତାମାନାନ୍ ।

୩ ଖାନି ମୋକମ୍ ହିରା ମାରି ମୋତି ଖାଜା ଚକ୍ମକ୍ ଆଜିମାରାଡ଼ ମାରି ସିଂହାସନ୍ଦିଙ୍ଗ ପାସ୍ରିକାଦି ହିରାକାଲୁ ଖାଜା ଉନ୍ତ୍ର ଇନ୍ଦୁଦନ୍ କେରେପ୍ତା ମାରାଡ଼ ।

୪ ମାରି ସିଂହାସନ୍ଦି ସାରିବେଡ଼ିଡ଼ି ଗୁଡ଼ୁବେଲିଆଜିମାନି ଆଇ ଚବିସ୍ଗୋଟା ସିଂହାସନ୍ଦୁ ଚବିସ ଲୋକୁ ପେରି ମଣ୍ଡୁଲିନେତାର୍ ବାସ୍ତାମାରାଡ଼ । ଖାର୍ ଅଡ଼ିନି ଆଙ୍ଗା ଆରାତାମାରାଡ଼ ମାରି ଖାରି ତାଲେକା ମୁସୁକୁ ବାଙ୍ଗାମ୍ପତି ଟପି ।

୫ *ସିଂହାସନ୍ଦାନ୍ ଲାଇନ୍ତି ଜାୟ୍, ଆଇଆଇ ବଲୁ ମାରି ବାଦଡ଼ି ଆଉଲି ଖାଜିମାରାଡ଼ । ସିଂହାସନ୍ଦି ଆଗିଡ଼ି ମାପୁରୁଦି ସାତଗୋଟା ଆମ୍ବାଏଙ୍ଗାଦି ସାତଗୋଟା ଦିଖେଙ୍ଗ କାସ୍ସିମାରେଏ ।

୬ ମାରି ସିଂହାସନ୍ ଆଗ୍ଡି ଇସ୍ କା ଖାଜା ଉନ୍ତ୍ର ନେଗି ସାମୁଦୁର୍ ତର୍ଜିମାରାଡ଼ । ସିଂହାସନ୍ଦିଙ୍ଗ ରିଆଙ୍ଗା ତରିନ୍ କାପ୍କିଜି ତେବାଜିମାରାଡ଼ ନାଲ୍ଗି ଜାଡ଼ୁ; ଖାରି ମେନ୍ଦଲ୍ଡି ନାଡ଼ିମିସାନ୍ଧି ମାରି ଖେନ୍କା କାଣ୍ଡୁ ପୁରାବତ୍ ମାରାଡ଼ ।

୭ ଆଗ୍ଡିରି ଜାଡ଼ୁ ପାର୍ଗାନରେସ୍ ଖାଜା ତର୍ଜିମାରାଡ଼; ମାରିଉନ୍ତ୍ର ଷଣ୍ଡୁଡ଼ାନ୍ ଖାଜା ତର୍ଜିମାରାଡ଼ । ମାରିଉନ୍ତ୍ର ମୋକମ୍ ଲୋକାଦି ମୋକମ୍ ଖାଜା ମାରାଡ଼ ମାରିଉନ୍ତ୍ର ଇମିନି ତେଗା ପଟି ଖାଜା ତର୍ଜିମାରାଡ଼ ।

୮ ଓଜୁ ଜାଡ଼ୁଦି ସୋଅଗୋଟାଲକା ରେକେଙ୍ଗ ମାରେଏ ମାରି ଖାନିକା ଆଡ଼ରେ ମାରି ଲୋଇ ବା କାଣ୍ଡୁ ପୁରାବତ୍ ମାରାଡ଼ । ଖାକୁ ନାଡ଼ା ଖେଡ଼େ, ରମ୍ବ୍ଏଣ୍ଗା ପାଟା ପାରିଜିମାରେଏ :

* ୩:୧୨ ପ୍ରକାଶିତ ୨୧:୨. ☆ ୩:୧୯ ଏବଂ ୧୨:୭. ☆ ୪:୫ ପ୍ରକାଶିତ ୮:୫; ୧୧:୧୯; ୧୭:୧୮; ପ୍ରକାଶିତ ୧:୪.

“ପବିତ୍ର, ପବିତ୍ର, ପବିତ୍ର, ସର୍ବସାକ୍ଷିମାନ ପ୍ରଭୁ ମାପୁରୁ !

ପୂର୍ବେଦାନ ଇଲେସାହି ଏନ୍ ଝିଜୁଦିନ୍ ମାନାନ ମାରି ଉନ୍ତ୍ର ଦେବା ଝାନ୍ ଝାନାନ ।”

୯ ଜାତୁଙ୍ଗ ସିଂହାସନ୍ଦୁ ବାସ୍ତିମାନି ଆୟା ଝିଜୁଦିନ୍ ମାନି ଲୋକ୍ତିଙ୍ଗ ଗୌରବ୍, ସମ୍ପୁମ ମାରି ଧନ୍ୟବାଦ ସିଜି ଝାରି ଆରାଧନା ପାଟା କିଜିମାନି ବେଡ଼ାଦୁ

୧୦ ନାସ୍ତିଝାଲେ ୨୪ ଲୋକ୍ତି ପେରି ନେତାର ଝିଜୁଦିନ୍ ମାନି ମାପୁରୁଦି ସିଂହାସନ୍ଦ ଆଗ୍ଡି ମେଣ୍ଡେଙ୍ଗ ଗଟ୍‌କିଜି ଝାନି ଆରାଧନା କିଦେଙ୍ଗ ଆସ୍ତାର । ମାରି ସିଂହାସନ୍ଦ ଆଡ଼ିଗି ନିଜେ ନିଜେଦି ମୁକୁଟ୍ ଇଡ଼ିଜି ଇର୍ହାର୍ :

୧୧ “ଏ ମା ପ୍ରଭୁ ମାପୁରୁ ! ନିନ୍ଦୁ ନେ ଗୌରବ୍,

ସମ୍ପୁମ ମାରି ସାକ୍ତି ପୋଇଦେଙ୍ଗ ଜଗ୍ ମାନି, ଇରିଙ୍ଗ୍,

ନିନ୍ଦୁ ଝିଜୁ ବିସୟ୍ ତିଆର୍ କିତିମାନି,

ମାରି ନିଜେଦି ବଦାଦାନ ଆୟା ଝିଜେରିଙ୍ଗ୍ ପେଡେନ୍ ସିତିମାନି, ଲୋକାଙ୍ଗ୍ ଜିବନ୍ କିତିମାନି ।”

୫

ବଇ ମାରି ମେଣ୍ଡାପିଲା

୧ ସିଂହାସନ୍ଦୁ ବାସ୍ତିମାନି ଲୋକ୍ତି ଉଣିକିୟୁଦୁ ନାନ୍ଦୁ ଉନ୍ତ୍ର ପାଡ଼ିଇକା ବଇ ସୁଡ଼ତୁା; ତାନି ରିଆଙ୍ଗ୍ ତରିନ୍ଦ ରାସାତାମାରାତ୍ ମାରି ସାତଗୋଟା ସିଲ୍ ଆଜି ଆକା ଟାପ୍ ଆତାମାରାତ୍ ।

୨ ମାରି ନାନ୍ଦୁ ସୁଡ଼ତୁା, ଅରେନ୍ ନାଣ୍ଡସାକ୍ତିମାନି ମୁସ୍‌କୁରତି ଦୁଡ଼ ନାଣ୍ଡଆଉଲିଦାନ ଝେରସି ଇଜିନାନ : “ସିଲ୍‌ଆତିକେଙ୍ଗ୍‌ଝିଜୁ ରୁକୁସି ଇୟା ବଇ କୁଡିନି ଉଣ୍ଡିଙ୍ଗ୍ ଏନ୍ ଜଗ୍ ଲୋକ୍ତି ମାରିଙ୍ଗ୍, ସୋସ ରାଦୁ ।”

୩ ମାତର ଆୟା ବଇ କୁଡିସି ଆବେନ୍ ଇନିକା ରାସାତାମାନାତ୍, ଆକା ପଡ଼ାଦେଙ୍ଗ୍ ମୁସ୍‌କୁପୁରତୁ, ଦୁନିଆଦୁ ମାରି ପାତାଲ୍‌ତୁ ଏନ୍ ସୋଡେଙ୍ଗ୍ ଆଟ୍‌ଏତାର ।

୪ ବଇ କୁଡସୋ ଆବେନ୍ଦୁ ଇନିକା ରାସାତାମାନାତ୍, ପଡ଼ାନି ଉଣ୍ଡିଙ୍ଗ୍ ଏନ୍ ଅରେନ୍‌ବା ଜଗ୍ ଲୋକ୍ତି ତରଇତିଙ୍ଗ୍, ନାନି ନିରାସ୍ ଆଜି ଆଡ଼ବାଦେଙ୍ଗ୍ ଆସ୍ତା ।

୫ ତାନିଝେନେକା ପେରିନେତାରି ମାଣ୍ଡକୁ ଅରେନ୍ ନାଙ୍ଗ୍ ଆଲ୍‌ଜ ମାନଆ ଇଜି ଇର୍ହାନ, “ଆଡ଼ବାମା, ସୁଡ଼ଆ ! ଦାଉଦଦି ପେରି କୁଟୁମ୍, ଯିହୁଦା କୁଟୁମ୍‌ତି ପାର୍ଗାନରେସ୍ ଜିଣାଜି ଝାତାମାନାନ; ଝାନ୍ ଇୟା ସାତଗୋଟା ସିଲ୍‌ଆତିକେଙ୍ଗ୍ ରୁକୁସି ବଇ କୁଡେଙ୍ଗ୍ ଆଟ୍‌ନାନ ।”

୬ ତାନିଝେନେକା ସିଂହାସନ୍ଦି ନାଡ଼ିମିଜାଗାଦୁ ନାଲିଗି ଜାତୁଙ୍ଗ୍ ମାରି ପେରି ନେତାରି ଲାକ୍‌ତୁ ଉନ୍ତ୍ର ମେଣ୍ଡାପିଲାଦିଙ୍ଗ୍ ନିରିଇମାନିକା ସୁଡ଼ତୁା । ମେଣ୍ଡାପିଲା ସାତିମାନି ଝାଜା ତରଜିମାରାତ୍ । ତାନିଙ୍ଗ୍ ସାତଗୋଟା କମ୍‌କୁ ମାରି ସାତଗୋଟା କାଣ୍ଡକୁ ମାରେଏ । ଆୟା କାଣ୍ଡକୁ ସାରା ଦୁନିଆଦୁ ପୋକ୍ତିମାନି ମାପୁରୁଦି ସାତଗୋଟା ଆମେଙ୍ଗ୍ ।

୭ ମେଣ୍ଡାପିଲା ସିଂହାସନ୍ଦୁ ବାସ୍ତିମାନି ଲୋକ୍ତି ଲାକ୍‌ତୁ ସଲସି ଝାନି ଉଣିକିୟୁଦାନ ଆୟା ବଇ ଅତାନ ।

୮ ଝାନ୍ ଇୟା ବଇ ଅନି ଦାପ୍ରେ ନାଲିଗି ଜାତୁଙ୍ଗ୍ ମାରି କଡେ ନାଲିଗି ଲୋକ୍ତି ପେରି ନେତାର ମେଣ୍ଡାପିଲାଦି ଆଗ୍ଡି ମେଣ୍ଡେଙ୍ଗ୍ ଗଟ୍‌କିଜି ମାଡ଼ିସି କିତାର । ଝିଜେରି କିୟୁଦୁ ଉନ୍ତ୍ର ଉନ୍ତ୍ର ଟଇଲା ମାରି ମାପୁରୁଦି ସେବାକିନିଝାରି ପାର୍‌ତନାଝାଜା ଦୁପୁଣିଦାନ ପୁରାବତ୍ ଉନ୍ତ୍ର ବାଙ୍ଗାଁରାମ୍‌ତି ତୁବାଇ ମାରାତ୍ ।

୯ ଝାର୍ ଉନ୍ତ୍ର ପୁନି ପାଟା ପାରିଜିମାର୍ହାର୍ :

“ବଇ ମାନାଜି ତାନି ସିଲ୍

ଆତିକେଙ୍ଗ୍ ରୁକୁଡେଙ୍ଗ୍ ମିର୍ ନେ ଜୋଗ୍ :

ଇରିଙ୍ଗ୍ ନିନ୍ଦୁ ସାତିମାରଇ ମାରି ନି ସାତିମାଡ଼ାନ, ଝିଜୁ କୁଟୁମ୍, ବାସାବାଦି, ଦେସ୍ ମାରି

ଜାତି ମାଡ଼ାନକୁ ମାପୁରୁଦି ଉଣ୍ଡିଙ୍ଗ୍ ଲୋକାଙ୍ଗ୍ କଟି ମାନି ।

୧୦ *ମାରି ମାପୁରୁଦି ସେବା କିନି ଉଣ୍ଡିଙ୍ଗ୍ ଝାରିଙ୍ଗ୍ ଉଡ଼ି ଜାଜକ କୁଟୁମ୍‌ତୁ ମିସାକିତା ମାନାନ ମାରି ଝାର୍ ଦୁନିଆ ମୁସ୍‌କୁ ସାସନ୍ କିନାର୍ ।”

୧୧ ନାନ୍ଦୁ ମାରି ମାରିଜି ସୁଡ଼ତୁା, ହଜାର୍ ହଜାର୍ ମାରି ଲକେ ଲକେ ମୁସ୍‌କୁପୁରତି ଦୁଡ଼କୁ ସିଂହାସନ୍ଦିଙ୍ଗ୍, ନାଲିଗି ଜାତୁଙ୍ଗ୍ ମାରି ପେରି ନେତାରିଙ୍ଗ୍ ଗେରେଆଜି ନିରାମାନାର୍ ।

୧୨ ଝାର୍ ପେରିବଲୁଦାନ ଫାଟାପାର୍‌ଜି ମାର୍‌ଆର୍ :

“ସାତିମାନି ଆୟା ମେଣ୍ଡାପିଲା ଅଦିକାର୍, ପରାକ୍ରମ,

ବୁଞ୍ଜି ମାରି ସାକ୍ତି ସମ୍ପୁମ,

ଗୌରବ୍ ମାରି ପ୍ରସଂସାଦି ପୋଇନି ଜୋଗ୍ !”

☆ ୫:୧୦ ପ୍ରକାଶିତ ୧:୭.

୧୩ ନାସ୍ତିଞ୍ଜାଲେ ମୁସକୁପୁର, ଦୁନିଆ, ପାତାଲ ମାରି ସାମୁଦ୍ର ଓଜୁ ଜାତୁ ମାରି ସାରା ପୃଥିବି ଓଜୁ ଲୋକୁ ଫାଟା ପାରିଜିମାନିକା ନାନୁ ଖେରଥା । ଖାରୁ ପାରିଜିମାରାର :

“ରାଜାଗାଦିଦୁ ବାସ୍ତିମାନି ଲୋକ୍ତି
ମାରି ଖାନି ମେଣ୍ଡାପିଲାଦି ପ୍ରସଂସା କିଦୁ
ଖାନି ସମ୍ପ୍ରମ, ଗୌରବ୍ ମାରି ପରାକ୍ରମ ଜୁଗ୍ ଜୁଗ୍ ଆପିତ୍ !”

୧୪ ନାଲିଗି ଜାତୁକ୍ ଖେରସିମାରେଏ, “ଆମେନ୍” ମାରି ନେତାର୍ ମେଣ୍ଡେକ୍ ଗଟକିଜି ଖାନିକ୍ ମାଡ଼ିସ୍ କିତାର୍ ।



ଟାପ୍ତି ଅର୍ତ୍ତ

୧ ତେନି ଖେନକା ନାନୁ ସୁଡ଼ତୁ, ମେଣ୍ଡାପିଲା ସାତଗୋଟା ସିଲ୍‌ଆତିମାନି ମାଣ୍ଡକୁ ଆଗ୍ଡ଼ିରିକା ରୁକ୍ତାନ ମାରି ନାଲିଗି ଜାତୁକ୍ ମାଣ୍ଡକୁ ଅରେନ୍ ନାକ୍ ବାଦଡ଼ ଡିଡ଼ଜିନି ବଲୁଦାନ ଇର୍ହାନ, “ରାଆ !”

୨ ନାନୁ ମାରଜି ସୁଡ଼ତୁ, ଉନ୍ତୁ ଅଡ଼ିନି ଗଡ଼ା, ଗଡ଼ାଦୁ ଏକ୍ତିମାନି କିୟୁଦୁ ଧନୁ ଆସ୍ତାମାରାନ । ଖାନିକ୍ ଉନ୍ତୁ ମୁକୁଟ୍ ସିଆୟୁଆତାଡ଼ ମାରି ଖାନି ଜିଣାନି ଉଣ୍ଡିକ୍ ସୋତାନ ।

୩ ତାନି ଖେନକା ମେଣ୍ଡାପିଲା ମାରିଉନ୍ତୁ ସିଲ୍ ରୁକ୍ତାନ ମାରି ମାରିଉନ୍ତୁ ଜାତୁ ନାକ୍ ଇର୍ହାଡ଼, “ରାଆ ।”

୪ ନାନୁ ସୁଡ଼ତୁ, ନେତେର ରକ୍ତି ମାରି ଉଣ୍ଡି ଗଡ଼ା । ଦେସ୍ତାନ ସାନ୍ତି ଆକ କିନି ଉଣ୍ଡିକ୍ ଖାନି ସାଲାକିନିଖାନିକ୍ ଅଦିକାର ପୁଟ୍ତାଡ଼, ଲୋକୁ ଏଣ୍ଡେସ୍ ଜୁଦ୍ କିଜି ନିଜେ ନିଜେଦିକ୍ ସାପିସ୍ କିଆଇଆନାର୍ ଖାନି କିୟୁଦୁ ଉନ୍ତୁ ପେରିକାଣ୍ଡା ପୁଟ୍ତାଡ଼ ।

୫ ତାନିଖେନକା ମେଷସାବକ ତିନି ନମ୍ବୁରତି ସିଲ୍‌ଆତିକା ରୁକ୍ତାନ ମାରି ମାରି ଅରେନ୍ ଲୋକୁ ନାକ୍ ଇର୍ହାନ, “ରାଆ ସୁଡ଼ତୁ ।” କାରନି କଲରତି ଗଡ଼ା; ଆୟା ଗଡ଼ାସାଲାକିନିଖାନି କିୟୁଦୁ ଉନ୍ତୁ କେଜିଗୁଣ୍ଡୁ ମାର୍ହାଡ଼ ।

୬ ମାରି ନାକ୍ ମନେ ଆତାଡ଼ ଯେ, ନାଲିଗିଓଜୁ ଜାତୁକ୍ ଉନ୍ତୁ ବଲୁଦାନ ଇଜିନାର୍, “ଅର୍ଲେଟି ରୁତି ଡାବୁକ୍ ଉନ୍ତେ କେଜି ଗଦ୍‌ମୁ ସିଲେତିକ୍ କାକିଜନା ପୁଟ୍ନାଡ଼ । ମାତର୍ ଜିତ ମାରାନ ମାରି ଅକ୍ତୁରରସ୍ ତଡ଼ିଦିକ୍ ନାସ୍ତୁ କିମାଟ୍ ।”

୭ ତାନିଖେନକା ମେଣ୍ଡାପିଲା ନାଲିଗି ନମ୍ବୁରତି ସିଲ୍‌ଆତିତାନିକ୍ ରୁକ୍ତାନ ମାରି ନାଲିଗି ନମ୍ବୁରତି ଲୋକୁ ନାକ୍ ଇର୍ହାନ, “ରାଆ !”

୮ ନାନୁ ସୁଡ଼ତୁ, ଉଣ୍ଡି ସିନ୍ତ୍ରା ରକ୍ତି ଗଡ଼ା । ତାନିକ୍ ସାଲାକିନି ଦରୁ ସାନିକା; ତାଗ୍‌ଇଦୁବା ତାନି ଖେନକା ବୁଲାଇ ମାରାଡ଼ । ଜୁଦ୍, ବାକ୍, ରୋଗ, ନୋପି, ମାରି ଗୋରତି ଜାତୁ ମୁସୁକୁ ଦାନ ଦେସ୍ତି ଉଣ୍ଡି ନାଲିଗି ବାଗ୍‌ତାନ ଉଣ୍ଡି ବାଗ୍ ଲୋକାକ୍ ନାଷ୍ତୁ କିନି ଉଣ୍ଡିକ୍ ଖାନିକ୍ ଅଦିକାର ପୁଟ୍ତାଡ଼ ।

୯ ତାନି ଖେନକା, ମେଷସାବକ ପାସ୍‌ଗୋଟା ସିଲ୍ ରୁକ୍ତାନ ମାରି ନାନୁ ସୁଡ଼ତା, ଉଣ୍ଡି ବେଦି । ମାପୁରୁଦି ବାକ୍ୟ ଖେରିସି ସାକ୍ୟସିଜି ବିସ୍‌ବାସ୍ ତେବାନି ଉଣ୍ଡିକ୍ ସାତିମାନି ଲୋକା ଆମ୍ବାଓଜୁ ଆୟା ବେଦି ଆଡ଼ଗି ରକିୟା ଆତେମାରେଏ ।

୧୦ ଖାକୁ ପେରିବଲୁଦାନ ଆଉଲିକିଜି ଇଜିମାରେଏ, “ପେରି ପ୍ରବୁ ପବିତ୍ର ମାରି ସଡ଼ ମାପୁରୁ ! ଦେସ୍ତୁ ଏମେକାର୍ ମାକ୍ ସାପିସ୍ କିତାମାନାର୍, ଖାନିକ୍ ବିଚାର କିଜି ସାସ୍ତିସିଦେକ୍ ମାରି ଏସ ଦିନ୍ ଖେଡ଼ାକିନି ?”

୧୧ ଖାରି ମାଡ଼ାନକୁ ଓଜେରିକ୍ ଉନ୍ତୁ ଲାକା ଅଡ଼ିନିଆକ୍ ସିଆୟୁ ଆତାଡ଼ । ମାରି ଖାରି ସକ୍ତି ତଡ଼ାନକାକ୍ ମାରି ସେବାକିନିଖାନିକ୍ ଟିକ୍ ଇସାପତାନ ସାଇ ସାନ୍ତି ଖାନିକ୍ ମାରି ଏସ ବେଡ଼ା କାପ୍‌କିନି ଉଣ୍ଡିକ୍ ଇର୍ହାର୍ ।

୧୨ ତାନିଖେନକା ନାନୁ ସୁଡ଼ତା, ମେଷସାବକ ସୋ ସିଲ୍ ରୁକ୍ତାନ; ଅଗାଡ଼ ପେରି ଭୁମିକ୍‌ଖ ଆତାଡ଼ । ଖେଡ଼ା କାରନି ରକ୍ତି ତୁଷା ଖାଜା ସିକାଟି ଆତାଡ଼ ମାରି ଲେଜୁ ଓଜୁ ନେତେର ରକ୍ତି ଆତାସରାଡ଼ ।

୧୩ ନାଣ୍ଡ ଗାଲିଦି ଦୋକାଦିକ୍ ତଗା ମାରାନତି ପାସି ପଲ୍ ଓଜୁ ଆରନି ଖାଜା, ସୁକେକ୍ ବାଦଡ଼ତାନ ଦୁନିଆଦି ମୁସୁକୁ ଆରତେ ।

୧୪ ଉଣ୍ଡି କାଗଜ ପର୍ଦା ଗୁଡ଼େଆନି ଖାଜା ବାଦଡ଼ ଡିରବିଜି ଅଲଗାସରାଡ଼ । ଗୋରକ୍ ମାରି ସାମ୍‌ଦୁର୍ ଲୋଇ ମାନି ଇସ୍ତି ବାଡ଼ିକ୍ ଗୁସାତେ ସରେ ।

୧୫ ଆୟା ବେଡ଼ାଦୁ ଦୁନିଆଦି ଓଜେରେ, ରାଜା, ସାସକ, ବା ସେନାରି ପେରିକାନ, ମାଜନ୍ ମାରି ସାକ୍ତି, କଟିସାକର୍ ବା ସାଦାସିଦା ଲୋକୁ ଓଜେରେ ସାରେଆକ୍ ମାରି ଗୋରନକା କାଲୁକୁ ଆଡ଼ଗି ସଲସି ମାର୍‌ଗିତାର୍ ।

୧୬ ଖାର୍ ଗୋରକାକ୍ ମାରି କାଲୁ ମକେକାକ୍ କୁକିସି ଇଜିମାରାର୍, “ମା ମୁସୁକୁ ଆର୍‌ଦୁ ସିଂହାସନ୍‌ତୁ ବାସ୍ତିମାନି ଆୟା ଖାନିମାଣାନତି କାଣ୍‌ଗାଦାନ ମାରି ମେଷସାବକତି ରିସାଦାନ ମାକ୍ ଆଡ଼କ୍‌ସ ଇଡ଼ିଆ ।

୧୭ ଖାରି ରିସାଦି ବୟକ୍‌କ୍ ଦିନ୍ ଇଗା ଖାତାଡ଼ । ଏନ୍ ଆକା ଆକ୍‌ଦେକ୍ ଆଟ୍‌ନାନ ?”

☆ ୬:୧୭ ପ୍ରକାଶିତ ୧୧:୧୩; ୧୭:୧୮; ମାଡ଼ିଉ ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. ☆ ୬:୧୪ ପ୍ରକାଶିତ ୧୭:୨୦. ☆ ୬:୧୭ ଲୁକ ୨୩:୩୦.



୧୪୪,୦୦୦ ଇସ୍ରାଏଲ ଲୋକୁ

୧ ତେନି ୱେନ୍‌କା ନାନୁ ସୁଡ଼ୁଡ଼ା, ଦୁନିଆଦି ନାଲିଗି କନେଆଇଁ ନାଲିଗି ମୁସକୁପୁରତି ଦୁଡ଼କୁ ନିରେଏମାନେ ମାରି ଦୁନିଆଦି ନାଲିଗି ତରିଟାନ୍ ଗାଲି ସନିତାନିଙ୍ଗ୍ ଆଇଁ ତେମାନେ । ଆଦେଙ୍ଗ୍ ଦୁନିଆ, ସାମୁଦୁରୁ ମାରି ଇନି ମାରାକ୍ ମୁସୁକୁ କାଣ୍ଡେକ୍ ବା ଗାଲି ରେଏଜିମାରାଡ଼ ।

୨ ମାରି ନାନୁ ସୁଡ଼ୁଡ଼ା, ମାରି ଅରେନ୍ ମୁସକୁପୁରତି ଦୁଡ଼ ଓଜୁଦିନ୍ ମାନି ମାପୁରୁଦି ସିଲ୍ ଅସି ମକମତରିଟାନ୍ ଖାଜିନାନ୍ । ଇୟା ଦୁଡ଼ ଦୁନିଆ ମାରି ସାମୁଦୁରତିଙ୍ଗ୍ ନାସୁ କିନି ଉଣ୍ଡିଙ୍ଗ୍ ମାପୁରୁ ଏମେ ନାଲିଗି ଦୁଡ଼କାଙ୍ଗ୍ ଅଦିକାର୍ ସିତାମାହାନ୍ ।

୩ ୱାନିକାଙ୍ଗ୍ ନାଣ୍ଡ ଆଉଲିଦାନ୍ ଦୁଡ଼ ଇହାନ୍, “ମାପୁ ଏମେ ସାହି ମାପୁରୁଦି ସେବାକିନିଝାରି କାପାଲୁଟୁ ସିଲ୍ ଡେଏପମାନାପ୍, ଆୟା ସାହି ଦୁନିଆ, ସାମୁଦୁର ବା ମାରାକାଙ୍ଗ୍ ଇନି ନାସୁ କିମାଟ୍ ।”

୪ ଏମେଝାରି କାପାଲୁଟୁ ମାପୁରୁଦି ସିଲ୍ ଡେଇଡାର୍, ଝାରି ଇସାପ୍ ୧୪୪,୦୦୦ ଇଜି ନାନୁ ୱେରଥା । ଝାରି ଇସାପ୍‌ତାନ୍ ଝାର୍ ଇସ୍ରାଏଲ୍‌ତି ବାର କୁଟୁମ୍‌ତି ଲୋକୁ ।

- ୫ ଯିହୁଦା କୁଟୁମ୍‌ତାନ୍ ୧୨,୦୦୦ ହଜାର୍, ରୁବେନ୍ କୁଟୁମ୍‌ତାନ୍ ବାରହଜାର୍, ଗାଦ୍ କୁଟୁମ୍‌ତାନ୍ ବାରହଜାର୍,
- ୬ ଆସେର୍ କୁଟୁମ୍‌ତାନ୍ ବାରହଜାର୍, ନପ୍ତାଲି କୁଟୁମ୍‌ତାନ୍ ବାରହଜାର୍, ମନସି କୁଟୁମ୍‌ତାନ୍ ବାରହଜାର୍,
- ୭ ସିମିୟନ୍ କୁଟୁମ୍‌ତାନ୍ ବାରହଜାର୍, ଲେବି କୁଟୁମ୍‌ତାନ୍ ବାରହଜାର୍, ଇସହାକ୍‌ତି କୁଟୁମ୍‌ତାନ୍ ବାରହଜାର୍,
- ୮ ସବୁଲୁନ୍ କୁଟୁମ୍‌ତାନ୍ ବାରହଜାର୍, ଜୋସେପ୍ କୁଟୁମ୍‌ତାନ୍ ବାରହଜାର୍, ବିନ୍ୟାମିନ୍ କୁଟୁମ୍‌ତାନ୍ ବାରହଜାର୍ ।

ନାଣ୍ଡ ଲୋକୁ

୯ ତେନି ୱେନ୍‌କା ନାନୁ ସୁଡ଼ୁଡ଼ା, ଉଣ୍ଡି, ପେରିଦଲ୍; ଝାରି ଇସାବ୍ ଲେକିସ୍‌କିଦେଙ୍ଗ୍ ଆଏଡ଼ । ଝାର୍ ଓଜୁ ଜାତି, କୁଟୁମ୍, ଦେସ୍ ମାରି ଭାସାଦି ମାଡ଼ାନ୍ ଝାତାମାହାନ୍ । ଝାର୍ ଅଡ଼ିନିଆଇଁ ଆରାଜି ମାରି କିମ୍ପୁଦୁ କାଜିରି କମେଙ୍ଗ୍ ଆସ୍‌ସି, ସିଂହାସନ୍ ମାରି ମେଷସାବକଦି ଆଗିଡ଼ି ନିହାମାହାନ୍ ।

୧୦ ଝାର୍ ପେରିବଲୁଦାନ୍ ଇଜିମାହାନ୍, “କେବଲ୍ ସିଂହାସନ୍ ମୁସୁକୁ ବାସ୍‌ତିମାନି ମାପୁରୁ ମାରି ମେଷସାବକ ମା ରକିୟାକିନିକାନ୍ ।”

୧୧ ସିଂହାସନ୍‌ତିଙ୍ଗ୍, ପେରିନେଡାରିଙ୍ଗ୍ ମାରି ନାଲ୍‌ଏରିଙ୍ଗ୍ ଗେରେଆଜି ମୁସକୁପୁରତି ଦୁଡ଼କୁ ନିରେଏମାହେ । ଝାକ୍ ସିଂହାସନ୍ ଆଗ୍‌ଡ଼ି ବୁମିଦୁ ମାଡ଼ିସ୍ କିଡେ ମାରି ମାପୁରୁଦି ଆରାଦନା କିଜି,

୧୨ ଇରେଏ “ଆମେନ୍ ! ପ୍ରସଂସା, ଗୌରବ୍, ବୁଦି, ଦନ୍ୟବାଦ୍, ସମ୍ପ୍ରମି, ଅଦିକାର୍ ମାରି ସାଲ୍ଲି ଜୁଗ୍ ଜୁଗ୍ ମାପୁରୁଦି ଆପିଡ଼, ଆମେନ୍ !”

୧୩ ପେରିନେଡାରି ମାଡ଼ାନ୍‌କୁ ଅରେନ୍ ନାଙ୍ଗ୍ ୱେନ୍‌ବାତାନ୍, “ଅଡ଼ିନିଆଇଁ ଆରାଜି ଆୟା ଲୋକୁ ଏର୍ ? ଝାର୍ ଏମେଟ୍‌କୁ ଝାତାମାନାନ୍ ?”

୧୪ *ନାନୁ ଇରଥା, “ଆଜ୍ଞା ! ନାନୁ ନେସେଏ । ନିନ୍ନୁ ନେସ୍‌ନିମାନି ।” ୱାନ୍ ନାଙ୍ଗ୍ ଇହାନ୍, “ଇୟା ଲୋକୁ ବେସି ତାଡ଼ନା ପୋଇଜି ଝାତାମାନାନ୍ । ଝାର୍ ମେଷସାବକଦି ନେଡେରଡାନ୍ ନିଜେ ନିଜେଦି ଆଇଁ ଇନ୍‌ରବାଜି ସପା କିତାମାନାନ୍ ।

୧୫ ଆୟା ଉଣ୍ଡିଙ୍ଗ୍ ଝାର୍ ମାପୁରୁଦି ମହିରୁଡ଼ୁ ୱାନି ସିଂହାସନ୍ ଆଗ୍‌ଡ଼ି ନିଲିଜି ୱେଡେ ନାଡ଼ା ୱାନି ଆରାଦନା କିଜିନାନ୍ । ସିଂହାସନ୍‌ତୁ ବାସ୍‌ତିମାନିକାନ୍ ଝାରିଙ୍ଗ୍ ରମ୍‌ନିବାଡ଼ି ସିନାନ୍ ।

୧୬ ଝାର୍ ମାରି ଏସାଙ୍ଗ୍‌ବା ବାଙ୍ଗାଁ କି ଏରିକି ସାଏରନ୍; ୱେଡ଼ା ତାତି ମାରି ଆଇ ଇନି ତାତି ଝାରିଙ୍ଗ୍ ଆଡ଼କ୍‌ଡେଙ୍ଗ୍ କିଦେଙ୍ଗ୍ ଆଟ୍‌ଏଡ଼ ।

୧୭ ଇରିଙ୍ଗ୍, ସିଂହାସନ୍ ବାସ୍‌ତିମାନି ମେଷସାବକ ଝାରି ମେଣ୍ଡାଗାଉଡ଼ ଆନାନ୍ । ୱାନ୍ ଜିବନ୍ ସିନି ଏର୍‌ଡି ସନି ଲାକୁଡୁ ଝାରିଙ୍ଗ୍ ସାରିଦୁ କୁକୁନାଅନାନ୍ ମାରି ମାପୁରୁ ଝାରି କାଶାଗ୍‌ଡ଼ି ଓଜୁ କାଶୋର୍‌ଙ୍ଗ୍ ଡେଲ୍‌ନାସିନାନ୍ ।”



ସାଡ଼ଗୋଟା ସିଲ୍‌ଆତିକେଙ୍ଗ୍

୧ ମେଷସାବକ ସାଡ଼ଗୋଟା ସିଲ୍‌ଆତିକେଙ୍ଗ୍ ରୁକିତି ଦାପ୍ରେ ମୁସକୁପୁରତୁ ଉଣ୍ଡି ଅଦଗଣ୍ଡା ସାହି ସିମ୍ବା ଆତାସରା ।

୨ ତାନି ୱେନ୍‌କା ମାପୁରୁଦି ଆଗିଡ଼ି ନିନିମାନି ସାଡ଼ଗୋଟା ଦୁଡ଼କାଙ୍ଗ୍ ନାନୁ ସୁଡ଼ୁଡ଼ା; ୱାନିକାଙ୍ଗ୍ ସାଡ଼ଗୋଟା ମରିଙ୍ଗ୍ ସିଆୟାଆଡେ ।

* ୭:୧୪ ମାଡ଼ିଉ ୨୪:୨୧; ମାର୍କ ୧୩:୧୯.

୩୩ ମାରି ଅରେନ୍ ଦୁଡ଼ ଉଣ୍ଡି ବାଙ୍ଗାଁରାମତି ଦୁପିଣିଆଡ଼ନିକା ଅସି ବେଦି ଆଗିଡ଼ି ଖାଜି ନିରାଡ଼ । ସିଂହାସନ ଆଗିଡ଼ି ମାନି ବାଙ୍ଗାଁରାମ ବେଦି ମୁସୁକୁ, ମାପୁରୁଦି ଲୋକା ପାରତନାଦି ଦୁପୁଣିଦି ଖାଲେ ମିସାକିଜି ସିନି ଉଣ୍ଡିଙ୍ଗ, ଖାନିଙ୍ଗ ନାଣ୍ଡ ଇସାପତାନ୍ ଦୁପୁଣି ସିଆୟାଆତାଡ଼ ।

୪ ଆୟା ଦୁଡ଼ଦି କିୟୁଦୁ କାସିମାନି ଦୁପୁଣିଦି ଗୋଇଦି ଖାଲେ ମାପୁରୁଦି ଲୋକା ପାରତନାଦୁ ମିସାଜି ମୁସୁକୁ ନିଙ୍ଗିତାଡ଼ ।

୫ ତାନିଝେନ୍‌କା ଦୁଡ଼, କାସିନିଦୁପିଣିଦାନ୍ ବେଦିଦୁ ସିସୁ ବତ କିଜି ଆକା ଦୁନିଆ ମୁସୁକୁ ପୋକ୍ତା ସିତାଡ଼ । ତେନି ଉଣ୍ଡିଙ୍ଗ ଡିଡ଼ିତାଡ଼, ବାଦଡ଼ ମିରିସତାଡ଼ ମାରି ଭୁମିକମ୍ପି ଆତାଡ଼ ।

ମୋରିଙ୍ଗ

୬ ତାନିଝେନ୍‌କା ସାତଗୋଟା ମୋରି ଆସ୍ତିମାନି ସାତଗୋଟା ଦୁଡ଼କୁ ମରି ଉକୁତେ ତିଆର୍ ଆତେ ।

୭ ପାରତୁମ୍ ଦୁଡ଼ ମୋରି ଉକୁତି ଦାପ୍ରେ ଆଣ୍ଡରାଗା କାଲୁକୁ, ସିସୁ ମାରି ନେତେର୍ ଦେସ୍ ମୁସୁକୁ ଆର୍ତେ । ତେନି ଝେନେକା ଝିକୁ ମାରାକ୍, ପାସି ଲାଟାଦି ଖାଲେ ଦୁନିଆଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଝେତାଡ଼ ।

୮ ତାନିଝେନ୍‌କା ମାରିଉଣ୍ଡି ଦୁଡ଼ ତାନି ମୋରି ଉକୁନି ଦାପ୍ରେ ଗୋରନ୍ ଖାଜା ତରନ୍ ଉଣ୍ଡି ପେରି ସିସୁ ସାମୁଦୁର୍ତ୍ତ ପୋକାୟାଆତାଡ଼ ମାରି ସାମୁଦୁର୍ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ନେତେର୍ ଆତା ସର୍ହାଡ଼,

୯ ସାମୁଦୁର୍ତ୍ତି ଜିଜିମାନି ଜାତୁଙ୍ଗାଁ ମାଡ଼ାନ୍‌କୁ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ସାତେସର୍‌ଏ ମାରି ସାମୁଦୁର୍ତ୍ତ ମାନି ଜାହାଜକା ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଦଂସ ଆତାସର୍‌ଆଡ଼ ।

୧୦ ତାନିଝେନ୍‌କା ମୁନ୍‌ଡ଼ି ଦୁଡ଼ ତାନି ମୋରି ଉକୁତାଡ଼ । ଦାପେ ଦାପେ ବାଦଡ଼ତାନ୍ ଦିଝା ନାନି ଉଣ୍ଡି ନାଣ୍ଡ କାସିନି ସୁକା ଝିକୁ ଗାତେଙ୍ଗାଁ ମାରି ଜଲେଙ୍ଗାଁ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ମୁସୁକୁ ଖାଙ୍ଗି ଆର୍ତାଡ଼ ।

୧୧ ଆୟା ସୁକାଦି ଦରୁ “କେୟନିକା ।” ଆବେଟ୍‌କୁ ଉଣ୍ଡି ଏରୁଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ କେୟତା ସର୍ହାଡ଼ ମାରି ଆୟା ଏରୁ ଉଣ୍ଡିଜି ନାଣ୍ଡ ଲୋକୁ ସାତାସରାଡ଼ ।

୧୨ ତାନିଝେନ୍‌କା ନାଲିଗି ନମ୍‌ରତି ଦୁଡ଼ ତାନି ମୋରି ଉକୁନି ଦାପେ ଦାପେ, ଝେଡ଼ାଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍, ଲେଜୁଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ମାରି ସୁକେଙ୍ଗାଁ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ନାସୁ ଆତାଡ଼ । ଆଦେଙ୍ଗ ଜାୟତି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ସିକାଟି ଆତାଡ଼ । ଝେଡ଼େରି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଜାୟଆଏତାଡ଼ ମାରି ନାଡ଼ା ବା ଆୟାଖାଜା ଆତାଡ଼ ।

୧୩ ତାନିଝେନ୍‌କା ନାନୁ ମାରଜି ବେସତା, ବାଦଡ଼ତି ବେସି ମୁସୁକୁରାନ୍ ଉଣ୍ଡି ତେଗାପଟି ଇମିଜି ଇମିଜି ପେରିବଲୁଦାନ୍ ଇଜିନାଡ଼, “ହାୟ ! ଏସା ବୟଙ୍ଗାର ! ଆଇ ମୁଣ୍ଡି ଦୁଡ଼କୁ ମରି ଉକୁନି ବେଡ଼ାଦୁ ଦୁନିଆଦି ଲୋକା ଅବସ୍ତା ଏସା କାସୁ ଆଏଡ଼ ମାନାଡ଼ ।”

୯

୧ ତାନିଝେନ୍‌କା ପାର ନମ୍‌ରତି ଦୁଡ଼ ମୋରି ଉକୁତାଡ଼ ମାରି ନାନୁ ସୁଡ଼ତୁ, ଦାପେ ଦାପେ ବାଦଡ଼ତାନ୍ ଉଣ୍ଡି ସୁକା ଆରିଜି ଦେସ୍ ମୁସୁକୁ ଆର୍ତାଡ଼ । ତାନିଙ୍ଗ ପାତାଲ୍‌ପୁର୍ତ୍ତି କୁସିକାଣ୍ଡି ସିଆୟାଆତାମାରାଡ଼ ।

୨ ଖାଦ୍ ଖାଜି ପାତାଲ୍‌ତି ସେର୍‌ଲା ରେଡିଦାପ୍ରେ ଉନ୍‌ଡ଼ି ପେରି ବାଟିଦାନ୍ ସୋସିମାନି ଗୋଇ ଖାଜା ପାତାଲ୍‌ତି କୁଣ୍ଡୁତାନ୍ ସିକାଟି ଗୋଇ ସତାଡ଼ ମାରି ଆୟା ଗୋଇ ଉଣ୍ଡିଙ୍ଗ ଝେଡ଼ା ନି ବାଦଡ଼ ସିକାଟି ଆତାଡ଼ ।

୩ ମାରି ଆୟା ଗୋଇଦାନ୍ ମାଡ଼ିମାଉକୁ ସୋସି ଦୁନିଆଦୁ ଝିକୁ ତରନ୍ ଆତେ । ଖାକ୍ ସର୍‌କୁପି ସାଲ୍ଡି ଖାଜା ସାଲ୍ଡି ସିଆୟାଆତାଡ଼ ।

୪ ଦୁନିଆଦି ଲାଟା, ମାରାକ୍ ବା ଆମାଇନି ଜିନିମାରାନ୍‌ଡ଼ିଙ୍ଗ ନାଷ୍ଟ କ୍ରିଏଣ୍‌ଗା ଏମେଝାରି କାପାଲ୍‌ତୁ ମାପୁରୁଦି ଟାପ୍‌ତି ସିନା ସିଲେତାଡ଼, କେବଲ୍ ଆୟାଝାରିଙ୍ଗ କାସୁ ସିନି ଉଣ୍ଡିଙ୍ଗ ଆୟା ମାଡ଼ିମାଉକୁ ଖାତେ ମାରେଏ ।

୫ ମାରି ଝାରିଙ୍ଗ ସାପିସକିଏଣ୍‌ଗା ପାସଗୋଟା ଲେଜୁକୁ ସାଦି କେବଲ୍ କାସୁ ସିଦେଙ୍ଗ ମାଡ଼ିମାଉକୁ ଅଦିକାର ପୋଇତେମାରେଏ । ସର୍‌କୁପି ଲୋକ୍‌ତିଙ୍ଗ କାଟ୍‌ତିଙ୍ଗ ଏଣ୍ଡେସ୍ ଝିସାମ୍ ଆନାଡ଼, ଇୟା ଝିସାମ୍ ଆୟାଝାଜା ଆନାଡ଼ ।

୬ ଆୟା ବେଡ଼ାଦି ଲୋଇ କାସୁପୋଇନି ଲୋକୁ ସାନିତାନିଙ୍ଗ ପୋୟନାର୍, ମାତର୍ ପୋଇଦେଙ୍ଗ ଆର୍‌ଏତାଡ଼ । ଖାର୍ ସାଦେଙ୍ଗ ବଦା କିନାର୍, ମାତର୍ ସାନିକା ଖାରି ଲାକ୍‌ତୁରାନ୍ ଉରକୁତାଡ଼ ।

୭ ମାଡ଼ିମାଉକୁଝିକୁ ଜୁଦକିନି ଉଣ୍ଡିଙ୍ଗ ତିଆର୍‌ଆତିମାନି ଗଡ଼ା ଖାଜା ତୋର୍‌ଜିମାରେ । ଖାନିକା ତାଲେକାଙ୍ଗ ବାଙ୍ଗାଁରାମତି ମୁକୁଟ୍ ଖାଜା ତର୍‌ଜିମାରାଡ଼ । ଖାନିକା ମୋକମ୍ ଲୋକା ମୋକମ୍ ଖାଜା,

୮ ଆଇମେକା କୁକୁଟି ଖାଜା ଖାନିକା କୁକୁଟି ମାରାଡ଼, ଖାନିକା ପାଲୁକୁ ପାର୍ଗାନରେସ୍ ପାଲୁକୁ ଖାଜା ମାରେଏ ।

୯ ତାମେ ବକାଦୁ ଲୁହା ସାଜୁ ନାନି ଇନି ଜିନିସ୍ ପିଡ଼ିଗିତା ମାର୍‌ହାଡ଼ ମାରି ରତ ନି ଜୁଦବାଡ଼ିଦୁ ଉରକିସିମାନି ନାଣ୍ଡ ଗଡ଼େଙ୍ଗାଁ ଆଉଲି ଖାଜା ତାମେକା ଡେଣେଙ୍ଗାଁ ଆଉଲି ସୋସିମାରାଡ଼ ।

☆ ୮:୫ ପ୍ରକାଶିତ ୧୧:୧୯; ୧୭:୧୮.

୧୦ ସରକୁପିଙ୍କାଁ ଖାଜା ତାମେକା ତକେଙ୍କ ମାରି ଝିସାମ୍ମାହାତ୍ । ଆୟା ତକାଦାନ୍ ପାସଗୋଟା ଲେଜୁକୁ ସାନ୍ଦି ଲୋକାଙ୍କ କାସୁ ସିନି ଉଣ୍ଡିଙ୍କ ଖାକ୍ ସାକ୍ତି ପୋଇତେମାର୍ବ ।

୧୧ ତାମେକା ମୁସୁକୁ ଅରେନ୍ ରାଜା ସାସନ୍ କିଜିନାନ୍ । ଖାନ୍ ପାତାଲ୍‌ତୁ ଦାୟିତତ୍ତୁ ମାନି ଅରେନ୍ ଦୁତ୍ । ଏବ୍ରି ବାସାଦାନ୍ ତାନି ଦରୁ ଆବାଦନ୍; ଗ୍ରିକ୍ ବାସାଦାନ୍ ଆୟା ଦରୁ ଆଜିନାତ୍, ଆପୋଲ୍ଲୀୟନ୍ । ଆମାତାନି ଦରୁ ଦଂସକିନିକାତ୍ ।

୧୨ ସୁଡ଼ୁ, ପାର୍‌ତୁମ୍ କାସୁକୁ ଝିଜିତା ସୋରାତ୍ । ତେନିଝେନକା ମାରି ରୁଣ୍ଡି ବୟଙ୍କାରତି କାସୁ ଝାଜିନାତ୍ ।

୧୩ ତେନିଝେନକା ସୋଅ ନମ୍ବରତି ଦୁତ୍ ତାନି ମୋରି ଉଜୁନି ଦାପେ ମାପୁରୁଦି ଆଗିଡ଼ି ମାନି ବାଙ୍କାଁରାମ୍ ବେଦିଦି ନାଲିଗି କନାଦାନ୍ ନାନୁ ଉଣ୍ଡି ବଲ୍ ଝେରଥା ।

୧୪ ଆୟା ମରି ଆସତିମାନି ସୋଅ ନମ୍ବରତି ଦୁତ୍‌ତିଙ୍କ ଆଦେସ୍ ସିତାତ୍, “ମୁପ୍ରେଟିସ ପେରିଗାତା ଲାକୁତୁ ବନ୍ଦି ଆତିମାନି ନାଲିଗି ଦୁତକାଙ୍କ୍ ଡିସତୁ ।”

୧୫ ଆରତିଙ୍କ୍ ଇୟା ବାସେକ୍, ଲେଜୁ, ଦିନ୍ ମାରି ବେଡାଦୁ, ଝିଜୁ ଲୋକା ଜାତିଦି ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଲୋକାଙ୍କ୍ ସାପିସକିନି ଉଣ୍ଡିଙ୍କ୍ ତିଆର୍ ଆଜିମାନି ଆୟା ନାଲିଗି ଦୁତକାଙ୍କ୍ ଡିସତା ସିତାତ୍ ।

୧୬ ମାରି ନାନୁ ସୁଡ଼ୁତା, ଉଣ୍ଡି ଦଲ୍‌ତି ଗଡେଙ୍କାଁସାଲକିନି ସୌନ୍ୟଦଲ୍ । ଖାରି ଇସାବ୍ ୨,୦୦୦୦୦ ଲକ୍ୟ ଇଜି ନାଙ୍କ୍ ଝେରତାସିତାତ୍ ।

୧୭ ମାରି ନାନୁ ଦର୍ସନତୁ ଗଡା ନି ତାମେ ସାଲକିନିଝାରିଙ୍କ୍ ଝୟାଝାଜା ସୁଡ଼ୁତା, ଝାରି ବକାସାକୁ ସିସୁ ଝାଜା ନେତେର୍ ରଙ୍ଗ, ନିଲକାନ୍ତ ମଣି, ଝାଜା ନିଡ଼ି ମାରି ଗନ୍ଧକ ଝାଜା ଗେରକା ରଙ୍ଗ ମାରାତ୍ । ଗଡେଙ୍କ୍ ନରେସ୍ ଝାଜା ତାଲାମାରାତ୍ ମାରି ତାମେ ଝେୟୁଦାନ୍ ସିସୁ ଗୟି ନି ଗନ୍ଧକ ସତାତ୍ ।

୧୮ ଝାରି ଝେୟୁଦାନ୍ ସନି ସିସୁ, ଗୋଇ ମାରି ଗନ୍ଧକ ଝାଜା ଇୟା ମୁଣ୍ଡି କାସୁଦାନ୍ ମୁଣ୍ଡି ବାଗ୍‌ତାନ୍ ଉଣ୍ଡି ବାଗ୍ ଲୋକାଙ୍କ୍ ସାପିସକିତାତ୍ ।

୧୯ ଗଡେଙ୍କାଁ ସାକ୍ତି ତାମେ ଝେୟୁଦୁ ନି ତକାଦୁ ମାହାତ୍ । ତାମେକା, ତକେଙ୍କ, ତାଲେକ୍ ମାନି ସାରାସ୍ ଝାଜା ମାରି ଆବେଟ୍‌କୁ ଝାକ୍ ଲୋକାଙ୍କ୍ ତାକ୍‌ସିମାରେସ ।

୨୦ ମରଡିଦାନ୍ ସାଏଣ୍ଡା ତେବାତି ଲୋକୁ ଜାତିଦି, ଇନିକା ବା ବାଦେଲେ ଆଏତାତ୍ । ଝାର ଦୁବେଆଙ୍କ୍ ପୁଜାକିଦେଙ୍କ୍ ଡିସ୍‌ସତାତ୍ । ମାରି ସୁଡ଼ୁଦେଙ୍କ୍, ଝେନ୍‌ଡ୍ରେଙ୍କ୍ ମାରି ବୁଲାଦେଙ୍କ୍ ଆଟ୍‌ଇକା ବାଙ୍କାଁରାମ୍, ଝେଣ୍ଡି, ପିତଲ୍, କାଲୁ ନି ଝେରଗୁଦାନ୍ ତିଆର୍ ଆତିମାନି ଦିୟାମ୍‌କାଙ୍କ୍ ପୁଜା କିନିକା ଡିସ୍‌ସତାତ୍ ।

୨୧ ଝାର ମୋନ ଡେପ୍‌ଏଣ୍ଡା ଲୋକ୍‌ସାପିସନିକା, ଗୁଣିଆ ବିଦ୍ୟା, ଦାରିପାଣିକିନିକା ମାରି ତଙ୍କାଁକିନି ବୁଦିଦୁ ମୁଜିତାମାରାତ୍ ।

୧୦

ଦୁତ୍ ନି ଇସି ବଇ

୧ ତାନିଝେନକା ନାନୁ ସୁଡ଼ୁତା, ମାରି ଅରେନ୍ ସାକ୍ତିମାନି ଦୁତ୍ ମୁସୁକୁପୁରତାନ୍ ରେତାଜି ଝାଜିନାନ୍ । ଖାନ୍ ବାଦଡ଼ଦାନ୍ ପିଡ଼ିଗିତା ମାହାନ୍ ମାରି ବାଦଡ଼ଦୁ ଝାନି ତାଲାଦିଙ୍କ୍ କେର୍‌ବିତାମାରାତ୍ । ଝାନି ମୋକମ୍ ଝେଡାଦି ଝାଜା ମାରି ପାଦାମ୍‌କୁ ସିସୁ ମୁଣ୍ଡା ଝାଜା ତୋରଜିମାରାତ୍ ।

୨ ଝାନି କିୟୁଦୁ ଉଣ୍ଡି ଇସି କୁଡ଼ତି ବଇ ମାରାତ୍ । ଝାନ୍ ଝାନି ଉଣ୍ଡେରି ପାଦାମ୍ ସାମୁଦୁର୍ ମୁସୁକୁ ମାରି ତେବିରି ପାଦାମ୍ ବୁମି ମୁସୁକୁ ଇଟ୍‌ତାମାହାନ୍ ।

୩ ନରେସ୍ ଆଉଲି ଝାଜା ଆଉଲିକିଜି ଝାନ୍ କୁକୁତାନ୍, ଟିକ୍ ଆୟାଝାଜା ଆଉଲିକିଜି ସାତଗୋଟା ଡିଡ଼ିନିକେଙ୍କ୍ ଇୟା ଆଉଲିଦାନ୍ ଉତର୍ ସିତେ ।

୪ ଝାର୍ ଆମାକା ଝାରିଗିତାତ୍, ଆକା ନାନୁ ରାସ୍‌ତେଙ୍କ୍ ସଲ୍‌ସିମାହା, ମାତର୍ ମୁସୁକୁପୁରତାନ୍ ଉଣ୍ଡି ପେରି ବଲୁଝେରଥା । ଆୟା ବଲୁ ନାଙ୍କ୍ ଇହାତ୍, “ବାଦଡ଼ ଆଉଲିଦୁ ଆମାକା ଝେରଇମାନି, ଆକା ଆଡ଼ିକ୍‌ସି ଇଡିଆ; ରାସ୍‌ମା ।”

୫ ତାନିଝେନକା ଏମେ ଦୁତ୍‌ଦିଙ୍କ୍ ସାମୁଦୁର୍ ମାରି ବୁମି ମୁସୁକୁ ନିରିଇମାନିକା ନାନୁ ସୁଡ଼ୁତାମାହା, ଝାନ୍ ଝାନି ଉଣ୍ଡେରି କିୟୁ ମୁସୁକୁପୁର୍ ତରିନ୍ ନିକିତାନ୍ ।

୬ ମାରି ଏନ୍ ମୁସୁକୁପୁର୍, ଦୁନିଆ, ସାମୁଦୁର୍ ମାରି ଆବେମାନି ଝିଜୁ ବିସୟ ତିଆର୍ କିତାମାନାନ୍, ଆୟା ଝିଜୁଦିନ୍‌ତି ମାପୁରୁଦି ଦରୁଦାନ୍ ପାର୍‌ମାଣ୍‌କିଜି ଇହାନ୍, “ମାରି ଝେଡା ଡେରି ଆଏତ୍ ।

୭ ଏସ୍ତ୍ରାଲେ ସାଡ଼ ନମ୍ବରତି ଦୁତ୍ ମୋରି ଉଜୁନାତ୍, ମାପୁରୁ ଝାନି ସେବକ ବାବବାଦିର୍ ଲାକୁତୁ ଏମେ ମାରିଗିତି ମାନି ବାକ୍ୟ ଝେରତାମାହାନ୍, ଆକା ଝିସ୍‌ନାନ୍ ।”

୮ ତାନିଝେନକା ମୁସୁକୁପୁର୍‌ତି ଆୟା ବଲୁ ନାଙ୍କ୍ ମାରି ଇହାନ୍, ସାଙ୍କ୍‌ଆ, “ସାମୁଦୁର୍ ମାରି ବୁମି ମୁସୁକୁ ନିରିଇ ମାନି ଦୁତ୍‌ଦି କିୟୁଦାନ୍ କୁଡ଼ତି ବଇ ଅଥା ।”

୯ ନାନୁ ଦୁହେଁ ଲାକୁଡୁ ସୋଲସି ଆୟା ଇସି ବଇଦିଙ୍ଗ ଲସତା । ଖାନ ନାଙ୍ଗ ଇର୍ହାନ, “ଅସି ତିନ୍ଥା । ନି ପଟା ଉଣ୍ଡିଙ୍ଗ ଇକା କେୟନାଡ, ମାତର୍ ନି ଖେୟୁଦୁ ଇକା ପୁକି ଖାଜା ସାଞ୍ଜି ଖାନାଡ ।”

୧୦ ନାନୁ ଆୟା ଇସି ବଇଦିଙ୍ଗ ଦୁହେଁ କିୟୁଦାନ ଅସି ତିରଥା । ଆକା ନା ଖେୟୁଦୁ ପୁକି ଖାଜା ସାଞ୍ଜି ଆତାଡ, ମାତର୍ ଡିଙ୍ଗିନି ଦାପ୍ରେ ପୋଟା ଲୋଇ କେଇତାଡ ।

୧୧ ତାନିଖେନକା ଏନନୋ ନାଙ୍ଗ ଇର୍ହାନ, “ନାଣ୍ଡ ଦେସକୁ, ଜାତି, ବାସାଦୁ ମାରି ରାଜାରି ବିସୟତାନ ମାପୁରୁଦି କାବୁର୍ ମିର୍ ସୋଲସି ମାରିଡେସି ବାବବାଣି ଖେରତୁ ।”

୧୧

ରିଏର୍ ସାକିର୍

୧ ତାନିଖେନକା ଏନ୍ ଅରେନ୍ ଲେକିସକିନି କାଣ୍ଡି ନାନି ଇସି ବାତିଗା ନାଙ୍ଗ ସିଜି ଇର୍ହାନ, “ସାଙ୍ଗି ଥା, ମାପୁରୁଦି ମାନ୍ଦିର୍ ନି ବେଦି ଲେକିସ କିଆ ମାରି ମାନ୍ଦିର୍ତୁ ପାରତନା କିନିଖାରିଙ୍ଗ ଲେକିସ କିଆ ।

୨ *ମାତର୍ ମାନ୍ଦିର୍ତ ଆତେରେ ମାନି ଦୁଆରତିଙ୍ଗ ଲେକିସକିମା । ଇରିଙ୍ଗ, ଆକା ଅଣଜିହୁଦିରିଙ୍ଗ ସିଆୟ ଆତାମାନାଡ । ଖାର ୪୨ ଗୋଟା ଲେଜୁକୁ ସାନ୍ଦି ଇୟା ପବିତ୍ର ଗାଡତିଙ୍ଗ ମାଟସି ଇଡନାଡ ।

୩ ବାସତେଙ୍ଗ ଆରାତିମାନି ନା ରିଏର୍ ସାକିରିଙ୍ଗ ନାନୁ ପୋକନା । ଖାର ଆୟା ୧, ୨୭୦ ଦିନ୍ ସାନ୍ଦି ବାବବାଣି ଖେରନାଡ ।”

୪ ଆୟା ରିଏର୍ ସାକିର୍ ଦୁନିଆଦି ପ୍ରବୁଦି ଆଗିଡି ନିରିଇମାନି ରୁଣ୍ଡି ଜିତ ମାରାକ୍ ନି ରୁଣ୍ଡି ଦିଖେଙ୍ଗି ଖାଜା ।

୫ ଜଦି ଏନ୍ ଖାରି ନାସୁ କିଦେଙ୍ଗ ଚେଷ୍ଟାକିନାନ୍, ଆରତିଙ୍ଗ ଖାରି ଖେୟୁଦାନ ସିସୁ ସୋସି ସାତୁରି ଦଂସ କିନାଡ । ଇୟାଖାଜା ଏନ୍ ଖାରି କେତି କିଦେଙ୍ଗ ସୋନାନ୍, ଖାନ ଦଂସ ଆନାନ୍ ।

୬ ମାପୁରୁଦି କାବୁର୍ ଖେରନି ବେଡାଦୁ ବାଦଡତିଙ୍ଗ କେରପିସି ପିରୁଦିଙ୍ଗ ଟେବାକିନି ଅଦିକାର ଖାରିଙ୍ଗ ସିଆୟ ଆତାମାନ୍ତାଡ । ଏରୁ ଜଲା ନେତେରତୁ ମାରତେଙ୍ଗ ମାରି ନିଜେ ବଦାଦାନ ଦୁନିଆଦୁ ମାରିଡେସି ମର୍ତ୍ତି ଆରାମ୍ କିଦେଙ୍ଗ ଖାରି ଅଦିକାର ମାନାଡ ।

୭ *ଖାର ସାକ୍ୟ ଖେରତେଙ୍ଗ ସେସ କିନି ଖେନକା ପାତାଲ୍ପୁରତାନ ଉଣ୍ଡି, ଜାତୁ ନିଙ୍ଗି ଖାଜି ଖାରି ବିରୁଦତାନ ଜୁଦ୍ କିନାଡ ।

୮ ଖାଦ୍ ଖାରିଙ୍ଗ ଆରାକିଜି ସାପିସ କିନାଡ ମାରି ଆମା ପେରିଗାଡତୁ, ପେରିଜାରିଦୁ ପ୍ରବୁ କୁସଦୁ ସାତାମାରାନ୍, ଆବେନ୍ତୁ ଖାରି ମାଡା ତେବାନାଡ । ଆୟା ଗାଡତିଙ୍ଗ ଆମାଦୁମାନି ସଦମ୍ ବା ମିସର୍ ଇଜି ଇନ୍ଡେଙ୍ଗ ଆଟନାଡ ।

୯ ଖିଜୁ ଦେସକୁ, କୁଟୁମ୍, ବାସାବାଦି ମାରି ଜାତିଦି ଲୋକୁ ମୁନେନ୍ ଆଦା ସାନ୍ଦି ଆୟା ମାଡେଙ୍ଗ ସୁଶାର ମାରି ଆୟାଖାନିକାଙ୍ଗ ମୁସୁନି ଉଣ୍ଡିଙ୍ଗ ଡିସଏର୍ ।

୧୦ ଇୟା ରିଏରି ସାନି ଉଣ୍ଡିଙ୍ଗ ଦେସଡି ଲୋକୁ ଖେଡିକା ଆନାଡ, ଉଣ୍ଡିଜି ତିନିଜି କିଜି ନିଜେ ନିଜେଦି ଲାକୁଡୁ ଦାନ ପୋକନାଡ; ଇରିଙ୍ଗ ଆୟା ବାବବାଦିରି ଉଣ୍ଡିଙ୍ଗ ଦେସଡି ଲୋକୁ ନାଣ୍ଡ ବାଦା ଆଜିମାରାଡ ।

୧୧ ମାତର୍ ମୁନେନ୍ ଆଦା ଦିନ୍ ଖେନକା ମାପୁରୁଦି ମାଡାନ୍ ଜିବନ୍ ଖାଜି ଖାରି ମେନ୍ଦଲ ଲୋଇ ଡିଗ୍ରିତାଡ ମାରି ଖାର ନିଙ୍ଗିନି ନିରାଡ । ଏମେକାର ଇୟା ଗଟନା ସୁଡତୁର, ଖାର ନାଣ୍ଡ ଡିଲାତାଡ ।

୧୨ ମାରି, ଆୟା ରିଏର୍ ବାବବାଦି ଖାରିଙ୍ଗ ମୁସକୁପୁରତାନ ନାଣ୍ଡ ଆଉଲିଦାନ ଇୟା ବଲୁ ଇଜିମାନି ଉଣ୍ଡି, କାବୁର୍ ଖେରାଡ, “ଇବେନ୍ତୁ ନିଙ୍ଗିନି ରାଦୁ !” ଖାରି ସାତୁର୍ ସୁଡତୁ ସୁଡତୁ ଖାର ବାଦଡ ଦୁରିଦୁ ମିସାଜି ମୁସକୁପୁରତୁ ସୋରାଡ ।

୧୩ *ଟିକ୍ ଆୟା ବେଡାଦୁ ନାଣ୍ଡ ଭୁମିକମ୍ ଆତାଡ, ଗାଡତି ଦସ୍‌ବାଗ୍ ଦଂସ ଆତାଡ ମାରି ରୁମିକମ୍‌ଦୁ ୭,୦୦୦ ହଜାର ଲୋକୁ ସାତାସରାଡ । ଜିତିମାନି ଲୋକୁ ଡିଲାଜି ମୁସକୁପୁରତି ମାପୁରୁଙ୍ଗୁ ଦନ୍ୟବାଦ୍ କିତାଡ ।

୧୪ ଇୟା କାସୁ ସେସ୍ ଆତାଡ; ମାତର୍ ତିନି ନମ୍‌ରତି କାସୁ ଇଗା ଖାଜିନାଡ ।

ସାତଗୋଟା ମୋରି ଉକୁନିକାଡ

୧୫ ତାନିଖେନକା ସାଡ ନମ୍‌ରତି ଦୁଡ ତାନି ମୋରି ଉକୁତାଡ ମାରି ମୁସକୁପୁରଦୁ ନାଣ୍ଡ ଆଉଲଦି ଖାଲେ ଇୟା କାବୁର୍ ଖିଜିତାଡ ! “ମା ପ୍ରବୁ ମାରି ଖାନି ମସିହ ଦୁନିଆ ମୁସକୁ ସାସନ୍ କିନି ଅଦିକାର ଇଲେଇ ନିଜେ କିଦୁ ଅତାମାନାନ୍ । ଖାନ ଇବେନ୍ତୁ ଖିଜୁଦିନ୍ ସାସନ୍ କିନାନ୍ ।”

୧୬ ତେନିଖେନକା ମାପୁରୁଦି ଆଗିଡି ନିଜେ ନିଜେଦି ସିଂହାସନ୍‌ଦୁ ବାସିସ୍ତ୍ରମାନି ୨୪ ଲୋକୁ ପେରିନେତାର୍ ମାଡିସ୍ କିଜି ମାପୁରୁଦି ଆରାଦନା କିଜି,

୧୭ ଇର୍ହାନ, “ଏ ସର୍ବସାକ୍ତିମାନ୍ ମାପୁରୁ, ନିନ୍ତୁ ଆଗଡି ମାରି ଇଲେଇ !

ମାପୁ ନିଙ୍ଗି ଦନ୍ୟବାଦ୍ ସିଜିନାପ୍;

ଇରିଙ୍ଗ ନି ପେରିସାକ୍ତିଦାନ ଦେସ୍ତିଙ୍ଗ ବଜୁ ଅତିମାନି ।
 ୧୮ ଅଣଜିହ୍ଵଦିର ରିସା ଆତାମାନାର;
 ଇରିଙ୍ଗ ନି ରିସାଦି ବେଡ଼ା ଇଗା ଖାତାଡ଼,
 ସାତିକାର ଇଲେ ବିଚାର ଆନାର ।
 ନି ସେବକ ବାବଦିର, ସାଦୁର
 ମାରି ଏମେକାର ନିଙ୍ଗ ଡିଲ୍ଲାନାର,
 ପେରିକାର ନି ଇସ୍ତିକାର ଝିଜେରେ ପୁରସ୍ଵାର ପୟନାର ।
 ମାରି ଏମେକାର ଦୁନିଆଦିଙ୍ଗ ଦଂସ କିନାର, ଖାନ ବା ଦଂସ ଆନାର ।”
 ୧୯ *ମୁସ୍‌କୁପୁରୁଦୁ ମାନି ମାପୁରୁଦି ମନ୍ଦିର ସେରଲା ରେଆତାଡ଼ ମାରି ମନ୍ଦିରୁ ନିୟମ୍ ପେଡ଼ା ମାନିକା ତରିତାଡ଼ ।
 ତାନିଝେନ୍‌କା ବାଦଡ଼ ମିରିସ୍‌ତାଡ଼, ବିଜ୍‌ତାକ୍‌ତାଡ଼, ଭୁମିକମ୍ ମାରି ନାଶ୍ଟ ଆଡ଼ରାଗା ପିରୁ ଆତାଡ଼ ।

୧୨

ଅରେଡ଼ ଆଇ ମାନି ପେରି ସାରାସ୍

୧ ଝେନ୍‌କା ବାଦଡ଼ଦୁ ଉଣ୍ଡି ପେରି ନି କାବାଆନି ସିନା ତୋରିତାଡ଼ । ଅରେଡ଼ ଆଇମା ଝେଡ଼ାଦି ଜାୟ ଆରାତାମାରାଡ଼ ।
 ତାନି ପାଦାମ୍ ଆଡ଼ଗି ଲେଜୁ ମାରି ତାଲାଦୁ ବାରଗୋଟା ସୁକେଙ୍ଗ୍ ମାନି ଉଣ୍ଡି ମୁକୁଟ୍ ମାରାଡ଼ ।
 ୨ ଖାଦ୍ ଗାର୍ଭୁଦୁ ମାର୍‌ହାଡ଼ ମାରି ଜନମ୍ କିନି ଝିସାମ୍‌ତାନ୍ କସ୍ ପୟଜି ମାର୍‌ହାଡ଼ ।
 ୩ ବାଦଡ଼ଦୁ ମାରି ଉନ୍‌ଡ଼ି କାବାଆନି ସିନା ତୋରିତାଡ଼ । ନେତେର୍ ରଙ୍ଗ୍‌ତି ସାରାସ୍ ଖାଜା ଉନ୍‌ଡ଼ି ପେରି ଜାତୁ, ତାନିଙ୍ଗ୍
 ସାଡ଼ଗୋଟା ତାଲେକ୍, ଦାସ୍‌ଗୋଟା କମୁକୁ ମାରି ଝିଜୁ ତାଲେକାଙ୍ଗ୍ ଉନ୍‌ଡ଼ି ଲାକା ମୁକୁଟ୍ ମାରାଡ଼ ।
 ୪ ଆୟାକାଡ଼ ତାନି ତକାଦାନ୍ ବାଦଡ଼ତାନ୍ ମୁନ୍‌ଡ଼ିବାଗ୍‌ତାନ୍ ଉନ୍‌ଡ଼ିବାଗ୍ ସୁକେଙ୍ଗ୍ ରେଲ୍‌ଜିତାସି ଦୁନିଆ ମୁସ୍‌କୁ
 ପୋକ୍‌ତାଡ଼ । କଡ଼ ଜନମ୍ ଆତି ଦାପେ ଦାପେ ଖାନିଙ୍ଗ୍ ତିନି ଉଦେସ୍‌ତାନ୍ ସାରାସ୍ ଆୟା ଆଇମା ଲାକ୍‌ତୁ ଖାତାଦୋ
 ନିରାଡ଼ ।
 ୫ ଟିକ୍ ଆୟା ଝେଡ଼ାଦୁ ଆଇମା ଅରେନ୍ କଡ଼ପିଲାଦିଙ୍ଗ୍ ଜନମ୍ କିତାଡ଼ । ମାତର୍ ଲୁଝା ଦଣ୍ଡ ସାକାଦାନ୍ ଝିଜୁ
 ଜାତିମୁସ୍‌କୁ ସାସନ୍ କିନି ଉଣ୍ଡିଙ୍ଗ୍ ଟିକ୍ ବେଡ଼ାଦୁ ଆୟା କଡ଼ ପେରାୟ୍‌ଆଜି ମାପୁରୁ ସିଂହାସନ୍ ଲାକ୍‌ତୁ ଅଆୟ୍ ଆତାନ୍ ।
 ୬ ମାରି ଆୟା ଆଇମା ମରୁଜାଗାଦୁ ଉର୍କୁତାଡ଼ । ଆବେନ୍ ୧, ୨୬୦ ଦିନ୍ ସାନ୍ଦି ଖାଦ୍ ମାନି ଜାଗା ମାପୁରୁ ତିଆର୍
 କିତାସିତାମାର୍‌ହାନ୍ ।
 ୭ *ତାନିଝେନ୍‌କା ମୁସ୍‌କୁପୁରୁଦୁ ଜୁଦ୍ ଆରାମ୍ ଆତାଡ଼ । ମାଖାୟେଲ୍ ମାରି ତାମେ ଦୁଡ଼କୁ ଆୟା ପେରି ସାରାସ୍ ମାରି
 ତାନି ସେବାକିନିଝାରି ଖାଲେ ଜୁଦ୍ କିତାଡ଼ ।
 ୮ ଜୁଦ୍‌ଦୁ ସାରାସ୍ ମାରି ତାନି ଦୁଡ଼କୁ ଆରାତାର୍ ମାରି ଖାର୍ ମାରି ମୁସ୍‌କୁପୁରୁଦୁ ଜାଗା ପୋଇଏତାଡ଼ ।
 ୯ *ଆୟା ସାରାସ୍ ଆଜିନାଡ଼, ଝିଜୁ ଦୁନିଆଦିଙ୍ଗ୍ ବାଣ୍ଡିସ୍ କିତିମାନି ସାକ୍ତି ପୁର୍ବେଦି ସାରାସ୍, ସୟତାନ୍; ତାନି ଦୁଡ଼କା
 ଖାଲେ ମୁସ୍‌କୁପୁରୁଦାନ୍ ପୋକାୟ୍‌ଆଜି ଦୁନିଆଦି ମୁସ୍‌କୁ ଖାଜି ଆର୍‌ତାଡ଼ ।
 ୧୦ ତାନିଝେନ୍‌କା ନାନୁ ମୁସ୍‌କୁପୁରୁଦୁ ପେରି ଆଉଲିଆଜିନିକା ଉଣ୍ଡି ମାଟା ଝେର୍‌ଆ, “ଇଲେଇ ମାପୁରୁଦି ରକିୟା
 ଇତାଡ଼ । ଖାନି ରାଜା ସାକ୍ତି ମାରି ଖାନି ମସିହ୍‌ଦି ଅଦିକାର୍ ତରତାମାନାନ୍ ଏମେ ମିର୍‌ଝେନ୍‌କାନ୍ ଝେଡ଼େ ନାଡ଼ା
 ମାପୁରୁଦି ଆଗିଡ଼ି ନିଲିଜି, ମା ମାପୁରୁଦି ତଡ଼ାନ୍‌କା ନି ତାଙ୍ଗ୍ କା ବିରୁଦ୍‌ତାନ୍ ମିଡ଼ ଦାବି କିଜିମାର୍‌ହାଡ଼, ଖାନ୍ ନେରୁ
 ମୁସ୍‌କୁପୁରୁଦାନ୍ ପୋକାଇଆତାନ୍ ।
 ୧୧ ମେଷସାବକଦି ନେତେର୍‌ଡ଼ି ସାକ୍ତିଦାନ୍ ମାରି ଖାର୍ ସାକ୍ୟ ଝେରିସିମାନି ସଡ଼ ବିସୟ୍ ଉଣ୍ଡିଙ୍ଗ୍ ଜିବନ୍‌ସିଦେଙ୍ଗ୍ ତିଆର୍
 ଆତିମାନିଙ୍ଗ୍ ମା ତଡ଼ାନ୍‌କୁ ନି ତାଙ୍ଗ୍ କି ଜିଶାତାମାନାର ।
 ୧୨ ଆର୍‌ତିଙ୍ଗ୍ ମୁସ୍‌କୁପୁରୁ ନି ଦୁନିଆଦୁମାନି ଝିଜେରେ ଝେଡ଼ିକା କିଦୁ । ମାତର୍ ଆୟ୍ ! ଦୁନିଆଦି ରୁମି ନି ସାମ୍‌ଦୁରୁ ଝିଜୁ
 ! ମି ଦଣ୍ଡ ଏସା ବୟ୍‌କାର୍ ! ଇଲେ ସୟତାନ୍ ମି ଲାକ୍‌ତୁ ମାରି ଖାଦ୍ ବେସି ରିସାଆତାମାନାଡ଼, ମାତର୍ ଖାଦ୍ ନେସ୍‌ନାଡ଼,
 ତାନି ଝେଡ଼ା ଇଗା ଖାତାଡ଼ନି ।”
 ୧୩ ଦୁନିଆଦୁ ପୋକ୍‌ନିକା ସୁଡ଼ୁ ସୟତାନ୍ କଡ଼ଦି ଜନମ୍‌ସିତି ଆୟା ଆଇମାଦିଙ୍ଗ୍ ପେରିତାଡ଼ ।
 ୧୪ ସାରାସ୍‌ଦି ଆକ୍‌ମଣଦାନ୍ ରକିୟା ପୋଇନି ଉଣ୍ଡିଙ୍ଗ୍ ଆଇମାଦିଙ୍ଗ୍ ରୁଣ୍ଡି ପେରି ଡେଗା ପୋଟିଦି ରେକେଙ୍ଗ୍
 ସିଆୟ୍‌ଆତାଡ଼ । ତାନି ସାକାଦାନ୍ ଖାଦ୍ ମରୁଜାଗାଦୁ ନିଜେଦି ତେବାନି ବାଡ଼ିଦୁ ଇମିଜିସଲ୍‌ସି, ଆବେନ୍ ମୁନ୍‌ଡ଼ି ବାର୍‌ସେକ୍
 ଆଦା ସାନ୍ଦି ସାକ୍ତିଜାଗାଦୁ ତେବାଦେଙ୍ଗ୍ ଇଚାକିତାଡ଼ ।
 ୧୫ ତାନିଝେନ୍‌କା ଆଇମାଦିଙ୍ଗ୍ ଏରୁଡ଼ ଦେଲ୍‌ପିସ୍ ଅତେଙ୍ଗ୍ ଇଜି ସାରାସ୍ ନିଜେଦି ଝେୟ୍‌ଦାନ୍ ତାନି ଝେନ୍‌କା ଝେନ୍‌କା
 ଉଣ୍ଡି ପିରୁଏରୁ ସପ୍‌ତାଡ଼ ।

* ୧୧:୧୯ ପ୍ରକାଶିତ ୮:୫; ୧୭:୧୮; ପ୍ରକାଶିତ ୧୭:୨୧. * ୧୨:୭ ଜିହ୍ଵକା ୧:୯. * ୧୨:୯ ଲୁକ ୧୦:୧୮.

୧୬ ମାତର ଆଇମାଦିଙ୍କ ରକ୍ଷାକିନି ଉଣ୍ଡିଙ୍କ ଦୁନିଆ ନିଜେଦି ଖେୟୁ ରେସି ସୟତାନ୍ତି ଖେୟୁଦାନ୍ ସୋସିମାନି ଓଜୁ ଏରୁଦିଙ୍କ ଉଟାନ୍ ।

୧୭ ଆବେଟ୍ଟୁ ସୟତାନ୍ ଆଇମାଦି ମୁସୁକୁ ନାଣ୍ଡରିସା ଆଜି, ତାନି କୁଟୁମ୍ ଏମେ ତେବାତି ଲୋକୁ ମାପୁରୁଦି ମାଟା ମାନାନାର ମାରି ଜିସୁଦି ବିସୟତାନ୍ ସାକି ସିନାର, ଖାରି ଖାଲେ ଜୁଦ୍ କିଦେଙ୍କ ସତାଡ୍ ।

୧୮ ମାରି ସୟତାନ ସାମୁଦୁରୁଦି ପାଡ଼ି ସଲ୍‌ସି ନିରାନ୍ ।

୧୩

ରୁଣ୍ଡି ଜାତୁଙ୍କୁଁ

୧ *ତାନି ଖେନେକା ନାନ୍ ସୁଡୁଡା, ଉଣ୍ଡି ଜାତୁ ସାମୁଦୁରୁ ଲୋଇରାନ୍ ନିଙ୍କୁଁ ଜି ଖାଜିନାଡ୍ ତାନିଙ୍କୁ ଦସଗୋଟା କମୁକୁ ମାରି ସାତଗୋଟା ତାଲେକ୍ । ଓଜୁ କମୁକାଙ୍କ ଉଣ୍ଡି, ଉଣ୍ଡି ମୁକୁଟ୍ ମାରାଡ୍ ମାରି ଓଜୁ ତାଲେକାଙ୍କ ଉଣ୍ଡି, ଉଣ୍ଡି ମାପୁରୁଙ୍କୁଁ ନିନ୍ଦାକିନି ସିନା ଦରୁ ରାସାତାମାରାଡ୍ ।

୨ ଅଡୁଜୁ ଉଣ୍ଡି କାବରା ନରେସ୍ ଖାଜା ତୋରିଜିମାରାଡ୍ । ତାନି ପାଦାମକୁ ଅଡୁଜୁ ପାଦାମକୁ ଖାଜା ମାରି ଖେୟୁ ନରେସ୍ ଖେୟୁ ଖାଜା । ସାରାସ୍ ଇୟା ଜାତୁଦିଙ୍କ ନିଜେଦି ସାଲ୍ଲି, ସିଂହାସନ୍ ମାରି ପେରିଅଦିକାର୍ ସିତାନ୍ ।

୩ ଜାତୁଦି ଉଣ୍ଡି ତାଲା ନାଣ୍ଡ ଗାଉ ଆତିମାରି ଖାଜା ମନେ ଆଜିମାରାଡ୍ । ମାତର ଗାଉ ବାଡ଼ି ନେଗେନ୍ ଆତାମାରାଡ୍ ମାରି ଦୁନିଆଦି ଲୋକ୍ ଓଜେରେ କାବାଆଜି ଜାତୁଦି ଖେନେକା ସରାଡ୍ ।

୪ ମାରି, ଓଜେରେ ଜାତୁଦିଙ୍କ ଅଦିକାର୍ ସିତିମାନି ସାରାସ୍ତିଙ୍କ ପୁଜା କିତାର୍ । ଖାର୍ ଜାତୁଦିଙ୍କ ବା ପୁଜା କିଜି ଇର୍ହା, “ଏନ୍ ଇୟା ଜାତୁଦି ସାମାନ୍ ଆନାନ୍ ? ଏନ୍ ତାନି ବିରୁଦତାନ୍ ଜୁଦ୍ କିଦେଙ୍କ ଆଟ୍‌ନାନ୍ ?”

୫ ଜାତୁ ଗରବ୍‌ତାନ୍ ମାଟା ଖାରିଗିଜି ମାରାଡ୍ ମାରି ମାପୁରୁ ନିନ୍ଦା କିଜିମାରାଡ୍, ଆରିତିଙ୍କବା ୪୨ ଗୋଟା ଲେଜୁକୁ ସାନ୍ଦି ସାସନ୍ କିନି ଉଣ୍ଡିଙ୍କ ତାନିଙ୍କୁ ସାରି ପୁଟତାଡ୍ ।

୬ ମାପୁରୁଦି, ଖାନି ଦରୁ ମାରି ଖାନି ବାସାନିବାଡ଼ି ମାରି ମୁସୁକୁପୁରୁଦୁମାନି ଓଜେରିଙ୍କୁ ଖାନ୍ ଆନାଦୁରିଆ ସିଦେଙ୍କ ଆସ୍‌ତାନ୍ ।

୭ ମାପୁରୁଦି ଲୋକା ବିରୁଦତାନ୍ ଜୁଦ୍ କିଜି ଖାରିଙ୍କୁ ଆରା କିଦେଙ୍କୁ ଖାନ୍ ସାରି ପୋଇତାନ୍ ମାରି ଓଜୁ କୁଟୁମ୍, ଦେସ୍ ମାରି ବାସା ମାରି ଜାତି ମୁସୁକୁ ତାନିଙ୍କୁ ଅଦିକାର୍ ସିଆୟ୍ ଆତାଡ୍ ।

୮ ଦୁନିଆ ତିଆରୁଆନି ପୁର୍ବେଦାନ୍ ଏମେଖାରି ଦରୁ ସାତିମାନି ମେଷସାବକତି ଜିବନ୍ ବଇଦୁ ରାସାତାମାରାଡ୍, ଖାରିଙ୍କୁ ଡିସ୍‌ତିଙ୍କୁ ଦୁନିଆଦି ଆଇ ଓଜେରେ ଆୟା ଜାତୁଦିଙ୍କୁ ପୁଜାକିନାର୍ ।

୯ “ଏମେଖାନିଙ୍କୁ ଗିତଣିଙ୍କୁଁ ମାନେ ଖାନ୍ ଖେନିନ୍ ।

୧୦ ମାପୁରୁଦି ବଦା ଇସାବ୍‌ତାନ୍ ଏନ୍ ତରାୟ୍ ଆନିକାମାନାଡ୍, ଖାନ୍ ସତେନେ ତରାୟ୍ ଆନାନ୍ । ଏନ୍ ଆଇଖାନିଙ୍କୁ କାଣ୍ଡାସାରି ସାପିସ୍ କିନାନ୍, ଖାନ୍ ନିଜେ କାଣ୍ଡାସାରି ସାନାନ୍ । ମାପୁରୁଦି ଲୋକା ଉଣ୍ଡିଙ୍କୁ ସାସ୍ ନି ବିସ୍‌ବାସ୍ ଲୋଡା ମାନାଡ୍ ।”

୧୧ ତାନିଖେନକା ନାନ୍ ସୁଡୁଡା, ମାରି ଉଣ୍ଡି ଜାତୁ ରୁମି ଲୋଇରାନ୍ ନିଙ୍କୁଁ ଜି ଖାଜିନାଡ୍ । ମେଷସାବକଦି କମୁକୁ ଖାଜା ତାନି ରୁଣ୍ଡି କମୁକୁ ମାର୍‌ଏ ମାରି ଖାନ୍ ପୁର୍ବେଦି ସାରାସ୍ ଖାଜା ମାଟା ଇଜିମାରୁଆଡ୍ ।

୧୨ ଇୟା ମାରିଉନ୍‌ଡ୍ରୁ ପସୁ ପାରୁଟୁମ୍ ପସୁଦି ମାନିମାନ୍ ତାନି ଅଦିକାର୍ ବ୍ୟବହାର୍ କିଜି ପାରୁଟୁମ୍ ପସୁଦି ପୁଜା କିନି ଉଣ୍ଡିଙ୍କୁ ଦୁନିଆଦୁ ବାସାନି ଓଜେରିଙ୍କୁ ରାଜି କିତାଡ୍ । ଆମାତାନି ଗାଉ ନେଗେନ୍ ଆତାମାରାଡ୍,

୧୩ ମାରିଉଣ୍ଡି ପସୁଦି ପେରି କାବାଆନି ପାଣି ଓଜୁ ପୁରାକିତାଡ୍ । ଓଜେରି ଆଗିଡ଼ି ମୁସୁକୁପୁରୁତାନ୍ ଦୁନିଆ ମୁସୁକୁ ସିସୁ ପିରୁଆରାପତାଡ୍ ।

୧୪ ମାରି ପାରୁଟୁମ୍ ପସୁଦି ମାନିମାନ୍ ଇୟାଖାଜା ନାଣ୍ଡ କାବାଆନି ପାଣି କିଜି ଦୁନିଆଦି ଲୋକାଙ୍କୁ ଓଜେରିଙ୍କୁ ବାଣ୍ଡିସ୍ କିତାଡ୍ । କାଣ୍ଡାସାରି ଗାଉ ଆଜି ନେଗେନ୍ ଆତିମାରୁଇ ଆଗିଡ଼ିରି ପସୁଦିଙ୍କୁ ସନ୍‌ମାନ୍ତି ଉଣ୍ଡିଙ୍କୁ ତାନି ଉଣ୍ଡି ବମା ତିଆରୁ କିଦେଙ୍କୁ ମାରିଉନ୍‌ଡ୍ରୁ ପସୁ ଲୋକାଙ୍କୁ ଆଦେସ୍ ସିତାଡ୍ ।

୧୫ ପାରୁଟୁମ୍ ପସୁଦି ବମାଦୁ ଜିବନ୍‌ସିଜି ତାନିଙ୍କୁ ଜିବନ୍ କିନି ଉପାୟ୍ ମାରିଉନ୍‌ଡ୍ରୁ ପସୁ ନେସ୍ତାମାରାଡ୍ । ଆବେଟ୍ ବମା ଖାରିଗିତାଡ୍ ମାରି ଏମେକାର୍ ତାନି ପୁଜାକିଏତାର୍, ଖାରିଙ୍କୁ ସାପିସ୍ କିଦେଙ୍କୁ ଅଦିକାର୍ ସିଆୟ୍‌ଆତାଡ୍ ।

୧୬ ମାରି ପେରି ଇସ୍ତି, ପାଣିକିନିକାନ୍, ବା ମୁକ୍‌ଡାଡିକାନ୍, ମାଜନ୍ କାକୁତ୍, ଓଜେରିଙ୍କୁ ଉଣିକିୟୁଦୁ ସିଲେତିଙ୍କୁ କାପାଲୁଡୁ ଉଣ୍ଡି ସିନା ତାକାଦେଙ୍କୁ ଖାଦ୍ ଲୋକାଙ୍କୁ ରାଜି କିତାଡ୍ ।

୧୭ ପସୁଦି ଦରୁ ବା ଆୟା ଦରୁଦି ସିନା ଉଣ୍ଡି ଇସାବ୍ ତାକାଏଜି ମାନି ଏନ୍ କଡ଼ଦେଙ୍କୁ ପୋରଦେଙ୍କୁ ଆଟ୍‌ଏନ୍ ଇଜି ପସୁ ଆଦେସ୍ ସିତାଡ୍ ।

☆ ୧୩:୧ ପ୍ରକାଶିତ ୧୭:୩,୭-୧୨.

୧୮ ଇବେନୁ ବୁଦି ଦରକାର ଏମେଖାନିଙ୍କ ବୁଦି ମାନାଡ଼ ଖାନ୍ ପସୁଦି ଇସାପ୍ କିପିନ୍, ମାତର ଆକା ଅରେନ୍ ଲୋକୁ ଇସାପ୍, ମାରି ଆୟା ଇସାପ୍ ଆଜିନାଡ଼ ୭୭୭ ।

୧୪

ମେଣ୍ଡାପିଲା ନି ଖାନି ଝେନ୍‌କାବୁଲାନିଲୋକୁ

୧ ତାନିଝେନ୍‌କା ନାନୁ ସୁଡ଼ତୁ, ମେଣ୍ଡାପିଲା ସିୟୋନ ଗୋରନ୍ ମୁସୁକୁ ନିରାମାନାନ୍ । ଖାନି ଖାଲେ ୧୪୪,୦୦୦ ଲୋକୁ ମାର୍ହାର । ଖାରି କାପାଲୁଡ଼ୁ ମେଣ୍ଡାପିଲା ମାରି ଖାନି ବୁବାଦି ଦରୁ ରାସାତାମାରାଡ଼ ।

୨ ତାନିଝେନ୍‌କା ନାନୁ ଝେରଥା, ଏରୁ ଖାଙ୍ଗିଆଉଲି ମାରି ମିରସିନି ଆଉଲି ଖାଜା ମୁସୁକୁପୁରତାନ୍ ଉନ୍‌ଡ଼ି ବଲୁ ଖାତାଡ଼ । ବାଜାଏସ୍‌ନିକାର ବାଜାଏସ୍‌ସି ମାନି ମୋରି ଝୁମ୍‌କା ଖାଜା ଆକା ଝେନ୍‌ଜି ମାର୍ହାର ।

୩ ଆୟା ୧୪୪,୦୦୦ ଲୋକୁ ମୁସୁକୁପୁର ସିଂହାସନ୍‌ଦୁ, ନାଲଗି ଜାତୁକୁଁ ମାରି ମଣ୍ଡଲିଦି ପେରିନେତାରି ଆଗଡ଼ି ନିର୍ହାର । ଖାର ପୁନିପାଟା ପାରିଜିମାରାର । ଖାରିଙ୍ଗ୍ ଡ଼ିସ୍‌ତିଙ୍ଗ୍ ଆଇକାର ଏର୍ ଆୟା ପାଟା ପାରଦେଙ୍ଗ୍ ଆଟ୍‌ଏଜିମାର୍ହାର । ସାରା ଦୁନିଆ ଲୋକା ଜାତିଦି ମାଣୁକୁ କେବଲ୍ ଖାର ରକିୟା ପୋଇତାମାରାର ।

୪ ଖାର ଆଇମେକା ଖାଲେ ନିଜେଦିଙ୍ଗ୍ ଏସ୍‌କାଙ୍ଗ୍ ପାପ୍ କିଏର୍ ମାର୍ହାର, ଖାର ମାର୍ହାର ନେଗିକାର । ଖାର ଝିଜୁଦିନ୍ ମେଣ୍ଡାପିଲାଦି ଝେନ୍‌କା ବୁଲାଇମାର୍ହାର । ଖାର ଲୋକା ମାଣୁକୁ ପାରତୁମ୍ ରକିୟା ପଇଜି ମାପୁରୁ ମାରି ମେଣ୍ଡାପିଲାଦି ଲାକ୍‌ତୁ ସର୍ପେ ଆତାମାନାର ।

୫ ଖାର ଏସ୍‌କାଙ୍ଗ୍ ମିର୍ ଝେରନିକା ତରଏଡ଼, ଖାର ପୁରା ଦସ୍‌ସିଲିକାର ।

ମୁନ୍‌ଡ଼ି ଦୁଡ଼କୁ

୬ ତାନିଝେନ୍‌କା ନାନୁ ମାରିଡ଼େସି ସୁଡ଼ତୁ, ମାରି ଅରେନ୍ ଦୁଡ଼ ବାଦଡ଼ଦୁ ନାଣ୍ ମୁସୁକୁରାନ୍ ଇମିଜି ଇମିଜି, ଦୁନିଆଦି ଝିଜୁ ଜାତି, କୁଟୁମ୍, ବାସାଦି ମାରି ଦୁନିଆଦି ଲୋକା ଲାକ୍‌ତୁ ମାପୁରୁଦି ଆୟା ଝିଜୁଦିନ୍‌ଡ଼ି ସୁସମାତାର ଝେରସିନାନ୍ ।

୭ ଖାନ୍ ପେରି ବଲୁଦାନ୍ ଝେରସିନାନ୍, “ମାପୁରୁକୁଁ ତିଲାଦୁ, ଖାନି ଆମ୍‌ଦିଙ୍ଗ୍ ପ୍ରସଂସା କିଦୁ, ମାତର ଲୋକା ବିଚାର ବେଡ଼ା ଇଗା ଖାତାଡ଼ନି । ମୁସୁକୁପୁର, ଦୁନିଆ, ସାମୁଦୁର୍ ମାରି ଝିଜୁ ଏରୁଜଲେଙ୍ଗ୍ ତିଆରକିତଖାନିଙ୍ଗ୍ ପୁଜାକିଦୁ ।”

୮ *ଆୟା ଆଗଡ଼ିରି ଦୁଡ଼ଦି ଝେନ୍‌କା ମାରିଉଣ୍ଡି ଦୁଡ଼ ଖାଜି ଇର୍ହାର, “ଖାନିଦି ଦଂସ ଗଟାତାଡ଼ । ଝେଙ୍ଗ୍ ତିମାନି ବାବିଲନ୍ ଦଂସ ଆତାମାନାଡ଼ । ଖାନ୍ ଖାନି ଦାରିପାଣି ଖାଜା କାଡ଼ ଡୁର୍‌ପିସ୍ କିଜି ଝିଜୁ ଲୋକାଙ୍ଗ୍ ସୋସପିସ୍ କିତାମାର୍ହାନ୍ ।”

୯ ଇୟା ରୁଣ୍ଡି ଦୁଡ଼ଦି ଝେନ୍‌କା ମାରିଉଣ୍ଡି ଦୁଡ଼ ଖାଜି ପେରି ବଲୁଦାନ୍ ଇନ୍‌ଡ଼େଙ୍ଗ୍ ଆସ୍‌ତାଡ଼, “ଏନ୍‌ଆପିନ୍ ଜାତୁ ମାରି ତାନି ବମାଦିଙ୍ଗ୍ ପୁଜା କିନାନ୍ ମାରି ନିଜେଦି କାପାଲୁ ନି କିୟୁଦୁ ଖାନି ସିନା ଆସ୍‌ନାନ୍,

୧୦ ଖାନ୍ ମାପୁରୁଦି ରିସାଦିଖାଜା ତୁବାଇଦୁ ଖାକ୍‌ତିମାନି ଖାନି ନାଣ୍ ରିସାଦି କାଡ଼ ଡୁଣାନ୍ । ଏମେକାର ଇୟା ପାଣିକିନାର, ଖାର ଝିଜେରେ ମେଣ୍ଡାପିଲା ମାରି ପବିତ୍ର ଦୁଡ଼ରି ଆଗଡ଼ି ସିସୁ ମାରି ଗନ୍ଧକଦୁ କାସୁଆନେ ।

୧୧ ଆୟା କାସ୍‌ସିମାନି ସିସୁଦି ଗୋୟି ଜୁଗ୍ ଜୁଗ୍ କାସିସମାନାଡ଼ । ଏମେକାର ଜାତୁ ମାରି ଆୟା ମୁଡ଼ି ପୁଜା କିନାର, ମାରି ଖାନି ସିନା ଆସ୍‌ନାର, ଖାର ନାଡ଼ାଝେଡ଼େ ଝିଜୁଦିନ୍ ଅସାନ୍ତି ଭୋଗାଜିମାନାର ।”

୧୨ ଏମେକାର ମାପୁରୁଦି ମାଟାଆସ୍‌ନାର ମାରି ଜିସୁଦି ଉଣ୍ଡିଙ୍ଗ୍ ବିସ୍‌ବାସ୍ ତେବାନାର, ମାପୁରୁଦି ଆୟା ଲୋକା ଉଣ୍ଡିଙ୍ଗ୍ ଏଣ୍ଡେସବା ଦରକାର ।

୧୩ ନାନ୍ ଝେରଥା, ମୁସୁକୁପୁରତାନ୍ ଉନ୍‌ଡ଼ି ମାଟା ଝେଙ୍ଗ୍ ଜିନାଡ଼; “ଇୟା ମାଟା ରାସ୍‌ତୁ ଏମେକାର ଏଣ୍ଡେସକି ପ୍ରବୁଦି ସେବାକିଜି ସାନାସନାର, ଖାର ଦନ୍ୟ ।”

ମାରି ନାନ୍ ଝେରଥା, ତାଗଇଆମ୍‌ ଇଜିନାଡ଼, “ଇକା ଏଣ୍ଡେସବା ଗଟାନାଡ଼ । ଖାର ନିଜେ ନିଜେଦି କାସୁପାଣିଦାନ୍ ରମ୍‌ନାର, ଇରିଙ୍ଗ୍ ଖାରି ପାଣି ଖାରି ଲାକ୍‌ତୁ ଆନାଡ଼ ।”

ପାସି ଉଣ୍ଡାକିନିକା

୧୪ ତାନିଝେନ୍‌କା ନାନୁ ସୁଡ଼ତୁ, କାଣ୍ଡେକ୍ ଅଡ଼ିନି ବାଦଡ଼ ମାରି ତାନି ମୁସୁକୁ ବାସ୍ତାମାନାନ୍ ମନୁସ୍ୟପୁତ୍ର ଖାଜା ଅରେନ୍; ଖାନି ତାଲାଦୁ ବାଙ୍ଗାଁରାମ୍‌ଡ଼ି ମୁକୁର୍ ମାରି କିୟୁଦୁ ଦାରାଦି କଏର୍ ।

୧୫ ମନ୍‌ଡ଼ିରତାନ୍ ମାରି ଉନ୍‌ଡ଼ି ଦୁଡ଼ ସୋସିଖାଜି ବାଦଡ଼ପିଡ଼ିକ୍‌ତିମାନି ଲୋକ୍‌ତିଙ୍ଗ୍ ନାଣ୍ଡାଆଉଲିଆଜି ଇର୍ହାନ୍, “ନି କଏର୍ ଆସ୍‌ସି ପାସି କୟୁଆ । ଦୁନିଆଦି ପାସି ଉଣ୍ଡାକିଦେଙ୍ଗ୍ ଟିକ୍ ବେଡ଼ା ଇଗା ଖାତାମାନାଡ଼ ।”

୧୬ ଇକା ଝେନ୍‌ଜି ବାଦଡ଼ପିଡ଼ି ଲୋକୁ ଖାନି କଏର୍ ଆସ୍‌ପିସ୍‌ସି ମାରି ଦୁନିଆଦି ପାସି ଝିଜୁ ଉଣ୍ଡାତାଡ଼ ।

୧୭ ତାନିଝେନ୍‌କା ନାନୁ ସୁଡ଼ତୁ, ମାରି ଉନ୍‌ଡ଼ି ଦୁଡ଼ ମୁସୁକୁପୁରତି ମନ୍‌ଡ଼ିରତାନ୍ ଖାଜିନାନ୍, ଖାନି କିୟୁଦୁ ବା ଉନ୍‌ଡ଼ି ଦାରାଦି କଏର୍ ମାର୍ହାର ।

☆ ୧୪:୮ ପ୍ରକାଶିତ ୧୮:୨.

୧୮ ତାନିଝେନ୍‌କା ବେଦିଦି ସିସୁ ଦାଇଡ଼ତାନ୍ ମାନି ଉଣ୍ଡି_ ଦୁଡ଼ କଏର ଆସ୍ତିମାନି ମାରିଉଣ୍ଡି_ ଦୁଡ଼ଦିଙ୍ଗ ଆଉଲି ଆଜି ଇର୍ହାନ୍, “କଏର ଆସ୍ତି ଦୁନିଆଦି ଅଙ୍ଗୁର କିଡ଼ିଇଦାନ୍ ଅଙ୍ଗୁର ଓଁକୁ କୋୟଜ ପୋକଆ; ଆୟାଓଁକୁ ପାଣ୍ଡିତେମାନେ ।”

୧୯ ଆବେଟତାନ୍ ଦୁଡ଼ ଦୁନିଆଦୁ ଖାନି କଏର ଆସ୍ତି ଅଙ୍ଗୁର ତିଝେଙ୍ଗଣ୍ଡକୁ ଅଙ୍ଗୁର କୋୟଜି ଉଣ୍ଡା କିତାନ୍ ମାରି ଆୟାଓଁକୁ ମାପୁରୁଦି ନାଣ୍ଡି ରିସାଦି ଅଙ୍ଗୁର ପିରନି କୁଣ୍ଡୁ ପୋକତାର ।

୨୦ ☆ଗାଡ଼ଡ଼ି ଆତେରେ ମାନି ଆୟା କୁଣ୍ଡୁ ଅଙ୍ଗୁର କାଙ୍ଗ ପିରିତାର ମାରି ଆବେଟତାନ୍ ନେତେର୍ ସୋସି ଗଡ଼େଙ୍ଗାଁ ଖେୟୁ ସାନ୍ଧି ୩୦୦ କିଲୋମିଟରତାନ୍ ପୁରା ନିରିକା ମାରି ପୁରା ଦୁଇ ମିଟର ମୁସୁକୁ ନିଙ୍ଗି ଜି ନେତେର୍ ଖାତାଡ଼ ।

୧୫

ସାରାସାରି କାସୁସିନିକା

୧ ତାନିଝେନ୍‌କା ନାନୁ ବାଦଡ଼ତୁ ମାରି ଉଣ୍ଡି_ କାବାଆନି ସିନା ସୁଡ଼ତୁ । ସାଡ଼ଗୋଟା ଦୁଡ଼କୁ, ଖାରି କିୟୁଦୁ ସାଡ଼ଗୋଟା କାସୁଙ୍ଗୁଁ, ଇକାନେ ସାରାସାରି, ଇରିଙ୍ଗ ଇୟା କାସୁଦିଙ୍ଗାଁ ମାପୁରୁଦି ରିସା ଓଁଜିତାଡ଼ ।

୨ ତାନିଝେନ୍‌କା ନାନୁ ସୁଡ଼ତୁ, ଏଣ୍ଡେସ୍ ସିସୁମିସାତି ଉଣ୍ଡି_ କାୟାଦି ସାମୁଦୁର୍ ଖାଜା । ଆୟା ସାମୁଦୁରୁତି ଚିପୁବାଡ଼ିଦୁ ନିରଥା ମାହାନ୍ ଜିଣାତି ଲୋକୁ ଇୟାକାର ମାପୁରୁଦି ଟଲଲା ଆସ୍ତି, ଜାଡ଼, ଜାଡ଼ଦି ମୁଡ଼ି ମାରି ମୁସୁକୁରି ଇସାବଦାନ୍ ନେସ୍ତିମାନି ଆୟା ତାଗ୍‌ଇଆମ୍ ମୁସୁକୁ ଜିଣାତାମାହାନ୍ ।

୩ ଖାର ମାପୁରୁ ସିତିମାନି ଟଲଲା ଏସ୍ତି ମାପୁରୁଦି ସେବାକିନିକାନ୍ ମୋସାଦି ପାଟା ମାରି ମେଣ୍ଡାପିଲାଦି ପାଟା ପାରିଜିମାହାନ୍ ।

“ଏ ସର୍ବସାକ୍ତିମାନ୍ ମାପୁରୁ !

ନି ସାରିଓଁକୁ ଏସ୍ତି ପେରିକା ମାରି କାବାଆନିକା,

ଓଁକୁ ଲୋକା ଜାଡ଼ିଦୁ ରାଜାଦି ରାଜା !

ନି ପାଣିଓଁକୁ ଏସ୍ତି ନ୍ୟାୟ ନି ସଡ଼ ।

୪ ଏ ପ୍ରୁ ! ଏନ୍ ନିଙ୍ଗି ତିଲାଏନ୍ ?

ଏନ୍ ନି ଦରଡ଼ି ଦନ୍ୟବାଦ କିଏନ୍ ?

କେବଲ୍ ନିନୁ ନେ ପବିତ୍ର,

ଓଁକୁ ଲୋକୁ ଖାଜି

ନି ପୁଜାକିନାର ।

ଇରିଙ୍ଗ ନି ନ୍ୟାୟ ପାଣି ଓଁକୁ ଓଁଜେରେ ସୁଡ଼ତୁମାନାର ।”

୫ ତାନିଝେନ୍‌କା ମୁସୁକୁପୁରଡ଼ି ସାକି ମନ୍ଦିର୍ ସେରଲା ରେଆୟଆନିକା ନାନୁ ସୁଡ଼ତୁ । ଆବେନ୍ ମାପୁରୁଦି ତେବାନି ଗୁଡ଼ା ମାହାନ୍ ।

୬ ସାଡ଼ଗୋଟା କାସୁସିନିକା ଆସ୍ତିମାନି ସାଡ଼ଗୋଟା ଦୁଡ଼କୁ ମୁସୁକୁପୁରଡ଼ି ମନ୍ଦିର୍ତି ଲୋଇରାନ୍ ସୋସି ଖାତେ; ଖାକ୍ ନେଗି ଅଡ଼ିନି ଆଙ୍ଗି ଆରାତେ ମାରେଏ ମାରି ବକାଦୁ ବାଙ୍ଗାଁରାମ୍‌ତି ବେଲୁଟୁ ତରଆୟଆତା ମାହାନ୍ ।

୭ ଆବେନ୍ ନାଲିଗି ଜାଡ଼ୁଙ୍ଗାଁ ଲୋଇରାନ୍ ଉନ୍‌ଡ଼ି ଜାଡ଼ ଓଁକୁଦିନ୍‌ଡ଼ି ମାପୁରୁଦି ରିସାଦୁ ପୁରାବଡ଼ି ସାଡ଼ଗୋଟା ବାଙ୍ଗାଁରାମ୍‌ତି ତୁବାଇଙ୍ଗୁଁ ଆୟା ସାଡ଼ଗୋଟା ଦୁଡ଼କାଙ୍ଗ ସିତାନ୍ ।

୮ ମାପୁରୁଦି ଗୌରବ୍ ମାରି ସାକ୍ତିଦି ଗୋଇତାନ୍ ମନ୍ଦିର୍ ପୁରାବଡ଼ି ଆତାଡ଼; ସାଡ଼ଗୋଟା ଦୁଡ଼କୁ ଆସ୍ତି ଖାତିମାନି ସାଡ଼ଗୋଟା କାସୁଙ୍ଗୁଁ ଓଁଜିଇ ସାନ୍ଧି ଏନ୍ ମନ୍ଦିର୍ତୁ ଡ଼ଗୁଦେଙ୍ଗ ଆଟଏତାର ।

୧୬

ମାପୁରୁଦି ରିସାଦୁ ସାଡ଼ଗୋଟା ତୁବାଇଙ୍ଗୁଁ

୧ ତାନିଝେନ୍‌କା ନାନୁ ଝେରଥା, ମନ୍ଦିର୍ତାନ୍ ଏନ୍ ଅରେନ୍ ଆଉଲି ଆଜି ଆୟା ସାଡ଼ଗୋଟା ଦୁଡ଼କାଙ୍ଗ ଝେରସିନାନ୍, “ସାଙ୍ଗଆ, ସାଡ଼ଗୋଟା ତୁବାଇଦୁ ମାନି ମାପୁରୁଦି ରିସା ଦୁନିଆଦୁ ମୁସୁକୁ ଖାକ୍‌ସୋ ସିଦୁ ।”

୨ ଇକା ଝେନ୍‌ଜି ପାରଡ଼ୁମ୍ ଦୁଡ଼ ସୋଲସି ଖାନି ତୁବାଇଦୁ ଆମାକା ମାହାନ୍, ଦୁନିଆଦୁ ମୁସୁକୁ ଖାକ୍‌ତାସିତାଡ଼ । ଦାପେ ଦାପେ ଏମେକାର ଜାଡ଼ୁଦି ସିନା ଆସ୍ତିମାହାନ୍ ମାରି ଆୟାତାନି ମୁଡ଼ି ଦିଙ୍ଗ ପୁଜା କିତାମାହାନ୍, ଖାରି ମେନ୍‌ଲତାନ୍ ନାଣ୍ଡି କାସୁଦାନ୍ ଗାଉ ସୋତାଡ଼ ।

୩ ତାନିଝେନ୍‌କା ମାରିଉନ୍‌ଡ଼ି ଦୁଡ଼ ତାନି ତୁବାଇଦିଙ୍ଗ ସାମୁଦୁର୍ ମୁସୁକୁ ଖାକ୍‌ତା ସିତାଡ଼ । ସାମୁଦୁରୁତି ଏରୁ ସାତି ଲୋକାଦି ନେତେର୍ ଖାଜା ଆତାସରାଡ଼ ମାରି ସାମୁଦୁରୁତି ଓଁକୁ ଏରୁତୁ ଜିଜିମାନିକେଙ୍ଗ ସାତେସର୍ଏ ।

☆ ୧୪:୨୦ ପ୍ରକାଶିତ ୧୯:୧୫.

୪ ତାନିଝେନ୍‌କା ତିନି ନମ୍ବରତି ଦୁତଦି ତୁବାଇଦୁ ଏମେକା ମାହାତ୍, ଆକା ଖାଦ୍ ଗାଡ୍ ମାରି ଜଲେଇଁ ମୁସୁକୁ ଖାକ୍ତା ସିତାଡ୍ ମାରି ଆୟାଝିକୁ ଏରୁ ନେତେରତୁ ମିସାତେ ।

୫ ନାସ୍ତିଝାଲେ ନାନୁ ଝେରୁଆ, ଏରୁଦୁ ଦାଇତି ମାନି ଦୁଡ୍ ଇଜିନାଡ୍, “ନିନୁ ପବିତ୍ର, ନିନୁ ଇଲେଇ ମାରି ସରଇଦିନତୁ; ନିନୁ ସାମାନ୍ ବିଚାର କିତିମାନି ।

୬ ଖାର୍ ମାପୁରୁଦି ଲୋକାଙ୍ଗ୍ ମାରି ବାବବାଦିରିଙ୍ଗ୍ ଏମେ କାଡ୍‌ସି ନେତେର କିତାମାହାତ୍, ଆକା ନିନ୍ ଖାରିଙ୍ଗ୍ ଉଡ୍‌ପିସ୍ କିତିମାନି । ଖାରି ପାଣି ଖାର୍ ପୋଇତାମାନାର ।”

୭ ତାନିଝେନ୍‌କା ନାନୁ ବେଦିଦି ଉନ୍‌ତ୍ରି ବଲୁ ଝେରୁଆ, “ପ୍ରୁ ସର୍ବସାକ୍ତିମାନ୍ ମାପୁରୁ ! ନି ବିଚାର ଟିକ୍ ମାରି ନ୍ୟାୟତିକା ।”

୮ ତାନିଝେନ୍‌କା ନାଲିଗି ନମ୍ବରତି ଦୁଡ୍ ତାନି ତୁବାଇଦୁ ମାନି ଜିନିସ୍‌ଦିଙ୍ଗ୍ ଝେଡା ମୁସୁକୁ ଖାକ୍ତା ସିତାଡ୍ । ତାନିଝେନ୍‌କା ଝେଡା ନାଶ୍ତିତାଡିଆଜି ଲୋକାଙ୍ଗ୍ ସାପିସ୍ତାଡ୍ ।

୯ ଇବେଟ୍‌କୁ ଖାର୍ ରିସାଆଜି କାସୁ ମୁସୁକୁ ଅଦିକାର୍ ମାନି ମାପୁରୁଙ୍ଗ୍ ଆନାଦୁରିଆ ସିତାର୍; ମାତର୍ ମୋନ୍ ବାଦେଲେ କିଜି ଖାନି ମହିମା ମାନାଏତାର୍ ।

୧୦ ତାନିଝେନ୍‌କା ପାସ୍ ନମ୍ବରତି ଦୁଡ୍ ତାନି ତୁବାଇଦିଙ୍ଗ୍ ଜାତୁଦି ସିଂହାସନ୍‌ଦି ମୁସୁକୁ ଖାକ୍ତା ସିତାଡ୍ । ଜାତୁଦି ଦେସ୍ ମୁସୁକୁ ସିକାଟି ଆତାସହାତ୍ ମାରି ଲୋକୁ କାସୁଦାନ୍ ଖାରି ଝେତଲ୍ କାଟ୍‌ତା ପକ୍‌ତାର୍ ।

୧୧ ଖାରି ମେନ୍‌ଲତି ଗାଉକା ଉଣ୍ଡିଙ୍ଗ୍ ମାରି ନୋପି କାସୁଦି ଉଣ୍ଡିଙ୍ଗ୍ ମାପୁରୁଙ୍ଗ୍ ଆନାଦୁରିଆ ସିତାର୍ । ମାତର୍ ନିଜେଦି ନେଗିସାରିଦାନ୍ ଡେସି ରେଏତାର୍ ।

୧୨ ଝିଜୁଦିନତି ସୋଅ ନମ୍ବରତି ଦୁଡ୍ ପେରି ଯୁପ୍ରେଟିସ୍ ପେରିଗାତା ମୁସୁକୁ ତାନି ତୁବାଇତିକା ଖାକ୍ତା ସିତାଡ୍ । ଦାପେ ଦାପେ ଗାତାଦି ଏରୁ ଖାର୍‌ତେସର୍‌ଏ ମାରି ଝେଡାସୋନିତରିଗାନ୍ ସାତୁ ରାଜାରି ଆଗମନ ଉଣ୍ଡିଙ୍ଗ୍ ସାରି ରେଆତାଡ୍ ।

୧୩ ତାନିଝେନ୍‌କା ନାନୁ କାପକି ଖାଜାତର୍‌ନି ମୁଣ୍ଡି ତାଗିଇଦୁବେଙ୍ଗ୍ ସୁଡ୍‌ତୁ । ଆୟାକେଙ୍ଗ୍ ଶୁର୍ବେଦି ସାରାସ୍, ପସୁ ମାରି ବଣ୍ଡ ବାବବାଦିର୍ ଝେୟୁଦାନ୍ ସୋସିମାରେଏ ।

୧୪ ଆୟା ଦୁବାଆମେଙ୍ଗ୍ କାବାଆନି ପାଣି ପୁରା କିଦେଙ୍ଗ୍ ଆଟ୍‌ନେ । ଖାର୍ ସର୍ବସାକ୍ତିମାନ୍ ମାପୁରୁଦି ଦିନ୍‌ତୁ ଜୁଦ୍ କିନି ଉଣ୍ଡିଙ୍ଗ୍ ପୂତିବିଦି ରାଜାରିଙ୍ଗ୍ ଉଣ୍ଡାକିନି ଉଣ୍ଡିଙ୍ଗ୍ ସୋସିଝାତାର୍ ।

୧୫ “ଝେନ୍‌ତୁ ! ନାନୁ ତଙ୍ଗାରେଏନ୍ ଖାଜା ଖାନା । ଏମେ ଲୋକୁ ଜାଗ୍ରାଡ୍ ମାନିଜି ତଙ୍ଗାଏରତି ମାଡାନ୍ ନିଜେଦି ଖାତିଗୋଦା ନେଗେନ୍‌କିଜି ଇତିନାନ୍, ଖାନ୍ ଦନ୍‌ଏ । ନାଗାଡା ଆଜି ସାଲାବୁଲା କିନି ମାଡାନ୍ ଖାନିଙ୍ଗ୍ ସେମାର୍ ଆଦେଙ୍ଗ୍ ପୋଡାଏଡ୍ ।”

୧୬ ତାଗିଇଆମେଙ୍ଗ୍ ଟିକ୍ ବେଡାଦୁ ପୂତିବିଦି ରାଜାରିଙ୍ଗ୍ ଏମେ ଜୁଦ୍‌ଦୁ ଉଣ୍ଡାକିବିସ୍‌ତାଡ୍, ଏବ୍ରି ବାସାଦାନ୍ ତାନି ଦରୁ ଅମ୍‌ଗିଜୋନ୍ ।

୧୭ ତାନିଝେନ୍‌କା ସଡ୍ ନମ୍ବରତି ଦୁଡ୍ ତାନି ତୁବାଇତି ଜିନିସ୍‌ତିଙ୍ଗ୍ ଗାଲିଦି ମୁସୁକୁ ଖାକ୍ତାସିତାଡ୍ । ଆଦେଙ୍ଗ୍ ମନ୍ଦିରତୁ ମାନି ସିଂହାସନ୍‌ତାନ୍ ପେରିବଲୁଦାନ୍ ଉନ୍‌ତ୍ରି ମାଟା ଝିଙ୍ଗ୍‌ତାଡ୍, “ପାଣି ଝିଜିତାମାନାଡ୍ ।”

୧୮ *ଆୟାଦାପ୍ରେ ଲାଇନି କାସ୍‌ତାଡ୍, ବାଦଡ୍ ଡିଡିତାଡ୍ ମାରି ଉନ୍‌ତ୍ରି ବୟ୍‌କର୍ ବୁମିକମ୍‌ ଆତାଡ୍, ଲୋକୁ ତିଆର୍‌ଆତି ଆଗଡିରାନ୍ ଇୟାଝାଜା ବୁମିକମ୍‌ ଏସାଙ୍ଗ୍ ଆଏଡ୍‌ମାହାତ୍; ଇକା ମାହାତ୍ ଝିଜୁଦି ମାଡାନ୍ ବୟ୍‌କାର୍ ବୁମିକମ୍ ।

୧୯ ପେରିଗାଡ୍ ମୁଣ୍ଡି ବାଗ୍‌ତାନ୍ ଅଲଗା ଆତାଡ୍, ଦେସ୍‌ତି ଝିଜୁ ଗାଡ୍‌କୁ ଦ୍‌ସ୍ ଆତେସର୍‌ଏ । ମାପୁରୁ ପେରିଗାଡ୍ ବାବିଲନ୍‌ତିଙ୍ଗ୍ ବାଣାଏନ୍ ମାହାନ୍ । ଖାନ୍ ଖାନି ଉଣ୍ଡିତୁବାଇତାନ୍ ଖାନି ନାଶ୍ତି ରିସାଝାଜା କାଡ୍ ଖାନିଙ୍ଗ୍ ଉଡ୍‌ପିସ୍‌କିତାର୍ ।

୨୦ *ମାରି ସାମାଦୁର୍ ନାଡିମିମାନି ଦେସ୍‌କୁ ଝିଜୁ ମାର୍‌ଗିତେ ସରେଏ, ପେରି ପେରି ଗରକ୍ ଝିଜୁ ତର୍‌ତେ ।

୨୧ *୫୦ କେଜି ବଜୁଦି ପେରି କାଲୁକୁ ବାଦଡ୍‌ତାନ୍ ଲୋକାମୁସୁକୁ ଆର୍‌ତେ, ଲୋକୁ ଇୟା ନାଶ୍ତି କାସୁ ଉଣ୍ଡିଙ୍ଗ୍ ମାପୁରୁଙ୍ଗ୍ ଆନାଦୁରିଆ ଇଟ୍‌ତାର୍ ।

୧୭

ପେରି ଦାରିପାଣି

୧ ତାନିଝେନ୍‌କା ସାଡ୍‌ଗୋଟା ତୁବାଇଆସ୍ତିମାନି ସାଡ୍‌ଗୋଟା ଦୁଡ୍‌କା ଲୋଇରାନ୍ ଅରେନ୍ ନା ଲାକୁତୁ ଖାଜି ଇହାନ୍, “ଇବେନ୍‌ ରାଆ ! ନାଶ୍ତି ଗାଡେଆଙ୍ଗ୍ ଲାକୁତୁ ତିଆର୍ ଆଡିମାନି ଦାରିପାଣି ଖାଜା ଆୟା ପେରିଗାଡ୍ ଏସ ଦଣ୍ଡ ପୋଇନାଡ୍, ଆକା ତୋର୍‌ନା ।

୨ ଆମାଝାନି ଝାଲେ ଦୁନିଆଦି ରାଜାର୍ ଆୟା ଦାରିପାଣିଦି କିତାମାନାର୍ ମାରି ପୃଥ୍‌ବିଦି ଲୋକ୍ ଝିଜେରେ ଖାନି ଦାରିପାଣିଝାଜା କାଡ୍ ଉଣ୍ଡିଜି ସୋସତା ମାନାର୍ ।”

୩ *ନାସ୍ତିଝାଲେ ପବିତ୍ରଆମ୍ ନାମାନୁ ବାସାତାଡ୍ ମାରି ଆୟା ଦୁଡ୍ ନାଙ୍ଗ୍ ଉଣ୍ଡି ବାଲିଜାଗାଦୁ ଅତାଡ୍ । ଆବେନ୍‌ ନାନୁ

* ୧୭:୧୫ ମାଡିଉ ୨୪:୪୩,୪୪; ଲୁକ ୧୨:୩୯,୪୦; ପ୍ରକାଶିତ ୩:୩। * ୧୭:୧୮ ପ୍ରକାଶିତ ୮:୫; ୧୧:୧୩,୧୯। * ୧୭:୨୦ ପ୍ରକାଶିତ ୬:୧୪। * ୧୭:୨୧ ପ୍ରକାଶିତ ୧୧:୧୯। * ୧୭:୩ ପ୍ରକାଶିତ ୧୩:୧।

ସୁତରା, ଅରେଡ୍ ଆଇମା ଲୋକୁ ଉଣ୍ଡି ଲାଲ୍ ରଙ୍ଗତି ଜାତୁ ମୁସୁକୁ ବାସ୍ତାମାନାଡ୍ । ଜାତୁଦି ଝିଜୁମେଦଲ୍ତୁ ମାପୁରୁଦି ନିନ୍ଦାସିନି ଦରୁକୁ ରାସାତେମାନେ ମାରି ତାନିଙ୍ଗ୍ ସାଡ୍ଗୋଟା ତାଲେକ୍ ମାରି ଦାସ୍ଗୋଟା କମୁକୁ ମାନେ ।

୪ ଅରେଡ୍ ଆଇମା ସେରଗାନାନିକା ମାରି ପୁରା ଲାଲ୍ ରଙ୍ଗତି ଝାଡି ପିଡିଗିତାମାର୍ହାଡ୍ ମାରି ବାଙ୍ଗାମାଡି ସରେଙ୍ଗ୍, ନାଣ୍ଡଦାରାଦି ମଣିମାଣିକ ମାରି ଝେଡିଦାନ୍ ଆରାତାମାର୍ହାଡ୍ । ଝାନି ନାସୁକିନି ପଲ୍ ଝାଜା ଦାରିପାଣି ନି ତାଗ୍ଲ ବିସୟଝିଜୁ ଉଣ୍ଡି ବାଙ୍ଗାମାଡି ତୁବାଇ ଝାନ୍ ଆସ୍ତାମାର୍ହାନ୍ ।

୫ ତାନି କାପାଲ୍ତୁ ଉନ୍ତୁ ମାର୍ଗିତିମାନି ଦର୍ ରାସାତାମାନାଡ୍, “ପେରି ବାବିଲନ୍, ଦୁନିଆଦି ଝିଜୁ ଦାରିପାଣି ମାରି ନାସୁକିନିଝାରି ଆଇସି ।”

୬ ନାନୁ ମାରି ସୁତରା, ଆୟା ଆଇମା ସାଦୁରି ମାରି ଜିସୁଦି ଉଣ୍ଡିଙ୍ଗ୍ ବିସ୍ବାସ୍ ତେବାଜି ସାତି ମାନି ଲୋକାରି ନେତେର୍ ଉଣ୍ଡି ସୋସ୍ତାମାରାଡ୍ । ତାନିଙ୍ଗ୍ ସୁଡିଜି ନାନୁ କାବାଆତା ସୋର୍ଆ ।

୭ ଦୁଡ୍ ଇର୍ହାଡ୍, “ଏନ୍ଦାନିଙ୍ଗ୍ କାବାଆଜିନି ? ଆୟା ଆଇମା ମାରି ସାତଗୋଟା ତାଲେକ୍ ମାରି ଦାସ୍ଗୋଟା କମୁକୁ ଝାଦ୍ ବୁଲାନି ଜାତୁଦି ମାର୍ଗିତିମାନି ଅର୍ତ୍ତ ନାନୁ ନିଙ୍ଗ୍ ଇଜିନା, ଝେନ୍ଆ !

୮ ଜାତୁ ଅରଲେନ୍ ଜିତାମାର୍ହାଡ୍; ଇଲେ ମାରି ଜିଏଡ୍, ମାତର୍ ଆୟାଦାପ୍ରେନେ ପାତାଲ୍ପୁରତାନ୍ ନିଙ୍ଗ୍ ଝାନାଡ୍ ମାରି ଉଣ୍ଡି ଦେବା ନାସୁ ଆନାଡ୍ । ତିଆରଆତି ପୁର୍ବେଦାନ୍ ଏମେଝାରି ଦରୁକୁ ଜିବନ୍ ବଇଦୁ ରାସାଏଡ୍, ଦୁନିଆଦି ଲୋକୁ ଆୟାଝିଜେରେ ଜାତୁଦିଙ୍ଗ୍ ସୁଡିଜି କାବାଆତାର୍ । ଝାଦ୍ ଅରଲେନ୍ ଜିବନ୍ ମାର୍ହାଡ୍, ଇଲେଇ ମାରି ସିଲେଡ୍, ମାତର୍ ମାରିଡେସି ଝାଦ୍ ଝାନାଡ୍ ।

୯ “ଇୟାଝିଜୁ ବିସୟ୍ ବୁଜାନି ଉଣ୍ଡିଙ୍ଗ୍ ବୁଦି ଦରକାର୍ । ଜାତୁଦି ସାଡ୍ଗୋଟା ତାଲେକ୍ ସଡ୍ତାନ୍ ସାଡ୍ଗୋଟା ଗୋରକ୍, ଏମେ ମୁସୁକୁ ଆଇମା ବାସ୍ତାମାର୍ହାଡ୍ । ଆୟାଝିଜୁ ବା ସାଡ୍ଗୋଟା ରାଜାରି ସିନେଙ୍ଗ୍ ।

୧୦ ଝାରି ଲୋଇରାନ୍ ପାସ୍ ଲୋକୁ ସାତା ସରାମାନାର୍ । ଅରେନ୍ ଇଲେ ସାସନ୍ କିଜିନାନ୍, ମାରି ଅରେନ୍ ଇଲେ ସାନ୍ ରେଏନ୍ନେ । ଝାନ୍ ଝାଜି ସାଣେକ୍ତି ଉଣ୍ଡିଙ୍ଗ୍ ସାସନ୍ କିନାନ୍

୧୧ ମାରି ଆମା ଜାତୁ ଅରଲେନ୍ ଜିତାମାର୍ହାଡ୍, ମାତର୍ ଇଲେ ମାରି ସିଲେଡ୍, ଝାନ୍ ଆଜିନାଡ୍ ଆଡ୍ ନମ୍ବର୍ ରାଜା; ଆୟା ସାଡ୍ଗୋଟା ରାଜାରି ଲୋଇରାନ୍ ଅରେନ୍ ମାରି ଝାନ୍ ବା ବେଗି ସାନାସନାନ୍ ।

୧୨ “ମିର୍ ସୁଡିତିମାନି ଦାସ୍ଗୋଟା କମୁକୁ, ଦାସ୍ଗୋଟା ରାଜାରି ସିନେଙ୍ଗ୍, ଝାର ଇୟାସାନ୍ ସାସନ୍ କିଏର୍ । ମାତର୍ ଜାତୁ ଝାଲେ ସାସନ୍ କିନି ଉଣ୍ଡିଙ୍ଗ୍ ଉନ୍ତେ ଗନ୍ତା ଉଣ୍ଡିଙ୍ଗ୍ ଝାରିଙ୍ଗ୍ ଅଦିକାର୍ ସିଆୟ୍ଆନାଡ୍ ।

୧୩ ଇୟା ଦାସ୍ ଲୋକା ରାଜାରି ଉଦେସ୍ ଉନ୍ତେ । ଝାର ନିଜେଦି ଝିଜୁ ସାକ୍ତି ମାରି ଅଦିକାର୍ ଜାତୁଦିଙ୍ଗ୍ ସର୍ପେ କିନାର୍ ।

୧୪ ଝାର୍ ମେଷସାବକଦି ବିରୁଦ୍ତାନ୍ ଜୁଦ୍ କିନାର୍; ମାତର୍ ମେଷସାବକ ଝାନି କୁକାୟ୍ଆତାମାନା, ବାସେଆତାମାନା, ବୁଲାନିକାର୍ ମାରି ବିସ୍ବାସ୍ତି ଲୋକା ସାହାଜ୍ୟଦାନ୍ ଝାରିଙ୍ଗ୍ ଆରାକିନାର୍ । ଇରିଙ୍ଗ୍ ଝାନ୍ ପ୍ରବୁରି ପ୍ରବୁ ମାରି ରାଜାରି ରାଜା ।”

୧୫ ଦୁଡ୍ ନାଙ୍ଗ୍ ମାରି ଇର୍ହାଡ୍, “ନିନ୍ ଏମେ ଏରୁଡ୍ମାନିକେଙ୍ଗ୍ ସୁଡ୍ଡି, ଏମେ ମୁସୁକୁ ଆୟା ଦାରିପାଣିକିନିକାଡ୍ ବାସ୍ତାମାର୍ହାଡ୍, ଆକା ଆଜିନାଡ୍ ଆଇ ଆଇ ଦେସ୍, ଜାତି, କୁଟୁମ୍ ମାରି ଭାସାବାସିଦି ଲୋକୁ ମାନାର୍ ।

୧୬ ମିର୍ ସୁଡିତିମାନି ସାଡ୍ଗୋଟା କମୁକୁ ମାରି ଆୟା ଜାତୁ, ଦାରିପାଣିଦିଙ୍ଗ୍ କାଡ୍ନାର୍; ଝାର୍ ତାନିମାଡାନ୍କୁ ତାନି ଝିଜୁ ଡିବିସକିଜି ଅସି ତାନିଙ୍ଗ୍ ନାଗାଡା କିଜି ଡିସ୍ନାସିନାର୍ । ଝାର୍ ତାନି କାଣ୍ଡା କୁଡ୍ସି, ତାନିଙ୍ଗ୍ ସିସୁଦୁ ପୋକ୍ସି ଦଂସ କିନାର୍ ।”

୧୭ ଇରିଙ୍ଗ୍ ମାପୁରୁ ନିଜେଦି ଉଦେସ୍ ପୁରାକିନି ଉଣ୍ଡିଙ୍ଗ୍ ଝାରିଙ୍ଗ୍ ଇୟା ଆଦେସ୍ ସିତାମାନାନ୍ । ଝାର୍ ଉନ୍ତେ ମୋନ୍ଆଜି ପାଣି କିନାର୍ ମାରି ମାପୁରୁଦି ବାକ୍ୟ ସଡ୍ତାନ୍ ପୁରାଆଇ ସାନ୍ ଦେସ୍ତି ସାସନ୍ ବଜୁ ଆୟା ଜାତୁ କିୟୁଡୁ ଡିସ୍ନାସିନାର୍ ।

୧୮ ନିନ୍ ଏମେ ଆଇମାଦିଙ୍ଗ୍ ସୁଡ୍ଡି, ଝାଦ୍ ଆଜିନାଡ୍, ଦୁନିଆଦି ରାଜାରି ମୁସୁକୁ ସାସନ୍ କିଜିମାନି ଆୟା ପେରିଗାଡ୍ ।

୧୮

ବାବିଲନ୍ଦି ଦଂସ ଆନିକା

୧ ତାନିଝେନ୍କା ନାନୁ ମାରି ଉନ୍ତୁ ଦୁଡ୍ଦିଙ୍ଗ୍ ମୁସୁକୁପୁରତାନ୍ ରେତାଜି ଝାଜିନିକା ସୁତରା । ଝାଦ୍ ନାଣ୍ଡସାକ୍ତିକାଡ୍ ମାରାଡ୍ ମାରି ତାନି ମହିମାଦାନ୍ ସାରାଦୁନିଆଦିଙ୍ଗ୍ ଜାୟ୍ କିଜିମାରାଡ୍ ।

୨ ଝାଦ୍ ପେରି ବଲୁଦାନ୍ ଇଜିନାଡ୍, “ଝାନିଦି ସାନିକା ଗଟାତାଡ୍ । ପେରି ବାବିଲନ୍ ଦଂସ ଆତାମାନାଡ୍ ! ଆକା ଇଲେଇ ଦୁକି ମାରି ତାଗ୍ଲ ଦୁବେଙ୍ଗ୍ ମାନି ଜାଗା ଆତାମାନାଡ୍ । ଝିଜୁ ଜାତି ଅସୁଚି ମାରି କାଡ୍ନି ପୋଟିଙ୍ଗ୍ ଆବେନୁ ବାସା ତୋରିସି ମାନେ ।

☆ ୧୮:୨ ପ୍ରକାଶିତ ୧୪:୮.

୩ ଇରିଙ୍ଗ୍ ଖାଦ୍ ସାରା ପୃତ୍ତିବିଦି ଜାତିବିଦି ଲୋକାଙ୍ଗ୍ ତାନି ସାକ୍ତି କାମୋଦିପକ ସୁରା ଉଚ୍ଚପିସ୍‌କିଜି, ପୃତ୍ତିବିଦି ରାଜାରିଙ୍ଗ୍ ଖାନି ଖାଲେ ଦାରିପାଣିଦି ପାପଦୁ ମିସା କିତାମାନାଡ୍, ପୃତ୍ତିବିଦି ବେପାରଙ୍ଗ୍ ଖାନି ଖେଡ଼ିକାଦି ଉଣ୍ଡିଙ୍ଗ୍ ଦନି ଆତାମାନାର୍ ।”

୪ ତେନିଖେନକା ନାନୁ ଖେରଥା, ମୁସ୍‌କୁପୁରଦାନ ଆଇ ଉଣ୍ଡି ମାଟା ଖେଙ୍ଗ୍‌ଜିନାଡ୍ :

“ନା ଲୋକୁ ଖିଜେରେ ସୋସି ରାଦୁ ! ତାନି ଲାକୁଡୁରାନ୍ ସୋସି ରାଦୁ !

ମିର୍ ତାନି ପାପଦୁ ମାରି ମିସାଜ ମାନାମାଟ୍‌ନି;
ଖାଦ୍ ଆମା ସାସ୍ତି ପୋଇନାଡ୍, ଆବେନୁ ମିସାମାଟ୍ !

୫ ତାନି ପାପଞ୍ଜିକୁ ମୁସ୍‌କୁପୁର ସାନ୍ଦି ନିଙ୍ଗ୍‌ଜିନାଡ୍ ।
ତାନି ପାପପାଣି ଖିଜୁ ମାପୁରୁ ମନ୍‌ଡୁ ଇଚ୍‌ତାମାନାନ୍ ।

୬ ଖାଦ୍ ଏଣ୍ଡେସ୍ ମି ଉଣ୍ଡିଙ୍ଗ୍ ବ୍ୟବହାର୍ କିତାମାନାନ୍,
ମିର୍ ତାନି ଉଣ୍ଡିଙ୍ଗ୍ ଟିକ୍ ଆୟାଖାଜା ବ୍ୟବହାର୍ କିଦୁ ।
ଖାଦ୍ ଆମାକା କିତାମାନାନ୍, ଖାନିଙ୍ଗ୍ ତାନି ଦୁଇଗୁଣ ଦଣ୍ଡ୍ ସିଦୁ ।

ମିଙ୍ଗ୍ ଉଚ୍ଚପିସ୍‌କିନି ଉଣ୍ଡିଙ୍ଗ୍ ଖାଦ୍ ଆମା ଏରୁ ତିଆର୍ କିତାମାହାଡ୍, ଆୟାତାନି ଦୁଇଗୁଣ ସୁରିଖାରଗିନି ଏରୁ ଖାନି ଉଣ୍ଡିଦୁବାଇଦୁ ବତ୍ କିଦୁ ।

୭ ଖାଦ୍ ନିଜେଦିଙ୍ଗ୍ ଏସ୍ ଗୌରବ୍ କିଜିମାହାଡ୍
ମାରି ଖେଡ଼ିକାଦୁ ଖେଡ଼ିକା କିଜି ମାନିଜିମାହାଡ୍,
ଆୟା ଇସାପ୍‌ତାନ୍ ତାନିଙ୍ଗ୍ ଦୁଃକ୍ କାସ୍‌ସିଦୁ ।

ଇରିଙ୍ଗ୍ ଖାଦ୍ ନିଜେଦିଙ୍ଗ୍ ପିରିସିକିଜି ଇଜିନାଡ୍,
‘ନାନୁ ଇବେନୁ ରାଣି ଖାଜା ବାସ୍‌ତାମାନା ! ନାନୁ ରାଣ୍ଡି ଆଇମା ଆଏ ।’
ନାନ୍ଦି ଏସାଙ୍ଗ୍‌ବା ଦୁଃଖ ଆଏଡ୍ ।

୮ ତାନି ଇୟାଞ୍ଜିକୁ ପାପ୍ ଉଣ୍ଡିଙ୍ଗ୍
ରୋଗ, ଆଡ଼ବାନିକା, ଦୁର୍ଭିକ୍ଷ, ମହାମାରି ଅର୍‌ଲେନ୍ ତାନିଙ୍ଗ୍ ଉଣ୍ଡେ ଦେବାନେ ଡାକ୍‌ନାଡ୍ ।
ମାରି ଖାଦ୍ ସିସୁଦୁ ଖିଜୁ ଦଂସ ଆନାଡ୍ ।

ଇରିଙ୍ଗ୍ ତାନିଙ୍ଗ୍ ଏନ୍ ବିଚାର୍ କିଜିନାନ୍, ଆୟା ପ୍ରବୁ ମାପୁରୁ ଖିଜେରିଙ୍ଗ୍‌ପେରି ସର୍ବସକ୍ତିମାନ୍ ।”

୯ ଦୁନିଆଦି ଆମା ରାଜାପେରିରାଜାର୍ ତାନି ଖାଲେ ଦାରିପାଣି ନି ପାପପାଣି କିତାମାର୍‌ଆର୍, ଖାର୍ ତାନି ଦଂସ ଆଜିମାନି ମେନ୍‌ଲତାନ୍ ନିଙ୍ଗ୍‌ଜିମାନି ଗୋଇ ସୁଡ଼ିଜି ଆଡ଼ବାନାର୍ ।

୧୦ ତାନି ଦୁଃଖ କଷ୍ଟଦୁ ମିସାଦେଙ୍ଗ୍ ତିଲାଜି ଖାର୍ ତାନି ମାଣ୍‌କୁ ନାଣ୍ଡ ଆକ ନିଲ୍‌ଜି ତେବାନାର୍ ମାରି ହାୟ୍, ହାୟ୍ ଇଜି ଇନାର୍ : “ଏସ୍ ବୟ୍‌କାର୍ ! ନିନୁ ଇନିକା ଆୟା ସାକ୍ତିମାନି ପେରିଗାଡ଼୍ ବାବିଲନ୍ ! ମାଡୁ ଉଣ୍ଡି ଗୋଣ୍ଡା ଲୋଇ ଇୟାଖାଜା ସାସ୍ତି ପୋୟ୍‌ତି !”

୧୧ ମାରି ଦୁନିଆଦି ବେପାରାଙ୍ଗ୍ ତାନି ଉଣ୍ଡିଙ୍ଗ୍ ଆଡ଼ବାଜି ସିନ୍ତା କିନାର୍, ଇରିଙ୍ଗ୍ ମାରି ଏନ୍ ଖାରି ପରନିଜିନିସ୍ କଡ଼ଏର୍,

୧୨ ଖାରି ବାଙ୍ଗ୍‌ରାମ, ଖେଣ୍ଡି, ହିରାକାଲୁ, ମୁକ୍ତା, ଖାରି ଇସ୍ତି ଆରାନି ଆଙ୍ଗ୍, ସେର୍‌ଗା ରଙ୍ଗ୍‌ତି ଆଙ୍ଗ୍ ମାରି ଲାଲ୍ ରଙ୍ଗ୍‌ତି ଆଙ୍ଗ୍ ; ଖିଜୁ ପ୍ରକାର୍‌ତି ଛନ୍ଦନ ଖେରୁକୁ, ଏନିପାଲ୍‌କୁଦି ଖିଜୁ ପ୍ରକାର୍‌ତି ଜିନିସ୍‌କୁ, ନାଣ୍ଡଦାରାଦି ମାରାକ୍‌ଦାନ୍ ତିଆର୍‌ଆଡ଼ି ଜିନିସ୍‌କୁ; ପିତଲ୍, ଲୁହା ମାରି ମର୍‌ମର କାଲୁ ମାର୍‌ବଲ୍ ତିଆର୍‌କିଡ଼ି ଖିଜୁ ପ୍ରକାର୍‌ତି ଜିନିସ୍‌କୁ,

୧୩ ଦାରୁଚିନି, ଆଇଆଇ ମସଲା ଜିନିସ୍‌କୁ, ଦୁପୁଣି, ବାସ୍‌ନାଦି ଉସାନି ଜିନିସ୍‌କୁ, କୁନ୍ଦୁରୁ, ଅଙ୍ଗୁରରସ୍, ନିୟୁ, ମଇଦା, ଗଦ୍‌ମ୍, ଡାକୁ, ମେଣ୍ଡେଙ୍ଗ୍, ଗଡ଼ା, ରଡ଼, ଇୟାଖାଜା ଚାକର୍‌କ୍‌ଙ୍ଗ୍ ମାରି ଆମାଦୁମାନି ଲୋକାଙ୍ଗ୍ ବା କଣି ଉଣ୍ଡିଙ୍ଗ୍ ଏନ୍ କଣିକାନ୍ ସୋଏର୍ ।

୧୪ ବେପାର୍‌କ୍‌ଙ୍ଗ୍ ଖାନିଙ୍ଗ୍ ଇନାର୍ “ମି ପାଣ୍ଡିତି ପଲ୍ ଖିଜୁ ନେଗି ଜିନିସ୍‌କୁ ଆକ ଆତାମାନାଡ଼୍ ମାରି ମି ଦନ୍‌ସମ୍‌ତିଦିଙ୍ଗ୍ ଆକ ଅସି ନାସ୍‌ ଆତାମାନାଡ଼୍, ମାରି ଏସାଙ୍ଗ୍‌ବା ଆୟାଞ୍ଜିକୁ ଉଦେସ୍ ପୁର୍‌ଏଡ୍ ।”

୧୫ ଆମା ବେପାର୍‌କ୍‌ଙ୍ଗ୍ ଆୟା ଗାଡ଼ଦୁ ବେପାର୍ କିଜି ଦନି ଆତାମାହାଡ଼୍, ଖାର୍ ତାନି ଦୁଃକ୍‌ବୋଗଦୁ ମିସାଦେଙ୍ଗ୍ ତିଲାଜି ନାଣ୍ଡ ଆକ ନିଲ୍‌ଜି ତେବାନାର୍ ।

୧୬ ଖାର୍ ଆଡ଼ବାଜି ଇନାର୍, “ହାୟ୍ ! ପେରିଗାଡ଼୍‌ଦି ଅବସ୍ତା ଇଲେଇ ଏସା ବୟ୍‌କାର୍, ଏସା ଚିନ୍ତାଦି ବିସୟ୍ ! ଖାନ୍ ଇସ୍ତି ଆଙ୍ଗ୍, ସେର୍‌ଗା ରଙ୍ଗ୍‌ତି ମାରି ଲାଲ୍ ରଙ୍ଗ୍‌ତି ଆଙ୍ଗ୍ ଆରାତା ମାହାଡ଼୍, ମାରି ବାଙ୍ଗ୍‌ରାମ, ହିରାକାଲୁ ମାରି ମୁକ୍ତାଦାନ୍ ପୁରା ଆରାତା ମାହାଡ଼୍ ।

୧୭ ମାଡର୍ ଉଣ୍ଡି ଗନ୍‌ଟା ଲୋଇ ଖାଦ୍ ଇୟାଞ୍ଜିକୁ ସମ୍ପତ୍ତି ହାରାକିତାଡ଼୍ !” ଜାହାଜ୍‌ଦି ପେରିକାନ୍, ସୋନିକାର୍, ଡଙ୍ଗାସାଲାକିନି ଲୋକୁ ମାରି ସାମ୍‌ଦୁର୍‌ଡୁ ବେପାର୍‌କିନିକାର୍ ନାଣ୍ଡ ଆକ ନିର୍‌ଆର୍ ।

୧୮ ମାରି କାସ୍‌ସିମାନି ଗାଡ଼ି ଗୋଇ ସୁଡ଼ୁ ଇର୍ହାର୍, “ଇୟା ପେରିଗାଡ଼ି ଖାଜା ମାରି ଆମା ଗାଡ଼ି ସିଲେତାଡ଼ି ।”

୧୯ ଖାର ତାଲା ମୁସୁକୁ ଦୁଡ଼ି ଖାକ୍‌ସି ଆଡ଼ବାଜି ଇର୍ହାର୍, “ଏସା ନାଣ୍ଟ ବୟଙ୍କାର୍ ! ଗାଡ଼ି ଇକା ଏସ ଦୁଃକ୍ କାସୁ ! ସାମଦୁରତ୍ତୁ ସୋଲ୍‌ସିମାନି ଏରୁଜାହାଜକୁ ତାନି ଦନ୍‌ତାନ ଦନି ଆତାମାର୍‌ଆର୍ ! ମାତର୍ ଉଣ୍ଟି ଗନ୍‌ଟା ଲୋଇ ଆୟାକା ଦଂସ ଆତାମାନାଡ଼ି !”

୨୦ ଏ ମୁସୁକୁପୁରଦି ଲୋକୁ ! ଆୟାକା ଦଂସ ଆତିମାନିଙ୍କ୍ ଖେଡ଼ିକା କିଦୁ । ଏ ସାଦୁଲୋକୁ; ପେରିତ ସିସୁର୍ ମାରି ବାବବାଦିରି ! ଖେଡ଼ିକା କିଦୁ, ଇରିଙ୍ ମା ଉଣ୍ଟିଙ୍ ଖାଦ୍ ଏମେକା କିତାମାରାଡ଼ି, ଆୟାଉଣ୍ଟିଙ୍ ମାପୁରୁ ତାନିଙ୍କ୍ ଦଣ୍ଟ ସିତାମାନାନ୍ ।

୨୧ ତାନିଖେନ୍‌କା ଅରେନ୍ ନାଣ୍ଟ ସାଲ୍‌ଦି ଦୁଡ଼ି ଜାତାକାଲୁଦି ଖାଜା ଉଣ୍ଟି କାଲୁ ଅସି ସାମୁଦୁରତ୍ତୁ ପୋକ୍‌ତାନ୍ ମାରି ଇର୍ହାନ୍, “ପେରିଗାଡ଼ି ବାବିଲନ୍ ଇୟାଖାଜା ପୋକାଲ ଆନାଡ଼ି ମାରି ତାନିଙ୍କ୍ ମାରି ଏନ୍ ଏସାଙ୍ ବା ସୁଡ଼ୁଦେଙ୍ ଆଟ୍‌ଏରନ୍ ।

୨୨ ଇନି ଟଇଲା, ଇନି ପାଟାପାର୍‌ନିକାନ୍, ପିରଡ଼ି ମାରି ବାଜାମରି ଏସାଙ୍ ମାରି ନି ମାଣ୍ଟକୁ ଖେନ୍‌ଡେଙ୍ ଆଏଡ଼ । ଆମା ତିଆରକିନିକାନ୍ ନି ମାଣ୍ଟକୁ ମାରି ତରାୟଆଏଡ଼; ମାରି ଜାତା କାଲୁଦି ଆଉଲି ବା ଖେନ୍‌ଡେଙ୍ ଆଏଡ଼ ।

୨୩ ନି ମାଣ୍ଟକୁ ଏସାଙ୍ ଦିଖା କାସ୍‌ଏଡ଼; ମାରି କାନ୍ୟାମୁରୁଲିଦି ଆଉଲି ଖେନାଲଆଏଡ଼ । ଇରିଙ୍ ନି ବେପାର୍‌କୁ ଦୁନିଆଦୁ ନାଣ୍ଟସାଲ୍ ଆତାମାର୍‌ହାର୍ ନି ବେମ୍‌ରିଦାନ୍ ନିନ୍ ଦୁନିଆଦି ଖିଜେରିଙ୍ ବାୟାକିଜି ଆସ୍‌ତିମାହି ।”

୨୪ ମାରି ଇୟା ଗାଡ଼ି ଦୁନିଆଦି ନାଣ୍ଟ ବାବବାଦିର୍ ମାରି ସାଦୁର୍ ସାତାମାର୍‌ହାର୍ । ଇୟାଖିଜୁ ପାପଦି ଉଣ୍ଟିଙ୍ ଖାଦ୍ ସାନିନାନି ଦଣ୍ଟ ପୋଇତାଡ଼ି ।

୧୯

ମୁସୁକୁପୁରତୁ ଖେଡ଼ିକା

୧ ତେନିଖେନ୍‌କା ନାନୁ ଆମାକା ଖେର୍‌ଆ, ଆକା ମୁସୁକୁପୁରଦୁ ଉଣ୍ଟି ପୁରାନାଣ୍ଟ ଲୋକୁଦି ଆଉଲି ଖାଜା ମନେଆଜିମାରାଡ଼ି । ଖାର ଇଜିମାର୍‌ହାର୍, “ମାପୁରୁଙ୍କୁ ପ୍ରସଂସା କିଦୁ । ମା ମାପୁରୁ ରକ୍‌ୟା, ଗୌରବ୍ ମାରି ସାଲ୍‌ଦି ଅଦିକାରି ।

୨ ଖାନି ବିଚାର୍ ସଡ଼ ମାରି ନ୍ୟାୟତିକା; ଆମା ପେରି ଦାରିପାଣି ନିଜେଦି ଦାରିପାଣିଦାନ୍ ଦୁନିଆଦିଙ୍କ୍ ନାସୁ କିତାମାର୍‌ହାର୍, ଖାନ୍ ଖାନିଙ୍କ୍ ଦଣ୍ଟ ସିଜି ନିଜେଦି ଦାସରି ନେତେରତି ବାଦ୍ ଖାନିମାଣ୍ଟକୁ ଅତାମାନାର୍ ।”

୩ ନାନୁ ଖେର୍‌ରା, ଖାର ମାରି ପେରିଆଉଲିଦାନ୍ ଇଜିନାର୍, “ମାପୁରୁଦି ପ୍ରସଂସା ପାଟାକିଦୁ । ଆୟା ପେରିଗାଡ଼ିକା ଦଂସ କିଜି ସିଜିମାନି ସିସୁଦି ଗୋଇ ଖିଜୁଦିନ୍ ମୁସୁକୁ ନିଙ୍ ଜିମାନାଡ଼ି ।”

୪ ସିଂହାସନ୍‌ଦୁ ବାସ୍‌ତିମାନି ମାପୁରୁଦି ଆଗଡ଼ି ୨୪ ଲୋକୁ ପେରିନେତାର୍ ମାରି ଆୟା ନାଲିଗି ଦୁଡ଼କୁ ରୁମିଦୁ ମାଡ଼ିସିକିଜି ମାପୁରୁଦି ଆରାଦନା କିତାର୍ । ଖାର ଇର୍ହାର୍, “ଆମେନ୍ ! ମାପୁରୁଦି ପ୍ରସଂସା କିଦୁ ।”

ମେଷସାବକଦି ପେଡ଼ି ବଜି

୫ ତାନିଖେନ୍‌କା ସିଂହାସନ୍‌ଦାନ୍ ଉଣ୍ଟି ମାଟା ଖାତାଡ଼ି । “ମାପୁରୁଦି ପ୍ରସଂସା କିଦୁ । ଏସ ପେରିକାନ୍, ଏସ ଲୋକୁ, ମାପୁରୁଦି ସେବାକିନିକାର୍ ମାରି ପାର୍‌ତାନା କିନିକାର୍ ଖିଜେରେ ଖାନି ପ୍ରସଂସା କିଦୁ ।”

୬ ଆୟା ବେଡ଼ାଦୁ ନାନୁ ଖେର୍‌ରା ସାମୁଦୁର୍ ଆଉଲି ମାରି ବାଦଡ଼ି ଆଉଲିଦି ଖାଲେ ନାଣ୍ଟ ଲୋକାଦି ଆଉଲି ଖାଜିନାଡ଼ି । ଲୋକୁ ମାରି ପ୍ରସଂସା କିଜି ଇଜିନାର୍, “ମାପୁରୁଦି ପ୍ରସଂସା କିଦୁ, ଇରିଙ୍ ମା ମାପୁରୁ ସର୍ବସାଲ୍‌ମାନ୍ ମାପୁରୁ, ଖାନ୍‌ନେ କେବଲ୍ ମା ରାଜା ।

୭ ରାଦୁ, ଖେଡ଼ିକାଦୁ ଖେଡ଼ିକା କିନାଟ୍, ଖାନି ଗୌରବ୍ ପ୍ରସଂସା କିନାଟ୍ । ମେଷସାବକଦି ପେଡ଼ି ବଜି ଇଗା ଖାତାଡ଼ିନି, ଖାନି କାନ୍ୟା ଆୟାଉଣ୍ଟିଙ୍ ନିଜେଦିଙ୍ ତିଆର୍ କିତାମାନାନ୍ ।

୮ ଖାନି ଆରାନି ଉଣ୍ଟିଙ୍ ଖାନ୍ ଅଡ଼ିନିକା ନି ନେଗିକା ଅଡ଼ିନିଆଙ୍ ପୋଇତାମାନାନ୍ ।” ସାଦୁରି ନେଗିପାଣି ଆଜିନାଡ଼ି, ଆୟା ଅଡ଼ିନିଆଙ୍ ।

୯ ନାସିଖାଲେ ମୁସୁକୁପୁର ଦୁଡ଼ି ନାଙ୍ ଇର୍ହାର୍, “ରାସ୍‌ସୋ ଇଡ଼ୁ, ଆମାକାର୍ ମେଷସାବକଦି ପେଡ଼ି ବୋଜିଦୁ କୁକାତାମାନାର୍, ଖାର କାମ୍‌ଦିକାର୍ ।” ଖାନ୍ ମାରି ବା ଇର୍ହାନ୍ “ଇକା ମାପୁରୁଦି କାବୁର୍ ଇକା ପୁରା ସଡ଼ ।”

୧୦ ଆୟା ଦୁଡ଼ିକା ପୁଜାକିନି ଉଣ୍ଟିଙ୍ ନାନୁ ଖାନି କାଲ୍‌କା ଆଡ଼ିଗି ମାଡ଼ିସିକିତା । ମାତର୍ ଖାନ୍ ନାଙ୍ ଇର୍‌ଆନ୍, “ଆୟାଖାଜା କିମାଟ୍ । ମି ଖାଜା ମାରି ମି ତଡ଼ାନ୍‌କା ଖାଜା ନାନୁ ମାପୁରୁଦି ଅରେନ୍ ଦାସ ମାଡ଼ି । ମି ଖାଜା ନାନୁ ବା ଜିସୁ ଖେର୍‌ଡିମାନି ସଡ଼ତିଙ୍ ମାନାତାମାନା । କେବଲ୍ ମାପୁରୁଦି ପୁଜା କିଦୁ । କେବଲ୍ ଜିସୁ ଖେର୍‌ଡିମାନି ସାକ୍ୟ ସଡ଼, ଭାବଭାଦିରି ମାଣାନ୍‌କୁ ସିକିୟା ସିଦୁ ।”

☆ ୧୯:୯ ମାଡ଼ିଉ ୨୨:୨,୩.

ଅଡ଼ିନି ଗଡ଼ା ସାଲାକିନିକାନ

^{୧୧} ତାନିଝେନ୍‌କା ନାନୁ ସୁଡ଼ତୁ, ମୁସ୍କୁପୁରତି ସେରଲା ରେଆତାଡ଼ ମାରି ଆବେନୁ ଉନ୍‌ଡ଼ି ଅଡ଼ିନି ଗଡ଼ା । ତାନିଙ୍ଗ୍ ସାଲାକିନିକାନ ବିସ୍‌ବାସ୍‌ତିକାନ ମାରି ସଡ଼ତି ଦରୁଦାନ ଜାଣାସିନା । ଖାନି ବିଚାର ନ୍ୟାୟତିକା ମାରି ଖାନ ଦାମ୍‌ନୁଦଦୁ ମିସାନାନ ।

^{୧୨} ଖାନି କାଣ୍ଡକୁ ସିସୁଡ଼ିରୁ ଖାଜା ମାରି ଖାନି ତାଲାଦୁ ନାଣ୍ଡ ମୁକୁଟକୁ ମାରେଏ । ଖାନି ମୁସ୍କୁ ଉନ୍‌ଡ଼ି ଦରୁ ରାସାତାମାରାଡ଼, ମାତର ଆକା ଇନିକା, ଖାନିଙ୍ଗ୍ ଡ଼ିସ୍‌ତିଙ୍ଗ୍ ମାରି ଏନ୍ ନେସ୍‌ଏନ୍ ।

^{୧୩} ଖାନ ଆରାତିମାନି ଆଙ୍ଗ୍ ନେତେର ଆତାମାରାଡ଼ । ଖାନ “ମାପୁରୁଦି ବାକ୍ୟ” ଇଜି ଝିଙ୍ଗ୍ ତାନ ।

^{୧୪} ମୁସ୍କୁପୁରତି ସୌନ୍ୟଦଲ୍, ନେଗିକାର, ଅଡ଼ିନିକା, ଅଡ଼ିନିଆଙ୍ଗ୍ ଆରାଜି, ଅଡ଼ିନି ଗଡ଼ାମୁସ୍କୁ ଏକ୍‌ସି ଖାନି ଝେନ୍‌କା ସଲିସ୍‌ମାର୍‌ଆର ।

^{୧୫} ଖାନି ଝେନ୍‌ଦାନ ଉନ୍‌ଡ଼ି ଦାରାଦି କାଣ୍ଡା ସୋସିମାରାଡ଼ । ତାନି ସାହାଜ୍ୟଦାନ ଖାନ ଦୁନିଆଦି ଝିଜୁ ଜାତିଦିଙ୍ଗ୍ ସାପିସ୍ କିନାନ । ମାରି ଖାରିଙ୍ଗ୍ ଖାଦ୍ ଲୁଖା ଦଣ୍ଡତାନ ସାସନ୍ କିନାନ ମାରି ସର୍ବସାକ୍ତିମାନ ମାପୁରୁଦି ନାଣ୍ଡରିସାନାନି ଅଙ୍ଗୁରତିଙ୍ଗ୍ ଖାନ ପିରନି କୁଣ୍ଡିନୁ ନିଜେ ପିରଜି ଅଙ୍ଗୁରରସ୍ ସୋପନାନ ।

^{୧୬} ଖାନି ଆଙ୍ଗ୍ ମୁସ୍କୁ ମାରି ଉରୁ ଦେସ୍‌ତାନ ରାସାତାମାରାଡ଼, “ରାଜାରି ରାଜା ମାରି ପ୍ରବୁରି ପ୍ରବୁ ।”

^{୧୭} ଝିଜୁଦିନ୍ ନାନୁ ସୁଡ଼ତୁ, ମାରି ଅରେନ୍ ମୁସ୍କୁପୁରତି ଦୁଡ଼ ଝେଡ଼ା ମୁସ୍କୁ ନିରୁଆମାନାନ । ବାଦଡ଼ଦୁ ଇମିଜିମାନି ଝିଜୁ ପୋଟିଙ୍ଗ୍ ଖାନ ନାଣ୍ଡ ଆଉଲି ଆଜି ଇର୍ହାନ, “ରାଦୁ, ମାପୁରୁଦି ପେରିବଜିଦୁ ସନି ଉଣ୍ଡିଙ୍ଗ୍ ଝିଜୁ ଉନ୍‌ଡ଼େମାନୁ ଆଦୁ ।

^{୧୮} ରାଜା, ପ୍ରଜା, ସୌନ୍ୟ, ସୋନ୍‌ପରିପେରିକାନ, ଗଡ଼ା, ଗଡ଼ା ସାଲାକିନିକାର୍, ପାଣିକିନି ସାକର୍, ମୁକୁଡ଼ାତିକାନ, ପେରିକାନ ମାରି ଇସ୍‌ସିଞ୍ଜାରି ଲୋକା ଝିଜେରି କାଣ୍ଡା ଖାଜି ତିନ୍‌ଡୁ ।”

^{୧୯} ତାନିଝେନ୍‌କା ନାନୁ ସୁଡ଼ତୁ, ଆୟା ଗଡ଼ା ସାଲାକିନିକାନ ମାରି ଖାରି ସୌନ୍ୟଦଲ୍‌ତି ବିରୁଦ୍‌ତାନ ଜୁଦକିନି ଉଣ୍ଡିଙ୍ଗ୍ ଆୟା ପସୁ ମାରି ଦୁନିଆଦି ଝିଜେରେ ରାଜାର ମାରି ଖାରି ସୌନ୍ୟଦଲ୍ ଏକଜୁର୍ ଆତାର ।

^{୨୦} ଆୟା ଜୁଦଦୁ ପସୁ ମାରି ଆୟା ଆଗଡ଼ି କାବାଆନି ପାଣି କିଜିମାନି ଆୟା ବଣ୍ଡବାବବାଦି ଦାରାପଡ଼ାଜି ତରାତାନ । ଏମେଞ୍ଜାରିମାନୁ ପସୁଦି ସିନା ମାରୁଆଡ଼ ମାରି ଏମେକାର ତାନି ବମାଦିଙ୍ଗ୍ ପୁଜା କିଜିମାରୁଆର । ପସୁ ତାନି କାବା ଆନିପାଣିଦାନ ଖାରିଙ୍ଗ୍ ବେମ୍‌ରି କିଜିମାରୁଆଡ଼ ପସୁ ମାରି ଆୟା ବଣ୍ଡବାବବାଦି ଗନ୍ଧକ କାସ୍‌ସିମାନି ସିସୁଦି ସାମ୍‌ଦୁରଦୁ ଜିବନ୍‌ତାନ ପୋକାୟ ଆତାନ ।

^{୨୧} ମାରି ଖାରି ସୌନ୍ୟଦଲ୍ ଗଡ଼ା ସାଲାକିନିକାର୍ ଝେନ୍‌ଦାନ ସୋସିମାନି କାଣ୍ଡାଦାନ ସାତାର୍; ଆବେନୁ ବାଦଡ଼ତି ପୋଟିଙ୍ଗ୍ ଖାରି କାଣ୍ଡା ତିନିଜି ପଟା ପାଜିତେ ।

୨୦

୧୦୦୦ ବାର୍‌ସେକ୍‌ତି ସାସନ୍

^୧ ତାନି ଝେନ୍‌କା ନାନୁ ମାରି ଅରେଡ଼ ମୁସ୍କୁପୁର ଦୁଡ଼ତିଙ୍ଗ୍ ମୁକ୍‌ପୁରତାନ ରେତାଜି ଖାନିକା ସୁଡ଼ତୁ । ଖାନି କିୟୁଦୁ ପାତାଲ୍‌ପୁରଦି କୁସିକାଣ୍ଡି ମାରି ଉଣ୍ଡି ବଜୁଦି ସିକ୍‌ଣି ମାରାଡ଼ ।

^୨ ଖାଦ୍ ଆୟା ପ୍ରାତିନ୍ ସାରାସ୍, ଆୟା ତାଗ୍‌ଇ ସୟତାନତିଙ୍ଗ୍ ଆସ୍‌ସି ୧,୦୦୦ ବାର୍‌ସେକ୍ ସାନ୍‌ ସିକ୍‌ଣିଦାନ ତୋରତା ମାର୍‌ହାଡ଼ ।

^୩ ମାରି ପାତାଲ୍‌କୁଣ୍ଡିଦୁ ପୋକ୍‌ସି ଆୟାତାନି ସେରଲା କେରତାଡ଼ ମାରି ସେରଲା ଦେସ୍‌ତିଙ୍ଗ୍ ସିଲ୍ କିତାଡ଼ । ହଜାର ବାର୍‌ସେକ୍ ଜିଣାଈ ସାନ୍‌ ଖାଦ୍ ମାରି ଏମେ ଦେସ୍‌ତି ଲୋକାଙ୍ଗ୍ ବାୟାକିଦେଙ୍ଗ୍ ଆଟେଡ଼ନି । ଟିକ୍ ବେଡ଼ା ଇଗା ଖାତିଙ୍ଗ୍, ତାନିଙ୍ଗ୍ ଏସ ବେଡ଼ା ଉଣ୍ଡିଙ୍ଗ୍ ମାରି ଉଣ୍ଡି ଦେବା ମୁକୁଡ଼ାକିନାର ।

^୪ ତାନିଝେନ୍‌କା ନାନୁ ସୁଡ଼ତୁ ଏସ ସିଂହାସନ୍ ମାରି ଆୟାଖାନିକାଙ୍ଗ୍ ବାସ୍‌ତିମାନି ଲୋକା ବିଚାର କିଦେଙ୍ଗ୍ ଅଦିକାର୍ ସିଆୟଆତାମାନାନ । ମାରି ବା ନାନୁ ସୁଡ଼ତୁ, ଏସ ଲୋକା ସାତିଖାରି ଆମା । ଜିସୁଦି ଝେରତିମାନି ସଡ଼ ମାରି ମାପୁରୁଦି ବାକ୍ୟ ପ୍ରଚାର କିତିମାନିଙ୍ଗ୍ ଆୟା ଲୋକା ସାନିଦଣ୍ଡ ପୋଇତା ମାର୍‌ହାଡ଼ । ଖାର ପସୁଦିଙ୍ଗ୍ ନି ତାନି ବମାଦିଙ୍ଗ୍ ପୁଜା କିଏର୍‌ମାର୍‌ହାଡ଼, ମାରି କାପାଲ୍‌ତୁ ନି କିୟୁଦୁ ପସୁଦି ସିନା ଆସ୍‌ଏର୍ ମାର୍‌ହାଡ଼ । କ୍ରିସ୍‌ତି ଖାଲେ ୧,୦୦୦ ବାର୍‌ସେକ୍ ସାସନ୍ କିନି ଉଣ୍ଡିଙ୍ଗ୍ ଖାର ପୁନିଜିବନ୍ ଆତାମାର୍‌ହାଡ଼ ।

^୫ ଆୟା ୧,୦୦୦ ବାର୍‌ସେକ୍ ପୁରା ଆଇ ସାନ୍‌ ଆଇ ଆମା ସାତି ଲୋକ୍‌ଦି ମାରିଡ଼େସି ନିଙ୍ଗ୍‌ନିକା ଆଏଡ଼ ମାରୁଆଡ଼ । ଇକା ପାର୍‌ଡୁମ୍ ମାରିଡ଼େସି ଜିବନ୍‌ଆଜି ନିଙ୍ଗ୍‌କା ।

^୬ ସାତି ଲୋକ୍‌ତି ଇୟା ପାର୍‌ଡୁମ୍ ମାରିଡ଼େସି ନିଙ୍ଗ୍‌ନିମାନୁ ଏମେକାର ମିସାତାମାନାର୍ ଖାର ଏସା କାମ୍‌ଦିକାର୍ । ଖାର ଏସ ଝେଡ଼ିକା ! ଖାରିଙ୍ଗ୍ ମାରି ରୁଣ୍ଡି ଦେବେଙ୍ଗ୍ ସାନିକା ପୋଡ଼ାଏଡ଼ନି । ଖାର ମାପୁରୁଦି ମାରି କ୍ରିସ୍‌ତି ଜାଜକ ଆଜି କ୍ରିସ୍‌ତି ଖାଲେ ୧,୦୦୦ ବାର୍‌ସେକ୍ ସାନ୍‌ ସାସନ୍ କିନାର ।

ସୟତାନ୍ତି ସାରାସାରି ଆରାନ୍ଧିକା

୭୧ ୧,୦୦୦ ବାର୍ଷିକ ପୁରା ଆନି ଖେନକା ସୟତାନ୍ତିଙ୍କ ଜଇଲତାନ୍ ମୁକୁଡ଼ା କିନାର ।

୮ ମାରି ଗୋଗ୍ ମାରି ମାଗୋଗ୍ ଖାଜା ଦୁନିଆଦି ସାରିବେଡ଼ିତି ସାମ୍ବୁରୁତି ବାଲିଗଣ୍ଡି ଖାଜା ଖିଜୁତରିନ୍ ଆଜି ତେବାତିମାନି ଲୋକାଙ୍କ ଲେକିସତେଙ୍କ ଆଟ୍ଟ ଲୋକାଙ୍କ ସୟତାନ୍ ବାୟାକିଜି ଜୁଦକିନି ଉଣ୍ଡିଙ୍କ ଏକଜୁଟ୍ କିନାଡ଼ ।

୯ ଖାର ଦୁନିଆଦି ଖିଜୁ ତରିନ୍ ସଲସି ପ୍ରବୁଦି ସାମ୍ବୁରିଙ୍କ ମଣ୍ଡଲିଙ୍କ ଖିଜୁ ମାରି ମାପୁରୁଦି ଲାଡ଼ତି ଗାଡ଼ତିଙ୍କ ଗେରେଆନାର । ମାତର ମୁସକୁପୁରତାନ୍ ସିସୁ ଆରିଜି ଖାରିଙ୍କ ଦଂସ କିନାଡ଼

୧୦ ମାରି ଏମେ ଗନ୍ଧକସିସୁ କାସିମାନି ସାମ୍ବୁରୁତୁ ପସୁ ନି ବଣ୍ଡବାବବାଦିର ପୋକାତା ମାର୍ହାର, ବେମ୍ବରିକିନି ସୟତାନ୍ତିଙ୍କ ବା ଆବେନ୍ନୁ ପୋକ୍ନାର । ଆବେନ୍ନୁ ଖାର ଖେଡ଼େ ନାଡ଼ା ଜୁଗ୍ ଜୁଗ୍ ସାନ୍ଧି କାସୁ ଦୁଃଖ ପୋଇଜିମାନାର ।

ସାରାସାରି ବିଚାର

୧୧ ତାନିଖେନକା ନାନୁ ସୁଡ଼ତୁ, ଅଡ଼ିନି ରଙ୍ଗତି ଉଣ୍ଡି, ପେରି ସିଂହାସନ ମାରି ତାନି ମୁସକୁ ଅରେନ୍ ବାସତା ମାନାନ । ଖାନି ଆଗିଡ଼ିରାନ୍ ପୂତିବି ମାରି ବାଦଡ଼ ଉରୁକ୍ତେ ମାରି ଖାର ମାରି ସୁଡ଼ଚୁଦଙ୍କ ଆଟ୍ଟଏତାରନି ।

୧୨ ତାନିଖେନକା ନାନୁ ସୁଡ଼ତୁ, ଏସ ପେରିକା, ଏସ ତାଗଲ ସାତିଲୋକୁ ଖିଜେରେ ସିଂହାସନ ଆଗଡ଼ି ନିରାଆମାନାର । ବଇଙ୍କୁଖିଜୁ କୁଡ଼ତାର; ଆୟାଖିଜୁ ବଇଙ୍କାଁ ଲୋଇରାନ୍ ଜିବନ୍ ପୁସ୍ତକ ଦରୁଦି ଉଣ୍ଡି, ବଇ ମାରାଡ଼ । ଆୟା ଜିବନ୍ ପୁସ୍ତକଦୁ ଲୋକୁ ପାଣିକିତିମାନି ବିସୟତାନ୍ ଏମେ ଖିଜୁ ରାସାତାମାନାଡ଼, ଆୟା ଇସାପତାନ୍ ଖାରି ବିସାରଆତାଡ଼ ।

୧୩ ଆୟା ବେଡ଼ାଦୁ ସାମ୍ବୁରୁ ଲୋଇ ସାତିମାନି ଲୋକୁ ନିଙ୍ଗି ଖାତାର । ସାତିଗୁଟାଦୁ ମାନି ଲୋକୁ ବା ସୋସି ଖାତାର । ଖାର ଖିଜେରେ ନିଜେ ନିଜେଦି ପାଣିକିତି ଇସାପତାନ୍ ବିଚାର ଆତାର ।

୧୪ ତାନିଖେନକା ସାନିକା ମାରି ସାନିପାତାଲ୍ଲତି ଆୟା ସିସୁଦି ସାମ୍ବୁରୁତୁ ପୋକ୍ତାର । ଇୟା ସିସୁଦି ସାମ୍ବୁରୁ ଆଜିନାଡ଼, ରୁଣ୍ଡି ଦେବେଙ୍କ ସାନିକା ।

୧୫ ଆମାଖାରିନ୍ଦି ଦରୁ ଜିବନ୍ ପୁସ୍ତକଦୁ ରାସାଏଡ଼ ମାର୍ହାଡ଼, ଖାନ ବା ଖିଜେରେ ସିସୁଦି ସାମ୍ବୁରୁତୁ ପୋକାଇ ଆତାର ।

୨୧

ପୁନି ମୁସକୁପୁର ନି ପୁନି ଦୁନିଆ

୧*ତେନି ଖେନକା ନାନୁ ଉଣ୍ଡି, ପୁନି ବାଦଡ଼ ମାରି ପୁନି ଦୁନିଆ ସୁଡ଼ତା । ପାଡ଼ିଇ ବାଦଡ଼, ପାଡ଼ିଇ ଦୁନିଆ ମାରି ସାମ୍ବୁରୁ ସିଲେତାଡ଼ ।

୨*ମାରି ଉଣ୍ଡି, ପବିତ୍ର ଗାଡ଼, ପୁନି ଜିରୁସାଲାମ୍, କାନ୍ୟା ରୁପତାନ୍ ତିଆରଆଜି ମୁସକୁପୁରଦାନ୍ ମାପୁରୁଦି ଲାକୁତୁ ଦେସ ମୁସକୁ ରେତାନିକା ସୁଡ଼ତୁ ।

୩ ମାରି ମୁସକୁପୁର ସିଂହାସନତାନ୍ ଉନ୍ଧି, ମାଗା ଆତାଡ଼, “ଇଲେଇ ମାପୁରୁଦି ଆସା ଲୋକା ମାଡ଼ାନ୍; ଖାନ ଖାରି ସଙ୍ଗତାନ୍ ବାସା କିନାର ମାରି ଖାର ଖାନି ନିଜେଦି ଲୋକୁ ଆନାର । ମାପୁରୁ ଖାରିଖାଲେ ବାସାକିନାର ମାରି ଖାରି ମାପୁରୁ ଆନାର ।

୪ ଖାର ଖାରି କାଣଗାଦି କାଡ଼େରୁଙ୍କୁ ଖିଜୁ ତେଲଜି ସିନାନ୍ । ସାନିକା, ସିନ୍ତା, ଆଡ଼ବାନିକା ଇରିଙ୍କ ନୋପି, ମାରି ଇନିକା ତେବାଏତେନି । ଖିଜୁ ପାଡ଼ିଇ ବିସୟ ମାରଗିତାଡ଼ ସରାଡ଼ ।”

୫ ସିଂହାସନତି ମୁସକୁପୁରତି ମାପୁରୁ ଇର୍ହାନ୍, “ହୁଁ, ନାନୁ ଖିଜୁ ବିସୟ ପୁନିକା କିତାନ୍ମାନାନ୍ ।” ମାରି ଖାନ ନାଜି ଆଦେସ୍ ସିତାନ୍, “ଇୟାଖିଜୁ ମାଗା ରାସସ ଇଡ଼ୁଦୁ ମାତର ଇକା ସଡ଼ ମାରି ବିସବାସ୍ ।”

୬ ମାରି ବା ଖାନ ଇର୍ହାନ୍, “ପାଣି ଖିଜିତା ମାନାଡ଼ । ନାନୁ ପାରୁତୁମ୍ ନି ସେସ ମାରି ଆଗଡ଼ି ନି ଖେନକା । ଏନ୍ ଏରିକି, ଜିବନ୍ସିନି ଏରୁ ଲାକୁତୁ ନାନୁ ଖାନିଙ୍କ ଆରେଦାନ୍ ଉଟ୍ପିସ୍କିଦେଙ୍କ ସିନାନ୍ ।

୭ ଏନ୍ ଜିଣାଜି ତେବାନାନ୍, ନାନ୍ ଖାନିଙ୍କ ଇୟା ପୁରସ୍ପାର ସିନା ନାନ୍ ଖାନି ମାପୁରୁ ଆନା ମାରି ଖାନ ନା ମାରିନ୍ ଆନାନ୍ ।

୮ ମାତର ବିରୁ, ଅବିସବାସି, କାଡ଼ିନିକାର, ଲୋକାଙ୍କ ଖେଡ଼ିଇକାର ଦାରିପାଣିକିନିକାର ଗୁଣିଆର, ବମା ପୁଜାକିନିକାର, ମିଟ୍ ଖେରୁନି ଖିଜେରେ ତାଗିଇ ଖାରି ଜାଗା ଆଜିନାଡ଼, ଗନ୍ଧକତାନ୍ କାସିମାନି ସିସୁଗୁଟା ଆବେନ୍ନୁ ଖାର ରିଜାସାନି ଦଣ୍ଡ ପୋଇନାର ।”

ପୁନି ଜିରୁସାଲାମ୍

୯ ସପ୍ତ ସାରାସାରି ମହାମାରି ପୁରା ସପ୍ତ ତୁବାଇ ଆସିମାନି ସପ୍ତ ଦୁଡ଼ଙ୍କ ମାଡ଼ାନ୍ ଅରେନ୍ ନା ଲାକୁତୁ ଖାଜି ଇର୍ଆନ୍, “ରାଦୁ, ମେଷସାବକଦି ଆଡ଼ସିଙ୍କ ତରନା ସିନା ।”

☆ ୨୧:୧ ୨ ପିତର ୩:୧୩. ☆ ୨୧:୨ ପ୍ରକାଶିତ ୩:୧୨.

୧୦ ଆବେଶକୁ ଖାନ୍ ନାଙ୍ଗି ଆମ୍ବାଦାନ୍ ଉଣ୍ଡି ପେରିକା ମାରି ନିରିଇ ଗରନ୍ତୁ ଆସ୍ସି ଅସି ପବିତ୍ର ଗାଡ଼, ଜିରୁସାଲମ୍ ଦିଙ୍ଗି ତୋରିସ୍ତାନ୍, ଆକା ମୁସ୍ତୁପୁର୍ଦାନ୍ ମାପୁରୁ ଲାକୁଡୁ ।

୧୧ ରେତାଜି ଖାଜିମାହାଡ଼ ମାରି ମାପୁରୁ ଗୌରବ୍ ପୋଇଜି ମାହାନ୍ ଖାନି ଜାୟ୍ ବେସିନେଗିକା ମଣି ବାଙ୍ଗିରାମ୍ ଖାଜା, ନେଗି ଖେଡ଼ାଦିଗଡ଼ା ଖାଜା ।

୧୨ ଇୟାତାନି ଉଡ଼ି ନିରିଇ ଗଡ଼ା ମାହାଡ଼ । ଇୟା ଗଡ଼ାଦୁ ବାରଗୋଟା ମୁସ୍ତୁପୁର୍ଦି ଦୁଡ଼କାମାଣାନ୍ ରକିୟାକିନି ବାରଗୋଟା ସେର୍ଲେଙ୍ଗି ମାରେଏ ମାରି ଆୟା ସେର୍ଲେଙ୍ଗି ମୁସ୍ତୁ ଇସ୍ରାଏଲ୍ ଜାତିଦି ବାରଗୋଟା କଚୁମ୍ତି ଦରକୁ ରାସାତା ମାନାଡ଼ ।

୧୩ ଗଡ଼ାଦି ଝିଜୁତରିନ୍ ମୁଣ୍ଡି ସେର୍ଲେଙ୍ଗି ମାରେଏ : ଆଗଡ଼ି ତରିନ୍ ମୁଣ୍ଡି, ଡେବିରି ତରିନ୍ ମୁଣ୍ଡି, ଉଣି ତରିନ୍ ମୁଣ୍ଡି, ମାରି ଖେନ୍କା ତରିନ୍ ମୁଣ୍ଡି ।

୧୪ ଗାଡ଼ତି ଇୟା ଗଡ଼ାଦିଙ୍ଗି ବାରଗୋଟା କାଲକାଙ୍ଗିଦି ଅସାର୍ତି ମୁସ୍ତୁ ତିଆର୍ ଆତାମାହାଡ଼ ମାରି ଆୟା ଦାସ୍ଗୋଟା ଅସାର୍ ମୁସ୍ତୁ ମେଣ୍ଡାପିଲାଦି ବାରଲୋକ୍ ପ୍ରେରିତ ସିସୁରି ଦରୁକୁ ରାସାତାମାହାଡ଼ ।

୧୫ ନାଖାଲେ ଖାରଗିଜିମାନି ଦୁଡ଼କା କିୟୁଦୁ ଗାଡ଼ତି, ଗଡ଼ା ମାରି ସେର୍ଲେଙ୍ଗି ଲେକିସ୍କିନି ଉଣ୍ଡି ଉଣ୍ଡି ବାଙ୍ଗିରାମ୍ତି ଲେକିସ୍କିନି କାଣ୍ଡି ମାହାଡ଼ ।

୧୬ ଗାଡ଼ତି ବର୍ଗିକ୍ଷେତ୍ର ମାରାଡ଼; ତାନି ଲମ୍ବା ମାରି ଅସାର୍ ସାମାନ୍ ମାହାଡ଼ । ଦୁଡ଼ ତାନି ଲେକିସ୍କିନି କାଣ୍ଡିଦାନ୍ ଗାଡ଼ତିଙ୍ଗି ଲେକିସ୍ କିତାଡ଼ । ତାନି ଲମ୍ବା ମାହାଡ଼ ୨,୪୦୦ କିଲୋମିଟର୍ ମାରି ଅସାର୍ ମାରି ନିରିକା ଲମ୍ବାଦି ଖାଲେ ସାମାନ୍ ମାହାଡ଼ ।

୧୭ ଦୁଡ଼ ଗଡ଼ାଦି ନିରିକା ବା ଲେକିସ୍ତାଡ଼ । ଆକା ୨୦ ମିଟର୍ ମାହାଡ଼ ।

୧୮ ଆୟା ଗଡ଼ା ଖେଡ଼ାଦି ମଣିଦାନ୍ ତିଆର୍ଆତିକା, ମାରି ଗାଡ଼ ନେଗି କାୟାଦି ଖାଜା ପୁରା ବାଙ୍ଗିରାମ୍ତାନ୍ ତିଆର୍ ଆତାମାନାଡ଼ ।

୧୯ ଗାଡ଼ତି ସାରିବେଡ଼ିତି ମାନି ଗଡ଼ାଦି ଅସାର୍ ହିରାକାଲକାଣି ମଣିଦାନ୍ ତିଆର୍ ଆତାମାରାଡ଼, ପାର୍ଡୁମ୍ କୁନାଦିକନାଦୁ ମାରାଡ଼ ହିରାକାଲ୍, ଦୁଇ ନମ୍ବରତୁ ମାହାଡ଼ ନିଲକାନ୍ତ ମଣି, ତିନି ନମ୍ବରତି ବୋଦୁର୍ଯ୍ୟ ମଣି, ଚାର୍ ନମ୍ବରତି ମରକତ ମଣି ।

୨୦ ପାଞ୍ଚ ନମ୍ବରତି ପୁଲକ ମଣି, ସଅ ନମ୍ବରତି ମାଣିକ୍ୟ ମଣି, ସାଡ଼ ନମ୍ବରତି ପୁଙ୍ଗୁ ମଣି ଆର୍ ନମ୍ବରତି ଫିରୋଜ ମଣି, ନଅ ନମ୍ବରତି ଗୋମେଦକ ମଣି, ଦାସ୍ ନମ୍ବରତି ଲସୁନିୟ ମଣି, ଏଗାର୍ ନମ୍ବରତି ଇନ୍ଦ୍ରଦନୁ ମଣି, ମାରି ବାର୍ ନମ୍ବରତି ବାସନାଆନି ମଣି, ମାରେଏ ।

୨୧ ଦାସ୍ଗୋଟା ସେର୍ଲେଙ୍ଗି ମାରେଏ, ଦାସ୍ଗୋଟା ମୁକ୍ତେଙ୍ଗି ଝିଜୁ ସେର୍ଲେଙ୍ଗି ଉଡ଼ି ମୁକ୍ତାଦି ତିଆର୍ ଆତେମାରେଏ । ଗାଡ଼ତି ସାରି ପୁରା ନେଗି କାୟାଦି ଖାଜା ପୁରାନେଗିକା ବାଙ୍ଗିରାମ୍ତାନ୍ ଆତାମାନାଡ଼ ।

୨୨ ନାନୁ ଗାଡ଼ତି ଏମେ ମନ୍ଦିରତିଙ୍ଗି ସୁଡ଼ଦେଙ୍ଗି ଆର୍ଏତା, ମାତର୍ ନିଜେ ସର୍ବସାକ୍ତିମାନ୍ ମାପୁରୁ ମାରି ମେଣ୍ଡାଗଡ଼ତି ଖାନି ମନ୍ଦିର୍ ଆନାଡ଼ ।

୨୩ ଗାଡ଼ତିଙ୍ଗି ଜାୟ୍ କିନି ଉଣ୍ଡି ଖେଡ଼ା ବା ଲେଜୁଦି ଜାୟ୍ ସିଲେଡ଼, ମାତର୍ ମାପୁରୁଦି ଗୌରବ୍ତାନ୍ ଆକା ଜାୟ୍ ଆଜିନାଡ଼ ମାରି ମେଣ୍ଡାଗଡ଼ତି ଖାନି ଦିଖା ଜାୟ୍ ଖାଜା ।

୨୪ ଦୁନିଆଦି ଝିଜୁଜାତିଦି ଲୋକାଙ୍ଗି ଖାନି ଜାୟ୍ଦୁ ବୁଲ୍ଲାସାଲକିନାର୍ । ଦେସ୍ତି ରାଜାରି ମାନୁ ଖାରି ଦନ୍ ସମ୍ପତି ତାସି ସିନାର୍ ।

୨୫ ଗାଡ଼ତି ସେର୍ଲେଙ୍ଗି ଝିଜୁ ଝିଜୁଦିନ୍ ରେଆତାମାନାଡ଼ ଆୟାଝିଜୁ ଏସାଙ୍ଗି ବା ବୁଲ୍ କିଏରନି; ମାତର୍ ଆବେନୁ ଏସାଙ୍ଗି ସିକାଟି ଆଏଡ଼ ।

୨୬ ଝିଜୁ ଦେସ୍ତୁ କାବାଆନିକା ମାରି ମହିମା ଇୟା ଗାଡ଼ତୁ ଖାଜି ଉଣ୍ଡାନାର୍ ।

୨୭ ଇନିକା ତାଗଲ୍ ଜିନିସ୍ ଇବେନୁ ତାସି ରେଏର୍ । ତାଗଲ୍ ପାଣିଦୁ ମାନିକାର୍ ତାଗଲ୍କାର୍ ମାରି ମିଥ୍ୟାବାଦିର୍ ଇୟା ଗାଡ଼ତୁ ଡଗ୍ଗୁଦେଙ୍ଗି ଆର୍ଏର୍ । ଏମେଖାରି ଦରୁ ମେଣ୍ଡାପିଲାଦି ଜିବନ୍ ବଇଦୁ ରାସାତିମାରିଙ୍ଗି, କେବଲ୍ ଖାରେଏ ଇୟା ଗାଡ଼ତୁ ସନ୍ତ୍ରେଙ୍ଗି ଆର୍ନାର୍ ।

୨୨

୧ ପୁନି ଦୁନିଆଦୁ କାୟାଦି ଖାଜା ନେଗି ଜିବନ୍ ଏରୁଦି ଉଣ୍ଡି ଗାଡ଼ା ଦୁଡ଼ ନାଙ୍ଗି ତର୍ତାଡ଼ । ଇୟା ଗାଡ଼ା ମାପୁରୁ ନି ମେଷସାବକତି ସିଂହାସନଦାନ୍ ସହସି

୨ ମାରି ଗାଡ଼ତି ପେର୍ଜାରି ନାଡ଼ମି ସିଜି ସୋର୍ହାମାହାଡ଼ । ଗାଡ଼ାଦି ରିଆଙ୍ଗି ତର୍ନି ଜିବନ୍ ମାରାନ୍ ମାହାଡ଼ । ଆକା ବାର୍ସେକ୍ତି ଝିଜୁ ଲେଜ୍କାଙ୍ଗି, ମାରି ବାର୍ସେକ୍ତିଙ୍ଗି ବାର ଦେବେଙ୍ଗି ପଲ୍ ଆସନାଡ଼ ମାରି ଇୟାତେନି ଆକୁ ଲୋକାଙ୍ଗି ନେଗେନ୍ କିନାଡ଼ ।

୩୩ ମାପୁରୁଦି ଅବିସାପତି ମାଟା ଏମେ ବିସୟ ଆୟା ଗାଡ଼ତୁ ସୁଡ଼ଦେଙ୍ଗ ପୋୟଇକାନି । ମାପୁରୁ ମାରି ମେଷସାବକତି ରାଜାଗାଦି ଆୟା ଗାଡ଼ତି ନାଡ଼ିମି ତେବାନାଡ଼ ମାରି ଆବେନୁ ଖାରି ସେବା କିନିକାର୍ ଖାନି ଆରାଦନା କିନାର୍ !

୪ ଖାର୍ ଖାନି ମୋକମ୍ ସୁଣାର୍ ମାରି ଖାରି କାପାଲୁଡ଼ୁ ଖାରି ଦରୁ ରାସାନାଡ଼ ।

୫ ଆବେନୁ ମାରି ନାଡ଼ା ଆଏଡ଼ ମାରି ଦିଝା ବା ଝେଡ଼ାଜାୟ୍ ଖାରିଙ୍ଗ୍ ମାରି ଲୋଡ଼ା ଆଏଡ଼ନି, ଇରିଙ୍ଗ୍ ପ୍ରବୁ ମାପୁରୁ ଖାରି ଜାୟ୍ ଆନାନୁ ମାରି ଖାର୍ ଜୁଗ୍ ଜୁଗ୍ ସାସନ୍ କିନାର୍ ।

ଜିସୁଦି ମାରିଡ଼େସି ଖାନିକା

୬ ଦୁଡ଼ ନାଙ୍ଗ୍ ଇର୍ହାଡ଼, “ଇୟାଝିଜୁ କାରୁର୍ ସଡ଼ ନି ଆସାଦିକା । ଆମା ଆମାକା ବେଗି ଗଟାନାଡ଼, ଆକା ଖାରି ସେବାକିନିଖାରିଙ୍ଗ୍ ଝେରନି ଉଣ୍ଡିଙ୍ଗ୍ ବାବବାଦିରିଙ୍ଗ୍ ଆମିକ୍ ବୁଦି ସିଜିମାନି ମାପୁରୁ ଖାନି ଦୁଡ଼ତିଙ୍ଗ୍ ପୋକତାମାନାନ୍ ।”

୭ ଜିସୁ ଇଜିନାନୁ, “ଝେନ୍‌ଶୁ ! ନାନୁ ବେଗି ଖାଜିନା ! ଏମେକାର୍ ଇୟା ବଇଦୁ ଝେଙ୍ଗ୍ ଡିମାନି ବାବବାଣି ଉଣ୍ଡିଙ୍ଗ୍ ମୋନ୍‌ସିଜି ମାନାନାର୍, ଖାର୍ ଦନ୍ୟ !”

୮ ନାନୁ ଜୋହନ, ଇୟାଝିଜୁ ବିସୟ ନିଜେ ଝେରଆମାନା ମାରି ସୁଡ଼ତୁମାନା । ଇୟାଝିଜୁ ଝେନିଜି ମାରି ସୁଡ଼ତୁ ଝିସ୍ତି ଝେନ୍‌କା, ଏମେ ଦୁଡ଼ ନା ଲାକୁଡ଼ୁ ଆକା ଝିକିତାଡ଼, ନାନୁ ଖାନି କାଲୁକା ଆଡ଼ିଗି ଖାନିଙ୍ଗ୍ ପୂଜା କିଦେଙ୍ଗ୍ ସଲ୍‌ସିମାହା ।

୯ ମାତର୍ ଖାନୁ ଇର୍ହାନ୍, “ଆୟାଝାଜା କିମାଟ୍, ଇରିଙ୍ଗ୍ ନାନୁ ବା ମି ଝାଜା ଅରେନ୍ । ମି ଏମେ ବାବବାଦି ତଡ଼ାନୁକୁ ମାରି ଆମା ଝିଜେରେ ଇୟା ବଇଦି ମାଟା ଇସାପ୍ତାନୁ ମାନାଜି ମାନାର୍, ଖାରି ଝାଜା ନାନୁ ଅରେନ୍ ସେବକ ମାତ୍ର । ମାପୁରୁଦି ଆରାଦନା କିଦୁ ।”

୧୦ ଝାଦ୍ ନାଙ୍ଗ୍ ମାରି ଇର୍ହାଡ଼, “ଇୟା ବଇଦି ବବିସ୍ୟଡ଼ମାଟା ଝିଜୁ ଆଡ଼କ୍‌ସ ଇଡ଼ମାଟ୍, ଇରିଙ୍ଗ୍ ଇୟାଝିଜୁ ବିସୟ ଗଟେଆନି ବେଡ଼ା ଲାକୁଡ଼ୁ ଆଜିଝାତାଡ଼ନି ।

୧୧ ଆଦେଙ୍ଗ୍ ଇୟା ମାଟା ନେସ୍‌ସି ଏନ୍ ଏମେକା ବଦା, ଆକା କିପିନ୍ । ଅଦାମ୍‌ନୁ ଜଦି ବଦାକିନାନୁ, ମାରି ଅଦାମ୍‌ପାଣି କିପିନ୍; ଅସୁତି ଲୋକ୍ ଅସୁତିଆଜି ମାନିନ୍; ମାତର୍ ଏନ୍ ନେଗିକାନୁ, ଝାନ୍ ନେଗିପାଣିଦୁ ନେଗେନ୍ ମାନିନ୍; ଏନ୍ ପବିତ୍ର, ଝାନ୍ ପବିତ୍ର ଆଜି ମାନିନ୍ ।”

୧୨ ଜିସୁ ଇଜିନାନୁ, “ଝେନ୍‌ଶୁ ! ନାନୁ ବେଗି ଖାଜିନା ! ଝିଜେରିଙ୍ଗ୍ ନିଜେ ନିଜେଦି ପାଣି ଇସାପ୍ତାନୁ ପଲ୍ ସିନି ଉଣ୍ଡିଙ୍ଗ୍ ନାନୁ ପୁରସ୍ପାର୍ ଆସ୍‌ସି ଝାନା ।

୧୩ ନାନୁ ଆଗିଡ଼ି ମାରି ଝେନେକା, ପାର୍‌ଡ଼ୁମ୍ ମାରି ସାରାସାରି ।”

୧୪ ଏମେକାର୍ ନିଜେ ନିଜେଦି ଆଙ୍ଗ୍ ଙ୍ଗ୍ ନରୁବାଜି ନେଗେନ୍ କିତାମାନାର୍, ଖାର୍ ବାଗ୍ୟବାନ୍ । ଜିବନ୍ ମାରାଡ଼ି ପଲ୍ ଡିନ୍‌ଡ଼େଙ୍ଗ୍ ମାରି ସେରଲ୍‌ ସିଜି ଗାଡ଼ ଲୋକ୍ ଡ଼ଗୁଦେଙ୍ଗ୍ ଇଜି ଖାରି ଅଦିକାର୍ ମାନାଡ଼ ।

୧୫ ନୁକୁଡ଼ିଙ୍ଗ୍ ମାତର୍ ତାଗ୍‌ଇକାର୍, ତନ୍ତମନ୍ତ ଜାଦୁକିନିକାର୍, ଲୋକାଙ୍ଗ୍ ସାପିସ୍‌କିନିକାର୍, ଦିୟାମ୍‌ପୂଜାକିନିକାର୍, ବାଣ୍ଡିସ୍‌କିନିକାର୍, ଟକେକିନିକାର୍ ଝିଜୁ ତାଗିଇ ଲୋକ୍ ଝିଜେରେ ଗାଡ଼ତି ଆଡ଼ରେ ତେବାନାର୍ ।

୧୬ “ନାନୁ ଜିସୁ । ମଣ୍ଡଲିଙ୍ଗ୍ ମି ନେଗି ତାନିଙ୍ଗ୍ ଇୟାଝିଜୁ ବିସୟ ସାକ୍ୟ ସିନି ଉଣ୍ଡିଙ୍ଗ୍ ନା ଦୁଡ଼ତିଙ୍ଗ୍ ପୋକତାମାନା । ନାନୁ ଦାଉଦଦି କୁଟୁମ୍‌ଡ଼ିକାନୁ । ନାନୁ ଆୟା ଜାୟ୍‌ତି ଝିଗାପି ସୁକା ।”

୧୭ ପବିତ୍ରଆମ୍‌ ମାରି ଆୟା ପୁନିକାନ୍ୟା ଇଜିନେ “ରାଦୁ !” ଝେନିଲୋକୁ ଝିଜେରେ ବା ଇନାର୍ : “ରାଦୁ !” ଏନ୍ ଜଦି ଏରିକିସାନାନୁ, ଝାନ୍ ରାପିନ୍ । ଜିବନ୍‌ସିନି ଏରୁ ଉଣ୍ଡେଙ୍ଗ୍ ଏନ୍ ଇଛା କିନାନୁ, ଝାନ୍ ଝାଜି ଆରେଏଦାନ୍ ଆକା ଅପିନ୍ ।

ସାରାସାରି ମାଟା

୧୮ ନାନୁ ଜୋହନ । ଏମେକାର୍ ଇୟା ବଇଦି ବବିସ୍ୟଡ଼ମାଟା ଝିଜୁ ଝେନାର୍, ଖାରିଙ୍ଗ୍ ନାନୁ ସାକି ସିଜିନା : ଜଦି ଇବେନୁ ଏନ୍ ଇନିକା ମିସା କିନାନୁ, ଆରଡ଼ିଙ୍ଗ୍ ଇୟା ବଇଦୁ ରାସାଡ଼ିମାନି ମର୍ଡ଼ିଦାନ୍ ମାପୁରୁ ଖାନିଙ୍ଗ୍ ସାସ୍ତି ସିନାନୁ

୧୯ ମାରି ଇୟା ବଇଦି ବବିସ୍ୟଡ଼ମାଟାଦାନ୍ ଏନ୍ ଜଦି ଇନି ବାଦା କିନାନୁ, ଆରଡ଼ିଙ୍ଗ୍ ମାପୁରୁ ଖାନିଙ୍ଗ୍ ଇୟା ବଇଦୁ ରାସାଡ଼ି ଜିବନ୍ ମାରାନ୍‌ଡ଼ି ପଲ୍‌ତାନ୍ ମାରି ପବିତ୍ର ଗାଡ଼ତାନ୍ ପେରନାନୁ ।

୨୦ ଏନ୍ ଇୟାଝିଜୁ ବିସୟତାନ୍ ସାକ୍ୟ ସିଜିନାନୁ, ଝାନ୍ ଇଜିନାନୁ, “ଇକା ସଡ଼ । ନାନୁ ବେଗି ଖାଜିନା ।” ଆକାନେ ଆପିଡ଼ । ପ୍ରବୁ ଜିସୁ, ରାପିନ୍ !

୨୧ ପ୍ରବୁ ଜିସୁଦି ଦୟା ଝିଜେରି ମୁସୁକୁ ଆପିଡ଼ । ଆମେନ୍ ।

☆ ୨୨:୧୩ ପ୍ରକାଶିତ ୧:୮; ପ୍ରକାଶିତ ୧:୧୭; ୨:୮.